

ব্রহ্মসূত্র ও শ্রীমদ্ভাগবত

বা

শ্রীমদ্ভাগবত সাহায্যে ব্রহ্মসূত্রালোচনা

BRAHMASUTRA-O-SRIMADBHAGAVATA

**A Treatise on Brahmasutra with the
help of Srimad Bhagavata**

দ্বিতীয় অধ্যায়/১-৪ পাদ

তৃতীয় অধ্যায়/১-৪ পাদ

রামপদ চট্টোপাধ্যায়, বেদান্তবিচারক

সম্পাদনা : শ্রীঅনিলহরি চট্টোপাধ্যায়



কার্মা কেএলএম প্রাইভেট লিমিটেড

* কলিকাতা *

প্রকাশক :

ফার্মা কেএলএম প্রাইভেট লিমিটেড,

২৫৭ বি, বিপিনবিহারী গাঙ্গুলী স্ট্রিট,

কলিকাতা-৭০০০১২

মুদ্রক :

এ. টি. দাস,

রূপশ্রী প্রেস,

১৮ কৈলাস বসু স্ট্রিট,

কলিকাতা-৭০০০০৬

প্রথম সংস্করণ : কলিকাতা, ১৯৫০

এই লেখকের অন্যান্য গ্রন্থ
বেদান্ত প্রবেশ (ব্রহ্মসূত্র ও শ্রীমদ্ভাগবতের ভূমিকা)

গায়ত্রী রহস্য

মাহুপূজা বা চতীরহস্ত

অপ্রকাশিত :—

অপরোকানুভূতি

শাক্তিগীতা

রামগীতা

নাম মহিমা



৩রামপদ চট্টোপাধ্যায়

• বানো,

আপনার কথা যখনই মনে হয় তখনই আপনার প্রগাঢ় ভগবদ্বিশ্বাস ও নির্ভরতার কথা—আপনার কর্তব্যনিষ্ঠা, সর্বত্র ব্রহ্মদর্শন এবং সর্বাবস্থায় অবিচলিত থাকার কথা মনে হয়।

শূল শরীরে আপনি নাই কিন্তু আপনার জীবনব্যাপী সাধনা “ব্রহ্মসূত্র ও শ্রীমদ্ ভাগবত” ও অন্যান্য মূল্যবান গ্রন্থ রয়েছে। এই পরিণত বয়সের সাধ এই অমূল্য গ্রন্থগুলি প্রকাশ করে পুত্ররূপে আমার কর্তব্যের আংশিক অনুষ্ঠান করি।

আজ আপনারই রচিত “ব্রহ্মসূত্র ও শ্রীমদ্ ভাগবত” এর ২য় খণ্ড (ব্রহ্মসূত্রের ২য় ও ৩য় অধ্যায়) আপনার নামে উৎসর্গ করতে সক্ষম হয়ে নিজেকে কৃতকৃত্য মনে করছি।

অনিলহারি চট্টোপাধ্যায়

সম্পাদকের সংবেদন

আমার পরমারাধ্য পিতৃদেব লিখিত ব্রহ্মসূত্র ও শ্রীমদ্ভাগবত দ্বিতীয় খণ্ড (ব্রহ্মসূত্রের ২য় ও ৩য় অধ্যায়—পৃ: ১০৮৮) প্রকাশে বিলম্বের জন্য আমি দুঃখিত । শ্রমিক অসন্তোষ, বিদ্যুৎ সঙ্কট প্রভৃতি নানাবিধ বিঘ্ন অতিক্রম করেও এই বিরাট গ্রন্থ প্রকাশ সম্ভব হয়েছে মঙ্গলময়ের অপার করুণায় ও পিতৃপুরুষের আশীর্বাদে । এই গ্রন্থের প্রস্তুতি পর্বে যারা প্রত্যক্ষ বা পরোক্ষভাবে আমাকে নানাভাবে সাহায্য করেছেন এবং যারা বর্তমান খণ্ডের উপস্থাপনায় সাহায্য করেছেন ও করছেন তাঁরা সকলেই আমাকে কৃতজ্ঞতাপাশে আবদ্ধ করেছেন ।

পূজ্যপাদ পরম ভাগবতাচার্য্য ড: মহানামব্রত ব্রহ্মচারী, M. A, Ph. D (Chicago), D. Litt, মহাশয় লিখিত তথ্যসমৃদ্ধ ও বিদগ্ধ একটি ভূমিকা বর্তমান খণ্ডে সন্নিবেশিত করা সম্ভব হয়েছে । এইজন্য সেই মহাত্মাকে জানাই অন্তরের কৃতজ্ঞতা ও প্রণাম—নিঃসন্দেহে তাঁর সুগভীর প্রজ্ঞাসমুতঃ বিশ্লেষণ ও সহৃদয় মূল্যায়ন গ্রন্থটিকে সমৃদ্ধ করেছে ।

পরম সুহৃদ, পরম ভাগবত, অধ্যাপক ড: গোপিকামোহন ভট্টাচার্য্য, M. A., Ph. D. (Vienna), D. Phill (Cal), সুগভীর তথ্যসমৃদ্ধ মুখবন্ধ লিখে আমার কৃতজ্ঞতাভাজন হয়েছেন । তাঁহার প্রেরণা ও যত্ন ব্যতিরেকে এই পুস্তক সম্পাদনা সম্ভব হত না, ঈশ্বর চরণে তাঁর কল্যাণ কামনা করি ।

পরম শ্রদ্ধেয়া ড: রমা চৌধুরী, প্রাক্তন উপাচার্য্য রবীন্দ্রভারতী বিশ্ববিদ্যালয়, পুস্তকটির স্থচিস্তিত সমালোচনা লিখে (উদ্বোধন পত্রিকা—ভাদ্র ১৩৮৬ সংখ্যা) আমাকে অনুগ্রহীত করেছেন ।

স্বদেশের মূখ্য উজ্জলকারী পণ্ডিতরত্ন, অধ্যাপক ড: বিমলকৃষ্ণ মতিলাল, Spalding Professor of Eastern Religions & Ethics, All Souls College, Oxford, গ্রন্থটির একটি বিশদ আলোচনা প্রস্তুত করে প্রথম খণ্ড মুদ্রণের পূর্বেই ডাকযোগে পাঠিয়েছিলেন । কিন্তু সেটি ডাকের গোলমালে হারিয়ে যায়, ফলতর কিন্তু শ্রদ্ধানিধিক্ত একটি “পরিচারিকা” (বাংলায়) এবং ইংরাজিতেও তাঁর স্থচিস্তিত মূল্যায়ন পুনর্বার লিখে পাঠিয়েছেন । এজন্য তাঁর কাছে আমি কৃতজ্ঞ রইলাম ।

গোহাটি বিশ্ববিদ্যালয়ের অধ্যাপক ডঃ বিশ্বনারায়ণ শাস্ত্রী, M. A., Ph. D, মহাশয় গ্রন্থটি পাঠ করে তাঁর পাণ্ডিত্যপূর্ণ আলোচনা পাঠিয়ে আমাকে ধন্য করেছেন।

যুগান্তর (২৯শে জ্যৈষ্ঠ, ১৩৩৬), দেশ (৬ই পৌষ ১৩২৬) ও উদ্বোধন (ভাদ্র সংখ্যা, ১৩২৬) পত্রিকায়কে পুস্তকটির প্রথম খণ্ডের সুচিন্তিত সমালোচনা প্রকাশনের জন্য আন্তরিক কৃতজ্ঞতা জানাই।

এই গ্রন্থের মধ্যে যা কিছু ভুল ভ্রুটি হয়েছে তার জন্য আমি বা আমার অজ্ঞতাই দায়ী। সাষ্টাঙ্গ প্রণামের সঙ্গে এই মহাগ্রন্থরূপী নারায়ণের কাছে ক্ষমা প্রার্থনা করি ও পাঠকবর্গের নিকটও এজন্য আমি ক্ষমাপ্রার্থী।

পিতৃদেবের এই বিশাল গ্রন্থের তৃতীয় বা সমাপ্তি খণ্ড অতঃপর মুদ্রিত ও প্রকাশিত হবে। প্রথম ও দ্বিতীয় খণ্ডের আগ্রহী ও পরিতৃপ্ত পাঠকবর্গের উদ্দেশ্যে এই সংবাদ নিবেদন করি।

মাঘী পূর্ণিমা ১৩২৬

২১ ডি, মহেন্দ্র রোড
কলিকাতা-২৫

অমিলহরি চট্টোপাধ্যায়

পরিচায়িকা

সমগ্র উপনিষদের সার সঙ্কলন করে বাদরায়ণ ঋষি ব্রহ্মসূত্র রচনা করেন। বেদান্তদর্শনের ভিত্তি তার উপরেই প্রতিষ্ঠিত। বেদান্তদর্শনের সার ব্রহ্মতত্ত্ব। ব্রহ্ম ও ভগবন্ত্বের মধ্যে কোন মৌলিক পার্থক্য নেই—শ্রীমদ্ভাগবতে একথা একাধিকবার উল্লিখিত হয়েছে। স্বর্গত শ্রীরামপদ চট্টোপাধ্যায় এক অভিনব দৃষ্টিভঙ্গী থেকে শ্রীমদ্ভাগবতের সাহায্যে ব্রহ্মসূত্রের আলোচনায় প্রবৃত্ত হয়েছিলেন। বহুদিন পরে তাঁর সুযোগ্য পুত্রের চেষ্টায় আজ সেই গ্রন্থ জনসমক্ষে উপস্থাপিত হয়েছে।

উপনিষদের ব্রহ্ম সচ্চিদানন্দময় “রসোবৈসঃ”। ভাগবতের শ্রীকৃষ্ণও পূর্ণব্রহ্মসনাতন অখিল রসামৃতযুক্তি পুরুষোত্তম। জ্ঞানীর অন্বেষণে যে ব্রহ্ম নিগূর্ণ, নিরাকার ও নিরুপাধি, ভক্তের ভাবরসের সিঞ্চে সেই মহাসত্তা চৈতন্যরসবিগ্রহ ধারণ করে শ্রীভগবান রূপে প্রকাশ পান। আলোচ্য গ্রন্থে গ্রন্থকার এই তত্ত্বটিকে বিভিন্ন শাস্ত্রীয় আলোচনার মধ্য দিয়ে বারবার পরিস্ফুট করেছেন। শাস্ত্রীয় প্রঞ্জার সঙ্গে গ্রন্থকার তাঁর আপন সাধনা ও ভাবভক্তির সঙ্গম ঘটিয়েছেন। তার ফলে গ্রন্থটি পণ্ডিত ও ভাবুক ভক্তের কাছে সমান ভাবে উপাদেয় হয়ে উঠেছে।

বর্তমান সমালোচকের ছাত্রাবস্থায় এই বিরাট পণ্ডিতের সংস্পর্শে আসার সৌভাগ্য হয়েছিল। এই সমালোচনা সেই স্মৃতি তর্পণে স-তিল গঙ্গোদক মাত্র।

বিমলকৃষ্ণ মতিমাল

ভূমিকা

ব্রহ্মসূত্র ও শ্রীমদ্ভাগবত একখানি উপাদেয় গ্রন্থ। ইহার একটি ভূমিকা লিখিয়া দিতে আমাকে অমুরোধ জানাইয়াছেন গ্রন্থকারের 'স্বযোগ্য পুত্র শ্রীমান অনিলহরি। এই গ্রন্থের ভূমিকা লেখার কোন প্রয়োজনীয়তা নাই, কারণ, গ্রন্থকার স্বর্গীয় রামপদ চট্টোপাধ্যায় মহোদয় নিজেই ইহার একটি অপূর্ব ভূমিকা লিখিয়া রাখিয়া গিয়াছেন—নাম দিয়াছেন 'বেদান্তপ্রবেশ'। ভূমিকা একখানি স্বয়ং-সম্পূর্ণ গ্রন্থ হইয়াছে ও ইহা বেদান্তসাহিত্যে একটি নূতন সংযোজন হইয়া থাকিবে।

এই গ্রন্থে প্রবেশ করিতে যাহা কিছু প্রয়োজন সবই তিনি 'বেদান্ত প্রবেশ' ভূমিকায় বলিয়াছেন। বলিয়াছেন পণ্ডিতের ভাষায়, সাহিত্যের স্নিগ্ধতায়, বৈষ্ণবের বিনয়ে। ইহা অপেক্ষা সুন্দর ভূমিকা লেখার যোগ্যতা আমার আছে ইহা আমি মনে করি না। তবে, বৃথা প্রয়াস করিয়া লাভ কি? লাভ আছে—শাস্ত্রমনন দ্বারা নিজেকে পবিত্র করা।

আমাদের চিত্তে দুইটি প্রধান বৃত্তি—একটি জ্ঞানার ইচ্ছা আর একটি ভালবাসার ইচ্ছা। কখনও জানিয়া ভালবাসি, কখনও ভাল বাসিতে বাসিতে জ্ঞানি। আবহমান কাল হইতে শাস্ত্রেরও দুইটি ধারা—জ্ঞানের ধারা আর ভক্তির ধারা। যারা পরম তত্ত্বকে জানিতে চান, তাঁরা জ্ঞানী। যারা তাঁকে ভালবাসিতে চান, তাঁরা ভক্ত। জ্ঞানীদের গ্রন্থ বেদান্তদর্শন। ভক্তদের গ্রন্থ শ্রীমদ্ভাগবত। দুয়ে মিলও আছে, অমিলও আছে।

বেদান্ত বলেন বৃহত্ত্ব হেতু তিনি ব্রহ্ম, ভাগবত বলেন প্রিয়ত্ব হেতু তিনি পুণ্ড্রমোক্তম। বেদান্ত বলেন তিনি শ্রেষ্ঠ, ভাগবত বলেন তিনি প্রেষ্ঠ। বেদান্ত বলেন তিনি আত্মারাম, ভাগবত বলেন তিনি প্রিয় প্রীতিকাম। বেদান্ত বলেন তিনি সর্বেশ্বর, ভাগবত বলেন তিনি ভক্তের কিঙ্কর। বেদান্ত বলেন, তিনি বিশ্বের পালক, ভাগবত বলেন তিনি যশোদার পালিত। বেদান্ত বলেন তিনি সবার বড়, তিনি দাতা মহাজন, উত্তমর্গ, ভাগবত বলেন তিনি প্রেমাতুর ভক্তের দ্বারে ঋণী, তিনি খাতক তিনি অধমর্গ। বেদান্ত বলেন তিনি রস, ভাগবত বলেন তিনি বৃসিক, রসিকশেখর।

দুইটি ধারা, দুইটি পথ, দুইটি দৃষ্টিভঙ্গী। শ্রীমন্ মহাপ্রভু গৌরমুন্ডর সংবাদ দিলেন, দুইটি আলাদা নয়, গঙ্গা যমুনার মিলনভূমি আছে। পাণিগির

ভাষ্যকার যেমন পতঞ্জলি, বেদান্ত সূত্রের মহাভাষ্য সেইরূপ শ্রীভাগবতের শ্লোকাবলি—বেদান্তসূত্র দর্শন। ভাগবত সেই দর্শনভিত্তিক সাহিত্য।

এইসব কথা আমরা শ্রীগৌরগণের মুখে শুনিয়াছি। আজ তার রূপায়ণ দেখিলাম ৮রামপদ চট্টোপাধ্যায়ের শ্রীগ্রন্থে। প্রত্যেকটি বেদান্ত সূত্রের সঙ্গে ভাগবতের শ্লোকের এমন অপূর্ব মিল, দু'য়ের একই কথা একই সাধনা একই লক্ষ্য। একই গানের দুইটি সুর। গ্রন্থকার দেখাইয়াছেন সুরও দুটি নয়। একটিই সুর—আর একটি তারই বঁকার। একই “জন্মান্ত্যস্ত” মন্ত্রে উদ্বোধন; একই অষ্টৈতামুতে পরিণতি। বেদান্ত ও ভাগবতের এই একরূপতা প্রতিপাদনে শ্রীগ্রন্থকারের ঐকান্তিক প্রয়াস ও তৎসাধনায় নিরলস তপশ্চা, অটুট নিষ্ঠা, শাস্ত্রসমূহের তলদেশে অবগাহন-কুশলতা লক্ষ্য করিলে বিমুগ্ধ হইতে হয়। এই ভীষণ বস্তুবাদের যুগে আধ্যাত্মিক রাজ্যে এতাদৃশ নিষ্কপট তন্ময়তা শুধু চিত্তাকর্ষক নয়, বিশ্বয় উৎপাদক।

গ্রন্থকারের বৈশিষ্ট্য সমন্বয় দর্শনে। তিনি বলিয়াছেন, এই দেখ তৈত্তিরীয় শ্রুতি—“যতো বা ইমানি ভূতানি জায়ন্তে”, এই দেখ ব্রহ্মসূত্র “জন্মান্ত্যস্ত যতঃ”, এই দেখ ভাগবতী মন্ত্র—

“জন্মান্ত্যস্ত যতোহৃষ্মাদিতরতশ্চার্থেষুভিজ্জঃ স্বরাট্।”

প্রায় প্রত্যেকটি সূত্রে এইরূপ করিয়াছেন। শ্রুতি, গীতা, ভাগবত ও পুরাণাদির উদ্ধৃতি অফুরস্ত। প্রত্যেক ক্ষেত্রেই মিলনের সুর। শাস্ত্রের শ্লোক অনেকই জানেন, কিন্তু যথাযথক্ষেত্রে তার উদ্ধৃতি ও একার্থকতা প্রদর্শন শুধু পাণ্ডিত্যের অভিব্যক্তি নয়, কৃপালব্ধ অনুভূতির ফল।

গ্রন্থকার শ্রীমৎ শঙ্করাচার্যের অষ্টৈত ভাষ্য, শ্রীমৎ রামানুজাচার্যের বিশিষ্টাষ্টৈত ভাষ্য, শ্রীমৎধ্বাচার্যের দ্বৈত ভাষ্য, শ্রীমৎ নিম্বাকাচার্যের ভেদাভেদ ভাষ্য, শ্রীমৎ বল্লাভাচার্যের শুদ্ধাষ্টৈত ভাষ্য ও শ্রীমৎ বলদেব বিদ্যাত্মকেশের অচিন্ত্য ভেদাভেদ ভাষ্য এই ছয়খানি ভাষ্য আত্মপূর্বিক অধ্যয়ন করিয়াছেন। সমন্বয়ের দৃষ্টি লইয়া অগ্রসর হইয়াছেন। ইহাদের মধ্যে বিরোধিতা দেখেন নাই। অপূর্ব সান্নিধ্যই দেখিয়াছেন। যেখানে স্পষ্ট বিরোধিতা—সেখানেও বলিয়াছেন পারিভাষিক বিরোধমাত্র—বস্তুতঃ নহে। দৃষ্টান্ত স্বরূপ দেখাইতেছি—জ্ঞানী শিরোমণি আচার্য্য শ্রীশঙ্কর বলিয়াছেন—ব্রহ্ম সত্য জগৎ মিথ্যা। বৈষ্ণবাচার্য্য ভক্তকুলমণিগণ বলিয়াছেন, ব্রহ্ম তো নিশ্চয়ই সত্য, জগৎও সত্য। এই বিরোধিতা স্পষ্ট। কিন্তু গ্রন্থকার বলেন, এই বিস্কন্ধ উক্তি পরিভাষাগত।

শব্দের সত্যের সংজ্ঞাই হইল “কালক্রমাবাধিত্বং, সর্বকালাবাধিত্বং” । যাহা সর্বকালে অবাধিত তাহাই সত্য, তাহাই ব্রহ্ম । অবাধিত অর্থ নিত্য একরূপ, একরস, কোনও প্রকার বিকার বা পরিবর্তনরহিত, ইহাই সত্য । সুতরাং যাহার বিকার বা পরিবর্তন আছে তাহা সত্য নয় । যাহা সত্য নয় তাহা মিথ্যা । জগৎ বিকারী, সুতরাং মিথ্যা ।

এখানে মিথ্যা শব্দের অর্থ নশ্বর । জগৎ যে নশ্বর তাহা তো সকলেই মানেন । এই নশ্বর জগৎ লইয়া ব্যবহার কালে আমরা ইহাকে বিনশ্বর বলিয়া ভাবিনা, অপরিবর্তনীয় ভাবি । শব্দও মিথ্যা জগতের ব্যবহারিক সত্যতা স্বীকার করিয়াছেন । সুতরাং বিরোধ কোথায় ? গ্রন্থকারের মতে আচার্য্যগণের যাহা কিছু মতবিভেদ, তাহা পরিভাষাগতমাত্র ।

শ্রীশঙ্কর গৃহীত সত্য মিথ্যার পরিভাষা আর একটু বিস্তার করিয়া বলা যায়—জগৎ যখন মিথ্যা তখন আমরা যে ভাবে জগৎ দেখি তাহা ভ্রম দর্শন মাত্র । যখন ব্রহ্ম ভিন্ন তত্ত্বাস্তর নাই, তখন জগৎকে ব্রহ্ম ভিন্ন অপর প্রকার দর্শন ভ্রমদর্শন ভিন্ন কিছুই নহে । অন্ধকারে রজ্জুতে সর্প দর্শনের মত । এই বিচারের উপর শঙ্করের বিবর্তবাদ প্রতিষ্ঠিত । পক্ষান্তরে বৈষ্ণবাচার্য্যেরা মায়াতে ব্রহ্মের শক্তি স্বীকার করিয়াছেন ও পরিণামবাদ গ্রহণ করিয়াছেন । মূলতঃ বিরোধ নাই, পরিভাষাগত ভেদমাত্র ।

গ্রন্থকারের এই পরম উদার দৃষ্টিভঙ্গী অভিনব । এই দৃষ্টিভঙ্গির মূল রহস্য হইল বেদান্ত দর্শনকে আনুষ্ঠানিক সাধনশাস্ত্র হিসাবে গ্রহণ করা । দার্শনিক তত্ত্বে মতভিন্নতা অসহনীয় কিন্তু আনুষ্ঠান শাস্ত্রে মতভিন্নতা ধর্তব্য নহে । কেহ বলেন আমি একাক্ষর “প্রণব” জপ করি, কেহ বলেন আমি ষড়ক্ষর “গোপাল” মন্ত্র জপ করি, কেহ বলেন আমি দশাক্ষর “গোপীজনবল্লভ” মন্ত্র জপ করি, কেহ বলেন আমি দ্বাদশাক্ষর “বাসুদেব” মন্ত্র জপ করি—কেহ বলেন আমি অষ্টাদশাক্ষর মহামন্ত্র জপ করি—কেহ বলেন আমি চব্বিশাক্ষর “গায়ত্রী” মন্ত্র জপ করি । এই মতভিন্নতা ধর্তব্য নয় । যার যেমন ক্রটি, যার গুরু যেমন ভাবে কৃপা করিয়াছেন, সে সেইমত ভজনে চলিতেছে । ইহা লইয়া তর্ক বিতর্ক অচল । কিন্তু আপনি যদি দার্শনিক তত্ত্বালোচনায় বলেন সমস্ত উপনিষদ ভরিয়াই ব্রহ্মকে নির্বিশেষ বলা হইয়াছে—তাহা হইলে আপনার সঙ্গে ঝগড়া করিব—তর্ক বিচার উপস্থাপন করিব । আপনার যুক্তিকে খণ্ডন করিতে প্রয়াসী হইব ।

দর্শনশাস্ত্র সিদ্ধান্তমূলক, তাহা যথোচিত গ্যারান্টিমোক্তিত্ত ভুক্তবিচার দ্বারা গ্রহণীয় বা বর্জনীয়। অনুষ্ঠানশাস্ত্র সেরূপ নহে। প্রসঙ্গতঃ বলি— প্রাচীন পূর্বমীমাংসকেরা উত্তরমীমাংসার শুদ্ধ সিদ্ধান্তের কোন মূল্যই দিতে চাহেন নাই। তাঁহারা বলেন, সকল শাস্ত্রীয় নির্দেশই অনুষ্ঠানমূলক। যেখানে অনুষ্ঠানের নির্দেশ নাই তাহা অনর্থক...আয়ায়শ্চ ক্রিয়ার্থত্বাৎ আনর্থ-ক্যমতদর্থানাম্। কথাটির তাৎপর্য এই, আপনি বলিলেন—“সত্যং জ্ঞানং অনস্তং ব্রহ্ম”—পূর্বমীমাংসক বলিবেন—ঐ বাক্য অনর্থক। সত্যং জ্ঞানং অনস্তং ব্রহ্মকে দিয়া আমি কি করিব—আমার কি করণীয় যদি না বলেন তাহা হইলে ঐ বাক্য আমার কাছে অর্থহীন। যদি বলেন “সত্যং পরং ধীমহি” পরম সত্যকে ধ্যান করি—তাহা হইলে বুলিলাম আমাকে একটি অনুষ্ঠান করিতে নির্দেশ দিয়াছেন। এইজন্ত মীমাংসকেরা বলেন—

“চোদনালক্ষণো ধর্ম্”

যে বাক্যে চোদনা অর্থাৎ কর্মপ্রেরণা আছে, তাহাই ধর্ম্মীয় বাক্য। এই মতে শাস্ত্র অনুষ্ঠানমূলক। যেখানে অনুষ্ঠান নাই তাহা আবার শাস্ত্র কি ?

এই পূর্বমীমাংসকের দৃষ্টিভঙ্গী লইয়া গ্রন্থকার বেদান্তকে অত্যন্তম আনুষ্ঠানিক শাস্ত্র হিসাবে গ্রহণ করিয়াছেন। এই জন্ত সর্বত্র সামঞ্জস্য দেখিয়াছেন, যেখানে শুদ্ধ দার্শনিক বিরোধিতা দেখানে উপেক্ষা করিয়াছেন—দেখিয়াও দেখেন নাই। দৃষ্টান্তস্বরূপ বলিতেছি :—

ব্রহ্মসূত্রের তৃতীয় অধ্যায়ের দ্বিতীয় পাদে “উভয়লিঙ্গাধিকরণে” ১১ সূত্রে—“ন স্থানতোহপি পরশ্চোক্তলিঙ্গং সর্বত্র হি ॥” তৃতীয় অধ্যায়ের দ্বিতীয় পাদের প্রথম হইতে দশটি সূত্র জীবের স্থপ্লাবস্থা ও যুদ্ধাবস্থার কথা। ইহার পর প্রসঙ্গক্রমে ব্রহ্মের সম্বন্ধেও কয়েকটি কথা আলোচিত হইয়াছে। প্রসঙ্গ এই—স্বষ্টি কালে জীবের সঙ্গে ব্রহ্মের সম্বন্ধ ঘটে। তখন জীবের দোষাদি ব্রহ্মে স্পর্শ করে কিনা, পরবর্তী ১২।১১ সূত্রে— “ন স্থানতোহপি পরশ্চ উভয়লিঙ্গং সর্বত্র হি”—জিজ্ঞাসার জবাব দিতেছেন।—জবাবে বৈষ্ণবাচার্য্যগণের ও শঙ্করাচার্য্যের উত্তর একই—ব্রহ্মকে স্পর্শ করে না, কিন্তু তাহার কারণ দ্বিবিধ—প্রায় বিপরীত।

“ন স্থানতোহপি পরশ্চ উভয়লিঙ্গং সর্বত্র হি” ॥

বৈষ্ণবাচার্য্যগণের ব্যাখ্যা—জাগ্রৎ স্বপ্ন স্বষ্টি স্থানের সহিত সম্বন্ধ বশতঃ

পন্নব্রহ্মে কোনরূপ দোষস্পর্শ হয় না (ন স্থানতোহপি). কেননা—সর্বত্রই শ্রুতিতে তাহার (ব্রহ্মের) উভয়লিঙ্গ সত্ত্বা নিঃসর্গ ভাব—সবিশেষ নির্বিশেষ ভাব দৃষ্ট হয়।

আচার্য্য শঙ্করের ব্যাখ্যা—“স্থানতোহপি”—উপাধিযুক্তা অবস্থাতেও ব্রহ্ম উভয়লিঙ্গং ন। সবিশেষ ও নির্বিশেষ এই উভয়রূপ নহেন—যেহেতু সমস্ত শ্রুতিতে নির্বিশেষ ব্রহ্মের উপদেশ আছে (সর্বত্র হি)।

শঙ্করাচার্য্য বলেন, শ্রুতিতে ব্রহ্মকে কোথাও সবিশেষ নির্বিশেষ এই দুই-প্রকার বলা হয় নাই। সর্বত্রই তিনি নির্বিশেষ। বৈষ্ণবাচার্য্যেরা বলেন, ব্রহ্মসর্বত্রই শ্রুতিভরা, সবস্থানেই সবিশেষ ও নির্বিশেষ। এই মন্ত্র হইতেই শঙ্করাচার্য্যের সঙ্গে বৈষ্ণবাচার্য্যদের দ্বন্দ্ব আরম্ভ। না হইলে প্রথম ও দ্বিতীয় অধ্যায়ে ব্রহ্মতত্ত্ব নিরূপণে বিশেষ কোন বিরোধিতা দৃষ্ট হয় নাই। এই সূত্রের বিরোধিতা এত প্রবল যে নীরব থাকা যায় না। গ্রন্থকার এই সব বিচার উপেক্ষা করিয়াছেন— কারণ বেদান্ত তাঁর কাছে অচূড়ানশাস্ত্র। ব্রহ্ম সবিশেষ না নির্বিশেষ না উভয়—ইহাতে বিশেষ কিছু আসে যায় না। ব্রহ্ম আরাধ্য, ব্রহ্ম উপাস্য, ব্রহ্ম ধ্যেয় বস্তু—ইহাই বড় কথা।

গ্রন্থে আলোচনার ধারা সুন্দর ও শাস্ত্রসম্মত। ব্রহ্মসূত্রের উদ্দেশ্য ব্রহ্মতত্ত্ব নিরূপণ। প্রসঙ্গতঃ জীবতত্ত্ব, জগতত্ত্ব, সাধনতত্ত্ব ও সিদ্ধিতত্ত্ব আলোচিত হইয়াছে। এই সব আলোচনায় যুক্তি বিচার সিদ্ধান্ত সকলই উপনিষদের দৃঢ় ভিত্তিতে স্থাপিত। গ্রন্থকার শাস্ত্রব্যাখ্যায় প্রত্যেক সূত্রের উপরিভাগে “ভিত্তি” এই নাম দিয়া উপনিষদের এক বা একাধিক মন্ত্র স্পষ্টভাবে স্থাপন করিয়াছেন। এই ভিত্তিটি হইল মূল বিষয়। মূল বিষয় সম্বন্ধে কোথাও কোন সংশয়ের কারণ না থাকিলে আলোচনার দৃঢ়তা থাকে না। এই হেতু ভিত্তি স্থাপন করিয়াই সংশয়ের উল্লেখ করিয়াছেন। সংশয়ান্বিত বিষয় সম্বন্ধে দুইটি পক্ষ—এক বিরোধি-পক্ষ—অপর স্বপক্ষ বা সিদ্ধান্তস্থাপক পক্ষ। বিরোধিপক্ষের অন্য নাম পূর্বপক্ষ। পূর্বপক্ষের উত্তর দিয়া সত্য নির্ণয়ের নাম সিদ্ধান্ত।

ভিত্তি, সংশয়, পূর্বপক্ষ ও সিদ্ধান্ত নির্ণয়। এই চারি অঙ্গ বিচার করিয়া সিদ্ধান্ত স্থাপনের পর আর একটি কার্য্য বাকী থাকে—তাহার নাম প্রয়োজন বা সঙ্গতি। পূর্বে বা পরে যে সকল সিদ্ধান্ত করা হইয়াছে বা হইবে, তাহার সহিত প্রসঙ্গাধীন সূত্রে স্থাপিত সিদ্ধান্তের কোন প্রকার অসঙ্গতি নাই—ইহা দেখাইতে হইবে।

সকল সময়ই একটি একটি সূত্র লইয়া বিচার হয় নাই, কখনও একাধিক সূত্র লইয়া একবারে বিচার হয়। একবারে বিচার্য সূত্রগুলিকে এক একটি অধিকরণ বলে। ব্রহ্মসূত্রে ১৬৭টি অধিকরণ আছে। প্রত্যেক অধিকরণের বিচারেই উপরোক্ত ভঙ্গি অনুসৃত হইয়াছে। ইহাতে বিচারের কাঠিন্য কিঞ্চিৎ দূরীভূত হইয়াছে।

এই পুণ্যভূমিতে বহু শাস্ত্রসাধক জন্মগ্রহণ করিয়াছেন। এই গ্রন্থকার তাঁহাদের অন্যতম। তাঁহার অবলম্বিত পথ—জ্ঞানমিশ্রা ভক্তিসরগি।
ত্রীগীতার—

“ব্রহ্মভূতঃ প্রসন্নাত্মা ন শোচতি ন কাঙ্খতি
সমং সর্বেষু ভূবেষু মন্তুক্তিং লভতে পরাম্ ॥”

এই মন্ত্র এই সাধকের জীবাত্ম। ব্রহ্মভূত হইলেই পরাভক্তি লাভ। জ্ঞানীই একভক্তি একনিষ্ঠ ভক্তিমান। ব্রহ্মবশুকে জানা অর্থই পাওয়া। গভীরভাবে পাওয়াতেই একত্মভূতি। একত্মভূতিতেই ভক্তি বা ভালবাসার পরাকাষ্ঠা প্রকাশ। ইহারই নামান্তর “অপরোক্ষাত্মভূতি”, এই অনুভূতি সাধনার লক্ষ্য। এই অনুভূতি কালে জ্ঞাতা জ্ঞেয় জ্ঞান একান্ত ভাবেই লয় হয় কিংবা কোথাও কিঞ্চিৎ দ্বৈতভাব অবশেষ থাকে—এই সূক্ষ্ম বিচারে গ্রন্থকার বেশী সময়ক্ষেপ করেন নাই।

গ্রন্থকারের দৈন্ত অতুলনীয়। কালিদাস কবি দৈন্তে বলিয়াছেন “প্রাংশুলভ্যে কলে লোভাৎ উদ্বাহুরিব বায়নঃ।” ইনি বলিয়াছেন এই দৃষ্টান্ত আমার বেলা নয়—আমার প্রচেষ্টা টুনি পাখীর এককণা করিয়া বালুকা ঠোঁটে করিয়া নিয়া সমুদ্র ভরাট করার তুল্য। গ্রন্থকার নিজ লেখাকে রাসভরাগিণীর সঙ্গে তুলনা করিয়াছেন। এইসব দীনতার ভাষা পরম বৈষ্ণবোচিত।

“উত্তম হইয়া আপনাকে হীন করি মনে”। সত্যকায় এই হীনতার বোধ বাহার জাগিয়াছে সে নিশ্চয়ই মহৎপুরুষ সন্ধান পাইয়াছে, প্রদীপটির অগ্রভাগে যে সন্নিহিত টুকু পুড়িয়া ছাই হইয়া গিয়াছে—সে-ই তো আলো দিতেছে।

ভূমিকায় আমার যে কয়টি কথা বলিবার ছিল বলিলাম। এখন গতানুগতিকভাবে বলিতে হয়, এই গ্রন্থের বহুল প্রচার কামনা করি। কিন্তু আমি কামনা করিলেই কি হইবে? এই গ্রন্থের বহুল প্রচার হইবে এমন আশার চিহ্নঃদৃষ্টিগোচর হয় না।

আর্য্যবিশ্ববিদ্যে-খানি সর্বশ্রেষ্ঠ গ্রন্থ—বেদান্ত—তাহার নাম শুনিতে এখন যুবকদের মনে ভীতি জাগে। ষাট বছর আগে আমাদের ছেলেবেলাতেও এমন ছিল না, স্কুলজীবনে মনে পড়ে স্বামী বিবেকানন্দের নামের পিছনে বেদান্ত-কেশরী বিশেষণ দেখিয়া অন্তরে উল্লাস জাগিয়াছিল—মনে হইয়াছিল কেশরী হইতে না পারিলেও জীবনে কেশরী-শাবক হইবই।

বেদান্ত বলিতে যাহাদের মনে ভীতি জাগে, তাহাদের কাছে যুক্ত করে অনুন্নয় করিয়া বলি—এই গ্রন্থখানি একবার পাঠ করুন। দেখিবেন ভীতির স্থানে তৃপ্তি আসিয়া ভরিয়া যাইবে। হিন্দুশাস্ত্রের আধ্যাত্মিক সম্পদ দেখিয়া বুকটা আনন্দে ফুলিয়া উঠিবে। স্বকীয় ঐতিহ্যে শ্রদ্ধাই জাতির জীবনরক্ষার মহৌষধি ॥

অলমতি বিস্তারেন—জয় জগবন্ধু হরি—

বিনয়ানন্দ

মহানামব্রত ব্রহ্মচারী

মুখবন্ধ

ভারতীয় সাধনার বহু বিচিত্র ধারার মধ্যেও ইহার অস্তুর্নিহিত একটি গভীর ঐক্য সুপরিষ্কৃত। অতীতের উষালোকে শাস্ত্র তপোবনের বেদীতলে আত্মতত্ত্ব জিজ্ঞাসু ব্রহ্মচারী শিষ্যগণকে আচার্য্য কৃষ্ণ-দ্বৈপায়ন বাদরায়ণ ব্যাসদেব যে পরমতত্ত্বের উপদেশ দিয়াছিলেন তাহাই 'ব্রহ্মসূত্রে' বিধৃত হইয়া আছে। 'ব্রহ্মসূত্র' বেদাস্তসাধনার মূল গ্রন্থ। পরবর্তী কালে ব্রহ্মসূত্রের উপর অনেক ভাষ্য রচিত হইয়াছিল, কিন্তু, আচার্য্য শঙ্করের ভাষ্যই প্রধান, সম্ভবত শঙ্করাচার্য্যের পূর্ববর্তী কোন কোন আচার্য্য (যেমন উপবর্ষ, ব্রহ্মদত্ত, ভট্টপ্রপঞ্চ প্রভৃতি) ব্রহ্মসূত্রের ভাষ্য রচনা করিয়াছিলেন, কিন্তু সে সব ভাষ্যের প্রচার বিশেষ না হওয়ায় এবং কালক্রমে বৌদ্ধ প্রভৃতি সম্প্রদায় প্রবল হওয়ায় বৈদিক ধর্মের পুনরুত্থানের আশায় শঙ্করাচার্য্য ভাষ্য রচনা করেন। একদিকে সন্ন্যাসীদের জ্ঞান শুদ্ধ জ্ঞানমার্গের উপদেশ দিয়া ও অন্যদিকে গৃহস্থদের জ্ঞান উপাসনা মার্গের প্রচার করিয়া তিনি বেদাস্ত তত্ত্বকে সকল স্তরের মানুষের মধ্যে লইয়া আসিলেন।

কিন্তু শঙ্করাচার্য্য যেমন ব্রহ্মসূত্রের অদ্বৈতসম্মত ব্যাখ্যা দিয়া একটি সম্প্রদায় গড়িয়া তুলিয়াছিলেন, তেমনিই অদ্বৈতবিরোধী বেদাস্ত সম্প্রদায়ের ধারাও অনবচ্ছিন্ন ভাবে প্রবাহিত হইয়া ভারতীয় অধ্যাত্ম শাস্ত্রের ইতিহাসে স্বর্ণযুগ রচনা করিয়াছে। বিশিষ্টাদ্বৈত, দ্বৈতাদ্বৈত, দ্বৈত প্রভৃতি সম্প্রদায়ের আচার্য্যগণ ব্রহ্মসূত্রের ভাষ্য রচনা করিয়া ব্রহ্মতত্ত্বের অনুপম মহিমা কীর্তন করিয়া গিয়াছেন। সত্যদর্শনের এইরূপ কত মত ও পথের ধারায় অবগাহন করিয়া অবশেষে আমরা অমিয় নিমাই শ্রীকৃষ্ণচৈতন্যের ভক্তিবাদের মধ্যে উবিয়া পরমলীলা-আনন্দ পাইলাম। ইন্দ্রিয়, মন, বুদ্ধির ওপারে যে আনন্দময় পরমপুরুষ সকল মানুষের পরম গতি, তাঁহাকে উপলব্ধি করিতে যাইয়া একের পর এক অন্নময়, প্রাণময়, মনোময়, বিজ্ঞানময় কোষগুলির আরম্ভণ উন্মোচন করিয়া অবশেষে যে 'হিরণ্যয়েন পাত্রেণ সত্যাত্মাপিহিতং মুখম্' সেই সত্যের স্বরূপকে উদ্ঘাটিত করিয়া আপন হৃদয়-আকাশে তাহাকে প্রতিষ্ঠিত করিলাম। কিন্তু সে মূর্তি শুদ্ধ জ্ঞানময় নয়, তাহা রসমূর্তি, বাহার মধুর বেগুরবে 'যমুনা বহত উজান'।

শ্রীমদ্ভাগবতের মাধ্যমে ব্যাসদেব এই রসমূর্তিরই সাধনার রসিক ভক্তগণকে আহ্বান করিলেন “পিবত ভাগবতং রসমালয়ং যুছরহো রসিকা ভুবি ভাবুকাঃ”। ভাগবতকে আমরা সাধনার আঙ্গিনায় প্রতিষ্ঠিত করিলাম। বাঙ্গালীর মনীষা ভাগবতের অসীম সৌন্দর্য্য অপরের নিকট উদ্ঘাটিত করিল। ভাগবতের রসধারায় গা ভাসাইয়া দিয়া আমরা শরণাগতি ও আত্মসমর্পণের নিঃসংশয় নিশ্চিন্ততার মধ্যে সত্যের ঘাটে পৌছাইতে চাহিলাম। বাঙালীর ধর্ম, দর্শন, চিত্রকলা, সাহিত্য ভাগবতের রসে ভরিয়া উঠিল। “ভাগবত ধর্ম হই ইহার শরীর” সেই প্রেমের ঠাকুর শ্রীকৃষ্ণচৈতন্যই সর্বপ্রথম বাঙালীর অঙ্গনে সন্ধ্যাপ্রদীপে ভাগবতের আরতি করিলেন। ভক্তিবাদ আমাদের মজ্জার সহিত মিশিয়া গেল। আমাদের চিন্ময় আকাশে ভাগবত এক জ্যোতির্ময় মণ্ডল রচনা করিল। ফলে এক অপরূপ সত্যের সন্ধান আমরা পাইলাম—‘ভাগবতই ব্রহ্মসূত্রের যথার্থ ভাষ্য’।

কালক্রমে নির্মল জ্ঞানবাদের মূলগ্রন্থ ‘ব্রহ্মসূত্র’ ভক্তিবাদের আধার ভাগবতের মধ্যে পরিণতি লাভ করিল। বেদ-কল্পতরুর রসাল ফল (“নিগম-কল্পতরোর্গলিতং ফলম্”) ভাগবত সর্ববেদান্তের সাররূপ গৃহীত হইল। কৃষ্ণদাস কবিরাজ বলিলেন “অতএব সূত্রের ভাষ্য শ্রীভাগবত। ভাগবত শ্লোক উপনিষদ কহে একমত”। (চৈতন্য চরিতামৃত)। গরুড় পুরাণকারের মতে “অর্থোহয়ং ব্রহ্মসূত্রোণাং সর্ববেদান্তসারং হি শ্রীমদ্ভাগবতমিষ্যতে”। শ্রীজীব গোস্বামী নিঃসংকোচে বলিলেন, “পুরাণ, ব্রহ্মসূত্র প্রভৃতি রচনা করিয়াও ভগবান ব্যাসদেবের চিত্ত অপরিতুষ্ট, অতএব সেই সূত্রেরই ভাষ্যস্বরূপ ভাগবত রচনা করিলেন, যাহার মধ্যে সর্বশাস্ত্রের সমন্বয়ের স্বর ধ্বনিত হইল” (“যৎ খলু সর্বপুরাণজ্ঞাতমাবির্ভাব্য ব্রহ্মসূত্রজ্ঞ প্রণীয়াপ্যপূরিতুষ্টেন তেন ভগবতা নিজ সূত্রানামকৃত্রিমভাষ্যভূতং সমাধিলবুমাবির্ভাবিতম্। যন্মির্নেব সর্বশাস্ত্র সমন্বয়ো দৃশ্যতে”—ভৃগুসন্দর্ভ)

বর্তমান গ্রন্থকার সুপণ্ডিত মনীষী শ্রীরামপদ চট্টোপাধ্যায়, বেদান্ত বিদ্বার্ণব, গভীর শাস্ত্রজ্ঞান ও মনীষার দ্বারা এই সমন্বয়ের সূত্রটিকে আবিষ্কার করিয়া ফলে ফলে সুশোভিত করিয়াছেন। প্রায় ত্রিশ বৎসর পূর্বে তাঁহার ‘বেদান্ত প্রবেশ’ গ্রন্থখানি সুধীসমাজের দৃষ্টি আকর্ষণ করে। সেটি ছিল বর্তমান গ্রন্থের ভূমিকা। তাহা পাঠ করিয়া সেদিন আমরা লেখকের মননশীলতায় আকৃষ্ট হইয়াছিলাম, আজ তাঁহার এই বিশাল মূল গ্রন্থটি পড়িয়া বিশ্বয়ে বিমুগ্ধ হইলাম। “ব্রহ্মসূত্রের”

অদ্বৈত, বিশিষ্টাদ্বৈত, শুদ্ধাদ্বৈত, বৈতাদ্বৈত, বৈত কত ব্যাখ্যাই ব্রহ্মতত্ত্বকে নানারূপে প্রতিপাদন করিয়াছে। সেই পরম্পরারই অত্যুজ্জ্বল প্রকাশ “ব্রহ্মসূত্র ও শ্রীমদ্ভাগবত।”

গ্রন্থটির প্রথম খণ্ডে বিদগ্ধ গ্রন্থকার ব্রহ্মসূত্রের প্রথম অধ্যায়ের চারিটি পাদের আলোচনায় বেদান্ত ও ভাগবতের আঁত সূক্ষ্মতত্ত্বের রহস্য সুললিত ভাষায় প্রকাশ করিয়াছিলেন। বর্তমান খণ্ডে তিনটি অধ্যায়ের আলোচনা পূর্ণ হইল। চতুর্থ অধ্যায় তৃতীয় খণ্ডে আলোচিত হইবে। প্রথম খণ্ডের প্রধান প্রতিপাদ্য ছিল—ব্রহ্মই জগতের নিমিত্ত এবং উপাদান কারণ। এই ব্রহ্মকারণতাবাদ স্বীকার করিলে সাংখ্য, বৈশেষিক প্রভৃতি দর্শনের সহিত স্বভাবতঃই বিরোধ আসিয়া পড়ে। বর্তমান খণ্ডের প্রথমে সেই বিরোধ পরিহারের কথাই আলোচিত হইয়াছে। এই প্রসঙ্গে গ্রন্থকার পরিণামবাদ ও বিবর্তবাদের তুলনামূলক আলোচনা করিয়া ভাগবতসম্মত পরিণামবাদের যথার্থ স্বরূপটিকে উন্মোচন করিয়াছেন। স্থানে স্থানে রামানুজ, মধ্ব, বলদেব বিদ্যাত্মষণ সম্মত ব্রহ্মকারণতাবাদের আলোচনা লেখকের গভীর শাস্ত্রজ্ঞানের নিদর্শন। বিশেষতঃ কর্মবাদের আলোচনায় বর্তমান বিজ্ঞানের পরীক্ষা নিরীক্ষার সহিত তাহার সামঞ্জস্য সাধনের প্রচেষ্টা সূক্ষ্ম মননশীলতার পরিচায়ক। দ্বিতীয় পাদের আলোচনায় লেখক দেখাইয়াছেন, সাংখ্য এবং বেদান্ত একে অপরের পরিপূরক। প্রসঙ্গতঃ বৈশেষিক, বৌদ্ধ ও জৈন দর্শনের আলোচনায়, বিশেষতঃ বৌদ্ধ ‘শূন্যতা’বাদের বিশ্লেষণে লেখকের যুক্তিবাদী মনের পরিচয় পাওয়া যায়। তৃতীয় পাদের আলোচ্য চিৎ ও অচিৎ জগৎ-প্রপঞ্চ এবং জীব-ব্রহ্মের সম্বন্ধ। এই প্রসঙ্গে অবচ্ছিন্নবাদ ও প্রতিবিম্ববাদ—বেদান্ত সম্প্রদায়ের মধ্যে প্রচলিত এই দুইটি মতবাদের প্রতি লেখকের দৃষ্টি এড়াই নাই। তৃতীয় অধ্যায়ের আলোচ্য ব্রহ্মপ্রাপ্তির সাধন—জ্ঞান অথবা কর্ম, গুরুরূপা অথবা আত্মপ্রযত্ন, ভক্তিমার্গের উপাসনায় অভেদ ভাবনার স্বরূপ, ভগবৎ-প্রাপ্তিতে কর্ম ও বিদ্যার সহযোগ—এই সকল বিষয়ের উপর লেখক মৌলিক আলোকপাত করিয়াছেন। • গ্রন্থটির সর্বত্র লেখকের নিলেপ মানসিকতার পরিচয় বহন করে। ব্রহ্মসূত্রের তাৎপর্য প্রকাশে শ্রীচট্টোপাধ্যায় পূর্ববর্তী ভাষ্যকারদের দ্বারা প্রভাবিত না হইয়া স্বাধীন প্রত্যয়ের সহিত বেদান্তরহস্য উদ্ঘাটন করিয়াছেন এবং ভাগবতের মধ্যে তাহার সমর্থন সন্ধান করিয়াছেন। ফলে ভাগবত দর্শনের সামগ্রিক রূপটিও আমাদের নিকট উদ্ঘাটিত হইয়াছে। গ্রন্থটি একেবারে জ্ঞানমার্গ ও ভক্তিমার্গের অনন্ত সাহিত্য রূপে গণ্য হইবে এবং

পাঠকের নিভৃত মানসে এক শাশ্বত সত্যকে নূতনভাবে অনুভব করিবার প্রেরণা জাগিবে সন্দেহ নাই। বস্তুতঃ গ্রন্থটির মাধ্যমে ব্রহ্মহৃদয়ের তব্ব ও বহুশ্রময়তা তাহার উচ্চশিখর হইতে নামিয়া আমাদের অতি কাছে আসিয়া পৌঁছিয়াছে, স্বর্গের পারিজাত আমাদের গৃহাঙ্গনে ফুটিয়া উঠিয়াছে।

প্রায় অর্ধশতাব্দী পূর্বে লেখক এই গ্রন্থের রচনা সমাপ্ত করিয়া বাঙলার দর্শনসাহিত্যে এক নবযুগের প্রবর্তন করিয়াছিলেন। বাঙলায় দর্শন বিষয়ক মননশীল গ্রন্থ রচনা আজকাল বিরলপ্রায় বলিলেই চলে। এই পরিপ্রেক্ষিতে বর্তমান গ্রন্থটির প্রকাশনা নূতন আশার সঞ্চার করিল। স্বর্গত লেখক তাঁহার সারাজীবনের সাধনার ফলটিকে বৃহত্তর পাঠকের হাতে তুলিয়া দিয়া যাইতে পারেন নাই, কিন্তু আশা করিয়াছিলেন—হয়তো তাঁহার কোন উত্তরপুরুষ এই দায়িত্ব গ্রহণ করিবেন। স্বথের বিষয়, তাঁহার একমাত্র পুত্র, বর্তমান গ্রন্থের সম্পাদক শ্রীঅনিলহরি চট্টোপাধ্যায় মহাশয় এই বিশাল গ্রন্থটিকে প্রকাশ করিয়া এক স্বকঠিন কর্তব্য সাধন করিলেন। তাঁহার কাছে বাঙলার মননশীল পাঠক সমাজ চিরকৃতজ্ঞ রহিল।

স্বাঃ। শ্রীগোপিকা মোহন ভট্টাচার্য

সূত্র ও সূত্রে আলোচিত বিষয়

	দ্বিতীয় অধ্যায়—অবিরোধ—প্রথম পাদ	অধ্যায় পাদ পুত্র	পৃষ্ঠা
১।৩৬	স্মৃত্যধিকরণ :—		৭৪১-৭৪৯
১।১৪০	স্মৃত্যানবকাশ দোষ প্রসঙ্গ ইতি চেৎ, ন, অগ্নি স্মৃত্যানবকাশ দোষ প্রসঙ্গাৎ ॥ সাংখ্য সিদ্ধান্ত মানিয়া লইলে মনু ও পরাশর প্রভৃতি স্মৃতির অনর্থকতা সম্ভাবনা হয় ; প্রধানকে ব্রহ্মশক্তি বলিয়া মানিলে “একমোদ্বিতীয়ম্” প্রতিবিরোধ হয় না ; শ্বেতাশ্বতর স্মৃতির ৫।২ মন্ত্রে “কপিল” শব্দে স্বর্ণবর্ণ হিরণ্যগর্ভ বুদ্ধিতে হইবে ; ভাগবতোক্ত কপিলকথিত সাংখ্যের সহিত বেদান্তের বিরোধ নাই ; ব্রহ্মে বা তাঁহার শক্তিভূতা প্রধান পাদ, অংশ প্রভৃতি প্রযোজ্য নহে ; ভাগবতোক্ত সাংখ্যে পুরুষ ভিন্ন ভিন্ন নহে ; পুরুষের উপাধিই ভিন্ন ভিন্ন ।	২ ১ ১	৭৪২-৭৪৭
২।১৪১	ইত্তরেষাঞ্চানুপলক্ষে ॥	২ ১ ২	৭৪৮-৭৪৯
২।৩৭	যোগ-প্রত্যক্ষ্যধিকরণ :—		৭৫০-৭৫১
৩।১৪২	এভেন যোগঃ প্রত্যক্ষঃ ॥ যোগপ্রাক্ষয়িকতাকাংশ প্রামাণিক হইলেও অপর্যাংশ অপ্রামাণিক বিধায় উপেক্ষণীয় ।	২ ১ ৩	৭৫০-৭৫১
৩।৩৮	বিলক্ষণত্বাধিকরণ :—		৭৫২-৭৫৩
৪।১৪৩	ন বিলক্ষণত্বাদস্মৃ, তথাহুং চ শব্দাৎ ॥ বেদ সাক্ষাৎ ভাবে পুরুষ হইতে জাত অর্থাৎ আবির্ভূত বা অভিব্যক্ত ; অগ্ন্যাগ্নি শাস্ত্র সেরূপ নহে ।	২ ১ ৪	৭৫২-৭৫৩

- ৪।৩৯ অভিমানি ব্যপদেশাধিকরণ :— ৭৫৪-৭৫৬
- ৫।১৪৪ অভিমানি-ব্যপদেশস্ত বিশেষানু-
গতিভ্যাম্ ॥ ২ ১ ৫ ৭৫৪-৭৫৬
- পরমাআই ভিন্ন ভিন্ন উপাধিতে অভিমানী
হইয়া তেজঃ, জল, বায়ু, আকাশ, জীব
প্রভৃতি রূপে অভিব্যক্ত, একারণ ঐ
সকল উপাধিতে অভিমানী আত্মার
আলোচনা দোষাবহ নহে ।
- ৫।৪০ দৃশ্যভেদাধিকরণ :— ৭৫৭-৭৫৯
- ৬।১৪৫ দৃশ্যভেদে তু ॥ ২ ১ ৬ ৭৫৭-৭৫৯
- উপাদানের গুণ ও ধর্ম উপাদেয়ে সংক্রামিত
হইবার কোন নিয়ম নাই ; জল, গন্ধক
দ্রাবক প্রভৃতি দৃষ্টান্ত ; ব্রহ্মের সন্ধিনী
শক্তি প্রপঞ্চের প্রত্যেক বস্তুতে তত্তদাকারে
বর্তমান রাখিবার কারণ ; প্রত্যেক পদার্থে
চৈতন্যাংশ অল্প বিস্তর বর্তমান ; জীব, উদ্ভিদ
ও ধনিজের প্রকৃষ্ট সীমানির্দেশক চিহ্ন
নির্ণয় করা দুষ্কর ; সুতরাং চৈতন্যময়
হইতে জাড়াৎপত্তি অসম্ভবরূপ আপত্তি
ভিত্তিহীন ; প্রতিতে “বিজ্ঞানং চাবিজ্ঞানং”
দৃশ্যতঃ চেতন ও অচেতন নির্দেশের জন্ত
ব্যবহৃত ।
- ৬।৪১ অসদ্বিত্যধিকরণ :— ৭৬০-৭৬২
- ৭।১৪৬ অসদ্বিত্তি চেৎ, ন, প্রতিবেদ্যমাত্রত্বাৎ ॥ ২ ১ ৭ ৭৬০-৭৬২
- কার্য ও কারণ সর্বতোভাবে একরূপ
নহে ; সংকার্যবাদ ও অসংকার্যবাদ ;
সাংখ্য, পাতঞ্জল, বেদান্ত সংকার্যবাদী,
বৈশেষিক ও নৈয়ায়িক অসংকার্যবাদী ।

	অধ্যায়	পাদ	সূত্র	পৃষ্ঠা
৮।১৪৭	অগ্নীতো ভবৎ প্রমজানসমঞ্জসম্ ॥	২	১ ৮	১৬৩
	ব্রহ্ম যদি বিশ্বের উপাদান-কারণ হন, তাহা হইলে প্রলয়ে বিশ্ব ব্রহ্মে লীন হইলে, বিশ্বের বিকারিআদি দোষ ব্রহ্মে সংক্রামিত হইবে।			
৯।১৪৮	ন তু দৃষ্টান্তভাবে ॥	২	১ ৯	১৬৪-১৬৫
	শরীরধর্ম আত্মাতে বা আত্মার ধর্ম শরীরে সংক্রামিত হয় না ; সেইরূপ প্রপঞ্চের ধর্ম ব্রহ্মে সংক্রামিত হয় না ; ব্রহ্ম অশুণ হইয়াও সশুণ বিশ্বের সৃষ্টি-স্থিতি-ময়ের কারণ ; তাহা হইলেও কোনও প্রকার বিকার তাঁহাকে স্পর্শ করে না।			
১০।১৪৯	অপক্ষে-দোষাচ্চ ॥	২	১ ১০	১৬৫-১৬৬
১১।১৫০	তর্কপ্রতিষ্ঠানাদপি ॥	২	১ ১১	১৬৭-১৬৮
	যাহা প্রকৃতির অতীত তাহা অচিন্ত্য, তাহাতে তর্ক যোজনা করা উচিত নয় ; মানবের বুদ্ধির সূক্ষ্মতা ও তীক্ষ্ণতার উপর তর্কের প্রতিষ্ঠা নির্ভর করে ; বিকল্প, বিতর্ক, বিচার ইত্যাদি অনবগ্রাহ্য মাহাত্ম্য অপরিমিত গুণরূপি, অচিন্ত্য শক্তিমান ব্রহ্মে স্পর্শে না ; অতএব তর্ক না উঠাইয়া প্রত্যক্ষসাক্ষী ব্রহ্মকারণ-বাদ গ্রহণীয়।			
১২।১৫১	অনুধাহুর্মেরমিতি চেৎ, এবমপ্য-নির্দোক্ষ প্রসঙ্গঃ ॥	২	১ ১২	১৬৮-১৬৯
	তর্ক শেষ হইবার অসম্ভাবনা বরাবরই থাকিয়া যায় ; মানববুদ্ধি-গ্রাহ্য জাগতিক ব্যাপারেই তর্ক চলিতে পারে ; মানববুদ্ধির অতীত ব্যাপারে তর্ক অবলম্বনীয় নহে ;			

সে সকল ব্যাপারে নিত্য, অপৌকুষের
স্বাভাবিক শক্তি-প্রমাণই গ্রহণীয়।

৭।৪২ শিষ্টাপরিগ্রহাধিকরণ :— ৭৭০-৭৭২

১৩।১৫২ এতেন শিষ্টাপরিগ্রহা অপি
ব্যাখ্যাভাঃ ॥ ২ ১ ১৩ ৭৭০-৭৭২

কণাদেবের পরমাণুবাদ উপেক্ষণীয় কেন ?

৮।৪৩ ভোক্তাপ্রত্যয়িকরণ :— ৭৭৩-৭৭৫

১৪।১৫৩ ভোক্তাপ্রত্যয়ের বিভাগশ্চেৎ,
স্মার্লোকবৎ ॥ ২ ১ ১৪ ৭৭৩-৭৭৫

ব্রহ্ম নিজেই যন্ত্রী, যন্ত্র, যন্ত্রের উপাদান
ইত্যাদি ; ব্রহ্ম প্রকৃতিস্থ হইলেও তাহার
গুণে লিপ্ত হন না।

৯।৪৪ আরম্ভণাধিকরণ :— ৭৭৬-৭৯১

১৫।১৫৪ ভদনন্যত্বমারম্ভণ-শব্দাদিভ্যঃ ॥ ২ ১ ১৫ ৭৭৭-৭৮১

কার্য কারণেই অনভিব্যক্ত থাকে, কর্তার
প্রযত্ন উহাকে অভিব্যক্ত করে মাত্র ;
উপাদান ও উপাদেয়ের সম্বন্ধ ; পরিণাম-
বাদ ও বিবর্তবাদ, ভাগবত পরিণামবাদ
গ্রহণ করিয়াছেন ; দৃশ্য প্রপঞ্চ ব্রহ্ম হইতে
অপৃথক্ ; ব্রহ্মই বিশ্বের সমুদায় কারক
ব্যাপার ; কার্য কারণ হইতে অনন্ত না
হইলেও কার্য কারণ নহে, সেইরূপ বিশ্ব
ব্রহ্ম হইতে অভিন্ন হইলেও বিশ্ব ব্রহ্ম নহে।

১৬।১৫৫ ভাবে চোপলক্বেঃ ॥ ২ ১ ১৬ ৭৮২-৭৮৩

১৭।১৫৬ সত্বাচ্চাপরম্ভ ॥ ২ ১ ১৭ ৭৮৪

প্রপঞ্চজগৎ সৃষ্টির পূর্বে “সৎ” স্বরূপে ছিল ?

১৮।১৫৭ অসৎ ব্যপদেশান্নেতি, চেন্ন,
স্বর্গাস্তুরেণ বাক্যশেষাৎ ॥ ২ ১ ১৮ ৭৮৫-৭৮৬

“সৎ” অর্থ অভিব্যক্ত, “অসৎ” অর্থ
অনভিব্যক্ত।

১৯।১৫৮ যুক্তোঃ শব্দান্তরাচ্চ ॥

২ ১ ১৯ ৭৮৬-৭৮৯

কার্য যদি কারণে অনভিব্যক্ত ভাবে বর্তমান না থাকে, তাহা হইলে যে কোনও কারণ হইতে যে কোনও কার্য উৎপন্ন হইতে পারে; ব্রহ্ম শূন্য সাম্য ধারণ করিলেও আমাদের পরিচিত শূন্য নহেন, তিনি নিত্যমুক্ত, ঈশ্বর, পরম কারুণিক। .

২০।১৫৯ পটবচ্চ ॥

২ ১ ২০ ৭৮৯-৭৯০

২১।১৬০ ষথা চ প্রাণাদিঃ ॥

২ ১ ২১ ৭৯০-৭৯১

১০।৪৫ ইতরব্যপদেশাধিকরণঃ—

৭৯২-৮০৯

২২।১৬১ ইতর-ব্যপদেশাধিতাকরণাদি-

দোষপ্রসক্তিঃ ॥

২ ১ ২২ ৭৯২-৭৯৩

২৩।১৬২ অধিকন্তু ভেদব্যপদেশাৎ ॥

২ ১ ২৩ ৭৯৪-৮০৮

জীব শক্তি হিসাবে ব্রহ্ম হইতে অভিন্ন হইলেও ব্রহ্ম জীবাধিক; সৃষ্টি ব্রহ্মের “দিব্যমায়াবিনোদ”; বীজাস্কুর গ্রায়ের গ্রায় জীব, জীবের কর্ম, সৃষ্টি-প্রবাহ অনাদি; উপাধিতে অভিমানী জীবেরই সংসারে গতাগতি; অবিজ্ঞা এই অভিমান সৃষ্টি করে; বিজ্ঞা ইহা নাশ করে; বিজ্ঞা অবিজ্ঞা উভয়ই ব্রহ্মশক্তি; জীব ব্রহ্মাংশ— ব্রহ্মের তটস্থ শক্ত্যাংশ; শোক, হর্ষ, ভয়, দুঃখ প্রভৃতি অহংকারের; অহংকার চিদচিন্ময়—ইহাই হৃদয়গ্রন্থি; অহংকারের কার্য, ইহার উপকারিতা, এবং ইহা হইতে মুক্ত হইবার উপায়; অন্তঃকরণ

চিত্ত, মন, বুদ্ধি, অহংকার—প্রত্যেকের
ক্রিয়া ; শ্রীভগবচ্চরণে ভক্তিই আত্মজ্ঞান
লাভের উপায়, আত্ম উপাধিতে অবতরণ
করেন কেন ? দুই প্রকারে আলোচনা—
(১) ব্রহ্মকোটি হইতে, (২) জীবকোটি
হইতে ; বালিকার পুতুল বাক্সের দৃষ্টান্ত ;
জীবের কর্মই সৃষ্টি বৈচিত্র্যের কারণ ;
কর্মবাদ প্রারম্ভ ও অনারম্ভ ; অনারম্ভ কর্ম
দ্বিবিধ—সঞ্চিত ও ক্রিয়মান ; জন্মান্তরবাদ
ও কর্মবাদ পরস্পর ঘনিষ্ঠ সম্বন্ধে সম্বন্ধ ;
পূর্বজন্ম কাহার ? জীবাত্মা কি ? কর্ম-
ধ্বংসই পুনর্জন্ম নিবারণের উপায় ;
শ্রীভগবানে সর্বকর্ম সমর্পণই কর্মধ্বংসের
প্রকৃষ্টপন্থা ; ভগবদিচ্ছাই জীবের সৃষ্ট কর্মের
প্রবোধক ; কর্মমাত্রই বহির্জগতে অভিব্যক্ত
অন্তর্জগতের ক্রিয়া ; কর্মমাত্রই গুণ-
সম্মত—প্রকৃতির ব্যাপার—স্বতরাং জড় ;
কর্ম স্বতঃ ভাল বা মন্দ নহে, কর্তার কর্তৃত্ব-
বুদ্ধি উহাতে ভালমন্দ ভাব আরোপ করে ;
কর্মের স্বতঃ বন্ধন করিবার শক্তি নাই ;
কর্মে আসক্তিবশতঃ কর্তৃত্ব ও মমত্ব বুদ্ধি
বন্ধন সৃজন করে ; উহা আগন্তুক মাত্র—
কর্তার দ্বারা সৃষ্ট ; উপাধিতে আত্মার
অধ্যাস সাময়িক মাত্র, উহা দ্বারা শুদ্ধ-
জীবে কোন প্রকার লেপ স্পর্শ করে না ;
স্বতরাং “হিতাকরণ” ও “অহিতাকরণ”
আপত্তির কোন হেতু নাই ।

১১।৪৬ উপসংহারদর্শনাধিকরণ :—

৮১০-৮১২

২৫।১৬৪ উপসংহার-দর্শনাম্বৈতি চেৎ,

ন কীরবদ্ধি ।

২

১০. ২৫

৮১০

ব্রহ্মের অচিন্ত্য শক্তির কারণ কিছুই
অসম্ভব নহে ।

২৬।১৬৫ দেবাদিবদপি লোকে ॥

২

১

২৬ ৮১১-৮১২

১২।৪৭ কুৎসপ্রসক্ত্যাধিকরণ :—

৮১৩-৮২৫

২৭।১৬৬ কুৎসপ্রসক্তি নিরবয়বদ্বশককোপোবা ॥

২

১

২৭ ৮১৩

২৮।১৬৭ শ্রুতেস্ত শকমূলত্বাৎ ॥

২

১

২৮ ৮১৪-৮১৬

ব্রহ্ম ভিন্ন বস্তুস্তর না থাকায় বিরোধ তাঁহার
আশ্রয়েই থাকিবে; সমুদায় বিরোধের
পর্যাবসান তাঁহাতেই—

২৯।১৬৮ আত্মনি চৈবং বিচিত্রাশ্চ হি ॥

২

১

২৯ ৮১৭

৩০।১৬৯ স্বপকদোষাচ্চ ॥

২

১

৩০ ৮১৮

৩১।১৭০ সর্কোপেতা চ তদর্শনাৎ ॥

২

১

৩১ ৮১৯-৮২০

৩২।১৭১ বিকরণদ্বায়েতি চেৎ, তদুক্তম্ ॥

২

১

৩২ ৮২১-৮২৫

নিরবয়ব ভগবান ভক্তানুগ্রহের জন্য শরীর
ধারণ করিলেও তাঁহার শরীর প্রাকৃত
শরীর নহে; তাঁহার সমুদায় অঙ্গ প্রত্যঙ্গ
সমুদায় ইন্দ্রিয় বৃত্তিতে অনুপ্রাণিত, ভগবান
মানব যুক্তিদারী হইলে স্বরূপ বিচ্যুত হন
না; মানব বৃত্তিতে প্রকটকালে ত্রীকৃষ্ণ
ঐশীশক্তি আশ্রয় করেন নাই; তবে
অস্তরঙ্গ ভক্তগণের নিকট আপনার স্বরূপ
লুকাইতে পারেন নাই ।

১৩।৪৮ প্রয়োজনবদ্ধাধিকরণ :—

৮২৬-৮৩০

৩৩।১৭২ ন প্রয়োজনবদ্ধাৎ ॥

২

১

৩৩ ৮২৬-

		অধ্যায়	পাদ	সূত্র	পৃষ্ঠা
৩৪।১৭৩	লোকবন্তু লীলাকৈবল্যম্ ॥ জগৎ সৃষ্টাদি ভগবানের অচিন্ত্য শক্তি বিকাশে হয় ; কেন হয়, ইহা যুক্তি তর্কে প্রতিষ্ঠা করা অসম্ভব ; তদ্ব্যতঃ বিশ্বের সৃষ্টাদিতে ঈশ্বরের কর্তৃত্ব নাই ; উহা তঁাহার মায়া বা একের বহু হইবার সংকল্প দ্বারাই প্রকটিত হয় ।	২	১	৩৪	৮২৬-৮৩০
১৪।৪৯	বৈষম্যনৈঘর্গ্যাধিকরণ :—				৮৩১-৮৩৮
৩৫।১৭৪	বৈষম্য-নিঘর্গ্যে ন সাপেক্ষত্বাৎ, তথাহি দর্শয়তি ॥ জীবের কর্মই সৃষ্টিবৈচিত্র্যের কারণ ; ভগবানের কেহ প্রিয় বা অপ্রিয় নাই ; তিনি কল্পতরুস্বভাব , ভক্তবৎসল হইলেও তঁাহাতে বৈষম্য-নৈঘর্গ্য স্পর্শে না ।	২	১	৩৫	৮৩১-৮৩৩
৩৬।১৭৫	ন কর্মাবিভাগাদিতি চেন্নানাদিত্বাৎ ॥ জীব, জীবের কর্ম, সৃষ্টি অনাদি বলিয়া আদিতে কর্ম কোথা হইতে আসিল সে প্রশ্নের অবসর নাই ।	২	১	৩৬	৮৩৪-৮৩৫
৩৭।১৭৬	উপপত্ততে চাপ্যুপলভ্যতে চ ॥ দ্রব্য, কর্ম, কাল, স্বভাব, জীব সমুদায় ব্রহ্ম হইতে অভিন্ন ।	২	১	৩৭	৮৩৫-৮৩৬
৩৮।১৭৭	সর্বধর্মোপপত্তেশ্চ ॥ সমুদায় ধর্মের উপপত্তি ব্রহ্মে ।	২	১	৩৮	৮৩৭-৮৩৮

দ্বিতীয় অধ্যায়—দ্বিতীয় পাদ

	অধ্যায় পাদ সূত্র			পৃষ্ঠা
১।৫০	রচনানুপপত্ত্যধিকরণ :—			৮৩৯-৮৭৩
১।১৭৮	২	২	১	৮৪১-৮৪৫
	রচনানুপপত্ত্যেচ্চ নানুমানম্ ॥ প্রধান অচেতন বিধায় তদ্বারা জগদ্রচনা উপপন্ন হয় না; লৌকিক দৃষ্টান্তে ইহা বুদ্ধিবান প্রয়াস; প্রকৃতি ব্রহ্মাতিরিক্ত পৃথক পদার্থ নহে; ব্রহ্মই দ্বিধা বিভক্ত হইয়া পুরুষ ও প্রকৃতিরূপে প্রকটিত হন।			
২।১৭৯	২	২	২	৮৪৫-৮৪৬
	প্রবৃত্ত্যেচ্চ ॥ ব্রহ্মের ইচ্ছা দ্বারাই প্রকৃতির সৃষ্টিপ্রবৃত্তি উদ্বোধিত হয়।			
৩।১৮০	২	২	৩	৮৪৭
	পয়োহম্বুবচ্চেৎ তত্রাপি ॥ চেতনের প্রেরণায় দুগ্ধ জল প্রভৃতি অচেতন কার্যশীল হইয়া থাকে।			
৪।১৮১	২	২	৪	৮৪৮-৮৪৯
	ব্যতিরেকানবন্ধিত্তেচ্চানপেক্ষত্বাৎ ॥ জগদ্রচনায় প্রধান অনপেক্ষ হওয়ার প্রলয় অসম্ভব; কিন্তু সাংখ্য প্রলয় স্বীকার করেন।			
৫।১৮২	২	২	৫	৮৫০-৮৫১
	অন্যত্রাত্তাবাচ্চ ন তৃণাদিবৎ ॥ পরমেশ্বরের নিয়মেই গাভী তৃণাদি ভক্ষণে দুগ্ধবতী হয়।			
৬।১৮৩	২	২	৬	৮৫২-৮৫৩
	অভ্যুপগমেহপ্যর্থাত্তাবাৎ ॥ সাংখ্যমতে প্রধানের জগৎ সৃষ্টির প্রয়োজন সিদ্ধ হয় না।			
৭।১৮৪	২	২	৭	৮৫৪-৮৫৫
	পুরুষান্ধবদিত্তি চেৎ, তত্রাপি ॥			
৮।১৮৫	২	২	৮	৮৫৬
	অভিহানুপপত্ত্যেচ্চ ॥ সাংখ্যমতে সত্ত্বাদি গুণত্রয়ের প্রধানাপ্রধান ভাব উপপন্ন হইতে পারে না।			

	অধ্যায়	পাদ	সূত্র	পৃষ্ঠা
২।১৮৬	অন্তর্থাৎসুখিতৌ চ	জ্ঞ-শক্তি		
	বিয়োগাৎ ॥		২	২
	প্রধানের জ্ঞান শক্তি না থাকায় অন্ত		২	২
	প্রকার অনুমানও উপপন্ন হয় না ।		২	২
১০।১৮৭	বিপ্রতিবেধাচ্চাসমঞ্জসম্ ॥		২	২
	পরস্পর বিরুদ্ধার্থ প্রতিপাদন করায় সাংখ্য-		১০	১০
	দর্শন অসামঞ্জস্যপূর্ণ; সাংখ্য প্রবচনসূত্র		১০	১০
	অপেক্ষা সাংখ্যকারিকা প্রাচীন ও		১০	১০
	প্রামাণ্য; সাংখ্য ও বেদান্তের প্রতিপাত্ত		১০	১০
	বিষয়; সাংখ্য ও বেদান্ত উভয়ে উভয়ের		১০	১০
	পরিপূরক—সোপানের নিম্ন ও উচ্চস্তর;		১০	১০
	সাংখ্য পরিদৃশ্যমান বিশ্বের ব্যাপার-		১০	১০
	পরম্পরা হইতে যতদূর সম্ভব সহজে		১০	১০
	ত্রিবিধ তাপের মূল ও তাহাদের		১০	১০
	আত্যন্তিক নিবৃত্তির উপায় অন্বেষণ		১০	১০
	করিয়াছেন; সাংখ্যকারিকা, তত্ত্বসমাস,		১০	১০
	পঞ্চশিখ সূত্র প্রভৃতি প্রাচীন সাংখ্যশাস্ত্র		১০	১০
	ঈশ্বর সম্বন্ধে নীরব; প্রাচীন সাংখ্যে ও		১০	১০
	বেদান্তে আত্যন্তিক বিরোধ নাই; তবে		১০	১০
	সূত্রকার সাংখ্যের বিরুদ্ধে তীব্র প্রতিবাদ		১০	১০
	করিলেন কেন? পাশ্চাত্য পণ্ডিতগণের		১০	১০
	মতে—ব্রহ্মসূত্র রচনার বহু পরে সাংখ্য-		১০	১০
	কারিকা এবং তাহার বহু পরে		১০	১০
	সাংখ্য-প্রবচন সূত্র রচিত হইয়াছিল;		১০	১০
	শ্রীমদ্ভাগবতের রচনাকাল ।		১০	১০
১।৫১	মহদীর্ঘাধিকরণ :—			৮৭৪-৮৮৮
১।১৮৮	মহদীর্ঘবদ্ বা হ্রস্ব-পরিমণ্ডলাভ্যাম্ ॥		২	২
	বৈশেষিক দর্শন সম্বন্ধে সংক্ষেপ আলোচনা;		১১	১১
	বৈশেষিক অসংকার্যবাদী; পদার্থ ছয়		১১	১১

প্রকার—দ্রব্য, গুণ, কর্ম, সামান্য, বিশেষ ও সমবায়; পরমাণু চারিপ্রকার—ক্ৰিতি, অপ, ভেজঃ, বায়ু; পরমাণু—নিরবয়ব, অবিভাজ্য, নিত্য, বহিরন্তর-রহিত এবং স্থানাবরোধকতাশূন্য; সৃষ্টির সময় পরমাণু পরিম্পন্দিত হয়—উহা জীবাদৃষ্টবশতঃ হইয়া থাকে; বৈশেষিক ঈশ্বর সম্বন্ধে নীরব; পরবর্তী বৈশেষিকগণ ঈশ্বরাস্তিত্ব স্বীকার করেন; দুইটি পরমাণু দ্ব্যণুক, তিনটি ত্র্যণুক, চারিটি চতুরণুক সৃষ্টি করে; পরমাণুর পরিমাণকে পারিমাণুল্য, দ্ব্যণুকের পরিমাণকে হ্রস্ব, ত্র্যণুকের পরিমাণকে মহৎ ও চতুরণুকের পরিমাণকে দীর্ঘ বলে।

১২।১৮৯	উত্তরথাপি ন কর্মাত্তদভাবঃ ॥	২	২	১২	৮৭৫-৮৭৬
	বেদান্ত পরমাণুর অস্তিত্ব অস্বীকার করেন না; 'জীবাদৃষ্ট পরমাণুর পরিম্পন্দনের হেতু' এই মতের বিরুদ্ধে বেদান্তের আপত্তি; ভগবদিচ্ছাই সৃষ্টির মূল কারণ—জীবাদৃষ্ট উহার উদ্বোধক নহে; পরমাণু হইতে স্থূল প্রপঞ্চ পর্য্যন্ত সমুদায় বস্তুতে পরমাণু অনুস্থিত আছেন।				
১৩।১২০	সমবায়াদ্যুপগমাচ্চ সাম্যাদনবস্থিত্তেঃ ॥	২	২	১৩	৮৭৬
১৪।১২১	নিত্যমেব চ ভাবাৎ ॥ সমবায়-সম্বন্ধে নিত্য বলিলে সৃষ্টিও নিত্য হইবে।	২	২	১৪	৮৭৭
১৫।১২২	রূপাদিমত্বাচ্চ বিপর্যয়ো দর্শনাৎ ॥	২	২	১৫	৮৭৮
১৬।১২৩	উত্তরথা চ দোষাৎ ॥	২	২	১৬	৮৭৮
১৭।১২৪	অপরিগ্রহাচ্চাত্তমনপেক্ষা ॥ বৌদ্ধ মত সম্বন্ধে সংক্ষেপ আলোচনা; “বুদ্ধ” অর্থে জানী—ইহা কাহারও নাম	২	২	১৭	৮৭৯-৮৮৮

নহে, উপাধি ; গৌতম বুদ্ধের জন্ম ও
পরিনির্বাণ ; উহার প্রচারিত মত
উপনিষদের শিক্ষার একদেশের উপর
প্রতিষ্ঠিত ; তিনি বেদের নিত্যত্ব,
অপৌকষেয়ত্ব ও অভ্রাস্তত্ব স্বীকার করেন
না ; তিনি ২৫তম বুদ্ধ ছিলেন ও পূর্বতন
বুদ্ধগণের পস্থা অনুসরণ করিয়াছিলেন ;
তাঁহার মৃত্যুর অত্যল্পকাল পরে অজ্ঞাত-
শত্রুর রাজত্বকালে রাজগৃহে প্রথম বৌদ্ধ
সঙ্গীতির অধিবেশন ; ইহার শতাধিক
বা দ্বিশতাধিক বৎসর পরে বৈশালীতে
দ্বিতীয় সঙ্গীতির অধিবেশন ; অশোকের
রাজত্বকালে খৃঃ পূর্ব ২৫০ অব্দে পাটলীপুত্রে
তৃতীয় বৌদ্ধ সঙ্গীতি ; কণিষ্কের রাজত্ব-
কালে খৃষ্টীয় প্রথম শতাব্দীতে জলন্ধরে
শেষ বৌদ্ধ সঙ্গীতি ।

বৌদ্ধগণ প্রধানতঃ “হীনায়ন” ও “মহায়ন”
নামে দুই সম্প্রদায়ে বিভক্ত ; “হীনায়ন”গণ
“বৈভাষিক” ও “সৌত্রান্তিক” ভেদে দুই
সম্প্রদায়ে এবং “মহায়নগণ” “যোগাচার” ও
“মাধ্যমিক” ভেদে দুই সম্প্রদায়ে বিভক্ত ;
বৌদ্ধমতে অবিজ্ঞা, সংস্কার প্রভৃতি অষ্টাদশ
প্রকার পদার্থ ; বৈভাষিক, সৌত্রান্তিক,
যোগাচার ও মাধ্যমিকগণের মতবাদ ;
প্রথমোক্ত তিন সম্প্রদায় কণিকবাদী,
চতুর্থ সম্প্রদায় সর্বশূন্যবাদী ; ব্রহ্মসূত্র
রচনার সময় উক্ত সম্প্রদায়গণ উক্ত
নামে প্রচলিত না থাকিলেও, উহাদের
মতবাদ বৌদ্ধগণের মধ্যে প্রচলিত
থাকায় তাহাদের নিরসনের জন্ত সূত্র

রচিত হইয়াছিল, ভাষ্যকারগণ পরে নিজ নিজ সময়ে প্রচলিত সম্প্রদায়গণের নামের সহিত উহাদের যোজনা করিয়া দিয়াছেন; ব্রহ্মসূত্রের উক্ত শ্লোকগুলি প্রক্ষিপ্ত নহে।

৩।৫২	সমুদায়াদিকরণঃ—			৮৮৯-৯০৩
১৮।১২৫	সমুদায় উভয়হেতুকেইপি উদপ্রাপ্তিঃ ॥	২	২	১৮ ৮৮৯
১৯।১২৬	ইত্তরেত্তর প্রত্যয়দ্বাত্তপপন্নমিতি চেৎ, ন, সংঘাতভাবানিমিত্ত্বাৎ ॥	২	২	১৯ ৮৯০-৮৯১
	বৌদ্ধমতে স্থির আশ্রয় না থাকায় সংঘাত উপপন্ন হয় না ॥			
২০।১২৭	উত্তরোৎপাদে চ পূর্বনিরোধাৎ ॥	২	২	২০ ৮৯২
২১।১২৮	অসতি প্রতিজ্ঞোপরোধো যৌগপত্ত- মশ্রুধা ॥	২	২	২১ ৮৯৩
	বিনা কারণে কার্যোৎপত্তি স্বীকার করিলে সকল স্থানে, সকল সময়ে, সকল কার্য উৎপন্ন হইবার সম্ভাবনা আসিয়া পড়ে; পূর্বকণ উত্তরকণের উৎপত্তি পর্যাস্ত অবস্থান করে মানিলে, কারণ ও কার্যের যৌগপত্ত মানিতে হয়, তাহাতে প্রতিজ্ঞা হানি হয়।			
২২।১২৯	প্রতিসংখ্যা২প্রতিসংখ্যা- নিরোধাপ্রাপ্তিরবিচ্ছেদাৎ ॥	২	২	২২ ৮৯৪-৮৯৫
	নিরুদ্ধ ধ্বংস দেখা যায় না; কণিক কারণ-কার্য-শৃঙ্খলের বিত্তমানতায় সম্পূর্ণ নিরোধ বা ধ্বংস হইতে পারে না।			
২৩।২০০	উভয়থা চ দোষাৎ ॥	২	২	২৩ ৮৯৬
২৪।২০১	আকাশে চাবিশেষাৎ ॥	২	২	২৪ ৮৯৭
	আকাশে অভাব বা নিরূপাধ্যতা বা তুচ্ছতা বুদ্ধিবুদ্ধ নহে; আকাশ—প্রাণাতাব,			

সংসার, অত্যন্তাভাব বা অগোষ্ঠাভাব—
কোনও প্রকার অভাবের অন্তর্ভুক্ত নহে।

- ২৫।২০২ **অনুস্মৃতেশ্চ ॥** ২ ২ ২৫ ৮২৮-২০০
বস্তু উপলব্ধি একজন করিল, অপরে
তাহার স্মরণ করিল, ইহা অসম্ভব; স্থায়ী
সন্তান স্বীকার করিলে পক্ষান্তরে স্থির
আত্মাই স্বীকার করা হইল; বস্তু যদি
ক্লেবে উৎপত্তি ও ক্লেবে বিনাশ হয়.
তাহা হইলে উহা প্রত্যক্ষ হইতে
পারে না।
- ২৬।২০৩ **নাসতোহদৃষ্টত্বাৎ ॥** ২ ২ ২৬ ২০১
অভাব হইতে ভাব পদার্থের উদ্ভব কোথাও
হয় না; অভাবের কোন বিশেষ নাই—
সমুদায় অভাবই এক প্রকার।
- ২৭।২০৪ **উদাসীনানাংপি চৈবং সিদ্ধিঃ ॥** ২ ২ ২৭ ২০২-২০৩
অভাব হইতে ভাবের উৎপত্তি হইলে
অভীষ্টসিদ্ধির জগু চেষ্টা নিস্প্রয়োজন।
- ৪।৫৩ **উপলক্ষ্যধিকরণঃ—** ২০৪-২১০
- ২৮।২০৫ **নাশাব উপলক্ষেঃ ॥** ২ ২ ২৮ ২০৪-২০৫
বিজ্ঞানবাদী যোগাচার মতের আলোচনা।
জ্ঞানাত্মিক জ্ঞেয় পদার্থের বিঘ্নমানতা
প্রত্যক্ষসিদ্ধ, জ্ঞান ও জ্ঞেয়ের সহোপলব্ধি—
অভেদমূলক নহে—উপায়োপেয় মূলক;
নিরন্তর বিনাশশীল জ্ঞানের অনুগত স্থির-
তর কিছু না থাকায় বাসনার অস্তিত্ব
উপপন্ন হয় না।
- ২৯।২০৬ **বৈধর্ম্যাচ্চ ন স্বপ্নাদিবৎ ॥** ২ ২ ২৯ ২০৫-২০৬
আগ্রৎকালের জ্ঞান স্বপ্ন জ্ঞানের গায়
নিরালম্বন নহে।

	অধ্যায়	পাদ	শ্লোক	পৃষ্ঠা
৩০।২০৭	ম	থাবোহনুপলক্ষেঃ ॥	২ ২	৩০ ২০৭-২০৮
		স্বাপ্ন জ্ঞানের ভিত্তি জাগ্রৎ জ্ঞানের উপর ।		
৩১।২০৮	ক	কণিকত্বাচ্চ ॥	২ ২	৩১ ২০৮-২১০
৫।৫৪	স	সর্বধানুপপত্ত্যধিকরণ :—		২১১-২৩০
৩২।২০৯	স	সর্বধানুপপত্ত্যধিকরণ ॥	২ ২	৩২ ২১১-২৩০
		মাধ্যমিক বৌদ্ধের সর্বশূন্যবাদ বিচার ; শূন্য—ভাবপদার্থ নহে, অভাব পদার্থও নহে, ভাবাভাব পদার্থও নহে ; শঙ্করাচার্য্য প্রতিষ্ঠিত মত বৈষ্ণব সমাজে প্রচ্ছন্ন বৌদ্ধমত বলিয়া কথিত কেন ? বৌদ্ধমত ও শঙ্করমতের সমালোচনা ; প্রপঞ্চ-জগৎ প্রবহমান পরিবর্তন-শ্রোতের উপর ভাসমান ; বুদ্ধদেবের উপদেশসকলের আংশিক গ্রহণে বৈভাষিক প্রভৃতি চারিটি বৌদ্ধ সম্প্রদায়ের উৎপত্তি ; উক্ত সম্প্রদায়সকল একই সোপানের নিম্ন হইতে উচ্চ, উচ্চতর ধাপ ; নাগার্জ্জুন বুদ্ধদেবের পরিনির্বাণের ৪০০ বৎসর পরে আবিষ্কৃত হন ; তিনি একজনপ্রগাঢ় চিন্তাশীল দার্শনিক পণ্ডিত— মাধ্যমিক। সূত্রের প্রণেতা ; নাগার্জ্জুনের শূন্যবাদ, তাঁহার মতে “শূন্য” ভাবপদার্থ ; শূন্যবাদের মূল ভিত্তি ঋগ্বেদের নাসদীয় সূক্তে ; নাগার্জ্জুনের “শূন্য” শব্দের স্থলে “ব্রহ্ম” শব্দ রসাইলেই শঙ্করাচার্য্যের অদ্বৈতবাদ প্রতিষ্ঠিত হইয়া পড়ে ; এই জগৎ শঙ্করাচার্য্যকে “প্রচ্ছন্ন বৌদ্ধ” বলিয়া অন্য হিন্দু সম্প্রদায়ের আচার্য্যগণ আখ্যাত করেন ; মহোপনিষদে ব্রহ্মতত্ত্ব উপদেশ		

উপলক্ষ্যে “শূন্য” শব্দ একাধিক স্থলে ব্যবহৃত হইয়াছে ; লৌকিক দৃষ্টান্তে শূন্যত্ব বৃষ্টিবার প্রয়াস , বৌদ্ধের “শূন্য” বেদান্তের কূটস্থ—কেবল শেষেরটি ভাবাত্মক ।

জৈনমতের সংক্ষেপ সমালোচনা ।
ঋষভদেব আদি জিন বা তীর্থঙ্কর ; তাঁহার পর ২৪-তম তীর্থঙ্কর বর্দ্ধমান বা মহাবীর ; তিনি বুদ্ধদেবের জীবিত কালে বর্দ্ধমান ছিলেন ; বর্দ্ধমান তাঁহার পূর্বতন তীর্থঙ্কর-গণের প্রতিষ্ঠিত ধর্মমতই প্রচার করেন ; খৃষ্ট-পূর্ব চতুর্থ শতাব্দীতে পাটলীপুত্র নগরে একটি সমিতি আহূত হয় ; তাহাতে তীর্থঙ্করগণের উপদেশসমূহ সংগৃহীত হয় ; পরে খৃষ্টীয় ৪৫৪ অব্দে বল্লভীতে শেষ সমিতির অধিবেশনে ইহা সংশোধিত হয় ; জৈনমত উল্লেখ ; জৈনমতে চেতনাজীবের স্বরূপ ; জৈনের “সপ্তভঙ্গী” শ্রায় ; পুঙ্গুগণের সহিত জীবের যোগই সংসার ; জৈনমতে ব্যবহারিক জ্ঞান মাত্রই আপেক্ষিক ; জৈনমতে পরমার্থ সত্য বা জগৎ-কর্তা ঈশ্বর নাই ; আপেক্ষিক সত্য বলিলে একটা পরমার্থ সত্যের আকাঙ্ক্ষা স্বতঃই উদয় হয় ; পরবর্তী জৈন দার্শনিকগণ ইহা কতক বৃষ্টিয়াছিলেন । •

৬।৫৫ একস্মিন্নসম্ভবাধিকরণ :—

৯৩১-৯৩৫

৩৩।২১০ নৈকস্মিন্নসম্ভবাৎ ॥

২ ২ ৩৩ ১৩১

এককালে একপদার্থে যুগপৎ বিকল্প ধর্মের সমাবেশ অসম্ভব ।

	অধ্যায়	পাদ	শ্লোক	পৃষ্ঠা	
৩৪।২১১	এবঞ্চাঙ্ঘ্রাকাৎস্ম্যম্ ॥	২	২	৩৪	২৩২
৩৫।২১২	ন চ পর্যায়াদপ্যবিরোধো- বিকারাদিত্যঃ ॥	২	২	৩৫	২৩৩-২৩৪
৩৬।২১৩	অন্ত্যাবস্থিতেশ্চোন্তয়- মিত্যত্বাদবিশেষঃ ॥	২	২	৩৬	২৩৪-২৩৫
৭।৫৬	পশুপত্যধিকরণঃ—				২৩৬-২৪২
৩৭।২১৪	পত্য়রসামঞ্জস্যাত্ ॥	২	২	৩৭	২৩৬
৩৮।২১৫	সম্বন্ধানুপপত্তেশ্চ ॥	২	২	৩৮	২৩৭
৩৯।২১৬	অধিষ্ঠানানুপপত্তেশ্চ ॥	২	২	৩৯	২৩৮
৪০।২১৭	কারণবচেষু ভোগাদিত্যঃ ॥	২	২	৪০	২৩৯
৪১।২১৮	অন্তবহ্নমসর্বজ্ঞতা বা ॥	২	২	৪১	২৩৯-২৪২
৮।৫৭	উৎপত্ত্যসম্ভবাধিকরণঃ—				২৪৩-২৪৪
৪২।২১৯	উৎপত্ত্যসম্ভবাৎ ॥	২	২	৪২	২৪৩
৪৩।২২০	ন চ কর্তুঃ করণম্ ॥	২	২	৪৩	২৪৩
৪৪।২২১	বিজ্ঞানাদিত্যাবে বা তদপ্রতিষেধঃ ।	২	২	৪৪	২৪৪
৪৫।২২২	বিপ্রতিষেধাচ্চ ॥	২	২	৪৫	২৪৪

দ্বিতীয় অধ্যায়—তৃতীয় পাদ

		অধ্যায়	পাদ	সূত্র	পৃষ্ঠা
১।৫৮	বিয়দধিকরণ :—				২৪৮-২৬৪
১।২২৩	ন বিয়দশ্রুতেঃ ॥	২	৩	১	২৪৮-২৪৯
২।২২৪	অস্তি তু ॥	২	৩	২	২৫০-২৫১
৩।২২৫	গৌণ্যসম্ভবাৎ ॥	২	৩	৩	২৫১-২৫২
৪।২২৬	শব্দাচ্চ ॥	২	৩	৪	২৫২
৫।২২৭	স্মৃষ্টৈকশ্চ ব্রহ্মশব্দবৎ ॥	২	৩	৫	২৫৩
৬।২২৮	প্রতিজ্ঞাহানিরব্যতিরেকাৎ শব্দেভ্যঃ ॥	২	৩	৬	২৫৪-২৫৫
	ব্রহ্ম হইতে আকাশের উৎপত্তি অঙ্গীকার করিলে এক বিজ্ঞানে সর্ববিজ্ঞান প্রতিজ্ঞা সিদ্ধ হয় ; শ্রুতিতে “ইদং” “ইদং সর্বম্” ইত্যাদিতে আকাশ অব্যতিরেক রূপে ব্যবহৃত হইয়াছে ।				
৭।২২৯	যাবদ্বিকারস্ত বিভাগো লোকবৎ ॥	২	৩	৭	২৫৬-২৫৮
	পরিদৃশ্যমান সমস্তই ব্রহ্মাত্মক বিধায় আকাশ ও ব্রহ্মাত্মক ; সৃষ্টির পূর্বে স্থূল ভূত সকলের ন্যায় আকাশ ও বিদ্যমান ছিল না ; পরব্রহ্মের অচিন্ত্য শক্তি প্রভাবে অণু উপকরণ ব্যতিরেকে প্রপঞ্চের উৎপত্তি ; একমাত্র ব্রহ্মই প্রপঞ্চে বিদ্যমান, ভিন্ন ভিন্ন প্রতীতি তাঁহার বিভূতির বিকাশ মাত্র ।				
৮।২৩০	এতেন মাতরিখা ব্যাখ্যাতঃ ॥	২	৩	৮	২৫৯-২৬০
৯।২৩১	অসম্ভবস্ত সতোহনুপপত্তেঃ ॥	২	৩	৯	২৬১-২৬৪
	ব্রহ্মের উৎপত্তি নাই, তিনি নিত্য ; “সৎ” শব্দের অর্থ পরম কারণ বা ব্রহ্ম, যাহার সত্যায় সমুদায় সত্যাবান ।				

২।৫৯	ভেজোহধিকরণ :—			২৬৫-২৮৭
১০।২৩২	ভেজোহতুস্তথাহা ॥	২	৩	১০ ২৬৫-২৬৬
১১।২৩৩	আপঃ ॥	২	৩	১১ ২৬৭
১২।২৩৪	পৃথিবী ॥	২	৩	১২ ২৬৮
১৩।২৩৫	অধিকার-রূপ-শব্দান্তরেভ্যঃ ॥ প্রসঙ্গ, রূপ বা বর্ণ ও অন্তর্ভুক্তি হইতে অন্ন—পৃথিবী বটে ।	২	৩	১৩ ২৬৯-২৭০
১৪।২৩৬	ভদ্রভিখ্যানাদেব তু ভল্লিজাৎ সঃ ॥ ব্রহ্মের সংকল্প মাত্রেই সৃষ্টি, সূত্ররাং ব্রহ্মই মুখ্য কারণ ; অচেতন ভূতের এমন শক্তি নাই যে তাহা বিকার বা ভূতান্তর উৎ- পাদন করে ; ভগবানই বিশ্ব, তিনি আপনি, আপনার দ্বারা, আপনাত্তে, আপনাকে সৃজন, পালন ও সংহার করেন ।	২	৩	১৪ ২৭১-২৭৩
১৫।২৩৭	বিপর্যয়েণ তু ক্রমোহত উপপত্ততে চ ॥ প্রলয়ের ক্রম সৃষ্টি ক্রমের বিপরীত ।	২	৩	১৫ ২৭৪-২৭৬
১৬।২৩৮	অন্তরা বিজ্ঞান-মনসী ক্রমেণ ভল্লিজাদিতি চেৎ, নাবিশেষাৎ ॥ প্রাণ, মন, ইন্দ্রিয়গণ ভৌতিক, সূত্ররাং উহাদের সৃষ্টির পৃথক্ অহুল্লেক্য বিরোধের কারণ নহে ; ইন্দ্রিয়, উহার অধিষ্ঠাতা ও বিষয় পরস্পর পরস্পরকে অপেক্ষা করে ; ভগবানই ভূত, ইন্দ্রিয়, তন্মাত্র, প্রাণ, বুদ্ধি, মন ও আশয় স্বরূপ ; ব্রহ্ম যখন সর্বময়, তখন সৃষ্টিক্রমের উক্তি, অহুক্তি বা বিপরীত উক্তি বিরোধের বা তৎকনিত আপত্তির কারণ হইতে পারে না ।	২	৩	১৬ ২৭৭-২৭৯

১৭।২৩২ চরাচরব্যপাশ্রয়স্ত স্তাস্তব্যপদেশো

ভাস্তস্তদ্ভাবভাবিত্বাৎ ॥

২ ৩ ১৭ ২৮০-২৮৭

চরাচরে সমুদায় শব্দ মুখ্যরূপে ব্রহ্মেরই বাচক, গৌণরূপে তত্ত্বং পদার্থের বাচক ; উক্ত বস্তুজাতের নাম ব্যবহারিক ভাবে উহাদের বাচক হইলেও উহারা মুখ্যতঃ ব্রহ্মেরই বাচক ও ব্রহ্মের শক্তিই সমুদায় প্রপঞ্চ জাত বস্তুকে তত্ত্বং আকারে আকারিত করিয়া রাখিয়াছে ; ঐ সকল নাম উচ্চারণের সঙ্গে সঙ্গে ব্রহ্মভাব হৃদয়ে জাগরুক করানই সমুদায় সাধনার উদ্দেশ্য ; যদি শব্দ মাত্রই ব্রহ্মের বাচক, তবে তাঁহাকে কি নামে কীর্তন করা প্রয়োজন ? যে নামের উচ্চারণে হৃদয়ে নামীর ভাব বা ব্রহ্ম ভাব উদয় হয় তাহাই কীর্তনীয় ; গুরুই শিষ্যের অধিকারানুসারে এই নাম বাছিয়াদেন ।

৩।৬০ আত্মাধিকরণ :—

২৮৮-২৯৩

২৮।২৪০ আত্মা শ্রুতের্নিত্যত্বাচ্চ ভাস্ত্যঃ ॥

২ ৩ ১৮ ২৮৮-২৯৩

আত্মার উৎপত্তি নাই ; জীব অজ্ঞ হইলেও ব্রহ্মশক্তি বিধায় এক বিজ্ঞানে সর্ববিজ্ঞান প্রতিজ্ঞা হানি হয় না ; বিবিধ উপাধিতে উপহিত জীব বিবিধ বর্ণের কাচাবরণের মধ্যে অবস্থিত খেত আলোকের গুণ ; আত্মা স্বরূপতঃ অভিন্ন, ভেদ দর্শনই ভ্রম, এই ভ্রম জ্ঞান স্বরূপ আত্মার আশ্রয়ে থাকে, এইরূপ থাকিবার হেতু ভগবন্মায়ী বা ভগবানের সংকল্প ।

৪।৬।১	জ্যাধিকরণ :—			৯৯৪-১০১৫
১৯।২৪।১	জ্যোতিষ এব ॥	২	৩	১৯ ৯৯৪-৯৯৫
	আত্মা কেবল জ্ঞান স্বরূপ নহে, জ্ঞাতাও বটে ; এইজন্ত জীবের অপর নাম— ক্ষেত্রজ্ঞ ।			
২০।২৪।২	উৎক্রান্তি-গত্যাগতীনাং ॥	২	৩	২০ ৯৯৬-৯৯৭
	জীব অণু পরিমাণ, সর্বগত নহে ।			
২১।২৪।৩	স্বাশ্বনা চোস্তুরয়োঃ ॥	২	৩	২১ ৯৯৮-১০০০
২২।২৪।৪	মানুরতচ্ছ্বেতি চেৎ, ন, ইত্তরাধিকারাৎ ॥	২	৩	২২ ১০০০-১০০১
	শ্রুতিতে যেখানে আত্মা মহান্ বলিয়া উক্ত আছে, সেখানে উহা পরমাত্মা বিষয়ক ।			
২৩।২৪।৫	স্বশকোত্তানাভ্যাং ॥	২	৩	২৩ ১০০২
	শ্রুতিতে জীবকে স্পষ্টভাবে অণু বা অল্প পরিমাণ বিশিষ্ট বলিয়া উক্ত আছে ।			
২৪।২৪।৬	অবিরোধশ্চন্দনবৎ ॥	২	৩	২৪ ১০০৩
	দেহের এক দেশবর্তী চন্দন বিন্দুর গন্ধের প্রায় অণু আত্মা সমস্ত দেহগত অনুভূতি ভোগ করেন ।			
২৫।২৪।৭	অবস্থিতবৈশেষ্যাদিত চেন্নাত্যুপগমাদ্ হৃদি হি ॥	২	৩	২৫ ১০০৪-১০০৫
	আত্মার অবস্থিতি হৃদয় দেশে, ইহা শ্রুতিতে কথিত আছে ।			
২৬।২৪।৮	ঔণাখালোকবৎ ॥	২	৩	২৬ ১০০৬-১০০৭

	অধ্যায় পাদ সূত্র	পৃষ্ঠা
২৭।২৪২	ব্যাপ্তিরেকো গন্ধবৎ, তথা চ দর্শয়তি ॥	২ ৩ ২৭ ১০০৮-১০০৯
	আত্মা চিন্ময়, চৈতন্য তাহার আশ্রিত স্বাভাবিক ধর্ম, বস্তুর গুণাদির গ্রায় আগন্তুক গুণ নহে ।	
২৮।২৫০	পৃথগুপদেশাৎ ॥	২ ৩ ২৮ ১০১০
	জ্ঞাতা ও জ্ঞানের পৃথক উপদেশ শ্রুতিতে আছে ।	
২৯।২৫১	তদ্ব্যপদেশঃ প্রোক্তবৎ ॥	২ ৩ ২৯ ১০১১
	বিজ্ঞানই আত্মার সারভূত গুণ, এজন্য আত্মা বিজ্ঞান শব্দে এবং জ্ঞান স্বরূপ শব্দে কথিত হইয়া থাকেন ।	
৩০।২৫২	যাবদাত্মভাবিত্বাচ্চ ন দোষস্তুদর্শনাৎ ॥	২ ৩ ৩০ ১০১২
	জ্ঞান আত্মার নিতা সহচর, এজন্য “জ্ঞান” শব্দে আত্মার ব্যবহার ।	
৩১।২৫৩	পুংস্বাদিবস্তু সতোহভিব্যক্তি- যোগাৎ ॥	২ ৩ ৩১ ১০১৩
	স্বষ্টি অবস্থায় আত্মার জ্ঞান অনভিব্যক্ত থাকে ।	
৩২।২৫৪	নিত্যোপলক্ষ্যনুপলক্ষিপ্রসতোহন্য- ভরনিয়েমো বাণ্যথা ॥	২ ৩ ৩২ ১০১৪-১০১৫
	জ্ঞান স্বরূপ আত্মা সর্বগত হইলে, উপলক্ষি ও অনুপলক্ষির নিয়মের ব্যভিচার সংঘটিত হয় ।	

৫।৬২ কর্তৃধিকরণঃ—

১০১৬-১০৩৩

৩৩।২৫৫ কর্তা শাস্ত্রার্থবত্তাৎ ॥

২ ৩ ৩৩ ১০১৬-১০২৩

জীব কর্তাও বটে, নতুবা শাস্ত্রোপদেশ নিরর্থক হইয়া পড়ে ; জীব তত্ত্বতঃ অকর্তা হইলেও উপাধিতে অভিমান হেতু কর্তা বটে ; কর্তার প্রযত্ন জগৎব্যাপারের অনুকূল হইলেই কর্ম সিদ্ধ হয় ; দৈব ও পুরুষকার ; কর্মসিদ্ধিতে কর্তার প্রচেষ্টা সীমাবদ্ধ ; তৃণক্ষেত্রে বদ্ধ গাভীর দৃষ্টান্ত ; অদৃষ্ট ও স্বাধীন ইচ্ছা বা আত্মার প্রেরণা, ভগবান যখন জীবের নিয়ন্তা, তখন স্বাধীন ইচ্ছার উপপত্তি কি প্রকারে হয় ; উপাধিতে অভিমানী জীবের সীমাবদ্ধ কর্তৃত্ব আছে ; এই কর্তৃত্ব পরিচালনে শাস্ত্রোক্ত বিধিনিষেধের সার্থকতা ।

৩৪।২৫৬ বিহারোপদেশাৎ ॥

২ ৩ ৩৪ ১০২৫

শুণ সম্বন্ধেই দুঃখের উৎপত্তি, শুণ সম্বন্ধ রহিত হইলে দুঃখ নাই ।

৩৫।২৫৭ উপাদানাৎ ॥

২ ৩ ৩৫ ১০২৬

৩৬।২৫৮ ব্যাপদেশাচ্চ ক্রিয়ায়াং ন

চেন্নির্দেশবিপর্যায়ঃ ॥

২ ৩ ৩৬ ১০২৭

বিজ্ঞান শব্দে জীবই বটে, কারণ ঋতিতে বিজ্ঞানকে যজ্ঞকর্তা বলা হইয়াছে ; বুদ্ধি সাধন মাত্র, উহা কর্তা হইতে পারে না ; জীবের ঐকান্তিক স্বাতন্ত্র্য নাই ; পূর্ব পূর্ব জন্মের কৃতকর্ম সকলই স্বাতন্ত্র্য নষ্ট করে ।

৩৭।২৫৯ উপলক্ষিবৃদ্ধিমিয়মঃ ॥

২ ৩ ৩৭ ১০২৮-১০২৯

প্রকৃত কর্তা হইলে নিত্য উপলক্ষি-অনুপ-লক্ষি দোষ উপহিত হয় ।

	অধ্যায় পাদ সূত্র	পৃষ্ঠা
৩৮।২৬০ শক্তি-বিপর্যয়াৎ ॥	২ ৩ ৩৮	১০২২-১০৩০
প্রকৃতি কর্ত্রী হইলে প্রকৃতিই ভোক্তা হইবে, কিন্তু তাহা নহে, সাংখ্য জীবকেই ভোক্তা স্বীকার করেন ।		
৩৯।২৬১ সমাধ্যতাবাচ্চ ॥	২ ৩ ৩৯	১০৩১
প্রকৃতি কর্ত্রী হইলে প্রকৃতিকেই মোক্ষ-সাধক সমাধি আচরণ করিতে হইবে ।		
৪০।২৬২ যথা চ ভক্ষোভয়োধা ॥	২ ৩ ৪০	১০৩২-১০৩৩
প্রকৃতি অচেতন বিধায় ইচ্ছাশক্তির অভাব হেতু কর্ত্রী হইতে পারে না ।		
৬।৬৩ পরায়ত্ত্বাধিকরণঃ—		১০৩৪-১০৪৭
৪১।২৬৩ পরাস্তু ভচ্ছ তেঃ ॥	২ ৩ ৪১	১০৩৪-১০৩৬
জীবের কর্তৃত্ব পরমাত্মা হইতেই সিদ্ধ ।		
৪২।২৬৪ কৃতপ্রযত্নাপেক্ষস্ত বিহিত-প্রতিষিদ্ধা- বৈয়র্থ্যাদিভ্যঃ ॥	২ ৩ ৪২	১০৩৭-১০৪৭
অস্ত্রধামী ভগবান জীবের কর্ম্মানুসারে সমুদায় প্রবর্তিত করেন : ভগবানে ভোগ স্পর্শ করে না, তিনি জীবের প্রযত্নের সাক্ষী মাত্র ; ভগবানের দয়া ও সর্বতো-ভাবে তাঁহার পদাশ্রয় যোগাত্মক ও ঋণাত্মক তড়িতের ন্যায় পরস্পর সাপেক্ষ— পরস্পরের বৃদ্ধির কারণ, ভগবান কল্পতরু-স্বভাব, তাঁহাতে বৈষম্য-নৈস্বর্গ্য নাই, ভগবদ্ প্রাপ্তি কর্ম্মলভ্য নহে, তবে কর্ম্মের সার্থকতা কি ? শাস্ত্রবিরুদ্ধ কর্ম্মানুষ্ঠানে দুঃখ ভোগ অনিবার্য্য ; এই দুঃখ ভগবানের রূপা ক্রোধের পরিচয় ; জীব শত অপরাধে অপরাধী হইলেও ভগবান		

অপরাধ গ্রহণ করেন না, ভগবান যথেষ্ট-
চারে দয়া করেন না—তঁহার দয়া তঁহার
নিয়মানুসারেই হইয়া থাকে ; সেই নিয়ম
পালন দ্বারা উপযুক্ত অধিকারী হইতে
পারিলে তঁহার দয়া জোর করিয়া আদায়
করা যায় ; জীবের কর্তৃত্ব আছে বলিয়াই
স্বর্গস্থ দেবতাগণও নৃদেহ আকাজ্জনা
করেন ; নৃদেহ লাভ হওয়াতেই
ভগবানের দয়া প্রাপ্তি হইয়াছে, মনে
করিয়া শাস্ত্রমত সাধন করা সকলের
কর্তব্য ।

৭।৬৪ অংশাধিকরণ :—

১০৪৮-১০৭৫

৪৩।২৬৫ অংশো মানাব্যপদেশাদন্যথা চাপি

দাশকিত্ববাদিত্বমধীয়ত একে ॥ ২ ৩ ৪৩ ১০৪৮-১০৫৩

জীব ব্রহ্মাংশ বটে, সর্বব্যাপী, নিরবয়ব
ব্রহ্মের অংশ কি প্রকারে সম্ভব হয় ;
অংশ তত্ত্বতঃ নাই, ব্যবহারিক বর্তমান
আছে ; ভেদাভেদ তত্ত্ব ; প্রপঞ্চের
বাহিরের বস্তুতে অংশভাগ প্রযোজ্য
নহে । প্রপঞ্চের অন্তর্গত বস্তুতেই উহা
প্রযোজ্য ।

৪৪।২৬৬ মন্ত্রবর্ণাং ॥

২ ৩ ৪৪ ১০৫৪

৪৫।২৬৭ অপি স্ত্যভ্যতে ॥

২ ৩ ৪৫ ১০৫৫

৪৬।২৬৮ প্রকাশাদিবস্তু নৈবং পরঃ ॥

২ ৩ ৪৬ ১০৫৬-১০৫৭

জীব ব্রহ্মের অংশ হইলেও ব্রহ্মের স্বরূপ
ও স্বভাব জীবের স্বরূপ ও স্বভাব হইতে
ভিন্ন । “তত্ত্বমসি” “অয়মাত্মাব্রহ্ম” ইত্যাদি
শ্রুতি বাক্যে দৃশ্যতঃ ভেদে তত্ত্বতঃ অভেদ
বুদ্ধিতে হইবে ।

	অধ্যায়	পদ	সূত্র	পৃষ্ঠা
৪৭।২৬২	স্মরন্তি চ ॥	২	৩	৪৭ ১০৫৮-১০৫৯
৪৮।২৭০	অনুজ্ঞা-পরিহারৌ দেহসম্বন্ধা- জেজ্যাতিরাদিবৎ ॥ দেহসম্বন্ধ বশতঃই লৌকিক ও বৈদিক অনুজ্ঞা-পরিহার উপপন্ন হয়।	২	৩	৪৮ ১০৬০-১০৬১
৪৯।২৭১	অসম্ভূতেশ্চাব্যতিকরঃ । জীবায়া অগ্নি-পরিমাণ হেতু উপাধিতে অভিমানী অবস্থায় পরম্পর ভেদ থাকায় ভোগের সাংকর্য্য হইতে পারে না।	২	৩	৪৯ ১০৬২-১০৬৩
৫০।২৭২	আভ্যাস এব চ ॥ প্রতিবিষের দৃষ্টান্তে পূর্ব সিদ্ধান্ত দৃঢ়ীকরণ।	২	৩	৫০ ১০৬৪-১০৬৭
৫১।২৭৩	অদৃষ্টানিয়মাৎ ॥ প্রাক্তন কর্মই বৈচিত্র্যের কারণ।	২	৩	৫১ ১০৬৮-১০৬৯
৫২।২৭৪	অভিসম্ব্যাদিশ্বপি চৈবম্ ॥ সংস্কার, বাসনা প্রভৃতি প্রাক্তন কর্ম হইতে উৎপন্ন।	২	৩	৫২ ১০৭০-১০৭১
৫৩।২৭৫	প্রদেশাদিতি চেন্নাস্তর্ভাবাৎ ॥ স্বর্গে, মর্ত্যে বা নরকে জন্ম প্রাক্তন কর্ম সাপেক্ষ।	২	৩	৫৩ ১০৭২-১০৭৫

দ্বিতীয় অধ্যায়—চতুর্থ পাদ

অধ্যায় পাদ সূত্র

পৃষ্ঠা

প্রাণতত্ত্ব বা সূত্র তত্ত্ব—প্রাণতত্ত্বকে সূত্র-
তত্ত্ব বলে কেন ?

বাসুদেব—ব্রহ্মের জ্ঞানঘন জাত্মমূর্ত্তি ।

হিরণ্যগর্ভ—ব্রহ্মের ক্রিয়াঘন কৰ্ত্ত্বমূর্ত্তি ।

রুদ্র—ব্রহ্মের বলঘন অহংকার বা ভোক্ত-
মূর্ত্তি । ক্রিয়াশক্তি প্রধান মহত্ত্বই—

সূত্রতত্ত্ব বা প্রাণ—ক্রিয়াশীল মহত্ত্ব
হইতেই সৃষ্টি—গোলাপের দৃষ্টান্তে বুঝিবার
প্রয়াস । সূত্রতত্ত্বই মুখ্য প্রাণ—

১।৬৫ প্রাণোৎপত্ত্যাধিকরণ :— : ১০৮২-১০৯২

১।২৭৬ তথা প্রাণাঃ ॥ ২ ৪ ১ ১০৮২-১০৮৫

প্রাণ সকল অর্থাৎ ইন্দ্রিয়গণ উৎপত্তিমান ;
প্রাণ ও ঋষি শব্দে পরমাআই লক্ষ্য ।

২।২৭৭ গৌণসম্বাৎ ॥ ২ ৪ ২ ১০৮৬-১০৮৭

উৎপত্তি শ্রুতি গৌণী অর্থে ব্যবহৃত নহে,
পরমকারণ—অপ্রাণ, অমনাঃ বটে ।

৩।২৭৮ তৎ প্রাক্শ্রুতেন্চ ॥ ২ ৪ ১০৮৮

মুণ্ডক শ্রুতির ২।১।৩ মন্ত্রে প্রাণোৎপত্তি
স্পষ্ট কথিত আছে ।

৪।২৭৯ তৎপূর্বেকদ্বাঘাচঃ ॥ ২ ৪ ৪ ১০৮৯-১০৯২

বাক্ শব্দ প্রাণ ও মনের উপলক্ষণে গৃহীত ;
প্রাণ আপোময়—অতএব জলের উৎপত্তি
বলায় প্রাণেরও উৎপত্তি বলা হইল ;
নামরূপ ব্রহ্ম হইতেই, সূত্ররূপ নামরূপের
করণ ব্যাপারও তাঁহা হইতেই ।

		অধ্যায়	পাদ	সূত্র	পৃষ্ঠা
২।৬৬	সপ্তগত্যাধিকরণ :—				১০২৩-১০২৫
৫।২৮০	সপ্ত গতেবিশেষিত্বাচ্চ ॥ পূর্বপক্ষ বলিতেছেন ইন্দ্রিয় সাতটি মাত্র ।	২	৪	৫	১০২৩-১০২৪
৬।২৮১	হস্তাদয়স্ত্ব শ্বিতেহতো মৈবম্ ॥	২	৪	৬	১০২৫
৩।৬৭	প্রাণাণুত্যাধিকরণ :—				১০২৬-১০২৯
৭।২৮২	অণবশ্চ ॥	২	৪	৭	১০২৬-১০২৭
৮।২৮৩	শ্রেষ্ঠশ্চ ॥ মুখ্যপ্রাণ ও অণুপরিমাণ ।	২	৪	৮	১০২৮-১০২৯
৪।৬৮	বায়ুক্ৰিয়াধিকরণ :—				১১০০-১১১১
৯।২৮৪	ন বায়ু-ক্রিয়ে পৃথগুপদেশাৎ ॥ প্রাণ—বায়ু বা করণব্যাপার নহে ; অবস্থা বিশেষ প্রাপ্ত বায়ুই প্রাণ—উহা তেজঃ প্রভৃতির গ্রায় স্বতন্ত্র তত্ত্ব নহে ।	২	৪	৯	১১০০-১১০৩
১০।২৮৫	চক্ষুরাদিবত্তু তৎসহশিষ্টাদিত্যঃ ॥ চক্ষু প্রভৃতি ইন্দ্রিয়গণের গ্রায়, মুখ্যপ্রাণ জীবের এক প্রকার করণ বা ভোগসাধন বটে । মুখ্যপ্রাণ—ইন্দ্রিয়গণের নিয়ন্তা ।	২	৪	১০	১১০৪-১১০৭
১১।২৮৬	অকরণত্বাচ্চ ন দোষস্তথাহি দর্শয়তি ॥ ইন্দ্রিয়গণের গ্রায় প্রাণের নির্দিষ্ট কার্য না থাকিলেও শরীর ও ইন্দ্রিয়গণকে ধারণ করাই উহার অতি প্রয়োজনীয় বিশেষ কার্য ।	২	৪	১১	১১০৮-১১০৯
১২।২৮৭	পঞ্চবৃত্তির্মনোবদ্ ব্যপদিশ্যতে ॥ মনের নানাপ্রকার বৃত্তির গ্রায় প্রাণের পাঁচটি বৃত্তি ।	২	৪	১২	১১১০-১১১১
৫।৬৯	শ্রেষ্ঠাণুত্যাধিকরণ :—				১১১২-১১১৫
১৩।২৮৮	অণুশ্চ ॥ মুখ্য প্রাণ অণু বটে ; আধিদৈবিক প্রাণ হিরণ্যগর্ভ ব্যাপক বটে ; আধ্যাত্মিক বা ব্যাধি-প্রাণ অণুবটে ।	২	৪	১৩	১১১২-১১১৫

	অধ্যায়	পাদ	শ্লোক	পৃষ্ঠা
৬।৭০	জ্যোতিরাত্ত্বিষ্ঠানাদিকরণঃ—			১১১৬-১১২৩
১৪।২৮২	জ্যোতিরাত্ত্বিষ্ঠানং তু ভদ্রামমনাং ॥ আধিদৈবিক দেবতাগণ পরব্রহ্মের সংকল্প বশতঃ ইন্দ্রিয়গণের পরিচালক ।	২	৪ ১৪	১১১৬-১১১৮
১৫।২২০	প্রাণবতা শব্দাং ॥ জীবের সহিত ইন্দ্রিয়গণের সম্বন্ধ মহারাজার সহিত প্রজাগণের ন্যায়, লৌকিক দৃষ্টান্তে বুঝিবার প্রয়াস ; জীবের জীবত্ব, ইন্দ্রিয়- গণের ইন্দ্রিয়ত্ব, বিষয়ের বিষয়ত্ব, কর্তার কর্তৃত্ব, ভোক্তার ভোক্তৃত্ব, ভোগ্যের ভোগ্যত্ব সমুদায় ব্রহ্ম হইতেই ।	২	৪ ১৫	১১১৯-১১২১
১৬।২২১	তত্ত্ব চ নিত্যত্বাং ॥ পরমাত্মাই একমাত্র নিত্য ; জীবের সহিত দেহের, ইন্দ্রিয়ের, বিষয়ের সম্বন্ধ পরমাত্মার সংকল্পবশতঃই সংঘটিত ।	২	৪ ১৬	১১২২-১১২৩
৭।৭১	ইন্দ্রিয়াধিকরণঃ—			১১২৪-১১২৮
১৭।২২২	ত ইন্দ্রিয়ানি ভদ্র্যপদেশাদন্যত্র শ্রেষ্ঠাং ॥ মূখ্যপ্রাণ ইন্দ্রিয় নহে বা ইন্দ্রিয়গণ প্রাণের বৃত্তি নহে ।	২	৪ ১৭	১১২৪-১১২৫
১৮।২২৩	ভেদশ্রেণতেঃ ॥	২	৪ ১৮	১১২৬-১১২৭
১৯।২২৪	বৈলক্ষণ্যাচ্চ ॥	২	৪ ১৯	১১২৮
৮।৭২	সংজ্ঞা মূর্ত্তি কৃশ্ণ্যাধিকরণঃ—			১১২৯-১১৩৯
২০।২২৫	সংজ্ঞা-মূর্ত্তি কৃশ্ণিস্ত ত্রিব্ৰহ্মকুর্কবত উপদেশাং ॥ নামরূপ সৃষ্টি পরমাত্মারই কার্য ; তিনি অন্তরঙ্গা, বহিরঙ্গা ও তটস্থা শক্তি বিকাশে	২	৪ ২০	১১২৯-১১৩৬

স্বরূপে, ভোগ্যরূপে ও ভোক্তরূপে আপনাকে প্রকটিত করেন ; ত্রিবৃৎকরণ পরে পঞ্চীকরণ নামে কথিত হয় ; পঞ্চীকরণের চিত্র ; ব্রহ্মা সৃষ্টিকর্তা বলিয়া প্রসিদ্ধ—তবে নামরূপ অভিব্যক্তি পরমাত্মা হইতেই, এ প্রকার উক্তি কি প্রকারে সম্ভব হয় ; ব্রহ্মা ভগবানের শক্তিতে শক্তিমান হইয়া ও তাঁহার অনুপ্রেরণায় চালিত হইয়া, ভগবানের দ্বারা প্রকাশিত বিশ্বকে প্রপঞ্চে প্রকটিত করেন ।

- ২১।২২৬ মাংসাদি ভৌমৎ যথাশব্দমিতরয়োশ্চ ॥ ২ ৪ ২১ ১১৩৭-১১৩৮
মাংসাদি পার্থিব বলায় উহাদের সহিত ত্রিবৃৎকরণের সম্পর্ক নাই ।
- ২২।২২৭ বৈশেষ্যাত্তু তদ্বাদস্তদ্বাদঃ ॥ ২ ৪ ২২ ১১৩৯
সমুদায় ভূতই ত্রিবৃৎকৃত বা ত্র্যাঅুৎ অথবা পঞ্চীকৃত, তথাপি যে যে ভূতে নিজ নিজ ভাগের আধিক্য বর্তমান আছে, তাহা সেই সেই নামে উল্লিখিত ।

তৃতীয় অধ্যায়—সাধন—প্রথম পাদ

অধ্যায় পাদ সূত্র

পৃষ্ঠা

ভগবানের চরণ সেবাই সংসার উত্তরণের
মুখ্য উপায়। উক্ত সেবা নয় প্রকারে করার
উপদেশ, এই নয় প্রকারের মধ্যে যে
কোনও এক প্রকার কায়মনোবাক্যে
আচরণ করিলেই সিদ্ধি। এই অধ্যায়ে
প্রথম পাদে জীবের লোক হইতে
লোকান্তরে গতাগতির বিচার দ্বারা
বৈরাগ্য উৎপাদনের সহায়তা করা
হইয়াছে। তৃতীয় অধ্যায়ের বিচার
জীবকোটি হইতে ; বলা বাহুল্য যে
“জীব” শব্দ ব্যবহারিক জীবে প্রযোজ্য।

১১৭৩ তদন্তর-প্রতিপত্ত্যধিকরণ :—

১১৪৯-১১৭২

১১২৯ তদন্তর-প্রতিপত্তৌ রণংহতি

সম্পরিষক্তঃ প্রাণ-নিরূপণাত্যাম্ ॥

৩ ১ ১ ১১৪৯-১১৫৪

শ্বেতকেতু ও পাঞ্চালরাজ প্রবাহণের
আখ্যায়িকা ; জীব ভূত সূক্ষ্ম পরিবেষ্টিত
হইয়া দেহ হইতে দেহান্তরে গমন করে ;
এই ভূত সূক্ষ্মই জীবের উপাধি গঠিত
করে ; শঙ্করাচার্যের মতে অন্নময় কোশ
স্থূলশরীর, প্রাণময় মনোময় বিজ্ঞানময়
কোশ সূক্ষ্ম শরীর এবং আনন্দময়
কোশ কারণ শরীর ; শঙ্করের সূক্ষ্ম শরীর
ভাগবতের লিঙ্গশরীর বিজ্ঞানময় কোশে
পরিচ্ছিন্ন আত্মা লোক হইতে লোকান্তরে
গমন করে ; বিজ্ঞানময় কোশ ভূত সূক্ষ্ম
হইতে উৎপন্ন—ইহা লিঙ্গ শরীরের
উপাদান।

		অধ্যায়	পাদ	সূত্র	পৃষ্ঠা
২।২২২	ভ্রাতৃকৃত্বানু ভূয়স্বাং ॥	৩	১	২	১১৫৫-১১৫৬
৩।৩০০	প্রাণগতেশ্চ ॥	৩	১	৩	১১৫৭
	দেহ হইতে উৎক্রমণের সময় প্রাণ জীবের অনুগমন করে এবং ইন্দ্রিয়গণ প্রাণের অনুগমন করে ।				
৪।৩০১	অগ্ন্যাঙ্গি-গতিশ্রুতেরিতি চেৎ, ন, ভাস্কৃত্বাৎ ॥	৩	১	৪	১১৫৮-১১৬০
	শ্রুতিতে বাগাদি ইন্দ্রিয়ের অগ্ন্যাঙ্গিতে গমন বিষয়ক শ্রুতি গোণ বৃদ্ধিতে হইবে ।				
৫।৩০২	প্রথমেহশ্রবণাদিতি চেৎ, ন, ভা এব হু পপভেঃ ॥	৩	১	৫	১১৬১-১১৬২
	শ্রুতিতে “শ্রবণা” শব্দ জলের অভিপ্রায়ে বৃদ্ধিতে হইবে ।				
৬।৩০৩	অশ্রুতত্বাদিতি চেন্নেষ্টাদিকারিণাং প্রতীভেঃ ॥	৩	১	৬	১১৬৩-১১৬৬
	শ্রুতিতে “জীব” শব্দের স্পষ্ট উল্লেখ না থাকিলেও ইষ্ট-পূর্ত-দন্তকারীগণের উল্লেখ এই প্রকরণে অব্যবহিত পরে থাকায় “জীব” শ্রুতির অভিপ্রায় বৃদ্ধিতে হইবে । ইষ্ট, পূর্ত ও দন্ত শব্দের অর্থ ।				
৭।৩০৪	ভাস্কৃত্বং বানাস্ববিদ্বাৎ, তথাহি দর্শয়তি ।	৩	১	৭	১১৬৮-১১৭২
	শ্রুতিতে দেবতাগণ সোম ভক্ষণ করেন যে বলা হইয়াছে, উহা ভাস্কৃত্ব মাত্র, দেবতাগণ ভক্ষণ বা পান করেন না, তঁাহারা দৃষ্টিপাতে তৃপ্ত হন ; পশুগণ যেমন মানবগণের উপকারী বলিয়া প্রতিপাল্য, কাম্য কর্মকারীগণ সেইরূপ দেবতাগণের উপকারী বলিয়া সংবর্ধনীয়—				

একারণ উহার। দেবগণের “পশু” বলিয়া
উল্লিখিত ; জীবকে পরিবেষ্টনকারি ভূত
স্বল্পই কর্মবেষ্টনী ।

২।৭৪ কৃতাত্মাধিকরণঃ—

১১৭৩-১১৮৬

৮।৩০৫ কৃতাত্ম্যেহমুশয়বান্ দৃষ্ট-স্মৃতিভ্যাং
যথেষ্টমনেবং চ ॥

৩ ১ ৮ ১১৭৩-১১৮১

অভুক্ত কর্মবেষ্টনী সঙ্গে লইয়া জীব প্রত্যা-
বর্তন করে ; যে অমূল্যক্রমে গমন,
প্রত্যাবর্তন—তাহার অমূল্য ও অন-
মূল্য বটে ; সঞ্চিত কর্মস্বরূপ জীবের—
বীজ, সংস্কার, বাসনা, বৃত্তি প্রভৃতি ভূত
স্বল্পরূপে বেষ্টনী প্রস্তুত করে, জীব
শব্দকের গায় সেই বেষ্টনী সঙ্গে সঙ্গে
লইয়া ত্রিলোকের মধ্যে বিচরণ করে ;
জন্ম ও মৃত্যু আপেক্ষিক মাত্র—ইহলোকে
অভিব্যক্তি জন্ম, পরলোকে অভিব্যক্তি
মৃত্যু ; এক জন্মের পর পরলোকে কর্ম
নিঃশেষে ধ্বংস হয় না ; হঠাৎ কোনও
অগ্রায় কর্ম করিয়া ফেলিলে, অমূল্যতাপে
তাহার সত্ত্ব প্রায়শ্চিত্ত প্রয়োজন, পুণ্য
ও পাপ অক্ষয়স্বের যোগ বিরোগানুসারে
নির্দিষ্ট হয় না ; উহাদের পৃথক পৃথক
ভোগ হইবেই হইবে ; অথবা বিচার
দ্বারা বা ভগবানের আরাধনা দ্বারা
উহাদের ক্ষয় করিতে হইবে, নতুবা
নিকৃতি নাই ।

৯।৩০৬ চরণাদিতি চেৎ, ন, তদুপলক্ষণার্থেতি
কাঞ্চাজিনি : ॥

৩ ১ ২ ১১৮২-১১৮৩

আচার্য্য কাঞ্চাজিনির মতে “চরণ” শব্দ
আচারসম্বন্ধিত কর্মেরই বোধক ; ভুক্ত

কর্মের অবশেষের সহিত জীব প্রত্যাবর্তন করে, ইহাই সিদ্ধান্ত।

- ১০।৩০৭ **অানর্থক্যমিতি চেৎ, ন,**
তদপেক্ষত্বাৎ ॥ ৩ ১ ১০ ১১৮৪-১১৮৫
আচার নিরর্থক নহে, সত্বগুণ ও জ্ঞান-
বিজ্ঞান সম্পন্ন হইবার জন্য আচারের
অপেক্ষা আছে।
- ১১।৩০৮ **সুকৃত—দুকৃতে এবোতি তু বাদরিঃ ॥** ৩ ১ ১১ ১১৮৬
আচার্য্য বাদরির মতে চরণ শব্দের অর্থ-
সুকৃত ও দুকৃত কর্ম।
- ৩।৭৫ **অ-নিষ্টাদিকার্য্যাধিকরণঃ—** ১১৮৭-১২১১
- ১২।৩০৯ **অ-নিষ্টাদিকারিণামপি চ শ্রুতম্ ॥** ৩ ১ ১২ ১১৮৭
পূর্বপক্ষ বলিতেছেন—ইষ্টপূর্তাদি যাহারা
করেন না, তাঁহারাও চন্দ্রলোকে গমন
করেন না।
- ১৩।৩১০ **সংযমেনে হনুভুয়েতরেষামা-**
রোহাবরোহৌ তদগতিদর্শনাৎ ॥ ৩ ১ ১৩ ১১৮৮
ইষ্ট পূর্তাদির অকর্তাগণ যমালয়ে যাতনাদি
ভোগ করিয়া—চন্দ্রলোকে গমন মাত্র
করিয়া তথায় কোনও প্রকার ভোগ না
করিয়াই প্রত্যাবর্তন করে।
- ১৪।৩১১ **স্মরন্তি চ ॥** ৩ ১ ১৪ ১১৮৯
- ১৫।৩১২ **অপি সন্তু ॥** ৩ ১ ১৫ ১১৯০
- ১৬।৩১৩ **তত্রাপি ভব্যাপারাদধিরোধঃ ॥** ৩ ১ ১৬ ১১৯১-১২০৩
যমরাজ দণ্ডানে ভগবানের শাসনই
অনুবর্তন করেন; বাস্তবিক যাতনা-
ভোগ্য নরকাদি আছে কিনা? সে
সম্বন্ধে যুক্তি ও বিচার; আদান ও প্রদানের

উপর বিশ্বচক্র প্রতিষ্ঠিত ; উহাদের
সামঞ্জস্য বিশ্বচক্রের গতি অক্ষুণ্ণ রাখে ;
উহাদের অসামঞ্জস্যের জন্য প্রগতি ক্ষুণ্ণ
হইলে সামঞ্জস্য বিধানের জন্য দণ্ডাদির
প্রয়োজন ; জীব ভগবানের বড়ই প্রিয়,
উহার কল্যাণের জন্য স্বর্গ ও নরকের
ব্যবস্থা ; সংসারে অধিকাংশ লোকই ভগবদ্
বিধানের উল্লঙ্ঘনকারী বলিয়া দুঃখময়
জীবন যাপন করিয়া থাকে ; দুঃখের
প্রতিক্রিয়া যাহাকে আমরা সুখ বলি,
তাহা দুঃখ ভিন্ন কিছুই নহে, এই দুঃখভোগ
ভগবানের মঙ্গলময় বিধানেই হইয়া থাকে ;
ভগবান বাসুদেবে দৃঢ়া ভক্তি হইলে,
সমুদায় দুঃখের অবসান হইয়া থাকে ;
জীবনযাপনের মুষ্টিযোগ ।

১৭।৩১৪ বিজ্ঞা-কর্মাণোরিতি তু প্রকৃতত্বাৎ ॥ ৩ ১ ১৭ ১২০৪-১২০৫

পূর্বপঙ্কের উত্থাপিত ৩।১।১২ হইতে
৩।১।১৬ সূত্রের উত্তর ; কর্ম দ্বারাই
পিতৃযান পথ লভ্য ? যাহারা ইষ্টপূর্তাদি
করে না, তাহারা চন্দ্রলোকে যাইতে
পারে না ।

১৮।৩১৫ ন, তৃতীয়ে তথোপলক্ষেঃ ॥ ৩ ১ ১৮ ১২০৬

পাপীগণের চন্দ্রলোকে গমন নাই, তাহারা
জায়স্ব-ত্রিয়স্ব এই তৃতীয় স্থান হইতেই
পুনর্জন্ম প্রাপ্ত হয় ।

১৯।৩১৬ স্মর্য্যতেহপি চ লোকে ॥ ৩ ১ ১৯ ১২০৭

পঞ্চমাহুতি ব্যতীত দেহারন্ত স্মৃতিতে
দেখা যায় ।

		অধ্যায়	পাদ	সূত্র	পৃষ্ঠা
২০।৩১৭	দর্শনাত্মক ॥	৩	১	২০	১২০৮-১২০৯
২১।৩১৮	তৃতীয়শব্দাবরোধঃ সংশোকজন্য ॥	৩	১	২১	১২১০-১২১১
৪।৭৬	স্বাভাব্যাপত্যাদিকরণঃ—				১২১২-১২১৩
২২।৩১৯	স্বাভাব্যাপত্যরূপপদভেদঃ ॥ চন্দ্রলোক হইতে প্রত্যাবর্তন কালে আকাশাদির সাদৃশ্যমাত্র প্রাপ্ত হয় ।	৩	১	২২	১২১২-১২১৩
৫।৭৭	মাতিচিরাধিকরণঃ—				১২১৪-১২১৫
২৩।৩২০	মাতিচিরেণ বিশেষাৎ ॥ আকাশাদির সদৃশভাবে অবস্থান অধিক- দিন যাবৎ হয় না ।	৩	১	২৩	১২১৪-১২১৫
৬।৭৮	অগ্ন্যাধিষ্ঠিতাধিকরণঃ—				১২১৬-১২২২
২৪।৩২১	অগ্ন্যাধিষ্ঠিতে পূর্ববদভিলাপাৎ ॥ চন্দ্রলোক প্রত্যাগত জীবের ত্রীহাদি দেহে সংশ্লেষ মাত্র হয় ।	৩	১	২৪	১২১৬
২৫।৩২২	অশুদ্ধমিতি চেৎ ন, শব্দাৎ ॥ যজ্ঞের জন্ত পশু হিংসা পাপ নহে ।	৩	১	২৫	১২১৭-১২১৯
২৬।৩২৩	রেতঃসিগ্ যোগোহিথ ॥ চন্দ্রলোক প্রত্যাগত জীবের পিতৃদেহে প্রবেশ মাত্র হয় ।	৩	১	২৬	১২২০
২৭।৩২৪	যোনেঃ শরীরম্ ॥	৩	১	২৭	১২২১-১২২২

তৃতীয় অধ্যায়—দ্বিতীয় পাদ

	অধ্যায়	পাদ	সূত্র	পৃষ্ঠা
১।৭৯				১২২৪-১২৩৮
১।৭৯				
১।৩২৫		৩	২ ১	১২২৪-১২২৬
				পূর্বপক্ষ সূত্র - জীবই স্বপ্ন দৃশ্যের সৃষ্টিকর্তা
২।৩২৬		৩	২ ২	১২২৭-১২২৮
				নির্মাণাত্মকৈকে পুত্রাদয়শ্চ ॥
				পূর্বপক্ষ পোষক সূত্র—
৩।৩২৭		৩	২ ৩	১২২৯-১২৩১
				মায়ামাত্রং তু কাং স্নোমানভিব্যক্ত- স্বরূপত্বাৎ ॥
				সিদ্ধান্ত সূত্র—স্বপ্নদৃশ্যাবলী মায়ামাত্র ; জাগ্রৎ, স্বপ্ন, স্বপ্নস্থিতে একমাত্র পরমাত্মাই সংস্করণে নিত্য বিদ্যমান ; পরমেশ্বরই স্বপ্ন দৃশ্যাবলীর সৃষ্টিকর্তা ।
৪।৩২৮		৩	২ ৪	১২৩২-১২৩৩
				সূচকশ্চ হি শ্রুতেনাচক্ষতে চ ভবিত্বঃ ॥
				স্বাপ্নপদার্থ মিথ্যা হইলেও উহা ভবিষ্যৎ সুভাগুভের সূচক ।
৫।৩২৯		৩	২ ৫	১২৩৪-১২৩৬
				পর্যাপ্তিধ্যানাত্ত্ব, তিরোহিতম্, ততো হুস্য বন্ধ-বিপর্যায়ো ॥
				জীব স্বরূপতঃ বন্ধশক্তি ও বন্ধাংশ হইলেও পরমেশ্বরের সংকল্পবশতঃ জীবের স্বরূপা- বরণ এবং বন্ধ মোক্ষ সংঘটিত হয় ; পরমেশ্বরের ইচ্ছাই জগৎ-বৈচিত্র্যের নিয়ম শৃঙ্খলা ; তাঁহার ইচ্ছাবশতঃ জীবের উপাধিতে অভিমান তিরোহিত হয় । প্রারম্ভ ব্যতীত সমুদায় কর্ম ধ্বংস হয় ও মোক্ষ হয় ।
৬।৩৩০		৩	২ ৬	১২৩৭-১২৩৮
				দেহযোগাঙ্গা মোহপি ॥
				জীবের স্থূল-সূক্ষ্ম-কারণ শরীর যোগ হেতু স্বরূপ তিরোধান হইয়া থাকে ;

উপাধি জীবের স্বরূপের আবরক ; এই স্বরূপ-আবরক উপাধি জীবের সহিত লোক হইতে লোকান্তরে গমন করে ।

২।৮০ ভদ্রভাবাধিকরণ :—

১২৩৯-১২৪৪

সুপ্ত পুরুষ স্বযুপ্তিতে কোথায় অবস্থান করে ? নাড়ীতে, পুরীততে বা ব্রহ্মে ?

৭।৩৩১ ভদ্রভাবো নাড়ীযু ভ্রুত্বে রাঅনি
চ ॥

৩ ২ ৭ ১২৩৯-১২৪২

জীব নাড়ী পথরূপ ধার দিয়া পুরীতত-রূপ প্রাসাদে প্রবেশ করিয়া, পরমাআরূপ পর্যাঙ্কে অবস্থান করে ? বাসুদেব— জাগ্রৎ, বিশ্বের ; সর্গ—স্বপ্ন তৈজসের ; প্রহ্ম—স্বযুপ্তি, প্রাজ্ঞের ; অনিরুদ্ধ—তুরীয় অবস্থার নিয়ন্তা ; স্বযুপ্তি অবস্থায় জীব প্রাজ্ঞে অবস্থান করেন । (বৃহঃ ৪।৩।২১)

৮।৩৩২ অতঃ প্রবোধোহস্মাৎ ॥

৩ ২ ৮ ১২৪৩-১২৪৪

৩।৮১ কর্মানুস্মৃতি-শব্দবিধ্যধিকরণ :—

১২৪৫-১২৪৭

২।৩৩৩ স এব তু কর্মানুস্মৃতি-শব্দ-
বিধিত্যঃ ॥

৩ ২ ৯ ১২৪৬-১২৪৭

স্বযুপ্ত পুরুষই প্রবোধ সময়ে প্রাজ্ঞ হইতে উখিত হয় ; স্বযুপ্তিতে জীব প্রাজ্ঞে অবস্থান করিলেও মুক্ত হয় না ; উক্ত অবস্থায় ইন্দ্রিয় ব্যাপার সাময়িক তিরোহিত হয় মাত্র ; আত্মা—জাগ্রৎ, স্বপ্ন, স্বযুপ্তি তিন কালেই অনুবৃত্ত হইয়েন ; লৌকিক দৃষ্টান্তে বুদ্ধিবার প্রয়াস ; স্বযুপ্তি অবস্থায় জীব ব্রহ্মে অবস্থান করিলেও জাগরণে ব্রহ্মভাব পরিলক্ষিত হয় না, জীব ভাবই উপলব্ধ হইয়া থাকে ।

৪।৮২ মুক্তাধিকরণ :— ১২৪৮-১২৪৯

১০।৩৩৪ মুক্তেহর্কসম্পত্তিঃ পরিশেষাৎ ॥ ৩ ২ ১০ ১২৪৮-১২৪৯
মূর্ছা, স্মৃষ্টি ও অবস্থাস্তরের অধিবস্থা ।

৫।৮৩ উত্তয়লিজাধিকরণ :— ১২৫০-১৩৩৮

পরমাত্মা জীবের অন্তরে অন্তর্যামীরূপে
অবস্থান করিলেও সংসার জাত দোষে
সংস্পৃষ্ট হন কি না ?

১১।৩৩৫ ন স্থানতোহপি পরস্যোত্তয়লিজং
সর্বত্র হি । ৩ ২ ১১ ১২৫০-১২৫৫

জাগদাদি স্থানের—সম্বন্ধ বশতঃ
পরমাত্মায় দোষ স্পর্শে না ; তিনি সত্ত্ব
হইলেও প্রাকৃতিক গুণ সংস্পর্শ শূন্য,
প্রাকৃতিক গুণ সম্বন্ধ তাঁহার হইতে পারে
না ; এক অদ্বিতীয় তত্ত্বে দোষ গুণ
সংস্পর্শ-সম্বন্ধে কোনও প্রক্স উঠিতে
পারে না ; ভগবান সমকালে, একাধারে,
সবিশেষ-নির্বিশেষ, সত্ত্ব-নিগুণ, সক্রিয়-
নিক্রিয় ।

১২।৩৩৬ ন ভেদাদিতি চেন্ন,
প্রত্যেকমতদ্বচনাৎ ॥ ৩ ২ ১২ ১২৫৬-১২৫৯

জীব স্বরূপতঃ নির্দোষ হইলেও, দেহে
অভিমান হেতু দোষ স্পৃষ্ট হয় ; পরমাত্মা
নিরভিমান, অন্তর্যামীরূপে দেহে অবস্থান
করিলেও, তিনি দোষ স্পৃষ্ট হয়েন না ;
জীব নিজ কর্মবশতঃ দোষ স্পৃষ্ট,
পরমাত্মার কর্মসম্বন্ধ নাই, অতএব তিনি
নির্দোষ ।

		অধ্যায়	পাদ	শ্লোক	পৃষ্ঠা
১৩।৩৩৭	অপি চৈবমেকে ॥	৩	২	১৩	১২৬০-১২৬৩
	জীব কর্মফল ভোগ করেন, পরমাত্মা মাত্র সাক্ষীরূপে বর্তমান থাকেন; ভগবান অনন্তনামরূপে প্রকটিত হইলেও স্বরূপ পরিত্যাগ করেন না।				
১৪।৩৩৮	অরূপদেব হি তৎপ্রথমত্বাৎ ॥	৩	২	১৪	১২৬৪-১২৭১
	পরব্রহ্ম দেবমনুষ্য প্রভৃতি শরীরে থাকিলেও তাঁহার দেহ সম্বন্ধ নাই; রূপ মাত্রই ভূত সম্বন্ধ যুক্ত, একারণ অনিত্য, পরমাত্মায় ভূত সম্বন্ধ নাই, একারণ তিনি অরূপ; পরমাত্মার স্বরূপে ও বিগ্রহে ভেদ নাই— অর্থাৎ দেহ-দেহী ভেদ নাই; তাঁহার হস্তপদাদি অবয়ব উপাসকের অন্তঃক্ষে ক্ষুরিত হইলেও, উপাসক তাঁহার স্বরূপ হইতে অভিন্ন; তিনি স্বগত ভেদ বর্জিত—একারণ “অরূপবৎ”।				
১৫।৩৩৯	প্রকাশবচ্যাবৈয়র্থ্যাৎ ॥	৩	২	১৫	১২৭২-১২৭৬
	ব্রহ্ম অনন্তশক্তিমান, তাঁহার শক্তির অত্যন্ত বিকাশে প্রপঞ্চ; তিনি আপনাকে জীবের নিকট যতটুকু প্রকাশ করেন, জীব তাঁহাকে ততটুকু মাত্র জানিতে সমর্থ হয়; তাঁহার অচিন্ত্য শক্তিই সমুদায় সম্পাদন করিয়া থাকে; তিনি বাক্য মনের অগোচর হইলেও, উপাসকের প্রেম ভক্তি বলে, আপন করুণাময় স্বভাব বশতঃ আত্মপ্রকাশ করিয়া থাকেন।				
১৬।৩৪০	আহ চ ভস্মাত্ৰম্ ॥	৩	২	১৬	১২৭৭-১২৭৯
	শ্রুতিমন্ত্র সকলে ভাষায় ব্রহ্মের স্বরূপ বর্ণনার প্রয়াস মাত্র; শ্রুতি মন্ত্রে বর্ণিত				

ধর্ম ভিন্ন ব্রহ্মে অনন্ত ধর্ম, অনন্তভাবে বর্তমান বৃত্তিতে হইবে ; আকাশে অনন্ত দেশ বিদ্যমান, পক্ষী নিজ শক্ত্যানুসারে তাহার অত্যল্প অংশ মাত্র উড়ীন হইতে পারে। সবিশেষ নির্বিশেষ উভয় শ্রুতিই সার্থক ; একে অপরের প্রতিষেধক নহে।

১৭।৩৪১ দর্শয়তি চাখো অপি স্পর্ষ্যতে ॥ ৩ ২ ১৭ ১২৮০-১২৮৫

শ্রুতি ও স্মৃতি তাঁহাকে উভয় লিঙ্গক বলিয়া প্রমাণ করেন ; ভক্তানুগ্রহের জন্ম নামরূপে অবতীর্ণ হইলেও তিনি তদ্বারা পরিচ্ছিন্ন নহেন।

১৮।৩৪২ অভএব চোপমা সূর্য্যকাদিবৎ ॥ ৩ ২ ১৮ ১২৮৬-১২৮৯

প্রতিবিশ্ব উপাধির দোষ গুণে স্পৃষ্ট হইলেও, বিশ্ব তদ্বারা স্পৃষ্ট হয় না ; জীব ব্রহ্মে ঐ রূপ প্রতিবিশ্ব-বিশ্বে ভেদ বর্তমান।

১৯।৩৪৩ অক্ষুবদগ্রহণাত্ ন তথাহম্ ॥ ৩ ২ ১৯ ১২৯০-১২৯১

বাস্তবিক পক্ষে জীব ব্রহ্মের প্রতিবিশ্ব নহে।

২০।৩৪৪ বৃদ্ধি-হ্রাসশাক্তুমন্তর্ভাবাদুভয়-
সামঞ্জস্যাদেবম্ ॥ ৩ ২ ২০ ১২৯২-১২৯৪

ব্রহ্মাংশ জীব উপাধিতে অভিমান বশতঃ উপাধির দোষগুণ ভোগ করে ; ব্রহ্ম ভিন্ন ভিন্ন উপাধিতে অবস্থান করিলেও উপাধির ধর্ম তাঁহাকে স্পর্শ করে না।

২১।৩৪৫ দর্শনাচ্চ ॥ . ৩ ২ ২১ ১২৯৫

২২।৩৪৬ প্রকৃতৈতাবৎ হি প্রতিষেধতি ততো
ব্রবীতি চ ভূমঃ ॥ ৩ ২ ২২ ১২৯৬-১৩০৭

নেতি নেতি শ্রুতির তাৎপর্য্য ; ভাষার দ্বারা বা দৃষ্টান্তের দ্বারা ব্রহ্ম নির্দেশ

অসম্ভব; এজন্য “ইহা নয়, ইহা নয়” বলিয়া শ্রুতি সাবধান করিতেছেন; বিশেষ প্রতিষেধ করিয়া নির্বিশেষত্ব স্থাপন “নেতি নেতি” শ্রুতির উদ্দেশ্য নহে; এক স্তরের অধিকারীর লক্ষ্য স্থান হইতে তিনি “সবিশেষ” অন্য স্তরের অধিকারীর লক্ষ্য স্থান হইতে সেই তিনিই নির্বিশেষ; উহাদের মধ্যে একটি তত্ত্ব অপরটি নয়. বলিলে, তাঁহাকে বাক্য দ্বারা প্রকাশ করা হইল; কিন্তু তাহা সম্ভব নয়; ভাষার দ্বারা ব্রহ্মতত্ত্ব প্রকাশ করিতে হইলে, “সবিশেষ ও নির্বিশেষ” উভয় ভাবেই নির্দেশ করা প্রয়োজন।

২৩।৩৪৭ তদব্যক্তমাহ হি ॥ ৩ ২ ২৩ ১৩০৮-১৩০৯

ব্রহ্ম প্রত্যক্ষ, অনুমান, ঐতিহ্য—এই ত্রিবিধ প্রমাণের অগোচর।

২৪।৩৪৮ অপি সংরাধনে প্রত্যক্ষানুমানাভ্যাম্ ॥ ৩ ২ ২৪ ১৩১০-১৩২১

ব্রহ্ম উৎপাদ্য-বিকার্য্য-সংস্কার্য্য-আপ্য কৰ্ম্ম দ্বারা লভ্য নহেন; তিনি স্বতঃসিদ্ধ বস্তু কৰ্ম্মজন্য নহে; আরাধনা দ্বারা চিত্তমল স্থালিত হইলে ব্রহ্মস্বরূপ স্বতঃ প্রতিভাত হয়; “সংরাধন” শব্দের অর্থ; সংরাধন উপাধিরূপ বেষ্টনীকে স্বচ্ছ, স্বচ্ছতর, স্বচ্ছতম করিতে থাকে; ভাগবত মতে নববিধা ভক্তিই “সংরাধন” শব্দের তাৎপর্য্য; জীব লইয়াই ভগবানের ভগবত্তা; জীব তাঁহার এত প্রিয় যে ভগবান জীব চৈতন্যকে কৌশলভাৱে বন্ধে ধারণ করিয়া থাকেন; ভক্ত ভগবানের সম্বন্ধ

বড়ই মধুর, পরস্পর পরস্পরকে অপেক্ষা করিয়া থাকে।

২৫।৩৪২ প্রকাশাদিবচ্চাবেশেষ্যং প্রকাশশ্চ
কর্মণ্যভ্যাসাৎ ॥

৩ ২ ২৫ ১৩২২-১৩২৭

ভগবান-স্বপ্রকাশ, সর্বব্যাপী, সর্বত্র সম প্রকাশবান ; জীবের উপাধির স্বচ্ছতার ও মলিনতার উপর তাঁহার উপলব্ধি নির্ভর করে ; জ্ঞান পুরুষের বুদ্ধির ভ্রমাক্ষকার নষ্ট করিয়া স্বতঃসিদ্ধ আত্মস্বরূপ প্রকাশ করে ; অনেক ব্যক্তি চিরজীবন ভগবদারাধনা করিলেও ভগবদর্শন লাভ করিতে পারেন না, তাহার কারণ।

২৬।৩৫০ অতোহনন্তেন তথাহি লিঙ্গম্ ॥

৩ ২ ২৬ ১৩২৮-১৩৩৮

ব্রহ্মে অনন্তভাব, অনন্তগুণ, অনন্তরূপ, অনন্তশক্তি বর্তমান ; অভিব্যক্তি বলিলেই সবিশেষ ভাব হৃদয়ে আগুরুক হয় ; আকাশ অচেতন, তাহার সংকল্প শক্তি নাই ; পরমাত্মা সত্যসংকল্প, তাঁহার ইচ্ছাশক্তি অপ্রতিহত ; লৌকিক দৃষ্টান্তে সৃষ্টির অনন্ত বৈচিত্র্য বৃষ্টিবার প্রয়াস ; শ্রীকৃষ্ণের গাহ'স্থ্য লীলা ; পূর্ণের অংশ অসম্ভব, অংশ হইলে পূর্ণত্ব থাকে না ; অনন্তের অংশ অসম্ভব, অংশ হইলেই অনন্ত অস্তবান হইয়া পড়ে ; ভগবান বিভিন্ন উপাসনা মার্গানুসারে সাধকগণের ইষ্টদেবরূপে প্রকটিত হন ; দেবতাগণ এক সজাতীয়-বিজাতীয়-স্বগত ভেদহীন ভগবানের বিভূতির বিকাশ মাত্র।

৬।৮৪ অহিকুণ্ডলাধিকরণঃ—

১৩৩৯-১৩৫০

২৭।৩৫১ উভয়ব্যপদেশাঙ্ঘ্রি-কুণ্ডলবৎ ॥

৩ ২ ২৭ ১৩৩৯-১৩৪১

ব্রহ্মের সবিশেষ-নির্বিশেষ, মূর্ত-অমূর্ত ভাব তাঁহার স্বরূপ হইতে অভেদ ; তিনি গুণও বটে, গুণীও বটে বা নিগুণও বটে ; স্বভাবসিদ্ধ স্বরূপগত অনন্ত গুণ তাঁহাতে বিরাজমান ; তিনি স্বরূপে বাহা, তাঁহার রূপ, গুণ, শক্তি, নাম, ধাম, পরিকর সমুদায় তাহাই ।

২৮।৩৫২ প্রকাশাত্ৰায়বহা ভেদস্ত্বাৎ ॥

৩ ২ ২৮ ১৩৪২-১৩৪৫

কি জীব, কি জড় কেহ ব্রহ্মের নহে, কিন্তু ব্রহ্ম ঐ সকল হইয়াও, উহাদের হইতে পৃথক ; অতএব তিনি সব হইয়াও সব হইতে পৃথক ।

২৯।৩৫৩ পূর্ববহা ॥

৩ ২ ২৯ ১৩৪৬-১৩৪৭

ভেদে অভেদ এবং অভেদে ভেদ ; কাল যেমন নিজে নিজের অবচ্ছেদক ভাবে কথিত হয়, ব্রহ্মও সেইরূপ গুণ ও গুণী রূপে কথিত হইলেও গুণ ও গুণী উভয়ে তাঁহাতে অভেদ ।

৩০।৩৫৪ প্রতিবেধাচ্চ ॥

৩ ২ ৩০ ১৩৪৮-১৩৫০

ব্রহ্ম সমুদায় প্রতিবেধের অবধি ।

৭।৮৫ পরাধিকরণঃ—

১৩৫১-১৩৭০

৩১।৩৫৫ পরমতঃ সেতুমান-সম্বন্ধ-ভেদব্যপ-
দেশেভ্যঃ ॥

৩ ২ ৩১ ১৩৫১-১৩৫৪

পূর্বপক্ষ সূত্র—শ্রুতিতে সেতু, পরিমাণ, সম্বন্ধ ও ভেদ উপদেশ থাকা হেতু, ব্রহ্ম পার্শ্ববর্তী বটে, অনন্ত নহে ।

	অধ্যায়	পাদ	শ্লোক	পৃষ্ঠা	
৩২।৩৫৬	সামান্যাত্মু ॥	৩	২	৩২	১৩৫৫
	সিদ্ধান্ত শ্লোক—সেতু—জগদ্ধিধারক ।				
৩৩।৩৫৭	বুদ্ধার্থঃ পাদবৎ ॥	৩	২	৩৩	১৩৫৫-৬০
	উপাসনা সৌকর্যার্থে ব্রহ্মের পরিচ্ছিন্নত্ব নির্দেশ । লৌকিক ক্ষুদ্র মুক্তার দৃষ্টান্তে বুঝিবার প্রয়াস ।				
৩৪।৩৫৮	স্থানবিশেষাৎ প্রকাশাদিবৎ ॥	৩	২	৩৪	১৩৬০-৬১
	পরমাত্মা স্বরূপতঃ অপরিচ্ছিন্ন হইলেও, উপাসনার জন্য তাঁহার পরিচ্ছিন্নতা চিন্তা দোষাবহ নহে ।				
৩৫।৩৫৯	উপপত্ত্বৈচ্ছ ॥	৩	২	৩৫	১৩৬২
	আত্মাই আত্মার প্রাপ্য—অন্য কোনও বস্তুর সহিত আত্মার প্রাপ্য-প্রাপক সম্বন্ধ নাই ।				
৩৬।৩৬০	তথ্যাত্ম-প্রতিষেধাৎ ॥	৩	২	৩৬	১৩৬২-৬৬
	ব্রহ্মই পর হইতে পর ; অণু হইতে অণীয়ান্, মহৎ হইতে মহীয়ান্, ব্রহ্মাতিরিক্ত তত্ত্বাস্তর নাই ।				
৩৭।৩৬১	অনেন সর্বগতত্বমায়াম-শব্দাদিত্যঃ ॥	৩	২	৩৭	১৩৬৭-৭০
	সর্বব্যাপকতাবোধক “আয়াম” শব্দাদি হইতে জানা যাইতেছে, যে ব্রহ্ম সর্বগত বলিয়া ব্রহ্মাতিরিক্ত তত্ত্বাস্তর নাই ।				
৮।৮৬	ফলাধিকরণ :—				১৩৭১-১৩৮১
৩৮।৩৬২	ফলমতি উপপত্ত্বৈঃ ॥	৩	২	৩৮	১৩৭১-৭৩
	ভগবানই কর্মফলদাতা ; কর্ম—ঈশ্বর নির্দিষ্ট জগৎ পরিচালনের নিয়ম ; সেবা দ্বারা তুষ্ট হইলে ভগবান নিজেকে পর্য্যস্ত দান করেন ।				
৩৯।৩৬৩	শ্রুতত্বাচ্চ ॥	৩	২	৩৯	১৩৭৪-৭৫

	অধ্যায় পাদ সূত্র	পৃষ্ঠা
৪০।৩৬৪ ধর্ম্যং জৈমিনিব্রত এব ॥ পূর্বপক্ষ সূত্র—শ্রুতাক্ত ধর্মকর্ম দ্বারাই অপূর্বফল জন্মে, সূতরাং ফলদাতা ঈশ্বরের প্রয়োজন নাই।	৩ ২ ৪০	১৩৭৫-৭৮
৪১।৩৬৫ পূর্বং তু বাদরায়ণো হেতুব্যপদেশাৎ ॥ শিদ্ধান্তসূত্র—দেবতাগণ ব্রহ্মারই কার্য্যমুত্তি; যজ্ঞাদি দ্বারা উক্ত দেবতাগণের উপাসনার ফল ঈশ্বরই প্রদান করেন; ভগবানের বিধানেই উক্ত দেবতাগণ স্ব স্ব কার্য্যে নিযুক্ত আছেন; ব্রহ্ম যখন দেবতাগণের নিয়ন্তা, তখন তিনিই কর্মফলদাতা।	৩ ২ ৪১	১৩৭৯-৮১

তৃতীয় অধ্যায়—তৃতীয় পাদ

অধ্যায় পাদ সূত্র পৃষ্ঠা

এই পাদে সপ্তম বিভাসমূহের গুণোপসংহার
এবং নিষ্ঠুর ব্রহ্মে অপুনরুক্ত পদের
উপসংহার।

১৮৭ সর্ববেদান্তপ্রত্যয়াধিকরণ :— ১৩৮৫-১৪০০

১৩৬৬ সর্ববেদান্তপ্রত্যয়ং

চোদনান্তবিশেষাৎ ॥

৩ ৩ ১ ১৩৮৫-১৩৯০

সমুদায় বেদান্তশাখায় উপদৃষ্ট বৈশ্বানর
দহর, উদ্গীথ, অক্ষর, আত্মা প্রভৃতির
উপাসনা ব্রহ্মোপাসনাই; ফলসংযোগ
রূপ, বিধি এবং উপাস্তোর অভেদ হেতু
উপাসনার পার্থক্য নাই; সমুদায়ের
উপসংহার বা সমন্বয় ব্রহ্মেই; মাতা
যেমন রুগ্ন, সবল, শিশু, বালক, বয়োপ্রাপ্ত
সন্তানের জন্ম বিভিন্ন আহার্যের ব্যবস্থা
করেন, শ্রুতিও সেইরূপ বিভিন্ন অধিকারীর
জন্ম বিভিন্ন উপাসনার ব্যবস্থা করিয়াছেন;
ব্যষ্টি ও সমষ্টি ভাবে সমুদায় বেদের সিদ্ধান্ত
—ব্রহ্মেই একমাত্র উপাস্ত ও কর্মফলদাতা।

২১৩৬৭ ভেদান্তেতি চেদকস্তামপি ॥ ৩ ৩ ২ ১৩৯০-১৩৯৩

প্রকরণভেদে জন্ম বিভা ভেদ হইতে পারে
না; বিভিন্ন প্রকরণে বিভার উল্লেখ বিভিন্ন
শ্রোতার জন্ম; উপাসনা সৌকর্যের জন্মই
ব্রহ্মের রূপ কল্পনা; আত্মজ্ঞ জনগণও
ব্রহ্মের মাহাত্ম্য জানিতে পারেন না;
ইতর উপাসকগণের কল্যাণের জন্ম
বিভিন্ন দেবতার উপাসনার উপদেশ।

- ৩।৩৬৮ স্বাধ্যায়স্ত্য ভবাৎসেন হি সমাচারেছ-
বিকারাচ্চ সববচ্চ ভুল্লিয়মঃ ॥ ৩ ৩ ৩ ১৩২৪-১৩২৮
দ্বিজগণের সমুদায় বেদাধ্যয়নে এবং
সমুদায় বেদোক্ত কর্মকরণে অশক্তিহেতু
শাখাভেদ, কর্মভেদ, বিছাভেদ।
- ৪।৩৬৯ দর্শয়তি চ ॥ ৩ ৩ ৪ ১৩২০-১৪০০
ভেদ দর্শকের নিকট তিনি উত্ততবজ্র,
মহদভয়স্বরূপ; অভেদ দর্শকের নিকট
তিনি অভয় স্বরূপ।
- ২।৮৮ উপসংহারাদিকরণঃ— ১৪০১-১৪১০
- ৫।৩৭০ উপসংহারোহির্থাভেদাধিধি-শেষবৎ
সমানেন চ ॥ ৩ ৩ ৫ ১৪০১-১৪০৫
কোনও শ্রুতিতে বিহিত কোন উপাসনার
বিহিত গুণ—অন্য শ্রুতিতে বিহিত
অন্য উপাসনার উক্ত গুণের সহিত
উপসংহার করিতে হইবে; ভেদ-
বুদ্ধি অশেষ অন্তর্ভের কারণ; বৈতদর্শনই
ভয়; এক ভগবানে ভগবদ্ভাব, ব্রহ্মভাব,
পরমাত্মভাব এবং কর্মকাণ্ডোক্ত দেবতা
ভাব উপসংহার করিতে হইবে।
- ৬।৩৭১ অগ্ন্যথাৎ শব্দাদিতি চেন্নাবিশেষাৎ ॥ ৩ ৩ ৬ ১৪০৬-১৪১০
আত্মভাবে উপাসনায় ও গুণোপসংহার
করণীয়; পরমব্রহ্ম গুণসকল প্রয়োজনানু-
রূপ অগ্ন্যাদিক প্রকটিত করেন, কিন্তু
তঁহার সমুদায় অভিব্যক্তি, পূর্ণ স্বরূপের
অভিব্যক্তি—অতএব গুণোপসংহার
করণীয়; জগতের কল্যাণের জগুই
তঁহার রূপে অভিব্যক্তি; অবতার গ্রহণের
উদ্দেশ্য; তঁহার ইচ্ছাই তঁহার
অভিব্যক্তির হেতু।

অধ্যায় পাদ পৃষ্ঠা

৩।৮৯ প্রকরণভেদাধিকরণ :—

১৪১১-১৪২০

৭।৩৭২ মবা প্রকরণভেদাৎ পরোবরীয়-
স্বাদিবৎ ॥

৩ ৩ ৭ ১৪১১-১৪২০

উপাসকের অধিকারানুসারে একই উদ্গীথ উপাসনা প্রকরণে কোথাও “পরো-বরীয়ত্বাদি” গুণ উপদিষ্ট হইয়াছে, কোথাও হয় নাই, স্বনিষ্ঠ ভক্তগণ নিজ ইষ্টদেবে অগ্ন্যাগ্ন ভগবন্মূর্তির গুণোপসংহার করেন ; এংকনিষ্ঠ ঐকান্তিক ভক্তগণ ঐ প্রকার করেন না ; ভক্তি—উপাসনার প্রধান অঙ্গ ; তত্ত্বের লক্ষ্যস্থান হইতে দেখিলে উপাস্ত, উপাসক, উপাসনা অভেদ বটে ; ব্যবহারিক দৃষ্টিতে উক্ত তিনই বর্তমান ; ব্যবহারিক দৃষ্টিতে শাস্ত্রোপদেশের বিধান ; সাধনার প্রকার-ভেদ—তদীয়তাময় ও মদীয়তাময় ; মদীয়তাময় প্রেমের এত শক্তি যে, অচিন্ত্যশক্তিমান ভগবানকে শক্তিহীন করিয়া অসহায়ের গায় উক্ত ভক্তের করুণা-প্রার্থী করে, ইহা প্রেমরাজ্যের খেলা, ভক্তের অনুভূতিই ইহার সাক্ষাদান করে, এ প্রকার ভক্তের হাতে ভগবান খেলার পুতুলমাত্র হইয়া পড়েন, এ প্রকার একনিষ্ঠ সাধকের পক্ষে গুণোপ-সংহার প্রয়োজনীয় নহে ।

৪।৯০ সংজ্ঞাতোহধিকরণ :—

১৪২১-১৪৪১

৮।৩৭৩ সংজ্ঞাতশ্চেৎ, তদুক্তম, অস্তি তু
তদপি ॥

৩ ৩ ৮ ১৪২১-১৪২৪

স্বনিষ্ঠ ও ঐকান্তিক ভক্তগণের উপাসনা
ব্রহ্মোপাসনা হইলেও শেষোক্ত ভক্তগণের

পক্ষে গুণোপসংহার প্রয়োজনীয় নহে ;
ভক্তি দৃঢ় করিবার জন্য গুণোপসংহার
প্রয়োজনীয় ; ঐকান্তিক ভক্তগণের ভক্তি
যখন অতি দৃঢ়—তখন তাহাদের পক্ষে
গুণোপসংহার প্রয়োজনীয় নহে ।

২।৩৭৪ ব্যাপ্তেশ্চ সমঞ্জসম্ ॥

৩ ৩ ২ ১৪২৫-১৪৪১

ভগবানের সমুদায় মূর্ত্তিই বিভূ, সর্বব্যাপী
হওয়ায় সমুদায়ই তাঁহাতে সঙ্গত ; যে ভক্ত
যে রসের রসিক তিনি তাঁহাতে সেই
রসই পরিপূর্ণ মাত্ৰায় লাভ করেন ; শ্রীকৃষ্ণের
জন্ম প্রাকৃত মানবশিশুর জন্মের ন্যায়
নহে ; তিনি বিশুদ্ধ সত্ত্বময় দেহে স্বেচ্ছা-
ক্রমে পূর্ণ স্বরূপে আবির্ভূত হইলেন ;
“কম্পন” দৃষ্টান্তে ভগবানের রূপ ধারণ
বুঝিবার প্রয়াস ; মনের বৃত্তি লয় হইলে
ইষ্টমূর্ত্তি স্বতঃ উদ্ভাসিত হইয়া উঠে ;
অধিকার ও অভিক্রমি অনুসারে একই
বীজ, মন্ত্র ও মূর্ত্তিতে একনিষ্ঠতার
প্রয়োজন ; একই জন্মে সিদ্ধি না হইলেও
প্রচেষ্টা বিফলে যায় না ; গুরুই ইষ্টমূর্ত্তি,
বীজ, মন্ত্রাদি বাছিয়া দেন ; এক, অদ্বিতীয়,
সজাতীয়-বিজাতীয়-স্বগত ভেদবর্জিত
বস্তুকে পরিচ্ছিন্ন করিবার কিছু নাই ।

৫।৯১ সর্বাভেদাধিকরণ :-

১৪৪২-১৪৫০

এক অদ্বিতীয়—নিরবসব তত্ত্বের লীলা
সম্ভব হয় না, এই সংশয় ।

১০।৩৭৫ সর্বাভেদাদন্যত্রেমে ॥

৩ ৩ ১০ ১৪৪২-১৪৫০

লীলা, ধাম, পরিষ্কর প্রভৃতি স্বরূপ হইতে
অভেদ ; জ্ঞানস্বরূপ যেরূপ “সর্বস্ব”, রস-

স্বরূপ সেইরূপ “সর্বরসের রসিক”;
নিজেকে নানারূপে প্রকটিত করার
পূর্ণত্বের হানি হয় না; এক, অনেক, পর,
অপর ইত্যাদি প্রপঞ্চাতীত বস্তুতে
প্রযোজ্য নহে; কালের প্রভাব সেখানে
নাই, সেখানে “চিরকাল” “অনন্তকাল”
প্রভৃতি শব্দ প্রযোজ্য নহে; লীলা
আত্মদানে বিরক্তির লেশ মাত্র নাই—
ভক্তাত্মত্বই ইহার সাক্ষ্য; সর্বপ্রকার
ভক্তের সর্বকালের সর্ব প্রকার আকাজক্ষা
পরিতৃপ্তির জন্ত ভগবানের রূপ প্রকটন ও
লীলা প্রকাশ; লীলা—অনন্ত সর্বব্যাপী
লীলাময়ের পক্ষে অসম্ভব বা অসঙ্গত নহে।

৬৯২	আনন্দাত্মধিকরণ :—	১৪৫১-১৪৬৪
১১।৩৭৬	আনন্দাদয়ঃ প্রধানশ্চ ॥ সমুদায় উপাসনা ব্রহ্মোপাসনা বলিয়া আনন্দাদি গুণসকল উপসংহার করিতে হইবে।	৩ ৩ ১১ ১৪৫১-১৪৫২
১২।৩৭৭	প্রিয়শিরস্তাত্মপ্রাপ্তিরূপচয়্যাপচয়ৌ হি ভেদে ॥ প্রিয় শিরস্তাদি ধর্মের উপসংহার হইবে না, কারণ উহারা নিত্যগুণ নহে, উপাসনার জন্ত রূপ-কল্পনা মাত্র।	৩ ৩ ১২ ১৪৫৩-১৪৫৪
১৩।৩৭৮	ইতরে ত্বর্থা-সামান্যে ॥ অন্ত গুণসকল ব্রহ্মের সহিত অভেদ হওয়ার উপসংহার কর্তব্য।	৩ ৩ ১৩ ১৪৫৫-১৪৫৬
১৪।৩৭৯	আধ্যাত্ম্য প্রয়োজনাত্মাবাৎ ॥ উপাসকের মঙ্গলের জন্ত প্রিয় শিরস্তাদি রূপ-কল্পনা।	৩ ৩ ১৪ ১৪৫৭-১৪৫৮

	অধ্যায় পাদ সূত্র	পৃষ্ঠা
১৫।৩৮০	আত্মা-শব্দাচ্চ ॥ আত্মা শব্দের প্রয়োগ হেতু পরমাত্মাই লক্ষ্য বৃত্তিতে হইবে ।	৩ ৩ ১৫ ১৪৫৯-১৪৬০
১৬।৩৮১	আত্মগৃহীতিরিতরবদ্বুভূত্যাং ॥ আত্মা শব্দে পরমাত্মার নির্দেশ বহু শ্রুতি ও স্মৃতিতে আছে ।	৩ ৩ ১৬ ১৪৬১-১৪৬২
১৭।৩৮২	অনুমানাদিত্তি চেৎ, স্মাদবধারগাৎ ॥ তৈত্তিরীয় শ্রুতির ব্রহ্মানন্দ বল্লীর উপক্রম ও উপসংহার হইতে স্পষ্ট বুঝা যায় যে, মনোময় প্রাণময় প্রভৃতি কোশের সহিত, সম্বন্ধবিশিষ্ট “আত্মা” শব্দ পরমাত্মাকেই নির্দেশ করে; অরুদ্ধতীয়ায়ের ইহা দৃষ্টান্ত ।	৩ ৩ ১৭ ১৪৬৩-১৪৬৪
৭।৯৩	কার্য্যাখ্যানাধিকরণ :—	১৪৬৫-১৪৬৯
১৮।৩৮৩	কার্য্যাখ্যানাদপূর্ব্বম্ ॥ পিতা, মাতা, সখা, সূহৃৎ, প্রভু, ভর্তা প্রভৃতি রূপে ভগবদুপাসনা ও অন্যান্য উপাসনায়—উপসংহার করিতে হইবে; ভগবান—“ভাববন্ধু”, সমুদায় ভাব তাঁহার গোচর; কোনও প্রকার উপাসনা বিফলে যায় না, ভগবান—আপ্তকাম, তিনি নিজের জন্ম উপাসনা গ্রহণ করেন না; সাধক নিজের কল্যাণের জন্মই ভগবানের উপাসনা করিয়া থাকে ।	৩ ৩ ১৮ ১৪৬৫-১৪৬৯
৮।৯৪	সমানাধিকরণ :—	। ১৪৭০-১৪৭৪
১৯।৩৮৪	সমান এবং চাভেদাৎ ॥ শুরু যজুর্বেদে কথিত শান্তিন্য বিদ্যা এবং বৃহদারণ্যক শ্রুতির ৫।৬।১ মন্ত্রে কথিত শান্তিন্য বিদ্যা—উভয়ে অভেদ; ভগবানের	৩ ৩ ১৯ ১৪৭০-১৪৭৪

অঙ্গপ্রত্যঙ্গ ধ্যানকালে উহারা পৃথক্
পৃথক্ প্রতীত হইলেও সমুদায় সচ্চিদানন্দ-
ময় ।

২১৯৫ সঙ্ক্কাধিকরণ :—

১৪৭৫-১৪৮৯

২০।৩৮৫ সঙ্ক্কাদেবমণ্ড্রাপি ॥

৩ ৩ ২০ ১৪৭৫-১৪৭৮

ব্রহ্মভাবাবিষ্টে গুরুতে ব্রহ্মগুণোপসংহার
কর্তব্য ; লৌকিক দৃষ্টান্তে বুঝিবার প্রয়াস ।

২১।৩৮৬ ন বা বিশেষাৎ ॥

৩ ৩ ২১ ১৪৭৯-১৪৮১

কিন্তু ভগবদাবিষ্ট উপাস্ত্রগণে জীবভাবও
বর্তমান—ইহা যদি স্বপ্ন মাত্রও মনে
উদয় হয়, তবে ব্রহ্মগুণোপসংহার
কর্তব্য নহে ; বিশেষ রসাস্বাদের জন্ম
গুণোপসংহার কর্তব্য নহে ; রসোপলব্ধিই
রসস্বরূপের উপাসনায় প্রথম ও প্রধান
লক্ষ্য ; যেখানে রসোপলব্ধি স্বতঃ হয়
সেখানে গুণোপসংহার প্রয়োজনীয় নহে ।

২২।৩৮৭ দর্শয়তি চ ॥

৩ ৩ ২২ ১৪৮২-১৪৮৩

নারদের উপাখ্যান ; ভক্ত ভগবদ্ প্রেমে
বিভোর, গুণোপসংহার কে করিবে ?

২৩।৩৮৮ সঙ্ক্কাতি-দ্রব্যাপ্ত্যপি চাতঃ ॥

৩ ৩ ২৩ ১৪৮৪-১৪৮৫

সঙ্ক্কাতি—দ্রব্যাপ্তিগুণ ভগবদাবিষ্ট পুরুষে
উপসংহার করা হইবে না ।

২৪।৩৮৯ পুরুষবিজ্ঞান্যামিব চেতরেষা-
মনান্মানাৎ ॥

৩ ৩ ২৪ ১৪৮৬-১৪৮৯

পুরুষ স্মৃক্তোক্ত গুণ সমুদায় ভগবদাবিষ্ট
পুরুষে উপসংহার করা হইবে না ; অগ্নিময়
ব্যমঃ পিণ্ডের উদাহরণ ।

১০।৯৬ বেদান্তধিকরণ :—

১৪৯০-১৪৯৩

২৫।৩২০ বেদান্ততর্কভেদাৎ ॥

৩ ৩ ২৫ ১৪৯০-১৪৯৩

ছেদ, ভেদ প্রভৃতি প্রাণিগণের ক্লেশকর
গুণসকল উপসংহার করা হইবে না।

১১।৯৭ হ্যন্ত্যধিকরণ :—

১৪৯৪-১৫০৫

২৬।৩২১ হানৌ তুপায়নশক-শেমত্বাৎ, ফুশা-
চ্ছন্দঃস্তুত্ব্যপগানবৎ, তদুস্তম্ ॥

৩ ৩ ২৬ ১৪৯৪-১৪৯২

(১৫০২-১৫০৩)

ব্রহ্মজ্ঞান প্রাপ্তিতে পুণাপাপ ধ্বংসে ব্রহ্মভাব
প্রাপ্তি ঘটে, তখন শাস্ত্রালোচনা করা
না করা, সাধকের ইচ্ছার উপর নির্ভর
করে ; তবে সাধনার পর সাধক
আনন্দময়ের প্রতিপাদক শাস্ত্র সহায়ক
রূপে বা আনন্দময়ের স্মারক রূপে
পাঠ করিতে পারেন ; জীবমুক্ত পুরুষগণও
ভগবানের নাম গান, লীলা শ্রবণ ইচ্ছা
করিয়াই করিয়া থাকেন, উহাতে তাঁহারা
অপার আনন্দ পান।

২৭।৩২২ সাম্পরায়ে তর্কব্যাত্যাবাৎ তথা হ্যন্ত্যে ॥

৩ ৩ ২৭ ১৫০০-১৫০১

ভগবৎ-প্রেম জন্মিলে—সমুদায় পাপের
হানি হওয়ায় শাস্ত্রানুশীলন সাধকের
ইচ্ছাসাপেক্ষ বটে।

(১৫০৪-১৫০৫)

১২।৯৮ ছন্দতোহধিকরণ :—

১৫০৬-১৫০৯

২৮।৩২৩ ছন্দত উস্ত্যাবিরোধাৎ ॥

৩ ৩ ২৮ ১৫০৬-১৫০৯

মাধুর্য্যজ্ঞানে উপাসনা ও ঐশ্বর্য্যজ্ঞানে
উপাসনা উভয়ে অবিরোধ ; অধিকারানু-
সারে উভয়ের মধ্যে একবিধ উপাসনায়
নিষ্ঠা প্রয়োজন ; ভাবই আসল বস্তু—ভাব
গাঢ় হইলে পরমপদ প্রাপ্তি সন্নিকট।

২২।৩২৪ গতেবর্থাবস্তুমুত্তমখাহুত্থা হি
বিরোধঃ ॥

৩ ৩ ২২ ১৫০২-১৫১৮

উক্ত উভয় প্রকার উপসনাতেই ভগবৎ
প্রাপ্তি হইতে পারে ; ঐশ্বর্য্য জ্ঞানে উপাসনা-
জ্ঞানমার্গীয় সাধন ; মাধুর্য্য জ্ঞানে
উপাসনা—ভক্তিমাার্গীয় সাধন ; উভয়ের
মোক্শ প্রাপ্তি ; জ্ঞানমার্গীয় সাধনে—ব্রহ্ম
বা পরমাত্মা প্রাপ্তি, ভক্তি মাার্গীয় সাধনে—
ভগবান বা পুরুষোত্তম প্রাপ্তি ; উভয়
প্রাপ্তিতে, অনুভূতি ও রসান্বাদনে পার্থক্য
আছে ; জ্ঞানের পথ দুর্গম, ভক্তির পথ
অপেক্ষাকৃত সুগম ; জ্ঞানযোগ ও
কর্ম্মযোগ উভয়ই ভক্তির অপেক্ষা করে ;
অধিকারী ভেদে পস্থা নির্দেশ ; কাম,
ক্রোধ প্রভৃতি ভগবানে অর্পিত হইলে
উহাদের দোষ নষ্ট হয় ; ভগবন্ত্ব না
জানিয়া ভগবানে ভক্তি করিলে বস্তুশক্তি
বশতঃ পুরুষার্থ লাভ হয় ।

১৩।১৯ উপপন্নাদিকরণঃ—

১৫১৯-১৫২৪

৩০।৩১ উপপন্নস্তল্লক্ষণার্থো-
পলক্কেলেকবৎ ॥

৩ ৩ ৩০ ১৫১৯-১৫২৪

রাগানুগা ভক্তিমাার্গের ভক্ত ভগবানের
জন্মই ভগবানকে ভালবাসেন ; সে-কারণ
ভগবান নিজের স্বাতন্ত্র্য ভুলিয়া তাঁহাদের
অধীন হন ; মুক্তিকামী সাধক নিজের
জন্মই সাধনা করেন, ভগবানের জন্ম
নহে ; ভগবান মুক্তিদান করিতে মুক্তহস্ত
হইলেও সহজে ভক্তিদান করেন না ;
ভগবান দিতে চাহিলেও ভক্ত মুক্তি চাহেন

না ; সার্বভৌম সম্রাটের সভায় একজন
সামন্ত রাজার দৃষ্টান্ত ; বৈধী ভক্তি অপেক্ষা
রাগানুগা ভক্তি শ্রেষ্ঠ ; স্বরূপানন্দাপেক্ষা
ভজনানন্দ অধিক ; একারণ ভক্তগণ
স্বরূপ ব্রহ্মানন্দ অপেক্ষা ভজনানন্দের
আকাজ্জা করেন ; ভগবানও ভক্তের
সেই আকাজ্জা পূরণ করেন !

১৪।১০০ অনিয়মাদিকরণ :—

১৫২৫-১৫৩২

৩১।৩২৬ অনিয়মঃ সর্বেষামবিরোধঃ

শঙ্কানুমানাত্যাম্ ॥

৩ ৩ ৩১ ১৫২৫-১৫২৯

ধ্যান, জপ, পূজা, ভজন প্রভৃতি একটি
করিলেই যথেষ্ট ; মনই বন্ধ মোক্ষের কারণ ;
মনকে প্রত্যাহৃত করিয়া ধ্যানাদিতে
নিয়োগ প্রয়োজন ।

৩২।৩২৭ যাবদধিকারমবস্থিতি-

রাধিকারিকাগাম্ ॥

৩ ৩ ৩২ ১৫২৯-১৫৩১

ব্রহ্মাদি অধিকারপ্রাপ্ত দেবতাগণের
অধিকার পরিচালনের জন্ত নির্দিষ্ট
অধিকার কাল অবস্থান করিতে হইবে ;
দেবতাদির ভগবানের প্রতিকূলতা
ভগবানের ইচ্ছানুসারেই হইয়া থাকে ;
যে ব্যক্তি সমাজের যে স্তরে প্রতিষ্ঠিত
আছেন, যতদিন ঐরূপ থাকিবেন, ততদিন
সমাজের ধর্ম ও নিয়মাবলী তাঁহার
প্রতিপাল্য ।

১৫।১০১ অক্ষরধাধিকরণ :—

১৫৩২-১৫৩৬

৩৩।৩২৮ অক্ষরধিয়াং ভবরোধঃ সান্নাণ্য-

তস্তাবাত্যামৌপসদবৎ, তদুক্রম্ ॥

৩ ৩ ৩৩ ১৫৩২-১৫৩৪

অক্ষর সম্বন্ধী অনুল্লাদি সমুদায় গুণ সর্ব
প্রকার, ব্রহ্মোপাসনার উপসংহার করিতে

হইবে; চেতনাচেতনাত্মক প্রপঞ্চের বহির্ভূত ধর্মাদির উল্লেখ দ্বারা ব্রহ্মের অসাধারণত্ব ও সদ্ধাতিশায়িত্ব প্রতিষ্ঠা করা শ্রুতির অভিপ্রায়; শালগ্রামাদি পূজার ব্রহ্মভাব অনন্তত্ব, সর্বব্যাপিত্বাদি চিন্তা কর্তব্য।

৩৪।৩২২ ইয়দামনমাং ॥

৩ ৩ ৩৪ ১৫৩৫-১৫৩৬

সর্বকর্মা, সর্বগন্ধ, সর্বরস, প্রভৃতি ধর্মের উপসংহার প্রয়োজনীয় নহে।

• ১৬।১০২ অস্তুরত্বাধিকরণঃ—

১৫৩৭-১৫৪২

৩৫।৪০০ অস্তুরা ভূতগ্রামবৎ স্বাত্মনঃ ॥

৩ ৩ ৩৫ ১৫৩৭-১৫৪৩

ভগবান নিজেই নিজের ধাম; ভক্তের আনন্দানুভূতির জন্ম তাঁহার সত্যসংকল্প প্রযুক্ত প্রপঞ্চের পঞ্চভূত নির্মিত ভোগ্য পুর, প্রাসাদ, উপবন, সরোবর প্রভৃতির দ্বারা তাঁহার বিশুদ্ধ সদ্ভাব উপাদান হইতে প্রকটিত করেন।

৩৬।৪০১ অগ্ৰথা ভেদানুপপত্তিরিতি

চেন্নোপদেশাস্তুরবৎ ॥

৩ ৩ ৩৬ ১৫৪৪-১৫৪৫

আনন্দময়, আনন্দানুভব কর্তা, আনন্দানুভবের উপকরণও বটে; স্বর্ধোর দৃষ্টান্তে বৃষ্টির প্রয়াস।

৩৭।৪০২ ব্যাতিহারো বিনিংষন্তি হীতরবৎ ॥

৩ ৩ ৩৭ ১৫৪৬-১৫৪৭

ভগবানের ধামাদি তাঁহার স্বরূপ হইতে অভেদ; পরমজ্যোতিঃ স্বরূপ আনন্দঘন, ভগবানের আত্মজ্যোতিঃই তাঁহার ধাম; এই আত্মজ্যোতিঃ তাঁহার স্বরূপই বটে।

১৭।১০৩ সত্যাদিকরণ :—

১৫৫০-১৫৫৩

৩৮।৪০৩ সৈব হি সত্যাদয়ঃ ॥

৩ ৯ ৩৮ ১৫৫০-১৫৫৩

পরশক্তিও তাঁহার স্বরূপ হইতে অভিন্ন ;
“নেহ নানাস্তি কিঞ্চন” শ্রুতি দ্বারা ব্রহ্মের
বিজাতীয় প্রতিষিদ্ধ হইলেও—স্বগত
স্বরূপানুভবী ধর্ম প্রতিষেধ করা শ্রুতির
অভিপ্রায় নহে ; ভগবানের চিহ্নিতরূপ
যোগমায়ার দ্বারা তাঁহার অভিব্যক্তি ।

১৮।১০৪ কামাত্মিকরণ :—

১৫৫৪-১৫৭৪

৩৯।৪০৪ কামাদীভরত্ব তত্র চায়ত্তনাদিশ্যঃ ॥

৩ ৩ ৩৯ ১৫৫৫-১৫৫৯

আনন্দ স্বরূপ আনন্দানুভবের জগৎ এবং
নিজ পার্শ্ব ভক্তগণের আনন্দ দানের জগৎ,
সত্যসংকল্পত্ব বশতঃ নিজ স্বরূপ শক্তি
প্রকটিত করেন ; এপ্রকার প্রকটীকৃত
স্বরূপ শক্তি দ্বারা আনন্দানুভবে তাঁহার
“আত্মক্রীড়া, আত্মরতি, আত্মমিথুন”
প্রভৃতি বিশেষণ অনর্থক হয় না ।

৪০।৪০৫ আদরাদলোপঃ ॥

৩ ৩ ৪০ ১৫৬০-১৫৭২

শ্রী প্রভৃতি স্বরূপ হইতে অভেদ হইলেও,
অত্যন্ত প্রেমহেতু ভক্তির লোপ হয় না ;
গোপীতত্ত্ব ; লৌকিক দৃষ্টান্তে বৃষ্ণিবার
প্রয়াস ; ভগবানের অবতার গ্রহণের গৃঢ়
উদ্দেশ্য ; গোপীগণের শ্রেণীবিভাগ ;
রাসক্রীড়া “পরদার বিনোদ” নহে ; রাম,
কৃষ্ণ—ইহারা ঐতিহাসিক ব্যক্তি কিনা ?
ঐতিহাসিক রাম, কৃষ্ণ উপাস্ত কিনা ?
যদি ঐতিহাসিক রাম, কৃষ্ণ উপাস্ত না
হন, তবে লীলা চিন্তনাদি কি প্রকারে
সঙ্গত হয় ? অবতার তত্ত্ব ; ভগবানের

নীলা ও ঐতিহাসিক ব্যক্তির কর্মে অনেক
অস্তর ।

৪১।৪০৬ উপস্থিতেহতস্তদ্বচনাৎ । ৩ ৩ ৪১ ১৫৭৩-১৫৭৪

ব্রহ্মের পরাশক্তি তাঁহা হইতে ভিন্নাভিন্ন
রূপা, একারণ আনন্দানুভবের কোনও
অস্তরায় হয় না, প্রত্যুত উহার প্রগাঢ়তা
বৃদ্ধি হয় ।

১৯।১০৫ তন্নির্ধারণানিয়মাধিকরণ :— ১৫৭৫-১৫৮৭

৪২।৪০৭ তন্নির্ধারণানিয়মস্তদৃষ্টে:

পৃথগ্হ্যপ্রতিবন্ধঃ ফলম্ ॥

৩ ৩ ৪২ ১৫৭৫-১৫৮৭

রাম, কৃষ্ণ, নৃসিংহ, দুর্গা, নারায়ণ, হর—
ইহাদের মধ্যে কে পরম ব্রহ্ম, তৎ সম্বন্ধে
কোনও নিয়ম নাই ; সকলেই ব্রহ্মবুদ্ধিতে
উপাস্তা এবং সকলের উপাসনায় একই
অব্যভিচারী ফল—পরম পুরুষার্থ লাভ ;
পশুপতিমত ও শক্তিবাদ প্রত্যাখ্যাত
হইয়াছে কেন ? শ্রীকৃষ্ণকে পূর্ণ ভগবান
এবং অবতারগণকে অংশকলা বলিবার
উদ্দেশ্য কি ? পূর্ণের অংশ অসম্ভব. এজন্য
সকল অবতারই পূর্ণ ; ভগবানের রূপের স্তরে
অভিব্যক্তি করিতে হইলে সমুদায় রূপের
পরাকাষ্ঠা রূপগ্রহণ করিতে হয় ; ভাগবত
বলেন, শ্রীকৃষ্ণমূর্ত্তিই সেইরূপ এই রূপে
ভগবানের সমগ্র শক্তির অভিব্যক্তি ; গত
ঈশ্বরের শেবে ভগবানের সমগ্র শক্তি
প্রকটন করিয়া আবির্ভূত হইবার কি
প্রয়োজন হইয়াছিল ? ব্রহ্মার বর্তমান
আয়ুষ্কাল ৫১ বৎসরের প্রথম দিনের
মধ্যাহ্ন আগত প্রায় ; বর্তমান কাল সৃষ্টির
ক্রমোন্নতির একটি সন্ধিক্ষণ ।

	অধ্যায়	পাদ	শ্লোক	পৃষ্ঠা
২০।১০৬ প্রদানাদিকরণ :—				১৫৮৮-১৫৯৩
৪৩।৪০৮ প্রদানবদেব তদুস্তম্ ॥	৩	৩	৪৩	১৫৮৮-১৫৯১
ধনবানের ধনাদি দানের গ্রায় ব্রহ্মবিচারুপ ধনে ধনী গুরু ইচ্ছা করিলে ব্রহ্মজ্ঞান দান করিতে পারেন ; গুরু-শিষ্যের মধ্যে প্রমোক্তরের একান্ত প্রয়োজনীয়তা নাই ; গুরুর সমীপে নীরব উপবেশনে অনেক সময়ে সংশয় তিরোহিত হয় ; ভগবৎ কৃপায় গুরুলাভ ঘটে ।				
৪৪।৪০২ লিজভুয়স্বাৎ তদ্ধি বলীয়স্তদপি ॥	৩	৩	৪৪	১৫৯১-১৫৯৩
গুরুর কৃপা বলবস্তর হইলেও নিজের প্রযত্ন দ্বারা শ্রবণ মননাদি করণীয় ।				
২১।১০৭ পূর্ববিকল্পাদিকরণ :—				১৫৯৪-১৬০
৪৫।৪১০ পূর্ববিকল্পঃ প্রকরণাৎ স্যাৎ ক্রিয়া মানসবৎ ॥	৩	৩	৪৫	১৫৯৪-১৫৯৮
“সোহং” ভাবে বা অভেদ উপাসনা— ভক্তিমার্গের উপাসনার প্রকার ভেদ— ইহা প্রকরণ হইতে বুঝা যায় ; পুষ্প, চন্দন, নৈবেদ্যাদির গ্রায় মানস ক্রিয়ারও বিধান শাস্ত্রে আছে ; গোপীগণের তন্ময়তার উল্লেখ ।				
৪৬।৪১১ অভিদেশাচ্চ ॥	৩	৩	৪৬	১৫৯৯-১৬০০
একান্ত অভেদ তত্ত্ব নহে, অভেদ চিন্তন— উপাসনার প্রকারভেদ মাত্র ।				
২২।১০৮ বিদ্যাধিকরণ :—				১৬০১-১৬০৫
৪৭।৪১২ বিদ্যৈব তু তন্নির্দ্ধারণাৎ ॥	৩	৩	৪৭	১৬০১-১৬০২
জ্ঞানপূর্বিকা ভক্তি মোক্ষলাভের হেতু ।				
৪৮।৪১৩ দর্শনাচ্চ ॥	৩	৩	৪৮	১৬০৩
বিদ্যা দ্বারা শ্রীভগবানের সাক্ষাৎকার লাভ হইয়া থাকে ।				

	অধ্যায়	পাদ	শ্লোক	পৃষ্ঠা
৪৩।৪১৪	শ্রুত্যাঙ্কি-বলীয়স্বাচ ন বাধঃ ॥	৩	৩	৪২ ১৬০৪-১৬০৫
	শ্রুতি, দৃষ্টান্ত, যুক্তি, প্রভৃতি বলবস্তর প্রমাণে ৩৩।৪১ স্বত্রের সিদ্ধান্ত প্রতিষ্ঠা লাভ করে।			
২৩।১০৯	অনুবন্ধাধিকরণঃ—			১৬০৬-১৬০৯
৫০।৪১৫	অনুবন্ধাদিত্যঃ।	৩	৩	৫০ ১৬০৬-১৬০৯
	শুক্লকৃপা, ভগবতুপাসনা মুক্তির উপায় বটেই; সাধুসঙ্গ, ভক্তসেবা, তীর্থে বাস, প্রভৃতি আনুষঙ্গিক উপায়। ভগবদনু- গ্রহই—শুক্ল, ভক্ত ও সাধুর মধ্য দিয়া কার্য্য করে।			
২৪।১১০	প্রজ্ঞাস্তরাধিকরণঃ—			১৬১০-১৬১৯
৫১।৪১৬	প্রজ্ঞাস্তর-পৃথক্ভবদ্ দৃষ্টেচ্চ, শুভুস্তম্ ॥	৩	৩	৫১ ১৬১০-১৬১৫
	উপাসনামার্গের ভিন্নতা এবং ভিন্ন ভিন্ন উপাসকের আকাজিক্ত প্রাপ্তির ভিন্নতা হেতু, উপাসনালব্ধ ফলেরও ভিন্নতা হইয়া থাকে; ইন্দ্রিয়দ্বারে বিষয় উপভোগ দৃষ্টান্ত।			
৫২।৪১৭	ন, সামান্যাদপ্যুপলব্ধৈর্মুক্ত্যবল্লি লোকাপত্তিঃ ॥	৩	৩	৫২ ১৬১৬-১৬১৯
	জ্ঞানলাভেই মুক্তি; বিনা জ্ঞানে রামকৃষ্ণাদি নরকৃপী পূর্ণব্রহ্ম দর্শনে মুক্তি হয় না; ভগবানের অস্ত্র-তীহার স্বরূপ হইতে অভিন্ন; এজন্ম অস্ত্রাদির সংস্পর্শে লিঙ্গশরীর নাশে মুক্তি হইয়া থাকে।			
২৫।১১১	পরস্বাধিকরণঃ—			১৬২০-১৬২৫
৫৩।৪১৮	পরেণ চ শব্দস্য ভাবিধ্যম্, ভূয়স্বাৎ- ভনুবন্ধঃ।	৩	৩	৫০ ১৬২০-১৬২৫
	ভগবানের কৃপা অহৈতুকী হয় না, সাধকের প্রচেষ্টাই হেতু; ভগবদর্শন লাভের ক্রম, ভক্ত ভগবানের অতি প্রিয়;			

তঁহার প্রিয় হইতে হইলে কি প্রকার
আচরণ করিতে হইবে ?

২৬।১১২ শরীরে ভাবাধিকরণ :—

১৬২৬-১৬২৮

৫৪।৪১২ এক আত্মনঃ শরীরে ভাবাৎ ॥

৫৪ ১৬২৬-১৬২৮

শরীরमध्ये পরমাআর উপাসনা—
ব্রহ্মোপাসনা ।

২৭।১১৩ ভদৃভাবভাবিত্তাদধিকরণ :—

১৬২৯-১৬৩৩

৫৫।৪২০ ব্যাতিরেকস্তদৃভাবভাবিত্তাৎ, ন

ভূপলক্ৰিবৎ ॥ ৩ ৩ ৫৫ ১৬২৯-১৬৩১

যে যেভাবে ভগবানের উপাসনা করে,
সিদ্ধিতে সেই ভাবেই তঁহাকে প্রাপ্ত হয় ।

৫৬।৪২১ অজ্ঞাববন্ধাস্ত ন শাখাসু হি প্রতিবেদম্ ॥ ৩ ৩ ৫৬ ১৬৩১-১৬৩২

প্রত্যেক ঋতুক সমুদায় যজ্ঞকার্যে নিপুণ
হইলেও অজ্ঞাববন্ধ বিশেষে কার্য্য করিয়া
থাকেন ; সেইরূপ জীবগণ নিজ নিজ
প্রাক্তন কর্ম্ম নিবন্ধন বিশেষ বিশেষ
উপাসনা মার্গে নির্দিষ্ট ভাবে অববন্ধ
হইয়াছে ।

৫৭-৪২২ মন্ত্রাদিবন্ধাবিরোধঃ ॥

৫৭ ১৬৩৩

অধিকার অনুসারে ঐশ্বর্য্য মাধুর্য্য মিশ্র
উপাসনায় অবিরোধ ।

২৮।১১৪ ভূমজ্যায়স্তাধিকরণ :—

১৬৩৪-১৬৩৬

৫৮।৪২৩ ভূমঃ ক্রতুবজ্জ্যায়স্ত্বৎ, তথাহি

দর্শয়তি ॥ ৩ ৩ ৫৮ ১৬৩৪-১৬৩৬

বহুত্ব, সর্বব্যাপিত্ব, সর্বাশ্রকত্ব প্রভৃতি ভূমার
গুণ সমুদায় উপাসনায় উপসংহার করিতে
হইবে ; তিনি এক হইয়াও, সমকালে •
বহু, ইহা উপাসনায় চস্তনীয় ।

২৯।১১৫ শব্দাদিভেদাধিকরণ :—

১৬৩৭-১৬৩৮

৫৯।৪২৪ নানা শব্দাদিভেদাৎ ॥

৫৯ ১৬৩৭-১৬৩৮

সাধকের অধিকার অনুসারে ভগবানের
সংকল্পবশতঃ উপাসনা বহুপ্রকার ।

৩০।১১৬ বিকল্পাধিকরণ :—

১৬৩৯-১৬৪০

৬০।৪২৫ বিকল্পোহবিশিষ্টকসত্বাৎ ॥

৩ ৩ ৬০ ১৬৩৯-১৬৪০

মন্ত্র, বীজ প্রভৃতি দেবতারই নির্দেশক, ঐ সকলে নিষ্ঠা প্রয়োজন; প্রতিদিন নিষ্ঠার সহিত অভ্যাসের সমবেত শক্তিতে ইষ্ট লাভ হইবেই হইবে; ভিন্ন ভিন্ন মন্ত্র বীজের সমুচ্চয় প্রয়োজনীয় নহে; প্রত্যেক মন্ত্রবীজই সিদ্ধ; ইষ্টে, মন্ত্র ও বীজে একনিষ্ঠ হওয়াই বিধেয়।

• ৩১।১১৭ কাম্যাধিকরণ :—

১৬৪১-১৬৪৪

৬১।৪২৬ কাম্যাস্ত্ব যথাকামং সমুচ্চীয়েন্ন

বা পূর্বহেতুত্বাৎ ॥ ৩ ৩ ৬১ ১৬৪১-১৬৪৪

কাম্য উপাসকগণ নিজ নিজ কামনানুসারে ভিন্ন ভিন্ন দেবতার উপাসনা করিতে পারেন; কাম্য উপাসনায় সমুচ্চয়ে অগ্ন্যাদেবতার উপাসনা, বা বিকল্পে নিজ ইষ্টোপাসনা করিতে পারা যায়; মুমুক্শু সাধকের কোনও কামনা সিদ্ধির জন্ত ইষ্টোপাসনাই বিধি।

• ৩২।১১৮ যথাশ্রয়-ত্বাধিকরণ :—

১৬৪৫-১৬৫২

৬২।৪২৭ অল্পেষু যথাশ্রয়ত্বাৎ ॥

৩ ৩ ৬২ ১৬৪৫-১৬৪৭

অঙ্গী ও অঙ্গ অর্থে হইলেও, যে অঙ্গে যে ভাব উপযোগী, তাহাতে তাহাই চিন্তা করা বিধেয়।

৬৩।৪২৮ শিষ্টেষু ॥ °

৩ ৩ ৬৩ ১৬৪৮

ব্রহ্মা শিবগণকে এইরূপ উপদেশই দিয়াছেন।

	অধ্যায়	পাদ	সূত্র	পৃষ্ঠা	
৬৪।৪২৯	সমাহারাৎ ॥	৩	৩	৬৪	১৬৪৯
	সমুদায় অঙ্গ সমাহার শ্রুতির অভিপ্রায় ।				
৬৫।৪৩০	গুণসাধারণ্যশ্রুতেশ্চ ॥	৩	৩	৬৫	১৬৫০
	পূর্বপক্ষ বলিতেছেন :—এক অঙ্গে অণু অঙ্গের বৃত্তি চিন্তনীয় হইতে পারে ।				
৬৬।৪৩১	নবা তৎসহভাবাশ্রুতেঃ ॥	৩	৩	৬৬	১৬৫১
	সিদ্ধান্ত :—যে অঙ্গের যে গুণ বা বৃত্তি, তাহাই চিন্তনীয়, অণুগুণ বা বৃত্তি চিন্তনীয় নহে ।				
৬৭।৪৩২	দর্শনাচ্চ ॥	৩	৩	৬৭	১৬৫২

তৃতীয় অধ্যায়—চতুর্থ পাদ

অধ্যায় পাদ সূত্র

পৃষ্ঠা

বিজ্ঞানই পরম পুরুষার্থ লাভের একমাত্র উপায় ; গীতোক্ত কর্মসন্ন্যাস ও কর্মযোগ—বিজ্ঞান ব্যাপক অর্থের অন্তর্ভুক্ত ; কর্মে কতৃৎ ও মমত্ব বুদ্ধিই বন্ধনের কারণ ; বিজ্ঞানের উক্ত কতৃৎ ও মমত্ব বুদ্ধি বর্তমান না থাকায় তাঁহার কৃতকর্মের বন্ধ জনকত্ব নাই ; কাম্য কর্মের বিচার—এই পাদে প্রথম অংশে করা হইয়াছে ; বিজ্ঞানী তিন প্রকার—অনিষ্ঠ, পরিনিষ্ঠিত ও নিরপেক্ষ ।

১।১১৯ পুরুষার্থাধিকরণ :—

১৬৫৬-১৬৯৫

১।৪৩৩ পুরুষার্থোহতঃ শব্দাদিতি

বাহুস্মরণঃ ॥

৩ ৪ ১ ১৬৫৬-১৬৬৩

বিজ্ঞা হইতেই পুরুষার্থ লাভ হয় ; উহাতে কর্মের অপেক্ষা নাই ; কর্ম অবিজ্ঞান অন্তর্গত, উহার ফল নশ্বর ; উহা দ্বারা নিত্য বস্তু প্রাপ্তি হয় না ; ব্রহ্মজ্ঞান বা ব্রহ্মপ্রাপ্তি—ব্রহ্ম হইতে পৃথক নহে ; ভগবানের সংকল্প বশতঃই বিজ্ঞা মোক্ষকরী ; অবিজ্ঞা হইতে উদ্ভূত চিত্তমল কালনে কর্মের উপযোগিতা ; চিত্তশুদ্ধি হইলে বিজ্ঞা স্বতঃ স্ফূর্তিত হয় ; ভক্তি আচরণ কৰ্ম্মাচরণ হইলেও ইহা কাম্য কর্ম পর্যায়ে পড়ে না ; ইহার বন্ধকত্ব নাই ।

২।৪৩৪ শেষত্বাৎ পুরুষার্থবাদো

যথাশ্চোষিত্তি জৈমিনিঃ ॥

৩ . ৪ ২ ১৬৬৪-১৬৬৬

পূর্বপক্ষ সূত্র :—বিদ্যা কর্মের ফল স্বরূপ বলিয়া কর্মাত্মকই ; অশক্তিতে বিদ্যার প্রশংসা—

অর্থবাদ মাত্র ; যজ্ঞ—কর্মদ্বারা সাধ্য,
বিষ্ণু,—যজ্ঞস্বরূপ, অতএব কর্মই বিষ্ণু
প্রাপ্তির সাধন ; জীব লৌকিক ও বৈদিক
উভয় প্রকার কর্মের কর্তা ।

৩।৪৩৫ আচার-দর্শনাৎ ॥ ৩ ৪ ৩ ১৬৬৭-১৬৬৮

পূর্বপক্ষের পোষক সূত্র—শ্রুতি স্মৃতিতে
কর্মাচরণের উল্লেখ ও উপদেশ দৃষ্ট হয় ।

৪।৪৩৬ ভচ্ছু-ভেঃ ॥ ৩ ৪ ৪ ১৬৬৯

ইহাও পোষক সূত্র :—শ্রুতিতে বিদ্যা
কর্মের সাহিত্য কথিত আছে ।

৫।৪৩৭ সমস্বারস্তৃণাৎ ॥ ৩ ৪ ৫ ১৬৭০

পূর্বপক্ষের পোষক—বিদ্যা ও কর্ম
এককালে মৃতের অনুগমন করে ।

৬।৪৩৮ ভদ্বতো বিধানাৎ ॥ ৩ ৪ ৬ ১৬৭১-১৬৭২

ইহাও পোষক সূত্র :—বিদ্বান্ ব্যক্তির
যজ্ঞাদি কর্মে অধিকার বিধান হেতু—
বিদ্যা কর্মের অঙ্গ বটে ।

৭।৪৩৯ নিয়মাৎ ॥ ৩ ৪ ৭ ১৬৭৩-১৬৭৪

পোষক সূত্র :—শ্রুতিতে যাবজ্জীবন
কর্মালুষ্ঠানের বিধান থাকায় বিদ্যা
একাকী পুরুষার্থলাভের হেতু নহে ।

৮।৪৪০ অধিকোপদেশাত্তু বাদরায়ণশ্চৈবং
ভদর্শনাৎ ॥ ৩ ৪ ৮ ১৬৭৫-১৬৮০

৩।৪।২ সূত্রের উত্তর । বেদান্তে কর্মকর্তা
ও উহার ফলভোক্তা জীব অপেক্ষা
অধিক পরমাত্মার উপদেশ আছে ;
তঁহার জ্ঞান কর্মজন্য নহে, বরং
কর্মত্যাগে উহা স্মৃতিত হয় ; চিত্ত-জড়ের

একত্র সমাবেশে কর্মের উৎপত্তি—উক্ত সমাবেশ অবিদ্যাজনিত ; উহা কি প্রকারে চৈতন্যময় ব্রহ্মজ্ঞান উৎপন্ন করিবে ? বেদোক্ত কর্মাক্ষুষ্ঠানের উদ্দেশ্য নৈষ্কর্ম্য-সিদ্ধি ; কর্ম চিত্তশুদ্ধির সাধন বা উপায় মাত্র, এবং এই সাধন মাতেই উহার উপযোগিতা ; ভগবানের শরণাগত হইলে এই কর্মরূপ সাধন বা উপায়ের প্রয়োজন হয় না, যদিও এই শরণাগতি কর্মের ব্যাপক সংজ্ঞার অন্তর্ভুক্ত ।

- ২।৪৪১ তুল্যাং তু দর্শনম্ ॥ ৩ ৪ ৯ ১৬৮১-১৬৮৩
৩।৪।৩ সূত্রের উত্তর। নিষ্কামভাবে কর্মাক্ষরণ লোকসংগ্রহের অন্ম কর্তব্য বটে ।
- ১০।৪৪২ অসার্বত্রিকী ॥ ৩ ৪ ১০ ১৬৮৩-১৬৮৪
৩।৪।৪ সূত্রের উত্তর ।
- ১১।৪৪৩ বিভাগঃ শত্বৎ ॥ ৩ ৪ ১১ ১৬৮৫-১৬৮৬
৩।৪।৫ সূত্রের উত্তর। বিদ্যাফল একপ্রকার, কর্মফল অন্ম প্রকার ।
- ১২।৪৪৪ অধ্যয়নমাত্রবতঃ ॥ ৩ ৪ ১২ ১৬৮৭-১৬৮৯
৩।৪।৬ সূত্রের উত্তর। বিদ্বান অর্থ—বেদাধ্যয়ন-মাত্রকারী—তত্ত্বজ্ঞানী নহে। “ব্রহ্মিষ্ঠ” শব্দের অর্থ ; মন্ত্রবিদ হইতে ব্রহ্মিষ্ঠের প্রভেদ ; বিদ্যা বা জ্ঞান, বা ভক্তি—শাস্ত্রজ্ঞান হইতে সম্পূর্ণ ভিন্ন বস্তু ; নৈষ্কর্ম্যই ব্রহ্মবিদগণের পক্ষে প্রশস্ত, তবে শ্রবণ, কীর্ত্তন প্রভৃতির অক্ষুষ্ঠান ভাগবতে উপদিষ্ট কেন ? নৈষ্কর্ম্যসিদ্ধি

অচ্যুতভাব বর্জিত হইলে শোভমান হয়
না ; প্রকৃত ব্রহ্মিষ্ঠগণ লোকপাবন ।

- ১৩।৪৪৫ **নাবিশেষাৎ ॥** ৩ ৪ ১৩ ১৬২২-১৬২৩
৩।৪।৭ সূত্রের উত্তর । পূর্বপক্ষ উক্ত
ঈশোপনিষদের ২ মন্ত্র “বিদ্যা কর্মেণ অঙ্গ”
ইহার প্রমাণ স্বরূপ না হইয়া “কর্ম বিদ্যার
অঙ্গ” এই সিদ্ধান্তের পোষক রূপে ব্যবহার
করা যাইতে পারে ; ভগবতুপাসনারূপ
কর্ম তত্ত্ববিদগণের মৃত্যুকাল পর্য্যন্ত
করণীয় বটে ।
- ১৪।৪৪৬ **স্তুভয়েহনুমতির্বা ॥** ৩ ৪ ১৪ ১৬২৩-১৬২৫
ঈশোপনিষদের ২ মন্ত্রের প্রকৃত অর্থ ; বিদ্যা
কর্মেণ অঙ্গ নহে ।
- ২।১২০ **কামকারাধিকরণ :—** ১৬২৬-১৭১৫
- ১৫ ৪৪৭ **কামকারেণ তৈকে ॥** ৩ ৪ ১৫ ১৬২৬-১৬২৮
বিদ্বান ব্যক্তির কর্মানুষ্ঠান একান্ত করণীয়
নহে, তবে “লোকসংগ্রহের” জন্য কর্মে
গুণ দোষ বুদ্ধি বর্জিত হইয়া, ইচ্ছা হইলে
করিতেও পারেন ; ভগবত্তত্ত্ব জ্ঞানী বা
ভক্ত শাস্ত্রবিহিত কর্ম করুন বা না করুন,
তাহাতে ক্ষতি বৃদ্ধি নাই ।
- ১৬।৪৪৮ **উপমর্দঞ্চ ॥** ৩ ৪ ১৬ ১৬২৯-১৭০০
বিদ্যার সমুদায় কর্মধর্মসের শক্তি আছে ;
ভগবদিচ্ছানুসারে জ্ঞানী ইচ্ছা করিয়াই
প্রারম্ভ ভোগ শেষ করেন ।
- ১৭।৪৪৯ **উক্করে হঃসু চ শঃক হি ॥** ৩ ৪ ১৭ ১৭০১-১৭০৩
আত্মতত্ত্ববিদ সংসারীগণ অথবা সংসারী-
গণের সহিত সম্পর্কিত বিদ্বানগণ

লোকসংগ্রহের জ্ঞান কর্ম করিবেন ;
সংসারের বহির্ভূত উদ্ধারেরতাঃ বিদ্বান্গণ
কামাচারী হইতে পারেন ।

১৮।৪৫০ পরামর্শং জৈমিনিরচোদনা

চাপবদতি হি ॥

৩ ৪ ১৮ ১৭০৩-১৭০৪

জৈমিনি আচার্যের মতে ঈশোপনিষদের
২ মন্ত্রের বলে আত্মতত্ত্ববিদগণের পক্ষে
কর্মের বিধান প্রত্যক্ষভাবে রহিয়াছে ;
সুতরাং তাঁহার মতে কর্মত্যাগের উপদেশ
অন্ধ, পশু প্রভৃতি অশক্তের পক্ষে বৃথিতে
হইবে । এটি পূর্বপক্ষ সূত্র ।

১৯।৪৫১ অনুর্ত্তেয়ং বাদরায়ণঃ সাম্যশ্রুতঃ ॥ ৩ ৪ ১৯ ১৭০৫-১৭০৬

সূত্রকারের মতে আত্মবিদগণের অনুর্ত্তান
বা অননুর্ত্তান ইচ্ছাসাপেক্ষই বটে,
ঈশোপনিষদের ২ মন্ত্রে যাবজ্জীবন
কর্ম্মানুর্ত্তানের বিধান অবিদ্বানের পক্ষে ;
বিদ্বানের ব্রহ্ম ভাবাপত্তি হওয়ায় স্বৈতন্য
লোপ পায়, সুতরাং তাঁহাদের কর্ম্মা-
চরণের উদ্দেশ্য থাকে না ; ব্রহ্মভাব
প্রাপ্ত বিদ্বান্গণ ভগবানের ইচ্ছাশক্তি
পরিচালক সর্বোত্তম যন্ত্র ; ভগবানের
ইচ্ছানুসারেই, • তাঁহারা কোনও বিধি-
নিষেধ পালন করেন বা করেন না ।

২০।৪৫২ বিধির্ক্বা ধারণবৎ ॥

৩ ৪ ২০ ১৭১০-১৭১১

অবিদ্বান্গণের পক্ষে প্রযোজ্য বিধি
বিদ্বান্গণে প্রযোজ্য নহে ।

২১।৪৫০ স্বভিমাভ্রমুপাদানাদিতি চেৎ,

নাপূর্ব্বত্বাৎ ॥

৩ ৪ ২১ ১৭১১-১৭১২

পূর্ব্বপক্ষের পুনরায় আপত্তি। বিদ্বানের কামাচার প্রশংসাবাদ মাত্র; ইহার উত্তর এই যে তাহা নহে, কারণ ইহা “অপূর্ব্ব” বিধি এজন্ত সর্ব্বাপেক্ষা বলীয়ান; বিধি—তিন প্রকার—অপূর্ব্ব, নিয়ম ও পরিসংখ্যা।

২২।৪৫৪ ভাবশব্দাচ্চ ॥

৩ ৪ ২২ ১৭১৩-১৭১৫

ব্রহ্মভাবপ্রাপ্ত বিদ্বান্ ভগবৎ প্রেমে ও তজ্জনিত আনন্দে বিভোর; তাঁহাদের শাস্ত্রোক্ত কর্ম্মানুষ্ঠানের অবসর কোথায়? ভাব—রতি—প্রেম এক পর্যায়ভুক্ত—উহাদের সূক্ষ্ম বিভেদ আলোচনার স্থান ইহা নহে; পরিনিষ্ঠিত জ্ঞানীগণের মধ্যে কর্ম্ম একান্ত করণীয় নহে।

৩।১২১ পারিপ্লবাবধিকরণ

১৭১৬-১৭২১

২৩।৪৫৫ পারিপ্লবার্থা ইতি চেম্,

বিশেষিত্বাৎ ॥

৩ ৪ ২৩ ১৭১৬-১৭১৮

পরিপ্লব—অশ্বমেধাদি বহুকাল সাপেক্ষ যজ্ঞে সময়ক্ষেপের জন্ত উপাখ্যান কথনের (পরিপ্লব) কর্ম্মকাণ্ডে অবসর আছে, জ্ঞানকাণ্ডে নাই; উপনিষদে উক্ত উপাখ্যান সকল ব্রহ্মবিজ্ঞা প্রকাশক—উহারা পরিপ্লব পর্যায়ে পড়ে না।

২৪।৪৫৬ তথা চৈকবাক্যোপবক্ষাৎ ॥

৩ ৪ ২৪ ১৭১৯-১৭২১

আত্মজ্ঞান বিষয়ক পরবর্ত্তী বাক্যের সহিত উপাখ্যান ভাগের একবাক্যতা হেতু,

উহার বিচার প্রকাশক এবং উপাসকের
রুচি উৎপাদক ।

- ২।১২০ **কামকারাধিকরণ :—** . ১৭২২
- ২৫।৪৫৭ **অভ এষ চায়াীকনাখনপেক্ষা ॥** ৩ ৪ ২৫ ১৭২২
বিধান ব্যক্তির যজ্ঞের প্রয়োজনীয় অগ্নি,
ইন্ধন প্রভৃতির অপেক্ষা নাই ।
- ৪।১২২ **সর্বাণেপেক্ষাধিকরণ :—** ১৭২৩-১৭২৮
- ২৬।৪৫৮ **সর্বাণেপেক্ষা চ যজ্ঞাদিশ্রুতেরখবৎ ॥** ৩ ৪ ২৬ ১৭২৩-১৭২৬
বিদ্যা নিজে কল উৎপাদনে ও প্রকাশে
অপরের সম্পূর্ণ নিরপেক্ষ হইলেও যজ্ঞাদি
কর্মের অপেক্ষা উপায় ভাবে করিয়া
থাকেন ; বিদ্যালাভ হইলে আর যজ্ঞাদির
অপেক্ষা নাই ।
- ২৭।৪৫৯ **শমদমাত্যুপেতস্ত্ব স্মাৎ তথাপি**
তু শুদ্ধিষেস্তদজতয়া ভেষামবশ্যাসু-
ষ্ঠেয়ত্বাৎ ॥ ৩ ৪ ২৭ ১৭২৭-১৭২৮
শমদমাদিও বিচার অঙ্গ ; যজ্ঞাদি
বহিরঙ্গ সাধন, শমদমাদি অন্তরঙ্গ সাধন ;
(এই সূত্রে বিদ্যার অধিকারী নির্দেশ) ।
- ৫।১২৩ **সর্বাণানুসৃত্যধিকরণ :—** ১৭২৯-১৭৩৬
- ২৮।৪৬০ **সর্বাণানুসৃত্যৈচ প্রাণাত্যয়ে**
তদর্শনাৎ ॥ ৩ ৪ ২৮ ১৭২৯-১৭৩২
প্রাণ প্রয়ানের উপক্রম হইলে সকলের অন্ন
গ্রহণীয় ইহা আপৎকল্প মাত্র ; ইভ্যগ্রামে
হৃভিক্ষের উপাখ্যান ।
- ২৯।৪৬১ **অবাধাচ্চ ॥** ৩ ৪ ২৯ ১৭৩২-১৭৩৩
আহার শুদ্ধির প্রয়োজনীয়তা ।

	অধ্যায় পাদ সূত্র	পৃষ্ঠা
৩০।৪৬২	অপি স্মর্যতে ॥	৩ ৪ ৩০ ১৭৩৪
৩১।৪৬৩	শব্দশ্চাতোহকামকারে ॥	৩ ৪ ৩১ ১৭৩৫-১৭৩৬
	সর্বত্র যথেষ্ট ভঙ্গের নিষেধক শ্রুতি প্রমাণ আছে, সূত্রাং উহা আপৎ করে অনুমোদন ।	
৩১।২৪	বিহিত্বাধিকরণ :—	১৭৩৭-১৭৪৩
৩২।৪৬৪	বিহিত্বাচ্চাশ্রমকর্মাপি ॥	৩ ৪ ৩২ ১৭৩৭-১৭৩৮
	বিদ্যাবুদ্ধি ও আনন্দের উৎকর্ষের জন্ম বিদ্বানের পক্ষেও কর্মের বিধান আছে ; লব্ধবিদ্যা স্বনিষ্ঠের আশ্রমধর্ম প্রতিপাল্য ; কর্মের সার্থকতা বিদ্যোপচয়ের জন্ম ।	
৩৩।৪৬৫	সহকারিত্বেন চ ॥	৩ ৪ ৩৩ ১৭৩৯-১৭৪৩
	জ্ঞানকর্ম সমুচ্চয় বেদান্তের অভিপ্রেত নহে ; বিদ্যা কর্মাস্ত নহে, বরং কর্ম— বিদ্যাস্ত ; বিদ্বানের অনুষ্ঠিত যজ্ঞাদি কর্ম কাম্যকর্ম পর্যায়ভুক্ত নহে ; বিদ্বানের নিকট বিশ্বরহস্য উদ্ঘাটিত হইয়া যায় ; বিদ্বান ব্যক্তি স্বর্গাদি ভোগ সাক্ষীরূপে দর্শন করেন মাত্র, উহাদের উপভোগ করেন না এবং উহাতে বন্ধও হন না ; বিদ্যা স্বতন্ত্রভাবে ফল হেতু, কর্ম তাহার সহকারী মাত্র, ভগবানে ভক্তি হইলে আর প্রাপ্তবোর অবশেষ থাকে না ।	
৩৩।২৫	সর্বথাধিকরণ :—	১৭৪৪-১৭৫০
	পরিনিষ্ঠিত লব্ধবিদ্যা সম্বন্ধে বিচার ।	
৩৪।৪৬৬	সর্বথাপি ত এবোত্তরলিঙ্গাং ॥	৩ ৪ ৩৩ ১৭৪৪-১৭৪৭
	আশ্রমধর্ম পালন করিবার অবসর না থাকিলে, ভগবচ্ছবণ কীর্তনাদি ধর্ম করণীয় ; ভগবদ্বর্ষ পালন করিয়া অবসর	

পাইলে আশ্রমধর্ম গৌণভাবে পালন করা যাইতে পারে ।

৩৫।৪৬৭ অনভিভবঞ্চ দর্শয়তি ॥

৩ ৪ ৩৫ ১৭৪৮-১৭৫০

ভগবচ্ছ্রবণ কীর্তনাদির অনুরোধে আশ্রম-ধর্ম প্রতিপালিত না হইলে প্রত্যবায় হয় না ; আশ্রমধর্ম পালনের মূখ্য উদ্দেশ্য ভগবানে ভক্তিমাত—উহা প্রাপ্ত হইলে উক্ত কর্মানুষ্ঠানের প্রয়োজন নাই—লোক-সংগ্রহের জন্ত অনুরোধিত মাত্র ; গর্হিত কর্ম করিয়া ফেলিলেও বিদ্বানকে পাপ অভিভব করে না ।

৮।১২৬ বিধুরাধিকরণ :—

১৭৫১-১৭৫৮

অনাশ্রমী নিরপেক্ষ বিদ্বার্থী সম্বন্ধে বিচার ;
বিধুর শব্দের অর্থ ।

৩৬।৪৬৮ অন্তরা চাপি তু তদ্ব্যপ্তেঃ ॥

৩ ৪ ৩৬ ১৭৫২-১৭৫৪

অনাশ্রমী নিরপেক্ষদিগেরও বিদ্যায় অধিকার আছে ; প্রাগ্ভবীয় জন্মজাত কর্মে চিন্তা-শক্তি হইলে জীব বিত্তক চিত্ত লইয়াই জন্ম-গ্রহণ করে, স্মৃতরাং সংসঙ্গ মাত্রে বা আকস্মিক কোনও বিশেষ বাক্য শ্রবণ মাত্রে বৈরাগ্য উদয় হয় ; কলিকাতার ধনী লালাবাবুর দৃষ্টান্ত ; স্ফটিক পরিণতির দৃষ্টান্ত ; বিদ্যোৎপত্তির কালাকালের কোনও নিয়ম নাই ; কিছুই বিফলে যায় না, সমুদায় প্রচেষ্টার ফল সঞ্চিত থাকে ।

৩৭।৪৬৮ অপি স্মর্যতে ॥

৩ ৭ ৩৭ ১৭৫৫-১৭৫৭

সংসঙ্গ মাহাত্ম্য ।

	অধ্যায়	পাদ	সূত্র	পৃষ্ঠা
৩৮।৪৭০ বিশেষানুগ্রহশ্চ ॥ সমুদায় পরিত্যাগী, ভগবদেবে আশ্রয়, নিরপেক্ষ ভক্তগণের উপর ভগবানের বিশেষ দয়া ; ভগবান—ভক্তাধীন ।	৩	৪	৩৮	১৭৫৭-১৭৫৮
৩৯।১২৭ ইত্তরাধিকরণ :—				১৭৫৯-১৭৬৫
৩৯।৪৭১ অভ্যস্তিত্ত্বরজ্জায়ো লিঙ্গাচ্চ ॥ অনাশ্রমী নিরপেক্ষ আশ্রমী অপেক্ষা শ্রেষ্ঠ ; আশ্রম বিধানই শাস্ত্রের তাৎপর্য্য নহে— উহা অজ্ঞদিগের জ্ঞান ; সমুদায় বেদ ভগবানকে নির্দেশ করিয়া সার্থকতা লাভ করে ; চিত্তশুদ্ধিই আশ্রমধর্ম্ম প্রতি- পালনের উদ্দেশ্য ; যাহাদের চিত্ত শুদ্ধ, তাহাদের উক্ত ধর্ম্ম প্রতিপালন একান্ত করণীয় নহে, প্রকৃত অধিকারীর পক্ষেই অনাশ্রমী হইবার অনুমোদন, সকলের পক্ষে নহে ।	৩	৪	৩৯	১৭৫৯-১৭৬৪
৪০।৪৭২ তদ্ব্যুৎস্য তু নাভদ্ব্যাবো জৈমিনেরপি নিয়মাতক্রপাতাবেত্যঃ ॥	৩	৪	৪০	১৭৬৪-১৭৬৯
জৈমিনী আচার্য্যও জন্মাবধি নিরপেক্ষ স্বীকার করিয়া থাকেন ; নিরপেক্ষ অনাশ্রমী শিষ্টগণের মধ্যে আশ্রমাস্তর গ্রহণের অভাবই দৃষ্ট হয় ; দেবতাগণ নিরপেক্ষ ভক্তগণের সাধন পথে বিঘ্ন উৎপাদন করেন, ইহা কি প্রকারে সম্ভব ? বাহ্যতঃ প্রতিকূলতাচরণের শেষ পরিণতি ভগবদ্ কৃপা লাভ ।				
৪১।৪৭৩ ন চাধিকারিকমপি পতনানুমানাৎ তদ্ব্যোগাৎ ॥	৩	৪	৪১	১৭৭০-১৭৭৩
ভগবানের পরম পদ ভিন্ন সমুদায় লোক হইতে পতন অনিবার্য্য ; নিরপেক্ষগণ				

লোকাধিপতিগণের পদও আকাঙ্ক্ষা করেন না ; ভগবানের ভক্তগণ স্বর্গ-নরক প্রভৃতি হইতে ভীত হন না ; নিরপেক্ষগণ স্থনিষ্ঠ হইতে শ্রেষ্ঠ ।

৪২।৪৭৪ উপপূর্বমপিভেদে ভাবমশনবৎ,

ভক্তস্তম্ ॥

৩ ৪ ৪২ ১৭৭৪-১৭৭৯

নিরপেক্ষ অনাশ্রমীগণ আশ্রমী পরিনিষ্ঠিতগণ হইতে শ্রেষ্ঠ ; ঐকান্তিক নিরপেক্ষগণ সর্বকালে, সর্বাবস্থায় ব্রহ্মস্থানুভূতি লাভ করিয়া থাকেন ; তাঁহাদের ভগবদ্ভজন—কর্মপর্যায় ভুক্ত নহে ; ইহা “নৈষ্কর্মা” আখ্যায় আখ্যায়িত ; নিরপেক্ষ ঐকান্তিক ভক্তগণের চরণগুলির জন্ম ভগবান তাঁহাদের অনুগমন করেন ; ভগবান—রসস্বরূপ—তাঁহার নিরপেক্ষ ভক্তগণ আনন্দ সমুদ্রে নিমগ্ন ।

৪৩।৪৭৫ বহিস্তু ভয়থাপি স্মৃতেরাচারাত্ত ॥

৩ ৪ ৪৩ ১৭৭৯-১৭৮৫

নিরপেক্ষ ঐকান্তিক ভক্তগণ বাহ্যতঃ প্রপঞ্চে বর্তমান থাকিলেও প্রকৃতপক্ষে প্রপঞ্চের সহিত তাঁহাদের সম্পর্ক নাই—ভগবৎ সঙ্গই তাহার কারণ ; ভগবান ঐ প্রকার ভক্তের অন্তরে বাহিরে বর্তমান ; ভক্তের চরণগুলি লাভের জন্ম ভগবানের অনুগমন—ইহা কি ঘোর ভগবন্নিন্দা নহে ; উক্ত প্রপঞ্চের বিচার ; ব্যবহারিক উচিতানু-চিতির মাপকাঠি লইয়া ইহার বিচার চলিবে না ।

১০।১২৮ স্বাম্যধিকরণ :—

নিরপেক্ষ ঐকান্তিক ভক্তের শারীরিক
অভাব পরিপূরণ হইবে কিরূপে ?

৪৪।৪৭৬ স্বামিনঃ কলশ্রুভেরিত্যাভ্রৈয়ঃ ॥

৩ ৪ ৪৪ ১৭৮৬-১৭৮৮

ভগবানই ভক্তের সমুদায় অভাব
পরিপূরণ করেন ।

৪৫।৪৭৭ আত্মিক্যমিত্যোড়ুলোমিস্তম্ভৈ হি

পরিক্রীয়তে ॥

৩ ৪ ৪৫ ১৭৮৮-১৭৯১

ঋত্বিকগণ যেমন দক্ষিণা লইয়া আপনাদের
কর্ম যজমানের নিকট বিক্রয় করেন,
ভগবানও সেইরূপ ভক্তের নিকট সেবা
ভক্তি গ্রহণ করিয়া আত্মবিক্রয় করেন ;
ইহা তাঁহার অসীম করুণাময় স্বভাবের
পরিচয় ।

৪৬।৪৭৮ শ্রুভেষ্ট ॥

৩ ৪ ৪৬ ১৭৯২

১১।১২৯ সহকার্যসুরবিধ্যধিকরণ :—

১৭৯৩-১৭৯৮

নিরপেক্ষ ভক্তগণের বিদ্যালোভের পরবর্তী
অনুষ্ঠান কথিত হইতেছে ।

৪৭।৪৭৯ সহকার্যসুরবিধিঃ পক্ষেণ তৃতীয়ং

ভেষ্টো বিধ্যাদিবৎ ॥

৩ ৪ ৪৭ ১৭৯৩-১৭৯৮

শমদমাদি বিজ্ঞার সহকারী উপায় স্বনিষ্ঠ ও
পরিনিষ্ঠিতগণের সম্বন্ধে পাক্ষিক ভাবে
প্রযোজ্য ; তৃতীয় বা মানসিক উপাসনাই
নিরাশ্রমীগণের কর্তব্য ; মানসিক চিন্তা
বা ধ্যান কর্ম বটে ; নিরপেক্ষ ভক্তগণের
মধ্য দিয়া ভগবানের অজস্র করুণা
সংসারতাপে তাপিত জনগণের মধ্যে
প্রবাহিত হইতেছে ; কাম্যকর্ম তাঁহাদিগের

করণীয় নহে; নিয়মের ভঙ্গনের
ভঙ্গবচিহ্নন বা ধ্যানরূপ কর্ণ—কর্ণের
ব্যাপক সংজ্ঞার অন্তর্ভুক্ত হইলেও উহা
“নৈকর্য্য” বলিয়া উক্ত হইয়াছে।

১২।১৩০ কুলসভাবাধিকরণ :—

১৭৯৯-১৮০৭

৪৮।৪৮০ কুলসভাবাৎ তু গৃহিণোপসংহারঃ ॥ ৩ ৪ ৪৮ ১৭৯৯-১৮০১

গৃহস্থ আশ্রমে সমুদায় আশ্রমধর্মের
ভাব থাকার ছান্দোগ্য শ্রুতিতে গৃহীর
ব্রহ্মলোক প্রাপ্তি উল্লেখ উপসংহার করা
হইয়াছে।

৪৯।৪৮১ মৌনবদিভরেষমপ্যুপদেশাৎ ॥ ৩ ৪ ৪৯ ১৮০২-১৮০৭

ব্রহ্মবিদ্যা কোনও বিশেষ আশ্রমের নিজস্ব
বস্তু নহে; অধিকারী ভেদে আশ্রম ব্যবস্থা;
ভগবান সাধকের “ভাববন্ধু”; অনন্তভাবে
ভজন করিলে ভগবান নিজেই পরমপদ
প্রদান করেন।

১৩।১৩১ অনাবিকারাদিকরণ :—

১৮০৮-১৮১২

সম্প্রতি অধিগতবিদ্য ব্যক্তি কি প্রকার
করিবেন, তাহা বিচার।

৫০।৪৮২ অনাবিকুবর্বল্লম্বয়াৎ ॥ ৩ ৪ ৫০ ১৮০৮-১৮১২

কামাচার বা কামভঙ্গ হওয়া সাধকের
উচিত নহে; যথেষ্টাচারী হওয়াও বিধেয়
নহে; বিদ্বান ব্যক্তি বালকের গায় সরল,
নিরভিমান, দম্বরহিত, শত্রু-মিত্রে সমদৃষ্টি,
যৌবনোচিত ইন্দ্রিয়চেষ্টা বর্জিত ভাবে
বর্তমান থাকিবেন; ভগবানে সর্বোদ্রিয়
নিয়োগই শ্রেষ্ঠ উপাসনা; ভগবান
রসাত্মক, রসবৃদ্ধির অন্তর্গত উপাসনা

নিভৃতে করিতে হয়; ভ্রমরের দৃষ্টান্ত ;
যোগাত্মক ও ঋণাত্মক তড়িতের দৃষ্টান্ত ।

১৪।১৩২ ঐহিকাধিকরণ :—

১৮১৩-১৮১৯

বিদ্যোৎপত্তির কালের বিষয় আলোচনা ;
বিদ্যোৎপত্তি বর্তমান জন্মেই হয় অথবা
জন্মান্তরে হইয়া থাকে ?

৫১।৪৮৩ ঐহিকমপ্রস্তুত-প্রতিবন্ধে, উদ্দেশনাং ॥ ৩ ৪ ৫১ ১৮১৩-১৮১৯

বিদ্যালভ কাহারও এই জন্মে হয়, কাহারও
জন্ম জন্ম প্রয়োজন ; ইহার কোনও
অব্যভিচারী নিয়ম নাই ; কর্মজাত বেষ্টনীর
মলিনতাই বিদ্যোৎপত্তির অন্তরায় ; ঐ
বেষ্টনী ধ্বংস করাই সমুদায় সাধনার
উদ্দেশ্য ; সাধনায় প্রযত্ন না করিলে গতা-
গতির বিরাম নাই ; কায়িক, বাচনিক ও
মানসিক তিন প্রকারে ভগবানের সেবাই
প্রকৃষ্ট উপায় ।

১৫।১৩৩ মুক্তিফলাধিকরণম্ :—

১৮২০-১৮২৪

৫২।৪৮৪ এবং মুক্তিফলানিয়মসুদবন্ধাবধ্বন্তেসুদব-

ধ্বাবধ্বন্তে: ॥ ৩ ৪ ৫২ ১৮২০-১৮২৪

মুক্তিলাভের হেতু বিদ্যোৎপত্তি এবং প্রারন্ধ^০
নাশ ; ব্যবহারিক জগতে সর্বোচ্চ
বিচারালয়ের চূড়ান্ত নিষ্পত্তির দৃষ্টান্ত,
জীবন যাপনের মুষ্টিযোগ ; মুক্তিফল—
ভক্তিরসানুভব—ভগবদিচ্ছার উপর নির্ভর^০
করে ; ইহার উৎপত্তির অন্য কোনও নিয়ম^০
নাই ।

ওঁ नमो भगवते वासुदेवाय ।

ब्रह्मसूत्र ऒ श्रीमद्भागवत
वा
श्रीमद्भागवत साहाय्ये ब्रह्मसूत्रालोचना ।

द्वितीय अध्याय

आलोकक :—श्रीरामपद चट्टोपाध्याय, वेदान्त विचारवि ।

ব্রহ্মসূত্র ও শ্রীমদ্ভাগবত

বা

শ্রীমদ্ভাগবত সাহায্যে বেদান্ত আলোচনা ॥

'ওঁ নমো ভগবতে বাসুদেবায় । ওঁ নমো গুরবে ॥

ব্রহ্মসূত্র বা বেদান্তদর্শন

দ্বিতীয় অধ্যায়ের প্রতিপাদ্য :- অবিরোধ

যচ্ছক্ৰয়োবদতাং বাদিনাং বৈ বিবাদসম্পাদভুবো ভবন্তি ।
কুর্বন্তি চৈষাং মুহুরাঅমোহং তস্মৈ নমোহনন্তগুণায় ভূয়ে ॥

ভাগঃ ৬।৪।২৬

অস্তীতি নাস্তীতি চ বস্তুনিষ্ঠয়োরেকস্থয়োভিন্নবিরুদ্ধধর্মণোঃ ।

অবেক্ষিতং কিঞ্চন যোগসাংখ্যয়োঃ সমং পরং হ্নুকুলং

বৃহত্তং ॥ ভাগঃ ৬।৪।২৭

যাঁহার শক্তি সকল বিবাদকারী বাদিগণের কখনও বিবাদের কখনও বা
সম্বাদের স্থল হইয়া থাকে, এবং সেই সকল বাদিগণের আত্মাতে মুহূর্হুঃ
মোহ উপস্থিত করিয়া দেয়, সেই অনন্ত গুণে অলঙ্কৃত পরম পুরুষ ভগবানকে
আমি নমস্কার করি । ভাগঃ ৬।৪।২৬

উপাসনা শাস্ত্রে বা ভক্তি শাস্ত্রে যাঁহাকে হস্তপদাদি অঙ্গপ্রত্যঙ্গবিশিষ্ট
আকৃতিবান্ সগুণ উপাস্ত বলিয়া উপাসনার বিধি আছে, আবার জ্ঞানশাস্ত্রে
যাঁহাকে অপাণিপাদ, সর্কেন্দ্রিয় বিবর্জিত নিরাকার নিগুণ বলিয়া সিদ্ধান্ত স্থাপন
করা হইয়াছে । এই যে আকার আছে বা আকার নাই, অথবা সগুণ বা নিগুণ
বলিয়া উভয় শাস্ত্রের বিবাদের হেতুভূত ধর্মপরম্পরা পরম্পরের অত্যন্ত বিরোধী ও
ভিন্ন ভিন্ন হওয়া সত্ত্বেও, উভয়ের উক্ত বিধিনিষেধ একবস্তুনিষ্ঠ হওয়ায়, উহাদের
বিষয় একই । তিনি ব্রহ্ম—বৃহত্তম—অনন্ত—সমস্ত বিধিনিষেধের সমাধান
র্তাহাতেই । অধিষ্ঠান বিনা পাদাদি কল্পনা, এবং অবধি বিনা নিষেধও অসম্ভব

বিধায় তাঁহাতে বিধি ও নিষেধ-দুইই অসম্ভব, দুইই অবিরোধ, তিনি দুইএরই উপপাদক। ভাগঃ ৬।৪।২৭

তং সৰ্ববাদবিষয়প্রতিরূপশীলং

বন্দে মহাপুরুষমাঅনি গূঢ়বোধং ॥

ভাগঃ ১২।৮।৪৩

সেই সৰ্ববাদ, বিষয়ানুসারী ও আপনাতে নিগূঢ় বোধরূপ মহাপুরুষকে বন্দনা করি। ভাগঃ ১২।৮।৪৩

দ্বিতীয় অধ্যায়ের চারিটি পাদ—

প্রথম পাদে :—সাংখ্য, যোগ, বৈশেষিক প্রভৃতি স্মৃতির সহিত এবং সাংখ্যাদি প্রযুক্ত তর্কসমূহের সহিত বেদান্ত-সিদ্ধান্তের বিরোধ পরিহার।

দ্বিতীয় পাদে :—সাংখ্যাদি মতের দৃষ্টতা প্রদর্শন।

তৃতীয় পাদে :—পূর্বভাগে পঞ্চ মহাত্মত সংক্রান্ত শ্রুতিবাক্যসমূহের পরস্পর বিরোধ পরিহার এবং উত্তর ভাগে—জীববোধক শ্রুতিবাক্যসমূহের পরস্পর বিরোধ পরিহার।

চতুর্থ পাদে :—লিঙ্গশরীর সংক্রান্ত বাক্যসমূহের পরস্পর বিরোধ পরিহার।
বৈয়াকিক গ্রাম মালা ।৬।

ওঁ নমো ভগবতে বাসুদেবায় । ওঁ নমো গুরবে ।

ব্রহ্মসূত্র ও শ্রীমদ্ভাগবত ।

বা

সার্বজনীন সুখসাধ্য সাধন-শাস্ত্ররূপে
শ্রীমদ্ভাগবত সাহায্যে ব্রহ্মসূত্রালোচনা ।

দ্বিতীয় অধ্যায় । প্রথম পাদ ।

এই পাদে সাংখ্য, যোগ, বৈশেষিক প্রভৃতি শ্বতির সহিত এবং সাংখ্যাদি
প্রযুক্ত তর্কসমূহের সহিত বেদান্ত সিদ্ধান্তের বিরোধ পরিহার ।

প্রথম অধিকরণ । প্রথম সূত্র ।

১। শ্বত্যাধিকরণ ॥

ভিত্তি :—

“ঋষিং প্রসূতং কপিলং যন্তমগ্রে জ্ঞানৈর্বিভক্তি.....”

শ্বেতাশ্বতর ৫।২

যিনি অগ্রে অর্থাৎ কল্পের আদিতে উৎপন্ন ঋষি কপিলকে ধর্ম, জ্ঞান ও
ঐশ্বর্য্যপূর্ণ করিয়াছিলেন । শ্বেতা ৫।২

সংশয় :—প্রথম অধ্যায়ে সিদ্ধান্ত স্থাপন করা হইয়াছে যে, ব্রহ্মেই সমুদায়
বেদান্তের তাৎপর্য্য এবং ব্রহ্মেই বিশ্বের উপাদান ও নিমিত্ত কারণ । কিন্তু এ
সিদ্ধান্ত গ্রহণ করিতে হইলে প্রধান কারণবাদ অস্বীকার করিতে হয়, এবং
তাহা হইলে সাংখ্যদর্শনের কোনও সার্থকতা থাকে না । উক্ত দর্শনে ধর্ম,
আচার, নীতি প্রভৃতি কিছুই উপদেশ নাই । যদি থাকিত, তাহা হইলে
প্রধান কারণবাদ অস্বীকার করিলেও, উক্ত দর্শনের কথঞ্চিৎ সার্থকতা থাকিতে
পারিত । অথচ নিরোদেশে উদ্ধৃত শ্রুতিতে কপিলের নাম এবং তিনি যে

আদিজ্ঞানী তাহারও উল্লেখ আছে। সুতরাং তাঁহার প্রণীত সাংখ্যদর্শন কখনই নিরর্থক হইতে পারে না। অতএব সাংখ্য দর্শনের প্রধান কারণবাদ মানিয়া লইয়া বেদান্তসিদ্ধান্ত স্থাপন করা উচিত। এই সংশয় সূত্রের আদিতে উত্থাপন করিয়া সূত্রকার ইহার সমাধান, সূত্রেরই শেষ অংশে স্থাপন করিয়াছেন।

সূত্র :—২।১।১

স্বত্যানবকাশ-দোষ-প্রসঙ্গ ইতি চেন্নাস্বত্যানবকাশ-দোষ-

প্রসঙ্গাৎ ॥ ২।১।১॥

স্বতি + অনবকাশ + দোষ + প্রসঙ্গঃ + ইতি + চেৎ + ন + অস্বতি
+ অনবকাশ + দোষ + প্রসঙ্গাৎ ।

স্বতি :—সাংখ্যস্বতির—কপিল প্রণীত সাংখ্যদর্শনের। অনবকাশ :—নির্বিষয়রূপ—অনর্থকতারূপ। দোষ-প্রসঙ্গঃ :—দোষের সম্ভাবনা। ইতি :—ইহা। চেৎ :—যদি বল। ন :—না। অস্বতি :—মন্ত্র, ভগবদগীতা, বিষ্ণুপুরাণ প্রভৃতি অপরাপর স্বতির। অনবকাশ :—অনর্থকতারূপ। দোষ-প্রসঙ্গাৎ :—দোষের সম্ভাবনা হেতু।

যদি সাংখ্য দর্শন মানিয়া লইতে হয়, তাহা হইলে মনু, বেদবাস, পরাশর প্রভৃতি প্রণীত অস্বতির অনর্থকতারূপ দোষের সম্ভাবনা উপস্থিত হয়। বিশেষতঃ, সাংখ্য দর্শনের “প্রধান-কারণবাদ” শ্রুতিবিরুদ্ধ। ছান্দোগ্য শ্রুতির ৩।১৪।১ মন্ত্রে আছে—“সর্বং খণ্ডিতং ব্রহ্ম ভজ্জলানিতি”, অর্থাৎ পরিদৃশ্যমান সমস্তই নিশ্চয়ই ব্রহ্ম, তাঁহা হইতে উৎপত্তি, তাঁহাতে স্থিতি এবং তাঁহাতেই লয়। ইহাতে ব্রহ্ম ভিন্ন কারণান্তর নাই, ইহা স্পষ্ট বল হইল। তৈত্তিরীয় শ্রুতির ৩।১ মন্ত্র ১।১।২ সূত্রের ভিত্তিস্বরূপ উক্ত হইয়াছে। তাহাতেও স্পষ্টই উল্লিখিত আছে যে, ব্রহ্মই জগৎকারণ। সুতরাং সাংখ্যোক্ত প্রধান কারণবাদ শ্রুতিবিরুদ্ধ। শ্রুতি ও স্বতির বিরোধ হইলে স্বতি উপেক্ষণীয় ও শ্রুতিই গ্রহণীয়। সুতরাং সাংখ্য দর্শন উপেক্ষণীয়।

আরও দেখ, ছান্দোগ্য শ্রুতির ৬।২।১ মন্ত্রে আছে, “সদেব সোম্য ইদমগ্রে আসীদেকমেবাদ্বিতীয়ম্” অর্থাৎ, হে সোম্য, সৃষ্টির পূর্বে এই পরিদৃশ্যমান বিশ্ব এক অদ্বিতীয় সংস্বরূপ ছিল। যদি প্রধান ব্রহ্ম হইতে স্বতন্ত্র কারণ হয়, তাহা হইলে “একমেবাদ্বিতীয়ম্” “একই অদ্বিতীয়”, এই শ্রুতির বিরোধ হয়। যদি প্রধানকে ব্রহ্মের শক্তি বলিয়া স্বীকার কর, তাহা হইলে বেদান্ত-

সিদ্ধান্তবাদিগণের সহিত ব্রহ্ম-শক্তি প্রধান বা প্রকৃতি হইতে জগৎসৃষ্টি সম্বন্ধে কোনও বিরোধ নাই।

মহু, গীতা, বিষ্ণুপুরাণ, প্রভৃতি অন্যান্য স্মৃতিগণ প্রধান বা প্রকৃতিকে ব্রহ্মশক্তি বলিয়া স্বীকার করিয়াছেন, এবং ব্রহ্মই প্রপঞ্চ বিশ্বের উপাদান ও নিমিত্তকারণ, এই সিদ্ধান্ত স্থাপন করিয়াছেন। এই সকল বেদান্তমারী স্মৃতি পরিত্যাগ করিয়া বেদ-বিরোধী সাংখ্য স্মৃতির সিদ্ধান্ত মানিয়া লওয়া যাইতেই পারে না। বিশেষতঃ, বেদান্ত-দর্শন বেদের সূদৃঢ় ভিত্তির উপর প্রতিষ্ঠিত। বেদ-বিরোধী কোনও শাস্ত্রের সিদ্ধান্ত বেদান্তের গ্রহণীয় নহে।

যে শ্রুতিমন্ত্র (শ্বেতাঃ ৫।২) উল্লেখ করিয়া মহর্ষি কপিলকে আপ্ত আদি জ্ঞানবান্ বলিতেছ, উক্ত মন্ত্রে 'কপিল' অর্থ কোন ব্যক্তিবিশেষ নহে। উহার অর্থ, কপিলবর্ণ অর্থাৎ স্বর্ণবর্ণ হিরণ্যগর্ভ, যাহার হৃদয়ে ভগবান্ সৃষ্টির অগ্রে জ্ঞান সঞ্চার করিয়াছিলেন। উক্ত শ্বেতাশ্বতর শ্রুতির ৩।৪ মন্ত্রে ইহা স্পষ্ট উল্লেখ আছে যে, সর্বাগ্রে হিরণ্যগর্ভেরই জন্ম হইয়াছিল, "হিরণ্যগর্ভং জনয়ামাস পূর্বম্"। শ্রীমদ্ভাগবতও এই কথাই বলিয়াছেন, "তেনে ব্রহ্মহৃদা য আদি কবয়ে .."(ভাগঃ ১।১।১) আদি কবি ব্রহ্মার হৃদয়ে যিনি বেদ বিস্তার করিয়াছিলেন। অতএব শ্রুতিমন্ত্রোক্ত 'কপিল' অর্থ যে সাংখ্যগ্রণেতা কপিল, তাহা নাও হইতে পারে।

অপরন্তু, ব্রহ্মর্ষি কদ্দমও মহুপুত্রী দেবহৃতিপুত্র ভগবান কপিল বিষ্ণুর অবতার বলিয়া পুরাণে উল্লেখ আছে। তিনি তাঁহার মাতা দেবহৃতিকে যে সাংখ্য উপদেশ দিয়াছিলেন, তাহা শ্রীমদ্ভাগবতে ৩য় স্কন্ধে বর্ণিত আছে। সে সাংখ্যের সহিত ত বেদান্তের কোনও বিরোধ নাই। উদাহরণ স্বরূপ কয়েকটি শ্লোক উদ্ধৃত করা গেল।

অনাদিরাঅ পুরুষো নিগুণঃ প্রকৃতেঃ পরঃ ।

প্রত্যক্ষামা স্বয়ংজ্যোতির্বিশ্বং যেন সমষ্টিতম্ ॥ ভাগঃ ৩।২।৬৩

স এষ প্রকৃতিং সূক্ষ্মাং দৈবীং গুণময়ীং বিভূঃ ।

যদৃচ্ছৈবোপগতামভ্যপত্ত লীলয়া ॥ ভাগঃ ৩।২।৬৪

গুণৈর্বিচিত্রাঃ সৃজতীঃ সরূপাঃ প্রকৃতিং প্রজাঃ ।

বিলোক্য মুমূহে সত্ত্বঃ স ইহ জ্ঞানগৃহয়া ॥ ভাগঃ ৩।২।৬৫

এবং পরাভিধ্যানেন কর্তৃত্বং প্রকৃতেঃ পুমান্ ।

কর্ম্মনু ক্রিয়মাণেষু গুণৈরাঅনি মণ্ডতে ॥ ভাগঃ ৩।২।৬৬

•যাহার ধাম সর্বেন্দ্রিয়ের অগম্য, তিনি অনাদি আত্মা, তিনি পুরুষ, তিনি প্রকৃতির পর, প্রাকৃতিক গুণ তাঁহাতে নাই, তিনি স্বপ্রকাশ, এই বিশ্ব তাঁহার প্রকাশে প্রকাশিত হইয়া থাকে। ভাগ: ৩।২।৬৩

অব্যক্ত গুণময়ী প্রকৃতি, সেই পুরুষের শক্তি। পুরুষ লীলা বশতঃ, উপগতা স্বীয় শক্তিরূপা প্রকৃতিকে যদৃচ্ছাক্রমে গ্রহণ করিয়া থাকেন, অর্থাৎ তাহাতে চিদাভাসরূপ বীৰ্য্য পাতিত করেন—নিজ তটস্থ বা জীবশক্তি প্রকৃতিতে সঞ্চারিত করেন। ভাগ: ৩।২।৬৪

তাহাতে প্রকৃতি আপনার গুণদ্বারা আপনার সমানরূপ বিচিত্র প্রজা সৃষ্টি করেন। এবং ঐ চিদাভাস—জীবাআরূপে প্রকৃতিতে সত্ত্ব মুক্ত হইয়া পড়েন। ভাগ: ৩।২।৬৫

তৎপরে, প্রকৃতির গুণে যে সমুদায় কার্য্য হয়, প্রকৃতিতে অধ্যাসবশতঃ পুরুষ অর্থাৎ জীবাআ আপনাকে ঐ সকল কার্য্যের কর্তা বলিয়া অভিমান করিয়া থাকেন। ভাগ: ৩।২।৬৬

বর্তমানে যাহা সাংখ্যদর্শন বলিয়া প্রসিদ্ধ, তাহাতে যাহাকে ‘প্রধান’ বলা হইয়া থাকে, তাহাই উপরে উদ্ধৃত শ্লোকে প্রকৃতিই। ইহা ভাগবতকার পরিষ্কার করিয়া বলিয়াছেন :—

যত্ত্বং ত্রিগুণমব্যক্তং নিত্যং সদসদাত্মকম্ ।

প্রধানং প্রকৃতিং প্রাহুরবিশেষং বিশেষবৎ ॥ ভাগ: ৩।২।৬১০

প্রকৃতিই ‘প্রধান’ নামে কথিত। এই প্রকৃতিই নিজে অবিশেষ, কিন্তু বিশেষের আশ্রয়। সত্ত্বরজস্তমঃ ত্রিগুণময়, অব্যক্ত, নিত্য এবং কার্য্যকারণরূপ। ভাগ: ৩।২।৬১০

অতএব, স্পষ্ট বুঝা গেল যে, প্রকৃতি ব্রহ্মশক্তি। শক্তি শক্তিমাণে অভেদ বলিয়া নিত্য। যেমন ব্রহ্মের এক পাদে প্রপঞ্চ সৃষ্টি, তদ্রূপ প্রকৃতির একাংশে ব্যক্ত জগৎ, অধিকাংশ শক্তিরূপে ব্রহ্মে চির বিদ্যমান। সুতরাং নিত্য বা অব্যক্ত বলিতে কোনও দোষ হয় না।

যদিও ব্রহ্ম বা তাঁহার শক্তিরূপা প্রকৃতিতে পাদ, অংশ প্রভৃতি বিভাগবাচক শব্দ প্রযোজ্য নহে, তথাপি আমাদের ধারণা করিবার জন্ত, মন চিন্তাদির বিষয়-ভূত করিবার জন্ত, এবং ভাষায় প্রকাশ করিবার জন্ত, উহাদের ব্যবহার না করিয়া উপায় নাই। তবে স্মরণ রাখা প্রয়োজন যে, প্রপঞ্চের বহির্ভূত বস্তুতে উহাদের অস্তিত্ব নাই, এবং সে বস্তু চিরপূর্ণ।

উপরে যে কয়েকটি শ্লোক উদ্ধৃত হইয়াছে, তাহাদের আলোচনার আরও একটি বিষয় লক্ষ্য করিতে হইবে। সাংখ্যদর্শনে পুরুষ ভিন্ন ভিন্ন কথিত হইয়াছে। কিন্তু কপিলোক্ত ভাগবতের ৩২৬।৫ শ্লোকে জীবাশ্মার পার্থক্য স্বীকার করা হয় নাই। উক্ত শ্লোকের অর্থ অতি গভীর। যেমন একখানি স্বচ্ছ দর্পণে সূর্য্যকিরণ প্রতিফলিত হইয়া একটি প্রতিবিম্বের সৃষ্টি করে, সেইরূপ প্রকৃতিতে বা মায়াতে প্রতিবিম্বিত চিদংশ, সমষ্টিজীব বা হিরণ্যগর্ভ। আবার—দর্পণখানি চূর্ণ করিলে উহার প্রত্যেক ক্ষুদ্র বৃহৎ চূর্ণাংশে সূর্য্যকিরণ প্রতিফলিত হইয়া যেমন চিক্চিকানির সৃষ্টি করে, প্রত্যেকটি যদিও ক্ষুদ্র তবুও সূর্য্যেরই প্রতিবিম্ব, সেইরূপ গুণকোভবশতঃ সৃষ্ট “সমানরূপ” অর্থাৎ অনন্ত তারতম্যানুসারে মিলিত সত্ত্ব, রজঃ, তমোগুণময় প্রকৃতির চূর্ণাংশে বা বিভিন্ন ক্ষেত্রে বা উপাধিতে, চিদংশ পতিত হইয়া বিভিন্ন ক্ষেত্রজ জীবের সৃষ্টি করে। অতএব পুরুষ ভিন্ন নহে, পুরুষের উপাধি ভিন্ন ভিন্ন, এবং তাহাতে অভিমান বশতঃ পুরুষ আপনাকে ভিন্ন ভিন্ন বলিয়া মনে করেন। তাহাই অধ্যাস, তাহাই ভ্রম। এই ভ্রম দূরীকরণই বেদান্তের লক্ষ্য, এবং তৃতীয় অধ্যায়ে তাহার উপায় বর্ণিত হইবে।

কপিলদেব তৎপরে স্বীয় মাতা দেবহৃতিকে তত্ত্ব সকলের নাম, সৃষ্টি-প্রক্রিয়া প্রভৃতি বর্ণনা করিলেন। শ্রীমদ্ভাগবতে সে সমুদায় বিস্তারিত বর্ণনা আছে। আর বেশী উদ্ধারের প্রয়োজন নাই।

কিন্তু ব্রহ্ম এ সমুদায় হইতে ভিন্ন। ইহা দেবহৃতির প্রতি তৎপুত্র কপিলদেবের উপদেশে স্পষ্টই উল্লিখিত হইয়াছে।

ভূতেন্দ্রিয়ান্তঃকরণাং প্রধানাজ্জীবসংজিতাং ।

আত্মা তথা পৃথগ্দ্ৰষ্টা ভগবান্ ব্রহ্মসংজিতঃ ॥

ভাগঃ ৩।২৮।৪১

১।২।৩ সূত্রে (পৃঃ ৪৮৬) ইহার অর্থ দেওয়া হইয়াছে।

ভাগবতে কপিলদেব যে সাংখ্যতত্ত্ব ব্যাখ্যা করিয়াছেন, তাহা বেদান্তের অবিরোধী। বর্তমানে যাহা সাংখ্যদর্শন নামে কথিত, সূত্রকার তাহারই প্রতিবন্ধিতা প্রতিপন্ন করিয়া উপেক্ষণীয় বলিয়া সিদ্ধান্ত করিয়াছেন, এবং সেই সিদ্ধান্তের সপক্ষে মনু, গীতা, পরাশর প্রভৃতি স্মৃতির উল্লেখ করিয়াছেন। তাহার সর্বত্রই প্রতি-অনুসারী, ব্রহ্মই একমাত্র জগৎকারণ বলিয়া সিদ্ধান্ত করিয়া তাহার উপাসনাই যে পরম পুরুষার্থ, তাহাই উপদেশ দিয়াছেন।

অতএব, কপিলের নামের সম্মান রক্ষা করিবার জন্য শ্রুতি-অনুসারী এই সমুদায় শ্রুতিকে উপেক্ষা করা যুক্তি, গ্রাহ্য ও ধর্মসঙ্গত হয় না। শ্রুতিবিরোধী সাংখ্যই উপেক্ষণীয়।

শ্রীমদ্ভাগবত বর্তমান সাংখ্যদর্শন যে আরোপিত ভ্রমে অন্ধ হইয়া প্রধান কারণবাদ ও পুরুষের নানা স্ব সিদ্ধান্ত করিয়াছেন, তাহা স্পষ্টই বলিয়াছেন, তৎসঙ্গে সঙ্গে বৈশেষিক, যোগ প্রভৃতি দর্শনেরও ঐ কারণে নিন্দা করিয়াছেন।

জনিমসতঃ সতো মৃতিমুতাঅনি যে চ ভিদাং

বিপণমৃতং স্মরন্ত্যপদিশন্তি ত আরোপিতৈঃ ।

ত্রিগুণময়ঃ পুমানিতি ভিদা যদবোধকৃত।

তুয়ি ন ততঃ পরত্র স ভবেদববোধরসে ॥ ভাগঃ ১০।৮৭।২১

যে বৈশেষিকেরা এই অসৎ জগতের উৎপত্তি স্বীকার করেন, যে পাতঞ্জলেরা অসৎ হইতে ব্রহ্মত্বের আবির্ভাব বর্ণন করেন, যে নৈয়ায়িকেরা একবিংশতি প্রকার দুঃখের বিনাশকেই মোক্ষ বলিয়া অবধারণ করেন, যে সাংখ্যেরা আত্মার ভেদ বা বহুত্ব নির্ণয় করেন, এবং যে মীমাংসকেরা কর্মফল ব্যবহারকে সত্য বলিয়া উপদেশ দেন, তাঁহারা সকলেই আরোপিত ভ্রমে পতিত। কেহই তত্ত্বদৃষ্টি দ্বারা উপলব্ধি করিয়া এ সকল কথা বলেন না। বাস্তবিক পক্ষে, ত্রিগুণময় পুরুষ বলিয়া যে ভেদাদি কল্পনা, তাহা অজ্ঞ ব্যক্তি-দিগের অজ্ঞান-বিজ্ঞপ্তিত। অজ্ঞানাভীত ও গুণাভীত জ্ঞানঘন আপনাতে অজ্ঞানকল্পিত ভেদ-কল্পনা সম্ভবে না। ভাগঃ ১০।৮৭।২১

পদ্মপুরাণে সাক্ষাৎ সম্বন্ধে উক্ত আছে যে, ব্রহ্মর্ষি কর্দ্দমপুত্র কপিলদেব ভগবদবতার। তিনি তাঁহার মাতাকে যে সাংখ্যতত্ত্ব বলিয়াছেন, তাহা দ্বারা বেদার্থ স্ফুটীকৃত হইয়াছে। তন্নিম্ন অপর একজন কপিল নামধারী ব্যক্তি কুতর্কজাল-মণ্ডিত সাংখ্যকর্ত্তা বলিয়া খ্যাত। তাহা বেদবিরুদ্ধ (ঐদং “গোবিন্দ-ভাষ্য”)।

এখানে সাংখ্য সম্বন্ধে সংক্ষেপ আলোচনা প্রয়োজন মনে করি। বর্তমানে যাহা সাংখ্যসূত্র বলিয়া প্রসিদ্ধ, তাহার প্রামাণিকতা সম্বন্ধে বহুল সন্দেহ আছে। সে সমুদায় সন্দেহের কারণাদি উল্লেখ অবাস্তব বলিয়া তাহা হইতে বিরত হইলাম। সাংখ্যকারিকাকে পণ্ডিতগণ অধিক প্রামাণ্য বলিয়া মনে করেন। পূজ্যপাদ পণ্ডিত শ্রীযুক্ত খগেন্দ্রনাথ শাস্ত্রী মহাশয় “সাংখ্য দর্শন”

নাম দিয়া তাহা মুদ্রিত ও প্রকাশিত করিয়াছেন। পণ্ডিত মহাশয় তাহাতে প্রমাণ করিয়াছেন যে, সাংখ্য নিরীশ্বরবাদী নহে। সাংখ্যকারিকা অনুশীলনে পণ্ডিতমহাশয় যে সিদ্ধান্তে উপনীত হইয়াছেন, উক্ত পুস্তক হইতে তাহা উদ্ধৃত করিলাম। সপ্তদশ কারিকার আভাষে বলিতেছেন :—“দেহস্থ স্মৃ-
দুঃখাদির অনুভব করিবার জন্য “জ্ঞ”-মূর্ত্তিতে চেতন পুরুষ আমি আছি বটে,
কিন্তু নানা আবরণের মিলনে প্রস্তুত মানবদির দেহের সৃজন, পালন ও
সংহারকার্য সমাধা করিবার জন্য, অন্য একটি অসাধারণ চৈতন্যস্বরূপ
মহাপুরুষ যে আছেন, সে বিষয়ে আর সন্দেহ নাই, যাহার নিরন্তর তত্ত্বাবধানে
কেবল জীবদেহ কেন, এই জড় জগৎও পরিচালিত হইতেছে। আমার
অনুভূতি “জ্ঞ”-শক্তি যেমন আমার দেহের সর্বাংশে সর্বদা ব্যাপ্ত হইয়া থাকে,
এই প্রত্যক্ষতঃ প্রতীয়মান বিশ্বব্রহ্মাণ্ডের অন্তঃ বহিঃ সর্বাংগেই সেই মহাপুরুষের
পরম চৈতন্য ও তত্ত্বাবধায়ক বেশে যে সেইরূপ নিরন্তর বিद्यমান আছেন,
সে বিষয়ে আর সন্দেহ নাই।” (সাংখ্য দর্শন—শ্রীযুক্ত খগেন্দ্রনাথ শাস্ত্রী কৃত,
পৃঃ ১৬০)।

৪৩ কারিকার আভাষে শাস্ত্রী মহাশয় বলিতেছেন :—

“সং কার্যবাদী সাংখ্যাচার্যের বিচারে সৃষ্টির বীজ ভাবমূর্ত্তিতে প্রকৃতিরই
গর্ভে চির বিद्यমান, মীমাংসিত হইয়াছে। সে প্রকৃতিটি কিরূপ, জিজ্ঞাসা
করিলে উত্তরে পাইব যে, চৈতন্যস্বরূপ জ্ঞানের গর্ভে তদীয় সর্বপ্রসবিনী
শক্তিরূপে যিনি চির বিद्यমান, কখনও চৈতন্যস্বরূপ পুরুষ হইতে পৃথকভাবে
থাকিতে পারেন না, এবং চৈতন্যস্বরূপ পুরুষও যাহাকে পরিত্যাগ করিয়া
কখনই কেবল বা পৃথক মূর্ত্তিতে অবস্থান করিতে পারেন না, উভয়ের
অভেদ ভাবে থাকাই চিরস্থাব।” “সর্বশক্তিমান্ পূর্ণব্রহ্ম পরমজ্ঞর
একবার স্বীয় শক্তির পরিচয় গ্রহণ, পরক্ৰমে সমগ্র সৃষ্টির ছবি অন্তরে প্রচ্ছন্ন
রাখিয়া স্বীয় যোগ্যতার পরিচয়ে যেন কেবলভাবে অবস্থান করতঃ পরমানন্দে
অবস্থান করেন! পুনরায় সেই ছবিই প্রকটিত করতঃ সংসারমূর্ত্তির গঠন
করেন।” (সাংখ্য-দর্শন—শ্রীখগেন্দ্রনাথ শাস্ত্রী কৃত—পৃঃ ৩০৫—৩০৬)।

আর কত উদ্ধৃত করিব? শাস্ত্রী মহাশয়ের সাংখ্য দর্শন পাঠ করিলে
স্পষ্টই বুঝিতে পারা যায় যে, চৈতন্যময় পরম পুরুষের শক্তিই প্রকৃতি, এবং
প্রকৃতির কার্যাবস্থা জগৎপ্রপঞ্চ ও কারণাবস্থা শক্তি-মূর্ত্তি। ইহার সহিত শ্রীমদ্-
ভাগবতোক্ত কপিলদেব কথিত সাংখ্যের ও বেদান্তের কোনও বিরোধ নাই।
এই সাংখ্য শাস্ত্র আপত্তিকর এবং উপেক্ষণীয় বলিয়া সূত্রকার সূত্র করেন নাই।

প্রচলিত বর্তমান সাংখ্য সূত্র, যাহাকে সাংখ্যদর্শনও বলে, তাহার বিরুদ্ধেই সূত্র,
ও তাহাই উপেক্ষণীয়।

সূত্র :—২।১।২

ইতরেষাঞ্চানুপলক্ষেঃ ॥ ২।১।২ ॥

ইতরেষাং + চ + অনুপলক্ষেঃ ।

ইতরেষাং :—সাংখ্যের অন্যান্য সিদ্ধান্ত সকলের। চ :—ও।

অনুপলক্ষে :—অন্য অর্থাৎ বেদে এবং মনু প্রভৃতি স্মৃতিতে দেখা যায়
না বলিয়া।

সাংখ্যের অন্যান্য সিদ্ধান্ত, যথা—আত্মার ভেদ বা বহুত্ব, বন্ধ-মোক্ষ প্রকৃতিরই
কার্য, সর্বেশ্বর পরমাত্মা নাই ইত্যাদি, বেদে ও বেদান্তসারী মনু, গীতা,
পরশর প্রভৃতি স্মৃতিতে দেখা যায় না। অতএব, সাংখ্য উপেক্ষণীয়।

শ্রীমদ্ভাগবতের ১০।৮।২১ শ্লোক পূর্বসূত্র আলোচনায় উদ্ধৃত হইয়াছে,
উহা দ্রষ্টব্য। কাল যে পৃথক তত্ত্ব, তাহা কপিলদেব তাঁহার মাতা দেবহৃতিকে
সাংখ্যতত্ত্ব বলিবার সময় বলিয়াছেন, যথা :—

এতবানেব সংখ্যাতো ব্রহ্মণঃ সগুণস্য চ ।

সন্নিবেশো ময়া প্রোক্তো যঃ কালঃ পঞ্চবিংশকঃ ॥

ভাগঃ ৩:২৬ ১৪

আমি যে চতুর্বিংশতি তত্ত্ব বলিলাম, তত্ত্বজ্ঞ পণ্ডিতগণ কর্তৃক ঐ সকল
সংখ্যাত হইয়াছে। এই চতুর্বিংশতি তত্ত্ব সগুণ ব্রহ্মের সন্নিবেশ স্থান। এতদ্ভিন্ন
কাল পঞ্চবিংশ তত্ত্ব। ভাগঃ ৩:২৬।১৪

শ্রীমদ্ভাগবতে “কাল” পৃথক তত্ত্ব বলিয়া উল্লিখিত হইয়াছে। কিন্তু
শ্রুতি ইহা “আকাশ”তত্ত্বের অন্তর্ভুক্ত ধরিয়াছেন বলিয়া মনে হয়, ইহা ৪।৩।৬
সূত্রে “দেশ” ও “কাল” তত্ত্বের আলোচনায় আলোচিত হইবে। এখানে
বাহুল্যভয়ে পুনরালোচিত হইল না। তবে এখানে এটুকু বলিয়া রাখা আবাস্তর
হইবে না যে, এতদিন গণিত ও বিজ্ঞানবিদগণ তাঁহাদের গবেষণায় “কাল” একটি
অত্যাৱশ্যক উপকরণ (important factor) রূপে ব্যবহার করিয়া আসিতে-
ছিলেন। বর্তমান আপেক্ষিক বাদের (Theory of relativity) প্রবর্তন কর্তা
আধুনিক বৈজ্ঞানিক আইনষ্টাইন “কাল” বস্তুর দৈর্ঘ্য-বিস্তার-বেধাত্মক তিন
পরিমাণের সহিত অবিচ্ছেদ্য ভাবে সম্বন্ধবদ্ধ চতুর্থ পরিমাণ রূপে গ্রহণ করিয়া এই
সম্বন্ধীয় চতুঃ পরিমাণকে (four dimensions) “Continuum” আখ্যায়

আখ্যায়িত করিয়াছেন। ইহা উক্ত ৪।৩৬ শ্লোকের আলোচনায় সংক্ষেপে কথিত হইয়াছে। সুতরাং ভাগবতে পৃথক তত্ত্বরূপে কথিত “কাল” গণিত ও বিজ্ঞান-সম্মত, ইহা বুঝা গেল। সাংখ্য উহা শ্রুতির অনুকরণে “আকাশ” তত্ত্বের অন্তর্ভুক্ত মনে করিয়া, উহাকে পৃথক তত্ত্বরূপে গ্রহণ করেন নাই। এই বিংশ শতাব্দীর আধুনিকতম বৈজ্ঞানিক আইনষ্টাইন এই অতি প্রাচীন সিদ্ধান্তের আধুনিকতম অনুবৃত্তি তাঁহার “আপেক্ষিকবাদে” প্রচারিত করিয়াছেন।

সর্বোত্তম পুরুষ যে একজন আছেন, এবং তিনি প্রকৃতির পর ও তাহার নিয়ন্তা, তাহা পূর্বশ্লোকের আলোচনায় উক্ত ভাগবতের ৩২.৬৩—৪ শ্লোক হইতে প্রতিপাদিত হইবে।

প্রকৃতি জড়া, তাহার দ্বারা জীবাত্মা বা পুরুষের বন্ধমোক্ষ স্বতঃই অসম্ভব। এ সম্বন্ধে শ্রীমদ্ভাগবতকারের মত নিম্নের শ্লোকে দৃষ্ট হইবে। :—

বিদ্যাবিচ্ছে মম তনু বিদ্ধ্যাক্ষব শরীরিণাম্।

বন্ধমোক্ষকরী আত্মে মায়া মে বিনির্ম্মিতে ॥

ভাগঃ ১১।১১।৩

হে উদ্ধব! বিদ্যা ও অবিদ্যা উভয়ই আমার শক্তি। ইহাদের মধ্যে অবিদ্যা শরীরিদিগের বন্ধকরী ও বিদ্যা মোক্ষকরী। উভয়ই অনাদি, এবং উভয়ই আমার মায়ার দ্বারায় নির্ম্মিত জানিবে। ভাগঃ ১১।১১।৩

‘মায়ার দ্বারা নির্ম্মিত’ অর্থ এই যে, ভগবানের ইচ্ছার সুরণে উহাদিগের সৃষ্টি। উহারা শ্রীভগবানের ক্রীড়োপকরণ।

অবিদ্যা দ্বারা পুরুষ কি প্রকারে সংসারে বদ্ধ হয় তাহা কপিলদেব পূর্বশ্লোকে উক্ত ৩২.৬৬ শ্লোকে বলিয়াছেন। মুক্তি কি প্রকারে হয়, সে সম্বন্ধে কপিলদেব বলিতেছেন :—

তস্মাদিমাং স্বাং প্রকৃতিং দৈবীং সদসদাশ্রিকাম্।

তুর্বিভাব্যাং পরাত্ভাব্য স্বরূপেণাবতিষ্ঠতে ॥ ভাগঃ ৩.২৮।৪৪

অতএব, জীবের বন্ধহেতু এবং বিষ্ণুর শক্তিরূপা, কার্যকারণরূপা, এই তুর্বিভাব্যা প্রকৃতিকে ভগবৎপ্রসাদে জয় করিয়া, যোগীব্যক্তি স্ব-স্বরূপে অবস্থিত হইবেন। ভাগঃ ৩.২৮।৪৪

অতএব, প্রচলিত সাংখ্যমত উপেক্ষণীয়।

“২। যোগ-প্রত্যুক্ত্যধিকরণ ॥

ভিত্তি :—

“ত্রিরুন্নতং স্থাপ্য সমং শরীরং হৃদীন্দ্রিয়ানি মনসা সন্নিবেশ্য ।

ব্রহ্মোড়ুপেন প্রতরেত বিদ্বান্ শ্রোতাংসি সৰ্ব্বাণি ভয়াবহানি ॥”

(শ্বেতাঃ ২।৮)

বিদ্বান্—বক্ষঃ, গ্রীবা ও মস্তক, এই অংশত্রয় সমুন্নত করিয়া শরীরকে সমস্বত্রে সরলভাবে স্থাপন করিয়া এবং মনের সাহায্যে ইন্দ্রিয়গ্রামকে হৃদয়মধ্যে নিকরু করিয়া ব্রহ্ম-রূপ উড়ুপ (ভেলা) দ্বারা ভয়াবহ সংসার-শ্রোত উত্তীর্ণ হইবেন ।
(শ্বেতাঃ ২।৮)

সংশয় :—শিরোদেশে উদ্ধৃত শ্রুতিতে যোগ প্রক্রিয়ার উল্লেখ আছে, এবং যোগ যে সংসার উত্তরণের উপায়, তাহাও কথিত হইয়াছে । পাতঞ্জল যোগ দর্শনেও যোগ প্রক্রিয়ার ও তাহা দ্বারা পরমার্থ সিদ্ধির উপদেশ আছে । অতএব পাতঞ্জল দর্শনের অনুসরণে বেদান্ত সিদ্ধান্ত স্থাপন করা উচিত । ইহার সমাধানের জন্য সূত্রকার সূত্র রচনা করিলেন :—

সূত্র :—২।১।৩

এতেন যোগঃ প্রত্যুক্তঃ ॥ ২।১।৩॥

এতেন + যোগঃ + প্রত্যুক্তঃ ।

এতেন :—ইহার দ্বারা, সাংখ্যদর্শন প্রত্যাখ্যানের দ্বারা । যোগঃ :—
যোগ দর্শন ও । প্রত্যুক্ত্যঃ :—প্রত্যাখ্যাত হইল ।

যোগকে সেশ্বর সাংখ্য বলে । যোগ দর্শন ঈশ্বরের অস্তিত্ব স্বীকার করে । এইজন্য পূর্বপক্ষ আপত্তি করিতে পারেন যে, সেজন্য বেদান্ত ইহাকে প্রত্যাখ্যান করিবেন কেন ? ইহার উত্তর এই যে, যোগদর্শনে ঈশ্বর সম্বন্ধে যে কয়েকটি সূত্র আছে, তাহা উক্ত দর্শনের পক্ষে অত্যাবশ্যক সূত্র নহে । অপরন্তু, ঈশ্বর প্রণিধান, চিন্ত-নিরোধের উপায়সকলের মধ্যে অন্যতর উপায় বলিয়া বিকল্পে কথিত হইয়াছে । আবার, যোগদর্শন, জড়প্রধান কারণবাদ, ঈশ্বর মাত্র নিমিত্ত-কারণ বলেন । ধ্যেয় আত্মা ও ঈশ্বরের—ব্রহ্মরূপতা ও জগতের উপাদান কারণতা প্রভৃতি কল্যাণাত্মকগুণের অভাব স্বীকার করেন । এ সমুদায় শ্রুতিবিরুদ্ধ । বেদান্তসিদ্ধান্ত-বাদিগণ ইহা কিছুতেই স্বীকার করিতে পারেন না । উহা স্বীকার করিলে মনু,

গীতা, পরাশর প্রভৃতি স্মৃতিও অনর্থক হইয়া পড়ে । অতএব সাংখ্যদর্শনের ন্যায় যোগদর্শনও উপেক্ষণীয় । উক্ত দর্শনে আসন, প্রাণায়াম, ইন্দ্রিয়-নিরোধ, ধ্যান-ধারণা এবং যোগ প্রভৃতি তত্ত্বজ্ঞানের উপায় রূপে যে সকল কথা আছে, সে সকল সম্বন্ধে বেদান্তের কোনও বিরোধ নাই । অতএব যোগদর্শনের একাংশ মাত্র প্রামাণিক, কিন্তু অপরাংশ অপ্রামাণিক, নিরর্থক । একাংশ বাদ দিয়া অপরাংশ গ্রহণ করা যুক্তিযুক্ত নহে বলিয়া সমগ্র যোগদর্শন উপেক্ষণীয় ।

২।১।১ সূত্রের আলোচনায় উদ্ধৃত ১০।৮৭।২১ শ্লোক দ্রষ্টব্য । উহা হইতে শ্রীমদ্ভাগবতের মত বুঝা যাইবে ।

শ্রীমদ্ভাগবতের ৩।২৮ অধ্যায়ে কপিলদেব তাঁহার মাতাকে ইন্দ্রিয় ও মনের স্বৈর্যের জগ্ন্য যোগোপদেশ দিয়াছেন এবং যোগের দ্বারা মনঃ নির্মল ও স্থস্থির হইলে ভগবানের মূর্তি ধ্যান করিবার উপদেশ দিয়াছেন ; এবং ৩।২৯ অধ্যায়ে বিস্তারিত ভাবে ভক্তিয়োগের উপদেশ দিয়াছেন । ঈশ্বর-প্রণিধান সম্বন্ধে বিকল্পে কর্তব্য বলেন নাই । উহা একমাত্রই কর্তব্য এবং তজ্জগ্ন্য ভক্তিয়োগের বিধান, ইহাই বলিয়াছেন । অতএব পাতঞ্জল যোগদর্শন উপেক্ষণীয় ।

যদা মনঃ সুবিরজং যোগেন সুসমাহিতম্ ।

কাষ্ঠাং ভগবতো ধ্যায়েৎ স্বনাসাগ্রাবলোকনঃ ॥ ভাগঃ ৩।২৮।১২

মনঃ যখন সর্বপ্রকারে নির্মল ও যমনিয়মাদির দ্বারা স্থস্থির হইবে, তখন লয়-বিক্ষেপ পরিহারার্থ নাসাগ্রে দৃষ্টি সংযোজন পূর্বক ভগবানের মূর্তি ধ্যান করিবে । ভাগঃ ৩।২৮।১২

—

৩। বিলক্ষণত্বাধিকরণ ॥

ভিত্তি :—

“তস্মাৎ যজ্ঞাৎ সর্ববহুতঃ ঋচঃ সামানি জজিহ্বেরে ।

ছন্দাংসি জজিহ্বেরে তস্মাৎ যজুস্তস্মাদজায়ত ॥”

(ঋগ্বেদঃ পুরুষসূক্তঃ ১০।৯০।৯)

সেই যজ্ঞরূপী পুরুষ হইতে সমুদায় ঋক্, সমুদায় সাম, সমুদায় ছন্দ এবং সমুদায় যজু জাত হইল । (ঋগ্বেদঃ পুঃ সূঃ ১০।৯০।৯)

সংশয় :—ভাল, বেদের বিরোধী বলিয়া সাংখ্য ও যোগদর্শন উপেক্ষণীয়, এই সিদ্ধান্ত ত করিলে, কিন্তু বেদই যে নিত্য এবং তাহা যে স্বতঃপ্রমাণ, ইহা মনে করিবার কারণ কি ? বেদও ত সাংখ্য ও যোগদর্শনের বিরোধী হওয়ায় উপেক্ষণীয় হইতে পারে । ইহার উত্তরে সূত্রকার সূত্র করিলেন :—

সূত্র :—২।১।৪

ন বিলক্ষণত্বাদস্য, তথাত্বঞ্চ শব্দাৎ ॥ ২।১।৪ ॥

ন + বিলক্ষণত্বাৎ + অস্য + তথাত্বং + চ + শব্দাৎ ।

ন :—না, সাংখ্য ও যোগের ন্যায় বেদ উপেক্ষণীয় নহে । বিলক্ষণত্বাৎ :—বৈলক্ষণ্য হেতু । অস্য :—ইহার, বেদের । তথাত্বং :—স্বতঃপ্রমাণত্ব, নিত্যত্ব । চ :—ও । শব্দাৎ :—শব্দ বা বেদ হইতে ।

পুরুষ সূক্তের যে মন্ত্রটি শিরোদেশে উদ্ধৃত হইয়াছে, তাহাতে স্পষ্টই লিখিত আছে যে, পুরুষ হইতে সাক্ষাৎভাবে বেদ সকল উৎপন্ন হইয়াছে । সূত্রে এইজন্য সাংখ্য, যোগ প্রভৃতি স্মৃতি হইতে বেদের বৈলক্ষণ্য বা পার্থক্য । শ্রীমদ্ভাগবতও বলিয়াছেন :—

ঋচো যজুঃসি সামানি চাতুর্হোত্রঞ্চ সত্তম ॥ ২।৬।২৪

নামধেয়ানি মন্ত্রাশ্চ দক্ষিণাশ্চ ব্রতানি চ ।

দেবতানুক্ৰমঃ কল্পঃ সংকল্পস্তত্ত্বমেব চ ॥ ভাগঃ ২।৬।২৫

গতয়োমতয়শ্চৈব প্রায়শ্চিত্তং সমর্পণম্ । ১

পুরুষাবয়বৈরেতে সন্তারাঃ সন্তুতা ময়া ॥ ভাগঃ ২।৬।২৬

ব্রহ্ম নারদকে বলিতেছেন, হে সত্ত্ব ! আমি পুরুষের অবয়ব হইতে ঈক, বহু, সাম, চাতুর্হোজ ইত্যাদি ইত্যাদি সত্ত্বার সকল সংগ্রহ করিলাম ।

ভাগঃ ২।৩।২৪-২৬

বেদস্ত চৈশ্বরাস্ত্বাহাং তত্র মুহুস্তি সুরয়ঃ ॥ ভাগঃ ১।১।৩।৪৪

বেদ ঈশ্বরাস্ত্ব বলিয়া পণ্ডিতগণ ইহার অর্থ বুঝিতে মোহ প্রাপ্ত হন । ভাগঃ ১।১।৩।৪৪ । ঈশ্বরাস্ত্বাহাং—অপৌরুষেয়ত্বাহাং । ইতি—শ্রীধর ।

বেদ অপৌরুষেয় বলিয়া যেরূপ সাক্ষাৎ উল্লেখ আছে, সাংখ্য বা যোগ অথবা অন্যান্য শাস্ত্র সম্বন্ধে সে প্রকার কোনও উল্লেখ নাই । বিশেষতঃ সাংখ্য দর্শন—কপিলদেব প্রণীত ও যোগদর্শন—মহর্ষি পতঞ্জলি প্রণীত বলিয়া প্রসিদ্ধি আছে । সুতরাং অন্যান্য শাস্ত্র বেদানুসারী হইলে প্রামাণ্য হয়, অন্যথা নহে ।

আচ্ছা, বেদ ঈশ্বর হইতে জাত বা উৎপন্ন হইয়াছে, ইহা শিরোদেশে উদ্ধৃত শ্রুতিমন্ত্রে উক্ত হইয়াছে । জাত পদার্থ মাত্রেয়ই তা বিনাশ দৃষ্ট হয়, অতএব বেদেরও বিনাশ আছে । তবে ইহার নিত্যত্ব কি প্রকারে সিদ্ধ হয় ? এ প্রশ্নের উত্তর আমরা ১।১।৩ সূত্রের আলোচনার পাইয়াছি । “জাত” অর্থাৎ ‘আবির্ভূত’ বা ‘অভিব্যক্ত’ হওয়া, প্রকাশ পাওয়া, তাহা আমরা বুঝিয়াছি । এখানে আর বিস্তারের প্রয়োজন নাই । এই ব্যাখ্যা শ্রীমদ্ মধ্বাচার্য্য ও বলদেব বিজ্ঞানভূষণ-সম্মত । শঙ্করাচার্য্য ও রামানুজ অন্ত প্রকার ব্যাখ্যা করেন । বাহুল্য ভয়ে তাহার আলোচনা হইতে বিরত হইলাম ।

‘৪। অভিমানি ব্যপদেশাধিকরণ ॥

তিত্তি :—

“তেজঃ ঐক্যত বহু স্মাং প্রজায়েম ইতি ।”

(ছান্দোগ্যঃ ৬।২।৩)

“তা আপ ঐক্যন্ত বহ্বাঃ স্মাম প্রজায়েমহি ।”

(ছান্দোগ্যঃ ৬।২।৪)

তেজ আলোচনা করিয়াছিল, বহু হইব, জন্মিব। (ছাঃ ৬।২।৩)

জল সকল আলোচনা করিয়াছিল, বহু হইব, জন্মিব। (ছাঃ ৬।২।৪)

সংশয় :—ভাগ, ২।১।৩ সূত্রের বিচারে যোগদর্শনের একাংশ প্রামাণিক ও অপরাংশ বেদ-বিরোধী হওয়ায় অপ্রামাণিক বলিয়া সমুদায় যোগদর্শন উপেক্ষণীয় বলিয়া সিদ্ধান্ত করিয়াছ। ব্রহ্ম বিষয়ে বেদে যে সমুদায় মন্ত্র আছে, তাহা না হয়, সত্য বলিয়া তর্কের খাতিরে গ্রহণ করা যাইতে পারে, কিন্তু অচেতন তেজ, জল আলোচনা করিল, এই প্রকার উক্তি বেদে থাকায়, উহা উন্নত ভিন্ন কে অবিসম্বাদী সত্য বলিয়া গ্রহণ করিতে পারে? সূত্ররাং যদি ঐ অংশে বেদ অপ্রামাণ্য হয়, তবে সমুদায় বেদ উপেক্ষণীয় কেন না হইবে? ইহার উত্তরে সূত্রকার সূত্র করিলেন :—

সূত্র :—২।১।৫

অভিমানি-ব্যপদেশস্ত বিশেষানুগতিভ্যাম্ ॥ ২।১।৫

অভিমানি ব্যপদেশঃ + তু + বিশেষানুগতিভ্যাম্ ।

অভিমানি-ব্যপদেশঃ :—তেজঃ, জল প্রভৃতির অভিমানী বা অধিষ্ঠাত্রী দেবতার উল্লেখ। তু :—কিন্তু (শকা নিরসনার্থ)। বিশেষানুগতিভ্যাম্ :— বিশেষভাবে ‘দেবতা’ শব্দের উল্লেখ ও ব্রহ্মের তত্ত্বৎ বস্তুতে অনুপ্রবেশ হেতু।

শিরোদেশে উক্ত শ্রুতিমন্ত্রের পরেই মন্ত্রে আছে,—“হস্তাহমিমান্সিষো দেবতা অনেন জীবেনাত্মনাত্মপ্রবিশ্ব নামরূপে ব্যাকরবাণীতি”—আমি এই দেবতাত্রয়ের সহিত জীবাাত্মরূপে অনুপ্রবেশ করিয়া নামরূপে অভিব্যক্ত করিব। (ছান্দোগ্য ৬।৩।২)। এখানে তেজ, জল ও পৃথিবীকে দেবতা বলিয়া বিশেষ করা হইয়াছে এবং ব্রহ্মের অনুপ্রবেশও উক্ত হইয়াছে। অতএব ‘তেজের বা জলের আলোচনা করা’ অর্থ উহার অভিমানী দেবতার আলোচনা; সূত্ররাং তাহাতে দোষ নাই।

শ্রীমদ্ভাগবতে স্পষ্ট উল্লেখ আছে যে, পরমেশ্বর মহৎ, অহঙ্কার, পঞ্চভ্রাতা, পঞ্চমহাত্ম্য ও একাদশ ইন্দ্রিয় এই ত্রয়োবিংশতি তত্ত্বে যুগপৎ প্রবেশ করিলেন ।

কালসংক্রাং তদা দেবীং বিভ্রচ্ছক্তিমুক্ক্রমঃ ।

ত্রয়োবিংশতি তত্ত্বানাং গণং যুগপদাবিশং ॥ ভাগঃ ৩৬.২

সোহনুপ্রবিষ্টো ভগবাংশ্চেষ্টারূপেণ তং গণম্ ।

ভিন্নং সংযোজয়ামাস স্তপ্তং কৰ্ম প্রবোধয়ন্ ॥ ভাগঃ ৩৬.৩

প্রবুদ্ধকৰ্ম্মা দৈবেন ত্রয়োবিংশতিকো গণঃ ।

প্রেরিতোহজনয়ং স্বাভির্মায়াভিরধিপুরুষঃ ॥ ভাগঃ ৩৬.৪

এই সময় ভগবান উক্ক্রম (অনন্ত শক্তিমান্) কাল দ্বারা যাহার উদ্বোধন হয় তাদৃশী শক্তি অবলম্বন পূর্বক অন্তর্ধ্যামিত্বরূপে যুগপৎ মহৎ, অহঙ্কার, পঞ্চভ্রাতা, পঞ্চমহাত্ম্য ও একাদশ ইন্দ্রিয় এই ত্রয়োবিংশতি গুণে প্রবিষ্ট হইলেন । প্রবেশান্তর জীবের অদৃষ্ট যাহা বিলীন ছিল, ক্রিয়াশক্তি দ্বারা তাহা উদ্বোধন করিয়া ভিন্ন ভিন্ন সেই সকল তত্ত্বকে একত্র সংযুক্ত করিলেন । পরমেশ্বর ভগবানের প্রেরণায়, ঐ ত্রয়োবিংশতি তত্ত্বগণের ক্রিয়াশক্তি প্রকাশিত হওয়াতে, তাহার নিজ নিজ অংশ দ্বারা বিরাজ্ দেহ উৎপন্ন করিল । ভাগঃ ৩৬.২—৪ ।

অগ্নি বির্যাটের মুখে (৩৬.১২), বরুণ তালুতে (৩৬.১৩), অশ্বিনীকুমারদ্বয় দুই নাসায় (৩৬.১৩), আদিত্য দুই চক্ষুতে (৩৬.১৪), বায়ু স্বকে (৩৬.১৫), দিক্ দেবতা সকল দুই কর্ণে (৩৬.১৬), প্রজাপতি উপন্থে (৩৬.১৮), মিত্র দেবতা পায়ুতে (৩৬.১৮), ইন্দ্র হস্তদ্বয়ে (৩৬.১৯), বিষ্ণু পদে (৩৬.১৯), ব্রহ্ম বুদ্ধিতে (৩৬.১৯), চন্দ্রমা মনে (৩৬.২০), কৃত্র অহংকারে (৩৬.২১) প্রবেশ করিলেন ।

শ্রীমদ্ভাগবতের তৃতীয় স্কন্ধের ২৬ অধ্যায়ে কপিল কথিত সাংখ্যতত্ত্বে ৩২৬।২৭ শ্লোকেও এই কথাই আছে । বাহুল্য ভয়ে তাহা আর উদ্ধৃত করা হইল না ।

পরমায়াই সমুদায় প্রাণক জগতে অনুপ্রবিষ্ট হইয়া ক্রিয়াশীল করেন তাহা ভাগবতের অনেক স্থানে উল্লিখিত হইয়াছে ।

বিলক্ষণ : সুলসুল্লাদেহাদায়েক্ষিতা স্বদৃক্ ।

যথাগ্নিদারূপো দাত্বাদাহকোহস্তঃ প্রকাশকঃ ॥

নিরোধোৎপত্ত্যানু বৃহন্নানাকং তৎকৃতান্ গুণান্ ।

অন্তঃ প্রবিষ্ট আধতে এবং দেহগুণান্ পরঃ ॥ ভাগঃ ১১।১০।৮—৯

দৃশ্য পদার্থ স্থূল সূক্ষ্ম দেহ হইতে ত্রুটা স্বরূপপ্রকাশ আত্মা ভিন্ন। যেমন দাহক ও প্রকাশক অগ্নি দাহ্য কাষ্ঠাদি পদার্থ হইতে ভিন্ন, কিন্তু দাহ্য পদার্থের অন্তঃপ্রবিষ্ট হইয়া নিরোধ, উৎপত্তি, অগ্নুৎ, বৃহৎ, নানাভাঙ্গাদি দাহ্য পদার্থের গুণ ধারণ করে, সেইরূপ পরমাত্মা দেহাদিতে প্রবিষ্ট হইয়া তদগুণে গুণবান হয়েন। ভাগঃ ১১।১০।৮—২

স্বয়োনিষু যথা জ্যোতিরেকং নানা প্রতীয়তে।

যোনীনাং গুণ বৈষম্যাৎ তথা আ প্রকৃতে স্থিতঃ ॥

ভাগঃ ৩।২৮।৪৩

অগ্নি এক হইলেও আপনার উৎপত্তিস্থান কাষ্ঠাদির বৈষম্যে অর্থাৎ দীর্ঘ হ্রস্বাদির ভেদবশতঃ নানা আকারে প্রতীয়মান হয়, সেইরূপ প্রকৃতিস্থিত অর্থাৎ দেহাশ্রিত আত্মাও দেহের গুণ বৈচিত্র্য বশতঃ নানাক্রমে প্রতীয়মান হইয়া থাকেন। ভাগঃ ৩।২৮।৪৩

অতএব, সিদ্ধান্ত এই যে, পরমাত্মা যখন সর্বত্রই অনুস্থিত আছেন এক ভিন্ন ভিন্ন উপাধিতে অভিমানবশতঃ তত্তৎ উপাধির গুণে ও ধর্ম্মে অভিমানী হইয়া তত্তৎ গুণবান্ ও ধর্ম্মী বলিয়া প্রতীত হইয়েন, তখন তেজঃ, জল প্রভৃতিতে অভিমানী আত্মার আলোচনা করা দোষাবহ হইবে কেন? উহাতে কোনও দোষ হয় নাই এবং উহা দ্বারা বেদের অপ্ৰামাণ্য সিদ্ধ হয় না। অতএব ব্রহ্মই জগতের নিমিত্ত ও উপাদানকারণ। ব্রহ্মাত্মিরিক্ত অপর কোনও কারণ বর্ত্তমান নাই।

৫। দৃশ্যবৈশিষ্ট্যকরণ ॥

ভিত্তি :—

“যথোর্গনাভিঃ সৃজতে গৃহুতে চ যথা পৃথিব্যামোষধয়ঃ সম্ভবন্তি ।
যথা সতঃ পুরুষাং কেশলোমানি তথাকরাং সম্ভবতীহ বিশ্বম্ ॥”
(মুণ্ডঃ ১।১।৭)

মাকড়শা যেমন উর্গা সৃজন করে ও গ্রহণ করে, পৃথিবীতে যেমন ওষধিগণ উৎপন্ন হয়, জীবিত পুরুষ হইতে যেমন কেশ লোম সকল জন্মান, সেইরূপ ব্রহ্ম হইতে এই বিশ্ব উৎপন্ন হয়। (মুণ্ডঃ ১।১।৭)

সংশয় :—ঐতি সাহায্যে ব্রহ্ম-কারণ-বাদ স্থাপন করিতেছ বটে, কিন্তু স্মিত্তাসা করি, কার্যাত কারণের অনুরূপই হইবে, যদি না হয়, তবে বুদ্ধিকা দ্বারাও স্বর্ণকুণ্ডল নির্মিত হইতে পারে। ব্রহ্ম ত তোমাদের মতে সর্বত্র সর্বশক্তিমান, বিশুদ্ধ, জ্ঞান ও আনন্দস্বরূপ। আবার তোমাদের মতেই প্রপঞ্চ জগৎ অল্পজ্ঞ, অল্প শক্তিবিশিষ্ট, মলিন, অজ্ঞানাচ্ছন্ন এবং দুঃখসঙ্কুল। অতএব ঐ প্রকার ব্রহ্ম এ প্রকার জগৎ প্রপঞ্চের কি প্রকারে উপাদান কারণ হইতে পারেন? অন্যপক্ষে, সাংখ্যোক্ত প্রধান সত্ত্ব, রজঃ, তমঃ গুণবিশিষ্ট। ঐ গুণসকলের ভারতম্যে এ প্রকার জগৎ প্রপঞ্চ সহজেই উৎপন্ন হইতে পারে। অতএব বুদ্ধিতে প্রতিপন্ন হয় যে, প্রধানই জগতেব উপাদানকারণ। এ প্রকার পূর্বপক্ষের আপত্তি খণ্ডনার্থ সূত্র :—

সূত্র :—২।১।৬

দৃশ্যতে তু ॥ ২।১।৬

দৃশ্যতে + তু ।

দৃশ্যতে :—দৃষ্ট হয়। তু :—কিন্তু—আপত্তি নিরসনার্থ।

শিরোদেশে উক্ত ঐতিতে স্পষ্ট উল্লিখিত হইয়াছে, যেমন জীবিত চেতন উর্গনাভি হইতে অচেতন উর্গা, অচেতন পৃথিবী হইতে জীবিত ওষধাদি, জীবিত চেতন পুরুষ হইতে অচেতন নখ, লোম, দস্তাদির উৎপত্তি দেখা যায়, সেইরূপ অক্ষর—অপরিণামী—ব্রহ্ম হইতে পরিণামশীল জগৎও উদ্ভূত হইয়া থাকে। যধু হইতে কীটের উৎপত্তি, গোময় হইতে বৃশ্চিকাদির উৎপত্তি ত জগতে দৃষ্ট হয়। উৎপন্ন উক্ত কীটে বা বৃশ্চিকে যধু বা গোময়ের বিশিষ্ট স্বরূপ উপলব্ধিত হয় না।

যাঁহারা রাসায়ন বিজ্ঞা আলোচনা করিয়াছেন, তাঁহাদের নিকট সহস্র সহস্র দৃষ্টান্ত দেদীপ্যমান, বাহা দ্বারা স্পষ্ট প্রতীত হয় যে, রাসায়নিক সংমিশ্রণে উৎপন্ন জ্বরের গুণ, ধর্ম, প্রভৃতি তত্তৎ উপাদানের গুণ, ধর্ম, প্রকৃতি হইতে সম্পূর্ণ বিভিন্ন। উদাহরণ স্বরূপে জল—অক্সিজেন (Oxygen) এবং উদ্‌জান (Hydrogen) হইতে উৎপন্ন। এই উপাদানদ্বয় বায়বীয় পদার্থ। ইহাদের রাসায়নিক সংমিশ্রণে উৎপন্ন জল, ইহাদের প্রত্যেকটি হইতে স্বতন্ত্র গুণ, ধর্ম ও প্রকৃতিবিশিষ্ট। সেইরূপ অক্সিজেন (Oxygen), উদ্‌জান (Hydrogen) এবং গন্ধক (Sulphur) ইহাদের রাসায়নিক সংমিশ্রণে উৎপন্ন গন্ধক-জ্বাবক (Sulphuric Acid), সম্পূর্ণ বিভিন্ন গুণ, ধর্ম ও প্রকৃতিবিশিষ্ট। উপাদান-জ্বরের কাহারও সহিত ঐক্য নাই। এই প্রকার আর কত উদাহরণ দিব? অতএব স্পষ্ট বুঝা গেল যে, উপাদানের গুণ, ধর্ম ও প্রকৃতি উপাদেয়ে সংক্রামিত হইবেই হইবে, এমন কোনও নিয়ম নাই। তবে প্রশ্ন উত্থাপিত হইতে পারে যে, দৃষ্টান্তে একাধিক উপাদানের বিষয় দেখান হইয়াছে। কিন্তু ব্রহ্ম ৩ একমাত্র উপাদান। সুতরাং ব্রহ্মধর্ম কেন না প্রত্যেক জাগতিক পদার্থে অনুস্থিত হইবে? ইহার উত্তরে আমরা বলিব, যেমন মৃত্তিকা ঘণ্টের অন্তরে বাহিরে, স্বর্ণ কুণ্ডলের অন্তরে বাহিরে বিদ্যমান থাকে, সেইরূপ ব্রহ্ম জগতের অন্তরে বাহিরে অনুস্থিত হইয়াই আছেন। তবে ব্রহ্ম চৈতন্যময়। দৃশ্যমান উপাদান সকলের দ্বারা অচেতন জড় নহেন। তাঁহার সংকল্পবশতঃই—তদীয ব্রহ্মগুণ সমুদায়,—জগতে এবং জাগতিক পদার্থজাতে পরিলক্ষিত হয় না। সূত্রকার ৩।২।৫ সূত্রে এই সিদ্ধান্ত স্থাপন করিবেন।

যস্মিন্মিদং প্রোতমশেষমোতঃ পটৌ যথা তত্ত্ববিতানসংস্থঃ ॥

ভাগঃ ১।১।২।১০

১।২।১ সূত্রে পৃঃ ৪০২ ইহার অর্থ দেওয়া হইয়াছে।

জন্মাণ্ডম্ যতোহুৎসাদিতরতশ্চর্থেষভিজঃ স্বরাট্ ।

ভাগঃ ১।১।১

১।১।২ সূত্রে (২৩ পৃষ্ঠায়) ইহার অর্থ দেওয়া হইয়াছে।

সদিব মনস্ত্রিবৎ ত্বয়ি বিজাত্যসদা মনুজাৎ... ..

ভাগঃ ১০।৮।২২

মনুজাদেহ অবধি এই ত্রিগুণাত্মক সমুদায় জগৎ মনোমাত্র বিলসিত রূপে অদৃশ্য হইয়াও তোমার—অধিষ্ঠান সত্তায় সং বৎ প্রতীকমান হয়। ভাগঃ ১০।৮।২২

বিশেষতঃ ব্রহ্মের 'সন্ধিনী' (সৎ-সত্তা) শক্তি প্রত্যেক 'আগতিক পদার্থে' বিদ্যমান থাকিয়া উহাকে সেই পদার্থের আকারে বর্তমান রাখিয়াছে। একটি প্রস্তরখণ্ড যে উহার বিশিষ্ট আকারে বর্তমান থাকে, তাহার কারণ পদার্থ-বিজ্ঞাবিদ বলিবেন যে, উহার পরমাণুদিগের মধ্যে পরস্পর আকর্ষণ ও বিকর্ষণই তাহার কারণ। এই আকর্ষণের ও বিকর্ষণের কারণও ব্রহ্মের বা ভগবানের "সন্ধিনী শক্তি"। নতুবা অড়ে, চৈতন্তের দ্বারা আকর্ষণ গুণ অসম্ভব।

আমরা ১।১।২ সূত্রের আলোচনায় বুঝিতে পারিয়াছি যে, চৈতন্তময়ের অচিন্ত্য শক্তিমত্বেই কারণ, যাহাতে চৈতন্তময় হইতে জড় জগৎ উৎপন্ন হয়।

এ প্রসঙ্গে জড়-বিজ্ঞান সম্বন্ধে একটু সংক্ষেপ আলোচনা আশা করি অবাঞ্ছিত হইবে না। যাহাকে আমরা সাধারণতঃ জড় বলিয়া থাকি, তাহাতে চৈতন্তাংশ আছে কি না? আমরা ১।৩।৪১ সূত্রের আলোচনায় বুঝিয়াছি যে, কি স্থাবর কি জঙ্গম সমুদায় বস্তুতে প্রাণশক্তি বিদ্যমান, কোথাও অভিব্যক্ত ভাবে, কোথাও অনভিব্যক্ত ভাবে। (দেখ পৃঃ ৬৫৩।৬৫২, ১ম খণ্ড)। প্রাণশক্তিই চৈতন্তের ক্রিয়াশক্তি। প্রাণশক্তি বর্তমান থাকিলেই বুঝিতে হইবে যে, তাহাতে চৈতন্ত বর্তমান আছে—জঙ্গম পদার্থে অভিব্যক্ত ভাবে, স্থাবরে অনভিব্যক্ত ভাবে। শ্রীর জগদীশ বহু মহাশয় নানাবিধ পরীক্ষার দ্বারা এই সিদ্ধান্তেই উপনীত হইয়াছেন। তাঁহার পরীক্ষিত উপায়সকল আলোচনার স্থল ইহা নহে, এবং তাহা করিয়া প্রবন্ধের আয়তন বৃদ্ধি করা আমার উদ্দেশ্য নহে। প্রসঙ্গতঃ উল্লেখমাত্র করিয়াই ক্ষান্ত হইলাম। যাহারা জীবতত্ত্ববিজ্ঞা (Biology), উদ্ভিদবিজ্ঞা (Botany), এবং ধনিজবিজ্ঞা (Minerology) আলোচনা করিয়াছেন, তাঁহারা জানেন যে, জীব, উদ্ভিদ ও ধনিজের প্রকৃষ্ট সীমানির্দেশক চিহ্ন নির্ণয় করা বড়ই দুর্লভ। অনভিব্যক্ত জীবকোষকে উদ্ভিদ বা ধনিজ হইতে পৃথক করা সহজ নহে। অতএব প্রপঞ্চ জগতের কোথায় অড়ের অবস্থান ও চৈতন্তের আরম্ভন, তাহা প্রকৃষ্টভাবে নির্দেশ করা অসম্ভব বলিলেই হয়। সুতরাং আমরা আমাদের শাস্ত্রানুসারে ধরিয়া লইতে পারি যে, স্থাবর জঙ্গম সমুদায় পদার্থে চৈতন্তাংশ বিদ্যমান, জঙ্গমে অধিক অভিব্যক্ত ভাবে ও স্থাবরে অনভিব্যক্ত ভাবে। এই অভিব্যক্তি ও অনভিব্যক্তির কারণ কি, প্রশ্ন হইলে তাহার উত্তরে বলিতে হয় যে, ভগবদ্বিচ্ছেদই তাহার কারণ। এই ইচ্ছা—সৃষ্টির ইচ্ছা—একের বহু হইবার ইচ্ছা, ইহাই মূল কারণ। ১।৩।৪১ সূত্রের আলোচনায়ও আমরা এই সিদ্ধান্তে উপনীত হইয়াছি।

১।১।২ সূত্রের আলোচনার আমরা বুঝিরাছি যে, মহত্ত্ব হইতে ক্রিত্তিত্ব পর্যন্ত বিশ্বসৃষ্টির উপকরণসকল, কেবল জড় প্রকৃতির অংশ নহে, তাহাতে অস্বাভিক পরিমাণে চৈতন্যাংশ বিদ্যমান আছে। অতএব সিদ্ধান্ত এই যে, স্বাবর জগৎ সমুদায় বস্তুতে চৈতন্যাংশ বিদ্যমান আছে। সুতরাং পূর্বপক্ষের যে আপত্তি—ব্রহ্ম চৈতন্যময়, তাহা হইতে জড় জগৎ জন্মিতে পারে না, তাহা ভিত্তিশূন্য। দৃশ্যতঃ জড় হইলেও, অনভিব্যক্ত চৈতন্যাংশ পদার্থমাত্রেরই আছে। তবে তৈত্তিরীয় আনন্দবল্লীর ৬ মন্ত্রে যে ‘বিজ্ঞানং চাবিজ্ঞানং চ’ (চেতন ও অচেতন) বলা হইয়াছে (দেখ ১।৪।২৭ সূত্রের শিরোদ্ধৃত শ্রুতিমন্ত্র, পৃষ্ঠা ৭২৬, প্রথম খণ্ড) ইহার অর্থ কি? ইহার অর্থ, দৃশ্যতঃ চেতন ও দৃশ্যতঃ অচেতন। আমরা জগৎ প্রপঞ্চ পর্যালোচনা করিলে জীবজগতের মধ্যেই চৈতন্যাংশের অভিব্যক্তির ইতর বিশেষ স্পষ্ট দেখিতে পাই। একটি মানবের সহিত একটি শব্বকের তুলনা করিলে ইহা বুঝা যাইবে। মানবের মধ্যেও পরম্পরের অনেক ইতরবিশেষ আছে। সেইরূপ যাহাদিগকে আমরা দৃশ্যতঃ অচেতন বলিয়া মনে করি, তাহাদিগের মধ্যেও অনভিব্যক্ত চৈতন্যের ইতরবিশেষ থাকা সম্ভব। কেহ কেহ অভিব্যক্তির ঠিক পূর্বাভাস আছে, যেমন একটি বীজ। আবার কাহারো বা অভিব্যক্তির অনেক পশ্চাতে পড়িয়া আছে, যেমন একখণ্ড প্রস্তর। শ্রুতি এই সমুদায়কে একটি সাধারণ “অচেতন” বা “অবিজ্ঞান” নামে আখ্যায়িত করিয়াছেন। উহার দৃশ্যতঃ অচেতনই বটে।

৬। অসদিত্যধিকরণ ॥

সংশয় :—পূর্ব সূত্রে সিদ্ধান্ত স্থাপন করিয়াছ যে, অপরিণামী চেতন ব্রহ্ম হইতে পরিণামশীল অচেতন জগৎ উৎপন্ন হইয়া থাকে। তাহা হইলে, উপাধান হইতে উপাদেয় সর্বথা বৈলক্ষণ্যবিমিষ্ট হইতে পারে, ইহাই সিদ্ধ হইল। আবার, অপরিণামী—পরিণামশীল, চেতন—অচেতন, ইহার পরস্পর অত্যন্ত বিরোধী, উভয়ে একাধারে এককালে থাকা সম্ভব নহে। অতএব এই প্রপঞ্চ জগৎ সৃষ্টির পূর্বে “অসৎ” ছিল, এই আপত্তি ও তদনুযায়ী সিদ্ধান্ত অনিবার্য। তাহা কি সংকার্যবাদী বৈদান্তী স্বীকার কর? ইহার উত্তরে সূত্রকার সূত্র করিলেন :— সূত্রের প্রথমমাংশে আপত্তির উল্লেখ করিয়া শেষমাংশে সমাধান করিয়াছেন।

সূত্র :—২।১।৭

অসদিত্যি চেৎ ; ন, প্রতিষেধমাত্রত্বাৎ ॥ ২।১।৭

অসৎ + ত্যি + চেৎ + ন + প্রতিষেধমাত্রত্বাৎ ।

অসৎঃ—(অসৎ) অবর্তমান ছিল, অসৎ ছিল। ইতিঃ—ইহা।
চেৎঃ—যদি বল। সঃ—না। প্রতিবেদমাত্রাৎঃ—যেহেতু উহা
নিবেদন মাত্র। সাক্ষ্য-নিয়মের প্রতিবেদনমাত্র হেতু।

পূর্বসূত্রে উপাদান ও উপাদেয়ের সাক্ষ্য-নিয়মের প্রতিবেদনমাত্র করা
হইয়াছে। উপাদান ও উপাদেয়ের তত্ত্বতঃ দ্রব্যান্তরত্ব বিবক্ষিত হয় নাই।
ব্রহ্মই উক্তরূপ বৈলক্ষণ্যবিশিষ্ট বিশ্বাকারে পরিণত হইয়া থাকেন, ইহাই
আমাদের সিদ্ধান্ত। ১।৪।২৭ সূত্রে ইহা বিশদরূপে প্রতিপাদিত হইয়াছে।
বিশেষতঃ, পূর্বসূত্রের আলোচনায় আমরা স্পষ্টই প্রতিপাদন করিয়াছি যে, ব্রহ্ম
মুক্তিকা ও স্বর্গের গ্রায কারণরূপে, এবং ঘট ও কুণ্ডলের গ্রায কার্যরূপে, এই
বিশ্বে অনুস্থিত আছেন। অতএব, ঘট ও কুণ্ডল উৎপত্তির পূর্বে যেমন উহাদের
কারণ মুক্তিকা ও স্বর্গে অনভিব্যক্তভাবে থাকে, সেইরূপ এই বিশ্বও সৃষ্টির পূর্বে
ব্রহ্মে অনভিব্যক্তভাবে থাকে, ইহাই স্পষ্ট বলা হইল। কার্য ও কারণ একরূপ
নহে, ইহা কি সর্ববাদিসম্মত নহে? যদি সর্বতোভাবে একরূপই হইত,
তবে কার্য ও কারণের কোনও বিশেষ বা পার্থক্য থাকিত না, এবং কার্য কারণ-
ভাবে অস্তিত্বও থাকিত না। সকলই একরূপে থাকিত, এবং তাহা হইলে
কার্য ও কারণ বলিলে সঙ্গে সঙ্গে উহাদের পরস্পরের মধ্যে যে ভেদ উপলব্ধি
হয়, তাহা হইত না। ঘট ও কুণ্ডলে উহাদের কারণ মুক্তিকা ও স্বর্গ অনুস্থিত
আছে বটে, কিন্তু উহাদের মধ্যে মুক্তিকার ও স্বর্গের পিণ্ড নাই, আবার
মুক্তিকায় ও স্বর্গে ঘট ও কুণ্ডলের আকৃতিও বর্তমান নাই। এই সর্বতোভাবে
একরূপতাই পূর্বসূত্রে প্রতিবেদনমাত্র করা হইয়াছে। অতএব সৃষ্টির পূর্বে বিশ্ব
'অসৎ' ছিল না, বীজ রূপে 'সৎ' স্বরূপে ছিল।

এ সম্বন্ধে ভাগবতের উক্তি সম্পষ্টঃ—

একস্বমেব জগদেতদমুশ্য যস্বমাণুসুরোঃ পৃথগবশ্চাসি মধ্যতশ্চ ।

সৃষ্ট্বা গুণব্যতিকরং নিজমায়য়েদং নানৈব তৈরবসিতস্তদমু প্রবিষ্টঃ ॥

ভাগঃ ৭ ৯/২৯

ইহার অর্থ ১।১।৫ সূত্রের আলোচনায় (পৃঃ—৩৮১) দেওয়া হইয়াছে।

এই সূত্রের শিরোদেশে উল্লিখিত সংশয়ে “সৎকার্যবাদী বৈদাস্তী” পদ
ব্যবহৃত হইয়াছে। উহার অর্থ হৃদয়ঙ্গম করিবার জন্ত ‘সৎকার্যবাদ’ কি,
তৎসম্বন্ধে সাধারণ ধারণা প্রয়োজন মনে করি। কার্যোৎপত্তি সম্বন্ধে দুইটি মত
প্রচলিত আছে :—(১) সৎ কার্যবাদ, ও (২) অসৎ কার্যবাদ। সাংখ্য,
পাতঞ্জল ও বেদান্ত ‘সৎকার্যবাদী’ এবং বৈশেষিক ও নৈয়ায়িক ‘অসৎকার্যবাদী’।

শেষোক্তারা বলেন যে, ঘট, কুণ্ডল, বস্ত্র প্রভৃতি যে সকল কার্য উৎপন্ন হয়, উৎপত্তির পূর্বে তাহাদের অস্তিত্ব থাকে না। কুস্তকার, বর্ণকার, তক্তকার প্রভৃতি কর্তার ব্যাপারে ও চেষ্টায়, উহাদের উপাদান কারণ মৃত্তিকা, মূর্ণ ও তক্ত হইতে, সম্পূর্ণ পৃথক এক একটি কার্য—বা ঘট, কুণ্ডল, বস্ত্র—উৎপন্ন হয়। কার্য যে কারণ হইতে পৃথক তাহার হেতু এই যে, (১) তাহাদের প্রতীতির বৈলক্ষণ্য—ঘট, মালসা, সরি প্রভৃতি কার্যে ও মৃত্তিকা-পিণ্ডে, কখনই একাকার প্রতীতি হয় না। (২) নামভেদ—ঘটকে মৃৎপিণ্ড বা তক্তকে কেহ বস্ত্র বলে না, অথবা, বস্ত্রকে তক্ত এবং মৃৎপিণ্ডকে ঘট বলে না। (৩) কার্যভেদ—ঘট দ্বারা জল আহরণ করা যায়, মৃৎপিণ্ড দ্বারা যায় না; বস্ত্র দ্বারা শীত নিবারণ হয়, তক্ত দ্বারা হয় না। (৪) কালভেদ—কারণ, কার্যের পূর্বে, এবং কার্য কারণের পরে বর্তমান থাকে, উভয়ে এককালে বর্তমান থাকে না। (৫) আকৃতি ভেদ—মৃত্তিকা পিণ্ডাকার, ঘটের আকৃতি নানা প্রকার, আবার ঘটের বিনাশ হইলেও মৃত্তিকা বর্তমান থাকে। (৬) সংখ্যাভেদ—কারণ একসংখ্যক, কার্য বহুসংখ্যক। একমাত্র মৃত্তিকা হইতে বহু ঘট, মালসা, সরি প্রভৃতি উৎপন্ন হয়। আবার কারণরূপ তক্ত বহুসংখ্যক, তন্নির্মিত কার্যরূপ বস্ত্র এক সংখ্যক। (৭) নির্মাতার প্রযত্ন—কার্য যদি কারণস্বরূপই হয়, তাহা হইলে কর্তার চেষ্টার অপেক্ষা করে না। কিন্তু প্রত্যক্ষে দেখা যায় যে, কার্যোৎপত্তির জন্ত কর্তার ব্যাপার বা প্রযত্ন একান্ত প্রয়োজন।

ইহার উত্তরে সংকার্যবাদী বলেন যে, এ কথা সত্য নহে। ‘অসৎ’ পদার্থের উৎপত্তি কখনও হয় না ও হইতে পারে না। উপাদানে তাহার সত্তা নাই, তাহার উৎপত্তি অসম্ভব। শত চেষ্টায় এবং শত নিষ্পীড়নে বালুকা হইতে তৈল উৎপন্ন হইবে না। শত শত শিল্পীর সমবেত চেষ্টায় বর্ণ হইতে জল উৎপন্ন হইতে পারে না। অতএব বুদ্ধিতে হইবে যে, উপাদান কারণে যাহা অনভিব্যক্ত থাকে, তাহাই কর্তার (নির্মাতার বা শিল্পীর) চেষ্টায় ও প্রযত্নে অভিব্যক্ত হয়। সুতরাং উহাদের অভিব্যক্ত করণেই কর্তার প্রযত্নের সার্থকতা। প্রতীতিভেদ, নামভেদ, কার্যভেদ, কালভেদ, আকৃতিভেদ, সংখ্যাভেদ প্রভৃতি সকলই কর্তার প্রযত্নের পরিচয় দেয় মাত্র।

উভয় বাদ সম্বন্ধে সংক্ষেপ বর্ণনা করিয়াই নিরস্ত হইলাম। উভয় বাদীগণের দার্শনিক তর্ক গহনের মধ্যে প্রবেশ করা আমার উদ্দেশ্য নহে, ও বিশেষ প্রয়োজনও নাই। ষাংহারা জানিতে চাহেন, তাহাঁদের শ্রীমদ্ভাগবতের শ্রীভাষ্যের ২।১।১৫ সূত্রের ভাষ্য দেখিতে পারেন।

• ভিত্তি :—

“সদেব সোম্য ইদমগ্র আসীৎ ।” (ছান্দোগ্যঃ ৬।২।১)

হে সোম্য, সৃষ্টির পূর্বে ইহা সৎ স্বরূপে ছিল । (ছাঃ ৬।২।১)

“অপহতপাপ্যা বিজরো বিমৃত্যঃ...” (ছান্দোগ্যঃ, ৮।১।৫)

যিনি পাপ-বিনির্মুক্ত, জরা-মৃত্যু রহিত । (ছাঃ ৮।১।৫)

“অনীশয়া শোচতি মুহমানঃ” । (শ্বেতাঃ ৪।৭)

ঐশ্বর্য্য অভাবে মুগ্ধ হইয়া দুঃখ ভোগ করে । (শ্বেতাঃ ৪।৭)

সংশয় :—যদি কার্য্য কারণের একত্রব্যুৎ স্বীকার কর, তাহা হইলে ব্রহ্মসম্বৃত এই জগতের যখন ব্রহ্মতেই বিলম্ব হয়, তখন নিশ্চয়ই জাগতিক অবস্থার—অর্থাৎ অজ্ঞান, শোক, দুঃখ প্রভৃতির সঙ্গেও ব্রহ্মের সম্বন্ধ সংঘটিত হ'ব । তাহা হইলে “অপহত পাপ্যা বিজরো বিমৃত্যঃ” পাপ-বিনির্মুক্ত, জরা-মৃত্যু রহিত প্রভৃতির বেদান্তের উক্তির অসামঞ্জস্য প্রসঙ্গ উপস্থিত হ'ব । এই আপত্তি সূত্রাকারে পূর্বপক্ষরূপে স্থাপিত করা হইয়াছে :—

সূত্র :—২।১।৮

অপীতো তদ্বৎ প্রসঙ্গাদসমঞ্জসম্ । ২।১।৮

অপীতো + তদ্বৎ + প্রসঙ্গাৎ + অসমঞ্জসম্ ।

অপীতো :—জগতের বিলম্বে । তদ্বৎ :—সেইরূপ,—ব্রহ্মের জগৎরূপ বিকারাদি দোষ । প্রসঙ্গাৎ :—সম্ভাবনাবশতঃ । অসমঞ্জসম্ :—সামঞ্জস্যরহিত হ'ব ।

এটি পূর্বপক্ষের সূত্র । জগৎ পরিণামী, নশ্বর, এবং জগতের প্রাণিগণ সর্বদা ত্রিতাপতাপে সম্ভাপিত । প্রলম্বে এই জগৎ প্রাণিগণের সহিত ব্রহ্মে লীন হইলে, জগতের ও তদন্তর্গত জীববৃন্দের দোষ, শোক, দুঃখ, সম্ভাপ প্রভৃতি ব্রহ্মে সংক্রামিত হইবেই । কারণ, উপাদেয়ের ধর্ম্ম, উপাদানে সংক্রামিত না হইবার কারণ কি ? উভয়েই যখন বস্তুভেদ নহে, তখন উপাদেয়ের দোষসকল ব্রহ্মে স্পর্শিবে । সুতরাং ঋতিতে যে তাহাকে সর্বদোষরহিত (ছান্দোগ্যঃ, ৮।১।৫), সর্বজ, সর্ববিৎ (সূঃ ১।১।৬) বলিয়া উক্তি আছে, তাহারই অসমঞ্জস্য হইয়া পড়িবে ।

পুরা কল্পাপারে স্বকৃতমুদরীকৃত্য বিকৃতং কুমেবান্তত্শ্বিন্ সঞ্জিল

উরগেগ্রাহিশরনে ।

পুমান্ শেষে... .. ॥ ভাগঃ ৪।৭।৩৯

আপনি আচ্ছ পুরুষ । প্রলয়কালে আপনি সমুদায় কার্যজগৎ সংহারপূর্বক নিজ উদর মধ্যে অন্তর্ভুক্ত করিয়া প্রলয়-সঙ্গিলে অনন্তশয্যায় শয়ন করেন ।

ভাগঃ ৪।৭।৩৯

পরবর্তী সূত্রে ইহার সমাধান করিয়াছেন ।

সূত্র :—২।১।৯

ন তু দৃষ্টান্তভাবাৎ ॥ ২।১।৯

ন + তু + দৃষ্টান্তভাবাৎ ।

ন :—না । তু :—কিন্তু, আপত্তি নিরসনার্থ । দৃষ্টান্তভাবাৎ :—
দৃষ্টান্ত থাকার হেতু ।

পূর্বসূত্রে উল্লিখিত আপত্তি হইতে পারে না । কারণ, এরূপ দৃষ্টান্ত অনেক আছে, যেমন—বাল্য, কৈশোর, যৌবন, বার্দ্ধক্য প্রভৃতি দেহধর্মগুলি আত্মাতে সংক্রমণ করে না । আবার জ্ঞান, আনন্দ প্রভৃতি আত্মধর্মগুলি দেহে সংক্রামিত হয় না, সেইরূপ অপুরুষার্থ, বিকার, অজ্ঞান, দুঃখ প্রভৃতি ব্রহ্মশক্তি মায়ার ধর্ম বিধায়, তাহারা মায়াতেই অবস্থান করে, নির্মল নিরঞ্জন ব্রহ্মরূপে স্পর্শ করে না । অতএব, বেদোক্ত উক্তি পরম্পরায় সম্পূর্ণ সামঞ্জস্য আছে ।

শ্রীমদ্ভাগবতে স্পষ্টই উল্লেখ আছে যে, ব্রহ্ম জাগতিক দোষে আসক্ত হন না ।

স বা ইদং বিশ্বমমোঘলীলঃ সৃজ্যতাবত্যাতি ন সজ্জতেহশ্বিন্ ।

ভূতেষু চাস্তর্জিত আত্মতন্ত্রঃ ষাড্‌বর্গিকং জিহ্রতি ষড়্‌গুণেশঃ ॥

ভাগঃ ১।৩।৩৬

ইহার অর্থ ১।১।১৮ সূত্রের আলোচনায় দেওয়া হইয়াছে (পৃঃ ৪৩৫) ।

ৎ মায়ায়া ত্রিগুণয়াশ্বনি হৃষিক্‌ভাব্যং

ব্যক্তং সৃজ্যশ্ববসি লুপ্তসি তদ্‌গুণস্বঃ ।

নৈতৈর্ভবানজিতকর্মভিরজ্যতে বৈ যঃ

স্বৈ সুখেহব্যবহিতোহতিরতোহনির্ভাঃ ॥ ভাগঃ ১।১।৩৬

ইহার অর্থ ১।২।১৮ সূত্রে দেওয়া হইয়াছে (পৃঃ ৪২৭) ।

আপনি বিশ্বরূপ হইলেও, বিশ্ব হইতে আপনি ভিন্ন। বীজাকর হার এই বিশ্ব প্রপঞ্চের সৃষ্টি চলিতেছে। কিন্তু তাহাতে পরম কারণ বে আপনি, আপনি আপনার স্বরূপে বর্তমান আছেন।

ঋং বা ইদং সদসদীশ ভবাংস্ততোহন্তো

মায়া যদাত্ম-পরবুদ্ধিরিয়ং হুপার্থা ।

যদ্ যন্ত জন্ম নিধনং স্থিতিরীক্ষণঞ্চ

তুর্ধৈ তদেব বসুকালবদষ্টিতর্কোঃ ॥ ভাগঃ ৭৯।৩০

ইহার অর্থ ১।১।৫ সূত্রের আলোচনায় (৩৮১ পৃষ্ঠায়) দেওয়া হইয়াছে।

শ্রীমদ্ভাগবতের ৬।১।৩১ গদ্যাংশেও এই কথাটি আছে। তাহার অনুবাদ মাত্র দেওয়া গেল।

- হে ভগবন্! তোমার বিহার যোগ অর্থাৎ লীলা আমাদের নিকট হুর্কোধ্য। তোমার আশ্রয় নাই, শরীর নাই, এবং তুমি অশুণ; অথচ তুমি নিজেই এই সশুণ বিশ্বের সৃষ্টি স্থিতি ও লয় করিতেছ। অথচ কোন প্রকার বিকার মাত্র তোমাকে স্পর্শ করিতেছে না। ভাগঃ ৬।১।৩১

আর অধিক বিস্তারের প্রয়োজন নাই। উদ্ধৃত শ্লোকের অনুরূপ বহু শ্লোক শ্রীমদ্ভাগবতে বিদ্যমান আছে। বাহুল্যভবে সে সকল উদ্ধৃত করিতে বিরত হইলাম।

বিশেষতঃ, প্রপঞ্চ জগৎস্থ সমুদায়ই শ্রীহরির শরীর। সূতরাং শরীর-ধর্ম যেমন আত্মাতে সংক্রামিত হয় না, সেইরূপ প্রপঞ্চ ধর্মও শ্রীহরিতে সংক্রামিত হয় না। তিনি স্বরূপেই প্রতিষ্ঠিত থাকেন।

ঋং বায়ুমগ্নিঃ সলিলং মহীঞ্চ জ্যোতীংষি সন্ধানি দিশো ক্রমাদীন্ ।

সরিং সমুদ্রাংশ্চ হরেঃ শরীরং যৎ কিঞ্চ ভূতং প্রণমেদনশ্চ ॥

ভাগঃ ১১।২।৩৯

এই শ্লোকের সরলার্থ ১।১।২ সূত্রের আলোচনায় (১০৭ পৃষ্ঠায়) দেওয়া হইয়াছে। এখানে আর দেওয়া হইল না।

সূত্র :- ২।১।১০

স্বপক্ষ-দোষাচ্চ ॥ ২।১।১০

স্বপক্ষ-দোষাৎ + চ

স্বপক্ষ-দোষাৎ :—স্বপক্ষে—সাংখ্যমতে দোষ হেতু । চ :—ও ।

ব্রহ্ম-কারণ-বাদ যে কেবল নির্দোষ বলিয়া গ্রহণীয়, তাহা নহে, সাংখ্যোক্ত প্রধান-কারণ-বাদও দোষ-হুই। যে সকল দোষ, সাংখ্য, ব্রহ্ম-কারণ-বাদে সম্ভাবনা করিয়া তর্কোথাপন করিলেন, সে সমুদায়ই সাংখ্যে বিদ্যমান। উপাদান—উপাদেয়ের বৈরূপ্য সাংখ্যেও বিদ্যমান। প্রধান শব্দ-গন্ধ প্রভৃতি গুণ-বজ্জিত, তাহা হইতে শব্দ, গন্ধ প্রভৃতির উৎপত্তি স্বীকার কি প্রকারে করা যায়? করিলে, উক্ত বৈরূপ্য দোষ আসিয়া পড়ে। পুরুষ মায়াযোগে বিকৃত হন, ইহাও অশুদ্ধেয়। সাংখ্য বলেন যে, প্রকৃতির সান্নিধ্যে চিৎস্বরূপ নির্বিকার পুরুষে প্রকৃতি-ধর্মের অধ্যাস হয়, ইহাই সংসার। এই সান্নিধ্য কি প্রকার? উহা কি প্রকৃতিরই সম্ভাব মাত্র? অথবা, প্রকৃতিগত কোনও প্রকার বিকার? বা, পুরুষেরই কোনও প্রকার বিকার? প্রথমতঃ পুরুষের বিকার হইতে পারে না, কারণ, পুরুষ নির্বিকার। প্রকৃতিরও বিকার হইতে পারে না, কারণ, প্রকৃতির বিকারকে অধ্যাসের কার্য বা ফল বলিয়া স্বীকার করা হইয়াছে। সুতরাং, উহা আবার পূর্ববর্তী অধ্যাসের হেতু হইতে পারে না। আর শুধু প্রকৃতির সম্ভাব বা বিদ্যমানতাকেই সান্নিধ্য বলিলে, স্বরূপে মুক্ত পুরুষের পক্ষে অধ্যাস হইতে পারে না। সুতরাং, জগৎ সৃষ্টিই সাংখ্য মতে সম্ভব হইতে পারে না। প্রধান জড়, সুতরাং প্রধান-বাদে জগৎ-সৃষ্টির উদ্দেশ্যই থাকিতে পারে না। জড় প্রধান কি উদ্দেশ্য লইয়া জগৎ সৃষ্টি করিতে পারে? জড়ের উদ্দেশ্য থাকাই অসম্ভব। এই সমুদায় কারণে সাংখ্যোক্ত প্রধান-বাদ অনেক দোষে হুই। অতএব সর্বথা পরিত্যজ্য।

এই সম্পর্কে ২।১।১ সূত্রের আলোচনায় উক্ত ভাগবতের ১০।৮।১২১ শ্লোক (পৃ: ৭৪৬) দ্রষ্টব্য। ভাগবতও সাংখ্য উপেক্ষণীয় বলিয়াছেন।

ভিত্তি :— ?

“নৈবা তর্কেন মতিরূপনেয়া প্রোক্তাহ্মেনৈব সৃজনায় শ্রেষ্ঠ ।”

(কঠঃ ১।২।৯)

হে প্রিয়তম নচিকেতা ! এই ব্রহ্ম-জ্ঞান লাভ করিবার উপযুক্ত যে সবুন্ধি ভূমি পাইয়াছ, তর্ক দ্বারা ইহা লাভ করা যায় না, অথবা তর্কের সাহায্যে এই সবুন্ধি অপনীত করা উচিত নয়। পরন্তু, ব্রহ্মাঅদর্শী আচার্য্য কত্বক উপদিষ্ট হইলেই ফলবতী হয়, অন্যথা বিফল হব। (কঠঃ ১।২।৯)

শ্লোক :— ২।১।১১

তর্কাপ্রতিষ্ঠানাদপি ॥ ২।১।১১

তর্কাপ্রতিষ্ঠানাং + অপি ।

তর্কাপ্রতিষ্ঠানাং :—তর্কের স্থিরতা না থাকা হেতু। অপি :—ও।
স্থিতিতেও কথিত আছে :—

“অচিন্ত্যাঃ খলু যে ভাবা ন তাংস্তুর্কেন যোজয়েৎ ।

প্রকৃতিভ্যঃ পরং যচ্চ তদচিন্ত্যস্য লক্ষণম্ ॥” শারীরক ভাষ্য।

যাহা অচিন্ত্য, তাহাতে তর্কের যোজনা করিও না। যাহা প্রকৃতির অতীত তাহা অচিন্ত্য। অচিন্ত্যতাই সে বস্তুর লক্ষণ।

১।১।১ শ্লোকের আলোচনায় উদ্ধৃত শ্রীমদ্ভাগবতের ১।১।৩৩৭ শ্লোকে বর্ণিত আছে যে, “মনঃ, বাক্, চক্ষুঃ, বুদ্ধি, প্রাণ, ইন্দ্রিয় সকল তাঁহাতে প্রবেশ করিতে বা তাঁহাকে প্রকাশ করিতে পারে না।” অতএব তিনি অচিন্ত্য। তাঁহার তত্ত্ব তর্কের দ্বারা অপ্রতিষ্ঠ। তিনি যে প্রকৃতির পর, তাহা শ্রীমদ্ভাগবতে বহুস্থানে বর্ণিত আছে। উদাহরণ স্বরূপ একটি মাত্র শ্লোক উদ্ধৃত করা হইল।

নমস্তুে পুরুষং স্বাদ্যমীশ্বরং প্রকৃতেঃ পরম্ ।

অলক্ষ্যং সর্বভূতানামস্তব্বহিরবস্থিতম্ ॥ ভাগঃ ১।৮।১৭

ইহার অর্থ ১।২।২২ শ্লোকের আলোচনায় (পৃঃ ৫৩২) দেওয়া হইয়াছে।

অতএব অচিন্ত্য, প্রকৃতির পর তত্ত্ব তর্কের দ্বারা অধিগম্য নহে। উহা শাস্ত্রীয়, অতীত উক্ত তত্ত্ব নিরূপণ করেন। তর্ক মানবের অস্তঃকরণ বৃত্তির ব্যাপার মাত্র। মানব বুদ্ধির পরিমাণের সূক্ষ্মতার ও তীক্ষ্ণতার ইত্যর বিশেষের

উপর তর্কের প্রতিষ্ঠা নির্ভর করে। একজন পণ্ডিত বহু পড়িগ্রন্থ করিয়া একটি সিদ্ধান্ত করিলেন। তাঁহা হইতে অধিক বুদ্ধিমান আর একজন তর্ক-চতুর পণ্ডিত উক্ত সিদ্ধান্ত ছিন্নভিন্ন করিয়া দিলেন, ইহা সর্বদাই দেখিতে পাওয়া যায়। মানব-বুদ্ধি বিচিত্র, অনবস্থিত। সেজন্য তর্কও অপ্রতিষ্ঠা দোষে দূষিত; অব্যভিচারী তর্ক হয় না। এই জন্তই বুদ্ধ, কণাদ, গৌতম, কপণক, কপিল, পতঞ্জলি প্রভৃতির প্রবর্তিত তর্কসমূহ পরম্পরের দ্বারা ব্যাহত হইয়া তর্কের অপ্রতিষ্ঠিতত্ব প্রমাণ করে।

এই প্রসঙ্গে ১।১।৩ সূত্রের আলোচনায় উক্ত শ্রীমদ্ভাগবতের ৬।৪।২৬ শ্লোক (পৃষ্ঠা ২৬০-২৬১) দ্রষ্টব্য। উহার সরলার্থ মাত্র এখানে দেওয়া হইল।

যাহার শক্তি সকল বিবাদকারী বাদিগণের কখনও বিবাদের কখনও সম্বাদের স্থল হইয়া থাকে, এবং সেই সকল বাদিগণের আত্মাতে মূর্খমূর্খঃ মোহ উপস্থিত করিয়া দেয়, সেই অনন্তগুণে অলঙ্কৃত পরম পুরুষ ভগবান্কে আমি নমস্কার করি। ভাগঃ ৬।৪।২৬

ন হি বিরোধ উভয়ঃ ভগবত্যাপরিমিতগুণগণ। ঈশ্বরেহনবগা-
হ্মাহাশ্বোহর্বাচীন বিকল্প বিতর্ক বিচার প্রমাণাভাসকুতর্কশাস্ত্র-কলিনাস্তঃ
কারণাশয়তুরবগ্রহবাদিনং বিবাদানবসরে.....ইত্যাদি। ভাগঃ ৬।৯।৩৩

১।১।৩ সূত্রের আলোচনায় ইহার অর্থ দেওয়া হইয়াছে।

অতএব, তর্ক অবলম্বন না করিয়া শ্রুতি অনুসারী ব্রহ্ম-কারণ বাদই গ্রহণীয়।

সূত্রঃ—২।১।১২

অনুধাহানুমেয়মিতি চেৎ, এবমপ্যনির্মোকপ্রসঙ্গঃ ॥ ২।১।১২।

অনুধা + অনুমেয়ম্ + ইতি + চেৎ + এবম্ + অপি + অনির্মোক-

প্রসঙ্গঃ ।

অনুধা :—অনুপ্রকারে। অনুমেয়ম্ :—অনুমানের উপযুক্ত—অর্থাৎ, অনুমান করিতে পারা যায় যে, এ প্রকার তর্কের অবতারণা করিব, বাহাতে প্রধান-কারণ-বাদ দৃঢ় ভিত্তির উপর প্রতিষ্ঠিত হইবে, কোনও তর্কের দ্বারা তাহা বিচলিত করিতে পারা যাইবে না। ইতি :—ইহা। চেৎ :—যদি বল। এবম্ :—এই প্রকারে। অপি :—ও। অনির্মোক-প্রসঙ্গঃ :—তর্কের শেষ হইবার অসম্ভাবনা।

অর্থাৎ, যদিও পূর্বোক্ত অসুমান স্বীকার করিয়া লওয়া যায়, তাহা হইলেও, উক্ত অসুমেয় প্রধানবাদের বিচারের জন্ত বর্তমানে ভিন্ন ভিন্ন দেশে যে সকল তর্ক-কুশল পণ্ডিত আছেন, তাঁহারা একত্র সমবেত হইয়া উক্ত বাদ প্রামাণিক ও অবিসংবাদী সত্য বলিয়া গ্রহণ করিতেছেন না। আবার, ইহার পরেও ভবিষ্যৎ কালগর্ভে বিশেষ সূক্ষ্মবুদ্ধি সম্পন্ন পণ্ডিত জন্মাইতে পারেন। সুতরাং তর্ক শেষ হইবার অসম্ভাবনাই থাকিয়া যায়। অন্যপক্ষে, শ্রুতি অপেক্ষায়, ইহা আমরা প্রমাণ করিয়াছি। মনঃ, বুদ্ধি, ইন্দ্রিয়াদির অগোচর বস্তু সম্বন্ধে শ্রুতিই প্রামাণ্য, ইহা সর্বকালে, সর্বদেশে, সমানভাবে কার্যকরী, কখনও ব্যভিচার হইবে না। অতএব শ্রুতি-প্রমাণে ত্রুষ্ক-কারণ-বাদই গ্রহণীয়।

ইহাতে প্রশ্ন হইতে পারে, তবে কি তর্ক পরিত্যাগই করিতে হইবে? কিন্তু জাগতিক ব্যাপারে তর্ক প্রমাণ ছাড়িয়া আমরা একপদও অগ্রসর হইতে পারি না। ইহার উত্তর এই যে, জাগতিক ব্যাপার মানব-বুদ্ধির অস্তভুক্ত। উহাদের সম্বন্ধে মানব-বুদ্ধি-প্রসূত তর্কের অবকাশ আছে। কিন্তু যাহা মানব-বুদ্ধির অতীত বস্তু, যেখানে মানবের জ্ঞান, মানবের তর্ক-পদ্ধতির নিয়ম, মানবের যুক্তি, মানবের বিচার পৌছিতে পারে না, সেখানে তর্কের অবসর নাই। সেখানে শ্রুতিই একমাত্র অবলম্ব্য।

এ সম্বন্ধে শ্রীমদ্ভাগবতের মত এই যে, দেহ, ইন্দ্রিয়, মনঃ প্রসন্ন থাকিলেই ভগবদনুভূতি সম্ভব হইয়া থাকে। তর্কের দ্বারা উহাদের ক্ষোভ উপস্থিত হইলে, উহা তিরোহিত হয়।

ঋষে বিদগ্ধি মুনয়ঃ প্রশান্তাত্মৈন্দ্রিয়াশয়াঃ ।

যদা তদেবাসক্তর্কে স্থিরোধীয়েত বিপ্নু তম্ ॥ ভাগঃ ২।৬।৩৯

হে নারদ ! মনিগণের দেহ, ইন্দ্রিয়, মনঃ প্রসন্ন থাকিলে ভগবদনুভূতি জানিতে পারেন। তর্কে দেহ, ইন্দ্রিয়, মনে বিপ্লব উপস্থিত হয়। তাহাতে উক্ত অনুভূতি তিরোহিত হইয়া থাকে। ভাগঃ ২।৬।৩৯

সুতরাং তর্কে যাহা তিরোহিত হইয়া থাকে, তর্ক দ্বারা তাহার প্রতিষ্ঠা হইতে পারে না।

অপর পক্ষে, ভক্তিয়োগ দ্বারা পরিশুদ্ধ হৃদয়ে শ্রীভগবান্ ভক্তের ইচ্ছানুরূপ বিগ্রহ পরিগ্রহ করিয়া প্রকটিত হন। ১।২।৩০ শ্লোকের আলোচনায় উক্ত ৩।২।১১ শ্লোক দ্রষ্টব্য (পৃঃ ৫৪৯)।

অতএব তর্কের উপর নির্ভর না করিয়া, অপৌরুষেয়, সর্বকালে বিদ্যমান শ্রুতির অনুগমন করাই কর্তব্য, এবং শ্রুত্যানুসারী ব্রহ্ম-কারণ-বাদই গ্রহণীয়।

২।১।১১ ও ২।১।১২ সূত্র একত্র শঙ্করভাষ্যে, মধ্বভাষ্যে ও গোবিন্দভাষ্যে আছে। শ্রীভাষ্য অনুসারে দুইটি পৃথক গ্রহণ করা হইল।

৭। শিষ্টাপরিগ্রহাধিকরণ ॥

সূত্র :—২।১।১৩

এতেন শিষ্টাপরিগ্রহা অপি ব্যাখ্যাতাঃ ॥ ২।১।১৩ ॥

এতেন + শিষ্ট + অপরিগ্রহাঃ + অপি + ব্যাখ্যাতাঃ ।

এতেন :—ইহা দ্বারা। শিষ্ট :—অবশিষ্ট—সাংখ্য ও যোগদর্শন ভিন্ন, কণাদ, গৌতম, ঋপণক, জৈন প্রভৃতির বিভিন্ন দর্শন। অপরিগ্রহাঃ :—যাহারা বেদার্থ গ্রহণ করে নাই—বেদানুসারী নহে। অপি :—ও। ব্যাখ্যাতাঃ :—বর্ণিত হইল।

পূর্বেক্ত যুক্তি, প্রমাণ এবং সূত্র সকলের দ্বারা শ্রুতিবিরোধী—তর্ক-মূলক কণাদ, গৌতম, ঋপণক (বৌদ্ধ), জৈন প্রভৃতির দর্শনও উপেক্ষণীয় বলিয়া সিদ্ধাস্ত হইল।

শ্রীমদ্ভাগবতে পরমাণুর সংজ্ঞা ও তাহার দ্বারা অবয়ব সৃষ্টি বর্ণিত আছে। যথা :—

চরমঃ সন্নিবেশাণামনেকোহসংযুতঃ সদা ।

পরমাণুঃ স বিজ্ঞেয়ো নৃণামৈক্যভ্রমো যুতঃ ॥ ভাগঃ ৩।১।১১

কার্যরূপী পৃথিব্যাদির যে চরমাংশ—যাহার আর বিভাগ হইতে পারে না— তাহাই পরমাণু। তাহারা পরস্পর অসংযুক্ত, এবং সর্বদা বর্তমান ; অর্থাৎ কার্যাবস্থা অপগত হইলেও বিদ্যমান থাকে। তাহাদের সমবায়ে ব্যবহারিক অবয়বী জ্ঞান হইয়া থাকে। ভাগঃ ৩।১।১১

এখন প্রশ্ন এই যে, শ্রীমদ্ভাগবত বেদান্তের ভাষ্য। ভাগবতে যখন পরমাণুর অস্তিত্ব কথিত আছে, এবং যাহাদিগের মিলনে প্রপঞ্চ সৃষ্টি, তখন কণাদের দর্শন উপেক্ষণীয় হইবে কেন? ইহার উত্তর শ্রীমদ্ভাগবতেই দেওয়া আছে।

এবং নিরুক্তং ক্ষিতিশব্দবৃত্তমসন্নিধানাৎ পরমাণবো যে ।

অবিচয়া মনসা কল্পিতান্তে যेषাং সমূহেন কৃতো বিশেষঃ ॥

ভাগঃ ৫।১২।৯

এবং কৃশং স্থূলমণুবৃহদ্যৎ অসচ্চ সজ্জীবমজীবমশ্রুৎ ।

দ্রব্যস্বভাবাশয়কালকর্মনাম্নাজয়াবেহি কৃতং দ্বিতীয়ম্ ॥

ভাগঃ ৫।১২।১০

জ্ঞানং বিশুদ্ধং পরমার্থমেকমনন্তরং অবহিব্রন্ধ সত্যম্ ।

প্রত্যক্ প্রশান্তং ভগবচ্ছব্দসংজ্ঞং যদ্বাস্তদেবং কবয়ো বদন্তি ॥

ভাগঃ ৫।১২।১১

ক্ষিতি শব্দ দ্বারা কথিত এই দৃশ্যমান পৃথিবী, ইহাও তাহার কারণীভূত
স্বল্প পরমাণুতে লয় প্রাপ্ত হয় বলিয়া অসৎ । মনের দ্বারা কার্যের দ্বারা অনুপপত্তি
হেতু পরমাণুসকল বাদিগণ কর্তৃক কল্পিত হয় । এবং পরমাণু সকলের মিলনে
পৃথিবী ইত্যাদি বিশেষ রচিত হয় । এই প্রপঞ্চ ভগবানের মায়্যা বিলসিত
মাত্র । এ কারণ, পরমাণুসকল অবিদ্যা-কল্পিত । এজন্য তাহারাও অসৎ ।

ভাগঃ ৫।১২।৯

আত্মাতে কখন হ্রস্ব, কখন দীর্ঘ, কখন স্থূল, কখন অণু, কখন কার্ষ্য, কখন
কারণ, কখন চেতন, কখন অড় ভাব দেখিয়া যে বৈত প্রতীতি হয়, সে বৈত ও
মায়্যা দ্বারা দ্রব্য, স্বভাব, আশয়, কাল, কর্ম ইত্যাদি নামোপলক্ষিত হইয়া
থাকে । ভাগঃ ৫।১২।১০

বিশুদ্ধ, বাহ্যভাস্তরশূণ্য, স্বরিপূর্ণ, অপরিচ্ছিন্ন, নির্বিকার যে জ্ঞান, তাহাই
পরমার্থ সত্য । তাহাকেই পণ্ডিতেরা ভগবান বাসুদেব বলিয়া থাকেন ।

ভাগঃ ৫।১২।১১

অতএব কণাদের পরমাণুবাদের সহিত শ্রীমদ্ভাগবতের পরমাণু স্বীকারের
পার্থক্য প্রচুর । কণাদ পরমাণুকেই জগৎকারণ এবং নিত্য সৎ বলেন ।
ভাগবত মতে বিশুদ্ধ অদ্বয় জ্ঞানই জগৎকারণ এবং সত্য । অন্যান্য বাদও
এই প্রকারে উপেক্ষণীয় ।

শ্রীমদ্ভাগবতে কথিত ৩।১১।১ শ্লোকানুযায়ী পরমাণুবাদের সহিত পদার্থ-
বিজ্ঞাবিদগণের পরমাণুবাদ (atomic theory) তুলনীয় । পদার্থবিজ্ঞাবিদগণও
বলেন যে, পরমাণু চরম অংশ, উহা অবিভাজ্য, উহাদের পরস্পরের মধ্যে অবকাশ

(Interspaces) আছে, অতএব পরস্পর অসংযুক্ত। এবং দ্রব্যের আকার ধ্বংস হইলেও পরমাণু বর্তমান থাকে এবং উহাদের সমবায়ে ব্যবহারিক অবয়বী জ্ঞান হইয়া থাকে। শ্রীমদ্ভাগবতের সহিত সর্বতোভাবে মিল আছে।

আবার দুই পরমাণুতে একটি অণু, তিন পরমাণুতে একটি ত্রসরেণু গঠিত হয়। ইহাও ভাগবতে উক্ত হইয়াছে, যথা, “অণু ষৌ পরমাণুস্ত্যাং ত্রসরেণু স্তয়ঃ স্মৃতঃ।” ভাগঃ ৩।১১।১৫। এই প্রকার একাধিক পরমাণুর মিলনে উৎপন্ন পরমাণুপুঞ্জকে জড় বিজ্ঞান, রসায়ন বিদ্যা molecule নাম দিয়াছেন। স্মৃতরাং আর্য্যঋষিগণের উক্তির সহিত বর্তমান পদার্থবিদ্যার এস্থলেও অভেদ।

এ সম্বন্ধে আর একটি কথা বলা প্রয়োজন মনে করি। পরমাণু, দ্রব্যের চরমাংশ হইতে পারে। কিন্তু মৌলিক দ্রব্যের পরমাণু ভিন্ন ভিন্ন কিনা? অর্থাৎ, স্বর্ণের পরমাণু লৌহের পরমাণু হইতে পৃথক কিনা? প্রথম খণ্ডের ১৭০-১৭১ পৃষ্ঠায় যে চিত্র দেওয়া হইয়াছে, তাহা হইতে প্রতীয়মান হইবে যে, আমাদের শাস্ত্রানুসারে সৃষ্টি প্রপঞ্চের মূল একস্থানে। বর্তমান জড় বিজ্ঞানের প্রগতিও সেইদিকে। বর্তমান জড় বিজ্ঞান Electron ও Proton এবং তাহাদের আবর্তনে ও উহাদের বিভিন্ন সংখ্যার সংশ্লেষ দ্বারা বস্তুর উৎপত্তি স্বীকার করে। ইহার লক্ষ্য সেই একই মূল কারণের দিকে। ইহা ভাবিলে বিস্ময়ে বিমুগ্ধ হইতে হয় না কি? এবং আর্য্যঋষিগণ তাঁহাদের আপ্ত জ্ঞানের দ্বারা জড় বিজ্ঞান সম্বন্ধেও কত উন্নত ধারণা করিতে সমর্থ হইয়াছিলেন, ভাবিয়া স্তম্ভিত হইতে হয়।

৮। ভোক্তাপত্য্যধিকরণ ॥

ভিত্তি:—

“ন হ বৈ সশরীরশ্চ সতঃ প্রিয়াপ্রিয়য়োরপহতিরন্তি,
অশরীরং বাব সন্তুং ন প্রিয়াপ্রিয়ে স্পৃশতঃ ॥”

(ছান্দোগ্যঃ ৮।১২।১)

সশরীর পুরুষের প্রিয়াপ্রিয় সম্বন্ধ নিবারণিত হয় না, অশরীর হইলেই তাহাকে প্রিয়াপ্রিয় স্পর্শ করিতে পারে না। (ছান্দোগ্যঃ ৮।১২।১)

সংশয় :—পুনরায় সাংখ্য আপত্তি করিতেছেন :—ব্রহ্ম জগৎ-প্রপঞ্চের উপাদান কারণ সিদ্ধান্ত ত করিলে এবং তর্কের খাতিরে তিনি বিশ্বরূপ ও সর্বভূতের অন্তরে অন্তর্ধ্যামীরূপে অবস্থিত, বলিলে ত। যদি তিনি বিশ্বরূপ, এবং সর্বভূতের অন্তরে অবস্থিত, তবে ত তিনি শরীরসম্ভূত স্মৃৎস্বঃখের ভোক্তা। শিরোদেশে উদ্ধৃত শ্রুতি তাহার প্রমাণ। তাহা হইলে, ভোক্তা ব্রহ্ম ও ভোক্তা জীবের পার্থক্য ত থাকে না। ইহার উত্তর কি দিবে? ইহার সমাধানের সূত্র করিলেন, সূত্রের প্রথম অংশে আপত্তি, ও শেষাংশে সমাধান।

সূত্র :—২।১।১৪

ভোক্তাপত্য্যেরবিভাগশ্চেৎ, শ্রাণ্লোকবৎ ॥ ২।১।১৪ ॥

ভোক্তাপত্য্যেঃ + অবিভাগঃ + চেৎ + শ্রাৎ + লোকবৎ ।

ভোক্তাপত্য্যেঃ :—ভোক্তৃৎস্বের সম্ভাবনা হেতু। অবিভাগঃ :—জীব, ব্রহ্মে বিভাগ বা বিভিন্নতা থাকিতে পারে না। চেৎ :—যদি বল। শ্রাৎ :—বিভিন্নতা থাকিবে। লোকবৎ :—লৌকিক ব্যবহারের ন্যায়।

ব্রহ্ম বিশ্বরূপ এবং সর্বভূতের অন্তর্ধ্যামীরূপে অন্তরে অবস্থিত হইলে, তাহার ভোক্তৃৎস্বের সম্ভাবনা হেতু জীব হইতে অভেদ যদি বল, তাহার উত্তর না; লৌকিক ব্যবহারে দেখা যায় যে, একজন বন্দুকধারী পুরুষের প্রাণিহনন শক্তি বন্দুকের দ্বারা সহজেই প্রকটিত হইয়া থাকে, কিন্তু তাই বলিয়া ঐ পুরুষ ত বন্দুক নহে। বন্দুকের স্বতঃ প্রাণিহননের সামর্থ্য নাই। পুরুষের দ্বারা প্রযুক্ত হইয়াই উহা প্রাণিহনন করিতে পারে। উহার শক্তি পুরুষশক্তি দ্বারা

উদ্বোধ্য। উহা যেমন পুরুষ নহে, সেইরূপ ব্রহ্মের তটস্থ শক্তিরূপ জীব এবং বহিরঙ্গা শক্তিরূপ প্রকৃতি, ব্রহ্ম দ্বারা উদ্বোধ্য ও কার্যশীল হইলেও ব্রহ্ম নহে।

আরও দেখ, রাজা তাঁহার বহিরঙ্গা শক্তি বিকাশে—চামরাদি ব্যজনে—দংশ মশকাদি সঙ্কুল স্থানে নিরাময়ে অবস্থান করিয়া অভিপ্রেত বিষয় পরিচালন করেন এবং নানাপ্রকার রাজভোগ্য,—সাধারণের অনুপভোগ্য—বিষয়াদি ভোগ করেন, সেইরূপ বিশেষর তাঁহার অব্যাহত শক্তির বিকাশে জগতের অন্তরে বাহিরে অবস্থিত হইয়াও জাগতিক দোষে স্পৃষ্ট হন না; সমস্ত জগৎ পরিচালন করেন, এবং আপন স্বরূপানন্দও উপভোগ করেন।

এখানে ইহা লক্ষ্য করা প্রয়োজন যে, উপরে যে বন্দুকের উপমা দেওয়া হইল, তাহা যন্ত্রমাত্র ও পুরুষ হইতে পৃথক। কিন্তু ব্রহ্মের বহিরঙ্গা বা তটস্থ শক্তি ব্রহ্ম হইতে পৃথক নহে। যদিও উহারাই ব্রহ্ম নহে, তাহা হইলেও শক্তিরূপে উহারাই ব্রহ্ম হইতে অপৃথক। সাধারণ জীবের সহিত ব্রহ্মের এইখানেই প্রভেদ। আমাদের ব্যবহারের যন্ত্র আমাদের হইতে পৃথক, কিন্তু ব্রহ্মের ব্যবহারের যন্ত্র—জীব, প্রকৃতি, মহৎ, অহঙ্কার, আকাশ ইত্যাদি—তাঁহা হইতে পৃথক হইয়াও অপৃথক। আমরা, কোনও যন্ত্র প্রস্তুত করিতে হইলে, তাহার উপাদান সংগ্রহ করিয়া প্রস্তুতকারী কর্মদক্ষ শিল্পীর সাহায্য লই। শ্রীভগবান তাঁহার যন্ত্র প্রস্তুত করিতে, নিজেই উপাদান, নিজেই শিল্পী, এবং নিজেই যন্ত্র। তাঁহার ইচ্ছাতেই ভিন্নরূপে আকারিত হয় মাত্র, এবং আকারিত হইয়া তাঁহা হইতে পৃথক হইয়াও অপৃথক। লৌকিক ভাষায় ভগবত্তত্ত্ব প্রকাশ করিতে হইলে, লৌকিক উপকরণ ভিন্ন উপায় নাই। কিন্তু সব সময় সাবধান হইয়া ভগবত্তত্ত্বের গূঢ় রহস্যের প্রতি লক্ষ্য রাখা প্রয়োজন। তাঁহার সংকল্পেই পৃথক্ অভিব্যক্তি এবং পৃথক ব্যবহার।

১।৪।২৭ ও ১।২।৮ সূত্রের আলোচনায় (পৃষ্ঠা ৭৩০ ও ৪২৬) উদ্ধৃত শ্রীমদ্ভাগবতের ১।১।২৮।২৭ শ্লোক ইহাই প্রকাশ করে।

যেমন বায়ু, অগ্নি, জল ও পৃথিবীর উৎপত্তি ও বিনাশশীল গুণ দ্বারা বা ঋতুগুণ দ্বারা আকাশ আসক্ত হয় না, তদ্রূপ সত্ত্ব, রজঃ ও তমো গুণ দ্বারা, বা সংসার-হেতু-ভূত গুণ দ্বারা সংসার পারে অবস্থিত পরমাত্মা আসক্ত হইবে না।
ভাগঃ ১।১।২৮।২৭

পূর্বে আলোচিত ১।২।৮ সূত্রে বিশ্বরূপ ও সর্বভূতের অন্তর্ধ্যামী পরমেশ্বরের ভোগ প্রসঙ্গ পরিহার করা হইয়াছে। এখানে আর বাহ্যের প্রয়োজন নাই।

শ্রীমদ্ভাগবতের আর একটি মাত্র শ্লোক উদ্ধার করিয়া, এই প্রসঙ্গের উপসংহার করিব ।

প্রকৃতিস্থোহপি পুরুষো নাজ্যতে প্রাকৃতৈশ্চ গৈঃ ।

অবিকারাদকর্তৃত্বান্নিগুণত্বাজ্জলার্কবৎ । ভাগঃ ৩।২৭।১ ।

—পরম পুরুষ পরমাত্মা নিগুণ, অকর্তা, নির্বিকার ; জলমধ্যে সূর্য্যমণ্ডল প্রতিবিম্বিত হইলেও সে যেমন তদ্বর্ষ্যাক্রান্ত হয় না, সেইরূপ পুরুষ প্রকৃতিস্থ হইলেও প্রাকৃতিক গুণে লিপ্ত হন না । ভাগঃ ৩।২৭।১

৯। আরম্ভগাথিকরণ ॥

ভিত্তিঃ—

(১) “বাচারম্ভগং বিকারো নামধেয়ং মৃত্তিকেষ্যেব সত্যম্ ॥”

(ছান্দোগ্য : ৬।১।৪)

—বিকারমাত্রই বাক্যারম্ভগ নাম মাত্র। মৃত্তিকাই ঘটের সত্য পদার্থ।
(ছাঃ ৬।১।৪)।

(২) “সদেব সোম্যোদমগ্র আসীদেকমেবাদ্বিতীয়ম ।”

“তদৈক্ষত বহুশ্চাং প্রজায়েয়েতি তত্তেজোহসৃজত ॥”

(ছান্দোগ্য : ৬।২।১,৩)

—হে সোম্য! সৃষ্টির পূর্বে এই জগৎ এক অদ্বিতীয় সৎ স্বরূপই ছিল : সেই—সৎ আলোচনা করিলেন, আমি বহু হইব, জন্মিব ; অনন্তর তিনি তেজঃ সৃষ্টি করিলেন। (ছাঃ ৬।২।১,৩)

(৩) “অনেন জীবেনাত্মনানুপ্রবিশ্য নামরূপে ব্যাকরবাণীতি ॥”

(ছান্দোগ্য : ৬।৩।৩)

—আমি এই জীবাত্মরূপে সর্বভূতের অভ্যন্তরে প্রবিষ্ট হইয়া নাম ও রূপ প্রকটিত করিব। (ছাঃ ৬।৩।৩)

(৪) “সন্মূলাঃ সোম্যোমাঃ সর্বাঃ প্রজাঃ সদায়তনাঃ সৎপ্রতিষ্ঠাঃ...”

(ছান্দোগ্য : ৬।৮।৬)

—হে সোম্য! এই সমস্ত জন্তু পদার্থই সন্মূলক, সতে অবস্থিত এবং সতেই বিলীন হয়... (ছাঃ ৬।৮।৬)

(৫) “ঐতদাত্মামিদং সর্বং স আত্মা, তত্ত্বমসি শ্বেতকেতো ॥”

(ছান্দোগ্য : ৬।৮।৭)

—এ সমস্তই এই ব্রহ্মাত্মক, তিনিই একমাত্র সত্য, তিনিই আত্মা। হে শ্বেতকেতো! তুমিও তৎস্বরূপই বটে। (ছাঃ ৬।৮।৭)

সংশয় :—২।১।৬ সূত্রে প্রত্যক্ষ দৃষ্টান্ত দ্বারা বুঝাইয়াছে যে, সর্বজ্ঞ, বিকার-বিহীন, বিস্তৃত, জ্ঞান ও আনন্দ স্বরূপ ব্রহ্ম হইতে এই অজ্ঞ, বিকারী, মলিন,

অজ্ঞান ও শোক মোহাচ্ছন্ন জগৎ উৎপত্তির দোষ নাই। তাহা হইলে ত প্রকারান্তরে অসৎ কার্য্যবাদই স্বীকার করা হইল। তোমরা সৎকার্য্যবাদী, তোমাদের মতে কারণ-গুণ কার্য্যে অনুস্থ্যত থাকে। যদি কার্য্যে কারণ হইতে বিপরীত গুণ বা ধর্ম্ম দেখা যায়, তাহা হইলে ত কারণে কার্য্য অনভিব্যক্ত ভাবেও বর্ত্তমান ছিল না, ইহা স্পষ্ট প্রতীত হয়। অতএব মুখে সৎকার্য্যবাদী বলিয়া পরিচয় দিলেও কার্য্যতঃ তোমরা অসৎ কার্য্যবাদী হইয়া পড়িতেছ। সূত্ররাং ২।১।১৩ সূত্রে কণাদাদি অসৎ কার্য্যবাদিগণের মত উপেক্ষণীয় বলিয়া সিদ্ধান্ত করায় দোষ হইতেছে, ইহা কি বুঝিতেছ না? কণাদ, গোতম প্রভৃতি অসৎ কার্য্যবাদিগণের এই প্রকার আপত্তিসকল কল্পনা করিয়া, তাহাদের সমাধানের জন্ত সূত্রকারি সূত্র করিলেন :—

সূত্র :—২।১৫

তদনন্তরমারম্ভণ-শব্দাদিভ্যঃ ॥ ২।১।১৫ ॥

তৎ + অনন্তরম্ + আরম্ভণ-শব্দাদিভ্যঃ ॥

তৎ :—তাহা হইতে, সেই ব্রহ্ম হইতে। অনন্তরম্ :—জগতের অভিন্নত্ব। আরম্ভণ-শব্দাদিভ্যঃ :—আরম্ভণ শব্দ প্রভৃতি হইতে (জানা যায়)।

শিরোদেশে উদ্ধৃত ছান্দোগ্য শ্রুতির ৬।১।৪, ৬।২।১, ৬।৩।৩, ৬।৮।৬, ৬।৮।৭ মন্ত্রে “আরম্ভণ” শব্দ ও অন্তরম্ বৈ সকল শব্দ আছে, তাহা হইতে স্পষ্ট প্রতীয়মান হয়, বিশ্ব প্রপঞ্চ ব্রহ্ম হইতে অভিন্ন। যেরূপ মৃত্তিকোৎপন্ন দ্রব্যাদি মৃত্তিকা হইতে, লৌহ হইতে উৎপন্ন দ্রব্যাদি লৌহ হইতে, স্বর্ণ হইতে উৎপন্ন দ্রব্যাদি স্বর্ণ হইতে অভিন্ন, সেইরূপ ব্রহ্ম হইতে উৎপন্ন এই বিশ্ব প্রপঞ্চ ব্রহ্ম হইতে অভিন্ন। যেমন মৃত্তিকা হইতে উৎপন্ন ঘট, মালসা, সরিষা, জালা প্রভৃতি নাম ও রূপ কুস্তকারের ইচ্ছা ও প্রযত্নের উপর নির্ভর করে, সেইরূপ বিশ্বস্থ সমুদায় পদার্থের নাম ও রূপ, ব্রহ্মের ইচ্ছা বা সংকল্পের উপর নির্ভর করে। ইহা উপরে উদ্ধৃত ছান্দোগ্য শ্রুতির ৬।৩।৩ মন্ত্রে সাক্ষাৎ সন্মুখে উল্লিখিত হইয়াছে।

এখন অসৎ কার্য্যবাদিগণকে জিজ্ঞাসা করি, তোমাদের মতে ত কার্য্য কারণে অনুস্থ্যত থাকে না, কার্য্য-ভিন্ন পদার্থের উপর কর্ত্তার কারক ব্যাপারে কার্য্যের উৎপত্তি হয়। যদি তাছাই হয়, তাহা হইলে মৃত্তিকা ত বস্ত্র হইতে ভিন্ন পদার্থ। তবে কর্ত্তার কারক ব্যাপার দ্বারা মৃত্তিকা হইতে বস্ত্রের উৎপাদন করিয়া শীত

নির্ধারণ কর না কেন ? তাহা যখন কোনও কালে সম্ভব নহে, তখন তোমাদের গৃহীত অসৎকার্যবাদে কর্তার কারক ব্যাপারের সঙ্গতি সিদ্ধ হয় না। কিন্তু আমাদের সৎকার্যবাদে তাহা সম্পূর্ণ সিদ্ধ হয়। আমাদের মতে কার্য কারণেই অনুস্থ্যত থাকে, অনভিব্যক্ত অবস্থায় থাকে। কর্তার কারক ব্যাপার উহার অভিব্যক্তি করিয়া সার্থকতা লাভ করে। লৌকিক কর্তার এরূপ কোনও সামর্থ্য নাই, যাহাতে সে নূতন কোনও বস্তু উৎপাদন করিতে পারে। যাহা বর্তমান আছে, তাহার নামান্তর ও রূপান্তর সাধন করিয়াই কর্তার কারক ব্যাপারের সমাপ্তি। ইহা আমরা জগতের প্রত্যেক ব্যাপারে প্রত্যক্ষতঃ দেখিতে পাই। একটি গাছ আছে, তাহা চিরিয়া খণ্ড খণ্ড করতঃ তক্তা, দরজা, জানলা, আলমারি, চেয়ার, টেবিল প্রভৃতি নামে ও রূপে পরিবর্তিত করিয়াই সূত্রধর আপনার কৃতিত্বের পরিচয় দেয়। লৌহ বিদ্যমান আছে, কর্মকার তাহা হইতে কুঠার, দা, বন্দুক, তলোয়ার, ছুরি, কাঁচি, সূঁচ প্রভৃতি বিবিধ নামে ও বিবিধ রূপে বিবিধ বস্তু প্রস্তুত করিয়া নিজের সার্থকতা প্রকটিত করে। সমুদায় কার্যজগৎই এই প্রকার। নূতন কিছুই সৃষ্ট হয় না, নামান্তর ও রূপান্তর সংঘটিত হয় মাত্র।

এখন আলোচনা করা যাউক, উপাদান ও উপাদেয়ের সম্বন্ধ কি ? আমরা প্রত্যক্ষ দেখিতে পাই, উপাদান, উপাদেয়ের পূর্বে বর্তমান থাকে ; উপাদেয়ের স্থিতির সময় উপাদানই উপাদেয়ের নাম ও রূপে, নাম ও রূপ বিশিষ্ট হইয়া বর্তমান থাকে। আবার উপাদেয়ের নাশের পর, উপাদানই অবিকৃতভাবে বর্তমান থাকে। অতএব উপাদেয়ের সৃষ্টি বা উৎপত্তি উপাদান হইতে, স্থিতি উপাদানে, এবং পরিণতিও উপাদানে। সুতরাং উপাদেয়ের সম্পর্কে উপাদানই সত্য, এবং উপাদেয় উপাদান হইতে অনন্ত বা অভিন্ন। শিরোদেশে উদ্ধৃত ছান্দোগ্য শ্রুতির ৬।১।৪ মন্ত্র ইহাই প্রকাশ করে এবং সূত্রকারের আলোচ্য সূত্রের অর্থও তাহাই। পূর্বে প্রতিপাদিত হইয়াছে যে, এই প্রপঞ্চ বিশ্বের উৎপত্তি ব্রহ্ম হইতে, স্থিতি তাঁহাতে, ও পরিণতিও তাঁহাতে (দেখ সূত্র ১।১।২)। অতএব এই প্রপঞ্চ বিশ্ব ব্রহ্ম হইতে অনন্ত বা অভিন্ন এবং এপঞ্চ বিশ্ব সম্পর্কে ব্রহ্মই সত্য। সুতরাং প্রশ্ন উঠে প্রপঞ্চ বিশ্ব স্বরূপতঃ কি ?

কার্য ও কারণের অনন্ততা বা অভেদ প্রতিপাদন করিবার পক্ষে বৈদান্তিক-গণের মধ্যে দুইটি প্রকৃষ্ট পন্থা আছে—একটি পরিণামবাদ ও অপরটি বিবর্তবাদ। পরিণামবাদী বলেন যে, উপাদানই উপাদেয়াকারে অর্থাৎ কারণ কার্যাকারে পরিণত হয়, এবং এই প্রকার পরিণত অবস্থায় থাকাকালে কারণেরই কার্যরূপে

প্রতীতি হইয়া থাকে। অর্থাৎ কারণই কার্যের নামে ও রূপে প্রতীত হইয়া থাকে। যেমন দুগ্ধ দধিতে পরিণত হইলে দুগ্ধই দধি রূপে প্রতীত হয় অর্থাৎ দুগ্ধই দধি নাম ও রূপ গ্রহণ করে। বিবর্তবাদী বলেন যে, উপাদান কারণ কিছুমাত্র পরিবর্তিত হয় না, নিজের স্বরূপেই বর্তমান থাকে, অথচ দর্শকগণ তাহাকে অন্যরূপে দর্শন করে—যেমন রজ্জুতে সর্পজ্ঞান। দুগ্ধ যেমন নিজের অস্তিত্ব হারাইয়া দধিতে পরিণত হয়, রজ্জু সেরূপ নিজের স্বরূপ হারাইয়া সর্পে পরিণত হয় না।—যে সময়ে দর্শকের সর্পজ্ঞান হইতেছে, সেই সমকালেই, রজ্জু নিজ স্বরূপেই অর্থাৎ রজ্জুরূপেই বর্তমান থাকে। ভ্রান্ত ব্যক্তিই উহাতে সর্পদর্শন করিতেছে বটে, কিন্তু যে ভ্রান্ত হয় নাই, সে রজ্জুই দর্শন করিতেছে, তাহার নিকট উহার স্বরূপ হানি হয় না। অতএব, রজ্জু সর্পের বিবর্তকারণ, এবং সর্প—রজ্জুর বিবর্তকার্য।

পরিণামবাদিগণ বলেন যে, ব্রহ্ম তাঁহার অনন্ত, অচিন্ত্য শক্তি সাহচর্যে জগৎ রূপে পরিণত হইলেও, সমকালে স্ব-স্বরূপে প্রতিষ্ঠিত থাকেন, তাঁহার স্বরূপহানি হয় না। তাঁহার এক পাদে বা অঙ্গাংশেই পরিদৃশ্যমান জগৎ প্রপঞ্চ প্রকটিত হয় মাত্র। বিবর্তবাদিগণ বলেন, ব্রহ্ম জগতের বিবর্তকারণ—অনাদি অজ্ঞান প্রভাবে তাঁহাতে বিচিত্র জগৎ প্রকাশিত হইলেও, তাঁহার স্বরূপ হানি হয় না। ইহারা ইহাদের মতবাদ স্থাপন করিবার জন্ত “সদসদ-নির্বচনীয় অঘটন-ঘটন-পটীয়সী” মায়ার কল্পনা করিয়া থাকেন। ইহাদের মতে বিশ্বপ্রপঞ্চ রজ্জু-সর্পের ন্যায় ঐকান্তিক মিথ্যা। পরিণামবাদিগণের মতে বিশ্বপ্রপঞ্চ ঐকান্তিক মিথ্যা নহে, নশ্বর মাত্র।

যেমন মৃত্তিকা হইতে উৎপন্ন ঘটাদি, মৃত্তিকার তুলনায় নাশশীল এবং ধ্বংসের পর মৃত্তিকায় তাহাদের পরিণতি, সেইরূপ ব্রহ্ম হইতে উৎপন্ন জগৎ প্রপঞ্চ ব্রহ্মের নিত্য ও সত্যত্বের তুলনায় অনিত্য, অসত্য—নশ্বর এবং নাশের পর ব্রহ্মেই উহার পরিণতি। শঙ্করাচার্য্য প্রমুখ অদ্বৈতবাদিগণ বিবর্তবাদী ; রামানুজ, মধ্বাচার্য্য, নিম্বাদিত্য, বল্লভ, বলদেব প্রমুখ বৈদান্তিকগণ পরিণামবাদী। আমরা উভয় বাদের আচার্য্যগণের তর্ক-বিতর্কের মধ্যে প্রবেশ করিব না এবং কোন্টি পরিত্যজ্য ও কোন্টি গ্রহণীয় এই উপলক্ষে দোষগুণ বিচার করিব না। আমরা শ্রীমদ্ভাগবত সাহায্যে বেদান্তদর্শনের আলোচনা করিতেছি, অতএব আমাদের পক্ষে শ্রীমদ্ভাগবত কর্তৃক গৃহীত পরিণামবাদই গ্রহণীয়।

এখন প্রকৃত বিষয়ের অন্বেষণ করা যাউক। শিরোদেশে উদ্ধৃত শ্রুতিমন্ত্র-সকল হইতে স্পষ্ট প্রতীয়মান হইবে যে, উপাদান ও উপাদেয় উভয়ের মধ্যে

উপাদানই সত্য, উপাদেয় বিকার মাত্র এবং উহার নাম বাগাড়ম্বর মাত্র। এই বিশ্বপ্রপঞ্চ সৃষ্টির পূর্বে এক অদ্বিতীয় সৎ (ব্রহ্ম) স্বরূপে ছিল। তিনি বহু হইবার ইচ্ছা করায়, এই জগৎ সৃষ্টি হইল; এবং তিনি জীবাআরূপে সর্বভূতের অভ্যন্তরে প্রবিষ্ট হইয়া, বিভিন্ন নাম ও রূপ প্রকটিত করিয়াছেন। প্রকৃতপক্ষে, অণু সমুদায় পদার্থই সৎ বা ব্রহ্মমূলক, ব্রহ্মেই অবস্থিত এবং ব্রহ্মেই লীন হয়, এবং সেই সৎ বা ব্রহ্মই একমাত্র পারমার্থিক সত্য, তিনিই আত্মা এবং সমস্ত জীব তৎ স্বরূপই বটে। অতএব চেতনাচেতনাত্মক বিশ্ব ব্রহ্ম হইতে অভিন্ন। ছান্দোগ্য শ্রুতির এই প্রকরণের আরম্ভেই এক বিজ্ঞানে সর্ববিজ্ঞান প্রতিজ্ঞা আছে, যথা, “যেনাশ্রুতং শ্রুতং ভবত্যমতং মতমবিজ্ঞাতং বিজ্ঞাতম্” (ছান্দোগ্যঃ ৬।১।৩)। যাহাতে অশ্রুত বিষয়ও শ্রুত হয়, অচিন্তিত বিষয়ও চিন্তিত হয়, অবিজ্ঞাত বিষয়ও বিজ্ঞাত হয় (ছাঃ ৬।১।৩)। যদি প্রপঞ্চ জগৎ ব্রহ্ম হইতে অনন্ত হয়, তবেই এই প্রতিজ্ঞা সিদ্ধ হইতে পারে। এবং ইহারই দৃষ্টান্ত উপলক্ষে মৃত্তিকা, লৌহমণি প্রভৃতি উদাহৃত হইয়াছে; এবং উপদেশ দেওয়া হইয়াছে যে, যে প্রকার মৃত্তিকাদি হইতে উৎপন্ন ঘটাদি মৃত্তিকাদি হইতে অপৃথক, সেইরূপ ব্রহ্ম হইতে উৎপন্ন বিশ্বপ্রপঞ্চ, ব্রহ্ম হইতে অপৃথক। অতএব, সিদ্ধান্ত হইল যে, চেতন-অচেতন, স্বাবর-জন্ম, যত কিছু দৃশ্যমান বস্তু আছে, সমস্তই ব্রহ্ম হইতে অভিন্ন।

এখন দেখা যাউক, শ্রীমদ্ভাগবত এ সম্বন্ধে কি বলিয়াছেন। এই প্রসঙ্গে ১।১।২ সূত্রের আলোচনায় উদ্ধৃত ৬।৩।২৫, ৭।৬।২০, ৭।২।১২, ৭।২।৪৭, ৮।৩।৩, ১০।৮।৫।৪,—এবং ২।১।২ সূত্রের আলোচনায় উদ্ধৃত ৭।২।৩০ শ্লোকগুলি দ্রষ্টব্য। বাহুল্যভয়ে উহার পুনরুক্ত হইল না। শ্রীমদ্ভাগবতে স্পষ্টই বলিয়াছেন যে, বিশ্ব সম্বন্ধে সমুদায় কারক-ব্যাপার তিনিই। অর্থাৎ তিনিই বিশ্বের কর্তা; বিশ্বরূপ কর্ম তিনিই অর্থাৎ তিনিই বিশ্ব বা বিশ্বরূপ; করণ অর্থাৎ বিশ্বনির্মাণের উপায়ও তিনি; সম্প্রদান তাঁহাতেই, অর্থাৎ বিশ্ব তাঁহাকে সম্প্রদান করিবার জন্ম তাঁহারই পূজোপকরণ সংগ্রহ করে; বিশ্বের উপাদান তাঁহা হইতে; তাঁহারই বিশ্ব এবং বিশ্বের অধিষ্ঠান তাঁহাতেই। অতএব, কর্তা, কর্ম, করণ, সম্প্রদান, অপাদান, সম্বন্ধ, অধিকরণ একমাত্র তিনিই। মূন কর, একজন চিত্রকর, রাজার জন্ম একখানি সুন্দর চিত্র অঙ্কিত করিতেছেন। কর্তা—চিত্রকর, কর্ম—তাহার চিত্র, করণ ব্যাপার—তুলিকা, রঙ, ইত্যাদি, সম্প্রদান—রাজাকে, অপাদান—চিত্রকরের মনোময়ী প্রতিকৃতি হইতে, সম্বন্ধ—চিত্রকরের—রাজাকে

সম্প্রদান করিবার পূর্বাভ্যাস, এবং পরে রাজ্য, এবং অধিকরণ বা অধিষ্ঠান—
পট, যাহার উপর চিত্র অঙ্কিত হইতেছে। এখানে কর্ম, করণ, সম্প্রদান, অপাদান,
সম্বন্ধ ও অধিকরণ সমুদায়ই কর্তা চিত্রকর হইতে ভিন্ন। কিন্তু যখন সকলই
এক, তখন চিত্রও চিত্রকরের সহিত অভিন্ন। সুতরাং বিশ্বও ব্রহ্ম
হইতে অভিন্ন। কিন্তু বিশ্ব তাঁহা হইতে অভিন্ন হইলেও তিনি বিশ্ব
হইতে ভিন্ন।

ইদং হি বিশ্বং ভগবানিবেতরো যতো জগৎস্থান নিরোধ সম্ভবাঃ ।

ভাগঃ ১।৫।২০

—এই পরিদৃশ্যমান বিশ্ব ভগবান্ হইতে অভিন্ন, কেননা, তাঁহা হইতে ইহার
জন্ম এবং তাঁহাতেই স্থিতি, লয় হইয়া থাকে। কিন্তু তিনি বিশ্ব হইতে ভিন্ন।

ভাগঃ ১।৫।২০

বিশ্বেশ্বরায় বিশ্বায় সর্বভূতাত্মনে নমঃ ॥ ভাগঃ ১।১।৫।২৭

—বিশ্বেশ্বর, বিশ্বরূপী, সর্বভূতাত্মাকে নমস্কার। ভাগঃ ১।১।৫।২৭

বিশ্বায় তদুপদ্রষ্টে তৎকত্রে বিশ্বহেতবে ॥ ভাগঃ ১০।১।৬।৩৭

—বিশ্বরূপ, বিশ্বদ্রষ্টা বিশ্বকর্তা এবং বিশ্বের সর্বকারণ, আপনাকে নমস্কার।

ভাগঃ ১০।১।৬।৩৭

দৃষ্টং শ্রুতং ভূতভবন্তুবিষ্ণুং স্থান্মুচরিষুর্মহদল্লকং চ ।

বিনাচ্যুতাদ্বস্তরাং ন বাচ্যং স এব সর্বং পরমাত্মভূতঃ ॥

ভাগঃ ১০।৪।৬।৩৩

—ভূত, ভবিষ্যৎ, বর্তমান, স্থাবর, জঙ্গম, ক্ষুদ্র, মহৎ, দৃষ্ট, শ্রুত যতকিছু বস্তু,
তাঁহারা অচ্যুত ব্যতিরেকে যথার্থতঃ নির্বচনাহঁ বস্তু নহে। তিনিই সর্ব,
তিনিই পরমাত্মভূত। ভাগঃ ১০।৪।৬।৩৩

• অনীহ এতদ্বহ্নৈক আত্মনা সৃজত্যবত্যক্তি ন বধ্যতে যথা ।

ভৌমৈর্হি ভূমির্বহ্নামরূপিণী অহো বিভূম্শ্চরিতং বিড়ম্বনম্ ॥

ভাগঃ ১০।৮।৪।১২

(১।৩।২ সূত্রে (পৃঃ—৫৭২) ইহার অর্থ দেওয়া হইয়াছে।)

অতএব সিদ্ধান্ত হইল যে, কার্য্য, কারণ হইতে অনন্ত হইলেও,
কার্য্য কারণ নহে, বিভিন্ন নামরূপে অভিব্যক্ত ও পরিচিত। সেইরূপ

বিশ্ব ব্রহ্ম হইতে অভিন্ন হইলেও বিশ্ব ব্রহ্ম নহে। ব্রহ্ম বিশ্ব হইতে ভিন্ন এবং তিনি প্রপঞ্চ সৃষ্টি করিয়াও নিজে তাহাতে আসক্ত হন না। নিজে অবিকৃত স্বরূপে অবস্থিত থাকেন।

সূত্র :—২।১।১৬

ভাবে চোপলক্কেঃ ॥ ২।১।১৬ ॥

ভাবে + চ + উপলক্কেঃ ॥

ভাবে :—কার্যসত্ত্বে। চ :—ও। উপলক্কেঃ :—কারণসত্ত্বার প্রতীতি হেতু।

ঘট, কুণ্ডল, বস্ত্রাদি কার্যো, তত্ত্ব কারণ-সত্ত্বার, অর্থাৎ মৃত্তিকা, স্বর্ণ ও তত্ত্ব সত্ত্বার প্রতীতি হইয়া থাকে। একটি গরু দেখিলে ত অশ্বের প্রতীতি হয় না, কেননা, তাহারা পরস্পর ভিন্ন পদার্থ। কার্য যদি কারণ হইতে অত্যন্ত ভিন্ন পদার্থ হইত, তাহা হইলে কুণ্ডল দেখিলে স্বর্ণপ্রতীতি, অথবা ঘট দেখিলে মৃত্তিকা প্রতীতি হইত না। অতএব কার্য কারণ হইতে অভিন্ন।

ভাল, কার্যো না হয় কারণ-সত্ত্বার প্রতীতি হয়। জগৎরূপ কার্যো ব্রহ্ম সত্ত্বার কিরূপ প্রতীতি করিতেছ? ইহার উত্তরে শ্রীমদ্ভাগবত বলিতেছেন :—

ত্বামাত্মনীশ ভুবি গন্ধমিবাতিসূক্ষ্মং

ভূতেন্দ্রিয়াশয়ময়ে বিততম্ দদর্শ ॥ ভাগঃ ৭।৯।৩৪

—হে ঈশ! যদ্রূপ ভূমিতে গন্ধ সূক্ষ্মরূপে বিতত (সর্বতোভাবে ব্যাপ্ত) থাকে, সেইরূপ ভূত, ইন্দ্রিয়, আশয়ময় আত্মায় সৎ মাত্র উপাদানরূপে বর্তমান আপনাকে দেখিতে পাইলেন। ভাগঃ ৭।৯।৩৪

প্রপঞ্চে যে সকল দ্রব্য পরিদৃশ্যমান হয়, তাহাতে ব্রহ্মের সৎ শক্তি উপাদানরূপে বর্তমান আছে বলিয়াই, তাহারা তত্ত্ব আকারে দর্শনের বিষয়ভূত হইয়া রহিয়াছে।

জাগতিক সমুদায় বস্তুতে “সৎ” শক্তির বিদ্যমানতাকে ভগবান বিশিষ্টদেব “সত্ত্বাসামাণ্ড” নামে নির্দেশ করিয়াছেন।

ব্রহ্মকে “সচ্চিদানন্দময়” বলে। কেন বলে ইহা ৪।৪।১ সূত্রে বিস্তারিতভাবে আলোচিত হইয়াছে। এখানে এইমাত্র উল্লেখ করিয়া রাখি যে, তাহার

সদ্ভাব প্রত্যেক বস্তুতে অনুস্থিত বলিয়া আমরা বস্তুসত্তা প্রতীতি করি। তাঁহার
—সদ্ভাবেই বস্তুজাত সত্তাবান্। তাঁহার—চিৎ ভাবেই সমুদায় বস্তু প্রকাশবান্,
এবং তাঁহার আনন্দ ভাবেই সমুদায় বস্তুজাত আনন্দ দানে উন্মুখ।

যথা হিরণ্যং স্কৃতং পুরস্তাৎ পশ্চাচ্চ সৰ্বস্য হিরণ্যম্ ।

তদেব মধ্যে ব্যবহার্যমাণং নানাপদৈশৈরহমস্য তদ্বৎ ॥

ভাগঃ ১১।২৮।২০

—যেমন সমস্ত হিরণ্য দ্রব্যের পূর্বে স্বর্ণই বর্তমান, পরেও স্বর্ণ বর্তমান থাকে,
মধ্যে সেই স্বর্ণই কুণ্ডল, হার প্রভৃতি নানা নামে ব্যবহার্যমাণ হইয়া থাকে,
আমিও সেইরূপ বিশ্বের পূর্বে, পরে বর্তমান, মধ্যে আমিই ভূত, ইন্দ্রিয়, আশয়,
দেবতা, মানব, তির্যাক্ প্রভৃতি নানা নামে ব্যবহার্যমাণ হইয়া থাকি।

ভাগঃ ১১।২৮।২০



ভিত্তি:—

“সদেব সোম্য ইদমগ্র আসীৎ একমেবাদ্বিতীয়ম্” ॥

(ছান্দোগ্যঃ ৬।২।১)

—হে সোম্য, এই পরিদৃশ্যমান বিশ্ব অগ্রে (সৃষ্টির পূর্বে) এক অদ্বিতীয় সৎ
স্বরূপেই ছিল। (ছাঃ ৬।২।১)

সূত্র :—২।১।১৭

সত্বাচ্চাপরশ্চ ॥ ২।১।১৭ ॥

সত্বাৎ + চ + অপরশ্চ ।

সত্বাৎ :—অস্তিত্ব হেতু, কারণে অস্তিত্ব হেতু । চ :—ও । অপরশ্চ :—
পশ্চাৎ জাত কার্যের, কার্য্য পদার্থের ।

পশ্চাৎ জাত কার্য্যরূপ প্রপঞ্চ জগৎ সৃষ্টির পূর্বে সৎস্বরূপে বর্তমান ছিল,
ইহা শ্রুতি হইতে জানা যায়। অতএব, এই হেতুও কার্য্য ও কারণের অনন্ত
সুবিধে হইবে।

এ সম্বন্ধে শ্রীমদ্ভাগবত বলিতেছেন :—

বিশ্বমাত্মগতং ব্যঞ্জন্ কূটস্থো জগদঙ্কুরঃ । ভাগঃ ৩।২।১৯

—অঙ্কুরে যেমন বৃক্ষের যাবতীয় ভাব ও শক্তি লীন থাকে, সেইরূপ জগতের
অঙ্কুররূপী কূটস্থ আগনাতে লীন জগৎ অভিব্যক্ত করিয়া……। ভাগঃ ৩।২।১৯

রূপে ইমে সদসতী তব দেবসৃষ্টে

বীজাঙ্কুরবিব ন চাত্তদরূপকস্য ।

যুক্তাঃ সমক্ষমুভয়ত্র বিচক্ষতে ত্বাং

যোগেন বহিমিব দারুযু নাশ্রুতঃ স্যাৎ ॥ ভাগঃ ৭।২।৪৬

—স্বরূপতঃ অরূপ যে আপানে, বেদে বীজাঙ্কুরের ন্যায় এই কারণ ও কার্য্যাত্মক
জগৎই আপনার রূপ বলিয়া কথিত হইয়াছে। মন্দের দ্বারা দারুতে অগ্নির
ন্যায়, ভক্তিয়োগের দ্বারা কার্য্য ও কারণে অহুগত আপনি প্রত্যক্ষ হন।
আপনি সর্বকারণ কারণ ; অগ্রপ্রকার অর্থাৎ প্রধান বা পরমাণু আদি কারণ
নহে। ভাগঃ ৭।২।৪৬

জগৎ সৃষ্টির পূর্বে এক অদ্বিতীয় সৎস্বরূপে অনভিব্যক্ত ভাবে বর্তমান ছিল।
কার্য্যরূপ জগৎপ্রপঞ্চ কারণরূপ সৎ স্বরূপের সহিত অনন্ত না হইলে সৎস্বরূপ এক
অদ্বিতীয় কি প্রকারে হইবেন? সুতরাং কার্য্য ও কারণ অনন্ত।

ভিত্তি :—

“অসদেবেদমগ্র আসীৎ” ॥ (ছান্দোগ্য : ৬।২।১) ।

—সৃষ্টির পূর্বে এই জগৎ অসৎই ছিল । (ছাঃ ৬।২।১) ।

“অসদ্বা ইদমগ্র আসীৎ” ॥ (তৈত্তিরি : আনন্দবল্লী ২।৭)

—অগ্রে ইহা অসৎই ছিল । (তৈত্তিরিঃ, আনন্দঃ, ২।৭) ।

সংশয় :—তোমরা সংকার্যবাদী, কার্য কারণে বর্তমান থাকে, ইহা প্রতিষ্ঠিত করিবার জন্ত অনেক তর্ক ত করিলে ? কিন্তু যে শ্রুতি তোমাদের একমাত্র ভিত্তি, তাহাতেই বলে যে, সৃষ্টির পূর্বে এ জগৎ অসৎই ছিল । উপরে উদ্ধৃত ছান্দোগ্য ৬।২।১ ও তৈত্তিরিঃ আনন্দবল্লীর ২।৭ মন্ত্রই ইহার প্রমাণ । ইহার কি উত্তর দিবে ? ইহার সমাধানের জন্ত সূত্রকার সূত্র করিলেন :—

[সূত্রের প্রথমাংশে আপত্তির উল্লেখ করিয়া শেষাংশে সমাধান স্থাপন করিয়াছেন ।]

সূত্র :—২।১।১৮

অসৎ ব্যপদেশান্নেতি চেৎ, ন, ধর্মাস্তুরেণ বাক্যশেষাৎ ॥ ২।১।১৮ ॥

অসৎ ব্যপদেশাৎ + ন + ইতি + চেৎ + ন + ধর্মাস্তুরেণ

+ বাক্যশেষাৎ ॥

অসৎ ব্যপদেশাৎ :—শিরোদেশে উদ্ধৃত শ্রুতিতে জগৎ অসৎ ছিল বলিয়া, উল্লেখ হেতু । ন :—না, ব্রহ্ম জগৎকারণ নহে । চেৎ :—যদি বল । ন :—না, ইহার উত্তর এই যে, “অসৎ” শব্দের যে অর্থ তুমি করিতেছ, উহা প্রকৃত অর্থ নহে । ধর্মাস্তুরেণ :—অন্যপ্রকার অসৎ-এর অর্থ হয়, লোকে অভিব্যক্ত পদার্থকেই ‘সৎ’ এবং অনভিব্যক্ত পদার্থকেই “অসৎ” বলে । বাক্যশেষাৎ :—বাক্য শেষ হেতু ।

বৈদাস্তিক উত্তর দিতেছেন, তোমাদের বিচার পদ্ধতি ত বড়ই চমৎকার । একটি শ্রুতি মন্ত্রের তোমাদের সিদ্ধান্তের উপযোগী অংশটুকু মাত্রই উদ্ধৃত করিয়া তর্ক করিতেছ, সমুদায়টুকু দেখ ত ? প্রথমতঃ সৎ ও অসৎ এর অর্থ কি, মনে কর ? স্থূলত্ব ও সূক্ষ্মত্ব পদার্থের ধর্মাস্তুর । স্থূল বা অভিব্যক্ত পদার্থকে ‘সৎ’ বলিলে, সূক্ষ্ম বা অনভিব্যক্ত পদার্থকে ‘অসৎ’ বলিতে হয় । সূত্রাং ধর্মাস্তুর হেতুতে কার্যরূপী, অভিব্যক্ত পদার্থ “সৎ” নামে ও কারণরূপী, অনভিব্যক্ত পদার্থ “অসৎ” নামে প্রসিদ্ধ । যে শ্রুতি মন্ত্রটুকু উদ্ধৃত করিয়াছ,

উর্হাতে ব্যবহৃত “অসৎ” শব্দের অর্থ “অনভিব্যক্ত”— অর্থাৎ, স্থিতির পূর্বে অসৎ অনভিব্যক্ত ছিল, ইহা বাক্যশেষ হইতে স্পষ্টই বুঝিতে পারা যায়। “অসৎ” অর্থ যদি তোমাদের মতে “কিছু না” হয়, তবে “আসীৎ”—(ছিল)—এ প্রয়োগ ব্যর্থ হয়। “ছিল” বলিলেই কিছুর অস্তিত্বের আকাঙ্ক্ষার উদয় হয়। “কিছু না” ছিল, ইহা ত স্বতঃই বিরুদ্ধ। তারপর শ্রুতিমন্ত্রের শেষ অংশটুকু দেখ। ছান্দোগ্য শ্রুতি মন্ত্রের উদ্ধৃত অংশের পরেই বলিতেছেন, “কথমসত্তঃ সজ্জায়েতেতি সন্দেব সোম্য ইদমগ্র আসীৎ”—হে সোম্য! “অসৎ” হইতে ‘সৎ’ কি প্রকারে জাত হইতে পারে, ইহা অগ্রে সৎ স্বরূপেই ছিল।—সুতরাং ছান্দোগ্য শ্রুতির বাক্য শেষ হইতে বুঝা গেল যে জগৎ সৎ স্বরূপেই ছিল।

তৈত্তিরীয় শ্রুতিরও পর অংশটুকু দেখ—“ভতো বৈ সদজায়ত তদাত্মানং স্বয়মকুরুত ।” (তৈত্তিঃ, আনন্দঃ, ২।৭)। সেই অসৎ হইতে সৎ জন্মিল, এবং তিনি নিজে নিজেকেই (বহুরূপ) করিয়াছিলেন। এই বাক্যশেষ হইতে স্পষ্ট বুঝা যায় যে, ‘অসৎ’ অর্থ অনভিব্যক্তই। তাহা হইলেই প্রকৃত অর্থ গ্রহণ করা যায়, নতুবা বাক্যশেষ বিরুদ্ধ হয়। অতএব প্রতিপাদিত হইল যে, কার্য্য কারণ অনন্ত এবং ব্রহ্মই জগৎকারণ।

শ্রীমদ্ভাগবতও সৎ ও অসতের এই অর্থই গ্রহণ করিয়াছেন :—

ত্বং বা ইদং সদসদীশ ভবাংস্ততোহস্তোভাগঃ ৭।২।৩০

হে ঈশ! আপনিই সৎ ও অসৎ—কার্য্য কারণত্বক এই জগৎ আপন হইতে অপৃথক ; কিন্তু আপনি তাহা হইতে ভিন্ন। ভাগঃ ৭।২।৩০

শুদ্ধং সমং সদসতঃ পরমাত্মতত্ত্বম্ । ভাগঃ ২।৭।৪৬

তিনি শুদ্ধ—দোষরহিত, সম, সৎ ও অসৎ এর অর্থাৎ কার্য্যকারণরূপী বিশ্ব-প্রপঞ্চের উপরে বর্তমান, এবং তিনিই পরমাত্ম তত্ত্ব। ভাগঃ ২।৭।৪৬

ইহা স্পষ্ট যে, অভিব্যক্ত বলিয়া কার্য্যকে ‘সৎ’ ও অনভিব্যক্ত বলিয়া কারণকে ‘অসৎ’ বলে।

সূত্র :—২।১।১৯

যুক্তেঃ শব্দাস্তরাচ্চ ॥ ২।১।১৯ ॥

যুক্তেঃ + শব্দাস্তরাৎ + চ

যুক্তেঃ :— যুক্তি হইতে। শব্দাস্তরাৎ :—অপর শব্দ হইতে। চ :—ও।

কোনও উপাদেয় উৎপন্ন হইতে পারে। কারণ, ভিন্নতা ত উভয় পক্ষে সমান। তাহা হইলে দধি অভিলষী, যুক্তিকা লুপ আনিয়া তাহা হইতে দধি প্রস্তুত করিবার চেষ্টা করিতে পারে। কিন্তু তাহা কি কখনও সফল হয়? কখনই হয় না। অসৎ কার্যবাদী অবয়ব-কারণের সহিত অবয়বী কার্যের একটি সমবায় সম্বন্ধ আছে কল্পনা করিয়া ইহার মীমাংসার চেষ্টা করিয়াছেন। যে কার্য যে কারণ হইতে সম্ভব, তাহাতে ঐ প্রকার সম্বন্ধ আছে, ইহা তাঁহারা অঙ্গীকার করিয়া, কারণ হইতে তাঁহাদের মতে অত্যন্ত ভিন্ন কার্যোৎপত্তি সিদ্ধান্ত করেন। কিন্তু, এ সমবায় সম্বন্ধ কেন ঘটে, ইহার কোনও উত্তর তাঁহারা দিতে পারেন না। এ সম্বন্ধ ঘটাইবার জন্ম যদি সম্বন্ধান্তরের প্রয়োজন হয়, তবে সে সম্বন্ধান্তরেরও সম্বন্ধ ঘটাইবার জন্ম তৃতীয় সম্বন্ধের প্রয়োজন, এবং তাহারও চতুর্থ সম্বন্ধের প্রয়োজন। সুতরাং অনবস্থা দোষ আসিয়া পড়ে। অতএব যুক্তির দ্বারা সিদ্ধান্ত হইল যে, কার্য কারণ হইতে ভিন্ন নহে। উৎপত্তির পূর্বে কার্য কারণে অনভিব্যক্ত থাকে। এ কারণে জগৎ, সৃষ্টির পূর্বে 'অসৎ' অর্থাৎ 'ছিল না' নহে; কারণরূপে অনভিব্যক্ত অবস্থায় সংস্করণে ছিল, ইহা সিদ্ধ হইল।

শ্রুতিতে উল্লিখিত অণু মস্তাংশ হইতে, অর্থাৎ এই জগৎ অগ্রে সৎ স্বরূপেই ছিল (ছাঃ ৬।২।১), তিনি নিজে নিজেকে (বহুরূপী) করিলেন (তৈত্তিঃ, আনন্দঃ, ২।৭)—এই সকল শব্দান্তর হইতে প্রমাণ হয় যে, জগৎরূপ কার্য, সৎ—ব্রহ্মরূপ কারণে, অনভিব্যক্ত ছিল।

স্থিরচরজাতয়ঃ স্যুরজয়োথনিমিত্তযুজো

বিহর উদীক্ষয়া যদি পরশ্য বিমুক্ত ততঃ ।

ন হি পরমশ্য কশ্চিদপরো ন পরশ্চভবেদ্-

বিয়ত ইবাপদশ্য তব শূণ্যতুলাং দধতঃ ॥ ভাগঃ ১০।৮৭।২৫

হে বিমুক্ত—নিত্যমুক্ত ঈশ্বর! আপনি সঙ্গরহিত হইয়াও যখন মায়ার সহিত ঈক্ষণ মাত্রে ক্রীড়া করেন, তখন সেই ইচ্ছা মাত্রে উদ্ভূত কর্মযুক্ত স্বাবর অক্ষমাত্মক জাতি সকল উৎপন্ন হয়। আর আকাশ-সদৃশ সমদর্শী ও পরম

কারুণিক এবং শূন্য বা অসত্যের সাদৃশ্য ধারণকারী—অপরন্তু, আবাঙ্, মনসগোচর যে আপনি, আপনার আত্মীয় পর কেহ নাই। ভাগঃ ১০।৮।১২৫

**শূন্যত্বলাং দধতঃ—শূন্য সাম্যং ভজতঃ—অসৎ ইদমগ্র আসীৎ
ততো বৈ সদজায়ত ইত্যাদি শ্রুত্যা শূন্য পূর্বকত্বমিব প্রতীয়তে।**
—(শ্রীধর :)।

ব্রহ্ম যখন আবাঙ্, মনসগোচর—বাক্য মনের অতীত, তখন মানবীয় জ্ঞানে তাঁহাকে “শূন্যত্বলাং দধতঃ” বলিতে দোষ নাই। বিশেষতঃ, সমুদায় বাদের পরিণতি যখন তাঁহাতে, তখন যে সমুদায় জীব অজ্ঞানতঃ শূন্যবাদ সিদ্ধান্ত করে, তাহাদেরও নিরাশ হইবার কারণ নাই। শ্রীভগবান্ ভাবগ্রাহী। তাঁহারা ভাবে ঠিক থাকিলে তাঁহাদের কৃত উপাসনা বিফল হইবে না, শ্রীমদ্ভাগবত ইহাই ঘোষণা করিলেন। কিন্তু একটি বিষয় লক্ষ্য করিবার প্রয়োজন যে, তিনি শূন্যসাদৃশ্য ধারণ করিলেও শূন্য নহেন। তিনি নিত্যমুক্ত ঈশ্বর, সমদর্শী, পরম কারুণিক। তাঁহার ঈক্ষণেই মায়া ক্রিয়াশীল হইয়া এই জগৎ প্রপঞ্চ বিস্তার করে। তাঁহার অপার করুণাময় স্বভাবের জন্মই তিনি শূন্য সাদৃশ্য ধারণ করেন। কেননা, তাহা হইলে, অজ্ঞানাদি যে জীবগণ শূন্যবাদ আশ্রয় করিয়া বাদ বিসম্বাদ করে, তাহাদেরও নিঃশ্রেয়স লাভের উপায়ের পথ কথঞ্চিৎ প্রশস্ত থাকিতে পারে। শ্লোকটির অর্থ বড়ই গভীর। শূন্যসাম্য হইলেও, তাঁহার পরম করুণাময় সত্ত্বার, নিত্যমুক্ত স্বভাবের, মায়া নিয়ন্তৃত্ব ভাবের কোনও ব্যত্যয় হয় না। তাঁহার ঈক্ষণেই জগৎ সৃষ্টি।

এই শ্লোকটির সহিত ছান্দোগ্য শ্রুতির ৩।২।১ মন্ত্রটি তুলনীয়। উক্ত মন্ত্রে সৎ ও অসৎ এর একস্থানেই উল্লেখ করিয়া, পরে ‘অসৎ’-এর জগৎ-কারণত্ব সম্বন্ধে প্রতিষেধ করিয়া, ‘সৎ’-এর জগৎ-কারণত্ব সিদ্ধান্ত স্থাপন করা হইয়াছে। এই শ্লোকটিতে ও ঈক্ষা দ্বারা সৃষ্টি, এবং পর, পরম প্রভৃতি শব্দবাচ্য ব্রহ্ম দ্বারা জগৎকারণত্ব নির্দেশ করিয়া, সঙ্গে সঙ্গে ‘অসৎ’ বোধক ‘শূন্য’ শব্দের প্রয়োগ দ্বারা, ‘অসৎ’-এর উল্লেখ করিয়া, “ত্বলা” শব্দ দ্বারা তাহার অর্থাৎ উক্ত অসত্যের স্বরূপ প্রতিষেধ করা হইয়াছে। এবং তিনি যে সমুদায় বিভিন্ন জাতির ও বিভিন্ন জীববৃন্দের সর্বপ্রকার “বাদবিষয়ানুসারী” হইয়া সকলেরই আকাঙ্ক্ষা পূরণ করেন, তাহারও আভাষ দেওয়া হইয়াছে। “তৎ সর্ববাদ-বিষয়-প্রতিরূপ-শীলং” (ভাগঃ ১২।৮।৪৩) শ্লোকটির প্রতিধ্বনি এই শ্লোকে শুনিতে পাওয়া যায়। এখানেও শব্দান্তরের দ্বারা, অর্থাৎ, পর, পরম, অপদ

প্রভৃতি শব্দের ব্যবহার ও ঠিক পূর্বিকা সৃষ্টি উল্লেখ দ্বারা সিদ্ধান্ত হইল যে, **ব্রহ্মই জগৎ-কারণ** ।

(এ প্রসঙ্গে ২।২।৩২ ও ৪।৩।৬ সূত্রে শূন্যত্বের আলোচনা দ্রষ্টব্য ।)

কার্যজগৎ যে কারণব্রহ্ম হইতে অভিন্ন, তাহার পোষকার্থ আর একটি শ্লোক উদ্ধৃত হইল :—

অয়ং হি জীবন্তিবিদজযোনিরব্যক্ত একো বয়সা স আত্মঃ ।
বিশ্লিষ্টশক্তির্বহুধেব ভাতি বীজানি যোনিং প্রতিপত্ত যদ্বৎ ॥

ভাগঃ ১।১।২।১৮

(১।২।১ সূত্রের আলোচনায় (পৃঃ ৪৮২) ইহার অর্থ দেওয়া হইয়াছে ।)

এখানে, জীব শব্দ—জীবয়ন্তীতি জীবঃ, পরমেশ্বর । (শ্রীধরঃ)

অতএব, প্রপঞ্চ, ঈশ্বর হইতেই নামরূপে অভিব্যক্ত এবং তাঁহা হইতে অভিন্ন, সিদ্ধ হইল ।

মায়ী যে তাঁহারই শক্তি, তাহা শ্রীমদ্ভাগবতে বহুস্থানে উক্ত আছে । এবং আমরা আমাদের আলোচনা প্রসঙ্গে বহুস্থানে উহার বহু শ্লোক উদ্ধৃত করিয়াছি । এখানে আর বিস্তারের প্রয়োজন নাই । এই প্রসঙ্গে ২।১।১৬ সূত্রের আলোচনায় উদ্ধৃত ৭।২।৩৪ শ্লোকাংশ দ্রষ্টব্য ।

[শ্রীমদ্ রামানুজাচার্য্য ২।১।১৮ ও ২।১।১২ দুইটি সূত্র মিলাইয়া একটি সূত্র করিয়া ব্যাখ্যা করিয়াছেন । কিন্তু শ্রীমদ্ শঙ্করাচার্য্য, মধ্বাচার্য্য ও বলদেব বিদ্যাভূষণ দুই পৃথক সূত্র করায়, আমরাও দুইটি পৃথকভাবে আলোচনা করিলাম ।]

ইদানীং দুইটি সূত্রে দুইটি দৃষ্টান্ত দ্বারা কার্য্য যে কারণ হইতে অভিন্ন, তাহাই দেখান হইতেছে :—

সূত্রঃ—২।১।২০

পটবচ্চ ॥

পটবৎ + চ ।

পটবৎ :—বস্ত্রের গায় । চ :—ও ।

সূত্রসমূহ যেরূপ টানা ও পোড়েন দ্বারা গ্রথিত হইয়া বস্তু নাম ও বস্তু রূপ ধারণ করে, ব্রহ্মও তদ্রূপ ।

যস্মিন্মিদং প্রোতমশেষমোতং পটৌ যথা তন্তু-বিতান সংস্থঃ ॥

ভাগঃ ১১।১২।১৯

—(১।২।১ সূত্রের আলোচনায় (পৃঃ ৪৮২) ইহার অর্থ দেওয়া হইয়াছে ।)

নৈতচ্চিত্রং ভগবতি হনন্তে জগদীশ্বরে ।

ওতং প্রোতমিদং যস্মিংস্তন্তুযুগ্ম যথা পটঃ ॥ ভাগঃ ১০।১৫।৩৬

হে প্রিয় ! বস্তু যেমন তন্তুতে ওতপ্রোত ভাবে, তদ্রূপ এই বিশ্ব, অনন্ত জগদীশ্বর ভগবানে ওতপ্রোত ভাবে ব্যাপ্ত রহিয়াছে । সে ভগবানে ইহা আশ্চর্য্য নহে । ভাগঃ ১০।১৫।৩৬

পরো মদন্তো জগতস্তন্তুযুগ্ম

ওতং প্রোতং পটবৎ যত্র বিশ্বম্ ।

যদংশতোহস্য স্থিতিজন্মনাশা

নন্ত্যোতবদ্ যস্য বশে চ লোকঃ ॥ ভাগঃ ৬।৩।১২

যম তাঁহার কিঙ্করগণকে বলিতেছেন :—আমা হইতে ভিন্ন একজন স্বাবর-জঙ্গম সমুদায়ের সর্বপ্রধান অধীশ্বর আছেন, তাঁহাতে এই বিশ্ব সূত্রে বস্তুর গ্ৰায় ওতপ্রোত ভাবে অবস্থিত । তাঁহার অংশ হইতেই এই জগতের সৃষ্টি, স্থিতি ও লয় সাধিত হয়, এবং নাসিকা-প্রোত বলীবর্দির গ্ৰায় লোকসকল তাঁহার বশে চলিতেছে । ভাগঃ ৬।৩।১২

অতএব, সিদ্ধ হইল যে, কার্য্য—জগৎ-কারণ ব্রহ্ম হইতে অভিন্ন ।

সূত্র :—২।১।২১

যথা চ প্রাণাদিঃ ॥ ২।১।২১ ॥

যথা + চ + প্রাণাদিঃ ।

যথা :—যেমন । চ :—ও । প্রাণাদিঃ :—প্রাণ প্রভৃতি

একই বায়ু যেমন শরীরমধ্যে বিশেষ বিশেষ বৃত্তি অনুসারে প্রাণ, অপান, লমান, উদান, ব্যান নামরূপে স্বতন্ত্র কার্যকারিতার পরিচয় দিয়া থাকে, সেইরূপ একই ব্রহ্ম নাম ও রূপে প্রকটিত হইয়া জগদাকার ধারণপূর্বক বিভিন্ন নামরূপের ও বিভিন্ন কার্যকারিতার পরিচয়স্থল হন ।

যথানিলঃ স্থাবর-জঙ্গমানামানুস্বরূপেণ নিবিষ্ট ঈশেৎ ।

এবং পরো ভগবান্ বাসুদেবঃ ক্ষেত্রজ্ঞ আত্মেদমনুপ্রবিষ্টঃ ॥

ভাগঃ ৫।১১।১৪

—(১।১।১৮ সূত্রের আলোচনায় (পৃঃ ৪৩৪-৪৩৫) ইহার অর্থ দেওয়া হইয়াছে) ।

অতএব, ব্রহ্মই যে জগৎরূপে পরিণত হন, এবং জগৎ যে তাঁহা হইতে অভিন্ন ইহা সিদ্ধ হইল ।

১০। ইতরব্যপদেশাধিকরণ ॥

ভিত্তি:—

“তত্ত্বমসি” । (ছান্দোগ্যঃ ৬।৮।৭) ।

—তুমি হও তৎ(ব্রহ্ম)স্বরূপ (ছাঃ ৬।৮।৭)

“অয়মাত্মা ব্রহ্ম” । (বৃহদারণ্যকঃ ৪।৪।৫)

—এই আত্মা ব্রহ্ম । (বৃহদাঃ ৪।৪।৫) ।

সূত্র:—২।১।২২

ইতর-ব্যপদেশাচ্ছিতাকরণাদিদোষপ্রসক্তিঃ ॥ ২।১।২২ ॥

ইতর + ব্যপদেশাৎ + ছিতাকরণাদি + দোষপ্রসক্তিঃ ।

ইতর :—ইতরের, জীবের । ব্যপদেশাৎ :—উল্লেখ হেতু । ছিতাকরণাদি :
—হিতের অননুষ্ঠান আদি, আদি অর্থাৎ অহিতের অননুষ্ঠান । দোষপ্রসক্তিঃ :
দোষের সম্ভাবনা (হয়) ।

এটি পূর্বপক্ষ সূত্র । পূর্বপক্ষ আপত্তি করিতেছেন যে, ব্রহ্মকে তোমরা সর্বজ্ঞ, সর্বশক্তিমান্, অখিল কল্যাণগুণের আকর বলিয়া উল্লেখ করিয়াছ । আবার শ্রুতিতে আছে যে, জীবই ব্রহ্ম । শিরোদেশে উদ্ধৃত শ্রুতি মন্ত্রাংশদ্বয়ই তাহার প্রমাণ । সংসারে কিন্তু প্রত্যক্ষ দেখা যায় যে, জীব, শোক, দুঃখ, জরা, মরণ প্রভৃতি নানা প্রকার আধ্যাত্মিক, আধিভৌতিক ও আধিদৈবিক ক্রেশে চিরকাল কাতর এবং জগৎও উক্ত তিন প্রকার ক্রেশের আকর । যদি জীব ও জগৎ ব্রহ্ম হইতে অভেদ হয় এবং ব্রহ্ম যদি জগৎকারণ হন, তবে সর্বজ্ঞ, সর্বশক্তিমান্ অখিল কল্যাণগুণের আকর ব্রহ্মের পক্ষে এরূপ দুঃখকর জগৎ সৃষ্টি করিয়া, নিজরূপী জীবকে শোক, দুঃখ, জরা, মরণ প্রভৃতি অশেষ ক্রেশকর আবর্তের মধ্যে পতিত করা কি প্রকারে সম্ভব হয় ? ইহাতে জীবের পক্ষে হিতের অননুষ্ঠান ও অহিতের অননুষ্ঠান করা হইতেছে, ইহা সুস্পষ্ট নহে কি ?

শ্রীমদ্ভাগবতের নিম্নোক্ত শ্লোকে জীবের কতপ্রকার দুঃখ, তাহার আভাষ আছে ।

জিহ্নৈকতোহচ্যুত বিকর্ষতি মাণিতৃপ্তা

শিশ্নোহনৃতস্বগুদরং শ্রবণং কুতশ্চিৎ ।

স্রাণোহনৃতশ্চপলদৃক্ ক চ কর্ষশক্তি-

বহ্বাঃ সপত্ন্য ইব গৌহপতিং লুনন্তি ॥

হে অচ্যুত ! জিহ্বা অতৃপ্তা হইয়া এক দিকে, শিশ্নু অণ্ড দিকে, স্বক্ আর একদিকে আকর্ষণ করিতেছে। উদর ক্ষুধায় সন্তপ্ত হইয়া আহারের প্রতি, শ্রবণ, স্রাবণ ও চঞ্চল চক্ষু ভিন্ন ভিন্ন বিষয়ের দিকে, কর্ম্মেন্দ্রিয়গণ, কোনদিকে—সকলেই নিজ নিজ দিকে আকর্ষণ করিয়া আমাকে ব্যতিব্যস্ত করিতেছে, যেমন সপত্নীগণ একমাত্র গৃহপতিকে নিজ নিজ দিকে আকর্ষণ করিয়া বিব্রত করিয়া থাকে। ভাগঃ ৭।২।৩২

(উপরে লিখিত ব্যাখ্যা শ্রীমদ্ শঙ্করাচার্য্য ও রামানুজাচার্য্য সম্মত। শ্রীমদ্ মধ্বাচার্য্য ও বলদেব বিদ্যাভূষণ অণ্ড প্রকার ব্যাখ্যা করিয়াছেন, নিম্নে দেওয়া গেল।)

জীবের জগৎকারণত্বের দোষোল্লেখ করিয়া ব্রহ্ম কারণবাদ দৃঢ়ীকৃত করিতেছেন।

যদি জীব জগৎকারণ বল, তাহা হইলে হিতের অননুষ্ঠান ও অহিতের অনুষ্ঠানজনিত দোষপ্রসঙ্গ উপস্থিত হয়। জগৎ জীবের দুঃখভোগের বন্ধনাগার। জীব যদি জগৎকারণ হয়, তবে ইচ্ছা করিয়া কে কাহার বন্ধনাগার সৃষ্টি করে। অতএব জীব জগৎকারণ নহে, স্বতন্ত্রও নহে। ব্রহ্মই জগৎকারণ। এ প্রকার ব্যাখ্যায় এই সূত্রকে পূর্বপক্ষ সূত্র মনে করিবার কারণ নাই।

এবং পরাভিধ্যানেন কর্তৃত্বং প্রকৃতেঃ পূমান্।

কর্ম্মসু ক্রিয়মাণেষু গুণৈরাঅনি মন্যতে ॥ ভাগঃ ৩।২।৬৬

তদস্ম্য সংসৃতির্বন্ধঃ পারতন্ত্র্যঞ্চ তৎকৃতম্।

ভবত্যকর্ত্ত্বুরীশস্য সাক্ষিণো নিবর্ত্তাঅনঃ ॥ ভাগঃ ৩।২।৬৭

পুরুষ স্বরূপতঃ অকর্ত্তা, ঈশ, সাক্ষী, সুখ-স্বরূপ। কিন্তু প্রকৃতির গুণে যে সকল কার্য্য হয়, প্রকৃতিতে অধ্যাসবশতঃ পুরুষ ঐ সকল কর্ম্মের কর্ত্তা বলিয়া অভিমান করিলেই সংসার—জন্ম-মৃত্যু-প্রবাহ, কর্ম্মদ্বারা বন্ধন ও বন্ধন-কৃত পারতন্ত্র্য উপস্থিত হয়। ৩।২।৬৬-৭

জীব যদি জগৎকারণ হইতেন, কখনই নিজের বন্ধন নিজে সৃষ্টি করিতেন না। অতএব, পরমাত্মাই জগৎকারণ।

ভিত্তি :—

“প্রাজ্ঞেনাত্মনা সংপরিষক্তঃ ।” (বৃহদারণ্যক : ৪।৩।২১)

—প্রাজ্ঞ পরমাত্মায় মিলিত হইয়া... (বৃহদা: ৪।৩।২১)

“অস্মান্মায়ী সৃজতে বিশ্বমেতৎ

তস্মিংশ্চাত্তো মায়য়া সন্নিরুদ্ধঃ ॥ (শ্বেতা: ৪।৯)

—মায়ী (মায়াধীশ) ব্রহ্ম মায়ার সাহায্যে এই জগৎ সৃষ্টি করেন । অপরে (জীব) তাহাতেই (জগতেই) মায়া দ্বারা নিবদ্ধ হয় । (শ্বেতা: ৪।৯) ।

“যোহব্যক্ত মন্তুরে সঞ্চরন্ যশ্চাব্যক্তং শরীরং যমব্যক্তং ন বেদ, যোহক্ষর মন্তুরে সঞ্চরন্ যশ্চাক্ষরং শরীরং যমক্ষরং ন বেদ, যো মৃত্যু-মন্তুরে সঞ্চরন্ যশ্চ মৃত্যু: শরীরং যং মৃত্যু ন বেদ, স এষ সর্বভূতাত্মরাত্মা-পহতপাত্মা দিব্যা দেব একো নারায়ণঃ” (সূবাল: ৭) ।

—যিনি অব্যক্তের অভ্যন্তরে সঞ্চরণ করেন, অব্যক্ত যাঁহার শরীর, অব্যক্ত যাঁহাকে জানে না, যিনি অক্ষরের (জীবের) অভ্যন্তরে সঞ্চরণ করেন, অক্ষর যাঁহার শরীর, অক্ষর (জীব) যাঁহাকে জানে না, যিনি মৃত্যুর অভ্যন্তরে সঞ্চরণ করেন, মৃত্যু যাঁহার শরীর, মৃত্যু যাঁহাকে জানে না, তিনি সর্বভূতের অস্তরাত্মা, নিষ্পাপ, দিব্য দেব নারায়ণ । (সূবাল: ৭) ।

সূত্র :—২।১।২৩

অধিকন্তু ভেদব্যপদেশাৎ ॥ ২।১।২৩ ॥

অথবা অধিকন্তু ভেদ-নির্দেশাৎ ॥ ২।১।২৩ ॥

অধিকং + তু + ভেদব্যপদেশাৎ ॥

অধিকং + তু + ভেদনির্দেশাৎ ॥

অধিকং :—যদিও কার্য্য কারণের অনন্তত্ব হেতু জীব ও ব্রহ্মে অনন্তত্ব, তাহা হইলেও, জীবস্বরূপ হইতে ব্রহ্মস্বরূপ অধিক । জীব ব্রহ্মের তটস্থা শক্তি ধলিয়া শক্তিমান্ হইতে অভেদ হইলেও, শক্তি শক্তিমান্ নহে । শক্তিমান্ শক্তি হইতে অধিক ।

তু :—কিন্তু—পূর্বপক্ষ-নিরসনসূচক । ভেদব্যপদেশাৎ বা ভেদ-

নির্দেশাৎ :—নিরুদ্ধত শ্রুতি-কথিত ভেদ নির্দেশ হেতু ।

এই প্রসঙ্গ উপলক্ষ্যে ১।৩।৫ সূত্র (পৃ: ৫৬৫—৫৭২) দ্রষ্টব্য । সেখানেও

সিদ্ধান্ত স্থাপন করা হইয়াছে যে, শক্তি হিসাবে জীব ব্রহ্ম হইতে অভেদ হইলেও, জীব ব্রহ্ম নহে। এখানে আর বাহুল্যের প্রয়োজন নাই।

(এই প্রসঙ্গে ১।১।১৮ সূত্রের আলোচনায় উদ্ধৃত শ্রীমদ্ভাগবতের ৫।১।১২, ৫।১।১৩, ৫।১।১৪, ১।৩।৩৬, ১।১।১৬, ১।১।১৭, ৬।৪।১২ শ্লোকগুলি দ্রষ্টব্য (পৃঃ ৪৩৩-৪৩২) বাহুল্য ভয়ে এখানে আর উদ্ধৃত হইল না।)

পূর্বপক্ষের আপত্তি হইয়াছিল যে, জীব যখন ব্রহ্ম হইতে অভেদ, তবে জগৎকারণ ব্রহ্ম জগৎকে ভোক্তা জীবের সম্বন্ধে দুঃখ নিলয় করিলেন কেন? ইহার উত্তরে সূত্রকার বলিলেন যে, ব্রহ্ম ও জীবে একান্ত অভেদ নহে। শক্তি হিসাবে অভেদ হইলেও ব্রহ্ম জীবাধিক। ব্রহ্ম নিরুপাধি, জগতের সৃষ্টি, স্থিতি, লয় করিয়াও তাহার গুণে স্পৃষ্ট হন না। জীব উপাধির অভিমানে অভিমানী হইয়া উপাধির দোষগুণে আসক্ত হইয়া দুঃখ সুখ ভোগ করিয়া থাকে। কেন করে? ইহার উত্তর—তাঁহার মায়া বা তাঁহার এক হইতে বহু হইবার ইচ্ছা। যদি জগৎস্থ সকলই, শুধু পারমার্থিক নয়, ব্যবহারিক ভাবেও আত্যস্তিক একতাবিশিষ্ট হইত, তাহা হইলে বহুর অস্তিত্ব থাকিত না, এবং বহু নাম-রূপ হইবার সংকল্প বৃথাই হইত। এজগুই সৃষ্টিতে বৈচিত্র্যভাব বিদ্যমান। এই বৈচিত্র্যের, এই দুঃখ ক্লেশের অবসান কি করিয়া হয়, তাহা সাধনপাদে বলিবেন। এই প্রকার অপারমার্থিক, কিন্তু ব্যবহারিক সম্বাবিশিষ্ট দুঃখ ক্লেশের সমাবেশ ও তাহাদিগের সহিত জীবের সম্বন্ধ স্থাপনই শ্রীভগবানের লীলা, বা মায়ার সহিত ক্রীড়া। ইহাই “দিব্য-মায়া-বিনোদ” বলিয়া শ্রীমদ্ভাগবতে ৬।২।৩২ গণ্ডাংশে কথিত হইয়াছে।

এই “দিব্য-মায়া-বিনোদ” কেন হয়? জীবের সৃষ্ট কর্মফল বা অদৃষ্ট ইহার উদ্বোধন করে, অথবা, এই “দিব্য-মায়া-বিনোদ” অর্থাৎ একের বহু হইবার ইচ্ছা, জীবাদৃষ্টের উদ্বোধন জন্মাইয়া জগৎ সৃষ্টি করে, ইহার কোন্টি সম্ভব? বীজাকুরের গায়, যেমন বীজ অগ্রে, বা অকুর অর্থাৎ বীজের কারণীভূত গাছ অগ্রে, ইহা নিরূপণ করা অসম্ভব, এবং অসম্ভব বলিয়া উভয়ই অনাদি বলিয়া কল্পনা করা হয়, সেইরূপ সৃষ্টিপ্রবাহ অনাদি বলিয়া স্বীকার করা হইয়া থাকে। যখন সৃষ্টিপ্রবাহ অনাদি, তখন, ভগবান, ভগবানের বহু হইবার ইচ্ছা, জীব, জীবের কর্মফল বা অদৃষ্ট সমুদায়ই অনাদি। অতএব, জীব-বৈচিত্র্য সাধন করিবার জন্ম বিভিন্ন জীবের বিভিন্ন কর্মফল কবে প্রথম উৎপন্ন হইল, সে প্রশ্নের অবকাশ নাই। এইরূপই অনাদিকাল হইতে চলিয়া আসিতেছে। তবে কি জীবের মুক্তি নাই? অনন্তকাল পর্যন্ত জীব কর্মফলের

পেষণে পিষ্ট হইয়া সংসারে যাতায়াত করিবে? ইহার উত্তরে শাস্ত্র বলেন,—
না, বৈচিত্র্য সমুদায় উপাধির, জীবের অহঙ্কারই উপাধিতে অভিমানী হইয়া
কর্তৃত্বজ্ঞানে অন্ধ হইয়া সুখ-দুঃখ ভোগ করে মাত্র। উপাধিতে অভিমান
পরিত্যাগ করিলেই জীব নিরাময়, মুক্ত, স্বরূপে প্রতিষ্ঠিত হয়। অবিद्या এই
অভিমান সৃষ্টি করে, বিद्याর দ্বারা ইহার নাশ হয়। [১।১।২।২ সূত্রের আলোচনায়
প্রদত্ত চিত্র দেখ (পৃ:—১৭০-১৭১) ।]

বন্ধ, মোক্ষ, যদি বস্তুতঃ সত্য হইত, তাহা হইলে “হিতাকরণ” এবং
“অহিতাকরণ” প্রভৃতি দোষপ্রসঙ্গের অবসর থাকিত। কিন্তু তাহারা
আত্মার ধর্ম নহে, গুণধর্ম মাত্র। সুতরাং জীবাত্মার সুখদুঃখময় সংসার
ভোগ বাস্তবিক নাই। ইহা ভগবদিচ্ছায় পরিচালিত। গুণময়ী মায়ার কার্য।
বিद्या ও অবিद्या উভয়ই ব্রহ্মশক্তি, মায়ী শক্তি দ্বারা নির্মিত, অবিद्या দ্বারা বন্ধ ও
বিद्या দ্বারা মুক্তি। শ্রীমদ্ভাগবত এ তত্ত্ব স্পষ্টাক্ষরে প্রকাশ করিয়াছেন :—

বন্ধো মুক্ত ইতি ব্যাখ্যা গুণতো মে ন বস্তুতঃ ।

গুণশ্চ মায়ামূলত্বান্ন মে মোক্ষো ন বন্ধনম্ ॥ ভাগঃ ১।১।১।১

শোক মোহৌ সুখং দুঃখং দেহাপত্তিশ্চ মায়য়া ।

স্বপ্নে যথাঅনঃ খ্যাতিঃ সংসৃতির্নতু বাস্তবী ॥ ভাগঃ ১।১।১।২

বিद्याবিদ্যে মমতনু বিদ্ধুদ্ধব শরীরিণাম্ ।

বন্ধমোক্ষকরী আত্মে মায়য়া মে বিনির্মিতে ॥ ভাগঃ ১।১।১।৩

বন্ধ ও মুক্ত ভাব আমার সত্ত্বাদি গুণরূপ উপাধি মাত্রের, বস্তুতঃ নহে।
অতএব গুণের মায়ীকার্য্যত্ব প্রযুক্ত স্বরূপতঃ আমার (জীবের) বন্ধও নাই
মুক্তিও নাই। যেমন স্বপ্ন কেবল বুদ্ধির বিবর্তমাত্র, তদ্রূপ শোক, মোহ, সুখ, দুঃখ
ও দেহপ্রাপ্তিরূপ যে সংসার, তাহা সূক্ষ্ম দেহে জীবের আত্মাভিমান রূপ মায়ী
কার্য্যমাত্র, বাস্তব নহে। হে উদ্ধব! বিद्या ও অবিद्या উভয়ই আমার শক্তি,
উভয়ই অনাদি, উভয়ই আমার মায়ী দ্বারা নির্মিত; একজন বন্ধকরী, অপর
জন মোক্ষকরী। ভাগঃ ১।১।১।১—৩।

অতএব, এক অদ্বিতীয় আমার অংশভূত জীবের, উপাধিভেদ বশতঃ
অনাদি অবিद्या দ্বারা বন্ধন ও বিद्या দ্বারা মুক্তি হয়। ভাগঃ ১।১।১।৪

একশ্চৈব মমাংশস্য জীবস্যৈব মহামধে ।

বন্ধোহস্যাবিद्याনাদেবিद्या চ তথেষতঃ ॥ ভাগঃ ১।১।১।৪

অন্য স্থানেও আছে যে, শোক, হর্ষ, ভয়, ক্রোধ, লোভ, মোহ, স্পৃহা, জন্ম, মৃত্যু এ সমুদায়ই অহঙ্কারের, আত্মার নহে । ভাগঃ ১১।২৮।১৬

শোক-হর্ষ-ভয়-ক্রোধ-লোভ-মোহ-স্পৃহাদয়ঃ ।

অহঙ্কারস্য দৃশ্যন্তে জন্মমৃত্যুর্ন চাত্মনঃ ॥ ভাগঃ ১১।২৮।১৬

আমরা ১।১।২ সূত্রে প্রদত্ত সৃষ্টি চিত্রে (পৃঃ-১৭০—১৭১) বুঝিয়াছি যে, অহঙ্কার, বৈকারিক (বা সাত্বিক), তৈজস (বা রাজসিক) ও তামসিক ভেদে ত্রিবিধ, এবং উহা ইন্দ্রিয়, পঞ্চ তন্মাত্রের ও মনের কারণ এবং ইহা চিদচিন্ময় । ভাগঃ ১১।২৪।৭

বৈকারিকতৈজসশ্চ তামসশ্চেত্যহং ত্রিবিৎ ।

তন্মাত্রেন্দ্রিয়মনসাং কারণং চিদচিন্ময়ঃ ॥ ভাগঃ ১১।২৪।৭

• ইহা চিদচিন্ময় । এই ‘চিদচিন্ময়’ পদটি বড় গভীর অর্থছোতক । অহঙ্কার প্রকৃতির কার্য বলিয়া ‘অচিৎ’, এবং চিদাভাস দ্বারা ব্যাপ্ত বলিয়া ‘চিৎ’ বলা হইয়াছে । এ কারণ, ইহা ‘চিৎ’ ও ‘অচিৎ’-এর গ্রন্থিস্বরূপ, এবং ইহা হৃদয়ে অধিষ্ঠিত বলিয়া ইহাকে ‘হৃদয়-গ্রন্থি’ বলে । ভাগবতের ১।২।২১ ও ১১।২০।৩০ শ্লোকে ইহাকেই “হৃদয়-গ্রন্থি” বলা হইয়াছে । ইহাই জীবোপাধি ; জীব ইহাতে অভিমানী হইয়া সংসার ভোগ করে ।

অহঙ্কার কি করিয়া জীবাত্মার আবরক হয়, তাহা ভাগবতের নিম্নোক্ত শ্লোকে বড়ই সুন্দরভাবে বিবৃত হইয়াছে ।

যথা ঘনোহর্ক-প্রভবোহর্ক-দর্শিতো হর্কাংশভূতস্য চ চক্ষুষস্তমঃ ।

এবং ত্বহং ব্রহ্মগুণসুদীক্ষিতো ব্রহ্মাংশকস্যাত্মন আত্মবন্ধনঃ ॥

ভাগঃ ১২।৪।৩১

মেঘ সূর্য্য হইতে উৎপন্ন, সূর্য্য দ্বারা প্রকাশিত হইয়াও, সূর্য্যের অংশভূত চক্ষুর আবরক তমোরূপে, চক্ষু দ্বারা সূর্য্যদর্শনের প্রতিবন্ধক হয়, সেইরূপ অহঙ্কার ব্রহ্মকার্য্য হইতে উৎপন্ন হইয়া, ব্রহ্মের ঈক্ষণে ক্রীয়াশীল হইয়া, ব্রহ্মের অংশভূত জীবাত্মার আবরকরূপে, তাহার ব্রহ্মানুভূতির প্রতিবন্ধকতাচরণ করে ।

ভাগঃ ১২।৪।৩১

তবে ইহার প্রতিকার কোথায় ? ব্রহ্ম-জিজ্ঞাসা অর্থাৎ বিদ্যা বা জ্ঞান ইহার প্রতিকার ।

ঘনো যথার্কপ্রবভো বিদীর্ঘ্যতে চক্ষুঃ স্বরূপং রবিমীক্ষতে তদা ।

যদা হৃহঙ্কার উপাধিরাঅনো জিজ্ঞাসয়া নশ্চতি তহ্নুস্মরেং ॥

ভাগঃ ১২।৪।৩২

যেমন সূর্য্যপ্রভাবে সেই মেঘ যখন বিদীর্ণ হইয়া যায়, তখন চক্ষুঃ তাহার স্বরূপভূত সূর্য্যকে দেখিতে পায়, সেইরূপ আত্মার উপাধিরূপ সেই অহঙ্কার যখন ব্রহ্ম-জিজ্ঞাসা দ্বারা বিনষ্ট হইয়া যায়, তখনই ব্রহ্ম-স্বরূপের স্মরণ বা উপলব্ধি হয়। ভাগঃ ১২।৪।৩২

তবে কি অহঙ্কারের কোনও পারমার্থিক প্রয়োজনীয়তা নাই? জীবাত্মার আবরণই এবং তদ্বারা জীবাত্মার স্বরূপ পরমাত্মার উপলব্ধির প্রতিবন্ধকতাচরণ করাই ইহার কার্য, যদি তাহাই হয়, তাহা হইলে ত পূর্বপক্ষের আপত্তির কথঞ্চিং কারণ থাকি সম্ভব হয়। ভাগবত বলিতেছেন, না, তাহা নহে। অহঙ্কারেরও প্রয়োজনীয়তা আছে। ইহার সাহায্যেই অজ্ঞানাত্ম জীব পরমাত্মার উপলব্ধি করিতে পারে।

যথা জলস্থঃ আভাসঃ স্থলস্থেনাবদৃশ্যতে ।

স্বাভাসেন যথা সূর্য্যো জলস্থেন দিবি স্থিতঃ ॥ ভাগঃ ৩।২৭।১১

এবং ত্রিবিদহঙ্কারো ভূতেন্দ্রিয় মনোময়ৈঃ ।

স্বাভাসৈলক্ষিতোহনেন সদাভাসেন সত্যদৃক্ ॥

ভাগঃ ৩।২৭।১২

জলস্থিত সূর্য্য প্রতিবিম্ব কোনও গৃহের অভ্যন্তরস্থ ভিত্তিতে পরিস্ফুরিত হইলে, সেই গৃহ মধ্যবর্তী কোনও পুরুষ, গৃহের ভিতরে অন্ধকারে থাকিয়া, বাহিরে সূর্য্যকিরণের মধ্যে না আসিয়া, যেমন সেই ভিত্তিস্থিত সূর্য্যভাসের সাহায্যে প্রথমে জলে, এবং তৎপরে তৎপ্রতিবিশ্বের কারণানুসন্ধানে আকাশস্থ সূর্য্য উপলব্ধি করিতে পারেন, সেইরূপ দেহ, ইন্দ্রিয়, মন এতত্রিতয় অবচ্ছিন্ন আত্মপ্রতিবিম্ব দ্বারা ত্রিগুণ স্বরূপ অহঙ্কার, ব্রহ্মের প্রতিবিশ্বরূপে দৃশ্য হয়। পরে ঐ অহঙ্কার দ্বারা পরমার্থ জ্ঞপ্তি রূপ আত্মা দৃষ্ট হইয়েন। ভাগঃ ৩।২৭।১১—১২

পরমহংসদেবের ভাষায় “কাঁচা আমি” দ্বারা “পাকা আমি”র জ্ঞান হইলে, তৎসাহায্যে ব্রহ্ম-জ্ঞান লাভ হইয়া থাকে।

১।১।২ সূত্রের আলোচনায় প্রদত্ত সৃষ্টি চিত্রে (পৃঃ— ১৭০-১৭১) অন্তঃকরণ-বৃত্তি,—চিত্ত, মন, বুদ্ধি, অহঙ্কার ভেদে চারি প্রকার দেখান হইয়াছে। কেন, এ

প্রকার দেখান হইল, ইহার সংক্ষেপ আলোচনা, এ প্রসঙ্গে অবাস্তর হইবে না বলিয়া মনে করি। আমি নিদ্রামগ্ন, হঠাৎ একটি শব্দে আমার নিদ্রাভঙ্গ হইল। তখন কি কারণে নিদ্রাভঙ্গ হইল, সে জ্ঞান বিশিষ্টরূপে উদয় হয় নাই। কিছু কারণে নিদ্রাভঙ্গ হইল এইমাত্র জ্ঞান হইল। ইহা চিত্তের বৃত্তি, নির্বিকল্প জ্ঞান। তারপর সংকল্প বিকল্পাত্মক মনের ক্রিয়া আরম্ভ হইল। অর্থাৎ, উহা শব্দরূপে গ্রহণ। তবে অশব্দ শব্দ, গরুর ডাক, বা অন্য কিছুর শব্দ তাহার বিশিষ্ট ধারণা তখন নাই; ইহা মনের বৃত্তি—সবিকল্প জ্ঞান। তারপর বুদ্ধির ক্রিয়াদ্বারা ইহা নিশ্চয়াত্মকভাবে সিদ্ধ হইল যে, ইহা পূর্বশ্রুত গরুর ডাকের অনুরূপ, পূর্বশ্রুত গরুর ডাক চিত্রপটে অঙ্কিত ছিল, বুদ্ধি সেই অঙ্কিত ছবি হইতে তুলনামূলক বিচারে নিশ্চয়াত্মক সিদ্ধান্তে উপনীত হইল। তারপর অহঙ্কারের ক্রিয়া— অর্থাৎ, আমি শুনিলাম, এই জ্ঞান হইল, এবং শুনিবার পর আমার কি করা কর্তব্য, তাহাও স্থির হইল। এই সমুদায় ক্রিয়া পর পর সংঘটিত হইলেও এত শীঘ্র শীঘ্র হয় যে, যেন যুগপৎ হইল মনে হয়। ঠিক চলচ্ছায়া চিত্রে (বায়স্কোপে) দৃশ্য দেখার মত। জানি পৃথক পৃথক দৃশ্যের ছায়ামূর্তিগুলি, বহুসংখ্যক ছবির ধারাবাহিক প্রবহমান সমাবেশ মাত্র, কিন্তু একটির পর একটি এত শীঘ্র উহার আামাদের দর্শনেঞ্জিয়ের সমক্ষে উপস্থিত হয় যে, আমরা উহাদের পৃথকত্ব অনুভব করিতে পারি না। চিত্ত, মন, বুদ্ধি ও অহঙ্কারের কার্যও এইরূপ।

উপরে জ্ঞানোপলব্ধির প্রক্রিয়ার বিষয় কথিত হইল। কিন্তু জ্ঞানোপলব্ধি হয় কেন, তাহার তত্ত্ব বিচারিত হইল না। মহর্ষি পতঞ্জলি তাঁহার—যোগ-দর্শনের—কৈবল্যপাদে ২৩ সূত্রে ইহার সিদ্ধান্ত স্থাপন করিয়াছেন এবং ব্যাসদেব তাঁহার ভাষ্যে ইহার বিশদ আলোচনা করিয়াছেন। তাহার ফলকথা এই যে, চিত্ত স্বচ্ছ, ইহাতে জ্ঞাতাপুরুষ ও জ্ঞেয়-বিষয়—উভয়ই প্রতিবিম্বিত হইয়া পরস্পরের সম্বন্ধ স্থাপনের কারণ হয় এবং এই সম্বন্ধ হেতু বিষয়জ্ঞানের উপলব্ধি হইয়া থাকে। উহার বিস্তারিত আলোচনায় অগ্রসর হইতে বিরত হইলাম।

প্রসঙ্গক্রমে আমাদের আলোচনায় আমরা আসল বিষয় ছাড়িয়া দূরে আসিয়া পড়িয়াছি। প্রত্যাবর্তন করা যাউক। উপরে যে সমুদায় ভাগবতের শ্লোক উদ্ধৃত হইয়াছে, তাহাতে বুঝা গিয়াছে যে, বন্ধ, মোক্ষ, সংসার, সংসারের দুঃখ, কষ্ট, শোক, হর্ষ, জন্ম, মৃত্যু—আত্মার নহে, উপাধি সকলের এবং আত্মা ঐ সকল উপাধিতে অভিমানী হইয়া সংসার

ভোগ করিয়া থাকেন। উহারা প্রকৃতির ধর্মঃ শ্রীভগবানের
“দিব্যমায়া-বিনোদে”র উপকরণ মাত্র।

শ্রীভগবানের চরণে ভক্তি হইলেই বিশুদ্ধ আত্মতত্ত্বের প্রকাশ হয়।

যহুঁ জনাতচরণৈষণয়োরুভক্ত্যা

চেতোমলানি বিধমেদ্ গুণকর্মজানি।

তস্মিন্ বিশুদ্ধ উপলভ্যত আত্মতত্ত্বং

সাক্ষাদ্ যথামলদৃশোঃ সবিত্ প্রকাশঃ ॥

ভাগঃ ১১।৩।৪১

—(১১।৩।১৭ সূত্রের আলোচনায় (পৃঃ—৪৩১) ইহার অর্থ দেওয়া
হইয়াছে)।

আত্মতত্ত্ব স্বতঃসিদ্ধ, চিরবর্তমান ; চিত্তমল নষ্ট হইলে, ইহা স্বতঃ উদ্ভাসিত
হইয়া থাকে। ইহা নূতন কিছু নহে। সূর্য্যোদয়ে নূতন কিছুই সৃষ্ট হয় না,
যাহা অন্ধকারে আবৃত ছিল, তাহাই প্রকাশিত হয়।

যথা হি ভানুরুদয়ো নৃচক্ষুবাং তমো নিহন্যান্নতু সন্নিধন্তে।

এবং সমীক্ষা নিপুণা সতী মে হন্যাং তমিশ্রং পুরুষস্য বুদ্ধেঃ ॥

ভাগঃ ১১।২।৩৫

—(১।১।১ সূত্রের আলোচনায় (পৃঃ—৮৭) ইহার অর্থ দেওয়া হইয়াছে)।

অতএব বন্ধ, মোক্ষ, সুখ, দুঃখ প্রভৃতি সংসার প্রপঞ্চে দৃশ্যমান অহিত সকল,
বস্তুতঃ আত্মা সম্বন্ধে বিদ্যমান না থাকায়, পূর্বপক্ষের আপত্তির কোনও ভিত্তি
নাই।

পক্ষে অবতরণ করিলে পরিষ্কার পরিচ্ছন্ন ব্যক্তির অঙ্গপ্রত্যঙ্গ পঙ্কদিগ্ধ হইবে
নিশ্চয়ই। সেইরূপ উপাধিতে অবতরণ করিলে, উপাধির ধর্ম, আত্মায়
সংক্রামিত হইয়া থাকে। উভয়ে যদিও বিপরীত ধর্ম বিদ্যমান, এজন্ত একান্ত
ঘনিষ্ঠ সংমিশ্রণ অসম্ভব, তাহা হইলেও আচ্ছাদক, আবরকরূপে আত্মাকে
আশ্রয় করিয়া থাকে। আত্মা কেন উপাধিতে অবতরণ করে, এ প্রশ্নের
উত্তর খুঁজিতে হইলে, আরও একটু আলোচনা করা প্রয়োজন। বিষয়টি
বড়ই দুর্লভ। দুই প্রকারে আলোচনা করিলে, ইহা বিশদ হইবার সম্ভাবনা।
প্রথম প্রকার আলোচনা, ব্রহ্মকোটি, ব্রহ্মের লক্ষ্যস্থান হইতে ; ও দ্বিতীয়
জীবকোটি হইতে। ইংরাজীতে যাহাকে Stand-point বলে, তাহাই কোটি
বা লক্ষ্যস্থান শব্দের বাচ্য অর্থরূপে ব্যবহার করা গেল।

ব্রহ্মের লক্ষ্যস্থান হইতে বিচার করিলে, স্পষ্ট প্রতীয়মান হইবে যে, ব্রহ্মই ত নিজশক্তি বিকাশে জীব ও জগৎরূপে প্রকাশিত হইয়াছেন। তিনিই সর্বেশ্বর, কৃষ্ণ, নিগূর্ণ, নির্বিকার; আবার তিনিই বিশ্বপ্রপঞ্চ এবং তাহার অন্তর্গত ভোক্তা জীব। স্মৃতরাং উপাধি ও উপহিত অর্থাৎ তাহাতে অভিমানী জীব, তাঁহা হইতে পৃথক নহে। তিনিই “একমেবাদ্বিতীয়ম্” (ছাঃ ৬২।১) এবং সেইজন্যই “সর্বং খন্দিৎ ব্রহ্ম তজ্জলান্ ইতি” (ছাঃ ৩।১৪।১)। সেইজন্যই তাঁহার কোনও কর্ম নাই, কারণ কর্মমাত্রই দ্বৈতাপেক্ষা করে। সেইজন্য তিনি “অসঙ্গ”, “উদাসীন”; সেইজন্যই তাঁহার নিজপর নাই, দ্বেষ শত্রু নাই, স্নহৎ, বন্ধু নাই; তিনিই সকলের সমান স্নহৎ, বন্ধু, নিয়ন্তা। তিনিই দ্রষ্টা, দৃশ্য, দর্শন; তিনিই জ্ঞাতা, জ্ঞেয় ও জ্ঞান; তিনিই শ্রোতা, শ্রোতব্য ও শ্রবণ; তিনিই মস্তা, মস্তব্য ও মনন। তাঁহা হইতে পৃথক কিছুই নাই। সকলেই তাঁহাতে অবস্থিত। অতএব, ব্রহ্ম-দৃষ্টিতে জীব, উপাধি, অভিমান ইত্যাদি ব্রহ্ম-ব্যতিরিক্ত কিছুই নাই। সবই ব্রহ্মময়। যে সমুদায় জীব— যোগী, জ্ঞানী ও ভক্ত—সাধনার উচ্চস্তরে অধিরোহণ করিতে পারিয়াছেন, তাঁহারা এই ব্রহ্মদৃষ্টি লাভে সবই ব্রহ্মময় দর্শন করেন। তাঁহাদের দৃষ্টিতে “ইদং হি বিশ্বং ভগবানিবেত্তরো” (ভাগবত ১।১।৫।২০)। জ্ঞানিগণ সমুদায় ব্রহ্মময় দর্শন করিয়া প্রপঞ্চ, ব্রহ্মে প্রতিভাসমান মিথ্যা বিবর্তনমাত্র বলিয়া সিদ্ধাস্ত করতঃ নিত্য স্বতঃসিদ্ধ ব্রহ্মভাবে বিরাজ করেন। যোগিগণ ইন্দ্রিয় নিরোধ করতঃ পরমাত্মার দর্শন লাভে চরিতার্থ হইয়া পরমাত্মা হইতে কিছুই পৃথক্ দেখেন না। ভক্তগণ, ভিতরে বাহিরে, উচ্ছে-নীচে সর্বত্রই শ্রীভগবানের শক্তি বিকাশ ও খেলা দেখিয়া ভাবে বিভোর হইয়া সর্বত্র ভগবৎ স্মৃতি লাভ করেন। মেঘের উদয়ে ভগবানেরই নবীন নীরদ শ্রাম স্মৃতির অঙ্গকাস্তি, বিদ্যাতে পীত-বসনের দীপ্তি, রামধনুতে তাঁহারই চূড়াস্থ শিখি-পুচ্ছের বর্ণ-বিগ্ৰাস, বর্ষণ ধারায় তাঁহারই হারের মুক্তাপংক্তি, অশনি নির্ঘোষে তাঁহারই নৃত্যের গুরুগভীর পদধ্বনি, পবন-সঞ্চারে বৃক্ষ-শাখা-দোলনে তাঁহারই নৃত্যের দোহুল ভাব, উত্তানের পুষ্প-সম্মারে তাঁহারই বনমালার সৌন্দর্য্য-মাধুরী দেখিয়া তাঁহারই শ্রীচরণে আত্ম-সমর্পণ করিয়া পরমার্থ লাভ করিয়া থাকেন। তাঁহাদের কাছে ব্যাবহারিক জগতের দুঃখ, শোক, হর্ষ, ক্রেশ, জরা, মৃত্যু প্রভৃতি কিছুই ভীতিকর নহে। সকলেই শ্রীভগবানের প্রেমের শাসনের, কৃপাক্রোধের চিহ্ন দেখিয়া আনন্দে আপ্ত হন। তাঁহাদের সম্বন্ধে উপরোক্ত প্রশ্নের অবকাশ নাই, এবং তাঁহাদের পক্ষে উহার আলোচনার প্রয়োজন নাই।

এই প্রশ্ন আমাদেরই আলালোচনার বিষয়। ব্যাবহারিক জগৎ আমাদেরই জন্ম। ইহা দ্বৈতের উপর প্রতিষ্ঠিত। সূতরাং ঠাহারা সর্বত্র ব্রহ্মময়, পরমাশ্রময় বা ভগবন্ময় দর্শন করেন, ব্যাবহারিক জগৎ তাঁহাদের কাছে বর্তমান নাই। শাস্ত্রের উপদেশ, উপাসনা পদ্ধতি এবং উহার অহুকূলে বিধিনিষেধাদির ব্যবস্থা, সমাজনীতি ও সমাজ রক্ষার জন্ম বর্ণাশ্রম ধর্ম ব্যবস্থা, দণ্ডনীতি ও তজ্জন্ম ধর্মশাস্ত্র প্রভৃতি সমুদায়ই আমাদেরই আলালোচনার বিষয়। তাঁহারা এ সমুদায়ের অতীত। পাছে বহির্লুখ লোকে তাঁহাদের আচরণ দেখিয়া উন্নার্গগামী হয়, এজন্য, অর্থাৎ গীতার ভাষায় “লোকসংগ্রহে”র জন্ম, তাঁহারা নিত্যকর্মাদি কর্তব্য হিসাবে পালন করেন মাত্র। অতএব, দেখা যাউক, আমাদের লক্ষ্যস্থান হইতে এ প্রশ্ন আলালোচনা করিয়া আমরা কি উত্তর পাই।

প্রথমে বলিয়া রাখা প্রয়োজন যে, আমরা ভাগবতের সাহায্যে বেদান্ত আলালোচনা করিতেছি। সূতরাং উক্ত প্রশ্ন আমরা ভাগবতের সাহায্যে আলালোচনা করিব। আমরা প্রত্যক্ষ দেখিতে পাই যে, প্রত্যেক গৃহস্থ বাটীতে ছোট ছোট বালিকাদের এক একটি খেলিবার পুতুল বাক্স আছে। তাহাতে বালিকার কয়েকটি খেলার পুতুল থাকে। বালিকা তাহাদের মধ্যে কাহাকে কর্তা, কাহাকে গিন্নি, কাহাকে বড় ছেলে, কাহাকে বড় বৌ, মেজ ছেলে, মেয়ে, নাতি, নাতিনী প্রভৃতি কল্পনা করিয়া, তাহাদিগকে বাক্স হইতে বাহির করিয়া উহাদের কল্পনার উপযোগী সাজে সাজাইয়া এবং বাহিরে কিছু উপরে উহাদিগকে প্রকটিত করিয়া নিজে বা অন্য বালক বালিকার সহিত খেলা করিয়া থাকে। খেলা শেষ হইলে, উহাদিগকে সাজ সজ্জাবিহীন করিয়া আবার বাক্সের ভিতর তুলিয়া রাখে, এবং সাজসজ্জাও পৃথকভাবে রাখে। নিজের কল্পিত পুতুল মেয়ের সহিত অপর বালক বা বালিকার কল্পিত পুতুল ছেলের বিবাহ দেয় ও তাহার জন্ম উপযুক্ত ধুমধামও কখনও কখনও হইতে দেখা যায়। এমন কি, আমি নিজে উক্ত প্রকার বিবাহে একাধিকবার নিমন্ত্রিত হইয়া পরিতোষপূর্বক আহাৰও করিয়াছিলাম। প্রপঞ্চ-জগৎও শ্রীভগবানের দিবা মায়া বিনোদের ক্রীড়োপকরণ। বালিকার পুতুলগণ কল্পিত কর্তা, গিন্নি ইত্যাদি ক্রিয়াশক্তি বা প্রাণশক্তি বিহীন। শ্রীভগবানের ক্রীড়োপকরণগুলির এইটুকু প্রভেদ; তিনি চৈতন্যময়, তাঁহার পুতুলগুলির প্রাণশক্তি বা ক্রিয়াশক্তি আছে; তাঁহার ইচ্ছায় কেহ কর্তা, কেহ গিন্নি, কেহ পুত্র, কেহ কন্যা ইত্যাদি সাজিয়া সংসার-ধর্ম প্রতিপালন করে। শ্রীভগবানের

“দিব্যমায়া-বিনোদ” শেষ হইলে আবার তাহাদিগকে আত্মগত অর্থাৎ তাহাদের উক্ত স্থান আপনাতে অন্তরায়িত করিয়া, নিজ স্বরূপে অবস্থিত থাকেন। এই যে প্রপঞ্চের প্রকটীকরণ ও অপ্রকটীকরণ, ইহা শ্রীভগবানের স্বভাব। জোয়ার-ভাঁটা যেরূপ প্রতিদিন পৌর্ক্বাপর্য্যভাবে হয়, শীত গ্রীষ্মাদি যেমন পৌর্ক্বাপর্য্যভাবে হইয়া থাকে, সেইরূপ সৃষ্টি ও লয় অনাদি কাল হইতে পৌর্ক্বাপর্য্যভাবে চলিয়া আসিতেছে। ইহা তাঁহার ইচ্ছাবশতঃ হইতেছে বা স্বভাবশতঃ হইতেছে, যাহা বলা যাউক না কেন, ফলে উভয়ই সমান। ১।১।২ সূত্রের আলোচনায় আমরা বুঝিতে পারিয়াছি যে, তাঁহার ইচ্ছার অপর কোনও নিয়ন্তা নাই। তবে সৃষ্টিবৈচিত্র্যের কারণ কি?

জীবের কর্ম্মই সৃষ্টিবৈচিত্র্যের কারণ। আমরা আধিভৌতিক বিজ্ঞান আলোচনায় জানিতে পারি যে, ঘাত ও প্রতিঘাত সমান। একখানি প্রস্তর আছে। উহার উপর আমি একটি চপেটাঘাত করিলাম। আমি যত জোরে আঘাত করিলাম, প্রস্তরটিও ঠিক তত জোরে হাতের উপর প্রতিঘাত করিল। ইহা প্রকৃতির তমোগুণের পরিচয়। আধিভৌতিক বিজ্ঞান বহু গবেষণা করিয়া আরও একটি নিয়ম আবিষ্কার করিয়াছে, তাহা “শক্তির অবিনশ্বরতা”—শক্তির কখনও ধ্বংস নাই। একপ্রকার শক্তি অণু প্রকারে নাশাস্তর বা রূপাস্তর প্রাপ্ত হয় মাত্র। আমি শারীরিক শক্তি দ্বারা একখানি চাকা ঘুরাইলাম, খুব জোরে ঘূর্ণন অবস্থায় যদি হঠাৎ তাহার গতিরোধ করি, তাহা হইলে চাকা গরম হইয়া উঠিবে। আমার শারীরিক শক্তি তাপাকারে পরিবর্তিত হইল মাত্র, শক্তির ধ্বংস হইল না। এই দুই নিয়ম একসঙ্গে একত্রে নৈতিক ব্যাপারে পর্য্যালোচনা করিলেই “কর্ম্মবাদ”-এর উৎপত্তি বুঝা যাইবে। আমি কটু কথা বলিয়া একজনের মনে কষ্ট দিলাম। উহাতে আমি তাঁহার মনোবৃত্তিতে যে আঘাত দিলাম, যতদিন ঐরূপ সমান প্রতিঘাত আমি প্রাপ্ত না হই, ততদিন আমার উক্ত কর্ম্মের নাশ নাই। সমান পরিমাণের প্রতিঘাত আমার মনোবৃত্তিতে পাইলেই আমার উক্ত কর্ম্মের নাশ হইবে, নতুবা উহা সঞ্চিত রহিল। যাহাকে ইংরাজীতে বলে “Kinetic Energy” অর্থাৎ ক্রিয়মাণ শক্তি—“Potential Energy” অর্থাৎ সঞ্চিত শক্তিতে পরিণত হইয়া রহিল। এই সঞ্চিত শক্তি হইতে আমি ঐ প্রকার সমান পরিমাণ প্রতিঘাত পাইতে বাধ্য, আজিই হউক, কালিই হউক, বৎসরান্তে হউক বা জন্মান্তরে হউক।

“জন্মান্তরবাদ” কর্ম্মীদের সহিত বড়ই ঘনিষ্ঠ সম্বন্ধে সম্বন্ধ। এবং জন্মান্তর-বাদকে আমাদের শাস্ত্র স্বতঃসিদ্ধ বলিয়াই ধরিয়া লইয়াছেন। আমি

বর্তমানে যে ব্রাহ্মণ বংশে জন্মগ্রহণ করিয়াছি, তাহা আকস্মিক অহৈতুকী ব্যাপার নহে। এই জন্মের পূর্বে আমার কত শত জন্ম, লক্ষ লক্ষ জন্ম অতীত হইয়াছে, তাহার ইয়ত্তা নাই। সেই সেই জন্মের কৃত কর্মগুলি, যাহা সঞ্চিত কর্মসূত্রে মধ্য রাশীকৃত ছিল, কর্মদেবতাগণ—যাহারা ভগবাদিচ্ছায় কর্মের সহিত ফলযোজনা করেন—উহাদের মধ্যে পরিপক্ব বা ফলদানোন্মুখগুলি বাছিয়া লইয়া সেই সমুদায় কর্মের ফলভোগ জন্ম আমাকে বর্তমান জন্মে, বর্তমান দেহে, বর্তমান পরিপার্শ্বিক অবস্থায় ও পরিজন পরিবারগণের মধ্যে জন্মগ্রহণ করাইয়াছেন। সেই সমুদায় কর্মের ফলভোগ অস্তে আমার এ দেহ ত্যাগ করিয়া আবার অন্য কর্মপুঞ্জ ভোগের জন্ম দেহ ধারণ করিয়া, অন্যপ্রকার পারিপার্শ্বিকের মধ্যে জন্মগ্রহণ করিতে হইবে। যে কর্মপুঞ্জের ফলভোগের জন্ম কোনও বিশেষ জন্ম হয়, সে সমুদায় কর্মকে “প্রারব্ধ কর্ম” বলে, অর্থাৎ, উহাদের ফলভোগ জন্মের পূর্ব হইতেই আরম্ভ হইয়াছে। আবার, এ জীবনে যে সমুদায় কর্ম করি, তাহারা “ক্রিয়মাণ কর্ম”। তাহাদের মধ্যে যে গুলির ফল এ জন্মে ভোগ হইল, তাহা বাদে অন্য কর্ম (যাহার ফল ভোগ হয় নাই), সঞ্চিত কর্মরাশিতে স্থাপিত হইল। সেই রাশি হইতে আবার কতকগুলি বাছিয়া পরজন্মের দেহ, পারিপার্শ্বিক অবস্থার ও ভোগের ব্যবস্থা কর্মদেবতারা করিবেন। **অতএব আমরা পাইলাম, কর্ম তিন প্রকার—সঞ্চিত, প্রারব্ধ ও ক্রিয়মাণ, এবং তাহারাই পুনর্জন্মের কারণ।** ভগবান সূর্য্যকার সমুদায় কর্মকে দুইভাগে বিভক্ত করিয়াছেন, প্রারব্ধ ও অনারব্ধ। দেখ সূত্র ৪।:।১৫।

এখন প্রশ্ন উঠে, পুনর্জন্ম কাহার? ব্রহ্মের তটস্থ শক্তিরূপ জীব ত ব্রহ্মাংশ; তাহা ব্রহ্মের গায় অজ, নিগুণ, নির্বিকার। তাহার যখন জন্মই নাই, তখন পুনর্জন্ম কি প্রকারে হয়? পুনর্জন্ম অর্থ এক দেহ হইতে উৎক্রান্ত জীবাত্তার অপর দেহে প্রপঞ্চে প্রকটভাব। এই জীবাত্তা কি? যে কর্মবাদের কথা বলা হইয়াছে, সেই কর্মসকল দেহ হইতে উৎক্রান্তির সময় জীবাত্তার অনুগমন করে, এবং তাহারাই সূক্ষ্ম ভূত দ্বারা সূক্ষ্ম শরীর উৎপাদন করতঃ আত্মাকে বেষ্টন করে (সূত্র ৩।:।১)। এই সূক্ষ্ম শরীর দ্বারা বেষ্টিত আত্মা বা ব্রহ্মের তটস্থ শক্ত্যাংশই, জীবাত্তা, ও এই সূক্ষ্ম শরীরই উহার উপাধি। যতদিন না কর্মের নিঃশেষ ধ্বংস হয়, ততদিন এই সূক্ষ্ম শরীরের বা বেষ্টনীর ধ্বংস নাই। ইহাই পুনর্জন্মের কারণ। ইহাই আত্মার স্বরূপ আবরণ করিয়া থাকে। বিছা দ্বারা কর্মের ধ্বংস হইলে, ইহার ধ্বংস হয়। কর্ম যখন বৈতাপেক্ষা ভিন্ন উদ্ভব হয় না, এবং বৈতাপেক্ষ যখন অবিছা হইতে উৎপন্ন, তখন এই উপাধি—জীবোপাধি—অবিছা

বিনির্মিত । জীৱ ইহাতে বদ্ধ হইয়া সংসারে যাতায়াত করিতে থাকে । বিজ্ঞা দ্বারা কর্মের উৎপাদিকা অবিজ্ঞার ধ্বংস হইলেই জীৱের মুক্তি । অতএব জীৱের বদ্ধ অবিজ্ঞা দ্বারা সংঘটিত, এবং মুক্তি বিজ্ঞা দ্বারা অবিজ্ঞা ধ্বংসে হইয়া থাকে ।

বিজ্ঞা কি প্রকারে লাভ হয়, তাহার উপদেশ শাস্ত্রে আছে, এবং সূত্রকার তৃতীয় অধ্যায়ে সে সম্বন্ধে বলিবেন । এখানে বিস্তারিত আলোচনার প্রয়োজন নাই । কেবল একটি কথা কর্মপ্রসঙ্গে বলিয়া রাখি । উপরে বলা হইয়াছে যে, সর্বকর্ম নিঃশেষে ধ্বংস না হইলে মুক্তি নাই । যদি জন্মিয়া জন্মিয়া কর্মধ্বংস করিতে হয়, তবে ত জীৱের মুক্তির আশা নাই । কারণ, প্রতি জন্মেই ত অল্পবিস্তর ক্রিয়মাণ কর্ম সঞ্চিত কর্মরাশিতে স্থাপিত হইতে থাকে । শাস্ত্র বলেন, ইহার মুষ্টিযোগ শ্রীভগবানে সর্বকর্ম সমর্পণ ।

কায়েন বাচা মনসেন্দ্রিয়ৈর্বা বুদ্ধ্যাথনা বাসুসৃতস্বভাবাৎ ।

করোতি যদ্যৎ সকলং পরৈশ্চ নারায়ণায়ৈতি সমর্পয়েত্তৎ ॥

ভাগঃ ১১।২।৩৪

—কায়, বাক্য, মন, ইন্দ্রিয়, বুদ্ধি, চিত্ত, অথবা স্বভাববশতঃ যে কোনও কর্ম করিবে, তৎ সমুদায় পরম পুরুষ নারায়ণে সমর্পণ করিবে । ভাগঃ ১১।২।৩৪

যেমন কোনও বৃহৎ অট্টালিকা বজ্রাঘাত হইতে নিরাপদ করিবার উদ্দেশ্যে তড়িৎ প্রতিষেধক তার ঐ অট্টালিকার উচ্চতম অংশে আবদ্ধ করিয়া ঐ তারটি সমুদায় তড়িতেয় ভাঙার স্বরূপ পৃথিবীর গর্ভে যোজনা করা যায়, এরূপ করিলে আকাশে যতই অশনি গর্জন করুক না কেন, অট্টালিকা নিরাপদ থাকে, সেইরূপ, কর্ম যদি সমুদায় কর্মের একুমাত্র ভাঙার ভগবানের সহিত যোজনা করা যায়, তাহা হইলে শিরোপরি যতই কর্ম গর্জন করুক না কেন, কোনও ভয় নাই, সম্পূর্ণ অভয় প্রতিষ্ঠা লাভ করা যায় । এজন্যই শ্রীমদ্ভাগবত বলিয়াছেন ;—“আমি অখিলাত্মা ; আমাকে দর্শন করিলে, হৃদয়-গ্রস্থি সকল ভেদ হইয়া যায়, সংশয় সকল ছিন্ন হইয়া যায়, এবং কর্ম সকল ক্ষয় প্রাপ্ত হয়” । ভাগঃ ১১।২।৩০

শ্রীভগবানে অখিল কর্ম সমর্পণ বিদ্যালান্তের একটি উপায় । বিদ্যালান্ত বা ভগবদর্শন একই । তিনিই বিজ্ঞা, বিজ্ঞা তাঁহার । বলা বাহুল্য, বিজ্ঞালাভ হইলেই বা ভগবদর্শন লাভ হইলেই অবিজ্ঞাকৃত বদ্ধ, সংসার, উপাধি ইত্যাদি সমুদায়ই ধ্বংস হয় । ইহাই উপরে উদ্ধৃত ভাগবতের ১১।২।৩০ শ্লোক প্রকাশ করে ।

পূর্বেই প্রশ্ন করিয়াছি যে, জীবের কর্ম ভগবদিচ্ছার প্রবর্তক, বা ভগবদিচ্ছা জীবের কর্মের উদ্বোধক, এ উভয়ের কোনটি সম্ভব? এই মাত্র বলা যাইতে পারে যে, ভগবদিচ্ছার অণু নিয়ন্তা থাকা সম্ভব না হওয়ায়, তাঁহার ইচ্ছাই জীবের সূপ্ত কর্ম উদ্বোধক। শ্রীমদ্ভাগবত ৩৬৩ শ্লোকে এই কথাই বলিয়াছেন :—“সুপ্তং কর্ম প্রবোধয়ন্”—“আপনাতে লীন জীবাৎমুরূপ সূপ্ত কর্মের উদ্বোধন করিয়া”—অতএব, সিদ্ধান্ত হইল যে, জীবাত্মা শক্তিরূপে পরমাত্মা হইতে অভিন্ন হইলেও, পরমাত্মা বা ভগবান্ জীব হইতে ভিন্ন। বন্ধ, মোক্ষ, জরা, মৃত্যু প্রভৃতি সাংসারিক ব্যাপার, জীবের নহে; তাহা উপাধির মাত্র।

আমরা উপরে বলিয়াছি যে, জীবের কৃত কর্ম সকলই, সূক্ষ্ম ভূত দ্বারা বিজ্ঞানময় কোষ নির্মাণ করিয়া, আত্মাকে আবেষ্টন করে, এবং মৃত্যুর পর তাহারাই লিঙ্গ শরীররূপী হইয়া, জীবের অনুগমন করিয়া, জন্মান্তরের দেহ, ভোগ্য, ও পারিপার্শ্বিক অবস্থার ব্যবস্থা করিবার কারণস্বরূপ হয়। এই বিষয়টি ভাল করিয়া বুঝিবার জন্য কর্মের স্বরূপ সম্বন্ধে সংক্ষেপ আলোচনা প্রয়োজন।

আমরা ১।১।২ সূত্রের আলোচনায় প্রদত্ত চিত্রটি (পৃ:—১৭০-১৭১) মনোযোগ সহ আলোচনা করিলে স্পষ্ট বুঝিতে পারিব যে, প্রকৃতি সত্ত্ব-রজঃ-তমঃ ত্রিগুণময়ী—সাম্যাবস্থায় অব্যাকৃত প্রকৃতি, আর গুণ ক্ষোভ দ্বারা উক্ত তিন গুণের অনন্ত প্রকার ইতর বিশেষ সংমিশ্রণেই প্রপঞ্চ জগৎ। সূত্রাং জগতের যা কিছু—দৃশ্যমান, অদৃশ্যমান,—বহির্জগতের বা অন্তর্জগতের—মন, চিত্ত, বুদ্ধি, অহঙ্কার—সমুদায়ই গুণময়। সূত্রাং তাহাদের ক্রিয়াও যে গুণময় হইবে, সে বিষয়ে সন্দেহ কি? কর্ম মাত্রই বহির্জগতে অভিব্যক্ত অন্তর্জগতের ক্রিয়া। মনে রজোগুণের উদয়ে আমার ক্রোধ সঞ্চার হইল, সেই ক্রোধের বশে আমি আমার প্রতিবেশী সহিত বিবাদ করিয়া তাহাকে আঘাতাদি করিলাম। ইহা যে গুণের ক্রিয়া, তাহা স্পষ্ট বুঝিতে পারা গেল।

শ্রীমদ্ভাগবত সাক্ষাৎ সম্বন্ধে তাহাই বলিয়াছেন :—

গুণাঃ সৃজন্তি কর্মানি গুণোহনুসৃজতে গুণান্।

জীবন্ত গুণসংযুক্তো ভুক্তে কর্মফলাগ্রসৌ। ভাগঃ ১।১।১০।৩০

—(১।১।১৮ সূত্রের আলোচনায় (পৃ: ৪৩৫) ইহার অর্থ দেওয়া হইয়াছে।)

অতএব, গুণসকলই কর্মের কারণ, বুঝা গেল। কর্মসকল তাহাদের

উপাদান গুণরূপে, আত্মার আবরণ বা উপাধি স্বরূপ হইয়া, মৃত্যুর পর জীবাত্মার অনুগমন করে। যতকাল কর্মসকল ভোগের দ্বারা, বা বিজ্ঞা দ্বারা অথবা ভগবদর্পণ দ্বারা ধ্বংস না হয়, ততকালই ইহা চলিতে থাকে। কর্মোপাদান গুণরূপী উপাধির ধ্বংস হইলেই আত্মা স্বরূপে প্রতিষ্ঠিত হয়, অর্থাৎ বদ্ধ জীব, মুক্ত, শুদ্ধ জীবস্বরূপে প্রতিষ্ঠিত হয়। অতএব, বুঝা গেল যে, আত্মার স্বরূপতঃ বদ্ধ, মোক্ষ নাই। উপাধিতে অস্তিত্বমান বশতঃই বদ্ধ হইয়া থাকে। ইহাই অধ্যাস, ইহাই ভ্রম।

কর্ম সম্বন্ধে একটি বিশেষ কথা মনে রাখা প্রয়োজন যে, কর্ম প্রকৃতির ব্যাপার, অতএব জড়, অচেতন। ইহা স্বতঃ ভাল বা মন্দ নহে। কর্তার কর্তৃত্ব ও মমত্ব বুদ্ধিবশতঃ উহাতে ভাল মন্দ ইত্যাদি আরোপিত হয়। সুতরাং উহা কর্তার বুদ্ধিতে বর্তমান থাকে। মানব সাধনা দ্বারা এই ভাল মন্দের বীজ যাহা জড় কর্মের মূলে বর্তমান থাকে না, এবং মানব নিজ বুদ্ধি দ্বারা যাহা সৃজন করে, ধ্বংস করিতে পারিলেই, কৃতকৃতার্থ হইয়া থাকে। মানব যখন উহার সৃষ্টিকর্তা, উহার ধ্বংস সামর্থ্যও মানবে বিদ্যমান আছে, এবং এই জগত্ই মোক্ষোপদেশী শাস্ত্রসকলের সার্থকতা। বন্ধন, কর্মের অব্যভিচারী গুণ বা ধর্ম নহে, বশতঃ কর্মের স্বতঃ বন্ধন করিবার শক্তি নাই। উহা মনের ধর্ম। কর্মে আসক্তি বশতঃ আমাদের মনে কর্মের উপর কর্তৃত্ব এবং মমত্ব বুদ্ধি উৎপন্ন হইয়া থাকে। তাহাই বন্ধের কারণ। ইহা উপনিষদে স্পষ্টাক্ষরে উক্ত হইয়াছে। যথা :—

মন এব মনুষ্যাণাং কারণং বন্ধমোক্ষয়োঃ ।

বন্ধয়ে বিষয়াসক্তং মুক্ত্যৈ নির্বিষয়ং শ্বতম্ ॥ ব্রহ্মবিন্দু উপনিষৎ ॥ ২

—মনই মনুষ্যাণের বন্ধ ও মোক্ষের কারণ। বিষয়াসক্ত মন বন্ধের নিমিত্ত, এবং নির্বিষয় মন মুক্তির নিমিত্ত, হইয়া থাকে। ব্রহ্মবিন্দু উপনিষৎ ॥ ২

শ্রীমদ্ভাগবতও এই কথাই বলিয়াছেন :—

মনঃ সৃজতি বৈ দেহান্ গুণান্ কর্ম্মাণি চাত্মনঃ ।

তন্মনঃ সৃজতে মায়া ততো জীবন্ত্য সংসৃতিঃ ॥ ভাগঃ ১২।৫।৬

—মনই আত্মার দেহ, সত্ত্বাদি গুণও কর্ম সকল সৃজন করে, আর মায়া সেই মনের সৃষ্টি করিয়া থাকে, সেই জগত্ই জীবের সংসারে গতি হয়।

ভাগঃ ১২।৫।৬

‘ অগ্ন্যত্রয় আছে :—

মন এব মনুষ্যেভ্য ভূতানাং ভবভাবনন্ ॥ ভাগঃ ৪।২৯।৭৬

—হে নরনাথ ! মনই প্রাণিসকলের সংসার কারণ । ভাগঃ ৪।২৯।৭৬

এই কারণেই মোক্ষোপদেশী শাস্ত্রসকলে মনঃ নিগ্রহের উপদেশ ভূয়োভূয়ঃ প্রদত্ত হইয়াছে । মন, জড় ও অচেতন ; কর্মও জড় এবং অচেতন ; সুতরাং উভয়ের সম্বন্ধ ঘটিতে পারে, কিন্তু আত্মা চৈতন্যময়, ভিন্ন পর্যায়ভুক্ত । এ কারণ, ইহার সহিত মনের ও কর্মের সম্বন্ধ ঘনিষ্ঠ নহে, আগন্তুক মাত্র— জবা সমীপে স্থিত স্বচ্ছ স্ফটিকে জবার বর্ণের প্রতিফলনের গ্ৰায় মাত্র । আত্মায় কর্মের লেপ স্পর্শে না, মাত্র আবরণ সৃজন করে এবং উক্ত আবরণ শাস্ত্রোক্ত বিধি অনুশীলনের দ্বারা সহজেই অপসারিত হইয়া থাকে । সমুদায় শাস্ত্রের বিধি-নিষেধের সার্থকতা এই আবরণ অপসারণের জন্ম । উপরে যে কর্মের “নিঃশেষ ধ্বংসের” কথা বলা হইয়াছে, তাহা এই কর্মের আসক্তি বা মমতা বুদ্ধির ধ্বংস, ইহা মনে রাখিতে হইবে । আকাশে সূর্য্য সমভাবে চিরদীপ্তিমান্ । মেঘের দ্বারা উহার আবরণ আগন্তুক কারণে সাময়িক ভাবে হইয়া থাকে মাত্র । তাহাতে সূর্য্যের দাপ্তি লোকচক্ষুর তাৎকালিক অদৃশ্য হইলেও, সূর্য্যের তাহাতে কোনও ক্ষতি বৃদ্ধি নাই । আবার মেঘের সৃষ্টি শুধু সূর্য্যের আবরণ করিবার জন্ম নহে । জগৎস্থ প্রাণিবৃন্দের অন্ন সংস্থানের জন্ম উহার বিশেষ প্রয়োজনীয়তাও আছে । সেইরূপ বিশ্বে সৃষ্টিপ্রবাহ অক্ষুণ্ণ রাখিবার জন্ম, ভগবানের সংকল্প বশতঃ মায়া শক্তি দ্বারা উপাধি সৃষ্টি এবং তজ্জনিত তদ্বতঃ নিত্য-বুদ্ধ-শুদ্ধ-মুক্ত-স্বভাববান্ ভগবানের তটস্থ শক্তিরূপ শুদ্ধ জীবের উপাধির আবরণ এবং তাহাতে অধ্যাস সংঘটিত হইয়া থাকে । উহা সাময়িক মাত্র । উহা দ্বারা শুদ্ধ জীবে কোনও প্রকার লেপ স্পর্শে না । জগৎবৈচিত্র্য সংঘটন গোণ উদ্দেশ্য ; মুখ্য উদ্দেশ্য জীবের আত্মসংবেদন লাভ ও স্বরূপাভিব্যক্তি । উক্ত জীব উপাধির আবরণাপসারণ করিবার ইচ্ছা করিলে এবং তদনুযায়ী সংরাধন রূপ চেষ্টা করিলে (সূঃ ৩।২।২৪) স্বরূপ-প্রতিষ্ঠা হন । সুতরাং “হিতাকরণ” বা “অহিতাকরণ” বিষয়ক আপত্তির কোনও ভিত্তি নাই ।

ভিত্তিঃ— •

“অন্তঃ প্রবিষ্টঃ শাস্তা জনানাম্” ॥

(তৈত্তিরিঃ, আরণ্যক ৩।১।১০)

—অন্তরে প্রবিষ্ট হইয়া লোকসকলের শাসন করেন ।

তৈত্তিরিঃ, আরণ্যক, ৩।১।১০

সূত্রঃ—২।১।২৪

অশ্মাদিবচ্চ তদনুপপত্তেঃ ॥ ২।১।২৪ ॥

অশ্মাদিবৎ + চ + তদ্ + অনুপপত্তেঃ ॥

অশ্মাদিবৎ :—প্রস্তরাদিবৎ । চ :—ও । তদ্ :—জীবের ব্রহ্মভাবাপত্তি, এবং সেজন্ম ব্রহ্মের হিত-অনুষ্ঠান ও অহিত-অনুষ্ঠানরূপ দোষ ।

অনুপপত্তেঃ :—অসঙ্গতি হেতু ।

প্রস্তরাদি যেমন অচেতন, তুচ্ছ পদার্থ, নিজের স্বতন্ত্রতাশূন্য—সর্বজ্ঞ, সর্বশক্তিমান, নিরবচ্ছিন্ন, অখিল কল্যাণগুণের আলায়, ব্রহ্মের সহিত জীব চিৎকণ বলিয়া তদ্ব্যতীত অভিন্ন হইলেও ব্রহ্মের সহিত আত্যন্তিক ঐক্য সম্ভব হয় না । বিশেষতঃ ঈশ্বর নিয়ন্তা, জীব নিয়ম্য ; ঈশ্বর শাস্তা, জীব শাস্তা । সুতরাং ব্রহ্ম জীব হইতে অধিক । এ কারণে হিতাকরণ প্রভৃতি দোষ হয় না ।

নমঃ পরায়াবিতথানুভূতয়ে গুণত্রয়াভাস নিমিত্ত বন্ধবে ।

ভাগঃ ৬।৪।১৮

—সেই সর্বোত্তম পরমাত্মাকে আমি নমস্কার করি । তাঁহার চিচ্ছক্তি অবিতথ । তিনি জীব ও মায়া এই দুইয়েরই নিয়ামক । ভাগঃ ৬।৪।১৮

..... ত্বং জীবলোকশ্চ চ জীব আত্মা ॥

ভাগঃ ৭।৩।২৭

—জীবলোকের তুমিই জীবন ও নিয়ন্তা । ভাগঃ ৭।৩।২৭

অতএব, আমরা পাইলাম যে, জীব চেতন হইলেও, স্বতন্ত্র নহে । ব্রহ্মই তাহার নিয়ন্তা । সুতরাং ব্রহ্ম জীব হইতে অধিক হওয়া বশতঃ, জীবের ব্রহ্মভাবাপত্তি অসঙ্গতি বিধায়, ব্রহ্মের হিতাকরণাদি দোষ প্রসঙ্গি নাই ।

‘১১। উপসংহার দর্শনাধিকরণ ॥

ভিত্তি :—

ন তস্য কার্যং করণঞ্চ বিদ্যতে, ন তৎসমশ্চাত্ত্যধিকশ্চ দৃশ্যতে ।

পরাস্য শক্তিবিবিধৈব জ্ঞায়তে, স্বাভিবিকী জ্ঞান-বলক্রিয়া চ ॥

(শ্বেতাঃ ৬।৮)

—তাঁহার কার্য (শরীর) নাই, করণও (ইন্দ্রিয়) নাই । তাঁহার সমান বা অধিক দেখা যায় না । ইঁহার স্বভাবসিদ্ধ নানা প্রকার নিরতিশয় শক্তি এবং জ্ঞান-ক্রিয়া (সর্কজ্ঞতা), বলক্রিয়া (সান্নিধ্যমাত্রে কার্য-সম্পাদন ক্ষমতা) শ্রুতিতে কথিত গুণিতে পাওয়া যায় । (শ্বেতাঃ ৬।৮)

সংশয় :—প্রত্যক্ষ দেখিতে পাওয়া যায় যে, ক্ষমতাবান, শক্তিশালী পুরুষও কোন কার্যসাধন করিতে হইলে অনেক কারক ব্যাপারের প্রয়োজন অপেক্ষা করেন । যেমন ঘট প্রস্তুত করিতে হইলে, কুস্তকার, মৃত্তিকা, কুলাল চক্র, সূত্র প্রভৃতি উপকরণের সাহায্যেই করিতে পারে, ইচ্ছা করিলেই পারে না । সেইরূপ অদ্বিতীয় ব্রহ্ম কিছুরই সাহায্য না লইয়া কি প্রকারে জগৎ রচনায় সমর্থ হইবেন ? এই আপত্তি সূত্রের প্রথম ভাগে উত্থাপন করিয়া শেষ ভাগে তাহার সমাধান করিয়াছেন :—

সূত্র :—২।১।২৫

উপসংহার-দর্শনান্নেতি চেন্ন ক্ষীরবন্ধি ॥ ২।১।২৫ ॥

উপসংহার-দর্শনাৎ + ন + ইতি + চেৎ + ন + ক্ষীরবৎ + হি ॥

উপসংহার দর্শনাৎ :—উপকরণ সংগ্ৰহের নিয়ম দৃষ্ট হওয়ায় । ন :—না । ইতি :—ইহা । চেৎ :—যদি বল । ন :—না । ক্ষীরবৎ :—দুগ্ধের গায় । হি :—যেহেতু ।

যদি বল উপকরণ সংগ্রহ ব্যতিরেকে কোনও কার্য সম্পাদিত হইতে দেখা যায় না, তাহা হইলে ব্রহ্ম কোনও প্রকার উপকরণ ব্যতিরেকে জগৎ প্রস্তুত করিতে পারেন না । তাহার উত্তরে বলিব,—না, তাহাও বলিতে পার না । যেহেতু দুগ্ধ অল্প কোনও কারকের সাহায্য ব্যতিরেকে দধি প্রভৃতি কার্যাকারে পরিণত হয়, দেখা যায় । জল কোনও প্রকার কারকের সাহায্য ব্যতিরেকে হিম বা তুষারে পরিণত হয় । যদি বল, আতঙ্কন (“সাজা”) দুগ্ধে দিলে তবে দধি হয়, তাহার উত্তরে বলিব যে, “সাজা”র নিজের ঈর্ষন কোনও সামর্থ্য নাই

যে দধি উৎপন্ন করিতে পারে। যদি থাকিত, তবে জলে দিলেও দধি উৎপন্ন হইতে পারিত। তাহা ত হয় না। উহা কেবল দুগ্ধ হইতে দধি উৎপত্তির শীঘ্রতা সম্পাদন করে মাত্র। সুতরাং ব্রহ্ম, ঋষি, সান্নিধ্য মাত্রে কার্য সম্পাদন ক্ষমতা শিরোদেশে উদ্ধৃত শ্রুতিতে কথিত আছে, তিনি একাকী হইয়াও যে জগৎ রচনা করিবেন, তাহাতে আশ্চর্য্য হইবার কি আছে?

শ্রীমদ্ভাগবতে ১০।৮।৫।৪ শ্লোকে স্পষ্টতঃ কথিত আছে যে, তিনি নিজেই কর্তা, কর্ম, করণ, সম্প্রদান, অপাদান, সম্বন্ধ, অধিকরণ সমুদায় কারক ব্যাপার। ইহা ২।১।১৫ সূত্রের আলোচনায় প্রতিপাদিত হইয়াছে (দেখ পৃঃ ৭৭৮-৭৮০)। সুতরাং এখানে আর বাহুল্যের প্রয়োজন নাই। ১।১।২ সূত্রের আলোচনায় উদ্ধৃত ১।৫।৬ শ্লোকে শ্রীমদ্ভাগবত বলিয়াছেন যে, পরমেশ্বর মন হইতেই, অর্থাৎ নিজ সংকল্প মাত্রেই বিশ্বের সৃষ্টি করেন। উক্ত সূত্রে উদ্ধৃত ১।১।২৪ শ্লোকে শ্রীমদ্ভাগবত বলিয়াছেন যে, এক অদ্বিতীয় ঈশ্বর আপনার লীলার কারণ এই বিশ্ব সৃষ্টি করেন। তাহার অচিন্ত্য শক্তির নিকট কিছুই অসম্ভব নহে।

অতএব, পূর্বপক্ষ যে সংশয় উত্থাপন করিয়াছেন, তাহার কোনও ভিত্তি নাই।

সূত্র :—২।১।২৬

দেবাদিবদপি লোকে ॥ ২।১।২৬ ॥

দেবাদিবৎ + অপি + লোকে ।

দেবাদিবৎ :—দেবতা প্রভৃতির গায়। **অপি :**—ও। **লোকে :**—জগতে।

• শাস্ত্র সাহায্যে জানা যায় যে, দেবতাগণ ইন্দ্রাদি অদৃশ্য হইয়াও বর্ষণ করেন, অন্নের সাহায্যের অপেক্ষা নাই। যোগী—কর্দম ঋষিও নিজের স্ত্রীর প্রীতি কামনায়, সর্বকামপ্রদ বিমান, অন্ন সাহায্য নিরপেক্ষ হইয়া সৃজন করিয়াছিলেন। সৌভরি ঋষিও অন্ন উপকরণ সংগ্রহ নিরপেক্ষ হইয়া নিজ যোগশক্তি প্রভাবে, ইচ্ছামাত্রেই বিচিত্র ভবন, উদ্যান, সরোবর, দাস, দাসী প্রভৃতি সৃষ্টি করিয়াছিলেন। যদি মানবে যোগ বা তপঃ শক্তি দ্বারা ইহা করিতে সমর্থ হয়, তবে ভগবানের কথা কি?

ব্রহ্মর্ষি কর্দমের ও সৌভরি ঋষির যোগবল দ্বারা ইচ্ছামাত্র সৃজন ক্ষমতা শ্রীমদ্ভাগবতে স্পষ্টই উল্লেখ আছে।

প্রিয়ায়াঃ প্রিয়মস্বিচ্ছন্ কৰ্দমো যোগমাস্থিতঃ ।

বিমানং কামগং ক্ষতস্তর্হ্যেবাবিরচীকরণং ॥ ভাগঃ ৩।২৩।১১

নিজ প্রেয়সীর সন্তোষ জন্ম কর্দম যোগবলে তখনই একখানি কামগ বিমানের আবির্ভাব করাইলেন । ভাগঃ ৩।২৩।১১

তারপরের কয়েকটি শ্লোকে বিমানখানি সর্বকামধুক্, দিব্যরত্ন সমন্বিত, মণিময় স্তম্ভে শোভিত, নানা প্রকার সজ্জায় সজ্জিত, সেই বিমানে উপযুক্তপরি গৃহ সকল নির্মিত ছিল, এবং প্রত্যেক গৃহে পর্যাক্, শয্যা, ব্যজন, আসনাদি দ্বারা সুসজ্জিত ছিল । (ভাগঃ ৩।২৩।১২-১৫) ।

সৌভরি ঋষিও সম্রাট মাক্ষাতার পঞ্চাশটি তনয়া একসঙ্গে বিবাহ করিয়া, তাঁহাদের জন্ম তত্তৎ সংখ্যক গৃহ, উদ্যান, উপবন, সরোবর, দাস, দাসী, শয্যা, আসন প্রভৃতি সৃষ্টি করিলেন । ইহাতে উপকরণ সংগ্রহের অপেক্ষা ছিল না, যোগবলেই করিলেন ।

স বহুবৃচস্তাভিরপারণীয়তপঃশ্রিয়ানর্ঘ্য পরিচ্ছাদযু ।

গৃহেষু নানোপবনামলাস্তঃ-সরঃসু সৌগন্ধিক কাননেষু ॥

ভাগঃ ২।৬।৩৯

মহার্হশয্যাসন বস্ত্র ভূষণ স্নানানুলেপাভাবহার মাল্যকৈঃ ।

স্বলঙ্কৃত স্ত্রী পুরুষেষু নিত্যদা রেমেহনুগায়দ্বিজভৃঙ্গ বন্দিষু ॥

ভাগঃ ২।৬।৪০

সৌভরি মন্ত্র-সামর্থ্য সম্পন্ন ছিলেন । তাঁহার দুরন্ত তপঃপ্রভাবে তৎক্ষণাৎ তাঁহার স্ত্রীগণের সমসংখ্যক ভবন সৃষ্টি হইল । প্রত্যেক ভবন অমূল্য পরিচ্ছদে পূর্ণ, নানাবিধ বন-উপবন সুশোভিত, বিমল জল-পূরিত সরোবর ও সুগন্ধ পুষ্পালঙ্কৃত কাননে সুশোভিত ছিল । ভাগঃ ২।৬।৩৯

এবং যাবতীয় গৃহে দাস দাসীসকল সুন্দর অলঙ্কৃত, পক্ষী, ভ্রমর, ও বন্দিগণ প্রতিগৃহে গানে নিযুক্ত । সৌভরি, মহামূল্য শয্যা, আসন, বসন, ভূষণ, স্নান ও অনুলেপনাদি সম্পন্ন হইয়া সেই সকল ভবনে ও উপবনাদিতে, সেই সকল বনিতাদিগের সহিত বিহার করিতে লাগিলেন । ভাগঃ ২।৬।৪০

যদি মানব তপঃপ্রভাবে এ প্রকার করিতে সমর্থ হয়, তবে অচিন্ত্যশক্তিসম্পন্ন, সর্বজ্ঞ, সর্বেশ্বরের পক্ষে ইহাতে আশ্চর্যের বিষয় কি থাকিতে পারে ? অতএব, ব্রহ্মের উপকরণ সংগ্রহের অপেক্ষা না রাখিয়া জগৎ সৃষ্টি সর্বথা অবিরুদ্ধ ।

১২। কুৎস্ন প্রসক্তিাধিকরণ।:

ভিত্তি :—

“নিষ্কলং নিষ্ক্রিয়ং শান্তং নিরবচ্ছং নিরঞ্জনম্” । (শ্বেতাঃ ৬।১৯)

—ঠাহার কলা বা অবয়ব নাই, ক্রিয়া নাই, রাগ ঘেযাদি নাই, নিন্দার কিছু নাই এবং পাপ-পুণ্যাদির লেপ নাই । (শ্বেতাঃ ৬।১৯)

“দিব্যো হৃমূর্ত্তঃ পুরুষঃ স বাহ্যাতান্তুরো হৃজঃ” । (মুণ্ডকঃ ২।১।২)

—সেই দিবা পুরুষ (পূর্ণ আত্মা) অমূর্ত্ত (নিরবয়ব) জন্মাদি বর্জিত, বাহিরে ও ভিতরে পরিপূর্ণ বা বিদ্যমান । (মুণ্ডকঃ ২।১।২)

সূত্র :- ২।১।২৭

কুৎস্নপ্রসক্তির্নিরবয়বত্বশব্দকোপোবা । ২।১।২৭ ॥

কুৎস্নপ্রসক্তিঃ + নিরবয়বত্বশব্দকোপঃ + বা ॥

কুৎস্ন প্রসক্তিঃ :- সম্পূর্ণ ব্রহ্মের পরিণাম প্রসঙ্গ । নিরবয়বত্ব-শব্দকোপঃ :- ব্রহ্ম নিরবয়ব এই উক্তির ব্যাঘাত । বা :- অথবা ।

এটি পূর্বপক্ষ সূত্র । পূর্বপক্ষ আপত্তি করিতেছেন, শিরোদেশে উদ্ধৃত শ্রুতিতে ব্রহ্মকে নিরবয়ব বলিয়াছেন । সুতরাং ব্রহ্ম যদি জগৎরূপে পরিণত হন, তাহা হইলে সম্পূর্ণ ব্রহ্মই জগৎ রূপে পরিণত হইবেন । যদি তিনি সাবয়ব হইতেন, তাহা হইলে ঠাহার অংশ সম্ভাবনা থাকিত, এবং এক অংশে জগতে পরিণতি ও অপর অংশে স্বরূপে অবস্থিতি সম্ভব হইত । কিন্তু তিনি যখন নিরবয়ব, তখন ঠাহার অংশ নাই এবং আংশিক পরিণামও অসম্ভব । কাজেই মনিতে হইবে যে, সম্পূর্ণ ব্রহ্মই জগৎরূপে পরিণত হইয়াছেন । কিন্তু সমুদায় পরিণাম স্বীকার করিলে মূল ব্রহ্মই থাকে না । ব্রহ্মের ব্রহ্মত্ব নষ্ট হইয়া জগৎ হইয়াছে, ইহাই পাওয়া যায় । তাহা হইলে, ঐ প্রকার জগৎ স্থিতির সময় ব্রহ্মোপাসনার সার্থকতা থাকে না । অজর, অমর প্রভৃতি শ্রুতির অর্থ-ব্যাঘাত উপস্থিত হয় । এই সকল দোষ পরিহারার্থ যদি ব্রহ্ম সাবয়ব বল, তাহা হইলে শিরোদেশে উদ্ধৃত শ্রুতি মন্ত্রগুলির অর্থহীন প্রসক্তি উপস্থিত হয় । আবার সাবয়ব হইলে, ব্রহ্মের

নশ্বরাপত্তি হইবে, সুতরাং তোমাদের সিদ্ধান্ত গ্রহণীয় নহে। ইহাই পূর্বপক্ষের আপত্তি।

এই আপত্তি নিরাকরণের জন্ত সূত্রকার সূত্র করিলেন :—

সূত্র :—২।১।২৮

শ্রুতেষু শব্দমূলত্বাৎ ॥ ২।১।২৮ ॥

শ্রুতেঃ + তু + শব্দমূলত্বাৎ ॥

শ্রুতেঃ :—শ্রুতির। তু :—পূর্বপক্ষ নিবৃত্তিসূচক। শব্দমূলত্বাৎ :—
যেহেতু শব্দই তাহার মূল।

আমরা ২।১।১১ সূত্রের আলোচনায় প্রতিপাদন করিয়াছি যে, যে সমুদায় ভাব অচিন্ত্য, সে সকলে তর্ক যোজনা করিও না। যাহা প্রকৃতির অতীত, তাহাই অচিন্ত্য। এবং ব্রহ্ম যে প্রকৃতির পর, তাহাতে সন্দেহ নাই। ইহা পূর্বে বহুলোকে প্রতিপাদিত হইরাছে। সুতরাং ব্রহ্মতত্ত্ব সম্বন্ধে তর্কের অবসর নাই। তর্কের দ্বারা প্রত্যক্ষ, অনুমান ও ঐতিহ্য এই তিন প্রমাণে, যাহা মানব জ্ঞানের বিষয়, তাহারই প্রতিষ্ঠা হইতে পারে। যাহা মানব জ্ঞানের অতীত, তাহা মানবের যুক্তি তর্ক দ্বারা প্রতিষ্ঠিত হয় না। শব্দ বা শ্রুতিই তাহার একমাত্র প্রমাণ। ইহা আমরা ১।১।৩ সূত্রের আলোচনায় প্রতিপন্ন করিয়াছি। অতএব শ্রুতিই এ সম্বন্ধে একমাত্র প্রমাণ। শ্রুতিতে তাঁহাকে নিরবয়ব বলিয়াছেন, এবং শ্রুতিতে পুরুষ সূক্তেই বলিয়াছেন, “পাদোহস্য বিশ্বা ভূতানি ত্রিপাদশ্চামৃতং দিবি ॥” এই সমস্ত ভূত তাঁহার একপাদ, তাঁহার অপর তিন পাদ অমৃত স্বরূপ ও স্বর্গে অবস্থিত। অতএব, দেখা যাইতেছে যে, শ্রুতি যেমন তাঁহাকে নিরবয়ব বলিয়াছেন, আবার তেমনি তাঁহার পাদ, অংশ প্রভৃতির বর্ণনাও করিয়াছেন, ‘অতএব ব্রহ্ম বস্তু, যাহা বাক্য মনের অগোচর, এবং যাহার সম্বন্ধে শ্রুতিই একমাত্র প্রমাণ, তাঁহার সম্বন্ধে লৌকিক যুক্তিতর্কে কোনও ফল নাই। শ্রুতি যাহা বলিয়াছেন, তাহাই ভক্তিভরে গ্রহণ করা কর্তব্য। তিনি নিরবয়ব হইলেও, তাঁহার অল্প একাংশে বিশ্বব্রহ্মাণ্ড, এবং অধিকাংশে স্বরূপে অবস্থিত। এই যে আপাতদৃষ্টিতে বিরোধ, ইহা তাঁহাতেই অবসান। আমরা পূর্বে প্রতিপাদন

করিয়াছি যে, সমুদায় বিরোধের সমাধান তাঁহাতেই। তিনি ভিন্ন যখন কিছুই নাই, তখন বিরোধ, তাঁহাকে ভিন্ন আর কাহাকে আশ্রয় করিয়া থাকিবে? তিনিই তাহার আশ্রয়, পরিণতি ও সমাধান। ২।১।৩৮ সূত্রে সূত্রকার এই সিদ্ধান্তই করিয়াছেন। প্রপঞ্চের অন্তর্গত দেশ কালাবচ্ছিন্ন বস্তু সম্বন্ধে নিরবয়ব ও অংশত্ব একাধারে আমরা আমাদের দেশ কালের প্রভাবে প্রভাবাধিত অন্তঃকরণে ধারণা করিতে পারি না বটে, কিন্তু যে বস্তু সমকালে দেশ কালে এবং দেশ কালের বাহিরে ব্যাপিয়া অবস্থান করেন, তাঁহাতে দেশকালের অন্তর্ভুক্ত তর্কপদ্ধতি প্রযুক্ত হইতে পারে না। এ কারণ শ্রুতি প্রমাণই একমাত্র গ্রাহ্য এবং শ্রদ্ধার সহিত অনুবর্তনীয়।

শ্রীমদ্ভাগবতও কি বলিয়াছেন, দেখা যাউক।

সোহমৃতশ্চাভয়শ্চেশো মর্ত্যমন্নং যদত্যগাৎ ।

মহিমৈষ ততো ব্রহ্মন্ পুরুষশ্চ ছরত্যয়ঃ ॥ ভাগঃ ২।৬।১৭

পাদেষু সর্বভূতানি পুংসঃ স্থিতিপদো বিহুঃ ।

অমৃতং ক্ষেমমভয়ং ত্রিমুদ্রোহিধায়ি মূর্ধনু ॥ ভাগঃ ২।৬।১৮

—২।৬।১৭ শ্লোকের অর্থ ১।৩।১ সূত্রে (পৃঃ ৫৫২) এবং ২।৬।১৮ শ্লোকের অর্থ ১।১।২৫ সূত্রে (পৃঃ ৪৬১) দেওয়া হইয়াছে।

মামংস্থা হেতদাশ্চর্য্যং সর্বাশ্চর্য্যময়েহচ্যুতে । ভাগঃ ১।৮।১৫

—সেই সর্বাশ্চর্য্যময় অপ্রচ্যুত স্বরূপ ভগবানে ইহার কিছুই আশ্চর্য্য নহে।
ভাগঃ ১।৮।১৫

• ছরববোধ ইব তবায়ংবিহারযোগ যদশরণোহশরীর ইদমনবেক্ষিতাস্মৎ সমবায় তাঅনৈবাবিক্রিয়মাণেন সগুণমগুণঃ সৃজসি পাসি হরসি ॥

ভাগঃ ৬।২।৩১

দেবংগণ বলিতেছেন, হে ভগবন্! তোমার বিহার যোগ অর্থাৎ মায়ার সহিত ক্রীড়া বা দিব্যমায়াবিনোদ, আমাদের পক্ষে বড়ই দুর্কোষ। যেহেতু, তোমার আশ্রয় নাই ও শরীর নাই এবং তুমি স্বয়ং অগুণ, তথাপি তুমি এই সগুণ বিশ্বের সৃষ্টি, স্থিতি ও লয় করিতেছ, অথচ তোমার কিছুমাত্র বিকার হইতেছে না, এবং এই সৃষ্টাদি কার্য্যে তুমি আমাদের বা কাহারও সাহায্য অপেক্ষা কর না। ভাগঃ ৬।২।৩১

ন হি বিরোধ উভয়ং ভগবতা পরিমিত গুণ গুণ। ঈশ্বরেহনবগাহ
মাহাত্ম্যো...। ভাগঃ ৬।২।৩৩

—কিন্তু অনবগাহ মাহাত্ম্য, অপরিমিত গুণগণসম্পন্ন ঈশ্বর, ভগবান্,
তোমাতে এ উভয় বিরুদ্ধ নহে। ৬।২।৩৩

অন্য স্থানে বলিতেছেন :—

তুমকরণঃ স্বরাড়খিলকারকশক্তিধরঃ . . . । ভাগঃ ১০।৮।৭।২৪

—তুমি নিজে ইন্দ্রিয়সম্বন্ধ রহিত হইয়াও, সমস্ত প্রাণিবর্গের ইন্দ্রিয়শক্তি
বিধান করিয়া থাক। ভাগঃ ১০।৮।৭।২৪

অতএব, সিদ্ধ হইল যে, ব্রহ্মতত্ত্ব বাক্ মনের অগোচর,
অচিন্ত্য। স্মৃতরাং তর্কের দ্বারা তাহার সিদ্ধান্ত হইবার নয়। শ্রুতিই
তাহার একমাত্র প্রমাণ। সমুদায় বিরোধ তাঁহাতেই পর্য্যবসান।
শ্রুতি বলিয়াছেন যে, নিরবয়ব হইলেও, তাঁহার একপাদে বিশ্বভুবন ও
ত্রিপাদে স্বরূপাবস্থিতি। তিনি বিশ্বের সৃষ্টি স্থিতি লয়ের একমাত্র কারণ হইলেও,
তিনি তত্ত্ব কর্মের দ্বারা লিপ্ত নহেন। তিনি নিঃসঙ্গ, উদাসীন। অতএব,
পূর্বপক্ষের আপত্তি গ্রহণীয় নহে।

ভিত্তিঃ—

“একো বশী সৰ্বভূতাস্তরায়া একং রূপং বহুধা যঃ করোতি” ।

(কঠঃ ২।১।১২)

—বশী (সৰ্বনিয়ন্তা) ও সৰ্বভূতের অস্তরায়া স্বরূপ যিনি এক হইয়াও আপনাকে দেব, তিৰ্য্যক, মনুষ্যাদি ভেদে বহুপ্রকার করিয়া থাকেন ।

(কঠঃ ২।১।১২)

সূত্রঃ—২।১।২৯

আত্মনি চৈবং বিচিত্রাশ্চ হি ॥ ২।১।২৯ ॥

আত্মনি + চ + এবং + বিচিত্রাঃ + চ + হি ।

আত্মনিঃ—আত্মাতে । **চঃ**—ও । **এবংঃ**—এইরূপ । **বিচিত্রাঃ**ঃ—
নানা প্রকার । **চঃ**—ও । **হিঃ**—নিশ্চয়ে ।

• ভগবান্ আপনি আপনাতে বিবিধ রূপ প্রকটিত করেন । পরমাত্মাতে এইরূপ বিচিত্র শক্তিসকল বর্তমান আছে । শিরোদেশে উদ্ধৃত শ্রুতিই তাহার প্রমাণ । নিগুৰ্ণ, শুদ্ধ, অপরিচ্ছিন্ন, ব্রহ্মের সৃষ্টিকর্তৃতা তাহার অচিন্ত্য শক্তি বিকাশ দ্বারা হয় । ইহা আমরা ১।১।২ সূত্রের আলোচনায় মৈত্রেয় প্রশ্নে ও পরাশরের সমাধানে উল্লেখ করিয়াছি । এখানে পুনরুল্লেখ নিম্প্রয়োজন ।

শ্রীমদ্ভাগবতের ৬।৪।২৬, ৬।৪।২৭ শ্লোক এই দ্বিতীয় খণ্ডের প্রথম পৃষ্ঠায় উদ্ধৃত হইয়াছে ও সেইখানে উহার সরলার্থও দেওয়া হইয়াছে । তাহাতে প্রতিপাদিত হইবে যে, সমুদায় বিরুদ্ধবাদের আশ্রয় তিনিই । এই এক কথাই আমরা ১।১।৩ সূত্রের আলোচনায়ও পাইয়াছি (পৃঃ ২৬০-২৬১) । সুতরাং এখানে আর পুনরুদ্ধার করা গেল না । তিনি যে অরূপ হইয়াও বহুরূপ, তাহার শক্তি যে অনন্ত, তিনি যে সময়ে বহুরূপ সেই এক সময়েই পরমেশ, অপ্রচ্যুতস্বরূপ ব্রহ্ম, এবং তিনি যে আশ্চর্য্যকৰ্ম্মা, ইহা শ্রীমদ্ভাগবত সাক্ষাৎ সম্বন্ধে বলিয়াছেন :—

• তস্মৈ নমঃ পরেশায় ব্রহ্মণেহনন্তশক্তয়ে ।

অরূপায়োরূপায় নম আশ্চর্য্যকৰ্ম্মণে ॥ ভাগঃ ৮।৩।৯

এই শ্লোকটি ১।১।৩ সূত্রের আলোচনায় ২৬৩ পৃষ্ঠায় উদ্ধৃত হইয়াছে এবং সেখানে ইহার সরলার্থ দেওয়া হইয়াছে । এখানে আর পৃথক্ দিলাম না । সেখানে উদ্ধৃত ১০।১৬।৩৬, ১০।১৬।৩৯ শ্লোক দুটিও দ্রষ্টব্য (পৃঃ ২৬২) । তাহা হইতে তাহার বিচিত্র শক্তিমণ্ডার পরিচয় পাওয়া যাইবে ।

সূত্র :—২।১।৩০

স্বপক্ষদোষাচ্চ ॥ ২।১।৩০ ॥

স্বপক্ষদোষাৎ + চ ॥

স্বপক্ষদোষাৎ :—নিজের পক্ষের দোষ হয় বলিয়া । চ :—ও ।

পূর্বপক্ষ ২।১।২৭ সূত্রে যে আপত্তির উত্থাপন করিয়াছেন, সেই আপত্তি, প্রধান-কারণ-বাদী সাংখ্যের পক্ষে এবং পরমাণু-কারণ-বাদী বৈশেষিকের পক্ষেও প্রযোজ্য। কারণ, সাংখ্য, প্রধানকে নিরবয়ব বলেন, এবং বৈশেষিকও পরমাণুকে নিরংশ নিস্প্রদেশ বলিয়া থাকেন। যদি সাংখ্য বলেন যে, প্রধান ত্রিগুণময়ী—সত্ত্ব, রজঃ, তমোগুণেই তাহার অবয়ব—অতএব প্রধান সাবয়ব। ইহার উত্তরে আমরা বলি যে গুণত্রয় তো নিরবয়ব, সুতরাং তাহাদের সংমিশ্রণে “কুৎস্ন প্রসক্তি” দোষ আসিয়া পড়িতেছে ; এবং নিরবয়বত্ব বিধায়, তদ্বারা স্থূল কিছুই উৎপন্ন হইতে পারে না। বিশেষতঃ, প্রধান যে জগৎকারণ, সে প্রতিজ্ঞাও ব্যাহত হয় এবং সাংখ্যের তত্ত্ব সংখ্যা অধিক হইয়া পড়ে। বৈশেষিকের পরমাণুও নিরবয়ব হওয়ায়, “কুৎস্ন প্রসক্তি” দোষ সমানভাবে প্রযোজ্য, এবং পরমাণুর মিলনে স্থূল দ্রব্যের উৎপত্তি অসম্ভব। অতএব, সাংখ্য ও বৈশেষিক, উভয় পক্ষেই দোষ। যে দোষ উভয় পক্ষেই বর্তমান, তাহা উত্থাপন না করাই উচিত ছিল। যাহা হউক, আমরা ত প্রতিপাদন করিয়াছি যে, ব্রহ্ম-কারণ-বাদে উক্ত দোষ স্পর্শে না।

ভিত্তিঃ—

“মনোময়ঃ প্রাণশরীরো ভারূপঃ সত্যকামঃ সত্যসংকল্প আকাশাত্মা
সর্বকর্মা সর্বকামঃ সর্বগন্ধঃ সর্বরসঃ সর্বামদমভ্যাভ্যোহ্বাক্যানাদরঃ ॥”

(ছান্দোগ্যঃ ৩।১৪।২)

—তিনি মনোময়, অর্থাৎ মানস-সংকল্প-প্রধান, প্রাণ তাঁহার শরীর,
ভা—দীপ্তি—তাঁহার স্বরূপ, তিনি সত্যকাম, সত্য সংকল্প, আকাশ সদৃশ,
সর্বকর্মা, সর্বকাম, সর্বগন্ধ, সর্বরস, বাক্য ও আদর রহিত, অধিক কি,
এই সমস্ত জগতে পরিব্যাপ্ত আছেন। (ছাঃ ৩।১৪।২)

সূত্রঃ—২।১।৩১

সর্বোপেতা চ তদর্শনাৎ ॥ ২।১।৩১ ॥

সর্বোপেতা + চ + তদর্শনাৎ ।

সর্বোপেতাঃ—সর্বশক্তিয়ুক্তা পরা দেবতা । **চঃ—**ও । **তদর্শনাৎঃ—**
যেহেতু শ্রুতিতে সেইরূপ দেখা যায় ।

ব্রহ্ম যে কেবলমাত্র বিচিত্র শক্তিয়ুক্ত, তাহা নহে । তিনি সর্বশক্তিয়ুক্ত ।
তিনি সমুদায় করিতে শক্তিমান্ । ছান্দোগ্য শ্রুতির শিরোদেশে উদ্ধৃত মন্ত্র
হইতে তাহাই দেখা যায় । অন্যান্য বহু শ্রুতি-মন্ত্রেও ঐ প্রকার দেখা যায় ।
যথাঃ—ছান্দোগ্য শ্রুতির ৩।১।৪ মন্ত্রে তাঁহাকে “সত্যকামঃ সত্যসংকল্পঃ”
বলিয়া বর্ণনা করিয়াছেন । ২।১।২৫ সূত্রে শিরোদেশে উদ্ধৃত খেতাখতর
শ্রুতির ৬।৮ মন্ত্রেও তাঁহার সান্নিধ্যমাত্রে কার্য্য সম্পাদন ক্ষমতা বর্ণনা করিয়াছেন ।

শ্রীমদ্ভাগবতের ১০।১৬।৩৬ শ্লোকে তাঁহার অনন্ত শক্তির উল্লেখ আছে ।
যথাঃ—

জ্ঞানবিজ্ঞান নিধয়ে ব্রহ্মাণেহনন্তশক্তয়ে ।

অগুণায়াবিকারায় নমস্তে প্রাকৃতায় চ ॥ ভাগঃ ১০।১৬।৩৬

আপনি জ্ঞান ও বিজ্ঞান পরিপূর্ণ, অনন্ত শক্তিসম্পন্ন, নিগুণ, নির্বিকার,
প্রকৃতি প্রবর্তক ব্রহ্ম । আপনাকে নমস্কার । ভাগঃ ১০।১৬।৩৬

জ্ঞানক্রিয়ার্থফলরূপতয়োরুশক্তিব্রহ্মৈব ভাতি সদসচ্চ তয়োঃ
পরং যৎ ॥ ভাগঃ ১১।৩।৩৮

ব্রহ্ম অনন্ত-শক্তিমান্, এক তিনিই ইন্দ্রিয়াধিষ্ঠাত্রী দেবতা, ইন্দ্রিয়, বিষয় এবং
বিষয় হইতে প্রকাশিত স্মৃৎসুখাদি ফলরূপে প্রকটিত হন। তিনিই কার্য্য,
তিনিই কারণ, এবং তিনি তদুভয়ের অতীত। ভাগঃ ১১।৩।৩৮

স সৰ্ব্বনামা স চ বিশ্বরূপঃ প্রসীদতাম্ নিরুক্তায়শক্তিঃ ॥

ভাগঃ ৬।৪।২৩

—তিনি সৰ্ব্বনামধারী, তিনি বিশ্বরূপ, তাঁহার শক্তি বাক্য-মনের অগোচর।
তিনি প্রসন্ন হউন। ভাগঃ ৬।৪।২৩

ভিত্তি :—

“ন তস্য কার্য্যং করণঞ্চ বিঘ্নতে.....” । (শ্বেতাঃ ৬৮)

—তঁহার কার্য্য (শরীর) নাই, তঁহার করণও (ইন্দ্রিয়) নাই ।
(শ্বেতাঃ ৬৮) ।

“অপানিপাদো জ্বনো গ্রহীতা পশ্যত্যক্ষুঃ স শৃণোত্যকর্ণঃ ।

(শ্বেতাঃ ৩১২)

—তঁহার হস্ত নাই, পদ নাই, তথাপি তিনি গমন করেন, এবং গ্রহণ করেন ।
ক্ষুঃ নাই, তথাপি দর্শন করেন, কর্ণ নাই তথাপি শ্রবণ করেন । (শ্বেতাঃ ৩১২) ।

সংশয় :—তিনি সর্বশক্তিমান্ অতএব তঁহার কিছুই অসম্ভব নহে, বলিলে ।
কিন্তু তঁহার ত দেহ ইন্দ্রিয়াদি নাই । শিরোদেশে উদ্ধৃত শ্বেতাশ্বতর শ্রুতির ৬৮
মন্ত্রাংশই তাহার প্রমাণ । যদি তঁহার—দেহ ইন্দ্রিয়াদি না থাকে, তবে শক্তি
ক্লাহাকে আশ্রয় করিয়া থাকিবে? এই সংশয়ের কল্পনা করিয়া—সূত্রকার সূত্র
করিলেন—প্রথমাংশে আপত্তি বা সংশয় ও শেষাংশে সমাধান ।

সূত্র :—২।১।৩২

বিকরণহ্যন্তেতি চেৎ, তহুক্তম্ ॥ ২।১।৩২ ॥

বিকরণহ্যৎ + ন + ইতি + চেৎ + তৎ + উক্তম্ ।

বিকরণহ্যৎ :—করণের অভাব হেতু । **ন :**—না । **ইতি :**—ইহা ।
চেৎ :—যদি বল । **তৎ :**—তাহা, তাহার উত্তর । **উক্তম্ :**—কথিত
হইয়াছে ।

শিরোদেশে উদ্ধৃত শ্রুতিমন্ত্রে জানা যায় যে, তঁহার দেহ ও ইন্দ্রিয়গ্রাম
বর্তমান নাই । অতএব, কার্য্যারম্ভ তঁহার পক্ষে কি করিয়া সম্ভব হইবে, যদি
ইহা বল, তাহা হইলে উত্তরে বলিব যে, ইহার উত্তর ত পূর্বেই দেওয়া হইয়াছে ।
২।১।২৮ ও ২।১।২৯ সূত্রের আলোচনায়, তিনি নিরবয়ব ও ইন্দ্রিয়রহিত হইলেও,
বিচিত্র শক্তিয়োগে জগৎ সৃষ্টি স্থিতি ও লয় করেন, তাহা শ্রুতিপ্রমাণ দ্বারা
সিদ্ধান্ত স্থাপন করা হইয়াছে । শ্বেতাশ্বতরই বলিতেছেন যে, “সর্বতঃ
পানিপাদং তৎ সর্বতোহক্ষিরোমুখম্ । সর্বতঃ শ্রুতিমন্ত্রোকে
সর্বমাবৃত্য ভিষ্ঠতি ॥” তিনি করণ গ্রাম বিরহিত হইলেও, তিনি সর্বতঃ
পানিপাদবিশিষ্ট, সর্বতঃ চক্ষু মস্তক ও বদন সম্পন্ন, সর্বতঃই শ্রুতি সম্পন্ন, এইরূপে
তিনি বিশ্বের সকল স্থলই আবৃত করিয়া অবস্থিতি করিতেছেন ।

(শ্বেতাঃ ৩১৬)

শ্রীমদ্ভাগবত স্পষ্টই বলিয়াছেন, “তুমি নিজে ইন্দ্রিয়সম্বন্ধ রহিত হইয়াও, সমস্ত প্রাণীবর্গের ইন্দ্রিয়শক্তি বিধান করিয়া থাক।” ভাগঃ ১০।৮।১২৪ (দেখ ২।১।২৮ সূত্রের আলোচনায় উদ্ধৃত শ্লোকাংশ)

শ্রীভগবান্ ভক্তানুগ্রহের জন্ত শরীরধারী হইলেও, তাঁহার শরীর প্রাকৃত শরীর নহে। তাঁহার সমুদায় অঙ্গ প্রত্যঙ্গ সমুদায় ইন্দ্রিয় বৃত্তিতে অনুপ্রাণিত। দর্শকের চক্ষুতে হস্ত পদাদি রূপে প্রতীয়মান হইলেও, উহারা অগাঢ় ইন্দ্রিয়ের কার্য সাধন করিতে সমর্থ। বিশেষতঃ, সমুদায় দর্শক তাঁহাকে যে একইরূপে দেখিবে তাহা নহে। বনভোজন সময়ে তাঁহার সখাগণ তাঁহার চতুর্দিকে উপবেশন করিয়া ভোজন করিয়াছিলেন। যদি তাঁহার শরীর প্রাকৃত হইত, তাহা হইলে কেহ সম্মুখে কেহ পৃষ্ঠদেশে বসিতেই হইত, কিন্তু ভাগবতকার বলেন যে, সকলে শ্রীকৃষ্ণের চতুর্দিকে বসিলেও শ্রীকৃষ্ণ সকলের সম্মুখে ছিলেন। যথা :—

কৃষ্ণস্য বিষক্পুরুরাজিমগুলৈরভ্যাননাঃ ফুল্লদৃশো ব্রজার্ভকাঃ ।

সহোপবিষ্টা বিপিনে বিরেজুচ্ছদা যথাস্তোরুহকর্ণিকায়াঃ ॥

ভাগঃ ১০।১৩।৬

ব্রজ বালকগণ শ্রীকৃষ্ণের চতুর্দিকে ভূরি ভূরি পংক্তি রচনা করিয়া উপবিষ্ট হইল। কিন্তু আশ্চর্যের বিষয় এই যে, পদ্মকর্ণিকার চতুর্দিকস্থ পত্রসকল যেমন সকলেই কর্ণিকার অভিমুখে থাকে, সেইরূপ সমুদায় ব্রজ বালক আপন সমক্ষে শ্রীকৃষ্ণের মুখ দেখিয়া উৎফুল্ল দৃষ্টিতে বিরাজমান হইল। ভাগঃ ১০।১৩।৬।

আরও আশ্চর্যের বিষয় যে, প্রত্যেকেই শ্রীকৃষ্ণকে আপন আপন সম্মুখে অবস্থিত দেখিয়া তাহারা কেহই বিস্মিত হয় নাই, এবং বুঝিতেও পারে নাই যে, অপর বালক শ্রীকৃষ্ণের মুখই দেখিতেছে, পৃষ্ঠাদি দেখে নাই। অথবা, তাহাদের পক্ষে শ্রীকৃষ্ণের মুখ দেখা প্রাকৃতিক নিয়মানুসারে কোনও প্রকারে সম্ভব নহে। শ্রীভগবানের অচিন্ত্য-শক্তি বৈভব এ প্রকার যে, নিজ নিজ চক্ষের সম্মুখে ঐশী শক্তির বিকাশ দেখিলেও, তাহা বুঝিতে পারে যায় না। দাম-বন্ধন-লীলার মাতা যশোদারও তাহাই হইয়াছিল। ক্ষুদ্র বালককে বাঁধিবার জন্ত গোকুলের গো-বৃষাদি বন্ধনের যেখানে যত দড়ি ছিল, তাহাদিগের দ্বারায় বন্ধন করিতে অসমর্থ হইলেও যে, তিনি ঐশী লীলার খেলা, অথবা ইহা যে কোনও প্রকার আশ্চর্যের বিষয়, তাহা মনে করিয়া বন্ধন চেষ্টা হইতে বিরত হন নাই।

পুলিন ভোজনে এক শ্রীকৃষ্ণকে সমুদায় সখা নিজ নিজ সম্মুখে উপবিষ্ট শ্রীকৃষ্ণ-

রূপেই দেখিয়াছিলেন, কারণ তাঁহারা সকলেই কৃষ্ণভাবে মুগ্ধ । কিন্তু সেই বালক শ্রীকৃষ্ণ যখন কংসের সভায় গমন করিলেন, তখন সভাস্থ ব্যক্তিগণ এক শ্রীকৃষ্ণকেই নিজ নিজ মনের ভাব অনুসারে ভিন্ন ভিন্ন রূপে দেখিয়াছিলেন । শ্লোকটি বড়ই মধুর । নীচে উদ্ধার করা গেল :—

মল্লানামশনির্নাং নরবর স্ত্রীনাং সুরো মূর্ত্তিমান্
গোপানাং স্বজনোহসতাং ক্ষিত্তিভুজাং শাস্ত্রা স্বপিত্রোঃ শিশুঃ ।
মৃত্যুর্ভোজপতের্বিরাড়বিভূষাং তত্বং পরং যোগিনাম্
বৃষ্ণীনাং পরদেবতেতি বিদিতো রঙ্গং গতঃ সাগ্রজঃ ॥

ভাগঃ ১০।৪৩।১৪

—শ্রীকৃষ্ণ অগ্রজ বলদেবের সহিত রঙ্গমধ্যে প্রবেশ করিয়া বিবিধ ভাবে প্রকাশমান হইলেন । মল্লদিগের অশনি, মানবদিগের নরবর, যুবতীদিগের মূর্ত্তিমান্ কন্দর্প, গোপদিগের স্বজন, অসং নরপতিদিগের শাসনকর্তা, নিজের পিতামাতার নিকট শিশু, ভোজপতি কংসের মৃত্যু, অবিদ্বংজনের পক্ষে বিরাট স্বরূপ, যোগিগণের পরমতত্ত্ব, ও বৃষ্ণদিগের পরম দেবতা রূপে প্রতীত হইলেন । ভাগঃ ১০।৪৩।১৪

তৈত্তিঃ শ্রুতিতে “রঙ্গো বৈ সঃ” (তৈত্তিঃ, আনন্দঃ ৭), “তিনিই রঙ্গ” বলিয়া উক্ত আছেন । এখানে সাক্ষাৎ ভাবে সর্বদক্ষের প্রকট করিলেন যে, তিনি রঙ্গদেব মূর্ত্তি । এক সময়ে, একাধারে, রোদ্ভ, অদ্ভুত, শৃঙ্গার, হাস্য, বীর, করুণ, ভয়ানক, বীভৎস, শাস্ত্র এবং সপ্রেমভক্তিক দশবিধ রঙ্গমূর্ত্তিমান্ রূপে সভার মধ্যে সকলের সমক্ষে প্রকাশিত হইয়া উক্ত শ্রুতিমন্ত্রের সার্থকতা প্রমাণ করিলেন । কিন্তু আশ্চর্য্যের বিষয়, ইহাতে কেহই ঐশী শক্তির ব্যাপার বলিয়া মনে করিল না । তাহা যদি করিত, তাহা হইলে আর মল্লগণের সহিত যুদ্ধও হইত না, কংস বধাদিও হইত না । ইহাই শ্রীভগবানের অচিন্ত্য শক্তি । • ইহাই তাঁহার মায়া ।

এখন প্রশ্ন উঠিতে পারে যে, শ্রীকৃষ্ণ পূর্ণ ব্রহ্ম হউন, তিনি যখন মনুষ্য মূর্ত্তিতে অবতরণ করিয়াছেন, তখন অতিমানুষ ব্যাপার সম্পাদন করা কি উচিত ? ইহার উত্তর এই যে, ভাগবতকার যে দৃষ্টান্তগুলি দেখাইয়াছেন, তাহাতে প্রমাণ করিতে চাহিতেছেন যে, তিনি মানবমূর্ত্তিধারী হইলেও, স্বরূপ হইতে বিচ্যুত হন নাই । এবং ঐশী বিভূতি বিকাশ মাঝে মাঝে

করিলেও, কেহই তাহা উক্ত বিভূতির খেলা বলিয়া বুঝিতেও পারে নাই। তাহারাই তাঁহার সমুদায় কার্যই মানব দ্বারা কৃত কার্যের ন্যায়ই দেখিয়াছিল। সুতরাং ইহাতে দোষ কি? বহির্নুখ জীবগণ শ্রীকৃষ্ণকে কি ভাবে দেখিত, তাহা মহাভারতোক্ত রাজস্বয় যজ্ঞে শিশুপাল কর্তৃক শ্রীকৃষ্ণভৎসনে স্পষ্টই ব্যক্ত হইয়াছে। শ্রীমদ্ভাগবতেও যাজ্ঞিক ব্রাহ্মণগণের নিকট শ্রীকৃষ্ণ কর্তৃক অন্নযাজ্ঞা ও তাহার প্রত্যাখ্যান পাঠ করিলে বুঝা যায় যে, তাঁহারাই শ্রীকৃষ্ণকে মানব-শিশু ভিন্ন অন্য কিছুই মনে করিতেন না। (শ্রীমদ্ভাগবত, ১০।২৩ অধ্যায়)

জরাসন্ধ স্বীয় জামাতা কংসবধের জন্ত সপ্তদশ বার মথুরা অবরোধ করিয়াছিলেন। যদি শ্রীকৃষ্ণ ভগবান্, ঐশী শক্তি প্রকাশ করিয়া কার্যোদ্ধার করেন বলিয়া তিনি জানিতেন, তাহা হইলে, তাহা করিতে সাহস করিতেন না (দেখ, ভাগবত ১০।৫০।৩৪)। আর ঐশী শক্তি বিকাশ করিয়া কার্যোদ্ধার করা যদি শ্রীকৃষ্ণের অভিপ্রেত হইত, তাহা হইলে তিনি জরাসন্ধের ভয়ে মথুরা ছাড়িয়া সমুদ্রবেষ্টিত দ্বারকাদুর্গে আশ্রয় লইতেন না (দেখ, ভাগবত ১০।৫০।৪১)। অন্য পক্ষে জরাসন্ধের অগণ্য সৈন্য সপ্তদশ বার অন্ন সংখ্যক সৈন্য দ্বারা পরাজয়, এবং সমুদ্র দুর্গে সমস্ত লোকজন, ধন, ঐশ্বর্য্য সহ আশ্রয় লওয়া সৈন্যাধ্যক্ষের সৈন্য চালনায়—চতুরতার ও অনন্য সাধারণ দক্ষতার পরিচায়ক। তাহার সমকালে আধুনিক বৈজ্ঞানিক প্রণালীতে সৈন্য সমাবেশ, নগর ও দুর্গরক্ষা প্রভৃতি যুদ্ধ সম্বন্ধীয় ব্যাপারে, তাঁহার অদ্ভুত প্রতিভাই পরিচয় দেয়। ষাঁহার ক্রভঙ্গে শত শত ব্রহ্মাণ্ডের পতন ও উত্থান, তাঁহার অচিন্ত্য শক্তির নিকট জরাসন্ধের কয়েক অক্ষৌহিনী সৈন্যের কথা কি? অতএব তিনি মানবদেহে থাকা কালে ঐশী শক্তির পরিচয় দেন নাই। যদি কখনও দিয়া থাকেন, তাহা তাঁহার অন্তরঙ্গ-দিগের মধ্যে এবং ভক্তানুগ্রহের জন্ত। রাসলীলার গোপীগণ প্রত্যেকে নিজ নিজ সমীপে শ্রীকৃষ্ণ দর্শন করিয়া (ভাগবত ১০।৩৩।৩) আনন্দেই বিভোর ছিলেন। তাহা যে তাঁহার অচিন্ত্য শক্তি বিকাশে সম্ভব হইয়াছিল, অথবা, তাহাতে যে আশ্চর্য্য হইবার কিছু ছিল, অথবা প্রত্যেকেই শ্রীকৃষ্ণকে আপন আপন কাছে পাইয়াছিলেন, ইহা অপর গোপী অনুধাবন করিতে পারিয়াছিলেন কিনা, ইহা তাঁহার চিন্তা করিবার অবসরও পান নাই। অতএব, ভাগবতকার তাঁহার অচিন্ত্য শক্তিমত্তা, মানব মূর্ত্তি ধারণ করিলেও, বর্ত্তমান থাকে, তিনি তখনও স্বরূপ হইতে অপ্রচ্যুত স্বভাব, ইহাই প্রকটিত করিবার জন্ত, যদি ঐ প্রকার উল্লেখ করিয়া থাকেন, তাহাতে কোনও দোষ হয় নাই।

ভাগবতকারের আরও একটি উদ্দেশ্য এই যে, ভগবান্ হাজার লুকাইবার

চেষ্টা করিলেও, ভক্তগণের নিকট তিনি নিজেকে লুকাইতে পারেন না। ভক্তগণ চাহিলে, তিনি আর্পনাকেও দান করিয়া থাকেন। (“আত্মানমপি যচ্ছতি” ভাগঃ ১০।৮০।৮)। এই ভক্ত বাৎসল্য প্রকাশ করাও ভাগবতকারের উদ্দেশ্য। এজ্ঞ পুন্ড্রিনে সখাগণের ও রাসমণ্ডলে গোপীগণের ইচ্ছা সম্পাদনার্থ তিনি ঐশী বিভূতি প্রকট করিয়া তাঁহাদিগকে কৃতার্থ করিয়াছিলেন। কিন্তু তাঁহারা ভাবে এতই বিভোর ছিলেন যে, ইহাতে যে কিছু অপ্রাকৃতিক আছে, তাহা ভাবিবারও অবসর ছিল না। অস্ততঃ, তাঁহারা এ প্রকার কিছু ভাবিয়াছিলেন, বা, আশ্চর্য্য হইয়াছিলেন, তাহার কোনও নিদর্শন নাই।

প্রসঙ্গতঃ অনেক অবাস্তুর কথার অবতারণা হইয়া পড়িয়াছে। তবে এ প্রকার সন্দেহ অনেকেরই হইতে পারে বলিয়া সংক্ষেপ আলোচনা ক্ষমাই বলিয়া বিবেচিত হইতে পারে।

১৩। প্রয়োজনবহ্বাধিকরণ ॥

সূত্র :—২।১।৩৩ ॥

ন প্রয়োজনবহ্বাৎ ॥ ২।১।৩৩

ন,+ প্রয়োজনবহ্বাৎ ।

ন :—না । প্রয়োজনবহ্বাৎ :—কার্য প্রবৃত্তিতে প্রয়োজনবহ্ব দর্শন হেতু ।

এটি পূর্বপক্ষ সূত্র । পূর্বপক্ষ আপত্তি করিতেছেন, যদিও সৃষ্টির পূর্বে ব্রহ্ম একমাত্র বর্তমান ছিলেন, এবং তাঁহার অচিন্ত্য শক্তিও বিদ্যমান আছে, যদ্বারা তিনি জগৎ সৃষ্টি করিতে সমর্থ হইতে পারেন, কিন্তু তাঁহার জগৎ সৃষ্টির প্রয়োজন কি ? তোমরা ত তাঁহাকে আত্মারাম, আপ্তকাম বলিয়া থাক, তাহা হইলে, তাঁহার নিজের এমন কোনও প্রয়োজন নাই, যাহাতে তাঁহার জগৎ সৃষ্টির প্রবৃত্তি হইবে । দৃশ্যমান জগতে দেখা যায় যে, লোক হয় নিজের অথবা অপরের প্রয়োজনসিদ্ধির জন্ত কোনও কার্য করিয়া থাকে । ব্রহ্মের ত নিজের প্রয়োজনই নাই । তাহা উপরে দেখান হইল । আবার সৃষ্টির পূর্বে তিনি যখন সজাতীয়-বিজাতীয় ভেদশূন্য, এক অদ্বিতীয় ছিলেন, তখন অপর এমন কেহই নাই যে, তাহার জন্ত জগৎ রচনার প্রসঙ্গ উঠিতে পারে ।

অপরন্তু, যদি অপর কেহ বিদ্যমান থাকাত স্বীকার করা যায়, তাহা হইলে, তাহার প্রতি অনুগ্রহের জন্ত, অথবা তাহার উপকারের জন্ত, জগৎ সৃষ্টি সম্ভব হইতে পারে । কিন্তু জগতে জন্ম, জরা, মরণ, শোক, দুঃখ, ক্লেশ, বিপদ প্রভৃতির প্রতি দৃষ্টিপাত করিলে, ইহা যে কাহারও উপকারের জন্ত বা অনুগ্রহের জন্ত সৃষ্ট হইয়াছে, তাহা প্রতীত হয় না । যদি, চেতন কেহ সৃষ্টিকর্তা হন, তবে তিনি উন্নত ভিন্ন কিছুই নহেন । তাহা যদি স্বীকার কর, তবে তাহার সম্বন্ধে সর্বজ্ঞত্বাদি শ্রুতির বচন অনর্থক হইয়া পড়ে । সুতরাং চেতন ব্রহ্ম জগৎ-কারণ হইতে পারে না । ইহার উত্তরে সূত্রকার সিদ্ধান্ত সূত্র করিলেন :—

সূত্র :—২।১।৩৪

লোকবত্ত্ব লীলাকৈবল্যম্ ॥ ২।১।৩৪ ॥

লোকবৎ + ত্ব + লীলাকৈবল্যম্ ।

লোকবৎ :—লোকে সচরাচর দৃষ্টের গায় । ত্ব :—কিন্তু । লীলা-
কৈবল্যম্ :—লীলাই কেবল প্রয়োজন ।

লোক দৃষ্টান্তে দেখা যায় যে, যেমন মনে সুখোদ্ভেদ হইলে, লোকে গান বা নৃত্য করিয়া থাকে, তাহার কোনও ফলাভিগন্ধি বা প্রয়োজনীয়তার প্রতি লক্ষ্য থাকে না, সেইরূপ আনন্দস্বরূপের আনন্দোদ্ভেদ স্বভাব-বশতঃ হইয়া থাকে । সেই আনন্দোদ্ভেদেই সৃষ্টি হইয়া থাকে । তাহাতে প্রয়োজনবুদ্ধি বা ফলাভি-সন্ধি কিছু মাত্র নাই ।

(আমরা ২।১।২৩ সূত্রের আলোচনায় এই সিদ্ধান্তেই উপনীত হইয়াছি ।)

শ্রীমদ্ভাগবত ইহা বলিয়াছেন :—

ক্রীড়ার্থমাঅন ইদং ত্রি জগৎ কৃতস্তে... । ভাগঃ ৮।২।২০

—ভূঃ, ভুবঃ, স্বঃ এই তিন জগৎ আপনি আপনার ক্রীড়ার্থ রচনা করিয়াছেন ।

ভাগঃ ৮।২।২০

ইত্যুদ্বেনাত্যনুরক্তচেতসা পৃষ্টো জগৎ ক্রীড়নকঃ স্বশক্তিভিঃ ।

ভাগঃ ১১।২।২৭

—অতি অনুরক্তচেতা উদ্ব কৰ্তৃক স্বীয় শক্তি দ্বারা জগৎ ক্রীড়নক ঈশ্বর সৃষ্ট হইয়া । ভাগঃ ১১।২।২৭

ন তেহ্ভবশ্চেষ্টা ভবশ্চ কারণং বিনা বিনোদং বত তর্কয়ামহে ।

ভাগঃ ১০।২।৩৯

—হে ঈশ ! আপনার জন্ম নাই । আপনার জন্মগ্রহণ আপনার ক্রীড়া ব্যতীত আর কিছুই নহে, ইহা আমরা সিদ্ধান্ত করি । ভাগঃ ১০।২।৩৯

স্বসুখমুপগতে কচিৎ বিহর্তুং প্রকৃতিমুপেয়ুষি যদ্ ভবপ্রবাহঃ ।

ভাগঃ ১।২।২৯

—তিনি সর্বদাই নিজ স্বরূপে পরমানন্দে প্রতিষ্ঠিত আছেন । কদাচিৎ বিহার বাসনায় প্রকৃতি স্বীকার করেন । তখন সৃষ্টিপ্রবাহ উদ্ভূত হয় । ভাগঃ ১।২।২৯

অখিল-জগৎপত্তি-স্থিতি-লয়-নিমিত্তায়মান-দিব্যমায়া বিনোদশ্চ .. ।

ভাগঃ ৬।২।৩৯

—অখিল জগতের উৎপত্তি, স্থিতি, লয়ের নিমিত্ত ঐহার দিব্য মায়া বিনোদ । ভাগঃ ৬।২।৩৯

ভগবানের এই যে লীলা কেন হয়, ইহার উত্তর, তাঁহার ইচ্ছা, একের বহু হইয়া ক্রীড়া করিবার ইচ্ছা । এসম্বন্ধে আলোচনা আমরা পূর্বে করিয়াছি । এখানে আর বিস্তার করিব না ।

শ্রীমদ্ভাগবতে উক্ত আছে যে, বিদুর এই প্রশ্ন মৈত্রেয় ঋষিকে করিয়াছিলেন,
যথা :—

বিদুর উবাচ :—

ব্রহ্মন্ কথং ভগবতশ্চিন্মাত্রশ্চাবিকারিণঃ ।

লীলয়া বাপি যুজ্যোরন্ নিগুণস্য গুণাঃ ক্রিয়াঃ ॥

ভাগঃ ৩।৭।২

ক্রীড়ায়ামুত্তমোহভস্য কামশ্চক্রীড়িবান্ভতঃ ।

স্বতস্তুপ্তস্য চ কথং নিবৃত্তস্য সদান্ভতঃ ॥ ভাগঃ ৩।৭।৩

—বিদুর জিজ্ঞাসা করিলেন, হে ব্রহ্মন্ ! ভগবান্ চিন্মাত্ররূপী ও নির্বিকার । তাঁহার গুণ ও ক্রিয়া সম্বন্ধ কি প্রকারে হয় ? যদি বলেন, লীলাবশতঃ হইয়া থাকে, তাহাতেও জিজ্ঞাস্য এই যে, বিকারশূন্যের ক্রিয়া ও নিগুণের গুণ, লীলার দ্বারাই বা কিরূপে হয় ? ভাগঃ ৩।৭।২

—বালকের গায়ও তাঁহার ক্রীড়া যুক্তিসিদ্ধ হইতে পারে না । কারণ, বালকদের ক্রীড়ার প্রবৃত্তির হেতু—অভিলাষ, দ্রব্যাস্তর বা অন্য বালকের প্রবর্তনা । কিন্তু ভগবান্ স্বতঃ পূর্ণকাম, তাঁহার কোনও বাসনা নাই, তিনি অন্য হইতে নিবৃত্ত, অসঙ্গ, অদ্বিতীয় । অতএব, তাঁহার অভিলাষ কি প্রকারে হয় ?

ভাগঃ ৩।৭।৩

ইহার উত্তরে মৈত্রেয় ঋষি বলিলেন :—

সেয়ং ভগবতো মায়া যন্নয়েন বিরুদ্ধাতে ।

ঈশ্বরস্য বিমুক্তস্য কার্পণ্যগুত বন্ধনম্ ॥ ভাগঃ ৩।৭।৯

—বিমুক্ত স্বরূপ পরমেশ্বরের অবিজ্ঞাবন্ধন এবং কার্পণ্য, এই যে তর্ক-বিরোধ ইহাই অচিন্ত্যশক্তি ভগবানের সেই মায়া । ভাগঃ ৩।৭।৯

অর্থাৎ, ইহা যুক্তি-তর্কের দ্বারা প্রতিষ্ঠা করা অসম্ভব । এইরূপ হইয়া থাকে বলিয়াই হয়, যেমন দিবার পর রাত্রি, জাগরণের পর নিদ্রা, জোয়ারের পর ভাঁটা, শীতের পর গ্রীষ্ম, জন্মের পর বৃদ্ধি—ইহা স্বভাববশতঃ হইয়া থাকে বলিয়া হয় । সেইরূপ ভগবানেরও একবার জীব-জগৎ সমুদায় আত্মস্থ করিয়া নিষ্ক্রিয় নিরীহভাবে যোগনিদ্রায় অবস্থিতি, আবার আত্মস্থ জীব-জগৎ প্রকটিত করিয়া জাগরিতের গায় সৃষ্টি, স্থিতিতে ব্যাপৃতের গায় অবস্থিতি, ইহা তাঁহার স্বভাব বা মায়াবশতঃ হইয়া থাকে । ইহার অন্য উত্তর নাই । তাঁহার এইরূপ কারিকার কোনও নিয়ন্তা নাই বলিয়া কারণ অমূল্যস্বাদান নিরর্থক ।

আমরা দিবসের কার্য শেষ করিয়া রাতে যখন নিদ্রিত হই, তখন দিবসের কর্ম-সংস্কার যেমন আমাদের অন্তরে প্রস্থ থাকে, আবার জাগরণের সহিত সে সমুদায়ও জাগরিত হয়, সেইরূপ প্রলয়ে সমুদায় যখন আত্মস্থ করিয়া ভগবান্ নিদ্রিতের স্থায় নিরীহ ও নিষ্ক্রিয় থাকেন, তখন জীব-জগৎ সমুদায়ই তাঁহার অন্তরে বীজ বা শক্তি বা সংস্কার-মূর্তিতে থাকে, আবার সৃষ্টির প্রাক্কালে জাগরণের সময় সে সমুদায় জাগরিত হইয়া প্রকটিত হয়। তবে উভয় অবস্থায় তিনি স্বরূপে অবস্থিতি করেন। নিদ্রিত হইলে আমাদের জ্ঞান আচ্ছন্ন হয়, কিন্তু তাঁহার স্বপ্রকাশ জ্ঞান আচ্ছন্ন হয় না, জ্ঞান অব্যভিচারে প্রকাশিত থাকে, শক্তি সমুদায় স্থপ্ত থাকে মাত্র। শ্রীমদ্ভাগবত এই কথাই বলিয়াছেন :—

স বা এষ তদা দ্রষ্টা নাপশ্যদ্ দৃশ্যমেকরাট্ ।

মেনেহসন্তমিবাআনং সুপ্তশক্তিরসুপ্তদৃক্ ॥ ভাগঃ ৩।৫।২৪

(১।১।৫ সূত্রের আলোচনায় (পৃঃ ৩৮৪) ইহার অর্থ দেওয়া হইয়াছে) ।

তারপর, মায়ার সাহচর্য্যে সৃষ্টি প্রক্রিয়া বর্ণিত আছে। অতএব, আমরা পাইলাম যে, সৃষ্টি তাঁহার স্বভাববশতঃই হয়। ইহার নিয়ন্তা অপর কেহ নাই। ভগবদিচ্ছাই ইহার কারণ। এই সিদ্ধান্ত ব্রহ্মকোটি হইতে আলোচনার ফল।

বহিস্মুখ জীবকোটি হইতে আলোচনা করিলে, আমরা পাই যে,

এভিভূতানি ভূতান্মহাভূতৈর্মহাভূজ ।

সসর্জ্জাচ্চাবচাশ্চাত্তঃ স্বমাত্রাত্মপ্রসিদ্ধয়ে ॥ ভাগঃ ১।১।৩৩

(১।১।২ সূত্রের আলোচনায় ১০২ পৃষ্ঠায় ইহার অর্থ দেওয়া হইয়াছে) ।

কর্ম দ্বারাই যে সৃষ্টিবৈচিত্র্য, উচ্চ-নীচ জীব ভাব এবং বিচিত্র বিষয় ভোগ, তাহা আমরা ২।১।২৩ সূত্রের আলোচনায় বুঝিতে পারিয়াছি। ইহা অহৈতুকী, আকস্মিক নহে এবং ভগবানের সাধন দ্বারা মুক্তি লাভ এই বিচিত্র সৃষ্টির লক্ষ্য। মৈত্রেয় ঋষি ও বিহুর প্রশ্নের উত্তরে ঐ কথা বলিয়াই উপসংহার করিয়াছেন :—

অশেষ সংক্লেশ শমং বিধন্তে গুণানুবাদশ্রবণং মুরারেঃ ।

কিস্মা পুনস্তচরণারবিন্দপরাগসেবা রতিরাত্মলক্ষা ॥

ভাগঃ ৩।৭।১৪

—ভগবান্ মুরারির গুণানুবাদে এবং গুণকথা শ্রবণেও অশেষ ক্লেশের উপশম হয়। যাহারা তাঁহার পাদপদ্মের মকরন্দ সেবা বিষয়া রতি, মনোমধ্যে লাভ

করিতে পারে, তাহারা কি না করিতে পারে? তাহাদের কথা আর কি বলিব? ভাগ: ৩।৭।১৪

অতএব, যে কারণেই হউক, সৃষ্টি যখন হইয়াছে ও আমরা যখন সৃষ্ট জীবের মধ্যে পড়িয়াছি, তখন শ্রীভগবানের চরণ-পদ্মে মতি রাখাই আমাদের একান্ত কর্তব্য। তদ্ব্যতঃ, বিশ্বের সৃষ্টি, স্থিতি ও সংহার প্রভৃতি কৰ্মে ঈশ্বরের কর্তৃত্ব নাই। তবে যে ক্ষতিতে একের বহু হইবার ইচ্ছায় সৃষ্টি, যতদিন ঐ ইচ্ছা বর্তমান থাকে ততদিন স্থিতি, এবং উহার অবদানে প্রলয় বর্ণিত হইয়া থাকে, তাহা কেবল তাঁহার মায়া মাত্র, এবং পরমার্থতঃ অবাস্তব; তাহার প্রতিষেধ করিয়া নিত্য, সত্যস্বরূপ, নিষ্কল, নিষ্ক্রিয়, শাস্ত, নিরঞ্জন ব্রহ্ম প্রতিষ্ঠা করাই উদ্দেশ্য। (ভাগবত ২।১০।৪৪)

নাস্য কৰ্ম্মণি জন্মাদৌ পরস্যানুবিধীয়তে ।

কর্তৃত্বপ্রতিষেধার্থং মায়ায়া রোপিতং হি তৎ ॥ ভাগ: ২।১০।৪৪ .

১৪ । বৈষম্যনৈঘূর্ণ্যাধিকরণ ॥

ভিত্তি :—

“সাধুকারী সাধুভবতি, পাপকারী পাপো ভবতি, পুণ্যঃ পুণ্যেন
কৰ্ম্মণা ভবতি, পাপঃ পাপেন” । (বৃহদারণ্যকঃ ৩:৪।৫)

—উত্তম কৰ্ম্মকারী উত্তম হয়, আর পাপ কৰ্ম্মকারী পাপাত্মা হয়, পুণ্য
কৰ্ম্মদ্বারা পুণ্যবান্ হয়, আর পাপ কৰ্ম্মদ্বারা পাপী হয় । (বৃহদাঃ ৪।৪।৫)

সংশয় :—ব্রহ্ম যদি জগৎ-কারণ হন, এবং তিনি যদি সৰ্ব্বজ্ঞ, সৰ্ব্ববিৎ
হন, তবে তাঁহাতে বৈষম্য ও নির্দয়তা দোষ আসিয়া পড়ে । কারণ, জগতে
সুখী-দুঃখী, ধনী-নির্ধন, রাজা-ভিক্ষুক, এইরূপ নানা প্রকার বৈষম্য দেখা যায় ।
সুতরাং এ বৈষম্য ও তজ্জন্য নির্দয়তা, ব্রহ্ম হইতে জীবে সংক্রামিত । সুতরাং
উক্ত দোষ ব্রহ্মে অপরিহার্য হইয়া পড়ে । এই সংশয় প্রথমাংশে উল্লেখ ও
শেষাংশে তাহার সমাধান করিয়া সূত্রকার সূত্র করিলেন :—

সূত্র :—২।১।৩৫

বৈষম্য-নৈঘূর্ণ্যে ন সাপেক্ষত্বাৎ, তথাহি দর্শয়তি ॥ ২।১।৩৫

বৈষম্য-নৈঘূর্ণ্যে + ন + সাপেক্ষত্বাৎ + তথাহি + দর্শয়তি

বৈষম্য-নৈঘূর্ণ্যে :—বৈষম্য ও নির্দয়তা । ন :—না । সাপেক্ষত্বাৎ :
—যে হেতু উহা অর্থাৎ বৈষম্য জীবের কৰ্ম্মসাপেক্ষ ! তথাহি :—সেইরূপই ।
দর্শয়তি :—দেখাইতেছেন ।

তুমি সংশয় করিয়াছ যে, জগতে উত্তম, মধ্যম ও অধম নানা প্রকার প্রকৃতির
ও অবস্থার জীব থাকায়, ব্রহ্মে বৈষম্য ও নির্দয়তা দোষের প্রসক্তি আসিয়া পড়ে ।
তাহার উত্তরে বলি যে, না । ঐ প্রকার বৈষম্যের কারণ সাপেক্ষত্ব অর্থাৎ
জীবের কৰ্ম্মই সৃষ্টিগত বৈষম্যের কারণ । ইহাতে ব্রহ্মে নির্দয়তা দোষ আসে
না । শিরোদেশে উক্ত শ্রুতি মন্ত্রে তাহাই প্রকাশ করিয়াছেন ।

কৰ্ম্ম যে সৃষ্টি বৈচিত্র্যের এবং প্রত্যক্ষ দৃশ্যমান বৈষম্যের কারণ, তাহা আমরা
২।১।২৩ সূত্রের আলোচনায় পাইয়াছি । এখানে আর বিস্তারের প্রয়োজন
নাই ।

শ্রীমদ্ভাগবত এ প্রসঙ্গে কি বলেন, দেখা যাউক ।

ন হ্যশ্রুতিপ্রিয়ঃ কশ্চিন্নাপ্রিয়ো বাস্ত্যমানিনঃ ।

নোন্মমো নাধমো ব্যপি সমানশ্রাসমোহপি বা ॥ ভাগঃ ১০।৪৬'২৮

—তিনি অমানী—মান প্রার্থনা করেন না। তিনি সর্বত্র সমান, তাঁহার প্রিয় বা অপ্রিয় কেহই নাই। তাঁহার কাছে উত্তম, অধম বা অসম কেহ দৃষ্ট হয় না। ভাগ: ১০।৪৬।২৮

তবে তিনি কল্পতরু স্বভাব। কল্পতরু যেমন সকলের কাছে সমান, প্রার্থনা করিলেই প্রার্থিত বস্তু দান করে, তিনিও সেইরূপ। প্রার্থনা তাঁহাকে জানাইতে পারিলেই তিনি তাহা পূরণ করিয়া থাকেন।

সৰ্ব্বাত্মনঃ সমদৃশো বিষমঃ স্বভাবো ভক্তপ্রিয়ো যদসি কল্পতরু

স্বভাবঃ ॥ ভাগ: ৮।২৩।৬

(১।১।১ সূত্রের আলোচনায়, (পৃ: ৬৭) ইহার অর্থ দেওয়া হইয়াছে)।

ন তস্মৈ কশ্চিদমিতঃ সুহৃৎসমো ন চাপ্রিয়ো দ্বেষ্য উপেক্ষ্য এব বা ।

তথাপি ভক্তান্ ভজতে যথা তথা সুরক্রমো যদ্বহুপাশ্রিতোহর্থদঃ ॥

ভাগ: ১০।৩৮।২১

যদিও তাঁহার প্রিয় অপ্রিয়, হিত অহিত, সুহৃৎ অসুহৃৎ, অথবা উপেক্ষণীয় কেহ নাই, তথাপি কল্পতরু যেরূপ তদাশ্রিত ব্যক্তির প্রার্থিত ফল দান করে, তদ্রূপ তিনিও ভজনকারী ভক্তের প্রার্থনানুযায়ী ফল দান করিয়া থাকেন।

ভাগ: ১০।৩৮।২১

ন ব্রহ্মণঃ স্বপরভেদমতিস্তুব স্ম্যাং সৰ্ব্বাত্মনঃ সমদৃশঃ স্বসুখানুভূতেঃ ।

সংসেবতাং সুরতরোরিব তে প্রসাদঃ সেবানুরূপমুদয়ো ন

বিপর্যায়োহত্র ॥ ভাগ: ১০।৭২।৬

—তুমি পরব্রহ্ম। তোমার স্ব-পর ভেদ নাই। তুমি সৰ্ব্বাত্মা, সমদৃক্ ও স্বীয় সুখানুভব স্বরূপ, অতএব তোমার রাগাদি নাই। কল্পতরুর গায়, যে ব্যক্তি তোমার যেমন সেবা করে, তুমি তাহাকে তদনুরূপ ফল প্রদান কর। কখনই বিপর্যয় কর না। ভাগ: ১০।৭২।৬

অতএব. সিদ্ধাস্ত হইল যে, যদিও ভগবান্ ভক্তের প্রার্থনা পূরণ করেন, তথাপি তাঁহাতে বৈষম্য-নৈঘর্ষণ্য নাই। ইচ্ছা করিলেই সকলেই তাঁহার ভক্ত হইতে পারে, এবং সকলেই তাঁহার নিকট হইতে সর্বপ্রকার প্রার্থনা পরিপূরণ করাইয়া লইতে পারে।

মেঘ বারিবর্ষণে আমার ও তন্নিকটস্থ আমার প্রতিবেশীর ক্ষেত্র সমান ভাবে সিক্ত করে। আমার প্রতিবেশী যদি তাঁহার ক্ষেত্রের চতুর্দিকে আইল দিয়া, সেই জল দ্বারা মূল্যবান শস্য উৎপাদন করিতে কৃতকার্য হয়, এবং আমি আইল

না' দিয়া, জল চলিয়া যাইতে দিয়া, ক্ষেত্র পতিত রাখি, তবে সে দোষ মেঘের
 নহে। সে দোষ আমার নিজের। সেইরূপ তাঁহার করুণা অজস্র ধারে
 প্রবাহিত হইতেছে। যে ব্যক্তি তাহার উপলব্ধি করিবার জন্য হৃদয়
 প্রস্তুত করিয়া তাঁহার কৃপালাভে সমর্থ হয়, সেই ধন্য। আর আমি
 যদি আমার হৃদয় চিরকাল অপ্রস্তুতই রাখি, সে দোষ আমার। তাঁহার
 নহে। অবশ্যই এ আলোচনা জীবকোটি হইতে—ব্যাবহারিক জগৎ
 সম্বন্ধে, যেখানে কর্ম এবং তাহার কৃত ফল লইয়া বিচার। উভয়ই যে
 অবিচার বিষয়, তাহা আমরা ২।১।২৩ সূত্রের আলোচনায় পাইয়াছি। এবং
 অবিচার বিষয় বলিয়াই, অবিচার দ্বারা বন্ধ জীব সম্বন্ধেই এবং তাহাদের
 লক্ষ্যস্থান হইতেই “বৈষম্য-নৈস্বৰ্গ্য” সম্বন্ধে প্রশ্ন উপস্থাপিত হয়। সুতরাং
 আলোচনাও সেই লক্ষ্যস্থান হইতে, ইহা মনে রাখা প্রয়োজন।

‘ভিত্তি :—

“সদেব সোম্য ইদমগ্র আসীদেকমেবাদ্বিতীয়ম্ ।

(ছান্দোগ্যঃ ৬।২।১)

—হে সোম্য ! অগ্রে এই জগৎ সৎ স্বরূপে ছিল.....(ছাঃ ৬।২।১)

সংশয় :—কর্মই যদি সৃষ্টির বৈষম্যের কারণ, তবে সৃষ্টির অগ্রে যখন কোনও বিভাগ ছিল না, তখন সৃষ্টি আরম্ভক কর্ম কোথা হইতে আসিল ? ইহার উত্তরে সূত্র করিলেন । এই সূত্রের প্রথমাংশে আপত্তি উত্থাপন করিয়া শেষাংশে মীমাংসা করিলেন :—

সূত্র :—২।১।৩৬

ন কর্মাবিভাগাদিতি চেন্নাদিত্বাৎ ॥ ২।১।৩৬ ॥

ন + কর্ম + অবিভাগাৎ + ইতি + চেৎ + ন + অনাদিত্বাৎ ।

ন :—না । কর্ম :—পাপ, পুণ্য কর্ম । অবিভাগাৎ :—জীব ও ব্রহ্মের এবং জগৎ ও ব্রহ্মের বিভাগ না থাকায় । ইতি :—ইহা । চেৎ :—যদি বল ।

ন :—না । অনাদিত্বাৎ :—যেহেতু সৃষ্টিপ্রবাহ অনাদি ।

যদি বল, শিরোদেশে উদ্ধৃত শ্রুতি অল্পগারে জানা যায় যে, সৃষ্টির পূর্বে সজাতীয়-বিজাতীয় ভেদশূন্য এক অদ্বিতীয় ব্রহ্মই ছিলেন এবং জীব ও জগৎ তাঁহাতে লীন ছিল, তাঁহা হইতেই সৃষ্টি হয়, সুতরাং আদিত্তে কর্ম কোথা হইতে আসিল ? ইহার উত্তরে বলিব যে, উক্ত আপত্তি হইতে পারে না, কারণ, সৃষ্টি-প্রবাহ অনাদি । ইহা শ্রুতিতে বহুস্থানে কথিত আছে । যথা :—

“সূর্য্যচন্দ্রমসৌ ধাতা যথাপূর্ব্বমকল্পয়ৎ ।” (ঋগ্বেদ ...)

বিধাতা সূর্য্য চন্দ্রকে, পূর্ব্ব সৃষ্টিতে যেমন ছিল, কল্পনা করিয়া সেইরূপ সৃষ্টি করিলেন ।

আমরা এ সম্বন্ধে ২।১।২৩ সূত্রেই আলোচনা করিয়াছি । এখানে আর বিস্তারের আবশ্যকতা নাই । তবে সৃষ্টি যে প্রবাহরূপে অনাদি, তাহার পোষকরূপে কয়েকটি শ্লোক শ্রীমদ্ভাগবত হইতে উদ্ধৃত করিয়া উপসংহার করিব ।

বিশ্বমাঅগতং ব্যঞ্জন্ কৃটস্থে। জগদঙ্কুরঃ । ভাগঃ ৩।২।৬।১২

—কৃটস্থ পরমাত্মা, যিনি জগতের অঙ্কুরস্বরূপ কারণ, তিনি আপনাতে সূক্ষ্মরূপে অবস্থিত এই বিশ্বকে প্রকটিত করিয়া..... । ভাগঃ ৩।২।৬।১২

ইহা আমরা ১১১২ সূত্রের আলোচনায়ও পাইয়াছি (পৃষ্ঠা ২০১) ।

ভগবানেক আসেদমগ্র আত্মাত্মনাং বিভূঃ ।

আত্মেচ্ছানুগতাবাত্মানানামতু্যপলক্ষণঃ ॥ ভাগঃ ৩।৫।২৩

(১।১।৫ সূত্রের আলোচনায় (পৃঃ ৩৮৪) ইহার অর্থ দেওয়া হইয়াছে) ।

সর্ব বেদময়েনেদমাত্মনাত্মাযোনিনা ।

প্রজাঃ সৃজ যথাপূর্বং যাশ্চ মযানুশেরতে ॥ ভাগঃ ৩।২।৪২

—হে ব্রহ্মন্ ! আমা হইতে উদ্ভূত বেদ দ্বারা, তুমি নিজে, অণু-নিরপেক্ষ হইয়া, আমাতে লীন প্রজা সকল, পূর্বের ন্যায় সৃষ্টি কর । ভাগঃ ৩।২।৪২

অতএব, স্পষ্ট বুঝা গেল যে, বিশ্ব এবং বিশ্বস্থ জীবপ্রপঞ্চ, তাঁহাতে অনভিব্যক্ত অবস্থায় শক্তিরূপে বা বীজরূপে লীন ছিল, ক্রমে শক্তি সাহচর্যে প্রকটীকৃত হয় ।

অতএব, সৃষ্টি যখন প্রবাহরূপে অনাদি, তখন জীব, অগৎ, জীবের কর্ম এবং উজ্জ্বল বৈষম্যও অনাদি । সুতরাং তাহাদের অবিভাগের কল্পনার অবকাশ নাই ।

সূত্র :--২।১।৩৭

উপপদ্যতে চাপ্যপলভ্যতে চ ॥ ২।১।৩৭ ॥

উপপদ্যতে + চ + অপি + উপলভ্যতে + চ ।

উপপদ্যতে :—যুক্তি দ্বারা উপপন্ন হয় । চ :—ও । অপি :—আরও ।

উপলভ্যতে :—প্রতীতি হয় । চ :—ও ।

যুক্তি দ্বারা উপপন্ন হয় যে, সৃষ্টিপ্রবাহ অনাদি । সংসার যদি আদিমান হয়, এবং সংসার উৎপত্তির কারণ ব্রহ্ম যদি বৈষম্যের কারণ না হন, যাহা প্রতিপাদিত হইয়াছে, তাহা হইলে আকস্মিক উৎপত্তি, মুক্ত জীবের পুনঃ সংসার প্রাপ্তি অকৃত্যভ্যাগম (কিছু না করিয়াও ফলভোগ), এবং বিনা নিমিত্তে বৈষম্য হওয়ার কথা স্বীকার করিতে হয় । এ সকল মানা অসঙ্গত ।

আকার শ্রুতি ও স্মৃতি দ্বারা প্রতীতি হয় যে, সৃষ্টিপ্রবাহ অনাদি । কারণ, পূর্বসূত্র আলোচনা প্রসঙ্গে দেখান হইয়াছে যে, বিধাতা পূর্বকল্পারূপে চন্দ্র সূর্য্য সৃষ্টি করিলেন । অর্থাৎ বর্তমান সৃষ্টি তাহার অব্যবহিত পূর্ববর্তী সৃষ্টির অনুরূপ । উক্ত পূর্ববর্তী সৃষ্টি তৎপূর্ববর্তী সৃষ্টির এবং তাহা—উহার পূর্ববর্তী সৃষ্টির অনুরূপ । এইরূপ শৃঙ্খলাকারে পূর্ব পূর্ব সৃষ্টির অনুবর্তনে সৃষ্টি অনাদি বুঝিতে পারা কষ্ট-সাধ্য হয় না ।

অতএব, সিদ্ধ হইল যে, সৃষ্টিপ্রবাহ অনাদি বিধায়, জীব, জগৎ, কর্ম প্রভৃতির বিভাগ চিরকালই বিদ্যমান আছে। সুতরাং বৈষম্যের কারণ ব্রহ্ম নহেন।

যদি কর্মই বৈষম্যের কারণ হয়, তবে কি তাহারা ব্রহ্ম হইতে অম্বতন্ত্র, তবে কি ব্রহ্মও কর্মপরতন্ত্র হইয়া সৃষ্টি করিতে বাধ্য? ইহার উত্তরে শ্রীভাগবত-কার বলিলেন, তাহা কেন, কর্ম ত তাঁহার দ্বারাই উদ্বোধ্য, তিনি অনুগ্রহ না করিলে কর্মের অস্তিত্বও নাই। কর্ম, তাঁহার কৃত নিয়ম, এবং তাঁহার দ্বারা পরিচালিত। রাজা যেমন নিয়ম সৃষ্টি করিয়া সে নিয়ম পরিচালনার দ্বারা প্রজা পালন করেন, বিশ্বেশ্বর সেইরূপ কর্মরূপ নিয়মাবলী প্রস্তুত করিয়া তাহার পরিচালন দ্বারা বিশ্বের স্থিতি বা পালন বিধান করেন।

শ্রীমদ্ভাগবতে ৩৬৩ শ্লোকের অংশে বলিয়াছেন :—“সুপ্তং কর্ম প্রবোধয়ন্”—জীবাদৃষ্টরূপ কর্ম সকল, যাহা তাঁহাতে লীন ছিল, তাহাদের উদ্বোধন করিয়া.....ভাগ: ৩৬৩

আবার বলিতেছেন :—

দ্রব্যং কর্ম চ কালশ্চ স্বভাবো জীব এব চ ।

যদনুগ্রহতঃ সন্তি ন সন্তি যত্নপেক্ষয়া ॥ ভাগ: ২।১০।১২

(১।২।২০ সূত্রের আলোচনায় (পৃ: ৫২৭) ইহার অর্থ দেওয়া হইয়াছে) ।

অন্য স্থানেও আছে যে, ইহারা ব্রহ্ম হইতে অভিন্ন। যথা—

দ্রব্যং কর্ম চ কালশ্চ স্বভাবো জীব এব চ ।

বাসুদেবাৎ পরো ব্রহ্মন্ ন চান্য়ার্থোহস্তি তত্ত্বতঃ ॥ ভাগ: ২।৫।১৪

—হে ব্রহ্মন্! উপাদান স্বরূপ মহাত্মতাদি, কর্ম, ক্ষোভক কাল, পরিণাম হেতুভূত স্বভাব, এবং ভোক্তা জীব, ইহাদের মধ্যে কেহ বাসুদেব হইতে ভিন্ন নহে। কেননা, ইহারা কার্যরূপী। কার্য কখনও কারণ হইতে ভিন্ন নহে।
ভাগ: ২।৫।১৪

অতএব প্রতিপাদিত হইল, তিনিই নিয়মকর্তা, তিনিই নিয়ম, তিনিই কর্ম।

[২।১।৩৬ ও ২।১।৩৭ সূত্র দুটি শ্রীমদ্ রামানুজাচার্য্য মিলাইয়া একটি সূত্রে, ও অন্যান্য আচার্য্যগণ দুইটি পৃথক সূত্রে আলোচনা করিয়াছেন।]

ভিত্তি :—

“তদক্ষরং গার্গি ব্রাহ্মণা অভিবদন্ত্যস্থূলমনথহৃষ্মদীর্ঘমলোহিতম্.....”

(বৃহদাঃ ৩।৮।৮)

—অয়ি গার্গি ! ব্রহ্মবিদগণ সেই অক্ষরকে অস্থূল, অনগু, অহৃষ্ম, অদীর্ঘ, অলোহিত বলিয়া থাকেন । (বৃহদাঃ ৩।৮।৮)

সূত্র :—২।১।৩৮

সর্বধর্মোপপত্তেঃ ॥ ২।১।৩৮ ॥

সর্বধর্মোপপত্তে : + ৮ ।

সর্বধর্মোপপত্তেঃ :—সমুদায় ধর্মের সঙ্গতি হেতু ; কারণ ধর্ম, কার্য্য ধর্ম, সমুদায় বিরুদ্ধ ধর্মের সঙ্গতি বা সমাধান তাঁহাতে, সেই জন্ম । চঃ—৩ ।

শিরোদেশে উদ্ধৃত শ্রুতি মন্ত্রদৃষ্টে স্পষ্ট বুঝা যাইবে যে, সমুদায় বিরুদ্ধ ধর্মের সমাধান অর্থাৎ সমুদায় বিরোধের পর্য্যাবসান ব্রহ্মে । এজন্য ব্রহ্মই জগৎ কারণ ।

তাঁহার অচিন্ত্য শক্তি ; তিনি ব্রহ্ম—বৃহত্তম, অনন্ত । এজন্য সমুদায় বিরুদ্ধ ভাব তাঁহাতে অবিরুদ্ধ হইয়া যায় । যাহারা গণিত আলোচনা করিয়াছেন, তাঁহারা জানেন যে, সমাস্তর সরল রেখাঙ্কন, যাহাদের পরস্পর মিলিবার কোন সম্ভাবনা নাই, তাহারা অনন্ত দূরত্বে পরস্পর পরস্পরের সহিত মিশে । ঐরূপ ক্লেপণীর (বা parabola-র) দুই সীমাস্থিত বিন্দু দৃশ্যতঃ দূর হইতে দূরে ক্রমশঃ অগ্রসর হইতে থাকিলেও অনন্তদূরে উহারা পরস্পর মিশিয়া একটি বৃত্তাভাস (closed curve) সৃষ্টি করে । হাইপারবোলা (Hyperbola) সম্বন্ধেও ঐ একই কথা । সুতরাং অনন্তে সমুদায় দৃশ্যতঃ বিরোধের সমাধান । অনন্ত হইলে অনন্ত ভাব তাঁহাতে বিদ্যমান । যে ভাবেই তাঁহার আলোচনা করা যাকি না কেন, সমুদায় প্রকার আলোচনা বিষয় তাঁহাতে বর্তমান । ১।১।৩ সূত্রে আমরা এ সম্বন্ধে সংক্ষেপে আলোচনা করিয়াছি । সেখানে আমরা বলিয়াছি যে, “গণিতের ভাষায় বলিতে হইলে, বলিতে হইবে যে, তাঁহাতে অনন্ত পরিমাণ (infinite dimensions) বিদ্যমান,” (দেখ ১ম খণ্ড) । সুতরাং যে কোনও পরিমানে, যে কোনও স্তরের, যে কোন বস্তু ও ভাব, তাঁহাতে আছে । প্রপঞ্চ বিশ্বের বহির্ভাগে বা অন্তর্ভাগে অর্থাৎ মনোভাগে, এমন কোনও বস্তু বা ভাব নাই, যাহা তাঁহাতে বিদ্যমান নাই । সুতরাং, পরস্পর একান্ত বিরুদ্ধ ভাবেরও পরিণতি বা সমাধান তাঁহাতে ।

এই প্রসঙ্গে ২।১।৩৫ সূত্রের আলোচনায় উদ্ধৃত শ্রীমদ্ভাগবতের ৮।২।৩৬, ১০।৩৮।২১, ১০।৪৬।২৮, ১০।৭২।৬ শ্লোকগুলি ও তাহাদের অর্থ দ্রষ্টব্য। এবং এই দ্বিতীয় খণ্ডের ১ম পৃষ্ঠায় উদ্ধৃত ৬।৪।২৬, ৬।৪।২৭ শ্লোক দুটি ও ১২।৮।৪৩ শ্লোকাংশ ও উহাদের অর্থ বিশেষ ভাবে প্রণিধান যোগ্য। ১।১।৩ সূত্রের আলোচনায় ১ম খণ্ডের ২৬২-২৬৩ পৃষ্ঠায় উদ্ধৃত শ্রীমদ্ভাগবতের ১০।১৬।৩৯, ১০।১৬।৩৬ এবং ৮।৩।৯ শ্লোকগুলি ও উহাদের অর্থের প্রতি দৃষ্টি আকর্ষণ করিতেছি। বাহুল্য ভয়ে, আর উহাদের পুনরুদ্ধার করা হইল না।

অতএব, সিদ্ধান্ত হইল যে, সমুদায় ধর্ম—কারণ ধর্ম, কার্য্য ধর্ম, বিরুদ্ধ ধর্ম, অবিরুদ্ধ ধর্ম, ব্রহ্মেই পর্য্যবসান বা সমাধান, এজ্ঞা তিনি জগৎ-কারণ বটেন। সমুদায় তাঁহাতে অবিরোধ।

দ্বিতীয় অধ্যায় । দ্বিতীয় পাদ ।

এই পাদে সাংখ্যাদি মতের দুষ্টতা,
প্রদর্শন করা হইয়াছে ।

এই অধ্যায়ের প্রথম পাদে, সাংখ্যাদি দর্শন বেদান্তের বিরুদ্ধে যে সমুদায় তর্ক উত্থাপন করিয়া বেদান্তের সিদ্ধান্তের বিরুদ্ধে দোষ প্রদর্শন করেন, তাহার বিচার করা হইয়াছে ; এবং সে সমুদায় তর্ক যে ভিত্তিহীন, এবং বেদান্ত সিদ্ধান্ত যে গ্রহণীয় তাহা স্থাপন করা হইয়াছে । এ পাদে সাংখ্যাদি দর্শনে যে সমুদায় দোষ বর্তমান, তাহাই দেখানো হইয়াছে । এ সম্বন্ধে প্রশ্ন উঠিতে পারে যে, বেদান্ত দর্শন—মীমাংসা শাস্ত্র । সংশয় নিরসনের দ্বারা উপনিষৎ সমূহের প্রকৃত তাৎপর্য নির্ণয়ই একমাত্র লক্ষ্য । সুতরাং অপরাপর দর্শনের দোষ প্রদর্শন করা ইহার উদ্দেশ্য হইতে পারে না । তবে ভগবান সূত্রকার এ পাদে সাংখ্যাদি দর্শনের দোষ প্রদর্শন করিলেন কেন ? কি প্রয়োজন সিদ্ধির জন্ত তিনি তাঁহার উদ্দেশ্য-বহির্ভূত আচরণ করিলেন ?

ইহার উত্তর এই যে,—যদি অগ্নাণ্ড দর্শনের দোষারোপের বিরুদ্ধে আত্মরক্ষা করিয়াই, সূত্রকার নিরস্ত থাকিতেন, তাহা হইলে তাঁহার সিদ্ধান্ত দৃঢ় ভিত্তির উপর প্রতিষ্ঠিত হইত না । বাহ্যদর্শী পাঠক এবং শিক্ষার্থীগণ মনে করিতে পারিতেন যে, অগ্নাণ্ড দর্শনের বিরুদ্ধে কোনও কথাই যখন সূত্রকার বলেন নাই, তখন সম্ভবতঃ উহাদের কোনও দোষ নাই ; উহাদের মতই সমীচীন । এই প্রকার ভ্রমাত্মক ধারণা হইতে অব্যাহতি দিবার জন্তই এই পাদের অবতারণা ।

• প্রথমে সূত্রকার সাংখ্যের বিরুদ্ধে দোষ প্রদর্শন করিতেছেন । সাংখ্য ও বেদান্ত—উভয়ই সৎ কার্যাবাদী । ইহা আমরা ২।১।৭ সূত্রের আলোচনায় সংক্ষেপে প্রকাশ করিয়াছি । সাংখ্যাচার্য্য ঈশ্বর কৃষ্ণ, তাঁহার কারিকায় ইহা স্পষ্ট উল্লেখ করিয়াছেন । •

অসদকরণাত্মপাদান গ্রহণাৎ সর্ব সন্তুভাবাৎ ।

শক্ৰশ্চ শক্য করণাৎ কারণ ভাবাচ্চ সৎ কার্যম্ ॥

সাংখ্যকারিকা, ৯ ।

—যাহা পূর্বে ছিল না, অভিনব বেশে তাদৃশ পদার্থের উৎপত্তি কখনও যুক্তি-মন্ত্রত নহে । ভাবযুক্তিতে । বিদ্যমান পদার্থেরই বিকাশ ব্যক্ত যুক্তিতে ঘটয়া

থাকে। কারণ ব্যক্তভাব কার্যের সহিত অব্যক্ত কারণের সম্বন্ধ নিয়ত থাকে একান্ত প্রয়োজন; নতুবা, সকল পদার্থ হইতে সকল পদার্থের উৎপত্তি হইতে পারিত। যেখানে যাহা নাই, সে স্থান হইতে তাহার উৎপত্তি হয় না। অতএব উৎপাদনের শক্তি যথায় থাকে, তাহা হইতে তাদৃশ বস্তু উৎপত্তি হইয়া থাকে। উৎপাদিকা শক্তির সহিত উৎপন্ন পদার্থের সম্বন্ধ অপেক্ষা করে। অতএব উৎপন্ন ব্যক্ত কার্যটি তাহার কারণস্থানীয় পদার্থে ভাবমূর্তিতে পূর্ব হইতে বিদ্যমান ছিল, সম্প্রতি ব্যক্তভাবে প্রকাশিত হইয়াছে। প্রকাশ-প্রকাশকের অভেদ সম্বন্ধ থাকায়, ব্যক্ত কার্য অব্যক্তভাবে ছিল, স্বীকার্য। কার্য অভিনব নহে, পুরাতন। তবে একবার ব্যক্ত, অর্থাৎ আমাদের ইন্দ্রিয়ের গোচরীভূত, এবং একবার বা অব্যক্ত—অর্থাৎ আমাদের ইন্দ্রিয়ের অগোচরীভূত হইলেও সংস্করণে ছিল, সে বিষয়ে আর সন্দেহ নাই। সাংখ্যকারিকা, ৯। (পণ্ডিত শ্রীযুক্ত খগেন্দ্রনাথ শাস্ত্রী কৃত অনুবাদ)

বেদান্তও সংকার্যবাদী। ১।১।২ সূত্রের আলোচনা মনোযোগ পূর্বক পাঠ করিলে আমরা ইহা স্পষ্ট বুঝিতে পারিব। সাংখ্য যখন বেদান্তের গৃহীত সংকার্যবাদের উপর আপন সিদ্ধান্তের ভিত্তি স্থাপন করিয়াছেন, তখন সাংখ্যই বেদান্তের প্রধান ও প্রবল বিরোধী পক্ষ। এজন্ত সাংখ্যের বিরুদ্ধে সূত্রকার প্রথমেই তাঁহার প্রধান প্রধান শাসিত অস্ত্র প্রয়োগ করিয়াছেন।

তবে প্রশ্ন উঠিতে পারে যে, প্রথম অধ্যায়ে ও দ্বিতীয় অধ্যায়ের প্রথম পাদে সাংখ্য সম্বন্ধে যথেষ্ট বিচার করা হইয়াছে। আবার এখানে কেন? ইহার উত্তর এই যে, সাংখ্য মতে প্রমাণ তিন প্রকার—প্রত্যক্ষ, অনুমান ও আপ্ত।

দৃষ্টমনুমানমাপ্তবচনঞ্চ সর্বপ্রমাণসিদ্ধত্বাৎ ॥ সাংখ্যকারিকা, ৪।

—দৃষ্ট, অনুমান ও আপ্ত বাক্য ভেদে প্রমাণ তিন প্রকার। সাংখ্যকারিকা, ৪।

ইহাদের মধ্যে দৃষ্ট বা প্রত্যক্ষ সম্বন্ধে বলিবার কিছু নাই। উহা বাদী ও বিবাদী উভয়েরই নিকট সমান প্রত্যক্ষ। আপ্তবাক্য সমুদায়ের মধ্যে শ্রুতি আপ্ততম। পূর্ব পূর্ব বিচারে, প্রমাণিত হইয়াছে যে শ্রুতি বাক্যসকল বেদান্ত সিদ্ধান্তেরই পোষক এবং সাংখ্য সিদ্ধান্ত উহার বিরোধী। বর্তমান দ্বিতীয় পাদে সূত্রকার দেখাইবেন যে, অনুমান প্রমাণেও সাংখ্য সিদ্ধান্ত স্থাপন করা যাইতে পারে না। দোষ প্রদর্শনের সঙ্গে সঙ্গে ইহাও সূত্রকারের গুপ্ত উদ্দেশ্য।

১। রচনামূলপদন্ত্যধিকরণ ॥

ভিত্তিঃ—

১। মূল প্রকৃতির বিকৃতির্মহদাছাঃ প্রকৃতি-বিকৃতয়ঃ সপ্ত ।

ষোড়শ্চ বিকারো ন প্রকৃতির্নবিকৃতিঃ পুরুষঃ ॥

(সাংখ্যকারিকা, ৩)

—মূল প্রকৃতি বা প্রধান—অবিকৃতি—(বিকৃতি—কার্য, অবিকৃতি অর্থাৎ কাহারও কার্য নহে), মহদাদি সপ্ত—(মহৎ, অহঙ্কার ও পঞ্চ তন্মাত্র)—প্রকৃতিও বটে, বিকৃতিও বটে,—অর্থাৎ, কারণ ও কার্য, উভয় স্বরূপ-মহৎ, প্রধান সম্বন্ধে কার্য, কিন্তু অহঙ্কার সম্বন্ধে কারণ, অহঙ্কারও ঐরূপ মহৎ সম্বন্ধে কার্য, কিন্তু পঞ্চ জ্ঞানেন্দ্রিয়, পঞ্চ কর্মেন্দ্রিয়, মনঃ ও পঞ্চ তন্মাত্র সম্বন্ধে কারণ, এবং পঞ্চ তন্মাত্রও সেইরূপ অহঙ্কার সম্বন্ধে কার্য, কিন্তু পঞ্চ মহাভূত সম্বন্ধে কারণ। পঞ্চ জ্ঞানেন্দ্রিয়, পঞ্চ কর্মেন্দ্রিয়, মন ও পঞ্চ মহাভূত—ইহারা বিকৃতি বা কার্য মাত্র। পুরুষ—প্রকৃতিও নহে, বিকৃতিও নহে—কারণ নহে, কার্যও নহে। (সাংখ্যকারিকা, ৩)

ইহা সাংখ্যদর্শনের মত ।

২। ত্রিগুণমবিবেকি বিষয়ঃ সামান্যমচেতনং প্রসবধর্ম্মি ।

ব্যক্তং তথা প্রধানং তদ্বিপরীতস্তথা চ পুমান্ ॥

(সাংখ্যকারিকা, ১১)

—ব্যক্ত, পদার্থ এবং অব্যক্ত প্রধান উভয়েই ত্রিগুণ—সত্ত্বরজস্তমোময়, অবিবেকী—স্বতন্ত্র ভাবে বর্তমান থাকিতে পারে না, বিষয়—জ্ঞানগ্রাহ, সামান্য—সাধারণ, অচেতন—জড়, প্রসবধর্ম্মী—উৎপাদন করিবার যোগ্যতা বিশিষ্ট। পুরুষ কিন্তু উহাদের বিপরীত। (সাংখ্যকারিকা, ১১)

৩। অবিবেকাদেঃ সিদ্ধিস্তৈশ্চৈগুণ্যাং তদ্বিপর্য্যয়েহ্ভাবাৎ ।

কারণ গুণাত্মকত্বাৎ কার্যাত্ম্যাব্যক্তমপি সিদ্ধম্ ॥

(সাংখ্যকারিকা, ১৪)

—ব্যক্ত পদার্থ মাত্রই ত্রিগুণময় বলিয়া স্বথ-দুঃখও মোহময়, এবং সেই অগ্ৰই অবিবেকী, বিষয়, সামান্য, অচেতন, প্রসবধর্ম্মী প্রভৃতি সকল ধর্ম্মই তাহাতে প্রযোজ্য। তাহার বিপরীত পুরুষে উহাদের অভাব বর্তমান। কার্য, কারণ গুণাত্মক বলিয়া মূল কারণ অব্যক্ত প্রধান ও সিদ্ধ হইয়া থাকে।

(সাংখ্যকারিকা, ১৪)

৪। “ভেদানাং পরিণামাং সমন্বয়াং শক্তিতঃ প্রবৃত্তেশ্চ ।

কারণ-কার্যবিভাগাদবিভাগাং বৈশ্বরূপস্য ॥

কারণমন্ত্যাব্যক্তং” [সাংখ্যকারিকা, ১৩] ইতি ।

—অতি সূক্ষ্ম মহত্ত্ব হইতে আরম্ভ করিয়া অতি স্থূল ক্ষিতি জাতীয় বিচিত্র পদার্থসমূহ যখন সীমাবদ্ধ মূর্তিতে অসীমের অন্তরে বিদ্যমান রহিয়াছে, এবং প্রত্যেকটি ত্রৈগুণ্য নিবন্ধন সুখ, দুঃখ ও মোহময়ত্বের পরিচয় দিতেছে, অথচ ইহারা ব্যক্ত কার্যমূর্তিতে তদপেক্ষা কোনও অসীম শক্তি হইতে সমুৎপন্ন অনুমিত হইতেছে ; বিশেষতঃ বিচিত্র বেশে ও বিচিত্র মূর্তিতে একবার ক্রম পর্যায়ে উত্তরোত্তর প্রকাশমান হইয়া, পরক্ষণে স্ব স্ব কারণে পর পর নিবিশ-মান হইয়া, সর্বভাবের প্রতীতি জন্মাইতেছে ; তখন সকলের কারণভাবে একটি অনন্ত, অসীম, সুখ দুঃখ ও মোহের কারণরূপী ত্রৈগুণ্যক সর্বপ্রধান অব্যক্ত কারণ যে আছেন, তাহাতে সন্দেহ নাই । (সাংখ্যকারিকা, ১৩) । (পণ্ডিত শ্রীযুক্ত খগেন্দ্রনাথ শাস্ত্রী কৃত অর্থ) ।

সূত্র :—২।২।১

রচনানুপপত্তেশ্চ নানুমানম্ ॥

রচনা + অননুপত্তেঃ + চ + ন + অনুমানম্ ॥

রচনা :—জগৎ রচনা । অননুপত্তেঃ :—অসঙ্গতি হেতু । চ :—ও ।

ন :—না । অনুমানম্ :—সাংখ্যোক্ত প্রধান ।

সাংখ্যোক্ত প্রধান, বেদে অকাথিত হওয়ায়, ঐশ্বর্যমানগম্য মাত্র । সাংখ্যা-চার্যের (২) সংখ্যক কারিকা অনুসারে প্রধান অচেতন বিধায়, তাহার দ্বারা জগৎ রচনা উপপত্তি হয় না । ইট, কাঠ, পাষাণ, লৌহ, চূণ, সুরকি প্রভৃতি সূপাকারে থাকিলেই, চেতন সাহায্য ব্যতিরেকে অট্টালিকা নির্মাণ সম্ভব হয় না । লৌহ সূপাকারে এক স্থানে সংগৃহীত হইলেই রেল গাড়ীর ইঞ্জিন প্রস্তুত হয় না । ইহা প্রস্তুত করিবার জন্য লৌহ হইতে চক্র, কীলক, জু, প্লেট প্রভৃতির নির্মাণ ও তাহাদের যথাযথ সংযোগ করিয়া, ইঞ্জিনের আকারে আকারিত করিয়া কার্যোপযোগী করিতে সুদক্ষ শিল্পী ও বিচক্ষণ ইঞ্জিনিয়ারের প্রয়োজন । লৌহ স্বতঃ ইঞ্জিন নির্মাণ করিতে পারে না । উহাতে কি অসীম শক্তি নিহিত আছে, তদ্বশে লৌহ অজ্ঞ ; কারণ, লৌহ অচেতন ।

চেতন কারুকর (ইঞ্জিনিয়ার) উহার অন্তর্নিহিত শক্তির বিষয় অবগত হইয়া, উহাকে কার্য্যাকারে বা রেলের ইঞ্জিনের আকারে আকারিত করিয়া, তদ্বারা অশেষকার্য্য সম্পাদন করেন। কারুকর লৌহের অন্তর্নিহিত শক্তিতত্ত্ব জানেন এবং তৎ সঙ্গে সঙ্গে নিজের দক্ষতা ও নির্মাণ ক্ষমতাও অবগত আছেন। অচেতন “প্রধান”,—অচেতন বলিয়া যেমন আত্মস্বরূপকে জানে না, সেইরূপ অন্তকেও বুঝে না। উহাকে চালনা ও নিয়ন্ত্রণ করিবার জন্ত একজন সর্বজ্ঞ ও সর্বশক্তিমান বর্তমান আছেন স্বীকার না করিলে, এই অচিন্ত্য জ্ঞান ও কৌশলসম্পন্ন জগৎ রচনার উপপত্তি হয় না।

শিশু ভূমিষ্ঠ হইলেই আহারের অপেক্ষা করিবে, ইহা আগে হইতে ভাবিয়া মাতৃবক্ষে অমৃতোপম আহারের আয়োজন, অজ্ঞ, জড় প্রধানের পক্ষে সম্ভবই নহে। একটি ক্ষুদ্র বট বীজের সহিত একটি সর্ষপ বীজ ও একটি ডুমুর বীজের তুলনা কর। বাহ্য দৃষ্টিতে উহাদের মধ্যে এমন কিছু পার্থক্য দৃষ্টিগোচর হইবে না, যাহাতে বুঝা যায় যে, একটি হইতে বৃহৎ, প্রকাণ্ড প্রকাণ্ড শাখা প্রশাখাবিশিষ্ট একটি বটবৃক্ষ, আর একটি হইতে অতি ক্ষুদ্র সর্ষপ গাছ, এবং তৃতীয়টি হইতে মধ্যম আকারের একটি ডুমুর গাছ জন্মিবে। পৃথিবীর উর্বরতা শক্তিই বীজত্রয়ের মধ্য দিয়া, উক্ত বীজত্রয়ে নিহিত শক্তির অভিব্যক্তির সাহায্য করিয়া,—উহাদিগকে উপরিউক্ত বৃহৎ, ক্ষুদ্র, ও মধ্যম আকারের তিন প্রকার বৃক্ষে পরিণত করিয়াছে। কিন্তু এই বীজ নিহিত শক্তি ও পৃথিবীর উর্বরতা শক্তি কোথা হইতে আসিল? স্বভাবতঃ হইয়া থাকে বলিলে ত উত্তরই হইল না। ভিন্ন ভিন্ন স্বভাব কেন হইল? সাংখ্য বলিবেন যে, সত্ত্ব, রজঃ ও তমোগুণের তারতম্য অনুসারে ঐরূপ হইয়া থাকে। কিন্তু তারতম্য হইবার কারণ কি? প্রকৃতির সাম্যাবস্থার বিপর্য্যয় গুণকোভে হয়। কিন্তু গুণকোভ কেন হয়? অচেতন জড়ের অকারণে এরূপ ক্ষুদ্র হইবার কারণ কি? এ সমুদায় প্রশ্নের উত্তর সাংখ্য ষত প্রকারে দিতে পারেন, সূত্রকার সে সমুদায়ের অনুধাবন করিয়া, তাহাদিগের দোষ পর পর সূত্রে প্রদর্শন করিয়াছেন। সে সমুদায় ক্রমশঃ বিশদ হইবে।

সমুদায়ের পশ্চাতে একজন সর্বজ্ঞ ও সর্বশক্তিমান সত্তার অস্তিত্ব, এং তাঁহার কল্পনানুসারে বৈচিত্র্যের সংঘটন স্বীকার করিলেই সমুদায় সমাধান হইয়া থাকে। বেদান্ত বলেন যে, সেই এক অদ্বিতীয় সর্বজ্ঞ ও সর্বশক্তিমান সত্তার বহু হইবার কল্পনাই সৃষ্টি বৈচিত্র্যের কারণ। অতএব, সৃষ্টির মূলে একজন চেতনসম্বা বর্তমান, ইহাই বেদান্ত-সিদ্ধান্ত।

উপরে উদ্ধৃত ১৩ সংখ্যক কারিকা হইতে স্পষ্ট প্রতীর্ণমান হইবে যে, সাংখ্যাচার্য্য অনুমান প্রমাণের বলেই “অব্যক্ত” বা “প্রধানের” অস্তিত্ব সিদ্ধান্ত করিয়াছেন। ইহার উক্তরে সূত্রকার বর্তমান সূত্রে বলিলেন যে, পরিদৃশ্যমান জগতে দেখা যায় যে, চেতন সাহায্য ব্যতিরেকে, শুধু উপাদান দ্বারা কোনও পদার্থ রচিত হয় না। স্বর্ণ থাকিলেই, চেতন স্বর্ণকারের সাহায্য ব্যতিরেকে কুণ্ডলাদি নির্মিত হয় না। মৃত্তিকা থাকিলেই, চেতন কুন্তকার ব্যতিরেকে ঘটাদি নির্মিত হয় না। ইট, কাঠ প্রভৃতি থাকিলেই, চেতন স্থপতি ব্যতিরেকে অট্টালিকা নির্মিত হয় না। পট, রং, তুলি প্রভৃতি থাকিলেই, চেতন চিত্রকর ব্যতিরেকে কোনও চিত্র অঙ্কিত হইতে পারে না। সুতরাং অচেতন প্রধান হইতে জগৎ রচনা-রূপ সিদ্ধান্ত অনুমান দ্বারা হইতে পারে না; ও প্রকার অনুমান নির্দোষ নহে, উহা অসঙ্গত।

এ সম্বন্ধে ২।১।১ সূত্রের আলোচনায় উদ্ধৃত শ্রীমদ্ভাগবতের ৩।২।৩-৪-৫ এবং ৩।৩।১০ শ্লোক দ্রষ্টব্য। ২।১।৫ সূত্রের আলোচনায় উদ্ধৃত শ্রীমদ্ভাগবতের ৩।৩।২-৩-৪ শ্লোকও দ্রষ্টব্য। ঐ সকল শ্লোক হইতে স্পষ্ট প্রতীত হইবে যে, সাংখ্যোক্ত তত্ত্বগণ চৈতন্য অনুপ্রবিষ্ট হওয়ায় তবে জগৎ রচনা করিতে সমর্থ হইল। অত্যা, জড়ের সামর্থ্যে উহা সম্ভব নহে।

শ্রীমদ্ভাগবতের একাদশ স্কন্ধে ২৪ অধ্যায়ে কয়েকটি শ্লোকে সৃষ্টি-প্রক্রিয়া অতি সংক্ষেপে বর্ণিত আছে। এবং উহা হইতে জগতের উপাদানীভূত প্রকৃতির (সাংখ্যোক্ত প্রধান) সহিত চেতন পুরুষের সম্বন্ধ বুঝিতে পারিব। শ্লোক কয়টি ও উহার অনুবাদ নিম্নে দেওয়া গেল।

আসীজ্ জ্ঞানমথোহর্থ একমেবাবিকল্পিতম্ ।

যদা বিবেকনিপুণা আদৌ কৃতযুগেহযুগে ॥ “ভাগঃ ১।১।২৪।২

তন্মায়া ফলরূপেণ কেবলং নির্বিবকল্পিতম্ ।

বাঙ্ মনো গোচরং সত্যং দ্বিধা সমভবদ্ হং ॥ ভাগঃ ১।১।২৪।৩

তয়োৱেকতরোহর্থঃ প্রকৃতিশ্চোভয়াত্মিকা ।

জ্ঞানং ত্বন্যতমো ভাবঃ পুরুষঃ সোহভিধীয়তে ॥ ভাগঃ ১।১।২৪।৪

তমোরজঃস্বমিতি প্রকৃতেৱভবন্ গুণাঃ ।

ময়া প্রকোভ্যমানায়াঃ পুরুষানুমতেন চ ॥ ভাগঃ ১।১।২৪।৫

তেভ্যঃ সমভবৎ সূত্রং মহান্ সূত্রেণ সংযুতঃ ।

ততো বিকুর্বতো জাতো যোহহঙ্কারো বিমোহনঃ ॥ ভাগঃ ১।১।২৪।৬

—পূর্বে প্রলয়কালে জ্ঞান ও অর্থ (দ্রষ্টা ও দৃশ্য) সমুদায়, বিকল্পশূন্য এক অদ্বিতীয় ব্রহ্মে লীন ছিল, পরে যুগান্তে যখন লোক সকল বিবেক নিপুণ ছিল, তখনও ভেদ জ্ঞান না থাকার জন্য, এক অদ্বিতীয় মহাসত্যই ছিলেন। ভাগঃ ১১।২৪।২

—সেই বৃহৎ একমাত্র পরব্রহ্ম পরে মায়াবিলাস রূপে বাক্য মনের গোচরভাবে ও স্বরূপভাবে দুই প্রকার হইলেন। ভাগঃ ১১।২৪।৩

—এই দ্বিধাত্মত অংশের মধ্যে এক অংশ মায়াখ্য অর্থ—ইনিই কার্যকারণ-রূপিণী প্রকৃতি ; অন্য অংশ—জ্ঞান মাত্র—যিনি পুরুষ বলিয়া উক্ত হন। ভাগঃ ১১।২৪।৪

—পরে জীবাদৃষ্ট প্রযুক্ত পুরুষানুমতি দ্বারা ঈশ্বর কর্তৃক ক্ষোভ্যমান মায়ায় সত্ত্ব, রজঃ ও তমঃ এই গুণত্রয় উৎপন্ন হইল। ভাগঃ ১১।২৪।৫

—অনন্তর সেই সকল গুণ হইতে ক্রিয়াশক্তিমান্ সূত্রাত্মা হিরণ্যগর্ভ, ও তৎ-সংযুক্ত জ্ঞানশক্তিমান্ মহত্ত্ব উৎপন্ন হইল, এবং, সেই গুণ বিকার হইতে জীবের বিমোহন অহংকার তত্ত্বের উৎপত্তি হইল। ভাগঃ ১১।২৪।৬

সুতরাং বুঝা গেল যে, প্রকৃতি ব্রহ্মাতিরিক্ত পৃথক পদার্থ নহে। নির্বিশেষ, নির্বিকল্প, ব্রহ্মই দ্বিধা বিভক্ত হইয়া এক অংশে প্রকৃতি, অন্য অংশে পুরুষরূপে প্রকটিত হইলেন। এই একই ব্যাপার প্রথম খণ্ডের ১।১।২ সূত্রের আলোচনায় প্রদত্ত সৃষ্টি-প্রক্রিয়ার চিত্রে (পৃষ্ঠা ১৭০-১৭১) মায়াকে ব্রহ্মের বা শ্রীকৃষ্ণের বহিরঙ্গা শক্তিরূপে দেখান হইয়াছে। ব্রহ্মের অচিন্ত্য শক্তি-বলে, তাঁহার শক্তিকে তিনি নিজ স্বরূপ হইতে দৃশ্যতঃ পৃথক্ ভাবে আকারিত বা প্রকটিত করিতে পারেন, ইহা পূর্বে একাধিকবার বলা হইয়াছে। অতএব প্রতিপাদিত হইল যে, সাংখ্যাস্ত্র অচেতন জড় প্রধানের পক্ষে জগৎ নিষ্সর্গ কার্য সম্ভব নহে।

সূত্রঃ—২।২।২

• প্রবৃত্তেশ্চ ॥ ২।২।২ ॥

প্রবৃত্তেঃ + চ !

প্রবৃত্তেঃঃ—অচেতন প্রধানের জগৎ রচনার প্রবৃত্তির অল্পপপত্তি হেতু।

চঃ—ও।

অচেতন প্রধানের পক্ষে শুধু জগৎ রচনা যে অসম্ভব, তাহা নহে। জগৎ রচনার প্রবৃত্তিও অচেতন প্রধানের পক্ষে সম্ভব হইতে পারে না।

বিশেষ রূপে বিজ্ঞানের নাম রচনা। এবং তৎসাধক ক্রিয়া বিশেষের নাম প্রবৃত্তি। ইহা চেতন দ্বারা অনধিষ্ঠিত জড় প্রধানের পক্ষে হইতেই পারে না। হেতু এই যে, যুক্তিকা ও রথাদি অচেতন পদার্থে তাহা দেখা যায় না। চেতন কুম্ভকার ও চেতন অশ্ব ও সারথি ব্যতিরেকে ঘটাদির উৎপত্তি বা রথের গমন প্রভৃতি দেখা যায় না। এক খানি রেল ইঞ্জিনে জল, কয়লা, অগ্নি রাখিলেই উহার গমন প্রবৃত্তি হয় না; চেতন অভিজ্ঞ চালকের প্রয়োজন। একখানি মোটর গাড়ীর ইঞ্জিনে পেট্রোল, জল প্রভৃতি ভরিয়া রাখিলে, উহার গমন করিবার শক্তি বিद्यমান থাকে বটে, কিন্তু যতক্ষণ না চালক উহার শক্তির চালনা ও নিয়ন্ত্রণ করে, ততক্ষণ উহার গমন প্রবৃত্তি এবং গমন ক্রিয়া হয় না। সেইরূপ অচেতন প্রধানকে কার্যশীল করিবার জন্য একজন অভিজ্ঞ, বিচক্ষণ, নিয়ন্তার প্রয়োজন। দৃষ্টান্ত দ্বারাই অদৃশ্যের জ্ঞান বা ধারণা হইতে পারে সত্য, কিন্তু অচেতনের স্বতঃ ক্রিয়াপ্রবৃত্তির দৃষ্টান্ত নাই। অতএব, অচেতনের স্বতঃ প্রবৃত্তি অননুমের।

যদি আপত্তি কর যে, নিরাধার চৈতন্যেরও প্রবৃত্তির দৃষ্টান্ত নাই। দেহাদি যখন চৈতন্যবিশিষ্ট থাকে, তখনই তাহাদের ক্রিয়া দৃষ্ট হইয়া থাকে। ইহার উত্তরে বলিব যে, ই—তাই বটে। সেই দৃষ্টান্তানুসারে প্রকৃতি চৈতন্যাদিষ্ঠিত হইলেই কার্যশীলা হয়; ইহাই ত আমাদের সিদ্ধান্ত।

২।১।১ সূত্রের আলোচনায় উদ্ধৃত শ্রীমদ্ভাগবতের ৩।২৬।৪ শ্লোক ইহাই প্রকাশ করিতেছে। ১।১।৫ সূত্রের আলোচনায় উদ্ধৃত ৩।৫।২৩-২৪-২৫-২৬ শ্লোকও উহাই ব্যক্ত করিতেছে (পৃ: ৩৮৪)। পূর্বসূত্রে উদ্ধৃত শ্রীমদ্ভাগবতের ১।১।২৪।২-৩-৪-৫-৬ শ্লোক হইতে স্পষ্ট প্রতীতি হইবে যে, প্রকৃতি ব্রহ্মেরই শক্তি। ব্রহ্মের ইচ্ছা বা সংকল্প দ্বারা সঞ্চারিত হইয়া প্রকৃতির সৃষ্টি-প্রবৃত্তি উদ্বোধিত হয়, এবং সেই ব্রহ্মের ইচ্ছাই জীবাদৃষ্টের উদ্বোধক। ২।১।২৩ সূত্রের আলোচনায় আমরা এই সিদ্ধান্তে উপনীত হইয়াছি।

শ্রীমদ্ রামানুজাচার্য্য ২।২।১ ও ২।২।২ সূত্র দুইটি একত্র একটি সূত্ররূপে আলোচনা করিয়াছেন। আমরা অন্যান্য আচার্য্যগণের পদানুসরণ করিয়াছি।

ভিত্তিঃ—

১। বৎসবিবৃদ্ধিনিমিত্তং ক্ষীরস্য যথা প্রবৃদ্ধিরজস্য ।

পুরুষ-বিমোক্ষ-নিমিত্তং তথা প্রবৃদ্ধি-প্রধানস্য ॥

(সাংখ্যকারিকা, ৫৭)

—বালকদিগের দেহপুষ্টির জন্য অচেতন দুগ্ধের যে প্রকার পরিণামাদি ব্যাপার হইয়া থাকে, পুরুষের বিমোক্ষের জন্য সেই প্রকার অচেতন প্রধানেরও পরিণামাদি ব্যাপার ঘটয়া থাকে । (সাংখ্যকারিকা, ৫৭) ।

২। পরিণামতঃ সলিলবৎ প্রতি প্রতি গুণাশ্রয়বিশেষাৎ ॥

(সাংখ্যকারিকা, ১৬)

—জলের গায় গুণ সমূহেরও প্রতিনিয়ত আশ্রয় ভেদে পরিণামের ভেদ হয়, এবং তন্নিবন্ধন কার্য্য-বৈচিত্র্য হয় । (সাংখ্যকারিকা, ১৬) ।

সূত্রঃ—২।২।৩

পয়োহম্বুবচেৎ, তত্রাপি ॥

পয়োহম্বুবৎ + চেৎ + তত্রাপি ।

পয়ঃবৎঃ—দুগ্ধের গায় । অম্বুবৎঃ—জলের গায় । চেৎঃ—যদি বল ।

তত্রাপিঃ—সেখানেও ।

যদি বল যে, দুগ্ধ অচেতন, কিন্তু বৎসের দেহপুষ্টির জন্য উহা যেমন স্বতঃ ক্রিয়িত হইয়া পরিণাম প্রাপ্ত হয় ; মেঘনির্গুক্ত ও ভূ-গর্ভস্থ জল ত একই প্রকার, কিন্তু উহা নারিকেল, তাল, আম, কাঁঠাল, নিম, তেঁতুল প্রভৃতির বিচিত্র রসরূপে পরিণাম প্রাপ্ত হয় । সেইরূপ প্রধান স্বতঃই পরিণাম প্রাপ্ত হইয়া জগৎ রচনা করিয়া থাকে । অথবা, জল যেমন স্বতঃই লোকোপকারার্থ স্রবিত হইয়া নিম্ন-ভূমির অভিমুখে প্রবাহিত হয়, সেইরূপ প্রধান স্বতঃই কার্য্যশীল হইয়া জগৎ সৃষ্টি করে । ইহার উত্তরে সূত্রকার বলিলেন যে, এ সকল স্থলও উভয় পক্ষের বিবাদের অন্তর্নিবিষ্ট, এ সকল স্থলেও চেতনের অধিষ্ঠান অনুমান করিতে হইবে । কারণ, বৃহদারণ্যক শ্রুতির অন্তর্যামী ব্রাহ্মণে (বৃহঃ ৩।৭।৩—২৩ মন্ত্র) উক্ত হইয়াছে যে, পরমাত্মা, পৃথিবী, অপ, অগ্নি, অন্তরীক্ষ, বায়ু, জ্যোতিঃ, আদিত্য, দিক্, চন্দ্র, তারকা, আকাশ, তমঃ, তেজঃ, সর্বভূত, প্রাণ, বাক্, চক্ষুঃ, শ্রোত্র, মনঃ, বুদ্ধি, বিজ্ঞান, সুর প্রভৃতিতে অবস্থিত, অথচ উহাদিগের সকল হইতে পৃথক্, উহারা কেহই তাঁহাকে জানে না ; উহারা তাঁহার

শরীর, এবং তিনি উহাদের নিয়ন্তা, তিনিই তোমার অন্তর্যামী, অমৃতস্বরূপ আত্মা। অতএব, আমাদের মতে, সকলই অন্তর্যামী পরমাত্মা কর্তৃক নিয়ন্ত্রিত। জলের যে নিয়ম গমন, তাহাও চিৎ স্বরূপ, অধিষ্ঠাতা পরমাত্মারই প্রেরণায় হইয়া থাকে। ইহা স্পষ্ট উক্ত বৃহদারণ্যক শ্রুতিতে উক্ত আছে। “এতস্ম বা অক্ষরস্ম প্রশাসনে গার্গি প্রাচ্যোহৃগ্যাঃ নদ্যঃ স্যন্দন্তে.....”। (বৃহঃ ৩।৮।২)। অর্থাৎ, অয়ি গার্গি! এই অক্ষরেরই শাসনে, প্রাচীদেশীয় নদীসকল প্রবহমান হয়...। (বৃহঃ ৩।৮।২)। অতএব, সিদ্ধ হইল যে, চেতনাধিষ্ঠান হেতুই দৃষ্ণ ও জল পরিণাম প্রাপ্ত হয়।

এখন প্রশ্ন হইতে পারে, ২।১।২৫ সূত্রে অণু প্রকার বলা হইল কেন? ইহার উত্তর এই যে, সে স্থলে বলা হইয়াছে যে, লৌকিক সহায়শূন্য পদার্থেরও স্বীয় অসাধারণ শক্তির সাহায্যে বিশেষ বিশেষ কার্য্যাকারে পরিণাম হইয়া থাকে। কিন্তু সেখানেও অন্তর্যামী চেতনের অধিষ্ঠাতৃত্বের প্রতিষেধ করা হয় নাই।

(এই প্রসঙ্গে ১।১।২ সূত্রের আলোচনায় উদ্ধৃত শ্রীমদ্ভাগবতের ৭।৬।২০-২১, ৮।৩।৩, ১০।৮।৫।৪, ১১।২।৩২ শ্লোকগুলি দ্রষ্টব্য (পৃঃ ১০১-১১০)।

সূত্র :—২।২।৪

ব্যতিরেকানবস্থিতেশ্চানপেক্ষত্বাৎ ॥ ২।২।৪ ॥

ব্যতিরেক + অনবস্থিতেঃ + চ + অনপেক্ষত্বাৎ ॥

ব্যতিরেক :—সৃষ্টি ব্যতিরিক্ত প্রলয়াবস্থায়। অনবস্থিতেঃ :—অনবস্থিতির অনুপপত্তির হেতু। চ :—ও। অনপেক্ষত্বাৎ :—যেহেতু সৃষ্টি-কার্য্যে প্রধান কাহাকেও অপেক্ষা করে না।

সাংখ্য বলেন যে, সৃষ্টি রচনায় প্রধান কাহারও অপেক্ষা করে না। স্বীয় স্বভাববশতঃ পরিণাম প্রাপ্ত হইয়া সৃষ্টিকার্য্য কল্পিয়া থাকে। যদি তাহা হয়, তাহা হইলে, কোনও কালে প্রধানের সাম্যাবস্থায় থাকা সম্ভব হইতে পারে না, এবং তাহার ফলে, কোনও কালে প্রলয় হইতে পারে না।

সাংখ্য বলিয়া থাকেন, অচেতন প্রকৃতি চেতন পুরুষের সান্নিধ্যবশতঃ চেতনের দ্বারা ক্রিয়াশীলা হয়, এবং নিষ্ক্রিয় উদাসীন পুরুষ ও ক্রিয়াশীলা প্রকৃতির সান্নিধ্যে সক্রিয় হইয়া “আমি কর্তা” বলিয়া আপনাকে অনুভব করেন।

ভস্মাৎ তৎসংযোগাদচেতনং চেতনাবদিব লিঙ্গম্ ।

জ্ঞানকর্তৃত্বে চ তথা কর্তেব ভবত্যাঙ্গদাসীনঃ ॥

(সাংখ্যকারিকা, ২০) ।

—চৈতন্য ব্যাপার পুরুষে এবং কর্তৃত্ব ব্যাপার প্রকৃতিতে বা বুদ্ধিতে । সূত্রাং চৈতন্য এবং কর্তৃত্ব দুইটি বিভিন্ন ব্যাপার, একাধারে থাকিতে পারে না । কিন্তু যখন একাধারে উপলব্ধ হয়, তখনই মূলে ভ্রম বশতই পরস্পরে সংযোগ হইয়াছে অর্থাৎ অচেতনা বুদ্ধি বা প্রকৃতি চেতন পুরুষের সান্নিধ্য বশতঃ চেতনের স্তায় হয় এবং ক্রিয়াশীলা বুদ্ধির সান্নিধ্যে নিষ্ক্রিয় চৈতন্য স্বরূপ পুরুষও সক্রিয়,— ‘আমি কর্তা’ বলিয়া আপনাকে অনুভব করেন । (পণ্ডিত খগেন্দ্র নাথ শাস্ত্রীরূত ব্যাখ্যা) ।

এখন এই সান্নিধ্যের কারণ কি ? কে ইহার প্রবর্তক ? পুরুষ নিষ্ক্রিয়, উদাসীন । সেজন্ম প্রবর্তক বা নিবর্তক হইতে পারে না । প্রধান অচেতন, জড় ; সূত্রাং প্রধানের পক্ষে প্রবর্তক বা নিবর্তক হওয়া অসম্ভব । প্রধান সৃষ্টি কার্যে কাহারও অপেক্ষা করে না ; সূত্রাং সান্নিধ্যের নিবর্তক কেহ না থাকায়, উহা চিরকালেই বর্তমান ; এবং সে জন্ম কোনও কালেই প্রলয় সংঘটিত হইতে পারে না । কিন্তু সাংখ্য ও প্রপঞ্চ জগতের অভিব্যক্তি ও অনভিব্যক্তি অর্থাৎ সৃষ্টি ও প্রলয়, স্বীকার করেন । অতএব, সাংখ্য মত উপেক্ষণীয় ।

শ্রুতিতে স্পষ্টই উল্লেখ আছে যে, প্রলয় কালে এই পরিদৃশ্যমান বিশ্ব একমাত্র অদ্বিতীয় সংস্বরূপে ছিল । তিনি আলোচনা করিলেন, আমি জন্মিব, বহু হইব । ছান্দোগ্যঃ ৬।২।১, ৬।২।৩—১।১।৫ সূত্রের শিরোদেশে উদ্ধৃত শ্রুতিমন্ত্র (পৃঃ ৩৭৮) ।

ঐ ১।১।৫ সূত্রের আলোচনায় উদ্ধৃত শ্রীমদ্ভাগবতের ৩।৫।২৩, ৩।৫।২৪, ১।১।২৪।২০, ১।১।২২।১৬, ১।১।২২।১৭ শ্লোকগুলি দ্রষ্টব্য (পৃঃ ৩৮৪, ৩৮৫, ৩৭২-৩৮০) । বাহুল্য ভয়ে উহাদিগকে পুনরুদ্ধৃত করা হইল না । ঐ সকল শ্লোক হইতে স্পষ্ট প্রতীতি হইবে যে, প্রলয়ে একমাত্র সংস্বরূপ ব্রহ্মই বিদ্যমান ছিলেন । তাঁহার বহু হইবার ইচ্ছায়, তাঁহার শক্তিরূপা প্রকৃতি, বাহা তাঁহাতে তাদাত্মভাবে লীন ছিল, ক্রিয়াশীলা হইয়া, তাঁহারই নিয়ন্তৃত্বে জগৎ রচনা করেন । এবং যতক্ষণ তাঁহার “ঈক্ষণ”, অর্থাৎ বহু হইয়া প্রকটিত হইবার ইচ্ছা, অগ্রকথায় সৃষ্টি পালনেচ্ছা বর্তমান থাকিবে, ততকাল সৃষ্টি পৌর্কোপর্ধ্যভাবে বিদ্যমান

থাকিবে। তাহার পর আবার তাঁহাতে লয় প্রাপ্ত হইয়া অবস্থান করিবে, ইহা শ্রুতিসম্মত সিদ্ধান্ত।

সংশয় :—পরমেশ্বরের প্রেরণা ব্যতীত অচেতন প্রধানের ক্রিয়াপ্রবৃত্তি সম্ভবপর হইতে পারে না, বলিতেছ বটে। কিন্তু প্রত্যক্ষ দেখিতে পাওয়া যায় যে, ধেনু দ্বারা ভক্ষিত তৃণ, পল্লব ও তদ্বারা পীত জল প্রভৃতি অগ্নি সাহায্য নিরপেক্ষ ভাবে দুগ্ধে পরিণত হয়। সেইরূপ প্রধানেরও অগ্নি নিরপেক্ষ ভাবে কার্য্য প্রবৃত্তি কেন না হইবে? ইহার উত্তরে সূত্রকার সূত্র করিলেন :—

সূত্র :—২।২।৫

অগ্ন্যভাবাচ্চ ন তৃণাদিবৎ ॥ ২।২।৫

অগ্নত্র + অভাবাৎ + চ + ন + তৃণাদিবৎ ।

অগ্নত্র :—অপর স্থানে, ধেনু ব্যতিরিক্ত অগ্নি স্থানে। **অভাবাৎ :**—অভাব হেতু—না হওয়ায়। **চ :**—ও। **ন :**—না। **তৃণাদিবৎ :**—তৃণাদির গায়।

যদি তৃণ, পল্লব, জলাদির স্বাভাবিক প্রকৃতিগত দুগ্ধে পরিণত হইবার শক্তি থাকিত, তাহা হইলে ধেনু দ্বারা ভক্ষিত হওয়া ব্যতীত অগ্ন্যাগ্নি স্থলেও তাহা হইতে পারিত। বলীবর্দ ভক্ষণ করিলে কি তৃণাদি দুগ্ধ দান করে? অথবা, প্রাক্ষণে তৃণ, জল প্রভৃতি মিশাইয়া একস্থানে রাখিলে কি দুগ্ধ উৎপন্ন হয়? তাহা যখন হয় না, তখন ধেনু দৃষ্টান্তটি উক্ত প্রকার অনুমানের পক্ষে প্রচুর হইল না। পক্ষান্তরে, পরমেশ্বরের ইচ্ছা বশতঃই ধেনু দ্বারা ভক্ষিত তৃণাদিই দুগ্ধে পরিণত হয়। সুতরাং উক্ত দৃষ্টান্ত আমাদের সিদ্ধান্তেরই পোষক।

এই প্রসঙ্গে ১।৩।৪ঃ সূত্রের আলোচনার উদ্ধৃত শ্রীমদ্ভাগবতের ৩।২।৩৩-৩৪-৩৫-৩৬ শ্লোকগুলি দ্রষ্টব্য (পৃ: ৬৫১-৬৫২)। পরমেশ্বরের ভয়ে বা নিয়মে অগ্নি চরাচর সকলেই বদ্ধ। কেহই সে নিয়মের ব্যতিক্রম করিতে পারে না। তাঁহার নিয়মেই তৃণাদি ভক্ষণে ধেনুগণ দুগ্ধবতী হয়; নতুবা তৃণাদির এমন কোনও স্বাভাবিক ক্ষমতা নাই, যাহাতে তাহারা নিরপেক্ষভাবে দুগ্ধরূপে পরিণত হইতে পারে।

শ্রীমন্ ব্রহ্মসূত্রের মতে এই সূত্র সেখান সাংখ্যমত নিরসন করিতেছে। সে

মতে, যেমন পৰ্জ্বল্লের অমুগ্রহে পৃথিবীতে তৃণাদির উৎপত্তি হয়, সেইরূপ ঈশ্বর-
 মুগ্রহে প্রকৃতিতে বিশ্ব প্রপঞ্চের উৎপত্তি হইয়া থাকে। জড়প্রধান স্বতন্ত্রভাবে
 উৎপত্তির কারণ নহে; ছান্দোগ্য শ্রুতির ৭।২।৫।১ মন্ত্রানুসারে, “ব্রহ্মই এই
 প্রপঞ্চের নীচে, উপরে, পশ্চাতে, সম্মুখে, দক্ষিণে, উত্তরে, এক কথায়,
 এই প্রপঞ্চ জগৎই ব্রহ্ম” উক্ত হইয়াছে। অতএব ব্রহ্ম অনুগ্রাহক রূপে
 প্রপঞ্চ হইতে ভিন্ন নহেন। সূতরাং সেশ্বর, সাংখ্যবাদও নিরস্ত হইল। তিনি
 ইহার পোষকে শ্রীমদ্ভাগবতের ১।১।২২ ও ২।৫।১৪ শ্লোক উদ্ধৃত করিয়াছেন।
 ইহাদের মধ্যে ১।১।২২ শ্লোক ১।১।৩ সূত্রের আলোচনায় (পৃ: ২১৬) এবং,
 ২।৫।১৪ শ্লোক ২।১।৩৭ সূত্রের আলোচনায় উদ্ধৃত হইয়াছে। ঐ ঐ স্থানে ঐ
 শ্লোক দুটি এবং উহাদের অর্থ স্পষ্টব্য।

ভিত্তি :—

পুরুষস্য দর্শনার্থং কৈবল্যার্থং তথা প্রধানস্য ।

পশুকুবহুভয়োরপি সংযোগস্তৎকৃতঃসর্গঃ ॥

(সাংখ্যকারিকা, ২১)

— পুরুষের কৈবল্যের জন্ম এবং প্রধানের দর্শনার্থ—অর্থাৎ পুরুষ প্রকৃতির স্বরূপ দর্শন করিয়া মুক্তিলাভ করিবে, ইহাই প্রধানের সৃষ্টির প্রয়োজন। এই জন্ম পশু ও অঙ্কুর গায়—প্রকৃতি ও পুরুষ, এতদ্বয়ের সংযোগ হয় এবং সেই সংযোগের ফলে সৃষ্টি হইয়া থাকে। (সাংখ্যকারিকা, ২১)

সূত্র :—২।২।৬

অভ্যুপগমেহপ্যর্থাভাবাৎ ॥ ২।২।৬

অভ্যুপগমে + অপি + অর্থাভাবাৎ ॥

অভ্যুপগমে :—স্বীকার করিলে। অপি :—ও। অর্থাভাবাৎ :—
প্রয়োজনের অভাববশতঃ।

মহর্ষি কপিলের প্রতি ব্রহ্মার অনুরোধে, প্রধানে অস্তিত্ব এবং তাহার অণু নিরপেক্ষ হইয়া জগৎ রচনার শক্তি থাকা স্বীকার করিলেও, কোনও রূপ প্রয়োজন সিদ্ধির সম্ভাবনা নাই; সুতরাং অকারণ, প্রধান অনুমানের কোনও আবশ্যিকতা নাই।

সাংখ্যাচার্য্যের মতে প্রধানের জগৎ সৃষ্টির প্রয়োজন, শিরোদেশে উক্ত কারিকায় উক্ত হইয়াছে। উহা হইতে স্পষ্ট প্রতীয়মান হয় যে, পুরুষের সুখ দুঃখ ভোগ ও মুক্তিলাভ, এই দুইটি প্রধানের প্রয়োজন বলিয়া সাংখ্যাচার্য্যের অভিমত। কিন্তু সাংখ্যোক্ত পুরুষের পক্ষে এই ভোগ ও মুক্তিলাভ সম্ভবপর হইতেছে না। কারণ, সাংখ্যমতে পুরুষ স্বভাবতঃই চৈতন্যময়, নিষ্ক্রিয়, নির্বিকার, নির্মল এবং সেই জন্মই নিত্যমুক্ত স্বরূপ। সুতরাং তাঁহার পক্ষে প্রকৃতি দর্শনরূপ ভোগ এবং প্রকৃতির সহিত সম্বন্ধচ্ছেদরূপ মুক্তি, এই উভয়ই সম্ভবপর নহে। যদিও এ প্রকার পুরুষের পক্ষে প্রকৃতি সান্নিধ্যবশতঃ প্রকৃতি পরিণামরূপ সুখ দুঃখের অনুভবাত্মক ভোগ কথঞ্চিৎ সম্ভবপর হইলেও, ঐ প্রকৃতিসান্নিধ্য যখন নিত্যই বর্তমান, তখন কস্মিন্ কালে পুরুষের মুক্তিলাভ সিদ্ধ হইতেছে না। আবার পুরুষ নিত্য মুক্তস্বরূপ হওয়ায়, তাঁহার

মুক্তিলাভ ত নিতাই হইয়া আছে ; সুতরাং তাহা আবার কি প্রকারে সিদ্ধ হইবে ?

আরও, সাংখ্যাচার্যের অভিमत যে, লোকে যেমন ঔৎসুক্য নিবারণের জন্ত, নানাকার্যে প্রবৃত্ত হয়, সেইরূপ প্রধানও পুরুষের ভোগের জন্ত সৃষ্টিক্রিয়ায় প্রবৃত্ত হয়, (দেখ সাংখ্যকারিকা ৫৮) । প্রধান যখন জড়, অচেতন, তখন তাহার আবার ঔৎসুক্য কি প্রকারে হয় ? ইচ্ছাবিশেষের নাম ঔৎসুক্য, উহা জড়ের পক্ষে অসম্ভব । পূর্বে উক্ত হইয়াছে যে, নিত্য সান্নিধ্য হেতু মুক্তিলাভও পুরুষের পক্ষে অসম্ভব । এক্ষণে প্রতিপাদিত হইল যে, জড় অচেতন প্রধানের পক্ষে পুরুষের ভোগ বিধান অসম্ভব । সুতরাং সাংখ্যমত সর্বথা উপেক্ষণীয় ।

পক্ষান্তরে, প্রকৃতি পরমেশ্বরেরই শক্তি । তিনি উহাকে বশে রাখিয়া জগৎ সৃষ্টি করেন এবং জীব তাঁহার ইচ্ছাতেই মায়াবশ হইয়া সুখ দুঃখ ভোগ করিয়া থাকে । পরমেশ্বর কিন্তু সর্বদা স্বরূপে বর্তমান । তাঁহার স্বরূপ-বিচ্যুতি ঘটে না ।

স যদজয়া ত্বেজামনুশয়ীত গুণাংশ্চ জুঘন,

ভজতি স্বরূপতাং তদনু মৃত্যুমেতভগঃ ।

ত্বমুত জহাসি তামর্হিরিব ত্বচমাত্তভগো

মহসি মহীয়সেহৃষ্টগুণিতেহপরিমেয়ভগঃ ॥

ভাগঃ ১০।৮৭।৩৪

—সেই জীব যখন মুগ্ধ হইয়া মায়াকে আলিঙ্গন করেন, তখন দেহেন্দ্রিয়াদির সেবা করতঃ পশ্চাৎ তদ্বর্শযুক্ত হইয়া স্বরূপ বিশ্বিত্তিপূর্বক জন্ম-মরণরূপ সংসার প্রাপ্ত হইয়েন । কিন্তু আপুনি, সর্প যেমন নিশ্চোক পরিত্যাগ করে, সেইরূপ মায়াকে পরিত্যাগ করিয়া নিজ স্বরূপ ঐশ্বর্যে প্রতিষ্ঠিত থাকেন ; এবং অগ্নিাদি অষ্টগুণিত পরমৈশ্বর্যে ঐশ্বর্যবান্ হইয়া অপরিচ্ছিন্নরূপে পূজনীয় হইয়েন ।

ভাগঃ ১০।৮৭।৩৪

(জীবের সংসার ভোগ হয় কেন ও তাহা হইতে মুক্তি কি প্রকারে হয়, ইহার আলোচনা ২।:১২৩ সূত্রের আলোচনায় সংক্ষেপেতঃ করা হইয়াছে, উহা দ্রষ্টব্য ।)

ভিত্তি :—

পূর্ব সূত্রের শিরোদেশে উক্ত সাংখ্যকারিকা ২১ ।

সূত্র :—২।২।৭

পুরুষাশ্বদিত্তি চেৎ, তথাপি ॥ ২।২।৭

পুরুষাশ্বৎ + ইতি + চেৎ + তথাপি ।

পুরুষবৎ:—পশু ও অন্ধ পুরুষের ন্যায়। অশ্ববৎ:—অয়স্কাস্ত মণি বা চুষকের ন্যায়। ইতি:—ইহা। চেৎ:—যদি বল। তথাপি:—তাহা হইলেও।

যদি বল যে, ক্রিয়া সাধনে অক্ষম পশু পুরুষ যেমন কেবল সন্নিহিত থাকিয়া দৃশ্যবস্তু অন্ধ পুরুষকে পরিচালিত করে, এবং অয়স্কাস্ত মণি যেমন নিজে নিষ্পন্দ থাকিয়াও লৌহে স্পন্দন উৎপাদন করিয়া থাকে, তেমনি নিষ্ক্রিয় পুরুষের সান্নিধ্য বশতঃ অচেতন প্রধানও জগৎ নির্মাণে প্রবৃত্ত হইতে পারে। ঈশ্বরাধিষ্ঠানের আবশ্যকতা কি? ইহার উত্তর এই যে, প্রধানের সেরূপ প্রবৃত্তিও সম্ভবপর নহে। কেননা, পশুর গমনক্ষমতা না থাকিলেও, উপদেশ দিবার ক্ষমতা আছে, তাহাই তাহার ব্যাপার। আর অন্ধ ব্যক্তি দেখিতে না পাইলেও, তাহার উপদেশ গ্রহণ করিয়া তদনুসারে কার্য সম্পাদন করিবার ক্ষমতা আছে। উহারা উভয়েই চেতন। আবার অন্যপক্ষে, অয়স্কাস্ত মণি ও লৌহ—উভয়েই অচেতন। উভয়ের সান্নিধ্য নিত্য নহে। ঘটনাবশতঃ সাময়িক ভাবে সন্নিহিত হইয়া অয়স্কাস্ত মণি লৌহকে পরিচালিত করে। কিন্তু পুরুষ সর্বদাই প্রধানের সন্নিহিত, এবং সন্নিধান যদি ক্রিয়ার প্রবর্তক হয়, তবে সৃষ্টি সর্বদাই হইবে, কখনও প্রলয় ঘটিবার সম্ভাবনা হইবে না, এবং পুরুষের মোক্ষলাভও অসম্ভব হইবে। অন্যপক্ষে, ইহাদের মধ্যে একটি চেতন ও অপরটি অচেতন, স্মতরাং দৃষ্টান্ত ঠিক হইল না; এবং এই দৃষ্টান্তের বলে প্রধানের জগৎ রচনারূপ অনুমান সিদ্ধ হইতে পারে না।

পক্ষান্তরে, লৌহ যেরূপ চুষকের আকর্ষণে আকৃষ্ট হয়, সেইরূপ ভক্তের চিত্ত ভগবানের আকর্ষণে আকৃষ্ট হইয়া, তাহারই অভিগৃহে স্থির থাকে।

যথা ভ্রাম্যত্যয়ো ব্রহ্মন্ স্বয়মাকর্ষসন্নিধৌ ।

তথা মে ভিগ্নতে চেতশ্চক্রপাণেষ'দৃচ্ছয়া ॥ ভাগঃ ৭।৫।১২

—হে ব্রহ্মন্ ! লৌহ যেরূপ চুম্বকের সন্নিধানে স্বয়ং ভ্রমণ করে, সেইরূপ আমার চিত্ত যদৃচ্ছাক্রমে চক্রপাণির সন্নিধানে ভ্রমণ করিতেছে । ভাগঃ ৭।৫।১২

ফলতঃ চরাচর, স্থাবর জঙ্গম সমুদায়ই, ঈশ্বরের বশে পরিচালিত হইয়া জগৎ কার্য সম্পাদন করিতেছে । ইহা ১।৩।১১ ও ১।৩।৪১ সূত্রের আলোচনায় প্রতিপাদিত হইয়াছে । এখানে বাহুল্যের প্রয়োজন নাই ।

ভিত্তি :—

২।২।৩ সূত্রে শিরোদেশে উদ্ধৃত সাংখ্যকারিকা ১৬।

সূত্র :—২।২।৮

অজিত্বানুপপত্তেশ্চ ॥ ২।২।৮

অজিত্ব + অনুপপত্তেঃ + চ ।

অজিত্ব :—একের প্রাধান্যের । অনুপপত্তেঃ :—অনুপপত্তি হেতু । চ :
—ও ।

সাংখ্যাচার্য্য ১৬ সংখ্যক কারিকায় বলিয়াছেন যে, জলের ন্যায় সত্ত্বাদি গুণ সমূহের আশ্রয় ভেদ অর্থাৎ প্রধানাপ্রধান ভাব নিবন্ধনই বিচিত্র পরিণাম হইয়া থাকে । আবার, তোমরাই স্বীকার কর যে, সত্ত্ব, রজঃ ও তমঃ এই তিন গুণের সাম্যাবস্থাই প্রধান, এবং প্রলয় কালে তিন গুণই সাম্যাবস্থায় থাকে । সৃষ্টির প্রারম্ভে তাহাদের অঙ্গাঙ্গি ভাব, অর্থাৎ অপর দুইটিকে অপ্রধান করিয়া একটির প্রাধান্য লাভ, উপপন্ন হইতে পারে না ; এবং সেই কারণে জগৎ সৃষ্টিও উপপন্ন হইতে পারে না । আর তখনও গুণ বৈষম্য স্বীকার করিলে সৃষ্টিরই নিত্যতা সিদ্ধ হয়, প্রলয় ঘটিতেই পারে না । এই কারণেও পরমেশ্বর কর্তৃক অনধিষ্ঠিত প্রধান, জগৎকারণ হইতে পারে না ।

সূত্র :—২।২।৯

অন্যথানুমিতৌ চ জ্ঞ-শক্তি বিয়োগাৎ ॥ ২।২।৯

অন্যথা + অনুমিতৌ + চ + জ্ঞ-শক্তি-বিয়োগাৎ ।

অন্যথা :—অন্য প্রকারে । অনুমিতৌ :—অনুমান । 'চ :—ও ।
জ্ঞ-শক্তি-বিয়োগাৎ :—জ্ঞানশক্তির অভাব বশতঃ ।

প্রধান নিরপেক্ষভাবে জগৎ কারণ, সাংখ্যের এই সিদ্ধান্তের অনুকূলে প্রযুক্ত যে সমস্ত যুক্তির দোষ প্রদর্শন করা হইল, সাংখ্যাচার্য্য তন্নির অল্প যে কোনও প্রকারে প্রধানের অনুমান করুন না কেন, প্রধানের জ্ঞানশক্তি না থাকায়, সে অনুমানের সম্বন্ধেও উক্ত দোষ সকল সম্ভাবিত হইতে পারে । অতএব,

কোনও প্রকারেই প্রধানের অনুমান সিদ্ধ হয় না এবং পরমেশ্বর কর্তৃক অনধিষ্ঠিত প্রধান উৎপত্তিকারণ হইতে পারে না।

২।২।৮ ও ২।২।৯ সূত্রের প্রসঙ্গে ২।২।১ সূত্রের আলোচনায় উদ্ধৃত শ্রীমদ্ভাগবতের ১।১।২৪।২-৩-৪-৫-৬ শ্লোকগুলি দ্রষ্টব্য। উহারা সংক্ষেপে সূত্ররূপে সৃষ্টিক্রিয়া প্রতিপন্ন করে। অধিক বাহুল্য নিম্প্রয়োজন।

[শ্রীমদ্ রামানুজাচার্য্য ২।২।৬ সূত্র, এই সূত্রের পরে সন্নিবেশিত করিয়াছেন। কিন্তু অপরাপর আচার্য্যগণের অবলম্বিত পন্থানুসারে, উহা অগ্রেই দেখান হইয়াছে।]

ভিত্তি :—

১। সংঘাত পরার্থত্বাৎ ত্রিগুণাদিবিপর্যয়াধিষ্ঠানাৎ ।
পুরুষোহস্তি ভোক্তৃভাবাৎ কৈবল্যার্থং প্রবৃত্তেশ্চ ॥
(সাংখ্যকারিকা ১৭)

২। তস্মাচ্চ বিপর্যাসাৎ সিদ্ধং সাক্ষিভ্রমশ্চ পুরুষশ্চ ।
কৈবল্যং মাধ্যস্ত্যং দ্রষ্টৃভ্রম কতৃভাবশ্চ ॥
(সাংখ্যকারিকা ১৯)

(৩) ২।২।৩ সূত্রের শিরোদেশে উদ্ধৃত ৫৭ সাংখ্যকারিকা ।

(৪) ২।২।৪ „ „ „ ২০ „ „ ।

(৫) ২।২।৬ „ „ „ ২১ „ „ ।

৬। তস্মান্ন বধ্যতেহ্কা ন মুচ্যতে নাপি সংসরতি কশ্চিৎ ।
সংসরতি বধ্যতে মুচ্যতে চ নানাশ্রয়া প্রকৃতিঃ ॥
(সাংখ্যকারিকা ৬২)

ইহার সরলার্থ সংক্ষেপে সূত্রালোচনায় দেওয়া হইয়াছে ।

৭। নানাবিধৈরুপায়ৈরুপকারিণ্যানুপকারিণঃ পুংসঃ ।
গুণবত্যাগুণশ্চ সত্যাস্তস্যার্থমপার্থকং চরতি ॥
(সাংখ্যকারিকা ৬০)

—গুণবতী পত্নী যেমন গুণহীন স্বামীর সন্তোষের জন্য যাবতীয় গৃহকার্যাদি সম্পাদন করিয়া থাকেন, গুণময়ী মহাশক্তি প্রকৃতিও সেইরূপ গুণাতীত সূত্রাৎ প্রত্যুপকারে উদাসীন, নিত্য সিদ্ধভাবে—চিরবিন্দুমান ভ্র-স্বরূপ পুরুষের প্রয়োজনও নিজে নিঃস্বার্থে সম্পন্ন করিয়া থাকেন । (সাংখ্যকারিকা ৬০)

৮। রঙ্গস্য দর্শয়িত্বা নিবর্ততে নর্তকী যথা নৃত্যাৎ ।
পুরুষস্য তথাহ্মানং প্রকাশ্য নিবর্ততে প্রকৃতিঃ ॥
(সাংখ্যকারিকা ৫৯)

ইহার অর্থ সংক্ষেপে আলোচনায় দেওয়া হইয়াছে ।

সূত্র :—২।২।১০

বিপ্রতিষেধাচ্চাসমঞ্জসম্ ॥ ২।২।১০

বিপ্রতিষেধাৎ + চ + অসমঞ্জসম্ ।

বিপ্রতিষেধাৎ :—পরস্পর বিরোধবশতঃ । চ :—ও । অসমঞ্জসম্ :—
সামঞ্জস্য রহিত ।

পরস্পর বিরুদ্ধার্থ প্রতিপাদিত হওয়ায়, সাংখ্য দর্শন অসামঞ্জস্যপূর্ণ । সাংখ্যাচার্য্য ১৭ সংখ্যক কারিকায় বলিয়াছেন যে, “যে হেতু সংঘাত বা সমষ্টিভূত সাবয়ব পদার্থমাত্রই পরার্থ, যেহেতু ত্রিগুণাত্মক পদার্থমাত্রই বিরুদ্ধ ভাবাপন্ন, যেহেতু অচেতনের কার্য্যে চেতনের অধিষ্ঠানের প্রয়োজন, যেহেতু ভোগ্য থাকিলেই ভোক্তার আবশ্যক, যেহেতু কৈবল্য লাভের জন্ম ও চেষ্টা দৃষ্ট হয়, অভাব, নিশ্চয়ই প্রকৃতির অতিরিক্ত পুরুষ বলিয়া একটি পদার্থ আছে ।” ইহার পর, ১৯ সংখ্যক কারিকায় সাংখ্যাচার্য্য বলিয়াছেন যে, “পূর্বোক্ত প্রকার বৈপরীত্য নিবন্ধনই এই পুরুষের সাক্ষিত্ব, কৈবল্য (বিশুদ্ধতা), মাধ্যস্ত্য (উদাসীনতা), দ্রষ্টৃত্ব ও অকর্তৃত্ব সিদ্ধ হইল ।” তারপর ৫৭ কারিকায় বলিয়াছেন যে, “বৎসের শরীরপুষ্টির জন্ম যেমন দুগ্ধের স্বতঃপ্রবৃত্তি, সেইরূপ পুরুষের মোক্ষের নিমিত্ত অচেতন প্রধানের প্রবৃত্তি হইয়া থাকে ।” ৬২ সংখ্যক কারিকায় বলিলেন যে, “পুরুষ বদ্ধ হয় না, মুক্ত হয় না, সংসারী হয় না, পরন্তু নানারূপ পরিবর্তনশীলা প্রকৃতিই সংসারী হয়, বদ্ধ হয় ও মুক্ত হয় ।” আবার ২০ ও ২১ সংখ্যক কারিকায় বলিলেন যে, “যেহেতু পুরুষ চেতন হইয়াও নিষ্ক্রিয় আর প্রকৃতি অচেতন হইয়াও সক্রিয় ; প্রকৃতি-পুরুষের সংযোগ বশতঃ অচেতন প্রকৃতি—অর্থাৎ, প্রকৃতির পরিণাম বুদ্ধিতত্ত্ব, অচেতন হইয়াও চেতনের গায় হয়, আর পুরুষ স্বভাবতঃ উদাসীন হইয়া কর্তার গায় প্রতীত হয় । পুরুষের কৈবল্যসিদ্ধির জন্ম এবং পুরুষ কর্তৃক প্রকৃতির দর্শনের জন্ম, অন্ধ-পঙ্গুর গায়, প্রকৃতি ও পুরুষ উভয়ের সংযোগ হয় এবং তাহার ফলেই সৃষ্টি হইয়া থাকে ।”

সাংখ্যাচার্য্যের উপরে লিখিত মতের বিরুদ্ধে বক্তব্য এই যে, কৈবল্য-স্বভাব, উদাসীন, অকর্তা পুরুষের সম্বন্ধে দ্রষ্টৃত্ব, ভোক্তৃত্ব ধর্ম্মগুলি সম্ভবপর হয় না, এবং তাঁহার সম্বন্ধে অধ্যাসমূলক ভ্রমও সম্ভবপর হয় না । অচেতন প্রকৃতির চেতনবৎ প্রতীয়মান হওয়া ভ্রম ভিন্ন কিছুই নহে এবং উদাসীন পুরুষের কর্তা সাজা অধ্যাসমূলক ভ্রমবশতই সম্ভব । কিন্তু, অধ্যাস ও ভ্রম উভয়ই বিকারাত্মক । নির্বিকার পুরুষে উহা কি প্রকারে সম্ভব হইতে পারে ? আবার উহারা চেতনের ধর্ম্ম বিধায়—অচেতন প্রকৃতিতেও সম্ভবপর নহে ।

আবার পুরুষ যদি নিত্য মুক্ত, এবং বদ্ধ, মোক্ষ ও সংসার যদি প্রকৃতিরই, তবে পুরুষের মোক্ষের জন্ম, প্রধানের প্রবৃত্তিই বা কেন হইবে ? এবং ৬০

সংখ্যক কারিকায় প্রকৃতিকে গুণবতী ভার্য্যার ন্যায় অগুণ স্বামী (পুরুষের) উপকারিণী বলা হয় কিরূপে ? এবং ৫১ সংখ্যক কারিকায় বলিয়াছেন যে, “নর্ভকী যেমন রঙ্গালয়ে দ্রষ্টাগণকে নৃত্য দর্শন করাইয়া নিবৃত্ত হয়, সেইরূপ প্রকৃতিও পুরুষের নিকট আত্মপ্রকাশ করিয়া নিবৃত্ত হয়।” নিত্যমুক্ত, নির্বিকার পুরুষের পক্ষে প্রকৃতির এ প্রকার দর্শন হইতে পারে না।

যদি প্রকৃতির সান্নিধ্যই ‘দর্শন’ শব্দের অর্থ হয়, তবে সান্নিধ্যের নিত্যতা হেতু দর্শনেরও নিত্যতা হইবে, ইহা পূর্বে বলা হইয়াছে। আর চৈতন্যময় পুরুষের স্বরূপাতিরিক্ত সাময়িকভাবে সান্নিধ্য লাভ,—নিত্য নির্বিকার পুরুষের পক্ষে সম্ভব হয় না। কারণ, ও প্রকার সাময়িক সান্নিধ্য প্রাপ্তি চেষ্টাসাপেক্ষ। যদিও পুরুষ চেতন বলিয়া ও প্রকার চেষ্টা পুরুষের ইচ্ছাধীন, কিন্তু উদাসীন, নির্বিকার পুরুষের ও প্রকার ইচ্ছা হইবার কোনও সম্ভব কারণ দেখা যায় না। আবার, প্রকৃতিও অচেতন বিধায়, নিজে চেষ্টা করিয়া সাময়িক সান্নিধ্য ঘটাইতে পারে না।

আবার, যদি বল যে, পুরুষের প্রকৃতি সান্নিধ্যরূপ দর্শন মোক্ষের হেতু, তাহা হইলে, উহাই যখন বন্ধের প্রধান হেতু, তখন বন্ধ ও মোক্ষ উভয়ই নিত্য হইয়া পড়ে। যদি বল, ভ্রান্তি দর্শনই বন্ধের হেতু, এবং স্বরূপ দর্শনই মোক্ষের হেতু, কিন্তু উভয় প্রকার দর্শনই যখন সন্নিধি মাত্রের অতিরিক্ত নহে, তখন সর্বদাই বন্ধ মোক্ষ উভয়েরই সম্ভাবনা রহিয়াছে। আবার, কিন্তু বলিয়াছ যে—পুরুষের বন্ধ মোক্ষ কিছুই নাই ; উহা প্রকৃতিরই।

যদি সন্নিধান অনিত্য বল, তবে তাহার সংঘটনের জন্য একটি কারণের আবশ্যক। আবার সে কারণের কারণ এবং তাহারও কারণ অনুসন্ধান প্রয়োজন হইয়া পড়ে। সুতরাং “অনবস্থা” দোষ উপস্থিত হয়। আবার, পক্ষান্তরে উভয়ের স্বরূপ সম্ভাবকেই যদি সন্নিধি বলা যায়, তাহা হইলে উভয়ের—স্বরূপ যখন নিত্য, তখন বন্ধ-মোক্ষ উভয়ই নিত্য হইয়া পড়ে। এই প্রকার বহুবিধ বিরোধ থাকায় সাংখ্যমত অসামঞ্জস্যপূর্ণ।

সাংখ্যদর্শন-আলোচনা।

উপরে লিখিত বিচার শ্রীমদ্ রামানুজাচার্য্যের “শ্রীভাষ্য” হইতে সম্বলিত। সামান্য মাত্র পরিবর্তন করা হইয়াছে। রামানুজাচার্য্য সাংখ্যকারিকা হইতে প্রমাণ সংগ্রহ করিয়াছেন। সাংখ্য প্রবচন সূত্রের সাহায্য গ্রহণ করেন নাই। রামানুজ খৃষ্টীয় ১০২৭ অব্দে জন্মগ্রহণ করেন, ইহা পণ্ডিতগণের সিদ্ধান্ত। তিনি খৃষ্টীয় ষোড়শ শতাব্দীর লোক। পাশ্চাত্য পণ্ডিতগণের মতে সাংখ্য

প্রবচন সূত্রের রচনাকাল চতুর্দশ শতাব্দী, ইহা আমরা পরে পাইব। সুতরাং সে মতে রামানুজাচার্যের অভ্যুদয় কালে সাংখ্য প্রবচন সূত্র রচিত হয় নাই।

শ্রীযুক্ত বলদেব বিদ্যভূষণ তাঁহার “গোবিন্দ ভাষ্যে” সাংখ্য প্রবচন সূত্রের সূত্র, উদ্ধার করিয়া বিচার করিয়াছেন; তিনি সাংখ্যকারিকার সাহায্য গ্রহণ করেন নাই। পণ্ডিত শ্রীযুক্ত খগেন্দ্রনাথ শাস্ত্রী সাংখ্যকারিকাকেই “সাংখ্য দর্শন” নামে অভিহিত করিয়াছেন। ইহা ২।১।১ সূত্রের আলোচনার উল্লিখিত হইয়াছে। ষড়্দর্শন বেত্তা—শ্রীমদ্ বাচস্পতি মিশ্র সাংখ্যকারিকার “তত্ত্বকৌমুদী” নামক টীকা প্রণয়ন করিয়া উহার অর্থবোধ অপেক্ষাকৃত সুকর করিয়াছেন। পক্ষান্তরে, সাংখ্য প্রবচন সূত্রেরও অনির্ভুক্ত কৃত বৃত্তি ও বিজ্ঞান ভিক্ষু কৃত ভাষ্য আছে। পাণিনি অফিস হইতে উহাদের ইংরাজি অনুবাদ মুদ্রিত হইয়া, “হিন্দুদিগের পবিত্র ধর্মপুস্তকাবলির ১১শ খণ্ডে” প্রকাশিত হইয়াছে। এই উভয় পুস্তকের সাহায্যে আমাদের নিম্নলিখিত সংক্ষেপ আলোচনা করা হইল। ব্রহ্মসূত্রে সাংখ্য সম্বন্ধে বহু দোষ প্রদর্শিত হইয়াছে; এবং বেদান্ত দর্শনের প্রথম অধ্যায়ের ও দ্বিতীয় অধ্যায়ের ১ম পাদের অনেকগুলি সূত্র, এবং দ্বিতীয় অধ্যায়ের দ্বিতীয় পাদের প্রথম দশটি সূত্র, সাংখ্য দর্শনের বিরুদ্ধে প্রযুক্ত হইয়াছে। কিন্তু সাংখ্য দর্শনের সপক্ষে বলিবার কিছু আছে কিনা, তাহাই আমাদের আলোচনার বিষয়; সুতরাং উক্ত আলোচনা একেবারে অবাস্তব হইবে না।

প্রথমে দেখা যাউক যে, বেদান্ত ও সাংখ্য উভয় দর্শনের প্রতিপাত্ত কি? **বেদান্তের প্রথম প্রতিপত্তা—ব্রহ্ম-জিজ্ঞাসা।** সুতরাং ব্রহ্মের স্বরূপ নির্দেশ, তাঁহার সহিত জীব ও জগতের সম্বন্ধ নির্ণয়, ব্রহ্ম সম্বন্ধে জ্ঞান লাভের উপায় বা সাধন, এবং জ্ঞান লাভ করিলে ফল কি—এ সমুদায়ই বেদান্তের প্রতিপাত্ত। **সাংখ্যের প্রথম প্রতিপত্তা—“দুঃখত্রয়াভি ঘাতাজ্জিজ্ঞাসা তদবঘাতকে হেতৌ।”** (সাংখ্যকারিকা, ১)।—আধ্যাত্মিক, আধিভৌতিক ও আধিজৈবিক দুঃখে নিরন্তর পীড়্যমান মানব, তাহার আত্যন্তিক নিবৃত্তির উপায় জিজ্ঞাসা করিতে স্বতঃই প্রবৃত্ত হয়।

ব্যবহারিক উপায় অবলম্বনে দুঃখের সাময়িক প্রতিকার কথঞ্চিৎ হয় বটে, কিন্তু তাহাতে দুঃখের মতান্তর নিবৃত্তি হয় না। আবার দুঃখের প্রতিক্রিয়াও দুঃখ ভিন্ন অন্য কিছু নহে। দুঃখের আত্যন্তিক নিবৃত্তিই বুদ্ধিমান মানবের প্রয়োজন। এজন্য উপযুক্ত গুরু শরণ গ্রহণ—এবং এই শরণ গ্রহণের উপলক্ষেই—সাংখ্য শাস্ত্রারম্ভ। সুতরাং উক্ত তাপত্রয়ের হেতু কি এবং কি

উপায়ে উহার আত্যন্তিক নিবৃত্তি হয়,—ইহাই সাংখ্যের লক্ষ্য। ব্রহ্মতত্ত্ব বা পরমাত্মতত্ত্ব আলোচনা সাংখ্যকারের উদ্দেশ্য নহে। যদি উক্ত আলোচনায় না গিয়া তাপত্রয়ের অত্যন্ত নিবৃত্তির উপায় অবধারণ করা সম্ভব হয়, সাংখ্যকারের তাহাই করা উচিত। প্রকৃতপক্ষে, সাংখ্যকার তাহাই করিয়াছেন। অতএব সাংখ্য একখানি স্বনিষ্ঠ (Self-contained) সমগ্র পরমতত্ত্বাববোধক দর্শনশাস্ত্র নহে। সাংখ্য ও বেদান্ত উভয়ে উভয়ের পরিপূরক (Complementary)। একই সোপানের নিম্নভাগ সাংখ্য, এবং উচ্চভাগ বেদান্ত।

সাংখ্য দেখাইয়াছেন যে, আমাদের দেহস্থ ভোক্তা পুরুষ—প্রকৃতি এবং প্রকৃতির কার্য্য হইতে সম্পূর্ণ বিভিন্ন। সুখ, দুঃখ, মোহ প্রভৃতি প্রকৃতির গুণের ধর্ম—পুরুষের নহে। প্রকৃতির সহিত সম্বন্ধবশতঃ পুরুষে উহারা ঔপচারিক ভাবে বা আগন্তুক ভাবে সংশ্লিষ্ট হয় বটে, কিন্তু উহাদের দ্বারা পুরুষের স্বরূপ ব্যাহত হয় না। পুরুষ স্বরূপতঃ নির্বিকার, উদাসীন, কৈবল্যে অবস্থিত, দ্রষ্টা, অকর্তা। কেবল প্রাকৃতিক কার্য্য—দেহ, চিত্ত, বুদ্ধি, মন, ইন্দ্রিয়, প্রভৃতিতে “আমি ও আমার” জ্ঞানে দৃশ্যতঃ সুখ দুঃখ ভোগ করিয়া থাকেন মাত্র। উক্ত ভোগ প্রকৃতিতে এবং প্রকৃতির কার্য্যে অধ্যাসবশতঃ হইয়া থাকে। এই অধ্যাসই ভ্রম। ইহা কেন হয়, প্রকৃতির সহিত পুরুষের সম্বন্ধই বা কেন হয়,—অনাদি, অবিঘ্নাবশতঃ হয়, জীবের প্রাক্তন কর্ম্মবশতঃ হয়, অথবা পরমেশ্বরের ইচ্ছাবশতঃ হয়—ইহার উত্তর সাংখ্যকার দেন নাই। প্রয়োজন নহে বলিয়া দেন নাই। জগদ্ব্যাপারের মূল কারণানুসন্ধানের চেষ্টা তিনি করেন নাই। জগদ্ব্যাপার যেমন প্রত্যক্ষ দেখা যায়, তাহার উপর ভিত্তি করিয়াই তিনি তাঁহার দর্শন প্রতিষ্ঠিত করিয়াছেন। তাঁহার উদ্দেশ্য এই যে, মানবের মনঃ বুদ্ধি ও ইন্দ্রিয়গ্রাহ্যের আগোচর বিষয়ের ভিতর প্রবেশ না করিয়া, তর্কগহন হইতে দূরে থাকিয়া, পরিদৃশ্যমান বিশ্বের ব্যাপার পরম্পরা হইতে, যতদূর সম্ভব সহজে, প্রত্যক্ষ, অনুমান ও আপ্ত প্রমাণ দ্বারা, ত্রিবিধতাপের মূল ও তাহার আত্যন্তিক নিবৃত্তির উপায় অন্বেষণ করিয়া, শিষ্যের পুরুষার্থলাভের সহায়তা করা। ‘প্রকৃতির সহিত পুরুষের সম্বন্ধ কেন হয়, ইহা লইয়া শাস্ত্রালোড়ন পূর্বক, গবেষণা করিতে বসিলে, বিষয়টি বড়ই জটিল ও দুর্লভ হইয়া পড়িবে; তাহা গুনিবার, বুঝিবার ও ধারণা করিবার ধৈর্য্য ও শক্তি সাধারণ শিষ্যের থাকিবে না, এই প্রকার আশঙ্কা করিয়া,—তিনি সে পথে অগ্রসর হন নাই। বিশেষতঃ, জগতে যখন—প্রকৃতি-পুরুষের সম্বন্ধ প্রত্যক্ষ দেখা যাইতেছে, তখন তাহার কারণ অনুসন্ধান

করিতে গিয়া, সময় নষ্ট করিতে যাইলে, আসল শিক্ষাই দেওয়া হইবে না। উহাকে স্বীকার করিয়া লইয়া, উহা হইতে উৎপন্ন দুঃখনিবৃত্তিই যখন প্রধান লক্ষ্য, তখন সেই লক্ষ্যপথে অগ্রসর হওয়াই শ্রেয়—এই মনে করিয়া তিনি শাস্ত্র প্রণয়ন করিয়াছেন।

একটি বিষয়ে বিশেষ প্রণিধান আবশ্যিক। সাংখ্যকারিকা, তত্ত্বসমাস এবং পঞ্চশিখ সূত্র (যাহা অধিকাংশ লুপ্ত হইয়াছে)—আলোচনা করিলে স্পষ্টই প্রতীতি হয় যে, এই সকল গ্রন্থে কোথাও, ব্রহ্ম, পরমাত্মা বা ঈশ্বর সম্বন্ধে কোনও কথা নাই। তিনি আছেন কি নাই, তিনি প্রমাণের বিষয়ীভূত কিনা, জীব ও জগতের সহিত তাঁহার কোন সম্বন্ধ আছে কিনা ইত্যাদি লইয়া কোনও আলোচনা নাই। ইহাতে মনে হয় যে, এ সম্বন্ধে সম্পূর্ণ নীরব থাকিবার গূঢ় উদ্দেশ্য ছিল। উক্ত গ্রন্থসকলের আচার্য্যগণ—যদি ঈশ্বরের অস্তিত্বে বিশ্বাস না করিতেন, তাহা হইলে চার্ব্বাকের গায় পরিষ্কার করিয়া তাহা বলিতেই পারিতেন। তাহা যখন বলেন নাই, তখন এই সিদ্ধান্ত সহজেই আসিয়া পড়ে যে, সাংখ্যকারের গূঢ় উদ্দেশ্য এই যে, তাঁহার শাস্ত্রালোচনায় শিষ্যের তত্ত্ব সাক্ষাৎকার দ্বারা, আত্মতত্ত্ব অধিগত হইলে, পুরুষার্থ সিদ্ধ হইল। উহার দৃষ্টান্ত আমরা বর্তমানে পদার্থ বিজ্ঞান, রসায়ন বিজ্ঞান, জীববিজ্ঞান প্রভৃতির আলোচনায় দেখিতে পাই। ঐ সকল বিজ্ঞানালোচনায়—ব্রহ্ম, পরমাত্মা বা ঈশ্বরের কোনও স্থান নাই। কিন্তু তাই বলিয়া উক্ত বিজ্ঞান সমূহের আলোচক পণ্ডিতগণ যে সকলেই নিরীশ্বরবাদী তাহা মনে করিবার কোনও কারণ নাই। শিষ্যের অধিকার, প্রকৃতি, মনোবৃত্তি প্রভৃতির সহিত পরমাত্মতত্ত্বোপলব্ধির ঘনিষ্ঠ সম্বন্ধ বিদ্যমান—ইহা সাংখ্যকার বিশেষরূপে অনুধাবন করিয়াছিলেন। পরমাত্মতত্ত্ব উপলব্ধি করিতে আর দেরি হইবে না, উহা আপনা আপনিই আসিয়া উপস্থিত হইবে। তিনি যখন বলিয়াছেন, “সংঘাত পরার্থত্বাৎ.....” (সাংখ্যকারিকা, ১৭)—সাবয়ব পদার্থমাত্রই পরার্থ (সাংখ্যকাঃ ১৭)—ইহা যে কেবল ব্যষ্টি সংঘাত সম্বন্ধে প্রযোজ্য, সমষ্টি সংঘাত, অর্থাৎ সমগ্র প্রপঞ্চ বিশ্ব সম্বন্ধে প্রযোজ্য নহে, তাহা নহে। সমগ্র বিশ্ব সম্বন্ধেও প্রযোজ্য,—এবং সে ক্ষেত্রে এই “পর”—পরমেশ্বর ভিন্ন অন্য কেহ নহে। যেমন ব্যষ্টি সংঘাত,—দেহাদি—ব্যষ্টি জীবের জন্ম, সেইরূপ সমষ্টি সংঘাত—বিশ্ব—সমষ্টি জীব—হিরণ্যগর্ভের জন্ম। ইহা তাঁহার স্পষ্ট করিয়া বলিবার প্রয়োজন হয় নাই বলিয়া, বলেন নাই; কিন্তু ইঙ্গিত বড়ই সুস্পষ্ট। আবার, সমষ্টি জীব স্বীকার করিলেই তাঁহার জীবিত্য

একজনের প্রয়োজন—তিনি ব্রহ্ম, পরমাত্মা বা ভগবান্। পণ্ডিত শ্রীযুক্ত খগেন্দ্রনাথ শাস্ত্রী মহাশয় এ তত্ত্ব তাঁহার পূর্বোল্লিখিত সাংখ্য দর্শনে প্রতিপাদন করিয়াছেন।

ইহারই প্রতিধ্বনি সাংখ্য প্রবচন সূত্রের ১।১৫৪ সূত্রে পাইতেছি। সূত্রটি এই :—

“নানৈত শ্রুতিবিরোধো জাতি পরহাৎ ॥” সাংখ্য প্রবচন সূত্র

১।১৫৪

পুরুষ জাতিপর হেতু অনৈত শ্রুতির বিরোধ নাই। যেমন, শ্বেত, কৃষ্ণ, পীত, লোহিত নানা বর্ণের, ক্ষুদ্র বৃহৎ নানা আকারের, হ্রস্ব দীর্ঘ শিঃ বিশিষ্ট, ছোট বড় নানা আকারের “গো” বিদ্যমান—উহাদের একটি অপরটি হইতে পৃথক, কিন্তু “গো” জাতি বলিলে সমুদায় গোর গোত্র যাহাতে, সেই ধর্মগুলির বিদ্যমানতা উপলব্ধি হয়, সেইরূপ “পুরুষ” শব্দ ও জাতিপর বলিয়া, “পুরুষ” বলিলে, ভিন্ন ভিন্ন পুরুষের বাক্তিগত নানা প্রকার ভেদ বিদ্যমান থাকিলেও যে কারণে সকলের পুরুষত্ব উপলব্ধি হয়, সেই কারণ বিশিষ্ট একটি সমষ্টির উপলব্ধি হইয়া থাকে। ইহাই সমষ্টি পুরুষ বা জীব—ইহাই হিরণ্যগর্ভ।

সাংখ্যমতে সত্ত্ব, রজঃ ও তমঃ গুণের সাম্যাবস্থাই প্রকৃতি। “সত্ত্বরজ-স্তুমস্যাং সাম্যাবস্থা প্রকৃতিঃ :.....” (সাংখ্য প্রবচন সূত্র ১।৬১)। বেদান্তও স্বীকার করেন যে, প্রকৃতি ত্রিগুণময়ী। (দেখ ১।৪।৮ সূত্র এবং তাহার আলোচনায় উদ্ধৃত শ্বেতাশ্বতর ৪।৪ মন্ত্র)। বেদান্ত আরও বলেন যে, প্রকৃতি ব্রহ্মশক্তি (সূত্র ১।৪।৮ ও ১।৪।৯) এবং সে কারণ ব্রহ্ম হইতে অভেদ,—(দেখ ২।১।১ সূত্রের আলোচনায় উদ্ধৃত ভাগবতের ১।১।২৪।২-৩-৪-৫-৬ শ্লোক), এবং ব্রহ্মের সংকল্প দ্বারা প্রকৃতি গুণক্লেভ বশতঃ সৃষ্টি হইয়া থাকে। সাংখ্য গুণ ক্লেভবশতঃ সৃষ্টি স্বীকার করেন, কিন্তু গুণ ক্লেভ কেন হয়, বলেন নাই—প্রয়োজন নহে বলিয়া বলেন নাই। সাংখ্যকার গুণ ক্লেভবশতঃ সৃষ্টি স্বীকার করিয়া লইয়াই, শাস্ত্র প্রণয়ন করিয়াছেন। প্রকৃতি সাম্যাবস্থায় কাহার আশ্রয়ে থাকে, সে সম্বন্ধে কোনও কথা সাংখ্যকার বলেন নাই—প্রয়োজনাভাববশতঃই তিনি নীরব। কিন্তু ভাষ্যকার বিজ্ঞানভিক্ষু ১।৬১ সাংখ্যপ্রবচন-সূত্রের ভাষ্যে স্পষ্টই বলিয়াছেন :—“শ্রুতি ও স্মৃতিতে সর্বত্র দেখতে পাওয়া যায় যে, এক অদ্বিতীয় পরম সত্যই তত্ত্ব। শক্তি

ও শক্তিমান্ অভেদ বলিয়া, এবং ইতর সত্যসকল শক্তিতাবে পরম সত্যস্বরূপ পুরুষে লীন থাকে বলিয়া, এক অদ্বিতীয় পুরুষই তত্ত্ব। সূত্ররাং সাংখ্য ও শ্রুতির সহিত বিরোধ নাই।” (পাণিনি আফিস হইতে প্রকাশিত ইংরাজি সাংখ্য দর্শনের ২৮ পৃষ্ঠা)। সূত্ররাং দেখা যাইতেছে যে, সাংখ্যের লক্ষ্যার্থ ধরিলে, বেদান্তের সহিত বিশেষ বিরোধ নাই।

পুরুষের বন্ধ ও মোক্ষ সম্বন্ধে দৃশ্যতঃ বিরোধ প্রতীয়মান হয়, এবং ইহার বিরুদ্ধে রামানুজাচার্য্য সূক্ষ্ম বিচার অবতারণা করিয়া, উহার অসামঞ্জস্য প্রমাণ করিয়াছেন, ইহা ২।২।১০ সূত্রালোচনায় লিখিত হইয়াছে। কিন্তু বাস্তবিক ত পুরুষের বন্ধ-মোক্ষ নাই। বন্ধ-মোক্ষ কাহার এবং কেন হয়, ইহা আমরা ২।১।২৩ সূত্রের আলোচনায় বুঝিয়াছি। সেখানে আমরা পাইয়াছি যে, বন্ধ ও মোক্ষ অহঙ্কারের এবং অহঙ্কার পুরুষের আবরক। অহঙ্কার আবার প্রকৃতির কার্য্য। সূত্ররাং সাংখ্যকার যে বলিয়াছেন, পুরুষের বন্ধ-মোক্ষ নাই, বন্ধ-মোক্ষ প্রকৃতির, ইহার সহিত আমাদের বিরোধ নাই। তবে যে বলিয়াছেন, পুরুষের কৈবল্যপ্রাপ্তির জন্ম প্রকৃতির প্রবৃত্তিই সৃষ্টি—ইহা কি প্রকারে সম্ভব হয়? এখানে পুরুষ অর্থ—প্রপঞ্চ জগতে দৃশ্যমান জীবগণ, অর্থাৎ, প্রকৃতিতে বা অহঙ্কারে উপহিত চৈতন্য—তাহারা ত বহু বটে—দর্পণের চূর্ণাংশসকলে প্রতিবিম্বিত সূর্য্যাকিরণের স্থায়, তাহারা প্রকৃতির গুণত্রয়ের অনন্ত প্রকার তারতম্যানুসারে গঠিত উপাধিগণের উপর পতিত চিদংশ (দেখ ২।১।১ সূত্রের আলোচনা)। ইহাদেরই বন্ধ ও মোক্ষ এবং সেই জন্মই সৃষ্টি। ইহাও আমরা ২।১।২৩ সূত্রের আলোচনায় বুঝিয়াছি। সাংখ্যকার বলিয়াছেন যে, অচেতন প্রকৃতির স্বতঃপ্রবৃত্তি হয়। কেন তাহার স্বতঃপ্রবৃত্তি হয় তাহা সাংখ্যকার বলেন নাই। এই “কেন”র উত্তর দেওয়া তিনি প্রয়োজন বলিয়া মনে করেন নাই বলিয়াই দেন নাই। আমরা ২।১।৩ সূত্রের আলোচনায় ইহারও উত্তর পাইয়াছি। এই সমুদায় কারণেই পূর্বে বলিয়াছি যে, সাংখ্য ও বেদান্ত একটি সোপানের নিম্ন ও উচ্চতর অংশ। উভয় উভয়ের পরিপূরক।

এখন প্রশ্ন উঠে যে, যদি সাংখ্যের সহিত বেদান্তের আত্যন্তিক বিরোধ নাই, তবে পূজ্যপাদ সূত্রকার বাদরায়ণ সাংখ্য সিদ্ধান্তের বিরোধে এতগুলি সূত্র রচনা কেন করেন? ইহার উত্তর এই যে, তাঁহার সূত্রসকল সাংখ্যের লক্ষ্যার্থের বিরুদ্ধে নহে। সাংখ্যের শিষ্য প্রশিষ্টগণ সাংখ্যাচার্য্যের মূল উদ্দেশ্য বিস্মৃত হইয়া তাঁহার শাস্ত্রের আক্ষরিক ব্যাখ্যা করিয়া প্রধান—অচেতন ও জড় হইলেও নিরপেক্ষভাবে

সৃষ্টি করিতে পারগ, পুরুষ বহুই বটে, ঈশ্বর বা ব্রহ্ম বা পরমাত্মা অসিদ্ধ, সৃষ্টিকার্যে তাঁহার কল্পনা নিশ্চয়োজন, সাংখ্য পরতত্ত্বাববোধক শাস্ত্র, ইত্যাদি যে সকল অপসিদ্ধান্ত স্থাপন করেন, তাহাদের বিরুদ্ধেই সূত্রসকল প্রযোজ্য এবং সেই সকল অপসিদ্ধান্তের নিরসনে উহাদের সার্থকতা। কপিলের মূল সাংখ্যদর্শন, বাদরায়ণের বেদান্ত-দর্শনের পূর্ববর্তী। সূত্রাং বাদরায়ণের তীব্র বিরোধের ফলেই হয়তো বিজ্ঞানভিক্ষুর এক অদ্বিতীয় পুরুষ, প্রকৃতি তাঁহার শক্তি, এবং শক্তি-শক্তিমান্ অভেদ, ইত্যাদি স্বীকৃতি জন্মলাভ করিয়াছে; এবং উপরে উদ্ধৃত ১।১৫৪ সাংখ্য প্রবচন সূত্রের উৎপত্তিস্থানও বোধ হয় ঐ এক জায়গাতেই।

আমাদের বিশ্বাস যে, ব্রহ্ম-সূত্রকার বাদরায়ণ ও মহাভারতকার কৃষ্ণদ্বৈপায়ন ব্যাসদেব অভিন্ন; এবং তিনি ষাপর ও কলির সন্ধিস্থলে প্রাদুর্ভূত হইয়া, মহাভারত, ব্রহ্মসূত্র এবং পুরাণাদি প্রণয়ন করেন। কপিলদেব যে তাঁহার পূর্ববর্তী, তাহা আমরা আগেই বলিয়াছি।

শ্রীমদ্ভাগবত মতে তিনি স্বায়ত্ত্ব মনুর কন্যা দেবহুতির পুত্র; অতএব তাঁহার অভ্যুদয় কাল—স্বায়ত্ত্ব মন্বন্তরে। ব্যাসদেবের অভ্যুদয় কাল বৈবস্বত মন্বন্তরে, বর্তমান কলির প্রাক্কালে। অতএব অস্বদেশীয় পুরাণকার ও পণ্ডিতগণের মতে কপিলদেব—ব্যাসদেব হইতে বহু প্রাচীন। তাঁহাদের মতে বাদরায়ণ বা ব্যাসদেব কতৃক রচনাকাল বর্তমান সময় হইতে ৫০০০ বৎসরেরও অধিক পূর্বে।

পাশ্চাত্য পণ্ডিতগণের মতে ব্রহ্মসূত্র রচনার সময় কলির প্রাক্কালে, অর্থাৎ বর্তমান কাল হইতে ৫০০০ বৎসরেরও অধিক, পূর্বে নহে। ভিন্ন ভিন্ন পণ্ডিতের ভিন্ন ভিন্ন মত। কিথ বলেন যে, বাদরায়ণ ২০০ খৃঃ অব্দের পূর্বে বর্তমান ছিলেন, কত পূর্বে তাহা তিনি বলেন না। ফ্রেজর বলেন যে, খৃষ্ট জন্মের ৪০০ বৎসর পূর্বে ব্রহ্মসূত্র রচিত হইয়াছিল। মাক্স মুলার বলেন যে, ভগবদ্গীতা মহাভারতের একাংশ। উহা রচনা হইবার পূর্বে যে ব্রহ্মসূত্র রচিত হইয়াছিল তাহাতে সন্দেহ নাই। আচার্য্য রাধাকৃষ্ণনের মতে 'গীতা' মহাভারতের একাংশ এবং খৃষ্টপূর্ব পঞ্চম শতাব্দীতে রচিত হইয়াছিল। তাহা হইলে 'ব্রহ্মসূত্র' তাহার পূর্বে রচিত হইয়াছিল। কত পূর্বে, তাহার কোনও প্রমাণ নাই। (Vide Indian Philosophy, Vol. I, Page 524)। উক্ত পুস্তকের ২৭২ পৃষ্ঠায় আচার্য্য রাধাকৃষ্ণন বলেন যে, রামায়ণ ও মহাভারত খৃঃ পূঃ ষষ্ঠ শতাব্দীর পূর্বে রচিত হইবার কোনও প্রমাণ নাই এবং ব্যাসদেব কুরুক্ষেত্র যুদ্ধের সমসাময়িক। উক্ত আচার্য্য তাঁহার উক্ত পুস্তকের দ্বিতীয় খণ্ডের ৪৩৩ পৃষ্ঠায় বলিয়াছেন যে, শঙ্করাচার্য্য তাঁহার

ব্রহ্মসূত্রের ভাষ্যে কোথাও বলেন নাই যে, কৃষ্ণদ্বৈপায়ন বা ব্যাসদেবই ব্রহ্মসূত্রের রচয়িতা। কিন্তু তাঁহার শিষ্য আনন্দগিরি এবং তাঁহার শারীরিক ভাষ্যের টীকাকার বাচস্পতি মিশ্র, এবং অগ্ৰদিকে রামানুজ, মধ্ব, বল্লভ, বলদেব প্রভৃতি ভাষ্যকারগণ, ব্যাসদেবকেই ব্রহ্মসূত্রের রচয়িতা বলেন। ইহাদের সমবেত মত উপেক্ষা করিবার কারণ বোধগম্য হয় না। আমাদের উদ্দেশ্য, অনর্থক বাগ্‌বিতণ্ডার ভিতর প্রবেশ না করা। তবে, আমাদের বিশ্বাস যে, মহাভারতকারও কুরুক্ষেত্র যুদ্ধের সমসাময়িক, দ্বাপর ও কলির সন্ধিকালে বর্তমান কৃষ্ণদ্বৈপায়ন ব্যাসদেবই ব্রহ্মসূত্রের রচয়িতা।

পাশ্চাত্য পণ্ডিতগণ ব্রহ্মসূত্র রচয়িতার কাল নির্দেশে একমত হইতে পারেন নাই। তাঁহাদের বিভিন্ন মতবাদই পরস্পরের মত, অপসিদ্ধান্তের ফল, ইহাই প্রমাণ করে। রামানুজাচার্য্য তাঁহার শ্রীভাষ্যে বৃত্তিকার বোধায়নের নাম উল্লেখ করিয়াছেন এবং স্থানে স্থানে তাঁহার মত উদ্ধৃত করিয়াছেন। এই বোধায়ন সম্ভবতঃ খৃঃ পূঃ ২—১ শতাব্দীতে তাঁহার বৃত্তি রচনা করিয়াছিলেন। তাঁহার পূর্বে ভগবান্ উপবর্ষের ও কাত্যায়নের বৃত্তি বর্তমান ছিল। ইহাদের মধ্যে উপবর্ষ কাত্যায়নের গুরু এবং তিনি আনুমানিক খৃঃ পূঃ ৬ষ্ঠ—৫ম শতকে বর্তমান ছিলেন। (দেখ শ্রীযুক্ত গুরুপ্রসাদ হালদার মহাশয়ের—সনৎ সূজাতীয় অধ্যাত্মশাস্ত্রম্)। উপবর্ষের পূর্বে ব্রহ্মসূত্র বিদ্যমান ছিল, তাহাতে সন্দেহ কি? অতএব, ব্রহ্মসূত্র রচনার কাল কলির প্রাক্কালে, অর্থাৎ এখন হইতে ৫০০০ বৎসরেরও অধিক পূর্বে।

আচার্য্য রাধাকৃষ্ণন তাঁহার Indian Philosophy, Vol. II, পুস্তকের ৩৭ পৃঃ পাদটীকায় সম্ভবতঃ অজ্ঞাতসারে বলিয়া ফেলিয়াছেন যে, ব্যাস গৌতমের শিষ্য বলিয়া বিদিত থাকায়, তিনি গৌতমের ন্যায়দর্শনের সমালোচনা ব্রহ্মসূত্রে করেন নাই। অর্থাৎ, তাঁহার আন্তরিক গূঢ় অভিপ্রায় যে, ব্যাস ও বাদরায়ণ অভিন্ন ব্যক্তি। তাঁহার কথিত উক্তি তাঁহার ভাষায় নিম্নে উদ্ধৃত হইল :—

“Gautama propounds views very similar to those of Badarayan in several places. The absence of any direct reference to the Nyaya in the Brahma Sutra is sometimes emphasised. It may be that Vyasa, reputed to be a disciple of Gautama did not care to criticise the Nyaya View, especially as it was agreeable to the admission of Iswara.”
(Indian Philosophy, Vol. II, Page 37, Foot-note.)

কুরুক্ষেত্র যুদ্ধের কাল সম্বন্ধে আচার্য্য রাধাকৃষ্ণন তাঁহার ভারতীয় দর্শন (Indian Philosophy) গ্রন্থের দ্বিতীয় খণ্ডের ৪৭৮ পৃষ্ঠায় লিখিয়াছেন :— শ্রীযুক্ত রমেশ চন্দ্র দত্তের মতে কুরুক্ষেত্র যুদ্ধ খৃঃ পূঃ ত্রয়োদশ বা দ্বাদশ শতাব্দীতে ঘটিয়াছিল। কোলব্রুক্, উইল্‌সন, এল্‌ফিন্‌স্টোন, উইল্‌ফোর্ড, বলেন যে, উক্ত যুদ্ধ খৃঃ পূঃ চতুর্দশ শতাব্দীতে হইয়াছিল। ম্যাকডোনেল বলেন যে, মহাভারতের ঐতিহাসিক বীজ অনুসন্ধান করিতে হইলে অতি পূর্বকালে যাইতে হয় এবং তাহা খৃঃ পূঃ দশম শতাব্দীর পরে হইতে পারে না। আচার্য্য রাধাকৃষ্ণন-এর নিজের মতে ২৪,০০০ শ্লোকবিশিষ্ট “ভারত সংহিতা”, যাহা হইতে মহাভারত উৎপন্ন হইয়াছিল, খৃঃ পূঃ একাদশ শতাব্দীতে বা তৎসমসাময়িক কালে রচিত হইয়াছিল। (দেখ, ঐ পুস্তকের পৃঃ ৪৮০)। সুতরাং ব্যাসদেব যখন কুরুক্ষেত্র যুদ্ধের সমসাময়িক, এবং বাদরায়ণ ও ব্যাসদেব যখন অভিন্ন ব্যক্তি, তখন ব্রহ্মসূত্রের রচনাকাল সেই সময়েই পড়ে। অবশ্যই ইহাতে আমাদের স্বীকার করা হইল না যে, আমরা ঐ মত গ্রহণ করিলাম।

বিশেষতঃ আমরা উপরে বলিয়াছি যে, পাশ্চাত্য পণ্ডিতগণের বিভিন্ন মতবাদ, এবং তৎসম্বন্ধে তাঁহারা যে সমুদায় যুক্তি বিচার অবতারণা করিয়াছেন, তাহারা তাঁহাদের মতকে পরম্পর অপসিদ্ধান্ত বলিয়া প্রতিপাদন করে। আমাদের ধারণা যে, কুরুক্ষেত্রের যুদ্ধ দ্বাপর ও কলির সন্ধিসময়ে ঘটিয়াছিল; এবং ব্রহ্মসূত্র রচয়িতা ব্যাসদেব সে সময়ে বর্তমান ছিলেন এবং ব্রহ্মসূত্রের রচনাকাল কুরুক্ষেত্র যুদ্ধের সমসাময়িক অর্থাৎ বর্তমান সময় হইতে ৫০০০ বৎসরের অধিক পূর্বে—ইহা দৃঢ়রূপে বিশ্বাস করিবার বিপক্ষে কিছুই নাই।

বুদ্ধদেবের মৃত্যুশয্যায় সুভদ্র নামক এক ব্যক্তি তাঁহাকে জিজ্ঞাসা করেন যে, ছয়জন প্রসিদ্ধ উপদেষ্টা সত্যদ্রষ্টা ছিলেন কিনা? অথবা, উহাদের মধ্যে কে কে প্রকৃত সত্যদ্রষ্টা ছিলেন? ইহাতে মনে হয় যে, সুভদ্র—বৈশেষিক, শ্রায়, সাংখ্য, পাতঞ্জলি, কর্মমীমাংসা ও বেদান্ত মনে করিয়া উক্ত প্রশ্ন করিয়াছিলেন। (Encyclopaedia Britannica, 9th Edition, Vol. 4, page 431, Foot-note).

ব্যাস বা বাদরায়ণ ব্রহ্মসূত্রের রচয়িতা বলিয়া প্রসিদ্ধ (Encyclopaedia Britannica, 9th Edition, Vol. 24, page 117)। বেদান্তদর্শন স্বভাবতঃই ব্যাসদেবের কৃত বলিয়া বিদিত এবং ব্যাসদেব ও বাদরায়ণ অভিন্ন ব্যক্তি। (Encyclopaedia Britannica, 9th Edition, Vol. 21, page 290.)

সাংখ্যকারিকা ও সাংখ্য প্রবচন সূত্রের রচনাকাল, পাশ্চাত্য পণ্ডিতগণের মতে আরও অর্ধাচীন। তাঁহাদের মতে কারিকার রচনার সময় খৃষ্টীয় তৃতীয় শতাব্দী এবং সাংখ্য প্রবচন সূত্রের রচনার সময় খৃষ্টীয় চতুর্দশ শতাব্দী (Vide Professor Radha Krishnan's Indian Philosophy, Vol. 2, page 254—255)। পণ্ডিত গুরুপদ হালদার মহাশয়ের মতে সাংখ্যকারিকা খৃঃ পূঃ দ্বিতীয় শতাব্দীতে ঈশ্বর কৃষ্ণ কর্তৃক রচিত হইয়াছিল। তাঁহার যুক্তি তৎকৃত সনৎ সৃজাতীয় অধ্যায়শাস্ত্রের টীকার পরিশিষ্টে ৫৭৮ পৃষ্ঠায় দিয়াছেন।

গৌড়পাদ সাংখ্যকারিকার বৃত্তি রচনা করিয়াছিলেন। তিনি শ্রীমদ্ শঙ্করাচার্যের গুরুর গুরু এবং প্রসিদ্ধি আছে যে, শঙ্করাচার্যের পঠদশায় গৌড়পাদ জীবিত ছিলেন। শ্রীমদ্ শঙ্করাচার্যের অভ্যুদয়ের সময় খৃঃ ৭ম শতাব্দী ধরিলে, শ্রীমদ্ গৌড়পাদের অভ্যুদয় কাল ৬ষ্ঠ শতাব্দী বা ৭ম শতাব্দীর প্রথমার্শে পড়ে। তেলাং-এর মতে শঙ্করাচার্যের অভ্যুদয় কাল খৃষ্টীয় ৬ষ্ঠ শতাব্দীর মধ্য বা শেষ ভাগে। ভাণ্ডারকারের মতে তিনি ৬৮০ খৃষ্টাব্দে অথবা তাহার কিছু পূর্বে জন্মগ্রহণ করেন। মোক্ষমূলর ও ম্যাকডোনেলের মতে শঙ্করাচার্য ৭৮৮ খৃষ্টাব্দে জন্মগ্রহণ করেন এবং ৮২০ খৃষ্টাব্দে দেহত্যাগ করেন। কিথ বলেন, তিনি নবম শতাব্দীর প্রথম পাদে বর্তমান ছিলেন (Vide Professor Radha Krishnan's Indian Philosophy, Vol 2, page 447)। আচার্য্য হুরেন্দ্রনাথ দাশগুপ্ত তাঁহার “ভারতীয় দর্শনের ইতিহাস” গ্রন্থের ১ম খণ্ডের ৪৩২ পৃষ্ঠায় লিখিয়াছেন যে, বর্তমানে একপ্রকার স্থির নিশ্চিত হইয়াছে যে, শঙ্করাচার্য্য ৭০০ এবং ৮০০ খৃষ্টাব্দের মধ্যে প্রাদুর্ভূত হইয়াছিলেন।

বাচস্পতি মিশ্র সাংখ্যকারিকার “তত্ত্ব কোমুদী” টীকা ও শ্রীমদ্ শঙ্করাচার্যের শারীরকভাষ্যের “ভামতী” টীকা প্রণয়ন করেন। তাঁহার অভ্যুদয় কাল, পণ্ডিতগণের মতে ৮ম বা ৯ম শতাব্দী। মাধবাচার্যের “সর্বদর্শন সংগ্রহে” সাংখ্যকারিকার উল্লেখ আছে, কিন্তু সাংখ্য প্রবচন সূত্রের উল্লেখ নাই। আল্‌বাকুনি খৃষ্টীয় একাদশ শতাব্দীর প্রথমার্শে গজনীর সুলতান মামুদের সহিত ভারতে আসিয়াছিলেন। তিনি ঈশ্বর কৃষ্ণের সাংখ্যকারিকা ও গৌড়পাদের বৃত্তির বিষয় অবগত ছিলেন, কিন্তু সাংখ্য প্রবচন সূত্র সম্বন্ধে তাঁহার কোন জ্ঞান ছিল বলিয়া মনে হয় না (Vide Prof. Radha Krishnan's Indian Philosophy, Vol. 2, page 256)।

অতএব স্পষ্টই প্রতীয়মান হইবে যে, পাশ্চাত্য পণ্ডিতগণের মতেই ব্রহ্মসূত্র রচনার বহু পরে সাংখ্যকারিকা ও সাংখ্য প্রবচন সূত্র রচিত হইয়াছিল।

সুতরাং বাদরায়ণের ব্রহ্মসূত্র রচনার সময়ে যে সাংখ্যমত প্রচলিত ছিল, তাহারই বিরুদ্ধে তিনি সূত্র রচনা করিয়াছিলেন। সাংখ্য প্রবচন সূত্রে বৈদান্তিকের চক্ষে আপত্তিকর অনেকগুলি সূত্র আছে। সেগুলি পরে রচিত হওয়ার, বাদরায়ণের পক্ষে তাহাদের বিরুদ্ধে সূত্র রচনা করা সম্ভব হয় নাই।

এই প্রসঙ্গে শ্রীমদ্ভাগবতের রচনাকাল সম্বন্ধে সংক্ষেপ আলোচনা করিয়া রাখা অনাবশ্যক নহে। শ্রীমদ্ভাগবতই বলেন যে, ব্যাসদেব উহা রচনা করিয়াছিলেন। (দেখ, ভাগবত ১।৫ অধ্যায়)। তাহা হইলে, ইহা কলির প্রাক্কালেই পড়ে। ইহাই আমাদের দেশীয় অনেক প্রাচীনপন্থী পণ্ডিতগণের মত। এ বিষয়েও পাশ্চাত্য পণ্ডিতগণের মত উল্লেখ করিলে, উপরোক্ত ব্রহ্মসূত্র, সাংখ্যকারিকা, সাংখ্য প্রবচন সূত্রের তৎসম্মত রচনাকালের সহিত তুলনামূলক আলোচনা করা যাইতে পারে। আচার্য্য রাধাকৃষ্ণনের মতে শ্রীমদ্ভাগবত খৃষ্টীয় নবম শতাব্দীতে রচিত হইয়াছিল (Vide Prof. Radka Krishnan's Indian Philosophy, Vol. 2, page 667)। উইল্‌সন্ সাহেব তাঁহার অনুবাদিত বিষ্ণুপুরাণের উপক্রমণিকার ৩১ পৃষ্ঠায় উল্লেখ করিয়াছেন যে, জনশ্রুতি অনুসারে দেবগিরির রাজা হিমাদ্রির সভাপণ্ডিত মুকুবোধকার বোপদেবই শ্রীমদ্ভাগবতের রচয়িতা বলিয়া বিদিত আছে। জনশ্রুতি ভিন্ন এ সম্বন্ধে অন্য কোনও নির্ভরযোগ্য প্রমাণ বিদ্যমান নাই। যদি সেই প্রমাণই ধরা যায়, তবে হিমাদ্রির অভ্যুদয় কাল সম্ভবতঃ খৃষ্টীয় দ্বাদশ শতাব্দী হওয়ায়, শ্রীমদ্ভাগবত সে সময়ে রচিত হইলেও হইতে পারে। এ প্রকার প্রমাণ যে কতদূর গ্রহণযোগ্য, তাহা সুধীগণই বিবেচনা করিবেন। আশ্চর্য্যের বিষয় যে, কোনও শাস্ত্রগ্রন্থকে অর্ধাচীন প্রমাণ করিবার জন্য, পাশ্চাত্য তথাকথিত মহা মহা পণ্ডিতগণ অভ্যস্তরীণ প্রমাণ উপেক্ষা করিয়া, জনশ্রুতিকেও প্রকৃষ্ট প্রমাণ মনে করিয়া, তাহা লিপিবদ্ধ করিতে কুণ্ঠিত হন নাই। যাহা হউক, তাহা হইলেও, উহা (শ্রীমদ্ভাগবত) উক্ত সাংখ্য প্রবচন সূত্রের (তাঁহাদের হিসাবে রচনাকালের) পূর্বে রচিত হইয়াছিল সন্দেহ নাই। আমরা পণ্ডিত না হইলেও প্রাচীনপন্থী, আমরা শ্রীমদ্ভাগবতের অভ্যস্তরীণ প্রমাণ গ্রহণ না করিবার কারণ অবগত নহি। আমাদের বিশ্বাস মহর্ষি কৃষ্ণ দ্বৈপায়নই শ্রীমদ্ভাগবতের রচয়িতা এবং তিনি ইহা তাঁহার রচিত ব্রহ্মসূত্রের ভাষ্যরূপে রচনা করেন। এ সম্বন্ধে আলোচনা অগ্রত্ব করিবার ইচ্ছা রহিল।

প্রকৃষ্ট সাংখ্যমতের সহিত শ্রীমদ্ভাগবতের মিল ও বিরোধ কতদূর, তাহা

আমরা ২।১।১ ও ২।১।২৩ শ্লোকের আলোচনায় বৃষ্ণিতে পারিয়াছি ও তাহার উল্লেখও এই প্রসঙ্গে করিয়াছি। আর বাহুল্যের প্রয়োজন নাই।

বৈশেষিক দর্শন সম্বন্ধে সংক্ষেপে আলোচনা।

শ্রুতকার ভগবান বাদরায়ণ সাংখ্য সম্বন্ধে আপত্তিসকলের উল্লেখ ও বিচার করিয়া, সম্প্রতি কণাদের বৈশেষিক দর্শন সম্বন্ধে আপত্তি ও বিচার উত্থাপন করিতেছেন। শ্রুতকার বাদরায়ণের ব্রহ্মশ্রুত রচনার কাল সম্বন্ধে আলোচনা করিয়াছি। তাঁহার সময়ে বৈশেষিক দর্শন বর্তমান ছিল। তবে এখন উক্ত দর্শন যে আকারে বর্তমান আছে, তখন যে সেইরূপ ছিল, তাহা বলা যায় না। সম্ভবতঃ সেইরূপ ছিল না। আচার্য্য রাধাকৃষ্ণন তাঁহার পূর্বলিখিত পুস্তকের দ্বিতীয় খণ্ডের ১৭৮—১৭৯ পৃষ্ঠায় বৈশেষিক দর্শনের অভ্যুদয়কাল খৃঃ পূঃ ৫ম—৬ষ্ঠ শতাব্দী এবং ব্রহ্মশ্রুতের রচনার সমসাময়িক বলেন। যাহা হউক, বাদরায়ণের সময়ের পূর্বে হইতে বৈশেষিক দর্শন বর্তমান ছিল, সে সম্বন্ধে সন্দেহ নাই। শ্রুতকারের বিচার বৃষ্ণিব্যবস্থার জন্ম নিয়ে বৈশেষিক দর্শনের সামান্যভাবে আলোচনা অতি সংক্ষেপে করা হইল।

বৈশেষিক অসৎ কার্য্যবাদী। ইহা পূর্বে বলা হইয়াছে। (দেখ, শ্রুত ২।১।৭)। বৈশেষিক বলেন যে, ইন্দ্রিয় ও মনের বিষয়ভূত যা কিছু, সমুদায় পদার্থ। তাঁহার মতে পদার্থ ছয় প্রকার :—(১) দ্রব্য, (২) গুণ, (৩) কর্ম্ম, (৪) সামান্য, (৫) বিশেষ ও (৬) সমবায়। দ্রব্য—গুণের আশ্রয় বা আধার, এবং দ্রব্যের সহিত গুণের সম্বন্ধ নিত্য। দ্রব্য—কর্ম্মের বা ক্রিয়ারও আশ্রয় বটে; তবে কর্ম্ম গুণের জ্ঞায় নিত্য নহে। গুরুত্ব দ্রব্যের একটি গুণ এবং দ্রব্যের সহিত নিত্য সম্বন্ধ, কিন্তু উহার পতনরূপ কর্ম্ম নিত্য নহে, আগন্তুক। জগতে যখন বহু দ্রব্য বিদ্যমান, তখন উহাদের পরস্পরের সহিত সম্বন্ধ আছে, ইহা সহজেই অনুমেয়। যখন অনেক ভিন্ন ভিন্ন দ্রব্যে এক প্রকার ধর্ম্ম দৃষ্ট হয়, তখন তাহাদের সকলকেই “সামান্য” পর্যায়ে ভুক্ত করা যায়; কিন্তু তাহাদের পরস্পরের মধ্যে ব্যক্তিগত ভেদ বর্তমান থাকায়, তাহা বুঝাইবার জন্ম “বিশেষ” পর্যায় স্বীকৃত হয়। যেমন “গো” বলিলে ছোট, বড়, সাদা, কাল নানা প্রকার গরুর “সামান্য” জ্ঞান হয়, এবং সেই সঙ্গে সঙ্গে তাহাদের পরস্পর ভেদ থাকায়, “বিশেষ” জ্ঞানও হইয়া থাকে। “সমবায়”—কার্য্য ও কারণের সহিত যে নিত্য সম্বন্ধ, তাহাই সংক্ষেপে ‘সমবায়’ নামে কণাদ অভিহিত করিয়াছেন। সাধারণতঃ দ্রব্যের সহিত গুণের, অবয়বীর সহিত অবয়বের, ক্রিয়া বা কর্ম্মের

সহিত দ্রব্যের, জাতির সহিত ব্যক্তির, কারণের সহিত কার্যের যে নিত্য সম্বন্ধ, তাহা 'সমবায়' দ্বারা সংঘটিত হয়। কণাদ মতে ইহা একটি পৃথক পদার্থ। ইহা নিত্য, এক; ইহা ইন্দ্রিয়গ্রাহ্য নহে, ইহা অসুমানগম্য। দ্রব্য ইহারও আশ্রয়। আশ্রয় ব্যতীত ইহা পৃথক থাকিতে পারে না। তন্তু হইতে একখানি বস্ত্র প্রস্তুত হইল। এই "সমবায়"ই তন্তু সকলের বস্ত্রাকারে পরিণতির কারণ। যতদিন এই সম্বন্ধ বর্তমান থাকিবে, ততদিন "তন্তু সকল" বস্ত্রাকারে থাকিবে। সুতরাং, বস্ত্রের সহিত উহার নিত্য সম্বন্ধ। "সমবায়" না থাকিলে বস্ত্রও থাকিবে না। ইহা সংযোগ হইতে সম্পূর্ণ পৃথক পদার্থ।

গুণ সপ্তদশ প্রকার :—(১) রূপ, (২) রস, (৩) গন্ধ, (৪) স্পর্শ, (৫) সংখ্যা, (৬) পরিমাণ, (৭) পার্থক্য, (৮) সংযোগ, (৯) বিভাগ, (১০) পরত্ব, (১১) অপরত্ব, (১২) বুদ্ধি, (১৩) সুখ, (১৪) দুঃখ, (১৫) ইচ্ছা, (১৬) ঘ্বেষ ও (১৭) প্রযত্ন। প্রশস্তপাদ ইহাতে আরও ৭টি যোগ করিয়াছেন :— (১) গুরুত্ব, (২) দ্রবত্ব, (৩) স্নেহ, (৪) ধর্ম, (৫) অধর্ম, (৬) শব্দ, (৭) সংস্কার।

বৈশেষিক বলেন যে, দ্রব্য গুণের আশ্রয় বটে, কিন্তু দ্রব্য উৎপন্ন হইবার আত্মক্ৰমে নিগূর্ণ থাকে, ক্রমে 'সমবায়' সম্বন্ধে অথবা প্রাগ্ভাব সম্বন্ধে বর্তমান বা ভাবী গুণের আশ্রয় হয়। দ্রব্য নয় প্রকার :—(১) ক্ষিতি, (২) অপ, (৩) তেজঃ, (৪) বায়ু, (৫) আকাশ, (৬) কাল, (৭) দেশ, (৮) আত্মা ও (৯) মনঃ। ইহাদের মধ্যে আকাশ, কাল ও দেশ—সর্বব্যাপী ও অনন্ত; এবং অন্যান্য দ্রব্যের আধার। ক্ষিতি, অপ, তেজঃ, বায়ু, আত্মা ও মনঃ—ইহারা অনেক ও ব্যক্তিগত ভেদে ভিন্ন ভিন্ন।

স্বাভাবিক অবস্থায়—যেমন প্রলয়ে—আত্মার উপলব্ধি থাকে না। শরীরের সহিত সম্বন্ধ হইলেই, মনঃ দ্বারা আত্মা—বাহ্য বিষয়ের এবং নিজেদেরও উপলব্ধি করিয়া থাকে। প্রত্যক্ষতঃ, ব্যক্তিগত ভিন্ন ভিন্ন অবস্থা ও ব্যবস্থা নিমিত্ত আত্মা—এক নয়—বহু।

নিত্য ও অনিত্য আপেক্ষিক মাত্র। কার্য হিসাবে কারণ নিত্য, এবং কারণ হিসাবে কার্য অনিত্য। সে কারণে আকাশ নিত্য, এবং ক্ষিতি, অপ, তেজঃ ও বায়ু নিত্যানিত্য—কারণ শেষোক্ত চারিটি জন্ম পদার্থ। উহাদের চরমাংশ পরমাণু। সে কারণ, পরমাণু চারি প্রকার :—ক্ষিতি পরমাণু, অপ, পরমাণু, তেজঃ পরমাণু ও বায়ু পরমাণু। ক্ষিতি পরমাণুর গুণ গন্ধ, অপের রস, তেজের রূপ এবং বায়ুর স্পর্শ। পরমাণুগণ পার্শ্বমণ্ডল্য (গোলাকার),

কিন্তু নিরবয়ব, অবিভাজ্য, নিত্য, বহিরন্তর-রহিত, এবং উহার স্থানাবরোধকতা নাই। উহাদের ধ্বংস নাই। জন্ম পদার্থ ধ্বংস হইলে, তাহার উপাদানভূত পরমাণুগণ আবার পৃথক পৃথক ভাবে মিলিত হইয়া পৃথক পদার্থের উৎপাদনের কারণ হইয়া থাকে। সৃষ্টির সময়ে উহাদের পরিস্পন্দন থাকে; সেই পরিস্পন্দনই ভিন্ন ভিন্ন পরমাণুর সংযোগের ও পদার্থের বিভিন্নতার কারণ। দুইটি পরমাণুকে দ্ব্যণুক বলে, তিনটি দ্ব্যণুকে উৎপন্ন পদার্থকে ত্র্যণুক ও চারিটি দ্ব্যণুকে উৎপন্ন পদার্থকে চতুরণুক বলে। পরমাণুর পরিমাণকে পারিমাণুল্য, দ্ব্যণুকের পরিমাণকে হ্রস্ব, ত্র্যণুকের পরিমাণকে মহৎ ও চতুরণুকের পরিমাণকে দীর্ঘ বলে। উহাদের পরস্পরের সংযোগের বিচিত্রতায় সৃষ্টি-বৈচিত্র্য।

মহর্ষি কণাদ ঈশ্বরের অস্তিত্ব সম্বন্ধে নীরব। পরমাণুর আদি পরিস্পন্দন জীবাদৃষ্ট বশতঃ হইয়া থাকে, ইহা তাঁহার মত। কিন্তু পরবর্তীকালে তাঁহার শিষ্য-প্রশিষ্যগণ বৃত্তিতে পারিলেন যে, পরমাণুগণ নিত্য ও অপরিবর্তনীয় হইলেও, একজন জ্ঞানবান্ নিয়ন্তা ব্যক্তিরেকে উহাদের দ্বারা স্বতঃ জগৎ উৎপত্তি সম্ভব হয় না। কারণ, কণাদের মতে প্রলয়ে আত্মারও উপলব্ধি ও জ্ঞান থাকে না, সুতরাং আত্মার দ্বারা পরমাণুর পরিস্পন্দন সিদ্ধ হয় না। এ কারণ, পরবর্তীকালে তাঁহারা ঈশ্বরের অস্তিত্ব স্বীকার করিলেন। কিন্তু সূত্রকার বাদরায়ণের সময়ে ঈশ্বরাস্তিত্ব-স্বীকৃতি বৈশেষিক দর্শনে স্থান পায় নাই।

২। মহদীর্ঘাধিকরণঃ—

ভিত্তিঃ—

সূত্রঃ—২।২।১১

মহদীর্ঘবদ্বা হ্রস্ব-পরিমণ্ডলাভ্যাম্ ॥ ২।২।১১

মহৎ দীর্ঘবৎ + বা + হ্রস্ব-পরিমণ্ডলাভ্যাম্ ॥

মহৎ দীর্ঘবৎ :—মহৎ ও দীর্ঘের ঞায়। বা :—ও। হ্রস্ব-পরিমণ্ড-
লাভ্যাম্ :—হ্রস্ব পরিমাণযুক্ত দ্ব্যণুক ও পরিমণ্ডল বা পরমাণু হইতে।

পূর্বসূত্র হইতে “অসমঞ্জসম্” অম্বৃত্ত হইতেছে, বুদ্ধিতে হইবে।
সাংখ্যোক্ত প্রধান-কারণবাদ যে অসামঞ্জস্যপূর্ণ, তাহা পূর্বে প্রতিপাদিত
হইয়াছে। এখন বৈশেষিক দর্শনকার কণাদের পরমাণু-কারণবাদও যে অসামঞ্জস্য-
পূর্ণ, তাহাই দেখান হইতেছে।

কণাদের মতে পরমাণুসকল দ্রব্যের চরমাংশ। উহারা নিরবয়ব ও
অবিভাজ্য। পরমাণুর অপর নাম পরিমণ্ডল। এবং উহার পরিমাণ—অণু বা
পরিমাণ্ডল্য—উহা দৃষ্টিগোচর নহে। তাঁহার মতে পরিমাণ চারি প্রকার :—
(১) অণু, (২) হ্রস্ব, (৩) মহৎ, (৪) দীর্ঘ। উহার মধ্যে পরমাণুর
পরিমাণ অণু—উহা দৃষ্টিগোচর নহে, ইহা পূর্বে বলা হইয়াছে। দুই পরমাণুর
সমবায়ে একটি দ্ব্যণুক উৎপন্ন হয়, উহার পরিমাণ হ্রস্ব। তিন দ্ব্যণুক সমবায়ে
একটি ত্র্যণুক উৎপন্ন হয়, উহার পরিমাণ মহৎ ; এবং চারিটি দ্ব্যণুক সমবায়ে একটি
চতুরণুক জন্মায়, উহার পরিমাণ দীর্ঘ। কণাদ বলেন, যদিও পরমাণুর অবয়ব
নাই, এবং পরিমাণ পরিমাণ্ডল্য, তথাপি উহা হইতে উৎপন্ন দ্ব্যণুক ত্রয়ের
সমবায়ে উৎপন্ন ত্র্যণুক, অবয়বী ও মহৎ, এবং ঐ প্রকার চতুরণুকও অবয়বী ও
দীর্ঘ। উহাদের সংমিলনে স্থূল প্রপঞ্চ জগতের উৎপত্তি।

এখন প্রশ্ন হইতেছে যে, পরমাণু যখন নিরবয়ব, তখন দুই পরমাণু হইতে
উৎপন্ন দ্ব্যণুকও নিরবয়বই হইবে, এবং তাহা হইতে উৎপন্ন ত্র্যণুক, চতুরণুকও
নিরবয়বই হইবে। উহাদের কোনটিই অবয়বী হওয়া যুক্তি-বিরুদ্ধ। সুতরাং
স্থূল প্রপঞ্চের উৎপত্তি সম্ভবই হয় না। এ কারণ, কণাদ-মত অসামঞ্জস্যপূর্ণ ও
উপেক্ষণীয়।

(এ সম্বন্ধে ২।১।১৩ সূত্রের আলোচনায় উক্ত শ্রীমদ্ভাগবতের ৩।১।১, ৫।১।২, ৫।১।১০ এবং ৫।১।১১ শ্লোক দ্রষ্টব্য। ২।১।১ সূত্রের আলোচনায় উক্ত শ্রীমদ্ভাগবতের ১০।৮।২১ শ্লোক দৃষ্টে প্রতীয়মান হইবে যে, শ্রীমদ্ভাগবত কণাদ-মত উপেক্ষার বিষয়, ইহা স্পষ্টই বলিয়াছেন [পৃঃ ৭৪৬])।

সূত্র :—২।২।১২

উভয়থাপি ন কস্ম'াতস্তদভাবঃ ॥ ২।২।১২

উভয়থা + অপি + ন + কস্ম' + অতঃ + তদভাবঃ ॥

উভয়থা :—উভয় 'প্রকারে। **অপি :—**ও। **ন :—**না। **কস্ম' :—**ক্রিয়া সম্ভব হয়। **অতঃ :—**এই কারণে। **তদভাবঃ :—**তাহার অভাব, পরমাণুর সংযোগাভাব।

মহর্ষি কণাদের মত এই যে, সৃষ্টি সময়ে পরমাণুগণের পরিস্পন্দন থাকে। সেই পরিস্পন্দনের ফলে পরমাণুদ্বয় মিলিয়া দ্ব্যণুক, তিন দ্ব্যণুক মিলিয়া ত্র্যণুক ইত্যাদি অভিব্যক্ত হইয়া জগৎ সৃষ্টি করে। এই পরিস্পন্দন—একটি নিমিত্ত কারণ অপেক্ষা করে। কণাদ মতে জীবাদৃষ্টই সেই নিমিত্ত-কারণ।

এখন প্রশ্ন এই যে, পরমাণুগণের আণুকর্ষভূত যে জীবাদৃষ্ট, তাহা কি পরমাণুগত অথবা জীবগত? জীবাদৃষ্ট অচেতন পরমাণুগত হওয়া সম্ভব নহে, জীবে থাকাই সম্ভব। সে যাহা হউক, জীবাদৃষ্ট পরমাণুতে থাকুক বা জীবে থাকুক, উহা যখন চিরকাল বর্তমান রহিয়াছে, তখন প্রলয় হইবার কারণ অসম্ভব। সর্বদাই ক্রিয়োৎপত্তি সম্ভব। আবার ইহাও বিবেচ্য যে, আত্মগত অদৃষ্ট কখনও পরমাণুগত কস্মোৎপত্তির হেতু হইতে পারে না। সুতরাং কণাদ-মত সর্বথা অসামঞ্জস্যপূর্ণ।

বেদান্ত পরমাণুর অস্তিত্ব অস্বীকার করেন না। বৈশেষিকেরা বলেন যে, জীবাদৃষ্ট—পরমাণুগণের . আদি স্পন্দনের হেতু—তাহারই বিরুদ্ধে বেদান্তের আপত্তি। বেদান্ত স্বীকার করেন যে, সৃষ্টি ভগবানের ইচ্ছাবশতঃই হইয়া থাকে, এবং জীবাদৃষ্ট বা অন্তকিছু সে ইচ্ছার প্রবর্তক নহে। ভগবদিচ্ছাই জীবাদৃষ্টকে উদ্বোধন করিয়া সৃষ্টি-বৈচিত্র্য বিধান করে; ইহা আমরা ২।১।২৩ সূত্রের আলোচনায় প্রতিপাদন করিয়াছি। যদি জীবাদৃষ্টই ভগবদিচ্ছার প্রবর্তক হয়, তবে উহা প্রলয় পরিমাণ অত দীর্ঘকাল স্থপ্ত থাকে কেন? কেন উহা ভগবানের

সৃষ্টি-ইচ্ছার উদ্রেক করে না? বিশেষতঃ, জীবাদৃষ্ট—কর্মফল মাত্র, উহার স্বভাবঃ চৈতন্য নাই। ভগবদিচ্ছায় উহা বীজের গায় 'ক্রিয়া' করে মাত্র। সুতরাং ভগবদিচ্ছা সৃষ্টির মূল কারণ স্বীকার না করায়, বৈশেষিক মত উপেক্ষণীয়।

শ্রীমদ্ভাগবতের মত এই সম্বন্ধে বড়ই স্পষ্ট।

পরমাণু পরমমহতো

স্বমাত্ত্বানুরাগ্তী ত্রয়বিধুরঃ ।

আদাবস্তে চ সত্তানাং

যদ্বক্রবং তদেবাত্তুরালেহপি ॥ ভাগঃ ৬।১৬.৩২

—হে ভগবন্! আপনি ত্রয়-বিধুর, অর্থাৎ, আদি-মধ্য-অন্তহীন। কিন্তু সূক্ষ্ম মূল কারণ যে পরমাণু, আর সূত্র অস্তিম কার্য যে পরম মহৎ, এই দুইয়ের আদিতে, মধ্যে ও অন্তে আপনিই বর্তমান থাকেন। অতএব, আপনি ক্রব অর্থাৎ নিত্য। আর যে সকল কার্য সংরূপে প্রতীত হয়, সে সকলের প্রথমে, চরমে এবং অন্তরালে যাহা থাকে, তাহাই নিত্য। ভাগঃ ৬।১৬.৩২

ইহাই বেদান্ত মত। পরমাণু হইতে অতি সূত্র প্রপঞ্চ পর্যন্ত সমুদায় বস্তুতে পরমাণুই অনুস্থিত থাকিয়া উহাদিগকে স্ব স্ব আকারে ও প্রকারে প্রতিষ্ঠিত করিয়া বর্তমান আছেন। তাহার সংহননী বা সন্ধিনী শক্তিতেই উহারা স্ব স্ব আকার ও ধর্ম হইতে বিচ্যুত হইতেছে না। নতুবা, জড় অচেতনের কোনও বিশিষ্ট আকারে থাকা সম্ভব নহে। অতএব কণাদ-মত উপেক্ষণীয়।

সূত্র :—২।২।১৩

সমবায়াত্যুপগমাচ্চ সাম্যাদনবস্থিতেঃ ॥ ২।২।১৩

সমবায়াত্যুপগমাৎ + চ + সাম্যাৎ + অনবস্থিতেঃ ॥

সমবায়াত্যুপগমাৎ :—সমবায় সম্বন্ধ স্বীকার হেতু। চ :-ও।

সাম্যাৎ :—সমান ভাব হেতু। অনবস্থিতেঃ :-অনবস্থা দোষের।

২।২।১১ সূত্রের আলোচনায় উল্লেখ করা হইয়াছে যে, দুইটি পরমাণুর সমবায় সম্বন্ধে উৎপন্ন স্বাণুক, পরমাণু হইতে ভিন্ন। স্বাণুক যেমন পরমাণু হইতে ভিন্ন পদার্থ হইয়াও, সমবায় সম্বন্ধ দ্বারা সম্বন্ধ হইয়া, অভিন্ন প্রত্যয়ের গোচর হয়, সেইরূপ, সমবায়ও সমবায়ি-পদার্থ হইতে ভিন্ন। সুতরাং,

তাহাও অন্য সমবায় দ্বারা সম্বন্ধ করা উচিত। এবং ক্রমে সেই সমবায় ও অন্য সমবায়, এবং তাহাও অপর একটি সমবায়, সম্বন্ধ করা প্রয়োজন। এই প্রকারে, “অনবস্থা” দোষ উপস্থিত হয়।

কণাদ মতে, “সমবায়” নামে একটি অতিরিক্ত পদার্থ কল্পনা করা হয়। অবয়বের সহিত অবয়বীর, গুণ, কর্ম (ক্রিয়া) ও বিশেষের সহিত দ্রব্যের, এবং দ্রব্য, গুণ ও কর্মের সহিত জাতির যে সম্বন্ধ, তাহার নাম “সমবায়” ইহা পূর্বে উল্লেখ করা হইয়াছে। এই সম্বন্ধটি নিত্য এবং এক। যেমন দ্রব্যের সহিত জাতি, কর্ম গুণাদির সম্বন্ধ রক্ষার জন্য, “সমবায়” কল্পনা করা হয়, সেইরূপ দ্রব্যের সহিত সমবায় সম্বন্ধ রক্ষার জন্য আর একটি সম্বন্ধ কল্পনা করা আবশ্যিক, এবং তাহারও সম্বন্ধ রক্ষার জন্য, অপর সম্বন্ধ কল্পনার প্রয়োজন কেন না হইবে? এই প্রকারে ‘অনবস্থা’ দোষ উৎপন্ন হয়। সুতরাং কণাদ মত অসামঞ্জস্য-পূর্ণ এবং উপেক্ষণীয়।

সূত্র :—২।২।১৪

নিত্যমেব চ ভাবাৎ ॥ ২।২।১৪

নিত্যম্ + এব + চ + ভাবাৎ ॥

নিত্যম্ :—সর্বদা। এব :—নিশ্চয়। চ :—ও। ভাবাৎ :—
সন্দ্বাব হেতু।

কণাদ ‘সমবায়’ সম্বন্ধ নিত্য বলিয়া স্বীকার করেন। যদি সমবায় নিত্য হয়, তবে সৃষ্টিও নিত্য হইবে। কিন্তু, বৈশেষিকও জগৎ নিত্য বলেন না। প্রলয় স্বীকার করেন। সুতরাং কণাদ মত অসামঞ্জস্যপূর্ণ।

এই সূত্রের শব্দরভাষ্য বড়ই সুন্দর। যদি সমবায় সম্বন্ধ নিত্য বল, তাহা হইলে বলিতে হইবে যে, পরমাণুগণ—প্রবৃত্তি স্বভাব, কি নিবৃত্তি স্বভাব, অথবা উভয় স্বভাব, কিংবা অনুভয় স্বভাব? যদি প্রবৃত্তি স্বভাব হয়, তবে নিত্য প্রবৃত্তি থাকায়, প্রলয় অসম্ভব। যদি নিবৃত্তি স্বভাব হয়, তবে নিত্য নিবৃত্তি থাকায়, সৃষ্টি অসম্ভব। উভয় স্বভাব এক কালে এক বস্তুতে থাকা যুক্তি ও প্রত্যক্ষ বিরুদ্ধ, সুতরাং অসমঞ্জস। নিঃস্বভাব হইলে, নিমিত্ত বশতঃ প্রবৃত্তি বা নিবৃত্তি ঘটতে পারে সত্য, কিন্তু কণাদ মতে, নিমিত্তসকল, অর্থাৎ কাল, অদৃষ্ট ও ঈশ্বরেচ্ছা নিত্য ও নিয়ত সন্নিহিত থাকায়, সে পক্ষেও নিত্য

প্রকৃতির বা সৃষ্টির আপত্তি হইতে পারে। অদৃষ্টাদি নিমিত্ত কারণকে অস্বতন্ত্র বা অনিত্য বলিলেও, নিত্য অপ্রকৃতির আপত্তি হইবেক। ' এই সকল কারণে, পরমাণু কারণবাদ সর্বপ্রকারেই অনুপপন্ন।

সূত্র :—২।২।১৫

রূপাদিমত্বাচ্চ বিপর্যয়ো দর্শনাৎ ॥ ২।২।১৫

রূপাদিমত্বাৎ + চ + বিপর্যয়ঃ + দর্শনাৎ ।

রূপাদিমত্বাৎ :—রূপ, রস, গন্ধ, স্পর্শ প্রভৃতি থাকায়। চ :—ও।

বিপর্যয়ঃ :—নিত্যত্ব, ও পরম সূক্ষ্মত্বাদির বৈপরীত্য—অনিত্যত্ব, স্থূলত্বাদি।

দর্শনাৎ :—যে হেতু ঐরূপই দেখিতে পাওয়া যায়।

বৈশেষিক স্বীকার করেন যে, পার্থিব, জলীয়, তৈজস ও বায়বীয় এই চারি প্রকার পরমাণু রূপ, রস, গন্ধ ও স্পর্শবিশিষ্ট। এই প্রকার স্বীকার করায়, উক্ত পরমাণুসকলের নিত্যত্ব ও সূক্ষ্মত্ব ও নিরবয়বত্ব সিদ্ধ হইতে পারে না। পরন্তু, উহারা অনিত্য, স্থূল ও সাবয়ব হইবার সম্ভাবনা উপস্থিত হয়। কেননা, প্রত্যক্ষতঃ রূপাদিবিশিষ্ট ঘটাদি বস্তুসকলকে অনিত্য ও স্বানুরূপ কারণ হইতে উৎপন্ন দেখা যায়, এবং যাহাদিগের রূপাদি বর্তমান থাকে, অর্থাৎ ঘটাদি, তাহারাও নাশ প্রাপ্ত হইয়া স্বকারণে পরিণত হইতে দেখা যায়। অতএব পার্থিবাদি পরমাণু রূপাদিবিশিষ্ট হওয়ায়, প্রত্যক্ষ দৃষ্ট ঘটাদির স্রায়, উহারাও স্বকারণে পরিণত হইবার অপেক্ষা রাখে। কিন্তু বৈশেষিক বলেন যে, পরমাণুই চরমাংশ, উহার স্বকারণ থাকা সম্ভব নহে। সুতরাং, বৈশেষিকের পরমাণুবাদ অসামঞ্জস্যপূর্ণ ও উপেক্ষণীয়।

(২।১।১৩ সূত্রের আলোচনায় উদ্ধৃত শ্রীমদ্ভাগবতের ৫।১২।২, ৫।১২।১০ শ্লোক দ্রষ্টব্য পৃঃ ৭৭১।)

সূত্র :—২।২।১৬

উভয়থা চ দোষাৎ ॥ ২।২।১৬

উভয়থা + চ + দোষাৎ ।

উভয়থা :—উভয় প্রকারে। চ :—ও। দোষাৎ :—দোষ হেতু।

পরমাণুগণের রূপমত্বাদি স্বীকার করিলে, যে দোষ হয়, তাহা উপরে দেখান হইল। যদি রূপমত্বাদি স্বীকার না করা যায়, তাহা হইলেও দোষ

হয়, কেননা, কীরণগত গুণ কার্যে অনুগত হয়। যদি পার্থিব পরমাণুগণ রূপাদিমৎ না হয়, তাহা হইলে সে-সকল হইতে উৎপন্ন ক্ষিতি, জল প্রভৃতি রূপ, রস, গন্ধ, স্পর্শবিশিষ্ট হইতে পারে না। আবার এই দোষ পরিহারের জন্য রূপাদিমৎ স্বীকার করিলেও, অনিত্যাদি দোষের উদ্ভব হয়। সূত্ররাং কণাদ মত সর্বপ্রকারেই অসমঞ্জস।

সূত্র :—২।২।১৭

অপরিগ্রহাচ্চাত্যন্তমনপেক্ষা ॥ ২।২।১৭

অপরিগ্রহাৎ + চ + অত্যন্তম্ + অনপেক্ষা ।

অপরিগ্রহাৎ :—মহু প্রভৃতি বেদানুবর্তীগণের দ্বারা গৃহীত না হওয়ায় ।

• চ :—ও । অত্যন্তম্ :—অত্যন্ত । অনপেক্ষা :—অপেক্ষণীয় নহে—অর্থাৎ উপেক্ষার যোগ্য ।

সাংখ্যের সংকার্যবাদ বেদানুবর্তীগণ গ্রহণ করিয়াছেন, কিন্তু কণাদের পরমাণুবাদে এমন কিছুই নাই, যাহা বেদপন্থীগণ গ্রহণ করিতে পারেন, এ কারণ, ইহা সর্বথা উপেক্ষণীয় ।

বৈশেষিক—দ্রব্য, গুণ, কর্ম, সামান্য, বিশেষ ও সমবায়,—এই ছয় পদার্থ পরস্পর অত্যন্ত ভিন্ন বলেন, এবং পরস্পরে গুণাদি পাঁচটি পদার্থ দ্রব্যাদীন বলিয়া থাকেন। ইহা কি প্রকারে সম্ভব হয়? প্রপঞ্চে পরিদৃশ্যমান অত্যন্ত ভিন্ন পদার্থনিচয়—যেমন, গো, অশ্ব, শশক প্রভৃতি—পরস্পর স্বাধীন; কেহ কাহারও অধীন নহে। সমস্তই স্বয়ংসিদ্ধ। একের অস্তিত্বে বা অনস্তিত্বে অপরের কিছু আসে যায় না। গুণাদিরও দ্রব্য সম্বন্ধে সেইরূপ হওয়া উচিত। কিন্তু কণাদ বলেন যে, দ্রব্য থাকিলেই গুণাদি থাকে, না থাকিলে থাকে না—এ সিদ্ধান্ত হইতে পারে না।

সমবায় সম্বন্ধ স্বীকার করিলে, যে ‘অনবস্থা’ দোষ সংঘটিত হয়, তাহা ২।২।১৩ সূত্রের আলোচনায় উল্লেখ করা হইয়াছে। আর বাহুল্যের প্রয়োজন নাই।

(এই প্রসঙ্গে ২।১।১ সূত্রের আলোচনায় উদ্ধৃত শ্রীমদ্ভাগবতের ১০।৮।১২১

শ্লোক দ্রষ্টব্য পৃঃ ৭৪৬।)

সাংখ্য ও বৈশেষিক মতের সহিত বেদান্তের মতের বিরোধ বিচারে, উক্ত উভয় মত যে অসামঞ্জস্যপূর্ণ ও উপেক্ষণীয়, তাহা প্রতিপাদন করা হইল।

এখন, সূত্রকার বৌদ্ধ মত বিচারে অগ্রসর হইতেছেন।

বৌদ্ধমত সম্বন্ধে সংক্ষিপ্ত আলোচনা।

সূত্রকারের বৌদ্ধমত বিচার-সংক্রান্ত সূত্রসকল আলোচনা করিবার পূর্বে বৌদ্ধমত কতকাল হইতে প্রচলিত, এবং উহা সাধারণতঃ কি প্রকার তাহার সংক্ষেপ বিবরণ অবগত হইলে, সূত্রকারের বিচার-প্রণালী ও যুক্তি, বুঝিবার পক্ষে সহজ হইবে। এ কারণ, নিম্নে অতি সংক্ষেপে তাহা উল্লিখিত হইল।

গৌতম বুদ্ধের নামের সহিত বৌদ্ধ ধর্ম ঘনিষ্ঠভাবে জড়িত। 'বুদ্ধ' কাহারও ব্যক্তিগত নাম নহে। উহার অর্থ "জ্ঞানী"; উহা একটি উপাধি। গৌতম বুদ্ধের ব্যক্তিগত নাম "সিদ্ধার্থ"। তিনি সূর্য্যবংশীয় শাক্য শাখায় কপিলাবস্তুর রাজা শুক্লোদনের পুত্র। শাক্য শাখায় জন্ম বলিয়া, এবং তিনি সন্ন্যাস গ্রহণ করতঃ মুনি ধর্ম অবলম্বন করায়, তাঁহাকে 'শাক্যমুনি' বলে, এবং গৌতম গোত্র বলিয়া, তিনি 'গৌতম' নামেও অভিহিত। সন্ন্যাসের পর ভিন্ন ভিন্ন ব্রাহ্মণ গুরুর অধীনে ছয় বৎসর তীব্র তপস্যার দ্বারা শরীর শোষণের পর বিশেষ ফল লাভ না করায়, তিনি গয়্যার সন্নিকটস্থ, বর্তমানে প্রসিদ্ধ 'বুদ্ধগয়া'য় নিরঞ্জনা নদীতীরে একটি বটবৃক্ষের তলে আসন গ্রহণ করিয়া, প্রবল মানসিক শক্তির বলে, কার্য্য-কারণ-শৃঙ্খল পরম্পরা পর্যালোচনা করতঃ, সংসারের দুঃখ যন্ত্রণার মূল কি, তাহা জানিতে পারিয়া, "বুদ্ধ" উপাধি ধারণ করেন। সেইজন্য তাঁহাকে "গৌতম বুদ্ধ" বলিয়া ইতিহাস প্রচার করে।

তাঁহার জন্ম সম্বন্ধে মতভেদ আছে। কোনও মতে তিনি খৃঃ পূঃ ৬২৩ অব্দে এবং কোনও মতে খৃঃ পূঃ ৫৬৭ অব্দে জন্মগ্রহণ করেন, এবং ৮০ বৎসর বয়সে দেহ ত্যাগ করিয়া পরিনির্বাণ লাভ করেন। "বুদ্ধ" হইবার পর, বারাণসীর নিকট "মৃগাধব" নামক স্থানে তিনি তাঁহার ধর্ম-সম্বন্ধে প্রথমে শিক্ষা দেন। উহার বর্তমান নাম "সারনাথ"। উক্ত স্থানে অশোকের স্তূপ এখনও বর্তমান, এবং একটি প্রকাণ্ড বিহার ছিল, অধুনা, সর্বগ্রাস কালের গ্রাসে নষ্ট। মৃত্তিকাখনন দ্বারা উহার অবস্থান ও অনেক স্মৃতিচিহ্ন উদ্ধার করা হইয়াছে। তন্মধ্যে সিংহমুখ স্তম্ভশীর্ষ বিশেষ উল্লেখযোগ্য। কাশ্যপ, উপালি ও আনন্দ তাঁহার প্রধান শিষ্য। মগধের তাত্‌কালিক সম্রাট, বিম্বিসারও তাঁহার শিষ্য ও তদ্ব্যর্থ গ্রহণ করিয়াছিলেন। এই বিম্বিসারের পুত্র

অজাতশত্রু। বুদ্ধদেব, অজাতশত্রুর রাজত্বের অষ্টম বর্ষে পরিনির্বাণ লাভ করেন, (দেখ, উইলসন সাহেবের বিষ্ণুপুরাণ ৪।২৪।৩)। “ঐতিহাসিকগণের পৃথিবীর ইতিহাস” (*Historians History of the world*) নামক গ্রন্থের দ্বিতীয় খণ্ডের ৪৭৮ পৃষ্ঠায় উল্লেখ আছে যে, বিষ্ণিসার ৬০৩ খৃঃ পূঃ অন্ধে সিংহাসনে আরোহণ করেন, এবং সিদ্ধার্থ ৫৬০ খৃঃ পূঃ অন্ধে জন্মগ্রহণ করেন এবং ৫০২ খৃঃ পূঃ অন্ধে তিনি সংসার ত্যাগ করতঃ, “বুদ্ধ” অর্থাৎ জ্ঞানী উপাধি ধারণ পূর্বক ৫২২ খৃঃ পূঃ অন্ধে বারাণসীতে উপদেশ দিতে আরম্ভ করেন। অজাতশত্রু ৫৫০ খৃঃ পূঃ অন্ধে তাঁহার পিতা বিষ্ণিসারকে নিহত করিয়া মগধ সিংহাসনে আরোহণ করেন। এবং ৪৮০ খৃঃ পূঃ অন্ধে বুদ্ধদেব দেহত্যাগ করেন। এই সময় নিরূপণের সহিত উইলসনের মতের মিল নাই। সিংহল দেশীয় বৌদ্ধ গ্রন্থ হইতে অবগত হওয়া যায় যে, বুদ্ধদেব খৃঃ পূঃ ৬২৩ অন্ধে জন্মগ্রহণ করেন। এবং তাঁহার মৃত্যু ৫৪৩ খৃঃ পূঃ অন্ধে হইয়াছিল। ইহা হইলেই, বিষ্ণিসার তাঁহার শিষ্য হইতে পারেন, এবং অজাতশত্রুর রাজত্বের ৮ম বর্ষে তাঁহার পরিনির্বাণ সম্ভব হয়।

শিক্ষিত সম্প্রদায়ের মধ্যে অনেকের ভ্রম ধারণা আছে যে, বুদ্ধদেব একটি নূতন ধর্ম প্রচার করেন। বাস্তবিক তাহা নহে। উপনিষদ্ আলোচনা করিলে সহজেই বুঝা যায়, বেদের কর্মকাণ্ডের ফল—স্বর্গাদি-নশ্বর বিধায়, মানব-আত্মার আত্যন্তিক নিঃশ্রেয়স সিদ্ধি তাহা হইতে হয় না, এবং সেইজন্য ব্রহ্মজ্ঞানের উপদেশ উপনিষদের পত্রে পত্রে আছে। এবং উক্ত ব্রহ্মজ্ঞান লাভ হইলে, ফল যে আত্যন্তিক ত্রিতাপনাশ এবং পরম পুরুষার্থ লাভ, তাহা প্রতিপাদিত হইয়াছে। বেদের কর্মকাণ্ডের নিন্দা করিলেও, উপনিষদ্, বেদ মিথ্যা বলেন নাই। উহা অপৌরুষেয়, নিত্য, এবং অধিকার ভেদে কর্মকাণ্ডে অবলম্বনীয়, ইহাই উপনিষদের শিক্ষা। ইহা আমরা ১।১।৪ সূত্রের আলোচনায় বুঝিতে পারিয়াছি। “বুদ্ধদেব জন্মে, শিক্ষায়, জীবন যাপনে, এবং মৃত্যুকালেও হিন্দু ছিলেন।” (*Vide Rhys David's Buddhism pages 83-84*)। তাঁহার উপদেশাবলী উপনিষদের শিক্ষার একদেশের উপর প্রতিষ্ঠিত। হিন্দুগণ তাঁহাকে বিষ্ণুর অবতার বলিয়া কীর্তন ও ভ্রূষা করেন। তবে, তিনি বেদের নিত্যত্ব, অপৌরুষেয়ত্ব, অভ্রান্তত্ব স্বীকার করিতেন না, এবং বেদ ও উপনিষদ্ এক পরম কারণ সৎ-চিত্ত-আনন্দ স্বরূপ সত্তা স্বীকার করিয়া, তাঁহাতেই প্রপঞ্চ জগৎ প্রতিষ্ঠিত—এই প্রকার শিক্ষা দেন। বুদ্ধদেব পরম কারণ সত্তা সম্বন্ধে সম্পূর্ণ নীরব। উহা জানিবার, এবং উহা লইয়া বিচার করিবার প্রয়োজন আছে

বলিয়া তিনি মনে করিতেন না। একজন শিষ্য তাঁহাকে প্রশ্ন করিলেন, আত্মা আছে কি? তিনি নীরব রহিলেন, উত্তর দিলেন না। তখন আবার প্রশ্ন হইল, আত্মা নাই কি? তাহাতেও তিনি সমান নীরব। আনন্দ ইহার কারণ জানিবার ইচ্ছা করিলে, বুদ্ধদেব বলেন যে, “যাহা প্রমাণের বিষয় নহে, তাহা লইয়া প্রশ্নোত্তর-রূপ বাগ্-বিতণ্ডা করা বৃথা সময়ক্ষেপ ভিন্ন কিছুই নহে। উহা পরিহার্য।” তিনি যে উপদেশ দান করেন, তাহা মানিয়া চলিলেই জীবের নির্বাণপ্রাপ্তিরূপ পরম পুরুষার্থ-লাভ হইবে। জীব যখন ত্রিতাপ জ্বালায় অহরহঃ দগ্ধ হইতেছে, তখন সেই জ্বালা যাহাতে নিবারণ হয়, তাহাই তাহার লক্ষ্য হওয়া উচিত। গৃহে আগুন লাগিলে, আগুন কোথা হইতে কি প্রকারে লাগিল, তাহার গবেষণার জ্ঞান সাক্ষী সাবুদ সংগ্রহ করিতে বসিয়া না গিয়া, যাহাতে আগুন নিবারণ হয়, বিস্তার লাভ না করিতে পারে, এবং গৃহের মধ্যে অবস্থিত স্ত্রী-পুরুষের জীবন রক্ষা ও সম্ভব হইলে ধন সম্পত্তি রক্ষার চেষ্টা করা হইবে বুদ্ধিমানের কার্য। আত্মা আছে কি নাই, ঈশ্বর কি জগৎ সৃষ্টি করিয়াছেন— ইত্যাদি প্রমাণের বিষয় নহে। সুতরাং, সে সম্বন্ধে সময় নষ্ট করা অনুচিত। এই প্রকার, বেদ প্রমাণ অভ্রান্ত বলিয়া স্বীকার না করায়, বেদবিহিত কর্মকাণ্ডের নিন্দা করায়, বেদের নিত্যত্ব ও অপৌরুষেয়ত্ব স্বীকার না করায়, এবং আত্মা ও ঈশ্বর সম্বন্ধে নীরব থাকায়, তিনি প্রচলিত হিন্দু ধর্মের আচার্যগণের নিকট বিরুদ্ধ মত প্রবর্তক বলিয়া কথিত হন। ফলতঃ, এই কার্যে তিনি তাঁহার পূর্বতন বুদ্ধগণের পদ্ধতি অবলম্বন করিয়াছিলেন। তাঁহার কথামতই তিনি পঞ্চবিংশতিতম বুদ্ধ। তাঁহার পূর্বে ২৪ জন বুদ্ধ আবির্ভূত হইয়াছিলেন। এবং তাঁহাদিগের প্রবর্তিত ধর্মচক্র অব্যাহত রাখিবার জ্ঞান, যখন যখন কাল প্রভাবে ধর্মের গ্লানি উপস্থিত হয়, তখনই একজন বুদ্ধ আবির্ভূত হইয়া গ্লানি দূর করতঃ বিশ্বিক ধর্ম প্রচার করিয়া পরিনির্বাণে গমন করেন। বুদ্ধদেব বলিয়া গিয়াছেন যে, মৈত্রেয় ঋষিই ভবিষ্যৎ ষড়বিংশতিতম বুদ্ধ হইবেন।

বুদ্ধদেবের উপদেশ সম্বন্ধে উক্তি আছে যে, তিনি বলিতেন, “আমার উপদেশ অন্ধ বিশ্বাসে মানিয়া লইবার প্রয়োজন নাই; অগ্নিতে স্বর্ণের গায়, মানবের নিজ নিজ বিবেক বুদ্ধিমত্তা যুক্তি বিচার দ্বারা পরীক্ষা করতঃ পরে গ্রহণীয়।” এই উপদেশের ফলে, তাঁহার মৃত্যুর অব্যবহিত পরেই, তাঁহার শিষ্যগণের মধ্যে নানা প্রকার বিরুদ্ধ মত প্রকাশ পায়। এবং সে সকল দূরীকরণের জ্ঞান, তাঁহার মৃত্যুর অন্ত্যস্ত কাল পরেই, (কোনও কোনও মতে মৃত্যুর ৮ মাসের মধ্যেই), অজ্ঞাতশত্রুর রাজত্বকালেই রাজগৃহে প্রথম বৌদ্ধ সঙ্গীতির অধিবেশন হয়।

বুদ্ধদেবের শিষ্য ও বহু কাশ্যপ এই সঙ্গীতির পরিচালনা করেন। আজকালকার ভাষায় তিনিই সভাপতি ছিলেন। বুদ্ধদেবের অপর দুইজন শিষ্য, উপালি ও আনন্দ, ইহাতে বিশিষ্ট অভিনেতৃত্ব করেন। মানবের যুক্তি, তর্ক ও বিচার শক্তি বিভিন্ন। কোনও একটি বিষয় পর্যালোচনা করিবার প্রণালী ও পদ্ধতি এবং লক্ষ্যস্থানও বিভিন্ন হওয়ায়, কোন একটি বিশেষ বিষয়ে মতভেদ হওয়া স্বাভাবিক। বিশেষতঃ, বুদ্ধদেব মৌখিক উপদেশ মাত্র দিয়াছেন, কোনও লিখিত পুস্তকাদি প্রণয়ন করেন নাই। তাঁহার উপদেশ শিষ্যগণ সাধ্যমত মনের মধ্যে স্মৃতিতে গাঁথিয়া রাখিতেন। পাছে, কালবশতঃ, উপদেশ সকল পরিবর্তিত, দুষ্ট ও বিনষ্ট হয়, সেইজন্য ভবিষ্যৎ-দ্রষ্টা বুদ্ধ শিষ্যগণ প্রথম সঙ্গীতি আহ্বান করেন। উহাতে শত শত শিক্ষিত বৌদ্ধ শ্রমণ যোগদান করেন। কেহ কেহ বলেন যে, পাঁচশতের অধিক শ্রমণ উহাতে একত্রিত হইয়াছিলেন।

বুদ্ধদেবের উপদেশ প্রধানতঃ তিন ভাগে বা পেটিকায় বিভক্ত :—(১) অভিধর্ম পেটিকা, (২) বিনয় পেটিকা, (৩) সূত্র পেটিকা। অভিধর্ম :— বৌদ্ধধর্ম সম্বন্ধে তত্ত্ব অর্থাৎ দার্শনিক ভিত্তি। বিনয় :—আচার নিয়মাবলী। এবং সূত্র :—আখ্যান। উপরে লিখিত তিন জন শিষ্যের মধ্যে কাশ্যপ সর্বাপেক্ষা শিক্ষিত ছিলেন। তিনি “অভিধর্ম সম্বন্ধে বুদ্ধদেবের উপদেশাবলী আবৃত্তি করেন, এবং সমবেত শত শত শ্রমণগণ তাঁহার আবৃত্তির পর, সমস্বরে উহাদের পুনরাবৃত্তি করেন। এই প্রকার, উপালি “বিনয়” সম্বন্ধে উপদেশাবলী ও আনন্দ “সূত্র” সম্বন্ধে উপদেশাবলীর আবৃত্তি করেন, এবং শ্রমণগণ সমস্বরে উহাদের পুনরাবৃত্তি করেন। এই পুনরাবৃত্তিই উহাদের সর্বসম্মতিক্রমে গৃহীতির পরিচায়ক, এবং ইহার জন্য এই বৌদ্ধ সমিতির নাম ‘সঙ্গীতি’। দিনের পর দিন, সাত বা আট মাস ধরিয়া, প্রথম সঙ্গীতির অধিবেশন হইয়াছিল। ইহার পর শতাধিক বা দ্বিশতাধিক বর্ষ গত হইলে, বৈশালীতে দ্বিতীয় সঙ্গীতির অধিবেশন হয়, এবং তৃতীয় সঙ্গীতি অশোকের রাজত্বকালে খৃঃ পূঃ ২৫০ অব্দে পাটলিপুত্রে অধিবেশিত হইয়াছিল, এবং শেষ সঙ্গীতি খৃষ্টীয় প্রথম শতাব্দীতে কণিষ্কের রাজত্বকালে জলন্ধরে হইয়াছিল। পূর্বে বলা হইয়াছে যে, বুদ্ধদেব উপনিষদের শিক্ষার একদেশ মাত্র গ্রহণ করিয়াছিলেন। এক অধ্বয়, সর্বজ্ঞ, সর্বশক্তিমান সত্তা যে প্রপঞ্চ বিশ্বের মূলে আছেন, উপনিষদের উপদেশের সে অংশ তিনি গ্রহণ করেন নাই। এবং সে সম্বন্ধে প্রশ্ন উত্থিত হইলে, নীরব থাকিতেন। আবার অন্তর্দিকে জগৎস্রষ্টা ব্রহ্মা, পালক বিষ্ণু, ও সংহর্তা শিব, স্বর্গের রাজা ইন্দ্র, প্রভৃতির উচ্ছেদ করেন নাই। তাঁহারা অবিচ্ছিন্ন এবং জীববিশেষ

বলিয়া শিক্ষা দিতেন, এবং মানব তাঁহার উপদেশ পালন করিলে নির্বাণলাভ করিয়া, উহাদেরও অতিক্রম করিয়া পরম পুরুষার্থ লাভ করিতে পারেন, ইহা প্রচার করিতেন। গৃহস্থদিগের মধ্যে, বেদ বিহিত সংস্কার-ক্রিয়াদি করণের বিরুদ্ধে আপত্তি করিতেন না। বর্ণাশ্রম ধর্ম সম্বন্ধে তাঁহার মত উদার ছিল। জাতিগত বর্ণ—ব্রাহ্মণ, ক্ষত্রিয় সম্বন্ধে তাঁহার আপত্তি ছিল; গুণগত আপত্তি ছিল না। গৃহস্থদিগের বর্ণাশ্রম ধর্ম পালন করিবার বিপক্ষে আপত্তি ছিল না। বলিয়া মনে হয়, তবে ভিক্ষু শ্রমণ (বৌদ্ধ সন্ন্যাসী) গণের মধ্যে জাতিভেদ ছিল না। পঞ্চাস্তরে, শিষ্যগণকে যুক্তি বিচারের উপর তাহাদের ধর্মবিশ্বাসের ভিত্তি স্থাপন করিবার উপদেশ দিয়াছিলেন। তাহার ফলে, বুদ্ধদেবের পরিনির্বাণের দুইশত বৎসরের মধ্যে, তাঁহার শিষ্যগণের ভিতর নানা প্রকার মত-বিরোধ ও ভিন্ন ভিন্ন সম্প্রদায়ের উদ্ভব হয়। ইহার ফলেই, দ্বিতীয় সঙ্গীতি বৈশালীতে আহূত হয়। উক্ত সঙ্গীতিতে অধিক সংখ্যক বৌদ্ধ সর্বান্তিষ্যবাদ গ্রহণ করেন। এই সর্বান্তিষ্যবাদ ‘হীনায়ন’ সম্প্রদায়ের মত। ইহারাও ‘বৈভাষিক’ ও ‘সৌত্রান্তিক’ ভেদে দুই প্রকার। এই দুই সম্প্রদায়ই সর্বান্তিষ্যবাদী। ‘হীনায়নের’ বিরোধী সম্প্রদায় ‘মহায়ন’ নামে কথিত। তাহারাও দুই শাখায় বিভক্ত :—‘যোগাচার’ ও ‘মাধ্যমিক’। বৌদ্ধগণের সাধারণ মতবাদ অতি সংক্ষেপে নিম্নে লিখিত হইল।

বৌদ্ধগণ ব্যবহারিক ব্যাপার নিষ্পাদনের জন্ত নিম্নলিখিত পদার্থগুলি স্বীকার করেন। (১) অবিজ্ঞা—কৃত্তিক কার্য ও দুঃখময় পদার্থে স্থির ও নিত্য সুখকরত্ব জ্ঞান। (২) সংস্কার—অবিজ্ঞা জন্ত রাগ, দ্বেষ, মোহ। (৩) বিজ্ঞান বা আলয় বিজ্ঞান—যাহার প্রভাবে গর্তস্থ শিশুর প্রাথমিক জ্ঞানক্ষুর্তি হয়। (৪) নাম—আলয় বিজ্ঞান হইতে উৎপন্ন ক্রিতি, অপ, তেজঃ ও মরুৎ এই চারিভূত। (৫) রূপ—শ্বেত কুষ্ণাদি, শুক্র শোণিত। (৬) আয়তন—ষড়্‌বিধ ইন্দ্রিয়ই ষড়ায়তন। (৭) স্পর্শ—নাম, রূপ ও ইন্দ্রিয়গণের সংযোগ জাত দেহ। (৮) বেদনা—সুখ দুঃখাদির অমুভব। (৯) তৃষ্ণা—বেদনা জনিত বিষয় ভোগেচ্ছা। (১০) উপাদান—তৃষ্ণা বশতঃ বিষয় প্রবৃত্তি। (১১) ভব—জন্মের কারণীভূত ধর্মাধর্মাди। (১২) জাতি—রূপ, বেদনা, বিজ্ঞান, সংজ্ঞা ও সংস্কারাত্মক সংঘাত—পঞ্চস্কন্ধ। (১৩) জরা—উক্ত স্কন্ধের পরিণতি। (১৪) নাশ—মৃত্যু। (১৫) শোক—স্নেহবশতঃ পুত্রাদির মৃত্যুকালীন মানসিক সস্তাপ। (১৬) পরিবেদনা—শোকের জন্ত বিলাপ। (১৭) দুঃখ—অনিষ্ট ভাবনা। (১৮) দৌর্মনশ্চ—অনিষ্ট ভাবনার মনোব্যথা। এতদ্ব্যতীত উপবাস, ক্রেশ, মানাপমান প্রভৃতি।

বৌদ্ধগণ বলেন যে, অবিজ্ঞাদি কারণ হইতে বেদনাদি কার্য্যগুলি উৎপন্ন হয়; আবার বেদনা প্রভৃতি হইতেও অবিজ্ঞাদির উৎপত্তি হয়, এবং অবিজ্ঞা হইতে জন্ম জরাদি এবং জন্ম জরাদি হইতে আবার অবিজ্ঞা হয়। এবং ইহার জন্ম স্থূল সংঘাতের উৎপত্তিও আবশ্যিক হয়, এবং স্থূল সংঘাত হইতে আবার অবিজ্ঞার উৎপত্তি হয়। এইরূপ চক্রব্রমির জ্ঞান কার্য্যকারণ ভাব কল্পনা করিয়া স্থূল সংঘাতের উৎপত্তি সমর্থন করিয়া থাকেন।

(১) বৈভাষিকগণ প্রত্যক্ষ সিদ্ধ স্থূল বাহু পদার্থের অস্তিত্ব স্বীকার করেন।
 (২) সৌত্রাস্তিকগণও স্থূল বাহু পদার্থের অস্তিত্ব স্বীকার করেন বটে, কিন্তু বলেন যে, তাহা প্রত্যক্ষসিদ্ধ নহে, কেবল বুদ্ধি বিজ্ঞানে অনুমেয় বলিয়া স্বীকার করেন। (৩) 'যোগাচার সম্প্রদায় বাহু পদার্থের অস্তিত্ব স্বীকার করেন না। তাঁহারা বলেন, অন্তরস্থ বুদ্ধি বিজ্ঞানই বহির্দেশ ঘটপটাদি বিষয়াকারে প্রতীত হয়। একমাত্র বুদ্ধিই বিষয় ও বিষয়ীর আকার ধারণ-পূর্ব্বক লোক ব্যবহার নিষ্পাদন করে। বস্তুতঃ, বিজ্ঞানাতিরিক্ত কোনও পদার্থই নাই। এই জন্ম ইহাদিগকে বিজ্ঞানবাদী বলে। (৪) মাধ্যমিক সম্প্রদায়, বাহু পদার্থ বা বুদ্ধি বিজ্ঞান, কিছুই অস্তিত্ব স্বীকার করেন না, শূন্যকেই প্রকৃত সত্য বলিয়া স্বীকার করেন। এই জন্ম তাঁহাদিগকে সর্বশূন্যবাদী বলা হয়।

এই চারি সম্প্রদায়ের মধ্যে প্রথমোক্ত তিন সম্প্রদায় বলেন যে, বাহু আন্তর সমস্ত পদার্থই ক্ষণিক—ক্ষণমাত্রেই উৎপত্তি ও ক্ষণমাত্রেই ধ্বংস; কোনও পদার্থ উৎপত্তির পর এক ক্ষণের অধিক কাল স্থায়ী হয় না। অধিকন্তু, অবয়বের অতিরিক্ত "অবয়বী" বলিয়াও কোনও পদার্থ নাই।

এই কারণে বৌদ্ধগণকে "বৈনাশিক" বলে। কারণ, তাঁহাদের মতে সমুদায় বস্তু বিনাশশীল; কোনও বস্তুর নিত্যতা তাঁহারা স্বীকার করেন না। "বৈশেষিক"-গণকে 'অর্দ্ধ বৈনাশিক' বলে, কারণ, তাঁহারা পরমাণু, আকাশ প্রভৃতি কয়েকটি বস্তুর নিত্যতা স্বীকার করেন, এবং তন্মিন্ন সকলই অনিত্য; এবং তাঁহাদের মতে নিত্য ও অনিত্য আপেক্ষিক মাত্র। (দেখ, বৈশেষিক দর্শনের ভূমিকা, পৃ: ১২৮)। প্রথম দুই সম্প্রদায়ের মতে পরমাণু আছে, এবং পরমাণুর ছয় পার্শ্ব বর্তমান আছে, অথচ পরমাণু অবিভাজ্য। পরমাণু চারি প্রকার—কিতি পরমাণু, অপ, পরমাণু, তেজ পরমাণু ও বায়ু পরমাণু। কিতির গুণ—স্পর্শ, রূপ, রস ও গন্ধ; অপের গুণ—স্পর্শ, রূপ ও রস; তেজের গুণ—স্পর্শ ও রূপ; এবং বায়ুর গুণ—স্পর্শ। উহাদিগের পরমাণুরও উল্লিখিত

শুণ্ণগুলি বর্তমান আছে। পরমাণুগণের সংমিলনে ভূত ও ভৌতিক বাহ্য প্রপঞ্চের উৎপত্তি। এই সংযোগ ক্ষণে ক্ষণে হইতেছে, আবার উৎপত্তির পরক্ষণই বিনাশ প্রাপ্ত হইতেছে। আভ্যন্তরিক প্রপঞ্চের নাম চিত্ত ও চৈত্য, এবং তাহারাও ক্ষণিক। চতুঃ প্রকার হেতু হইতে চিত্ত ও চৈত্য জন্মে :—

(১) অধিপতি:—চক্ষুঃ প্রভৃতি ইন্দ্রিয়, (২) সহকারী :—আলোক প্রভৃতি, (৩) আলম্বন :—জ্ঞাতব্য বিষয়—ঘটপটাদি, (৪) সমনস্তর প্রত্যয় :—অব্যবহিত পূর্বক্ষণের জ্ঞান। এই কারণ চতুষ্টয়ই জ্ঞানোৎপত্তির কারণ। আকাশকে, ভূত ভৌতিক বা চিত্ত চৈত্য, এই চারি প্রকার পদার্থের মধ্যে স্বীকার করেন না। তাঁহারা বলেন, ইহা অসৎ আবরণাভাব মাত্র, কিন্তু নিত্য, অবস্ত ও তুচ্ছ। ঐ প্রকার প্রতিসংখ্যা নিরোধ—বা বুদ্ধিপূর্বক বস্তু বিনাশ, এবং অপ্রতিসংখ্যানিরোধ—অবুদ্ধি পূর্বক বস্তু বিনাশ—(অর্থাৎ, বস্তুর স্বভাব বশতঃ প্রতিক্ষণে পরিণতি লাভ করিয়া থাকে—পূর্বক্ষণে যে প্রকার ছিল, ঠিক তাহার পরক্ষণে সে প্রকার থাকে না—তবে সে পরিণতি এত সূক্ষ্ম যে ইন্দ্রিয়গ্রাহ্য নহে)। ইহাদের দার্শনিক বা আধ্যাত্মিক অর্থ অন্য প্রকার—সম্যক্ জ্ঞানোদয়ে অর্থাৎ বুদ্ধত্ব প্রাপ্তি হইলে, সমুদায় ক্লেশ ও দুঃখের আত্যন্তিক বিনাশকে প্রতিসংখ্যা নিরোধ, এবং সম্যক্ জ্ঞানোদয় না হইলেও, প্রত্যয়ের অভাব হেতু ক্লেশ বা দুঃখের অন্তত্বিকে অপ্রতিসংখ্যানিরোধ কহে। (দেখ, আচার্য্য রাধাকৃষ্ণনের ভারতীয় দর্শন, ১ম খণ্ড, ৬১৭-৬১৮ এবং ৬৩৮। শঙ্কর ও রামানুজ তাঁহাদের ভাষ্যে এ অর্থ গ্রহণ করেন নাই)। এই দুটিও আকাশের ন্যায় অবস্ত, তুচ্ছ ও অভাবমাত্র মনে করেন। ইহারা উৎপাত্ত, ক্ষণিক ও বুদ্ধি বোধ্য নহে।

ক্ষণিকবাদীগণ ক্ষণে ক্ষণে পরিবর্তন স্বীকার করেন। কিন্তু পরিবর্তন স্বীকারে—যাহার সম্বন্ধে পরিবর্তন, এরূপ কোনও নিত্য বস্তুর অপেক্ষার আকাজক্ষা মনে উদয় হয় ; কিন্তু তাঁহারা সেরূপ কোনও নিত্য বস্তুর অস্তিত্ব স্বীকার করেন না। উপনিষদের মতে আত্মাই সেই নিত্য বস্তু, কিন্তু আত্মা সম্বন্ধে বুদ্ধদেব কোনও কথা না বলায়, তাঁহারা আত্মা স্বীকার করেন না।

এই সমুদায় সম্প্রদায়ই বুদ্ধদেবের উপদেশের উপর প্রতিষ্ঠিত। যুক্তি ও বিচারের বিভিন্নতার জন্ম ফলও বিভিন্ন হইয়াছে। আবার বুদ্ধদেবের উপদেশ, তাঁহার পূর্বতন বুদ্ধগণের প্রবর্তিত পদ্ধতির উপর প্রতিষ্ঠিত। সুতরাং বাদরায়ণের বহু পরে গৌতম বুদ্ধ ও তৎপ্রবর্তিত মত, তন্নামে খ্যাত হইলেও ব্রহ্মসূত্র রচনার সময় বৌদ্ধমত প্রচলিত ছিল এবং বাদরায়ণের সূত্র সেই

শ্রৌতমত নিরাকরণের জন্য। অবশ্যই সে সময়ে বৈভাষিক, সৌত্রাস্তিক প্রভৃতি সম্প্রদায়গণ তত্ত্বমামে আখ্যাত ছিল না। ভাষ্যকারগণ নিজের সময় প্রচলিত সম্প্রদায়গণের নামানুসারে ভাষ্য রচনা করায়, উহাদের নাম ভাষ্যে স্থান লাভ করিয়াছে। সেজন্য ব্রহ্মসূত্র যে উক্ত সম্প্রদায় সকল প্রবর্তিত হইবার পরে রচিত, ইহা মনে করিবার কোনও কারণ নাই। ইহার উদাহরণ আমরা “সাংখ্য প্রবচন সূত্র” সম্বন্ধে আলোচনায় পাইয়াছি। ভাষ্যকার বলদেব বিচারভূষণ তাঁহার বেদান্ত ভাষ্যে সাংখ্য প্রবচন সূত্রের সূত্র উদ্ধৃত করিয়াছেন। কিন্তু প্রবচন সূত্র যে ব্রহ্মসূত্রের বহু পরে রচিত, তাহা সর্ববাদিসম্মত।

এখন সন্দেহ হইতে পারে যে, ব্রহ্মসূত্র রচনার সমকালীন যে বৌদ্ধধর্ম প্রচলিত ছিল, এবং তাহা যে গৌতম বুদ্ধের প্রবর্তিত ধর্মে বিলীন হইয়াছে, ইহার কোনও প্রমাণ ও দৃষ্টান্ত আছে কি? ইহার উত্তরে আমরা বলিব যে, বুদ্ধদেবের নিজ উক্তিই প্রমাণ যে, তিনি আদি বুদ্ধ নহেন। তাঁহার পূর্বে ২৪ জন বুদ্ধ গত হইয়াছেন, ইহা আমরা পূর্বে উল্লেখ করিয়াছি। আর এই দৃষ্টান্ত দিব যে, শ্রীমদ্ শঙ্করাচার্য্য ও রামানুজাচার্য্যের পূর্বে, ব্রহ্মসূত্রের অদ্বৈতবাদ ও বিশিষ্টাদ্বৈতবাদ প্রতিপাদক দ্রমিড়, বোধায়ন প্রভৃতি বহু আচার্য্যের ভাষ্য, বৃত্তি প্রভৃতি প্রচলিত ছিল। তাহারা শঙ্করাচার্য্য ও রামানুজাচার্য্যের ভাষ্য লোকসমাজে প্রসিদ্ধি লাভ করিবার পর, লুপ্ত ও অপ্রাপ্য হইয়া গিয়াছে। সেইরূপ কালবিপ্লবে বৌদ্ধধর্মের গ্লানি উপস্থিত হইবার পর, গৌতম বুদ্ধের জন্ম ও তাঁহার প্রচারিত ধর্মের প্রবর্তন হয় এবং পুরাতন বৌদ্ধধর্ম সংক্রান্ত যাহা কিছু ছিল, তাহাদের অস্তিত্ব লোপ পাইয়াছে। বিশেষতঃ, ইহা ঐতিহাসিক সত্য যে, মুসলমান আক্রমণে বিক্রমশীলা ও নালন্দার বৌদ্ধ বিশ্ববিদ্যালয় নিঃশেষে বিধ্বস্ত হইয়াছিল। সুতরাং, যদিও কোনও পুস্তকাদি থাকি সম্ভব হইত, সে সম্ভাবনাও লোপপ্রাপ্ত হইয়াছে।

২।২।১০ সূত্রের আলোচনায় আমরা পাইয়াছি যে, ‘Encyclopaedia Brittanica’-র মতে সম্ভবতঃ বুদ্ধদেবের সময় ‘ব্রহ্মসূত্র’ বর্তমান ছিল, এবং ব্যাস ও বাদরায়ণ একই অভিন্ন ব্যক্তি। সুতরাং বৌদ্ধধর্মে যখন পূর্বোক্ত চারি সম্প্রদায় বুদ্ধদেবের মৃত্যুর পর দেখা দেয়, তাহার পূর্বে হইতে ব্রহ্মসূত্র বর্তমান ছিল, এ সম্বন্ধে সন্দেহ হইতে পারে না। অতএব, স্পষ্টতঃ উক্ত সম্প্রদায় চতুষ্টয়ের মতের বিরুদ্ধে সূত্র রচনা সম্ভব নহে। কাজে কাজেই স্বীকার করিতেই হইবে যে, বাদরায়ণের ব্রহ্মসূত্র রচনার সময়ও উক্ত মতবাদের বীজ তৎকাল-প্রচলিত বৌদ্ধবাদের অন্তর্ভুক্ত ছিল।

অন্যতর একটি সম্ভাব্য পক্ষ উপস্থাপিত হইতে পারে। উক্ত চানি বৌদ্ধ-সম্প্রদায় প্রচলিত হইবার পর, কথিত সূত্রগুলি পূর্ব হইতে বর্তমান “ব্রহ্মসূত্রে,” সংযোজিত হওয়া অসম্ভব নহে। এ সম্বন্ধে সাক্ষাৎ সম্বন্ধে কোনও প্রমাণ নাই, এবং ইহার বিরুদ্ধে জোর করিয়া কিছু বলিবার নাই। তবে এইমাত্র বলা যাইতে পারে যে, বৌদ্ধদিগের মধ্যে অনেক তীক্ষ্ণ ধীশক্তি সম্পন্ন দার্শনিক বরাবরই বিদ্যমান ছিলেন, এবং বৌদ্ধগণের সহিত হিন্দু-গণের তর্কযুদ্ধ বহুকাল হইতে চলিতেছিল। যদি ঐ প্রকার প্রক্ষেপের বিষয় সত্য হইত, তাহা হইলে, তাহা বৌদ্ধ দার্শনিকগণের অবিদিত থাকিত না, এবং তাঁহারা তাঁহাদিগের তর্কাদিতে তাহার উত্থাপন করিতে ছাড়িতেন না। কিন্তু আমার জ্ঞানতঃ এ প্রকার কোনও আপত্তি বর্তমান নাই।

৩। সমুদায়ান্বিকরণ ॥

ভিত্তি :—

সূত্র :—২।২।১৮

সমুদায় উভয়হেতুকেহপি তদপ্রাপ্তিঃ ॥ ২।২।১৮ ॥

সমুদায় + উভয় হেতুকে + অপি + তদপ্রাপ্তিঃ ।

সমুদায়ে :—সংঘাত বা সমষ্টি । উভয় হেতুকে :—উভয় কারণ হইতে উৎপন্ন স্বীকার করিলে । অপি :—ও । তদপ্রাপ্তিঃ :—তৎ অর্থাৎ সমুদায়ের বা সংঘাতের অসিদ্ধি ।

সূত্রকার প্রথমতঃ বাহ্যাস্তিত্ববাদী বৈভাষিক ও সৌত্রাস্তিকগণের মতের আলোচনায় অগ্রসর হইতেছেন । তাঁহাদের মতে চতুর্বিধ পরমাণুই চতুর্বিধ স্থূল ভূত (পৃথিবী, জল, তেজঃ ও বায়ু) আকারে সংহত বা মিলিত হয়, এবং এই চতুর্বিধ ভূত হইতেই আবার শরীর, ইন্দ্রিয়, বিষয় বা ইন্দ্রিয়গ্রাহ্য সংঘাত বা সমুদায় (সমষ্টি) উৎপন্ন হয় এবং অস্তরঙ্গ বিজ্ঞান-সস্তান বা বুদ্ধিবৃত্তি প্রবাহ-রূপ-দর্শন, শ্রবণ, বাক্যকথন, মনন, গমন, গ্রহণ প্রভৃতি সর্বপ্রকার লৌকিক ব্যবহার নিষ্পাদন করে । এই মত খণ্ডনের জন্য সূত্রকার বলিতেছেন যে, পরমাণু হইতে পৃথিব্যাদি ভূত সকল, এবং ভূত সকল হইতে ভৌতিক ব্যাপার সকল— অর্থাৎ শরীর, ইন্দ্রিয়, বিষয় প্রভৃতি সমুদায়—উৎপন্ন হয় স্বীকার করিলেও জগৎ প্রপঞ্চ রূপ সমুদায়ের উৎপত্তি সিদ্ধ হইতে পারে না । কেননা বৌদ্ধমতে সমুদায়ের উৎপাদক—পরমাণু, ভূত, ভৌতিক, সবই—অচেতন । ভোগ করে, শাসন করে, নিয়ন্ত্রণ করে, এমন কোনও স্থির চেতন তন্মতে নাই, যে তৎপ্রভাবে উহার সংহত হইয়া এবং উদ্দেশ্য বিশেষে অনুপ্রাণিত হইয়া জগৎ সৃষ্টি করিবে । আবার, সে সকল ক্ষণ-বিনাশী, বিজ্ঞান-সস্তান ভিন্ন বৌদ্ধ স্থির-চেতন আত্মা ও ঈশ্বর স্বীকার করেন না । উৎপাদকগণের কোনও কর্তা বা অধ্যক্ষ না থাকায়, তাহার স্বতঃ প্রবৃত্ত হইয়া কার্য উৎপাদন করে ; সুতরাং অবিশ্রান্ত সৃষ্টি ইহার কল হইবে । প্রলয় ও মোক্ষ হইতে পারে না । আবার বিজ্ঞান-সস্তান বা বিজ্ঞান প্রবাহ, পৃথক্ পৃথক্ এক

একটি বিজ্ঞান বা সম্ভাবনী হইতে ভিন্ন কি অভিন্ন? যদি ভিন্ন হয়, তবে যে বিজ্ঞান অনুভব করিয়াছিল, তাহার অস্তিত্ব সেই ক্ষণেই বিনষ্ট হওয়ায়, পরবর্তী বিজ্ঞানের পক্ষে তাহার অনুভূতি অসম্ভব। যদি সম্ভব বল, তাহা হইলে রামের অনুভূত বিষয় শ্রামের স্মরণ হইতে পারিবে; কিন্তু প্রত্যক্ষ তাহা দেখা যায় না। যদি অভিন্ন হয়, তাহা হইলে কণিকস্ববাদ ব্যাহত হইয়া যায়।

পক্ষান্তরে, আমাদের মতে এই জগৎ পরমার্থতঃ অসৎ হইলেও, এক পরম সত্য দত্তার অধিষ্ঠানে সত্যৎ প্রতীত হয়, এবং সমুদায় ব্যবহার নিষ্পন্ন হয়। শ্রীমদ্ভাগবত ইহা বিশেষভাবে বলিয়াছেন :—

—(১।১।২ সূত্রের আলোচনায় উদ্ধৃত ১।১।১ শ্লোক, ২।১।৬ সূত্রের আলোচনায় উদ্ধৃত ১০।৮।২২ শ্লোক, ও ২।১।১২ সূত্রের আলোচনায় উদ্ধৃত ১০।৮।২৫ শ্লোক দ্রষ্টব্য। পৃ :—২৩, ৭৫৮ ৫২ ও ৭৮৭-৮৮)।

সূত্র :—২।২।১৯

ইতরেতর প্রত্যয়ত্বাহুপপন্নমিতি চেৎ, ন, সংঘাতভাবানিমিত্তত্বাৎ ॥

২।২।১৯ ॥ [রামানুজ-সম্মত পাঠ।]

ইতরেতর প্রত্যয়ত্বাদিতি চেৎ, নোৎপত্তিমাত্র নিমিত্তত্বাৎ ॥ ২।২।১৯ ॥

[শঙ্কর, মধ্ব ও বলদেব-সম্মত পাঠ।]

ইতরেতর প্রত্যয়ত্বাৎ + (উপপন্নম্) + ইতি + চেৎ + ন + সংঘাতভাবা-
নিমিত্তত্বাৎ ॥ (অথবা), উৎপত্তিমাত্র নিমিত্তত্বাৎ ॥

ইতরেতর প্রত্যয়ত্বাৎ :—পরস্পর পরস্পরের কারণ বলিয়া। (উপপন্নম্ :
—সঙ্গত হয়।) ইতি :—ইহা। চেৎ :—যদি বল। ন :—না। সংঘাতভাবা-
নিমিত্তত্বাৎ :—যেহেতু উহার সংঘাত সমুৎপাদনের নিমিত্ত নহে। অথবা—
উৎপত্তিমাত্র নিমিত্তত্বাৎ :—উৎপত্তি মাত্র নিমিত্ত হেতু, সংঘাতের হেতু
নহে।

পূর্ববর্তী সূত্রের উক্তরে বোদ্ধ বলিতে পারেন যে, আমরা কোনও ভোক্তা, শাস্তা, নিয়ন্তা, সংঘাতকর্তা, স্থির, চেতন (আত্মা বা ঈশ্বর) মানি না সত্য, কিন্তু আমাদের মতে ব্যবহারিক লোকযাত্রা নির্বাহের কোনও ব্যাধাত হয় না। সমস্তই উপপন্ন হয়। আমাদের মধ্যে অবিজ্ঞাদির মধ্যে যে পরস্পর কার্যকারণ

ভাব বিদ্যমান আছে, তাহাতেই উহা উপপন্ন হইতে পারে। যুক্তির সহিত মিলিলেই হইল; অন্য কিছুই অপেক্ষা নাই।

ভূমিকায় উল্লিখিত হইয়াছে যে, বৌদ্ধ—অবিজ্ঞা, সংস্কার প্রভৃতি ১৮ প্রকার, এবং আরও অধিক পদার্থ স্বীকার করেন। অবিজ্ঞা হইতে সংস্কার, সংস্কার হইতে আলয় বিজ্ঞান, তাহা হইতে পরপন্ন নাম, নাম হইতে রূপ ইত্যাদিক্রমে বেদনা উৎপন্ন হয়। আবার, বেদনা হইতে প্রতিলোম ক্রমে পরপন্ন অবিজ্ঞা, অবিজ্ঞা হইতে জন্ম জরাদি, এবং তজ্জন্ম স্থূল সংঘাতাদি, আবার স্থূল সংঘাতাদি হইতে অবিজ্ঞা উৎপন্ন হয়। এই প্রকার অবিজ্ঞাদি পরস্পর চক্রভ্রমির গায় নিমিত্ত-নৈমিত্তিক ভাবে নিরন্তর আবর্তিত হইতে থাকায়, সংঘাত সিদ্ধ হইতে পারে।

ইহার উত্তরে সূত্রকার বলিলেন যে, না। তাহাতে বৌদ্ধের উদ্দেশ্য সিদ্ধ হইবে না। কেননা, অবিজ্ঞাদি পরস্পরের উৎপত্তি পক্ষে নিমিত্ত কারণ হইতে পারে, কিন্তু সংঘাতের (সমষ্টির বা উহাদের মেলনের) কারণ হইতে পারে না। কেননা, স্থিরত্বাদি রহিত পদার্থে স্থিরত্বাদি বুদ্ধি, তোমাদের মতে অবিজ্ঞা। তজ্জন্ম যদিও রাগদ্বेषাদির উৎপত্তি হইতে পারে, কিন্তু উহারা অপর ক্রমিক পদার্থের সংহতিভাব সমুৎপাদনে নিমিত্ত হইতে পারে না। কারণ শুক্তি প্রভৃতিতে যে রজ্জতাদি বুদ্ধি, তাহা কখনও শুক্তি প্রভৃতি পদার্থের সংহতত্ব-জনক হয় না। অন্যপক্ষে যদি সংঘাত ভাব স্বীকার না কর, তাহা হইলে ব্যবহারিক ব্যাপার সম্পাদন হইতে পারে না। আরও কথা,—ক্রমিক পদার্থে যাহার স্থিরত্ব বুদ্ধি হয়, সেও পরক্রমেই বিনষ্ট হইয়া যায়। সূত্রাং, রাগাদি উৎপন্ন হইবে কাহার? আর, যাহারা স্থিরতার কোনও একটি দ্রব্যকে জ্ঞানের আশ্রয় বলিয়া স্বীকার করে না, তাহাদের মতে জ্ঞানের যে উত্তরোত্তর অনুবৃত্তি, অর্থাৎ জ্ঞান নাশের পরও যে সংস্কার বিদ্যমান থাকে, ইহাও কল্পনা করা অসম্ভব। স্থির আশ্রয় না থাকিলে, সংস্কার কাহাকে আশ্রয় করিয়া অনুবৃত্ত হইবে?

পক্ষান্তরে, আমাদের মতে এক নিত্য, সত্য, সত্তা, সৃষ্টির পূর্বে, সৃষ্টিতে ও সৃষ্টির পরে, চির বিদ্যমান স্বীকার করায়, সমুদায় সূক্ষ্মরূপে প্রতিপাদিত হইয়া থাকে।

এই প্রসঙ্গে শ্রীমদ্ভাগবতের নিম্নোক্ত শ্লোক দ্রষ্টব্য।

অহমেবাসমেবাগ্রে নাশ্চৎ যৎ সদসৎপরম্ ।

পশ্চাদহং যদেতচ্চ যোহবশিষ্ঠতে সোহস্ম্যাহম্ ॥ ভাগঃ ২ ৯।৩২

—সৃষ্টির পূর্বে একমাত্র আমিই ছিলাম, অন্য কিছুই ছিল না,

স্বপ্ন, স্মৃতি, অগৎকারণ প্রকৃতিও আমা হইতে ভিন্ন ভাবে ছিল না ।
সৃষ্টির পরেও আমিই আছি, এই দৃশ্যমান প্রপঞ্চও আমিই । প্রলয়ে
যাহা অবশেষরূপে থাকিবে, তাহাও আমিই । ফলতঃ, আমি
অনাদি, অনন্ত, অধিতীয়, পূর্ণস্বরূপ । ভাগঃ ২।২।৩২

সূত্র :—২।২।২০

উত্তরোৎপাদে চ পূর্বনিরোধাৎ ॥ ২।২।২০

উত্তরোৎপাদে + চ + পূর্বনিরোধাৎ ॥

উত্তরোৎপাদে :—পরবর্তী ক্রমের উৎপত্তি কালে । চ :—ও ।

পূর্বনিরোধাৎ :—পূর্ব ক্রমের অভাব হেতু ।

পূর্ব সূত্রে তর্কের খাতিরে অবিদ্যাাদি পরস্পর পরস্পরের উৎপত্তির কারণ,
ইহা স্বীকার করিলেও, উহার সংঘাত রচনার কারণ নহে, বলা হইয়াছে ।
এখানে সূত্রকার বলিতেছেন যে, বাস্তব পক্ষে দেখিতে গেলে, বৌদ্ধ মতে
ঐ প্রকার কারণতা সিদ্ধ হয় না । বৌদ্ধ বলেন যে, পরক্ষণ জন্মিবামাত্রই
পূর্বক্ষণ ধ্বংসপ্রাপ্ত হয় । সুতরাং তাহাদের হেতু, ফলভাব বা কারণকার্য-
ভাব সিদ্ধ হইতে পারে না । কারণ, পূর্বক্ষণ ধ্বংস পাইলে বা অভাবগ্রস্ত
হইলে, তবে পরক্ষণের জন্ম হইবে । কিন্তু অভাব হইতে কি কোনও ভাব
বা উৎপত্তি হইতে পারে ? যদি বল যে, পূর্বক্ষণের ভাবাবস্থা থাকিতে
থাকিতেই পরক্ষণ উৎপন্ন হয়, তাহাও অযুক্ত ; কেননা, ভাবভূত বস্তু—
ব্যাপারাস্তর কল্পনা করিতে গেলেই ক্রমাস্তর প্রয়োগন, এবং তাহা হইলে,
কণিকত্ব-বাদ ধ্বংস হয় ।

আর যদি বল যে, উৎপত্তিই তাহার ব্যাপার, অন্য ব্যাপার নাই, তাহা
হইলেও পরিজ্ঞান নাই । কেননা, যাহা জন্মিবে, তাহা যদি তাহার হেতুর
সহিত সম্বন্ধযুক্ত না হয়, তাহা হইলে, তাহা জন্মিতেই পারিবে না । আবার
সম্বন্ধ স্বীকার করিতে গেলে, উহার তৎকাল স্থায়িত্ব স্বীকার করিতে হয়, এবং
তাহা হইলে কণিকবাদ বিনষ্ট হয় । আর যদি কারণের সহিত কোনও প্রকার
সম্বন্ধ ব্যতীত কার্য্য জন্মে ইহা বল, তাহা হইলে যে কোনও কারণ হইতে
সর্ববিধ কার্য্য সর্বত্র সর্বদা জন্মিতে পারিত ; কিন্তু তাহা যখন হয় না,
তখন কারণের সহিত কার্য্যের সম্বন্ধ থাকিতেই হইবে ।

আবার উৎপত্তি নিরোধকে বস্তুর স্বরূপ বলিবে, বা বস্তুর অবস্থাস্তর বলিবে, অথবা পৃথক বস্তু বলিবে? যদি বস্তুর স্বরূপ বল, তবে বস্তু, উৎপত্তি, নিরোধ, একই পর্যায়েভুক্ত, একই অর্থদ্যোতক হইয়া পড়িবে। কিন্তু প্রকৃত তাহা নহে। যদি বস্তুর অবস্থাস্তর বল, অর্থাৎ বস্তুর আদ্য অবস্থা উৎপত্তি ও অন্ত অবস্থা নিরোধ; তাহা হইলে, বস্তুর আদি, মধ্য ও অন্ত—তিন কণ থাকে, মানিতে হয়। তাহাতে কণিকবাদ থাকে না। অন্যপক্ষে যদি উহার অত্যন্ত ভিন্ন বস্তু হয়, যেমন গো, অশ্ব, পাষণ, তাহা হইলে উৎপত্তি ও নিরোধের সহিত বস্তুর সম্পর্ক থাকে না। তাহা হইলে বস্তু মাত্রই অবিকারী, নিত্য হইয়া পড়ে। সুতরাং, তাহাও গ্রাহ্য নহে।

উৎপত্তি ও নিরোধ যদি দর্শনাদর্শনের বোধক হয়, তাহা হইলেও, ঐ উভয়, দর্শকের ধর্ম, বস্তুর ধর্ম নহে। তাহাতেও বস্তুর চিরস্থায়িত্ব সিদ্ধ হয়।

• আরও এক কথা, চক্ষুঃ বা অন্য কোনও ইন্দ্রিয়ের সহিত, যে পদার্থের সম্বন্ধ হইয়াছে, কণিকাত্ব নিবন্ধন, জ্ঞানোৎপত্তির কালে তাহা বিদ্যমান না থাকায়, কোনও পদার্থই জ্ঞানের বিষয়ীভূত হইতে পারে না।

সূত্র :—২।২।২১

অসতি প্রতিজ্ঞাপরোধো যৌগপত্তমন্তথা ॥ ২।২।২১

অসতি + প্রতিজ্ঞাপরোধঃ + যৌগপত্তম্ + অন্তথা ।

অসতি :—না থাকিলে। প্রতিজ্ঞাপরোধঃ :—প্রতিজ্ঞার বাধা হয়।

যৌগপত্তম্ :—এককালীনত্ব। অন্তথা :—নচেৎ।

বৌদ্ধ যদি বলেন যে, কারণ বর্তমান না থাকিলেও কার্যোৎপত্তি হয়, তাহা হইলে তাঁহার প্রতিজ্ঞা হানি দোষ হয়। অথবা যদি বলেন যে, কারণ ও কার্য যুগপৎ কার্যোৎপত্তি পর্য্যন্ত বর্তমান থাকে তাহা হইলেও প্রতিজ্ঞা হানি হয়।

পূর্ব নৃত্তে বলা হইয়াছে যে, কণিকবাদে পূর্বকণ (পূর্ব বস্তু) অভাবগ্রস্ত হয়, সে কারণ তাহা তদন্তর কণের (বস্তুর) উৎপাদক হইতে পারে না। যদি বৌদ্ধ বলেন যে, কারণ না থাকিলেও কার্যোৎপত্তি হয়, তাহা হইলে তাঁহার প্রতিজ্ঞা রক্ষা হয় না। কারণ, ভূমিকায় উক্ত হইয়াছে যে, অধিকারী, সহকারী, আলম্বন ও সমনস্তর প্রত্যয়, এই চারিটি হেতু হইতে চিত্ত ও চৈতন্য জন্মে। যদি কারণ কার্যের উৎপাদক না হয়, তবে উক্ত প্রতিজ্ঞা রক্ষা হইবে

কি প্রকারে? আবার বিনা কারণে কার্যোৎপত্তি স্বীকার করিলে, সকল স্থানে সকল সময়ে, সকল কার্য উৎপন্ন হইবার সম্ভাবনা আসিয়া পড়ে।

যদি উক্ত দোষ পরিহারার্থ বৌদ্ধ বলেন যে, পূর্বকণ (বস্তু) উত্তর কণের উৎপত্তি পর্য্যন্ত অবস্থান করে, তাহা হইলেও, তাঁহাদিগকে কারণের ও কার্যের যোগপদ্য মানিতে হইবে। কিন্তু ইহাতেও প্রতিজ্ঞাহানি দোষ আছে। কেননা, তাঁহারা স্পষ্টতঃ বলেন যে, সমুদায় ভাব, সমুদায় সংস্কার, কণিক অর্থাৎ কণমাত্র স্থায়ী। কার্য কারণের যোগপত্ত এবং উভয়ের কণিকত্ব স্বীকার করিলে কারণ ও কার্যের পার্থক্য বিলোপ হয়।

সূত্র :—২।২।২২

প্রতিসংখ্যাপ্রতিসংখ্যা-নিরোধাপ্রাপ্তিরবিচ্ছেদাৎ ॥ ২।২।২২

প্রতিসংখ্যা + অপ্রতিসংখ্যা + নিরোধ + অপ্রাপ্তিঃ + অবিচ্ছেদাৎ ॥

প্রতিসংখ্যা নিরোধ :—বুদ্ধি পূর্বক বিনাশ, যেমন মৃৎগরাদি দ্বারা ঘটাদির ধ্বংস। অপ্রতিসংখ্যা নিরোধ :—অবুদ্ধি পূর্বক বিনাশ—বস্তুর স্বভাব বশতঃ প্রতিকণে পরিণতি লাভ করিয়া থাকে। বস্তু পূর্বকণে যে প্রকার ছিল, ঠিক তাহার পরকণে সে প্রকার থাকে না। তবে সে পরিণতি বা ধ্বংস এত সূক্ষ্ম যে, ইন্দ্রিয়গ্রাহ্য নহে। অপ্রাপ্তিঃ :—অসম্ভবতা। অবিচ্ছেদাৎ :—যে হেতু কারণের সহিত বিচ্ছেদ হয় না।

ভূমিকায় উক্ত হইয়াছে যে, বৌদ্ধগণ আকাশ, প্রতিসংখ্যানিরোধ এবং অপ্রতিসংখ্যা নিরোধ, এই তিন পদার্থকে—অভাব, অবস্তু, তুচ্ছ ও স্বরূপশূন্য বলিয়া থাকেন। ইহার মধ্যে সূত্রকার এই সূত্রে শেষোক্ত দুইটির বিচার করিতেছেন। আকাশ সম্বন্ধে বিচার পরে করিবেন।

প্রতিসংখ্যানিরোধ ও অপ্রতিসংখ্যা নিরোধকে যে বৌদ্ধ তুচ্ছ, অবস্তু বলেন, তাহা হইতে পারে না। যদি নিরম্ময় বিচ্ছেদ সম্ভব হইত, অর্থাৎ, কারণের সহিত বিনষ্ট কার্যের কোনও প্রকার সম্বন্ধ না থাকিত, তাহা হইলে উহা উপপন্ন হইলেও হইতে পারিত। কিন্তু নিরম্ময় ধ্বংস দেখা যায় না। একটি ঘটকে মৃৎগর প্রহারে চূর্ণ কর; উহার চূর্ণীকৃত অংশ সকল, তাহার কারণ মৃত্তিকার পরিচয় দিবে। একটি স্বর্ণকুণ্ডলকে অগ্নিতে পোড়াইয়া, হাতুড়ির আঘাতে নষ্ট কর, উহা তাহার কারণ স্বর্ণের পরিচয় দিবে। এক বিন্দু জল তপ্ত উপলক্ষেও পাতিত কর, জলবিন্দুর দৃশ্যতঃ নাশ হইবে, পদার্থবিজ্ঞাকে জিজ্ঞাসা কর, উত্তর পাইবে যে, উহা আকাশস্থ অলীক বাষ্পের পরিমাণ বৃদ্ধি করিয়াছে।

একটি জলন্ত প্রদীপকে নিবাইয়া দাও, রাসায়নিককে জিজ্ঞাসা কর, উত্তর পাইবে যে, উহার তৈল, বর্ত্তি প্রভৃতি রূপান্তর ও গুণান্তর প্রাপ্ত হইয়া আকাশে বাষ্পাকারে বিद्यমান আছে। প্রত্যভিজ্ঞাও সেই সাক্ষ্যই দিবে। সুতরাং কার্য্য ধ্বংসে কারণের সহিত বিচ্ছেদ না হওয়ায়, প্রতিসংখ্যা—অপ্রতিসংখ্যা-নিরোধ অবশ্য, তুচ্ছ নহে।

বিশেষতঃ, ক্রমিক কারণ-কার্য্য-শৃঙ্খলের বিद्यমানতায় সম্পূর্ণ নিরোধ বা ধ্বংস হইতে পারে না। কারণ, শেষ ক্রমে বিद्यমান কারণ, হেতু বা কারণ রূপে উহার ফল বা কার্য্য, হয় উৎপন্ন করিবে বল, নয় বল, উৎপন্ন করিবে না। যদি বল, উৎপন্ন করিবে, তাহা হইলে কারণ-কার্য্য-শৃঙ্খলের নিরোধ হইল না। আর যদি বল, উৎপন্ন করিবে না, তাহা হইলে ফল দাঁড়াইবে যে, শেষ কার্য্য অভাব মাত্র, উহা বাস্তবিক বিद्यমান নাই, কারণ, বৌদ্ধ বলেন যে, কোনও বস্তুর সত্তা, তাহার কার্য্য বা ফল উৎপন্ন করিবার ক্ষমতার উপর নির্ভর করে। শেষ কার্য্যের অবিद्यমানতা আবার প্রতিলোম ক্রমে সমগ্র কারণ-কার্য্য-শৃঙ্খলের অবিद्यমানতা প্রতিপাদন করিবে।

এ সম্বন্ধে শ্রীমদ্ভাগবত বলিয়াছেন যে, স্থির, নিত্য, সাক্ষী স্বরূপ আত্মাকে আশ্রয় করিয়া, তাহার উপাধি কৰ্ম্মময় মনই (অন্যস্থানে অহঙ্কার বলিয়াছেন, বস্তুতঃ পার্থক্য নাই)—লোক হইতে লোকান্তরে গমন করে ও জন্মমৃত্যু গ্রহণ করে। প্রতি ক্রমে ক্রমে যে পার্গাম কাল প্রভাবে হইতেছে, তাহা কেহ লক্ষ্য করে না। অর্থাৎ প্রতি-সংখ্যানিরোধ ও অপ্রতিসংখ্যানিরোধের আশ্রয়, নিত্য, স্থির, সাক্ষী এবং ভূতভৌতিক এবং চিত্ত-চৈতন্য হইতে ভিন্ন—আত্মা।

মনঃ কৰ্ম্মময়ং নৃণামিন্দ্রিয়ৈঃ পঞ্চভিযুঁতম্।

লোকাল্লোকং প্রযাত্যন্থ আত্মা তদনুবর্ত্ততে ॥ ভাগঃ ১১।২২।৩৬

ধ্যায়ন্থনোহন্থবিষয়ান্ দৃষ্টান্ বানুশ্ৰুতানথ।

উত্তং সীদং কৰ্ম্মতন্ত্রং স্মৃতিস্তদন্থশাম্যতি ॥ ভাগঃ ১১।২২।৩৭

বিষয়াভিনিবেশেন নাঅনং যং স্মরেং পুনঃ।

জন্তো বৈ কস্মচিক্বেতোম্ ত্যরত্যন্থবিস্মৃতিঃ ॥ ভাগঃ ১১।২২।৩৮

অন্থত্যাঅতয়া পুংসঃ সৰ্বভাবেন ভূরিদ।

বিষয়স্বীকৃতিং প্রাচ্ছর্ধথা স্পন্নমনোরথঃ ॥ ভাগঃ ১১।২২।৩৯

স্বপ্নং মনোরথং চেৎ প্রাক্তনং ন স্মরত্যসৌ ।

তত্র পূর্ব মিথ্যাআনমপূর্বকানুপশ্যতি ॥ ভাগঃ ১১।২২।৪০

নিত্যদা হ্রস্ব ভূতানি ভবন্তি ন ভবন্তি চ ।

কালেনালক্ষ্যবেগেন সূক্ষ্মভূতান দৃশ্যতে । ভাগঃ ১১।২২।৪২

—ইন্দ্রিয়গণের সহিত কর্মময় মনই ইহলোক হইতে লোকান্তরে গমন করে, আত্মা তাহা হইতে ভিন্ন হইয়াও আশ্রয় রূপে তাহার অনুবর্তী হয়েন । এই কর্মময় মনই কর্মোপস্থাপিত দৃষ্ট, শ্রুত বিষয় ধ্যান করতঃ কর্মানুসারে আবির্ভূত ও তিরোহিত হয়, তৎপশ্যাৎ স্মৃতিও বিনষ্ট হয় । কর্মোপস্থাপিত বিষয়ে অত্যস্তাভিনিবেশ জন্ম, হর্ষশোকাদি হেতুবশতঃ, কোনও জন্তুর আর পূর্ব দেহের স্মৃতি থাকে না । এই অত্যস্ত বিস্মৃতির নামই মৃত্যু । পুরুষের অভিমান বশতঃ আত্মরূপে যে বিষয় স্বীকার, তাহারই নাম স্মৃতির উৎপত্তি বা জন্ম । যেমন স্বপ্ন ও মনোরথ । এইরূপ প্রাক্তন স্বপ্ন ও মনোরথ স্মরণ হয় না । কিন্তু প্রাক্তন আত্মাতেই অপূর্বরূপে উৎপন্ন হইবার হেতু নূতনের জ্ঞায় দর্শন করে । প্রাণিগণের শরীর অলক্ষ্যগতি কাল প্রভাবে প্রতিফলে উৎপন্ন ও বিনষ্ট হইতেছে । কালের সূক্ষ্মত্ব প্রযুক্ত অবিবেকী লোকেরা তাহা বুঝিতে পারে না । ভাগঃ ১১।২২।৩৬
—৪০, ৪২ ।

সূত্র :—২।২।২৩

উভয়থা চ দোষাৎ ॥ ২।২।২৩

উভয়থা + চ + দোষাৎ ॥

উভয়থা :—উভয় প্রকারে । চ :—ও । দোষাৎ :—দোষহেতু ।

বৌদ্ধ বলিয়া থাকেন যে, অবিজ্ঞাদির নিরোধে মোক্ষ বা নির্বাণপ্রাপ্তি হয় । অবিজ্ঞাদির নিরোধ পূর্বসূত্রোক্ত নিরোধদ্বয়ের অন্তঃপাতী । যদি বৌদ্ধমত স্বীকার করিতে হয়, তবে আমাদের জিজ্ঞাস্য এই যে, অবিজ্ঞাদির নিরোধ কি সহায় (অর্থাৎ যম নিয়মাদি অঙ্গের সহিত) সম্যক জ্ঞানের দ্বারা হয়, অথবা, আপনাপনিই হয় ? যদি প্রথম পক্ষ স্বীকার কর, তাহা হইলে সমুদায় পদার্থ স্বভাবতঃ কণবিনাশী, এ প্রতিজ্ঞা ত্যাগ করিতে হইবে । আর যদি আপনাপনি হয়, বল, তবে অবিজ্ঞাদি নিরোধের উপদেশ নিরর্থক, এবং বুদ্ধদেব কর্তৃক উপদিষ্ট সন্ন্যাস নিয়মাবলীর কোনও সার্থকতা থাকে না ।

সূত্র :—২।২।২৪

আকাশে চাবিশেষাৎ ॥ ২।২।২৪

আকাশে + চ + অবিশেষাৎ ॥

আকাশে :—আকাশে । চ :—ও । অবিশেষাৎ :—বিশেষ না থাকায় ।

পূর্বে বলা হইয়াছে যে, বৌদ্ধমতে আকাশ, প্রতিসংখ্যানিরোধ, অপ্রতিসংখ্যানিরোধ, ইহার অভাব, অবস্থ ও তুচ্ছ । কিন্তু আকাশ নিত্য । প্রতিসংখ্যানিরোধ ও অপ্রতিসংখ্যানিরোধ সম্বন্ধে বিচার পূর্বে করা হইয়াছে । সূত্রকার বর্তমানে আকাশ সম্বন্ধে বিচার উত্থাপন করিয়া বৌদ্ধমত নিরাকৃত করিতেছেন ।

আকাশে অভাব বা নিরুপাখ্যতা বা তুচ্ছতা যুক্তিযুক্ত নহে । কারণ, পৃথিবী প্রভৃতি যে সমুদায় বস্তুকে ভাবস্বরূপ বলিয়া বৌদ্ধ স্বীকার করেন, সে সমুদায়ের ন্যায় আকাশেরও প্রতীতি অবাধিত । অর্থাৎ, আকাশ বাধিত বা মিথ্যা বলিয়া প্রতীত হয় না । অতএব, ইহা পৃথিব্যাতির ন্যায় ভাবস্বরূপ হইবে না কেন ? বিশেষতঃ, শ্বেন, গৃধ, পারাবত ইত্যাদি উড়িতেছে । ইহা প্রত্যক্ষ দৃষ্টিগোচর হয় । সুতরাং উহাদের বিচরণ স্থানরূপ ভাবরূপেই আকাশের প্রতীতি হইয়া থাকে ।

এ কথাও বলিতে পারা যায় না যে, পৃথিব্যাদি ভাব-পদার্থের অভাবই আকাশ ; তদতিরিক্ত আকাশ বলিয়া কোনও পদার্থ নাই । এ প্রতিজ্ঞা বিচারনহ নহে । কেননা, তাহা হইলে প্রশ্ন হইবে, আকাশ—পৃথিব্যাদি ভাব পদার্থের কি প্রকার অভাব ? প্রাগভাব, ধ্বংসভাব, অত্যস্তাভাব বা অন্তোন্তাভাব ? যদি পৃথিব্যাদি ভাব-পদার্থের প্রাগভাব বা ধ্বংসভাব আকাশ হয়, তাহা হইলে পৃথিব্যাদি ভাববস্তু বিজ্ঞমান থাকা কালে, কোনও প্রকার আকাশের প্রতীতি হইতে পারে না । সুতরাং, জগৎ আকাশশূন্য হইয়া যাইবে । যদি অন্তোন্তাভাব বল, অন্তোন্তাভাব যখন প্রত্যেক বস্তুনিষ্ঠ, তখন উহাদের অন্তরালে, (অর্থাৎ, যখন অভাব গ্রহণ হইতেছে না, তখন), আকাশের প্রতীতি হইতে পারে না । আর পৃথিব্যাদি সর্ব পদার্থের অত্যস্তাভাব ত সম্ভবপরই নহে । সুতরাং, আকাশকে অত্যস্তাভাবও বলা যায় না ।

এ সম্বন্ধে আমাদের মত কি প্রকার বিশদ, অনুধাবন কর । শ্রুতি বলিয়াছেন, “আজ্ঞানঃ আকাশঃ সমুত্তঃ ।” তৈত্তিরিঃ ২।১ । পরমাত্মা হইতে আকাশ উৎপন্ন হইল । এবং ছান্দোগ্য শ্রুতির ৬।৩.৩ মন্ত্র প্রদর্শিত উপায়ে

পঞ্চীকরণ পদ্ধতি অনুসারে ভূতাকাশ—(আকাশ ঙ্ + তেজঃ ঙ্ + বায়ু ঙ্ + অপ, ঙ্ + ক্রিতি ঙ্), তেজঃ, বায়ু, অপ, ও ক্রিতির অংশাদি থাকায়, তৈজস অংশ হেতু, নীলাদি রূপ প্রত্যক্ষ হইয়া থাকে। অতএব, বৌদ্ধমত পরিভ্যাগ্য ও বেদান্ত মত গ্রহণীয়।

শ্রীমদ্ভাগবতও বলিয়াছেন :—তামস অহকার পরিণাম প্রাপ্ত হইয়া শব্দ তন্মাত্র, ও তাহা হইতে আকাশ উৎপন্ন হইল। উহা পরমাত্মার লিঙ্গ বা শরীর।
৩।৫।৩২

তামসো ভূতসুম্ভাদির্ঘতঃ ঋং লিঙ্গমাত্মনঃ ॥ ভাগঃ ৩।৫।৩২

অন্তত্ৰও আছে :—

তামসাচ্চ বিকুর্বাণাস্তগবদীর্ঘ্যাচোদিতাং ।

শব্দমাত্রমভূতস্মান্নভঃ শ্রোত্রস্ত শব্দগম্ ॥ ভাগঃ ৩।২।৬।৩১

—ভগবানের শক্তি কর্তৃক প্রেরিত তামস অহকার পরিণাম প্রাপ্ত হইয়া, শব্দ তন্মাত্র, এবং তাহা হইতে নভঃ, এবং শব্দ গ্রহণকারী শ্রোত্র উৎপাদন করিল। ভাগঃ ৩।২।৬।৩১

সূত্র :—২।২।২৫

অনুস্মৃতেচ্চ ॥ ভাগঃ ২।২।২৫

অনুস্মৃতেঃ + চ ।

অনুস্মৃতেঃ ঃ—প্রত্যভিজ্ঞা বা স্মরণ হেতু। চ ঃ—ও।

“ইহা সেই বস্তু” এইরূপে প্রত্যভিজ্ঞা হয় বলিয়া ও ঘটাদি পদার্থের—কণিকত্ব সঙ্গত হয় না। অতীত ও বর্তমান কালে সম্বন্ধ যুক্ত একই বস্তু বিষয়ে, যে অতীত ও বর্তমানকালবর্তী একই ব্যক্তির প্রত্যক্ষ জ্ঞান, তাহার নাম প্রত্যভিজ্ঞা। সুতরাং, পূর্বাপর কালবর্তী দৃশ্য ও দ্রষ্টা এক না হইলে, ঐরূপ প্রত্যভিজ্ঞা হইতে পারে না। অনুভব জনিত স্মরণ অনুভব কর্তাতেই হয়। সুতরাং অনুভব কর্তার স্থায়িত্ব অবশ্য স্বীকার্য। বস্তু একজন উপলক্ষি করিল, অল্প উপলক্ষির আর একজন ফলস্বরূপ স্মরণ করিল, ইহা সম্ভব নহে। “ইহা সেই গঙ্গা”, “ইহা সেই আলোক”—এরূপ প্রত্যভিজ্ঞা সাদৃশ্য নিবন্ধন হইতে পারে। কিন্তু “ইহা সেই ঘটাদি”—ইহা প্রত্যভিজ্ঞা সাদৃশ্য নিবন্ধন নহে; এখানে বস্তুর একতা বিস্তারিত গঙ্গা বা আলোকের স্থলে, যে জলরাশি আমি পূর্বে দেখিয়াছিলাম, তাহা প্রবাহিত হইয়া গিয়াছে, সে জলরাশি অধুনা বর্তমান নাই, তবে

গঙ্গা প্রবাহ বর্তমান রুহিয়াছে। আলোক সম্বন্ধেও তাই। কিন্তু এই দুই স্থলে যাহার প্রত্যভিজ্ঞা হইতেছে, সেই পূর্বদ্রষ্টা অপর কালে বর্তমান থাকায়, তবে ত প্রত্যভিজ্ঞা হইতেছে। যদি পূর্বদ্রষ্টার ধ্বংস হইয়া যাইত, এবং বর্তমান দ্রষ্টা যদি বিভিন্ন ব্যক্তি হইত, তাহা হইলে প্রত্যভিজ্ঞা সম্ভব হয় না। যদি তাহা হইত, তাহা হইলে রামের দর্শনে শ্রামের প্রত্যভিজ্ঞা কেন না হইবে? ইহাও লক্ষ্য করিবার বিষয় যে, গঙ্গাপ্রবাহ বা আলোকাদির ভেদসাধক প্রমাণ বিচ্যমান দেখা যায়, কিন্তু ঘটাদিতে সেরূপ কোনও প্রমাণ বিচ্যমান নাই। সুতরাং পূর্বদৃষ্ট ঘটই পরে দৃষ্ট হইল, ইহাই প্রতীতি হয়। সাদৃশ্য-মূলক প্রতীতি হয় না।

বাহুবস্তুর পূর্বদৃষ্ট বস্তুর সহিত একতা সম্বন্ধে বরং সংশয় হইতে পারে, অরণ শক্তির তীব্রতার তারতম্য হেতু। কিন্তু আত্মসম্বন্ধে তাহা হইতে পারে না। যে আমি পূর্বে ঘটাদি দেখিয়াছিলাম, এখন কি সেই আমিই উহাদিগকে দেখিতেছি, এরূপ সংশয় কোনও কালে কাহারও হয় না, তাহার কারণ, একের অনুভূত বস্তুতে অপরের স্মৃতি অসম্ভব। সম্ভান-ঐক্য নিয়ামক, ইহাও বলিতে পার না। কেননা স্থায়ী সম্ভান স্বীকার করিলে পক্ষান্তরে স্থির আত্মা স্বীকার করা হইল। এবং তাহা হইলে আমাদের মতই ত গ্রহণ করা হইল। আবার, স্থায়ী সম্ভান অস্বীকার করিলে, অন্য স্মৃতির অসিদ্ধি হয়।

এখন জিজ্ঞাসা করি, তোমাদের কণিকত্ব অর্থ কি? উহা কণ-সম্বন্ধ? বা, কণেই উৎপত্তি-বিনাশ? যদি বল, কণ-সম্বন্ধ, তাহা হইতে পারে না, কারণ, স্থায়ী বস্তু মাত্রেই কণ-সম্বন্ধ আছে। আর, যদি বল, কণেই উৎপত্তি ও কণেই বিনাশ, তাহা হইলে, কোনও বস্তুই প্রত্যক্ষ হইতে পারে না। যদি উৎপত্তি মাত্রেই বিনাশ হইল তবে বস্তু প্রত্যক্ষ কখন আসিবে? কিন্তু প্রত্যক্ষতঃ বস্তু ত দেখা যায়। অতএব, বৌদ্ধমত গ্রহণীয় নহে।

অপর পক্ষে, শ্রীমদ্ভাগবত স্পষ্ট বলিয়াছেন, যদিও বিষয় পরমার্থতঃ অসৎ, তথাপি তাহার অনুস্মৃতি হেতু সংসার নিবৃত্তি হয় না। যেমন স্বপ্নে বস্তু বিচ্যমান না থাকিলেও তাহার অনুস্মৃতি হেতু নানা প্রকার অনর্থাগম হইয়া থাকে। কিন্তু যদি আত্মা স্থির ও নিত্য না হয়, তবে তাহা হইবার ত কোনও কারণ নাই। তাহা হইলে, মোক্ষের জন্ম প্রচেষ্টার কোনও প্রয়োজন নাই।

অর্থে হৃদ্বিচ্যামানেহপি সংসৃতির্ন নিবর্ততে ।

ধ্যায়তো বিষয়ানশ্চ স্বপ্নেহনর্থাগমো যথা ॥ ভাগঃ ১১ | ১১ | ১১

—বিষয় পরমার্থতঃ অবিদ্যমান হইলেও, সংসার নিবৃত্তি হয় না, যেমন বিষয়ানুধ্যায়ী পুরুষের স্বপ্নকালেও অনর্থাগম হইয়া থাকে ।

ভাগঃ ১১ | ১১ | ১১

—প্রবহমান জলশ্রোতের এই সেই জল, এই প্রকার সাদৃশ্য হেতু প্রত্যভিজ্ঞা, এবং জাজ্জল্যমান দীপের এই সেই দীপশিখা, এই প্রকার সাদৃশ্য হেতু প্রত্যভিজ্ঞা যেমন, সেইরূপ পরিণতি অভিমুখে,—বাল্য-তারুণ্য-প্রৌঢ়ত্বাদি অবস্থা পথে প্রবহমান মনুষ্য দেহের সম্বন্ধে এই সেই মনুষ্য, এই প্রকার সাদৃশ্যমূলক প্রত্যভিজ্ঞা যদিও বাস্তবিক অসত্য, এবং ইহা বার্থজীবিত অবিবেকী মনুষ্যেরই হইয়া থাকে, কিন্তু এই প্রত্যভিজ্ঞার আধার আত্মা জন্ম-বিনাশশূন্য । মহাভূতরূপে অগ্নি চিরস্থায়ী হইলেও যেমন কাষ্ঠ সংযোগে জন্ম ও কাষ্ঠ বিয়োগে মৃত্যু বলিয়া কথিত হয়, সেইরূপ অজ্ঞ ও অমর আত্মা বীজভূত কর্ম দ্বারা জন্মিলেন ও মরিলেন বলিয়া প্রতীত হইয়েন । ভাগঃ ১১।২২।৪৪—৪৫ ।

সোহয়ং দীপোহর্চিষাং যদ্বৎ শ্রোতমাং তদিদং জলম্ ।

সোহয়ং পুমান্ ইতি নৃণাং মৃষা গীর্ধী মূ'ষায়ুষাম্ ॥

ভাগঃ ১১।২২।৪৪

মা স্বশ্চ কর্মবীজেন জায়তে সোহপ্যয়ং পুমান্ ।

ত্রিয়তে চামরো ভ্রাস্ত্যা যথাগ্নির্দারুসংস্থিতঃ ॥ ভাগঃ ১১।২২।৪৫

এ পর্য্যন্ত বাহ্যস্তিত্ববাদী বৈভাষিক ও সৌত্রাস্তিক উভয় সম্প্রদায়ের সাধারণ দোষসমূহ উক্ত হইল । ২।২।২০ সূত্রে যে উক্ত হইয়াছে যে, চক্ষু বা অন্য ইন্দ্রিয়ের সহিত যে পদার্থের সম্বন্ধ হইয়াছে, কণিকত্ব নিবন্ধন জ্ঞানোৎপত্তিকালে তাহা বিদ্যমান না থাকায়, কোনও পদার্থই জ্ঞানের বিষয়ীভূত হইতে পারে না । ইহার বিরুদ্ধে সৌত্রাস্তিক দণ্ডায়মান হইতেছেন । তাঁহার মতে, জ্ঞানোৎপত্তিকালে বিজ্ঞেয় বস্তু, কণিকত্ব নিবন্ধন নষ্ট হইয়া যায় বলিয়া, যে উহা জ্ঞানের বিষয় হইতে পারে না, তাহা ঠিক নহে । বিজ্ঞেয় বস্তু, জ্ঞানে নিজের আকার সমর্পণ করিয়া, অর্থাৎ জ্ঞান নিজের আকারে আকারিত করিয়া বিনষ্ট হইয়া গেলেও, জ্ঞানোৎপত্তির বাধা হইতে পারে না । নীলাদি দৃশ্য পদার্থ, জ্ঞানে স্বীয় আকার সমর্পণ করিয়া, বিনষ্ট হইলেও, জ্ঞানগত সেই নীলাদি অস্বপ্নমিত হইয়া থাকে । জ্ঞেয় বিষয়ই জ্ঞানগত বৈচিত্র্য বা পার্থক্যের কারণ । ইহার উত্তরে সূত্রকার সূত্র করিলেন :—

সূত্র :—২।২।২৬

নাসতোহদৃষ্টত্বাৎ ॥ ২।২।২৬

ন + অসতঃ + অদৃষ্টত্বাৎ ।

ন ঃ—না । অসতঃ ঃ—অসতের । অদৃষ্টত্বাৎ ঃ—যেহেতু দেখা যায় না ।

অসতের কার্যজনন সামর্থ্য কোথাও দেখা যায় না । ধর্ম বা গুণ যাহাকে আশ্রয় করিয়া থাকে, সেই ধর্মী বা গুণী বিনষ্ট হইয়া গেলে, তাহার ধর্ম বা গুণ, অন্তত ঠিক সেই ভাবে সেই পরিমাণে সংক্রামিত দেখা যায় না । প্রতিবিম্বাদিও স্থির পদার্থের হইয়া থাকে, অবিচ্যমান পদার্থের হয় না ; এবং প্রতিবিম্বও বিম্ব পদার্থকে ত্যাগ করিয়া মাত্র তদগত ধর্মের হয় না । অর্থাৎ ঘটাদি পদার্থকে ত্যাগ করিয়া তদগত নীলাদি রূপের কোথাও প্রতিবিম্ব পাত হইতে পারে না । এই হেতু, জ্ঞানবৈচিত্র্য দৃশ্য পদার্থের বৈচিত্র্যের উপর, এবং জ্ঞানকালে জ্ঞেয় পদার্থের সম্ভাবের উপর নির্ভর করে ।

অভাব হইতে ভাব পদার্থের উৎপত্তি কোথাও হয় না । যদি হইত, তবে বিভিন্ন কার্যোৎপত্তির জন্ম বিভিন্ন কারণের প্রয়োজন ছিল না । কেননা, অভাবের কোনও বিশেষ নাই । অক্ষুরোৎপত্তির জন্ম বিনষ্ট বীজে যে অভাব, শশশৃঙ্গেও সেই অভাব । যদি বল, উভয় অভাব পৃথক্, ভিন্ন ভিন্ন কার্যোৎপত্তির জন্ম ভিন্ন ভিন্ন অভাবের বিশেষত্ব আছে, অর্থাৎ, অক্ষুরোৎপত্তির জন্ম বীজের অভাব, দধি উৎপত্তির জন্ম দুগ্ধের অভাব হইতে পৃথক্, তাহা হইলে, যেমন নীল, রক্ত, শ্বেত ইত্যাদি, উৎপলের বিশেষক বা ভেদ নিস্পাদক, সেইরূপ, অভাবেরও বিশেষক বা ভেদ নিস্পাদক স্বীকার করিলে, উৎপলের গ্ৰায় অভাবেরও ভাবত্ব মানা হইবে । কেবল, কথায় অভাব বলিলে ত হইবে না, কার্যতঃ ভাবই ।

কার্যবস্তু মাতেই কারণ বস্তুর ভাবরূপে বিচ্যমান সম্ভার উপলব্ধি প্রত্যক্ষতঃ আছে । মৃন্ময় ঘটাদিতে মৃত্তিকাই উপলব্ধি হয়, কার্পাসতন্তু উপলব্ধি হয় না । স্বর্ণালঙ্কারে স্বর্ণই অমুদ্র্যত দেখিতে পাওয়া যায় । বীজামুগত অবিনষ্ট বীজাবয়ব রাশিই অক্ষুরাদির উৎপাদক । আরও দেখ, বৌদ্ধ মতে চতুর্বিধ পরমাণু হইতেই ভূত-ভৌতিক পদার্থ সকল উৎপন্ন হয় । অভাব হইতে উৎপন্ন হয় বলায় নিজ প্রতিজ্ঞাহানি দোষ হইতেছে ।

গুণেষাবিশতে চেতো গুণাশ্চৈতসিচ প্রজাঃ ।

জীবন্ত্য দেহ উভয়ং গুণাশ্চৈতো মদাত্মনঃ ॥ ভাগঃ ১১।১৩।২৪

—হে পুত্রগণ! সত্য বটে, অস্তঃকরণ বিষয়ে প্রযুক্ত হয়, এবং বিষয় সকলও অস্তঃকরণে প্রবিষ্ট হয়। কিন্তু ইহা নিশ্চয় জানিও যে, বিষয় ও অস্তঃকরণ উভয়ই মদাত্মক, এবং উভয়ই জীবের দেহরূপ উপাধি, উহার স্বরূপ নহে। ভাগ : ১১।১৩।২৪

ভাগবত বলিতেছেন যে, দেহ বল, অস্তঃকরণ বল, বিষয় বল, সমুদায় ব্রহ্মাত্মক।

পুনরায় উভয় মতের সাধারণ দোষ কথিত হইতেছে :—

সূত্র :—২।২।২৭

উদাসীনানাংপি চৈবং সিদ্ধিঃ ॥ ২।২।২৭ ॥

উদাসীনানাম্ + অপি + চ + এবং + সিদ্ধিঃ ॥

উদাসীনানাং :—চেষ্টাহীন দিগের। অপি :—ও। চ :—সমুচ্চয়।
এবং :—এইরূপ। সিদ্ধি :—ফলনিষ্পত্তি—ফলপ্রাপ্তি।

যদি অভাব হইতে ভাবের উৎপত্তি হইত, তাহা হইলে, যাহারা অভীষ্ট সিদ্ধির জন্ম কোনও চেষ্টা করে না, তাহাদের চেষ্টার অভাব হইতে অভীষ্ট বিষয় সিদ্ধ হইতে পারে। কেননা, অভাব সর্বত্র সুলভ। বিনা কৃষিকার্যে শস্যলাভ হউক, বিনা মৃত্তিকায় এবং কুস্তকারের বিনা চেষ্টায় ঘটা দি উৎপন্ন হউক, নির্বাণ প্রাপ্তির জন্ম বুদ্ধদেবের উপদেশ পরম্পরা নিরর্থক হউক, স্বর্গ ও মোক্ষলাভ স্বতঃই হউক—কিন্তু জগতে এ প্রকার দেখা যায় না। পূর্ববর্তী কালের চেষ্টা, পরবর্তী কালের ফলোৎপাদনের হেতু হয়, ইহাই দেখা যায়। অতএব, বৌদ্ধমত উপেক্ষণীয়।

পূর্ব সূত্র পর্যন্ত বাহ্যাস্তিত্ববাদী—বৈভাষিক ও সৌত্রাস্তিকগণের মতের বিচার হইল। সম্প্রতি বিজ্ঞানবাদী যোগাচার বৌদ্ধগণের মত বিচার আরম্ভ হইল। উহাদের মত পূর্বে সংক্ষেপে উল্লিখিত হইয়াছে। তাঁহাদের মতে একমাত্র বিজ্ঞানই, কল্পিত নীলাদি আকারে প্রমেয়, অবভাস রূপে ফল, অর্থাৎ, প্রমিত্তি-গোচরতা, স্তম্ভ বা কুতারূপে জ্ঞান, শক্তিরূপে প্রমাণ, এবং আশ্রয়রূপে জ্ঞাতা বা জীব—এই প্রকার ভেদ করিয়া করিয়া লোক ব্যবহার নিষ্পন্ন করে। তাঁহারা আরও বলেন যে, জ্ঞানের ও বিষয়ের সহোপলব্ধি

নিয়ম আছে, অর্থাৎ, বিষয় ব্যতীত কেবল জ্ঞান, অথবা জ্ঞান ব্যতীত কেবল বিষয়, কেহ কখনও অনুভব করে না। এই সহোপলব্ধি নিয়মের দ্বারা বিষয় ও বিজ্ঞান এই দুইয়ের অভেদ সিদ্ধ হইতে পারে। তাঁহাদের মতে বাহ্যবস্তু নাই, অথচ তদাকার জ্ঞান হয়, ইহার কারণ তাঁহারা বলেন যে, বিজ্ঞানই পূর্বক্ৰমে বাহ্যবস্তুকার হইয়া, পরক্ৰমেই তাহার গ্রাহকাকার ধারণ করে। বাহিরে কিছুই নাই, অন্তঃস্থ জ্ঞানই, জ্ঞান ও জ্ঞেয়ের, উভয়ের আকার ধারণ করে। ইহার দৃষ্টান্ত—স্বপ্ন, মরীচিকা। ইহাতে সন্দেহ হয় যে, বাহিরে যখন কিছুই নাই, তখন অন্তরে জ্ঞানের বৈচিত্র্য কি প্রকারে হয়। ইহার উত্তরে তাঁহারা বলেন, বিচিত্র বাসনা (বিজ্ঞান-সংস্কার) প্রভাবে বিচিত্র জ্ঞান জন্মিতে পারে। এই সংসার বীজাকুরের গায় অনাদি। সূত্রায়ং বাসনা-প্রবাহও অনাদি। এই বিজ্ঞান ও বিজ্ঞান-সংস্কার পরস্পর পরস্পরের কারণ ও কার্য, এবং তদনুসারে জ্ঞান-বৈচিত্র্য সিদ্ধ হইয়া থাকে। স্বপ্নকালে এই বাসনা দ্বারাই বিনা বস্তুতে জ্ঞানবৈচিত্র্য প্রকাশ পাইয়া থাকে। ইহার উত্তরে সূত্রকার পরবর্তী সূত্র করিলেন।

৪। উপলক্ষ্যধিকরণ ॥

ভিত্তি:—

সূত্র:—২।২।২৮

নাভাব উপলক্ষে: ॥ ২।২।২৮

ন + অভাব: + উপলক্ষে: ॥

ম:—না। অভাব:—অসম্ভাব। উপলক্ষে:—উপলক্ষি হেতু।

শুভ, কৃত্য, ঘটাদি যে সমস্ত পদার্থ বাহিরে অনুভূত হইতেছে, তৎ সমস্তের অভাব অর্থাৎ উহারা যে “অভাব” পদার্থ তাহা বলা যাইতে পারে না। কারণ, ঐ সমস্ত পদার্থই প্রত্যক্ষের বিষয়ীভূত হইতেছে। যদি অনুভবের গোচরীভূত পদার্থের অভাব স্বীকার করিতে হয়, তবে অনুভবের বিষয়ীভূত বিজ্ঞানেরও অভাব স্বীকার করিতে হয়। বিবেচনা কর, কেহ কখনও উপলক্ষিকে, শুভ, কৃত্য, ঘট এতদ্রূপে অনুভব করে না; পরন্তু সকলেই উহাদিগকে উপলক্ষির বিষয় রূপে অনুভব করে। ইহার প্রমাণ তোমাদের নিজেদের উক্তিতেই। তোমরা বলিয়া থাক যে, বিজ্ঞেয় পদার্থরাশি অস্তরেই আছে, কিন্তু বহিঃস্থিতের গ্নায়-অবভাসিত হয়। যদি তাহারা বাহিরে আদৌ না থাকে, তাহা হইলে বহিঃস্থিতের গ্নায় কি করিয়া বলিতে পার? বিষ্ণুমিত্র বক্ষ্যাপুত্রের গ্নায়, ইহা কেহই বলে না। অতএব, অনুভবের অমুরূপ বস্তু স্বীকার করিতে হইলে, ইহাই স্বীকার করিতে হইবে যে, পদার্থ বাহিরেই প্রকাশ পায়, বহিঃস্থিতের গ্নায় প্রকাশ পায় না।

আরও দেখ, লোকে সাধারণতঃ বলে ‘আমি শুভ জানিতেছি বা অনুভব করিতেছি’। ইহাতে কর্তা, কর্ম ও ক্রিয়া, তিনটি পৃথক্ উল্লেখ আছে,—কর্তা—জ্ঞাতা; ক্রিয়া—জ্ঞান; ও কর্ম—জ্ঞেয়। ইহারা পরস্পর পৃথক্। সুতরাং—জ্ঞানাতিরিক্ত জ্ঞেয় পদার্থের বিদ্যমানতা সিদ্ধ হইতেছে। উহা জ্ঞান হইতে অভিন্ন, ইহা বলিবার কোনও হেতু নাই।

জ্ঞান বিষয়ের স্বরূপ, অর্থাৎ জ্ঞানের আকার ও বিষয়ের আকার অভেদ; ইহার দ্বারা বিষয়ের অভাব বা না থাকা সিদ্ধ হয় না। কারণ, বিষয় না থাকিলে, বিষয়ের সারূপ্যও থাকে না। সুতরাং, বিষয় থাকা, ও তাহার অস্তিত্ব বাহিরে, তাহাও মানিতে হয়। জ্ঞানকে কেহ কখনও পৃথক্ দেখে

নাই। এই যে জ্ঞান ও জ্ঞেয়ের সহোপলব্ধি, ইহা অভেদমূলক নহে—
উপায়োপেয়মূলক—জ্ঞেয়, অর্থাৎ বিষয়, জ্ঞানের উপায় বা উৎপাদক বা সাধক,
এবং জ্ঞান, উপেয় বা উৎপাদ্য বা সাধ্য—উভয়ে সাধ্য-সাধক সম্বন্ধে সম্বন্ধ
বলিয়াই সহোপলব্ধি হইয়া থাকে, অভেদ অশ্রুত নহে।

তোমরা যে বল, বাসনাবশতঃ জ্ঞান-বৈচিত্র্য হইয়া থাকে,—বাহু পদার্থ-
বশতঃ নহে—ইহাও যুক্তিযুক্ত নহে। নিরন্তর বিনাশশীল জ্ঞান সমূহের অমুগত
স্থিরতর কিছুই না থাকায়, বাসনার অস্তিত্ব উপপাদন করা স্বকর নহে।
পূর্বজ্ঞান বিনষ্ট হইয়া অমুৎপন্ন পরবর্তী জ্ঞানে কিরূপেই বা বাসনা বা সংস্কার
উৎপাদন করিবে? বাসনা এক প্রকার সংস্কার। সংস্কার নিরাশ্রয় থাকিতে
পারে না। কিন্তু বৌদ্ধমতে কোনও প্রকার স্থির আশ্রয় পাওয়া যায় না।
অতএব, বুঝিতে হইবে যে, বিজ্ঞেয় পদার্থের সম্বন্ধগত পার্থক্যবশতঃই
সাক্ষাৎ সম্বন্ধে প্রতীয়মান বিজ্ঞানের পার্থক্য ঘটয়া থাকে। অতএব, বাহু
পদার্থের অভাব সিদ্ধ হইতেছে না।

এ সম্বন্ধে ভাগবত মত বড়ই বিশদ :—

মনসা বচসা দৃষ্ট্যা গৃহ্যতেহৈশ্বরপীড়িত্বৈঃ ।

অহমেব ন মন্তোহুদিত্তি বুধ্যধ্বমঞ্জসা ॥ ভাগঃ ১১।১৩।২৩

—মনঃ, বাকা, চক্ষু, বা অণু ইন্দ্রিয় দ্বারা যাহা কিছু গ্রহণ করা যায়, সকলই
আমি। আমি হইতে ভিন্ন কিছুই নাই। কাল বিলম্ব না করিয়া তত্ত্ববিচার
দ্বারা সর্বাত্মকরূপে আমাকে অবগত হও। ভাগ : ১১।১৩।২৩

বেদান্ত মতে বিজ্ঞান ও বাহু বস্তু উভয়ের মধ্যে ভেদতঃ ভেদ নাই।
উভয়ই সেই “একমেবাদ্বিতীয়ম্” ভেদের বিভূতি মাত্র। তাহারই
সংকল্পে পৃথকরূপে প্রতীয়মান হয় মাত্র।

২।২।২৮ শ্লোকে যোগাচার বৌদ্ধ স্বপ্ন ও মরীচিকার দৃষ্টান্তে জ্ঞান ও জ্ঞেয়ের
একতা সম্পাদন করিয়াছিলেন, শ্লোকের তাহার উত্তরে পরবর্তী শ্লোক
করিলেন :—

শ্লোক :—২।২।২৯

বৈধর্ম্যাচ্চ ন স্বপ্নাদিবৎ ॥ ২।২।২৯

বৈধর্ম্যাৎ + চ + ন + স্বপ্নাদিবৎ ॥

বৈধর্ম্যাৎ :—বৈলক্ষণ্য হেতু। চ :—ও। ন :—না। স্বপ্নাদিবৎ :—
স্বপ্নাদি দৃষ্ট পদার্থের স্থায়।

স্বপ্নকালীন জ্ঞানের সহিত জাগ্রৎ-কালীন জ্ঞানের বৈলক্ষণ্য থাকায়ও জাগ্রৎ-কালীন জ্ঞান কখনই স্বপ্ন-জ্ঞানাদির দ্বারা নিরবলম্বন বা নির্বিঘ্ন হইতে পারে না।

স্বপ্নকালে নিদ্রাদি দোষে কলুষিত ইন্দ্রিয় হইতে উৎপন্ন জ্ঞান, জাগরণে ও বাধিত হইয়া থাকে। পুরুষ সহজেই বুঝিতে পারে যে, স্বপ্নে যে জ্ঞান হইয়াছিল, তাহা মিথ্যা। কিন্তু জাগ্রৎকালে যে জ্ঞান হয়, তাহা শত বৎসরেও বাধিত হয় না। ২০০০ বৎসর পূর্বে কবি কালিদাস হিমালয়কে যেমন দর্শন করিয়াছিলেন, আধুনিক কবিও সেইরূপ দর্শন করেন। মরীচিকা ও মায়াতেও বধায়োগ্য বাধ বুঝিতে হইবে।

স্বপ্নজ্ঞান—স্মৃতি জনিত, জাগ্রত জ্ঞান—উপলব্ধি জনিত ; অর্থাৎ, স্বপ্নজ্ঞান—অবিদ্যমান বিষয়ক, এবং জাগ্রত জ্ঞান—বিদ্যমান বিষয়ক। এই সমুদায় কারণে উভয়ের বৈলক্ষণ্য বর্তমান।

রেল গাড়ীতে চড়িয়া আমি কাশী পৌঁছিলাম। জাগ্রতে দূরে গমন করায়, স্থান ও পারিপার্শ্বিক বস্তুনিচয়ের পরিবর্তন বাস্তবিক সাধিত হইল। একরাতে স্বপ্নে আমি কাশী হইতে বিলাতে গেলাম। পুস্তক পাঠে, লোকমুখে, অথবা, নিজে অতীত কালে গমনজনিত নিজের উপলব্ধি হেতু বিলাতের পারিপার্শ্বিক দৃশ্যাদি আমার স্মৃতিপটে অঙ্কিত ছিল। স্বপ্নে সে সকল দর্শনও করিলাম। স্বপ্নান্তে যখন জাগ্রত হইলাম, তখন আমি কাশীতে যে শয্যা শয়ন করিয়াছিলাম, সেইখানেই থাকা দৃষ্ট হইল। জাগ্রত ও স্বপ্ন যদি একই হয়, তাহা হইলে স্বপ্ন হইতে জাগ্রত হইবার পর, আমাকে বিলাতে অবস্থিত দেখিতে হয়। কিন্তু তাহা ত হয় না। অতএব উভয়ের বৈলক্ষণ্য নিঃসন্দেহ।

শ্রীমদ্ভাগবতের একটি শ্লোকে জাগ্রত ও স্বপ্ন উভয় অবস্থার জ্ঞানের বিশদ বর্ণনা আছে, যথা :—

যথা হুপ্রতিবুদ্ধস্য প্রস্থাপো বহ্বনর্থভূৎ ।

স এব প্রতিবুদ্ধস্য ন বৈ মোহায় কল্পতে ॥ ভাগ : ১১।২৮।১৫

—নিদ্রিত ব্যক্তির সমক্ষে স্বপ্ন বহু অনর্থ প্রদান করে। কিন্তু সে ব্যক্তি জাগ্রত হইলে তখন সে স্বপ্ন আর মোহ কল্পনা করে না।

ভাগ : ১১।২৮।১৫

স্বপ্নে পুরুষ নিজ শিরশ্ছেদনাদি দর্শন করিয়া থাকে। উহা যে জাগ্রৎকালের জ্ঞান হইতে সর্বদা বিলক্ষণ, তাহা আর বলিবার কি আছে ?

যদর্ধেনবিনামুশ্য পুংস আঅবিপর্যায়ঃ ।

প্রতীয়ত উপজষ্টুঃ স্বশিরশ্ছেদনাদিকঃ ॥ ভাগঃ ৩।৭।১০

—যেমন স্বপ্নদ্রষ্টা ব্যক্তির শিরশ্ছেদনাদি ব্যতিরেকেও স্বপ্নকালীন শিরশ্ছেদ-
নাদিবিশিষ্ট আঅ-বিপর্যায় অনুভূত হয় । ভাগ : ৩।৭।১০

সুতরাং যোগাচারগণ—স্বপ্ন-মরীচিকার দৃষ্টান্ত উল্লেখ করিয়া—জ্ঞান
ও জ্ঞেয়ের ঐক্য সম্পাদনের যে প্রচেষ্টা করিয়াছিলেন, তাহা সর্বতো-
ভাবে অসিদ্ধ, ইহা প্রতিপাদিত হইল ।

সূত্র :—২।২।৩০

ন ভাবোহনুপলক্কেঃ ॥ ২।২।৩০

ন + ভাবঃ + অনুপলক্কেঃ ॥

অঃ—না । ভাবঃ—সম্ভাব, অস্তিত্ব । অনুপলক্কেঃ—যে হেতু
উপলব্ধি হয় না ।

[ভগবান্ শঙ্করাচার্য্য এই সূত্রটি, বাসনাই জ্ঞানবৈচিত্র্যের কারণ, বোধের
এই মতবাদের প্রতিবাদ সূত্র রূপে ব্যাখ্যা করিয়াছেন । কিন্তু উক্ত
মতবাদের প্রতিবাদ ২।২।২৮ সূত্রেই করা হইয়াছে । এ কারণ ইহার অর্থ
শ্রীমদ্ রামানুজাচার্য্যের মতানুসারে করা হইল ।]

স্বপ্নকালে ও বাহ্যার্থশূন্য জ্ঞানের—সম্ভাব নাই । কারণ, নির্বিষয় জ্ঞান কোথাও
দৃষ্ট হয় না । জ্ঞাতা ও জ্ঞেয়শূন্য জ্ঞান কোথাও দেখিতে পাওয়া যায় না ।
সূত্রকার ৩।২।১ সূত্রে স্বপ্ন পরমেশ্বর সৃষ্ট ইহা বলিবেন । বৃহদারণ্যক শ্রুতির
৪।৩।১০ মন্ত্রে ও কঠশ্রুতির ২।২।৮ মন্ত্রে উক্ত হইয়াছে যে, পরমেশ্বরই ভিন্ন ভিন্ন
পুরুষের ভোগযোগ্য পদার্থসকল, স্বপ্নকালে বাস্তবিক বিদ্যমান না থাকিলেও, ঐ
সকল পুরুষের কর্মানুসারে সৃষ্টি করেন । তিনি সত্যসংকল্প ও অনন্ত অচিন্ত্য
শক্তিসম্পন্ন । সুতরাং তাঁহার পক্ষে উহা নিশ্চয়ই সম্ভবপর । সেই জন্ত স্বপ্নে
যে জ্ঞান হয়, তাহা পরমেশ্বরের সৃষ্ট সেই সেই পদার্থেরই জ্ঞান । নির্বিষয়
জ্ঞান নহে ।

সহজ বুদ্ধিতে স্বপ্নতত্ত্ব বিচার করিলে প্রতীয়মান হইবে যে, স্বপ্ন-জ্ঞানের
ভিত্তি আগ্রত জ্ঞানের উপর । আগ্রতে উপলব্ধি জনিত যে সকল জ্ঞান হয়,
তাহা স্মৃতিতে থাকে । স্বপ্নকালে স্মৃতি হইতে সেই সকল জ্ঞান, কার্য্যকারণ বা

পারস্পর্য-রূপ বিধি নিষেধের বশবর্তী না হইয়া, যথেষ্ট সংযোগে উৎপন্ন হয়।
জাগ্রতে এক ব্যক্তি একটি ছাগের শিরশ্ছেদ দর্শন করিল, স্বপ্নে, ঐ শিরশ্ছেদ
নিজ শিরে সংযোগ করিয়া আপনার শিরশ্ছেদ জ্ঞান হইল। অজ্ঞাত সকল
স্বপ্নে জ্ঞান এই প্রকারেই হয়। উহার মূল অহুসন্ধান করিলে উহা যে ভিন্ন
কালে জাগ্রত অবস্থায় উপলব্ধি জ্ঞানের উপর নির্ভর করে, তাহা বুঝা যায়।

এ সম্বন্ধে ভাগবত বলিতেছেন :—

অদৃষ্টাদশ্রুতান্তাবান্ন ভাব উপজায়তে ।

অসংপ্রযুক্ততঃ প্রাণান্ শাম্যতি স্তিমিতং মনঃ ॥

ভাগ : ১১।২৬।২৩

—অদৃষ্ট বা অশ্রুত ভাব হইতে কোনও ভাব উৎপন্ন হয় না। যিনি
ইন্দ্রিয়গণকে সংযত করিতে পারেন, তাঁহার মনঃও নিশ্চল হয়।

ভাগ : ১১।২৬।২৩

অতএব স্বপ্নদৃষ্ট ভাব বা জ্ঞান, অদৃষ্ট বা অশ্রুত পদার্থ হইতে উৎপন্ন হয়
না। উহা দৃষ্ট ও শ্রুত বিষয় হইতে উৎপন্ন হইয়া থাকে। এ কারণ, উহা
সবিষয়। স্বপ্নকালে জাগ্রদৃষ্ট পদার্থসকল ভোগ হয়। তাহা পরসূত্রে উক্ত
ভাগবতের ১১।১৩।৩১ শ্লোকাংশ হইতে প্রতিপাদিত হইবে।

জাগ্রদবস্থায় আকাশ ও কুসুমের জ্ঞান আমাদের বর্তমান আছে। স্বপ্নে
উহাদের অহেতুক মিলনের দ্বারা ‘আকাশ-কুসুম’ জ্ঞান উপলব্ধি হইয়া থাকে।
উহা যদিও বাস্তবিক মিথ্যা, উহার ভিত্তি জাগ্রদৃষ্ট বিষয়, ইহা স্পষ্ট বুঝা গেল।

সূত্র :—২।২।৩১

ক্ৰণিকত্বাচ্চ ॥ ২।২ ৩১

ক্ৰণিকত্বাৎ + চ ।

ক্ৰণিকত্বাৎ :—ক্ৰণিকত্ব হেতু । চ :—ও ।

বৌদ্ধ বলেন যে, বাসনার আশ্রয়, আলয় বিজ্ঞান (অহংজ্ঞান, ইহা তন্নতের
আত্মা বা জীব), তাহাও স্বরূপ বিজ্ঞানের গায় ক্ৰণিক। যাহা কিঞ্চিৎ কালও
অবস্থান করে না, তাহা বাসনার, সংস্কারের, আধার হইবার অযোগ্য।
পূর্ব, মধ্য ও পর (ভূত, বর্তমান, ভবিষ্যৎ) এই তিনকালের সহিত সম্বন্ধ হয়,
এমন কোন স্থির পদার্থ যদি থাকে, তবে তাহাই বাসনার আশ্রয় হইতে পারে।
আলয় বিজ্ঞানকে স্থির বা অক্ৰণিক বলিতে গেলে, বৌদ্ধের ক্ৰণিক-বাদ থাকিবে
না। এই ক্ৰণিকবাদ বাস্তবিকবাদী ও বিজ্ঞানবাদী বৌদ্ধগণের সাধারণ মত।

অতএব ২।২।২০ শ্লোকে যে সমুদায় দোষ প্রদর্শিত হইয়াছে, তাহারাও এ স্থলে প্রযোজ্য ।

—বেদান্ত মত এ স্থলে বড়ই পরিষ্কার । শ্রীমদ্ভাগবত নিম্নোক্ত শ্লোকে উক্ত বেদান্ত মত সুস্পষ্টরূপে প্রদান করিয়াছেন । একজন স্থির ভোক্তা—জাগ্রৎ, স্বপ্ন ও সুষুপ্তিকালে বিद्यমান থাকেন । তিনি জাগ্রৎকালে বাহ্যকগিক ধর্মবিশিষ্ট অর্থ সমুদায়, অর্থাৎ ক্রমে ক্রমে পরিণামপ্রাপ্ত হইতেছে এই প্রকার বালা-তারুণ্যাদি ধর্ম সমুদায় সমস্ত ইন্দ্রিয় দ্বারা উপভোগ করেন, এবং স্বপ্নকালে হৃদয়ে বা মনে জাগ্রৎকালে বাসনাময় পদার্থ সকল ভোগ করেন এবং সুষুপ্তি অবস্থায় সেই সমুদায় উপসংহার করিয়া বুদ্ধিতে অবস্থান করেন, তিনিই ইন্দ্রিয়, মন ও বুদ্ধি এই ত্রিগুণবৃত্তির দ্রষ্টা, ইন্দ্রিয়ের অধীশ্বর, একমাত্র আত্মা । তিনিই স্মৃতির দ্বারা সর্বাবস্থার অনুসন্ধান করেন । ১।১।১৩।৩১

• যো জাগরে বহিরনুক্ষণধর্ম্মিণোগোহর্থান্

ভূক্তে সমস্তকরণৈহুদিভৎসদৃক্ষান্ ।

স্বপ্নে সুষুপ্ত উপসংহরতে স একঃ

শ্বত্যাশ্রয়ালিগুণবৃত্তিদৃগিন্দ্রিয়েশঃ ॥ ভাগ : ১।১।১৩।৩১

২।২।৫ শ্লোকের আলোচনায় উক্ত শ্রীমদ্ভাগবতের ১।১।২২।৪৪-৪৫ শ্লোক দ্রষ্টব্য । এই প্রসঙ্গে শ্রীমদ্ভাগবতের ৩।২।৬।৩ শ্লোক দ্রষ্টব্য । নিম্নে উক্ত হইল ।

অনাদিরাত্মা পুরুষো নিগুণঃ প্রকৃতেঃ পরঃ ।

প্রত্যক্ষামা স্বয়ং জ্যোতির্বিশ্বং যেন সমস্থিতম্ ॥ ভাগ : ৩।২।৬।৩

কগিক পক্ষং ব্যবর্ভয়তি—অনাদিরিতি (শ্রীধরঃ)—অর্থাৎ, অনাদি বলিয়া কগিকদের প্রতিবাদ করিলেন, (শ্রীধর) ।

—সর্বেশ্বরের অগম্যাম যে আত্মা, তিনিই পুরুষ, অনাদি, প্রকৃতি হইতে ভিন্ন, নিগুণ, স্বয়ংপ্রকাশ, এবং বিশ্ব তাঁহার সহিত, অর্থাৎ তাঁহাকে আধার স্বরূপ পাইয়া, প্রকাশ পাইয়া থাকে । ভাগ : ৩।২।৬।৩

[শ্রীভাষ্যে শ্রীমদ্ রামানুজাচার্য্য—এ শ্লোকটি গ্রহণ করেন নাই ।]

শ্লোকের বাহ্যস্তিত্ববাদী বৈভাষিক, সৌত্রান্তিক এবং বিজ্ঞানবাদী যোগাচার বৌদ্ধের মত বিচার করিয়া, তাহারা উপেক্ষণীয় প্রমাণ করতঃ, সম্প্রতি মাধ্যমিক বৌদ্ধের সর্বগুণবাদ বিচার করিতে অগ্রসর হইতেছেন । মাধ্যমিকের মতে

“সর্বশূন্যবাদ”ই বুদ্ধদেবের প্রকৃত লক্ষ্য, ও সেই উপদেশই তিনি উচ্চাধিকারী শিষ্যদিগকে দিয়াছেন। বিজ্ঞানবাদ ও বাহ্যস্তিত্ত্ববাদ, তিনি নিম্নাধিকারী শিষ্যগণের বুদ্ধিবৃত্তির তারতম্যানুসারে শিক্ষা দিয়াছিলেন, উহা তাঁহার প্রকৃত অভিপ্রায় ছিল না। বাহ্য পদার্থ বল, বা বিজ্ঞানই বল, কিছুই সত্য নহে, শূন্যই সত্য পদার্থ। পদার্থ সং হইলে কোন কারণ হইতে তাহা উৎপন্ন হইল, ইহার অনুসন্ধান আবশ্যিক হয়। কিন্তু ভাব বা অভাব পদার্থ হইতে উৎপত্তি সম্ভব নয়। কেন না, ভাব পদার্থ বিনষ্ট না হইয়া, নিজে অবিকৃত থাকিয়া কোনও পদার্থ উৎপাদন করিতে পারে না। আবার, অভাব হইতেও পদার্থ উৎপন্ন হওয়া সম্ভব নহে। কারণ, তাহা হইলে, উহাও অভাবাত্মক হইয়া পড়িবে। তৃতীয়পক্ষে আপনা হইতে আপনার উৎপত্তি হইতে পারে না। তাহা হইলে ‘আত্মাশ্রয়’ দোষ ঘটে। বিশেষতঃ, সে প্রকার উৎপত্তির প্রয়োজনও নাই। কারণ, নিজে ত স্বভাবতঃ সিদ্ধই আছে। চতুর্থপক্ষে, পর হইতেও উৎপত্তি সম্ভব নহে। কারণ, তাহা হইলেও কোনও পদার্থ হইতে সর্বপদার্থের উৎপত্তি হইতে পারে। কারণ, উহা নিজ ভিন্ন অন্য পদার্থের সহজে পরই বটে। এই সকল কারণে মাধ্যমিক বলেন যে, শূন্যই তত্ত্ব। উৎপত্তি, বিনাশ, ভাব, অভাব, এ সমুদায়ই ভ্রম, এবং শূন্যই একমাত্র সত্য।

ইহার উত্তরে সূত্রকার সূত্র করিলেন।

৫। সৰ্ব্বধানুপপত্ত্যধিকরণ ॥

ভিত্তি :—

সূত্র :—২।২।৩২

সৰ্ব্বধানুপপত্তেশ্চ ॥ ২।২।৩২

সৰ্ব্বধা + অনুপপত্তেঃ + চ ॥

সৰ্ব্বধা :—সৰ্ব্বপ্রকারে। অনুপপত্তেঃ :—অসঙ্গতি হেতু। চ :—ও।

শূন্যবাদ সৰ্ব্বপ্রকারেই অসঙ্গত। মাধ্যমিক বৌদ্ধকে জিজ্ঞাসা করি—
শূন্য ভাবপদার্থ, অভাব পদার্থ, অথবা ভাবাভাব পদার্থ? যদি বল, ভাব পদার্থ,
তাহা হইলে শূন্য ভাবপদার্থ হওয়ায়, শূন্যবাদ বার্থ হয়। যদি বল, অভাব পদার্থ,
উহার বিত্তমানতা নাই। তাহা হইলে তুমিও শূন্য, অস্তিত্বহীন, তুচ্ছ; এবং
তোমার রুত বিচার বিতণ্ডারও কোনও অস্তিত্ব নাই, উহা তুচ্ছ ও অগ্রহণীয়।
যদি তুমি নিজের এবং তোমার তর্কের শূন্যতা স্বীকার না কর, তবে তোমার
প্রতিজ্ঞাত শূন্যবাদ ব্যাহত হইয়া পড়ে। যদি বল, ভাবাভাব, তাহা হইলে
পরম্পর বিরোধী বস্তু এক শূন্যে অবস্থান করিতে পারে না, এবং ইহাও তোমার
অভিপ্রেত নহে। বিশেষতঃ, যে জ্ঞান বা তর্কে শূন্যবাদ প্রতিষ্ঠা করিবে, তাহা
যদি শূন্য হয়, তবে সে জ্ঞান ও তর্ক গ্রহণীয় নহে। আবার, তাহা যদি সত্য
এবং যথার্থ হয়, তবে তাহা দ্বারা শূন্যতা প্রতিষ্ঠিত হইতে পারে না। এ
কারণে, সৰ্ব্বপ্রকারেই শূন্যবাদ অসঙ্গত।

ভাগবত বলেন যে, ব্রহ্ম যদিও শূন্যবৎ কল্পিত হন, তিনি অশূন্যস্বরূপ।

যত্ত্বন্ধু ক পরং সূক্ষ্মমশূন্যং শূন্যকল্পিতম্।

ভগবান্ বাসুদেবেতি যং গৃণন্তি হি সাত্বতাঃ ॥ ভাগ : ৯।৯।৪০

—যাহা সূক্ষ্ম ও রূপাদির অবিষয় বলিয়া শূন্যবৎ কল্পিত হয়, অথচ অশূন্যস্বরূপ,
তিনিই পরম ব্রহ্ম। ভক্তগণ তাঁহাকেই ‘ভগবান’ ‘বাসুদেব’ আখ্যায়
আখ্যায়িত করেন। ভাগ : ৯।৯।৪০

এই প্রসঙ্গে ২।১।১২ সূত্রের আলোচনার উদ্ধৃত ১০।৮।২৫ শ্লোক অষ্টব্য
(পৃ: ৭৮৭-৭৮৮)। উক্ত শ্লোকে ভগবান্ সৰ্ব্বকে “শূন্যত্বমাং দধতঃ”—শূন্যের সাদৃশ্য

ধারণকারী—আকাশের স্তায় অসঙ্গ ও সমদর্শী হওয়ায়; শূন্যের সাদৃশ্য ধারণ করেন, পরন্তু শূন্য নহেন। উপরে উদ্ধৃত ২।৩।৪০ শ্লোকেও ঐ কথাই বলিলেন।

বৌদ্ধমত নিরাকরণ হইল। বৌদ্ধমতের আলোচনার ভূমিকায় উল্লিখিত হইয়াছে যে, ব্রহ্মসূত্র রচনাকালে, বৌদ্ধগণের বৈভাষিক প্রভৃতি চারি সম্প্রদায় তত্ত্বনামে বিদ্যমান ছিল না। সম্প্রদায় সকলের ভিত্তিস্বরূপ মতবাদ বৌদ্ধগণের মধ্যে প্রচলিত ছিল। সূত্রকার তাহাদিগের প্রতিবাদ করে সূত্র রচনা করিয়াছিলেন। ভাষ্যকারগণ স্ব স্ব সময়ে প্রচলিত সম্প্রদায়গণের নামের সহিত উহাদের সংযোগ সাধন করিয়াছেন।

শ্রীমদ্ বলদেব তাঁহার গোবিন্দভাষ্যে এই সূত্রের আলোচনায় স্পষ্ট বলিয়াছেন যে, বৌদ্ধ সর্বশূন্যবাদ মত নিরাকরণ দ্বারা মায়াবাদীদেরও মত নিরাকরণ করা হইল। বলা বাহুল্য, গোড়ীয় বৈষ্ণবগণ শ্রীমদ্ শঙ্করাচার্যের প্রতিষ্ঠিত “অদ্বৈতবাদ”কে মায়াবাদ নামে অভিহিত করেন, কারণ, শঙ্করাচার্য্য দৃশ্যমান প্রপঞ্চ, মায়াবিলসিত মাত্র ও মিথ্যা প্রচার করতঃ ‘অদ্বৈতবাদ’ স্থাপন করিয়াছেন। বলদেব গোড়ীয় বৈষ্ণব সম্প্রদায়ভুক্ত ছিলেন বলিয়া, তিনি শঙ্কর মতকে ‘মায়াবাদ’ বলিয়াছেন, এবং তাহা যে বৌদ্ধদিগের সর্বশূন্যবাদের তুল্যরূপ, তাহাই ইঙ্গিত করিয়াছেন।

শূন্যবাদ সম্বন্ধে সংক্ষিপ্ত আলোচনা।

সর্বশূন্যবাদ স্বরূপতঃ কি, এবং উহার সহিত শঙ্কর মতের ঐক্য কতদূর, সে বিষয়ে সংক্ষেপ আলোচনা অবাস্তব হইবে না বলিয়া মনে হয়। বৌদ্ধমত, বৌদ্ধ দর্শন এবং শঙ্কর দর্শন অতি বিস্তীর্ণ। সম্যক্ আলোচনা আমাদের উদ্দেশ্যের বাহিরে এবং তাহা আমার দ্বারা সম্ভব নহে। অতি সংক্ষেপে সামান্যভাবে আলোচনা করা হইল।

বাহ্য জগতের প্রতি দৃষ্টিপাত করিলে, অতি স্থূলদর্শী দর্শকের চক্ষে পড়ে যে, জগৎ প্রপঞ্চ অনাদি কাল হইতে প্রবহমান পরিবর্তন-শ্রোতের উপর ভাসমান। বিশ্রাম নাই, নিবৃত্তি নাই, বিরতি নাই, পরিবর্তন-শ্রোত অপ্রতিহত গতিতে প্রবাহিত হইতেছে। কি মানব, কি ইতর জীব, কি স্বাবর বস্তুসকল, কি উদ্ভিদ, পতঙ্গ সমুদায় এই পরিবর্তন-শ্রোতে উন্মজ্জিত, অবস্থিত ও নিমজ্জিত হইতেছে। উন্মজ্জিত হইলে আমরা বলি, জন্ম বা উৎপত্তি; অবস্থিত হইলে, বলি, জীবন বা স্থিতি; এবং নিমজ্জিত হইলে, বলি, মৃত্যু বা ধ্বংস। একটি বৃক্ষ হইতে

একটি পরিপক ফল পড়িল। উহার ভিতর দেখি, বীজ আছে। সেই বীজ মাটিতে পুঁতলাম। দিন কয়েক পরে দেখি, বীজ হইতে অঙ্কুর উৎপন্ন হইল। ক্রমে তাহা হইতে বীজের উৎপাদক বৃক্ষের গায় সজাতীয় একটি বৃক্ষ উৎপন্ন হইল। ক্রমশ তাহা হইতে, যে ফলটি হইতে উক্ত বীজটি পাওয়া গিয়াছিল, তাহার সমান রূপ ও গুণবিশিষ্ট বহু ফল উৎপন্ন হইল। প্রত্যেক ফলের ভিতর উক্ত বীজটির মত বীজ বর্তমান, এবং প্রত্যেক বীজে ঐ প্রকার বৃক্ষ, ফল ও বীজাদি জন্মিবার শক্তি নিহিত। বীজ ও বৃক্ষ সম্বন্ধে যেমন, মানুষ ও পশুপক্ষী সম্বন্ধেও তাই। একটি মানব শিশুর জন্ম, বৃদ্ধি, যৌবন, সন্তানোৎপাদন, কয় ও বিনাশ লক্ষ্য করিলে, ঐ এক ব্যাপারই পরিলক্ষিত হয়।

আবার আপাতদৃষ্টিতে স্থিরতর পদার্থের প্রতি দৃষ্টিপাত করিলে, উহাদের পরিবর্তন দৃষ্টিগোচর হয় না বটে, কিন্তু ক্ষণে ক্ষণে, বিপলে বিপলে, উহাদের যে পরিবর্তন হইতেছে, তাহাতে সন্দেহ নাই। আমি বাল্যকালে একটি আত্রবৃক্ষ দেখিয়াছিলাম। এখনও সেটি দেখিতেছি। কিন্তু তাই বলিয়া সেটি যে অপরিবর্তনীয় ভাবে বর্তমান আছে, তাহা নহে। তাহার পত্র পল্লবাদি প্রতিবর্ষে নবীভূত হইয়াছে। পুরাতন পত্র পল্লবাদি ধ্বংসপ্রাপ্ত হইয়াছে। শাখা প্রশাখাদি কেহ ভগ্ন, কেহ শুষ্ক, কেহ বা স্থূলতর হইয়াছে। আমার বাল্যকালে উক্ত বৃক্ষটি যেরূপ ছিল, এখন সেরূপ নাই। অধিক কি, আমি মানব—গতকল্য যে আমি বর্তমান ছিলাম, আজ আর সে আমি নাই। আমার শরীরের উপাদান কতক মূত্র-পূরীষাদির আকারে পরিত্যক্ত হইয়াছে, কতক রক্ত মাংসাদি আকারে নূতন সংযোজিত হইয়াছে। সূর্য জগদীশ, তাঁহার উদ্ভাবিত যন্ত্রাদির সাহায্যে উদ্ভিদাদির ক্ষণিক বৃদ্ধি ও কয় প্রত্যক্ষের গোচরীভূত করিয়াছেন। নিয়ম সর্বত্র এক—উদ্ভিদ জগতে যাহা, প্রাণী ও মানব জগতেও তাহাই। এমন কি, স্থাবর জগতেও উহার ব্যভিচার নাই।

বাহু জগতে পরিবর্তন যেরূপ অপ্রতিহত গতিতে প্রবাহিত, আন্তরিক ব্যাপার সম্বন্ধেও তাই। আমাদের মন একক্ষণও স্থির নহে, সর্বদা চঞ্চল। নানা প্রকার ছবি মনে উদয় হইতেছে ও লয় পাইতেছে; এবং উহার দ্বারা আমাদের বাসনা, সংস্কার, বৃত্তি প্রভৃতি ক্ষণে ক্ষণে নূতন নূতন উৎপন্ন, পরিবর্তিত এবং বিনষ্ট হইতেছে। সুতরাং পরিবর্তনই সংসার, অস্থিরতাই ইহার স্বভাব। স্থূল দৃষ্টিতে উদ্ভিদাদি যেমন প্রত্যক্ষতঃ বীজ হইতে জন্মে, তৎপরে ক্রমশঃ বৃদ্ধি, নূতন নূতন বীজোৎপাদন, পরে ধ্বংস এবং উক্ত উৎপন্ন বীজাদি হইতে নূতন নূতন উদ্ভিদের উৎপত্তি, বৃদ্ধি ইত্যাদি নয়নগোচর হয়; মানবের ও অগ্নাত

প্রাণীর জন্ম, বৃদ্ধি, সন্তানোৎপাদন, ক্ষয়, মৃত্যু এবং সন্তানের দ্বারা বংশ-শ্রোত প্রবহমান থাকা সেইরূপ প্রত্যক্ষগোচর ব্যাপার। ইহা ভিন্ন দুঃখ, তাপ, ক্লেশ ইত্যাদি অনুভবের ব্যাপারও প্রাণী-জগতে প্রত্যক্ষতঃ দৃষ্ট হইয়া থাকে। সহজ বুদ্ধিতে মনে এই সমুদায়ের উৎপত্তির হেতু অনুসন্ধানের আকাঙ্ক্ষা উদয় হয়।

স্বল্পদর্শী চিন্তাশীল ব্যক্তিগণ এই হেতু অনুসন্ধানই জীবনের একমাত্র কর্তব্য মনে করেন। ভগবান বুদ্ধদেব এই হেতু অনুসন্ধান করিবার জন্ম, রাজ্যভোগ পরিত্যাগ করিয়া, নবীন যৌবনে সন্ন্যাস গ্রহণ করতঃ, বহু চিন্তা ও তপস্যার পর সম্যক জ্ঞান লাভ করিয়া, এই দুঃখ, তাপ, ক্লেশাদির আত্যস্তিক বিনাশের উপায়, তাঁহার শিষ্যদিগের মধ্যে প্রচার করেন। তাঁহার শিষ্যগণ নিজ নিজ অধিকার অনুসারে তাঁহার মতের আংশিক গ্রহণ করিয়া সম্প্রদায় সৃষ্টি করিয়াছিলেন, ইহা পূর্বেই উক্ত হইয়াছে। ইহার মধ্যে বৈভাষিকগণ বস্তু—তত্ত্ববাদী—বাহু প্রপঞ্চের উপর তাঁহাদিগের দৃষ্টি, তাঁহারা বাহু জগৎকে অসৎ বলেন না। সৌত্রাস্তিকগণ সোপানের এক ধাপ উপরে; তাঁহারা বাহু পদার্থের অস্তিত্ব অস্বীকার করেন না,—বুদ্ধি বিজ্ঞানের সাহায্যে অনুমেয় বলিয়া বিশ্বাস করেন, তবে বুদ্ধি বিজ্ঞান উৎপাদনের জন্ম বাহু পদার্থের প্রয়োজনীয়তাও স্বীকার করেন। যোগাচারগণ বাহু পদার্থের অস্তিত্ব স্বীকার করেন না। তাঁহারা সোপানের উপরিতন ধাপে অবস্থিত। তাঁহারা বলেন যে, বুদ্ধি-বিজ্ঞানই একবার জেগাকার এবং তৎপরেই জ্ঞাতারূপ ধারণ করিয়া জ্ঞেয়ের উপলব্ধি করেন। মাধ্যমিকগণ সোপানের সর্বোচ্চ ধাপে অবস্থিত। তাঁহারা বলেন যে, বাহু পদার্থ বা আন্তর পদার্থ অর্থাৎ বুদ্ধি-বিজ্ঞানও বর্তমান নাই। শূন্যই একমাত্র তত্ত্ব।

নাগার্জুন মাধ্যমিক সম্প্রদায়ের নেতা। তাঁহার প্রণীত মাধ্যমিক—সূত্র, উক্ত সম্প্রদায়ের সমধিক আদরের গ্রন্থ। তিনি বুদ্ধদেবের পরিনির্কারণের প্রায় ৪০০ বৎসর পরে প্রাদুর্ভূত হইলেন। তিনি দক্ষিণাত্য ব্রাহ্মণ ছিলেন, এবং প্রগাঢ় ধীশক্তি-সম্পন্ন দার্শনিক পণ্ডিত ছিলেন। অস্বদেশীয় গাঢ় চিন্তাশীল দার্শনিকগণের মধ্যে তিনি অন্যতম। বৌদ্ধধর্ম গ্রহণ করিয়া, তিনি তাঁহার বিখ্যাত গ্রন্থ “মাধ্যমিক-সূত্র” প্রণয়ন করেন। এই গ্রন্থে তিনি ন্যায়-শাস্ত্রানুযায়ী কঠোর বিচারে জাগতিক বাহু ও আন্তর পদার্থনিচয়ের ফণিকত্ব ও অবস্বত্ব প্রতিপাদন করিয়া, “শূন্য-বাদ” দৃঢ় ভিত্তির উপর প্রতিষ্ঠিত করেন। কোনও কোনও মাধ্যমিকগণের মতে শূন্য, “অভাব” পদার্থ। কিন্তু নাগার্জুনের মতে উহা “ভাব” পদার্থ এবং উহা একমাত্র পরমার্থ সত্য। বাহু দৃশ্য প্রপঞ্চ, ব্যবহারিক ভাবে

সত্যবৎ প্রতীয়মান হইলেও, উহাদের সত্যতা আপেক্ষিক মাত্র, পারমার্থিক নহে। যাহা আপেক্ষিক সত্য, তাহা অসত্যই বটে। নিরপেক্ষ সত্য জগতে বর্তমান নাই। মানবের জ্ঞান ও বিচার অতি অল্প সীমার মধ্যে নিবদ্ধ। ইহার ফল—“সম্ভূতি”,—ইহা স্বভাবতঃ “আবরিকা”—পরমার্থতত্ত্বকে আবৃত করিয়া অপারমার্থ দৃশ্যরূপে প্রকটিত করে। জাগতিক বাহ্য ও আন্তর সমুদায় পদার্থই—অর্থাৎ ভূত, ভৌতিক, চিত্ত ও চৈতন্য সমুদায়—কণিক ও মিথ্যা, এই জ্ঞান হইলে, তবে ব্যাবহারিক ভাবে সত্যবৎ অবভাসমান পদার্থ নিচয়ের পশ্চাতে কোনও তত্ত্ব আছে কিনা, তাহা অনুসন্ধানের আকাজক্ষা আসে, এবং তাহা হইলেই ক্রমশঃ বিশ্বাস উৎপন্ন হয়। এই বিশ্বাস অন্ধ বিশ্বাস নহে, ইহা জ্ঞানালোকে উদ্ভাসিত বিশ্বাস, এই বিশ্বাস হইলে শূন্যতত্ত্ব প্রকাশিত হয়, স্বতঃ উদ্ভাসিত হয়। মানবের শ্রী বা তর্কশাস্ত্র দ্বারা ইহা অনুমান করা যায় না, ভাষার দ্বারা ইহা প্রকাশ করা যায় না, ইন্দ্রিয় দ্বারা ইহা অধিগত হয় না। ভাষা, যুক্তি, তর্ক সমুদায় প্রপঞ্চের ভিতরের বস্তু। প্রপঞ্চও আবার দেশ কাল ও বস্তু পরিচ্ছেদের দ্বারা পরিচ্ছিন্ন। কিন্তু ‘শূন্যতত্ত্ব’ দেশ, কাল ও বস্তু পরিচ্ছেদের বাহিরে—স্বতরাং প্রপঞ্চের বাহিরের বস্তু। অতএব প্রপঞ্চাস্তর্গত যুক্তি, তর্ক, বিচার প্রভৃতি দ্বারা ‘শূন্যতত্ত্ব’ উপলব্ধির প্রচেষ্টা বৃথা। “শূন্য” পদ দুই অর্থে ব্যবহৃত হয়—(১) প্রপঞ্চ সম্বন্ধে ‘শূন্যতা’,—দৃশ্য প্রপঞ্চের পরিবর্তনীয়তা ও নশ্বরতা বুঝায়—(২) প্রপঞ্চের বাহিরে উহার অর্থ পরমার্থ সত্য। উহা মূল কারণ, বাক্যমনের অগোচর, অজ্ঞ, অনন্ত, উহার কোনও উৎপাদক কারণ নাই। অস্তি, নাস্তি, বিদ্যমানতা, অবিদ্যমানতা—দেশ, কাল দ্বারা পরিচ্ছিন্ন, প্রপঞ্চ জগতের পদার্থে প্রযোজ্য। যাহা প্রপঞ্চের বাহিরে তাহাতে অস্তি, নাস্তি, অস্তি-নাস্তি এতদুভয় বা অনুভয়, প্রযোজ্য হইতে পারে না। অতএব, শূন্য সম্বন্ধে উহাদের কোনটিই প্রযোজ্য নহে। ভাষার দ্বারা “শূন্যতত্ত্ব” প্রকাশ করা যায় না, পূর্বে বলা হইয়াছে। তবে “শূন্য” নামে উহাকে আখ্যায়িত করা হয় কেন? তাহার কারণ—ইহার প্রজ্ঞপ্তির জন্ম, অর্থাৎ ইহা অজ্ঞান সমুদায় হইতে ভিন্ন, পৃথক্ জাতীয় পদার্থ, তাহা বৃঝাইবার জন্ম।

শূন্যমিতি ন বক্তব্যমশূন্যমিতি বা ভবেৎ ।

উভয়ম্নোভয়ক্ষেতি প্রজ্ঞপ্ত্যর্থন্তু কথ্যতে ॥

—অর্থাৎ প্রকৃতপক্ষে পরমার্থ তত্ত্বকে শূন্য, অশূন্য, শূন্যশূন্য অথবা অশূন্যশূন্য বলা যায় না। তবে প্রজ্ঞপ্তির জন্ম “শূন্য” বলা হয় মাত্র।

ইহারই প্রতিধ্বনি আমরা শ্রীমদ্ভাগবতের ২।২।৪০ শ্লোকে পাইতেছি।
ইহা ২।২।৩২ সূত্রের আলোচনায় উদ্ধৃত হইয়াছে।

স্বতঃসিদ্ধ বিদ্যমানতা না থাকায়, কোন বস্তুকে “শূন্য” বা “অবস্তু” বলা এক কথা, আর সেইজন্য তাহাকে “শূন্য” বা “অভাব” বলা সম্পূর্ণ ভিন্ন প্রকারের কথা। নাগার্জুনের মতে প্রপঞ্চ জগতের আস্তর ও বাহ্য পদার্থনিচয়ের স্বতঃসিদ্ধ বিদ্যমানতা না থাকায়, উহার “শূন্য” কিন্তু তা বলিয়া উহার অভাবাত্মক নহে। জাগতিক বাহ্য—আস্তর পদার্থ-ধর্ম উক্ত শূন্যের উপর প্রতিষ্ঠিত। অবিদ্যা অর্থাৎ সম্যক জ্ঞানের অভাব, আপেক্ষিকতার মূল হেতু। অবিদ্যা নষ্ট হইলে, আপেক্ষিকতার মূল হেতু নষ্ট হইল। তাহা হইলে বাহ্য ও আস্তর জগতের কার্য-কারণ-শৃঙ্খল গরম্পরার যে বাস্তবিক সত্তা নাই, উহা মনোবিলাস মাত্র, ইহা বুঝা যায়, এবং বুঝা যাইলেই, পরমার্থতত্ত্ব বা শূন্যতত্ত্ব স্বতঃ উদ্ভাসিত হয়। “নেতি নেতি” বলিয়া সকলই অস্তিত্বহীন বলিলে, উহাদিগের সকল হইতে পৃথক্ যে একটি কিছুর অস্তিত্ব আছে, ইহার গূঢ় ইঙ্গিত উপলব্ধি হয়। সেই “কিছুই” পরমার্থ সত্য—শূন্যতত্ত্ব। “শূন্যতত্ত্বের” মূল অনুসন্ধান করিতে গেলে, আমরা ঋগ্বেদের “নাসদীয়” সূক্তে উহা দেখিতে পাই। উক্ত সূক্তে সৃষ্টির পূর্বাবস্থা বর্ণিত আছে। কবিতার মাধুর্যো, বর্ণনার অসাধারণ শক্তিতে, ভাষার গাভীর্যো এবং তত্ত্বের গভীরতায়, ইহার সমকক্ষ পৃথিবীর অন্য কোনও ভাষায় আছে কিনা, সে বিষয়ে সন্দেহ। সূক্তটির অগ্নাংশ মাত্র উদ্ধৃত হইল :—

নাসদাসীন্নো সদাসীত্তদানীং নাসীজ্জো নো ব্যোমঃ পরা যৎ ।

কিমাবরীবঃ কুহকশ্চ শর্ম্মন্নভঃ কিমাসীদ্গহনং গভীরম্ ॥ ৮।৭।১৭।১

ন মৃত্যুরাসীদমৃতং ন তর্হি ন রাত্র্যা অহুঃ আসীৎ প্রকেতঃ ।

অানীদবাতং স্বধয়া তদেকং তস্মাদ্ভ্রাত্তন্ন পরঃ কিঞ্চনাস ॥ ৮।৭।১৭।২

তম আসীত্তমসা গৃহ্লমগ্রেহ প্রকেতং সলিলং সর্ব্বমা ইদম্ ।

তুচ্ছেনাভু পিহিতং যদাসীত্তপস স্তস্মহিনা জায়তৈকম্ ॥ ৮।৭।১৭।৩

রমেশচন্দ্র দত্ত মহাশয়ের অনুবাদ দেওয়া গেল :—

—তৎকালে যাহা নাই, তাহাও ছিল না ; যাহা আছে, তাহাও ছিল না ;
পৃথিবীও ছিল না ; অতি দূর বিস্তার আকাশও ছিল না। আবরণ করে এমন
কি ছিল ? কোথায় কাহার স্থান ছিল ? দুর্গম ও গভীর জল কি তখন
ছিল ? ৮।৭।১৭।১

—তখন মৃত্যু ছিল না, অমরত্বও ছিল না, রাত্রি ও দিনের প্রভেদ ছিল না। কেবল সেই একমাত্র বস্তু, বায়ুর সহকারিতা ব্যতিরেকে, আত্মা মাত্র অবলম্বনে, নিশ্বাস-প্রশ্বাস যুক্ত হইয়া জীবিত ছিলেন, তিনি ব্যতীত আর কিছুই ছিল না। ৮৭।১৭।২

—সর্বপ্রথমে অন্ধকারের দ্বারা অন্ধকার আবৃত ছিল। সমস্তই চিহ্নবর্জিত ও চতুর্দিকে জলময় ছিল। অবিদ্যমান বস্তু দ্বারা সেই সর্বব্যাপী আচ্ছন্ন ছিলেন। তপস্যার প্রভাবে সেই এক বস্তু জন্মিলেন। ৮৭।১৭।৩

[দত্ত মহাশয় “তুচ্ছেন” পদের “অবিদ্যমান বস্তু দ্বারা” অর্থ করিয়াছেন। তিনি এই অর্থ, বৌদ্ধ দর্শনে “তুচ্ছ” পদ যে অর্থে ব্যবহৃত হয়, তাহাই গ্রহণ করিয়াছেন। সায়নাচার্য্য “তুচ্ছেন” পদের “সদসদ্বিলক্ষণেন ভাবরূপেণাজ্ঞানেন”—“সৎ, অসৎ হইতে বিলক্ষণ ভাবরূপ অজ্ঞান দ্বারা”—অর্থ করিয়াছেন। শেষোক্ত অর্থটিই সঙ্গত। সায়নাচার্য্য “তপসঃ” পদের অর্থ, “স্রষ্টব্য পর্য্যালোচনারূপস্র”—“সৃষ্টি করা উচিত, এই প্রকার পর্য্যালোচনা রূপ”—করিয়াছেন। ছান্দোগ্য উপনিষদের “স ঐক্যত” মন্ত্রে “ঐক্যত” পদেরও এই অর্থ—দেখ, ১।১।৫ সূত্রের আলোচনা।]

ইয়ং বিসৃষ্টির্ষন্ত আবভূব যদি বা দধে যদি বা ন।

যো অশ্রাধ্যক্ষঃ পরমে ব্যোমনৎসো অন্ধ বেদ যদি না ন বেদ ॥

৮৭।১৭।৭

—এই নানা সৃষ্টি যে কোথা হইতে হইল, কাহা হইতে হইল? কেহ সৃষ্টি করিয়াছেন বা করেন নাই? তাহা তিনিই জানেন, যিনি ইহার প্রভু, স্বরূপ পরমধামে আছেন। অথবা তিনিও না জানিতে পারেন। ৮৭।১৭।৭

আচার্য্য মোক্ষমূলর-কৃত ইহার ইংরাজি অনুবাদও বড়ই মনোরম, ইহাও উদ্ধৃত হইল।

There was neither what is, nor, what is not, there was no sky, nor the heaven which is beyond. What covered? Where was it & in whose shelter? Was the water the deep abyss (in which it lay)? ৮৭।১৭।১

There was no death, hence was there nothing immortal. There was no light (distinction) between night and day. That One breathed by itself without breath, other than it there has been nothing. ৮৭।১৭।২

Darkness there was, in the begining all this was a sea without light; the germ that lay covered by the husk, that One was born by the power of heat (tapas). ৮।৭।১৭।৩

He from whom this creation arose, whether he made it or did not make it, the highest Seer in the highest heaven, he forsooth knows, or does even he not know? ৮।৭।১৭।৭

[এখানে লক্ষ্য করা প্রয়োজন যে, মোক্ষমূলরের গ্রায় সংস্কৃতজ্ঞ পণ্ডিত 'তপস্' শব্দের অর্থ Heat (তাপ) করিয়াছেন। ইহার সায়ন কৃত অর্থ পূর্বে উল্লিখিত হইয়াছে। বিশেষতঃ মুণ্ডক শ্রুতির ১।১।১ মন্ত্রে 'তপঃ' শব্দের অর্থ স্পষ্টই লিখিত আছে। "যঃ সর্বজ্ঞঃ সর্ববিদ্ যশ্চ জ্ঞানময়ং তপঃ"। মুণ্ডঃ ১।১।২। যিনি সর্বজ্ঞ, সর্ববিৎ এবং যাহার তপশ্চা জ্ঞানময়। সুতরাং "তপসঃ" শব্দের অর্থ তাপ হইতেই পারে না। উহার অর্থ "আলোচনা"]

নাসদীয় সূত্র আলোচনায় স্পষ্ট প্রতীতি হইবে যে, সৃষ্টির পশ্চাতে, যে পরমার্থ সত্য বর্তমান আছেন, তাঁহাকে সং বা অসং বলিয়া বর্ণনা করা যায় না। সেই পরমার্থ সত্যই মূল কারণ। তিনি দেশ, কাল, পৃথিবী, আকাশ প্রভৃতি প্রপঞ্চের অতীত। তিনি নিজে নিজের আশ্রয়। বায়ু বিদ্যমান না থাকিলেও তিনি জীবিত বা চেতন ভাবে বিদ্যমান ছিলেন, এবং তিনি সর্বব্যাপী, সৃষ্টি বিষয়ক আলোচনা উপলক্ষ্যে তিনি জন্মিলেন। এই সূত্রের সহিত উপরে লিখিত নাগার্জুনের শূন্যত্ব মিলাইলে আশ্চর্য্য মিল দৃষ্টিগোচর হইবে। প্রকৃতপক্ষে নাগার্জুনের উপনিষদের দৃঢ় ভিত্তির উপর তাঁহার শূন্যবাদ প্রতিষ্ঠিত করিয়াছেন। বৌদ্ধধর্ম গ্রহণের পূর্বে বেদ ও উপনিষদে গভীর জ্ঞান তাঁহার বর্তমান ছিল। তিনি সেই জ্ঞানের সাহায্যে বুদ্ধদেবের উপদিষ্ট শূন্যবাদ দার্শনিক ভিত্তির উপর সংস্থাপিত করেন।

এখন স্পষ্ট প্রতীয়মান হইবে যে, নাগার্জুনের উপরে উদ্ধৃত মতবাদে "শূন্য" শব্দের স্থানে "ব্রহ্ম" শব্দ বসাইলেই শ্রীমদ্ শঙ্করাচার্য্যের "অদ্বৈতবাদ" প্রতিষ্ঠিত হইয়া পড়ে। ফলতঃ উভয়ের পার্থক্য বড়ই অল্প। এই জন্য শঙ্করাচার্য্যের মতকে "প্রচ্ছন্ন বৌদ্ধ মত" বলিয়া এতদেশীয় সনাতনপন্থিগণ আখ্যায়িত করেন।

মহোপনিষদে ব্রহ্মত্ব উপদেশ উপলক্ষ্যে উক্ত হইয়াছে :—

ন শূন্যং নাপি চাকারো ন দৃশ্যং নাপি দর্শনম্।

মহোপনিষৎ ২।৬৬

ন সর্গাসন্ন নদসন্নভাবো ভাবনং ন চ। মহোপনিষৎ ২।৬৭

—তিনি, শূন্য নন, আকার নন, দৃশ্য নন, দর্শনও নন । মহোঃ ২।৬৬

—তিনি সৎ নন, অসৎ নন, সদসৎও নন, ভাব নন, ভাবনও নন ।

মহোঃ ২।৬৭

শূন্যং তৎপ্রকৃতির্মায়া ব্রহ্মবিজ্ঞানমিত্যপি ।

শিবঃ পুরুষঃ ঈশানো নিত্যমায়েতি কথ্যতে ॥

মহোপনিষৎ ৬।৬১

—শূন্য, ব্রহ্ম, বিজ্ঞান, শিব, পুরুষ, ঈশান (সর্বনিয়ন্তা), নিত্য, আত্মা ইত্যাদি নামে পরমতত্ত্বকে কহা যায় ; মায়া তাঁহার প্রকৃতি ।

মহোঃ ৬।৬১

ইহার পরিণতি নিম্নোক্তত শ্লোকাদি দেখিতে পাই ।

শূন্যন্তু সচ্চিদানন্দং নিঃশব্দং ব্রহ্মশব্দিতম্ ॥ (প্রাণতোষণী তন্ত্র)

• —শূন্যই শব্দ দ্বারা অপ্রকাশ্য ব্রহ্মই, উহাই সচ্চিদানন্দ ।

অতএব, বৌদ্ধের “শূন্য” অভাবপদার্থ নহে । উহাই পরম সত্য, উহাই উপনিষদের পরমার্থ সত্য সচ্চিদানন্দ স্বরূপ ব্রহ্ম । ফলতঃ, নাগাজ্জুনের “শূন্যবাদ” উপনিষদের দৃঢ় ভিত্তির উপর প্রতিষ্ঠিত । ভাষ্যকারগণ ২।২।৩২ সূত্রের ভাষ্যে শূন্যবাদের যে অর্থ করিয়াছেন, তাহা প্রচলিত অর্থ । বিশেষতঃ ইহা সুস্পষ্ট যে, শূন্য—ভাব-পদার্থ বলিয়া স্বীকার করিলে, উহার শূন্য নাম কেবল নাম মাত্র । কার্যতঃ উহা উপনিষদের ব্রহ্মই । বুদ্ধদেব তাঁহার উপদেশে উহার ইঙ্গিত মাত্র করিয়াছিলেন, দাক্ষাৎ সম্বন্ধে বলেন নাই । নাগাজ্জুঁন পরিষ্কার ভাবে উহা ভাব-পদার্থ ও পরম সত্য পদার্থ বলিয়া প্রকাশ করায়, বেদান্তের অদ্বৈত, নিশ্চয়, নিরাকার, নির্বিকার, শুদ্ধ, বুদ্ধ, মুক্ত ব্রহ্মবাদের সহিত উহার আত্যন্তিক বিরোধ নাই । যদি এই মত বৌদ্ধগণ সর্বতোভাবে গ্রহণ করিতেন, তাহা হইলে বৌদ্ধধর্মের নৈতিক অবনতি সংঘটিত হইত না, ও শঙ্করাচার্যের দ্বারা উক্ত ধর্মের ভারত হইতে বিতাড়ন প্রয়োজন হইত না, বলিয়া মনে হয় ।

এখন শূন্যবাদটি অল্প প্রকারে সহজে বুঝিবার চেষ্টা করা যাউক, এবং উহার সহিত ভাগবত মতের এবং সে হেতু বেদান্ত মতের সামঞ্জস্য হইতে পারে কি না, দেখা যাউক । উপরে উল্লিখিত হইয়াছে যে, জগৎ প্রপঞ্চে সকলই পরিবর্তনশীল । একটি পরিবর্তনশীল জ্যামিতিক রেখা কল্পনা কর । উহার একমাত্র পরিমাণ দৈর্ঘ্য । এই দৈর্ঘ্যের পরিবর্তন, অর্থাৎ হ্রাস-বৃদ্ধি হইতে পারে ইহা সহজেই বুঝা যায় যে, হ্রাসের সীমা শূন্যে, এবং বৃদ্ধির সীমা

অনন্ত দেশে। এই রেখাটিকে ক্রমশঃ কমাইয়া যখন কমানোর শেষ সীমায় পৌঁছিব, তখন উহা একটি বিন্দুতে পরিণত হইবে। জ্যামিতির সংজ্ঞাসারে—বিন্দুর অবস্থান আছে, পরিমাণ নাই, অর্থাৎ, ইহা ভাবপদার্থ, কিন্তু পরিমাণ শূন্য হওয়ায় কোনও প্রকারে ইন্দ্রিয়গ্রাহ্য নহে। অতএব, বুঝিলাম যে, রেখাটি হ্রাসের চরম সীমায় বিন্দুতে বা শূন্যে, ভাবরূপে বর্তমান থাকিবে।

এবার, রেখার বদলে একটি সমতল গ্রহণ কর। উহার পরিমাণ দুইটি— দৈর্ঘ্য ও বিস্তার। উভয়ই শূন্য ও অনন্তের মধ্যে পরিবর্তনশীল। উহার দৈর্ঘ্য ও বিস্তার উভয়ই ক্রমশঃ হ্রাস করিয়া করিয়া যখন শূন্যে পরিণত হইবে, তখন সমতলটি ছোট হইতে হইতে ক্রমশঃ চরমে বিন্দুতে বা শূন্যে, ভাবরূপে বিরাজ করিবে। তারপর, দৈর্ঘ্য, বিস্তার ও বেধবিশিষ্ট তিন পরিমাণের একটি পদার্থ গ্রহণ কর। উহারও পরিমাণত্রয় পরিবর্তনশীল—এক সীমায় শূন্য, অন্য সীমায় অনন্ত। উহারও তিন পরিমাণই ক্রমশঃ কমাইয়া যখন শূন্যে পরিণত করা যাইবে, তখন উক্ত পদার্থটি ছোট হইয়া ক্রমশঃ বিন্দুতে বা শূন্যে, ভাবরূপে বিরাজ করিবে। এইরূপে চতুঃ, পঞ্চ, ষট্, সপ্ত প্রভৃতি, এমনকি অনন্ত পরিমাণের পদার্থ গ্রহণ করিয়া, তাহাদের নিজ নিজ পরিমাণ সকল কমাইয়া শূন্যে পরিণত করিলে, উক্ত পদার্থ সকল ক্রমশঃ ছোট হইয়া, চরমে বিন্দুতে বা শূন্যে, ভাবরূপে বিরাজ করিবে। ভাবরূপে বিরাজ করিবে, বলিতেছি কেন, কারণ বিন্দুতে পরিণত হইবার পূর্বকালে, উক্ত পদার্থ, যতই ছোট হউক না কেন, বর্তমান ছিল, সুতরাং বিন্দুতে পরিণত হইলেই যে উহা বিদ্যমান থাকিবে না, তাহা নহে। উহা থাকিবে, এ কারণ উহা ভাব পদার্থ।

বলা বাহুল্য যে, এক, দুই ও তিন পরিমাণবিশিষ্ট পদার্থই আমাদের ইন্দ্রিয়ের বিষয়ীভূত। তদপেক্ষা অধিক পরিমাণের পদার্থ সকল আমাদের ইন্দ্রিয়গোচর নহে। কিন্তু তাহা বলিয়া উহার। যে নাই, তাহা নহে। উচ্চ গণিতের সাহায্যে আমরা উহাদের গাণিতিক আকার প্রকার আলোচনা করিতে পারি এবং উহারা চিত্ত, চৈতন্য, সপ্তকে প্রযোজ্য হইতে পারে, এরূপ অনুমান অর্যোক্তিক নহে। ইহা হইতে আমরা পাইলাম যে, বিন্দুতে বা শূন্যে, জাগতিক প্রপঞ্চের দৃশ্য-অদৃশ্য, ইন্দ্রিয়ের গোচর-অগোচর সমুদায় ভাব, শক্তি বা বীজরূপে অব্যক্ত ভাবে নিহিত বা সঞ্চিত। এবং তাহা হইতে ব্যক্ত ভাবে প্রকট হওয়া সম্পূর্ণ সম্ভব। এই তত্ত্ব আমরা ১।১।২ সূত্রের আলোচনায় বুঝিয়াছি।

অতএব, আমরা বুঝিতে পারিলাম যে, বিন্দু বা শূন্য ভাবপদার্থ— অস্তিত্ব পদার্থ নহে। এখন বিবেচনা করা যাউক, বিন্দু বলিলেই উহার

অবস্থান আছে, কিন্তু পরিমাণ নাই, এই প্রকার প্রতীতি হইয়া থাকে। অবস্থান, দেশ ও কাল সাপেক্ষ। এবং দেশ-কাল প্রপঞ্চের ভিতরের বস্তু। যেখানে দেশ, কালের এবং বস্তুর পরিচ্ছেদ নাই, সেখানে বিন্দু বা সূক্ষ্ম বা অনন্ত কিছুই বলা যায় না। কারণ, উক্ত সমুদায় শব্দই, দেশ, কাল ও বস্তুর সহিত ঘনিষ্ঠ সম্বন্ধে সম্বন্ধ। সুতরাং প্রপঞ্চের বাহিরে উক্ত দেশ, কাল ও বস্তুগত পরিচ্ছেদ-রহিত পদার্থের প্রতীতি ভাষার সাহায্যে করাইতে হইলে, তাহাকে শূণ্য বলা অথবা, এককালে ও একাধারে সূক্ষ্ম ও অনন্ত বলা ভিন্ন উপায় নাই। বৌদ্ধ এই তত্ত্বকে ‘শূণ্য’ বলিয়াছেন, বেদান্ত ইহাকে “কূটস্থ”, এবং উপনিষৎ “শূণ্য” ও বলিয়াছেন, এবং “অণোরণীয়ান্ মহতো মহীয়ান্” বলিয়াছেন। শূণ্যের দৃষ্টান্ত উপলক্ষে মহোপনিষদের মত উপরে উদ্ধৃত হইয়াছে। অশ্রু মন্ত্রটি খেতামতর উপনিষদের তৃতীয় অধ্যায়ের ২০ মন্ত্র। মুণ্ডক শ্রুতির ৩।১।৭ মন্ত্রও এই একই অর্থ প্রকাশ করে। মন্ত্রটি এই :—

বৃহচ্চ তদ্ব্যমচিন্ত্যরূপং সূক্ষ্মাচ্চ তৎ সূক্ষ্মতরং বিভাতি ।

দূরাৎ সুদূরে তদিহাস্তিকে চ পশ্যাৎস্বিহৈব নিহিতং গুহারাম্ ।

মুণ্ডঃ ৩।১।৭

—সেই ব্রহ্ম মহৎ (বৃহৎ), অলৌকিক, অচিন্ত্যরূপ, তিনি সূক্ষ্ম হইতেও সূক্ষ্মতর, এবং তিনি দূর হইতেও দূরবর্তী, অথচ সমীপেও প্রকাশ পান। বিশেষতঃ দর্শনক্রম চেতন পদার্থে, এই শরীরেই—গুহাতে—হৃদপদ্মে নিহিত আছেন। মুণ্ডঃ ৩।১।৭

শ্রীমদ্ভাগবত এই তত্ত্বই প্রকাশ করিয়াছেন :—

নমোহনন্তায় সূক্ষ্মায় কূটস্থায় বিপশ্চিত্তে । ভাগ : ১০।১।৬।৩৯

(১।১।৩ সূত্রের আলোচনায় ইহার সরলার্থ দেওয়া হইয়াছে। পৃ:—২৬২)

উপরে যাহা লিখিত হইয়াছে, তাহা হইতে আমরা বুঝিয়াছি যে, ভাবাত্মক তত্ত্বে বা ব্রহ্মে অনন্ত শক্তি নিহিত। ভাগবত নিয়োক্ত প্লোকটিকে ইহা প্রকাশ করিতেছেন।

জ্ঞান-বিজ্ঞান-নিধয়ে ব্রহ্মণেহনন্তশক্তয়ে । ভাগঃ ১০।১।৬।৩৬

(১।১।৩ সূত্রের আলোচনায় ইহার সরলার্থ দেওয়া হইয়াছে। পৃ: ২৬২)

তমক্ষরং ব্রহ্ম পরং পরেশমব্যক্তমাধ্যাত্মিক-যোগগম্যম্ ।
অতীন্দ্রিয়ং সূক্ষ্মমিবাতিদূরমনন্তমাণ্ডং পরিপূর্ণমীড়ে ॥

ভাগঃ ৮।৩।২১

—সেই পরেশ, অক্ষর, অব্যক্ত, পরম ব্রহ্ম, আধ্যাত্মিক যোগগম্য, অতীন্দ্রিয়, সূক্ষ্ম অর্থাৎ অতিদূরস্থ, অনন্ত, আদ্য ও পরিপূর্ণ স্বরূপ ; আমি তাঁহার স্তব করি । ভাগঃ ৮।৩।২১

এই সূত্রে উদ্ধৃত ভাগবতের ৯।৯।৪০ ও ২।১।১২ সূত্রে উদ্ধৃত ১০।৮।২৫ শ্লোক দ্রষ্টব্য । ইহা পূর্বে আলোচিত হইয়াছে । আর বিস্তারের প্রয়োজন নাই ।

স বৈ ন দেবাসুরমর্ত্যার্তির্ধ্যাঙ্ ন স্ত্রী ন ষণ্ডো ন পুমান্ জন্তুঃ ।

নায়ং গুণঃ কর্ম্ম ন সন্নচাসন্নিষেধশেষো জয়তাদশেষঃ ॥

ভাগঃ ৮।৩।২৪

—তিনি (সেই পরমতত্ত্ব) দেব নহেন, অসুর নহেন, মর্ত্য নহেন, তির্ধ্যাক্ (পশু পক্ষী) নহেন, স্ত্রী নহেন, পুরুষ নহেন, নপুংসক নহেন, এবং লিঙ্গত্রয় শূন্য প্রাণিমাাত্রও নহেন । অপরন্তু, তিনি গুণ নহেন, কর্ম্ম নহেন, সৎ নহেন, অসৎ নহেন, সকল পদার্থের নিষেধের অবধিত্বরূপে যাচা অবশিষ্ট থাকে, তাহাই তিনি । মায়া দ্বারা তিনি অশেষায়া হইয়া থাকেন । ভাগঃ ৮।৩।২৪

ব্রহ্ম সমুদায় নিষেধের পর্য্যবসান স্বরূপ । ভাবাত্মক শূন্যও তাহাই । একারণ মহোপনিষৎ শূন্য—ব্রহ্মের অপর একটি নাম বলিয়াছেন, ইহা আমরা বুঝিয়াছি ।

সূত্রকারের সূত্র আলোচনা করিবার পূর্বে জৈনমত কি, তাহা সংক্ষেপতঃ আলোচনা করিলে, সূত্রগুলির বিষয় ও বিচার বুঝিবার পক্ষে সহজ হইবে মনে, করিয়া, অতি সংক্ষেপে জৈনমত লিখিত হইল ।

বৌদ্ধমত নিরাকরণ করিয়া সূত্রকার “জৈনমত” আলোচনায় অগ্রসর হইতেছেন :—

জৈন মতের ভিত্তি অনুসন্ধান করিতে যাইতে হইলে, আমাদেরগকে উপনিষৎ, সাংখ্য ও বৈশেষিক দর্শনে পৌঁছিতে হয় । উপনিষদের অন্যান্তর-বাদ, এবং স্থাবর-জঙ্গম সর্ব পদার্থে আত্মার অবস্থান জৈনগণ স্বীকার করেন, এই স্বীকৃতির জন্য “অহিংসা” তাঁহাদের পরম ধর্ম্ম ; বাক্যে, কার্যে এবং মনেও কোনও প্রাণীর হিংসা না করাই, তাঁহাদের ধর্ম্মের বিশেষত্ব । একান্ত আশ্চর্য্য দেখিতে পাই যে, বর্ত্তমানে জৈনগণের মধ্যে অনেকে, পিপীলিকাদিগের

ভস্মগের জন্ম চিনি, ছড়াইয়া থাকেন, বিছানার ছারপোকাদের আহাৰ যোগাইবার জন্ম, অৰ্থ দিয়া লোক ভাড়া করিয়া, ছারপোকা সঙ্কুল বিছানায় শোয়াইয়া থাকেন। কেহ কেহ পথ চলিবার সময় পাছে কোনও প্রাণী পদদলিত হয়, এজন্য সম্মার্জনীর দ্বারা পথ ঝাঁটাইয়া, তবে পদক্ষেপ করেন। এই জন্মই তাঁহার বেদের কৰ্মকাণ্ডবিহিত পশুহিংসামূলক যজ্ঞাদির কৰ্তব্যতা স্বীকার করেন না; এবং এই জন্মই যজ্ঞ দ্বারা ষাঁহাদের সন্তোষ বিধান করিতে হয়, সেই দেবতাদেরও অস্তিত্ব, এবং সেই সঙ্গে সঙ্গে ঈশ্বরাস্তিত্ব বা এক অদ্বিতীয় সৰ্বকারণ-কারণ সৰ্বনিয়ন্তার সত্তা স্বীকার করেন না। এ প্রসঙ্গে তাঁহারা বেদ-বিরোধী, বেদের অপৌরুষেয়ত্ব, স্বতঃ প্রমাণত্ব তাঁহারা স্বীকার করেন না। তাঁহাদের মতে জিন বা **তীর্থঙ্করই** সৰ্বশ্রেষ্ঠ, এবং তাঁহাদের অবস্থা-প্রাপ্তিই পরম পুরুষার্থ। সাংখ্যের গ্রায় তাঁহারা 'বহু পুরুষবাদ' স্বীকার করেন, তবে তাঁহাদের পুরুষ বা জীব সাংখ্যোক্ত পুরুষের গ্রায় নিষ্ক্রিয়, সাক্ষী, দ্রষ্টা মাত্র নহে, উহা কৰ্তা, ভোক্তা ও জ্ঞানী। সাংখ্যের পুরুষ ও প্রকৃতি পরস্পর ভিন্ন, কিন্তু জৈন মতে জগৎ বা দ্রব্যই,—জীব ও অজীব ভেদে দ্বিবিধ। সুতরাং জীব, সাংখ্যোক্ত পুরুষের গ্রায় জগতের উপাদান কারণ প্রকৃতি হইতে, অত্যন্ত ভিন্ন নহেন। জৈন, বৈশেষিকের গ্রায়, পরমাণুর অস্তিত্ব, নিত্যত্ব, অবিভাজ্যত্ব স্বীকার করেন। তবে বৈশেষিক—ক্ষিত্তি, অপ, তেজঃ ও বায়ুর ভিন্ন ভিন্ন গুণবিশিষ্ট পরমাণু স্বীকার করেন। জৈন, সমুদায় পরমাণু একই প্রকার, একমাত্র প্রদেশবিশিষ্ট, কিন্তু সাধারণ দৃষ্টিতে—স্থান ব্যাপকতাহীন (কায়হীন) স্বীকার করেন।

জৈনমতে ঋষভদেব—তাঁহাদের আদি জিন বা তীর্থঙ্কর। তিনি কত শতাব্দী পূর্বে যে প্রাতঃভূত হইয়াছিলেন, তাহা নিগীত হয় নাই। শ্রীমদ্ ভাগবতের মতে, স্বায়ম্ভুব মনুর পুত্র প্রিয়ব্রত ও উত্তানপাদ। প্রিয়ব্রতের পুত্র—অহিধ, তাঁহার পুত্র নাভি। নাভির ঔরসে তৎপত্নী মেকদেবীর (বা অন্ত নামে পরিচিতা, সুদেবীর) গর্ভে বিষ্ণুর অংশে ঋষভ দেবের জন্ম হয়। তাঁহার জ্যেষ্ঠ পুত্র ভারত; তাঁহারই নাম অনুসারে অস্মদেশের নাম "ভারতবর্ষ" হইয়াছে। পূর্বে ইহা নাম "অজনাভ" ছিল। ইহা বর্তমান কল্পের সায়ম্ভুব মন্বন্তরের কথা। সুতরাং কতকাল পূর্বে কল্পনা করা যাইতে পারে। ভাগবত বলেন যে, ঋষভদেব সত্রাট্ট ছিলেন। প্রজাপালনাদি রাজধর্ম প্রতিপালনের পর, তিনি অবধূত বেশ ধারণ পূর্বক, দিগম্বর হইয়া, অজগর, গো, মৃগ ও কাকতুল্য আচরণ করিতে করিতে দেশ পর্যাটন করিতে থাকেন, এবং পায়মহংসু ধর্ম শিক্ষা দেন। তাঁহার এ প্রকার আচরণ লোকশিকার জন্ম। পাশ্চাত্য পণ্ডিতগণ


বলেন যে, খ্রীঃ পূঃ প্রথম শতাব্দী পর্যন্তও, প্রথম তীর্থঙ্কর ঋষভদেবের উপাসনা জৈনগণের মধ্যে প্রচলিত ছিল। কতদিন পূর্বে উক্ত উপাসনা প্রথম প্রবর্তিত হইয়াছিল, তাহার নির্দেশ তাঁহারা দিতে পারেন না।

ঋষভদেব হইতে ২৩ জন তীর্থঙ্করের পর চতুর্বিংশতি তীর্থঙ্কর 'বর্দ্ধমান' জন্মগ্রহণ করেন। তাঁহার অপর নামঃ মহাবীর, জিন ও তীর্থঙ্কর। বুদ্ধদেবও ঐ সকল নামে অভিহিত হইতেন। তিনি খ্রীঃ পূঃ ৫২২ অব্দে জন্মগ্রহণ, এবং খ্রীঃ পূঃ ৫২৭ অব্দে দেহত্যাগ করেন। তাঁহার পূর্ববর্তী তীর্থঙ্করগণের মধ্যে ঋষভদেব বাদে, অজিতনাথ, অরিষ্টনেমি ও পার্শ্বনাথের নাম বিখ্যাত। ইহাদের মধ্যে ঋষভদেব, অজিতনাথ ও অরিষ্টনেমির নাম যজুর্বেদে উল্লিখিত আছে, ইহা আচার্য্য রাধাকৃষ্ণন তাঁহার ভারতীয় দর্শন গ্রন্থে লিখিয়াছেন। অরিষ্টনেমির নাম মহাভারতে ও পুরাণাদিতে দেখিতে পাওয়া যায়। মহাভারতে শান্তিপর্বে মোক্ষধর্ম পর্বাধ্যায়ে ২৮২ অধ্যায়ে অরিষ্টনেমির নাম ও তিনি সূর্য্যবংশীয় সগর রাজার সমসাময়িক বলিয়া উল্লেখ আছে। অরিষ্টনেমি ষাট্টিশততম ও পার্শ্বনাথ ত্রয়োবিংশততম তীর্থঙ্কর ছিলেন। পাশ্চাত্ত্য পণ্ডিতগণ বলেন যে, পার্শ্বনাথ খ্রীঃ পূঃ ৭৭৬ অব্দে দেহত্যাগ করেন। তাঁহার পর চতুর্বিংশততম তীর্থঙ্কর, বর্দ্ধমান। ইনি মগধের সামন্ত রাজবংশের ক্ষত্রিয় কাশ্যপ গোত্রজ রাজপুত্র। ইহার ভ্রাতার নাম নন্দিবর্দ্ধন ছিল। ইনি অবশ্যই মগধরাজ প্রচ্যোতবংশীয় নন্দিবর্দ্ধন বা শিশুনাগ বংশীয় নন্দিবর্দ্ধন হইতে ভিন্ন ব্যক্তি। তাঁহারা ইহার বহু পরে রাজত্ব করিয়াছিলেন। বর্দ্ধমান জৈনধর্ম বর্দ্ধমানের নামের সহিত ঘনিষ্ঠভাবে জড়িত। তিনি তাঁহার পূর্ববর্তী তীর্থঙ্করগণের প্রচারিত ধর্মই শিষ্ণুগণের মধ্যে প্রতিষ্ঠিত করেন। সুতরাং জৈনধর্ম যে অতি প্রাচীন কাল হইতে প্রচলিত, তাহা সহজেই বোধগম্য হইবে।

জৈনগণ শ্বেতাশ্বর ও দিগম্বর ভেদে দুই সম্প্রদায়ে বিভক্ত। পার্শ্বনাথের অমুচরগণ শ্বেতাশ্বর সম্প্রদায় ভুক্ত, এবং বর্দ্ধমান বা মহাবীরের অমুচরগণ দিগম্বর সম্প্রদায় ভুক্ত। খ্রীষ্টীয় প্রথম শতাব্দীর শেষভাগে পরস্পর বিরোধে এই সম্প্রদায় বিভাগ হয়। পূর্বে জৈনগণের লিখিত কোন ধর্ম পুস্তক ছিল না। খ্রীঃ পূঃ চতুর্থ শতাব্দীতে একটি সমিতি পাটলিপুত্র নগরে আহূত হয়; এবং সেখানে সমবেত জৈন মণ্ডলী, তীর্থঙ্করগণের উপদেশ সমূহ সংগ্রহ ও লিপিবদ্ধ করেন। তৎপরে খ্রীষ্টীয় ৫৫৪ অব্দে বল্লভীতে শেষ সমিতির অধিবেশনে উহা পুনরায় সংশোধিত, নিয়মবদ্ধ ও সম্ভবতঃ লিপিবদ্ধ হয়।

সহজে হৃদয়ঙ্গম করিবার জন্য জৈন-তত্ত্ব নিয়ে অঙ্কিত চিত্রাকারে প্রদত্ত হইল :—

জগৎ—দ্রব্য (নিরাকার)



*পুদগল—পুর্ + গল্ + অন্—পূর্ষাস্তি গলস্তি চ—যাহা সময়ে পূর্ণতা লাভ করিয়া—পরিশেষে গলিয়া যায়, বা পুঞ্জভাব ত্যাগ করে, অর্থাৎ উপচয় ও অপচয় যুক্ত—বিকারী। পরমাণু পুদগলের অন্তর্গত। ইহা অবিভাজ্য এবং সাধারণ দৃষ্টে কায়হীন হইলেও, সম্যক্ জ্ঞানপ্রাপ্ত তীর্থঙ্কর ইহার ‘কায়’ দেখিতে পান। স্থান ব্যাপিয়া অবস্থান করার নাম, ‘কায়’ অর্থাৎ স্থান ব্যাপকতা। যে সকল দ্রব্যের স্থান ব্যাপকতা আছে, তাহাদিগকে “অস্তিকায়” বলে। জৈন মতে “অস্তিকায়” দ্রব্য পাঁচ প্রকার :—(১) জীবাস্তিকায়, (২) ধর্মাস্তিকায়, (৩) অধর্মাস্তিকায়, (৪) আকাশাস্তিকায়, (৫) পুদগলাস্তিকায়।

ধর্ম, অধর্ম, আকাশ সর্বব্যাপী। কালও সর্বব্যাপী। ইহাদের মধ্যে আকাশ—স্থান বা দেশ দান করিয়া দ্রব্যের অবস্থান নির্দেশ করে। ধর্ম—ঐ স্থান বা দেশে দ্রব্যের গতি, বৃদ্ধি, হ্রাস, সংকোচ, বিকাশ সম্ভব করে। অধর্ম—ঐ স্থানমধ্যে দ্রব্যের স্থিতি সম্ভব করে। কাল—পরস্পর অসংহত

পরিবর্তন পরম্পরার সমষ্টিমাত্র নহে। ইহা অতীতের সহিত বর্তমানের এবং বর্তমানের সহিত ভবিষ্যতের সংযোগ সাধনের আশ্রয়।

পরমাণু—নিত্য, অমূর্ত্য, অন্বপাণ্ড, সমুদায় মূর্ত্যের মূল। উহা এক প্রকার। উহাদের এক প্রদেশ মাত্র আছে। উক্ত প্রদেশ সজাতীয় অপর পরমাণুর সহিত, এবং তাহা অপর তৃতীয় পরমাণুর সহিত, সংযুক্ত হইয়া, পরমাণু পুঞ্জ বা স্কন্ধ উৎপাদন করে, এবং উহা হইতে বায়ু, তেজঃ, জল, ক্ষিতি, শরীর, স্বর্গাদি লোক উৎপন্ন হয়। ইহারাই পুঙ্গল—ইহারাই কার্য্য, ভোগ্য ও জ্ঞানের বিষয়। আকাশ, ধর্ম্ম ও অধর্ম্ম—পরমাণু সংযোগের হেতু। লক্ষ্য করা প্রয়োজন যে, জৈন মতে ধর্ম্ম ও অধর্ম্ম, পুণ্য ও পাপের প্রতিশব্দরূপে ব্যবহৃত নহে। পুণ্য ও পাপ, এ মতে ধর্ম্ম ও অধর্ম্ম হইতে ভিন্ন।

জীব—চেতনা, জীবের স্বরূপ, দর্শন ও জ্ঞান চেতনার দুই প্রকার অভিব্যক্তি। জ্ঞান ভিন্ন জীব হইতে পারে না, কেননা, চেতনা যখন জীবের স্বরূপ, এবং জ্ঞান চেতনার অভিব্যক্তি, তখন, জ্ঞান বিরহিত জীব বলিলে, জীবের স্বরূপ বিচ্যুতি ঘটে, তাহা হইতে পারে না। সাধারণ জীবে দর্শনের পর জ্ঞান, কিন্তু নিকৃপাধি মুক্ত জীবের অর্থাৎ তীর্থঙ্কর গণের দর্শন ও জ্ঞান সমকালে হইয়া থাকে, এবং তাহাদের অনন্ত দর্শন, অনন্ত জ্ঞান; অতএব অনন্ত সুখ ও অনন্ত বীর্ধ্য। কিন্তু সোপাধি বা বদ্ধ জীব সংসারে পরিভ্রমণ করে। উহার দর্শন অল্প, জ্ঞানও অল্প এবং সেজন্য বীর্ধ্য ও সুখ ও অল্প। জীব—দেহ পরিমাণ সাবয়ব, বহু এবং লোকাকাশ জীবে পূর্ণ। যেমন একটি দীপ একটি ক্ষুদ্র পাত্রে বদ্ধ করিয়া রাখিলে উহা মাত্র ক্ষুদ্র পাত্রটিকে প্রকাশিত করে, আবার সেই দীপ একটি বৃহৎ ঘরে রাখিয়া দিলে সেই ঘরের সর্বত্র প্রকাশিত করে, সেইরূপ জীব বা আত্মা—দেহপরিমাণ বা মধ্যম পরিমাণ, এবং সংকোচ ও বিকাশশীল।

দর্শন—পাঁচ প্রকার, (১) বাঞ্ছনাগ্রহ, (২) অর্থাগ্রহ, (৩) ঐহ, (৪) অভয়, (৫) ধারণা। জৈন স্বীকার করেন যে, বুদ্ধিবিজ্ঞান ব্যতীত দৃশ্যমান বাহ্যবস্তুর বস্তুগত অস্তিত্ব আছে। এবং বাহ্য বস্তুসকল উপরোক্ত পঞ্চবিধ উপায়ে উপলব্ধির গোচর হইয়া উহাদের জ্ঞানোৎপাদন করে।

জ্ঞান—পাঁচ প্রকার, (১) মতি, (২) শ্রুতি, (৩) অবধি, (৪) মনঃ পর্যায়, (৫) কেবল। (১) মতিজ্ঞান—ইন্দ্রিয় ও মনের কার্য্যজনিত; শ্রুতি, প্রত্যভিজ্ঞা, অনুমান এবং তর্ক ইহার অন্তর্গত। (২) শ্রুতিজ্ঞান—শব্দ, নাম, চিহ্ন বা সংকেত দ্বারা লব্ধ জ্ঞান। লব্ধি বা সংস্ক, ভাবনা বা শ্রুতি, উপদেশ বা প্রতীতি,

এবং নয় বা লক্ষ্যস্থান ইহার অন্তর্গত। (৩) অবধি জ্ঞান—দেশ বা কালগত দূর হইতে প্রত্যক্ষ জ্ঞান—যেমন যোগ সাধনা দ্বারা যোগিগণের হয়। (৪) মনঃ পর্যায়—অন্য লোকের মনের চিন্তার জ্ঞান। কেবল—সমুদায় দ্রব্যের এবং তাহাদের অবস্থাগত সম্যক্ জ্ঞান। ইহাদের মধ্যে মতি ও শ্রুতি জ্ঞান পরোক্ষ। অবধি, মনঃ পর্যায় এবং কেবল জ্ঞান প্রত্যক্ষ। মতি, শ্রুতি ও অবধি জ্ঞানে ভ্রম থাকিতে পারে, কিন্তু শেষের দুই জ্ঞানে, অর্থাৎ, মনঃ পর্যায় এবং কেবল জ্ঞানে ভ্রম থাকিতে পারে না। মতি এবং শ্রুতি জ্ঞানে ভ্রম, সংশয় বা বিকল্প, এবং বিপর্যায় বা ভুল (অসত্য), এবং অবধি জ্ঞানে ভ্রম, অনধ্যবসায়-জনিত। সম্যক্ জ্ঞানে—সংশয়, বিমোহ, বিভ্রম নাই।

জ্ঞান আবার নিরপেক্ষ ও সাপেক্ষ ভেদে দুই প্রকার। নিরপেক্ষ জ্ঞানের নাম 'প্রমাণ' ও সাপেক্ষ জ্ঞানের নাম 'নয়'। 'প্রমাণ' দ্বারা বস্তুর ব্যাবহারিক সত্যতার এবং অস্তিত্বের উপলব্ধি হয়। 'নয়' দ্বারা ভিন্ন ভিন্ন লক্ষ্যস্থান হইতে দর্শন ভেদে, সেই সেই বস্তুই বিভিন্ন প্রকার উপলব্ধি হইয়া থাকে। যেমন অঙ্কের হস্তী-দর্শন। কেহ বলিল, হস্তী স্তম্ভের গায়; আর একজন বলিল, জালার গায়; তৃতীয় বলিল, সর্পাকার; চতুর্থ বলিল, কুলার মত। একই হস্তীর বিভিন্ন অঙ্গে হস্তার্পণ জনিত দর্শনে এই প্রকার বিভিন্ন উপলব্ধি। জৈনমতে এই 'নয়' সাত প্রকার—(১) নৈগম, (২) সংগ্রহ, (৩) ব্যবহার, (৪) ঋজুসূত্র, (৫) শাস্ত্র, (৬) সমাবিকল্প, (৭) এবস্তুত। ইহাদের নামোল্লেখ করিয়াই বিরত হওয়া গেল। সাধারণ জীবের বস্তুজ্ঞান, এই 'নয়' বা লক্ষ্যস্থানের উপর নির্ভর করে। অতএব সাধারণ জ্ঞান আপেক্ষিক সত্য মাত্র, এবং উহা "নয়"র উপর নির্ভর করে। এই "নয়" দ্বারা জৈনগণ বৈদাস্তিক ও সাংখ্যের সংকার্যবাদ ও বৈশেষিকের অসংকার্যবাদ—এই উভয়ের সমন্বয় সাধন করেন। তাহারা বলেন যে, একটি স্বর্ণবলয়—বস্তুস্থান হইতে দর্শন করিলে, উহা স্বর্ণই বটে, (সংকার্যবাদ)। আবার আকার বা পরিণামের স্থান হইতে দর্শন করিলে, উহা নূতন উৎপাদিত বটে (অসংকার্যবাদ)।

এই 'নয়' হইতেই জৈনগণের "শ্রাদ্ধবাদ" অথবা "সপ্তভঙ্গী শ্রাদ্ধের" উৎপত্তি। এই "শ্রাদ্ধ" পদার্থ বিষয়ে সাতটি নিয়ম "ভঙ্গ" করে বলিয়া ইহার নাম "সপ্তভঙ্গী" শ্রাদ্ধ। সাতটি নিয়ম এই :—পদার্থের (১) সত্ব (২) অসত্ব, (৩) সদসত্ব, (৪) সদসদ্বিলক্ষণত্ব, (৫) সত্বে থাকিয়া সদ্বিলক্ষণত্ব, (৬) অসত্বে থাকিয়া অসদ্বিলক্ষণত্ব এবং (৭) সত্বে ও অসত্বে থাকিয়া তদুভয় বিলক্ষণত্ব।

তঁাহারা বলেন যে, সত্ব অসত্ব, নিত্যত্ব, অনিত্যত্ব, ভিন্নত্ব, অভিন্নত্ব সমস্তই আপেক্ষিক, সূত্রসং অনৈকান্তিক। কোনও বস্তুকে, বিদ্যমানও বলা যায়, অবিদ্যমানও বলা যায়, নিত্যও বলা যায়, অনিত্যও বলা যায়, ভিন্নও বলা যায় এবং অল্প বস্তু হইতে অভিন্নও বলা যায়। এ কারণে তঁাহারা “সম্ভবতী” শ্রায়েণ অবতারণা করেন। তঁাহারা বলেন, প্রত্যেক বস্তুই (১) সম্ভবতঃ আছে (শ্রাদস্তি), (২) সম্ভবতঃ নাই (শ্রানাস্তি), (৩) সম্ভবতঃ আছেও বটে, নাইও বটে (শ্রাদস্তিনাস্তি), (৪) সম্ভবতঃ অনির্বাচ্য (শ্রাদব্যাক্তম্), (৫) সম্ভবতঃ আছেও বটে, অনির্বাচ্যও বটে (শ্রাদস্তিচান্যাক্তম্), (৬) সম্ভবতঃ নাইও বটে অনির্বাচ্যও বটে (শ্রানাস্তিচান্যাক্তম্), (৭) সম্ভবতঃ আছেও বটে, নাইও বটে, অব্যক্তও বটে (শ্রাদস্তিচনাস্তিচান্যাক্তম্)। যেমন একটি ঘট—পরমাণু রূপে ‘সৎ’, সূত্রসং (১) “ঘট আছে” বলা যায়; কিন্তু পরিণামশীল ও উপাদানকারণ যুক্তিকা হইতে অল্পকণ স্থায়ী ও যুক্তিকাতে পরিণতি বলিয়া “অসৎ” অর্থাৎ (২) “ঘট নাই”—ও বলা যায়। “ঘট”রূপে “নির্বাচ্য” হইলেও পরমাণুরূপে বা পরমাণুপুঞ্জরূপে বা পরমাণুর পরিণাম অবয়বীরূপে (৩) অনির্বাচ্য। আপাতদৃষ্টিতে উহা ‘পট’ বা অল্প পদার্থ হইতে (৪) ভিন্ন হইলেও, ঘটের অভিব্যক্তি যখন পরমাণু, এবং সমুদায় পদার্থের অভিব্যক্তি পরমাণু হইতে, এবং পরমাণু যখন এক, তখন উহা ‘পট’ বা অল্প পদার্থ হইতে (৫) অভিন্নও বটে। সূত্রসং কোনও পদার্থকে কোনও প্রকারে নিশ্চয়রূপে নির্দেশ করা যাইতে পারে না।

সমস্ত বস্তুই দ্রব্য এবং পর্যায়াত্মক। দ্রব্যাত্মক বলিয়া বস্তু মাত্রেরই সত্তা, একত্ব ও নিত্যত্ব আছে। পর্যায়াত্মক বলিয়া একত্বে অনেকত্ব, নিত্যত্বে অনিত্যত্ব এবং সত্বে অসত্ব বর্তমান। পর্যায়—দ্রব্যের অবস্থা বিশেষ। উহা দ্বারাই বস্তুগত ভেদের উৎপত্তি। উক্ত অবস্থা ভাব ও অভাব স্বরূপ—সহভাবী ও ক্রমভাবী ভাবে বিবিধ। যেমন—জলের বর্ণ—জল ও বর্ণ উভয়ই নিত্য, উভয়ে সহভাবী পর্যায়। কিন্তু ঘোলা জল বলিলে,—আগন্তুক কারণে জল ঘোলা হইয়া থাকে। এবং সহজেই ঐ আগন্তুক গুণ হইতে জল মুক্ত করা যায়; ইহা ক্রমভাবী পর্যায়।

উপরে যে চিত্রটি দেওয়া হইয়াছে, উহাতে দৃষ্ট হইবে যে, বিশ্বপ্রপঞ্চ প্রধানতঃ জীব ও অজীব ভেদে দুই ভাগে বিভক্ত; এবং (১) জীব, (২) ধম্ম, (৩) অধম্ম, (৪) কাল, (৫) আকাশ, (৬) পুদ্গল এই ছয় দ্রব্যের মধ্যে ‘জীব’ এবং ‘পুদ্গলই’ দুইটি প্রধান দ্রব্য; অল্প চারিটি উহাদের সহায়ক। ‘পুদ্গলের’ সহিত

জীবের যোগই সংসার। জীব এবং পুঙ্গল—সক্রিয় দ্রব্য। ধর্ম এবং অধর্ম—সক্রিয়-নিষ্ক্রিয় দ্রব্য—উদাসীন। কর্মই জীবের সহিত অজীবের যোগ উৎপাদন করে। জীবের ভোগ্য বিষয়ের নামই অজীব। মোক্ষ—জীবের সহিত অজীবের সংযোগের ধ্বংসসাধন করিয়া, জীবকে অজীব হইতে মুক্ত করে এবং তখন জীব নিজ স্বরূপে অবস্থান করে। এই কর্মধ্বংস, ‘সংবর’ দ্বারা হয়, ইহা জ্ঞানেন্দ্রিয়ের বৃত্তিনিরোধ দ্বারা সমাধি। ইহা লাভ করিতে হইলে, অর্হতের বা তীর্থঙ্করদিগের উপদেশ মত মোক্ষসিদ্ধির অনুকূল তপশ্চা করিতে হয়। ইহার নাম জৈনমতে “নির্জর”। “নির্জর” দ্বারা “আশ্রবের” নাশ করিতে হয়। “আশ্রব” অর্থ—জীবের ভোগোপকরণীভূত ইন্দ্রিয়াদি। ইহাদের দ্বারা অজীব পদার্থ প্রবাহিত হইয়া, জীবকে আবরণ করিয়া, বেষ্টনী প্রস্তুত করে। এই বেষ্টনীই জীবের বন্ধ। ইহা আট প্রকার কর্ম নিবন্ধন জন্ম-মৃত্যু-প্রবাহের হেতু। এই আট প্রকার কর্মের মধ্যে, চারি প্রকার “ঘাতী কর্ম” এবং চারি প্রকার “অঘাতী কর্ম”। যে সকল কর্ম দ্বারা জীবের স্বভাবসিদ্ধ জ্ঞান, দর্শন, সুখ ও বীৰ্য্য প্রতিহত হয়, তাহাদিগকে “ঘাতী কর্ম” বলে। আর যে সকল কর্ম দ্বারা শরীর, শরীরাত্মিমান, শরীরে অবস্থিতি এবং তজ্জনিত সুখ-দুঃখ ও উপেক্ষাবুদ্ধি উৎপন্ন হয়, তাহাদিগকে “অঘাতী কর্ম” বলে।

উপরে জৈনমত যাহা লিখিত হইল, তাহা হইতে প্রতীয়মান হইবে যে, জৈনগণ ব্যবহারিক জ্ঞান মাত্রই আপেক্ষিক বলিয়া ধাবেন। “আপেক্ষিক” জ্ঞান পরস্পর সম্বন্ধের উপর নির্ভর করে। সম্বন্ধের অস্তিত্ব, নাস্তিত্ব, বস্তুগত অস্তিত্বের ও নাস্তিত্বের উপর সম্পূর্ণরূপে নির্ভর করে। জৈনমতে বস্তুগত অস্তিত্ব, নাস্তিত্ব বা তদুভয়ত্ব—কিছুই নির্দেশ্য, নির্বাচ্য নহে। সুতরাং সম্বন্ধও সেইরূপ। জৈনগণ, বাহ্য জগৎ-প্রপঞ্চ পরিদর্শনের উপর তাঁহাদের ধর্মমত সংঘটন করিয়াছেন। পরমার্থ সত্য সম্বন্ধে তাঁহাদের মত খুব স্পষ্ট। তাঁহারা, পরমার্থ সত্য আছে কিনা, জগৎকর্তা ঈশ্বর বিদ্যমান কিনা, ইত্যাদি প্রশ্ন উত্থাপন করিয়া—“নাই” বলিয়া উত্তর প্রদান করিয়াছেন। সুতরাং দার্শনিক মত হিসাবে যুক্তিবিচারের উপরই তাঁহারা নির্ভর করেন; কিন্তু সহজ জ্ঞানে মনে হয় যে, একটি স্বতঃসিদ্ধ পরমার্থ সত্য এবং অস্তিত্ব স্বীকার না করিলে, আপেক্ষিক সত্যের এবং আপেক্ষিক অস্তিত্ব নাস্তিত্বের প্রতীতির তুলনা-মূলক ধারণা হইতে পারে না। “আপেক্ষিক সত্য” বলিলেই একটি পরমার্থ সত্যের আকাঙ্ক্ষা, মনে স্বতঃই উদয় হয়। কিন্তু জৈনগণ, সে আকাঙ্ক্ষা পরিপূরণের অবকাশ রাখেন নাই।

পরবর্তী জৈন দার্শনিকগণ এই দোষ কতক পরিমাণে হ্রাস করিতে সক্ষম হইয়াছিলেন। তাঁহারা বুঝিয়াছিলেন যে, ধর্মমত কেবলমাত্র বুদ্ধিবৃত্তি পরিচালনের প্রক্রিয়া স্বরূপ যুক্তিবিচারের উপর নির্ভর করিলে চলে না। উহাতে হৃদয়বৃত্তি পরিচালনের ও বিকাশের প্রয়োজনীয়তা আছে। এ কারণ, তাঁহারা ষাটবিংশতিতম তীর্থঙ্কর অরিশ্টমেমিকের শ্রীকৃষ্ণের শ্রীমদ্ভাগবত নামে লিখিয়া উল্লেখ করতঃ শ্রীকৃষ্ণের উপাসনার শ্রীমদ্ভাগবত উপাসনা প্রচলিত করেন। এবং হিন্দুধর্মের সহিত সংযোগ স্বাকার জন্ম হিন্দুগণের দেবদেবী-গণও তাঁহাদের মন্দিরে তাঁহাদের তীর্থঙ্করগণের পারিপার্শ্বিকরূপে প্রতিষ্ঠিত করেন। জাতিভেদে তাঁহারা স্বীকার করেন। তবে জন্মগত জাতিভেদ প্রকৃতপক্ষে অস্বীকৃত হইলেও, কার্যতঃ তাহা সর্বত্র প্রতিপালিত হয় না। তাঁহাদের মধ্যে গৃহস্থগণের সংস্কার কর্মাদি হিন্দু পুরোহিত দ্বারা সম্পাদিত করেন। সুতরাং, বৌদ্ধগণের সহিত সমাজগত যে আত্যন্তিক ভেদ হিন্দুগণের ছিল, জৈনগণের সহিত সে ভেদ নামে থাকিলেও, তত উগ্রভাবে নহে। সেই জন্ম বৌদ্ধধর্ম, তাহার জন্মস্থান ভারতবর্ষ হইতে সম্পূর্ণরূপে বিতাড়িত হইল, কিন্তু জৈনধর্ম নামা প্রকার পৌড়নেও, হিন্দুধর্মের শাখারূপে আপনাকে পরিচিত করিয়া, এখনও চিকিয়া আছে।

শ্রীষ্ট জন্মের পর জৈন ধর্মগ্রন্থ লিপিবদ্ধ হইয়াছে, ইহা পূর্বে বলা হইয়াছে। উপরে জৈনমত সম্বন্ধে যাহা লিখিত হইল, তাহা পুস্তকাদি হইতে সংগৃহীত। ঐ পুস্তকাদির লিখিত বিষয় পূর্ব পূর্ব তীর্থঙ্করগণের উপদেশাবলী হইতে সংগৃহীত। সূত্রকার, তাঁহার সূত্র রচনা সময়ে 'প্রচলিত জৈন মতের বিরুদ্ধে সূত্র রচনা করিয়াছেন, ইহা বলা বাহুল্য মাত্র।

৬। একস্মিন্নসম্ভবাধিকরণ।

ভিত্তি :—

সূত্র :—২।২।৩৩ ॥

নৈকস্মিন্নসম্ভবাৎ ॥ ২।২।৩৩ ॥

ন + একস্মিন্ + অসম্ভবাৎ ॥

মঃ—না। একস্মিন্ :—একেতে বা একবস্তুতে। অসম্ভবাৎ :—অসম্ভব হেতু।

এক কালে এক পদার্থে বহু পরস্পরবিরুদ্ধ ধর্মের সমাবেশ সম্ভব হয় না বলিয়া জৈন মত উপেক্ষণীয়।

যেমন এক পদার্থ যুগপৎ শীতল ও উষ্ণ হইতে পারে না, সেইরূপ কোনও পদার্থে যুগপৎ সত্ত্ব-অসত্ত্ব, নিত্য-অনিত্য, ভিন্ন-অভিন্ন প্রভৃতি বিরুদ্ধ ধর্মের অবস্থান সম্ভব হয় না। আলোক ও অন্ধকার কি এককালে একস্থানে থাকিতে পারে? জৈন মতে, বস্তুর স্বরূপ অনিশ্চিত, এবং তদ্বিষয়ক জ্ঞানও অনিশ্চিত। সূত্রাং সে জ্ঞানের ভিত্তির উপর শাস্ত্রের প্রতিষ্ঠা হইতে পারে না। একই বস্তু একই সময়ে বক্তব্য ও অবক্তব্য হইতে পারে না; ইহারা পরস্পর বিরুদ্ধ। স্বর্গ ও মোক্ষ, ইহারাও অস্তিত্ব ও নাস্তিত্ব উভয় পক্ষগ্রস্ত। 'আছে' ও 'নাই' এই উভয় পক্ষ থাকায়, জৈনমতাবলম্বীগণের সাধনামুষ্ঠান পদ্ধতি উপপন্ন হয় না। জৈন মতে, পরমাণু এবং পরমাণুপুঞ্জ হইতে পৃথিব্যাদির উৎপত্তি কথিত হয়। তাহাও পূর্বে বৈশেষিক মতবাদ আলোচনায় পরমাণু কারণবাদ নিরসন দ্বারা নিরস্ত হইয়াছে। **অতএব জৈন মত সর্বথা অসামঞ্জস্যপূর্ণ।**

শ্রীমদ্ভাগবত, এক অধিতীয়—পরমার্থ সত্যস্বরূপ ব্রহ্মবস্তুতে, অস্তি ও নাস্তি, এই উভয় পরস্পরবিরোধী ধর্মের সমন্বয় করিয়াছেন। দ্বিতীয় অধ্যায়ের প্রথম পাদের মুখবন্ধে উক্ত ৬।৪।২৭ শ্লোক (পৃঃ ৭৩৮) দ্রষ্টব্য। ব্রহ্মবস্তুতে পরস্পরবিরোধী ধর্মের সমন্বয় সাধিত হইলেও, ব্রহ্মের বস্তুতে তাহা সম্ভব নয়। তদ্ব্যতঃ ব্রহ্মের বস্তু না থাকিলেও ব্যবহারিক জগতে ব্রহ্মের সংকল্পানুসারে উহার অস্তিত্ব স্বীকারে—ব্যবহার নিস্পন্ন হয়।

সূত্র :—২।২।৩৪ ॥

এবঞ্চাআকাংশ্চাম্ ॥ ২ ২।৩৪ ॥

‘এবং + চ + আআকাংশ্চাম্ ॥

এবং :—এইরূপ হইলে। চ :—ও। আআকাংশ্চাম্ :—জীবের অপূর্ণতা হয়।

আত্মা যদি জৈন মতে দেহ পরিমাণবিশিষ্ট হয়, তাহা হইলে আত্মা অপূর্ণ, অব্যাপী, অর্থাৎ পরিচ্ছিন্ন ; সূত্রাং, ঘট পটাদির ন্যায় অনিত্য হইয়া পড়ে। আরও দেখ, জীবের শরীর পরিমাণের স্থিরতা নাই। মানবের শরীর পরিমাণ এক প্রকার, হস্তীর তাহা অপেক্ষা অনেক বড়, এবং পিপীলিকার তাহা অপেক্ষা অতি ক্ষুদ্র। আত্মা, মৃত্যুর পর, কোন্ দেহ গ্রহণ করিয়া জন্ম পরিগ্রহ করিবে, তাহার স্থিরতা নাই। পিপীলিকার শরীরস্থ আত্মা তৎপরিমিত হইলে, উহা কিরূপে মানব শরীর অথবা হস্তী শরীর গ্রহণ করিয়া তৎপরিমিত হইতে পারে? জন্মান্তর দূরে থাকুক, এই জন্মেই বাল্য, তরুণ, যৌবন ও বার্দ্ধক্যযুক্ত শরীরেও ঐ দোষের সম্ভাবনা রহিয়াছে। অতএব, জৈন মত অগ্রাহ্য।

এ সম্বন্ধে ভাগবত মত বড়ই স্পষ্ট।

নাআ জজ্ঞান ন মরিষ্যতি নৈধতেহসৌ

ন ক্ষীয়তে সর্বনবিদ্যাভিচারিণাং চি ॥ ভাগঃ ১১।৩।৩৯

—আত্মার জন্ম নাই, মৃত্যু নাই, বৃদ্ধি নাই, ক্ষয়ও নাই। আত্মা ব্যভিচারী বিনাশশীল বাল্য যুবাদি দেহের, দেব মনুষ্য তিথ্যাগাদি আকারের পরিবর্তনের, দ্রষ্টা মাত্র। তত্ত্বং পরিবর্তন দ্বারা স্পষ্ট নহে।

ভাগঃ ১১।৩।৩৯

এক এব পরো হ্যাআ সর্বেষামেব দেহিনাম্ ।

নানেব গৃহতে মূর্চ্ছৈধা জ্যোতির্ধা নভঃ ॥ ভাগঃ ১০।৫৪।৪৪

—পরমার্থতঃ, সমুদায় দেহিদিগের বিস্তৃত আত্মা একই মাত্র। মূঢ় ব্যক্তির, জলে চন্দ্র সূর্যাদির প্রতিবিম্বের ন্যায়, এবং আকাশে ঘটাদির ন্যায়, তাহাকে নানার ন্যায় জ্ঞান করিয়া থাকে। ভাগঃ ১০।৫৪।৪৪

যদি বল, সঙ্কোচ ও বিকাশ আত্মার ধর্ম, সুতরাং পর্যায় শব্দবাচ্য অবস্থান্তর প্রাপ্তির দ্বারা, উক্ত বিরোধের পরিহার হইতে পারে। অর্থাৎ, সঙ্কোচ-বিকাশ-স্বভাব আত্মা হস্তীদেহে গমন করিলে—বিকাশ প্রাপ্ত হইয়া বৃহৎ হইবে, এবং পিপীলিকার দেহে যাইবার সময় সঙ্কোচিত হইয়া ক্ষুদ্র হইবে, তাহা হইলে, “অকাৎক্ষ” দোষের সম্ভাবনা হইবে না। ইহার উত্তরে সূত্রকার সূত্র করিলেন :—

সূত্র :—২।২।৩৫ ॥

ন চ পর্যায়াদপ্যবিরোধো বিকারাদিত্যঃ ॥ ২।২।৩৫

ন + চ + পর্যায়াত্ + অপি + অবিরোধঃ + বিকারাদিত্যঃ ॥

ন :—নহে । চ :—ও । পর্যায়াত্ :—অবস্থাক্রমে । অপি :—ও ।

অবিরোধঃ :—বিরোধাত্মক । বিকারাদিত্যঃ :—বিকারাদি দোষ হেতু ।

বাল্য দেহে জীবের অপচয় এবং যৌবন ও বৃদ্ধ দেহে উপচয়, পিপীলিকা-দেহে ক্ষুদ্রত্ব এবং হস্তীদেহে বৃহত্ত্ব, আত্মার অবস্থানুসারে সঙ্কোচ-বিকাশ বশতঃ হয় বলিলেও বিরোধের পরিহার সম্ভাবনা নাই। কেননা, তাহা হইলে, বিকার ও বিকারশীল অনিত্যত্বাদি দোষের সম্ভাবনা হয়। জীব যদি সবিকার হয়, তাহা হইলে, ঘটাদির গ্ৰায় অনিত্য। জীব অনিত্য হইলে, বন্ধ মোক্ষ ব্যবস্থা বিনষ্ট হইবে। তীর্থঙ্করগণের উপদেশানুসারে আচরণের কোনও হেতু থাকিবে না। কৰ্ম্মাষ্টক পরিবেষ্টিত জীব, প্রস্তুতবদ্ধ অলাবুর গ্ৰায়, সংসার সাগরে নিমগ্ন। সেই বন্ধন নষ্ট হইলে, উর্দ্ধগামিত্ব স্বভাবনিবন্ধন মোক্ষ, এ সিদ্ধান্ত নষ্ট হইবে। অংশবিশেষের আগমন-নির্গমন থাকায় শরীর যেমন আত্মা নহে, সেইরূপ উক্ত মতে আত্মা—অনাত্মা হইয়া পড়িবে। অতএব, নির্বিকার নিত্য কোনও এক বস্তুকে আত্মা বলিতে হইবে। কিন্তু উহা নিরূপণ করিতে উক্ত মতের সামর্থ্য নাই।

আবার বৃহৎ হস্তীশরীর প্রাপ্তিকালে, জীবাংশ কোথা হইতে আসিয়া, জীবের উপচয় করে, এবং ক্ষুদ্র শরীর প্রাপ্তিকালে ইহা কোথায় যায়, তাহারও নিরূপণ আবশ্যিক। জীবন যখন ভৌতিক নহে, তখন ভূত হইতে আসে বা ভূতে যায়, তাহা হইতে পারে না। প্রমাণ না থাকায়, সাধারণ হউক বা অসাধারণ হউক, এমন কোনও আধারের নির্দেশ করিতে পারিবে না। অবয়ব আসিয়া আত্মার উপচয় সাধন করে, আবার, অবয়ব ক্ষয় প্রাপ্ত হইয়া আত্মাকে ক্ষীণ করে, এরূপ হইলে, আত্মার স্থিরতর রূপও নির্দিষ্ট

পরিমাণ থাকিল না। এই সকল কারণে অবয়বের আগমন-নির্গমন স্বীকার করা যায় না।

ভাগবত বলেন যে,—ভৌতিক দ্রব্য, আধ্যাত্মিক ইন্দ্রিয়, আধিদৈবিক সত্ত্বাদিগুণবিশিষ্ট, আদি ও অন্তবান্ দেহ, আত্মাতে অবিচ্ছিন্ন দ্বারা কল্পিত হইয়া থাকে; এই দেহই দেহ-অভিমানী আত্মাকে সংসারে প্রবৃত্ত করে। প্রকৃতপক্ষে, দেহের সহিত আত্মার সংযোগ বা বিয়োগ সম্ভব নহে। কারণ দেহ অসৎ, আত্মা সৎ। তথাপি ভূতেন্দ্রিয়বিশিষ্ট দেহ যে প্রকাশিত হয়, আত্মাই তাহার হেতু। দৃষ্টাস্ত্বরূপ দেখ, চক্ষুঃ ও রূপ উভয়ই সূর্য্য দ্বারা প্রকাশিত হয়। ভাগঃ ১০।৫৪।৪৫-৪৬

দেহ আত্মস্ববানেষ দ্রব্যপ্রাণগুণাত্মকঃ ।

আত্মন্যবিচ্ছিন্না কুপ্তঃ সংসারয়তি দেহিনম্ ॥ ভাগঃ ১০।৫৪।৪৫

নাত্মনোহন্যেন সংযোগো বিয়োগশ্চাসতঃ সতি ।

তদ্বৈতুত্বাত্তৎ প্রসিদ্ধেদৃগ্ রূপাত্যাং যথা রবেঃ ॥ ভাগঃ ১০।৫৪।৪৬

সূত্র :—২।২।৩৬ ॥

অস্ত্যাবস্থিতেশ্চোভয়নিত্যত্বাদবিশেষঃ ॥ ২।২।৩৬ ॥

অস্ত্যাবস্থিতেঃ + চ + উভয়নিত্যত্বাৎ + অবিশেষঃ ॥

অস্ত্যাবস্থিতেঃ :—অস্ত্যের অর্থাৎ মোক্ষাবস্থাগত পরিমাণের অবস্থিতির হেতু। চ :—ও। উভয়নিত্যত্বাৎ :—উভয়ের, আত্মার ও মোক্ষকালীন পরিমাণের, নিত্যত্ব হওয়ায়। অবিশেষঃ :—বিশেষ—সঙ্কোচ বিকাশরূপ অবস্থাস্তর প্রাপ্তি সম্ভব হয় না।

জীবাত্মার মোক্ষকালীন যে অন্তিম পরিমাণ, জৈন মতে তাহা অবস্থিত, অর্থাৎ, সঙ্কোচ-বিকাশ বিহীন, স্থির, কেননা, মুক্তির পর আর দেহ ধারণের প্রয়োজন না হওয়ায়, আত্মার পরিমাণ, পরিবর্তনের প্রয়োজন নাই। সুতরাং আত্মা ও মোক্ষকালীন উহার পরিমাণ উভয়ই নিত্য, এবং তাহা হইতে বুঝায় যে, উহাই আত্মার স্বভাবসিদ্ধ পরিমাণ, কারণ, জৈন স্বরূপে অবস্থিতিকেই মুক্তি বলেন। সুতরাং মুক্তির পূর্বেও ঐ পরিমাণ অপেক্ষা আত্মার পরিমাণের কিছুমাত্র বিশেষ নাই। অতএব, আত্মার পরিমাণ দেহাহরণে ছোট বড় হইতে পারে না। এ কারণ, জৈন মত অসঙ্গত।

এখানে স্বরণ স্মৃতি প্রয়োজন যে, তর্কের অনুরোধে জৈন মতানুসারেই আত্মার অস্তিত্ব পরিমাণ মোক্ষকালে স্বীকার করা হইয়াছে। প্রকৃতপক্ষে, আত্মার পরিমাণ নাই। কারণ, উহা জন্মপদার্থ নহে। উহা প্রপঞ্চজাত পদার্থের বাহিরে; সুতরাং, উহার পরিমাণ বলিতে হইলে, হয় অণু, নয় মহৎ, বলিতে হইবে। ইহা পূর্বে প্রতিপাদিত হইয়াছে।

নিত্য আত্মাব্যয় শুদ্ধঃ সর্বগঃ সর্ববিৎ পরঃ ।

ধত্তেহসাবাত্মনো লিঙ্গং মায়া বিসৃজন্গুণান্ ॥ ভাগঃ ৭।২।১৮

—ভাগবত স্পষ্টাকরে বলিয়াছেন, আত্মা নিত্য, অব্যয়, শুদ্ধ, সর্বগত, সর্বজ্ঞ, এবং প্রপঞ্চজাত হইতে ভিন্ন। মায়া দ্বারা গুণ সৃষ্টি করতঃ, উচ্চ নীচ দেহ, ও তত্তদেহে সুখাদি স্বীকার করিয়া লিঙ্গ শরীর ধারণ করেন। এই লিঙ্গ শরীরোপাধিই সংসার! ভাগঃ ৭।২।১৮

ইতঃপূর্বে কপিল, কণাদ, বৌদ্ধ ও জৈনমত বিচার দ্বারা অসামঞ্জস্যপূর্ণ, বেদবিরুদ্ধ, এজন্ম উপেক্ষণীয় প্রমাণিত হইয়াছে। অধুনা পাণ্ডপত মত বিচারে অগ্রসর হইতেছেন :—

উক্ত মতে ঈশ্বর কেবলমাত্র নিমিত্ত কারণ বলিয়া উক্ত হইল, এবং প্রকৃতি—উপাদানকারণ বলিয়া স্বীকৃত হইল। যদিও ঈশ্বর প্রকৃতির অধিষ্ঠাতা, তথাপি ঈশ্বর প্রকৃতি হইতে ভিন্ন, এবং জীব বা পশু পৃথক্ তত্ত্ব বলিয়া কথিত হয়। (সেশ্বর সাংখ্যে এবং যোগেও এই মতের সদৃশ মত স্বীকৃত হয়।) পাণ্ডপত মতাবলম্বীগণ চারি সম্প্রদায়ে বিভক্ত :—(১) পাণ্ডপত, (২) শৈব, (৩) কাপালিক, (৪) কালমুখ। ইহারা সকলেই মহেশ্বর প্রোক্ত আগমের অনুগামী। ইহারা বলেন যে, মহত্ত্বাদি সাংখ্যোক্ত চতুর্বিংশতি তত্ত্ব, কার্য্য অর্থাৎ জন্ম—প্রধান ইহাদের উপাদানকারণ, এবং ঈশ্বর—নিমিত্তকারণ। পশু শব্দের অর্থ জীব। ঈশ্বর তাহাদের নিয়ন্তা বলিয়া পশুপতি নামে অভিহিত। পশু বা জীবগণের—পাশ বা সংসারবন্ধনের মুক্তির জন্ম উপদেশ আগমশাস্ত্রে নিবদ্ধ। বিধি, অর্থাৎ ত্রৈকালিক স্নানাদি অনুষ্ঠেয় কৰ্ম্ম সকল—‘বিধি’ শব্দের অর্থ। ‘যোগ’ শব্দের মুখ্য অর্থ সমাধি—যাহা দ্বারা পশু, পশুপতিকে লাভ করে; এবং “দুঃখাস্ত” অর্থ মোক্ষ বা ঈশ্বরপ্রাপ্তি। এই পাঁচটি—অর্থাৎ কারণ, কার্য্য, বিধি, যোগ এবং দুঃখাস্ত—পদার্থ—পশুগণের পাশচ্ছেদনার্থ উপদিষ্ট হইয়াছে। সুতরাং এ মতে ঈশ্বর কেবল নিমিত্তকারণ মাত্র বলিয়া উপদিষ্ট হইয়াছে।

সূত্রকার এ মতের বিরুদ্ধে সূত্র করিলেন :—

৭। পশুপত্যধিকরণ ॥

ভিত্তি :—

সূত্র :—২।২।৩৭ ॥

পত্যরসামঞ্জস্যং ॥ ২।২।৩৭ ॥

পত্যঃ + অসামঞ্জস্যং ॥

পত্যঃ :—পতির—পশুপতির মত অনাদরণীয়। **অসামঞ্জস্যং** :—
সামঞ্জস্যের অভাবহেতু।

ঈশ্বর—প্রকৃতি পুরুষের অধিষ্ঠাতৃ বা নিয়ন্ত্ররূপে জগৎ-কারণ, ইহা উপপন্ন হয় না। যদি তিনি প্রকৃতির এবং পুরুষেরও নিয়ন্তা হন, তবে তাঁহার উত্তম, মধ্যম ও অধম প্রাণী সৃষ্টি করায়, তাঁহার বিষমকারিত্ব প্রকাশ পাইতেছে। সুতরাং তাঁহার রাগদ্বेषাদি আছে, ইহা সহজেই অনুমিত হয়; তাহা হইলে, তিনি আমাদিগের গ্রায় অনীশ্বর। যদি বল, জীবের কর্ম জগৎ বিষম সৃষ্টি, কর্ম তাঁহার বিষম সৃষ্টির প্রবৃত্তির উদ্বোধক; আবার তিনি পুরুষেরও নিয়ন্তা হওয়ায়, কর্ম সকল ঈশ্বরেচ্ছানুযায়ী—ইহাতে পরম্পরাশ্রয় দোষ উৎপন্ন হয়। অতএব, ইহা হইতে পারে না। আবার দেখ, ঈশ্বর কর্মের প্রবর্তক হইয়া কাহাকেও পুণ্যকর্ম এবং অপরকে পাপকর্ম করান, যদি বল, তাহা হইলে, ঈশ্বর আমাদিগের গ্রায়, রাগ-দ্বেষাদি দোষ-দৃষ্ট, সুতরাং অনীশ্বর। আবার, যদি বল, জীবের পূর্ব কর্মই ঈশ্বরের উক্তবিধ প্রবৃত্তির প্রবর্তক, তাহা হইলে, ঈশ্বরের স্বতন্ত্রতা হানি হয়, এবং পূর্বকথিত পরম্পরাশ্রয় দোষ উপস্থিত হয়। সেহেতু, নিমিত্তকারণবাদীগণের মত অসামঞ্জস্যপূর্ণ। যোগমতাবলম্বীগণ ঈশ্বরকে উদাসীন বলেন। তাঁহাদের মতও অসমঞ্জস। উদাসীন অর্থাৎ প্রবর্তক, ইহা পরম্পরবিরুদ্ধ।

'ভবত্রতধরা য়েচ য়েচ তান্ সমমুত্রতাঃ ।

পাষণ্ডিগন্তে ভবন্তু সচ্ছান্দ্রপরিপস্থিনঃ ॥ ভাগঃ ৪।২।২৮

নষ্ট শৌচা যুটধিয়ো জটাভস্মাস্থিধারিণঃ ।

বিশস্ত শিবদীক্ষায়াং যত্র দৈবং সুরাসবম্ ॥ ভাগঃ ৪।২।২৯

—যাহারা শিবের ত্রত ধারণ করিবে, অথবা তাহাদের অনুগামী হইবে, তাহারা সৎ শাস্ত্রের প্রতিকূলাচারী, এবং পাষণ্ডী নামে খ্যাত হউক । নষ্টশৌচ যুটবুদ্ধিগণ, জটা, ভস্ম ও অস্থিধারী হইয়া, শিবদীক্ষায় প্রবেশ করুক, যেখানে সুরা-ও আসব দেববৎ আদরণীয় । ভাগঃ ৪।২।২৮-২৯ ।

• সূত্র—২।২।৩৮ ॥

সম্বন্ধানুপপত্তেঃ ॥ ২।২।৩৮ ॥

সম্বন্ধ + অনুপপত্তেঃ + চ ॥

সম্বন্ধ :—প্রধান পুরুষের সহিত সম্বন্ধ । অনুপপত্তেঃ :—অনুপপত্তি হেতু । চ :—ও ।

প্রধান ও পুরুষের সহিত ঈশ্বরের সম্বন্ধ উপপন্ন হয় না । আবার, প্রধান ও পুরুষ (জীবাত্মা) ঈশ্বর হইতে স্বতন্ত্র ও অতিরিক্ত । তাদৃশ ঈশ্বর বিনা সম্বন্ধে প্রধান ও পুরুষকে নিয়ন্ত্রণ করিতে পারেন না । অতএব, হয় সংযোগ, নয় সমবায়, অথবা অগ্ন্য কোনও সম্বন্ধ স্বীকার করা কর্তব্য । কিন্তু তন্মতে প্রধান, পুরুষ ও ঈশ্বর—তিনই সৰ্বব্যাপী ও নিরবয়ব । সূত্রাং সংযোগ অসম্ভব । কারণ, পরস্পর অপ্রাপ্ত দুই বা ততোধিক পদার্থের আংশিক মিলনের নাম সংযোগ । সূত্রাং সৰ্বব্যাপী ও নিরবয়ব বিধায়, নিত্যপ্রাপ্ত ও নিত্যমিলিত প্রধান, পুরুষ ও ঈশ্বরের পরস্পর সংযোগ অসম্ভব । আবার, তিন পদার্থ যখন, কেহ কাহারও আশ্রিত বা অনুগত নহে, তখন সমবায় সম্বন্ধও হইতে পারে না । আশ্রয়াশ্রয়ী স্থলে সমবায় সম্বন্ধ কল্পিত হইয়া থাকে । অগ্ন্য কোনও সম্বন্ধ, যাহা কার্য্য দ্বারা অনুমেয়, তাহাও হইতে পারে না । কারণ, অগ্ন্য যে ঈশ্বর প্রেরিত লোকটির কার্য্য, তাহা এখনও অনিশ্চিত আছে ।

যদি বল যে, ব্রহ্ম-কারণবাদেও সঙ্কল্পের অনুরূপপত্তি আছে, তাহার উত্তর বলিব যে—নাই। কারণ আমরা, 'প্রকৃতি'—ব্রহ্মের বহিরঙ্গা শক্তি, এবং 'পুরুষ'কে ভট্টা শক্তি বলিয়া স্বীকার করি। শক্তির অতিব্যক্তি এবং অনতিব্যক্তি শক্তিমানের ইচ্ছাধীন হওয়ায় এবং শক্তির সহিত শক্তিমানের সঙ্কল্প নিত্য বর্তমান থাকায়, কোনও অসামঞ্জস্য নাই।

[এই সূত্রটি শ্রীমদ্ রামমুখাচার্য্য স্বীকার করেন নাই! অগ্ৰাণ্ড ভাষ্যকারণ স্বীকার করায়, লিখিত হইল।]

সূত্র :—২।২।৩৯ ॥

অধিষ্ঠানানুরূপপত্তেশ্চ ॥ ২।২।৩৯ ॥

অধিষ্ঠান + অনুরূপপত্তেঃ + চ ॥

অধিষ্ঠান :—প্রেরণার। অনুরূপপত্তেঃ :—অনুরূপপত্তি হেতু। চ :—ও।

জগতে দেখা যায় যে, কুস্তকারাদি মৃত্তিকার উপাদানে ঘটাদি নির্মাণ করে। দৃষ্টান্ত স্থলে, কুস্তকারাদি—শরীরী, এবং মৃত্তিকাдиও প্রত্যক্ষ এবং রূপ-আকারাদি-বিশিষ্ট। সুতরাং কুস্তকারের অধিষ্ঠাতৃত্ব এবং মৃত্তিকার অধিষ্টেয়ত্ব সিদ্ধ হইতে পারে। কিন্তু উহাদের মতে, ঈশ্বর অশরীরী ও নিরবয়ব। প্রধান ও অপ্রত্যক্ষ ও রূপাদি বিহীন। সুতরাং ঈশ্বরের অধিষ্ঠাতৃত্ব এবং প্রধানের অধিষ্টেয়ত্ব সিদ্ধ হয় না। এজন্য, উক্ত মত অসমঞ্জস।

ভাগবত বলিতেছেন যে, কাল—ভগবানের চেষ্টা রূপ। তাহা নির্বিশেষ ও আত্মস্বশূন্য। গুণসকলের মহত্ত্বাদিরূপ পরিণাম এই কাল দ্বারা ব্যক্ত হয়। এই কালকে নিমিত্ত করিয়া, ভগবান পরম পুরুষ লীলা করতঃ আপনাকে বিশ্বরূপে সৃজন করিলেন। ভাগঃ ৩।১০।১১

গুণব্যতিকরাকারো নির্বিশেষোহপ্রতিষ্ঠিতঃ ।

পুরুষস্তদুপাদানমাখ্যানং লীলয়াহসৃজৎ ॥ ভাগঃ ৩।১০।১১

সূত্র :—২।২।৪০ ॥

করণবচ্ছেন্ন ভোগাদিভ্যঃ ॥ ২।২।৪০ ॥

করণবৎ + চেৎ + ন + ভোগাদিভ্যঃ ॥

করণবৎ :—ভোগ সাধন দেহাদির গ্রায়। **চেৎ :—**যদি বল। **ন :—**না। **ভোগাদিভ্যঃ :—**কর্মফল ভোগাদির সম্ভাবনা হেতু।

যদি বল, দেহস্থামি জীব, স্বয়ং শরীররহিত হইয়াও, যেমন ভোগসাধক দেহেন্দ্রিয়াদির পরিচালক ও অধ্যক্ষ হইয়া থাকে, অশরীরী ঈশ্বরও তেমন প্রকৃতির পরিচালনা করিয়া থাকেন। ইহার উত্তরে বলিতেছেন, যে, না, তাহা বলিতে পার না। কারণ, তাহা হইলে জীবের গ্রায় ঈশ্বরেরও প্রকৃতিগত ভোগাদি সম্ভাবিত হইতে পারে। অথচ, তাঁহারা ত ঈশ্বরের ভোগ স্বীকার করেন না। জীবের দেহাদিতে অধিষ্ঠান, পুণ্য পাপ কর্মের ফলভোগ জন্ম। যদি জীবের গ্রায় মহেশ্বরের প্রকৃতিতে অধিষ্ঠান স্বীকার কর, তাহা হইলে, তাঁহারও পুণ্য পাপ ও তজ্জন্ম ভোগও স্বীকার করিতে হয়। অতএব, তাঁহার প্রকৃতিতে অধিষ্ঠান সম্ভবপর নহে।

ভাগবত বণেন যে, ভগবান অকরণ কিন্তু অখিলকারক শক্তিধর।

...ত্বমকরণঃ স্বরাডখিলকারক শক্তিধরঃ..... ভাগঃ ১০।৮৭।২৪

—আপনি নিজে ইন্দ্রিয়রহিত হইয়াও, অখিলস্থ প্রাণিগণের ইন্দ্রিয়গণের নিয়ন্তা ও প্রবর্তক। ভাগঃ ১০।৮৭।২৪

সূত্র—২।২।৪১ ॥

অস্তুবদ্ধমসর্বজ্ঞতা বা ॥ ২।২।৪১ ॥

.. অস্তুবদ্ধম্ + অসর্বজ্ঞতা + বা ॥

অস্তুবদ্ধম্ :—সসীমভাব। **অসর্বজ্ঞতা :—**সর্বজ্ঞতার অভাব। **বা :—**অথবা।

যদি মহেশ্বরেরও পুণ্যপাপ স্বীকার করা হয়, তাহা হইলে, জীবের গ্রায় তাঁহারও অস্তুবদ্ধ—সৃষ্টি-সংহারাদি এবং অসর্বজ্ঞতা হইতে পারে। বিশেষতঃ, তাঁহাদের মতে প্রধান পুরুষও অনন্ত, এবং পরম্পর ভিন্ন। স্মৃতরাং, প্রশ্ন উঠে,

সর্বজ্ঞ ঈশ্বর কর্তৃক প্রধানের, পুরুষের ও আপনার ইয়ত্তা পরিচ্ছেদবিশিষ্ট হয় কিনা? উহার উত্তরে না, হাঁ,—উভয় পক্ষেই দোষ আছে। যদি বল, প্রধানাদির ইয়ত্তা পরিচ্ছিন্ন হয়, তাহা হইলে, প্রধান, পুরুষ, ও ঈশ্বর, সকলেরই অস্তবস্থা বা অনিত্যতা অবশ্যস্বাবী। কারণ, লৌকিক দেখা যায় যে, ঘটাদি ইয়ত্তা পরিচ্ছিন্ন বস্তু (এত ও এত বড়), সকলই নশ্বর। যে সকল বস্তু পরম্পর ভিন্ন ও পরিচ্ছিন্ন, তাহারা সকলেই নিশ্চিত-পরিমাণ। সুতরাং, প্রধান, পুরুষ ও ঈশ্বর, ভিন্ন ও পরিচ্ছিন্ন হওয়ায়, সকলই নিশ্চিত-পরিমাণ, অতএব নশ্বর। যদিও জীব অনন্ত বলিয়া উক্ত হয়, উহা আমাদের গায় মানবের পক্ষে; সর্বজ্ঞ ঈশ্বর সম্বন্ধে নহে। যদি সর্বজ্ঞ ঈশ্বর সম্বন্ধেও অনন্ত হয়, তবে তিনি অসর্বজ্ঞ হইয়া পড়িবেন। পরিচ্ছেদ ফলে, সংসার মুক্ত জীবের, সংসার ও সংসারিত্ব অস্তবান্। এই প্রকারে ইয়ত্তা-পরিচ্ছিন্ন জীবের মুক্তি হইতে থাকিলে, এক সময়ে সংসার ও সংসারিত্বের বিনাশ ঘটিবে। তাহার ফলে, জগতে জীবশূন্যতা আপতিত হইবে। এইরূপে প্রধানও অনিত্য, এবং তাহা হইলে, প্রধানাদির অভাবে ঈশ্বর কিসে অধিষ্ঠিত হইবেন? কাহাকে বা সংসারে প্রবৃত্ত করিবেন? এবং তাহার ঈশ্বরত্ব ও সর্বজ্ঞত্ব কাহাকে লইয়া থাকিবে? যদি প্রধান, পুরুষ ও ঈশ্বর, তিনই অস্তবান্ হয়, তবে তিনের আদি বা উৎপত্তি মানিতে হইবে। এবং আদি অস্ত মানিতে গেলেই শূন্যবাদ স্বীকার করা হইবে।

অন্যপক্ষে যদি বল, ইয়ত্তা পরিচ্ছিন্ন নহে, তাহা হইলে ঈশ্বর যদি প্রধানাদির ইয়ত্তা না জানেন, তাহা হইলে, তাহার ঈশ্বরত্ব ও সর্বজ্ঞত্ব বিলোপ প্রাপ্ত হইবে। সুতরাং, ঈশ্বর নিমিত্তকারণ, এ বাদ অসঙ্গত।

অন্য পক্ষে, ভাগবত এক নিত্য অব্যয় সত্তা, সৃষ্টির আদি মধ্যে ও অন্তে বিরাজমান বলেন :—

অহমেবাসমেবাগ্রে নাগাদ্ যৎ সদসৎ পরম্ ।

পশ্চাদহং বদেতচ্চ যোহবশিক্যতে সোহস্মাহম্ ॥ ভাগঃ ২।৯।৩২

—(উহার অর্থ ১।১।২ সূত্র আলোচনার দেওয়া হইয়াছে। পৃঃ—১২৫।)

শেষ চারিটি (২।২।৪২ হইতে ২।২।৪৫) সূত্রে, সূত্রকার “পঞ্চরাত্র” মত নিরসন করিয়াছেন বলিয়া শ্রীমদ্ শঙ্করাচার্য্য ব্যাখ্যা করিয়াছেন।

শ্রীমদ্ শঙ্করাচার্য্যের মতে “পঞ্চরাত্র” সিদ্ধান্ত সর্বতোভাবে বেদান্ত সিদ্ধান্তের বিরোধী নহে; কতক অংশ মাত্র বিরোধী। যেমন পরমতত্ত্ব “বাসুদেব” হইতে “সঙ্কর্ষণ” নামক জীবের উৎপত্তি, এবং “সঙ্কর্ষণ” নামক জীব হইতে মনের অধিষ্ঠাতা “প্রজ্ঞান্নে”র এবং তাঁহা হইতে অহঙ্কারের অধিষ্ঠাতা “অনিকঙ্কর” উৎপত্তি, বেদসম্মত নহে। বিশেষতঃ, উহাতে উক্ত আছে যে, শাণ্ডিল্য ঋষি চারি বেদে পরম শ্রেয়ঃ প্রাপ্ত না হইয়া, “পঞ্চরাত্র” শাস্ত্রলাভ করতঃ, শ্রেয়ঃ প্রাপ্ত হইয়াছিলেন। সুতরাং ইহাতে বেদের নিন্দাও রহিয়াছে। এ কারণ, “পঞ্চরাত্র” শাস্ত্র উপেক্ষণীয়। তিনি চারিটি সূত্রেই সিদ্ধান্ত সূত্র রূপে গ্রহণ করিয়া ব্যাখ্যা করিয়াছেন।

শ্রীমদ্ রামানুজাচার্য্য—প্রথম দুটি ২।২।৪২ ও ২।২।৪৩ সূত্রে পূর্বপক্ষ সূত্ররূপে গ্রহণ করিয়া, তৎপরের ২।২।৪৪ ও ২।২।৪৫ সূত্রদ্বয়কে সিদ্ধান্ত সূত্ররূপে ব্যাখ্যা করিয়া, “পঞ্চরাত্র” মত স্থাপন করিয়াছেন। তাঁহার মতে পূজ্যপাদ ব্যাসদেব ও বাদরায়ণ অভিন্ন ব্যক্তি। তিনি ‘ব্রহ্মসূত্র’ ও ‘মহাভারতে’র রচয়িতা। সুতরাং, মহাভারতের শাস্তি পর্বে, নারায়ণায় খণ্ডে, “পঞ্চরাত্র” মত সম্বন্ধে বিশেষ প্রশংসা করিয়া, ব্রহ্মসূত্রে যে তাঁহার নিরসন করিবেন, ইহা সম্ভব নহে। সুতরাং শ্রীমদ্ শঙ্কর-কৃত ব্যাখ্যা সূত্রকারের অভিপ্রায় সঙ্গত নহে।

আমরা পূর্বেই বলিয়াছি যে, আমাদের বিশ্বাস ব্যাসদেব ও বাদরায়ণ অভিন্ন ব্যক্তি এবং মহাভারতকারই ব্রহ্মসূত্রকার। সুতরাং, শ্রীমদ্ রামানুজাচার্য্যের সহিত আমরা একমত। তবে, এই মাত্র বলব্য যে, দ্বিতীয় অধ্যায়ের দ্বিতীয় পাদ, পরমতের দৃষ্টতা প্রদর্শনের জগুঠ সূত্রকার কতৃক নির্দিষ্ট। রামানুজাচার্য্যও তাঁহার কৃত শ্রীভাষ্যের দ্বিতীয় পাদের উপক্রমণিকায় বলিয়াছেন :—“পরপক্ষ প্রতিক্ষেপায় অনন্তরঃ পাদঃ প্রবর্ত্ততে”। অর্থাৎ পরমত খণ্ডনার্থ পরবর্তী পাদটি (২য় পাদে) আরম্ভ হইতেছে। সুতরাং, এই পাদের মধ্যে, মহাভারতে তাঁহার নিজকর্তৃক প্রশংসিত “পঞ্চরাত্র” মত প্রতিষ্ঠিত করিবার জগু, যুক্তি বিচারের অবতারণা সূত্রকারের অভিপ্রেত নহে বলিয়া মনে হয়।

শ্রীমন্ মধ্বাচার্য্য এবং তদনুগত শ্রীমদ্ বলদেব, এই চারিটি শেষ সূত্র, “শাস্ত্র” মত নিরসনের জগু সূত্রকার সন্নিবিষ্ট করিয়াছেন, এইরূপ মনে করিয়া, সেই

মত ব্যাখ্যা করিয়াছেন। পঞ্চোপাসকের মধ্যে বিষ্ণু, শিব ও শক্তি উপাসকের সংখ্যাই ভারতে বেশী। সৌর ও গাণপত্যের সংখ্যা অল্পমাত্রই, একারণ সূত্রকার সম্ভবতঃ উক্ত দুই মতের উল্লেখ করেন নাই। শৈব মত নিরসনের পর শাক্ত মত নিরসনই তাঁহার অভিপ্রেত বলিয়া মনে হয়। বিষ্ণুর উপাসনা “পঞ্চরাত্রে” বিহিত হইয়াছে, এবং ব্যাসদেব মহাভারতে বিশেষভাবে প্রশংসার সহিত উল্লেখ করায়, উক্ত মত নিরসন তাঁহার অভিপ্রেত নহে।

বিশেষতঃ, আমরা ভাগবতের সাহায্যে ব্রহ্মসূত্রের আলোচনা করিতেছি। ‘পঞ্চরাত্র’ মত নিরসন যদি ব্যাসদেবের অভিপ্রেত হয়, তবে, ভাগবত-মত, “পঞ্চরাত্র” মতের উপর প্রতিষ্ঠিত হওয়ায়, উহাও ব্যাসদেবের মতে নিরসন যোগ্য।” এবং তাহা হইলে, ব্যাসদেবই ভাগবতের রচয়িতা এবং উহা শুক্লত ব্রহ্মসূত্রের ভাষ্য বলিয়া যে প্রসিদ্ধি, অতি প্রাচীন কাল হইতে অন্যান্যদেশীয় পুরাণকার-দিগের মধ্যে এবং পণ্ডিত সমাজে প্রচলিত আছে, তাহা ভিত্তিহীন, অনর্থক হইয়া পড়ে। এই সকল কারণে শেষ চারিটি সূত্র আমরা শ্রীমন্ মধ্বাচার্যের মতে ব্যাখ্যা করাই কর্তব্য মনে করি।

৮। উৎপত্ত্যসম্ভবাবিকরণ ॥

ভিত্তি :—

সূত্র :—২।২।৪২ ॥

উৎপত্ত্যসম্ভবাৎ ॥ ২।২।৪২ ॥

উৎপত্তি + অসম্ভবাৎ ।

উৎপত্তি :—বিশ্ব প্রপঞ্চের উৎপত্তি । অসম্ভবাৎ :—অসম্ভব হেতু ।

শাক্ত মতে, সর্বজ্ঞা, সর্বশক্তিমতী শক্তি হইতে জগৎ প্রপঞ্চের উৎপত্তি কথিত হইয়া থাকে । উহা সম্ভব কি অসম্ভব, এই সংশয় নিরসনের জগু, এই সূত্র ।

শাক্ত মত গ্রহণ করিতে হইলে, বেদবিরুদ্ধ অনুমানের আশ্রয় লইতে হয় । স্মৃতরাং তদ্বিষয়ে লৌকিক যুক্তি প্রয়োগ কর্তব্য । লোকে দেখা যায় যে, পুরুষ সংসর্গ ব্যতীত কেবলমাত্র স্ত্রী হইতে সম্ভানোৎপত্তি হয় না । স্মৃতরাং পুরুষানুগ্রহ ভিন্ন কেবলমাত্র শক্তি হইতে জগৎপত্তি অসম্ভব । অতএব শক্তির অনুগ্রাহক পুরুষ স্বীকার কর্তব্য । কিন্তু তাহা হইলেও, দোষের নিরসন হয় না । পরসূত্রে সূত্রকার তাহার উল্লেখ করিতেছেন !

(এই প্রসঙ্গে ১।১।১০ সূত্রের আলোচনায় উদ্ধৃত শ্রীমদ্ভাগবতের ১।৮।১২.৭ শ্লোক ও তদর্থ দ্রষ্টব্য । পৃঃ ৪০২।)

সূত্র :—২।২।৪৩ ।

ন চ কর্ত্বুঃ করণম্ ॥ ২।২।৪৩ ॥

ন + চ + কর্ত্বুঃ + করণম্ ॥

ন :—না । চ :—ও । কর্ত্বুঃ :—কর্তার । করণম্ :—করণসাধন ইন্দ্রিয়াদি ।

যদি শক্তির অনুগ্রাহক পুরুষ স্বীকার করা যায়, তাহা হইলে সেই পুরুষের বিশ্বের উৎপত্তির উপযোগী ইন্দ্রিয়াদি না থাকায়, উৎপত্তি সম্ভব নহে । আবার, দেহেইন্দ্রিয়াদি স্বীকার করিলেও, নানা প্রকার দোষ অনিবার্য হইয়া পড়ে ।

কৃতকরণঃ স্বরাড়খিল কারকশক্তি ধরঃ.....ভাগঃ ১০।৮।১২৪

—(২।১।২৮ সূত্রের আলোচনায়, পৃঃ ৮১৬, ইহার অর্থ দেওয়া হইয়াছে ।)

সূত্র :—২।২।৪৪ ॥

বিজ্ঞানাদিভাবে বা তদপ্রতিষেধঃ ॥ ২।২।৪৪ ॥

বিজ্ঞানাদিভাবে + বা + তৎ + অপ্রতিষেধঃ ॥

বিজ্ঞানাদিভাবে :—জ্ঞান স্বরূপত্বাদি কারণীভূত ব্রহ্মভাব হেতু ।
বা :—আশঙ্কা নিবৃত্তিসূচক । তৎ :—ব্রহ্মবাদ । অপ্রতিষেধঃ :—নিষেধের
অভাব ।

যদি বল, উক্ত পুরুষ নিত্য জ্ঞান-ইচ্ছাদি-সম্পন্ন, তাহা হইলে, ঐ মত
ব্রহ্মবাদেরই অন্তর্ভুক্ত হইয়া পড়ে । ব্রহ্মবাদে তাদৃশ পুরুষ হইতেই বিশ্বের
সৃষ্টাদি স্বীকৃত হয় ।

পরবর্তী সূত্রের আলোচনায় উক্ত শ্রীমদ্ভাগবতের ১।২।১১ শ্লোক দ্রষ্টব্য ।

সূত্র :—২।২।৪৫ ॥

বিপ্রতিষেধাচ্চ ॥ ২।২।৪৫ ॥

বিপ্রতিষেধাৎ + চ ॥

বিপ্রতিষেধাৎ :—শক্তিবাদ শ্রুতি স্মৃতি বিরোধ হেতু । চ :—ও ।

সকল শ্রুতি স্মৃতি বিরোধবশতঃ শক্তিবাদ গ্রহণীয় নহে । শ্রুতি,
স্মৃতি ও যুক্তি, শক্তিমান পুরুষকেই অগৎ স্রষ্টা, এবং সমস্ত
কল্যাণগুণ নিলয় বলিয়া নির্দেশ করিয়া থাকেন । শক্তিমান হইতে
শক্তি অভেদ বটে, কিন্তু শক্তি শক্তিমান নহে । এজন্য শাক্তমত
উপেক্ষণীয় ।

বদন্তি তত্ত্ববিদস্তত্ত্বং যজ্জ্ঞানমদ্বয়ম্ ।

ব্রহ্মেতি পরমাশ্বেতি ভগবানিতি শব্দ্যতে ॥ ভাগঃ ১।২।১১

—কেহ কেহ তত্ত্বজিজ্ঞাসাকেই ধর্মজিজ্ঞাসা বলিয়া থাকেন, কিন্তু তাহা
নয়, তত্ত্বজ্ঞ ব্যক্তির। অদ্বয় জ্ঞানকেই তত্ত্ব বলেন । সেই তত্ত্বের স্ব স্ব
মতানুসারে অনেক নাম আছে, যথা, বেদাসূক্তেরা তাঁহাকে ব্রহ্ম,
হিরণ্যগর্ভোপাসকেরা পরমাত্মা, আর ভগবদ্ভক্তেরা তাঁহাকে ভগবান বলিয়া
থাকেন । ভাগঃ ১।২।১১

পরাবরেশো মনসৈব বিশ্ব সৃজত্যবত্যন্তি গুণৈবসঙ্গঃ ॥ ভাগঃ ১।৫।৬

—(১।২।২ সূত্রের আলোচনায়, পৃঃ ৯৫, ইহার সরলার্থ দেওয়া হইয়াছে ।)

দ্বিতীয় অধ্যায় । তৃতীয় পাদ ।

এই পাদের পূর্বভাগে পঞ্চ মহাভূত সংক্রান্ত
শ্রুতিবাক্যসমূহের পরম্পর বিরোধ পরিহার এবং
উত্তরভাগে—জীববোধক শ্রুতিবাক্যসমূহের
পরম্পর বিরোধ পরিহার ।

দ্বিতীয় অধ্যায়ের তৃতীয় পাদে চিদচিদাত্মক জগৎ-প্রপঞ্চ যে ব্রহ্মকার্য
তাহাই প্রতিপাদিত হইয়াছে ; এবং তৎ সম্বন্ধে স্থূল দৃষ্টিতে যে শ্রুতি-
বিরোধ প্রতীতি হয়, তাহার পরিহার করা হইয়াছে ।

এই পাদটি দুই ভাগে বিভক্ত । পূর্বভাগ—২।৩।১ সূত্র হইতে ২।৩।১৭
সূত্র পর্য্যন্ত । এই পাদে পঞ্চ মহাভূতসংক্রান্ত শ্রুতি বাক্যসমূহের বিরোধ
পরিহার করা হইয়াছে । ২।৩।১৮ সূত্র হইতে পাদের শেষ পর্য্যন্ত—উত্তরভাগ ।
এই ভাগে জীববোধক শ্রুতি বাক্যসমূহের বিরোধ পরিহার করা হইয়াছে ।
সঙ্গে সঙ্গে ব্রহ্মের সর্বকারণত্ব, সর্বময়ত্ব, সর্ববাচকত্ব প্রতিষ্ঠিত করা হইয়াছে ।
উত্তরপাদে জীববোধক শ্রুতি বাক্যসমূহের আলোচনার সহিত, জীবের জাতত্ব,
কর্তৃত্ব, অণুত্ব, অংশী—ভগবানের অংশত্ব, কর্মপরত্ব, এক কথায়—জীবের জীবত্ব
ভগবানের সংকল্পানুসারেই সংঘটিত প্রভৃতি আলোচিত হইয়াছে ।

পরমাত্মার সহিত জীবাত্তার সম্বন্ধ নির্দেশক দুইটি মতবাদ বৈদান্তিকগণের
মধ্যে প্রচলিত । একটি অবচ্ছিন্নবাদ, অপরটি প্রতিবিশ্ববাদ । অবচ্ছিন্নবাদের
সমর্থনকারীগণ বলেন যে, যেমন ঘট, পট, গৃহ, মঠ প্রভৃতি নিরংশ, নিরবয়ব,
অনন্ত, সর্বব্যাপী আকাশকে অবচ্ছিন্ন করিয়া ঘটাকাশ, পটাকাশ, গৃহাকাশ,
মঠাকাশ প্রভৃতি নাম ও রূপে পরিচিত হয়, সেইরূপ জীবের প্রাক্তন কর্মোৎপন্ন
অস্তঃকরণ বা বুদ্ধি, নিরংশ, পূর্ণ, অনন্ত, সর্বব্যাপী, অপরিচ্ছিন্ন ব্রহ্ম বা
পরমাত্মাকে অবচ্ছিন্ন করিয়া বিভিন্ন জীব নামে পরিচিত হন । প্রতিবিশ্ববাদের
সমর্থনকারীগণ বলেন যে, না, তাহা নহে, বুদ্ধিতে প্রতিবিস্তৃত চিদাত্মসই
জীব নামে পরিচিত । জীবের প্রাক্তন কর্মফলে উৎপন্ন বুদ্ধি বা অস্তঃকরণ
ভিন্ন বলিয়া, প্রতিবিশ্বের বৈচিত্র্য, বিভিন্নতা । সূত্রকারের ২।৩।৪৩ সূত্র
অবচ্ছিন্নবাদের এবং ২।৩।৫০ সূত্র প্রতিবিশ্ববাদের ভিত্তি । শেষোক্তবাদের
সমর্থনকারীগণ আরও বলিয়া থাকেন যে, ২।৩।৫০ সূত্রে অবধারণাত্মক 'এব'

শব্দের প্রয়োগ হেতু, বুদ্ধিতে হইবে যে, ইহাই ভগবান সূত্রকারের স্বকীয় অভিমত।

অন্য তৃতীয় শ্রেণীর বৈদাস্তিকগণ বলেন যে, উক্ত উভয় সূত্রই সমান বলবান ; একটি যে সূত্রকারের প্রিয়তর, তাহা বলিবার কোনও কারণ নাই। উভয় সূত্রই প্রকৃত সিদ্ধান্ত স্থাপন করে। আমরা যেমন আকাশের ত্রিবিধ প্রত্যক্ষ দেখিতে পাই, (১) মহাকাশ, (২) জলাশয় দ্বারা অবচ্ছিন্ন আকাশ—অর্থাৎ জলাশয় আকাশের যে স্থানটুকু ব্যাপিয়া অবস্থান করে, তাহাকে জলাকাশ বলা যাইতে পারে, আর (৩) জলাশয়ে প্রতিবিম্বিত আকাশ। সেইরূপ (১) পরমাত্মা—মহাকাশ স্থানীয়, (২) বুদ্ধি দ্বারা অবচ্ছিন্ন চৈতন্য—যিনি মুণ্ডকশ্রুতির ৩।১ ও ৩।২ মন্ত্রে দেহরূপ বৃক্ষে সাক্ষীরূপে, ঈশরূপে, ফল অনশনকারী—সহচর পক্ষীরূপে বর্তমান, আর (৩) বুদ্ধিতে প্রতিফলিত তাহার প্রতিবিম্ব—অন্য ফলাশ্বাদনকারী পক্ষীরূপে জগদ্ব্যাপার সম্পাদনে তৎপর। উক্ত প্রতিবিম্ব সত্য বলিতে হয়, বল, মিথ্যা বলিতে হয়, বল, যতদিন বুদ্ধি বর্তমান, ততদিন প্রতিবিম্ব, জীবন্ত, জগদ্ব্যাপার সমুদায় বর্তমান।

ইহাতে আবার প্রশ্ন উঠে, প্রতিবিম্ব ত মিথ্যা, উহা জগদ্ব্যাপার সম্পাদন করে কি প্রকারে? ইহার উত্তরে তাহারা জল ও অগ্নির মিলনের দৃষ্টান্ত প্রয়োগ করিয়া বলেন যে, অগ্নির দ্বারা উত্তপ্ত জল, অগ্নির গ্নায় তাপদায়ক, অর্থাৎ অগ্নিগুণ প্রাপ্ত হয়, অগ্নিও জলের সংসর্গে 100°C -এ থাকিতে বাধা হয়, হাজার ইঞ্চন যোগ করিলেও যতক্ষণ জল বর্তমান থাকে, ততক্ষণ উহা 100°C উপরে উঠে না, অর্থাৎ অগ্নি জলের শৈত্যগুণ প্রাপ্তিতে, সমতা লাভ করে। সেইরূপ জড়া বুদ্ধি চৈতন্যের মিলনে চিদভাব প্রাপ্ত হইয়া, আপনাকে ও অশ্রান্ত সমুদায় বস্তুকে প্রকাশ করে. আবার চৈতন্যও জড়া বুদ্ধির সহিত মিলনে জড়ভাব প্রাপ্ত হইয়া, উপাধি, দেহ, গেহ, দ্বারা, পুত্র প্রভৃতিতে অস্তিমান করিয়া, “আমি, আমার” জ্ঞান করে। ইহাই জগদ্ব্যাপার সম্পাদনের মূল রহস্য। আরও রহস্য এই যে, আত্মস চৈতন্যের এই কর্তৃত্ব প্রভৃতি অবিকারী, সাক্ষীরূপ—পরমাত্মার আরোপিত হইয়া থাকে এবং জীবন্তও তাহাতে আরোপিত হয়।

এই প্রসঙ্গে অধ্যাত্ম রামায়ণের নিম্নোক্ত শ্লোক কয়টি উঠবে।

আকাশস্ত যথা ভেদস্ত্রিবিধো দৃশ্যতে মহান্ ।

জলাশয়ে মহাকাশস্তদবচ্ছিন্ন এব হি ॥ ৪৭

প্রতিবিশ্বাখমপরং দৃশ্যতে ত্রিবিধং নভঃ ।

বুদ্ধ্যবচ্ছিন্ন চৈতন্যমেকং পূর্ণং তথাপদম্ ॥ ৪৮

আভাসস্বপনং বিশ্বভূতমেবং ত্রিধা চিতিঃ ।

সাভাসবুদ্ধেঃ কর্তৃত্বমবিচ্ছিন্নেহিকারিণি ॥ ৪৯

সাক্ষিণ্যারোপ্যতে ভ্রান্ত্যা জীবত্বঞ্চ তথাবুধৈঃ । ৫০

অধ্যায়ু রামায়ণ আদিকাণ্ড ১ম অধ্যায়—

জড়শ্চ চিৎসমাযোগাচ্ছিত্বং ভূয়াচ্ছিত্তেস্তুথা ।

জড়সঙ্গাজ্জড়ত্বং হি জলাগ্নৌর্মেলনং যথা ॥ ৩৩

অধ্যায়ু রামায়ণ আদিকাণ্ড ৭ম অধ্যায়—

শ্লোক কয়টির তাৎপর্য উপরে বিশদভাবে লিখিত হইয়াছে, এজন্য আর
অর্থ দিবার প্রয়োজন নাই ।

১। বিয়দধিকরণ।

ভিত্তি :—

“তদৈক্যত বহুশ্চাং প্রজায়েয়েতি, তৎ তেজোহসৃজত” ।

ছান্দোগ্যঃ ৬।২।৩

—তিনি সংকল্প করিলেন, আমি বহু হইব, জন্মিব, তিনি তেজঃ সৃষ্টি করিলেন । (ছাঃ ৬।২।৩) ।

“তন্মাদ্বা এতন্মাদাত্মন আকাশঃ সঙ্কৃতঃ । আকাশদ্বায়ুঃ, বায়োরগ্নিঃ, অগ্নেরাপঃ, অভ্যঃ পৃথিবী, পৃথিব্যা ওষধয়ঃ, ওষধীভ্যোহন্নম্, অন্নাৎ পুরুষঃ ॥” (তৈত্তিঃ ২।১।৩)

—সেই এই আত্মা হইতে আকাশ উৎপন্ন হইল, আকাশ হইতে বায়ু, বায়ু হইতে অগ্নি, অগ্নি হইতে জল, জল হইতে পৃথিবী, পৃথিবী হইতে ওষধিসকল, ওষধিসকল হইতে অন্ন এবং অন্ন হইতে পুরুষ উৎপন্ন হইল । (তৈত্তিঃ—২।১।৩)

সংশয় :—শিরোদেশে উদ্ধৃত ছান্দোগ্য শ্রুতিমন্ত্রে আকাশ সৃষ্টির উল্লেখ নাই, কিন্তু তৈত্তিরীয় শ্রুতি মন্ত্রে আকাশের উৎপত্তির উল্লেখ আছে । যথা :—“তন্মাদ্বা এতন্মাদাত্মন আকাশঃ সঙ্কৃতঃ ।”—“সেই এই আত্মা হইতে আকাশ উৎপন্ন হইল ।” অতএব স্পষ্টতঃ শ্রুতিবিরোধ সংঘটিত হইতেছে । সুতরাং ছান্দোগ্য শ্রুতিমন্ত্রোক্ত সৃষ্টি প্রক্রিয়া মুখ্য বলিয়া মান্ত করিলে, তৈত্তিরীয় শ্রুতিমন্ত্রোক্ত সৃষ্টি প্রক্রিয়া গৌণী বলা ভিন্ন উপায় নাই । এ কারণ, পূর্বপক্ষ তাঁহার আপত্তি সূত্রাকারে প্রকটিত করিলেন :—

সূত্র :—২।৩।১ ।

ন বিয়দশ্রুতেঃ ॥ ২।৩।১ ॥

ন + বিয়ৎ + অশ্রুতেঃ ॥

ন :—না । বিয়ৎ :—আকাশ । অশ্রুতেঃ :—যে হেতু শ্রুতিতে নাই ।

আকাশের উৎপত্তি নাই । কেননা, তৎসম্বন্ধে নির্দিষ্টরোধ শ্রুতি নাই ।

অন্তপক্ষে, নিয়বয়ব আকাশের উৎপত্তিও অসম্ভব প্রমাণে সম্ভবপর নহে । এটি পূর্বপক্ষ সূত্র ।

শ্রীমদ্ভাগবতেও আকাশকে বৃহদাত্মার বা পরমাত্মার যুষ্টিবরূপ বলা হইয়াছে :—

... . খং বৃহদাত্মলিঙ্গম্ ॥ ভাগঃ ২।২।২৮

১১।১১।২৮ শ্লোকে পরব্রহ্মকে ব্যোমরূপ বলা হইয়াছে :—

ঈং ব্রহ্ম পরমং ব্যোম..... । ভাগঃ ১১।১১।২৮

এবং ১১।১৫।১৯ শ্লোকে শ্রীভগবান্‌ই আপনাকে “আকাশাত্মা” বলিয়া আখ্যায়িত করিয়াছেন । যথা :—

ময্যাকাশাত্মনি প্রাণে..... । ভাগঃ ১১।১৫।১৯

সুভরাং, পূর্বপক্ষ সিদ্ধান্ত করিতেছেন যে, আকাশের উৎপত্তি নাই । ইহার উত্তরে সূত্রকার পরবর্তী সিদ্ধান্ত সূত্র করিলেন :—

তিল্পি:—

(১) “তস্মাদ্ভা এতস্মাদাঙ্মন আকাশঃ সঙ্ঘতঃ ॥”

(তৈত্তিরীয়, আনন্দ ২।১)

—সেই এই আত্মা হইতে আকাশ উৎপন্ন হইল।

(তৈত্তি: আনন্দ: ২।১)

(২) “এতস্মাজ্জায়তে প্রাণো মনঃ সর্বেন্দ্রিয়াণি চ।

খং বায়ুর্জ্যোতিরাপঃ” ॥ (মুণ্ডকঃ ২।১।৩)

—প্রাণ, মন, সমুদায় ইন্দ্রিয়গণ, আকাশ, বায়ু, জ্যোতিঃ, জল

ইহা হইতে উৎপন্ন হইল। (মুণ্ড: ২।১।৩)।

(৩) “নারায়ণাৎ প্রাণো জায়তে, মনঃ সর্বেন্দ্রিয়াণিচ।

খং বায়ুর্জ্যোতিরাপঃ.....” ॥ (নারায়ণোপনিষৎ .১)

—নারায়ণ হইতে প্রাণ, মনঃ, সমুদায় ইন্দ্রিয়গণ, আকাশ, বায়ু,

তেজ, জল উৎপন্ন হইল। (নারা: ১)

সূত্র :—২।৩।২।

অস্তি তু ॥ ২।৩।২ ॥

অস্তি + তু ॥

অস্তি :—আছে। তু :—আপত্তি নিরসনে।

শিরোদেশে উদ্ধৃত শ্রুতি মন্ত্রসকলে আকাশোৎপত্তি স্পষ্ট উক্ত হইয়াছে।

ছান্দোগ্য ৬।২।৩ মন্ত্রের সহিত উদ্ধৃত শ্রুতি মন্ত্রসকলের ঐক্য না হওয়ার, শ্রুতিপ্রমাণ ব্যাহত হইল, মনে করিবার কোনও কারণ নাই। কেননা,

ছান্দোগ্য শ্রুতির ৬।১।৩ মন্ত্রেই এক বিজ্ঞানে সর্ববিজ্ঞান প্রতিজ্ঞাত হইয়াছে :—

“যেনাহি শ্রুতং শ্রুতং শুভভ্যমতং মন্তমবিজ্ঞাতং বিজ্ঞাতমিতি।” যদি

আকাশ ব্রহ্ম হইতে উৎপন্ন না হয়, এবং ব্রহ্মের গুণ স্বতন্ত্র নিত্যবস্তু হয়,

তবে উক্ত প্রতিজ্ঞা ব্যাহত হইয়া পড়ে। সুতরাং যদিও ছান্দোগ্যে

আকাশোৎপত্তি মুখ্যতঃ উক্ত নাই, তথাপি বিরোধ পরিহারের জন্য অগ্নি শ্রুতিতে

উক্ত আকাশোৎপত্তি অঙ্গীকার করিতে হইবে। ইহা সিদ্ধান্ত সূত্র।

বিশেষতঃ ছান্দোগ্যের যে প্রকরণে ৬।২।৩ মন্ত্র অষ্টনিবিষ্ট, উহা মুখ্যতঃ

সৃষ্টিপ্রকরণ নহে, উহা মুখ্যতঃ ব্রহ্মবিজ্ঞাপ্রকরণ। ব্রহ্মবিজ্ঞা উপদেশে উহার

সার্থকতা । সৃষ্টি-স্বাকরণ প্রসঙ্গতঃ উক্ত হইয়াছে মাত্র । সুতরাং যদি আকাশ ও বায়ুর উৎপত্তি সম্বন্ধে কোনও উক্তি না থাকে, তাহা দোষের কারণ নহে ।

শ্রীমদ্ভাগবতেও পরব্রহ্ম হইতে আকাশোৎপত্তি কথিত আছে :—

(১।১।১২ সূত্রের আলোচনায় উক্ত শ্রীমদ্ভাগবতের ৪।২।৪।৬০ শ্লোক, পৃঃ ৪১৪ ও ১।২।২৭ সূত্রের আলোচনায় উক্ত ৮।৫।২৭ শ্লোক, পৃঃ ৫৩৩, দ্রষ্টব্য ।)

অন্যত্রও আকাশের উৎপত্তি কথিত আছে, যথা :—

তামসাদপি ভূতাদের্বিকুর্বাণাদভূমভঃ ॥ ভাগঃ ২।৫।২৫

—তামস অহঙ্কারের বিকারে নভঃ উৎপন্ন হইল । ভাগঃ ২।৫।২৫

তামসো ভূতস্মৃষ্ণাদির্ঘতঃ খং লিঙ্গমাঅনঃ ॥ ভাগঃ ৩।৫।৩২

—তামস অহঙ্কার হইতে আত্মলিঙ্গ আকাশ উৎপন্ন হইল । ভাগঃ ৩।৫।৩২

আর বিস্তারের প্রয়োজন নাই ।

অতএব, সূত্রকার সিদ্ধান্ত করিলেন যে, আকাশ নিত্য নহে । ইহার উৎপত্তি ব্রহ্ম হইতে । এ কারণ, ইহা ব্রহ্মকার্য্য ।

পূর্বসূত্রের সিদ্ধান্তের বিরুদ্ধে পূর্বপক্ষ পুনরায় আপত্তি উত্থাপন করিতেছেন । ২।৩।৩ সূত্র হইতে ২।৩।৫ সূত্র পর্য্যন্ত পূর্বপক্ষ সূত্র । পূর্বপক্ষের আপত্তিসকল এই সকল সূত্রে বিবৃত করা হইতেছে ।

সূত্র :—২।৩।৩ ।

গৌণ্যসম্ভবাৎ ॥ ২।৩।৩ ॥

গৌণী + অসম্ভবাৎ ॥

গৌণী :—গৌণার্থ বোধক । অসম্ভবাৎ :—অসম্ভব হেতু ।

আকাশের উৎপত্তি বিষয়ক তৈত্তিরীয় আনন্দ ২।১ মন্ত্র, মুণ্ডক ২।১।৩ মন্ত্র, অথবা তজ্জাতীয় অমুক্ত অগ্ন্যাগ্ন্য শ্রুতিমন্ত্র সকল, যদিও আকাশোৎপত্তি-বোধক, উহারা নিশ্চয়ই গৌণার্থ প্রকাশক । কেননা, আকাশের উৎপত্তি সম্ভব হয় না । আকাশই ত অবকাশ প্রদান করে, সুতরাং আকাশের উৎপত্তি স্বীকার করিলে প্রশ্ন উঠে, “আকাশ যখন না হইয়াছিল, তখন কি সমুদায় অচ্ছিন্ন বা নিরেট ছিল ?” এরূপ কল্পনাও সম্ভব নহে । সুতরাং আকাশের উৎপত্তি নাই ।

বিশেষতঃ, বৈশেষিকগণের মতে আকাশের উৎপত্তি নাই। সমুদায় জগৎ-বস্তুই সমবায়ী, অসমবায়ী ও নিমিত্ত, এই তিন প্রকার কারণে জন্মলাভ করে। তুল্যজাতীয় বহু দ্রব্যই দ্রব্যোৎপত্তির সমবায়ী কারণ। আকাশ জন্মাইতে পারে একরূপ আকাশ জাতীয় দ্রব্যাস্তর বা বহুদ্রব্য নাই। আকাশের পরমাণু নাই। সুতরাং আকাশের সমবায়ী কারণ না থাকায়, আকাশ অমুৎপন্ন অর্থাৎ নিত্য। দ্রব্যোৎপত্তির অসমবায়ী কারণ, সংযোগ। সমবায়ী কারণ না থাকায় এবং আকাশের পরমাণু বা অবয়ব না থাকায়, উহারও থাকা অসম্ভব। যখন সমবায়ী ও অসমবায়ী কারণ নাই, তখন নিমিত্ত কারণও যে নাই, তাহা বলাই বাহুল্য। সুতরাং, আকাশের উৎপত্তি নাই। ছান্দোগ্য এই কারণেই আকাশের উৎপত্তি মস্ত্রে বলেন নাই। উৎপত্তি বোধিকা অজ্ঞান্য শ্রুতিসকল গোণীমাত্র বুদ্ধিতে হইবে।

সূত্র :—২।৩।৪।

শব্দাচ্চ ॥ ২।৩।৪ ॥

শব্দাৎ + চ ॥

শব্দাৎ :—যে হেতু শ্রুতিপ্রমাণ আছে। চ :—ও।

তধু যুক্তি কেন, আকাশ যে নিত্য ও অমৃত, তাহার শ্রুতিপ্রমাণও আছে।

“অধামূর্ত্তং বায়ুশ্চাস্তরীক্ষকৈশ্চৈতদমৃতম্।” বৃহদারণ্যক, ২।৩।৩

—অনস্তর, অমূর্ত্ত দুই ভূত, বায়ু ও আকাশ, উভয়ই অমৃত (বৃহঃ ২।৩।৩)।

যদি আকাশ উৎপত্তিমান হইত, তাহা হইলে অমৃত বা নিত্য কি প্রকারে হইবে? জগৎপদার্থ মাত্রেরই ধ্বংস আছে। আকাশ যদি জগৎবস্তু হইত, তাহা হইলে শ্রুতি ইহাকে “অমৃত” বলিয়া নির্দেশ করিতেম না। অতএব ইহার উৎপত্তি নাই।

[শ্রীমদ্ রামানুজাচার্য ও শ্রীমদ্ বলদেব এই দুইটি একসূত্র রূপে গ্রহণ করিয়াছেন। আমরা অজ্ঞান্য আচার্যগণের পদানুসরণে দুইটি পৃথক্ ভাবে গ্রহণ করিয়াছি।]

তীতি :-

২।৩২ সূত্রের শিরোদেশে উক্ত তৈত্তিরীয় শ্রুতির ২।১ মন্ত্র ।

সিদ্ধান্তবাদী আপত্তি করিতে পারেন যে, তৈত্তিরীয় শ্রুতির ২।১ মন্ত্রে একই “সম্ভূতঃ” পদ, আকাশ পক্ষে গৌণ অর্থে, এবং অগ্নি, অপ, প্রভৃতির পক্ষে মুখ্য অর্থে প্রয়োগ কি প্রকারে যুক্তিবদ্ধ হয় ? ইহার উত্তরে পূর্বপক্ষ সূত্র করিলেন :-

সূত্র :- ২।৩।৫ ।

শ্রাট্টৈকশ্চ ব্রহ্মশব্দবৎ ॥ ২।৩।৫ ॥

স্যাৎ + চ + একস্য + ব্রহ্মশব্দবৎ ॥

শ্রাৎ :- হইতে পারে । **চ :-** ও । **একস্য :-** একই শব্দের ।

ব্রহ্মশব্দবৎ :- ব্রহ্মশব্দের ন্যায় ।

তোমাদের সিদ্ধান্তবাদীদের মতে ত “ব্রহ্ম” শব্দ এক মন্ত্রেই মুখ্য ও গৌণ অর্থে ব্যবহৃত হইতে দেখা যায় । উদাহরণ স্বরূপ তৈত্তিরীয় শ্রুতির ৩।২ মন্ত্র গ্রহণ কর । উহাতে স্পষ্ট উক্ত আছে, “তপসা ব্রহ্ম বিজিজ্ঞাসস্ব, তপো ব্রহ্মেতি” — “তপশ্চা দ্বারা ব্রহ্মকে জানিতে চেষ্টা কর । তপই ব্রহ্ম” । এখানে স্পষ্টতঃ দেখা যাইতেছে যে, প্রথম “ব্রহ্ম” শব্দ মুখ্যার্থে এবং দ্বিতীয় “ব্রহ্ম” শব্দ গৌণার্থে ব্যবহৃত হইয়াছে ।

মুণ্ডক শ্রুতির ১।১।৮ মন্ত্র গ্রহণ কর—“যঃ সর্বজ্ঞ সর্ববিৎ যস্য জ্ঞানময়ং তপঃ । তস্মাদেতৎ ব্রহ্ম নাম রূপময়ং চ জায়তে ।”—“যিনি সর্বজ্ঞ, সর্ববিৎ, যাহার তপঃ বা আলোচনা জ্ঞানময়, তাহা হইতে এই ব্রহ্ম (প্রকৃতি) নাম, রূপ ও অন্ন উৎপন্ন হয় ।” এ মন্ত্রে ব্রহ্ম “প্রকৃতি” অর্থে গৌণভাবে প্রযুক্ত হইয়াছে । কিন্তু ঐ প্রকরণেই উহার অব্যবহিত পূর্ব ১।১।৮ মন্ত্রে—“তপসা চীয়েতে ব্রহ্ম ততোহন্নমভিজায়তে ।”—“তপশ্চা দ্বারা ব্রহ্ম লব্ধ হন, তাহা হইতে অন্ন উৎপন্ন হয়”—ব্রহ্ম শব্দ মুখ্যার্থে ব্যবহৃত হইয়াছে । সুতরাং “সম্ভূতঃ” শব্দও ঐরূপ আকাশ পক্ষে গৌণ অর্থে, এবং তেজঃ, অপ, আদি পক্ষে মুখ্য অর্থে ব্যবহার অসঙ্গত নহে ।

ভিত্তি :—

“ঐতদাত্ম্যমিদং সর্বম্ ।” (ছান্দোগ্যঃ ৬।৮।৩)

—এই সমস্তই ব্রহ্মাত্মক । (ছাঃ ৬।৮।৩) ।

পূর্বপক্ষ ২।৩৩ সূত্রে বলিয়াছেন যে, আকাশের উৎপত্তি অসম্ভব হেতু, তাহার উৎপত্তি বোধক শ্রুতিসকল গৌণার্থে বৃত্তিতে চইবে। মুখ্যার্থে নহে।
সুতরাং উক্তের স্বাক্ষর সূত্র করিলেন :—

(৩) “কস্মিন্ন্ ভগবো বিজ্ঞাতে সর্বমিদং বিজ্ঞাতং ভবাত ।”

(মুক্তাংশুঃ ১।১।৩)

—হে ভগবন্! কি জানিলে, পরিদৃশ্যমান সমুদায় নিঃশেষে
(মুক্তাংশুঃ ১।১।৩)

(৪) “সদেব সোম্যেদমগ্র আসীদেকমেবাদ্বিতীয়ম্ ।”

(ছান্দোগ্যঃ ৬।২।১)

—হে সোম্য! সৃষ্টির পূর্বে এই জগৎ এক অদ্বিতীয় সং-স্বরূপই ছিল ।
(ছাঃ ৬।২।১)

(৫) “ঐতদাত্ম্যমিদং সর্বং— ॥” (ছান্দোগ্যঃ ৬।৮।৩)

—এই সমস্তই ব্রহ্মাত্মক । (ছাঃ ৬।৮।৩)

(৬) “সর্বং খন্দিদং ব্রহ্ম তজ্জলান্—” ॥ (ছান্দোগ্যঃ ৩।১৪।১)

—এ সমস্তই ব্রহ্ম, ব্রহ্ম হইতে জন্মিয়াছে, ব্রহ্মে অবস্থিত আছে, এবং ব্রহ্মে লয় প্রাপ্ত হইয়া থাকে । (ছাঃ ৩।১৪।১)

সূত্র :—২।৩।৬ ।

প্রতিজ্ঞাহানিরব্যতিরেকাৎ শব্দেভ্যঃ ॥ ২।৩.৬ ॥

প্রতিজ্ঞা + অহানিঃ + অব্যতিরেকাৎ + শব্দেভ্যঃ ॥

প্রতিজ্ঞা + অহানিঃ :—প্রতিজ্ঞার হানি হয় না । অব্যতিরেকাৎ :—

যে হেতু ভেদ নাই । শব্দেভ্যঃ :—শব্দ বা শ্রুতিপ্রমাণ সমূহ হইতে ।

শিরোদেশে উদ্ধৃত (২), (৩), শ্রুতি যন্ত্রে এক বিজ্ঞানে সর্ব-বিজ্ঞান প্রতিজ্ঞা করা হইয়াছে । ইহা ভিন্ন বৃহদারণ্যক শ্রুতির ৩।১।৬ যন্ত্রে স্পষ্টই কথিত আছে :—“আত্মনি খন্দিদং দৃষ্টে শ্রুতে মতে বিজ্ঞাত ইদং সর্বং বিদিতম্ ।”
—“আত্মা দৃষ্টে, শ্রুত, মত ও বিজ্ঞাত হইলে এ সমস্তই বিদিত হইয়া থাকে ।”

ব্যাধতি তদ্যালোচনা প্রতিমত্রে অর্থ হইতে আমরা বুঝিয়াছি। সুতরাং পূর্বপক্ষের আপত্তি কি প্রকারে সঙ্গত হইতে পারে ?

আরো দেখ বে, যখন পৃথিব্যাদি কিছুই ছিল না, যে বিশেষ বা ধর্ম লইয়া এখন আমরা আকাশ স্বরূপের অবধারণ করি, তখন সে বিশেষ বা ধর্মটিও ছিল না, ইহা অনায়াসে বুঝা যায়। কিছুই ছিল না, অথচ শব্দাত্মক আকাশ ছিল, ইহা যদি পূর্বপক্ষের অভিমতানুসারে ধারণা করা সম্ভব হয়, তবে আকাশও ছিল না, ব্রহ্মই ছিলেন, ইহা ধারণা করা অসম্ভব হইবে কেন ?

ব্রহ্মবিজ্ঞানালোচনার আমরা জানি যে স্থানাবরোধকতা বা অবকাশস্থানে

কিছুই ছিল না, তখন তাহার

ধর্ম থাকিবে, ইহা বা কি প্রকারে সঙ্গত হইবে, উহাদের

না থাকিলে, অপরটির না থাকাই সঙ্গত।

সুতরাং, ইহা

ব্রহ্ম বা

তথাপি আকাশ ও ব্রহ্মদ্বারা, ইহা যে

ছান্দোগ্য শ্রুতির উক্ত প্রকরণ—ব্রহ্মবিজ্ঞাপর বলিয়া সূত্র প্রক্রিয়ায়

পুঙ্খরূপে উল্লেখ না করায় যে কোন দোষ হয় নাই, ইহা ২।৩২ সূত্রের আলোচনায় বলা হইয়াছে।

শ্রীমদ্ভাগবতও স্পষ্টাক্ষরে বলিয়াছেন যে, ব্রহ্ম বিজ্ঞানে সমুদায়ই বিজ্ঞাত হইয়া থাকে, আর কিছুই জ্ঞাতব্য থাকে না।

নৈতদ্বিজ্ঞায় জিজ্ঞাসোজ্ঞাতব্যমবশিষ্ঠতে।

পীড়া পীযুষমমৃতং পাতব্যং নাবশিষ্ঠতে ॥ ভাগঃ ১।১।২২।৩০

(১।১।১ সূত্রের আলোচনায় ইহার অর্থ দেওয়া হইয়াছে। পৃঃ ৮৬)

আকাশ, বায়ু, অগ্নি, অপ, ক্রিতি প্রভৃতি ব্রহ্মকার্যরূপে যে “অব্যতিরেক,” তাহা ১।১।২ সূত্রের আলোচনায় উক্ত ভাগবতের ৭।২।৪৭ এবং ১।১।২।৩২ শ্লোক হইতে দৃষ্ট হইবে (পৃঃ ২৬-২৭, ১০৭)। অধিক কি, ভূত, ভবিষ্যৎ ও বর্তমান যা কিছু, সমুদায়ই পরম পুরুষ বা পরব্রহ্ম।

সর্বং পুরুষ এবদং ভূতং ভব্যং ভবচ্চ যৎ ॥ ভাগঃ ২।৬।১৫

অতএব, সিদ্ধান্ত হইল যে, আকাশও অন্যান্য ভূত সকলের স্থায় ব্রহ্ম হইতে উৎপন্ন—ব্রহ্মকার্য।

[শ্রীমদ্ রামানুজাচার্য্য এই সূত্রটিকে বিভাগ করিয়া দুইটি সূত্ররূপে ব্যবহার করিয়াছেন। আমরা অন্যান্য আচার্য্যগণের পদানুসরণ করিয়া একই সূত্র গণ্য করিয়াছি।]

ভিত্তি :—

“ঐতদাত্মামিদং সৰ্ব্বম্ ।” (ছান্দোগ্যঃ ৬।৮।৩)

—এই সমস্তই ব্রহ্মাত্মক । (ছাঃ ৬।৮।৩) ।

পূৰ্ব্বপক্ষ ২।৩৩ সূত্রে বলিয়াছেন যে, আকাশের উৎপত্তি অসম্ভব হেতু, উহার উৎপত্তি বোধক শ্রুতিসকল গোণার্থে বুঝিতে হইবে। মুখ্যার্থে নহে। তাহার উত্তরে সূত্রকার সূত্র করিলেন :—

সূত্র :—২।৩।৭ ।

যাবদ্বিকারন্তু বিভাগো লোকবৎ ॥ ২।৩।৭ ॥

যাবদ্বিকারং + তু + বিভাগঃ + লোকবৎ ॥

যাবদ্বিকারং :—যত কিছু বিকার আছে, তৎ সমস্তের । তু :—আপত্তিনিরসনে । বিভাগঃ :—উৎপত্তি । লোকবৎ :—লোক ব্যবহারের স্থায় । শিরোদেশে উল্লিখিত শ্রুতি মস্ত্রে স্পষ্ট উক্ত হইয়াছে যে, পরিদৃশ্যমান সমস্তই ব্রহ্মাত্মক । আকাশও পরিদৃশ্যমান সমস্তের অহুভুক্ত, সূত্রায়ং আকাশও ব্রহ্মাত্মক হওয়ায় উহার উৎপত্তি ব্রহ্ম হইতে । লোক ব্যবহারেও এইরূপ প্রয়োগ দেখা যায়। “ইহারা সকলে দেবদত্তের পুত্র” বলিয়া উহাদের মধ্যে কাহারও কাহারও বিশেষভাবে দেবদত্ত হইতে উৎপত্তি বলিলে, তদ্বারা যে রূপ সকলেরই দেবদত্ত হইতে উৎপত্তি নির্দেশ করা হয়; ইহাও সেরূপ । পরিদৃশ্যমান সমস্তই ব্রহ্মাত্মক হওয়ায়—“ব্রহ্ম তেজঃ সৃষ্টি করিলেন”, (ছাঃ ৬।২।৩) বলায়, আকাশের সৃষ্টি বা উৎপত্তি বারণ করা হইল না । বিশেষতঃ, অগ্ন্যাণ্ড শ্রুতিতে আকাশের উৎপত্তি স্পষ্টতঃ উল্লেখ রহিয়াছে । ছান্দোগ্যে আকাশের উৎপত্তি স্পষ্টতঃ উল্লেখ না থাকায়, তেজের প্রাথমিকত্ব প্রতীতি হইতেছে মাত্র । উহা অগ্ন্যাণ্ড শ্রুতিকথিত আকাশোৎপত্তি বারণ করিতে সমর্থ নহে ।

২।৩।৩ সূত্রে পূৰ্ব্বপক্ষ আপত্তি তুলিয়াছেন যে, আকাশের উৎপত্তি অসম্ভব । কেননা, আকাশোৎপত্তির পূর্বে অবকাশ মাত্র ছিল না, সমুদায় নিরেট ছিল, এরূপ কল্পনা অসম্ভব । ইহার উত্তর এই যে, এ আপত্তি যুক্তিযুক্ত নহে । কারণ, আকাশ দেশের অববোধক । দেশ ও কাল সৃষ্টির সহিত ঋনিষ্ঠ সম্বন্ধে সৰ্ব্ব—ইহা মৎপ্রণীত ‘বেদান্তপ্রবেশ’ গ্রন্থে দেশকাল তত্ত্বে আলোচিত হইয়াছে । আবার দেশ ও কাল উভয়ই জন্মপদার্থ, ইহাও মৎপ্রণীত “গায়ত্রীরহস্য” পুস্তকে

ব্যাহতি তদ্যালোচনাশ্চ শ্রুতিমন্ত্ৰেণ অর্থ হইতে আমরা বুঝিয়াছি। স্মৃত্যং পূৰ্বপক্ষের আপত্তি কি প্রকারে সঙ্গত হইতে পারে ?

আরো দেখ যে, যখন পৃথিব্যাদি কিছুই ছিল না, যে বিশেষ বা ধর্ম লইয়া এখন আমরা আকাশ স্বরূপের অবধারণ করি, তখন সে বিশেষ বা ধর্মটিও ছিল না, ইহা অনায়াসে বুঝা যায়। কিছুই ছিল না, অথচ শকাশ্রয় আকাশ ছিল, ইহা যদি পূৰ্বপক্ষের অভিমতানুসারে ধারণা করা সম্ভব হয়, তবে আকাশও ছিল না, ব্রহ্মই ছিলেন, ইহা ধারণা করা অসম্ভব হইবে কেন ?

অড়বিজ্ঞানালোচনায় আমরা জানি যে স্থানাবরোধকতা বা অবকাশস্থানে অস্বস্থিতি জড়ের ধর্ম। সৃষ্টির পূর্বে যখন অড়মাত্রই ছিল না, তখন তাহার অণু অবকাশস্থান থাকিবে, ইহা বা কি প্রকারে সঙ্গত হয় ? উহাদের একটি অপরটিকে অপেক্ষা করে, একটি না থাকিলে, অপরটির না থাকাই সঙ্গত। সৃষ্টির সঙ্গে সঙ্গে আকাশ বা দেশ অভিব্যক্তির প্রয়োজন হওয়ার সংস্করণ ব্রহ্ম বা ভগবানের সংকল্পানুসারে আকাশ অভিব্যক্ত হইল, ইহাই সঙ্গত। বিশেষতঃ, শ্রুতি মন্ত্ৰে জানা যায় যে, ব্রহ্ম “অনুলম্বনগু ...অনাকাশশ্চ” অর্থাৎ স্কুলত্বাদি ধর্ম যেমন ব্রহ্মে নাই, আকাশ ধর্মও তাঁহাতে নাই। (বৃহঃ ৩.৮.৮)। যদি সৃষ্টির পূর্বে হইতে আকাশ বিদ্যমান থাকিত, তাহা হইলে উক্ত শ্রুতিমন্ত্ৰে সাধারণ স্কুল, অণু, ব্রহ্ম, দীর্ঘ প্রভৃতির সহিত আকাশ অবিশেষভাবে উল্লিখিত হইত না, কোন না কোন বিশেষ নির্দেশ করা অপরিহার্য হইয়া পড়িত। অতএব সৃষ্টির পূর্বে স্কুল, সূক্ষ্ম প্রভৃতির গায় আকাশও বিদ্যমান ছিল না, ইহাই সিদ্ধান্ত। তবে যে বৃহদারণ্যক শ্রুতির ২।৩।৩ মন্ত্ৰে বায়ু ও আকাশকে “অমৃত” বলিয়া নির্দেশ করা হইয়াছে, তাহার অর্থ নিত্যত্ব নহে—দেবতা-গণের অমরত্বের গায় দীর্ঘকাল স্থায়িত্বমাত্র নির্দেশ করা শ্রুতির অভিপ্রেত বুদ্ধিতে হইবে।

২।৩।৩ সূত্রে আরও বলা হইয়াছে যে, আকাশের পরমাণু নাই, আকাশ নিরবয়ব, আকাশ জন্মাইতে পারে, এরূপ দ্রব্যাস্তর বা বহুদ্রব্য না থাকায়, আকাশ উৎপত্তি অসম্ভব, ইহাও সূত্র সিদ্ধান্ত নহে। ব্রহ্ম, পরমাত্মা বা ভগবানের অচিন্ত্য শক্তি দ্বারা একমাত্র তাঁহা হইতে, অণু উপকরণ ব্যতিরেকে, মাত্র সংকল্প বলে, প্রপঞ্চ জগৎপত্তি হইয়া থাকে, আকাশ প্রপঞ্চেরই অন্তর্ভুক্ত ইহা বলা বাহুল্য। ফলতঃ, তিনিই কৰ্ত্তা, কৰ্ম, করণ, অপাদান, অধিকরণ প্রভৃতি সমুদায় কারকব্যাপার। ইহা ২।১।১৫ সূত্রে প্রতিপাদিত হইয়াছে। অতএব সিদ্ধান্ত হইল যে, আকাশ ব্রহ্ম হইতেই উৎপন্ন।

শ্রীমদ্ভাগবত স্পষ্টই বলিয়াছেন যে,—প্রপঞ্চের যা কিছু—ব্রহ্মা, ব্রহ্ম, দেব, অসুর, মুনি, নর, নাগ, যুগ, সরীসৃপ, গন্ধর্ব, অশুরা, যক্ষ, রক্ষ, ভূতগণ, উরগগণ, পশু, পিতৃগণ, সিদ্ধগণ, বিদ্যাধর, চারণ, বৃক্ষ, লতা, যত কিছু স্বাবর, জন্ম, গ্রহ, ঋক্ষ, কেতু, তারা, তড়িৎ, আকাশ—সমুদায়ই পুরুষ। এক কথায়, ভূত, ভবিষ্যৎ, বর্তমান, যতকিছু সমুদায়ই পুরুষ, এবং সেই পুরুষই সমুদায় বিশ্ব আবরণ করিয়া, বাহিরে বিতস্তি পরিমাণ ব্যাপিয়া আছেন।

ভাগঃ ২:৬:১৫

সর্বং পুরুষ এবদং ভূতং ভব্যং ভবচ্চ যৎ ।

তেনেদমাবৃতং বিশ্বং বিতস্তিমধিতিষ্ঠতি ॥ ভাগঃ ২:৬:১৫

শ্রীমদ্ভাগবতে আকাশের উৎপত্তি সাক্ষাৎ সঙ্ক্ষে কথিত হইয়াছে। এবং তৎ সঙ্ক্ষে কয়েকটি শ্লোক ২।৩.২ সূত্রের আলোচনায় উদ্ধৃত হইয়াছে। এখানে আর তাহাদের পুনরুচ্চারের প্রয়োজন নাই। ভাগবত স্পষ্টতঃই বলেন যে, একমাত্র ব্রহ্মই প্রপঞ্চে বিস্তৃত। ভিন্ন ভিন্ন প্রতীতি, একমাত্র অপরিচ্ছিন্ন ব্রহ্মের বিভূতির বিকাশ রূপে প্রতীয়মান হয় মাত্র। এ সম্পর্কে ১।১।২ সূত্রের আলোচনায় উদ্ধৃত ১।৬।২০ ও ১।৬।২১ শ্লোক দ্রষ্টব্য (পৃঃ ১০১)।

তবে যে ২।৩।১ সূত্রে উদ্ধৃত শ্রীমদ্ভাগবতের ২।২।২৮, ১।১।১।২৮, ১।১।১।১২ শ্লোকে আকাশ পরমাত্মার যুঁড়িস্বরূপ বলা হইয়াছে, তাহার কারণ সমস্তই ব্রহ্মাত্মক বলিয়া এবং সমস্তই শ্রীহরির শরীর বলিয়া, আকাশও তাহার যুঁড়রূপ বলা হইয়াছে মাত্র। এ সম্পর্কে ১।১।২ সূত্রের আলোচনায় উদ্ধৃত ভাগবতের ১।১।২।৩২ শ্লোক দ্রষ্টব্য (পৃঃ ১০৭)। উক্ত শ্লোকে প্রপঞ্চে অভিব্যক্ত সমুদায়ের সহিত অভিন্নভাবে আকাশ ও “খ” শ্রীহরির শরীর বলিয়া কথিত হইয়াছে।

তীতি :—

(১) ২।৩।১ শ্লোকের শিরোদেশে উদ্ধৃত ছান্দোগ্যঃ ৬।২।৩ মন্ত্র ।

(২) “আকাশাত্মায়ঃ ।” তৈত্তিরিঃ ২।১ ।

—“আকাশ হইতে বায়ু উৎপন্ন হইল ।” তৈত্তিরিঃ ২।১

(৩) ২।৩।২ শ্লোকের শিরোদেশে উদ্ধৃত মুণ্ডক শ্রুতির ২।১।৩ মন্ত্র ।

সংশয় :—ছান্দোগ্য শ্রুতিতে বায়ুর উৎপত্তির উল্লেখ নাই । কিন্তু তৈত্তিরীয় শ্রুতির ২।১ মন্ত্রে আকাশ হইতে বায়ুর উৎপত্তি কথিত আছে । মুণ্ডক শ্রুতির ২।১।৩ মন্ত্রে ব্রহ্ম হইতে বায়ুর উৎপত্তি উক্ত হইয়াছে । সুতরাং, ছান্দোগ্য শ্রুতির সহিত উক্ত উভয় শ্রুতির বিরোধ হইতেছে । অতএব স্বতঃই সংশয় মনে উদয় হয় যে, বায়ুর উৎপত্তি শ্রুতিসঙ্গত কি না । ইহার উত্তরে সূত্রকার সূত্র করিলেন :—

সূত্র—২।৩।৮ ।

এতেন মাতরিখা ব্যাখ্যাতঃ ॥ ২।৩।৮ ॥

এতেন + মাতরিখা + ব্যাখ্যাতঃ ।

এতেন :—ইহা দ্বারা । **মাতরিখা :—**বায়ু । **ব্যাখ্যাতঃ :—**কথিত হইল ।

যে সমুদায় যুক্তি, বিচার ও শ্রুতিপ্রমাণে আকাশের উৎপত্তি স্থাপিত হইয়াছে, সেই সমুদায় দ্বারাই বায়ুর উৎপত্তিও প্রতিষ্ঠিত হইল ।

২।৩।২ শ্লোকের আলোচনায় উদ্ধৃত (পৃঃ ১৭০-১৭১) সৃষ্টি প্রক্রিয়ার চিত্রে, আকাশ, বায়ু প্রভৃতির উৎপত্তি দেখান হইয়াছে । সেখানে উহারা উভয়েই সাক্ষাৎ সম্বন্ধে পরম কারণস্বরূপ ব্রহ্ম, বা শ্রীকৃষ্ণ হইতে উৎপন্ন দেখান হয় নাই । কিন্তু ব্রহ্ম, পরমাত্মা বা ভগবান (শ্রীকৃষ্ণ) যে মূল কারণ, তাঁহার সংকল্প বশতঃই উহাদের উৎপত্তি, ইহা উক্ত চিত্র হইতে স্পষ্ট প্রতীয়মান হইবে । সুতরাং , ব্রহ্ম হইতে উহাদের উৎপত্তি বলিলে কোনও দোষ হয় না ।

শ্রীমদ্ভাগবতে বায়ুর উৎপত্তি এইরূপ বর্ণিত আছে :—

নভসোহথ বিকুর্বাণাদভূৎ স্পর্শগুণোহনিলঃ । ভাগঃ ২।৫।২৬

—নভের পরিণামে স্পর্শগুণবিশিষ্ট অনিল উৎপন্ন হইল । ভাগঃ ২।৫।২৬

অমৃত :-

কালমায়াংশযোগেন ভগবদ্বীক্ষিতং নভঃ ।

নভসোহ্নুসৃতং স্পর্শং বিকুর্বন্নির্ম্মেহনিলম্ ॥ ভাগঃ ৩।৫।৩৩

—অনন্তর কাল ও মায়ার অংশ যোগে, ভগবান্ আকাশের প্রতি দৃষ্টি করেন। তাহাতে সেই আকাশ হইতে উদ্ভূত স্পর্শগুণ রূপান্তর প্রাপ্ত হইয়া, বায়ুর সৃষ্টি করিল— অর্থাৎ আকাশ হইতে স্পর্শ তন্মাত্র দ্বারা অনিলের জন্ম হইল। ভাগঃ ৩।৫।৩৩

এই শ্লোক হইতে আমরা বুঝিলাম যে, ভগবানের ঈক্ষণে আকাশ কার্যশীল হইয়া বায়ুকে উৎপন্ন করিল। এই ঈক্ষণ যে সংকল্পাত্মক স্পন্দন, তাহা বলা বাহুল্য। অতএব বুঝা গেল যে, তৈত্তিরিঃ ২।১ মন্ত্রের সহিত শৃণু ২।১।৩ মন্ত্রের বিরোধ নাই। ভগবানের সংকল্পই জড় আকাশকে কার্যশীল করিয়া বিকার জন্মের হেতু।

ভিত্তিঃ—

১ । “কথমসতঃ সজ্জায়েতেতি ।” (ছান্দোগ্য ৬।২।২)

—অসৎ হইতে সতের উৎপত্তি কিরূপে হইবে ? (ছান্দোগ্য ৬।২।২)

২ । স কারণং করণাধিপাধিপো ন চাস্ম্য কশ্চিচ্ছ্রুতানিতা ন
চাধিপঃ ॥” (শ্বেতাঃ ৬।২)

—তিনি কারণ, করণাধিপ, জীবেরও অধিপতি, তাঁহার জনক নাই,
অধিপতি বা নিয়ন্তাও নাই । (শ্বেতাঃ ৬।২)

সংশয়ঃ—আকাশ ও বায়ু, বৃহদারণ্যক শ্রুতির ২।৩।৩ মন্ত্রে “অমৃত”
আখ্যায় আখ্যায়িত হইলেও, যখন উহাদের উৎপত্তি সিদ্ধান্ত করিতেছি, তখন
ব্রহ্মেরও উৎপত্তি সম্ভব হইবে না কেন ? এই সন্দেহ নিরসনের জ্ঞান সূত্রঃ—

• সূত্রঃ—২।৩।২ ।

অসম্ভবস্ত সতোহনুপপত্তেঃ ॥ ২।৩।২ ॥

অসম্ভবঃ + তু + সতঃ + অনুপপত্তেঃ ॥

অসম্ভবঃ :—উৎপত্তির অভাব । তু :—আপত্তি নিরসনে । সতঃ :—
সতের, সৎস্বরূপ ব্রহ্মের । অনুপপত্তেঃ :—অনুপপত্তি হেতু ।

পরম কারণ ব্রহ্ম হইতে আকাশ ও বায়ুর উৎপত্তি সম্ভব বিধায়, এবং উহারা
প্রকৃতি মহত্ত্ব প্রভৃতির গায় ব্রহ্মকার্য্য বিধায়, উহাদের উৎপত্তি ব্রহ্ম হইতে
সিদ্ধ হইয়াছে । কিন্তু ব্রহ্ম যখন মূল কারণ, এবং সৎ বা নিত্য, তখন তাঁহার
উৎপত্তি বা কারণানুসন্ধানের অবকাশ নাই । বিশেষত, শিরোদেশে উদ্ধৃত
ছান্দোগ্য শ্রুতির ৬।২।২ মন্ত্রে অসৎ হইতে সতের উৎপত্তি হইতে পারে না,
ইহা উক্ত হইয়াছে । যদি “সৎ”ই সতের কারণ বল, তাহা হইলে সেই কারণ-
রূপ সতের অনবস্থাদোষ উপস্থিত হয় । সুতরাং “সৎ” অর্থাৎ যাহা নিত্য,
তাঁহার আবার কারণ কি হইবে ? কারণ হয় বলিলে, উহার “সৎ” স্বরূপের
অপলাপ সম্পাদিত হইয়া থাকে । শিরোদেশে উদ্ধৃত শ্বেতাশ্বতর শ্রুতির ৬।২
মন্ত্রে স্পষ্টই কথিত হইয়াছে যে, পরমকারণ স্বরূপ ব্রহ্মের কোনও জনক বা
কারণ নাই । অতএব, সিদ্ধ হইল যে, সৎ বা ব্রহ্ম নিত্য বলিয়া তাঁহার উৎপত্তির
প্রশ্ন উঠিতে পারে না । “অনবস্থা” দোষ নিবারণের জ্ঞান কারণের অবস্থানে
মূল ধরিতেই হইবে । সেই মূলই আমাদের ব্রহ্ম ।

শ্রীমদ্ভাগবত স্পষ্টই বলিয়াছেন :—

ত্বং হি বিশ্বসৃজাং স্রষ্টা সৃষ্টানাংপি যচ্চসৎ । ভাগঃ ১০।৫৬।২০

—তুমি বিশ্বের সৃষ্টিকর্তাগণেরও স্রষ্টা এবং সমুদায় সৃষ্ট বস্তুগণের মধ্যে অনন্যত একমাত্র সৎ । ভাগঃ ১০।৫৬।২০

স্থিত্যন্তবপ্রলয়হেতুরশ্চ যৎ স্বপ্নজাগর সুষুপ্তিষু সদ্বিশিচ ।

দেহেন্দ্রিয়ানুহৃদয়ানি চরন্তি যেন সংজীবিতানি তদবেহি পরং

নরেন্দ্র ॥ ভাগঃ ১১।৩।৩৬

—পিপ্বায়ন কহিলেন, হে নরেন্দ্র ! যিনি এই জগতে সৃষ্টি, স্থিতি, প্রলয়ের হেতু ও স্বয়ং অহেতু এবং যিনি স্বপ্ন, জাগ্রৎ, সুষুপ্তি কালে ও সমাধিতে সজ্ঞাপে বর্তমান, আর দেহ, ইন্দ্রিয়, মনঃ ইহারা যাহার দ্বারা জীবিত থাকিয়া বিচরণ করে, তাহাকেই পরম তত্ত্ব জানিবে । ভাগঃ ১১।৩।৩৬

তিনি আত্ম, তাঁহার উৎপত্তি নাই ।

একস্তমাত্মা পুরুষঃ পুরাণঃ সত্যং স্বয়ংজ্যোতিরনন্ত আত্মঃ ।

ভাগঃ ১০।১৪।২২

—আপনি এক, অদ্বিতীয়, আত্মা, পুরাণ পুরুষ, অর্থাৎ সৃষ্টির পূর্ষাবধি বর্তমান আছেন । আপনি আত্ম—আপনার উৎপত্তি নাই । আপনি সত্য, স্বয়ং জ্যোতিস্বরূপ ও অনন্ত । ভাগঃ ১০।১৪।২২

ত্বমেক আত্মঃ পুরুষোহ্দিবিতীয়স্বর্যাস্বদৃক্ হেতুরহেতু রীশঃ ॥

ভাগঃ ১০।৬৩।২৩

—তুমি এক, অদ্বিতীয়, আত্ম, তৃতীয় পুরুষ, জগতের সৃষ্টি, স্থিতি, প্রলয়ের হেতু, কিন্তু স্বয়ং অহেতু, এবং স্বপ্রকাশ জ্ঞান স্বরূপ ॥ ভাগঃ ১০।৬৩।২৩

নমস্তুে পুরুষং ত্বাত্মমীশ্বরং প্রকৃতেঃ পরম্ । ভাগঃ ১।৮।১৭

—তুমি আত্ম পুরুষ, প্রকৃতির পর । তোমাকে নমস্কার করি ।

ভাগঃ ১।৮।১৭

এই প্রকার বহু স্থলে তাঁহাকে আত্ম, কারণের কারণ, অহেতু বলা হইয়াছে । আর অধিক উচ্চারের প্রয়োজন নাই ।

সূত্রে “সৎ” শব্দের উল্লেখ আছে, এবং ভাগ্যকারগণ উহার অর্থ “ব্রহ্ম” বলিয়া নির্দেশ করিয়াছেন । সত্যের অর্থ ব্রহ্ম কি করিয়া হয়, তাহা বুঝিবার চেষ্টা করা যাউক । শ্রীমদ্ভাগবত সত্যের যে সংজ্ঞা নির্দেশ করিয়াছেন, তাহা

১।১।২ সূত্রের আলোচনায় উদ্ধৃত হইয়াছে। বুঝিবার সুবিধার জ্ঞে ইহা এখানেও উদ্ধৃত হইল :—

স্থিত্যুৎপত্ত্যপ্যায়ান পশ্চাদ্ ভাবানাং ত্রিগুণাত্মনাম্ ।

আদাবস্তে চ মধ্যোচ সৃজ্যাৎ সৃজ্যাৎ যদস্থিয়াৎ ।

পুনস্তৎ প্রতিসংক্রামে যচ্ছিষ্যত তদেব সৎ ॥ ভাগঃ ১।১।২।১৫

—ত্রিগুণাত্মক অর্থাৎ সাবয়ব পদার্থ যাত্রেই উৎপত্তি, স্থিতি ও বিনাশ আলোচনা করিবে। এই প্রকার আলোচনার কার্য্য হইতে উৎপন্ন কার্য্যান্তরের আদি, অস্তে ও মধ্যো যাহা সতত অমুগত থাকে, এবং তাহাদিগের প্রলয়েও যাহা অবশিষ্ট থাকে, তাহাই “সৎ” পদার্থ।

ভাগঃ ১।১।২।১৫

প্রপঞ্চ বিশ্বের কোনও একটি পরিদৃশ্যমান পদার্থের (যেমন এক খণ্ড বস্তুর) কারণানুসন্ধান করিতে করিতে (অর্থাৎ, বস্তুর কারণ সূতা, তাহার কারণ তুলা, তাহার কারণ বৃক্ষ, তাহার কারণ বীজ, ইত্যাদি), “নেতি নেতি” বিচারে (by process of elimination), যে আশু কারণে উপস্থিত হইতে হয়, এবং বস্তুর বিনাশেও যাহা অবশিষ্ট থাকে, তাহাই “সৎ”। এই “সৎ” সমুদায় বস্তুতে অমুস্থ্যত। সমুদায়ের বর্তমানতা—এই “সৎ” অমুস্থ্যত আছে বলিয়াই। অতএব ইহা হইতে স্পষ্ট সিদ্ধান্ত হয় যে, “সৎ”ই মূল কারণ, সত্তের আর কারণ বা উৎপত্তি নাই। যদি উৎপত্তি থাকিবে, তাহা হইলে “সৎ” আখ্যায় আখ্যায়িত হইবে কি প্রকারে? সেই ‘সৎ’ কি পদার্থ, তাহা শ্রীমদ্ভাগবত ২।২।৩২ শ্লোকে স্পষ্ট বলিয়াছেন। এই শ্লোকটি ১।১।২ সূত্রের আলোচনায় উদ্ধৃত হইয়াছে। বোধ সৌকর্য্যার্থ এখানেও উদ্ধৃত হইল।

অহমেবাসমেবাগ্রে নান্মৎ যৎ সদসৎ পরম্ ।

পশ্চাদহং যদেতচ্চ যোহবশিষ্যতে সোহস্ম্যাহম্ ॥ ভাগঃ ২.২।৩২

—সৃষ্টির পূর্বে আমিই ছিলাম। স্থূল, সূক্ষ্ম এবং তাহাদেরও পর, অর্থাৎ কারণ, প্রকৃতিও তখন ছিল না। সৃষ্টির পরেও আমি আছি, দৃশ্যমান প্রপঞ্চ-জাত আমিই। প্রলয়ে যাহা অবশিষ্ট থাকিবে, তাহা আমিই। ভাগঃ ২।২।৩২

অতএব “সৎ” বলিলেই, ষাঁহার সত্যায় প্রপঞ্চ সত্যবান্, সেই পরমসত্ত্বা, পরম ব্রহ্মকে বুঝায়, তাহা বুঝা গেল। তাঁহার উৎপত্তি যে অসম্ভব, তাহা বলা বাহুল্য মাত্র। যদি তাঁহারও উৎপত্তি থাকিবে,

ভাবে তাঁহাকে “সৎ” আখ্যায় আখ্যায়িত বা “সৎ” সংস্কার সংজ্ঞিত করা যাইত না।

অন্যত্রও আছে :—

তুয্যাগ্র আসীদ্বয়ি মধ্য অসীদ্ব্যস্ত আসীদিদমাঅতস্তে ।

হুমাদিরস্তো জগতোহস্থ মধ্যং ঘটস্য মৃৎস্নেব পরঃ পরস্মাৎ ॥

ভাগঃ ৮।৬।১০

—হে ভগবন্! আপনি আত্মতন্ত্র—আপনার নিয়ন্তা কেহ নাই। এই জগৎ অগ্রে (সৃষ্টির পূর্বে) আপনাতে ছিল, মধ্যও আপনাতে রহিয়াছে এবং অন্তেও আপনাতেই থাকিবে। মৃত্তিকা যেমন ঘটের আদি, অস্ত ও মধ্য, আপনি তেমনি এই জগতের আদি, মধ্য ও অস্ত। আপনি মূল কারণ প্রকৃতি হইতেও পর। ভাগঃ ৮।৬।১০

২। তেজোহৃৎকরণ ॥

ভিত্তি :—

সূত্র :—

(১) “বায়োরগ্নিঃ” ॥ (তৈত্তিঃ ২।১)

—বায়ু হইতে অগ্নি উৎপন্ন হইল। তৈত্তিঃ ২।১

(২) তত্তেজোহৃৎকৃত ॥ (ছান্দোগ্য ৬।২।৩)

—সেই সৎ স্বরূপ ব্রহ্ম তেজঃ সৃষ্টি করিলেন। (ছাঃ ৬।২।৩)

সংশয় :—তেজঃ সম্বন্ধেও শ্রুতি বিরোধ দেখা যাইতেছে। তৈত্তিঃ ২।১ মন্ত্বে বলিলেন যে, বায়ু হইতে সাক্ষাৎ সম্বন্ধে তেজের উৎপত্তি হইয়াছে। ছান্দোগ্য স্পষ্টভাবে বলিলেন যে, সৎস্বরূপ ব্রহ্মই তেজঃ সৃষ্টি করিলেন। ব্রহ্ম ব্যতিরিক্ত কুৎস্ন জগৎ-প্রপঞ্চ ব্রহ্মকার্য্য, ইহা প্রতিপাদিত হইয়াছে। কিন্তু তেজের সাক্ষাৎ সম্বন্ধে বায়ু হইতে উৎপত্তি তৈত্তিঃ শ্রুতিতে কথিত হইয়াছে। উহা হইতে এইরূপ সিদ্ধান্ত হইতে পারে যে, পরবর্তী কার্য্যগুলি ব্রহ্মসৃষ্ট পূর্ববর্তী ভূতপদার্থ সকল হইতে উৎপন্ন হইয়াছে। এই সূত্রটি রামানুজাচার্য্য পূর্বপক্ষ সূত্ররূপে অর্থ করিয়াছেন :—

সূত্র :—২।৩।১০।

তেজোহৃৎকৃততথাহ ॥ ২।৩।১০ ॥

তেজঃ + অতঃ + তথা + হি + আহ ॥

তেজঃ :—তেজ বা অগ্নি। অতঃ :—বায়ু হইতে। তথাহি :—সেই-রূপই। আহ :—শ্রুতি বলিতেছেন।

তৈত্তিরীয় শ্রুতির ২।১ মন্ত্বে বলে অগ্নি, বায়ু হইতে উৎপন্ন। ব্রহ্ম হইতে নহে।

শ্রীমদ্ভাগবত বলিতেছেন :—

বায়োরপি বিকুর্বাণাৎ কাল-কর্ম্ম-স্বভাবতঃ । •

উপপত্ত্বত বৈ তেজো রূপবৎ স্পর্শশব্দবৎ ॥ ভাগঃ ২।৫।২৭

—কাল, কৰ্ম ও স্বভাব বশতঃ বায়ু বিকার প্রাপ্ত হইলে, তাহা হইতে স্বাভাবিক “রূপ” গুণ বিশিষ্ট, এবং বায়ু হইতে প্রাপ্ত স্পর্শ ও শব্দগুণ বিশিষ্ট তেজ উৎপন্ন হইল। ভাগঃ ২।৫।২৭

অগ্ন্যত্রও আছে :—

অনিলোহপি বিকুর্বাণো নভসোকুবলাশ্বিতঃ ।

সসর্জ রূপতন্মাত্রঃ জ্যোতির্লোকস্য লোচনম্ ॥ ভাগঃ ৩।৫।৩৪

—পরে আকাশের সহযোগে মহাবলশালী বায়ু বিকারপ্রাপ্ত হইলে, তাহা হইতে রূপতন্মাত্র ও তেজের উদ্ভব হইল। এই তেজই সকল ভুবনের প্রকাশক। ভাগঃ ৩।৫।৩৪

বায়োশ্চ স্পর্শতন্মাত্রাদ্রূপং দৈবেরিতাদভূৎ ।

সমুখিতং ততস্তেজশ্চক্ষুরূপোপলভ্তনম্ ॥ ভাগঃ ৩।২৬।৩৬ .

—উক্ত স্পর্শতন্মাত্র-রূপ বায়ু, ঈশ্বরেচ্ছায় প্রেরিত হইয়া বিকার প্রাপ্ত হইলে, তাহা হইতে রূপ, তদনন্তর তেজঃ, এবং রূপের গ্রাহক চক্ষুঃ উৎপন্ন হইল। ভাগঃ ৩।২৬।৩৬

তিত্তিঃ—

(১) তদাপাহস্যজত । (ছান্দোগ্য ৬।২।৩)

—সেই তেজঃ জল সৃষ্টি করিলেন । (ছাঃ ৬।২।৩)

(২) “অগ্নেরাপঃ” (তৈত্তিঃ ২।১)

—অগ্নি হইতে জল উৎপন্ন হইল । (তৈত্তিঃ ২।১)

শিরোদেশে উদ্ধৃত শ্রুতি-মন্ত্রদ্বয়ে তেজঃ বা অগ্নি হইতে জলের উৎপত্তি উল্লিখিত হইয়াছে । ইহা পূর্বপক্ষ সূত্ররূপে প্রদর্শন করিলেন :—

সূত্র :—২।৩।১১ ।

আপঃ ॥ ২।৩।১১ ॥

আপঃ :—জল ।

অতএব জল ব্রহ্ম হইতে উৎপন্ন নহে, তেজঃ বা অগ্নি হইতে উৎপন্ন । এটিও পূর্বপক্ষ সূত্র ।

শ্রীমদ্ভাগবত বলিতেছেন :—

তেজসস্ত্ব বিকুর্বাণাদাসীদস্তো রসাত্মকম্ ।

রূপবৎ স্পর্শবচাস্তো ঘোষবচ্চ পরাম্বয়াৎ । ভাগঃ ২।৫।২৮

—তেজ বিকার প্রাপ্ত হইলে জল উৎপন্ন হইল । উহার স্বাভাবিক গুণ রস । পূর্ববর্তী ভূতগণের অস্বয় হেতু, উহা রূপবৎ, স্পর্শবৎ ও শব্দবৎ বটে । ভাগঃ ২।৫।২৮

অনিলেনাশ্বিতং জ্যোতির্বিকুর্বৎ পরবীক্ষিতম্ ।

অধিত্তাস্তোরসময়ং কালমায়াংশযোগতঃ ॥ ভাগঃ ৩।৫।৩৪

—তেজঃ বায়ুর সহযোগে ভগবানের ঈক্ষণে বিকার প্রাপ্ত হইলে, কাল মায়া ও অংশ যোগহেতু, রসময় জল উৎপন্ন হইল ।

ভাগঃ ৩।৫।৩৪

রূপমাত্রাহিকুর্বাণান্তেজসো দৈবচোদিতাৎ ।

রসমাত্রমভূতস্বাদস্তো জিহ্বারসগ্রহঃ ॥ ভাগঃ ৩।২৬।৩৯

—রূপ তমাত্র স্বরূপ তেজঃ ভগবদিচ্ছায় বিকার প্রাপ্ত হইলে, তাহা হইতে রসতমাত্র উৎপন্ন হইল । তাহা হইতে জল ও রসের গ্রাহক রসনেন্দ্রিয় উৎপন্ন হইল । ভাগঃ ৩।২৬।৩৯

ভিত্তি :—

“অন্ত্যঃ পৃথিবী” ॥ (তৈত্তিঃ ২।১)

—জল হইতে পৃথিবী উৎপন্ন হইল। (তৈত্তিঃ ২।১)

সূত্র :—২।৩।১২ ।

পৃথিবী ॥ ২।৩।১২ ॥

শিরোদেশে উক্ত শ্রুতি বলিতেছেন যে, জল হইতে পৃথিবী উৎপন্ন হইল। অতএব, পৃথিবী ব্রহ্ম হইতে উৎপন্ন নহে। এটিও পূর্বপক্ষ সূত্র।

শ্রীমদ্ভাগবত বলিতেছেন :—

বিশেষস্ত বিকুর্বাণাদন্তসো গন্ধবানভূৎ ।

পরাস্বয়াজসম্পর্শশব্দরূপগুণাশ্চিতঃ ॥ ভাগঃ ২।৫ ২৯

—জল বিকার প্রাপ্ত হইলে, তাহা হইতে বিশেষ অর্থাৎ পৃথিবী উৎপন্ন হইল। উহার স্বাভাবিক গুণ গন্ধ। পূর্ববর্তী ভূতগণে অস্থিত থাকায়, উহা রস, রূপ, স্পর্শ ও শব্দ গুণবিশিষ্টও বটে।

ভাগঃ ২।৫।২৯

জ্যোতিষাস্তোহনুসংসৃষ্টঃ বিকুর্বদ্বক্ষবীক্ষিতম্ ।

মহীং গন্ধগুণামাধাৎ কালমায়াংশযোগতঃ ॥ ভাগঃ ৩।৫।৩৪

—তেজোহনুসংসৃষ্ট এই জল, ভগবান বা ব্রহ্ম কর্তৃক বীক্ষিত হইয়া, কাল, মায়া অংশ যোগে গন্ধগুণবতী মহীকে উৎপন্ন করিল।

ভাগঃ ৩।৫।৩৪

রসমাত্রাদ্বিকুর্বাণাদন্তসো দৈবচোদিতাৎ ।

গন্ধমাত্রমভূক্তস্মাৎ পৃথ্বী ভ্রাণস্ত গন্ধগঃ ॥ ভাগঃ ৩।২৬।৪২

—রস তনাত্রক জল, ঈশ্বরেচ্ছা বশতঃ বিকার প্রাপ্ত হইলে, তাহা হইতে গন্ধতনাত্র উৎপন্ন হয়। তাহাতে ভূমি ও গন্ধগ্রাহক ভ্রাণেন্দ্রিয় জন্মে। ভাগঃ ৩।২৬।৪২

ভিত্তি :—

“তা অন্নমসৃজন্তু ।” (ছান্দোগ্য ৬।২।৪)

—জল সমূহ অন্ন সৃষ্টি করিল । (ছাঃ ৬।২।৪)

সংশয় :—ছান্দোগ্য শ্রুতিতে জল অন্ন সৃষ্টি করিল, ইহা স্পষ্ট কথিত আছে । ২।৩।১২ সূত্রের শিরোদেশে উক্ত তৈত্তিরীয় শ্রুতিতে, জল হইতে পৃথিবী সৃষ্টি উল্লিখিত আছে । একরূপ শ্রুতিবিরোধ হইবার কারণ কি ? ইহার উত্তরে পূর্বপক্ষ সূত্র :—

সূত্র :—২।৩।১৩ ।

অধিকার-রূপ-শব্দান্তরেভ্যঃ ॥ ২।৩ ১৩ ॥

অধিকার + রূপ + শব্দান্তরেভ্যঃ ॥

অধিকার :—প্রসঙ্গ । **রূপ :**—বর্ণ । **শব্দান্তরেভ্যঃ :**—অন্য শব্দ হইতেও ।

ছান্দোগ্য শ্রুতির ৬।২।৪ মন্ত্রে অন্নশব্দে যে পৃথিবী অভিহিত হইয়াছে, সে পক্ষে শ্রুতি বলিতেছেন :—অধিকার, রূপ ও শব্দান্তর হইতে বুঝা যায় যে, অন্ন শব্দে পৃথিবীই বুঝাইতেছে, অন্য কিছু নহে । প্রথম কারণ এই যে, মহাভূতের সৃষ্টি প্রসঙ্গে ছান্দোগ্যে “অন্ন” শব্দের উল্লেখ আছে । “অন্ন” অর্থ ভক্ষণীয় বস্তু, এবং ভক্ষণীয় বস্তু মাত্রই পৃথিবী-বিকার । কার্য্য কারণের অভেদ হেতু অন্নের কারণীভূত পৃথিবী বুঝাইতে “অন্ন” শব্দের প্রয়োগ হইয়াছে । দ্বিতীয় কারণ এই যে, ছান্দোগ্য শ্রুতির ৬।৪।১ মন্ত্রে তেজঃ ও অপের সম্বন্ধে যেমন লোহিত ও শুক্ল রূপের বর্ণনা আছে, অন্ন সম্বন্ধে তেমন কৃষ্ণ রূপের বর্ণনা আছে । ইহা হইতেও বুঝা যায় যে, অন্ন, তেজঃ ও জলের গ্রায় একটি স্বতন্ত্র মহাভূত এবং তাহা পৃথিবী ভিন্ন আর কিছু হইতে পারে না । তৃতীয় কারণ এই যে, ভূতসৃষ্টি বিষয়ক সমান জাতীর তৈত্তিরীয় শ্রুতি মন্ত্রে, অগ্নি হইতে জল, ও জল হইতে পৃথিবী উৎপন্ন হইল কথিত আছে ; সেইরূপ ছান্দোগ্যেও অগ্নি হইতে জল ও জল হইতে অন্ন উৎপন্ন হইল উল্লিখিত আছে । সুতরাং ছান্দোগ্য শ্রুতিতে অন্ন শব্দে পৃথিবীই অভিহিত, ইহা বুঝা যাইতেছে ।

শ্রীমদ্ভাগবত বলিতেছেন :—

যথাগ্নিমেধস্যমৃতঞ্চ গোষু ভুব্যন্নমস্বৃ গৃমনে চ বৃদ্ধিম্ ।

যোগৈর্গম্নুষ্ঠা অধিয়ন্তি হি ত্বাং গুণেষু বুদ্ধ্যা কবয়ো বদন্তি ॥

ভাগঃ ৮।৩।১২

—হে ভগবন্! যেমন কাষ্ঠ মধ্যে অগ্নি, গাভীমধ্যে অমৃত বা ঘৃত, ভূমি মধ্যে অন্ন ও জল, এবং উগৃমনে বা পুরুষকারে জীবিকোপায় বর্তমান আছে, মনুষ্টিগণ উপায় দ্বারা ঐ সমুদায় প্রাপ্ত হইয়া থাকে—অর্থাৎ মন্থন দ্বারা কাষ্ঠ হইতে অগ্নি, দোহনাদি দ্বারা গাভী হইতে ঘৃত, কর্ষণাদি দ্বারা পৃথিবী হইতে অন্ন, খননাদি দ্বারা পৃথিবীর অভ্যন্তর হইতে জল, বাণিজ্যাদি পুরুষকার দ্বারা জীবিকা প্রাপ্ত হয়। পণ্ডিতেরা বলেন যে, আপনি তেমনি গুণেতে বর্তমান আছেন, এবং উহারা বুদ্ধিযোগে আপনাকে, তাহা হইতে পাইয়াও থাকেন। ভাগঃ ৮।৩।১২

অন্যত্রও প্রতিলোমক্রমে অন্ন পৃথিবীতে লয় প্রাপ্ত হয়, কথিত আছে :—

অন্নে প্রলীয়তে মর্ত্যমন্নং ধানান্ন লীয়তে ।

ধানা ভূমৌ প্রলীয়ন্তে ভূমির্গন্ধে প্রলীয়তে ॥ ভাগঃ ১।১।২৪ ২২

—মর্ত্য শরীর অন্নে, অন্ন ওষধি বীজে, ওষধি বীজ পৃথিবীতে, পৃথিবী গন্ধে লয় প্রাপ্ত হয়। ভাগঃ ১।১।২৪।২২

অতএব, অন্ন শব্দে পৃথিবীই শ্রুতির অভিপ্রেত। এটিও পূর্বপক্ষ সূত্র।

[রামানুজাচার্য্য ২।৩।১২ ও ২।৩।১৩ দুইটি পৃথক্ সূত্ররূপে ব্যাখ্যার করিয়াছেন। অন্যত্র আচার্য্যগণ দুইটি মিলাইয়া একটি সূত্ররূপে ব্যাখ্যা করিয়াছেন। আমরা বোধ সৌকর্য্যার্থ রামানুজাচার্য্যের পদানুসরণ করিয়াছি।]

২।৩।১০ হইতে ২।৩।১৩ সূত্র পর্য্যন্ত চারিটি সূত্রে পূর্বপক্ষ শ্রুতিপ্রমাণে সিদ্ধান্ত করিলেন যে, তেজঃ, জল, পৃথিবী বা অন্ন ব্রহ্ম সৃষ্ট নহে। বায়ু হইতে তেজঃ, তেজঃ হইতে জল এবং জল হইতে পৃথিবী উৎপন্ন হইল। অতএব ইহারা ব্রহ্মকার্য্য নহে। সুতরাং ব্রহ্ম যে সর্বকারণ কারণ বলিয়াছে, তাহা ব্যাহত হইয়া গেল। ইহার উত্তরে সূত্রকার ২।৩।১৪ সিদ্ধান্ত সূত্র রচনা করিয়া পূর্বপক্ষের আপত্তির খণ্ডন করিতেছেন।

ভিত্তি :—

- (১) “তদৈক্কত বহুস্যাং প্রজায়েয়েতি” ॥ (ছান্দোগ্যঃ ৬।২।৩)
—তিনি (সেই “সৎ”) আলোচনা করিলেন, আমি বহু হইব, জন্মিব । (ছান্দোগ্যঃ ৬।২।৩)
- (২) “তত্তেজ ঐক্কত বহুস্যাং প্রজায়েয়েতি ॥”
(ছান্দোগ্যঃ ৬।২।৩)
—সেই তেজ আলোচনা করিলেন, আমি বহু হইব, জন্মিব ।
(ছান্দোগ্যঃ ৬।২।৩)
- (৩) “তা আপ ঐক্কন্তু বহুস্যাং স্যাম প্রজায়েমহীতি ॥”
(ছান্দোগ্যঃ ৬।২।৪)
—সেই জল সকল আলোচনা করিলেন, আমরা বহু হইব, জন্মিব ।
(ছান্দোগ্যঃ ৬।২।৪)

সূত্র :—২।৩।১৪ ।

তদভিধানাদেব তু তল্লিঙ্গাৎ সং ॥ ২।৩।১৪ ॥

তৎ + অভিধানাৎ + এব + তু + তল্লিঙ্গাৎ + সং ।

তৎ :—তাঁহার । অভিধানাৎ :—সংকল্প হইতে । এব :—নিশ্চয় ।

তু :—আপত্তি নিরসনে । তল্লিঙ্গাৎ :—সৃষ্টিহেতু আলোচনা বা সংকল্প-বোধক বাক্য হইতে । সং :—তিনিই, ব্রহ্মই ।

শিরোদেশে উদ্ধৃত ছান্দোগ্য শ্রুতিমন্ত্রেই স্পষ্ট উল্লিখিত আছে যে, বহু হইবার জন্ম, জন্মাইবার জন্ম, তেজ ও জল আলোচনা বা সংকল্প করিলেন । অচেতনের পক্ষে আলোচনা বা সংকল্প সম্ভব হয় না । ভৌতিক তেজঃ, জল অচেতনই তা বটে । সূত্ররাং, তাহাদের পক্ষে আলোচনা বা সংকল্প সম্ভব হয় কিরূপে ? এই প্রশ্নের উত্তর আমরা বৃহদারণ্যক উপনিষদে অন্তর্ধ্যামী ব্রাহ্মণে পাই । যথা :—“যঃ পৃথিব্যাং তিষ্ঠন্, যোহপ্সু তিষ্ঠন্, যন্তেজসি তিষ্ঠন্...” ইত্যাদি (বৃহদারণ্যক, ৩।৭) ।—যিনি পৃথিবীতে বর্তমান থাকিয়া, জলে বর্তমান থাকিয়া, তেজে বর্তমান থাকিয়া...ইত্যাদি । অতএব, ব্রহ্ম কতৃক অধিষ্ঠিত এবং ব্রহ্মের শক্তিতে শক্তিমান্ তেজ, জল আলোচনা বা সংকল্প করিয়াছিলেন, ইহাই তাৎপর্য । সূত্ররাং ব্রহ্মই, তেজঃ ও জলে অনুপ্রবিষ্ট

হইয়া, তত্ত্ব শরীরে শরীরী হইয়া, আলোচনা বা সংকল্প করিয়াছিলেন এবং সেই আলোচনা বা সংকল্পের অভিব্যক্তিই সৃষ্টি। এ কারণ ব্রহ্ম মুখ্য কারণ।

তৈত্তিরীয় শ্রুতিতেও আছে :—“সোহকাময়ত বহুশ্চাং প্রজায়েয়েতি”।

—তিনি কামনা করিলেন, আমি বহু হইব, জন্মিব। (তৈত্তি: ২।৬)। উহার অব্যবহিত পরেই আছে :—“সচ্চত্যাচ্চাতবৎ”। (তৈত্তি: ২।৬)—তিনি পরোক্ ও অপরোক্ বস্তু হইলেন। “তদাত্মানং স্বয়মকুরুত।” (তৈত্তি: ২।৭)

—তিনি আপনাকে সেই সেই রূপে প্রকটিত করিলেন। অতএব, স্পষ্ট বুঝা গেল যে, ব্রহ্মই সর্বাত্মক হইলেন। সূতরাং সমুদায়ের উৎপত্তি ব্রহ্ম হইতেই—অন্য কথায় তিনি সর্বকারণ কারণ।

২।৩।১০ সূত্রের আলোচনায় উদ্ধৃত ভাগবতের ৩।২৬।৩৬, ২।৩।১১ সূত্রের আলোচনায় উদ্ধৃত ভাগ: ৩।৫।৩৪ ও ৩।২৬।৩২ এবং ২।৩।১২ সূত্রের আলোচনায় উদ্ধৃত ভাগবতের ৩।৫।৩৪ ও ৩।২৬।৪২ শ্লোকগুলিতে স্পষ্ট উল্লিখিত আছে 'যে, ঈশ্বরেচ্ছা দ্বারা প্রেরিত হইয়া বায়ু, তেজ ও জল বিকার প্রাপ্তি হেতু যথাক্রমে তেজ:, জল ও পৃথিবী উৎপন্ন করিল। ঈশ্বরেচ্ছা বা সংকল্প উহাদের উৎপত্তির মুখ্য কারণ। নতুবা, অচেতন তত্ত্ব ভূতের এমন কোনও শক্তি নাই, যাহা হইতে ভূতাস্তর উৎপাদনের হেতু ভূতবিকার, এবং সেই বিকার হইতে অন্য ভূত উৎপন্ন হইতে পারে। সৃষ্টি প্রক্রিয়ায় পরিমার্জিত বুদ্ধি এবং তাহা হইতে উপপাদিত গভীর উদ্দেশ্য বুঝা যায়; ইহা অচেতনের পক্ষে কিছুতেই সম্ভব নহে।

শ্রীমদ্ভাগবতের বহু স্থানে আছে যে, ভগবানই বিশ্ব। ইহার পোষক বহু শ্লোক ১।১।২ ও ২।১।১৫ সূত্রের আলোচনায় উদ্ধৃত হইয়াছে। এখানে সে সকলের পুনরুদ্ধারের প্রয়োজন নাই। মাত্র কয়েকটি নূতন শ্লোক নিম্নে সন্নিবেশিত হইল।

মযানন্তুগুণেহনন্তে গুণতো গুণবিগ্রহঃ ॥

যদাসীত্তত এবাণ্ডঃ স্বয়ন্তুঃ সমভূদন্তঃ ॥ ভাগঃ ৬।৪।৪২

—অনন্ত গুণবুল আমাতে মায়া দ্বারা গুণময় বিগ্রহ এই ব্রহ্মাও যখন প্রকাশ পাইল, সেই সময়েই আণ্ড স্বয়ন্তু (অযোনিজ) হইয়া প্রাত্ত্বৃত হইলেন। ভাগঃ ৬।৪।৪২

আত্মাত্মস্যাংমিদং বিশ্বং যৎ কিঞ্চিজ্জগত্যাং জগৎ ।

(ভাগঃ ৮।১।৮)

—লোকে যে কিছু দেখিতে পাওয়া যায়, সকলই ঈশ্বরের সত্তা ও চৈতন্য দ্বারা ব্যাপ্ত । ভাগঃ ৮।১।৮

ন যস্যাদ্যন্তৌ মধ্যঞ্চ স্বঃ পরো নাস্তরং বহিঃ ।

বিশ্বস্যামুনি যদ্ যস্মাদ্বিশ্বঞ্চ তদৃতং মহৎ ॥ (ভাগঃ ৮।১।১০)

—ঐহার আদি, অন্ত, মধ্য, আত্মীয়, পর, অন্তর, বাহির নাই, কিন্তু ঐহা হইতে বিশ্বের ঐ সকল আদি, অন্ত প্রভৃতি হয়, যিনি বিশ্বরূপ, ঐহা হইতে বিশ্ব প্রকটিত হয়, তিনি সত্য ও পরিপূর্ণ ব্রহ্ম ।

ভাগঃ ৮।১।১০

অতএব, প্রতিপাদিত হইল যে, ব্রহ্ম যে কেবল ভূত সকলের উৎপাদক কারণ মাত্র, তাহা নহে । প্রত্যুতঃ, তিনি আপনাকে জগৎরূপে আকারিত করিয়া, তাহার আদি, মধ্য, অন্তে, অন্তরে, বাহিরে অবস্থানপূর্বক, বহু নামরূপে নামরূপবান্ হইয়া, আপনার “একমেবাদ্বিতীয়ম্” স্বরূপ হইতে বহু হইবার সংকল্পের সার্থকতা সম্পাদন করিয়া থাকেন । এক কথায়, তিনিই কর্তা, কর্ম, করণ, সম্প্রদান, অপাদান, সম্বন্ধ, ও অধিকরণ,—সমুদায় কারক ব্যাপার কেবল একমাত্র তিনিই । তৈত্তিরীয় শ্রুতি পূর্বে ব্রহ্ম ২।৭ মন্ত্রে ইহা অতি সংক্ষেপে প্রকাশ করিয়াছেন । ইহা আমরা প্রথম অধ্যায়ের আলোচনা হইতে বুঝিতে পারিয়াছি ।

শ্রীমদ্ভাগবতের ১১শ স্কন্ধের ২৪ অধ্যায়ের ২ শ্লোক হইতে ৮ শ্লোক পর্যন্ত সৃষ্টিপ্রক্রিয়া বর্ণিত আছে । বাহুল্য ভয়ে উদ্ধৃত হইল না ! তদ্ব্যপেক্ষে উপলব্ধি হইবে যে, ভগবানই সংকল্পবশতঃ বিশ্বাকারে আকারিত হন । উহার উপসংহারে ভাগবত বলিতেছেন :—

প্রকৃতির্ধাস্যপাদানমাধারঃ পুরুষঃ পরঃ ।

সতোহভিব্যঞ্জকঃ কালো ব্রহ্ম তত্রিতয়ং ত্বহম্ ॥

ভাগঃ ১১।২৪।১৯

ইহার অর্থ ১।১।২ সূত্রের আলোচনায় দেওয়া হইয়াছে (পৃঃ ১২২) ।

—ভগবানই আত্ম পুরুষ, তিনি অজ হইয়াও করে করে আপনি, আপনাতে, আপনার দ্বারা, আপনাকে সৃজন, পালন ও সংহার করেন । ভাগঃ ২।৬।৩৭

স এষ আত্মঃ পুরুষঃ করে করে সৃজত্যজঃ ।

আত্মাত্মশ্রাত্মনাআনং স সংযচ্ছতি পাতি চ ॥ ভাগঃ ২।৬।৩৭

ভিত্তি :—

“এতস্মাভ্জায়তে প্রাণো মনঃ সৰ্বেন্দ্রিয়ানি চ ।

খং বায়ুর্জ্যোতিরাপশ্চ পৃথিবী বিশ্বস্য ধারিণী ॥”

(মুণ্ডকঃ ২।১।৩)

—এই ব্রহ্ম হইতে প্রাণ, মনঃ, ইন্দ্রিয় সমুদায়, আকাশ, বায়ু, তেজঃ, জল, এবং বিশ্বের ধারিণী পৃথিবী উৎপন্ন হইল। (মুণ্ডকঃ ২।১।৩)

সংশয় :—১।১।২ সূত্রের আলোচনায় প্রদত্ত সৃষ্টিপ্রক্রিয়ার চিত্রে (পৃঃ ১৭০-৭১) সৃষ্টির যে ক্রম প্রদর্শিত হইয়াছে, তাহার সহিত মুণ্ডক শ্রুতির শিরোদেশে উদ্ধৃত মন্ত্রের বিরোধ হইতেছে। উক্ত মন্ত্রে, আকাশ, বায়ু, তেজঃ প্রভৃতি সকলের সাক্ষাৎ সম্বন্ধে ব্রহ্ম হইতে উৎপত্তি কথিত, দেখা যাইতেছে, কিন্তু উক্ত চিত্রে, আকাশ হইতে বায়ু, বায়ু হইতে তেজঃ, তেজঃ হইতে জল, জল হইতে ক্ষিতি উৎপন্ন হইয়াছে—প্রদর্শিত হইয়াছে। অতএব মনে সন্দেহ হয়, কোনটি প্রকৃত তত্ত্ব। ক্রমসৃষ্টি যাহা উক্ত চিত্রে প্রদর্শিত হইয়াছে, তাহাই প্রকৃত? অথবা, ব্রহ্ম হইতে সাক্ষাৎ সম্বন্ধে সমুদায়ের উৎপত্তি, যাহা মুণ্ডক শ্রুতির শিরোদেশে উদ্ধৃত মন্ত্রে কথিত হইয়াছে, তাহা প্রকৃত? ইহার উত্তরে সূত্র :—

সূত্র :—২।৩।১৫ ।

বিপর্যয়েণ তু ক্রমোহত উপপত্ততে চ ॥ ২।৩।১৫ ॥

বিপর্যয়েণ + তু + ক্রমঃ + অতঃ + উপপত্ততে + চ ॥

বিপর্যয়েণ :—সৃষ্টির বিপরীত ভাবে। তু :—নিশ্চয়। ক্রমঃ :—পারস্পর্য। অতঃ :—এই কারণে। উপপত্ততে :—উপপন্ন হয়। চ :—ও।

পূর্বসূত্রের আলোচনায় উদ্ধৃত বৃহদারণ্যক শ্রুতির ৩।৭ মন্ত্র, এবং তৈত্তিরীয় শ্রুতির ২।৭ মন্ত্র হইতে উপলব্ধি হইবে যে, ব্রহ্মই সমুদায় ভূতে, সমুদায় বস্তুতে, অনুপ্রবিষ্ট হইয়া, ভূতসকলের বিকার সংঘটন করেন, এবং তিনি আপনি আপনাকে জগদাকারে আকারিত করেন। এজন্য ব্রহ্মই মুখ্য কারণ—নিমিত্ত বটে, উপাদানও কটে। সুতরাং, মুণ্ডক শ্রুতির শিরোদেশে উদ্ধৃত মন্ত্রে ব্রহ্ম হইতে সাক্ষাৎ উৎপত্তি উক্ত হওয়ায়, সৃষ্টির যে ক্রম-বিপর্যয় পরিলক্ষিত

হয়, তাহাতে কোনও বিরোধের কারণ নাই। প্রত্যুত, সেই সেই উপাদান-ভূত বস্তু পরম্পরায় অনুপ্রবিষ্ট ব্রহ্ম হইতেই তত্ত্ব জন্মপদার্থের উৎপত্তি উপপন্ন হওয়ায়, ক্রম-সৃষ্টিও উপপন্ন হইতেছে। এবং তাহাতে পরব্রহ্মের সৃষ্টি সম্বন্ধে সাক্ষাৎ কর্তৃত্বও অব্যাহত থাকে।

পূর্বসূত্রে উক্ত শ্রীমদ্ভাগবতের ৬।৪।৪২, ৮।১।৮, ৮।১।১০, ১২।২।৪।১২, ৩।২।৬।৩৭, শ্লোকগুলি এই তত্ত্বই প্রতিপাদন করে। ইহার সহিত ২।৩।১০, ২।৩।১১ ও ২।৩।১২ সূত্রের আলোচনায় উক্ত শ্রীমদ্ভাগবতের শ্লোকগুলি দ্রষ্টব্য।

[এই ব্যাখ্যা শ্রীমৎ রামানুজাচার্য্য ও শ্রীমদ্ বলদেবের অভিমত। শ্রীমদ্ শঙ্করাচার্য্য, মধ্বাচার্য্য, বল্লাভাচার্য্য অন্য প্রকার ব্যাখ্যা করেন। তাহা অপর পৃষ্ঠায় দেওয়া হইল।]

২।৩।১৫ সূত্রের অন্য প্রকার ব্যাখ্যা (শঙ্কর, মধ্ব ও বল্লভ সম্প্রদায়)।

ভিত্তি :—

“যতো বা ইমানি ভূতানি জায়ন্তে । যেন জাতানি জীবন্তি, ॥

যৎ প্রযন্ত্যভিসংবিশন্তি ।” (তৈত্তিরীয়াঃ ৩।১)

—যাহা হইতে এই ভূতসকল জন্মে, জন্মিয়া যাহাতে স্থিতি করে, মরিয়্যা যাহাতে প্রবেশ করে, তিনিই ব্রহ্ম । (তৈত্তিরীয়াঃ ৩।১)

সংশয় :—ভূতসকলের উৎপত্তিক্রম বর্ণিত হইয়াছে । প্রলয়-ক্রম কি প্রকার ? শিরোনামে উদ্ধৃত তৈত্তিরীয়ায় শ্রুতির ৩।১ মন্ত্রে প্রলয়ে ব্রহ্মে প্রবেশ বর্ণিত আছে, কিন্তু কি প্রকারে বা কোন্ ক্রমানুযায়ী প্রবেশ, তাহা বর্ণিত হয় নাই । সূত্ররাং সন্দেহ হইতে পারে যে, প্রলয়ের ক্রম-সৃষ্টি ক্রমানুযায়ী অথবা, তাহার বিপরীত ক্রমানুযায়ী, অথবা, তদ্বিষয়ে কোনও নিয়ম নাই ? এই সন্দেহ নিরসনের জন্ত পরবর্তী সূত্রের যোজনা ।

সূত্র :—২।৩।১৫ ।

বিপর্যয়েণ তু ক্রমোহত উপপত্ততে চ ॥ ভাগঃ ২ ৩।১৫ ॥

বিপর্যয়েণ :—বিপরীত ভাবে । তু :—নিশ্চয় । ক্রমঃ :—পারস্পর্য্য ।

অতঃ :—উৎপত্তিক্রম হইতে । উপপত্ততে :—উপপন্ন হয় । চ :—ও ।

ভূত সকল যে ক্রমে উৎপন্ন হয়, তদ্বিপরীতক্রমে লয় প্রাপ্ত হয়, এবং বিপরীত ক্রমে লয় প্রাপ্ত হওয়াই যুক্তিযুক্ত । যে কারণ হইতে যে কার্যের উৎপত্তি, সেই কার্য লয়প্রাপ্তির সময়, সেই কারণে পরিণত হওয়াই সঙ্গত । লৌকিক দৃষ্টান্তে দেখা গিয়া থাকে যে, মানবগণ যে ক্রমে সোপান আরোহণ করে, তাহার বিপরীত ক্রমেই সোপান হইতে অবরোহণ করিয়া থাকে । সূত্ররাং প্রলয়-প্রক্রিয়া সৃষ্টি-প্রক্রিয়ার বিপরীত হওয়াই সঙ্গত ও যুক্তিযুক্ত ।

শ্রীমদ্ভাগবত ১।১।৪।২২ হইতে ১।১।৪।২৭ শ্লোকে ইহা স্পষ্টতঃ বলিয়াছেন :—
মর্ত্যশরীর অন্ন, অন্ন ওষধি বীজে, ওষধি বীজ পৃথিবীতে, পৃথিবী গন্ধে, গন্ধ জলে, জল রসে, রস জ্যোতিঃতে, জ্যোতিঃ রূপে, রূপ বায়ুতে, বায়ু স্পর্শে, স্পর্শ আকাশে, আকাশ শব্দ-তন্মাত্রা, ইন্দ্রিয় সকল নিজ নিজ উৎপত্তি স্থানে, উহার। বৈকারিক দেবতাগণে, দেবতাগণ মনে, শব্দ তামস অহংকারে, তামস অহংকার মহত্ত্বে, জ্ঞান ও ক্রিয়াশক্তিমান্ মহত্ত্ব স্বীয় গুণে, গুণ সকল অব্যক্তে, অব্যক্ত কালে, কাল মায়ায় জীবে, জীব পরমায়ায় লীন হয় । শেষে পরমায়া কেবল আত্মস্থ থাকেন, এবং বিশ্বের উৎপত্তি ও লয়ের দ্বারা লক্ষিত করেন ।

ভাগঃ ১।১।২৪।২২-২৭

শ্লোকগুলি ১।১।২ সূত্রের আলোচনার উদ্ধৃত হইয়াছে (পৃঃ ১২১) ।

বাহুল্যভয়ে পুনরুক্ত হইল না ।

ভিত্তি :—

- (১) ২।৩।১৪ সূত্রের শিরোদেশে উদ্ধৃত মুণ্ডক শ্রুতির ২।১।৩ মন্ত্র ।
 (২) ২।৩।১ সূত্রের শিরোদেশে উদ্ধৃত তৈত্তিরীয় ২।১ মন্ত্র ।

সংশয় :—তৈত্তিরীয় শ্রুতিতে সৃষ্টিক্রম বর্ণিত আছে । মুণ্ডক শ্রুতির ২।১।৩ মন্ত্রে প্রাণ এবং আকাশাদি ভূতসৃষ্টির মধ্যে বিজ্ঞান, অর্থাৎ বিজ্ঞানের সাধনভূত ইন্দ্রিয়গণের, এবং মনের ব্রহ্ম হইতে উৎপত্তি কথিত আছে । সূত্রাং, ক্রমভঙ্গ হওয়ায় শ্রুতিবিরোধ সংঘটিত হইল । ইহার সমাধান কি ? ইহার উত্তরে সূত্র :—

সূত্র :—২।৩।১৬ ।

অন্তরা বিজ্ঞান-মনসী ক্রমেণ তল্লিঙ্গাদিতি চেৎ, নাবিশেষাৎ ॥

২।৩।১৬ ॥

অন্তরা + বিজ্ঞান-মনসী + ক্রমেণ + তল্লিঙ্গাৎ + ইতি + চেৎ + ন +
 অবিশেষাৎ ॥

অন্তরা :—মধ্যে । **বিজ্ঞান-মনসী :**—ইন্দ্রিয় ও মন । **ক্রমেণ :**—
 পর পর । **তল্লিঙ্গাৎ :**—তাহার জ্ঞাপক চিহ্ন হইতে । **ইতি :**—ইহা ।
চেৎ :—যদি বল । **ন :**—না । **অবিশেষাৎ :**—যে হেতু কিছুমাত্র
 বিশেষ নাই ।

যদি শিরোদেশে উদ্ধৃত মুণ্ডক শ্রুতির ২।১।৩ মন্ত্রের বলে, আপত্তি কর যে,
 উক্ত মন্ত্রে উল্লিখিত ক্রম অনুসারে ব্রহ্ম হইতে প্রাণ, মনঃ, ইন্দ্রিয়গণ, আকাশ,
 বায়ু, জ্যোতিঃ, অপ্, ও পৃথিবী উৎপন্ন হইয়াছে, সূত্রাং তৈত্তিরীয় শ্রুতির
 ২।১ মন্ত্রে কথিত সৃষ্টিক্রমের বাধ হইতেছে, তাহার উত্তরে বলিব, না,
 ওরূপ বলিতে পার না, কেননা, প্রাণ, মনঃ ও ইন্দ্রিয়গণ ভৌতিক । এ বিষয়ে
 শ্রুতিপ্রমাণও আছে, যথা :—

“অন্নময়ং হি সোম্য মন আপোময়ঃ প্রাণ স্তেজোময়ী বাক্ ॥”

(ছান্দোগ্যঃ ৬।৫।৪, ৬।৬।৫)

—“হে সোম্য, মন অন্নময়, প্রাণ আপোময়, এবং বাগিন্দ্রিয় তেজোময় ।”

(ছাঃ ৬।৫।৪, ৬।৬।৫)

সূত্রাং, তৈত্তিরীয়ে উহাদের পৃথক্ উল্লেখ না থাকায়, ক্রমভঙ্গ হয় নাই ।
 মুণ্ডকে পৃথক্ উল্লেখ থাকায় বুঝিতে হইবে যে, প্রপঞ্চ বিশ্বের সমুদায়ই ব্রহ্ম হইতে

উৎপন্ন, ইহা প্রকাশ করিবার জন্ম, শ্রুতি উদাহরণ স্বরূপে উহাদের উল্লেখ মহাভূতগণের সহিত করিয়াছেন। সৃষ্টি-ক্রম-বিবক্ষা উক্ত শ্রুতির অভিপ্রেত নহে।

উপরে উদ্ধৃত ছান্দোগ্য শ্রুতির ৬:৫।৪ মন্ত্রে আমরা পাইলাম যে, বাক্ তেজোময়ী। ১।১।২ সূত্রের আলোচনায় আমরা যে চিত্রে সৃষ্টি-প্রক্রিয়া প্রদর্শন করিয়াছি, (পৃ: ১৭০-১৭১) উহাতে দেখা যাইবে যে, অগ্নি বাগিন্দ্রিয়ের অধিষ্ঠাতা। ভাগবত অনুসারে উক্ত চিত্র অঙ্কিত হইয়াছে। সূত্ররাং বাক্ ও অগ্নির পরম্পর সম্বন্ধ ভাগবতানুসারে যাহা প্রতিষ্ঠিত হয়, ছান্দোগ্য শ্রুতিও তাহাই প্রতিপাদন করিলেন। সেইরূপ শ্রবণেন্দ্রিয় ও আকাশের সম্বন্ধ ঘনিষ্ঠ। আকাশের গুণ শব্দ, শ্রবণেন্দ্রিয় উহার গ্রাহক এবং দিক্ উহার অধিষ্ঠাতা। এই তিনই আকাশময়—সাত্ত্বিক, রাজসিক ও তামসিক ভেদে বিভেদ মাত্র। ইহারা পরম্পর পরম্পরের সাহায্যে সার্থকতা লাভ করে। যদি শ্রবণেন্দ্রিয় না থাকিত, তাহা হইলে শব্দ বা দিকের কোনও সার্থকতা থাকিত না। সেইরূপ যদি শব্দ না থাকিত, তাহা হইলে শ্রবণেন্দ্রিয় বা দিকেরও কোন সার্থকতা থাকিত না। সেইরূপ দিক্ না থাকিলে শব্দ ও শ্রবণেন্দ্রিয়ের সার্থকতা থাকে না। উহারা পরম্পরের সহিত ঘনিষ্ঠ সম্বন্ধে সম্বন্ধ, এবং পরম্পর পরম্পরকে সম্পূর্ণ অপেক্ষা করিয়া পরম্পরের সাহায্যে পরম্পর সার্থকতা ও প্রয়োজনীয়তা লাভ করে। বাত-স্পর্শ-ত্বক্, অর্ক-চক্ষুঃ-রূপ, প্রচেতা-জিহ্বা-রস প্রভৃতি সম্বন্ধেও ঐ একই কথা। উহাদের পরম্পর ঐকান্তিক আপেক্ষিকতা ও ঘনিষ্ঠ সম্বন্ধ বুঝাইবার জন্ম চিত্রে বিন্দু শ্রেণী দ্বারা উহাদের সংযোগ সাধন করিয়া, দেখান হইয়াছে। ইহা হইতে আমরা বুঝিতে পারিতেছি যে, ইন্দ্রিয়গণ মহাভূতের সূক্ষ্মস্বরূপ মাত্র। তমোবহুল অহংকারের সাত্ত্বিকংশে—অধিদৈবগণ বা ইন্দ্রিয়ের অধিষ্ঠাতাগণ, রজঃ অংশে অধ্যাত্ম ইন্দ্রিয়গণ এবং তমঃ অংশে অধিভূত ভূতগণ অভিব্যক্ত হইয়া জগদবৈচিত্র্য সম্পাদন করে। শ্রীমদ্ভাগবত এই তত্ত্ব স্পষ্ট প্রকাশ করিয়াছেন। ২।৩।১০ সূত্রের আলোচনায় উদ্ধৃত ৩।২।৬।৩৬ শ্লোক এবং ২।৩।১১ সূত্রের আলোচনায় উদ্ধৃত ৩।২।৬।৩২ শ্লোক ও ২।৩।১২ সূত্রের আলোচনায় উদ্ধৃত ৩।২।৬।৪২ শ্লোক, এই তত্ত্ব বিশদরূপে উপলব্ধির সাহায্য করে। উক্ত শ্লোকগুলিতে অধ্যাত্মের সহিত অধিভূতের সম্বন্ধ স্পষ্ট নির্দেশিত হইয়াছে। অধিদৈবের উল্লেখ নাই। উহা অন্তর্ভুক্ত আছে। বাহ্যভবে উচ্চার করিতে বিরত হইলাম। যাহা হউক, বুঝা গেল যে, সৃষ্টি-প্রক্রিয়ার চিত্রে প্রদর্শিত, অধিদৈব, অধ্যাত্ম ও অধিভূত তত্ত্বতঃ এক

হইলেও, ব্রহ্ম বা ভগবানের বহু হইবার সংকল্পবলে বিভিন্নরূপে অভিব্যক্তি ; প্রত্যুত উহার। সকলেই ব্রহ্ম হইতে অভিন্ন । ১।২।১১ সূত্রের আলোচনারও ইহা আমরা বুঝিতে পারিয়াছি । উক্ত তৎ উপলক্ষির অগ্ৰ শ্রীমদ্ভাগবতের আর একটি মাত্র শ্লোক উদ্ধৃত করিলাম :—

ভূতমাত্রেন্দ্রিয় প্রাণ মনো বুদ্ধ্যাশয়াঅনে ।

ত্রিগুণেনাভিমানেন গূঢ় স্বাত্মানুভূতয়ে ॥ ভাগঃ ১০।১৬।৩৮

—হে ভগবন্ ! আপনি ভূত, তন্মাত্র, ইন্দ্রিয়, প্রাণ, মনঃ, বুদ্ধি ও আশয় স্বরূপ । সৃষ্টিকার্য্যে যে ত্রিগুণাত্মক অহঙ্কার, তদ্বারা আপনার অংশভূত আত্মায় অনুভব গূঢ় হইয়া আছে ; আপনাকে নমস্কার করি ।

ভাগঃ ১০।১৬।৩৮

অতএব, তিনিই যখন সর্বময়, তখন সৃষ্টি-ক্রমের উক্তি বা অনুক্তি অথবা বিপরীত ক্রমোক্তি কিছুই বিরোধের কারণ নহে । এবং ভেদঃ, অপ্ প্রভৃতি শব্দ সকল, তাহাদের আত্মভূত ব্রহ্মকেই প্রতিপাদন করিয়া থাকে—অর্থাৎ, ঐ সকল শব্দ প্রকৃতপক্ষে ‘ব্রহ্ম’ অর্থে প্রযুক্ত হইয়া থাকে । কারণ উহার। কেহই ব্রহ্ম হইতে ব্যতিরিক্ত নহে ।

ভিত্তি:—

- (১) “সোহিকাময়ত—বহু স্যাং প্রজায়েয়েতি ।” (তৈত্তি: ২।৬)
—তিনি কামনা বা সংকল্প করিলেন, বহু হইব, জন্মিব।
(তৈত্তি: ২।৬)
- (২) “ইদং সর্বমসৃজত” । (তৈত্তি: ২।৬)
—এই সমুদায় সৃষ্টি করিলেন । (তৈত্তি: ২।৬)
- (৩) “তদাত্মানং স্বয়মকুরুত ।” (তৈত্তি: ২।৭)
—তিনি নিজে আপনাকে সেই সেই রূপে প্রকটিত করিলেন ।
(তৈত্তি: ২।৭)
- (৪) “সর্বকর্মা সর্বকামঃ সর্বগন্ধঃ সর্বরসঃ”
সর্বমিদমভ্যান্তোহ্বাক্যানাদরঃ ॥” (ছান্দোগ্য ৩।১৪।২)
—তিনি সর্বকর্মা, সর্বকাম, সর্বগন্ধ, সর্বরস, সমস্ত জগৎস্বাপী,
বাক্যহীন ও আদর শূন্য । (ছা: ৩।১৪।২)

সংশয় :—যদি তেজঃ, অপ, প্রভৃতি শব্দসকল প্রকৃতপক্ষে ব্রহ্মের ই
বাচক হয়, তাহা হইলে শব্দশাস্ত্রানুসারী ব্যুৎপত্তিসিদ্ধ শব্দসকলের বিশেষ
বিশেষ অর্থবোধের জন্ম উল্লেখ, বাধিত হইয়া যায়। ইহা কি তোমার
অভিপ্রের্ত ? এই আশঙ্কার উত্তরে সূত্রকার সূত্র যোজনা করিলেন :—

সূত্র :—২।৩।১৭ ।

চরাচরব্যপাশ্রয়স্ত স্যাং ত্যপদেশো ভাক্তস্তদ্বাবভাবিত্বাৎ ॥

২।৩।১৭ ॥

চরাচরব্যপাশ্রয়ঃ + তু + স্যাং + ত্যপদেশঃ + ভাক্তঃ +

তদ্বাবভাবিত্বাৎ ॥

চরাচর ব্যপাশ্রয়ঃ :—স্বাবর-জঙ্গম বিনয়ক । তু :—আশঙ্কা নিরসনার্থ ।
স্যাৎ :—হইবে । ত্যপদেশঃ :—তাহার উল্লেখ । ভাক্তঃ :—অমুখ্য,
গৌণ । তদ্বাবভাবিত্বাৎ :—যে হেতু তাঁহার সম্ভাবেই সম্ভাব ।

নিখিল স্বাবর জঙ্গম নিচয়ে তদ্বৎ বাচক শব্দ-প্রয়োগ ভাক্ত মাত্র, অর্থাৎ,
একাংশমাত্র ভাগী বা গৌণ । নিখিল স্বাবর জঙ্গমাত্মক বস্তুনিচয় ব্রহ্মের বহুত্বের
প্রকার মাত্র—তাঁহার বহু হইবার সংকল্পহেতুক তাঁহা হইতে প্রকটিত ।

সুতরাং, উহাদের বাচক “বটপটাদি” ব্যবহারিক শব্দসকল—ব্রহ্মের প্রকার বিশেষের অর্থাৎ, একদেশ মাত্রের প্রকাশক এবং সেজন্য উহারা ভাক্ত। কিন্তু উহারা মূখ্যরূপে ব্রহ্মেরই বাচক। কেননা, অগতে স্বাবর জঙ্গমাঙ্ক যাহা কিছু আমরা দেখি, (১) ব্রহ্মের সত্ত্বাতেই উহারা সত্ত্বাবান্। সুতরাং ব্রহ্মই উহাদের অস্তিত্বের মূখ্য হেতু। অতএব, যে সমুদায় শব্দ উহাদের বাচক রূপে আমরা ব্যবহার করি, তাহারা (২) ব্রহ্মকেই মূখ্যভাবে প্রতিপাদন করে। এই বিচারে আমরা পাইলাম যে, অগতে যে কোনও ভাষায় যে কোন শব্দ আছে, তাহারা সকলেই মূখ্যরূপে ব্রহ্মেরই বাচক।

এই জন্মই শ্রীমদ্ভাগবত বলিয়াছেন :—

স সর্বনামা স চ বিশ্বরূপঃ । ভাগঃ ৬।৪।৩

—তিনি সর্বনামধারী, তিনি বিশ্বরূপ..... । ভাগঃ ৬।৪।৩

ভগবদ্ভূপমখিলং নাশ্চদ্বস্তিহ কিঞ্চন । ভাগঃ ১০।১৪।৫৪

—স্বাবর জঙ্গম অখিল ভগবদ্ভূপ, তদ্ব্যতীত অন্য কোনও বস্তুই নাই। ভাগঃ ১০।১৪।৫৪

জরায়ুজঃ শ্বেদজমগুজোস্তিদং চরাচরং দেবর্ষিপিতৃভূতমৈন্দ্রিয়ম্ ।

দ্রোঃ ঋং ক্ষিতিঃ শৈল সরিৎ সমুদ্রদ্বীপ গ্রহক্ষে'ত্যভিধেয় একঃ ॥

ভাগঃ ৫।১৮।৩১

—হে দেব ! জরায়ুজ, শ্বেদজ, অগুজ, উস্তিদ, স্বাবর, জঙ্গম, দেবতা, ঋষি, পিতৃ, ভূত, ইন্দ্রিয়, স্বর্গ, আকাশ, পৃথিবী, পর্বত, নদী, সমুদ্র, দ্বীপ, গ্রহ, নক্ষত্র—এ সকল আপনাদেরই নাম। আপনি এক অদ্বিতীয়।

ভাগঃ ৫।১৮।৩১

ইহার কারণ অনুসন্ধান করিলে বুঝিতে পারিব যে, ব্রহ্মই জগদ্ভূপে প্রতিপাদিত হইতেছেন। ভাগবত ইহাই বলিয়াছেন :—

নহি বিকৃতিং ত্যজন্তি কনকস্য তদাত্মতয়া

স্বকৃত মনুপ্রবিষ্টমিদমাঅতয়াহবসিতম্ ॥ ভাগঃ ১০।৮৭।২২

—স্বর্ণ বিকৃতি প্রাপ্ত হইলেও, সেই বিকৃত কুণ্ডলাদিকে স্বর্ণতাদাত্ম্য হেতু কেহ পরিত্যাগ করে না। সেইরূপ এই স্বকৃত বিশ্বে আপনি তাদাত্ম্যরূপে অনুপ্রবিষ্ট রহিয়াছেন। ইহা সিদ্ধ হইল। ভাগঃ ১০।৮৭।২২

এই প্রসঙ্গে ১।১।২০ সূত্রের আলোচনার উদ্ধৃত ১।১।২৮।৬—৭ শ্লোক (পৃঃ—
৪৪৪) দ্রষ্টব্য ।

—যে রূপ একই অগ্নি স্বাভিব্যঞ্জক কাষ্ঠাদিতে অবস্থিত থাকিয়া, কাষ্ঠাদির পরিমাণের ও আকৃতির তারতম্য ভেদে হ্রস্ব, দীর্ঘ, স্থূল, সূক্ষ্ম প্রভৃতি নানারূপে দৃশ্য হয়, সেইরূপ বিশ্বাত্মা পরমেশ্বর প্রাণিগণের অন্তঃস্থিত হইয়া, উপাধিগত তারতম্য বশতঃ, নানারূপে প্রকাশ পান । ভাগঃ ১।২।৩১

যথা হুবহিতো বহ্নির্দারুশ্বেকঃ স্বয়োনিষু ।

নানৈব ভাতি বিশ্বাত্মা ভূতেষু চ তথা পুমান্ ॥ ভাগঃ ১।২।৩১

এই সূত্রটির অর্থ বড়ই গভীর । ইহা কথঞ্চিং হৃদয়ঙ্গম করিবার জন্য কিঞ্চিৎ আলোচনা প্রয়োজন । সূত্রকার সূত্রটিতে ব্যক্ত করিলেন যে, জগতে যত কিছু নাম আছে, সকলেই মুখ্য ভাবে ব্রহ্মেরই বাচক, গৌণভাবে তত্ত্বং নামক বস্তুকে নির্দেশ করে মাত্র । সংসারে আমরা পিতা, মাতা, ভ্রাতা, ভগিনী, পতি, পত্নী, পুত্র, কন্যা, বন্ধু, আত্মীয়, স্বাম, শ্রাম প্রভৃতি প্রতিবেশী, গো, অশ্ব, কুকুর, বিড়াল প্রভৃতি গৃহপালিত পশু পরিবৃত হইয়া বাস করি, ও সংসার ধর্ম প্রতিপালন করি । সূত্রকার বলিলেন যে, পিতা, মাতা, ভ্রাতা প্রভৃতি শব্দসকল মুখ্যতঃ ব্রহ্মেরই বাচক । গৌণতঃ ব্যবহারিক ভাবে তত্ত্বং সম্বন্ধে পরিচিত জীব সকলে প্রযোজ্য । স্বাবয়ব,—গৃহ, কাষ্ঠ, প্রস্তর প্রভৃতি—বস্তুসকলের নামও মুখ্যতঃ ব্রহ্মেরই বাচক, এবং গৌণতঃ ব্যবহারিকভাবে তত্ত্বং দ্রব্যে প্রযোজ্য । হৃদয়ে ইহার সম্যক ধারণা বড়ই দুর্লভ । বুদ্ধিবার চেষ্টা করা যাউক । আমি আমার পিতৃদেবকে বড়ই ভক্তি করি । তাঁহার শরীরে কোনও প্রকার বেদনা অনুভূত হইলে আমি যথাসাধ্য তাঁহার প্রতিকারের জন্য ব্যস্ত হই । কিন্তু সেই আমিই আবার তাঁহার মৃতদেহের মুখে অগ্নি সংযোগ করিয়া, তাঁহার পারলৌকিক কার্য্য করিতে পারিলাম বলিয়া আত্মপ্রসাদ অনুভব করি । ইহাতে পরিষ্কার বুঝা গেল যে, পিতার দেহ, পিতা নহে । তবে কি তাঁহার প্রাণই পিতা ? ১।১।২ সূত্রের আলোচনার প্রদত্ত সৃষ্টি-প্রক্রিয়ার চিত্রে আমরা দেখিয়াছি যে, প্রাণও স্বতঃসিদ্ধ নহে । উহার উৎপত্তি আছে, এবং যাহার উৎপত্তি আছে, তাহার নাশও অনিবার্য্য । সূত্রকার প্রাণও আত্যন্তিক 'সৎ' নহে । ব্রহ্মই একমাত্র আত্যন্তিক 'সৎ' । তাঁহার সত্ত্বাতেই সত্ত্বাবান্ এবং তাঁহার শক্তিতে ক্রিয়াবান্ হওয়াতেই, পিতার পিতৃষু, মাতার মাতৃষু, ভ্রাতার ভ্রাতৃষু, পতির পতিষু, পত্নীর পত্নীষু, পুত্রের

পুত্রত্ব, বন্ধুর বন্ধুত্ব, আত্মীয়ের আত্মীয়ত্ব, রামের রামত্ব, গোর গোত্ব, অশ্বের অশ্বত্ব ইত্যাদি। ঐরূপ গৃহের গৃহাকারে, কাঠের কাঠাকারে, প্রস্তরের প্রস্তরাকারে, দেহের দেহাকারে অবস্থান ব্রহ্মেরই “সঙ্ঘিনী” শক্তির পরিচয়। উক্ত শক্তি কোনও কারণে অপসারিত করিলেই উহাদের উক্ত প্রকার আকারের ধ্বংস অনিবার্য। সুতরাং, ব্রহ্মশক্তিই চরাচর বিশ্বকে তত্ত্বং আকারে আকারিত করিয়া রাখিয়াছে। উহাদের নাম ব্যবহারিক ভাবে উহাদের বাচক হইলেও মধ্যতঃ, যিনি উহাদের অস্তিত্বের মূলে বর্তমান, সেই ব্রহ্মকে নির্দেশ করে।

এ সম্পর্কে একটি অতি সাধারণ বিষয়ে দৃষ্টি আকর্ষণ করি। ব্রহ্মের শব্দস্তরে অভিব্যক্তিই নাম। এ নাম কোন বিশেষ নাম নহে। জগতে ব্যবহারিক, লৌকিক, বৈদিক সমুদায় নামই পরব্রহ্মের শব্দস্তরে অভিব্যক্তি হইতেই আত্মপ্রকাশ করিয়াছে। উহাদের মধ্যে কোনটি পবিত্র, কোনটি অপবিত্র, কোনটি ব্রহ্মভাবের সূত্র উদ্বোধক, অথবা কোনটি ব্রহ্মভাবের উদ্বোধক না হইয়া বরং ব্রহ্মের অপবিত্র ভাব জাগরণকারী, ইহা আমরা আমাদের দৈনন্দিন ব্যবহারে বিশেষরূপে অবগত আছি। কিন্তু একটু চিন্তা করিলে, আমরা স্পষ্ট বুদ্ধিতে পারি যে, স্বরূপগতভাবে কোনও বিশেষ নামের সহিত পবিত্র ব্রহ্মভাব, অথবা অন্য কোনও নামের সহিত অপবিত্র ব্রহ্মের ভাব সম্বন্ধযুক্ত নহে। উক্ত পবিত্র বা অপবিত্র ভাব, আমাদের মনের ধর্ম। উহা আমরা নামে আরোপ করিয়াছি মাত্র এবং আমরা পুরুষাত্মক্রে এই আরোপিত ভাবের অনুবর্তন করি বলিয়া (by association) উহা আমাদের সংস্কারে বদ্ধমূল হইয়া রহিয়াছে। এ সম্পর্কে মৎপ্রণীত “গায়ত্রী রহস্য” পুস্তকের ১০৫ পৃষ্ঠায় সংক্ষেপ আলোচনা দ্রষ্টব্য।

একটি বিষয়ে লক্ষ্য করা প্রয়োজন। নামের সহিত ব্যবহারিক নামীর ঘনিষ্ঠ সম্বন্ধ নিবন্ধন, নাম উচ্চারণের সঙ্গে সঙ্গে সেই নাম দ্বারা ব্যবহারিকভাবে নির্দেশিত নামীর প্রতিকৃতি মনশ্চক্ষুর সম্মুখে উদ্ভিত হয়। রাম নামে আমার একজন প্রতিবেশী আছেন; ‘রাম’ নাম করিলেই, তাহার আকার, প্রকার, বয়স, অবয়বাবিধিষ্ট একটি প্রতিকৃতি আমার অন্তরে ভাসিয়া উঠে। ‘মা’ বলিয়া ডাকিলেই মাতৃদেবীর মধুময়ী মূর্তি হৃদয়ে উদ্ভাসিত হয়। কারণ, ব্যবহারিকভাবে ঐ নামসকল ঐ ঐ মূর্তির সহিত ঘনিষ্ঠ সম্বন্ধে সম্বন্ধ। যদিও উহারা সকলেই ব্রহ্মের সত্যায় সত্যাবান ও ব্রহ্মের শক্তিতে শক্তিমান, ক্রিয়াবান, তত্ত্বদাকারে বর্তমান এবং যদিও উহারা সকলেই ব্রহ্মের প্রকারভেদ মাত্র, তাঁহার বহু হইবার সংকল্পে সংঘটিত, তথাপি উক্ত ব্যবহারিক

সম্বন্ধ হেতু (by association) ঐ সকল নামের সহিত ব্রহ্মভাব হৃদয়ে জাগরুক হয় না ; উহাদের নিজ নিজ ব্যবহারিক জাগতিক আকৃতি, প্রকৃতি, ভাব প্রভৃতি হৃদয়ে উদয় হয় । কিন্তু ঐ ঐ ব্যবহারিক প্রকার, অর্থাৎ, পিতা, মাতা, ভ্রাতা, পতি, পত্নী, বন্ধু, রাম, শ্যাম প্রভৃতি সকলই প্রকারী একমাত্র ব্রহ্মের বিশেষণ মাত্র, ব্রহ্মই উহাদের একমাত্র বিশেষ্য । বিশেষ্যের প্রতীতিতেই বিশেষণ জ্ঞানের পর্যাবসান, বা পরিসমাপ্তি বা সার্থকতা । সুতরাং উক্ত প্রকারের নামসকল, বিশেষ্য বা প্রকারী ব্রহ্মের প্রতীতি হৃদয়ে জাগরুক করিতে পারিলেই উহাদের সার্থকতা । সমুদায় সাধনার লক্ষ্য এই যে, পরিদৃশ্যমান বিশ্বের যাবতীয় স্থাবর জঙ্গমাঙ্ক বস্তুনিচয়ে ব্রহ্মোপলব্ধি করা । এবং এই উপলব্ধি হইলেই সাধনার সার্থকতা ।

এই জন্মই ভক্ত মহাজন গাহিয়াছেন :—

পিতা মাতা সূহৃদ্ বন্ধু ভ্রাতা পুত্রস্বমেব মে ।
বিদ্যা ধনঞ্চ কামশ্চ নাশ্চৎ কিঞ্চিৎ ত্বয়া বিনা ॥

—হে সর্বস্ব ! তুমিই আমার পিতা, মাতা, সূহৃৎ, বন্ধু, ভ্রাতা, পুত্র, বিদ্যা, ধন, কাম—তোমা ভিন্ন আমার অন্য কিছুই নাই ।

এই জন্মই গীতায় শ্রীভগবান্ বলিয়াছেন :—

গতিভর্তা প্রভুঃ সাক্ষী নিবাসঃ শরণং সূহৃৎ ।
প্রভবঃ প্রলয়ঃ স্থানং নিধানং বীজমব্যয়ম্ ॥ গীতা, ৯।১৮

—আমিই গতি, ভর্তা, প্রভু, সাক্ষী, নিবাস (ভোগস্থান), শরণ (রক্ষক), সূহৃৎ (হিতকর্তা), প্রভব (স্রষ্টা), প্রলয় (সংহর্তা), স্থান (আধার), নিধান (লয়স্থান), বীজ (কারণ), অব্যয় (উপচয়পচয় বিহীন) ।

গী: ৯।১৮

তিনি যখন সর্বস্ব ও সর্বস্বরূপ, তখন তাঁহা অপেক্ষা প্রিয়তর আর কে হইতে পারে ?

এই জন্মই শ্রীমদ্ভাগবত বলিয়াছেন :—

প্রাণ বুদ্ধিমনঃ স্বাত্মদারাপত্যধনাদয়ঃ ।

যৎ সম্পর্কাত্ প্রিয়া আসংসৃতঃ কো নু পরঃ প্রিয়ঃ ॥

১।৩।৪১ সূত্রের আলোচনায় (পৃঃ ৬৫৬) ইহার অর্থ দেওয়া হইয়াছে ।

ব্রহ্ম সম্পর্কেই আগতিক সমুদায় বস্তু, এমন কি নিজের দেহ, মনঃ, বুদ্ধি, প্রাণ প্রিয় বলিয়া সর্বভাবে সর্বপ্রকারে সেই প্রিয়তমের উপলক্ষির চেষ্টা করা, জীবনের চরম ও পরম উদ্দেশ্য । এই স্বাবর জঙ্গমাত্মক বিশ্বের সর্ব বস্তুতে ব্রহ্মভাব উপলক্ষি করণেই সমুদায় বেদান্ত উপদেশের সার্থকতা । এই উপলক্ষি লাভ করিবার অগ্ৰতম উপায়, নামকীর্তন । ১।১।৭ সূত্রের আলোচনায় ইহা প্রতিপাদিত হইয়াছে ।

যদালোচিত “নামমহিমা” বা “সুতিষোড়শী” পুস্তকে নামকীর্তন সম্বন্ধে বিস্তারিত আলোচনা করা হইয়াছে । অনুসন্ধিৎসু পাঠক, ইচ্ছা করিলে, উহার সাহায্য লইতে পারেন ।

• একটি অতি সাধারণ দৃষ্টান্তের সাহায্যে নামকীর্তনের বা নামজপের প্রয়োজনীয়তা সম্বন্ধে বুঝিবার চেষ্টা করিব । শাস্ত্রালোচনায় আমরা জানি যে, আমাদের প্রাণপ্রবাহ সূর্য্যকিরণ পথে প্রবাহিত হইয়া আমাদের জন্ম, স্থিতি, বৃদ্ধি প্রভৃতির বিধান করিতেছে । কিন্তু আমরা কি ইহা সর্বসময়ে বুঝিতে পারি ? আধিভৌতিক বিজ্ঞান শাস্ত্রের উক্ত উপদেশ সমর্থন করিলেও, এবং রাতে আগন্তুক কারণে—যথা পৃথিবীর ছায়ায় আবৃত হওয়ায় সূর্য্যকিরণ আমাদের দৃষ্টিপথে উজ্জ্বলভাবে প্রকটিত না হইলেও, উহার বিকীর্ণ কিরণ-পুঞ্জের কোনও সময়ে অভাব হয় না জানিলেও, আমরা সব সময় মনে ধারণা করিতে পারি না যে, সূর্য্যকিরণ আমাদের অতি প্রয়োজনীয় । কিন্তু পৌষমাসে প্রচণ্ড শীতে কাঁপিতেছি—উন্মুক্ত প্রান্তরে অব্যবহৃত রৌদ্রে বসিলে, আমরা কিরণপথে সূর্য্যের সহিত সংস্পর্শে আসিলে, অতি শীঘ্র শীত নিবারণিত হয় ও শরীর স্বাচ্ছন্দ্যলাভ করে । ইহা আমাদের প্রত্যেকের অনুভবসিদ্ধ ।

সেইরূপ আমাদের উৎপত্তি ভগবান হইতে, স্থিতি তাঁহাতে, ক্রিয়াশীলতা তাঁহারই প্রেরণায়, প্রভৃতি হইলেও, আমরা ৬ভগবানের সহিত আমাদের দৈনিক ব্যবহারিক জীবনের অপরিহার্য্য সম্বন্ধ বিস্মৃত হইয়া পড়ি । কিন্তু পারমার্থিক আত্যন্তিক কল্যাণের জন্য ইহা সর্বদা স্মরণ করা ও সেজন্য কৃতজ্ঞতা নিবেদন করা নিতান্ত প্রয়োজন । উন্মুক্ত প্রান্তরে রৌদ্রে বসিয়া সূর্য্যের সহিত সংস্পর্শ লাভের স্থায়, নির্জনে মনে প্রাণে নাম ও নামীয় অভেদজ্ঞানে, নাম কীর্তন বা নামজপ করিলে ৬ভগবানের সহিত সংস্পর্শ লাভে পারমার্থিক

আত্যন্তিক কল্যাণ লাভ হইয়া থাকে, ইহা শাস্ত্রের ঘোষণা। ইহাতে কোনও সন্দেহ নাই।

এখন প্রশ্ন উঠে, যখন শব্দ মাত্রই ব্রহ্মের বাচক, তখন কি নামে কীর্তন করিলে ব্রহ্মোপাসনা হইবে? আমরা বুঝিয়াছি যে, নামের উচ্চারণ মাত্রই নামীর রূপ হৃদয়ে উদ্ভাসিত হইয়া থাকে। ব্যবহারিক নামীর পক্ষে ইহা প্রযোজ্য বটে। ১।১।৩ সূত্রের আলোচনায় আমরা পাইয়াছি, ব্রহ্ম “অরূপ হইলেও উকরূপ”, (ভাগবত, ৮।৩৯)। যে নামে তাঁহার কোনও বিশেষ রূপ এবং সঙ্গে সঙ্গে ব্রহ্মভাব হৃদয়ে উদ্ভাসিত হয়, সেই নাম কীর্তনই আবশ্যিক। যে নামের সঙ্গে নামী ব্রহ্মের নিত্য ঘনিষ্ঠ সম্বন্ধ অনন্ত কাল হইতে অনন্তদেশে, অসংখ্য ব্যক্তি গণের মধ্যে বর্তমান থাকিয়া চলিয়া আসিতেছে, এবং সে নাম উচ্চারণের সঙ্গে সঙ্গে নামীর ভাব বা ব্রহ্মভাব, হৃদয়ে আপনিই ভাসিয়া উঠে, সেই নামই কীর্তনীয়। “ওঁম্” তাঁহার এই প্রকার একটি নাম। রাম, হরি, কৃষ্ণ, শিব, দুর্গা, কালী প্রভৃতি নামও হিন্দুগণের মধ্যে অনন্ত কাল হইতে প্রচলিত। ইহাদের সহিত তত্ত্ব নামীর ঘনিষ্ঠ সম্বন্ধ বিদ্যমান, এবং তজ্জগৎ (by association) এই এই নামের উচ্চারণের সহিত তত্ত্ব নামীর ভাব হৃদয়ে প্রতীতি হয়। অতএব হিন্দুদিগের মধ্যে কুচি ও অধিকার অনুসারে এই সকল নামই কীর্তনীয়। ইহা ছাড়া যে অণু নাম কীর্তনীয় নহে, বেদান্ত তাহা বলেন না। ভাবে ও বস্তুতে ঠিক থাকিলেই হইল। পরমহংস দেবের ভাষায়, “ভাবের ঘরে চুরি” না হইলে হইল। যদি অণু নামকীর্তনে ব্রহ্মভাব হৃদয়ে জাগরিত হয়, তাহা হইলে সে নাম পরিত্যজ্য নহে। তবে একনিষ্ঠতার বিশেষ প্রয়োজন। ইহা তৃতীয় অধ্যায়ে বিশেষভাবে আলোচিত হইবে।

আমরা পূর্বে প্রতিপাদন করিয়াছি যে, ব্রহ্ম, দেশ কাল বস্তু পরিচ্ছেদের বাহিরে। সূত্ররাং তাঁহাকে যেমন একদিকে অনন্ত বলা যায়, অণুদিকে আবার তেমনি সূক্ষ্মাতিসূক্ষ্ম বলা যায়। তাঁহাতে অনন্ত ভাব বর্তমান। অনন্তে অভিব্যক্ত রূপে এবং সূক্ষ্মে অনভিব্যক্ত রূপে। এই অনন্ত ভাবসমষ্টির সম্যক ধারণা অসম্ভব। শাস্ত্র বিশেষ বিশেষ ভাবের বিশেষ বিশেষ আকার প্রকটিত করিয়াছেন। যে নামে এই সকল বিশেষ ভাবের অপেক্ষাকৃত স্পষ্টতর উপলব্ধি হৃদয়ে জাগরুক হয়, সেই নামই সেই সাধকের গ্রহণীয়। সাধারণ মানব নিজচেতায় সহজে এই নামটি চিহ্নিত করিয়া বাছিয়া লইতে পারেন না। আমাদের শাস্ত্র বলেন যে, গুরু তাঁহার সাধনা-লব্ধ শক্তি বলে, শিষ্যের প্রকৃতি,

অধিকার অনুযায়ী, তাহার ইষ্টনাম ও ইষ্টযুক্তি স্থির করিয়া শিষ্যকে প্রদান করতঃ তাহার মহত্বকার সাধন করেন। বর্তমানে বহুস্থলে ইহার ব্যভিচার পরিলক্ষিত হয় বটে, কিন্তু শাস্ত্র তাহার জন্ম দায়ী নহেন। শাস্ত্র উপায় বিধান করিয়া দিয়াছেন, উপায় যথাযথ প্রতিপালিত না হইলে, তজ্জন্ম শাস্ত্রকে দায়ী করা বুদ্ধিমানের কার্য্য নহে। রাজা আইন প্রণয়ন করিয়া, যদি তাহার পরিচালনা না করেন, তজ্জন্ম আইনের দোষ দেওয়া যায় না। সেইরূপ শাস্ত্র প্রকৃষ্ট উপায় বিধান করিলেও, যদি সমাজ তাহা পরিচালনা না করেন, তজ্জন্ম সমাজই দায়ী। যাহা হউক, এ সম্বন্ধে আলোচনা আমাদের উদ্দেশ্যের অবাস্তব, প্রসঙ্গক্রমে উল্লিখিত হইল মাত্র।

[উপরে লিখিত ব্যাখ্যা শ্রীমদ্ রাম'নুজাচার্য্য—ও শ্রীমদ্ বলদেব সম্বৃত। মধ্বাচার্য্য এই সূত্রটি পূর্ববর্তী সূত্রের পরিপোষক রূপে ব্যাখ্যা করিয়াছেন। শ্রীমদ্ শঙ্করাচার্য্য এই সূত্রটি জীবাত্মার জন্ম মৃত্যু ভাঙ্গ মাত্র বলিয়া ব্যাখ্যা করিয়াছেন, এবং এজন্ম তিনি ইহা অন্য একটি অধিকরণের অন্তর্ভুক্ত করিয়াছেন। কিন্তু উক্ত অর্থ পরবর্তী সূত্র হইতে লভ্য বলিয়া মনে হওয়ায়, এবং উপরে লিখিত ব্যাখ্যা অর্থগৌরবে গরীয়ান্ বলিয়া বোধ হওয়ায়, উহাই লিখিত হইল।]

৩। আত্মাধিকরণ।

ভিত্তি :—

(১) যথা সূদীপ্তাং পাবকাদ্বিস্কুলিঙ্গাঃ, সহস্রশঃ প্রভবন্তে সরূপাঃ ।
তথাক্ষরাদ্ বিবিধাঃ সোম্য ভাবাঃ, প্রজায়ন্তে তত্র চৈবাণিযন্তি ॥
(মুণ্ড : ২।১।১)

—যেমন প্রদীপ্ত পাবক হইতে পাবকের সমানরূপী সহস্র সহস্র স্কুলিঙ্গ জন্মে, সেইরূপ অক্ষর ব্রহ্ম হইতে অক্ষর সমান-রূপী বিবিধ পদার্থ জন্মে, এবং তাহাতেই লয় প্রাপ্ত হয়। (মুণ্ড : ২।১।১)

(২) যতঃ প্রসূতা জগতঃ প্রসূতী তোয়েন জীবান্ ব্যাসসর্জ
ভূম্যাম্ ॥ (নারায়ণোপনিষৎ, ১)

—যাহা হইতে জগৎপ্রসূতি প্রসূত হইয়াছেন, এবং যিনি জলে বা পৃথিবীতে জীবগণকে সৃষ্টি করিয়াছেন। (নারায়ণোপনিষৎ, ১)

(৩) সন্মুলাঃ সোম্যোমাঃ সর্বাঃ প্রজাঃ সদায়তনাঃ সংপ্রতিষ্ঠাঃ ॥
(ছান্দোগ্য : ৬।৮।৪)

—হে সোম্য ! সং ব্রহ্মই এই সমস্ত জীবগণের মূল, সং ব্রহ্মই আশ্রয়, এবং সং ব্রহ্মই বিলয়স্থান। (ছাঃ ৬।৮।৪)

সংশয় :—২।৩।৪ সূত্রের আলোচনায় উক্ত বৃহদারণ্যক শ্রুতির ২।৩।৩ মন্ত্রে আকাশ এবং বায়ুকে “অমূর্ত” এবং “অমৃত” বলিয়া উল্লেখ করা সত্ত্বেও, উহাদিগের উৎপত্তি সিদ্ধান্ত করিলে। শিরোদেশে উক্ত শ্রুতিসকলে জীবের বা আত্মার উৎপত্তি এবং লয় স্পষ্টই কথিত আছে। অতএব স্বীকার করিবে ত’ যে, জীবাত্মা উৎপত্তি ও নাশশীল, নিত্য নহে? এবং নিত্যতা বোধক যে সকল শ্রুতি আছে, তাহাদের গৌণ অর্থেই গ্রহণ করিয়া সামঞ্জস্য রক্ষা করিতে হইবে? এই সন্দেহের উত্তরে সূত্রকার সূত্র করিলেন :—

সূত্র :—২।৩।১৮ ।

নাত্মা শ্রুতের্নিত্যত্বাচ্চ তাভ্যঃ ॥ ২।৩।১৮ ॥

ন + আত্মা + শ্রুতেঃ + নিত্যত্বাৎ + চ + তাভ্যঃ ॥

নঃ—না । আত্মা :—জীব । শ্রুতেঃ :—শ্রুতি হেতু । নিত্যত্বাৎ :—
যেহেতু নিত্যত্ব । চ :—পরন্তু । তাত্পর্যঃ :—শ্রুতি সকল হইতে জানা
যায় ।

আত্মা বা জীবের উৎপত্তি নাই, এবং সে কারণ নাশও নাই, কারণ
জীবের উৎপত্তি নিষেধক শ্রুতি আছে যথা :—“ন জায়তে জিয়তে বা
বিপশ্চিন্নায়ং কুতশ্চিন্ন বভূব কশ্চিৎ । অজো নিত্যঃ শাশ্বতোহয়ং
পুরাণো ন হন্যতে হন্যমানে শরীরে ॥” (কঠঃ ১।২।১৮) ।—আত্মা জন্মে
না, মরে না, কোনও কিছু হইতে হয় নাই, এবং ইহা হইতেও কেহ জন্মে নাই ।
এই আত্মা অজ (জন্মরহিত), নিত্য, শাশ্বত ও পুরাণ (অনাদি), দেহ নিহত
হইলে সে নিহত হয় না । (কঠঃ ১।২।১৮) । অন্যত্র :—“জাজ্ঞৌ ছাবজৌ” ।
(শ্বেতাশ্বতর ১।২) ।—দুইটি অজ (জন্মরহিত)—ইহাদের মধ্যে একজন অজ
—‘জ’, অপরজন—‘অজ’ । (শ্বেতাশ্বতর ১।২) । এই অপর অজ অজ যে জীব,
তাহা বলাই বাহুল্য ।

আচ্ছা, জীব যদি অজ, তবে এক বিজ্ঞানে সর্ববিজ্ঞান প্রতিজ্ঞা কিরূপে
অন্যাহত থাকে ? ইহার উত্তর এই যে, জীব—ব্রহ্মশক্তি, শক্তি বিকাশে ইহার
অভিব্যক্তি, এ কারণ ইহাকে ব্রহ্মকার্য্যও বলা যায় ; শক্তি, শক্তিমান্ হইতে
অভেদ বলিয়া, এবং কার্য্য কারণ হইতে অনন্য বলিয়া, উক্ত প্রতিজ্ঞা
উপপন্ন হয় । জীব অজ (জন্মরহিত) হইলে, ইহা ব্রহ্ম হইতে পৃথক তত্ত্ব নহে ।
সুতরাং উক্ত প্রতিজ্ঞাহানি কি প্রকারে হইবে ? ব্রহ্মের বহু হইবার সংকল্পানু-
সারে ইহার পৃথকভাবে অভিব্যক্তি এবং এই অভিব্যক্তি, ব্রহ্ম হইতেই । তাঁহার
তটস্থা শক্তি বা গীতার ভাষায় “পরশক্তি” (গীতা ৭।৫) জীব বলিয়া পরিচিত ।
সুতরাং ইহা তাঁহা হইতে পৃথক্ নহে ।

ভাল, তুমি তো উপরে বলিলে, জীব ব্রহ্মকার্য্য । কার্য্যের উৎপত্তি প্রত্যক্ষ
দেখা যায়, সুতরাং জীবের উৎপত্তি নিষেধ করিবে কিরূপে ?

ইহার উত্তরে আমরা বলি যে, কাহা অর্থ—কোনও একটি দ্রব্যের অবস্থান্তর
প্রাপ্তি ; শূন্য এ অবস্থান্তর প্রাপ্তি জীবের সম্বন্ধেও নিশ্চয়ই আছে । তবে
বিশেষ এই যে, ব্রহ্মের বহিরঙ্গা শক্তি বিকাশে প্রসূত প্রধান ও তদুৎপন্ন
অচেতন বস্তুজাতের স্বরূপের অগ্ৰথা ভাব হয়, জীবের স্বরূপের অগ্ৰথা ভাব হয়
না, মাত্র আচ্ছাদিত থাকে, এবং আবরণের স্বচ্ছতার ইতর বিশেষের উপর
জ্ঞানের সংকোচ বিকাশ নির্ভর করে, এই মাত্র । ইহা ভগবানের সংকল্পানুসারেই
অগদ্বৈচিত্র্য বিধানের নিমিত্ত এবং ভোগ্য সকলের সার্থকতা সম্পাদনের জন্ত,

হইয়া থাকে। ২।১।২৩ সূত্রের আলোচনায় ইহা আমরা বুঝিবার চেষ্টা করিয়াছি। জীবের স্বরূপের অন্যথাভাবেই নিষিদ্ধ হইতেছে।

প্রপঞ্চ বিশ্বের প্রতি দৃষ্টিপাত করিলে, আমরা ভোগ্য, ভোক্তা ও নিয়ন্তার অস্তিত্ব উপলব্ধি করি। প্রপঞ্চের বস্তুজাত ভোগ্য, জীব ভোক্তা, এবং ব্রহ্ম বা পরমাত্মা বা ভগবান্ নিয়ন্তা—ভোক্তার সহিত ভোগ্যের সম্বন্ধ নিয়ন্ত্রণ করেন। ইহাই ব্রহ্মের বহিরঙ্গা, তটস্থা ও অন্তরঙ্গা শক্তির পরিচয়। ভোগ্য অচেতন, ভোক্তা চেতন বিধায়—ভোগ্যের সহিত সংযোগ বিয়োগ নিবন্ধন সুখ দুঃখ ভোগ করিয়া থাকেন। নিয়ন্তার সে সকল কিছুই স্পর্শে না। তিনি উদাসীন, সাক্ষীভাবে বর্তমান থাকিয়া, নিয়ন্ত্রণ করেন। বিশ্বের স্থিতি কালে প্রত্যেক জীব সম্বন্ধে ইহা ঘটয়া থাকে। প্রলয়ে ভোগ্য ও ভোক্তা উভয়েই নিয়ন্তাতে সূক্ষ্মাতিসূক্ষ্মভাবে, বহিরঙ্গা ও তটস্থা শক্তিভাবে, শক্তিমান্ হইতে বিভক্ত পৃথকরূপে উল্লেখের অযোগ্যভাবে, এককথায় অবিনাভাবে বর্তমান থাকে, ইহা আমরা পূর্ক পূর্ক সূত্রের আলোচনায় বুঝিতে পারিয়াছি। এই অবিনাভাবে সম্মিলিত অবস্থার প্রতি লক্ষ্য করিয়াই ছান্দোগ্য শ্রুতি “একমেবা-
দ্বিতীয়ম্” (ছান্দোগ্যঃ ৬।২।১) বলিয়াছেন। আবার সৃষ্টির প্রাক্কালে, বীজ হইতে অকুরোদ্গমের ক্রায়, ভোগ্য ও ভোক্তা বিভক্তরূপে নিয়ন্তা হইতে পৃথক-
 ভাবে প্রকটিত হইয়া থাকে। পৃথকভাবে প্রকটিত হইলেও, উভয়েই নিয়ন্তার সত্বায় সত্বাবান্, নিয়ন্তার শক্তিতে শক্তিমান্ হইয়া নিয়ন্তার আধারে অবস্থান করতঃ বল হইবার সংকল্পের সার্থকতা সম্পাদন করে; আবার পুনরায়—প্রলয়ে, তাঁহাতেই শক্তিরূপে অপৃথক ভাবে থাকে। এই ব্যাপারের প্রতি লক্ষ্য করিয়া শ্রুতি বলিয়াছেন :—“**সর্বং খণ্ডিতং ব্রহ্ম
 ভক্তানাম্**।” (ছান্দোগ্যঃ ৩।১৪।১)। —এই পরিদৃশ্যমান সমস্ত ব্রহ্মই, তাঁহা হইতে জাত, তাহাতে স্থিত, লয়ে, তাঁহাতেই অস্ত্যনিবিষ্ট। (ছাঃ ৩।১৪।১)

জীব স্বরূপতঃ শুদ্ধ চৈতন্য স্বরূপ। ভোগ্য বিষয়—অচেতন, জড়। চৈতন্যের সহিত জড়ের সংযোগ সাধনের জন্ত, অজ্ঞ কথায় জীবকে ভোক্তা সাজিবার জন্ত জীবের দেহরূপ উপাধি এবং তাহাতে অহং মম জ্ঞান বা আত্মাভিমান প্রয়োজন। উপাধিতে উপহিত জীব—ভিন্ন ভিন্ন বর্ণের ভিন্ন ভিন্ন আকারের কাচাবরণের মধ্যে আলোকের অবস্থানের ক্রায় মনে করা যাইতে পারে। স্বেতবর্ণের একই প্রকার আলোক, বিভিন্ন বর্ণের ও বিবিধ আকারের কাচের মধ্যে থাকিয়া, তত্তৎ বর্ণে ও তত্তৎ আকারে প্রতীয়মান হয়। বর্ণের গাঢ়তা, মলিনতা, স্বচ্ছতার ইত্যর

বিশেষে যেমন বিবিধ আকারের বিবিধ বর্ণের গাঢ়, মলিন ও স্বচ্ছ আলোক প্রতীত হয়, সেইরূপ ব্রহ্মের তটস্থা শক্ত্যাংশ বিভিন্ন উপাধিতে উপহিত হইয়া বিভিন্ন আকারে এবং একই জ্ঞানের সংকোচ-বিকাশের তরতমরূপে প্রতীয়মান হইয়া থাকে । প্রত্যুত, উক্ত তটস্থা শক্ত্যাংশের উৎপত্তি বিনাশ নাই । উহা ব্রহ্মরূপের অতিনিকটস্থ । ব্রহ্মরূপ যাহা, উহাও তাহাই । শুদ্ধ জীব স্বরূপতঃ কি, তাহা ভাগবত নিম্নোক্ত শ্লোকে বড় সুন্দরভাবে বিবৃত করিতেছেন :—

নাশ্চা জ্ঞান ন মরিস্শ্চাতি নৈধতেহসৌ

ন ক্ষীয়তে সর্বনবিদ্যাভিচারিণাং হি ।

সর্বত্র শব্দনপায়াপলক্ষিমাত্রঃ

প্রাণো যথেন্দ্রিয়বলেন বিকল্লিতং সং ॥ ভাগঃ ১১।৩।৩৯

—আত্মার জন্ম, মৃত্যু, বৃদ্ধি ও ক্ষয় নাই । ব্যভিচারী, অর্থাৎ জন্মবিনাশাদিশীল বাল যুবাদি দেহ সকলের বা দেব মনুষ্য তির্য্যগাদি দেহ সকলের দ্রষ্টা ও জ্ঞাতা, এবং সর্বত্র সর্বদা ক্ষয়োদয় রহিত জ্ঞান স্বরূপ । যেমন একমাত্র নিত্যজ্ঞান ইন্দ্রিয় বলে বিকল্লিত হয়, কিন্তু জ্ঞান প্রকৃতপক্ষে বিকৃত হয় না ; কেবল নীল, পীতাদি, মধুর, কর্কশ প্রভৃতি বৃত্তি হয় মাত্র, এবং তন্মধ্যে থাকিয়াও প্রাণ অবিকারী থাকেন, সেইরূপ আত্মাও নিত্য অবিকারী জানিবে । ভাগঃ ১১।৩।৩৯

—শুদ্ধ জীবস্বরূপ চিদ্রূপত্ব হেতু, ঈশ্বরস্বরূপ হইতে অণুমাত্র বিভিন্ন নহে ।

ভাগঃ ১১।২২।১০

পুরুষেশ্বরয়োরত্র ন বৈলক্ষণ্যমথপি । ভাগঃ ১১।২২।১০

তবে যে জন্ম মৃত্যু আত্মরা দৈনন্দিন জীবনে দেখিতে পাই, তাহার সহিত আত্মার সম্বন্ধ কি ? ইহার উত্তরে ভাগবত বলিতেছেন :—জন্ম বিনাশ শূন্য জীবাত্মার দেহবীজভূত কর্ম দ্বারা যে জন্ম মৃত্যু সংঘটিত হয়, এমত নহে । যেমন মহাভূত অগ্নি, সৃষ্টির আদি হইতে কল্লাস্ত পর্য্যন্ত বর্তমান থাকিয়াও কাঠসংযোগ ও বিয়োগ মাত্রে জন্ম ও মৃত্যু প্রাপ্ত হয়, তদ্রূপ জীবাত্মা অজ ও অমর হইয়াও, ভ্রাস্তি বশতঃ উপাধির সহিত সংযোগ বিয়োগ হেতু জাত ও মৃতের ন্যায় প্রতীত হইয়েন । ভাগঃ ১১।২২।৪৫

মা স্বশ্চ কর্মবীজেন জায়তে সোহপ্যয়ং পুমান্ ।

ত্রিয়তে চামরো ভ্রাস্ত্যা যথাগ্নির্দারুসংস্থিতঃ ॥

ভাগঃ ১১।২২।৪৫

মহাভূত অগ্নি যেমন সৃষ্টির আদি হইতে চিরবিদ্যমান হইলেও কাঠসংযোগে জন্ম বা অভিব্যক্তি এবং কাঠবিয়োগে মৃত্যু বা অনভিব্যক্তি, সেইরূপ উপাধি সংযোগে আত্মার প্রপঞ্চে অভিব্যক্তি বা জন্ম এবং উপাধি বিয়োগে প্রপঞ্চে অনভিব্যক্তি বা মৃত্যু। ফলতঃ মহাভূত অগ্নি যেমন কল্লাদি হইতে বর্তমান থাকে, তদ্রূপ আত্মা, অজ, অমরভাবে চিরবিদ্যমান। আরও স্মরণ রাখিতে হইবে যে, যেমন কাঠের সংযোগ বিয়োগে কোন বিশেষ স্থানে, অগ্নির জন্ম বা মৃত্যু হইলেও, তাহাতে মহাভূতাত্মক অগ্নির স্বরূপের কোন ব্যত্যয় হয় না, তদ্রূপ কোন বিশেষ বিশেষ উপাধির সংযোগ বিয়োগে—আত্মার জন্ম-মৃত্যু ভ্রান্তিবশতঃ প্রতীয়মান হইলেও, তাহাতে আত্মার স্বরূপের কোন ব্যত্যয় হয় না।

—আত্মা স্বরূপতঃ এক, নিত্য, স্বয়ংজ্যোতিঃ (স্বপ্রকাশ), নিগুণ। স্বরূপে অবিকৃত থাকিয়াও গুণ দ্বারা আত্মসৃষ্ট ভূত সকলে বহুরূপে প্রতীয়মান হইয়েন। ভাগঃ ১০।৮।২২

আত্মা হোকঃ স্বয়ংজ্যোতির্নিত্যোহুতো নিগুণো গুণৈঃ ।

আত্মসৃষ্টৈস্তংকৃতেষু ভূতেষু বহুধেয়তে ॥ ভাগঃ ১০।৮।২২

এই আত্মা দৃশ্যমান প্রপঞ্জের বস্তুজাত হইতে পৃথক।

নাআ বপুঃ পার্থিবমিন্দ্রিয়াণি দেবা হুসুর্বাযুর্জলং হুতাশঃ ।

মনোহ্রমাত্রং ধিবণাচ সত্বমহংকৃতিঃ খং ক্ষিতিরর্থসাম্যাম্ ॥

ভাগঃ ১১।২৮।২৫

—পার্থিবত্ব প্রযুক্ত শরীর আত্মা নহে, অন্নবিকার প্রযুক্ত ইন্দ্রিয়গণ আত্মা নহে। ইন্দ্রিয়গণের অধিষ্ঠাতা দেবতাগণ, প্রাণ, মনঃ, বুদ্ধি, চিত্ত, অহঙ্কার, ইহারাও আত্মা নহে। বায়ু, জল, অগ্নি, আকাশ, পৃথিবী এবং অর্থসাম্য—প্রকৃতি ও জড়ত্ব হেতু, আত্মা নহে। ভাগঃ ১১।২৮।২৫

এই প্রসঙ্গে ১।১।১৮ সূত্রের আলোচনায় উদ্ধৃত ভাগবতের ৫।১১।১২ ও ৫।১১।১৩ শ্লোক (পৃঃ ৪৩৪) দ্রষ্টব্য।

—আত্মা স্বরূপতঃ অন্তর। অন্তর আত্মার ভেদ দর্শনই ভ্রম এবং আত্মা তির এ ভ্রমের অন্ত আশ্রয় নাই। স্বপ্রকাশ, জ্ঞানস্বরূপ আত্মার আশ্রয়ে ভ্রমের অবস্থানই ভগবদ্বায়া বা শ্রীভগবানের সংকল্প। ভাগঃ ১১।২৮।৩৭

এতাবানাত্মসম্মোহো যদ্বিকল্পস্ত কেবলে ।

আত্মমূতে স্বমাত্মানমবলম্বো ন যস্য হি ॥ ভাগঃ ১১।২৮।৩৭

আত্মা যদি তাঁহার অসঙ্গ, অনাসক্ত স্বরূপে অবস্থান করিয়া জগদ্ভোগে প্রবৃত্ত হন, তাহা হইলে ভোগে সার্থকতা সম্পাদিত হয় না। বিবাহ-বাসরে যদি বর—বিবাহের পর, বাসর ঘরে গিয়া মোহমুগ্ধের বা বৈরাগ্য-শতকের শ্লোক আওড়াইয়া হাহতাশ করিতে থাকেন, তাহা হইলে, তাঁহার, কন্টার বা উভয় পক্ষের আত্মীয়গণ কাহারও আনন্দ হয় না, সেইরূপ জীব যদি নিজের স্বরূপে প্রতিষ্ঠিত হইয়া নিজের অসঙ্গ ও অনাসক্তভাব প্রকটিত করিয়া জগদ্ভোগে ব্যাপৃত হন, তাহা হইলে জগদ্বেচিত্যের সার্থকতা রক্ষিত হয় না। একারণ ভগবানের সংকল্পানুসারেই স্বয়ংপ্রকাশ জ্ঞানস্বরূপ জীবে অজ্ঞানাবরণ। সূত্রকারও ইহা ৩২।৫ সূত্রে প্রতিপাদন করিবেন।

অতএব, সিদ্ধান্ত হইল যে, আত্মার জন্ম মৃত্যু নাই। আত্মা জ্ঞান স্বরূপ। হং-পদার্থ পরিলক্ষিত জীবাত্মার সহিত, তৎ-পদার্থ পরিলক্ষিত ব্রহ্মের বা পরমাত্মার তত্ত্বতঃ ভেদ নাই। শ্রুতি “তত্ত্বমসি” মহাবাক্যে ইহা প্রতিপাদন করিয়াছেন। এই ভেদ নাই বলিয়া, আত্মার উৎপত্তি-বিনাশ সম্ভব নহে। প্রপঞ্চ জীবে জীবে যে ভেদ দর্শন হয়, তাহা ভ্রম। এই ভ্রম আত্মার আশ্রয়ে থাকে—ইহাই ভগবদ্ভাষ্য। সূত্রের প্রতিপাদ্য বিষয় হইতে আমরা অগ্রসর হইয়া পড়িলাম। তাহার কারণ, শ্রীমদ্ভাগবতের শ্লোকগুলি ঠিক সূত্রে প্রযোজ্যরূপে রচিত হয় নাই। তত্ত্বের সহিত উপাখ্যানের সংযোগ সাধন, অপূর্ব উপায়ে এই পরম উপাদেয় পুরাণে সংঘটিত হইয়াছে।

৪। জাধিকরণ ॥

ভিত্তি :—

(১) “মনসৈতান্ কামান্ পশ্যন্ রমতে, য এতে ব্রহ্মলোকে ॥”

(ছান্দোগ্যঃ ৮।১২।৪-৫)

—ব্রহ্মলোকে যে সমস্ত কাম্য বিষয় আছে, আত্মা মনের সাহায্যে সে সমুদায় কাম্য বিষয় অমুভব করতঃ প্ৰীত হন । (ছাঃ ৮।১২।৪-৫)

(২) “সত্যকামঃ সত্যসংকল্পঃ ।” (ছান্দোগ্যঃ ৮।৭।১)

(৩) “বিজ্ঞাতারমরে কেন বিজানীয়াৎ ।” (বৃহঃ ৪।৫।১৫)

—অরে ! যিনি বিজ্ঞাতা, তাঁহাকে আবার কিসের দ্বারা জানিবে ?

(বৃহদারণ্যকঃ ৪।৫।১৫)

(৪) “এষ হি দ্রষ্টা, শ্রোতা, ভ্রাতা, রসয়িতা, মস্তা, বোদ্ধা, কৰ্ত্তা, বিজ্ঞানাত্মা পুরুষঃ । (প্রশ্নঃ ৪।৯)

—এই বিজ্ঞানাত্মা পুরুষ (জীব) নিশ্চয়ই দ্রষ্টা, শ্রোতা, ভ্রাতা, আশ্বাদন কৰ্ত্তা, মনন কৰ্ত্তা, বুদ্ধির দ্বারা বিচারকৰ্ত্তা এবং কৰ্ত্তা । (প্রশ্নঃ ৪।৯)

সংশয় :—জীবের অমুৎপত্তি ত সিদ্ধান্ত করিলে । এখন জীবের স্বরূপ কি, তাহা জানা প্রয়োজন । উহা কি সাংখ্যদর্শনের সিদ্ধান্তমত নিত্য চৈতন্য স্বরূপ, অথবা বৈশেষিক দর্শনকার কণাদের মতের দ্বায় স্বরূপতঃ অচেতন, চৈতন্য আগন্তুক গুণ মাত্র ? এই সন্দেহ নিরসনের জন্য সূত্র :—

সূত্র :—২।৩।১৯ ।

জ্ঞোত এব ॥ ২।৩।১৯ ॥

জ্ঞঃ + অতএব ॥

জ্ঞঃ :—জানবান্, জ্ঞাতা । অতএব :—এই কারণেই ।

আত্মা কেবলমাত্র জ্ঞানস্বরূপ নহে, জ্ঞাতৃস্বরূপও বটে । শিরোদেশে উদ্ধৃত শ্রুতি মন্ত্রসকল তাহার প্রমাণ । চৈতন্য উহার আগন্তুক গুণ মাত্র নহে । উহা আত্মার স্বরূপ । প্রলয়ে জ্ঞেয়ের অনভিব্যক্তি বিধায়, জ্ঞাতৃস্বের অভাবহেতু, যিনি নিরপেক্ষ জ্ঞানস্বরূপ, সৃষ্টিতে জ্ঞেয়ের প্রকারে যেমন তাঁহার

জাত্ব সিদ্ধ হয়, সেইরূপ প্রত্যক্ আত্মা স্বরূপতঃ জ্ঞানস্বরূপ হইলেও বিষয়গত জ্ঞেয়ের সংস্পর্শে তাঁহার জাত্ব সিদ্ধ হইয়া থাকে । অতএব যিনি অনুভূতি স্বরূপ তিনি অনুভব কর্তাও বটে ।

—জাগ্রৎ-স্বপ্ন-সুষুপ্তি অবস্থাত্ময় বুদ্ধির বৃত্তি । জীব সে সকল হইতে পৃথক্, সর্বদা সাক্ষীরূপে বর্তমান থাকেন । ভাগঃ ১১।১৩।২৬

জাগ্রৎ স্বপ্নঃ সুষুপ্তঞ্চ গুণতো বুদ্ধিবৃত্তয়ঃ ।

তাসাং বিলক্ষণো জীবঃ সাক্ষিৎস্বেন বিনিশ্চিতঃ ॥ ভাগঃ ১১।১৩।২৬-

এই জীব কেবল মাত্র জ্ঞানস্বরূপ নহে, জাতা, দ্রষ্টা ও ভোক্তাও বটে ।

যো জাগরে বহিরগুৰ্গণ-ধর্ম্মিণোহর্থান্

ভুঙ্ক্বে সমস্ত করণৈহুদি তৎ সদৃক্ষান্ ।

• স্বপ্নে সুষুপ্ত উপসংহরতে স একঃ

স্বত্যস্মাত্রিগুণবৃত্তিদৃগিস্মিয়েশঃ ॥ ভাগঃ ১১।১৩।৩১

ইহার অর্থ ২।২।৩১ সূত্রের আলোচনায় পৃঃ—২০২ দেওয়া হইয়াছে পূর্ব সূত্রে উক্ত ভাগবতের ১১।৩।৩২ শ্লোকও দ্রষ্টব্য ।

অতএব, সিদ্ধান্ত হইল যে, আত্মা কেবল মাত্র জ্ঞানস্বরূপ মহেন, জাতাও বটে ; এবং এই জীবের অ এক একটি নাম ক্ষেত্রজ, বা ক্ষেত্রবিৎ ।

১।১।১৮ সূত্রের আলোচনায় (পৃঃ—৪৩৪) উক্ত ৫।১।১২ শ্লোকে “ত্বং” পদার্থ পরিলক্ষিত “ক্ষেত্রজ” জীবের বিষয় উক্ত আছে । ৪।২২।৩৫ শ্লোকে জীবকে ‘ক্ষেত্রবিৎ’ বলা হইয়াছে । যথা :—

যঃ ক্ষেত্রবিত্তপতয়া হৃদি বিষগাবিঃ..... । ভাগঃ ৪।২২।৩৫

“ক্ষেত্রবিদং জীবং তপতি নিয়মতীতি—ক্ষেত্রবিত্তপঃ

তস্য ভাবন্ততা তয়া অন্তর্যামীরূপেন ।” শ্রীধর

—যিনি জীবের হৃদয়ে অন্তর্যামীরূপে সর্বত্র প্রকাশ পান । ভাগঃ ৪।২২।৩৫

এই প্রসঙ্গে ১।১।১৮ সূত্রের আলোচনা দ্রষ্টব্য, পৃঃ—৪৩৩-৩৯ ।

ভিত্তি :—

(১) “তেন প্রাচ্যোভেনৈষ আত্মা নিষ্ক্রামতি চক্ষুষো বা যুদ্ধে বা
অন্তোভ্যো বা শরীরদেশেভ্যঃ” ॥ (বৃহদারণ্যকঃ ৪।৪।২)

—এই বিজ্ঞানাত্মা জীব সেই প্রকাশমান হৃদয়াগ্রপথে, অথবা চক্ষু
হইতে, মস্তক হইতে, অথবা অন্য কোনও শরীরাবয়ব হইতে
নির্গত হয় । (বৃহঃ ৪।৪।২)

(২) “অথ যত্রৈতদস্মাচ্ছরীরাত্মক্রামতি” । (ছান্দোগ্যঃ ৮।৬।৫)

—অনন্তর যখন এইরূপে এই দেহ হইতে নিষ্ক্রান্ত হয় । (ছাঃ ৮।৬।৫)

(৩) “যে বৈ কেচাস্মাল্লোকাৎ প্রযুক্তি, চন্দ্রমসমেব তে
সর্বে গচ্ছন্তি ॥” (কৌষীতকি ১।২)

—যে কেহ (কর্মী) এই লোক হইতে প্রয়াণ করে, তাঁহারা
সকলেই চন্দ্রমণ্ডলে গমন করেন । (কৌষীঃ ১।২)

(৪) “তস্মাল্লোকাৎ পুনরেত্যৈশ্চ লোকার্য কর্মণে ।”
(বৃহদারণ্যকঃ ৪।৪।৬)

—সেই লোক হইতে পুনশ্চ কর্ম করিবার জন্য এই লোকাভিমুখে
আগমন করেন । (বৃহঃ ৪।৪।৬)

সংশয় :—জীবের উৎপত্তি, এবং সে কারণ বিনাশ নাই, সিদ্ধান্ত হইল ।
এখন প্রশ্ন হইতেছে যে, জীবের জাতৃত্ব যদি স্বভাব-সিদ্ধ, তবে সর্বগত
আত্মায় সকল সময়ে ও সকল স্থানে, জাতৃত্ব উপলব্ধি গোচর হইতে পারে ।
কিন্তু তাহা ত প্রত্যক্ষতঃ দেখা যায় না । অতএব, আত্মা সর্বগত কি না ?
এই সংশয়ের উত্তরে সূত্র :—

সূত্র :—২।৩।২০ ।

“উৎক্রান্তি-গত্যাগতীনাম্ ॥ ২।৩।২০ ॥

উৎক্রান্তি-গত্যাগতীনাম্ :—দেহ হইতে উৎক্রান্তি, গতি ও আগমনের
কারণ জীবাত্মা সর্বগত নহে ।

শিরোদেশে উক্ত শ্রুতি মন্ত্রসকলে আত্মার দেহ হইতে নিষ্ক্রামণ,
চন্দ্রলোকে গমন, এবং পুনরায় তথা হইতে প্রত্যাগমন কথিত হইয়াছে ।

যদি জীবাণু সর্বগত হইত, তাহা হইলে তাহার সঙ্গে উৎক্রান্তি, গতি ও আগতি সঙ্গত হইত না। অতএব, আণু সর্বগত মনে। জৈন মত বিচারে ২।২।৩৪ সূত্রে আণুর মধ্যম পরিমাণ নিষিদ্ধ হইয়াছে। সুতরাং, জীব অণু-পরিমাণ।

জীব যে অতি সূক্ষ্মাতিসূক্ষ্ম, তাহা শ্রীমদ্ভাগবতে স্পষ্ট উল্লিখিত হইয়াছে :—

শুণিনামপ্যাহং সূত্রং মহতাক্ষ মহানহম্ ।

সূক্ষ্মাণামপ্যাহং জীবো দুর্জয়ানাং মনঃ ॥ ভাগঃ ১।১।১৬।১১

—ভগবান বলিতেছেন :—শুণী অর্থাৎ গুণ-বিকারী বস্তুগণের মধ্যে আমি সূত্র বা প্রাণ, মহৎ পদার্থের মধ্যে আমি মহত্ত্ব, সূক্ষ্মবস্তুর মধ্যে অতি সূক্ষ্ম জীব এবং দুর্জয় বস্তুগণের মধ্যে মন। ভাগঃ ১।১।১৬।১১

এই সূক্ষ্মত্ব বিধায়, জীবের উৎক্রান্তি, গতি ও আগতি ঘটিয়া থাকে।

অতঃ পরং যদব্যক্তমব্যাঢ়গুণবৃংহিতম্ ।

অদৃষ্টাশ্রুতবস্তুত্বাৎ স জীবো যৎপুনর্ভবঃ ॥ ভাগঃ ১।৩।৩২

—জীবের সুল দেহ উপাধি বটে, কিন্তু ইহা ভিন্ন অব্যক্ত, অদৃষ্ট, অশ্রুত, অপরিণামী, গুণের দ্বারা রচিত অতি সূক্ষ্ম লিঙ্গ শরীর আছে। তাহাই উৎক্রান্তি, গতি ও আগতির কারণ। ভাগঃ ১।৩।৩২

এই লিঙ্গদেহকে আশ্রয় করিয়া জীবের উৎক্রান্তি, গতি ও আগতি সিদ্ধ হইয়া থাকে। সূত্রকার পক্ষে বলিবেন যে, জীবের কৃতকর্মের ফলস্বরূপ ভূতসূক্ষ্ম জীবের অনুগমন করিয়া থাকে (সূত্রঃ ৩।১।১)। এই ভূতসূক্ষ্মই লিঙ্গদেহও গঠন করে। শব্বকের আবরণ যেমন তাহার সঙ্গে সঙ্গে গমন করে, লিঙ্গদেহও সেইরূপ মৃত্যুর পরও জীবের অনুগমন করেন। ইহাই প্রাণময়, মনোময় ও বিজ্ঞানময় কোষ।

কর্মাগণ চন্দ্রলোক হইতে পুনঃ প্রত্যাবৃত্ত হইয়া থাকে, ভাগবতও ইহা স্পষ্ট বলিয়াছেন :—

তচ্ছু দ্বয়াক্রান্তমতিঃ পিতৃদেবব্রতঃ পুমান্ ।

গত্বা চান্দ্রমসং লোকং সোমপাঃ পুনরেষুতি ॥ ভাগঃ ৩।৩২।৩

—দেব ও পিতৃগণের প্রতি প্রকার যাহাদের মতি আক্রান্ত এবং সেইজন্য যাহারা দেব ও পিতৃগণের তৃপ্তি সাধনের জন্য ত্রতাচরণ করিয়া থাকে, সেই কর্মী পুরুষগণ সেই ফলে চন্দ্রলোকে গমন করিয়া, তথায় সোমরস পানানস্বরূপ—অর্থাৎ কর্মের উপযুক্ত ফল ভোগ করিয়া পুনরায়, ইহলোকে প্রত্যাবর্তন করে। ভাগ: ৩।৩২।৩

অন্তএব, উৎক্রান্তি, গতি ও আগতি—জীবাঙ্গার পক্ষে শ্রুতিতে এবং ভাগবতে কথিত থাকায়, জীবাঙ্গা সর্বগত বিহু নহেন। সুক্ষ্মাতিসুক্ষ্ম অণু-পরিমাণ সিদ্ধ হইল।

সূত্র :—২।৩।২১।

স্বাত্মনা চোত্তরয়োঃ ॥ ২।৩।২১ ॥

স্বাত্মনা + চ + উত্তরয়োঃ ॥

স্বাত্মনা :—নিজেই—স্বাত্মাই। চ :—অবধারণে। উত্তরয়োঃ :—পরের দুইটির—অর্থাৎ গতির ও আগতির।

আত্মা সর্বগত হইলে, ঘট ধ্বংসে ঘটাকাশের ন্যায়, স্থলদেহ হইতে উৎক্রান্তি সম্ভব হইতে পারে বটে, কিন্তু গতি ও আগতি সর্বগত বস্তুর পক্ষে কোনও রূপে উপপন্ন হইতে পারে না। গতি ও আগতি—উভয়ই গমন ক্রিয়ার বোধক, এবং উভয়ই একস্থান হইতে অন্যস্থানের সহিত সম্বন্ধ উপস্থাপিত করে। সুতরাং উহা কোন মতেই সর্বগত বস্তুর পক্ষে সম্ভব হইতে পারে না। শ্রুতিতে গতি ও আগতি স্পষ্টতঃ উল্লেখ থাকায়, এবং মধ্যম পরিমাণ পূর্বে নিষিদ্ধ হওয়ায় জীব অণুই বটে।

পূর্বসূত্রের আলোচনায় উদ্ধৃত ভাগবতের ৩।৩২।৩ শ্লোকে জীবাঙ্গার গতি ও আগতি স্পষ্ট উল্লিখিত আছে। নিম্নোদ্ধৃত শ্লোকেও আত্মার সাক্ষাৎ সম্বন্ধে গমন কথিত হইয়াছে।

মনঃ কর্মময়ং নৃণামিন্দ্রিয়ৈঃ পঞ্চভিষুর্তম্ ।

লোকাল্লোকং প্রয়াত্যন্থ আত্মা তদনুবর্ততে ॥ ভাগ: ১।১।২২।৩৬

—মনুষ্যগণের ইন্দ্রিয়গণের সহিত কর্মময় মনঃই ইহলোক হইতে লোকান্তরে

গমন করে। আত্মা সম্পূর্ণ ভিন্ন হইয়াও তাহার অল্পবর্তী
হয়েন। ভাগঃ ১১।২২।৩৬

—যদি জীবসকল বস্তুতঃ অনন্ত, নিত্য ও সর্বব্যাপী হয়, তাহা হইলে
ঈশ্বরের সহিত সাদৃশ্য প্রযুক্ত তাঁহার নিয়ন্তৃত্ব থাকে না। জীব যদি অণু হয়,
তবে ঐ নিয়ম থাকিতে পারে। ভাগঃ ১০।৮৭।২৬

অপরিমিতা ক্রবা স্তনুভূতো যদি সর্বগতা স্তর্হি ন শাস্ততেতি নিয়মো
ক্রব নেতরথা। ভাগঃ ১০।৮৭।২৬

কিন্তু ব্রহ্ম জীবের নিয়ন্তা, ইহাতে সন্দেহমাত্র নাই। অতএব
জীব অণু বটে।

ভিত্তি :—

(১) “যোহয়ং বিজ্ঞানময়ঃ প্রাণেষু হৃদয়স্বর্জ্যোতিঃ পুরুষঃ ।”

(বৃহদারণ্যকঃ ৪।৩।৭)

—যিনি প্রাণমধ্যে বিজ্ঞানময়, হৃদয়ে অন্তর্জ্যোতিঃ স্বরূপ পুরুষ ।

(বৃহঃ ৪।৩।৭)

(২) “স বা এষ মহানজ্জ আত্মা যোহয়ং বিজ্ঞানময়ঃ প্রাণেষু ।”

(বৃহদারণ্যকঃ ৪।৪।২২)

—প্রাণের মধ্যে বিজ্ঞানময় এই মহান্ অজ্জ আত্মা । (বৃহঃ ৪।৪।২২)

সংশয় :—জীবকে অণু বলিলে বটে, কিন্তু শিরোদেশে উদ্ধৃত বৃহদারণ্যক শ্রুতির ৪।৪।২২ মন্ত্রে বিজ্ঞানময় আত্মাকে ‘মহান্’ বলা হইয়াছে । আবার উক্ত শ্রুতির ৪।৩।৭ মন্ত্রে, এই বিজ্ঞানময় আত্মা যে জীবাত্মা, তাহাতে সন্দেহ থাকে না । সুতরাং জীব অণু কি প্রকারে হইবে ? তাহাতে স্পষ্টতঃ শ্রুতি-বিরোধ সংঘটিত হয় । ইহার সমাধানের জ্ঞান সূত্র :—

সূত্র :—২।৩।২২ ।

নাণুরতচ্ছূতেরিতি চেৎ, ন, ইতরাধিকারাৎ ॥ ২।৩।২২ ॥

ন + অণুঃ + অতচ্ছূতেঃ + ইতি + চেৎ + ন + ইতর + অধিকারাৎ ॥

ন :—না । অণুঃ :—অণু-পরিমাণ । অতচ্ছূতেঃ :—তৎ অর্থাৎ অণু-পরিমাণ জ্ঞাপক শ্রুতির অভাব হেতু । ইতি :—ইহা । চেৎ :—যদি বল । ন :—না । ইতর :—অন্যের, পরত্রয়ের । অধিকারাৎ :—অধিকার বা প্রসঙ্গ বশতঃ ।

বৃহদারণ্যক শ্রুতির ৪।৩।৭ মন্ত্রে জীবাত্মা উপক্রমে অভিহিত হইয়াছে সত্য, কিন্তু ৪।৪।২২ মন্ত্রে পরমাত্মার প্রসঙ্গই উপস্থাপিত হইয়াছে, কেননা, মধ্যবর্তী ৪।৪।১৩ মন্ত্রে “যন্তানুবিভুঃ প্রতিবুদ্ধ আত্মা”—“প্রতিবুদ্ধ,—নিত্যবোধ সম্পন্ন আত্মা যাহার বিজ্ঞাত হইয়াছে ।” (বৃহঃ ৪।৪।১৩)—এই বাক্যে পরমাত্মাই প্রতিপাদিত হইতেছেন । সুতরাং বুঝিতে হইবে যে, ৪।৪।২২ মন্ত্রে যে “মহান্” কথিত হইয়াছে, তাহা পরমাত্মা সন্দেহই । সুতরাং তোমার আপত্তির বা সন্দেহের কোন কারণ নাই ।

পূর্ব সূত্রের আলোচনায় উদ্ধৃত ভাগবতের ১০।৮৭।২৬ শ্লোকে কথিত হইয়াছে যে, জীবসর্বগত নহে। অপিচ, ব্রহ্মা, রুদ্র, ইন্দ্র প্রভৃতি দেবগণ, মরীচি প্রভৃতি প্রজাপতিগণ, ভগবানের অংশ বা অংশের অংশ, এবং এই ব্রহ্মাও তাঁহার ক্রীড়া-ভাও, তিনিই ভূমা—মহত্তম পুরুষ। ভাগঃ ৪।৭।৪০

অংশাংশাস্তে দেব মরীচ্যা দয় এতে ব্রহ্মে স্মৃতাঃ দেবগণা রুদ্রপুরোগাঃ ।

ক্রীড়াভাণ্ডং বিশ্বমিদং যস্য বিভূমন্ তস্মৈ নিত্যং নাথ নামস্তু

করবাম ॥ ভাগঃ ৪।৭।৪০

তিনিই একমাত্র মহান্। ত্রিলোকের অধীশ্বর সৃষ্টিকর্তা ব্রহ্মাও তাঁহার কাছে অতি ক্ষুদ্র। অন্য জীবের কথা কি? উদাহরণ স্বরূপ নিম্নোদ্ধৃত শ্লোকে ব্রহ্মার স্তুতি দ্রষ্টব্য।

কাহং তমোমহদহং খচরাগ্নিবাতু-সম্বোষ্টিতাণ্ডঘটসপ্তবিতস্তিকায়ঃ ।

কেদৃগ্নিধাবিগণিতাণ্ডপরাণুর্ঘ্যা-বাতাধরোমবিবরস্য চ তে মহিত্বম্ ॥

ভাগঃ ১০।১৪।১১

ইহার অর্থ ১।২।৩ সূত্রে দেওয়া হইয়াছে পৃঃ—৪৮৬।

এই প্রসঙ্গে ১।১।৩ সূত্রের আলোচনায় উদ্ধৃত শ্রীমদ্ভাগবতের ১০।৮৭।৩৭ শ্লোক ও তৎসংক্রান্ত আলোচনা (পৃঃ ২৬৫) দ্রষ্টব্য।

ভিত্তি :—

(১) “এষোহ্ণুরাত্মা চেতসা বেদিতব্যো যস্মিন্ প্রাণঃ পঞ্চধা
সংবিবেশ ।” (মুণ্ডঃ ৩।১।৯)

—প্রাণ পঞ্চধা বিভক্ত হইয়া যাহার মধ্যে প্রবেশ করিয়াছে, সেই
এই অণু-পরিমাণ আত্মাকে মনের দ্বারা অনুভব করিতে হইবে ।
(মুণ্ডঃ ৩।১।৯)

(২) “বালাগ্রশতভাগস্য শতধা কল্পিতস্য চ ভাগো জীবঃ স
বিজ্ঞেয়ঃ ।” (শ্বেতাশ্বতরঃ ৫।৯)

—একটি কেশের অগ্রভাগকে শত খণ্ডে বিভক্ত করিয়া—তাহার
একখণ্ডকেও আবার শত খণ্ডে বিভক্ত করিলে, তাহার একভাগের
যাহা পরিমাণ, জীবও ঠিক ততুল্য । (শ্বেতাঃ ৫।৯) ।

(৩) “আরাগ্রমাত্রো হুপরোহপি দৃষ্টঃ ॥” (শ্বেতাশ্বতরঃ ৫।৮)

—আরা—চর্মবেধন সূক্ষ্ম সূচীর অগ্রভাগের ন্যায় অতি সূক্ষ্ম ।

(শ্বেতাঃ ৫।৮)

সূত্র :—২।৩।২৩ ।

স্বশব্দোন্মানাভ্যাঞ্চ ॥ ২।৩।২৩ ॥

স্বশব্দ + উন্মানাভ্যাং + চ ॥

স্বশব্দ :—অণু শব্দ প্রয়োগ হেতু । উন্মানাভ্যাং :—অল্প পরিমাণ হেতু ।

চ :—ও । উন্মান, অর্থ—উদ্ধৃত করিয়া পরিমাণ করা, অর্থাৎ অণু সদৃশ অতি
সূক্ষ্ম বস্তুর তুলনায় জীবের তদনুরূপ পরিমাণ নির্দেশ করা ।

শিরোদেশে উদ্ধৃত শ্রুতি মন্ত্রসকলের মধ্যে মুণ্ডক শ্রুতির ৩।১।৯ মন্ত্রে
সাক্ষাৎ সন্ধ্যা ‘অণু’ শব্দ জীব সন্ধ্যা প্রযুক্ত হইয়াছে ; এবং শ্বেতাশ্বতর শ্রুতির
৫।৮ ও ৫।৯ মন্ত্রে অণু সদৃশ অতি সূক্ষ্ম বস্তুর তুলনায় জীবের পরিমাণ নির্দেশ
করা হইয়াছে । এতএব, সিদ্ধান্ত হইল যে, জীব অণু পরিমাণই
বটে ।

২।৩।২০, ২।৩।২১, ২।৩।২২ সূত্রে উদ্ধৃত শ্রীমদ্ভাগবতের শ্লোকে ইহা
বিশদরূপে প্রতিপাদিত হইয়াছে ।

সংশয় :—আত্মা যখন অগ্নি-পরিমাণ, এবং সেজন্ম দেহের এক অঙ্গ স্থানে ইহার অবস্থান, তখন সমস্ত শরীরব্যাপী বেদনের অনুভূতি উপপন্ন হইবে কিরূপে ? ইহার সমাধানে সূত্র :—

সূত্র :—২।৩।২৪ ।

অবিরোধশ্চন্দনবৎ ॥ ২।৩।২৪ ॥

অবিরোধঃ + চন্দনবৎ ॥

অবিরোধঃ :—বিরোধের অভাব । **চন্দনবৎ :—**চন্দনের গায় ।

চন্দনবিন্দু যেমন শরীরের এক ক্ষুদ্রাংশগত হইয়াও, সমস্ত শরীরগত আহ্লাদ উৎপাদন করে, ঠিক তেমনি অগ্নি পরিমাণ জীবিত দেহের এক অঙ্গাংশবর্তী হইয়াও সমস্ত দেহগত বেদনাদি অনুভব করিয়া থাকে । ইহাতে কিছুমাত্র বিরোধ নাই ।

ভিত্তি :—

(১) “কতম আত্মা যোহয়ং বিজ্ঞানময়ঃ প্রাণেষু হৃদয়ভূর্জোতিঃ ।”

(বৃহঃ ৪।৩।৭)

২।৩।২২ সূত্রের শিরোদেশে ইহার অর্থ দেওয়া হইয়াছে ।

(২) “হৃদি হোষ আত্মা” । (প্রশ্ন ৩৬)

—এই আত্মা হৃদয়মধ্যে অবস্থান করেন । (প্রশ্ন ৩৬)

সংশয় :—চন্দন বা হরিচন্দনের অবস্থান শরীরের স্থান বিশেষে নির্দিষ্ট থাকে, এবং তাহা প্রত্যক্ষ দেখা যায় । কিন্তু আত্মার, শরীরের অংশবিশেষে অবস্থান প্রত্যক্ষের বিষয়ভূত নহে । অতএব, আত্মার সমগ্র দেহোপলব্ধি মাত্র প্রত্যক্ষ, অতএব শরীরের একদেশে অবস্থান সিদ্ধান্ত কি প্রকারে হইতে পারে ? এই আপত্তির উত্তরে সূত্র :—

সূত্রের প্রথমাংশে আপত্তির উল্লেখ ও শেষাংশে সমাধান ।

সূত্র :—২।৩।২৫ ।

অবস্থিতিবৈশেষ্যাং দিতি চেন্নাত্ম্যপগমাৎ হৃদি হি ॥ ২।৩।২৫ ॥

অবস্থিতিবৈশেষ্যাং + ইতি + চেৎ + ন + অভ্যুপগমাৎ + হৃদি + হি ॥

অবস্থিতিবৈশেষ্যাং :—অবস্থিতির বৈচিত্র্য বশতঃ । ইতি :—ইহা ।

চেৎ :—যদি বল । ন :—না । অভ্যুপগমাৎ :—স্বীকৃত হওয়ায় ।

হৃদি :—হৃদয় মধ্য । হি :—নিশ্চয় ।

যদি আপত্তি কর যে, হরিচন্দনের শরীরে স্থান বিশেষে অবস্থান হেতু, সমুদায় শরীরে তৃপ্তি সাধন করে, আত্মার সেরূপ অবস্থান স্থান বিশেষ নির্দিষ্ট না থাকায়, দৃষ্টান্ত সঙ্গত হইল না, ইহার উত্তরে বলিব, না, তাহা নহে । কারণ, শিরোদেশে উদ্ধৃত শ্রুতি মন্ত্রদ্বয় হইতে দৃষ্ট হইবে যে, আত্মার অবস্থান হৃদয়দেশে শ্রুতি কতক উপদিষ্ট হইয়াছে । সুতরাং, দৃষ্টান্তে কোনও বৈলক্ষণ্য নাই ।

১।৩।১৪ এবং ১।৩।২৫ সূত্রের আলোচনায় দহরাকাশে এবং হৃদয়ে পরমাআর অবস্থান সিদ্ধান্ত হইয়াছে। বর্তমান সূত্রে হৃদয়ে জীবাআর অবস্থান প্রতিপাদিত হইল। ইহাতে কিছুমাত্র বিরোধ নাই। উভয়েই ক্ষেত্রজ, উভয়ে সখা, উভয়ে দেহরূপ বৃক্ষে দুই পক্ষীরূপে অবস্থান করেন, ইহা আমরা ১।১।১৮ সূত্রের আলোচনায় পাইয়াছি। সূত্রাং উভয়ের অবস্থান হৃদয় দেশেই। শ্লোকগুলি বাহুল্যভয়ে এখানে আর পুনরুদ্ধার করা হইল না।

আরও স্মরণ রাখিতে হইবে যে, বৃহদারণ্যক শ্রুতির অন্তর্ধ্যামী ব্রাহ্মণে স্পষ্টই উক্ত আছে যে, জীবাআ পরমাআর শরীর স্থানীয় :—“যো বিজ্ঞানে (বা আত্মনি) তিষ্ঠন্ বিজ্ঞানাদ্ (আত্মনঃ) অন্তরো……” ইত্যাদি। (বৃহঃ ৩।৭।২২)। সূত্রাং উভয়ের হৃদয়ে অবস্থানে কোনও বিরোধ নাই।

ভিত্তি :—

যথা প্রকাশয়ত্যেকঃ কৃৎস্নং লোকমিমং রবিঃ ।

ক্ষেত্রং ক্ষেত্রী তথা কৃৎস্নং প্রকাশয়তি ভারত ॥ গীতা, ১৩।৩৩

—যে রূপ সূর্য্য এক হইয়াও সমস্ত জগৎ প্রকাশিত করে, সেইরূপ এক ক্ষেত্রজ সমুদায় ক্ষেত্র প্রকাশিত করেন । (গীতা ১৩।৩৩)

সংশয় :—চন্দন সাবয়ব জড় দ্রব্য । একস্থানে লিপ্ত হইলেও, তাহার অবয়ব হইতে অংশভূত পরমাণু করিত হইয়া সমুদায় শরীরের আনন্দোৎপাদন করিতে পারে, কিন্তু আত্মা ত তোমার মতে নিরবয়ব, সূতরাং একদেশস্থিত আত্মা দ্বারা সমুদায় দেহে উপলব্ধি কি প্রকারে হইতে পারে ? ইহার উত্তরে সূত্র :—

সূত্র :—২।৩।২৬ ।

শুণাদ্যালোকবৎ ॥ ২।৩।২৬ ॥

শুণাৎ + বা + আলোকবৎ ॥

শুণাৎ :—শুণ হেতু । **বা :—**অথবা । **আলোকবৎ :—**আলোকের ন্যায় ।

প্রদীপাদি আলোক যেমন একস্থানে থাকিয়াও, অনেক স্থান আলোকিত করে, তদ্রূপ আত্মা দেহৈকদেশে—হৃদয়ে অবস্থান করিয়া স্বীয় জ্ঞানগুণ দ্বারা সর্বদেহব্যাপী হইবে, ইহাতে আপত্তির কি আছে ?

—দীপে তৈল, তৈলের আধার, বর্ত্তি ও অগ্নি এই চারিটির সংযোগ হইলে, তবে আলোকের উৎপত্তি হইয়া চতুর্দিক আলোকিত করে, সেইরূপ তৈল স্থানীয় কৰ্ম্ম, আধার স্থানীয় বাসনারূপী মনঃ, বর্ত্তিস্থানীয় দেহ, এবং অগ্নি স্থানীয় চৈতন্যাধ্যাস বা জীবাত্মা, ইহাদের সংযোগেই সমুদায় শরীরে উপলব্ধির সঞ্চার হইয়া থাকে । এবং ইহাই জন্ম বলিয়া কথিত হয় । ভাগঃ ১২।৫।৭

স্নেহাধিষ্ঠানবর্ত্ত্যাগ্নিসংযোগো যাবদীয়তে ।

তাবদীপস্ত্য দীপত্বমেবং দেহকৃতো ভবঃ ॥ ভাগঃ ১২।৫।৭

আত্মা স্বয়ংপ্রকাশ । উহা আপনাকে ও অগ্ণ্যন্ত সমুদায়কে প্রকাশ করিয়া থাকে ।

বিলক্ষণঃ স্কুল-সুম্নাদেহাদায়েক্ষিতা স্বদৃক্ ।

যথাগ্নির্দারুণো দাত্বাদাহকোহন্যঃ প্রকাশকঃ ॥ ভাগঃ ১১।১০।৮

—দৃশ্য পদার্থ স্কুল স্কন্দ দেহ হইতে, ত্রুষ্ণা স্বয়ংপ্রকাশ আত্মা ভিন্ন। যেমন দাহক এবং প্রকাশক অগ্নি, দাহ এবং প্রকাশ্য দারু হইতে ভিন্ন। প্রকাশ স্বরূপ অগ্নি কাঠের একদেশে অবস্থিত হইয়া, আপনাকে, কাঠকে ও চতুর্দিকস্থ স্থান সকলকে প্রকাশ করে, সেইরূপ উপলব্ধি স্বরূপ আত্মা দেহের একদেশে অবস্থিত হইয়া আপনাকে, দেহকে ও চতুঃপার্শ্বস্থ দৃশ্য প্রপঞ্চকে উপলব্ধি দ্বারা প্রকাশ করে। ভাগঃ ১১।১০।৮

অতএব বুঝা গেল যে, আত্মা দেহের মধ্যে একদেশে অর্থাৎ হৃদয়ে অবস্থান করিয়া সমগ্র দেহের উপলব্ধি করিতে পারে এবং করিয়া থাকে।

ভিত্তি :—

“জানাতে্যবায়ং পুরুষঃ ।”

(শ্রীভাষ্যে শ্রীমদ্ রামানুজাচার্য্যধৃত শ্রুতি)

—এই পুরুষ জ্ঞাতাও বটে—নিশ্চয়ই জানে অর্থাৎ জানানুভব কর্তা ।

সংশয় :—আত্মা জ্ঞানস্বরূপ, “বিজ্ঞানময়” তাহা হইলে জ্ঞান তাহার স্বরূপ হইতে ভিন্ন গুণ বলা হয় কিরূপে ? ইহার উত্তরে সূত্র :—

সূত্র :—২।৩।২৭ ।

ব্যতিরেকো গন্ধবৎ, তথা চ দর্শয়তি ॥ ২।৩।২৭ ॥

ব্যতিরেকঃ + গন্ধবৎ + তথাচ + দর্শয়তি ॥

ব্যতিরেকঃ :—পৃথকভাবে অবস্থান । গন্ধবৎ :—গন্ধের ন্যায় । তথাচ :—সেইরূপ । দর্শয়তি :—প্রদর্শন করিতেছেন ।

গন্ধের ঘনীভূত মূর্ত্তি পৃথিবী, অথচ গন্ধ পৃথিবী হইতে ব্যতিরেক বা ভিন্নভাবে গুণরূপে প্রতীয়মান হয় । সেইরূপ আত্মা বিজ্ঞানময়—জ্ঞান স্বরূপ হইলেও, “আমি জানিতেছি বা জানানুভব করিতেছি” এইভাবে জ্ঞাতা হইতে পৃথক জ্ঞানরূপ গুণও আত্মায় প্রতীয়মান হইয়া থাকে । শিরোদেশে উদ্ধৃত শ্রুতিমন্ত্র তাহাই প্রকাশ করিতেছেন ।

পূর্বসূত্রে উদ্ধৃত শ্রীমদ্ভাগবতের ১।১।১০।৮ শ্লোক দ্রষ্টব্য ।

আপত্তি হইয়াছিল যে, আত্মা জ্ঞান-স্বরূপ । তাহা হইলে, জ্ঞান তাহার গুণ হইবে কিরূপে ? ইহার উত্তর এই যে, প্রদীপ যেরূপ নিজে তেজোময়, প্রভা তাহার আশ্রিত ধর্ম, উহা তেজঃপদার্থই বটে, বস্তুর গুরুত্বাদির ন্যায় গুণ নহে । কারণ, প্রভা নিজ আশ্রয় প্রদীপ পরিত্যাগ করিয়াও দূরে অবস্থিতি করে, কিন্তু গুণ গুণীকে পরিত্যাগ করিয়া থাকিতে পারে না । অতএব, গুরুত্বাদি গুণের সহিত উহার ধর্মগত পার্থক্য রহিয়াছে । উহা প্রকাশবান্ । সেজন্য ইহা তেজোময় দ্রব্য, ভিন্ন পদার্থ নহে । প্রভা যখন নিজের স্বরূপ ও অপর পদার্থকে প্রকাশিত করে, তখন উহার প্রকাশবদ্বা আছে । তবে যে উহার গুণত্ব ব্যবহার হয়, তাহার কারণ এই যে, প্রভা সর্বদাই তেজোদ্রব্যকে আশ্রয় করিয়া এবং তাহারই অধীন হইয়া, অবস্থিতি করে । তেজোময় দ্রব্যের অবয়ব রাশি (পরমাণুগণ) ইত্যন্ততঃ

বিক্ষিপ্ত হইয়া প্রভা নামে অভিহিত হয়, ইহাও বলিতে পার না। বর্তমান পদার্থ-বিজ্ঞান আলোক প্রভৃতির মূল, “কম্পন” বলিয়া স্থির করিয়াছে, এবং পরমাণুবাদ পরিত্যক্ত হইয়াছে। যাহা হউক, প্রদীপ যেমন নিজের তেজোময়, প্রভা তাহার আশ্রিত ধর্ম, সেইরূপ আত্মা চিন্ময়, এবং চৈতন্য তাহার আশ্রিত ধর্ম। প্রভা যেমন প্রজ্বলিত দীপের নিত্য সহচর, চৈতন্য বা জ্ঞানও সেইরূপ আত্মার নিত্য সহচর। প্রভা যেমন নিজের স্বরূপ ও অপর পদার্থকে প্রকাশ করে, আত্মা সেইরূপ নিজেকে ও অপর পদার্থকে প্রকাশ করে। শ্রীমদ্ভাগবতের ১১।১০।৮ শ্লোক ইহাই প্রকাশ করিয়াছে, এবং আরও বুঝাইয়াছে যে, আত্মা “ঈক্ষিতা” বা জ্ঞাতা—দ্রষ্টাও বটে। চিন্ময় আত্মা জ্ঞানস্বরূপ ও জ্ঞাতা উভয়ই। এই প্রসঙ্গে ২।৩।১২ সূত্রের শিরোদেশে উক্ত প্রশ্লোপনিষদের ৪।২ মন্ত্র দ্রষ্টব্য। আরও অনেক শ্রুতিমন্ত্র ইহার পোষকে উদ্ধার করা যাইতে পারে—প্রয়োজন নাই। উক্ত ২।৩।১২ সূত্রই এ সিদ্ধান্ত স্থাপন করিয়াছে। উক্ত সূত্রের আলোচনায় উক্ত শ্রীমদ্ভাগবতের ১১।১৩।৩১ শ্লোক দ্রষ্টব্য।

[উপরে উক্ত ব্যাখ্যা শ্রীমদ্রামানুজাচার্য্য সম্মত। শ্রীমদ্ শঙ্করাচার্য্য, মধ্বাচার্য্য ও বল্লাভাচার্য্য সূত্রটি দুই ভাগে বিভক্ত করিয়া দুইটি পৃথক সূত্ররূপে ব্যবহার করিয়াছেন। বলদেব, রামানুজের গায় একটি সূত্ররূপে ব্যাখ্যা করিয়াছেন।]

ভিত্তি :—

“ন হি বিজ্ঞাতুর্বিজ্ঞাতের্বিপরিলোপো বিঘ্নতে ।”

(বৃহদারণ্যকঃ ৪।৩।৩০)

—বিশেষতঃ বিজ্ঞাতার (জীবের) বিজ্ঞান কখনও বিলুপ্ত হয় না ।

(বৃহঃ ৪।৩।৩০)

সূত্র :—২।৩।২৮ ।

পৃথগুপদেশাৎ ॥ ২।৩ ২৮ ॥

পৃথক্ + উপদেশাৎ ॥

পৃথক্-উপদেশাৎ :—যে হেতু জ্ঞাতা ও জ্ঞানের পার্থক্যের উপদেশ
রহিয়াছে ।

কেবল যে “আমি জানিতেছি” এই অনুভব বশতঃ জ্ঞান ও জ্ঞাতার পার্থক্য
হইতেছে, তাহা নয় । শিরোদেশে উক্ত শ্রুতিমন্ত্রে স্পষ্টতঃ জ্ঞাতা ও জ্ঞানের
পার্থক্য উপদিষ্ট হইয়াছে ।

২।৩।১৮ সূত্রের আলোচনায় উক্ত ভাগবতের ১।১।৩৩২ শ্লোক দ্রষ্টব্য ।
উহাতে জ্ঞান-স্বরূপ আত্মাকে দ্রষ্টা (জ্ঞাতা) বলা হইয়াছে । ২।৩।১২
সূত্রের আলোচনায় উক্ত ১।১।৩৩১ শ্লোকটিও দ্রষ্টব্য । এই শ্লোকে আত্মাকে
ভোক্তা, দ্রষ্টা এবং ইন্দ্রিয়ের অধীশ্বর বলিয়া বর্ণনা করা হইয়াছে ; এবং জাগ্রৎ,
স্বপ্ন, সুষুপ্তিতে উহার ভোগ, দর্শন অর্থাৎ জ্ঞান, অব্যাহত থাকে, তাহাই ব্রহ্মান
হইয়াছে । অতএব, আত্মা জ্ঞানস্বরূপ হইলেও, জ্ঞাতা বটে, ইহা
সিদ্ধ হইল ।

ভিত্তি :—

(১) “যো বিজ্ঞানে তিষ্ঠন্...” (বৃহঃ ৩।৭।২২)

—যিনি বিজ্ঞানে অবস্থান করিয়া.....(বৃহঃ ৩।৭।২২)

(২) “বিজ্ঞানং যজ্ঞং তন্মুতে” । (তৈত্তিরিঃ ২।৫)

—বিজ্ঞানই বা জীবই, যজ্ঞ সম্পাদন করেন । (তৈত্তিরিঃ ২।৫)

(৩) সৰ্বত্র শব্দনপায়ুপলক্রিমাভ্রম্ ... । (ভাগঃ ১১।৩।৩৯)

—সৰ্বত্র সৰ্বদা কয়োদয় রহিত জ্ঞানস্বরূপ ... । (ভাগঃ ১১।৩।৩৯)

সংশয় :—জ্ঞাতা ও জ্ঞান পৃথক বলিতেছ, তবে আত্মাকে বিজ্ঞান শব্দে এবং জ্ঞানস্বরূপ বলিয়া অভিহিত করা হয় কেন ? শিরোদেশে উদ্ধৃত শ্রুতি ও স্মৃতি ইহার প্রমাণ । ইহার উত্তরে সূত্র :—

সূত্র :—২।৩.২৯ ।

তদ্ব্যপদেশঃ প্রাজ্ঞবৎ ॥ ২।৩.২৯ ॥

তদ্ব্যপদেশঃ + তু + তদ্ব্যপদেশঃ + প্রাজ্ঞবৎ ॥

তদ্ব্যপদেশঃ :— সেই গুণ বা জ্ঞানই তাহার সারভূত বলিয়া । তু :— কিন্তু (সংশয় নিরসনে) । তদ্ব্যপদেশঃ :— বিজ্ঞান বা জ্ঞানস্বরূপ বলিয়া ব্যবহার । প্রাজ্ঞবৎ :— পরমাত্মার গায় ।

যেহেতু বিজ্ঞানই আত্মার সারভূত গুণ, সেইজন্য বিজ্ঞান শব্দে এবং জ্ঞান স্বরূপ বলিয়া আত্মার ব্যবহার হইয়া থাকে । শ্রুতিতে ইহার অনেক দৃষ্টান্ত আছে । আনন্দ পরমাত্মার সারভূত গুণ বলিয়া পরমাত্মা আনন্দ শব্দে অভিহিত হইয়া থাকেন । যথা :—“যদেষ আকাশ আনন্দো ন স্যাৎ” । (তৈত্তিরিঃ ২।৭) ।—এই আকাশ যদি আনন্দ স্বরূপ না হইত । “আনন্দো ব্রহ্মেতি ব্যজানাৎ ।” (তৈত্তিরিঃ ৩।৬) ।—আনন্দই ব্রহ্ম, এইরূপ অনুভব করিয়াছিলেন । “আনন্দং ব্রহ্মণো বিদ্বাম্ ন বিভেতি কুতশ্চন ।” (তৈত্তিরিঃ ৩।২) ।—আনন্দস্বরূপ ব্রহ্মকে জানিলে জীব কিছু হইতে ভয় পায় না । আবার জ্ঞানবান্ (বিপশ্চিৎ) পরমাত্মাকেও জ্ঞান শব্দে অভিহিত করা হইয়া থাকে । যথা :— “সত্যং জ্ঞানমনস্তং ব্রহ্ম” । (তৈত্তিরিঃ ২।১)—ব্রহ্ম সত্য, জ্ঞান, অনন্ত স্বরূপ । “সহ ব্রহ্মণা বিপশ্চিত্তা ।” (তৈত্তিরিঃ ২।১)—বিপশ্চিৎ (জ্ঞানবান্) ব্রহ্মের সহিত ।

অতএব সিদ্ধ হইল যে, তোমার সন্দেহের কোন কারণ নাই ।

দেহস্ফুটিং পুরুষোহয়ং সুপর্ণঃ .. । (ভাগঃ ১১।২৩।৪০)

সুপর্ণঃ—শুদ্ধজ্ঞান স্বরূপঃ । (শ্রীধর)

—দেহ অচিৎ, পুরুষ বা দেহী কিন্তু জ্ঞানস্বরূপ । (১১।২৩।৪০)

শ্রীমদ্ভাগবতের ১১।৩।৩২ শ্লোকও ইহাই প্রকাশ করিতেছে । উক্ত শ্লোক শিরোদেশে উদ্ধৃত হইয়াছে ।

সূত্র :—২।৩।৩০ ।

যাবদাত্মভাবিত্বাচ্চ ন দোষস্তদর্শনাৎ ॥ ২।৩।৩০ ॥

যাবদাত্মভাবিত্বাৎ + চ + ন + দোষঃ + তদর্শনাৎ ॥

যাবদাত্মভাবিত্বাৎ :—আত্মার সমকালবর্তিত্ব হেতু । চ :—ও । ন :—

না । দোষঃ :—দোষ হয় । তদর্শনাৎ :—যেহেতু সেইরূপ দেখা যায় ।

জ্ঞান আত্মার নিত্য সহচর । যতকাল আত্মা, ততকাল জ্ঞান তাহার সহিত বর্তমান থাকে । কখনও উহার ব্যভিচার হয় না । একারণ “জ্ঞান” শব্দে আত্মার ব্যবহার দোষাবহ নহে । লৌকিক জগতে এইরূপ দেখা যায় । প্রকাশ গুণ সূর্যের সহিত চির বর্তমান । তিনি প্রকাশ-স্বরূপ হইয়াও প্রকাশক বটে । সেইরূপ জীব জ্ঞানস্বরূপ হইয়াও জ্ঞাতা বটে । প্রকাশ গুণ অগ্নির সহিত চিরসম্বন্ধ । এজগৎ অগ্নিকে “প্রকাশ” শব্দে অভিহিত করিতে দেখা যায় । সূত্রে “চ” শব্দ থাকায় বুঝিতে হইবে যে, জ্ঞান যেরূপ স্বপ্রকাশ, আত্মাও সেইরূপ স্বপ্রকাশ ।

২।৩।১৮ সূত্রের আলোচনায় উদ্ধৃত ১০।৮।৫।২২ শ্লোকে আত্মাকে এইজগৎ “স্বয়ং জ্যোতিঃ” বলা হইয়াছে । ২।৩।২৬ সূত্রের আলোচনায় উদ্ধৃত ১১।১০।৮ শ্লোকে এই কারণেই আত্মাকে ‘ঈক্ষিতা’ ও ‘স্বদৃক্’ বলা হইয়াছে ।

ভিত্তি :—

“যদ্বৈতন্ন বিজানাতি, বিজানন্ বৈ তন্ন বিজানাতি, ন হি বিজ্ঞাতু-
বিজ্ঞাতের্বিপরিমোপো বিদ্যতেহবিনাশিত্বাৎ, ন তু তদ্বিতীয়মস্তি
ততোহন্যদ্বিভক্তং যদ্বিজানীয়াৎ ।” (বৃহঃ ৪।৩।৩০)

—সুষুপ্তি সময়ে পুরুষ (আত্মা) যে বিশেষ জ্ঞানলাভ করে না, বা
জানে না, বাস্তবিক পক্ষে তখনও সে বিজ্ঞাতা থাকিয়াই জানে না ; কারণ
বিজ্ঞাতার বিজ্ঞানের কখনও বিলোপ হয় না, যেহেতু উহা অবিনাশী । তবে
সুষুপ্তি সময়ে তাহার অতিরিক্ত দ্বিতীয় এমন কোনও বস্তু থাকে না, যাহা
বিশেষরূপে জানিবার বিষয় হইতে পারে । সুতরাং জ্ঞাতব্য বিষয়াভাবেই
তাহার বিজ্ঞানাভাব মনে হয় মাত্র । (বৃহঃ ৪।৩।৩০)

•সংশয় :—সুষুপ্তি সময়ে জ্ঞানের অদর্শন হেতু, জ্ঞান কখনই আত্মার স্বভাব-
সিদ্ধ ধর্ম হইতে পারে না । ইহার উত্তরে সূত্র :—

সূত্র—২'৩' ৩১ ।

পুংস্বাদিবক্তস্য সতোহভিব্যক্তিয়োগাৎ ॥ ২।৩।৩১ ॥

পুংস্বাদিবৎ + তু + অস্ত্য + সতঃ + অভিব্যক্তিয়োগাৎ ॥

পুংস্বাদিবৎ :—পুরুষ ধর্ম—শুক্লাদির ন্যায় । তু :—কিন্তু । অস্ত্য :—
ইহার, জ্ঞানের । সতঃ :—বিদ্যমানের । অভিব্যক্তিয়োগাৎ :—অভিব্যক্তি
সম্ভব হেতু ।

বাল্য বয়সে বালকের পুংস্ব--পুরুষত্ব (শুক্লাদির অস্তিত্ব) যেমন অনভিব্যক্ত-
রূপে বিদ্যমান থাকে, এবং বয়োবৃদ্ধি হইলে যৌবনে অভিব্যক্ত হয়, তেমনি আত্মার
স্বভাবসিদ্ধ জ্ঞানও সুষুপ্তি অবস্থায় অনভিব্যক্তরূপে বিদ্যমান থাকে, জাগ্রৎ
অবস্থায় উহা অভিব্যক্ত হয় মাত্র । সুষুপ্তির পর নিদ্রাভঙ্গে স্মৃতি থাকে—“আমি
স্বখে নিদ্রা গিয়াছিলাম, তখন কিছুই জানিতে পারি নাই”—যদি সুষুপ্তিতে
জ্ঞানের বিদ্যমানতা অনভিব্যক্তভাবে না থাকে, তবে জানিতে পারি নাই
এবং স্বখনিদ্রার জ্ঞান কিরূপে থাকিবে ? সুতরাং সুষুপ্তি অবস্থায় জ্ঞানের বিকাশ
না থাকিলেও, তাহার অস্তিত্ব ব্যাহত হয় না । শিরোদেশে উদ্ধৃত শ্রুতিমন্ত্রে
ইহা বিশদরূপে উপদিষ্ট হইয়াছে ।

২।৩।১২ সূত্রের আলোচনায় উদ্ধৃত ১।১।৩।৩১ শ্লোকের অর্থ হইতে
প্রতীয়মান হইবে যে, জাগ্রৎ, স্বপ্ন ও সুষুপ্তি অবস্থায়, আত্মার জ্ঞান অব্যভিচারী

থাকে। অতএব, সিদ্ধান্ত হইল যে, আত্মা অণু-পরিমাণ ও মিত্য জ্ঞানগুণ সমন্বিত।

সূত্র—২।৩।৩২।

পূর্ববাক্যঃ—কোনও কোনও মতে জ্ঞানস্বরূপ আত্মা বিভূ বা সর্বগত বলিয়া কথিত হন। পূর্বে সিদ্ধান্ত করা হইয়াছে যে, আত্মা অণু-পরিমাণ। পুনরায় তাহাই দৃঢ়ীকৃত করা হইতেছে :—

নিত্যোপলক্ষ্যানুপলক্ষিপ্রসঙ্গোহন্যতরনিয়মো বাণ্যথা ॥ ২।৩।৩২ ॥

নিত্য + উপলক্ষি-অনুপলক্ষি-প্রসঙ্গঃ + অন্যতরনিয়মঃ + বা +

অন্যথা ॥

নিত্যঃ—সর্বদা। উপলক্ষি-অনুপলক্ষি-প্রসঙ্গঃ—বিষয়ের উপলক্ষি বা তাহার অভাব হইবার সম্ভাবনা। অন্যতরনিয়মঃ—কেবল উপলক্ষি বা কেবলই অনুপলক্ষির নিয়ম। বাঃ—অথবা। অন্যথাঃ—এরূপ না হইলে।

আত্মা যদি সর্বগত ও জ্ঞানস্বরূপ হয়, তাহা হইলে জগৎ প্রপঞ্চের কার্য্য-পরম্পরা সংঘটনের নিয়ম-শৃঙ্খলা, যাহা প্রত্যক্ষতঃ দেখা যায়, তাহার ব্যাভিচার উপস্থিত হয়। আত্মা যদি অণু-পরিমাণ এবং দেহভেদে ভিন্ন হয়, তাহা হইলে যাহার ইন্দ্রিয়ের সহিত যে বিষয়ের সন্ধক হয়, সেই আত্মার সেই বিষয়টিরই উপলক্ষি হইতে পারে, অপর বিষয়ের উপলক্ষি এককালে হইতে পারে না। ইহাই প্রত্যক্ষ দৃষ্ট হয়। কিন্তু জ্ঞান-স্বরূপ আত্মা যদি সর্বগত হয়, তবে জগৎস্থ সমুদায় ইন্দ্রিয়ের সহিত সর্বগত আত্মার এককালে সন্ধক থাকায়, প্রত্যেক ইন্দ্রিয়-সন্ধক বিষয়ই প্রত্যেক আত্মার উপলক্ষি-গোচর এককালে হওয়ার সম্ভাবনা উপস্থিত হয়। কিন্তু তাহা প্রত্যক্ষতঃ হয় না। যদি বল যে, অদৃষ্ট বা ধর্মাধর্ম এই বিভিন্নরূপ প্রত্যক্ষের কারণ; তাহা বলিতে পার না, কেননা, সমস্ত অদৃষ্ট সমস্ত সর্বগত আত্মার সহিত তুল্যরূপে সংশ্লিষ্ট, কিছুমাত্র ইতরবিশেষ নাই। সুতরাং অদৃষ্টকেও উপলক্ষির বা অনুপলক্ষির কারণ বলা যায় না।

প্রত্যক্ষে সকলেই অবগত আছেন যে, সময় বিশেষে কোনও কোনও বিষয়ের উপলক্ষি হয় এবং কোনও কোনও বিষয়ের হয় না। কিন্তু জ্ঞান-স্বরূপ আত্মা যদি সর্বগত, সর্বব্যাপী হয়, তবে প্রশ্ন উপস্থিত হয়, (১) আত্মা কি যুগপৎ উপলক্ষি ও অনুপলক্ষি উভয়েরই হেতু? (২) বা, কেবল উপলক্ষির হেতু? (৩)

অথবা, কেবল অনুপলক্ষির হেতু? যদি যুগপৎ উভয়েরই হেতু হয়, তাহা হইলে এক সময়েই উপলক্ষি ও অনুপলক্ষি উভয়ই ঘটতে পারে, কিন্তু তাহা অনুভব-বিরুদ্ধ এবং অসম্ভব। যদি উপলক্ষিরই হেতু হয়, তাহা হইলে সর্বদা উপলক্ষি হইতে পারে, অনুপলক্ষি হইতে পারে না। আর যদি অনুপলক্ষির হেতু হয়, তবে সর্বদা অনুপলক্ষি হইতে পারে, উপলক্ষি কখনও হইতে পারে না।

অতএব সিদ্ধান্ত হইল যে, আত্মা সর্বগত নহে, অণু-পরিমাণ মাত্র।

এই প্রসঙ্গে ২।৩।২১ শ্লোকের আলোচনায় উদ্ধৃত ভাগবতের ১০।৮।১২৬ শ্লোকটি দ্রষ্টব্য, পৃঃ ৯১১।

অতএব সিদ্ধান্ত এই যে, ব্রহ্ম মহান্ সর্বব্যাপী, চৈতন্যময়। উহা বহিরাশি স্বরূপ। জীব—অণু-চৈতন্য, বহিরাশি হইতে উখিত ক্ষুদ্র বিস্কুলিত মাত্র। চৈতন্যত্ব নিবন্ধন পরমার্থতঃ ব্রহ্মের সহিত ঐক্য থাকিলেও, জীব ব্রহ্ম নহে। তত্বতঃ জীবের সুখদুঃখাদি ভোগ নাই। উপাধিতে অভিমান নিবন্ধন উক্ত ভোগ ঔপচারিক মাত্র। ইহা আমরা ২।১।২৩ শ্লোকের আলোচনায় বুঝিয়াছি।

৫। কর্তৃত্বিকরণ।

ভিত্তি:—

১। “এষ হি দ্রষ্টা..... কর্তা বিজ্ঞানাত্মা পুরুষঃ ॥” (প্রশ্ন ৪।৯)

—২।৩।১৯ সূত্রের শিরোদেশে ইহার অর্থ দেওয়া হইয়াছে।

২। “ন জায়তে ম্রিয়তে বা বিপশ্চিৎ ... ॥” (কঠঃ ১।২।১৮)

—জানবান্ আত্মা জন্মে না. মরে না। (কঠঃ ১।২।১৮)

৩। “হস্তা চেন্মগ্নতে হস্তং হতশ্চেন্মগ্নতে হতম্।

উভৌ ভৌ ন বিজানীতো নায়াং হস্তি ন হস্ততে ॥”

(কঠঃ ১।২।১৯)

—হস্তা যদি বধ করিতে মনে করে, এবং হত ব্যক্তিও যদি আপনাকে হত বলিয়া মনে করে, তাহারা উভয়ে বিশেষভাবে জানে না যে, এই আত্মা হতও করে না, হতও হয় না। (কঠঃ ১।২।১৯)

৪। “প্রকৃতে: ক্রিয়মাণানি গুণৈ: কৰ্ম্মাণি সৰ্ব্বশ:।

অহঙ্কার-বিমূঢ়াত্মা কর্তাহমিতি মগ্নতে ॥” (গীতা, ৩।২৭)

—প্রকৃতির গুণ দ্বারা সৰ্ব্বতোভাবে ক্রিয়মাণ কৰ্ম্মসমূহকে অহঙ্কার-বিমূঢ়-চিত্ত লোক “আমি করিতেছি” বলিয়া অভিমান করিয়া থাকে। (গী: ৩।২৭)

৫। কার্য্য-কারণকর্তৃত্বে হেতু প্রকৃতিরূচ্যতে ॥ (গীতা, ১৩।২০)

পুরুষ: সুখদু:খানাং ভোক্তৃত্বে হেতুরূচ্যতে ॥”

—কার্য্য কারণের (দেহেন্দ্রিয়াদির) কর্তৃত্বে প্রকৃতিই হেতু বলিয়া কথিত হন, আর সুখদু:খাদি ভোক্তৃত্বে পুরুষই হেতু বলিয়া কথিত হন। (গী: ১৩।২০)

সংশয় :—প্রশ্নোপনিষদে ৪।৯ মন্ত্রে জীবকে কর্তা বলা হইয়াছে। কিন্তু কঠ শ্রুতির ১।২।১৮ মন্ত্রে আত্মার জন্ম-মরণাদি নিষেধ করিয়া ১।২।১৯ মন্ত্রে হিংসাদি কার্য্যও আত্মার কর্তৃত্ব প্রত্যাখ্যান করা হইয়াছে। গীতার ৩।২৭ ও ১৩।২০ শ্লোকেও গুণ বা প্রকৃতি কর্তৃত্বের হেতু, এবং পুরুষ ভোক্তা মাত্র, বলা হইয়াছে। অতএব স্বতঃই সন্দেহ হয় যে, জীবাত্মা কর্তা কি না? ইহার উত্তরে সূত্রকার সূত্র করিলেন :—

সূত্র :—২।৩।৩৩।

কর্তা শাস্ত্রার্থবদ্বাং ॥ ২।৩।৩৩ ॥

কর্তা + শাস্ত্রার্থবদ্বাং ॥

কর্তা :—আত্মা কর্তা বটে । **শাস্ত্রার্থবদ্বাং :—**শাস্ত্রের উপদেশের সার্থকতা রক্ষার জন্য জীবাত্মা কর্তাও বটে ; নতুবা শাস্ত্রে উপদিষ্ট বিধি নিষেধ সমূহ নিরর্থক হইয়া পড়ে ।

শ্রুতিতে উপদেশ আছে—“স্বর্গকামো যজ্ঞেত”,—স্বর্গাভিলাষী ব্যক্তি যাগ করিবে । “আত্মানমেব লোকমুপাসীত” (বৃহঃ ১।৪।১৫),—আত্মা স্বরূপ লোকেয়ই উপাসনা করিবে ।

যদি জীব কর্তা না হয়, এই উপদেশ সকলের কোনও সার্থকতা থাকে না । কঠশ্রুতিতে যে হনন ক্রিয়ার অকর্তৃত্ব কথিত হইয়াছে, তাহার উদ্দেশ্য এই যে, আত্মা নিত্য, উহার নাশ নাই, নাশ স্থূল দেহের মাত্র—ইহা বুঝাইবার জন্য । আর গীতায় যে উপদেশ দেওয়া হইয়াছে, তাহার উদ্দেশ্য এই যে, সাংসারিক ব্যাপারে আত্মার কর্তৃত্ব গুণ সংস্পর্শ বশতঃ হইয়া থাকে, স্বরূপতঃ হয় না । এই কারণে গীতার ১৩।২১ শ্লোকে বর্ণিত হইয়াছে যে, সৎ ও অসৎ যোনিতে জন্ম এই গুণ-সঙ্গ বশতঃই হইয়া থাকে । সুতরাং স্বকীয় ও পরকীয় কর্তৃত্বের বিবেক প্রদর্শনার্থ গুণের কর্তৃত্ব কথিত হইয়াছে মাত্র । আত্মার কর্তৃত্ব নিষেধ করা গীতার উদ্দেশ্য নহে । কারণ গীতার ১৮।১৬ শ্লোকে আত্মার কর্তৃত্ব স্বীকার করা হইয়াছে । উক্ত শ্লোকটি নিয়ে উক্ত কর্তৃত্ব করা হইয়াছে । পরমার্থতঃ আত্মা স্বরূপে অকর্তা হইলেও, যখন জীবাত্মা রূপে বর্তমান, উপাধিতে অভিমানী গুণসঙ্গবশতঃ স্বরূপজ্ঞান আবরিত, তখন কর্তা বটে । ইহাও আমরা ২।১।২৩ সূত্রের আলোচনায় বুঝিয়াছি । এক কথায় ব্যবহারিক জীবই কর্তা ও কর্ম ও উজ্জ্বলিত ভোগ তাহারই ।

এ সম্বন্ধে শ্রীমদ্ভাগবত বলিতেছেন :—

কর্মাণি কর্ম্মভিঃ কুর্ব্বন্ সনিমিত্তানি দেহভূং ।

তত্ত্বং কর্ম্মফলং গৃহ্নন্ ভ্রমতীহ সুখেতরম্ ॥ ভাগঃ ১।১।৩৬

ইথং কর্ম্মগতীর্গচ্ছন্ বহুভজ্জবহাঃ পুমান্ ।

আভূতসংপ্রবাং সর্গপ্রলয়াবশ্মুতেহবশঃ ॥ ভাগঃ ১।১।৩৭

—সেই দেহী জীব কর্মেন্দ্রিয় দ্বারা বাসনা সহিত কর্মসকল সম্পন্ন করতঃ দুঃখাত্মক এই সকল কর্মফল ভোগ করিয়া এই সংসার পথে ভ্রমণ করিতেছে। এইরূপে জীব বহু অমঙ্গলবাহী কর্মগতিতে ভ্রমণ করতঃ প্রলয় পর্য্যন্ত অবসন্ন হইয়া জন্মমরণ প্রাপ্ত হয়। ভাগ: ১১।৩।৬-৭

জীব কর্তাও বটে, ভোক্তাও বটে, এবং ইহাতে জীবের স্বাতন্ত্র্য নাই।

তত্রাপি কর্মণাং কর্ত্বু রস্বাতন্ত্র্যঞ্চ লক্ষ্যতে।

ভোক্তৃশ্চ দুঃখসুখয়োঃ কোহৃষর্থো বিবশং ভজেৎ ॥ ভাগ: ১১।১০।১৬

—তন্মধ্যে কর্মকর্তা ও সুখদুঃখভোক্তা জীবের অস্বাতন্ত্র্য দেখিতে পাওয়া যাইতেছে। অস্বতন্ত্র ব্যক্তি কোনও পুরুষার্থ লাভ করিতে পারে না।

ভাগ : ১১।১০।১৬

এই অস্বাতন্ত্র্য কেন হয়, তাহা আমরা ২।১।২৩ সূত্রের আলোচনায় কর্মবাদ প্রসঙ্গে বুঝিতে পারিয়াছি।

—পুণ্য কর্ম করিয়া জীব স্বর্গলাভ করে, এবং তথায় দেবতাগণের ন্যায় নিজের পুণ্যাজ্জিত ভোগ সকল উপভোগ করিয়া থাকে। ভাগ: ১১।১০।২২

ইষ্টেহ দেবতা যজ্ঞৈঃ স্বল্পৈকং যাতি যাজ্ঞিকঃ।

ভূঞ্জীত দেববত্ত্ব ভোগান্ দিব্যান্ নিজার্জিতান্ ॥

ভাগ ১১।১০।২২

যদি ইহলোকে অধর্মাচরণ করে, তবে ভীষণ নরকে পতিত হয়।

যত্বধর্মরতঃ সঙ্গাদসতাং বাহজিতেন্দ্রিয়ঃ।

কামাত্মা কৃপণো লুব্ধঃ স্ত্রৈণোভূতবিহিংসকঃ ॥ ভাগ: ১১।১০।২৬

পশূনবিধিনালভ্য প্রেতভূতগণান্ যজন্।

নরকানবশো জন্তুর্গত্বা যাত্যুৎসবং তমঃ ॥ ভাগ: ১১।১০।২৭

—যদি অসৎ সংসর্গ বশতঃ অধর্মে রত হইয়া, অজিতেন্দ্রিয়, কামাত্মা, কৃপণ, লুব্ধ, স্ত্রৈণ ও ভূত-বিহিংসক হয়। যদি অবিধিপূর্বক পশু হনন করিয়া ভূত প্রেতগণের পূজা করে, তবে সেই জীব অবশ হইয়া নরকে গমন পূর্বক অবশেষে স্থাবর যোনি প্রাপ্ত হয়। ভাগ: ১১।১০--২৬।২৭।

অতএব সিদ্ধান্ত হইল যে, জীব কর্তা বটে, এবং কর্মের ফল জীব ভোগ করিয়া থাকে। এখানে স্মরণ রাখা প্রয়োজন যে, জীব

যদিও স্বরূপতঃ এবং তদ্ব্যতঃ ব্রহ্মের তটস্থা শক্তির অংশ হেতু, ব্রহ্ম স্বভাব বিশিষ্ট, নিরীহ, অকর্তা ও অভোক্তা, তথাপি যখন উপাধিতে উপহিত হইয়া, এবং তাহাতে অভিমান বশতঃ জীবত্ব প্রাপ্ত হইয়াছে এবং সে কারণ গুণসঙ্গ লাভ হইয়াছে, তখন কর্তা এবং কর্ম হইতে উৎপন্ন ফলভোক্তা বটে। ১।১।১৮ সূত্রের আলোচনায় উক্ত ভাগবতের ১।১।১১।৬, ১।১।১১।৭, ৫।১।১।১২ ও ৫।১।১।১৩ শ্লোক দৃষ্টে জীবের স্বরূপগত ও জীবভাবগত পার্থক্য প্রতীয়মান হইবে। (পৃঃ ৪৩৩-৪৩৪)।

কর্মাচরণ এবং তাহার সিদ্ধি সম্বন্ধে একটি বিশেষ বিষয় মনে রাখা প্রয়োজন। কর্ম কেবল মনুষ্যের প্রযত্ন দ্বারা সিদ্ধ হয়, ইহা মনে করা বড় ভুল। যদি উক্ত প্রযত্ন—জগদ্ব্যাপারের অনুকূল হয়, তবে কর্ম সিদ্ধ হইতে পারে, নতুবা হয় না। যদি অগ্নি ও জলের বিশেষ বিশেষ ধর্মের সহকারিতা না পাওয়া যায়, তাহা হইলে মানবের জীবনব্যাপী ঐকান্তিক স্বতন্ত্র প্রচেষ্টায় অন্ন-পাক সম্ভব হয় না। গো একটি প্রাকৃতিক জীব। গোধূম একজাতীয় প্রাকৃতিক শস্য। মানব নিজ প্রচেষ্টায় গোদুগ্ধ হইতে ঘৃত ও গোধূম হইতে ময়দা প্রস্তুত করিয়া, উভয়ের সংযোগে শর্করার সহিত নানা প্রকার মিষ্টান্ন উৎপাদন করিয়া, রসনার তৃপ্তি সাধন করে। গোদুগ্ধ, গোধূম ও শর্করার সহকারিতা না লইলে, মানব শত প্রচেষ্টায় মিষ্টান্ন প্রস্তুত করিতে পারিত না। মানবের এই প্রচেষ্টার নাম পুরুষকার। এবং কর্মসিদ্ধির এই জাগতিক সহকারিতা এক কথায় দৈব নামে অভিহিত। এই দৈব মানবের প্রাক্তন কর্মফলে প্রাপ্ত পারিপার্শ্বিক অবস্থা ও পরিস্থিতির উপর নির্ভর করে। এই পুরুষকার প্রয়োগেই মানবের স্বাতন্ত্র্য আছে, এবং উহা দৈবের অনুকূল ভাবে হইলেই কর্ম সিদ্ধ হইয়া থাকে। এই প্রচেষ্টা দ্বারা সিদ্ধ কর্মের ফল, কর্তা (অর্থাৎ, যাহার প্রচেষ্টা) ভোগ করিয়া থাকে। ইহার প্রতি লক্ষ্য রাখিয়াই শ্রীভগবান্ গীতায় বলিয়াছেন যে, কর্মসিদ্ধির পাঁচটি কারণ।

অধিষ্ঠানং তথা কর্তা করণঞ্চ পৃথগ্বিধম্।

বিবিধাশ্চ পৃথক্ চেষ্টা দৈবকৈবাত্ত পঞ্চমম্ ॥ গীতা ১৮।১৪

—অধিষ্ঠান, কর্তা, পৃথক্ পৃথক্ সাধন, কর্তার বিভিন্ন প্রকার পৃথক্ পৃথক্ চেষ্টা এবং দৈব, এই পাঁচটি কারণের অনুকূল সমাবেশে কর্ম সিদ্ধ হয়। গীতা: ১৮।১৪

সুতরাং কেবলমাত্র আত্মাকেই কর্মের কর্তা এবং কর্ম একা কর্তা (জীবাত্মা) দ্বারা কৃত হয়, মনে করা অজ্ঞানের লক্ষণ। গীতা ১৮।১৬

তত্রৈব সতি কর্তারমাত্মানং কেবলং তু যঃ ।

পশ্যত্যকৃতবুদ্ধিহান্ন স পশ্যতি দুর্মতিঃ ॥ গীতা ১৮।১৬

অতএব দেখা গেল যে, কর্ম কেবল মাত্র কর্তার প্রযত্নে সিদ্ধ হয় মনে করা ভুল ; কর্মসিদ্ধিতে কর্তার প্রয়োজনীয়তা সম্পূর্ণ আছে, কিন্তু তাহা সীমাবদ্ধ। প্রথম সীমা অধিষ্ঠান বা দেহ—কর্মাচরণের উপযুক্ত নীরোগ সবল দেহ প্রথম প্রয়োজন। দ্বিতীয়—ইন্দ্রিয়গ্রাম এবং তাহাদের কর্মসিদ্ধির অনুকূল শক্তি। তৃতীয়—কর্তার প্রচেষ্টা। চতুর্থ—দৈবানুকূলতা। বলা বাহুল্য যে, কর্তা এবং তাঁহার প্রচেষ্টা বাদে সবগুলিই কর্তার বা জীবাত্মার প্রাক্তন কর্মজাত এবং উহার সাকল্যে দৈব নামে পরিচিত। ২।১।২৩ সূত্রের আলোচনা প্রসঙ্গে ইহা আলোচিত হইয়াছে।

কর্মকরণে জীবের স্বাতন্ত্র্য ও অস্বাতন্ত্র্য কতটুকু, তাহা আমরা একটি লৌকিক দৃষ্টান্তে বুঝিবার চেষ্টা করিব। একটি গরুকে একগাছি লম্বা দৃঢ় রজ্জুতে বন্ধ করিয়া, যদি কোনও তৃণক্ষেত্রের মধ্যস্থলে একটি দৃঢ়সংবদ্ধ কীলকে বাঁধিয়া রাখা যায়, তাহা হইলে গরু রজ্জুর সীমার মধ্যে ইচ্ছামত বিচরণ পূর্বক তৃণক্ষেত্রের ঘাস খাইয়া উদর পূর্তি করিতে পারে, অথবা ঘাস না খাইয়া তৃণক্ষেত্রে কীলকের নিকট শয়ন করিয়া সময় ক্ষেপণ করিতেও পারে। যদি ঘাস খায়, তবে তাহার উদর পূর্তি ও সঙ্গে সঙ্গে তৃষ্ণা ও পুষ্টি লাভ হইয়া থাকে। আর যদি ঘাস না খাইয়া শয়ন করিয়া থাকে, তাহা হইলে আহার অভাবে ক্রমশঃ দুর্বল, শীর্ণ হইয়া পড়ে। দড়ি ছিঁড়িয়া বা কীলক ভাঙিয়া বা উৎপাটন করিয়া চলিয়া যাইবার শক্তি গরুর নাই। তাহাকে কীলককে কেন্দ্র করিয়া রজ্জুর পরিমাণ বাসান্ধিবাশিষ্ট বৃত্তের মধ্যে পরিভ্রমণ করিতেই হইবে।

মানবরূপী জীবও সেইরূপ অনাদি কাল হইতে অনন্ত কোটি জন্মের কৃত কর্মের নিমিত্ত উৎপন্ন সংস্কার, বাসনা, প্রবৃত্তি, ইন্দ্রিয়শক্তি, মনোবৃত্তি প্রভৃতি রূপ বেষ্টনী বা উপাধির দ্বারা পরিবেষ্টিত হইয়া সংসারে পরিভ্রমণ করে। কর্মদেবতাগণ ঐ বেষ্টনীর উপর লক্ষ্য রাখিয়াই, উহাকে বিশেষ পারিপার্শ্বিক অবস্থা ও পরিকল্পনের মধ্যে জন্মগ্রহণে বাধ্য করেন। উহাদিগের মধ্য হইতে মুক্তিলাভ সাধারণতঃ অসম্ভব। জীবকে বাধ্য হইয়াই ঐ পারিপার্শ্বিক অবস্থা ও পরিকল্পনাকে মানিয়া লইয়া, উহার মধ্যেই শাস্ত্রীয় উপদেশ মানা বা না মানা নিজ ইচ্ছামত করিতে পারেন, এবং যদি মানা সাব্যস্ত

করেন, তাহা হইলে সেই উপদেশ মত সাধন ভজন করিয়া পুরুষার্থ লাভ করিতে পারেন। আর যদি না মানা সাব্যস্ত করেন, তাহা হইলে ক্রমশঃ পুরুষার্থ হইতে দূরে যাইতে থাকেন। অতএব, জীবের স্বাতন্ত্র্যের সঙ্কোচ জীবের পূর্বার্জিত কর্ম বা অদৃষ্ট দ্বারা সংঘটিত হয়, এবং উক্ত সঙ্কুচিত সীমার মধ্যেও তাহার নিজ কর্তৃত্ব যথাসম্ভব বর্তমান থাকে। যদি এই সীমাবদ্ধ কর্তৃত্বও স্বীকার না করা যায়, তবে শাস্ত্রে প্রদত্ত বিধিনিষেধের উপদেশ সমুদায় নিরর্থক হইয়া পড়ে। এই সীমাবদ্ধ স্বাতন্ত্র্যের প্রতি লক্ষ্য রাখিয়াই শাস্ত্র বিধিনিষেধের উপদেশ দিয়াছেন। আমাদের বর্ণাশ্রম ধর্মব্যবস্থা— এই সীমাবদ্ধ স্বাতন্ত্র্য লক্ষ্য করিয়াই প্রদত্ত।

আরও এক কথা। জীব যখন শ্রীভগবানের তটস্থ শক্ত্যাংশ, এবং ভগবান যখন সত্যসংকল্প এবং তাঁহার ইচ্ছা স্বতন্ত্র, অর্থাৎ তাঁহার অন্য কোনও নিয়ন্ত্রণ নাই, তখন তাঁহার তটস্থ শক্ত্যাংশেরও উক্ত স্বাধীন ইচ্ছার কণা বর্তমান থাকিবে, ইহাতে সন্দেহ কি? অতএব, জীব—অদৃষ্ট ও স্বাধীন ইচ্ছা, এই দুইয়ের সমবায়ে সংসারে কার্য করিয়া থাকে। ইংরাজীতে যাহাকে “Free will” বলে, তাহা “ইচ্ছা” শব্দের পর্যায় নহে। কারণ, “Free will” মনের ধর্ম। এখানে “ইচ্ছা” শব্দ আত্মার “প্রেরণা” অর্থে ব্যবহৃত হইয়াছে।

কোনও বায়বীয় পদার্থ যখন মুক্তাবস্থায় থাকে, তখন উহার অবাধ, স্বচ্ছন্দ সঞ্চরণ কোনও প্রকার বাধার বা প্রতিরোধের দ্বারা ব্যাহত হয় না। কিন্তু উক্ত বায়বীয় পদার্থ কোনও রবারের বা অন্য কোনও পদার্থের গোলকের মধ্যে রাখিয়া দিলে, উহা উক্ত গোলকের প্রাচীরে প্রতিরোধ শক্তির বা বাহির হইবার প্রেরণার পরিচয় দেয়। সেইরূপ নিত্য, বুদ্ধ, শুদ্ধ, মুক্ত পরমাত্মা, সর্বব্যাপী ও অনন্ত, বিধায়, সর্বত্র সম ও উদাসীন। কিন্তু উহার সমপ্রকৃতিক তটস্থ শক্ত্যাংশ, উপাধির আবরণে আবৃত হইয়া জীবাত্মারূপে প্রকটিত হইলে, উক্ত উপাধি হইতে নিষ্কৃতির প্রেরণা স্বভাবতঃই উপলব্ধ হয়। ইহাই উপরে “স্বাধীন ইচ্ছা” নামে অভিহিত হইয়াছে। ইহা মনের বৃত্তি নহে। ইহা উপাধিতে বদ্ধ জীবাত্মার উক্ত উপাধি হইতে মুক্ত হইবার প্রচেষ্টা বা প্রেরণা। যদিও জীবাত্মা তাৎক্ষিক দৃষ্টিতে পরমাত্মার গায় অকর্তা ও উদাসীন, তথাপি ব্যবহারিক দৃষ্টিতে যতদিন উপাধিতে বদ্ধ, ততদিন এই প্রচেষ্টা স্বভাবতঃই হইয়া থাকে। ইহাই আমাদের স্বাধীন ইচ্ছা, এবং ইহা আছে বলিয়াই মোক্ষোপদেশী শাস্ত্র সকলের সার্থকতা।

এই আত্মার প্রেরণা বা স্বাধীন ইচ্ছা অথবা উপাধি হইতে নিষ্কৃতির

স্বাভাবিক প্রচেষ্টা, ব্যবহারিক জগতের কর্মসূত্রে অবতরণ করিয়া উপাধির প্রধান “করণ” মনকে আশ্রয় করিয়া “ইচ্ছা” নামে আত্মপ্রকাশ করে। ইহাকেই ইংরাজীতে free will বলে। এই “ইচ্ছা” মনের ধর্ম এবং ইহা মনের ব্যবহারিক কার্যসাধিকা শক্তি। যোগশাস্ত্রের সমুদায় উপদেশের পরিগতি—“মনোনাশে”—অন্য কথায় এই ইচ্ছাকে মনের আশ্রয় হইতে মুক্ত করিয়া আত্মার প্রেরণার সহিত একীভূত করা।

কেহ কেহ আপত্তি করেন যে, স্বাধীন ইচ্ছা মাত্রই জীবের নাই। কারণ, শ্রীভগবান্ যখন নিয়ন্তা এবং জীব যখন নিয়মা, তখন স্বাধীন ইচ্ছা প্রয়োগের অবকাশ কোথায়? তত্ত্বতঃ ইহা ঠিক বটে। যখন ব্রহ্ম ব্যতিরিক্ত পদার্থ মাত্রই নাই, তখন ব্যতিরিক্ত ভাব কোথা হইতে আসিবে? কিন্তু মায়ামোহিত জীব যখন উপাধিতে অভিমানী হইয়া, “আমি, আমার” ইত্যাকার জ্ঞানে কর্তা সাজিয়া বসেন, তখন তাঁহার এই অভিমান নষ্ট করিবার উপায়ও তাঁহার হাতে থাকা প্রয়োজন। মায়ার মোহে তিনি কর্তা, এবং মায়ার মোহেই তাঁহার স্বাধীন ইচ্ছা—ইহাই শ্রীভগবানের নিয়ম বলিয়া শাস্ত্র উপদেশ দিয়াছেন। মায়াবদ্ধ বহির্গুণ জীব আমরা কর্তা সাজিব, কণামাত্র স্বার্থহানি হইলে রাগে, দুঃখে অস্থির হইব, অথচ মুখে বলিব যে, হৃদিস্থিত শ্রীভগবানের নিয়োগেই আমি কার্য করিয়া যাই মাত্র, শাস্ত্রোক্ত বিধি-নিষেধ পালনের অপ্রবৃত্তি তিনিই দিয়াছেন, অতএব উহা পালন না করিবার সমুদায় দোষ তাঁহারই—ইহা কেবল আত্মপ্রবঞ্চনা মাত্র। শ্রীভগবান্ এত বোকা নহেন যে তিনি ইহাতে ভুলিবেন। এই প্রসঙ্গে একটি প্রাচীন গল্প মনে পড়িল।

এক ব্যক্তির একটি সুন্দর বাগান ছিল। বাগানটি উহার বড়ই প্রিয়। তিনি নিজ হস্তে উহার বৃক্ষাদি রোপণ এবং নিজেই জলসেক দ্বারা উহাদের পালন ও বর্দ্ধন করিয়া থাকেন। পাছে বাহির হইতে কোনও গো বৃষাদি আসিয়া বাগানের ক্ষতি করে, এজন্য উহার চতুর্দিক দৃঢ় বেটন দ্বারা রক্ষিত, এবং ঐ ব্যক্তি দিবারাত্র লগুড়হস্তে পাহারা দিয়া থাকেন। একদিন ঘটনাক্রমে উক্ত বাগানের প্রবেশদ্বার অনবধানতা বশতঃ খোলা থাকায়, একটি গাভী বাগানে প্রবেশ করিয়া দুই চারিটি গাছের পাতা ভক্ষণ করে। উহাতে ঐ ব্যক্তি ক্রোধে অন্ধ হইয়া, গাভীর পশ্চাদ্ধাবন করিয়া উহাকে লগুড়াঘাত করে; ঘটনাক্রমে ইহাতে গাভীর প্রাণবিয়োগ হয়। তাহাতে “গোহত্যা” পাপ উক্ত ব্যক্তিকে অভিভব করিতে আসিলে, তিনি তাহাকে প্রত্যাখ্যান করিয়া বলেন যে, অস্তরস্থ হৃষীকেশই আমাকে কার্যে নিযুক্ত করেন, যদি কাহারও কোনও

পাপ হইয়া থাকে, তাহা হ্রষীকেশেরই হইবে। তুমি তাঁহার কাছে গিয়া, এই কথা বল, এবং তাঁহাকেই আশ্রয় কর। ইহাতে “গো-হত্যা” পাপ অগত্যা হ্রষীকেশের কাছে গিয়া সমুদায় নিবেদন করিল। তাহাতে হ্রষীকেশ একজন অতি বৃদ্ধ, কৃষ্ণ ব্রাহ্মণের বেশে, দ্বিপ্রহর মধ্যাহ্নকালে ক্ষুধা ও তৃষ্ণায় বড় আর্তবৎ হইয়া উক্ত বাগানের দ্বারদেশে আসিয়া মৃতের গায় পড়েন, এবং আকুল কর্তে বাগানে প্রবেশের প্রার্থনা করেন। উক্ত বাগানের মালিক বাধা হইয়া অনিচ্ছায় বৃদ্ধ ব্রাহ্মণকে বাগানে প্রবেশ করিবার অনুমতি দিলেন।

বৃদ্ধ ব্রাহ্মণ বাগানে প্রবেশ করিয়া একটি ঘনপত্র সমন্বিত বৃক্ষের ছায়া-শীতল তলদেশে বসিয়া কিছুকাল বিশ্রামের এবং বাগানস্থ পুষ্করিণী হইতে অঞ্জলি দ্বারা জলপান করিয়া কিঞ্চিৎ স্নান হইয়া, ঐ বাগানের এবং উহার অধিকারী ঐ ব্যক্তির প্রশংসা করিতে থাকেন। ইহাতে উক্ত ব্যক্তি সন্তুষ্ট হইয়া বৃদ্ধ ব্রাহ্মণকে বাগানটির ভাল ভাল বৃক্ষাদি, তাহাদের সুন্দর সন্নিবেশ, পুষ্পবাটিকার সৌন্দর্য্যের এবং সৌগন্ধ্যের রমণীয় সমাবেশ, উদ্যানবাটিকার স্বাচ্ছন্দ্য প্রভৃতি দেখাইতে লাগিলেন, এবং তিনি নিজে কত যত্নে, কত কষ্টে, কত পরিশ্রমে, কত অর্থব্যয়ে ঐ সমুদায় সংগ্রহ করিয়াছেন, এবং উক্ত বাগানের পরিকল্পনা হইতে উহার ক্রম-পরিণতি এবং বর্তমান অতি সুন্দর অবস্থা যে, একমাত্র তাঁহা হইতে, এবং তিনি যে উহার একমাত্র অপ্রতিদ্বন্দ্বী অধিকারী, ইহা সহাস্তমুখে ব্যক্ত করিলেন। বৃদ্ধ ব্রাহ্মণ সমুদায় শুনিয়া বলিলেন, বাপু হে ! বাগান, গাছ, উহাদের সমাবেশ, পরিণতি সমুদায় তোমার নিজের আর গো-হত্যার বেলায় কেবল হ্রষীকেশের ইহা কি প্রকারে সঙ্গত হয় ? গোহত্যাও তোমার। তুমি ইহা গ্রহণ কর, এবং ইহার ফল ভোগ কর—ইহা বলিয়া অস্তর্হিত হইলেন।

আমাদেরও তাই। ঘর, বাড়ী, পুত্র, কলত্র, দাস, দাসী সমুদায় আমার আর শাস্ত্রীয় বিধিনিষেধ পালনের বেলা অপ্রবৃত্তি, হ্রষীকেশের, ইহা কি প্রকারে সঙ্গত ? যদি অপ্রবৃত্তি হ্রষীকেশেরই হয় তবে দাস, দাসী, পুত্র, কল্যা, ঘর, বাড়ী, ধন, দৌলত সমুদায়ই তাঁহারই। তাহা হইলে কেহ ধন লইলে আমার তাহাতে দুঃখ হওয়া উচিত নয়। সম্ভান বা স্ত্রীবিয়োগে কাতর হইবার উপায় নাই। এমন কি কেহ আমার গায়ের কাপড়খানি খুলিয়া লইলে আমার দ্বিক্রান্তি করিবার অধিকার নাই। আমার যদি মনে প্রাণে কোনও দুঃখকষ্ট বাস্তবিক না হয়, তাহা হইলে ত আমি মুক্ত জীব। আমার ত তাহা হইলে

সর্বত্র ব্রহ্ম-দর্শন হইতেছে। তখন আমি মায়াবদ্ধ জীবকোটি হইতে পৃথক। শাস্ত্রোক্ত বিধিনিষেধ তখন আমার প্রতি প্রযোজ্য নহে। কিন্তু ভাবের ঘরে চুরি চলিবে না। মনে, প্রাণে, হৃদয়ে, বাক্যে, কার্যে সর্বত্রই এই ভাব উপলব্ধি করিতে হইবে। শুধু মুখে বলিলে দারুণ আত্ম-বঞ্চনা মাত্র হইবে, এবং তাহার ফল অতি শোচনীয়। অতএব প্রতিপাদিত হইল যে, শাস্ত্রোক্ত বিধিনিষেধ, উপাধিতে অতিমানী জীবের জন্ম, উক্ত জীবের সীমাবদ্ধ কর্তৃত্ব আছে। এই সীমা পূর্বকৃত কর্মের দ্বারা প্রস্তুত। কিন্তু এই সীমাবদ্ধ কর্তৃত্ব প্রয়োগ শাস্ত্র-বিধি-নিষেধ যথাযথ পালন করিলে, কর্মফলে ঐ সীমা ক্রমশঃ ক্ষীণতর হইবে, দূর হইতে দূরতর চলিয়া যাইবে, এবং কর্তৃত্বের প্রসার ও স্বাতন্ত্র্য ক্রমশঃ বৃদ্ধি পাইবে, শেষ পরিণতিতে ব্রহ্ম-ভাব প্রাপ্তিতে সমুদায় পুরুষার্থলাভ সংঘটিত হইবে।

ইহা পরে আলোচিত হইবে।

ভিত্তিঃ—

“স তত্র পর্যোতি জক্ষন্ ক্রীড়ন্ রমমাণঃ...” (ছান্দোগ্যঃ ৮।১২।৩)

—সেই মুক্ত জীব সেখানে ভোজন, ক্রীড়া ও রমণাদি করিয়া বিহার করেন । (ছাঃ ৮।১২।৩)

সূত্র :—২।৩।৩৪ ।

বিহারোপদেশাৎ ॥ ২।৩।৩৪ ॥

বিহারোপদেশাৎ :—বিহার বা পরিভ্রমণের উপদেশ হেতু ।

মুক্ত জীবের কর্তৃত্ব ও বিহার শিরোদেশে উক্ত শ্রুতি মত্রে উপদিষ্ট হইয়াছে । সুতরাং কর্তৃত্ব মাত্রই যে দুঃখাবহ, তাহা নহে । গুণ সম্বন্ধেই দুঃখের উৎপত্তি, কারণ গুণ-সম্বন্ধই স্বরূপের যানি উৎপাদন করিয়া থাকে । গুণ-সম্বন্ধ রহিত হইলে কর্তৃত্ব পরিচালনে দুঃখ নাই ।

বিহার সম্বন্ধে শ্রীমদ্ভাগবতে পূর্বসূত্রের আলোচনার উক্ত ১১।১০।২২ শ্লোকের পর নিম্নোক্ত শ্লোকগুলি সন্নিবিষ্ট আছে ।

স্বপুণ্যোপচিতে শুভ্রে বিমান উপগীয়তে ।

গন্ধর্বৈর্বিহরন্মধ্যে দেবীনাং স্থতবেশধৃক্ ॥ ভাগঃ ১১।১০।২৩

স্ট্রীভিঃ কামগযানেন কিঙ্কিণীজালমালিনা ।

ক্রীড়ন্ ন বেদাঅপাতং সুরাক্রীড়েষু নির্বৃতঃ ॥ ভাগঃ ১১।১০।২৪

তাবৎ স মোদতে স্বর্গে যাবৎ পুণ্যং সমাপ্যতে । ভাগঃ ১১।১০।২৫

—হৃদয়ের আনন্দকর বেশ ধারণ পূর্বক স্বীয় পুণ্যোপচিত সর্বভোগ সম্পন্ন শুভ্র বিমানে দেবীগণমধ্যে বিহার করতঃ গন্ধর্বগণ কর্তৃক স্তুত হয়েন । ক্ষুদ্র ঘণ্টা সমূহে শোভমান কামগামী বিমানদ্বারা নন্দনাদি বনে নির্বৃত চিত্তে স্ট্রীগণের সহিত ক্রীড়া করতঃ আপনার পতনের বিষয় চিন্তাও করেন না । যাবৎকাল পুণ্যক্ষয় না হয়, তাবৎকাল এইরূপে স্বর্গভোগ করেন । ভাগঃ ১১।১০।২৩-২৪-২৫

ভিত্তি:—

“এবমেবৈষ এতান্ গৃহীত্বা স্বে শরীরে যথাকামং পরিবর্ততে”।

(বৃহদারণ্যকঃ ২।১।১৮)

—(মহারাঞ্জের ন্যায়) এই আত্মাও সেই সমস্ত প্রাণকে গ্রহণ করিয়া স্বীয় শরীর মধ্যে যথেষ্টভাবে বিচরণ করে । (বৃহদাঃ ২।১।১৮)

সূত্র—২।৩।৩৫ ।

উপাদানাৎ ॥ ২।৩।৩৫ ॥

উপাদানাৎ :—প্রাণ সমূহের গ্রহণ হইতে ।

শিরোদেশে উক্ত শ্রুতিতে প্রাণসমূহের গ্রহণে ও বিচরণে আত্মারই কর্তৃত্ব উপদেশ করা হইয়াছে ।

[২।৩।৩৪ ও ২।৩।৩৫ সূত্র দুইটি পৃথক্ ভাবে শ্রীমদ্ শঙ্করাচার্য্য, যধ্বাচার্য্য, বল্লাভাচার্য্য ও বলদেব ব্যাখ্যা করিয়াছেন । আমরা তাঁহাদের পদানুসরণে পৃথকভাবে গ্রহণ করিলাম । শ্রীমদ্ রামানুজাচার্য্য উভয়কে একত্র করিয়া “উপাদানাৎবিহারোপদেশাচ্চ” রূপে ব্যাখ্যা করিয়াছেন ।]

ভিত্তি :—

“বিজ্ঞানং যজ্ঞং তন্মুতে । কৰ্ম্মাণি তন্মুতেহপি চ” । তৈত্তিঃ ২।৫

—জীবই যজ্ঞ সম্পাদন করিয়া থাকে এবং কর্ম্মসকল নিষ্কর করিয়া থাকে ।

(তৈত্তিঃ ২।৫)

সংশয় :—“বিজ্ঞান” শব্দের অর্থ ত বুদ্ধি হইতে পারে, ‘জীব’ এই অর্থ নাও হইতে পারে । বিশেষতঃ বুদ্ধি প্রয়োগ করিয়া বা বুদ্ধিপূর্বকই লোকে যজ্ঞ বা লৌকিক কর্ম্মাদি সম্পাদন করিয়া থাকে দেখা যায় । বুদ্ধিপূর্বক সম্পাদন করে বা বুদ্ধি সম্পাদন করে—উভয়ে একই কথা । ইহার উত্তরে সূত্রকার সূত্র করিলেন :—

সূত্র :—২।৩।৩৬ ।

ব্যপদেশাচ্চ ক্রিয়ায়াং ন চেন্নির্দেশবিপর্যায়ঃ ॥ ২।৩।৩৬ ॥

ব্যপদেশাৎ + চ + ক্রিয়ায়াং + ন + চেৎ + নির্দেশবিপর্যায়ঃ ॥

ব্যপদেশাৎ :—কর্তৃৎ নির্দেশ হইতে । চ :—ও । ক্রিয়ায়াং :— কার্য্যে । ন চেৎ :—যদি না হয় । নির্দেশ-বিপর্যায়ঃ :—কর্তৃৎ নির্দেশের ব্যতিক্রম ঘটে ।

শিরোদেশে উক্ত শ্রুতিমন্ত্রে বিজ্ঞান শব্দবাচ্য আত্মাকে বৈদিক যজ্ঞ ও লৌকিক কর্ম্ম সকলের কর্তা বলিয়া নির্দেশ করা হইয়াছে, এবং এজন্ত “বিজ্ঞান” শব্দে প্রথমা বিভক্তি দেওয়া হইয়াছে । যদি বিজ্ঞান শব্দের অর্থ বুদ্ধি হইত, তাহা হইলে বুদ্ধি যখন ক্রিয়াসাধন করণমাত্র তখন, তাহাতে প্রথমা বিভক্তি না হইয়া করণ অর্থাৎ তৃতীয়া বিভক্তি দেওয়া সঙ্গত হইত । তাহা না হওয়ায় বুঝিতে হইবে যে, বিজ্ঞানরূপী আত্মাই কর্তা, বুদ্ধি কর্তা নহে । যেখানে মুখ্য অর্থে বিবক্ষিত বিষয় বিশদভাবে প্রকাশিত হয়, সেখানে লক্ষণা ব্যবহার উচিত নহে । অতএব লক্ষণা দ্বারা বুদ্ধির কর্তৃৎ প্রকাশ করা শ্রুতির অভিপ্রেত নহে ।

অতএব, জীবই কর্তা বটে, তবে যে কোনও কোনও স্থলে জীবের অকর্তৃৎ উল্লেখ দেখা যায়, তাহা জীবের স্বাতন্ত্র্যের অভাব উপদেশ দিবার জন্ত বুঝিতে হইবে ।

এখানে আপত্তি হইতে পারে যে, জীব যদি কর্তাই হয়, এবং নিজের পারিপার্শ্বিক অবস্থার সৃজন যদি জীবের পক্ষে সম্ভব হয়, তবে সংসারে দুঃখময় অবস্থার মধ্যে অধিকাংশ জীবকে নিমগ্ন দেখা যায় কেন ?

ইহার উত্তর এই যে, পূর্ব পূর্ব জন্মের কৃত শুভাশুভ কর্মই ইহার কারণ। জীব সে সকল কর্মের কর্তা বটে, তাহাদের ফল ভোগ জীবের পক্ষে অনিবার্য। ইহা আমরা ২।১।২৩ সূত্রের আলোচনায় বুঝিয়াছি। এই সকল কর্মই জীবের দুঃখময় অবস্থার কারণ। এবং এই দুঃখসকল হইতে আত্যস্তিক পরিত্রাণ লাভই জীবের পুরুষার্থ, জগতে জন্মগ্রহণের উদ্দেশ্য। এই সমুদায় কর্মফল ভোগ এবং সে সকল হইতে মুক্তিলাভের প্রচেষ্টা। ইহা তৃতীয় অধ্যায়ে বিবৃত হইবে। সুতরাং জীবের ঐকান্তিক স্বাতন্ত্র্য নাই। প্রথম অশুভ কর্মের অনুষ্ঠান জীব কবে এবং কেন করিল এই প্রশ্নের অবকাশ নাই। কারণ সৃষ্টি অনাদি, জীব অনাদি একারণ জীবের কর্মও অনাদি। যাহা অনাদি, তাহার আদি অনুসন্ধান সঙ্গত ও যুক্তিসিদ্ধ নহে।

বিজ্ঞানমেতল্লিয়বস্তুমঙ্গ গুণত্রয়ং কারণকার্যকর্তৃ ।

সমন্বয়েন ব্যতিরেকতশ্চ যেনৈব তূর্হ্যেণ তদেব সত্যম্ ॥

ভাগঃ ১।১।২৮।২১

[শ্রীধর স্বামী “বিজ্ঞান” শব্দের অর্থ “মনঃ”, বিশ্বনাথ চক্রবর্তী “বুদ্ধিতত্ত্ব” এবং জীব গোস্বামী ক্রমসন্দর্ভে “জীবচৈতন্য” অর্থ করিয়াছেন। সমুদায় পর্যালোচনা করিলে “জীবচৈতন্য” অর্থ অধিকতর সমীচীন বোধ হয়। সেই অর্থ গ্রহণ করতঃ উদাহরণ স্বরূপে উক্ত শ্লোক উদ্ধৃত হইল।]

—জীবচৈতন্য, জাগ্রদাদি অবস্থাত্রয় এবং উক্ত অবস্থাত্রয়ের কারণভূত সত্ত্ব, রজঃ, ও তমোগুণত্রয়, এবং অধ্যাত্ম—কারণ, অধিভূত—কার্য, এবং অধিদৈব—কর্তা এই সমুদায় যে তুরীয় চৈতন্য দ্বারা অন্বয় ও ব্যতিরেক মুখে সিদ্ধ হয়, তাহাই সত্য পদার্থ। ভাগঃ ১।১।২৮।২১

সেই তুরীয় চৈতন্য ব্রহ্ম, ইহা বলাই বাহুল্য। “বিজ্ঞান” জীব চৈতন্য, তুরীয় ব্রহ্ম চৈতন্য যে উহার প্রেরয়িতা, তাহাও এই শ্লোক হইতে বুঝা যাইবে।

সংশয়ঃ—২।৩।৩৩ সূত্রের শিরোদেশে উদ্ধৃত শ্রুতি ও স্মৃতি হইতে উপপন্ন হইতে পারে যে, প্রকৃতি ত কর্তা হইতে পারে। যদি বলি যে প্রকৃতিই কর্তা, ইহাতে দোষ কি? ইহার উত্তরে সূত্রকার সূত্র করিলেন :—

সূত্রঃ—২।৩।৩৭।

উপলক্ষিবদনিয়মঃ ॥ ২।৩।৩৭ ॥

উপলক্ষিবৎ + অনিয়মঃ ॥

উপলক্ষিবৎ :—উপলক্ষির গায়। অনিয়মঃ :—নিয়মের অভাব।

যদি প্রকৃতিকে কর্ত্রী বলা যায়, তবে ২।৩।৩২ সূত্রে উক্ত নিত্য উপলক্ষি-
অনুপলক্ষি প্রসঙ্গ উপস্থিত হইবে। কেননা, প্রকৃতি যখন সমুদায় পুরুষের পক্ষে
সাধারণ, অর্থাৎ সমান ভাবে ভোগা, তখন তাহার সমস্ত কর্মই সমস্ত পুরুষের
ভোগার্থ হইতে পারে, আবার না হইলে, কাহারও পক্ষে হইতে পারে না।
দৃষ্টান্তস্বরূপ দেখ, বায়ু সর্বব্যাপী, কোনও কারণে উহার কম্পনে শব্দের
উৎপত্তি হইলে, ঐ শব্দ সকলেই অনুভব করিয়া থাকে। সেইরূপ প্রকৃতিও
সর্বব্যাপী, সেইজন্য প্রকৃতি কোনও কারণে কার্যশীলা হইলে, সেই কার্য এক
কালে সমুদায় পুরুষের উপলক্ষ বা অনুভবগোচর হইবেই হইবে। আবার
কোনও কারণে প্রকৃতির কার্যশীলত্বের অভাব হইলে, সমুদায় পুরুষের এককালে
অনুপলক্ষি হইবেই হইবে। কিন্তু ইহা প্রত্যক্ষতঃ দেখা যায় না। ভিন্ন ভিন্ন
পুরুষের এককালে বিভিন্ন উপলক্ষি প্রত্যক্ষগোচর। অনুপলক্ষিও ঐরূপ।

• আবার, আত্মাকে যদি বিভূ ও সর্বব্যাপী বল, তাহা হইলে প্রকৃতির সহিত
সান্নিধ্যও সকল আত্মার পক্ষে সমান, কিছুমাত্র বৈলক্ষ্য্য নাই। অতএব,
ভোগ বৈষম্যের কোনও কারণ থাকিতে পারে না। কিন্তু ভিন্ন ভিন্ন পুরুষের
ভোগবৈষম্য প্রত্যক্ষ সিদ্ধ। অতএব, প্রকৃতি কর্ত্রী নহে। জীবই কর্ত্রী।

২। ৩। ৩৩ সূত্রের আলোচনায় উদ্ধৃত ভাগবতের ১। ১। ৩। ৬-৭ শ্লোক দ্রষ্টব্য।

অন্য কারণেও প্রকৃতি কর্ত্রী নহে।

সূত্র :—২। ৩। ৩৮।

শক্তিঃ বিপর্যয়াৎ ॥ ২। ৩। ৩৮ ॥

শক্তি + বিপর্যয়াৎ ॥

শক্তি :—ভোক্তৃ শক্তি। বিপর্যয়াৎ :—বৈপরীত্য হেতু।

যদি প্রকৃতি কর্ত্রী হন, তবে তিনিই ভোক্ত্রী হইবেন। একজন কর্ত্রী
হইবে, আর অপর একজন সেই কর্মের ফল ভোগ করিবে, ইহা অযুক্তি-যুক্ত,
অসঙ্গত ও অসম্ভব। একজন আহার করিল, তজ্জন্ম উদর পূর্তি, তুষ্টি ও পুষ্টি অপর
আর একজনের হইবে, ইহা সম্ভব কি? জীব ভোক্তা, ইহা প্রসিদ্ধিই আছে।
সাংখ্যও স্বীকার করিয়াছেন :—“পুরুষোহস্তি ভোক্তৃ ভাবাৎ” (সাংখ্য
কারিকা, ২৭)— ভোক্তৃ হেতুই পুরুষের অস্তিত্ব। অতএব প্রকৃতি কর্ত্রী
নহে। জীব কর্ত্রী ও ভোক্তা।

এই প্রসঙ্গে ২।৩।৩৩ সূত্রের আলোচনায় উদ্ধৃত ভাগবতের ১।১।৩।৬-৭, ১।১।১।১৬, ১।১।১।২২ ও ১।১।১।২৬-২৭ শ্লোকগুলি দ্রষ্টব্য।

ভাগবত আরও বলিতেছেন :—

স্বকৃতপুরেষমীষবহিরন্তুরসংবরণং

তব পুরুষং বদন্ত্যখিলশক্তিধৃতোহংশকৃতম্ । ভাগঃ ১০।৮।৭।২০

ইহার অর্থ ১।১।১।১৭ সূত্রে দেওয়া হইয়াছে [পৃ: ৪৩১] ।

এই শ্লোকে স্পষ্টই কথিত হইল যে, জীবের নানা দেহ, তাহার স্বকৃত কর্মের দ্বারা উপার্জিত। অতএব, জীবই কর্তা, এবং ঐ সমুদায় দেহে জীবই ভোক্তা। যদিও তদ্ব্যতঃ পরব্রহ্মের অংশ স্বরূপ শুদ্ধ আত্মার কর্ম নাই, ভোগ নাই, উপাধির আবরণ নাই; অবিদ্যাপ্রভাবে ইহা সংঘটিত হয় মাত্র। ইহা আমরা ২।১।২৩ সূত্রের আলোচনায় বুঝিয়াছি।

সাংখ্যমতে আত্মা নিত্য, স্বপ্রকাশ, অকর্তা। কৰ্তৃত্ব-ধর্ম প্রকৃতির। আত্মাতে উহা আরোপিত হয় মাত্র। প্রকৃতি জড়, এবং উহার বিপরিণামে উৎপন্ন ভূতজাত জড়, এবং উহা ভোগ্য বা ভোগের উপকরণ মাত্র। যদি ভোক্তা না থাকে, তবে ভোগের সার্থকতা থাকে না। এজন্য সাংখ্য ভোক্তা আত্মার অস্তিত্ব স্বীকার করিয়াছেন। এখন প্রশ্ন হইতেছে যে, প্রত্যক্ষ দেখা যায়, কর্তাই স্বকৃত কর্মের ভোক্তা হইয়া থাকে। একজন কর্তা এবং অন্যজন ভোক্তা হইলে জগতে নিয়মের বিশৃঙ্খলা ঘটে, ইহা বলাই বাহুল্য। পুরুষ ভোক্তা ইহা প্রত্যক্ষদৃষ্ট এবং সাংখ্যসম্মতও বটে। সুতরাং, পুরুষই কর্তা স্বীকার করিতে হয়। যদি প্রকৃতিই কর্তা হয়, তবে ভোক্ত্রীও প্রকৃতিই হইবে। এবং তাহা হইলে ভোক্ত্রের জন্ম পুরুষের অস্তিত্ব স্বীকার উপপন্ন হয় না। সুতরাং, পুরুষের অস্তিত্বও থাকে না।

অতএব, সিদ্ধান্ত হইল যে, জীবই কর্তা এবং ভোক্তা।

উপরে উদ্ধৃত শ্রীমদ্ভাগবতের ১০।৮।৭।২০ শ্লোকটি ইহা বিশদরূপে প্রমাণিত করে।

সূত্র :—২।৩।৩৯ ।

সমাধ্যভাবাচ্চ ॥ ২।৩।৩৯ ॥

সমাধ্যভাবাৎ + চ ।

সমাধ্যভাবাৎ :—সমাধির অভাব হেতু । চ :—ও ।

প্রকৃতির কর্তৃত্ব স্বীকার করিলে, প্রকৃতিকেই মোক্ষ-সাধক সমাধিরও কর্তা বলিতে হইবে । অথচ, প্রকৃতি কখনই আপনাকে—“আমি প্রকৃতি হইতে ভিন্ন” —এইরূপ বিবেকাত্মক সমাধি করিতে সমর্থ হয় না । এ কারণে প্রকৃতি কর্তা নহে । আত্মাই কর্তা ।

শ্রীমদ্ভাগবত এ সম্বন্ধে সুস্পষ্ট বলিয়াছেন যে, প্রকৃতি অহর্নিশি দহমান হইয়া প্রতিনিবৃত্ত হইলে, পুরুষ স্বীয় মহিমাতে অবস্থান করেন, এবং তাহাই পরম পুরুষার্থ ।

অনিমিত্তনিমিত্তেন স্বধর্মেণামলায়না ।

তীত্রয়া ময়ি ভক্ত্যা চ শ্রুতসম্ভূতয়া চিরম্ ॥ ভাগঃ ৩।২৭।২০

প্রকৃতিঃ পুরুষস্যেহ দহমানাস্বহর্নিশম্ ।

তিরোভবিত্রী শনকৈরগ্নেযে'নিরিবারণিঃ ॥ ভাগঃ ৩।২৭।২১

ভুক্তভোগা পরিত্যক্তা দৃষ্টদোষা চ নিত্যশঃ ।

নেশ্বরস্যাপ্তভং ধত্তে স্বে মহিম্নি স্থিতস্ত চ ॥ ভাগঃ ৩।২৭।২২

—নিষ্কামভাবে অমুষ্টিত সধর্ম্ম, নির্মল মন, আমার (ভগবানের) কথা শ্রবণ জনিত ও তদ্বারা পরিপুষ্ট আমাতে (ভগবানে) দৃঢ়া ভক্তি, তত্ত্বদর্শী জ্ঞান, তীত্র বৈরাগ্য, তপোযুক্ত যোগ, এবং তীত্র সমাধি দ্বারা পুরুষের প্রকৃতি অহর্নিশি দহমানা হইলে, ক্রমে ক্রমে, অগ্নি যেমন নিজ যোনি অরণিকে দগ্ধ করিয়া থাকে, তাহার গ্নায় তিরোহিত হইয়া থাকে । এইরূপ তিরোহিত হইলে আর তাহার পুনরুদ্ধার হয় না । কারণ, পুরুষ তখন তাহাকে সম্পূর্ণ-ভাবে উপভোগ করিয়া এবং তাহার দোষ দর্শন করিয়া তাহাকে পরিত্যাগ করিয়াছেন । তখন সেই পরিত্যক্তা, দৃষ্টদোষা প্রকৃতি আর পুরুষের অন্তর্ভুক্ত হইতে পারে না । ফলতঃ, পুরুষ তখন স্বীয় মহিমাতে অবস্থান করতঃ ব্রহ্ম প্রতিষ্ঠা বা “ব্রাহ্মীস্থিতি” লাভ করেন । ভাগঃ ৩।২৭।২০-২১-২২ ।

যদি প্রকৃতির কর্তৃত্ব স্বীকার করা যায়, তাহা হইলে কলে প্রকৃতির অচেতনত্ব হেতু, ইচ্ছাশক্তির অভাব প্রযুক্ত, কখনই কর্তৃত্বের বিরাম হইতে পারে না। কিন্তু আত্মা চেতন, ইচ্ছাশক্তি সম্পন্ন। সুতরাং আত্মা কর্তা হইলে কোনও বিশেষ কর্মে প্রবৃত্তি এবং তাহা হইতে নিবৃত্তি উপপন্ন হয়। এই সিদ্ধান্তের জন্য সূত্র করিলেন :—

সূত্র :—২।৩।৪° ।

যথা চ তক্ষোভয়ধা ॥ ২।৩।৪° ॥

যথা + চ + তক্ষা + উভয়ধা ॥

যথা :—যেমন । চ :—ও । তক্ষা :—সূত্রধর । উভয়ধা :—উভয় প্রকারে ।

সূত্রধর যেমন কার্যের সাধনোপযোগী যন্ত্র সমূহ (বাসু, করাত, বাটালি, হাতুড়ি প্রভৃতি) বিদ্যমান থাকিলেও ইচ্ছানুসারে কখনও কার্য করে, আবার কখনও বা তাহা হইতে বিরত থাকে ; সেইরূপ আত্মার ইন্দ্রিয়াদি করণ সমূহ— কার্য সম্পাদনের সাধন স্বরূপ সর্বদা বিদ্যমান থাকিলেও, ইচ্ছানুসারে কখনও কার্যে প্রবৃত্ত হন, আবার কখনও কার্য হইতে নিবৃত্ত থাকেন । উভয় প্রকারই— চেতন, ও ইচ্ছাশক্তি সম্পন্ন আত্মার পক্ষে সম্ভব হইয়া থাকে । কিন্তু প্রকৃতি যদি কর্তা হন, তাহা হইলে, অচেতন বিধায়, ইচ্ছাশক্তির অভাব বশতঃ, ঐরূপ ব্যবস্থা সম্ভব হইতে পারে না । কর্মে কোনও কারণে প্রবৃত্ত হইলে, অচেতন ও ইচ্ছা-শক্তিহীন প্রকৃতির পক্ষে তাহা হইতে নিবৃত্তি সম্ভব হয় না । আবার নিবৃত্ত হইলে, কোনও চেতন, ইচ্ছা শক্তিবিশিষ্ট পুরুষের সাহায্য ব্যতীত কর্মে প্রবৃত্তিও সম্ভব হয় না । তক্ষার যন্ত্রসকল কি তক্ষা কর্তৃক প্রযুক্ত হওয়া ব্যতিরেকে, আপনাপনি কার্য সম্পাদন করিতে পারে ? এজন্য শাস্ত্রে আত্মা সম্বন্ধেই কর্ম হইতে নিবৃত্তির বা কর্মে প্রবৃত্তির উপদেশ দৃষ্ট হয় ।

নিবৃত্তং কর্ম সেবেত প্রবৃত্তং মৎপরস্ত্যজেৎ ।

ভিক্ষাসায়াং সংপ্রবৃত্তো নাজিয়েৎ কর্মচোদনাম্ ॥

ভাগঃ ১।১।১০।৪

—(১।১।১ সূত্রের আলোচনায় ইহার অর্থ দেওয়া হইয়াছে [পৃঃ—৮৬]) ।

আত্মার ইচ্ছাশক্তি বর্তমান থাকায় কোনও বিশেষ প্রকার কর্ম করা বা না করা আত্মার পক্ষে সম্ভব বলিয়া ঐ প্রকার উপদেশের সার্থকতা। প্রকৃতি কর্তী হইলে উক্ত উপদেশের কোন সার্থকতা থাকে না।

পূর্বসূত্রের আলোচনায় উক্ত ৩।২৭।২০-২১-২২ শ্লোকগুলিতে প্রদত্ত উপদেশ, এমন কি সমুদায় শাস্ত্রের উপদেশ, আত্মার কর্তৃত্ব পক্ষেই সার্থক। অন্যথা শাস্ত্র নিরর্থক।

এই সূত্র হইতে আমরা আরও পাইলাম যে, তক্ষা যেমন তক্ষণ কার্যের সাধনোপযোগী যন্ত্রাদি গ্রহণে কর্তা সাজিয়া কার্য করিয়া থাকে এবং তাহা পরিত্যাগ করিয়া নিজ গৃহে শ্বশু ও নিবৃত্ত থাকে, আত্মাও সেইরূপ ইন্দ্রিয়াদি করণ সাহায্যে সংসার কার্য সম্পাদন করিয়া থাকে, আবার সুষুপ্তি বা সমাধিতে শ্বশু এবং নিবৃত্ত হইয়া থাকে। এই সমাধি লাভ চেতন আত্মার ইচ্ছাশক্তি বিকাশে সম্ভব। যোগশাস্ত্রের উপদেশ সেই জগুই সার্থক।

আবার তক্ষা যেমন রাজার জগু রথাদি নির্মাণ করিয়া দিয়া উহা উপভোগের আকাঙ্ক্ষা না রাখিয়া, নিজগৃহে নিজ অবস্থায় সন্তুষ্ট থাকে, সেইরূপ জীব যদি সমুদায় কর্ম বিশেষের কর্ম বলিয়া মনে করিয়া সম্পাদন পূর্বক ফলাকাঙ্ক্ষাশূন্য হইয়া নিজ অবস্থায় সন্তুষ্ট থাকে, তাহা হইলে তাহার পরমা নিবৃত্তি। এই উভয় প্রকারে অবস্থান যেমন তক্ষার পক্ষে সম্ভব, আত্মার পক্ষেও সেই প্রকার সম্ভব এবং সম্ভব বলিয়া সমুদায় উপদেশের সার্থকতা।

[উপরে উক্ত ব্যাখ্যা শ্রীমদ্ রামানুজাচার্য্য সম্মত। ইহা সর্বাপেক্ষা সরল এবং সূত্র হইতে সহজলভ্য বলিয়া, উহাই গ্রহণ করা হইল।]

৬। পরমাত্মাধিকরণ ॥

ভিত্তি :—

(১) “য আত্মনি তিষ্ঠন্নাত্মনোহন্তুরো যমাত্মা ন বেদ, যশ্চাত্মা
শরীরম্,

য আত্মানমন্তুরো যময়তি, স ত আত্মাস্তুর্য্যাম্যমৃতঃ” ॥

(বৃহদারণ্যক : মাধ্যন্দিন, ৩।৭।২২)

—যিনি আত্মাতে অবস্থিত আছেন, অথচ আত্মা হইতে পৃথক্, আত্মা যাহাকে জানে না, আত্মা যাহার শরীর, যিনি আত্মার অন্তরে থাকিয়া আত্মাকে নিয়ন্ত্রণ করেন, তিনিই তোমার অন্তর্য্যামী অমৃত স্বরূপ আত্মা । (বৃহদাঃ, মাধ্যন্দিন, ৩।৭।২২)

(২) “এষ হ্যেবৈনং সাধু কৰ্ম্ম কারয়তি …… ।”

(কোষীতকী : ৩৯)

—ইনিই (পরমাত্মাই) ইহাকে (জীবকে) সাধু কৰ্ম্ম করান …… ।

(কোষী : ৩৯)

(৩) “অন্তঃপ্রবিষ্টঃ শাস্তা জনানাং সৰ্ব্বাত্মা ।”

(তৈত্তিরি : আরণ্যক ৩।১।১০)

—সৰ্ব্বাত্মা পরমেশ্বর জীবগণের অন্তরে প্রবিষ্ট থাকিয়া শাসন করিয়া থাকেন । (তৈত্তিরি : আরণ্যক ৩।১।১০) ।

সংশয় :—জীবের কর্তৃত্ব সিদ্ধান্ত স্থাপন করিলে ত ? এই কর্তৃত্বে কি পরমেশ্বরের অপেক্ষা আছে, অথবা ঈশ্বরনিরপেক্ষ স্বতন্ত্র কর্তৃত্ব ? ইহার সমাধানে সূত্র :—

সূত্র :—২।৩।৪১ ।

পরাস্তু তচ্ছূতেঃ ॥ ২।৩।৪১ ॥

পরাং + তু + তচ্ছূতেঃ ॥

পরাং :—পরমাত্মা হইতে । তু :—কিন্তু । তচ্ছূতেঃ :—তদ্বিষয়ক শ্রুতি হইতে ।

জীবের এই কর্তৃত্ব পরমাত্মা হইতে সিদ্ধ । স্বাভাবিক, নিরপেক্ষ নহে । ব্রহ্মের বা পরমাত্মার সংকল্পানুসারেই, তাঁহার বহিরঙ্গশক্তি প্রকৃতির জড়ত্ব,

ভোগ্য এবং তাঁহার তটস্থা শক্তি জীবের চেতনত্ব, ভোকৃত্ব এবং কর্তৃত্ব সিদ্ধ হইতেছে । শিরোদেশে উদ্ধৃত শ্রুতিমন্ত্রগণই তাহার প্রমাণ ।

ক্ষেত্রজ্ঞায় নমস্তুভ্যাং সর্বাধ্যক্ষায় সাক্ষিণে ।

পুরুষায়াত্মমূলায় মূল প্রকৃতয়ে নমঃ ॥ ভাগঃ ৮।৩।১৩

সর্বেন্দ্রিয়গুণদ্রষ্ট্রে সর্বপ্রত্যয়হেতবে ।

অসতাচ্ছায়য়োক্ভায় সদাভাসায় তে নমঃ ॥ ভাগঃ ৮।৩।১৪

—ভগবন্! আপনি সর্ব ক্ষেত্রজ্ঞ, সর্বাধ্যক্ষ, সর্বসাক্ষী, আপনাকে নমস্কার করি । আপনি ক্ষেত্রজ্ঞ সকলের মূল, এবং মূলেরও (প্রধানেরও) উদ্ভবের হেতু । আপনি পূর্ণ স্বরূপ । আপনি সকল ইন্দ্রিয়ের দ্রষ্টা । সকল ইন্দ্রিয়বৃত্তিই আপনার জ্ঞাপক । অসৎ রূপ যে অহঙ্কার প্রপঞ্চ, তৎকর্তৃক অসৎ রূপ ছায়ার দ্বারা, অর্থাৎ প্রতিবিম্ব দ্বারা, বিশ্বের গ্ৰায় আপনি পরিলক্ষিত হইয়েন । বিষয়েতে আপনার সক্রপ আভাস বিদ্যমান থাকে । আপনাকে নমস্কার করি । ভাগঃ ৮।৩।১৩-১৪

.....স্বমায়ায়াত্মন্যবধীয়মানঃ ॥ ভাগঃ ৫।১।১।১৩

—আপনার অধীন মায়া দ্বারা আপনি জীবে নিয়ন্তা রূপে বর্তমান আছেন ।

ভাগঃ ৫।১।১।১৩

(সম্পূর্ণ শ্লোকটি ১।১।২৫ শ্লোকে দেওয়া হইয়াছে [পৃঃ ৪৬১]) ।

তিনিই অন্তরে প্রবিষ্ট হইয়া সমুদায় করণকে জীবিত ও কার্যশীল করিয়া থাকেন । পরন্তু তিনিই নিয়ন্তা ।

যোহস্তঃ প্রবিশ্য মম বাচমিমাং প্রসুপ্তাং,

সংজীবয়ত্যখিলশক্তিধরঃ স্বধাম্না ।

অগ্ৰাংশ্চ হস্তচরণশ্রবণত্বগাদীন্,

প্রাণান্নমো ভগবতে পুরুষায় তুভ্যাম্ ॥ ভাগঃ ৪।৯.৬

(১।২।১২ শ্লোকের আলোচনায় ইহার অর্থ দেওয়া হইয়াছে [পৃঃ ৫০৫-৫০৬]) ।

আসাঙ্ককারোপসুপর্ণমেনমুপাসতে যোগরথেন ধীরাঃ ॥

ভাগঃ ৮।৫।১৮

“উপসুপর্ণমঃ—জীবসমীপে তৎ নিয়ন্তৃত্বেন আসাঙ্ককার আশ্রয়ম্ ।”

(শ্রীধরঃ) ।

—যিনি জীব সমীপে তাহার নিয়ন্তারূপে বর্তমান থাকেন, জীবগণ যোগরূপ উপায় দ্বারা তাঁহার ভজনা করেন। ভাগঃ ৮।৫।১৮

তিনি জীবাাত্রার নিয়ন্তা বলিয়াই পরমাত্মা নামে অভিহিত হইয়া থাকেন।

নমঃ আত্মপ্রদীপায় সাক্ষিণে পরমাত্মনে। ভাগঃ ৮।৩।১০

“পরমাত্মনে :—জীবনিয়ন্ত্রে” (শ্রীধরঃ)।—তিনি স্বপ্রকাশ এবং সকলের প্রকাশক, এবং তিনি পরমাত্মা, অর্থাৎ জীবের নিয়ন্তা। ভাগঃ ৮।৩।১০

স্বাংশেন সর্বতনুহ্ননসি প্রতীত প্রত্যগ্দৃশে ভগবতে বৃহতে নমস্তে ॥

ভাগঃ ৮।৩।১৭

“স্বাংশেন—অস্তুর্ধ্যামীক্ৰুপেণ সর্বেষাং তনুভূতাং মনসি প্রতীতা প্রখ্যাতা যা প্রত্যক্দ্দৃক্ জ্ঞানং তন্মৈ। ভগবতে—সর্বেষাং তনুভূতাং নিয়মনে সমর্থায়, তেষাং মনসি স্থিতভেহপি বৃহতেহপরিচ্ছিন্নায়।” (শ্রীধরঃ)

—সমস্ত দেহীর অন্তরে প্রখ্যাত যে জ্ঞান, আপনি অংশ দ্বারা অন্তর্ধ্যামীক্ৰুপে তাহার স্বরূপ, এবং সকল দেহীর নিয়মনে সমর্থ। আর আপনি প্রতি দেহীর অহংকরণে অবস্থিত হইয়াও অপরিচ্ছিন্ন। আপনাকে নমস্কার। ভাগঃ ৮।৩।১৭

—তিনি “নারায়ণ”, অতএব অখিল দেহীর আত্মা, অধীশ্বর এবং অখিল লোক সাক্ষী। ভাগঃ ১০।১৪।১৩

নারায়ণস্তং ন হি সর্বদেহিনামাত্মাশ্রীশাখিললোকসাক্ষী।

ভাগঃ ১০।১৪।১৩

—চরাচরস্থ তির্ধ্যাক্, মর্ত্য, দেবতা, সমুদায় তাঁহার নিয়ম্য, এবং তিনি একমাত্র নিয়ামক। তাঁহার আবার কুশল অকুশল কি? ভাগঃ ১০।৩৩।৩৪

কিমুতাখিলসত্বানাং তির্ধ্যাঙমর্ত্যাদিবৌকসান্।

ঈশিতুশ্চেশিতব্যানাং কুশলাকুশলায়ঃ ॥ ভাগঃ ১০।৩৩।৩৪

—জগতে যে কিছু শক্তির ক্রিয়া দেখা যায়, সমুদায় পরমেশ্বরের শক্তি দ্বারা শক্তিমান্ ও ক্রিয়াশীল, সকলই ঈশ্বর পরতন্ত্র, বিশ্বস্তা সূত্রাত্মা হিরণ্যগর্ভও ঈশ্বর পরতন্ত্র। অন্য জীবের কথা কি? ঈশ্বর চৈতন্যে সকলের চৈতন্য, এবং ঈশ্বরের সত্তাতেই সকলের কার্যব্যাপার সাধিত হয়। ভাগঃ ১০।৮।৫৬

প্রাণাদীনাং বিশ্বসৃজাং শক্তয়ো যাঃ পরশ্চ তাঃ ।

পারতন্ত্র্যাৎসাদৃশ্যাৎ ছন্নোশ্চেষ্টেব চেষ্টতাম্ ॥ ভাগঃ ১০।৮৫।৬

এই জগুই পরমেশ্বরকে ১০।৮৭।১০ শ্লোকে “অখিল শক্ত্যববোধক” বলিয়া সম্বোধন করা হইয়াছে। তাঁহার শক্তিতেই অখিলস্থ প্রাণীগণ সত্তাবান, শক্তিমান্ ও ক্রিয়াবান্ ।

সংশয় :—যদি পরমেশ্বরই জীবের নিয়ন্তা হন, তবে সংসারে নানা প্রকার বৈষম্য দৃষ্ট হওয়ার, ঈশ্বরে—বৈষম্য-নৈঘৃণ্য (বিষমকারিতা ও নির্দয়তা) দোষ আপত্তিত হয় এবং জীবেরও অকৃতাত্যাগম—অর্থাৎ কার্য্য না করিয়াও ফল প্রাপ্তি স্বীকার করিতে হয়। অপিচ বিধি-নিষেধ বোধক শাস্ত্রগুলি নিরর্থক হইয়া পড়ে। এই আপত্তি নিরসনের জগু সূত্র :—

সূত্র—২।৩।৪২ ।

কৃতপ্রযত্নাপেক্ষস্ত বিহিত-প্রতিষিদ্ধাবৈয়র্থ্যাদিভ্যঃ ॥ ২।৩।৪২ ॥

কৃতপ্রযত্নাপেক্ষঃ + তু + বিহিত-প্রতিষিদ্ধ-অবৈয়র্থ্যাদিভ্যঃ ॥

কৃতপ্রযত্নাপেক্ষঃ :—জীবকৃত প্রযত্নানুযায়ী । **তু :**—আশঙ্কানিরসনার্থক । **বিহিত-প্রতিষিদ্ধ-অবৈয়র্থ্যাদিভ্যঃ :**—বিহিত ও নিষিদ্ধ কর্ম্মের সার্থকতা রক্ষার জগু । “আদি” শব্দের দ্বারা নিগ্রহানুগ্রহও করিয়া থাকেন, বুঝিতে হইবে ।

অন্তর্যামী পরমেশ্বর কিন্তু জীবকৃত প্রযত্ন বা চেষ্টা অর্থাৎ কর্ম্মানুসারে, অনুমতি প্রদানে জীবকে সমস্ত কার্য্যে প্রবর্তিত করেন। জীবের প্রবৃত্তি অহেতুকী হয় না। জীবের জন্মগ্রহণ, শরীর ধারণ, পারিপার্শ্বিক অবস্থা ও পরিজন পরিষ্কার সমুদায় নিজ কৃত কর্ম্মের উপর নির্ভর করে। জীবের সুখ-দুঃখ, সম্পদ-বিপদ, রোগ-শোক প্রভৃতি সমুদায় তাহার নিজ হাতে গড়া। পরমেশ্বরের কার্য্য-মুক্তি কর্ম্মদেবতাগণ সে সমুদায়ের বিধান জীবের কর্ম্মানুসারেই করিয়া থাকেন, ইহা আমরা ২।১।২৩ সূত্রের আলোচনায় বুঝিয়াছি ।

যেমন এক বস্তুতে দুই জনের তুল্য স্বত্ব থাকিলে, উহা দান বা হস্তান্তর করিতে উভয়ের সম্মতি আবশ্যিক ; তন্মধ্যে একজন উচ্ছোক্তা হইয়া দানেচ্ছায় অপরের সম্মতি লইয়া দান করিলে, যেমন সেই ব্যক্তি দাতা ও প্রযোজক হইয়া দান কর্ম্মের সম্পূর্ণ ফলভাগী হয়, সেই প্রকার, জীব নিজ চেষ্টায়, ঈশ্বরের অনুমতি লাভ করিয়া বিহিত কর্ম্ম করিলে, তাহার ফল

জীব সম্পূর্ণ ভোগ করে। পরমেশ্বরে কোনও ভোগ স্পর্শ করে না। তিনি চেষ্টার সাক্ষী মাত্র, এবং চেষ্টা সম্যক হইলে অনুমতি দান করেন মাত্র। অতএব, পরমেশ্বরে বৈষম্য-নৈঘূর্ণ্য দোষ স্পর্শে না, এবং শাস্ত্রের বিধি নিষেধও অব্যাহত থাকে।

আচ্ছা, তাহা হইলে কৌষীতকি উপনিষদের ২।৩।৪১ সূত্রের শিরোদেশে উক্ত ৩৯ মন্ত্রে যে উক্ত আছে, যাহাকে উন্নীত করিতে ইচ্ছা করেন, ইনিই (ঈশ্বর) তাহাকে উত্তম কর্ম করান, এবং যাহাকে অধে (নীচে) লইতে ইচ্ছা করেন, তাহাকে অসাধু কর্ম করান, ইহা কি প্রকারে সম্ভব হয়? ইহা কি বৈষম্যের সুস্পষ্ট নিদর্শন নয়?

ইহার উত্তর এই যে, ইহা সাধারণ নিয়ম নহে। যে লোক ভগবানে সর্বতোভাবে আত্মসমর্পণ করিয়া—তঁহার অভিপ্রায়ানুযায়ী কর্ম করিতে দৃঢ় নিশ্চয় থাকে, ভগবান তাহার প্রতি অনুগ্রহ করিয়া তাহার অন্তরায় সমুদায় দূরীকরণ পূর্বক, ভগবৎ প্রাপ্তির উপায়ভূত কল্যাণকর কর্মে, তাহার অনুরাগ জন্মাইয়া থাকেন। আর যে লোক শাস্ত্রের প্রতি অবজ্ঞা প্রদর্শন করিয়া শাস্ত্রনিষিদ্ধ কর্মসকল নিয়ত অনুষ্ঠান করিয়া থাকে, তিনি শাস্ত্রের দ্বারা তাহার সংশোধনের জন্ত ভগবৎ প্রাপ্তির প্রতিকূল এবং অধোগতির উপায়ভূত কর্মসকলে, তাহার অনুরাগ উৎপাদন করিয়া থাকেন। এ প্রকার কল্যাণকর ও অকল্যাণকর কর্মে নিয়োগ সাধারণ নিয়মানুসারে হয় না, ইহা বিশেষ বিধির ফল।

শ্রীমদ্ভাগবত এই তত্ত্ব অতি স্পষ্টাক্ষরে বলিয়াছেন :—

যেষাং স এষ ভগবান্ দয়য়েদনন্তঃ

সর্বাঅনাশ্রিতপদো যদি নির্ব্যলীকম্।

তে দুস্তরামতিতরন্তি চ দেবমায়াম্

নৈষাং মমাহমিতি ধীঃ স্ব-শৃগালভক্ষ্যে ॥

ভাগঃ ২।৭।৪১

—সেই ভগবান্ যঁাহাদের প্রতি দয়া করেন, তঁহারা কপটতা পরিত্যাগ পূর্বক সর্বাশ্রিতপদে তঁহার পাদপদ্মের আশ্রয় গ্রহণ করতঃ, দুস্তর মায়ার উত্তীর্ণ হইতে পারেন এবং মায়ার বিভবও জানিতে পারেন, আর, কুকুর-শৃগালাদির ভক্ষ্য দেহে তঁাহাদের “আমি, আমার” জ্ঞান থাকে না।

ভাগঃ ২।৭।৪১

এখানে বৃষ্টিতে হইবে যে, ভগবানের দয়া এবং অকপটে সর্বতোভাবে তাঁহার পদাশ্রয়, ইহারা পরম্পর সাপেক্ষ । দয়া হইলেই ঐ প্রকার প্রবৃত্তি হইয়া থাকে, আবার ঐ প্রকার প্রবৃত্তি হইলেই তাঁহার দয়ার উদ্রেক হয় । পরন্তু 'ভগবৎ প্রাপ্তি কৰ্মলভ্য নহে । কারণ, কৰ্মলভ্য ফল চারি প্রকার :— উৎপাত্ত, বিকার্য, সংস্কার্য ও আপ্য । উহারা সকলেই নশ্বর, ভগবৎপ্রাপ্তি উৎপাত্ত নহে, কেন না উহা নিত্য ; বিকার্য নহে—কেন না উহা অপরিণামী, পরম সত্য ; সংস্কার্য নহে—কেন না উহা চিরোজ্জ্বল, নির্মল, দোষমাত্র উহাতে স্পর্শে না ; এবং উহা আপ্যও নহে, কেননা ভগবান্—অনন্ত, সর্বব্যাপী, উঁহার পাওয়া হইয়াই আছে । ভগবৎ প্রাপ্তির একমাত্র উপায়— ভগবানের দয়া । তবে, এই দয়া উদ্রেকের জন্ত “সংরাধন” রূপ বিশেষ সাধন আবশ্যিক, ইহা সাধন পাদে তৃতীয় অধ্যায়ে বিবৃত হইবে । সর্বতোভাবে তাঁহার পদাশ্রয় ও দয়া—ইহারা যোগাত্মক ও ঋণাত্মক তড়িতের গায় কার্য করে । যেমন যোগাত্মক তড়িত ঋণাত্মক তড়িতের উৎপাদন করে, ঋণাত্মক তড়িতও তাহার পালক্রমে যোগাত্মকের বৃদ্ধি সাধন করে, আবার এই বৃদ্ধিপ্রাপ্ত যোগাত্মক তড়িতও ঋণাত্মক তড়িত বৃদ্ধির কারণ হয়, এই প্রকার চলিতে থাকে—যতদিন না উভয়ে মিলিত হইয়া সমতা প্রাপ্ত হয় । ভক্ত ও ভগবানেও এই খেলা চলিতে থাকে, যতদিন না ভক্ত ভগবৎপদে প্রতিষ্ঠা লাভ করিয়া পরমা শান্তি প্রাপ্ত হয় ।

—তাঁহার দয়া এত যে, তাঁহার পাদপদ্ম স্মরণ করিলে তিনি স্বয়ং আপনাকেও দান করেন । ভাগঃ ১০।৮০।৮

স্মরতঃ পাদকমলমাআনমপি যচ্ছতি । ভাগঃ ১০।৮০।৮

তিনি নিজেই বলিয়াছেন :—আমি ভক্ত পরাধীন, আমার স্বাতন্ত্র্য নাই । ভাগ ২।৪।৪৬ ।

অহঃ ভক্তপরাধীনো হৃষ্মতস্ত্ব ইব দ্বিজ । ভাগঃ ২।৪।৪৬

ইহা তাঁহার অপার করুণার পরিচয়, ইহাতে তাঁহার বৈষম্য-নৈস্বৰ্গ্য নাই । তিনি কল্পতরু-স্বভাব । কল্পতরুর নিকট গমন করিয়া যে যাহা প্রার্থনা করে, কল্পতরু সমভাবে সকলের অভিলাষ পূর্ণ করিয়া থাকেন । সেইরূপ বে ব্যক্তি তাঁহার নিকট প্রার্থনা জানাইতে সমর্থ হয়, তিনি তাহার প্রার্থনা পরিপূরণ করেন । তবে জানাইবার শক্তি ও কৌশল জানাই প্রয়োজন ।

এই শক্তি ও কৌশল লাভই জীবনযাত্রার উদ্দেশ্য, এবং উহাতেই সমুদায় শাস্ত্রোপদেশের সার্থকতা।

নৈষা পরাবরমতিৰ্ভবতো ননু স্মা-

জ্জস্তোয'থাঅসুহৃদো জগতস্তথাপি ।

সংসেবয়া সুরতরোরিবতে প্রসাদঃ

সেবানুরূপমুদয়ো ন পরাবরত্বম্ ॥ ভাগঃ ৭।২।২৬

—প্রভো! আপনি জগতের আত্মা ও সুহৃৎ, এ কারণ প্রাকৃত জনের মত আপনার পর-অপর, উত্তম-অধম এ প্রকার বুদ্ধি নাই। সম্যক্ প্রকার সেবা দ্বারা প্রাপ্ত কর্তব্যের প্রসাদের ঞ্চায়, আপনার কৃপা হইয়া থাকে, অর্থাৎ কর্তব্য যেমন সেবকের প্রার্থনানুসারে ফলদান করিয়া থাকে, কাহারও প্রতি বিষম হয় না, তেমনি সেবাই আপনার প্রসন্নতার কারণ। উত্তমত্ব বা অধমত্ব তাহার কারণ নহে। ভাগঃ ৭।২।২৬

অতএব, সিদ্ধ হইল যে, তাঁহাতে বৈষম্য-নৈস্বৰ্ণ্য নাই, অপিচ শাস্ত্রের বিধি-নিষেধও সার্থক হইল। এই প্রসঙ্গে ২।১।৩৫ সূত্রের আলোচনায় উদ্ধৃত ভাগবতের ১০।৪৬।২৮, ৮।২৩।৬, ১০।৩৮।২১ ও ১০।৭২।৬ শ্লোকগুলি দ্রষ্টব্য।

উপরে লিখিত হইয়াছে যে, ভগবৎ প্রাপ্তি কর্তব্য নহে। তবে কি কর্তব্যের কোনও সার্থকতা নাই?

ইহার উত্তরে শ্রীমদ্ভাগবত বলিতেছেন যে:—কর্তব্যের প্রয়োজনীয়তা আছে। যেমন নির্মল চকুর নিকট সূর্যের প্রকাশ সুন্দররূপে প্রতীত হয়, সেইরূপ ভগবানের চরণ সেবা জনিত দৃঢ়া ভক্তি দ্বারা গুণ-কর্ম জনিত চিত্তমল কালিত হইলে, বিশুদ্ধ আত্মতত্ত্ব স্বতঃ প্রকাশিত হইয়া পড়ে। ভাগঃ ১।১।৩৪

যর্হাজনাভচরণৈষণয়োরুভক্তা

চেতোমলানি বিধমেদ্ গুণ-কর্মজানি ।

তস্মিন্ বিশুদ্ধ উপলভ্যত আত্মতত্ত্বং

সাক্ষাৎ যথাহমলদৃশোঃ সবিত্ত্বপ্রকাশঃ ॥ ভাগঃ ১।১।৩৪

অতএব, চিত্তমল কালমেই কর্তব্যের সার্থকতা। কর্ম দ্বারা চিত্তশুদ্ধি হইলে, নির্মল চিত্তে ভগবদ্ভাব পরিস্ফুরিত হয়; ইহাই শাস্ত্রের বিধান।

উপরে লিখিত হইয়াছে যে, ভগবানের অভিপ্রায়ানুযায়ী কার্য করিলে ভগবানই তাহার অন্তরায় সমুদায় অপসারিত করিয়া দেন। এ সম্বন্ধে ভাগবত বলিতেছেন :—

তথা ন তে মাধব তাবকাঃ কচিৎ

ব্রহ্মস্তু মার্গাৎ ত্বয়ি বন্ধসৌহৃদাঃ ।

ত্বয়াভিগুপ্তা বিচরন্তি নির্ভয়া

বিনায়কানীকপমূর্কনু প্রভো ॥ ভাগঃ ১০।২।২৭

—হে প্রভো ! হে মাধব ! যে সকল ব্যক্তি আপনার ভক্ত, আপনাতোই সৌহৃদ্য বন্ধন করিয়া থাকেন, তাঁহারা আপনাকে কতৃক অভিরক্ষিত হইয়া নির্ভয়ে বিপ্লবকারীগণের অধিপতিদিগের মস্তকে পদার্পণ করিয়া বিচরণ করিয়া থাকেন, অর্থাৎ সর্বপ্রকারে বিপ্ল জয় করেন। ভাগঃ ১০।২।২৭

অন্য স্থানে যম বলিতেছেন :—

ভূতানি বিষ্ণোঃ সুরপূজিতানি

হৃদিশ্লিঙ্গানি মহাস্তুতানি ।

রক্ষন্তি তন্তুক্তিমতঃ পরেভ্যো

মস্তশ্চ মর্ত্যানথ সর্বতশ্চ ॥ ভাগঃ ৬।৩।১৮

—ভগবান্ বিষ্ণু ভূত্যাগণ সুরপূজিত। তাঁহাদের রূপ অতি দুর্দর্শ ও অত্যার্চ্য। তাঁহারা বিষ্ণুভক্ত মানবদিগকে শত্রু হইতে, আমা হইতে, ও অন্য সকল ভয়ের বিষয় হইতে সর্বতোভাবে রক্ষা করিয়া থাকেন।

ভাগঃ ৬।৩।১৮

এখন, শাস্ত্রনিষিদ্ধ কার্য, যাহা ঈশ্বরেচ্ছার প্রতিকূল, তাহা অমুষ্ঠান করিলে তাহার ফল হুঃখ অবশ্যপ্রাপ্ত। এই দুঃখভোগ শ্রীভগবানের কৃপাক্রোধের পরিচয়। এই দুঃখই উক্ত প্রতিকূল কার্য পরম্পরা হইতে নিবৃত্ত করিবার জন্ত পরমেশ্বর কতৃক নির্দিষ্ট। এবং ইহার ফলে প্রতিকূলাচারীর ব্রহ্মণা ভোগের দ্বারা পরিশেষে শুদ্ধিপ্রাপ্তি। ইহার প্রসঙ্গেই শ্রীমদ্ভাগবত বলিতেছেন :—

অধস্তান্নরলোকস্ত যাবতীর্ধাতনাস্তু তাঃ ।

ক্রমশঃ সমনুক্রম্য পুনরত্রাবজেচ্ছুচিঃ ॥ ভাগঃ ৩।৩০।৩৩

—নরক ভোগের পর পুনরায় মনুষ্যদেহ প্রাপ্ত হইবার পূর্বে কুকুর, শূকরাদির যোনিতে যত যত যাতনা হইতে পারে, ক্রমে ক্রমে সমুদায় প্রাপ্ত হইয়া, ভোগস্বারা যখন ক্লীণ-পাপ হইবে, তখন, শুচি হইয়া পুনরায়—ইহলোকে মনুষ্যজন্ম প্রাপ্ত হইবে। ভাগঃ ৩।৩।৩৩

ইহাই নিয়ম। এ নিয়মের ব্যতিক্রম নাই। তবে ইহার সহজ উপায়ও ভগবান অপার করণাবশে বিধান করিয়াছেন। সে সহজ উপায়—শ্রীভগবানের নাম গ্রহণ। ইহা শ্রীমদ্ভাগবতে স্পষ্ট কথিত হইয়াছে :—

সর্বেষামপ্যঘবতামিদমেব স্মৃনিষ্কৃতম্।

নামব্যাহরণং বিশেষ্যতস্তদ্বিষয়া মতিঃ ॥ ভাগঃ ৬।২।১০

—বিষ্ণুর নাম গ্রহণই সর্বপ্রকার পাপীগণের শ্রেষ্ঠ প্রায়শ্চিত্ত। নামোচ্চারণের সঙ্গে সঙ্গে সেই উচ্চারণের প্রতি শ্রীভগবানের মতি হয়, অর্থাৎ ভগবান্ মনে করেন যে, এই নামোচ্চারণ ব্যক্তি আমারই জন, ইহাকে রক্ষা করা আমার সর্বতোভাবে কর্তব্য।

ভাগঃ ৬।২।১০

১।১।৭ সূত্রের আলোচনায় নাম মহিমা কথঞ্চিৎ আলোচিত হইয়াছে। সেখানে উদ্ধৃত শ্লোকগুলি দ্রষ্টব্য। মৎপ্রণীত “নাম মহিমা” বা “স্মৃতিষোড়শী” গ্রন্থে ইহা বিস্তৃতভাবে আলোচিত হইয়াছে।

জীব শত অপরাধে অপরাধী হইলেও, ভগবান্ কি তাহার অপরাধ গ্রহণ করেন? তিনি যে পরম দয়াল। তিনি ত অপরাধ গ্রহণ করিতেই পারেন না। জীব যে তাহার বড় প্রিয়, জগৎ-ক্রীড়ায় সঙ্গী! জীব লইয়াই ত তাঁহার ভগবত্তা। সন্তান লইয়াই যেমন মায়ের মাতৃত্ব, সেইরূপ ভক্ত লইয়া ভগবানের ভগবত্তা। ভাগবত বলিতেছেন যে :—জননীর গর্ভস্থ সন্তানের পদ সঞ্চালন, এবং তদ্বারা জননীর বেদনাসুভূতি কি জননীর নিকট সন্তানের অপরাধরূপে গণ্য হয়? কখনই না। বরং অশ্রুপক্ষে আনন্দের কারণ হইয়া থাকে। সেইরূপ, অনন্ত ভগবানের কৃষ্ণির একদেশে, এই পরিদৃশ্যমান প্রপঞ্চ জগৎ—(যাহার সম্বন্ধে এক পক্ষ বর্তমান আছে বলিয়া সিদ্ধান্ত করেন, এবং অপর পক্ষ নাই, মিথ্যা বলিয়া বিতণ্ডা করেন)—এবং তাহার অন্তর্গত যতকিছু বর্তমান থাকায়, এই জগৎ প্রাণীনিচয়ের অপরাধ তাঁহার নিকট গণনীয় নহে।

ভাগঃ ১০।১৪।১২

উৎক্ষেপণং গভ'গতস্য পাদয়োঃ

কিং কল্পতে মাতুরধোক্কাগসে ।

কিমস্তিনাস্তিব্যাপদেশভূষিতং

তবাস্তি কুক্ষেঃ কিয়দপ্যনন্তঃ ॥ ভাগঃ ১০।১৪।১২

অতএব, যদি তিনি জীবের অপরাধ গ্রহণ করেন না ; তাঁহার নাম উচ্চারণ সমুদায় পাপের প্রায়শ্চিত্ত, তবে জগতে দুঃখ, কষ্ট, শোক, তাপ প্রভৃতি কেন ? এই 'কেন'র উত্তর আমরা ২।১।২৩ শ্লোকে "কর্মবাদ" আলোচনার প্রসঙ্গে পাইবার প্রয়াস করিয়াছি। যাহা "কর্মবাদ" বলিয়া প্রসিদ্ধ—জগৎচক্র পরিচালনায় তাহাই নিয়ম। এই নিয়মের উপর জগৎ প্রপঞ্চ প্রতিষ্ঠিত, এবং এই নিয়মই ভগবানের কৃত এবং ইহা তিনিই।

অন্যপক্ষে, ভক্তের প্রতি অনুগ্রহ তিনি কি যথেষ্টাচার প্রণোদিত হইয়া করিয়া থাকেন ? সেবা করিলে কি তিনি তুষ্ট হইয়া ভক্তকে অনুগ্রহ করিয়া থাকেন ? ইহার উত্তরও শ্রীমদ্ভাগবত স্পষ্টাক্ষরে দিয়াছেন :—

নৈবাশ্বনঃ প্রভুরয়ং নিজলাভপূর্ণো

মানং জনাদবিদ্বষঃ করুণো বৃণীতে ।

যদ্ যজ্ঞনো ভগবতে বিদধীত মানং

তচ্চাশ্বনে প্রতিমুখস্য যথা মুখশ্রীঃ ॥

ভাগঃ ৭।২।১০

—প্রভু (সর্বসমর্থ) ভগবান্ সর্বদা নিজলাভে পূর্ণ—আত্মারাম ও আশু-কাম। তাঁহার কিছুই অভাব নাই। তিনি কি অবিদ্বান্ কুদ্ৰ ব্যক্তিগণের নিকট হইতে পূজা নিজের জন্ত গ্রহণ করেন ? তাহা নয়, তাহা নয়। তিনি পরম কারুণিক। সেই করুণ স্বভাবে জন্ত ঐ সকল ব্যক্তির হিতার্থেই তাহা স্বীকার করিয়া থাকেন। যেমন নিজের মুখ, শোভা-সম্পন্ন করিয়া—চিত্তিত্ত করিলে, দর্পণে ঐ মুখের প্রতিবিম্বও সেই শোভা পরিলক্ষিত হয়, সেইরূপ সাধক, অশ্রুতীয় প্রতিবিম্বিত জীব, নিজ কল্যাণ সাধন প্রয়োজন মনে করিলে বিম্বিত পরমতত্ত্বে কল্যাণোৎপাদনের কারণীভূত মনোবৃত্তি অর্পণ করিবে। ভাগঃ ৭।২।১০

বর্তমানে, আমাদের যে প্রকার মনোবৃত্তি, তাহাতে আমরা মনে করি যে, ভগবানের নাম উচ্চারণ করিয়া বা বাটীতে ৬শালগ্রাম শিলার বা

পূর্বপুরুষ কর্তৃক প্রতিষ্ঠিত বিগ্রহের পূজা করিয়া, আমরা ভগবানকেই কৃতার্থ করিয়া থাকি। তাহা যে কত ঘোর আত্মস্তম্ভিতার ও যুধতার পরিচায়ক, তাহা ভাষায় প্রকাশ করা যায় না। পূজা করা বা না করা, নাম গ্রহণ করা বা না করা, স্তবগান করা বা ভগবানকে গালাগালি দেওয়া, সকলই শ্রীভগবানের পক্ষে সমান। তিনি সকলেতেই সমান উদাসীন। তবে, উহারা ব্যবহারিক জগতের অন্তর্গত থাকা অবস্থায় করা হয় বলিয়া, ব্যবহারিক জগতের নিয়মানুসারে উহাদের ফল সঞ্চিত থাকে, ভোগ করিতেই হইবে। যতদিন না ভোগ হয়, ততদিন পরিভ্রাণ নাই। ইহাই নিয়ম। ইহার ব্যভিচার নাই।

তবে যে তিনি ভক্তকে অনুগ্রহ করেন, ইহা কি প্রকারে সিদ্ধ হয়? কিরূপ ভক্ত হইলে তাঁহার অনুগ্রহ লাভের অধিকারী হয়, শ্রীমদ্ভাগবত তাহাও স্পষ্ট বলিয়াছেন। এ অনুগ্রহ কি তিনি দয়া করিয়া করেন? তাহা নয়। ইহাও নিয়ম। এই নিয়মের কারণ তিনি অনুগ্রহ করিতে বাধা হন। অনুগ্রহ না করিয়া থাকিবার উপায় নাই। তবে কি তাঁহার নিয়ম আছে? তাহা নয়। তিনি ও তাঁহার নিয়মে ভেদ নাই। তিনিও যে, তাঁহার নিয়মও সে। তবে কি প্রকার ভক্ত হওয়া প্রয়োজন, তাহা শ্রীভগবান্ নিজেই বলিয়াছেন :—

সালোক্য-সষ্টি'-সামীপ্য-সারূপ্যকত্বমপ্যুত ।

দীয়মানং ন গৃহুন্তি বিনা মৎসেবনং জনাঃ ॥ ভাগঃ ৩।২৯।১১

—সেই সকল ভক্ত, ভগবৎ সেবানন্দে এতই বিভোর, এবং এত আনন্দ উপলব্ধি করেন যে, সালোক্য, সষ্টি' (সমান ঐশ্বর্য), সামীপ্য, সারূপ্য (সমান রূপত্ব), অধিক কি একত্ব, শ্রীভগবান্ তাহাদিগকে দান করিলেও, তাঁহারা তাহা গ্রহণ করেন না। তাঁহারা কেবল ভগবৎসেবাই প্রার্থনা করেন। ভাগঃ ৩।২৯।১১

—অধিক কি, সতী স্ত্রী যেমন পতিকে নিজবশে আনয়ন করিয়া আনন্দ উপভোগ করে, সেইরূপ ভগবানে বন্ধ-হৃদয়, সর্বত্র সমদর্শী সাধুগণ, ভক্তি দ্বারা ভগবান্কে নিজবশে আনয়ন করতঃ আনন্দ উপভোগ করিয়া থাকেন। ভাগঃ ২।৪।৪৮

ময়ি নিব্বন্ধহৃদয়াঃ সাধবঃ সমদর্শনাঃ ।

বশে কুব্ধস্তি মাং ভক্ত্যা সংস্থিয়ঃ সংপতিং যথা ॥ ভাগঃ ২।৪।৪৮

এই অশ্বই বলিয়াছি, তিনি যথেষ্টাচারে কৃপা করিয়া অনুগ্রহ করেন না ।
অনুগ্রহ করিতে বাধ্য হইয়াই করেন ।

শ্রীভগবানের কথায় ভক্তমহিমা জানা গেল । এখন ভক্তগণ নিজে
ভগবানের নিকট কি চান, তাহার আভাস দিবার জন্য নীচে দুইটি মাত্র শ্লোক
উদ্ধৃত হইল ।

একজন ভক্ত বলিলেন :—

ন নাকপৃষ্ঠং ন চ পারমেষ্ঠ্যং
ন সার্বভৌমং ন রসাধিপত্যম্ ।

ন যোগসিদ্ধীরপুনর্ভবং বা

সমঞ্জস ত্বা বিরহয়া কাঙ্ক্ষ ॥ ভাগঃ ৬।১।২৩

—হে সমঞ্জস—নিখিল সৌভাগ্যানিধে ! তোমাকে পরিত্যাগ করিয়া
স্বর্গপৃষ্ঠ বা ঋবলোক, ব্রহ্মপদ, সার্বভৌম পদ, রসাতলের আধিপত্য,
যোগসিদ্ধি, বা পুনর্জন্মরহিত মুক্তি কিছুই চাই না । ভাগঃ ৬।১।২৩
[ইহার সহিত ভাগবতের ১০।:৬।৩৭ শ্লোকটিও তুলনীয় ।]

আর একজন ভক্ত প্রার্থনা করিলেন :—

ন কাময়েহং গতিমীশ্বরং পরা-

মষ্টর্কিয়ুক্তামপুনর্ভবং বা ।

আর্ন্তিং প্রপদেহখিলদেহভাজা-

মন্তুঃস্থিতো যেন ভবন্ত্যদুঃখাঃ ॥ ভাগ ৯।২।১৮

—আমি পরমেশ্বরের নিকট অগ্নিাদি অষ্টসিদ্ধি সমন্বিত উৎকৃষ্ট গতি, অথবা
পুনর্জন্মরহিত কৈবল্য মুক্তি কামনা করি না । আমি এই মাত্র প্রার্থনা
করি যে, যেন আমি ভোকৃতরূপে অন্তঃস্থিত হইয়া সমস্ত দেহীর সকল
প্রকার আর্ন্তি-দুঃখ—ভোগ করিতে পাই, এবং তাহাতে যেন সকল প্রাণীর
দুঃখ দূরীভূত হয় । ভাগঃ ৯।২।১৮

এই প্রকার ভক্ত হইতে পারিলে তবে ত ভগবানের অনুগ্রহ জোর করিয়া
আদায় করিতে পারা যায় । শ্রীভগবানের একটি অপবাদ আছে যে, তিনি
নিজ ভৃত্যের নিকট পরাজিত । “দৃষ্ট্বা স্বভৃত্যরাজিতং পরাজিতম্”—
(১০।৮।১।৩৩ ।)—তিনি অশ্রদ্ধ অজিত (অপরাজিত) হইলেও নিজের ভৃত্যের

নিকট পরাজিত। (১।৩।১২ সূত্রের আলোচনায় এই শ্লোকটি উদ্ধার করা হইয়াছে [পৃ: ৬০৪])। ভূত্যের নিকট পরাজিত হওয়া তাঁহার অপার করুণার নিদর্শন। মহাভারতে উক্ত আছে যে, ভীষ্ম জোর করিয়া তাঁহার যুদ্ধে নিরস্ত্র থাকিবার প্রতিজ্ঞার বিরুদ্ধে তাঁহাকে রথচক্র ধারণ করাইয়াছিলেন।

এই অনুগ্রহও যথেষ্ট হয় না। ইহাও তাঁহার আত্মভূত নিয়মানুগারেই হইয়া থাকে। তবে সে নিয়মের অন্তর্ভুক্ত হইবার জন্ত নিজেকে প্রস্তুত করিতে হয়। ইহাই শাস্ত্রে কথিত, উপযুক্ত অধিকারী হওয়া, এবং সেই অধিকারী হইবার উপায়ও শাস্ত্রে নির্দিষ্ট হইয়াছে। সাংসারিক জীব কি করিয়া এইরূপ অধিকারী হইবার চেষ্টা করিতে পারে, তৎসম্বন্ধে শ্রীমদ্ভাগবত উপদেশ দিয়াছেন যে, সর্বব্যাপারে, সর্বকার্যে, সর্বভাবে শ্রীভগবানের অনুচিন্তনই শ্রেষ্ঠ উপায়।

বাণী গুণানুকথনে শ্রবণো কথায়ঃ

হস্তৌ চ কর্মসু মনস্তব পাদয়োঃ ।

শ্বত্যাং শিরস্তব নিবাসজগৎ প্রণামে

দৃষ্টিঃ সতাং দর্শনেহস্ত ভবন্তনাম্ ॥ ভাগ: ১০।১০।৩৮

—আমাদের বাণী আপনার গুণানুকীর্ণনে, আমাদের শ্রবণ (কর্ণ) আপনার লীলা কথা শ্রবণে, আমাদের হস্ত দুটি আপনার কর্মকরণে, আমাদের মনঃ আপনার পদচিন্তনে, আমাদের মস্তক আপনার নিবাসভূত জগৎস্থিত স্বাবর-জঙ্গমাদির প্রণামে, এবং আমাদের দৃষ্টি আপনার যুক্তি স্বরূপ সাধুদিগের দর্শনে রত হইক। ভাগ: ১০।১০।৩৮

এই প্রকার অভ্যাস করিতে পারিলে, কালে উক্ত নিয়মের অন্তর্ভুক্ত হইবার অধিকারী হওয়া যাইতে পারে। তারপর নিয়ম তাহার কার্য্য করিবেই। ভগবদনুগ্রহ বাধ্য হইয়া উপস্থিত হইবে। চাহিতে হইবে না। তখন চাহিবার কিছুই থাকিবে না।

অতএব যদিও ঈশ্বর জীবের নিয়ন্তা এবং যদিও জীবের একান্ত নিরপেক্ষ স্বাতন্ত্র্য নাই, তথাপি জীবের কর্তৃত্ব আছে এবং জীব ইচ্ছা করিলে, সেই কর্তৃত্বের যথাযথ পরিচালনা করিয়া নিরাময় লাভ করিতে পারে।

জীবের এই প্রকার কর্তৃত্ব আছে বলিয়াই স্বর্গই দেবতাগণও মর্ত্যলোকে জীব (নর) দেহ প্রার্থনা করেন।

স্বর্গিণোহঁপ্যোতমিচ্ছন্তি লোকং নিরয়িগন্তথা ।

সাধকং জ্ঞান-ভক্তিভ্যামুভয়ং তদসাধকম্ ॥ ভাগঃ ১১।২০।১২

—নরকস্থ জীবগণের গায় স্বর্গবাসী দেবতাগণও এই জ্ঞান-ভক্তি সাধক মর্ত্যলোক প্রার্থনা করেন, কারণ, স্বর্গী ও নারকী উভয়ের শরীরই জ্ঞানযোগ ও ভক্তিযোগের সাধক নহে । ভাগঃ ১১।২০।১২

অতএব, নৃদেহ প্রাপ্ত হইয়া নিজ কর্তৃত্ব পরিচালনার দ্বারা ভব-পারের যত্ন করা সকলের কর্তব্য । ভগবান বলিতেছেন, যে না করে, সে আত্মঘাতী ।

নৃদেহমাণ্ডং সুলভং সুহৃৎস্রভাং

প্লবং সুকল্পং গুরুকর্ণধারম্ ।

• মায়াসুকূলেন নভস্বতেরিতং

পুমান্ ভবাক্টিং ন তরেৎ স আত্মহা ॥ ভাগঃ ১১।২০।১৭

—সুহৃৎস্র অর্থাৎ অনন্ত যত্নেও অপ্রাপ্য, এবং সুলভ অর্থাৎ যদৃচ্ছাক্রমে প্রাক্তন কর্মের বিধানে প্রাপ্ত, এই নৃদেহই সমুদায় ফললাভের মূল, এবং ভবসাগর পারের পটুতর নৌকা । গুরুই ইহার কর্ণধার । আমি ভগবানই অসুকূল বায়ু হইয়া ইহার চালনা করি । এরূপ দুর্ভেদ মনুষ্যদেহরূপ উত্তম নৌকা প্রাপ্ত হইয়াও যে ব্যক্তি ভবসাগর পার হইতে পারে না, সে ব্যক্তি আত্মঘাতী । ভাগঃ ১১।২০।১৭

এখানে আমরা পাইলাম যে, নরদেহ প্রাপ্ত হইলেই ভগবদসুগ্রহ লাভ হইয়াছে মনে করিয়া, যাহাতে এই দেহ বর্তমান থাকিতে থাকিতে, ইহার সার্থকতা লাভ করিতে পারা যায়, তাহার চেষ্টা করা সকলের কর্তব্য । ভগবান্ অসুকূল হইয়া এই চেষ্টার সার্থকতার বিধান করেন । চেষ্টার আন্তরিকতার উপর ভগুবানের অসুকূলতা নির্ভর করে । অতএব সকলেরই আন্তরিকতার সহিত চেষ্টা করা উচিত । নরদেহ পরমপদ প্রাপ্তির বিশেষ সোপান । ইহার প্রাপ্তিতে বুঝিতে হইবে যে, অনন্ত যোনি ভ্রমণ করিতে করিতে ভগবদ-সুগ্রহে এই বিশেষ সোপানে প্রতিষ্ঠিত হওয়া গিয়াছে । যাহাতে ইহা হইতে পুনঃস্বপ্নন না হয়, তাহার চেষ্টা বিশেষভাবে সকলের করা একান্ত কর্তব্য ।

৭। অংশাধিকরণ ॥

ভিত্তি:—

(১) “জ্ঞাজ্ঞৌ দ্বাবজ্ঞাবীশানীশৌ ॥” (শ্বেতা: ১।৯)

—দুইটি আত্মাই অজ (জন্মরহিত)। একটি “জ্ঞ” (জ্ঞানী) ও জ্ঞেয়—
নিয়ন্তা, অপরটি অজ্ঞ ও অনীশ্বর (নিয়ম্য)। (শ্বেতা: ১।৯)।

(২) “দ্বা সুপর্ণা সমুজ্জা সখায়া সমানং বৃক্ষং পরিষম্বজ্জাতে ।”

(মুণ্ডক ৩।১।১)

—সহচর ও সমানস্বভাব দুইটি পক্ষী একই বৃক্ষে অবস্থিত আছেন।
(মুণ্ড: ৩।১।১)

(৩) “তত্ত্বমসি”। (ছা: ৬।১০।৩)

—তুমিই সেই। (ছা: ৬।১০।৩)

(৪) “অয়মাত্মা ব্রহ্ম ।” (বৃহ: ৪।৪।৫)

—এই আত্মা জীবই ব্রহ্ম। (বৃহ: ৪।৪।৫)

সংশয় :—শিরোদেশে উদ্ধৃত শ্রুতিমন্ত্র হইতে দৃষ্ট হইবে, ব্রহ্ম ও জীবের
ভেদ-নির্দেশক এবং অভেদ-নির্দেশক উভয় প্রকার শ্রুতিই বর্তমান আছে।
সুতরাং মনে সংশয় স্বতঃ উদয় হয় যে, জীব স্বরূপতঃ কি? জীব কি পরমাত্মা
হইতে অত্যন্ত ভিন্ন? অথবা, ভ্রাস্ত বা অজ্ঞানাচ্ছন্ন ব্রহ্মই জীব? কিংবা, জীব—
উপাধি পরিচ্ছিন্ন ব্রহ্মই? বা জীব ব্রহ্মেরই অংশ? ইহাদের মধ্যে কোন্টি প্রকৃত
তথ্য? এই সংশয় নিরসনের জন্ত সূত্র :—

সূত্র :—২।৩।৪৩।

অংশো নানাব্যপদেশাদগ্ৰথা চাপি দাশকিতবাদিত্বমধীয়ত একে ॥

২।৩।৪৩ ॥

অংশঃ + নানাব্যপদেশাৎ + অগ্ৰথা + চ + অপি + দাশকিতবাদিত্বম্
+ অধীয়তে + একে ॥

অংশঃ :—ভাগ, বা অবয়ব । **নামাব্যপদেশাৎ** :—ভেদ নির্দেশ হেতু ।
অনুধা :—অনু প্রকারে, অর্থাৎ অভেদ নির্দেশ হেতু । **চ** :—ও ।
অপি :—এবং । **দাশকিত্ববাদিত্বম্** :—দাশ ও কিত্ববাদি ভাব ।
অধীমতে :—পাঠ করেন । **একে** :—কোনও কোনও বেদ শাখাভুক্ত ব্যক্তিগণ ।

যেহেতু শ্রুতিতে জীব ও ব্রহ্মের ভেদ-নির্দেশ এবং অভেদ-নির্দেশও আছে, সুতরাং জীব ব্রহ্মের অংশ বটে, কেননা, তাহা হইলে, অংশ—অংশী নয় বলিয়া ভেদ ত বটেই, আবার অংশ—অংশীর অবয়ব বিধায় এবং উহার সত্ত্বা, ক্রিয়া সমুদায়ই অংশী হেতু হওয়ায় এবং স্বরূপতঃ অংশী হইতে অভিন্ন হওয়ায় অভেদও বটে । সূর্য্যের একটি কিরণ-কণা সূর্য্যমণ্ডল নহে, এ কারণে ভেদ, আবার কিরণ কণার সত্ত্বা ও ক্রিয়া সূর্য্য হইতে প্রাপ্ত বলিয়া এবং তদ্ব্যতঃ কিরণ কণাও সূর্য্যে প্রকাশ, তাপ, আলোক প্রভৃতি শক্তির নিদর্শনে, ভেদ না থাকায়, উভয়ে অভেদও বটে । বিশেষতঃ অথর্বশাখীগণ দাশ—দাস—কিত্ববাদিরূপেও ব্রহ্মের সর্ব্বময়ত্ব সম্পূর্ণভাবে নির্দেশ করায়, জীব ব্রহ্ম হইতে পৃথক নহে, ইহা উপপন্ন হয় । অতএব, অংশী হইতে অংশ যখন ভিন্ন বটে এবং অভিন্নও বটে, তখন জীব পরমাছারই অংশ, ইহা সিদ্ধান্ত হইল ।

দেখ, উপরে উল্লিখিত সূর্য্য ও তাহার কিরণকণার দৃষ্টান্ত গ্রহণ করতঃ, যদি পরমাছাকে সূর্য্যস্থানীয় এবং জীবকে তাহার কিরণকণা স্থানীয় বলা যায়, তাহা হইলে কিরণকণা তেজোময় বলিয়া যেমন তেজোরশি সূর্য্য হইতে অভেদ, আবার একটি কিরণকণাই সূর্য্য নহে বলিয়া ভেদ প্রত্যক্ষ বুঝা যায় ; সেইরূপ ব্রহ্ম চৈতন্যময় এবং জীব চিদগু হওয়ায়, চিদংশে উভয়ে তদ্ব্যতঃ অভেদ হইলেও অণু কখনও রাশির তুল্য হইতে পারে না, একারণ জীব ব্রহ্ম হইতে ভিন্ন । হিমালয়ের অবয়বভূত প্রস্তরখণ্ডই চূর্ণ হইয়া বালুকাকারে নদীশ্রোতে দূরে নীত হইয়া থাকে এবং একটি বালুকাকণার উপাদানও উক্ত প্রস্তরখণ্ডের উপাদান হইতে অভেদ ; কিন্তু তাই বলিয়া বালুকাকণা কি হিমালয় পর্ব্বত ? তাহা যেমন কোনও প্রমাণে সিদ্ধ হয় না, সেইরূপ চিদংশে ব্রহ্ম ও জীব অভেদ হইলেও, উভয়ে অভেদ নহে, জীব ব্রহ্ম নহে । পূর্ব্ব পূর্ব্ব সূত্রে ব্রহ্ম ও জীবের ভেদ সিদ্ধান্ত স্থাপিত হইয়াছে বটে, কিন্তু সে সকল স্থলে জীব যে ব্রহ্মাংশ, তাহা সাক্ষাৎ সন্দেহে সিদ্ধান্ত করা হয় নাই । একান্ত সূত্রকার বর্তমান সূত্রের অবতারণা করিলেন ।

অধর্ষশাখীগণ পাঠ করেন—“ব্রহ্মদাশা ব্রহ্মদাসা ব্রহ্মোমে কিতবাঃ”—
 “ব্রহ্মই দাশ সমূহ (জাতি বিশেষ), ব্রহ্মই দাস সমূহ (কৈবর্ত), এবং ব্রহ্মই
 এই সকল ধূর্তগণ ।” ইহা দ্বারা জগতে যে ব্রহ্ম ভিন্ন আর কিছুই নাই, তাহাই
 উক্ত হইয়াছে। অতএব জীবও ব্রহ্ম হইতে অভেদ। আবার ভেদ শ্রুতি
 সকল প্রত্যক্ষাদি প্রমাণসিদ্ধ নয় বলিয়া, যে নিরর্থক হইবে, তাহা নহে।
 কেননা, জীবের—ব্রহ্মসূত্র্যত্ব, ব্রহ্মনিয়ম্যত্ব, ব্রহ্মশরীরত্ব, ব্রহ্মশ্রিতত্ব, ব্রহ্মপাল্যত্ব,
 (ব্রহ্ম সংহার্যত্ব), ব্রহ্মোপাসকত্ব এবং ব্রহ্মানুগ্রহলভ্য—ধর্ম, অর্থ, কাম ও মোক্ষ
 পুরুষার্থভাগিত্ব প্রত্যক্ষ প্রমাণগোচর নহে। শ্রুতি প্রমাণেই ইহাদের প্রতিষ্ঠা
 হইয়া থাকে। সুতরাং জীব ও ব্রহ্মে ভেদ শ্রুতি প্রমাণসিদ্ধ। যদি জীব—
 ব্রহ্মের অংশ হয়, তবে এই ভেদ ও অভেদ উভয় শ্রুতিই অব্যাহত
 থাকে, অতএব, জীব ব্রহ্মের অংশ।

জীব যে ব্রহ্মাংশ তাহা গীতায় সুস্পষ্ট উল্লিখিত হইয়াছে :—

“মামৈবাংশো জীবলোকে জীবভূতঃ সনাতন”। গী: ১৫.৭

—জীবলোকে সনাতন জীবভূত আমারই অংশ। গী: ১৫.৭

জীব যে ব্রহ্মাংশ, তাহা শ্রীমদ্ভাগবত স্পষ্টই বলিয়াছেন :—

একসৈবে মমাংশস্য জীবসৈব্য মহামতে ।

ব্রহ্মোহস্যাবিভূয়ানাংদেবীভূয়া চ তথৈতরঃ । ভাগ: ১১।১১।৪

—(২।১।২৩ সূত্রের আলোচনার (পৃ: ৭২৭) ইহার অর্থ দেওয়া হইয়াছে) ।

২।৩।৩৮ সূত্রের আলোচনায় উক্ত ভাগ: ১০।৮৭।১৬ শ্লোকটিও দ্রষ্টব্য,
 উহাতে জীব যে পরমাত্মার “অংশ”, তাহা স্পষ্টই কথিত হইয়াছে ।

২।১।২৩ সূত্রের আলোচনায় উক্ত ১২।৪।৩১ শ্লোকও দ্রষ্টব্য, পৃ: ৭২৭ ।
 সেখানে জীবকে স্পষ্টই “ব্রহ্মাংশ” বলা হইয়াছে ।

নিম্নোক্ত ৪।২।৪।৬১ শ্লোকেও পুরুষকে “ব্রহ্মাংশ” বলা হইয়াছে ।

সৃষ্টং স্বশক্ত্যাদমমুপ্রবিষ্টশ্চতুর্বিধং পুরমাআংশকেন ।

ভাগ: ৪।২।৪।৬১

—যিনি আপনার শক্তি দ্বারা জরায়ুজ, অণুজ, শ্বেদজ ও উদ্ভিজ্জ রূপ চতুর্বিধ
 পুর বা শরীর সৃষ্টি করিয়া আপনার অংশ দ্বারা ঐ সকলে অনুপ্রবিষ্ট
 হইয়া থাকেন । ভাগ: ৪।২।৪।৬১

ব্রহ্মা বলিতেছেন,—আমি, গিরীশ, দেবতাগণ, দক্ষ প্রভৃতি প্রজাপতিগণ—
আমরা সকলে আপনার সম্বন্ধে, অগ্নি হইতে উথিত বিস্ফুলিঙ্কের স্থায়
পৃথকরূপে প্রকাশমান হইয়াছি। ভাগঃ ৮।৬।১৫

অহং গিরিত্রশ্চ সুরাদয়ো যে দক্ষদায়োহগ্নেরিব কেতবস্তে ।

ভাগঃ ৮।৬।১৫

—ব্রহ্মা, শিবই যখন সামান্য বিস্ফুলিঙ্ক, তখন অন্য জীবের কথা কি ?

অতএব, সিদ্ধান্ত হইল যে, জীব ব্রহ্মের অংশ, এবং অংশ বলিয়া,
জীব ও ব্রহ্মে ভেদ ও অভেদ শ্রুতি উভয়েই সমান অর্থকরী ।

১।১।১৭ সূত্রের আলোচনায় আমরা এই একই সিদ্ধান্তে উপনীত হইয়াছি ।

• এখানে সন্দেহ হইতে পারে যে, ব্রহ্ম সচ্চিদানন্দ স্বরূপ, জীব যদি
তাঁহার অংশ, তবে জীবও সচ্চিদানন্দস্বরূপ হইবে। তবে তাহার সংসারে
প্রবেশ, দুঃখ কষ্ট ভোগ ইত্যাদি কেন ? ইহার উত্তর এই যে, ইহাই শ্রীভগবানের
এক হইতে বহু হইবার ইচ্ছার কার্যো পরিণতি বা জগতে অভিব্যক্তি। ইহাই
তাঁহার মায়া। ইহা কেন হয়, তাহার উত্তর নাই; হইয়া থাকে বলিয়াই
হয়। ইহা মৎ প্রণীত “বেদান্ত প্রবেশ” গ্রন্থের ২৩ ও ২৪ পৃষ্ঠায় আলোচিত
হইয়াছে, এখানে আর বিস্তারের প্রয়োজন নাই। নিতুরও এই প্রশ্ন তাঁহার
শুরু মৈত্রেয় ঋষিকে করিয়াছিলেন, ঋষি ইহার উত্তর দিয়াছিলেন যে, ইহাই
শ্রীভগবানের মায়া। ইহা তর্ক দ্বারা প্রতিষ্ঠা করা যায় না। ২।১।৩৪ সূত্রের
আলোচনায় উদ্ধৃত, পৃঃ ৮২৮, শ্রীমদ্ভাগবতের ৩।৭।২, ৩।৭।৩ এবং ৩।৭।৩ শ্লোক
দ্রষ্টব্য।

এই সূত্রের আলোচনায় সন্দেহ স্বতঃই মনে উদয় হয় যে, ব্রহ্ম অনন্ত,
সর্বব্যাপী, চিরপূর্ণ, দেশ-কাল-বস্তু পরিচ্ছেদ বিহীন। সূত্ররাং তাঁহার অংশ
কি প্রকারে সম্ভব? জীব যদি তাঁহার অংশ হয়, তবে তাঁহার অনন্তত্বের,
সর্বব্যাপিত্বের, চিরপূর্ণতার বস্তু দ্বারা অপরিচ্ছিন্নতার হানি সংঘটিত হয়। ইহার
সমাধান কি? ইহার উত্তরে, সিদ্ধান্তবাদীর বক্তব্য এই যে, তদ্বতঃ জীব ও
ব্রহ্ম অভেদ ত বটেই। এই “তদ্বতঃ” পদটি গভীর অর্থবোধক। ইহা ধারণা
করিতে হইলে, মায়ার বাহিরে ধারণা শক্তিকে প্রেরণ করিতে হইবে, যেখানে
দেশ, কাল ও বস্তু পরিচ্ছিন্নতা নাই। অর্থাৎ ব্রহ্মের বা ব্রহ্মভাবপ্রাপ্ত শুদ্ধ

জীবের লক্ষ্যস্থান হইতে বিচার করিলে, জীব ও ব্রহ্মে ভেদ নাই, এবং চিরপূর্ণের বাস্তবিক অংশ নাই।

কিন্তু ব্যবহারিক জগতে নামিয়া, ভাষায় প্রকাশ করিতে হইলে, জীবকে চিরপূর্ণ, নিরংশ, নিরবয়ব, অনন্ত, সর্বব্যাপী ব্রহ্মের অংশ বলা ভিন্ন উপায় নাই। ঘট যেমন অপরিচ্ছিন্ন, সর্বব্যাপী, অনন্ত আকাশকে পরিচ্ছিন্ন করতঃ ঘটাকাশ সৃজন করিয়া—আমাদের দৈনিক ব্যবহারিক ঘটরূপে আত্মপ্রকাশ করে, সেইরূপ উপাধি—চিরপূর্ণ, সর্বব্যাপী, অনন্ত, নিরংশ, নিরবয়ব ব্রহ্মের ব্যবহারিক অংশ সৃজন করিয়া বিভিন্ন জীবাত্তার ব্যবহারিক ব্যাপার সম্পাদন করে। এই উপাধি গুণ হইতে উৎপন্ন—মায়াময়, ব্রহ্মের সংকল্পই ইহার উৎপত্তির কারণ, এবং উপাধির সহিত জীবের সম্বন্ধও ব্রহ্মের সংকল্প হইতেই সংঘটিত হইয়া থাকে। এই সংকল্পই, “একের বহু হইবার ইচ্ছা”—ইহাই মায়া,—ইহাতে উপাধি ও জীব উভয়েই সম্বন্ধ। তত্বতঃ এই মায়াও, শক্তিরূপে শক্তিমান ব্রহ্ম হইতে অভেদ হইলেও,—মায়া ব্রহ্ম নহে। জীবও, শক্তিরূপে—শক্তিমান ব্রহ্ম হইতে অভেদ হইলেও, জীব ব্রহ্ম নহে। তাঁহার সংকল্পেই উভয়ের অভিব্যক্তি এবং উভয়ের সম্বন্ধ বিধান এবং সেই সম্বন্ধ হইতে জগদ্ব্যাপার পরিচালনা, অবিচার আবরণ, সমুদায়ে ব্রহ্মদর্শনের পরিবর্তে জগদ্দর্শন, বন্ধ-মোক্ষ প্রভৃতি তত্বতঃ অবাস্তব পদার্থের ব্যবহারিক অভিব্যক্তি ইত্যাদি সমুদায় সংঘটিত হইয়া থাকে।

অদ্বৈতবাদী ব্রহ্মের লক্ষ্যস্থান হইতে বিচার করেন, আর দ্বৈতবাদী এবং অন্যান্য আচার্যগণ জীবের লক্ষ্যস্থান হইতে বিচার করেন। এই লক্ষ্যস্থানের পার্থক্য অনুসারেই বিচারের ও সিদ্ধান্তের পার্থক্য অনুভূত হয়। যাহারা উভয় বিচার নিরপেক্ষভাবে—আলোচনা করিবেন, তাঁহারা স্পষ্ট উপলব্ধি করিবেন যে, তত্বতঃ উভয়ের মধ্যে আত্যন্তিক, অপরিহার্য জাতি বা ধর্মগত ভেদ নাই। যাহা ভেদ বলিয়া মনে হয়, তাহা কেবল বিচারের বাগাড়ম্বর বা ভাষার মারপ্যাচ মাত্র। সাম্প্রদায়িক আচার্যগণ নিজ নিজ সম্প্রদায় প্রতিষ্ঠাপন করিবার জন্ত নানা প্রকার তর্কশাস্ত্রানুমোদিত বিচারের অবতারণা করেন, কিন্তু প্রকৃত “একমেবাদ্বিতীয়ম্” তত্ত্বে, এবং তদুপলব্ধির বিভিন্ন প্রকার সাধন, বাহার বীজ বেদে নিহিত আছে, তৎসম্বন্ধে বিশেষ কোনও মতভেদ নাই। কেহ কর্মযোগ মার্গ, কেহ কর্মসন্ন্যাস বা জ্ঞানমার্গ, কেহ ভক্তিমার্গ অনুসারে পশ্চব্য লক্ষ্যে অগ্রসর হন, কিন্তু সকলের লক্ষ্যস্থান যে একই এবং ব্রহ্মের বা:

ভগবানের স্বরূপে ধর্ম বা জাতিভেদ নাই, ইহা সকলেরই স্বীকার্য। কেবল মার্গের পার্থক্য অনুসারে কেহ শুক, উষর ভূমির মধ্য দিয়া অতি কষ্টে লক্ষ্যস্থানে উপস্থিত হন, আর কেহ “সুজলা, সুফলা, শস্যশ্রামলা” প্রকৃতির বিহারভূমির মধ্য দিয়া, আনন্দানুভব করিতে করিতে, সেই একই স্থানে উপস্থিত হন। তাহাদের পথ-ক্লেশ বহুলাংশে ভোগ করিতে হয় না।

অতএব প্রতিপাদিত হইল যে, জীবের ব্রহ্ম হইতে অভেদ ও ভেদ উভয়ই সত্য। ইহা প্রকাশ এবং প্রতিষ্ঠা করিবার জন্য, পূজ্যপাদ সূত্রকার এই সূত্রটি যোজনা করিয়াছেন।

ভিত্তি :—

“পাদোহস্য বিশ্বা ভূতানি ত্রিপাদস্যামৃতং দিবি”।

(পুরুষসূক্ত—ঋগ্বেদ ১০:২০:৩)

—সমস্ত ভূত (জীবাঙ্গি) ইহার একপাদে, এবং অপর তিন পাদ অমৃতধামে প্রকাশময়ভাবে অবস্থান করিতেছে। (পুরুষ সূক্ত—ঋগ্বেদ, ১০:২০:৩)

সূত্র :—২।৩।৪৪।

মন্ত্রবর্ণাৎ ॥ ২।৩।৪৪।

মন্ত্রবর্ণাৎ : - মন্ত্রাকর হইতে।

শিরোদেশে উদ্ধৃত শ্রুতিমন্ত্র হইতে স্পষ্টই প্রতিপন্ন হয় যে, সমস্ত বিশ্বের ভূতগণ, অর্থাৎ, জীবগণ সহ সমগ্র প্রপঞ্চ বিশ্ব, তাঁহার একপাদে, অর্থাৎ, এক ক্ষুদ্র অংশে মাত্র বর্তমান আছে। এখানে “পাদ” অর্থ একচতুর্থাংশ নহে; উপলক্ষ্যে অতি সামান্য অংশ মাত্র বুঝাইতে ব্যবহার হইয়াছে। এ কারণ, এই মন্ত্র হইতেই জীব যে ব্রহ্মের অংশ তাহা অবধারিত হইতেছে।

শ্রীমদ্ভাগবতও বলিয়াছেন :—

পাদেষু সর্বভূতানি পুংসঃ স্থিতিপদো বিহুঃ। ভাগঃ ২।৬।১৮

—পণ্ডিতেরা বলেন যে, পদ যেমন মনুষ্যাদির অধিষ্ঠান স্বরূপ, সেইরূপ স্থিতি অর্থাৎ মর্ত্যাদিও সেই পুরুষের পদ, অর্থাৎ, অধিষ্ঠান ভূত, এজন্য তাঁহাকে স্থিতিপদ বলে। তাঁহার পদে বা অংশে সমুদায়ভূত, সমুদায় জীব। ভাগঃ ২।৬।১৮

ভিত্তি :—

মমৈবাংশো জীবলোকে জীবভূতঃ সনাতনঃ । (গীতা, ১৫।৭)

—জীবলোক সনাতন জীবভূতই আমার অংশ, নিত্য জীবতাবাপন্ন ।

(গীঃ ১৫।৭)

শ্লোক :—২।৩।৪৫ ।

অপি স্মর্যতে ॥ ২।৩।৪৫ ॥

অপি + স্মর্যতে ॥

অপি :—ও । **স্মর্যতে :—**স্মৃতিতে উক্ত আছে ।

স্মৃতিতেও ঐ প্রকার উক্ত আছে । শিরোদেশে উক্ত গীতার শ্লোকটিই ইহার প্রমাণ ।

এই প্রসঙ্গে ২।৩।৪৩ শ্লোকের আলোচনার উক্ত ভাগবতের ১১।১১।৪, ১০।৮৭।১৬, এবং ১২।৪।৩১ শ্লোক দ্রষ্টব্য ।

সংশয় :—

জীব যদি ব্রহ্মাংশ, তবে জীবের সংসারগত দুঃখভোগবশতঃ অংশী দৈবেরও ঐ প্রকার দুঃখ সম্ভাবিত হইবে। লৌকিক দেখা যায় যে, কোনও লোকের হস্ত বা পদাদিতে বেদনা হইলে, সেই অবয়বী ব্যক্তিও উক্ত বেদনা ভোগ করিয়া থাকে। সুতরাং জীব যখন ব্রহ্মের অংশ, তখন জীবের দুঃখ অংশী ব্রহ্মে সংক্রামিত হইবে না কেন? ইহার উত্তরে সূত্র :—

সূত্র :—২।৩।৪৬।

প্রকাশাদিবক্ত্ব নৈবং পরঃ ॥ ২।৩।৪৬ ॥

প্রকাশাদিবৎ + তু + ন + এবং + পরঃ ॥

প্রকাশাদিবৎ :—প্রভা প্রভৃতির গায়। তু :—কিত্ত। ন :—না।
এবং :—এ প্রকার। পরঃ :—পরমাত্মা।

যেমন প্রভাবান্ অগ্নি বা আদিত্যের প্রভা, উহাদের অংশ বটে, কিন্তু অগ্নির বা আদিত্যের স্বরূপ এবং স্বভাব উহাদের প্রভা হইতে ভিন্ন, সেইরূপ জীব ব্রহ্মের অংশ হইলেও, ব্রহ্মের স্বরূপ ও স্বভাব, জীবের স্বরূপ ও স্বভাব হইতে ভিন্ন। জীব যে প্রকার, পরমাত্মা সে প্রকার নহে।

ভাগবত বলিতেছেন :—

ভূতেন্দ্রিয়াত্ত্বঃকরণাৎ প্রধানাজ্জীবসংজ্জিতাৎ ।

আত্মা তথা পৃথক্দ্ৰষ্টা ভগবান্ ব্রহ্মসংজ্জিতঃ ॥ ভাগঃ ৩।২৮।৪১

(১।২।৩ সূত্রের আলোচনায় ইহার অর্থ দেওয়া হইয়াছে

[পৃঃ ৪৮৫-৪৮৬]) ।

যস্ম ব্রহ্মাদয়ো দেবা বেদা লোকাশ্চরাচরাঃ ।

নামরূপবিভেদেন ফল্গুয়া চ কলয়া কৃতঃ ॥ ভাগঃ ৮।৩।২২

যথার্চিষোহগ্নেঃ সবিতুর্গভস্তয়ো

নির্ধাস্তি সংযাস্ত্যসকুৎ স্বরোচিষঃ ।

তথা যতোহয়ং গুণসং প্রবাহো

বুদ্ধির্মনঃ খানি শরীরসর্গাঃ ॥ ভাগঃ ৮।৩।২৩

—যাঁহার অত্যন্ত অংশে সমস্ত বেদ, ব্রহ্মাদিদেব ও চরাচর লোক ভিন্ন ভিন্ন নামরূপবিশিষ্ট হইয়া বিরচিত হইয়াছে। যেমন অগ্নি হইতে শিখা ও সূর্য্য হইতে কিরণসমূহ উদ্গত হয় এবং তাহাতেই লীন হয়, তেমনি যাঁহা হইতে এই গুণ-প্রবাহ, বুদ্ধি, মনঃ, ইন্দ্রিয়সকল, এবং শরীরসকল নির্গত ও যাঁহাতে বিলীন হইতেছে। ভাগঃ ৮।৩।২২-২৩।

.....হুহং কিয়ানৈচ্ছমিবার্চ্চিরগ্নৌ ॥ ভাগঃ ১০।১৪।৯

—যে রূপ অগ্নি হইতে উথিত শিখা অগ্নির কোনও কার্যসাধক হয় না, সেইরূপ আমি আপনার কাছে কি কার্য সাধন করিতে অভিলাষ করিব ?

ভাগঃ ১০।১৪।৯

সর্বপ্রত্যয়সাক্ষিণ আকাশশরীরশ্চ সাক্ষাৎ পরব্রহ্মণঃ পরমাত্মনঃ
কিয়ানিহ বার্থবিশেষো বিজ্ঞাপনীয়ঃ স্যাৎক্ষুফুলিঙ্গাদিভিরিব

হিরণ্যারেতসঃ ॥ ভাগঃ ৬।২।৩৯

দেবগণ বলিতেছেন :—যিনি জগৎস্থ সকল প্রাণীর সকল প্রত্যয়ের অর্থাৎ বুদ্ধ্যাদির সাক্ষী, যিনি আকাশের গ্ৰায় সর্বত্র বিদ্যমান থাকিয়াও নির্লিপ্ত, সেই সাক্ষাৎ পরমব্রহ্ম, পরমাত্মার নিকট আমাদের কি বলিবার বা জানাইবার আছে ? অগ্নির অতি ক্ষুদ্র অংশ একটি ক্ষুফুলিঙ্গ, অগ্নির কাছে কি প্রকাশ করিতে সমর্থ হয় ? ভাগঃ ৬।২।৩৯

দেবগণ তাঁহার নিকট ক্ষুদ্র বিক্ষুফুলিঙ্গের গ্ৰায়, তখন অন্য জীবের কথা কি ?

তবে “তদ্ব্যমসি”, “অয়মাত্মা ব্রহ্ম” প্রভৃতি শ্রুতিতে যে অভেদ উক্ত হয়, তাহার কারণ প্রভা, প্রভাবান্ হইতে তদ্ব্যতঃ পৃথক্ নহে। ঐরূপ শক্তি, শক্তিমান্ হইতে তদ্ব্যতঃ পৃথক্ নহে। সেই জন্য ভেদে ও অভেদ বুদ্ধিতে হইবে। শুদ্ধ জীব ব্রহ্মের শক্তি একারণ শক্তিমান ব্রহ্ম হইতে অভেদ বটে। উপরে যে-বলা হইয়াছে, “ব্রহ্মের স্বরূপ ও স্বভাব জীবের স্বরূপ ও স্বভাব হইতে ভিন্ন”—উহা অবিভক্ত, সংসারবদ্ধ, অবিজ্ঞা আবরণে আবৃত সাধারণ জীবের সম্বন্ধে বুদ্ধিতে হইবে। শুদ্ধ জীব সম্বন্ধে নহে।

ভিত্তি :—

১। একদেশস্থিতশ্রাণেজ্যোৎস্না বিস্তারিণী যথা ।

পরশ্চ ব্রহ্মণঃ শক্তিস্তথৈদমখিলং জগৎ ॥

(বিষ্ণুপুরাণ ১।২২।৫৫)

—এক স্থানে অবস্থিত অগ্নির প্রভা যেমন চতুর্দিকে প্রসারিত হয়, পরব্রহ্মের শক্তিও সেইরূপ এই নিখিল জগৎরূপে বিস্তৃত রহিয়াছে ।

(বিঃ পুঃ ১।২২।৫৫)

২। যৎ কিঞ্চিৎ সৃজ্যতে যেন সত্ত্বজাতেন বৈ দ্বিজ ।

তস্য সৃজ্যস্য সত্ত্বতো তৎ সর্বং বৈ হরেন্তমুঃ ॥

(বিষ্ণুপুরাণ ১।২২।৩৬)

—হে দ্বিজ ! এই প্রাণিজাত হইতে যে কিছু পদার্থ সৃষ্ট হয়, সেই অষ্টব্য পদার্থ সমুৎপন্ন হইলেও, তৎ সমস্তই শ্রীহরির তমুস্বরূপ । বিঃ পুঃ ১।২২।৩৬

৩। “যস্যাত্মা শরীরম্” ॥ (বৃহদারণ্যক, মাধ্যম্দিন, ৩।৭।২২)

—আত্মা বাঁহার শরীর । (বৃহঃ, মাধ্যম্দিন, ৩।৭।২২) ।

সূত্র :—২।৩।৪৭ ।

অরস্তি চ ॥ ২।৩।৪৭ ॥

পরশরাদি পুরাণকারগণও প্রভা ও প্রভাবানের গায়, শক্তি ও শক্তিমানের গায়, জগৎ ও ব্রহ্মের শরীর ও শরীরী ভাবেই অংশাংশীভাব বলিয়াছেন । শিরোদেশে উদ্ধৃত বিষ্ণুপুরাণের শ্লোকদ্বয় তাহার প্রমাণ । সূত্রে ‘চ’কার থাকায়, শ্রুতিও তাহাই সমর্থন করেন বুদ্ধিতে হইবে এবং উহার পোষক রূপে বৃহদারণ্যক শ্রুতির ৩।৭।২২ মন্ত্রাংশ শিরোদেশে উদ্ধৃত হইয়াছে ।

এ বিষয়ে শ্রীমদ্ভাগবতের বক্তব্য কি, তাহা ২।৩।৪৩ সূত্রের আলোচনার আলোচিত হইয়াছে । বিশেষতঃ এই সূত্রটি দ্বারা সূত্রকার অন্ত স্মৃতিকর্তা-দিগের উল্লেখ নিষ্কৃতির পোষকতা সাধন করিয়াছেন ।

[শ্রীমন্ মধ্বাচার্য্য এবং তৎপাদাম্বুসারী শ্রীমদ্ বলদেব ২।৩।৪৬ ও ২।৩।৪৭ সূত্রের ব্যাখ্যা অল্প প্রকার করিয়াছেন । তাঁহাদের মতে “প্রকাশাদিবস্তু মৈবং পরঃ”—সূত্রের অর্থ এই যে, জীব যেমন ব্রহ্মের অংশ, মৎস্তাদি অবতারগণও ব্রহ্মের অংশ হইলেও, জীবের জ্ঞান নহে । যেমন সূর্য্যও প্রকাশ এবং খণ্ডোতও প্রকাশ—উভয়েতেই আলোক বর্ত্তমান, অথচ, খণ্ডোতকে সূর্য্য বা সূর্য্যকে খণ্ডোত বলা যায় না ; সেইরূপ মৎস্তাদি অবতারও ব্রহ্মের অংশ, এবং জীবও ব্রহ্মের অংশ—তা’ বলিয়া মৎস্তাদি অবতার জীব নহে । “সরস্বতি চ” সূত্রের পোষকে মধ্বাচার্য্য ভাগবতের “এতে চাংশকলাঃ পুংসঃ কৃষ্ণস্ত ভগবান্ স্বহ্ম ।” ১।৩।২৮ শ্লোকটি উদ্ধৃত করিয়াছেন । এই প্রসঙ্গে ভাগবতের ১০।১০।৩৪ শ্লোকও বিচারণীয় ।

যস্যাবতারা জায়ন্তে শরীরিষশরীরিণঃ ।

তৈস্তৈস্তরতুল্যাতিশয়ৈর্বাঁর্ধৈর্দেহিষসঙ্গতৈঃ ॥

ভাগঃ ১০।১০।৩৪

—ভগবান্ নিজে অশরীরী, নিরবয়ব । শরীরধারীগণের মধ্যে তাঁহার অবতারগণের আবির্ভাব হয়, এবং সাধারণ দেহীদিগের সম্বন্ধে সম্পূর্ণ অসঙ্গত অতুল্যাতিশয় বীর্ধ্য প্রভৃতির নিদর্শনে ঐ সকল অবতারগণকে জানা যায় । ভাগঃ ১০।১০।৩৪

অতএব, তাঁহারা জীব নহেন ।

অম্বুসঙ্ঘিৎসুগণের অবগতির জন্ত এই অর্থটি প্রদত্ত হইল ।]

সংশয় :—ভাল, এইরূপে ব্রহ্মাংশ, ব্রহ্মনিয়ম এবং জ্ঞাত্ব ধর্ম যদি সমগ্র জীবের সমান প্রকারই হইল, তবে জীবে জীবে বিধি-নিষেধের ঘটা শাস্ত্রে দৃষ্ট হয় কেন? যেমন, ব্রাহ্মণ ক্রিয়াদির বেদাধ্যয়নে এবং বেদ বিহিত কার্য্যামুষ্ঠানে অনুমতি, এবং শূদ্রাদির তাহার প্রতিষেধ, কাহারও কাহারও সম্বন্ধে দেব বিগ্রহ দর্শন, স্পর্শন পূজনাতির অনুমতি, এবং কাহারও কাহারও সম্বন্ধে তাহার নিষেধ, শাস্ত্রে দৃষ্ট হয় কেন? ব্রাহ্মণ ক্রিয় যেমন ব্রহ্মাংশ, শূদ্রও ত সেই প্রকার ব্রহ্মাংশই। ইহা কি প্রকারে সমাধান করিবে? ইহার উত্তরে সূত্র :—

সূত্র—২।৩।৪৮।

অনুজ্ঞা-পরিহারৌ দেহসম্বন্ধাজ্জ্যোতিরাদিবৎ ॥ ২।৩।৪৮ ॥

অনুজ্ঞা-পরিহারৌ + দেহসম্বন্ধাৎ + জ্যোতিরাদিবৎ ॥

অনুজ্ঞা-পরিহারৌ :—অনুমতি ও নিষেধ। **দেহসম্বন্ধাৎ :**—দেহের সহিত সম্বন্ধ নিমিত্ত। **জ্যোতিরাদিবৎ :**—যেমন জ্যোতিঃ প্রভৃতি পদার্থের।

যেমন অগ্নি স্বভাবতঃ এক হইলেও, অণুটি জ্ঞানে ঋশানাগ্নির ত্যাগ, এবং ব্রাহ্মণ গৃহগত অগ্নি গ্রহণীয় হইয়া থাকে; সূর্যালোক এক হইলেও অপবিত্র দেশস্থ সূর্যালোকের পরিহার, এবং পবিত্র দেশস্থের গ্রহণ করা হইয়া থাকে; সমস্তই মৃদ্ধিকার হইলেও হীরকাদির গ্রহণ এবং মৃত দেহাদির পরিত্যাগ, পবিত্র জ্ঞানে গাভীর মূত্র পুরীষাদির গ্রহণ এবং অপরের পরিবর্জন হইয়া থাকে; সেইরূপ সমুদায় জীব ব্রহ্মাংশ হইলেও দেহ সম্বন্ধশতঃই লৌকিক ও বৈদিক অনুজ্ঞা পরিহার উভয়ই সঙ্গতার্থ হয়।

ভাগবত বলিতেছেন :—

দেহ আত্মস্ববানেষ জব্যপ্রাণগুণাশ্রকঃ ।

আত্মস্ববিদ্যা কৃপ্তঃ সংসারয়তি দেহিনম্ ॥ ভাগঃ ১০।৫৪।৪৫

—আত্মাতে অবিদ্যা দ্বারা কল্পিত আধিভৌতিক, আধ্যাত্মিক ও আধিদৈবিক আত্মস্ববিশিষ্ট এই দেহ, দেহীকে সংসারে প্রবৃত্ত করে, তাহাতেই সর্বদেহে এক বিস্তৃত আত্মা প্রতীত হইয়া না।

দেহ সঙ্ক কেন হয়, উহা মনোবিলাস মাত্র মিথ্যা কিনা, এ সম্বন্ধে শূত্রকার কোনও বিচার এখানে উত্থাপন করেন নাই। তর্কের খাতিরে ইহা মিথ্যা বলিয়া মানিয়া লইলেও সংসার নিবৃত্তি হয় না।

অর্থে হ্যবিত্তমানেহপি সংসৃতির্ন নিবর্ততে ।

ধ্যায়তো বিষয়ানশ্চ স্বপ্নেহনর্থীগমো যথা ॥ ভাগঃ ১১।২৮।১৪

—যেমন বিষয়ধারী পুরুষের স্বপ্নকালেও সর্প দংশনাদি নানা প্রকার অনর্থ উপস্থিত হয়, সেইরূপ বস্তু যথার্থ বিত্তমান না থাকিলেও, সংসার নিবৃত্তি হয় না। ভাগঃ ১১।২৮।১৪

এ কারণ, যতদিন দেহসঙ্ক বর্তমান থাকিবে, ততদিন বিধি-নিষেধের সার্থকতাও বর্তমান থাকিবে। দেহ সঙ্ক সত্য হউক বা মিথ্যা হউক তাহাতে কিছু যায় আসে না।

—যেমন ছায়া, প্রতিধ্বনি এবং আভাস (প্রতিবিম্ব) ইহারা বস্তুতঃ অসৎ হইলেও, ভয় মোহাদি অনর্থের উৎপাদক হয়, সেইরূপ দেহাদি ভাবসকলও মৃত্যু হইতে ভয় উৎপাদন করে। ভাগঃ ১১।২৮।৫

ছায়া-প্রত্যাহ্বয়াভাসা হ্যসন্তোহপ্যর্থকারিণঃ ।

এবং দেহাদয়ো ভাবা যচ্ছন্ত্যামৃতাতো ভয়ম্ ॥ ভাগঃ ১১।২৮।৫

অতএব, যতদিন দেহ-সঙ্ক বর্তমান থাকিবে, ততদিন মৃত্যু হইতে ভয়ও বর্তমান থাকিবে। এই ভয় হইতে পরিত্রাণ পাইবার উপায়ই শাস্ত্রে বিধি-নিষেধের দ্বারা উপদিষ্ট হইয়াছে। সুতরাং দেহ সঙ্ক নিবন্ধনই উহাদের সার্থকতা সিদ্ধ হইল।

সংশয় :—দেহ বিশেষের সহিত সৰ্ব্ব ঋকায় শাস্ত্রীয় অহুত্যা ও পরিহার অনর্থক হয় না বটে, কিন্তু জীব যদি ব্রহ্মাংশই হয়, তবে কৰ্ম ও কৰ্মকলের সাক্ষ্য উৎপত্তি হওয়া সম্ভব। আমার দেহে যে ব্রহ্মাংশ আত্মা, তোমার দেহতেও সেই ব্রহ্মাংশ আত্মা। ব্রহ্মাংশ আত্মার ত জাতি, বর্ণ, বা বয়স ভেদ নাই। তুমি আমি ভাল মন্দ কাজ করিতেছি, দেহান্তে তাহার ফল-ভোক্তা একই আত্মা। আমি স্বর্গ প্রাপ্তিহেতু কোন পুণ্য কার্য না করিলেও, তোমার কৃত পুণ্য কার্যের জন্ম আমার স্বর্গলাভ হইতে পারে, আর, আমি নরক প্রাপ্তির উপযোগী পাপ কার্য করিলে, এবং তুমি তাহা না করিলেও, আমার কৃত কার্যের জন্ম তোমার নরক ভোগ হইতে পারে। এই সাক্ষ্য নিবারণের উপায় কি? ইহার উত্তরে সূত্র :—

সূত্র :—২।৩।৪৯।

অসম্ভূতেশ্চাব্যতিকরঃ ॥ ২।৩।৪৯ ॥

অসম্ভূতেঃ + চ + অব্যতিকরঃ ॥

অসম্ভূতেঃ :—অবিচ্ছিন্নভাবে অভাব হেতু। **চ :**—ও। **অব্যতিকরঃ :**—সাক্ষ্যের অভাব।

ব্রহ্মাংশকত্বাদি কারণে—জীবগণের একরূপতা থাকিলেও, পরস্পর ভেদ থাকায়,—অর্থাৎ অণুপরিমাণত্ব নিবন্ধন প্রতি শরীরে অভিমান হেতু ভিন্ন ভিন্ন হওয়ায়, ভোগের ব্যতিকর—সাক্ষ্য—হইতে পারে না। যত্নের পরও আত্মার সূক্ষ্ম শরীর বর্তমান থাকে। ইহা আমরা ২।১।২৩ সূত্রের আলোচনায় বুঝিতে পারিয়াছি। ভগবান সূত্রকারও ৩।১।১ সূত্রে স্পষ্টাক্ষরে বলিবেন। এই “সূক্ষ্ম শরীর” আত্মার চতুর্দিকে বেষ্টনী সৃজন করে, যতদিন আত্মা এই বেষ্টনী হইতে মুক্ত হইতে না পারে, ততদিন সংসারে তাহার গতাগতির বিরাম নাই। ইহা আমরা পূর্বেই বুঝিবার প্রয়াস পাইয়াছি। “আত্মা” স্বরূপতঃ সকলের এক হইলেও এই বেষ্টনী পরস্পরের পার্থক্য সৃজন করে। তড়িতালোক সর্বত্র এক হইলেও, ভিন্ন ভিন্ন গৃহস্থ ভিন্ন ভিন্ন আকারের, বর্ণের ও পরিমাণের কাচাবরণের মধ্যে উহাদিগের ভিন্ন ভাবের দর্শন ও ব্যবহার করিয়া থাকে। সেইরূপ “আত্মা” স্বরূপতঃ এক হইলেও এই ভিন্ন ভিন্ন বেষ্টনীর মধ্য দিয়া জগদব্যবহার সম্পাদন করিয়া থাকে। এই বেষ্টনী সত্য বলিতে হয়

বল, মিথ্যা বসিতে হয় বল, তাহাতে কিছুই আসে যায় না, যতদিন ইহা বর্তমান থাকিবে, অগদব্যবহারও ততদিন বর্তমান থাকিবে। এই বেটনী হইতে মুক্তিলাভই শাস্ত্রে “মুক্তি” আখ্যায় আখ্যায়িত। ইহা পরবর্তী দুই অধ্যায়ে আলোচিত হইবে। যাহা হউক, আমরা বুঝিলাম, এই সূক্ষ্ম দেহের বেটনী আত্মার সঙ্গে সঙ্গে ফিরে বলিয়া, একজনের কৃত কর্মের ভোগ অপরের পক্ষে সম্ভব হয় না।

দেহ, ইন্দ্রিয়, প্রাণ, মনঃ প্রভৃতিতে অভিমানী, এবং উহাদিগের অন্তরস্থ গুণ কর্মমুক্তি জীব সূক্ষ্ম উপাধিসকলের দ্বারা সূত্র মহান্ ইত্যাদি বহু প্রকারে কথিত হইয়া কাল-মুক্তি পরমেশ্বরের অধীনে সংসারের সর্বত্র ধাবমান হয়।
ভাগবত ১১।২৮।১৭

সম্পূর্ণ শ্লোকটি ১।৩।৫ সূত্রের আলোচনায় [পৃঃ ৫৬৮] উদ্ধৃত হইয়াছে। এখানে আর পুনরুদ্ধার করা হইল না।

যতদিন এই উপাধিতে অভিমান বর্তমান থাকিবে, ততদিন সংসারে গতাগতি।

এই কথাই ভাগবত অন্তত বলিয়াছেন :—

স যদজয়া হজামনুশয়ীত গুণাংশ্চ জুষন্

ভজতি সরূপতাং তদনু মৃত্যুমেতভগঃ ।

ভাগঃ ১০।৮৭।৩৮

—(ইহার সরলার্থ ১।৪।৮ সূত্রে দেওয়া হইয়াছে। [পৃঃ ৬৮৮])।

অতএব, যতকাল উপাধিতে অভিমান, ততকাল সংসারে গতাগতি, ততকাল দেহ-সম্বন্ধ বিদ্যমান, এবং ততকাল শাস্ত্রের উপদিষ্ট বিধি-নিষেধ সমুদায়ের সার্থকতা আছে। মুক্ত হইলে, বা অবিজ্ঞাত প্রপঞ্চের বাহিরে যাইবার সামর্থ্য হইলে, আর বিধি-নিষেধের প্রয়োজনীয়তা নাই। তখন মে আত্মা বিধি-নিষেধের অতীত অবস্থায় অবস্থিত।

ভিত্তি :—

অগ্নির্যথৈকো ভুবনং প্রবিষ্টো রূপং রূপং প্রতিক্রমো বভূব ।

একস্তথা সর্বভূতান্তুরাত্মা রূপং রূপং প্রতিক্রমো বহিষ্চ ॥

(কঠ: ২।২।২)

—যেমন একই অগ্নি জগতে প্রবিষ্ট হইয়া দাহ পদার্থানুসারে ভিন্ন ভিন্ন রূপে প্রতীয়মান হয়, সেইরূপ সর্বভূতের অন্তরস্থ একই আত্মা, উপাধি অনুসারে সেই সেই উপাধির অনুরূপ, এবং তাহা হইতে পৃথক্ দৃষ্ট হন ।

(কঠ: ২।২।২)

সম্প্রতি প্রপঞ্চ জগৎ হইতে দৃষ্টান্ত উদ্ধার করিয়া পূর্বসূত্রের সিদ্ধান্ত দৃঢ় করিতেছেন। প্রপঞ্চের দৃষ্টান্ত প্রপঞ্চের বাহিরের বস্তুতে সর্বাঙ্গীণ ভাবে প্রযোজ্য হইতে পারে না। ইহা পূর্ব পূর্ব সূত্রালোচনায় একাধিকবার বলা হইয়াছে। এখানেও তাহা মনে রাখা প্রয়োজন।

সূত্র :—২।৩।৫০ ।

আভাস এব চ ॥ ২।৩।৫০ ॥

আভাসঃ + এব + চ ॥

আভাসঃ :—প্রতিবিম্ব। **এব :**—সদৃশ। **চ :**—ও।

‘এব’ শব্দের দুইটি অর্থ প্রসিদ্ধ। ‘এব’ অবধারণে এবং সাদৃশ্যে ব্যবহৃত হইয়া থাকে। এখানে নিশ্চয়ার্থক ‘অবধারণ’ অর্থে ব্যবহৃত না হইয়া, দৃষ্টান্তের প্রতিপাদক ‘সাদৃশ্য’ অর্থে ব্যবহৃত হইয়াছে, বুঝিতে হইবে। ‘চ’ শব্দের অর্থও সুস্পষ্ট। পূর্ব সূত্রোল্লিখিত জীবের “অসম্ভূতি”র জগৎ যেরূপ ভোগের সাক্ষ্য হইতে পারে না, সিদ্ধান্ত হইয়াছে, প্রতিবিম্বের দৃষ্টান্তে ‘ও’ সেই সিদ্ধান্তই দৃঢ়ীকৃত হইতেছে।

যেমন একই সূর্যের ভিন্ন ভিন্ন জলপাত্র হইতে উৎপন্ন প্রতিবিম্ব ভিন্ন ভিন্ন জলপাত্রগুলির মধ্যে কোনও একটি জলপাত্র কম্পিত করিলে, সেই কম্পন, তাহা হইতে উৎপন্ন প্রতিবিম্ব দৃষ্ট হয় মাত্র, অন্য কোনও প্রতিবিম্ব বা বিম্ব সঞ্চারিত হয় না, সেইরূপ জীবও ভিন্ন ভিন্ন উপাধিতে উপহিত ব্রহ্মের তটস্থ শক্তির অংশ, কোনও বিশেষ উপাধি গত গুণ দোষ সেই উপাধিতে উপহিত

জীবে দৃষ্ট হইতে পারে, অন্য অন্য উপাধিতে উপহিত জীবে বা পরস্পরে তাহার সংক্রামিত হইতে পারে না। অতএব এ দৃষ্টান্তেও ভোগের সাক্ষর্যের সম্ভাবনা নাই।

এখানে বুঝিতে হইবে যে, উপরে যে অর্থ দেওয়া হইল, ঐ অর্থেই দৃষ্টান্তটি প্রযোজ্য। প্রতিবিশ্ব স্বরূপতঃ মিথ্যা বলিয়া জীবের মিথ্যাত্ব ইঙ্গিত করা সূত্রকারের উদ্দেশ্য নহে।

এ বিষয়ে শ্রীমদ্ভাগবতের বক্তব্য কি, দেখা যাউক।

জ্যোতির্ধৈবোদকপার্শ্ববেষদঃ সমীর বেগানুগতং বিভাব্যতে।

এবং স্ব-মায়ারচিত্তেষসৌ পুমান্ গুণেষু রাগানুগতো বিমুহুতি ॥

ভাগঃ ১০।১।৪৩

—যে রূপ সূর্য বা চন্দের জ্যোতিঃ, জলে বা তৈল ঘৃতাদি পার্শ্ব পদার্থে প্রতিবিম্বিত হইলে বায়ু বেগের অনুগত হইয়া কম্পাদিয়ুক্ত বলিয়া প্রতীত হয়, সেইরূপ জীব অবিচারচিত্ত দেহে অনুরাগবশতঃ প্রবিষ্ট হইয়া মোহপ্রাপ্ত হয়। ভাগঃ ১০।১।৪৩

ইহা হইতেও বুঝা গেল যে, ভিন্ন ভিন্ন জীবের দেহ ভিন্ন ভিন্ন বিষয়, সেই সেই দেহস্থ জীবই সেই সেই দেহধর্মের ধর্মী হইয়া মোহপ্রাপ্ত হয়। সুতরাং ভোগ সাক্ষর্যের সম্ভাবনা নাই, ইহাই সিদ্ধান্ত হইল।

পরমাত্মার সহিত জীবাত্তার সম্বন্ধ কি প্রকার—এ প্রশ্ন মনে সহজেই উদয় হয়। বৈদাস্তিকগণ এই প্রশ্নের উত্তরে প্রধানতঃ দুইটি মতবাদের আশ্রয় গ্রহণ করিয়াছেন। উহাদের মধ্যে একটি অবচ্ছিন্ন বাদ ও অপরটি প্রতিবিশ্ব বাদ। প্রথম কোটির বৈদাস্তিকগণ বলেন, যেমন নিরবয়ব, অনন্ত, অপরিচ্ছিন্ন আকাশ ঘটাদি দ্বারা অবচ্ছিন্ন হইয়া, পৃথক্ পৃথক্ ঘটাকাশাদিরূপে পরিচিত হয়,—কিন্তু তদ্বারা আকাশের স্বরূপের হানি হয় না; সেইরূপ নিরবয়ব, অনন্ত, অপরিচ্ছিন্ন, সর্বব্যাপী ব্রহ্ম, অন্তঃকরণ বা বুদ্ধি দ্বারা অবচ্ছিন্ন হইয়া পৃথক্ পৃথক্ জীব রূপে পরিচিত হন, তাহাতে তাঁহার স্বরূপের বিন্দুমাত্র ব্যত্যয় হয় না। ইহাদের ভিত্তি সূত্রকারের ২।৩।৪৩ সূত্র।

দ্বিতীয় কোটির বৈদাস্তিকগণ ভগবান সূত্রকারের ২।৩।৫০ সূত্রের বলে আপনাদের প্রতিবিশ্ববাদ সমর্থন করেন। ইহারা বলেন যে, যদিও সূত্রকার হৈতবোধক বলবান ঋতিসকলের মূলে ২।৩।৪৩ সূত্র প্রণয়ন করিতে বাধ্য

হইয়াছেন, তথাপি অবচ্ছিন্নবাদ তাঁহার নিজের অভিপ্রেত নহে। ২।৩।৫০ সূত্রে নিশ্চয়াত্মক “এব” শব্দের প্রয়োগ তাহার প্রমাণ। বিশেষতঃ উক্ত অদ্বৈতবাদে জীব ব্রহ্মের ঈষদপি পার্থক্য সম্ভব নহে। জীব অস্তঃকরণ বা বুদ্ধিতে প্রতিবিন্ধিত চিদাভাস মাত্র, এবং আভাসের যেমন বাস্তব অস্তিত্ব নাই,— মিথ্যামাত্র, সেইরূপ জীবব্রহ্মের বাস্তবিক সত্তা নাই, উহা অজ্ঞান-প্রসূত, সূতরাং মিথ্যামাত্র।

কিন্তু ভগবান সূত্রকারের ব্রহ্মসূত্র প্রণয়নের উদ্দেশ্যে সর্ববিধ সংশয় নাশ এবং সেজন্য মীমাংসা দর্শনের অবতারণা। তিনি যে উভয় পক্ষের বিবাদ চিরস্থায়ী করিবার জন্ত, বিভিন্ন ভাবে প্রণোদিত হইয়া, উক্ত উভয় সূত্র রচনা করিয়াছেন, তাহা সম্ভব নহে। উক্ত উভয়বাদের মধ্যে যদি একটি তাঁহার প্রিয়তর হইত, তাহা হইলে তাহা তিনি স্পষ্টই বলিতে পারিতেন, এবং তাহার সাপেক্ষে বিচার ও প্রমাণাদি উপস্থাপিত করিতেন। আমরা উহা মনে করি না। একারণ যাহাতে উভয় সূত্রার্থের সামঞ্জস্য রক্ষিত হয়— তাহাই কর্তব্য বলিয়া মনে করিয়া, তাহারই প্রয়াস পাইয়াছি।

পূজ্যপাদ সূত্রকার ২।৩।৪৩ ও ২।৩।৫০ সূত্র প্রণয়ন করিয়া উভয় কোটির বৈদাস্তিকগণের বিতণ্ডা চিরস্থায়ী করিয়াছেন, তাহা সহজ বুদ্ধিতে মনে হয় না। বিচার বুদ্ধিতে উক্ত দুইটি সূত্র আলোচনা করিলে মনে হয় যে, ৮পরম-হংসদেবের উপদেশে “পাকা আমি” ও “কাঁচা আমি”র দৃষ্টান্তের ভিত্তি উক্তদুটি সূত্রে। অবচ্ছিন্নবাদে কথিত আত্মা পরমাত্মার অংশ বলিয়া পরমাত্মার ধর্ম্মে ধর্ম্মী, অর্থাৎ পরমাত্মার ন্যায় “অজ, নিত্য, শাস্ত, পুরাণ পুরুষ” উপাধির সহিত সংস্পর্শশূন্য—ইহাই পরমহংসদেবের “পাকা আমি”—ইহা পারমার্থিক আমি। উহা বিশ্বভূত আত্মচৈতন্য। বুদ্ধিতে উহার প্রতিনিব্ধিত চৈতন্য ব্যবহারিক আমি বা “কাঁচা আমি”— ইহার অপর নাম অহংকার। ইহারই সংসার। ইহার আলোচনা ২।১।২৩ সূত্রে করা হইয়াছে। স্থূল আমি, ক্রুশ আমি, সূক্ষ্ম আমি, ক্রগ আমি, সূক্ষী আমি, দুঃখী আমি, ইত্যাদি বিভিন্নরূপ অধ্যারোপ পারমার্থিক আমিতে নহে। ব্যবহারিক কাঁচা আমিতে বা অহংকারেই উহা সংসারে ব্যবহার সম্পাদনের কারণ হয়। সম্ভবতঃ ইহা প্রকাশের জন্ত উক্ত উভয় সূত্র প্রণয়ন করিয়াছেন।

সূত্রের “এব” পদের অবধারণ অর্থ করিলে, উপরের লিখিত অর্থই সঙ্গত মনে হয়। মনে হয় যে, সূত্রকারের অভিপ্রায় এই যে, ২।৩।৪৩ সূত্রে জীবাত্মা পরমাত্মার অংশ বলা হইয়াছে। উহা জীবের স্বরূপ নির্দেশক। অংশ

অংশী হইতে অত্যন্ত পৃথক্ হওয়া সম্ভব নহে। সূত্ররাং পরমায়া যেমন অসঙ্গ, উদাসীন, সাক্ষী, জীব স্বরূপে তাঁহার অংশ হওয়ার ও সেইরূপ অসঙ্গ প্রভৃতি হইবে। সূত্ররাং কৰ্ত্ত্ব, ভোকৃত্ত্ব জীব স্বরূপে নাই। উহা “আভাসেরই” অর্থাৎ বুদ্ধিতে প্রতিবিশিত চৈতন্যের—অন্য কথায় ব্যবহারিক জীবের বা অহঙ্কারের যাহা “কাঁচা আমি” বলিয়া পরমহংসদেব বলিয়াছেন। অতএব সংসার, বন্ধ, মোক্ষ ইত্যাদি বুদ্ধির ব্যাপার। জীব-চৈতন্য কৰ্ত্ত্বক অনুপ্রেরিত বুদ্ধিই উহাদের মূলে।

৩২১৫ সূত্র ২৩৪৩ ও ২৩৫০ সূত্রের সহিত পাঠ ও বিচার করিলে, পরবর্তী দুই সূত্রে পারমার্থিক জীব ও ব্যবহারিক জীব যে সূত্রকারের অভিপ্রেত তাহা প্রতীত হয়। •

এ প্রসঙ্গে ১১১১৮ সূত্রের আলোচনায় দৃষ্টি আকর্ষণ করি। উক্ত আলোচনায় সংসারে ব্যবহার নিষ্পাদনকারী “জ্ঞাতা” আমির অপরিহার্য্য পশ্চাতে একজন “জ্ঞেয়” আমির অস্তিত্বের পরিচয় আমরা পাইয়াছি। আমার মনে হয় যে, উহাদের উভয়ের পরিচয় ২৩৫০ ও ২৩৪৩ সূত্রে যথাক্রমে দিয়াছেন। উহাদের একটি তাঁহার বিশেষ অভিপ্রেত, অপরটি সেরূপ নহে, ইহা মনে করিবার কোন কারণ নাই। সাম্প্রদায়িক আচার্য্য ও তাঁহাদের শিষ্যগণ সূত্রকারের প্রকৃত অভিপ্রায় না বুঝিয়া, নিজেদের কল্পিত অর্থ গ্রহণ করিয়াছেন মাত্র।

[শ্রীমদ্ রামানুজাচার্য্য এই সূত্রের ব্যাখ্যায় ‘আভাস’ অর্থে “হেতুভাস” মাত্র বলিয়াছেন। তাঁহার মতে অখণ্ডকরস স্বপ্রকাশ ব্রহ্মের প্রকাশাবরণের জ্ঞেয় যে অবিজ্ঞা উপাধি কল্পিত হইয়া থাকে, তাহার যে “হেতু” প্রদর্শিত হইয়া থাকে, তাহা, তথ্য প্রতিপাদক “হেতুভাসমাত্র” কারণ স্বপ্রকাশ ব্রহ্মের প্রকাশ নাশে ব্রহ্মেরও নাশ সম্ভাবনা আপত্তিত হইতে পারে। উক্ত ব্যাখ্যা প্রকৃত হেতু নহে কষ্টকল্পনা মনে করিয়া, সূত্রের যে সহজ অর্থ প্রতীয়মান হয়, তাহাই দেওয়া হইল। • আমাদের ব্যাখ্যা শঙ্কর-সম্মত।]

জীবের বৈচিত্র্য কেন হয়, সম্ভ্রতি তাহার কারণ দর্শাইতেছেন ।

সূত্র :— ২।৩।৫১ ।

অদৃষ্টানিয়মাৎ ॥ ২।৩।৫১ ॥

অদৃষ্ট + অনিয়মাৎ ॥

অদৃষ্ট :— জীবের প্রাক্তন কর্মজাত অদৃষ্টের । অনিয়মাৎ :— নিয়ম না থাকায় ।

জীবের প্রাগ্জন্ম পরম্পরায় কৃতকর্ম বিভিন্ন হওয়ার, সে সমুদায় হইতে উৎপন্ন অদৃষ্ট বিভিন্ন হওয়াই সঙ্গত, স্বাভাবিক ও যুক্তিযুক্ত । সুতরাং সকলের অদৃষ্ট যে একরূপ হইবে, এরূপ কোন নিয়ম না থাকায় জীব-বৈচিত্র্য সংঘটিত হয় । অদৃষ্ট অর্থ ই প্রাক্তন কর্মফল । বীজাকুর গ্ৰায়ে, সৃষ্টি এবং সেজন্ত জীবের কর্ম অনাদি হওয়ার, এবং ভিন্ন ভিন্ন জীবের কর্ম এক প্রকার না হওয়ার, জীব-বৈচিত্র্য উৎপন্ন হয় । এ প্রশ্ন আমরা ২।১।২৩ সূত্র প্রসঙ্গে আলোচনা করিয়াছি । এখানে আর বিস্তারের প্রয়োজন নাই ।

সংসারে জীব-বৈচিত্র্যের কারণ ভাগবত নিম্নোক্ত শ্লোকে প্রকাশ করিয়াছেন ।

প্রকৃতিস্হোহপি পুরুষো নাজ্যতে প্রাকৃতৈশু'গৈঃ ।

অবিকারাদকর্তৃত্বান্নিগু'ণত্বাজ্জলার্কবৎ ॥

স এষ যর্হি প্রকৃতেশু'ণেষভিবিষজ্জতে ।

অহঙ্কারবিমূঢ়াত্মা কর্তাহমিতি মন্বতে ॥ ভাগঃ ৩।২৭।১

তেন সংসারপদবীমবশো'ভেত্যনির্বৃত্তঃ ।

প্রাসঙ্গিকৈঃ কর্মদোষৈঃ সদসম্মিশ্রয়োনিষু ॥ ভাগঃ ৩।২৭।২

— পুরুষ স্বরূপতঃ অবিকারী, অকর্তা, নিগু'ণ । জলে সূর্য্যবিষ প্রতিবিম্বিত হইলে, সে যেমন জলগত ধর্ম্মে স্পৃষ্ট হয় না, সেইরূপ পুরুষ প্রকৃতিস্ব হইলেও প্রকৃতির গুণে স্পৃষ্ট হয় না । কিন্তু যখন ঐ পুরুষ অহঙ্কারে বিমূঢ় হইয়া আপনাকে কর্তা মনে করেন, তখনই তিনি প্রকৃতির গুণদোষে আগ্রহ হন । এবং তজ্জন্ত অবশ হইয়া প্রাসঙ্গিক কর্মদোষে সৎ, অসৎ এবং মিশ্র বোর্নিতে জন্মগ্রহণ করিয়া সংসার পদবী প্রাপ্ত হন । তখন আর কোনও প্রকারে নিবৃত্তি লাভ করিতে পারেন না । ভাগঃ ৩।২৭।১-২ ।

স্বযোনিসু যথা জ্যোতিরেকং নানা প্রতীয়তে ।
যোনীনাং গুণবৈষম্যাং তথাহা প্রকৃতৌ স্থিতঃ ॥

ভাগঃ ৩.২৮।৪৩

—যেমন একই অগ্নি, আপনার উৎপত্তি বা প্রকাশস্থান কাষ্ঠাদি
বৈষম্যে দীর্ঘ হ্রস্বাদি ভেদ বশতঃ নানারূপে প্রতীয়মান হয়,
সেইরূপ দেহস্থিতআত্মাও দেহের গুণ-বৈষম্য বশতঃ নানারূপ
প্রতীয়মান হইয়া থাকে ।

ভাগঃ ৩।২৮।৪৩ ।

প্রকৃতি সর্বত্র সম হইলেও ভগবানের পরিচারক কর্মদেবতাগণ
ভগবানের নিয়মানুসারে—জীবের কর্মানুযায়ী কল ভোগের জন্য
প্রকৃতি হইতে উপাদান বিভিন্ন অনুপাতে ও পরিমাণে সংগ্রহ করিয়া
জীবের উপাধি বা দেহ গঠিত করেন, ইহা ২।১।২৩ সূত্রে আলোচিত
হইয়াছে । উপাধির বৈষম্য হেতু জীববৈষম্য ।

[এই সূত্রটির অর্থ শ্রীমদ্ মধ্বাচার্যের ব্যাখ্যানুসারে করা হইল । ইহাই
সূত্রের সহজ অর্থ । ইহাতে সাংখ্য, বৈশেষিক প্রভৃতি মতবাদের সহিত
বিতণ্ডার অবসর নাই । আচার্য্য শঙ্কর ও রামানুজ এই প্রকার বিতণ্ডার অবকাশ
দিয়াছেন ।]

সূত্র—২।৩।৫২ ।

অভিসন্ধ্যাদিষপি চৈবম্ ॥ ২।৩।৫২ ॥

অভিসন্ধি + আদিষু + অপি + চ + এবম্ ॥

অভিসন্ধি + আদিষু :—অভিপ্রায়, ইচ্ছা, ঘেষ প্রভৃতিতে । অপি :—

ও । চ :—এবং । এবম্ :—এইরূপ ।

ইচ্ছা, ঘেষ, সুখ, দুঃখ প্রভৃতি বৈচিত্র্য যাহা জীবে দেখা যায়, তাহাও অদৃষ্ট হইতে সংঘটিত হয় ।

ভাগবত বলিতেছেন :—

করোতি কৰ্ম ক্রিয়তে চ সত্ত্বঃ কেনাপ্যসৌ চোদিত আ নিপাতাৎ ।

ভাগঃ ১১।২৮।৩১

—জীবসকল মৃত্যু পর্য্যন্ত যাবজ্জীবন, সংস্কার প্রভৃতির দ্বারা পরিচালিত হইয়া কৰ্ম করে, এবং তদ্বারা বিকৃত হয় । ভাগঃ ১১।২৮।৩১

এই সংস্কারই প্রাক্তন কৰ্ম বা অদৃষ্ট দ্বারা উৎপন্ন হয় । ইহা আমরা ২।১।২৩ সূত্রের আলোচনায় বুঝিয়াছি । এ সংস্কার সহজে নাশ প্রাপ্ত হয় না ।

ভাগবত এ সঙ্ক্ষে বলিতেছেন :—

যথা হ্নুবৎসরং কৃষ্ণমাণমপ্যদঙ্কবীজং ক্ষেত্রং পুনরেবাবপনকালে

গুন্মাতৃগবীরুদ্ভির্গহ্বরমিব ভবতি এবমেব গৃহাশ্রমঃ কৰ্মক্ষেত্রং

যস্মিন্ন হি কৰ্ম্মাণ্যুৎসিদ্ভি যদয়ং কামকরণ্ড এষ আবসথঃ ॥

ভাগঃ ৫।১৪।৫

—প্রতি বৎসর ক্ষেত্র কর্ষণ করিলেও, তত্রস্ত তৃণ গুল্মাদির বীজ সকল দগ্ধ না হওয়াতে, পুনরায় বপন সময়ে তৃণ-গুল্ম-লতা ইত্যাদির উৎপত্তি হেতু দুর্গম গহ্বর তুল্য হয়, সেইরূপ এই গৃহাশ্রম কৰ্মসকলের ক্ষেত্র স্বরূপ— ইহাতেও কৰ্মসকল একেবারে উৎসন্ন হয় না । কারণ, এই গৃহ কাম কৰ্ম সকলের করণ্ড বা পেটারি—ফলতঃ যেমন কর্পূরপাত্রে কর্পূর ক্ষয় হইয়া গেলেও তাহার পরিমল ক্ষয় হয় না, তাহার ঞ্চায় কৰ্মসকল বিনষ্ট হইলেও, বাসনা বিনষ্ট না হওয়াতে, একেবারে উৎসন্ন হয় না । ভাগঃ ৫।১৪।৫

প্রারব্ধ কৰ্ম হইতেই দেহের উৎপত্তি হয়, ইহা ভাগবত স্পষ্টই বলিয়াছেন :—

দেহোহপি দৈবধনগঃ খলু কৰ্ম্ম যাবৎ

স্বারম্ভকং প্রতি সমীকৃত এব সাস্ত্বঃ । ভাগঃ ১১।১৩।৩৬

—বর্তদিন প্রারম্ভ কর্ম বর্তমান থাকিবে, ততদিন পর্যন্ত দেহ দৈব-বশতাপন্ন হইয়া বর্তমান থাকিবে, ততদিন প্রাণধারণ করিয়া প্রতীক্ষা করিবে। ভাগঃ ১১।১৩।৩৬

—পুনঃ পুনঃ বিষয় সেবা করিলে সংস্কার উৎপন্ন হয়, এবং সংস্কারবশে চিত্ত গুণে আসক্ত হওতঃ, বাসনা রূপে গুণসকলই চিত্তে দৃঢ়রূপে সংস্কৃত হয়। ভাগঃ ১১।১৩।২৫

গুণেষু চাবিশচিহ্নমভীক্ষং গুণসেবয়া ।

গুণাশ্চ চিত্তপ্রভবা মদ্রূপ উভয়ং ত্যজ্ঞেৎ ॥ ভাগঃ ১১।১৩।২৫

অতএব বুঝা গেল যে, অদৃষ্ট বা প্রাক্তন কর্ম হইতেই দেহের বা সংস্কারের উৎপত্তি ; তাহা হইতে কর্ম, কর্ম হইতে বাসনা, আবার তাহা হইতে পুনরায় জন্ম, ইত্যাদি চক্রভ্রমিকরূপে চলিতে থাকে। সুতরাং অদৃষ্টই বৈচিত্র্যের মূল।

প্রাক্তন কর্ম হইতে পরজন্মের দেহোৎপত্তি কি প্রকারে হয়, তাহাও ভাগবত বলিয়াছেন :—

তদেতৎ ষোড়শকলং লিঙ্গং শক্তিব্রহ্মং মহৎ ।

ধস্তেহনুসংসৃতিং পুংসি হর্ষ-শোক-ভয়ান্তিদাম্ ॥ ভাগঃ ৬।১।৪৭

দেহহৃজ্ঞোহজিতষড়্‌বর্গো নেচ্ছন্ কর্মাণি কার্যতে ।

কোশকার ইবাআনং কর্মগাচ্ছাত্ত মুহুতি ॥ ভাগঃ ৬।১।৪৮

—পঞ্চ তন্মাত্র, পঞ্চ কর্মেন্দ্রিয়, পঞ্চ জ্ঞানেন্দ্রিয় ও মনঃ এই ষোড়শ কলা-বিশিষ্ট লিঙ্গশরীর, এবং সঁঝাদি গুণত্রয়ের ত্রিবিধ শক্তি, জীবে অনাদি হর্ষশোকভয়ান্তিদা, সংসারের কারণভূতা বাসনা জন্মাইয়া দেয়, জীব অজ্ঞ এবং কামাদি রিপু ষড়্‌বর্গ জয় করিতে অক্ষম বিধায়, ইচ্ছা না থাকিলেও, ঐ বাসনার বশবর্তী হইয়া, কর্ম করিয়া থাকে। সুতরাং কোশকার কীটের ন্যায়—সে আপনার কর্ম দ্বারা আপনাকে আচ্ছাদিত করিয়া, নির্গমনোপায় জানিতে পারে না। ভাগঃ ৬।১।৪৭-৪৮

অতএব বুঝা গেল যে, মূলে অহংকারে বিমূঢ় হইয়া কর্তা সাজিয়া বসে। কর্তা হইলেই কর্মানুষ্ঠান, তজ্জনিত ফল ভোগ, কর্তাকেই করিতে হইবে, তাহাতে সন্দেহ কি ?

সংশয়ঃ—অদৃষ্টই জীববৈচিত্র্যের কারণ বলিতেছ কেন ?

স্বর্গ, পৃথিবী ও নরক, এই তিন প্রদেশে জন্ম হেতুও ত বৈচিত্র্য সংঘটিত হইতে পারে ? স্বর্গ সুখভোগের স্থান, পৃথিবী সুখ এবং দুঃখ উভয় ভোগের স্থান, এবং নরক দুঃখভোগের স্থান। সুতরাং উক্ত যে কোনও স্থানে অবস্থিত হইলে, জীব সেই সেই স্থানের ভোগ্য সুখ, দুঃখ অথবা উভয় ভোগ করিবে, এ প্রকারও ত হইতে পারে ? ইহার সমাধানের জন্ম সূত্র :—

সূত্র :—২।৩।৫৩।

প্রদেশাদিতি চেন্নান্তর্ভাবাৎ ॥ ভাগঃ ২।৩।৫৩ ॥

প্রদেশাৎ + ইতি + চেৎ + ন + অন্তর্ভাবাৎ ॥

প্রদেশাৎ :—প্রদেশ হেতু। ইতি :—ইহা। চেৎ :—যদি বল।

ন :—না। অন্তর্ভাবাৎ :—অন্তর্ভুক্ত হওয়া হেতু, উক্ত প্রদেশে অবস্থান অদৃষ্ট সাপেক্ষ হেতু।

যদি আপত্তি কর যে, স্বর্গ, মর্ত্য বা নরকে অবস্থান হেতু, জীব সুখ, দুঃখ বা তদুভয় ভোগ করিবে, ইহাতে জীবের কোনও কর্তৃত্ব নাই, তাহাতে সূত্রকার বলিলেন, না, তাহা নহে, স্বর্গে, মর্ত্যে বা নরকে জন্মলাভও অদৃষ্ট বা প্রাক্তন কর্মসাপেক্ষ। উহা অহেতুক বা আকস্মিক সংঘটিত হয় না।

২।৩।৫১ সূত্রের আলোচনায় উক্ত শ্রীমদ্ভাগবতের ৩।২।৭।২ শ্লোকে স্পষ্টই কথিত হইয়াছে যে, কর্মানুসারেই পুরুষের সৎ, অসৎ বা মিশ্র যোনিতে জন্ম হয়, অর্থাৎ সৎ যোনিতে—দেবতারূপে স্বর্গে, অসৎ যোনিতে—কৃষি কীটাদিরূপে নরকে, এবং মিশ্র যোনিতে—মানবদি রূপে মর্ত্যলোকে জন্ম হয়। অতএব কর্মই এরূপ জন্মবিধানের কারণ।

অন্যত্র আছে :—

যেন যাবান্ যথাধর্মো ধর্মো বেহ সমীহিতঃ ।

স এব তৎফলং ভুঙ্ক্বে তথা তাবদমুত্র বৈ ॥ ভাগঃ ৬।১।৪১

—যে ব্যক্তি ইহলোকে যে প্রকার যত ধর্ম অথবা অধর্ম আচরণ করে, সে পরলোকে তাবৎ পরিমিত ফল অবশ্যই ভোগ করিয়া থাকে। ধর্মানুসারে সুখ ভোগ ও অধর্মানুসারে দুঃখভোগ অনিবার্য।

জীব' বলিতেছেন :—এই বিশেষ পুরুষ ও নারী কোন্ জন্মে আমার পিতা-মাতা হইয়াছিলেন ? আমি ত আমার কৃত কৰ্মপুঞ্জের দ্বারা দেব, মনুষ্য ও পশু যোনিতে পুনঃ পুনঃ ভ্রমণ করিয়াছি ।

ভাগঃ ৬।১৬।৩

কস্মিন্ জন্মশ্রমী মহাং পিতরো মাতরোহভবন্ ।

কৰ্মভিভ্রাম্যমাণশ্চ দেবতিৰ্য্যঙ্নৃযোনিষু ॥ ভাগঃ ৬।১৬।৩

অন্যত্রও ঐ এক কথাই আছে :—

গুণাভিমানী স তদা কৰ্ম্মাণি কুরুতেহবশঃ ।

শুক্লং কৃষ্ণং লোহিতং বা যথা কৰ্ম্মাভিজায়তে ॥

ভাগঃ ৪।২৯।২৪

শুক্লাং প্রকাশভূমিষ্ঠাল্লোকানাপ্নোতি কৰ্হিচিৎ ।

দুঃখোদর্কান্ ক্রিয়ায়াসাংস্তমঃশোকোৎকটান্ কচিৎ ॥

ভাগঃ ৪।২৯।২৫

কচিৎ পুমান্ কচিচ্চ স্ত্রী কচিম্নোভয়মন্দধীঃ ।

দেবো মনুষ্যস্তিৰ্য্যাগ্না যথা কৰ্ম্ম গুণং ভবঃ ॥ ভাগঃ ৪।২৯।২৬

—তখন গুণাভিমান হেতু সেই পুরুষ অবশ হইয়া কার্য্য করে, এবং সেই কৰ্ম্ম যেরূপ সাত্ত্বিক, রাজস বা তামস হয়, তদনুসারে কৰ্ম্মফল ভোগোপযোগী দেহ লইয়া পুনর্বার জন্ম গ্রহণ করে । যদি তাহার কৰ্ম্ম সাত্ত্বিক হয়, তাহা হইলে যে সকল লোক প্রকাশবহুল, সেই সকল লোক প্রাপ্ত হয় । যদি রাজস হয়, তবে যে সকল লোকে বিস্তর আয়াস প্রয়োজন, অতএব যাহাতে দুঃখ প্রচুর—সেই সকল লোক প্রাপ্ত হয় । আর যদি তাহার কার্য্য তামস হয়, তাহা হইলে উৎকট শোক মোহ প্রাপ্ত হইয়া থাকে । এইরূপে বিভিন্ন কৰ্ম্ম নিবন্ধন, কখনও পুরুষ, কখনও স্ত্রী, কখনও ক্লীব, কখনও দেব, কখনও মনুষ্য এবং কখনও তিৰ্য্যক্ যোনিতে জন্ম গ্রহণ করে । ফলতঃ যাহার যেরূপ কৰ্ম্ম ও গুণ তাহার তদনুরূপ জন্মলাভ হয় । ভাগঃ ৪।২৯।২৪-২৫-২৬ ।

কর্ম যে কি প্রকারে অপরিহার্যভাবে তাহার অব্যভিচারী ফল উৎপাদন করে, তাহা আমরা শ্রীমদ্ভাগবতে শ্রীভরতের উপাখ্যানে বুঝিতে পারি। রাজা ভরত রাজ্য পরিত্যাগ করিয়া মূনিবৃত্তি অবলম্বন পূর্বক একান্তচিত্তে ভগবদারাধনা করিতেছিলেন। ঘটনাক্রমে একটি গর্ভবতী হরিণী ব্যাঘ্রের আক্রমণে নদী উল্লম্বন করিয়া পর্বতশৃংহায় পতিত হওয়ায়, হরিণীর গর্ভপাত এবং মৃত্যু হইল। গর্ভপাত হওয়ায় একটি হরিণ শিশু গর্ভ হইতে নিজ্জাস্ত হইয়া পতিত হইল। শাবকটি অত্যন্ত অসহায় অবস্থায় পরিত্যক্ত দেখিয়া তিনি করুণা পরবশ হইয়া উহার লালন পালন করিলেন। ক্রমে তাহাতে তাহার অপত্যস্নেহ সঞ্চারিত হইল, এবং নিজের মৃত্যুকালে সেই হরিণ শাবকের বিষয় চিন্তা করায়, তিনিও পরজন্মে হরিণত্ব প্রাপ্ত হইলেন। বিস্তৃত বিবরণ শ্রীমদ্ভাগবতের ৫।৮ অধ্যায়ে বর্ণিত হইয়াছে।

সুতরাং কর্ম ভাল হউক, আর মন্দ হউক, নিজ ফল দিবেই দিবে। ভাল মন্দ কর্মফল যোগ বিয়োগ হইয়া, সমষ্টিতে যে একটি যোগাত্মক গুণফল বা বিয়োগাত্মক পাপ ফল উৎপন্ন হইবে, তাহা নহে। পুণ্যের ফল সুখ, তাহাও ভোগ করিতে হইবে, এবং পাপের ফল দুঃখ, তাহাও ভোগ করিতে হইবে। উভয় ভোগ সমাপ্তি হইলে তবে অব্যাহতি—মুক্তি।

এই জন্ম শ্রীমদ্ভাগবত বলিয়াছেন :—

দুঃসহপ্রেষ্ঠবিরহ-তীব্রতাপধূতানুভাঃ।

ধ্যানপ্রাপ্তাচ্যুতান্নেষ-নির্বৃত্ত্যা ক্ষীণমঙ্গলাঃ ॥ ভাগঃ ॥ ১০।২৯।৯

—প্রিয়তমের বিরহ জন্ম দুঃসহ তাপে সমুদায় অশুভ কর্ম ধ্বংস প্রাপ্ত হইল, এবং ধ্যানপ্রাপ্ত পরমপ্রিয়তম শ্রীকৃষ্ণের আলিঙ্গন উপভোগ হেতু পরমানন্দ লাভে সমুদায় পুণ্যকর্মও ক্ষয় প্রাপ্ত হইল। সুতরাং তাহার গুণময় দেহ পরিত্যাগ করিলেন। ভাগঃ ১০।২৯।৯

অতএব, পুণ্য দ্বারা যে পাপ ধ্বংস হইবে, তাহা নহে। উভয়ের ভোগ হইবেই হইবে, এবং অশুভ কর্ম পরজন্মের অদৃষ্ট সঞ্জন করে। অতএব প্রতিপাদিত হইল যে, স্বর্গে, মর্ত্যে বা নরকে, যে ভোগ— তাহা নিজ কর্ম কৃত।

[এই সূত্রটি শ্রীমদ্ রামানুজাচার্য—“প্রদেশভেদাদিতি চেন্নাস্তর্ভাবাৎ”
এইরূপ পাঠ করিয়া অর্থ করিয়াছেন—অর্থে বৈলক্ষণ্য নাই । আমাদের পাঠ
আচার্য্য শঙ্কর, মধ্ব, বল্লভ ও বলদেব সম্মত ।

এই সূত্র এবং ইহার পূর্ববর্তী সূত্রের অর্থ আমরা মধ্বাচার্য্যের ব্যাখ্যানুসারে
করিয়াছি । উহাই সূত্রদ্বয়ের সহজলভ্য অর্থ মনে হওয়ায়, উহাই অবলম্বন
করিয়াছি । এখানে ইহা বলিয়া রাখি যে, আমরা কোনও মতবাদ প্রতিষ্ঠার
জন্ম এ আলোচনা করিতেছি না । আমাদের উদ্দেশ্য এই যে, সূত্রগুলির সহজ
অর্থ অনুশীলন করিয়া, কি সিদ্ধান্তে উপস্থিত হওয়া যায়, তাহাই দেখা প্রয়োজন ।
এবং শ্রীমদ্ভাগবত তাহার সমর্থন করেন কিনা । আগে হইতে অদ্বৈতবাদ,
বিশিষ্টাদ্বৈতবাদ, ভেদাভেদবাদ বা দ্বৈতবাদ সিদ্ধান্ত মনে রাখিয়া, তদনুসারে
সূত্রের অর্থ করা আমাদের অভিপ্রায় নহে । ইহা আগেও বলা হইয়াছে ।]

দ্বিতীয় অধ্যায়

চতুর্থপাদ

জীবের লিঙ্গশরীর সংক্রান্ত বাক্যসমূহের পরম্পর বিরোধ পরিহার ।

পূর্বপাদে ব্রহ্ম ব্যতিরিক্ত আকাশাদি নিখিল প্রপঞ্চের কার্যত্ব নিবন্ধন উৎপত্তি স্থাপিত হইয়াছে । এবং জীবেরও কার্যত্ব বা জগত্ব থাকিলেও স্বরূপ পরিবর্তনাত্মক বিকারশীল উৎপত্তি প্রতিষিদ্ধ হইয়াছে, এবং তদুপলক্ষে জীবের স্বরূপও বিচারিত হইয়াছে । সম্প্রতি চতুর্থ পাদে জীবের ভোগ সাধন ইন্দ্রিয় সমূহের এবং প্রাণের উৎপত্তি বিচারিত হইতেছে এবং সঙ্গে সঙ্গে জীবের লিঙ্গ শরীর সংক্রান্ত বাক্যসমূহের পরম্পর বিরোধ পরিহার করা হইতেছে ।

প্রথম সূত্রেই প্রাণের বিষয় কথিত হইয়াছে । বিষয়টি স্পষ্ট হৃদয়ঙ্গম জন্ম প্রাণতত্ত্বের সংক্ষেপ আলোচনা প্রয়োজন মনে করি । এই প্রাণতত্ত্বকে শ্রীমদ্ভাগবত সূত্রতত্ত্ব বলিয়াও অভিহিত করিয়াছেন । সূত্রে মণিগণের গায়, জগৎ সংসার ইহাতে গ্রথিত বলিয়া ইহার নাম “সূত্র” । এই কারণেই প্রাণ ব্রহ্ম বলিয়া ঋতিতে অভিহিত হইয়াছে । গীতায় ৭।৭ শ্লোকে এই জগত্বই বলা হইয়াছে যে, “সূত্রে গ্রথিত মণিগণের গায়, এই জগৎ আমাতে গ্রথিত রহিয়াছে ।” “ময়ি সর্বমিদং প্রোক্তং সূত্রে মণিগণা ইব ॥” ফলতঃ, প্রাণ ব্রহ্মেরই কার্যমূর্তি ।

আমরা শ্বেতাশ্বতর উপনিষদের ৬।৮ মন্ত্রে পাই, “পরাস্য শক্তিবিবিধৈব শ্রয়তে স্বভাবিকী জ্ঞানবলক্রিয়া চ ॥”—এই ব্রহ্মের পরা শক্তি বহুপ্রকার গুণিতে পাওয়া যায়, প্রপঞ্চ সম্বন্ধে প্রধানতঃ তিনটি শক্তির উপলব্ধি হইয়া থাকে—জ্ঞানশক্তি, ক্রিয়াশক্তি এবং বলশক্তি । এই তিন শক্তি প্রপঞ্চের সহিত সংশ্লিষ্ট এবং এই তিনের উপর প্রপঞ্চ প্রতিষ্ঠিত । ১।১।৫ সূত্রের আলোচনায় আমরা বুঝিয়াছি যে, পরমাত্মার ঈক্ষণে প্রকৃতি কার্যশীলা হন, এবং তাহা হইতে জগৎ প্রপঞ্চের উৎপত্তি হইয়া থাকে । “ঈক্ষণ” অর্থ সংকল্প, তাহাও আমরা বুঝিয়াছি । পরমাত্মার সংকল্পানুসারেই তাঁহার বহিরঙ্গশক্তিরূপিণী প্রকৃতি জড়া ও ভোগ্য স্বরূপা, বিষয়রূপে প্রকটিত। এবং সেই সংকল্প অনুসারেই, তাঁহার তটস্থা জীব শক্তি, চেতন, জ্ঞাতা এবং ভোক্তা রূপে প্রকটিত। এবং তাঁহারই সংকল্পানুসারে উভয়ের সংযোগে—প্রপঞ্চ জগতের অভিব্যক্তি এবং জাগতিক ব্যাপার পরম্পরার অভিনয় । ইহার সম্বন্ধে আলোচনা মৎপ্রণীত “গায়ত্রী রহস্য” পুস্তকের গায়ত্রী-তত্ত্বালোচনায় ৪৭ ও ৪৮ অনুচ্ছেদে করা হইয়াছে ।

যাহা হউক—এই কার্যশীলা প্রকৃতিই, অথবা প্রকৃতিতে উপস্থিত চৈতন্যই জগদেককারণ—পরমেশ্বর বা সৃষ্টিকর্তা। ইহারই কার্যমূর্তি—মহতত্ত্ব। এই মহতত্ত্ব হইতে জগৎ-প্রপঞ্চ সাক্ষাৎভাবে অভিব্যক্ত হইয়া থাকে। ১।১।২ সূত্রের আলোচনায় সৃষ্টি প্রক্রিয়ার যে চিত্র [পৃ: ১৭০-১৭১] দেওয়া হইয়াছে, তাহা হইতে ইহা প্রতীয়মান হইবে। এই মহতত্ত্বে সত্ত্ব, রজঃ ও তমঃ গুণ বর্তমান। ভগবদিচ্ছায়—ইহাদের বিকোভ উপস্থিত হইয়া সত্ত্ব প্রধান অংশে অধ্যাত্মচিত্ত, রজঃ প্রধান অংশে অধ্যাত্ম সূত্রতত্ত্ব বা প্রাণ এবং তমঃ প্রধান অংশে অধ্যাত্ম অহঙ্কার উৎপন্ন হয়। বাসুদেব বা ক্ষেত্রজ্ঞ, হিরণ্যগর্ভ ও রুদ্র যথাক্রমে ইহাদের অধিষ্ঠাতা বলিয়া অধিদৈব বলিয়া প্রখ্যাত। অর্থাৎ, বাসুদেব বা সমষ্টি ক্ষেত্রজ্ঞ—প্রপঞ্চ সম্বন্ধে ব্রহ্মের বা ভগবানের জ্ঞানঘন, জ্ঞাতৃমূর্তি; ইহারই পরিচালনায় বা নিয়ন্ত্রণে ব্যষ্টি ক্ষেত্রজ্ঞ বা জীবগণের উপলব্ধি বা অনুভব হইয়া থাকে। হিরণ্যগর্ভ বা সমষ্টি প্রাণ—প্রপঞ্চ সম্বন্ধে ব্রহ্মের বা ভগবানের ক্রিয়াঘন কর্তৃমূর্তি। ইহারই পরিচালনে বা নিয়ন্ত্রণে ব্যষ্টি জীবগণের প্রাণন ও ইন্দ্রিয় ব্যাপার নিয়ন্ত্রিত হইয়া থাকে। এবং রুদ্র বা সমষ্টি বলশক্তি—প্রপঞ্চ সম্বন্ধে ব্রহ্মের বা ভগবানের বলঘন—অহঙ্কার বা ভোক্তৃমূর্তি। ইহারই নিয়ন্ত্রণে ব্যষ্টি জীববের “আমি, আমার” এই জ্ঞান এবং তজ্জনিত ভোক্তৃত্ব সম্পাদিত হইয়া থাকে। ইহা ভিন্ন প্রপঞ্চের বাহিরে ব্রহ্মের যে স্বরূপ শক্তি আছে, তাহা আমাদের বর্তমান আলোচনার বিষয় নহে। অতএব আমরা পাইলাম যে, ক্রিয়াশক্তি প্রধান মহতত্ত্বই—সূত্রতত্ত্ব বা প্রাণ।

প্রাণ যে হিরণ্যগর্ভ, ইহার মূল আমরা অথর্ব বেদের ১১ কাণ্ডের ২ অধ্যায়ের ৬ষ্ঠ সূক্তের ১১ মন্ত্রের সায়ন ভাষ্যে দেখিতে পাই। মন্ত্রটির একাংশ এই :—

“.....প্রাণং দেবা উপাসতে”। সায়ন ইহার অর্থ করিয়াছেন :—“প্রাণং হিরণ্যগর্ভং সমষ্ট্যাশ্রকং অগ্ন্যাদয়ো দেবা উপাসতে”—অর্থাৎ, সমষ্টিপ্রাণ হিরণ্য-গর্ভকে অগ্নি আদি দেবতাগণ উপাসনা করেন।

আবার প্রাণ যে সূত্রাত্মা, তাহাও অথর্ব বেদের ১১ কাণ্ডের ২ অধ্যায়ের ৬ষ্ঠ সূক্তের ১৫ মন্ত্রের সায়ন ভাষ্যে দেখিতে পাই। মন্ত্রটি এই :—

“প্রাণে হ ভূতং ভব্যং চ প্রাণে সর্বং প্রতিষ্ঠিতম্”—সায়নাচার্য্য অর্থ করিয়াছেন :—“তন্নিম্ প্রাণে জগদাধারভূতে সূত্রাত্মনি ভূতং ভূত

কালাবচ্ছিন্নং উৎপন্নং জগৎ, ভব্যং ভবিষ্যৎ কালাবচ্ছিন্নং উৎপৎস-
মানং জগৎ, ভদ্রভয়ং আশ্রিত্য বর্ততে। যস্মিন্ প্রাণে সর্বমিদং
জগৎ প্রতিষ্ঠিতম্ আশ্রিতম্।”—অর্থাৎ, সেই জগদাধারভূত সূত্রাত্মা
প্রাণে অতীতকালে উৎপন্ন জগৎ, ভবিষ্যৎকালে যাহারা উৎপন্ন হইবে, সেই
সমুদায় জগৎ—উভয়ই আশ্রয় করিয়া অবস্থান করে। অধিক কি, এই প্রাণে
এই পরিদৃশ্যমান সমুদায় জগৎ প্রপঞ্চ প্রতিষ্ঠিত। ইহারই প্রতিধ্বনি
শ্রীমদ্ভাগবতে পাই :—

কেবলাত্মানুভাবেন স্বমায়াং ত্রিগুণাত্মিকাম্ ।

সংক্ষোভয়ন্ সৃজত্যাদৌ তয়া সূত্রমরিন্দম ॥ ভাগঃ ১১।৯।১৯

ইহার টীকায় পূজ্যপাদ শ্রীধর স্বামী লিখিতেছেন :—“সূত্রং—ক্রিয়াশক্তি
প্রধানং মহত্ত্বং” অর্থাৎ “সূত্র” অর্থ—ক্রিয়াশক্তি প্রধান মহত্ত্ব—জীবের
সংসার হেতুভূত বলিয়া “সূত্র” শব্দে অভিহিত। এবং ইহাতে এই
পরিদৃশ্যমান বিশ্ব গ্রথিত, এজন্তও ইহা সূত্র।

যস্মিন্ প্রোতমিদং বিশ্বং যেন সংসরতে পুমান্ ॥ ভাগঃ ১১।৯।২০

—হে অরিন্দম ! কেবল আত্মানুভবরূপ কাল দ্বারা ত্রিগুণাত্মিকা স্বীয় মায়াকে
ক্ষুব্ধ করিয়া সেই মায়া দ্বারা সূত্রতত্ত্ব বা ক্রিয়াশক্তি প্রধান মহত্ত্ব সৃষ্টি
করিলেন, এই সূত্রেই বিশ্ব গ্রথিত রহিয়াছে এবং ইহা দ্বারা জীবের সংসার
গতি প্রাপ্তি হয়। ভাগঃ ১১।৯।২০-২০।

এখন মনে স্বতঃই সন্দেহ উদ্ভূত হয় যে, ১।১।২ সূত্রের আলোচনায়
প্রদর্শিত চিত্রে মহত্ত্বের তমঃ প্রধান অংশ অহংকার হইতেই জগৎ প্রপঞ্চের
উৎপত্তি প্রদর্শিত হইয়াছে। রজঃ প্রধান অংশ সূত্রতত্ত্ব হইতে সাক্ষাৎ
সম্বন্ধে জগৎউৎপত্তি দেখান হয় নাই। অতএব, সূত্রতত্ত্বে যে জগৎ প্রপঞ্চ
গ্রথিত, ইহা কি প্রকারে সঙ্গত হয়?

ইহার উত্তর আমরা একটি লৌকিক দৃষ্টান্ত হইতে বিশদ করিবার
চেষ্টা করিব।

একটি সুন্দর প্রস্ফুটিত গোলাপ ফুলে, সৌন্দর্য্য, সৌগন্দ্য, সুকোমলত্ব প্রভৃতি
বর্তমান আছে। উহাদের সকলের একত্র সমাবেশেই গোলাপের গোলাপত্ব।
কিন্তু আমরা যখন কেবল উহার সৌন্দর্য্য সম্বন্ধে আলোচনা করি, তখন
সৌগন্দ্য ও সুকোমলত্ব হইতে সৌন্দর্য্য পৃথক করিয়া—উহাকে পৃথকভাবে
আলোচনা করিয়া থাকি, কিন্তু উহা গোলাপ হইতে বাস্তবিক পৃথক করিলে

গোলাপের গোলাপত্ব থাকে না। আবার সৌগন্ধ্য যখন আলোচনা করি, তখন উহা সৌন্দর্য্য ও সুকোমলত্ব হইতে পৃথক ভাবেই আলোচনা করি। যদি উহা বাস্তবিক পৃথক করিয়া রাখিতে পারি, তাহা হইলেও গোলাপের গোলাপত্ব থাকে না। গোলাপ হইতে আতর প্রস্তুত করিতে হইলে গোলাপের সৌগন্ধ্য গোলাপ হইতে পৃথক করিতে হয়, কিন্তু তাহা হইলে গোলাপটির গোলাপত্ব নষ্ট হইয়া যায়। এইরূপ মহত্ত্বের সত্ত্বাংশ, রজঃ অংশ এবং তমঃ অংশ ওতপ্রোতভাবে বর্তমান আছে। আলোচনার সৌকর্য্যের জন্য উহা পৃথকভাবে প্রদর্শিত হইয়াছে। গোলাপের আতর সাক্ষাৎ সম্বন্ধে গোলাপের সৌগন্ধ্য হইতে হইলেও, যেমন গোলাপ হইতেই—সেইরূপ প্রপঞ্চের উপাদান সৃষ্টি, মহত্ত্বের তমঃ অংশ হইতে সাক্ষাৎ সম্বন্ধে হইলেও—উহা মহত্ত্ব হইতেই, এবং কার্যশীল মহত্ত্ব হইতে, কেননা মহত্ত্ব কার্যশীল না হইলে পরিণাম সম্ভব হয় না। বিশেষতঃ যে সকল ব্যাপার প্রত্যক্ষ করা যায়, ইন্দ্রিয় ব্যাপার, মানসিক চিন্তা প্রভৃতি—সকলই প্রাণের অভিব্যক্তি ভিন্ন কিছুই নহে। অতএব ১।১।২ সূত্রের আলোচনায় প্রদত্ত চিত্রে সাক্ষাৎ সম্বন্ধে সূত্রতত্ত্ব হইতে সৃষ্টি প্রক্রিয়া প্রদর্শিত না হইলেও, কার্যশীল মহত্ত্ব হইতে সৃষ্টি হইয়া থাকে, ইহা বুঝা গেল। সুতরাং সূত্রতত্ত্বের অগৎ প্রপঞ্চ গ্রথিত, বুঝা গেল।

সূত্রতত্ত্ব যে মুখ্য প্রাণ, তাহা আমরা শ্রীমদ্ভাগবত হইতেই জানিতে পারি। যথা :—

ঋষীশিষে জগতস্তস্মুষ্শচ

প্রাণেন মুখ্যেন পতিঃ প্রজানম্।

চিত্তস্য চিত্তৈর্মনইন্দ্রিয়াণাং

পতির্মহান্ ভূতগণাশয়েশঃ ॥ ভাগঃ ৭।৩।২৫

—মুখ্যেন প্রাণেন—“সূত্রাত্মরূপেণ” (শ্রীধর)।

শ্লোকটির সরলার্থ এই :—

—আপনি মুখ্য প্রাণরূপে অর্থাৎ সূত্রাত্মরূপে এই স্বাবর জগৎয়ের নিয়ন্ত্রণ করিয়া থাকেন, আপনি প্রজাদের পতি, এবং তাহাদের চিত্তের, তৎ পরিণাম স্বরূপ চেতনার, মনের এবং মনের নিয়ম্য ইন্দ্রিয় সকলের পতি। সুতরাং আপনি মহৎ, ভূত, শব্দাদি বিষয় ও তদ্বাসনা সকলের ঈশ্বর।

এই শ্লোক হইতে আমরা পাইলাম যে, সূত্রতত্ত্বই মুখ্যপ্রাণ ; এবং ব্রহ্মই সকলের কারণ এবং নিয়ন্তা বলিয়া প্রাণকে ব্রহ্ম বলাও হইয়া থাকে। তত্ত্বতঃ কিছুই ব্রহ্ম-ব্যতিরিক্ত নহে। প্রাণ শব্দ ইন্দ্রিয় অর্থেও ব্যবহার হয় বলিয়া সূত্র শব্দের লক্ষ্য বস্তুকে “মুখ্য প্রাণ” বলিয়া বিশেষিত করা হয়। জীবের সহিত প্রাণের সম্বন্ধ যে অতি ঘনিষ্ঠ তাহা সহজেই উপলব্ধিগম্য। জীব শব্দ জীব্-ধাতু হইতে উৎপন্ন। জীব্-ধাতুর অর্থ প্রাণ ধারণ করা। জীব নামধেয় ব্রহ্মের তটস্থ শক্তিই দেহে প্রাণকে ধারণ করিয়া রাখে বলিয়া জীব নামের সার্থকতা। সূত্ররাং জীবতত্ত্বের স্বরূপ নির্দেশের সহিত প্রাণতত্ত্বেরও স্বরূপ নির্দেশ প্রয়োজনীয়। জীব যখন দেহ হইতে উৎক্রমণ করে, প্রাণও তাহার অনুগমন করিয়া থাকে, ইহা সূত্রকার ৩।১।৩ সূত্রে প্রতিপাদন করিলেন। সূত্ররাং জীবের সহিত প্রাণের জন্মগ্রহণের পূর্ব হইতে মৃত্যুর পর পর্য্যন্ত এমন কি জন্ম জন্মান্তরের সম্বন্ধ।

১। প্রাণোৎপত্ত্যাধিকরণ ॥

ভিত্তি :—

(১) অসদ্বা ইদমগ্র আসীৎ, তদাহঃ কিম্ তদাসীদিতিঃ ঋষয়ো বাব তে অগ্রে সদাসীৎ, তদাহঃ কে তে ঋষয় ইতি, প্রাণা বাব ঋষয়ঃ ॥” (শতপথ, ৬।১।১)

—অগ্রে (সৃষ্টির পূর্বে) এই জগৎ অসৎ (নামরূপ বিহীন) ছিল । (তাহাতে প্রশ্ন হইল,) তখন তবে কি ছিল,? (উত্তর), অগ্রে এই সমস্ত ঋষি ছিলেন । (প্রশ্ন), সেই ঋষি কাহার? (উত্তর), এই প্রাণ সমূহই সেই ঋষি । (শতপথ, ৬।১।১)

(২) “এতস্মাজ্জায়তে প্রাণো মনঃ সর্বেব্দ্রিয়ানি চ ।”

(মুণ্ডক, ২।১।৩)

—ইহা (এই ব্রহ্ম) হইতে প্রাণ, মন ও সমস্ত ইন্দ্রিয়গণ উৎপন্ন হয় ।

(মুণ্ডক, ২।১।৩)

(৩) “স প্রাণমসৃজত, প্রাণাচ্ছ্ৰুৎ, ঋৎ, বায়ুর্জ্যোতিরাপঃ পৃথিবীন্দ্রিয়ং, মনোহ্রনম্ ।” (প্রশ্ন, ৬৪ ।)

—তিনি প্রাণ সৃজন করিলেন, প্রাণ হইতে শ্রুতি, আকাশ, বায়ু, তেজঃ, জল, পৃথিবী, ইন্দ্রিয়, মন ও অন্ন (বিষয়) জন্মিল ।

(প্রশ্ন, ৬৪) ।

(৪) “অস্মাদাত্মনঃ সর্বেষাং প্রাণাঃ সর্বেষাং লোকাঃ সর্বেষাং দেবাঃ সর্বাণি ভূতানি ব্যাচরন্তি ।” (বৃহদারণ্যক ২।১।২০) ।

—এই আত্মা হইতে সমুদায় প্রাণ, সমুদায় লোক, সমুদায় দেবতা ও সমুদায় ভূতজাত প্রাচুর্য হইত হয় । (বৃহঃ ২।১।২০)

সংশয় :—শিরোদেশে উদ্ধৃত শ্রুতি মন্ত্র সকলে দৃষ্ট হইবে যে, কোথাও প্রাণ প্রভৃতির সৃষ্টি কথিত আছে, আবার কোথাও সৃষ্টির পূর্বে হইতে প্রাণ বর্তমান, বলা হইয়াছে । প্রাণ শব্দের বহুবচনে ইন্দ্রিয়গণই বুঝায় ।

সুতরাং ইন্দ্রিয়গণের উৎপত্তি সম্বন্ধে শ্রুতিবিরোধ আছে। অতএব, প্রাণ উৎপন্ন বা অনুৎপন্ন, অথবা, উৎপত্তি-বোধক শ্রুতিগুলির গোণার্থে গ্রহণ, এক অনুৎপত্তি-বোধক শ্রুতিগুলির মূখ্যার্থে তাৎপর্য, ইহার সম্বন্ধে সংশয় বর্তমান রহিয়াছে। এই সংশয় নিরসনের জন্ত সূত্রকার সূত্র করিলেন :—

সূত্র :—২।৪।১।

তথা প্রাণাঃ ॥ ২।৪।১ ॥

তথা + প্রাণাঃ ॥

•তথা :—সেই প্রকার। প্রাণাঃ :—প্রাণ সমূহ।

প্রাণ সমূহও সেই প্রকার, অর্থাৎ, আকাশাদির ণায় উৎপত্তিমান্। প্রাণোৎপত্তির পোষক শ্রুতি শিরোদেশে উক্ত মূণ্ডক ২।১।৩ ও প্রশ্ন ৬।৪ মন্ত্র। বিশেষতঃ ছান্দোগ্য শ্রুতির ৬।২।১ মন্ত্রেও স্পষ্ট কথিত আছে যে, সৃষ্টির পূর্বে এই প্রপঞ্চ বিশ্ব এক অদ্বিতীয় সংস্বরূপে ছিল। ঐতরেয় ১।১ মন্ত্রে— “আত্মা বা ইদমেক এবাগ্র আসীৎ”—সৃষ্টির পূর্বে এই জগৎ একমাত্র আত্মস্বরূপই ছিল। বৃহদারণ্যক শ্রুতির ১।৪।১৭ মন্ত্রেও “আত্মৈবেদমগ্র আসীদেক এব”—এই জগৎ সৃষ্টির পূর্বে একমাত্র আত্মস্বরূপই ছিল। অতএব, সিদ্ধান্ত হইল যে, প্রাণ সকল অর্থাৎ ইন্দ্রিয়গণ উৎপত্তিমান্।

১।১।২ সূত্রের আলোচনায় প্রদর্শিত সৃষ্টি চিত্রে (পৃঃ ১৭০-১৭১) প্রাণ ও ইন্দ্রিয়গণের উৎপত্তি স্পষ্ট প্রদর্শিত হইয়াছে। উক্ত চিত্র শ্রীমদ্ভাগবতের ভিত্তির উপর প্রতিষ্ঠিত। শ্রীমদ্ভাগবত বলিতেছেন :—

তৈজসাত্ম্ব বিকুর্বাণাদিস্রিয়ানি দশাভবন্।

জ্ঞানশক্তিঃ ক্রিয়াশক্তিবুদ্ধিঃ প্রাণশ্চ তৈজসো ॥ ভাগঃ ২।৫।৩১

—তৈজস বা রাজসিক অহঙ্কারের পরিণামে পঞ্চ জ্ঞানেন্দ্রিয়, পঞ্চ কর্মেন্দ্রিয়, বুদ্ধি এবং প্রাণ উৎপন্ন হইল। ভাগঃ ২।৫।৩১

অহঙ্কারই যে ইন্দ্রিয়গণের উৎপাদক কারণ, তাহা অনেক স্থানে কথিত আছে।

বৈকারিকৈশ্বজসশ্চ তামসশ্চেত্যহং ত্রিবিং ।

তন্মাত্রেইন্দ্রিয়মনসাং কারণং চিদচিন্ময়ঃ ॥ ভাগঃ ১১।২৪।৭

—অহঙ্কার—বৈকারিক, তৈজস ও তামস ভেদে তিন প্রকার । এই অহঙ্কারই পঞ্চ তন্মাত্রেই ইন্দ্রিয়গণের ও মনের কারণ, এবং ইহা চিদচিন্ময় ॥

ভাগঃ ১১।২৪।৭

অতএব প্রাণ এবং ইন্দ্রিয়গণ যে “জন্য” বা উৎপত্তিমান তাহা সিদ্ধান্ত হইল । তবে শতপথ শ্রুতির ৬।১।১ মন্ত্রের তাৎপর্য্য কি ? উক্ত শ্রুতির “প্রাণ” ও “ঋষি” শব্দে পরমাত্মাই লক্ষ্য । ছান্দোগ্য শ্রুতির ১।১।১৫ মন্ত্র হইতে স্পষ্টই প্রতীয়মান হইবে, প্রাণ শব্দের লক্ষ্য পরমাত্মা । উক্ত মন্ত্র ১।১।২৪ সূত্রের শিরোদেশে (পৃঃ ৪৫৮) উদ্ধৃত হইয়াছে । উক্ত ১।১।১৫ (ছাঃ) মন্ত্রাংশ বলিতেছেন :—“প্রাণ ইতি হোবাচ সর্বাণি হ বা ইমানি ভূতানি প্রাণমেবাভিসংবিশন্তি প্রাণমভ্যুজ্জিহতে”—এই সমুদায় ভূত প্রাণেই প্রবেশ করে, প্রাণ হইতে উৎপন্ন হয় । বৃহদারণ্যক শ্রুতির তৃতীয় অধ্যায়ে নবম ব্রাহ্মণে দেবতা তত্ত্ব কথিত আছে । উহার ২ মন্ত্রে শ্রুতি বলিতেছেন, “কণ্ডম একোদেব ইতি প্রাণ ইতি স ব্রহ্ম ত্যদিভ্যাচক্ষতে ।” “শাকল্য জিজ্ঞাসা করিলেন, সেই একটি দেবতা কে ? যাজ্ঞবল্ক্য বলিলেন, তাহা প্রাণ, সেই প্রাণই ব্রহ্মস্বরূপ, গণ্ডিতগণ অপ্রত্যক্ষ বস্তুবোধক “ত্যৎ” শব্দে তাঁহার নির্দেশ করিয়া থাকেন ।” (দেখ মৎপ্রণীত “গায়ত্রী রহস্য”—দেবতা তত্ত্ব—২৭ অনুচ্ছেদ) ।

আবার “ঋষি” শব্দের অর্থ সর্বজ্ঞ । সূত্ররাং “প্রাণা বাব ঋষয়ঃ” পরমাত্মাকে লক্ষ্য করিয়াই প্রয়োগ করা হইয়াছে । এবং গৌরব প্রযুক্ত বহুবচনে ব্যবহার করা হইয়াছে । পরমাত্মা এক হইয়াও বহুরূপে প্রতীয়মান হইলে, বলিয়া বহুবচন ব্যবহার অসঙ্গত নহে । স্বরূপের যে বহুত্ব নাই, তাহা বলাই বাহুল্য ।

প্রাণ যে পরমাত্মার বোধক, তাহা ১।১।২৪ সূত্রে সিদ্ধান্ত স্থাপন করা হইয়াছে, এবং ভাগবতের শ্লোক সেখানে উদ্ধৃত হইয়াছে । এখানে আর প্রয়োজন নাই ।

“প্রাণ” শব্দ বহুবচনে “ইন্দ্রিয়” অর্থে ব্যবহৃত হয়, তাহা ভাগবত হইতে আমরা জানিতে পারি ।

অনু প্রাণন্তি যং প্রাণাঃ প্রাণন্তং সর্বজন্তুষু ।

অপানন্তমপানন্তি নরদেবমিবানুগাঃ ॥ ভাগঃ ২।১০।১৫

“প্রাণাঃ—ইন্দ্রিয়ানি” (শ্রীধর) ।

—ভৃত্য সকল যেমন রাজার অনুবর্তী হয়, তাহার ন্যায় প্রাণ চেষ্টায়ুক্ত হইলে তাহার পশ্চাৎ পশ্চাৎ প্রাণীদিগের ইন্দ্রিয়গণ চেষ্টান্বিত হয়, এবং প্রাণ চেষ্টা পরিত্যাগ করিলে ইন্দ্রিয় সকলেরও চেষ্টা ত্যাগ হয় ।

ভাগঃ ২।১০।১৫

“মুখ্য প্রাণ” এই নিয়ন্তা প্রাণকে উপলক্ষ্য করিয়া ব্যবহৃত হয় ।
এবং “প্রাণাঃ” শব্দ ইন্দ্রিয়গণকেই বুঝায় ।

ভিত্তি :—

“কস্মিন্ন্ ভগবো বিজ্ঞাতে সৰ্ব্বমিদং বিজ্ঞাতং ভবতীতি ॥”

(মুণ্ডক ১।১।৩)

—হে ভগবন্! কি বিজ্ঞাত হইলে এই সমস্তই বিজ্ঞাত হয়?

(মুণ্ড ১।১।৩)

সংশয় :—পূৰ্ব সূত্রের আলোচনায় যে সংশয় উত্থাপন করা হইয়াছে, যে প্রাণাদির উৎপত্তি বোধক শ্রুতি গোণী হইতে পারে, তাহার উত্তরে সূত্রকার বলিতেছেন :—

সূত্র :—২।৪।২ ।

গোণ্যসম্ভবাৎ ॥ ২।৪।২ ॥

গোণী + অসম্ভবাৎ ॥

গোণী :—গোণার্থবোধক । অসম্ভবাৎ :— অসম্ভব হেতু ।

গোণ্যাঃ অসম্ভবো—গোণ্যসম্ভবো—তস্মাৎ—গোণ্যসম্ভবাৎ—গোণীর

অসম্ভবত্ব হেতু ।

উক্ত উৎপত্তিবোধক শ্রুতিগণের গোণী অর্থে তাৎপর্য্য নহে । কারণ, পূর্ব সূত্রের শিরোদেশে উক্ত মুণ্ডক শ্রুতির ২।১।৩ মন্ত্রে প্রাণ এবং ইন্দ্রিয়গণের উৎপত্তি কথিত হইয়াছে ; আবার উক্ত শ্রুতির প্রারম্ভে বর্তমান সূত্রের শিরোদেশে উক্ত ১।১।৩ মন্ত্রে একবিজ্ঞানে সৰ্ববিজ্ঞান প্রতিজ্ঞা করা হইয়াছে । যদি উৎপত্তি শ্রুতি গোণী অর্থে ব্যবহৃত হয়, অর্থাৎ এক ব্রহ্ম হইতে, প্রাণ, ইন্দ্রিয়াদির উৎপত্তি বাস্তবিক না হয়, তবে এক বিজ্ঞানে সৰ্ববিজ্ঞান প্রতিজ্ঞা ব্যাহত হইয়া পড়ে । সুতরাং উৎপত্তি বোধক শ্রুতি গোণী নহে । মুখ্যার্থে ই ব্যবহৃত হইয়াছে, বুঝিতে হইবে ।

বিশেষতঃ সৃষ্টির পূর্বে প্রাণের অস্তিত্ব বোধক শতপথ শ্রুতির অর্থ মুণ্ডক শ্রুতির উৎপত্তি বোধক ২।১।৩ মন্ত্রের পূর্ববর্তী ২।১।২ মন্ত্রে স্পষ্টতঃ “অপ্রাণো হ্যমনাঃ শুভ্রোহক্ষরাৎ পরতঃ পরঃ ॥” কথিত আছে । “অপ্রাণ, অমনাঃ, শুভ্র, পর ও অক্ষর হইতে পর বা শ্রেষ্ঠ”—ইহার সহিত ২।৪।১ সূত্রের শিরোদেশে শতপথ শ্রুতির ৬।১।১ মন্ত্র পর্যালোচনা করিলে স্পষ্ট প্রতীয়মান হইবে যে, সৃষ্টির পূর্বে যে পরম কারণ বর্তমান থাকেন, তাহা “অপ্রাণ, অমনাঃ” ইত্যাদি এবং

তঁাহা হইতে 'প্রাণ উৎপন্ন হয় (মুণ্ডক ২।১।৩)। অতএব ইহা হইতেই স্পষ্ট বুঝা গেল যে, শতপথ শ্রুতিতে উল্লিখিত “প্রাণ” ও “আবি” শব্দ দ্বয়ের তাৎপর্য ব্রহ্মে ।

শ্রীমদ্ভাগবত বলিতেছেন :—

প্রাণাদভূদ্যশ্চ চরাচরাণাং

প্রাণঃ সহোবলমোক্ষশ্চ বায়ুঃ । ভাগঃ ৮।৫।২৬

—যাঁহার প্রাণ হইতে চরাচর নিখিল ভূতের প্রাণ, তেজঃ, বল, সামর্থ্যাদি এবং বায়ু উৎপন্ন হয় । ভাগঃ ৮।৫।২৬

এখানে ভাগবত “যাঁহার প্রাণ” এই সমানাধিকরণ ব্যবহার করিয়াছেন— অর্থাৎ যিনি প্রাণ, তঁাহারই প্রাণ—এইরূপ বুদ্ধিতে হইবে । এখানে ষষ্ঠী বিভক্তি ঔপচ্যুরিক মাত্র । যেমন “রাহুর শিরঃ” এর ন্যায় । রাহু যেমন শিরঃ ভিন্ন অন্য কিছু নহে—যে শিরঃ সেই রাহু এবং যে রাহু সেই শিরঃ ।

সেইরূপ প্রাণ যাঁহার তিনিও তাই এবং তিনি যাহা প্রাণও তাই । প্রাণ ব্রহ্ম (বৃহঃ ৩।৯।৯)—সেই প্রাণ স্বরূপ ব্রহ্ম হইতে বা ব্রহ্ম স্বরূপ প্রাণ হইতে চরাচর নিখিল ভূতের প্রাণ উৎপন্ন হয় । অতএব প্রতিপাদিত হইল যে, উৎপত্তিবোধক শ্রুতি মন্ত্র সকলের মুখ্যার্থে ই তাৎপর্য ।

ভিত্তি :—

২।৪।১ সূত্রের শিরোদেশে উদ্ধৃত মুণ্ডক শ্রুতির ২।১।৩ ও প্রশ্ন ৬।৪ মন্ত্র
গৌণী অর্থ যে হইবে না, তাহার অণু কারণ আছে।

সূত্র—২।৪।৩।

তৎ প্রাক্শ্রুতেশ্চ ॥ ২।৪।৩ ॥

তৎ + প্রাক্ + শ্রুতেঃ + চ ॥

তৎ :—তাহার (“জায়তে” এই পদের বা উৎপত্তির)। প্রাক্ :—পূর্বে।

শ্রুতেঃ :—শ্রবণ হেতু। চ :—ও।

মুণ্ডক শ্রুতির ২।১।৩ মন্ত্রে “এতন্মাজ্জায়তে প্রাণো মনঃ সর্বেন্দ্রিয়াণি চ ।
খং বায়ুর্জ্যোতিরাপঃ পৃথিবী বিশ্বস্ত ধারিণী ॥” (মুণ্ড ২।১।৩)—
স্পষ্ট দেখা যাইতেছে যে, “জায়তে” পদের সহিত প্রাণ, মনঃ, সর্বেন্দ্রিয়,
আকাশ, বায়ু, তেজঃ, জল, পৃথিবী সকলের সম্বন্ধ রহিয়াছে। উক্ত সম্বন্ধ শুধু
প্রাণের সহিত “গৌণ” অর্থে, এবং আকাশাদির সহিত “মুখ্য” অর্থে হইবে, ইহা
অসম্ভব। সকলের সহিত মুখ্য অর্থে সম্বন্ধ হইবে, ইহাই সিদ্ধান্ত। বিশেষতঃ
প্রশ্নোপনিষদের ৬।৪ মন্ত্রে স্পষ্ট উল্লিখিত আছে যে, তিনি প্রাণ সৃষ্টি করিলেন।
অতএব প্রাণের উৎপত্তি মুখ্যার্থেই বুঝিতে হইবে।

পূর্বে দুই সূত্রে ভাগবতের শ্লোক উদ্ধৃত হইয়াছে। আর প্রয়োজন নাই।

[রামানুজাচার্য্য—২।৪।২ ও ২।৪।৩ সূত্র দুইটি একসঙ্গে একটি সূত্ররূপে
পাঠ গ্রহণ করিয়া ব্যাখ্যা করিয়াছেন। অন্যান্য আচার্য্যগণ দুইটিকে পৃথকভাবে
গ্রহণ করায় আমরাও দুইটিকে পৃথকভাবে গ্রহণ করিলাম।]

ভিত্তি :—

“তত্ত্বোক্তোহসৃজত” (ছান্দোগ্য ৬।২।৩) ।

—সেই সৎ স্বরূপ ব্রহ্ম তেজঃ সৃষ্টি করিলেন । (ছাঃ ৬।২।৩)

সংশয় :—ছান্দোগ্য শ্রুতিতে সৃষ্টি প্রকরণে তেজঃ, অপ্, ও পৃথিবী সৃষ্টির কথা আছে । প্রাণ ইন্দ্রিয়াদির সৃষ্টির কথা নাই । যদি উহাদের উৎপত্তি থাকিবে, তবে ছান্দোগ্যে তাহার উল্লেখ না থাকার কারণ কি ? ইহার উত্তরে সূত্রকার সৃজ করিলেন :—

সূত্র—২।৪।৪ ।

তৎপূর্বকত্বাচ্চাঃ ॥ ২।৪।৪ ॥

তৎপূর্বকত্বাৎ + বাচঃ ॥

তৎ পূর্বকত্বাৎ :—মহাভূত সৃষ্টির পূর্বকত্ব হেতু । বাচঃ :—বাক্যের ।

এখানে বাক্ শব্দ প্রাণ ও মনের ক্রোড়ীকরণে গৃহীত হইয়াছে বুঝিতে হইবে । ছান্দোগ্য শ্রুতিতে মহাভূতগণের সৃষ্টি উল্লেখের পর, সেই প্রকরণেই উক্ত হইয়াছে :—“অন্নময়ং হি সোম্য মন আপোময়ঃ প্রাণশ্চেজোময়ী বাক্” (ছান্দোগ্য ৬।৫।৪) —হে সোম্য ! মনঃ অন্নময়, প্রাণ জলময় এবং বাক্ তেজোময়ী (ছাঃ ৬।৫।৪) । সূত্রাৎ সৃষ্টি কথনে যখন তেজঃ, অপ্, এবং অন্ন বা পৃথিবীর উৎপত্তি বলা হইল, তখন তাহাদের বিকারস্বরূপ মনঃ, প্রাণ ও বাক্ যে উৎপত্তি-মান্, তাহা আর বলিবার অপেক্ষা কি ? সূত্রাৎ উহারা যে ব্রহ্ম হইতে উৎপন্ন, তাহা সিদ্ধ হইল ।

বিশেষতঃ ছান্দোগ্য শ্রুতিতে উক্ত প্রকরণেই উক্ত আছে :—“সেয়ং দেবতৈক্ষত হস্তাহমিমান্শিত্রো দেবতা অমেন জীবোমাত্মনামুপ্রবিশ্য নামরূপে ব্যাকরবাণীতি ॥” (ছান্দোগ্য ৬।৩।২) ।—“সেই সৎরূপা দেবতা বা ব্রহ্ম আলোচনা করিয়াছিলেন, আমি এই জীবাাত্মরূপে উক্ত তেজঃ, জল ও পৃথিবী এই ভূতত্রয়াত্মক দেবতার অভ্যন্তরে প্রবিষ্ট হইয়া নাম ও রূপ ব্যক্ত করিব ।” (ছাঃ ৬।৩।২) ।—ইহা হইতে স্পষ্টই বুঝা গেল যে, ভূতসৃষ্টির পর নাম ও রূপ সৃষ্টি হইয়াছিল, এবং ইন্দ্রিয়াদির সৃষ্টি উক্ত নাম ও রূপ সৃষ্টির পর হওয়াই যুক্তি সঙ্গত । এজন্য ভূত সৃষ্টির সহিত উহার উল্লেখ নাই । ইহা হইতে এরূপ বুঝায় না যে, ইন্দ্রিয়াদি উৎপত্তিমান্ নহে ।

আরও দেখ, ছান্দোগ্য শ্রুতির ষষ্ঠ অধ্যায়ের তাৎপর্য্য ব্রহ্মবিজ্ঞান উপদেশে । ব্রহ্ম—“একমেবাদ্বিতীয়ম্”—তিনি সর্বাঙ্ক, তদ্ব্যতিরিক্ত দ্বিতীয় কিছুই নাই, এই তত্ত্ব সহজে শিষ্যের হৃদয়ে পরিস্ফুট করিবার জন্য প্রসঙ্গক্রমে নামরূপ সৃষ্টির কথা বলা হইয়াছে মাত্র । উহা সৃষ্টিপ্রকরণ নহে, সূতরাং মুখ্যভাবে সৃষ্টি সম্বন্ধে আলোচনা উহার উদ্দেশ্য নহে ; একারণ প্রত্যেক তত্ত্বসৃষ্টি, ইন্দ্রিয় সৃষ্টি প্রভৃতি বিশেষভাবে পুঙ্খানুপুঙ্খরূপে উহাতে উল্লিখিত হয় নাই, হইবার কথাও নহে । সূতরাং ছান্দোগ্য শ্রুতিতে প্রাণ ও ইন্দ্রিয়াদির সৃষ্টি স্পষ্টতঃ উল্লিখিত হয় নাই বলিয়া, উহারা যে উৎপত্তিমান নহে, তাহা নহে ।

ইন্দ্রিয়াদি সৃষ্টি সম্বন্ধে শ্রীমদ্ভাগবত বলেন :—

- (১) তৈজসাৎ তু বিকুর্বাণাদিন্দ্রিয়ানি দশাভবন্ ।
জ্ঞানশক্তিঃ ক্রিয়াশক্তিবুদ্ধিপ্রাণশ্চ তৈজসৌ ।
শ্রোত্রং ত্বগ্ভ্রাণদৃগ্জিহ্বা বাগ্দেদর্মেত্রাজ্জিহ্বা পায়বঃ ॥

ভাগঃ ২।৫।৩১

—জ্ঞানশক্তি বুদ্ধি ও ক্রিয়াশক্তি প্রাণ এই দুইটি রাজস অহঙ্কার তত্ত্বের কার্য্য, এই নিমিত্ত রাজস অহঙ্কার তত্ত্ব বিকার প্রাপ্ত হইলে তাহা হইতে জ্ঞান এবং ক্রিয়ার বিশেষ স্বরূপ দশ ইন্দ্রিয়ও উৎপন্ন হয় । সেই দশ ইন্দ্রিয় এই যথা—শ্রোত্র, ত্বক্, চক্ষুঃ, জিহ্বা, ভ্রাণ এবং বাক্, পানি, পাদ, পায়ু ও উপস্থ । ভাগঃ ২।৫।৩১ ।

- (২) বৈকারিক লৈলুজসশ্চ তামসশ্চেত্যহঃ নিবিৎ ।

তন্মাত্রেদিয়মনসাং কারণং চিদচিন্ময়ঃ ॥ ভাগঃ ১।১।২৪।৭

—সেই অহঙ্কার তিন প্রকার অর্থাৎ বৈকারিক, তৈজস ও তামস, তাহা পঞ্চ তন্মাত্রেয়, ইন্দ্রিয়ের ও মনের কারণ এবং চিদচিন্ময় অর্থাৎ চিদাভাস ব্যাপ্ত নিমিত্ত উভয় গ্রন্থিরূপ । ভাগঃ ১।১।২৪।৭

- (৩) স বৈ বিশ্বসৃজাং গভেঁ দৈবকশ্মী'শক্তিমান্ ।

বিবভাজানাত্মানমেকধা দশধা ত্রিধা ॥ ভাগঃ ৩।৬।৭

—ঐ মহাদাদি তত্ত্ব সকলের গর্ভ অর্থাৎ কার্য্যরূপ বিরাট নিজের জ্ঞানশক্তি, ক্রিয়াশক্তি এবং আত্মশক্তি বা ভোক্শক্তি দ্বারা আপনাকে

একধা, দশধা ও ত্রিধা বিভক্ত করিলেন, অর্থাৎ, জ্ঞানশক্তি দ্বারা হৃদয়াবচ্ছিন্ন চৈতন্যরূপে একধা, ক্রিয়াশক্তি দ্বারা প্রাণরূপে দশপ্রকার অর্থাৎ প্রাণ, অপান, সমান, উদান, ব্যান এই পঞ্চ, এবং নাগ, কূর্ম, কুকর, দেবদত্ত ও ধনঞ্জয় এই পঞ্চ বৃত্তি ভেদে এই দশ প্রকার এবং ভোক্তা শক্তি দ্বারা—অধ্যাত্ম-ইন্দ্রিয়গণ (পঞ্চ জ্ঞানেন্দ্রিয় ও পঞ্চ কর্মেন্দ্রিয়), অধিদৈব (তাহাদের অধিষ্ঠাতৃ দিক্ বাতাদি দেবতা), এবং অধিভূত (রূপ, রস, স্পর্শ, গন্ধ, শব্দ এবং কথন, বল, গতি, বিসর্গ ও আনন্দ) এই প্রধানতঃ তিন ভাগে বিভক্ত করিলেন ।

ভাগঃ ৩।৬।৭

তৎপরে উক্ত তৃতীয় স্কন্ধের ষষ্ঠ অধ্যায়ে জ্ঞানেন্দ্রিয় ও কর্মেন্দ্রিয়গণ কি প্রকারে উৎপন্ন হইল, তাহার বিশেষ বিবরণ কথিত আছে । বাহুল্য ভয়ে উদ্ধৃত হইল না । উক্ত তৃতীয় স্কন্ধের ২৬ অধ্যায়েও ইন্দ্রিয়াদির উৎপত্তি বিস্তৃতভাবে বর্ণিত আছে । অনুসন্ধিৎসু পাঠক জানিতে ইচ্ছা করিলে দেখিয়া লইতে পারিবেন ।

অতএব ইন্দ্রিয়গণ যে উৎপত্তিমান, ব্রহ্ম হইতেই তাহাদের উৎপত্তি, ইহা সিদ্ধ হইল । ১।১।২ সূত্রের আলোচনায় প্রদর্শিত চিত্রেও (পৃঃ ১৭০-১৭১) তাহাই দেখান হইয়াছে । যিনি নামরূপের অতীত, তিনিই যে নিজে নামরূপে অভিব্যক্ত হন, ইহা আমরা ১।১।৩ সূত্রের আলোচনায় বুঝিয়াছি । উক্ত আলোচনায় উদ্ধৃত শ্লোকগুলির মধ্যে একটি শ্লোক বোধ সৌকর্যার্থে এখানে উদ্ধৃত হইল । ইহার অর্থ সেখানেই (পৃঃ ২৬৩) দেওয়া হইয়াছে ।

যোহনুগ্রহার্থং ভক্ততাং পাদমূলমনামরূপো ভগবাননন্তঃ ।

নামানি রূপানি চ জন্মকস্ম'ভিভে'ক্তে স মহাং পরমঃ প্রসীদতু ॥

ভাগঃ ৬।৪।২৮

অন্যত্রও উক্ত আছে :—

স বাচ্যবাচকতয়া ভগবান্ ব্রহ্মরূপধৃক্ ।

নামরূপক্রিয়া ধন্তে সকস্ম'কিস্ম'কঃ পরঃ ॥ ভাগঃ ২।১।৩৫

—সেই ভগবান্ ব্রহ্মরূপ ধারণ করিয়া বাচকস্বরূপে নাম ও বাচ্যস্বরূপে রূপ ও ক্রিয়া সৃষ্টি করেন। যদিও বস্তুতঃ তিনি অকর্ষক, তথাচ তিনি সর্ক্ষা, অর্থাৎ ব্যাপারবিশিষ্ট হইয়া জগতে অভিব্যক্ত হন। ভাগঃ ২।১০।৩৫

অতএব সিদ্ধ হইল যে, নামরূপ সমুদায় ব্রহ্ম হইতেই। ক্রিয়াও তাঁহা হইতেই। ক্রিয়া করণ ব্যাপার সম্পাদিত। সুতরাং, নাম-রূপের করণ ব্যাপাররূপ প্রাণ ও ইন্দ্রিয়গণও তাঁহা হইতে। সেই হেতু উহারা উৎপত্তিমাম্।

২। সপ্তগত্যধিকরণ ॥

ভিত্তি :—

১। “সপ্তপ্রাণাঃ প্রভবন্তি তস্মাৎ
সপ্তার্চিবঃ সমিধঃ সপ্তহোমাঃ ।

সপ্ত ইমে লোকা যেষু চরন্তি প্রাণা
গুহাশয়া নিহিতাঃ সপ্তসপ্ত ॥”

(মুণ্ডক ২।১।৮, মারায়ণোপনিষৎ ১২।১)

—সপ্ত ইন্দ্রিয়, তাহাদের সপ্তপ্রকার দীপ্তি (প্রকাশ), সপ্ত প্রকার বিষয় এবং সপ্তপ্রকার হোম বা বিষয়জ্ঞান, সাতটি ইন্দ্রিয়স্থান—যে সকল স্থানে ইন্দ্রিয়গণ সঞ্চরণ করে—বিধাতা কর্তৃক প্রতিদেহে স্থাপিত শরীরস্থ এই সাত সাতটি পদার্থ সেই পুরুষ হইতে প্রাদুর্ভূত হয় । (মুণ্ড ২।১।৮, নারাঃ ১২।১)

২। “যদা পঞ্চাবতিষ্ঠন্তে জ্ঞানানি মনসা সহ ।

বুদ্ধিশ্চ ন বিচেষ্টতে তামাহঃ পরমাং গতিম্ ॥” (কঠঃ ২।৩।১০)

—যখন বুদ্ধি ও মনের সহিত পাঁচটি পড়িয়া থাকে, কোনও প্রকার চেষ্টা বা কার্য্য করে না, তাহাকেই পরমা গতি বলিয়া থাকেন ।

(কঠঃ ২।৩।১০)

৩। “প্রাণো বৈ গ্রহঃ, বায়ৈগ্রহঃ, জিহ্বা বৈ গ্রহঃ, চক্ষুর্বৈগ্রহঃ,
শ্রোত্রং বৈ গ্রহঃ, মনো বৈ গ্রহঃ, হস্তো বৈ গ্রহঃ, ষ্ঠৈগ্রহঃ.....
ইত্যেতেদৃষ্টৌ গ্রহাঃ ॥” (বৃহঃ ৩।২-২)

—প্রাণ, বাক্, জিহ্বা, চক্ষুঃ, শ্রোত্র, মনঃ, হস্ত, ষ্ঠক্ এই আটটি গ্রহ বা ইন্দ্রিয় । (বৃহঃ ৩।২-২)

৪। “সপ্ত বৈ শীর্ষণ্যাঃ প্রাণাঃ দ্বাববাঞ্চৌ ।”

(শ্রীভাষ্যেধৃত শ্রুতিমন্ত্র)

—প্রাণ সপ্তাহের মধ্যে সাতটি শীর্ষস্থিত এবং দুইটি অধোদেশস্থ ।

(শ্রীভাষ্যেধৃত শ্রুতিমন্ত্র)

সংশয় :—শিরোদেশে উক্ত শ্রুতিমন্ত্র সমূহ হইতে দৃষ্ট হইবে যে, মুণ্ডক ও কঠ শ্রুতিতে সাতটি ইন্দ্রিয়ের উল্লেখ আছে, বৃহদারণ্যকে ৮টি, শ্রুতান্তরে ২টি। এই প্রকার বিরোধ থাকায়, ৭টি ইন্দ্রিয় সর্বশ্রুতিসম্মত হওয়ায়, ইন্দ্রিয় ৭টি হওয়াই সঙ্গত। এই সংশয়টি উপস্থাপনের জন্য পূর্বপক্ষ সূত্র করিলেন :—

সূত্র—২।৪।৫।

সপ্ত গতেবিশেষিতত্বাচ্চ ॥ ২।৪।৫

সপ্ত + গতেঃ + বিশেষিতত্বাৎ + চ ।

সপ্ত :—সাত। **গতেঃ :**—অবগতি হেতু। **বিশেষিতত্বাৎ :**—বিশেষরূপে কথিত হওয়ায়। **চ :**—ও।

যেহেতু সাতটি ইন্দ্রিয়েরই উৎপত্তি মুণ্ডক শ্রুতির ২।১।৮ মন্ত্র হইতে অবগত হওয়া যায় এবং যেহেতু এই সাতটিই বিশেষভাবে কঠশ্রুতির ২।৩।১০ মন্ত্রে উক্ত হইয়াছে, এ কারণ ইন্দ্রিয় সাতটিই, নূন বা অধিক নহে।

“গতেঃ” পদে-আচার্য্য রামানুজ জায়মান ও স্নিয়মাণ জীবের সহিত গমন বা সঞ্চরণ করে, এই অর্থে ব্যবহার করিয়াছেন এবং মুণ্ডক শ্রুতির ২।১।৮ মন্ত্র ইহার পোষক প্রমাণ স্বরূপ ব্যবহার করিয়াছেন। শ্রীমদ্ শঙ্করাচার্য্য “গতেঃ” পদের অবগতি অর্থ করিয়াছেন। উভয়ের মধ্যে বিশেষ বৈলক্ষণ্য নাই।

এটি পূর্বপক্ষ সূত্র। ইহার পোষক ভাগবত শ্লোক অন্বেষণ বৃথা। তবে সাংখ্যোক্ত চতুর্বিংশতি তত্ত্বের ইতর বিশেষ ভিন্ন ভিন্ন আচার্য্যগণ সিদ্ধান্ত করেন। ইহার উল্লেখ একাদশ স্কন্ধের ২২ অধ্যায়ে আছে, যথা :—

কেচিং ষড়্‌বিংশতিং প্রাহুরপরে পঞ্চবিংশতিম্ ।

সপ্তৈকে নব ষট্ কোচিচ্চত্বার্ব্বোকাদশাপরে ॥ ভাগঃ ১।১।২২।২

—কেহ কেহ তত্ত্বসংখ্যা ষড়্‌বিংশতি, কেহ কেহ পঞ্চবিংশতি, কেহ কেহ সপ্ত, কেহ কেহ নয়, কেহ ছয়, কেহ চারি এবং কেহ একাদশ কহেন। ভাগঃ ১।১।২২।২

বলা বাহুল্য যে, ইন্দ্রিয়গণের সংখ্যার ইতর বিশেষের উপরে ইহাদের সংখ্যার ন্যূনাধিক নির্ভর করে।

উক্ত পূর্বপক্ষ সূত্রের উত্তরে সিদ্ধান্ত সূত্র :—

সূত্র :—২।৪।৬।

হস্তাদয়স্ত স্থিতেহতো নৈবম্ ॥ ২।৪।৬ ॥

হস্তাদয়ঃ + তু + স্থিতে + অতঃ + ন + এবম্ ॥

হস্তাদয়ঃ :—হস্ত প্রভৃতি । তু :—আপত্তি নিরসনে । স্থিতে :—
বর্তমানে । অতঃ :—এই কারণে । ন :—না । এবম্ :—এ প্রকার ।

পূর্ব সূত্রের উক্ত বৃহদারণ্যক শ্রুতির ৩।২।৮ মন্ত্রে “হস্তৌ বৈ গ্রাহঃ”—
হস্ত ও ইন্দ্রিয় উল্লেখ আছে । আবার উক্ত শ্রুতির ৩।২।৪ মন্ত্রে স্পষ্টই উল্লিখিত
আছে—“দশেমে পুরুষে প্রাণা আষ্টৈকাদশ”—এখানে “আত্ম” শব্দ মনঃ
অর্থে ব্যবহৃত হইয়াছে । উক্ত শ্লোকের অর্থ হইতেছে :—পুরুষে দশটি ইন্দ্রিয়—
পাঁচটি জ্ঞানেন্দ্রিয় এবং পাঁচটি কর্মেন্দ্রিয়, এবং মনঃ একাদশ । অতএব
ইন্দ্রিয়ের সংখ্যা একাদশই বটে, সাত নহে, ইহা সিদ্ধ হইল ।

শ্রীমদ্ভাগবতেও স্পষ্টই ইন্দ্রিয়গণের সংখ্যা ও কার্য উল্লেখ আছে । যথা :—

শ্রোত্রং স্বদর্শনং স্রাণং জিহ্বেতি জ্ঞানশক্রয়ঃ ।

বাক্-পাণ্যুপস্থ-পায়ু জিহ্বাঃ কর্মাণ্যঙ্গোভয়ং মনঃ ॥ ভাগঃ ১।১।২২।১৪

শব্দঃ স্পর্শোরসোগন্ধো রূপধেত্যর্থজাতয়ঃ ।

গত্যুক্ত্যাৎসর্গশিল্পানি কর্মাযতনসিদ্ধয়ঃ ॥ ভাগঃ ১।১।২২।১৫

—শ্রোত্র, স্বক, চক্ষুঃ, স্রাণ, জিহ্বা, এই পাঁচটি জ্ঞানেন্দ্রিয়, এবং
বাক্, পাণি, উপস্থ, পায়ু ও পাদ, এই পাঁচ কর্মেন্দ্রিয়, আর মনঃ উভয়াত্মক—
এই সমুদায়ে ইন্দ্রিয় একাদশ । ভাগঃ ১।১।২২।১৪

—শব্দ, স্পর্শ, রস, গন্ধ, রূপ এই পাঁচ বিষয়রূপে পরিণত পঞ্চ
মহাভূত ; আর গতি, উক্তি, উৎসর্গ (মল ও মূত্র ত্যাগ) ও শিল্প,
ইহারা কর্মেন্দ্রিয়ের ক্রিয়া । ভাগঃ ১।১।২২।১৫

• বৈকারিকান্মনো জজ্ঞে.....ভাগঃ ২।৫।৩০

—সাত্ত্বিক অহঙ্কার হইতে মনঃ উৎপন্ন হইল..... । ভাগঃ ২।৫।৩০

তৈজসাত্ম্ব বিকুর্বাণাদিন্দ্রিয়ানি দশাভবন্ ॥ ভাগঃ ২।৫।৩১

—তৈজস বা রাজসিক অহঙ্কারের বিকারে পাঁচ জ্ঞানেন্দ্রিয় এবং পাঁচ
কর্মেন্দ্রিয়, এই দশ ইন্দ্রিয়, উৎপন্ন হইল । ভাগঃ ২।৫।৩১

অতএব, ইন্দ্রিয় সংখ্যা একাদশ, এই সিদ্ধান্ত হইল ।

৩। প্রাণাণুত্বাধিকরণ ॥

ভিত্তি :—

১। “স ত এতে সর্ব্ব এব সমাঃ সর্ব্বহনস্তাঃ, স যো হৈতানস্তবত
উপাস্তে”(বৃহদাঃ ১।৫।১৩)

—সেই এই ইন্দ্রিয়গণ সর্ব্ব সমান ও সকলেই অনন্ত, যিনি এই
অনন্ত প্রাণ বা ইন্দ্রিয়সমূহকে পরিচ্ছিন্নরূপে উপাসনা করেন।

(বৃহদাঃ ১।৫।১৩)

২। “প্রাণমনুৎক্রামস্তং সর্ব্ব প্রাণা অনুৎক্রামন্তি” ॥
(বৃহদাঃ ৪।৪।২)

—মুখ্য প্রাণ জীবের অনুগমন করিবার সময় অপর সমস্ত প্রাণই
(ইন্দ্রিয়গণ) তাহার অনুগমন করে। (বৃহদাঃ ৪।৪।২)

সংশয় :—বৃহদারণ্যক শ্রুতির ১।৫।১৩ মন্ত্রের প্রথম ভাগে “ইন্দ্রিয়গণ
সর্ব্ব সমান ও সকলেই অনন্ত”—উল্লেখ আছে। অতএব ইন্দ্রিয়গণ সর্ব্বব্যাপী।
বিশেষতঃ লৌকিক দৃষ্টান্তে দূর হইতে দর্শন, শ্রবণ, ভ্রাণ প্রভৃতির উপলক্ষি
দৃষ্ট হইয়া থাকে, তাহাতেও অনুমিত হইতে পারে যে, ইন্দ্রিয়গণ সর্ব্বব্যাপী।
এই প্রকার আপত্তি বা সন্দেহের উত্তরে সূত্র :—

সূত্র :—২।৪।৭।

অণবশ্চ ॥ ২।৪।৭ ॥

অণবঃ + চ ॥

অনবঃ :—অণু পরিমাণ। চ :—ও।

ইন্দ্রিয়গণ অণু পরিমাণ বটে। বৃহদারণ্যক শ্রুতির ৪।৪।২ মন্ত্রে প্রাণ ও
ইন্দ্রিয় সকলের জীবের উৎক্রান্তির সহিত উৎক্রমণ উল্লিখিত হইয়াছে।
যদি উহারা সর্ব্বব্যাপী হইত, তাহা হইলে উৎক্রান্তি অসম্ভব হইত।
অতএব প্রাণগণ বা ইন্দ্রিয় সকল অণু পরিমাণ। এখানে অণু পরিমাণ অর্থ
সূক্ষ্মতা এবং পরিচ্ছিন্নতা বুঝিতে হইবে। বৃহদারণ্যক শ্রুতির ১।৫।১৩ মন্ত্রের

শেষ ভাগেই যে অনন্তত্ব কথিত হইয়াছে, তাহা ইন্দ্রিয়গণের বৃত্তি বহুবিধ বিধায়, এই বাহুল্যের প্রতি লক্ষ্য করিয়াই কথিত হইয়াছে। এবং ঐ রূপেই শ্রুতিতে প্রাণোপসনার বিধান উপদিষ্ট আছে। উহা হইতে বুঝাইতে পারে না, যে প্রাণগণ সর্বগত।

শ্রীমদ্ভাগবতে প্রাণের জীবানুগমন স্পষ্টই উল্লিখিত হইয়াছে :—

অণ্ডেষু পেশিষু তরুণবিনিশ্চিতেষু
প্রাণোহি জীবমুপধাবতি তত্র তত্র।

ভাগঃ ১১।৩।৪০

—অণ্ড, জরায়ুজ, উভিজ্জ এবং অবিনিশ্চিত অর্থাৎ শ্বেদজ এই চতুর্বিধ জীবশরীরে প্রাণ অনুগমন করেন। ভাগঃ ১১।৩।৪০

যদি সর্বগত হইত, তাহা হইলে অনুগমন সম্ভব হইত না। প্রাণ যদি মধ্যম পরিমাণ হইত, তাহা হইলে মৃত্যু সময়ে, প্রাণ যখন জীবশরীর হইতে উৎক্রান্ত হইত, তখন পার্শ্বস্থ লোকগণের দৃষ্টিগোচর হইত। কিন্তু তাহা কখনও হয় না। সুতরাং প্রাণ মধ্যম পরিমাণ নহে। অতএব প্রাণ সূক্ষ্ম ও সেকারণ প্রতিদেহে পরিচ্ছিন্ন। ইন্দ্রিয়গণ জীবের উৎক্রমণ কালে প্রাণের অনুগমন করে (বৃহঃ ৪।৪।২), সুতরাং প্রাণ যখন অণুপরিমাণ ইন্দ্রিয়গণও তৎ পরিমাণ বটে।

ভিত্তি :—

“ন মৃত্যুরাসীদমৃতং ন তর্হি ন রাত্র্যা অহু আসীৎ প্রকেতঃ ।

আনীদবাতং স্বধয়া তদেকং তস্মাদ্ভ্যাত্মন পরং কিঞ্চ নাস ॥”

(ঋগ্বেদ ৮।৭।১৭)

—প্রলয়কালে মৃত্যু ছিল না, অমরত্বও ছিল না, রাত্রি ও দিনের প্রভেদ ছিল না, (ব্রহ্ম মায়ার সহিত ছিলেন না)। কেবল সেই একমাত্র বস্তু, বায়ুর সহকারিতা ব্যতিরেকে, আত্মা মাত্র অবলম্বনে, নিশ্বাস-প্রশ্বাস যুক্ত হইয়া জীবিত ছিলেন, তিনি ব্যতীত আর কিছুই ছিল না।

(ঋগ্বেদ, ৮।৭।১৭)

সংশয় :—শিরোদেশে উদ্ধৃত নাসদীয় সূত্রে ঋক্মন্ত্রে “আনীৎ” পদ আছে, উহার অর্থ প্রাণন বা প্রাণ চেষ্টা। সূতরাং তৎকালে প্রাণ ছিল, এই প্রকার সংশয় সহজেই হইতে পারে। যদিও উহার পরেই “অবাত” পদ থাকায় বায়ু-রাহিত্য বুঝাইতেছে। কিন্তু প্রত্যক্ষ দেখা যায় যে প্রাণ বায়ু ক্রিয়ামাত্র—বায়ু ভিন্ন কিছুই নহে, সূতরাং “অবাত” পদ প্রাণ বোধক “আনীৎ” পদের বিশেষণ সঙ্গত হয় না, অতএব প্রলয়ে যিনি জীবিত ছিলেন তিনি পরব্রহ্মই—পরব্রহ্মকেই লক্ষ্য করিয়াই শিরোদেশে উদ্ধৃত শ্রুতি মন্ত্রে কথিত হইতেছে বটে, তথাপি স্থূলবুদ্ধি ব্যক্তিগণের পাছে সন্দেহ হয় যে সৃষ্টির পূর্বে মুখ্যপ্রাণ বিদ্যমান ছিল, এই সংশয় নিবৃত্তির জন্ম সূত্র :—

সূত্র :—২।৪।৮ ।

শ্রেষ্ঠশ্চ ॥ ২।৪।৮ ॥

শ্রেষ্ঠঃ + চ ॥

শ্রেষ্ঠঃ :—মুখ্যপ্রাণ । চ :—ও ।

পূর্ব পূর্ব সূত্রে প্রাণাদির উৎপত্তি সিদ্ধান্তে মুখ্যপ্রাণ সম্বন্ধেও উৎপত্তি সিদ্ধান্ত হইয়াছে বটে, তাহা হইলেও প্রাপ্তকৃত সংশয়ে কথিত কারণে মুখ্যপ্রাণ সম্বন্ধে একটি অতিদেশ সূত্র করিয়া সিদ্ধান্ত করিলেন যে, মুখ্য প্রাণও ব্রহ্ম হইতে উৎপন্ন। তাহার শ্রুতি প্রমাণ প্রমোপনিষদে ৩।৩ মন্ত্রে পাই—“আত্মন এষ প্রাণো জায়তে”, পরনাত্মা হইতে এই মুখ্যপ্রাণ জন্মগ্রহণ করে, এবং

ইহাকে মুখ্য বলে কেন, তাহা উক্ত শ্রুতির ৩।৪ মন্ত্রে দেখিতে পাই। মন্ত্রটি এই:—“যথা সজ্জাভেবাধিকৃতান্‌ বিনিযুক্তে এতান্‌ গ্রামানখিত্তিষ্ঠেতি, এবমেবৈষ প্রাণ ইতরান্‌ প্রাণান্‌ পৃথক্‌ পৃথগেব সংনিধন্তে ॥”

(প্রশ্নঃ ৩।৪)

—যেমন রাজা নিজের অধিকৃত রাজপুরুষ নিযুক্ত করিয়া এই সকল গ্রাম শাসন কর বলিয়া স্থাপন করেন, সেইরূপ এই প্রাণও ইতর প্রাণ সকলকে পৃথক্‌ পৃথক্‌ কার্যে নিয়োগ করে। (প্রশ্নঃ ৩।৪)

প্রাণ ব্রহ্ম-শক্তি, ব্রহ্ম হইতে উৎপন্ন। এজন্য উহা ব্রহ্মরূপেও ভাগবতে বর্ণিত হইয়াছে :—

ত্বং বায়ুরগ্নিঃ সর্বাণি বিয়দমুমাত্রাঃ

প্রাণেন্দ্রিয়ানি হৃদয়ং চিদনুগ্রহশ্চ ॥ ভাগঃ ৭।৯।৪৭

—ইহার অর্থ ১।১।১ সূত্রের আলোচনায় দেওয়া হইয়াছে (পৃঃ—৬১)।

জানে ত্বাং সর্বভূতানাং প্রাণ ওজঃ সহো বলম্‌ । ভাগঃ ১০।৫৬।১২

—আমি জানি যে তুমি প্রাণীগণের প্রাণ, ইন্দ্রিয়-মন ও দেহ-বল।

ভাগঃ ১০।৫৬।১২

প্রাণ যে সাক্ষাৎ সম্বন্ধে পরমাত্মা হইতে উৎপন্ন, তাহাও কথিত আছে।

অন্তঃশরীর আকাশাৎ পুরুষশ্চ বিচেষ্টিতঃ ।

ওজঃ সহো বলং জজ্ঞে ততঃ প্রাণো মহানসুঃ ॥ ভাগঃ ২।১০।১৪

—সেই পুরুষ ক্রিয়া শক্তি দ্বারা চেষ্টা আরম্ভ করিলে, তাহার শরীরাত্তরঙ্গ আকাশ হইতে ওজঃ (ইন্দ্রিয়শক্তি), সহ (মনঃ শক্তি), বল (দেহশক্তি) এবং সূত্র নামক মুখ্য প্রাণ উৎপন্ন হইল। ভাগঃ ২।১০।১৪

অতএব, সিদ্ধ হইল যে, মুখ্য প্রাণও ব্রহ্ম প্রভব। ২।৪।৩ সূত্রের আলোচনায় উক্ত মুখ্য শ্রুতির ২।১।৩ মন্ত্রেও মুখ্য প্রাণের সাক্ষাৎ সম্বন্ধে উৎপত্তি উক্ত আছে।

ইহাকে মুখ্য প্রাণ বলে কেন, তাহাও শ্রীমদ্ভাগবতের ২।১০।১৫ শ্লোকে কথিত আছে। এই শ্লোকটি ২।৪।১ সূত্রের আলোচনায় উক্ত হইয়াছে। সেইখানে দ্রষ্টব্য। অন্য ইন্দ্রিয়গণের নিয়ন্ত্রণ কারণ ইহার মুখ্যত্ব।

৪। বায়ুক্রিয়াধিকরণ ॥

ভিত্তি :—

১। “যোহয়ং প্রাণঃ স বায়ুঃ” (বৃহঃ, ৩।১।৪) ।

—এই যে প্রাণ, ইহা বায়ু। (বৃহঃ ৩।১।৪) ।

২। “প্রাণমাত্মাতরিখানং বাতোহপ্রাণ উচ্যতে ॥”

(অথর্ব বেদ, ১১ কাঃ ২ অঃ ৬ সূঃ ১৫ মন্ত্র)

—প্রাণকে মাতরিখা (বায়ু) বলে। বায়ুই প্রাণ নামে কথিত।

(অথর্ববেদ, ১১।২।৬।১৫)

৩। “সামান্যকরণবৃত্তিঃ প্রাণাণ্ডা বায়বঃ পঞ্চ” ॥

(সাংখ্যকারিকা, ২৯)

—বুদ্ধি, অহঙ্কার ও মনঃ এই করণত্রয়ের একটি সাধারণ ক্রিয়া আছে, যাহা প্রাণ, অপান, সমান, উদান ও বান এই পঞ্চ বায়ুরূপে দেহ মধ্যে কার্য্য করিয়া থাকে। (সাংখ্যকারিকা, ২৯) ।

সংশয় :—শিরোদেশে উক্ত বৃহদারণ্যক এবং অথর্বশ্রুতি মন্ত্রে প্রাণকে বায়ু বলিয়া উক্ত হইয়াছে। আবার সাংখ্য বলেন যে, পঞ্চপ্রাণ অন্তরিন্দ্রিয়ের ক্রিয়া মাত্র। অতএব সন্দেহ হয় যে, প্রাণ বায়ু মাত্র, বা অন্তরিন্দ্রিয়ের ক্রিয়া মাত্র অথবা উভয় হইতে পৃথক তৃতীয় তত্ত্ব? এই সংশয় নিরসনের জন্ম সূত্র :—

সূত্র :—২।৪।১২ ।

ন বায়ু-ক্রিয়ে পৃথগুপদেশাৎ ॥ ২।৪।১২ ॥

ন + বায়ু-ক্রিয়ে + পৃথগুপদেশাৎ ॥

ন :—না। বায়ু-ক্রিয়ে :—বায়ু এবং ইন্দ্রিয় ক্রিয়া। পৃথগুপদেশাৎ :—পৃথক নির্দেশ হেতু।

প্রাণ, বায়ু বা অন্তঃকরণ—ব্যাপার নহে। কারণ ২।৪।১ সূত্রের আলোচনার উক্ত মূলক শ্রুতির ২।১।৩ মন্ত্রে প্রাণ, বায়ু ও ইন্দ্রিয়গণ হইতে পৃথকভাবে উল্লিখিত

হইয়াছে। যদি প্রাণ বায়ু মাত্র হইত, তবে প্রাণ উল্লেখের পর আবার বায়ুর উল্লেখ হইবে কেন? আবার, প্রাণ যদি করণ ব্যাপার মাত্র হইত, তাহা হইলে বা প্রাণ উল্লেখের পর মন ও অণু ইন্দ্রিয় সকলের পৃথক উল্লেখ হইবে কেন? ইন্দ্রিয় ও ইন্দ্রিয়ের বৃত্তির অভেদত্ব প্রসিদ্ধিই আছে। সুতরাং যখন প্রাণের পৃথক উল্লেখ রহিয়াছে, তখন প্রাণ—বায়ু বা ইন্দ্রিয়ব্যাপার নহে। মন্ত্রটি এই:—
 “এতন্মাজ্জায়তে প্রাণো মনঃ সর্বেইন্দ্রিয়াণি চ । ঋং বায়ুর্জ্যোতিরূপঃ পৃথিবী.....॥”—এই ব্রহ্ম হইতেই প্রাণ, মন, সমস্ত ইন্দ্রিয়গণ, আকাশ, বায়ু, তেজ, জল, পৃথিবী উৎপন্ন হইল।

১.বে যে শিরোদেশে উদ্ধৃত বৃহদারণ্যক শ্রুতির ৩।১।৪ মন্ত্রে “যাহা প্রাণ, তাহাই বায়ু” বন্দ হইয়াছে, ইহার অভিপ্রায় এই যে, অবস্থা বিশেষ প্রাপ্ত ব্রহ্মপ্রভব বায়ু অধ্যাত্ম ভাবে পঞ্চবাহ (প্রাণ, অপান, সমান, উদান, ব্যান) গত হইয়া ও আত্মার দ্বারা অবতিষ্ঠিত হইয়া প্রাণ নামে কথিত হয়, উহা ভৌতিক বাহু বায়ু বা তাহার স্পন্দন মাত্র নহে, এবং বায়ু হইতে তৎস্বতঃ আত্যন্তিক পৃথক পদার্থ নহে। এ কারণ ভেদাভেদ উভয় শ্রুতিই ইহাতে প্রযোজ্য।

২।৪।২ সূত্রের আলোচনায় উদ্ধৃত শ্রীমদ্ভাগবতের ৮।৫।২৬ শ্লোকে প্রাণ এবং বায়ু উভয়েরই উৎপত্তি পৃথক উল্লেখ আছে। আবার ১।১।২ সূত্রের আলোচনায় (পৃঃ ২৬-২৭) উদ্ধৃত ৭।২।৪৭ শ্লোকে প্রাণ, মনঃ (হৃদয়) চিত্ত (চিৎ), অহঙ্কার (অনুগ্রহ), ইন্দ্রিয় সকল, বায়ু প্রভৃতির পৃথক পৃথক উল্লেখ করিয়া, সকলই ব্রহ্ম, ইহা কথিত হইয়াছে। যদি প্রাণ, কেবল মাত্র বায়ু বা তৎক্রিয়া অথবা ইন্দ্রিয় ব্যাপার হইত, তাহা হইলে উহাদের পৃথক পৃথক উল্লেখ সঙ্গত হইত না।

প্রত্যক্ষতঃ শ্বাসপ্রশ্বাসাদিতে আমরা প্রাণ স্পন্দন দেখিতে পাই এবং উহা বায়ু ক্রিয়া আমরা সাধারণতঃ অনুভব করিয়া থাকি। অথচ উপরে বলা হইল যে, উহা বায়ু ব্যাপার মাত্র নহে। ইহা কি প্রকারে সঙ্গত হয়? ইহা বুঝিবার চেষ্টা করা যাউক। ছান্দোগ্য শ্রুতি হইতে আমরা জানি যে, সৃষ্টির পূর্বে এই পরিদৃশ্যমান জগৎ সৎ স্বরূপই ছিল। “তদৈক্যত বহুশ্চাং প্রজায়েরেতি”—সেই সৎ সংকল্প করিলেন বহু হইব, জন্মিব ? (ছাঃ ৬।২।৩)। এই যে শ্রুতি কথিত সৎ—ইনি ব্রহ্ম। শ্রুতিতে শুধু অস্তিত্বের নিদর্শনে

“সৎ” বলিয়া উল্লিখিত হইলেও, ইনি “সত্যংজ্ঞানমনস্তং ব্রহ্ম” (তৈত্তি ২।১) বা “সচ্চিদানন্দ” ব্রহ্ম (গোপাল পূর্ব তাপনী)। এই সৎ, চিৎ বা আনন্দ পরস্পর পৃথক নহে। যিনি যে কালে “সৎ”—তিনি সেই এককালেই “চিৎ” এবং সেই কালেই “আনন্দ”—তিনি নিত্য বলিয়া “সৎ”—তিনি আপনাকে নিত্য বলিয়া জানেন বলিয়া “চিৎ” এবং এই জানাই “আনন্দ”—তিনি এক একে তিন। ইহার বিস্তারিত আলোচনা চতুর্থ অধ্যায়ে করা হইবে। যাহা হউক আমরা জানিলাম, তিনি এক কালে একাধারে সৎ, চিৎ ও আনন্দ। অর্থাৎ তিনি নিত্য, তিনি চৈতন্যময়, ও তিনি আনন্দময়।

সংকল্প—চৈতন্যের স্বাভাবিক ধর্ম। অচেতনের সংকল্প হয় না। তিনি “চিৎ” বলিয়াই, তাঁহার বহু হইবার সংকল্প স্বভাবতঃই হইয়াছিল। আমরা প্রত্যক্ষ জানি যে সংকল্প স্পন্দনাত্মক। মনের বা চিত্তের স্পন্দনই সংকল্প। এই স্পন্দনই সৃষ্টির মূলে। ইহা মৎ প্রণীত “বেদান্ত প্রবেশ” গ্রন্থে সৃষ্টি তত্ত্বে বিস্তারিত ভাবে আলোচিত হইয়াছে। ইহা—এই স্পন্দন জগতের প্রত্যেক বস্তুর অণু পরমাণুতে অনুস্থাত।

আবার দেখ শুধু চৈতন্য হইতে বহুত্বে পরিণতি হইতে পারে না। চৈতন্য সর্বদেশে, সর্বকালে এক। সূত্রাং বহুত্বের প্রকটনের জন্য চৈতন্য হইতেই বহিরঙ্গা শক্তি বিকাশে জড়াত্তিব্যক্তি। এবং জড় চৈতন্যের সমাবেশই বহুত্ব সংঘটনের মূলে। এই জড় চৈতন্যের মিলনেই জগৎ। জড়ের সহিত চৈতন্য মিলিত হইয়া বিভিন্ন পরিচ্ছিন্ন পৃথক পৃথক জীব ও স্থাবরাদিরূপে উৎপন্ন হইয়া জগৎ ব্যাপার নির্বাহ করিয়া—বহু হইবার সংকল্পের সার্থকতা সম্পাদন করে। সচ্চিদানন্দস্বরূপ ব্রহ্মের সংকল্পরূপ স্পন্দন, এই চৈতন্যাংশ দ্বারা জড়ে সংক্রামিত হইয়া—প্রাণশক্তিরূপে অভিব্যক্ত হয় এবং জন্ম জীবে উহার বাহ্য অভিব্যক্তি আমরা “বায়ুক্রিয়া”তে দেখিতে পাই। কিন্তু স্থাবর জীবে যেমন দৃষ্টান্ত স্বরূপ বৃক্ষাদিতে প্রাণশক্তি বর্তমান থাকিলেও বায়ুক্রিয়াতে তাহার বাহ্য অভিব্যক্তি আমরা দেখিতে পাই না। প্রস্তর, মৃত্তিকা প্রভৃতি অচেতন ভূতবর্গে—প্রাণ শক্তির বর্তমানতা থাকিলেও উহার অভিব্যক্তি নাই—সূত্রাং উহাতে বায়ুক্রিয়ার কোনও নিদর্শন আমরা পাই না। (দেখ সূত্র ১।৩।৪১ ; পৃ: ৬৫০)। অতএব প্রাণ প্রকৃতপক্ষে “বায়ুক্রিয়া” মতে। জন্ম

জীবে প্রাণের বাহ্য অভিব্যক্তি “বায়ুক্রিয়াতে” ইহা বুঝা গেল। প্রাণ প্রকৃতপক্ষে জড় ও চৈতন্যের সংযোগ সেতু।

প্রারম্ভে ভূমিকায় যাহা বলা হইয়াছে, তাহা হইতে প্রতীয়মান হইবে যে, ভগবানের বা ব্রহ্মের বহু হইবার সংকল্পরূপ স্পন্দনই মহত্ত্বের রজঃ প্রধান অংশে ক্রিয়াশীল হইয়া প্রাণতত্ত্বের অভিব্যক্তি করে। জগতে যত কিছু ক্রিয়া দেখিতে পাওয়া যায় সমুদায়ের মূলে এই প্রাণতত্ত্ব। সমষ্টিতে ইনি হিরণ্যগর্ভ, ব্যাষ্টিতে ইনি প্রাণ বা লিঙ্গদেহের পরিচালক। অতএব বুঝা গেল যে, প্রাণ—জন্ম শরীরে প্রত্যক্ষতঃ বায়ুক্রিয়া বলিয়া প্রতীয়মান হইলেও, ইহা “বায়ুক্রিয়া” নহে।

ভিত্তি :—

১। “যা তে তনুর্বাচি প্রতিষ্ঠিতা, যা শ্রোত্রে, যা চ চক্ষুষি ।

যা চ মনসি সন্ততা, শিবাং তাং কুরু মোৎক্রমীঃ ॥”

(প্রশ্নঃ ২।১২)

—হে প্রাণ! তোমার যে তনু বাক্যে প্রতিষ্ঠিত আছে, যাহা শ্রোত্রে ও চক্ষুতেও প্রতিষ্ঠিত আছে, আর মনেতে সন্তত বা নিয়তভাবে রহিয়াছে, সেই তনুকে কল্যাণ কর; উৎক্রমণ করিও না। (প্রশ্নঃ ২।১২)।

২। “মাতেব পুত্রান্ রক্ষস্ব শ্রীশ্চ প্রজ্ঞাঞ্চ বিৎস্বহি নঃ ॥”

(প্রশ্নঃ ২।১৩)

—মাতা যেরূপ পুত্রগণকে রক্ষা করেন, সেইরূপ আমাদের (ইতর ইন্দ্রিয়গণকে) রক্ষা কর, এবং আমাদের সম্পৎ ও হিতবুদ্ধি প্রদান কর। (প্রশ্নঃ ২।১৩)।

৩। “এবমেবৈষ প্রাণ ইতরান্ প্রাণান্ পৃথক্ পৃথগেব সন্নিধন্তে ॥”

(প্রশ্নঃ ৩।৪)

—রাজা যেমন কন্মচারী নিয়োগ করেন, সেইরূপ এই মুখ্য প্রাণ অপর প্রাণ সমূহকে পৃথক্ পৃথক্ ভাবে স্ব স্ব বিষয়ে নিযুক্ত করিয়া থাকে। (প্রশ্নঃ ৩।৪)

৪। “প্রাণো বাব সংবর্গঃ, স যদা স্বপ্নিতি প্রাণমেব বাগপ্যেতি,

প্রাণং চক্ষুঃ, প্রাণং শ্রোত্রং, প্রাণং মনঃ, প্রাণঃ হেবৈতান্

সর্বান্ সংবৃঙ্ক্ত ইতি ॥” (ছান্দোগ্যঃ ৪।৩।৩)

—প্রাণই সংবর্গ (অর্থাৎ, সমস্ত পদার্থকে সমবেত করে অথবা বিলয় করে), কেননা, পুরুষ যখন নিদ্রিত হয়, তখন বাগিন্দ্রিয়, চক্ষু, শ্রোত্র, এবং মনও প্রাণে বিলয়প্রাপ্ত হয়। কারণ, প্রাণই এই সমস্তকে সংবরণ করিয়া থাকে।

(ছান্দোগ্যঃ ৪।৩।৩)

সংশয় :—শিরোদেশে উদ্ধৃত শ্রুতি মন্ত্র সমূহে প্রাণের শ্রেষ্ঠতা ও অন্যান্য ইন্দ্রিয়গণের প্রাণবশতা ও প্রাণের মহিমা স্পষ্ট দেখা যাইতেছে। অতএব,

সংশয় হয় যে, জীব যেমন শরীরে স্বতন্ত্র বা স্বাধীন, প্রাণও কি সেইরূপ স্বতন্ত্র বা স্বাধীন, অথবা, ইহাও চক্ষুরাদির গায় জীবের করণ স্থানীয়? এই সংশয়ের উত্তরে সূত্রকার সূত্র করিলেন :—

সূত্র :—২।৪।১০ ।

চক্ষুরাদিবক্ত্ব তৎসহশিষ্ট্যাদিভ্যঃ ॥ ২।৪।১০ ॥

চক্ষুরাদিবৎ + তু + তৎসহশিষ্ট্যাদিভ্যঃ ॥

চক্ষুরাদিবৎ :—চক্ষু প্রভৃতি ইন্দ্রিয়ের গায় । তু :—সংশয় নিরসনের জন্ম । তৎসহশিষ্ট্যাদিভ্যঃ :—সেই সেই ইন্দ্রিয়ের সহিত উপদেশের কারণে ।

চক্ষুঃ প্রভৃতি ইন্দ্রিয়ের গায় মুখ্য প্রাণও জীবের এক প্রকার করণ বা ভোগ সাধনই বটে । প্রসিদ্ধ জীবোপকরণ ইন্দ্রিয়াদির সহিত এক পর্যায়ে, এক প্রকরণে মুখ্য প্রাণেরও উপদেশ থাকায়, এই প্রকার বুঝিতে হইবে । এই প্রসঙ্গে ছান্দোগ্য শ্রুতির ৫।১।১ হইতে ৫।১।১৫ এবং বৃহদারণ্যকের ৩।১।১ হইতে ৩।১।১৪ মন্ত্রগুলি দ্রষ্টব্য । বাহুল্য ভয়ে এখানে উদ্ধৃত করা হইল না । উহাদের সংক্ষেপ মর্ম এই :—এক সময়ে প্রাণ ও ইন্দ্রিয়গণের মধ্যে পরস্পর বিবাদ হইল, উহাদের মধ্যে জ্যেষ্ঠ ও শ্রেষ্ঠ কে? সকলেই নিজ নিজ প্রাধান্য প্রতিষ্ঠিত করিবার জন্ম ব্যস্ত । তাহারা সকলেই প্রজাপতির নিকট উপস্থিত হইয়া জিজ্ঞাসা করিল—“ভগবন্! আমাদের মধ্যে কে শ্রেষ্ঠ?” তিনি উত্তর করিলেন যে, যাহার উৎক্রান্তিতে শরীর নিতান্ত পাপিষ্ঠের গায় হইবে, অর্থাৎ অত্যন্ত অস্পৃশ্য হইবে, সেই শ্রেষ্ঠ । ইহা শুনিয়া প্রথমে বাক্ উৎক্রান্ত হইল, তাহাতে দর্শন, শ্রবণ, মনন, প্রাণন প্রভৃতি ক্রিয়া চলিতে থাকায়, শরীরের অস্পৃশ্যতা হইল না । তখন বৎসরাস্তে—বাক্ পুনরাগমন করিল । এই প্রকারে ক্রমশঃ চক্ষুঃ, শ্রোত্র, মনঃও একে একে উৎক্রান্ত হইয়া বৎসরাস্তে ফিরিয়া আসিয়া দেখিল যে, শরীর পূর্ববৎই বর্তমান আছে । তারপর প্রাণ যখন উৎক্রান্ত হইতে চেষ্টা করিল, তখন বাক্, চক্ষুঃ, শ্রোত্র, মনঃ প্রভৃতিরও উৎক্রমণ সঙ্গে সঙ্গে অপরিহার্য হইয়া উঠিল । তখন তাহারা সকলে আসিয়া প্রাণের শ্রেষ্ঠত্ব অঙ্গীকার করিল । ইহা ছান্দোগ্যের আখ্যান ; বৃহদারণ্যকেও ইহাই আছে । এই আখ্যায়িকাতে প্রাণ অগ্ন্যাণ্ড ইন্দ্রিয়গণের সহিত এক সঙ্গে

সমভাবে উপদিষ্ট হওয়ার, প্রাণও ঐ সকল ইন্দ্রিয়গণের অগ্ৰতম না হইলেও, তাহাদের গ্ৰায় জীবের ভোগ সাধন বৃদ্ধিতে হইবে।

২।৪।১ সূত্রের আলোচনায় উক্ত ভাগবতের ২।১০।১৫ শ্লোক উপরোক্ত আখ্যায়িকা অবলম্বনে রচিত। উহা হইতে স্পষ্ট প্রতীত হইবে যে, মুখ্য প্রাণই সমুদায় ইন্দ্রিয়ের নিয়ন্তা, এবং এই জগ্ৰই ইহার মুখ্যত্ব। “প্রাণ”, অন্যান্য ইন্দ্রিয়ের গ্ৰায়, জীবের ভোগোপকরণ বলিয়াই উহার বহুবচনে “ইন্দ্রিয়গণ” অর্থই প্রকাশ করে। উক্ত ২।১০।১৫ শ্লোকের টীকায় শ্রীধর স্বামী “প্রাণাঃ ইন্দ্রিয়াণি” এই অর্থই করিয়াছেন।

সুতরাং প্রাণ যে ইন্দ্রিয়গণের গ্ৰায় জীবের ভোগসাধন তাহা সিদ্ধ হইল।

আরও এক কারণ এই যে, যোগমার্গে ইন্দ্রিয়জয়ের সহিত প্রাণজয়ও উক্ত হইয়াছে, যথা :—

প্রাণস্য শোধয়েন্মার্গং পূর-কুস্তক-রেচকৈঃ ।

বিপর্যয়েণাপি শনৈরভ্যাসেন্নির্জিতেন্দ্রিয়ঃ ॥

ভাগঃ ১১।১৪।৩২

—জিতেন্দ্রিয় হইয়া অনুলোম প্রাণায়ামে পূরক-কুস্তক-রেচক দ্বারা এবং বিপর্যায় বা প্রতিলোম প্রাণায়ামে রেচক-পূরক-কুস্তক দ্বারা ক্রমশঃ প্রাণ নিরোধ অভ্যাস করিবে। ভাগঃ ১১।১৪।৩২

অন্যত্রও আছে :—

মৌনং সদাসনজয়নৈশ্চর্ষাং প্রাণজয়ঃ শনৈঃ ।

প্রত্যাহারশ্চেন্দ্রিয়াণাং বিষয়ান্মনসা হৃদি ॥ ভাগঃ ৩।২৮।৫

স্বধিষ্ণ্যানামেকদেশে মনসা প্রাণধারণা ।

বৈকুণ্ঠ লীলাভিধানং সমাধানং তথাশুনঃ ॥

ভাগঃ ৩।২৮।৬

—আসন জয়পূর্বক মৌন ও স্থির হইয়া থাকি, ক্রমশঃ প্রাণজয়, ইন্দ্রিয়গণকে মনের দ্বারা বিষয় হইতে প্রতিনিবৃত্ত করিয়া হৃদয়ে

আনয়ন, প্রাণের স্থান যে মূলাধারাদি, তাহাদের মধ্যে একদেশে মনের সহিত প্রাণের ধারণা, ভগবানের লীলা চিন্তন এবং মনের সমাধান, এই সকল উপায় দ্বারা দৃষ্ট মনকে বুদ্ধি দ্বারা অসংপথ হইতে প্রতিনিবৃত্ত করিয়া যোগে নিয়োগ করিবে।

ভাগঃ ৩।২৮।৫-৬-৭

অতএব ইন্দ্রিয়ের সহিত প্রাণ নিরোধ একসঙ্গে উপদিষ্ট হওয়ায়, প্রাণ ও ইন্দ্রিয় এক পর্য্যায়ের অন্তর্ভুক্ত বলিয়া গ্রহণ করা হইয়াছে।

ভিত্তি :—

“যন্মিহুৎক্রান্তে ইদং শরীরং পাপিষ্ঠতরমিব দৃশ্যতে স বঃ শ্রেষ্ঠঃ ।”

(ছান্দোগ্যঃ ৫।১।৭)

—(প্রজাপতি উত্তর করিলেন) যাহার উৎক্রান্তিতে এই শরীর অধিকতর পাপিষ্ঠের গায় (অম্পৃশ) হইয়া থাকে, সেই তোমাদের মধ্যে শ্রেষ্ঠ ।

(ছাঃ ৫।১।৭)

সংশয় :—পূর্বপক্ষ পুনরায় আপত্তি করিতেছেন । প্রাণকেও চক্ষুরাদির গায় জীবের ভোগাপকরণ বলিতেছ, কিন্তু চক্ষুরাদি ইন্দ্রিয়গণের রূপাদি বিষয় এবং দর্শনাদি জীবোপকারক ক্রিয়া বর্তমান আছে । প্রাণেরও ত সে প্রকার স্বীকার করিতে হয় । কিন্তু প্রাণের সে প্রকার বিষয় বা ক্রিয়ার কি পরিচয় পাওয়া যায় ? আরও দেখ, একাদশ সংখ্যক ইন্দ্রিয় বলিয়া ২।৪।৬ সূত্রে সিদ্ধান্ত স্থাপন করিয়াছ । তাহাদের পৃথক পৃথক বিষয় ও কার্য আছে, তাহা যেন বুঝিলাম । কিন্তু এখন আবার প্রাণকে দ্বাদশ ইন্দ্রিয়ভুক্ত করিলে, তোমার পূর্ব সিদ্ধান্তহানি হইতেছে না কি ? ইহার উত্তরে সূত্র :—

সূত্র :—২।৪।১১ ।

অকরণত্বাচ্চ ন দোষস্তথাহি দর্শয়তি ॥ ২।৪।১১ ॥

অকরণত্বাৎ + চ + ন + দোষঃ + তথাহি + দর্শয়তি ॥

অকরণত্বাৎ :—যে হেতু জীবের উপকার সাধককরণ স্থানীয় নহে । চ :—
ও । ন :—না । দোষঃ :—দোষ । তথাহি :—সেইরূপই । দর্শয়তি :—
দেখাইতেছেন ।

চক্ষুরাদি ইন্দ্রিয় রূপাদি বিষয়ের আলোচনা করে, তাই তাহার। “করণ” । প্রাণ তাহা বা তদুৎকরণ কিছু করে না বলিয়া, উহা ‘অকরণ’ । কিন্তু উহার যে বিশেষ কার্য বা প্রয়োজন নাই, তাহা নহে । উহারও অসাধারণ এবং বিশেষ কার্যও আছে । সেই কার্য—অগ্ন্যাগ্নি ইন্দ্রিয় ও শরীরকে ধারণ । তাহার দ্বারা ‘প্রাণ’ জীবের মহত্বপকার করিয়া থাকে । ২।৪।২ সূত্রের আলোচনায় এই অগ্নি প্রাণকে “অড় ও চৈতন্যের সংযোগ সেতু” বলা হইয়াছে । শিরোদেশে উদ্ধৃত শ্রুতি মন্ত্র এবং পূর্ব সূত্রের আলোচনায় উল্লিখিত আখ্যায়িকাই

তাহার প্রমাণ। যেমন কোনও রাজ্যের রাজা এবং রাজার উপদেশক মন্ত্রী, ও কার্যনির্বাহক রাজপুরুষাদি কর্মচারী থাকে, সেইরূপ জীব—দেহ রাজ্যের রাজা, প্রাণ তাহার উপদেশক মন্ত্রী এবং ইন্দ্রিয়গণ কার্যনির্বাহক কর্মচারী। সুতরাং প্রাণের দ্বারা জীবের মহত্বপূর্ণ সম্পাদিত হইয়া থাকে। অতএব তোমার আপত্তির কোনও ভিত্তি নাই।

শ্রীমদ্ভাগবতে প্রাণের ক্রিয়াশক্তি স্পষ্টই উল্লিখিত আছে :—

তৈজসানীন্দ্রিয়ান্যেব ক্রিয়াজ্ঞানবিভাগসঃ ।

প্রাণশ্চ হি ক্রিয়াশক্তিবুদ্ধেবিজ্ঞানশক্তিতা ॥ ভাগঃ ৩।২।৬।৩০

—পঞ্চ জ্ঞানেন্দ্রিয় ও পঞ্চ কর্মেন্দ্রিয়, ইহারা তৈজস বা রাজসিক অহকার হইতে উৎপন্ন। প্রাণের ক্রিয়াশক্তি এবং বুদ্ধির বিজ্ঞানশক্তি প্রধান। কিন্তু প্রাণ এবং বুদ্ধি উভয়ই তৈজস হওয়ায়, ইন্দ্রিয়গণও তৈজস।

ভাগঃ ৩।২।৬।৩০

অতএব, সিদ্ধ হইল যে, মুখ্য প্রাণ কর্তা বা ভোক্তা নহে। জীবই কর্তা ও ভোক্তা। মুখ্যপ্রাণ চক্ষুরাদির দ্বারা জীবোপকরণ। ইহা যে ইন্দ্রিয়গণের নিয়ন্তা, তাহা ২।৪।১ সূত্রে ভাগবতের ২।১০।১৫ শ্লোক হইতে প্রতিপন্ন হইবে।

ভিত্তি :—

“কামঃ সঙ্কল্পো বিচিংকিসা শ্রদ্ধাশ্রদ্ধা, ধৃতরধুতিহ্রীর্ধীর্ভীর্নীত্যেতৎ
সর্বং মন এব প্রাণোহপানো ব্যান উদানঃ সমান ইত্যেতৎ সর্বং

প্রাণ এব ... ॥” (বৃহদারণ্যকঃ ১।৫।৩)

—যেমন কামনা, সংকল্প, সংশয়, শ্রদ্ধা, অশ্রদ্ধা, ধৈর্য্য, অধৈর্য্য, লজ্জা, জ্ঞান, ভয় এ সমস্ত যদিও বৃত্তিভেদে বিভিন্ন তথাপি মনই, অর্থাৎ মন হইতে ভিন্ন নহে। সেইরূপ প্রাণ, অপান, ব্যান, উদান, সমান বৃত্তিভেদে বিভিন্ন হইলেও, এক প্রাণই। (বৃহঃ ১।৫।৩)।

সংশয় :—বৃত্তিভেদে, কার্য্যভেদে এবং নাম ভেদে, প্রাণ, অপান, ব্যান, উদান ও সমান, ইহারা পাঁচটি পৃথক্ পৃথক্ পদার্থ বা পাঁচই এক পদার্থ? ইহার উত্তরে সূত্র :—

সূত্র :—২।৪।১২।

পঞ্চবৃত্তির্মনোবদ্ ব্যপদিশ্যতে ॥ ২।৪।১২ ॥

পঞ্চবৃত্তিঃ + মনোবৎ + ব্যপদিশ্যতে ॥

পঞ্চবৃত্তিঃ :—পাঁচ প্রকার বৃত্তিবিশিষ্ট। মনোবৎ :—মনের গায়।
ব্যপদিশ্যতে :—ব্যবহৃত হয়।

কামনা, সংকল্প, সংশয়, শ্রদ্ধা ইত্যাদি বৃত্তি, 'কার্য্যে ও নামে বিভিন্ন হইলেও, উহার যেন মনঃ হইতে পৃথক বস্তু নহে, তেমনি প্রাণ অপান প্রভৃতি বৃত্তি, কার্য্য ও নাম ভেদে বিভিন্ন হইলেও, উহার প্রাণই। শিরোদেশে উক্ত শ্রুতি মন্ত্রই ইহার প্রমাণ। এই অর্থ শ্রীমদ্ রামানুজাচার্য্য সম্মত।

শ্রীমদ্ শঙ্করাচার্য্য ইহার ব্যাখ্যা নিম্নমত করেন। মনঃ অর্থাৎ অস্তঃকরণ, একই মনের রূপ, রস, গন্ধ, স্পর্শ, শব্দ গ্রহণ বিষয়ক বৃত্তিভেদ এবং তদনুযায়ী কার্য্যভেদ, অথবা অবিজ্ঞা, অস্মিতা, রাগ, দ্বেষ, অভিনিবেশ এই পঞ্চবিধ বৃত্তিভেদ, মনঃ হইতে বস্তুস্তর নহে, সেইরূপ প্রাণ একই বটে। কেবল প্রাণনাদি কার্য্যভেদানুসারে প্রাণ, অপান প্রভৃতি সংজ্ঞায় অভিহিত হয় মাত্র। উভয় অর্থে ভেদ নাই।

২।৪।৪ সূত্রের আলোচনায় উদ্ধৃত ভাগবতের ৩৬।৭ শ্লোক দ্রষ্টব্য । ইহার ব্যাখ্যায় পুণ্ড্রপাদ শ্রীধর স্বামী লিখিতেছেন :—কর্মাশক্তি, ক্রিয়াশক্তিসত্ত্বাদি দশধা—প্রাণরূপেণ প্রাণাপানোদানসমানব্যানা পঞ্চ, নাগঃ, কুর্মাশক্তি কুকরো দেবদত্তো ধনঞ্জয় ইত্যেতে পঞ্চ, ইত্যেবং 'বৃত্তিভেদেন দশবিধঃ প্রাণঃ'—ক্রিয়াশক্তি দ্বারা প্রাণরূপে দশ প্রকার, অর্থাৎ প্রাণ, অপান, উদান, সমান, ব্যান এই পঞ্চ এবং নাগ, কূর্ম, কুকর, দেবদত্ত ও ধনঞ্জয় এই পঞ্চ—বৃত্তিভেদে এই দশ প্রকারে ।

সুতরাং সিদ্ধ হইল যে, প্রাণ, অপান প্রভৃতি বৃত্তিভেদে হইলেও, উহারা পৃথক বস্তু নহে, উহারা একই বস্তু 'প্রাণ'—বৃত্তিভেদে এবং কার্যভেদে বিভিন্ন সংজ্ঞায় অভিহিত হয় মাত্র ।

ভাগবতের ৩।৭।২৩ শ্লোকেও উক্ত আছে :—“যস্মিন্ দশবিধঃ প্রাণঃ...”

—যে বিরাট পুরুষের প্রাণাদি পাঁচ ও নাগাদি পাঁচ, এই দশ প্রকার প্রাণ আছে । ভাগঃ ৩।৭।২৩

ইহাও বৃত্তিভেদে দশ প্রকার, বস্তুভেদে নহে ।



৫। শ্রেষ্ঠাণুস্বাধিকরণ ॥

ভিত্তি :—

১। “তমুৎক্রামন্তুঃ প্রাণোহনুৎক্রামতি” । (বৃহদাঃ ৪।৪।২)

—জীব উৎক্রমণ করিতে উচ্চত হইলে পর, প্রাণও তাহার অনুগমন করিয়া থাকে । (বৃহঃ ৪।৪।২) ।

২। “সমঃ প্লুংষিণা, সমো মশকেন, সমো নাগেন, সম এভিস্ত্রিভি-
লৌকৈঃসমোহনেন সর্বেণ ।” (বৃহদাঃ ১।৩।২২) ।

—এই প্রাণ মশক অপেক্ষাও ক্ষুদ্র পুস্তিকার সমান, মশকের সমান, সর্পের সমান, এই তিন লোকের সমান, অধিক কি, সমস্ত জগতের সমান । (বৃহদাঃ ১।৩।২২)

৩। “প্রাণে সর্বং প্রতিষ্ঠিতম্” । (প্রশ্ন ২।৬) ।

—প্রাণে সমুদায় জগৎ প্রতিষ্ঠিত । (প্রশ্ন ২।৬) ।

সংশয় :—শিরোদেশে উক্ত বৃহদাঃ ৪।৪।২ মন্ত্র আলোচনা করিলে, জীবের সহিত প্রাণের উৎক্রান্তি কথিত হওয়ায়, তোমাদের ২।৩।২০ সূত্রের এবং ২।৪।৭ সূত্রের সিদ্ধান্ত অনুসারে মুখ্য প্রাণ অণুপরিমাণ হওয়া উচিত । আবার বৃহদারণ্যক ১।৩।২২ মন্ত্রে প্রাণকে দেহ পরিমাণ বলা হইয়াছে, আবার সর্বব্যাপীও বলা হইয়াছে । প্রশ্নশক্তির ২।৬ মন্ত্রে প্রাণ সমুদায়ের আশ্রয় হওয়ায় সর্বব্যাপী হইয়া পড়ে । ইহাদের মধ্যে কোনটি প্রকৃত—প্রাণ কি অণু. অথবা দেহ পরিমাণ সম, কিম্বা সর্বব্যাপী ? ইহার উত্তরে সূত্র :—

সূত্র :—২।৪।১৩ ।

অণুশ্চ ॥ ২।৪।১৩ ॥

অণুঃ + চ ॥

অণুঃ :—স্বপ্ন । চ :—ও ।

মুখ্য প্রাণ—অণু, স্বপ্ন বটে । পরমাণুর সমান বলিয়া যে অণু, তাহা নহে । স্বপ্ন—ইন্দ্রিয়ের অগোচর হওয়ায় অণু । ইতর প্রাণ সকল (ইন্দ্রিয়গণ) যেকোন স্বপ্ন বলিয়া অণু, মুখ্য প্রাণও সেই প্রকার । বৃহদারণ্যক শক্তির ৪।৪।২

মন্ত্র ইহার প্রমাণ । মুখ্য প্রাণ যদি সর্বব্যাপী হইত, তাহা হইলে, উহার উৎক্রান্তি সম্ভব হইত না । অতএব, প্রাণ অণু বটে ।

বৃহদারণ্যক শ্রুতির ১।৩।২২ মন্ত্রে যে বলা হইয়াছে, প্রাণ মশকের সমান, মশক হইতেও ক্ষুদ্র পুস্তিকার সমান, সর্পের সমান ইত্যাদি উহার অর্থ ইহা নহে যে, প্রাণ ঐ সকল জীবের শরীরের সম-পরিমাণ । উহার অর্থ এই যে, “গোত্ব” ধর্ম যেমন নিখিল গো শরীরে ব্যাপ্ত, তদ্রূপ প্রাণও যাবতীয় পুস্তিকা প্রভৃতির শরীরে ব্যাপিয়া বর্তমান থাকে, এজন্য প্রাণের সর্বসমত্ব—ঐ সমস্ত শরীরের সম-পরিমাণ বলিয়া নহে ।

তবে যে প্রাণের বিভূত্ব প্রশ্ন উপনিষদের ২।৬ মন্ত্রে উক্ত হইয়াছে, উহার কারণ এই যে, প্রাণীমাত্রেরই অবস্থিতি যখন প্রাণাধীন, তখন প্রাণীর বহুত্ব ও ব্যাপকত্ব লইয়াই প্রাণের বিভূত্ববাদের উৎপত্তি হইতে পারে । অথবা, প্রাণের এই ব্যাপিত্ব কখনও আধিদৈবিক অভিপ্রায়ে, এবং অধ্যাপিত্ব কখন আধ্যাত্মিক অভিপ্রায়ে, হইতে পারে । আধিদৈবিক প্রাণ—সমষ্টিরূপ—ইহারই নামহিরণ্যগর্ভ । ইহাতে সমুদায় জগৎ প্রতিষ্ঠিত । তাহা আমরা এই পাদের ভূমিকায় পাইয়াছি । আর আধ্যাত্মিক প্রাণ—ব্যষ্টিরূপ—ইহারই নাম প্রাণ—ইনি অণু এবং পরিচ্ছিন্ন । এইরূপে উভয় উক্তির সামঞ্জস্য বিধান হইবে ।

২।৪।৯ সূত্রের আলোচনা হইতে আমরা বুঝিয়াছি যে প্রাণ—অড়-চৈতন্যের সংযোগ সেতু । ব্রহ্ম বা ভগবানের বহু হইবার মূল সংকল্প সিদ্ধির জন্ত সেই সংকল্পাত্মক স্পন্দনের অড় সংক্রমণই প্রাণরূপে অভিব্যক্ত । উহা কি স্বাবর কি জন্ম, সমুদায়ের অণু-পরমাণুতে অতি সূক্ষ্মরূপে বর্তমান । এজন্য ইহাকে যেমন এক পক্ষে সর্বব্যাপী বলা যায়, অন্য পক্ষে জীব সম্বন্ধে ২।৩।২০ সূত্রের সিদ্ধান্তানুসারে যেমন অণুত্ব প্রতিপাদিত হইয়াছে, জীবের সহিত অতি ঘনিষ্ঠ সম্বন্ধে সম্বন্ধ প্রাণেরও অণুত্ব সিদ্ধ হইয়া থাকে ।

২।৪।৭ সূত্রের আলোচনায় উক্ত ভাগবতের ১।১।৩।৪০ শ্লোকে প্রাণের জীবাণুগমন উল্লিখিত হইয়াছে । এখানে আর উক্ত হইল না । উহা হইতে প্রতিপন্ন হইল যে, প্রাণ অণু বটে অর্থাৎ অতি সূক্ষ্ম ।

অন্যত্র, যোগীদিগের প্রাণত্যাগ প্রসঙ্গে ব্রহ্মরূপথে প্রাণ প্রয়াণ কথিত আছে, ব্রহ্মরূপ পথ অতি সূক্ষ্ম, যে বস্তু তাহার মধ্য দিয়া প্রয়াণ করিয়া থাকে, তাহা যে তদপেক্ষা সূক্ষ্ম হইবে তাহার কথা কি ?

তস্মাদ্ ভ্রুবোরস্তুরমুন্নয়েত

নিরুদ্ধসপ্তাস্বয়নোহনপেক্ষঃ ।

স্থিত্বা মুহূর্ত্তাৰ্দ্ধমকুণ্ঠদৃষ্টি-

নির্ভিত্ত মূৰ্দ্ধন্ব বিসৃজেৎ পরং গতঃ ॥

ভাগঃ ২।২।২১

—তদনস্তুর প্রাণের সপ্ত মার্গ (শ্রোত্রদ্বয়, নেত্রদ্বয়, নাসিকাদ্বয় ও মুখ) নিরোধ পূর্বক পূর্বশ্লোকে কথিত বিশুদ্ধিচক্রে অগ্রভাগ হইতে প্রাণকে লইয়া ভ্রুবয়ের মধ্যবর্তী আজ্ঞাচক্রে স্থাপন করেন । তৎপরে যদি একেবারে অনপেক্ষ হন, অর্থাৎ কোনও প্রকার ভোগবাসনা না থাকে, তাহা হইলে, ঐ স্থানে অর্দ্ধমুহূর্ত্ত অবস্থান করিয়া পরব্রহ্মগত হওতঃ ঐ প্রাণকে ব্রহ্মরন্ধ্রে নীত করিবেন । তাহার পরেই ব্রহ্মরন্ধ্র নির্ভেদ করিয়া প্রয়াণ সময়ে দেহ এবং ইন্দ্রিয় সকল পরিত্যাগ করিবেন । ভাগঃ ২।২।২১

এই শ্লোক হইতে এবং ইহার পূর্ববর্তী ভাগবতের শ্লোকদ্বয় হইতে আমরা পাইতেছি যে, যোগীগণ প্রাণকে গুহ্যদেশে স্থিত মূলাধার চক্রে হইতে যোগপ্রক্রিয়া দ্বারা ক্রমশঃ নাভিদেশস্থিত মণিপুর চক্রে তথা হইতে হৃদয়স্থ অনাহত চক্রে, তথা হইতে কর্ণস্থিত বিশুদ্ধ চক্রে, ক্রমশঃ সেখান হইতে ভ্রুবয় মধ্যস্থ আজ্ঞাচক্রে এবং তথা হইতে মস্তকস্থিত সহস্রার চক্রে উন্নয়িত করিয়া পরিশেষে ব্রহ্মরন্ধ্র ভেদ করিয়া প্রয়াণ করেন । সুতরাং প্রাণকে যখন স্থান হইতে স্থানান্তরে আনয়ন কার্য্য কথিত হইয়াছে, তখন প্রাণ সর্বব্যাপী নহে, প্রাণ অণু বটে ।

তবে যে উপরে বলা হইয়াছে যে, গোট যেমন গোশরীরে সর্বত্র ব্যাপ্ত, সেইরূপ প্রাণ সমুদায় শরীর ব্যাপিয়া অবস্থান করে । জীবিতকালে ইহার প্রত্যক্ষ পরিচয়ও আমরা পাইয়া থাকি । যখন আমরা জীবিত, তখন আমাদের শরীরের পায়ের নখ হইতে মস্তক পর্য্যন্ত সমুদায় শরীর জীবিত, কোনও অংশ যদি কোনও কারণে মৃত হয়, তাহা হইলে উহা শরীর হইতে পরিত্যক্ত হয় । প্রাণ যদি অণু হয় এবং মূলাধার চক্রেই যদি উহার সাধারণ অবস্থান স্থান হয়, তবে উক্ত উক্তির সহিত সামঞ্জস্য রক্ষা কি প্রকারে হইল ?

ইহার উত্তর এই, সূর্য্য যেমন আকাশের একদেশে অবস্থান করিয়া কিরণ, অলোক, তাপ বিকীরণে—সৌর জগতের ভিতরে বাহিরে সর্বত্র স্থাবর-জঙ্গম

সকলের জন্ম, বৃদ্ধি, পরিণাম প্রভৃতি সংঘটিত করেন, দীপ যেমন কোনও অন্ধকারময় গৃহের একাংশে থাকিয়া, আলোক দানে গৃহের সর্বত্র অন্ধকার নষ্ট করিয়া থাকে, সেইরূপ প্রাণ অণুরূপে দেহের একাংশে অবস্থান করিয়া, প্রাণন শক্তি বিকাশে, সমগ্র দেহকে এবং দেহের সমুদায় অবয়বকে পায়ের নখ হইতে মস্তকের কেশ পর্য্যন্ত—সঞ্জীবিত করিয়া রাখে। সমুদায় অবয়ব প্রাণের স্পন্দনে স্পন্দিত হইয়া জীবনী শক্তির পরিচয় দিয়া থাকে। সুতরাং অসামঞ্জস্য মাত্র নাই।

৬। জ্যোতিরাত্তিষ্ঠানাধিকরণ ।

ভিত্তি :—

“অগ্নির্বাগ্ভূত্বা মুখং প্রাবিশৎ, বায়ুঃ প্রাণো ভূত্বা নাসিকে প্রাবিশৎ,
আদিত্যশ্চক্ষুভূত্বা অক্ষিণী প্রাবিশৎ, দিশঃ শ্রোত্রং ভূত্বা কর্ণৌ
প্রাবিশন্.....” ইত্যাদি । (ঐতরেয়ঃ ১।২।৪)

—অগ্নি বাক্য হইয়া মুখে, বায়ু প্রাণ হইয়া দুই নাসিকায়, আদিত্য চক্ষু
হইয়া দুই অক্ষিগোলকে, দিক্ শ্রবণেন্দ্রিয় হইয়া দুই কর্ণে..... প্রবেশ করিলেন ।
(ঐতরেয়ঃ ১।২।৪)

সংশয় :—শিরোদেশে উদ্ধৃত শ্রুতিমন্ত্রে স্পষ্ট উল্লিখিত রহিয়াছে যে,
ভিন্ন ভিন্ন দেবতাগণ ভিন্ন ভিন্ন ইন্দ্রিয়ে প্রবেশ করিলেন । তবে জিজ্ঞাসা করি
যে, প্রস্তাবিত প্রাণ সকল অর্থাৎ ইন্দ্রিয়গণ কি নিজে নিজে স্বাধীনভাবে আপন
আপন কার্য্য করেন, অথবা, দেবতা কর্তৃক অধিষ্ঠিত হওয়ায় ঐ সকল দেবতার
শক্তিতে কার্য্যশীল হইয়া থাকে ? যদি বল যে, দেবতাগণের শক্তিতে শক্তিমান
হইয়া ইন্দ্রিয়গণ কার্য্যশীল হইয়া থাকে, তাহা হইলে অধিষ্ঠাত্তদেবতাগণের
নিজ নিজ ইন্দ্রিয়ের বিষয় পরম্পরায় ভোক্তৃত্বের সম্ভাবনা উপস্থিত হয় এবং
তাহা হইলে, জীবের ভোক্তৃত্ব যাহা প্রসিদ্ধ, এবং যাহা সম্ভবতঃ তোমরাও
অস্বীকার করিবে না, তাহার লোপাপত্তির সম্ভাবনা উপস্থিত হয় । অতএব,
ইন্দ্রিয়গণ স্বাধীনভাবে আপন আপন কার্য্য করে, ইহাই সম্ভব । ইহার উত্তরে
সূত্রকার সূত্র করিলেন :—

সূত্র :—২।৪।১৪ ।

জ্যোতিরাত্তিষ্ঠানং তু তদামননাং ॥ ২।৪।১৪ ॥

জ্যোতিরাত্তিষ্ঠানং + তু + তৎ + আমননাং ॥

জ্যোতিরাত্তিষ্ঠানং :—অগ্নি প্রভৃতি দেবতা কর্তৃক পরিচালনা । তু :—
কিন্তু (আপত্তি নিরসনসূচক) । তৎ :—তাহা । আমননাং :—শ্রুতিতে
কখন হেতু (শঙ্কর)—পরব্রহ্মের সংকল্প হেতু (রামানুজ) ।

শিরোদেশে উদ্ধৃত শ্রুতিমন্ত্রে স্পষ্ট উল্লেখ আছে যে, দেবতাগণ ইন্দ্রিয়গণে
প্রবেশ করিলেন, অর্থাৎ ইন্দ্রিয়গণে অধিষ্ঠান করিলেন । সূত্ররূপে ইহা হইতে

সিদ্ধান্ত হইবে যে, দেবভাগণের শক্তিতেই ইন্দ্রিয়গণ স্ব স্ব কার্য্য করিয়া থাকে (শব্দ) ।

আবার ঐ দেবভাগণ পরব্রহ্মের সংকল্প হেতুই ইন্দ্রিয়গণে অধিষ্ঠিত হইয়া তাহাদের পরিচালনা করেন (রামানুজ) ।

এ সম্বন্ধে শ্রীমদ্ভাগবতের বক্তব্য নিয়ে লিখিত হইল :—

বৈকারিকামনো জজ্ঞে দেবা বৈকারিকা দশ ।

দিখাতার্কপ্রচেতোহশ্বিবহ্নীন্দ্রোপেন্দ্রমিত্রকাঃ ॥ ভাগঃ ২।৫।৩০

—সাত্ত্বিক অহঙ্কার হইতে মনঃ, তাহার অধিষ্ঠাতা চন্দ্র, এবং দিক্, বাত, অর্ক, প্রচেতাঃ, অশ্বিনীকুমারদ্বয়, বহ্নি, ইন্দ্র, উপেন্দ্র, মিত্র এবং ‘ক’ বা প্রজাপতি, এই দশ দেবতা উৎপন্ন হইলেন । ভাগঃ ২।৫।৩০

শ্রীমদ্ভাগবতের তৃতীয় স্কন্ধের ষষ্ঠ অধ্যায় হইতে আমরা পাইতেছি, এই দেবতা সকল বিরাটের বিভিন্ন ইন্দ্রিয় আশ্রয় করিয়া তাহাতে অধিষ্ঠান করিলেন । অর্থাৎ অগ্নি বিরাটের মুখে (৩।৬।১২), বক্রণ (প্রচেতাঃ) তালুতে (৩।৬।১৩), অশ্বিনীকুমারদ্বয় দুই নাসিকায় (৩।৬।১৩), আদিত্য দুই চক্ষুতে (৩।৬।১৪), বায়ু ত্বকে (৩।৬।১৫), দিক্ দেবভাগণ দুই কর্ণে (৩।৬।১৬), প্রজাপতি উপস্থে (৩।৬।১৭), মিত্র দেবতা পাশুতে (৩।৬।১৮), ইন্দ্র হস্তদ্বয়ে (৩।৬।১৯), বিষ্ণু বা উপেন্দ্র দুই পদে (৩।৬।২০) প্রবেশ করিলেন । ৩।২।৬।৫৭ শ্লোকেও এই কথাই আছে । বলা বাহুল্য, বিরাট সমষ্টি জীবের স্থূল শরীর । সুতরাং সমষ্টি জীবের স্থূল শরীর সম্বন্ধে যাহা, ব্যষ্টি জীবের স্থূল শরীর সম্বন্ধেও তাই ।

অতএব সিদ্ধান্ত এই যে, অধিষ্ঠাতৃ দেবভাগণের পরিচালনায় ইন্দ্রিয়গণ স্ব স্ব কার্য্য করিয়া থাকে । আবার, পরব্রহ্মের সংকল্প অনুসারেই দেবভাগণ ইন্দ্রিয়গণে অধিষ্ঠিত হইয়া তাহাদিগকে পরিচালনা করেন । ইহার ভাগবত প্রমাণ পর সূত্রে উদ্ধৃত হইবে ।

১।১।২ সূত্রের আলোচনায় (পৃঃ ১৭০-১৭১) যে সৃষ্টিচিত্র দেওয়া হইয়াছে, তাহার প্রতি দৃষ্টি আকর্ষণ করিতেছি । উহা হইতে স্পষ্ট প্রতীয়মান হইবে যে, একের বহু হইবার সংকল্পরূপ স্পন্দন কেমন করিয়া ক্রমশঃ সূক্ষ্মতম হইতে সূক্ষ্মতর, সূক্ষ্ম, স্থূল, স্থূলতর প্রভৃতির মধ্যদিয়া স্থূলতমে পরিণত হয় । স্পন্দনাত্মক শব্দ কি করিয়া “রূপে” পরিণত হয়—অন্য কথায় কি করিয়া নাম—রূপে পরিণত হয়—তাহা মৎ প্রণীত “গায়ত্রী-রহস্য” পুস্তকের ব্যাখ্যতি তদ্যালোচনায়—বিস্তারিত-

ভাবে আলোচিত হইয়াছে। এইখানে আর বিস্তারের প্রয়োজন নাই; অহু-সঙ্কিংহু পাঠক ইচ্ছা করিলে যথাস্থানে দেখিয়া লইতে পারিবেন। এখানে এইটুকু সুস্পষ্টভাবে হৃদয়ঙ্গম করা প্রয়োজন যে, অধিদৈব, অধ্যাত্ম ও অধিভূত—অন্যকথায়—ইন্দ্রিয়গণের অধিষ্ঠাতা ও পরিচালক দেবতাগণ, ইন্দ্রিয়গণ ও রূপ-রস প্রভৃতির ইন্দ্রিয়ের উপভোগ্য বিষয়—কি প্রকার অতি ঘনিষ্ঠ সম্বন্ধে-সম্বন্ধ। ১।১।২ সূত্রের আলোচনায় প্রদত্ত চিত্র হইতে ইহা স্পষ্ট উপলব্ধ হইবে। উক্ত চিত্র হইতে দেখা যাইবে যে, তমঃ প্রধান অহংকার হইতে, ঐ তিনেরই উৎপত্তি। অহংকার তমঃ প্রধান হইলেও উহাতে সত্ত্ব ও রজঃ মিশ্রিত আছে। উহার সত্ত্ববহুল অংশ হইতে—ইন্দ্রিয়গণের অধিষ্ঠাতৃ দেবতাগণের, রজোবহুল অংশ হইতে—ইন্দ্রিয়গণের এবং তমোবহুল অংশ হইতে—রূপ রসাদি বিষয় সকলের অভিব্যক্তি হইয়া থাকে। ইহারা যথাক্রমে অধিদৈব, অধ্যাত্ম ও অধিভূত। ইহারা পরস্পর পরস্পরকে আত্যন্তিক অপেক্ষা করে। পরস্পর পরস্পরের সাহায্যে সার্থকতা লাভ করে। দৃষ্টান্ত স্বরূপ বলা যাইতে পারে যে, যদি আদিত্য না থাকিত, তাহা হইলে রূপ ও চক্ষুর সার্থকতা সিদ্ধ হইত না, আবার চক্ষুঃ না থাকিলে আদিত্য ও রূপের সার্থকতা কোথায়? অন্ধের কাছে, উহাদের থাকা না থাকা সমান। ঐ প্রকার রূপ না থাকিলে—আদিত্য ও চক্ষুর কোনও প্রয়োজন কল্পনা করা যায় না। ইহা ১।১।২১ সূত্রের আলোচনায় আলোচিত হইয়াছে। এই অধিদৈব, অধ্যাত্ম, অধিভূত সকলের অভিব্যক্তি, পরস্পরের ঘনিষ্ঠ সম্বন্ধ, পরস্পরের আত্যন্তিক অপেক্ষা, পরস্পরের সাহায্যে পরস্পরের সার্থকতা—সমুদায়ের মূলে ব্রহ্ম বা পরমাত্মার বা ভগবানের বহু হইবার সংকল্প। সেই সংকল্প বলেই অধিদৈবগণের পরিচালনায়—অধ্যাত্মগণ ক্রিয়াশীল হইয়া অধিভূতগণকে উপভোগ করিয়া থাকে। সেই ব্রহ্ম, পরমাত্মা বা ভগবান অন্তর্ধ্যামী রূপে প্রত্যেকের অন্তরে অবস্থান করিয়া—প্রাণশক্তি বিকাশে উহাদের কার্যশীলতা নিয়ন্ত্রণ করেন। ইহা ১।২।১২ সূত্রে প্রসঙ্গতঃ আলোচিত হইয়াছে। জীব এই পরমাত্মারই উটন্যা শক্তি। 'তাহারই সংকল্প বলে জীব কর্তা ও ভোক্তা রূপে প্রতিদেহে অবস্থান করিয়া—প্রাণশক্তি সাহায্যে—জড়-চৈতন্যের সংযোগ সাধন করিয়া—সৃষ্টির সার্থকতা ও জগৎস্বেচিত্র্য সম্পাদন করিয়া থাকেন। পর সূত্রে সূত্রকার জীবের সহিত ইন্দ্রিয়গণের সম্বন্ধে আলোচনা করিবেন।

ভিত্তি :—

“স যথা মহারাজো জনপদান্ গৃহীত্বা স্বে জনপদে যথাকামং পরিবর্তেতৈবমেবৈষ এতৎ প্রাণান্ গৃহীত্বা স্বে শরীরে যথাকামং পরিবর্তেতে ॥” (বৃহদারণ্যকঃ ২।১।১৮)।

—মহারাজা যেমন জনপদস্থ প্রজাগণের সঙ্গে নিজ জনপদে ইচ্ছামত বর্তমান থাকেন, সেইরূপ এই জীবও এই সমুদায় ইন্দ্রিয়গণকে গ্রহণ করিয়া নিজ শরীরে ইচ্ছামত বর্তমান থাকেন। (বৃহদাঃ ২।১।১৮)।

পূর্বসূত্রে পূর্বপক্ষ যে আপত্তি উত্থাপন করিয়াছেন, যে ইন্দ্রিয়গণ আধিষ্ঠাতৃ দেবতাগণের শক্তিতে কার্যশীল হইলে জীবের ভোক্তৃত্ব লোপ পাওয়ার সম্ভাবনা হইতে পারে, ইহার উত্তরে সূত্র :—

সূত্র :—২।৪।১৫ ।

প্রাণবতা শব্দাৎ ॥ ২।৪।১৫ ॥

প্রাণবতা + শব্দাৎ ॥

প্রাণবতা :—জীবগণের সহিত (ইন্দ্রিয়গণের সম্বন্ধ,)। **শব্দাৎ :—**শ্রুতি হইতে জানা যায়।

শিরোদেশে উদ্ধৃত শ্রুতি মন্ত্রহইতে স্পষ্টই জানা যায় যে, জীবের দেহ তাহার স্বোপার্জিত—অর্থাৎ প্রাক্তন কর্মলভ্য ; এবং জীবের সহিত ইন্দ্রিয়গণের সম্বন্ধ, মহারাজার সহিত প্রজাগণের সম্বন্ধের ন্যায় বর্তমান। সুতরাং জীবের ভোক্তৃত্ব লোপাপত্তির সম্ভাবনা কোথায়? জীব ভোগের জন্য প্রাণ ও ইন্দ্রিয়গ্রামে অধিষ্ঠান করেন, অধিষ্ঠাতৃদেবতাগণ রাজপুরুষগণের ন্যায় ইন্দ্রিয়গণকে স্ব স্ব কার্যে নিয়োগ ও পরিচালনা করেন মাত্র, ভোগ করেন না।

যেমন কোনও ব্যক্তি নিজ কৃত কর্মের ফলে, কোনও রাজা বা রাজতুল্য ধনী ব্যক্তি হইতে একটি সুসজ্জিত বাগান বাড়ী জীবিতকাল যাবৎ উপভোগের জন্য প্রাপ্ত হইয়া, তাহার সুখ, সম্পদ প্রভৃতি ভোগ করেন মাত্র, উক্ত বাগানে যে সমস্ত ফুলগাছ বা ফলের বৃক্ষ আছে, তাহাদের জনন, সংরক্ষণ প্রভৃতির জন্য উক্ত রাজা বা ধনী ব্যক্তির নিযুক্ত ভিন্ন ভিন্ন পরিচারক এবং তাহাদের কার্য পরিদর্শন জন্য পরিদর্শক আছেন। তাহার উক্ত ভোগকারী ব্যক্তির অধীন নহে, অথচ রাজার বা ধনী ব্যক্তির অমুমতিক্রমে উহার

(উক্ত ভোগকারীর) সমুদায় অভাব, অভিযোগের তত্ত্বাবধান এবং ভোগ সাধন দ্রব্যাদির ব্যবস্থা করেন, গৃহটিরও আসবাব, উপকরণ সমুদায়ই রাজার অথবা উক্ত ধনী ব্যক্তির ; উহাদের তত্ত্বাবধান, যথাযথ ভাবে বিক্রাস, পরিষ্কার পরিচ্ছন্ন রাখিবার ব্যবস্থাদি সকলই, ঐ সকল নিযুক্ত পরিচারক ও পরিদর্শক দ্বারা সংঘটিত হয়, ভোগকারী ব্যক্তি কেবল ভোগ করিতে থাকেন মাত্র, এবং সে জন্ম উহা হইতে উৎপন্ন সুখ, পরিতৃপ্তি বা দুঃখ, অতৃপ্তি প্রভৃতিও ভোগ সঙ্গে সঙ্গে করেন। সেইরূপ বিশ্বরাজের নিয়মে, প্রাক্তন কর্মের ফলে প্রাপ্ত এই দেহ, জীব ভোগ করেন, এবং ইহা হইতে উৎপন্ন সুখ, দুঃখাদিও জীবের ভাগ্যে পড়ে। ইহার জনন, বর্দ্ধন, পালন, সংরক্ষণ প্রভৃতি বিশ্বরাজের নিযুক্ত পরিচারক ও পরিদর্শকগণ দ্বারা সংসাধিত হয়। অধিষ্ঠাতৃ দেবতাগণই পরিদর্শক, ইন্দ্রিয়গণই পরিচারক। কিন্তু ইহাদের দ্বারা জীবের ভোগের কোনও প্রকার প্রতিবন্ধকতাচরণ হয় না। বিশ্বরাজ, উক্ত জীবের প্রাক্তন কর্মের ফলে, উহার যে প্রকার ভোগ ব্যবস্থা করিয়াছেন, পরিচারক ও পরিদর্শকগণের কর্তব্য যে, সেই প্রকার ভোগ জীব পাইতেছেন কি না, তাহার উপর লক্ষ্য রাখা। ভোগ শেষ হইলেই, পরিচারক ও পরিদর্শকগণেরও কর্তব্য শেষ হইল। তখন জীব উক্ত উদ্ভানবাটিকা রূপ দেহ পরিত্যাগ করিতে বাধ্য হয়। ইচ্ছা না থাকিলেও বাধ্য হইয়া পরিত্যাগ করিতেই হইবে, ইহাই নিয়ম, ইহাই ব্যবস্থা, ইহার ব্যভিচার নাই।

উপরে লিখিত লৌকিক দৃষ্টান্তে রাজা বা ধনী, পরিচারক, পরিদর্শক, উদ্ভান তরুণাদি, গৃহ ও তাহার উপভোগ্য উপকরণাদি, নিয়ম পরম্পরা সমুদায়ই পৃথক্ বস্তু, কিন্তু বিশ্বরাজের সভায়, বিশ্বরাজ (অস্তর্যামী), জীব, ইন্দ্রিয়, উহাদের অধিষ্ঠাতৃ দেবতা, দেহ, নিয়ম প্রভৃতি সমুদায়ই তদ্বৎ অভিন্ন, সবই ব্রহ্ম। কেবল, একের বহু হইবার সংকল্পে এক হইতেই উহাদের অভিব্যক্তি এবং পৃথক্ পৃথক্ প্রতীয়মানতা। ১।২।১৯ সূত্রের আলোচনায় আমরা বুঝিয়াছি যে, তিনিই অধিদৈব, অধিভূত, অধ্যাত্ম ; তিনিই ভিন্ন ভিন্নশরীরধারী জীবের ভিন্ন ভিন্ন হৃদয়ে অবস্থিত ভোক্তা ; তিনিই অস্তর্যামীরূপে সকলের নিয়ন্তা ও পরিচালক, এবং তিনিই নিয়ম এবং তিনিই ভোগের বিষয়। এই প্রসঙ্গে উক্ত ১।২।১৯ সূত্রের আলোচনায় উক্ত (পৃঃ ৫২৩-২৫) ভাগবতের ১।২।৩৯, ২।২।২৫, ২।১০।৮, ২।১০।১৩, ৩।৬।২, ৩।৬।৯, ১০।৪।১৪ শ্লোকগুলি এবং ১।১।২ সূত্রে উক্ত (পৃঃ ১০৬) ভাগবতের ১।১।৩।৩৬ শ্লোক দ্রষ্টব্য। বাহুল্যভয়ে এখানে উহাদের পুনরুদ্ধার করা হইল না।

ভাগবতের ১০।১৬।৪০ শ্লোকে শ্রীভগবান্কে 'প্রমাণমূল্য' বলা হইয়াছে । ইহার ব্যাখ্যায় শ্রীমদ্ শ্রীধর স্বামী বলিতেছেন "চকুরাদীনাং চকুরাদিরূপায়।" ইহা, "তিনি চকুর চকু, শ্রোত্রের শ্রোত্র ইত্যাদি" কেনোপনিষদের ১।২ মন্ত্রের প্রতিধ্বনি ।

ভাগবতের আর একটি মাত্র শ্লোক উদ্ধার করিয়া এই প্রস্তাবের উপসংহার করিব ।

কিং বর্ণয়ে তব বিভো যদুদীরিতোহসুঃ

সংশ্রুদতে তমনুবাঞ্ছন ইন্দ্রিয়ানি ।

শ্রুদতি বৈ তনুভূতামজশর্কবয়োশ্চ

স্বস্যাপ্যথাপিভজতামসি ভাববন্ধুঃ ॥ ভাগঃ ১২।৮।৩৪

—হে বিভো ! আমি ক্ষুদ্র, আপনার কি স্তব করিব ? সমুদায় জীবের এমন কি ব্রহ্মার এবং শিবেরও প্রাণ স্পন্দন আপনারই প্রেরণায় হইয়া থাকে, আপনারই প্রেরণায় বাক্য, মন, ইন্দ্রিয়গণ, প্রাণের স্পন্দন অনুসারে স্পন্দিত হয়, এবং জীবাত্মাকে ঘিরিয়া নৃত্য করিতে থাকে । যদিও সকলেই আপনার অধীন, আপনার নিয়ম্য, আপনি কিন্তু আপনার ভক্তগণের "ভাববন্ধু" অর্থাৎ, ভক্তগণ যে যে ভাবে আপনাকে আরাধনা করে, আপনি সেই সেই ভাবে বিভাবিত হইয়া তাহাদের প্রার্থনা পূরণ করেন । অতএব, আপনি যদিও সকলের নিয়ামক, আপনার ভক্তগণ আপনারও নিয়ামক, আপনি তাহাদের নিয়ম্য । অহো ! কৃপালুতা, অহো ভক্তবৎসলতা !!! ভাগঃ ১২।৮।৩৪

অতএব, বুঝা গেল যে, জীবের জীবত্ব, ইন্দ্রিয়গণের ইন্দ্রিয়ত্ব, বিষয়ের বিষয়ত্ব, কর্তার কর্তৃত্ব, ভোক্তার ভোক্তৃত্ব, এবং ভোগ্যের ভোগ্যত্ব সমুদায়, তাঁহা হইতেই । ইহা আমরা পূর্ব পূর্ব আলোচনায় পাইয়াছি । তাঁহারই নিয়ন্ত্রণে জীব ভোক্তা, এবং দেবতাগণ পরিচালক মাত্র । ভোক্তার সহিত ভোগ্যের সম্বন্ধ স্থাপন করাই দেবতাগণের কার্য । অতএব, সিদ্ধান্ত হইল যে, জীবের ভোক্তৃত্বের লোপাপত্তির আশঙ্কার ভিত্তি নাই ।

[শ্রীমদ্ রামানুজাচার্য্য ২।৪।১৪ এবং ২।৪।১৫ শ্লোক দুইটি একত্রে একটি শ্লোকরূপে গ্রহণ করিয়াছেন । অন্যান্য আচার্য্যগণ পৃথকভাবে গ্রহণ করায়, আমরাও পৃথকভাবে আলোচনা করিলাম ।]

ভিত্তি:—

“তৎ সৃষ্ট্বা তদেবানুপ্রাবিশৎ । তদনুপ্রবিশ্য, সচ্চ ত্যচ্চাভবৎ ॥”

(তৈত্তিরি : ২।৬)

—তিনি সৃষ্টি করিয়া তন্মধ্যে অনুপ্রবেশ করিলেন, এবং প্রবিষ্ট হইয়া প্রত্যক্ষ ও পরোক্ষরূপী হইলেন । (তৈত্তিরি : ২।৬) ।

সংশয় :—ভাল, প্রকরণ ত চলিতেছিল, প্রাণ, ইন্দ্রিয়গণ, উহাদের অধিষ্ঠাতা দেবতাগণ, এবং জীব সম্বন্ধে । ইহার সঙ্গে আবার পরমাঙ্গার প্রসঙ্গ তুলিলে কেন ? ইহার উত্তরে সূত্র :—

সূত্র :—২।৪।১৬ ।

তস্য চ নিত্যত্বাৎ ॥ ২।৪।১৬ ॥

তস্য + চ + নিত্যত্বাৎ ॥

তস্য :—তাহার (পরমাঙ্গার) । চ :—ও । নিত্যত্বাৎ :—নিত্যত্ব হেতু ।

প্রপঞ্চ জগতে পরমাঙ্গাই ত একমাত্র নিত্য, তাহা ভুলিতেছ কেন ? তিনি নিত্য বলিয়া এবং শিরোদেশে উদ্ধৃত শ্রুতি মন্ত্রানুসারে তিনি সমুদায় সৃষ্ট প্রপঞ্চে অনুপ্রবিষ্ট হইয়া প্রত্যক্ষ ও পরোক্ষরূপী হওয়ার কারণ, জীবের সহিত ইন্দ্রিয়ের এবং তদ্বারে বিষয়ের, অর্থাৎ ভোক্তার সহিত করণের এবং ভোগ্যের সম্বন্ধ, অধিষ্ঠাতৃ দেবতাগণের সহিত তৎপরিচালিত ইন্দ্রিয়গণের সম্বন্ধ প্রভৃতির কোনও প্রকার ব্যভিচার ঘটবার সম্ভাবনা একেবারেই মাই । যতদিন ভগবানের বহু হইবার সংকল্প বর্তমান থাকিবে, ততদিন এই সম্বন্ধ অক্ষুণ্ণ, অব্যাহত ভাবে চলিতে থাকিবে । ইহাই পরমাঙ্গার প্রসঙ্গের কারণ । জীবের সহিত দেহ-সম্বন্ধ কর্ম্ম জন্ম, এবং জন্ম বলিয়া উহা নিত্য নহে । কিন্তু যে নিয়ম-পরম্পরা অনুবর্তনে এই সম্বন্ধ সংঘটিত হয়, তাহাও অপরিবর্তনীয় । কারণ ঐ নিয়ম-পরম্পরা পরব্রহ্মকৃত, এবং তিনি ঐ নিয়মই । সুতরাং পরব্রহ্মকে ছাড়িয়া প্রপঞ্চের কি বা থাকে ? আর তাঁহাকে বাদ দিয়া তোমার পূর্বপক্ষীয় আপত্তি বা দাঁড়াইবে কোথায় ?

শ্রীমদ্ভাগবত একটি শ্লোকে ইহা প্রকাশ করিয়াছেন । শ্লোকটি ১।১।৫ সূত্রের আলোচনায় উদ্ধৃত হইয়াছে । বুঝিবার সুবিধার জন্য পুনরায় উদ্ধৃত করিলাম ।

যোহ্মোংপ্রেক্ক আদিমধ্যনিধনে যোহব্যক্তজীবৈখরো
যঃ সৃষ্টে দমনুপ্রবিশ্য ঋষিণা চক্রে পুরঃ শাস্তি তাঃ ।
যং সম্পত্ত্ব জহাত্যজামনুশয়ী সৃষ্টঃ কুলায়ং যথা
তং কৈবল্যানিরস্ত্রয়োনিমভয়ং ধ্যায়েদজস্রং হরিম্ ॥

ভাগঃ ১০।৮৭।৪২

—(ইহার সরলার্থ ১।১।৫ সূত্রের আলোচনায় [পৃঃ ৩৮৬] দেওয়া হইয়াছে ।)

৭। ইন্দ্রিয়াধিকরণ ॥

ভিত্তি :—

“এতস্মাজ্জায়তে প্রাণো মনঃ সর্বেইন্দ্রিয়ানি চ ॥” (মুণ্ডক ২।১।৩)

—এই ব্রহ্ম হইতে প্রাণ, মনঃ এবং ইন্দ্রিয়গণ জন্মিল। (মুণ্ডক ২।১।৩)

সংশয় :—প্রধান বা মুখ্য প্রাণ এক, এবং অন্যান্য অপ্রধান প্রাণ বা ইন্দ্রিয়গণ মনঃকে লইয়া একাদশ, ইহা ২।৪।৬ সূত্রে প্রতিপাদন করিয়াছে। এখন প্রশ্ন হইতেছে, এই একাদশ ইন্দ্রিয় কি মুখ্য প্রাণের বৃত্তি, অথবা পৃথক বস্তু ? (শঙ্কর)। অথবা, প্রাণ শব্দ নির্দিষ্ট সকলেই কি ইন্দ্রিয়, অথবা, শ্রেষ্ঠ (মুখ্য) প্রাণাতিরিক্ত অপর সকলে ইন্দ্রিয় ? (রামানুজ)। এই সংশয় নিরসনের জন্ত সূত্র :—

সূত্র :—২।৪।১৭।

ত ইন্দ্রিয়ানি তদ্ব্যপদেশাদন্যত্র শ্রেষ্ঠাৎ । ২।৪।১৭ ॥

তে + ইন্দ্রিয়ানি + তদ্ব্যপদেশাৎ + অন্যত্র + শ্রেষ্ঠাৎ ॥

ভে :—তাহারা। ইন্দ্রিয়ানি :—ইন্দ্রিয়পদ বাক্য। তদ্ব্যপদেশাৎ :—ইন্দ্রিয়রূপে উল্লেখ হেতু। অন্যত্র :—অন্য স্থানে। শ্রেষ্ঠাৎ :—শ্রেষ্ঠ বা মুখ্য প্রাণ হইতে।

মুখ্য প্রাণ হইতে অন্যত্র চক্ষুরাদির ইন্দ্রিয়রূপে উল্লেখ হেতু, মুখ্য প্রাণ ইন্দ্রিয় নহে। চক্ষুরাদি পঞ্চ জ্ঞানেন্দ্রিয়, বাক্ প্রভৃতি পঞ্চ কর্মেইন্দ্রিয়, এবং, জ্ঞান কর্ম উভয়াত্মক মনঃ, এই সকলে একাদশ ইন্দ্রিয় (দেখ সূত্র ২।৪।৬)। ইহার প্রমাণ শিরোদেশে উদ্ধৃত মুণ্ডক শ্রুতির ২।১।৩ মন্ত্র। উহাতে প্রাণ, মনঃ এবং অন্যান্য ইন্দ্রিয় সকলের পৃথক্ উল্লেখ থাকায়, মুখ্য প্রাণ ইন্দ্রিয় পর্যায়ভুক্ত নহে। এবং এই কারণেই উক্ত একাদশ ইন্দ্রিয় মুখ্য প্রাণের বৃত্তি নহে। যদি বৃত্তি হইত, তাহা হইলে পৃথক্ উল্লেখের প্রয়োজন হইত না।

আচ্ছা, তাহা হইলে ত উক্ত মন্ত্রে মনঃ ও পৃথক্ ভাবে উল্লিখিত হইয়াছে। তবে মনঃই বা ইন্দ্রিয় হইবে কেন ?

ইহার উত্তর এই যে, মনঃ জ্ঞান ও কর্ম এই উভয়াত্মক বলিয়া পৃথক্ ভাবে উল্লিখিত হইয়াছে। মনঃ যে ইন্দ্রিয় ইহা প্রমাণের দ্বারা ২।৪।৬ সূত্রে প্রতিপাদন করা হইয়াছে। স্মৃতিতেও মনঃকে ইন্দ্রিয়ই বলা হইয়াছে,

যথা :—গীতায়—“ইন্দ্রিয়ানি দশৈকঞ্চ.....”। ১৩।৫।—ইন্দ্রিয়গণ দশ এবং এক অর্থাৎ, একাদশ। কিন্তু “প্রাণ” ইন্দ্রিয় বলিয়া শ্রুতিতে বা স্মৃতিতে কোথাও উল্লেখ নাই। অতএব, মুখ্যপ্রাণ ইন্দ্রিয় নহে। একাদশ ইন্দ্রিয় মুখ্যপ্রাণের বৃত্তিও নহে; উহারা পৃথক পদার্থ।

২।৪।১ সূত্রের আলোচনায় উক্ত শ্রীমদ্ভাগবতের ২।১০।১৫ শ্লোক দ্রষ্টব্য। ইহা হইতে প্রতিপন্ন হইবে যে, মুখ্য প্রাণ ইন্দ্রিয়গণের নিয়ন্তা। উক্ত সূত্রের আলোচনায় উক্ত ২।৫।৩১ শ্লোকেও দশ ইন্দ্রিয় এবং বুদ্ধি (মনের পরিবর্তে) এবং প্রাণের উৎপত্তি পৃথক পৃথক বর্ণিত আছে। মুণ্ডক শ্রুতির শিরোদেশে উক্ত ২।১।৩ মন্ত্রের গায় এই শ্লোকেও ‘প্রাণ’ পৃথক ভাবে উল্লিখিত হইয়াছে।

ভাগবতের নিম্নোক্ত ৩।৩।২ শ্লোকেও দশবিধ প্রাণের পৃথক উৎপত্তি এবং তৎপরে অন্যান্য ইন্দ্রিয়গণের উৎপত্তি কথিত আছে। শ্লোকটি এই :—

সাধ্যাত্মঃ সাধিদৈবশ্চ সাধিভূত ইতি ত্রিধা ।

বিরাট্ প্রাণো দশবিধ একধা হৃদয়েন চ ॥ ভাগঃ ৩।৩।২

—বিরাট্ আপনাকে সাধ্যাত্ম, সাধিদৈব এবং সাধিভূত রূপে তিনভাগে, দশবিধ প্রাণরূপে (প্রাণ, অপান, সমান, উদান, ব্যান, নাগ, কুম্ভ, কুকর, দেবদত্ত, ধনঞ্জয়—বৃত্তিভেদে এই দশ প্রকার), এবং হৃদয়াবচ্ছিন্ন চৈতন্যরূপে একভাগে বিভক্ত করিলেন।

ভাগঃ ৩।৩।২

ইহাদের মধ্যে অধ্যাত্মরূপী ইন্দ্রিয়গণ। প্রাণ, অপান প্রভৃতি দশ প্রকারই প্রাণের বৃত্তি। ইন্দ্রিয়গণ প্রাণের বৃত্তি নয়। যদি বৃত্তি হইত, তবে তাহাদের পৃথক উল্লেখ সম্ভব হইত না।

ভিত্তি :—

(১) “তে হ বাচমুচুঃ” । (বৃহদারণ্যকঃ ১।৩।২)

—তাহারা বাক্যকে বলিল । (বৃহঃ ১।৩।২)

(২) “অথ হেমমাসন্যং প্রাণমুচুঃ” । (বৃহঃ ১।৩।৭)

—অনন্তর তাহারা মুখ্য প্রাণকে বলিল । (বৃহঃ ১।৩।৭)

বৃহদারণ্যক উপনিষদে এক উপাখ্যান আছে যে, প্রজাপতির জ্যেষ্ঠ সন্তানগণ অশ্বর এবং কনিষ্ঠ সন্তানগণ দেবতা । উহারা ভোগ-রাজ্যে পরস্পর স্পর্ধা করিয়াছিলেন । তাহাতে দেবতারা স্থির করিলেন যে, জ্যোতিষ্টোম যজ্ঞে উদগীথানুষ্ঠান দ্বারা অশ্বরগণকে পরাস্ত করিবেন । এজন্ত প্রথমে দেবতাগণ বাক্যকে উদগীথ গান করিতে বলিলেন । বাক্য স্বীকার করিয়া তিনটি মাত্র পবমান স্তোত্র যজমান দেবতাগণের কল্যাণে গান করিলেন । আর, বাক্য নয়টি স্তোত্র উদগাতার কল্যাণের জন্ত গান করিলেন । এই স্বার্থপরতার জন্ত অশ্বরগণ সুবিধা পাইয়া বাক্যকে পাপবিন্দু করিল । এইরূপে ভ্রাণ, চক্ষুঃ, শ্রোত্র, মনঃ সকলেই স্বার্থপর বলিয়া প্রকাশিত হওয়ায়, অশ্বরগণ কতৃক পাপবিন্দু হইল । অবশেষে দেবতাগণ মুখ্য প্রাণকে অহুরোধ করিলেন । মুখ্য প্রাণ নিঃস্বার্থভাবে দেব-গণের কার্য্য করায়, অশ্বরগণের আক্রমণ তাঁহার প্রতি ব্যর্থ হইয়াছিল এবং দেবতাগণ কৃতকার্য্য হইয়া অশ্বরগণের পরাভব করিয়া নিজ দেবভাব লাভ করিয়াছিলেন । (বৃহদাঃ ১।৩।২—৭)

(৩) “হস্তাশ্চৈব সর্বে রূপমসামেতি ত এতশ্চৈব সর্বে রূপমভবম্-
স্তস্মাদেত এতেনাখ্যায়ন্তে প্রাণা ইতি ।” (বৃহঃ ১।৫।২১)

—অগ্ন্যন্ত ইন্দ্রিয়গণ স্থির করিল, আমরা সকলে ইহারই রূপ ভজনা করি । তাহারা সকলে এতৎ স্বরূপই হইল, অর্থাৎ প্রাণকেই আত্মরূপে গ্রহণ করিল । সেই হেতু এই বাগাদি ইন্দ্রিয়গণও প্রাণ সংজ্ঞায় অভিহিত হইয়া থাকে । (বৃহঃ ১।৫।২১)

সংশয় :—বৃহদারণ্যক শ্রুতির ১।৫।২১ যজ্ঞে উল্লিখিত আছে যে, ইতর ইন্দ্রিয়গণ মুখ্য প্রাণের রূপ ভজনা করিয়া তৎস্বরূপই হইল । অতএব, তাহারা বস্তুস্তর হইবে কেন ? ইহার উত্তরে সূত্র :—

সূত্র :—২।৪।১৮ ।

ভেদশ্রুতেঃ ॥ ২।৪।১৮ ॥

ভেদঃ—ভেদ । শ্রুতেঃ :—শ্রুতি হেতু ॥

শিরোদেশে উদ্ধৃত বৃহদারণ্যক শ্রুতির ১।৩।২—৭ মন্ত্রে কথিত উপাখ্যান হইতে স্পষ্ট প্রতীয়মান হইবে যে, মুখ্য প্রাণ ও ইতর ইন্দ্রিয়গণের ভেদ বর্ণনা স্পষ্টই উল্লিখিত হইয়াছে । ছান্দোগ্য শ্রুতির ১।২।২—৭ পর্য্যন্ত মন্ত্রেও এই একই উপাখ্যান বর্ণিত আছে । এই স্পষ্ট ভেদ উল্লেখ হেতু মুখ্য প্রাণ ইন্দ্রিয়গণ হইতে অতিরিক্ত । বিশেষতঃ, বৃহদারণ্যক শ্রুতির ১।৫।২১ মন্ত্র পর্যালোচনা করিলে, এবং উহার পূর্বভাগের সহিত অর্থাৎ পরস্মৈ বর্ণিত আখ্যায়িকার সহিত একসঙ্গে পাঠ করিলে স্পষ্টই প্রতীয়মান হইবে যে, মুখ্য প্রাণ মৃত্যু দ্বারা পরিশ্রান্ত না হওয়ার কারণ সর্বশ্রেষ্ঠরূপে লক্ষিত হওয়ায়, অন্যান্য ইন্দ্রিয়গণ তাহার অনুসরণ করিয়াছিলেন মাত্র । উহাতে মুখ্য প্রাণের শ্রেষ্ঠতার এবং ইতর ইন্দ্রিয়গণ হইতে পৃথকত্বের হানি হয় না ।

ভিত্তি :—

বৃহদারণ্যক শ্রুতির ১।৫।২১ মন্ত্রে এক আখ্যায়িকা উল্লিখিত আছে। পুরাকালে প্রজাপতি কার্য্য নির্বাহক ইন্দ্রিয়গণকে সৃষ্টি করিয়াছিলেন। তাহারা পরস্পরের সহিত স্পর্ধা করিতে লাগিল। বাগিন্দ্রিয় স্থির করিল, সর্বদা কথা বলিবে, চক্ষুঃ স্থির করিল সর্বদা দর্শন করিবে, শ্রবণেন্দ্রিয় স্থির করিল, সর্বদা শ্রবণ করিবে, এইরূপ অগ্ণাণ ইন্দ্রিয়গণও যথাযোগ্য নিজ নিজ কৰ্ম্ম সম্বন্ধে ঐ প্রকার নিয়ম করিল, কিন্তু মৃত্যু শ্রমরূপী হইয়া উহাদিগকে আয়ত্ত করিল, এবং তাহাদের অবিশ্রান্তভাবে কৰ্ম্ম করিতে বাধা জন্মাইল, অর্থাৎ তাহারা পরিশ্রান্ত হইতে লাগিল, এবং তজ্জন্ম অবসাদগ্রস্ত হইয়া নিজ নিজ ব্যাপার হইতে বিরত হইতে লাগিল। কিন্তু শ্রমরূপী মৃত্যু কেবল মুখ্য প্রাণকে আয়ত্ত করিতে পারে নাই। ইহার তাৎপর্য্য এই যে, ইন্দ্রিয়গণ জাগ্রত অবস্থায় পরিশ্রান্ত হইয়া নিজ নিজ কার্য্য হইতে বিরত হইতে বাধা হয়। এবং সুষুপ্তি অবস্থায় নির্ব্যাপার হইয়া পুনরায় শক্তিলভ করিয়া থাকে। কিন্তু মুখ্য প্রাণ সুষুপ্তি অবস্থায়ও নির্ব্যাপার থাকে না। উহা তখনও জাগ্রত থাকিয়া নিজের কার্য্য অবিশ্রান্ত ভাবে করিয়া যায়, এবং শ্রমরূপী মৃত্যু উহাকে অভিভব করিতে পারে নাই। এই বৈলক্ষণ্য হেতু ও মুখ্যপ্রাণ অগ্ণাণ ইন্দ্রিয় হইতে পৃথক্ বস্তু। ইহাই সূত্রে প্রতিপাদ্য।

সূত্র :—২।৪।১৯ ॥

বৈলক্ষণ্যাচ্চ ॥ ২।৪।১৯ ॥

বৈলক্ষণ্যাৎ + চ ॥

বৈলক্ষণ্যাৎ :—বৈলক্ষণ্য হইতে। চ :—ও। বৈলক্ষণ্য হইতেও।

উপরে উক্ত উপাখ্যানে বৈলক্ষণ্য স্পষ্টতঃ দেখান হইয়াছে। এই বৈলক্ষণ্যের জন্ম মুখ্য প্রাণ ইন্দ্রিয়গণ হইতে পৃথক্ বস্তু।

২।৪।১ সূত্রে উক্ত ২।১০।১৫ শ্লোকে এবং অগ্ণাণ অনেক শ্লোকে মুখ্য প্রাণ যে ইন্দ্রিয়গণ হইতে পৃথক্, তাহা ভাগবত সাহায্যে প্রতিপাদিত হইয়াছে। আর বিস্তারের প্রয়োজন নাই।

[২।৪।১৮ এবং ২।৪।১৯ সূত্র শ্রীমদ্ রামানুজাচার্য্য একত্রে পাঠ করিয়া অর্থ করিয়াছেন। অগ্ণাণ আচার্য্যগণ পৃথক্ভাবে গ্রহণ করায়, আমরাও পৃথক্ ভাবে গ্রহণ করিলাম।]

৮। সংজ্ঞা-মূর্তি-কণ্ড্যকিরণ ॥

ভিত্তিঃ—

“সেয়ং দেবতৈক্ষত হস্তাহমিমাংস্তিশ্রো দেবতা অনেন
জীবেনাঅনানুপ্রবিশ্য নামরূপে ব্যাকরবাণীতি ॥”২

“তাসাং ত্রিবৃতং ত্রিবৃতমেকৈকাং করবাণীতি, সেয়ং দেবতেমাংস্তিশ্রো
দেবতা অনেনৈব জীবেনাঅনানুপ্রবিশ্য নামরূপে ব্যাকরোৎ ॥৩

“তাসাং ত্রিবৃতং ত্রিবৃতমেকৈকামকরোদ্ যথা নু খলু
সোম্যোমাংস্তিশ্রো দেবতাস্ত্রিবৃতং ত্রিবৃদৈকৈকা ভবতি তন্মে

বিজানীহীতি ॥৪ (ছান্দোগ্যঃ ৬।৩।২-৩-৪)

—সেই এই সং স্বরূপ দেবতা (ব্রহ্ম) আলোচনা বা সংকল্প করিয়াছিলেন,
যে, বেশ, আমি এই জীবাঅরূপে উক্ত তেজঃ, জল ও পৃথিবী, এই ভূতত্র-
য়াঅক দেবতার অভ্যন্তরে অণুপ্রবিষ্ট হইয়া নাম ও রূপ ব্যক্ত করিব ॥ ২ ॥

—সেই ভূতযোনি দেবতা (ব্রহ্ম), ‘সেই তেজঃ, জল, পৃথিব্যাঅক
দেবতাগণের প্রত্যেককে ত্রিবৃতং ত্রিবৃতং করিব’, এইরূপ সংকল্প করিয়া,
পূর্বেক্ত জীবরূপে এই তেজঃ, জল ও পৃথিবীরূপ দেবতাত্রয়ের অভ্যন্তরে
প্রবিষ্ট হইয়া নাম ও রূপ প্রকটিত করিলেন ॥ ৩ ॥

—ঐ রূপ সংকল্পের পর ব্রহ্ম তাহাদের এক একটিকে ত্রিবৃতং ত্রিবৃতং
করিয়াছিলেন। হে সোম্য, সেই দেবতাত্রয় (তেজঃ, জল ও পৃথিবী),
ত্রিবৃতং ত্রিবৃতং হইয়া যে প্রকারে এক একটি হইয়া থাকে, অর্থাৎ, ত্র্যাঅক
হইয়াও, যে প্রকারে এক একটি নামে পরিচিত হইয়া থাকে, তাহা আমার
নিকট হইতে বিশেষরূপে অবগত হও ॥ ৪ ॥ (ছাঃ ৬।৩।২-৩-৪) ।

সংশয়ঃ—ভূত ও ইন্দ্রিয়গণের সমষ্টি-সৃষ্টি এবং জীবগণের কর্তৃত্ব
যে পরব্রহ্মের অধীন, তাহা পূর্বে প্রতিপাদিত হইয়াছে। তারপর,
জীবগণের স্ব স্ব ইন্দ্রিয়ে অধিষ্ঠানও যে পরমেশ্বরের নিয়ন্তৃত্বে সংঘটিত, তাহাও
প্রতিপন্ন হইয়াছে। এখন বিচার্য্য বিষয় এই যে, জগতে নামরূপে অভিব্যক্তি
করণরূপ যে ব্যষ্টি সৃষ্টি, ইহা কি জীব-সমষ্টিরূপী হিরণ্যগর্ভ বা সৃষ্টিকর্তা ব্রহ্মার
কার্য্য, অথবা, ইহাও তেজঃ প্রভৃতি মহাভূত সৃষ্টির গ্ৰায়, পরব্রহ্মের কার্য্য?
কোনটি যুক্তিযুক্ত? জীব-সমষ্টি-রূপ হিরণ্যগর্ভই নামরূপ অভিব্যক্তির কারণ

বলিয়া মনে হয়, কেননা, শিরোদেশে উদ্ধৃত শ্রুতিমতে স্পষ্ট উল্লিখিত আছে যে, “এই জীবাণুরূপে অনুপ্রবিষ্ট হইয়া নাম ও রূপ ব্যক্ত করিব”। ইহাতে স্পষ্টই বোধ হইতেছে যে, সৎ স্বরূপ ব্রহ্মের স্ব-স্বরূপে নামরূপ সৃষ্টি অভিপ্রেত ছিল না, যদি তাহা থাকিত, তবে “জীবাণুরূপে” বলিবার কি প্রয়োজন ছিল? উহা বসার, জীবেরই নামরূপ সৃষ্টি কর্তৃক সিদ্ধ হইতেছে; অতএব হিরণ্যগর্ভই নামরূপ সৃষ্টি কর্তা; তিনি সমষ্টি জীব, ইহা প্রসিদ্ধিই আছে। ইহার উত্তরে সূত্র :—

সূত্র—২।৪।২০।

সংজ্ঞা-মূর্ত্তি-কৃষ্ণিত্ব ত্রিবৃৎকুব্ৰত উপদেশাৎ ॥ ২।৪।২০ ॥

সংজ্ঞা + মূর্ত্তি + কৃষ্ণিঃ + তু + ত্রিবৃৎকুব্ৰতঃ + উপদেশাৎ ॥

সংজ্ঞা :—নাম। মূর্ত্তি :—রূপ। কৃষ্ণিঃ :—কল্পনা। তু :—
সন্দেহ নিরসনের জন্য। ত্রিবৃৎকুব্ৰতঃ :—ত্রিবৃৎকর্তার। উপদেশাৎ :—
কর্তৃক উপদেশ হেতু।

ব্যষ্টি নাম-রূপ সৃষ্টিও পরমাত্মারই কার্য, কেননা, শ্রুতিতে ঐরূপ উপদেশ আছে। শিরোদেশে উদ্ধৃত ছান্দোগ্য মন্ত্রই তাঁহার প্রমাণ। উক্ত শ্রুতির ৬।৩।২ মন্ত্রে যে “জীবেন আত্মনা” প্রয়োগ আছে, উহার অর্থ, জীবের দ্বারা ব্যষ্টি সৃষ্টির কর্তৃত্ব নহে। উহার অর্থ, “জীব শক্তি বিকাশ দ্বারা”। শক্তিমান পরমাত্মার শক্তি যে প্রধানতঃ ত্রিবিধ—অন্তরঙ্গা, তটস্থ এবং বহিরঙ্গা ইহা পূর্বে ১।১।২ সূত্রের আলোচনায় প্রদত্ত সৃষ্টি চিত্রে প্রদর্শিত হইয়াছে। এবং “অন্তরঙ্গা শক্তি” দ্বারা প্রপঞ্চের বাহিরে স্বরূপে অবস্থান, এবং “বহিরঙ্গা শক্তি” দ্বারা প্রপঞ্চের ভোগ্যরূপে এবং “তটস্থ শক্তি” দ্বারা ভোক্তারূপে প্রকটন, ইহারও সংক্ষেপ আলোচনা আমরা ১।১।২ সূত্রের প্রসঙ্গে করিয়াছি। ছান্দোগ্য শ্রুতির শিরোদেশে উদ্ধৃত মন্ত্রে প্রপঞ্চ সম্বন্ধে কার্যশীলা “বহিরঙ্গা ও তটস্থ” শক্তিদ্বয়ের সম্বন্ধে উল্লেখ রহিয়াছে। তন্মধ্যে বহিরঙ্গা শক্তি বিকাশে তেজঃ, জল ও পৃথিবী সৃষ্টির কথা উক্ত শ্রুতির ৬।২।৩-৪ মন্ত্রে উক্ত হইয়াছে। ৬।৩।২-৩-৪ মন্ত্রে তটস্থ জীব শক্তির বিকাশে, উক্ত বহিরঙ্গাশক্তির কার্য-সমষ্টিভোগ্যাত্মক—তেজঃ, জল ও পৃথিবীতে ভোগ বা ক্ষেত্ররূপে অনুপ্রবেশ বর্ণিত আছে। ভোক্তা ও ভোগ্য উভয়ে, পরস্পর পরস্পরের সার্থকতা সম্পাদন করে। যদি ভোক্তা না থাকে, তবে ভোগ্যের কোনও সার্থকতা নাই, আবার ভোগ্য না থাকিলে, ভোক্তাও

হইতে পারে না। সুতরাং, সমষ্টি ভোগ্য সৃষ্টির পর, ভগবান্ বা ব্রহ্ম বা পরমাত্মা, আলোচনা করিলেন যে, ইহাদের সার্থকতার জন্য ভোক্তা সৃষ্টির প্রয়োজন; এবং সেই প্রয়োজন সিদ্ধির জন্য, তাঁহারই ভটশক্তি ভোক্তারূপে উহাদের অভ্যন্তর অনুপ্রবেশ করাইলেন।

এই অনুপ্রবেশের পূর্বে ভোগোপকরণ দেহাদির প্রয়োজন। কিন্তু, উহা ঐ সকল মহাত্বের একত্র মিলন ব্যতীত উৎপন্ন হইতে পারে না। যেমন লৌকিক আমরা দেখিতে পাই যে, বিশুদ্ধ স্বর্ণ হইতে কোনও অলঙ্কার প্রস্তুত হইতে পারে না। উহার সহিত অল্প কিছু ধাতু, রূপা বা তামা, অগ্নি সংযোগে মিশ্রিত করিয়া, উহাকে গঠনের উপযোগী করিলে, তবে উহা হইতে অলঙ্কার প্রস্তুত হয়, এবং প্রস্তুতের সময়ও উহাকে অগ্নিতে সংস্কার করিতে হয়। অথবা, যেমন শুষ্ক মৃত্তিকা হইতে ঘট প্রস্তুত হয় না, উহার সহিত জল মিশাইয়া উহাকে নমনীয় করিয়া ঘট নির্মাণ করতঃ, তেজঃ (অগ্নি বা সূর্য্য কিরণ) দ্বারা উহা শুষ্ক করিয়া লইলে, তবে ঘট ব্যবহারোপযোগী হইয়া থাকে। কিংবা শুধু বীজ দ্বারা অঙ্কুর উৎপন্ন হয় না; বীজ হইতে অঙ্কুর উৎপাদনের জন্য মৃত্তিকা, জল ও তাপের প্রয়োজন, ইহা আমরা সকলেই জানি। অতএব, লৌকিক দৃষ্টান্তে বুঝিলাম যে, কোনও কিছু উৎপাদন করিতে হইলে, যে বস্তু হইতে উৎপাদন করিতে হইবে, সেবস্তু অল্প বস্তুর সাহায্য অপেক্ষা করে। সেইরূপ যতক্ষণ পৃথিবী, জল ও তেজঃ পরস্পর পৃথক্ পৃথক্ তত্ত্ব ছিল, তখন তাহারা স্বতন্ত্রভাবে কোন কিছু উৎপাদন করিতে অসমর্থ হইল। সেই জন্য পরমাত্মা বা ভগবান্ বা ব্রহ্ম তাঁহার নিজ সংহননকারিণী শক্তির দ্বারা উহাদের মিলন কার্য্য, অর্থাৎ ছান্দোগ্য মতে ত্রিবৃৎ কার্য্য, সম্পাদন করিলেন। উহা এইরূপ :— পৃথিবীর অর্দ্ধাংশ, জলের এক চতুর্থাংশ ও তেজের এক-চতুর্থাংশ মিশাইয়া যে পদার্থ উৎপন্ন হইল, তাহাই ব্যষ্টি প্রপঞ্চের উপাদান “পৃথিবী”—পৃথিবীর অংশ অধিক থাকায় ঐ নামে সংজ্ঞিত হইল। ঐরূপ, জলের অর্দ্ধাংশ, পৃথিবীর এক-চতুর্থাংশ ও তেজের এক-চতুর্থাংশ মিশাইয়া ব্যষ্টি প্রপঞ্চের উপাদান “জল”, এবং তেজের অর্দ্ধাংশের সহিত পৃথিবী এবং জলের প্রত্যেকের এক-চতুর্থাংশ মিশাইয়া ব্যষ্টি প্রপঞ্চের উপাদান “তেজঃ” উৎপন্ন হইল। এবং পৃথিবীর দৃষ্টান্তে উহাদের মধ্যে যথাক্রমে জল এবং তেজের অংশ অধিক থাকায়, যথাক্রমে উহাদের নাম জল ও তেজঃ হইল। ইহাই ত্রিবৃৎ করণ। ইহা দ্বারা স্পষ্টই বুঝা যাইতেছে যে, ব্যষ্টি প্রপঞ্চের উপাদানীভূত প্রত্যেক পদার্থে উক্ত তিন মহাত্বের

অংশ বিদ্যমান আছে। এবং ইহাও বুঝা গেল যে, ত্রিবৃৎ করণের পূর্বে ব্যষ্টি সৃষ্টি অসম্ভব হওয়ায়, নামরূপের অভিব্যক্তি ত্রিবৃৎ করণের পরেই হইয়াছিল।

ছান্দোগ্য শ্রুতিতে সৃষ্টি প্রসঙ্গে আকাশ ও বায়ুর কোনও উল্লেখ না থাকায়, উক্ত শ্রুতিতে তিনটি মাত্র মহাভূতের উল্লেখ করায়, উহাতে ত্রিবৃৎকরণের উপদেশ রহিয়াছে। আকাশ ও বায়ু ব্রহ্ম বা ভগবান হইতে উৎপন্ন হইয়াছে, ইহা দ্বিতীয় অধ্যায়ের তৃতীয় পাদে, বিবিধ বিচারের দ্বারা, প্রতিষ্ঠিত হইয়াছে। ইহাদের লইয়া মহাভূত পাঁচটি হইতেছে। সুতরাং ছান্দোগ্য শ্রুতি প্রদর্শিত পঞ্চাবলম্বনে ত্রিবৃৎকরণের স্থানে পঞ্চীকরণই উপপন্ন হয়। এই পঞ্চীকরণের দ্বারা কিরূপে ব্যষ্টি প্রপঞ্চের উপাদান উদ্ভূত হয়, তাহা নিম্নে দেখান হইল :—

ক্ষিতি—ক্ষিতি ১ + জল ১ + তেজঃ ১ + বায়ু ১ + আকাশ ১ = ক্ষিতি ১

জল—ক্ষিতি ১ + জল ১ + তেজঃ ১ + বায়ু ১ + আকাশ ১ = জল ১

তেজঃ—ক্ষিতি ১ + জল ১ + তেজঃ ১ + বায়ু ১ + আকাশ ১ = তেজঃ ১

বায়ু—ক্ষিতি ১ + জল ১ + তেজঃ ১ + বায়ু ১ + আকাশ ১ = বায়ু ১

আকাশ—ক্ষিতি ১ + জল ১ + তেজঃ ১ + বায়ু ১ + আকাশ ১ = আকাশ ১

আমরা প্রত্যক্ষ যে ক্ষিতি, জল, তেজঃ, বায়ু, আকাশ দেখিতে পাই, তাহা এই পঞ্চীকৃত ক্ষিতি ইত্যাদি। অপঞ্চীকৃত ক্ষিত্যাদিভূত এত সূক্ষ্ম যে, তাহারা আমাদের প্রত্যক্ষগোচর নহে। যে মহাভূতের অংশ যে পঞ্চীকৃত মিলিত ভূতে বেশী, তাহা সেই নামে অভিহিত। ইহা উপরে প্রদর্শিত চিত্র হইতে উপলব্ধ হইবে।

অতএব, সিদ্ধান্ত হইল যে, শ্রীভগবান্‌ই ত্রিবৃৎ কর্তা বা পঞ্চীকরণ কর্তা। তিনিই বহিরঙ্গা শক্তি বিকাশে জগদ্রূপে প্রতিভাসমান, এবং তিনিই তটস্থ শক্তি বিকাশে শোক্তা বা জীবরূপে প্রপঞ্চ অনুপ্রবিষ্ট, এবং তিনিই নামরূপ সৃষ্টির কর্তা।

এখন দেখা যাউক, এ সম্বন্ধে শ্রীমদ্ভাগবত কি বলেন :—

যদৈতেহসঙ্গতা ভাবা ভূতেন্দ্রিয়মনোগুণাঃ ।

যদায়তননির্মাণে ন শেকুব্র'ন্ধবিন্দুম ॥ ভাগঃ ২।৫।৩২

তদা সংহত্য চাংঘোহৃৎ ভগবচ্ছক্তিচোদিতাঃ ।

সদসত্ত্বমুপাদায় চোভয়ং সম্ভূহ্যদঃ ॥ ভাগঃ ২।৫।৩৩

—(১।১।২ সূত্রের আলোচনায় এই দুই শ্লোকের সরলার্থ দেওয়া হইয়াছে । [পৃঃ-১৮০])

—২।৫।৩৩ শ্লোকে “অন্যোন্তং সংহত্য” এই বাক্যাংশের দ্বারাই পক্ষীকরণ উপদিষ্ট হইয়াছে ।

—শ্রীমদ্ভাগবতের ২।১০।৩ শ্লোকে সর্গ ও বিসর্গ সম্বন্ধে উল্লেখ আছে, যে, পরমেশ্বর হইতে, গুণত্রয়ের বৈষম্য হেতু, আকাশাদি পঞ্চ মহাত্মত, শব্দাদি পঞ্চ তন্মাত্র, একাদশ ইন্দ্রিয়, মহত্ত্ব, অহঙ্কার তত্ত্ব, এ সকলের বিরাড়রূপে ও স্বরূপে যে উৎপত্তি, তাহার নাম “সর্গ” ; এবং ব্রহ্মা হইতে যে চরাচর সৃষ্টি, তাহার নাম “বিসর্গ” । ভাগঃ ২।১০।৩

ভূতমাত্রেন্দ্রিয়ধিয়াং জন্ম সর্গ উদাহৃতঃ ।

ব্রহ্মণো গুণবৈষম্যাৎ বিসর্গঃ পৌরুষঃ স্মৃতঃ ॥ ভাগঃ ২।১০।৩

“পুরুষঃ বৈরাজঃ ব্রহ্মা তৎকৃতঃ পৌরুষঃ চরাচরে সর্গো বিসর্গ
ইত্যর্থঃ ।” (শ্রীধর)

কাজে কাজেই সন্দেহ স্বতঃই মনে উদয় হয় যে, শ্রুতিতে ও আলোচ্য সূত্রে নামরূপ অভিব্যক্তি পরমাত্মা হইতেই হইয়া থাকে, তবে ভাগবতে ব্রহ্মা কর্তৃক চরাচর সৃষ্টি বলা হইল কেন ?

ইহার উত্তর শ্রীমদ্ভাগবতই দিয়াছেন । ২।৬।৩০ শ্লোকে ব্রহ্মাই বলিতেছেন :—

সৃজামি তন্নিযুক্তাহং হরো হরতি তদ্বশঃ ।

বিশ্বং পুরুষরূপেণ পরিপাতি ত্রিশক্তিধ্বক্ ॥ ভাগঃ ২।৬।৩০

—তঁাহারই নিয়োগে আমি (ব্রহ্মা) এই বিশ্বের সৃজন করি । রুদ্রও তঁাহার বশতাপন্ন হইয়া এই বিশ্বের সংহার করেন । সেই ত্রিগুণ মায়াক্তিধর পুরুষ (বিষ্ণু) রূপে এই জগৎ পরিপালন করেন । ভাগঃ ২।৬।৩০

যেন স্বরোচিষা বিশ্বং রোচিতঃ রোচয়াম্যহম্ । ভাগঃ ২।৫।১১

ব্রহ্মা বলিতেছেন :—স্বপ্রকাশ সেই পরমেশ্বরের প্রকাশিত বিশ্বকেই আমি প্রকটিত করি । ভাগঃ ২।৫।১১

কালং কৰ্ম্ম স্বভাবঞ্চ মায়েশো মায়য়া স্বয়া ।

আত্মনু যদৃচ্ছয়া প্রাপ্তং বিবুভূষুরূপাদদে ॥ ভাগঃ ২।৫।২১

—সেই মারাধীশ ভগবান্ বিবিধ প্রকার হইতে ইচ্ছা করিয়া, স্বীয় মায়া দ্বারা আপনাতে যদৃচ্ছাপ্রাপ্ত কর্ম (জীবাদৃষ্ট) কাল ও স্বভাব গ্রহণ করেন । ভাগঃ ২।৫।২১

আবার, দ্রব্য, কর্ম, কাল, স্বভাব, জীব—ইহারা কেহই বাসুদেব হইতে ভিন্ন নহে । ভাগঃ ২।৫।১৪

দ্রব্যং কর্ম চ কালশ্চ স্বভাবো জীব এব চ ।

বাসুদেবাৎ পরো ব্রহ্মন্ ন চাত্তোর্থোহিস্তি তত্ত্বতঃ ॥ ভাগঃ ২।৫।১৪

এবং উপসংহারে বলিতেছেন :—

সর্ব্বং পুরুষ এবৈদং ভূতং ভব্যং ভবচ্চ যৎ ।

তেনেদমাবৃতং বিশ্বং বিতস্তিমধিতিষ্ঠতি ॥ ভাগঃ ২।৬।১৫

—ভূত, ভবিষ্যৎ, বর্তমান, যে কোনও পদার্থ সেই পুরুষই । তিনি বিশ্বের সর্ব্বত্র আবরণ করিয়া বাহিরে বিতস্তি পরিমাণ অবস্থিতি করিতেছেন ।

ভাগঃ ২।৬।১৫

অর্থাৎ, প্রপঞ্চের অন্তরে ও বাহিরে, যেখানে যাহা কিছু ছিল, আছে ও থাকিবে, সে সমুদায়ই পুরুষ ।

স বাচ্যবাচকতয়া ভগবান্ ব্রহ্মরূপধৃক্ ।

নামরূপক্রিয়া ধন্তে সকর্মা কর্মকঃ পরঃ ॥ ভাগঃ ২।১০।৩৫

—ব্রহ্মরূপধারী ভগবান্ বাচকত্বরূপে নাম ও বাচ্যত্বরূপে রূপ ও ক্রিয়া সৃষ্টি করেন । যদিও তিনি বস্তুতঃ অকর্ম্মক, তথাচ সকর্ম্মার ণায় প্রতীত হইবেন । ভাগঃ ২।১০।৩৫

পরন্তু, তথাকথিত বিশ্বস্রষ্টাগণের শক্তি পরমেশ্বরেরই ।

প্রাণাদীনাং বিশ্বসৃজাং শক্তয়ো যাঃ পরস্য তাঃ । ভাগ ১০।৮।৫।৬

—সূত্রাত্মা হিরণ্যগর্ভাদি বিশ্বস্রষ্টার যে সমুদায় শক্তি আছে, সে সমুদায় ঈশ্বরশক্তিই । ভাগঃ ১০।৮।৫।৬

—প্রত্যুত, অজ্ঞব্যক্তিগণ, এক, অদ্বিতীয়, কেবল, পরমাত্মা ব্রহ্মে ব্রহ্মা রুদ্রাদি ও মহাভূত ইত্যাদি ভেদ দর্শন করিয়া থাকে । বস্তুতঃ এক অক্ষর তত্ত্ব ভিন্ন বস্তুস্তর নাই । ভাগঃ ৪।৭।৪২

তস্মিন্ ব্রহ্মণ্যদ্বিতীয়ে কেবলে পরমাঅনি ।

ব্রহ্মাক্রমৌ চ ভূতানি ভেদেনাজ্জোহনুপশ্যতি ॥ ভাগঃ ৪।৭।৪৯

তিনি নিজে নামরূপ রহিত, কিন্তু তিনিই নিজ মায়া দ্বারা নামরূপ বিধান করিয়া থাকেন ।

স এব ভূয়ো নিজবীৰ্য্যচোদিতাং

স্বজীবমায়াং প্রকৃতিং সিসৃকৃতীম্ ।

অনাম রূপাঅনি রূপনামনী

বিধিৎসমানোহনুসসার শাস্ত্রকৃৎ ॥ ভাগঃ ১।১০।২২

—(ইহার সরলার্থ ১।১।৩ সূত্রের আলোচনায় দেওয়া হইয়াছে ।

[পৃঃ—২১৬])

এই নাম রূপ প্রকটনের উদ্দেশ্য, জীবের পরম কল্যাণ বিধান ।

ষোহনুগ্রহার্থং ভজতাং পাদমূলমনামরূপো ভগবাননন্তঃ ।

নামানি রূপানি চ জন্মকর্মাভির্ভেজে স মহ্যং পরম প্রসীদতু ॥

ভাগ : ৬।৪.২৮

—(ইহারও সরলার্থ ১।১।৩ সূত্রের আলোচনায় দেওয়া হইয়াছে ।

[পৃঃ—২৬২-২৬৩])

সমুদায়ের উপসংহার শ্রীমদ্ভাগবতের ১০।৮।৪২ শ্লোকে করা হইয়াছে ।

ইহা ২।৪।১৬ সূত্রের আলোচনায় এবং ১।১।৫ সূত্রের আলোচনায় উদ্ধৃত হইয়াছে, এবং সরলার্থ ১।১।৫ সূত্রের আলোচনায় দেওয়া হইয়াছে (পৃঃ ২৮৬) ।

এখানে উল্লেখ মাত্র করা গেল ।

অতএব, শ্রীমদ্ভাগবত আলোচনায় আমরা সিদ্ধান্তে উপনীত হইলাম যে, ভগবানই নিজ সংহমনী শক্তি দ্বারা পঞ্চীকরণ করিয়া মহাভূতগণকে পরস্পর সম্মিলিত করতঃ ব্যষ্টিসৃষ্টির উপযোগী করিলেন, এবং উহাদের সহিত ইন্দ্রিয়, মনঃ, বুদ্ধি, অহংকার প্রভৃতির সম্বন্ধ স্থাপন করিলেন । তিনি এজন্ম ব্যষ্টি সৃষ্টির সাক্ষাৎ কর্তা । ব্রহ্মা যদিও বিসৃষ্টির কারণ বলিয়া কথিত আছেন, তিনি শ্রীভগবানের শক্তিতে শক্তিমান হইয়া এবং তাঁহার অনুপ্রেরণায় চালিত হইয়া, শ্রীভগবানের দ্বারা প্রকাশিত বিশ্বকে প্রপঞ্চে প্রকটিত করেন ।

প্রপঞ্চের দৃশ্যমান, অদৃশ্যমান, সুল, সুক্ষ্ম যাহা কিছু ছিল, আছে বা হইবে, তাহা শ্রীভগবানেরই বিভূতি। তিনি ভিন্ন বস্তুস্তর নাই। তিনিই নাম ও রূপ গ্রহণ করিয়া বাচক ও বাচ্য রূপে প্রতীয়মান হন। ইহার কারণ, তাঁহার বহু হইবার ইচ্ছা। এ ইচ্ছার কোনও নিয়ন্তা নাই। সঙ্গে সঙ্গে অবাস্তুর কারণ—প্রপঞ্চগত অনাদি কর্ম্মবশে জীবভাব প্রাপ্ত এবং সংসার স্রোতে ভাসমান, জীবের কল্যাণ সাধন। এই কল্যাণ সাধন কি প্রকারে হইতে পারে, এবং তাহার ফল কি প্রকার, তাহা ক্রমশঃ তৃতীয় ও চতুর্থ অধ্যায়ে বিবৃত হইবে।

সুতরাং স্পষ্ট বুঝা গেল যে, শ্রুতির উপদেশের সহিত শ্রীমদ্ভাগবতের উপদেশের কোথাও অভ্যঙ্গ বিরোধ নাই।

ভিত্তি :—

১। “যথা স্তু খলু সোম্যোমাস্তিস্রো দেবতাঃ পুরুষং প্রাপ্য
ত্রিবৃৎত্রিবৃদৈকৈকা ভবতি, তন্মে বিজানীহীতি ॥”

(ছান্দোগ্যঃ ৬।৪।৭)

—হে সোম্য! এই তিন দেবতা (তেজঃ, জল, পৃথিবী) পুরুষকে
(প্রাণিদেহকে) প্রাপ্ত হইয়া, প্রত্যেকেই যেরূপ ত্রিবৃৎ ত্রিবৃৎ হইয়া থাকে,
তাহা আমার নিকট হইতে অবগত হও । (ছাঃ ৬।৪।৭)

২। “অন্নমশিতং ত্রেধা বিধীয়তে, তস্য যঃ স্ত্ববিষ্ঠো ধাতুস্তৎ
পুরীষং ভবতি, যো মধ্যমস্তন্মাংসং যোহ্নিষ্ঠস্তন্মনঃ ॥”

(ছান্দোগ্য ৬।৫।১)

—অন্ন ভুক্ত হইয়া তিন প্রকারে বিভক্ত হইয়া থাকে। উহার
স্থূলতম ভাগ বিষ্ঠা, মধ্যম ভাগ মাংস, এবং সূক্ষ্মতম ভাগ মনঃ হয়, অর্থাৎ,
মনঃ শক্তিরূপে পরিণত হইয়া মনের উপকার সাধন করে । (ছাঃ ৬।৫।১)

—ইহার পর জল পীত হইয়া তিন ভাগ হয় ; স্থূলতম ভাগ মূত্র, মধ্যম
ভাগ রক্ত, এবং সূক্ষ্ম অংশ প্রাণ রূপে পরিণত হয়। ভুক্ত তেজঃও তিন
প্রকার হয় ; স্থূলতম অংশ অস্থি, মধ্যম মজ্জা, এবং সূক্ষ্মতম অংশ বাক্ হয়।
অতএব, মনঃ অন্নময়, প্রাণ আপোময়, এবং বাক্ তেজোময়ী । (ছান্দোগ্যঃ
৬।৫।২-৪)

সংশয় :—পূর্বসূত্রে উক্ত ছান্দোগ্য শ্রুতির ৬।৩।৩-৪ মন্ত্রে যে ত্রিবৃৎ করণের
উপদেশ আছে, তাহা না হয় পরমায়া দ্বারাই সম্পাদিত হয়, স্বীকার করিলাম।
কিন্তু উক্ত শ্রুতির ৬।৪।৭ মন্ত্রে পুরুষদেহে যে ত্রিবৃৎের বিষয় কথিত আছে,
তাহার কর্তৃৎ ত জীবের হইতে পারে? কারণ, এই ত্রিবৃৎকরণ ত নাম রূপ
প্রকটনের পরবর্তী, তাহার স্পষ্ট উল্লেখ রহিয়াছে। ইহার উত্তরে সূত্র :—

সূত্র :—২।৪।২১ ।

মাংসাদি ভৌমং যথাশব্দমিতরয়োশ্চ ॥ ২।৪।২১ ॥

মাংসাদি + ভৌমং + যথাশব্দং + ইতরয়োঃ + চ ॥

ত্রিবিং শ্রীমদ্ভাগবত

মাংসাদিঃ—মাংস, পুরীষ ও মনঃ । ভৌমঃ—ভূমির বা পৃথিবীর পরিণাম ।
যথাশব্দঃ—শ্রুতি অনুসারে । ইত্যরয়োঃ—তেজঃ ও জলের । চঃ—ও ।

৬।৪।৭ শ্রুতি মতে “ত্রিবিং” শব্দ ব্রহ্মাও নির্মাণহেতু ত্রিবিং করণের সমানার্থ বোধক নহে । এখানে “ত্রিবিং” অর্থ—তিন প্রকার । ত্রিবিংকরণ ও পঞ্চীকরণ যে অর্থে প্রযুক্ত হয়, ইহার অর্থ তাহা নহে । কারণ—মাংস, পুরীষ ও মনঃ ইহারা ভৌম বা পার্থিব ; মূত্র, রক্ত ও প্রাণ ইহারা জলীয় ; এবং অস্থি, মজ্জা ও বাক্ ইহারা তৈজস ; এই মাত্র বলাই অভিপ্রেত । উহারা পুরুষভুক্ত অন্ন, জলাদির পরিণাম বোধক মাত্র । সুতরাং, উক্ত শ্রুতি মতে ত্রিবিং করণ উপদিষ্ট হয় নাই, এবং সে কারণ, উহা জীব কর্তৃক কিনা, এ প্রকার সংশয়েরও অবকাশ নাই ।

শ্রীমদ্ভাগবতে ইহার ঠিক উপযোগী শ্লোক অনুসন্ধানে প্রাপ্তি বড়ই দুর্লভ । তবে মনুষ্য শরীরের সর্বাংশেই যে পৃথীবিকার, তাহাই নিম্নোক্ত শ্লোকে কথিত হইয়াছে :—

অয়ং জনো নাম চলন্ পৃথিবাং

যঃ পার্থিবঃ পার্থিব কশ্চ হেতোঃ ।

তস্মাপি চাজ্বে্যারধিগুল্ফজ্জয়া-

জানুরুমধ্যেরশিরোহধরাংসাঃ ॥ ভাগঃ ৫।১২।৫

—হে রাজন ! যাহা পৃথীর বিকার মাত্র, তাহাই কোনও কারণে পৃথিবীতে চলিতে থাকিলে, এইরূপ কোনও বিশেষ ব্যক্তি বলিয়া প্রসিদ্ধ হয় । সেই পার্থিব বিকারের উপরেও কেহ অবয়বী নাই । তাহার চরণদ্বয়ের উপরে ক্রমশঃ উপর্যুপরি ভাবে গুল্ফ, জ্জয়া, জানু, উরু, মধ্যদেশ, বক্ষঃস্থল, গলদেশ ও স্কন্ধ এই সকলই রহিয়াছে । সকলই পৃথীর বিকার ; সুতরাং শ্রম কাহার হইবে ? ভাগঃ ৫।১২।৫

সংশয় :—আচ্ছা, যদি শ্রুতি মন্ত্রবলে ভূত ভৌতিক সমুদায় পদার্থকে ত্রিবৃক্কৃত বা ত্র্যাঙ্ক বল, অথবা পক্ষীকৃত বা পক্ষীকরণাঙ্ক বল, তবে, ইহা জল, ইহা ক্ষিতি, ইহা তেজঃ, ইত্যাদি বিশেষ বিশেষ নাম হইবার কারণ কি ? আবার, অধ্যাত্ম পক্ষেও জিজ্ঞাসা হইতে পারে যে, মাংসাদি ভক্ষিত অগ্নের কার্য্য ; রক্তাদি পীত জলের কার্য্য ; অস্থাদি ভক্ষিত তেজের কার্য্য ; এ প্রকার বিশেষ উল্লেখ কেন হয় ? ইহার উত্তরে সূত্রকার সূত্র করিলেন :—

সূত্র —২।৪।২২ ।

বৈশেষ্যাৎ তদ্বাদস্তদ্বাদঃ ॥ ২।৪।২২ ॥

বৈশেষ্যাৎ + তু + তদ্বাদঃ + তদ্বাদঃ ॥

বৈশেষ্যাৎ :—আধিক্যাহেতু । তু :—কিন্তু, (সংশয় নিরসনে) ।

তদ্বাদঃ :—তাহার বাদ বা নাম । (দ্বিতীয় 'তদ্বাদঃ' অধ্যায় সমাপ্তি সূচক) ।

যদিও সমস্ত ভূতই ত্রিবৃক্কৃত বা ত্র্যাঙ্ক অথবা পক্ষীকৃত, তথাপি যে যে ভূতে যে যে ভূতের আধিক্য বর্তমান থাকে, তাহাকে সেই সেই নামে উল্লেখ করা হইয়া থাকে । ইহা আমরা ২।৪।২০ সূত্রের আলোচনায় বুঝিয়াছি ।

দ্বিতীয় অধ্যায়		
পাদ	অধিকরণ	সূত্র সংখ্যা
প্রথম পাদ	১৪	৩৮
দ্বিতীয় পাদ	৮	৪৫
তৃতীয় পাদ	৭	৫৩
চতুর্থ পাদ	৮	২২
	<hr/>	<hr/>
	৩৭	১৫৮
প্রথম অধ্যায়	৩৫	১৩৯
	<hr/>	<hr/>
১ম ও ২য় অধ্যায়	৭২	২৯৭

বন্দন, দাস্ত, সখ্য এবং আত্ম-নিবেদন, এই নব-লক্ষণা ভক্তি ভগবান্
বিস্ময়ে যদি সমর্পিত হয়, তাহাই সকল অধ্যয়নের সার্থকতা।

(ভাগ: ৭।৫।১৮-১৯)

ব্রহ্মসূত্র ও শ্রীমদভাগবত

বা

শ্রীমদভাগবত সাহায্যে ব্রহ্মসূত্রালোচনা।

তৃতীয় অধ্যায়

আলোচক :—শ্রীরামপদ চট্টোপাধ্যায়, বেদান্ত-বিদ্যার্ণব।

~~ভগবান শ্রীকৃষ্ণের বাহুবল~~ #

তৃতীয় অধ্যায়—সাধন

ভগবান শ্রীকৃষ্ণের মহর্ষি বাদরায়ণ ব্রহ্মসূত্রের প্রথম ও দ্বিতীয় অধ্যায়ে ব্রহ্মতত্ত্ব, জীবতত্ত্ব, জগতত্ত্ব ও তাহাদের পরস্পর সম্বন্ধ প্রতিপাদন করিয়া এবং সঙ্গে সঙ্গে সমুদায় শাস্ত্রের সমন্বয় ব্রহ্মে ও তাঁহাতে সমুদায় অবিরোধ, ইহা ঋতিপ্রমাণে ও বিচারে প্রতিষ্ঠিত করিয়া অধুনা জীবের পরমার্থ প্রাপ্তির বা ব্রহ্মপ্রাপ্তির সাধন নির্দেশে অগ্রসর হইতেছেন। শ্রীমদ্ ভাগবত নিম্নোক্ত শ্লোকে সংসার উত্তরণের প্রকৃষ্ট উপায় নির্দেশ করিতেছেন :—

এতাং স আস্থায় পরান্ননিষ্ঠা-

মধ্যাসিতাং পূর্বতমৈর্মহর্ষিভিঃ ।

অহং তরিষ্যামি ছরন্তুপারং

তমোমুকুন্দাজিঘ্রু নিষেবয়েব ॥ ভাগঃ ১১।২৩।৫৩

—পূর্বতন মহর্ষিগণ কর্তৃক সেবিত পরমান্ননিষ্ঠা অবলম্বন পূর্বক, সেই মূর্খ পাষণ্ড আমি, মুক্তি দাতা ভগবানের চরণ সেবা দ্বারা এই ছুপার সংসার-তমঃ হইতে উত্তীর্ণ হইব। ভাগঃ : ১১।২৩।৫৩

ইহা হইতে বুঝা গেল যে, শ্রীভগবানের চরণ সেবাই শুব-সাগর উত্তরণের প্রকৃষ্ট উপায়। উক্ত সেবা কি প্রকারে করা যায়, তাহার সম্বন্ধে ভাগবত বলিতেছেন :—

শ্রবণং কীর্তনং বিষ্ণোঃ স্মরণং পাদসেবনম্ ।

অর্চনং বন্দনং দাস্ত্যং সখ্যমান্নিবেদনম্ ॥ ভাগঃ ৭।৫।১৮

ইতি পুংসার্পিতা বিষ্ণৌ ভক্তিশেচনবলক্ষণা ।

ক্রিয়তে ভগবত্যক্কা তন্মন্ত্ৰেহধীতমুক্তমম্ ॥ ভাগঃ ৭।৫।১৯

—(প্রহ্লাদ তাঁহার পিতাকে বলিতেছেন, পিতঃ ! আপনি আমার অধ্যয়নের কথা জিজ্ঞাসা করিতেছেন ?) বিষ্ণুর শ্রবণ, কীর্তন, স্মরণ, পাদসেবন, অর্চন,

ইহা হইতে প্রথমে উঠে যে, এই নব-লক্ষণা ভক্তির কি সকলগুলিরই অনুষ্ঠানের প্রয়োজন? ইহার উত্তর—না; কোনও একটি যথাযথ অনুষ্ঠিত হইলেই পুরুষার্ধ লাভ হইয়া থাকে। দৃষ্টান্ত সহ তাহার উল্লেখ করিতেছেন :—

শ্রীবিষ্ণোঃ শ্রবণে পরীক্ষিতভবৎ বৈয়াসকিঃ কীর্তনে

প্রহ্লাদঃ স্মরণে তদজিষ্ণু ভজনে লক্ষ্মীঃ পৃথুঃ পূজনে ।

অক্রুরস্তভিবন্দনে কপিপতির্দাশ্বেহুধ সখ্যেহর্জুনঃ

সর্বস্বান্নিবেদনে বলিরভূৎ কৃষ্ণাপ্তিরেষাং পরম্ ॥

(প্রাচীন শ্লোক—দেখ ভাগবতের ৭।৫।১৮ শ্লোকে ক্রমসন্দর্ভঃ টীকা ।)

—শ্রীভগবান বিষ্ণুর নাম ও লীলা শ্রবণে পরীক্ষিতের, কীর্তনে শুকদেবের, স্মরণে প্রহ্লাদের, পাদসেবনে লক্ষ্মীর, অর্চনায় বা পূজায় পৃথুর, সম্যক বন্দনে অক্রুরের, কপিপতি হনুমানের দাশ্বে, সখ্যে বা বিশ্বাসে অর্জুনের, এবং আপনার সহিত সর্বস্ব সমর্পণে বলির, ভগবৎ প্রাপ্তি হইয়াছিল ।

(প্রাচীন শ্লোক —ক্রমসন্দর্ভে উদ্ধৃত ।) ।

অতএব বুঝা গেল যে, উক্ত নবলক্ষণা ভক্তির সকলগুলির অনুষ্ঠানের প্রয়োজন নাই—কোনও একটি সম্যকভাবে অনুষ্ঠান করিতে পারিলেই হইল ।

উপরে অনুকূল ভাবনার কথা বলা হইল। এমন কি, প্রতিকূল ভাবনা করিলেও, ভগবান, নিজগতি প্রদান করিয়া থাকেন। অনুকূল, প্রতিকূল, সখ্য, ঘেব ইত্যাদি মায়া প্রপঞ্চের অন্তর্গত। ভগবান প্রপঞ্চের বাহিরে, তাঁহার কাছে উহাদের বিভিন্নতা নাই। তাঁহার পরম পবিত্র নামে, প্রপঞ্চের মল হইতে উৎপন্ন উল্কাভাব সকল পরম পবিত্র হইয়া যায়। এইভাবে ভাবিত হইয়া কবি গাহিয়াছেন :—“ঘেবহিংসা ছুটি, আসি পড়ে লুটি, ধুলিমাখা ছুটি রাঙা পায় ।”

তিনি তাঁহার প্রিয় জীবগণের আলিঙ্গন প্রদানের জন্য বন্ধু বিস্তার করিয়াই আছেন। তিনি জীবকে কত ভালবাসেন, তাহা দেখাইবার জন্য, জীবচৈতন্যকে কৌস্তভব্যপদেশে গলদেশে অলঙ্কাররূপে ধারণ করিয়া আছেন

—(কারক স্থিতিরকে বলিতেছেন)—হে রাজন্! গোপীগণ কামহেতু, কংস
উরহেতু, শিশুপালাদি রাজগণ ঘেবহেতু, যাদবগণ সহস্র বশতঃ, তোমরা
স্নেহ প্রযুক্ত, এবং আমরা ভক্তি দ্বারা তাঁহার গতি প্রাপ্ত হইয়াছি।

ভাগঃ ৭।১।২২

শ্রীভগবানে নিন্দা স্তূত্যাদি বৈষম্য বিচার নাই। শত্রু মিত্র প্রভৃতি ভেদ নাই।
সে জ্ঞ, যে কোনও উপায়ে তাঁহার ভজনা করিলে পরম পুরুষার্থ লাভরূপ
তাঁহার প্রাপ্তি হইয়া থাকে। তিনি কল্পতরু স্বভাব। কল্পতরুর নিকট গিয়া
যে কিছু প্রার্থনা করা যায়, শত্রু মিত্র বিচার না করিয়া কল্পতরু তাহাই প্রদান
করিয়া থাকেন। সেইরূপ ভগবানের নিকট প্রাণের আবেদন জানান চাই,
তাহা কি প্রকারে হইতে পারে এই অধ্যায়ে তাহারই বিচার করা হইয়াছে।
এই কল্পতরু স্বভাব খ্যাপনের জ্ঞ ভাগবত বলিতেছেন :—

তস্মাদ্ধৈরানুবন্ধেন নির্বৈরেণ ভয়েন বা ।

স্নেহাৎ কামেন বা যুঞ্জ্যাৎ কথঞ্চিনেক্ষতে পৃথক্ ॥ ভাগঃ ৭।১।২৫

—সেইজ্ঞ শত্রুতা, বা নির্বৈর অর্থাৎ ভক্তিব্যোগ কিবা ভয় অথবা স্নেহ,
কি কাম ইত্যাদি যে কোনও উপায়ে হউক, ভগবানের প্রতি মনঃ সংযোগ
করা কর্তব্য, এবং এই মনঃ সংযোগ দ্বারা তাঁহাতে একরূপ আবিষ্ট থাকা
উচিত, যাহাতে অণু কিছুরই দর্শন না হয়। ভাগঃ ৭।১।২৫

ভাগবতের উক্ত ৭।১।২৫ শ্লোকে ব্যবহৃত “যুঞ্জ্যাৎ” পদে সমুদায় সাধন
তত্ত্ব নিহিত। ইহাই অবিচ্ছিন্ন তৈলধারার দ্বারা প্রত্যয় প্রবাহ, ইহাই
একতানতা।

অতএব, যে কোনও উপায়ে হউক, শ্রী ভগবানে মনঃ-সংযোগ
একান্ত কর্তব্য। আমাদের দ্বারা সাধারণ জীবের পক্ষে অনুকূল

বিভাগ নিম্ন প্রকার :—

প্রথম পাদ :—জীবের কর্মজনিত পরলোক গমনাগমন বিচার দ্বারা
ব্রহ্মতর পদার্থ মাত্রেই বৈরাগ্যানিরূপণ ।

দ্বিতীয় পাদ :—পূর্বভাগে—ঐ পদার্থের শোধন ।
উত্তরভাগে—তৎ পদার্থের শোধন ।

তৃতীয় পাদ :—সগুণ বিদ্যা সমূহের গুণোপসংহার, এবং নিগুণ ব্রহ্ম
অপুনরুক্ত পদের উপসংহার ।

চতুর্থ পাদ :—নিগুণ ব্রহ্মজ্ঞানের বহিরঙ্গ ও অন্তরঙ্গ সাধন নির্ণয় ।
বৈয়াসিক শ্রায়মালা ৭ ।

এই প্রসঙ্গে স্মরণ রাখিতে হইবে যে, বৈয়াসিক শ্রায় মালা শ্রীমচ্ছ-
ঙ্করাচার্যের পঞ্চানুগামী। শগবান শঙ্কর নিগুণ-সগুণ ব্রহ্মের ভেদ
অঙ্গীকার করিয়া উভয়ের সাধন এবং তাহা হইতে প্রাপ্য সিদ্ধির
পৃথক্ অঙ্গীকার করিয়াছেন। আমরা উক্ত ভেদ স্বীকার প্রয়োজন
মনে করি না। একই অদ্বিতীয় বস্তুর দ্বিবিধ লক্ষ্যস্থান হইতে দ্বিবিধ
দর্শন মাত্র মনে করি। জীবকোটি হইতে যিনি সগুণ, স্বরূপকোটি
হইতে তিনিই নিগুণ। ইহা আমরা প্রতিপাদন করিয়াছি। এখানে
বিস্তারের প্রয়োজন নাই।

সার্বজনীন সুখসাধ্য সাধন-শাস্ত্ররূপে
শ্রীমদ্ভাগবত সাহায্যে ব্রহ্মসূত্রালোচনা ।

তৃতীয় অধ্যায় । প্রথম পাদ ।

এই পাদে জীবের কর্মজনিত পরলোক গমনাগমন বিচার
দ্বারা ব্রহ্মেত্তর পদার্থমাত্রেই বৈরাগ্য নিরূপণ ।

প্রথম অধ্যায়ে ব্রহ্মই জগৎ প্রপঞ্চের সৃষ্টি-স্থিতি-লয়ের কারণ, তাঁহার
বহু হইবার সংকল্পেই জগৎ সৃষ্টি, সমুদায় বেদ এবং বেদান্তসারী সমুদায় শাস্ত্র
একমাত্র তাঁহাকেই প্রতিপাদন করে, ইহা বিচার দ্বারা প্রতিষ্ঠিত হইয়াছে ।

দ্বিতীয় অধ্যায়ে সাংখ্যাদি প্রযুক্ত তর্ক সমূহের সহিত বেদান্ত সিদ্ধান্তের
বিরোধ পরিহার, সাংখ্যাদি মতের দৃষ্টতা প্রদর্শন, মহাভূত ও জীববোধক
শ্রুতি বাক্যসমূহের এবং লিঙ্গশরীর সংক্রান্ত আপাতঃ প্রতীয়মান বিরোধ সমূহের
পরিহার করা হইয়াছে, এবং প্রসঙ্গতঃ পরিদৃশ্যমান জগতের সৃষ্টি বৈচিত্র্য
অনাদি কাল হইতে চলিয়া আসিতেছে, এবং উহার কারণ জীবের কর্মও
অনাদি ; জীব, জগৎ, কর্ম সমুদায়ই অনাদি ; জগতের শোক-তাপ-
ক্লেশ-দৈন্ত প্রভৃতি কর্ম হইতে উৎপন্ন ; জীবের কর্তৃত্ব-বুদ্ধিই এই সমুদায়ের
মূলে, একারণ উহারা জীবের ক্লেশের ও বন্ধনের কারণ ; জগৎ কারণ ব্রহ্মের
সহিত উহাদের সম্পর্ক নাই—দে কারণে বৈষম্য-নৈস্বর্গ্য প্রভৃতি দোষ তাঁহাতে

স্পর্শে না, ইহা ২।১।৩৬, ২।১।৩৫ সূত্রে প্রতিষ্ঠিত হইয়াছে, এবং জীবের কৃত কৰ্ম্মানুসারেই সৃষ্টি-বৈচিত্র্য ইহাও সাক্ষাৎভাবে ২।৩।৪২ সূত্রে বিচারিত হইয়া সিদ্ধান্ত স্থাপন করা হইয়াছে। তৎপরে, জীব স্বরূপতঃ যে ব্রহ্মের শক্ত্যাংশ, তাহাও ২।৩।৪৩ সূত্রে স্থাপিত হইয়াছে। কি উপায়ে সংসারের দুঃখ, তাপ, ক্লেশাদি হইতে পরিত্ৰাণ পাওয়া যাইতে পারে, তাহারই বিচার তৃতীয় অধ্যায়ে করা হইবে। এই অধ্যায়ের নাম সাধন পাদ—অর্থাৎ জীব-স্বরূপ লাভের উপায় নির্দেশে ইহার উপযোগিতা ও সার্থকতা।

এই অধ্যায়ের প্রথম পাদে জীবের লোক হইতে লোকান্তর গতাগতি বিচার দ্বারা সাধনের প্রধান ও প্রথম অঙ্গ বৈরাগ্য উৎপাদনের সহায়তা করা হইয়াছে। ২।১।২৩ সূত্রের আলোচনায় আমরা বুঝিয়াছি যে, লোক হইতে লোকান্তর গমনাগমনকারী জীব স্বরূপতঃ ব্রহ্মের তটস্থা শক্ত্যাংশ হইলেও—বাস্তবিক উহা উপাধিতে উপহিত উক্ত শক্ত্যাংশ। এই উপাধি—জীবের কৰ্ম্মপ্রসূত এবং উহা জীবাতিরিক্ত তত্ত্বান্তর। যদিও জীব এবং তাহার উপাধির উপাদান সমূহ ব্রহ্ম হইতেই উৎপন্ন—তাহা হইলেও ব্রহ্মের সংকল্প বশতঃ—জীব চৈতন্যময়, উপাধি জড়। এই জড়—চৈতন্য সমাবেশই জগৎ বৈচিত্র্যের মূলে। এখন এই ভোগোপকরণ সমন্বিত জীবের সংসার গতির প্রণালী কথিত হইতেছে।

এখানে মনে রাখা প্রয়োজন যে, তৃতীয় অধ্যায়ের বিচার, জীব-কোটি হইতে। সংসার বাস্তবিক আছে কি না, উহা সত্য, নথর বা মিথ্যা, তাহার বিচারের প্রয়োজন নাই। জীব যখন, যে কারণেই হউক, সংসারে আবদ্ধ হইয়া পড়িয়াছে, তখন তাহা হইতে মুক্ত হইবার উপায় আছে কি না, ইহা নির্ধারণ করাই এই অধ্যায়ের লক্ষ্য। এবং সে কারণ ইহা সংসারবদ্ধ জীবের পক্ষে মহোপকারী। এই জন্মই বলিয়াছি যে, সংসারবদ্ধ জীবের লক্ষ্যস্থান হইতে ইহার বিচার বুঝিতে হইবে। বাস্তবিক পক্ষে বেদ, উপনিষদ্ এবং বেদানুসারী সমুদায় শাস্ত্রের বিধি-নিষেধ—সমুদায়ই আমাদের গ্ৰায় সংসারবদ্ধ জীবের জন্ম। যাহারা জীবন্মুক্ত—তাহারা বিধি-নিষেধের পারে, ইহা আমরা একাধিকবার বলিয়াছি—সূত্রকারও এই অধ্যায়ের চতুর্থ পাদে ইহাই প্রতিপাদন করিবেন। আমরা বিচারের সময় প্রায়ই লক্ষ্য-স্থান হারাইয়া ফেলি, এ কারণ, মনে দৃঢ়তর ভাবে ধারণার জন্ম ইহার পুনরুল্লেখ এখানে করিয়া রাখিলাম।

১। ভদ্রস্বর-প্রতিপত্ত্যাধিকরণ ॥

ভিত্তিঃ—

১। “বেথ যদিতোহিধি প্রজাঃ প্রযন্তীতি ? ন ভগব ইতি । বেথ যথা পুনরাবর্তন্তা ইতি । ন ভগব ইতি । বেথ পথোর্দেবযানশ্চ পিতৃযাগশ্চ চ ব্যাবর্তনা ইতি ? ন ভগব ইতি ।”

(ছান্দোগ্যঃ ৫।৩।২)

২। “বেথ যথাসৌ লোকো ন সম্পূর্যাত ইতি ? ন ভগব ইতি । বেথ যথা পঞ্চম্যামাহুতাবাপঃ পুরুষবচসো ভবন্তীতি ? নৈব ভগব ইতি ।” (ছান্দোগ্যঃ ৫।৩।৩)

—আরুণির পুত্র শ্বেতকেতু পাঞ্চাল রাজের সভায় গমন করিয়া-
ছিলেন । সেখানে পাঞ্চাল রাজ জীবলনন্দন প্রবাহণ, তাঁহাকে
জিজ্ঞাসা করিলেন, তুমি জান কি, প্রাণিগণ যত্নের পর এতদপেক্ষা
উর্ধ্বে যেখানে গমন করে ? শ্বেতকেতু উত্তর করিলেন—না, মহাশয় ।
রাজা পুনশ্চ জিজ্ঞাসা করিলেন—তুমি জান কি, প্রাণিগণ যে প্রকারে
ইহলোকে ফিরিয়া আসে ? উত্তর হইল, না, মহাশয় । তৃতীয়
প্রশ্ন হইল, দেবযান, পিতৃযান, ঐ পথদ্বয়ের পরস্পর বিচ্ছেদ স্থান
তুমি জান কি ? উত্তর হইল, না, মহাশয় । (ছাঃ ৫।৩।২)

—পুনরায় প্রশ্ন হইল, তুমি জান কি, এই পিতৃযানগামী জীব দ্বারা
ওই চন্দ্রলোক কেন পূর্ণ হয় না ? উত্তর হইল, না, মহাশয় ।
পুনরায় প্রশ্ন হইল, তুমি জান কি, পঞ্চমী আহুতিতে আহুত আপ,
(জল) যেরূপে পুরুষপদ বাচ্য হয়—অর্থাৎ, প্রাণিসংজ্ঞা প্রাপ্ত হয় ?
উত্তর হইল, না, মহাশয় । (ছাঃ ৫।৩।৩) ।

সংশয়ঃ—জীবের দেহ হইতে দেহান্তর গমন শিরোদেশে উক্ত ছান্দোগ্য
শ্রুতির ৫।৩।২ মন্ত্রে উক্ত আছে । জীব কি দেহ হইতে দেহান্তরে গমনের
সময় দেহান্তরারম্ভের হেতুভূত স্মৃৎভূতে পরিবেষ্টিত হইয়া গমন করে,
কি নিজ স্বরূপেই গমন করে ? দেখা যায় যে, জীব যেখানে যেখানে গমন
করে, সেই সকল স্থানে স্মৃৎ ভূত সকল সহজেই প্রাপ্য, স্মৃৎ ভূতের অনন্ত
ভাণ্ডার সর্বত্র বিদ্যমান অতএব জীব স্মৃৎ ভূতে পরিবেষ্টিত না হইয়াই

গমন করে, ইহাই সিদ্ধান্ত হওয়া উচিত। শরীর ধারণের প্রয়োজন মত ভূত-স্বপ্ন, জীব, সকল স্থান হইতেই পাইতে পারে। এই সংশয়ের উত্তরে সূত্র :—

সূত্র—৩।১।১।

তদন্তর-প্রতিপত্তৌ রংহতি সম্পরিষক্তঃ প্রশ্ন-নিরূপণাত্যাম্ ॥

৩।১।১ ॥

তদন্তর + প্রতিপত্তৌ + রংহতি + সম্পরিষক্তঃ + প্রশ্ন-নিরূপণাত্যাম্ ॥

তদন্তর :—দেহান্তর। প্রতিপত্তৌ :—প্রাপ্তিতে। রংহতি :—গমন করে। সম্পরিষক্তঃ :—আলিঙ্গিত বা মিলিত হইয়া। প্রশ্ন-নিরূপণাত্যাম্ :—প্রশ্ন ও উত্তর হইতে।

পূর্ব অধ্যায়ের ২।৪।২০ সূত্রে “মূর্ত্তি” পদে দেহ বর্ণিত হইয়াছে, বর্তমান সূত্রে “তৎ” পদ সেই দেহের অনুবৃত্তিতেই ব্যবহৃত হইয়াছে বুঝিতে হইবে। ছান্দোগ্য শ্রুতির ৫।৩ প্রকরণে পঞ্চাগ্নি বিদ্যায় প্রশ্নে ও তাহার উত্তরে যাহা নিরূপিত হইয়াছে, তাহা হইতে স্পষ্ট সিদ্ধান্ত হইবে যে, জীব দেহান্তর গমনের সময়ে ভূত স্বপ্নে পরিবেষ্টিত হইয়া গমন করে। আখ্যায়িকাটি এই :—

শিরোদেশে উদ্ধৃত মন্ত্রে আকুণ্ঠেয় শ্বেতকেতু এবং পাঞ্চালরাজ প্রবাহণের যে প্রশ্নোত্তর লিখিত হইয়াছে, উহাতে দৃষ্ট হইবে যে, শ্বেতকেতু কোনও প্রশ্নের উত্তর দিতে পারেন নাই। ইহাতে তিনি অপ্রস্তুত হইয়া পিতার সমীপে গমন করতঃ অভিমান বশে বলিলেন, পিতঃ! আপনি আমাকে কি শিক্ষা দিয়াছেন? পাঞ্চাল রাজের কোনও প্রশ্নের উত্তর দিতে না পারায় আমি বড় দুঃখিত হইয়াছি। ইহাতে তাঁহার পিতা গোতম গোত্রজ আকুণ্ঠি ঐ সকল প্রশ্নের বিষয় অবগত হইয়া দেখিলেন যে, তিনি নিজেই উহাদের উত্তর জানেন না। সেজন্য তিনি পাঞ্চাল রাজের নিকট গমন করিয়া তাঁহার কৃত প্রশ্নের উত্তর প্রার্থনা করেন। তাহাতে পাঞ্চাল রাজ উক্ত প্রশ্নগুলির উত্তরে বলিলেন :—হে গোতম! এই সংসারে অগ্নি পাঁচটি—ছো, পর্জন্য, পৃথ্বী, পুরুষ ও স্ত্রী। শ্রদ্ধা, সোম, বৃষ্টি, অন্ন ও রেতঃ—এই পাঁচটিকে ঐ পাঁচ অগ্নির আহুতি জানিবে। দেবতাগণ, অর্থাৎ, দেবতাসংজ্ঞক জীবের প্রাণ সমূহ অগ্নিরূপে পরিকল্পিত ছালোকে শ্রদ্ধানামক বস্তু অর্পণ করেন—সেই শ্রদ্ধাই,

সোমরাজ নামক অমৃতময় দেহরূপে পরিণত হইয়া থাকে। সেই শ্রাণ সমূহ আবার অগ্নিরূপে পরিকল্পিত পর্জন্তে (মেঘে), সেই সোমাত্মক অমৃতময় দেহটিকে নিক্ষেপ করে। উহাই বারিধারারূপে পৃথিবীতে পতিত হইয়া অগ্নের উৎপত্তি করে। পুরুষ ঐ অগ্নের আহারে বীৰ্যবান্ হইয়া স্ত্রীতে ঐ বীৰ্য আধানরূপ আহুতি দান করে। তাহাতেই পুরুষ বাচক জীবের জন্ম হয়। স্ত্রীর স্ত্রী রূপ পঞ্চমী অগ্নিতে আহুত জল সমূহই দেব মনুষ্যাদি রূপে জন্ম গ্রহণ করিয়া থাকে। ইহা হইতে উপপন্ন হইতেছে যে, পূর্ব পূর্ব আহুতি রূপে অনুবর্তমান সূক্ষ্মরূপ জলই পুরুষাকার ধারণ করে। তাহা হইলেই সিদ্ধান্ত হইতেছে যে, জীব, ভূত-সূক্ষ্ম পরিবেষ্টিত হইয়া দেহ হইতে দেহান্তরে গমন করে। আপ, বা জল ভূতসূক্ষ্মের উপলক্ষণে গৃহীত হইয়াছে, বুঝিতে হইবে। পরসূত্রে ইহার সিদ্ধান্ত আছে।

এ সম্বন্ধে শ্রীমদ্ভাগবত কি বলেন, দেখা যাউক।

মনঃ কৰ্ম্মময়ং নৃণামিন্দ্রিয়ৈঃ পঞ্চভিযুক্তম্।

লোকাল্লোকং প্রযাত্যন্য আত্মা তদনুবর্ততে ॥ ভাগঃ ১১।২২।৩৬

—ইন্দ্রিয়গণের সহিত কৰ্ম্মময় মনঃ ইহলোক হইতে লোকান্তরে গমন করে। আত্মা তাহাদের হইতে পৃথক্ হইয়াও আশ্রয়রূপে তাহার অনুবর্তী হয়েন। ভাগঃ ১১।২২।৩৬

অতএব, বুঝা গেল যে, আত্মা, মনঃ ও ইন্দ্রিয়গণের সহিত লোক হইতে লোকান্তরে গমন করিয়া থাকে।

মনঃ ও ইন্দ্রিয়গণ ভূতসূক্ষ্ম ভিন্ন কিছুই নহে, ইহা ১।১।২ সূত্রের আলোচনায় (পৃ ১৭০—১৭১) প্রদত্ত চিত্র হইতে বুঝা যাইবে।

অন্যত্রও আছে :—

দেহেন জীবভূতেন লোকাল্লোকমনুব্রজন্।

ভুঞ্জান এব কৰ্ম্মানি কৰোত্যবিরতং পুমান্ ॥ ভাগঃ ৩।৩।১৪৩

জীবো হৃশ্মানুগো দেহো ভূতেন্দ্রিয়মনোময়ঃ।

তন্নিরোধোহন্য মরণমাবির্ভাবস্ত সন্তবঃ ॥ ভাগঃ ৩।৩।১৪৪

—জীবের উপাধিরূপ লিঙ্গ দেহের সহিত, কৰ্ম্মবশতঃ জীব এক লোক হইতে লোকান্তরে গমন করে, এবং ফল ভোগ করিতে থাকিয়াও অবিরত কৰ্ম্ম করিতে থাকে। জীবের লিঙ্গদেহ, এবং

তাহার অনুগ ভূতাদির বিকাররূপ ভোগায়তন এই স্থূল দেহ—এই উভয়ের যে নিরোধ, অর্থাৎ ব্যবহারিক কার্যে যে অযোগ্যতা, তাহাই মরণ এবং এই দুইএর যে আবির্ভাব, তাহাই জীবের জন্ম।

ভাগ: ৩।৩।৪৩-৪৪

এই লিঙ্গ শরীর ষোড়শ কল—(পঞ্চ জ্ঞানেন্দ্রিয়, পঞ্চ কর্মেন্দ্রিয়, পঞ্চ উদ্ভ্রাজ ও মনঃ সংযুক্ত)—ইহা, সত্ত্ব, রজঃ, তমঃ গুণ; এবং কর্ম, জীবের সংসার বন্ধনের কারণ। ইহারা জীবের অনুগমন করিয়া পুনর্জন্মের কারণ হইয়া থাকে।

তদেতৎ ষোড়শকলং লিঙ্গং শক্তিত্রয়ং মহৎ ।

ধত্তেহনুসংসৃতিং পুংসি হর্ষ-শোক-ভয়ান্তিদাম্ । ভাগ: ৬।১।৪৭

(—ইহার সরলার্থ ২।৩।৫২ সূত্রে দেওয়া হইয়াছে। [পৃ: ১০৭১])

উপরে উদ্ধৃত শ্রীমদ্ভাগবতের ১।১।২২।৩৬ এবং ৬।১।৪৭ শ্লোকে দৃষ্ট হইবে যে, লিঙ্গ দেহই জীবের সংসার গতাগতির কারণ, এবং জীবের উপাধি স্বরূপ হইয়া লোক হইতে লোকান্তরে গমন করে।

লিঙ্গশরীর যে জীবত্বের হেতু তাহা অগ্ৰত্রও আছে। যথা :—

সত্বধাভিজয়েদ্ যুক্তো নৈরপেক্ষেণ শাস্ত্বধীঃ ।

সম্পদ্যতে গুণৈর্মুক্তো জীবো জীবং বিহার্য মাম্ ॥

ভাগ: ১।১।২৫।৩৪

জীবো জীবেন নিমুক্তো গুণৈশ্চাশয়সম্ভবৈঃ ।

মর্য়েব ব্রহ্মণা পূর্ণো ন বহিনাস্তরং চরেৎ ॥ ভাগ: ১।১।২৫।৩৫

“জীবং—জীবত্ব কারণং লিঙ্গ শরীরং ।” (শ্রীধর)

—সেই শাস্ত্বধী জীব যোগযুক্ত হইয়া নিরপেক্ষ সত্ত্ব ধারা সত্ত্বকে জয় করিয়া, ত্রিগুণ হইতে মুক্ত হওতঃ, জীবত্ব কারণ লিঙ্গ শরীর পরিত্যাগ পূর্বক, আমাতে সম্পন্ন হইবে। লিঙ্গশরীর হইতে, এবং অস্তঃকরণের বাসনাদি সত্ত্বত গুণ হইতে বিনির্মুক্ত জীব, ব্রহ্ম ভাবে পূর্ণ হইয়া, আর বহির্বিষয় ভোগে ও আন্তরিক তৎস্মরণে বিচরণ করিবে না। ভাগ: ১।১।২৫।৩৪-৩৫।

ভাগবতে ২।২।২৩ শ্লোকে যোগেশ্বরদিগের গতি উপদিষ্ট হইয়াছে।
উক্ত শ্লোকটি এই :—

যোগেশ্বরানাং গতিমাত্মরন্ত-

বহিঃস্থিলোক্যাঃ পবনান্তুরাঘ্রনাম্ ।

ন কর্মভিস্তাং গতিমাপ্নুবন্তি

বিজাতপোযোগসমাধিভাজ্জাম্ ॥ ভাগঃ ২।২।২৩

‘পবনান্তুরাঘ্রনাং’ পদের অর্থ শ্রীধর স্বামী লিখিতেছেন ;
“পবনান্তুরাঘ্রনাং: আত্মা লিঙ্গশরীরং যেষাম্”—অর্থাৎ, বায়ুর মধ্যে
যাহাদিগের লিঙ্গশরীর থাকে। যোগেশ্বরগণ সজ্জামুক্তি গ্রহণ
না করিয়া জগতের উপকারের জন্য লিঙ্গশরীর ধ্বংস হইতে না
দিয়া, বায়ুতে রাখিয়া, মুক্তি ভোগ করেন। প্রয়োজন হইলে উক্ত
শরীর গ্রহণ পূর্বক, জগতের উপকার সাধন করিতে পারিবেন,
এই অভিপ্রায়ে তাঁহারা সজ্জামুক্তির অভিলাষ করেন না।

শ্লোকটির অর্থ এই :—

উপাসনা, ভগবৎকর্ম, অষ্টাঙ্গ যোগ, এবং সমাধি দ্বারা যোগেশ্বরগণ যে
গতি প্রাপ্ত হন, কর্মীগণের দ্বারা তাহা লভ্য নহে। বায়ুর মধ্যে
যোগেশ্বরগণ তাঁহাদের লিঙ্গ শরীর রাখেন। তদ্বারা তাঁহারা
ত্রিলোকীর অন্তরে ও বহির্ভাগে গমনাগমন করিতে পারেন।

ভাগঃ ২।২।২৩

এই লিঙ্গ শরীর যে সূক্ষ্ম ভূত দ্বারা গঠিত, তাহা বলাই বাহুল্য। কেন না,
উহার উপাদানীভূত মনঃ, বুদ্ধি, অহঙ্কার—তাহা হইতে উৎপন্ন, এবং তাহাদের
বৃত্তি, বাসনা, প্রবৃত্তি, সংস্কার সকলেই ভূতবিকার ও পঞ্চ জ্ঞানেন্দ্রিয়, পঞ্চকর্মেন্দ্রিয়,
পঞ্চতন্মাত্র—সমুদায় ভূত সূক্ষ্ম ইহাতে সন্দেহ নাই। ১।১।২ সূত্রের
আলোচনায় প্রদর্শিত সৃষ্টি প্রক্রিয়ার চিত্র দৃষ্টে বুঝা যাইবে (পৃঃ ১৭০-১৭১)।

শ্রীমদ্ শঙ্করাচার্য্য তাঁহার বিরচিত ‘তত্ত্ববোধ’ গ্রন্থে ‘স্থূল-শরীর’, ‘সূক্ষ্ম-শরীর’
এবং ‘কারণ-শরীর’ এর সংজ্ঞা নির্দেশ করিয়াছেন। এবং আত্মার অনন্যময়,
প্রাণময়, মনোময়, বিজ্ঞানময় এবং আনন্দময়, এই পঞ্চ কোশের নাম
ও সংজ্ঞা নির্দেশ করিয়াছেন। উক্ত পঞ্চকোশের পরিচয় আমরা তৈত্তিরীয়
শ্রুতির আনন্দবল্লীতে দেখিতে পাই। শ্রীমদ্ শঙ্করাচার্য্যের সংজ্ঞা অনুসারে

অন্নময় কোশই স্থূল শরীর, প্রাণময়-মনোময়-বিজ্ঞানময় এই তিন কোশের সমবায়ে সূক্ষ্ম শরীর, এবং আনন্দময় কোশ কারণ-শরীর। তাঁহার মতে সূক্ষ্ম শরীর—অপকীকৃত পঞ্চ মহাত্মতে গঠিত—স্বথ-হৃৎখাদি ভোগ সাধন—পঞ্চজ্ঞানেন্দ্রিয়, পঞ্চ-কর্মেন্দ্রিয়, পঞ্চ বায়ু, মনঃ ও বুদ্ধি—এই সপ্তদশ কলাবিশিষ্ট দেহ। শ্রীমদ্ভাগবতের ৬।১।৪৭ শ্লোকে উল্লিখিত লিঙ্গ শরীরের সংজ্ঞায় ইহার পার্থক্য বড়ই অল্প; কেবল ভাগবতের পঞ্চতন্ত্রাত্মের স্থলে পঞ্চ বায়ু, এবং ভাগবতে একমাত্র ‘মনঃ’ এর স্থানে, আচার্য্য শঙ্কর ‘মনঃ ও বুদ্ধি’ ব্যবহার করিয়াছেন। সুতরাং আচার্য্যের “সূক্ষ্ম শরীর”ই ভাগবতের “লিঙ্গ শরীর”।

ভাগবত উপরে উদ্ধৃত ৩।৩।১৪৩-৪৪ শ্লোকে এই লিঙ্গ শরীরই লোক হইতে লোকান্তরে গমন করে বলিয়াছেন।

বিজ্ঞানময় পুরুষ, অর্থাৎ বিজ্ঞানময় কোশে পরিচ্ছিন্ন আত্মা লোক হইতে লোকান্তরে গমন করেন, ইহা আমরা বৃহদারণ্যক উপনিষদের ৪।৩।৭ মন্ত্রে পাই। মন্ত্রটি এই—

“কতম আত্মেতি, যোহয়ং বিজ্ঞানময়ঃ প্রাণেষু হৃদ্যন্তর্জ্যোতিঃ পুরুষঃ
স সমানঃ সন্নুভৌ লোকাবনুসঞ্চরতি...।।” (বৃহদারণ্যকঃ ৪।৩।৭)

—(জনক জিজ্ঞাসা করিলেন, হে যাজ্ঞবল্ক্য!) তোমার কথিত আত্মা কোন্টি ? (ইহার উত্তরে যাজ্ঞবল্ক্য বলিলেন)—দেহাদি প্রাণবর্গের মধ্যে, এই যে হৃদয়ের (বুদ্ধির) অভ্যন্তরস্থ জ্যোতিঃ-স্বরূপ বিজ্ঞানময় পুরুষ—সমান হইয়া অর্থাৎ বুদ্ধির সদৃশ ভাবাপন্ন হইয়া অন্য কথায় বুদ্ধিতে আত্মাভিমান করিয়া ইহলোকে ও পরলোকে সঞ্চরণ করিয়া থাকেন, তিনিই আত্মা।

(বৃহদাঃ ৪।৩।৭)

এই বিজ্ঞানময় কোশও লিঙ্গ শরীরের অন্তর্গত। এই কোশ দ্বারা পরিচ্ছিন্ন আত্মাই ভূঃ, ভুবঃ, স্বঃ এই তিন লোকের মধ্যে গভায়াত করিয়া থাকেন। এই কোশ যে সূক্ষ্মভূত হইতে উৎপন্ন, তাহাতে সন্দেহ নাই। অতএব, সিদ্ধ হইল যে, জীব ভূতসূক্ষ্ম পরিবেষ্টিত হইয়া লোক হইতে লোকান্তরে গমন করিয়া থাকে।

ভিত্তি :-

“পঞ্চম্যামাহুতাবাপঃ পুরুষবচসো ভবন্তি ।”

(ছান্দোগ্যঃ ৫।৯।১)

—পঞ্চমী অগ্নিতে প্রদত্ত আহুতি আপ্, (জল) পুরুষ সংজ্ঞা প্রাপ্ত হয় । (ছাঃ ৫।৯।১)

সংশয় :-—শ্রুতিতে পঞ্চমী অগ্নিতে প্রদত্ত আহুতি জল বলা হইয়াছে । তাহাতে জলই না হয় পুরুষাকারে পরিণত হয়—ইহা শ্রুতির সম্মানের জন্য স্বীকার করিলাম । তাহাতে পরলোকগামী জীবের সহিত একমাত্র জলেরই সম্বন্ধ না হয় হইতে পারে । সমস্ত ভূত-সৃষ্টির পরিষদ বলিবার কারণ কি ? ইহার উত্তরে সূত্র :-

সূত্র :-—৩।১।২ ।

ত্র্যাঙ্কত্বাঙ্ক্ ভূয়স্বাং ॥ ৩।১।২ ॥

ত্র্যাঙ্কত্বাং + ত্ব + ভূয়স্বাং ॥

ত্র্যাঙ্কত্বাং :-—ত্রিবৃৎকৃতত্ব হেতু । **ত্ব :-**—(আশঙ্কা নিরসনার্থ) ।

ভূয়স্বাং :-—বাহুল্যবশতঃ ।

সমস্ত ভূতই যখন ত্র্যাঙ্ক্,—ত্রিবৃৎকৃত (পরবর্তী বৈদান্তিকগণের মতে পঞ্চীকৃত), তখন আপের উল্লেখ দ্বারাই অপরাপর ভূত-সৃষ্টির অহুগমন বুঝিতে হইবে । জীবের শরীরে জলের পরিমাণের আধিক্য, জীবের জন্ম পিতার যে বীৰ্য্য হইতে, তাহা জলময় ; অগ্নিতে যে আহুতি দেওয়া হয়—সোম, আজ্য, ঘৃত ইত্যাদি সকলই তরল পদার্থ—জলীয় । এই সব কারণে শ্রুতি আপের উল্লেখ করিয়াছেন । কিন্তু আপের সহিত ত্রিবৃৎকরণ বা পঞ্চীকরণের নিমিত্ত, অন্যান্য ভূতের সংমিশ্রণ থাকায়, সমুদায় ভূত-সৃষ্টিই জীবের অহুগমন করে, বুঝিতে হইবে ।

রেতস্তুস্মাদাপ আসন্.....(ভাগবত ৩।২৬।৫৩)

—বিরাট পুরুষের রেতঃ হইতে আপ্, উৎপন্ন হইল । ভাগঃ ৩।২৬।৫৩

জীবের উৎপত্তি পিতার রেতঃ হইতে ; তাহা জলীয় হওয়ার শ্রুতিমতে “আপ্” শব্দ ব্যবহৃত হইয়াছে, বুঝা গেল। শ্রীমদ্ভাগবত আরও বলেন যে, ‘প্রাণন’ আপের একটি বৃত্তি। এবং কৃপাদি হইতে জল উদ্ধৃত হইলেও, পুনঃ পুনঃ জলের উদগম হইয়া থাকে। এ কারণেও জলের আধিক্য হেতু আপের উল্লেখ হইয়াছে।

ক্লেদনং পিণ্ডনং তৃপ্তিঃ প্রাণনাপ্যায়নোদনম্ ।

তাপানোনোদোভূয়স্বমস্তসো বৃত্তয়স্তিমাঃ ॥

ভাগঃ ৩।২।৬।৪১

—ক্লেদন (আর্দ্রীকরণ), পিণ্ডন (মৃত্তিকাদির পিণ্ডীকরণ), তৃপ্তিদান, প্রাণন, আপ্যায়ন, উদন (মূহুর্তকরণ), তাপ নিবারণ এবং ভূয়স্ব (কৃপাদি হইতে উদ্ধৃত হইলেও পুনঃ পুনঃ উদগম হওয়া) জলের বৃত্তি। ভাগঃ ৩।২।৬।৪১

পৃথিবীতে দেখিতে পাই যে, পৃথিবীর তিনভাগ জল, একভাগ মাত্র স্থল। মনুষ্য শরীরেরও অধিকাংশ জলীয়। এ কারণ আপের উল্লেখ শ্রুতিতে আছে। কিন্তু বাহ্যিক হেতু আপের বিশেষভাবে উল্লেখ থাকিলেও, পক্ষীকরণ জন্ত, উহাতে সমুদায় ভূতের সংমিশ্রণ থাকায়, জীবের সহিত সমুদায় ভূত-সূক্ষ্মের অনুগমন বুঝিতে হইবে।

ভিত্তি :—

“তমুৎক্রামন্তুঃ প্রাণোহনুৎক্রামতি প্রাণমনুৎক্রামন্তুঃ
সর্বৈ প্রাণা অনুৎক্রামন্তি....॥” (বৃহদারণ্যকঃ ৪।৪।২)

—জীব দেহ হইতে উৎক্রমণ করিবার সময় প্রাণ তাহার
অনুগমন করে । প্রাণ উৎক্রমণ করিবার সময় ইন্দ্রিয়গণও তাহার
অনুগমন করে । (বৃহঃ ৪।৪।২)

সূত্র :—৩।১।৩।

প্রাণগতেশ্চ ॥৩।১।৩ ॥

প্রাণগতেঃ + চ ॥

প্রাণগতেঃ :—প্রাণের অনুগমন হইতে । **চ :—**ও ।

জীবের উৎক্রমণের সঙ্গে সঙ্গে প্রাণের উৎক্রমণ, এবং প্রাণের উৎক্রান্তির
সহিত অগ্ন্যাণ্ড ইন্দ্রিয়গণের উৎক্রান্তি শ্রুতিতে কথিত আছে । নিরাশ্রয়
ইন্দ্রিয়গণের পরম্পর নিরপেক্ষ ভাবে গমন সম্ভব হয় না । অতএব ইন্দ্রিয়ের
আশ্রয়রূপে ভূতসূক্ষ্মাত্মক লিঙ্গ দেহেরও গমন সঙ্গে সঙ্গে স্বীকার করিতে হয় ।

প্রাণ যে অণ্ডজ, জরায়ুজ, শ্বেদজ, উদ্ভিজ্জ—এই চারি প্রকার জীবের
অনুগমন করে, তাহা ২।৪।৭ সূত্রের আলোচনায় উক্ত শ্রীমদ্ভাগবতের
১।১।৩৪০ শ্লোকার্দ্ধে দৃষ্ট হইবে । লিঙ্গশরীর যে জীবের সহিত লোক
হইতে লোকান্তরে গমন করে, তাহাও ৩।১।১ সূত্রের আলোচনায় উক্ত
ভাগবতের ১।১।২২।৩৬, ৩।৩।১।৪৩ ও ৬।১।৪৭ শ্লোক হইতে প্রতিপাদিত হইবে ।
লিঙ্গদেহ যে ভূতসূক্ষ্ম গঠিত, তাহাও উক্ত ৩।১।১ সূত্রে প্রতিপাদিত
হইয়াছে । কারণ, উহা ষোড়শ কলা বিশিষ্ট, অর্থাৎ পঞ্চ কর্মেন্দ্রিয়, পঞ্চ
জ্ঞানেন্দ্রিয়, পঞ্চ তন্মাত্র ও মনঃ এই ষোল তত্ত্ব লইয়া সূক্ষ্ম বা লিঙ্গশরীর
গঠিত । ইহারা যে ভূতসূক্ষ্মের পরিণতি, তাহা ১।১।২ সূত্রে প্রদর্শিত
চিত্রে দৃষ্ট হইবে ।

অতএব, জীব দেহ হইতে দেহান্তরে গমন কালে, ভূত সূক্ষ্ম
পরিবেষ্টিত হইয়া যায়, ইহা বৃহদারণ্যক শ্রুতি শিরোনামে উক্ত মন্ত্র
হইতেও সিদ্ধ হইল ।

ভিত্তি:—

“যত্রাস্ত্র পুরুষস্ত যতশ্চাগ্নিঃ বাগপ্যোতি, বাতং প্রাণশ্চক্ষু-
রাদিত্যং মনশ্চন্দ্রং দিশঃ শ্রোত্রং পৃথিবীং শরীরমাকাশ-
মাশ্বৌষধীলৈ'মানি বনস্পতীন্ কেশা...ইত্যাদি”

(বৃহদারণ্যকঃ ৩২।১৩)

—মৃত ব্যক্তির বাক, অগ্নিকে, প্রাণ বায়ুকে, চক্ষুঃ আদিত্যকে,
মনঃ চন্দ্রকে, শ্রোত্র দিকসকলকে, শরীর পৃথিবীকে, আত্মা আকাশকে,
লোম সকল ঔষধিকে, কেশ সকল বনস্পতিগণকে প্রাপ্ত হয়।

(বৃহঃ ৩২।১৩)

সংশয় :—জীবের সহিত প্রাণ ও ইন্দ্রিয়গণের অনুগমনের কথা পূর্ব সূত্রে
সিদ্ধান্ত করিলে বটে, কিন্তু শিরোদেশে উদ্ধৃত শ্রুতি মন্ত্রে স্পষ্টই উল্লিখিত রহিয়াছে
যে, জীবের বাগিন্দ্রিয় অগ্নিতে, প্রাণ বায়ুতে, চক্ষুঃ আদিত্যে, মনঃ চন্দ্রে, শ্রোত্র
দিক, সকলে লয় প্রাপ্ত হয়। যদি তাহারা ঐ প্রকারে লয় প্রাপ্তই হইল,
তবে আবার জীবের অনুগমন করিবে কি প্রকারে ?

এই সংশয়ের উত্তরে সূত্রকার সূত্র করিলেন। সূত্রটির প্রথম ভাগে
উক্ত আপত্তি উত্থাপন করিয়া শেষভাগে সমাধান করিয়াছেন।

সূত্র :—৩।১।৪।

অগ্ন্যাদি-গতিশ্রুতেরিতি চেৎ, ন, ভাস্কৃত্বাৎ ॥ ৩।১।৪ ॥

অগ্নি + আদি + গতিশ্রুতেঃ + ইতি + চেৎ + ন + ভাস্কৃত্বাৎ ॥

অগ্নি + আদি :—অগ্নি, বায়ু, আদিত্য, চন্দ্র, দিক ইত্যাদিতে। গতি-
শ্রুতেঃ :—গমন শ্রবণ হেতু। ইতি :—ইহা। চেৎ :—যদি বল। ন :—
না (উত্তরে বলিব না)। ভাস্কৃত্বাৎ :—যে হেতু গোণার্থবোধক।

শিরোদেশে উদ্ধৃত শ্রুতি মন্ত্রে বাক্যাদির অগ্নি প্রভৃতিতে লয় শ্রবণ হেতু,
যদি আপত্তি কর যে, তাহা হইলে ইন্দ্রিয়গণ কি করিয়া জীবের অনুগমন
করিবে, তাহার উত্তরে বলিব, ও প্রকার আপত্তি হইতে পারে না।
কেননা; উক্ত গমনশ্রুতি গোণার্থবোধক, মুখ্য অর্থে ব্যবহৃত হয় নাই।
তাহার কারণ এই যে, উক্ত শ্রুতিতে ঐ মন্ত্রেই উক্ত হইয়াছে যে, লোম সকল

ওষধিকে, কেশ সকল বনস্পতিকে প্রাপ্ত হয়। ইহার কি অর্থ করিবে, যে, লোম ও কেশ সকল শরীর হইতে চলিয়া গিয়া ওষধি ও বনস্পতিকে প্রাপ্ত হইবে বা মিলিত হইয়া যাইবে? তাহাও সম্ভব নয়। তাহা যখন গৌণ অর্থে গ্রহণ করিতে হইবে, তখন বাক্, প্রভৃতি সম্বন্ধেও গৌণ অর্থে গ্রহণ করিতেই হইবে। এক মন্ত্রের কতক অংশ গৌণার্থে গ্রহণ, এবং কতক মুখ্যার্থে ব্যবহৃত হইতে পারে না। অতএব সিদ্ধান্ত অপরিহার্য্য ভাবে করিতে হয় যে, বাক্ প্রভৃতি সম্বন্ধেও গৌণ অর্থে গ্রহণ করিতে হইবে। অতএব শ্রুতির অভিপ্রায় এই যে, জীবদশায় অগ্ন্যাদি দেবতাগণ, বাগাদি ইন্দ্রিয়গণে অধিষ্ঠিত হইয়া, উহাদের উপকার সাধন করিয়া থাকেন—তাহাদের স্ব স্ব ব্যাপার সম্পাদনে সহায়তা করেন। মরণ কালে, সে সহায়তা বা সে উপকার নিবৃত্ত হয়। শ্রুতি এই নিবৃত্তি ভাবেই “অগ্নিং বাগপোত্তি...” ইত্যাদি ঔপচারিক প্রয়োগে ব্যক্ত করিয়াছেন।

বাচমগ্নৌ সবক্তব্যামিন্দ্রে শিল্লং করাবপি ।

পদানি গত্যা বয়সি রত্যোপস্বং প্রজাপতো ॥ ভাগঃ ৭।১২।২৪

মৃত্যৌ পায়ুং বিসর্গঞ্চ যথাস্থানং বিনির্দ্দেশেৎ ।

দিক্শু শ্রোত্রং সনাদেন স্পর্শেনাধ্যাত্মনি ত্বচম্ ॥ ভাগঃ ৭।১২।২৫

রূপাণি চক্ষুষা রাজন্ জ্যোতিষ্যভিনিবেশয়েৎ ।

অঙ্গ্ণ প্রচেতসা জিহ্বাং স্ত্রৈয়ৈর্ভ্রাণং ক্ষিতৌ ন্যাসেৎ ॥

ভাগঃ ৭।১২।২৬

—বাক্যের সহিত বাগিন্দ্রিয়কে অগ্নিতে, শিল্ল সহিত করদ্বয়কে ইন্দ্রে, গতির সহিত পদদ্বয়কে বিষ্ণুতে, রতির সহিত উপস্বকে প্রজাপতিতে, বিসর্গ সহিত পায়ুকে মৃত্যুতে, শব্দ সহিত শ্রোত্রকে দিক্ সকলে, স্পর্শ সহিত ত্বগিন্দ্রিয়কে বায়ুতে, চক্ষুর সহিত রূপকে তেজে, বক্রণের সহিত জিহ্বাকে জলে, অশ্বিনীকুমারের সহিত ভ্রাণকে ভূমিতে লয় করাইবে।

ভাগঃ ৭।১২।২৪-২৫-২৬

ইহা যোগীর স্বেচ্ছা ক্রিয়া। মৃত্যুর সময় ইহা ভগবদ্ বিধানে ইচ্ছা ব্যতিরেকেও ঘটয়া থাকে। শ্রীমদ্ভাগবতের শ্লোক কয়টিতে বাগাদির কার্য্য নিবৃত্তিই লক্ষ্য, ইহা স্পষ্ট বুঝা যাইতেছে। ১।১।২ সূত্রের আলোচনায় (পৃঃ ১৭০-১৭১) যে সৃষ্টি চিত্র দেওয়া হইয়াছে, তাহা পর্য্যালোচনা করিলে

বুঝিতে পারা যাইবে যে, অধিদৈব, অধ্যাত্ম ও অধিভূত পরম্পর আত্যন্তিক পৃথক নহে। একই বস্তুর সত্ত্ব, রজঃ, তমঃ এই গুণত্রয় ভেদে পৃথক অভিব্যক্তি। এই তিন পরম্পর সার্থকতার জন্ত পরম্পরকে অপেক্ষা করে। দৃষ্টান্ত স্বরূপ বলা যাইতে পারে যে, চক্ষুঃ না থাকিলে যেমন আলোক ও রূপের সার্থকতা নাই, সেই রূপ আলোক না থাকিলে চক্ষুঃ ও রূপের সার্থকতা নাই, আবার রূপ না থাকিলে, আলোক ও চক্ষুর সার্থকতা নাই। পরম্পরের সার্থকতা পরম্পরের উপর সম্পূর্ণ ভাবে নির্ভর করে। ইহার কারণ—উহারা একই বস্তুর ত্রিবিধ অভিব্যক্তি। সুতরাং যখন অভিব্যক্তির বিলোপ সংসাধিত হয়, তখন ক্রিয়াও লোপ পায়, উপকারী, উপকার্য, উপকার এই ত্রিভয়াত্মক ব্যবহার লোপ প্রাপ্ত হয়। ইহাই শ্রুতির শিরোদেশে উক্ত মন্ত্রের এবং ভাগবতের শ্লোকত্রয়ের অভিপ্রায়।

ভিত্তি :—

“তন্মিন্নেতন্মিন্ণে দেবাঃ শ্রদ্ধাং জুহ্বতি...॥”

(ছান্দোগ্যঃ ৫।৪।২)

—দেবতাগণ (প্রাণ বা ইন্দ্রিয়সমূহ) এই দু্যলোক রূপ অগ্নিতে
শ্রদ্ধারূপ আহুতি অর্পণ করেন । (ছাঃ ৫।৪।২)

সংশয় :—আচ্ছা, না হয় স্বীকার করিলাম যে, বাক্য অগ্নিকে প্রাপ্ত হয়—
ইত্যাদি প্রয়োগ মূখ্য নহে, গৌণ মাত্র । কিন্তু ভূতান্তর পরিষক্ত জলই যে
পঞ্চমী আহুতির পর পুরুষ সংজ্ঞা প্রাপ্ত হয়, ইহা ত তুমি সিদ্ধান্ত করিতে
পার না । কারণ, যদি প্রথম আহুতির উল্লেখ হইতেই, জলের কথা থাকিত,
তাহা হইলে না হয়, তোমার বিচার বুঝিতে পারিতাম । কিন্তু প্রথম
আহুতিতে শ্রদ্ধার কথা আছে, জলের নাম মাত্রও নাই । দ্বিতীয় আহুতিতে
সোম, তৃতীয়ে বৃষ্টি, চতুর্থে অন্ন এবং পঞ্চমে রেতঃ, এর উল্লেখ আছে ।
শেষের চারিটি আহুতিতে যদিও জলের সাক্ষাৎ সম্বন্ধে উল্লেখ নাই, তথাপি
উহাদিগেতে জলের আধিক্য কল্পনা না হয় করিলাম, এবং উহাদের সম্বন্ধে
তোমার বিচার না হয় উক্ত কল্পনার বলে গ্রহণ করিলাম ; কিন্তু প্রথম
আহুতি—শ্রদ্ধা—উহা জীবের একপ্রকার মনোবৃত্তি মাত্র । উহা কি তোমার
গায়ের জোরে এবং মুখের জোরে জল বলিয়া বুঝাইতে চাও ?

ইহার উত্তরে সূত্রকার সূত্র করিলেন । প্রথম অংশে আপত্তি উত্থাপন
করিয়া শেষাংশে ধ্বংস করিলেন :—

সূত্র :—৩।১।৫ ।

প্রথমেঃশ্রবণাদিতি চেৎ, ন, তা এব ছ্যপপত্তেঃ ॥ ২।৩।৫ ॥

প্রথমে + অশ্রবণাৎ + ইতি + চেৎ + ন + তাঃ + এব + হি +
উপপত্তেঃ ॥

প্রথমে :—প্রথম আহুতিতে । **অশ্রবণাৎ :**—জলের বিষয় শ্রবণ না
থাকায় । **ইতি :**—ইহা । **চেৎ :**—যদি বল । **ন :**—না (উত্তরে বলিব
না) । **তাঃ :**—সেই সমস্ত জল । **এব :**—নিশ্চয়ই । **হি :**—যেহেতু ।
উপপত্তেঃ :—যুক্তিসম্মত ।

শিরোদেশে উক্ত শ্রুতিমতে প্রথম আহুতি সযত্নে জলের উল্লেখ না থাকায়, অধিকন্তু “শ্রদ্ধা” শব্দের উল্লেখ থাকায়, যদি বল, জীবের সঙ্গে জল (ভূত-স্থল) গমন করে না, তাহার উত্তরে বলিব, যে না, তাহা বলিতে পার না; কারণ, প্রশ্ন ও উত্তরের সঙ্গতি রক্ষার অঙ্গুরোধে বুদ্ধিতে হয় যে, এই ‘শ্রদ্ধা’ শব্দেও সেই জলেরই প্রতীতি শ্রুতির অভিপ্রেত; নতুবা, জল-বিষয়ক প্রশ্নের উত্তরে “শ্রদ্ধা” শব্দের উল্লেখ কোনও রূপে যুক্তি সঙ্গত হইত না। বিশেষতঃ, যদি ‘শ্রদ্ধা’ শব্দের অর্থ “অপ্” বলা যায়, তাহা হইলেই প্রস্তাবিত পঞ্চাশি বিজ্ঞান উপদেশের, উপক্রম, মধ্য ও উপসংহার সমুদায় মিলিয়া একার্থ প্রতিপাদক হইতে পারে। নচেৎ, প্রশ্ন এক প্রকার এবং তাহার উত্তর অন্য প্রকার হইলে প্রলাপোক্তি মত হইবে। শ্রুতিতে তাহা কিছুতেই সম্ভব নহে।

আরও দেখ, “শ্রদ্ধা” যদি মনের বৃত্তি বিশেষ হয়, তাহা দ্বারা হোম করা সম্ভব নহে। অন্য পক্ষে, বৈদিক প্রয়োগে ‘শ্রদ্ধা’ শব্দ অপ্ অর্থে ব্যবহৃত দেখা যায়, যথা :—“অপঃ প্রণয়তি, শ্রদ্ধা বা আপঃ”—(কৃষ্ণ যজুঃ ১।১।৬।৮)—অপ্ প্রণয়ন করিবে, শ্রদ্ধাই অপ্। এই প্রয়োগের সহিত ছান্দোগ্য শ্রুতির ৫।৪।২ মন্ত্র মিলাইলে, ‘শ্রদ্ধা’ যে জলরূপী, তাহা বুঝা যায়। আবার, ঐ প্রথম আহুতির ফলে ‘সোমরাজা’ উৎপন্ন হয়। ঐ উৎপত্তি জল হইতেই সম্ভব। সুতরাং শিরোদেশে উক্ত শ্রুতি মতে ‘শ্রদ্ধা’ যে জলরূপী, ইহা যুক্তিতে ও শ্রুতি প্রমাণে স্পষ্ট বুঝা গেল। এ কারণ, জীব যে যত্ন সময়ে অপরাপর ভূত সমূহসহ জলে পরিবেষ্টিত হইয়া গমন করে, ইহা সিদ্ধ হইল।

ভিত্তি :—

১। “অথ য ইমে গ্রাম ইষ্টাপূর্বে দত্তমিত্যুপাসতে, তে
ধুমমভিসংভবন্তি.....।” (ছান্দোগ্য : ৫।১০।৩)

—এই বাহারা (গৃহস্থেরা) ইষ্টাপূর্বে ও দত্ত এই তিনটি
কর্মের উপাসনা করেন, তাহারা ধুম অর্থাৎ ধূমাদি চিহ্নিত দক্ষিণায়ন
পথ প্রাপ্ত হন। (ছাঃ ৫।১০।৩)।

২। “.....পিতৃলোকাদাকাশমাকাশাচ্চন্দ্রমসং এষ
সোমো রাজা তদেবানামন্নং তং দেবা ভক্ষয়ন্তি ॥”
(ছান্দোগ্যঃ ৫।১০।৪)

—পিতৃলোক হইতে আকাশে, আকাশ হইতে চন্দ্রলোকে
গমন করে। ইহাই দেবগণের প্রসিদ্ধ অন্ন সোমরাজা, দেবগণ
তাহাকে ভক্ষণ করেন। (ছাঃ ৫।১০।৪)

৩। “তস্মিন্ যাবৎ সম্পাতমুষিত্বাহৈতমেবাধ্বানং
পুনর্নিবর্তন্তে...।” (ছান্দোগ্যঃ ৫।১০।৫)

—যতকাল পুণ্যক্ষয় না হয়, ততকাল সেই চন্দ্রলোকে অবস্থান
করিয়া অনন্তর সেই পথেই আবার ফিরিয়া আইসে। (ছাঃ ৫।১০।৫)

৪। “যো যো হ্নমন্তি যো রেতঃ সিঞ্চতি তদুয় এব
ভবতি ॥” (ছান্দোগ্যঃ ৫।১০।৬)

—যে যে প্রাণী অন্ন ভোজন করে, এবং যে যে প্রাণী রেতঃ
সেক করে, বাহুলাংশে তৎস্বরূপই হইয়া থাকে। (ছাঃ ৫।১০।৬)

সংশয় :—ভাল, অপ্, প্রকৃতি ক্রমে পঞ্চমী আছতিতে পুরুষাকার প্রাপ্ত হয়,
ইহা প্রশ্ন ও প্রতিবচন দ্বারা নির্ণীত হয়, তাহা না হয় স্বীকার করিলাম। কিন্তু
উক্ত শ্রুতিতে কোথাও জীববোধক কোনও পদ নাই। যেমন “অপ্,” বোধক
পদ আছে, সেইরূপ যদি জীববোধক কোনও পদ থাকিত, তাহা হইলে,
অবশ্যই জীবের অপের সহিত গতি বুঝাইত। কিন্তু জীববোধক কোনও
পদ না থাকায়, জীব যে অপ্, পরিষক্ত হইয়া গমন করে, এ সিদ্ধান্ত সমীচীন
নহে। এই আপত্তি খণ্ডনার্থ সূত্র। এই সূত্রের প্রথমার্শে আপত্তির উত্থাপন
ও শেষার্শে তাহার খণ্ডন করা হইয়াছে।

সূত্রঃ—৩।১।৬।

অশ্রুতত্বাদিতি চেন্নেষ্টাদিকারিণাং প্রতীতেঃ ॥ ৩।১।৬ ॥

অশ্রুতত্বাৎ + ইতি + চেৎ + ন + ইষ্টাদিকারিণাং + প্রতীতেঃ ॥

অশ্রুতত্বাৎ :—জীববোধক শব্দের উল্লেখ না থাকায় হেতু। **ইতি** :—
ইহা। **চেৎ** :—যদি বল। **ন** :—না। **ইষ্টাদিকারিণাং** :—যজ্ঞাদিকর্তা-
দিগের। **প্রতীতেঃ** :—প্রতীতি হেতু।

যদি বল যে, পঞ্চাগ্নি বিচার প্রকরণে প্রশ্ন ও প্রতিবচনে কোথাও জীব-বোধক পদের উল্লেখ না থাকায়, জীব স্মৃত্ত্বত সংযুক্ত অপের সহিত গমন করে, এ সিদ্ধান্ত সমীচীন নহে, উহার উত্তরে বলি, না, তাহা বলিতে পার না। কারণ, উক্ত প্রকরণেই ছান্দোগ্য শ্রুতির শিরোদেশে উক্ত মন্ত্র সকলে ইষ্ট, পূর্ত ও দত্ত কর্তাদিগের গতি কথিত আছে। ইষ্ট, পূর্ত ও দত্ত কর্তাগণ যে জীব, তাহাতে সন্দেহ আছে কি? উহারা প্রথমে ধূম, পরে ক্রমশঃ রাত্রি, কৃষ্ণপক্ষ, দক্ষিণায়ন ষড়্‌মাস, পিতৃলোক, আকাশ, চন্দ্রমাঃ অর্থাৎ চন্দ্রলোকে গমন করে। যাবৎ কাল পুণ্য স্থায়ী, তাবৎ কাল উক্ত চন্দ্রলোকে বাস করিয়া, পরে চন্দ্রলোক হইতে আকাশে, আকাশ হইতে বায়ুতে, বায়ু হইতে ধূম, ধূম হইতে মেঘ, মেঘ হইতে জলের সহিত পৃথিবীপৃষ্ঠে পতিত হইয়া, ব্রীহি, যব, ওষধি, বনস্পতি, তিল, মাষকলাই প্রভৃতি কোনও পদার্থে প্রবেশ করিয়া, জীবের অনুরূপ প্রাপ্ত হয়। যে জীব উক্ত অন্ন ভক্ষণ করতঃ বীৰ্য্যবান হইয়া রেতঃ সেক করে, সেই রেতঃ হইতে পুরুষাকারে জন্মগ্রহণ করে। ইহা পুনর্জন্ম ক্রম। এই মন্ত্র সকলের সহিত পঞ্চাগ্নি বিচার উপদিষ্ট মন্ত্রগুলি পাঠ করিলে স্পষ্ট প্রতীয়মান হইবে যে, শ্রদ্ধা আছতি হইতে সোমরাজা উৎপন্ন হইয়া থাকে, ছাঃ ৫।৪।২। এই মন্ত্রে উপদিষ্ট শ্রদ্ধাবস্থাপন্ন দেহবিশিষ্টকেই সোমরাজরূপ দেহবিশিষ্ট বলা হইয়াছে। এই দেহ জীবেরই বিশেষণীভূতা স্মৃত্ত্বাৎ, দেহবাচক শব্দও প্রকৃতপক্ষে তদ্বিশেষ্যভূত জীবেরই পর্য্যবসিত হইতেছে। অতএব, জীব যে ভূতস্মৃষ্ণে বেষ্টিত হইয়া গমন করে, এ সিদ্ধান্ত সঙ্গত।

এ সম্বন্ধে শ্রীমদ্ভাগবত কি বলেন, দেখা যাউক।

অথ যো গৃহমেধীয়ান্ ধর্মান্‌বাবসন্‌ গৃহে।

কামমর্থঞ্চ ধর্মান্‌ স্থান্‌ দোকি ভূয়ঃ পিপর্তি তান্ ॥ ভাগঃ ৩।৩২।১

সচাপি ভগবদ্ধর্মাৎ কামমূঢ়ঃ পরাঙ্মুখঃ ।

যজ্ঞতে ক্রতুভির্দেবান্ পিতৃংশ্চ শ্রদ্ধয়াশ্রিতঃ ॥ ভাগঃ ৩।৩২।২

তচ্ছ দ্বয়াক্রান্তমতিঃ পিতৃদেবব্রতঃ পুমান্ ।

গহ্বা চান্দ্রমসং লোকং সোমপাঃ পুনরেষ্টিতি ॥ ভাগঃ ২।৩২।৩

যদাচাহীন্দ্রশয্যায়াং শেতেহনস্তাসনো হরিঃ ।

তদা লোকা লয়ং যান্তি ত এতে গৃহমেধিনাম্ ॥ ভাগঃ ৩।৩২।৪

—এখন কাম্য কর্মকর্তাদিগের গতি বলিতেছেন :—যে ব্যক্তি গৃহাশ্রমে বাস করিয়া কাম এবং অর্থ হইতে স্বীয় ধর্ম দোহন করতঃ পুনরায় অর্থাদির পরিপূরণ করতঃ ধর্মাদির অন্বেষণ করে, সে ব্যক্তি কাম-বিমূঢ়, ভগবানের নিষ্ঠাম আরাধনা রূপ ধর্ম হইতে পরাঙ্মুখ, সে শ্রদ্ধাশ্রিত হইয়া বিবিধ যজ্ঞ দ্বারা দেবতাগণের ও পিতৃগণের অর্চনায় রত হয় । ঐ সকল দেব ও পিতৃগণের প্রতি অতিশয় শ্রদ্ধা তাহার বুদ্ধিকে আচ্ছন্ন করে, তাহাতে সে তাঁহাদের নিমিত্তই ব্রতচারণ করে, এবং তজ্জন্ম ফলে চন্দ্র-লোকে গমন করিয়া, তথায় সোমপান করিবার পর, অর্থাৎ যাবৎ কাল পুণ্য বর্তমান থাকে, তাবৎ কাল ভোগের পর, পুনর্বার প্রত্যাবৃত্ত হয় । এই প্রকার গতাগতি, যতদিন পর্য্যন্ত সৃষ্টি বর্তমান থাকে, ততদিন চলিতে থাকে । তারপর, প্রলয়ে যখন ভগবান্ শ্রীহরি, অনন্ত শয্যায় শয়ন থাকেন, তখন কর্ম-জন্ম সমুদায় লোক ধ্বংস প্রাপ্ত হয় । গৃহমেধীগণের উপভোগের লোকসকলও বর্তমান থাকে না । ভাগঃ ৩।৩২।১-২-৩-৪

তখন তাহারা তাহাদের অভুক্ত কর্মসকল বীজরূপে গ্রহণ করতঃ অতি সূক্ষ্মভাবে শ্রীভগবানে লীন থাকে । আবার সৃষ্টির সময়ে, ঐ সকল কর্মের মধ্যে যেগুলি ফলদানে উন্মূখ হয়, সেগুলি প্রারন্ধ রূপে গ্রহণ পূর্বক দেহাদিধারণ করতঃ পূর্বকল্পের দ্বারা, আবার গতাগতি করিতে থাকে । ইহাই ঐ কয়টি শ্লোকের ভাবার্থ । সুতরাং ইহা আলোচ্য সূত্রের ও বিচারের অর্থ সুন্দর ভাবে বিবৃত করে ।

পিতৃযাম পথে গমমাগমন কি প্রকারে হয়, সে সম্বন্ধে ভাগবত বলিতেছেন :—

দ্রব্য স্মৃশ্ব বিপাকশ্চ ধূমো রাত্রিরপক্ষয়ঃ ।

অন্নং দক্ষিণং সোমো দর্শ ওষধি বীরুধঃ ।

অন্নং রেত ইতি ক্ষেপ পিতৃযানং পুনর্ভবঃ ॥ ভাগঃ ৭।১৫।৪০

(হে রাজন্! ইষ্টাপূর্তাদি কৰ্ম দ্বারা কি প্রকারে আরোহণ ও অবরোহণ হয়, শ্রবণ কর) :—দ্রব্যের অর্থাৎ যজ্ঞীয় চক্ৰ-পুরোডাসাদির স্মৃশ্ববিপাক বা পরিণাম, জীবের দেহান্তর আরম্ভক হয়, এবং জীব উহাতে সম্পরিষক্ত হইয়া, প্রথমে ধূমাভিমানী দেবতা, পরে রাত্র্যভিমানী দেবতা, ক্রমশঃ কৃষ্ণপক্ষাভিমানী দেবতা, দক্ষিণায়নাভিমানী দেবতা কর্তৃক চন্দ্রলোকে নীত হয়। সেখানে কৰ্ম্মানুসারে ভোগ হইয়া থাকে। চন্দ্রলোকে ভোগের অবসান হইলে, জীবের ঐ ভোগদেহ ক্ষয় হইয়া অদর্শন প্রাপ্ত হয়। পরে বৃষ্টি দ্বারা যথাক্রমে ওষধি, লতা, শস্ত, শুক্র হইয়া মাতার জঠরে আশ্রয় গ্রহণ করতঃ পুনর্জন্ম গ্রহণ করে। এই রূপে প্রবৃষ্টি কৰ্ম্মমার্গ পুনর্ভবের হেতু। ভাগঃ ৭।১৫।৪০

তবে ইষ্টাপূর্তাদি কৰ্ম্মসকল কি প্রকারে নিঃশ্রেয়স সাধন করিতে পারে, শ্রীমদ্ভাগবত তাহাও বলিয়াছেন ; যদিও উহার সহিত আলোচ্য সূত্রের সাক্ষাৎ সম্বন্ধ নাই, তথাপি প্রসঙ্গক্রমে উল্লেখ কৰ্ম্মাই।

ইষ্টাপূর্তেন মামেবং যো যজেত সমাহিতঃ ।

লভতে ময়ি সন্তুক্রিং... ॥ ভাগঃ ১১।১১।৪৬

—যে ব্যক্তি ইষ্টাপূর্ত কৰ্ম্ম দ্বারা, সমাহিত হইয়া আমার অর্চনা করেন, তিনি আমাতে দৃঢ়া ভক্তি লাভ করেন। অর্থাৎ, নিষ্কাম ভাবে ভগবৎ প্রীতির জন্ম ইষ্টাপূর্তাদি কৰ্ম্ম করিলে, তাহারা পরম পুরুষার্থ সিদ্ধির উপায় স্বরূপ হইয়া থাকে। ভাগঃ ১১।১১।৪৬

[শ্রুত্যান্ত “ইষ্টাপূর্তা” ও ‘দন্ত’ শব্দের অর্থ কি, তাহা নিম্নে লিখিত হইল।

অগ্নিহোত্রং তপঃ সত্যং ভূতানাঞ্চানুপালনম্ ।

আতিথ্যং বৈশ্বদেবঞ্চ “ইষ্ট” মিত্যভিধীয়তে ॥

বাপী কৃপ তড়াগাদি দেবতায়তনানি চ ।

অন্ন প্রদানমারামঃ “পূর্ত” মিত্যভিধীয়তে ॥

शरणागत संग्राहः भूतानाक्षप्याहिसनम् ।
बहिर्बेदि च यद्दानं “दत्त” मित्याभिधीयते ॥

ईष्टं च पूर्णं सङ्घे भागवत बलिभेदेन :—

एतदिष्टं प्रवृत्त्याथः हतं प्रहृतमेवच ।

पूर्णं सुरालयारामकूपानीव्यादिलक्षणम् ॥ भागः १।१५।३९

—हतं वा वैश्वदेव, एवं प्रहृतं अर्थात् बलिहरण, इहारा “ईष्ट” एवं प्रवृत्त्याथः । देवालय, उपवन, कूप, पानीयशाला—इहारा “पूर्ण” बलिना कथित । भागः १।१५।३९]

ভিত্তি :—

১। পূর্বসূত্রের শিরোদেশে উক্ত ছান্দোগ্য শ্রুতির ৫।১০।৪ মন্ত্র ।

২। “অথ যোহুগ্ৰাং দেবতামুপাস্তেহুগ্ৰোহিসাবগ্ৰোহমস্মীতি
ন স বেদ যথা পশুরেবং স দেবানাম্ ।” (বৃহদারণ্যকঃ ১।৪।১০)

—যে ব্যক্তি অন্য দেবতার উপাসনা করে, এবং উপাস্ত দেবতাকে
আপনা হইতে পৃথক্ ভাবে দেখে, সে উপাস্ত দেবতার পশু স্বরূপ ।
(বৃহঃ ১।৪।১০)

৩। “ন বৈ দেবা অশস্তি ন পিবন্ত্যেতদেবামৃতং দৃষ্ট্বা তৃপ্যন্তি ।”

ছান্দোগ্যঃ ৩।৬।১

—দেবগণ নিশ্চয়ই ভক্ষণ বা পান করেন না, পরন্তু এই অমৃত দর্শন
করিয়াই তৃপ্তি লাভ করেন । (ছাঃ ৩।৬।১)

সংশয় :—পূর্বসূত্রের শিরোদেশে উক্ত ছান্দোগ্য শ্রুতির ৫।১০।৪ মন্ত্রে
স্পষ্ট উল্লিখিত আছে, “তং দেবা ভক্ষয়ন্তি”—তাহাকে দেবগণ ভক্ষণ করেন ।
এই শ্রুতিতে সোমরাজাকে দেবভোগ্য বলায়, উক্ত “সোমরাজা” জীববাচী হইতে
পারে না । জীব ত দেবতার ভক্ষণ-যোগ্য নহে । এ কারণ, তোমার সিদ্ধান্ত
সঙ্গত হইল কৈ ? ইহার উত্তরে সূত্র :—

সূত্র :—৩।১।৭ ।

ভাক্তং বানাঅবিজ্ঞাং, তথাহি দর্শয়তি ॥ ৩।১।৭ ॥

ভাক্তং + বা + অনাঅবিজ্ঞাং + তথা + হি + দর্শয়তি ॥

ভাক্তং :—ঔপচারিক বা গোণার্থক । বা :—অথবা । অনাঅবিজ্ঞাং :—
আঅজ্ঞানের অভাব হেতু । তথা :—সেইরূপ । হি :—নিশ্চয়ই । দর্শয়তি :—
শ্রুতি প্রদর্শন করিতেছেন ।

তোমার উক্ত আপত্তির কোনও কারণ নাই । কেন না, দেব-ভক্ষ্য যে
বলা হইয়াছে, উহা ঔপচারিক মাত্র । অথবা, বৃহদারণ্যক শ্রুতির ১।৪।১০
মন্ত্রানুসারে কাম্য কর্ম্মীগণের আঅজ্ঞানের অভাব হেতু, তাহারা উপাস্ত

দেবতাকে আপনা হইতে পৃথক্ দর্শন করে বলিয়া, শ্রুতি উক্ত কৰ্ম্মী-উপাসককে উপাস্ত দেবতার “পশু” বলিয়া উল্লেখ করিয়াছেন । মনুষ্যের পক্ষে যেমন গো, অশ্বাদি পশু, ভোগ সাধন মাত্র, অর্থাৎ গোর দ্বারা ভোগোপকরণ দৃষ্ট লাভ হয়, বলীবর্দ্ধ দ্বারা ক্ষেত্র কর্ষণাদি কার্য্য নির্বাহ করা হইয়া থাকে, অশ্ব দ্বারা এক স্থান হইতে স্থানান্তরে গমন সুকর হয়, সেইরূপ কৰ্ম্মী উপাসকগণ যজ্ঞাদি কৰ্ম্ম দ্বারা দেবগণের ভোগ সাধনের উপায় স্বরূপ হইয়া থাকেন । মনুষ্য যেমন নিজের উপকারার্থ গো অশ্বাদি পশুর পালন, রক্ষণ, সংবর্দ্ধন করিয়া থাকে, দেবতাগণও সেইরূপ নিজেদের ভোগ সাধনরূপ উপাসনা সাধনার্থ কৰ্ম্মী উপাসকগণের স্বর্গাদি লোকে সুখভোগাদি প্রদান দ্বারা উহাদের সংবর্দ্ধন করতঃ কাম্য কৰ্ম্মকরণের স্পৃহা বর্দ্ধিত করেন ।

বিশেষতঃ, ছান্দোগ্য শ্রুতির ৩।৬।১ মন্ত্রে স্পষ্টই উল্লিখিত আছে যে, “দেবতাগণ ভক্ষণ বা পান করেন না, তাঁহারা দৃষ্টি দ্বারা তৃপ্ত হন ।” সূত্রাং উক্ত শ্রুতির ৫।১০।৪ মন্ত্রে যে ভক্ষণের উল্লেখ আছে, তাহা গোঁণার্থবোধক মাত্র, স্পষ্ট বুঝা গেল ।

পূর্বসূত্রের আলোচনার উক্ত শ্রীমদ্ভাগবতের ৩।৩২।৩ শ্লোকে যে “তচ্ছ ক্রমাক্রান্তমতিঃ” পদটি প্রযুক্ত হইয়াছে, ইহার অর্থই উপরে লিখিত বিচার প্রতিপন্ন করে । দেবতা ও পিতৃগণের প্রতি শ্রদ্ধা দ্বারা আক্রান্ত বা অভিভূত-মতি কৰ্ম্মীগণই উক্ত পদের লক্ষ্য । উহার! বাধ্য হইয়া উক্ত দেবতা ও পিতৃগণের অর্চনা করিয়া থাকে । মানুষ যেমন গৃহপালিত পশুগণকে ভার বহন, ক্ষেত্রকর্ষণ, শকট চালন প্রভৃতি কার্য্য সম্পন্ন করিতে বাধ্য করে, দেবতাগণও সেইরূপ কৰ্ম্মীগণকে কাম্য কৰ্ম্ম করিতে বাধ্য করেন । আবার মানুষ যেমন গৃহপালিত পশুগণ তাহাদের বিহিত কার্য্য সূচু সম্পাদন করিলে, তাহাদিগকে আদর, আপ্যায়ন, যথেষ্ট আহাৰাদি প্রদান প্রভৃতি করিয়া থাকে, কিন্তু যদি উহারা কার্য্য সূচাক্র ভাবে সম্পাদন না করে, বা উৎপথ-গামী হয়—অর্থাৎ গাড়ী টানিতে টানিতে অশ্ব বা বলীবর্দ্ধ যদি উন্মার্গগামী হইয়া শকট উন্টাইয়া আরোহীর ক্রেশের কারণ হয়, তাহা হইলে কশাঘাতে যেমন উহাদের দণ্ড বিধান করিয়া থাকে—সেইরূপ দেবতাগণও শাস্ত্রবিধান অনুসারে বিহিতভাবে কৰ্ম্মানুষ্ঠানকারীদিগকে স্বর্গ প্রভৃতি সুখ-ভোগের স্থান প্রদান করিয়া, উহাদের আদর আপ্যায়ন করিয়া থাকেন । যদি ঐ কৰ্ম্মীগণ উন্মার্গগামী হইয়া অবিহিত কৰ্ম্মানুষ্ঠান করে, তবে উহাদিগকে রোগ, দৈন্ত, দারিদ্র্য প্রভৃতি প্রদান করতঃ নরকাদি দুঃখময় স্থানেও প্রেরণ করেন ।

ইষ্টেহ দেবতা যজ্ঞৈঃ স্বল্পৈকং যাতি যাজ্ঞিকঃ ।

ভূম্বীত দেববস্ত্র ভোগান্ দিব্যান্ নিজার্জিতান্ ॥ ভাগঃ ১১।১০।২২

—যাজ্ঞিক ব্যক্তির ইহলোকে যজ্ঞাদি দ্বারা ইন্দ্রাদি দেবতার যাজন করিয়া স্বর্গলোকে গমন করেন । এবং তথায় নিজোপার্জিত দিবা ভোগ-সকল দেবতাগণের ন্যায় উপভোগ করেন । ভাগঃ ১১।১০।২২

তাবৎ স মোদতে স্বর্গে যাবৎ পুণ্যং সমাপ্যতে ।

ক্ষীণপুণ্যঃ পতত্যর্বাগনিচ্ছন্ কালচালিতঃ ॥ ১১।১০।২৫

—যতদিন পুণ্যক্ষয় না হয়, ততদিন ঐরূপে স্বর্গভোগ করেন, পরে কালক্রমে পুণ্যক্ষয় হইলে, অনিচ্ছা সত্ত্বেও অধঃপতিত হন ।

ভাগঃ ১১।১০।২৫

যজ্ঞধর্মরতঃ সঙ্গাদসতাং বাহজিতেন্দ্রিয়ঃ ।

কামাত্মা কৃপণো লুব্ধঃ স্ত্রেণোভূতবিহিংসকঃ ॥ ভাগঃ ১১।১০।২৬

পশূনবিধিনালভ্য প্রেত-ভূত-গণান্ যজন্ ।

নরকানবশো জন্তুর্গহা যাত্যল্লগং তমঃ ॥ ভাগঃ ১১।১০।২৭

—যদি অসৎ সংসর্গ বশতঃ অধর্মের রত হইয়া অজিতেন্দ্রিয়, কামাত্মা, কৃপণ, ভোগতৃষ্ণাকুল, স্ত্রেণ ও ভূত-বিহিংসক হয়, এবং অবিধিপূর্বক পশুহিংসা করিয়া ভূতপ্রেতগণের পূজা করে, তবে অবশ হইয়া নরকে গমন পূর্বক তদন্তে স্থাবর যোনি প্রাপ্ত হয় । ভাগঃ ১১।১০।২৬-২৭ ।

কর্মাণি দুঃখোদর্কাণি কুর্বন্ দেহেন তৈঃ পুনঃ

দেহমাভজতে তত্র কিং সুখং মর্ত্যধর্মিণঃ ॥ ভাগঃ ১১।১০।২৮

—মানব দেহদ্বারা দুঃখময় কর্মসকল সম্পাদন করতঃ সেই কর্মসকলের ফলে পুনরায় অগ্ন্যাণু দেহলাভ করে । অতএব মর্ত্যধর্মীদিগের কি সুখভোগ হয়, বিবেচনা কর । ভাগঃ ১১।১০।২৮

বিধি অনুসারে কাম্য কর্মের গতি ১১।১০।২২ ও ১১।১০।২৫ শ্লোকে উল্লেখ করিয়া অবিধি অনুসারে কৃত কর্মের দারুণ গতি ১১।১০।২৬ ও ১১।১০।২৭ শ্লোকে বর্ণনা করতঃ—কাম্য কর্মমাত্রই দুঃখদায়ক ইহা ১১।১০।২৮ শ্লোকে বলিয়া উপসংহার করিলেন ।

সাত্ত্বিক, রাজসিক ও তামসিক ভেদে কৰ্ত্তা ও কর্ম তিন প্রকার । কিন্তু সকলেরই ফল সংসারে গতাগতি । সাত্ত্বিক কর্ম দ্বারা স্বর্গাদি উর্দ্ধলোকে সুখ ভোগ স্থানে, রাজসিক কর্মদ্বারা মর্ত্যাদি লোকে দুঃখ সুখ মিশ্র ভোগ স্থানে, এবং তামসিক কর্মদ্বারা নরকাদি দুঃখ ভোগ স্থানে জন্ম গ্রহণ করিয়া ঐ

সমুদায় কৃত কর্মের ফল ভোগ করিতে হয়, এবং ফল ভোগ হইবার পর পুনরায় সংসারে প্রত্যাগমন । ফলতঃ ব্রহ্মাদি স্বাবর পর্য্যন্ত সকলেই কর্মচক্রে ঘূর্ণ্যমান ; কাহারও অব্যাহতি নাই । ইহাই ভগবান বিষ্ণুর হাতে স্কন্দর্শন চক্র । পালনকারী বিষ্ণু এই চক্র দ্বারা জগতের স্থিতিরক্ষা করিতেছেন ।

উপযুঁপরি গচ্ছন্তি সত্ত্বেন ব্রাহ্মণা জনাঃ ।

তমসাহ্বোধ আমুখ্যাদ্রব্জসান্তুরচারিণঃ ॥ ভাগঃ ১১।২৫।২০

সত্ত্বে প্রলীনাঃ স্বর্ঘ্যন্তি নরলোকং রজোলয়াঃ ।

তমোলয়াস্ত নিরয়ং যান্তি মামেব নিগুঁণাঃ ॥ ভাগঃ ১১।২৫।২১

লোকানাং লোকপালানাং মন্তয়ং কল্পজীবিনাম্ ।

ব্রহ্মণোহপি ভয়ং মত্তো দ্বিপরাঙ্কিপরাযুষঃ ॥ ভাগঃ ১১।১০।২৯

—ব্রাহ্মণেরা সত্ত্বগুণ দ্বারা উপযুঁপরি ব্রহ্মলোক পর্য্যন্ত গমন করেন ।

অন্তান্ত্র লোকেরা রজোগুণ দ্বারা মনুষ্য লোকে গমন করে । তমোগুণ দ্বারা

ক্রমশঃ অধঃ হইতে অধোলোকে গমন করে । ভাগঃ ১১।২৫।২০

—সত্ত্বগুণ যখন প্রবল থাকে, তখন মৃত্যু হইলে স্বর্গলোকে গমন করে ;

রজঃ প্রধান সময়ে মৃত্যু হইলে নরলোকে, এবং তমঃ প্রধান অবস্থায় মৃত্যু

হইলে, নরকে গমন করে । আর নিগুঁণ বা গুণাতীত অবস্থায় মৃত্যু হইলে,

আমাতে গমন করে, অর্থাৎ কৈবল্য প্রাপ্তি হয় । ভাগঃ ১১।২৫।২১

—অতএব, লোকসকল ও কল্পজীবী লোকপাল সকলেরও আমা হইতে

ভয় এবং দ্বিপরাঙ্কিকাল পরমায়ুবিশিষ্ট ব্রহ্মারও আমা হইতে ভয় হইয়া

থাকে । ভাগঃ ১১।১০।২৯

—ফলতঃ, যতদিন গুণ-বৈষম্য থাকে, ততদিন আত্মার নানাত্ব হয় ।

যতদিন আত্মার নানাত্ব থাকে, ততদিন তাহার পরাধীনত্ব হয় । যতদিন

পরাদ্বীনত্ব থাকে, ততদিন ঈশ্বর হইতে ভয় হয় । যাহারা এইরূপ গুণ-

বৈষম্য এবং তৎকৃত ভোগ ও কর্মের উপাসনা করেন, তাঁহারা শোক ও

মোহের বশীভূত হইয়া মুক্ত হইবেন—অর্থাৎ, ততদিন বাধ্য হইয়া তাঁহাদের

সংসারে গতাগতি করিতে হয় । ভাগঃ ১১।১০।৩১-৩২

যাবৎ স্ত্যং গুণবৈষম্যং তাবন্নানাত্বমাত্মনঃ ।

নানাত্বমাত্মনো যাবৎ পারতন্ত্র্যং তদৈব হি ।

যাবদস্ত্যাস্ততন্ত্র্যং তাবদীশ্বরতো ভয়ম্ ॥ ভাগঃ ১১।১০।৩১

য এতৎ সমুপাসীরন্তে মুহ্যন্তি স্তচাৰ্পিতাঃ ॥ ভাগঃ ১১।১০।৩২

অতএব, সিদ্ধ হইল যে, যতদিন জীবের সংসারে গতাগতি বর্তমান, দেহ হইতে দেহান্তর গমনের সময়, কৃতকর্মসকলের বীজ ভূতসূক্ষ্ম-রূপে জীবকে পরিবেষ্টন করিয়া, তাহার সহিত দেহ হইতে দেহান্তরে গমনাগমন করে।

২।১।২৩ সূত্রের আলোচনায় আমরা বুঝিতে পারিয়াছি যে, সৃষ্টি অনাদি, জীব অনাদি, জীবের কর্ম অনাদি। সূত্রাং সংসারে গতাগতিও জীবের অনাদি কাল হইতে চলিতেছে। অনাদি কাল হইতে জীব নিজ কর্ম সম্বৃত্ত বেষ্টনী দ্বারা পরিবেষ্টিত হইয়া লোক হইতে লোকান্তরে গমনাগমন করিতেছে। কর্মের বীজাত্মক এই বেষ্টনী গুণ-বৈষম্য হইতে উৎপন্ন এ কারণ ইহা ভূত-সূক্ষ্ম দ্বারা গঠিত। বলা বাহুল্য যে, ভূতসূক্ষ্মও গুণবৈষম্যে উৎপাদিত। ২।১।২৩ সূত্রের আলোচনায় উদ্ধৃত ভাগবতের ১।১।১০।৩০ শ্লোক (পৃ:-৮০৬) হইতে আমরা বুঝিয়াছি যে, গুণসকলই তাহাদের বিকারভূত ইন্দ্রিয় দ্বারা কর্ম সৃষ্টি করে—সূত্রাং কর্মসকলও গুণময় বা গুণ-বিকার। ভূতসূক্ষ্ম সকলও গুণ-বিকারে উৎপন্ন, ইহা ১।১।২ সূত্রের আলোচনায় প্রদত্ত চিত্রে (পৃ: ১৭০-১৭১) স্পষ্ট প্রতীয়মান হইবে।

সূত্রাং স্পষ্ট বুঝা গেল যে, অভুক্ত কর্মসকল সূক্ষ্মভূতরূপে জীবের বেষ্টনী প্রস্তুত করে এবং অনাদি কাল হইতে জীব এই বেষ্টনী দ্বারা পরিবেষ্টিত হইয়া গমনাগমন করিতেছে। এই বেষ্টনী—আপূরণ ও বিসর্জনের দ্বারা প্রবাহরূপে নিত্য। এই আপূরণ—বিবিধ যোনিতে পরিভ্রমণ কালে নূতন নূতন কর্মানুষ্ঠানে এবং বিসর্জন, তত্র তত্র অবস্থান সময়ে প্রারক ক্ষয়ে সংঘটিত। সূত্রাং দৃশ্যতঃ ইহা হইতে অব্যাহতি লাভের উপায় অতি দুর্লভ। জীবনযাত্রা নির্বাহ কালে কর্মানুষ্ঠান না করিয়া থাকিবার উপায় নাই। সূত্রাং আপূরণ ত সর্বদা বর্তমান। ইহা হইতে মুক্তিলাভের একমাত্র উপায় ভগবানে সর্বকর্ম সমর্পণ—ইহাও ২।১।২৩ সূত্রে আলোচিত হইয়াছে। পূর্ব সূত্রের আলোচনায় ভাগবতের ১।১।১।৪৬ শ্লোকে ভগবৎ প্রীতির জন্য নিষ্কাম কর্মানুষ্ঠান পুরুষার্থ প্রাপ্তির উপায় বলিয়া কথিত হইয়াছে। ইহাই গীতোকৃত কর্মযোগ।

২। কৃত্যভ্যরাধিকরণ ॥

ভিত্তিঃ—

১। ৩।১।৬ সূত্রের শিরোদেশে উক্ত ছান্দোগ্য শ্রুতির ৫।১।৫ মন্ত্র।

২। “তৎ য ইহ রমণীয়চরণা অভ্যাশো হ যন্তে রমণীয়াং
যোনিমাপত্তোরন্—ব্রাহ্মণযোনিং বা ক্ষত্রিয়যোনিং বা বৈশ্যযোনিং
বান্থ য ইহ কপূয়চরণা অভ্যাশো হ যন্তে কপূয়াং যোনি-
মাপত্তোরন্—শ্বযোনিং বা সূকরযোনিং বা চণ্ডালযোনিং বা ॥”

(ছান্দোগ্যঃ ৫।১।৭) ।

—ইহলোকে যাহারা রমণীয় কর্মানুষ্ঠাতা, তাহারা রমণীয় যোনি—ব্রাহ্মণ যোনি, ক্ষত্রিয়যোনি অথবা বৈশ্যযোনি প্রাপ্ত হইয়া থাকে। আর যাহারা কুৎসিত কর্মের অনুষ্ঠাতা, তাহারা কুৎসিত যোনি—কুকুর যোনি, শূকর যোনি বা চণ্ডাল যোনি—প্রাপ্ত হইয়া থাকে। (ছাঃ ৫।১।৭)

৩। “প্রাপ্যাস্তুং কর্মণস্তস্মৈ যৎ কিঞ্চিৎ করোত্যয়ম্ ।

তস্মাল্লোকাৎ পুনরেত্যৈস্মৈ লোকায় কর্মণে ॥”

(বৃহদারণ্যকঃ ৪।৪।৬)

—এই জীব ইহলোকে যে কিছু শুভাশুভ কর্ম করে, সেই কর্মের ভোগ শেষ হইলে, সেই কর্মলব্ধলোক হইতে পুনশ্চ কর্ম করিবার নিমিত্ত ইহলোকে আগমন করে। (বৃহঃ ৪।৪।৬)

সংশয়ঃ—ছান্দোগ্য শ্রুতির ৫।১।৫ মন্ত্রে এবং বৃহদারণ্যক শ্রুতির ৪।৪।৬ মন্ত্রে স্পষ্ট উল্লেখ আছে যে, কর্মের ফল ভোগ শেষ হইলে তবে কর্মলব্ধ লোক (চন্দ্রলোক) হইতে জীব পুনরায় কর্ম করিবার জন্য ইহলোকে প্রত্যাবর্তন করে। ইহা হইতে সিদ্ধান্ত হয় যে, ইহলোকে ইষ্টাপূর্তাদি যে সকল কর্ম কৃত হইয়াছিল, তাহাদের ফলভোগ নিঃশেষে পরিসমাপ্তি হইলে পর, জীব আবার প্রত্যাবর্তন করিয়া পূর্ণজন্ম লাভ করে। যদি তাহা হয়, তাহা হইলে, তাহার ভুক্তাবশিষ্ট কোনও কর্ম থাকিতে পারে না। সুতরাং ছান্দোগ্য শ্রুতির ৫।১।৭ মন্ত্রে যে কথিত হইয়াছে, রমণীয় কর্মের অনুষ্ঠাতা রমণীয়

যোনি এবং কুৎসিত কর্মের অনুষ্ঠান কুৎসিত যোনি প্রাপ্ত হয়, ইহা কি প্রকারে সম্ভব হয়? তবে কি সমুদায় কর্ম নিঃশেষে ভোগ হইবার পূর্বেই জীব ভুক্তাবশিষ্ট কর্ম লইয়া প্রত্যাবর্তন করে? যদি তাহাই হয়, তাহা হইলে ছান্দোগ্য শ্রুতির ৫।১০।৫ মন্ত্রে “যাবৎ সম্পাতমুষিত্বা”, এবং বৃহদারণ্যক শ্রুতির ৪।৪।৬ মন্ত্রে “প্রাপ্যাস্তং কর্মণস্তস্য যৎ কিঞ্চিৎ করোত্যয়ম্”—বলিবার সার্থকতা কি? এই সংশয় নিরসনের জন্তু সূত্র :—

সূত্র :—৩।১।৮।

কৃতাত্যয়েহনুশয়বান্ দৃষ্ট-স্মৃতিভ্যাং যথেষতমনেবং চ ॥ ৩।১।৮ ॥

কৃত + অত্যয়ে + অনুশয়বান্ + দৃষ্ট-স্মৃতিভ্যাং + যথেষতং +

অনেবং + চ ॥

কৃত :—অনুষ্ঠিত কর্মের। অত্যয়ে :—শেষে। অনুশয়বান্ :—ভুক্তফল কর্মের অবশেষের সহিত জীব। দৃষ্ট-স্মৃতিভ্যাং :—দৃষ্ট (শ্রুতি) এবং স্মৃতি উভয় হইতে। যথেষতং :—যে রূপে গমন। অনেবং :—সে রূপে নহে।

চ :—ও।

জীব যে সমুদায় কর্মানুষ্ঠান করে, তাহাদের মধ্যে যে গুলির ফলভোগ উন্মূখ হইয়াছিল, পরলোকে সেইগুলি ভোগের পর, ভুক্তাবশিষ্ট কর্মসকল সঙ্গে লইয়া, পুনরায় ইহলোকে প্রত্যাবর্তন করিয়া জন্মগ্রহণ করে। ইহাই ছান্দোগ্য শ্রুতির ৫।১০।৭ মন্ত্রের তাৎপর্য। স্মৃতিতেও ইহার দৃষ্টান্ত আছে। যথা, ভাগবতে :—

“...যং সম্পদ্য জহাত্যজামনুশয়ী স্পৃপ্তঃ কুলায়ং যথা ॥”

ভাগঃ ১০।৮৭।৫০

আলোচ্য সূত্রে “অনুশয়বান্” পদ আছে, ভাগবতে “অনুশয়ী” পদ ব্যবহার করিয়াছেন। উভয়ের একই অর্থ। বৈষ্ণব তোষণীকার ‘অনুশয়ী’ পদের অর্থ “সোপাধি জীব”, এবং বিশ্বনাথ চক্রবর্তী মহাশয় “অবিদ্যাশ্লিষ্টো জীবঃ” অর্থ করিয়াছেন। ২।১।২৩ সূত্রের আলোচনায় আমরা বুঝিয়াছি যে, অবিদ্যা হইতে দ্বৈতজ্ঞান, তাহা হইতেই কর্ম, এবং কর্ম হইতে জীবের উপাধি উৎপন্ন হইয়া জীবকে বেষ্টন করে। সুতরাং, বুঝা গেল যে, উভয় টীকাকার একই অর্থ প্রকাশ করিতেছেন। পূজ্যপাদ শ্রীধর স্বামী

“অনু দণ্ডবৎ, প্রণামৈশ্চরণমূলে শেতে ইতি তথা স জীবঃ”—অর্থাৎ “দণ্ডবৎ চরণমূলে প্রণামকারী সেই জীব”, এই অর্থ করিয়াছেন। অবিভাঙ্গিষ্ট জীবের অবিভা হইতে মুক্তি লাভের উপায় স্বামীজী এইরূপে নির্দেশ করিয়াছেন। ‘অনুশয়ী’ ও সূত্রের ‘অনুশয়বান’ যে একই অর্থের বোধক, সে সম্বন্ধে কোনও সন্দেহ নাই।

এখন প্রশ্ন উঠে যে, অনুলোমক্রমে ইহলোক হইতে পরলোকে গমনের যে পথ, প্রত্যাবর্তনেরও কি প্রতিলোম ক্রমে সেই একই পথ? ইহার উত্তরে সূত্রকার বলিতেছেন যে, সেরূপ বটে, আবার সেরূপ নয়ও বটে। কারণ, ৩।১।৬ সূত্রের আলোচনায় পাইয়াছি যে, মৃত্যুর পর কাম্য কর্মকারী জীবের গমন, প্রথমে ধূম, পরে ক্রমশঃ রাত্রি, কৃষ্ণপক্ষ, দক্ষিণায়ন ছয় মাস, পিতৃলোক, আকাশ এবং চন্দ্রলোক (ছাঃ ৫।১০।৩-৪) ; এবং প্রত্যাবর্তনের সময় চন্দ্রলোক হইতে আকাশ, আকাশ হইতে বায়ু, বায়ু হইতে ধূম, ধূম হইতে মেঘ, মেঘ হইতে বৃষ্টির সহিত পৃথিবীতে পতিত হইয়া ব্রীহি, যব, ওষধি, বনস্পতি, তিল বা মাষাদিতে অনুরূপে, তৎপরে অন্ন হইতে রেতঃরূপে. পরে তাহা হইতে পুরুষাকারে জন্মগ্রহণ কথিত আছে, (ছান্দোগ্যঃ ৫।১০।৫-৬)। অতএব, দেখা যাইতেছে যে, প্রত্যাবর্তনের ক্রমের, গমনের ক্রমের সহিত কতক মিল আছে বটে, আবার কতক মিল নাই। সূত্রকার তাহাই বলিয়াছেন।

জীব যে ভুক্তফল কর্মের অবশেষের সহিত প্রত্যাবর্তন করে, তাহা ছান্দোগ্য শ্রুতির ৫।১০।৭ মন্ত্র হইতে সুস্পষ্ট প্রতিপাদিত হইতেছে। গৌতম-শ্রুতির একাদশ অধ্যায়ে আছে:—“বর্ণা আশ্রমাশ্চ স্বধর্মনিষ্ঠাঃ প্রেত্য কর্মফলমনুভূয় ততঃ শেষেণ বিশিষ্টদেশ-জাতি-কুল-রূপ-আয়ু-শ্রুত-বিন্দ্-বৃত্ত-সুখমেধসো জন্ম প্রাপ্তিপত্তন্তে, বিশ্বক্ষেণ বিপরীতা নশ্যন্তি।”—নিজ নিজ কর্তব্যকর্মনিষ্ঠ বিভিন্ন বর্ণ ও আশ্রমী পুরুষেরা মৃত্যুর পর, কর্মফল ভোগান্তে পশ্চাৎ সেই ভুক্তাবশিষ্ট কর্ম দ্বারা বিশিষ্ট দেশ, জাতি, বংশ, রূপ, আয়ু, বিজ্ঞা ধন, চরিত্র, স্মৃধ ও মেধা সম্পন্ন হইয়া জন্মগ্রহণ করেন, কিন্তু যাহারা বিশ্বক্ব অর্থাৎ বিপরীতগামী, তাহারা বিনষ্ট হয়। আর অধিক শ্রুতি প্রমাণ উদ্ধারের প্রয়োজন নাই। ঐ এক কথাই আপস্তম্ব শ্রুতিতেও আছে। গীতায় ৬।৪।১ শ্লোকে যোগব্রহ্মদিগের শুচি ও শ্রীমান্দিগের গৃহে জন্মরূপ ভগবানের উক্তি ইহাই প্রমাণ করে।

যদি একবার মৃত্যুর পর, পরলোকে সমুদায় কর্মফল নিঃশেষে ভোগ হইয়া ধ্বংস প্রাপ্ত হইত, তাহা হইলে, কর্ম না থাকায় আর পুনর্জন্মের কারণ থাকিত না। এক জন্মেই সমুদায় শেষ হইয়া যাইত, তারপর হয় শাস্ত্রত স্মৃতি প্রাপ্তি বা শাস্ত্রত নিরয় ভোগ এবং সৃষ্টিকর্তার নূতন সৃষ্টির অভিনয় করিতে হইত। হয় জগদ্ বৈচিত্র্য লোপ করিতে হইত, নতুবা সৃষ্টিকর্তাকে “বৈষম্য-নৈঘর্গ্য” দোষ স্বীকার করিতে হইত। অতএব, সিদ্ধান্ত এই যে, যেমন কড়কগুলি ফলোন্মুখী পরিপক্ব কর্ম প্রারম্ভরূপে ইহলোকে জন্মের কারণ হয়, সেইরূপ কড়কগুলি ফলোন্মুখী পরিপক্ব কর্ম পরলোকেও জন্মের কারণ হইয়া থাকে।

৩।১।৬ সূত্রের আলোচনায় উদ্ধৃত ভাগবতের ৭।১৫।৪০ এবং ৩।১।৭ সূত্রের আলোচনায় উদ্ধৃত ভাগবতের ১।১।১০।২২, ১।১।১০।২৫, ১।১।১০।২৬-২৭-২৮, ১।১।১০।৩১-৩২ শ্লোকগুলি দ্রষ্টব্য। গুণ-বৈষম্য বশতঃ জীবের গতাগতি, এবং বিবিধ যোনিতে ভ্রমণ, ইহা ঐ সকল শ্লোক হইতে প্রতিপাদিত হইবে। তন্মধ্যে ষাঁহাদের সত্ত্ব গুণ প্রবল, তাঁহারা উৎকৃষ্টতর যোনিতে (ব্রাহ্মণাদি বর্ণে এবং যোগীদিগের পরিবারে), ষাঁহাদের রজোগুণ প্রবল তাঁহারা তদপেক্ষা নিম্নতর ক্ষত্রিয় বৈশ্যাদি বর্ণে, এবং ষাঁহাদের তমোগুণ প্রবল তাহারা নিম্নতম মনুষ্য যোনিতে বা কুকুরাদি নিকৃষ্ট প্রাণিগণের যোনিতে জন্মগ্রহণ করিয়া কর্মফল ভোগ করিয়া থাকেন। শ্রীমদ্ভাগবত তিনটি শ্লোকে এই তত্ত্ব সংক্ষেপে প্রকাশ করিয়াছেন :—

দ্রব্যং দেশঃ ফলং কালো জ্ঞানং কর্ম চ কারকঃ

শ্রদ্ধাবস্থা কৃতির্নিষ্ঠা ত্রৈগুণ্যাঃ সর্ব্ব এব হি ॥ ভাগঃ ১।১।২৫।২৯

সর্ব্ব গুণময়া ভাবাঃ পুরুষাব্যাক্তধিষ্ঠিতাঃ ।

দৃষ্টং শ্রুতমনুধ্যাতং বুদ্ধ্যা বা পুরুষর্ষভ ॥ ভাগঃ ১।১।২৫।৩০

এতাঃ সংসৃতয়ঃ পুংসো গুণকর্ম্মনিবন্ধনাঃ । ভাগঃ ১।১।২৫।৩১

—দ্রব্য, দেশ, কাল, ফল, জ্ঞান, কর্ম, কর্তা, শ্রদ্ধা, মাকৃতি, নিষ্ঠা ইত্যাদি সমুদায় ত্রিগুণাত্মক। এতদ্ভিন্ন দৃষ্ট, শ্রুত ও বুদ্ধি বিবেচিত এবং প্রকৃতি পুরুষাধিষ্ঠিত সমুদায় পদার্থ ত্রিগুণময় জানিবে। লোকদিগের সম্বন্ধে গুণকর্ম্মনিবন্ধন সংসারের কারণ পথসকল কথিত হইল।

প্রকৃতির গুণ ক্ষোভ বশতঃ সঙ্ঘ, রজঃ, তমো গুণের বিপ্লব এবং তাহাদের অনন্ত প্রকার ভারতম্যানুসারে সংমিশ্রণ সংঘটিত হইয়া থাকে । কোনও দুই ব্যক্তিতে উক্ত গুণত্রয়ের সমপরিমাণ পাওয়া সম্ভব নহে । এই প্রকার বৈচিত্রের কারণ, জীবের অনাদি কৰ্ম্ম । আমরা পূর্বের আলোচনায় বুঝিয়াছি যে, কৰ্ম্মও গুণ সম্ভূত । সুতরাং, চক্রভ্রমির দ্বারা এই বৈচিত্র্য অনাদি কাল হইতে চলিয়া আসিতেছে । সংসারে দুঃখ, ক্লেশ, দারিদ্র্য একদিকে, আবার বিত্ত, শ্রুতি, আনন্দ অন্য দিকে দেখিতে পাওয়া যায় । ইহার কারণ গুণ বৈষম্য—এই গুণ বৈষম্য অহেতুকী আকস্মিকী নহে । ইহাও নিয়মানুবর্তনে হইয়া থাকে—ঐ নিয়মের ব্যভিচার বা ব্যতিক্রম নাই । ইহাই আমাদের পরিচিত কৰ্ম্মবাদ । শ্রুতিতে ইহা “তৎক্রতু” দ্বারা বলিয়া প্রসিদ্ধ ; ইহার আলোচনা ৪র্থ পাদে করা হইবে ।

এখন ইষ্টাপূর্তাদি কাম্যকৰ্ম্মানুষ্ঠানকারী জীব, প্রত্যাবর্তনের সময় ভুক্তাবশেষ কৰ্ম্ম সঙ্গে লইয়া আসে, ইহা বুঝিবার জন্য একটু সংক্ষেপ আলোচনা আবাস্তর হইবে না মনে করি । এই আলোচনা, ২।১।২৩ সূত্রের প্রসঙ্গে কৰ্ম্মবাদ সম্বন্ধে যাহা আলোচনা করা হইয়াছে, তাহারই পরিশিষ্টরূপে গ্রহণ করিতে হইবে । উক্ত পূর্বালোচনায় আমরা বুঝিয়াছি যে, অনাদি কাল হইতে অসংখ্য ষোনিতে পরিভ্রমণ করিতে করিতে জীব যে সমুদায় কৰ্ম্মানুষ্ঠান করিয়া থাকে তাহারা তিন শ্রেণীতে বিভক্ত—সঞ্চিত, প্রারব্ধ এবং ক্রিয়মাণ । ইহার মধ্যে সঞ্চিত কৰ্ম্মসকল—অভুক্ত । উহারা ফলোন্মুখ না হওয়ায় ভোগের দ্বারা ধ্বংস হয় নাই—উহারা ভবিষ্যৎ ভোগের জন্য জীবের কৰ্ম্মরূপে সঞ্চিত রহিয়াছে । উহাদের মধ্যে যেগুলি পরিপক্ব, অর্থাৎ ফল প্রদানে উন্মুখ, সেগুলিকে পৃথক করতঃ প্রারব্ধ আখ্যায় আখ্যায়িত করিয়া কৰ্ম্মদেবতাগণ ইহ জন্মের শরীর, মনঃ, ইন্দ্রিয়াদি বৃত্তি, পারিপার্শ্বিক অবস্থা, পরিপক্ব, পরিজন প্রভৃতির ব্যবস্থা করিয়া উহাদের ফলভোগের জন্য, বর্তমান জন্ম ধারণে বাধ্য করিয়াছেন । এ জন্মে প্রতিদিন যে সমুদায় কৰ্ম্ম আচরিত হইতেছে, তাহারা ক্রিয়মাণ কৰ্ম্ম । উহাদের মধ্যে যেগুলির ফল সঙ্গে সঙ্গে ভোগ হইয়া যাওয়ায় ধ্বংস প্রাপ্ত হইল, সেগুলি বাদে অগ্ৰগুলি সঞ্চিত কৰ্ম্ম রূপে সঞ্চিত রহিল । ইহারা এবং সঞ্চিত কৰ্ম্মরূপে সঞ্চিত কৰ্ম্মগুলির মধ্যে যেগুলি পরিপক্ব হইয়া ফলোন্মুখ হইবে, তাহারা প্রারব্ধ পর্যায়ে পড়িয়া, অগ্ৰ

প্রকার জন্মে, অন্য প্রকার ভোগের কারণ হইবে। ভগবান সূত্রকার উক্ত তিন প্রকার বিভাগের পরিবর্তে সমুদায় কর্ম—আরম্ভ ও অনারম্ভ এই দুই প্রকার বিভাগের অন্তর্ভুক্ত করিয়া চতুর্থ অধ্যায়ে বিচার করিয়াছেন।

“সঞ্চিত কর্মসূত্র” বলায়, কেহ যেন মনে করিবেন না যে, বাস্তবিক এক এক জন জীবের জন্ম এক একটি সূত্র বিশ্বের কোন কর্মভাণ্ডারে সঞ্চিত আছে। এই সঞ্চিত কর্মসকলই, সংস্কার, বাসনা, প্রবৃত্তি, বৃত্তি, মেধা প্রভৃতি ভূতসূক্ষ্মরূপে জীবের বেষ্টনী প্রস্তুত করে। জীব এই বেষ্টনী সঙ্গে লইয়া, “ভূভুব স্বঃ” এই ত্রিলোকের মধ্যে পরিভ্রমণ করিয়া বেড়ায়। এই বেষ্টনীই জীবের বিজ্ঞানময় কোশ। ইহা “ভূত-সূক্ষ্ম” গঠিত। এই “ভূত-সূক্ষ্মের” কথাই সূত্রকার ৩।১।১ সূত্রে উল্লেখ করিয়াছেন। অতএব, বুঝা গেল যে, কর্ম বা শম্বুক যেমন তাহার গৃহ বা আবরণ সঙ্গে সঙ্গে লইয়া ভ্রমণ করে, জীবও সেইরূপ, এই উপাধি, বা আবরণ বা বেষ্টনী সঙ্গে সঙ্গে লইয়া ত্রিলোকের মধ্যে বিচরণ করে। যত দিন বিঘ্ন লাভে বা ভগবানে সমর্পণে, এই উপাধি বা আবরণের বা বেষ্টনীর নিঃশেষ ধ্বংস না হয়, ততদিন এই গতাগতির বিরাম নাই, ত্রিলোকের বাহিরের লোকে গমনের অধিকার নাই। যদি ইতিমধ্যে বর্তমান কল্প শেষ হইয়া প্রলয় উপস্থিত হয়, তাহা হইলে জীব, সেই উপাধির বীজ, কারণ-শরীর রূপে সঙ্গে লইয়া, শ্রীভগবানে লীন থাকিবে এবং প্রলয় অন্তে, ভবিষ্যৎ কল্পে, পুনরায় সৃষ্টিকালে, বীজ হইতে অঙ্কুর উদ্গমনের গ্রায়, আবার জন্ম গ্রহণ করিবে। এই জন্ম গ্রহণের সময়, ঐ উপাধি হইতে কতকগুলি পরিপক্ব কর্ম প্রারম্ভরূপে গ্রহণ করিয়া, উক্ত জীবের পারিপার্শ্বিক অবস্থা প্রভৃতি নির্ণীত হইবে, বাকীগুলি বেষ্টনীতে সঞ্চিত থাকিবে। ইহা ভগবানের জগচ্চক্র পরিচালনের নিয়ম। সাধারণতঃ ইহার ব্যভিচার নাই। এই নিয়ম, যেমন ইহলোকে প্রযোজ্য, পরলোকেও সেই প্রকার। একই নিয়ম উভয়তঃ কার্যকারী।

আমরা জীবের ইহলোকে আবির্ভাবকে জন্ম বলিয়া থাকি এবং পরলোকে গমনকে মৃত্যু বলিয়া থাকি। কিন্তু জন্ম-মৃত্যু আপেক্ষিক মাত্র। ইহলোকে যাহা জন্ম, পরলোকের পক্ষে তাহা মৃত্যু। আবার

পরলোকে যাহা জন্ম, ইহলোকের তাহা মৃত্যু। অতএব, যেমন সঞ্চিত কর্মরাশির স্তূপ হইতে কর্মদেবতাগণ কতকগুলি কর্ম বাছিয়া, তাহাদের ভোগের জন্য, ইহলোকে জন্মধারণ করিতে বাধ্য করেন, সেইরূপ উক্ত কর্মস্তুপ হইতে ফলোন্মুখ কতকগুলিকে বাছিয়া উহাদের ভোগের জন্য, জীবকে পরলোকে প্রেরণ করেন। উহাদের ভোগ শেষ হইলেই, পরলোকের অবস্থান শেষ হইল। তখন, আবার অন্য কর্মপুঞ্জ ভোগের জন্য ইহলোকে পুনর্জন্ম গ্রহণ করিতে হইবে। অতএব স্পষ্ট বুঝা গেল যে, পরলোকে সমুদায় কর্ম নিঃশেষে উপভুক্ত হয় না। যেগুলি ফলোন্মুখ হইয়াছিল, সেইগুলিই মাত্র উপভুক্ত হয়, অন্য কর্মরাশি অবশিষ্ট থাকে; জীব উহাদিগকে লইয়া পুনরায় ইহলোকে আগমন করে।

যদি এক জন্মের পর পরলোকে ভোগের দ্বারা সমুদায় কর্ম নিঃশেষে ধ্বংস হইত, তাহা হইলে, আর পুনর্জন্মের কারণ কর্মপ্রবাহ বর্তমান থাকিত না, এবং সৃষ্টি-বৈচিত্র্য লোপ হইবার প্রসঙ্গ উপস্থিত হইত। এবং তাহা হইলে, একের বহু হইবার সংকল্প অসিদ্ধই থাকিয়া যাইত। অতএব, সমুদায় কর্ম নিঃশেষে ধ্বংস হয় না। ফলোন্মুখ কর্ম মাত্রই ভোগের দ্বারা ধ্বংস হইলে, জীব অন্য কর্মপুঞ্জ লইয়া পুনরাবৃত্ত হয়, ইহাই সিদ্ধান্ত।

তবে প্রশ্ন উঠিতে পারে যে, যদি বিভিন্ন কর্মপুঞ্জ ভোগের জন্য পুনরাবৃত্তি, তবে ছান্দোগ্য শ্রুতির ৫।১০।৭ মন্ত্রের সার্থকতা কি প্রকারে রক্ষিত হয়? অর্থাৎ, তাহা হইলে রমণীয় কর্মানুষ্ঠাতার রমণীয় যোনিতে এবং কুৎসিত কর্মানুষ্ঠাতার কুৎসিত যোনিতে জন্মগ্রহণ কি প্রকারে সম্ভব হয়? ইহার উত্তর এই যে, রমণীয় কর্মানুষ্ঠাতাগণ আকস্মিক ঐরূপ কর্মের অনুষ্ঠান করেন না। পুনঃ পুনঃ অনুষ্ঠান হইতে উদ্ভূত অভ্যাসের দ্বারা, তাঁহাদের মনোবৃত্তি, এ প্রকারে গঠিত হইয়াছে যে, তাঁহারা ওরূপ না করিয়া পারেন না। ভগবানের মঙ্গল বিধানে, যে যোনিতে, যে পারিপার্শ্বিকের মধ্যে তাঁহাদের মনোবৃত্তি সম্যক বিকাশলাভ এবং উত্তরোত্তর উন্নতির পথ লাভ করিতে পারে, তাঁহারা সেই যোনিতে, সেই পারিপার্শ্বিকের মধ্যে জন্মগ্রহণ করেন। তাঁহারা ইচ্ছা করিলেই যে কুৎসিত কার্য্যানুষ্ঠান করিবেন, তাহা সম্ভব নহে। নানাপ্রকার প্রতিবন্ধক

আপনিই আসিয়া বাধা দেয়। তবে, আজন্ম সাধু প্রকৃতিক কাহাকে কাহাকেও হঠাৎ কুর্কর্ম করিতে দেখা যায়, তাহা, কোনও বিশেষ কর্ম ধ্বংসের জন্ম— তাহার কারণ অন্য। রমণীয় যোনিতে জন্মগ্রহণের সম্বন্ধে যাহা লিখিত হইল, কুৎসিত যোনিতে জন্মগ্রহণের সম্বন্ধেও সেই একই কথা। ফলতঃ, ভোগের দ্বারা কর্মধ্বংসই জন্ম পরিগ্রহণের মূলে। ইহার পরিণাম—ক্রমোন্নতি লাভ—ক্রমশঃ নিঃশ্রেয়সেয় পথে অগ্রসরণ।

ইহা হইতে আমরা আরও পাইলাম যে, মুমুকু ব্যক্তি যদি কোনও কারণ বশতঃ একটি অন্ত্যায় কার্য্য করিয়া ফেলেন, তখনই তাহা ক্ষালনের জন্ম অনুতপ্ত হইয়া তাহার প্রায়শ্চিত্তের বিধান করা কর্তব্য। নতুবা, উহা বীজাকারে উপাধির বেষ্টনীতে সঞ্চিত রহিল। আবার বহুদিন পরে, অথবা জন্মান্তরেও যদি আবার কোনও কুৎসিত কার্য্য করিয়া ফেলেন, এবং অনুতাপ বা প্রায়শ্চিত্ত দ্বারা উহার ধ্বংস সাধন না করেন, তবে তাহাও পূর্বোক্ত অন্ত্যায় কর্ম্মের বীজের সহিত, সঞ্চিত কর্ম্মরূপে, মিলিত হইয়া, উহার পরিমাণ ও শক্তি বৃদ্ধি করিবে। মনোবৃত্তি, এইরূপে ক্রমশঃ অন্ত্যায় বা কুৎসিত কর্ম্মের পথে আকৃষ্ট হয়। অতএব, একটি সামান্য অন্ত্যায় করিলেই তাহার জন্ম অনুতাপ বা প্রায়শ্চিত্ত করিয়া সেই দিনেই উহার ক্ষালন প্রয়োজন। এই জন্ম শ্রুতি বলিয়াছেন :—

যদহাৎ কুরুতে পাপং তদহাৎ প্রতিমুচ্যতে ।

যজাত্র্যাৎ কুরুতে পাপং তজাত্র্যাৎ প্রতিমুচ্যতে ॥

নারায়ণোপনিষৎ ১৩৪।

—যে দিনে যে পাপ করিয়া ফেলিবে, সেই দিনেই সেই পাপের প্রতিমোচন (ক্ষালন) করিবে। যে রাত্রে যে পাপ করিয়া ফেলিবে, সেই রাত্রেই সেই পাপের প্রতিমোচন করিবে।

শ্রুতির এই উপদেশ যে পরম হিতকারী, তাহা বলাই বাহুল্য।

ব্রাহ্মণের অবশ্য করণীয় সঙ্ক্যা মন্ত্রেও এই কথাই আছে। যথা :—

প্রাতঃ সঙ্ক্যায় :—যদ্ রাত্র্যা পাপম্কার্ষং.....রাত্রিস্তদবলুম্পাতু ।

সায়ং সঙ্ক্যায় :—যদহা পাপম্কার্ষং.....অহস্তদবলুম্পাতু ।

অর্থাৎ : -রাত্রিতে আমি যে পাপ করি, রাত্রি তাহা অবলোপ করুন ।

দিবায় আমি যে পাপ করি, দিবা তাহা অবলোপ করুন ।

আমরা পূর্বে বলিয়াছি যে, পুণ্য ও পাপ কর্মের যোগবিয়োগের দ্বারা মোট কর্মের পরিমাণ ও প্রকার নির্দেশ অঙ্কশাস্ত্রানুসারে হয় না । উভয়কেই ভোগের দ্বারা, বিদ্যা লাভের দ্বারা বা ভগবদর্পণের দ্বারা ক্ষয় করিতে হইবে । তবেই উহা হইতে নিষ্কৃতি । পাপ কর্মের দ্বারা, পুণ্য কর্মেরও বন্ধন শক্তি আছে । তত্ত্বজ্ঞানার্থীর পক্ষে উভয়ের ধ্বংস প্রয়োজনীয় । ইহা চতুর্থ অধ্যায়ে আলোচিত হইবে । যতদিন উক্ত উভয় প্রকার কর্ম ক্ষয় প্রাপ্ত না হয়, ততদিন পর্য্যন্ত সংসারে গতাগতির নিস্তার নাই । অতএব বুঝা গেল যে, **জীব প্রত্যাবর্তনের সময় ভুক্তাবশিষ্ট কর্মের সহিত প্রত্যাবর্তন করে ।**

ভিত্তি :—

পূর্বসূত্রের শিরোদেশে উদ্ধৃত ছান্দোগ্য শ্রুতির ৫।১০।৭ মন্ত্র ।

সংশয় :—ভাল, ভুক্তাবশিষ্ট কৰ্ম সন্দেহে এত কথা ত বলিলে । কিন্তু ভুক্তাবশিষ্ট কৰ্মের কথা বা তোমার ভাষায় “অনুশয়ের” কথা ত কোথাও নাই । ছান্দোগ্য শ্রুতির ৫।১০।৭ মন্ত্রে ‘রমণীয়চরণা’, ‘কপূয়চরণা’ পদে ‘চরণ’ শব্দেরই প্রয়োগ আছে । উহা আচরণ, আচার, শীল, বৃত্ত, চরিত্র প্রভৃতির সহিত এক পর্যায়ভুক্ত । সুতরাং, শ্রুতির তাৎপর্য হইতেছে যে, ‘চরণ’ হইতেই, অর্থাৎ আচার বা শীল বা চরিত্র হইতেই জন্মবিশেষ লাভ হইয়া থাকে । ‘অনুশয়’ বা ভুক্তাবশেষ কৰ্ম হইতে নহে ।

পূর্বসূত্রের আলোচনায় বলিয়াছি যে, “পুনঃ পুনঃ অনুষ্ঠান হইতে উদ্ভূত অভ্যাসের দ্বারা তাঁহাদের মনোবৃত্তি এক প্রকারে গঠিত হইয়াছে...ইত্যাদি” । তুমি শ্রুতুক্ত ‘চরণ’ শব্দের পর্যায়-ভুক্ত, আচরণ, আচার, শীল, বৃত্ত, চরিত্র প্রভৃতির উল্লেখ করিয়াছ—“পুনঃ পুনঃ অনুষ্ঠান” কি উহাদের বাহ্য ক্রিয়া নহে ? আরও দেখ, আচরণ, আচার প্রভৃতি কাহাকে আশ্রয় করিয়া থাকিবে ? উহারা ত নিরপেক্ষ ভাবে আপনাপনি থাকিতে পারে না । জীবের আশ্রয়ে ত থাকিতে হইবে । সুতরাং আমার সিদ্ধান্তে দোষ কোথায় ? যদি অন্য অন্য বেদান্তাচার্য্য-গণের সিদ্ধান্ত জানিতে চাও, ত শোন ।

পরবর্তী সূত্র আচার্য্য কাৰ্ণাজিনির অভিমত । এই সূত্রের প্রথমার্শে আপত্তির উল্লেখ করিয়া শেষার্শে সমাধান উক্ত হইয়াছে ।

সূত্র :—৩।১।৯ ।

চরণাদিতি চেৎ, ন, তদুপলক্ষণার্থেতি কাৰ্ণাজিনিঃ ॥ ৩।১।৯ ॥

চরণাৎ + ইতি + চেৎ + ন + তদুপলক্ষণার্থা + ইতি + কাৰ্ণাজিনিঃ ॥

চরণাৎ :—আচরণ বা আচার বোধক শব্দ হেতু । **ইতি :—**ইহা । **চেৎ :**—যদি বল । **ন :**—না । **তদুপলক্ষণার্থা :**—তৎ, তাহারই, কৰ্মেরই বোধক । **ইতি :—**ইহা । **কাৰ্ণাজিনিঃ :**—তন্মাম প্রসিদ্ধ আচার্য্যের অভিমত ।

যদি বল যে, ছান্দোগ্য শ্রুতিতে রমণীয় এবং কুৎসিত আচারের মাত্র উল্লেখ আছে, অতএব প্রত্যাবরোধের সময়, কৰ্মসম্বন্ধ কল্পনা করা যাইতে

পারে না । ইহার উত্তরে বলিব, না, তাহা বলিতে পার না । দৃষ্টান্ত স্বরূপ দেখ, কাশ্যাজিনি আচার্যের অভিমত এই যে, শ্রুত্ব্যক্ত 'চরণ' শব্দই আচার সম্বন্ধিত কর্মেরই বোধক ।

কেবলেন হৃদম্মেণ কুটুম্বভরণোৎসুকঃ ।

যাতি জীবোহন্ধতামিশ্রং চরমং তমসঃ পদম্ ॥ ভাগঃ ৩।৩০।৩২

অধস্তান্নরলোকস্য যাবতীর্ঘাতনাস্তু তাঃ ।

ক্রমশঃ সমনুক্রমা পুনরত্রাব্রজেচ্ছুচিঃ ॥ ভাগঃ ৩।৩০।৩৩

—কুটুম্ব পোষণ বিহিত বটে । কিন্তু যে ব্যক্তি কেবল অধর্ম দ্বারা তাহাদের ভরণার্থ উৎসুক হয়, তাহাকে নরকের চরম অন্ধ তামিশ্রে গমন করিতে হইবে । সেই নরক ভোগের পর পুনর্বার মনুষ্যদেহ প্রাপ্ত হইবার পূর্বে কুকুর শূকরাদি নিকৃষ্ট যোনিতে যত যত যাতনাদি হইতে পারে, সমুদায় ক্রমে ক্রমে প্রাপ্ত হইয়া ভোগের দ্বারা ক্ষীণ-পাপ হইবে । তখন শুচি হইয়া পুনর্বার এ স্থানে আগমন পূর্বক নরত্ব প্রাপ্ত হইবে । ভাগঃ ৩।৩০।৩২-৩৩

ভাগবতের উদ্ধৃত শ্লোকদ্বয় হইতে স্পষ্ট বুঝা যাইতেছে যে, যদি অন্ধ-তামিশ্র নরক ভোগের পর সমুদায় কর্ম নিঃশেষে ক্ষয় প্রাপ্ত হইত, তাহা হইলে জীবের পুনরায় কুকুরাদি যোনিতে জন্ম গ্রহণ করিয়া যাতনা ভোগ দ্বারা পাপক্ষয় করতঃ শুচি হইবার প্রয়োজনীয়তা কি ছিল? একেবারেই ত শুচি হইয়া নরযোনি প্রাপ্ত হইতে পারিত । অতএব, সিদ্ধান্ত এই যে, ভূক্ত কর্মের অবশেষের সহিত জীব প্রত্যাবর্ত্তন করে ।

ভিত্তি :—

১। “সক্ষ্যাহীনোহশুচির্নিত্যমনর্হঃ সর্বকর্ষু ।”

(শ্রীভাষ্যে উদ্ধৃত বচন)

—সক্ষ্যাবিহীন, অশুচি (সদাচার হীন) ব্যক্তি সর্বদা সর্বকর্ষে
অনর্হ—অনধিকারী।

২। “আচারহীনং ন পুনন্তি বেদাঃ ।” (শ্রীভাষ্যে উদ্ধৃত বচন)

—বেদগণ আচারহীন ব্যক্তিকে পবিত্র করেন না।

সূত্র :—৩।১।১০ ।

আনর্থক্যমিতি চেৎ, ন, তদপেক্ষত্বাৎ ॥ ৩।১।১০ ॥

আনর্থক্যম্ + ইতি + চেৎ + ন + তদপেক্ষত্বাৎ ॥

আনর্থক্যম্ :—নিরর্থক। ইতি :—ইহা। চেৎ :—যদি বল। ন :—

না। তদপেক্ষত্বাৎ :—যেহেতু তাহার অর্থাৎ সদাচারের অপেক্ষা আছে।

যদি বল, শ্রুতুক্ত ‘চরণ’ শব্দের অর্থ ‘আচার’ নহে, অতএব স্মৃতি শাস্ত্রোক্ত
সদাচার সমূহ নিরর্থক। ইহার উত্তরে বলিব, না, তাহা বলিতে পার না।
কারণ, শিরোদেশে যে স্মৃতি উদ্ধৃত হইল, তাহা হইতে স্পষ্টই প্রতীত হইবে যে,
সক্ষ্যাবিহীন ও সদাচারহীন ব্যক্তি সর্বদাই সর্বকর্ষে অনধিকারী, এবং বেদগণও
আচারহীন ব্যক্তিকে পবিত্র করিতে পারেন না। অতএব, সদাচারের অপেক্ষা
রহিয়াছে। স্মৃতরাং এ আপত্তি কার্যকরী নহে। নিজ নিজ বর্ণাশ্রম ধর্ম
প্রতিপালন দ্বারা সত্ত্বশুদ্ধি বা চিত্তশুদ্ধি হইলে, বিদ্যাপ্রাপ্তি বা ভগবন্তুক্তি লাভ
হইয়া থাকে। এজ্ঞ বর্ণাশ্রম ধর্ম প্রতিপালন সকলের কর্তব্য। বর্ণাশ্রম ধর্ম
প্রতিপালন করিতে হইলে সদাচার সম্পন্ন হইতে হইবে, ইহা ভাগবতে বাহুল্য
ভাবে উল্লিখিত আছে। কোন্ আশ্রমের কি আচার, তাহাও বর্ণিত আছে।
বিস্তারের ভয়ে সে সকলের উল্লেখ করা সম্ভব নহে। সংক্ষেপে কয়েকটি শ্লোক
নিম্নে উদ্ধৃত হইল।

ব্রহ্মর্ষ্যং তপঃ শৌচং সন্তোষো ভূতসৌহৃদম্ ।

গৃহস্থস্ত্যাপ্যতো গন্তুঃ সর্বেষাং মহাপাসনম্ ॥ ভাগঃ ১।১।৮।৪২

ইতি মাং যঃ স্বধর্মেণ ভ্ৰেহ্নিত্যমনশ্চভাক্ ।

সর্বভূতেষু মস্তাবো মন্তুক্তিং বিন্দতে দৃঢ়াম্ ॥

ভাগঃ ১১।১৮।৪৩

ইতি স্বধর্মনির্মিত্তঃ সত্ত্বো নিজ্জাতমদগতিঃ ।

জ্ঞানবিজ্ঞানসম্পন্নো বিরক্তঃ সমুপৈতি মাম্ ॥

ভাগঃ ১১।১৮।৪৫

—ব্রহ্মচর্যা, তপশ্চা, শৌচ, সন্তোষ, সর্বভূতসৌহার্দ্য, ঋতুকালান্তিগমন, এ সকলও গৃহস্থের ধর্ম এবং মদীয় উপাসনা সর্বসাধারণ ধর্ম ।

ভাগঃ ১১।১৮।৪২

এই শ্লোক হইতে স্পষ্ট বুঝা গেল যে, সদাচার গৃহস্থের ধর্ম ।

—এই প্রকারে যে ব্যক্তি স্বধর্মালুষ্ঠানের দ্বারা, নিত্য আমাকে ভজনা করেন, এবং মস্তাবে সর্বভূতে সমদর্শী হয়েন, সে ব্যক্তি আমাতে দৃঢ়া ভক্তি লাভ করেন । ভাগঃ ১১।১৮।৪৩

—এইরূপে স্বধর্মালুষ্ঠানে বিশুদ্ধ সত্ত্ব, জ্ঞানবিজ্ঞান সম্পন্ন, সংসারে বিরক্ত ব্যক্তি আমার গতি অবগত হইয়া আমাকে প্রাপ্ত হন ।

ভাগঃ ১১।১৮।৪৫

অতএব, বুঝা গেল যে, সদাচার নিরর্থক নহে । বিশুদ্ধ সত্ত্ব ও জ্ঞানবিজ্ঞান সম্পন্ন হইবার জন্য ইহার অপেক্ষা আছে ।

এই প্রসঙ্গে ৩।১।৭ সূত্রের আলোচনায় উদ্ধৃত শ্রীমদ্ভাগবতের ১১।১০।২৬ ও ১১।১০।২৭ শ্লোক দ্রষ্টব্য ।

যাবজ্জীবন সদাচার পালন অভ্যাগ গঠনের যুগে । এই প্রসঙ্গে মৎপ্রণীত “বেদান্ত প্রবেশ” গ্রন্থের কর্মতত্ত্বালোচনায় (৮১-৮২ পৃঃ) আলোচিত, স্বভাব গঠন, স্বভাবের বল প্রভৃতি দ্রষ্টব্য । রমণীয় যোনি ও কুৎসিত যোনিপ্রাপ্তি যুগে এই স্বভাব গঠন । স্বভাবই উপযুক্ত মনোবৃত্তি গঠন করে, অথবা উপযুক্ত মনোবৃত্তিই স্বভাব গঠন করে । ইহারা পরস্পর পরস্পরের আত্যন্তিক অপেক্ষা রাখে । অতএব শ্রুতিমত্রে কথিত “রমণীয় চরণ” এর সহিত “রমণীয় যোনির” এবং “কপূর চরণের” সহিত “কপূর যোনির” সম্বন্ধ—সঙ্গতই বটে ।

সূত্র :—৩।১।১১ ।

সুকৃত-দুষ্কৃতে এবিতি তু বাদরি : ॥ ৩।১।১১ ॥

সুকৃত-দুষ্কৃতে + এব + ইতি + তু + বাদরিঃ ॥

সুকৃত-দুষ্কৃতে :—পুণ্য ও পাপকর্মে । এব :—নিশ্চয় । ইতি :—ইহা ।

তু :—কিন্তু । বাদরিঃ :—বাদরি আচার্যের অভিমত ।

শুধু কাশ্যাজিনি আচার্যের কেন, বাদরি আচার্যের অভিমত ঐ একই প্রকার । কাশ্যাজিনি আচার্য লক্ষণা দ্বারা 'চরণ' শব্দের কৰ্ম অর্থ করিয়াছেন । বাদরি আচার্য বলেন, লক্ষণা করিবার প্রয়োজন কি ? লৌকিক ব্যবহারে দৃষ্ট হয় যে, লোকে বলে, "পুণ্য কৰ্ম আচরণ করিতেছে, পাপাচরণ করিতেছে, ইত্যাদি" । এই সকল স্থলে 'কৰ্ম' শব্দের পর 'করা' অর্থে 'চর্' ধাতুর প্রয়োগ থাকায়, গো বলীবর্দ্ধি ন্যায় (অর্থাৎ, বলীবর্দ্ধি গো হইলেও, লোকে গো-উল্লেখ করিয়া, আবার তাহার সহিত বলীবর্দ্ধি উল্লেখ করিয়া থাকে)—কৰ্মই আচরণের মুখ্যার্থ । অতএব, মুখ্যার্থ সম্ভব হইলে, লক্ষণা করিবার প্রয়োজন না থাকায়, শ্রুত্যানুসৃত 'চরণ' অর্থে "সুকৃত-দুষ্কৃত" কৰ্ম । ইহা বাদরি আচার্যের মত । সূত্রকার বাদরাগণেরও ইহাই অভিমত । সূত্রোক্ত 'এব' শব্দ দ্বারাই ইহা প্রতীত হইতেছে ।

অতএব সিদ্ধান্ত হইল যে, 'জানুশয়' জীবই প্রত্যাবর্ত্তন করে ।

দুষ্কৃতকারীগণ যে যাতনা ভোগ করে, এবং কুৎসিত যোনি প্রাপ্ত হয়, তাহা ৩।১।২ সূত্রের আলোচনায় উদ্ধৃত ভাগবতের ৩।৩।৩২-৩৩ শ্লোক হইতে প্রতিপাদিত হইবে ।

সুকৃতকারীগণ যে স্বর্গাদি লোকে সুখভোগ করে, তাহা ৩।১।৭ সূত্রের আলোচনায় উদ্ধৃত ভাগবতের ১।১।১০২২ শ্লোক হইতে প্রতিপাদিত হইবে । আর অধিক উদ্ধারের প্রয়োজন নাই ।

৩। অ-নিষ্টাদিকার্য্যধিকরণ ।

ভিত্তি :—

১। “অসূর্য্যা নাম তে লোকা অন্ধেন তমসাবৃত্যঃ ।

তাংস্তে প্রেত্যাভিগচ্ছন্তি যে কে চান্নহনো জনাঃ ॥”

(ঈশঃ ৩)

—যাহারা আন্নাহস্তা, তাহারা মৃত্যুর পর ঘোর তমসচ্ছন্ন সূর্য্যবিহীন লোকে গমন করিয়া থাকে । (ঈশঃ ৩)

২। “যে বৈ কে চান্ম্যাং লোকাং প্রয়াস্তি, চন্দ্রমসমেব তে সর্বে

গচ্ছন্তি ।” (কৈষীতকী ১।২)

—যে কোনও লোক এই লোক হইতে প্রয়াণ করে, তাহারা সকলে চন্দ্রলোকে গমন করে । (কৌষীঃ ১।২)

সংশয় :—ইষ্টাপূর্তাদিকারীগণ চন্দ্রলোকে গমন করে, ইহা পূর্ব পূর্ব সূত্রে প্রতিপাদিত হইয়াছে । তাহা ত বুঝা গেল । যাহারা ইষ্টাপূর্তাদি করে না, তাহাদের গতি কি ? ঈশোপনিষদের ৩ মন্ত্রে তাহাদের অন্ধতমসচ্ছন্ন যমলোকে গমনের উক্তি রহিয়াছে ; আবার, কৌষীতকি উপনিষদে সকলেরই চন্দ্রলোকে গমনের উক্তি রহিয়াছে । অতএব, ইহাদের মধ্যে কোন্টি সঙ্গত ? ইহার উত্তরে সূত্রকার পূর্বপক্ষ রূপে সূত্র করিতেছেন :—

সূত্র :—৩।১।১২ ।

অনিষ্টাদিকারিণামপি চ শ্রুতম্ ॥ ৩।১।১২ ॥

অ-নিষ্টাদিকারিণাম্ + অপি + চ + শ্রুতম্ ॥

অ-নিষ্টাদিকারিণাম্ :—যাহারা ইষ্টাপূর্তাদি করে না, তাহাদিগের ।

অপি :—ও । চ :—এবং । শ্রুতম্ :—শ্রুতিতে কথিত আছে ।

কৌষীতকী শ্রুতির ১।২ মন্ত্রে সর্ব জীবের চন্দ্রলোক গমনের উক্তি রহিয়াছে । অতএব, যে সকল জীব ইষ্টাপূর্তাদি করে না, তাহারাও চন্দ্রলোকে গমন করে, এরূপ সাধারণ ভাবে সকলের চন্দ্রলোকে গমন বুঝিতে হইবে । এটি পূর্বপক্ষ সূত্র ।

ভিত্তি :—

১। ঈশোপনিষদের ৩ মন্ত্র।

—ইহা পূর্বসূত্রের শিরোদেশে উদ্ধৃত হইয়াছে।

২। “অয়ং লোকো নাস্তি পর ইতি মানী

পুনঃ পুনর্বশমাপদ্যতে মে ॥” (কঠঃ ১।২।৬)।

—যে ব্যক্তি মনে করে যে, পরিদৃশ্যমান ইহলোকই আছে, পরলোক নাই, সে ব্যক্তি বারংবার আমার (যমের) অধীনতা প্রাপ্ত হয়।

(কঠঃ ১।২।৬)

সংশয় :—যদি ইষ্টাপূর্তাদিকারী যে গতি প্রাপ্ত হয়, যাহারা উহা না করে, তাহারও সেই গতি প্রাপ্ত হয়, তবে লোকে ইষ্টাপূর্তাদি করিবে কেন? এ তোমার কি প্রকার সিদ্ধান্ত হইল? তাহা হইলে ত স্কৃত-দৃকৃতকারীগণের তুল্য গতিই তোমার সিদ্ধান্তানুসারে হইতেছে। ইহার উত্তরে সূত্র :—

সূত্র :—৩।১।১৩।

সংযমনে ত্বনুভূয়েতরেষামারোহাবরোহৌ তদগতিদর্শনাৎ ॥ ৩।১।১৩ ॥

সংযমনে + তু + অনুভূয় + ইতরেষাম্ + আরোহাবরোহৌ +

তদগতিদর্শনাৎ ॥

সংযমনে :—যমালয়ে। **তু :**—আপত্তি নিরসনার্থ। **অনুভূয় :**—অনুভব করিয়া। **ইতরেষাং :**—অপর সকলের ; যাহারা ইষ্টাপূর্তাদি কর্ম করে না, তাহাদের। **আরোহাবরোহৌ :**—চন্দ্রলোকে গমন ও তৃণা হইতে প্রত্যাবর্তন। **তদগতিদর্শনাৎ :**—যে হেতু, শ্রুতিতে সেখানে (চন্দ্রলোকে) গতির উল্লেখ দেখা যায়।

পূর্ব সূত্রের শিরোদেশে উদ্ধৃত কৌষীতকী শ্রুতির ১।২ মন্ত্র, ঈশাবাস্য শ্রুতির ৩ মন্ত্র, এবং কঠ শ্রুতির ১।২।৬ মন্ত্র পর্যালোচনা করিলে, প্রতিপন্ন হইবে যে, দৃকৃতকারীগণ (যাহারা ইষ্টাপূর্তাদি আচরণ করে না), প্রথমতঃ যমালয়ে গমন করিয়া, তথায় যাতনাদি ভোগ করতঃ, পরে চন্দ্রলোকে গমন করে, এবং

তথায় কোনও প্রকার স্থখভোগ তাহাদের ভাগ্যে ঘটে না। পুনরাবর্তনের জন্যই সেখানে উহাদের গমন করিতে হয়, এবং সেখান হইতে আকাশ, বায়ু, ধূম, মেঘ, বৃষ্টিপথে পৃথিবীপৃষ্ঠে অল্পরূপে উৎপন্ন হইয়া কোনও জীব কর্তৃক ভক্ষিত হওতঃ, তৎপরে উক্ত জীব পুরুষ হইলে, তাহার বীৰ্য্যে সেই জীবের স্ত্রীর গর্ভে জন্মগ্রহণ করে। ইহাই বুদ্ধিতে হইবে।

এ প্রসঙ্গে ৩।১।৯ সূত্রের আলোচনায় উক্ত ভাগবতের ৩।৩।৩২-৩৩ শ্লোক দ্রষ্টব্য।

এটিও পূর্বপক্ষীয় সূত্র। পূর্বপক্ষের পূর্বসূত্রে কৃত সিদ্ধান্ত দৃঢ় ভিত্তির উপর প্রতিষ্ঠার জন্য ইহার অবতারণা।

সূত্র :—৩।১।৮।

স্মরন্তি চ ॥ ৩।১।১৪ ॥

স্মরন্তি + চ ॥

স্মরন্তি :—স্মৃতিতে কথিত আছে। চ :—ও।

স্মৃতিতেও যমলোকে গমন কথিত আছে। এটিও পূর্বপক্ষের পোষক সূত্র।

যমদূতৌ তদা প্রাপ্তৌ ভীমৌ সরভসেক্ষণৌ ।

স দৃষ্ট্বা ত্রস্তহৃদয়ঃ শকুন্ম ত্রং বিমুঞ্চতি ॥ ভাগঃ ৩।৩।১৯

যাতনা দেহ আবৃত্য পাশৈর্বন্ধা গলে বলাং ।

নয়তো দীর্ঘমধ্বানং দণ্ড্যং রাজভটা যথা ॥ ভাগঃ ৩।৩।২০

তয়োর্নিভি'ন্নহৃদয়স্তুর্জনৈর্জাতবেপথুঃ ।

পথি শ্চভির্ভক্ষ্যমাণ আর্তোঘং স্মমস্মরন্ ॥ ভাগঃ ৩।৩।২১

—সেই ব্যক্তির মৃত্যু হইবামাত্র সক্রোধ নয়ন দুইজন যমদূত আসিয়া উপস্থিত হয়। তাহাদিগকে দেখিয়া, সে কম্পিত হৃদয় হইয়া ভয়ে মল-মূত্রাদি পরিত্যাগ করে। পরে ঐ যমদূতেরা তাহাকে স্থলদেহ হইতে যাতনা দেহে নিরুদ্ধ করতঃ, যেমন রাজপুরুষেরা দণ্ডা হি লোককে বন্ধন করে, • সেইরূপ গলদেশে পাশ বন্ধন পূর্বক সূদীর্ঘ পথে লইয়া যায়। তাহাদের দুইজনের তর্জনে উক্ত জীবের হৃদয় বিদীর্ণ হইতে থাকে, এবং সাতিশয় কম্প উপস্থিত হয়। পথিমধ্যে তাহাকে কুকুরে ভক্ষণ করিতে আসে, তখন সে আপনার পাপ স্মরণ করতঃ অতিশয় ব্যাকুল হয়। ভাগঃ ৩।৩।১৯-২০-২১।

ভিত্তি :—

রৌরবোহথ মহাংশৈচব বহ্নি বৈতরণী তথা ।

কুস্তীপাকে ইতি প্রোক্তাশ্চনিত্যনরকানি তু ।

তামিশ্রাক্তামিশ্রৌ দ্বৌ নিত্যৌ পরিকীর্তিতৌ ॥ (মহাভারত) ।

—মহাভারতে ৭টি প্রধান নরকের নাম আছে । তাহাদের মধ্যে রৌরব, মহান্ অর্থাৎ মহারৌরব, বহ্নি, বৈতরণী, এবং কুস্তীপাক, এই ৫টি অনিত্য । এবং তামিশ্র ও অক্ততামিশ্র এই দুইটি নিত্য । (মহাভারত) ।

সূত্র :—৩।১।১৫ ।

অপি সপ্ত ॥ ৩।১।১৫ ॥

অপি + সপ্ত ॥

অপি :—ও । সপ্ত :—সপ্তসংখ্যক ।

শিরোদেশে উদ্ধৃত মহাভারতের শ্লোক হইতে জানা যায়, যে সাতটি প্রধান নরক আছে । উহাদের নামও উক্ত শ্লোকে উল্লিখিত হইয়াছে । এটিও পূর্ব-পক্ষের সিদ্ধান্তের পোষক সূত্র ।

সূত্রে যে ‘অপি’ শব্দ আছে, তদ্বারা বুঝাইতেছে যে, উক্ত সপ্ত সংখ্যক ব্যতীত আরও বিভিন্ন নরকাদির বর্ণনা বিভিন্ন পুরাণে আছে ।

শ্রীমদ্ভাগবতের ৫।২৬।৬-৭ গাথাংশে অষ্টবিংশতি প্রকার নরকের নাম লিখিত আছে । যথা :—(১) তামিশ্র, (২) অক্ততামিশ্র, (৩) রৌরব, (৪) মহারৌরব, (৫) কুস্তীপাক, (৬) কালসূত্র, (৭) অসিপত্রবন, (৮) শূকরমুখ, (৯) অক্ককূপ, (১০) কুমিভোজন, (১১) সংদংশ, (১২) তপ্তসূক্ষ্মি (১৩) বজ্রকটক শাল্মলী, (১৪) বৈতরণী, (১৫) পুয়োদ, (১৬) প্রাণরোধ (১৭) বিশসন, (১৮) লালভক্ষ, (১৯) সারমেয়াদন, (২০) অবীচি, (২১) অয়ঃপান, (২২) ক্ষারকর্দম, (২৩) রক্ষোগণ ভোজন, (২৪) শূলপ্রোত, (২৫) দন্দশূক, (২৬) অবটনিরোধন, (২৭) পর্যাবর্তন, এবং (২৮) সূচীমুখ । ইহার মধ্যে (১), (২), (৩), (৪) (৫) এবং (১৫) সংখ্যার সহিত মহাভারতোক্ত ছয়টি নামের ঐক্য আছে । মহাভারতে যাহাকে “বহ্নি” বলা হইয়াছে, তাহা ভাগবতে (৬) “কালসূত্র” নামে কথিত

হইয়াছে, কারণ ভাগবতের ১৭ গতাংশে উহার যে প্রকৃতি বর্ণনা করা হইয়াছে, তাহা হইতে উহা মহাভারতে উল্লিখিত বহিনামা নরক, তাহা বুঝা যায়। এই সমুদায় নরকই যাতনা ভোগের স্থান।

—: . :—

সংশয়ঃ—পূর্বপক্ষ বলিতেছেন যে, যদি এ প্রকার আপত্তি কর যে, পাপীগণ যদি উক্ত প্রকার নরকে গমন করে, তবে ৩।১।১৩ সূত্রে যে উল্লেখ করিয়াছে যমপুরীতে যাতনা ভোগের পর, তাহাদিগের আরোহ-অরোহ হইয়া থাকে, ইহা কি প্রকারে সম্ভব হয়? তাহার উত্তরে পূর্বপক্ষ সূত্র রচনা করিয়া বলিতেছেন :—

সূত্রঃ—৩।১।১৬।

তত্রাপি তদ্যাপারাদবিরোধঃ ॥ ৩।১।১৬ ॥

তত্র + অপি + তদ্যাপারাৎ + অবিরোধঃ ॥

তত্রঃ—সেখানে, সেই সেই নরকে। **অপিঃ**—ও। **তদ্যাপারাৎঃ**—যমরাজের আজ্ঞারূপ কার্যাবশতঃ। **অবিরোধঃ**—বিরোধের অভাব।

মহাভারতোক্ত রৌরবাদি সপ্ত প্রকার, অথবা ভাগবতোক্ত অষ্টাবিংশতি প্রকার নরকে পাপীগণ যমরাজের আজ্ঞানুসারেই স্বকৃত কর্মের যাতনারূপ ফল-ভোগের জন্য গমন করিয়া থাকে। সুতরাং যমালয়ে গমন সম্বন্ধে যে আপত্তি উত্থাপন করিয়াছিল, সে আপত্তির কোনও ভিত্তি নাই।

এটিও পূর্বপক্ষ সূত্র।

শ্রীমদ্ভাগবতে স্পষ্ট উল্লেখ আছে, যে যমরাজ স্বর্গ সহ, স্বীয় পুরুষগণ কর্তৃক আপনার সংযমনী পুরীতে আনীত প্রাণিগণের কর্মানুসারে বিচার পূর্বক দণ্ডান করিতেছেন, এবং ঐ বিষয়ে কোনও অংশে তিনি শ্রীভগবানের শাসন উল্লঙ্ঘন করেন না।

যত্র হু বাব ভগবান্ পিতৃরাজো বৈবস্বতঃ স্ববিষয়ং প্রাপিতেষু স্বপুরুষৈর্জন্তুষু সংপরেতেষু যথাকর্মাবত্তং দোষমেবানুসৃজিৎ ভগবচ্ছাসনঃ সগণো দমং ধারয়তি । ভাগঃ ৫।২৬।৬

উহার পরেই পূর্ব সূত্রোল্লিখিত নরকগুলির বর্ণনা আছে। তাহা হইতে স্পষ্ট প্রতীয়মান হয় যে, যমরাজ চিত্রগুপ্তাদি নিজগণের সাহায্যে পাপী-

গণের দণ্ডবিধান করিয়া যথাযোগ্য নরকে দণ্ড ভোগের জন্ত প্রেরণ করেন। এই দণ্ডদান বিষয়ে তিনি শ্রীভগবানের বিহিত নিয়মেরই অনুবর্তন করিয়া থাকেন।

৩।১।১২ হইতে ৩।১।১৬ পর্যন্ত পাঁচটি সূত্র—পূর্বপক্ষ সূত্র। এই সূত্রগুলি দ্বারা পূর্বপক্ষ সিদ্ধান্ত স্থাপন করিলেন যে, স্রুতি হইতে স্পষ্ট বুঝা যায় যে, পুণ্যবান্ ও পাপী প্রাণী মাত্রেই চন্দ্রলোকে গমন করে। পাপীগণ যমরাজ্যের অনুমতি ক্রমে যমলোকের অধীনস্থ নরকাদিতে যাতনাদি ভোগের পর চন্দ্রলোকে আরোহণ মাত্র করিয়াই, তথায় কোনও প্রকার ভোগ না করিয়াই প্রত্যাবর্তন করে; এই মাত্র বিশেষ। এই সিদ্ধান্তের বিরুদ্ধে সূত্রকার ৩।১।১৭ হইতে ৩।১।২১ পর্যন্ত পাঁচটি সূত্রের দ্বারা নিজ সিদ্ধান্ত স্থাপন করিবেন।

উক্ত সূত্রগুলি আলোচনা করিবার পূর্বে দেখা যাউক, সূত্রে যে যমালয়, নরকাদির উল্লেখ আছে, উহাদের বাস্তবিক অস্তিত্ব আছে, অথবা উহারা কেবলমাত্র কবি ও পৌরাণিকগণের কল্পনাপ্রসূত। পাপকর্ম হইতে নিবৃত্ত করিবার জন্ত বিভীষিকারূপে পুরাণাদিতে উহাদের বর্ণনা দেওয়া হইয়াছে, অথবা পাপীগণ বাস্তবিক ঐ সকল যাতনাময় স্থানে যাতনাদি ভোগ করে? যুক্তি ও বিচারে আমরা কি পাই? শাস্ত্রোক্ত কোনও উপদেশ নির্বিচারে, অন্ধ বিশ্বাসের বশবর্তী হইয়া, গ্রহণ না করিয়া, বিচার ও যুক্তি দ্বারা উহাদের বিশেষ ভাবে পরীক্ষা করিবার পর যদি দেখিতে পাই যে, উহারা বিচার-সহ এবং যুক্তি-যুক্ত, তখন উহা সম্পূর্ণ আত্ম-প্রসাদের সহিত গ্রহণ করা যাইতে পারে; এবং তাহাই বিচার শক্তি সম্পন্ন মানব মাত্রেই কর্তব্য। এখন দেখা যাউক, যে শাস্ত্রোপদেশ, মহাভারতের ও ভাগবতের উক্তি সম্মানের সহিত পৃথকভাবে এক-ধারে রাখিয়া দিয়া, উহার সাহায্য না লইয়া, কেবলমাত্র যুক্তি ও বিচারে আমরা কি তত্ত্বে উপনীত হই। প্রথমেই বলিয়া রাখি যে, সূত্রকার ৩।১।১৭—৩।১।২১ পর্যন্ত যে পাঁচটি সূত্রে আপন সিদ্ধান্ত স্থাপন করিয়াছেন, তাহাদের মধ্যে কোনটির দ্বারা যমলোক বা নরকাদির অস্তিত্বের অপলাপ করিবার প্রয়াস পান নাই।

আমরা জানি যে, জীবদেহ অসংখ্য ব্যষ্টি জীব কোষের (cells) একত্র সমবায়ে উৎপন্ন। প্রত্যেক জীবকোষ বিভিন্ন এবং সজীব। উহাদের ক্রিয়াও ভিন্ন ভিন্ন। জীবদেহ পালন, রক্ষণ ও সংবর্ধনের জন্ত উহাদের সকলের সমবেত কর্ম প্রয়োজন, এবং সেই সমবেত কর্ম, যদি সকলেই নিয়মানুবর্তী হইয়া যথাযথ

ভাবে সম্পাদন করে, তবেই জীবদেহ সুস্থ ও নিরাময় থাকে। যদি উহাদের মধ্যে কোনও জীবকোষ অসৎ সংসর্গে অর্থাৎ দুষ্ট জীবাণু বা রোগবীজ সংস্পর্শে দূষিত হইয়া দুষ্ট ক্ষত বা দুষ্ট ব্রণ উৎপন্ন করে, তাহা হইলে বিজ্ঞ চিকিৎসক ডাকিয়া তাঁহার দ্বারা অস্ত্রোপচার করতঃ, উক্ত দুষ্ট জীবকোষ সমষ্টি দেহ হইতে অপসারিত করিতে পারিলেই জীবদেহ পূর্বের ন্যায় নিরাময় ও সুস্থ থাকিতে পারে। নতুবা, ঐ দুষ্ট ক্ষত বা ব্রণ উহার চতুঃপার্শ্বস্থ জীবকোষ সকলকে দোষ সম্পৃক্ত করিয়া, উহাদের সমষ্টিগত জীবদেহের দুঃখ, যাতনা, ক্লেশ, এবং পরিণতিতে হয়ত উহার ধ্বংস সম্পাদন করিতে পারে। অতএব, লৌকিক দৃষ্টান্তে উক্ত দূষিত জীবকোষকে সমষ্টি জীবদেহ হইতে অপসারণ করাই একান্ত কর্তব্য বুঝিতে পারিলাম।

লৌকিক দৃষ্টান্তে আরও দেখিতে পাই যে, মানবগণ সমবায়ী জীব—অর্থাৎ, উহারা একসঙ্গে সমাজবদ্ধ হইয়া, পরস্পর পরস্পরের সাহায্য অপেক্ষা করিয়া জীবনযাত্রা নির্বাহ করিয়া থাকে। পৃথক্ পৃথক্ ভাবে থাকা উহাদের পক্ষে অসম্ভব। জীবদেহ যেমন বহু জীবকোষের সমষ্টি, সমাজ ও তেমনই বহু ব্যক্তি মানবের সমষ্টি। এই সমাজদেহ পালন, রক্ষণ ও সংবর্দ্ধনের জন্ত সমাজপতি বা রাজা কতকগুলি নিয়ম প্রণয়ন করেন। এই নিয়মগুলি যথায়ত প্রতিপালন করিয়া চলিলে সমাজের প্রগতি অব্যাহত থাকে। সমাজপতি বা রাজা নিজে বা পরিদর্শকগণের দ্বারা সর্বদা দৃষ্টি রাখেন যে, নিয়ম যথায়তভাবে প্রতিপালিত হইতেছে কি না। যাহারা কেবল মাত্র নিয়মানুবর্তী হইয়া চলিয়া থাকেন, সমাজপতি বা রাজা তাঁহাদিগের প্রতি উদাসীন থাকেন। পক্ষান্তরে, যাহারা নিয়মের যথায়ত অনুবর্তন করিয়া, তাহার সহিত অধিকন্তু, সমাজের সাধারণ হিতকর কোনও অনুষ্ঠান করতঃ সমাজ রক্ষণের এবং সংবর্দ্ধনের সহায়তা করেন, সমাজপতি বা রাজা তাঁহাদিগকে উপাধি, বিত্ত, জায়গীর, শাসন কার্য বিশেষের ভারার্পণ প্রভৃতি দ্বারা আপ্যায়িত, সংবর্দ্ধিত এবং সুখী করিয়া থাকেন। আবার অন্যপক্ষে যদি কোনও ব্যক্তি সমাজের নিয়ম উল্লঙ্ঘন করেন, সমাজপতি বা রাজা দণ্ডবিধান দ্বারা তাহার শাসন ও সংশোধন ব্যবস্থা করেন। যদি শুধু মাত্র উল্লঙ্ঘন করিয়া ক্ষান্ত না হইয়া, কোনও ব্যক্তি সমাজের নিয়মের প্রতিকূলতাচরণ করিয়া সমাজদেহ পালনের প্রতিবন্ধক স্বরূপ হয়, তবে সাধারণ দণ্ড অপেক্ষা তাহাকে গুরুতর দণ্ডভোগ করিতে হয়, এবং হয়ত, তাহাকে সমাজ হইতে অপসারিত করিয়া কোনও পৃথক্ স্থানে (কারাগারে) আবদ্ধ রাখিতে হয়। পাছে তাহার প্রতিবন্ধকতার সমাজে বিশৃঙ্খল উপস্থিত হয়, এবং তাহার দৃষ্টান্তে অপর কেহ ঐরূপ

প্রতিকূলতাচরণ করিতে অগ্রসর হয়, এই আশঙ্কায়, ইহানিবারণের উদ্দেশ্যেই তাঁহাকে পৃথক্ রাখা প্রয়োজন বলিয়া বিবেচিত হয়, এবং অপরাধের গুরুত্বের তারতম্যানুসারে বিনাশ্রম, সশ্রম, নির্জন কারাবাসাদি ভোগ করিতে হয়। নতুবা, সমাজ রক্ষা হয় না।

মানবের এই যে বিধান, ইহা বিশ্বরাজের বিশ্ববিধানের প্রতিচ্ছবি মাত্র। নতুবা, মানব ইহা কোথা হইতে পাইবে? যাহা বিশ্বে বর্তমান আছে, মানব তাহারই নামাস্তর ও রূপাস্তর সংঘটন করিয়াই নিজের কৃতিত্বের পরিচয় দেয়। জগতে আমরা প্রত্যেকেই এক একটি ব্যাষ্টি জীবা। যেমন আমাদের জীবদেহস্থ রক্ত বিন্দুতে অসংখ্য জীবাণু রক্ত-কণিকা রূপে বর্তমান আছে, প্রত্যেকের জন্ম, জীব-ক্রিয়া, জীবন ধারণ, সন্তানোৎপাদন, মরণ প্রভৃতি পৃথক্ পৃথক্, উহাদের আয়ু অতি অল্পকণ স্থায়ী হইলেও, প্রবাহক্রমে উহারা জীবদেহের সংরক্ষণ করিয়া থাকে; সেইরূপ আমরা প্রত্যেকেই সমষ্টিজীবরূপী হিরণ্যগর্ভের দেহের এক একটি কণিকা। আমাদের প্রত্যেকের জন্ম, বর্দ্ধন, সন্তানোৎপাদন, মরণ প্রভৃতি পৃথক্ পৃথক্, এবং আমাদের আয়ুষ্কাল ভিন্ন ভিন্ন সময়ে শেষ হইলেও, প্রবাহরূপে হিরণ্যগর্ভের দেহ কল্পের আদি হইতে অন্ত পর্য্যন্ত বর্তমান থাকিবে। অতএব ইহা হইতে স্পষ্ট প্রতীতি হইবে যে, যদি আমরা সকলে যথাযথভাবে বিশ্বরাজের বিশ্বপালনের বা হিরণ্যগর্ভের শরীর-সংরক্ষণের নিয়মের অনুগমন করি, তবেই উক্ত সমষ্টি শরীর বা হিরণ্যগর্ভ নিরাময় থাকেন। যদি আমাদের মধ্যে কেহ—যতই ক্ষুদ্র বা নগণ্য হই না কেন, নিয়ম উল্লঙ্ঘন করি, তাহা হইলে মানব দেহে ব্রণ জনিত ক্লেশের ঞ্চায়, সমষ্টি দেহেও ক্লেশ উৎপাদিত হইয়া থাকে। সুতরাং উক্ত ক্লেশ নিবারণের জন্ত মানবদেহে অস্ত্রোপাচারের ঞ্চায়, উল্লঙ্ঘনকারীর দণ্ড প্রয়োজনীয়। যদি কেহ উল্লঙ্ঘন মাত্র করিয়াই ক্ষান্ত না হইয়া, প্রতিকূলতাচরণ করেন, তবে, তাঁহাকে পৃথক্ ভাবে কঠিনতর দণ্ডভোগ্য স্থানে আবদ্ধ থাকিতে হইবে, ইহাতে আর সন্দেহ কি? অতএব নরক, কবি বা পৌরাণিক-গণের কল্পনামাত্র নহে; পাপকর্ম্মকারীগণের যাতনা বা শাস্তি-ভোগের স্থান।

আবার অন্য পক্ষে, যদি কেহ নিয়মের অনুবর্তন মাত্র করিয়াই কর্তব্য শেষ করেন, তাঁহার সম্বন্ধে বিশ্বরাজ তাঁহার নিরমানুসারে উদাসীন থাকিতে বাধ্য। তিনি সাধারণ জন্ম মৃত্যু প্রবাহে উথিত ও পতিত হইতে থাকেন। আবার, কেহ যদি নিয়ম যথাযথ পালন করিয়াও সমষ্টি দেহের হিতকর ইষ্টাপূর্তাদির অনুষ্ঠান করেন, বিশ্বরাজ তাঁহার নিজ নিয়মানুসারেই তাঁহাকে

পারিতোষিক দিয়া থাকেন—অর্থাৎ স্বর্গাদি সুখ ভোগের স্থানে তাঁহার সুখভোগের ব্যবস্থা করেন। ইহাই চন্দ্রলোকে গমন ও তথায় সুখ ভোগ। সুতরাং, বিচারে, যুক্তিতে এবং লৌকিক দৃষ্টান্তে আমরা পাইলাম যে, স্বর্গ ও নরক বর্তমান আছে। স্বরণ রাখা প্রয়োজন যে, শাস্ত্রে যাহা সমষ্টি জীব দেহ বা হিরণ্যগর্ভের দেহ বলিয়া উল্লিখিত, তাহাই আধুনিক সমাজতত্ত্ববিদগণের কথিত প্রবহমান সমাজ দেহ। তাঁহারা উক্ত সমাজ দেহকে living organism এর সহিত তুলনা করেন। সুতরাং ফলে উহাকে হিরণ্যগর্ভের দেহ বলিলে সেই এক ভাবই প্রকাশ করা হইল।

অন্য প্রকারেও আমরা এ তত্ত্ব বুঝিতে পারি। জগৎ ব্যাপার পর্যালোচনা করিলে অতি স্থূল-দৃষ্টি মানবেরও চক্ষে পড়ে যে, আদান ও প্রদান বা গ্রহণ ও ত্যাগ, ইহার উপর জগৎ ব্যাপার প্রতিষ্ঠিত—ইহা সংসারের প্রত্যক্ষ অব্যভিচারী নিয়ম। বিশ্বচক্র এই নিয়মের উপর প্রতিষ্ঠিত। ইহাই প্রকৃতিযজ্ঞ নামে পরিচিত। মৎ-প্রণীত ‘বেদান্ত প্রবেশে’ ও ‘গায়ত্রী রহস্যে’ এ সম্বন্ধে আলোচনা করা হইয়াছে। গ্রীষ্মকালে সূর্য্যকিরণে নদী, তড়াগ, হ্রদ, পুষ্করিণ্যাতির জল শুষ্ক হইয়া বাষ্পাকারে আকাশে সঞ্চিত হয়, আবার বর্ষায় সেই জলই বৃষ্টিরূপে নিঃশেষে বর্ষিত হইয়া, জীবের ভোগোপকরণ উৎপাদনের সহায়ক হয়। গ্রীষ্মে যে পরিমাণ জল সূর্য্যদেব গ্রহণ করিয়াছিলেন, তাহা নিঃশেষে প্রদান করিয়া তিনি আনুগা লাভ করেন। একটি বৃক্ষ সূর্য্যকিরণ হইতে তেজঃকণা লইয়া নিজের অস্তরে সঞ্চিত রাখে, সেই তেজঃই আবার সেই বৃক্ষ, হয় নিজে দগ্ধ হইয়া, অথবা তাহার বিকার হইতে উৎপন্ন অঙ্গারাকারে নিঃশেষে প্রদান করিয়া সার্থকতা লাভ করে। একটি পাত্রে জল গরম করিয়া বাষ্পাকারে পরিণত করতঃ অন্য একটি পাত্রে আবদ্ধ করিলাম। ঐ বাষ্পকে আবার যখন জলে পরিণত করিব, তখন জলকে বাষ্পাকারে পরিণত করিবার সময় যত পরিমাণ তাপের প্রয়োজন হইয়াছিল, সেই সম-পরিমাণ তাপ উদ্ধৃত হইয়া আদান-প্রদানের সমতার সাক্ষ্য প্রদান করে। মানব দেহেও দৈনিক আহাৰাদি গ্রহণে এবং মূত্র পুরীষাদির বিসর্গে, অঙ্গ চালনাদি কার্য্যে এই আদান-প্রদানের দৃষ্টান্ত দেখিতে পাওয়া যায়। যতদিন এই আদান-প্রদান সুচারুরূপে চলিতে থাকে, ততদিন মানবদেহও সুস্থ ও নিরাময় থাকে। ব্যষ্টিদেহে যে নিয়ম, সমষ্টি দেহেও তাই। সমষ্টি হিরণ্যগর্ভের দেহে দেব, মানব, তির্য্যক, কীট, পতঙ্গ এবং সূক্ষ্ম অণুতুল্য জীবাণুও বিরাজমান। ইহাদের কাহারও কোনও প্রকার ক্লেশ দুঃখাদির সংঘটন হইলে, উক্ত ক্লেশ দুঃখাদিও সমষ্টিদেহে—হিরণ্যগর্ভে

সংক্রামিত হয়, ইহা সহজেই বুঝিতে পারা যায়। জগতে সৃষ্টিশীল জীব অসংখ্য বর্তমান। অণুবীক্ষণ যন্ত্র সাহায্যে আমরা বুঝিতে পারি যে, বাহ্য দৃষ্টিতে যে সমুদায় জীব দৃশ্যমান নহে, সেসকল সংখ্যাভীত জীব বিশ্বের সর্বত্র বিদ্যমান। একারণ মানবের প্রত্যেক কার্যে অসংখ্য জীবনাশ অবশ্যভাবী। আমি যদি আমার কার্য দ্বারা জ্ঞানতঃ বা অজ্ঞানতঃ জীবের প্রাণ গ্রহণ বা নাশ করি, তাহা হইলে তাহার পরিবর্তে প্রাণ-প্রদানরূপ কার্য না করিলে, আমাকে তজ্জন্ম ফলভোগ করিতে হইবে। এজন্য শাস্ত্রে গৃহস্থের প্রতিদিন পঞ্চমনার প্রায়শ্চিত্ত জন্ম পঞ্চ যজ্ঞের বিধান আছে। “অধ্যাপনং ব্রহ্মযজ্ঞঃ পিতৃযজ্ঞস্তু তর্পণম্। হোমো দৈবো বলি ভৌতো নৃযজ্ঞোহতিথি পূজনম্।” অর্থাৎ, অধ্যয়ন অধ্যাপনের নাম ব্রহ্মযজ্ঞ, তর্পণের নাম পিতৃযজ্ঞ, হোমের নাম দৈবযজ্ঞ, ভূত বলির নাম ভূতযজ্ঞ, এবং অতিথি সেবার নাম নৃযজ্ঞ। এই ভূতযজ্ঞ বা ভূতবলি-ভূতের আহার দান। ইহাই জ্ঞানতঃ বা অজ্ঞানতঃ প্রাণিনাশের দৈনিক প্রায়শ্চিত্ত। যদি আমি এই বিধান উল্লঙ্ঘন করিয়া সংসার যাত্রা নির্বাহ করি, তাহা হইলে জীবের প্রাণনাশের পরিবর্তে, প্রাণ প্রদানরূপ বৈশ্বদেব বলি বা জীবে আহার দান না করি, তবে উহার ফলে শাস্তি আমাকে ভোগ করিতে হইবে। ইহা ত গেল, অজ্ঞানকৃত অদৃশ্য প্রাণী বধ সম্বন্ধে, যাহা আমাদের দৈনিক জীবন ব্যাপারের সহিত অপরিহার্য ভাবে সংজড়িত। যদি জ্ঞানতঃ আপন স্ত্রের বা সচ্ছন্দের জন্ম প্রাণীবধ করি, এবং তাহার জন্ম প্রায়শ্চিত্তাচরণ না করি, তাহা হইলে তাহার জন্ম শাস্তি আরও কঠিন, ইহা সহজেই অনুমেয়। তখন আমাকে হয়ত যাতনাময় স্থানে যাইয়া হত প্রাণিগণের নিকট হইতে যাতনা ভোগ করিতে হইবে—ইহাই নরক ভোগ।

এই স্বর্গ-নরক ভোগ ইহ সংসারেও হইয়া থাকে, তবে তাহা সাধারণতঃ স্বর্গ নরকাদিতে ভুক্তাবশিষ্ট কন্মের জন্ম। ইহা ৩।১।৮ সূত্রের আলোচনায় উক্ত শ্রুতি ও স্মৃতি হইতে বোধগম্য হইবে। যদি কৃত কন্ম অত্যধিক শক্তিশালী হয়, তবে পুণ্য কন্ম হইলে চন্দ্রলোকে সুখাদি ভোগের পর, এবং পাপ কন্ম হইলে ভোগোপযোগী নরকে যাতনাদি ভোগের পর, আবার প্রত্যাবর্তন করিয়া ভুক্তাবশিষ্ট কন্মের ফলে, উৎকৃষ্ট-অপকৃষ্ট যোনিতে জন্মগ্রহণ করিতে হয়। ইহা ৩।১।৮ সূত্রে প্রতিপাদিত হইয়াছে।

অতএব, বুঝা গেল যে, স্বর্গ নরকাদি কবি বা পৌরাণিকগণের কল্পনামাত্র নহে। উহাদের বাস্তব সত্তা আছে। জীবের সংশোধন ও সংবর্ধনই নরক ও স্বর্গের লক্ষ্য, এবং ইহা একজন পরম দয়াল, অচিন্ত্য

শক্তিমান সর্বৈশ্বরের প্রেমের শাসনের উপর প্রতিষ্ঠিত । জীব তাঁহার তটস্থশক্ত্যাংশ—তাঁহার অতি প্রিয় । এই প্রিয়ত্ব প্রকটিতভাবে প্রদর্শনের জন্ত তিনি ইহাকে কৌস্তভাকারে বন্ধে অলঙ্কার স্বরূপ ধারণ করিয়া আছেন । ইহা শ্রীমদ্ভাগবত ১২।১১।৭ শ্লোকে স্পষ্ট বলিয়াছেন :—
“কৌস্তভ ব্যপদেশেন স্বাত্মজ্যোতির্বিভর্ত্যজঃ ॥” কৌস্তভচ্ছলে চিদাভাসরূপ জীবচৈতন্য বন্ধে ধারণ করিয়া আছেন । সুতরাং জীব তাঁহার অতি প্রিয় । জীব উপাধিতে অভিমান, নিজ কর্তৃত্ব ও মমত্ব বুদ্ধি পরিত্যাগ করতঃ প্রত্যাবৃত্ত হইয়া, তাঁহাতেই অভয় প্রতিষ্ঠা লাভ করে—ইহার জন্তই সুখ ও যাতনা ভোগের বিধান । বলা বাহুল্য যে, স্বর্গ নরক প্রভৃতি মর্ত্যালোকের ন্যায় মায়া প্রপঞ্চের অন্তর্ভুক্ত এবং উক্ত উভয় প্রকার লোক সকলের অধিবাসী জীব পর্যায়ের অন্তর্ভুক্ত । উভয় প্রকার লোকসকল ভোগভূমি এবং এই মর্ত্যধাম—কর্মভূমি, ইহাও বুঝা গেল ।

স্বর্গ-নরক ভোগের ত কথা গেল । স্বর্গ বা নরক ভোগের পর, জীব পুনরায় এই কর্মভূমি মর্ত্যালোকে আগমন করে । তখন তাহার পুণ্য কর্মের জন্ত স্বর্গে অবিমিশ্র সুখভোগ বা পাপকর্মের জন্ত নরকে অবিমিশ্র দুঃখ ভোগ শেষ হইয়া গিয়াছে । যে কর্ম অবশিষ্ট আছে, তাহার জন্ত অবিমিশ্র সুখ বা অবিমিশ্র দুঃখ ভোগ বিধান নহে । তাহাকে মিশ্র সুখ-দুঃখ ভোগের জন্ত উপযুক্ত স্থান এই মর্ত্যালোকে আগমন করিতে হয় । স্বর্গভোগীগণ একেবারেই নরজন্ম গ্রহণ করিতে পান । নরক ভোগীগণ ইতর যোনিতে জন্ম গ্রহণ করিয়া, অবশিষ্ট পাপ কর্ম (যাহারা নরক ভোগের পক্ষে পর্যাপ্ত নহে, অথচ মনুষ্য শরীর প্রাপ্তির পক্ষেও উপযুক্ত নহে) ভোগের দ্বারা ধ্বংস সাধন পূর্বক নরযোনি প্রাপ্ত হয় । এবং ক্রমশঃ নীচ হইতে উচ্চ, উচ্চতর, উচ্চতম মানব জন্ম লাভ করিয়া, আবার কর্মনিষ্ঠান জনিত মোক্ষ, স্বর্গ বা নরক ভোগের উপযুক্ত হইলে, হয় প্রপঞ্চের বাহিরে, মানবাবর্ত্তের উপরে ভগবদ্দামে গমন করে, অথবা, স্বর্গে সুখ ভোগের জন্ত কিম্বা নরকে শাস্তি ভোগের জন্ত গমন করিয়া থাকে । শেষোক্ত দুই শ্রেণীর এই প্রকার চক্রব্রমির মত গতাগতি হইতে থাকে ।

সংসারে দৃষ্টিপাত করিলে আমরা দেখিতে পাই যে, অধিকাংশ লোকই দুঃপন্ন জীবন ভোগ করিয়া থাকে । তাহার কারণ, অধিকাংশ মানবই

ভগবানের বিধান উল্লেখনকারী বা পাপাচারী। যাহাকে আমরা হুঃখের প্রতিক্রিয়া রূপ স্বখ বলিয়া মনে করি, তাহাও বাস্তবিক হুঃখ ভিন্ন স্বখ নহে। শ্রীমদ্ভাগবত ইহা স্পষ্টাক্ষরে বলিয়াছেন। ঐ শ্লোকগুলি বড়ই উপদেশপূর্ণ। ঐ গুলি উদ্ধার না করিয়া পারিলাম না :—

যদাত্মানমবিজ্ঞায় ভগবন্তুং পরং গুরুম্ ।

পুরুষস্তু বিসজ্জত গুণেষু প্রকৃতেঃ স্বদৃক্ ॥ ভাগঃ ৪।২৯।২৩

গুণাভিমানী স তদা কৰ্ম্মাণি কুরুতেহবশঃ ।

শুক্লং কৃষ্ণং লোহিতং বা যথাকৰ্ম্মাভিজায়তে ॥ ভাগঃ ৪।২৯।২৪

শুক্লাৎ প্রকাশ ভূয়িষ্ঠাল্লোকানাপ্নোতি কৰ্হিচিৎ ।

হুঃখোদৰ্কান্ ক্রিয়ায়াসাং স্তমঃ শোকোৎকটান্ কচিৎ ॥

ভাগঃ ৪।২৯।২৫

কচিৎ পুমান্ কচিচ্চ স্ত্রী কচিন্নোভয় মন্দধীঃ ।

দেবো মনুষ্যস্তিৰ্থথা যথা কৰ্ম্মগুণং ভবঃ ॥ ভাগঃ ৪।২৯।২৬

ক্ষুৎপরীতো যথা দীনঃ সারমেয়ো গৃহং গৃহম্ ।

চরন্ বিন্দেত যদিষ্টং দশুমোদনমেব বা ॥ ভাগঃ ৪।২৯।২৭

যথা কামাশয়োজীব উচ্চাবচ পথা ভ্রমন্ ।

উপর্য্যধোবা মধ্যে বা যাতি দিষ্টং প্রিয়াপ্রিয়ম্ ॥

ভাগঃ ৪।২৯।২৮

হুঃখেষেকতরেণাপি দৈবভূতাত্মহেতুষু ।

জীবন্ত্য নব্যবচ্ছেদঃ স্যাচ্ছেত্তত্তৎপ্রতিক্রিয়া ॥

ভাগঃ ৪।২৯।২৯

যথাহি পুরুষো ভারং শিরসা গুরুমূদ্রহন্ ।

তং স্কন্ধেন সমাধত্তে তথা সৰ্ব্বাঃ প্রতিক্রিয়াঃ ॥

ভাগঃ ৪।২৯।৩০

নৈকান্ততঃ প্রতীকারঃ কৰ্ম্মণাং কৰ্ম্ম কেবলম্ ।

দ্বয়ং হ্রবিদ্যোপস্মৃতং স্বপ্নে স্বপ্ন ইবানঘ ॥ ভাগঃ ৪।২৯।৩১

অৰ্থেহ্রবিদ্যমানেনপি সংসৃতির্ন নিবর্ততে ।

মনসা লিঙ্গরূপেণ স্বপ্নে বিচরতো যথা ॥ ভাগঃ ৪।২৯।৩২

—পুরুষ প্রকাশ-স্বভাব হইয়াও যখন আত্মা ও পরম গুরু স্বরূপ ভগবানকে জানিতে বা পারিয়া, প্রকৃতির গুণে আসক্ত হওতঃ অভিমানী হইয়া অবশ ভাবে গুরু (সাধ্বিক), লোহিত (রাজসিক), বা কৃষ্ণ (তামসিক) কৰ্ম' করে, এবং তদনুসারে পুনরায় জন্মগ্রহণ করে । গুরু কৰ্ম' দ্বারা প্রকাশবহুল লোকে, লোহিত বা রাজস্ কৰ্ম' দ্বারা ক্রিয়া ও আয়াসবহুল লোকে, এবং কৃষ্ণ বা তামস কৰ্ম' দ্বারা উৎকট শোক ও মোহময় লোকে জন্মগ্রহণ করে । কখনও পুরুষ, কখনও স্ত্রী, কখনও ক্লীব হইয়া, দেব, মনুষ্য অথবা তিৰ্য্যাক্ যোনিতে পরিভ্রমণ করে । ফলতঃ, যাহার যেরূপ কৰ্ম' ও গুণ, তাহার তদনুরূপ জন্মলাভ হয় । যেমন দীন কুকুর ক্ষুধাতুর হইয়া গৃহে গৃহে ভ্রমণ করিতে করিতে, অদৃষ্ট বশতঃ কোথাও দণ্ড দ্বারা তাড়িত হয়, কোথাও বা অন্ন পাইয়া থাকে, তাহার গায় জীবও ঐ সকল যোনিতে ভ্রমণ করিতে করিতে পূৰ্ব্বকৰ্ম্মানুসারে কোনও স্থানে সুখ, কোথাও বা দুঃখ প্রাপ্ত হয় । ফলতঃ, জীবের আশয় কামে ব্যাপ্ত হওয়ায়, সে তদনুসারে উচ্চ নীচ পথে ভ্রমণ করে, তাহাতে কখনও উদ্ধে', কখনও মধ্যে, কখনও বা অধোলোকে তাহার গতি হয়, এবং আপনার যেমন অদৃষ্ট (বা পূৰ্ব্বকৃত কৰ্ম্মফল), তদনুসারে প্রিয় বা অপ্ৰিয় প্রাপ্ত হইয়া থাকে । জগতে, আধিদৈবিক, আধি-ভৌতিক ও আধ্যাত্মিক এই তিন প্রকার দুঃখ দেখিতে পাওয়া যায়, এবং প্রত্যেক প্রকার দুঃখের প্রতিক্রিয়াও আছে, দেখা যায় । কিন্তু প্রতিক্রিয়াও দুঃখস্বরূপ হওয়ায় জীবের দুঃখ হইতে নিষ্কৃতি নাই । যেমন কোনও ব্যক্তি মস্তকে গুরুভার বহন করিতে করিতে, মস্তকে অত্যন্ত ক্লেশ অনুভব করিলে, সেই ক্লেশের প্রতীকারার্থ উক্ত ভার মল্লক হইতে নামাইয়া স্বন্ধে স্থাপন করিয়া, মস্তককে অপেক্ষাকৃত স্বাচ্ছন্দ্য প্রদান করে, কিন্তু তাহাতে তাহার ক্লেশের একেবারে অবসান হয় না ; সেইরূপ দুঃখের প্রতিক্রিয়াও দুঃখ বটে । কৰ্ম্ম দ্বারা কৰ্ম্মের আত্যন্তিক নিবৃত্তি হয় না । কারণ, নিবৰ্ত্তক ও নিবৰ্ত্ত্য উভয় কৰ্ম্মই অবিদ্যার অন্তর্ভুক্ত, উভয়ই অজ্ঞানে আচ্ছন্ন ; সুতরাং একে কি করিয়া অপরকে প্রতীকার করিবে ? জ্ঞান অজ্ঞানকে নাশ করিতে পারে । নিদ্রিত ব্যক্তি

যে স্বপ্ন বেবে, তাহার প্রতীকার কি কি না আগরণে হয়? পদার্থ
বিভবান না থাকিলেও, সংসার নিবৃত্তি হয় না; যথেষ্ট ভ্রমণকারী
পুরুষের দ্বারা উপাধিকৃত মনঃ দ্বারা সংসার বর্তমান থাকে।

ভাগঃ ৪।২২।২৩—৩২।

সংসারে এই দুঃখ ভোগ শ্রীভগবানের মঙ্গলময় বিধানেই ঘটয়া থাকে।
তিনি জীবকে জগতের নিয়ম চক্রে অনুবর্তিতা শিক্ষা দিবার জন্ত, নিয়ম
উল্লঙ্ঘনের দুঃখরূপ শাস্তি বিধান করিয়াছেন। জীবের চৈতন্য উৎপাদনই
ইহার লক্ষ্য। যেমন শারীরিক নিয়ম লঙ্ঘন করিলে, রোগ ব্যাধি প্রভৃতি উৎপন্ন
হইয়া যন্ত্রণা দেয়, সেইরূপ নৈতিক নিয়ম লঙ্ঘন করিলেও, মানসিক ব্যাধি, দুঃখ,
শোক, ক্লেশ ইত্যাদি উৎপন্ন হইয়া জীবকে শিক্ষা দিবার চেষ্টা করে, যে
নিয়ম উল্লঙ্ঘন প্রকৃষ্ট পথ নহে। জীব যদি ইহাতে সাবধান হয়, তবে মঙ্গল;
নতুবা, ব্যাধি বিস্তৃত হইয়া জীবকে দুঃখ হইতে অধিকতর দুঃখে পাতিত করে।

তবে কি ইহা হইতে ঐকান্তিক অব্যাহতি লাভের উপায় নাই? ভাগবত
সঙ্গে সঙ্গে তাহারও ব্যবস্থা প্রচার করিয়াছেন :—যথা,

অথাঅনোহর্থভূতস্য যতোহনর্থ পরম্পরা।

সংসৃতি স্তুদ্যবচ্ছেদো ভক্ত্যা পরময়া গুরৌ ॥

ভাগঃ ৪।২২।৩৩

বাসুদেবে ভগবতি ভক্তির্যোগঃ সমাহিতঃ।

সধ্বীচীনেন বৈরাগ্যং জ্ঞানঞ্চ জনয়িষ্যতি ॥ ভাগঃ ৪।২২।৩৪

সোহ্চিরাদেব রাজর্ষে স্মাদচ্যুত কথাশ্রয়ঃ।

শৃণ্বতঃ শ্রদ্ধধানস্য নিত্যদা স্মাদধীয়তঃ ॥ ভাগঃ ৪ ২২।৩৫

—অতএব পরম পুরুষার্থ স্বরূপ যে আত্মা, তাহার অজ্ঞান হেতু অনর্থ-
পরম্পরারূপ সংসার হয়। কিন্তু পরমগুরু ভগবান্ বাসুদেবে দৃঢ়া ভক্তি
করিলে, সম্যক প্রকারে বৈরাগ্য ও জ্ঞানের উদয়ে, অজ্ঞানকৃত সংসার
একেবারে বিনষ্ট হয়। ঐ ভক্তিলাভও দুর্লভ নহে। যে ব্যক্তি শ্রদ্ধাধিত
হইয়া ভগবলীলাকথা নিত্য শ্রবণ ও অধ্যয়ন করে, তাহার উক্ত ভক্তি
অচিরেই উৎপন্ন হইয়া থাকে। ভাগঃ ৪।২২।৩৩-৩৫

উপরে ৪।২২।৩১ শ্লোকে বলা হইয়াছে যে, কর্ম দ্বারা কর্মের ঐকান্তিক
নিবৃত্তি হয় না। পুণ্য কর্ম দ্বারা স্বর্গলাভ হইতে পারে বটে, কিন্তু স্বর্গ ভোগের

দ্বারা উক্ত পুণ্য কর্ম হয় প্রাপ্ত হইলে, আবার জীবের পতন হয়, ইহা প্রতিপাদিত হইয়াছে। পাপ কর্মভোগের কথাও বলা হইল। তবে মনে প্রশ্ন আপনিই উঠে যে, পুণ্য ও পাপ উভয়বিধ কর্মই যখন পুরুষার্থ নহে, এবং সংসারে থাকিলে কর্ম করিতেই হইবে, তবে কিরূপ কর্ম করা প্রয়োজন? ইহার উত্তরে ভাগবত বলিতেছেন :—

তৎকস্ম' হরিতোষণং যৎ সা বিদ্যা তন্মতির্ঘরা ॥ ভাগঃ ৪।২৯।৪৭

—যাহাতে ভগবান্ হরির পরিতোষ হয়, তাহাই কর্ম, এবং যাহা দ্বারা ভগবানে মতি জন্মে, তাহাই বিদ্যা। ভাগঃ ৪।২৯।৪৭

অন্য স্থানেও ভাগবত বলিয়াছেন :—

স্বনুষ্ঠিতস্য ধস্ম'স্য সংসিদ্ধির্হরিতোষণম্ ॥ ভাগঃ ১।২।১৩

—সম্যক্ ও সুন্দর রূপে অনুষ্ঠিত সমুদায় ধর্মের একমাত্র সংসিদ্ধি বা সার্থকতা—হরিতোষণ। ভাগঃ ১।২।১৩

সমুদায় বিহিত ধর্ম সম্যক্ ও সুন্দররূপে অনুষ্ঠান করা সহজসাধ্য নহে। সুতরাং সকলের অপেক্ষা সহজ উপায় কি, ইহা জানিতে আকাঙ্ক্ষা হয়। শ্রীমদ্ শুকদেব গোস্বামী এই আকাঙ্ক্ষা নিবৃত্তির জন্য বলিলেন :—

তস্মাৎ সর্ব্বাঅনা রাজন্ হরিঃ সর্ব্বত্র সর্ব্বদা ।

শ্রোতব্যঃ কীর্ত্তিতব্যশ্চ স্মর্তব্যো ভগবান্নৃণাম্ ॥ ভাগঃ ২।২।৩৬

—অতএব, মনুষ্য যাত্রেরই সর্ব্বাঙ্গ দ্বারা (কায়মনোবাক্যে) সর্ব্বত্র, সর্ব্বদা ভগবান্ হরির শ্রবণ, কীর্ত্তন ও স্মরণ করা কর্তব্য। ভাগঃ ২।২।৩৬

আবার বলিলেন :—

অকামঃ সর্ব্বকামো বা মোক্ষকাম উদারধীঃ ।

ভীক্ৰেণ ভক্তিয়োগেন যজ্জেত পুরুষঃ পরম্ ॥ ভাগঃ ২।৩।১০

—যিনি উদারবুদ্ধি, তিনি নিষ্কাম ঐকান্তিক ভক্তই হউন, অথবা সর্ব্বকাম হউন, বা মোক্ষকামী হউন, ঐকান্তিক ভক্তিয়োগে নিরুপাধি পরমপুরুষ ভগবানে আসক্ত হওয়া তাঁহার কর্তব্য। ভাগঃ ২।৩।১০

তাঁহার ভক্ত হইলে সংসারে কোনও ভয় থাকে না। তাঁহার ভক্তসকল তদ্-ভক্তিলাভের উপায় এজ্ঞ তাঁহার ভক্তগণ তদ্ভক্তসকল প্রার্থনা করেন।

যাবন্তে মায়ায়া স্পৃষ্টা ভ্রমাম ইহ কস্মভিঃ ।

তাবন্তবৎ প্রসঙ্গানাং সঙ্গঃ শ্রান্নোভবেভবে ॥ ভাগঃ ৪।৩০।৩২

তুলয়াম লবেনাপি ন স্বর্গং নাপুনর্ভবম্ ।

ভগবৎ সঙ্গিসঙ্গস্য মর্ত্যানাং কিমুতাশিষঃ ॥ ভাগঃ ৪।৩০।৩৩

—(হে ভগবান ! তুমি বরগ্রহণের আদেশ করিতেছ—এই বর প্রার্থনা করি) :—তোমার মায়ায় স্পর্শে আমরা কর্মবশতঃ যাবৎকাল এ সংসারে ভ্রমণ করিয়া বেড়াইব, তাবৎ যেন জন্মে জন্মে তোমার সঙ্গীব্যক্তিগণের সহিত আমাদের সঙ্গ হয়। অহো! ভগবৎভক্তগণের কি মহিমা! তোমার সঙ্গীগণের লেশমাত্র সঙ্গলাভের সঙ্গে স্বর্গ ও মোক্ষও তুলনা করি না। প্রার্থনার অগ্ন্যাণ্ড বিভবের কথা কি? ভাগঃ ৪।৩০।৩২-৩৩

ভক্তগণ, ভগবৎ বিধানে নরকবাসেও ভয় করেন না, তবে প্রার্থনা করেন, যেন সেখানেও তাঁহারা ভগবানকে বিশ্বৃত না হন।

কামং ভবঃ স্ববৃজিনৈর্নিরয়েষু নস্তা-

চেতোলিবদ্ যদি নু তে পদয়ো রমেত ।

বাচশ্চ নস্তলসীবদ্ যদি তেহজ্জি শোভাঃ

পূর্যোত তে গুণগণৈর্ঘদি কর্ণরক্তঃ ॥ ভাগঃ ৩।১৫।৪৯

—হে ভগবন্! আমাদের নিজকৃত পাপকর্মে আপনার বিধানে আমাদের নরকবাস হউক, তাহাতে ক্ষতি নাই; তবে প্রার্থনা করি, অল্পগ্রহ করিয়া এই বিধান করিবেন যে, ভ্রমর যেমন কণ্টক-বিদ্ধ হইলেও পুষ্পে মধুপান করিয়া বেড়ায়, সেইরূপ সহস্র অক্ষরায় তুচ্ছ করিয়া, আমাদের চিত্ত আপনার চরণ-কমলের মধুপানে রত থাকে, তুলসীর গায় নিরপেক্ষ-ভাবে, আমাদের বাক্য আপনার চরণ শোভা বর্দ্ধন করে, এবং কর্ণরক্ত যেন আপনার গুণগান শ্রবণে পরিপূর্ণ থাকে। ভাগঃ ৩।১৫।৪৯

অতএব, বুঝা গেল যে, সুখ বা দুঃখ ভোগ, সেই অশেষ করুণাময়ের মঙ্গল বিধানের কারণ হইয়া থাকে। উঁহারা তাঁহার দত্ত পুরস্কার বা শাস্তি; এবং উঁহাদের উদ্দেশ্য, তাঁহার দিকে আরও অগ্রসর হইবার উপায় নির্দেশ, মনে করিয়া, তাঁহার উপর সম্পূর্ণ নির্ভরতা স্থাপন পূর্বক, জীবন যাত্রা নিকর্ষাহ করা। ইঁহার উপদেশ ভাগবত স্পষ্টাক্ষরে দিয়াছেন :—

তত্ত্বেহনুকম্পাং স্তুসমীক্ষমাণো

ভুঞ্জান এবাত্মকৃতং বিপাকম্ ।

হৃদবাগ্‌বপুর্ভির্বিদধন্নমস্তে

জীবেত যো মুক্তিপদে স দায়ভাক্ ॥

ভাগঃ ১০।১৪।৮

ইহাই জীবন যাপনের মুষ্টিযোগ ।

—সংসারে শোক, দুঃখ, কষ্ট, সুখ কিছুই অহেতুকী বা আকস্মিকী নহে । সমুদায় আমাদের স্বকৃত কর্মের জন্ম, এবং সকলই সেই পরম করুণাময়ের করুণার নিদর্শন মনে করিয়া, কায়মনোবাক্যে তাঁহার উপর একান্ত নির্ভরতা স্থাপন পূর্বক এবং তাঁহার কাছে সর্বতোভাবে সর্বদা প্রণত হইয়া, যে ব্যক্তি জীবন-যাত্রা নির্বাহ করে, সে মুক্তিপদে দায়ভাক্ হয়—অর্থাৎ, পুত্র যেমন বিনা ক্রেশে, বিনা চেষ্টায় পিতৃধনে জন্মগত অধিকারে অধিকারী হয়, সেইরূপ উক্ত ব্যক্তি মুক্তিপদে জন্মগত অধিকারের মত বিনা প্রচেষ্টায় অধিকারী হয় ।

ভাগঃ ১০।১৪।৮

এই শ্লোকটি সংসারে জীবন ধারণের সর্বাময়নাশী মুষ্টিযোগ ।

এই সূত্রের আলোচনার প্রসঙ্গে অনেক দৃষ্টান্তঃ অবাস্তুর আলোচনা হইল বটে, কিন্তু উহা অপ্রাসঙ্গিক না হওয়ায়, এবং উহা আমাদের গায় অজ্ঞানাত্ম জীবনের পক্ষে পরম নিঃশ্রেয়স প্রাপ্তির উপায় বলিয়া, যতই বারে যতই প্রকারে উহা আমাদের বুদ্ধি বৃত্তিকে আঘাত করিয়া উত্তেজিত করে, ততই মঙ্গল, মনে করিয়া ক্ষমাই হইবে ।

[পূর্বোক্ত ৩।১।১২ হইতে ৩।১।১৬ পর্য্যন্ত সূত্রে বিস্তারিতভাবে বিবৃত পূর্বপক্ষের সিদ্ধান্ত নিরসনের জন্ম, এবং নিজ সিদ্ধান্ত প্রতিষ্ঠার জন্ম সূত্রকার ৩।১।১৭ হইতে ৩।১।২১ সূত্র রচনা করিয়াছেন ।]

ভিত্তি :—

১। “তদ্ য ইথং বিত্বর্ষে চেমেহরণ্যে শ্রদ্ধা তপ ইতু্যপাসতে, তেহর্চিব-
মভিসম্ভবন্ত্যর্চিবোহহরহু আপূর্যামাণপক্ষম্.....”ইত্যাদি।

(ছান্দোগ্যঃ ৫।১০।১)

—অতএব, যাহারা এইরূপ জানেন, আর যাহারা অরণ্যে শ্রদ্ধাকে তপস্শা-
রূপে উপাসনা করিয়া থাকেন, তাঁহারা অর্চিঃ অর্থাৎ জ্যোতিরাদি পথ
(দেবযান মার্গ) প্রাপ্ত হন, এবং অর্চিঃ হইতে দিবসাভিমানী দেবতাকে,
সেখান হইতে সুরূপক্ষাভিমানী দেবতাকে প্রাপ্ত হন.....ইত্যাদি।

(ছান্দোগ্যঃ ৫।১০।১)।

২। “অথ য ইমে গ্রাম ইষ্টাপূর্তে দত্তমিতু্যপাসতে, তে ধূমমভি-
সম্ভবন্তি” ইত্যাদি। (ছান্দোগ্যঃ ৫।১০।৩)।

—পক্ষান্তরে, যাহারা (গৃহস্থগণ) গ্রামে ইষ্ট, পূর্ত ও দত্ত এই কৰ্মত্রয়ের
উপাসনা করে, তাহারা ধূমকে (পিতৃযান পথ) প্রাপ্ত হয়ইত্যাদি।

(ছান্দোগ্যঃ ৫।১০।৩)।

তোমরা পূর্বপক্ষ যে আপত্তি উত্থাপন করিয়াছ, তাহার উত্তরে সমাধান ও
সিদ্ধান্ত শোন :—

সূত্র :—৩।১।১৭।

বিদ্যা-কৰ্মণোরিতি তু প্রকৃতত্বাৎ ॥ ৩।১।১৭ ॥

বিদ্যা-কৰ্মণোঃ + ইতি + তু + প্রকৃতত্বাৎ ॥

বিদ্যা-কৰ্মণোঃ :—বিদ্যার ও কৰ্মের। ইতি :—ইহা। তু :—কিন্তু,
আপত্তি নিরসনে। প্রকৃতত্বাৎ :—প্রস্তাব থাকায়।

শিরোদেশে উদ্ধৃত ছান্দোগ্য শ্রুতির ৫।১০।১ ও ৫।১০।৩ মন্ত্রে বঁধাক্রমে বিদ্যা
ও কৰ্ম দ্বারা লভ্য দেবযান ও পিতৃযান পথ বুঝাইতেছে। বিদ্যা দ্বারা দেবযান
পথ লভ্য, কৰ্ম দ্বারা পিতৃযান পথ লভ্য। যাহারা ইষ্টাপূর্তাদি কৰ্ম করে না,
পিতৃযান পথ তাহাদের দ্বারা লভ্য নহে, ইহা ছান্দোগ্য শ্রুতির ৫।১০।৩ মন্ত্রে
স্পষ্ট কথিত আছে। সূত্ররাং ৩।১।১২ সূত্রের শিরোদেশে উদ্ধৃত কোষীতকি
শ্রুতির ১।২ মন্ত্রে যাহাদের সম্বন্ধে চন্দ্রলোক গমনের উক্তি আছে, উহার

অর্থ “যাহারা ইষ্ট, পূর্ত, দস্তাদি কৰ্মের অনুষ্ঠাতা” তাহারা সকলে, এই প্রকার বুদ্ধিতে হইবে। সাধারণ সৰ্ব্বপ্রকার জীবগণ সম্বন্ধে উহা কথিত হয় নাই। ছান্দোগ্য ৫।১০।৩ ও কোষীতকী ১।২ উভয় মন্ত্রের সম্বন্ধে এই অর্থই উপলব্ধ হয়। ইহাই শ্রুতির প্রকৃত অভিপ্রায়। বিদ্যা দ্বারা অর্চিরাদি উপলক্ষিত দেবযান মার্গে গমনের উল্লেখ ছান্দোগ্য শ্রুতির ৫।১০।১ মন্ত্রে আছে। সে সম্বন্ধে শ্রীমদ্ভাগবতের বক্তব্য :—

অগ্নিঃ সূর্যো দিবা প্রাহুঃ শুক্রো রাকোত্তরং স্বরাট্ ।

বিশ্বোহথ তৈজসঃ প্রাজ্ঞশ্চর্য্য আত্মা সমন্বয়াৎ ॥ ভাগঃ ৭।১৫।৪৩

দেবযানমিদং প্রাহুভূত্বা ভূত্বানুপূর্ব্বশঃ ।

আত্মযাজ্ঞাপশান্ত্বাত্মা হ্যাত্মস্থো ন নিবর্ততে ॥ ভাগঃ ৭।১৫।৪৪

—এইরূপে নিবৃত্তি কৰ্মরত পুরুষেরা যথাক্রমে অগ্নি, সূর্য্য, দিবস, প্রাহু (দিবার অন্ত), শুক্রপক্ষ, শুক্রপক্ষের অন্ত, উত্তরায়ণ ও ব্রহ্মা—এই সকলের অভিমানী দেবতাপলক্ষিত পথে গমন করেন, এবং ঐরূপে ব্রহ্মলোকে ভোগাবসানে অগ্রে “বিশ্ব” বা স্থূলোপাধি সূক্ষ্মে লয় করিয়া সূক্ষ্মোপাধি “তৈজস” হন, পরে সেই সূক্ষ্মোপাধি কারণে লয় করিয়া, কারণোপাধি “প্রাজ্ঞ” ভাব প্রাপ্ত হন। তার পর সৰ্ব্বত্র সাক্ষীরূপে অন্বয় হেতু, সেই কারণ বা প্রাজ্ঞকে সাক্ষীরূপে লয় করিয়া “তুরীয়” হন। পরে সেই সাক্ষিত্বের বিলয়ে শুদ্ধ আত্মাস্বরূপ হন। এই বস্তুকে পণ্ডিতেরা দেবযান বলেন, কৰ্ম্মী পুরুষেরা যেরূপ পুনঃপুনঃ সংসারে প্রত্যাবৃত্ত হইয়া আত্মযাজ্ঞী, উপশান্ত্বাত্মা, আত্মশুপুরুষ, দেবযান পথে ব্রহ্মলোক প্রাপ্ত হইয়া আর প্রত্যাবৃত্ত হইয়া না।* ভাগঃ ৭।১৫।৪৩-৪৪ ।

পিতৃযান পথ কাম্যকৰ্ম্মানুষ্ঠাতাগণের প্রাপ্য চন্দ্রলোকে গিয়া শেষ হইয়াছে। দেখানে উক্ত অনুষ্ঠাতাগণ যথাযোগ্য স্থখ ভোগ করিয়া পুনরায় প্রত্যাবৃত্ত হইয়াছেন। এপুথ সম্বন্ধে ভাগবতের বক্তব্য, ৩।১।৬ সূত্রের আলোচনায় উক্ত ভাগবতের ৩।৩২।১-২-৩ শ্লোকে সুন্দরভাবে কথিত আছে। ভাগবতের ৭।১৫।৪০ শ্লোকেও ইহার স্বর্ণনা আছে। উক্ত শ্লোক ৪।২।২১ সূত্রের আলোচনায় দ্রষ্টব্য।

অতএব বিদ্যা দ্বারা দেবযান মার্গ এবং পুণ্য কৰ্ম্ম দ্বারা পিতৃযান মার্গ লভ্য ইহা সিদ্ধান্ত হইল। যাহারা ইষ্টাপূর্তাদি আচরণ করেন না, তাহারা, পিতৃযান পথ লাভ করিতে পারেন না, সুতরাং চন্দ্রলোকে তাহাদের আরোহণ সম্ভব নহে।

ভিত্তি :—

“বেথ যথাসৌ লোকো ন সম্পূৰ্ণ্যতে ।” (ছান্দোগ্যঃ ৫।৩।৩)

—তুমি জান কি, এই পিতৃযানগামী জীব দ্বারা এই চন্দ্রলোক কেন পূর্ণ হয় না ? (ছাঃ ৫।৩।৩)

উক্ত প্রশ্নের উত্তর :—

“অধৈতয়োঃ পথোর্ন কতরেণ চ ন তানীমানি ক্ষুদ্রাণ্যসকৃদাবর্তীনি ভূতানি ভবন্তি জায়স্ব ত্রিয়স্বতোতৎ তৃতীয়ং স্থানং, তেনাসৌ লোকো ন সম্পূৰ্ণ্যতে ।” (ছান্দোগ্য ৫।১০।৮) ।

—বারংবার গমনাগমনশীল সেই ক্ষুদ্র ভূতসমূহ এই উভয় পথের কোনটিতেও গমনে অধিকারী হয় না, ইহাই “জায়স্ব—ত্রিয়স্ব” নামক তৃতীয় স্থান, সেই হেতু ঐ লোকটি (চন্দ্রলোক) পূর্ণ হয় না । (ছাঃ ৫।১০।৮)

সংশয় :—ভাল, ৩।১।১৩ সূত্রে তুমি পূর্বপক্ষ বলিয়াছিলে না, যে যাহারা ইষ্টাপূর্ত্ত করে না, তাহারাও যমালয়ে যাতনা ভোগের পর পুনরাবর্ত্তনের জন্ত চন্দ্রলোকে গমন করে ? তোমার এ সিদ্ধান্ত সঙ্গত নহে । ইহা সমাধানের জন্ত সূত্র :—

সূত্র :—৩।১।১৮ ।

ন, তৃতীয়ে তথোপলক্ষেঃ ॥ ৩।১।১৮ ॥

ন + তৃতীয়ে + তথা + উপলক্ষেঃ ॥

ন :—না । **তৃতীয়ে :—**জায়স্ব-ত্রিয়স্ব নামক গাণীর স্থলে অর্থাৎ দেবযান ও পিতৃযান বাদে তৃতীয় স্থানে । **তথা :—**সেইরূপ । **উপলক্ষেঃ :—**উপলক্ষি হেতু ।

তুমি যে আপত্তি করিয়াছিলে যে, পাপীগণও যদি চন্দ্রলোকে গমন না করে, তাহা হইলে পঞ্চমী আলতির সম্ভাবনা না থাকায়, তাহাদের দেহারন্তই হইতে পারে না । এ আপত্তি সঙ্গত নহে । কারণ, ছান্দোগ্য শ্রুতির ঐ প্রকরণেই শিরোদেশে উদ্ধৃত মন্ত্রে উক্ত প্রশ্নোত্তরে ক্ষুদ্র ক্ষুদ্র প্রাণীগণ সম্বন্ধে চন্দ্রলোক গমনের প্রসঙ্গই নাই । উহারা ‘জায়স্ব-ত্রিয়স্ব’ নামক তৃতীয় স্থান হইতেই প্রত্যাবর্ত্তন করে—ইহা উক্ত শ্রুতিমন্ত্র হইতে স্পষ্ট প্রতীত হইতেছে । সুতরাং উক্ত প্রাণীদিগের সম্বন্ধে পঞ্চমী আলতির অভাব দেখা যাইতেছে । সেইরূপ

পাপীদিগের দেহারন্তেও পঞ্চমী আহুতির আবশ্যক হয় না। সুতরাং তাহাদেরও চন্দ্রলোক গমনের আবশ্যকতা নাই।

৩।১।২ সূত্রের আলোচনায় উক্ত ভাগবতের ৩।৩।৩২-৩৩ শ্লোক হইতে স্পষ্ট প্রতীয়মান হইবে যে, পাপীগণ নরকভোগের পর কুকুর শূকরাদি যোনি প্রাপ্ত হইয়া পাপ ক্ষয় করতঃ ক্রমশঃ শুচি হইয়া পুনরায় নরত্ব প্রাপ্ত হয়। তাহারা নরত্ব প্রাপ্ত হইবার পূর্বে, অথবা কুকুর শূকরাদি তির্ষাক্ যোনিতে জন্মগ্রহণ করিবার পূর্বে যে চন্দ্রলোকে গমন করতঃ তথা হইতে প্রত্যাবর্তন করিয়া উক্ত যোনি প্রাপ্ত হয়, এরূপ কোনও উল্লেখ নাই। সুতরাং বুঝিতে হইবে যে, পাপীগণের চন্দ্রলোক গমনের প্রয়োজন নাই। তাহারা ক্ষুদ্র ক্ষুদ্র মশক কীটাদি প্রাণীর গায় ‘জায়ম্ব-ত্রিয়ম্ব’ নামক তৃতীয় স্থান হইতেই প্রত্যাবর্তন করে।

এই আলোচনা হইতে আরও বুঝা গেল যে, “দেবযান” পথ উচ্চতম অধিকারীগণের জন্ম বিশেষ পথ—উহা ভগবানের নিত্যধামে পর্য্যবসিত। ঐ পথে গমন করিতে পারিলে আর পুনরাবৃত্তি হয় না। “পিতৃযান”পথ কাম্যাকর্মানুষ্ঠাতৃগণের বিশেষ পথ। উহার পর্য্যবসান চন্দ্রলোকে। উহা জীবাাত্রার ক্রমোন্নতি সম্পাদনের বিশেষ মার্গ। উহা লাভ করিতে পারিলে বুঝিতে হইবে যে, প্রত্যাবৃত্ত হইলেও, রমণীয় যোনিতে জন্মগ্রহণ করিয়া সেখান হইতে ক্রমশঃ অধিকতর উন্নতির পথে অগ্রসর হইবার সম্ভাবনা আছে। পাপীগণের এপথে গতি নাই। পাপীগণের গতাগতি—মর্ত্যলোক ও নরকের মধ্যে। উহাদের অবস্থা অতি শোচনীয়।

সূত্র :—৩।১।১৯।

স্মর্য্যতেহপি চ লোকে ॥ ৩।১।১৯ ॥

স্মর্য্যতে + অপি + চ + লোকে ॥

স্মর্য্যতে :—স্মরণ করা হয়। অপি :—ও। চ :—এবং। লোকে :—জগতে।

জগতে দ্রৌপদী, ধৃষ্টহায়, সীতা প্রভৃতি পুণ্যাঙ্গাদিগেরও পঞ্চমী আহুতি ব্যতিরেকে দেহারন্তের কথা শুনা যায়। অতএব জন্মের জন্ম পঞ্চমী আহুতির একান্ত অপেক্ষা নাই। ঋতিতে যদিও যোষিং সম্বন্ধরূপ পঞ্চমী আহুতির

কথা উল্লেখ, এবং তাহা হইতে জীবের দেহোৎপত্তি হয় বলিয়া উক্ত হইয়াছে সত্য, কিন্তু তাহা হইলেও যে পঞ্চমী আছতি ব্যতীত দেহোৎপত্তি হইতে পারে না, ইহা প্রচার করা শ্রুতির অভিপ্রেত নহে। যদি ঐ প্রকার অভিপ্রায় থাকিত, তাহা হইলে নিশ্চয়ার্থবোধক 'এব' বা অন্য কোনও শব্দের প্রয়োগ থাকিত, কিন্তু তাহা নাই। সুতরাং, বুঝিতে হইবে যে, পঞ্চমী আছতির দেহারস্বকতা মাত্র প্রতিপাদন করা শ্রুতির উদ্দেশ্য; পঞ্চমী আছতি ব্যতীত কারণান্তর দ্বারা দেহোৎপত্তি প্রতিষেধ করা শ্রুতির অভিপ্রেত নহে।

সূত্র :—৩।১।২০।

দর্শনাচ্চ ॥ ৩।১।২০ ॥

দর্শনাৎ + চ ॥

দর্শনাৎ :—যে হেতু দেখিতে পাওয়া যায়। চ :—ও।

জীব—জরায়ুজ, অণুজ, শ্বেদজ ও উদ্ভিজ্জ ভেদে চতুর্বিধ। উহাদের মধ্যে শ্বেদজ ও উদ্ভিজ্জ ভূতগ্রামের (জীবগণের) জন্ম পঞ্চমী আছতি বিনা সংঘটিত হয়, ইহা প্রত্যক্ষে দেখা যায়। সুতরাং প্রত্যেক জীবের জন্মে যে পঞ্চমী আছতির একান্ত প্রয়োজন, তাহা নহে। অতএব, পাপীগণের পক্ষে উহার আবশ্যিকতা নাই বুঝিতে হইবে। ফলতঃ যে সকল জীবের চন্দ্রলোকে আরোহণ এবং তথা হইতে অবরোহণ করিতে হয়, তাহাদিগের সম্বন্ধেই পঞ্চমী আছতির প্রয়োজন। অন্য জীবের পক্ষে উহার একান্ত অপেক্ষা নাই।

যাঁহারা জীববিজ্ঞা (Biology) অলোচনা করিয়াছেন, তাঁহারা বিশেষরূপে জানেন যে, অনেক উদ্ভিজ্জের এবং বহু সংখ্যক নিম্ন শ্রেণীয় জীবের উৎপত্তি মৈথুনসর্গ বা স্ত্রী পুরুষের যৌন মিলন ব্যতিরেকে হইয়া থাকে। উহাদের স্ত্রী-পুরুষ লিঙ্গ ভেদ নাই। সুতরাং উহাদের বংশ প্রবাহ স্ত্রী পুরুষের যৌন মিলনের উপর নির্ভর করে না। ঐ সকল উদ্ভিদ বা নিম্নশ্রেণীর জীবগণের জীবকোষ (Cells) সমন্বিত অবয়ব-বিশেষ উহাদের দেহ হইতে পৃথক হইয়া স্বতন্ত্র নূতন উদ্ভিদ বা জীবোৎপত্তির কারণ হইয়া থাকে। সুতরাং ঐ সমুদায় উদ্ভিদ বা জীবের পক্ষে পঞ্চমী আছতির প্রয়োজন নাই। শ্রুতিতে উপদিষ্ট জ্ঞান কত উচ্চস্তরের এবং কত গভীর তদ্ব উহার অন্তর্নিবিষ্ট, ইহা চিন্তা করিলে বিস্মিত হইতে হয়।

আরও দেখ ৩।১।১৮ সূত্রের আলোচনায় বলা হইয়াছে যে, “পিতৃযান” মার্গ পুণ্যশীল মানবাত্মার ক্রমোন্নতির একটি বিশেষ পথ। চন্দ্রলোক হইতে অবরোহণের পথে প্রত্যাগমনে উন্মুখ মানবাত্মার, শ্রদ্ধা, সোমরাজা, বৃষ্টি, অন্ন ও রেতঃ এই পঞ্চহবনোপযোগী দ্রব্যের (আহুতির) মধ্য দিয়া আসিতে হয়। যাহাদিগের চন্দ্রলোকে গমন হয় নাই, তাহাদের উক্ত পঞ্চ আহুতির মধ্য দিয়া আসিবার প্রয়োজন নাই। সূতরাং মর্ত্যলোকে জন্মগ্রহণের সময় যৌন মিলনের মধ্য দিয়া জন্মগ্রহণ করিলেও, উহাতে পঞ্চম্যাহুতির প্রয়োজন নাই। নিকৃষ্ট যোনিতে কুকুর শূকরাদির জন্ম এবং নীচ মানব যোনিতে পাপাত্মাগণের জন্ম স্ত্রী পুরুষের যৌন মিলনে সংঘটিত হইলেও, উহা শ্রুতি কথিত পঞ্চম্যাহুতির পথ নহে। তবে ইহার প্রতিপ্রসব যে নাই, তাহা নহে। যাহারা বিশেষ কৰ্মনাশের জন্ত, রাজা ভারতের হরিণ যোনি লাভের ঞায়, নিকৃষ্ট যোনি লাভ করেন, তাহাদের পক্ষে পঞ্চম্যাহুতির প্রয়োজনীয়তা আছে। তাহাদের প্রতি লক্ষ্য করিয়াই ছান্দোগ্য শ্রুতি ৫।১০।৭ মন্ত্রে (৩।১।৮ সূত্রের শিরোদেশে উদ্ধৃত) শ্বযোনি, শূকর যোনি, চণ্ডাল যোনি প্রভৃতির উল্লেখ করিয়াছেন। ইহাতে আমাদের সিদ্ধান্ত হীনবল হওয়া দূরে থাকুক, আরও দৃঢ়ীকৃত হইল। শ্রুতি ঐ প্রকার উল্লেখ করিয়া পিতৃযান পথরূপ ক্রমোন্নতির বিশেষ সোপানে অবস্থিত মানবাত্মাগণকে সাবধান করিয়া দিলেন। ইহার দ্বারা বুঝিতে হইবে না যে, সমুদায় নিকৃষ্ট জীবের জন্মে অথবা চণ্ডালাদি নীচ যোনিতে প্রত্যেক মানবের জন্মে পঞ্চম্যাহুতির প্রয়োজন আছে।

ভিত্তি :—

“তেষাং খল্বেষাং ভূতানাং ত্রীণ্যেব বীজানি ভবন্ত্যাণ্ডজং
জীবজমুদ্ভিজ্জমিতি ॥” (ছান্দোগ্যঃ ৬।৩।১) ।

—সেই এই ভূত সমূহের তিন প্রকারই বীজ হইয়া থাকে—
অণ্ডজ (পক্ষী প্রভৃতি), জীবজ (মনুষ্যাদি), ও উদ্ভিজ্জ ।

(ছান্দোগ্যঃ ৬।৩।১)

সংশয় :—শিরোদেশে উদ্ধৃত মন্ত্রে তিন প্রকার ভূতের উল্লেখ আছে—
শ্বেদজের উল্লেখ নাই । তুমি আবার কোথা হইতে ‘শ্বেদজ’ পাইলে? ইহার
উত্তরে সূত্র :—

সূত্র :—৩।১।২১ ।

তৃতীয়শব্দাবরোধঃ সংশোকজস্য ॥ ৩।১।২১ ॥

তৃতীয়শব্দাবরোধঃ + সংশোকজস্য ।

তৃতীয়শব্দাবরোধঃ :—তৃতীয় অর্থাৎ ‘উদ্ভিজ্জ’ শব্দে অবরোধ বা সংগ্রহ ।

সংশোকজস্য :—শ্বেদজের ।

শিরোদেশে উদ্ধৃত শ্রুতিমন্ত্রে স্পষ্ট কথায় শ্বেদজের উল্লেখ নাই বটে, তথাপি
তৃতীয় “উদ্ভিজ্জ” শব্দে শ্বেদজের গ্রহণ করা হইয়াছে, বুঝিতে হইবে । ইহা
প্রসিদ্ধিই আছে যে, জীব—জরায়ুজ, অণ্ডজ, শ্বেদজ ও উদ্ভিজ্জ ভেদে চারি প্রকার ।

ভাগবতে বিহুর প্রশ্নে স্পষ্টই আছে :—

বদ নঃ সর্গসংবৃহং গার্ভশ্বেদদ্বিজোদ্ভিদাম্ ॥

ভাগঃ ৩।৭।২৮

—জরায়ুজ, শ্বেদজ, অণ্ডজ ও উদ্ভিজ্জ এই সকলের সৃষ্টি বিভাগ বলুন ।

ভাগঃ ৩।৭।২৮

অনুগ্রহও আছে :—

দ্বিবিধাশচতুর্বিধা য়েহ্মে জলস্থলনভৌকসঃ ॥ “ .

ভাগঃ ২।১০।৩৮

—আর, স্থাবর জন্ম এই দ্বিবিধ, এবং জরায়ুজ, অণ্ডজ, শ্বেদজ ও
উদ্ভিজ্জ এই চতুর্বিধ ভূত, এবং স্থলচর, জলচর, খেচর সকলেরই
সৃষ্টি ঐ পুরুষ হইতেই হয় । ভাগঃ ২।১০।৩৮

শ্রুতিতে উক্তিজের অন্তর্ভুক্ত শ্বেদজ, এই অর্থ করা সঙ্গত ।

অনিষ্টাদি কার্য্যধিকরণের ৩।১।১২ হইতে ৩।১।২১ সূত্র পর্য্যন্ত পূর্বপক্ষ ও সিদ্ধান্ত পক্ষ আলোচনা করিয়া আমরা পাইলাম যে, ইষ্টপূর্তাদি কাম্য-কর্ম্মানুষ্ঠানকারীগণ মৃত্যুর পর পিতৃযান পথে চন্দ্রলোকে গমন করিয়া তথায় কর্ম্মফল ভোগের পর ভুক্তাবশিষ্ট কর্ম্ম লইয়া পঞ্চম্যাছতির ভিতর দিয়া পুনরায় মর্ত্যলোকে জন্মগ্রহণ করিয়া নূতন কর্ম্মানুষ্ঠানে রত হয় । যাহারা ইষ্টপূর্তাদি কর্ম্মানুষ্ঠান করে না, তাহারা পিতৃযান পথে গমনের অধিকারী নহে । সূত্ররাং তাহাদের পক্ষে চন্দ্রলোকে আরোহণ এবং তথা হইতে অবরোহণ সম্ভব নহে । এ কারণ পঞ্চম্যাছতির ভিতর দিয়া সংসারে তাহাদের জন্মগ্রহণ হয় না । তাহারা যমলোকে গিয়া কর্ম্মানুসারে যাতনাময় নরক-বিশেষে যাতনা ভোগ করিয়া পুনরায় জন্মগ্রহণ করিতে বাধ্য হয় । স্ত্রী পুরুষের যৌন মিলনের মধ্য দিয়া তাহাদের জন্ম হইলেও, উহাতে পঞ্চম্যাছতির অসম্ভাব দেখা যায় । মৃত্যুর পর তাহারা যে স্থানে গমন করে, তাহা পৌরাণিকগণের ভাষায় যমালয়, নরক প্রভৃতি বলিয়া বর্ণিত হইলেও শ্রুতি উহা “জায়ম্ব-ত্রিয়ম্ব” নামক তৃতীয় স্থান বলিয়া উল্লেখ করিয়াছেন । দুঃখভোগই ঐ তৃতীয় স্থানের বিশেষত্ব ।

৪। স্বাভাব্যাপত্ত্যাধিকরণ ॥

ভিত্তি :—

“অথৈতমেবাধ্বানং পুনর্নিবর্তন্তে যথৈতমাকাশমাকাশাদ্বায়ুং,
বায়ুভূত্বা ধূমো ভবতি, ধূমো ভূত্বাঅত্রং ভবতি। অত্রং ভূত্বা
মেঘো ভবতি, মেঘো ভূত্বা প্রবর্ষতি।” (ছান্দোগ্যঃ ৫।১০।৫)

—অনন্তর গমনানুসারে এই পথেই প্রত্যাবর্তন করিয়া থাকে, প্রথমে
আকাশে, আকাশ হইতে বায়ুতে, বায়ু হইতে ধূমে, ধূম হইয়া অত্র (জলপূর্ণ
মেঘ) অত্র হইয়া মেঘ, মেঘ হইয়া বারিবর্ষণ করে। (ছাঃ ৫।১০।৫)

সংশয় :—শিরোদেশে উদ্ধৃত শ্রুতি মন্ত্রে স্পষ্ট উল্লেখ রহিয়াছে যে, অবরোহণ
কালে জীব প্রথমে আকাশকে প্রাপ্ত হয়, তারপর আকাশ হইতে বায়ু, বায়ু
হইতে ধূম হয়, ইত্যাদি। তাহা হইলে প্রশ্ন উঠে যে, অবরোহণ কালে
জীবের আকাশাদি প্রাপ্তি, দেব মনুষ্যাদির দেহপ্রাপ্তির গ্রায়, অথবা আকাশের
সাদৃশ্য বা সমানরূপতা প্রাপ্তি, মাত্র? শব্দাবস্থায় যেরূপ সোমভাব প্রাপ্তি হয়
(ছান্দোগ্যঃ ৫।৪।২), তাহার সহিত কিছু মাত্র বিশেষ না থাকায়, এখানেও
আকাশাদি ভাবই প্রাপ্তি হয়, অর্থাৎ তাহাতে অহং মম ভাব অভিমান হইয়া
থাকে বুঝিতে হইবে, শুধু সাদৃশ্য বা সমানরূপতা প্রাপ্তি মাত্র নহে। ইহার
উত্তরে সূত্র :—

সূত্র :—৩।১।২২।

(ক) সাভাব্যাপত্তিরূপপত্তেঃ ॥ ৩।১।২২ ॥

(শঙ্কর ও বল্লাভাচার্য্য সম্মত)

সাভাব্যাপত্তি :—সমানো ভাবো ধর্ম যস্য স “সভাব” স্তস্য ভাবঃ
“সাভাব্যং”—সাম্যং—সাম্যাপত্তির্ভবতি। আকাশাদির সমান হয়, কারণ উহাই
সঙ্গত। উপপত্তেঃ :—যুক্তি হেতু।

(খ) তৎস্বাভাব্যাপত্তিরূপপত্তেঃ ॥ ৩।১।২২ ॥

(রামানুজ, বলদেব সম্মত)

তৎস্বাভাব্যাপত্তিঃ :—আকাশাদির সাদৃশ্য প্রাপ্তি। উপপত্তেঃ :—
যুক্তি হেতু।

(গ) স্বাভাব্যাপত্তিরূপপত্তেঃ ॥ ৩।১।২২ ॥ (মধ্বাচার্য্য সম্মত)

[এই সূত্রের পাঠ তিন প্রকার হইলেও অর্থের বৈলক্ষণ্য নাই।]

ইষ্টাপূর্ভাদিকারীগণ চন্দ্রলোক হইতে প্রত্যাবর্তন কালে, আকাশাদির সাদৃশ্য মাত্র প্রাপ্ত হয়, আকাশাদির স্বরূপ হয় না। কারণ সে অবস্থায় যখন সূখ দুঃখাদি ভোগ হয় না, তখন সাদৃশ্য মাত্র ভিন্ন তত্ত্বাব প্রাপ্তি যুক্তিযুক্ত হয় না। দেব মনুষ্যাদি দেহ প্রাপ্তির ন্যায়, আকাশাদির ভাব প্রাপ্ত হইলে, দেহাদিতে অভিমান বশতঃ জীবের যেমন সূখদুঃখাদি ভোগপ্রাপ্তি হয়, সেইরূপ সূখদুঃখ ভোগ সম্ভবপর হইত, কিন্তু সে প্রকার ভোগের কোনও উল্লেখ নাই। চন্দ্রলোকে ভোগের জগু যে জলময় শরীর জীব ধারণ করে, ভোগক্রমে উহার ক্ষয় হইলে, জীব আকাশ সাদৃশ্য সূক্ষ্ম হইয়া ক্রমশঃ বায়ুর বশ্য হয়, ইত্যাদি। সূতরাং আকাশভাব প্রাপ্তি হয় না।

৫। নাতিচিরাধিকরণ ॥

ভিত্তি :—

“ত ইহ ত্রীহিযবা ওষধিবনস্পত্যস্তিলমাষা ইতি জায়ন্তেহতো বৈ
খলু ছর্নিম্প্রপতরং যো যো হ্নমত্তি যো রেতঃ সিঞ্চতি তদুয় এব
ভবতি ॥” (ছান্দোগ্য ৫।১০।৬)

পূর্ব সূত্রে উক্ত শ্রুতি মন্ত্রের পর এই মন্ত্র । —বারিবর্ষণে তাহারা
পৃথিবীতে ধান্য, যব, তুণ, লতা, তিল বা মাসকলাই ইত্যাদি রূপে
জন্মগ্রহণ করে । এই ত্রীহি যবাদি হইতে নির্গমনই অতিশয় ক্লে-
শকর । যে যে প্রাণী অন্ন ভক্ষণ করে, এবং রেতঃ সেক করে, প্রায়
তাহাদেরই অনুরূপ হইয়া থাকে । (ছাঃ ৫।১০।৬) ।

সংশয় :—শ্রুতিতে “ত্রীহি যবাদি হইতে নির্গমন অতিশয় ক্লে-
শকর” উল্লিখিত হইয়াছে । আকাশাদি হইতে নির্গমন ক্লে-
শকর কিনা, তাহার স্পষ্ট উল্লেখ
নাই । কিন্তু আকাশাদি সাদৃশ্য প্রাপ্ত হইয়া জীব কি আকাশাদিতে অধিক
কাল থাকিতে বাধ্য হয়, অথবা শীঘ্র শীঘ্র পর পর বায়ু, ধূম, অত্র প্রভৃতির সাদৃশ্য
প্রাপ্ত হইয়া শীঘ্র শীঘ্র ঐ সকল হইতে নিষ্ক্রান্ত হয় ? ইহার উত্তরে সূত্র :—

সূত্র :—৩।১।২৩ ।

নাতিচিরেণ বিশেষাৎ । ৩।১।২৩ ॥

ন + অতিচিরেণ + বিশেষাৎ ॥

ন :—না । অতিচিরেণ :—অধিক বিলম্বে । বিশেষাৎ :—বিশেষ
কথন হেতু ।

ত্রীহি যবাদি হইতে ক্লে-
শকর নিষ্ক্রমণের বিষয় শ্রুতিতে বিশেষভাবে উল্লিখিত
আছে । আকাশাদি হইতে ঐরূপ কিছু উল্লেখ না থাকায়, বুঝিতে হইবে যে,
আকাশাদির সদৃশভাবে অবস্থান ক্লে-
শকর নহে এবং অধিক দিন যাবৎ হয় না ।
অতএব, সিদ্ধান্ত এই যে, অনুশয়ী জীব শীঘ্র শীঘ্র আকাশাদির সদৃশভাবে
হইতে নিষ্ক্রান্ত হইয়া বৃষ্টির সহিত পৃথিবীতে অবতীর্ণ হইয়া ত্রীহি-
যবাদি রূপে পরিণত হয় ।

এই প্রসঙ্গে ৩।১।৬ সূত্রের আলোচনায় উদ্ধৃত ভাগবতের ৭।১৫।৪০ শ্লোক
দ্রষ্টব্য ।

উহার পরের শ্লোকেই ভাগবত বলিতেছেন :—

একৈকশ্চোনানুপূর্ব্ব্যা ভূত্বা ভূত্বেহ জায়তে ।

নিষেকাদিশশানাস্তৈঃ সংস্কারৈঃ সংস্কৃতো দ্বিজঃ ॥

ভাগঃ ৭।১৫।৪১

—চন্দ্রলোকে ভোগাবসানে দেহ বিনাশ প্রাপ্ত হইয়া অদর্শন
হইলে, এবং বৃষ্ট্যাদি দ্বারা ওষধি প্রভৃতি প্রত্যেকের সান্নিধ্য মাত্র প্রাপ্ত
হইয়া (অর্থাৎ, ঐ সকল ওষধি প্রভৃতিতে মূখ্য কৰ্ম্মভোগাধিকার প্রাপ্ত
না হইয়া) পুনর্জন্ম লাভ করিয়া থাকে । নিষেকাদি শশানাস্ত সংস্কার
দ্বারা সংস্কৃত হইলে দ্বিজ বলিয়া কথিত হইয়া থাকে ।

ভাগঃ ৭।১৫।৪১

ইহাতে বুঝা গেল যে, আকাশাদিতে স্থিতি অল্প সময়ের জন্য মাত্র ।

৬। অগ্ন্যাধিষ্ঠিতাধিকরণ ॥

ভিত্তি :—

পূর্বসূত্রের শিরোদেশে উদ্ধৃত ছান্দোগ্য শ্রুতির ৫।১০।৬ মন্ত্র ।

সংশয় :—পূর্ব সূত্রের শিরোদেশে উদ্ধৃত শ্রুতিমন্ত্রে স্পষ্ট উল্লিখিত আছে যে, জীব ব্রীহাদিরূপে জন্মগ্রহণ করে । তাহাতে স্বতঃই সন্দেহ হয় যে, উহারা কি ব্রীহাদি শরীরধারী অপর জীবগণের ব্রীহাদি শরীরের সহিত সংশ্লেষ বা সম্বন্ধ মাত্র লাভ করে, অথবা উহারাই ব্রীহাদি শরীর উপভোগ করে । শ্রুতিতে ‘জায়ন্তে’ পদ থাকায় স্পষ্ট প্রতীয়মান হয় যে, উহারা ব্রীহাদি শরীর উপভোগ করে । এই সংশয় নিরসনের জন্ম সূত্র :—

সূত্র—৩।১।২৪ ।

অগ্ন্যাধিষ্ঠিতে পূর্ববদভিলাপাৎ ॥ ৩।১।২৪ ॥

অগ্ন্যাধিষ্ঠিতে + পূর্ববৎ + অভিলাপাৎ ॥

অগ্ন্যাধিষ্ঠিতে :—অপর জীবের আশ্রয়ভূত ব্রীহাদিতে । পূর্ববৎ
অভিলাপাৎ :—পূর্ববৎ আকাশাদির তুল্যরূপে উল্লেখ হেতু ।

অপর জীব কর্তৃক ভোগের জন্ম আশ্রিত ব্রীহাদি দেহে চন্দ্রলোক হইতে প্রত্যাগত জীবের সংশ্লেষ মাত্র হয়, সেখানে তাহার কিছুমাত্র ভোগ হয় না । কেননা, আকাশাদির সম্বন্ধে যেরূপ উল্লেখ শ্রুতিতে আছে, ব্রীহাদি সম্বন্ধেও ঠিক সেইরূপ উল্লেখই আছে । যেখানে ভোগের উল্লেখ আছে, সেখানে ভোগকারণীভূত কর্মেরও উল্লেখ আছে, যথা, ৩।১।৮ সূত্রের শিরোদেশে উদ্ধৃত ছান্দোগ্য শ্রুতির ৫।১০।৭ মন্ত্রে “রমণীয়চরণা”, “কপূয়চরণা” । আলোচ্য স্থলে আকাশাদি প্রাপ্তির উল্লেখে যেমন কোন কর্মের উল্লেখ নাই, ব্রীহাদি উল্লেখ স্থলেও ভোগ কারণীভূত কর্মের কোনও উল্লেখ নাই । সুতরাং উক্ত ব্রীহাদিভাব প্রাপ্তিতে কোনও ভোগ সম্বন্ধ না থাকায়, সংশ্লেষ মাত্র শ্রুতির অভিপ্রেত, ইহা বুঝিতে হইবে ।

[পূর্বসূত্রের আলোচনার উদ্ধৃত ভাগবতের ৭।১৫।৪১ শ্লোক দ্রষ্টব্য ।]

ভিত্তি :—

১। “ন হিংস্যাৎ সৰ্বা ভূতানি ।” (শ্রীভাষ্য ধৃত)

—কোনও প্রাণীকে হিংসা করিবে না ।

২। “অগ্নিবোমীয়ং পশুমাভেত—” (শ্রীভাষ্য ধৃত)

—অগ্নি ও সোম দেবতার উদ্দেশে পশুঘাত করিবে ।

৩। “স্বর্গকামো যজ্ঞেত ।” যজুঃ ২।৫।৫

—স্বর্গকাম যাগ করিবে । (যজুঃ ২।৫।৫)

সংশয় :—শিরোদেশে উদ্ধৃত শাস্ত্রোপদেশের প্রতি লক্ষ্য করিলে স্পষ্ট উপলব্ধি হইবে, কোনও প্রাণীকে হিংসা করিও না, ইহা সাধারণ বিধি । আবার যাগ করিতে হইলে, অগ্নি ও সোমদেবতার উদ্দেশে পশুবধেরও বিশেষ বিধি রহিয়াছে । ইষ্টাপূর্তকারীগণ যজ্ঞদ্বারাই চন্দ্রলোকে গমন করেন । স্মৃতরাং তাঁহারা যে যজ্ঞে পশুবধ করিয়াছিলেন, তাহা বলা বাহুল্য । যদি তাহা হয়, তাহা হইলে উক্ত সাধারণ বিধির উল্লঙ্ঘন হেতু, তাঁহাদের পাপ নিশ্চয়ই হয় । সেই পাপের জন্ম উহারা ব্রীহাদি শরীর ধারণ করেন, ইহাই ত সঙ্গত মনে হয় । অতএব তোমার সিদ্ধান্ত কি করিয়া গ্রহণ করিতে পারি ? বিশেষতঃ যদি বল যে সাধারণ ও বিশেষ উভয় বিধির বিরোধ উপস্থিত হইলে বিশেষ বিধিই বলবত্তর মনে করিতে হইবে—তাহা হইলে তোমার এ আপত্তিও যুক্তিযুক্ত নহে । উপরোক্ত সাধারণ বিধি স্পষ্ট বলিতেছে যে, জীবহিংসা মাত্রই পাপজনক । বিশেষ বিধি বলিতেছে যে, অগ্নিবোমীয় পশুবধ যজ্ঞের উৎকর্ষ সাধক । উহা যে পাপজনক নহে, তাহা ত বলিতেছে না । যজ্ঞে উৎকর্ষ সম্পাদন করিলে, তদ্বারা ভোগ্য চন্দ্রলোকে অবস্থানাদি হউক, তাহাতে আমাদের আপত্তি নাই, কিন্তু পশু হিংসাদির জন্ম যে পাপ, তাহার জন্ম ব্রীহাদি দেহে অবস্থান এবং তজ্জনিত ভোগ কেন না হইবে ?

ইহার উত্তরে সূত্র—সূত্রের প্রথম অংশে আপত্তির উল্লেখ করিয়া শেষ অংশে সমাধান করিতেছেন :—

সূত্র :—৩।১।২৫ ।

অশুদ্ধমিতি চেৎ, শব্দাৎ ॥ ৩।১।২৫ ॥

অশুদ্ধং + ইতি + চেৎ + ন + শব্দাৎ ॥

অশুভ্রং :- পাপকর। ইতি :- ইহা। চেৎ :- যদি বল। ন :- না।
শকাৎ :- যে হেতু শ্রুতি হইতে জানা যায়।

যদি পূর্বোক্ত কারণে ইষ্টাপূর্তকারীগণের জীবহিংসা রূপ পাপ বিদ্যমান থাকে, এবং তজ্জন্ম ব্রীহাদি স্বাবরত্ব প্রাপ্তি এবং তাহাতে ভোগ ঘটবে যদি বল, তাহার উত্তরে বলিব, না; কেননা, সাক্ষাৎ শ্রুতিই যজ্ঞে পশুহিংসা বিধান করিয়াছেন। সূতরাং যজ্ঞীয় পশুবধ কখনই পাপজনক হইতে পারে না। কাজেই, তাহার ফলে স্বাবরত্ব প্রাপ্তির কর্তব্য নহে। দেখ, শ্রুতি যজ্ঞীয় পশুকে সম্বোধন করিয়া কি বলিতেছেন :- “ন বা উ এতস্ত্রিয়মে ন রিষ্টিসি দেবান্ ইদেষিপথিভিঃ স্মুগেভিঃ। যত্র যন্তি স্কুতো নাপি দুষ্কৃত স্তত্র হ্বাঃ দেবঃ সবিতা দধাতু ॥” (যজুঃ ২।৬।২।৪২) — “এই প্রকার বধে তুমি মরিতেছ না, তুমি হিংসিতও হইতেছ না, তুমি স্মুগম পথে দেবভাব প্রাপ্ত হইতেছ। পুণ্যবানেরা যেখানে গমন করেন, পাপীরা গমন করিতে পারে না, সবিতা দেব, তোমাকে সেখানে স্থান দান করুন।” সূতরাং, যজ্ঞে বধ, বধই নহে। উহাতে পাপ হয় না। চিকিৎসক রোগীকে অস্ত্রো-পচার দ্বারা দুঃখ দান করেন বটে, তথাপি অভিজ্ঞ লোকেরা, তাঁহাকে হিতকারী রক্ষক বলিয়া সম্মান করেন। সেইরূপ যজ্ঞে পশু আলভন, পশুগণের আধ্যাত্মিক উন্নতি বিধায়ক বলিয়া পাপকর বা নিন্দাহ নহে।

এই সম্বন্ধে শ্রীমদ্ভাগবত বলিতেছেন :-

লোকে ব্যবায়ামিষমত্বসেবা

নিত্যা হি জন্তোর্নহি তন চোদনা।

ব্যবস্থিতিস্তেষু বিবাহযজ্ঞ-

সুরাগ্রহৈরাস্ত্ৰ নিবৃত্তিরিষ্টা ॥ ভাগঃ ১১।৫।১১

—ব্যবায় (স্ত্রীসঙ্গ), আমিষভক্ষণ, মত্তপান ইত্যাদিতে প্রাণি-গণের নিত্য অনুরাগ আছে। বিধির দ্বারা উহাদের প্রবৃত্তির প্রেরণা উদ্দীপিত করিতে হয় না। উহাদের যথেষ্ট উচ্ছৃঙ্খল ব্যবহার নিয়মিত করিবার জন্ম, ঋতুকালে বিবাহিত স্ত্রী সংসর্গ, যজ্ঞে পশুবধ ও আমিষ ভোজন, এবং সৌত্রামণি যাগে মত্তপান বিহিত হইয়াছে। কিন্তু তাহা হইলেও উহাদিগ হইতে নিবৃত্তিই প্রেরণ।

ষদ্ব্রাণভক্ষো বিহিতঃ সুরায়া-

স্তথা পশোরালভনং ন হিংসা ।

এবং ব্যবায়ঃ প্রজয়া ন রতৌ

ইমং বিস্তুঙ্কং ন বিতুঃ স্বধর্ম্মম্ ॥ ভাগঃ ১১।৫।১৩

—সুরাপান বিহিত নহে, উহা ভ্রাণ লগুয়াই বিহিত ; যজ্ঞে পশুর আলভন হিংসা নহে, ভক্ষণোদ্দেশে পশুহননই হিংসা ; সস্তানোৎপাদনের জন্তু স্ত্রী-সংসর্গ দোষের নহে, শুধু রতির জন্তু উহা দোষের । অজ্ঞ লোকেরা বিস্তুঙ্ক স্বধর্ম্ম না জানিয়া আত্ম স্বার্থে ঐ সমুদায় নিয়োগ করে । ভাগঃ ১১।৫।১৩

অতএব, প্রতিপাদিত হইল যে, যজ্ঞে পশু আলভন জনিত পাপ হয় না, এবং সে কারণ ইষ্টাপূর্ত্তকারীগণ স্ত্রীছাদি যোনিতে জন্মগ্রহণ করেন না । পৃথিবীতে জন্মগ্রহণের উপায় স্বরূপ স্ত্রীছাদি পথে প্রথমতঃ পিতৃবীর্য্যে এবং তথা হইতে মাতৃগর্ভে প্রবেশ করে, অর্থাৎ স্ত্রীছাদি আহারে পিতৃদেহ পুষ্ট হইয়া বীর্য্য উৎপাদন করে । ইহা পরবর্ত্তী দুই সূত্রে বর্ণিত হইবে ।

ভিত্তি :—

৩।১।২৩ শূত্রের শিরোদেশে উক্ত ছান্দোগ্য শ্রুতির ৫।১০।৬ মন্ত্র ।

ব্রীহাদি ভাবে জন্মের কথা যে ঔপচারিক মাত্র, তাহার অন্য কারণ আছে ;
যথা—

সূত্র :—৩।১।২৬ ।

রেতঃসিগ্‌যোগোহথ ॥ ৩।১।২৬ ॥

রেতঃসিগ্‌যোগঃ + অথ ॥

রেতঃসিগ্‌যোগঃ :—রেতঃ সেক করিতে যাহারা সমর্থ, তাহাদের সহিত
সম্বন্ধ । **অথ** :—অতঃপর ।

ব্রীহাদি ভাব প্রাপ্তির পর অনুশয়ীদিগের রেতঃসিগ্‌যোগ হয়, অর্থাৎ
যাহারা রেতঃ সেক করিতে সমর্থ, তাহাদের শরীরে প্রবেশরূপ সম্বন্ধ হয়
মাত্র । সেখানেও কোনও ভোগের সম্পর্ক থাকে না । সেইরূপ ব্রীহাদি
প্রবেশও সংশ্লেষ মাত্র, কোনও ভোগ সম্পর্ক নাই ।

ভিত্তিঃ—

৩।১।৮ সূত্রের শিরোদেশে উক্ত ছানোগ্য শ্রুতির ৫।১।৭ মন্ত্র ।

সূত্রঃ—৩।১।২৭ ।

যোনেঃ শরীরম্ ॥ ৩।১।২৭ ॥

যোনেঃ + শরীরম্ ॥

যোনেঃ :—যোনি অর্থাৎ উৎপত্তি স্থান—তাহার প্রাপ্তির পর । **শরীরম্** :—মনুষ্যাদি দেহ ।

পিতার রেতঃ কণার সহিত যোনিদ্বারে মাতার উদরে প্রবেশ করিয়া, অমুশয়ী মনুষ্য দেহ প্রাপ্ত হয় । এই দেহেই অমুশয়ীর স্তন্য দুঃখাদি ভোগের সম্ভাব আছে । তাহার পূর্বে আকাশাদি ভাব প্রভৃতিতে কেবল সংযোগ মাত্র হয়, কোনও প্রকার ভোগ হয় না । উহারা পৃথিবীতে শরীর গ্রহণের জন্ত আসিবার পথ মাত্র ।

৩।১।২৬ এবং ৩।১।২৭ উভয় সূত্রের প্রতিপাদক শ্রীমদ্ভাগবতের শ্লোক :—

কর্মণা দৈবনেত্রেণ জন্তুর্দেহোপপত্তয়ে ।

স্ত্রিয়াঃ প্রবিষ্টঃ উদরং পুংসোরেতঃ কণাশ্রয়ঃ ॥ ভাগঃ ৩।৩।১

কলনং হেঁকরাত্রেণ পঞ্চরাত্রেণ বৃদ্ধদম্ ।

দশাহেন তু কক্কৃষ্ণঃ প্লেগুণং বা ততঃ পরম্ ॥ ভাগঃ ৩।৩।২

মাসেন তু শিরোদ্বাভ্যাং বাহুব্জ্যাত্তঙ্গবিগ্রহঃ ।

নখলোমাস্তি চর্ম্মানি লিঙ্গচ্ছিদ্রোদ্ভবস্তিভিঃ ॥ ভাগঃ ৩।৩।৩

চতুর্ভির্ধাতবঃ সপ্ত পঞ্চভিঃ ক্ষুভ্ৰুদ্ভবঃ ।

ষড়্ভির্জরায়ুনা বীতঃ কুক্ষৌ ভ্রাম্যতি দক্ষিণে ॥ ভাগঃ ৩।৩।৪

—(ভগবান্ কপিলদেব কহিলেন) :—জীবের পূর্বকৃত কর্ম জীব হইতে প্রবর্তিত হয় । তাহাতে জীব সেই কর্ম বশতঃ দেহধারণ নিমিত্ত পুরুষের রেতঃকণা আশ্রয় করিয়া স্ত্রীর উদরে প্রবিষ্ট হয় । এক রাতে শুক্র শোণিতের মিশ্রণ হয়, পাঁচ রাতে বৃদ্ধবৃদ্ধাকারে পরিণত হয়, দশ দিবস গত হইলে বদরীকলতুল্য হইয়া কঠিন হয়, তৎপরে মাংসপিণ্ডের আকার

ধারণ করে। এক মাস গত হইলে শিরোদেশ, দুই মাসে হস্তপদাদি
অঙ্গ সকলের বিভাগ, এবং নখ, লোম, অস্থি, চর্ম প্রভৃতির উদ্ভব, এবং
তিন মাসে লিঙ্গ ও ছিদ্রের উদ্ভব হয়। চারিমাসে সপ্ত ধাতু (স্বক,
মাংস, রুধির, মেদ, মজ্জা, অস্থি, শুক্র), ও পাঁচ মাসে ক্ষুধা তৃষ্ণা জন্মে।
পরে ছয় মাসে জরায়ু দ্বারা আবৃত হইয়া, পুংগর্ত হইলে মাতার দক্ষিণ
কুক্ষিতে এবং স্ত্রীগর্ত হইলে বাম কুক্ষিতে ভ্রমণ করে।

ভাগ: ৩।৩।১।১-২-৩-৪।

৩।১।২৩ সূত্রের আলোচনায় উদ্ধৃত ভাগবতের ৭।১।৪১ শ্লোকও দ্রষ্টব্য।

এই প্রকারে গর্ভমধ্যে শরীর ধারণ সম্পূর্ণ হইলে মাতার যোনিপথে বহির্গত
হইয়া নূতন ভোগের জন্ত জন্মগ্রহণ করে।

ওঁ নমঃ ভগবতে বাসুদেবায় ।

তৃতীয় অধ্যায় ।

দ্বিতীয় পাদ ।

এই পাদের পূর্বভাগে—ত্ৰং পদার্থের শোধন ।

উত্তরভাগে—তৎ পদার্থের শোধন ॥

এই অধ্যায়ের প্রথম পাদে, অনাদি কাল হইতে জীবের অনন্তকোটি জন্মে রুত কর্মজনিত ইহ-পরলোকে গমনাগমন ও জন্মাদি সম্বন্ধবশতঃ জীবের চিরদুঃখ ভোগ বর্ণিত হইয়াছে । উহার উদ্দেশ্য সাধনের প্রথম ও প্রধান অঙ্গ বৈরাগ্য উৎপাদনের সহায়তা করা, ইহা পূর্বপাদের ভূমিকায় বলা হইয়াছে । ব্রহ্ম বা ভগবানই একমাত্র জগৎকর্তা, ইহা পূর্বে প্রতিপাদিত হইয়াছে । কিন্তু ইহা স্বভাবতঃই মনে হয় যে, স্বপ্নজাত যতকিছু, সমুদায় জীবশৃষ্ট । দ্বিতীয় পাদের প্রথম ভাগে যুক্তি বিচারে এবং শ্রুতি প্রমাণে ভগবান সূত্রকার প্রতিষ্ঠিত করিবেন যে, স্বাপ্নিক সমুদায়ও ঈশশৃষ্ট এবং সে কারণ ভগবানের সর্বকর্তৃত্ব সম্বন্ধে কোনও সন্দেহের অবসর নাই । বর্তমান পাদে স্বপ্ন ও সৃষ্টি অবস্থা পরীক্ষিত হইবার পর, ব্রহ্ম বা ভগবানে উক্ত অবস্থায় বর্তমান নাই, এই সিদ্ধান্ত প্রতিষ্ঠিত করিবার পর, ভগবান সূত্রকার, ব্রহ্মের বা ভগবানের সর্বব্যাপিত্ব, সর্বাস্তর্ধ্যামিত্ব, উভয়াবভাসিত্ব, (অর্থাৎ এককালে একাধারে নির্বিশেষ-সবিশেষত্ব, নিগুণ-সগুণত্ব, নিরাকার-সাকারত্ব প্রভৃতি বিরুদ্ধ ধর্মের একাধারত্ব), ভক্তিধারে প্রাপ্যত্ব, ভক্তের অভীষ্ট সিদ্ধির জন্ম অকপের ও অনন্তের বিবিধ রূপগ্রাহিত্ব ও সাস্তত্ব, ভাবানুসারে প্রকাশত্ব, পরানন্দত্ব, নির্লেপত্ব, সর্বপরত্ব, সর্বদাতৃত্ব প্রভৃতি প্রতিপাদন করিবেন ।

এই সমুদায় প্রতিপাদনের উদ্দেশ্য এই যে, সাধক সাধনার যে কোনও স্তরে বর্তমান থাকুন না কেন, একমাত্র ব্রহ্ম বা ভগবানই উপাস্ত । যিনি যাহা কামনা করেন, অন্তর্ধ্যামী ভগবান, তাঁহার হৃদয়ে বর্তমান থাকিয়া, তাঁহার সমুদায় কামনা পরিপূরণ করেন, অতএব তাঁহার উপাসনাই জীবনের একমাত্র অবলম্বনীয় ।

১। সাক্ষ্যাধিকরণ ॥

ভিত্তি :—

(১) “ইদং চ পরলোকস্থানং চ সাক্ষ্যং তৃতীয়ং স্বপ্নস্থানং...”।

(বৃহদারণ্যকঃ ৪।৩।৯)

—পুরুষের দুইটি মাত্র স্থান (ভোগভূমি) আছে—ইহলোক ও পরলোক, এতদতিরিক্ত সাক্ষ্য—উহাদের সন্ধিস্থলে (বা জাগ্রৎ ও স্বপ্নস্থির সন্ধি স্থানে) তৃতীয় একটি স্থান আছে—উহার নাম স্বপ্নস্থান । (বৃহদাঃ ৪।৩।৯)

(২) “ন তত্র রথা ন রথযোগা ন পস্থানো ভবন্তি অথ রথান্
রথযোগান্ পথঃ সৃজতে ; ন তত্রানন্দা মুদঃ প্রমুদো ভবন্তি,
অথ আনন্দান্ মুদঃ প্রমুদঃ সৃজতে ; ন তত্র বেশান্তাঃ
পুষ্করিণ্যঃ শ্রবন্ত্যা ভবন্তি, অথ বেশান্তান্ পুষ্করিণীঃ শ্রবন্তীঃ
সৃজতে ; স হি কর্তা ।” (বৃহদারণ্যকঃ ৪।৩।১০)

—সেখানে (সেই স্বপ্নাবস্থায়) রথ নাই, রথে যোজিত অশ্বাদি নাই, পথও নাই, অথচ রথ, অশ্বাদিও পথসমূহ সৃষ্টি করে ; সেখানে আনন্দ (অভীষ্ট বস্তুর দর্শনে প্রীতি) নাই, মুদ (অভীষ্ট বস্তুর প্রাপ্তিতে প্রীতি) নাই ও প্রমুদ (অভীষ্ট বস্তুর উপভোগে তৃপ্তি) নাই, অথচ আনন্দ, মুদ ও প্রমুদ সৃষ্টি করে ; সেখানে বেশান্ত (ক্ষুদ্র জলাশয়), পুষ্করিণী এবং নদী সকল নাই, অথচ বেশান্ত, পুষ্করিণী ও নদীসমূহ সৃষ্টি করে । সেই জীবই তাহার (ঐ সকল সৃষ্টির) কর্তা । (বৃহদাঃ ৪।৩।১০)

(৩) “.....সত্যকামঃ সত্যসংকল্পঃ .. ”। (ছান্দোগ্যঃ ৮।৭।১)

সংশয় :—তোমরা ত ব্রহ্ম বা ভগবানকে সর্বকারণ কারণ বল । জগৎসৃষ্টি না হয় ব্রহ্মকৃত স্বীকার করিলাম । কিন্তু স্বপ্নজগতের সৃষ্টি ব্রহ্মসৃষ্টি প্রতিপাদন করিবে কিরূপে ? শ্রুতিতেই উক্ত আছে যে, স্বপ্নস্থান একটি তৃতীয় স্থান ; উহা জাগ্রৎ ও স্বপ্নস্থির অন্তরালে অবস্থিত (দেখ শিরোদেশে উদ্ধৃত বৃহদারণ্যক ৪।৩।৯ মন্ত্র) । অতএব, স্বপ্ন একটি কল্পিত অবস্থা নহে । উহার সত্যতা সন্দেহমুক্ত । সুতরাং, উক্ত অবস্থায় সৃষ্টিও কল্পিত হইতে পারে না, উহাও

সত্য হইবে। অপরন্তু, উক্ত বৃহদারণ্যক শ্রুতির ৪।৩।১০ মন্ত্র জীবকেই স্বপ্নাবস্থায় সৃষ্টিকর্তা বলিয়া কীর্তন করিয়াছেন। ছান্দোগ্য শ্রুতির ৮।৭।১ মন্ত্রে জীব সম্বন্ধেই “সত্যকামঃ সত্যসংকল্পঃ” প্রভৃতি বিশেষণ উল্লিখিত হওয়ায়, স্পষ্ট বুঝা যায় যে, জীব দ্বারা উক্ত সৃষ্টি সম্পূর্ণ সম্ভব। অতএব, পরমেশ্বর বা ব্রহ্ম স্বপ্নাবস্থায় রথাদি সৃষ্টির কর্তা নহেন। জীবই উহাদিগের সৃষ্টিকর্তা। সুতরাং, পরমেশ্বর বা ব্রহ্ম সর্বকারণ কারণ, হইতে পারেন না। যদি তাহা হয়, তাহা হইলে তিনিই একমাত্র উপাস্ত হইবেন কিরূপে? ইহাই পূর্বপক্ষের আপত্তি। এই সমুদায় আপত্তি সম্ভাবনা করিয়া পূর্বপক্ষ মূত্র করিলেন :—

মূত্র :—৩।২।১।

সঙ্কো সৃষ্টিরাহ হি ॥ ৩।২।১ ॥

সঙ্কো + সৃষ্টিঃ + আহ + হি ॥

সঙ্কো :—স্বপ্ন সময়ে। সৃষ্টিঃ :—সৃষ্টি হয়। আহ :—বলিতেছেন।
হি :—নিশ্চয় ॥

শ্রুতিতে জাগ্রৎ ও সুষুপ্তি অবস্থার সন্ধি স্থানে—স্বপ্নাবস্থায়—রথাদি সৃষ্টির স্পষ্ট উল্লেখ আছে, স্বপ্নদর্শী জীবই তাহার কর্তা। কারণ, বৃহদারণ্যক শ্রুতির ৪।৩।১০ মন্ত্র জীবকেই তাহার কর্তা বলিয়া, এবং ছান্দোগ্য শ্রুতির ৮।৭।১ মন্ত্র জীবের সম্বন্ধে তাহা সম্পূর্ণ সম্ভব বলিয়া, নির্দেশ করিতেছেন।

সুষুপ্তি ও জাগ্রৎ অবস্থার সন্ধিস্থান সম্বন্ধে শ্রীমদ্ভাগবত বলিতেছেন :—

সুষুপ্তি প্রবোধয়োঃ সঙ্কাবাঅনো গতিমাত্মদৃক্ । ভাগঃ ৭।১৩।৪ ।

—সুষুপ্তি সময়ে আত্মতত্ত্ব তমসাবৃত থাকায় উপলব্ধি হয় না, জাগ্রৎ অবস্থায় বিক্লেপ বশতঃও তাই। স্বপ্ন কালে তমঃ ও বিক্লেপ উভয়ই না থাকায়, আত্মাকে লক্ষ্য করিয়া অবহিত হওতঃ, যোগী আত্মতত্ত্ব দর্শন করেন। ভাগঃ ৭।১৩।৪ ।

স্বপ্নকালে জাগ্রৎ দৃষ্ট বাসনাময় পদার্থসকল ভোগ প্রদান করে তৎ-সম্বন্ধে ভাগবত বলিতেছেন :—

যো ভাগরে বহিরগুণধর্মিণোহর্থান্

ভুক্তে সমস্তকরণৈহুদি তৎসদৃশান্ ।

স্বপ্নে সুষুপ্ত উপসংহরতে স একঃ

স্বভাষয়াত্রিগুণবৃত্তিদৃগিস্থি়েশঃ ॥

ভাগঃ ১১।১৩।৩১

[২।২।৩১ সূত্রের আলোচনায় (পৃ: ২০২) ইহার অর্থ দেওয়া
হইয়াছে ।]

এই শ্লোকে জীবই স্বপ্নে বাসনাময় পদার্থসকল ভোগ করেন,
বলা হইল ।

ভিত্তিঃ—

- ১। “য এষু স্নপ্তেষু জাগতি কামং কামং পুরুষো নিশ্চিন্মাণঃ” ।
(কঠঃ ২।২।৮) ।
—প্রাণ প্রভৃতি স্নপ্ত হইলেও, যে পুরুষ (জীব) বিবিধ কাম
নিৰ্মাণ করতঃ জাগ্রত থাকে । (কঠঃ ২।২।৮) ।
- ২। “সৰ্বান্ (কামাংছন্দতঃ) প্রার্থয়স্ব” । (কঠঃ ১।১।২৫) ।
—তুমি ইচ্ছামত সমুদায় কাম বা কাম্য পদার্থ প্রার্থনা কর ।
(কঠঃ ১।১।২৫)
- ৩। “শতায়ুষঃ পুত্রপৌত্রান্ বৃণীষ” । (কঠঃ ১।১।২৩) ।
—শতবর্ষজীবী পুত্র-পৌত্র প্রভৃতি বরণ কর বা প্রার্থনা কর ।
(কঠঃ ১।১।২৩) ।

পূর্ব সূত্রে জীবকে স্বপ্নে সৃষ্টিকর্তা বলিয়া যে পূর্বপক্ষ সিদ্ধান্ত করা হইয়াছে, তাহার পোষকেই শিরোদেশে উক্ত শ্রুতিমন্ত্রাংশ সকল উক্ত হইল । এবং ইহাই সূত্রাকারে নিম্ন সূত্রে উল্লিখিত হইল ।

সূত্র--৩।২।২ ।

নিশ্চিন্মাতারৈকে পুত্রদায়শ্চ ॥ ৩।২।২ ॥

নিশ্চিন্মাতারং + চ + একে + পুত্রাদায়ঃ + চ ॥

নিশ্চিন্মাতারং :—নিৰ্মাণকর্তা । চ :—ও । একে :—কেহ কেহ (কোনও কোনও শ্রুতি) । পুত্রাদায়ঃ :—পুত্র প্রভৃতি (কাম্য পদার্থ) । চ :—ও ।

কোনও কোনও বেদশাখা জীবকে স্বপ্নদৃশ্যের নিশ্চিন্মাতাও বলিয়া থাকেন । দৃষ্টান্ত স্বরূপে কঠ শ্রুতির শিরোদেশে উক্ত ২।২।৮ মন্ত্রাংশ লক্ষ্য কর । উক্ত মন্ত্রাংশের সহিত উক্ত শ্রুতির ১।১।২৩ ও ১।১।২৫ মন্ত্রাংশ মিলাইয়া পাঠ করিলে, ‘কাম’ শব্দে কাম্যভূত পুত্রাদিই যে লক্ষিত হইয়াছে, শুধু ইচ্ছামাত্র নহে, তাহা বুঝা যাইবে । অতএব, জীবই স্বপ্নাবস্থায় স্বপ্নদৃষ্ট পদার্থ সমুদায়ের সৃষ্টিকর্তা, এই সিদ্ধান্তই সমীচীন । বিশেষতঃ পূর্ব সূত্রে শিরোদেশে উক্ত ছান্দোগ্য শ্রুতির ৮।৭।১ মন্ত্রে জীবকে সত্যকাম ও সত্যসংকল্প বলা হইয়াছে । সুতরাং জীবের পক্ষে স্বাপ্নসৃষ্টি সম্ভবই বটে ।

শ্রীমদ্ভাগবতের পূর্বসূত্রের আলোচনায় উদ্ধৃত ১১।১৩।৩১ শ্লোক ইহাই প্রকাশ করে। জাগ্রৎকালে জীব বাহ্য বিষয়সকলের সংস্পর্শে আসেন, এবং স্বপ্নকালে জাগ্রৎ দৃষ্ট বাসনাময় পদার্থসকল জীবই ভোগ করেন। তাহা হইলে, জীবই যে স্বপ্নের বিষয়সকলের কর্তা, ইহা ভাগবতেরও সিদ্ধান্ত। অতএব, পরমেশ্বর স্বপ্নদৃষ্ট বিষয়সকলের স্রষ্টা নহেন। অতএব, তিনি যে অখিলস্থ সমুদায়ের স্রষ্টা বলিয়া সকলের উপাস্ত, এ প্রতিজ্ঞা রক্ষা হইতেছে না। স্বপ্নকালে যদি স্বতন্ত্র কর্তা বর্তমান থাকে, তবে পরমেশ্বরের কথঞ্চিৎ কর্তৃত্ব স্বীকার করিতে হইবে, এবং সে কারণ, তিনি কথঞ্চিৎ উপাস্ত হইতে পারেন, একমাত্র উপাস্ত হইতে পারেন না।

এই দুই সূত্রের আপত্তি নিরসনার্থ সূত্রকার তৃতীয় সূত্র অবতারণা করিলেন।

ভিত্তি :—

“য এষু সৃষ্টেষু জাগর্তি কামং কামং পুরুষো নির্মিমাণঃ ।
তদেব শুক্রং তদব্রহ্ম তদেবামৃতমুচ্যতে ।”

(কঠঃ ২।২।৮)

—প্রাণ প্রভৃতি সৃষ্ট হইলে যে পুরুষ বিবিধ কাম নির্মাণ করতঃ জাগ্রত থাকেন, তিনিই শুক্র (উজ্জল), তিনিই ব্রহ্ম, তিনিই অমৃত বলিয়া কথিত হন । (কঠ, ২।২।৮)

তোমাদের বিচার পদ্ধতি ত বড়ই চমৎকার । কঠ শ্রুতির ২।২।৮ মন্ত্রের অর্দ্ধাংশ মাত্র প্রমাণ স্বরূপ দেখাইতেছ । সমস্ত মন্ত্রটি দেখ ত । শ্রুতি স্পষ্টই বলিতেছেন যে, স্বপ্নকালে স্বপ্নদৃষ্ট বিষয়ের যিনি স্রষ্টা, তিনিই উজ্জল ব্রহ্ম— অমৃত স্বরূপ । শ্রুতি স্বপ্নদৃষ্ট দৃশ্য মাত্রের স্রষ্টাকে স্পষ্টতঃ ‘ব্রহ্ম’ বলিতেছেন ; জীবের উল্লেখমাত্র নাই । সমস্ত মন্ত্রটির অর্থ উপলব্ধি না করিয়া নিজের সৃষ্টিবিধামত অংশমাত্র উল্লেখ করা বড়ই অসঙ্গত ।

প্রজাপতির উপদেশ মত জীবকে “সত্যসংকল্প” (ছাঃ ৮।৭।১) বলিয়া তদ্বারা স্বপ্নদৃশ্যের সৃষ্টি সম্ভব বলিয়া আপত্তি করিয়াছ । জীব স্বরূপতঃ “সত্য-সংকল্প” বটে ; কিন্তু সংসার-দশায় উক্ত সত্যসংকল্প সম্পূর্ণরূপে অনভিব্যক্ত থাকায়, জীবের দ্বারা আশ্চর্যরূপ স্বপ্নদৃশ্য জালের সৃষ্টি সম্ভব হয় না । পরম মায়াবী পরমেশ্বরের দ্বারাই ইহা সম্ভব । এ সৃষ্টিতে পঞ্চ মহাভূত প্রভৃতির প্রয়োজন নাই । মায়াই এই সৃষ্টির উপকরণ, এবং এই ময়া ময়াধীশ পরম ব্রহ্মেরই ক্রীড়া পুত্তলিকা । তিনিই ইহা দ্বারা স্বপ্ন সৃষ্টি করিয়া থাকেন ।

ইহা প্রতিপাদনের জন্য সূত্রকার সিদ্ধান্ত সূত্র স্থাপন করিতেছেন :—

সূত্র :— ৩।২।৩ ।

মায়ামাত্রং তু কাৎ স্নেয়ানভিব্যক্ত-স্বরূপত্বাৎ ॥ ৩।২।৩ ॥

* মায়ামাত্রং + তু + কাৎ স্নেয়ান + অনভিব্যক্ত-স্বরূপত্বাৎ ॥

মায়ামাত্রং :—কেবলই ময়া, মিথ্যা । তু :—পূর্বপক্ষ নিরসনার্থ ।

কাৎ স্নেয়ান :—সম্পূর্ণরূপে । অনভিব্যক্তস্বরূপত্বাৎ :—যেহেতু স্বরূপ অনভিব্যক্ত হয় না ।

স্বপ্ন-দৃশ্যাবলী-সৃষ্টি মায়ী মাত্র। জাগ্রৎ দৃশ্যাবলীর গ্ৰায় উহার ব্যবহারিক সম্ভাও নাই, এবং জাগ্রৎ দৃশ্য পদার্থের গ্ৰায় দেশ, কাল, নিমিত্ত ও বাধ-বাহিত্য স্বপ্ন-পদার্থে সম্ভাবিত নহে। জাগ্রৎ-দৃশ্য পদার্থ সকল, যেমন সেই দেশে ও সেই কালে বর্তমান সমুদায় ব্যক্তিরই দর্শনযোগ্য, স্বপ্ন-দৃশ্য সেরূপ নহে, উহারা কেবল স্বপ্নদ্রষ্টা কর্তৃকই দৃশ্যমান। অঘটন-ঘটন-পটীয়সী মায়ার দ্বারাই স্বপ্ন দৃশ্যাবলী সৃষ্টি সম্ভব, কেননা, পূর্বোক্ত অত্যাশ্চর্য্য স্বপ্ন-সৃষ্টি সংসারাবন্ধ আবৃত-স্বরূপ অজ্ঞানাদ্ধ জীবের পক্ষে সম্ভব নহে। পরম মায়াবী পরমেশ্বরই উহার স্রষ্টা।

৩।২।১ সূত্রের আলোচনায় উক্ত ভাগবতের ১১।১৩।৩১ শ্লোকে জীবকে স্বপ্ন দৃশ্যাবলীর ভোক্তাই বলা হইয়াছে, কর্তা বলা হয় নাই। অতএব উক্ত শ্লোক প্রকৃতপক্ষে পূর্বপক্ষের আপত্তির পোষক নহে।

জীব স্বরূপতঃ সত্য-সংকল্পদ্বাদি গুণবিশিষ্ট হইতে পারে, কিন্তু যতদিন জীব মনোরূপ উপাধিতে অভিমানী, ততদিন সংকল্প-বিকল্পাত্মক মনোবিলাস হইতে নিবৃত্তি নাই। সমুদায় ক্রিয়া নিবৃত্ত হইলে তবে জীবের স্বরূপ-বিকাশ সম্ভব হইতে পারে। তখন মনোরূপ উপাধিতে অভিমান তিরোহিত হওয়ায়, বাসনা, যাহা মনোবিলাস মাত্র, তাহা বর্তমান থাকে না; সুতরাং, স্বপ্নে বাসনাময় ভোগ, যাহা ভাগবতের ১১।১৩।৩১ শ্লোকে উল্লিখিত হইয়াছে, তাহা স্বরূপ প্রাপ্ত জীবের পক্ষে সম্ভবই নহে।

সুখমস্ত্যাত্মনো রূপং সর্ব্বহোপরতিস্কমুঃ ।

মনঃ সংস্পর্শজান্ দৃষ্ট্বা ভোগান্ স্বপ্ন্যামি সংবিশন্ ॥

ভাগঃ ৭।১৩।২৩

—জীব সুখ স্বরূপ, যখন সর্ব্বক্রিয়া নিবৃত্তি হয়, তখন ঐ রূপ আপনা হইতে প্রকাশ পায়। ভোগসকল মনোরথ মাত্র বিবেচনা করিয়া নিরুত্তম হইয়া আমি শয়ন করিয়া থাকি, এবং প্রারম্ভ মাত্র ভোগ করিয়া থাকি। ভাগঃ ৭।১৩।২৩

বিশেষতঃ, জাগ্রৎ-স্বপ্ন এবং সুষুপ্তিতে যে একমাত্র ব্রহ্মই সৎ স্বরূপে নিত্য বিদ্যমান থাকেন, তাহা শ্রীমদ্ভাগবত স্পষ্ট ভাবে বলিয়াছেন :—

স্থিত্যন্তবপ্রলয়হেতুরহেতুরন্য

যৎ স্বপ্ন জাগরনুষ্ণুপ্তিবু সঙ্ঘহিচ্চ ।

দেহেইন্দ্রিয়ানুহৃদয়ানি চরন্তি যেন

সঞ্জীবিতানি তদবেহি পরং নরেন্দ্র ॥

ভাগঃ ১১।৩।৩৬

—পিপ্ললায়ন কহিলেন, হে নরেন্দ্র ! যিনি এই জগতে সৃষ্টি, স্থিতি, প্রলয়ের হেতু ও স্বয়ং অহেতু এবং যিনি স্বপ্ন, জাগরণ, সুষুপ্তি কালে ও সমাধিতে সঙ্কপে বর্তমান, আর দেহ, ইন্দ্রিয়, মনঃ ইহারা যাহার দ্বারা জীবিত থাকিয়া বিচরণ করে, তাঁহাকেই পরম তত্ত্ব জানিবে । ভাগ : ১১।৩।৩৬

অতএব, সিদ্ধান্ত হইল যে, জীব স্বাপ্ন-দৃশ্যাবলীর স্রষ্টা নহে । পরমেশ্বরই উহাদের সৃষ্টিকর্তা । সে কারণ, তিনি যে সর্বকারণ-কারণ, সর্বকর্তা এবং সে জগৎ সকলের একমাত্র উপাস্য, এ প্রতিজ্ঞা অব্যাহতই রহিয়াছে ।

ভিত্তি:—

“যদা কস্ম'সু কাম্যেষু স্ত্রিয়ং স্বপ্নেষু পশ্যতি ।

সমৃদ্ধিং তত্র জানীয়াৎ তস্মিন্ স্বপ্ননিদর্শনে ॥” (ছান্দোগ্যঃ ৫।২।৯)

—যদি কোনও কাম্য কর্ণে প্রবৃত্ত ব্যক্তি স্বপ্নযোগে স্ত্রীমূর্তি দর্শন করেন, তখন সেই স্বপ্ন দর্শনের ফলে কর্ণের সাফল্য জানিবে । (ছাঃ ৫।২।৯) ।

সংশয়:—আকাশাদি দৃশ্যমান জগৎ প্রপঞ্চ সৃষ্টির স্মার স্বাপ্ন সৃষ্টির ব্যবহারিক সত্ত্বাও নাই বলিয়াছি ; তাহা হইলে ত স্বাপ্ন সৃষ্টি ঐকান্তিক মিথ্যা । এ প্রকার ঐকান্তিক মিথ্যা সৃষ্টির কারণ কি ? ইহার উত্তরে সূত্র:—

সূত্র:—৩।২।৪ ।

সূচকশ্চ হি শ্রুতেরাচক্ষতে চ তদ্বিদঃ ॥ ৩।২।৪ ॥

সূচকঃ + চ + হি + শ্রুতেঃ + আচক্ষতে + চ + তদ্বিদঃ ॥

সূচকঃ:—সূচক, শুভাশুভ জ্ঞাপক । **চ:—**ও । **হি:—**নিশ্চয়ই ।

শ্রুতেঃ:—শিরোদেশে উদ্ধৃত শ্রুতি মন্ত্র হইতে । **আচক্ষতে:—**বলিয়া থাকেন । **চ:—**ও । **তদ্বিদঃ:—**স্বপ্নতত্ত্বজ্ঞ ব্যক্তিগণ ।

স্বাপ্ন পদার্থে দেশ, কাল, নিমিত্ত ও বাধ-রাহিত্য বর্তমান থাকে না বলিয়া উহা মিথ্যা বলা হইয়াছে, সত্য, কিন্তু উহারও ব্যবহারিক উপযোগিতা আছে । শ্রুতিতে কথিত আছে যে, উহা ভবিষ্যৎ শুভাশুভের সূচক । শিরোদেশে উদ্ধৃত শ্রুতি মন্ত্র (ছাঃ ৫।২।৯) ইহার প্রমাণ । ‘স্বপ্ন তত্ত্ববিদগণও ঐ প্রকার বলিয়া থাকেন ।

কংসও আসন্ন মৃত্যুসময়ে স্বপ্নকালে অমঙ্গল-সূচক দৃশ্যাদি দর্শন করিয়া-ছিলেন, তাহা ভাগবতে বর্ণিত আছে, যথা:—

স্বপ্নে প্রেত-পরিষদঃ খরযানং বিষাদনম্ ।

যায়ামলদমাল্যেকশ্চৈস্তলাভ্যঙ্গো দিগম্বরঃ ॥ ভাগঃ ১০।৪২।৩০

—(কংস স্বপ্নে দেখিলেন যেন) :—মৃত লোকের সহিত তাঁহার আলিঙ্গন হইল, কখনও যেন গর্দভ বাহিত যানে গমন, কখনও যেন মৃগাল ভক্ষণ হইল, কখনও যেন এক ব্যক্তি দিগম্বর ও তৈলসিক্ত হইয়া অবাধুস্বপ্নের মাল্য

ধারণ পূর্বক, তাঁহার নিকট দিয়া গেল। এই সবগুলিই অশুভসূচক।
ভাগঃ ১০।৪২।৩০

জীব যদি স্বপ্নের সৃষ্টিকর্তা হইতেন, তাহা হইলে নিজের অনিষ্ট
সূচক স্বপ্ন স্জন করিবেন কেন? কোনও জ্ঞানী ব্যক্তি তাহা করেন
না। অতএব, জীব স্বপ্নের সৃষ্টিকর্তা নহেন।

[এই সূত্রটি শঙ্করাচার্য্য, মধ্বাচার্য্য, বল্লাভাচার্য্য ও বলদেব ৩।২।৩ সূত্রের
পর সন্নিবেশ করিয়া ব্যাখ্যা করিয়াছেন। রামানুজাচার্য্য—ইহা ৩।২।৫ সূত্রের
পরে স্থাপন করিয়াছেন। অর্থের বিভিন্নতা নাই। অধিকাংশ আচার্য্যগণের
মতে, ৩।২।৪ সূত্ররূপে ব্যবহৃত হইল।]

ভিত্তি :—

(১) “প্রধানক্ষেত্রজপতিগুণেশঃ সংসারমোক্‌স্থিতিবন্ধহেতুঃ ॥”

(খেতাস্থতরঃ ৬।১৬)

—সেই ব্রহ্ম প্রধান ও ক্ষেত্রজের নিয়ন্তা, গুণেশ এবং জীবের সংসার, মোক্‌, স্থিতি এবং বন্ধের কারণ । (খেতাঃ ৬।১৬)

(২) “যদা হ্যেবৈষ এতন্মিহ্নদৃশ্যেহনায়েহ্নিক্‌নৈহ্নিলয়নেহ্নভয়ং প্রতিষ্ঠাং বিন্দতে, অথ মোহভয়ং গতো ভবতি, যদা হ্যেবৈষ এতন্মিহ্নদরমন্তুরং কুরুতে, অথ তস্য ভয়ং ভবতি ॥”

(তৈত্তিরিঃ ২।৭।২)

—এই জীব যখনই অদৃশ্য, অনাত্ম্য, অনিক্‌ক, অনিলয়ন (অগ্‌ত্র অনাপ্রিত) এই পরব্রহ্মে সর্বভয় নিবারক প্রতিষ্ঠা লাভ করে, তখনই সেই জীব অভয় প্রাপ্ত হয়। আর যখন ইহাতে অল্পমাত্রও ভেদ বুদ্ধি করে, তখন তাহার ভয় হইয়া থাকে । (তৈত্তিরিঃ ২।৭।২)

(৩) “ভীষাম্মাদ্বাতঃ পবতে” ॥ (তৈত্তিরিঃ ২।৮।১) ।

—ইহার ভয়ে বায়ু নিয়মিতভাবে সঞ্চরণ করিতেছে । (তৈত্তিরিঃ ২।৮।১)

সংশয় :—৩।২।১ সূত্রের শিরোদেশে উক্ত ছান্দোগ্য শ্রুতির ৮।৭।১ মন্ত্রে জীব সম্বন্ধে অপহতপাপত্বাদি, সত্যসংকল্পত্বাদি গুণ কথিত হইয়াছে । তোমরাও ২।৩।১২ সূত্রে জীব জ্ঞাতা, এবং ২।৩।৪৩ সূত্রে জীব—ব্রহ্মাংশ বলিয়া সিদ্ধান্ত স্থাপন করিয়াছ । লৌকিক দেখা যায় যে, বহির ক্ষুদ্র অংশ বিক্ষুব্ধি বহির গায় দাহিকা শক্তি বিগ্‌মান । তবে ব্রহ্মাংশ জীবে সর্বকালে, সর্বস্থানে, সর্বাবস্থায়, সত্য-সংকল্পত্ব, সর্বজ্ঞত্ব প্রভৃতি ব্রহ্মধর্ম বর্তমান থাকিবে না কেন ? এবং জীবই কেন বা স্থাপন বিষয়ের স্রষ্টা হইবে না ? এই সংশয় নিরসনের জন্ত সূত্র :—

সূত্র :—৩।২।৫ ।

পর্যাপ্তানাং তিরোহিতম্, ততো হ্যস্মৈ বন্ধ-বিপর্যায়ৌ ॥ ৩।২।৫ ॥

পর্যাপ্তানাং + তু + তিরোহিতং + ততঃ + হি + অস্মৈ + বন্ধ-বিপর্যায়ৌ ॥

পর্যভিধ্যানাং :—পরব্রহ্মের অভিধ্যান বা সংকল্প নিমিত্ত। **ভু** :—
আপত্তি নিরসন সূচক। **তিরোহিতং** :—আবৃত বা আবদ্ধ। **ততঃ** :—তাহা
হইতে—তাহারই সংকল্প হইতে। **হি** :—নিশ্চয়ে। **অস্য** :—জীবের।
বন্ধ-বিপর্যায়ো :—সংসারে বন্ধ ও তাহা হইতে মোক্ষ।

জীব স্বরূপতঃ ব্রহ্মাংশ বটে, এবং জীবের স্বরূপে ব্রহ্মধর্ম বিद्यমান, সন্দেহ
নাই। পরম পুরুষ পরমেশ্বরের সংকল্প বশতঃই কর্মাপরাধ যুক্ত জীবের সেই
স্বাভাবিক রূপ আবৃত হইয়া থাকে, এবং সেই পরব্রহ্মের ইচ্ছানুসারেই জীবের
বন্ধ ও মোক্ষ ঘটয়া থাকে। পরব্রহ্মের ইচ্ছাই জগৎ-বৈচিত্র্যের নিয়ম-শৃঙ্খলা।
এই নিয়মানুসারে জগৎ ব্যাপার পরিচালিত হইয়া থাকে। সাধারণতঃ ইহার
ব্যতিক্রম নাই। এই নিয়মের বলেই জীব নিজ কর্মদোষে সংসারে বন্ধ। এবং
এই নিয়মের বলেই জীব ক্রমোন্নতি পথে অগ্রসর হইতে হইতে ক্রমশঃ সংসার
হইতে মোক্ষ প্রাপ্ত হইবে। এই নিয়মের বলেই পবন সঞ্চারণমান হইতেছে,
দিনের পর দিন সূর্য যথাসময়ে উদিত হইয়া জগৎ উদ্ভাসিত ও অনুপ্রাণিত
করিতেছে, পর্জন্য বারিবর্ষণ করিয়া জীবের অন্ন সংস্থান করিতেছে, এবং
তদ্বারা জীবের জনন, পোষণ, বর্দ্ধন ও মরণ সংঘটিত হইতেছে। এ নিয়মের
ব্যভিচার নাই। ইহার উল্লঙ্ঘনের প্রয়াস করিলেই রোগ, শোক, তাপ প্রভৃতি
শাস্তি ভোগ অপরিহার্য হইয়া পড়ে। জীবের স্বাধীন কর্তৃত্ব নাই। এই
নিয়মের অধীনে থাকিয়াই, জীবের স্বরূপ লাভের পথে অগ্রসর হইতে হইবে।
ইহা পরে বিবৃত হইবে।

ভাগবত স্পষ্টই বলিয়াছেন যে, জীব স্বরূপতঃ অকর্তা, ঈশ। স্বরূপতঃ
তাহার বন্ধ মোক্ষ নাই। পরম পুরুষের সংকল্প বশতঃ, জীব, ক্রিয়মাণ
কর্মে প্রকৃতির কর্তৃত্ব, অভিমান বশতঃ আপনাতে আরোপ করিয়া কর্তা
সাক্ষিয়া বসেন, তাহাতেই তাহার সংসার বন্ধন। ভাগঃ ৩।২।৬-৭

এবং পর্যভিধ্যানেন কর্তৃত্বং প্রকৃতেঃ পুমান্।

কর্মসু ক্রিয়মাণেষু গুণৈরাগ্নিনি মস্ততে ॥ ভাগঃ ৩।২।৬

তদস্ম্য সংসৃতির্বন্ধঃ পারতন্ত্র্যঞ্চ তৎকৃতম্।

ভবত্যকর্তৃরীশস্য সাক্ষিণো নিবৃত্তাত্মনঃ ॥ ভাগঃ ৩।২।৭

শ্রীমদ্ভাগবতে স্পষ্ট উল্লেখ আছে যে—জীব ব্রহ্মাংশ। বিদ্যা ও অবিদ্যা
উভয়ই ব্রহ্মশক্তি এবং উভয়ই অনাদি, উভয়ই মায়ী দ্বারা পরব্রহ্ম কর্তৃক

নির্মিত। ব্রহ্মাংশ জীব অনাদি অবিজ্ঞা দ্বারা বন্ধ হইয়া থাকে, এবং অনাদি বিজ্ঞালাভ করিলেই তাঁহার মুক্তি। ভাগঃ ১১।১১।৩-৪

বিজ্ঞাবিজে মম তনু বিদ্যাক্ষব শরীরিণাম্ ।

বন্ধমোক্ষকরী আত্তে মায়য়া মে বিনির্শ্বিতে ॥ ভাগঃ ১১।১১।৩

একশ্বেব মমাংশস্ত জীবসৈস্যেব মহামতে ।

বন্ধোহস্ত্যাবিজ্ঞয়ানাদোবজ্ঞয়াচ তথেষতরঃ ॥ ভাগঃ ১১।১১।৪

—এই বিজ্ঞালাভের এবং তাহা হইতে আত্মস্বরূপ উপলব্ধির সহজ উপায়, শ্রীভগবানের চরণে ঐকান্তিকী দৃঢ়া ভক্তি। উক্ত ভক্তি দ্বারা গুণকর্ম সম্বৃত চিত্তমল প্রক্ষালিত হয়, এবং তাহা হইলে নির্মল চক্ষুর নিকট সূর্য প্রকাশের ন্যায়, বিশুদ্ধ আত্মতত্ত্বের সাক্ষাৎ উপলব্ধি হয়। ভাগঃ ১১।৩।৪১।

যস্য জ্ঞানাভ্যচরণৈষণয়োরুক্ত্য

চেতোমলানি বিধমেদগুণ কস্মৈ জ্ঞানি ।

তস্মিন্ বিশুদ্ধ উপলভ্যত আত্মতত্ত্বং

সাক্ষাদযথাহমলদৃশোঃ সবিত্ত্বপ্রকাশঃ ॥

ভাগঃ ১১।৩।৪১

—এই আত্মতত্ত্ব উপলব্ধি হইলে, বা অখিলাত্ম রূপে ভগবান্কে ধারণা করিতে পারিলে, হৃদয়গ্রন্থি স্বরূপ অহঙ্কার রূপ উপাধি ধ্বংস প্রাপ্ত হয়, সমুদায় সংশয়ের অবসান হয়, এবং সমুদায় কর্ম (প্রারব্ধ ব্যতীত) ক্ষয় প্রাপ্ত হয়। এক কথায়, পরম পুরুষার্থ লাভ হইয়া থাকে। ভাগঃ ১১।২।৩০

ভিত্ততে হৃদয়গ্রন্থিচ্ছিত্ত্বস্তে সর্বসংশয়াঃ ।

ক্ষীরন্তে চাস্ত্য কস্মৈ গি ময়ি দৃষ্টেহখিলাত্মনি ॥ ভাগঃ ১১।২।৩০

ইহার পর আর কিছু করণীয় থাকে না। জীবের সংসারে গতাগতির উদ্দেশ্য সার্থকতা লাভ করে। ইহাই জীবের অভয় প্রতিষ্ঠা বা অমৃতত্ব লাভ। ইহা ক্রমশঃ বিবৃত হইবে।

অতএব সিদ্ধ হইল যে, পরব্রহ্মের সংকল্প বা ইচ্ছা বশতঃই জীবের অনন্ত কোটি জন্মকৃত কস্মৈ'র জন্ম স্বরূপাবরণ এবং সংসারে বন্ধন ঘটিয়া থাকে, এবং তাঁহার ইচ্ছা বশতঃই আবার স্বরূপানুভূতি এবং

সংসার হইতে মোক্ষ প্রাপ্তি হইয়া থাকে । এই সংকল্পই সৃষ্টি, একের বহু হইবার ইচ্ছা, এবং সে কারণ প্রকৃতির উপর ঈর্ষণ । ইহাই মূল স্পন্দন, ইহাই মূল ক্রিয়া, ইহারই অনুস্পন্দনে বিশ্ব ব্যাপার স্পন্দিত, সংঘটিত, নিয়মিত ও পরিচালিত হইতেছে । যত কিছু কার্য্য, গতি, বেগ, বৃদ্ধি, হ্রাস, জন্ম, মৃত্যু, হুঃখ, কষ্ট, শোক, তাপ, সুখ, আনন্দ প্রভৃতি জগতে যা কিছু দেখা যায়, তাহার মূলে এই সংকল্প । ইহাই সৃষ্টি-
স্বচিন্তার মূলভেদ ।

সংশয় :—পরম পুরুষের সংকল্প জীবের জ্ঞানৈশ্বর্য্য আবরণ করতঃ স্বরূপ তিরোধান করিয়া থাকে, বলিলে । তাহা কি প্রকারে সংসাধিত হয় ? ইচ্ছা মাত্রেই হয়, অথবা, কোনও উপায় দ্বারা উহা সম্পাদিত হয় ? লৌকিক দৃষ্টান্তে দেখা যায় যে, লোকে কোনও কার্য্য করিতে ইচ্ছা করিবামাত্রই তাহা সম্পাদিত হয় না । উহার জগু উপকরণাদি সংগ্রহ করিয়া সাধন বিশেষ অবলম্বন করিলে তবে তাহা সম্পাদিত হয় ; যেমন, কুস্তকার ঘট প্রস্তুত করিবার জগু উপাদান মৃত্তিকা, এবং সাধন কুলাদির সাহায্য অপেক্ষা করে, শুধু চিন্তামাত্রের ঘট নির্মাণে সমর্থ হয় না । সেইরূপ জীবের স্বরূপ তিরোধান কি প্রকারে সাধিত হয় ? ইহার উত্তরে সূত্র :—

সূত্র :—৩।২।৬ ।

দেহযোগাদ্বা সোহপি ॥ ৩।২।৬ ॥

দেহযোগাৎ + বা + সঃ + অপি ॥

দেহযোগাৎ :—দেহযোগ বশতঃ । বা :—বিকল্পে । সঃ :—তাহা, জ্ঞানৈশ্বর্য্যাদি শক্তির আবরণ । অপি :—ও ।

সূত্রস্থ 'দেহ' শব্দে যে স্থূল শরীর মাত্রকে বুঝাইতেছে, তাহা নহে । উহা সূক্ষ্মশরীর, কারণশরীর—এমন কি প্রলয়কালে নামরূপে অবিভক্ত সূক্ষ্মাতিসূক্ষ্ম কৰ্ম্মবীজভূত অচিৎ পদার্থকে লক্ষ্য করিয়া প্রযুক্ত হইয়াছে । সূত্রটির সরলার্থ এই :—সৃষ্টি সময়ে দেব-মনুষ্যাদি শরীরের সহিত সঙ্ঘবশতঃ এবং প্রলয়কালে নামরূপ বিভাগানহ সূক্ষ্মাতিসূক্ষ্ম অচিৎ পদার্থ সঙ্ঘবশতঃ জীবের সেই স্বাভাবিক শক্তির তিরোভাব হইয়া থাকে ।

শ্রীমদ্ভাগবত বলিতেছেন :—

দৈবাধীনে শরীরেহ্মিন্ গুণভাব্যেন কর্মণা ।

বর্তমানোহ্‌বুধস্তত্র কর্তাস্মীতি নিবধ্যতে ॥ ভাগঃ ১১।১১।১০

—অজ্ঞানী লোক পূর্ব পূর্ব জন্মকৃত কর্ম দ্বারা গঠিত—
অদৃষ্ট হইতে প্রাপ্ত এই বর্তমান দেহে প্রকৃতির গুণ দ্বারা সম্পাদিত
কর্মে “কর্তা” অভিমান করতঃ, বন্ধ হইয়া থাকে । ভাগঃ ১১।১১।১০

তত্ত্বতঃ, জীব ব্রহ্মের শক্তি বিধায় ব্রহ্মেরই স্বরূপ । কর্তৃত্ব-
ভোক্তৃত্বাদিক্রমে বিষয়ের সহিত সংগ্ৰহিত চিত্ত বা বুদ্ধি, জীবের স্বরূপ
মহে । উহারাই জীবের স্বরূপের আবরক । উহারাই উপাধিক্রমে
জীবকে বেষ্টন করিয়া থাকে ।

গুণেষাবিশতে চেতো গুণাশ্চেতসিচ প্রজাঃ ।

জীবস্ত দেহ উভয়ং গুণাশ্চেতো মদাত্মনঃ ॥ ভাগঃ ১১।১৩।২৪

গুণেষু চাবিশচ্চিত্তমভীক্ষুং গুণসেবয়া ।

গুণাশ্চ চিত্তপ্রভবা মদ্রূপ উভয়ং ত্যজ্ঞেৎ ॥ ভাগঃ ১১।১৩।২৫

—হে পুত্রগণ ! অন্তঃকরণ বিষয়ে প্রবিষ্ট হয়, এবং বিষয় সকলও
অন্তঃকরণে প্রবিষ্ট হয়, কিন্তু বিষয় ও অন্তঃকরণ উভয়ই মদাত্মক
জীবের অধ্যস্ত দেহ মাত্র । ভাগঃ ১১।১৩।২৪

—অতএব, পুনঃ পুনঃ বিষয়সেবা দ্বারা তৎসংস্কার বশতঃ
বিষয়ে আবিষ্ট চিত্ত এবং বাসনা রূপে চিত্ত হইতে উদ্ভূত বিষয়সকল,
এই উভয়ই, আমার স্বরূপ প্রাপ্ত হইয়া পরিত্যাগ করিবে ।

ভাগঃ ১১।১৩।২৫

এ প্রসঙ্গে ৩।১।১ সূত্রের আলোচনায় উদ্ধৃত শ্রীমদ্ভাগবতের ৩।৩।৪৩-৪৪
শ্লোক দুটি দ্রষ্টব্য (পৃঃ ১১৫১-২) ।

অতএব সিদ্ধ হইল যে, জীবের স্বরূপ আবরক দেহ ইহলোক
ও পরলোকে জীবের সহিত গমনাগমন করিয়া থাকে, এবং এলয়ে
জীবের পূর্ব পূর্ব জন্মকৃত কর্ম সকল, বীজ, সংস্কার, বৃত্তি, শক্তি,
প্রবৃত্তি, সূক্ষ্মাতিসূক্ষ্ম অচিৎ পদার্থরূপে জীবের বেষ্টনী স্বরূপ হইয়া
শ্রীভগবানে লীন থাকে, আবার সৃষ্টির প্রাক্কালে ভগবদ্বিচ্ছায় উহার
উদ্বোধিত হইয়া কার্যশীল হইয়া থাকে ।

২। তদভাবাধিকরণ ॥

ভিত্তি :—

(১) “যত্রৈতৎ সুষ্প্তঃ সমস্তঃ সম্প্রসন্নঃ স্বপ্নং ন বিজানাত্যাস্তু তদা নাড়ীষু সুষ্প্তো ভবতি.....।” (ছান্দোগ্যঃ ৮।৬।৩)

—এই সমস্ত জীব যখন ইন্দ্রিয় সম্বন্ধে বর্জিত হইয়া এবং সম্যক্ প্রসন্নতা লাভ করিয়া কোনও প্রকার স্বপ্ন দর্শন করে না, তখন এই সমস্ত নাড়ীতে সংসৃষ্ট হয়। (ছাঃ ৮।৬।৩)

(২) “অথ যদা সুষ্প্তো ভবতি যদা ন কশ্চচন বেদ, হিতা নাম নাড়্যো দ্বাসপ্ততিসহস্রাণি হৃদয়াৎ পুরীততমভি-প্রতিষ্ঠন্তে, তাভিঃ প্রত্যবসৃপ্য পুরীততি শেতে।” (বৃহঃ ২।১।১৯)

—অতঃপর যখন সুষ্প্ত হয়, তখন কাহারও সম্বন্ধে কিছুই জানে না, তখন হিতা নামক যে ৭২০০০ (বাহাস্তর হাজার) নাড়ী হৃদয় হইতে পুরীতৎ অভিমুখে চলিয়াছে, সেই সমুদায় নাড়ীর সহিত মিলিত হইয়া পুরীততে শয়ন করিয়া থাকে। (বৃহঃ ২।১।১৯)

(৩) “যত্রৈতৎ পুরুষঃ স্বপ্নিতি নাম, সতা সোম্য তদা সংপন্নো ভবতি।”

(ছান্দোগ্যঃ ৬।৮।১)

—পুরুষ সে সময় সুষ্প্ত বলিয়া প্রসিদ্ধি লাভ করে, হে সোম্য, তখন সংপন্ন ব্রহ্মের সহিত মিলিত হয়। (ছাঃ ৬।৮।১)

সংশয় :—ছান্দোগ্য শ্রুতির ৮।৬।৩ মন্ত্রে সুষ্প্ত পুরুষ নাড়ীতে অবস্থান করে, উক্ত আছে। বৃহদারণ্যক শ্রুতির ২।১।১৯ মন্ত্রে উক্ত সুষ্প্ত পুরুষ পুরীততে অবস্থান করে, উল্লিখিত আছে। পুরীতৎ শব্দ—পুরি+তন্+কিপ্, হইতে নিস্পন্ন। ইহার ব্যুৎপত্তি লভ্য অর্থ—পুরিঃ শরীরং তনোতি ইতি—হৃদয় বেঠনী বা অন্তঃ। অতএব বৃহদারণ্যক শ্রুতি মন্ত্রে সুষ্প্ত পুরুষ অঙ্গে অবস্থান করে। আবার ছান্দোগ্য শ্রুতির ৬।৮।১ মন্ত্রে উক্ত সুষ্প্ত পুরুষ পরব্রহ্মের সহিত মিলিত হয়, স্পষ্ট কথিত আছে। তিন স্থানে তিন প্রকার উক্তি শ্রুতিতেই দেখা যাইতেছে। সুতরাং সহজেই সন্দেহ হয় যে, বাস্তবিক সুষ্প্ত পুরুষ সুষ্প্তির সময় কোথায় অবস্থিতি করে—নাড়ীতে, পুরীততে, অথবা ব্রহ্মে ? সুষ্প্ত পুরুষের এক কালে তিন জায়গায় অবস্থানের সম্ভাবনা না থাকায়,

উহাদের মধ্যে একস্থানেই অবস্থান সম্ভব; সেই স্থান কোনটি? অথবা যদি উক্ত তিন স্থান সম্বন্ধে বিকল্প সম্ভব না হয়, তবে কি সমুচ্চয় বুদ্ধিতে হইবে— অর্থাৎ, নাড়ীতে সুষুপ্তি আরম্ভ, পুরীততে তাহার পুষ্টি, এবং আত্মা বা ব্রহ্মে তাহার সমাপ্তি—এই প্রকার বুদ্ধিতে হইবে? এই সন্দেহ নিরসনের জন্ম সূত্র :—

সূত্র—৩।২।৭।

তদভাবো নাড়ীষু তচ্ছূ তেরাঅনি চ ॥ ৩।২।৭ ॥

তদভাবঃ + নাড়ীষু + তচ্ছূ তেঃ + আঅনি + চ ॥

তদভাবঃ :—স্বপ্নের অভাব বা সুষুপ্তি। নাড়ীষু :—নাড়ীগণের মধ্যে।
তচ্ছূ তেঃ :—তদ্বিশয়ে শ্রুতি হইতে। আঅনি :—আত্মাতে বা ব্রহ্মা।
চ :—ও।

স্বপ্নের অভাব অর্থাৎ সুষুপ্তি অবস্থায় পুরুষের অবস্থান, নাড়ীতে এবং আত্মাতেও হয়, ইহা শ্রুতিতে স্পষ্ট উক্ত আছে। উহাদের বিকল্প নির্দেশ করা শ্রুতির উদ্দেশ্য নহে। উহাদের সমুচ্চয় অর্থাৎ পরম্পর পরম্পরের সহায়ক—ইহাই নির্দেশ করা শ্রুতির অভিপ্রায়। যেমন কোনও ব্যক্তি দ্বার পথে প্রাসাদে প্রবেশ করিয়া, তদন্তর্গত পর্য্যক্কে শয়ন করিয়া নিদ্রিত হয়, সেইরূপ জীব নাড়ীপথে পুরীততে প্রবেশ করিয়া পর্য্যক্ রূপ আত্মায় শয়ন বা অবস্থান করিয়া সুষুপ্তি অনুভব করে, ইহাই শ্রুতির অভিপ্রায়, এবং ইহাই সিদ্ধান্ত। স্মৃতরাং, প্রকৃতপক্ষে, জীব সুষুপ্তিতে ব্রহ্মেই অবস্থান করে, বুদ্ধিতে হইবে। নাড়ী এবং পুরীতৎ আত্মায় প্রবেশ করিবার উপায় বা সাধন মাত্র।

এ সম্বন্ধে ভাগবত কি বলেন, দেখা যাউক। ৩।২।১ সূত্রের আলোচনায় উক্ত ১।১।৩।৩১ শ্লোকে আছে—“সুষুপ্ত উপসংহরতে”—সুষুপ্তিতে উপসংহার করেন—অর্থাৎ স্থূল, সূক্ষ্ম (বাহু-আস্তর) সমুদায় বিষয় অজ্ঞানে লীন করেন; স্মৃতরাং, তৎকালে সে সকলের কোনও প্রকার জ্ঞান থাকে না।

—জাগ্রৎ, স্বপ্ন ও সুষুপ্তি ইহারা বুদ্ধির সত্ত্ব, রজঃ ও তমোগুণের কার্যমাত্র। জীব উহাদের সকল হইতে ভিন্ন, কেবল সাক্ষীরূপে বর্তমান।

জাগ্রৎ স্বপ্নঃ সুষুপ্তঞ্চ গুণতো বুদ্ধিবৃত্তয়ঃ ।

তাসাং বিলক্ষণো জীবঃ সাক্ষিৎসেন বিনিশ্চিতঃ ॥ ভাগঃ ১১।১৩।২৬

—স্বপ্নগুণের প্রাধাত্তে জাগরণে জাগ্রৎ, বজোগুণের প্রাধাত্তে স্বপ্ন এবং তমোগুণের প্রাধান্যে সুষুপ্তি ; কিন্তু ইহাদের হইতে পৃথক তুরীয় তত্ত্ব এই তিন অবস্থাতেই সম্ভব । ভাগঃ ১১।২৫।১২

সদ্ব্যজ্জাগরণং বিদ্যাদ্রজসঃ স্বপ্নমাদিশেৎ ।

প্রস্থাপং তমসা জন্তো স্তুরীয়ং ত্রিষু সম্ভবতম্ ॥ ভাগঃ ১১।২৫।১২

শ্রীভগবান্ আপনাকে চতুর্ধা বিভক্ত করিয়া চতুর্বাহ রূপে স্ব স্ব বিত্ত্বিত্তি দ্বারা এই জাগ্রৎ, স্বপ্ন, সুষুপ্তি এবং তুরীয় অবস্থা নিয়ন্ত্রণ করেন ।

বাসুদেবঃ সঙ্কর্ষণঃ প্রহ্লায়ঃ পুরুষঃ স্বয়ম্ ।

অনিকরুঙ্ক ইতি ব্রহ্মন্ মূর্ত্তিব্াহেহভিধীয়তে ॥ ভাগঃ ১২।১১।১৮

স বিশ্বশৈস্তৈজস প্রাজ্ঞস্তুরীয় ইতি বৃত্তিভিঃ ।

অর্থোশ্রিয়াশয়জ্ঞানৈর্ভগবান্ পরিভাব্যতে ॥ ভাগঃ ১২।১১।১৯

—হে ব্রহ্মন্! একই পুরুষ চতুর্বাহ মূর্ত্তিতে বাসুদেব, সঙ্কর্ষণ, প্রহ্লায় ও অনিকরুঙ্ক নামে কথিত হন । সেই এক ভগবানই জাগ্রৎ, স্বপ্ন, সুষুপ্তি এবং এতদ্ব্যতীত তুরীয় অবস্থায় বাহ বিষয়, মনঃ, বাহ্যস্তর সংস্কার এবং জ্ঞান দ্বারা যথাক্রমে বিশ্ববৃত্তির নিয়ন্তা সঙ্কর্ষণ, তৈজস বৃত্তির নিয়ন্তা প্রহ্লায়, প্রাজ্ঞ বৃত্তির নিয়ন্তা অনিকরুঙ্ক, এবং তুরীয় বৃত্তির নিয়ন্তা বাসুদেব রূপে উপাসনীয় । ভাগঃ ১২।১১।১৮-১৯

ভাগবত ধর্ম্মে পরমাখ্যায় চতুর্বাহরূপে জাগ্রৎ, স্বপ্ন, সুষুপ্তি ও তুরীয় অবস্থা চতুষ্টয়ের নিয়ন্তা বলিয়া উল্লিখিত হইয়াছেন । এই চারিতে এক ও একে চারি । পরম্পরে সম্পূর্ণ অভেদ, প্রত্যেকেই পূর্ণ সংস্বরূপ, চিৎ স্বরূপ ও আনন্দ স্বরূপ ।

এই সকল শ্লোক হইতে প্রতিপাদিত হইল যে, জীব জাগ্রৎ, স্বপ্ন ও সুষুপ্তি অবস্থায় সাক্ষীরূপে বর্তমান থাকে এবং এই সকল অবস্থাতে শ্রীভগবান্ তাহার অন্তরে অন্তর্ধ্যামীরূপে বর্তমান থাকিয়া, তাহাকে নিয়ন্ত্রণ করেন । জাগ্রৎ অবস্থায় সঙ্কর্ষণরূপে, স্বপ্নাবস্থায় প্রহ্লায় রূপে, সুষুপ্তি অবস্থায় অনিকরুঙ্করূপে এবং তুরীয় অবস্থায় বাসুদেব

রূপে জীবের অন্তরে বর্তমান থাকিয়া তাহাকে নিয়ন্ত্রণ করেন। সুতরাং, জীব সর্বাবস্থায় তাঁহারই নিয়ন্ত্রণে ক্রিয়াশীল হইয়া থাকে। একই পরম পুরুষ ভিন্ন ভিন্ন অবস্থার সম্পর্কে ভিন্ন ভিন্ন নামে অভিহিত হইয়েন মাত্র। ইহা সাধকগণের উপাসনার সুবিধার জন্ত। অতএব বুঝা গেল যে, সকল অবস্থাতেই জীব ভগবানে অবস্থান করে। জাগ্রৎ এবং স্বপ্ন অবস্থায় ইন্দ্রিয় ও মনোবিলাস বর্তমান থাকায় ভগবানে অবস্থিতি অনুভবগোচর হয় না। সুষুপ্তি অবস্থায় ইন্দ্রিয় ও মনের ক্রিয়া বিলুপ্ত হওয়ায়, উহা অনুভবগোচর হয়। সুষুপ্তির পর জাগরণে সুখনিদ্রার অনুভব, আনন্দের অনুভূতি, কাম্বুকান্তির উপরম এবং নূতন শক্তিলভ— এই অবস্থিতির সাক্ষ্য প্রদান করে। সুষুপ্তির সমষ্টি নাম প্রাজ্ঞ। অনি-রুদ্ধ ইহার নিয়ন্তা বলিয়া, তিনিও প্রাজ্ঞ নামে অভিহিত হইয়া থাকেন। এইজন্ত বৃহদারণ্যক শ্রুতির ৪।৩।২১ মন্ত্রে উক্ত আছে :—“এবায়ং পুরুষঃ প্রাজ্ঞেনাত্মনা সম্পরিষক্তো ন বাহ্যং কিঞ্চন বেদ নাস্তুরম্।” বৃহঃ ৪।৩।২১।—সুষুপ্তি অবস্থায় এই পুরুষ প্রাজ্ঞের সহিত সংমিলিত হইয়া বাহ্য ও আন্তর কোনও বিষয় জানিতে পারে না।

অতএব, সিদ্ধ হইল, সুষুপ্তি অবস্থায় জীব প্রাজ্ঞ পরমাত্মায় অবস্থান করেন।

ভিত্তি :—

“সত আগম্য ন বিতুঃ সত আগচ্ছামহে ।” (ছান্দোগ্যঃ ৬।১০।২)

—জীবগণ সৎ স্বরূপ ব্রহ্ম হইতে আসিয়া বুঝিতে পারে না যে, আমরা সৎ হইতে আগমন করিতেছি । (ছাঃ ৬।১০।২)

আরও দেখ, শ্রুতিতে সাক্ষাৎভাবে উল্লেখ আছে যে, জীবের সৃষ্টির পর জাগরণ ব্রহ্ম হইতেই হইয়া থাকে । তাহা হইতেও বুঝা যায় যে, ব্রহ্মই জীবের সৃষ্টির স্থান । শিরোদেশে উদ্ধৃত শ্রুতিমন্ত্র ইহার প্রমাণ । এই বিচার প্রতিষ্ঠার জন্য সূত্র :—

সূত্র :—৩।২।৮ ।

অতঃ প্রবোধোহস্মাৎ ॥ ৩।২।৮ ॥

অতঃ + প্রবোধঃ + অস্মাৎ ॥

অতঃ :—এই হেতু, ব্রহ্ম সৃষ্টি স্থান বলিয়া । **প্রবোধঃ :—**জাগরণ ।
অস্মাৎ :—ইহা হইতে—ব্রহ্ম হইতে ।

যে হেতু ব্রহ্মই সৃষ্টি স্থান, সে কারণ জাগরণও ব্রহ্ম হইতেই হইয়া থাকে । ইহা শিরোদেশে উদ্ধৃত শ্রুতিমন্ত্রে সাক্ষাৎ সম্বন্ধে উল্লিখিত হইয়াছে ।

শ্রীমদ্ভাগবত স্পষ্টতঃ বলিয়াছেন যে, বিশ্ব পরমাত্মার দ্বারাই চৈতন্য প্রাপ্ত হয় । বিশ্ব তাঁহাকে চেতন করিতে সমর্থ নয় । জীব নিদ্রিত হইলে, তিনি জাগরিত থাকেন, তিনি সকলকে জানেন, তাঁহাকে কেহ জানে না ।
ভাগঃ ৮।১।৭

যেন চেতয়তে বিশ্বং বিশ্বং চেতয়তে ন যম্ ।

যো জাগর্তিশয়ানেহশ্চিন্নায়ং তং বেদ বেদ সঃ ॥ ভাগঃ ৮।১।৭

—জীব তাঁহাকে জানে না, কিন্তু তিনি প্রত্যেক জীবকে জানেন । তিনি সকলকে দেখিতেছেন, কিন্তু কেহই বা কাহারও চক্ষুঃ তাঁহাকে দেখিতে পায় না । দৃশ্য প্রপঞ্চ নাশে প্রপঞ্চের দর্শনকারীর চাক্ষুষ জ্ঞান নষ্ট হয় বটে, কিন্তু ঈশ্বরের জ্ঞান বিনষ্ট হয় না । প্রকাশ্য বস্তুর নাশে কি সূর্য্যের প্রকাশ বিনষ্ট হয় ? সেইরূপ যে জ্ঞানের দ্বারা সমুদায় পদার্থ উদ্ভাসিত, তত্ত্বৎ পদার্থ

নাশে কি সেই স্বতঃসিদ্ধ জ্ঞানের নাশ হয়? তিনি সকল ভূতের অস্তর্ধ্যামী অথচ অসঙ্গ, তিনি জীবের চিরসহায় এবং একমাত্র ভজনীয়। ভাগঃ ৮।১।৯

যং পশ্যতি ন পশ্যন্তং চক্ষুর্যস্য নরিষ্টিতি ।

তং ভূতনিলয়ং দেবং সুপর্ণমুপধাবতঃ ॥ ভাগঃ ৮।১।৯

তিনি ভূত-নিলয়—সকল ভূত তাঁহার আশ্রয়েই সর্বাবস্থায় বর্তমান আছে। তিনি জীবের চির সহচর—একই দেহরূপ বৃক্ষে দুইটি সুপর্ণ স্বরূপ। সুতরাং জীব, কি জাগ্রৎ, কি স্বপ্ন, কি সুষুপ্তি, সকল অবস্থাতে তাঁহাতেই অবস্থিতি করে। অতএব জাগরণ যে তাঁহা হইতেই ইহা কি আর বলিতে হইবে?

পৃথিবীর গর্ভে মহামূল্য রত্নের আকর বর্তমান। আমি, তুমি, সর্বমানব, স্ব-স্ব কার্য্যানুরোধে পৃথিবীর পৃষ্ঠে উক্ত আকরের উপর দিয়া প্রতিদিন কত শতবার বিচরণ করিয়া থাকি, কিন্তু আমরা কেহই উক্ত মহামূল্য রত্নাকরের সন্ধান পাই না। উহার সন্ধান পাইতে হইলে খনিজ বিজ্ঞা পারদর্শী বিশেষজ্ঞের সাহায্য প্রয়োজন। সেইরূপ আমরা সকলেই প্রতিদিন সুষুপ্তি অবস্থায় সাক্ষাৎ সঙ্ঘর্ষে পরব্রহ্মে অবস্থান করি, এবং তাঁহার আশ্রয় হইতেই জাগ্রদবস্থায় পুনরায় উপনীত হই। কিন্তু আমরা কেহই তাঁহাকে জানিতে পারি না, অথবা তাঁহাতে অবস্থিত ছিলাম ইহা বুঝিতে পারি না। তাহা জানিতে বা বুঝিতে হইলে, তাঁহার তত্ত্বজ্ঞ বিশেষজ্ঞের সাহায্য প্রয়োজন। বলা বাহুল্য যে, এই বিশেষজ্ঞই ব্রহ্মজ্ঞ গুরু।

৩। কর্ম্মানুস্মৃতি-শব্দ-বিধ্যাধিকরণ ।

ভিত্তি :—

১। “ত ইহ ব্যাঘ্রো বা সিংহো বা বৃকো বা বরাহো বা কীটো বা
পতঙ্গো বা দংশো বা মশকো বা যদ্যদ্ ভবন্তি তদা ভবন্তি ॥”

(ছান্দোগ্যঃ ৬।১০।২)

—তাহারা (সুষুপ্ত জীবগণ) এখানে (জাগ্রদবস্থায়) ব্যাঘ্র বা সিংহ
বা বৃক বা বরাহ বা কীট বা পতঙ্গ বা ডাঁশ বা মশক—বে
যাহা থাকে, সুষুপ্তি ভঙ্গের পরও তাহারা তাহাই হইয়া থাকে ।

(ছাঃ ৬।১০।২)

২। “আত্মানমেব লোকমুপাসীত ।” (বৃহদাঃ ১।৪।১৫) ।

—আত্মা স্বরূপ লোকেরই উপাসনা করিবে । (বৃহদাঃ ১।৪।১৫)

সংশয় :—সুষুপ্তি ভঙ্গের পর প্রবোধ সময়ে কি সুষুপ্ত জীবই ব্রহ্ম হইতে
উখিত হয়, অথবা অপর কেহ ? সুষুপ্ত জীব যখন সর্বপ্রকার উপাধি রহিত
হইয়া, বাহ্য-আন্তর জ্ঞান হারাইয়া ব্রহ্মেতেই লীন থাকে (৩।২।৭ সূত্রের
শিরোদেশে উক্ত ছান্দোগ্য ৬।৮।১ ও ৮।৬।৩ মন্ত্রই ইহার প্রমাণ), তখন
মুক্ত পুরুষের সহিত তাহার বৈলক্ষ্য্য না থাকায়, এবং সুষুপ্তির পূর্বকালীন
শরীর এবং ইন্দ্রিয়াদির সহিত সম্বন্ধ না থাকায়, যে জীব সুষুপ্ত হইয়াছিল,
প্রবোধকালে তাহার উত্থান সম্ভব হয় না—পরন্তু, অপর কোনও জীবই
উখিত হয় । এ প্রকার সংশয় কল্পনা করিয়া, তাহা নিরসনের জন্ত সূত্র :—

সূত্র :—৩।২।৯ ।

স এব তু কর্ম্মানুস্মৃতি-শব্দ-বিধিত্যঃ ॥ ৩।২।৯ ॥

সঃ + এব + তু + কর্ম্মানুস্মৃতি-শব্দ-বিধিত্যঃ ॥

সঃ :—সুষুপ্ত পুরুষ । এব :—নিশ্চয় । তু :—আপত্তি নিরসন সূচক ।
কর্ম্মানুস্মৃতি-শব্দ-বিধিত্যঃ :—কর্ম্ম, আমিই সেই পুরুষ এই প্রকার স্মরণ,
শব্দ—শ্রুতি, এবং বিধি—শাস্ত্রীয় বিধি, হইতে ।

সেই সুষুপ্ত পুরুষই প্রবোধ সময়ে পুনর্বার উখিত হয়, তাহার কারণ
(১) সুষুপ্ত ব্যক্তিকে পূর্বানুষ্ঠিত নিজ কর্ম্মের ফলভোগ করিতে হয়, (২) সুষুপ্তি

ভঙ্গের পরও “আমি সেই লোক, স্থখে নিদ্রিত ছিলাম, এবং কিছুই জানিতে পারি নাই”—এই প্রকার অনুশ্রুতি বা প্রত্যভিজ্ঞা হইয়া থাকে, (৩) স্বপ্নের পূর্বে যে যাহা থাকে, স্বপ্নে ভঙ্গের পরও সে তাহাই হয়, ইহা শিরোদেশে উক্ত শ্রুতিমন্ত্রে স্পষ্ট কথিত আছে। (৪) স্বপ্নেই যদি ঐকান্তিক ব্রহ্ম-ভাব প্রাপ্তিরূপ মোক্ষ সংঘটিত হইত, তাহা হইলে শাস্ত্রে মোক্ষ সাধনের উপদেশ সমুদায়ের কোনও প্রয়োজনীয়তা থাকিত না—মুক্ত পুরুষ সম্বন্ধে যে রূপ “পরং জ্যোতিরূপসম্পত্ত্বম্ যেন রূপেণাভিম্পত্ত্বতে।” (ছান্দোগ্যঃ ৮।৩।৪)—“পরম জ্যোতিঃ স্বরূপ পরমাশ্রুতী প্রাপ্ত হইয়া স্ব স্বরূপে অবিভক্ত হন”—ইত্যাদি যাহা উক্ত আছে, স্বপ্নে পুরুষ সম্বন্ধে সেরূপ কিছু উল্লেখ নাই। অতএব, বুঝিতে হইবে যে, স্বপ্নে জীব মুক্ত না হইয়াই, সংসারে বদ্ধ জীবই পূর্ববৎ থাকে, কেবল সাময়িক বিশ্রামের জন্য ইন্দ্রিয়-ব্যাপার বিরহিত হইয়া, পরমাশ্রুতী অবস্থান করতঃ বিশ্রাম ভোগ করে। ইন্দ্রিয় ব্যাপার বিরহিত হয় বলিয়া বিষয়ের উপলব্ধি এবং ভোগাদি কর্ম সাময়িক স্থগিত থাকে মাত্র। জাগরণ হইলেই আবার ইন্দ্রিয়-ব্যাপার, বিষয় উপলব্ধি এবং ভোগ আরম্ভ হয়।

শ্রীমদ্ভাগবত বলেন যে, স্বপ্নে ইন্দ্রিয়গণ ও অহঙ্কার বিলীন হইলে যদি কূটস্থ অবিকারী আত্মা না থাকেন, তাহা হইলে অনুশ্রুতি সম্ভব হইত না। এই আত্মা যদি স্ব স্বরূপভাবে প্রাপ্ত পরব্রহ্মের তটস্থ শক্ত্যাংশ এবং সে কারণ পরব্রহ্ম হইতে অভেদাত্মক হইত, তাহা হইলেও অনুশ্রুতি সম্ভব হইত না। অনুশ্রুতি—বুদ্ধির বৃদ্ধি। সুতরাং স্বপ্নে অবস্থায় বুদ্ধির অস্তিত্ব লোপ-প্রাপ্ত হয় নাই—উহার ক্রিয়া স্থগিত ছিল মাত্র। অতএব যে জীব স্বপ্নে হইয়াছিল, সেই জাগ্রত হয়।

অশেষু পেশিষু তরুণবিনিশ্চিতেষু

প্রাণোহি জীবমুপধাবতি তত্র তত্র।

সন্নে যদেন্দ্রিয়গণেশ্চহমিচ প্রসুপ্তে

কূটস্থ আশ্রয়মৃতে তদনুশ্রুতিনঃ ॥ ভাগঃ ১।১।৩।৪০

—অণ্ড, জরায়ু, উদ্ভিষ্ক ও শ্বেদজ এই চতুর্বিধ জীব শরীরে অবিকারীরূপে প্রাণ অনুশ্রুত হইয়েন। স্বপ্নে কালে ইন্দ্রিয়গণ অবসন্ন ও অহঙ্কার প্রসুপ্ত হইলে, কূটস্থ আত্মা অবিকারীভাবে অনুশ্রুত হইয়েন।

এ কারণ, সুষুপ্তিভঙ্গের পর অসুস্থতি বা প্রত্যভিজ্ঞা জন্মিয়া থাকে ।
ভাগঃ ১১।৩।৪০

পূর্বে বলা হইয়াছে যে, সুষুপ্ত অবস্থায় বুদ্ধির অস্তিত্ব লোপপ্রাপ্ত হয় না । বুদ্ধির ক্রিয়ামাত্র লোপপ্রাপ্ত হয় এবং বুদ্ধি ও অন্যান্য ইন্দ্রিয়গণ কূটস্থ আত্মার আশ্রয়ে বর্তমান থাকে । সুতরাং স্বাভাবিক সুষুপ্তি—তাহারই জাগরণ বুঝা গেল । অল্প কথায়—উহা বুদ্ধিতে প্রতিভাসিত আত্মা—কূটস্থ আত্মা নহে । কূটস্থের জাগরণ, স্বপ্ন, সুষুপ্তি নাই ।

৩।১।২ সূত্রের আলোচনায় উদ্ধৃত ভাগবতের ১১।১৩।৩১ শ্লোক এই একই তত্ত্ব প্রমাণ করে । একই জীব—জাগ্রৎ, স্বপ্ন ও সুষুপ্তিতে অনুবৃত্ত হইয়েন । সুতরাং সুষুপ্তির পরও সেই একই জীবের পুনরায় জাগরণ হয় ।

স্বাভাবিক সুষুপ্তি তাহারই যে প্রবোধ, তাহা ভাগবতের নিম্নোক্ত শ্লোকে স্পষ্ট উল্লিখিত আছে ।

যথা হুপ্রতিবুদ্ধস্য প্রস্থাপো বহ্ননর্থভূৎ ।

স এব প্রতিবুদ্ধস্য ন বৈ মোহায় কল্পতে ॥ ভাগঃ ১১।২৮।১৫

—যেমন নিদ্রিত ব্যক্তির পক্ষে প্রস্থাপ—স্বপ্ন-বহ্ন অনর্থ উৎপাদন করে, কিন্তু সেই পুরুষ পুনরায় জাগ্রত হইলে উহা আর তাহার মোহ কল্পনা করে না । ভাগঃ ১১।২৮।১৫

একই জীবের সত্ত্ব, রজঃ ও তমো গুণের প্রাবল্য বশতঃ জাগ্রৎ, স্বপ্ন ও সুষুপ্তি অবস্থা হয়, ইহা ৩।২।৭ সূত্রের আলোচনায় উদ্ধৃত শ্রীমদ্ভাগবতের ১১।২৫।১৯ শ্লোক দৃষ্টে প্রতিপন্ন হইবে । ইহা যখন গুণের ইতর বিশেষ হইতে উৎপন্ন, তখন সুষুপ্তির পর জাগরণ, সত্ত্বগুণের প্রাবল্যের কারণ হইয়া থাকে, ইহা স্পষ্ট বুঝা গেল । অতএব, একই জীব যে এই তিন অবস্থায় বর্তমান থাকে এবং সুষুপ্তির পর আবার সেই জীবেরই জাগরণ হয়, তাহাতে আর সন্দেহ কি ?

যেমন একটি লবণ জল পূর্ণ পাত্রে মুখ দৃঢ় বদ্ধ করিয়া সূক্ষ্মজল পূর্ণ গঙ্গা গর্ভে মিক্ষেপ করতঃ কতকক্ষণ উহাতে নিমগ্ন রাখিয়া পরে উদ্ভেলন পূর্বক উহার মুখের আবরণ অপসারিত করিলে, লবণ জলই পাত্রে অভ্যন্তরে পাওয়া যায়, গঙ্গার স্বাদু সূক্ষ্ম জলের নিদর্শন পাওয়া যায় না, সেইরূপ জীব সুষুপ্তি অবস্থায় ত্রৈলোক্যে নিমগ্ন বা লীন হইলেও, পুনর্জাগরণে উহাতে ত্রৈলোক্যে পরিমক্ষিত হয় না, পূর্বের জীব তাবই উপলব্ধ হইয়া থাকে । এই জীব যে ব্যবহারিক জীব, তাহা বলাই বাহুল্য ।

৪। মূর্ছাধিকরণ ॥

সংশয়ঃ—মূর্ছাবস্থা কি সুষুপ্ত্যাতির অন্যতম অবস্থা, অথবা একটি সম্পূর্ণ পৃথক অবস্থা? জীবের জাগ্রৎ, স্বপ্ন ও সুষুপ্তি এই তিন অবস্থা এবং ইহাদের হইতে পৃথক মরণ রূপ চতুর্থ অবস্থার প্রসিদ্ধি আছে। মূর্ছার ত কোনও উল্লেখ কোথাও নাই। ইহা কি উহাদের অন্তর্ভুক্ত কোনও অবস্থা বিশেষ অথবা একটি সম্পূর্ণ পৃথক অবস্থা? এই সংশয়ের উত্তরে সূত্রঃ—

সূত্রঃ—৩।২।১০।

মূর্ছেহর্দ্বসম্পত্তিঃ পরিশেষাৎ ॥ ৩।২।১০ ॥

মূর্ছে + অর্দ্বসম্পত্তিঃ + পরিশেষাৎ ॥

মূর্ছেঃ—মূর্চ্ছিতে। অর্দ্বসম্পত্তিঃ—অর্দ্বেক অবস্থা। পরিশেষাৎঃ—

অগ্নাণ্ড অবস্থার প্রতিষেধ হইয়া যাইবার হেতু।

মূর্ছাবস্থা—জাগ্রদবস্থা নহে, কারণ তখন ইন্দ্রিয় দ্বারা বিষয় জ্ঞান হয় না। জাগ্রদবস্থায় জীব একবিষয়াসক্ত হইয়া অগ্নি বিষয়ের প্রতি সম্পূর্ণ অনাসক্ত হইলেও দেহ ধারণ করিয়া থাকে, কিন্তু মূর্চ্ছিতের দেহ মৃতের ন্যায় পৃথিবীতে পতিত থাকে। অতএব, মূর্ছা জাগ্রদবস্থা নহে। উহা স্বপ্নাবস্থাও নহে, কারণ, মূর্ছাবস্থায় সংজ্ঞা থাকে না। মূর্ছা সুষুপ্তি অবস্থাও নহে। সুষুপ্তি অবস্থায় শ্বাস প্রশ্বাস অব্যাহতভাবে প্রবাহিত হইতে থাকে, মূর্ছাবস্থায় তাহা হয় না, শ্বাস বন্ধ থাকে, অথবা অতি ক্ষীণভাবে বহিতে থাকে। সুষুপ্তের বদন স্প্রসন্ন, নেত্র নিম্নলিত, দেহ নিষ্কম্প ও শ্বাস প্রশ্বাস নিয়মিতভাবে থাকে। কিন্তু মূর্ছাবস্থায় মুখ অনেক সময়ে ভীষণ দর্শন হয়, নেত্র বিস্তারিত অনেক সময়ে দেখা গিয়া থাকে, এবং শ্বাস প্রশ্বাস অনিয়মিত ভাবে থাকে। মূর্ছা মৃত্যুও নহে; কারণ অগ্নাধিক উদ্ভা, প্রাণক্রিয়া বর্তমান থাকে। সূত্রাং উক্ত চারি প্রকার সকল অবস্থার প্রতিষেধ হেতু, উহা সুষুপ্তির অর্দ্বাবস্থা এবং অবস্থান্তরের অর্দ্বাবস্থা মনে করিতে হইবে।

ইহা জাগ্রদাদি অবস্থাত্রয়ের ন্যায় নিতা নহে, ইহা কোনও কারণ বশতঃ কদাচিৎ হইয়া থাকে। এজন্য শ্রুতিতে ইহার প্রসিদ্ধি নাই। আয়ুর্বেদে ইহার বিষয় এবং চিকিৎসা কথিত আছে। কোনও কোনও স্থতিতে ইহার উল্লেখ আছে, যথা, বরাহপুরাণেঃ—

হৃদয়স্থং পরাজ্জীবো দূরস্থো জাগ্রদেস্থতি ।
 সমীপস্থ স্তথাশ্বপ্নং স্বপিত্যশ্মিল্ল'য়ু ব্রজন্ ॥
 অতএবং ত্রয়োহবস্থা মোহস্ত পরিশেষতঃ ।
 অর্দ্ধপ্রাপ্তিরিতি জ্ঞেয়ো দুঃখমাত্রং প্রতিশ্রুতেঃ ॥

—যে সময়ে হৃদয়স্থ ঈশ্বর হইতে দূরে অবস্থিতি, তাহাই জাগ্রদবস্থা, সামীপ্যে স্বপ্ন, এবং স্মৃষ্টিতে তাঁহাতে লয় ঘটয়া থাকে। মুচ্ছা এই অবস্থা-ত্রিতয়ের পরিশেষ। উহাতে অর্দ্ধপ্রাপ্তি মাত্র হইয়া থাকে, যেহেতু এই অবস্থাতে দুঃখানুভবের স্মৃতি থাকে।

মুচ্ছা এবং প্রবোধ—পরমেশ্বর হইতেই—ইহা কুর্শ্মপুরাণে কথিত আছে ;

যথা :—

মুচ্ছা প্রবোধনৈকৈব যত এব প্রবর্ততে ।
 স ঈশঃ পরমো জ্ঞেয়ঃ পরমানন্দ লক্ষণঃ ॥

—মুচ্ছা এবং প্রবোধ যাহা হইতে সংঘটিত হয়, তিনি পরমানন্দলক্ষণ
 —পরমেশ্বর।

অতএব প্রতিপাদিত হইল, কি জাগ্রৎ, কি স্বপ্ন, কি স্মৃষ্টি, কি মুচ্ছা সমুদায় পরমেশ্বর হইতে সংঘটিত। স্মৃত্ত্বাং তাঁহার লব্ধ-কর্তৃত্ব সিদ্ধ হইল।

৫। উভয়লিঙ্গাধিকরণ ॥

ভিত্তি :—

১। “অপহতপাপা বিজরো বিমৃত্যুর্বিশোকো বিজিঘৎসোহপিপাসঃ
সত্যকামঃ সত্যসঙ্কল্পঃ ..” (ছান্দোগ্যঃ ৮।১।৫) ।

—ব্রহ্ম অপহত পাপা (নিষ্পাপ), জরামরণ বর্জিত, শোকরহিত, ক্ষুৎ
পিপাসা শূন্য, সত্যকাম, সত্যসঙ্কল্প (তাঁহার ইচ্ছা কখনও বার্থ হয়
না) । ছাঃ ৮।১।৫

২। “সর্বকর্মা সর্বকামঃ সর্বগন্ধঃ সর্বরসঃ...”

(ছান্দোগ্যঃ ৩।১৪।৪) ।

—সেই ব্রহ্ম সর্বকর্মা, সর্বকাম, সর্বগন্ধ, সর্বরস ।

(ছাঃ ৩।১৪।৪) ।

৩। “অস্থূলমনস্বহৃষ্মদীর্ঘমলোহিতম্.....অসঙ্গমরসমগন্ধম্...”

(বৃহদারণ্যকঃ ৩।৮।৮) ।

—সেই অক্ষর ব্রহ্ম অস্থূল, অনগু, অহৃষ, অদীর্ঘ, অলোহিত.....
অসঙ্গ, অরস, অগন্ধ ইত্যাদি । (বৃহঃ ৩।৮।৮) ।

৪। “সমস্ত কল্যাণগুণাঅকোহসৌ স্বশক্তিলেশাদ্ ধৃতভূতসর্গঃ ।

তেজো বৈশ্বর্যমহাবোধ-সুবীৰ্য্যশক্ত্যাদিগুণৈকরাশিঃ ॥”

“পরঃ পরাণাং সকলা ন যত্র ক্লেশাদয়ঃ সন্তি পরাবরেশে ।”

(বিষ্ণুপুরাণ, ৬।৫।৮৪—৮৫)

— তিনি পরমেশ্বর, সমস্ত কল্যাণময় গুণে পরিপূর্ণ, আপন শক্তির
অতি সামান্য অংশ মাত্রে সমুদায় ভূতসৃষ্টি ধারণ করিয়া আছেন ।
তিনি তেজঃ, বল, ঐশ্বর্য্য, বিশুদ্ধ জ্ঞান, উৎকৃষ্ট বীৰ্য্য ও শক্তি প্রভৃতির
এবং গুণের রাশি স্বরূপ, অর্থাৎ উহাদের ঘনমূর্ত্তি । তিনি শ্রেষ্ঠগণের
মধ্যে সর্বশ্রেষ্ঠ, উত্তমোত্তম সকলের ঈশ্বর, তাঁহাতে ক্লেশাদি দোষ
নাই । (বিঃ পুঃ ৬।৫।৮৪—৮৫) ।

এই অধ্যায়ের প্রথম পাদে জীবের সংসারে গতাগতি এবং তৎসংক্রান্ত
ত্রীহাদি প্রবেশ বর্ণনা করতঃ বৈরাগ্যোদয়ের ভিত্তি স্থাপন করা
হইয়াছে ! দ্বিতীয় পাদে আলোচিত প্রথম দশটি সূত্রে জীবের সংসারে

অবস্থান কালে জাগ্রৎ, স্বপ্ন, সুষুপ্তি, মুচ্ছা প্রভৃতি অবস্থা পরমেশ্বর কর্তৃক সৃষ্ট ও নিয়ন্ত্রিত—প্রদর্শনের দ্বারা ভগবানের সর্বকর্তৃত্ব, জীবের পারতন্ত্র্য প্রতিপাদন করা হইয়াছে। সম্প্রতি ব্রহ্মের বা ভগবানের নির্দোষত্ব, নিখিল কল্যাণ গুণের আশ্রয়ত্ব, সর্বশ্রেষ্ঠত্ব, একমাত্র উপাস্যত্ব, ঐকান্তিক ভক্তি দ্বারা প্রাপ্যত্ব, নিগুণ, নির্বিশেষ, নিরাকার, সর্বব্যাপী হইলেও ভক্তবাৎসল্যহেতু সগুণ, সবিশেষ, সাকার, কান্ত ইষ্টমূর্তিতে প্রকটনশীলত্ব, এবং তৎপ্রাপ্তিতে সমুদায় পুরুষার্থসিদ্ধি প্রতিপাদন করিয়া, উক্ত বৈরাগ্যের ভগবৎ প্রাপ্তির উপায় স্বরূপ একান্ত প্রয়োজনীয়তাও সঙ্গে সঙ্গে প্রতিষ্ঠা করিতেছেন।

সংশয় :—ভাল, পূর্ববর্তী দশটি সূত্রে সিদ্ধান্ত স্থাপন করিলে যে, জাগ্রৎ, স্বপ্ন, সুষুপ্তি ও মুচ্ছা এই কয় অবস্থার বশীভূত হইয়া জীব সংসার চক্রে পরিভ্রমণ করিয়া থাকে। এবং পরমেশ্বরের সংকল্প বশতঃ জীবের সংসারে বন্ধ এবং তাহা হইতে মোক্ষ হইয়া থাকে। আরও ৩২।৭ সূত্রের আলোচনায় বলিয়াছ যে, পরমাত্মা বা ভগবান্ জীবের অন্তরে অন্তর্ধ্যামী রূপে বর্তমান থাকিয়া, তাহাকে উক্ত অবস্থা সকলের মধ্য দিয়া পরিচালিত ও নিয়ন্ত্রিত করেন। তাহা হইলে সংশয় হয় যে, জীবের ল্যায় পরম পুরুষেও সংসার গত দোষ সকল স্পর্শ করিতে পারে। এই সকল দোষ তাঁহাকে স্পর্শ করিতে পারে কি না? ইহার উত্তরে সূত্রকার সূত্র করিলেন :—

সূত্র :—৩২।১১।

ন স্থানতোহপি পরস্যোভয়লিঙ্গং সর্বত্র হি ॥ ৩২।১১ ॥

ন + স্থানতঃ + অপি + পরস্য + উভয়লিঙ্গং + সর্বত্র + হি ॥

মঃ—না। **স্থানতঃ** :—আশ্রয়ানুসারে। **অপি** :—ও। **পরস্য** :—পরব্রহ্মের। **উভয়লিঙ্গং** :—সগুণ-নিগুণ ভাব, সবিশেষ-নির্বিশেষ ভাব। **সর্বত্র** :—সকল স্থলে। **হি** :—নিশ্চয়।

উপরে লিখিত আপত্তির উত্তর—না; জাগরণাদি স্থানের সহিত সর্বত্র বশতঃও পরব্রহ্মের কোনও প্রকার দোষ স্পর্শ হয় না। কেননা, প্রতিভে ও স্মৃতিতে সকল স্থলে পরম পুরুষের দোষ শূন্য গুণে সগুণ, আবার হের গুণাভাব বশতঃ নিগুণ, বলিয়া উল্লেখ আছে। অতএব, বুঝিতে হইবে যে, তিনি সগুণ

হইলেও প্রাকৃতিক গুণরহিত এবং নিজ স্বাভাবিক কল্যাণময় গুণসম্পন্ন।
সুতরাং প্রপঞ্চাঙ্গত প্রাকৃত গুণ সম্বন্ধ তাঁহার হইতে পারে না।

যদি প্রাকৃতিক গুণের লেশমাত্র তাঁহাতে বর্তমান থাকিত, তাহা হইলে
প্রাকৃতিক, আপেক্ষিকতাময় গুণদোষের স্পন্দন, তাঁহাতে প্রতিস্পন্দন জাগাইবার
সম্ভাবনা থাকিতে পারিত। কিন্তু প্রাকৃতিক গুণের লেশমাত্র তাঁহার স্বরূপে
বর্তমান নাই, একারণ এ প্রকার প্রতিস্পন্দন উৎপাদন অসম্ভব। সুতরাং তাঁহার
সম্বন্ধে দোষাশঙ্কা ভিত্তিহীন।

প্রলয়ে বিশ্ব প্রপঞ্চ যখন তাঁহাতে লীন থাকে, তখন তিনি নির্বিশেষ।
নামরূপ তখন বর্তমান থাকে না। উহাদিগকে তিনি স্বকীয়া ময়া শক্তি
অবলম্বনে সৃষ্টি করেন। আপনার লীলার জগৎ ঈশ্বররূপে সৃষ্টি, স্থিতি, সংহার
করেন, কিন্তু তাহাতে আসক্ত হন না।

স বৈ কিলায়ং পুরুষঃ পুরাতনো

য এক আসীদবিশেষ আত্মনি।

অগ্রে গুণেভ্যো জগদাত্মনীশ্বরে

নিমীলিতাত্মনিশি সুপ্তশক্তিশু ॥ ভাগঃ ১।১০।২১

স এব ভূয়ো নিজবীৰ্য্যচোদিতাং

স্বজীবময়াং প্রকৃতিং সিসৃক্ষতীম্।

অনামরূপাত্মনি রূপনামনী

বিধিৎসমানোহমুসসার শাস্ত্রকুৎ ॥ ভাগঃ ১।১০।২২

য এক ঈশো জগদাত্মলীলয়া

সৃজত্যবত্যক্তি ন তত্র সজ্জতে ॥ ভাগঃ ১।১০।২৪

—ইনি নিশ্চয়ই সেই পুরাতন পুরুষ। প্রলয়ে প্রকৃতির গুণ-কোষের
পূর্বে যখন ইহার শক্তি সকল ইহাতেই উপরত ছিল, এবং প্রপঞ্চ
নিখিল বিশ্ব এবং জীব প্রভৃতি সকলে যখন ইহাতে লীন ছিল, তখন
ইনিই এক, অদ্বিতীয়, নির্বিশেষ স্বরূপে অবস্থান করিতেছিলেন।
পরে, নামরূপ রহিত ইনিই নামরূপ প্রকটন করিতে ইচ্ছুক হইয়া,
আপনার কালশক্তি দ্বারা প্রেরিতা, নিজ শক্তিবৃত্তা এবং আপনার
অংশভূত জীবগণের মোহকারিণী স্বজনাভিলাষিণী প্রকৃতির
অনুসরণ করেন এবং সৃষ্টির পূর্বে সৃষ্টিপালন রূপ নিয়ম পরম্পরা

সংলিত শাস্ত্র বা বেদসকল প্রবর্তিত করেন । ভাগঃ ১।১০।২১-২২
—তিনিই এক অদ্বিতীয় ঈশ্বর । আপনার লীলার জন্য এই প্রপঞ্চ
বিশ্বের সৃজন, পালন ও সংহার করেন, কিন্তু তাহাতে আসক্ত
হন না । ভাগঃ ১।১০।২৪

অতএব, তিনিই প্রপঞ্চ এবং প্রপঞ্চাতীত । নামরূপ রহিত অথচ
নামরূপের বিধানকর্তা ।

তিনি অস্বর্ধ্যামীরূপে প্রতি প্রাণীর হৃদয়ে অধিষ্ঠিত আছেন ; কিন্তু
ভক্তদেহের দোষে সম্পৃক্ত হয়েন না ।

তুমিমমহমজ্জং শরীরভাজাং

হৃদি হৃদি ধিষ্ঠিতমাত্মকল্লিতানাম্ ।

প্রতিদৃশমিব নৈকধার্কমেকং

সমধিগতোহস্মি বিধৃতভেদমোহঃ ॥ ভাগঃ ১।২।৩৯

—(ভীষ্ম মৃত্যুকালে বলিতেছেন) :—এই জন্মরহিত ভগবান্ নিজ
সৃষ্ট প্রাণিগণের প্রত্যেকের হৃদয়ে অধিষ্ঠিত আছেন । যেমন একই
সূর্য্য বিভিন্ন ব্যক্তির দৃষ্টিতে অনেকরূপে প্রতীয়মান হয়, সেইরূপ
ইনিও অধিষ্ঠান ভেদে বহুরূপে প্রতীয়মান হইয়া থাকেন । কিন্তু
যেমন বিভিন্ন ব্যক্তির দৃষ্টির দোষ সূর্য্যকে স্পর্শ করিতে পারে না,
সেইরূপ অধিষ্ঠানের দোষগুণ ইহাকে স্পর্শ করিতে পারে না । যাহা
হউক, আমি ইহাকে প্রাপ্ত হইলাম, এবং তাহাতে আমার মোহ ও
ভেদ জ্ঞান তিরোহিস্ত হইল । ভাগঃ ১।২।৩৯

স বিশ্বকায়ঃ পুরুহূতঃ ঈশঃ

সত্যঃ স্বয়ং জ্যোতিরজঃ পুরাণঃ ।

ধত্তেহস্ম্য জন্মাণ্ডজয়াঅশক্ত্যা

তাং বিত্বয়োদস্য নিরীহ আস্তে ॥ ভাগঃ ৮।১।১১

• —সেই পরমেশ্বর সত্য স্বরূপ, স্বয়ংজ্যোতিঃ, অজ, পুরাণ পুরুষ । এই
বিশ্ব তাঁহার শরীর । তাঁহার নাম অসংখ্য । তিনি আত্মশক্তিরূপা
মায়া দ্বারা এই বিশ্বের জন্মাদি বিধান করেন, অথচ নিতাসিদ্ধা বিচা
দ্বারা, এই মায়া ত্যাগ করতঃ নিষ্ক্রিয়, আসক্তি শূন্য ভাবেই আছেন ।

বিশ্বের সৃষ্টি স্থিতি লয়েতেও যিনি আসক্ত নহেন, নিষ্ক্রিয়ভাবে থাকেন, তিনি যে জীবের প্রাত্যহিক আশ্রয়, স্বপ্ন, সুষুপ্তি অবস্থাতেও অনাসক্ত, নিষ্ক্রিয় থাকিবেন, তাহাতে আর কথা কি ?

প্রথম অধ্যায়ের ১।১।২, ১।১।৩, ১।১।৪ সূত্রের আলোচনায় আমরা বুঝিতে পারিয়াছি যে, তিনি সৃষ্টাদি কার্যে অনাসক্তই থাকেন। সমুদায় বিরোধ তাঁহাতে পর্যাবসান। যেখানে দ্বৈত, সেইখানেই কর্ম এবং সেইখানেই আসক্তি-অনাসক্তির প্রসঙ্গ সম্ভব। কিন্তু যেখানে দ্বৈতের অস্তিত্ব নাই, যেখানে এক-মাত্রই তত্ত্ব, যেখানে কর্তা, কর্ম, করণ, সম্প্রদান, অপাদান, সম্বন্ধ, অধিকরণ সমুদায় কারক ব্যাপারই একে পর্যাবসান, সেখানে আসক্তি, অনাসক্তি, দোষ, গুণ প্রভৃতি আপেক্ষিকতার অন্তর্ভুক্ত কোনও ব্যাপার সম্বন্ধে কোনও প্রশ্ন উঠিতে পারে না। দোষ-গুণ, স্থূল-সূক্ষ্ম, সূত্র-বৃহৎ, পাপ-পুণ্য এ সমুদায়ই দ্বৈত জ্ঞানের ফল, ইহার প্রপঞ্চের অন্তর্ভুক্ত। যিনি জীবদেহে অধিষ্ঠিত থাকিয়াও নিজের অপ্রচ্যুত স্বরূপে প্রতিষ্ঠিত থাকেন, যিনি এককালে ও একাধারে প্রপঞ্চ এবং প্রপঞ্চাতীত ; তাঁহার সম্বন্ধে ঐ সকল বিশেষণ তত্ত্বতঃ প্রযুক্ত হইতে পারে না। ভাষায় প্রকাশ করিবার সুবিধার জন্য অথবা বোধ সৌকর্য্যার্থে উহাদের ব্যবহারিক প্রয়োজনীয়তা থাকিলেও, ঐ ব্যবহারিক প্রয়োজনীয়তা সাধনেই উহাদের পরিসমাপ্তি। এ সমুদায় তত্ত্ব আমরা পূর্ব পূর্ব আলোচনায় পাইয়াছি, এখানে আর বিস্তারের প্রয়োজন নাই।

ভাগবতের যে কয়টি শ্লোক উদ্ধৃত হইয়াছে, তাহা হইতে প্রতীয়মান হইবে যে, ব্রহ্ম বা ভগবান এককালে একাধারে সবিশেষ-নির্বিশেষ, সগুণ-নির্গুণ, বিশ্বরূপ অথচ অরূপ, নিষ্ক্রিয় অথচ সর্বাঙ্গী, সর্বাঙ্গীর্য়ামী অথচ অধিষ্ঠান গত দোষ সংস্পর্শ শূন্য। ইহাই বর্তমান আলোচ্য সূত্রের অভিপ্রেত অর্থ। ইহা ভাগবতের উদ্ধৃত শ্লোকগুলি হইতে সুন্দর প্রতিপাদিত হইল।

যদিও তিনি প্রত্যেকের অন্তরে অধিষ্ঠিত, তথাপি তিনি উহাদের হইতে সম্পূর্ণ পৃথক্।

স বৈ ন দেবান্নরমর্ত্যতির্য্যাক্

ন স্ত্রী ন ষণ্ডো স পুমান্ ন জন্তুঃ ।

নারঃ গুণঃকর্ম্ ন সন্ন চাস-

নিষেধশেষো জয়তাদশেষঃ ॥ ভাগঃ ৮।৩।২৪

—তিনি যদিও দেবাসুর প্রভৃতি সকলেরই অস্তর্যামী, তথাপি তিনি দেব নহেন, অসুর নহেন, মর্ত্য, তির্য্যাক, স্ত্রী, পুরুষ, নপুংসক এক নিষ্কৃত্রয় শূন্য প্রাণীও নহেন। তিনি গুণ, কর্ম, সৎ, অসৎ নহেন। সকল পদার্থের নিষেধের অবশিষ্টরূপে যাহা অবশিষ্ট থাকে, তাহাই তিনি। তিনি নিজ মায়া দ্বারা অশেষাত্মক হইয়া থাকেন। তিনি জয়যুক্ত হউন। ভাগঃ ৮।৩।২৪।

ইহা হইতে বুঝা গেল যে, তিনি আপেক্ষিকতার বাহিরে একমাত্র নিরপেক্ষ ও অখণ্ড আপেক্ষিকতা তাঁহা হইতে প্রকটিত, কিন্তু তাঁহাকে স্পর্শ করিতে পারে না। তিনি দেশকালের বাহিরে। দেশকাল ও বস্তু পরিচ্ছেদ তাঁহাতে বর্তমান নাই। একারণ সমুদায় বিরোধের সমাধান তাঁহাতে। আর অধিক বিস্তারের প্রয়োজন নাই।

ভিত্তি :—

“যঃ পৃথিব্যাং তিষ্ঠন্ —— যোহপ্প্ তিষ্ঠন্ —” ইত্যাদি

“যো বিজ্ঞানে তিষ্ঠন্ —— স ত আত্মাস্তুর্যাম্যমৃতঃ ॥”

(বৃহদারণ্যকঃ ৩।৭।৩—২২)।

—বৃহদারণ্যক শ্রুতির অন্তর্ধ্যামী ব্রাহ্মণে স্পষ্ট উল্লিখিত আছে, যিনি পৃথিবী, জলে, অগ্নিতে, অন্তরীক্ষে, সর্বভূতে, প্রাণে, চক্ষুতে... ইত্যাদিতে... বিজ্ঞানে অবস্থান করতঃ, উহাদের নিয়ন্ত্রণ করেন, তিনিই তোমার অন্তর্ধ্যামী অমৃত স্বরূপ আত্মা। (বৃহঃ ৩।৭।৩—২২)।

সংশয় :—তোমার পূর্ব সূত্রের সিদ্ধান্ত সমীচীন হইল না। ছান্দোগ্য শ্রুতিতে প্রজাপতির উপদেশে জীবের সম্বন্ধে “অপহতপাপ্নত্বাদি” ধর্মের উল্লেখ আছে। (ছাঃ ৮।৭।১)। কিন্তু তাহা হইলেও জীবের দেহ সম্বন্ধ বশতঃ অপুরুষার্থরূপ দোষ সম্বন্ধ ঘটয়া থাকে। সেইরূপ পরমাত্মারও জীবের অন্তর্ধ্যামিত্বরূপে জীব-দেহ-সম্বন্ধ সংঘটন হেতু, উক্ত দোষ সংস্পর্শ না হইবার কারণ কি? অতএব তোমার সিদ্ধান্ত গ্রহণীয় নহে। ইহার উত্তরে সূত্রকার পরসূত্র অবতারণা করিলেন। সূত্রটির প্রথমাংশে আপত্তির উল্লেখ করিয়া শেষাংশে সমাধান করিয়াছেন।

সূত্র :—৩।২।১২।

ন ভেদাদিতি চেৎ, প্রত্যেকমতদ্বচনাৎ ॥ ৩।২।১২ ॥

(শঙ্করাচার্য্য, মধ্বাচার্য্য, বল্লাভাচার্য্য ও বলদেব)

ন + ভেদাৎ + ইতি + চেৎ + ন + প্রত্যেকং + অতদ্বচনাৎ ॥

ন :—না। ভেদাৎ :—ভেদ বা পার্থক্য হেতু। ইতি :—ইহা। চেৎ :—যদি বল। ন :—না। প্রত্যেকং :—প্রত্যেক শ্রুতিমত্রে। অতদ্বচনাৎ :—যেহেতু সেরূপ উক্তি নাই।

যদি বল যে, পূর্ব সূত্রের সিদ্ধান্ত গ্রহণীয় নহে, কেননা জীবের স্বরূপ দেহ হইতে ভেদ হইলেও, অর্থাৎ জীব স্বরূপতঃ অপহত-পাপ্নত্বাদি গুণসম্পন্ন হইলেও দেহ সম্বন্ধ হেতু তাহার পাপাদি দোষ সম্বন্ধ বর্তমান থাকে, সেই রূপ পরমাত্মা স্বভাবতঃ নির্দোষ হইলেও, অন্তর্ধ্যামিত্ব হেতু জীব-দেহ-সম্বন্ধ বশতঃ, তাহারও সদোষত্ব হইতে পারে ; তাহার উত্তরে বলিব, না। কারণ

বৃহদারণ্যক শ্রুতির অন্তর্ধ্যায়ী ব্রাহ্মণের ৩।৭।৩ হইতে ৩।৭।২২ মন্ত্র পর্য্যন্ত প্রত্যেক মন্ত্রেই স্পষ্ট উক্তি রহিয়াছে যে, “তিনিই তোমার অমৃত স্বরূপ আত্মা”। এই “অমৃতত্বের” স্পষ্ট নির্দেশ হেতু, পৃথিব্যাদিতে স্বেচ্ছাক্রমে নিরন্তররূপে অবস্থানকারী পরমেশ্বরের দোষ সম্পর্কের প্রতিষেধ করা হইয়াছে। অতএব, তাঁহাতে উক্ত দোষাদি স্পর্শে না। বিশেষতঃ জীবের স্বরূপ তিরোধান ও অজ্ঞানাচরণ পরমেশ্বরের ইচ্ছাবশতঃই হইয়া থাকে, ইহা ৩।২।৫ সূত্রে প্রতিপাদিত হইয়াছে।

ইহাতেও ত আপত্তি হইতে পারে যে, পরমেশ্বর স্বেচ্ছাক্রমে অচিৎ বস্তুতে অধিষ্ঠান করিলে, উক্ত অধিষ্ঠানের স্বভাবসিদ্ধ দোষ তাঁহাতে সংশ্লিষ্ট হইবেই হইবে, ইহা ত অনিবার্য। প্রত্যক্ষতঃ ইহা সর্বত্রই পরিদৃষ্ট হয়। না, ইহাও যুক্তিযুক্ত নহে। কারণ, (১) জড়বিজ্ঞানালোচনায় আমরা জানি যে, চিৎ-অচিতের সীমা চিহ্ন নির্দেশ সম্ভব নহে। ব্রহ্ম বা ভগবান যখন সর্বকারণ কারণ, তখন তিনি চিৎ ও অচিৎ উভয়েরই কারণ। তাঁহারই সংকল্পবশতঃ কেহ “চিৎ” রূপে, এবং কেহ দৃশ্যতঃ বিপরীত ধর্মী “অচিৎ” রূপে প্রতীয়মান হয় মাত্র। তাঁহারই সংকল্প বশতঃ “অচিৎ” ধর্ম তাঁহাতে স্পর্শে না, এবং সেই সংকল্প প্রভাবে উক্ত ধর্মের সহিত জীব সংশ্লিষ্ট। (২) দোষ-গুণ, সুখ-দুঃখ, পাপ-পুণ্য ইহারা আপেক্ষিক। একজনের পক্ষে যাহা সুখকর, অপরের পক্ষে তাহা দুঃখদায়ক। একজনের পক্ষে যাহা পাপ, অপরের পক্ষে তাহাই পুণ্য-জনক। প্রাণসংহার পাপ, কিন্তু রাজার বা রাজপুরুষের বিচারে নরহত্যাকারী দোষীর প্রাণদণ্ড পুণ্যকার্য্য, বরং উক্ত দণ্ডদান না করাই পাপ। একমাত্র অদ্বৈত নিরপেক্ষ স্বরূপে আপেক্ষিকতা থাকিতে পারে না। সুতরাং আমাদের পরিচিত দোষগুণ, সুখদুঃখ, পাপপুণ্য প্রভৃতির সহিত নিরপেক্ষ সংস্বরূপ ব্রহ্মের বা ভগবানের সংস্পর্শ নাই। (৩) দোষগুণ, সুখদুঃখ, পাপপুণ্য প্রভৃতি জীবের কর্ম হইতে উৎপন্ন। পূর্বে প্রতিপাদন করা হইয়াছে যে, কর্ম বৈত সত্ত্বত। যাহার সহিত বৈতের সংস্পর্শ নাই, যিনি “একমেবাদ্বিতীয়ম্” অদ্বৈত তত্ত্ব, তাঁহার কোনও কর্ম নাই। সুতরাং কর্ম জন্ম দোষগুণ প্রভৃতি তাঁহাকে স্পর্শ করে না। তিনি সমুদায়েই সম, উদাসীন, অনাসক্ত, নির্লিপ্ত। আকাশস্থ সূর্য্য ভিন্ন ভিন্ন জলপাত্রে প্রতিবিম্বিত হয় বটে, কিন্তু জলপাত্রের দোষ গুণ বিম্বভূত সূর্য্যে স্পর্শে না; সেইরূপ পরমাত্মা ভিন্ন ভিন্ন ক্ষেত্রে অধিষ্ঠিত হইলেও, ক্ষেত্রগত দোষগুণ তাঁহাতে স্পর্শে না।

এ সম্বন্ধে শ্রীমদ্ভাগবত বলিতেছেন :—

ঈহতে ভগবানীশো ন হি তত্র বিসজ্জতে ।

আত্মলাভেন পূর্ণার্থো নাবসীদন্তি যেহনু তম্ ॥ ভাগঃ ৮।১।১৩

—ভগবান্ ঈশ্বর কার্য্য করিলেও তাহাতে আসক্ত হয়েন না। তিনি আত্মলাভে পূর্ণার্থ। যে সকল ব্যক্তি তাঁহার অনুবৃত্তি করেন, তাঁহারাও সেইরূপ অনাসক্ত ও আত্মলাভ দ্বারা চরিতার্থ হইয়া থাকেন।

ভাগঃ ৮।১।১৩

এখানে সন্দেহ হইতে পারে যে, উপরে বলা হইল যে অদ্বৈত তত্ত্বের কোনও কৰ্ম্ম নাই, আবার ভাগবতের উক্ত ৮।১।১৩ শ্লোকে বলা হইল যে, “ঈশ্বর কার্য্য করিলেও তাহাতে আসক্ত হয়েন না”—এ উভয় উক্তিতে বিরোধ হইল না কি? ইহার উত্তরে বলি, আমাদের পরিচিত কৰ্ম্ম—দ্বৈতজ্ঞানের উপর প্রতিষ্ঠিত এবং তাহা বন্ধনের হেতু। কিন্তু অদ্বৈত স্বরূপের কৰ্ম্ম—আমাদের পরিচিত কৰ্ম্ম-পর্য্যায় পড়ে না। উহা দ্বৈতজ্ঞানের উপর প্রতিষ্ঠিত নহে, এবং উহা কোনও প্রকার বন্ধনের জনক নহে। পুরুষসূক্তালোচনায় আমরা জানি যে, পুরুষই আদি কৰ্ম্মকৃত্ব। পুরুষ যজ্ঞই আদি কৰ্ম্ম। পুরুষ আপনাকে সমগ্রভাবে বলি দিয়া জগদ্রূপে পরিণত হয়েন। জগতের কিছুই তাঁহা হইতে পৃথক নহে বলিয়া, পুরুষসূক্তোক্ত পুরুষযজ্ঞ আমাদের পরিচিত কৰ্ম্ম পর্য্যায় পড়ে না। পুরুষ দৃশ্যতঃ কৰ্ম্মানুষ্ঠাতারূপে প্রতীয়মান হইলেও, তিনি প্রকৃতপক্ষে অকর্তা। কৰ্ম্মের ফল ভোগেই কর্তার কর্তৃত্ব। কিন্তু পুরুষানুষ্ঠিত কৰ্ম্মের কোনও ফল না থাকায়, তাহার ভোগ নাই, অতএব আমাদের পরিচিত কর্তৃত্বও নাই।

ভাগবত নিম্নোক্ত শ্লোকে ইহা অধিকতর স্পষ্টভাবে বলিতেছেন :—

তমীহমানং নিরহঙ্কৃতং বুধং

নিরাশিষং পূর্ণমনগ্ৰচোদিতম্ ।

নৃন্ শিক্ষয়ন্তুং নিজবত্সংস্থিতং

প্রভুং প্রপত্তেহখিলধৰ্ম্মভাবনম্ ॥ ভাগঃ ৮।১।১৪

—সেই পরিপূর্ণ স্বরূপ, নিরহঙ্কার (অকর্তা), জ্ঞানময়, মঙ্গলাকাঙ্ক্ষা-রহিত, সর্বসমর্থ, নিখিল ধৰ্ম্মের উদ্ভাবক ও প্রবর্তক, যাঁহার নিয়ন্তা কেহ নাই, তিনি স্বরূপতঃ নিষ্ক্রিয় হইলেও, লোক শিক্ষার জন্য রাম রুদ্ৰাদি অবতার গ্রহণ করিয়া, আপনার প্রবর্তিত শাস্ত্র বিধানানুসারে কৰ্ম্ম করিয়া থাকেন। তাঁহার শরণ গ্রহণ করি। ভাগঃ ৮।১।১৪

—তাঁহার সংকল্পরূপা যারার এরূপ প্রভাব যে, কোনও ব্যক্তি তাহা

অতিক্রম করিতে পারে না। এই মায়াই জীবের স্বরূপ আবরণ করতঃ সকলকে মুগ্ধ করিয়া থাকে। কিন্তু সেই পরমেশ্বর, মায়ী ও মায়ীর গুণ উভয়কে জয় করিয়া সর্বভূতে সমরূপে বর্তমান আছেন। তাঁহাকে প্রণাম করি। ভাগঃ ৮।৫।১৯

ন যস্য কশ্চাতিতিতস্তি মায়ীং

যয়া জনো মুহুতি বেদ নার্থম্ ।

তং নির্জিতাত্মাত্মগুণং পরেশং

নমাম ভূতেষু সমং চরন্তম্ ॥ ভাগঃ ৮।৫।১৯

অতএর, সিদ্ধ হইল যে, জীবের মোহ ঈশ্বরেচ্ছায়ই হইয়া থাকে। ইহা ৩।২।৫ সূত্রে প্রতিপাদিত হইয়াছে। পরমেশ্বরে উক্ত প্রকার মোহের কোনও কারণ নাই। কেননা, তাঁহার সংকল্পরূপা মায়ী উক্ত মোহ জন্মাইয়া থাকে। উক্ত মায়ী তাঁহারই শক্তি, তাঁহার অধীন, তিনি উহা জয় করিয়া সর্বদা স্বরূপে প্রতিষ্ঠিত আছেন। মায়ীর আবরিকা ও বিক্ষেপিকা উভয়বিধ শক্তি, তাঁহারই সংকল্পবশতঃ জগদ্বৈচিত্র্যের মূলে। উক্ত উভয়বিধ শক্তির লেশমাত্র প্রভাবও তাঁহাতে বর্তমান নাই। সুতরাং তাঁহাতে দোষ সংস্পর্শ সম্ভব নহে।

এই প্রসঙ্গে ১।১।১৮ সূত্রের আলোচনায় (পৃঃ ৪৩৪) উক্ত শ্রীমদ্ভাগবতের ৫।১।১২ ও ৫।১।১৩ শ্লোক দুইটি দ্রষ্টব্য। দুই জন ক্ষেত্রজ হইলেও উভয়ের মধ্যে বিশেষ ভেদ বর্তমান।

[এই সূত্রের শ্রীমদ্রামানুজাচার্যের সন্ন্যাস পাঠ, “ভেদাদিতি চেন্ন, প্রত্যেকমতদ্বচনাৎ” ॥ আমরা শঙ্করাচার্য, মধ্বাচার্য, বল্লাভাচার্য ও বলদেব সন্ন্যাস পাঠ গ্রহণ করিয়াছি।]

শ্রীমদ্ মধ্বাচার্যের মতানুসারী বলদেব ইহার একটু অল্প প্রকার অর্থ করিয়াছেন। বহুরূপ প্রকাশের তাত্ত্বিকত্ব নিবন্ধন ভেদ স্বীকার সম্বন্ধে, অভেদ উক্তিও সমানভাবে প্রযোজ্য। বৃহদারণ্যক শ্রুতির ২।৫।১৯ মন্ত্রে অনন্ত প্রকাশ ব্রহ্মের একইভাবে উক্ত হইয়াছে। সুতরাং তাঁহার প্রকাশ বা অভিব্যক্তি বিভিন্ন প্রকার হইলেও ভেদে অভেদ বর্তমান। অল্প কথার অভেদে ভেদ দৃশ্যমান হইলেও স্বরূপে নিত্য অভেদ প্রতিষ্ঠিত। এবং সে কারণ দৃশ্যমান ভেদভঙ্গ হইতে উক্ত দোষগুণ তাঁহাকে স্পর্শ করে না।

ভিত্তি :—

“হা স্পর্গা সমুজ সখায়া সমানং বৃক্ষং পরিষম্বজাতে ।

তয়োরন্যাঃ পিপ্পলং স্বাদ্বন্ত্যনশ্নম্শ্রো অভিচাকশীতি ।” (মুণ্ডঃ ৩।১।১)

—সহযোগী সমান স্বভাব দুইটি পক্ষী (পরমাত্মা ও জীবাত্মা) একই বৃক্ষে (দেহে) আলিঙ্গন করিয়া অবস্থান করেন, তন্মধ্যে একটি পক্ষফল (কর্মফল) ভোগ করেন, অপরটি সাক্ষীরূপে দর্শন করেন মাত্র । (মুণ্ডঃ ৩।১।১)

সূত্র—৩।২।১৩ ।

অপি চৈবমেকে ॥ ৩।২।১৩ ॥

অপিচ + এবম্ + একে ॥

অপিচ :—আরও । এবম্ :—এই প্রকার । একে :—কেহ কেহ ।

কোনও কোনও বেদশাখীগণ বলিয়া থাকেন যে, জীব ও পরমেশ্বর একই শরীরে শরীরী রূপে অবস্থান করিলেও, জীব কর্মফল ভোগ করেন, এবং পরমেশ্বর সাক্ষীরূপে বর্তমান থাকেন । শিরোদেশে উদ্ধৃত শ্রুতিমন্ত্র তাহার প্রমাণ ।

শ্রীমদ্ভাগবত বলিতেছেন :—

স্পর্গাবেতো সদৃশৌ সখায়ৌ

যদৃচ্ছয়েতো কৃতনীড়ৌ চ বৃক্ষে ।

একস্তয়োঃ খাদতি পিপ্পলান্ন-

মন্যো নিরমোহপি বলেন ভুয়ান্ ॥ ভাগঃ ১।১।১।৬

—সমান স্বভাব বিশিষ্ট, সখা স্বরূপ দুইটি পক্ষী, অনির্কচনীয় মায়া দ্বারা দেহরূপ বৃক্ষে নীড় নির্মাণ করিয়া অবস্থান করিতেছেন । তাহাদের

গধ্যে একটি কর্মফল ভোগ করেন, অপরটি নিরশন থাকিয়াও, জ্ঞান শক্তি
দ্বারা অতিরিক্ত হইলেন । ভাগঃ ১১।১১।৬

আত্মানমন্যঞ্চ স বেদ বিদ্বা-

নপিপ্ললাদো নতু পিপ্ললাদঃ ।

যোহবিদ্বয়া যুক্ সতু নিত্যবন্ধো

বিদ্বাময়ো যঃ সতু নিত্যমুক্তঃ ॥ ভাগঃ ১১।১১।৭

—সেই জ্ঞানময় নিরশন পক্ষীটি আপনাকে এবং অন্যকেও জানেন, কিন্তু
কর্মফল ভোক্তা পক্ষীটি তদ্রূপ নহেন । শেষেরটি অবিদ্বায়ুক্ত এবং সেজন্য
নিত্যবন্ধ, প্রথমটি বিদ্বাময় এবং সেজন্য নিত্যমুক্ত । ভাগঃ ১১।১১।৭

[শ্রীমদ্ বলদেব বিভাভূষণ এই সূত্রটির একটু অশ্লীলকার অর্থ করেন ।]

ভিত্তি :—

“অমাত্ৰোহনন্তমাত্ৰশ্চ দ্বৈতশ্চোপশমঃ শিবঃ ।”

(মাণ্ডুক্য কারিকা, ২৯)

—যিনি অমাত্র, স্বকীয় অংশভেদ বিবর্জিত ও অনন্তমাত্র—অসংখ্য স্বকীয় অংশবিশিষ্ট, সমুদায় দ্বৈতের বিশ্রামভূমি বা পর্যাবসান ও মঙ্গলময় ।

(মাণ্ডুক্য কারিকা, ২৯) ।

সূত্র — ৩।২।১৩ ।

অপিচৈবমেকে ॥ ৩।২।১৩ ॥

অপিচ + এবম্ + একে ॥

অপিচ :—আরও । এবম্ :—এই প্রকার । একে :—কেহ কেহ, কোন কোন বেদশাখীগণ ।

কোনও কোনও বেদশাখীগণ, তাঁহাতে সমুদায় বিরোধের ও ভেদের সমাধান বলিয়া নির্দেশ করেন । শিরোদেশে উদ্ধৃত শ্রীমৎ গোড়পাদের মাণ্ডুক্য কারিকা ২৯ তাহার প্রমাণ । তিনি যে কালে, যে আধারে অমাত্র, সেই একই কালে, একই আধারে অনন্তমাত্র, অথচ সমুদায় দ্বৈতের পর্যাবসান । প্রপঞ্চ তিনি অনন্ত নাম রূপে বিভক্তরূপে প্রতীয়মান হইলেও, এবং সাধকের ভক্তি, জ্ঞান, ধ্যান ও কার্য্য ভেদে অনেকরূপে প্রকাশিত হইলেও, তিনি সর্বদা আপনার অদ্বৈত, আনন্দময় ও মঙ্গলময় স্বরূপে প্রতিষ্ঠিত থাকেন, এবং সেই স্বরূপে সমুদায় দ্বৈতজ্ঞানের পর্যাবসান । অন্তকথায়, সেই আপনার অদ্বৈত মঙ্গলময় স্বরূপে সমুদায় নামরূপের পরিণতি ।

উদাহরণ স্বরূপ শ্রীমদ্ভাগবতের ৮।১৮।২ শ্লোক শ্রীমন্নন্দাচার্য্য উদ্ধৃত করিয়াছেন :—

যত্তদ্বপুর্ভাতি বিভূষণায়ুধৈ—

রব্যক্ত চিদ্যক্তমধারয়ঙ্করিঃ ।

বভূব তেনৈব স বামনোবটুঃ

সংপশ্যতোর্দিব্যগতির্যথা নটঃ ॥ ৮।১৮।২

—অব্যক্ত চিদ্রূপ ভগবান্ হরি, যে দীপ্তি, ভূষণ ও আয়ুধাদি সম্পন্ন হইয়া ব্যক্ত যুগ্মিতে আবির্ভূত হইয়াছিলেন, দেখিতে দেখিতে মাতাপিতার

দৃষ্টি সম্বন্ধেই ঐ সকলের সহিত দৃশ্যমঞ্চের উপর দর্শকগণের সম্বন্ধ নটের
 ছায়, বামন ব্রাহ্মণ কুমার হইলেন । তাঁহার গতি দিব্য, স্তূত্রাং এরূপ হওয়া
 বিচিত্র নহে । ভাগঃ ৮।১৮।২

ইহা হইতে বুঝা গেল যে, কোনও বিশেষ রূপ ধারণে তাঁহার
 স্বরূপের হানি হয় না । স্তূত্রাং ভক্তগণ নিজ নিজ সাধনেচ্ছা, প্রকৃতি
 প্রকৃতি অনুসারে, তাঁহার যে কোনও রূপের বা যে কোনও ভাবের
 ভজনা করুন না কেন, ফল সর্বত্র সমান । কারণ তাঁহার সকল
 রূপেই তিনি নিজ স্বরূপে বর্তমান । তবে প্রাপ্তিবৈচিত্র্য, উপাসকের সাধন
 ও সংকল্পবৈচিত্র্যানুসারে সংঘটিত হয়, ইহা পরে প্রতিপাদিত হইবে । উপরে
 উক্ত ভাগবতের শ্লোক হইতে আমরা আরও পাইলাম যে, তাঁহার দেহ,
 বসন, ভূষণ, আয়ুধ সমুদায়ই তাঁহার স্বরূপ হইতে অভিন্ন । চতুর্থ অধ্যায়ে
 ইহার বিস্তারিত আলোচনা করা যাইবে ।

১। “অনেন জীবনাত্মনাত্মপ্রবিষ্ট নাম-রূপে ব্যাকরবাণীতি ॥”

(ছান্দোগ্যঃ ৬।৩।২) ।

—“আমি এই জীবাাত্মরূপে অভ্যন্তরে প্রবিষ্ট হইয়া নাম ও রূপ প্রকটিত করিব ।” (ছাঃ ৬।৩।২)

২। “আকাশো হ বৈ নামরূপয়োনির্বাহিতা, তে যদন্তরা, তদব্রহ্ম ।”

(ছান্দোগ্যঃ ৮।১৪।১) ।

—আকাশই নাম ও রূপের নির্বাহক, সেই নাম ও রূপ যাহার অভ্যন্তরে অবস্থিত, তিনিই ব্রহ্ম । (ছাঃ ৮।১৪।১) ।

সংশয় :—ছান্দোগ্য শ্রুতির ৬।৩।২ মন্ত্র আলোচনা করিলে প্রতীতি হইবে যে, ব্রহ্মই জীবাাত্মরূপে নাম ও রূপ প্রকটিত করিয়াছেন । সুতরাং জীবেরই আত্মরূপ ব্রহ্মেরও দেব ও মনুষ্যাদি রূপ ও নামভাগিত্ব অবশ্যই আছে । সুতরাং জীব যেমন শাস্ত্রীয় বিধি-নিষেধের অধীন, তাহার আত্মরূপ ব্রহ্মও তদ্রূপ কেন না হইবে ? সেজন্য ব্রহ্মেরও কর্মবশত অপরিহার্য হইয়া পড়িতেছে । ইহার উত্তরে সূত্র :—

সূত্র :—৩।২।১৪ ।

অরূপবদেব হি তৎপ্রধানত্বাৎ ॥ ৩ ২।১৪ ॥

অরূপবৎ + এব + হি + তৎপ্রধানত্বাৎ ॥

অরূপবৎ :—রূপরহিত । এব :—নিশ্চয় । হি :—অবধারণে । তৎ-

প্রধানত্বাৎ :—তাঁহারই,—ব্রহ্মেরই প্রাধান্য হেতু ।

পরব্রহ্ম দেব মনুষ্যাদি শরীরে অবস্থান করিলেও, তিনি রূপ রহিতেরই তুল্য, তাঁহার দেহ সম্বন্ধ নাই । জীব ভোক্তারূপে দেহের সহিত সম্বন্ধ । কিন্তু পরব্রহ্ম ভোক্তা নহেন—ইহা পূর্বসূত্রের শিরোদেশে উক্ত মূলক শ্রুতির ৩।১।১ মন্ত্র হইতে স্পষ্ট প্রতীত হইবে । জীবের ভোগ সম্পাদনার্থ—অন্য কথায়, ভোক্তার সহিত ভোগের সম্বন্ধ বিধানার্থ তিনি সর্বশরীরে অবস্থান করেন, নিজের ভোগের জ্ঞান নহে ! শিরোদেশে উক্ত ছান্দোগ্য শ্রুতির ৮।১৪।১ মন্ত্র স্পষ্টই প্রকাশ করিতেছেন যে, তিনি নামরূপের নির্বাহক । নামরূপ—তাঁহা হইতেই জাত, তাঁহাতে স্থিত এবং উহার পরিণতিও তাঁহাতেই । নামরূপ বা ভেদজনিত কিছু দ্বারা তিনি সংস্পৃষ্ট নহেন ।

ভাল, দেবাদি শরীরে অন্তর্যামীরূপে বর্তমান থাকিলেও তাঁহাকে অরূপবৎ বলা হয় কিরূপে? ইহার উত্তর এই, যে, জীব যে যে রূপে সাময়িক স্মৃৎ হুঃখ ভোগ করে, সেই সেই রূপে উহার সম্বন্ধ সিদ্ধ হয় ; পরমাত্মার সেরূপ কোনও ভোগ না থাকায়, তাঁহার সেরূপ কোনও সম্বন্ধ সিদ্ধ হয় না। তজ্জন্য ‘অরূপবৎ’ বলা হয়। বিশেষতঃ, সমুদায় রূপই পাঞ্চভৌতিক ও সেজন্য অনিত্য—পরমাত্মা কিন্তু ভূতের অতীত এবং নিত্য। সুতরাং—তাঁহার সহিত রূপের সম্বন্ধ সংঘটিত হইতে পারে না। এজন্যও “অরূপবৎ” বলা হইয়াছে। ১।৩।৪১ সূত্রের আলোচনায় আমরা বুঝিয়াছি যে অনন্ত গতি ও স্থিতি একই। সেই নিদর্শনে যিনি অনন্তরূপের শাস্ত্রত ভাণ্ডার, তিনি “অরূপ” ভিন্ন আর কি হইবেন? যেমন যোগাত্মক ও ঋণাত্মক তড়িতের সাম্যাবস্থায় তড়িতের নিদর্শন পাওয়া যায় না ও যেমন সত্ত্ব-রজঃ-তমঃ ত্রিগুণাত্মিকা প্রকৃতির গুণ সাম্যে অব্যাকৃত, অব্যক্ত অবস্থায় কোনও বিশেষ গুণের নিদর্শন পাওয়া যায় না, সেইরূপ সমুদায় রূপের একমাত্র আশ্রয় যিনি, তিনি “অরূপই” হইবেন। এইজন্য ভাগবত “অরূপায়োরূপায়” বলিয়া ভগবানকে প্রণাম করিয়াছেন। তিনি “অরূপ” অথচ একাধারে এককালে “উরূরূপ” আবার “উরূরূপ” বলিয়াই তিনি “অরূপ”। কোনও বিশেষ রূপের সহিত তাঁহার সম্বন্ধ নাই।

একটি অতি সাধারণ দৃষ্টান্তের দ্বারা আমার বক্তব্য বিশদ করিবার চেষ্টা করি। আজকাল আমরা ছোট বড় নগরের রাস্তায়, নগরবাসীগণের গৃহে তাড়িতালোকের সহিত পরিচিত। তাড়িতালোকের নিজের আলোকের অপরিহার্য্য শ্বেতবর্ণ ছাড়া অন্য কোনও রং নাই। কিন্তু বিভিন্ন নগরবাসীর গৃহে বা নগরের রাস্তার বিশেষ বিশেষ স্থানে, ভিন্ন ভিন্ন রংএর, ভিন্ন ভিন্ন ছোট বড় আকারের বেশী কম শক্তিবিশিষ্ট আধারের ভিতর দিয়া ঐ একই শ্বেতবর্ণের আলোক, শ্বেত, পীত, লোহিত, নীল প্রভৃতি রং এর, গোল, ডিম্বাকৃতি প্রভৃতি বিভিন্ন আকারের ও অতুজ্জ্বল, উজ্জ্বলতম, উজ্জ্বলতর, উজ্জ্বল বা অল্পোজ্জ্বল প্রভৃতি উজ্জ্বলতার তারতম্যে আমাদিগের দৃষ্টিগোচর হইয়া থাকে। সেইরূপ “অরূপবৎ” পরমতত্ত্ব ভিন্ন ভিন্ন উপাধি গ্রহণে উপাধির গুণ ও ধর্ম্মে গুণী ও ধর্ম্মী হইয়া আমাদের প্রতীতিগম্য হইয়া থাকেন। ইহাতে তাঁহার স্বরূপতঃ “অরূপবত্তার” হানি হয় না।

আরও যে বলিয়াছ যে, “ব্রহ্মের কর্ম্মবশুতঃ অপরিহার্য্য হইয়া পড়ে,” ইহাও সঙ্গত নহে। আগে সিদ্ধান্ত করা হইয়াছে যে, কর্ম্মমাত্রই হেতুপেক্ষা করে। পরমাত্মা বা ব্রহ্ম একমাত্র অহেতুতত্ত্ব—তাঁহার

কৰ্মৰূপে ও জীবজগৎ

কৰ্মৰূপে কেবলমতে কৰ্মৰূপে নাই। তাঁহাতে কৰ্ম বা কৰ্মবশত
কিহলে থাকিবে? সুতরাং বিধিনিষেধাত্মক শাস্ত্র, যাহা কৰ্মের
কৰ্মীয়তা ও অকৰ্মীয়তা নির্দেশ করে, তাঁহাতে প্রযোজ্য হইবে
কিহলে? এ কারণে “অরূপবৎ” সিদ্ধ হইল। তিনি সৰ্ব
প্রাণীর অন্তরে অন্তর্যামীরূপে বর্তমান থাকিলেও, সৰ্বপ্রকার দোষ
বিবৰ্জিত ও কল্যাণময় গুণাকর হই নিজ স্বরূপগত “অমৃতত্ব” রূপে
উভয়লিঙ্গাত্মকও বটে।

—তিনি যদিও সৰ্বভূতের অন্তরে বিরাজমান, সেখানে তিনি পরম
স্বয়ং, চিন্মাত্র, সংস্করণ ও অনস্করণ বন্ধভাবে বিদ্যমান। ধীর ব্যক্তি নিজ
আত্মার তাঁহার অস্তিত্ব অনুভব করিলেই সংসার হইতে মুক্ত হইয়া
থাকেন। ভাগঃ ১০।৮৮।১০

তদ্বন্ধ পরমং সূক্ষ্মং চিন্মাত্রং সদনন্তকম্ ।

বিজ্ঞানাত্মতয়া ধীরঃ সংসারাৎ পরিমুচ্যতে ॥ ভাগঃ ১০।৮৮।১০

প্রত্যেকের হৃদয় গুহায় অবস্থান করিলেও তিনি অবিকারী, সত্য, অনন্ত,
অনাদি, নিরূপাধি, অপ্ৰতর্ক্য। মনের দ্বারা ধারণার অতীত এবং বাক্যের
দ্বারা অনির্বাচ্য ; তিনি প্রাণ, মনঃ, বুদ্ধি এবং আত্মাকে জানেন, বিষয় ও
ইন্দ্রিয় এই উভয়ের প্রকাশক, অজ্ঞান রহিত, দেহ শূন্য অর্থাৎ “অরূপবৎ”,
অক্ষর, আকাশবৎ সৰ্বব্যাপী, তাঁহাতে জীব পক্ষপাতিনী অবিদ্যা বা বিজ্ঞা
কিছুই নাই, এবং তিন যুগে যিনি স্বরূপে বর্তমান থাকেন, তাঁহার শরণাপন্ন
হই। ভাগঃ ৮।৫।১৫-১৬।

অবিক্রিয়ং সত্যমনন্তমাঢ়ং

গুহাশয়ং নিষ্কলমপ্ৰতর্ক্যম্ ।

মনোহপ্রযানং বচসাহনিরুক্তং

নমামহে দেববরং বরেণ্যম্ ॥ ভাগঃ ৮।৫।১৫

বিপশ্চিস্তং প্রাণমনোধিয়াত্মনা-

মর্থেন্দ্রিয়াভাসমনিদ্রমব্রণম্ ।

ছায়াতপৌ যত্র ন গৃধ্রপক্ষৌ

ওমক্ষরং খং ত্রিযুগং ভজামহে ॥ ভাগঃ ৮।৫।১৬

অতএব প্রতিপাদিত হইল যে, জীবের অন্তরে অন্তর্ঘ্যামীরূপে বর্তমান থাকিলেও, তিনি স্বরূপেই প্রতিষ্ঠিত থাকেন, এবং জীবদেহের দোষে সংস্পৃষ্ট হইবেন না।

শ্রীমদ্ বলদেব এই সূত্রের একটি সুন্দর অর্থ করিয়াছেন :—

ব্রহ্ম “রূপবৎ” নহেন—অর্থাৎ ‘রূপ’ তাঁহার বিশেষণ নহে, এবং তিনি তাহার বিশেষ্য নহেন। লৌকিক দৃষ্টান্তে, বিগ্রহ ও বিগ্রহবান্, রূপ ও রূপবান্, পরস্পর পৃথক বিশেষণ ও বিশেষ্য। কিন্তু ব্রহ্মে সে প্রকার কোন ভেদ নাই। তিনি স্বয়ংই বিগ্রহ—অর্থাৎ তিনি স্বরূপে যাহা, তাঁহার বিগ্রহ বা রূপও তাহাই বা রূপই প্রধান বা মুখ্য—গৌণ নহে। কারণ তাঁহার রূপ বা বিগ্রহই বিভূষা, জ্ঞাতৃত্ব, ব্যাপকত্ব ইত্যাদি ধর্মবিশিষ্ট আত্মা। তাঁহার বিগ্রহ—আমাদের দেহের গায় পরিচ্ছিন্ন, ক্ষুদ্র নহে। আত্মাই উঁহার বিগ্রহ। আত্মা যে পদার্থ, তাঁহার বিগ্রহও সেই পদার্থ—পৃথকত্ব মাত্র নাই। দেবাসুর মনুষ্যাতির সঙ্ক্ষে আত্মা মুখ্য, শরীর বা রূপ বা আকৃতি গৌণ মাত্র—আত্মার ভোগায়তন হেতু। কিন্তু ব্রহ্মের বা ভগবানের তাহা নহে। তাঁহার কোনও ভোগ নাই, একারণ ভোগায়তনরূপ দেহের প্রয়োজন নাই। তাঁহার দেহ বা বিগ্রহ ও আত্মা পৃথক নহে—উভয়ে এক এবং উভয়েই মুখ্য।

তৈত্তিঃ শ্রুতি ২।১ মন্ত্রে “সত্যং জ্ঞানমনস্ত্বং” বলিয়া ব্রহ্মের স্বরূপ নির্দেশ করিয়াছেন এবং উক্ত শ্রুতি ৩।৬ মন্ত্রে “আনন্দো ব্রহ্মোত্তি” বলিয়া ব্রহ্ম আনন্দস্বরূপ উপদেশ দিয়াছেন। গোপাল পূর্বতাপনী শ্রুতি পরমতত্ত্ব “সচ্চিদানন্দরূপায়” বলিয়া প্রণাম করিয়াছেন। ইহা বলা বাহুল্য যে তৈত্তিঃ শ্রুতি ও গোপাল পূর্বতাপনী শ্রুতি একই পরমতত্ত্বের নির্দেশ একই প্রকারে করিয়াছেন। তৈত্তিঃ শ্রুতির উদ্দেশ্য ভাবনির্দেশ, তাপনী শ্রুতির উদ্দেশ্য বস্তুনির্দেশ। ইংরেজীতে বলিতে হইলে প্রথমটি subjective এবং দ্বিতীয়টি objective নির্দেশমাত্র। পরস্পরের ভেদমাত্র নাই, বিরোধ ত দূরের কথা।

উপাসনার সৌকর্যার্থে তাঁহার হস্তপদ চক্ষুঃ নাসিকাদি বিশিষ্টরূপ করণা করিলেও, উহাদের মধ্যে পরস্পরের ভেদ দৃশ্যতঃ উপাসকের অন্তর্ক্ষে প্রতীয়মান হইলেও উহারা তাঁহার স্বরূপের সহিত অভেদ।

যথৈকাত্ম্যানুভাবানাং বিকল্পরহিতঃ স্বয়ম্ ।

ভূষণায়ুধমিঙ্গাখ্যা ধন্তে শক্তিঃ স্বমায়য়া । ভাগঃ ৬।৮।৩০

—তিনি বরং বিকল্পরহিত। যাহারা ঐকান্ত্যাধ্যান করেন, তাঁহাদের মননের অস্ত, বিকল্প বা ভেদ রহিত হইয়াও, নিজের মায়ার দ্বারা ভূষণ, আয়ুধ ও অস্ত্রাস্ত্র চিহ্নাদি রূপ বিবিধ শক্তি ধারণ করেন। ভাগ: ৬।৮।৩০

এই ভূষণ, আয়ুধ, হস্ত, গদ, চক্র, কর্ণ, বসন, মালা, বাহন, স্থান, পরিষ্কার কেহই তাঁহার স্বরূপ হইতে পৃথক্ নহে। শুধু ভক্তাত্মগ্রহের জন্য উহাদিগকে পৃথক্ পৃথক্ ভাবে প্রকটিত করেন মাত্র।

শ্রীমদ্ভাগবতে ১০।১৪।১৮ শ্লোকে ব্রহ্মস্তুত্রে আছে :—

অদ্বৈত্বং ত্বদ্ব্যভিহৃত্য কিং মম ন তে মায়াভ্রমাদর্শিত-

মেকোহসি প্রথমং ততো ব্রহ্মসুহৃৎসংসাঃ সমস্তা অপি।

তাবস্তোহপি চতুর্ভুজাঙ্গদর্শিতৈঃ সাকং ময়োপাসিতা-

স্তাবস্ত্যেব জগন্ত্যভূস্তদমিতং ব্রহ্মাদ্বয়ং শিষ্যতে ॥ ভাগ: ১০।১৪।১৮

—হে প্রভো! অজ্ঞ কি আমাকে আপনার মায়ার নিদর্শন দেখান নাই? প্রথমে একাকীষ্ট ছিলাম, তৎপরে আপনিই সমস্ত ব্রহ্মধামের বান্ধব ও বৎসরূপ ধারণ করিলেন আমি সে সকলকে আবার চতুর্ভুজ দর্শন করিলাম। তদনন্তর আমি অখিলতত্ত্বাদির সহিত উপাসনা করিলে সেই সমস্ত ব্যক্তি চতুর্ভুজ হইয়াও তত সংখ্যক ব্রহ্মাণ্ড মূর্তি ধারণ করেন। এক্ষণে আবার অপরিমিত অদ্বয় ব্রহ্মমাত্র আপনি অবশিষ্ট আছেন।

ভাগ: ১০।১৪।১৮

সুতরাং সিদ্ধান্ত হইল যে, তাঁহার রূপ, তাঁহার স্বরূপ হইতে ভিন্ন নহে। যদি ভিন্ন হইত, তাহা হইলে দ্বৈতাপত্তির সম্ভাবনা থাকিত এবং একে অপরের পরিচ্ছিন্নতার কারণ হইত। জাগতিক রূপবান পদার্থনিচয়ের সহিত তাঁহার কোনও বিভিন্নতা থাকিত না। “নেতি নেতি” এবং অন্যান্য বহু শ্রুতি ব্যর্থ হইয়া যাইত। অদ্বৈত হাঁনির প্রসঙ্গ উপস্থিত হইত। “মনবস্থা” দোষ পরিহার অসম্ভব হইত। অতএব সিদ্ধান্ত এই যে, তিনি স্বরূপে যাহা, তাঁহার রূপও তাহাই। শুধু উপাসকগণের মঙ্গলার্থ, তাহাদিগের ক্রটি ও অভিলাষ অনুসারে বিভিন্নভাবে প্রকটন করেন মাত্র। এই প্রকটন, তাঁহার অচিন্ত্য শক্তি যোগমায়া দ্বারা করিয়া থাকেন।

এখন প্রশ্ন উঠে, তাঁহার স্বরূপ কি ? বুদ্ধিবৃত্তি বাগ তাঁহার স্বরূপ

নির্দোষ, সূক্ষ্ম খণ্ডোত্তের পক্ষে নিখিল ব্রহ্মাণ্ড কটাহ উদ্ভাসনের শ্রায়, উপহাসাম্পদ সন্দেহ নাই। যিনি বুদ্ধিতত্ত্বের বাহিরে অবস্থান করিয়া বুদ্ধিকে প্রকাশিত করেন, বুদ্ধি তাঁহাকে কিরূপে প্রকাশিত করিবে ? অতএব শ্রুতিই এ ক্ষেত্রে একমাত্র অবলম্বনীয়। তৈত্তিরীয় শ্রুতিতে পাই, “সত্যজ্ঞানমনস্তং ব্রহ্ম”। (তৈত্তিঃ ২।১)। এবং “রসো বৈ সঃ । রসং হেবায়ং লক্কামন্দী ভবতি ।” (তৈত্তিঃ ২।৭)— তিনিই রস স্বরূপ। এই ত্রিজগৎস্থ সকলে তাঁহার রসকণা পাইয়া আনন্দী হয়। আবার গোপাল পূর্বতাপনী শ্রুতিতে দেখিতে পাই— “সচ্চিদানন্দরূপায় কৃষ্ণায়াক্লিষ্টে কৰ্ম্মণে । নমো বিজ্ঞান রূপায় পরমানন্দরূপিণে ॥”—সচ্চিদানন্দ রূপ, বিজ্ঞান স্বরূপ, মূর্ত্তিমান পরমানন্দ, অক্লিষ্টকৰ্ম্মণী কৃষ্ণকে প্রণাম করি। অতএব, তিনি সচ্চিদানন্দ রূপ—পরমানন্দই তাঁহার স্বরূপ। সেইজন্য তাঁহার দেহও পরমানন্দ স্বরূপ ; হস্ত, পদ, চক্ষুঃ, কর্ণ, মুখ, মস্তক প্রভৃতি সবই আনন্দ স্বরূপ। সুতরাং তাঁহাতে হস্তপদাদি অবয়ব ভেদেও স্বগত ভেদ নাই। তিনি “সর্বৈন্দ্রিয় বিবর্জিত” অথচ তাঁহার দৃশ্যমান মূর্ত্তির প্রতি অবয়ব সমুদায় ইন্দ্রিয় শক্তিতে শক্তিমান। এইজন্য শ্রুতি গাহিয়াছেন— “সর্বতঃ পাণিপাদং তং সর্বতোক্শি শিরোমুখম্”—সর্বত্রই তাঁহার পাণি, পাদ, অক্ষি, শিরঃ ও মুখ প্রভৃতি। যদি স্বগতভেদ থাকিত, তাহা হইলে শ্রুতির উক্ত মন্ত্রাঙ্কের কোনও সার্থকতা থাকিত না। এইজন্য মহাজন গাহিয়াছেন :—

“নির্দোষ পূর্ণগুণ বিগ্রহ আত্মতত্ত্বা,
নিশ্চতনাত্মক শরীর গুণৈশ্চ হীনঃ ।

অনন্দমাত্র করপদ মুখোদরাদি,
সর্বত্র চ স্বগতভেদবিবর্জিতাত্মা ॥”

—তিনি আত্মতত্ত্ব—স্বরাট, জীবের শ্রায় পরতত্ত্ব নহেন। তাঁহার বিগ্রহ দোষ-সংস্পর্শমেশ শূন্য, স্বকীয় স্বভাবতঃ গুণরাশিতে পূর্ণ, অচিৎ—প্রাকৃতিক শরীর ও গুণ তাঁহাতে বর্তমান নাই। তাঁহার

বিগ্রহের কর, পাদ, মুখ, উদরাদি অঙ্গ প্রত্যঙ্গ সকল আনন্দ স্বরূপ, এবং তাঁহার দেহ সর্বত্র স্বগতভেদ বিবর্জিত। ভক্তানুগ্রহের জন্ম, তাঁহার দেহাবয়ব ভক্তের প্রেমভক্তি কালিত জ্ঞানলোচনে দৃশ্যমান হইলেও, তদ্ব্যতঃ তাঁহার বিগ্রহের স্বগত বা অবয়বাদি গত ভেদ বর্তমান নাই।

তাঁহার বিগ্রহ প্রকটন যোগমায়ার দ্বারা সংঘটিত হয়। রাসলীলার প্রথম শ্লোকেই উক্ত হইয়াছে যে, “যোগমায়ামুপাশ্রিতঃ” তিনি—অর্থাৎ তাঁহার অচিন্ত্য শক্তিরূপা যোগমায়াকে আশ্রয় করিয়া রাসক্রীড়া করিতে ইচ্ছা করিলেন। তিনি আত্মারাম, আশুকাংক, তাঁহার অপ্রাপ্য কিছুই নাই, স্নতরাং ইচ্ছা করিবারও কিছুই নাই। তবে যে শাস্ত্রে তাঁহার ইচ্ছা উদ্ভেকের উল্লেখ আছে, তাহা জীবের অনুগ্রহের জন্ম। এই ইচ্ছাই যোগমায়া এবং ইচ্ছার উদ্ভেক—যোগমায়াকে আশ্রয় করা। সংকল্প, ইচ্ছা ইহারা চৈতন্যের বৃত্তি। তিনি চিদ্ব্যন বলিয়াই স্বভাবতঃ ইচ্ছার উদ্ভেক হইয়া থাকে। ইচ্ছার উদ্ভেকে বহিরঙ্গা শক্তি বিকাশে যেমন পরিদৃশ্যমান ব্রহ্মাণ্ড সৃষ্টি, সেইরূপ ইচ্ছার উদ্ভেকেই অন্তরঙ্গা বা স্বরূপশক্তি বিকাশে, তাঁহার বিগ্রহ, ধাম, পরিকর, পরিজন প্রভৃতি প্রকটিত হয়। উপরে উদ্ধৃত ভাগবতের ১০।১৪।১৮ শ্লোক ইহাই প্রতিপাদন করিতেছে। জগৎ সৃষ্টিকারিণী মায়া—তাঁহার বহিরঙ্গা শক্তি। যোগমায়া—তাঁহার অন্তরঙ্গা বা স্বরূপ শক্তি। অথবা আরও সূক্ষ্মভাবে বলিতে গেলে, বলিতে হয় যে, অন্তরঙ্গা শক্তি, ক্রিয়াভেদে বা সচ্চিদানন্দ ভগবানের সৎ, চিৎ, আনন্দ এই ত্রিবিধ ভাবের সম্পর্কে যথাক্রমে সন্ধিনী, সন্ধিৎ ও হ্লাদিনী নামে কথিত হইয়া থাকেন। এই তিনের মধ্যে “সন্ধিৎ” শক্তিই যোগমায়া। ১।১।২ সূত্রের আলোচনার প্রদত্ত চিত্রে (পৃ: ১৭০-৭১) ইহা সুন্দর ভাবে দেখান হইয়াছে।

উপরে উদ্ধৃত গোপাল পূর্বতাপনী শ্রুতিমন্ত্রে ভগবানকে “সচ্চিদানন্দ রূপায়” বলা হইয়াছে। এইখানে বলা হইল যে, ভগবানের সৎ-চিৎ-আনন্দ এই ত্রিবিধ ভাবের সম্পর্কে তাঁহার অন্তরঙ্গা শক্তি তিন নামে কথিত। ইহা হইতে কেহ যেন বুঝিবেন না, যে, সৎ, চিৎ ও আনন্দ ইহারা পরস্পর পৃথক। ইহারা তিনে এক, একে তিন। এ সম্বন্ধে বিস্তারিত আলোচনা চতুর্থ অধ্যায়ে করা হইবে। এখানে বিস্তারের প্রয়োজন নাই।

অতএব সিদ্ধ হইল যে, ভগবানের যখন স্বগত ভেদ নাই, তখন

তাঁহাকে ‘অরূপবৎ’ বলায় কোনও দোষ নাই। জীবের ন্যায় তিনি ও তাঁহার শরীরে ভেদ নাই।

“অরূপবৎ” পদে গূঢ় রহস্য প্রচ্ছন্ন রহিয়াছে। জগৎ প্রপঞ্চে যাহা কিছু আমরা দেখি সমুদায়ই “রূপবান,” অর্থাৎ তাঁহাদের রূপ বর্তমান আছে। এই সাদৃশ্যে “তৎ” (ব্রহ্ম—কীবলিজ্জ) “অরূপবৎ”—রূপবিহীনতা ব্রহ্মের আছে। রূপবিহীনতা—অভাব পদার্থ নহে—ইহা ভাব পদার্থ—তাহা প্রকাশ করা সূত্রকারের উদ্দেশ্য। ব্রহ্ম বা ভগবান যেরূপ ভাব পদার্থ, ইহাও সেইরূপ ভাব পদার্থ—অদ্বৈত বলিয়া উভয়ের মধ্যে ভেদ নাই।

ভিত্তি:—

১। “যতো বাচো নিবর্তন্তে অপ্রাপ্য মনসা সহ” । (তৈত্তিরি: ২।৯)

—বাক্য এবং মনঃ যাহাকে না পাইয়া ফিরিয়া আসে ।

(তৈত্তিরি: ২।৯)

২। “যদা পশ্যঃ পশ্যতে রুদ্রবর্ণং

কর্তারমীশং পুরুষং ব্রহ্মযোনিম্ ।

তদা বিদ্বান্ পুণ্যাপাপে বিধূয়

নিরঞ্জনঃ পরমং সাম্যমুপৈতি ॥” (মুণ্ড: ৩।১।৩) ।

—দ্রষ্টা সাধক যখন স্ববর্ণ বর্ণ, কর্তা, ব্রহ্মযোনি, ঈশ্বর পুরুষকে দর্শন করেন, তখন সেই বিদ্বান্ পুণ্যাপাপ বিমুক্ত হইয়া নিলেপ ভাব লাভ করতঃ ব্রহ্মের সহিত পরম সাম্য প্রাপ্ত হন । (মুণ্ড: ৩।১।৩)

৩। “তং ত্বৌপনিষদং পুরুষং পৃচ্ছামি ।” (বৃহদা: ৩।৯।২৬) ।

—উপনিষদে উপদিষ্ট সেই পুরুষকে জানিতে ইচ্ছা করি ।

(বৃহদা: ৩।৯।২৬) ।

৪। “ষত্তদদ্রেশ্যমগ্রাহমগোত্রমবর্ণ-

মচক্ষুঃশ্রোত্রং তদপাণিপাদম্ ।

নিত্যং বিভুং সর্বগতং সূক্ষ্মং

তদব্যয়ং যদভূতযোনিং পরিপশ্যন্তি ধীরাঃ ॥”

(মুণ্ড: ১।৬) ।

—ধীর বিবেকীগণ সেই অদৃশ, অগ্রাহ, অগোত্র, রূপরহিত, চক্ষুঃ কণ্ঠ হস্তপদ বিহীন, নিত্য, বিভূ, সর্বব্যাপী, অতিসূক্ষ্ম, অব্যয়, সেই ভূত যোনিকে সর্বতোভাবে অবগত হইয়া থাকেন । (মুণ্ড: ১।৬) ।

৫। “আসীনো দূরং ব্রজতি শয়ানো যাতি সর্বতঃ ।”

(কঠ: ১।২।২১) ।

—তিনি এক স্থানে আসীন হইয়াও যুগপৎ দূরে গমন করেন, এবং শয়ান অবস্থায়ও যুগপৎ সর্বত্র গতাগতি করেন ।

(কঠ: ১।২।২১) ।

সংশয়ঃ—শিরোদেশে উদ্ধৃত শ্রুতি মন্ত্রসমূহ হইতে দৃষ্ট হয় যে, পরম্পর অতি বিরুদ্ধ ধর্মসমূহ ব্রহ্মে উক্ত হইয়াছে। তৈত্তিরীয় শ্রুতির ২।২ মন্ত্রে বলা হইল যে, বাক্য ও মনঃ তাঁহার কাছে পৌঁছিতে পারে না ; আবার মুণ্ডক শ্রুতির ৩।১।৩ মন্ত্রে কথিত হইয়াছে যে সাধক তাঁহাকে দর্শন করিতে পারেন, এবং বৃহদারণ্যক শ্রুতির ৩।১।২৬ মন্ত্রে “উপনিষদে উপদিষ্ট পুরুষকে জানিতে ইচ্ছা করি” ম্পষ্ট বলা হইয়াছে। জানা ত মনঃ বুদ্ধির দ্বারা সম্ভব, যদি মনঃ তাঁহার কাছে যাইতে অসমর্থ, তবে তাঁহার জানা কি প্রকারে সম্ভব হইতে পারে ? মুণ্ডক ১।৬ মন্ত্রে বলা হইল, তিনি অদৃশ্য, অগ্রাহ্য ; যদি তাহা হয়, তাহা হইলেই বা তাঁহাকে জানা যাইবে কি প্রকারে ? কঠশ্রুতির ১।২।২১ মন্ত্রে ত বিরোধ ও অসঙ্গতিতে পরিপূর্ণ। একস্থানে আসীন হইয়া দূরে গতাগতি, শয়ান অবস্থায় সর্বত্র গমন কি প্রকারে সম্ভব, আবার তিনি রূপরহিত, হস্তপদাদি বিবর্জিত। সুতরাং তাঁহার আসীন, শয়ান, গতাগতি কি প্রকারে সম্ভব হয় ? এই সকল আপত্তির উত্তরে সূত্র :—

সূত্র :— ৩।২।১৫।

প্রকাশবচচাবৈয়র্থাৎ ॥ ৩।২।১৫ ॥

প্রকাশবৎ + চ + অবৈয়র্থাৎ ॥

প্রকাশবৎ :—প্রকাশ স্বরূপ সূর্যের গ্রায়। চ :—ও। অবৈয়র্থাৎ :—সার্থকতা হেতু।

যেমন সূর্য পৃথিবী হইতে অতিদূরে বর্তমান থাকিয়া সমীপস্থিত দৈনন্দিন ব্যবহারোপযোগী বস্তুর গ্রায়, লোকের সাক্ষাৎ ব্যবহারের উপযোগী না হইয়াও, নিজের আলোক, তাপ ও কিরণ দানে জগতের সর্বপ্রকার প্রাণীবৃন্দের জনন, বর্জন, অবস্থান, পরিণতি ও মরণ প্রভৃতির বিধান করেন, অথচ সূর্যের আলোক তাপাদির অত্যল্প অংশ মাত্রই উক্ত কার্যে ব্যয়িত হয়, অধিকাংশ জগতের বাহিরে অনন্ত আকাশে পরিব্যাপ্ত হইয়া লোক ব্যবহারের বাহিরে অবস্থান করে, সেইরূপ অনন্ত শক্তিমান্ ব্রহ্মের শক্তির অত্যল্প অংশমাত্র প্রপঞ্চ জগৎ প্রতিষ্ঠিত। অধিকাংশ প্রপঞ্চের বাহিরে। ইহার প্রতি লক্ষ্য রাখিয়াই পুরুষ সূত্র

গাহিয়াছেন:—“পাদোহস্য বিখা ভূতানি ত্রিপাদস্যামৃতং দিবি”—
 পুরুষের একপাদে মাত্র সমগ্র ব্রহ্মাণ্ডসকল ও ভূতসকল, এবং তাঁহার ত্রিপাদ
 প্রপঞ্চের বাহিরে অমৃত লোকে। এই কারণ, বাক্য ও মনঃ, যাহা প্রপঞ্চের
 অন্তর্ভুক্ত এবং প্রপঞ্চের প্রভাবে প্রভাবিত, তাহাদের দ্বারা ব্রহ্মের সমগ্র জ্ঞান
 অসম্ভব। তিনি জীবের নিকট আপনাকে যতটুকু প্রকাশ করেন, জীব তাঁহাকে
 ততটুকু মাত্র জানিতে পারে। উপনিষৎ শাস্ত্রে তিনি কথঞ্চিং আত্মপ্রকাশ
 করিয়াছেন বলিয়া, উপনিষৎ সাহায্যে তাঁহাকে জানিবার কথা বৃহদারণ্যক
 শ্রুতির উদ্ধৃত মন্ত্রাংশে উক্ত হইয়াছে। সূর্য্য যেমন একস্থানে অবস্থিত থাকিয়াই,
 নিজ শক্তি বিকাশে জগতের এবং জগৎস্থ জীব বৃন্দের অন্তরে বাহিরে জীবন-
 ক্রিয়ার হেতু স্বরূপ হইয়েন, এক স্থানে থাকিয়াই সর্বত্র তাঁহার শক্তির অস্তিত্বের
 পরিচয় দেন, সেইরূপ সেই বিশেষের নিজের স্বরূপে প্রপঞ্চের বাহিরে অবস্থিত
 থাকিয়াই, নিজের অচিন্ত্য শক্তি প্রকাশে প্রপঞ্চান্তর্গত বস্তুজাতের অন্তরে বাহিরে
 ওতপ্রোতভাবে ব্যাপ্ত থাকিয়া তাহাদিগের সম্বন্ধে আপনার নিয়ন্তৃত্ব, জীবন-
 দাতৃত্ব, সর্বকারণ কারণত্ব, সর্বাভিলাষ পূরকত্ব প্রভৃতি কার্যের পরিচয় প্রদান
 করেন। সেজন্য তাঁহার গতাগতির প্রয়োজন হয় না। তাঁহার অচিন্ত্য শক্তিই
 সমুদায় কার্য সম্পাদন করিয়া থাকে। ইহা বুঝাইবার জন্মই মুণ্ডক শ্রুতির
 ১।৬ ও কঠ শ্রুতির ১।২।২১ মন্ত্র।

অতএব, ব্রহ্মের উভয়নিজত্ব সিদ্ধ হইল, এবং এই উভয়নিজত্ব
 প্রযুক্ত সমুদায় শাস্ত্রোক্তির সার্থকতা সিদ্ধ হইল। তিনি নিজের
 দয়া প্রকাশেই ভক্তের নিকট আত্মপ্রকাশ করেন। ভক্ত তাহার
 মনঃবুদ্ধিরূপ বস্তু দ্বারা তাঁহার উপলব্ধি করিতে পারে না। মনঃ
 বুদ্ধি, চিন্তা, অহঙ্কার সমুদায় তাঁহাতে একান্তভাবে লীন হইয়া গেলে
 ভক্তের স্বরূপাভিব্যক্তি হয়, তখন আত্মায় পরমাত্মায় মিলনলহরী
 ছুটিতে থাকে, তখন তাঁহার উপলব্ধিপ্রাপ্ত হইয়া ভক্ত আপনাকে
 তাঁহাতে হারাইয়া ফেলে। সূত্রাং তৈত্তিরীয় শ্রুতির ২।৯ মন্ত্র,
 বৃহদারণ্যক শ্রুতির ৩।৯।২৬ মন্ত্র ও মুণ্ডক শ্রুতির ১।৬ মন্ত্র সমুদায়ই
 সত্য, সমুদায়ই সার্থক। কেহই নিরর্থক বা পরস্পর বিরোধী
 নহে। ভগবানের এই আত্মপ্রকাশই ভক্তের প্রকৃতি ভেদে, শাস্ত্রে
 ব্রহ্ম, পরমাত্মা, ভগবান্ ইত্যাদি নামে কথিত হন।

ঐ সম্বন্ধে ভাগবত কি বলেন দেখা যাউক :—

•ষেবাং স এষ ভগবান্ দয়য়েদনন্তঃ

সর্বাঅনাশ্রিতপদো যদি নির্ব্যলীকম্ ।

তে ছন্তরামতিতরন্তি চ দেবমায়াং

নৈষাং মমাহমিতি ধীঃ শ্বশৃগালভক্ষ্যে ॥

ভাগঃ ২।৭।৪১

—যদি কেহ কপটতা পরিত্যাগ পূর্বক সর্বাঙ্গঃকরণে সেই ভগবান্ অনন্তের পাদপদ্ম আশ্রয় করেন, তাহা হইলে সেই ভগবান্ তাঁহাদের প্রতি দয়া করেন, এবং সেই দয়ার বলে তাঁহারা ছন্তর মায়া উত্তীর্ণ হইতে পারেন । শৃগাল কুকুরভক্ষ্য এই ঘণ্য দেহের প্রতি তাঁহাদের “আমি, আমার” জ্ঞান থাকে না । ভাগঃ ২।৭।৪১

অন্যত্রও আছে :—

অথাপি তে দেব ! পদাস্বু জহয়-

প্রসাদলেশানুগৃহীত এব হি ।

জানাতি তত্ত্বং ভগবন্ ! মহিম্নো

ন চাশ্চ একোহপি চিরং বিচিন্ষন্ ॥

ভাগঃ ১০।১৪।২৯

—হে দেব ! হে ভগবন্ ! তোমার পাদপদ্মের প্রসাদকণা লাভে যে ব্যক্তি অনুগৃহীত, তিনিই তোমার মহিমার তত্ত্ব অবগত হইলেন । তদ্ব্যতীত অন্য কোনও ব্যক্তি চিরকাল বিচার করিয়াও তাহা জানিতে পারে না । ভাগঃ ১০।১৪।২৯

যথৈব সূর্য্যঃ পিহিতচ্ছায়য়া স্বয়া

ছায়াঞ্চ রূপানি চ সঞ্চকাস্তি ।

এবং গুণেনাপিহিতো গুণাংস্ত-

মাত্মপ্রদীপো গুণিনশ্চ ভূমন্ ॥ ভাগঃ ১০।৬৩।৩৯

—হে ভূমন্ ! যেমন সূর্য্য-প্রভব মেঘ দ্বারা আচ্ছাদিত সূর্য্য, মেঘকে এবং মেঘাস্তরিত প্রপঞ্চকে সম্যকরূপে প্রকাশ করে, সেইরূপ

স্ব-প্রকাশ তুমি, তোমা হইতে উদ্ভূত অহঙ্কারাদি গুণে আবৃত হইয়াও
গুণ সম্বৃত উপাধিগণকে এবং গুণী জীব সকলকেও প্রকাশ করিয়া
থাক। ভাগঃ ১০।৬৩।৩২

বদন্তি তৎ তদ্বিদন্তস্তৎ যজ্জ্ঞানমদ্বায়ম্ ।

ব্রহ্মেতি পরমাশ্চেতি ভগবান্নিতি শব্দ্যতে ॥ ভাগঃ ১।২।১১

[১।১।১ সূত্রের আলোচনায় (পৃঃ ৬৩) অর্থ দেওয়া হইয়াছে ।]

অতএব, বুঝা গেল যে, যদিও ভগবান্ মানবের বাক্যমনের
অগোচর, যদিও বাক্য মনের পটুতম ব্যায়ামে তাঁহাকে লাভ
করা যায় না, তথাপি উপাসকের প্রেম ভক্তির বলে, তিনি তাহাদের
মিকট, তাঁহার অপার করুণাময় স্বভাবের নিমিত্ত, আত্মপ্রকাশ করিয়া
থাকেন। তখনই জীবের সর্বপুরুষার্থ সিদ্ধ হইয়া থাকে। অরূপ—
“রূপবৎ” প্রত্যক্ষ দৃষ্ট হইয়া থাকেন। সর্বব্যাপী পরিচ্ছিন্ন শরীর-
ধারীর দ্বারা হৃদয়াকাশ উদ্ভাসিত করিয়া প্রকাশিত হইয়েন। অতএব
ব্রহ্মের উভয়লিঙ্গই সিদ্ধ হইল।

ভিত্তিঃ—

১। “স যথা সৈন্ধবঘনোহনস্তুরোহবাহুঃ কৃৎস্নো রসঘন এবৈবং বা
অরেহয়মাআ অনস্তুরোহবাহুঃ কৃৎস্নঃ প্রজ্ঞানঘন এব ॥”

(বৃহদারণ্যকঃ ৪।৫।১৩)

—যদ্রুপ লবণপিণ্ড, অনস্তুর, অবাহু, সম্পূর্ণ রসঘন, তদ্রুপ এই আআও
অনস্তুর, অবাহু. পূর্ণ চৈতন্যঘন। (বৃহদাঃ ৪।৫।১৩)

২। “অপানিপাদো জ্বনো গ্রহীতা পশ্যত্যচক্ষুঃ স শৃণোত্যকর্ণঃ ।”

(শ্বেতাশ্বতরঃ ৩।১৯)

—তিনি পানিপাদ রহিত, অথচ গ্রহণ ও গমন ক্রিয়া করেন ; তিনি
অচক্ষুঃ অথচ দর্শন করেন ; অকর্ণ অথচ শ্রবণ করেন ।

(শ্বেতাঃ ৩।১৯)

৩। “সর্বতঃ পানিপাদং তৎ সর্বতোহক্ষিশিরোমুখম্ ।”

(শ্বেতাশ্বতরঃ ৩।১৬) ।

—তঁাহার পানি, পাদ, অক্ষি, শিরঃ, মুখ সর্বদিকে অবস্থিত ।

(শ্বেতাঃ ৩।১৬)

৪। “সত্যং জ্ঞানমনস্তং ব্রহ্ম ।” (তৈত্তিরিঃ ২।১।৩)

—ব্রহ্ম সত্য-জ্ঞান-মনস্ত স্বরূপ । (তৈত্তিরিঃ ২।১।৩)

সংশয়ঃ—উপরে যে সকল শ্রুতি মন্ত্র উক্ত হইল, ঐ সকল হইতে
প্রতীতি হইবে যে, ব্রহ্মের দেহ-ইন্দ্রিয়াদি নাই, তিনি সত্য ও জ্ঞান স্বরূপ,
বিজ্ঞানঘন, তবে ইন্দ্রিয় ব্যাপার কি প্রকারে সম্ভব হয় ? ইহার উত্তরে সূত্রঃ—

সূত্রঃ—৩।২।১৬ ।

আহ চ তন্মাত্রম্ ॥ ৩।২।১৬ ॥

আহ + চ + তন্মাত্রম্ ॥

আহঃ—বলিতেছেন । চঃ—ও । তন্মাত্রম্ঃ—কেবলই (তৎস্বরূপ)
সেইমাত্র ।

শ্রুতি মন্ত্র সকল ভাষায় ব্রহ্মের স্বরূপ বর্ণনার প্রয়াস মাত্র । কিন্তু
ভাষায় অক্ষমতা হেতু উহা সম্পূর্ণভাবে সম্ভব নহে । একারণ উক্ত মন্ত্র সকল
যাহা বর্ণনা করিয়াছেন, সেই মাত্রই গ্রহণ করিতে হইবে । কিন্তু তাহা হইতে

ধর্মাস্তরে প্রতিবেদ্য বুদ্ধিতে চলিবে না। অর্থাৎ, শ্রুতি যদ্বোক্ত ঐ সকল ধর্ম ভিন্ন, ব্রহ্মে অনন্ত ধর্ম, অনন্ত ভাব বিद्यমান, ইহা সকল সময়ে মনে রাখিতে হইবে। অপিচ, উক্ত মন্ত্র সকল বৃষ্টিবার সময় একটি বিষয়ে বিশেষ লক্ষ্য রাখা প্রয়োজন যে, ব্রহ্মে—দেহ-দেহী ভেদ নাই। যদি দেহ ও দেহের অবয়বাদি পৃথক্ পৃথক্ থাকিত, তাহা হইলে শ্বেতাশ্বতর ৩।১৬ ও ৩।১৯ মন্ত্রের কোনও সার্থকতা থাকিত না। তিনি স্বরূপে যাহা, তাঁহার দেহও তাহা এবং তাঁহার স্বগত ভেদ বর্তমান নাই, ইহা ৩।২।১৪ সূত্রের আলোচনার প্রতিপাদিত হইয়াছে।

সত্যজ্ঞানানন্তানন্দমাত্রৈকরসমূর্তয়ঃ।

অম্পৃষ্টভূরিমাহাত্ম্যা অপি হ্যপনিষদৃশাম্। ভাগঃ ১০।১৩।৫৪

—সত্য, জ্ঞান, অনন্ত, আনন্দমাত্রৈকরূপ যে ব্রহ্ম, তাহাই তাঁহাদিগের মূর্তি। এবং তাঁহাদিগের মাহাত্ম্যা উপনিষদুক্ত আত্মজ্ঞান সম্পন্ন ব্যক্তি-গণেরও স্পর্শযোগ্য হয় নাই—অর্থাৎ, উপনিষদও তাঁহাদিগের সমগ্র মাহাত্ম্যা অবগত হইতে পারেন না। ভাগঃ ১০।১৩।৫৪

—আকাশে অনন্ত দেশ বিद्यমান, পক্ষী কি আকাশের শেষ সীমা পর্যন্ত উড্ডয়ন করিয়া যাইতে পারে। ভিন্ন ভিন্ন পক্ষী নিজ নিজ উড্ডয়ন শক্তির তারতম্যানুসারে তাহার অত্যন্তাংশের মধ্যেই অল্পবিস্তর বিচরণ করিয়া থাকে, সেইরূপ ব্রহ্মে অনন্ত শক্তি, অনন্তভাব, অনন্ত মাহাত্ম্যা বিद्यমান। বিদ্বান্ ব্যক্তি নিজ নিজ জ্ঞানের তারতম্যানুসারে তাহার অত্যন্তাংশের মধ্যেই অল্পবিস্তর অবগত হইতে পারেন। ভাগঃ ১।১৮।২৩।

নভঃ পতন্ত্যাত্মসমং পতন্ত্রিগন্তুখাসমং বিফুগতিং বিপশ্চিতঃ ॥

ভাগঃ ১।১৮।২৩

যে বস্তু সমকালেই প্রপঞ্চের ভিতরে ও বাহিরে বর্তমান, তাঁহাতে একাধারে যে সবিশেষ ও নিবিশেষ ভাব বিद्यমান থাকিবে, তাহা বলা বাছল্য। প্রপঞ্চগত ভাবে যিনি সবিশেষ ও সন্তুগ, স্বরূপগত ভাবে তিনি নিবিশেষ ও নিগুণ। সুতরাং, সবিশেষ শ্রুতি-নিবিশেষ শ্রুতির প্রতিষেধক, বা নিবিশেষ শ্রুতি—সবিশেষ শ্রুতির প্রতিষেধক, ইহা মনে করিবার কোনও কারণ নাই। উভয়ই সমান সার্থক। উক্ত শ্রুতি সকল যে উক্তি করেন, সেই উক্তি মাত্রই গ্রহণীয়। একে

অন্তের প্রতিষেধক, ইহা মনে করিবার হেতু নাই, এবং তাহা শ্রুতির অভিপ্রেতও নহে । সমুদায় শ্রুতির সার্থকতা তাঁহাতেই ।

শ্রীমদ্ভাগবত ৬।২।৩৩ গণ্যংশে ইহাই প্রতিপন্ন করিয়াছেন । উক্ত গদ্যাংশ ১।১।৩ সূত্রের আলোচনায় উক্ত হইয়াছে । এখানে আর পুনরুদ্বার করা হইল না ।

অতএব, সিদ্ধ হইল যে, শ্রুতি মন্ত্র সকল ব্রহ্মের যে ভাব সম্বন্ধে যাহা বলেন, তন্মাত্রই উহার অর্থ, ইহা মনে করা উচিত । উহা অগ্ৰত উক্ত অগ্ৰ ভাবের প্রতিষেধক নহে, ইহা সর্বসময়ে মনে রাখা প্রয়োজন । এই মূল কথা বিস্মৃত হওয়ার জগ্ৰই বেদান্ত ভিত্তির উপর বিভিন্ন বাদের সৃষ্টি । সমুদায় বাদ তাঁহাতেই পর্যাবসান ।

এই জগ্ৰই ভাগবত বলিয়াছেন :—

“তং সর্ববাদ বিষয় প্রতিরূপশীলম্ ॥” ভাগবতঃ ১২।৮।৪৩

যত প্রকার বাদ সম্ভব হইতে পারে, সেই সমুদায় বাদের প্রতিরূপ ধারণ করাই তাঁহার স্বভাব । সমুদায় বাদের তিনিই একমাত্র আশ্রয় । ইহা আমরা পূর্ব পূর্ব আলোচনায় বুঝিয়াছি । এখানে আর বিস্তারের প্রয়োজন নাই ।

ভিত্তি:—

- ১। “যতো বাচো নিবৃত্তস্তে অপ্রাপ্য মমসা সহ” ॥ (তৈত্তিরি: ২।৯)
—বাক্য ও মন: যাহাকে না পাইয়া ফিরিয়া আসে। (তৈত্তিরি: ২।৯)
- ২। “নিষ্কলং নিষ্ক্রিয়ং শাস্তং নিরবতং নিরঞ্জনম্ ॥”
(শ্বেতাশ্বতর: ৬।১৯)
—ব্রহ্ম নিরংশ (পূর্ণ), নিষ্ক্রিয়, শাস্ত, নির্দোষ, নিরঞ্জন (নির্লেপ)।
(শ্বেতা: ৬।১৯)
- ৩। “স বিশ্বকৃৎ বিশ্ববিদাঅয়োনিজ্ঞঃ কালকালো গুণী সর্ববিদ্ যঃ ।
প্রধান ক্ষেত্রজপতিগুণেশঃ সংসারমোক্‌স্থিতিবন্ধহেতুঃ ॥”
(শ্বেতাশ্বতর: ৬।১৬)
—তিনি বিশ্বকর্তা, বিশ্ববিৎ, আঅ্যোনি, সর্বকারণ, কালের প্রবর্তক, অপহতপাপত্বাদি গুণসম্পন্ন, সর্বজ্ঞ, পুরুষ ও প্রকৃতির নিয়ামক, ত্রিগুণের অধীশ্বর. সংসারে স্থিতি, বন্ধন এবং সংসার হইতে মোক্ষের হেতুভূত। (শ্বেতা: ৬।১৬)
- ৪। “ন তস্ম্য কার্য্যং করণঞ্চ বিদ্যতে ন তৎসমশ্চাত্যধিকশ্চ দৃশ্যতে ।
পরাস্ম্য শক্তির্বিবিধৈব জায়তে স্বাভাবিকী জ্ঞানবলক্রিয়া চ ॥”
(শ্বেতা: ৬।৮)
—তাঁহার কর্ম্ম নাই। দেহ, করণ ও ইন্দ্রিয়ও নাই। তাঁহার সমান বা তাঁহা হইতে অধিক কেহ দৃষ্ট হয়েন না। তাঁহার নানাবিধ পরাশক্তি এবং স্বভাবসিদ্ধ জ্ঞান, বল ও ক্রিয়া শ্রুত হইয়া থাকে।
(শ্বেতা: ৬।৮)।
- ৫। “যো মামজমনাদিঞ্চ বেত্তি লোকমহেশ্বরম্ ।”
(গীতা: ১০।৩)
—যিনি আমাকে অজ, অনাদি এবং সর্বলোক মহেশ্বর বলিয়া জানেন। (গীতা ১০।৩)।
- ৬। “বিষ্টভ্যাহমিদং কৃৎস্নমেকাংশেন স্থিতো জগৎ ॥”
(গীতা: ১০।৪২)
—আমি একাংশে এই সমস্ত জগৎ ব্যাপিয়া রহিয়াছি।
(গীতা ১০।৪২)

৭ । উত্তমঃ পুরুষস্তম্ভঃ পরমাশ্বেতাদাস্ততঃ ।

যো লোকত্রয়মাবিশ্য বিভর্ত্যব্যয় ঈশ্বরঃ ॥” (গীতা ১৫।১৭)

—ইহাদের হইতে পৃথক্ উত্তম পুরুষ (পুরুষোত্তম) পরমাশ্বা নামে কথিত । তিনি অব্যয়াশ্বা ও ঈশ্বর—সকলের অভ্যন্তরে প্রবেশ পূর্বক স্বয়ং অবিকারী থাকিয়া এই লোকত্রয় ধারণ করিতেছেন । (গীঃ ১৫।১৭) ।

সূত্রঃ—৩।২।১৭ ॥

দর্শয়তি চাথো অপি স্মর্য্যতে ॥ ৩।২।১৭ ॥

দর্শয়তি + চ + অথো + অপি + স্মর্য্যতে ॥

দর্শয়তিঃ—শ্রুতিতে প্রদর্শন করিতেছেন । চঃ—ও । অথোঃ—বাক্যোপক্রমে । অপিঃ—এবং । স্মর্য্যতেঃ—স্মৃতিতেও উক্ত আছে ।

নিরোদেশে উদ্ধৃত শ্রুতিমন্ত্র সকলে ব্রহ্মের নির্বিশেষ-সবিশেষত্ব, নিগূর্ণ-সগুণত্ব, “নিষ্ক্রিয়” সঙ্গ সঙ্গ “বিশ্বকর্তা” উক্ত আছে । উহারা সকলেই সার্থক । শুধু লক্ষ্যস্থানের বিভিন্নতা হেতু, মানবীয় ভাষায় বিভিন্ন প্রয়োগ মাত্র । বস্তুগত বিভিন্নতা মাত্র নাই । যখন “একমেবাদ্বিতীয়ম্” অদ্বৈততত্ত্ব, তখন বস্তুগত বিভিন্নতা থাকা সম্ভব নহে । শ্রুতি স্পষ্টভাবে বলিয়াছেন, তিনি গুণী (অপহত পাপাত্ম, অপার কারুণিকত্ব, ভক্ত বাৎসল্য প্রভৃতি গুণসম্পন্ন), অচিন্ত্য নানা শক্তি তাঁহাতে বর্তমান, তাঁহার দেহ-ইন্দ্রিয়াদি না থাকিলেও, তিনি সর্বজ্ঞ, সর্ববিৎ, বিশ্বকর্তা, প্রকৃতি পুরুষের নিয়ন্তা, কালেরও প্রবর্তক, “সংসার মোক্ষ স্থিতি বন্ধ হেতু” । পরন্তু তিনি প্রাকৃতিক গুণাতীত হইলেও, তাঁহার স্বরূপগত অশেষ কল্যাণগুণ তাঁহাতে বর্তমান ।

গীতাতেও স্পষ্ট উল্লিখিত আছে যে, কুরুক্ষেত্র সমরাজনে অর্জুনের রথোপরি সারথীরূপে উপবিষ্ট শরীরধারী শ্রীকৃষ্ণই ত্রিলোকের অধীশ্বর ; তিনি একাংশে (অর্থাৎ অত্যন্ন অংশে) সমুদায় জগৎ ব্যাপিয়া অবস্থিত আছেন—এককালে একাধারে “রূপবৎ” ও “অরূপবৎ” । অতএব, প্রতিপাদিত হইল যে, তিনি দৃশ্যতঃ পরিচ্ছিন্ন দেহবিশিষ্ট হইলেও, তাঁহার এতাদৃশ অচিন্ত্য শক্তি, যে তিনি সমকালে সর্বব্যাপী, দৃশ্যমান দেহদ্বারা পরিচ্ছিন্ন নহেন । ফলতঃ, তিনি এবং তাঁহার দেহ দুইটি ভিন্ন বস্তু নহে । বিশেষ উদ্দেশ্য

সিদ্ধির জন্য ইচ্ছামাত্র দেহ প্রকটিত হয় মাত্র। যখনই দৃশ্যতঃ পরিচ্ছিন্ন, তখনই সঙ্গে সঙ্গে অপরিচ্ছিন্ন, অনন্ত—প্রপঞ্চের ভিতরে, বাহিরে ও প্রপঞ্চরূপে সমকালে বর্তমান। সুতরাং ব্রহ্মে উভয় লিঙ্গ বর্তমান এবং উভয়ই সার্থক, ইহা প্রতিপাদিত হইল।

শ্রীমদ্ভাগবত বলিতেছেন :—

তমস্করং ব্রহ্ম পরং পরেশ-

মব্যাক্তমাধ্যাত্মিকযোগগম্যম্ ।

অতীন্দ্রিয়ং সূক্ষ্মমিবাতিদূর-

মনস্তমাত্তং পরিপূর্ণমীড়ে ॥ ভাগঃ ৮।৩।২১

—(ইহার অর্থ ১।৩।১০ সূত্রে [পৃঃ ৫৮২] দেওয়া হইয়াছে ।)

যিনি চিরপূর্ণ, তাঁহার অংশ হইতে পারে না, সুতরাং তিনি অনন্ত সর্বব্যাপী। তাঁহার দেহ-দেহী ভেদ বা দেহের অবয়বাদিজাত স্বগত ভেদ সম্ভব নহে। যদি ভেদ সম্ভব হয়, তাহা হইলে তাঁহার পরিপূর্ণত্বের হানি উপস্থিত হয়।

যথার্চিষোহগ্নেঃ সবিতুর্গর্ভস্তয়ো

নির্ধাস্তি সংযান্ত্যসকুং স্বরোচিষঃ ।

তথা যতোহন্নং গুণসংপ্রবাহো

বুদ্ধির্মনঃ খানি শরীরসর্গাঃ ॥ ভাগঃ ৮।৩।২৩

—যেমন অগ্নি হইতে শিখা, সূর্য্য হইতে কিরণ সমূহ উদ্গত হয় এবং তাহাতেই লীন হয়, তেমনি তাঁহা হইতে এই গুণ প্রবাহ রূপ প্রপঞ্চ জগৎ অর্থাৎ বুদ্ধি, মনঃ, ইন্দ্রিয়গণ, দেবমনুষ্যানি শরীর সকল, তাঁহা হইতে নির্গত ও তাঁহাতে বিলীন হইতেছে। ভাগঃ ৮।৩।২৩।

সোহহং বিশ্বসৃজং বিশ্বমবিশ্বং বিশ্ববেদসম্ ।

বিশ্বাত্মানমজং ব্রহ্ম প্রণতোহস্মি পরং পদম্ ॥ ভাগঃ ৮।৩।২৬

(ইহার অর্থ ১।৪।২৭ সূত্রে [পৃঃ ৭৩০] দেওয়া হইয়াছে ।)

উপরে উদ্ধৃত শ্রীমদ্ভাগবতের শ্লোক তিনটি পর্যালোচনা করিলে স্পষ্ট প্রতীয়মান হইবে যে, যিনি অজ, ব্রহ্ম, অব্যাক্ত, অক্ষর, আশু,

পূর্ণ—অর্থাৎ এককথায় যিনি নির্বিশেষ ব্রহ্ম, তিনিই আবার বিশ্বশ্রুতি, বিশ্বরূপ, অথচ বিশ্ব হইতে পৃথক্, অগ্নি হইতে বিস্কুলিজের ন্যায়, সূর্য্য হইতে কিরণ প্রবাহের ন্যায়, তাহা হইতেই বুদ্ধি, মনঃ, ইন্দ্রিয়গণ, শরীর প্রভৃতি নির্গত হইতেছে, আবার তাঁহাতেই লীন হইতেছে ।

ত্বং বায়ুরগ্নিরবনির্বিষদমুমাত্রাঃ

প্রাণেশ্চিয়ানি হৃদয়ং চিদনুগ্রহশ্চ ।

সর্বং ত্বমেব সগুণো বিগুণশ্চ ভূমন্

নাশ্চিদন্ত্যপি মনো বচসা নিকৃষ্টম্ ॥ ভাগঃ ৭।৯।৪৭

[ইহার অর্থ ১।১।২ সূত্রে (পৃঃ ২৭) দেওয়া হইয়াছে ।]

অতএব, তিনি নির্বিশেষও বটে, সবিশেষও বটে, নিগুণ বটে এবং অখিল কল্যাণ গুণের আকরও বটে, “অরূপবৎ” নিরাকারও বটে, আবার “রূপবৎ” সাকারও বটে । সুতরাং সমুদায় শ্রুতিই তাঁহাতে সমান অর্থকরী । এইজন্য তাঁহাতে উভয় লিঙ্গ বর্তমান এবং তাঁহাতে সমুদায় বিরোধের সমাধান, ইহা প্রতিপাদিত হইল ।

তিনি যদিও ‘অরূপবৎ’, তথাপি উপাসকের নিকট রূপ ধারণ করিয়া প্রকটিত হন, ইহা প্রসিদ্ধ আছে । কেন একরূপ হন, তাহার উত্তরে শ্রীমদ্ভাগবত বলিতেছেন :—

সত্বং বিশুদ্ধং শ্রয়তে ভবান্ স্থিতৌ

শরীরিণাং শ্রেয় উপায়নং বপুঃ ।

বেদক্রিয়াযোগতপঃসমাধিভি-

স্তবাহিণং যেন জনঃ সমীহতে ॥ ভাগঃ ১০।২।৩৪

—আপনি অপ্রাকৃতিক বিশুদ্ধ সত্ব গুণ আশ্রয় করিয়া, শরীরধারী জীবগণের কর্মকলদাতরূপে প্রকটিত হইবেন । ইহার উদ্দেশ্য এই যে, সংসারে পতিত জীবগণ, আপনার এইরূপ, রেদোকৃত ক্রিয়া, যোগ, তপঃ ও সমাধি দ্বারা উপাসনা করিয়া, কৃতকৃত্য হইতে পারিবে ।

ভাগঃ ১০।২।৩৪

দেহ ধারণ করিবার অন্য উদ্দেশ্যও আছে ; যথা :—

সত্ত্বং ন চেদ্ধাতরিদং নিজং ভবেৎ—

বিজ্ঞানমজ্ঞানভিদাপমাজ্জ'নম্ ।

শুণ প্রকাশৈরনুমীয়তে ভগবান্

প্রকাশতে যস্য চ যেন বা শুণঃ ॥ ভাগঃ ১০।২।৩৫

—হে ভগবন্! যদি তুমি বিশুদ্ধ সত্ত্বময় দেহ ধারণ না কর, তাহা হইলে যদিও তুমি বুদ্ধির সাক্ষী এবং শুণের প্রকাশক বলিয়া, অনুমান দ্বারা তোমার অস্তিত্ব কল্পনা করিতে পারা যাইত বটে, কিন্তু অজ্ঞান ও তৎকৃত ভেদ জ্ঞান ধ্বংসকারী তোমার অপরোক্ষ দর্শন সম্ভব হইত না। ভাগঃ ১০।২।৩৫

তবে কি তিনি নামরূপ দ্বারা পরিচ্ছিন্ন? যদি তাহা হয়, তবে জীবের সহিত তাঁহার পার্থক্য রহিল কি? ইহার উত্তরে বলিতেছেন :—

ন নামরূপে শুণকর্ম্মজন্মভি-

নিরূপিতব্যে তব তস্য সাক্ষিণঃ ।

মনোবচোভ্যামনুমেয়বত্ব'নো

দেব ! ক্রিয়ায়াং প্রতিযন্ত্যথাপি হি ॥

ভাগঃ ১০।২।৩৬

—হে দেব! শুণ, কর্ম্ম ও জন্ম (আবির্ভাব) দ্বারা আপনার নামরূপ নিরূপণ হয় না। কারণ, আপনার বত্ব—মনঃ ও বাক্যের দ্বারা অনুমেয় মাত্র, উহাদের গোচর নহে। কেননা, আপনি উহাদেরও সাক্ষী। তথাপি উপাসকগণ উপাসনা ক্রিয়াযোগে আপনাকে সাক্ষাৎ দর্শন করিতে পারে, এরূপ প্রসিদ্ধি আছে। ভাগঃ ১০।২।৩৬

ভগবান্ নিজ অপার করুণাবলে ভক্তানুগ্রহের জগৎ রূপগ্রহণ করিয়া ভক্তের মানস-নেত্রের সমক্ষে আবির্ভূত হইয়া বটে, কিন্তু ভক্ত কি তাঁহার মহিমার পরিমাণ সম্যক্ জানিতে সমর্থ হয়? তাহা হইতে পারে না। কারণ উহা অনন্ত, অপরিমেয়, স্মৃতক্য এবং বাক্য মনের অগোচর। ষতটুকু বুঝিবার বা জানিবার সামর্থ্য তিনি প্রদান করেন, ভক্ত ততটুকুই তাঁহাকে জানিতে পারে। আকাশে অনন্ত দেশ বিদ্যমান থাকিলেও, পক্ষীগণ নিজ নিজ

সামর্থ্যানুসারে উহার সামান্য একদেশে মাত্র বিচরণ করিতে পারে, ইহা পূর্বে উক্ত হইয়াছে। ভগবানের ধারণা মানবের পক্ষে অসম্ভব হইলেও “অরূপ” ভগবানের রূপগ্রহণ এবং সমুদায় লৌকিক ও বৈদিক নামের একমাত্র বাচ্য ভগবানের (সূত্র ২।৩।১৭) বিশেষ নামগ্রহণ অশেষ কল্যাণদায়ক। ভাগবত ইহা অতি স্পষ্টভাবে বলিয়াছেন :—

শৃঙ্খন্ গুণন্ সংস্মরয়ংশ্চ চিন্তয়ন-

নামানি রূপাণি চ মঙ্গলানি তে ।

ক্রিয়ান্নু যুগ্মচরণারবিন্দয়ো-

রাবিষ্টচিত্তো ন ভবায় কল্পতে ॥ ভাগঃ ১০।২।৩৭

—যে ব্যক্তি ভক্তিপূর্বক আপনার পরম মঙ্গল নাম ও রূপ সকল কীর্তন ও চিন্তন করিতে করিতে তথা অন্ম মানবদিগকে স্মরণ করাইতে করাইতে, উপাসনাদি ক্রিয়ার সময় আপনার চরণারবিন্দে আবিষ্ট হইয়া থাকে, তাহাকে পুনরায় সংসারে আসিতে হয় না। ভাগঃ ১০।২।৩৭

সকলেই যে একই জীবনে শ্রীভগবানের সাক্ষাৎ দর্শন লাভ করিতে পারিবে, তাহার সম্ভাবনা কি ? কিন্তু তাহাতে হতাশ হইবার প্রয়োজন নাই। প্রপঞ্চের স্তরে অভিব্যক্ত তাঁহার নাম ও রূপই অনামী ও অরূপ ভগবানের সহিত সংযোগ সেতু।

অতএব, সিদ্ধ হইল যে, শ্রীভগবানে শাস্ত্রের সমুদায় উক্তিই সমান সার্থক। ইহা যে শুধু আমাদের দেশের শাস্ত্রসমূহ সম্বন্ধে প্রযোজ্য, তাহা নহে। সর্বদেশের সর্বশাস্ত্র সম্বন্ধে প্রযোজ্য। সুতরাং বেদান্তমত যে কত উদার, তাহা মনে হইলে বিস্মিত ও স্তুতিত হইতে হয়। এইজন্য পরমহংসদেব বলিয়াছেন :—“যত মত, তত পথ”।

ভিত্তি :—

১। “এক এব হি ভূতাত্মা ভূতে ভূতে ব্যবস্থিতঃ ।
একধা বহুধা চৈব দৃশ্যতে জলচন্দ্রবৎ ॥” (ব্রহ্মবিন্দু ১২)
—সর্বভূতের আত্মা পরমেশ্বর এক হইয়াও ভিন্ন ভিন্ন ভূতে অবস্থিত
হওয়ায়, জলে প্রতিবিম্বিত চন্দ্রের গায় একধা এবং বহুধাও দৃষ্ট হইলেন ।
(ব্রহ্মবিন্দু ১২) ।

২। “যথা হৃদয়ং জ্যোতিরাত্মা বিবস্বান্ অপো ভিন্না
বহুধৈকোহনুগচ্ছন্ ।
উপাধিনা ক্রিয়তে ভেদরূপো দেবঃ ক্ষেত্রেষেবমজোহয়মায়া ॥”
(শঙ্করভাষ্যে উক্ত)
—যদ্রূপ এই জ্যোতির্ময় সূর্য্য এক হইলে ও বহু জলপূর্ণ পাত্রে প্রতি-
বিম্বিত হওয়ায়, বহুর গায় হন, তদ্রূপ এই জন্মাদিরহিত স্বপ্রকাশ
আত্মা এক হইলেও বিভিন্ন উপাধি যোগে বিভিন্ন ক্ষেত্রে (দেহে)
অনুগত হওয়ায়, বহুর গায় হইতেছেন । (শঙ্কর ভাষ্যে উক্ত) ।

সূত্র :—৩।২।১৮ ।

অতএব চোপমা সূর্য্যকাদিবৎ ॥ ৩।২।১৮ ॥

অতঃ + এব + চ + উপমা + সূর্য্যকাদিবৎ ॥

অতঃ :—এই হেতু । এব :—নিশ্চয়ে । চ :—সমুচ্চয়ে । উপমা :—
সাদৃশ্য । সূর্য্যকাদিবৎ :—জল প্রতিবিম্বিত সূর্য্য চন্দ্রাদির গায় ।

যে হেতু পরব্রহ্ম নিত্য, নির্দোষ এবং স্বাভাবিক কল্যাণ গুণ সমূহের আকর,
এবং যে হেতু তিনি সর্বগত হইয়াও, তত্ত্বৎ স্থান বিশেষের দোষে কলুষিত
হন না, সেই হেতু শাস্ত্রে জলে প্রতিবিম্বিত সূর্য্যাদি তাঁহার উপমা রূপে উল্লিখিত
হইয়াছে । ভিন্ন ভিন্ন জলপাত্রে জল স্বচ্ছ, মলিন, শ্বেত, পীত প্রভৃতি দোষে
দূষিত হইলেও, সূর্য্য যেমন সেই সকলে প্রতিবিম্বিত হইয়াও তত্ত্বৎ দোষে
দূষিত হন না, পরব্রহ্মও সেইরূপ বিবিধ উপাধি যোগে বিভিন্নরূপে প্রতীয়মান
হইলেও, উপাধির দোষে সংস্পৃষ্ট হন না ।

এক এব পরো হাত্মা ভূতেষ্বাত্মন্যবস্থিতঃ ।

যথেন্দুরূদপাত্রেষু ভূতান্বেকাত্মকানি চ ॥ ভাগঃ ১।১।১৮।৩১

—নানা-উদক পাত্রে প্রতিবিম্বিত চন্দ্রের গায় সর্বভূতে ও আত্মাতে
অবস্থিত পরমায়া একই মাত্র । এবং ভূত সকলও কারণরূপে
একায়ব মাত্র । ভাগঃ ১।১।১৮।৩১

এক এব পরো হ্যাত্মা সর্বেষামেব দেহিনাম্ ।

নানেব গৃহ্মতে মূর্টেৰ্থথা জ্যোতিৰ্থথা নভঃ ॥ ভাগঃ ১০।৫৪।৪৪

—সমুদায় দেহধারীগণের অন্তরে অবস্থিত বিস্তৃত পরমাত্মা একই মাত্র ।
মূঢ় ব্যক্তিগণ জলে প্রতিবিম্বিত সূর্য্যাদির ন্যায়, অথবা ঘটাতির দ্বারা
পরিচ্ছিন্ন আকাশের ন্যায়, তাঁহাকে নানার ন্যায় জ্ঞান করিয়া থাকে ।

ভাগ : ১০।৫৪।৪৪

দৃষ্টান্তটি একটু বুঝিবার চেষ্টা করা যাউক । আমরা জানি যে, সূর্য্যোদয়েই
জীবের জাগরণ এবং দৈনন্দিন ব্যাপার সম্পাদিত হইয়া থাকে । যদি সূর্য্য
না থাকিত, তাহা হইলে আমাদের আধারভূতা পৃথিবী অন্ধকারে আচ্ছন্ন
থাকিত, এবং জীবের জন্ম ও জীবনধারণ অসম্ভব হইত । সূর্য্য আমাদের
মস্তকোপরি বর্তমান থাকিলেও, আমরা সাক্ষাৎ সম্বন্ধে আপন আপন চক্ষুঃ দ্বারা
জ্যোতির্ময় সূর্য্যের দর্শন লাভ করিতে পারি না । সূর্য্যের দর্শন করিতে হইলে,
জল বা রঞ্জিত কাচাদির সাহায্যে পরোক্ষ ভাবেই করিতে হয় । সেইজন্ম
বিভিন্ন পাত্রস্থ বিভিন্ন জলে প্রতিবিম্বিত সূর্য্য অথবা বিভিন্ন বর্ণের বা একই বর্ণের
বিভিন্ন গাঢ়তায় রঞ্জিত কাচখণ্ডের মধ্য দিয়া সূর্য্য বিভিন্ন ভাবে আমাদের উপলব্ধির
গোচর হয় । সেইরূপ পরমাত্মা সর্বভূতের জন্ম—স্থিতি—বৃদ্ধি প্রভৃতির একমাত্র
কারণ হইলেও, এবং সর্বভূতের, সর্বাত্মার অন্তরে বর্তমান থাকিলেও,
আমাদের পক্ষে, তাঁহার সাক্ষাৎ উপলব্ধি সম্ভব হয় না । এজন্য
উপাধি সকলের সাহায্যে তাঁহার উপলব্ধি লাভ করা অপরিহার্য্য হইয়া পড়ে ।
উপাধি সকল গুণত্রয়ের ন্যূনাধিক সংমিশ্রণে স্বভাবতঃই বহুবিধ—সুতরাং নানাধ
দর্শন স্বাভাবিক । কিন্তু যেমন জলাতির বিশেষত্ব ও দোষ আকাশস্থিত বিষভূত
সূর্য্যকে স্পর্শ করিতে পারে না । সেইরূপ দেব, তির্য্যক, মনুষ্য, স্থাবর দেহাদি
রূপ উপাধি পরম্পরায় দোষ পরমাত্মায় স্পর্শ করিতে পারে না । তিনি নির্দোষ,
অশেষ কল্যাণ গুণ নিলয় রূপে নিজ অপ্রচ্যুত স্বরূপে নিত্য বিরাজমান থাকেন ।
তবে তিনি বাক্য মনের অগোচর বলিয়া সাধারণতঃ আমাদের অপরোক্ষানুভূতি
গোচর হন না । অপরোক্ষানুভূতির জন্য যে উপায় অবলম্বন আবশ্যিক, তাহা
৩২।২৩ শ্লোকে বিচারিত হইবে ।

জলচন্দ্র ও ঘটাকাশের উপমা, কেবল নানাধের এবং দোষ সংস্পর্শাভাবের
সাদৃশ্য মাত্র বুঝিতে হইবে ।

শ্রীমদ্বাচার্য্য এবং তৎপস্থানুসারী শ্রীমদ্ বলদেব এই সূত্রের অর্থ
অন্য প্রকার করিয়াছেন, তাহা নিম্নে সংক্ষেপে দেওয়া গেল।

ভিত্তি :—

“অগ্নির্ঘৈৈকো ভুবনং প্রবিষ্টো

রূপং রূপং প্রতিক্রমো বভূব ।

একস্তথা সর্বভূতাত্মরায়া

রূপং রূপং প্রতিক্রমো বহিষ্চ ॥” (কঠঃ ২।২।৯)

—একই অগ্নি যেমন জগতে প্রবেশ পূর্বক বিভিন্ন দাহ পদার্থানুসারে
বিভিন্নরূপে প্রতীয়মান হইল, সেইরূপ একই আত্মা সর্বভূতের
অন্তরে ও বাহিরে অবস্থান করিলেও ভিন্ন ভিন্ন উপাধির অনুরূপ
প্রতীয়মান হইল। (কঠঃ ২।২।৯)।

সংশয় :—পরমাআই শিরোদেশে উদ্ধৃত শ্রুতি মন্ত্রানুসারে ভিন্ন ভিন্ন
উপাধিতে উপহিত হইয়া তত্ত্ব উপাধির অনুরূপ প্রতীয়মান হইল। অতএব
জীব, অবিজ্ঞাতে উপহিত পরমাআই। যদি তাহাই হয়, তবে উপাসক—
উপাস্ত, সাধক—সাধ্য, ভক্ত—ভগবান্ এ প্রকারভেদ বলনার প্রয়োজন কি?
এই সংশয় সমাধানের জন্ত সূত্র :—

সূত্র :—৩।২।১৮।

অতএব চোপমা সূর্য্যাকাদিবৎ ॥ ৩।২।১৮ ॥

অন্ত :—এই করণে। **এব :—**নিশ্চয়ে। **চ :—**ও। **উপমা :—**
সাদৃশ্য। **সূর্য্যাকাদিবৎ :—**সূর্য্যাদির প্রতিবিশ্বের ন্যায়।

সূর্য্য এবং সূর্য্য-প্রতিবিশ্ব যেমন এক নহে, পরস্পরের মধ্যে বিশেষ
ভেদ বর্তমান, পরব্রহ্মে ও জীবেও তাই। উক্ত উপমা অল্পেদের দৃষ্টান্ত
নহে, ভেদেরই দৃষ্টান্ত। বিশ্ব ও প্রতিবিশ্ব সাদৃশ্য বর্তমান থাকিলেও
ছুই অভেদে এক নহে। বিশ্ব উপাধির দোষে স্পৃষ্ট হয় না, প্রতিবিশ্ব কিন্তু
উপাধির অধীন; উপাধির স্বচ্ছতা বা মলিনতার উপর প্রতিবিশ্বের
স্পৃষ্টতা, অস্পৃষ্টতা নির্ভর করে। জীব—ব্রহ্মেও ঐরূপ প্রতিবিশ্ব ও বিশ্ব

যে রূপ ভেদ, তাহা বর্তমান । প্রতিবিশ্বের অস্তিত্ব সম্পূর্ণরূপে অম্বর ও ব্যতিরেক মুখে বিশ্বের উপরই নির্ভর করে ; সেইরূপ জীবের অস্তিত্ব পরমাত্মার উপরই সম্পূর্ণ নির্ভর করে ।

স্বযোনিষু যথা জ্যোতিরেকং নানা প্রতীয়তে ।
যোনীনাং গুণবৈষম্যাৎ তথায়া প্রকৃতৌ স্থিতঃ ॥

ভাগঃ ৩।২৮।৪৩

—অগ্নি যেমন নিজের উৎপাদক কাষ্ঠাদির আকার, পরিমাণ, গুণ প্রভৃতির বিভিন্নতার অঙ্ঘ বিভিন্নরূপে প্রতীয়মান হয়, প্রকৃতিতে অবস্থিত আত্মাও তদ্রূপ । ৩।২৮।৪৩

ভিত্তি :—

“যঃ পৃথিব্যাং তিষ্ঠন্...যোহপ্প্... তিষ্ঠন্, য আত্মনি তিষ্ঠন্...”

(বৃহদারণ্যকঃ ৩।৭।৩-৪-২২) ।

—যিনি পৃথিবী...জলে আত্মায় অবস্থান করতঃ...(বৃহঃ ৩।৭।৩-৪-২২)

সংশয়ঃ—বেশ উপমা দেখাইলে ত? সূর্য্য আকাশে অবস্থিত, জল তাহা হইতে কত দূরে পৃথিবীতে অবস্থিত—উভয়ের সাক্ষাৎ সংস্পর্শ ত নাই। জলে সূর্য্য প্রকৃত পক্ষে বিদ্যমান না থাকিলেও লোকে ভ্রান্তি বশতঃ জলস্থ বলিয়া মনে করে মাত্র, সুতরাং জলাদির দোষের সহিত সূর্য্যের সংস্পর্শ সম্ভব নহে। কিন্তু বৃহদারণ্যক শ্রুতির অন্তর্য্যামী ব্রাহ্মণে সর্বভূতের এবং আত্মার অভ্যন্তরে পরমাত্মার সাক্ষাৎ সম্বন্ধে অবস্থান কথিত হইয়াছে। সুতরাং উপাধির দোষ পরমাত্মায় স্পর্শিবে না কেন? ইহা পূর্বপক্ষের আপত্তি। এই আপত্তি সূত্রাকার সূত্রকারে প্রকটিত করিলেন। এটি পূর্বপক্ষ সূত্র।

সূত্রঃ—৩।২।১৯।

অস্বুবদগ্রহণাত্ত্ব ন তথাহ্ম ॥ ৩।২।১৯ ॥

অস্বুবৎ + অগ্রহণাৎ + ত্ব + ন + তথাহ্ম ॥

অস্বুবৎ :—জলের গ্রায়। অগ্রহণাৎ :—গ্রহণ করা যায় না বলিয়া।

ত্ব :—কিন্তু। ন :—না। তথাহ্ম :—সেইরূপ ভাব।

জলে বা দর্পণাদিতে যেরূপ সূর্য্যাদি প্রতিবিম্বিত দৃষ্ট হয়, পৃথিব্যাদিভূতে বা আত্মায়, পরমাত্মা কিন্তু সেরূপ ভাবে দৃষ্ট হন না। কেননা, সূর্য্যাদি প্রকৃতপক্ষে জল বা দর্পণাদিতে অবস্থান করে না; কিন্তু পরমাত্মা ভূত প্রভৃতিতে ও আত্মায় প্রকৃতপক্ষে অবস্থান করেন। অতএব সহজেই বুঝা যায় যে, জল দর্পণাদির দোষ সূর্য্যাদিতে স্পর্শ করিতে পারে না, কিন্তু পরমাত্মার ‘তথাহ্ম’ অর্থাৎ সেরূপ ভাব সম্ভব নহে। তিনি পৃথিব্যাদিতে অবস্থান করেন বলিয়া তত্তৎ দোষে নিশ্চয়ই স্পৃষ্ট হইবেন।

উপরে লিখিত অর্থ শ্রীমদ্ শঙ্করাচার্য্য ও শ্রীমদ্ রামানুজাচার্য্য সম্মত। শ্রীমদ্ মধ্বাচার্য্য ও বলদেব সম্মত অর্থ অপর পৃষ্ঠায় দেওয়া গেল। শেষোক্ত আচার্য্যগণের মতে ইহা পূর্বপক্ষ সূত্র নহে।

সংশয়ঃ—বেশ, পূর্ব সূত্রের উপমাত্মসারে না হয় স্বীকার করিলাম যে, জীব ও ব্রহ্মে প্রতিবিশ্ব ও বিশ্বের স্থায় ভেদ বিদ্যমান আছে। কিন্তু জীব, ব্রহ্মের প্রতিবিশ্ব ইহা ত স্বীকার করিলে? প্রতিবিশ্ব স্বীকার করিলেই উহার একটি আশ্রয়ও স্বীকার করিতে হইবে। যেমন জলের আশ্রয়ে সূর্য্যের প্রতিবিশ্ব ‘সূর্য্যক’ নামে কথিত হয়, সেইরূপ অবিদ্যায় পরমাত্মার প্রতিবিশ্বই জীব—ইহা স্বীকার করিতে ত তোমার আপত্তি নাই? ইহার উত্তরে সূত্রকার সূত্র করিলেন :—

সূত্র :— ৩।২।১৯ ।

অনুবদগ্রহণাত্ ন তথাত্ম ॥ ৩।২।১৯ ॥

জীব—পরমাত্মার প্রতিবিশ্ব হইতে পারে না। তাহার কারণ—(১) সূর্য্য জল হইতে অনেক দূরে থাকায় প্রতিবিশ্ব সম্ভব হইতে পারে, কিন্তু পরমাত্মা সর্বব্যাপী ও বিভূ, সুতরাং কোনও বস্তু তাঁহা হইতে দূরে থাকিতে পারে না। (২) জল—সূর্য্য হইতে পৃথক্ বস্তু, সুতরাং জলে সূর্য্য প্রতিবিশ্বিত হওয়া সম্ভব। অবিদ্যা কিন্তু পরমাত্মারই শক্তি, এবং শক্তি বলিয়া তাঁহা হইতে অভেদ, সুতরাং অভেদে প্রতিবিশ্ব কি প্রকারে হইতে পারে? (৩) সূর্য্য—শরীরী, আত্মা অশরীরী—অশরীরীর প্রতিবিশ্ব সম্ভব নহে। বিশেষতঃ, প্রশ্নোপনিষদের ৪।১০ মন্ত্রে ব্রহ্ম, “অচ্ছায়ম-শরীরমলোহিতম্” বলিয়া উক্ত হইয়াছে—ইহার অর্থ, তিনি লোহিতাদিবর্ণহীন, শরীর বিহীন, এবং সে জন্ম ছায়া বা প্রতিবিশ্ব বর্জিত। আরও দেখ, (৪) প্রতিবিশ্ব অনিত্য ও অচেতন, কিন্তু জীব নিত্য ও চেতন—ইহা ব্রহ্মধর্ম বটে। কঠ শ্রুতিতে স্পষ্ট কথিত আছে, :— “নিত্যো নিত্যানাং চেতনশ্চেতনানাং ॥”—“নিত্যদিগের মধ্যে নিত্য, এবং চৈতন্য যুক্তগণের মধ্যে চেতন।” অতএব, জীব ব্রহ্মের প্রতিবিশ্ব নহে।

জীব যে ব্রহ্মাংশ, তাহা ২।৩।৪৩ সূত্রে প্রতিপাদিত হইয়াছে। অতএব, জীব প্রতিবিশ্ব নহে। ব্রহ্মাংশ বটে।

[বলা বাহুল্য যে, শ্রীমদ্ বলদেব গোবিন্দভাষ্যে ৩।২।১৪, ৩।২।১৮ এবং ৩।২।১৯ সূত্র বিভিন্ন অধিকরণের অন্তর্ভুক্ত করিয়া উপরে লিখিতরূপ

বিভিন্ন অর্থ করিয়াছেন। শ্রীমদ্ শঙ্করাচার্য্য ও শ্রীমদ্ রামানুজাচার্য্য উক্ত সূত্র সকল ৩।২।১১ সূত্রের সহিত, একই অধিকরণের অন্তর্ভুক্ত করিয়া অর্থ করিয়াছেন। আমরা শেষোক্ত আচার্য্যদ্বয়ের পদানুসরণ করিয়াছি। গ্রন্থ বিস্তারের ভয়ে গোবিন্দ্যভাষ্য সম্বন্ধে অর্থ মাত্রই লিখিত হইল, অধিকরণাদি পৃথকভাবে দেখান হইল না।]

৩।২।১২ সূত্রে পূর্বপক্ষ যে আপত্তি উত্থাপন করিয়াছেন, তাহার সমাধানের জন্য সূত্রকার সূত্র করিলেন :—

সূত্র :—৩।২।২০ ।

বুদ্ধি-হ্রাসভাক্ত্বমন্তর্ভাবাত্ত্বয়সামঞ্জস্যাদেবম্ ॥ ৩।২।২০ ॥

বুদ্ধি-হ্রাসভাক্ত্বম্ + অন্তর্ভাবাৎ + উভয় + সামঞ্জস্যৎ + এবম্ ॥

বুদ্ধি-হ্রাসভাক্ত্বম্ :—বুদ্ধি ও হ্রাস সম্বন্ধ। অন্তর্ভাবাৎ :—উপাধির অন্তর্ভুক্ত হওয়ায়, অর্থাৎ উপাধি ধর্মের অন্তর্গত হওয়ায়। উভয় :—দৃষ্টান্ত ও দার্ষ্টান্তিক এই উভয়ের। সামঞ্জস্যৎ :—সামঞ্জস্য বা সঙ্গতি রক্ষার জন্য। এবম্ :—এইরূপ।

বিবক্ষিতাংশ প্রতিপাদনেই দৃষ্টান্তের সার্থকতা। পরন্তু দৃষ্টান্ত ও দার্ষ্টান্তিক উভয়ে সর্বতোভাবে একরূপ হইতে পারে না। সর্বতোভাবে একরূপ হইলে একই হইয়া যায়, তখন কে দৃষ্টান্ত, আর কে বা দার্ষ্টান্তিক, তাহা বুঝা যায় না; সুতরাং দৃষ্টান্ত—দার্ষ্টান্তিকভাব উচ্ছেদ প্রাপ্ত হয়। পরন্তু “জল সূর্য্য” দৃষ্টান্ত শ্রুতিকথিত, আমাদের কল্পিত নহে। সূত্রে উহারই উল্লেখ করা হইয়াছে। যদি জিজ্ঞাসা কর যে, কোন প্রকার সারূপ্য প্রতিপাদন করা শ্রুতির বিবক্ষিত, তাহা হইলে বলিব, যে বুদ্ধি-হ্রাস সম্বন্ধ—অর্থাৎ জল বাড়িলে বা বিস্তৃত হইলে জলস্থ সূর্য্য প্রতিবিম্ব বিস্তৃতি লাভ করে, আবার জল অল্প বা কণা পরিমাণ হইলে প্রতিবিম্বও ছোট হয়, জলের কম্পনে প্রতিবিম্ব কম্পিত এবং জলের নানাধে প্রতিবিম্বও নানা হয়। এইরূপে সূর্য্যপ্রতিবিম্ব জল-ধর্ম্মানুযায়ী। কিন্তু বিস্তৃত আকাশস্থ সূর্য্যে জলের ধর্ম্ম স্পর্শে না। সেইরূপ ব্রহ্ম ভিন্ন ভিন্ন উপাধিতে উপহিত হইলেও, উপাধির ধর্ম্ম তাহাতে স্পর্শে না। তিনি এক, অবিকারী থাকেন। ব্রহ্মাংশ জীব উপাধির ধর্ম্মে অভিমান বশতঃ, উপাধির দোষ গুণ ভোগ করে।

ইহা প্রতিপাদন করা শ্রুতির বিবক্ষিত । এ বিবক্ষা সিদ্ধ হওয়ায়, উক্ত দৃষ্টান্ত সার্থকতা লাভ করিয়াছে । সুতরাং তোমার আপত্তির কোন কারণ নাই ।

শ্রীমদ্ভাগবত ইহাই বলিয়াছেন :—

ন হ্যেকস্যা দ্বিতীয়স্য ব্রহ্মণঃ পরমাশ্রয়নঃ ।

কর্মাভিবর্দ্ধিত্তে তেজো হ্রসতে চ যথা রবেঃ ॥

ভাগ : ১০।৭৪।৪

—সূর্যের তেজ যেমন জল বা আদর্শের উপর পতনে হ্রাসবৃদ্ধি প্রাপ্ত হয় না, সেইরূপ এক, অদ্বিতীয়, সর্বজীবনিনিয়ামক পরব্রহ্মের তেজঃ কর্মদ্বারা অর্থাৎ কর্ম হইতে উদ্ভূত দেহাদি উপাধি দ্বারা হ্রাস বা বৃদ্ধিপ্রাপ্ত হয় না । ভাগঃ ১০।৭৪।৪

এবং ভবান্ বুদ্ধ্যনুশ্লেষলক্ষণৈ-

ত্র্যাহৌগুণৈঃ সন্নপি তদগুণাগ্রহঃ ।

অনাবৃত্ত্বাদবহিরন্তরং ন তে

সর্বশ্চ সর্বাশ্রয় আশ্রয়স্তনঃ ॥ ভাগঃ ১০।৩।১৮

—আপনি ইন্দ্রিয় ও বিষয়ের সহিত বর্তমান থাকিলেও ঐ সকলের সহিত বুদ্ধি দ্বারা গৃহীত হয়েন না । পরিচ্ছিন্ন বস্তুরই, পক্ষীর নীড় প্রবেশের ন্যায়, অন্ত্র প্রবেশ সম্ভব হয় ; আপনি অনাবৃত—অর্থাৎ অপরিচ্ছিন্ন, আপনার অন্তর্বহিঃ ভেদ নাই । সুতরাং বুদ্ধিতে আপনার প্রবেশ কি প্রকারে সম্ভব ? আপনি সর্বস্বরূপ, সকলের আত্মা, ব্যাপক ও পরমার্থ বস্তু । আপনি অন্তর্যামীরূপ—থাকিলেও, উপাধির দ্বারা আপনার আবরণ কি প্রকারে হইবে ? ভাগঃ ১০।৩।১৮

যথা জলে চন্দ্রমসঃ কম্পাদিস্তৎকৃতো গুণঃ ।

দৃশ্যতেহসন্নপি দ্রষ্টু রাশ্রনোহ্নাশ্রনো গুণঃ ॥ ভাগঃ ৩।৭।১১

•—জলের কম্পাদি গুণ জলে প্রতিবিম্বিত চন্দ্র-প্রতিবিম্বে দৃষ্ট হইলেও উহা যেমন আকাশস্থ বিষভূত চন্দ্রকে স্পর্শ করিতে পারে না, সেইরূপ অনাশ্র দেহাদির ধর্ম বস্তুতঃ অসং হইলেও, দেহাভিমাত্রী জীবই তাহা পরিলক্ষিত হয়, দেহাভিমান-রহিত ঈশ্বরে হয় না ।

ভাগঃ ৩।৭।১১

পূর্বপক্ষ আপত্তি তুলিতেছেন, তোমার যুক্তি ও বিচার আলোচনা করিয়া সুস্পষ্ট বুঝিতে পারিতেছি না যে, জীবের স্বরূপ সম্বন্ধে তোমার বাস্তবিক অভিমত কি? একবার বলিতেছ, উহা ব্রহ্মের বা পরমাত্মার প্রতিবিম্ব—অন্য কথায় বুদ্ধিতে প্রতিবিম্বিত চিদাভাস, আবার পরক্ষণেই বলিতেছ—উহা ব্রহ্মাংশ। প্রতিবিম্ব ত বাস্তবিক অংশ নহে। যদিও বিশ্বের অস্তিত্বে উহার অস্তিত্ব, তথাপি উহার বাস্তব সত্তা বর্তমান নাই। সুস্পষ্ট করিয়া বল দেখি, জীবের স্বরূপ সম্বন্ধে তোমার অভিমত কি?

ইহার উত্তরে সিদ্ধান্তবাদী বলিতেছেন, দেখ, জীবের স্বরূপ সম্বন্ধে আলোচনা ও সিদ্ধান্ত ২।৩।৪৩ সূত্রের আলোচনায় করা হইয়াছে। জীব ব্রহ্মের তটস্থা শক্ত্যাংশ বটে। যেখানে দেশ কাল বস্তু পরিচ্ছেদ বর্তমান, সেই প্রপঞ্চের নিদর্শনে “তটস্থ” শব্দের অংশ নিকটস্থ বটে। কিন্তু যেখানে উক্ত পরিচ্ছেদ বর্তমান নাই, সেখানে “তটস্থ” ও স্বরূপ উভয়ের মধ্যে ভেদ খুঁজিয়া পাওয়া যায় না। ব্রহ্মের গ্ৰায় জীব—অজ, অনাদি। সুতরাং জীব-ব্রহ্মের সম্বন্ধ প্রপঞ্চের ভিতরে ও বাহিরে বর্তমান। একারণ শ্রুতিতে ও শ্রুতি অনুসারী শাস্ত্রে জীব ও ব্রহ্মে ভেদ ও অভেদ উভয়বিধ উক্তিই বর্তমান। উভয় উক্তিই সার্থক। **প্রপঞ্চগত দৃষ্টিতে ভেদ ও প্রপঞ্চের বাহির হইতে দৃষ্টিতে অভেদ সিদ্ধ হইতেছে।**

আবার দেখ, স্বরূপভাব প্রাপ্ত জীব জগদ্ব্যবহার সম্পাদন করিতে পারে না। জীব স্বরূপতঃ ভোক্তা, জ্ঞাতা, কর্তা হইতে পারে না। ভোক্তৃত্ব, জ্ঞাতৃত্ব, কর্তৃত্ব সিদ্ধ করিতে হইলে, স্বরূপগত জীব—বা ব্রহ্মের চিৎস্বরূপ তটস্থা শক্তি বুদ্ধি, অহঙ্কার উপাধিতে অবতরণ করিতে হয়। কিন্তু অশরীরী চিৎস্বরূপের সাক্ষাৎভাবে অবতরণ সম্ভব নহে, সে কারণ স্বয়ং জ্যোতিঃ, স্বপ্রকাশ চিৎ, বুদ্ধি ও অহঙ্কারাত্মক উপাধিতে প্রতিবিম্বিত হইয়া জগদ্ব্যাপার সম্পাদন করে। পূর্বে বলিয়াছি যে, জীব-ব্রহ্মে সম্বন্ধ নিত্য বলিয়া প্রপঞ্চাতীত দৃষ্টিতে জীব-ব্রহ্মে অভেদ। সুতরাং জীবকে ব্রহ্মাংশ বলায় দোষ নাই, এবং সংসারে দৈনন্দিন জগদ্ব্যবহার সম্পাদনকারী জীব—ব্রহ্মের প্রতিবিম্ব বলায় কোনও দোষ নাই। শুধু-লক্ষ্যস্থানের বিভেদ অনুসারে উভয় প্রকার বিভিন্ন উক্তি সঙ্গত, বুঝা গেল না কি? এই উত্তর ভাবের প্রতি লক্ষ্য করিয়াই ৬/১১ অঙ্কে পরমহংসদেব প্রথমটিকে “পাকা আমি” ও শেষোক্তটিকে “কাঁচা আমি” বলিয়া অভিহিত করিয়াছেন।

সূত্র :—৩।২।২১ ॥

দর্শনাচ্চ ॥ ৩।২।২১ ॥

দর্শনাৎ + চ ॥

দর্শনাৎ :—লৌকিক ব্যহার দর্শন হেতু । চ :—ও ।

লৌকিক প্রয়োগে ও দেখা যায় যে, সর্বতোভাবে সাদৃশ্য না থাকিলেও, কেবল অভিপ্রেত অংশের সাধর্ম্য বা সাদৃশ্য লক্ষ্য করিয়া দৃষ্টান্ত দেওয়া হইয়া থাকে । কোনও বালক, বলে ও সাহসে উৎকর্ষ লাভ করিলে বলা যায়, “সিংহ ইব মানবকঃ”—সিংহ সদৃশ বালক । এরূপ বলিলে, বালকটি সিংহ হইয়া যায় না । উহার বল, সাহস ইত্যাদি সিংহের গ্ৰায়, ইহাই বলিবার অভিপ্রায় । সুতরাং, সে কারণেও জল সূর্যের দৃষ্টান্তে দোষ নাই । অতএব, প্রতিপাদিত হইল যে, অজ্ঞানাদি সর্বপ্রকার দোষ সম্পর্ক বর্জিত, এবং নিখিল-কল্যাণগুণ-নির্ভর পরমাত্মা, পৃথিব্যাতির অন্তরে অন্তর্যামীরূপে অবস্থান করিলেও, উহাদের দোষ তাঁহাতে সংস্পর্শ হয় না ।

(পূর্ব সূত্রের আলোচনায় উক্ত ভাগবতের ৩।৭।১১ শ্লোক দ্রষ্টব্য ।)

[শ্রীমদ্ রামানুজাচার্য্য ৩।২।২০ ও ৩।২।২১ সূত্র দুইটি একসঙ্গে একসূত্ররূপে গ্রহণ করিয়াছেন । অশ্রীমদ্ আচার্য্যগণ দুইটি পৃথকভাবে গ্রহণ করার, আমরাও দুইটি পৃথকভাবে গ্রহণ করিলাম ।]

ভিত্তি :—

১। “দ্বৈ বাব ব্রহ্মণো রূপে মূর্ত্ত্বৈবামূর্ত্ত্বক, মর্ত্যাকামূর্ত্ত্বক, স্থিতক
যচ্চ, সচ্চ ত্যচ্চ ॥” (বৃহঃ ২।৩।১)

—ব্রহ্মের দুইটি রূপ প্রসিদ্ধ—একটি মূর্ত্ত্ব, মর্ত্য (মরণশীল), স্থিত
(গতিহীন, পরিচ্ছিন্ন), এবং সৎ (বিদ্যমান, প্রত্যক্ষ, অপর সমস্ত
পদার্থে যাহা নাই একরূপ অসাধারণ ধর্মযুক্ত); অপরটি অমূর্ত্ত্ব,
অমৃত (অমরণশীল), যৎ (গমনশীল, অপরিচ্ছিন্ন), এবং ত্যৎ,
অর্থাৎ সতের বিপরীত, সর্বসময়ে পরোক্ষ । (বৃহঃ ২।৩।১)

২। “তদেতন্মূর্ত্ত্বং যদনুদ্বায়োশ্চানুরীক্ষাচৈতন্মর্ত্যমেতৎ স্থিত-
মেতৎ সৎ, তস্মৈতস্য মূর্ত্ত্বস্মৈতস্য মর্ত্যস্মৈতস্য স্থিতস্মৈতস্য সত
এষ রসো য এষ তপতি, সতো হোষ রসঃ ।” (বৃহঃ ২।৩।২)

—তাহাই এই মূর্ত্ত্বরূপ, যাহা বায়ু ও আকাশ হইতে ভিন্ন—অর্থাৎ
পৃথিবী, অপ্ ও তেজঃ, এই ভূতত্রয়ই ব্রহ্মের মূর্ত্ত্ব রূপ । এই
ভূতত্রয়ায়ক মূর্ত্ত্ব রূপই, মর্ত্য বা মরণশীল, ইহাই স্থিত, ইহাই সৎ ।
এই মূর্ত্ত্বের, এই মর্ত্যের, এই স্থিতের, এই সতের ইনিই রস, অর্থাৎ
সার পদার্থ, যিনি এই তাপ দিতেছেন, (অর্থাৎ, সূর্য্য মণ্ডল)—
কারণ, এই সূর্য্যমণ্ডলই হইতেছেন সতের, (পৃথিব্যাদি ভূতত্রয়ের)
রস বা সারভূত । (বৃহঃ ২।৩।২)

৩। “অথামূর্ত্ত্বং বায়ুশ্চানুরীক্ষং চৈতদমৃতম্ এতদ্ যৎ, এতৎ ত্যৎ,
তস্মৈতস্যামূর্ত্ত্বস্য এতস্যামূর্ত্ত্বস্মৈতস্য যত এতস্য তাস্মৈতস্য রসো য
এষ এতস্মিন্ মণ্ডলে পুরুষস্তস্য হোষ রস ইত্যধিদৈবতম্ ॥”

(বৃহঃ ২।৩।৩)

—অতঃপর ব্রহ্মের অমূর্ত্ত্ব রূপ কথিত হইতেছে—বায়ু ও আকাশ
ব্রহ্মের অমূর্ত্ত্ব রূপ, ইহাই অমৃত, ইহাই যৎ, ইহাই ত্যৎ (সর্বদা
পরোক্ষাত্মক) । সেই এই অমূর্ত্ত্বের, এই যতের, এই
তাতে—ইহাই রস বা সারভূত—যাহা এই সূর্য্যমণ্ডলে অধিষ্ঠিত
পুরুষ (দেবতা)—ইহাই ত্যৎসংস্কৃত অমূর্ত্ত্ব রূপের রস—
ইহা হইতেছে অধিদৈবত, অর্থাৎ মণ্ডলাধিষ্ঠাতৃ দেবতাত্মক রূপ ।
(বৃহঃ ২।৩।৩)

৪ । “অধাধ্যাত্মম্—ইদমেব মূর্ত্তং যদন্ত্যং প্রাণাচ্চ যশ্চায়মন্তুরাত্ম-
ন্নাকাশঃ, এতন্মূর্ত্ত্যম্, এতৎ স্থিতমেতৎ সৎ, তস্মৈশ্চিতস্য
মূর্ত্তশ্চিতস্য মূর্ত্ত্যশ্চিতস্য স্থিতশ্চিতস্য সত এষ রসো যচ্চক্ষুঃ,
সতো হ্রেষ রসঃ ॥” (বৃহঃ ২।৩।৪) ।

—অতঃপর অধ্যাত্ম কথিত হইতেছে—অর্থাৎ, দেহ-সম্বন্ধী মূর্ত্তরূপ,
যাহা প্রাণ বায়ু ও দেহমধ্যস্থ আকাশ হইতে ভিন্ন—দেহোৎপাদক
ভূতত্রয়—ইহাই মূর্ত্ত্য, ইহাই স্থিত, ইহাই সৎ । সেই এই মূর্ত্তের,
এই মূর্ত্ত্যের, এই স্থিতের, এই সতের, ইহাই রস বা সারভূত—
যাহার নাম চক্ষুঃ—কারণ ইহাই অধ্যাত্ম সতের মধ্যে শ্রেষ্ঠ বস্তু ।
(বৃহঃ ২।৩।৪) ।

৫ । “অধামূর্ত্তম্—প্রাণশ্চ যশ্চায়মন্তুরাত্মন্নাকাশ এতদমূর্ত্তমেতদ্
যদেতন্ত্যং, তস্মৈশ্চিতস্যামূর্ত্তশ্চিতস্যামূর্ত্তশ্চিতস্য যত এতস্য ত্যশ্চিত্য
রসো যোহয়ং দক্ষিণেহক্ষন্ পুরুষস্তস্য হ্রেষ রসঃ ॥”

(বৃহঃ ২।৩।৫) ।

—অতঃপর অমূর্ত্তের কথা বলা হইতেছে—দেহস্থ প্রাণবায়ু এবং যাহা
দেহাভ্যন্তরস্থ আকাশ, এই দুইটি ভূত অমূর্ত, ইহাই যৎ, ইহাই
ত্যৎ । এই অমূর্ত্তের, এই অমূর্ত্তের, এই যতের, এই ত্যতের, ইহাই
হইতেছে রস বা সারভূত, যাহা এই দক্ষিণ অক্ষিণ পুরুষ (আত্মা),
কারণ, ইনিই ত্যতের সার পদার্থ । (বৃহঃ ২।৩।৫)

৬ । “তস্য হৈতস্য পুরুষস্য রূপম্—যথা মাহারজনং বাসো, যথা
পাণ্ডুবিকং যথেন্দ্রগোপো যথাইগ্যার্চি যথা পুণ্ডরীকং যথা
সকৃদ্বিত্যতং, সকৃদ্বিত্যন্তেব হ বা অস্য ত্রীর্ভবতি, য এবং বেদ ;
অথাত আদেশো নেতি নেতি ন হ্রেষতস্মাদিতি নেত্যন্তং পরম-
স্ত্যখ নামধেয়ং সত্যস্য সত্যমিতি, প্রাণো বৈ সত্যং তেষামেব
সত্যম্ ॥” (বৃহঃ ২।৩।৬) ।

—সেই এই অক্ষিপুরুষের রূপটি, যেমন হরিদ্র্যরঞ্জিত বস্ত্র, যেমন
পাণ্ডুবর্ণ মেঘরোমজ বস্ত্র, যেমন রক্তবর্ণ ইন্দ্রগোপ, যেমন অগ্নির
শিখা, যেমন শ্বেতপদ্ম, যেমন সকৃৎ বিছোতন । যে ব্যক্তি এই

পুরুষরূপ জানে, তাহারও সৰ্বদ বিস্তোতনের গায় সৰ্বতঃ প্রকাশময়
শ্রী হইয়া থাকে ।

অতঃপর এই হেতু “নেতি, নেতি”—ইহা নহে, ইহা নহে—ইহাই
ব্রহ্মের আদেশ বা নির্দেশ । প্রথম “নেতি”—অর্থ “ইহা হইতে
পর”, দ্বিতীয় “নেতি” অর্থ “অপর কিছু নাই”—অর্থাৎ, ব্রহ্মাতিরিক্ত
অপর কিছুই নাই ।

অনন্তর, ব্রহ্মের অভিধায়ক নাম কথিত হইতেছে—ঐহার নাম
হইতেছে, “সত্যস্য সত্যম্”—সত্যের সত্য—প্রাণ সমুদায়ই সত্য,
তিনি সে সমুদায়েরও পর পরম সত্য । (বৃহঃ ২।৩।৬)

সংশয় :—শিরোদেশে উদ্ধৃত বৃহদারণ্যক শ্রুতির যুর্ভায়ুর্ভ ব্রাহ্মণে, শ্রুতি
প্রথমে ব্রহ্মের স্থূল, সূক্ষ্ম, আধিভৌতিক, আধিদৈবিক ও আধ্যাত্মিক রূপ নিরূপণ
করিয়া ব্রহ্মের স্বরূপ নির্দেশের সময় “নেতি নেতি” বলিয়া সমুদায় বিশেষের
প্রতিষেধ করতঃ নির্বিশেষত্ব স্থাপন করিয়াছেন । অতএব, তোমার
সিদ্ধান্তানুসারে ব্রহ্মের উভয় লিঙ্গত্ব কি প্রকারে সম্ভব হয় ? উক্ত সিদ্ধান্ত
শিরোদেশে উদ্ধৃত শ্রুতিবিরোধী নয় কি ? ইহার উত্তরে সূত্র :—

সূত্র :—৩।২।২২ ।

প্রকৃতৈতাবৎ হি প্রতিষেধতি ততো ব্রবীতি চ ভূয়ঃ ॥

৩।২।২২ ॥

প্রকৃত + এতাবৎ + হি + প্রতিষেধতি + ততঃ + ব্রবীতি +

চ + ভূয়ঃ ॥

প্রকৃত :—প্রস্তাবিত । **এতাবৎ :**—ইয়ত্তা বা এতৎ পরিমাণত্ব । **হি :**
—নিশ্চয়ে । **প্রতিষেধতি :**—নিষেধ করিতেছেন । **ততঃ :**—তদপেক্ষা ।
ব্রবীতি :—বলিতেছেন । **চ :**—ও । **ভূয়ঃ :**—অধিক ।

তোমার আপত্তি সঙ্গত নহে । কেননা, “নেতি নেতি” শ্রুতিতে যে
ব্রহ্মের প্রস্তাবিত বিশেষ গুণ সম্বন্ধ প্রত্যাখ্যাত হইতেছে, ‘ইহা প্রতীত হয়
না । কারণ, শ্রুতি, প্রথমে ব্রহ্মের স্থূল, সূক্ষ্ম—আধিভৌতিক, আধিদৈবিক,
ও আধ্যাত্মিক রূপের বিষয় বর্ণনা করিয়া, পরেই বলিবেন যে, যাহা বলিলাম, তাহা
প্রকৃত নহে, ভ্রম মাত্র—ইহা অসম্ভব । শ্রুতিতে এ প্রকার ভ্রম করনা নিতান্ত
অসঙ্গত । শ্রুতি স্বতঃপ্রমাণ । ইহার উক্তি প্রমাণের অল্প অল্প প্রমাণের

অপেক্ষা নাই। যদি ভ্রান্ত জ্ঞান শ্রুতিতে স্থান পাওয়া সম্ভব হয়, তাহা হইলে শ্রুতির স্বতঃ প্রামাণ্য ব্যাহত হইয়া যায়। সুতরাং তুমি যেরূপ অর্থ কল্পনা করিয়া আপত্তি উত্থাপন করিতেছ, তাহা শ্রুতির অভিপ্রেত অর্থ নহে।

শ্রুতি বলিতেছেন, হে জিজ্ঞাসু মানব! তোমাদের মঙ্গলের জন্ত ব্রহ্মের যে শূল, স্তম্ভ, আধিভৌতিক, আদিদৈবিক, আধ্যাত্মিক রূপ নির্দেশ করিলাম, উহাই ব্রহ্মের সমগ্র নির্দেশ নহে। বাক্য ও মনের দ্বারা তাঁহাকে প্রকাশ করা যায় না। তোমাদের বুঝিবার সুবিধার জন্ত ও তোমাদের উপাসনার সৌকার্য্যার্থে, পরিদৃশ্যমান জগৎ হইতে উপকরণ লইয়া, ভাষার দ্বারা যাহা নির্দেশ করিলাম, তদ্বারা তোমাদের ব্রহ্ম সম্বন্ধে সমগ্র জ্ঞান হইবে না জানি, কেননা, ভাষায় তাঁহার সমগ্র প্রকাশ এবং মনে তাঁহার সমগ্র ধারণা অসম্ভব। তাঁহার একদেশ মাত্র নির্দেশ করা হইয়াছে। ইহার দ্বারা এইমাত্র বুঝান হইল যে, পরিদৃশ্যমান, অপরিদৃশ্যমান, শূল, স্তম্ভ, বাক্য ও মনের গোচরীভূত যত কিছু আছে, সবই ব্রহ্ম হইতে অপৃথক্, ব্রহ্মাতিরিক্ত কিছুই নাই। ইহা বৃহদারণ্যকের ২।৩।৬ মন্ত্রের শেষাংশে সুস্পষ্টভাবে উল্লেখ করিয়াছি। এইটি ভাল করিয়া ধারণা কর। তারপর বুঝিবার চেষ্টা কর যে, তিনি ইহাদেরও অতীত। উহারাই তাঁহার সমগ্র নির্দেশ নহে। উহাদের বাহিরে অনেকই রহিয়া গেল তাহারাও ব্রহ্মাতিরিক্ত নহে। জগতে প্রাণ সত্য বলিয়া প্রসিদ্ধ, তৎসম্বন্ধে উপদেশ উক্ত প্রকরণে অর্থাৎ দ্বিতীয় অধ্যায়ের প্রথম ব্রাহ্মণের শেষাংশে দিয়াছি, সেখানেও আত্মার রহস্য নাম “সত্যং সত্যং” উল্লেখ করিয়াছি। মূর্ত্যামূর্ত ব্রাহ্মণে তাহাই বিস্তৃত ভাবে প্রকাশ করিলাম। প্রাণাদি সত্য বস্তুর সত্যত্ব, এই পরম সত্যে অবস্থানের জন্ত, ইহাই নির্দেশ করিলাম। প্রপঞ্চের যে প্রতিভাসমান আপেক্ষিক সত্যতা, তাহাও সেই পরম সত্যে অধিষ্ঠানের জন্ত। যদিও প্রপঞ্চ ও অপ্রপঞ্চ সমুদায়ই ব্রহ্মাত্মক, তথাপি তাঁহার ইচ্ছায়, প্রপঞ্চগত বস্তুজাতের নশ্বরত্ব ও তাহাদের আপেক্ষিক সত্যতা প্রতিপাদন করাও এই মূর্ত্যামূর্ত ব্রাহ্মণের উদ্দেশ্য। যদি তোমরা উদ্দেশ্য বুঝিতে না পারিয়া, নিজেদের আত্মশ্রুতিতে অন্ধ হইয়া, কদর্থ কল্পনা করতঃ বৃথা বাগ্‌বিতণ্ডা কর, সেজন্ত মাতার গায় হিতকারিণী শ্রুতি দায়ী নহেন। তোমাদের অনন্ত জন্মোপার্জিত কর্মসম্মত অজ্ঞানই উহার মূলে। ইহা বুঝিতে চেষ্টা কর।

লৌকিক দৃষ্টান্তে আমরা বুঝিতে পারি যে, ভাষার দ্বারা একজন ব্যক্তি বিশেষের সমগ্র নির্দেশ বড়ই দুর্লভ। পণ্ডিত ৬ঈশ্বরচন্দ্র বিদ্যাসাগর মহাশয়ের বিষয় আমরা অবগত আছি। আমাদের মধ্যে অনেকে তাঁহাকে চাক্ষুষ দেখিবার

এবং তাঁহার সহিত আলাপ পরিচয়ের সৌভাগ্য লাভ করিয়াছিলেন। কিন্তু সমগ্র লোকটি কেমন ছিলেন, তাহা ভাষায় প্রকাশ একরূপ অসম্ভব। তাঁহাকে “বিজ্ঞানাগর” বলিলে, তাঁহার একদেশ মাত্র নির্দেশ করা হইল, “কর্মবীর” বলিলে অন্য একদেশ, “দানবীর” বলিলে তৃতীয় এক দেশ, “দয়াবীর” বলিলে চতুর্থ এক দেশ মাত্র নির্দেশ করা হইল। তাঁহার মাতৃভক্তি, বিশ্বপ্রেম, সদালাপ, শিক্ষাদান দ্বারা স্বদেশের মঙ্গল সাধনের প্রচেষ্টা, হিন্দু বালবিধবার শোচনীয় অবস্থা দর্শনে সমাজের কুপ্রথা নিবারণের আকুল আগ্রহ, পরোপকারে অহেতুকী প্রবৃত্তি—প্রভৃতি বিষয় বর্ণনা করিলেও সমুদায় মানবটির সমগ্র বলা হইল না। এ সমুদায় তাঁহার বহিরঙ্গ ও তটস্থ শক্তির বিভূতির পরিচয় মাত্র দেওয়া হইল। মানুষটি স্বরূপতঃ অন্তরঙ্গ শক্তিতে অবস্থান কালে কিরূপ, তাহা অবর্ণিতই থাকিয়া যায়। একজন খ্যাতনামা, প্রসিদ্ধ এবং প্রত্যক্ষদৃষ্ট আমাদের মত স্থূল দেহধারী মানবের সম্বন্ধে যখন এই ব্যাপার, তখন প্রত্যক্ষের অতীত, বাক্যমনের অগোচর, সর্বব্যাপী, সর্বনিয়ন্তা, বস্তুর নির্দেশ, ভাষার দ্বারা প্রকাশ করা যে কিরূপ অসম্ভব, তাহা হৃদয়ে অনুভব করা যাইতে পারে। তাঁহার সম্বন্ধে যাহাই বলা যাউক না কেন, কিছুই পর্যাপ্ত নহে। বাক্য, মনঃ পঙ্গু হইয়া ফিরিয়া আসিয়া নিজেদের অক্ষমতা জ্ঞাপন করে। তখন “নেতি নেতি” ভিন্ন আর উপায় নাই। সমুদায় নিষেধের পরিসমাপ্তি ও সমাধান তাঁহাতেই—অর্থাৎ, যাহা কিছু বিশেষ নির্দেশ ভাষা দ্বারা করা যাউক না কেন, তাহার দ্বারা তাঁহার সমগ্র ভাব প্রকাশিত হইল না বলিয়া আরও আকাজক্ষা থাকিয়া যায় এবং সেই আকাজক্ষা পরিপূরণের জন্য “নেতি নেতি” বলিয়া নির্দেশের প্রচেষ্টা অপরিহার্য হইয়া পড়ে। ইহাই শ্রুতির অভিপ্রায়। সমুদায় বিশেষ প্রতিষেধ করা অভিপ্রায় নহে। শ্রুতি বলিতে চাহেন যে, তিনি ইহাও বটে, আবার ইহা নয়ও বটে, কারণ, ইহার বাহিরে অকথিত অনেকই রহিয়া গেল। ইহাই “নেতি নেতি” শ্রুতির অভিপ্রায়। সূত্রকার “ততো ব্রবীতি চ ভূয়ঃ”—অংশ দ্বারা ইহাই প্রকাশ করিয়াছেন।

বৃহদারণ্যক শ্রুতির ৪।৪।২২ মন্ত্রেও এই নিষেধাত্মক “নেতি নেতি” শ্রুতি উক্ত হইয়াছে। মন্ত্রটি এই :—“স এস নেতি নেত্যাংগাহ্যো ন হি গৃহ্যতে২শীর্ষ্যো ন হি শীর্ষ্যতে২সঙ্গো ন হি সঙ্গ্যতে২সিতো ন ব্যধন্তে ন রিষ্যতি...” “ইহা নহে, ইহা নহে” বলিয়া সর্ব নিষেধের অবধি রূপে অভিহিত সেই এই আত্মা স্বভাবতঃই গ্রহণের অযোগ্য—এই অঙ্গ কোনও ইন্দ্রিয় দ্বারা স্পর্শিত হয় না, শীর্ণ হইবার অযোগ্য, এ অঙ্গ শীর্ণ হয় না, অসঙ্গ—এ অঙ্গ কিছুতে

আসক্ত হয় না, অসি হইতে কোনও ব্যথা পায় না এবং স্বরূপ চ্যুতও হয় না । (বৃহঃ ৪।৪।২২) । এই মন্ত্ৰে স্পষ্ট দেখা যাইতেছে যে, নিষেধাত্মক পদ দ্বারা নির্দেশের চেষ্টা করা হইয়াছে মাত্র । সুতরাং ব্রহ্মের নির্দেশ বিষয়ে ভাষার অক্ষমতা জ্ঞাপন করাই “নেতি নেতি” শ্রুতির অভিপ্রায় । ভাষায় তাঁহার সম্বন্ধে যাহাই বলা হউক না কেন, তাহা দ্বারা তাঁহার সামান্য একদেশ মাত্র বলা হইল—অধিকাংশই অবর্ণিত রহিল, ইহা খ্যাপন করা উদ্দেশ্য ।

অতএব, বুঝা গেল যে, বিশেষ প্রতিষেধ করতঃ নির্বিশেষ স্থাপন করা “নেতি নেতি” শ্রুতির প্রকৃত অর্থ নহে । ইহা অগ্ন্যাগ্ন শ্রুতি হইতেও বুঝা যায় । যথা :—বৃহদারণ্যক শ্রুতির “অক্ষর” ব্রাহ্মণে ৩।৮।৮ মন্ত্ৰে “অক্ষর”কে— “অস্থূল, অনগ্নু, অহ্রস্ব, অদীর্ঘ,…… অচ্ছায়, অবায়ু, অমাকাশ” প্রভৃতি বিশেষণ দ্বারা নির্বিশেষ ব্রহ্ম উল্লেখ করিয়া পরক্ষণেই “অয়ি গার্গি ! এই অক্ষরের প্রশাসনেই সূর্য্য, চন্দ্র, জ্বালা, পৃথিবী স্ব স্ব স্থানে বর্তমান রহিয়াছে, এবং এই অক্ষরেই আকাশ ওতপ্রোত ভাবে রহিয়াছে” ইত্যাদি বলিয়া, আবার সবিশেষত্ব প্রতিপাদন করা হইল । যদি নির্বিশেষই তত্ত্ব হইত, এবং সবিশেষ অতত্ত্ব হইত, তাহা হইলে, একই স্থানে এই প্রকার উভয়বিধ উক্তি সম্ভব হইত কি ? আরও দেখ, তৈত্তিরীয় শ্রুতির ২।২ মন্ত্ৰে “যতো বাচো নিবর্তন্তে অপ্রাপ্য মনসা সহ । আমন্দং ব্রহ্মণো বিদ্বান্ ন বিভেতি কুতশ্চন ॥”—“বাক্য ও মনঃ যাহাকে না পাইয়া ফিরিয়া আসে, সেই আনন্দ-স্বরূপ ব্রহ্মকে জানিলে আর কিছু হইতে ভয় থাকে না ।”—বাক্য মনঃ তাঁহার নিকট পৌঁছাইতে পারে না বলিয়া, তাঁহাকে উহাদের অগোচর বলিবার পরক্ষণেই, তাহাকে “জানিলে” বলায়, দৃশ্যমান বিরোধ হইতেছে বটে, কিন্তু নির্বিশেষ ও সবিশেষ ভাব একাধারে এককালে অবস্থানই প্রকৃত তত্ত্ব, ইহা প্রতিপাদন করা শ্রুতির অভিপ্রায় । এই দৃশ্যতঃ বিরোধের একত্র অবস্থিতি ব্রহ্মেই সম্ভব । অতএব প্রতিপাদিত হইল যে, যে সময়ে তিনি সবিশেষ, সেই এক সময়েই তিনি নির্বিশেষ । সময় বা কাল সৃষ্টির সহিত সংজড়িত, ইহা মৎপ্রণীত “গায়ত্রী রহস্য” পুস্তকে আলোচিত হইয়াছে । সৃষ্টিগতভাবে যিনি সবিশেষ, স্বরূপগত ভাবে তিনিই নির্বিশেষ । স্বরূপ বিচ্যুতি সম্ভব নহে বলিয়া, নির্বিশেষ সবিশেষ একত্রাবস্থিতিই প্রকৃত তত্ত্ব । এজন্য শ্রুতিতে ও শ্রুত্যানুসারী শাস্ত্র সকলে, তাঁহার “উভয় লিঙ্গত্ব” সর্বত্র উক্ত হইয়াছে । সুতরাং তোমার আপত্তির কোন ভিত্তি নাই ।

তিনি যে সত্যের সত্য এবং সৎ ও ত্যৎ উভয়ের অন্তরে অবস্থিত সত্য এবং তাঁহার সত্যতায়ই যে সৎ ও ত্যৎ এর সত্যতা, তাহা ভাগবত স্পষ্টাক্ষরে বলিয়াছেন :—

সত্যব্রতং সত্যপরং ত্রিসত্যং

সত্যস্য যোনিং নিহিতঞ্চ সত্যো ।

সত্যস্য সত্যমৃতসত্যনেত্রং

সত্যাশুকং ত্বাং শরণং প্রপন্নাঃ ॥ ভাগঃ ১০।২।২৬

“সত্যস্য যোনিং—সচ্চ ত্যচ্চ সত্যং ভূত পঞ্চকং তস্য যোনিং কারণম্ । সত্যস্য সত্যং—ভূত পঞ্চকস্য সত্যং পারমার্থিকং নাশেহ্যপ্যবশিষ্যমাণং রূপম্ ।” (শ্রীধর)

—হে ভগবান্! আপনি সত্যব্রত—আপনার সংকল্প সত্য, সত্য আপনার প্রাপ্তির শ্রেষ্ঠ সাধন, আপনি তিন কালেই—অর্থাৎ সৃষ্টির পূর্বে, সৃষ্টি স্থিতিকালে এবং প্রলয়ে—সত্য স্বরূপে অব্যভিচারে বর্তমান, আপনি পৃথিবী, অপ., তেজঃ, বায়ু, আকাশ, এই পঞ্চভূতের উৎপত্তি কারণ, এবং উহাদের অন্তর্ধ্যামিত্ব রূপে বর্তমান, আপনার সত্যতাতেই উহাদের সত্যতা, আপনিই উহাদের পারমার্থিক সত্য, আপনি সত্য ও ঋতের প্রবর্তক, আপনি সকল প্রকারেই সত্যাশুক—আপনার শরণাপন্ন হইলাম । ভাগঃ ১০।২।২৬

এই কারণেই ভাগবতের উপক্রমে প্রথম শ্লোকে এবং উপসংহারে শেষ শ্লোকে “সত্যং পরং ধীমহি” বলিয়া ভাগবতকার সেই পরম সত্য স্বরূপকে স্মরণ করিয়াছেন ।

গুণান্বনন্তেহপি গুণান্ বিমাতুং

হিতাবতীর্ণস্য ক ঈশিরেহস্য ।

কালেন যৈর্ক্বা বিমিতাঃ স্ককর্মে-

ভূ'পাংসবঃ খে মিহিকা ছাভাসঃ ॥ ভাগঃ ১০।১৪।৭

—হে ভগবন্! তুমি গুণসকলের অধিষ্ঠাতা । তোমার গুণের বিশেষ বিবরণ দূরে থাকুক, তাহা “এত পরিমাণ” বলিয়া গণনা করিতেই বা কোন্ ব্যক্তি সমর্থ হইবে? নিপুণ ব্যক্তি গণনা ষারা,

কালে ভূমির পরমাণু, আকাশের হিমকণা ও নক্ষত্রাদির কিরণ পরমাণু, সংখ্যা নির্দেশ করিতে পারা সম্ভব বলিয়া কল্পনা করিতে পারিলেও, জগৎহিতের জন্ম স্থলদেহধারণে অবতীর্ণ, সকলের প্রত্যক্ষদৃষ্ট আপনার গুণ গণনা সম্ভব বলিয়া কল্পনাও অসম্ভব । ভাগঃ ১০।১৪।৭
সুতরাং ভাষার দ্বারা তাঁহার সমগ্র নির্দেশ অসম্ভব বটে । এইজন্ম প্রতিগণ

বলিয়াছেন :—

যচ্ছু তন্নস্তুয়ি হি ফলন্ত্যতন্নিসনেন ভবন্নিধনাঃ ॥

ভাগঃ ১০।৮।৭।৩৭

—প্রতিগণ আপনাতে পর্য্যবসান রূপে “তন্ন তন্ন”—“তাহা নয়, তাহা নয়” করিয়া আপনাতেই ফলবতী হয় । ভাগঃ ১০।৮।৭।৩৭

[সমগ্র শ্লোকটি ও উহার অর্থ ১।১।৩ সূত্রের আলোচনায় দেওয়া হইয়াছে (পৃঃ ২৬৫)] ।

৮।৩।২৪ শ্লোকে ভাগবত বলিয়াছেন :—

ন সন্নচাসন্নিষেধশেষো জয়তাদশেষঃ ॥ ভাগঃ ৮।৩।২৪

—তিনি সৎ নহেন, অসৎ নহেন, সকল পদার্থের নিষেধের অবধিরূপে যাহা অবশেষ থাকে, তাহাই তিনি, তিনিই আবার অশেষাত্মা ।

ভাগঃ ৮।৩।২৪

সমগ্র শ্লোকটি ৩।২।১১ সূত্রের আলোচনায় উদ্ধৃত হইয়াছে । এখানে আর পুনরুদ্ধার করা হইল না ।

এই প্রসঙ্গে ৩।২।১৭ সূত্রের আলোচনায় উদ্ধৃত ৮।৩।২৬ শ্লোকও দ্রষ্টব্য । সেখানে তাঁহাকে “বিশ্ব” ও “অবিশ্ব” উভয়ই বলা হইয়াছে । অর্থাৎ, বিরোধের সমাধান তাঁহাতেই ।

শ্রীমদ্ভাগবতের ১১শ স্কন্ধের তৃতীয় অধ্যায়ে ৩৬ ও ৩৭ শ্লোক এই সূত্রের অর্থ বড়ই সুন্দরভাবে প্রতিপাদন করে । মহর্ষি পিপ্পলায়ন রাজা নিমিকে সন্মোক্ষণ করিয়া বলিলেন—হে রাজন্ ! যিনি এই জগতের সৃষ্টি-স্থিতি-প্রলয়ের হেতু, অথচ স্বয়ং অহেতু, যিনি জাগ্রৎ, স্বপ্ন, সুষুপ্তিতে ও সমাধিতে সজ্জপে বর্তমান, দেহ, ইন্দ্রিয়, প্রাণ, মনঃ ইহারা যাহার দ্বারা জীবিত থাকিয়া বিচরণ করে, তাঁহাকেই পরমতত্ত্ব জানিও । ভাগঃ ১১।৩।৩৬ ।

বলিয়াই ঋষির মনে হইল, তবে কি আমার উপদেশ হইতে রাজা বুঝিলেন যে, পরমতত্ত্ব বা ব্রহ্ম বাক্য বা ভাষা দ্বারা নির্বাচন যোগ্য, ইহা মনে

হওয়াতেই পুনরায় বলিলেন :—হে রাজন্ ! আমি যাহা বলিলাম, তাহা হইতে বুঝিও না যে, আমি তোমাকে পরমতত্ত্ব সম্বন্ধে সমগ্র উপদেশই দিতে সমর্থ হইয়াছি। এই পরম তত্ত্বে মনঃ প্রবেশ করিতে পারে না ; বাক্য, চক্ষুঃ, বুদ্ধি, শ্রোত্র, ইন্দ্রিয়গণ, ক্রিয়াশক্তি দ্বারা ইহাকে প্রাপ্ত হইতে পারে না। স্বীয় অংশভূত বিস্মুলিক্ত সকল কি অগ্নিকে দাহ বা প্রকাশ করিতে পারে ? যাহা ভিন্ন নিষেধের সমাপ্তি নাই, বাক্য তাঁহাকে অর্থোক্তরূপে “তন্ন, তন্ন” করিয়া ব্যক্ত করে, সাক্ষাৎ বলিতে সমর্থ হয় না। ভাগঃ ১১।৩।৩৭

স্থিত্যন্তবপ্রলয়হেতুরহেতুরস্যা

‘যৎ স্বপ্ন-জাগর-সুষুপ্তিষু সদ্বিশিষ্ট ।

দেহেন্দ্রিয়ান্সুহৃদয়ানি চরন্তি যেন

সংজীবিতানি তদবেহি পরং নরেন্দ্র ॥ ভাগঃ ১১।৩।৩৬

নৈতন্মনো বিশতি বাণ্ডত চক্ষুরাত্মা

প্রাণেন্দ্রিয়াণি চ যথানলমর্চিষঃ স্বাঃ ।

শব্দোহপি বোধনিষেধতয়াঅমূল-

মর্থোক্তমাহ যদৃতে ন নিষেধসিদ্ধিঃ ।

ভাগঃ ১১।৩।৩৭

পূর্বে ৩২।১৩ ও ১৪ সূত্রালোচনায় কথিত হইয়াছে যে, ব্রহ্মে দেহ-দেহী ভেদ নাই, এবং তাঁহার ভূষণ, আয়ুধ, ধাম, পরিকর প্রভৃতিরও তাঁহা হইতে ভেদ নাই। তিনি স্বরূপে যাহা, তাঁহার পরম পদও তাহাই। এজন্য ঋতিতে উক্ত আছে—“তদ্বিবেশাঃ পরমং পদম্” (কঠঃ ১।৩।২)। শ্রীমদ্ভাগবত ইহাই নিম্ন শ্লোকে প্রকাশ করিতেছেন :—

পরং পদং বৈষ্ণবমামনস্তি তৎ

যন্নেতি নেতীত্যতচ্চৎ সিসৃক্ষবঃ ।

বিসৃজ্য দৌরাঅ্যামনন্তসৌহৃদা

হৃদোপগুহ্যাবসিতং সমাহিতৈঃ ॥ ভাগঃ ১২।৬।২৭

—অনন্ত সূক্ষ্ম যোগীগণ ‘নেতি নেতি’—ইহা নয়, ইহা নয়, বলিয়া ক্রমশঃ দেহাঅভাব পরিত্যাগ করতঃ অবশেষরূপে প্রাপ্ত আত্মতত্ত্বকে

সমাধি দ্বারা হৃদয়ে অবস্থিত করতঃ বিষ্ণুর পরম পদ হৃদয়ে ধারণা করেন । ভাগঃ ১২।৬।২৭ ।

অতএব, প্রতিপাদিত হইল যে, “নেতি নেতি” শ্রুতির অর্থ—ব্রহ্ম বস্তু সমগ্র প্রকাশ করিতে ভাষার অক্ষমতা খ্যাপন এবং ব্রহ্ম সর্বাত্মক হইলেও, তিনি দৃশ্যমান ও অদৃশ্যমান সমুদায়ের বাহিরে অবস্থিত । পূর্বে অনেকবার কথিত হইয়াছে, তাঁহার অত্যন্ত অংশমাত্রে এই দৃশ্যমান ও অদৃশ্যমান প্রপঞ্চ । তিনি সর্বাত্মক হইলেও, সর্ব হইতে ভিন্ন, নিজ পূর্ণস্বরূপে চির বর্তমান । ইহাও প্রকাশ করা “নেতি নেতি” শ্রুতির অভিপ্রায় । তাঁহার সমুদায়ে অনাসক্তি, অনভিমান বশতঃ স্বরূপচ্যুতি নাই । পূর্বে অনেকবার কথিত হইয়াছে, পুরুষের একপাদেই প্রপঞ্চ বিশ্ব, ত্রিপাদ প্রপঞ্চের বাহিরে অমূর্তে বর্তমান । প্রপঞ্চ যে শিরোদেশে উদ্ধৃত শ্রুতি মন্তোক্ত মূর্ত ও অমূর্ত রূপ লইয়া গঠিত, ইহা বলাই বাহুল্য । অতএব, উক্ত শ্রুতি মন্ত্রের “নেতি নেতি”র দ্বারা এই প্রপঞ্চের পারে অমূর্ত স্বরূপে অবস্থিত ত্রিপাদের নির্দেশ করা হইয়াছে, বুঝিতে হইবে । অতএব, ব্রহ্ম “উভয় লিঙ্গক” বটে ।

আরও দেখ, আমরা প্রপঞ্চের অন্তর্ভুক্ত বহির্গুণ জীব । বহিঃকরণ-চক্ষুঃ কর্ণ প্রভৃতি ইন্দ্রিয়, এবং অন্তঃকরণ—চিত্ত, মন, বুদ্ধি, অহঙ্কার আমাদের জ্ঞান সাধনের উপায় বা যন্ত্র স্বরূপ । এই সকল যন্ত্রের সাহায্যে আমরা যে জ্ঞান লাভ করি, তাহা সর্বিশেষ জ্ঞান । নির্বিশেষ জ্ঞান আমাদের উপলব্ধির বাহিরে । সুতরাং, আমাদের লক্ষ্যস্থান হইতে দর্শন করিলে, ব্রহ্মের “সর্বিশেষ” ভাবই আমাদের উপলব্ধির গোচরে আসে । যাহারা যোগ, সমাধি বা ঐকান্তিক সাধনা বলে, মনের লয় সাধন পূর্বক, আত্মস্বরূপ প্রকাশে সমর্থ হইয়াছেন, তাঁহারা হয়ত, নির্বিশেষ ভাব উপলব্ধি করিতে পারিলেও পারিতে পারেন । আমাদের বর্তমান অবস্থায় অন্তঃকরণ বৃত্তির সম্যক ব্যায়াম দ্বারা উহার অনুমোদন ভিন্ন, সম্যক ধারণা আমাদের পক্ষে অসম্ভব । ব্রহ্মের লক্ষ্যস্থান হইতে, অথবা ব্রহ্মভাব প্রাপ্ত অতি উচ্চস্তরের সাধকের লক্ষ্যস্থান হইতে বিচার করিলে, হয়ত নির্বিশেষ ভাব অনুভূত হইতে পারে । তাহা হইলেও, শ্রুতি যখন উচ্চ ও নিচ উভয় প্রকারের অধিকারীর জন্য সংসার জ্বালা নিবারণের ভেষজ বিধান করিতেছেন, তখন নির্বিশেষ ও সর্বিশেষ উভয় ভাবই

ব্যক্ত করা শ্রুতির পক্ষে সম্ভব। শ্রুতি তাহাই করিয়াছেন। এজন্য একই শ্রুতি মন্ত্রে, ব্রহ্মের নির্বিশেষ ভাব নির্দেশের সঙ্গে সঙ্গে বা পরবর্তী মন্ত্রেই স বিশেষ ভাবও নির্দেশ করা হইয়াছে। ইহাদের একটি অন্যটির প্রতিবেদক মনে। “নেতি নেতি” শ্রুতিও সাক্ষাৎ সম্বন্ধে তাঁহাকে বলিতে অসমর্থ হওয়ার, ঐ প্রকারে তাঁহাকে নির্দেশ করে। অতএব, স বিশেষ ও নির্বিশেষ উভয় শ্রুতির সার্থকতা তাঁহাতেই। এ কারণ, তিনি “উভয় লিঙ্গক”।

যদি বল, যে নির্বিশেষই ‘তত্ত্ব’, স বিশেষ ভাব মায়া দ্বারা গৃহীত বলিতে দোষ কি? যদি ‘মায়া’ অর্থ তাঁহার সংকল্পরূপা শক্তি বল, তাহা হইলে আমাদের সঙ্গে কোনও বিরোধ নাই।

যদি “মায়া” তাঁহা হইতে পৃথক কিছু বল, অথবা মিথ্যা বলিয়া উড়াইয়া দিবার চেষ্টা কর, তাহা হইলেই আমাদের আপত্তি। আমরা ত বলি যে, তাঁহার সংকল্পানুসারে প্রপঞ্চ জগৎ অভিব্যক্ত হইয়াছে। তিনি চৈতন্যঘন—চৈতন্যময়। সংকল্প চেতনেরই হইয়া থাকে—অচেতনের সংকল্প হইতে পারে না। অতএব সৃষ্টি তাঁহার স্বভাববশতঃই হইয়া থাকে। যেমন দিনের পর রাত্রি, রাত্রির পর দিন, ধারাবাহিক ভাবে অনাদিকাল হইতে চলিয়া আসিতেছে, সেইরূপ চৈতন্যময়ের সংকল্প হইতে জাত সৃষ্টি, স্থিতি, লয়, অনাদিকাল হইতে চক্রমিক্রমে সংঘটিত হইতেছে। সুতরাং ব্রহ্মের স বিশেষ ভাব, যাহা প্রপঞ্চ বিশ্বের সহিত সংজড়িত, ইহাও অনাদিকাল হইতে বিদ্যমান রহিয়াছে। নির্বিশেষ ভাব তাঁহার স্বরূপগত ভাব, স্বরূপ বিচ্যুতি কখনও সম্ভব নহে। সুতরাং নির্বিশেষ ভাবও চিরবিদ্যমান। একারণ শ্রুতিতে উভয় ভাব নির্দেশ অপরিহার্য।

আরও এক কথা—নির্বিশেষই ব্রহ্মের তত্ত্ব, স বিশেষ নহে—ইহা ঠিক নহে। নির্বিশেষ স বিশেষ প্রভৃতি বাক্যকৃত বিভেদ প্রপঞ্চের অভ্যন্তরে প্রপঞ্চাস্তর্গত জীবগণের অন্তঃকরণ বৃত্তির পরিমাপ অনুসারেই সংঘটিত হয়। যে বস্তু প্রপঞ্চের বাহিরে বর্তমান, এবং বাহার সংকল্প বশতঃ অল্লাংশে মাত্র প্রপঞ্চ প্রকটিত, তাঁহার সম্বন্ধে ও প্রকার বাক্যকৃত বিভেদ প্রযোজ্য হইতে পারে না; তিনি এক, অদ্বিতীয়। তিনি যাহা, তাহাই। আমাদের ভাষার অক্ষমতা অথবা চিন্তার অসর্কগ্রাহিতার কারণ, আমরা তাঁহাতে আমাদের মনোবৃত্তির পরিমাপ অনুসারে, যাহা প্রয়োগ করি না কেন, তাঁহাতে তাঁহার ইষ্টাপত্তি নাই, তাঁহার স্বরূপ তাহাতে পরিবর্তিত হইতে পারে না। এক স্তরের অধিকারীর লক্ষ্যস্থান

হইতে যিনি সবিশেষ, অন্য স্তরের অধিকারীর লক্ষ্য স্থান হইতে তিনিই নির্বিশেষ। সুতরাং উহাদের মধ্যে একটি তত্ত্ব, অপরটি তত্ত্ব নহে, ইহা বলা, কেবল বাগাড়ম্বর মাত্র। বাক্য দ্বারা তিনি ইহা মাত্র, উহা নহে, ইহা বলিতে যাওয়া ধুঁটতা মাত্র। যদি বাক্য দ্বারা তাঁহাকে প্রকাশ করা যাইবে, তবে শ্রুতি তাঁহাকে “অবাঙ্, মনসো গোচর” বলিয়াছেন কেন? ইহা কি “ষতো বাচো নিবর্তন্তে—অপ্রাপ্য মনসা সহ” শ্রুতি মন্ত্রাঙ্কের সুস্পষ্ট উক্তির বিরোধী নহে? শ্রুতি “নেতি নেতি” মন্ত্র দ্বারা তাহাই ব্যক্ত করিয়াছেন, এবং ভাগবত উপরে উদ্ধৃত শ্লোক সকলে তাহাই প্রকাশ করিয়াছেন।

অতএব, প্রতিপাদিত হইল যে, ভাষা দ্বারা ব্রহ্মতত্ত্ব প্রকাশ করিতে হইলে, সবিশেষ ও নির্বিশেষ উভয় ভাবে নির্দেশ করা প্রয়োজন। এই জন্য শাস্ত্রে ব্রহ্ম ‘উভয়-লিঙ্গক’ বলিয়া উক্ত হইয়াছেন।

একই শ্লোকে সবিশেষ ও নির্বিশেষ ভাব কি প্রকার সুন্দরভাবে বর্ণিত হইয়াছে, তাহা দেখাইবার জন্য শ্রীমদ্ভাগবতের একটি শ্লোক নীচে উদ্ধৃত হইল।

রূপং যত্ত্বং প্রাহুরব্যক্তমাত্মং

ব্রহ্ম জ্যোতির্নির্গুণং নির্বিকারম্ ।

সত্ত্বামাত্রং নির্বিশেষং নিরীহং

স ত্বং সাক্ষাদ্বিস্মুরধ্যাত্মদীপঃ ॥ ভাগঃ ১০।৩।২৫

—দেবকী বলিতেছেন :—বেদ ঋহাকে নিরীহ (সন্নিধি মাত্রে কারণ), নির্বিশেষ, সত্ত্বামাত্র, নির্বিকার, নির্গুণ, জ্যোতিঃ স্বরূপ, ব্রহ্ম (বৃহত্তম) আত্ম (বায়ুল কারণ) বলিয়া থাকেন, আপনি সেই বস্তু, সাক্ষাৎ বিষ্ণু, অধ্যাত্মদীপ (অর্থাৎ, বুদ্ধাদি করণ সমূহের প্রকাশক)। ভাগঃ ১০।৩।২৫

এই শ্লোক হইতে স্পষ্ট বুঝা গেল যে, নির্বিশেষ ব্রহ্ম যিনি ইন্দ্রিয়-গণের অগোচর, তিনি মূর্তরূপে দেবকীর প্রত্যক্ষগোচর হইলেন। ভাগবতকার বলিলেন যে, উভয়ে অভেদ। ইহাই প্রকৃত তত্ত্ব।

ভিত্তি :—

- ১। “ন সংদৃশে তিষ্ঠতি রূপমস্য, ন চক্ষুষা পশ্যতি কশ্চনৈনম্ ।
হৃদা মনীষা মনসাভিকৃপ্তো য এতদ্বিহুরমৃতাস্তে ভবন্তি ॥”

(কঠঃ ২।৩৯)

—ইহার প্রকৃত স্বরূপটি প্রত্যক্ষ বিষয়ে থাকে না, সুতরাং কেহই চক্ষুঃ দ্বারা অর্থাৎ কোনও ইন্দ্রিয় দ্বারা তাঁহাকে দর্শন বা উপলব্ধি করিতে পারে না। পরন্তু, বিকল্পহীন হৃদয়স্থ বুদ্ধি দ্বারা মননের সাহায্যে সেই পুরুষ অভিব্যক্ত হন। ঐহারা তাঁহাকে জানেন, তাঁহারা অমৃত হন। (কঠঃ ২।৩৯)।

- ২। “ন চক্ষুষা গৃহ্যতে নাপি বাচা নাত্মৈর্দেবৈস্তপসা কৰ্ম্মণা বা ।
জ্ঞান প্রসাদেন বিশুদ্ধসত্ত্বস্ততস্ত্ব তং পশ্যতে নিষ্কলং ধ্যায়মানঃ ॥”

(মুণ্ডঃ ৩।১।৮)

—রূপ না থাকায় সেই আত্মাকে চক্ষুঃ দ্বারা গ্রহণ করা যায় না, অনির্কচনীয় বলিয়া বাক্য দ্বারা গ্রহণ করা যায় না, অপর ইন্দ্রিয়গণের দ্বারাও গ্রহণ করা যায় না, তপস্যা ও অগ্নিহোত্রাদি কৰ্ম্ম দ্বারাও গ্রহণ করিতে পারা যায় না। পরন্তু জ্ঞানের প্রসন্নতা দ্বারা চিত্ত বিশুদ্ধ হইলে, অবিরত ধ্যান করিতে করিতে সেই নিষ্কল (পরিপূর্ণ) আত্মার দর্শন লাভ হইয়া থাকে। (মুণ্ডঃ ৩।১।৮)।

সূত্র :—৩।২।২৩।

তদব্যক্তমাহ হি ॥ ৩।২।২৩ ॥

তৎ + অব্যক্তম্ + আহ + হি ॥

তৎ :—ব্রহ্ম । অব্যক্তং :—প্রমাণের অগোচর । আহ :—প্রতিপাদন করিতেছেন । হি :—নিশ্চয়ে ।

শিরোদেশে উদ্ধৃত শ্রুতি মন্ত্রদ্বয় প্রতিপাদন করিতেছে যে, ব্রহ্ম, ইন্দ্রিয়াদির গোচর না হওয়ায়, যে সমুদায় প্রমাণ ইন্দ্রিয় জ্ঞানের উপর নির্ভর করে--অর্থাৎ প্রত্যক্ষ, অনুমান ও ঐতিহ্য—এ ত্রিবিধ প্রমাণের অগোচর, এজন্য তিনি অব্যক্ত ।

শ্রীমদ্ভাগবত এ সম্বন্ধে বলিতেছেন :—

যং বৈ ন গোভির্মনসাহস্তুভি বা

হৃদা গিরা বাহস্তুভূতো বিচক্ষতে ।

আত্মানমন্তুর্হৃদি সন্তুমানাং

চক্ষুর্ধৈবাকৃতয়ন্তুতঃ পরম্ ॥ ভাগঃ ৬।৩।১৬

—ইন্দ্রিয়, মনঃ, প্রাণ, চিত্ত, বাক্য প্রভৃতি কোনও উপায় দ্বারাই প্রাণিগণ ষাঁহাকে দেখিতে পায় না, অথচ যিনি সকল জীবের হৃদয়াভ্যন্তরে দ্রষ্টারূপে বর্তমান আছেন। রূপাদি যেমন চক্ষুকে প্রকাশ করিতে পারে না, তাহার গায় ইন্দ্রিয়াদি ষাঁহাকে প্রকাশ করিতে অসমর্থ। ভাগঃ ৬।৩।১৬।

তিনি যে অব্যক্ত, ইহা পূর্ব সূত্রের আলোচনায় উক্ত ১০।৩।২১ শ্লোকে স্পষ্টতঃ উল্লিখিত হইয়াছে। এ প্রসঙ্গে পূর্ব সূত্রালোচনায় উক্ত ১১।৩।৩৭ শ্লোকটিও দ্রষ্টব্য।

ভাগবত আরও বলিতেছেন :—

গৃহ্মাণৈশ্চমগ্রাহো বিকারৈঃ প্রাকৃতৈশ্চৈঃ ।

কোষিহাহঁতি বিজ্ঞাতুং প্রাক্‌সিদ্ধং গুণসংবৃতঃ ॥

ভাগঃ ১০।১০।৩২

—হে ভগবন্! আপনি দ্রষ্টা, এ কারণ দৃশ্যরূপে বর্তমান, যে সকল প্রাকৃতিক বিকার অর্থাৎ ইন্দ্রিয়াদি, সে সকল আপনাকে গ্রহণ করিতে পারে না। গুণসংবৃত অর্থাৎ দেহাদিতে আবৃত জীবও আপনাকে জানিতে পারে না, কারণ আপনি জীবাদি উৎপত্তির পূর্ব হইতে স্বয়ম্প্রকাশ রূপে সিদ্ধ আছেন। ভাগঃ ১০।১০।৩২।

অতএব, প্রতিপাদিত হইল যে, পরমাত্মা বা ভগবান ইন্দ্রিয়গ্রাহ্য নহেন, তিনি অব্যক্ত। এবং অব্যক্ত বলিয়াই “নেতি নেতি” শ্রুতির আশ্রয় গ্রহণ ভিন্ন আর উপায় কি ?

ভিত্তি:—

- ১। পূর্ব সূত্রের শিরোদেশে উদ্ধৃত মুণ্ডক শ্রুতির ৩।১।৮ মন্ত্র ।
- ২। “নায়মাত্মা প্রবচনেন লভ্যো ন মেধয়া ন বহুনা শ্রুতেন ।
যমেবৈষ বৃণুতে তেন লভ্যস্তস্মৈষ আত্মা বিবৃণুতে তনুং স্বাম্ ।”
(মুণ্ড: ৩।২।৩)

—এই আত্মাকে কেবল শাস্ত্র ব্যাখ্যা দ্বারা, মেধা বা বুদ্ধি দ্বারা, বা বহু শাস্ত্রাভ্যাস দ্বারা পাওয়া যায় না । পরন্তু এই আত্মা যাহাকে বরণ করেন, তিনিই তাঁহাকে লাভ করিতে পারেন । (মুণ্ড: ৩।২।৩)

- ৩। “পরাক্ষি খানি ব্যতৃণৎ স্বয়ম্ভুস্তস্ম্যাৎপরাড্ পশ্যতি নাস্তুরাত্মন ।
কশ্চিদ্ধীরঃ প্রত্যগাত্মানমৈক্ষদাবৃত্তচক্ষুরমৃতত্বমিচ্ছন্ ॥”
(কঠ: ২।১।১)

—স্বয়ম্ভু—আত্মতত্ত্ব পরমেশ্বর—ইন্দ্রিয়গণকে বাহ্যপদার্থদর্শী করিয়া নির্মাণ করিয়াছেন । এইজন্য জীব বাহ্য বস্তুই দর্শন করে, অন্তরাত্মাকে দর্শন করে না । অল্পমাত্র ধীর ব্যক্তিই মুক্তিলাভের ইচ্ছায়, ইন্দ্রিয়-গণকে বাহ্য বিষয় হইতে প্রত্যাবৃত্ত করিয়া, পরামাত্মাকে দর্শন করিয়া থাকেন । (কঠ: ২।১।১) ।

সংশয় :—পরমাত্মা যদি ইন্দ্রিয়গণের অগোচর, এবং সে কারণ অব্যক্ত, তবে কি জীবের তাঁহাকে জানিবার কোনও উপায় নাই? ব্রহ্মদর্শন হইলেই সংসার হইতে বিমুক্তি ইহা শ্রুতি স্পষ্ট বলিয়াছেন, ব্রহ্মদর্শন কি জীবের পক্ষে অসম্ভব? সংসারে কি চিরকাল গতাগতি করিতে হইবে? ইহার উত্তরে সূত্র :—

সূত্র :—৩।২।২৪ ।

অপি সংরাধনে প্রত্যক্ষানুমানাত্ম্যাম্ ॥ ৩।২।২৪ ॥

অপি + সংরাধনে + প্রত্যক্ষানুমানাত্ম্যাম্ ॥

অপি :—আরও । সংরাধনে :—সম্যক্ আরাধনায় । প্রত্যক্ষানু-
মানাত্ম্যাম্ :—শ্রুতি ও স্মৃতি হইতে ।

শিরোদেশে উদ্ধৃত শ্রুতি মন্ত্র সকল হইতে প্রতীত হইবে যে, সম্যক্ আরাধনায় ব্রহ্মের সাক্ষাৎকার লাভ হইয়া থাকে। তিনি তপস্যা বা অগ্নি কোনও প্রকার কৰ্ম দ্বারা লভ্য নহেন। কৰ্ম দ্বারা লভ্য বস্তু মাত্রই নশ্বর, ইহা পূর্বে ২।৩।৪২ ও অগ্ন্যাগ্নি সূত্রের আলোচনায় প্রতিপাদিত হইয়াছে। কৰ্ম চারি প্রকার—উৎপাচ্ছ, সংস্কার্য, বিকার্য ও আপ্য। ব্রহ্ম ইহাদের কোনও প্রকার দ্বারা লভ্য নহেন। ব্রহ্মপ্রাপ্তি বা ব্রহ্মসাক্ষাৎকার লাভ—অগ্নি কথায়, ভগবন্ত্বের অপরোক্ষানুভূতি বা জীবের নিজ স্বরূপোপলব্ধি। জীবের স্বরূপ, আগন্তুক কিছু নহে, ইহা স্বতঃ সিদ্ধ—একারণ ইহা “উৎপাচ্ছ” নহে। ইহা নির্মল, চিরকাল সমভাবে দেদীপ্যমান, মলিনতার স্পর্শমাত্র ইহাতে নাই, এ কারণ ইহা “সংস্কার্য” নহে। অপরিণামী পরম সত্যস্বরূপ বলিয়া “বিকার্য” নহে, এবং সর্বব্যাপী, অন্তরে বাহিরে ওতঃপ্রোত ভাবে বর্তমান বলিয়া “আপ্য” নহে। যদি তিনি কৰ্মলভ্য হইতেন, তাহা হইলে কৰ্মজন্যতা নিবন্ধন নিজ স্বরূপোপলব্ধির বা মুক্তির নশ্বরতা প্রসঙ্গ উপস্থিত হইত এবং সেজন্য জীবের সংসারে গতাগতির আত্যস্তিক নিবৃত্তি হইত না। শাস্ত্রোপদেশের সার্থকতা তিরোহিত হইত। **অতএব, ইহা স্থির সিদ্ধান্ত যে, ভগবৎ প্রাপ্তি বা আত্মসাক্ষাৎকার লাভ বা স্বরূপাভিব্যক্তি কৰ্মজন্য নহে। মুণ্ডক শ্রুতির শিরোদেশে উদ্ধৃত ৩।২।৩ মন্ত্র ইহা সুস্পষ্টভাবে উল্লেখ করিয়াছেন।**

এখন প্রশ্ন উঠে যে, তবে সূত্রকার সূত্রে সংরাধনের প্রয়োজনীয়তা নির্দেশ করিলেন কেন? ইহার উত্তর এই যে, আরাধনার দ্বারা চিত্তমল অপসারিত হইলে ব্রহ্মস্বরূপ স্বতঃ প্রতিভাত হয়। চিত্তমল—অনাদিকাল হইতে অসংখ্য যোনিতে ভ্রমণকালীন কৃত কৰ্ম পরম্পরা হইতে উৎপন্ন—ইহা ২।১।২৩ ও ৩।১।৮ সূত্রে প্রতিপাদিত হইয়াছে। এই চিত্তমলই জীবের বেষ্টনী। যাহা কৰ্ম হইতে জাত, কৰ্মদ্বারা তাহার ধ্বংস সম্ভব বটে। সংরাধন রূপ বিশেষ কৰ্ম চিত্তমল অপসারণে প্রয়োজন। যেমন কোনও নির্মল দর্পণ মলসংস্পর্শে মলিনতা প্রাপ্ত হইলে, উহাতে প্রতিবিম্ব সুস্পষ্ট ভাবে পড়ে না; উহার স্বচ্ছতা পুনরানয়নের জন্য উহার উপরিভাগ সূক্ষ্ম বালুকাচূর্ণাদি দ্বারা ধীরে ধীরে ঘর্ষণরূপ বিশেষ কৰ্মের প্রয়োজন, লণ্ডাঘাতরূপ উৎকট কৰ্ম প্রয়োজনীয় নহে, সেইরূপ চিত্তমল অপসারণ করিয়া চিত্তকে স্বচ্ছ করিবার জন্য সংরাধন রূপ বিশেষ কৰ্মের প্রয়োজন।

সংরাধন অর্থ—ভক্তি, ধ্যান, প্রণিধানাদি অনুষ্ঠান। চিত্ত—ভক্তি ও ধ্যান দ্বারা বিনষ্টরাগ হইলে, তাহাতে প্রকৃষ্টরূপে ব্রহ্মভাব স্থাপন করার নাম প্রণিধান। এই ভক্তি, ধ্যান, প্রণিধান, নামজপ, নমস্কারাদি প্রভৃতি শাস্ত্রোক্ত অনুষ্ঠানে রত থাকার নাম সংরাধন। এই সংরাধনের দ্বারা চিত্তমল অপসারিত হইলেই ভগবন্ত্ব বা আত্মত্ব স্বতঃ উদ্ভাসিত হইয়া থাকে। ইহা স্বপ্রকাশ, স্বয়ং জ্যোতিঃ স্বরূপ। মলিন আবরণ ইহাকে আচ্ছাদিত করিয়া রাখিয়াছিল, ঐ আবরণ দূরীকৃত হইলেই স্বপ্রকাশ আত্মস্বরূপ স্নিগ্ধোজ্জলরূপে উদ্ভাসিত হইবে তাহার কথা কি? এ সম্বন্ধে শ্রুতি প্রমাণ শিরোদেশে উদ্ধৃত করা হইয়াছে।

এই সংরাধনের অনুষ্ঠান কি প্রকারে করিতে হয়, ভগবান গীতার উপসংহারে তাহা সুস্পষ্টভাবে বলিয়াছেন :—

মম্বনা ভব মন্তুকো মদ্যাজী মাং নমস্কুরু ।

মামেবৈষ্যসি সত্যং তে প্রতি জানে প্রিয়োহসি মে ॥ গীঃ ১৮।৬৫

সর্বধর্ম্যান্ পরিত্যজ্য মামেকং শরণং ব্রজ ।

অহং ত্বাং সর্বপাপেভ্যো মোক্ষয়িষ্যামি মা শুচঃ ॥ গীঃ ১৮।৬৬

—(ভগবান বলিতেছেন, হে অর্জুন!)—তুমি মদেকচিত্ত হইয়া একমাত্র আমারই ভক্ত হও, আমাকেই যজন বা উপাসনা কর, আমাকেই প্রণাম কর; তুমি আমাকে নিশ্চয়ই পাইবে, তুমি আমার প্রিয়, আমি তোমাকে ইহা সত্য প্রতিজ্ঞা করিয়া বলিতেছি। গীঃ ১৮।৬৫

—সমুদায় ধর্ম্যাধর্ম পরিত্যাগ করিয়া কেবলমাত্র আমারই শরণ গ্রহণ কর, আমি তোমাকে সমুদায় ধর্ম্যাধর্ম বন্ধনরূপ পাপ হইতে মুক্ত করিব, শোক করিও না। গীঃ ১৮।৬৬

সাধক! যদি জিজ্ঞাসা কর যে, ভগবানকে কোথায় খুঁজিয়া পাইব? তাহার উত্তর ভগবান নিজেই দিয়াছেন :—

ঈশ্বরঃ সর্বভূতানাং হৃদ্যেশেহর্জুন তিষ্ঠতি ।

ভ্রাময়ন্ সর্বভূতানি যদ্বাকৃঢ়ানি মায়ায়া ॥ গীতা ১৮।৬১

তমেব শরণং গচ্ছ সর্বভাবেন ভারত ।

ভৎ প্রসাদাৎ পরাং শান্তিং, স্থানং প্রাপ্যসি শাশ্বতম্ ॥

গীতা ১৮।৬২

—হে অর্জুন ! ঈশ্বর সর্বভূতের হৃদয়দেশে অন্তর্ধ্যামীরূপে অবস্থান করিয়া, নিজ মায়ীশক্তি দ্বারা সকলকে যন্ত্রারূঢ়ের স্থায় পরিচালিত করিতেছেন, জীবের স্বকীয় স্বাতন্ত্র্য কিছুমাত্র নাই। সর্বভাবে (কায়মনোবাক্যে) সেই হৃদয়স্থ ঈশ্বরের শরণ গ্রহণ কর, তাঁহার প্রসাদে পরাশক্তি এবং নিত্য শাস্ত্রত পরমপদ প্রাপ্ত হইবে। গীঃ ১৮।৬১-৬২

ইহাই সংরাধন। ইহার অণু মন্দির, মঠাদির প্রয়োজন নাই। সাজগোজ করিয়া কোথাও যাইবার প্রয়োজন নাই। আপনার নিভৃত হৃদয়-গুহায় ব্রহ্ম বা পরমাত্মা বা ভগবান আত্মাস্বরূপে অবস্থিত। তাঁহারই দ্বারা জীব সঞ্জীবিত ও ক্রিয়ানীল। সম্পূর্ণভাবে তাঁহার শরণ গ্রহণ করিলে, পরমার্থ সিদ্ধি হইয়া থাকে। একমাত্র ভক্তিই এই প্রকার শরণ গ্রহণের পক্ষে বিশেষ প্রয়োজনীয়। শ্রীমদ্ভাগবত বলিতেছেন :—

নালং দ্বিজত্বং দেবত্বমৃষিত্বাসুরাত্মজাঃ ।

প্রীণনায় মুকুন্দস্য ন বৃত্তং ন বহুজ্ঞতা ॥ ভাগঃ ৭।৭।৪৩

ন দানং ন তপো নেজ্যা ন শৌচং ন ব্রতানি চ ।

প্রীয়তেহমলয়া ভক্ত্যা হরিরণুদ্বিড়ম্বনম্ ॥ ভাগঃ ৭।৭।৪৪

—প্রহ্লাদ বলিতেছেন :—হে অসুর বালকগণ ! দ্বিজত্ব, দেবত্ব, ঋষিত্ব, সদ্ধকৃত বা বহুজ্ঞতা, কিছুই মুকুন্দ প্রীত্যর্থ সমর্থ হইতে পারে না।

—অপর দান, তপশ্চা, যজ্ঞ, শৌচ ও ব্রত এ সকলও ভগবানের প্রীতির কারণ নহে। কেবল নিষ্কাম ভক্তির দ্বারাই ভগবান প্রীত হইবেন। ভক্তি ভিন্ন অন্য সকল বিড়ম্বনা মাত্ৰ। ভাগঃ ৭।৭।৪৩-৪৪

ভক্তরাজ প্রহ্লাদ ভক্তির মহিমা কীর্তন করিবেন, ইহার বিচিত্রতা কি ? ঈশ্বরে “পরানুরক্তির” নাম ভক্তি—“ভক্তি পরানুরক্তিরীশ্বরে” (শাণ্ডিল্য সূত্র)। ভাগবত নিম্নোক্ত সাদৃশ্যেরে নিগূর্ণ বা অহেতুকী ভক্তির লক্ষণ নির্দেশ করিতেছেন :—

মদগুণশ্রুতিমাত্রেন যয়ি সর্বগুহাশয়ে

মনোগতিরবিচ্ছিন্না যথা গঙ্গাস্তাসোহস্বধৌ ॥ ভাগঃ ৩।২৯।১১

লক্ষণং ভক্তিয়োগস্য নিগূর্ণস্য হ্যাদাস্ততম্ । ভাগঃ ৩।২৯।১২ ॥

—আমার গুণ শ্রবণমাত্রে সমুদ্র অভিমুখে গঙ্গাজলের ধারাবাহিক অবিপ্রান্ত গতির স্থায়, সকলের হৃদয়গুহায় অবস্থিত আমার অভিমুখে ধারাবাহিক

অবিশ্রান্ত মনোগতিই নিগুণ ভক্তিব্যোগের লক্ষণ বলিয়া পণ্ডিতগণ কর্তৃক
কথিত হয়। ভাগঃ ৩।২৯।১১-১২

ভাগবতের উদ্ধৃত লক্ষণের ভিত্তিতে পূজ্যপাদ মধুসূদন সরস্বতী পাদ,
ঐহার “ভক্তি রসায়ন” গ্রন্থে ভক্তির লক্ষণ নির্দেশ করিয়াছেন :—

ক্রতশ্চ ভগবৎকর্মাঙ্কারাবাহিকাং গতা ।

সর্ব্বেশে মনসো বৃত্তির্ভক্তিরিত্যভিধীয়তে ॥ “ভক্তিরসায়ন” ১।৩

—ভগবানের গুণাবলি শ্রবণহেতু দ্রবীভূত মনের সর্ব্বেশ্বরে ধারাবাহিক
রূপে প্রবাহিত বৃত্তি বা চিন্তাপ্রবাহ—ভক্তি নামে কথিত হইয়া থাকে।

“ভক্তি রসায়ন” ১।৩

এই পরানুরক্তি বা ভক্তি ভক্ত ও ভগবানের ভেদ ঘুচাইয়া দেয়। অন্য
প্রকারে অলভ্য ভগবানকে সহজেই জানাইয়া, বুঝাইয়া ও পাওয়াইয়া দেয়।
ইহা ভক্তির প্রশংসাসূচক অর্থবাদ মাত্র নহে। উপনিষদের ভিত্তির উপরে
প্রতিষ্ঠিত গীতা ইহার সাক্ষ্য প্রদান করিতেছে। ভগবান বলিতেছেন :—

নাহং বেদৈর্নতপসা ন দানেন ন চেজ্যয়া । গীতাঃ ১।১।৫৩

ভক্ত্যা হনন্তয়া শক্য অহমেবংবিধোহর্জুন ।

জ্ঞাতুং দ্রষ্টুং চ তত্ত্বেন প্রবেষ্টুঞ্চ পরস্তপ ॥ গীতাঃ ১।১।৫৪

—বেদাধ্যয়ন, তপস্যা, দান, যজ্ঞাদি অহুষ্ঠানের দ্বারা আমাকে পাওয়া
যায় না। হে পরস্তপ অর্জুন! একমাত্র ভক্তি দ্বারাই এবিধ
আমাকে যথার্থরূপে জানিতে, দেখিতে এবং প্রবেশ করিতে পারে।

গীঃ ১। ৫৩-৫৪

শ্রীমদ্ভাগবত ইহার প্রতিধ্বনি করিয়া বলিতেছেন :—

ন সাধয়তি মাং যোগো ন সাজ্য্যং বোগ উদ্ধব ।

ন স্বাধ্যায়স্তপস্ত্যাগো যথা ভক্তির্মমোর্জিতা ॥ ভাগঃ ১।১।১৪।১৯

ভক্ত্যাহমেকয়া গ্রাহঃ শ্রদ্ধয়াত্মা প্রিয়ঃ সতাম্ ।

ভক্তিঃ পুনাতি মনিষ্ঠা স্বপাকানপি সম্ভবাৎ ॥ ভাগঃ ১।১।১৪।২০

—আমি মধিষয়ক দৃঢ় উজ্জল ভক্তি দ্বারা লভ্য হইয়া থাকি। কর্মযোগ,
জ্ঞানযোগ, যোগশাস্ত্রানুশীল, বেদাধ্যয়ন, তপস্যা, দান, যজ্ঞ প্রভৃতির
দ্বারা আমি সেরূপ লভ্য নহি। শ্রদ্ধাসহকৃত একমাত্র ভক্তি দ্বারাই,
সকলের আত্মা ও প্রিয়—আমি, সাধুদিগের প্রাপ্য হই। আমাতে

নিষ্ঠারূপ দৃঢ়া ভক্তি, জাতি দোষযুক্ত চণ্ডাল পর্য্যন্তও পবিত্র করে।
ভাগঃ ১১।১৪।১২-২০

সুতরাং বুঝিতে পারা গেল যে, সংরাধনে অনগ্রা ভক্তি সর্কাপেক্ষা অধিক প্রয়োজনীয়। কি প্রকারে সংরাধন করিতে হয়, তাহাও অতি সংক্ষেপে নিম্নোক্ত শ্লোকে উক্ত হইয়াছে:—

শৃংখতাং গদতাং শশ্বদর্চতাং ত্বাভিবন্দতাম্ ।

নৃণাং সংবদতামন্তুহৃদি ভাস্ত্রমলাত্ননাম্ ॥ ভাগঃ ১০।৮৬।৪৬

—যে ব্যক্তি আপনার নাম, লীলা, শ্রবণ বা কীর্তন করে, অথবা আপনার পূজা বা বন্দনা করে, কিংবা আপনার সহিত সর্বদা সংসর্গ করে, সেই অমলাত্না মনুষ্যের হৃদয়ে আপনি আত্মপ্রকাশ করেন। ভাগঃ ১০।৮৬।৪৬

—অগ্র পক্ষে, যাহারা সাংসারিক কর্মে বিক্ষিপ্তচিত্ত, তাহাদের হৃদয়ে অন্তর্যামীরূপে থাকিয়াও আপনি দূরস্থ থাকেন, কেননা, আপনি আত্মশক্তি অর্থাৎ অহঙ্কার, বুদ্ধি প্রভৃতি দ্বারা অগ্রাহ। আবার আপনার গুণ শ্রবণকীর্তনে অমলাত্না ব্যক্তিদিগের সমীপেই আপনি বিদ্যমান আছেন। ভাগঃ ১০।৮৬।৪৭

হৃদিস্থোহপ্যতিদূরস্থঃ কৰ্ম্মবিক্ষিপ্তচেতসাম্ ।

আত্মশক্তিভিরগ্রাহোহপ্যন্ত্যপেতগুণাত্ননাম্ ॥ ভাগঃ ১০।৮৬।৪৭

ভগবান, কি সাধু কি অসাধু, সকলের হৃদয়ে সমানভাবে অবস্থান করিয়া সকলের ইন্দ্রিয়গণের পরিচালনা করিতেছেন। এই পরিচালনা ব্যাপার যথেষ্ট রূপে হইতেছে না। তাহার প্রবর্তিত কর্মবাদ রূপ নিয়ম পরম্পরার দ্বারাই সংসাধিত হইতেছে। ইহা ২।৩।৪২ ও ৩।১।৮ সূত্রে প্রতিপাদিত হইয়াছে। জীবের অনন্তকোটি জন্ম পরম্পরায় উপার্জিত কর্মবীজই, ভূতসূক্ষ্মরূপে জীবের উপাধি নির্মাণ করে। এই উপাধির বেষ্টনাই, পরমাত্মার স্বরূপ, যাহা জীবের অন্তরে অন্তর্যামীরূপে স্বতঃসিদ্ধ আছে, তাহাকে আবরণ করিয়া থাকে। সংরাধনের দ্বারা এই আবরণ স্বচ্ছ, স্বচ্ছতর ও স্বচ্ছতম হইয়া থাকে। এই আবরণই চিন্তমল, ইহা উপরে বলা হইয়াছে। চিন্তমলের অপসারণে ক্রমশঃ যতই স্বচ্ছতাপ্রাপ্ত হয়, ততই ভগবন্ত্ব বা ভগবদ্রূপ (তুইই অভেদ) ক্রমশঃ স্ফুটতররূপে উদ্ভাসিত হইয়া উঠে। ইহাই এই সূত্রের প্রতিপাত্ত।

ভগবান কি সকলের নিকট একরূপেই আত্মপ্রকাশ করেন, তাহা হইলে উপাসনার বৈচিত্র্যানুসারে প্রাপ্তি-বৈচিত্র্য রহিল কৈ? শাস্ত্র বলিতেছেন, তাহা নহে। যে ব্যক্তি তাঁহাকে যেরূপে চান, তিনি তাঁহার নিকট সেইরূপেই প্রকটিত হন। গীতায় ভগবান স্পষ্টাক্ষরে বলিয়াছেন :—“যে যথা মাং প্রপত্তন্তে তাং স্তথৈব ভজাম্যহম্”। (গী: ৪।১১)—“যে ব্যক্তি আমাকে যে প্রকারে ভজন করে, আমি তাহাকে সেই প্রকারে প্রতিভজন করিয়া থাকি।” ভাগবতও এই কথাই বলিয়াছেন :—

ত্বং ভক্তিয়োগপরিভাবিতহৃদসরোজ

আস্মৈ শ্রুতেক্ষিতপথো ননু নাথ পুংসাম্ ।

যদ্যদ্বিয়া ত উরুগায় বিভাবয়ন্তি

তত্তদপুঃ প্রণয়সে সদনুগ্রহায় ॥ ভাগ: ৩।৯।১১

১।২।৩০ সূত্রের আলোচনায় (পৃ: ৫৪৯) ইহার অর্থ দেখয়া হইয়াছে।

এই প্রসঙ্গে ৩।২।৫ সূত্রের আলোচনায় উদ্ধৃত ভাগবতের ১।১।৩৪১ শ্লোক দ্রষ্টব্য (পৃ: ১২৩৬)।

“সংরাধন” পদের অর্থ শঙ্করভাষ্য এবং তাহার ভামতী টীকা হইতে উপরে লিখিত হইয়াছে। শ্রীমদ্ভাগবত এ সম্বন্ধে কি বলেন, দেখা যাউক।

ভাগবত বলিতেছেন যে, শ্রীভগবানে ভক্তি বা আরাধনা নয় প্রকারে হইতে পারে, যথা :—

শ্রবণং কীর্তনং বিষ্ণোঃ স্মরণং পাদসেবনম্ ।

অর্চনং বন্দনং দাস্যং সখ্যমাঅনিবেদনম্ ॥ ভাগ: ৭।৫।১৮

ইতি পুংসর্পিতা বিষ্ণৌ ভক্তিশ্চেন্নবলক্ষণা ।

ক্রিয়েত ভগবত্যঙ্কা তন্মন্ত্ৰেহধীতমুক্তমম্ ॥ ভাগ: ৭।৫।১৯

—(হিরণ্যকশিপু প্রহ্লাদকে তাঁহার অধ্যয়নের কথা জিজ্ঞাসা করিলে, প্রহ্লাদ উত্তরে বলিতেছেন, পিতা: ! আপনি আমার ‘অধ্যয়নের কথা জিজ্ঞাসা করিতেছেন?)—বিষ্ণুর শ্রবণ, কীর্তন, স্মরণ, পাদসেবন, অর্চন, বন্দন, দাস্য, সখ্য এবং আঅনিবেদন, এই নবলক্ষণা ভক্তি যদি ভগবান্ বিষ্ণুতে সমর্পিত হয়, তাহাই সকল অধ্যয়নের সার্থকতা।

এই নবলক্ষণা ভক্তির সবগুলির একসঙ্গে অনুষ্ঠানের প্রয়োজন নাই। যে কোনও একটি অনুষ্ঠিত হইলেই সমুদায় পুরুষার্থসিদ্ধি হইয়া থাকে। উদাহরণ স্বরূপ একটি প্রাচীন মহাজন কৃত শ্লোক উদ্ধৃত হইল। ইহা জীব গোশ্বামী তাঁহার উপরে উদ্ধৃত শ্লোকের ক্রমসন্দর্ভ টীকায় উদ্ধৃত করিয়াছেন। শ্লোকটি এই :—

শ্রীবিষ্ণোঃ শ্রবণে পরীক্ষিতভবৎ বৈয়াসকিঃ কীর্তনে,

প্রহ্লাদঃ স্মরণে তদজিঘ্র ভজনে লক্ষ্মীঃ পৃথুঃ পূজনে ।

অক্রুরস্তুভিবন্দনে কপিপতির্দাম্বে সখ্যে অর্জুনঃ

সর্বস্বান্নিবেদনে বলিরভূৎ কৃষ্ণাশ্চিরেষাং পরম্ ॥

—শ্রীভগবান বিষ্ণুর নাম ও লীলা শ্রবণে পরীক্ষিতের, কীর্তনে শুকদেবের, স্মরণে প্রহ্লাদের, পাদসেবনে লক্ষ্মীর, অর্চনায় বা পূজায় পৃথুর, সম্যক বন্দনে অক্রুরের, দাম্বে কপিপতি হনুমানের, সখ্যে অর্জুনের, এবং আপনার সহিত সর্বস্ব নিবেদনে বলির ভগবদপ্রাপ্তি হইয়াছিল।

অতএব, উক্ত নব লক্ষণা ভক্তির যে কোনও একটির ঐকান্তিক অনুষ্ঠান করিলেই সর্বার্থ সিদ্ধি হইয়া থাকে। যাহার যে প্রকার ভাব, যে প্রকার অধিকার, তিনি সেই প্রকারে শ্রীভগবানের “সংরাধন” করিয়া ধন্য হইতে পারেন।

• জীব, শ্রীভগবানের বড়ই প্রিয়। জীবের জন্মই শ্রীভগবানের ভগবানত্ব। প্রলয়ে প্রপঞ্চলয়ে, যখন সমুদায় আত্মস্থ করিয়া, তিনি স্বরূপে আত্মানন্দে অবস্থান করেন, তখন তিনি, আর যাহাই হউন, সমগ্র ঐশ্বর্য্য বীৰ্য্যাদির একমাত্র আশ্রয় ভগবান্ নন। প্রপঞ্চের আবির্ভাবের এবং তদন্তর্ভুক্ত জীবসৃষ্টির পরই তাঁহার ভগবত্ত্ব। তখনই তাঁহার স্বগতভেদ বর্জিত আনন্দময় মূর্তির আবির্ভাব। দৃশ্যতঃ চক্ষুঃ কর্ণাদি ইন্দ্রিয়সম্পন্ন হইলেও, উহারা তাঁহার দেহের আত্মগত ভেদজনক নহে। যোগমায়ার প্রভাবে ঐ প্রকার দৃশ্যমান হয় মাত্র। এ তত্ত্ব পূর্বে প্রতিপাদন করা হইয়াছে। তখনই তিনি শুদ্ধ জীবচৈতন্য কৌশলরূপে এবং উক্ত শুদ্ধ জীবচৈতন্যের প্রভা শ্রীবৎসরূপে, হৃদয়ে ধারণ করিয়া জগতের পানী তাপীর নিকট প্রকট করিতেছেন, যে, হে জীবগণ, তোমরা আমার বড়ই প্রিয়, আমার বন্ধে ধারণ করিবার বস্তু। অজ্ঞানাত্ম হইয়া

যতই পাপ কর না কেন, আমি কি তোমাদের ছাড়িয়া থাকিতে পারি ? একবার “শ্রী গোবিন্দ” বলিয়া একাগ্রভাবে ডাকিলেই ত, আমি করুণাময়, আনন্দঘন মূর্তিতে তোমাদের সমক্ষে উদ্ভাসিত হই। তোমাদের লইয়াই ত আমার ভগবত্তা, ঈশ্বরত্ব। তোমরা কি জান না, আমি ভক্তাধীন। ভক্ত, আমার স্বাতন্ত্র্য হরণ করিয়া, আমাকে তাহাদের আজ্ঞাধীন, খেলার পুতুল মাত্র করিয়া আনন্দ পায় এবং তাহাতেই আমার অত্যধিক আনন্দ। এই আনন্দ উপভোগের জগুই ত সৃষ্টি। আমি আত্মারাম ও আপ্তকাম বটে। কিন্তু ভক্তের কাছে, তাহার ভক্তির জোরে, আমি আমার স্বরূপ বিশ্বতের মত হইয়া পড়ি, এবং ভক্ত যদৃচ্ছাক্রমে আমাকে নিয়োগ করে। তোমরা কি জাননা যে, ভক্তকে বাড়াইবার জগু, ভক্তের প্রতিজ্ঞা সম্পূরণের জগু, আমি কুরুক্ষেত্র সমরে আমার নিজের প্রতিজ্ঞা বিশ্বত হইয়া রথচক্র ধারণ করতঃ ভীষ্মকে বধ করিবার জগু ধাবমান হইয়াছিলাম ? তোমরা হইলেই বা পাপী তাপী। আমার ব্রত কি তোমরা জান না ? যে ব্যক্তি এক বার “হে ভগবন্! আমি তোমার” বলিয়া আমাকে আশ্রয় করে, আমি তাহাকে সর্বদা অভয় দান করিয়া থাকি। ইহা ত লঙ্কা-সমরের জগু সমুদ্রতটে সমবেত কপিসৈন্যের সম্মুখে আমারই উক্তি। “সকৃদেব প্রপন্নায় স্তবাস্মীতি চ যাচতে। অভয়ং সর্বথা তস্মৈ দদাম্যে-তদব্রতং মম ॥” (অধ্যাত্ম-রামায়ণ লঙ্কাকাণ্ড ৩ অঃ ১২ শ্লোক) তোমরা তাহাই একবার করিয়া দেখ না, শাস্তি শাও কি না ? সংসার-তাপ নিবারণ হয় কিনা ? আমার বাক্যের সাক্ষী স্বরূপ, দেখিতেছ না, আমি সমষ্টি জীবচৈতন্যকে অমূল্যভূষণ স্বরূপ বক্ষে ধারণ করিয়া আছি।

কৌস্তভব্যপদেশেন স্বাত্মজ্যোতির্বিভর্ত্যজঃ ।

তৎপ্রভাব্যাপিনী সাক্ষাৎ শ্রীবৎসমুরসা বিভুঃ ॥ ভাগঃ ১২।১১।৭

—বিভু—সর্বব্যাপী ভগবান—অজ, কৌস্তভহলে শুদ্ধ জীবচৈতন্য, এবং তাহার সর্বদিকে বিচ্ছুরিতা প্রভা সাক্ষাৎ শ্রীবৎসরূপে বক্ষে ধারণ করিয়া আছেন। ভাগঃ ১২।১১।৭

তোমরা কি জাননা যে, আমার ভক্ত অশ্বরীষের অবমাননার জগু, যখন

আমরাই দুর্ভাগ, অপ্রতিহত শক্তি সূদর্শন দুর্ভাগ্যের পশ্চাৎকার করে, তখন ঋষি ত্রিজগতে কোথাও আশ্রয় না পাইয়া আমরাই শরণাপন্ন হন, তখন আমি কি বলিয়াছিলাম? তখন আমি তাঁহাকে বলিয়াছিলাম :—

অহং ভক্তপরাধীনো হৃদয়তন্ত্র ইব দ্বিজ ।

সাধুভির্গ্ৰাস্তহৃদয়ো ভক্তৈর্ভক্তজনপ্রিয়ঃ ॥ ভাগঃ ৯।৪।৪৬

ময়ি নির্বন্ধহৃদয়াঃ সাধবঃ সমদর্শনাঃ ।

বশে কুব্ধস্তি মাং ভক্ত্যা সংশ্রিয়ঃ সম্পতিং যথা ॥ ভাগঃ ৯।৪।৪৮

সাধবো হৃদয়ং মহ্যং সাধুনাং হৃদয়স্তহম্ ।

মদন্তুস্তে ন জানস্তি নাহং তেভ্যো মনাগপি ॥ ভাগঃ ৯।৪।৪৯

—“হে দ্বিজ! আমি ভক্ত পরাধীন, স্তবরাং অস্তবস্তবের তুল্য। ভক্তজন আমার অতি প্রিয়। এ কারণ সাধু ভক্তেরা আমার হৃদয় গ্রাস করিয়া রহিয়াছে। ভাগঃ ৯।৪।৪৬।

—সর্বত্র সমদর্শী সাধুগণ আমার প্রতি স্ব স্ব হৃদয় বন্ধন করিয়া, যেমন সাধ্বী স্ত্রী সম্পতিকে বশীভূত করে, সেইরূপ আমাকে স্ব স্ব বশতাপন্ন করিয়াছে। ভাগঃ ৯।৪।৪৮।

—যে সকল পুরুষ আমাতে স্ব স্ব হৃদয় অর্পণ করিয়া থাকে, আমি তাহাদিগের হৃদয় অবগত আছি। তাহারা আমা ব্যতীত অন্য কাহাকেও জানে না, আমিও তাহাদের ব্যতীত কিছু জানি না।” ভাগঃ ৯।৪।৪৯।

ভক্ত ও ভগবানের সম্বন্ধ কত মধুর, কত ঘনিষ্ঠ, কত প্রাণারাম, তাহা বুঝা গেল। পরস্পর পরস্পরকে সম্পূর্ণ অপেক্ষা করে। একমাত্র অদ্বিতীয়, নিরপেক্ষ, ভগবান আপনার স্বরূপ বিস্মৃত হইয়া পড়েন। ভক্ত যেমন ভগবানকে আকাজক্ষা করেন, ভগবানও সেইরূপ ভক্তকে আকাজক্ষা করেন। ভক্ত ও ভগবান—তড়িতের ঋণাত্মক ও যোগাত্মক কেন্দ্রের মত। উভয়ে উভয়ের আগ্রহ, আকাজক্ষা, আনন্দ বৃদ্ধির কারণ। এই প্রেমের খেলা শ্রীভগবানের সংকল্পবশতঃই হইয়া থাকে। জীবজগতে আদর্শ প্রতিষ্ঠাই উদ্দেশ্য মনে হয়। ভক্ত তাঁহার “দিব্য মায়ী বিনোদের” একটি শ্রেষ্ঠতম উপকরণ। ক্রমশঃ এ তত্ত্ব বিশদ ও পরিষ্কৃত হইবে। উপরে যাহা লিখিত হইয়াছে, তাহা হইতে বুঝা গেল, যে, সংরাধনে শ্রীভগবদর্শন বা আত্মতত্ত্বের—অন্য কথায় ভগবদ্বক্তার অপরোক্ষানুভূতি

—কিছুমান আশ্চর্যের বিষয় নহে। ইহা ভগবানের সংকল্প বা নিয়ম অনুসারেই সংসাধিত হয়। ইহা হইয়া থাকে বলিয়াই হয়।

নির্বিশেষ তত্ত্বের “সংরাধন” হইতে পারে না। অতএব সিদ্ধ হইল যে, শ্রীভগবানে নির্বিশেষ-সবিশেষ উভয়ভাবই বিদ্যমান, এজন্য তিনি উভয় সিদ্ধক।

পূর্বপক্ষ আপত্তি উত্থাপন করিতেছেন :—উপরে প্রথমে বলিলে যে, “ভগবৎ প্রাপ্তি বা আত্মসাক্ষাৎকার বা স্বরূপাভিব্যক্তি কৰ্মজন্ম নহে”—তার পরেই বলিলে যে, “যাহা কৰ্ম হইতে জাত, কৰ্মদ্বারা তাহার ধ্বংস সঙ্গত বটে”। এই দুই উক্তিই সঙ্গত হইতে পারে না। “সংরাধনে” ভগবৎ প্রাপ্তি হয়, ইহা প্রতিপাদন করা এই সূত্রের উদ্দেশ্য। অতএব জিজ্ঞাসা করি “সংরাধন” কৰ্ম পর্যায়ে পড়ে কিনা? যদি পড়ে, তবে তাহা ভগবৎপ্রাপ্তির উপায় বলা সঙ্গত হয় কি?

ইহার উত্তরে সিদ্ধান্তবাদী বলিতেছেন :—যদি আমার বিচার ভালো করিয়া বুঝিতে, তাহা হইলে, আপত্তির কারণ খুঁজিয়া পাইতে না। আমি সুস্পষ্ট ভাবে বলিয়াছি যে, চিত্তমল কালনেই সংরাধনের উপযোগিতা। ভগবত্ত্ব বা আত্মত্ব—স্বতঃসিদ্ধ, স্বপ্রকাশ। চিত্তমল যাহা উহার আবরণ ছিল, তাহা কালিত হইলেই উহা স্বতঃ উদ্ভাসিত হইয়া থাকে। উক্ত উদ্ভাসন সংরাধন রূপ কৰ্মজন্ম নহে। যাহা স্বতঃসিদ্ধ ও স্বপ্রকাশ—তাহা অপর কিছুর দ্বারা-জন্ম বিরূপে হইবে?

“সংরাধন” কৰ্মের জ্ঞাপক সংজ্ঞার অন্তর্ভুক্ত বটে, তাহাতে সন্দেহ নাই। ভগবান গীতায় ৪।১৭ ও ৪।১৮ শ্লোকে কৰ্মতত্ত্বের সংক্ষেপ আলোচনা করিয়াছেন। তদনুসারে কৰ্ম তিনি তিন ভাগে বিভক্ত করিয়া, কৰ্ম, অকৰ্ম ও বিকৰ্ম আখ্যায় আখ্যায়িত করিয়াছেন। কৰ্ম ও বিকৰ্ম সম্বন্ধে এ প্রসঙ্গে বলিবার প্রয়োজন মনে করিনা। অকৰ্ম সম্বন্ধে কিছু বলা প্রয়োজন মনে করি। অনেকে মনে করেন যে অকৰ্ম অর্থ, কৰ্মের অভাব—ইংরাজীতে “Negation of Karma” বলা চলে—তুমি পূর্বপক্ষ হয়ত, তাই মনে কর। কিন্তু উহা দারুণ ভ্রম। অকৰ্ম-অভাবাত্মক নহে, উহা গূঢ় ভাবাত্মক। পূজ্যপাদ শ্রীধর স্বামী ৪।১৮ শ্লোকের ব্যাখ্যায় বলিতেছেন যে, “যিনি পরমেশ্বরানাথক কৰ্মকে অকৰ্ম—সুতরাং বন্ধহেতু নয় দেখেন—তিনি বুদ্ধিমান।” গোপাল পূর্বতাপনি ঐতিহ্যস্বরে বলিতেছেন “ভক্তিরশু ভজনম্।...এতদেব চ নৈকশ্যম্”।

সংরাধন ত ভগবদারাধনা—সুতরাং গীতার ভাষায় উহা “অকর্ম” ও গোপাল পূর্ব তাপনীর ভাষায় উহা “নৈকর্মা”। ভগবান শঙ্করাচার্য্য নিয়োক্ত শ্লোকে ইহাকে “অক্রিয়া” আখ্যায় আখ্যায়িত করিয়া, ইহাই “পরাপূজা” বলিয়াছেন। শ্লোকটি এই :—

অনিচ্ছব পরং পদং অক্রিয়ৈব পরাপূজা ।

অচিন্তৈব পরং ধ্যানং মোনমেব পরং তপঃ ॥

লক্ষ্য করা প্রয়োজন যে, উপরে কথিত “অকর্ম” বা “নৈকর্ম”—উভয় কর্মের ব্যাপক সংজ্ঞায় অন্তর্ভুক্ত হইলেও, উহারা বন্ধনাত্মক নহে, বরং অগ্রপক্ষে বন্ধন হইতে মুক্তিবিধানের ক্ষমতা রাখে। কিন্তু কর্ম (শাস্ত্রবিহিত কর্ম) বা বিকর্ম (শাস্ত্র নিষিদ্ধ কর্ম) উভয়েই বন্ধনাত্মক—প্রথমটির বন্ধন—স্বর্ণশৃঙ্খলে, দ্বিতীয়টির লৌহ শৃঙ্খলে হইলেও, বন্ধন ত বটে।

উপরে ভগবান শঙ্করাচার্য্যের যে শ্লোকটি উক্ত হইয়াছে, উহা স্পষ্টতঃ প্রকাশ করিতেছে যে, (১) অনিচ্ছা ও পরমপদ, (২) অক্রিয়া ও পরাপূজা, (৩) অচিন্তা ও পরমধ্যান এবং (৪) মোন ও পরমতপ—ইহারা পরম্পরের সহিত পরম্পরের সমানাধিকরণ সম্বন্ধ। অর্থাৎ অনিচ্ছা বা পরমপদও তাই। অক্রিয়া বা নৈকর্ম বা, পরাপূজাও তাই। অগ্রপক্ষে পরমপদ প্রাপ্তিতে ইচ্ছার উদ্রেক অসম্ভব। পরাপূজা—অক্রিয়ামাত্র।

ভিত্তি :—

- ১। “অস্থূল, অনণু, অহৃষ্ম...” ইত্যাদি। (বৃহঃ ৩।৮।৮)
- ২। “ধ্যাননির্ম্মথনাভ্যাসাদ্ দেবং পশ্চোন্নিগূঢ়বৎ ॥” (শ্বেতাঃ ১।১৪)

—পুনঃ পুনঃ ধ্যানরূপ মন্বনের সাহায্যে স্বপ্রকাশ পরমাআকে নিগূঢ় অগ্নির কাষ্ঠ ঘর্ষণ সাহায্যে প্রকাশের গায় দর্শন করিবে। (শ্বেতাঃ ১।১৪)

সংশয় :—সংরাধনে ভগবদর্শন লাভ হয় বলিলে। কিন্তু লৌকিক এমন ত দেখা যায় যে, একজন সমস্ত জীবন ঈশ্বর আরাধনায় যাপন করিলেও, ভগবদর্শন লাভ করিতে পারে না, ইহার কারণ কি? ইহার উত্তরে সূত্র :—

সূত্র :—৩।২।২৫।

প্রকাশাদিবচ্চার্বৈশেষ্যং প্রকাশশ্চ কর্ম্মণ্যভ্যাসাৎ ॥ ৩।২।২৫ ॥

প্রকাশাদিবৎ + চ + অবৈশেষ্যং + প্রকাশঃ + চ + কর্ম্মণি

+ অভ্যাসাৎ ॥

প্রকাশাদিবৎ :—সূর্য্য, অগ্নি, আলোক ইত্যাদির গায়। চ :—ও।

অবৈশেষ্যং :—অবৈলক্ষণ্য। প্রকাশঃ :—প্রকাশ। চ :—ও। কর্ম্মণি :

—কর্ম্মেতে। অভ্যাসাৎ :—পুনঃ পুনঃ অহুশীলন প্রযুক্ত।

সূর্য্য যেমন স্বপ্রকাশ—নিজেকে এবং অপর সমুদায় বস্তুকে প্রকাশ করে, কিন্তু একটি দৃঢ়বদ্ধ মুগ্গয় বা প্রস্তরময় পাত্রে অস্তুর ভাগে অবস্থিত একটি পতঙ্গকে প্রকাশ করিতে পারে না, কিন্তু একটি ঐকপী দৃঢ়বদ্ধ কাচ পাত্রে অস্তুর ভাগ ও তাহাতে স্থিত পতঙ্গটিকেও প্রকাশ করে ; যেহেতু একটি দৃঢ়বদ্ধ মুগ্গয় বা প্রস্তরময় পাত্রে অস্তুরে একটি দীপ রাখিলে, উহার আলোক বাহিরে প্রকাশিত হয় না, কিন্তু উহা ঐরূপ একটি দৃঢ়বদ্ধ কাচ পাত্রে মধ্যে রাখিলে, তাহার আলোক প্রকাশিত হয়, পরমাআও সেই প্রকার, কোনও বৈলক্ষণ্য নাই। তিনি স্বপ্রকাশ এবং সর্বব্যাপী। জীবের উপাধির স্বচ্ছতার ও মলিনতার উপর, তাহার প্রকাশ বা উপলব্ধি নির্ভর করে। তিনি সর্বত্র সমান অব্যভিচারী ভাবে প্রকাশিত আছেন। জীব যদি প্রস্তরময় পাত্রে অস্তুরের অবস্থানের গায় অতি মলিন উপাধির পরিবেষ্টনে বদ্ধ থাকে, তবে তাহার উপলব্ধি করিতে পারে না। এই মলিনতা নষ্ট করিবার উপায়, পুনঃ পুনঃ

অনুশীলন দ্বারা উপাধির স্বচ্ছতা সম্পাদন করা—দর্পনের মলিনতা দূর করিবার জন্ত সূক্ষ্ম বালুকাদি-চূর্ণ দ্বারা, উহার উপরিভাগ ধীরে ধীরে পুনঃ পুনঃ ঘর্ষণের দ্বারা—ইহা পূর্ব সূত্রালোচনায় কথিত হইয়াছে। যেমন কোন কাচাবরণের মধ্যে একটি দীপ রাখিয়া দিলে, কাচাবরণটি ধূমে, ধূলায় বা অন্যান্য আগন্তুক মলিন দ্রব্যের সংস্পর্শে মলিনত্ব প্রাপ্ত হইলে, দীপের জ্যোতিঃ সম্পূর্ণভাবে প্রকাশিত হয় না, সম্পূর্ণ প্রকাশের জন্ত উক্ত কাচাবরণের পুনঃ পুনঃ ঘর্ষণাদি সংস্কারের দ্বারা উক্ত মলিনত্ব দূরীকরণ প্রয়োজন হয়, সেইরূপ পুনঃ পুনঃ শ্রবণ, কীর্তন প্রভৃতির অনুশীলন দ্বারা জীবের উপাধির স্বচ্ছতা সম্পাদন প্রয়োজনীয়। ঐহাদের পূর্বজন্মের কর্মজনিত অনুশীলনে পূর্ব হইতেই উপাধির স্বচ্ছতা সম্পাদিত হইয়াছে, তাঁহারা ইহজন্মেই ভগবদর্শন লাভ করেন, দেখা যায়। আর ঐহাদের তাহা হয় নাই, তাঁহাদের ঐ স্বচ্ছতা সম্পাদনের জন্ত এক জীবনের কেন একাধিক জীবনের সমুদায় প্রচেষ্টার প্রয়োজন। কত শত শত জন্মের সম্মিলিত গাঢ় মলিনত্ব উপাধিতে স্তূপীকৃত রহিয়াছে, উহা কি সহজে দূরীভূত করা যায়? উহা দূরীভূত হইলেই স্বয়ম্প্রকাশ পরমাত্মার প্রাণারাম মধুময় জ্যোতিঃ স্বতঃ উদ্ভাসিত হইয়া উঠিবে। তাঁহার উক্তরূপ প্রকাশের কোনও প্রকার ইতর বিশেষ নাই। অগ্নি, যেমন উপাদান করণ কাষ্ঠদির বৃদ্ধি-হ্রাস, স্থূল-সূক্ষ্মাদির কারণে বৃহৎ, ক্ষুদ্র, স্থূল, সূক্ষ্ম আকারে প্রকাশিত হয়, পরমাত্মার প্রকাশের সেরূপ বৃহৎ-ক্ষুদ্র, স্থূল-সূক্ষ্ম ভেদ নাই। তিনি সর্বত্র সম। উপাধি তাঁহার স্বরূপ প্রকাশের পক্ষে উপযুক্ত হইলেই, তিনি পূর্ণরূপে উপলব্ধ হইয়া থাকেন। জীবের অন্তরতম উপাধি আনন্দময় কোশ, উহা স্বরূপতঃ স্ফটিকের দ্বারা স্বচ্ছ। উহার মলিনত্ব কর্মজনিত আগন্তুক। এই আগন্তুক মলিনতা “সংরোধন” রূপ কর্ম দ্বারা দূরীভূত করিতে হয়। যাহা কর্মজন্ত, তাহা কর্মমাণ্ড হওয়াই সম্ভব বটে। এই প্রকার দূরীকরণেই উপাসনার শাস্ত্রীয় উপদেশের সার্থকতা।

পূর্বে প্রতিপাদিত হইয়াছে, তিনিই একমাত্র সত্যের সত্য— পরমার্থ সত্য। সত্য নানা প্রকার হইতে পারে না। যদি অজ্ঞানী ব্যক্তি নানাত্ব দর্শন করেন, তাহা ঘটাকাশ ও মহাকাশের দ্বারা, বায়ু বায়ু ও দেহস্থ বায়ুর দ্বারা, এবং জলস্থর্য ও আকাশস্থ সূর্যের ভেদ দর্শনের দ্বারা, ভ্রান্তি দর্শন মাত্র। ভাগঃ ১২।৪।২৯

ন হি সত্যশ্চ নানাধর্মবিদ্বান্ যদি মন্বতে ।

নানাধ্বং ছিদ্ৰয়োর্ধ্বজ্জ্যাতিষোর্বাতয়োরিব ॥ ভাগঃ ১২।৪।২৯

এই প্রসঙ্গে ২।১।২৩ সূত্রের আলোচনায় উদ্ধৃত (পৃ: ৭২৭-২৮) ভাগবতের ১২।৪।৩১ ও ১২।৪।৩২ শ্লোক দুইটি দ্রষ্টব্য। উহাদের অর্থও সেখানে দেওয়া হইয়াছে। গ্রন্থ বিস্তার ভয়ে এখানে পুনরুদ্ধার করিতে বিরত হইলাম।

পূর্বপক্ষ আপত্তি উত্থাপন করিতেছেন :—যদি সত্যের নানাধ্ব নাই, তবে ৩।২।২২ সূত্রের আলোচনায় “সত্যশ্চ সত্যং”, “সত্যং পরং ধীমহি” প্রভৃতি শ্লোকাংশের উল্লেখ করিয়া আপেক্ষিক সত্যতা এবং পরম সত্যতার প্রতিষ্ঠার চেষ্টা করিলে কেন? সত্য যখন সর্বদেশে সর্বকালে এক, তখন “সত্যং পরং” রূপে ভগবত্ত্বের উল্লেখ সম্ভব হয় কি?

ইহার উত্তরে সিদ্ধান্তবাদী বলিতেছেন যে, ইহার আলোচনা পরে চতুর্থ অধ্যায়ে করা হইবে। এখানে এইমাত্র বলিয়া রাখি যে, ব্রহ্মাতিরিক্ত কিছুই নাই। সর্বত্র, সর্ববস্তুতে ব্রহ্মদর্শনই প্রকৃত দর্শন—অন্যপ্রকার দর্শন ভ্রান্তিদর্শন। ব্রহ্মই একমাত্র সত্য—অন্য যাহা কিছু সত্য বলিয়া অবভাসিত হয়, তাহা সত্য স্বরূপ ব্রহ্মে প্রতিষ্ঠিত বলিয়া। এই অবভাসমান সত্যকে আচার্য্যগণ আপেক্ষিক সত্য বলিয়া নির্দেশ করিয়াছেন। ভগবান শঙ্করাচার্য্য এই আপেক্ষিক সত্যতার অঙ্গীকার করেন নাই। এই সত্যতা সত্যস্বরূপ ব্রহ্মে আরোপিত হওয়ার প্রতিভাসমান সত্য হইলেও ইহা সর্বকালসত্ত্বাক সত্য নহে বলিয়া তিনি মিথ্যা বলিয়াছেন। আচার্য্যগণের মতভেদ শব্দগত পরিভাষা লইয়া। বস্তুগত ভেদ সামান্য মাত্র। জগতে যাহা সত্য বলিয়া প্রতীয়মান হইতেছে, তাহার সত্যতা ব্রহ্ম হইতে প্রাপ্ত বলিয়া, উহার আপেক্ষিক সত্যতা স্বীকারে হানি কি? আপেক্ষিক সত্যতা স্বীকার করিলেই সত্যস্বরূপ ব্রহ্মকে পরম সত্য বলিয়া নির্দেশ করিতে হয়। যাহা হউক আমরা মূল বিষয়ানুসরণে অগ্রসর হই।

পরমাত্মা চিরকাল স্বতঃসিদ্ধই আছেন। তিনি নির্বিকার, সর্বব্যাপী, অতিসূক্ষ্ম, তাঁহাকে গ্রহণ করা যায় না এবং ইচ্ছা করিলেই ত্যাগ করা যায় না। অজ্ঞান তাঁহার স্বরূপ আবরণ করিয়া তাঁহার উপলক্ষিত প্রতিবন্ধকতাচরণ করে মাত্র। জ্ঞান দ্বারা অজ্ঞান বিনষ্ট হইলেই তিনি স্বতঃই উদ্ভাসিত হন।

পূৰ্বং গৃহীতং গুণকৰ্মচিহ্ন-

মজ্ঞানমাঅন্যবিবিক্তমঙ্গ ।

নিবৰ্ত্ততে তৎ পুনরীক্ষয়ৈব

ন গৃহতে নাপি বিসৃজ্য আত্মা ॥ ভাগঃ ১১।২৮।৩৪

—বদ্ধাবস্থায় গুণ ও কর্মে বিচিত্র এবং আত্মার অধ্যাসের দ্বারা গৃহীত অজ্ঞান, জ্ঞান দ্বারা নিবৃত্ত হয়, কিন্তু আত্মা কখনও গ্রাহ্য নহেন, ত্যাজ্যও নহেন । ভাগঃ ১১।২৮।৩৪

যথা হি ভানোরুদয়ো নৃচক্ষুযাঃ

তমো নিহন্যন্নতু সন্ধিধন্তে ।

এবং সমীক্ষা নিপুণা সতী মে

হন্যাত্তমিস্রং পুরুষস্য বুদ্ধেঃ ॥ ভাগঃ ১১।২৮।৩৫

—সূর্য্যোদয় কি কোনও নূতন পদার্থ সৃষ্টি করে? তাহা ত করে না। উহা লোকের চক্ষুর আবরক অন্ধকার মাত্র নষ্ট করিয়া পূর্ব হইতে বর্তমান বস্তুজাতকে প্রকাশ করে মাত্র। সেইরূপ ব্রহ্মদর্শন বা জ্ঞান, বুদ্ধির ভ্রমাকার নষ্ট করিয়া, পূর্ব হইতে স্বতঃসিদ্ধ আত্ম স্বরূপকে প্রকাশ করে মাত্র । ভাগঃ ১১।২৮।৩৫

এই ব্রহ্মদর্শন লাভ কি প্রকারে হয়, তাহার উত্তরে শ্রীমদ্ভাগবত বলিতেছেন :—

প্রোক্তেন ভক্তিয়োগেন ভজতো মাসকৃনুনেঃ ।

কামা হৃদয্যা নশ্যন্তি সর্বেষ ময়ি হৃদি স্থিতে ॥ ভাগঃ ১১।২০।২৯

ভিগুতে হৃদয়গ্রন্থিচ্ছিগুস্তে সর্বসংশয়াঃ ।

ক্ষীয়ন্তে চাস্ম্য কৰ্ম্মাণি ময়ি দৃষ্টেহখিলাঅনি ॥ ভাগঃ ১১।২০।৩০

—পূর্বোক্ত ভক্তিয়োগ দ্বারা যে মুনি আমাকে নিরন্তর ভজনা করেন, তাঁহার হৃদয়ে আমি বিরাজমান থাকাতে, তাঁহার হৃদয়স্থিত সমুদায় কামনা বিনষ্ট হয়। আমি অখিলাত্মা। আমাকে দর্শন করিলে, হৃদয়-গ্রন্থি (অহঙ্কার) ভেদ হইয়া যায়, সমুদায় সংশয় তিরোহিত হয়, এবং কর্ম-সকল ক্ষয় প্রাপ্ত হয়। ভাগঃ ১১।২০।২৯-৩০

উপরে সংশয় উত্থাপন করা হইয়াছে যে, কোনও কোনও ব্যক্তি' চির জীবন ভগবদারাধনায় যাপন করিলেও ভগবদর্শন লাভ করিতে পারে না, তাহার কারণ কি? ইহার সমাধান হৃদয়ঙ্গম করিবার জন্য আরও একটু আলোচনা প্রয়োজন। শ্রীমদ্ভাগবতের একাদশ স্কন্ধে ২৫ অধ্যায়ে শ্রীভগবান্ এ বিষয়ে আলোচনা নিজেই করিয়াছেন। তিনি বলিয়াছেন যে, লোকে যে সকল কার্য্য করে, তাহা হয় সাত্ত্বিক, নয় রাজসিক, নয় তামসিক—ইহাদের কোনও না কোনটির অন্তর্ভুক্ত হইবেই হইবে। সাত্ত্বিক কর্ম্মের ফল স্বর্গাদি সুখভোগ, রাজসিক কর্ম্মের ফল দুঃখ-সুখ মিশ্র ভোগ, তামসিক কর্ম্মের ফল অজ্ঞান। ইহাদের কোনটিই ব্রহ্মজ্ঞান লাভের সাধন নহে। যদি ব্রহ্মজ্ঞান লাভ প্রয়োজন হয়, তবে উক্ত গুণত্রয়ের অতীত বা নিগুণ হইতে হইবে। নিগুণ না হইলে, অশ্রু কথায় নিষ্কামভাবে কর্ম্ম না করিলে, ভক্তিয়োগ প্রাপ্তি ঘটে না এবং ভক্তিয়োগ প্রাপ্তি না হইলে ব্রহ্মভাব প্রাপ্তি বা ব্রহ্মদর্শন ঘটে না। সংসারে কয়জন লোক গুণ-সম্বন্ধ রহিত হইয়া কর্ম্ম করিয়া থাকেন? তাহাদের সংখ্যা যে অতি অল্প, তাহাতে সন্দেহ নাই। এজন্য, অতি অল্প লোকের ভাগেই ব্রহ্মদর্শন বা আত্মজ্ঞান লাভ ঘটে। অধিকাংশ লোকেই উহা লাভ করিতে পারেন না। শ্রীমদ্ভাগবতের ভাষায় উক্ত তত্ত্বটি বুঝিবার চেষ্টা করা যাউক :—

দ্রব্যং দেশঃ ফলং কালো জ্ঞানং কর্ম্ম চ কারকঃ ।

শ্রদ্ধাবস্থা কৃতিনিষ্ঠা ত্রৈগুণ্যঃ সর্ব্ব এব ইহ ॥ ভাগঃ ১১।২৫।২৯

সর্ব্বৈ গুণময়া ভাবাঃ পুরুষাব্যক্তধিষ্ঠিতাঃ ।

দৃষ্টং শ্রুতমনুধ্যাতং বুদ্ধ্যা চ পুরুষধম ॥ ভাগঃ ১১।২৫।৩০

এতাঃ সংসৃতয়ঃ পুংসো গুণকর্ম্মনিবন্ধনাঃ ।

যেনেমে নির্জিহ্বতাঃ সৌম্য গুণা জীবেন চিত্তজাঃ ॥

ভক্তিয়োগেন মন্নিষ্ঠো মদ্ভাবায়োপপদ্যতে ॥ ভাগঃ ১১।২৫।৩১

—দ্রব্য, দেশ, ফল, কাল, কর্ম্ম, কর্তা, শ্রদ্ধা, অবস্থা, আকৃতি, নিষ্ঠা ইত্যাদি সমুদায়ই এইরূপ ত্রিগুণাত্মক জানিবে। হে পুরুষশ্রেষ্ঠ! এতদ্ভিন্ন দৃষ্ট, শ্রুত, বুদ্ধিবিবেচিত ও প্রকৃতি পুরুষাধিষ্ঠিত সমুদায় পদার্থই ত্রিগুণাত্মক জানিবে। লোকদিগের সম্বন্ধে গুণকর্ম্ম নিবন্ধন সংসার বন্ধন কথিত হইল। যে জীব আমাতে নিষ্ঠা করতঃ ভক্তিয়োগ সাধন দ্বারা অন্তঃকরণ

সম্ভূত এই সকল গুণকে জয় করিতে পারে, সে মন্নিষ্ঠ হইয়া আমার ভাব প্রাপ্ত হয় । ভাগঃ ১১।২৫।২২-৩০-৩১ ।

ত্রিগুণ জয় করিবার উপায় সম্বন্ধে বলিতেছেন :—

প্রথমে সত্ত্বগুণের সেবা দ্বারা রজঃ ও তমঃ গুণকে জয় করিতে হইবে । তারপর উপশমাত্মক সত্ত্বের দ্বারা ক্রিয়াত্মক সত্ত্বকে জয় করতঃ ত্রিগুণমুক্ত হইয়া, জীবোপাধি লিঙ্গ শরীর পরিত্যাগ পূর্বক আমাতে সম্পন্ন হইবে । লিঙ্গ শরীর হইতে ও উপাধি সম্ভূত গুণত্রয় হইতে বিনির্মুক্ত জীব ব্রহ্মস্বরূপ আত্মা দ্বারা পূর্ণ হইয়া আর বহির্বিষয় ভোগে বা আন্তরিক তৎস্মরণ বিষয়ে বিচরণ করিবে না । ভাগঃ ১১।২৫।৩৩-৩৪-৩৫ ।

রজস্তমশ্চাভিজয়েৎ সত্ত্বসংসেবয়া মুনিঃ ॥ ভাগঃ ১১।২৫।৩৩

সত্ত্বধাভিজয়েদ্ যুক্তো নৈরপেক্ষেণ শাস্ত্বধীঃ ।

সম্পদ্যতে গুণৈর্মুক্তো জীবো জীবং বিহায় মাম্ ॥ ভাগঃ ১১।২৫।৩৪

জীবো জীবেন নির্মুক্তো গুণৈশ্চাশয়সম্ভবৈঃ ।

ময়ৈব ব্রহ্মণা পূর্ণো ন বহির্নাস্তরং চরেৎ ॥ ভাগঃ ১১।২৫।৩৫

সুভরাং, “সংরাধন” যত সহজ মনে করা হয়, তত নহে । সমুদায় গুণবদর্পনই সহজ উপায় ।

এই প্রসঙ্গে ২।১।২৩ শ্লোকের আলোচনায় উদ্ধৃত (পৃঃ ৮০৫) ভাগবতের ১১।২।৩৪ শ্লোক দ্রষ্টব্য ।

[মধ্বাচার্য্য ও বলদেব এই সূত্রটিকে বিভাগ করিয়া দুইটি পৃথক সূত্র রূপে অর্থ করিয়াছেন । অষ্টাশ্র আচার্য্যগণ এক সূত্ররূপে গ্রহণ করায়, আমরা তাহাই করিয়াছি ।]

ভিত্তি :—

- ১। ৩।২।২৪ সূত্রের শিরোদেশে উদ্ধৃত মুণ্ডক শ্রুতির ৩।২।৩ ও কঠ শ্রুতির ২।১।১ মন্ত্র ।
- ২। ৩।২।২৩ সূত্রের শিরোদেশে উদ্ধৃত মুণ্ডক শ্রুতির ৩।১।৮ ও কঠ শ্রুতির ২।৬।৯ মন্ত্র ।
- ৩। “অরে ! ইদং মহত্ত্বতমনস্তমপারং বিজ্ঞানঘন এব ।”

(বৃহদারণ্যকঃ ২।৪।১২)

—অরে মৈত্রৈয়ি ! এই পরমাত্মা নিত্যসিদ্ধ, মহৎ, অনন্ত, অপার ও বিজ্ঞানঘনই । (বৃহঃ ২।৪।১২)

সংশয় :—পরমাত্মা যখন সর্বব্যাপী, তখন তাঁহার বিশেষ বিশেষ অভিব্যক্তি কি প্রকারে সম্ভব ? অভিব্যক্তির অর্থ ত পরিচ্ছিন্নতা । সর্বব্যাপীর পরিচ্ছিন্নতা কি প্রকারে হইতে পারে ? এবং তাঁহার সবিশেষ ভাবই বা কি প্রকারে হইতে পারে ? বিশেষ যদি তাঁহাতে যুক্ত হইয়া তাঁহাকে অপার হইতে পৃথক করিল, তাহা হইলে তাঁহার সর্বব্যাপিত্ব, একমেবাদ্বিতীয়ত্ব ব্যাহত হইল না কি ? দৃশ্যমান আকাশ ত সর্বব্যাপী বলিয়া প্রসিদ্ধ । উহার কি বিশেষ আছে ? কলিকাতার আকাশ এক প্রকার এবং ঢাকার আকাশ অন্য প্রকার—ইহা কি কেহ কখনও দেখিয়াছে ? মেঘাদি আগন্তুক কারণে সাময়িক বিশেষ ভাব পরিলক্ষিত হইতে পারে বটে, কিন্তু তদ্বারা আকাশের পরিচ্ছিন্নতা বা সবিশেষ ভাব সাধিত হয় না । অতএব, তোমার সিদ্ধান্ত কি প্রকারে গ্রহণ করিব ? ইহার উত্তরে সূত্র :—

সূত্র :—৩।২।২৬ ।

অতোহনন্তেন তথাহি লিঙ্গম্ ॥ ৩.২।২৬ ॥

অতঃ + অনন্তেন + তথা + হি + লিঙ্গম্ ॥

অতঃ :— এই সকল কারণে, অর্থাৎ পূর্বোক্ত যুক্তি বিচারাদি হেতু ।

অনন্তেন :—অনন্ত গুণ, ভাব, রূপ, শক্তি ব্রহ্মে থাকায় । তথাহি :—সেইরূপই ।

লিঙ্গম্ :—চিহ্ন প্রমাণ—শ্রুতি-স্মৃতি প্রমাণ ।

বৃহদারণ্যক শ্রুতির শিরোদেশে উদ্ধৃত ২।৪।১২ মন্ত্রাংশে “অনন্তমপারং”, বিশেষণ স্পষ্টতঃ উল্লেখ আছে। তাঁহাতে অনন্ত ভাব, অনন্ত গুণ, অনন্ত রূপ, ও অনন্ত শক্তি বর্তমান। আবার তিনি “সত্য সংকল্প”, (দেখ ৩।২।১১ সূত্রের শিরোদেশে উদ্ধৃত ছাঃ ৮।১।৫ মন্ত্র)। সুতরাং তাঁহার সংকল্পানুগারে তিনি ইচ্ছামত গুণ, ভাব, রূপ, শক্তি প্রকটিত করেন। ইহাতে কোনও বিরোধের আশঙ্কাই নাই। সুওক শ্রুতি ৩।১।৮, ৩।২।৩ এবং কঠ শ্রুতির ২।১।১, ২।৬।৯ মন্ত্রে স্পষ্টই উল্লেখ আছে যে, তিনি সাধকের হৃদয়ে অভিব্যক্ত হন। “অভিব্যক্তি” বলিলেই সবিশেষ ভাব স্বতঃই হৃদয়ে জাগরুক হয়। সুতরাং যদিও তিনি স্বরূপে নির্বিশেষ, সাধকের কল্যাণার্থে সবিশেষও বটে। অন্তএব তিনি যে “উত্তম-লিঙ্গক” এবং সাধনানুসারে তাঁহার অভিব্যক্তি হইয়া থাকে, ইহা প্রতিপাদিত হইল।

রামপূর্বতাপিনী শ্রুতিতে স্পষ্ট উল্লেখ আছে :—

চিন্ময়শ্চাধ্বিতীয়শ্চ নিফলশ্চাশরীরিণঃ ।

উপাসকানাং কার্যার্থং ব্রহ্মণো রূপকল্পনা ॥ (রাম পূঃ তাঃ ৭)

—চিন্ময়, অধ্বিতীয়, পূর্ণ, অশরীরি ব্রহ্মের রূপ কল্পনা উপাসকগণের উপাসনা সৌকর্যের জন্ম। রাঃ পূঃ তাঃ ৭।

তিনি সর্বব্যাপী, অধ্বিতীয় ও অনন্ত। যদি তিনি কোনও বিশেষরূপ পরিগ্রহ করিতে না পারেন, বা বিশেষ শক্তি প্রকটন করিয়া সবিশেষ ভাব গ্রহণ করার সম্ভাবনা তাঁহাতে না থাকে, তাহা হইলে তিনি “অনন্ত” বলায় কোনও অর্থ থাকিতে পারে না। অনন্ত হইলেই, তাঁহার ভাব, গুণ, শক্তি, রূপ প্রভৃতি সমুদায় অনন্ত হওয়াই সম্ভব।

আপত্তিতে যে ‘আকাশ’ দৃষ্টান্ত দিয়াছ, উহা প্রযোজ্য নহে। আকাশ ত অচেতন, উহার সংকল্প শক্তি নাই। সুতরাং পরমাত্মার বিধানে, আকাশ যেরূপে সৃষ্ট হইয়াছে, সেইরূপে থাকিতে উহা বাধ্য। তিনি সর্বজ্ঞ ও সর্ববিৎ। সর্বলের হৃদয়ে অবস্থান করিয়া, প্রত্যেকের হৃদয়ভাব অবগত হইতেছেন এবং প্রত্যেকের সাধনানুযায়ী কল্যাণকর বিধান করিতেছেন। কিন্তু পরমাত্মা বা ভগবান স্বতন্ত্র, সত্যসংকল্প, তাঁহার ইচ্ছাশক্তি অপ্রতিহত। সুতরাং, তাঁহার পক্ষে সমুদায় সম্ভব। আকাশের পক্ষে যাহা অসম্ভব, তাঁহার পক্ষে তাহা অসম্ভব হইবার কোনও হেতু নাই।

গীতার ৪।১ : শ্লোকে শ্রীভগবান্ নিজমুখেই বলিয়াছেন :- “যে যথার্থ
মাং প্রপশ্যন্তে তাংস্তথৈব ভজাম্যহম্ ।” — “যে আমাকে যে প্রকারে ভজনা
করে, আমিও তাহাকে সেই প্রকারে প্রতিভজন করিয়া থাকি ।” অতএব,
যে ভক্ত তাঁহার প্রাণারাম দুর্বাদলশ্রাম যুক্তি দর্শনের অভিলাষী হইয়া ভজনা
করেন, তিনি তাঁহাকে সেই যুক্তি পরিগ্রহ করিয়া দর্শন দেন । আবার যে
জ্ঞানী তাঁহার নিত্য-ভুক্ত-বুদ্ধ-মুক্ত স্বভাবই চিন্তা করিয়া সমাধিমগ্ন থাকেন, তিনি
তাঁহার নিকট আপনার নিৰ্বিশেষ ভাবের পরিচয় দিয়া তাঁহাকে ব্রহ্মানন্দে
বিভোর করিয়া রাখেন । তিনি অনন্ত বলিয়া সকলই তাঁহার নিকট সম্ভব ।

এই প্রসঙ্গে ৩।২।২৪ সূত্রের আলোচনায় উক্ত ভাগবতের ৩।২।১১ শ্লোকটির
প্রতি পুনরায় দৃষ্টি আকর্ষণ করি ।

জগতের অনন্ত বৈচিত্র্য প্রত্যক্ষসিদ্ধ । একই গাছের অসংখ্যপত্র-
পুষ্পের মধ্যে কোনও দুইটি সম্পূর্ণ এক নহে । এক জাতীয় দুইটি পক্ষী
সম্পূর্ণ একপ্রকার নহে । কোনও দুইটি মানুষের আকৃতি, প্রকৃতি, স্বর,
হাতের লেখা, বসিবার, দাঁড়াইবার বা হাঁটিবার ভঙ্গী এক প্রকার নহে ।
বাহ্যিক ব্যাপারে যেমন অনন্ত বৈচিত্র্য, মানসিক ব্যাপারেও তাই । কোনও
দুইটি মানুষ একই বিষয় একই রূপে চিন্তা করে না । চিন্তা, ধ্যান, ধারণা
সমুদায়ই প্রত্যেকের পৃথক্ । শ্রীভগবান্ অনন্ত বলিয়া—তাঁহার ভাব, রূপ,
গুণ, শক্তি প্রভৃতি অনন্ত বলিয়া—জীবের অসংখ্য জন্মার্জিত কর্ম জন্ম
ফল অনন্ত প্রকারে প্রকারিত হইবার বিপক্ষে কোনও প্রকার প্রতি-
বন্ধকতার সম্ভাবনা না থাকায়, এই অনন্ত বৈচিত্র্যের অবকাশ । সেই
এক কারণেই, তাঁহার অনন্ত ভাবের, অনন্ত রূপের অভিব্যক্তি, যাহাতে
সকলের অনন্ত বৈচিত্র্য তাঁহাতে পরিসমাপ্তি লাভ করিবার বিরুদ্ধে
কোনও প্রকার অন্তরায় না থাকে । এই জগত্ই হিন্দুগণের তেত্রিশ
কোটি বা অসংখ্য দেবতার পরিকল্পনা । এই জগত্ই ভিন্ন ভিন্ন মতবাদ ।
এই জগত্ই শাস্ত্রোক্তি—যে সমুদায় মতবাদের পরিসমাপ্তি তাঁহাতেই ।
এই জগত্ই মহারাজ পরীক্ষিতের সন্দেহ যে, অনির্দেশ্য নিগূর্ণ
ব্রহ্ম কি প্রকারে গুণ সম্বন্ধ বিশিষ্ট সগুণ স্রষ্টিগোচর হন ? (ভাগবত,
১০।৮।১১) । এবং এই জগত্ই ইহার উত্তর, যে, যখন তিনি নিজশক্তি
মায়ায় সহিত ঞ্জীড়া করেন, অর্থাৎ যখন তিনি নিজের শক্তি অভিব্যক্ত

করেন, অশ্ব কথায় শক্তিমানরূপে সविशेषभाव পরিগ্রহ করেন, তখনই তিনি গুণ-সম্বন্ধ বিশিষ্ট ঋতির নির্দেশ্য হয়েন। “তে কচিদজ্ঞরাঅনা চ চরতোহনুচরেম্নিগমঃ” (ভাগঃ ১০।৮৭।১৪), এবং এই জন্মই উপসংহারে বলিতেছেন :—

নমস্তস্মৈ ভগবতে কৃষ্ণায়ামলকীর্তয়ে ।

যো ধত্তে সৰ্বভূতানামভবায়োশতীঃ কলাঃ ॥ ভাগঃ ১০।৮৭।৪৬

—সেই অমল কীর্তি ভগবান্ শ্রীকৃষ্ণকে প্রণাম করি, সৰ্বভূতের সংসার মোচনার্থ যিনি কমনীয় অংশকলা ধারণ করিয়াছেন।

ভাগঃ ১০।৮৭।৪৬

শ্রীমদ্ভাগবত শ্রীকৃষ্ণকে সেই পরমতত্ত্ব রূপে গ্রহণ করিয়া পুরাণ প্রণয়ন করিয়াছেন, এবং প্রথমেই বলিয়া রাখিয়াছেন :—“এতে চাংশকলাঃ পুংসঃ কৃষ্ণস্ত ভগবান্ স্বয়ম্ ।” (ভাগঃ ১।৩।২৮)। অর্থাৎ, “অবতারগণের মধ্যে কেহ কেহ পরম পুরুষের অংশ, কেহ কেহ বা তাঁহার বিভূতি, কিন্তু শ্রীকৃষ্ণ সাক্ষাৎ পূর্ণব্রহ্ম ভগবান্”। সুতরাং শ্রীমদ্ভাগবতে শ্রীকৃষ্ণেরই সৰ্বভূতের মঙ্গলার্থ “কমনীয় অংশকলা” ধারণের উল্লেখ সঙ্গতই হইয়াছে। পূর্বে ২।৩।১৭ শ্লোকে প্রতিপাদিত হইয়াছে যে, সমুদায় নাম মূখ্যরূপে ব্রহ্মেরই বাচক ; সুতরাং পরমতত্ত্বকে শ্রীকৃষ্ণ, শ্রীরাম, হরি, দুর্গা, শিব, কালী—যে নামেই অভিহিত করা হউক না কেন, তাহাতে কিছুই ক্ষতিবৃদ্ধি নাই। যে নামে সম্পূর্ণ ব্রহ্মভাব মনে জাগরুক হয়, সেই নামই নাম-উপাসকের গ্রহণীয়। শ্রীমদ্ভাগবতকারের এবং শ্রীমদ্ভাগবত অনুশীলনকারীগণের মনে শ্রীকৃষ্ণ নামের সঙ্গে সঙ্গে সম্পূর্ণ ব্রহ্মভাব উদয় হয়। এজন্য ভাগবত পন্থানুসারীগণের পক্ষে উক্ত নামই গ্রহণীয়। বেদান্ত কোনও বিশেষ নামের পক্ষপাতী নহেন। তিনি তত্ত্ব প্রতিপাদনে নিযুক্ত। তত্ত্ব প্রতিপাদন করিয়া সাধকগণকে নিজ নিজ মতি, বুদ্ধি, প্রকৃতি, ভাব, অভিকীচি অনুসারে ইষ্ট নির্দ্বারগে স্বতন্ত্রতা প্রদান করিয়াছেন এবং এই স্বতন্ত্রতা পরিচালন সর্ব সময় সম্ভব নয় বলিয়া ব্রহ্মজ্ঞ গুরুর আশ্রয় গ্রহণ করিবার উপদেশ দিয়াছেন।

যাহা হউক, ভগবান্ অনন্ত, তাঁহার শক্তি অনন্ত, এ সম্বন্ধে ভাগবত বলিতেছেন :—

নাস্তং বিদাম্যহমমী মুনয়োহগ্রজাস্তে

মায়াবলস্য পুরুষস্য কুতোহবরা যে ।

গায়ন্ গুগান্ দশশতানন আদিদেবঃ

শেষোহধুনাপি সমবস্যাতি নাস্য পারম্ ॥

ভাগঃ ২।৭।৪০

—ব্রহ্মা নারদকে বলিতেছেন :—হে নারদ ! তোমার অগ্রজ মুনিগণ সনকাদি, আমি স্বয়ং সৃষ্টিকর্ত্তা ব্রহ্মা, আমরাও সেই পরম পুরুষ ভগবানের মায়া শক্তির অন্ত জানিতে পারি নাই, পশ্চাৎজাত ব্যক্তির কিরূপে জানিবে ? আদিদেব অনন্ত সহস্র বদনে অনন্তকাল তাঁহার গুণগান করিয়াও অত্যাধি তাহার পার প্রাপ্ত হন নাই ।

ভাগঃ ২।৭।৪০

—যিনি জ্ঞানৈক স্বরূপ, প্রকৃতির পারে প্রপঞ্চের বাহিরে অবস্থিত, অদৃশ্য, অব্যক্ত, অনন্তপার—অর্থাৎ কালতঃ ও দেশতঃ অপরিচ্ছিন্ন হইয়াও জীবের অন্তর্ধ্যামী নিয়ন্তরূপে তাহার অন্তরে বর্ত্তমান আছেন, ধীর ব্যক্তিগণ যোগরূপ উপায় দ্বারা তাঁহার ভজনা করিয়া থাকেন । ভাগঃ ৮।৫।১৮

য একবর্ণং তমসঃ পরং তৎ

অলোকমব্যক্তমনন্তপারম্ ।

আসাধ্কারোপসুপর্ণমেন-

মুপাসতে যোগরথেন ধীরাঃ ॥ ভাগঃ ৮।৫।১৮

এখানে স্পষ্ট দেখা গেল যে, একই শ্লোকে নির্বিশেষ ও সবিশেষ ভাব উক্ত হইয়াছে । নিম্নোক্ত শ্লোকটিও ঐ তত্ত্ব প্রকাশ করে :—

নমস্তভ্যমনস্তায় দুর্বিতর্ক্যাঙ্কশ্মণে ।

নিগুণায় গুণেশায় সত্ত্বস্য চ সাম্প্রতম্ ॥ ভাগঃ ৮।৫।৩২

—আপনি অনন্ত, নিগুণ অথচ গুণেশ, সাম্প্রতি সত্ত্ব আপনার স্বভাব ও চেষ্টিত দুর্বিতর্ক্য । আমরা কেবল আপনাকে প্রণাম করি ।

ভাগঃ ৮।৫।৩২

এজগুই যখন পুঁতনা নিদ্রিত শিশু শ্রীকৃষ্ণকে কোড়ে লইল, ভাগবত বলিতেছেন :—“অনন্তমারোপয়দহমন্তকম্,” (ভাগঃ ১০।৬।৭)—নিজের

অনন্তক স্বরূপ সেই অনন্তকে অঙ্কে স্থাপন করিল। যদি সবিশেষ ও নির্বিশেষ-
ভাব, মূর্ত ও অমূর্তভাব, একাধারে, এককালে বর্তমান না থাকিবে তবে “অনন্তকে
অঙ্কে আরোপণ” রূপ বাক্য প্রলাপ বাক্য মাত্রে পর্যাবসিত হইবে।
কিন্তু ভাগবতকার প্রলাপোক্তি করেন নাই। তিনি তাঁহার অপরোক্ষানুভূতি
লক্ষ সত্য, ভাষায় প্রকাশ করিয়াছেন মাত্র। ভগবানে উভয় ভাবই তুল্য রূপে
বর্তমান, ইহা তিনি প্রত্যক্ষ উপলব্ধি করিয়াছিলেন। তাঁহাতে বিরোধের
অস্তিত্ব নাই। সমুদায় বিরোধের পরিসমাপ্তি তাঁহাতে। অনন্ত বলিয়া, তাঁহাতে
সমুদায়ই সম্ভব।

এ সম্বন্ধে শ্রীমদ্ভাগবতে একটি সুন্দর উপাখ্যান আছে। শ্রীকৃষ্ণের ষোড়শ-
সহস্র মহিষী। একজন মাত্র পুরুষের এতগুলি স্ত্রী লইয়া সংসার যাত্রা নির্বাহ
কি প্রকার ইহা জানিতে কোতূহলী হইয়া নারদ একদা ষারকায় আগমন
করেন। তিনি প্রথমে কুন্সিনী দেবীর গৃহে গমন করিয়া দেখিলেন যে, শ্রীকৃষ্ণ
সেখানে পর্যাক্ষেপরি উপবিষ্ট আছেন, এবং দেবী তাঁহাকে ব্যঞ্জন করিতেছেন।
নারদকে দেখিয়া শ্রীকৃষ্ণ ব্যস্তসমস্ত ভাবে গাত্রোত্থান করিয়া, তাঁহার অভ্যর্থনা ও
পূজা করিলেন। সেখান হইতে বিদায় গ্রহণ করিয়া নারদ অন্য গৃহে গিয়া
দেখিলেন যে, শ্রীকৃষ্ণ তাঁহার মহিষী ও উদ্ধবের সহিত অক্ষক্রীড়া করিতেছেন।
সেখানে শ্রীকৃষ্ণ নারদকে যেন প্রথম দেখিয়াই, তাঁহার কুশল প্রশ্নাদি জিজ্ঞাসা
ও অর্চনাদি করিলেন। নারদ কিছু না বলিয়া, তৃতীয় মহিষীর গৃহে গমন
করতঃ দেখিলেন যে, শ্রীকৃষ্ণ শিশুপুত্রকে আদর করিতেছেন, শ্রীকৃষ্ণ তাঁহাকে যেন
প্রথম দেখিয়াই কুশল প্রশ্নাদি জিজ্ঞাসা ও পূজা অর্চনাদি করিলেন। এইরূপে চতুর্থ
মহিষীর গৃহে, দেখিলেন, শ্রীকৃষ্ণ স্নানের উদ্যোগ করিতেছেন, পঞ্চম মহিষীর গৃহে
পঞ্চ মহাযজ্ঞ করিতেছেন, কোথাও বা ব্রাহ্মণভোজন করাইয়া নিজে ভোজন
করিতেছেন। কোনও গৃহে বাগ্‌যত হইয়া সঙ্কোচাপাসনা, কোথাও বা পরব্রহ্মের
ধ্যান করিতেছেন। কোথাও বা অসিচর্ম্ম লইয়া ক্ষত্রিয়োচিত ব্যায়ামে নিযুক্ত,
কোনও গৃহে বন্দীগণ কতৃক সূর্যমান হইয়া পর্যাক্ষে শয়ান, কোথাও মন্ত্রীগণের
সহিত মন্ত্রণায় ব্যাপৃত, কোথাও দ্বিজগণকে গোদানে তৎপর, কোথাও বা
ইতিহাস পুরাণাদি শ্রবণে নিবিষ্ট। কোনও গৃহে মহিষীর সহিত বিশ্রান্তালাপ
করিতেছেন। কোথাও ধর্ম্মকার্য্য অনুষ্ঠান করিতেছেন, কোথাও বা অর্থ ও
কাম্য বস্তু সংগ্রহের চিন্তা করিতেছেন। কোনও গৃহে গুরু শুশ্রূষা করিতেছেন।
কোথাও কাহারও সহিত কলহে নিযুক্ত। কোনও স্থানে কাহারও সহিত
সন্ধি করিতেছেন। কোথাও বা বলদেবের সহিত উপবেশন করিয়া সাধুগণের

মঙ্গল চিন্তা করিতেছেন। কোনও মহিষীর গৃহে পুত্র কন্যার বিবাহের ব্যবহার অতি ব্যস্ত। কোথাও বা কন্যা পুত্রগণকে মহা সমারোহে স্বস্তর গৃহে প্রেরণ বা তথা হইতে আনয়ন করিতেছেন। কোথাও বা যজ্ঞ দ্বারা দেবগণের যজন করিতেছেন। কোথাও বা অশ্বারোহণে যুগয়ায় যাত্রা করিতেছেন। প্রত্যেক গৃহেই শ্রীকৃষ্ণ প্রাকৃত সংসারীর জায় দৈনন্দিন পারিবারিক কার্যের অনুষ্ঠানে ব্যাপৃত দেখিতে পাইলেন। প্রত্যেক গৃহেই শ্রীকৃষ্ণ নারদকে যেন প্রথম দর্শন করিয়াই, তাঁহার কুশল প্রশ্নাদি জিজ্ঞাসা ও অর্চনাদি করিলেন।

ভাগ: ১০।৬২।১১-২০

প্রকৃতপক্ষে নারদ দেখিলেন যে, যতগুলি মহিষী, শ্রীকৃষ্ণ ততগুলি শ্রীকৃষ্ণ মূর্তি পরিগ্রহ করিয়া, তাঁহাদিগের সহিত বিভিন্ন কৰ্মানুষ্ঠানে ব্যাপৃত আছেন। ইহা অনন্তবীৰ্য্য শ্রীকৃষ্ণের যোগমায়ার প্রভাব হইতে উৎপন্ন। নারদ যোগমায়ার এ প্রকার অচিন্ত্য প্রভাব দর্শন করিয়া বিস্ময়াপন্ন হইলেন।

ভাগবত বলিতেছেন :—

কৃষ্ণশ্রীমদ্বীৰ্য্যস্য যোগমায়ামহোদয়ম্ ।

মুহূৰ্দ্ধৃষ্টা ঋষিরভূদ্বিশ্মিতো জাতকৌতুকঃ ॥ ভাগ: ১০।৬২।৪২

এই যে যুগপৎ বিভিন্ন মূর্তি ধারণ, ইহা অনন্তের পক্ষে কিছুমাত্র আশ্চর্য্যের বিষয় নহে। তাঁহার শক্তি অনন্ত, তাহার অত্যন্ত বিকাশেই ইহা সহজেই হইয়া থাকে। স্মরণ রাখিতে হইবে, যে এই মূর্তিভেদ দ্বারা শক্তিভেদ বা পূর্ণতার কিছুমাত্র ব্যত্যয় হয় না। সকলই সমান পূর্ণ। একটি দীপ হইতে অন্য একটি দীপ প্রজ্জ্বলিত করিলে প্রথম দীপটির তেজের বা উজ্জ্বলতার ইতর বিশেষ হয় না। ইহাও সেইরূপ। প্রপঞ্চের বাহিরের বস্তু, যাহা অনন্ত, তাহা চিরপূর্ণ। পূর্ণের পক্ষে অংশ, ভাগ সম্ভব নহে। অংশ, ভাগ করনা করিলে, পূর্ণতার হানি সংঘটিত হয়। যোগমায়া প্রভাবে একই বস্তু বিভিন্ন রূপে প্রতীয়মান হয় মাত্র। “প্রতীয়মান” বলায় কেহ যেন বুঝিবেন না যে, ঐ রূপ সকল মায়িক, সে কারণ মিথ্যা। মায়ী তাঁহার বহিরঙ্গা শক্তি। উক্ত শক্তি বিকাশে যাহা প্রকটিত হয়, তাহাকেই “মায়িক” বলা যাইতে পারে, তাহা মিথ্যা কি সত্য, সে বিচারে প্রয়োজন নাই। কিন্তু যোগমায়া, ভগবানের অন্তরঙ্গা বা স্বরূপশক্তি, ইহা পূর্বে একাধিক বার বলা হইয়াছে। যোগমায়া বিকাশে প্রকটিত রূপ, তাঁহার স্বরূপ হইতে অভিন্ন—একারণ নিত্য—শুদ্ধ—বুদ্ধ—মুক্ত—সত্য স্বরূপ। এই ভঙ্গের প্রতি লক্ষ্য করিয়াই শ্রুতি গাহিয়াছেন :—

ঔ পূর্ণমদঃ পূর্ণামিদং পূর্ণাং পূর্ণমুদচ্যতে ।

পূর্ণস্য পূর্ণমাদায় পূর্ণমেবাবশিষ্যতে ॥ (বৃহঃ ৫।১।১)

এই শ্রুতিমন্ত্রের অর্থ বড়ই গভীর । সরলার্থ করিতে গিয়া ইহার ভাব প্রকাশ করিতে অসমর্থ হইয়া, ইহার গৌরব হানি করিব না । যাহারা উচ্চ গণিত আলোচনা করিয়াছেন, তাঁহারা জানেন যে গণিতোক্ত যোগ বিয়োগের সাধারণ নিয়ম— $১+১=২$, $১-১=০$ —অনন্তে প্রযুক্ত হইতে পারে না, $অনন্ত+অনন্ত=অনন্ত$, $অনন্ত-অনন্ত=অনন্ত$, ইহা গণিতের সঙ্কেতানুসারে লিখিলে $∞+∞=∞$, $∞-∞=∞$ । ইহা অনন্তের গুণ বা ধর্ম । অনন্তের অনন্তদৃষ্ট-ধর্ম পূর্বে ১।১।৩ সূত্রের ব্যাখ্যায় (পৃঃ ২৪৫-২৫২) সংক্ষেপে আলোচনা করা হইয়াছে, সেখানে বেতার সংবাদ গ্রাহক যন্ত্রের সাহায্যে আমরা সমকালে একই বস্তুর সর্বব্যাপিত্ব ও কূটস্থত্ব কি প্রকারে সম্ভব, তাহা বুঝিবার প্রয়াস পাইয়াছি । আমরা আরও বুঝিয়াছি যে, অনন্তের প্রত্যেক বিন্দু শ্রুত্যানুক্রমিক চিরপূর্ণ সংস্করণের সমগ্র ভাব ও শক্তিসহ “অনুপ্রবেশের” প্রপঞ্চগত দৃষ্টান্ত । পূজাপাদ গোড়পাদাচার্য্য মাণ্ড্যকারিকায় ২৯ সংখ্যক মন্ত্রে পরমতত্ত্বকে “অমাত্রোন্নন্তমাত্রশ্চ” বলিয়া তাঁহার—একাধারে—কূটস্থত্ব ও সর্বব্যাপিত্ব নির্দেশ করিয়াছেন । গণিতের ন্যায় বস্তুতন্ত্র শাস্ত্রও অনন্তের এই বিশেষ ধর্ম স্বীকার করে । অতএব, বুঝা গেল যে, সমুদায় বিরোধের সমাধান অনন্তে । অনন্তের পক্ষে কিছুই অসম্ভব নহে ।

শ্রীভগবানের পাদপদ্মদ্বয়ের প্রসাদ কণা প্রাপ্ত হইয়া, যে ব্যক্তি অনুগৃহীত হইয়াছে, সেই, অনন্তদেবের মহিমার তত্ত্ব কথঞ্চিৎ হৃদয়ঙ্গম করিতে পারে । তদ্ব্যতীত অন্য কোনও ব্যক্তি চিরকাল বিচার করিয়াও তাহা জানিতে পারে না । ভাগ : ১০।১৪।২৮

অথাস্মি তে দেব । পদাস্মুজ্জ্বয়-

প্রসাদলেশানুগৃহীত এব হি ।

জানাতি তত্ত্বং ভগবন্ । মহিম্নো

ন চান্ন একোহপি চিরং বিচিষন্ ॥

ভাগঃ ১০।১৪।২৮

তঁাহার নাম-রূপ পরিগ্রহ, ভিন্ন ভিন্ন দেবতারূপে অভিব্যক্তি—
সমুদায় ভক্তানুগ্রহের জন্তু। সাধকগণের সাধনানুরূপ ফলদানের জন্তু
বিভিন্ন ফলদাতা রূপে তিনিই প্রকটিত হন।

যোহনুগ্রহার্থং ভক্ততাং পাদমূল-

মনামরূপো ভগবাননন্তঃ।

নামানি রূপানি চ জন্মকর্ষ্যভি-

ভেজে স মহ্যং পরমঃ প্রসীদতু ॥ ভাগঃ ৬।৪।২৮।

যঃ প্রাকৃতৈজ্ঞানিপথৈর্জনানং

যথাশয়ং দেহগতোবিভাতি।

যথানিলঃ পার্থিবমাশ্রিতো গুণং

স ঈশ্বরো মে কুরুতাং মনোরথম্ ॥

ভাগঃ ৬।৪।২৯।

—যিনি প্রাকৃত নামরূপ রহিত হইয়াও, তঁাহার পাদমূলোপসনা-
কারী পুরুষদিগের প্রতি অনুগ্রহ বিস্তার নিমিত্ত, বহুপ্রকার নামরূপ
পরিগ্রহ করতঃ মর্ত্যধামে জন্ম গ্রহণ করিয়া নানাপ্রকার কর্মাচরণ
করিয়া থাকেন, যঁাহার ঐশ্বর্য অচিন্ত্যনীয়, সেই অনন্ত পরমেশ্বর
আমার প্রতি প্রসন্ন হউন। ভাগঃ ৬।৪।২৮

—যেমন বায়ু, পৃথিবীজাত পদ্মাদি বিশেষ বিশেষ পদার্থের বিশেষ
বিশেষ গন্ধ আশ্রয় করিয়া, নানা গন্ধ বিশিষ্টভাবে প্রকাশ পায়,
এবং পার্থিব রেণুর ধূসরত্বাদি আশ্রয় করিয়া নানা রূপ বিশিষ্ট হয়,
তেমনি যে ভগবান্ অর্কাচীন উপাসনা মার্গ দ্বারা উপাসিত
হইয়া, উপাসকগণের বাসনানুসারে তাহাদিগের অভীষ্ট দেবতারূপে
বিশেষ বিশেষ ফলপ্রদান করেন, সেই পরমেশ্বরই আমার মনোরথ
সফল করুন। ভাগঃ ৬।৪।২৯

ইহা হইতে আমরা পাইলাম যে, কর্ষফলদাতা অভীষ্ট দেবতা
মাত্রই সেই পরম পুরুষের বিভূতি। এই জন্তুই ভাগবত বলিতেছেন
যে, যেমন বৃক্ষের মূলে জলসেক করিলে স্বল্প শাখা প্রভৃতি সকল
অবয়বের সেচন করা হয়, তেমনি ভগবান্ বিষ্ণুর আরাধনা করিলেই সকল
দেবতার এবং সঙ্গে সঙ্গে আত্মারও আরাধনা হইয়া থাকে। ভাগঃ ৮।৫।৩৮

যথা হি স্বক্শাখানাং তরোমূল্যবসেচনম্ ।

এবমারাধনং বিষ্ণোঃ সর্বেষামাত্মনশ্চ হি ॥ ভাগঃ ৮।৫।৩৮

অতএব সিদ্ধ হইল যে, শ্রীভগবান্ অনন্ত বলিয়া, দেশ-কাল, বস্তু দ্বারা অপরিচ্ছিন্ন হওয়ায়, তাঁহাতে সমুদায়ই সম্ভব । জীবগণের বাসনানুসারে নিজ নিজ উপাস্য দেবতাগণ, সকলেই সেই এক অদ্বিতীয় সজাতীয়-বিজাতীয়-স্বগত ভেদহীন, অনন্তশক্তিসম্পন্ন, সত্য-সংকল্প, পরমসত্ত্বার বিভূতির বিকাশ মাত্র । সাধকগণের মঙ্গলের জন্ত একের বহুরূপ ধারণ । সুতরাং, সেই একের উপাসনা করিলেই সকলের উপাসনা সিদ্ধ হইয়া থাকে । গুণ তারতম্যে জীবগণের অনন্তপ্রকার বৈচিত্র্য—দৈহিক, মানসিক ও আধ্যাত্মিক—সংঘটিত হইয়াছে । অনন্তপ্রকার জীব অনন্ত প্রকারে, সেই একেরই উপাসনা করিয়া থাকে । অনন্ত প্রকার জীবের অনন্ত প্রকার আকাঙ্ক্ষা পরিতৃপ্তির জন্ত, সেই এক, অদ্বিতীয় অনন্তদেবের, অনন্ত প্রকার নামরূপ পরিগ্রহ অপরিহার্য হইয়া পড়ে । কারণ উপাসনা প্রত্যেকের নিজস্ব । সংঘবদ্ধ উপাসনা, সামাজিক বা রাজনৈতিক হিসাবে প্রয়োজনীয় হইতে পারে, কিন্তু উহা নিম্নস্তরের উপাসকগণের উপাসনা পদ্ধতি । মুমুকু উচ্চস্তরের উপাসকগণের পক্ষে উহার কার্যকারিতা কতদূর, তাহা বিবেচনার বিষয় । আত্মার স্বরূপোলব্ধি যদি উপাসনার মুখ্য উদ্দেশ্য হয়, তবে তাহা নিভূতে, আপন আপন হৃদয়গুহায় উক্ত অনুভূতি ফুটাইতে হইবে । মনের স্বৈর্য্য সম্পাদন উহার প্রধান ভিত্তি । সংঘবদ্ধ উপাসনায় মনশ্চাক্ষুর কারণ সর্বদাই বর্তমান । এ সম্বন্ধে আলোচনা ভগবান্ সূত্রকার চতুর্থ অধ্যায়ে বিশেষ ভাবে করিবেন ।

এখানে আপত্তি উত্থাপিত হইতে পারে যে, সংঘবদ্ধ উপাসনা যদি উপাসনার প্রধান উদ্দেশ্যের পরিপন্থী, তবে শ্রীশ্রীমন্নহাপ্রভু সংঘবদ্ধভাবে হরি সংকীর্তন, নগর কীর্তন প্রভৃতির প্রচলন করিলেন কেন ? ইহার উত্তর এই, যে, স্বভাবতঃ বহির্গুণ জীবগণের কচি জন্মাইবার জন্ত, আরাধনায় আকাঙ্ক্ষা উদ্রেকের জন্ত, তিনি ইহা প্রচলিত করিয়াছিলেন । নাম জপই তাঁহার মতে মুখ্য উপাসনা । নীলাচলে অবস্থিতি কালে, তিনি নিয়ম করিয়াছিলেন, যে তাঁহাকে নিমন্ত্রণ করিয়া আহার করাইবার অধিকারী হইবার জন্য “লক্ষপতি” হওয়া আবশ্যিক, অর্থাৎ প্রতিদিন লক্ষনাম জপ করা প্রয়োজন । নামজপ নিভূতেই সম্ভব ।

সুতরাং সংঘবদ্ধ উপাসনা সম্বন্ধে উপরে যাহা বলা হইয়াছে, তাহাতে সন্দেহ করিবার কিছু নাই।

প্রসঙ্গ ক্রমে অবাস্তব বিষয়ে আলোচনা করিতে হইল, এখন প্রস্তাবিত বিষয়ে প্রত্যাভর্জন করা যাউক। উপাসনা প্রত্যেকের নিজস্ব বলিয়া, ভগবান “অনন্ত” বলিয়া, এবং সমুদায় ইষ্টমূর্তি একেরই বিভূতি বিকাশ বলিয়া, অদ্বৈত হানির প্রশ্ন উঠিতে পারে না। একই তত্ত্ব সমুদায় পরিদৃশ্যমান দ্বৈতবিভেদকে ক্রোড়ীকৃত করিয়া নিজ বাক্যমনের অগোচর, অদ্বিতীয়, অদ্বৈত স্বরূপে চির বিদ্যমান রহিয়াছেন। কোনও প্রকার আসক্তি নাই বলিয়া, তাহার স্বরূপ হানি কোনও কালে নাই। এ কারণ পরমাত্মা “উত্তমলিঙ্গক” বটে।

৬। অহিকুণ্ডলাধিকরণ।

ভিত্তিঃ—

- ১। ৩।২।২৩ সূত্রের শিরোদেশে উদ্ধৃত মুণ্ডক শ্রুতির ৩।১।৮ ও কঠ শ্রুতির ২।৬।৯ মন্ত্র।
- ২। “বিজ্ঞানমানন্দং ব্রহ্ম”—(বৃহঃ ৩।৯।২৮)।
—ব্রহ্ম বিজ্ঞান ও আনন্দ স্বরূপ। (বৃহঃ ৩।৯।২৮)।
- ৩। “যঃ সর্বজ্ঞঃ সর্ববিৎ ।” (মুণ্ডক ১।১।৯, ২।২।৭)।
—যিনি সর্বজ্ঞ এবং সর্ববিৎ। (মুণ্ডক ১।১।৯, ২।২।৭)
- ৪। “আনন্দং ব্রহ্মণো বিদ্বান্...॥” (তৈত্তিরীয়ঃ ২।৯)।
—ব্রহ্মের আনন্দ অহুভব করিয়া.....। (তৈত্তিরীয়ঃ ২।৯)।

সংশয়ঃ—মুণ্ডক ও কঠশ্রুতির যথাক্রমে ৩।১।৮ ও ২।৬।৯ মন্ত্রে, ব্রহ্ম—বাক্য-মনঃ ও ইন্দ্রিয়াদির অগোচর বলিবার পর, আবার স্পষ্ট বলা হইয়াছে যে, সাধকের হৃদয়ে তাঁহার দর্শনলাভ হয়—অর্থাৎ, তিনি নির্বিশেষ ও সবিশেষ, নিরাকার ও সাকার—উভয়ই, মূর্ত্ত এবং অমূর্ত্ত এককালেই। তবে কি জড়জগৎও তাঁহা হইতে অভিন্ন?

• আবার দেখ, বৃহদারণ্যক শ্রুতির ৩।৯।২৮ মন্ত্রে তাঁহাকে বিজ্ঞান ও আনন্দ স্বরূপ বলা হইয়াছে। কিন্তু মুণ্ডক শ্রুতির ১।১।৯ ও ২।২।৭ মন্ত্রে তাঁহাকেই আবার “সর্বজ্ঞ” ও “সর্ববিৎ” বলিয়া শ্রুতি প্রকাশ করিয়াছেন—ইহা হইতে বুঝা যায় যে, তিনি জ্ঞাতা, জ্ঞান তাঁহার গুণ। তৈত্তিরীয় শ্রুতির ২।৯ মন্ত্রে “ব্রহ্মের আনন্দ” বলা হইয়াছে। ইহাতেও গুণ ও গুণীর অভেদ বর্ণনা করা হইয়াছে। এই অভেদ কি প্রকারের? বিশেষণ—বিশেষ্য ভাবাত্মক অংশাংশিভাব, অথবা, প্রভা ও প্রভাবিশিষ্টের ন্যায়, একজাতীয় বলিয়া, কিম্বা, অহি-কুণ্ডলের ন্যায়, স্বরূপগত অপার্থক্য হেতু? ইহাদের কোনটি সম্ভব?

ইহার উত্তরে সূত্রকার সূত্র করিলেন :—

সূত্রঃ—৩।২।২৭।

উভয়ব্যপদেশাঅহি-কুণ্ডলবৎ ॥ ৩।২।২৭ ॥

উভয়ব্যপদেশাৎ + তু + অহি-কুণ্ডলবৎ ॥

উভয়ব্যাপদেশাৎ :—উভয়রূপে নির্দেশ হেতু। **তু :—**অন্ত দুই বিকল্প পক্ষ নিরসনার্থক। **অহি-কুণ্ডলবৎ :—**সর্পের কুণ্ডলী ভাবের গ্রায়।

একই সর্প যেমন কখনও দীর্ঘাকারে এবং কখনও কুণ্ডলাকারে অবস্থান করে, অথচ দুইই সর্পের রূপ—উভয়রূপে সর্পের স্বরূপগত পার্থক্য হয় না—উভয়ই সর্প হইতে অভেদ; সেইরূপ ব্রহ্মের সবিশেষ-নির্বিশেষ ভাব, সাকার-নিরাকার ভাব, মূর্ত-অমূর্ত ভাব দ্বারা তাঁহার স্বরূপগত পার্থক্য হয় না। তিনি জ্ঞান ও আনন্দ স্বরূপ হইয়াও, জ্ঞাতা ও আনন্দবিশিষ্ট বলিয়া তাঁহার স্বরূপগত ভেদ হয় না। তিনি গুণও বটে, গুণীও বটে। তিনি সমুদায়ের একমাত্র আশ্রয়। তাঁহাকে ছাড়িয়া গুণ বা ধর্ম কাহাকে আশ্রয় করিয়া থাকিবে? তবে ইহা সর্বদা স্মরণ রাখিতে হইবে যে, প্রাকৃতিক গুণ সম্বন্ধ তাঁহাতে নাই। তিনি তাঁহার স্বভাবসিদ্ধ গুণে গুণী। যদি তাঁহার গুণ তাঁহা হইতে পৃথক হইত, তবে তাঁহার ভক্তগণ তাঁহার উপাসনা না করিয়া, তাঁহার গুণের উপাসনা করিতে পারিত, কারণ গুণই চিত্ত আকর্ষণ করে এবং গুণের নিকট হইতে অভিষ্ট সিদ্ধির আশা থাকে। কিন্তু গুণ তাঁহা হইতে অভেদ হওয়ায়, তাঁহার উপাসনাই মুখ্য। তিনি প্রাকৃতিক গুণাতীত বলিয়া শ্রুতিতে ও শাস্ত্রে নিগূর্ণ বলিয়া কথিত হইলেও, তাঁহার স্বভাবসিদ্ধ, স্বরূপগত, তাঁহা হইতে অভেদাত্মক অনন্ত গুণরাশি তাঁহাতে বর্তমান। এজন্য তিনি সকলেরই একান্ত আশ্রয়। সকলেই তাঁহার উপাসনা করিয়া সমুদায় পুরুষার্থ লাভ করিয়া থাকে।

তং সত্যমানন্দনিধিং ভজত

নাগ্নত্র সঙ্জ্ঞদ যত আত্মপাতঃ ॥ ভাগঃ ২।১।৩৯

—সেই সত্য স্বরূপ, আনন্দনিধিকে ভজনা করিবে, অগ্নত্র আসক্ত হইবে না, কারণ, অগ্নত্র আসক্ত হইলে আত্মপাত অর্থাৎ সংসারে বদ্ধ হইবে। ভাগঃ ২।১।৩৯

এখানে আনন্দস্বরূপকে আনন্দনিধি বলা হইয়াছে। উভয়ই অভেদ। তৈত্তিরিঃ শ্রুতি ভগবানকে “সত্যজ্ঞান অনন্ত আনন্দ ব্রহ্ম” বলিয়াছেন। বৃহদারণ্যক শ্রুতি শিরোদেশে উদ্ধৃত ৩।২।২৮ মন্ত্রে “বিজ্ঞানমানন্দং ব্রহ্ম” বলিয়াছেন। গোপালপূর্বতাপনী শ্রুতি উপক্রমে “সচ্চিদানন্দ রূপায়” বলিয়াছেন। অতএব, সমুদায় শ্রুতি স্পষ্টাকরে বলিতেছেন যে, ব্রহ্ম বা ভগবান অনন্ত ও তিনি সত্যজ্ঞানানন্দ স্বরূপ। স্মরণ রাখিতে হইবে, সত্য, জ্ঞান,

আনন্দ পরম্পর পৃথক গুণ নহে । ইহারা তিনে এক ও একে তিন । এ সম্বন্ধে বিস্তারিত আলোচনা চতুর্থ অধ্যায়ে করা হইবে ।

তিনি সমুদায় বিরোধের আশ্রয় ও সমাধান । তাঁহা হইতেই সমুদায়ের উৎপত্তি, অখণ্ড, তিনি অখণ্ড, নির্বিকার, আনন্দ মাত্র । তাঁহার কখনও স্বরূপ বিচ্যুতি নাই । শ্রীমদ্ভাগবত ইহাই নিম্ন শ্লোকে বলিতেছেন :—

যস্মিন্ বিরুদ্ধগত্যোহনিশং পতন্তি

বিজ্ঞাদয়ো বিবিধশক্তয় আনুপূর্ব্যা ।

তদ্বক্ষ বিশ্বভবমেকমনন্তমাণ-

মানন্দমাত্রমবিকারমহং প্রপত্তে ॥ ভাগঃ ৪।৯।১৬

—বিরুদ্ধ গতি সকল, বিজ্ঞা অবিজ্ঞাদি বিবিধ শক্তি সকল, যথাক্রমে যাহা হইতে নিরন্তর উদ্ভাবিত হইতেছে, তিনিই এই বিশ্বের উৎপাদক ব্রহ্ম । তিনি অখণ্ড, আত্ম, অনাদি, অনন্ত, এক হইয়াও অনেক, অবিকার, আনন্দমাত্র । তাঁহার শরণ গ্রহণ করি । ভাগঃ ৪।৯।১৬

সর্পের কুণ্ডলাকার ধারণের ন্যায়, তাঁহার বিশ্বরূপে প্রকটন । যেমন কুণ্ডলাকার গ্রহণে, সর্পের স্বরূপ বিচ্যুতি হয় না, ব্রহ্মেরও সেইরূপ, বিশ্বরূপে প্রকটিত হওনে তিনি দৃশ্যতঃ অনেক হইলেও এক, অখণ্ড, অনাদি, অনন্ত, অবিকারী, আনন্দ মাত্র স্বরূপে বর্তমান থাকেন ।

এই প্রসঙ্গে ১।১।২ সূত্রের আলোচনায় (পৃঃ ১০১-২) উদ্ধৃত ভাগবতের ৭।৬।২০-২১ শ্লোক দুইটি দ্রষ্টব্য ।

তিনি ভক্তানুগ্রহের জন্য কোনও বিশেষ রূপ ধারণ করিয়া প্রকটিত হইলেও, তিনি নিত্য স্বকীয় স্বরূপেই প্রতিষ্ঠিত থাকেন ।

বিদিতোহসি ভবান্ সাক্ষাৎ পুরুষঃ প্রকৃতেঃ পরঃ ।

কৈবলানুভবানন্দস্বরূপঃ সর্ববুদ্ধিদৃক্ ॥ ভাগঃ ১০।৩।১৪

—আপনাকে জানিতে পারিলাম, আপনি প্রকৃতির পরপুরুষ । কি আশ্চর্য্য ! আপনি সাক্ষাৎ আমার দৃষ্টিগোচর হইলেন । কেবল অনুভবের দ্বারা উপলব্ধ্য আনন্দই আপনার স্বরূপ । আপনি সর্বপ্রাণীর অন্তর্ধ্যামী ও তাহাদের ইন্দ্রিয় সকলের নিয়ন্তা ।

ভাগঃ ১০।৩।১৪

চিৎ—অচিৎ কিছুই ব্রহ্ম ব্যতিরিক্ত নহে, ইহা ৩।২।২২ সূত্রের আলোচনার প্রতিপাদিত হইয়াছে। এই জন্মই নারদ ভগবান ব্যাসদেবকে বলিয়াছিলেন—
 “ইদং হি বিশ্বং ভগবান্‌বিবেতরো”—“এই বিশ্বই ভগবান্‌ হইতে ভিন্ন নহে, কিন্তু তিনি ইহা হইতে ভিন্ন,” (ভাগ: ১।৫।২০)। এই জন্মই ভাগবত বলেন :—

খং বায়ুমগ্নিং সলিলং মহীঞ্চ

জ্যোতীংষি সত্ত্বানি দিশো ক্রমাদীন্‌ ।

সরিং সমুদ্রাংশ্চ হরেঃ শরীরং

যং কিঞ্চ ভূতং প্রণমেদনশ্চ ॥ ভাগ: ১।১।৩৯

(১।১।২ সূত্রের আলোচনায় (পৃ: ১০৭) ইহার সরলার্থ দেওয়া হইয়াছে।)

—তিনি সর্বস্বরূপ, সর্বময় বলিয়াই, নিষ্কাম, মোক্ষকাম বা সর্বকাম যত প্রকার ব্যক্তি যত প্রকার কামনা করিয়া সাধনা করেন, সকলেই পরমাত্মাকে সাধনা করিলেই সমুদায় কামনা লাভ করিতে পারে।
 ভাগ: ২।৩।১০

অকামঃ সর্বকামো বা মোক্ষকাম উদারধী : ।

তীত্রেণ ভক্তিযোগেন যজ্ঞেত পুরুষং পরম্ ॥ ভাগ: ২।৩।১০

তঁহার উপাসনায় সর্বার্থ সিদ্ধি হইয়া থাকে। শাস্ত্রে নির্বিশেষ-সবিশেষ প্রভৃতি উভয় বিধ নির্দেশ থাকায়, ব্রহ্মে স্বরূপগত পার্থক্য ভেদ বা স্বগতভেদও স্বীকার করা যায় না। তিনি স্বরূপে যাহা, তঁহার রূপ, গুণ, শক্তি, নাম, ধাম, পারিফর সমুদায় তাহাই। ইহাই তত্ত্ব।

সূত্র :—৩।২।২৮ ।

প্রকাশাপ্রয়বদ্বা তেজস্বাৎ ॥ ৩।২।২৮ ॥

প্রকাশাপ্রয়বৎ + বা + তেজস্বাৎ ॥

প্রকাশাপ্রয়বৎ :—প্রকাশাপ্রয় সূর্য বা অগ্নি প্রভৃতির জ্বালায়। বা :—বিকরে। তেজস্বাৎ :—তৈজসত্ব হেতু।

প্রকাশ বিশিষ্ট সূর্য্য বা অগ্নি যেমন প্রকাশের আশ্রয় হয়, প্রকাশস্বরূপ হইয়াও উহারা যেমন প্রকাশের আশ্রয় বলিয়া উক্ত হয়, সেইরূপ জ্ঞান ও আনন্দস্বরূপ ভগবান্‌ও জ্ঞানাশ্রয় বা জ্ঞানময় ও আনন্দাশ্রয় বা আনন্দময় বলিয়া উক্ত হইয়া থাকেন ।

তবে কি চৈতন্য বিশিষ্ট জীব এবং অচেতন জড় জগৎ ব্রহ্ম হইতে একান্ত অভেদ ? সূত্রকার আলোচ্য সূত্রে বলিতেছেন, তাহা কেন ? সূর্য্যকিরণকণা কি তেজঃ স্বরূপ সূর্য্য ? অগ্নির একটি ক্ষুদ্র বিস্ফুলিঙ্গ কি দাবানল বা অগ্নিরাশি হইতে অপৃথক্ ? তাহা ত নয় । সেইরূপ জ্ঞানকণা বা চৈতন্যের একটি অতি ক্ষুদ্র স্ফুলিঙ্গ যাহা জীব বলিয়া প্রসিদ্ধ, তাহা জ্ঞানঘন, চৈতন্যঘন ব্রহ্ম হইতে অভেদ হইবে কিরূপে ?

অগ্নির স্ফুলিঙ্গ এবং অগ্নিরাশি উভয়ই এক তেজঃ পদার্থ বলিয়া, এবং কিরণ-কণা ও সূর্য্যও যেরূপ উভয়ই তৈজসত্ব প্রযুক্ত ভেদে অভেদ উক্ত হইয়া থাকে ; জীব ও জড় জগৎ উভয়ই ব্রহ্ম হইতে উৎপন্ন, ব্রহ্মে অবস্থিত হওয়ার ব্রহ্ম হইতে অভেদ ভাবে কথিত হইলেও, ভেদ বর্তমান আছে । ব্রহ্মের সত্তা ব্যতীত কিছুই থাকিতে পারে না, এবং ব্রহ্ম ব্যতিরিক্ত কিছুই নাই, অথচ কি জীব, কি জড় কেহই ব্রহ্ম নহে । ব্রহ্ম ঐ সকল হইয়াও উহাদিগ হইতে পৃথক্ ।

এই তত্ত্ব শ্রীভগবান গীতায় নিম্নোক্ত দুইটি শ্লোকে বিবৃত করিয়াছেন :—

ময়া ততমিদং সর্ব্বং জগদব্যক্তমূর্ত্তিনা ।

মৎস্থানি সর্ব্বভূতানি ন চাহং তেষবস্থিতঃ ॥ গীঃ ৯।৪

ন চ মৎস্থানি ভূতানি পশ্য মে যোগমৈশ্বরম্ ।

ভূতভন্ন চ ভূতস্থোঁ মমাত্মা ভূতভাবনঃ ॥ গীঃ ৯।৫

—আমি অব্যক্তরূপে এই নিখিল জগৎ ব্যাপিয়া, তাহার অন্তরে বাহিরে ওতপ্রোত ভাবে অবস্থান করিতেছি । ভূতগণ আমাতে অবস্থিত । কিন্তু আমি নিঃসঙ্গ বলিয়া সে সকলে অবস্থিত নহি । এং ভূত সকলও আমাতে অবস্থিত নহে—ইহাই আমার ঐশ্বরিক যোগ—আমি ভূতধারক, ভূতপালক হইয়াও ভূতগণে অবস্থিত নহি । গীঃ ৯।৪-৫

এই দৃশ্যতঃ বিরোধ ও তাঁহাতে তাহার সমাধানই ভগবদ্‌ রহস্য । তিনি অনাসক্ত ও নিঃসঙ্গ বলিয়া, সমুদায় হইয়াও সমুদায় হইতে পৃথক্ ।

দৃশ্যতঃ সকলের হইতে পৃথক হইয়াও তদ্ব্যতঃ অপৃথক, আবার তদ্ব্যতঃ অপৃথক হইয়াও অনাসক্তি হেতু কার্য্যতঃ পৃথক্ বটে। ইহাই ভেদে অভেদ ও অভেদে ভেদ।

এ সম্বন্ধে ভাগবত বলিতেছেন :—

একস্বমেব জগদেতদমুশ্য যত্বে-

মাণ্ডন্তুয়োঃ পৃথগবস্যসি মধ্যতশ্চ ।

সৃষ্ট্বা গুণব্যতিকরং নিজমায়য়েদং

নানেব তৈরবসিতস্তদনুপ্রবিষ্টঃ ॥ ভাগঃ ৭।৯।২৯

ত্বং বা ইদং সদসদীশ ভবাংস্ততোহন্যো..... । ভাগঃ ৭।৯।৩০

—হে ঈশ ! এক আপনিই এই দৃশ্যমান জগৎ প্রপঞ্চ। কারণ, আদ্যো, মধ্যো ও অন্ত্যে আপনিই বর্তমান থাকেন। আপনার সঙ্কল্পাত্মক মায়ী দ্বারা গুণপরিণামে উৎপন্ন এই জগৎ সৃষ্টি করিয়া ইহাতে অনুপ্রবিষ্ট হওতঃ নানা রূপে প্রকটিত আছেন। অতএব, এই কার্য্যকারণাত্মক জগৎ আপনা হইতে পৃথক্ না হইলেও, আপনি ইহা হইতে ভিন্ন। ভাগঃ ৭।৯।২৯-৩০

যস্মিন্দিদং যতশ্চেদং যেনেদং য ইদং স্বয়ম্ ।

যোহস্ম্যাৎ পরস্মাচ্চ পরস্তং প্রপত্তো স্বয়ন্তুবম্ ॥ ভাগঃ ৮।৩।৩

—অপর যাহাতে এই বিশ্ব অধিষ্ঠিত, যাহা হইতে ইহা উৎপন্ন, যাহা কর্তৃক ইহা সৃষ্ট, এবং যিনি স্বয়ং এই বিশ্বের স্বরূপ, আর যিনি কার্য্য ও কারণ হইতে ভিন্ন, সেই স্বতঃসিদ্ধ বিভূর শরণ গ্রহণ করি।

ভাগঃ ৮।৩।৩

যথার্চিষোহগ্নেঃ সবিতুর্গভস্তুয়ো-

নির্ঘাস্তি সংযান্ত্যসকৃৎ স্বরোচিষঃ ।

তথা যতোহয়ং গুণসংপ্রবাহো

বুদ্ধির্মনঃ খানি শরীরসর্গাঃ ॥ ভাগঃ ৮।৩।২৩

স বৈ ন দেবাস্তুরমর্ত্যতির্য্যাক্

ন স্ত্রী ন যশো ন পুমান্ন জন্তুঃ ।

নায়ং গুণঃ কস্ম ন সন্নচাস-

ন্নিবেধশেষো জয়তাদশেষঃ ॥ ভাগঃ ৮।৩।২৪

—যেমন অগ্নি হইতে শিখা এবং সূর্য্য হইতে কিরণ সমুৎপত্ত ও তাহাতেই লীন হয়, তেমনি বাঁহা হইতে গুণপ্রবাহ, অর্থাৎ বুদ্ধি, মনঃ এবং শরীর সকল নির্গত এবং বাঁহাতে বিলীন হইতেছে, তিনি দেব, অম্বর, তির্ধ্যাক, স্ত্রী, পুরুষ, নপুংসক এবং লিঙ্গত্রয় শূন্য প্রাণী মাত্রও নহেন। অপিচ গুণ, কর্ম, সৎ, অসৎ কিছুই নহেন। সকল পদার্থের নিষেধের অবধি রূপে যাহা অবশিষ্ট থাকে, তাহাই তিনি, এবং নিজ সংকল্পাত্মক মায়া দ্বারা অশেষ মূর্ত্তি ধারণ করিয়া থাকেন। ভাগঃ ৮।৩।২৩-২৪।

অতএব আমরা বুঝিলাম—তিনি সব হইয়াও সব হইতে পৃথক্। তিনি সর্ব্বনামা (সকলের নামধারী), তিনি বিশ্বরূপ, কিন্তু তাহা হইলেও, তিনি সে সমুদায় হইতে পৃথক্। তাঁহার মায়ার কি অনির্ব্বচনীয় শক্তি, তাহা কিছুতেই কেহ প্রকাশ করিতে পারে না। যে মায়ার দ্বারা এই জগৎস্থ অশেষ প্রকার বিশেষ সংঘটিত, সেই মায়া তিরোহিত হইলে, নির্ব্বাণ স্থখেই তাঁহার অনুভব হয়। ভাগঃ ৬।৪।২৩

স বৈ মমাশেষবিশেষমায়া-

নিষেধনির্ব্বাণস্থানুভূতিঃ ।

স সর্ব্বনামা সচ বিশ্বরূপঃ

প্রসীদতামনিরুক্তাত্মশক্তিঃ । ভাগঃ ৬।৪।২৩

—অগ্নিস্ফুলিঙ্গ কি কখনও অগ্নিকে প্রকাশ করিতে পারে? উহা অগ্নি-রাশির নিকট কত তুচ্ছ? সেইরূপ আমরা (দেবতাগণ) সকলের অন্তর্ধ্যামী পরমাত্মার নিকট কি প্রকাশ করিব? ভাগঃ ৬।২।৩২

“...সর্ব্বপ্রত্যয়সাক্ষিণ আকাশশরীরশ্চ সাক্ষাৎ পরব্রহ্মণঃ পরমাত্মনঃ
কিয়ান্নিহ বার্থবিশেষো বিজ্ঞাপনীয়ঃ শ্চাদ্বিস্ফুলিঙ্গাদিভিরব
হিরণ্যরেতসঃ ॥” ভাগঃ ৬।২।৩২

অতএব প্রীতিপাদিত হইল যে, বিস্ফুলিঙ্গ অগ্নির সমজাতীয় তৈজস পদার্থ হইলেও উহা যেমন অগ্নিরাশি হইতে অভেদ নহে, অগ্নি-রাশি হইতে কত ক্ষুদ্র; সেইরূপ জীব ও জড়জগৎ ব্রহ্ম হইতে উদ্ভূত, ব্রহ্মে স্থিত, এবং পরিণামে ব্রহ্মে লীন হইলেও, এবং ব্রহ্মের তটস্থ ও

বহিরঙ্গা শক্তি রূপে অভেদ হইলেও, উহারা ব্রহ্ম নহে। ব্রহ্ম উহাদিগের হইতে পৃথক্।

ভেদাভেদ তত্ত্বের আভাস মাত্র এখানে দেওয়া হইল। উহার আলোচনা চতুর্থ অধ্যায়ে বিস্তারিত ভাবে করা হইবে। শ্রীমন্নহাপ্রভু শ্রীকৃষ্ণচৈতন্যদেব এই অচিন্ত্যভেদাভেদ তত্ত্বের উপর গোড়ীয় বৈষ্ণব ধর্মের ভিত্তি স্থাপন করিয়া-ছিলেন। বলা বাহুল্য যে, এই ভেদাভেদ বাদে—ভেদ প্রতিপাদক ও অভেদ প্রতিপাদক, উভয়বিধ শ্রুতিই সার্থকতা লাভ করে।

সূত্র—৩।২।২৯।

পূর্ববদ্বা ॥ ৩।২।২৯ ॥

পূর্ববৎ + বা ॥

পূর্ববৎ :—পূর্বের গায়। বা :—অথবা।

জীবের ভেদ ও অভেদ ২।৩।৪৩ সূত্রে প্রতিপাদিত হইয়াছে। প্রপঞ্চ জড় জগতের ভেদ ও অভেদ উক্ত সূত্রে কথিত যুক্তি ও বিচারের দ্বারা, ব্রহ্ম অংশী ও জড়জগৎ তাঁহার অংশ বিধায়, সিদ্ধ হইতে পারে। প্রপঞ্চ স্থাবর জঙ্গমাত্মক জগৎ ব্রহ্মের অংশ হওয়ায়, তাঁহা হইতে অভেদ বটে, আবার অংশ কখনও অংশী হইতে পারে না, এ জন্ম ভেদও বটে। বিশেষতঃ ব্রহ্মের সংকল্পবশতঃ চৈতন্যময় ব্রহ্ম হইতে জাত জড়জগৎ দৃশ্যতঃ অত্যন্ত পৃথক্ ভাব প্রাপ্ত, তাহাতে সন্দেহ কি? সূত্রকার আলোচ্য সূত্রে ২।৩।৪৩ সূত্রে কথিত যুক্তি ও বিচারের প্রতি মনোযোগ আকর্ষণ করিলেন।

এই প্রসঙ্গে ৩।২।২৭ সূত্রের আলোচনায় উক্ত ভাগবতের ১।৫।২০ শ্লোকংশ, ১।১।২৩ ও ৪।৩।১৬ শ্লোক, ৩।২।২৮ সূত্রের আলোচনায় উক্ত ৭।২।২২-৩০ শ্লোক, ৩।২।১৭ সূত্রের আলোচনায় উক্ত ৮।৩।২৩ শ্লোক এবং ৩।২।১১ সূত্রের আলোচনায় উক্ত ৮।৩।২৪ শ্লোকগুলি দ্রষ্টব্য। নিম্নোক্ত শ্লোকটিও বিবক্ষিতার্থ প্রতিপাদন করে।

বস্তুতো জানতামত্র কৃষ্ণং স্থান্নু চরিষু চ।

ভগবদ্ভ্রমখিলং নাশ্চদ্বন্দ্বিহ কিঞ্চন ॥ ভাগঃ ১০।১৪।৫৬

—বস্তুতঃ যে সকল পুরুষ শ্রীকৃষ্ণতত্ত্ব জানেন, তাঁহারা নিশ্চয়ই

জ্ঞানেন যে, স্বাবর জ্ঞানাত্মক সমুদায় প্রপঞ্চ, ভগবৎরূপ, এবং তদ্ব্যতীত কোনও বস্তুই জগতে নাই । ভাগঃ ১০।১৪।৫৬ ।

সর্বেষামপি বস্তুনাং ভাবার্থো ভবতি স্থিতঃ ।

ভগ্ন্যপি ভগবান্ কৃষ্ণঃ কিমতদ্বস্তু রূপাতাম্ ॥

ভাগঃ ১০।১৪।৫৭

—যাবতীয় বস্তুর পরম অর্থ তাহাদের কারণেই অবস্থান করে । সেই কারণেরও কারণ ভগবান্ শ্রীকৃষ্ণ । অতএব, কৃষ্ণ ব্যতিরেকে আর কি বস্তু আছে, তাহা নিরূপণ কর । ভাগঃ ১০।১৪।৫৭ ।

অর্থাৎ, কৃষ্ণ ব্যতিরিক্ত বস্তুমাত্রই নাই । কিন্তু তাহা হইলেও, সেই সকল বস্তুমাত্রই শ্রীকৃষ্ণ নহে । তিনি ঐ সকল বস্তু বটে, এবং তাহা হইতে পৃথক্ আরও অনেক কিছু বটে । স্তূতরাং ভেদে অভেদ ও অভেদে ভেদ বুঝা গেল ।

এই সূত্রের অর্থ শ্রীমদ্ভগবৎগীতা এবং তৎপন্থানুসারী শ্রীমদ্ বলদেব একটু অণ্ড প্রকার করিয়াছেন । যথা :— কালের যেমন পূর্ব বা পর ভেদ নাই, একমাত্র কাল অনন্ত নিরবচ্ছিন্ন বর্তমান থাকিলেও, তাহা পূর্বকাল, উত্তরকাল, পরকাল প্রভৃতি সংজ্ঞা দ্বারা অবচ্ছেদ্য ও অবচ্ছেদক ভাবে উক্ত হয়, সেইরূপ ব্রহ্ম আনন্দস্বরূপ এবং আনন্দময় বলিয়া উক্ত হইয়া থাকেন--অর্থাৎ, গুণ এবং গুণী, পৃথক সংজ্ঞা দ্বারা কথিত হইলেও, ব্রহ্মে উভয়ই অভেদ । ব্রহ্মপুরাণের নিম্নোক্ত শ্লোকটি ইহার পোষকার্থে উদ্ধৃত করিয়াছেন ।

আনন্দেন ত্বদভিন্নেন ব্যবহারঃ প্রকাশবৎ ।

পূর্ববৎ বা যথাকালঃ স্বাবচ্ছেদকতাং ব্রজেৎ ॥

—অনবচ্ছিন্নকাল যেমন 'পূর্ববৎ' শব্দ দ্বারা আপনিই আপনার অবচ্ছেদক হয়, অথবা সূর্য্য যেরূপ প্রকাশ স্বরূপ হইয়া, প্রকাশ বিশিষ্ট বলিয়া ব্যবহারিক ভাবে উক্ত হয়, সেইরূপ ব্রহ্ম বস্তুতঃ আনন্দ হইতে অভিন্ন হইলেও, ব্যবহারিক ভাবে আনন্দময় বলিয়া কথিত হন ।

ভিত্তি :—

১। “একমেবাদ্বিতীয়ম্ ॥” (ছান্দোগ্যঃ ৬।২।১)

—এক অদ্বিতীয়ই। (ছান্দোগ্যঃ ৬।২।১)।

২। “মনসৈবেদমাপ্তব্যং নেহ নানান্তি কিঞ্চন।” (কঠঃ ২।১।১১)

—মনঃ দ্বারা এই ব্রহ্মৈকত্ব অবগত হইতে হইবে। এই ব্রহ্ম হইতে কিছুমাত্র ভেদ বা নানাৎ নাই। (কঠঃ ২।১।১১)

৩। “স বা এষ মহানজ্জ আত্মাহ্জরোহ্জমরোহ্জমৃতোহ্জভয়ো... ..।”

(বৃহঃ ৪।৪।২৫)

—সেই এই আত্মা মহান্, অজ্, জরা-মরণ-ভয় বর্জিত অমৃতস্বরূপ।

(বৃহঃ ৪।৪।২৫)

৪। “নাশ্চ জরয়ৈতজ্জীর্ঘ্যতি।” (ছান্দোগ্যঃ ৮।১।৫)

—দেহের জরা দ্বারা ইনি জীর্ণ হন না। (ছাঃ ৮।১।৫)

সংশয় :—শিরোদেশে উদ্ধৃত ছান্দোগ্য ৬।২।১ ও কঠ ২।১।১১ মন্ত্রে এক অদ্বিতীয় ব্রহ্মই তত্ত্ব, এবং তাঁহাতে কিছুমাত্র ভেদ বা নানাৎ নাই, এই বলিয়া ভেদের প্রতিষেধ করতঃ অভেদ সিদ্ধাস্ত স্থাপন করা হইল। আবার, বৃহঃ ৪।৪।২৫ মন্ত্রে তিনি অজ্, জরা-মরণ-ভয় বর্জিত বলিয়া, ছান্দোগ্য শ্রুতির ৮।১।৫ মন্ত্রে, তিনি দেহের জরা দ্বারা জীর্ণ হন না বলা হইল। তাহাতে তাঁহার দেহ আছে, এবং তাহা তাঁহা হইতে পৃথক্, এই ধারণা স্বতঃই মনে উদয় হয়। ইহার সমাধান কি? ইহার উত্তরে সূত্রকার সূত্র করিলেন :—

সূত্র :—৩।২।৩০।

প্রতিষেধাচ্চ ॥ ৩।২।৩০ ॥

প্রতিষেধাৎ + চ ॥

প্রতিষেধাৎ :—নিষেধ হেতু। চ :—ও।

শ্রুতিতে যে সমুদায় নিষেধ আছে, তাহাতে বুঝিতে হইবে যে, ভাষা দ্বারা যাহা ব্যক্ত করা যায়, সে সমুদায়ের প্রতিষেধ ব্রহ্মে। তিনি সমুদায় নিষেধের অবধি। প্রথম দেখ, নানাৎ নিষেধ দ্বারা (কঠ ২।১।১১) এবং একমাত্র অদ্বিতীয় তিনিই বর্তমান (ছাঃ ৬।২।১) বলায়, ব্রহ্ম ব্যতিরিক্ত বস্তুমাত্র নাই, এবং তাঁহারও সজাতীয়, বিজাতীয় ও স্বগত ভেদ নাই, ইহা শ্রুতি প্রকাশ করিলেন।

ভারপর দৃষ্টমান যে প্রপঞ্চ ব্যবহারিক ভাবে প্রতীত হয়, তাহাদের সম্পূর্ণ প্রত্যাখ্যান উপলব্ধি করা বহিষ্কৃত জীববৃক্ষের পক্ষে অসম্ভব বিধায়, তাহারা ব্রহ্মশক্তির বিকাশ এবং অভিব্যক্তি বলিয়া—শক্তিমানকে অভিভব করিবার ক্ষমতা শক্তির নাই, ইহা বুঝাইবার জন্ত বৃহদারণ্যক ৪।৪।২৫, ছান্দোগ্য ৮।১।৫ এবং সম প্রকার শ্রুতিগণের অবতারণা। শক্তি—শক্তিমান্ হইতে অভেদ হইলেও উহারা সমগ্র শক্তিমান্ নহে, ইহা বুঝাইবার জন্ত, উহার ভেদ জ্ঞাপন করা শ্রুতির অভিপ্রেত। অর্থাৎ শ্রুতি প্রকাশ করিতেছেন যে, সূক্ষ্ম চিদচিদ্বিশিষ্ট কারণভূত ব্রহ্ম বটে, আবার স্থূল চিদচিদ্বিশিষ্ট কার্যভূত ব্রহ্মও বটে। এবং কার্যাকারণের অনন্তত্ব হেতু উহাদের অভেদ, এবং কারণরূপ ব্রহ্ম বিজ্ঞানে কার্যরূপ জগতের ও তদন্তর্গত সমুদায়ের বিজ্ঞান সম্পাদিত হয়, এ সমুদায়ই সূক্ষ্মভূত হইল। কার্যের ধর্ম কারণে সংক্রামিত হয় না—সে কারণ “দেহের জরা দ্বারা তিনি জীর্ণ হন না” (ছান্দোগ্য: ৮।১।৫) বলায়, কারণরূপ ব্রহ্মের নির্দোষতাও অক্ষুণ্ণ রহিল। অতএব, বলা হইল যে, প্রপঞ্চ বস্তুজাত তাঁহা হইতে অব্যতিরিক্ত হইলেও, তিনি তাহাদিগের হইতে স্বতন্ত্র। এই সকল কারণে ব্রহ্মের উভয়লিঙ্গত্বও সিদ্ধ হইল।

আরও একটি বিশেষ কথা, আমরা প্রায়ই বিস্মৃত হই। তিনি সর্বকারণ হইলেও চৈতন্যময়। সংকল্প চেতনেরই হইয়া থাকে। তিনি “সত্যসংকল্প”, তাঁহার সংকল্প সিদ্ধির অন্তরায় কিছুই নাই। তাঁহার সংকল্পানুসারেই চৈতন্যময় নিমিত্ত ও উপাদান কারণাত্মক তাঁহা হইতে প্রত্যক্ষ বিপরীত ধর্মী জড়ের অভিব্যক্তি এবং জড় চৈতনের একত্র সমাবেশে জগদ্ ব্যাপারের প্রকটন। স্বরূপতঃ ও তত্ত্বতঃ অভেদ হইলেও, তাঁহার সংকল্পানুসারেই ব্রহ্মে ও জীবে, ব্রহ্মে ও জগতে, জীবে ও জগতে, জীবে জীবে এবং জগৎস্থ বস্তুতে বস্তুতে ভেদ প্রতীতি। কারণ ও কার্যের সম্বন্ধ বিচারে আমরা পরম কারণের চৈতন্যময়ত্ব ও সত্যসংকল্পত্ব বিস্মৃত হই বলিয়া, শ্রুতির উপদেশের প্রকৃত অর্থ অনুধাবন করিতে সমর্থ হই না। তাঁহার চৈতনের বা জ্ঞানের ব্যভিচার কখনই নাই। প্রলয়ে সাময়িক ভাবে জ্ঞেয় বর্তমান না থাকিলে, তাঁহার জ্ঞাতৃত্ব সিদ্ধ না হইতে পারে, কিন্তু তখনও তাঁহার অব্যভিচারী জ্ঞান বর্তমান থাকে। এবং জ্ঞান বর্তমান থাকে বলিয়া স্বভাবতঃই তাঁহার সৃষ্টিসংকল্প এবং পুনঃসৃষ্টির অভিনয়। দেহের জরা (ছান্দোগ্য ৮।১।৫), তাঁহার সংকল্প বশতঃই এবং উহা তাঁহাকে স্পর্শ না করাও তাঁহার সংকল্পবশতঃই। বিশেষতঃ দেহের উপর তাঁহার কোনও

অভিমান, আসক্তি নাই, এজন্য তাঁহার সংকল্প বা নিয়মানুসারে দেহগত ভাব তাঁহাকে স্পর্শ করিবে, কি রূপে ?

সমুদায় নিষেধের সমাপ্তি তাঁহাতেই। উপরে যাহা বলা হইল, ইহা তাহারই অনুসিদ্ধান্ত। ইহার মূলে তাঁহার সংকল্প, অনভিমান ও অনাসক্তি। ভাগবতের ১০।৮৭।৩৭ শ্লোকে শ্রুতিগণ বলিতেছেন :—“যচ্ছ্রুতম্ভুয়ি হি ফলন্ত্যতল্লিরসনেন ভবল্লিধনাঃ।” শ্রুতিগণ “ভুল্ল ভুল্ল” (তাহা নয়, তাহা নয়) বলিয়া সমুদায় নিষেধের পরিসমাপ্তিরূপে আপনাতে ফলবতী হয়। ৩।২।১১ সূত্রের আলোচনায় উদ্ধৃত ভাগবতের ৮।৩।২৪ শ্লোকে ভাগবত তাঁহাকে “নিষেধ-শেষো” বলিয়াছেন। তিনি অনন্ত বলিয়া তাঁহাতে সমুদায় বিরোধের সমাধান হয়, ইহা ৩।২।২৬ সূত্রের আলোচনায় প্রতিপাদিত হইয়াছে। বিরোধ সমুদায়, প্রপঞ্চের অন্তর্গত। তাঁহার সংকল্পানুসারেই বিরোধ সমুদায়ের অস্তিত্ব। তিনি প্রপঞ্চের মধ্যে ওতপ্রোত ভাবে বর্তমান থাকিয়াও, প্রপঞ্চের সমুদায় হইতে পৃথক হইয়া, স্বরূপে বর্তমান আছেন। সূত্ররাং প্রপঞ্চের সমুদায় এবং প্রপঞ্চের বাহিরের যা কিছু, সমুদায় তাঁহাতে প্রযোজ্য। তাঁহার সত্তাতেই প্রপঞ্চের বস্তুজাত সত্তাবান্। সূত্ররাং তিনি বিশ্বের যা কিছু, তা' ত বটেই, আবার বিশ্বের অভিরিক্ত যা কিছু—অর্থাৎ অবিখ—তাহাও তিনি।

আমরা পূর্বে পূর্বে আলোচনায় পাইয়াছি যে, সমান্তর দুইটি সরল রেখা, যাহারা ব্যবহারিক জ্ঞানে একত্র মিলিতে পারে না, তাহারা অনন্তে উভয় দিকে মিলিয়া একটি বৃত্তাভাস সৃষ্টি করে। সেইরূপ ক্ষেপণী (Parabola) যাহার দুই প্রান্ত ক্রমশঃ দূর হইতে দূরতর দেশে গমন করিতে থাকে, তাহাও অনন্তে মিলিত হইয়া বৃত্তাভাস সৃজন করে। সূত্ররাং অনন্তে সমুদায়ের সমাধান বা চরম ও পরম বিশ্রাস্তি। এ জন্ম, শাস্ত্রের যত কিছু নিষেধ—সমুদায়ের পরিসমাপ্তি সেই ব্রহ্মে এবং সমুদায় তাঁহাতেই সার্থকতা লাভ করে।

এ আলোচনা আমরা পূর্বে করিয়াছি। আর বিস্তারের প্রয়োজন নাই। এই প্রসঙ্গে ২।১।১২ সূত্রের আলোচনায় উদ্ধৃত (পৃ: ৭৮৭-৮৮) ভাগবতের ১০।৮৭।২৫ শ্লোক দ্রষ্টব্য।

৭। পরাধিকরণ ॥

ভিত্তি:—

১। “য আত্মা স সেতুর্বিধুতিরেবাং লোকানাংসংভেদায়...।”

(ছান্দোগ্য ৮।৪।১)।

—এই যে আত্মা, ইনি সর্বলোক বিধায়ক সেতু, এই সমস্ত অগতের অসংভেদ বা সাক্ষ্য পরিহারের নিমিত্ত। (ছাঃ ৮।৪।১)।

২। “এতং সেতুং তীর্থা অন্ধঃ সন্ অনন্ধো ভবতি ।”

(ছান্দোগ্যঃ ৮।৪।২)।

—এই সেতু পার হইলে অন্ধ হইলেও অনন্ধ হয়। (ছাঃ ৮।৪।২)।

৩। “তদেতৎ চতুস্পাদ্ ব্রহ্ম ।” (ছান্দোগ্যঃ ৩।১৮।২)।

—এই সেই চতুস্পাদ্ ব্রহ্ম। (ছাঃ ৩।১৮।২)।

৪। “ষোড়শকলং পুরুষম্ ।” (প্রশ্নঃ ৬।১)।

—ষোড়শ কলাযুক্ত পুরুষ। (প্রশ্নঃ ৬।১)।

৫। “অমৃতস্য পরং সেতুং দন্ধেক্ষনমিবানলম্ ।” (শ্বেতাঃ ৬।১৯)।

—দন্ধেক্ষন (নিধুম) পাবকের গায় অমৃতলোকের সর্বোৎকৃষ্ট সেতু তাঁহাতে। (শ্বেতাঃ ৬।১৯)।

৬। “অমৃতশৈশ্য সেতুঃ । (মুণ্ডঃ ২।২।৫)।

—ইনিই অমৃত লাভের সেতু। (মুণ্ডঃ ২।২।৫)।

৭। “পরাংপরং পুরুষমুপৈতি ।” (মুণ্ডঃ ৩।২।৮)।

—শ্রেষ্ঠ হইতে অতি শ্রেষ্ঠ পুরুষকে প্রাপ্ত হয়। (মুণ্ডঃ ৩।২।৮)।

৮। “পরাং পরং যৎ মহতো মহাস্তম্ ।” (তৈত্তিরিঃ নারাঃ ১)

—যাহা পর হইতেও পর এবং মহৎ হইতেও মহৎ।

(তৈত্তিরিঃ নারাঃ ১)।

৯। “তেনেদং পূর্ণং পুরুষণে সর্বম্ ।” (শ্বেতাঃ ৩।৯)।

—সেই পুরুষ দ্বারা এই সমস্ত পরিপূর্ণ। (শ্বেতাঃ ৩।৯)।

১০। “ভতো যদ্বন্তরতরং তদরূপমনাময়ম্ ।” (শ্বেতাঃ ৩।১০)

—তাহা অপেক্ষাও যাহা অতিশয় শ্রেষ্ঠ তাহা অরূপ ও অনাময় ।
(শ্বেতাঃ ৩।১০) ।

সংশয় :—১।১।২ সূত্র হইতে ৩।২।৩০ সূত্র পর্য্যন্ত—ব্রহ্মই জগৎ কারণ, তিনিই উপাদান ও নিমিত্ত কারণ, সমুদায় কারকব্যাপারও তিনি । তিনি অনন্ত বলিয়া দৃশ্যমান বিরোধ সমুদায়ের সমাধান তাঁহাতেই । চিৎ—অচিৎ যাহা কিছু আছে, কিছুই তাঁহা ব্যতিরিক্ত নহে । তাঁহার সজাতীয়, বিজাতীয়, এমন কি স্বগত ভেদও নাই । তাঁহার দেহ ও দেহী, গুণ ও গুণী পৃথক্ নহে । তিনি স্বরূপে যাহা, তাঁহার ধাম, পরিকর প্রভৃতি তাহাই । জগতের সৃষ্টি স্থিতি লয় তাঁহা হইতে হইলেও, তাঁহার কর্ম নাই, সেজন্য তাঁহার স্বরূপে লেপমাত্র স্পর্শ করে না । সর্বভূতের অন্তরে বাহিরে ওতপ্রোতভাবে বিদ্যমান থাকিলেও তাঁহার স্বরূপ চ্যুতি নাই, ক্ষেত্রগত দোষ প্রভৃতির সংস্পর্শ তাঁহার নাই—ইত্যাদি সিদ্ধান্ত ত স্থাপন করিলে । কিন্তু বুঝিতেছ কি, উপরে যে সকল শ্রুতির মন্ত্রাংশ উদ্ধৃত করিয়াছ, তাহা হইতে স্পষ্ট উপলব্ধ হয় যে, তোমার প্রতিপাদিত ব্রহ্মই পরমতত্ত্ব নহে । দৃষ্টান্ত স্বরূপ, ছান্দোগ্য শ্রুতির ৮।৪।১ মন্ত্রাংশের প্রতি দৃষ্টি আকর্ষণ করিতেছি । উক্ত মন্ত্রাংশ, আত্মা বা ব্রহ্মকে “সেতু” বলিয়া উল্লেখ করিয়াছেন । প্রত্যক্ষতঃ দেখা যায় যে, সেতু উত্তীর্ণ হইয়া একপার হইতে অপর পারে যাইতে হয় । যদি ব্রহ্ম সেতুই হন, তবে তাঁহার পরে অপর কিছু তত্ত্বের অস্তিত্ব অপরিহার্য্য হইয়া পড়ে, যে তত্ত্ব যাইতে হইলে ব্রহ্মরূপ “সেতু” উত্তীর্ণ হইতে হয় । শ্রুতি ত ইহা স্পষ্ট বলিলেন । এই প্রকার আপত্তি কল্পনা করিয়া ভগবান সূত্রকার পূর্বপক্ষ সূত্র অবতারণা করিলেন :—

সূত্র :—৩।২।৩১ ।

পরমতঃ সেতুন্মান-সম্বন্ধ-ভেদব্যপদেশেভ্যঃ ॥ ৩ ২।৩১ ॥

পরম্ + অতঃ + সেতু-উন্মান-সম্বন্ধ-ভেদ-ব্যপদেশেভ্যঃ ॥

পরম্ :—অতিরিক্ত । অতঃ :—ইহা হইতে—জগৎকারণ ব্রহ্ম হইতে ।
সেতু-উন্মান-সম্বন্ধ-ভেদ-ব্যপদেশেভ্যঃ :—সেতুব্যপদেশ, উন্মান বা পরিমাণ-ব্যপদেশ, সম্বন্ধব্যপদেশ এবং ভেদব্যপদেশ হেতু ।

শিরোদেশে উদ্ধৃত ছান্দোগ্য শ্রুতির ৮।৪।১ ও ৮।৪।২ মন্ত্রে আত্মাকে “সেতু” বলিয়া উল্লেখ করা হইয়াছে, এবং সেই সেতু অতিক্রম করিবারও উপদেশ আছে । লৌকিক ব্যবহারে সেতু দ্বারা এক পার হইতে অপর পারে যাওয়া যায়,

এবং সেতু উক্তরূপ পারাপারের উপায় মাত্র । সূত্ররাং, শ্রুতির মতে আত্মা সেতু মাত্র, উহা মুখ্য প্রাপ্তব্য নহে, উহার দ্বারা প্রাপ্তব্য অপর কোনও পদার্থ থাকার সম্ভাবনা উপস্থিত হয় ।

দ্বিতীয়তঃ, ছান্দোগ্য ৩।১৮।২ মন্ত্রাংশে এবং শ্রুতি ৬।১ মন্ত্রাংশে “চতুষ্পাদ”, “ষোড়শকল” উক্ত হওয়ায়, ব্রহ্মের উল্লানও নির্দেশ করা হইল । সূত্ররাং, তিনি উক্ত শ্রুতিদ্বয়ের মতে পরিচ্ছিন্ন ; তোমার সিদ্ধাস্ত মত অনন্ত ও সর্বব্যাপী নহেন ।

তৃতীয়তঃ, শ্বেতাশ্বতর শ্রুতির ৬।১২ এবং মুণ্ডক শ্রুতির ২।২।৫ মন্ত্রাংশে প্রাপ্য-প্রাপকত্ব সম্বন্ধ নির্দেশ করা হইয়াছে । প্রাপ্য-প্রাপক সম্বন্ধ একই বস্তুতে প্রযোজ্য হইতে পারে না । প্রাপ্য, প্রাপক হইতে পৃথক বস্তু, ইহা স্বতঃই মনে হয় । সূত্ররাং উক্ত দুটি মন্ত্রাংশে “সেতু” বলিয়া উল্লেখ করায় তিনি প্রাপক হইবার হেতু, তাঁহার দ্বারা প্রাপ্য বস্তু তাঁহা হইতে পৃথক হইবেন, ইহাতে সন্দেহ কি ?

চতুর্থতঃ, মুণ্ডক ৩।২।৮, তৈত্তিরিঃ নারাঃ ১, শ্বেতাশ্বতর ৩।২-১০ মন্ত্রাংশে “পর হইতেও পর”—যাহা দ্বারা এই সমস্ত পরিপূর্ণ, তাহা অপেক্ষা অতিশয় পরবর্তী বা শ্রেষ্ঠ “অরূপ ও অনাময়” বস্তুর উল্লেখ হেতু, উভয়ের ভেদ নির্দেশ শ্রুতির অভিপ্রেত ।

সূত্ররাং, এতদিন ধরিয়া, এত সূত্র দ্বারা তুমি যে সিদ্ধাস্ত করিলে, তাহা গ্রহণীয় নহে ।

[এই সমুদায় পূর্বপক্ষীয় আপত্তির ঠিক উপযোগী ভাগবত শ্লোক দুপ্রাপ্য, তাহা বলাই বাহুল্য । কয়েকটি আংশিক প্রযোজ্য শ্লোক উদ্ধৃত হইল ।]

ব্রহ্মচ ব্রাহ্মণাংশৈচ যদ্ য়ং পরিনিন্দথ ।

সেতুং বিধরণং পুংসামতঃ পাষণ্ডমাত্রিতাঃ ॥ ভাগঃ ৪।২।৩০

- যেহেতু তোমরা শাস্ত্রের মর্যাদা রূপ এবং বর্ণাশ্রমআচার বিশিষ্ট পুরুষদিগের ধারণকারী বেদ সকলের, এবং বেদ প্রবর্তক ব্রাহ্মণগণের নিন্দা করিতেছ, অতএব তোমাদিগকে পাষণ্ডাশ্রিত কহিলাম । ভাগঃ ৪।২।৩০

উক্ত শ্লোকে “সেতুং বিধরণং” আছে, ইহা ছান্দোগ্যের “সেতু বিধৃতিঃ” বাক্যাংশেরই প্রতিধ্বনি । বেদকে “সেতুং বিধরণং” বলা হইয়াছে । বেদ শব্দ ব্রহ্ম । সূত্ররাং পরমব্রহ্মেও তাহা প্রযোজ্য । ইহা উক্ত শ্লোক হইতে

বুঝা যাইবে। বিশেষতঃ আমরা বুঝিয়াছি যে, পরমব্রহ্মের শব্দস্তরের অভিব্যক্তিই
—বেদ।

স হং ত্রিলোকস্থিতরে স্বমায়য়া

বিভর্ষি শুক্রং খলু বর্ণমাখনঃ ।

সর্গায় রক্তং রজসোপবৃংহিতঃ

কৃষ্ণবর্ণং তমসা জনাত্যয়ে ॥ ভাগঃ ১০।৩।২১

—সেই তুমি লোক স্থিতির জন্ম স্বীয় মায়ী দ্বারা শুক্ররূপ, সৃষ্টির
জন্ম রজোগুণাশ্রিত রক্ত বর্ণ, এবং প্রলয় সময়ে তমোগুণের দ্বারা
কৃষ্ণবর্ণ স্বীকার করিয়া থাক। ভাগঃ ১০।৩।২১

এই শ্লোকে শ্রীভগবানের রূপ গ্রহণ, এবং সেজন্ম তাঁহার দৃশ্যমান পরিচ্ছিন্নতা
নির্দেশ করা হইয়াছে।

নিরপেক্ষং মুনিং শান্তং নিবৈর্বরং সমদর্শনম্ ।

অনুব্রজাম্যহং নিত্যং পুয়েয়েত্যজিষ্ণুরেণুভিঃ ॥ ভাগঃ ১১।১৪।১৫

—আমি, নিরপেক্ষ শান্ত, নিবৈর্বর ও সমদর্শন মুনি ব্যক্তির নিত্য
পশ্চাৎ পশ্চাৎ গমন করি। কারণ, উক্ত প্রকার ব্যক্তির চরণ ধুলির
দ্বারা, আমি আপনাকে আর আমার অন্তর্কর্ত্তী ব্রহ্মাণ্ড সমুদায়কে
পবিত্র করিয়া থাকি। ভাগঃ ১১।১৪।১৫

এই শ্লোক দ্বারা ভগবান যে ভক্তের মহিমা ও উৎকর্ষ খ্যাপন করিলেন
এবং ঐকান্তিক ভক্তকে তিনি যে আপন। হইতে অভেদ মনে করেন, ইহা না
বুঝিয়া পূর্বপক্ষ তাঁহা হইতে শ্রেষ্ঠতর তত্ত্বের উপলব্ধি করিবেন, ইহা আশ্চর্য।
এই শ্লোকে সম্বন্ধ ও ভেদ উভয়ই দেখান হইল। এই প্রকার আর একটি
শ্লোক :—

অহং ভক্তপরাধীনো হৃষ্যতন্ত্র ইব দ্বিজ । ভাগঃ ১২।৪।৫৬

—হে দ্বিজ! আমি ভক্ত পরাধীন, অতএব অম্বতন্ত্রের গায়।

ভাগঃ ১২।৪।৫৬।

তবে কি ভক্তই তাঁহা হইতে পরতন্ত্র? একথা শোনা বা মনে করনা
করা ভক্তের পক্ষে মহাপাপ !!!

পূর্ব সূত্রের উত্থাপিত পূর্বপক্ষের আপত্তি নিরসনের জন্য সিদ্ধান্ত সূত্র করিলেন :—

সূত্র :—৩২।৩২ ।

সামাশ্রাতু ॥ ৩২।৩২ ॥

সামাশ্রাৎ + তু ॥

সামাশ্রাৎ :—সাদৃশ্য হেতু । **তু :—**কিন্তু (আপত্তি নিরসনার্থক) ।

ব্রহ্মে সেতু প্রভৃতির যে ব্যপদেশ (উল্লেখ) আছে, তাহা মাত্র সাদৃশ্যহেতু বুদ্ধিতে হইবে । পাবাপারের উপায়ভূত সেতু অর্থে ব্রহ্মে “সেতু” শব্দের প্রয়োগ হয় নাই । সেতু যেমন উভয় তীরকে ধারণ করিয়া সংযোগ সাধন করে, ব্রহ্মও সেইরূপ জগতের সাক্ষ্য নিবারণের জন্য “জগৎ বিধায়ক সেতু স্বরূপ”, ইহা ছান্দোগ্য শ্রুতি ৮।৪।১ মন্ত্রে স্পষ্টাক্ষরে বলিয়াছেন । “সেতু” শব্দটি “সি” ধাতুর উত্তর ‘তুন্’ প্রত্যয় করিয়া নিষ্পন্ন হইয়াছে । ‘সি’ ধাতুর অর্থ “বন্ধন” । সেতু যেমন দুইপারের বন্ধন সম্পাদন করে, সেইরূপ ব্রহ্ম আপনাতে চেতন-অচেতন বস্তু নিচয়কে অসঙ্কীর্ণভাবে, পরস্পরের পার্থক্য রক্ষার জন্য বন্ধন করেন বলিয়া ব্রহ্মকে “সেতু” বলা হইয়াছে । “সেতু” যেমন উভয় পারের সংযোগ ও পার্থক্য রক্ষার হেতু, ব্রহ্ম বা ব্রহ্মের সংকল্পও সেইরূপ—চেতন-অচেতনের সংযোগে জগদ্ ব্যাপার সম্পাদন করেন, এবং অগ্রপক্ষে চেতন ও অচেতনের পরস্পর পার্থক্য রক্ষাও করিয়া থাকেন । তাঁহারই সংকল্পে চেতন ও অচেতনের পৃথক্ ভাবে অভিব্যক্তি এবং পৃথক্ ভাবে স্থিতি ।

“এতৎ সেতুং তীর্ষা” (ছাঃ ৮।৪।২) মন্ত্রে ‘তু’ ধাতুটি প্রাপ্তি বোধক— অর্থাৎ, “এই সেতুকে প্রাপ্ত হইয়া”—এই অর্থ শ্রুতির অভিপ্রেত ।

পূর্ব সূত্রে উদ্ধৃত ভাগবতের ৪।২।৩০ শ্লোকে শব্দ ব্রহ্মকে “সেতুং বিধরণং” বলা হইয়াছে । শব্দব্রহ্ম—বেদ । বেদ বর্ণাশ্রম ধর্মের মর্ধ্যাদা স্থাপক ও রক্ষক বলিয়া ঐ শ্লোকে ঐ প্রকার বলা হইয়াছে । বেদবিহিত নিয়ম পালন করিলে সাক্ষ্য নিবারণিত হইয়া থাকে, ইহা বলাই বাহুল্য ।

সূত্র :—৩২।৩৩ ।

বুদ্ধার্থঃ পাদবৎ ॥ ৩২।৩৩ ॥

বুদ্ধার্থঃ + পাদবৎ ॥

বুদ্ধার্থঃ :—অবগতির জ্ঞান । **পাদবৎ :—**পাদের গায় ।

শ্রুতিতে চতুর্পাদ, ষোড়শকল প্রভৃতি নির্দেশের দ্বারা ব্রহ্মের যে পরিচ্ছিন্নতা কথিত হইয়াছে বলিয়াছ, তাহা কেবল উপাসনার সৌকার্য্যার্থে। ঋগ্বেদের পুরুষ সূক্তে আছে—“পাদোহন্তু বিখা ভূতানি”—ইহার একপাদে এষ্ট পরিদৃশ্যমান সমুদায় ব্রহ্মাণ্ডগণ ও সর্বভূত—এই যে পরিমাণের উল্লেখ, ইহা কি ব্রহ্মের পরিচ্ছিন্নতা জ্ঞাপনার্থ? ইহার দ্বারা তিনি যে পরিচ্ছেদ রহিত, তাহা ব্যক্ত করা শ্রুতির অভিপ্রায়। সমুদায় ব্রহ্মাণ্ডের গণ ও ভূতসকল যদি তাঁহার অত্যন্ত অংশে থাকে, তবে তাঁহাকে কে পরিচ্ছিন্ন করিবে? ইহা কেবল উপাসনার সুবিধার জন্ত, ভাষায় তাঁহার স্বরূপের, তাঁহার অনন্তত্বের, তাঁহার সর্বব্যাপীত্বের কথঞ্চিৎ পরিচয় প্রদত্ত হইল মাত্র। কেননা, “সত্যজ্ঞানমনস্তং ব্রহ্ম” (তৈত্তি: ২।১) এই মন্ত্রে জগৎ কারণ পরব্রহ্মের অনন্তত্ব বা অপরিচ্ছিন্নত্ব স্পষ্টতঃ অবধারিত হওয়ার স্বরূপতঃ তাঁহার উন্নান বা পরিচ্ছেদ সম্ভব হয় না। উহার নির্দেশ সাধকগণের হিতের জন্ত, মনে ধারণা করিবার সুবিধার জন্ত। আবার দেখ, তাঁহার জগৎ-কারণত্ব স্পষ্ট নির্দিষ্ট হইয়াছে। “সেই এই ব্রহ্ম হইতে আকাশ সম্ভূত হইল, আকাশ হইতে বায়ু . . ইত্যাদি” (তৈত্তি: ২।১), “সোহিকাময়ত বহু স্রাং প্রজায়ের” — “তিনি কামনা করিলেন, বহু হইবে, জন্মিব” (তৈত্তি: ২।৬)। অতএব, “বাক্ পাদঃ প্রাণঃ পাদঃ, চক্ষুঃ পাদো, মনঃ পাদঃ” (ছাঃ ৩।১৮।২) মন্ত্রে ব্রহ্মের বাক্ আদি পাদের উল্লেখ—উপাসনা সৌকার্য্যার্থে বুঝিতে হইবে। প্রশ্নোপনিষদের ৬।১ মন্ত্রে ব্রহ্ম “ষোড়শকল” বলা হইয়াছে। সেই কলা সকল যথাক্রমে (১) প্রাণ, (২) শ্রদ্ধা, (৩) আকাশ, (৪) বায়ু, (৫) তেজঃ, (৬) জল, (৭) ক্ষিতি, (৮) ইন্দ্রিয়, (৯) মনঃ, (১০) অন্ন, (১১) বীর্ঘা, (১২) তপঃ, (১৩) মন্ত্র (১৪) কর্ম, (১৫) লোক, ও (১৬) নাম—(প্রশ্ন ৬।৪)। ইহার এতগুলি কলা বা অবয়ব বর্তমান তিনিই ৩।২।২৩ সূত্রের শিরোদেশে উদ্ধৃত মুণ্ডক শ্রুতির ৩।১।৮ মন্ত্রে “নিষ্কলং” বলিয়া কথিত হইয়াছেন। এই প্রকার উভয় প্রকার উক্তির সমাধান বুঝিতে হইলে—প্রশ্নোপনিষদে ষোড়শ কলার উক্তি উপাসনার সৌকার্য্যার্থে বুঝিতে হইবে।

এই একই কারণেই ভাগবতে ভগবানের মূর্ত্তির নিরূপণ এবং উক্ত-মূর্ত্তির এক এক অঙ্গে মনঃ স্থিরকরণরূপ উপাসনা পদ্ধতি উপদিষ্ট হইয়াছে। সমুদায় অঙ্গে মনোনিবেশ সম্ভব নয় বলিয়া এক এক অঙ্গে মনঃ সন্নিবেশ বিধেয়। মনঃই উপাসনার মুখ্য কারণ, মনঃ সূক্ষ্ম—অতি সূক্ষ্ম হইতে ক্রমশঃ সূক্ষ্ম, সূক্ষ্মতর, ও সূক্ষ্মতম বিধায় মনঃ সন্নিবেশের পন্থা নির্দেশেই নিষ্কল ব্রহ্মের কলা নির্দেশ, বা উন্নান বিহীন ব্রহ্মের উন্নান-ব্যপদেশ। মনের বৃত্তি উভয়মুখী—

বহির্গামী ও অন্তর্গামী । আমরা সাধনার যে স্তরে অধুনা বর্তমান, তাহাতে আমাদের মনঃ স্বভাবতঃ বহির্গামী । উহা একেবারেই সূক্ষ্মতম “মিহল, অজেশ্য, অগ্রাহ্য, অসুল, অমণু……” ব্রহ্মের ধারণা করিতে পারে না । উহাকে বহির্গামী বিষয় হইতে অন্তর্গমে আনয়নের জন্য ব্রহ্মের মূর্তি, মূর্তির অবয়ব, কলা প্রভৃতির নির্দেশ প্রয়োজনীয় হইয়া পড়ে । এই কারণেই ভাগবত বলিতেছেন :—

একৈকশোহুদানি ধিয়ানুভাবয়েৎ

পাদাদি যাবদ্ধাসিতং গদাভূতঃ ।

জিতং জিতং স্থানমপোহু ধারয়েৎ

• পরং পরং শুধ্যতি ধীর্যথা যথা ॥ ভাগঃ ২।২।১৩

যাবন্নজায়েত পরাবরেহুশ্বিন্

বিশ্বেশ্বরে দ্রষ্টরি ভক্তিয়োগঃ ।

তাবৎ স্থবীয়ঃ পুরুষশ্চ রূপং

ক্রিয়াবসানে প্রযতঃ স্মরেত ॥ ভাগঃ ২।২।১৪

—শ্রীভগবান্ গদাধরের শ্রীপাদপদ্ম হইতে শ্রীমুখের হাসি পর্য্যন্ত এক একটি অঙ্গ অবলম্বনে ধ্যান করা বিধেয় । যে যে অঙ্গের ধ্যানের সঙ্গে সঙ্গে উক্ত অঙ্গ হৃদয়ে উজ্জ্বল ভাবে স্মরিত হয়, তাহা পরিত্যাগ করিয়া, তাহা হইতে উচ্চতর অঙ্গ ধ্যান করিবে । এইরূপে ক্রমশঃ বুদ্ধি বিষয় হইতে প্রত্যাহৃত হইয়া পরিশুদ্ধ হইবে । যাবৎ পরাবর দ্রষ্টা বিশ্বেশ্বরে প্রেমলক্ষণ ভক্তিয়োগ না জন্মে; তাবৎ পর্য্যন্ত আবশ্যিক ক্রিয়ানুষ্ঠানের পর যত্ন পূর্বক তাঁহার স্থূলরূপের স্মরণ করিবে । ভাগঃ ২।২।১৩-১৪ ।

অন্যত্রও উক্ত আছে, যথা :—

• তশ্বিন্ লক্ষপদং চিত্তং সর্বাভয়বসংস্থিতম্ ।

বিলক্ষ্যৈকত্র সংযুজ্যাদঙ্গে ভগবতো মুনিঃ ॥ ভাগঃ ৩।২।২০

—এই প্রকারে ভগবানের সর্বাভয়ে চিত্ত স্থান প্রাপ্ত হইলে, এক এক অঙ্গে চিত্ত অর্পণ করিয়া ধ্যান করিবে । ভাগঃ ৩।২।২০

ভাগবতের ২।২।১৩ শ্লোকের ব্যাখ্যায় “তাহা হইতে উচ্চতর অঙ্গ ধ্যান করিবে”—বলা হইয়াছে, ইহা হইতে কেহ বুঝিবেন না যে; ভগবানের অঙ্গের উচ্চ নীচ ভেদ আছে, তাঁহার মূর্তি এবং মূর্তির প্রত্যেক অঙ্গ তাঁহার স্বরূপ হইতে

অভেদ। প্রতি ইন্দ্রিয়ে সমুদায় ইন্দ্রিয়বৃত্তি কেন্দ্রীভূত। অঙ্গের উচ্চনীচ ভেদ
 ধ্যান করা ২।২।১৩ শ্লোকের বা তাহার ব্যাখ্যার উদ্দেশ্য নহে। সাধারণ
 উপাসনায় বা দেবতার স্তব বর্ণনায় পাদপদ্ম হইতে আরম্ভ করিয়া ক্রমশঃ
 শিরোদেশের দিকে যাইতে হয়। ইহাই রীতি। ব্যবহারিক জগতে কোনও
 দণ্ডায়মান পুরুষের—পাদদেশ হইতে মস্তক যে উচ্চে অবস্থিত তাহা বলাই
 বাহুল্য। উহা প্রত্যেকের প্রত্যক্ষ দৃষ্ট। এই ব্যবহারিক দৃশ্যের প্রতি লক্ষ্য
 করিয়াই ভাগবতের ২।২।১৩ শ্লোকে “পরং পরং” ও ব্যাখ্যায় “উচ্চতর” পদ
 ব্যবহৃত হইয়াছে। ভগবানে অঙ্গে অঙ্গে মনঃ সন্নিবেশ সম্বন্ধ ভাগবত যে ক্রম
 নির্দেশ করিয়াছেন, তাহা হইতে ইহা সুস্পষ্ট হৃদয়ঙ্গম হইবে। প্রথমে তাঁহার
 চরণ কমলে (৩।২।২১-২২), তারপর জাম্বুদ্বীপে (৩।২।২৩), তৎপরে উরুদ্বয়ে
 (৩।২।২৪), ক্রমশঃ নিতম্বে (৩।২।২৪), নাভিহৃদে (৩।২।২৫), বক্ষঃস্থলে
 (৩।২।২৬), কণ্ঠদেশে (৩।২।২৬), বাহু চতুষ্টিয়ে এবং তাহাতে ধৃত শঙ্খ
 চক্রাদিতে (৩।২।২৭), কণ্ঠদেশস্থ মালায় এবং বক্ষঃস্থ কোমল মণিতে
 (৩।২।২৮), বদনারবিন্দে (৩।২।২৯), ভূত্যানুকম্পায় উৎফুল্ল নয়নদ্বয়ে
 (৩।২।৩০), উক্ত নয়নের হাস্য-মধুর স্নিগ্ধ ত্রিতাপনাশক দৃষ্টিতে (৩।২।৩১),
 অখিলভুবন সম্মোহনী স্মিত হাস্যে (৩।২।৩২), এবং তাঁহার দস্তকুচি প্রকাশক
 বিকাশ হাস্যে (৩।২।৩৩), মনঃ সংযোগ করতঃ ধ্যান করিয়া উক্ত অবয়ব সকল
 ধ্যান দ্বারা অধিগত করিবে। যেমন যেমন এক একটি অবয়ব অধিগত হইবে,
 তেমন তেমন তাহার পরেরটিতে মনোনিবেশ বিধেয়। এই অর্থে “উচ্চতর”
 পদের প্রয়োগ হইয়াছে। তারপর—সাধনার দ্বারা ভগবানের সমুদায় অবয়ব
 ধ্যান দ্বারা অধিগত হইলে :—

এবং হরৌ ভগবতি প্রতিলক্ণভাবো

ভক্ত্যাভ্রবন্ধদয় উৎপুলকঃ প্রমোদাৎ ।

ঔৎকৰ্ণ্যাবাপ্পকলয়া মুহূৰ্দ্দ্যমান-

স্তচাপি চিত্তবড়িশং শনকৈর্বিযুক্তে ॥ ভাগঃ ৩।২।৩৪

মুক্তাশ্রয়ং যর্হি নিব্বিষয়ং বিরক্তং

নির্ব্বাণম্চ্ছতি মনঃ সহসা যথার্চিঃ ।

আত্মানমত্র পুরুষোহব্যবধানমেক-

মস্বীকৃতে প্রতিনিবৃত্তগুণপ্রবাহঃ ॥

—এই প্রকার ধ্যান মার্গে প্রবৃত্ত হইলে ভগবান্ হরির প্রতি সাধকের প্রেম জন্মে এবং ভক্তি বশতঃ হৃদয় দ্রবীভূত হইতে থাকে ও প্রেমহেতু অঙ্গ পুলকিত হইয়া উঠে। তখন তিনি ঐশ্বর্য্য জন্মিত অশ্রু কলা দ্বারা আনন্দ সংগ্ৰবে নিমগ্ন হন। তাহাতে দুর্বিগাহ্য ভগবানের গ্রহণ বিষয়ে মৎস্য-বেধন বড়িশের তুল্য উপায়স্বরূপ তাঁহার চিত্ত ক্রমে ক্রমে ধ্যেয় পদার্থ হইতে বিযুক্ত হয়, অর্থাৎ চিত্ত ভগবদ্ধারণার্থ শিথিল-প্রযত্ন হইয়া পড়ে। ভাগঃ ৩।২।৩৪

—এই প্রকারে চিত্ত যখন নির্বিষয় হয়, তখন তাহার ধ্যেয়রূপ কোনও আশ্রয় থাকে না; তখন পরমানন্দানুভূতিতে চিত্ত অন্য বিষয় হইতে বিরক্ত হয়। সুতরাং, যেমন দীপশিখা, তৈল ও বস্তিকা বিরহিত হইয়া নির্বাণ প্রাপ্ত হয়, সেইরূপ চিত্ত সহসা লয়প্রাপ্ত হয়। তাহাতে সাধক, দেহাদি উপাধির উপলব্ধি বিবর্জিত হইয়া, ধ্যাৎ-ধ্যেয় বিভাগশূন্য অথও আত্মাকেই অনুগত দেখিতে পান।

ভাগঃ ৩।২।৩৫

চিত্তের এই নির্বিষয়, উপশম ভাব লাভের জন্মই শ্রীভগবানের-রূপ কল্পনা এবং তাঁহার বিবিধ অঙ্গ প্রত্যঙ্গাদির ধ্যানধারণার উপদেশ। এই জন্মই শ্রুতিতে ব্রহ্মের পাদ ও কলা নির্দেশ, এই জন্মই তিনি “চতুস্পাদ”, “ষোড়শকল” বলিয়া শিরোদেশে উদ্ধৃত শ্রুতি মন্ত্রে কথিত হইয়াছেন। তিনি স্বরূপতঃ নিষ্কল, অনন্ত—অনন্ত তাঁহার শক্তি। সমুদায় নামরূপের তিনি শাস্বত ভাগ্য। সুতরাং সাধকের মঙ্গলের জন্ম সাধকের প্রকৃতি ও অভিরুচি অনুসারে, যে কোনও রূপ, যে কোন মূর্তি পরিগ্রহ করা, তাঁহার পক্ষে কিছুমাত্র আশ্চর্য্যের নহে। ইহা পূর্বে প্রতিপাদিত হইয়াছে। মূর্তি উপাসনার পরিণতি কোথায়, তাহা উদ্ধৃত ভাগবতের ৩।২।৩৪-৩৫ শ্লোক হইতে প্রতীতি হইবে। সাধনা সহজসাধ্য করিবার জন্ম মূর্তি কল্পনা। ৩।২।২৬-সূত্রের আলোচনায় উদ্ধৃত রামপূর্ব্বতাপনী শ্রুতির ৭ মন্ত্র ইহার স্পষ্ট উল্লেখ করিয়াছেন। অতএব উন্মান—ব্যপদেশের ভিত্তিতে পূর্ব্বপক্ষের আপত্তি সঙ্গত নহে।

বিশেষতঃ, লৌকিক দৃষ্টান্তে দেখ, আমাদের দেশে রৌপ্য মুদ্রা প্রচলন আছে। কিন্তু ব্যক্তিগত ক্রয়-বিক্রয়ের পরিমাণ নির্দিষ্ট না থাকায়, যেমন

লোকের প্রয়োজনানুসারে অল্পবেশী দ্রব্য কিনিবার জ্ঞান—আধুলি, সিকি, পয়সা, প্রভৃতি প্রচলিত আছে,—ব্যবহার সম্পাদনে উহাদের সার্থকতা—সেইরূপ প্রত্যেক ব্যক্তি ব্রহ্মের সমগ্র ধারণা করিতে অসমর্থ বলিয়া, তাহাদের ধারণার সুবিধার জ্ঞান, পাদ ও কলা নির্দেশ শ্রুতি করিয়াছেন। বাস্তবিক পক্ষে, উপাসনা মার্গে উহাদের প্রয়োজনীয়তা শ্রীমদ্ভাগবতের উপরে উদ্ধৃত শ্লোকগুলিতে সুন্দর ভাবে প্রকাশিত হইতেছে। শ্রুতি স্তোক বা মিথ্যা উপদেশ দেন নাই। নিয়ন্ত্রণের সাধককে সর্বোচ্চস্তরে উন্নত করাই লক্ষ্য, এবং সে উদ্দেশ্য সিদ্ধি কি প্রকারে হয় ; তাহা ভাগবতের শ্লোকগুলি হইতে বুঝা যাইবে।

সংশয় :—পূর্বপক্ষ পুনরায় আপত্তি করিতেছেন—যিনি স্বরূপতঃ অমূর্ত—অপরিচ্ছিন্ন, উপাসনার জ্ঞানই হউক, বা যে কারণেই হউক, তিনি পরিচ্ছিন্ন কি প্রকারে হইতে পারেন? অপরিচ্ছিন্নতা ও পরিচ্ছিন্নতা পরস্পর বিরোধী। এই একান্ত বিরোধী ধর্মের একত্র সমাবেশ কি প্রকারে সম্ভব হয়? ইহার উত্তরে সূত্র :—

সূত্র :—৩।২।৩৪।

স্থানবিশেষাৎ প্রকাশাদিবৎ ॥ ৩।২।৩৪ ॥

স্থানবিশেষাৎ + প্রকাশাদিবৎ ॥

স্থানবিশেষাৎ :—উপাধিবিশেষযোগে। **প্রকাশাদিবৎ :—**প্রকাশ বা আলোকাদির গ্ৰায়।

আলোক প্রভৃতির গ্ৰায় পরমাত্মা স্বভাবতঃ অপরিচ্ছিন্ন হইলেও, উপাসনার জ্ঞান, উপাধি বিশেষ যোগে, তাঁহার যুক্তি চিন্তা দোষাবহ নহে। আলোক প্রভৃতি যেমন স্বভাবতঃ ব্যাপক হইলেও, বাতায়ন ও ঘটাদি ছিদ্রের মধ্যগত হইয়া পরিচ্ছিন্নরূপে প্রতীত হয়, ব্রহ্মের পরিচ্ছিন্নত্ব তদ্রূপই বটে। সাধকের বুদ্ধি অনুসারে তাঁহার পরিচ্ছিন্নতা ঘটে। পূর্বে প্রতিপাদিত হইয়াছে যে, তিনি উভয়লিঙ্গক ও অনন্ত, একারণ সমুদায় বিরোধের সমাধান, সমাবেশ ও সমাপ্তি তাঁহাতেই।

যোহনুগ্রহার্থং ভজতাং পাদমূল-

মনানরূপো ভগবাননন্তঃ।

নামানি রূপাণি চ জন্ম কৰ্ম্মভি-

র্ভেজে স মহৎ পরমঃ প্রসীদতু ॥ ভাগঃ ৬।৪।২৮

৩২।২৬ সূত্রের আলোচনায় ইহার অর্থ দেওয়া হইয়াছে। এই প্রসঙ্গে ৩২।২৬ সূত্রের আলোচনায় উদ্ধৃত ভগবতের ৩।২।১১ শ্লোক দ্রষ্টব্য।

ন বিজ্ঞতে যস্য চ জন্ম কর্ম বা

ন নামরূপে গুণ দোষ এব বা ।

তথাপি লোকাপ্যয়সম্ভবায় যঃ

স্বমায়য়া তান্মনুকালমুচ্ছতি ॥ ভাগঃ ৮।৩৮

—স্বরূপতঃ তাঁহার জন্ম, কর্ম, নাম, রূপ, গুণ, দোষ নাই, তথাপি লোকের উৎপত্তি, স্থিতি ও বিনাশের জন্ত তিনি নিজের সহস্ররূপায়া শক্তি দ্বারা সময়ে সময়ে ঐ সকল স্বীকার করিয়া থাকেন।

ভাগঃ ৮।৩৮

তিনি সত্যসংকল্প। তাঁহার সংকল্প সিদ্ধ হইবেই হইবে। তাঁহার অনন্ত, অচিন্ত্য শক্তি। তাঁহাতে সকলই সম্ভব।

তাৎশ্বে তেহ্ভিরূপানি রূপানি ভগবৎস্তুব ।

যানি যানি চ রোচন্তে স্বজনানামরূপিণঃ ॥ ভাগঃ ৩।২৪।৩০

—হে ভগবন্! যদিও তুমি অরূপী, তথাপি তোমার ভক্তগণের অভিকৃতি অনুসারে তুমি রূপ ধারণ করিয়া থাক। ভাগঃ ৩।২৪।৩০

অতএব, জগৎ প্রপঞ্চ প্রকটন যেমন তাঁহার শক্তির অভিব্যক্তি, সেইরূপ ভক্তের অভিকৃতি অনুসারে রূপধারণও তাঁহার শক্তির অভিব্যক্তি মাত্র।

ভিত্তি :—

“নায়মায়া প্রবচনেন লভ্যো ন মেধয়া ন বহুনা শ্রুতেন ।
যমেবৈষ বৃণুতে তেন লভ্যন্ত্যৈষ আয়া বিবৃণুতে তনুং স্বাম্ ॥”
(মুণ্ডকঃ ৩।২।৩)

—এই আয়া প্রবচন অর্থাৎ শাস্ত্র ব্যাখ্যা দ্বারা লভ্য হন না ; মেধা, বহু শাস্ত্রাধ্যয়ন দ্বারাও হন না । পরন্তু, ইনি যাহাকে বরণ করেন, তাহারই লভ্য হন, এবং তাহারই নিকট স্বীয় স্বরূপ প্রকাশ করিয়া থাকেন । (মুণ্ডক ৩।২।৩)

মুণ্ডক শ্রুতির ২।২।৫ মন্ত্রাংশ “অমৃতস্যৈষ সেতুঃ” তুলিয়া প্রাপ্য-প্রাপক সম্বন্ধ উত্থাপন পূর্বক যে আপত্তি করিয়াছ, তাহার উত্তর শুন :—

সূত্র :—৩।২।৩৫ ।

উপপত্তেশ্চ ॥ ৩।২।৩৫ ॥

উপপত্তেঃ + চ ॥

উপপত্তেঃ :—শাস্ত্র যুক্তি অনুসারে । চ :—ও ।

শাস্ত্র যুক্তি অনুসারেও উপপন্ন হইতেছে যে, এই আয়া কোনও ইতর উপায়ে প্রাপ্য নহে । আলোচ্য সূত্রের শিরোদেশে উক্ত মুণ্ডক শ্রুতির ৩।২।৩ মন্ত্রে স্পষ্ট উপদেশ দেওয়া আছে যে, আয়ার প্রসাদেই আয়া প্রাপ্য—আয়াই আয়ার প্রাপ্য—অন্য কথায়—আয়ার স্বতঃসিদ্ধ স্বরূপাভিব্যক্তি । সুতরাং অন্য কোনও বস্তুর সহিত আয়ার প্রাপ্য-প্রাপক সম্বন্ধ নাই ।

এই প্রসঙ্গে ২।৩।৪২ সূত্রের আলোচনায় উক্ত ভাগবতের ২।১।৪১ এবং ৩।২।২৬ সূত্রের আলোচনায় উক্ত ভাগবতের ১০।১৪।২৮ শ্লোক দুটি দ্রষ্টব্য । তাঁহার দ্বারাতেই তিনি প্রাপ্য ও লভ্য । অন্য উপায় নাই । আবার তাঁহার ও তিনির মধ্যে পার্থক্য নাই । সুতরাং তিনি যাহা, তাঁহার দ্বারাও তাহা । অতএব, তিনিই যখন প্রাপ্য এবং তিনিই যখন প্রাপক, তখন প্রাপ্য-প্রাপক সম্বন্ধের হেতু, পূর্বপক্ষের আপত্তি যে, ব্রহ্মোত্তরঃ সত্যান্তর থাকি সম্ভব, তাহা সম্ভব নহে ।

ভিত্তি :—

- ১ । “যস্মাৎ পরং নাপরমস্তি কিঞ্চিৎ, যস্মান্নাগীয়ো ন জ্যায়োহস্তি
কশ্চিৎ ।” (শ্বেতাঃ ৩৯) ।
—যাঁহা অপেক্ষা উৎকৃষ্ট অপর কিছুই নাই, এবং যাঁহা অপেক্ষা সূক্ষ্মতর
বা বৃহৎ কিছুই নাই । (শ্বেতাঃ ৩৯)
- ২ । “ন হ্যেতস্মাদিতি নেতান্যৎ পরমস্তি ।” (বৃহঃ ২।৩।৬) ।
—ইহা অপেক্ষা পর অপর কিছুই নাই । (বৃহঃ ২।৩।৬)
- ৩ । “তদেতদ্ ব্রহ্মাপূর্বমনপরমনস্তরমবাহুৎ...॥”
(বৃহঃ ২।৫।১৯) ।
—এই ব্রহ্ম অনাদি, তাঁহার অপর নাই, অনস্তর নাই, অবাহুৎ
নাই । (বৃহঃ ২।৫।১৯)
- ৪ । “নেহ নানাস্তি কিঞ্চন ।” (কঠঃ ২।১।১১) ।
—এই ব্রহ্মে নানা ভাব নাই । (কঠঃ ২।১।১১)
- ৫ । “সর্বং ঋষিদং ব্রহ্ম তজ্জলান্ . ॥” (ছান্দোগ্যঃ ৩।১৪।১)
—এই দৃশ্যমান সমস্তই ব্রহ্ম, তাঁহা হইতে জাত, তাঁহাতে স্থিত ও
তাঁহাতেই ইহাদের লয় । (ছাঃ ৩।১৪।১) ।
- ৬ । “অতঃ পরং নান্যদগীয়সং হি পরাৎপরং যন্মহতো মহাস্তম্ ।”
(নারায়ণ ১) ।
—ইহা হইতে সূক্ষ্ম কিছুই নাই, ইনিই শ্রেষ্ঠ হইতে শ্রেষ্ঠতর, মহৎ
হইতেও মহত্তর । (নারাঃ ১)
- ৭ । “সর্বৈ নিমেষা জঞ্জিরে বিদ্যাতঃ পুরুষাদধি ।” (নারায়ণ ২) ।
—এই পুরুষ হইতে সমুদায় নিমেষ (কাল), এবং বিদ্যাৎ (জ্যোতিঃ)
জন্ম গ্রহণ করিয়াছে । (নারাঃ ২)
- ৮ । “বেদাহমেতং পুরুষং মহাস্তম্ আদিত্যবর্ণং তমসুঃ পরস্তাৎ ।
তমেব বিদিত্বাহতিমৃত্যুমেতি নান্যঃ পস্থা বিত্ততেহয়নায় ॥”
(শ্বেতাঃ ৩।৮)

—তমের অতীত, আদিত্যবর্ণ জ্যোতির্মান্ন সেই মহাপুরুষকে আমি জানি। জীবগণ তাঁহাকে জানিয়াই মৃত্যু অতিক্রম করে। যোক্-ধামে যাইবার অন্য কোনও পথ নাই। (শ্বেতা: ৩৮)

৯। “ভতো যত্নরতরং তদরূপমনাময়ম্।

য এতদ্বিহুরমৃতান্তে ভবন্ত্যথেষতরে দুঃখমেবাশিযন্তি ॥”

(শ্বেতা: ৩১০)

—সমস্ত জগতের যিনি কারণ তাহারও যিনি কারণ, অর্থাৎ, যিনি সর্বকারণ-কারণ—তিনি অরূপ এবং অনাময় বা আধি-ভৌতিকাদি ত্রিবিধ দুঃখের অতীত। যাহারা তাঁহাকে জানেন, তাঁহারা অমৃত (মুক্ত) হন, অপরে দুঃখই প্রাপ্ত হয়।

(শ্বেতা: ৩১০)

এই সূত্রে পূর্বপক্ষের আপত্তি, যাহা মুণ্ডক শ্রুতির ৩২৮, নারায়ণো-পনিষদের ১, এবং শ্বেতাশ্বতর শ্রুতির ৩১০ মন্ত্র উল্লেখ অংশতঃ করিয়া স্থাপিত হইয়াছে, তাহার উত্তর দিতেছেন :—

সূত্র—৩২।৩৬।

তথ্য-প্রতিষেধাৎ ॥ ৩২।৩৬ ॥

তথা + অন্য প্রতিষেধাৎ ॥

তথা :—সেইরূপ। অন্য প্রতিষেধাৎ :—যে হেতু তদতিরিক্ত অর্থাৎ ব্রহ্মতিরিক্ত বস্তুর নিষেধ হইয়াছে।

সূত্রকার বলিতেছেন যে, তুমি পূর্বপক্ষ মুণ্ডক শ্রুতির ৩২৮, নারায়ণ ১, ও শ্বেতাশ্বতর ৩১০ মন্ত্রের যে অর্থ করিয়াছ, তাহা প্রকৃত অর্থ নহে। উদ্দেশ্য লক্ষ্য করিয়া অর্থ করাই সমীচীন। শ্রুতির উদ্দেশ্য নহে যে, উক্ত মন্ত্র সকল দ্বারা ব্রহ্ম হইতে তদ্বাস্তুর প্রতিষ্ঠা করা। পরন্তু, ব্রহ্মই পর হইতে পর, তিনি সকলের অপেক্ষা শ্রেষ্ঠ, সূক্ষ্ম ও স্থূল উভয়ের পরিসীমা—অর্থাৎ অণু হইতে অণীরান্, মহৎ হইতে মহত্তর এবং সর্বকারণ কারণ—ইহা প্রতিষ্ঠা করা শ্রুতির অভিপ্রায়। শ্বেতাশ্বতর শ্রুতির ৩১০ মন্ত্রের অব্যবহিত পূর্বস্থিত ৩৮ ও ৩৯ মন্ত্রে ব্রহ্মই যে পরমতত্ত্ব, শ্রুতি তাহাই নির্দেশ করিয়াছেন, এবং ৩১০ মন্ত্র তাহারই দৃঢ়তা সম্পাদনের জন্ত। ইহা দ্বারা তদ্বাস্তুর নির্দেশ করা হইল, মনে করা ভ্রম ভিন্ন

কিছুই নহে । ব্রহ্ম অপেক্ষা শ্রেষ্ঠ তত্ত্ব কিছু নাই বলিয়া এবং তাহাতে অভিমান, আসক্তি না থাকিবার হেতু, তিনি অনাময় । অভিমান, আসক্তি থাকিবেই বা কিরূপে? যিনি সর্বময়, সর্বস্বরূপ এবং প্রকৃতির পারে অবস্থিত, অভিমান-অনভিমান, আসক্তি-অনাসক্তি, দুঃখ-সুখ প্রভৃতি আপেক্ষিক ভাব, তাঁহার নিরপেক্ষ স্বরূপে থাকিবে কি প্রকারে? আবার, তাঁহার স্বরূপ যাহা, তাঁহার মূর্ত্তি প্রভৃতিও তাহা । তিনি দেশ-কাল-বস্তু পরিচ্ছেদের অতীত । সূত্রাং আধিভৌতিক, আধিদৈবিক, আধ্যাত্মিক আময় তাঁহাতে থাকিতে পারে না বলিয়া তিনি অনাময় । এবং দেশ-কাল-বস্তু পরিচ্ছেদের অতীত বলিয়াই, তাঁহাকে পাইলেই বা জানিলেই অমৃতত্ব প্রাপ্তি হয়, ইহা ৩।৮ মন্ত্রে স্পষ্টতঃ উল্লেখ আছে । তন্ত্রের উক্ত মন্ত্রে স্পষ্ট উপদেশ আছে যে, তন্ত্রের অন্য পথ নাই । যদি ব্রহ্ম হইতে শ্রেষ্ঠ তত্ত্বান্তর থাকিত, তাহা হইলে শ্রুতির উক্ত উক্তি প্রলাপোক্তি মাত্র হইত । ৩।১০ মন্ত্রে উক্ত উক্তি দৃঢ়ীকৃত হইল, ইহা স্পষ্ট ।

মুগ্ধ শ্রুতির “পরাম্পরং পুরুষমুপৈতি দিব্যম্” (৩।২।৮) মন্ত্র উক্ত শ্রুতির “অপ্রাণো অমনাঃ শুভ্রো অক্ষরাৎ পরভঃ পরঃ” (মুঃ ২।১।২) মন্ত্রের সহিত একত্র পাঠ করিতে হইবে । তাহা হইলে উহার প্রকৃত অর্থ হৃদয়ঙ্গম হইবে । “অক্ষরাৎ”—অর্থাৎ অব্যাকৃত প্রকৃতি হইতে পর বা শ্রেষ্ঠ—সমষ্টি-পুরুষ—তাঁহা হইতেও পর বা উৎকৃষ্ট যিনি, তিনি “অপ্রাণ, অমনাঃ, শুভ্র” ইত্যাদি বিশেষণ দ্বারা নির্দিষ্ট হইয়াছেন । তিনি যে ব্রহ্ম, তে বিষয়ে সন্দেহ নাই । ঋগ্বেদের নাসদীয় সূক্তে ৮।৭।১৭।২ ঋকে “আনীতবাতম্” পদের দ্বারা যাহাকে নির্দেশ করা হইয়াছে, মুগ্ধ শ্রুতি তাঁহাকেই “অপ্রাণ” বিশেষণে নির্দিষ্ট করিয়াছেন । (দেখ ২।২।৩২ সূত্রের আলোচনা) । অতএব সিদ্ধ হইল যে, ব্রহ্মই পরমতত্ত্ব, তত্ত্বান্তর নাই । এ কারণ, পূর্বে পক্ষের আপত্তির কোনও ভিত্তি নাই—উহা অপ্রাণ ও তুচ্ছ ।

এই প্রকল্পে ৩।২।১৭ সূত্রের আলোচনায় উক্ত ভাগবতের ৮।৩।২১ শ্লোক ও ২।৩।৪২ সূত্রের আলোচনায় উক্ত ১০।১৪।১২ শ্লোক দ্রষ্টব্য । ইহাদের মধ্যে ১০।১৪।১২ শ্লোক প্রতিপাদন করে যে, এই পরিদৃশ্যমান জগৎ ভগবানের কৃষ্ণির একদেশে মাত্র অবস্থান করে । ১।১।৩ সূত্রের আলোচনায় (পৃঃ ২৬৫) উক্ত ভাগবতের ১০।৮।৩৭ শ্লোকও স্পষ্টরূপে প্রতিপাদন করে যে, ব্রহ্ম এত বৃহৎ, যে তাঁহার প্রতিরোমরূপে আবরণ সহিত ব্রহ্মাণ্ড সকল, গবাক্ষপক্ষে সঞ্চারমাণ ধূলি পরমাণুর স্তায়, স্বচ্ছন্দে একে অস্ত্রের সঞ্চারণের প্রতিবন্ধক না হইয়া

বিচরণ করে। অর্থাৎ, তিনি যুলে মহৎ হইতেও মহত্তম। অষ্টাদশ ভাগবতের ৮।৩।২১ শ্লোক প্রতিপাদন করে যে, ব্রহ্মই পরমেশ, পরতত্ত্ব, সূক্ষ্মরূপে সর্বত্র অনুসৃত, কিন্তু ইন্দ্রিয়জ্ঞানের অতীত।

ভাগবত অষ্টত্রয় বলিতেছেন :—

শুনিগামপ্যাহং সূত্রং মহতাক্ষ মহানহম্ ।

সূক্ষ্মাগামপ্যাহং জীবো দুর্জয়ানামহং মনঃ ॥ ভাগঃ ১।১।১৬।১১

—আমি শুণীদিগের মধ্যে প্রথম কার্যরূপ সূত্রতত্ত্ব, মহৎ পদার্থ সকলের মধ্যে আমি মহত্তম, সূক্ষ্ম বস্তুর মধ্যে আমি জীব এবং দুর্জয় বস্তুর মধ্যে আমি মনঃ। ভাগঃ ১।১।১৬।১১

নমোহিনস্তায় সূক্ষ্মায় কূটস্থায় বিপশ্চিতৈ ।

নানাবাদানুরোধায় বাচ্যবাচকশক্তয়ে ॥ ভাগঃ ১।১।১৬।৩৯

—(১।১।৩ সূত্রের আলোচনায় (পৃ: ২৬২) ইহার অর্থ দেওয়া হইয়াছে)।

অতএব, প্রতিপাদিত হইল, তিনি সর্ব'কারণকারণ, “অণোরণীয়ান্ মহতো মহীয়ান্,” পরমতত্ত্ব।

৩।২।৩১ সূত্রের আলোচনায় উদ্ধৃত ভাগবতের ১।১।৩।১৭ শ্লোকের বলে, যে দৃশ্যমান পরিচ্ছিন্নতার যুলে আপত্তি করা হইয়াছে, উহা ৩।২।৩৩ সূত্রে নিরসন করা হইয়াছে। অপরন্তু উক্ত ৩।১ সূত্রের আলোচনায় উদ্ধৃত ভাগবতের ১।১।১৪।১৫ ও ২।৪।৪৬ শ্লোকের যুলে ভক্তই “পরতত্ত্ব” কিনা বলিয়া যে আপত্তির উল্লেখ করা হইয়াছে, তাহার উত্তর এই যে, তক্ত ভগবান্ হইতে “পরতত্ত্ব” ইহা শুনিলেই প্রকৃত ভক্ত অতি কাতর হইয়া পড়েন। ইহা তাঁহার পক্ষে অশ্রদ্ধের, আশ্রাব্য। ভগবান্ই ভক্তের “গতি, ভর্তা, প্রভু, সাক্ষী, নিবাস, শরণ, সূত্রং”; ভগবান্ই তাঁহার “পিতা, মাতা, স্বহৃৎ, বন্ধু, ভ্রাতা, পুত্র, বিত্তা, ধন, কাম—এক কথায় সর্বস্ব”; ভগবান্ই তাঁহাদের একান্ত আশ্রয়। উক্ত দুইটি শ্লোকে তাঁহার ভক্ত-বৎসলতা গুণ প্রকাশ করা হইয়াছে য়াত্র। এই গুণের জগ্গই ভক্ত সর্বস্ব পরিত্যাগ করিয়া, তাঁহাকেই আশ্রয় করে। অতএব, আপত্তির কোনও হেতু নাই, ইহা প্রতিপাদিত হইল। [৩।২।৩১ সূত্রের আলোচনায় উদ্ধৃত ১।১।১৪।১৫ শ্লোকের প্রকৃত তাৎপর্য ৩।৪।৪৬ সূত্রে বিশদভাবে আলোচিত হইবে]।

ভিত্তিঃ—

১। “তেনেদং পূর্ণং পুরুষেণ সৰ্ব্বম্ ।” (খেতাশ্বতর ৩।৯) ।

—সৰ্ব জগৎ এই পুরুষ দ্বারা পূর্ণ । (খেতাঃ ৩।৯) ।

২। “যচ্চ কিঞ্চিৎ জগৎ সৰ্ব্বং দৃশ্যতে শ্রয়তেহপি বা ।

অন্তর্বহিষ্চ তৎসৰ্বং ব্যাপ্য নারায়ণঃ স্থিতঃ ॥

(নারায়ণোপনিষৎ ১৩)

—এই জগতে যাহা কিছু দৃষ্ট বা শ্রুত হইয়া থাকে, নারায়ণ সেই সমস্ত বস্তু অস্তরে ও বাহিরে পরিব্যাপ্ত রহিয়াছেন । (নারাঃ ১৩)

৩। “নিত্যং বিভুং সৰ্বগতং সূক্ষ্মং যদ্ভূতযোনিং পরিপশ্যন্তি

ধীরাঃ ।” (মুণ্ডঃ ১।১।৬) ।

—ধীর ব্যক্তিগণ নিত্য, বিভু, সৰ্বগত, অতিসূক্ষ্ম, সৰ্বভূতের কারণকে দর্শন করিয়া থাকেন । (মুণ্ডঃ ১।১।৬) ।

৪। “ব্রহ্মৈবেদং সৰ্ব্বম্ ।” (বৃহঃ ২।৫।১) ।

—ব্রহ্মই এই সমস্ত । (বৃহঃ ২।৫।১) ।

৫। “আত্মৈবেদং সৰ্ব্বম্ ।” (ছান্দোগ্যঃ ৭।২।৫।২) ।

—আত্মাই এই সমস্ত । (ছাঃ ৭।২।৫।২) ।

৬। “সৰ্বং খন্দিদং ব্রহ্ম ।” (ছান্দোগ্যঃ ৩।১৪।১)

—এই দৃশ্যমান সমস্তই ব্রহ্ম । (ছাঃ ৩।১৪।১) ।

সেতু, উন্মান প্রভৃতির উল্লেখ দ্বারা যে আপত্তি উত্থাপন করা হইয়াছিল, তাহার সম্পূর্ণরূপে নিরাকরণ করিয়া, সূত্রকার অন্তর্গত ব্রহ্মের সৰ্বগতত্ব, সৰ্ব-ব্যাপিত্ব, পূর্ণত্ব, সৰ্বকারণ-কারণত্ব প্রভৃতি স্থাপন করিতেছেন ।

সূত্রঃ—৩।২।৩৭ ।

অনেন সৰ্বগতত্বমায়াম-শব্দাদিত্যঃ ॥ ৩।২।৩৭ ॥

অনেন + সৰ্বগতত্বম্ + আয়াম-শব্দাদিত্যঃ ॥

অনেমঃ—এই ব্রহ্মের দ্বারা । **সৰ্বগতত্বম্ঃ—**সৰ্বব্যাপিত্ব । **আয়াম-শব্দাদিত্যঃঃ—**ব্যাপকত্ব বোধক শব্দ প্রভৃতি হইতে ।

সর্বব্যাপকতা বোধক আয়াম প্রভৃতি শব্দ হইতে জানা যাইতেছে যে, সমস্ত জগৎই ব্রহ্ম কর্তৃক পরিব্যাপ্ত। এই সর্বগতত্ব হেতু ব্রহ্মাতিরিক্ত বস্তুর অভাব প্রতিপাদন করা হইল। উপরে যে সকল শ্রুতি মন্ত্রাংশ উদ্ধৃত হইয়াছে, তাহার মধ্যে খেতাস্বতর ৩৯, নারায়ণ ১৩, এবং মুণ্ডক ১।১।৬ সর্বব্যাপকতা বোধক “আয়াম” শব্দের দৃষ্টান্ত স্বরূপ দেওয়া হইয়াছে। ‘আদি’ শব্দের দৃষ্টান্ত স্বরূপ বৃহদাঃ ২।৫।১, এবং ছান্দোগ্য ৭।২।৫।২ ও ৩।১।৪।১ মন্ত্রাংশ দেওয়া হইয়াছে। শ্রীমদ্ভাগবতে ভগবানের সর্বব্যাপিত্ব প্রতিপাদক অনেক শ্লোক আছে, কয়েকটি মাত্র উদ্ধৃত হইল।

বীৰ্য্যানি তস্মাখিল দেহভাজা-

মস্তুব্বাহিঃ পুরুষ কালরূপৈঃ ।

প্রযচ্ছতো মৃত্যুমুতামৃতং চ

মায়ামনুষ্য বদস্ব বিদ্বন্ ॥ ভাগঃ ১০।১।৭

—হে বিদ্বন্ (ব্রহ্মবিৎ) ! সেই মায়ামনুষ্য ভগবানের বীৰ্য্য সকল বর্ণনা করুন। তিনি অখিল দেহধারীর অন্তরে পুরুষরূপে ও বাহিরে কাল-রূপে বর্তমান থাকিয়া সংসার ও মোক্ষ প্রদান করিতেছেন, অর্থাৎ অন্তর্দৃষ্টি সম্পন্ন পুরুষগণকে মুক্তি এবং বহির্দৃষ্টি সম্পন্ন জীবগণকে সংসার ভোগ প্রদান করিতেছেন। ভাগঃ ১০।১।৭

এই শ্লোকে ভগবানের সর্বব্যাপিত্ব নির্দেশ করা হইল।

প্রপঞ্চ জগৎ যে তাঁহার একাংশ মাত্র, উহার বাহিরে তিনি নিজ অনন্ত স্বরূপে বর্তমান এবং মায়ী দ্বারা মনুষ্য শরীর পরিগ্রহ করিলেও যে তাঁহার স্বরূপ-বিচ্যুতি ঘটে না, ইহা প্রকাশের জন্য ভাগবত বলিতেছেন :—

পীতপ্রায়স্য জননী সা তস্য রুচিরস্মিতম্ ।

মুখং লালয়তী রাজন । জ্জন্ততো দদৃশে ইদম্ ॥

ভাগঃ ১০।৭।৩৫

খং রোদসী জ্যোতিরনীকমাশাঃ

সূর্য্যেন্দু বহ্নি স্বপ্ননাসুধীংশ্চ ।

দ্বীপান্নগাংস্তদু হিতৃব্বানানি

ভূতানি যানি স্থিরজঙ্গমানি ॥ ভাগঃ ১০।৭।৩৬

• —শিশুর (শ্রীকৃষ্ণের) স্তম্ভপান প্রায় শেষ হইলে, মাতা যশোদা তাঁহাকে আদর করিতে থাকিলে, তখন শিশুর মধুর হাস্যযুক্ত আশ্র মধ্যে আকাশ, স্বর্গ, মর্ত্যালোক, জ্যোতিশ্চক্র, দিক্, সূর্য্য, চন্দ্র, অগ্নি, বায়ু, সাগর, দ্বীপ, পর্ব্বত, নদী, বন, স্তাবর, জন্ম সমুদায় স্তূত দেদীপ্যমান দেখিতে পাইলেন । ভাগঃ ১০।৭।৩০—৩৬

শ্রীকৃষ্ণের মুখের একদেশেই মাত্র এই সকল দৃষ্ট হইল । তিনি তখন মাতৃকোলে শয়ান ক্ষুদ্র শিশু মাত্র । তাঁহার ক্ষুদ্র শিশু মূর্ত্তিতেও অনন্ত, সর্বব্যাপিত্ব প্রভৃতির অভাব হয় নাই । তিনি দৃশ্যতঃ পরিচ্ছিন্ন হইলেও, তিনি স্বরূপতঃ অনন্ত, অপরিচ্ছিন্ন ও সর্বগত এবং পরিচ্ছিন্ন ক্ষুদ্র শিশুমূর্ত্তি ধারণ করিলেও, তাঁহার স্বরূপ চ্যুতি হয় না, ভাগবত ইহাই দেখাইলেন ।

শ্রীমদ্ভাগবত আবার বলিতেছেন :—

ন চান্তর্ন বহির্ষশ্চ ন পূর্ব্বং নাপি চাপরম্ ।

পূর্ব্বাপরং বহিঃশ্চান্তর্জগতো যো জগচ্চ যঃ ॥ ভাগঃ ১০।৯।১৩

তং মত্বাত্মজমব্যক্তং মর্ত্যালিঙ্গমধোক্কম্ ।

গোপীকোল খলে দাম্না ববন্ধ প্রাকৃতং যথা ॥ ভাগঃ ১০।৯।১৪

(—ইহার সরলার্থ ১।২।৭ সূত্রের আলোচনায় [পৃঃ ৪২৪] দেওয়া হইয়াছে ।)

এই প্রসঙ্গে ৩।২।২০ সূত্রের আলোচনায় উদ্ধৃত ভাগবতের ১০।৩।১৪ শ্লোক দ্রষ্টব্য । অপর স্থানে ভগবান নিজ মুখেই বলিয়াছেন :—

ভবতীনাং বিয়োগো মে নহি সর্ব্বাঅনা কচিৎ ।

যথা ভূতানি ভূতেষু খং বায়ুগ্নিজলং মহী ।

তথাহঞ্চ মনঃ প্রাণ বুদ্ধীন্দ্রিয়গুণাশ্রয়ঃ ॥ ভাগঃ ১০।৪৭।২৯

• —হে অবলাগণ ! তোমাদের সহিত আমার বিয়োগ কখনই নাই । কারণ, আমি সর্ব্বাত্মা—সকলের উপাদান ও নিমিত্ত কারণ এবং সকলের হৃদয়গুহার অবস্থিত অন্তর্য্যামী । যেমন চরাচর স্তূত-সকলের মধ্যে আকাশ, বায়ু, অগ্নি, জল ও পৃথিবী এই পঞ্চ মহাস্তূত আশ্রয়রূপে অনুগত, সেইরূপ আমি মনঃ প্রাণ বুদ্ধি ইন্দ্রিয় প্রভৃতি কার্য ও গুণ অর্থাৎ ইহাদের কারণ, এই সকলের আশ্রয়

প্রযুক্ত অহুগত আছি। অতএব, আমার সন্তাতেই ত'তোমাদের সন্তা। আমাকে ছাড়িয়া তোমরা কি করিয়া থাকিবে ?

ভাগঃ ১০।৪৭।২২

এই প্রসঙ্গে ১।১।৫ সূত্রের আলোচনায় উক্ত (পৃঃ ৩৮৬) ১০।৮৭।৪২ শ্লোকটিও দ্রষ্টব্য।

অতএব, প্রতিপাদিত হইল যে, ব্রহ্ম পূর্ণ, অনন্ত, সর্বগত, সর্বব্যাপী, অপরিচ্ছিন্ন, দেহধারণে পরিচ্ছিন্নের ন্যায় দৃষ্ট হইলেও, তাহা যোগমায়া দ্বারা সংঘটিত হয়, তাহাতে তাঁহার স্বরূপ হানি হয় না। ইহা দ্বারা আরও দেখান হইল যে, উপাস্ত ভগবান সর্বদা সর্বত্র এমনকি নিজের হৃদয়েও বর্তমান। যে যেখানে যে ভাবে তাঁহার উপাসনা করুন না কেন, তাহা তাঁহার কাছে অবিদিত থাকে না। তিনি “সর্বস্ত ও সর্ববিং”, (মুণ্ডঃ ১।৯)। তাঁহার সবিশেষ সাকার মূর্তির উপাসনা করিলেও কোনও দোষ নাই, কেননা, উক্ত মূর্তি পরিচ্ছিন্নবৎ দৃশ্যমান হইলেও, উহা তাঁহার স্বরূপ হইতে ভিন্ন নহে। পরমতত্ত্বে ‘দেহ-দেহী’ বা ‘তিনি-তাঁহার’ ভেদ নাই। সুতরাং, যে কোনও প্রকারেই হউক, তাঁহার উপাসনা কর্তব্য। আগে প্রতিপাদন করা হইয়াছে যে, “সংরাধন” দ্বারা তিনি লভ্য। এই, ‘সংরাধন’ যে কোনও স্থানে, যে কোনও কালে, যে কোন অবস্থায় করা কর্তব্য।

৮। কলাধিকরণ ॥

ভিত্তি:—

“পুণ্যেন পুণ্যং লোকং নয়তি, পাপেন পাপং,
উভাভ্যামেব মনুষ্যলোকম্ ॥” (প্রশ্নঃ ৩৭) ।

—পুণ্য দ্বারা পুণ্যলোক, পাপ দ্বারা পাপলোক, পাপপুণ্য উভয় প্রকার দ্বারা মনুষ্য লোক প্রদান করেন । (প্রশ্নঃ ৩৭)

সংশয়ঃ—জগতে মনুষ্যগণ যে যাগাদি পুণ্যকর্ম, হিংসাদি পাপকর্ম, অথবা পুণ্য পাপ উভয় মিশ্রকর্ম করে, সেই সকল কর্মই কি নিজ নিজ ফল সঙ্গে সঙ্গে বহন করে, অথবা, ফলদাতা কেহ আছেন? কর্ম মীমাংসকেরা বলিয়া থাকেন যে, কর্মই “অপূর্ব” উৎপাদন করে, এবং সেই “অপূর্ব”ই ফল প্রদান করিয়া থাকে। তাহা হইলে এই সিদ্ধান্ত হয় যে, কর্মই নিজ ফলদাতা, সে কারণে জগদ্ব্যাপার পরিচালনায় ঈশ্বরের স্থান গৌণ মাত্র। এই সংশয়ের উত্তরে শ্লোক:—

শ্লোক:—৩২।৩৮ ।

ফলমত উপপত্তেঃ ॥ ৩২।৩৮ ॥

ফলম্ + অতঃ + উপপত্তেঃ ॥

ফলম্:—ঐহিক ও পারলৌকিক ভোগ ও মুক্তি। অতঃ:—এই ঈশ্বর হইতে। উপপত্তেঃ:—উপপত্তি হেতু।

ঈশ্বরই কর্মফল দাতা। কর্ম জড়, নশ্বর; উহা ‘অচিৎ’ বিধায়, উহা ফলদাতা হইতে পারে না। চেতনাময় ঈশ্বরই জীবের কর্মানুসারে ফলদান করিয়া থাকেন। কর্ম—ঈশ্বর নির্দিষ্ট নিয়ম। রাজা যেমন বিধি প্রণয়ন করিয়া তদ্বারা রাজ্যশাসন ও প্রজাপালন করেন, ঈশ্বরও সেইরূপ কর্মবিধি প্রণয়ন করিয়া তদ্বারা বিশ্বরাজ্য শাসন ও জীব পালন করিয়া থাকেন। রাজা যেমন নিজকৃত বিধি অনুসারে দণ্ড-পুরস্কার দান করিয়া থাকেন, বিশ্বেশ্বরও কর্মবিধি অনুবর্তন করিয়া দণ্ড-পুরস্কার দান করিয়া থাকেন। রাজার বিধির যেমন স্বতঃ দণ্ডপুরস্কার দানের ক্ষমতা থাকে না, উহা পরিচালনের জন্য বিধিগত উপযুক্ত রাজপুরুষ নিযুক্ত থাকে, কর্ম সেইরূপ স্বতঃ ফল প্রদান করিতে পারে না। বিশ্বেশ্বরের নিরোজিত কর্মদেবতাগণ পরমেশ্বরের প্রতিষ্ঠিত

কর্মবিধি অনুসারে ফলযোজনা করিয়া থাকেন। রাজপুরুষ কৃত দণ্ড-পুরস্কার যেমন রাজার দ্বারা প্রদত্ত বলিয়া গৃহীত হয়, কর্মদেবতাগণ প্রদত্ত দণ্ড-পুরস্কারও সেইরূপ ঈশ্বর দত্ত বলিয়া গ্রহণ করা হইয়া থাকে। শিরোদেশে উদ্ধৃত শ্রুতি মন্ত্র ইহাই প্রতিপাদন করিয়াছেন।

পূর্বপক্ষ আপত্তি করিতেছেন যে, যদি ঈশ্বর কর্মফল দাতা মাত্র, তাহা হইলে ত কর্মেরই প্রাধান্য, ঈশ্বরের স্থান কর্মের নিম্নে। যেমন রাজার বিধি লঙ্ঘন না করিলে শাস্তিতে ও নিরাময়ে জীবনযাত্রা নির্বাহ করা যায়, সেইরূপ বিহিত কর্মাচরণ করিলেই, ঈশ্বর তাহার ফলস্বরূপ পুরস্কার দিতে বাধ্য। যদি তাহা হয়, তবে তাঁহার অস্বাতন্ত্র্য কোথায় রহিল এবং তাঁহার উপাসনার বা সংরাধনের প্রয়োজন কি ?

ইহার উত্তরে সিদ্ধান্তবাদী বলিতেছেন :—রাজবিধি যেমন প্রজাসাধারণের জন্ত বিহিত হইলেও, রাজা তাঁহার বিশেষ ভক্ত প্রজাকে বিশেষ অধিকার, বিশেষ পুরস্কার দান করিয়া থাকেন, বিশ্বেশ্বরও সেইরূপ কর্মবিধি জীবসাধারণের জন্ত বিধান করিয়াছেন। কিন্তু যাহারা তাঁহার একান্ত ভক্ত, তাঁহাদের তিনি প্রাকৃত রাজার ন্যায় কেবল মাত্র কিছু পুরস্কার বা অধিকার দিয়াই ক্ষান্ত হন না, তিনি তাঁহাকে সর্বদা এমন কি আপনাকেও পর্য্যন্ত প্রদান করিয়া থাকেন। তিনি সাধারণতঃ কর্মবিধি উল্লঙ্ঘন করেন না বটে, কিন্তু তাঁহার একান্ত ভক্ত-গণের সম্বন্ধে উক্ত বিধি প্রভাববান নহে, ইহা পরে আলোচিত হইবে। প্রমাণ স্বরূপ ভাগবতের কয়েকটি শ্লোক উদ্ধৃত হইল :—

ভগবান্ দেবকীপুত্রঃ কৈবল্যাভিখিলার্থদঃ ॥ ভাগঃ ১০।৬।৩৯

—ভগবান্ দেবকীপুত্র শ্রীকৃষ্ণ কৈবল্যাদি অখিল অর্থপ্রদ ।

ভাগঃ ১০।৬।৩৯

—ধর্ম, অর্থ, কাম ও মুক্তিকামী পুরুষেরা তাঁহার ভজনা করিয়া যে কেবলমাত্র নিজ নিজ অভিলষিত ধর্মাদি প্রাপ্ত হয়, তাহা নহে, তাহাদের অকামিত অন্যান্য আশীষ এবং অব্যয় দেহও ভগবান্ নিজ ইচ্ছায় দান করিয়া থাকেন। ভাগঃ ৮।৩।১৯

যং ধর্মকামার্থবিমুক্তিকামা

ভজন্ত ইষ্টাং গতিমাপ্নুবন্তি ।

কিঞ্চাশিবোরাভ্যপি দেহমব্যয়ম্

করতু মেহদভ্রদয়ো বিমোক্ষণম্ ॥ ভাগঃ ৮।৩।১৯

এইজন্যই প্রহ্লাদ বলিয়াছেন :—

সংসেবয়া সুরতরোরিব তে প্রসাদঃ

সেবানুরূপমুদয়ো ন পরাবরত্বম্ ॥ ভাগঃ ৭।৯।২৬

—সুরতরু (কল্পবৃক্ষ) যেমন সেবকের প্রার্থনানুসারে ফল প্রদান করিয়া থাকে, তুমিও সেইরূপ ভক্তের অভিলাষানুসারে ফলদান করিয়া থাক। তুমি উত্তমত্ব বা অধমত্ব বিচার কর না। ভাগঃ ৭।৯।২৬।

এই প্রসঙ্গে ১।৩।১৯ সূত্রের আলোচনার উদ্ধৃত (পৃঃ ৬০৩-৫) ভাগবতের ৩।১।৪৮, ১০।৮।০৮, ৬।১৬।৩০, ১০।৪৮।২২, ১০।৬০।৩৭ এবং ১।১।১৫।৩৫ শ্লোকগুলি দ্রষ্টব্য। এই সকল হইতে প্রতিপাদিত হইবে যে, তিনি সমুদায় আশীষের প্রভু। তাঁহাকে সেবা করিলে তিনি যে কেবল অভীষ্ট দান করিয়া ক্ষান্ত থাকেন, তাহা নহে, সম্ভষ্ট হইলে তিনি দানের কার্পণ্য করেন না, এমন কি কৃপা হইলে, নিজেকেও পর্য্যন্ত দান করিয়া থাকেন। এমন ভক্ত বংশল আর কে আছেন? অতএব, তিনি সর্বতোভাবে উপাশ্রয়।

পূর্বে বহুবার প্রতিপাদিত হইয়াছে যে, কর্মদ্বারা যাহা লভ্য, তাহা নশ্বর এবং পরমপদ বা ভগবত্ত্ব কর্মলভ্য নহে। পরমার্থ প্রাপ্তি এক ভগবদ্ কৃপা ভিন্ন হয় না। ৩।২।৩৫ সূত্রের শিরোদেশে উদ্ধৃত মুণ্ডক শ্রুতির ৩।২।৩ মন্ত্র ইহার প্রমাণ। সূত্রাং কর্ম' যে মুখ্য নহে, ভগবানই মুখ্য ও তিনি একমাত্র উপাশ্রয়, ইহাতে সন্দেহ মাত্র নাই।

ভিত্তি:—

- ১। “স বা এষ মহানজ আত্মাহ্নাদো বস্তুদানঃ ।” (বৃহঃ ৪।৪।২৪)
—সেই এই মহান্, অজ, আত্মাই অন্নাদ ও ধনদাতা ।
(বৃহঃ ৪।৪।২৪)
- ২। “এষ হেবানন্দয়াতি” । (তৈত্তিঃ ২।৭)
—ইনিই সকলকে আনন্দিত করেন । (তৈত্তিঃ ২।৭) ।

সূত্র :—৩।২।৩৯ ।

শ্রুতত্বাচ্চ ॥ ৩।২।৩৯ ॥

শ্রুতত্বাৎ + চ ॥

শ্রুতত্বাৎ :—শ্রুতি নির্দেশ হইতে । চ :—ও ।

নিরোদেশে উক্ত শ্রুতি মন্ত্রস্বরূপ হইতেও জানা যায় যে, পরমেশ্বরই
অন্ন, ধন ও মোক্ষ পর্য্যন্ত সমুদায়ের দাতা । অতএব, সর্বকল দাতৃৎ
পরমেশ্বরেরই ; অস্তোর মতে ।

পূর্বসূত্রের আলোচনায় উক্ত ও উল্লিখিত ভাগবতের শ্লোকগুলি দ্রষ্টব্য ।

ভিত্তিঃ—

“যজ্ঞেত স্বর্গকামঃ ।” (যজুঃ ২।৫।৫) ।

—স্বর্গকামী যাগ করিবে । (যজুঃ ২।৫।৫) ।

সংশয়ঃ—যদি ঈশ্বরই কর্মফল প্রদান করেন, তবে শিরোদেশে উদ্ধৃত-
শ্রুতি মন্ত্রাংশের সার্থকতা কি? তাহা হইলে ত, শ্রুতির কর্মকাণ্ডের নিরর্থকতা
আপত্তিত হয়। ইহার কি উত্তর দিবে? এই পূর্বপক্ষের আপত্তি উত্থাপন
করিয়া সূত্রকার জৈমিনি মত উল্লেখ করিয়া সূত্র করিলেন :—

সূত্রঃ—৩।২।৪০ ।

ধর্ম্যং জৈমিনিরত এব ॥ ৩।২।৪০ ॥

ধর্ম্যং + জৈমিনিঃ + অতএব ॥

ধর্ম্যং ৩ঃ—ধর্ম্যপদবাচ্য যাগাদি কর্মকে । **জৈমিনিঃ** ৩ঃ—পূর্বমীমাংসা-
প্রণেতা আচার্য্য জৈমিনি । **অতএব** ৩ঃ—এই হেতু, অর্থাৎ উপপত্তি হেতু

পূর্ব মীমাংসাকার জৈমিনি বলেন যে, যাগাদি কর্মই ফল প্রদান করিয়া
থাকে, ব্রহ্ম বা ঈশ্বর নহেন । জগতে কৃশাদি কর্ম সাক্ষাৎ সফল, এবং দান-
অধ্যয়নাদি কর্ম সাক্ষাৎ বা পরম্পরা সফল ফল উৎপাদন করে, প্রত্যক্ষ দেখা
যায় । এক ব্যক্তি ডাক্তারি বিদ্যা শিক্ষা করিয়া, ভাল ডাক্তার হইয়া বহু অর্থ
উপার্জন করিল । অন্য ব্যক্তি একটি খাল খনন করিয়া জলা জমির জল নির্গমনের
ব্যবস্থা করতঃ শস্যোৎপাদন বৃদ্ধির কারণ হইল । অন্য একজন তৃতীয় ব্যক্তি
কোনও বিস্তৃত ক্ষেত্রের চতুর্দিকে বাঁধ দিয়া ভিতরের জল ধারণের এবং বাহিরের
জল আগমন নিরোধের ব্যবস্থা করিয়া যথেষ্ট শস্য জন্মাইল । এই সকল ফল লাভ
প্রত্যক্ষ দেখা যায় । সেইরূপ যাগ, দান, তপস্যা, হোম, উপাসনাদি কর্ম, যাহা
সাধারণতঃ ধর্ম্য নামে অভিহিত, উহার সাক্ষাৎ সফল প্রত্যক্ষ দৃষ্টি গোচরে না
হউক, পরম্পরা সফল ফলপ্রদ, তাহাতে সন্দেহ নাই । কারণ, শ্রুতি হইতেই
ইহা উপপন্ন হয়, শিরোদেশে উদ্ধৃত শ্রুতিমন্ত্র ইহার প্রমাণ । কর্ম নশ্বর বটে,
অমুষ্ঠানের পর, উহা ধ্বংস প্রাপ্ত হয় বটে, কিন্তু কর্মের সহিত ফলের সফল
স্বীকার না করিলে, কর্মকাণ্ডে শ্রুতিসমূহ নিরর্থক হইবার সম্ভাবনা উপস্থিত
হয় । এ কারণ, শ্রুতি যখন নির্দোষ প্রমাণ, তখন যাহাতে উহার প্রামাণ্য রক্ষা

হয়, সেরূপভাবে অনুমান করা কর্তব্য। এজন্য আমরা বলি যে, নশ্বর-স্বভাব কর্ম, নাশের পূর্বে “অপূর্ব” নামধেয় একটি শক্তি জন্মাইয়া থাকে। এই “অপূর্ব”কে হয় কৃত কর্মের সূক্ষ্ম চরম অবস্থা, বা ফলের পূর্বাভাষা, অথবা বীজাবস্থাও বলিতে পার। ইহা কর্মকর্তায় সংক্রামিত হয়, এবং যতদিন ইহার ফল উৎপন্ন না হয়, ততদিন কর্মকর্তার সঙ্গে সঙ্গে থাকে, এ প্রকার অনুমান করা কর্তব্য।

এই অনুমান করিলে ঈশ্বরের ফলদাতৃত্ব স্বীকার করিবার প্রয়োজন নাই। কর্ম নিজ ফল নিজেই উৎপাদন করে এবং নিজেই প্রদান করে। অতএব ধর্মের দ্বারাই ফল, ঈশ্বরের দ্বারা নহে, এই সিদ্ধান্ত হওয়াই উচিত।

শ্রীমদ্ভাগবত নিম্নোক্ত শ্লোকে সমজাতীয় পূর্বপক্ষ আপত্তি উত্থাপন করিয়া, পরে নিজেই তাহার সমাধান করিয়াছেন :—

অধৈষাং কর্মকর্তৃণাং ভোক্তৃণাং সুখদুঃখয়োঃ ।

নানাশ্রমণি নিত্যং চ লোককালাগমাত্মনাম্ ।

মন্থসে সর্বভাবানাং সংস্থা হৌৎপত্তিকী যথা ।

তত্তদাকৃতিভেদেন জায়তে ভিছতে চ ধীঃ ॥ ভাগঃ ১১।১০।১৪

—যদি কর্মকর্তা ও সুখদুঃখ ভোক্তা জীবের নানাশ্রম স্বীকার কর, যদি স্বর্গাদি লোক, তদ্ভোগকাল, তৎপ্রতিপাদ্য আগম ও ভোক্তা আত্মার নিত্যশ্রম অঙ্গীকার কর, যদি শ্রম বন্দনাদি বিষয় সকলের প্রবাহরূপে নিত্যশ্রম ও মায়িকত্ব জ্ঞান কর, এবং যদি ঘটপটাদি জ্ঞানকে তৎপদার্থাদি ভেদে ভিন্ন ও উৎপন্ন বলিয়া স্বীকার কর। ভাগঃ ১১।১০।১৪

এই বলিয়া পূর্বপক্ষ স্থাপন করিলেন, ইহার সমাধান ১১।১০।১৫ হইতে ১১।১০।৩৩ শ্লোক পর্য্যন্ত। সমুদায় উল্লেখ না করিয়া শেষের শ্লোকটি, যাহাতে সিদ্ধান্তের উপসংহার করা হইয়াছে, তাহাই উদ্ধৃত করিলাম :—

কাল আত্মাগমো লোকঃ স্বভাবো ধর্ম এব বা ।

ইতি মাং বহুধা প্রাহুর্গণব্যতিকরে সতি ॥ ভাগঃ ১১।১০।৩৩

—যায়া দ্বারা গুণক্ষোভ সংঘটিত হইলে, লোকে ও বেদে আমাকেই কাল, আত্মা, আগম, লোক, স্বভাব, ধর্ম ইত্যাদি বহু নামে বর্ণন করেন।

ভাগঃ ১১।১০।৩৩ ।

এখন “অপূর্ব” নামধেয় একটি শক্তির উৎপত্তি সম্বন্ধে অনুমান বাহা আচার্য্য ঐমিনি করিয়াছেন, তাহা কতদূর সঙ্গত এবং ভাগবতের ১১।১০।৩৩ শ্লোকের

সহিত তাহার সম্বন্ধ কি, এ বিষয়ে সংক্ষেপে আলোচনা করা যাউক। আচার্য্য জৈমিনির মতে প্রত্যেক বিশেষ কর্মের ফল, বিশেষ “অপূর্ব” রূপে কর্মকর্তাকে আশ্রয় করে। কর্ম—নশ্বর, জড়, গুণ পরিণামে উৎপন্ন, সূতরাং তাহার ফলও নশ্বর, জড় ও গুণ পরিণামে জাত বলিতে হইবে। কেননা, কারণের ধর্ম কার্যে সংক্রামিত হইয়া থাকে। সূতরাং কারণ রূপ কর্মের ধর্ম—কার্যরূপ ফলে সংক্রামিত হইবে তাহার সন্দেহ কি? কিন্তু উক্ত কর্মফল কর্মকর্তাকে আশ্রয় করিবে কেন? যদি বল, ইহা স্বভাবত হইয়া থাকে, তাহা হইলে জিজ্ঞাসা করিব, এই স্বভাবের প্রবর্তক কে? জড় নশ্বর কর্মের নিজ স্বভাব সৃষ্টি করা সম্ভব হয় না। যদি বল, প্রত্যক্ষ দেখিতে পাই যে, আমের বীজ হইতে আম গাছ, নিম্বের বীজ হইতে নিম্ব বৃক্ষ প্রত্যেক ক্ষেত্রেই জন্মিয়া থাকে এবং উহা বীজের নিজ নিজ স্বভাব অনুসারে হইয়া থাকে, তাহা হইলে বলিব যে, এইরূপ উক্তি সিদ্ধান্ত নহে। যাহা হইয়া থাকে, ভাষায় তাহার বর্ণনা যাজ্ঞ। কিন্তু ভিন্ন ভিন্ন বীজে ওপ্রকার বিভিন্ন শক্তি নিহিত হইবার কারণ কি? জড়ে ঐ প্রকার শক্তি কে অর্পণ করিল? একজন চেতন নিয়ন্ত্রার অস্থিৎ—এইপ্রকার প্রশ্নের উত্তর অনুসন্ধানে আপনাপনিই আসিয়া পড়ে। কর্মের “অপূর্ব” নামধেয় ফল কর্মকর্তাকে আশ্রয় করে বলিলে, জড় কর্ম চৈতন্যবিশিষ্ট হইয়া পড়িবার সম্ভাবনা উপস্থিত হয়। নতুবা যেখানে বৃহৎ বৃহৎ যজ্ঞে হোতা, অধ্বর্য্য, ঋত্বিক, ব্রহ্মা, সদস্য প্রভৃতি বহু বহু যজ্ঞসাধক পরিকরণের নিয়োজন আবশ্যিক হয়, এবং উহাদের পরিশ্রমের পরিমাণ ও গুরুত্ব অনুসারে, দক্ষিণা প্রদান করিয়া, উহাদিগের সন্তোষ সাধন করিতে হয়, সেখানে উক্ত যজ্ঞ অনুষ্ঠিত নানা প্রকার কর্ম—কর্মকর্তাকে চিনিয়া তাঁহাকে আশ্রয় করিবে কিরূপে? সেখানে যিনি প্রকৃত যজমান বা কর্মকর্তা, তিনি কোনও কর্ম অনুষ্ঠান করেন না। কর্মানুষ্ঠাতৃগণকে দক্ষিণা দিয়া তিনি তাঁহাদিগের আনুগ্য লাভ করেন এবং শাস্ত্র বিধি অনুসারে তিনি ফলভোগী। কিন্তু কর্ম চৈতন্যবিশিষ্ট না হইলে, এবং শাস্ত্র বিধি অবগত না থাকিলে, তাঁহাকে আশ্রয় করিতে পারে না। সূতরাং এরূপ অনুমান সমীচীন নহে। অগ্ন্য পক্ষে ভাগবতের সিদ্ধান্তানুসারে, একই বহুরূপে অভিব্যক্ত হওয়ার, সেই একের ভিত্তিতে—বহুর পরম্পরের মধ্যে সম্বন্ধ থাকা সম্ভব বটে। বিশেষতঃ যিনি এক হইয়াও বহুরূপে প্রকটিত হইয়াছেন, তিনি চৈতন্যময়। সূতরাং কোন কর্মের কি ফল এবং সে ফল কাহার ভোগ্য, সমুদায় “সর্বজ্ঞ ও সর্ববিদের” নিকট স্পষ্টরূপে প্রকাশিত।

বেদ শব্দব্রহ্ম। কর্মকাণ্ডই বল আর জ্ঞানকাণ্ডই বল, উহাতে জগৎ পরিচালনের নিয়ম পরম্পরা ভাষায় বর্ণিত আছে। এ কারণ উহা অপৌকষের এবং উহা স্বতঃপ্রমাণ। ঐ সকল নিয়মের ব্যভিচার নাই। রাজা যেমন বিধি প্রণয়ন করিয়া উহা ভাষায় নিবন্ধ করিয়া জনসাধারণে প্রচার করেন, বিশ্বেশ্বর সেইরূপ বিধি প্রণয়ন করিয়া জীবের হিতার্থ বেদরূপে প্রকটিত করিয়াছেন। রাজার বিধি যেমন রাজপুরুষগণের দ্বারা প্রযুক্ত হইয়া কার্যকারী হয়, সেইরূপ বিশ্বরাজের বিধি সকল তাঁহার দ্বারা অথবা তাঁহার দ্বারা নিযুক্ত কর্মদেবতাগণ দ্বারা প্রযুক্ত হইয়া কার্যকারী হয়। বিশেষ কর্মের বিশেষ ফল, সেই বিশ্বরাজের বিধানেই সংঘটিত এবং তিনিই ফলদাতা, এ সিদ্ধান্ত অপরিহার্য। ভগবান সূত্রকার পরবর্তী সূত্রে এই সিদ্ধান্ত স্থাপন করিয়াছেন।

তিত্তিঃ—

১। “বায়ব্যাং শ্বেতমালভেত ভূতিকামঃ ; বায়ুর্বে ক্লেপিষ্ঠা দেবতা ;
বায়ুমেব শ্বেন ভাগধেয়েনোপধাবতি ; স এৰৈবনং ভূতিং
গময়তি ॥” (যজুঃ ২।১।১)

—বায়ুদৈবতক শ্বেতবর্ণ ছাগল উৎসর্গ করিবে, বায়ু ক্লেপিষ্ঠামিনী দেবতা বলিয়া প্রসিদ্ধ। স্বীয় ভাগ্যাসুরসারে বায়ুর নিকটই ধাবিত হয়, সেই বায়ুই ইহার ঐশ্বর্যলাভ করান। (যজুঃ ২।১।১)।

২। “ইষ্টাপূর্তং বহুধা জাতং জায়মানং বিশ্বং বিভক্তি ভুবনশ্চ নাভিঃ ।
তদেবাগ্নিস্তদ্বায়ুস্তৎসূর্যাস্তত্ চন্দ্রমাঃ ॥”

(নারায়ণোপনিষৎ ২) ।

—জগতের নাভি স্বরূপ সেই পরব্রহ্ম ইষ্টাপূর্তাদি কর্ণের ফলে বহু প্রকারে জাত ও জায়মান এই বিশ্বকে ধারণ করিতেছেন ; তিনিই অগ্নি, তিনিই বায়ু, তিনিই সূর্য্য, তিনিই চন্দ্র। (নারাঃ ২) ।

৩। যো বায়ৌ তিষ্ঠন্ যস্য বায়ুঃ শরীরম্”, “যোহগ্নৌ তিষ্ঠন্”,
“য আদিত্যে তিষ্ঠন্”.....(বৃহদাঃ ৩।৭।৫, ৩।৭।৭, ৩।৭।৯) ।

—যিনি বায়ুতে অবস্থান করিয়া, বায়ু ধাহার শরীর, যিনি অগ্নিতে অবস্থান করিয়া, যিনি আদিত্যে অবস্থান করিয়া.....॥

(বৃহঃ ৩।৭।৫, ৩।৭।৭, ৩।৭।৯)

৪। যো যো যাং যাং তুহুং ভক্তঃ শ্রদ্ধয়ার্চিতুমিচ্ছতি ।
তস্য তস্যচলাং শ্রদ্ধাং তামেব বিদধাম্যহম্ ॥ (গীতাঃ ৭।২১)

স তয়া শ্রদ্ধয়া যুক্তস্তস্যারাধনমীহতে ।

লভতে চ ততঃ কামান্ ময়েব বিহিতান্ হি তান্ ॥

(গীতাঃ ৭।২২)

• দেবান্ দেবযজ্ঞে যান্তি মদুভক্তা যান্তি মামপি ॥

(গীতাঃ ৭।২৩) ।

—যে যে ভক্ত শ্রদ্ধা পূর্বক আমার বৃত্তি স্বরূপ যে যে দেবতার অর্চনা করিতে ইচ্ছা করে, আমি সেই সেই ব্যক্তিকে তদনুসারী অচলা ভক্তি প্রদান করি। সেই লোক তাদৃশ শ্রদ্ধাযুক্ত হইয়া তাহার আশীর্বাদ

যত্ন করে, তদনন্তর আমারই প্রদত্ত অভীষ্ট কামসমূহ লাভ করিয়া থাকে। দেবপুঞ্জকগণ দেবগণকে প্রাপ্ত হয় এবং আমার ভক্তগণ আমাকে প্রাপ্ত হয়। (গীতা, ৭।২১-২২-২৩)

৫। অহং হি সর্ব যজ্ঞানাং ভোক্তা চ প্রভুরেব চ। গীঃ ৯।২৪

—আমিই সমস্ত যজ্ঞের ভোক্তা ও প্রভু—অর্থাৎ ফলপ্রদাতা।

গীঃ ৯।২৪

পূর্ব সূত্রোক্ত পূর্বগক্ষীয় আপত্তির উত্তরে সিদ্ধান্ত সূত্র :—

সূত্র :—৩।২।৪১।

পূর্বং তু বাদরায়ণো হেতুব্যপদেশাৎ ॥ ৩।২।৪১॥

পূর্বং + তু + বাদরায়ণঃ + হেতুব্যপদেশাৎ ॥

পূর্বং :—প্রথমোক্ত সিদ্ধান্ত, অর্থাৎ ৩।২।৩৮ ও ৩।২।৩৯ সূত্রদ্বয় হইতে প্রাপ্ত সিদ্ধান্ত। তু :—পূর্বপক্ষ নিরসনার্থক। বাদরায়ণঃ :—ব্রহ্ম সূত্রকার আচার্য্য ব্যাসদেব। হেতুব্যপদেশাৎ :—ঈশ্বরের হেতু বা কারণত্ব নির্দেশ হেতু।

শিরোদেশে উদ্ধৃত শ্রুতি ও স্মৃতি প্রমাণ হইতে স্পষ্ট উপলব্ধি হইবে যে, বায়ু, অগ্নি, আদিত্য প্রভৃতি দেবতাগণ ব্রহ্মেরই সৃষ্টি। ব্রহ্মই তাঁহাদিগের অন্তরে অন্তর্যামীরূপে বর্তমান থাকিয়া, তাঁহাদিগকে স্ব স্ব কার্যে নিয়োগ করিয়া থাকেন। যজ্ঞ, দান, হোম প্রভৃতির দ্বারা উক্ত দেবতাগণের উপাসনা করিলে এক ব্রহ্মেরই উপাসনা করা হয়, তবে ব্রহ্ম বুদ্ধিতে উপাসনা না করার জগৎ ব্রহ্মোপাসনা হইতে উহাদের উপাসনার ফল বিভিন্ন হয়। উক্ত দেবতাগণের উপাসকগণ, উক্ত দেবতাগণের লোক প্রাপ্ত হন, বলা বাহুল্য যে, তাহারা নশ্বর। কিন্তু ভগবদ্ভক্ত ভগবানকেই প্রাপ্ত হইয়া থাকেন, ভগবান নিত্য, শাস্বত ও অবিকারী হওয়ায়, উহাদের প্রাপ্তি নশ্বর নহে—নিত্য, শাস্বত ও অবিকারী। এই বিভিন্ন ফল লাভ ভগবদ্বিধানেই হইয়া থাকে, ইহার স্পষ্ট উল্লেখ গীতার ৭।২২ শ্লোকে আছে। অতএব, সূত্রকারের স্বমতে ভগবানই কর্মফল দাতা। ভগবানের বিধানেই যে অগ্নি, বায়ু, আদিত্য, চন্দ্র প্রভৃতি সকলেই যে স্ব স্ব কার্যে নিযুক্ত, তাহা ১।৩।৪১ সূত্রের আলোচনায় (পৃঃ-৬৫০-৬৫৭) উদ্ধৃত ভাগবতের ৩।২।৮, ৩।২।১৩৯, ৪।১।১২৬, ৫।১।১৪, ১০।৮।১২৪, ৩।২।৩৩ প্রভৃতি শ্লোক হইতে প্রতিপাদিত হইবে।

অপর, তিনি যে চিৎ—অচিৎ সমুদায় এবং তাহা হইতেও অধিক, ইহা ৩।২।২২ শ্লোকে প্রতিপাদিত হইয়াছে। তিনি “বিশ্ব ও অবিশ্ব”, ইহা ৩।২।১৭ শ্লোকের আলোচনার উদ্ধৃত ৮।৩।২৬ শ্লোক হইতে, এবং যনঃ ও বাক্যের দ্বারা প্রকাশ যে কোনও বস্তু যে তাঁহা হইতে অভিন্ন, ইহা উক্ত শ্লোকের আলোচনার উদ্ধৃত ৭।২।৪৭ শ্লোক হইতে প্রতিপাদিত হইবে।

পূর্ব শ্লোকে উদ্ধৃত ১।১।১০।৩৩ শ্লোকও এই সিদ্ধান্তই স্থাপন করে। অমুসন্ধিৎসুগণ ইহার পূর্বের শ্লোকগুলিও দেখিতে পারেন।

অতএব, সুন্দররূপে প্রতিপাদিত হইল যে, ব্রহ্মই যখন দেবতা-দিগেরও নিয়ন্তা, এবং ভিন্ন ভিন্ন দেবগণ তাঁহারই বিধান মত উপাসক দিগের কাম্যফল প্রদান করিয়া থাকেন, ব্রহ্ম ভিন্ন যখন বস্তুস্তর নাই, তখন তিনিই কাম্যফলদাতা, তিনিই একমাত্র উপাস্য। কাম্যসকলের সহিত ফল সম্বন্ধ যোজন্য করিবার জন্ম “অপূর্ব” অমুমানের প্রয়োজন নাই। এক ভগবান বা ব্রহ্মই সর্ব সমাধান করিতে সম্পূর্ণ সমর্থ।

ভাগবতে স্পষ্টই উক্ত আছে, দ্রব্য, কাম্য, কাল, স্বভাব, জীব এ সকল কেহই বাসুদেব হইতে ভিন্ন নহে। প্রত্যুত সকলেই তাঁহার সত্তাতেই সত্তাবান্। ভাগঃ ২।৫।১৪

দ্রব্যং কাম্য' চ কালশ্চ স্বভাবো জীব এব চ ।

বাসুদেবাৎ পরো ব্রহ্মন্ ন চাশ্চোহর্থোহস্তি তদ্বতঃ ॥

ভাগঃ ২।৫।১৪

দ্রব্যং কাম্য' চ কালশ্চ স্বভাবো জীব এব চ ।

যদমুগ্রহতঃ সস্তি ন সস্তি যত্পেক্ষয়া ॥ ভাগঃ ২।১০।১২

ॐ ভগবতে বাসুদেবায় নমঃ

তৃতীয় অধ্যায় ।

তৃতীয় পাদ ।

এই পাদে সগুণ বিজ্ঞা সমূহের গুণোপসংহার এবং নিগুণ ব্রহ্মে অপুনরুক্ত পদের উপসংহার ॥

এই পাদে সগুণ ব্রহ্ম প্রাপক বিজ্ঞা সমূহের গুণোপসংহার এবং নিগুণ ব্রহ্মে অপুনরুক্ত পদের উপসংহার করা হইয়াছে । প্রত্যুত সগুণ ও নিগুণ—উভয় উপাসনাই যে তৎতঃ ও ফলতঃ একই, তাহা প্রতিপাদিত হইয়াছে । ‘নিগুণ’ অর্থ প্রাকৃত সত্ত্ব, রজঃ, তমঃ এবং তাহাদিগের মিশ্রণ-রহিত গুণাতীত বস্তু । “নিগুণ” বলিলে বুঝিতে হইবে যে, প্রাকৃতিক গুণের সংস্পর্শ তাহাতে নাই, কিন্তু তাহা দ্বারা ইহা বলা উদ্দেশ্য নহে যে, অপ্রাকৃত স্বভাবসিদ্ধগুণ তাহাতে বর্তমান নাই । ‘সগুণ’ অর্থ প্রাকৃতিক গুণ সম্বন্ধে সস্বক বস্তু নহে, ব্রহ্মের নিজ স্বভাবসিদ্ধ অপ্রাকৃত—অপার করুণাময়ত্ব, ভক্ত বাৎসল্য, অশেষ কল্যাণ গুণাকরত্ব প্রভৃতি গুণবিশিষ্ট বস্তু । অতএব, নিগুণ ও সগুণ—উভয়েই প্রাকৃত গুণাতীত এক অভেদ বস্তু । যখন তাহার প্রাকৃতিক গুণ রাহিত্যকে মুখ্যত্ব প্রদান করিয়া বিচার করা যায়, তখন তিনি “নিগুণ” বলিয়া কথিত হন, আর যখন তাহার স্বভাবসিদ্ধ অপ্রাকৃতিক গুণ সমূহকে মুখ্যত্ব প্রদান করিয়া বিচার করা যায়, তখন তিনি “সগুণ” বলিয়া উক্ত হইয়া থাকেন । সূত্ররাং বস্তুগত কোনও ভেদ নাই । ভেদ কেবল লক্ষ্যস্থানের তারতম্য । এই “নিগুণ”, “সগুণ” ভাব তাহাতে এককালে একাধারে বিদ্যমান থাকে, ইহা ৩২।১১, ৩২।২২ ও ৩২।২৬ শ্লোকে প্রতিপাদিত হইয়াছে । বর্তমান পাদে, যাহা পূর্বে বলা হয় নাই, তৎসম্বন্ধে উপসংহার করিবেন ।

তৃতীয় অধ্যায়ের প্রথম পাদে জীবের সংসারে গতাগতির বিচার দ্বারা ব্রহ্মের বস্তু হইতে বৈরাগ্য উৎপাদনের চেষ্টা করা হইয়াছে ।

দ্বিতীয় পাদে ব্রহ্মই একমাত্র উপাস্ত, তিনি ব্যতিরেকে দ্বিতীয় বস্তুই নাই, তিনি জীব, জগৎ, স্বভাব, কর্ম, কর্মফল ও কর্মকল দাতা সমুদায়ই, ইহা প্রতিষ্ঠিত করিয়া তিনি যে সংসার হইতে মুক্তি লাভেচ্ছ জীবের একমাত্র আশ্রয় স্থান, তাহা প্রতিপাদিত করা হইয়াছে ।

বর্তমান তৃতীয় পাদে সূত্রকার বলিবেন যে, শ্রুতিতে বিভিন্ন প্রকার উপাসনা পদ্ধতি উল্লেখ থাকায়, সাধকের সন্দেহ হইতে পারে যে, হয়ত উহারা স্বরূপে বিভিন্ন। এই সন্দেহ নিরসনের জন্ম সমুদায় উপাসনা পদ্ধতির যে সম্বন্ধ একমাত্র ভগবানে বা ব্রহ্মে তাহাই সূত্রকার প্রতিপন্ন করিবেন। সুতরাং সাধকের সন্দেহ করিবার কারণ নাই। উপাসনামার্গ দ্বারা প্রাপ্য বস্তু একই। উহাতে বিকল্প নাই। যদি কিছু বিকল্প প্রতীয়মান হয়, উহা সাধকের মনের সংকল্প ও তাহার নিজ অভিক্রমি অনুসারে। অনন্তের পক্ষে কোনও বিশেষ অভিব্যক্তি সূত্র বটে।

১।১।৪ সূত্রের আলোচনায় সিদ্ধান্ত স্থাপন করা হইয়াছে যে, সমুদায় বেদের তাৎপর্য্য ব্রহ্মে বা ভগবানে। সেখানে সমষ্টিভাবে যাহা প্রতিপাদিত হইয়াছে, এখানে সাধকের সাধনামার্গের বিভিন্নতার প্রতি দৃষ্টি রাখিয়া ব্যক্তি ভাবে উহাদের উপসংহার বা সম্বন্ধ যে একমাত্র ভগবানে বা ব্রহ্মে, তাহাই প্রতিপাদিত হইবে।

১। সৰ্ববেদাস্তপ্রত্যয়াধিকরণ ॥

ভিত্তিঃ—

১। “ওঁমিত্যেতদক্ষরমুদগীধমুপাসীত ।” (ছান্দোগ্যঃ ১।১।১)

—সেই এই ওঁকার অক্ষরকে উদগীধরূপে উপাসনা করিবে ।

(ছাঃ ১।১।১)

২। “আত্মেত্যেবোপাসীত” । (বৃহদাঃ ১।৪।৭) ।

—আত্মা রূপেই উপাসনা করিবে । (বৃহদাঃ ১।৪।৭)

৩। তং বিজ্ঞাৎ শুক্রমমৃতম্ ।” (কঠঃ ২।৩।১৭)

—সেই শুক্র অমৃত স্বরূপ তাঁহাকে জানিবে । (কঠঃ ২।৩।১৭)

সংশয়ঃ—শ্রুতির ভিন্ন ভিন্ন শাখায় ভিন্ন ভিন্ন উপাসনা পদ্ধতির উল্লেখ আছে । উপরে উদ্ধৃত তিনটি শ্রুতি মজ্জাংশ প্রমাণ স্বরূপ গ্রহণ করা যাইতে পারে । ছান্দোগ্য ও বৃহদারণ্যক উভয় শ্রুতিতেই মধুবিজ্ঞা, পঞ্চাগ্নি বিজ্ঞা, প্রাণোপাসনা বিজ্ঞা, বৈশ্বানর বিজ্ঞা, গায়ত্রী উপাসনা বিজ্ঞা প্রভৃতি বিজ্ঞা বা উপাসনা পদ্ধতি কথিত আছে । উহারা কি একই বিজ্ঞা বা বিভিন্ন বিজ্ঞা ? প্রকরণ ও বেদ শাখার ভেদ থাকায় উক্ত বিজ্ঞা সকল অধিকাংশই নামে বিভিন্ন । কেহ কেহ উভয় শ্রুতিতে নামে এক হইলেও বস্তুতঃ ভিন্ন বটে । আবার দেখ, তোমরা ১।১।৪ সূত্রে সিদ্ধাস্ত স্থাপন করিয়াছ যে, সমুদায় শ্রুতির পর্য্যবসান বা সমন্বয় এক ব্রহ্মেই । যদি তাহাই হয়, তবে কি কৰ্মকাণ্ডোক্ত কৰ্ম বিভিন্নতার ন্যায় (যেমন বাজপেয়, অশ্বমেধ, রাজস্বয় ইত্যাদি) ব্রহ্মেরও উপাসনা ভেদে ভেদ কীর্তন করা তোমাদের অভিপ্রেত ? যদি একই ব্রহ্ম হয়, এবং যদি সমুদায় উপাসনা একই ব্রহ্মেরই উপাসনা হয়, তবে বেদের শাখাভেদই বা কেন ? উপাসনা ভেদই বা কেন ? ইহার উত্তরে সূত্রকার সূত্র করিলেন :—

সূত্রঃ—৩।৩।১ ।

সৰ্ববেদাস্তপ্রত্যয়ং চোদনাচ্চবিশেষাৎ ॥ ৩।৩।১ ॥

সৰ্ববেদাস্তপ্রত্যয়ং + চোদনাচ্চবিশেষাৎ ॥

সৰ্ববেদাস্তপ্রত্যয়ং :—সমুদায় বেদাস্ত কৰ্তৃক নিশ্চয়ার্থরূপে প্রতীয়মান ও উপদিষ্ট, দহর, বৈশ্বানর, প্রাণ, গায়ত্রী ইত্যাদি উপাসনা অভিন্ন বটে ।



চোদনাবিশেষাৎ :—কল সংযোগ, রূপ, বিধি এবং নামের কোনও পার্থক্য না থাকা হেতু।

দেখ, কর্মমীমাংসা বা পূর্বমীমাংসা শাস্ত্রে কর্মকাণ্ডের শাখাস্তর অধিকরণে ২।৪।৭ সূত্র আছে :—“একং বা সংযোগ-রূপ-চোদনা-আখ্যা-অবিশেষাৎ” --ফল-সংযোগ, রূপ, বিধি, নাম অভিন্ন হইলে, বিদ্যাও অভিন্ন বলিয়া গৃহীত হইবে। সমুদায় বেদ শাখায়, “বৈশ্বানরকে ব্রহ্মভাবে উপাসনা করিবে,” “দহর ব্রহ্মভাবে উপাসনা করিবে,” “উদগীথরূপে ওঙ্কার অক্ষরকে উপাসনা করিবে,” “আত্মারূপে তাঁহার উপাসনা করিবে,” “সেই শূর অমৃত স্বরূপকে জানিবে,”—“গায়ত্রী ব্রহ্মভাবে উপাসনা করিবে”—ইত্যাদি বাক্যে চোদনাদি—অর্থাৎ সংযোগ বা ফলসংযোগ, রূপ—ব্রহ্মোপাসনা, বিধি—উপাসনা করিবে বা জানিবে, এই প্রকার নির্দেশ, নাম—উপাস্ত পদার্থ একই হওয়ায় সমুদায় উপাসনা একই। সকলই ব্রহ্মোপাসনা, এবং উহাদের বিকল্প নাই। সমুদায়ের উপসংহার বা স্বীকৃতি বা সমন্বয় এক অদ্বিতীয় ব্রহ্মেই।

তবে ১।১।৪ সূত্রে সমষ্টিভাবে সমন্বয় সিদ্ধান্ত স্থাপনের পর, আবার ব্যষ্টিভাবে উহার পুনরুল্লেখ কেন করা হইতেছে, তাহার উত্তর এই যে, ইহা পূর্বেই বলিয়াছি যে, ব্রহ্ম অনন্ত—তাঁহার গুণ, ভাব, রূপ, শক্তি সমুদায়ই অনন্ত। জগতে উপাসকগণ একপ্রকারের নহে। সৃষ্টি বৈচিত্র্যের কারণ, এবং ত্রিগুণের অনন্ত প্রকার নৃত্যাত্মক মিশ্রণে প্রত্যেক উপাসকের আকৃতি, প্রকৃতি, স্বভাব, চিন্তাপদ্ধতি, গতি, ভঙ্গী প্রভৃতি সমুদায়ই ভিন্ন ভিন্ন। যাহাতে সকলেই নিজ নিজ অভিকৃতি অনুসারে সেই অনন্ত রূপ-গুণ-ভাব-শক্তির আধার ভগবানকে সহজে হৃদয়ে ধারণা করিতে পারে এবং তাহার দ্বারা নিঃশ্রেয়স লাভ করিতে পারে, এই উদ্দেশ্যেই মাতার গায় হিতকারিণী ঐশ্বরী, উহাদের জন্ম ভিন্ন ভিন্ন প্রকার উপাসনার ব্যবস্থা করিয়াছেন। যাহা যেমন রূগ, গ, দুর্বল, সুস্থ, সবল, শিশু, বালক, বয়ঃপ্রাপ্ত প্রভৃতি বিভিন্ন প্রকার সন্তানের জন্ম তাহাদের পরিপাক শক্তির উপযুক্ত বিভিন্ন প্রকার আহার্যের ব্যবস্থা করেন, ঐশ্বরীও সেইরূপ সংসার মধ্যে সঞ্চরমান বিভিন্ন শারীরিক-মানসিক-নৈতিক-আধ্যাত্মিক শক্তিসম্পন্ন জীবের জন্ম তাহাদের প্রকৃতি অনুযায়ী বিভিন্ন প্রকার উপাসনার ব্যবস্থা করিয়াছেন। লক্ষ্য, সংসারী মাতার যেমন সকল সন্তানের

দেহ-পুষ্টি; শ্রুতিরও সেইরূপ সর্বপ্রকার জীবের পুষ্কার্ভ লাভের উপায়-নির্দেশ।
অতএব, ইহাতে দোষের কিছুই নাই। উপাস্ত সেই এক সর্বিশেষে নির্বিশেষ
এবং নির্বিশেষে সর্বিশেষ, সত্ত্বশে নিষ্ঠুর এবং নিষ্ঠুরে সত্ত্ব ব্রহ্ম বা ভগবান্
বা পরমাত্মা। অতএব, তোমার আপত্তির কোনও কারণ নাই। উহা
একান্ত অসঙ্গত।

এ সম্বন্ধে শ্রীমদ্ভাগবত বলিতেছেন :—

ত্বয়ি ত ইমে ভতো বিবিধনামগুণৈঃ পরমে

সরিত ইবার্ভবে মধুনি লিলু্যরশেষরসাঃ ॥

ভাগঃ ১০।৮৭।৩১

—হে ভগবন্! বিভিন্ন কুসুমের ভিন্ন ভিন্ন রস যেমন মধুকরের
মধুতে লয় প্রাপ্ত হয়, যেমন সমুদায় নদী উহাদের একমাত্র আশ্রয়
সমুদ্রে লয় পায়, সেইরূপ বিবিধ নাম-রূপ বিশিষ্ট প্রাণীগণ (জীব
ও দেবতাবর্গ) পরম আশ্রয় স্বরূপ তোমাতেই বিলীন হয়।

ভাগঃ ১০।৮৭।৩১

যচ্ছ তয়স্তুয়ি হি ফলন্ত্যাতন্নিরসনেন ভাঙ্গিধনাঃ ॥

ভাগঃ ১০।৮৭।৩৭

—অতএব, শ্রুতিগণ আপনাতে পর্যাবসান রূপে “তন্ন তন্ন” করিয়া
আপনাতেই ফলবতী হয়। ভাগঃ ১০।৮৭।৩৭

বৃহচ্ছ পলক্ৰমে তদবযন্ত্যবশেষতয়া..... ॥ ভাগঃ ১০।৮৭।১১

—এই চরাচর বিশ্বে যাহা কিছু বর্তমান, সকলই অবশেষ রূপে আপনি,
বৃহৎ ব্রহ্ম স্বরূপ বলিয়া জানি। ভাগঃ ১০।৮৭।১১

অথ বিতথাস্বমুঘবিতথং তব ধাম সমং

বিরজ্জধিয়োহনুযন্ত্যভিবিপণ্যব একরসম্ ॥

ভাগঃ ১০।৮৭।১৫

—এই হেতু অসত্য স্বরূপ এই সকল বস্তুতে সত্যস্বরূপ একরস
আপনাকে নির্মল বুদ্ধি যোগীগণ সাংসারিক ব্যবহার শূন্য হইয়া অশেষ
রূপে ভজনা করেন। ভাগঃ ১০।৮৭।১৫

নারায়ণপরা বেদা দেবা নারায়ণাজ্জাঃ ।

নারায়ণপরা লোকা নারায়ণপরা মখাঃ ॥ ভাগঃ ২।৫।১৫

নারায়ণপরো যোগো নারায়ণপরস্তপঃ ।

নারায়ণপরং জ্ঞানং নারায়ণপরা গতিঃ ॥ ভাগঃ ২।৫।১৬

—বেদ সকল নারায়ণ পর, দেবগণ নারায়ণের অঙ্গ—তাঁহা হইতে ভিন্ন নহেন, স্বর্গাদি লোক সকল, যাগযজ্ঞাদি, যোগ, তপঃ, জ্ঞান, গতি সমুদায়ই নারায়ণ পর। ভাগঃ ২।৫।১৫-১৬।

সর্বং পুরুষ এবদং ভূতং ভব্যং ভবচ্চ যৎ ।

তেনেদমাবৃতং বিশ্বং বিতস্তিমধিতিষ্ঠতি ॥ ভাগঃ ২।৬।১৫

—ইহার অর্থ ১।১।৪ সূত্রের আলোচনায় (পৃঃ—৩৬২) দেওয়া হইয়াছে।

নামধেয়ানি মন্ত্রাশ্চ দক্ষিণাশ্চ ব্রতানি চ ।

দেবতানুক্ৰমঃ কল্পঃ সংকল্পস্তজ্জমেব চ ॥ ভাগঃ ২।৬।২৫

গতয়োমতয়শ্চৈব প্রায়শ্চিত্তং সমর্পণম্ ।

পুরুষাবয়বৈরেতে সন্তারাঃ সন্তুতা ময়া ॥ ভাগঃ ২।৬।২৬

—ইহার অর্থ ১।১।৪ সূত্রের আলোচনায় (পৃঃ ৩৬২-৬৩) দেওয়া হইয়াছে।

নারায়ণে ভগবতি তদিদং বিশ্বমাহিতম্ ।

গৃহীতমায়োরুগুণঃ সর্গাদাবগুণঃ স্বতঃ ॥ ভাগঃ ২।৬।২৯

—সেই ভগবান্ নারায়ণে এই বিশ্ব অধিষ্ঠিত আছেন। তিনি স্বতঃ অগুণ হইয়াও সৃষ্টির আদিতে মায়ার দ্বারা নানাবিধ গুণসকল গ্রহণ করিয়া থাকেন। ভাগঃ ২।৬।২৯

মাং বিধস্তেহভিধন্তে মাং বিকল্প্যাপোহুতে ব্ৰহ্ম ॥

ভাগঃ ১।১।২।১৪১

এতাবান্ সর্ববেদার্থঃ শব্দ আস্থায় মাং ভিদাম্ ।

মায়ামাত্রমনুষ্ঠান্তে প্রতিষিধ্য প্রসীদতি ॥ ভাগঃ ১।১।২।১৪২

—ইহার অর্থ ১।১।৪ সূত্রের আলোচনায় (পৃঃ—৩৭০) দেওয়া হইয়াছে।

মান্নার 'দ্বারা যে সমুদায় গুণ গ্রহণ, সে সকল প্রাকৃতিক সত্ত্ব, রজঃ, তমঃ এবং তাহাদের বিভিন্ন প্রকার সংমিশ্রণ জাত গুণ। এই গুণ গ্রহণ করিয়া ভগবান্ ব্রহ্মা, বিষ্ণু, রুদ্র ও অন্যান্য দেবতাদিরূপে অভিব্যক্ত হইয়া সৃষ্টির প্রসার, রক্ষা ও নাশের বিধান করেন।

অতএব, প্রতিপাদিত হইল যে, ব্যষ্টি ও সমষ্টি ভাবে সমুদায় বেদের তাৎপর্য্য এবং নিশ্চয়রূপে প্রতিষ্ঠিত সিদ্ধান্ত, ব্রহ্মই একমাত্র সত্য, এক মাত্র পরম আশ্রয়, উপাস্য এবং কর্মফলদাতা। ইহা দ্বারা ইহাও সিদ্ধান্ত হইল যে, অথর্ব বেদোক্ত "তাপনী" নামধেয় ঋতিগণে, কোথাও "সংপুণ্ডরীকনয়নং মেঘাভং বৈহ্যতাম্বরম্ । দ্বিভুজং জ্ঞানমুদ্রোঢ়াং বনমালিন-মীশ্বরম্ ॥ শোপ-গোপী গবাবীতং সুরক্রমতলাশ্রিতম্ । দিব্যালঙ্করণো-পেতং রত্নপঙ্কজমধ্যগম্ ॥ কালিন্দী জল কল্লোল সজ্জি মারুত সেবিতম্ ।" (গোপাল পূর্বতাপনী, ১, ২, ৩)। শ্রীকৃষ্ণ মূর্ত্তি স্মরণে সংসার হইতে মুক্ত হওয়া যায়, উপদেশ আছে; আবার কোথাও "এবমুতং জগদাধারভূতং রামং বন্দে সচ্চিদানন্দরূপম্ । গদারিশঙ্খাজ্জধরং ভবারিং স যো ধ্যায়ৈশ্বো-ক্ষমাপ্নোতিসর্ব্বঃ ॥" (রাম পূর্বতাপনী ৫৮)—শ্রীরাম উপাসনায় মোক্ষ লাভ হয়, উপদেশ আছে। আবার কোথাও বা নৃসিংহদেবকে ব্রহ্মরূপে উপাসনা করিবার বিধান আছে, যথা :— "আত্মানমেবৈনং জানীয়া-দাঐত্রৈব নৃসিংহোদেবো ব্রহ্ম ভবতি য এবং বেদ সোহকামো নিষ্কাম আপ্তকাম আত্মকামো ন তস্ম্য প্রাণা উৎক্রামন্ত্যৈত্রৈব সমবলীয়ন্তে ব্রহ্মৈব সন্ ব্রহ্মাপ্যোতি" (নৃসিংহ উত্তরতাপনী, ৫)। আবার কোথাও আত্মশক্তিরূপিণী ত্রিপুরাসুন্দরীর উপাসনা কথিত আছে, যথা— "শতাকুরী পরমা বিদ্যা ত্রয়ীময়ী সাষ্টার্ণা ত্রিপুরা পরমেশ্বরী", (ত্রিপুর-তাপনী, ১)। এই সমুদায়ে উপদেশ দৃশ্যতঃ বিভিন্ন দেবতার উপাসনার উদ্দেশ্যে প্রদত্ত হইলেও, ইহারা সকলেই ব্রহ্মোপাসনায় পর্য্যবসান, এবং সকলের ফল ব্রহ্মজ্ঞানলাভ হওয়ায়, ইহাদের মধ্যে বাস্তবিক পার্থক্য নাই। এই দৃষ্টান্তে অন্যান্য উপনিষদের উপদেশও বৃষ্টিতে হইবে।

এই প্রসঙ্গে শ্রীমদ্ভাগবতের নিম্নোক্ত শ্লোক দুটি দ্রষ্টব্য।

তস্মিন্ ব্রহ্মণ্যদ্বিতীয়ে কেবলে পরমাশ্রয়নি ।

ব্রহ্মাক্রজৌচ ভূতানি ভেদেনাজ্জোহুপশ্রুতি ॥ ভাগঃ ৪।৭।৪৯

যথা পুমান্ স্বাস্তেষু শিরঃপাণ্যাदिषু কচিৎ ।

পারক্যবুদ্ধিঃ কুরুত এবং ভূতেষু মৎপরঃ । ভাগঃ ৪।৭।৫০

(১।১।৪ সূত্রের আলোচনায় [পৃ:—৩৫৬] ইহার সরলার্থ দেওয়া হইয়াছে)

—যে রূপ মনুষ্যদিগের পদ কাষ্ঠ পাষাণ আদি যে কোনও পদার্থের উপর পতিত হউক না কেন, সে সকল পৃথিবী হইতে অভিন্ন হওয়ায়, এবং পৃথিবী উহাদের সকলের আশ্রয় স্থান হওয়ায়, সর্বত্র পদ পৃথিবীতেই পতিত হয়, সেইরূপ বেদে যাহা কিছু কথিত হয়, যেমন ভিন্ন ভিন্ন দেবতা, তাঁহাদিগের ভিন্ন ভিন্ন উপাসনা পদ্ধতি ইত্যাদি সমুদায়েরই একমাত্র আশ্রয় শ্রীভগবান হওয়ায়, এবং বিভিন্ন দেবতা ভগবান হইতে অভিন্ন হওয়ায়, সকলেই শ্রীভগবানকে প্রতিপাদন করে এবং সমুদায় উপাসনা, তাঁহারই উপাসনা । সেইজন্য ঋষিগণ আপনাতেই মনঃ ও বাক্য সমর্পণ করেন । ভাগঃ ১০।৮।১১

অত ঋষয়ো দধুস্তয়ি মনোবচনাচরিতং

কথমযথা ভবন্তি ভুবি দত্তপদানি নৃণাম্ ॥

ভাগঃ ১০।৮।১১

যেমন সমুদায় দেবতার উপাসনা ব্রহ্মোপাসনা, সেইরূপ অন্যপক্ষে ব্রহ্ম বা ভগবানের উপাসনা করিলেই সমুদায় দেবতার উপাসনা সিদ্ধ হইয়া থাকে । এই প্রসঙ্গে ৩।২।২৬ সূত্রের আলোচনায় উক্ত ভাগবতের ৮।৫।৩৮ শ্লোক (পৃ: ১৩৩৬) দ্রষ্টব্য । বৃক্ষের মূলে জল সেচন করিলে কি আর শাখাপল্লবে পৃথক ভাবে জল সেচনের প্রয়োজন হয় ?

সুতরাং, সিদ্ধ হইল যে, সমুদায় বেদের মিণীত ও নিশ্চিতরূপে প্রতিষ্ঠিত সিদ্ধান্ত এই যে, ব্রহ্মই একমাত্র সত্য, উপাস্য ; এবং সকল প্রকার উপাসনার তিনিই লক্ষ্য ।

সংশয় :—পূর্ব সূত্র প্রসঙ্গে যে সংশয় উত্থাপন করিয়াছি, যে প্রকরণ ও বেদ শাখার ভিন্নতা নিবন্ধন পুনরুল্লেখ হেতু বিচার নাম এক হইলেও, উহার বস্তুতঃ ভিন্ন বটে । উহার সমাধানের জন্য সূত্রকার পৃথক সূত্র করিলেন :—

সূত্র—৩।৩।২ ।

ভেদায়েতি চেদেকস্যামপি ॥ ৩।৩।২ ॥

ভেদাৎ + ন + ইতি + চেৎ + একস্যাম্ + অপি ॥

ভেদাৎ ॥—উল্লেখের, বেদশাখার, প্রকরণ প্রভৃতির ভেদ হেতু । মঃ—
না । ইতি :—ইহা । চেৎ :—যদি বল । একস্তাম্ :—এক বিদ্যাতে ।
অপি :—ও ।

যদি আপত্তি কর যে, একই প্রকার পুনরুল্লেখ বেদশাখায় ও প্রকরণ ভেদ
থাকায়, বিচারও ভেদ হওয়া উচিত, তাহার উত্তরে বলিব যে, না, তাহা
হইতে পারে না । কারণ, এক বিদ্যাতেও উপদেশ প্রোক্তার বুদ্ধি, জ্ঞান,
মেধা, ধারণা প্রভৃতি শক্তির ভেদানুসারে, ঐরূপ পুনরুল্লেখ এবং প্রকরণ
ভেদও প্রয়োজনীয় হইয়া থাকে । উহার জন্য বিদ্যা ভেদ হইতে পারে না ।
যদি একই প্রোক্তার জন্য পুনরুল্লেখাদি দেখিতে পাওয়া যায়, তবে তাহার
সার্থকতা রক্ষার জন্য বিদ্যাভেদ স্বীকার করিতে হয় । কিন্তু শ্রুতির উপদেশ
সর্বদেশের, সর্বকালের, সর্বপ্রকার প্রোক্তার জন্য । তাহারা সকলে উপাসনার
একই স্তরে বর্তমান নহে, এবং সকলের বুদ্ধি, মেধা, ধারণা শক্তি প্রভৃতি
সম প্রকার নহে । এ কারণ শাখাভেদ, প্রকরণ ভেদ ও পুনরুল্লেখ
প্রয়োজনীয় । উহার দ্বারা বিদ্যাভেদ সিদ্ধ হইতে পারে না ।

দেখ, তৈত্তিরীয় শ্রুতির ২।১ মন্ত্রে “সত্যং জ্ঞানমনস্তং ব্রহ্ম” বলিয়া
ব্রহ্ম নির্দেশ করা হইয়াছে । আবার উক্ত শ্রুতিরই ৩।৬ মন্ত্রে “আনন্দো
ব্রহ্মেতি ব্যজ্যমাৎ” বলিয়া ব্রহ্মকে “আনন্দ” বলিয়া নির্দেশ করা হইয়াছে ।
একারণ, ব্রহ্ম কি দ্বিবিধ বলিয়া স্বীকার করিতে হইবে ? তাহা যেমন কিছুতেই
হইতে পারে না—“আনন্দ স্বরূপ” উপসংহার করিয়া, এক অদ্বিতীয় ব্রহ্মই,
সত্য, জ্ঞান, অনন্ত ও আনন্দ স্বরূপ বলিয়া সিদ্ধান্ত করিতে হয়, সেইরূপ
“বিশ্বানমানন্দং ব্রহ্ম” (বৃহদাঃ ৩।২।২৮), “য সর্বব্রহ্মঃ সর্ববিৎ” (মুণ্ডক
১।১।২), ইত্যাদি ভিন্ন ভিন্ন উপনিষদে ব্রহ্মের প্রকার ভেদ উপদেশ দেওয়া
শ্রুতির অভিপ্রায় নহে । ঐ সমুদায় গুণ এক অদ্বিতীয় ব্রহ্মে উপসংহার করিতে
হইবে, ইহাই শ্রুতির উদ্দেশ্য । নারায়ণ, কৃষ্ণ, রাম, নৃসিংহ, ত্রিপুরাসুন্দরী, রুদ্র
প্রভৃতির উপাসনার সম্বন্ধে উপদেশেও সেই একই উদ্দেশ্য বৃষ্টিতে হইবে । উক্ত
যুক্তিসকল ব্রহ্মের প্রকার ভেদ নহে । ব্রহ্ম অনন্ত বলিয়া, তাঁহাতে অনন্তরূপ,
অনন্তগুণ, অনন্তভাব, অনন্তশক্তি সমুদায় বর্তমান । অনন্তগুণ বা অনন্তরূপ এক
শ্রুতির এক প্রকরণে এক কথায় বলিয়া শেষ করা যায় না । তাঁহার এই অনন্তত্বের
পরিচয় দিবার জন্য ভিন্ন ভিন্ন শ্রুতি, ভিন্ন ভিন্ন মন্ত্র, ভিন্ন ভিন্ন বিদ্যা বা উপাসনা
পদ্ধতির প্রয়োজন । উহার সকলই এক অদ্বিতীয় ব্রহ্মের—উপাসকের অভিকৃতি
অনুসারে অভিব্যক্তি । এই জন্য রাম পূর্বতাপনী উপনিষদে স্পষ্ট উল্লিখিত,

আছে যে, চিন্ময়, অধিতীয়, অখণ্ড, চিরপূর্ণ, নিরবয়ব ব্রহ্মের রূপ কল্পনা কেবল উপাসকগণের উপাসনা সৌকর্যের জন্ত।

চিন্ময়স্তাদ্বিতীয়স্ত নিষ্কলস্যাপরীরিণঃ ।

উপাসকানাং কার্যার্থং ব্রহ্মণোরূপকল্পনা ॥

(রাম পূঃ তাঃ ১।৭) ।

শ্রীমদ্ ভাগবত এই তত্ত্ব বড়ই স্পষ্টাক্ষরে প্রকাশ করিয়াছেন :—

ত্বাং যোগিনো যজন্ত্যাকা মহাপুরুষমীশ্বরম্ ।

সাধ্যাত্মং সাধিভূতঞ্চ সাধিদৈবঞ্চ সাধবঃ ॥ ভাগঃ ১০।৪০।৪

অথ্যা চ বিত্ত্বয়া কেচিৎ তাং বৈ বৈতানিকা দ্বিজাঃ ।

যজন্তে বিততৈর্যজৈর্নানারূপামরাধ্যয়া ॥ ভাগঃ ১০।৪০।৫

একে ত্বাখিলকল্পানি সন্ন্যাসোপশমং গতাঃ ।

জ্ঞানিনো জ্ঞানযজ্ঞেন যজন্তি জ্ঞানবিগ্রহম্ ॥ ভাগঃ ১০।৪০।৬

অন্তে চ সংস্কৃতাত্মানো বিধিনাভিহিতেন তে ।

যজন্তি ত্বম্নয়াস্ত্বাং বৈ বহুমূর্ত্তেকমূর্ত্তিকম্ ॥ ভাগঃ ১০।৪০।৭

ত্বামেবাশ্চে শিবোক্তেন মার্গেণ শিবরূপিণম্ ।

বহ্বাচার্য্যবিভেদেন ভগবন্তমুপাসতে ॥ ভাগঃ ১০।৪০।৮

সর্ব্ব এব যজন্তি ত্বাং সর্ব্বদেবময়েশ্বরম্ ।

যেহপ্যাশ্রদেবতাভক্তা যদ্যপ্যাশ্রধিয়ঃ প্রভো ॥ ভাগঃ ১০।৪০।৯

যথাদ্বিপ্রভবা নদ্যাঃ পর্জ্জয়াপূরিতাঃ প্রভো ।

বিশন্তি সর্ব্বতঃ সিন্ধুং তদ্বৎ ত্বাং গতয়োহিন্দুতঃ ॥

ভাগঃ ১০।৪০।১০

—হে প্রভো! আপনি যদিও কাহারও ইন্দ্রিয়গোচর নহেন, এবং কেহই আপনার স্বরূপ অবগত হইতে পারে না, 'তথাপি' যে কোনও মার্গ অবলম্বন করিয়া আপনার ভজনা করিলে, আপনি উপাসকগণের গম্য হইয়া থাকেন। যোগিগণ অধ্যাত্ম, অধিভূত এবং অধিদৈবের সাক্ষী ও অন্তর্ধ্যামীরূপে নিয়ন্তা, যে আপনি —আপনারই উপাসনা করিয়া থাকেন। কোনও কোনও ব্যক্তি বেদ ও বিভিন্ন বেদোক্ত বিভিন্ন প্রকার বিত্ত্বা দ্বারা আপনারই আরাধনা

করেন। কর্মী দ্বিজগণও যজ্ঞ-সম্ভার বিস্তার করিয়া নানাবিধ যজ্ঞাহুষ্ঠান দ্বারা, ইন্দ্র, অগ্নি, বরুণ প্রভৃতি দেবতার উদ্দেশ্যে হোম করতঃ আপনাই উপাসনা করিয়া থাকেন। জ্ঞানীগণ অধিল কর্ম সন্ন্যাস করতঃ উপশম লাভ করিয়া জ্ঞানযজ্ঞ (সমাধি) দ্বারা জ্ঞান স্বরূপ আপনাই উপাসনা করেন। অন্ত ব্যক্তি বৈষ্ণব বা শৈব দীক্ষায় সংস্কৃতাত্মা হইয়া পঞ্চরাত্রাদি বিধান মত বাসুদেবাদি ভেদে বহুমূর্ত্তি এবং নারায়ণ রূপে একমূর্ত্তি যে আপনি, আপনাই আরাধনা করেন। শৈবমতে দীক্ষিত সাধক, শৈব-পাশুপতাদি ভেদে বিভিন্ন মার্গ দ্বারা শিবরূপী আপনাই উপাসনা করেন। আপনি সর্বদেবময়। এজন্ত, যাহারা ইতর দেবতাভক্ত, যদিও তাহারা পরম্পর দেবতাধিক্ষেপ বশতঃ ব্যাকুলচিত্ত এবং ভেদবুদ্ধি বিশিষ্ট, তথাচ সকলে আপনাই পূজা করিয়া থাকে। অতএব, সমুদায় উপাসনা মার্গ আপনাতেই পর্যাবসিত। যেমন নদী-সকল পর্বত হইতে উৎপন্ন হইয়া, বৃষ্টিজলে পরিপূর্ণ হওতঃ বহু স্রোতা হয়, এবং শেষে সকল দিক হইতে আসিয়া সাগরে প্রবেশ করে, সেইরূপ সমুদায় দেবতাগণের উপাসনা মার্গ, উপাসকগণের বিভিন্ন অভিরুচি অনুসারে বর্দ্ধিত হইয়া, সকল দিক হইতে আসিয়া অস্ত্রে আপনাতেই প্রবিষ্ট হইয়া সার্থকতা লাভ করে।

ভাগঃ ১০।৪০।৪—১০।

ইহার কারণ কি? এ প্রকার উপাসনা ভেদ কেন হয়? ইহার উত্তর ভাগবত দিতেছেন :—

সত্যজ্ঞানানন্তানন্দমাত্মৈকরসমূর্ত্তয়ঃ ।

অম্পৃষ্টভূরিমাহাত্ম্যা অপি হ্যপনিষদৃশাম্ ॥ ভাগঃ ১০।১৩।৫৪

—সত্য, জ্ঞান, অনন্ত, আনন্দ মাত্মৈকরূপ ব্রহ্মের মাহাত্ম্য জ্ঞানচক্ষুঃ, আত্মজ্ঞানগণেরও স্পর্শযোগ্য নহে। ভাগঃ ১০।১৩।৫৪

যখন, আত্মজ্ঞান বা ব্রহ্মজ্ঞানগণও তাঁহার মাহাত্ম্য সমগ্রভাবে জানিতে পারে না, উপনিষৎগণও যখন তাঁহার মাহাত্ম্যের ইয়ত্তা বৃদ্ধিতে পারে না, তখন ইতর, অজ্ঞানাদি সাধারণ উপাসকের কথা কি? তাহারাও তাঁহাকে ধারণা করিতেই পারিবে না। তবে কি তাহারা নিশ্চেষ্ট হইয়া বসিয়া থাকিবে? না, তাহা নহে। তাহাদিগের শ্রেয়ঃ সম্পাদনের জন্য,

তাহাদের অধিকার ও অভিক্রুচি অনুসারে, বিভিন্ন দেবতাগণের উপাসনা আবশ্যিক। ঋতি এই জন্য বিভিন্ন বিচার উপদেশ দিয়াছেন। উহাদের সকলের উদ্দেশ্য, ক্রমশঃ চিত্তমল কালনের দ্বারা, অজ্ঞান অপনোদন করিয়া ব্রহ্মতত্ত্বের উপলব্ধির পথ সুগম করা।

সুতরাং, পূর্বপক্ষের আপত্তি সঙ্গত নহে।

সংশয় :—যদি ব্রহ্মই সমুদায় বেদের তাৎপর্য, এবং ব্রহ্মোপাসনাই সমুদায় বিচার উদ্দেশ্য, তবে বেদে শাখাভেদের কারণ কি? এই আপত্তি সমাধানের জন্য সূত্র :—

সূত্র :—৩।৩।৩।

স্বাধ্যায়স্য তথাহেন হি সমাচারে অধিকারাত্চ সববৎ তন্নিয়মঃ ॥ ৩।৩।৩ ॥

স্বাধ্যায়স্য + তথাহেন + হি + সমাচারে + অধিকারাৎ + চ + সববৎ +

চ + তন্নিয়মঃ ॥

স্বাধ্যায়স্য :—বেদাধ্যয়নের। তথাহেন :—তাহারই নিমিত্ত অর্থাৎ অধ্যয়নেরই নিমিত্ত। হি :—নিশ্চয়। সমাচারে :—বেদোক্ত কর্ম আচরণে। অধিকারাৎ :—অধিকার হেতু। চ :—ও। সববৎ :—স্বর্ধ্য হইতে শতোদন পর্যন্ত সপ্তহোমের গ্ৰায। চ :—ও। তন্নিয়মঃ :—অহুষ্ঠানের নিয়ম।

ঋতিতে বিধান আছে, “স্বাধ্যায়োহধ্যৈতব্যঃ”—বেদাধ্যয়ন করা কর্তব্য। শ্রুতিতেও স্পষ্ট উক্ত আছে, “বেদঃ কুৎস্নোহধিগন্তব্যঃ সরহশ্চো দ্বিগণমা” (মহু ২।১৬৫)—রহশ্চের সহিত সমুদায় বেদ দ্বিগণের অধ্যয়ন করা উচিত। উপরোক্ত ঋতি মন্ত্রাংশের সহিত এই শ্রুতি পাঠ করিলে, সহজেই বুঝা যায় যে, সমুদায় বেদ রহশ্চের সহিত পাঠ করাই ঋতির অভিপ্রেত। দ্বিগণের সমুদায় বেদ অধ্যয়নের অধিকার জন্মগত আছে। বেদোক্ত সমুদায় কর্ম আচরণেও দ্বিগণের সাধারণ অধিকার আছে। অর্থাৎ দ্বিগণ সকলে সমুদায় বেদোক্ত কার্য করিবার অধিকারী। কিন্তু বেদ বহুবিকৃত। কাল-

বিপ্লবে • মানবের শক্তি ও আয়ু হ্রাসপ্রাপ্ত হইয়াছে । হীনশক্তি ও অন্নায়ুঃ
বশতঃ সমুদায় বেদ অধিগত করা এবং বেদোক্ত সমুদায় কর্মাচরণ করা সম্ভব
নহে । এই অল্প শাখাভেদ ও কর্মভেদের ব্যবস্থা । ইহারও স্মৃতি প্রমাণ
আছে :—যথা

সর্ব বেদোক্ত মার্গেণ কস্ম' কুর্ষীত নিত্যশঃ ।

আনন্দো হি ফলং যস্মাৎ শাখাভেদোহশক্তিজঃ ॥

সর্ব কস্ম' কৃতৌ যস্মাদশক্তঃ সর্বজন্তবঃ ।

শাখাভেদং কস্ম' ভেদং ব্যাসস্তস্মাদচিকুপৎ ॥

(মধ্বাচার্য্য কৃত ভাষ্যে উদ্ধৃত) ।

—সকল বেদোক্ত মার্গে নিত্য কর্ম করিবে । আনন্দ তাহার ফল ।
অশক্তির নিমিত্তই শাখাভেদ । দ্বিজগণের মধ্যে সকলই যখন সমুদায় কর্ম
করিতে অশক্ত দেখা গেল, তখনই ব্যাসদেব শাখাভেদ ও কর্মভেদ
বিধান করিলেন ।

বিষ্ণু পুরাণেও স্পষ্ট কথিত আছে :—

দ্বাপরে দ্বাপরে বিষ্ণুর্ব্যাসরূপী মহামুনে ।

বেদমেকং স বহুধা কুরুতে জগতো হিতঃ ॥ বিঃ পুঃ ৩।৩।৫

বীর্ধ্যং তেজো বলধাঙ্গং মনুষ্যাণামবেক্ষ্যবৈ ।

হিতায় সর্বভূতানাং বেদভেদান্ করোতি সঃ ॥ বিঃ পুঃ ৩।৩।৬

—হে মহামুনে ! ব্যাসরূপী বিষ্ণু প্রতি দ্বাপর যুগে—জগতের সকলের অল্প
এক বেদ বহুভাগে বিভাগ করেন । তিনি মানবগণের বীর্ধ্য, তেজঃ ও
বলের অল্পতা দেখিয়া সর্বভূতের হিতের অল্প বেদ বিভাগ করিয়া থাকেন ।

(বিঃ পুঃ ৩।৩।৫-৬)

অতএব স্মৃতি প্রমাণ হইতে স্পষ্ট বুঝা গেল, সমুদায় দ্বিজগণের সমগ্র বেদোক্ত
সর্ববিধ কর্মে অধিকার আছে, তবে কর্মভেদ ও শাখাভেদ অশক্তির অল্প । ইহার
শক্তি আছে, তিনি সমগ্র বেদোক্ত সমুদায় বিজ্ঞা দ্বারা ব্রহ্মোপাসনা করিতে
পারেন । কিন্তু সে প্রকার শক্তিসম্পন্ন মানব এখন অপ্রাপ্য বলিয়া, সকলের নিজ
নিজ শাখোক্ত কর্মাসূচান বিধেয় ।

যেমন সৌর্য্য হইতে শতৌদন পর্য্যন্ত সপ্ত যাগ অথর্ববেদোক্ত একাঙ্গি যাগে
করণীয়, অল্প বেদোক্ত ত্রেতাঙ্গি যাগে করণীয় নহে, সেইরূপ অশক্তগণ নিজ নিজ

শাখোক্ত বিজ্ঞানদ্বারা ব্রহ্মোপাসনা করিবেন, ইহাই নিয়ম। যদিও সমুদায় বেদ অধ্যয়ন এবং সমুদায় বেদ শাখোক্ত সমুদায় কর্ম দ্বারা ব্রহ্মোপাসনা শক্তিমান ব্যক্তিগণের সাধারণ অধিকার, কিন্তু অশক্তি বশতঃ তাহা করা সম্ভব নহে বলিয়া, নিজ নিজ শাখোক্ত বেদের স্বাধ্যায় এবং তদুপদিষ্ট বিজ্ঞান দ্বারা ব্রহ্মোপাসনা বিহিত। আরও দেখ, অথর্ক বেদোক্ত ‘সববৎ’ নিয়ম ব্রহ্মোপাসনায় নাই। সুতরাং, শক্ত পক্ষে সমুদায় বেদোক্ত মার্গে ব্রহ্মোপাসনা করা যাইতে পারিবে।

[গত ষাপনের শেষে বর্তমান কলির প্রাক্কালে ভগবান সূত্রকার যখন ব্রহ্মসূত্র প্রণয়ন করেন, তাহার পূর্বে তাঁহার দ্বারাই বেদ বিভাগ সম্পাদিত হওয়ায়, তখন নিজ নিজ শাখোক্ত বেদাধ্যয়ন ও বেদবিহিত কর্মানুষ্ঠান দ্বিজ সাধারণ মধ্যে প্রচলিত ছিল। কিন্তু কালবিপ্লবে এবং কলির মাহাত্ম্যে এখন সমগ্র বেদাধ্যয়ন দূরের কথা, নিজ নিজ শাখোক্ত বেদের অধ্যয়ন বা তদুক্ত কর্মানুষ্ঠান অপ্রচলিত হইয়া গিয়াছে। এখন উপনয়ন, বিবাহের কুশতিকা, শ্রাদ্ধ প্রভৃতি কয়েকটি ব্যাপারে বেদ সন্মত অনুষ্ঠান হইয়া থাকে বটে, কিন্তু তাহাও প্রাণহীন, শুষ্ক অনুষ্ঠান মাত্র। অতএব এখন ইহার আলোচনা বৃথা শ্রম মাত্র।]

মধ্বাচার্য্যকৃত ভাষ্যে “সববচ্চ” এর পরিবর্তে “সলিলবচ্চ” পাঠ আছে। ইহার অর্থ এই যে, সলিল যেমন প্রতিবন্ধকভাবে সাগরেই গমন করিয়া থাকে, সেইরূপ সমুদায় বেদ, সমুদায় বিজ্ঞান, সমুদায় কর্ম বা উপাসনা, সর্বোপায় ব্রহ্মেই পর্যাবসান, যদি ‘অশক্তি’ রূপ প্রতিবন্ধক না থাকে।

শ্রীমদ্ভাগবতে স্পষ্টই উল্লেখ আছে, সৃষ্টিকর্তা ভগবান্ ব্রহ্মা তাঁহার চারি বদন হইতে চাতুর্হোত্র কর্মানুষ্ঠানের নিমিত্ত ব্রহ্মহৃতি ৭৭ পুত্রের সহিত চারি বেদ উৎপন্ন করিলেন, এবং বেদোচ্চারণ-নিপুণ স্বীয় পুত্র মহর্ষি মরীচি প্রভৃতিকে ঐ বেদ সকল অধ্যয়ন করাইলেন। অনন্তর তাঁহারা ধর্মোপদেষ্টা হইয়া স্ব স্ব পুত্রগণকে ঐ বেদসকল শিক্ষা দিলেন। পরে তাঁহাদিগের শিষ্য প্রশিষ্য পরম্পরাক্রমে ঐ বেদ সকল প্রাপ্ত হইলেন। অনন্তর ষাপরাস্ত্রে লোক সকলকে ক্ষীণায়ুঃ, দুর্বুদ্ধি ও হীনবল দেখিয়া, হৃদিস্থিত অন্তর্ধ্যামী কর্তৃক প্রেরিত হইয়া মহর্ষিগণ ঐ বেদ সকল বিভক্ত করিলেন। বর্তমান মন্বন্তরে ষাপরাস্ত্রে ভগবান্ ভূতভাবন নারায়ণ, ব্রহ্মাদি লোকপাল কর্তৃক ধর্মরক্ষার্থ প্রার্থিত হইয়া, পরাশর হইতে সত্যবতীর গর্ভে অংশকলারূপে অবতীর্ণ হইয়া বেদকে চারিভাগে বিভক্ত করিলেন। ভাগঃ ১২।৬।৩২—৪৪।

ভেনাসৌ চতুরো বেদাংশ্চতুর্ভির্বদনৈর্বিভুঃ ।

সব্যাক্রান্তিকান্ সোঙ্কারাংশ্চাতুর্হেত্রিবিবক্ষয়া ॥ ভাগঃ ১২।৬।৩৯

পুত্রানধ্যাপয়ন্তাংস্ত মহর্ষীন্ ব্রহ্মকোবিদান্ ।

তে তু ধর্মোপদেষ্টারঃ স্বপুত্রৈভ্যঃ সমাদিশন্ ॥ ভাগঃ ১২।৬।৪০

তে পরম্পরয়া প্রাপ্তাস্তত্ত্বচ্ছিশৈশ্ব'তব্রতৈঃ ।

চতুর্য়ু'গেষথ ব্যস্তা দ্বাপরাদৌ মহর্ষিভিঃ ॥ ভাগঃ ১২।৬।৪১

ক্ষীণায়ুষঃ ক্ষীণসত্বান্ হৃষ্মে'ধান্ বীক্ষ্য কালতঃ ।

বেদান্ ব্রহ্মর্ষয়ো ব্যাসান্ হৃদিস্থাচ্যুতচোদিতাঃ ॥ ভাগঃ ১২।৬।৪২

অশ্মিন্নপ্যস্তুরে ব্রহ্মন্ ভগবান্ লোকভাবনঃ ।

ব্রহ্মেশা'ত্বেলোকপালৈর্ঘাচিতো ধর্ম'শুপুয়ে ॥ ভাগঃ ১২।৬।৪৩

পরশরাং সত্যবত্যাংশাংশকলয়া বিভুঃ ।

অবতীর্ণো মহাভাগ বেদং চক্রে চতুর্বিবধম্ ॥ ভাগঃ ১২।৬।৪৪

ব্যাসদেবের চারি শিষ্য পৈল, বৈশম্পায়ন, জৈমিনি ও স্কমস্ত যথাক্রমে ঋক্, যজুঃ, সাম ও অথর্ব সংহিতা অধ্যয়ন করিয়া অধিগত করিলেন, এবং তাঁহারা তাঁহাদের শিষ্য প্রশিষ্য ক্রমে উক্ত সংহিতা চতুষ্টয় প্রচার করিলেন, তাঁহাদের শিষ্য-প্রশিষ্যগণ উক্ত সংহিতা চতুষ্টয়কে আবার বিভিন্ন শাখায় বিভক্ত করিলেন । (ভাগবত, ১২।৬।৪৫—৭১) ।

অতএব, বুঝা গেল যে, পূর্বের দ্বিজগণ সকলেই সমুদায় বেদ অধ্যয়ন ও সমুদায় বেদোক্ত সমুদায় বিদ্যা ও উপাসনা আচরণ করিতেন । শক্তির হ্রাস বশতঃ উহাদের বিভাগ, শাখাভেদ, বিদ্যাভেদ ও কর্মভেদ উৎপন্ন হইল ।

‘সঞ্জিভবৎ’ পাঠে শ্রীমদ্ভাগবতের মন্তব্য :—

যথাদ্বিপ্রভবা নদ্যঃ পর্জ্জয়াপূরিতাঃ প্রভো ।

বিশস্তি সর্বতঃ সিদ্ধুং তদ্বৎসং গতয়োহস্ততঃ ॥

ভাগঃ ১০।৪০।১০

ইহার অর্থ ৩।৩।২ নৃত্যের আলোচনায় (পৃঃ ১৩২১-২২) দেওয়া হইয়াছে ।

[উপরে লিখিত অর্থ শ্রীমন্ মধ্বাচার্য্য ও বলদেব বিদ্যাত্মক সন্দেহ । শ্রীমচ্ছরীচার্য্য ও শ্রীমদ্ রামানুজাচার্য্য ইহার অর্থ মুণ্ডক শ্রুতিতে উল্লিখিত শিরোব্রত ধারণ প্রসঙ্গে ব্যাখ্যা করিয়াছেন । উপরোক্ত ব্যাখ্যা শ্রুতের সহজলভ্য অর্থ মনে হওয়ায়, উহাই আমরা গ্রহণ করিলাম । মধ্বাচার্য্য ও বলদেব শ্রুতটিকে দুইভাগে বিভক্ত করিয়া দুইটি শ্রুতরূপে ব্যাখ্যা করিয়াছেন । অন্যান্য আচার্য্যগণ একই শ্রুতরূপে গ্রহণ করায়, আমরাও একই শ্রুতরূপে গ্রহণ করিয়াছি । শ্রীমদ্ রামানুজাচার্য্য—“তথাৎসেন” স্থানে “তথাৎসে” ব্যবহার করিয়াছেন । কিন্তু শঙ্কর, মধ্ব, বস্তু, বলদেব সকলেই “তথাৎসেন” ব্যবহার করায়, আমরা তাহাই করিয়াছি । মধ্বাচার্য্য “সববচ্চ” স্থানে “সলিলবচ্চ” ব্যবহার করিয়াছেন, ইহা পূর্বে উল্লিখিত হইয়াছে ।]

তিত্তি :-

১। “সর্বে বেদা যৎ পদমামনস্তি তপাংসি সর্বাণি চ যদ্বদস্তি ।”
(কঠঃ ১।২।১৫)

—সমুদায় বেদ গ্রাহার পদ ব্যক্ত করেন, সমুদায় তপশ্চা গ্রাহার বিষয় বর্ণনা করেন । (কঠঃ ১।২।১৫)

২। “যদিদমস্মিন্ ব্রহ্মপুরে দহরং পুণ্ডরীকং বেষ্ম
দহরোহস্মিন্শুরাকাশস্তস্মিন্ যদস্তস্তদশ্বেষ্টব্যম্.....”
(ছান্দোগ্যঃ ৮।১।১) ।

—এই ব্রহ্মপুরে (শরীরে) যে হৃদয় পুণ্ডরীক আছে, তাহার মধ্যে যে ক্ষুদ্র আকাশ অর্থাৎ আকাশবৎ সূক্ষ্ম ও সর্বগত ব্রহ্ম আছে, তাহার মধ্যে যাহা, তাহা অশ্বেষণ করিতে হইবে । (ছাঃ ৮।১।১)

এই অশ্বেষ্টব্য যাহা, কি, তাহা পরবর্তী ৮।১।৫ মন্ত্রে উক্ত হইয়াছে, যথা :-

৩। “এষ আত্মাপহতপাপা বিজরো বিমৃত্যুর্বিশোকো বিজিঘৎ-
সোহপিপাসঃ সত্যকামঃ সত্যসংকল্পঃ....” (ছান্দোগ্যঃ ৮।১।৫)

—ইহাই আত্মা, নিপাপ, জরা, মৃত্যু ও শোক রহিত, বুদ্ধি ও পিপাসা বর্জিত, সত্যকাম ও সত্যসংকল্প । (ছাঃ ৮।১।৫) ।

৪। “দহুং বিপাপং পরমেশ্বরভূতং যৎ পুণ্ডরীক পুরমধ্যসংস্থম্ ।
তত্রাপি দহুং গগনং বিশোকস্তস্মিন্ যদস্তস্তদুপাসিতব্যম্.....”
(নারায়ণোপনিষৎ ১২।৩) ।

—হৃদয় পুণ্ডরীক বিপাপ, পরমেশ্বর ভূত, তাহার মধ্যে পুর বর্তমান, তদন্তরে দহরাকাশ, সেই দহরাকাশের অন্তরে শোকহীন যিনি বিরাজ করেন, তিনি উপাস্ত । (নারাঃ ১২।৩)

৫। “মহন্তয়ং বজ্রমুদ্যতম্ ।” (কঠঃ ২।৩।২)

—ইনি উত্তম বজ্র, মহদভয় স্বরূপ । (কঠঃ ২।৩।২) ।

৬। “যদা হ্যেবৈষ এতস্মিন্দরমন্তরং কুরুতে । অথ তস্য ভয়ং
ভবতি । তদেব ভয়ং বিহ্বোহমহানস্য ।” (তৈত্তিঃ ২।৭) ।

—এই সাধক যদি এই ব্রহ্মে অন্নমাত্র ভেদ জ্ঞান করে, তাহা হইলে

তাহার ভয় হয়। কিন্তু যিনি বিদ্বান্, অভেদ জানী, তাঁহার সম্বন্ধে তিনি অভয় স্বরূপ। (তৈত্তিরি: ২।৭)।

সূত্র — ৩।৩।৪ ।

দর্শয়তি চ ॥ ৩।৩।৪ ॥

দর্শয়তি + চ ॥

দর্শয়তি :—প্রদর্শন করিতেছেন। চ :—ও।

শিরোদেশে উদ্ধৃত কঠশ্রুতির ১।২।১৫ মন্ত্রে স্পষ্টই প্রদর্শিত হইতেছে যে, সমুদায় বেদ তাঁহাকেই প্রতিপাদন করে, সমুদায় তপশ্চা বা উপাসনা তাঁহাকেই আশ্রয় করিয়া বর্তমান। ছান্দোগ্য শ্রুতির ৮।১।১, ৮।১।৫ মন্ত্রের সহিত নারায়ণোপনিষদের ১২।৩ মন্ত্র পাঠ করিলে স্পষ্টই বুঝা যাইবে যে, ছান্দোগ্য দহরাকাশের অভ্যন্তরে যে বিমৃত্য বিশোক পরমাত্মার উপাসনা উপদেশ দিয়াছেন, নারায়ণ উপনিষদও প্রায় একই ভাষায় সেই উপদেশই দিয়াছেন। কঠ ২।৩।২ মন্ত্রের সহিত তৈত্তিরীয় শ্রুতির ২।৭ মন্ত্র পাঠ করিলে, স্পষ্ট বুঝা যাইবে যে, ভেদদর্শীগণের নিকট তিনি উক্ত বজ্র মহদ্ভয় স্বরূপ, কিন্তু যাহারা অভেদদর্শী, তাঁহারা তাঁহাতে অভয় প্রতিষ্ঠা লাভ করেন, তিনি উক্ত বিদ্বানগণের নিকট অভয় স্বরূপ। অতএব, ভেদ দর্শনের নিন্দা কথনের দ্বারা সমুদায় বেদের প্রতিপাত্ত যে এক বস্তু, তাহাই সিদ্ধান্ত প্রদর্শন করিতেছেন।

আবার, উপাস্য যখন একই তখন উপাসনাও এক, নাম বা রূপ ভেদে পৃথক্ পৃথক্ ভাবে উল্লিখিত ও উপদিষ্ট, হইলেও তদ্বতঃ অভিন্ন। সুতরাং সিদ্ধান্ত হইল যে, শাখাভেদ ও বিদ্যাভেদ দ্বারা বস্তুগত ভেদ উৎপন্ন হয় না—উহারা তদ্বতঃ অভেদ। উপাসকগণের উপাসনা সৌকর্য্যের জন্য, তাহাদের শক্তির পরিমাণ অনুসারে, উহারা ভিন্ন ভাবে কথিত হইয়াছে মাত্র।

এই প্রসঙ্গে ৩।৩।২ সূত্রের আলোচনায় উদ্ধৃত শ্রীমদ্ভাগবতের ১০।৪০।৪ হইতে ১০।৪০।১০, ৩।৩।১ সূত্রের আলোচনায় উদ্ধৃত ৪।৭।৪২-৫০, ১।১।২।৪১, ২।৫।১৫-১৬, ২।৬।২৫-২৬ শ্লোকগুলি দ্রষ্টব্য। আর বিস্তারের প্রয়োজন নাই।

২। উপসংহারাদিকরণ ।

সংশয় :—৩।৩।১ সূত্রে পূর্ব মীমাংসোক্ত শাখাস্তর গ্যারের ২।৪।২ সূত্র উদ্ধৃত করিয়া, তাহার বলে সমুদায় বেদান্তের প্রতিপাত্ত একব্রহ্ম—ইহা প্রতিষ্ঠা করিবার চেষ্টা করিলে এবং তাহার পোষাকে, ৩।৩।২, ৩।৩।৩ ও ৩।৩।৪ সূত্র প্রণয়ন করিয়া, তোমার বক্তব্য বলিলে । কিন্তু ভিন্ন ভিন্ন উপাসনা মার্গানুসারী সাধকগণের সম্বন্ধে উক্ত সিদ্ধান্তের কোনও প্রকার আনুষ্ঠানিক প্রয়োজনীয়তা আছে কি ? ইহার উত্তরে সূত্রকার সূত্র করিলেন :—

সূত্র :—৩।৩।৫ ।

উপসংহারোহর্থ্যভেদাদ্বিধি-শেষবৎ সমানে চ ॥ ৩।৩।৫ ॥

উপসংহারঃ + অর্থ্যভেদাৎ + বিধিশেষবৎ + সমানে + চ ॥

উপসংহারঃ :—একস্থানে উক্ত গুণ বা ধর্মের অন্তর স্বীকৃতি ।
অর্থ্যভেদাৎ :—উদ্দেশ্যের অভেদ বা ঐক্য হেতু । বিধিশেষবৎ :—বিধির অঙ্গের গ্যায় । সমানে :—অভিন্ন হওয়ায়, সমানস্থানে । চ :—ও ।

উপাসনা সকল সমান বা অভিন্ন হওয়ায়, অর্থ্যৎ শ্রুতিতে বিহিত দহর, বৈশ্বানর, প্রাণাদি উপাসনা যখন পরম্পর অভিন্ন বলিয়া নিশ্চিত হইল, এবং উপাস্ত্রও এক অদ্বৈত পরমতত্ত্ব, তখন অর্থের—উদ্দেশ্যের (প্রয়োজনের বা উপকারের) অভেদ বা ঐক্য হেতু, বিধিশেষের গ্যায় অর্থ্যৎ বিধির অঙ্গের গ্যায় গুণোপসংহার করিতে হইবে—অর্থ্যৎ, কোনও শ্রুতি শাখায় বিহিত কোনও উপাসনায় কথিত গুণ, অন্য শ্রুতিশাখায় বিহিত অন্য উপাসনায় উক্ত গুণের সহিত উপসংহার করিতে হইবে ।

দৃষ্টান্ত স্বরূপ বলা যাইতে পারে যে, গোপাল পূর্বতাপনীতে শ্রীকৃষ্ণোপাসনায় উক্ত গুণ সকল, রামপূর্বতাপনীতে উপদিষ্ট শ্রীরামচন্দ্রোপাসনায় কথিত গুণ সকলের সহিত, নৃসিংহতাপনীতে উক্ত নৃসিংহদেবের গুণ সকলের, ত্রিপুরা তাপনী উক্ত ত্রিপুরা সুন্দরীর গুণ সকলের সহিত পরম্পর উপসংহার করা কর্তব্য । কারণ উপাস্ত্র—এক অদ্বিতীয় ব্রহ্মরূপে সকল উপাসনায় অভেদ বর্তমান রহিয়াছে এবং ভিন্ন ভিন্ন শ্রুতিতে কথিত গুণ সকলও ব্রহ্মে বর্তমান রহিয়াছে । অতএব, সাধক যদি ব্রহ্মভাবে উপাসনা করেন, তাহা হইলে উহাদের গুণের

উপসংহার করণীয়, ইহা সুস্পষ্ট। এইঅগ্নই রামউত্তরতাপনী উপনিষদের ৯ ও ১০ মন্ত্রে আছে :—

“যো হ বৈ শ্রীরামচন্দ্রঃ স ভগবানদ্বৈত পরমানন্দ আত্মা যে দেবাসুর-
মনুষ্যাদিভাষাঃ ভূভুবঃ সুব স্তস্মৈ বৈ নমো নমঃ” ॥ ৯ ॥

“যো হ বৈ শ্রীরামচন্দ্রঃ স ভগবানদ্বৈত পরমানন্দ আত্মা যে মংস্রকূর্মা-
ছবতারাঃ ভূভুবঃ সুব স্তস্মৈ বৈ নমো নমঃ ॥” ১০ ॥

শ্রুতির ভাষা অতি সরল বলিয়া অর্থ দিবার প্রয়োজন নাই।

আবার গোপাল পূর্বতাপনীতে আছে :—

“একো বশী স্বর্বগঃ কৃষ্ণ ঈড্য একোহপি সন্ বহুধা যো বিভাতি ।”

(গোঃ পূঃ তাঃ ৩) ।

—এক, বশী, সর্বগত, সর্বপুজ্য কৃষ্ণ, এক হইয়াও যিনি বহু প্রকারে
প্রকাশিত হন। গোঃ পূঃ তাঃ ৩

অতএব, বুঝা যাইতেছে যে, উপাসকের অভিক্রটি ভেদে, উপাস্ত্রের নাম ও
রূপ ভেদ কল্পনা করিলেও, এবং সেইহেতু শ্রুতির বিভিন্ন শাখা আশ্রয় করিলেও,
তাহাদিগের দ্বারা বহু ভেদ সংঘটিত হয় না। উপাস্ত্র পরমব্রহ্ম বা পরমাত্মা
বা ভগবান, সমুদায় বিভেদ ক্রোড়ীকৃত করিয়া, এক অদ্বৈত স্বরূপে বর্তমান
আছেন। সমুদায় নামরূপের তিনি নিত্য শাস্বত ভাণ্ডার। উপাসনার সময়
এই অদ্বৈত পরম ভাব হৃদয়ে জাগরুক থাকিলেই উপাসনা ব্রহ্মোপাসনা। নতুবা
যদি নামে নামে বা রূপে রূপে ভেদবুদ্ধি অল্পমাত্রও জাগরিত হয়, তাহা হইলে
তাহা ব্রহ্মোপাসনা নহে। অগ্ন দেবতাপাসনা। তাহার ফল অগ্ন প্রকার।
ভগবান এই প্রকার উপাসকের প্রতি লক্ষ্য করিয়া গীতায় বলিয়াছেন :—
“দেবান্ দেবযজো যান্তি মদৃশস্তা যান্তি মামপি” । (গীঃ ১৭।২৩)—
দেবযাজীগণ দেব লোকপ্রাপ্ত হয়, আর আমার ভক্তগণ আমাকেই প্রাপ্ত হইয়া
থাকে। উভয়ের ফল বিভিন্ন। দেবলোক নশ্বর, সেখানকার ভোগ, স্থিতি, পুণ্য
বর্তমান থাকা কাল পর্য্যন্ত। কিন্তু ভগবদ্ধাম নিত্য শাস্বত। ভগবদুপাসনার
পরিণতিতে ভগবদ্ধাম প্রাপ্তি হইলে আর বিচ্যুতি নাই। আর সংসারাবর্তে
ফিরিতে হয় না। গীতায় ৮।১৬ শ্লোকে ভগবান ইহা স্পষ্টাকরে বলিয়াছেন।
সাহা হউক, আমরা বুঝিলাম যে, ভগবদুপাসনার অগ্ন্যত্র উক্ত গুণ বা

বর্ষ সধুর্দায় উপাস্য ভগবানে উপসংহার করিয়া, তিনি এক অধিতীয় ভব, এই জ্ঞানে উপাসনা কর্তব্য ।

এই জন্তই শ্রীমদ্ভাগবতে উক্ত আছে যে, অক্রুর শ্রীকৃষ্ণকে প্রণাম করিয়া বলিতেছেন :—

নতোহস্ম্যহং ঋখিল-হেতু-হেতুং

নারায়ণং পুরুষমাদ্যমব্যয়ম্ । ভাগঃ ১০।৪০।১

—আপনি অখিল কারণের কারণ, অব্যয় আত্ম পুরুষ নারায়ণ, আপনাকে প্রণাম করি । ভাগঃ ১০।৪০।১

ইহা বলিবার পর ক্রমশঃ ৩৩,২ সূত্রের আলোচনার উদ্ধৃত ভাগবতের ১০।৪০।৪ হইতে ১০।৪০।১০ শ্লোকের দ্বারা প্রণাম করিয়া পরে বলিতেছেন :—

নমঃ কারণমৎশ্রায় প্রলয়াক্শিচরায় চ ।

হয়শীর্ষে' নমস্তভ্যং মধু-কৈটভ-মৃত্যবে ॥ ভাগঃ ১০।৪০।১৭

অকুপারায় বৃহতে নমো মন্দরধারিণে ।

ক্ষিত্যঙ্কার-বিহারায় নমঃ শূকরমূর্তয়ে ॥ ভাগঃ ১০।৪০।১৮

নমস্তেহঁদ্রুতসিংহার সাধুলোক-ভয়াপহ ।

বামনায় নমস্তভ্যং ক্রান্তত্রিভুবনায় চ ॥ ভাগঃ ১০।৪০।১৯

নমো ভৃগুগাং পতয়ে দৃষ্টকক্রবন-চ্ছিদে ।

নমস্তে রঘুবর্ষ্যায় রাবণাস্তকরায় চ ॥ ভাগঃ ১০।৪০।২০

নমস্তে বাসুদেবায় নমঃ সঙ্কর্ষণায় চ ।

প্রহ্মায়ানিরুদ্ধায় সাঙ্ঘতাং পতয়ে নমঃ ॥ ভাগঃ ১০।৪০।২১

—ভগবন্ ! আপনি প্রলয় পরোধিচারী কারণ মৎশ্র, আপনি মধুকৈটভহস্তা হয়গ্রীব, আপনি মন্দরধারী বৃহৎ কূর্মরূপী, আপনি ধরণীউদ্ধারকারী বরাহ, আপনি সাধুগণের ভয়াপহারী অদ্রুত
• নরহরি, আপনি ত্রিভুবণাক্রমণকারী বামন, আপনি দৃষ্ট কক্রিয়কুল
নিপাতকারী ভৃগুরাম, আপনি রাবণাস্তকারী শ্রীরাম, আপনি
চতুর্ভূহে বাসুদেব, সঙ্কর্ষণ, প্রহ্মায় ও অনিরুদ্ধ মূর্ত্তিধারী, আপনি
ভক্তগণের পতি, আপনাকে নমস্কার ॥ ভাগঃ ১০।৪০।১৭—২১ ।

ছবিটির প্রতি দৃষ্টিপাত কর । শ্রীকৃষ্ণ একাদশ বর্ষ দেশীয় রক্তমাংসের শরীর-
বিশিষ্ট বালকমূর্ত্তিতে অক্রুরের সম্মুখে যমুনা তীরে রথোপরি উপবিষ্ট । কিন্তু

ঐ পরিদৃশ্যমান বালক মূর্তিধারীকে ব্রহ্ম বুদ্ধিতে স্তব করিতেছেন এবং বিষ্ণু সমুদায় অবতারের গুণের উপসংহার তাঁহাতে করিতেছেন। ইহা দ্বারা ভাগবতকার প্রকাশ করিলেন যে, উপাস্তৃ দৃশ্যমান বিগ্রহধারী হউন, অথবা না হউন, যে বুদ্ধিতে তাঁহাকে উপাসনা করা যায়, সেই বুদ্ধিই উপাসনার সার্থকতা বা অসার্থকতার নিদান। তাঁহাকে ব্রহ্মবুদ্ধিতে উপাসনা করিলে, সমুদায় ব্রহ্মভাব তাঁহাতে আরোপ করিলে, সেই উপাসনা ব্রহ্মোপাসনার পর্যায়ে পড়িয়া পরম সার্থকতা লাভ করে। যখন ব্রহ্ম হইতে বস্তুস্তর নাই, তখন প্রতিমায় বা বিগ্রহে, অথবা শালগ্রাম শিলায় কিংবা বাণলিঙ্গ প্রভৃতিতে ব্রহ্মভাব আরোপ করিয়া উপাসনায় দোষ নাই, প্রত্যুত উহাই কর্তব্য। এ বিষয় পুনরায় চতুর্থ অধ্যায়ে আলোচিত হইবে।

ভেদবুদ্ধি অশেষ অন্তরের হেতু। দ্বৈত দর্শনেই ভয়। ইহা ভাগবত স্পষ্ট বলিয়াছেন :—

ভয়ং দ্বিতীয়াভিনিবেশতঃ স্মাদীশাদপেতস্য বিপর্যয়োহস্বতিঃ ।

তন্মায়য়াতো বৃধ আভিজ্ঞেত্তঃ ভক্ত্যেকয়েশং গুরুদেবতাত্মা ॥

ভাগঃ ১১।২।৩৫

১।১।২০ সূত্রের আলোচনায় (পৃঃ ৪৪৪) ইহার অর্থ দেওয়া হইয়াছে।

ভেদবুদ্ধি পরিত্যাগ করতঃ শ্রীভগবানের পাদপদ্ম উপাসনা করিলে, আত্যন্তিক কল্যাণ হয়। তখন কিছু হইতে ভয় পাইতে হয় না। ভয় স্বয়ং ভীত হইয়া নিবর্তিত হয়।

মন্ত্ৰেহুকুতশ্চিদভয়মচ্যুতস্য পাদান্বুজোপাসনমত্র নিত্যম্ ।

উদ্ভিন্নবুদ্ধেরসদাত্মভাবাৎ বিশ্বাত্মনা যত্র নিবর্ততে ভীঃ ॥

ভাগঃ ১১।২।৩১

—ইহার সরলার্থ ১।১।১ সূত্রের আলোচনায় (পৃঃ ৫৮) দেওয়া হইয়াছে।

অদ্বৈত ভাবে মুক্তি। ইহা ভাগবতের ৭।১৫।৬১ শ্লোকে উক্ত হইয়াছে।

১।১।২০ সূত্রের আলোচনায় (পৃঃ ৪৪৩-৪৪) ইহার অর্থ, এবং ভাবীদ্বৈত, ক্রিয়াদ্বৈত ও দ্রব্যাদ্বৈত তিনই প্রয়োজন এবং এই তিনের সংজ্ঞাও কথিত হইয়াছে। সেইখানে দ্রষ্টব্য।

যাহা হউক, বুঝা গেল যে, এক ভগবানই সকলের উপাস্তৃ। যাজ্ঞিকেরা বেদোক্ত বিধি দ্বারা হবিগ্রহণ পূর্বক যজ্ঞাগ্নিতে তাঁহারই হোম

করেন, যোগীগণ আত্মমায়ার বিষয় জিজ্ঞাসু হইয়া ইন্দ্রিয় সমাধি পূর্বক তাঁহাকেই
খ্যান করেন, এবং মুক্ত পরম ভাগবতগণের তিনিই একমাত্র পূজনীয় ।

ভাগঃ ১১।৬।৩

যশ্চিন্ত্যতে প্রযতপাণিভিরধ্বরাণৌ

ত্রয্যা নিরুক্তবিধিনেশ হবিগৃহীত্বা ।

অধ্যাত্মযোগ উতযোগিভিরাত্মমায়াং

জিজ্ঞাসুভিঃ পরমভাগবতৈঃ পরীষ্টঃ ॥ ভাগঃ ১১।৬।৯

অতএব, কি কৰ্ম্মী, কি যোগী, কি ভক্ত, সকলেই একমাত্র সেই
পরমতত্ত্ব ভগবানের উপাসনা করিয়া থাকেন । উপাসনা মার্গ দৃশ্যতঃ
বিভিন্ন হইলেও, উহাদের উদ্দেশ্য, লক্ষ্য ও প্রাপ্য ফল একই । একারণ,
উহাদের মধ্যে বস্তুতঃ ভেদ নাই । অতএব, এক অদ্বিতীয় ভগবানে,
ভগবৎভাব, ব্রহ্মভাব, পরমাত্মভাব এবং বেদের কাম্বিকাণ্ড বিহিত
দেবতাভাব—সমুদায় ভাবের উপসংহার প্রয়োজন । মৎ প্রণীত “গায়ত্রী-
রহস্য” পুস্তকে গায়ত্রী তত্ত্বের আলোচনার ৪১ অনুচ্ছেদে প্রতিপাদিত
হইয়াছে যে, প্রত্যেক মানব নৈসর্গিক নিয়মে ভগবানের উপাসনা করিতে
বাধ্য । সেই উপাসনা যদি বেদান্ত কথিত উপায়ে ব্রহ্মোপাসনায় পরিণত
করা যায়, তাহা হইলে অশেষ কল্যাণ সাধিত হয়, ইহা বলা বাহুল্য ।
এ কারণ ব্রহ্মসূত্রালোচনার উপযোগিতা ।

ভিত্তি :—

“আত্মৈত্যেবোপাসীত ।” (বৃহদাঃ ১।৪।৭) ।

—আত্মরূপেই উপাসনা করিবে । (বৃহদাঃ ১।৪।৭) ।

সংশয় :—পূর্ব সূত্রে ভগবানের কৃষ্ণ, রাম, নৃসিংহ প্রভৃতি মূর্তিধারী উপাস্ত্রের উপাসনায় গুণোপসংহার কর্তব্য, সিদ্ধাস্ত করিলে । কিন্তু তাহা হইলে, শিরোদেশে উদ্ধৃত শ্রুতির গতি কি হইবে? উহাতে ত কোনও রূপের উল্লেখ নাই বা গুণোপসংহারেরও কথা নাই । সূত্ররাং তোমার সিদ্ধাস্ত সমীচীন বলিয়া কি প্রকারে গ্রহণ করি ।

ইহার উত্তরে সূত্র । সূত্রের প্রথম অংশে আপত্তি উত্থাপন করিয়া শেষ অংশে সমাধান করিলেন :—

সূত্র :—৩।৩।৬ ।

অনুখাত্বং শব্দাদিতি চেম্মাবিশেষাৎ ॥ ৩।৩।৬ ॥

অনুখাত্বং + শব্দাৎ + ইতি + চেৎ + ন + অবিশেষাৎ ॥

অনুখাত্বং :—প্রকারান্তর—অর্থাৎ, গুণের উপসংহারাভাব । শব্দাৎ :—শ্রুতি হইতে, শব্দানুসারে । ইতি :—ইহা । চেৎ :—যদি বল । ন :—না । অবিশেষাৎ :—বিশেষ উল্লেখ না থাকায় ।

যদি আপত্তি কর যে, শিরোদেশে উদ্ধৃত শ্রুতি মন্ত্রাংশ হইতে গুণের উপসংহারাভাব সূচিত হইতেছে, অতএব গুণের উপসংহাররূপ সিদ্ধাস্ত সমীচীন নহে, তাহার উত্তরে বলিব, না, উক্ত আপত্তি সঙ্গত নহে, কেননা গুণের উপসংহার করা অসূচিত, এ প্রকার বিশেষ উল্লেখ নাই । “আত্মৈত্যেব” এই বাক্যাংশে ‘এব’ ব্যবহারে অনাত্মত্ব প্রতিষিদ্ধ হইতেছে, গুণোপসংহার প্রতিষিদ্ধ হইতেছে না । গুণোপসংহার প্রতিষেধের কোনও পোষক উল্লেখ নাই । লৌকিক কথায় বলে, “রাজাই দৃষ্ট হইলেন” । উহাচত রাজার সঙ্গে সঙ্গে তাঁহার দণ্ড, ছত্র, পরিকরাদি সমুদায় দৃষ্ট হইলেও যেমন তাহাদের পৃথক্ উল্লেখ করা হয় না, সেইরূপ “আত্মাই উপাস্ত্র” বলায় আত্মার গুণের বা গুণোপসংহারের পৃথক্ উল্লেখ প্রয়োজন নহে, এবং তাহাদের প্রতিষেধও উহা হইতে বুঝা যায় না । অতএব যথাশক্তি গুণ সকল চিন্তনীয়, ইহাই সৎ

সিদ্ধান্ত। পরব্রহ্ম অনাদি সিদ্ধ অনন্তরূপে রূপবান্ হইলেও, তিনি স্ব স্বরূপে পূর্ণরূপে বিরাজ করেন। কখনও গুণ সকল সমগ্র অভিব্যক্ত করেন, এবং কখনও প্রয়োজনানুরূপ অল্পাধিক প্রকটিত করেন। কিন্তু সমস্ত রূপই অখণ্ড পূর্ণস্বরূপের অভিব্যক্তি বিধায়, উহাদের পূর্ণত্বের হানি হয় না। ৩।২।২৬ সূত্রের আলোচনায় বৃহদারণ্যক শ্রুতির ৫।১।১ মন্ত্র উদ্ধৃত হইয়াছে, উহা হইতে স্পষ্ট বুঝা যাইবে যে, যাহা চিরপূর্ণ, তাহার খণ্ড হয় না, খণ্ড হইলেই সঙ্গে সঙ্গে পূর্ণত্বের ও অনন্তত্বের হানি হইল। এক একটি খণ্ড অপরের পরিচ্ছেদের কারণ হইয়া পড়িল। অতএব, শ্রীভগবানের উপাস্ত্র সমুদায় মূর্ত্তিই পূর্ণ। রাম পূর্ব্বতাপনী শ্রুতির ১।৭ মন্ত্র ৩।৩।২ সূত্রের আলোচনায় উদ্ধৃত হইয়াছে। উক্ত মন্ত্রে স্পষ্টই কথিত আছে যে, ব্রহ্ম চিন্নয়, নিষ্কল, অশরীরী, অধিতীয়; তাঁহার রূপ কল্পনা উপাসকের কার্যের অন্তর্গত। উপাসকের অধিকার ও অভিক্রমি অনুসারেই তিনি আপনাকে তাহাদের ধারণার উপযোগীরূপে অভিব্যক্ত করেন মাত্র। তাহাতে তাঁহার স্বরূপের হানি হয় না। স্বরূপ যাহা, তাহাই থাকে। যেমন তাঁহার সংকল্পেই জগৎ ও জীবসৃষ্টি, তেমনিই তাঁহার সংকল্পেই উপাসকগণের উপাস্ত্র ইষ্ট-মূর্ত্তি ধারণ। তিনি সত্যসংকল্প বলিয়া তাঁহার সংকল্পের ব্যত্যয় হয় না। অতএব, উপাসকগণ যথাশক্তি নিজ নিজ অভীষ্ট মূর্ত্তিতে সমুদায় গুণের উপসংহার করিবে।

তুমি যে সংশয় উত্থাপন করিয়াছ, তাহাতে যেন বলিতে চাহিতেছ যে, বিগ্রহ মূর্ত্তিকে আত্মারূপে উপাসনা করা যায় না। ইহার উত্তরে বাদানু-বাদের প্রয়োজন নাই। পূর্ব্ব সূত্রের আলোচনায় উদ্ধৃত রাম পূর্ব্বতাপনী উপনিষদের ৯ ও ১০ মন্ত্রে দৃষ্টি আকর্ষণ করি। উক্ত মন্ত্রদ্বিতে ভগবান শ্রীরামচন্দ্রকে “আত্মা” বলিয়া শ্রুতি উক্তি করিয়াছেন। তিনি আত্মার আত্মা, সূক্ষ্ম হইতে সূক্ষ্ম, তিনি কি আত্মার অন্তরে ইষ্ট মূর্ত্তিরূপে প্রকটিত হইতে পারেন না? স্মৃতরাং বিগ্রহবানকেও আত্মারূপে উপাসনা করা যায়।

শ্রীমদ্ ভাগবত এই তত্ত্ব স্পষ্ট করিয়া প্রকাশ করিয়াছেন, যথা :—আপনি জ্ঞান স্বরূপ আত্মা ; চরাচর জগতের কল্যাণার্থ সময়ে সময়ে বিবিধ মূর্ত্তি ধারণ করেন। ঐ মূর্ত্তি সকল বিত্ত্ব সত্ত্বময় (প্রাকৃতিক সত্ত্ব গুণের নহে)। উহা ধার্মিকগণের সুখাবহ, এবং ধর্মগণের অন্তর্ভকর। ভাগঃ ১০।২।২৯

বিভূষি রূপাণ্যবোধ আত্মা

ক্ষেমায় লোকস্য চরাচরস্য ।

সত্ত্বোপপন্নানি স্খাবহানি

সতামভদ্রাণি মুহুঃ খলানাম্ ॥ ভাগঃ ১০।২।২৯

যিনি জ্ঞানস্বরূপ আত্মা, তিনি যদি স্থূল রক্তমাংসের শরীর বিশিষ্টরূপে আপনাকে অভিব্যক্ত করিতে পারেন, তিনি যে হৃদয় গুহায় ইষ্ট দেবতারূপে প্রকাশ পাইবেন, তাহার কথা কি? অতএব, তোমার সংশয়ের কোন ভিত্তি নাই।

রূপ গ্রহণের কথা অগ্ৰত্ৰও আছে :—

সত্ত্বং বিশুদ্ধং শ্রয়তে ভবান্ স্থিতে

শরীরিণাং শ্রেয় উপায়নং বপুঃ ।

বেদক্রিয়াযোগতপঃ সমাধিভি-

স্তবাহ'ণং যেন জনঃ সমীহতে ॥ ভাগঃ ১০।২।৩৪

—৩।২।১৭ সূত্রের আলোচনায় (পৃঃ ১২৮৩) ইহার অর্থ দেওয়া হইয়াছে।

অবতার গ্রহণের মুখ্য উদ্দেশ্য জীবগণকে ভগবতুপাসনার পথে আনয়ন।

এই প্রসঙ্গে ৩।২।২৬ সূত্রের আলোচনায় উক্ত ৬।৪।২৮ শ্লোক (পৃঃ ১৩৩৬) দ্রষ্টব্য ও ৩।২।১৭ সূত্রের আলোচনায় উক্ত ১০।২।৩৭ শ্লোকে (পৃঃ ১২৮৫) দৃষ্টি আকর্ষণ করি। এই এক কথাই নিয়োদ্ধিত শ্লোকেও কথিত হইয়াছে :—

সুরেষ্টিষীশ ! তথৈব নৃষপি

তির্যাক্ষু যাদঃস্বপি তেহজনস্য ।

জন্মাসতাং দুর্শদনিগ্রহায়

প্রভো ! বিধাতঃ ! সদনুগ্রহায় চ ॥ ভাগঃ ১০।১৪।২০

—হে বিধাতঃ ! হে ঈশ ! হে প্রভো ! আপনি সর্বসমর্থ। আপনি জন্ম রহিত হইয়াও, দেব, ঋষি, মনুষ্য, তির্যাক্ষরূপে যে আবির্ভূত হইবেন, তাহা অসৎ ও দুর্শদগণের নিগ্রহ এবং সাধুগণের অনুগ্রহের জন্ম। ১০।১৪।২০।

জগৎত্রে কল্যাণের জগ্গই তাঁহার রূপে অভিব্যক্তি ।

তিনি আশ্রাম ও আপ্তকাম ; তাঁহার নিজের কোমল প্রয়োজন বা অভাব নাই । তিনি যে রূপ গ্রহণ করিয়া অবিত্ত হন, তাহা কেবল ভক্তানুগ্রহের জগ্গ ।

অনুগ্রহায় ভক্তানাং মানুষং দেহমাত্মিতঃ ।

ভজতে তাদৃশীঃ ক্রীড়া যাঃ শ্রদ্ধা তৎপরো ভবেৎ ॥

ভাগঃ ১০।৩৩।৩৬

—তিনি পূর্ণ, আপ্তকাম হইলেও, ভক্তানুগ্রহের জগ্গ মনুষ্য মূর্তিতে প্রকটিত হইয়া এবশ্রকার লীলা করেন, যাহা তিনি লোকে তৎপর (তাঁহাতেই রত) হয় । ভাগঃ ১০।৩৩।৩৬

ইহাই অবতার গ্রহণের মুখ্য উদ্দেশ্য । নতুবা যাহার ক্রভঙ্গে কোটি কোটি ব্রহ্মাণ্ড নিমেষে ধ্বংস প্রাপ্ত হয়, অসৎ নিগ্রহের জগ্গ তাঁহার অবতার গ্রহণের প্রয়োজন কি ? তাঁহার বিশ্বক্রীড়ার সঙ্গী জীব, তাঁহার প্রদত্ত সীমাবদ্ধ স্বাধীনতার পরিচালনে কর্তা সাজিয়া, নিজ কর্তৃত্বাভিমাণে কৃত কর্ম-বন্ধনে জড়িত হইয়া, সংসারাবর্তে উথিত পতিত হইতে থাকে । তাহাকে সংসার হইতে উদ্ধারের জগ্গ ভগবানের অবতার গ্রহণ । আমাদের একজন হইয়া, নিজের অনুষ্ঠান দ্বারা আদর্শ সংস্থাপন এবং তাহার বলে, উন্নয়নগামী জীবকে সৎপথে আনয়ন, অবতার গ্রহণের প্রধান উদ্দেশ্য ও প্রয়োজন । ভিন্ন ভিন্ন রূপ গ্রহণ, ভক্তের অধিকার ও অভিকৃতি অনুসারে, ইহা পূর্বেই বলা হইয়াছে এবং প্রত্যেক রূপই পূর্ণ । তবে গুণাভিব্যক্তির তারতম্যানু-সারে অধিক গুণ দৃশ্যতঃ বর্তমান, মনে হইতে পারে । সুতরাং প্রত্যেক রূপে, অগ্ণানুরূপে যে সমুদায় গুণ বর্তমান আছে, তাহাদের উপসংহার করা স্বনিষ্ঠ ভক্তের উচিত ।

তাঁহার স্বতন্ত্র ইচ্ছাই তাঁহার শরীর ধারণের হেতু, ইহা শুকদেব গোশ্বামী নিয়োক্ত শ্লোকে ব্যক্ত করিতেছেন :—

• বিভ্রূতপুঃ সকলসুন্দরসম্মিবেশং

কর্ম্মাচরন্ ভুবি স্তুমঙ্গলমাপ্তকামঃ ।

আচ্ছায় ধাম রমমাণ উদারকীর্ত্তিঃ

সংহর্ষমৈচ্ছত কুলং স্থিতকৃত্যশেষঃ ॥

ভাগঃ ১১।১।১০

—ভগবান্ আপ্তকাম। তাঁহার ইচ্ছাই তাঁহার আবির্ভাবের কারণ, অন্য কারণ নাই; এই ইচ্ছাই তাঁহার অপার করুণার পরিচয় দেয়। কারণ, লোকশিক্ষাই উহার উদ্দেশ্য। এই জগত্ই তিনি সকল সুন্দর বস্তু একত্র সম্মিলিত রূপ শরীর প্রকটন পূর্বক পৃথিবীতে লোকশিক্ষার্থ মঙ্গলজনক কর্মসকল আচরণ করতঃ নিজধামে রমণ করেন। তিনি পরিশেষে নিজকুল ধ্বংসরূপ শেষ কৃত্য করিতে সংকল্প করিলেন। ভাগঃ ১১।১।১০

অতএব প্রতিপাদিত হইল যে, সকলের আত্মার আত্মা হইলেও, তিনি জীবের কল্যাণের জগৎ রূপ পরিগ্রহ করেন। রূপ পরিগ্রহ করিলেও তিনি স্বরূপ হইতে বিচ্যুত হন না, অতএব তাঁহার আত্মত্বের হানি হয় না। বিগ্রহবানের উপাসনা আত্মভাবেও করা যায়। গুণোপসংহার সর্বত্র বিধেয়।

৩৮ ঐকরণ ভেদাধিকরণ ॥

ভিত্তি:—

১। “অথ য এষোহস্তুরাদিত্যে হিরণ্ময়ঃ পুরুষো দৃশ্যতে,
হিরণ্যশ্চহিরণ্যকেশ আশ্রণখাৎ সৰ্ব্ব এব সুবৰ্ণঃ ॥”

(ছান্দোগ্যঃ ১।৬।৬) ।

—এই যে আদিত্য মণ্ডল মধ্যে হিরণ্ময়, হিরণ্যশ্চ, হিরণ্যকেশ
পুরুষ দৃষ্ট হন, ঐহার নাখাগ্র হইতে সমস্তই সুবর্ণের গায় উজ্জল ।
(ছাঃ ১।৬।৬) ।

২। “তস্ম যথা কপ্যাসং পুণ্ডরীকমেবমক্ষিণী, তস্ম উদিতি নাম
স এষ সৰ্ব্বেভ্যঃ পাপভ্য উদিত উদেতি হ বৈ সৰ্ব্বেভ্যঃ
পাপভ্যো য এবং বেদ ॥” (ছান্দোগ্যঃ ১।৬।৭)

—সূর্য্য কিরণে সত্ত্ব প্রস্ফুটিত রক্ত পদ্মের গায় ইহার চক্ষু ছুটি । ইহার
নাম ‘উৎ’ । কারণ, ইনি সমস্ত পাপ (পাপ-পুণ্য কর্ম) হইতে
উত্তীর্ণ । যে লোক ইহাকে জানেন, তিনিও সমস্ত পাপ হইতে
উদগত হইয়া থাকেন । (ছাঃ ১।৬।৭) ।

৩। “আকাশো হ্যেবৈভ্যো জ্যায়ানাকশঃ পরায়ণম্ ॥

(ছান্দোগ্যঃ ১।৯।১)

—আকাশই সর্বপেক্ষা মহান্, আকাশই পরম আশ্রয় ।

(ছাঃ ১।৯।১)

৪। “স এষ পরোবরীয়াসুদগীথঃ স এষোহনন্তঃ পরোবরীয়ো হাস্য
ভবতি পরোবরীয়সো হ লোকান্ জয়তি, য এতদেবং বিদ্বান্
পরোবরীয়াংসুদগীথমুপাস্তে ॥” (ছান্দোগ্যঃ ১।৯।২)

—পূর্বেক্ত উদগীথ এই পরোবরীয় (সর্বোত্তম) পরমাত্মা স্বরূপ ।
সেই এই উদগীথই অনন্ত স্বরূপ । যে উপাসক এই প্রকার অবগত
হইয়া পরোবরীয় গুণ সম্পন্ন এই উদগীথের উপাসনা করেন, তিনি
উত্তরোত্তর উৎকৃষ্ট লোক সমূহ জয় করেন, এবং তাঁহার জীবনও
ক্রমে সমুৎকৃষ্ট হইয়া থাকে । (ছাঃ ১।৯।২) ।

সংশয় :—ভাল, তোমাদের মতে, তোমাদের ব্রহ্মে, পরমাত্মায় বা ভগবানে দেহ-দেহী ভেদ নাই, এ সিদ্ধান্ত পূর্বে স্থাপন করিয়াছ। দ্বিতীয়তঃ, উপাসকের উপাসনার সৌকর্যার্থে অরূপ ব্রহ্মের বা ভগবানের রূপ কর্তব্য করিয়াছ। আবার এখন বলিলে যে, ভগবানের উপাসনার সময় একস্থানে উক্ত গুণাবলী, অপর স্থানে উপসংহার করা উপাসকের কর্তব্য। তবে শ্রীকৃষ্ণোপাসকগণ উপাসনার সময় নিম্নোক্ত শ্লোক মত শ্রীকৃষ্ণ রূপ ধ্যান করেন কেন ?

বহুপীড়ং নটবরবপুঃ কর্ণয়োঃ কর্ণিকারং

বিভ্রদ্বাসঃ কনককপিশং বৈজয়ন্তীং চ মালাম্ ।

রক্তান্ বেণোরধরসুধয়া পূরয়ন্ গোপাবনৈঃ

বৃন্দারণ্যং স্বপদরমণং প্রাবিশদ্ গীতকীর্ত্তিঃ ॥ ভাগঃ ১০।২।১৫

—শিরে ময়ূর পুচ্ছের চূড়া, কর্ণদ্বয়ে কর্ণিকার কুমুম, স্বর্ণবর্ণের উজ্জল বসন পরিধান, গলদেশে পঞ্চবর্ণ পুষ্পগ্রথিতা মালা প্রভৃতি বসন ভূষণে ভূষিত হইয়া নটবর বেশ ধারণ করতঃ, নিজ যশোগান তৎপর গোপবালকগণ কর্তৃক পরিবেষ্টিত হইয়া শ্রীকৃষ্ণ অধর সুধা দ্বারা বেণু রক্ত সকল পূর্ণ করিতে করিতে (অর্থাৎ, বেণু বাদন করিতে করিতে) তাঁহার লীলাস্থান বৃন্দাবনে প্রবেশ করিলেন। ভাগঃ ১০।২।১৫

এরূপ মূর্ত্তি ধ্যান না করিয়া বা এ প্রকার স্তব পাঠ না করিয়া, তোমারই সিদ্ধান্ত মত গুণোপসংহার করতঃ নিম্নোক্ত শ্লোক মত ত শ্রীকৃষ্ণমূর্ত্তি ধ্যান, ধারণা, স্তব, পূজা প্রভৃতি উপাসনাপ্রভূত কার্য্য করিতে পারেন।

প্রতপ্তচামীকরচণ্ডলোচনং স্কুরৎসটাকেশরজ্জ্বলিতাননন্ ।

করালদংষ্ট্রং করবালচঞ্চলক্ষুরাত্তজিহ্বং ক্রকুটীমুখোদগম্ ॥

ভাগঃ ৭।৮।১৮

—লোচন প্রতপ্ত স্বর্ণের জ্বায় পিঙ্গলবর্ণ, বদন দেদীপ্যমান জটা ও কেশরে বিজ্জ্বলিত, করাল দণ্ড, করবাল তুল্য চঞ্চল ক্ষুরধার সদৃশ তীক্ষ্ণ জিহ্বা, মুখ ক্রকুটীযুক্ত, অর্থাৎ ভীষণ ॥ ভাগঃ ৭।৮।১৮

এই প্রকার, শ্রীরামোপাসকগণ নিম্নলিখিত মত রামরূপ ধ্যান, ধারণা করেন কেন ?

সরযুতীর মন্দার বেদিকা পঙ্কজাসনে ।

শ্যাম বীরাসনাসীনং জ্ঞান মুদ্রোপশোভিতম্ ॥

বামোরুগ্ণস্তুতদ্ধস্তুং সীতা লক্ষণ সংযুতম্ ।

অবেক্ষমানমাখ্যানমাখ্যমিত তেজসম্ ।

শুদ্ধ স্ফটিকসংকাশং কেবলমোক্ষকান্তক্ষয়া ॥

(রামরহস্যোপনিষৎ ২।৩-৪-৫) ।

ঐ রূপের পরিবর্তে তোমার সিদ্ধাস্ত মত গুণোপসংহার করতঃ তাঁহারা ত নিয়োদ্ধত শ্লোক মত ধ্যান ধারণা, স্তব পূজাদি করিতে পারেন ।

উৎক্লিপ্ত বালঃ খচরঃ কঠোরঃ

সটাবিধুষন্ খররোমশত্বক্ ।

খুরাহতাত্ত্বঃ সিতদংষ্ট্রী ঈক্ষা

জ্যোতির্বভাসে ভগবান্ মহীধ্বঃ ॥ ভাগবত ৩।১৩।২৬

—পৃথিবীর উদ্ধার কর্তা সেই বরাহ জল প্রবেশের পূর্বে উর্দ্ধভাগে পুচ্ছ উৎক্ষেপণ করিয়া উল্লম্বন পূর্বক গগনচারী হইলেন, এবং তাঁহার স্বক্ৰমিত কঠোর সটা সকল কম্পিত হইতে লাগিল । তিনি খুর দ্বারা মেঘ সকল আহত করিলেন । তাঁহার দস্ত শুভ্রবর্ণ, শরীর অতিশয় কঠিন এবং ত্বক্ তীক্ষ্ণ রোম দ্বারা আবৃত । তখন দিক্ সকল তিমিরাবৃত ছিল, কিন্তু তাঁহার নেত্রজ্যোতিঃতে আলোকময় হইয়া উঠিল । ভাগঃ ৩।১৩।২৬ ।

আবার, অপর পক্ষে নৃসিংহোপাসকগণ, নৃসিংহ দেবেয় ভীষণ মূর্তির ধ্যান না করিয়া, মধুর, মুরলীবাদন তৎপর, শ্যামসুন্দর শ্রীকৃষ্ণ মূর্তিও ত চিন্তা করিতে পারেন । কিন্তু তাহা কি কেহ করিয়া থাকেন ? উপাসনা শাস্ত্রেও ঐরূপ করিবার বিধান আছে কি ? যদি না থাকে তবে তোমার সিদ্ধাস্ত মানিব কিরূপে ?

এই আপত্তির উত্তরে সূত্র :—

সূত্র :—৩।৩।৭ ।

নবা প্রকরণভেদাৎ পরোবরীয়স্তাদিবৎ ॥ ৩।৩।৭ ॥

ন + বা + প্রকরণভেদাৎ + পরোবরীয়স্তাদিবৎ ॥

ন :—না, উপসংহার করণীয় নহে । বা :—পূর্বপক্ষ নিরসন সূচক ।

প্রকরণভেদাৎ :—প্রকরণ ভেদ হেতু ; সন্ন্যাস, জ্ঞান, ভক্তি প্রভৃতি প্রকরণ

ভেদ হেতু। পরোবরীয়ত্বাদিবৎ :—পরোবরীয়ত্ব প্রভৃতি গুণ বিশেষের
 গায়।

শিরোদেশে উদ্ধৃত ছান্দোগ্য শ্রুতির ১।৬।৬, ১।৬।৭, ১।৯।১ এবং ১।৯।২
 মন্ত্রগুলি বুঝিতে চেষ্টা কর, উত্তর পাইবে। ছান্দোগ্য শ্রুতির প্রথম অধ্যায়ে
 উদগীথ উপাসনা কথিত হইয়াছে। উহার প্রকরণ—একমাত্র উদগীথ
 উপাসনা। কিন্তু যখন আদিত্যমণ্ডল মধ্যবর্তী পুরুষকে উদগীথ রূপে উপাসনার
 উল্লেখ আছে, তখন শ্রুতি উক্ত পুরুষকে হিরণ্যশশ, হিরণ্যকেশ, নখ হইতে
 শিরঃ পর্যন্ত স্বর্গের গায় উজ্জ্বল, চক্ষুঃ দুইটি সজ্জ বিকশিত রক্ত পদ্মের গায় বলিয়া
 বর্ণনা করিয়াছেন।

আবার, যখন আকাশলিঙ্গক পরমাত্মাকে উদগীথরূপে উপাসনার উল্লেখ
 আছে, তখন তিনি “পরোবরীয়ঃ” গুণ সম্পন্ন বলিয়া শ্রুতি উল্লেখ করিয়াছেন।
 উক্ত গুণ আদিত্যমণ্ডল মধ্যবর্তী পুরুষরূপী উদগীথ উপাসনায় উল্লিখিত
 হয় নাই। অতএব, স্পষ্ট বুঝা যাইতেছে যে, একই উদগীথ উপাসনা
 প্রকরণে এবং একই উদগীথের বিভিন্ন মার্গে উপাসনায় গুণোপসংহার শ্রুতির
 অভিপ্রেত নহে।

ইহার কারণ অনুসন্ধান করিলে বুঝিতে পারিবে যে, উপাসকের অধিকার
 অনুসারেই শ্রুতির উপদেশ। বহু উপাসক আকাশ লিঙ্গক নির্বিশেষ ভাব
 ধারণে অক্ষম। তাহাদের পক্ষে শ্রুতি আদিত্য মণ্ডলান্তবর্তী পুরুষের উল্লেখ
 করিয়া সবিশেষ উপাসনার বিধান করিয়াছেন। সুতরাং, “পরোবরীয়ঃ”
 গুণ সেখানে কথিত হয় নাই। এক প্রকরণেই যখন ঐ প্রকার উপদেশ, তখন
 বিভিন্ন প্রকরণের কথা কি ?

দেখ, সন্ন্যাসীগণ নৃসিংহদেবের উপাসনা করেন। বৃহস্পতি শ্রীকৃষ্ণ, শ্রীরাম
 প্রভৃতির উপাসনা করিয়া থাকেন। সুতরাং উহাদের উপাসনার প্রকরণ
 (প্রকৃষ্ট করণ) পদ্ধতি ভিন্ন ভিন্ন। জ্ঞানীগণের উপাসনা এবং ভক্তগণের
 উপাসনার প্রকরণ ভিন্ন ভিন্ন। ভক্তগণের মধ্যে আবার উত্তম, মধ্যম, অধম
 আছে। যাহারা আত্মনিষ্ঠ (স্বনিষ্ঠ) ভক্ত, তাহারা নানাবিধ রূপধারী অবতার-
 গণকে একমাত্র শ্রীভগবানের অবতার মনে করিয়া, তাহাদের ইষ্টদেবগণে
 অগ্ৰাণ্ণ ভগবন্মূর্তির গুণোপসংহার করিয়া থাকেন। যাহারা একনিষ্ঠ ঐকান্তিক
 ভক্ত, তাহাদের নিজ ইষ্টদেবের উপর ভক্তি অতি দৃঢ়। তাহারা তাহাদের
 অস্ত্রকরণ, তাহাদের ইষ্টদেবে পর্যাবসিত ভাবে নিবিষ্ট করিয়া থাকেন। তাহাদের
 অধিকার ও অভিজ্ঞি অনুসারে, শিরোদেশে উদ্ধৃত শ্রুতি প্রমাণ অনুসারে,

গুণোপসংহার কর্তব্য নহে। উপাসনার প্রধান অঙ্গ ভক্তি। যদি ভক্তি দৃঢ় হয়, তবেই উপাসনা সার্থকতা লাভ করে। ঐকান্তিক ভক্তগণের আপন আপন ইষ্টদেবের উপর অতি দৃঢ় ভক্তি থাকায়, তাঁহারা তাঁহাদের ইষ্টদেবেই সমাহিত হইয়া থাকেন, ইহাই পরম পুরুষার্থ লাভ। গুণোপসংহারের উদ্দেশ্য হৃদয়ে ব্রহ্মভাব জাগরণ, ইহা পূর্বে বলা হইয়াছে। যাহারা ঐকান্তিক ভক্ত, তাঁহারা নিজ নিজ ইষ্টদেবেই পরমব্রহ্ম, এই ধারণায় তাঁহাতে তন্ময় হইয়া থাকেন। সুতরাং তাঁহাদের সম্বন্ধে গুণোপসংহারের উদ্দেশ্য সিদ্ধই হইয়া আছে।

আরও দেখ, প্রত্যেক বস্তুর দুইটি লক্ষ্যস্থান আছে। একটি তত্ত্বের দিক হইতে, অপরটি ব্যবহারিক প্রপঞ্চের দিক হইতে। তত্ত্বের দিক হইতে দেখিলে—উপাস্ত্র, উপাসক, উপাসনা—ইহাদের মধ্যে ভেদ মাত্র নাই। এক ব্রহ্মই কর্তা, কর্ম, করণ, সম্প্রদান, অপাদান, অধিকরণ—সমুদায় কারক ব্যাপারই। ইহা পূর্বে বহুবার বলা হইয়াছে। সুতরাং তত্ত্বের দিক হইতে দেখিলে, যখন বৈত নাই, তখন সমুদায় গুণের উপসংহার যে এক অদ্বৈত তত্ত্ব, ইহা বলা বাহুল্য মাত্র।

ব্যবহারিক প্রপঞ্চের দিক হইতে দেখিলে, উপাস্ত্র, উপাসক, উপাসনা—সমুদায়ই বর্তমান, এবং উহাদের পরস্পর সম্বন্ধ জীবকোটি হইতে বিচারের প্রয়োজন, ইহা তৃতীয় অধ্যায়ের প্রারম্ভে ভূমিকায় স্পষ্ট উল্লিখিত হইয়াছে। উপাসকের লক্ষ্যস্থান হইতে বিচার করিলে স্পষ্ট প্রতীতি হইবে যে, উপাসকগণ নিজ নিজ অভীষ্ট উপাস্ত্রে ব্রহ্মভাব উপলব্ধির চেষ্টা করিবেন, অর্থাৎ তাঁহাদের উপাস্ত্রে জগৎ-কারণত্ব, সর্বৈশ্বরত্ব, সর্বনিয়ন্তৃত্ব, সর্বজ্ঞত্ব, সর্বশক্তিমত্তা প্রভৃতি বিদ্যমান আছে, ইহা ধারণা করিবার চেষ্টা করিবেন। এবং তাহা করিতে করিতে তাঁহার ক্রমশঃ উপলব্ধি হইবে যে, উপাসক—তাঁহার উপাস্ত্রই জনগণের মধ্যে একজন। তখন উপাসক তাঁহার ইষ্টদেবকে বলেন যে, প্রভো! তুমি ত বিশ্বেশ্বর, তোমার ত অনেক উপাসক আছেন। চন্দ্র, সূর্য্য, অগ্নি, বায়ু তোমার বিধানেই নিজ নিজ কার্য্য সম্পাদন করিয়া থাকেন। আমি কোন্ ক্ষুদ্র কীটাপুংগব, তোমার উপাসনার অধিকার পাইয়াছি। তোমার অপার করুণায় আমাকে তোমারই জনগণের একজন করিয়া রাখ। ভক্তি শাস্ত্রানুসারে ইহার নানা প্রকার ভেদ আছে, তন্মধ্যে প্রধান—শাস্ত্র, দাস্ত্র ও সখ্য। ইহাদের ঐশ্বর্য্য জ্ঞানই বেশী। ইহারা আপনাপন ইষ্টদেবে সমুদায় গুণোপসংহার করিয়া

থাকেন। এই সাধনার নাম ‘ভদ্রীয়াভ্যাস’—অর্থাৎ, আমি তাঁহার, এই প্রকার জ্ঞান।

ভক্তি শাস্ত্রে অপর একপ্রকার সাধনা আছে, তাহার ভাব অতি উচ্চ, আমাদের ধারণার অতীত। উহা ‘মদীয়াভ্যাস’—এখানে, আমি তাঁহার নয়, তিনি আমার। কত জোর হইলে, তবে ভক্ত বলিতে পারেন, আমি তাঁহার হইতে কেন যাইব, তিনিই আমার, আমার একার—আর কাহারও নহেন। আমি তাঁহাকে ইচ্ছামত সাজে সাজাইব, ইচ্ছামত কাজ করাইব। এখানে ঐশ্বর্যজ্ঞান আদৌ নাই। ভগবানের মাধুর্য্যজ্ঞান পূর্ণমাত্রায় বিরাজমান। তাঁহার সুকোমল চরণদুটি বৃন্দাবনের কঠিন শিলায় কষ্ট পাইবে, এজন্ত গোপীগণ নিজ নিজ হৃদয় পাতিয়া তাঁহার গমনাগমনে পথ প্রস্তুত করিতে ব্যগ্র। এই জন্তই তাঁহারা গাহিয়াছেন :—

চলসি যদ্ব্রজাচ্চারয়ন্ পশূন্

নলিনসুন্দরং নাথ ! তে পদম্ ।

শিলতৃণাস্কুরৈঃ সীদতীতি নঃ

কলিলতাং মনঃ কান্ত ! গচ্ছতি ॥

ভাগঃ ১০।৩।১১

প্রণতকামদং পদুজার্চিতং

ধরণিমগুনং ধ্যেয়মাপদি ।

চরণপঙ্কজং শস্ত্রমঞ্চ তে

রমণ । নঃ স্তনেষ্পর্পয়াধিহন্ ॥ ভাগঃ ১০।৩।১৩

যৎ তে সূক্ষ্মাতচরণাস্কুরহং স্তনেষু

ভীতাঃ শনৈঃ প্রিয় । দধীমহি কৰ্কশেষু ।

তেনাটবীমটসি তদ্যথতে ন কিং স্থিৎ

কূর্পাদিভিভ্রমতি ধীর্ভবদায়ুষাং নঃ ॥

ভাগঃ ১০।৩।১৯

—হে নাথ, হে কমনীয়, হে একান্ত মধুর ! তুমি যখন পশুচারণ করিতে করিতে ব্রজ হইতে গোচারণ স্থানে যাও, তখন তোমার কমলের ন্যায় সুকোমল চরণ পাছে শিলা, শস্ত্রমঞ্জরী, তৃণ ও অস্কুরে

পতিত হইয়া ব্যথিত হয়, এই আশঙ্কায় আমাদিগের মনঃ অত্যন্ত ব্যাকুল হয় । ভাগঃ ১০।৩১।১১

—হে মনঃ পীড়ার উপশমকারিন্ ! হে একান্ত রমণীয় ! তোমার ঐ চরণ পঙ্কজ প্রণত জনের সর্বকামদ ; ব্রহ্মা ইহার অর্চনা করিয়া থাকেন ; ইহা ধরণীর ভূষণ স্বরূপ ; উহা আমাদের স্তনে অর্পণ কর ।
ভাগঃ ১০।৩১।১৩

—হে প্রিয় ! তোমার যে সুকোমল চরণ আমরা ভয়ে ভয়ে আমাদের কর্কশ স্তনের উপর ধারণ করিয়া থাকি, সেই চরণ দ্বারা বন ভ্রমণ করিতেছ । তাহাতে কি ঐ চরণকমল সুন্দর পাষাণাদি দ্বারা ব্যথিত হইতেছে না ? ইহা ভাবিয়া আমরা বিমোহিত হইয়াছি ।

ভাগঃ ১০।৩১।১২

এই মদীয়তাময় প্রেমজনিত দিব্যোন্মাদে মত্ত হইয়া গোপীগণ বলিতে পারিয়াছিলেন :—

মৃগয়ুরিব কপীন্দ্রং বিব্যাধে লুক্কধর্ম্মা

দ্বিয়মকৃত বিরূপাং স্ত্রীজিতঃ কামযানাম্ ।

বলিমপি বলিমত্বাহবেষ্টয়েদধ্বাজ্জবদ্য-

স্তদলমসিতসখ্যৈর্হুস্ত্যজস্তৎ কথার্থঃ ॥

ভাগঃ ১০।৪৭।১৭

—শ্রীকৃষ্ণ পূর্ব পূর্ব জন্মে যাহা যাহা করিয়াছিলেন, তাহা মনে করিয়া আমরা ভীত হইতেছি । তিনি এমন ক্রুর যে, রামাবতারে ব্যাধবৎ বৃক্কস্তবকের অন্তরালে নিজে প্রচ্ছন্ন থাকিয়া, বানররাজ বালিকে বিদ্ধ করেন ; এবং স্ত্রীপরতন্ত্র হইয়া অগ্না কামুকী স্ত্রীকে (সুর্পনখাকে) নাসা কর্ণ ছেদন দ্বারা বিরূপা করেন । বামনাবতারে বলিরাজার প্রদত্ত পূজোপহার কাকবৎ গ্রহণ করিয়া তাঁহাকেই বন্ধন করিয়াছিলেন । অতএব, সেই কৃষ্ণবর্ণটির সখ্যে আর প্রয়োজন নাই । যাহা হইয়াছে, তাহাই যথেষ্ট । কিন্তু হায় দুর্ভাগ্য ! তাঁহার কথা, রূপ, অর্থ হুস্ত্যজ, ইচ্ছা করিলেও ত্যাগ করিতে পারি না । ভাগঃ ১০।৪৭।১৭

এই “মর্দীয়তাময়” প্রেমের এতই শক্তি যে, ইহা সেই অনন্ত অচিন্ত্য শক্তিমান্ শ্রীভগবান্কে শক্তিহীন করিয়া নিতান্ত অসহায়ের গায় ঐ প্রকার ভক্তের করুণা উদ্ভেকের জন্ম লালায়িত করে। মা যশোদা এই প্রেমে প্রেমবতী ছিলেন। এজন্য তাঁহার ভয়ে বালকরূপী শ্রীকৃষ্ণ কম্পান্বিত কলেবর হইয়া ভীত চক্ষু মাযের করুণা প্রার্থী হইয়াছিলেন। ভাগবত বলিতেছেন :—

কৃতাগসং তং প্রকৃদন্তুমক্ষিণী

কমন্তুমঞ্জম্বিণী স্বপাণিনা।

উদীক্ষ্যমাণঃ ভয়বিহ্বলেক্ষণঃ

হস্তে গৃহীত্বা ভিব্বস্ত্বাবাগুরং ॥ ভাগঃ ১০।৯।১১

—মা যশোদা কৃতাপরাধ স্ততরাং রোদনকারী, নিজ হস্ত দ্বারা দুই চক্ষুঃ মর্দন করায় চক্ষুর অঞ্জন অশ্রুজলে গলিয়া গও রঞ্জিত করতঃ বহিতে থাকিলে যেরূপ হয়, তদ্রূপ শ্রীকৃষ্ণকে হস্ত দ্বারা ধরিয়া, তাঁহার দিকে চাহিয়া উত্তত যষ্টি দ্বারা ভয় প্রদর্শন করিতে করিতে বহু ভৎসনা করিলেন। শ্রীকৃষ্ণ ভয়ে বিহ্বল হইয়া উদ্বিগ্ন মুখে মাতার দিকে চাহিয়া কেবল রোদন করিতে লাগিলেন।

ভাগঃ ১০।৯।১১

যে ভক্ত, নিজ ভক্তি, প্রেম দ্বারা শ্রীভগবান্কে শক্তিহীন করিয়া অসহায়ের গায় করুণা ভিক্ষা করিতে বাধ্য করিতে পারেন, তাঁহার গুণোপসংহার করিবার প্রয়োজন নাই। তাঁহার সাধনা শেষ হইয়াছে। সাধনার পরিণতি তিনি ভোগ করিতেছেন। দ্বিধাভার তাঁহার নাই। তিনি তাঁহার ইষ্টে একান্ত নিষ্ঠ। তাঁহার সুখ দুঃখ সমুদায় তাঁহার ইষ্টকে লইয়া। ভগবান্ তাঁহার ঐশ্বর্য বিস্মৃত হইয়া, ঐ প্রকার ভক্তের আকাজক্ষা পূরণের জন্ম, আজ্ঞাপালনের জন্ম বাস্তু থাকেন। এ সকল প্রেমরাজ্যের খেলা। যুক্তি তর্ক বিচারের কথা নয়। ভক্তের অমৃতভূতি এবং শাস্ত্রোক্তি ইহার সাক্ষ্য প্রদান করে। শ্রীমদ্ভৈতন্য মহাপ্রভুর জীবনে আমরা ইহা দেখিতে পাই; তাহার আলোচনা করা এখানে উদ্দেশ্য নহে। প্রসঙ্গতঃ উল্লেখ মাত্র করা হইল।

এই প্রকার ভক্তের প্রতি লক্ষ্য করিয়া ভগবান্ বলিয়াছিলেন যে :—“আমি ভক্ত-পরাধীন। আমি অস্বতন্ত্র। ভক্ত আমাকে নিজবশে আনয়ন করিয়া যথেষ্ট করায়”। ইহা ৯।৪।৪৬—৪৮ শ্লোকে কথিত হইয়াছে। উক্ত শ্লোক দুইটি ৩২।২৪ সূত্রের আলোচনার উদ্ধৃত হইয়াছে, যথা স্থানে (পৃঃ ১৩১৯) উহা দ্রষ্টব্য।

এ প্রকার ভক্ত গুণোপসংহারের নামও শ্রবণ করেন না। তাঁহারা শ্রীভগবান্কে, অসহায়, শিশু, তাঁহাদের প্রতিপাল্য, কৰুণাপ্রার্থী, প্রেম-ভিক্ষুক প্রভৃতি মনে করিয়া তদ্রূপ সেবা করিয়া থাকেন। তাঁহারা গুণোপ-সংহার রূপ সাধারণ বিধির বাহিরে। তাঁহারা অতি উচ্চ অধিকারী। বালিকারা যেমন পুতুল বাস্তবস্থিত পুতুলগুলিকে বাহিরে আনিয়া ইচ্ছামত সাজে সাজাইয়া খেলা করে, তাহারাও সেইরূপ ভগবান্কে ইচ্ছামত রূপধারণ করিতে বাধ্য করিয়া, ইচ্ছামত সাজে সাজাইয়া, তাঁহার স্নানাদিনী শক্তিকে মূর্ত্তিমতী প্রকট করিয়া, তাঁহার সহিত বিচ্ছেদ, মিলন, মান ইত্যাদি ঘটাইয়া নিজেরা আনন্দ পান ও শ্রীভগবান্কে আনন্দ দান করেন। ইহারই আভাস আমরা গোড়ীয় বৈষ্ণব কবি চণ্ডীদাস, বিষ্ণুপতি, গোবিন্দদাস, জ্ঞানদাস প্রভৃতির রচিত পুস্তকে পাই। ইহার নিজেদের ইষ্টকে লইয়া বিভোর এবং তাঁহার মাধুর্য্যেই তন্ময়। গুণোপসংহার তাঁহাদের জন্ম নহে।

উপরে যাহা লেখা হইল, তাহাতে যেন কেহ মনে না করেন যে, শাস্ত্র, দাস্ত্র ও সখা রসের সাধকগণের মধ্যে, উচ্চ অঙ্গের সাধক এমন কেহ নাই, ইহার পক্ষে গুণোপসংহারের প্রয়োজন নাই। উহাদের মধ্যে ইহারা উচ্চ অঙ্গের সাধক, তাঁহাদের সম্বন্ধে উহা প্রয়োজনীয় নহে। এই জন্মই একজন শ্রীরামোপাসক বলিয়াছেন :—

“শ্রীনাথে জানকীনাথে অভেদঃ পরমাত্মনি ।

তথাপি মম সৰ্ব্বশ্ৰো রামঃ কমললোচনঃ ॥”

জানি যে, শ্রীনাথ, জানকীনাথ ও পরমাত্মা অভেদ বটে, তথাপি কমললোচন রামই আমার সৰ্ব্বশ্র। ইনিও উচ্চাধিকারী, একনিষ্ঠ, ঐকান্তিক সাধক। ইহারও গুণোপসংহার প্রয়োজন নহে। এই ভাবে বিভাবিত হইয়া লীলাশুক (বিষ্ণুমঙ্গল) গাহিয়াছিলেন :—

বিহায় কোদণ্ড শরান্ মুহূর্ত্তং গৃহাণ পার্শ্বো মণি চারু বেণুন্ম ।

মাদুরবর্হং চ নিজোক্তমাস্তে সীতাপতে স্বাং প্রণমামি পঞ্চাং ॥

(কৃষ্ণকর্ণামৃত, তৃতীয় শতক, ৯৪ শ্লোক)

—হে সীতাপতে ! অগ্রে ধর্ষকরণ মুহূর্ত্তের জন্ম পরিত্যাগ করিয়া হস্তে মণিময় সুল্লর বেণু ও মস্তকে শিখিপুচ্ছচূড়া গ্রহণ কর। পরে আপনাকে প্রণাম করিব। (কৃষ্ণকর্ণামৃত, ৩য় শতক, ৯৪ শ্লোক)।

শ্রীমদতুলসীদাস সম্বন্ধেও এরূপ প্রবাদ প্রচলিত আছে। তাঁহাদের একনিষ্ঠতা এত প্রগাঢ় যে তাহাই তাঁহাদের সাধনাকে সার্থকতা প্রদান করে। এই একইভাবে বিভোর হইয়া মাতৃসাধক আমাদের রামপ্রসাদ গাহিয়াছিলেন :—
“মটবর বেশে বৃন্দাবনে কালী হ’লি মা রামবিহারী।”

অতএব, বুঝা গেল যে, গুণোপসংহার সাধারণ স্তরের সাধকের পক্ষে প্রয়োজনীয়। মনে ব্রহ্মভাব বা ইষ্টদেবের জগৎ-কারণত্ব, সর্বব্ৰহ্মতা, সর্বশক্তিমত্তা, সর্বৈশ্বরত্ব, সর্বনিয়ন্ত্রিত্ব, অশেষ কল্যাণ গুণবস্ত প্রভৃতি ব্রহ্মের অসাধারণ গুণ সকল জাগরিত করাই ইহার উদ্দেশ্য। কিন্তু ষাঁহার ঐকান্তিক একনিষ্ঠ সাধক, ষাঁহার তাঁহাদের ইষ্টদেবকেই এক অদ্বিতীয় পরম ব্রহ্ম বলিয়া জানেন, তাঁহাদের গুণোপসংহারের প্রয়োজনীয়তা ও ফললাভ পূর্ব হইতেই সম্পাদিত হইয়া গিয়াছে, তাঁহাদের পক্ষে উহা প্রয়োজনীয় নহে।

৪। সংজ্ঞাতোহধিকরণ ॥

সংশয় :—পূর্বে ৩৩৫ সূত্রের আলোচনায় বলিয়াছ যে, যদি সাধকগণ নিজ নিজ ইষ্টদেবকে ব্রহ্মভাবে উপাসনা করেন, তবে সমস্তগুণের উপসংহার করণীয়। আবার এখন বলিলে যে, ঐকান্তিক সাধকগণের পক্ষে উপসংহার করণীয় নহে। তবে কি বুঝিব যে, স্বনিষ্ঠ সাধকগণের উপাসনাই ব্রহ্মোপাসনা, এবং ঐকান্তিক ভক্তগণের উপাসনা ব্রহ্মোপাসনাই নয়? যদি উভয়েই ব্রহ্মোপাসনা, তবে উভয়েই গুণোপসংহার না করিবার কারণ বুঝা গেল না। ইহার উত্তরে সূত্রকার সূত্র করিলেন :—

সূত্র :— ৩৩৮।

সংজ্ঞাতশ্চেৎ, তদুক্তম্, অস্তি তু তদপি ॥ ৩৩৮ ॥

সংজ্ঞাতঃ + চেৎ + তৎ + উক্তম্ + অস্তি + তু + তৎ + অপি ॥

সংজ্ঞাতঃ :—নাম হেতু। **চেৎ :—**যদি বল। **তৎ :—**তাহা। **উক্তম্ :—**উক্ত হইয়াছে। **অস্তি :—**দৃষ্টান্ত আছে (পূর্ব সূত্রোক্ত ছান্দোগ্য শ্রুতি-কথিত ছই উদগীথে)। **তু :—**সংশয় নিরসনে। **তৎ :—**তাহা, গুণোপসংহারাভাব। **অপি :—**ও।

যদি বল, উভয়েই ব্রহ্মোপাসনা, নামের বিভিন্নতা নাই, অতএব গুণোপসংহার কর্তব্য, ইহার উত্তরে বলিব, কেন? পূর্ব সূত্রের আলোচনার শিরোদেশে উক্ত ছান্দোগ্য শ্রুতির ১৩৬, ১৩৭, ১৩১, ১৩২ মন্ত্রে উভয়েই উদগীথ উপাসনা বলিয়া সংজ্ঞাতঃ একই উপাসনা হইলেও গুণোপসংহার উপদিষ্ট হয় নাই, ইহা ত কথিত হইয়াছে। অতএব, স্বনিষ্ঠ ও ঐকান্তিক ভক্তগণের উপাসনা ব্রহ্মোপাসনা হইলেও, শেষোক্তগণের উপাসনায় গুণোপসংহার প্রয়োজনীয় নহে।

আরও দেখ, ব্রহ্ম তত্ত্বতঃ অগুণ। তিনি যখন গুণ অভিব্যক্ত করেন, তখন কত প্রকারের, কত প্রকার গুণে গুণী হইয়া অভিব্যক্ত হইতে পারেন, তাহা কে গণনা করিবে? যোগেশ্বরগণের মধ্যে শ্রেষ্ঠ ব্রহ্মা, শিব প্রভৃতি প্রধান দেবতাগণও সেই অগুণের গুণের অন্ত পান না।

নাস্তং গুণানামগুণস্য জগৎ-

যোগেশ্বরায় যে ভবপাদ্মমুখ্যাঃ ॥ ভাগঃ ১।১৮।১৪

তিনি অগুণ, কিন্তু যখন গুণ প্রকটন করেন, তখন তাহা কে গণনা করিবে? পৃথিবীর রজঃ কণা, আকাশের হিমকণা ও নক্ষত্রগণের কিরণকণা গণনা কথঞ্চিৎ সম্ভব হইলেও তাঁহার গুণ গণনা সম্ভব নহে। ইহা ভাগবতের ১০।১৪।৭ শ্লোকে স্পষ্ট উল্লিখিত আছে। উক্ত শ্লোক ৩।২।২২ সূত্রের আলোচনায় উদ্ধৃত হইয়াছে, সেখানে (পৃ: ১৩০২-৩) দৃষ্টব্য।

অন্যত্রও আছে :—

যো বা অনন্তস্য গুণাননন্তা-

ননুক্রমিষ্যন্ স তু বালবুদ্ধিঃ ।

রজাংসি ভূমেৰ্গণয়েৎ কথঞ্চিৎ

কালেন নৈবাখিলশক্তিধায়ঃ ॥ ভাগঃ ১।১৪।২

—যে ব্যক্তি এই অনন্তের অনন্ত গুণ সকলের সংখ্যা নির্ণয় করিতে ইচ্ছা করে, সে অতি মন্দবুদ্ধি। পৃথিবীর ধূলিকণা গণনা কালে কথঞ্চিৎ সম্ভব হইলেও অখিল শক্ত্যাশ্রয় ভগবানের অনন্ত গুণ সকলের সংখ্যা নির্ণয় সম্ভব নহে। ভাগঃ ১।১৪।২

যাহা অনন্ত, তাহার সংখ্যা নির্ণয় কিরূপেই বা সম্ভব। যদি সংখ্যা নির্ণয় সম্ভব হয়, তাহা হইলে অনন্তত্বের বিলোপ সংস্কৃত হয়। এইজন্য ভাগবত ২।৭।৪০ শ্লোকে বলিয়াছেন যে, সহস্রবদন অনন্তদেব অনন্তকাল ধরিয়া তাঁহার গুণ বর্ণনা করিয়া পার পান নাই। শ্লোকটি ৩।২।২৬ সূত্রের আলোচনায় (পৃ: ১৩৩২) উদ্ধৃত হইয়াছে।

তাঁহার গুণের সংখ্যা নির্ণয় যখন অসম্ভব—ব্রহ্মা, শিব, অনন্তদেব প্রভৃতিও করিতে পারেন না, তখন তাঁহার স্বনির্দিষ্ট উপাসকগণের পক্ষে সমুদায় গুণোপসংহার কি করিয়া সম্ভব হইতে পারে? শাস্ত্রে ভাষায় তাঁহার অনন্ত গুণের অল্লাংশ মাত্রই বর্ণিত হইয়া থাকে। সর্বপ্রকার উপাসনার এবং সর্বপ্রকার উপাস্ত্রের অভেদ জ্ঞাপন উদ্দেশ্যে এবং প্রত্যেক উপাসনায় উপাসকের মনে ব্রহ্মভাব জাগরিত করার উদ্দেশ্যেই গুণোপসংহার উপদিষ্ট হইয়াছে। পাছে নিয়ন্ত্রণের সাধক ভেদজ্ঞান করতঃ শ্রেয়োলাভ দূরে থাকুক, নিজের সমূহ অন্তরের জনক হইয়া পড়ে, এই জন্যই গুণোপসংহারের উপদেশ দেওয়া হইয়াছে।

নতুবা, তাঁহার যে অনন্ত গুণ সমুদায় বর্তমান, এবং সে সকলের উপসংহার সম্ভব নহে, ইহা আমাদের অবিদিত নহে। উচ্চ শ্রেণীর সাধকের পক্ষে এই ভেদ জ্ঞানের উৎপত্তির আশঙ্কার অবকাশ নাই এবং তাঁহারা তাঁহাদের ইষ্টকে পূর্ণ ব্রহ্ম স্বরূপেই উপলব্ধি করিয়া থাকেন, সুতরাং তাঁহাদের পক্ষে উক্ত গুণোপসংহারের প্রয়োজন নাই। অধিকারী ভেদেই গুণোপসংহার প্রয়োজনীয়, ইহা পূর্বেও বলা হইয়াছে।

আরও দেখ, উপাসনার পক্ষে ভক্তিই একমাত্র প্রয়োজনীয়। ইহা ভাগবতে অনেক স্থানে স্পষ্ট কথিত আছে।

নায়ং সুখাপো ভগবান্ দেহিনাং গোপিকাসুতঃ ।

জ্ঞানিনাঞ্চাত্মভূতানাং যথা ভক্তিমতামিহ ॥ ভাগঃ ১০।৯।২১

—গোপিকানন্দন ভগবান্, ভক্তিমান্ জনগণের পক্ষে যেমন সুখলভ্য, দেহাভিমানীদিগের, তাপসদিগের এবং নিবৃত্তাভিমান আত্মভূত জ্ঞানীদিগেরও তদ্রূপ সুখলভ্য নহেন। ভাগঃ ১০।৯।২১

ভক্তি দ্বারাই যে তিনি একমাত্র লভ্য, তাহা ভাগবতের ১১।১৪।১২-২০ শ্লোকে বিশদ ভাবে উক্ত হইয়াছে। উক্ত শ্লোক দুটি ৩২।২৪ সূত্রের আলোচনার (পৃঃ ১৩১৪) উদ্ধৃত হইয়াছে।

ঐকান্তিক ভক্তগণের ভক্তিই যখন দৃঢ় ও একনিষ্ঠ, তখন আর গুণোপসংহারের প্রয়োজন কি? এই ভক্তি চরম উৎকর্ষে কোথায় গিয়া পৌঁছায়, তাহাই জগতে লোকশিকার জন্ম ভগবান্ শ্রীকৃষ্ণমূর্তিতে আবিভূত হইয়া, মাতা যশোদাকৃত দামবন্ধন অঙ্গীকার করতঃ এবং ব্রজগোপীগণের রাসলীলায় প্রেমের পরাকাষ্ঠা প্রদর্শন পূর্বক আদর্শরূপে রাখিয়া গিয়াছেন। মাতা যশোদা অথবা রাসলীলার সহচরী ব্রজগোপীগণ নিত্য সিদ্ধা। তাঁহারা নিত্য ধামে ভগবানের নিত্য পার্শ্বদ। ভগবান নিজে যখন মর্ত্যধামে নরদেহে আবিভূত হইলেন, তখন সঙ্কে সঙ্কে তাঁহাদিগকেও মর্ত্যধামে প্রকটিত করাইয়া আনন্দলীলার পরাকাষ্ঠা, ভবিষ্যৎ ভক্তগণের কল্যাণের জন্ম আদর্শরূপে রাখিয়া গেলেন। এ প্রকার ভক্তি ও প্রেম লাভ মানবের ভাগ্যে সম্ভব নহে। শ্রীমৎ শ্রীকৃষ্ণচৈতন্য মহাপ্রভুর জীবনে গভীর লীলায় এই প্রেমের বিকাশ দেখিতে পাই। সাধনা দ্বারা তিনি যে ইহা লাভ করিয়াছিলেন, বৈষ্ণবাচার্য্যগণ তাহা কেহই বলেন না। তিনি একজন্ম প্রেমাবতার বলিয়া পূজিত হইয়া থাকেন। এই ভক্তি, বাৎসল্য বা প্রেমের কণার কণা পাইতে হইলে, সমুদায়

পরিত্যাগ করিয়া শ্রীভগবানকে একান্ত ভাবে আশ্রয় করিতে হয়। রাসসীলায় এ শিক্ষাও দেওয়া আছে। গোপীগণ, যখন শ্রীকৃষ্ণের মোহন বংশীধ্বনি শুনিয়া, আত্মহারা হইয়া সমুদায় পরিত্যাগ করতঃ পাগলের গায় ছুটিয়া আসিলেন— নিজেদের বস্ত্রালঙ্কারের ঠিকানা রহিল না। “বিশ্রস্ত বস্ত্রাভরণা” হইয়া অতি আবেগের সহিত উপস্থিত হইলে, শ্রীকৃষ্ণ ভাল মানুষের মত নীতি উপদেশ দিয়া, তাঁহাদিগকে গৃহে ফিরিয়া যাইতে বলেন। ভগবানে ভক্তির উদ্রেক হইলে বৈরাগ্য যেমন একদিকে ভগবদভিমুখে আকর্ষণ করে, অন্যদিকে সাংসারিক নীতিজ্ঞান সংসারাভিমুখে তুল্য বলে আকর্ষণ করিতে পারে। তখন যদি সাধক, গোপীগণের মত বলিতে পারেন যে, “তোমার উপদেশ তোমাতেই থাকুক, তুমি মস্ত ধর্মবিৎ সাজিয়া আমাদের জ্ঞীলোকগণের করণীয় ধর্মের উপদেশ দিতেছ, আমাদের উহার আবশ্যক নাই, আমরা জানি তুমিই দেহধারী-গণের একমাত্র প্রিয়তম, বন্ধু ও আত্মা। তুমি ধর্মবিৎ, পতি, অপত্য, স্ত্রহৎ, বন্ধু প্রভৃতির অনুবৃত্তি জ্ঞীলোকগণের স্বধর্ম বলিয়া যে উপদেশ দিতেছ, ও উপদেশ আমাদের জন্ম নহে।” (ভাগবত ১০।২৯।৩২)। তাহা হইলে তিনি ভগবদ্ সাধনায় অধিকারী হন, এবং ভগবানে ভক্তি ও প্রেম লাভ করিবার অধিকার প্রাপ্ত হন। ভাগবতের শ্লোকটি নিম্নে দেওয়া গেল।

যৎপত্যপত্যস্তুহদামনুবৃত্তিরঙ্গ

জ্ঞীণাং স্বধর্ম ইতি ধর্মবিদা ত্বয়োক্তম্ ।

অস্ত্যেবমেতদুপদেশপদে ত্বয়ীশে

প্রার্থো ভবাংস্তনুভূতাং কিল বন্ধুরাত্মা ॥

ভাগঃ ১০।২৯।৩২

বলা বাহুল্য যে, ইহা চরম আদর্শ। সকলেই যে এই আদর্শের অনুগমন করিতে পারিবে, তাহা নহে। আদর্শের উপর লক্ষ্য রাখিয়া চলিবার চেষ্টা সকলে করিতে পারেন, এবং তাহা করিতে পারিলে, উপযুক্ত অধিকারীর পক্ষে পুরুষার্থ লাভের উপায় ভগবান্ নিজেই অপার করণ্যবলে করিয়া দেন। অন্তরে অন্তর্যামী রূপে আত্মপ্রকাশ করিয়া এবং বাহিরে আচার্য্যরূপে উপদেশ দানে সমুদায় অন্তঃনাশ করতঃ স্বীয় গতি প্রদান করেন।

যোঃ স্তব্বহিস্তনুভূতামশুভং বিধুস্ব-

শ্রীচার্য্যচৈত্যাবপুষা স্বগতিং ব্যনস্তি ॥

ভাগঃ ১১।২৯।৬

অতএব, প্রতিপাদিত হইল যে, স্বনিষ্ঠ ও ঐকান্তিক একনিষ্ঠ ভক্তগণের উপাসনা ব্রহ্মোপাসনা হইলেও শেযোক্তগণের পক্ষে গুণোপ-সংহার প্রয়োজন নাই।

সংশয়ঃ—আচ্ছা না হয় স্বীকার করিলাম যে, ঐকান্তিক একনিষ্ঠ সাধক-দিগের জন্ম গুণোপসংহার প্রয়োজনীয় নহে। আরও না হয়, স্বীকার করিলাম যে, সাধকের অধিকার ও অভিক্রমি অনুযায়ী রাম, কৃষ্ণ, নৃসিংহ প্রভৃতির উপাসনা শাস্ত্রে বিহিত আছে। কিন্তু এক শ্রীকৃষ্ণকেই, কেহ যশোদা স্তনদায় শিশুরূপে, কেহ বা পৌগণ্ডবর্ষীয় “বিভ্রত্বে বেগুং জঠর পটয়োঃ শূল বেত্রে চ কক্ষে” বালগোপাল রূপে, কেহ বা নবকিশোর রাস-রস-রসিক রূপে, কেহ বা পার্থ-সারথি রূপে উপাসনা করেন। শ্রীরামের উপাসকগণের মধ্যে, কেহ বা অহল্যার উদ্ধারকারী কিশোররূপে, কেহ বা জটাধর পরিধান করতঃ বনগমনকারী রূপে, কেহ বা দশাননাস্তক মূর্ত্তিমান ক্ষাত্রবীৰ্য্য রূপে উপাসনা করেন। ইহা কি প্রকারে সম্ভব? ইহাতে বিভিন্ন রূপসকলে কালের প্রভাব সুস্পষ্ট পরিলক্ষিত, বিভিন্ন রূপে গুণসকলের নানাতিরেক ভাব আপতিত হওয়া স্বাভাবিক—সেকারণ সমুদায় রূপে সচ্চিদানন্দ স্বরূপত্ব, পূর্ণত্ব অনুপপন্ন হইয়া পড়ে। ইহার কি কোন সমাধান আছে? এই সংশয়ের উত্তরে সূত্রঃ—

সূত্রঃ—৩।৩।৯।

ব্যাপ্তেঃ সমঞ্জসম্ ॥ ৩।৩।৯ ॥

ব্যাপ্তেঃ + চ + সমঞ্জসম্ ॥

ব্যাপ্তেঃঃ—বিভূত্ব বা সর্বব্যাপিত্ব হেতু। চঃ—ও। সমঞ্জসম্ঃ—সঙ্গত হয়।

তাঁহার সমুদায় মূর্ত্তি বিভূ, সর্বব্যাপী হওয়ায় ও সমুদায়ই তাঁহাতে সঙ্গত হয়। পূর্বে ৩।২।২৬ সূত্রের আলোচনায় প্রতিপাদিত হইয়াছে যে, তিনি মূর্ত্তি ধারণ করিয়া পরিচ্ছিন্নবৎ প্রতীয়মান হইলেও, তাঁহার সেই মূর্ত্তি সমকালে

অনন্ত বটে। এই প্রসঙ্গে উক্ত সূত্রালোচনায় উক্ত ১০।৬।৭ শ্লোকাংশ দ্রষ্টব্য। তাঁহার মূর্ত্তি বিশেষ অঙ্গ-প্রত্যঙ্গাদি বিশিষ্ট প্রাকৃত পরিচ্ছিন্নবৎ দৃষ্ট হইলেও, উহা দেশ কাল বস্তু পরিচ্ছেদ রহিত। সমুদায় মূর্ত্তিই বিভূ ও সর্বব্যাপী হওয়ায় এবং সকলেরই দেশ-কাল-বস্তুপরিচ্ছেদ না থাকায়, একটি মূর্ত্তি অপরটিকে পরিচ্ছিন্ন করে না। কালের প্রভাব তাঁহাতে বর্ত্তমান নাই। কারণ, তাঁহার প্রতি রূপই তাঁহার স্বরূপ হইতে অভিন্ন! স্বরূপে কালের প্রভাব থাকিবে কি প্রকারে? কাল ত সৃষ্টি প্রপঞ্চের সহিত অপরিহার্য্য সম্বন্ধে সম্বন্ধ। ভগবানের সৃষ্টি সংকল্পে উহার অভিব্যক্তি। এই জন্ম বিভিন্নরূপে গুণ সকলের বা সচ্চিদানন্দত্বের অথবা পূর্ণত্বের নানাতিরেক ভাব সম্ভব নহে। ঋতিতে তাঁহার মূর্ত্তির, এমন কি মূর্ত্তির প্রত্যেক অবয়বের বিভূত্বই উপদিষ্ট হইয়াছে : - যথা, “সর্বতঃ পাণিপাদং তৎ সর্বভোহক্ষিশিরোমুখম্।” (শ্বেতাশ্বতর ৩।১৬)—সর্বদিকেই তাঁহার পাণি, পাদ, অক্ষি, শিরঃ ও মুখ। সূত্রাং দৃশ্যতঃ বালগোপালাদি রূপবিশিষ্ট হইলেও, তাঁহার প্রত্যেক রূপ, এমন কি প্রত্যেক অবয়বই বিভূ বা সর্বব্যাপী। তাঁহার দেহ-দেহী ভেদ নাই, ইহা পূর্বে ৩।২।১৪ সূত্রে প্রতিপাদিত হইয়াছে। তিনি স্বগত ভেদ বর্জিত, ইহাও উক্ত আলোচনায় প্রতিপাদিত হইয়াছে। সূত্রাং, তাঁহার অবয়ব-অবয়বী ভেদ নাই। তাঁহার অপার করুণায়, তাঁহার অচিন্ত্যশক্তি যোগমায়াতে আশ্রয় করিয়া ভক্তগণের ভাবনামুসারে তিনি নিজের স্বরূপ বিশেষ বিশেষ রূপে প্রকটিত করেন মাত্র। তাঁহাতে তাঁহার রূপের প্রাকৃতত্ব সিদ্ধ হয় না।

তিনি যে মাধুর্য্যময় এবং তাঁহার প্রত্যেক মূর্ত্তিই যে মাধুর্য্যের পরাকাষ্ঠা, ইহা প্রকাশ করা সূত্রোক্ত ‘চ’ শব্দের অভিপ্রায়। ছান্দোগ্য ঋতির ৩।১৪।৪ মন্ত্রে তাঁহাকে “সর্বরসঃ” বলিয়া প্রকাশ করিয়াছেন। তৈত্তিরীয় ঋতির ২।৭ মন্ত্রে “রসো বৈ সঃ” বলিয়া, তিনি যে রস স্বরূপ, ইহা স্পষ্টভাবে বলিয়াছেন। সূত্রাং সূত্রকার প্রতিপাদন করিলেন যে, তাঁহার “ব্যাপ্তি”—সর্বব্যাপিত্ব ও অনন্তত্ব এবং “চ” রসস্বরূপত্ব হেতু, সমুদায় তাঁহাতে সঙ্গত। ভক্তি ও প্রেমরসলোলুপ ভক্তগণ সেই রসকদম্ব মূর্ত্তি, সর্বব্যাপী ভগবান্কে পরিত্যাগ করিয়া কাহারুই বা ভজনা করিবে? যে ভক্ত যে রসের রসিক, তিনি তাঁহাতে সেই রসই সমগ্রভাবে আশ্বাদন করিয়া কৃতকৃতার্থ হন। এতদ্ব্যতীত, বিভিন্ন ভক্তের বিভিন্ন ভাবের, বিভিন্ন রসতৃপ্তির জন্মই তিনি বিভিন্ন রূপে, বালক, কৈশোর, যুবা ইত্যাদি মূর্ত্তিতে আবির্ভূত হইয়া তাঁহাদের সর্ববিধ আকাঙ্ক্ষা পরিপূরণ করেন। ভক্তাকাঙ্ক্ষা পূরণ রূপে, তাঁহার গুণের প্রতি লক্ষ্য করিয়াই শ্রীমদ্ভাগবত ১২।৮।৩৪ শ্লোকে

তঁাহাকে “শ্রীভগবান্ ভাববহুঃ” বলিয়া নির্দেশ করিয়াছেন । সমগ্র শ্লোকটি ২।৪।১৬ সূত্রের আলোচনায় (পৃঃ ১১২১) উদ্ধৃত হইয়াছে ।

এই প্রসঙ্গে ৩।২।২০ সূত্রের আলোচনায় (পৃঃ ১২২৩) উদ্ধৃত ভাগবতের ১০।৩।১৮ শ্লোক, ৩।২।৩৭ সূত্রের আলোচনায় (পৃঃ ১৩৬২) উদ্ধৃত ১০।২।১৩, ১০।২।১৪ শ্লোক, ৩।২।২৪ সূত্রের আলোচনায় (পৃঃ ১৩১৩) উদ্ধৃত ৩।২।১১, শ্লোক, ও ৩।২।২৬ সূত্রের আলোচনায় (পৃঃ ১৩৩৪, ১৩৩৬) উদ্ধৃত ১০।৬।৪২, ৬।৪।২৮, ৬।৪।২৯ শ্লোকগুলি দ্রষ্টব্য ।

এখানে আপত্তি হইতে পারে যে, শ্রীকৃষ্ণ ত গত ষাপরের শেষভাগে দেবকী গর্ভে জন্মগ্রহণ করিয়াছিলেন । তঁাহার বাল্য, কৈশোর, যৌবন প্রভৃতি বয়স ত গত ষাপরের শেষভাগেই অতিক্রান্ত হইয়াছিল । এখন যদি কোনও ভক্ত অথবা ভবিষ্যৎ কোনও ভক্ত, তঁাহার বালগোপাল ভাব উপাসনা করেন, তিনি কি তঁাহাকে সেই ভাবেই দেখা দিবেন ? তঁাহার সে বয়স ত পাঁচ হাজারেরও অধিক কাল পূর্বে অতিক্রান্ত হইয়াছে । শ্রীরামের জন্ম ত আরও অনেক পূর্বে ।

ইহার উত্তর এই যে, শ্রীভগবানের মূর্ত্তি প্রাকৃত মূর্ত্তি নহে, উহাতে কালের প্রভাব কার্যকরী নহে, কারণ উহা তঁাহার স্বরূপ হইতে অভিন্ন । তিনি কালের নিয়ামক । তঁাহার বাল্য, কৈশোর, যৌবনাদি সাধারণ লোকের ন্যায় নাই । তঁাহার জন্ম প্রাকৃতিক জন্ম নহে । তঁাহার পিতা বাসুদেব, রক্তমাংসাস্থি গঠিত সাধারণ মনুষ্য নহেন । বিশুদ্ধ সত্ত্ব গুণই ‘বাসুদেব’ শব্দে কথিত হয়, এবং তাহাতেই ভগবান্ বাসুদেব প্রকাশ পান । এই কারণে, সেই বিশুদ্ধ সত্ত্ব স্বরূপ ইন্দ্রিয়ের অগোচর ভগবান্ বাসুদেবকে আমি মনঃ দ্বারা সতত প্রণাম করি ।

ভাগবত নিম্নোদ্ধৃত শ্লোকে ইহা স্পষ্ট বলিয়াছেন :—

• সত্ত্বং বিশুদ্ধং বাসুদেবশক্তিভঃ

যদীয়তে তত্র পুমানপাবৃতঃ ।

• সত্ত্বৈচ্চ তস্মিন্ ভগবান্ বাসুদেবো

হৃদোক্কজো মে নমসা বিধীয়তে ॥

•ভাগঃ ৪।৩।২১

কৃষ্ণাবতারের পূর্বে বিশুদ্ধ সত্ত্বগুণই মূর্ত্ত হইয়া বাসুদেব রূপে আবির্ভূত হইয়াছিলেন । ভগবান্ শ্রীকৃষ্ণের পিতৃপরিচয় পাইলাম ।

দেবকী তাঁহার মাতা। ভাগবত ১০।১।৪৩ শ্লোকে দেবকীকে “সর্বদেবতা” বিশেষণে বিশেষিত করিয়াছেন। পূজ্যপাদ শ্রীধর স্বামী ইহার অর্থ “সর্বদেবতাময়ী ভগবদাশ্রয়ত্বাৎ” বলিয়া ব্যাখ্যা করিয়াছেন। বৈষ্ণবতোষণীকার “সর্বেষাং দেবতাদীনামপি দেবতা ইতি মহাভাগবচ্ছক্তিহাৎ” বলিয়াছেন। ইহাতে পাইলাম যে, “দেবকী” শ্রীভগবানের মাতৃরূপা মহাশক্তি। বহুদেব এবং দেবকী ইহারা ভগবানের স্বরূপ ধামে নিত্য বিরাজ করেন। প্রপঞ্চে ভগবদাবির্ভাবের পূর্বে তাঁহারা প্রকটিত হইলেন।

আবার, শ্রীকৃষ্ণের জন্ম যে প্রাকৃতিক মানব শিশুর জন্মের ন্যায় হইয়াছিল, তাহা নহে এবং তাঁহার শরীর শুদ্ধ-শোণিত-জাত প্রাকৃত শিশু শরীর নহে। ইহাও ভাগবতকার স্পষ্ট বলিয়াছেন, যথা :—

ততো জগন্মজ্জলমচ্যুতাংশং

সমাহিতং শূরসুতেন দেবী ।

দধার সর্বাশ্রকমাশ্রুভূতং

কাষ্ঠা যথানন্দকরং মনস্তঃ । ভাগঃ ১০।২।১৮

অচ্যুতাংশং—অচ্যুতশ্চ অংশ ইবাংশাঃ—ভক্তানামনুগ্রহার্থং
পরিচ্ছিন্নমিব বপুরিত্যর্থঃ । সমাহিতং—সম্যগ্ভূতমেবাহিতং
বেদদীক্ষয়া অপিতং । দেবী—দ্যোতমানা, শুদ্ধসত্ত্বত্যার্থঃ ।
সর্বাশ্রকমাশ্রুভূতং—সর্বস্যাশ্রানং অত এব আশ্রুভূতং স্বস্বিন্
শ্রাদৌ এব সন্তুং । মনস্তঃ দধার—মনসৈব ধারণয়া ধৃতবতী ।

ভাগঃ ১০।২।১৮, শ্রীধর ।

—পূর্বেদিক্ যেমন আনন্দকর চন্দ্রকে ধারণ করে, তদ্রূপ দীপ্তিশালিনী শুদ্ধসত্ত্বা দেবকী বহুদেব কর্তৃক বেদদীক্ষা দ্বারা অপিত—অচ্যুতাংশ—
(যিনি অপ্রচ্যুত স্বরূপ, চিরপূর্ণ, যাহার অংশ সঙ্কট হয় না, তাঁহার অংশ সদৃশ অংশ—অর্থাৎ যাহা ভক্তানুগ্রহার্থ পরিচ্ছিন্ন শরীরতুল্য হইয়াছিল, তাহা) আপনার মনের দ্বারাই ধারণ করিলেন। ভগবান্ সর্বাশ্রা অত এব অগ্রেও দেবকীর আশ্রায় বর্তমান ছিলেন।

উক্ত শ্লোকের পূর্বেই বসুদেব সম্বন্ধে উক্ত হইয়াছে যে :—

ভগবানপি বিশ্বাত্মা ভক্তানাংভয়ঙ্করঃ ।

আবিবেশাংশভাগেন মন আনকহ্ননুভেঃ ॥ ভাগঃ ১০।২।১৬

—অংশভাগেন—সর্বথা পরিপূর্ণ রূপেণ । মন আবিবেশ—মনসি আবির্ভূত

—জীবানামিব ন তস্য ধাতু সম্বন্ধঃ । শ্রীধর, ভাগবত ১০।২।১৬

—ভক্তগণের অভয় দাতা বিশ্বাত্মা ভগবান্ পরিপূর্ণরূপে বাসুদেবের মনে আবির্ভূত হইলেন । জীব সকলের গায় তাঁহার ধাতু সম্বন্ধ বর্তমান নাই । ভাগঃ ১০।২।১৬

তারপর, বাসুদেব বেদ দীক্ষা দ্বারা দেবকীকে সেই অচ্যুতাংশ অর্পণ করিয়াছিলেন, এবং দেবকীও বসুদেব হইতে বেদদীক্ষা দ্বারা প্রাপ্ত অচ্যুতাংশ মনঃ দ্বারা ধারণ করিয়াছিলেন । শ্রীকৃষ্ণের আবির্ভাবের সময় তিনি যে দেবকী কর্তৃক প্রসূত হইয়াছিলেন, তাহা কথিত হয় নাই ।

দেবক্যাং দেবরূপিণ্যাং বিষ্ণুঃ সর্বগুহাশয়ঃ ।

আবিরাসীদ্ যথা প্রাচ্যাং দিশীন্দুরিব পুঙ্কলঃ ॥ ভাগঃ ১০।৩।২

—পূর্বেদিকে যেমন পূর্ণচন্দ্র প্রকাশ পায়, তাহার গায় দেবরূপিণী দেবকী হইতে সর্বান্তর্যামী, সর্বব্যাপী ভগবান্ আবির্ভূত হইলেন ।

ভাগঃ ১০।৩।২

এই প্রসঙ্গে বৈষ্ণবতোষণীকার “দেবরূপিণ্যাং” পদের অর্থ কারয়াছেন—
“দেবস্য ভগবতো রূপমিব রূপং সচ্চিদানন্দবিগ্রহঃ, তদ্বত্যাং” ।
এবং ক্রমসন্দর্ভকার বলিলেন—“দেবো বসুদেব শুক্রপিণ্যাং শুক্রসত্ত্বস্তি-
রূপায়াম্” । অতএব, দেবকী ‘শুক্রসত্ত্বরূপিণী,’ ইহা স্পষ্ট বুঝা গেল । অর্থাৎ
উভয়পক্ষে শ্রীকৃষ্ণের আবির্ভাব প্রাকৃত মানবশিশুর জন্মের গায় নহে, ইহা
স্বস্পষ্ট । এবং তাঁহার পিতামাতা প্রাকৃত পুরুষ স্ত্রী নহেন । পূর্বেদিকে
পূর্ণচন্দ্র যেমন আপনি প্রকাশিত হয়, সেইরূপ ভগবান্ নিজে প্রকটিত হইলেন ।
টীকাকার বিশ্বনাথ চক্রবর্তী মহাশয় বলিলেন—“অন্যো বালকো যথা গর্ভাদ্
যস্মিন্তঃ সন্ নিঃসরতি তথা ঞ্”—অন্য বালক যেমন গর্ভ হইতে বাধ্য হইয়া
নিঃসৃত হয়, সেইরূপ নয় ।

অতএব বুঝা গেল যে, শ্রীকৃষ্ণের আবির্ভাব প্রাকৃত বালকের জন্মের
 স্তায় নহে, এবং তাঁহার শরীরে ধাতু সম্বন্ধ নাই। তাঁহার পিতা মাতা
 উভয়েই বিশুদ্ধ সত্ত্ব শরীরধারী—উভয়ের আত্মরূপে শ্রীকৃষ্ণ পূর্ব
 হইতেই বর্তমান ছিলেন—তিনি প্রথমে বসুদেবের মনে আত্মস্বরূপ
 প্রকাশিত করেন, বসুদেব তাহা বেদদীক্ষা দ্বারা দেবকীকে প্রদান
 করায় দেবকী তাহা নিজ মনে ধারণ করিয়াছিলেন—তারপর ভগবান
 যথাকালে স্বেচ্ছাক্রমে পরিপূর্ণ স্বরূপে প্রকটিত হইয়া পরিচ্ছিন্ন মূর্তিধারী
 মত প্রতীয়মান হইলেন। সুতরাং, তাঁহার জন্মাদি, বালা, কৈশোর
 প্রভৃতি ভাবে প্রকটন, সমুদায় তাঁহার স্বেচ্ছা ক্রমে সংঘটিত। এই ইচ্ছা
 বা সংকল্পই, তাঁহার অচিন্ত্য শক্তিরূপা যোগমায়া। ইহা হইতে আরও
 বুঝা গেল যে, প্রপঞ্চগত গুণদোষ তাঁহাতে নাই। প্রপঞ্চগত বুদ্ধি,
 হাস, পরিণাম প্রভৃতি তাঁহাকে স্পর্শ করে না। বিশেষতঃ, তিনি
 “ভাববন্ধু” এবং সর্বব্যাপী। যে যেভাবেই তাঁহাকে ভজনা করে,
 তিনি অন্তর্ধ্যামী রূপে সে সমুদায় ভাব অবগত হইয়া, সেই সেই রূপেই
 তাহাদের নিকট প্রকটিত করেন।

শ্রীকৃষ্ণ সম্বন্ধে যাহা বলা হইল, শ্রীরাম সম্বন্ধেও তাই। যজ্ঞাগ্নি
 হইতে উদ্ভূত চক্ৰই “অচ্যুতাংশ”। নৃসিংহদেবের আবির্ভাব স্তম্ভ হইতে,
 ইহা ভাগবতে ও অগ্ন্যাণ্য পুরাণে স্পষ্ট উক্ত আছে, এবং প্রসিদ্ধিও
 আছে। অতএব, উপরে উত্থাপিত আপত্তির কোনও সঙ্গত কারণ নাই।

অন্য প্রকারেও বুঝিবার চেষ্টা কর। আমরা ১।৩।৪১ সূত্রের আলোচনার
 বুঝিয়াছি যে, “কম্পনে”র উপর এই জগৎ-প্রপঞ্চ প্রতিষ্ঠিত। কম্পনের মূল
 অনুসন্ধান করিলে, আমরা ভগবানের সৃষ্টিসংকল্পরূপ মানসিক স্পন্দনের সাক্ষাৎ
 পাই। স্পন্দনও যা কম্পনও তাই, ইহা বলা বাহুল্য। এই মূলস্পন্দনের
 কারণেই জগতে শক্তিপ্রবাহ প্রবাহিত। জগতে জড় শক্তি, যা কিছু, সমুদায়ে
 কম্পনের অভিব্যক্তি দেখিতে পাই। শব্দ, তাপ, আলোক, তড়িৎ সমুদায়ই
 কম্পনের ইতরবিশেষের দ্বারা সংঘটিত। জড় বস্তুর নিজ নিজ আকারে অবস্থিতি,
 উহাদের উপাদানভূত গরমাণুগণের কম্পনের উপর নির্ভর করে। জীব-

উদ্ভিদের, জন্ম, বৃদ্ধি, স্থিতি, হ্রাস, মৃত্যু সমুদায়ই প্রাণের পরিম্পন্দন বা কম্পনের জন্ম। কাম, ক্রোধ, লোভ প্রভৃতি বাসনা, কামনা, চিন্তা, দয়া, লজ্জা, ঘৃণা প্রভৃতি মানসিক ব্যাপার—চিন্তের বা মনের পরিম্পন্দন ভিন্ন কিছু নহে। সুখ, দুঃখ, শোক, হর্ষ প্রভৃতিও তাহাই। উহারা সকলেই “কম্পন প্রসূত” বলিয়া, একজনের চিন্তার ধারা অপরে সংক্রামিত হওয়া সম্ভব হয়। এই জন্মই গুরুশিষ্যের সম্বন্ধ, উপদেশ দানের ও গ্রহণের সার্থকতা প্রতিষ্ঠা লাভ করে। এই “কম্পনে”র জন্মই একজন প্রসিদ্ধ গায়কের তাললয় বিস্তৃত গান, তাঁহার মৃত্যুর পরেও, গ্রামোফোন যন্ত্র দ্বারা পরিরক্ষিত হওয়া সম্ভব হইয়াছে। এই জন্মই মৃত ব্যক্তির ছায়াচিত্র গ্রহণের দ্বারা তাঁহার মূর্ত্তি বহুকাল সযত্নে রক্ষিত হওয়া সম্ভব। এই জন্ম বেতার সংবাদ প্রেরণ সম্ভব এবং এই জন্মই ঘরে বসিয়া বহুদূরস্থ বক্তার বক্তৃতা, গায়কের গান প্রভৃতি “রেডিও” ও “টেলিভিশন” যন্ত্র সাহায্যে শোনা ও দেখা গিয়া থাকে।

আবার, ইহাও প্রত্যক্ষসিদ্ধ সত্য যে, বিভিন্ন বাত্মযন্ত্র—যেমন, সেতার, তানপুরা, এসরাজ, বেহালা, তবলা, পাখোয়াজ প্রভৃতি—একস্থরে বাধিয়া একস্থানে রাখিয়া দিবার পর যদি উহাদের একটি বাজান হয়, তবে অপর যন্ত্র-গুলিতেও ঐ স্থর অল্প বিস্তর বাজিয়া উঠে। ইহা হইতে বুঝা যায় যে, একের কম্পন অপরে গ্রহণ করিতে পারে।

এই সমুদায় প্রপঞ্চের প্রত্যক্ষ দৃষ্ট ব্যাপার পরম্পরা পর্যালোচনা করিলে আমরা স্পষ্ট বুঝিতে পারি যে, “কম্পন” একবার উদ্ভূত হইলে, উহা উপযুক্ত যন্ত্র সাহায্যে চিরকাল ধরিয় রাখা যাইতে পারে এবং উপযোগী হইলে, বিভিন্ন বস্তুও একে অপরের “কম্পন” গ্রহণ করিতে পারে।

এখন উপাসনা ক্ষেত্রে এই সিদ্ধান্ত প্রয়োগ করিলে, আমরা কি পাই, দেখা যাউক। পূর্বে প্রতিপাদিত হইয়াছে যে, জীব ব্রহ্মের তটস্থ শক্তির অংশ। জীবের ইন্দ্রিয়গ্রাম, মনঃ বুদ্ধি চিন্তা অহঙ্কারও ব্রহ্মের বহিরঙ্গ শক্তির অংশ। ব্রহ্ম ইহাদের অপেক্ষা ভিন্ন হইলেও, উহারা ব্রহ্ম হইতে অভেদ। সুতরাং আমাদের মনে ব্রহ্ম প্রাপ্তির আগ্রহ জাগরিত হইয়া যে ‘কম্পন’ উৎপাদন করে, তাহা ব্রহ্মে সংক্রামিত হওয়া সম্পূর্ণ সম্ভব। তবে সংক্রমণ করিতে হইলে, উহাতে উপযুক্ত শক্তি থাকা প্রয়োজন। ইহার দৃষ্টান্ত স্বরূপ মনে কর, একটি শাস্ত্র, স্তিমিত গম্ভীর পুষ্করিণী। নির্বাত, অবস্থায় উহার জলে কোনও চাঞ্চল্য নাই। সম্পূর্ণ স্থির। উহাতে একটি ক্ষুদ্র লোষ্ট্র নিক্ষেপ করিলে, উহাতে ক্ষুদ্র তরঙ্গ উৎপন্ন হয়। লোষ্ট্রটি ক্ষুদ্র হওয়ায়, উহার কারণে উৎপন্ন তরঙ্গও অল্প

শক্তিমান হওয়ায়, তীরে না পৌঁছাইয়াই অর্ধপথে মিলাইয়া যায়। একটি বৃহৎ লোষ্ট্র নিক্ষেপ করিলে, তরঙ্গ শক্তিমান হইয়া তীরে আসিয়া আঘাত করে, এবং প্রত্যাঘাতে প্রতিকূল তরঙ্গ উৎপাদন করে। ক্ষুদ্র লোষ্ট্রের পরিবর্তে একটি বালুকাকণা নিক্ষেপ করিলেও পৃষ্ঠরীণীর শাস্ত ভাব বিক্ষিপ্ত হইয়া চাঞ্চল্যের উৎপাদন করে, ইহা অনুমান সিদ্ধ হয় বটে, কিন্তু উহা এত ক্ষুদ্র, অল্প ও শক্তিহীন, যে ইহা আমাদের অনুভবগোচর হয় না। সেইরূপ আমাদের আগ্রহ যদি ক্ষুদ্র, অল্প, শক্তিহীন হয়, তাহা হইলে, উহার দ্বারা উপন্ন 'কম্পন', যদিও ব্রহ্মে আঘাত করিবেই করিবে, কারণ, ব্রহ্ম সর্বব্যাপী, তথাপি উহার শক্তি এত কম যে, তাহার প্রতিস্পন্দন আমাদের অনুভূতিগোচর হওয়া সম্ভব নহে। উহার শক্তি বেশী হইলে, তবে উহা ব্রহ্মে সংক্রামিত হইল বলিয়া, অনুভূতি হইলেও হইতে পারে। আগ্রহ আকুল হইলে, তাহা হইতে উহার প্রতিকূল স্পন্দন উৎপাদিত হইয়া আমাদের হৃদয়ে আঘাত করে। তখন আমরা বুঝিতে পারি যে, আমাদের আকুল আগ্রহ তাঁহাতে পৌঁছাইয়াছে, এবং তিনি তাহার প্রত্যুত্তর দিয়াছেন। ক্রমে এই আগ্রহ স্থায়ী ও ক্রমশঃ শক্তিমত্তর হইলে, তবে আমাদের মানস চক্রে তাঁহার প্রতিকূল ভাসিয়া উঠে। এই স্পন্দন ও প্রতিস্পন্দনের উপর লক্ষ্য করিয়া, যোগশাস্ত্রে “তীব্রসংবেগানামাসন্নঃ”। (পাতঞ্জল দর্শন, সমাধিপাদ ২১)—“যাহাদিগের আবেগ তীব্র, তাহাদের প্রাপ্তি আসন্ন”, এই সূত্র অন্তর্নিবিষ্ট করা হইয়াছে। আগ্রহ তীব্র হইলেই উপাসক ও উপাস্ত্রের মধ্যে ভাবের আদান-প্রদান চলিতে থাকে। উপাসক—উপাস্ত্রের অভিমুখে যে ভাবধারা অবিচ্ছিন্ন ভাবে প্রেরণ করেন, সেই ভাবধারাই—প্রেমভক্তি রসায়ন সহযোগে ঘনীভূত হইয়া ইষ্টের প্রতিকূল রূপে হৃদয়ে উদ্ভাসিত হইয়া থাকে।

এখন বিচার্য্য এই যে, এই প্রতিকূল, আমাদের কল্পিত মনোময়ী প্রতিমা মাত্র, অথবা ভগবানই বাস্তবিক ঐরূপে আকারিত হইয়া প্রকটিত হইয়া থাকেন। ইহার সিদ্ধান্ত বুঝিতে হইলে, আমাদের মনে, বিষয়জ্ঞান কি প্রকারে পরিষ্কুরিত হয়, তাহার সংক্ষেপ আলোচনা প্রয়োজন। ইন্দ্রিয় দ্বারাই আমাদের বিষয় জ্ঞানের সাধন। আমি একটি বস্তু দর্শন করিলাম। বস্তুর সহিত আমার চক্ষুর কোন প্রকার প্রত্যক্ষ সংস্পর্শ নাই। সেই বস্তু হইতে প্রতিফলিত আলোক স্পন্দন চক্ষুঃ দ্বারে নীত হইয়া দর্শনেন্দ্রিয়ের অভ্যন্তরে অবস্থিত দর্শন পটকে স্পন্দিত করিলে, উক্ত বস্তুর আকৃতি, পরিমাণ, বিশেষত্ব প্রভৃতি বিষয়ের তথ্য

ইন্দ্রিয়গুণের অধীশ্বর মনের সমক্ষে উপস্থিত করিল। মনঃ ঐ আকারে আকারিত হইলে, এবং তাহা অহঙ্কারের সমক্ষে উপস্থাপিত করিলে, তবে উক্ত বস্তুর জ্ঞান হইয়া থাকে। সমুদায় স্পন্দনের ক্রিয়া, ইহা বুঝা গেল। তবে কি মনঃ ইষ্টদেবের আকারে আকারিত হইয়া, সেই আকার অহঙ্কারের সমীপে উপস্থাপিত করে, তবে আমাদের ইষ্টদেবের আকারের জ্ঞান হয়? যদি তাহা হয়, তবে সে আকার কল্পিত মিথ্যা মাত্র। কারণ, তিনি ইন্দ্রিয় ও মনেরও অগোচর। মনের এমন কি সাধ্য আছে যে, তাঁহার ধারণা করিতে পারে? এজন্য সিদ্ধান্ত এই যে, তীব্র সংবেগের সহিত ভাব বা চিন্তাধারা ভগবানের বা ইষ্টদেবের চরণাভিমুখে প্রেরণ করিতে থাকিলে, তাহার প্রতিস্পন্দন সেখান হইতে আসিয়া মনঃকে (বুদ্ধি) আঘাত করিতে থাকে। মনঃ সেই প্রকারে আকারিত হইতে হইতে ক্রমশঃ এমন অবস্থায় উপস্থিত হয়, যে তখন তন্ময়ত্ব প্রযুক্ত মনের লয় হইয়া যায়। ইহা ৩।২।৩৩ সূত্রের আলোচনায় উক্ত ভাগবতের ৩।২।৩৫ শ্লোকে (পৃঃ ১৩৫৮) সুস্পষ্ট ভাবে কথিত হইয়াছে।

মনঃ এই প্রকারে লয় প্রাপ্ত হইলে, অণু কথায় নির্বিষয় হইলে, এবং লীন হইয়া গেলে, তখন আর সাধকের উপাধিতে (অহঙ্কারে) অভিমান থাকে না। তখন জীবের স্বরূপ প্রকটিত হইয়া পড়ে। তখন স্বরূপপ্রাপ্ত জীব আপনাকে ইষ্ট মূর্তি হইতে অভেদ ভাবে দেখেন। স্বরূপে প্রতিষ্ঠিত জীবের সমক্ষে পরমাত্মা তখনই ইষ্টমূর্তিতে প্রকটিত হইয়া উদ্ভাসিত হইয়া থাকেন। ইহাই পরমাত্মার ইষ্টমূর্তি প্রকটন, আত্ম স্বরূপের উদ্ভাসন, পরমপদ প্রাপ্তি, মোক্ষলাভ, সংসারাবর্জ হইতে অব্যাহতি প্রভৃতি আখ্যায় আখ্যায়িত হইয়া শাস্ত্রে কথিত হইয়া থাকে। জীবও তদ্বৎ: “সত্যজ্ঞানানন্দ কণা”; পরমাত্মাও “সত্য জ্ঞানানন্দ স্বরূপ”। তখন পরম্পরের আত্যন্তিক চেনাচেনি হইয়া থাকে। তখনই একের স্পন্দন অপরে অখণ্ডভাবে সংক্রামিত হয়, এবং প্রতি স্পন্দনও এক হইতে অপরে প্রবাহিত হইতে থাকে। ইহাই উপাসনার শেষ পরিণতি ও সার্থকতা। তখনই “মিলন-লহরী ছুটে আত্মায় আত্মায়।” অথবা তখন পর বা অপূর জ্ঞানই থাকে না। তখনই আত্মায় ও পরমাত্মায় ঐক্য দর্শন হইয়া থাকে। সাধক এই ইষ্টমূর্তি নিজের অভিরুচি অনুসারে, নিজের ভাবধারার ও তীব্র আগ্রহের জোরে দর্শন

করেন, ভগবান ও সেই রূপে তাঁহার সমক্ষে প্রকটিত হইয়া, নিজের অনন্তত্বের, অচিন্ত্য শক্তিমন্তার, ভক্তবাৎসল্যের, কল্পতরু স্বভাবের পরিচয় প্রদান করেন। অতএব বুঝা গেল যে, সাধকের নিজের মানসিক স্পন্দন বা ভাবধারা ইষ্টমূর্ত্তি আকারে প্রকটিত হইয়া, তাঁহার সাধনার সার্থকতা বিধান করেন। এই ইষ্টমূর্ত্তি আকারে প্রকটন ভগবানের ইচ্ছানুসারে হইয়া থাকে। তিনি “ভাববন্ধু”, এই প্রকটনে তাহারই পরিচয় প্রদান করেন।

তবে কি বুঝিব যে, উপাসনার পরিণতি লাভের পূর্বে, মনে যে ইষ্টমূর্ত্তি ধ্যান করিতে হয়, তাহা সাধকের স্বেচ্ছানুসারে পরিকল্পিত যে কোনও মূর্ত্তি? উক্ত মূর্ত্তি সন্দেহে কি কোন বিধি-নিষেধ নাই? কথিত আছে যে, একজন শিষ্য গুরুগৃহে গমন করিয়া, কিছুতেই পাঠে মনোনিবেশ করিতে না পারায় গুরু কারণ জিজ্ঞাসা করায়, যখন জানিলেন যে, শিষ্য নিজগৃহে পালিত একটি মহিষ শিশুকে বড়ই ভালবাসে; তাহার চিন্তাই তাহার মনোবিক্ষেপের কারণ। তখন গুরু শিষ্যকে তিন দিবা রাত্রি অনবরত সেই মহিষ শিশুর চিন্তা করিবার জ্ঞাপন উপদেশ দিলেন। শিষ্য গুরুনির্দেশ অনুসারে এই প্রকার করিয়া মনের স্থিরতা লাভ করিয়া, পরে পাঠে মনঃসংযোগ করিতে সমর্থ হইয়াছিলেন। ভগবদারাধনায়ও কি ঐ প্রকার নিজের প্রিয় বস্তু মহিষ, গো শিশু, কুকুর প্রভৃতির মূর্ত্তি চিন্তা করিলে সাধনা সিদ্ধ হয়, ভগবান তত্তৎ মূর্ত্তিতে দেখা দিয়া সাধনার সার্থকতা প্রদান করেন?

উহার উত্তরে সিদ্ধান্তবাদীর বক্তব্য এই যে, শাস্ত্র কখনও উচ্ছৃঙ্খলতা বা যথেষ্টচারিতার প্রশংসা দেন না। ‘শাস্’ ধাতু হইতে ‘শাস্ত্র’ পদ সিদ্ধ হইয়াছে। ‘শাস্’ ধাতুর অর্থ শাসন বা নিয়ন্ত্রণ করা। উচ্ছৃঙ্খলতা, যথেষ্টচারিতা, তোমার অবলম্বিত তরঙ্গ উপহাসের পন্থা প্রভৃতির সঙ্কোচ সাধন দ্বারা পরমার্থ লাভের পথ প্রশস্ত করাই শাস্ত্রের বিধি নিষেধের উদ্দেশ্য। উপরে উল্লিখিত মহিষ শিশুর দৃষ্টান্তে, গুরু শিষ্যকে মনঃ স্থৈর্য্য সম্পাদনের উপায় রূপে উহার চিন্তা করিতে উপদেশ দিয়াছিলেন মাত্র। উহার অন্য স্বতঃ উপযোগিতা নাই। যোগশাস্ত্রেও মনঃ সংযমের জ্ঞান নানা উপায় কথিত আছে। উহার উপায় মাত্র— উপায় স্বরূপে উহাদের গ্রহণ করিতে হইবে মাত্র। উহার মূল উদ্দেশ্য নহে। যে উদ্দেশ্যে উহার গ্রহণীয়, সে উদ্দেশ্য সিদ্ধির পথে অগ্রসর হইলে উহার পরিভাষ্য।

শাস্ত্রে • অনাদিকাল হইতে উপাসকের অভিক্রি ও অধিকারের তারতম্যানুসারে বহু বহু দেবদেবীর মূর্তির রূপ, ধ্যান, বীজ, মন্ত্রাদি কথিত আছে। স্পন্দন হইতে জগৎপত্তি এবং স্পন্দনানুসারে ইহার স্থিতি, ইহা পূর্বে কথিত হইয়াছে। প্রত্যেক বস্তুর স্ব স্ব আকারে ও প্রকৃতিতে অবস্থিতি, নিজের নিজের বিশেষ স্পন্দনানুসারে—ইহাও অতি সংক্ষেপে বলা হইয়াছে। এক সুরে বাঁধা বিবিধ বাজ্যযন্ত্রের দৃষ্টান্তে একের স্পন্দন অপরে গ্রহণ করিতে পারে, ইহাও পূর্বে বলা হইয়াছে। স্পন্দন নিয়মিত হইলে ছন্দঃ নামে পরিচিত হয়, ইহা মৎপ্রণীত “গায়ত্রী রহস্য” পুস্তকের ব্যাখ্যতি তত্বালোচনায় ১৫ অনুচ্ছেদে আলোচিত হইয়াছে। স্পন্দনের ভিন্নতা হেতু, বিভিন্ন মানবের বিভিন্ন প্রকৃতি, বিভিন্ন অভিক্রি। কোনও বিশেষ মানবের প্রকৃতিমূলক স্পন্দন যখন নিয়মিত ভাবে স্পন্দিত হয়, তখন উক্ত মানব “স্বচ্ছন্দে” আছে বলা হইয়া থাকে। আবার স্পন্দন হইতে শব্দোৎপত্তি, তাহাই বীজ মন্ত্র, ছন্দাকারে গঠিত শব্দ সমষ্টি মন্ত্র। শব্দস্তর হইতে রূপস্তরের অভিব্যক্তি উক্ত “গায়ত্রী রহস্য” পুস্তকে ব্যাখ্যতি তত্বালোচনায় বিশেষভাবে করা হইয়াছে। সূত্ররাং বুঝা গেল যে, শাস্ত্রে বহু দেবদেবীর যে “রূপ, ধ্যান, বীজ, মন্ত্রাদি কথিত আছে”—তাহাদিগের মূলে স্পন্দন ভিন্ন কিছু নহে। ভিন্ন ভিন্ন রূপ, ধ্যান, বীজ, মন্ত্রাদি—ভিন্ন ভিন্ন প্রকৃতির স্পন্দনের পরিচয় দেয়। এখন দেখ, উপাসকের প্রকৃতি যে সুরে বাঁধা অর্থাৎ যে প্রকৃতির স্পন্দন হইতে অভিব্যক্ত, যে দেবতার মূর্তি, রূপ, ধ্যান, বীজ, মন্ত্র প্রভৃতি সেই সুরে বাঁধা—অর্থাৎ সেই প্রকৃতির স্পন্দন হইতে অভিব্যক্ত—সেই সাধকের সেই-ই ইষ্টদেবতা। কেন না, সেই দেবতাই সাধকের ভাব স্পন্দন সহজেই গ্রহণ করিয়া প্রতিস্পন্দন প্রেরণ করিতে সমর্থ। ইহা সুস্পষ্ট বুঝা গেল।

প্রতিদিন দৃষ্ট, আমাদের চতুর্দিকে অবস্থিত, অতি পরিচিত দৃষ্টান্তের দ্বারা আমার বক্তব্য বিশদ করিবার চেষ্টা করিতেছি। সূর্যালোক খেতবর্ণের, উহাতে লোহিত, পীত, সবুজ, নীল প্রভৃতি সপ্তবিধ বর্ণের কিরণ বর্তমান, জড় বিজ্ঞানালোচনায় ইহা আমরা জানিতে পারি। অমাবস্যার রাত্রে অন্ধকারে, সূর্যালোকের অভাবে, আমাদের চতুর্পার্শ্বের দৃশ্যপ্রপঞ্চ কৃষ্ণবর্ণের দেখায়। উহাদের প্রকৃতিগত, স্বভাবসিদ্ধ বিভিন্ন বর্ণ লুক্কায়িত থাকে। কিন্তু প্রভাতে সূর্যকিরণ পরিস্ফুট হইতে আরম্ভ করিলে, বৃক্ষলতাদির হরিৎ বা অগ্ন বর্ণের পত্রাদি, পত্রাদির উপরে ও অন্তরালে লোহিত, কমলা, পীত, হরিৎ, পাটল, ধূসর প্রভৃতি বিভিন্ন বর্ণের পুষ্প ফলাদি আত্মপ্রকাশ করিয়া আমাদের চিত্ত বিমোহন জন্মায়।

ইহার কারণ অনুসন্ধান করিয়া, আধিভৌতিক বৈজ্ঞানিকগণ বলেন যে, সূর্য্যকিরণ স্বেতবর্ণের বটে, কিন্তু উহাতে সপ্তবর্ণের ও তাহাদের ইত্যর বিশেষ সংমিশ্রণ যন্ত্রবিশেষ দ্বারা অবগত হওয়া যায়। প্রকৃতিগত শক্তি অনুসারে প্রপঞ্চ পত্র পুষ্পাদি, উক্ত বর্ণনিচয়ের মধ্যে কতকগুলিকে সম্পূর্ণ ভাবে শোষণ করিয়া, একটিকে মাত্র প্রকাশ করে, যেটিকে প্রকাশ করে উক্ত পত্র পুষ্পাদি আমাদের দৃষ্টিগোচরে সেই রঙেই প্রতীয়মান হয়। একই পুষ্পে বিভিন্ন রঙের বিভিন্ন আভায় প্রতীয়মান হইবার মূলেও ঐ একই কথা। বিভিন্ন বর্ণের বিভিন্ন প্রকারের শোষণ মাত্র।

উপাসনা ক্ষেত্রেও তাই। ব্রহ্ম বা ভগবান বা পরমাত্মা “একবর্ণ” সর্বব্যাপী। উহাতে রাম, কৃষ্ণ, শিব, দুর্গা, কালী প্রভৃতি সমুদায় দেবতাও তাঁহাদিগের প্রত্যেকের মন্ত্র, বীজ, নাম, রূপ প্রভৃতি মিলিত হইয়া, নির্বিশেষভাবে “একমেবাদ্বিতীয়ম্” স্বরূপে বর্তমান আছেন। উপাসকের প্রকৃতি যে “ছন্দে” গঠিত, সেই ছন্দের স্পন্দনে উক্ত নির্বিশেষ ভাব প্রাপ্ত “একমেবাদ্বিতীয়ম্” তত্ত্বে স্পন্দন উৎপাদন করিবার শক্তি থাকে বলিয়া, উহা নিজের অনুরূপ স্পন্দন জাগাইয়া ইষ্টমূর্ত্তি প্রকটিত করিয়া থাকে। সুতরাং ইষ্টমূর্ত্তি বস্পনে বা ইষ্টমন্ত্র, বীজ প্রভৃতির নির্দ্ধারণে উচ্ছৃঙ্খলতা বা যথেষ্টচারিতার অবকাশ নাই। এখন উপাসক যদি নিজ অধিকার ও অভিক্রুচি অনুযায়ী ঐ সকল দেবতার মূর্ত্তি, বীজ, মন্ত্রাদি হইতে নিজের ইষ্ট মূর্ত্তি বাছিয়া লইতে পারেন, তাহা হইলে তাঁহার পথ স্বগম হয়। কিন্তু ইহা সম্ভব নহে বলিয়াই অপরোক্ষ জ্ঞানে জ্ঞানবান্, ব্রহ্মজ্ঞ গুরু ইহা বাছিয়া শিষ্যকে প্রদান করেন। এই সকল বীজ, মন্ত্র প্রভৃতি সিদ্ধ বীজমন্ত্র বলিয়া প্রসিদ্ধ। কারণ, কত লক্ষ লক্ষ সাধক, কতকাল হইতে ইহাদের বলে সিদ্ধিলাভ করিয়া মানব জীবনের উদ্দেশ্য সফল করিয়াছেন। এই সমুদায় বীজ ও মন্ত্রের সহিত ধোয় রূপও অতি ঘনিষ্ঠভাবে জড়িত, এই মন্ত্র, বীজ, রূপ ইহারা সকলেই ভগবানেরই শব্দ ও রূপ স্তরে অভিব্যক্তি বলিয়া উহারা ভগবৎ শক্তিতে শক্তিমান্। সুতরাং, উহাদের অনুশীলন করাই সাধকের উচিত। আত্মস্তরিতায় অন্ধ হইয়া শাস্ত্র বিধান অগ্রহেণা করিয়া নিজের যথেষ্টচারিতায় যে কোনও মূর্ত্তি গ্রহণীয় নহে। শাস্ত্রই ভগবানের শাস্ত্রমূর্ত্তি, ইহা ১।১।৩ সূত্রের আলোচনায় প্রতিপাদিত হইয়াছে। অতএব, শাস্ত্রবিধি অননুল্লঙ্ঘনীয়, অবশ্য প্রতিপাল্য। শাস্ত্র বিধি লঙ্ঘন করিয়া যজ্ঞাদি উপাসনাত্মক কার্য্য করিলে কি হয়, তাহা শ্রীভগবান্ গীতায় স্পষ্ট উল্লেখ করিয়াছেন :—যাহারা বিধিহীন ভাবে নাম মাত্র বা নামের জ্ঞান মাত্র করে, আমি তাহাদিগের অনবরত সংসারে আস্থরী যোনিতে

এবং ব্যাঘ্র সর্পাদি যোনিতে নিক্ষেপ করি, (গীতা, ১৬।১০ ও ১৬।১২) । ভাগবতও ১।১।১০।২৭ শ্লোকে ইহাই বলিয়াছেন । উক্ত শ্লোক ৩।১।৭ সূত্রের আলোচনায় (পৃঃ ১১৭০) উদ্ধৃত হইয়াছে । অতএব, শাস্ত্রবিধি সর্বতোভাবে প্রতিপালনীয় ।

আচ্ছা, শাস্ত্রবিধি প্রতিপাল্য, স্বীকার করিলাম । তুমি ত উপরে বলিয়াছ যে, আকুল আগ্রহ না হইলে প্রতিস্পন্দন হৃদয়ে অনুভূত হয় না । তবে যাহাদের আকুল আগ্রহ হয় নাই, যাহারা শাস্ত্রোপদেশ অনুসারে মাত্র সাধন শুরু করিয়াছে, তাহাদের কি কোনও আশা নাই ? তাহাদের দুর্বল উপাসনা কি বিফলে যাইবে ?

ইহার উত্তরে সিদ্ধান্তবাদী বলিতেছেন, যে, না, জগতে কিছুই বিফলে যায় না । অর্জুনের প্রশ্নের উত্তরে ভগবান গীতায় সুস্পষ্ট আশার বাণী প্রচার করিয়াছেন :—“ন হি কল্যাণকুৎ কচ্ছিদ্ দুর্গতিং তাত গচ্ছতি ।” (গীঃ ৬।৪০) হে অর্জুন ! কল্যাণকারী কেহই দুর্গতি প্রাপ্ত হয় না । সাধনার যে স্তরে থাকিতে থাকিতে সাধক মৃত্যুমুখে পতিত হয়, পরজন্মে সেই স্তর হইতেই উচ্চতর স্তরে উঠিবার আগ্রহ ও চেষ্টা তাহার প্রকৃতিসিদ্ধ হইয়া থাকে ।

ইহা অণু রূপেও আমরা বুঝিতে পারি ।

২।১।২৩ সূত্রের আলোচনায় আমরা বুঝিয়াছি যে, যেমন জড়জগতে ঘাত-প্রতিঘাত সমান, উপাগনা ক্ষেত্রেও তাই । তোমার হৃদয়ের স্পন্দন যদি দুর্বল হয়, তাহা যে নিরর্থক হইবে, তাহা নয় । উপাস্ত্র পরমাত্মা ত সর্বব্যাপী, সর্বাত্ত ও পরম সূক্ষ্ম । সে স্পন্দন যতই দুর্বল হউক না কেন, তাহা পরম সূক্ষ্ম পৌছাইবেই এবং তাঁহাতে সঞ্চিত থাকিবেই । উহার প্রতিস্পন্দন সমান দুর্বল হওয়ায়, তুমি উহা অনুভব না করিতে পার ; কিন্তু তাহা হইলেও উহার কার্য্য উহা করিবেই করিবে । তুমি কি জান না যে, জলবিন্দুর পতন দিনের পর দিন, মাসের পর মাস, বৎসরের পর বৎসর ধরিয়া হইতে থাকিলে, কঠিন প্রস্তরও ক্ষয়প্রাপ্ত হয় ? অতএব, যদি তোমার দুর্বল স্পন্দন অনবরত প্রেরিত হয়, উহার সমবেত শক্তিতে প্রতিস্পন্দন শক্তিমান হইয়া তোমার হৃদয়ে আঘাত করিবেই করিবে । ইহা ত ৩।২।২৫ সূত্রে “কর্মাণ্যভ্যাসাৎ” সূত্রংশ দ্বারা প্রতিপাদিত হইয়াছে । আবার, ৪।১।১ সূত্রেও ইহা পুনরায় বলা হইবে । অতএব, ঐকান্তিক নির্ভাই প্রয়োজন । মনে রাখিতে হইবে যে, যেমন জলবিন্দু প্রস্তরের একস্থানে পড়িতে থাকিলে, তবে প্রস্তরের ক্ষয় হয়, আজ

এক স্থানে, কাল অপর স্থানে, পরশ তৃতীয় স্থানে ইত্যাদি বিশৃঙ্খল ভাবে পড়িলে কিছুই হয় না, সেইরূপ অনুশীলন প্রতিদিন এক বিষয়েরই করিতে হইবে। এই জ্ঞান ইষ্টবীজ, মন্ত্র, রূপ, ধ্যান প্রভৃতিতে একান্ত একনিষ্ঠতার প্রয়োজন। আজ এক, কাল অপর, পরশ তৃতীয়, একরূপ হইলে ফল হয় না। ব্রহ্মকোটি হইতে দর্শন করিলে, সমুদায় বীজ, মন্ত্র, রূপ, ধ্যান একমাত্র ব্রহ্মে পর্যাবসান বটে; কিন্তু জীব (উপাসকের) কোটি হইতে বিচার করিলে উপাসকের প্রকৃতি অনুযায়ী বিভিন্ন বীজ মন্ত্রাদি আবশ্যিক হইয়া পড়ে এবং যে উপাসকের যে ইষ্টরূপ বীজ মন্ত্র প্রভৃতি তাহার পক্ষে তাহাতেই একনিষ্ঠতার প্রয়োজন, বুঝিলে ত? রোজ রোজ ইষ্টে পারবর্তন করিলে, মনঃ কিছুতেই স্থিরতা লাভ করে না। মনের স্থিরতাই একান্ত প্রয়োজনীয়। মনঃই সংসারের কারণ। এ সম্বন্ধে ভাগবতের মত উদ্ধৃত করিয়া বিষয়টি বিশদ করিবার চেষ্টা অবাস্তর হইবে না।

মন এব মনুষ্যৈশ্চ ভূতানাং ভবভাবনম্ ॥ ভাগঃ ৪।২৯।৭৬

—হে রাজন্! মনঃই প্রাণিসকলের সংসার গতাগতির কারণ।

ভাগঃ ৪।২৯।৭৬

মনঃ সৃজতি বৈ .দহান্ গুণান্ কৰ্ম্মাণি চাত্মনঃ ।

ভগ্নানঃ সৃজতে মায়া ততো জীবন্ত্য সংসৃতিঃ ॥ ভাগঃ ১২।৫।৬

—মনঃই দেহ, গুণ ও কর্ম্ম সকল সৃজন করে। মায়া মনের সৃষ্টি করিয়া থাকে। সেইজন্যই জীবের সংসার গতি প্রাপ্তি হয়। ভাগঃ ১২।৫।৬

নায়াং জনো মে সুখদুঃখহেতুর্ন

দেবতাত্মা গ্রহকৰ্ম্মকালঃ ।

মনঃ পরং কারণমামনন্তি

সংসারচক্রং পরিবর্তয়েদ্ যৎ ।

ভাগঃ ১১।২৩।৩৮

মনো গুণাম্ বৈ সৃজতে বলীয়-

স্তৃতশ্চ কৰ্ম্মাণি বিলক্ষণানি ।

শুক্লানি কৃষ্ণাণ্যথ লোহিতানি

তেভ্যঃ সৰ্ব্ণাঃ সৃভয়ো ভবন্তি ॥ ভাগঃ ১১।২৩।৩৯

—এই সমুদায় লোক, দেবতাগণ, আত্মা, গ্রহ, কৰ্ম, কাল প্রভৃতি কেহই আমার স্বথ হুঃখের হেতু নহে । কেবল, একমাত্র মনঃকেই কারণ বলা যায় । কেননা, মনঃই সংসারচক্র পরিচালন করিতেছে । মনঃই সত্ত্বাদি গুণের বৃত্তিসকল সৃষ্টি করে, এবং ঐ সকল গুণবৃত্তি হইতে সাত্ত্বিক, রাজসিক ও তামসিক বিবিধ কৰ্মসকল উৎপন্ন হয়, এবং ঐ সকল কৰ্ম দ্বারাই স্বামুরূপ দেব, তিৰ্য্যক্, নরাদি গতি প্রাপ্তি হয় । ভাগঃ ১১।২৩।৩৮-৩৯ ।

শ্রুতিও এই কথাই বলিয়াছেন :—

“মন এব মনুষ্যাণাং কারণং বন্ধমোক্ষয়োঃ ।

বন্ধায় বিষয়াসক্তং মুক্তৌ নির্বিষয়ং শ্বতম্ ॥”

ব্রহ্মবিন্দু উপনিষৎ । ২ ।

—মনঃই মনুষ্যদিগের বন্ধমোক্ষের কারণ । বিষয়াসক্ত মনঃ বন্ধের এবং নির্বিষয় মনঃ মুক্তির হেতু । ব্রহ্মবিন্দু উপনিষৎ । ২ ।

“মনসা ভাব্যমানো হি দেহতাং যাতি দেহকঃ ।

দেহবাসনয়া মুক্তো দেহধর্ম্মৈর্ন লিপ্যাতে ।” (মহোপনিষৎ ৪.৬৭)

—দেহী মনঃ দ্বারা ভাব্যমান হইয়া দেহ প্রাপ্ত হয় । দেহ—বাসনা হইতে মুক্ত হইলে, আর দেহধর্ম্মে লিপ্ত হয় না । (মহো...৪।৬৭)

অতএব, মনঃকে জয় করা একান্ত প্রয়োজন । দান, নিত্যনৈমিত্তিক স্বধর্ম্মাহুষ্ঠান, যম, নিয়ম, শ্রৌত কৰ্ম, ব্রতাচরণ, এসমুদায় মনঃনিগ্রহের উপায় এবং মনের সমাধিই পরম যোগ । ভাগঃ ১১।২৩।৪১

দানং স্বধর্ম্মো নিয়মো যমশ্চ

শ্রুতঞ্চ কৰ্ম্মাণি চ সদব্রতানি ।

সর্ব্বৈ মনোনিগ্রহলক্ষণাস্তাঃ

পরোহি যোগো মনসঃ সমাধিঃ ॥

ভাগঃ ১১।২৩।৪১

—সমুদায় ইন্দ্রিয় মনের বশে বর্তমান, কিন্তু মনঃ কাহারও বশতাপন্ন নহে । যোগিদিগেরও ভয়ঙ্কর মনোরূপ দেবতা বলিষ্ঠ হইতেও রলবান্ । যে ব্যক্তি তাহাকে বশতাপন্ন করিতে পারেন, তিনি সর্ব্বেন্দ্রিয়জ্ঞেতা ।

ভাগঃ ১১।২৩।৪৩

মনো বশেহ্নোহুভবন্ স্ম দেবা

মনশ্চ নাশ্চ বশং সমেতি ।

ভীষ্মোহি দেবঃ সহসঃ সহীয়ান্

যুঞ্জ্যাৎশং তং স হি দেবদেবঃ ॥ ভাগঃ ১১।২৩।৪৩

অতএব, মনের স্বৈর্য্য সম্পাদন করা সর্বতোভাবে কর্তব্য। সুতরাং, সে জন্ম ইষ্টমন্ত্র, বীজ, রূপ, ধ্যানের প্রতি একনিষ্ঠ হওয়াই সর্বপ্রকারে উচিত।

বেশ, আর একটি সংশয় আছে। আশা করি, তাহাও দূর করিতে পারিবে। সংশয়টি এট। তুমি ইষ্টমূর্তির ধ্যান করিতে বলিতেছ। আবার, সূত্রে বলিতেছ যে, সে মূর্তি সর্বব্যাপী। মূর্তি বলিলেই, পরিচ্ছিন্ন সঙ্গ সঙ্গ অপরিহার্য্য হইয়া পড়ে। মূর্তি অথচ অপরিচ্ছিন্ন, ইহা কি প্রকারে সম্ভব? ৩।২।২২ সূত্রের শিরোদেশে তোমা কর্তৃক উদ্ধৃত বৃহদারণ্যক শ্রুতির ২।৩।৩ মন্ত্রে বায়ু ও আকাশ সর্বব্যাপী বিধায় অমূর্তি বলা হইয়াছে। সেখানে সর্বব্যাপিত্বের কারণ অমূর্তি হইল; আর এখানে মূর্তি ও সর্বব্যাপিত্ব এককালে একাধারে বর্তমান থাকিবে, ইহা কি প্রকার সিদ্ধান্ত?

এই সংশয় নিরাকরণের জন্ম সিদ্ধান্তবাদী বলিতেছেন :—বৃহদারণ্যক মূর্ত্যমূর্তি ব্রাহ্মণে মূর্তি ও অমূর্তি উল্লেখ প্রপঞ্চাস্তর্গত বস্তু সম্বন্ধেই। কিন্তু আমাদের এই স্থলে আলোচ্য—ব্রহ্ম বা পরমাত্মা বা ভগবান্। তিনিই ইষ্ট মূর্তিতে আবির্ভূত হন। তিনি প্রপঞ্চের বাহিরের বস্তু। দেশ, কাল বা বস্তু পরিচ্ছেদ প্রপঞ্চের ভিতরের বস্তুতে সম্ভব। প্রপঞ্চের বাহিরের বস্তুতে, উক্ত কোনও প্রকার পরিচ্ছেদ নাই। সুতরাং তাহাকে কি পরিচ্ছিন্ন করিবে? পরিচ্ছিন্ন করিতে হইলে পৃথক সত্তার প্রয়োজন। এক, অদ্বিতীয়, সজাতীয়-বিজাতীয়-স্বগত ভেদবিহীন বস্তুকে, এমন কি আছে যাহা পরিচ্ছিন্ন করিতে পারে? ক্ষুদ্র, বৃহৎ, অণু, মহৎ, স্থূল, সূক্ষ্ম ইত্যাদি প্রয়োগ প্রপঞ্চাস্তর্গত বস্তুতেই সম্ভব। প্রপঞ্চের বাহিরের বস্তুতে ইহার সম্ভব নহে। এইজন্য শ্রুতি এই বস্তুকে “অণোরণীমান্ মহতো মহীয়ান্” (শ্বেতাশ্বতর, ৩।২০), “অনুলম্ অনণু অল্পম্, অদীর্ঘম্” ইত্যাদি (বৃহৎ, ৩।৮।৮) বলিয়া নির্দেশ করিয়াছেন। ইহা দ্বারা তিনি যে একবার “অণোরণীমান্” এবং অপর সময়ে “মহতো মহীয়ান্”, এক সময়ে “অনুলম্”, অত্র সময়ে “অনণু” ইহা প্রকাশ করা শ্রুতির অভিপ্রায় নহে। একাধারে একই সময়ে তিনি

সমুদায়' বিকৃত গুণের আশ্রয়, ইহা খ্যাপন করাই শ্রুতির অভিপ্রায়। ব্রহ্মতত্ত্ব কি ভাষার দ্বারা নির্দেশের যোগ্য? ভাষায় বলিতে গেলে ঐরূপ বলিতে হইবে, ইহা ৩।২।২২ সূত্রের আলোচনায় আলোচিত হইয়াছে। তিনি একাধারে, এক সময়ে সবিশেষ-নির্বিশেষ, যুক্ত-অযুক্ত, সগুণ-নির্গুণ ইত্যাদি। ইহার কারণ অনুসন্ধান করিতে যাইলে, আমরা বুঝিতে পারি যে, তিনি বিশ্বরূপ হইয়াও অরূপ, জগৎ সৃষ্টি করিয়াও নিজের স্বরূপে চিরবর্তমান। বিশ্ব, জগৎ বা প্রপঞ্চ—দেশ-কালের প্রভাবাধীন। বিশ্বস্থ জীব মাত্রই দেশ-কালের প্রভাবাধীন—সে কারণ আমরা প্রপঞ্চাস্তর্গত জীব বলিয়া আমাদের মনঃ, বুদ্ধি প্রভৃতি জ্ঞান সাধক যন্ত্রাদি দেশ কালের প্রভাবাধীন। এজন্য আমরা দেশ কাল পরিচ্ছিন্ন ভিন্ন অন্য কিছু ধারণা করিতে পারি না। স্মরণ্য যিনি এককালে প্রপঞ্চ ও প্রপঞ্চাতীত, তিনি আমাদের এই অক্ষমতা বিশেষ ভাবে অনুধাবন করিয়া, তাঁহার অপার করুণাবলে, অচিন্ত্য সংকল্প শক্তির বিকাশে, আমাদের ধারণার সৌকর্য্যার্থে, আপনাকে স্বরূপ বিচ্যুত না করিয়াই, সবিশেষ, সগুণ, সাকার, পরিচ্ছিন্নরূপে প্রকটিত করেন। ইহা ভগবদ্‌ব্রহ্ম। ইহা তর্কে প্রতিষ্ঠা করিবার নহে।

“অচিন্ত্যাঃ খলু যে ভাবা ন তাং স্তর্কেণ যোজয়েৎ ॥”

৫। সৰ্বাভেদাধিকরণ ॥

ভিত্তি :—

- ১। “ন তস্য কার্যং করণঞ্চ বিদ্যতে.....” (শ্বেতাশ্বতরঃ ৬।৮)
— তাঁহার কার্য নাই এবং ইন্দ্রিয়ও নাই। (শ্বেতাঃ ৬।৮)
- ২। “সৰ্বতঃ পাণিপাদং তৎ সৰ্বতোহক্ষিশিরো মুখম্ ।”
(শ্বেতাশ্বতরঃ ৩।১৬)
—সৰ্বদিকেই তাঁহার পাণি, পাদ, অক্ষি, শিরঃ ও মুখ।
(শ্বেতাশ্বতরঃ ৩।১৬)
- ৩। “পুরুষ এবদং সৰ্বং যদ্ভূতং যচ্চ ভবাম্ ।”
(শ্বেতাশ্বতরঃ ৩।১৫)
—এই দৃশ্যমান সমুদায়, এবং অতীত ও ভবিষ্যৎ সমুদায়—পুরুষই।
(শ্বেতাঃ ৩।১৫)
- ৪। “সৰ্ব রসঃ” । (ছান্দোগ্যঃ ৩।১৪।৪) ।
- ৫। “রসো বৈ সঃ । রসং হোবায়ং লক্ষ্মানন্দী ভবতি ।”
(তৈত্তিরীয়ঃ ২।৭)
—তিনিই রসস্বরূপ। সেই রস প্রাপ্ত হইয়া এই জগৎ আনন্দ উপভোগ করে। (তৈত্তিঃ ২।৭) ।
- ৬। “আনন্দো ব্রহ্মেতি ব্যজানাৎ ।” (তৈত্তিরীয়ঃ ৩।৬)
—ব্রহ্ম আনন্দ স্বরূপ, ইহা জানিয়াছিলেন। (তৈত্তিঃ ৩।৬)
- ৭। “সৈষানন্দস্য মীমাংসা ভবতি ।” (তৈত্তিরীয়ঃ ২।৮)
—আনন্দের ইহাই পরাকাষ্ঠা। (তৈত্তিঃ ২।৮)
- ৮। “এতশ্চৈবানন্দশ্চান্ধানি ভূতানি মাত্রামুপজীবন্তি ।”
(বৃহদারণ্যকঃ ৪।৩।৩২)
—জীবসকল এই ব্রহ্মানন্দের লেশ বা কণামাত্র পাইয়া জীবিত থাকে ও আনন্দিত হয়। (বৃহদাঃ ৪।৩।৩২)

সংস্করণ :—৩।২।২৬ সূত্রের আলোচনায় ভাগবতের ১০।৮৬।৩৩ শ্লোক,
এবং ৩।৩।৬ সূত্রের আলোচনায় ভাগবতের ১০।৩৩।৩৬ শ্লোক উদ্ধৃত করিয়া

লীলা। মাহাত্ম্য প্রচার করিবার চেষ্টা করিয়াছ। কিন্তু প্রথমতঃ দেখ যে, শ্বেতাশ্বতর শ্রুতির ৬৮ মন্ত্রাংশ স্পষ্ট বলে যে, তাঁহার কার্য নাই এবং করণও নাই। যদি তাঁহার কার্য নাই তবে লীলা কি প্রকারে সম্ভব হইতে পারে? লীলা, কার্য, কৰ্ম, ক্রিয়া, ইহারা ত এক পর্যায়ভুক্ত শব্দ। সুতরাং, শ্রুতি মন্ত্রানুসারে তাঁহার কার্য সম্ভব না হওয়ায়, তাঁহার লীলা সম্ভব নয়। **দ্বিতীয়তঃ** যদিও তর্কের প্রসঙ্গে লীলা সম্ভব বলিয়া স্বীকার করিলাম, তাহা হইলেও, লীলা কখনও একা একা সম্পন্ন হয় না। উহা সম্পন্ন করিতে পিতা, মাতা, সখা, সখী, দাস, মিত্র, শত্রু, লীলার স্থান, বসন, ভূষণ, আয়ুধাদির প্রয়োজন হয়। তিনি নিজে যেন নিত্য, সর্বব্যাপী। কিন্তু তাঁহার লীলার পরিকর, ধাম, আয়ুধ, ভূষণ প্রভৃতি ত আর সেরূপ নহে। যদি সেরূপ না হয়, তাহা হইলে উহারা উৎপত্তিমান, এবং সে কারণ, বিনাশশীল বলিতে হইবে। যদি উৎপত্তি বিনাশশীল হয়, তবে ত অনিত্য। এবং যদি অনিত্য হয়, তবে তাহা ভূত, বর্তমান ও ভবিষ্যৎ সমুদায় উপাসকগণের শ্রোতব্য, কীর্তিতব্য, স্মৃতব্য বলিয়া উপদেশ দেওয়া শাস্ত্রে কি প্রকারে সম্ভব হইতে পারে? **তৃতীয়তঃ**, যদি বল লীলা নিত্য, তাহা হইলে একই যশোদা অনন্তকাল ধরিয়া শিশু কৃষ্ণকে স্তন্য পান করাইবেন, একই সপ্তবর্ষীয় শিশু শ্রীকৃষ্ণ চিরকাল গোবর্দ্ধন পর্বত ধরিয়া দণ্ডায়মান থাকিবেন, একই কিশোর কৃষ্ণ অনন্তকাল রাসলীলা করিতে থাকিবেন, একই পার্থ-সারথি অনন্তকাল কুরুক্ষেত্র সমরে অশ্ব সঞ্চালন করিবেন, এবং সময়ও অনন্তকাল ধরিয়া চলিবে—এ সমুদায় কি প্রকারে সম্ভব হয়? ইহারা সম্ভব স্বীকার করা, উন্নতের পক্ষেই সম্ভব হইতে পারে। **চতুর্থতঃ**, আরও দেখ, যদি একই লীলা অনন্ত কাল ধরিয়া চলিতে থাকে, তাহা হইলে, তাহা সাধকের অনুরক্তি অপেক্ষা বিরক্তি উৎপাদনের কারণ হইবে না কি?

এই সমুদায় আপত্তির উত্তরে সূত্রকার সূত্র করিলেন :—

সূত্রঃ—৩।৩।১০।

• সর্বাভেদাদন্যত্রেমে ॥ ৩।৩।১০ ॥

সর্ব + অভেদাৎ + অন্যত্র + ইমে ॥

সর্ব :—সমুদায়—ধাম, ভূষণ, আয়ুধ, পরিকর (পিতা, মাতা, সখা, সখী, বন্ধু, মিত্র, শত্রু প্রভৃতি)। **অভেদাৎ** :—স্বরূপ হইতে অভেদ হেতু। **অন্যত্র** :—অন্য স্থানে বা অন্য লীলায় বা অন্য কালে। **ইমে** :—ইহারা।

দেখ, শ্রীভগবানের লীলা দুই প্রকার—প্রথম প্রকার, স্বরূপ ধামে, মায়া প্রপঞ্চের বাহিরে। দ্বিতীয় প্রকার—মায়াশক্তি বিস্তারে, সৃষ্টিাদি কার্যে। প্রপঞ্চের বাহিরে স্বরূপ ধামের যে লীলা, তাহারাই উপাসনার অঙ্গ স্বরূপ—শ্রোতব্য, কীর্তিতব্য, স্মৃতব্য ইত্যাদি—ইহাই শাস্ত্রের উপদেশ। মায়া শক্তি বিস্তারে যে সৃষ্টিাদি কার্য—তাহারা অনিত্য বটে, এবং তাহারা উপাসনার অঙ্গভূত নহে। স্বরূপ ধাম—নিত্যধাম—যেমন স্বরূপের হানি, ব্যত্যয় বা বৈলক্ষণ্য অসম্ভব, সেইরূপ স্বরূপ ধামেরও হানি, ব্যত্যয় বা বৈলক্ষণ্য অসম্ভব। উহা প্রপঞ্চের বাহিরে অবস্থিত। সেখানে দেশ কালের প্রভাব নাই। বস্তু, দেশ ও কালগত পরিচ্ছেদ নাই। প্রপঞ্চে বা প্রপঞ্চের বাহিরে সর্বত্র শ্রীভগবানই “একমেবাদ্বিতীয়ম্” বটে, কিন্তু প্রপঞ্চ মধ্যে উহা অবিচ্ছিন্নাবে আবৃত হওয়ায় উহার স্বতঃ স্মরণ নাই, উপাসনায উক্ত তত্ত্ব অধিগম্যব্য হইতে পারে, কিন্তু প্রপঞ্চের বাহিরে, স্বরূপ ধামে উহা স্বতঃ উদ্ভাসিত, সেখানে অবিচ্ছিন্ন সংস্পর্শ মাত্র নাই, সেখানে সকলেই অপরোক্ষভাবে ভগবান হইতে অভেদত্ব অনুভব করেন। সেখানে ধাম, ভূষণ, আয়ুধ, পরিকর, পিতা, মাতা, সখা, সখী, গোপ, গোপী, গো, বৎস, বন্ধু, মিত্র, শত্রু প্রভৃতি সমুদায়ই তাঁহা হইতে একান্ত অভেদ। সকলেই সচ্চিদানন্দময়। স্বরূপ শক্তির বিকাশে, উহারা ভগবানের স্বরূপ হইতে প্রকটিত হইয়া, ভগবানের আনন্দানুভবের সহকারিতা করেন। শ্রুতি বলেন, তিনি “সর্বরস”, তিনি “রসস্বরূপ”। তিনি “জ্ঞানস্বরূপ” “বিজ্ঞানময়ন” হইলেও যেমন “সর্বজ্ঞও” বটে, সেইরূপ তিনি “সর্বরস” ও “রসস্বরূপ” হইলেও “সর্বরসে রসিক”—রস উপভোগও করিয়া থাকেন। এই রস উপভোগের জন্য আপনাকেই নানা ভাগে বিভক্ত করিয়া ধাম, পরিকর, আয়ুধ, ভূষণ, গোপ, গোপী, সখা, সখী, গো, গোবৎস, মিত্র, শত্রু প্রভৃতি রূপ প্রকটন পূর্বক সর্বপ্রকার রস উপভোগ করিয়া থাকেন। সুতরাং তিনি নিত্য বলিয়া এ সমুদায়ও নিত্য। উপরে ‘নানা ভাগে বিভক্ত করিয়া’ বলায়, মনে করিও না যে, বাস্তবিক প্রপঞ্চগত বিভাগের ন্যায় পূর্ণত্বের হানি হয়। ভাষায় ব্যক্ত করিবার জন্য ঐ প্রকার বলা ভিন্ন উপায় নাই।

৩।২।২৬ সূত্রের আলোচনায় বৃহদারণ্যক শ্রুতির ৫।১।১ মন্ত্র এবং ভাগবতোক্ত নারদের দ্বারকা দর্শন উপাখ্যান (১০।৬২।১১-২০-২৬)—প্রতিপাদন করিতেছে যে, অনন্তে সমুদায় সম্ভব। অতএব, অনন্তের পক্ষে এককালে অসংখ্য মূর্ত্তি পরিগ্রহণে পূর্ণত্বের হানি হয় না। পূর্ণ হইতে পূর্ণ বাহির করিয়া লইলে অবশেষ পূর্ণই থাকে। বিশেষতঃ দেশ-কাল-বস্তু পরিচ্ছেদ বর্তমান না থাকায়, পূর্ণত্বের

হানির কোন কারণই বর্তমান নাই। অবশ্যই মানবের ভাষায় এই প্রকার বলা ভিন্ন উক্ত তত্ত্ব কথঞ্চিৎ প্রকাশ করিবার উপায় নাই। নতুবা, পূর্ণ, চিরকাল পূর্ণ, অনন্ত মূর্ত্তি প্রকটন পূর্ণের পক্ষে কিছুমাত্র অসম্ভব নহে। উক্ত ৩২।২৬ শ্লোকের আলোচনায় আমরা বুঝিয়াছি যে, অনন্ত+অনন্ত=অনন্ত এবং অনন্ত-অনন্ত=অনন্ত। অনন্তের এই বিশেষ ধর্মের কারণ চির পূর্ণের পূর্ণত্বের হানির কোনও অবকাশ নাই। শ্রীমদ্ভাগবতের ১০।১৪।১৮ শ্লোকে ব্রহ্মা বলিতেছেন :—
প্রভো ! এইমাত্র তুমি ত একাকীই ছিলে, আবার পরক্ষণেই আমাকে সমুদায় ব্রজবাসী, স্ত্রী ও বৎসরূপ দেখাইলে, তাহার পরেই তাহাদের সকলকেই চতুর্ভুজ রূপে দর্শন করিলাম। সঙ্গে সঙ্গেই সেই চতুর্ভুজগণ তত সংখ্যক ব্রহ্মাণ্ডে পরিণত হইল, এখনই আবার অদ্বয় ব্রহ্মরূপে তুমি একাকীই আছ দেখিতেছি। কি অদ্ভুত !!! ১০।১৪।১৮ শ্লোকটি ৩২।১৪ শ্লোকের শ্রীমদ্ বলদেব কৃত আলোচনায় (পৃঃ ১২৬৮) উদ্ধৃত হইয়াছে।

৩২।২৬ শ্লোকের আলোচনায় উদ্ধৃত ভাগবতের ১০।১৪।২৮ শ্লোকে ব্রহ্মাই বলিতেছেন :—তোমার তত্ত্ব তুমি অনুগ্রহ করিয়া না জানাইলে, কেহ চিরকাল জ্ঞান বিচার দ্বারা জানিতে সমর্থ হয় না। শ্রুতিও এই কথা বলিয়াছেন— (মুণ্ডক ৩।২।৩)। মন্ত্রটি ৩২।২৪ শ্লোকের শিরোদেশে উদ্ধৃত হইয়াছে। ভগবান্ নিজেই ব্রহ্মাকে বলিতেছেন যে—আমার বাহ্য স্বরূপ, যাদৃক সত্ত্ব, আমার যে সকল রূপ, আমার গুণ ও কর্ম যেরূপ, আমার অনুগ্রহে—এ সকলের যথার্থ জ্ঞান তোমার এখনই হউক। ভাগঃ ২।২।৩১

যাবানহং যথাভাবো যদ্রূপগুণকর্মকঃ ।

তথৈব তত্ত্ববিজ্ঞানমস্ত তে মদনুগ্রহাৎ ॥ ভাগঃ ২।২।৩১

তাঁহার অনুগ্রহ না হইলে, তাঁহার লীলার তত্ত্বে প্রবেশ করা অসম্ভব। তবে মানব বুদ্ধিমান ও বিচারশীল জীব, বুদ্ধি ও বিচারে যতটুকু জানা যায়, ততটুকু জানিতে চেষ্টা না করিয়া থাকিতে পারে না।

• আরও দেখ, পর, অপর, ভূত, বর্তমান, ভবিষ্যৎ, নিত্য-অনিত্য ইহারা সকলেই ক্রমাবচ্ছিন্ন ও আপেক্ষিক। প্রপঞ্চের অন্তর্গত বস্তুতে ইহারা প্রযোজ্য। প্রপঞ্চের বাহিরে নিরপেক্ষ বস্তুতে, যেখানে কালগত পরিচ্ছিন্নতা নাই, সেখানে ইহারা প্রযোজ্য নহে, এবং তাঁহার সম্বন্ধে ইহাদের প্রসঙ্গের অবতারণার অবকাশও নাই। এক-অনেক, অংশ-বিভাগ ইহারাও দেশ ও বস্তুগত পরিচ্ছিন্নতার উপর নির্ভর করে। প্রপঞ্চের ভিতরে আমরা ইহাদের সহিত পরিচিত। প্রপঞ্চের অতীত বস্তুতে ইহারা প্রযোজ্য নহে। অংশ, বিভাগও

তাই। সুতরাং, উহারা কেহই প্রপঞ্চের বাহিরে দেশ-কাল-বস্তু-পরিচ্ছেদের অতীত বস্তুতে প্রযোজ্য নহে।

তুমি আপত্তি উত্থাপন করিতে পার, ভগবান ত আত্মারাম ও আশুতাম। তিনি যখন স্বরূপে অবস্থান করেন, তখন আনন্দ উপভোগের জন্ত স্বরূপ হইতে ধাম, পরিকর, বসন, ভূষণ, আয়ুধ, বন্ধু, শত্রু প্রভৃতি প্রকটনের কারণ কি? আত্মারামের আত্মারামত্বের ব্যত্যয় কি-মধ্যে মধ্যে সংঘটিত হয়? তাহা হইলে ত উহার অনিত্যত্ব প্রসঙ্গ উপস্থিত হয়। ইহার উত্তরে বলিব যে, তিনি স্বরূপ ধামে লীলা, নিজের আনন্দ উপভোগের জন্ত করেন না। তাঁহার একান্ত ভক্তগণ সংসারাবর্ত হইতে বিমুক্ত হইয়া, তাঁহার পার্শ্বদরূপে, তাঁহার পরমপদে স্থান প্রাপ্ত হইলে, ভগবান তাঁহাদিগকে আনন্দদানের জন্ত লীলা প্রকটন করেন। আরও উদ্দেশ্য এই যে, আনন্দময়ের আনন্দ অনুভবের পদ্ধতি কিরূপ, তাহার প্রতিচ্ছবি প্রপঞ্চ জগতে সংসার তাপ, রোগ, যন্ত্রণা ক্লিষ্ট জনগণের সমক্ষে আদর্শ ও পরম ভেষজরূপে প্রকটিত করণ। উক্ত প্রতিচ্ছবি সাধারণ ভক্ত, সাধক বা মুক্তগণের দ্বারা অঙ্কিত হইবার নহে। এজন্য ভগবান পূর্ণরূপে শ্রীকৃষ্ণ মূর্তিতে মর্ত্যধামে আগমন করতঃ এবং নিত্য লীলায় সহায়ক ও সহায়িকাগণকে গোপ গোপীরূপে মর্ত্যশরীরে প্রকটিত করিয়া বৃন্দাবনে উক্ত নিত্য লীলার প্রতিচ্ছবি অঙ্কিত করিয়া রাখিয়া গিয়াছেন। এই প্রতিচ্ছবি দর্শনে, মননে, স্মরণে, সেবনে, বন্দনে ত্রিতাপক্লিষ্ট জনগণ পরম শান্তি লাভ করিতে পারে।

আবার, তুমি যে বলিয়াছ যে, তাঁহার করণ নাই এবং কার্য্যও নাই, এবং তাহার পোষকে শ্বেতাশ্বতর শ্রুতির ৬৮ মন্ত্রাংশ প্রমাণ স্বরূপ উপস্থিত করিয়াছ, ইহার উত্তরে শিরোদেশে উদ্ধৃত উক্ত শ্রুতিরই ৩১৬ মন্ত্র প্রমাণ স্বরূপ উপস্থিত করিলাম। এই দুই মন্ত্র একসঙ্গে গাঠ করিলে স্পষ্ট বুঝবে যে, তাঁহার স্বগত ভেদ নাই বলিয়া, জীবের গায় তাঁহার ইন্দ্রিয়রূপ পৃথক্ প্রত্যঙ্গে বিশেষ জ্ঞান কেন্দ্রীভূত ভাবে নাই। তিনি স্বরূপে যাহা, তাঁহার ইন্দ্রিয়ও তাহাই, কার্য্যও তাহাই—সমুদায় সর্বব্যাপী, সৎ, নিত্য ও আনন্দময়! উহাদের পার্থক্যমাত্র নাই। শ্রুতিতে “কার্য্য নাই” বলিবার উদ্দেশ্য এই যে, আমাদের পরিচিত ঐতমূলক কর্ম্ম, অঐতম তত্বে বর্তমান নাই।

তোমার আপত্তিতে প্রথমতঃ ও দ্বিতীয়তঃ বলিয়া যে সমুদায় যুক্তি উত্থাপন করিয়াছিলে, তাহার খণ্ডন হইল ত? এখন তৃতীয়তঃ যাহা বলিয়াছ, তাহার উত্তরও উপরে দিয়াছি। কালের প্রভাব সেখানে বর্তমান নাই। সুতরাং, ‘চিরকাল’ ‘অনন্তকাল’ প্রভৃতি শব্দ সেখানে প্রযোজ্য নহে। আর অনন্তের পক্ষে

এক সময়ে অনন্ত যুক্তি ধারণ করিলেও অনন্তত্বের, পূর্ণত্বের হানি হয় না, ইহা উপরে বলা হইয়াছে ও ৩২।২৬ সূত্রে প্রতিপাদিত হইয়াছে। চতুর্থতঃ যে বলিয়াছ, লীলা অনন্তকাল ধরিয়া এক রূপ হইতে থাকিলে, উহাতে উপাসকের অনুরক্তি না হইয়া বিরক্তি হওয়াই স্বাভাবিক। এ উক্তি সত্য পরিবর্তনশীল সংসার চক্রের উপর স্থাপিত, অজ্ঞানাঙ্কন আমাদের পক্ষে স্বাভাবিক বটে। আমরা প্রতি ক্ষণে ক্ষণে পরিবর্তন লক্ষ্য করিয়া জন্ম জন্ম অতিবাহন করায়, আমাদের মনঃ বুদ্ধি প্রভৃতি এ ভাবে গঠিত হইয়াছে যে, বিভেদ না দেখিতে পাইলে, আমরা স্বস্থ হইতে পারি না। কিন্তু বাস্তবিক পক্ষে, উহা আমাদের মনের রোগ মাত্র। যদি তাহা না হইবে, তবে সাধকগণ সর্বস্ব পরিত্যাগ করিয়া, এক নিত্য, শাস্ত, অপরিবর্তনীয় তত্ত্বে মনঃ সংযোগ করিবেন কেন? শাস্ত্রে দ্বৈত দর্শনে ভয় এবং অদ্বৈতে অভয় প্রতিষ্ঠায় উপদেশের বাহুল্য কেন? প্রকৃত পক্ষে, যাহা নিত্য ও সত্য, তাহার কোনও পরিবর্তন নাই, তাহা এক অদ্বৈত ভিন্ন দ্বৈত হইতে পারে না। এই অদ্বৈত জ্ঞানই পরমানন্দ লাভের হেতু। তৈত্তিরীয় শ্রুতি ২।৭ মন্ত্রে বলিয়াছেন “এষ হ্যেবানন্দয়াতি”—ইনিই সকলকে আনন্দিত করেন। “যদা হ্যেবৈষ এতস্মিন্দুরমন্তরং কুরুতে—অথ ভস্য ভয়ং ভবতি।”—অল্পমাত্র ভেদদৃষ্টি ভয়ের কারণ। অতএব প্রতিপাদিত হইল যে, অনন্তকাল একরূপ লীলা, উপাসকের বিরক্তির কারণ হইতে পারে না, যদিও আমাদের অজ্ঞানাঙ্কন দৃষ্টিতে ঐরূপ প্রতীয়মান হইতে পারে।

আরও দেখ, যাহার আনন্দের কণা মাত্র পাইয়া জীব ও জগৎ আনন্দে বিভোর, যে আনন্দের কণা পাইবার জগৎ আমাদের মনঃ ক্ষণে ক্ষণে বিষয় হইতে বিষয়াস্তরে ধাবমান হইতেছে, সেই আনন্দময়ের যে কোনও লীলা আনন্দের প্রস্রবণ ছুটাইয়া দেয়—তাহাতে বিরক্তির কারণ হইতে পারে না। ভক্তগণের অনুভূতিই ইহার সাক্ষ্য প্রদান করে। এই আনন্দের জগুই ভক্ত প্রার্থনা করেন ১—

কামং ভবঃ স্ববৃজ্জিনৈর্নিরয়েষু নস্তা-

• চেতোলিবদ্ যদি হু তে পদয়ো রমেত ।

বাচশ্চ নস্তলসীবদ্ যদি তেহজ্জিব শোভাঃ

• পূর্যোত তে গুণগণৈর্ঘদি কর্ণরজ্জ্বঃ ॥

৩।১।১৬ শ্লোকের আলোচনায় (পৃ: ১২০২) ইহার অর্থ দেওয়া হইয়াছে।

ব্রহ্মাও ভগবানের নিকট প্রার্থনা করিয়াছিলেন :—

তদন্তু মে নাথ ! স ভুরিভাগো

ভবেহত্র বাহ্যত্র তু বা তিরশ্চাম ।

যেনাহমেকোহপি ভবজ্জনানাং

ভূত্বা নিষেবে তব পাদপল্লবম্ ॥

ভাগঃ ১০।১৪।৩০

—হে নাথ ! এই ব্রহ্মাজন্মে বা অন্য জন্মে বা অন্য কোনও তিৰ্য্যক যোনিতেও জন্ম গ্রহণ করিয়া, তোমার জঁনগণের মধ্যে একজন ক্ষুদ্রাদপি ক্ষুদ্র হইয়া, তোমার পাদ পল্লব সেবা করিতে পারি, এই প্রকার মহৎ সৌভাগ্য আমার হউক, তাহা প্রার্থনা করি । ভাগঃ ১০।১৪।৩০

অতএব, বিরক্তি ত দূরের কথা, ইহা হইতে পরম অনুরক্তিই প্রকাশ পাইতেছে ।

এখন দেখ, তিনি “সর্বরস”, “রসস্বরূপ”, “আনন্দময়” বলিয়া অতীত, বর্তমান ও ভবিষ্যৎকালে যত প্রকার, যত সংখ্যক, যতভাবে, যত ভাবুক, যত রসের রসিক, এবং যে প্রকারও যত পরিমাণ আনন্দের প্রার্থী ভক্ত, হইয়াছিল, আছে, হইবে বা হইতে পারে, তাহারা যদি তাহাদের সমুদায় ভাবের সমুদায় রসের, সমুদায় প্রকারের ও পরিমাণের আনন্দ-আকাঙ্ক্ষার পরিণতি তাঁহার কাছে না পায়, তবে তাঁহার রস-স্বরূপ, আনন্দময় নামে পরিচিত হইবার সার্থকতা কি ? শ্রুতি ও স্মৃতিতে তাঁহার উপাসনার উপদেশ নিরর্থক হইয়া যায় । সকল প্রকার ভক্তের সর্বকালে সর্বপ্রকার আকাঙ্ক্ষা নিবৃত্তির জন্মই তাঁহার রূপ পাকটন ও লীলা প্রকাশ । এই প্রকার রূপভাবনায় ও লীলা আশ্বাদনে সমুদায় প্রকার ভক্তের সকল প্রকার আকাঙ্ক্ষার পরিতৃপ্তি ও নিবৃত্তি ঘটে । অন্য কোনও প্রকার সুখ ভোগে সে প্রকার পরিতৃপ্তি হয় না । একান্ত ভক্ত স্বর্গভোগ, ব্রহ্মপদলাভ, সার্বভৌম সম্রাট পদ উপভোগ, রসাতলের

আধিপত্য, যোগদ্বারা অষ্ট সিদ্ধি লাভ, এমন কি মোক্ষ পর্যন্তও তাঁহাকে ছাড়িয়া প্রার্থনা করেন না ।

ন নাকপৃষ্ঠং ন চ পারমেষ্ঠ্যং

ন সার্বভৌমং ন রসাধিপত্যম্ ।

ন যোগসিদ্ধীরপুনর্ভবং বা

সমঞ্জস ত্বা বিরহস্য কান্তেক ॥ ভাগঃ ৬।১।২৩

তাঁহার পাদপদের রজঃ কণা প্রাপ্তিই পরম লাভ মনে করেন :—

ন নাকপৃষ্ঠং ন চ সার্বভৌমং

ন পারমেষ্ঠ্যং ন রসাধিপত্যম্ ।

ন যোগসিদ্ধীরপুনর্ভবং বা

বাঞ্ছন্তি যৎপাদরজঃ প্রপন্নাঃ ॥ ভাগঃ ১০।১৬।৩৭

সেই লীলাময় নিজেই যখন ধাম, পরিকর, আয়ুধ, ভূষণ সমুদায়, তখন সূত, ভবিষ্যৎ, বর্তমান, যে কোনও কালের যে কোনও ভাবের ভাবুক, যে কোন রসের রসিক, ভক্তের নিকট যে কোনও রূপে প্রকটিত হওয়া, সেই এক, অদ্বিতীয়, স্বগত ভেদ হীন, অনন্ত, সর্বব্যাপী, রসরাজ, আনন্দ স্বরূপ লীলাময়ের পক্ষে অসম্ভব বা অসঙ্গত নহে । প্রত্যুতঃ, সর্বতোভাবে সম্ভব ও সঙ্গত । উহার সকলেই নিত্য । ভগবান নিত্য, ধাম নিত্য, পরিকরাদি নিত্য, লীলা নিত্য, ভক্ত নিত্য, ভক্তের আনন্দ উপভোগও নিত্য ।

আচ্ছা লীলা যদি নিত্য হইল, তবে শ্রীকৃষ্ণ আবির্ভূত হইয়া গত দ্বাপরের শেষে বৃন্দাবনে যে রাসলীলার অভিনয় করিয়াছিলেন, তাহা এখনও প্রতিদিন প্রপঞ্চে অভিনীত হইতেছে না কেন? ইহার উত্তরে সিদ্ধান্তবাদী বলিতেছেন :—দেখ, তোমার মতে সমগ্র প্রপঞ্চ কি আমাদের এই ক্ষুদ্র পৃথিবীটি লইয়া । জড় বিজ্ঞান ও জ্যোতিষশাস্ত্রও বলে যে বিশ্বে অনন্ত ব্রহ্মাণ্ড বর্তমান । পৃথিবীর নিদর্শনে, প্রত্যেক ব্রহ্মাণ্ডে জীব আছে, ইহা সহজেই অনুমেয় । পৃথিবীর নিদর্শনে, এই সকল জীব নানা স্তরে বর্তমান । যে সমুদায় প্রাকৃতিক কারণে আমাদের পৃথিবীতে কৃষাবতারের প্রয়োজন হইয়াছিল, সেই সকল প্রাকৃতিক কারণ, যে ব্রহ্মাণ্ডে যখন সংঘটিত হইবে, তখনই ভগবান কৃষ্ণমূর্তিতে আবির্ভূত হইয়া সমুদায় লীলার অভিনয় করিবেন । স্মতরাং ব্রহ্মাণ্ডের সংখ্যা

যখন অনন্ত, কাল অনন্ত এবং ভগবান অনন্ত, তখন কোনও না কোনও প্রকারে কৃষ্ণাবির্ভাবের প্রয়োজনীয় কারণ সকল চক্রমিত্রমে নিয়তই ঘটতেছে, সে কারণ প্রপঞ্চে ভগবানের লীলার অভিনয় নিয়তই চলিতেছে। স্বরূপ ধামে লীলা নিত্য, ইহা বলা বাহুল্য, সেখানে দেশ-কাল-বস্তু পরিচ্ছেদ নাই। দেশ-কাল-বস্তু পরিচ্ছিন্ন প্রপঞ্চাস্তর্গত বিভিন্ন ব্রহ্মাণ্ডেও লীলা নিত্য চলিতেছে, বুঝা গেল। শ্রীকৃষ্ণলীলা সম্বন্ধে যাহা বলা হইল, রামলীলা, নৃসিংহ দেবের অবতার গ্রহণ প্রভৃতি সম্বন্ধেও উহা সমভাবে প্রযোজ্য। অতএব প্রপঞ্চেও লীলা নিত্য, বুঝা গেল নাকি ?

[৩৩৫ সূত্র হইতে ৩৩৯ঃ সূত্র পর্যন্ত সূত্রগুলির ব্যাখ্যা শ্রীমন্ মধ্বাচার্য্য, বল্লাভাচার্য্য ও বলদেব সম্মত। উহা ভাগবতের মতের সহিত ঐক্য হওয়ায়, গৃহীত হইল।]

৬। আনন্দাত্ত্বিকরণ ॥

ভিত্তি :—

- ১। “রসো বৈ সঃ ।” (তৈত্তিঃ ২।৭) ।
—তিনি রস স্বরূপ । (তৈত্তিঃ ২।৭) ।
- ২। “আনন্দো ব্রহ্মেতি ব্যজানাৎ ।” (তৈত্তিঃ ৩।৬) ।
—ব্রহ্ম আনন্দ স্বরূপ, ইহা জানিয়াছিলেন । (তৈত্তিঃ ৩।৬)
- ৩। “সর্বং খন্দিৎ ব্রহ্ম ।” (ছান্দোগ্যঃ ৩।১৪।১) ।
—এই পরিদৃশ্যমান সমুদায় নিশ্চিত ব্রহ্ম । (ছাঃ ৩।১৪।১) ।
- ৪। “সর্বমিদমভ্যাত্তঃ ।” (ছান্দোগ্যঃ ৩।১৪।৪) ।
—সর্ব জগৎব্যাপী (ছাঃ ৩।১৪।৪) ।
- ৫। “ঐতদাত্ম্যমিদং সর্বম্ ।” (ছান্দোগ্যঃ ৬।৯।৪)
—এই সমস্ত জগৎ তদাত্মক । (ছাঃ ৬।৯।৪) ।
- ৬। “বিজ্ঞানময়ঃ ।” (বৃহদারণ্যকঃ ৪।৪।২২) ।
- ৭। “বিজ্ঞানমানন্দং ব্রহ্ম ।” (বৃহদারণ্যকঃ ৩।৯।২৮) ।
—ব্রহ্ম বিজ্ঞান ও আনন্দ স্বরূপ । (বৃহঃ ৩।৯।২৮)
- ৮। “বিজ্ঞানঘনঃ ।” (বৃহদারণ্যকঃ ২।৪।১২) ।

•

সংশয় :—উপরে যে সকল শ্রুতি মন্ত্রাংশ উদ্ধৃত হইয়াছে, ঐ সকলে ব্রহ্মের বিভিন্ন গুণের নির্দেশ বিভিন্ন শ্রুতিতে আছে । কোথাও তিনি রস স্বরূপ, কোথাও আনন্দ স্বরূপ, কোথাও সর্বব্যাপী, কোথাও সর্বাশ্রয়, কোথাও বিজ্ঞানময়, কোথাও তিনি বিজ্ঞান ও আনন্দস্বরূপ, কোথাও বিজ্ঞানঘন বলিয়া উল্লেখ রহিয়াছে, এখন প্রশ্ন এই যে, এই গুণ সমূহ—সমুদায় উপাসনায় উপসংহারকরিতে হইবে, অথবা যে যে প্রকরণে যে যে গুণের উল্লেখ আছে, সেখানে সেইগুণটিই গৃহীত হইবে, অগুণগুলি হইবে না ? ইহার উত্তরে সূত্র :—

সূত্র :—৩।৩।১১ ।

আনন্দাদয়ঃ প্রধানশ্চ ॥ ৩।৩।১১ ॥

আনন্দাদয়ঃ + প্রধানশ্চ ॥

আনন্দাদয়ঃ :—আনন্দ প্রভৃতি । প্রধানশ্রু :—প্রধানের বা ব্রহ্মের ।

পূর্ব সূত্র হইতে “সর্বভেদাৎ” অহুগত হইতেছে, বৃষ্টিতে হইবে । সমুদায় উপাসনা ব্রহ্মোপাসনা হেতুক অভেদ বলিয়া, সমুদায় ব্রহ্ম গুণ, সমুদায় উপাসনায় উপসংহার করিতে হইবে । কারণ, প্রধানভূত গুণী, উক্ত গুণ সমুদায় হইতে অপৃথক্ হওয়ার উপসংহার কর্তব্য ।

...পরম । ভজন্তি যে পদমজ্জস্মুখানুভবম্ ॥ ভাগঃ ১০।৮৭।১৬

অজস্ম স্মুখানুভবং পদম্—অখণ্ডানন্দানুভবং স্বরূপম্ । (শ্রীধর)

—হে পরম ! অখণ্ডানন্দানুভবরূপ তোমার স্বরূপ ভজনা করেন ।

ভাগঃ ১০।৮৭।১৬

সত্যজ্ঞানানন্তানন্দমাত্রৈকরসমূর্ত্তয়ঃ ।

অস্পৃষ্টভূরিমাহাত্ম্যা অপি ছ্যপনিষদৃশাম্ ॥ ভাগঃ ১০।১৩।৫৪

অববোধরসৈকাত্ম্যানন্দমনুসন্ততম্ ॥ ভাগঃ ৪।১৩।৭

—ইহাদের অর্থ ১।১।১৩ সূত্রের আলোচনায় (পৃঃ ৪২০-৪২১) দেওয়া হইয়াছে ।

জ্ঞানবিজ্ঞান নিধয়েব্রহ্মণেহনন্তশক্তয়ে । ভাগঃ ১০।১৬।৩৬

—ইহার অর্থ ১।১।৩ সূত্রের আলোচনায় (পৃঃ ২৬২) দেওয়া হইয়াছে ।

সর্বং ত্বমেব সগুণো বিগুণশ্চ ভূমন্

নাশ্চত্বদস্ত্যপি মনো বচসা নিরুক্তম্ ॥ ভাগঃ ৭।৯।৪৭

—হে ভূমন্ ! স্থূল, সূক্ষ্ম সকলি আপনি, মনঃ ও বাক্য দ্বারা প্রকাশিত কোন বস্তু আপনা হইতে ভিন্ন নাই । ভাগঃ ৭।৯।৪৭

অতএব প্রতিপাদিত হইল যে, উক্ত গুণ সমুদায় উপসংহার কর্তব্য ।

ভিত্তিঃ—

“তস্মাদ্বা এতস্মাদ্বিজ্ঞানময়াৎ, অতোহস্তুর আত্মানন্দময়ঃ, তেনৈষ পূর্ণঃ । স বা এষ পুরুষবিধ এব । তস্য পুরুষবিধতাম্ । অধ্বয়ং পুরুষবিধঃ । তস্য প্রিয়মেব শিরঃ । মোদো দক্ষিণঃ পক্ষঃ । প্রমোদ উত্তরঃ পক্ষঃ । আনন্দ আত্মা । ব্রহ্ম পুচ্ছং প্রতিষ্ঠা ।”

(তৈত্তিরীয় ২।৫) ।

—এই বিজ্ঞানময় হইতে ভিন্ন এবং উহার অন্তরে বর্তমান আনন্দময়, যাহার দ্বারা বিজ্ঞানময় পূর্ণ । এই আনন্দময়ও পুরুষাকার, বিজ্ঞানময়ের গায় । প্রিয়ই তাহার শিরঃ, মোদ দক্ষিণ পক্ষ, প্রমোদই বাম পক্ষ, আনন্দ আত্মা এবং ব্রহ্মই পুচ্ছ এবং প্রতিষ্ঠা । (তৈত্তিরীয় ২।৫) ।

সংশয়ঃ—পূর্ব সূত্রানুসারে যখন ভিন্ন ভিন্ন শ্রুত্যান্ত গুণগুলি ব্রহ্মে উপসংহরণীয় বলিয়া সিদ্ধান্ত করিয়াছ, তখন তৈত্তিরীয় শ্রুতির ২।৫ মন্ত্রে উল্লিখিত প্রিয় শিরঃ, মোদ দক্ষিণ পক্ষ, প্রমোদ বাম পক্ষ প্রভৃতিও উপসংহার কর্তব্য বলিয়া মনে হয় । এই সংশয় নিরসনের জন্ত সূত্রঃ—

সূত্রঃ—৩।৩।১২ ।

প্রিয়শিরস্ত্বাৎপ্রাপ্তিরূপচয়াপচয়ো হি ভেদে ॥ ৩।৩।১২ ॥

প্রিয়-শিরস্ত্বাৎপ্রাপ্তিঃ + উপচয়াপচয়ো + হি + ভেদে ॥

প্রিয়-শিরস্ত্বাৎপ্রাপ্তিঃ :—প্রিয়-শিরস্ত্ব প্রভৃতি ধর্মের অপ্রাপ্তি । উপ-চয়াপচয়ো :—হাস ও বৃদ্ধি । হি :—নিশ্চয়ে । ভেদে :—ভেদসত্ত্বে ।

ব্রহ্মের আনন্দাদি গুণের উপসংহার সত্ত্বেও “প্রিয় তাঁহার শিরঃ, মোদ দক্ষিণ পক্ষ, প্রমোদ বাম পক্ষ” ইত্যাদি তৈত্তিরীয় শ্রুতির ২।৫ মন্ত্রোক্ত প্রিয়শিরস্ত্বাদি গুণের প্রাপ্তি বা উপসংহার হইবে না । কারণ, সেগুলি ত ব্রহ্মগুণ নহে, উহার ব্রহ্মের পুরুষবিধত্বরূপ গুণেরই অন্তর্গত মাত্র, এবং সেগুলি রূপক কল্পনা মাত্র । আরও দেখ, শিরঃ, পক্ষ, পুচ্ছাদি অবয়ব ভেদ স্বীকার করিলে ব্রহ্মে উপচয়াপচয় অর্থাৎ বৃদ্ধিহাসের সম্ভাবনা উপস্থিত হইতে পারে, তাহা হইলে, ব্রহ্ম “সত্য জ্ঞান ও অনন্ত স্বরূপ” এ শ্রুতিবাক্যও বিরুদ্ধ হইয়া পড়ে । অতএব, উহার উপসংহার কর্তব্য নহে ।

অভীষ্ট বস্তুর দর্শনে যে আনন্দ—তাহা প্রিয়, উহার লাভে যে আনন্দ—তাহা মোদ এবং উহার ভোগে যে আনন্দ—তাহা প্রমোদ। ব্রহ্মে যখন স্বগত ভেদও প্রত্যাখ্যাত হইয়াছে, তখন শিরঃ, পক্ষ, পুচ্ছ প্রভৃতি রূপক মাত্র, ইহা স্পষ্ট বুঝা যাইতেছে। স্মৃতরাং রূপক বল্লনার উল্লিখিত গুণসকল স্বরূপগত না হওয়ায়, উপসংহার অকর্তব্য।

পুরুষবিধোহ্বয়োহত্র চরমোহন্নময়াদিষু যঃ

সদসত্যঃ পরং তুমথ যদেষুবশেষমৃতম্ ॥ ভাগঃ ১০।৮৭।১৭

—যিনি পুরুষাকারে অন্নময়, প্রাণময়, মনময়, বিজ্ঞানময় ও আনন্দময় কোশে অস্থিত হইলেও, যিনি উহাদের চরমে উহাদের ব্যক্তিরিক্ত সাক্ষীরূপে বর্তমান, এবং যিনি এই অন্নময়াদি কোশে অবশেষ, সত্য স্বরূপ—এই সকলই আপনি। ভাগঃ ১০।৮৭।১৭

ইহা হইতে বুঝা গেল যে, ব্রহ্ম অন্নময়াদি কোশে অস্থিত পুরুষবিধ হইতে বিলক্ষণ; উহাদের সাক্ষীরূপে অন্তরে বর্তমান এবং উহাদের চরম ও পরম সত্য স্বরূপ। অতএব উক্ত পুরুষবিধাকারে কথিত গুণসকল তাঁহাতে উপসংহরণীয় নহে।

ভিত্তিঃ—

- ১। “তস্মাদ্ধা এতস্মাৎ.....” । (তৈত্তিঃ ২।১) ।
—সেই তাঁহা হইতে । (তৈত্তিঃ ২।১)
- ২। “সৌহিকাময়ত.....” । (তৈত্তিঃ ২।৬) ।
—তিনি কামনা করিলেন..... । (তৈত্তিঃ ২।৬) ।
- ৩। “সত্যং জ্ঞানমনস্তং ব্রহ্ম” । (তৈত্তিঃ ২।১) ।
—সত্য, জ্ঞান, অনস্ত ব্রহ্ম । (তৈত্তিঃ ২।১) ।
- ৪। “আনন্দো ব্রহ্ম” । (তৈত্তিঃ ৩।৬) ।
—আনন্দ ব্রহ্ম । (তৈত্তিঃ ৩।৬) ।

সংশয়ঃ—ব্রহ্মের ঐশ্বর্য্য, গাভীর্য্য, ঔদার্য্য, কারুণ্য, ভক্তবাৎসল্য, সর্বত্র সমদৃষ্টি প্রভৃতি অসংখ্য গুণ বর্তমান আছে । উহাদের গণনা ব্রহ্মা, শিব প্রভৃতি করিতে পারেন না, তাহা তুমিই বলিয়াছ । তবে, উহাদের সকলের উপসংহার সম্ভব হইবে কিরূপে ? এই সংশয়ের উত্তরে সূত্রঃ—

সূত্রঃ—৩।৩।১৩ ।

ইতরে অর্থ-সামান্যং ॥ ৩।৩।১৩ ॥

ইতরে + তু + অর্থসামান্যং ॥

ইতরেঃ—অপর সমস্ত গুণ । তুঃ—সংশয় নিরসনে । অর্থসামান্যংঃ—ব্রহ্মপদার্থের সমানার্থক বলিয়া (শঙ্কর ও রামানুজ), মোক্ষপ্রাপ্তিরূপ ফলসাম্য বলিয়া (মধ্ব ও বলদেব) ।

• যে সমুদায় গুণ, ব্রহ্মের স্বরূপগত হওয়ায় তাঁহা হইতে অভেদ, এবং মোক্ষ-প্রাপ্তি যাহাদিগের ফল, তাহাদের উপসংহার কর্তব্য । এই সকল গুণ সর্বদেশে, সর্বকালে, সর্বাবস্থায়, সমুদায় ভক্তের মোক্ষ প্রাপ্তিরূপ একই ফল প্রদান করে ।

সত্য জ্ঞানমনস্তং যদব্রহ্মজ্যোতিঃ, সনাতনম্ ।

যদ্বি পশুস্তি মুনয়ো গুণাপায়ে সমাহিতাঃ ॥ ভাগঃ ১০।২৮।১৩

—মুনিগণ গুণাপায়ে সমাহিত হইয়া যাহা দর্শন করেন, সেই সত্য, জ্ঞান,

অনন্ত এবং সনাতন জ্যোতিঃ স্বরূপ ব্রহ্ম এবং ব্রহ্মলোক প্রদর্শন করিলেন ।

ভাগঃ ১০।২৮।১৩

একমাত্ৰা পুরুষঃ পুরাণঃ

সত্যং স্বয়ংজ্যোতিরনন্ত আত্মঃ ।

নিত্যোহক্ষরোহজস্রসুখো নিরঞ্জনঃ

পূর্ণোহদ্বয়ো মুক্ত উপাধিতোহমৃতঃ ॥

ভাগঃ ১০।১৪।২২

—১।১।১৩ সূত্রের আলোচনায় (পৃঃ ৪২০-৪২১) ইহার অর্থ দেওয়া হইয়াছে ।

পূর্বে বলা হইয়াছে যে, গুণোপসংহারের উদ্দেশ্য, ভিন্ন ভিন্ন উপাসনায় এবং ভিন্ন ভিন্ন উপাশ্রেণীতে ভেদ দৃষ্টি অপসারণ ও হৃদয়ে ব্রহ্মভাব জাগরণ । এ জন্ম ব্রহ্মে যত গুণ হওয়া সম্ভব বা অসম্ভব তাহাদিগের খুঁটিনাটি বিচারে মস্তিষ্ক আলোড়িত করা এবং সময়ক্ষেপণ কর্তব্য নহে । ইহা গুণোপসংহাররূপ অতি শ্রেয়স্কর উপদেশের অপব্যবহার ভিন্ন কিছুই নহে । যাহাতে বিভিন্ন প্রকারের উপাসনা—ব্রহ্মোপাসনা এবং বিভিন্ন উপাসনায় উপদিষ্ট উপাশ্রেণী ব্রহ্মই, এই ধারণা হৃদয়ে বদ্ধমূল হয়, তাহার জন্ম চেষ্টা করা সকল শ্রেয়ঃকামীর কর্তব্য ।

ভিত্তি :—

১। “আত্মানং রথিনং বিদ্ধি শরীরং রথমেব তু ।”

(কঠঃ ১।৩।৩)।

—শরীরকে রথ এবং আত্মাকে রথী বলিয়া জানিবে ।

(কঠঃ ১।৩।৩)

২। “ব্রহ্মবিদাপ্নোতি পরম্” । (তৈত্তিরীঃ ২।১)

—ব্রহ্মবিৎ পরতত্ত্ব প্রাপ্ত হন । (তৈত্তিরীঃ ২।১)।

সংশয় :—আগে যে বলিলে, যে তৈত্তিরীয় শ্রুতির ব্রহ্মানন্দ ব্রহ্মীতে ব্রহ্মকে পক্ষীরূপে কল্পনা করা হইয়াছে মাত্র, এবং উহার প্রিয়শিরস্বাদি গুণ ব্রহ্মগুণ নহে । পক্ষীরূপ কল্পনা করাতেই উহারা কথিত হইয়াছে । যদি ব্রহ্ম পক্ষীরূপী নহেন এবং প্রিয়শিরস্বাদি গুণ—ব্রহ্মগুণ নহে, তবে ও প্রকার কল্পনার কারণ কি ? যাহা যে প্রকার নহে, তাহাকে সেরূপ কল্পনা করিতে হইলে, নিশ্চয়ই কোনও রূপ প্রয়োজন থাকা আবশ্যিক হয় । যেমন কঠ শ্রুতির ১।৩।৩ মন্ত্রে শরীরকে রথ, ইন্দ্রিয়গণকে অশ্ব, বুদ্ধিকে সারথী প্রভৃতি কল্পনার উপদেশ আছে, উহার উদ্দেশ্য বুঝিতে পারি যে, উপাসক উক্ত রূপকের দ্বারা শরীর ইন্দ্রিয়াদিকে বশীভূত করিবার চেষ্টা করিবে । এখানে এমন কি প্রয়োজন, যে শ্রুতি পক্ষীরূপ কল্পনা করিলেন ? ইহার উত্তরে সূত্র :—

সূত্র :—৩।৩।১৪ ॥

আধ্যানায় প্রয়োজনাভাবাৎ ॥ ৩।৩।১৪ ॥

আধ্যানায় + প্রয়োজনাভাবাৎ ॥

আধ্যানায় :—উপসনার উদ্দেশ্যে । প্রয়োজনাভাবাৎ :—সেহেতু অণু কোন প্রয়োজন নাই ।

তৈত্তিরীয় শ্রুতিতে উপসনার উদ্দেশ্যে ব্রহ্মের পক্ষীরূপ কল্পনা করা হইয়াছে । কারণ, অণু কোনও প্রয়োজন নাই । তৈত্তিরীয় শ্রুতির ২।১ মন্ত্রে “ব্রহ্মবিদাপ্নোতি পরম্” বলিয়া ব্রহ্মবিদ্যা উপদেশের প্রকরণ আরম্ভ করিলেন, এবং “সত্যজ্ঞানমনস্তং ব্রহ্ম” বলিয়া ব্রহ্মের স্বরূপ নির্দেশ করিলেন । কিন্তু স্থূলবুদ্ধি বাহ্যদর্শী সাধক একেবারে ব্রহ্মের স্বরূপ উপলব্ধি করিতে অসমর্থ বিধায়, শ্রুতি দৃশ্যমান অল্পময় কোষ হইতে আরম্ভ করিয়া, তাহার অভ্যন্তরে প্রাণময়, তদভ্যন্তরে

মনোময়, তাহার ভিতর বিজ্ঞানময়, এবং সর্বশেষে আনন্দময় কোষের উপদেশ দিয়া, প্রত্যেক কোশে অবস্থিত পুরুষবিধরূপ নির্দেশ করতঃ তাহার শিরঃ, পক্ষাদি নির্দেশ করিতে করিতে, সাধকের বুদ্ধি ক্রমশঃ স্থূল হইতে সূক্ষ্ম, সূক্ষ্মতর, সূক্ষ্মতমে আনয়ন পূর্বক, তত্তৎ কোশে অধিষ্ঠাতার ধারণার শিক্ষা দিয়া, সর্বাভ্যন্তরস্থ পরমাআরও ঐ প্রকার পুরুষবিধ রূপ, এবং তাহার উপযোগী শিরঃ, পক্ষাদির নির্দেশ করিলেন। সাধককে স্থূল হইতে সূক্ষ্মতমে আনয়ন পূর্বক, তাহার বুদ্ধিকে পরমাআররূপ ধারণার উপযোগী করাই উদ্দেশ্য। স্মতরাং, স্পষ্ট বুঝা গেল যে, রূপক কল্পনা উপাসকের মঙ্গলের জন্তই শ্রুতি অবলম্বন করিয়াছেন। অন্য কোনও প্রয়োজন নাই।

ব্রহ্ম আআরাম, আপ্তকাম, নিরীহ, তিনি জীবের মঙ্গলের জন্তই নাম, রূপ ও গুণাদি ধারণ করিয়া বহুধা প্রকাশিত হন।

বিশ্বায় বিশ্বভবন স্থিতি সংযমায় স্মৈরংগৃহীতপুরুশক্তিগুণায় ভূয়ে।

স্বস্থায় শশ্বত্বপবুংহিত পূর্ণবোধ ব্যাপাদিতাত্মতমসে হরয়ে নমস্তে ॥

ভাগঃ ৮।১৭।৫

১।৩।২ সূত্রের আলোচনায় (পৃঃ- ৫৭২) ইহার অর্থ দেওয়া হইয়াছে।

তিনি নামরূপ রহিত হইয়াও নিজ ভক্তগণের মঙ্গলের এবং অল্পগ্রহের জন্ত বিবিধ নামরূপ গ্রহণ করেন। এই প্রসঙ্গে ৩।২।২৬ সূত্রের আলোচনায় উদ্ধৃত (পৃঃ ১৩৩৬) ভাগবতের ৬।৪।২৮ শ্লোক, এবং ৩।২।১৭ সূত্রের আলোচনায় উদ্ধৃত (পৃঃ ১২৮৩-৮৫) ১০।২।৩৫-৩৭, শ্লোকগুলি দ্রষ্টব্য।

তিনি ত আআরাম ও আপ্তকাম। তাঁহার নিজের ত কোনও প্রয়োজন নাই। কেবল ভক্তগণের ধ্যান ধারণার সৌকর্য্যার্থে তিনি নানা রূপে নানা লীলা করিয়া থাকেন। ইহা ৩।৩।৬ সূত্রের আলোচনায় উদ্ধৃত, ১০।১৪।১২, ১০।৩৩।৩৬ শ্লোকে প্রতিপাদিত হইয়াছে।

তিনি নানারূপে নানা গুণ পরিগ্রহ করিয়া অবতীর্ণ হন বলিয়া, যে প্রকার সাধক, যে কোনও প্রকারে মাধনা করেন, তাহা তাঁহারই উপাসনা। এই প্রসঙ্গে ৩।৩।২ সূত্রের আলোচনায় উদ্ধৃত (পৃঃ ১৩২২-২৩) ১০।৪।৪ হইতে ১০।৪।১০ শ্লোক দ্রষ্টব্য।

স্মতরাং, সাধকের ধ্যান-ধারণার সৌকর্য্যার্থে কৈস্তিরীয় শ্রুতিতে, তাঁহার পক্ষীরূপ কল্পনা করা হইয়াছে, ইহা সিক্ত হইল।

তীতিঃ—

“অন্যোহস্তর আত্মানন্দময়ঃ ॥” (তৈত্তিঃ ২।৫) ।

—অভ্যন্তরেস্থিত অন্ত—আনন্দময় আত্মা । (তৈত্তিঃ ২।৫)

সূত্রঃ—৩।৩।১৫ ।

আত্ম-শব্দাচ্চ ॥ ৩।৩।১৫ ॥

আত্ম-শব্দাৎ + চ ॥

আত্ম-শব্দাৎ :—আত্মশব্দের প্রয়োগ হেতু । চ :—ও ।

শিরোদেশে উক্ত শ্রুতি মন্ত্রাংশে “আত্ম” শব্দ প্রয়োগ থাকায় এবং আত্মার শিরঃ, পক্ষাদি থাকা অসম্ভব হেতু প্রিয়শিরস্তাদির প্রয়োগ ব্রহ্মবিষয়ে জ্ঞানোৎপত্তির সুবিধার জন্ত রূপক ভাবে করা হইয়াছে । অতএব, উহার ব্রহ্মের স্বাভাবিক গুণ নহে বলিয়া উপসংহরণীয় নহে ।

ভাগবত মতে পরমাত্মা, ভগবান্ ব্রহ্মই কৃষ্ণযুক্তিতে অবতীর্ণ হইয়াছিলেন । এজন্য, ‘আত্মা’ শব্দ তাঁহার সম্বন্ধে বহুল প্রয়োগ আছে, যথা :—

ইথমাআত্মানাআনং বৎসপালমিষেণ সঃ ।

পালয়ন্ বৎসপো বর্ষং চিত্রীড়ে বনগোষ্ঠয়োঃ ॥ ভাগঃ ১০।১৩।২৭

—এই প্রকারে স্বয়ং আত্মা শ্রীকৃষ্ণ বৎসপালকহলে আপনার দ্বারা আপনাকেই পালন করতঃ এক বৎসর যাবৎ বনে ও গোষ্ঠে ক্রীড়া করিলেন । ভাগঃ ১০।১৩।২৭

৩।৩।৬ সূত্রের আলোচনায় উক্ত ১০।২।২৩ শ্লোকে, ব্রহ্মা তাঁহাকে “অববোধ আত্মা”—জ্ঞানস্বরূপ আত্মা—বলিয়া স্তব করিতেছেন । ৩।২।২৩ সূত্রের আলোচনায় উক্ত ১০।৩।১৮ শ্লোকে (পূঃ—১২২৩) বহুদেব তাঁহাকে “সর্বাঅন আত্মবস্তুনঃ” বলিয়া, তাঁহার রহিরস্তর নাই, বলিতেছেন ।

যমলার্জুন পতিত হইলে তাহা হইতে উথিত সিদ্ধ পুরুষ তাঁহাকে ‘আত্মা’ বলিয়া নির্দেশ করিতেছেন :—

ত্বমেকঃ সর্বভূতানাং দেহাস্বাত্মৈন্দ্রিয়েশ্বরঃ । ভাগঃ ১০।১০।৩০

—তুমিই সর্বভূতের দেহ, প্রাণ, আত্মা, ইন্দ্রিয়গণের ঈশ্বর ।

ভাগঃ ১০।১০।৩০

৩৩।১৩ সূত্রের আলোচনায় উক্ত ১০।১৪।২২ শ্লোকে ব্রহ্মা তাঁহাকে “একমাত্মা” বলিয়া স্তুব করিতেছেন। ১০।১৪।৫৫ শ্লোকে শুকদেব গোস্বামী মহারাজ পরীক্ষিতকে বলিতেছেন :—“কৃষ্ণমেনমবেহি ত্বমাত্মানং অখিলাত্মনাম্”—কৃষ্ণকে অখিল দেহীর আত্মা বলিয়া জান।

গোবর্দ্ধন ধারণের পর হতগর্ভ ইন্দ্র স্তুব করিতেছেন :—“সর্ববৈশ্ব সর্ববীজায় সর্বভূতাত্মনে নমঃ”। ভাগঃ ১০।২৭।১১।—আপনি জগদ্রূপ, সমুদায়ের আদিকারণ এবং সর্বভূতের আত্মা। আপনাকে নমস্কার। ভাগঃ ১০।২৭।১১

আর বিস্তারের প্রয়োজন নাই। শ্রীকৃষ্ণ যে স্বয়ং ভগবান্, তাহা প্রকাশ করিবার জন্য, তিনি ‘আত্মা’ বলিয়া অভিহিত হইয়াছেন। তৈত্তিরিঃ শ্রুতিতে আনন্দময় কোষের অভ্যন্তরে অবস্থিত যিনি, তাঁহাকে ‘আত্মা’ বলিয়া শ্রুতি প্রকাশ করায়—তিনি পরমাত্মা, ব্রহ্ম বা ভগবান্।

ভিত্তিঃ—

- ১। “অগ্নোহস্তর আত্মা প্রাণময়ঃ ।” (তৈত্তিঃ ২।২) ।
—অপর একটি অস্তরস্থ আত্মা—প্রাণময় । (তৈত্তিঃ ২।২) ।
- ২। “অগ্নোহস্তর আত্মা মনোময়ঃ ।” (তৈত্তিঃ ২।৩)
—অপর একটি অস্তরস্থ আত্মা—মনোময় । (তৈত্তিঃ ২।৩) ।
- ৩। অগ্নোহস্তর আত্মা বিজ্ঞানময়ঃ । (তৈত্তিঃ ২।৪)
—অপর একটি অস্তরস্থ আত্মা—বিজ্ঞানময় । (তৈত্তিঃ ২।৪) ।
- ৪। অগ্নোহস্তর আত্মানন্দময়ঃ । (তৈত্তিঃ ২।৫) ।
—অপর একটি অস্তরস্থ আত্মা—আনন্দময় । (তৈত্তিঃ ২।৫) ।

সংশয়ঃ—তৈত্তিঃ শ্রুতির ২।৫ মন্ত্রে যেমন ‘আত্মা’ শব্দের প্রয়োগ আছে, সেইরূপ ২।২, ২।৩, ২।৪ মন্ত্রাংশেও ‘আত্মা’ শব্দের প্রয়োগ আছে । ইহাতে এই সমুদায় ‘আত্মা’ শব্দ যে পরমাত্মাকেই নির্দেশ করিতেছে, ইহার নিশ্চয়তা কি ? জীবাত্মাকেও তা নির্দেশ করিতে পারে । বিশেষতঃ, প্রাণময়, মনোময়, বিজ্ঞানময় প্রভৃতি বিশেষণ তা জীবাত্মাতেই প্রযোজ্য । ইহার উত্তরে সূত্রঃ—

সূত্রঃ—৩।৩।১৬ ।

আত্মগৃহীতিরিতরবৎস্তরাৎ ॥ ৩।৩।১৬ ॥

আত্মগৃহীতিঃ + ইতরবৎ + উত্তরাৎ ॥

আত্মগৃহীতিঃ ঃ—পরমাত্মার গ্রহণ । **ইতরবৎ** ঃ—যেমন অগ্নজ, অগ্ন্য শ্রুতিতে । **উত্তরাৎ** ঃ—বাক্যশেষ হইতে ।

অগ্ন্য শ্রুতিতে ‘আত্মা’ শব্দ পরমাত্মাকেই নির্দেশ করে, যেমন—“আত্মা বা ইদমেক এবাগ্র আসীৎ...স ঐক্ষত লোকান্নু সৃজা ইতি ॥” (ঐতরেয় ১।১।১)—এই জগৎ উৎপত্তির পূর্বে একমাত্র আত্মারূপেই ছিল, সেই আত্মা ইচ্ছা করিলেন, লোক সমূহ সৃষ্টি করিব । “আত্মৈবেদমগ্র আসীৎ পুরুষবিধঃ...” (বৃহদারণ্যক, ১।৪।১)—লোক সৃষ্টির পূর্বে এই সকল পুরুষাকার আত্ম স্বরূপেই ছিল ।

এই দুই শ্রুতি প্রমাণ হইতে স্পষ্ট প্রতীতি হইবে যে, ‘আত্মা’ শব্দ পরমাত্মাকেই নির্দেশ করে ।

আবার, তৈত্তিরি শ্রুতির ২।৫ মন্ত্রের পরের মন্ত্রেই স্পষ্ট উল্লেখ রহিয়াছে—
 “লোকাময়ত—বহুশ্রাং প্রজায়ের”—তিনি কামনা করিলেন, আমি বহু
 হইব, জন্মিব। এই উক্তরবাক্য হইতে স্পষ্ট বুঝা যাইতেছে যে, তৈত্তিরি
 ২।৫ মন্ত্রের ‘আত্মা’ অগৎকারণ পরমাত্মাই। উক্ত শ্রুতির ২।২, ২।৩ ও ২।৪ মন্ত্রে
 উক্ত “আত্মা”, ২।৫ মন্ত্রে কথিত “আত্মা” হইতে পৃথক নহে।

শ্রীমদ্ভাগবতে বহু স্থানে “আত্মা” শব্দে পরমাত্মাই লক্ষ্য, ইহার স্পষ্ট উল্লেখ
 আছে :—

আত্মা হ্যেকঃ স্বয়ংজ্যোতির্নিত্যোহন্তো নিগুণো গুণৈঃ ।

আত্মসৃষ্টৈস্তৎকৃতেষু ভূতেষু বহুধেয়তে ॥

খং বায়ুর্জ্যোতির্যাপো ভূস্তৎকৃতেষু যথাশয়ম্ ।

আবিস্তিরোহন্নভূর্যোকো নানাভূং যাত্যসাবপি ॥

ভাগঃ ১০।৮৫।২২-২৩

—স্বয়ং জ্যোতিঃ স্বরূপ এই এক আত্মাই স্বীয় সৃষ্ট গুণ দ্বারা উৎপাদিত
 এই দেহ সকলে বহুপ্রকার হইবে। কিন্তু স্বরূপতঃ তিনি নিত্য ও নিগুণ।
 আত্মা এইরূপ অবিকৃত হইয়াও, আকাশ, বায়ু, জ্যোতিঃ, জল ও পৃথিবী
 এবং তৎকৃত বিকার প্রভৃতিতে নানারূপে আবির্ভূত হইবে।

ভাগঃ ১০।৮৫।২২-২৩

এখানে আত্মা যে পরমাত্মা, তাহা স্পষ্ট। আর অধিক উদ্ধারের
 প্রয়োজন নাই।

ভিত্তি :—

“তস্মাদ্ভা এতস্মাদাত্মন আকাশঃ সম্ভূতঃ ।” (তৈত্তিরিঃ ২।১।৩)

—সেই এই আত্মা হইতে আকাশ সম্ভূত হইত । (তৈত্তিরিঃ ২।১।৩)

সংশয় :—অন্যত্র শ্রুতিতে ‘আত্মা’ শব্দে পরমাত্মা নির্দেশ করা হইতে পারে, হউক, তাহাতে আপাততঃ আপত্তি নাই । কিন্তু আমি পূর্বনৃত্তে যে আপত্তির উত্থাপন করিয়াছিলাম, তাহার নিরসন হইল না । প্রাণময়, মনোময় সমুদায় জড় । তাহাদের সম্পর্কে আত্মার উল্লেখ তৈত্তিরিঃ শ্রুতির ২।২ ও ২।৩ মন্ত্রে করা হইয়াছে । আবার, বিজ্ঞানময়—চিৎকণ জীব—তাহার সম্পর্কেও আত্মার উল্লেখ ২।৪ মন্ত্রে করা হইয়াছে । অতএব, ‘আত্মা’ জীবাত্মাই হইবে, পরমাত্মা কি প্রকারে হইবে ? উত্তরবাক্যে “তিনি কামনা করিলেন, বহু হইব, জন্মিব”— ইহা মাত্র সন্তোষকর নহে । ইহার উত্তরে সূত্র :—

সূত্র :—৩।৩।১৭ ।

অশ্বয়াদিত্তি চেৎ, স্মাদবধারণাৎ ॥ ৩।৩।১৭ ॥

অশ্বয়াৎ + ইতি + চেৎ + স্মাৎ + অবধারণাৎ ॥

অশ্বয়াৎ :—সম্বন্ধ হেতু, প্রাণময় মনোময়াদি অনাত্ম পদার্থ সম্বন্ধ হেতু ।
ইতি :—ইহা । **চেৎ :**—যদি বল । **স্মাৎ :**—হইতে পারে । **অবধারণাৎ :—** অবধারণ হইতে ।

দেখ, তৈত্তিরিঃ শ্রুতির ব্রহ্মানন্দ বলীর উপক্রমেই বলা হইয়াছে, “সেই আত্মা হইতে আকাশ সম্ভূত হইল”—সেখানে যে ‘আত্মা’ শব্দে “পরমাত্মা”, নিশ্চিত-রূপে অবধারিত, তাহাতে সন্দেহ নাই । তারপর উত্তর পদেও “সোহকাময়ত বহুস্মাৎ প্রজায়েয়”—তিনি কামনা করিলেন, বহু হইব, জন্মিব—ইহাও যে পরমাত্মা, তাহাও নিশ্চিতরূপে অবধারিত । আত্মা শব্দের লক্ষ্য নিশ্চিতরূপে উপক্রম ও উপসংহারে অবধারিত হওয়ায়, মধ্যেও যে আত্মা শব্দের উল্লেখ আছে, তাহাও যে উক্ত লক্ষ্য পরমাত্মাকেই নির্দেশ করিতেছে, তাহাতে সন্দেহ কি ? অতএব তৈত্তিরিঃ ২।২, ২।৩, ২।৪, ২।৫ মন্ত্রে ব্যবহৃত আত্মা শব্দের পরমাত্মাই লক্ষ্য ইহা প্রতিপাদিত হইল ।

বিশেষতঃ, অরুদ্রতীক্ষ্ণায়, যেমন অল্প ব্যক্তিকে একেবারে অরুদ্রতী 'চেনান' অসম্ভব হইলে, ক্রমশঃ দূরতর হইতে নিকট, নিকটতর ও নিকটতম তারার সাহায্যে উহা চিনাইয়া দিতে হয়, সেইরূপ বাহির্গুণ স্থূলদর্শী সাধককে একেবারে ব্রহ্মবিজ্ঞান শিক্ষা দেওয়া অসম্ভব হওয়ায়, দৃশ্যমান অল্পময় কোশ হইতে আরম্ভ করিয়া, ক্রমশঃ অস্তর, অস্তরতর ও অস্তরতম—প্রাণময়, মনোময় ও বিজ্ঞানময় কোশের অস্তরস্থ আত্মার উল্লেখ করিয়া সকলের অস্তরতম আনন্দময় কোশের উল্লেখ করিলেন। তাহার অস্তরে, আর কোনও কোশ না থাকায়, তাহাই পরিসমাপ্তি। সুতরাং, তাহার অভ্যস্তরস্থ আত্মা যে পরমাত্মা, তাহাতে আর সন্দেহ কি? উপক্রম, উপসংহার ও অভ্যাস (পুনঃ পুনঃ উল্লেখ) ইত্যাদি হইতেই তাৎপর্য নির্ণয় করিতে হয়। অতএব, ইহা সূক্ষ্মরূপে প্রতিপাদিত হইল যে, আনন্দময় কোশ সম্বন্ধে উল্লিখিত আত্মা পরমাত্মাই।

এই প্রসঙ্গে ৩।৩।১২ সূত্রের আলোচনায় উদ্ধৃত ভাগবতের ১০।৮৭।১৩ শ্লোক দ্রষ্টব্য। সেখানে স্পষ্টই উল্লেখ আছে, “ত্বমথ যদেতদবশেষমুত্তম”। অর্থ সেইখানেই দেওয়া আছে।

৭। কার্য্যাখ্যানাধিকরণ ॥

ভিত্তি —

১। “আত্মেত্যেবোপাসীত ।” (বৃহদাঃ ১।৪।৭) ।

—আত্মা রূপেই উপাসনা করিবে । (বৃহঃ ১।৪।৭) ।

২। “মাতা পিতা ভ্রাতা নিবাসঃ শরণং সূহৃৎ গতির্নারায়ণো—।”

(স্বেবালোপনিষৎ—৬)

—নারায়ণই মাতা, পিতা, ভ্রাতা, নিবাস (আশ্রয় স্থান), শরণ, সূহৃৎ ও গতি । (স্বেবাল ৬) ।

৩। “পিতাহমশ্রু জগতো মাতা ধাতা পিতামহঃ ।” (গীতাঃ ৯।১৭)

“গতির্ভর্তা প্রভুঃ সাক্ষী নিবাসঃ শরণঃ সূহৃৎ ।

প্রভবঃ প্রলয়ঃ স্থানং নিধানং বীজমব্যয়ম্ ॥”

(গীতাঃ ৯।১৮)

—আমি এই জগতের পিতা, মাতা, সর্বকল বিধাতা ও পিতামহ ।
আমিই গতি (কর্মফল), ভর্তা, প্রভু, সাক্ষী, নিবাস, শরণ, সূহৃৎ,
প্রভব (স্রষ্টা), প্রলয় (সংহর্তা), স্থান (আধার), নিধান (লয়স্থান),
বীজ (কারণ), এবং এই সমুদায় হইয়াও অব্যয় । (গীঃ ৯।১৭-১৮)

সংশয় :—বৃহদারণ্যক শ্রুতির ১।৪।৭ মন্ত্রে “আত্মা” রূপে উপাসনা করিবার উপদেশ আছে । আবার স্বেবালোপনিষদে তিনিই মাতা, পিতা, নিবাস, শরণ, সূহৃৎ, গতি বলিয়া নির্দেশ আছে । গীতাও উহার প্রতিধ্বনি ৯।১৭ ও ৯।১৮ শ্লোকে করিয়াছেন । উপাসকের মধ্যেও অনেকে দাস্ত্রভাবে, সখ্যভাবে, বাৎসল্য ভাবে, শাস্ত্রভাবে উপাসনা করিয়া থাকেন । সেজন্য, তাঁহারা, তাঁহাদের উপাস্ত ভগবানকে কেহ প্রভু, কেহ সখা, কেহ পুত্রকন্যা, কেহ বা পিতামাতা, কেহ বা নিবাস ও শরণ এবং কেহ বা একমাত্র গতি বলিয়া উপাসনা করিয়া থাকেন । তাঁহাদের ঐ প্রকার উপাসনায় বৃহদারণ্যক শ্রুতির ১।৪।৭ মন্ত্রাংশের সহিত বিরোধ উপস্থিত হয় । অতএব, সন্দেহ হইতেছে যে, ভগবানকে পিতা, মাতা, সখা, প্রভু, নিবাস, শরণ, গতি প্রভৃতি রূপে উপাসনা করা উচিত কিনা ? বৃহদারণ্যক শ্রুতির উক্ত মন্ত্রাংশের বলে, উচিত নয় বলিয়াই মনে হয় । ইহার উত্তরে সূত্রকার সূত্র করিলেন :—

সূত্র :—৩।৩।১৮।

কার্য্যাখ্যানাদপূর্বম্ ॥ ৩।৩।১৮ ॥

কার্য্য + আখ্যানাৎ + অপূর্বম্ ॥

কার্য্য :—ফল, মোক্ষ (উক্তরূপ উপাসনার ফল মোক্ষই)। **আখ্যানাৎ :**—কখন হেতু। **অপূর্বম্ :**—পিতা, মাতা, সখা, স্নহৎ, প্রভু, ভর্তা প্রভৃতি রূপে উপাসনা, যাহা পূর্বে অমুক্ত আছে, তাহাদেরও উপসংহার করিতে হইবে।

পিতা, মাতা, সখা, স্নহৎ, প্রভু, ভর্তা, নিবাস, শরণ, গতি প্রভৃতি রূপে উপাসনা পূর্বে অমুক্ত থাকায়, উহারা যদিও “অপূর্ব”—কিন্তু ঐ সকল প্রকার উপাসনার ফল “আত্মা” রূপে উপাসনার ফলের ত্রায় মোক্ষ, ইহা শাস্ত্রে বর্ণিত হওয়ায়, উহাদেরও উপসংহার করণীয়। ঐ ঐ প্রকারে ভগবানের ধ্যান ধারণা করিলে পরম পুরুষার্থ লাভ হইয়া থাকে। শ্রুতিতেও উক্ত আছে :—

ভাবগ্রাহমনীড়াখাং ভাবাভাবকরং শিবম্ ।

কলাসর্গকরং দেবং যে বিদ্বন্তে জহন্তুম্ ॥ (শ্বেতাশ্বতরঃ ৫।১৪) ।

—তিনি ভাবগ্রাহ, নাম ও শরীররহিত, সৃষ্টি ও প্রলয়-কারণ, আনন্দৈকরস, প্রাণ হইতে নাম পর্যন্ত (৩।২।৩৩ সূত্র) ষোড়শ কলার স্রষ্টা দেব অর্থাৎ প্রকাশস্বরূপ। যাহারা তাঁহাকে এরূপ জানেন, তাঁহারা শরীর সম্বন্ধ পরিত্যাগ করেন, অর্থাৎ, আর তাঁহাদের জন্ম হয় না, সংসার নিবৃত্ত হয়, মোক্ষ প্রাপ্তি হয়। (শ্বেতাঃ ৫।১৪)

অতএব, তিনি “ভাবগ্রাহ” বলিয়া, যে উপাসক তাঁহাকে যে ভাবেই উপাসনা করুন না কেন, যদি ভাব গাঢ় হয়, তবে উপাসনার সার্থকতা করতলগত। সূতরাং, পিতা, মাতা, প্রভু, ভর্তা, সখা, স্নহৎ প্রভৃতি যে কোনও ভাবে তাঁহাকে উপাসনা করা হউক না কেন, ফল একই।

শ্রীমদ্ভাগবতে স্পষ্টই উল্লেখ আছে যে, আমি যাহাদিগের আত্মবৎ প্রিয়, পুত্রের ত্রায় স্নেহ-ভাজন, সখাতুল্য বিশ্বাসের আশ্রয়, গুরুসদৃশ উপদেষ্টা, স্নহৎসম হিতকারী, ইষ্টদেব তুল্য পূজনীয়, অর্থাৎ যাহারা আমাকে সর্বাপেক্ষা প্রিয়, হিতকর, কল্যাণকামী জানেন সর্বতোভাবে আমাকে ভজনা করে, আমার

কালচক্র কি কখনও তাহাদিগকে গ্রাস করিতে সমর্থ হয়? কালের প্রভাব তাহাদিগে স্পর্শে না। ভাগঃ ৩।২৫।৩৫

ন কৰ্হিচিন্মৎপরাঃ শাস্তুরূপে

নজ্ঞ্যস্তি নো মেহনিমিষো লোঢ়ি হেতিঃ ।

যেবামহং প্রিয় আত্মা সূতশ্চ

সখা গুরুঃ সূহৃদো দৈবমিষ্টম্ ॥ ভাগঃ ৩।২৫।৩৫

ত্বং সৰ্বলোকশ্চ সূহৃৎ প্রিয়েশ্বরো হ্যাত্মা গুরুজ্ঞানমভীষ্টসিদ্ধিঃ ।

ভাগঃ ৮।২৪।৩১

—তুমিই সমস্ত লোকের সূহৃৎ, প্রিয়, ঈশ্বর, আত্মা, গুরু, জ্ঞান ও অভীষ্ট-সিদ্ধি স্বরূপ। ভাগঃ ৮।২৪।৩১

সূহৃৎ প্রেষ্ঠতমো নাথ আত্মা চায়ং শরীরিণাম্ । ভাগঃ ১১।৮।৩৪

—ইনিই দেহধারীগণের প্রিয়তম আত্মা, নাথ ও সূহৃৎ। ভাগঃ ১১।৮।৩৪

বৃহদারণ্যক শ্রুতিতে মৈত্রেয়ী ব্রাহ্মণে যাজ্ঞবল্ক্য-মৈত্রেয়ী সংবাদে আত্মা সৰ্বাপেক্ষা প্রিয় এবং ইতর বস্তুজাতের প্রিয়ত্ব—আত্মা সম্পর্কেই—ইহা বিস্তারিত ভাবে প্রতিপাদিত হইয়াছে। সূতরাং শ্রুতিতে আত্মভাবে উপাসনা করিবার উপদেশের স্পষ্ট অভিপ্রায় এই যে ১। উপাস্তকে আত্মার গায় প্রিয়তম ভাবিয়া উপাসনা করা কর্তব্য। ২। উপাস্তকে উপাসনা করিবার অন্য খুঁজিয়া বেড়াইতে হইবে না, তিনি “আত্মার আত্মা”রূপে হৃদয়-গুহার বর্তমান। ৩। শ্রুতির উদ্দেশ্য নহে যে, তাঁহাকে পতি, পিতা, মাতা, সখা, সূহৃৎ প্রভৃতি রূপে উপাসনার প্রতিষেধ করা। যদি ভগবানকে ঐ সকল ভাবে আত্মার গায় প্রিয়তম রূপে উপাসনা করিতে পারা যায়, তাহা হইলে দোষ ত নাই, অন্য পক্ষে উক্ত ভাব সকল সংসারে স্থিত উপাসকগণের স্ব স্ব অনুভূতি হইতে জাত বলিয়া, বিশেষ উজ্জল ও জীবন্ত, একারণ অধিক ফলপ্রদ। ৪। অর্থাৎই তদ্ব, বৈত প্রতীক্ষ্যে উপাসনার প্রয়োজনীয়, এ কারণ পরমতত্ত্বকে আত্মভাবে উপাসনা করিবার উপদেশ। ভগবান “ভাববন্ধু”—যিনি যে ভাবেই তাঁহাকে ভজনা করুন না কেন, তিনি ভাবমাত্রই গ্রহণ করেন। অন্তর্ধ্যামীর কাছে কোনও ভাব ত অগোচর থাকে না। ভাব গাঢ় হইলে, তিনি ভাবানুধারী রূপ, উপাসকের হৃদয়ে প্রকটিত করেন।

এই প্রসঙ্গে ২।৪।১৫ সূত্রের আলোচনায় উদ্ধৃত ১২।৮।৩৪ শ্লোক (পৃ: ১১২১), ১।২।৩০ সূত্রের আলোচনায় (পৃ: ৫৪২) উদ্ধৃত ৩।২।১১ শ্লোক দ্রষ্টব্য। বাহ্যলভয়ে উহাদের পুনরুদ্ধার করা হইল না।

এই সূত্রে আলোচ্য তত্ত্ব পূর্বে ৩।২।২৪ সূত্রের আলোচনা প্রসঙ্গে করা হইয়াছে। এখানে আর বিস্তারের প্রয়োজন নাই। ভক্তির দ্বারাই তিনি লভ্য। যে যে ভাবে তাঁহাকে ভক্তি করুন না কেন, অন্তর্ধ্যামী তাহা সম্পূর্ণভাবে অবগত হইয়া, ভক্তির তারতম্যানুসারে যথোচিত বিধান করেন। শুধু নাম লইয়া বৃথা বাগ-বিতণ্ডা না করিয়া, যাহা নিঃশ্রেয়স প্রাপ্তির একমাত্র উপায়, সেই ভক্তিদেবীর শরণাগত হওয়া উচিত। কোনও প্রকার উপাসনা বিফলে যায় না। হৃদয়ে যে পরিমাণের, যে প্রকার শক্তির কম্পন বা ভাব উৎপন্ন হয়, তাহা সর্বব্যাপী, সর্ববিৎ পরমাত্মতত্ত্বে তৎক্ষণাৎ সংক্রামিত হয়। তড়িৎ শক্তির ক্রিয়ার স্থায় এ ক্রিয়া অবিরত চলিতে থাকে এবং প্রতিস্পন্দন অবিরত আসিয়া উপাসকের বুদ্ধিবৃত্তিকে স্পন্দিত, উত্তেজিত ও গঠিত করিতে থাকে। লক্ষ লক্ষ পূর্ব পূর্ব জন্মের সঞ্চিত মলিনতা বুদ্ধিবৃত্তিকে দৃঢ়ভাবে আবরিত করিয়া রাখিয়াছে বলিয়া, প্রতিস্পন্দন অনুভূত হয় না বটে; কিন্তু ধারাবাহিক অবিচ্ছিন্ন প্রচেষ্টা মলিনতা ক্রমশঃ অপসারিত করিবেই করিবে। এ সকল বিষয় পূর্ব পূর্ব সূত্রালোচনায় একাধিকবার বলা হইয়াছে। অতএব ভাবই মূল বস্তু, এবং তাহা ধারাবাহিক ভাবে, অবিচ্ছিন্ন তাঁহার দিকে প্রেরণ কর্তব্য। তিনি সর্বময়। তাঁহাকে পিতা, মাতা, সখা, স্নহৃৎ, প্রভু, ভর্তা যাহাই বল, সমুদায়ই প্রযোজ্য। এ সমুদায় অনুকূল ভাবের আলম্বন। যাহারা প্রতিকূল ভাবের ভাবুক, তাহাদের অধিকার নিম্নতর বলিয়া মনে করিও না। উচ্চতর অধিকারী না হইলে ভগবানের প্রতি শত্রু বা দ্বেষ্য ভাব পোষণ করিতে পারে না। পুরাণে জয় বিজয়ের উপাখ্যান ইহা প্রতিপাদন করে। প্রতিকূলভাব পোষণে এবং তাহার পরিণতিতে প্রাপ্তি পরম পুরুষার্থ। তৃতীয় অধ্যায়ের ভূমিকায় উদ্ধৃত ভাগবতের ৭।১।২২ ও ৭।১।২৫ শ্লোক দুটি দ্রষ্টব্য। তাঁহার কাছে স্ব, পর, শত্রু, মিত্র কিছুই নাই। জীব তাঁহার উপাসনা করুক বা না করুক, তাহাতে তাঁহার কিছু মাত্র ক্ষতি বৃদ্ধি নাই। তিনি নিজের অন্ত

উপাসনা গ্রহণ করেন না । সাধক নিজের উপকারের জগুই তাঁহার উপাসনা করেন । নিজের মুখ চিত্রিত, শোভিত করিয়া দর্পণে দেখিলে, সুন্দর দেখায়, আবার মুখ বিকৃত করিয়া দর্পণের সম্মুখে দাঁড়াইলে বিকৃত মুখই দেখা যায়— ভগবানে উপাসনা এই প্রকারই । এই প্রসঙ্গে ভাগবতের নিম্নে উদ্ধৃত শ্লোকটির প্রতি দৃষ্টি আকর্ষণ করিয়া উপসংহার করিব :—

নৈবাঅনঃ প্রভুরয়ং নিজ্জলাভপূর্ণো

মানং জনাদবিহুষঃ করুণো বৃণীতে ।

যদ্ যজ্জনো ভগবতে বিদধীত মানং

তচ্চাত্মনে প্রতিমুখশ্চ যথা মুখশ্চীঃ ॥

ভাগঃ ৭।৯।১০

—২।৩।৪২ সূত্রের আলোচনায় (পৃঃ ১০৪৩) ইহার অর্থ দেওয়া হইয়াছে ।

৮। সমান্যাদিকরণ ॥

ভিত্তি :—

- ১। “সত্যং ব্রহ্মেত্যুপাসীত, অথ খলুক্ৰময়োহয়ং পুরুষঃ.....
..... স আত্মানমুপাসীত, মনোময়ং প্রাণশরীরং ভারুপং
সত্যসংকল্পমাকাশাত্মানম্ ॥” (শাণ্ডিল্য বিদ্যা—শুক্ল যজুঃ)
—সত্য সংজ্ঞক ব্রহ্মেরই উপাসনা করিবে। এই পুরুষ (জীবই)
নিশ্চয় ক্রতুময় অর্থাৎ সংকল্প প্রধান... .. যে লোক মনোময়, প্রাণ-
শরীর, জ্যোতির্ময়, সত্যসংকল্প ও আকাশাত্মক অর্থাৎ আকাশতুল্য
এই আত্মার উপাসনা করিবে। (শাণ্ডিল্য বিদ্যা—শুক্ল যজুঃ)।
- ২। “মনোময়োহয়ং পুরুষো ভাঃসত্যস্তস্মিন্নতুহুদয়ে যথা ত্রীহির্বা
যবো বা স এষ সর্বশ্যেশানঃ সর্বশ্রাধিপতি সর্বমিদং প্রশান্তি
যদিদং কিঞ্চ ॥” (বৃহদারণ্যকঃ ৫।৬।১)।
—সেই অস্ত্যঃকরণের অভ্যস্তরে জ্যোতিঃ ও সত্যস্বরূপ এই মনোময়
পুরুষ বর্তমান আছেন,—যেমন ত্রীহি বা যব তদ্রূপ। সেই এই পুরুষই
সকলকে বশীভূত রাখেন। সকলের শাসনকারী, সকলের
অধিপতি এবং এই যাহা কিছু আছে, তৎসমুদায়কে যথাযথরূপে
শাসন করেন। (বৃহদাঃ ৫।৬।১)।

সংশয় :—শুক্ল যজুর্বেদে কথিত শাণ্ডিল্য বিদ্যা ও বৃহদারণ্যক উপনিষদের
৫।৬।১ মন্ত্রে কথিত শাণ্ডিল্য বিদ্যা কি একই বিদ্যা বা বিভিন্ন বিদ্যা? উভয়
মন্ত্র পর্যালোচনা করিলে স্পষ্ট প্রতীতি হইবে যে, বৃহদারণ্যক শ্রুতিতে ঈশিত্ব,
বশিত্ব প্রভৃতি গুণ সকল অধিকভাবে বর্ণিত আছে। অতএব, উপাস্তের ভেদ
বশতঃ বিদ্যাভেদই বটে? ইহার সমাধানের জন্ত সূত্র :—

‘সূত্র’ঃ—৩।৩।১৯ ।

সমান এবং চাভেদাৎ ॥ ৩।৩।১৯ ॥

সমানঃ + এবং + চ + অভেদাৎ ॥

সমানঃ :—এক । এবং :—এইরূপে । চ :—ও । অভেদাৎ :—
ঐক্য হেতু ।

বৃহদারণ্যক শ্রুতিতেও যখন মনোময়, তারুপ, প্রাণশরীর (পুরুষ) প্রভৃতির
ঐক্য রহিয়াছে এবং তদতিরিক্ত ঈশিত্ব, বশিত্বাদি গুণসকল সত্যসংকল্পাদি
গুণ হইতে অভিন্ন, তখন স্বরূপগত ভেদ সিদ্ধ হইতেছে না ; উভয় বিচারই
ঐক্য সিদ্ধ হইতেছে । (শঙ্কর ও রামানুজ সম্মত) ।

[মধ্ব, বল্লভ ও বলদেব ৩৩।১৯ সূত্রের ব্যাখ্যা একটু অণ্ড প্রকারে
করিয়াছেন, তাহা নিম্নে প্রদত্ত হইল]

ভিত্তি :—

- ১। “আত্মতোষোপাসীত।” (বৃহদারণ্যকঃ ১।৪।৭)।
—আত্মরূপেই উপাসনা করিবে। (বৃহদাঃ ১।৪।৭)।
- ২। “আত্মানমেব লোকমুপাসীত।” (বৃহদাঃ ১।৪।১৫)।
—আত্মলোকের উপাসনা করিবে। (বৃহদাঃ ১।৪।১৫)।

- ৩। সৎ পুণ্ডরীক নয়নং মেঘাতং বৈছ্যাতাম্বরম্।
দ্বিভুজং জ্ঞানমুদ্রাত্যং বনমালিনমীশ্বরম্ ॥
গোপ-গোপী-গবাধীতং সুরক্রমলতাম্রিতম্।
দিব্যালঙ্করণোপেতং রত্নপঙ্কজমধ্যগম্ ॥
কালিন্দী জল কল্লোল সঙ্গি মারুত সেবিতম্।
চিন্তয়ঞ্জেতস্যা কৃষ্ণং মুক্তো ভবতি সংসৃতেঃ ॥

(গোপাল পূর্বতাপনী—১-২-৩।)

—সৎ পুণ্ডরীক নয়ন, মেঘাত, বিছ্যাং তুল্য অম্বর পরিহিত, দ্বিভুজ, জ্ঞানমুদ্রাধারী, বনমালী, ঈশ্বর, গোপ-গোপী ও গোগণ দ্বারা পরিবেষ্টিত, কল্লতরুতলে রত্নপঙ্কজ মধ্যে অবস্থিত, দিব্য অলঙ্কারে অলঙ্কৃত এবং কালিন্দী জলকল্লোল সংস্পর্শে শীতল ও মন্দ বায়ু দ্বারা সেবিত, শ্রীকৃষ্ণ মূর্তি চিন্তা করিলে সংসার হইতে মুক্ত হয়।

(গোঃ পূঃ তাঃ ১-২-৩)।

সংশয় :—এখানে স্পষ্টতঃ শ্রুতি বিরোধ উপস্থিত হইতেছে। ভগবদুপাসনা কি প্রকারে করিবে? বিশুদ্ধ আত্মা স্বরূপে করিবে? বা আত্মলোকের উপাসনা করিবে? অথবা, বিগ্রহ রূপে উপাসনা করিবে? আত্মা “সত্য জ্ঞানানন্তানন্দ স্বরূপ” বলিয়া তৈত্তিরীয় শ্রুতি উল্লেখ করিয়াছেন। অতএব উপাস্ত একরসই হওয়া উচিত। বিগ্রহে করচরণাদি ইন্দ্রিয় বর্তমান থাকায়, একরসের বিরুদ্ধভাব সহজেই অনুমেয়। স্বগত ভেদ ত স্পষ্টতঃ প্রতীয়মান। অতএব, বিগ্রহ উপাস্ত নহে, বিশুদ্ধ আত্মাই উপাস্ত, এই সিদ্ধান্ত করিতেই হয়। ইহার উক্তরে সূত্রকার সূত্র করিলেন :—

সূত্র :—৩।৩।১১ ।

সমান এবং চাভেদাৎ ॥ ৩।৩।১১ ॥

সমানঃ :—এক । এবং :—এই প্রকারে । চ :—ও । অভেদাৎ :—
অভেদ বা ঐক্য হেতু ।

স্বর্ণ প্রতিমায় যেমন প্রত্যেক অঙ্গ-প্রত্যঙ্গ অন্তরে বাহিরে স্বর্ণময়, অথচ, অঙ্গ প্রত্যঙ্গাদির পৃথক্ পৃথক্ প্রতীতি হইয়া থাকে, সেই রূপ উপাস্ত্র ভগবদ্ভি-
গ্রহেরও সমুদায় অঙ্গ-প্রত্যঙ্গ ধ্যান কালে পৃথক্ পৃথক্ প্রতীতি হইলেও, সমুদায় সচ্চিদানন্দময় । তাঁহার নেত্র শ্রোত্রাদি ইন্দ্রিয়, আত্মা হইতে ভিন্ন নহে । তাঁহার দেহ ও দেহী ভেদ নাই—ইহা ৩।২।১৬ সূত্রের আলোচনায় উল্লেখ করা হইয়াছে । এখানে উহা প্রত্যক্ষভাবে সূত্র দ্বারা প্রতিপাদিত হইল ।
বিগ্রহ চিন্তার ফল যে মোক্ষ প্রাপ্তি ইহা নিরোদেশে উক্ত গোপাল পূর্বভাপনী শ্রুতির ও মন্ত্রে স্পষ্ট কথিত হইয়াছে । আত্মোপাসনার ফলও মোক্ষ । সূত্রাং ফলের ঐক্য হেতু উভয় উপাসনা অভেদ সিদ্ধ হইল ।

শ্রীমদ্ভাগবতও বলিতেছেন যে, শ্রীকৃষ্ণ—বৎসপাল, সখা, বৎস প্রভৃতি রূপ ধারণ করিয়া বৎসরকাল ক্রীড়া করিলেন, উহারা সকলেই সচ্চিদানন্দস্বরূপ ।

সত্যজ্ঞানানিস্তানন্দমাত্রৈকরসমূর্তয়ঃ । ভাগঃ ১০।১৩।৫৪ ।

—সমগ্র শ্লোকটি ও উহার অর্থ ৩।৩।২ সূত্রের আলোচনায় (পৃঃ ১৩৯৩) দেওয়া হইয়াছে ।

ভাগবতে ১০।১৬।৩৬ শ্লোকে তাঁহাকে (শ্রীকৃষ্ণকে) “জ্ঞানবিজ্ঞান নিধয়ে, ব্রহ্মণেহনন্তশক্তয়ে” বলা হইয়াছে । জ্ঞান বিজ্ঞান নিধি—জ্ঞান ও চিন্তিতে পরিপূর্ণ; যেমন সমুদ্র জলনিধি, জলের একমাত্র আশ্রয় এবং জল তাহার স্বরূপ—সেই প্রকার শ্রীকৃষ্ণ জ্ঞান বিজ্ঞানের একমাত্র আশ্রয় এবং জ্ঞান বিজ্ঞানই তাঁহার স্বরূপ । যেমন সমুদ্রের মূর্ত্তি জল মাত্র, সেইরূপ শ্রীকৃষ্ণের মূর্ত্তি জ্ঞান-বিজ্ঞান । উহা প্রাকৃতিক মূর্ত্তি নহে । ব্রহ্মা স্তোত্র ১০।১৪।২১ শ্লোকে “দ্ব্যেব নিত্যসুখবোধভনৌ”—অর্থাৎ, নিত্য বা সত্য, সুখ-আনন্দ, এবং বোধ-জ্ঞান—ইহারাই তাঁহার শরীর—অর্থাৎ তিনি সচ্চিদানন্দময় । তাঁহার শরীরের সমুদায় অঙ্গ-প্রত্যঙ্গই সচ্চিদানন্দস্বরূপ ।

১।১।১৩ সূত্রের আলোচনায় (পৃ: ৪২০—৪২১) উদ্ধৃত ব্রহ্মসূত্রের ১০।১৪।২২ শ্লোকে শ্রীকৃষ্ণকেই আত্মা, পুরাণ পুরুষ, সত্য, স্বয়ংজ্যোতিঃ, অনন্ত, আন্ত, নিত্য, অক্ষয়, অজপ্রস্থ, নিরঞ্জন পূর্ণ, অদ্বয়, উপাধি হইতে মুক্ত, অমৃত বলিয়া উল্লেখ করা হইয়াছে। ঐ সমুদায় উল্লেখ একমাত্র পরমাত্মাতেই সম্ভব। সুতরাং, তাঁহার দৃশ্যমান বিগ্রহ থাকিলেও, ঐ বিগ্রহ তাঁহার একরস, আত্ম স্বরূপ হইতে ভিন্ন নহে। উভয়ে একান্ত অভেদ। ৩।২।১৪ সূত্রের আলোচনায়ও এ তত্ত্ব আলোচিত হইয়াছে। আর বিস্তারের প্রয়োজন নাই। দুর্বোধ্য বিষয় হৃদয়ঙ্গম করাইবার জন্য দয়ানু গুরু একই বিষয় একাধিকবার বলিয়া থাকেন, তাহাতে দোষ নাই।

(মধ্ব, বল্লভ ও বলদেব সম্মত) ।

পূর্বাভাষ :—

[ভগবান্ যেখানে সাক্ষাৎ স্বরূপে আবির্ভূত হন, সেখানে গুণোপসংহার কর্তব্য, উক্ত হইল। এখন প্রশ্ন উঠে যে, যে সকল জীবে ভগবানের আবেশ হয়, সেই সকলে সমুদায় গুণ উপসংহার উচিত কি না ? ইহার উত্তর, উচিতও বটে, উচিত নয়ও বটে। যেখানে উপাসক ভগবদাবিষ্ট জীবকে ব্রহ্মভাবে উপাসনা করে, সেখানে উপসংহার করা যাইতে পারে। আর যেখানে ব্রহ্মভাব হৃদয়ে জাগরুক না হয়, জীবভাবই প্রধানরূপে হৃদয়ে জাগরুক থাকে, সেখানে উপসংহার করণীয় নহে। সূত্রকার ইহা পরবর্তী দুই সূত্রে স্থাপন করিবেন। অতএব, উপাসকের অধিকারের উপর গুণোপসংহার করা না করা নির্ভর করে।]

৯। সম্বন্ধাধিকরণ ॥

ভিত্তি :—

১। “অধীহি ভগব ইতি হোপসসাদ সনৎকুমারং নারদঃ ..॥”

(ছান্দোগ্যঃ ৭।১।১)।

—নারদ সনৎকুমারের নিকট উপস্থিত হইয়া বলিলেন, ভগবন্! আমাকে ব্রহ্মোপদেশ দিন। (ছাঃ ৭।১।১)।

২। “শ্রুতং হোব মে ভগবদ্দূশেভ্যস্তরতি শোকমাত্মবিদিত্তি, সোহহং” ভগবঃ শোচামি তং মা ভগবান্ শোকস্ত্য পারং তারয়তু ॥” (ছান্দোগ্যঃ ৭।১।৩)।

—আপনার সদৃশ ব্রহ্মবিদগণের নিকট শুনিয়াছি যে, আত্মবিদ বা ব্রহ্মবিদ শোক উত্তীর্ণ হয়। আমি শোকে মগ্ন, হে ভগবান্! আপনি আমাকে শোকের পারে উত্তরণ করুন। (ছাঃ ৭।১।৩)।

৩। “যস্য দেবে পরা ভক্তির্ধথা দেবে তথা গুরৌ।

ভস্মৈতে কথিতা হৃথ্যাঃ প্রকাশন্তে মহাত্মনঃ ॥”

(শ্বেতাশ্বতর ৬।২৩)

—যে ব্যক্তির ভগবানে পরাভক্তি আছে, এক ভগবানে যেরূপ, নিজ গুরুতেও সেইরূপ, তাহারই নিকট এই উপদেশ সকল প্রকাশিত হয়। সে মহাত্মা। (শ্বেতাশ্বতরঃ ৬।২৩)।

৪। “ব্রহ্মবিদাপ্নোতি পরম্।” (তৈত্তিরিঃ ২।১)।

—ব্রহ্মবিৎ পরম পদ প্রাপ্ত হয়। (তৈত্তিরিঃ ২।১)।

৫। “স যো হ বৈ তৎ পরমং ব্রহ্ম বেদ ব্রহ্মৈব ভবতি ॥”

(মুণ্ডকঃ ৩।২।৯)।

—যে ব্যক্তি পরম ব্রহ্মকে জানে, সে ব্রহ্মই হয়। (মুণ্ডকঃ ৩।২।৯)

সংশয় :—ভাল, ভগবান্ যেখানে স্বরূপে প্রকাশ পান, সেখানে যেন সমুদায় গুণের উপসংহার করা কর্তব্য, বুঝিলাম। কিন্তু যে সমুদায় জীব ব্রহ্মবিৎ অথবা ব্রহ্মভাবে আবিষ্ট, যাহাদিগকে লৌকিক ব্যবহারে “আবেশ অবতার” বলে, তাঁহাদিগেও কি সমুদায় ব্রহ্ম গুণের উপসংহার করিতে হইবে? ব্রহ্ম ভাবের আবেশ তাঁহাদিগের সাময়িক ভাবে হয় মাত্র। সর্বক্ষণ বর্তমান থাকে না। তাঁহাদিগের শিষ্য ও অনুগামী ভক্ত অনেক আছেন, তাহারা ত অনেকে তাঁহাদিগকে ভগবান বলিয়া পূজা করেন। কিন্তু তাঁহারা জীব বলিয়া, উচ্চতর অধিকারে অবস্থান করিলেও, তাঁহাদের সম্বন্ধে সমুদায় ব্রহ্মগুণের উপসংহার করণীয় নহে বলিয়া মনে হয়। যেমন নারদ, সনৎকুমারের নিকট উপস্থিত হইয়া তাঁহাকে ‘ভগবন্’ বলিয়া সম্বোধন করিয়া বলিলেন, “আপনি ভগবন্, আমাকে ব্রহ্মোপদেশ দিন।” এখানে নারদ যে সনৎকুমারকে সাক্ষাৎ পরমব্রহ্ম রূপে মনে করিয়াছিলেন, তাহা বিশ্বাস করিবার ত বিশেষ হেতু নাই। অতএব, সমুদায় গুণোপসংহার প্রয়োজনীয় নহে। ইহার উত্তরে সূত্রকার দুইটি সূত্র অবতারণা করিয়া সিদ্ধান্ত করিলেন যে, শিষ্যের ভাবানুসারে গুণোপসংহার করা না করা নির্ভর করে।

সূত্র :—৩।৩।২০।

সম্বন্ধাদেবমগ্নত্রাপি ॥ ৩।৩।২০ ॥

সম্বন্ধাৎ + এব + অগ্নত্র + অপি ॥

সম্বন্ধাৎ :—সম্বন্ধ-হেতু। **এবং :—**এই প্রকার। **অগ্নত্র :—**অগ্ন স্থলে।

অপি :—ও।

পরব্রহ্মের বা ভগবানের সহিত সম্বন্ধ হেতু, অগ্ৰস্মৈ, অর্থাৎ ভগবদাবিষ্ট ব্যক্তিগণেও, এই প্রকার গুণোপসংহার করা উচিত ।

শিরোদেশে উদ্ধৃত তৈত্তিরি শ্রুতির ২।১ মন্ত্রাংশ এবং মুণ্ডক শ্রুতির ৩।২।২ মন্ত্রাংশ হইতে স্পষ্ট প্রতীতি হইবে যে, ব্রহ্মবেত্তা ব্রহ্ম স্বরূপই হন । ফলতঃ, ব্রহ্ম, ব্রহ্মবিদ্যা, ব্রহ্মবেত্তা এবং অধিগত ব্রহ্মবিদ্য শিষ্য তত্ত্বতঃ অভিন্ন । গুরু এবং শিষ্যের ব্রহ্মভাবাপত্তি না হইলে, ব্রহ্মবিদ্যার উপদেশ দান বা গ্রহণ হইতে পারে না । কারণ, ব্রহ্ম বাক্য মনের আগোচর । বাক্য দ্বারা তাঁহার বর্ণনা বা মনের দ্বারা তাঁহার ধারণা সম্ভব নহে । ব্রহ্মভাবে বিভাবিত হইতে পারিলেই ব্রহ্মবিদ্যা স্বতঃ উদ্ভাসিত হইয়া উঠে । ব্রহ্মবিদ্যা কৰ্ম্মলভ্য নহে, ইহা পূর্বে প্রতিপাদিত হইয়াছে । অতএব, গুরু ও শিষ্য যখন উচ্চাধিকারে পৌঁছিয়াছেন, ব্রহ্মভাবে বিভাবিত হইতে সমর্থ হইয়াছেন, তখন ব্রহ্মভাবাবিষ্ট গুরুতে ব্রহ্মগুণোপসংহার করা কর্তব্য । এই জন্ম শ্বেতাশ্বতর শ্রুতির শিরোদেশে উদ্ধৃত ৬।২৩ মন্ত্রে গুরুকে পরদেবতা ব্রহ্মের গায় ভক্তি করিবার উপদেশ আছে । অয়ঃপিণ্ডে অগ্নির আরোপের গায় ভগবদাবিষ্ট সনৎকুমারাদি আবেশাবতারে ভগবানের গুণোপসংহার করা উচিত ।

লৌকিক উদাহরণের দ্বারা এ বিষয়টি বিশদ করিবার চেষ্টা করা যাউক । একজন সুগায়ক যখন তালমান বিশুদ্ধ কোনও সঙ্গীত আলাপ করেন, তখন তাঁহার কণ্ঠস্বরের পর্দার সহিত যদি বাণ্যযন্ত্র সকলের ঐকান্তিক সঙ্গতি হয়, তবেই সেই গান গায়কের, বাদকগণের, শ্রোতৃগণের এবং ইতর সাধারণ সকলের আনন্দের কারণ হইয়া থাকে । যদি একের স্পন্দন অপরে গ্রহণ করিতে না পারে, তাহা হইলেই উহা বেতালি বেসুরা হইয়া সমুদায় ব্যর্থ হইয়া যায় । সেইরূপ ব্রহ্ম, ব্রহ্মবিদ্যা, ব্রহ্মবিদ্যোপদেষ্টা গুরু, এবং ব্রহ্মবিদ্যোপদেষ্ট শিষ্য যখন একই স্পন্দনে স্পন্দিত হইয়া, একই রূপ প্রতিস্পন্দন প্রেরণ করিতে সমর্থ হয়, তবেই উপদেশ দানের ও গ্রহণের সার্থকতা । স্পন্দন ও প্রতিস্পন্দন সমান করিতে হইলে, এক সুরে বাঁধা হওয়া আবশ্যিক অর্থাৎ সকলকেই ব্রহ্মভাবে বিভাবিত হওয়া প্রয়োজন । সুতরাং গুরুকে ব্রহ্ম ভাবে বিভাবিত মনে করিয়া, তাঁহাতে ব্রহ্মগুণোপসংহার করা যাইতে পারে, ইহা বিধিমুখে প্রতিপাদিত হইল ।

এ সম্বন্ধে ভাগবত কি বলেন, দেখা যাউক :—

আচার্য্যো ব্রহ্মণো মূর্ত্তিঃ, পিতা মূর্ত্তিঃ প্রজাপতেঃ । ভাগঃ ৬।৭।২৪

—আচার্য্য বা গুরু ব্রহ্মেরই মূর্তি, পিতা প্রজাপতির মূর্তি। ভাগঃ ৩।৭।২৪

আচার্য্যং মাং বিজানীয়ান্নাবমশ্চেত কহিচিৎ ।

ন মর্ত্যবুদ্ধ্যান্মুয়েত সর্বদেবময়ো গুরুঃ ॥ ভাগঃ ১।১।১৭।২২ ।

—আচার্য্যকে সচ্চিদানন্দরূপ মৎ স্বরূপই জানিবে। কখনও তাঁহার অবমাননা করিবে না, এবং মনুষ্য বোধে কখনও তাঁহার প্রতি অনুরা করিবে না, যে হেতু গুরু সর্বদেবময়। ভাগঃ ১।১।১৭।২২

—উপাসক যখন প্রকৃত অধিকারী হন, তখন ভগবানই বাহিরে আচার্য্যরূপে উপদেশ দান দ্বারা এবং অন্তরে অন্তর্য্যামীরূপে স্বীয় স্বরূপ উদ্ভাসন দ্বারা সমুদায় অন্তঃশ নাশ করতঃ নিজ শাশ্বত গতি প্রদান করিয়া থাকেন। ভাগঃ ১।২।১৬

যোঃস্বর্বহিস্তমুভূতামশুভং বিধুষ্মাচার্য্যৈচৈত্তবপুষা স্বগতিং ব্যনক্তি ॥

ভাগঃ ১।২।১৬

প্রতিমা, শালিগ্রাম প্রভৃতি যাহাকেই ব্রহ্মভাবে উপাসনা করা যাউক, যদি ভাব ঠিক হয়, তাহা হইলে, তাহাতেই ব্রহ্মাবির্ভাব হইয়া উপাসকের পরম পুরুষার্থ সিদ্ধি করিয়া থাকে। অতএব, আবেশ অবতारेও ব্রহ্মবুদ্ধিতে উপাসনা করিলে, তাহার দ্বারা যে পুরুষার্থ লাভ হইবে, তাহাতে সন্দেহ কি? তবে ভাবে ঠিক থাকা চাই। আত্মপ্রবঞ্চনা করিলে তাহার ফল অন্তঃশ হইবেই হইবে।

—শ্রীভগবানই মুখ্য গুরু। তাঁহাকে প্রতিমাতে, স্থণ্ডিলে, অগ্নিতে, সূর্য্যে, জলে বা হৃদয়ে ভক্তিয়ুক্ত হইয়া অর্চনা করিলে সর্বার্থসিদ্ধি হইয়া থাকে। ভাগঃ ১।২।৭।৯

অর্চয়াং স্থণ্ডিলেহগ্নৌ বা সূর্য্যে বাঙ্গ্ণ্ হৃদি দ্বিজঃ ।

দ্রব্যেন ভক্তিয়ুক্তোহর্চেৎ স্বগুরুং মামমায়য়া ॥ . ভাগঃ ১।২।৭।৯

সমুদায় নির্ভর করিতেছে ‘অমায়য়া’ পদের উপর। যদি উহাতে ‘মামা বা কপটতার লেশমাত্র থাকে, তাহা হইলে সমুদায় বিফল। নতুবা তাহাই নিঃশ্রেয়স প্রাপ্তির উপায়।

অতএব, যদি ব্রহ্মবুদ্ধিতে ভগবদাবিষ্ট গুরু বা অবতারকে উপাসনা করা যায়, তাহা হইলে উহাতে সর্বশুণোপসংহার উপপন্ন হয়।

কিন্তু সাধারণ মানবের পক্ষে তাহা সব সময়ে সম্ভব হয় না, জীববুদ্ধি প্রায়ই বর্তমান থাকে । এজন্য সূত্রকার অশ্লথকার ব্যবহার উপদেশ দিতেছেন । এই জগতই পরবর্তী সূত্রের অবতারণা ।

সূত্র :—৩।৩।২১ ।

ন বা বিশেষাৎ ॥ ৩।৩।২১ ॥

ন + বা + বিশেষাৎ ॥

ন :—না । বা :—বিকল্পে । বিশেষাৎ :—পার্থক্য হেতু ।

কিন্তু উক্ত ভগবদাবিষ্ট উপাস্তগণ বা আবেশাবতারণণ পূর্ণ ব্রহ্ম নন, তাঁহা হইতে পৃথক্, তাঁহারা জীব মাত্র, ব্রহ্ম ভাবাপত্তি সাময়িকভাবে আপত্তিত হয় মাত্র—এই ভাব যদি অল্পমাত্রও বর্তমান থাকে, তাহা হইলে তাঁহাদের উপাসনা ব্রহ্মোপাসনা নয়, স্মরণ্য তখন গুণোপসংহার কর্তব্য নহে । অতএব, স্পষ্ট বুঝা যাইতেছে যে, উপাসকগণের উপরই গুণোপসংহার করা না করা নির্ভর করে । যদি উপাসক মনে করেন যে, উক্ত আবেশাবতারণণ সাক্ষাৎ ভগবান্ নহেন, আমাদের গায় জীব মাত্র, তবে আমাদের অপেক্ষা অনেক উচ্চস্তরের, তাহা হইলেও উহাদের উপাসনা ব্রহ্মোপাসনা না হওয়ায়, ব্রহ্মগুণের উপসংহার অবিধেয় । সূত্রোক্ত ‘বা’ শব্দ দ্বারা আরও বুঝাইতেছে যে, ভগবাদিষ্টগণের উপাসনা ব্রহ্মোপাসনা না হইলেও, তাঁহারা ভগবানের প্রিয়, তাঁহারা বিশেষ চিহ্নিত ব্যক্তি বলিয়া, বিশেষ ভক্তিশ্রদ্ধা করা তাঁহাদের প্রতি সর্বসময়ে কর্তব্য ।

অবতারা হ্রসংখ্যয়া হরেঃ সত্বনিধের্দ্বিজাঃ ।

যথাবিদাসিনঃ কুল্যাঃ সরসঃ স্যু সহস্রশঃ ॥ ভাগঃ ১।৩।২৬

—হে দ্বিজগণ ! সত্বগুণের নিধি স্বরূপ ভগবানের অবতার অসংখ্য । যেমন উপকরী শূণ্ডা জলাশয় হইতে সহস্র সহস্র ক্ষুদ্র জলপ্রবাহ নির্গত হয়, সেইরূপ ভগবান্ হইতে নানাবিধ অবতার হইরাছে । ভাগঃ ১।৩।২৬

এতে চাংশকলাঃ পুংসঃ কৃষ্ণস্ত ভগবান্ স্বয়ম্ ॥ ভাগঃ ১।৩।২৮ ।

—এই সমুদায় অবতারের মধ্যে কেহ পরমপুরুষের অংশ, কেহ বা তাঁহার বিতৃতি, কিন্তু কৃষ্ণ স্বয়ং সাক্ষাৎ ভগবান্ । ভাগঃ ১।৩।২৮

যদি এই অবতারগণকে অংশ কলা ইত্যাদি মনে করা যায়, তবে সর্বগুণোগপসংহার হইবে না, ইহা বুঝা গেল। তখন উহাদের উপাসনা প্রকোপাসনা নহে।

এই সূত্রের অর্থ প্রকার অর্থ শ্রীমদ্বল্লভাচার্য্য করিয়াছেন।

তঁাহার মতে সূত্রস্থ 'বা' শব্দ অনাদরে। গুণোগপসংহার সাধারণের পক্ষে বিহিত বটে। উপসংহার অর্থ—এক স্থানে উক্ত গুণগুলির সহিত, সেই স্থানে অমুক্ত কিন্তু অন্য স্থানে উক্ত গুণসকলের একত্র চিন্তন। কিন্তু উপাসক ভগবদাবিষ্ট ভগবন্তক সংসর্গে, উপাসনার রসান্বাদে এত বিভোর ও আত্মবিস্মৃত হইয়া পড়েন যে, সেজন্য গুণোগপসংহার তঁাহার পক্ষে অসম্ভব। এই "বিশেষ" বা রসান্বাদ হেতু গুণোগপসংহার তঁাহাদের পক্ষে করণীয় নহে। ভাগবতে স্পষ্টই উক্ত আছে যে—সাধারণ বহির্গুণ ব্যক্তি, যাহারা বিষয় সেবাকে পরম পুরুষার্থ জ্ঞান করে, তাহারা গুরূপদেশেও ভগবন্তক অধিগত করিতে পারে না। অন্ধ যদি অন্ধকে পথ প্রদর্শন করে, তাহা হইলে উভয়ে যেমন গর্তে পতিত হয়, সেইরূপ গুরূপদেশ লাভ করিলেও, তদ্বারা পুরুষার্থ লাভ করিতে সক্ষম না হইয়া বেদরূপ দীর্ঘ রজ্জুতে বন্ধ ভূরি ভূরি কাম্য কর্মরূপ শৃঙ্খলে বন্ধ হইয়া পড়ে। বিষ্ণু সর্বব্যাপী ও সকলের হৃদয়ে সর্বসময়ে বিরাজ করেন সত্য, বেদবাক্য দ্বারা উহা জ্ঞাত হইলেও, যাবৎ তঁাহার নিষ্কিঞ্চন ঐকান্তিক ভক্তরূপ মহত্তম ব্যক্তির পদ-রজঃকণা দ্বারা অভিষেক না হয়, তাবৎ গৃহাসক্ত পুরুষদিগের মতি তঁাহার চরণ প্রাপ্ত হইতে পারে না। পরন্তু, তঁাহার চরণ স্পর্শ করিতে পারিলেই সমুদায় অনর্থ শাস্তি হয়। ভাগঃ ৭।৫।২৪-২৫।

ন তে বিত্বঃ স্বার্থগতিং হি বিষ্ণুং ছুরাশয়া যে বহিরর্থমানিনঃ।

অন্ধা যথাকৈরূপনীরমানাস্তেহপীশতস্ত্যামুরূদামি বন্ধাঃ ॥

ভাগঃ ৭।৫।২৪

নৈষাং মতিস্তাবত্বক্রমাজ্জিৎস্পৃশত্যনার্থাপগমো যদর্থঃ।

মহীয়সাং পাদরজোহভিষেকং নিষ্কিঞ্চনানাং ন বৃণীত যাবৎ ॥

ভাগঃ ৭।৫।২৫

অন্যত্রও এই কথাই আছে :—

রহুগণৈতত্তপসা ন যাতি নচেজ্যয়া নির্বপণাদগৃহাদ্বা।

ন চ্ছন্দসা নৈব জলাগ্নিসূর্যৈর্বিনা মহৎপাদরজোহভিষেকম্ ॥

ভাগঃ ৫।১২।১২

—হে ব্রহ্মগণ ! তপস্যা, বৈদিক কৰ্ম, অন্নাদি সংবিভাগ, গৃহস্থ ধর্মার্থ পরোপকার, বেদাভ্যাস, জল সূর্য্য অগ্নির উপাসনা প্রভৃতি কিছুই দ্বারা ব্রহ্মবিজ্ঞা লাভ্য নহে, যতদিন পর্য্যন্ত ভগবদভক্ত মহাপুরুষদিগের চরণরঞ্জের অভিষেক লাভ না হয়। ভাগঃ ৫।১২।১২

অতএব, ভগবদভক্ত সাধুসঙ্গ লাভ হইলে ভগবতঃ লাভের উপায় প্রাপ্তি হইয়া থাকে। তখন তাঁহার নাম গানে, তাঁহার কথায়, উপাসক এ প্রকার রসান্বাদ করেন যে, তাহাতে সাধারণ উপাসনার সম্পর্কে বিহিত গুণোপসংহার প্রয়োজনীয় নহে। তিনি রসস্বরূপ। রসোপলব্ধিই তাঁহার উপাসনার প্রধান ও প্রথম লক্ষ্য। গুণোপসংহার পরম তত্ত্বোপলব্ধির একটি উপায়। কিন্তু ভগবদভক্তের অনুগ্রহ প্রাপ্তি শ্রেষ্ঠতম উপায়। শ্রীভগবান্ নিজমুখেই ইহা বলিয়াছেন :—

সস্তোহনপেক্ষা মচ্চিত্তাঃ প্রশান্তাঃ সমদর্শিনঃ ।

নির্মমা নিরহঙ্কারা নিষ্ণন্দা নিস্পরিগ্রহাঃ ॥ ভাগঃ ১।১২।৬।২৭

তেষু নিত্যং মহাভাগ মহাভাগেষু মৎকথাঃ ।

সম্ভবন্তি হি তা নৃণাং জুষতাং প্রপুনস্ত্যঘম্ ॥ ভাগঃ ১।১২।৬।২৮

তা যে শৃষন্তি গায়ন্তি হনুমোদন্তি চাদৃতাঃ ।

মৎপর্যঃ শ্রদ্ধধানাশ্চ ভক্তিং বিন্দতি তে ময়ি ॥

ভক্তিং লব্ধবতঃ সাধোঃ কিমগ্রদবশিষ্যতে ।

ময্যানন্তগুণে ব্রহ্মণ্যানন্দানুভবাত্মনি ॥ ভাগঃ ১।১২।৬।২৯

—সাধুগণ নিরপেক্ষ, মদগতচিত্ত, প্রশান্ত, সমদর্শী, অহং মম ইত্যাকার জ্ঞান শূন্য, নিরহঙ্কার, ষ্ণন্দধর্ম রহিত, নিস্পরিগ্রহ। হে মহাভাগ উক্বে ! এই সকল সাধুব্যক্তির মিলনে মানবের হিতজনক আমার কথা উপস্থিত হয়। তাহা শুনিলে শ্রবণকারীর সমুদায় পাপ মোচন করে। যে সকল ব্যক্তি শ্রদ্ধাশ্রিত হইয়া আদরের সহিত এই সকল কথা শ্রবণ, গান বা হনুমোদন করে, তাহারা সকলেই আমাতে ভক্তি লাভ করে। আমি অনন্তগুণ, আনন্দানুভবাত্মা, পরব্রহ্ম। আমাতে যে ব্যক্তি ভক্তিলাভ করিয়াছে, তাহার লাভ করিবার আর কি অবশিষ্ট আছে ? ভাগঃ ১।১২।৬।২৭-২৮-২৯

অতএব, প্রতিপাদিত হইল যে, এই প্রকার সাধুসঙ্গ লাভ হইলে গুণোপসংহার প্রয়োজনীয় নহে।

ভিত্তি :—

৩।৩।২০ সূত্রের শিরোদেশে উদ্ধৃত ছান্দোগ্য শ্রুতির ৭।১।১ ও ৭।১।৩ মন্ত্র ।

সূত্র :—৩।৩।২২ ।

দর্শয়তি চ ॥ ৩।৩।২২ ॥

দর্শয়তি + চ ॥

দর্শয়তি :—শ্রুতি প্রদর্শন করিতেছেন । চ :—ও ।

ছান্দোগ্য শ্রুতির ৭।১।১ ও ৭।১।৩ মন্ত্র স্পষ্টই প্রদর্শন করিতেছেন যে, নারদ ব্রহ্মবিদ্যা লাভের জন্য ভগবান্ সনৎকুমারের নিকট প্রার্থী হইয়াছিলেন । নারদ একজন সামান্য পুরুষ নহেন । তাঁহাতে ভগবদ্বিভূতি প্রচুর পরিমাণে বর্তমান । ভাগবত পুরাণে এবং অন্যান্য শাস্ত্রগ্রন্থে নারদের মহিমা ভূরি ভূরি বর্ণিত আছে । তিনি ভগবদাবিষ্ট, কিন্তু তাহা হইলেও, ব্রহ্মবিদ্যাল্লাভের জন্য তাঁহাকে গুরুসকাশে গমন করিতে হইয়াছিল, এবং গুরুরূপদেশ হইতে তাঁহার উক্ত বিদ্যালাভ হইয়া ছিল, অতএব তিনি ব্রহ্মস্বরূপ নহেন । ব্রহ্মই শব্দযোনি বা শাস্ত্রযোনি । ঋক্, যজুঃ, সাম প্রভৃতি বেদ তাঁহার নিশ্বাস হইতে উদ্ভূত হইয়াছিল (বৃহাঃ ৪।৫।১১) । সমুদায় বিদ্যা বেদের অন্তর্ভুক্ত । যদি নারদ ব্রহ্মস্বরূপ হইতেন, তবে তাঁহার গুরু সকাশে যাইবার কি প্রয়োজন ছিল ? সুতরাং যদি কেহ নারদের উপাসনা করেন, তাঁহার গুণোপসংহার করা কর্তব্য নহে ।

আবার, অন্তপক্ষে দেখ, ভগবদ্ ভক্ত সহবাসে, ভগবদ্ আবেশে উপাসক উন্নতের গায় আচরণ করিয়া থাকে ; তাহার বাহুজ্ঞান থাকে না । সুতরাং গুণোপসংহার কে করিবে ? ভাগবত স্পষ্টই বলিতেছেন :—

শৃণ্বন্ সুভদ্রানি রথান্নপাণের্জন্মানি কৰ্ম্মানি চ যানি লোকে ।

গীতানি নামানি তদর্থকানি গায়ন্ বিলজ্জ্জা বিচরেদসঙ্গঃ ॥

ভাগঃ ১।১।২।৩৭

এবং ততঃ স্বপ্রিয়নামকীর্ত্যা জাতানুরাগো ক্রতচিত্ত উচৈঃ ।

হসত্যথো রোদিতি রৌতি গায়াত্যুদ্ভাদবন্ ত্যতি লোকবাস্ত্বঃ ॥

ভাগঃ ১।১।২।৩৮

—চক্রপাণি (বিশ্বচক্র পরিচালনকারী) শ্রীকৃষ্ণের শাস্ত্র ও লোকপরম্পরা প্রসিদ্ধ মঙ্গলজনক অবতার গ্রহণে আবির্ভাব, লীলা ও তদর্শক নাম সকল কীর্তন করতঃ নিম্পৃহ ও লজ্জাশূন্য হইয়া বিচরণ করে । ভক্ত্যভ্যাসী পুরুষ স্বীয় প্রিয়তম হরির নাম কীর্তন করিতে করিতে প্রেম উৎপন্ন হওয়ার তন্নিবন্ধন প্লথহৃদয় হইয়া, উন্নতের ন্যায় উচ্চৈঃস্বরে কখন হাস্য, কখন রোদন, কখন অত্যাশৌচ্য হেতু আক্রোশন, কখন গান, কখন বা নৃত্য করিতে থাকেন । ভাগঃ ১১।২।৩৭-৩৮

[৩।৩।২০, ৩।৩।২১ ও ৩।৩।২২ সূত্র তিনটি শঙ্কর ও রামানুজ বৃহদারণ্যক শ্রুতির পঞ্চম অধ্যায়ের পঞ্চম ব্রাহ্মণে উক্ত আদিত্যমণ্ডল মধ্যবর্তী পুরুষ ও অক্ষিমধ্যস্থিত পুরুষ তদ্বতঃ ব্রহ্ম হইলেও, বিচার পৃথকত্ব নিবন্ধন গুণোপসংহার হইবে না বলিয়া ব্যাখ্যা করিয়াছেন । আমাদের ব্যাখ্যা মধ্ব, বল্লভ ও বলদেব অবলম্বনে লিখিত হইল । কারণ, ইহা ভাগবত মতের সহিত অভেদ । শঙ্কর, রামানুজ কৃত ব্যাখ্যা ভাগবত মতের বিরোধী না হইলেও ভক্তির উদ্রেক করে না ।]

ভিত্তি :—

“ব্রহ্ম জ্যোষ্ঠা বীৰ্য্যা সম্ভূতানি ব্রহ্মাগ্রে জ্যোষ্ঠং দিবমাততান ।

ব্রহ্ম ভূতানাং প্রথমোত অজ্ঞে তেনাহতি ব্রহ্মাণা স্পর্দ্ধিতুং কঃ ॥”

(অথর্কবেদঃ ১৯।২।২২।২১)

—ব্রহ্মেই সর্কোংকৃষ্ট বীৰ্য্য সমূহ সঞ্চিত ছিল, এবং আদিভূত ব্রহ্ম প্রথমে দ্ব্যলোক বিস্তারিত করেন । ব্রহ্মই সর্কভূতের অগ্রে ছিলেন । সেইহেতু ব্রহ্মের সহিত স্পর্দ্ধা করিতে কে সমর্থ? (অথর্কবেদ, ১৯।২ ২২।২১) ।

সংশয় :—উপরে উদ্ধৃত শ্রুতিতে যে গুণসমূহ কথিত হইয়াছে, তাহা কোনও উপাসনা প্রকরণে কথিত হয় নাই । উহারা ব্রহ্মের স্বাভাবিক গুণ । অতএব, ঐ সকল গুণের উপসংহার হইবে কি না? ইহার উত্তরে সূত্রকার সূত্র করিলেন :—

সূত্র :—৩।৩।২৩ ।

সম্ভূতি-দ্ব্যব্যাপ্তি চাতঃ ॥ ৩।৩।২৩ ॥

সম্ভূতি-দ্ব্যব্যাপ্তি + অপি + চ + অতঃ ॥

সম্ভূতি-দ্ব্যব্যাপ্তি :—সম্যক্ভরণ ও দ্ব্যলোক ব্যাপকতা । অপি :—ও ।

চ :—এবং । অতঃ :—এই হেতু ।

সম্ভূতি ও দ্ব্যব্যাপ্তি এই দুইএর সমাহার—সমাহার দ্বন্দ্ব সমাস । ৩।৩।২১ সূত্র হইতে ‘ণ’ অনুগমন করিতেছে, বুঝিতে হইবে । আবেশাবতারে সম্ভূতি-দ্ব্যব্যাপ্তি উপসংহার করা হইবে না । কেননা, উহারা ব্রহ্মগুণ । ব্রহ্ম স্বরূপে প্রযোজ্য । ভগবদাবিষ্ট পুরুষ প্রকৃত পক্ষে জীবই বটে । সূত্রের উহাতে উক্ত গুণ উপসংহার করা হইবে না ।

বিষণু' বীৰ্য্যগণনাং কতমোহীতীহ

যঃ পার্ধিবান্ধপি কবির্বিমমে রজাংসি ।

চন্দ্রস্ত যঃ স্বরহসাম্বলতা ত্রিপৃষ্ঠং

যস্মাং ত্রিসাম্যসদনাত্তরুকম্পয়ানম্ ॥ ভাগঃ ২।৭।৩৯

—বিষ্ণুর বীৰ্য্য গণনা করিতে কে সমর্থ হয়? যে জানী ব্যক্তি পৃথিবীর পরমাণুকণা গণনা করিতে সমর্থ, তিনিও পারেন না। যেহেতু, ঐ বিষ্ণু ত্রিবিক্রম অবতার ধারণ করিলে, প্রতিঘাত শূন্য স্বীয় পাদবেগদ্বারা, ত্রিগুণের সাম্যরূপ অধিষ্ঠান—অর্থাৎ, মূল প্রকৃতির আবরণ অবধি লোকসকল কম্পমান হইয়াছিল, তখন তিনি আপনি আপনাতে সত্যলোক হইতে সমুদায় লোক ধারণ করিয়াছিলেন। ভাগঃ ২।৭।৩২

উক্ত শ্লোকে পরমাত্মার বিশেষগুণ, যাহা মুক্ত পুরুষগণেরও লভ্য নহে (ঃ৪।৪।১৭ সূত্র) বর্ণিত আছে। সুতরাং আবিষ্ট পুরুষে উক্ত গুণোপ-সংহার হইবে না।

ভিত্তি :—

১। “ওঁ সহস্রশীর্ষা পুরুষঃ সহস্রাক্ষঃ সহস্রপাৎ ।

সভূমিং বিশ্বতোবৃহাহত্যতিষ্ঠদশাজুলম্ ॥”

(ঋগ্বেদঃ ১০।৯০।১)

—সেই পুরুষ সহস্রশীর্ষা, সহস্রাক্ষ, সহস্রপাৎ । তিনি সমুদায় প্রপঞ্চ সর্বতোভাবে পরিবেষ্টন করিয়া, দশ অঙ্গুলি পরিমিত বাহিরে বর্তমান আছেন । ‘দশ অঙ্গুলি’—উপলক্ষণে মাত্র—প্রপঞ্চের বাহিরে দেশ পরিচ্ছেদ বর্তমান নাই, স্তুরাং সেখানে “দশ অঙ্গুলি” যা, দশ কোটি যোজনও তাই । (ঋগ্বেদ ১০।৯০।১)

২। “পুরুষ এবৈদং সর্বং যদ্বৃত্তং যচ্চ ভব্যম্ ।”

(ঋগ্বেদঃ ১০।৯০।২) ।

—এই পরিদৃশ্যমান সমুদায় প্রপঞ্চ জগৎ, এবং ভূত ও ভবিষ্যৎ সমুদায় পুরুষই । (ঋগ্বেদঃ ১০।৯০।২) ।

৩। “ব্রহ্মবিদাপ্নোতি পরম্ ।” (তৈত্তিরিঃ ২।১) ।

—ব্রহ্মবিৎ পরব্রহ্ম প্রাপ্ত হন । (তৈত্তিরিঃ ২।১) ।

৪। “স বা এষ পুরুষোহন্নরসময়ঃ ।” (তৈত্তিরিঃ ২।১) ।

—সেই এই অন্নরসময় পুরুষ । (তৈত্তিরিঃ ২।১)

তারপর ক্রমশঃ প্রাণময়, মনোময়, বিজ্ঞানময়, আনন্দময় পুরুষের উল্লেখ তৈত্তিরিঃ উপনিষদে আছে, এবং উহারা সকলে পুরুষবিধ—ইহারও উল্লেখ আছে । (তৈত্তিরিঃ ২।২-৩-৪-৫) ।

“

সংশয় :—ঋগ্বেদের পুরুষশ্লোকে সহস্রশীর্ষা, সহস্রাক্ষ, সহস্রপাৎ, বিশ্বব্যাপী এবং বিশ্বের বাহিরেও বর্তমান পুরুষের উল্লেখ আছে, এবং তিনি ভূত, বর্তমান ও ভবিষ্যৎ, ব্রহ্মাণ্ডগণ ও উক্ত ব্রহ্মাণ্ডগণে যাহা কিছু ছিল, আছে ও হইবে তৎসমুদায়ই । অতএব, তিনি পরমাত্মা, পরব্রহ্ম তাহাতে সন্দেহ নাই । আবার তৈত্তিরীয় উপনিষদে ব্রহ্মবিৎ পরব্রহ্মকেই লাভ করেন বলিয়া আরম্ভ করিয়া এবং ব্রহ্ম সত্যজ্ঞানানন্তরূপ বলিয়া স্বরূপ নির্দেশ করতঃ, বাক্য মনের অগোচর ব্রহ্মতত্ত্ব সংক্ষেপে উপদেশ দিবার জন্য, দৃশ্যমান প্রপঞ্চ হইতে দৃষ্টান্ত গ্রহণ করিয়া

অন্নময়, প্রাণময়, মনোময়, বিজ্ঞানময়, আনন্দময় পুরুষের উল্লেখ আছে । এবং তাহার পর উপসংহারে স্পষ্টতঃ ব্রহ্মবিদ্যার উপদেশ দেওয়া হইয়াছে । ইহা উক্ত উপনিষদের ২।৬ মন্ত্র হইতে স্পষ্ট বুঝা যায়, কেননা, তাঁহারই সংকল্প হইতে সমুদায় জগৎসৃষ্টি হইল, কথিত আছে । অতএব, অন্নময় প্রাণময়, মনোময় ও বিজ্ঞানময় পুরুষের ধারণা করিবার সময়, পুরুষস্বক্কে স্বেচ্ছা-নীর্ষাদি গুণ উপসংহার করা উচিত কি না ? তাহা হইলে, ভগবানের আবেশাবতারেও উহাদের উপসংহার করণীয় কি না ? ইহার উত্তরে সূত্রকার সূত্র করিলেন :—

সূত্র :—৩।৩।২৪ ।

পুরুষবিদ্যায়ামিব চেতরেষামনান্নানাং ॥ ৩।৩।২৪ ॥

(শঙ্কর, মধ্ব, বলদেব, বল্লভ সন্ন্যত পাঠ) ।

পুরুষবিদ্যায়ামপি চেতরেষামনান্নানাং ॥ ৩।৩।২৪ ॥

(রামানুজ সন্ন্যত পাঠ)

পুরুষবিদ্যায়াম্ + ইব (অপি) + চ + ইতরেষাং + অনান্নানাং ॥

পুরুষবিদ্যায়াম্ :—পুরুষস্বক্তে । ইব :—শ্রায় (অপি :—ও) । চ :—

এবং । ইতরেষাং :—অপরাপর গুণের (সর্বব্যাপিত্ব, সর্বাভ্যকত্ব প্রভৃতি) ।

অনান্নানাং :—উল্লেখ না থাকায় ।

পুরুষ স্বক্তে যেরূপ সর্বব্যাপিত্ব, সর্বাভ্যকত্ব, প্রপঞ্চের পরেও বর্তমানত্ব প্রভৃতি যে সকল গুণ বর্ণিত আছে, উক্ত গুণসকলের শ্রায় গুণ, সনৎকুমারাদি আবেশাবতারে বর্ণিত না থাকায়, তাঁহাদের উপাসনায় উক্ত পুরুষ স্বক্কে গুণসমূহের উপসংহার হইবে না । ছান্দোগ্য শ্রুতির সপ্তম অধ্যায়ে, সনৎকুমার-নন্দন উপাখ্যানে সনৎকুমার সঙ্ঘে পুরুষস্বক্কে গুণ বর্ণিত হয় নাই । অতএব, উহাদের উপসংহার হইবে না ।

৩।৩।২০ সূত্রের আলোচনায় অগ্নিময় অয়ঃপিণ্ডের দৃষ্টান্ত উল্লেখ করা হইয়াছে । বিষয়টি স্পষ্ট হৃদয়ঙ্গম করিবার জন্য উহার সংক্ষেপ ব্যাখ্যা প্রয়োজন । উক্ত অয়ঃপিণ্ডের দুইটি অংশ আছে । প্রথম—অগ্ন্যাংশ, দ্বিতীয়—লৌহাংশ । যখন অগ্ন্যাংশ আলোচনার বিষয় হইবে, তখন উহা স্বরূপতঃ ও কার্যতঃ অগ্নিই বটে । আবার,

যখন লৌহাংশ আলোচনীয় বিষয়, তখন উহা লৌহই বটে। সেইরূপ ভগবদাবিষ্ট সনৎকুমারাদিতে দুইটি অংশ আছে ; একটি—ভগবদংশ ; অপরটি—জীবাংশ। যদি উহাদের উপাসক ভগবদংশকেই মুখ্যরূপে হৃদয়ে ধ্যান ধারণা করেন, তাহা হইলে ভগবানের সর্বব্যাপিত্ব, সর্বাঙ্কিত্ব, প্রপঞ্চাতীতত্ব প্রভৃতি গুণোপসংহার করিতে পারেন। তবে উক্তপ্রকার ভগবদভাবে উপাসনা কপটতা পরিত্যাগ করিয়া করিতে হইবে, ইহা ভাগবত, ৩৩২. সূত্রের আলোচনায় উক্ত ১১।২৭।২ শ্লোকে “অমায়ম্মা” পদ ব্যবহার করিয়া স্পষ্ট প্রকাশ করিয়াছেন। তাহা না হইলে উহা আত্ম প্রবঞ্চনা মাত্র—ব্রহ্মোপাসনা নহে। ভগবান সূত্রকার, মানব চরিত্রে বিশেষ অভিজ্ঞ। তিনি জানেন যে, সাধারণ উপাসক—উক্ত আবেশাবতারগণের উপাসনার সময়, উহাদের জীব ভাব বিশ্বত হইতে পারেন না, সুতরাং উক্তগুণ সকল উপসংহার করা অসুচিত। কিন্তু উক্ত জীবাংশ, ভগবানের বিশেষ ভাবে চিহ্নিত বলিয়া এবং ভগবদাবেশের উপযুক্ত আধার পাত্র বলিয়া, উহা তাঁহার অতিপ্রিয় মনে করিয়া শ্রদ্ধাভক্তি করা প্রয়োজন। ইহাও আমরা অন্য প্রকারে উক্ত ৩৩২. সূত্রের আলোচনায় পাইয়াছি।

ভাগবতের দশম স্কন্ধে ৪০ অধ্যায়ে অত্রুর মানবশিশুরূপী শ্রীকৃষ্ণকে পরব্রহ্ম জানে যে স্তব করিলেন, তাহাতে পুরুষ স্কন্ধোক্ত গুণসকল স্পষ্ট বর্ণিত আছে।

ভূস্তায়মগ্নিঃ পবনঃ খমাদির্মহানজাদির্ম্মন ইন্দ্রিয়ানি ।

সর্বেইন্দ্রিয়ার্থা বিবৃধাশ্চ সর্বে যে হেতবস্তে জগতোহঙ্গ্ভূতাঃ ॥

ভাগঃ ১০।৪০।২

--ভূমি, জল, অগ্নি, বায়ু, আকাশ, মহত্ত্ব, অহঙ্কারত্ব, প্রকৃতি, পুরুষ, মনঃ, ইন্দ্রিয়, ইন্দ্রিয়গণের বিষয়, সর্বদেবতা, ইহারা এবং আর যা কিছু এই জগতের হেতু, তৎ সমুদায় আপনার অঙ্গ হইতে উৎপন্ন। ভাগঃ ১০।৪০।২

যথাদিপ্রভবা নতঃ পর্জ্জগ্ৰাপূরিতাঃ প্রভো ।

বিশস্তি সর্বতঃ সিন্ধুং তদ্বদ্বাং গতয়োহস্ততঃ ॥ ভাগঃ ১০।৪০।১০.

—ইহার অর্থ ৩৩২ সূত্রের আলোচনায় (পৃঃ ১৬২২) দেওয়া হইয়াছে।

অগ্নিমুখং তেহবনিরজ্জি্বরীক্ষণং

সূর্যো নভো নাভিরথো দিশঃ শ্রুতিঃ ।

গোঃ কং সুরেন্দ্রাস্তব বাহবোহর্নবাঃ

কুক্ষির্মরুৎ প্রাণ-বলং প্রকল্পিতম্ ॥ ভাগঃ ১০।৪০।১৩

—इहार अर्थ १।१।२१ सूत्रेण आलोचनाय (पृः ४४२) देव्या हईयाछे ।

नमो विज्ञानमात्राय सर्वप्रत्ययहेतवे ।

पुरुषेशप्रधानाय ब्रह्मणेऽनन्तशक्तये ॥ भागः १०।४०।२२

—विज्ञानई आपनार वृत्ति, पुरुषेर ईश्वर—काल, कर्म, स्वभावदि ७ तं समुदायेर नियन्ता, समस्त अनुभूतिर एकमात्र आदि कारण, परिपूर्ण स्वरूप ७ अनन्त शक्ति परब्रह्मके प्रणाम करि । भागः १०।४०।२२

आर अधिक विस्तारेण प्रयोजन नाई । ईहा हईते आमामेण आलोच्य विषय प्रतिपादित हईल ।

आवार, अन्त पक्षे सनकुमारदि यथन क्रोधेर वशीकृत हईया भगवानेर पार्षद जय-विजयके वैकुण्ठ लोके अभिषाप प्रदान करेण, तथन अनुतप्त हईया निजेदेण दैव्य ज्ञापन करिया श्रीभगवान् समीपे प्रार्थना करियाछेण, यथा :—

कामं भवः स्वयङ्गिनैर्निरयेषु नस्ता-

चेतोऽहलिबद् यदि नू ते पदयो रमेत ।

वाचश्च नस्तुलसिबद् यदि तेऽङ्घ्रि शोभोः

पूर्येयते ते गुणगणैर्षदि कर्णरुद्रः ॥ भागः ७।१५।४२

—७।१।१७ सूत्रेण आलोचनाय (पृः १२०२) इहार अर्थ देव्या हईयाछे ।

अतएव, प्रतिपादित हईल ये, सनकुमारदि ते परब्रह्मेण गुणोपसंहार करी उपसकदिगेण भावेण उपर निर्भर करे । दैव्य निवेदन कराय, यदि ताहादिगेके परब्रह्म हईते हीन स्तरे अवस्थित मने हय, तवे गुणोपसंहार हईवे ना ।

[পূর্বাভাষ :—তৃতীয় পাদের প্রারম্ভ হইতে ২৪° সূত্র পর্য্যন্ত উপাস্ত্রে স্ব স্ব শাখোক্ত গুণ সকল উপসংহার করিবার এবং শক্তি থাকিলে অপরাপর শাখায় উক্ত গুণও যথাযোগ্য উপসংহার করিবার উপদেশ দেওয়া হইল। কিন্তু শ্রুতি আলোচনায় দেখা যায় যে, অথর্ববেদে আভিচারিক ক্রিয়াদিতে হিংসাত্মক গুণের বর্ণনা আছে। এখন সূত্রকার বলিবেন যে, উপাসনায় উক্ত গুণ সকল উপসংহারণীয় নহে। কারণ, উহাদের ফল উপাসনা জনিত ফল হইতে সম্পূর্ণ ভিন্ন।]

১০। বেধাত্ত্বিকরণ ॥

ভিত্তি :—

১। “অগ্নে ত্বাং যাতুধানশ্চ ভিক্তি হিংস্রাশনির্হরসা হস্তেনম্ ।

প্রপর্ক্বানি জাতবেদঃ শৃণীহি ক্রব্যাত্ ক্রবিষ্ণুর্বিচিনোত্বেনম্ ॥”

(অথর্ববেদ ৮।২।৩৪)

—হে অগ্নে ! তুমি রাক্ষসগণের (শত্রুগণের) ত্বক্ ভেদ কর। তোমার হিংসক বজ্রতাপে ইহাদিগকে বিনষ্ট করুক। হে জাতবেদঃ ! উহাদের শরীরগ্রন্থি সকল সম্পূর্ণরূপে ভিন্ন কর, এবং মাংসানী বৃকাদি প্রাণীগণ ইহাদিগকে ইতস্ততঃ আকর্ষণ করতঃ মাংসভক্ষণ, ছিন্নভিন্ন এবং বিনষ্ট করুক। (অথর্ববেদ, ৮।২।৩৪)।

২। “তং প্রত্যক্ষমর্চ্চিষা বিধ্য মর্শ্মনি” ॥

(অথর্ববেদ ৮।২।৩১৭)।

—হে অগ্নে ! তোমার জালাময় দহন দ্বারা মর্শ্মবেধন কর।

(অথর্ববেদ ৮।২।৩১৭)।

সংশয় :—অগ্নিতে হোম করিয়া অগ্নি ও অগ্নাত্ত্ব দেবতার উপাসনার বিধি আছে। তোমার সিদ্ধান্তমত, •সে সমুদায় দেবতার উপাসনা ব্রহ্মো-পাসনা, ইহা ৩।৩।২ সূত্রে তুমিই প্রতিপাদন করিয়াছ। উপরে উক্ত অথর্ববেদের মন্ত্রে উপাস্ত্র দেবতারূপ অগ্নিকে যাতুধানদিগকে ছিন্ন

ভিন্ন করিবার প্রার্থনা করা হইয়াছে, স্পষ্ট দেখা যাইতেছে ; অবশ্যই ইষ্টদেবের ঐ প্রকার গুণ থাকা সম্ভব বলিয়াই, এবং উক্ত প্রকার প্রার্থনা পরিপূর্ণিত হইবার প্রত্যাশায়ই, উপাসক ঐ প্রকার প্রার্থনা করিয়াছেন । এখন বল দেখি, অন্যান্য উপাসকেরাও কি নিজ নিজ উপাসনায় ঐ সকল হিংস্র গুণও উপসংহার করিবে ? ইহার উত্তরে সূত্রকার সূত্র করিলেন :—

সূত্রঃ—৩।৩।২৫ ।

বেধাণ্ডর্থভেদাৎ ॥ ৩।৩।২৫ ॥

বেধাদি + অর্থ + ভেদাৎ ॥

বেধাদি :—বেধন প্রভৃতি—দেহভেদ, ছেদন প্রভৃতি প্রাণীর ক্লেশকর গুণসকল । অর্থ :—ফল, প্রয়োজন । ভেদাৎ :—ভেদ হেতু ।

পূর্বে হইতে 'ন' অনুবর্তন করিতেছে, বুঝিতে হইবে । ছেদন, ভেদন, বেধন প্রভৃতি প্রাণীগণের ক্লেশকর গুণসকল উপসংহার করা হইবে না । কারণ, উহাদের প্রয়োজন ও ফল ভিন্ন । অভিচারাদি কর্ম—উহাদের প্রয়োজন, এবং উহাদের ফল—সাধকের নিঃশ্রেয়স প্রাপ্তি নহে । অধিকন্তু উহারা নিঃশ্রেয়স প্রাপ্তির অন্তরায় সংঘটন করিয়া থাকে ।

গীতায় শ্রীভগবান্‌ই বলিয়াছেন :—

অমানিত্বমদস্তিত্বমহিংসা ক্রান্তিরার্জবম্ । গীতা ১৩।৮ ।

—মৎপরায়ণ ব্যক্তি অমানিত্ব, অদস্তিত্ব, অহিংসা, ক্রমা ও সরলতা আশ্রয় করিবে । (গীঃ ১৩।৮)

শ্রীমদ্‌ ভাগবতেও ভগবান্‌ উপদেশ দিয়াছেন :—

নিবৃত্তং কর্ম সেবেত প্রবৃত্তং মৎপরস্ত্যজেৎ । ভাগবত, ১।১।১০।৪

—মৎপরায়ণ ব্যক্তি, প্রবৃত্তিমার্গ পরিত্যাগ করিয়া নিবৃত্তিমার্গই আশ্রয় করিবে । ১।১।১০।৪ ।

নিবৃত্তিমার্গ আশ্রয় করিলে জীবহিংসাদি যে নিষিদ্ধ, তাহা বলাই বাহুল্য । যদি বল, তবে বেদে পশুবধের ব্যবস্থা কেন ? ইহার আলোচনা সংক্ষেপে ১।১।৩ সূত্রের আলোচনায় করা হইয়াছে, এবং সেখানে উহার পোষকে ভাগবতের ১।১।৩।৪৫ ও ১।১।৩।৪৭ শ্লোক উদ্ধৃত হইয়াছে (পৃঃ ২৮২-২৮৩) ।

ইহার উত্তর জানিবার প্রয়োজন হইলে, উহা সেইখানেই দ্রষ্টব্য।* এখানে আর বিস্তারের প্রয়োজন নাই।

এই প্রসঙ্গে অভিচার কর্মসম্বন্ধে সংক্ষেপ আলোচনা আবশ্যক হইবে না মনে হয়। বেদে অভিচার ক্রিয়ার উল্লেখ, অমুষ্ঠানের প্রক্রিয়া এবং উহার ভীষণ ফলের কথা চিন্তা করিলে, মনে স্বভাবতঃই সন্দেহ হয় যে, মাতার স্তায় হিতকারিণী শ্রুতি সর্বপ্রকার অধিকারীর জগৎ ভবরোগের ভেষজ ব্যবস্থা করিয়াছেন। সেই অতীত কল্যাণময়ী শ্রুতি প্রাণিগণের অশেষ ক্লেশকর এবং অকল্যাণ সাধক অভিচার কর্মাদির উল্লেখ করিলেন কেন? ইহার উত্তরে প্রধানতঃ এই কথা বলিলেই যথেষ্ট হইবে যে, শ্রুতি অধ্যাত্ম বিজ্ঞান শাস্ত্র। জড়বিজ্ঞান যেমন শব্দ, তাপ, আলোক, তড়িৎ প্রভৃতি জড় শক্তির আলোচনায় আত্মনিয়োগ করেন, উক্ত শক্তি সকলের উৎপাদন, পরিচালন, নিয়ন্ত্রণ, সাধারণ সুখ-স্বাচ্ছন্দ বৃদ্ধির জগৎ নিয়োগ প্রভৃতি জড় বিজ্ঞানের আলোচ্য বিষয়। এই সমুদায় শক্তি — জড় শক্তি হইলেও এবং জড় উপাদানে উৎপাদনক্রম হইলেও উহারা অতি সূক্ষ্ম এবং উহাদের পরিচালন ও নিয়ন্ত্রণ করিবার প্রক্রিয়া জানা না থাকিলে, অস্ত্রের হাতে প্রাণনাশকর হইয়া থাকে, ইহা প্রত্যক্ষ দৃষ্ট। ঝড় বৃষ্টির সময় ইলেকট্রিক ট্রামের তার ছিন্ন হইয়া মাটিতে পড়িয়া, পথিকের প্রাণ সংহারের কারণ কতবার হইয়াছে, ইহা সকলেরই জানা আছে। শ্রুতি অধ্যাত্ম-বিজ্ঞান শাস্ত্র বলিয়া, অতি সূক্ষ্মতম, এবং সে কারণ অত্যধিকতর প্রভাবশালী অধ্যাত্ম শক্তি সমূহের আলোচনায় আত্মনিয়োগ করেন। শ্রুতি স্পষ্টভাবে প্রতিপন্ন করেন যে, এই সকল সূক্ষ্মতম শক্তির প্রভাব এত যে, উহা জড় জগতের উপর সম্পূর্ণ রূপে কর্তৃত্ব করিতে পারে। মানবকে প্রকৃতির প্রভাবের বাহিরে পরম তত্ত্বে লইয়া পৌঁছাইয়া দিতে পারে। ভগবানের সাযুজ্য, দারূপ্য প্রভৃতি লাভ করাইয়া দিতে পারে। জন্ম মৃত্যুর প্রবাহ হইতে বিমুক্তি দান করিতে পারে।

শ্রুতি যদি, অধ্যাত্ম শক্তির বল ঐ প্রকার মাত্র দেখাইয়া ক্ষান্ত থাকিতেন, তাহা হইলে উহা একদেশী শাস্ত্র মাত্র হইত। ঐ শক্তির অগ্রু একটি দিক আছে, তাহার আলোচনা না করিলে উহা সম্পূর্ণ অধ্যাত্ম বিজ্ঞান শাস্ত্র হইত না। আপনাকে সম্পূর্ণ করিবার জগৎ এবং অমুশীলনকারীগণকে সাবধান করিবার জগৎ উক্ত অধ্যাত্মশক্তির অগ্রু দিক—যাহাকে আমরা অভিচার ক্রিয়া বলি, তাহারও আলোচনা প্রয়োজন, ইহা স্পষ্ট বুঝা গেল। জগতে শ্রেয়ঃকামী ও স্বার্থকামী দুই প্রকার লোক চিরকাল বর্তমান। শ্রেয়ঃকামীগণ শ্রুতির উদ্দেশ্য বুঝিয়া,

সাবধান হইয়া অধ্যাত্ম শক্তির কল্যাণতম অংশের আলোকিত্যের অতিরিক্ত থাকিলেন, এবং তাহার দ্বারা মোক্ষলাভ পর্যন্ত করিতে লাগিলেন। আর, স্বার্থ কর্মীগণ নিজের হীন স্বার্থসিদ্ধির জন্য উক্ত অধ্যাত্ম শক্তির আভিচারিক অংশ আলোচনা করিয়া ক্রমশঃ আত্মোন্নতি সোপানের নিম্ন হইতে নিম্নতর স্তরে পতিত হইতে লাগিলেন। ইহাতে শক্তির দোষ নাই। দোষ মানব প্রকৃতির।

আণবিক বোমা আবিষ্কারে আমরা জড়শক্তির প্রলয়ঙ্করী শক্তির পরিচয় পাইয়াছি। উক্ত শক্তি জড় পরমাণুতে সৃষ্টির আদি হইতেই বর্তমান আছে। মানব প্রকৃতি এ প্রকার নিম্ন স্তরে পতিত হইয়াছে যে, উহা ধ্বংস কার্ণে নিয়োগ করিয়াছে। উহার সংঘটন শক্তির সাহায্য গ্রহণ করে নাই।

১১। হাশ্বিকরণ ॥

ভিত্তি:—

১। “তদা বিদ্বান্ পুণ্যাপাশে বিধুয়
নিরঞ্জনঃ পরমং সাম্যমুপৈতি ।” (মুণ্ডক ৩।১।৩)

—বিদ্বান্ পুরুষ তখন পুণ্য পাপ পরিত্যাগ করিয়া, নির্মল হইয়া,
নিরতিশয় ব্রহ্মসাম্য লাভ করেন । (মুণ্ড: ৩।১।৩)।

২। “অশ্ব ইব রোমানি বিধুয় পাশং,
চন্দ্র ইব রাহোমুখাং প্রমুচ্য,
ধূত্বা শরীরমকৃতং কৃতাত্মা
ব্রহ্মলোকমভিসম্ভবামি ।” (ছান্দোগ্য: ৮।১৩।১)

—অশ্ব যেমন রোম সমূহ কল্পিত করিয়া শরীর হইতে ধূলি ঝাড়িয়া
ফেলে, চন্দ্র যেমন রাহুর গ্রাস হইতে মুক্ত হইয়া নির্মল হয়, আমি
সেইরূপ পাপপূর্ণ শরীর ত্যাগ করিয়া শুদ্ধচিত্ত হইয়া ব্রহ্মলোক
লাভ করিব । (ছা: ৮।১৩।১)।

৩। “জ্ঞাত্বা দেবং সর্বপাশাপহানিঃ
ক্ষীগৈঃ ক্রেশৈর্জন্মমৃত্যুপ্রহাণিঃ ।
তস্মাভিধানাতৃতীয়ং দেহভেদে
বিশ্বৈশ্বর্য্যং কেবল আপ্তকামঃ ॥” (শ্বেতাশ্বতর: ১।১১)

—সেই দেব (জ্ঞাতনশীল—জ্ঞানস্বরূপ) পরমাত্মাকে জানিলে,
সাধকের সমস্ত বন্ধন পাশ অর্থাৎ বন্ধনের হেতুভূত অবিজ্ঞাদি দোষ
ক্ষয় প্রাপ্ত হয় । উহা ক্ষয় প্রাপ্ত হইলে জন্ম ও মৃত্যু নিবৃত্ত হয়—
অর্থাৎ সঙ্কে সঙ্কে সাধক জীবনুক্ক হয় । সেই দেবের অভিধান
বা অনুচিন্তনের দ্বারা সর্বপ্রকার ঐশ্বর্য্যময় তৃতীয় ভাগবতপদ
লাভ হয়, এবং আপ্তকাম হইয়া দেহত্যাগ করতঃ কৈবল্য লাভ করিয়া
থাকে । (শ্বেতা: ১।১১)।

সংশয়:—মুণ্ডক শ্রুতির ৩।১।৩ মন্ত্রে এবং ছান্দোগ্য শ্রুতির ৮।১৩।১
মন্ত্রে, ব্রহ্মবিজ্ঞা প্রাপ্ত পুরুষ পুণ্য পাপ পরিত্যাগ করিয়া, ব্রহ্মসাম্য বা ব্রহ্মলোক

প্রাপ্ত হয়, উল্লিখিত আছে। তিনি এবং তাঁহার লোক অভেদ বলিয়া, ব্রহ্মসাম্য ও ব্রহ্মলোক প্রাপ্তি, একই কথা, তাহা তোমার সিদ্ধান্তানুসারে বুঝিলাম। শ্বেতাশ্বতর শ্রুতির ১।১১ মন্ত্রেও উল্লেখ আছে যে, তাঁহাকে জানিলে অবিজ্ঞানিত সংসার বন্ধন পাশ ছিন্ন হইয়া থাকে ও সাধক জীবনুক্ত হয়, তারপরও অভিধ্যান বা অনুচিন্তনের উল্লেখ আছে। অতএব, স্বভাবতঃই সংশয় হয় যে, সাধক জীবনুক্ত হইলেও, তাহার পর শাস্ত্রানুশীলন দ্বারা ব্রহ্মের অনুধ্যান বা অনুচিন্তন নিয়ত বা বৈধ কর্তব্য—অথবা উহা উক্তজীবনুক্ত পুরুষের ইচ্ছা সাপেক্ষ ? শ্বেতাশ্বতর শ্রুতির শিরোদেশে উক্ত মন্ত্র হইতে মনে হয় যে, উহা বৈধ বটে, এবং তাহা হইলে, উহা করা সাধকের পক্ষে শাস্ত্রীয় বিধি অতএব অপরিত্যজ্য। সুতরাং ফলে দাঁড়াইতেছে যেমুক্তই হউক বা বন্ধই হউক—অভিধ্যান সকলের পক্ষে বিধি। ইহার উত্তরে সূত্রকার সূত্র করিলেন :—

সূত্র :—৩।৩।২৬ ।

হানৌ তুপায়নশব্দ-শেষত্বাৎ, কুশা-চ্ছন্দঃস্তুত্যাগানবৎ,

তদুক্তম্ ॥ ৩।৩।২৬ ॥

হানৌ + তু + উপায়ন + শব্দশেষত্বাৎ + কুশ + আচ্ছন্দঃ + স্তুতি
+ উপগান + বৎ + তদ্ + উক্তম্ ॥

হানৌ :—পরিত্যাগে, পুণ্য পাপ বিমোচনে। তু :—নিশ্চয়ে—সংশয় নিরসনে। উপায়ন :—গ্রহণ বা প্রাপ্তি (ব্রহ্ম সাম্য, ব্রহ্মলোক বা জীবনুক্ত প্রাপ্তি)। শব্দশেষত্বাৎ :—শব্দ (শ্রুতি)—সমুদায় শ্রুতির তাৎপর্য্য হেতু। কুশ :—কুশ। আচ্ছন্দঃ :—ছন্দানুসারে বা ইচ্ছানুসারে। স্তুতি :—স্তব পাঠ, যজুঃ বেদ আবৃত্তি। উপগান :—সামবেদ আবৃত্তি। বৎ :—শ্রায়। তদ্ :—তাহা। উক্তম্ :—শ্রুতিতে কথিত আছে।

সমুদায় বেদের তাৎপর্য্য এই যে, ব্রহ্মকে জানিলে পুণ্যপাপ ধ্বংস প্রাপ্ত হইয়া ব্রহ্মভাব প্রাপ্তি ঘটয়া থাকে। তাহা হইলে সাধকের শাস্ত্রালোচনা করা না করা, তাঁহার নিজের ইচ্ছার উপর নির্ভর করে। যেমন নিত্য বৈধ রূপে নির্দিষ্ট বেদাধ্যয়নের পর যদি কেহ ইচ্ছা করেন, তাহা হইলে হস্তে কুশ ধারণ করিয়া ব্রহ্মাঞ্জলি বন্ধন পূর্বক, স্তুতি পাঠ অথবা সামগান করিতে পারেন, অথবা নাও পারেন, সেইরূপ ব্রহ্মবিৎ জীবনুক্ত সাধক ইচ্ছা হইলে

শাস্ত্রানুশীলন দ্বারা, তাঁহার অনুধ্যান করিতে পারেন বা নাও পারেন। প্রত্যুত ব্রহ্মজ্ঞান লাভই মুখ্য। উহা লাভ হইলে আর বেশী শাস্ত্রাধ্যয়ন বিধেয় নহে। বৃহদারণ্যক শ্রুতিতে ইহা স্পষ্টই কথিত হইয়াছে, যথা :—

তমেব ধীরো বিজ্ঞায় প্রজ্ঞাং কুবর্ষীত ব্রাহ্মণঃ ।

নানুধ্যায়াদ্ বহুজ্ঞানান্ বাচো বিগ্নাপনং হি তৎ ॥

(বৃহদারণ্যকঃ ৪।৪।২১)

—ধীর ব্রাহ্মণ—ব্রহ্মনিষ্ঠ পুরুষ—আত্মাকে পূর্বোক্ত প্রকারে শাস্ত্র ও আচার্য্যোপদেশ হইতে উত্তমরূপে অবগত হইয়া তদ্বিষয়ে প্রজ্ঞালাভ করিবে। বহুতর শব্দচিন্তা করিবে না, কেননা তাহাতে কেবল বাগিন্দ্রিয়ের গ্নানি বা অবসাদ জন্মিয়া থাকে মাত্র। (বৃহঃ ৪।৪।২১)

ভাবার্থ এই যে, ব্রহ্মতত্ত্ব বড়ই দুর্কোধ্য। শ্রুতি ও যুক্তি দ্বারা উক্ত তত্ত্ব নিরূপণ বড়ই কঠিন। উক্ত তত্ত্বে অনন্তভাব বর্তমান বলিয়া শাস্ত্রও বহু শাখায় বিভক্ত। সমুদায় শাখায় কথিত সমুদায় বিষয় বিচার করিয়া তত্ত্বে পৌছান অসম্ভব। উক্ত তত্ত্ব প্রপঞ্চের অতীত বস্তু। যুক্তি, তর্ক, বিচার, শাস্ত্র, সমুদায়ই প্রপঞ্চাস্তর্গত বস্তু সম্বন্ধে। উহাদের দ্বারা উক্ত তত্ত্বের জ্ঞান লাভ সম্ভব নহে। বিশেষতঃ, আনন্দময়ের অনুচিন্তনে হৃদয় স্বতঃই মুহু, কোমল হইয়া ক্রমশঃ আনন্দের স্পন্দন অনুভূতি করিবার উপযোগী হয়। শাস্ত্রের বিভিন্ন শাখোক্ত তর্ক বিচারে প্রবেশ করিয়া উহাকে কঠিন, কর্কশ করা যুক্তিযুক্ত নহে। কারণ, তাহা হইলে আনন্দের স্পন্দন অনুভূতি করিবার ক্ষমতা তিরোহিত হইয়া যায়। অতএব, উহা বিহিত নহে। তবে আনন্দানুভূতি হইতে ব্যুৎপন্ন হইবার পর, সাধক, আনন্দময়ের প্রতিপাদক শাস্ত্র, সহায়করূপে এবং আনন্দময়ের স্মারকরূপে পাঠ করিতে পারেন। এ কারণ, ইহা “ছন্দতঃ” করিবার উপদেশ সূত্রকার দিয়াছেন।

পূর্বে উক্ত হইয়াছে যে, ব্রহ্মতত্ত্ব কর্মলভ্য নহে। উহা স্বতঃসিদ্ধ, নিত্যবস্তু। যেমন মলযুক্ত দর্পণে প্রতিবিম্ব পরিষ্কার রূপে পতিত হয় না, সেইরূপ সমস্ত চিন্তে ভগবৎক্ষুতি হয় না। কর্মের উদ্দেশ্য, এই মল অপসারণ করা। ইহা অপসারিত হইলেই ভগবৎতত্ত্ব স্বতঃই উদ্ভাসিত হইয়া উঠে, অথবা আত্মদর্শন বা ইষ্ট সাক্ষাৎকার লাভ হয়। সকলই এক কথা। এই সমুদায় আলোচনা ৩২।২৪ সূত্রে করা হইয়াছে।

পূৰ্বেন তপসা যৈর্জ্ঞানৈর্ষোগৈঃ সমাধিনা ।

ব্রাহ্মণং নিঃশ্রেয়সং পুংসাং মৎপ্রীতিস্তত্ত্ববিদ্যতম্ ॥ ভাগঃ ৩।২।৪০

—পূৰ্ণ, তপশ্চা, যজ্ঞ, দান, যোগ, সমাধি প্রভৃতি দ্বারা যে ফলপ্রাপ্তি হয়, আমার প্রীতিতেও তাহাই সিদ্ধ হইয়া থাকে । অতএব, তত্ত্ববিদগণের মত এই যে, আমার প্রীতি উৎপাদন করাই পরম শ্রেয়ঃ ।

ভাগঃ ৩।২।৪০ ।

এই প্রসঙ্গে ২।৩।৪২ সূত্রের আলোচনার উদ্ধৃত (পৃঃ ১০৪০) ভাগবতের ১।১।৩।৪১ শ্লোক দ্রষ্টব্য ।

ব্রহ্মতত্ত্ব অধিগত হইলে অন্য কিছুই জ্ঞাতব্য থাকে না, ইহা ভাগবত স্পষ্ট বলিয়াছেন ।

নৈতদ্বিজ্ঞায় জিজ্ঞাসোজ্ঞাতব্যমবশিষ্যতে ।

পীত্বা পীযুষমমৃতং পাতব্যং নাবশিষ্যতে ॥ ভাগঃ ১।১।২২।৩০

১।১।২ সূত্রের আলোচনার (পৃঃ ৮৬) ইহার অর্থ দেওয়া হইয়াছে ।

অতএব, প্রতিপাদিত হইল যে, ভগবন্তত্ত্ব অধিগত হইলে, আর জামিবার কিছু থাকে না । তথাপি মুক্ত পুরুষগণ শ্রীহরিকে অহৈতুকী ভক্তি করিয়া থাকেন ।

আত্মানামাশ্চ মুনয়ো নিগ্রহ্না অপ্যাক্রুক্রমে ।

কুর্বন্ত্যহৈতুকীং ভক্তিমিথস্তুতগুণো হরিঃ ॥ ভাগঃ ১।৭।১০

—আত্মারাম মূনি সকলের কোনও প্রকার হৃদয়গ্রন্থি না থাকিলেও, তাঁহারাও উকক্রম, শ্রীকৃষ্ণে ফলাভিসন্ধি রহিতা ভক্তি করিয়া থাকেন । হরির এতাদৃশ গুণ যে, মুক্ত ও অমুক্ত সকলেই তদর্থ উৎসুক ।

ভাগঃ ১।৭।১০

স্বতরাং, মুক্তগণও তাঁহাতে অহৈতুকী ভক্তি দ্বারা পরিচালিত হইয়া, তাঁহার নাম গান, তাঁহার লীলা শ্রবণ, আলোচনা প্রভৃতি করিবার জন্য শাস্ত্র চর্চা ইচ্ছা করিয়াই করিয়া থাকেন । উহাতে তাঁহারা এত আনন্দ পান যে, সে আনন্দ, এক আনন্দময়ের স্বরূপানুভূতি ভিন্ন অন্যত্র লভ্য নহে বলিয়া, স্বরূপানুভূতি হইতে ব্যুত্থানের পর, ইচ্ছা করিয়াই ঐ সমুদায় চর্চা করিয়া থাকেন । রসান্বাদনই তাঁহাদের লক্ষ্য, এবং সেই লক্ষ্যের অমুকূলে যথোপযুক্ত ব্যাপার সম্পাদন করিয়া থাকেন ।

জগতে আমরা যে সমুদায় কর্ম্মাচরণ করি, তাহারা কেহই অহেতুকী নহে। সমুদায়ের কিছু না কিছু হেতু বর্তমান আছে। প্রত্যেকের সহিত, সেই কর্ম্মোৎপন্ন ফল সম্বন্ধ সংজড়িত। ভগবতুপাসনা যদি জগতের ইতর কর্ম্মজাতের মত ফল প্রত্যাশায় আচরিত হয়, তবে তাহা প্রকৃত উপাসনা নহে। উহা “কৈতব” পর্যায়ের অন্তর্ভুক্ত। এমন কি মোক্ষকামনায় ভগবতুপাসনাও “কৈতব” ভিন্ন অন্য কিছুই নহে। ইহা ভাগবত ১।১।২ শ্লোকে স্পষ্ট ভাবে বলিয়াছেন। “ধর্ম্মঃ প্রোজ্জ্বলিত কৈতবো হত্র পরমো...” শ্লোকাংশের ব্যাখ্যায় পূজ্যপাদ শ্রীধর স্বামী বলিতেছেন। “প্রকর্ষণে উজ্জ্বলিতং কৈতবং ফলাভিসন্ধিলক্ষণং কপটং যস্মিন্ সঃ। প্রশব্দেন মোক্ষাভিসন্ধিরপি নিরস্তঃ। কেবলমীশ্বরারাধনাক্রমে ধর্ম্মো নিরূপতে।”—অর্থাৎ সর্ববিধ ফল কামনা এমন কি মোক্ষাভিলাষ পর্যন্ত পরিত্যাগ করিয়া কেবল ভগবানের আরাধনারূপ পরমধর্ম্মের নিরূপণই ভাগবতে আছে। ইহা হইতে বুঝা গেল যে, কোনও প্রকার ফল কামনার সহিত সম্পৃক্ত হইলে প্রকৃত ভগবদারাধনা হইল না। “অহেতুকী” পদের সার্থকতা, ঐ তত্ত্ব প্রকাশে। কিন্তু কোনও প্রকার ফল কামনা না থাকিলেও, ভগবতুপাসনার ফল না চাহিলেও আপনা আপনি উপস্থিত হয়, এবং উহা এত মধুর, এত প্রাণায়াম, এত অধিক আনন্দকর, যে সাধক ইচ্ছা করিলেও উহা পরিত্যাগ করিতে পারে না। উহা সাধককে অন্তরে বাহিরে আনন্দে পরিপূর্ণ করিয়া রাখে। তখন সাধক আপনাকে অনুভব করেন :—

অস্ত্যঃ শূন্যো বহিঃশূন্যঃ শূন্যো কুস্তইবাস্বরে ।

অস্ত্যঃ পূর্ণো বহিঃ পূর্ণঃ পূর্ণ কুস্ত ইবার্গবে ॥ মৈত্রেয়্যাপনিষৎ ।

—আকাশে অবস্থিত শূন্য কুস্তের গায় অন্তরে বাহিরে শূন্য ও সমুদ্রে নিমগ্ন পূর্ণ কুস্তের গায় অন্তরে ও বাহিরে পূর্ণ। (মৈত্রেয়্যাপনিষৎ)।

ফলতঃ তখন শূন্য—পূর্ণেরই নামান্তর—ইহা অপরোক্ষ ভাবে অনুভূত হইয়া থাকে। অর্থাৎ কিছু কামনা না করিলেও, চিত্ত মনঃ প্রভৃতি লয় প্রাপ্ত হইলেও ভগবানে তন্নয়তা সমুদায় পূর্ণতা বহন করিয়া সাধকের চরণ সমীপে উপস্থিত

করে । তখন ভক্ত সাধক প্রেমে বিগলিতাশ্রু ও পুলকাক্ষিত কলেবর হইয়া
লীলাশুকের সহিত কণ্ঠ মিলাইয়া উচ্চৈঃস্বরে গাহিয়া উঠেন :—

ভক্তিস্বয়ি স্থিরতরা ভগবন্ যদি স্যাদৈবেন নঃ ফলতি

দিব্যকিশরমূর্তিঃ ।

মুক্তিঃ স্বয়ং মুকুলিতাঞ্জলিঃ সেবতেহস্মান্ ধর্মার্থকামগতয়ঃ

সময়প্রতীক্ষাঃ ॥ কৃষ্ণকর্ণামৃত—১০৭ ।

—হে ভগবন্ ! তোমার কাছে চাহিব কি ? চাহিবার কি আছে ?
যদি তোমাতে আমার ভক্তি স্থিরতরা থাকে এবং হৃদয় গুহার যদি তোমার
দিব্য কিশোর মূর্তি প্রতিষ্ঠা করিতে পারি, তাহা হইলে ধর্ম অর্থ কাম
মোক এই পুরুষার্থ চতুষ্টয় ভৃত্য ভাবে অঞ্জলি বন্ধন পূর্বক, কখন তাহাদিগের
প্রতি দৃষ্টিপাত পূর্বক, তাহাদের সেবা অঙ্গীকার করিব, সেই অবসর
প্রতীক্ষায় দণ্ডায়মান থাকিব । (কৃষ্ণকর্ণামৃত—১০৭)

অহৈতুকী ভক্তির ইহাই মহিমা, ইহাই পরিণতি । ইহা আপনি
আপনার পুরস্কার ।

ভিত্তি :—

তমেব ধীরো বিজ্ঞায় প্রজ্ঞাং কুর্বাতি ব্রাহ্মণঃ ।

নানুধ্যায়াদবুভুক্ষদান্ বাচো বিপ্রাপনং হি তৎ ॥ (বৃহঃ ৪।৪।২১)

—পূর্ব সূত্রের আলোচনায় ইহার অর্থ দেওয়া হইয়াছে ।

ভগবৎ প্রেম হইলে শাস্ত্রালোচনা যে ছন্দঃ, তাহার যুক্তি ও প্রমাণ দেখাইতেছেন ।

সূত্র :— ৩।৩।২৭ ।

সাম্পরায়ৈ তর্জব্যভাবাৎ তথা হ্যগ্নে ॥ ৩।৩।২৭ ॥

সাম্পরায়ৈ + তর্জব্য + অভাবাৎ + তথা + হি + অগ্নে ॥

সাম্পরায়ৈ :—ভগবৎ প্রেম উদিত হইলে । তর্জব্য :—যাহা হইতে উত্তরিত হইতে হয়—সংসার পাশ, সংসারে গতাগতি, অবিদ্যাবন্ধন । অভাবাৎ :—অভাব হেতু । তথা :—সেই প্রকার । হি :—নিশ্চয়ে । অগ্নে :—অন্ন বেদ শাখীগণ, যেমন বৃহদারণ্যক শ্রুতি ।

সাম্পরায় :—সম্ (সম্যক্রূপে), পারয়ন্তি (পরিণতি প্রাপ্ত হয়), তদ্বানি (তত্ত্ব সমুদায়), অগ্নিন্ (ইহাতে) ।

এই ব্যুৎপত্তি অনুসারে, “সাম্পরায়” পদের অর্থ ভগবান্, তাঁহাতে সমুদায় তত্ত্ব পরিণতি প্রাপ্ত হয় বা সার্থকতা লাভ করে । সাম্পরায় + ভবার্থে অগ্ = সাম্পরায়—তাঁহাতে জ্ঞাত, এই অর্থে ‘সাম্পরায়’ পদের অর্থ “ভগবৎ প্রেম” । ভগবৎ প্রেম জন্মিলে, সমুদায় পাশের হানি হয়, ইহা পূর্ব সূত্রের শিরোদেশে উক্ত শ্বেতাশ্বতর উপনিষদের ১।১১ মন্ত্রে স্পষ্ট উক্ত আছে, এবং মুণ্ডক শ্রুতিরও ৩।১।৩ মন্ত্রে কথিত আছে । অতএব, তখন কোনও পাশ বা বন্ধন না থাকায়, যাহা হইতে উত্তরণ আবশ্যক, এমন কিছুই থাকে না । সুতরাং, তখন তত্ত্বানুচিন্তন বা শাস্ত্রানুশীলন বিধি হিসাবে করণীয় নহে । ইহা করা না করা সাধকের ইচ্ছা মাত্র । বৃহদারণ্যক শ্রুতির শিরোদেশে উক্ত মন্ত্রই তাহার প্রমাণ ।

ভাগবত এ সম্বন্ধে বলেন :—

তস্মান্ভক্তিমুক্তস্য যোগিনো বৈ মদাত্মনঃ ।

ন জ্ঞানং ন চ বৈরাগ্যং প্রায়ঃ শ্রেয়ো ভবেদিহ । ভাগঃ ১১।২০।৩১

—মদভক্তিমুক্ত, মদাত্ম যোগিদিগের পক্ষে জ্ঞান ও বৈরাগ্য প্রায় মঙ্গলকর
নহে । ভাগঃ ১১।২০।৩১ ।

জ্ঞানলাভ ও বৈরাগ্যের উদয়, তৎসংক্রান্ত বা শাস্ত্রানুশীলনের ফল । এই
জ্ঞান ও বৈরাগ্য দ্বারা জন্মমৃত্যুরূপ পাশের নাশ হয় । কিন্তু ভগবদ্-প্রেমিকের
উক্ত পাশ না থাকায়, তাঁহার পক্ষে জ্ঞান ও বৈরাগ্যের আবশ্যিকতা নাই ।
তবে ভক্তির অঙ্গ স্বরূপ যে জ্ঞান ও বৈরাগ্য, তাহা ত্যাগ করিবে না । ইহা
বুঝাইবার জন্য উক্ত শ্লোকে 'প্রায়ঃ' শ্রেয়স্কর নহে, বলা হইয়াছে, এবং এই
অন্য 'ছন্দতঃ' পদের বা পূর্ব শ্লোকে ব্যবহৃত "আছন্দঃ" পদের প্রয়োজনীয়তা
বুঝা যাইতেছে ।

[৩।৩।২৬, ৩।৩।২৭ শ্লো দুইটির মধ্য ও বলদেব সম্বন্ধে অর্থ দেওয়া হইল ।
বলভাচার্যের অর্থও উহাদের মতের পোষক । শঙ্কর ও রামানুজের ব্যাখ্যা
অন্য প্রকার—ইহা পরে দেওয়া হইল ।]

৩।৩।২৬ সূত্র—শক্রর ও রামানুজের ব্যাখ্যা ।

ভিত্তি :—

- ১। মুণ্ডক শ্রুতির ৩।১।৩ ও ছান্দোগ্য শ্রুতির ৮।১৩।১ মন্ত্র ।
 ২। “তস্য পুত্রাদায়মুপযন্তি, স্ত্রহদাঃ সাধুকৃত্যাং, দ্বিষন্তঃ
 পাপকৃত্যাম্...” (শাট্যায়ণ শ্রুতি)

—তঁহার (জ্ঞানীর) পুত্রগণ সম্পত্তি লাভ করে, স্ত্রহদগণ পুণ্য ও শক্রগণ পাপ গ্রহণ করে । (শাট্যায়ণ শ্রুতি) ।

- ৩। “তৎসুকৃতদুষ্কৃতে ধূমুতে, তস্য প্রিয়া জ্ঞাতয়ঃ স্কৃতমুপযন্তি,
 অপ্রিয়া দুষ্কৃতম্ ।” (কৌষীঃ ১।৪)

—জ্ঞানী পুরুষ তখন পাপ পুণ্য পরিত্যাগ করেন । তঁহার প্রিয় জ্ঞাতীগণ শুভ কর্মফল লাভ করে, আর অপ্রিয়গণ অশুভ কর্মফল লাভ করে । (কৌষীঃ ১।৪) ।

সংশয় :—মুণ্ডক শ্রুতির ৩।১।৩ মন্ত্রে ও ছান্দোগ্য ৮।১৩।১ মন্ত্রে পাপ পুণ্য পরিত্যাগের কথা আছে, কিন্তু গ্রহণের কথা নাই । শাট্যায়ণ শ্রুতিতে গ্রহণের কথা আছে কিন্তু পরিত্যাগের কথা নাই । আবার, কৌষীতকী শ্রুতিতে পরিত্যাগ ও গ্রহণ উভয়ের কথা আছে । অতএব এই প্রশ্ন মনে উদ্ভিত হয় যে, সমুদায় বিজ্ঞাতে গ্রহণ ও পরিত্যাগ উভয় উপসংহার করিতে হইবে, অথবা, যেখানে যেমন উক্ত আছে, অর্থাৎ কোথাও কেবল পরিত্যাগ, অন্যত্র কেবল গ্রহণ, এবং তৃতীয় স্থলে পরিত্যাগ ও গ্রহণ উভয়ই করিতে হইবে ?
 উহার উত্তরে সূত্র :—

সূত্র :—৩।৩।২৬ ॥

হানৌ তুপায়নশব্দ-শেষত্বাৎ কুশা-চ্ছন্দঃ-স্তুত্বাপসানবৎ, তদুক্তম্
 ৬।৩।২৬ ॥

হানৌ + তু + উপায়ন-শব্দশেষত্বাৎ + কুশা-চ্ছন্দঃ-স্তুত্বাপসানবৎ +
 তৎ + উক্তম্ ॥

হানৌ :—পুণ্য-পাপ বিমোচনে । তু :—নিশ্চয়ে । উপায়ন-শব্দ-
 শেষত্বাৎ :—যেহেতু উপায়ন শব্দের প্রয়োগ, শেষ বা অঙ্গভূত থাকায় ।

কুশা-ছন্দঃ-স্তুত্যাগগানবৎ :—কুশা, ছন্দঃ, স্তুতি ও উপগানের জায় ।
তৎ :—তাহা । **উক্তম্ :**—পূর্ব মীমাংসায় কথিত আছে ।

কলাপশাখীরা পাঠ করিয়া থাকেন, “বানস্পত্য কুশসমূহ”, কিন্তু শাট্যায়ণ শাখীগণ পাঠ করেন, “ঔদুশ্রী কুশসমূহ”। এখন, কলাপশাখীদের পাঠে কুশ সমূহের বানস্পত্যতা জানা গিয়া থাকে। কিন্তু শাট্যায়ণ শাখীগণের পাঠ ঐ কলাপবাক্যের শেষ বা বিশেষক মাত্র। আবার, “দেবতা ও অসুরগণের ছন্দঃ সমূহ দ্বারা” ইত্যাদি ক্রমে দৈব ও আসুর ছন্দের উল্লেখ থাকিলেও পৌর্কোপর্য্য বোধক “দৈব ছন্দঃ সমূহ প্রথম”—এই বাক্যটি পূর্ববাক্যের শেষভূত হইতেছে। সেই প্রকার “হিরণ্য দ্বারা ষোড়শীর স্তোত্র গান করিবে”, এই বিধিতে স্তোত্র পাঠের সময় নির্দেশ না থাকায়, “সূর্য উদিত প্রায় হইলে ষোড়শি স্তোত্র সংস্কার করিবে”, এই বাক্য পূর্ব বাক্যের অঙ্গ রূপে গ্রহণীয়। এই প্রকার, “ঋত্বিক্গণ গান করিবে”—এই বাক্য দ্বারা সমুদায় ঋত্বিক্গণের গান করা বিধি সম্ভাবনা হয়। কিন্তু, “অধ্বর্যু উপগান করিবে না”—এই বাক্য পূর্ববর্তী বাক্যকে বিশেষিত করিয়া, তাহার শেষভূত ভাবে ব্যবহৃত হয়। এই সকল সিদ্ধান্ত স্থাপনের জন্ত পূর্বমীমাংসাকার সূত্র করিলেন :—“বৈধকর্মের বিকল্প গ্রহণ যখন অনুচিত, তখন বিভিন্ন স্থানবর্তী সামান্য-বিশেষাত্মক বাক্যদ্বয়ের মধ্যে, একটি বাক্য অন্যবাক্যের শেষ বা অধীন অঙ্গভূত হইবে, নচেৎ বিধির সম্পূর্ণতা রক্ষা পায় না।” বর্তমান ক্ষেত্রেও বিকল্প অনুচিত। বিশেষতঃ—হানি-ত্যাগ ও উপায়ন-গ্রহণ, পরস্পর অপেক্ষা করে, একজন যাহা ত্যাগ করে, অপরে তাহাই গ্রহণ করে। অতএব, ত্যাগ ও গ্রহণ—উভয়কেই গ্রহণ করিতে হইবে।

এখন এক প্রশ্ন উঠে যে, একের স্কৃত-দ্রুত অপরে গ্রহণ করিবে, ইহা কি প্রকারে সম্ভব? শঙ্করাচার্য্য ইহার উত্তরে বলিতেছেন যে, ইহার প্রতি বিশেষ মনোযোগ দিবার প্রয়োজন নাই। ইহা বিচার প্রশংসা মাত্র, এবং বিদ্বান্ ব্যক্তি প্রতিকূলতাচরণ বিষয়ে বিশেষ সাবধান করিবার জন্ত প্রযুক্ত হইয়াছে মাত্র। কারণ, বিদ্বান্ ব্যক্তি শক্রমিত্রে সমদর্শী। সূতরাং যে ব্যক্তি তাঁহার শক্রতাচরণ করেন, তাহা উক্ত ব্যক্তিরই দোষ। বিদ্বান্ ব্যক্তির দোষ নয়। এজন্য তাহার বিশেষ সতর্ক হওয়া প্রয়োজন। আবার যাহারা, বিদ্বানের স্ক্রদ এবং তাঁহার সেবা শুশ্রূষাদি করেন, তাহারা উহার পুরস্কার স্বরূপ, তাঁহার কৃত স্কৃতের ভাগী হয়। ইহাও তাঁহার সেবা শুশ্রূষাদি কর্মে উৎসাহ বৃদ্ধির জন্ত।

৩।৩।২৭ সূত্র—শঙ্কর ও রামানুজ সম্প্রদায়ের ব্যাখ্যা।

ভিত্তি :—

- ১। মুণ্ডক শ্রুতির ৩।১।৩ ও ছান্দোগ্য শ্রুতির ৮।১।১ মন্ত্র।
 ২। “স এতং দেবযানং পশ্চানমাপত্যগ্নিলোকং গচ্ছতি.....।”
 (কৌষীতকী : ১।৩।)

“স আগচ্ছতি বিরজাং নদীং, তাং মনসৈবাত্যেতি, তং স্কৃত-
 হৃক্ষতে ধুমুতে ..।” (কৌষীতকী : ১।৪।)

—“তিনি দেবযান পথ প্রাপ্ত হইয়া অগ্নিলোকে গমন করেন”, এই প্রকার বরুণলোক, আদিত্যলোক প্রভৃতি অতিক্রম করিয়া, “তিনি বিরজা নদীর নিকট আগমন করেন, মনের দ্বারা এই নদী পার হন, তখন স্বীয় পুণ্য ও পাপ পরিত্যাগ করেন।”

(কৌষী : ১।৩, ১।৪)।

- ৩। “অশরীরং বাব সন্তুং ন প্রিয়াপ্রিয়ে স্পৃশতঃ”।
 (ছান্দোগ্য : ৮।১২।১-২)।

—শরীর বিযুক্ত হইলে পর, প্রিয় বা অপ্রিয় তাহাকে স্পর্শ করে না। (ছাঃ ৮।১২।১-২)।

- ৪। “এষ সম্প্রসাদোহস্মাচ্ছরীরাৎ সমুখায় পরং জ্যোতির্রূপসম্পত্ত্ব
 স্মেন রূপেণাভিনিম্পত্ত্বতে ॥” (ছান্দোগ্য : ৮।১২।১-২)।

—এই জীব শরীর হইতে উত্থিত হইয়া পরজ্যোতিঃ প্রাপ্ত হইয়া স্ব স্বরূপে নিম্পন্ন হয়। (ছাঃ ৮।১২।১-২)।

- ৫। “তস্য তাবদেব চিরং যাবন্ন বিমোক্ষে অথ সম্পৎস্ত্যে।”
 (ছান্দোগ্য : ৬।১৪।২)।

—তাঁহার সেই পর্য্যন্ত বিলম্ব, যাবৎ সে বিমুক্ত (দেহ-বিযুক্ত) না হয়, তাঁহার পর প্রকৃত মুক্তি লাভ করে। (ছাঃ ৬।১৪।২)।

সংশয় :—বেশ, হানি ও উপায়ন বা ত্যাগ ও গ্রহণ, এক সঙ্গেই চিন্তা করিতে হইবে, স্বীকার করিলাম। কিন্তু শ্রুতিমন্ত্রে কোথাও কথিত আছে যে, দেহত্যাগের সঙ্গে সঙ্গে পাপ পুণ্য পরিত্যাগ করে ; (ছাঃ ৮।১।১)। আবার,

কোথাও উক্ত আছে যে, গম্ভব্য পথের মধ্যেই 'বিরজা' নদীর নিকট উপস্থিত হইয়া, পাপ-পুণ্য পরিত্যাগ করে (কৌষীতকী: ১।৪)। এই বিরজা নদীর নিকট আসিবার আগে দেবযান পথ দিয়া অগ্নিলোক, বরুণলোক প্রভৃতি প্রাপ্তির কথা আছে—দেহত্যাগের পরেই উক্ত লোকপ্রাপ্তি হইয়া থাকে, তাহাতে সন্দেহ কি? অতএব, কোনটি যুক্তিযুক্ত? ইহার উত্তরে সূত্র:—

সূত্র:—৩।৩।২৭।

সাম্পরায়ে তর্ভব্যাত্বাৎ তথা হন্তে ॥ ৩।২।২৭ ॥

সাম্পরায়ে + তর্ভব্যাত্বাৎ + তথা + হি + অন্তে ॥

সাম্পরায়ে:—দেহ হইতে বহির্গমন সময়ে। তর্ভব্যাত্বাৎ:—ভোকৃত্য না থাকায়। তথা:—সেই প্রকার। হি:—নিশ্চয়ে। অন্তে:—অপর সকলে।

দেহত্যাগের সময়েই পুণ্যপাপ পরিত্যাগ করেন, কেননা, তাহার পর অন্য কোনও প্রকার ভোগ না থাকায়, পুণ্যপাপের কোনও প্রয়োজন হয় না। ছান্দোগ্য ৮।১২।১-২ মন্ত্রই ইহার প্রমাণ। আবার, ছান্দোগ্য ৬।১৪।২ মন্ত্রেও ইহা স্পষ্ট উক্ত হইয়াছে।

• [৩।৩।২৬ ও ৩।৩।২৭ সূত্রের শব্দর ও রামানুজ সম্মত যে অর্থ দেওয়া হইল, ইহা হইতে মধ্ব ও বলদেব সম্মত অর্থ, ভক্তিমার্গীদিগের অধিকতর প্রিয় বলিয়া মনে হয়। ভাগবত ভক্তিমার্গের প্রধান শাস্ত্র। সূত্ররূপে শেষোক্ত অর্থ ভাগবতমতে অধিকতর সঙ্গত হওয়ায়, তাহাই অগ্রে দেওয়া হইয়াছে। এখানে বলিয়া রাখি যে, ইহার পরে আমরা যে অর্থ অধিকতর ভাগবতসম্মত মনে করিব, তাহাই প্রদান করিব। কারণ, আমরা ভাগবত সাহায্যেই বেদান্তের আলোচনা করিতেছি। তবে ইহাও বলিয়া রাখি যে, আমাদের অর্থ কোনও না কোনও আচার্য্যের সম্মত অর্থ হইবেই হইবে। আমাদের স্বকপোল-কল্পিত অর্থ হইবে না।]

১২। ছন্দতোহধিকরণ ॥

ভাস্ত্রঃ—

১। “হৈরণ্যো গোপবেশমভ্রাভং কল্পক্রমাশ্রিতম্ ।”

(গোপাল পূর্বতাপনী ১ ।)

—হিরণ্য বর্ণ, গোপবেশধারী, মেঘাভ, কল্পক্রমাশ্রিত ।

(গো, পু, তা, ১ ।)

২। “প্রকৃত্যা সহিতঃ শ্যামঃ পীতবাসা জটাধরঃ ।”

(রাম পূর্বতাপনী ৪১৭) ।

—প্রকৃতির সহিত মিলিত, শ্যামবর্ণ, পীতবাস ও জটাধর ।

(রাম পু: তা:, ৪১৭) ।

৩। “অয়মাত্মা সর্বশ্চ বশী সর্বশ্চেশানঃ ।”

(বৃহদারণ্যক, ৪।৪।২২) ।

—এই আত্মা সকলের নিয়ন্তা, সকলের প্রভু । (বৃহদা: ৪।৪।২২)

সংশয়ঃ—ভিন্ন ভিন্ন শ্রুতিতে পরম তত্ত্বের ভিন্ন ভিন্ন রূপ বর্ণনা আছে । কোথাও তাঁহার মাধুর্য্য জ্ঞানজাত অনুরাগ ভক্তিকে, আবার কোথাও তাঁহার ঐশ্বর্য্য জ্ঞানজাত বৈধী ভক্তিকে তাঁহার প্রাপ্তির সাধন রূপে কথিত হইয়াছে । মাধুর্য্য ও ঐশ্বর্য্য জ্ঞানের পার্থক্য অল্প ভক্তিও দ্বিবিধ হইতেছে । এই দুই প্রকার ভক্তির মধ্যে . কোনটি ভগবদ্ প্রাপ্তির প্রকৃষ্টতর উপায়, তাহার নির্দ্ধারণ প্রয়োজন । অতথা কোনটিতেই প্রবৃত্তি না হইতে পারে । অতএব, প্রকৃষ্টতর উপায় কোনটি ? এই প্রশ্নের উত্তরে সূত্রঃ—

সূত্রঃ—৩।৩।২৮ ।

ছন্দত উভয়াবিরোধাৎ ॥ ৩।৩।২৮ ॥

ছন্দতঃ + উভয় + অবিরোধাৎ ॥

ছন্দতঃঃ—ছন্দ হেতু, ভগবানের ইচ্ছানুসারে । উভয়ঃ—দুই প্রকারই ।

অবিরোধাৎঃ—অবিরোধ হেতু, (শ্রুতি ও বস্তুস্বভাবের অবিরোধে) ।

শ্রীভগবানের ইচ্ছাই শাস্ত্রে প্রকটিত হইরাছে, এবং শাস্ত্রে মাধুর্য ও ঐশ্বর্য জ্ঞান—দুই প্রকার উপাসনারই পোষক প্রমাণ আছে। উভয়ই অবিরোধ। যাহার যেমন অধিকার, সে সেইরূপ ভক্তিমাৰ্গ গ্রহণ করিয়া পরম পুরুষার্থ লাভ করিতে পারে। অনাদি সিদ্ধ দ্বিবিধ ভগবদুপাসনা, তাঁহার নিত্যসিদ্ধ পার্শদ-বৃন্দ হইতে সংসারাবদ্ধ মানব পর্য্যন্ত বিস্তৃত রহিয়াছে। ভক্ত তিন প্রকার—উত্তম, মধ্যম ও অধম বা প্রাকৃত—ইহা ভাগবতে কথিত আছে। ইহাদের মধ্যে মধ্যম ভক্তই ঐশ্বর্যজ্ঞানের উপাসক। তাঁহার ভেদ দৃষ্টি আছে। তিনি উত্তম ভক্তের গায় ভাবে বিভোর হইয়া বিধিনিষেধের অতীত হয়েন নাই। ভাগবত বলিতেছেন :—

• ঈশ্বরে তদধীনেষু বালিশেষু দ্বিষৎশু বা ।

প্রেম মৈত্রী কৃপোপেক্ষা যঃ করোতি স মধ্যমঃ ॥

ভাগঃ ১১।২।৪৪

—যিনি ঈশ্বরে প্রেম, তাঁহার ভক্তে মৈত্রী, অজ্ঞানে কৃপা, এবং বিদ্বেষীগণকে উপেক্ষা করেন, তিনি মধ্যম ভক্ত। ভাগঃ ১১।২।৪৪

তাঁহার ভেদ জ্ঞান আছে। তিনি যদি সকলে ভগবদ্ভাব করিতে পারেন, তবে ক্রমশঃ উত্তম হইতে পারিবেন। ঐশ্বর্যদর্শী বিধিপথগামী। এজন্য তাঁহাদের ভেদদৃষ্টি বর্তমান থাকায়, তাঁহারা মধ্যম ভক্ত বলিয়া পরিগণিত। উত্তম ভক্ত মাধুর্যের উপাসক। ত্রিভুবনের বিভব প্রাপ্ত হইলেও, যিনি ইন্দ্রাদি দেবগণের অশ্বেষণীয় ভগবৎপদারবিন্দ হইতে নিমিষাৰ্দ্ধ কালের নিমিস্তও বিচলিত হন না, ভগবৎপদারবিন্দকেই সার বলিয়া দৃঢ়নিশ্চয় করিয়াছেন, তিনি উত্তম ভক্ত। ভাগঃ ১১।২।৫১

• ত্রিভুবনবিভবহেতবেহপ্যকুণ্ঠ-

স্থিতিরজিতাশ্মুরাদিভির্বিমুগ্যাৎ ।

ন চলতি ভগবৎ পদারবিন্দা-

ল্লবনিমিষাৰ্দ্ধমপি যঃ স বৈষ্ণবাগ্র্যঃ ॥

ভাগঃ ১১।২।৫১

—যিনি আপনার ভগবদ্ভাব সৰ্ব্বভূতে অবলোকন করেন, এবং আত্মানুরূপ ভগবানকে সৰ্ব্বভূতে দেখেন, তিনি বিধি-নিষেধের অন্তর্ভুক্ত নহেন। তাঁহার ভেদ দৃষ্টি নাই। ভাগঃ ১১।২।৪৩

সর্বভূতেষু যঃ পশ্যেদ্ ভগবন্তাবমান্ননঃ ।

ভূতানি ভগবত্যাশ্ৰেণ ভাগবতোত্তমঃ ॥ ভাগঃ ১১।২।৪৩

উভয় প্রকার উপাসনা যে অবিরোধ, তাহার দৃষ্টান্ত স্বরূপ নিয়ে ভাগবতের শ্লোক উদ্ধৃত হইল। প্রকৃত পক্ষে, যে যেভাবেই হউক, ভক্তির সহিত তাঁহাতে মনোনিবেশ করিতে পারিলেই তাঁহার পরমপদ প্রাপ্তি হইয়া থাকে।

কামাং ছেবাং ভয়াং স্নেহাং যথা ভক্ত্যশ্বরে মনঃ ।

আবেশ্য তদঘং হিঙ্গা বহবস্তদগতিং গতাঃ ।

গোপ্যাঃ কামান্তয়াং কংসো ছেবাচ্চৈছাদয়ো নৃপাঃ ।

সম্বন্ধাঙ্কৃষ্ণয়ঃ স্নেহাদ্যু যং ভক্ত্যা বয়ং বিভো ॥

ভাগঃ ৭।১।২২

—ফলতঃ বহু বহু ব্যক্তি কাম, ঘেয, ভয়, স্নেহ বা ভক্তি হেতু যে কোনও কারণে পরিচালিত হইয়া, যদি ভক্তির সহিত ঈশ্বরে মনোনিবেশ করিতে পারে, তাহা হইলে সমুদায় পাপ পরিত্যাগ পূর্বক, তাঁহার পরমা গতি প্রাপ্ত হয়। দৃষ্টান্ত স্বরূপ, গোপীগণ কামহেতু, কংস ভয় হেতু, শিশুপালাদি নৃপগণ ঘেয হেতু, বৃষ্ণিবংশীয়গণ সম্বন্ধ হেতু, তোমরা (পাণ্ডবগণ) স্নেহ হেতু এবং আমরা (নারদাদি) ভক্তি হেতু তাঁহার গতি প্রাপ্ত হইয়াছি। ভাগঃ ৭।১।২২।

নিভৃতমক্শনোহ্কৃদৃঢ়যোগযুক্তো হৃদি য-

শুনয় উপাসতে তদরয়োহপি যযুঃ স্মরণাং ।

স্ত্রিয় উরগেদ্রভোগভুজদণ্ডবিষক্তধিয়ো

বয়মপি তে সমাঃ সমদৃশোহজ্জি সুরোজসুধা ॥

ভাগঃ ১০.৮.৭।২৩

—শ্রুতিগণ বলিতেছেন :—প্রাণ মনঃ ইন্দ্রিয় সংযম পূর্বক দৃঢ় যোগযুক্ত মনিগণ আপনার যে তত্ত্ব হৃদয়ে উপাসনা করিয়া যাইয়া প্রাপ্ত হন, শক্রগণ অনিষ্ট চেষ্টায় আপনার স্মরণে তাহাই প্রাপ্ত হয়। অপরিস্ক্রিয়, নিরবয়ব যে আপনি, আপনাকে পরিস্ক্রিয় যুক্তিবিশিষ্টরূপে দর্শন পূর্বক—সর্পেন্দ্রদেহ সদৃশ আপনার ভুজদণ্ডের আলিঙ্গনে আসক্তচিত্ত কামাত্মা গোপীগণও তাহা প্রাপ্ত

হয়। এবং শ্রুত্যানুমানী দেবতা—আমরাও তাহাদিগের স্তায়
আপনার পাদপদ্মকে স্তখে ধারণ করতঃ তাহাই প্রাপ্ত হইয়া
থাকি। আপনার নিকট সকলেই সমান। ভাগঃ ১০।৮।১২৩

শক্রগণ, যাহারা তাঁহার ঘেষ করেন এবং তাঁহার অনিষ্ট চেষ্টায় সর্বদাই
তৎপর, তাঁহারা যে মাধুর্যের উপাসনা করেন না, তাহা বলাই বাহুল্য।
যে যেভাবেই উপাসনা করুন না কেন, কল সকলেরই সমান। ভাবই আসল
বস্তু। উহাই গতির একমাত্র কারণ। ভাগবত এই কথা স্পষ্টই বলিয়াছেন :—

জন্মত্রয়ানুগুণিত-বৈরসংরক্ষয়া ধিয়া ।

ধ্যায়ংস্তময়তাং যাতো ভাবো হি ভব কারণম্ ।

ভাগঃ ১০।৭৪।৪৬

—শিশুপাল তিন জন্মে অল্পবর্তিত বৈরবুদ্ধি দ্বারা অনবরত ধ্যান
করতঃ মরণোত্তর তন্ময় হইয়া গেল। যেহেতু, ভাব—অনুধ্যানই—
গতির কারণ। ভাগঃ ১০।৭৪।৪৬

সূত্রে “ছন্দভঃ” পদ আছে, উহার অর্থ দেওয়া হইয়াছে, ভগবানের ইচ্ছায়।
প্রশ্ন উঠে, এ ইচ্ছা নির্ধারণের উপায় কি? ইহার উত্তর এই, সাধকের
অধিকার ও তদনুসারে কোনও বিশেষ প্রকার উপাসনায় স্বাভাবিক প্রবণতা।
ইহাই “ছন্দভঃ” পদের যাহা লক্ষ্য, তাহার বহিরভিব্যক্তি। যদি সাধক নিজে
ইহা স্থির করিতে অক্ষম হন, ব্রহ্মজ্ঞ গুরুই তাহা নির্ধারণ করিয়া দেন।

অতএব প্রতিপাদিত হইল যে, মাধুর্য্য, ঐশ্বর্য্য, বীর্য্য, জ্ঞান প্রভৃতি
যে কোনও ভাবেই তাঁহাকে উপাসনা করা যাউক না কেন, তাহাতে
কিছুই আসে যায় না। যদি ভাব গভীর হয়, তবে তাঁহার পরমপদ
প্রাপ্তি সন্নিবৃত্ত। অতএব, উক্ত প্রকার বিবিধ উপাসনায় বিরোধ নাই।

সূত্র :—৩।৩।২৯ ।

গতেরর্থবন্ধমুভয়থাঅন্যথা.হি বিরোধঃ ॥ ৩।৩।২৯ ॥

গতেঃ + অর্থবন্ধম্ + উভয়থা + অন্যথা + হি + বিরোধঃ ॥

গতেঃ :—গতির—ভগবৎ প্রাপ্তির। অর্থবন্ধম্ :—পুরুষার্থঃ। উভয়থা :
—উভয় প্রকারে। অন্যথা :—অন্য প্রকারে—তাহা না হইলে। হি :—
নিশ্চয়। বিরোধঃ :—বিরোধ হয়।

উক্ত দ্বিবিধ ভক্তি দ্বারাই ভগবৎ প্রাপ্তি হইতে পারে, এই হেতু 'দ্বিবিধ' ভক্তিই সার্থক। মাধুর্য্যজ্ঞানে কৃচি বা রাগানুগা ভক্তি দ্বারা মাধুর্য্যময় ভগবান্কে, এবং ঐশ্বর্য্যজ্ঞানে বৈধী ভক্তি দ্বারা ঐশ্বর্য্যময় ভগবান্কে পাওয়া যায়। অনুভূতির, বা রসান্বাদনের পৃথকত্ব থাকিতে পারে। ভগবানে সমুদায় রস পূর্ণমাত্রায় বর্তমান। যে সাধক যে রসের রসিক, সে সেই রসই, তাহার অধিকার এবং আন্বাদনের সামর্থ্যানুসারে, উপভোগ করিতে পারিবে। ঐশ্বর্য্যময় ভগবৎ প্রাপ্তি বা মাধুর্য্যময় ভগবৎ প্রাপ্তি—উভয়ই ভগবৎপ্রাপ্তি বটে। শূদ্রে ব্যবহৃত 'অর্থ' শব্দের অর্থ—পুরুষার্থ। পুরুষার্থপ্রাপ্তি ও পুরুষোত্তম প্রাপ্তি একই। ৩।৩।৬ শূদ্রে গুণোপসংহার করিবার উপদেশ দেওয়া হইয়াছে, কিন্তু বর্তমান আলোচ্য স্থলে উপরে কথিতমত অনুভূতির ও রসান্বাদনের পার্থক্য হেতু, উপাসনাও দুইপ্রকার হওয়ায়, উপসংহার করণীয় নহে, বুদ্ধিতে হইবে। বিশেষতঃ, ঐকান্তিক ভক্তের হৃদয়ে আপনার ইষ্টদেবের ইতর গুণের প্রকাশ হয় না, ইহা পরে আলোচিত হইবে।

ঐশ্বর্য্যজ্ঞানে সাধন—সাধারণতঃ জ্ঞানমার্গীর সাধন, এবং মাধুর্য্যজ্ঞানে সাধন—ভক্তিমার্গীর সাধন। উভয়েতেই মোক্ষপ্রাপ্তি হইয়া থাকে। জ্ঞান-মার্গীর সাধনে মোক্ষে ব্রহ্ম বা পরমাত্মা প্রাপ্তি, এবং ভক্তিমার্গীর সাধনে ভগবান্ বা পুরুষোত্তম প্রাপ্তি হইয়া থাকে। ইহার শ্রুতি ও স্মৃতি প্রমাণ আছে।

তৈত্তিরীয় শ্রুতিতে আছে “সত্যং জ্ঞানমনস্তং ব্রহ্ম”। “যো বেদ মিহিতং গুহ্যাতং পরমে ব্যোমন্,” (তৈত্তি: ২।১)—“ব্রহ্ম সত্য, জ্ঞান ও অনন্তস্বরূপ।” “যিনি ইহাকে পরম ব্যোম এবং হৃদয় গুহ্য নিহিত জানেন।” “তমেবং বিদ্বানমৃত ইহ ভবতি, নাশ্যঃ পশ্চা বিত্ততে-হয়নায়।” (তৈত্তিরীয় আরণ্যক পুরুষসূক্ত)—“তাঁহাকে জানিলে এই দেহেই অমৃতত্ব লাভ করা যায়, অর্থাৎ মৃত্তি হয়, অশ্রু কোনও পথ আশ্রয়ের জগু নহে।” কঠশ্রুতিতে আছে “যমেবৈষ বৃণুতে তেন সত্যস্তৈশ্রেষ আত্মা বিরূণুতে তনুং স্বাম্ ॥” (কঠ: ১।২।২২)— “এই আত্মা যাঁহাকে বরণ করেন, তাঁহার কাছেই নিজ স্বরূপ প্রকাশ করেন।” “বরণ” করা অর্থ—আত্মীয়র্থে অঙ্গীকার করা—কণ্ঠা যেমন পতিস্বৈ অঙ্গীকার করিয়া, পতির নিকট আপনাকে সর্ব্বতোভাবে অর্পণ করে—ইহাও সেইরূপ। সুতরাং বুঝা গেল যে, আত্মা যাহাকে উপযুক্ত অধিকারী বা ভক্ত বলিয়া আপনার নিজজন বলিয়া মনে করেন, তাঁহার নিকট সম্পূর্ণ ভাবে আত্মপ্রকাশ করেন। রহস্য বা গোপনের কিছুই থাকে না।

স্বতিতেও আছে—

“ভক্ত্যা মামভিজানাতি যাবান্ যচ্চাস্মি তদ্বতঃ ।

ততো মাং তদ্বতো জ্ঞাত্বা বিশতে তদনন্তরম্ ॥” (গীতাঃ ১৮।৫৫)

—ভক্তি দ্বারা আমি যে রূপ অর্থাৎ সর্বজ্ঞ, সর্বব্যাপী ও যাহা সচ্চিদানন্দধন ইহা তদ্বতঃ জানিয়া তদনন্তর অর্থাৎ জ্ঞানের উপশমে আমাতে প্রবেশ করে ।

(গীঃ ১৮।৫৫)

আবার, ভাগবতে আছে :—

মৎকামা রমণং জারমস্বরূপবিদোহবলাঃ ।

ব্রহ্ম মাং পরমং প্রাপুঃ সঙ্গাচ্ছতসহস্রশঃ ॥ ভাগঃ ১১।১২।১২

—সেই অবালাগণ, আমার স্বরূপ না জানিয়া, রমণ বিষয়ক জার বুদ্ধিতে আমাকে কামনা করিয়াই, নিয়ত আমার সংসর্গ বশতঃ আমাকে প্রাপ্ত হইয়াছিল । ভাগঃ ১১।১২।১২

উপরে উদ্ধৃত শ্রুতিমন্ত্র এবং স্বতির শ্লোক পর্যালোচনা করিলে দৃশ্যতঃ বিরোধ প্রতীয়মান হয় । এই বিরোধের সমাধান এই সূত্রে সূত্রকার করিলেন । তিনি বলিলেন যে, দ্বিবিধ উপায়েই ভগবৎপ্রাপ্তি হইতে পারে । মাধুর্য্যজ্ঞানে স্বরূপাবগতি না থাকিলেও ভগবৎপ্রাপ্তির অন্তরায় উপস্থিত হয় না ।

এই বিরোধ মহারাজ পরীক্ষিতের মনে উদয় হইয়াছিল । ভগবান্ যখন রাসবিলাসের ইচ্ছা করিয়া বংশীবাদন করিলেন, তখন গোপীগণ তাঁহার আকর্ষণে আত্মহারা হইয়া প্রেমোন্মত্ত অবস্থায়, সমস্ত কৰ্ম পরিত্যাগ করিয়া “বিশস্ত-বস্ত্রাভরণাঃ” হইয়া, উন্নতের গায় ছুটিয়া তাঁহার সকাশে উপনীত হইলেন । বাস্তবিক, ভগবানের ভুবনমোহন বংশীধ্বনি কানে প্রবেশলাভ করিবার সৌভাগ্য জীবের স্বধন হয়, তখন দুদিনের উপভোগ্য সুখভুঃখ, হাসি কান্নায় কি আর মন ভুলে ? মনঃ তখন আত্মহারা হইয়া বংশীবিলাসীর চরণপ্রান্তে বাইবার জন্ত ব্যগ্র হইয়া, সংসারের সমুদায় পরিত্যাগ করিয়া ছোটে । গোপীগণের সেই সৌভাগ্য ঘটয়াছিল, সুতরাং তাঁহারা কি করিয়া নিশ্চিত, নিষ্কিন্ত থাকিতে পারেন ? করেকজন গোপী নিজ নিজ আত্মীয়গণের সেবা গৃহাভ্যন্তরে করিতেছিলেন । তাঁহাদের কর্ণেও বিশ্বপতির মধুর আহ্বান পৌঁছছিল । তাঁহারাও ছুটিয়া বাহির হইবার জন্ত অত্যধিক ব্যগ্র হইলেন । কিন্তু তাঁহাদের পতি

প্রভৃতি আত্মীয়গণ গৃহের দ্বার কঁক করিয়া, তাঁহাদের গমনে বাধা দেওয়ার, তাঁহারা প্রিয়তম বিশ্বপতির হৃৎসহ বিরহতাপে দম্বকষায় এবং ধ্যানে তাঁহার মধুর আলিঙ্গন অনিত পরম নিবৃত্তির উপভোগে ক্ষীণপুণ্য হওয়ায়, তাঁহাদের গুণময় দেহ ধারণের কারণ বর্তমান না থাকা নিবন্ধন, স্থূল দেহ পরিত্যাগ করতঃ, শ্রীকৃষ্ণকে প্রাকৃত উপপত্তি রূপে মনে করিয়াও, তাঁহার পরম পদ প্রাপ্ত হইলেন। শুকদেব গোস্বামী এই প্রকার বর্ণনা করিলে, মহারাজ পরীক্ষিৎ প্রশ্ন করিলেন :—

কৃষ্ণং বিহুঃ পরং কাস্তুং ন তু ব্রহ্মতয়া মুনে ।

গুণপ্রবাহোপরমস্তাসাং গুণাধিয়াং কথম্ ॥ ভাগঃ ১০।২৯।১২

—হে মুনে! এই গোপীগণ শ্রীকৃষ্ণকে ব্রহ্ম বলিয়া জানিতেন না, তাঁহাদের মনঃমোহনকারী কাস্তুরূপেই জানিতেন। স্মৃতরাং, তাঁহাদের জন্মমৃত্যু-প্রবাহের উপরম পরমমোক্ষলাভ কি প্রকারে হইল?

ভাগঃ ১০।২৯।১২

ইহার উত্তরে শুকদেব গোস্বামী বলিলেন :—

উক্তং পুরস্তাদেতন্তে চৈতুঃ সিদ্ধিং যথা গতঃ ।

দ্বিষন্নপি হৃষীকেশং কিমুতাধোক্কজপ্রিয়াঃ ॥ ভাগঃ ১০।২৯।১৩

নৃগাং নিঃশ্রেয়সার্থায় ব্যক্তিভর্গবতো নৃপ ।

অব্যয়শ্চাপ্রমেয়শ্চ নিগুণশ্চ গুণাঅনঃ ॥ ভাগঃ ১০।২৯।১৪

কামং ক্রোধং ভয়ং স্নেহমৈক্যাং সৌহৃদমেব চ ।

নিত্যং হরৌ বিদধতো যাস্তি তন্নয়তাং হি তো ॥ ভাগঃ ১০।২৯।১৫

—হে রাজন্! আমি ত তোমাকে পূর্বেই বলিয়াছি যে, শিশুপাল ভগবানকে দ্বেষ করিয়াও সিদ্ধিপ্রাপ্ত হইয়াছিল। অতএব, ইন্দ্রিয় জ্ঞানের অগোচর যে ভগবান, তাঁর প্রিয়াগণের কথা কি? মানবগণের পরম পুরুষার্থ সিদ্ধির জন্ত, অব্যয়, অপ্রমেয়, নিগুণ—গুণের প্রবর্তক ভগবানের প্রপঞ্চে অভিব্যক্তি! কাম, ক্রোধ, ভয়, স্নেহ, ঐক্য, সৌহৃদ প্রভৃতি যে কোনও ভাব, সেই দূরিত হরণকারী হরিতে প্রতিনিরন্ত বিহিত হইলে মানব তন্নয়তা লাভ করে। ভাগঃ ১০।২৯।১৩-১৪-১৫।

তন্নয়তা লাভ করিলে আর মোক্ষ প্রাপ্তির বিলম্ব কি?

“ভাবো হি ভবকারণম্” ইহা ত পূর্ব সূত্রের আলোচনার বলা হইয়াছে। অতএব, ইহাতে আশ্চর্য্য হইবার কিছুই নাই। জ্ঞান

—বস্তুভেদে জ্ঞানায় ; আর ভক্তি—বস্তুকে মিকটে আনয়ন করিয়া আশ্বাসন বা উপভোগের দ্বারা উহার ভেদ গোচরীভূত করে । প্রক্কে—বস্তু ও ভেদ অভেদ হওয়ায়, ভেদজ্ঞান দ্বারা প্রক্ক প্রাপ্তি হইয়া থাকে । প্রত্যক্ষে, আমরা দেখিতে পাই যে, যদি অজ্ঞান বালক অগ্নির দাহিকা শক্তি না জানিয়া, অগ্নির মধ্যে হস্ত প্রবেশ করিয়া দেয়, অগ্নি তাহার হস্ত দগ্ধ করিবেই করিবে । ইহা বস্তু শক্তির পরিচয় । রোগ হইলে চিকিৎসক প্রদত্ত ঔষধের গুণ অবগত না হইয়াও সেবন করিলে, উহার কার্য্য করিবেই করিবে । ঐরূপ, বিষ না জানিয়া অসাবধানে অজ্ঞাতে গলাধঃকরণ করিলে অজ্ঞানতার জন্ম কি উহার কার্য্য প্রতিহত থাকিবে ? তাহা কখনই থাকে না । বস্তু তাহার নিজ শক্তি অনুসারে কার্য্য করিবেই করিবে । সেইরূপ ভগবদ বস্তু যে কোন ভাবেই যদি উপাসনা (উপ—সমীপে আনয়ন) করা যায়, তবে, তাহার বস্তুশক্তি কার্য্য করিবেই করিবে । এই সমীপে আনয়ন—নিরন্তর চিন্তন, তদভাবে বিভাবিত হওনের দ্বারা হইয়া থাকে । তিনি আমাদের সকলের অন্তরে বাহিরে বর্তমান আছেন, আমাদের ভাল মন্দ কোনও কার্য্য তাঁহার অজ্ঞাতে হয় না । তিনি বুঝিতে পারেন যে, চিন্তা তাঁহারই জন্ম হইতেছে, অথবা, আমাদের নিজ নিজ আত্মস্মৃতি বা প্রখ্যাতি বৃদ্ধির জন্ম হইতেছে ? অর্থাৎ আমি তাঁহাকে বস্তুতঃ চাই কিনা, অথবা, লোকসমাজে ভক্ত বলিয়া প্রতিপন্ন হইবার ইচ্ছাই আমার মুখ্য উদ্দেশ্য—চক্ষুঃ মূদিয়া ধ্যান ব্যপদেশ—বা মালা লইয়া নাম জপের অভিনয়—উহার উপায় মাত্র ? তাঁহার কাছে কিছুই অজ্ঞাত থাকে না । যদি আমার বাস্তবিক আগ্রহ থাকে, এবং সে আগ্রহ আকুল হয়, তবে কি তিনি চূপ করিয়া থাকিতে পারেন ? তিনি যে ভক্ত বৎসল । তাঁহার ত নিরীহ, উদাসীনভাবে থাকিবার উপায় নাই । ভক্তবৎসলতা ত তাঁহার একটি অপবাদ । তিনি যেকল্পতরু স্বভাব । আমাদের প্রার্থনা তাঁহার কাছে পৌঁছছিলেই তিনি তাহা পূরণ করিতে উন্মুখ । ইহা তাঁহার স্বভাব । ইহা না করিলে যে তাঁহার স্বরূপ বিচ্যুতি ঘটিবে—তাহা ত অসম্ভব । অতএব তাঁহার প্রার্থনাপূরণ না করিয়া থাকিবার উপায় নাই ।

• জ্ঞানমার্গে বিধিমুখে উপাসনার শাস্ত্রবিধি যথাযথ প্রতিপালনের দ্বারা শাস্ত্রের মৰ্যাদা অক্ষুণ্ণ রাখা হইয়া থাকে, এবং তাহার ফলও শাস্ত্রানুসারে কল্যাণকর । কিন্তু তাঁহার ঐকান্তিক ভক্তগণ শাস্ত্রবিধি মানিতে পারেন না । তাহাতে কি তাঁহাদের প্রত্যবার হইয়া থাকে ? ভাগবত ইহার উত্তর দিতেছেন :—

স্বপাদমূলং ভজতঃ প্রিয়ম্

ত্যাঙ্গাশ্চভাবম্ হরিঃ পরেশঃ ।

বিকর্ষ যচ্চোৎপত্তিতং কথঞ্চিৎ

ধুনোতি সর্বং হৃদি সন্নিবিষ্টঃ ॥ ভাগঃ ১১।৫।৩৮

—স্বীয় পাদমূল ভজনকারী অন্য ভাব রহিত প্রিয়ভক্ত যদি কখনও প্রমাদ বশতঃ নিষিদ্ধ কর্ম করিয়া বসেন, পরমেশ্বর হরি, তাঁহার হৃদয়ে সন্নিবিষ্ট থাকিয়া সমুদায় পাপ বিনষ্ট করিয়া থাকেন ।

ভাগঃ ১১।৫।৩৮

সুতরাং, সমুদায় পরিত্যাগ করিয়া একান্ত ভাবে তাঁহার পাদমূল আশ্রয় করা দেহধারীমাত্রেয় কর্তব্য ।

জ্ঞানের পথ দুর্গম । ভক্তির পথ অপেক্ষাকৃত সুগম । যদিও উভয় পথের লক্ষ্য স্থান এক, তথাপি পথের দুর্গমতা ও সুগমতার প্রতি দৃষ্টি রাখা পথবাহী পথিকের প্রয়োজন । লৌকিক দৃষ্টান্তে লোকে তাহাই করিয়া থাকে । ব্রহ্মা তাঁহার স্তবে এই উপদেশই দিয়াছেন :—

জ্ঞানে প্রয়াসমুদপাস্য নমস্ত এব

জীবন্তি সন্মুখরিতাং ভবদীয়বার্তাম্ ।

স্থানে স্থিতাঃ শ্রুতিগতাং তনুবাঙ্মনোভি-

র্ষে প্রায়শোহজিত জিতোহ্যসি তৈস্তিলোক্যাম্ ॥

ভাগঃ ১০।১৪।৩

শ্রেয়ঃ সৃতিং ভক্তিমুদম্ তে বিভো ।

ক্লিষ্টস্তি যে কেবলবোধলক্ষ্যে ।

তেষামসৌ ক্লেশল এব শিষ্ট্যতে

নান্যদ্ যথা স্থলতুষ্ণাবঘাতিনাম্ ॥ ভাগঃ ১০।১৪।৪

—হে অজিত ! আপনাকে জিলোকে কেহ জয় করিতে পারে না, সত্য বটে । কিন্তু যে সকল ব্যক্তি জ্ঞানলাভের প্রয়াস পরিত্যাগ করিয়া, স্বস্থানেই অবস্থিতি করতঃ সাধুগণ কর্তৃক নিত্য প্রকটিত আপনার কথা বিনা চেষ্টায় শ্রুতিগত হইলে, উহা কার্যমনোবাক্যে সংকার পূর্বক অবলম্বন করিয়া থাকে, তাহারা কর্ম কক্ক বা না কক্ক, জিলোকের মধ্যে তাহাদের ঘরাই আপনি জিত হইবেন । অন্তের ছুপ্রাপ্য হইলেও, তাহারা আপনাকে

প্রাপ্ত হয়। আবার অন্তর্পক্ষে, যে সকল লোক পরম কল্যাণের বস্তুস্বরূপ ভক্তি পরিত্যাগ করিয়া কেবল বোধ লাভার্থ ক্লেশ করে, তাহারা ধাক্কা মনে করিয়া স্থূল তুষ অবঘাত করার স্থায়, কেবলমাত্র ক্লেশ ভোগ করিয়া থাকে। ভাগঃ ১০।১৪।৩-৪।

সাধনোপায় প্রধানতঃ দুই প্রকার—কর্ম সন্ন্যাসরূপ জ্ঞানযোগ ও কর্মফল ত্যাগরূপ কর্মযোগ। ভাগবত গীতার ৩।৩ শ্লোকে এই উভয় পন্থার নির্দেশ করিয়াছেন। উভয়ই ভক্তি যোগের অপেক্ষা রাখে। ভাগবতে জ্ঞানযোগ, কর্মযোগ ও ভক্তিয়োগ তিনটি সাধনোপায় বলিয়া কথিত হইয়াছে। যাহাদের বৈরাগ্যোদয় হইয়াছে, তাহাদের পক্ষে জ্ঞান যোগ, যাহাদের বৈরাগ্যোদয় হয় নাই, প্রত্যাভ বাসনার বশে যাহারা পরিচালিত, তাহাদের পক্ষে কর্মযোগ; আর ভগবানের কথায়, নামে, যাহাদের শ্রদ্ধা জন্মিয়াছে, তাহাদের পক্ষে ভক্তিয়োগ প্রশস্ত। ভাগবত বলিতেছেন :—

নির্বিবলানাং জ্ঞানযোগো ত্বাসিনামিহ কর্মসু ।

তেষুনির্বিবলচিত্তানাং কর্মযোগশ্চ কামিনাম্ ॥ ভাগঃ ১।১।২০।৭

যদৃচ্ছয়া মৎকথাদৌ জাতশ্রদ্ধস্ত যঃ পুমান্ ।

ন নির্বিবলো নাতিসক্ভো ভক্তিয়োগোহশ্চ সিদ্ধিদঃ ॥ ভাগঃ ১।১।২০।৮

ইহাদের অর্থ ১।১।৩২ সূত্রের আলোচনায় (পৃঃ ৪৭৮) দেওয়া হইয়াছে।

অধিকারী ভেদে পন্থা নির্দেশ করা হইল। ইহাদের মধ্যে এটি ভাল, এটি মন্দ, এরূপ মনে করিবার কোনও কারণ নাই। যিনি যে প্রকার অধিকারী, তাহার পক্ষে সেই পন্থাই শ্রেয়স্কর, ইহা বিশ্বাস করা উচিত। অস্থখ বা ধ্বংস অত্যন্ত অকল্যাণকর, ইহা বলাই বাহুল্য। আমি ভক্তি পথের পথিক, অতএব আমি অপর পথের পথিক হইতেও শ্রেষ্ঠ, যদি আমি এরূপ মনে করি, তবে তাহা আমারই আত্মসম্বন্ধের পরিচায়ক এবং উহার ফল সমূহ অন্তর্ভুক্ত। এই ভক্তি-জ্ঞানাত্মক বা ভক্তি-কর্মান্বক উপাসনা সম্বন্ধে আলোচনা ও বিরোধ সমাধানের প্রয়াস মৎ প্রণীত "গায়ত্রী রহস্য" পুস্তকের গায়ত্রী তত্ত্বে ৪২ ও ৪৩ অঙ্কে করা হইয়াছে। এখানে আর বিস্তারের প্রয়োজন নাই।

এই প্রসঙ্গে আর একটি বিষয় আলোচনার প্রয়োজন। উপরে উক্ত ভাগবতের ১।১।২০।১৫ শ্লোকে, কাম, ক্রোধ প্রভৃতি ক্রীতগবানে

অর্পিত হইলে, নিঃশ্রেয়স লাভের উপায় হইয়া থাকে, বলা হইয়াছে। আমরা কাম ক্রোধকে রিপু বলিয়াই জানি। তাহা ভগবানে অর্পণ করা কি সম্ভব? এ প্রকার সন্দেহ মনে উদয় হয়। অনেক ধর্মের মত যে, উহা ভগবানে অর্পিত হইলে নিঃশ্রেয়স লাভ দূরের কথা, পাপভাগী হইতে হয়। এ সম্বন্ধে ভাগবত মত এই যে, পরশমণির সংস্পর্শে অতি তুচ্ছ লৌহ যেমন স্বর্ণ হয়, সেইরূপ অশেষ কল্যাণ গুণের আকর, প্রেমমঙ্গল ও আনন্দময় ভগবানে উহারা অর্পিত হইলে, উহাদের দোষ থাকে না। উহারা তখন লৌহের স্পর্শমণি সংস্পর্শে বিশুদ্ধ স্বর্ণ গুণ প্রাপ্তির গায়, প্রেম-মঙ্গল-আনন্দ সংপ্রবাহের কেন্দ্র স্বরূপ হয়। ইন্দ্রিয়গণ ততদিন শত্রু, যতদিন শ্রীভগবানে অর্পিত না হয়। ব্রহ্মা বলিতেছেন :—

তাবদ্‌রাগাদয়ঃ স্তেনাস্তাবৎ কারাগৃহং গৃহম্ ।

তাবন্মোহোহিষ্ণু নিগড়ো যাবৎ কৃষ্ণ । ন তে জনাঃ ॥

ভাগঃ ১০।১৪।৩৬

—হে কৃষ্ণ! রাগাদি তাবৎকাল পর্য্যন্ত দয়া, গৃহ ততকালই কারাগৃহ এবং মোহ তাবৎ পর্য্যন্ত পাদশৃঙ্খল, যতদিন পর্য্যন্ত উহারা তোমাতে অর্পিত না হয়। উহারা তোমার্তে অর্পিত হইলেই, পরমবন্ধুর গায় নিঃশ্রেয়সের পথে অগ্রসর করাইয়া দেয়।

ভাগঃ ১০।১৪।৩৬

ন ময্যাবেশিতধিয়াং কামঃ কামায় কল্পতে ।

ভর্জিতাঃ কথিতা ধানাঃ প্রায়ো বীজায় নেশতে ।

ভাগঃ ১০।২২।২৬

—আমাতে আবিষ্টচিত্ত ব্যক্তিগণের কাম, বিষয়ভোগার্থ কল্পিত হয় না। ধান, যব, প্রভৃতি যদি অগ্নিতে ভর্জিত বা জলে সিদ্ধ করা হয়, তাহা হইলে কি তাহা হইতে অক্ষুরোৎপত্তি সম্ভব?

ভাগঃ ১০।২২।২৬

ভগবান্ অনন্ত । অনন্ত ভাবনিচয় তাঁহাতে বর্তমান । জগতে সমুদায় ভাবের উৎপত্তি তাঁহা হইতেই । ভাল ভাব, মন্দভাব, ধর্ম, অধর্ম, কাম, ক্রোধ,

শেষ, হিংসা, আবার দয়া, দাক্ষিণ্য, সরলতা, অহিংসা, সমতা প্রভৃতি সমুদায়ের একমাত্র আশ্রয় তিনিই। তাঁহাকে ছাড়িয়া কেহ থাকিতে পারে না। আমাদের হৃদয়ে এ সকল ভাব, অগ্নাধিক সকলের আছে। তাহাতে দূষিত হইবার বা হতাশ হইবার কারণ নাই। ঐ সকল ভাব, আমাদের চতুঃপার্শ্বস্থ প্রতিবেশী, বন্ধু, শত্রুর প্রতি প্রয়োগ না করিয়া, সমুদায় ভাবের শাশ্বত একমাত্র আধার শ্রীভগবানে অর্পণ করিতে পারিলেই সর্বার্থসিদ্ধি হইয়া থাকে। তখন উহারা আর বন্ধনের কারণ না হইয়া মুক্তি পথে অগ্রসর করাইয়া দিবার কারণ হইয়া থাকে। এই তত্ত্বই আমরা ২।১।২৩ সূত্রের আলোচনায়, তড়িৎ পরিচালক তারের সাহায্যে বজ্রাঘাত হইতে অট্টালিকা সংরক্ষণের দৃষ্টান্তে প্রতিপাদিত করিয়াছি। সেখানে ইহা কর্মবাদ প্রসঙ্গে দৃষ্টান্ত স্বরূপে উল্লিখিত হইয়াছে। কাম, ক্রোধ ইত্যাদি মনের বৃত্তি, গুণের দ্বারা নির্মিত, এবং ইহারাই কর্ম সৃজন করে। তাহাও উক্ত সূত্রের আলোচনায় প্রতিপাদিত হইয়াছে। অতএব, এই কর্মের উৎপাদক গুণকে শ্রীভগবানে অর্পণ করিলেই আর কর্ম উৎপাদিত হইতে পারে না। সুতরাং সংসার বন্ধনের কারণ বর্তমান না থাকায় মুক্তি আপনা হইতে আসিয়া উপস্থিত হয়, ইহা স্পষ্টই বুঝা গেল। ব্রহ্মভাবে বিভাবিত না হইলেও ভগবানকে আশ্রয়, স্নেহ, কাম্যভাবে ভাবিলেও ফল অভিন্ন। ইহার দৃষ্টান্ত শ্রীমদ্ভাগবত উদ্ধব উক্তিতে নিম্নোক্ত শ্লোকে স্পষ্ট উল্লেখ করিয়াছেন, যথা :—

ক্লেমাঃ স্ত্রিয়ো বনচরীব্যভিচারতৃপ্তাঃ

কৃষ্ণে ক চৈষ পরমাশ্রয়ী রূঢ়ভাবঃ ।

নদ্বীখরোহনুভজতোহবিভূষোহপি সাক্ষাৎ

শ্রেয়স্তনোত্যগদরাজ ইবোপযুক্তঃ ॥

ভাগঃ ১০।৪৭।৫৯

—অহো ! এই সুকল স্ত্রী (গোপী) বনচরী—নাগরিকা স্ত্রীগণের
 গায় কলাকুশলা নহে—তাহাতে ব্যাভিচার-দূষিতা ; ইহারা কোথায় ?
 আর পরমাশ্রয়ী শ্রীকৃষ্ণে পরম প্রেম কোথায় ? উভয়ের অন্তর কত
 অধিক ! যে ব্যক্তি একান্ত ভাবে ভগবানকে ভজনা করে, সে
 ভগবত্বয়ে অনভিজ্ঞ হইলেও, এবং ব্যাভিচারাদি অশাস্ত্রীয় ভাবের
 দ্বারা ভগবানের ভজনা করিলেও, উপযুক্ত মহৎ ঐশ্বরের দ্বারা

(গুণ না জানিয়া গলাধঃকরণ করিলে, যেমন সে নির্জগৎ বিস্তার করিয়া রোগমুক্ত করে); ভগবান্ অনন্ত তাঁহার শ্রেয় বিস্তার করিয়া থাকেন । ভাগঃ ১০।৪৭।৫২

অতএব, সিদ্ধ হইল যে, জ্ঞানপথ ও ভক্তিপথ—উভয় পথের লক্ষ্য একই । এবং ভগবত্তত্ত্ব না জানিয়া ভক্তি করিলেও, বস্তুশক্তি বশতঃ সমুদায় পুরুষার্থ সিদ্ধ হইয়া থাকে ও তাঁহাকে পাওয়া যায় । তাঁহাকে পাওয়া গেলে আর পাইবার কি বাকী থাকে ? তখন তত্ত্বজ্ঞান ত আপনা হইতেই উপস্থিত হয় ।

১৩। উপপন্নাবিকরণ ॥

সংশয়ঃ—তোমার পূর্ব সূত্রোক্ত বিচার আলোচনা করিলে, তোমার উদ্দেশ্য স্পষ্ট উপলব্ধি হইতেছে না। তুমি বলিয়াছ যে, বৈধী ভক্তি ও রাগানুগা ভক্তি উভয়ের প্রাপ্য একই। অথচ, আবার বলিতেছ যে, উভয়-বিধ উপাসনার ফলে রসান্বাদন পৃথক্ হইতে পারে। একের উপাসনার ঐশ্বর্যময় ভগবৎ প্রাপ্তি এবং অপর প্রকার উপাসনায় মাধুর্যময় পুরুষোত্তম প্রাপ্তি। তবে কি ইহাদের ফলের ইতর বিশেষ আছে, এবং উপাসনারও উত্তম মধ্যম ভেদ আছে? ৩।৩।২৮ সূত্রের আলোচনায় বৈধীমার্গীয় সাধককে মধ্যম শ্রেণীর ভক্ত বলিয়া নির্দেশ করিয়াছ, এবং পোষকে ভাগবতের ১।১।২।৪৪ শ্লোক উদ্ধৃত করিয়াছ। আবার, ১।১।২।৪৩, এবং ১।১।২।৫১ শ্লোক উদ্ধৃত করিয়া রাগানুগা ভক্তি মার্গীয় ভক্ত উত্তম বলিয়া নির্দেশ করিয়াছ। পরিষ্কার করিয়া বল না, উভয়ের মধ্যে পার্থক্য কোথায় এবং কতটুকু? ইহার উত্তরে সূত্রঃ—

সূত্রঃ ৩।৩।৩০।

উপপন্নস্তুল্লক্ষণার্থোপলক্ষেলোকবৎ ॥ ৩।৩।৩০ ॥

উপপন্নঃ + তৎ + লক্ষণ + অর্থ + উপলক্ষেঃ + লোকবৎ ॥

উপপন্নঃঃ—শ্রেষ্ঠত্ব সঙ্গত হয়। **তৎ**ঃ—সেই প্রকার স্বভক্তের সহিত মধুর ভাব বিনিময়। **লক্ষণ**ঃ—চিহ্ন। **অর্থ**ঃ—মাধুর্য্যগুণে গুণময় পুরুষোত্তম। **উপলক্ষেঃ**ঃ—প্রতীতি হেতু। **লোকবৎ**ঃ—যেমন লোক ব্যবহারে দেখা যায়, তেমনি।

যেমন লোক ব্যবহারে দেখা যায় যে, রাজার শুভাকাঙ্ক্ষী কোনও প্রজা স্বজনবৎসল রাজাকে অন্তরঙ্গভাবে সেবা দ্বারা প্রসন্ন করিয়া নিজ বশে আনয়ন করতঃ প্রশংসনীয় হয়, সেইরূপ রাগানুগা ভক্তি মার্গীয় ভক্ত ভগবান্কে ভগবানের জন্মই ভুলবাসিয়া ও সেবা করিয়া তাঁহার প্রীতি সম্পাদন করিয়া, আনন্দময়ের আনন্দ প্রদান পূর্বক ও আপনার পক্ষেপ্রিয় দ্বারা উহা উপভোগ করিয়া, আপনি ধন্য ও সাধক সমাজে প্রশংসনীয় হয়, ইহা নিশ্চয়ই সঙ্গত।

সংসারাবদ্ধ জীব, সংসার তাপে তাপিত হইয়া ঐ তাপশাস্তিই পরম পুরুষার্থ বলিয়া মনে করে, এ কারণ, সাধারণ সাধকের পক্ষেই মুক্তিই চরম ও পরম পুরুষার্থ বলিয়া মনে হয়, কেননা মুক্তিই সংসারতাপের নাশক। যে

সকল সাধক মুক্তির জন্য সাধনা করেন, তাঁহারা নিজেদের জগুই উহা করিয়া থাকেন। ভগবানের জন্য তাঁহার আরাধনা, তাঁহারা করেন না। এ কারণ মোক্ষাভিসন্ধি “কৈতব” বলিয়া ভাগবতে কথিত, ইহা ৩।৩।২৬ সূত্রের আলোচনায় কথিত হইয়াছে। রাগানুগাভক্তিমাগীয় ভক্ত নিজেদের কথা ভাবেন না। ভগবৎ সেবাই তাঁহার লক্ষ্য এবং তজ্জগু ভগবানের পরিতোষ সম্পাদনই তাঁহার উদ্দেশ্য। এজন্য ভগবান্ও তাঁহার উক্ত ভক্তির দৃঢ়তা ও একাগ্রতা অহুসারে নিজের স্বাতন্ত্র্য ভুলিয়া গিয়া, তাঁহার অধীন হইয়া পড়েন। এই জগুই ভগবান্ নিজ মুখে বলিয়াছেন :—

অহং ভক্তপরাধীনো হৃদয়তন্ত্র ইব দ্বিজ ।

সাধুভিগ্রহুদয়ো ভক্তৈর্ভক্তজনপ্রিয়ঃ ॥ ভাগঃ ৯।৪।৪৬

ময়ি নিব্বন্ধহৃদয়াঃ সাধবঃ সমদর্শনাঃ ।

বশেকুব্বন্তি মাং ভক্ত্যা সংপ্রিয়ঃ সম্পতিং যথা ॥ ভাগঃ ৯।৪।৪৮

—এই দুই শ্লোকের অর্থ ৩।২।২৪ সূত্রের আলোচনায় (পৃঃ ১৩১৯) দেওয়া হইয়াছে।

কে কাহার নিজের স্বাতন্ত্র্য ইচ্ছা করিয়া নষ্ট করিতে চায়? এজন্য ভগবান্ বরং সহজে উপযুক্ত সাধকগণকে মুক্তিদান করিয়া থাকেন, কিন্তু ভক্তিদান সহজে করেন না। তিনি জানেন যে, ভক্তিদান করিলেই তিনি বাধা পড়িবেন। এই জগুই ভাগবত বলিয়াছেন :—হে পরীক্ষিৎ! তোমাদের নিজেদের দৃষ্টান্তেই দেখ, ভগবান্ মুকুন্দ তোমাদের ও যজ্ঞগণের পতি (পালক), গুরু (উপদেষ্টা), দৈব (উপাস্ত), প্রিয় স্বহৃৎ, কুলের নিয়ন্তা, কখনও কখনও দৌত্যাদি কার্য সম্পাদন করিয়া তোমাদের কিঙ্করের কার্যও করিয়াছেন। তোমরা ভক্তি দ্বারা, তাঁহার স্বাতন্ত্র্য নষ্ট করিয়া তাঁহাকে ঐরূপ আচরণ করিতে বাধ্য করিয়াছ, এই জগু ভগবান্ তাঁহার ভজনকারীগণকে বরং মুক্তিও দিয়া থাকেন, কিন্তু ভক্তি সহজে দেন না। ভাগঃ ৫।৬।৮

রাজন্ পতিগু রুরলং ভবতাং যদূনাং

দৈবং প্রিয়ঃ কুলপতিঃ ক চ কিঙ্করো বঃ ।

অন্ত্যোবমঙ্গ ভগবান্ ভক্ততাং মুকুন্দো

মুক্তিং দদাতি কহিচিং স্ব ন ভক্তিযোগম্ ॥

ভাগঃ ৫।৬।১৮

• —কিন্তু ভক্তও আবার তেমনি জেদী যে—তিনি সালোক্য, সাষ্টি, সামীপ্য, সাক্ষ্য, এমন কি তাঁহার সহিত একত্ব দিতে চাহিলেও, তাঁহারা উহা গ্রহণ করেন না। তাঁহার সেবা ভিন্ন অন্য কিছুই চান না। ভাগঃ ৩২৯।১১

সালোক্য সাষ্টি সামীপ্য সাক্ষ্যৈকত্বমপ্যুত ।

দীয়মানং ন গৃহুস্তি বিনা মৎসেবনং জনাঃ ॥

ভাগঃ ৩২৯।১১

মুক্তি ভক্তগণের গ্রহণীয় নহে। তাঁহারা ভগবানের সেবাই চান। স্ততরাং বাধা হইয়া তাঁহাকে তাহাই প্রদান করিতে হয়। তিনি ভাববদ্ধ। তাঁহার নিজমুখে স্বীকারোক্তি ও প্রতিজ্ঞা আছে :—“যে যথা মাং প্রপত্তস্তে তাস্তথৈব ভজাম্যহম্।”—(গীতা, ৪।১১)—“যে আমাকে যেরূপে ভজনা করিয়া থাকে, আমি তাহাকে সেইরূপেই প্রতিভজন করিয়া থাকি। ইহা তাঁহারই প্রতিষ্ঠিত অব্যভিচারী নিয়ম। এই নিয়মে বাধ্য হইয়া তিনি তাঁহার ভক্তের কাছে নিজের স্বতন্ত্রতা হারাইয়া ফেলেন। এই কারণেই পূর্ব সূত্রের আলোচনায় উক্ত ১০।১৪।৩ শ্লোকে, ভাগবত ব্রহ্মার মুখ দিয়া বলাইয়াছেন—যে তিনি ভক্তগণের নিকট পরাজিত, যদিও অন্ত্র অজিত। স্ততরাং রাগানুগা ভক্তিমার্গের ভক্ত, যে বৈধী মার্গের ভক্ত হইতে শ্রেষ্ঠ, তাহাতে সন্দেহ নাই। এই ভক্তিতে সাধক নিজের জন্ম কিছুই চান না। বেদান্ত সাধারণ সাধকের পন্থা নির্দেশ করে এবং মোক্ষপ্রাপ্তিই সাধারণ সাধকের পরম পুরুষার্থ, ইহা পূর্বে বলা হইয়াছে। এই কারণেই বৈধী ও রাগানুগা উভয় মার্গের উপাসনা—মোক্ষরূপ পুরুষার্থ প্রাপ্তি হিসাবে এক বলিয়া পূর্ব সূত্রে কথিত হইয়াছে। • রাগানুগা ভক্ত মুক্তি না চাহিলেও, মুক্তি তাঁহার সেবার জন্ম উপস্থিত হয়, ইহা ৩।৩২।৬ সূত্রের আলোচনায় কথিত হইয়াছে। এই ভক্তি অহেতুকী, অনির্মিত্তা বলিয়া উল্লিখিত হয়। নিকাম বলিয়াই অহেতুকী ও অনির্মিত্তা বলিয়া কথিত। ইহা সিদ্ধি বা মুক্তি হইতে গরীয়সী।

ভাগঃ ৩২৫।২২

অনির্মিত্তা ভাগবতী ভক্তিঃ সিদ্ধৈর্গরীয়সী ॥ ভাগঃ ৩২৫।২২

সিদ্ধৈঃ মুক্তৈরপি (শ্রীধর) ।

সমুদায় মঙ্গলের একমাত্র নিদান ও উদ্ভব স্থান ভগবান্ প্রসন্ন হইলে, আর কি কোনও বস্তু দুর্লভ থাকে? তখন বরং সমস্ত কল্যাণ তুচ্ছ ও ব্যর্থ হয়।

অনন্ত দৃষ্টি দ্বারা যে ব্যক্তি ভগবানকে একান্তভাবে ভজনা করেন, সর্বান্তর্ধ্যামী ভগবান তাহা জানিতে পারিয়া স্বয়ং স্বতঃপ্রবৃত্ত হইয়া তাঁহাদিগকে আপনার পদ প্রদান করেন। ভাগঃ ৩।১৩।৪৮।

তস্মিন্ প্রসন্নৈ সকলাশিষাং প্রভৌ

কিং তুল্লভং তাভিরলং লবাস্মভিঃ।

অনন্তদৃষ্ট্যা ভক্ততাং গুহাশয়ঃ

স্বয়ং বিধত্তে স্বগতিং পরঃ পরাম্ ॥

ভাগঃ ৩।১৩।৪৮

ইহা অমুভূতির ব্যাপার ; যুক্তিতর্কের গোচর নহে। যাহারা উহার উপলব্ধি করিয়াছেন, শ্রদ্ধার সহিত তাঁহাদের কথাই গ্রহণ করিতে হয়। ঐক্য একজন ভক্ত ; তিনি উহা উপলব্ধি করিয়াই বলিয়াছেন :—

যা নিবৃত্তিস্তমুভূতাং তব পাদপদ্ম-

ধ্যানাদ্ ভবজ্জনকথাশ্রবণেন বা শ্রুতং।

স্মা ব্রহ্মণি স্বমহিমন্তপি নাথ মাভূৎ

কিম্বন্তু কাসি লুলিতাং পততাং বিমানাং ॥

ভাগঃ ৪।৯।১০

—হে নাথ ! আপনার পাদপদ্ম ধ্যান অথবা আপনার ভক্ত-জনের কথা শ্রবণে দেহধারী ব্যক্তিদিগের যে পরমানন্দ লাভ হয়, আত্মানন্দরূপ ব্রহ্মসাক্ষাৎকারেও সে স্থখ লাভ হয় না। সুতরাং যে সকল লোক অস্তকের কালরূপ অসি দ্বারা কৃত্তিত বিমান হইতে পতিত হইতেছে, তাহাদের কথা কি ? অর্থাৎ কাম্য কর্ম দ্বারা প্রাপ্য নশ্বর স্বর্গাদি ভোগে সে নিবৃত্তির কণামাত্র উপভোগের সম্ভাবনা কি ? ভাগঃ ৪।৯।১০

লৌকিক দৃষ্টান্তে দেখা যায় যে, কোনও অনুগত প্রতিপালক, প্রজারঞ্জক, সার্বভৌম সম্রাটের অনুরক্ত, তদধীনস্থ কোনও সামন্ত রাজা, সম্রাটের সভাসদগণের কাহারও আনুকূল্যে সম্রাট সমীপে গমন, তাঁহার দর্শন প্রভৃতির সৌভাগ্য লাভ করিলে, সম্রাট তাঁহার বিধি পালনকারী উক্ত ভক্ত সামন্তরাজকে অভ্যর্থনা, আদর, আপ্যায়ন প্রভৃতি করিয়া, তাঁহার সিংহাসনের এক পার্শ্বে

উক্ত সামন্ত রাজের বসিবার স্থান নির্দেশ করিয়া, তাঁহার সর্জন্য করেন, তাঁহার সমক্ষেই অগ্নি সামন্ত রাজগণের এবং অধিকতর ক্ষমতামালী রাজা মহারাজগণের পূজা গ্রহণ করিয়া, রাজকার্য্য শেষ করেন এবং সভা ভঙ্গের সময় সকলকে এবং সঙ্গে সঙ্গে উক্ত সামন্ত রাজাকেও বিদায় করিয়া নিজ অস্তঃপুরে গমন করেন, সে সময়ে কেবলমাত্র তাঁহার অস্তরঙ্গ স্বজন এবং নিজের ব্যক্তিগত পরিচারক মাত্র সঙ্গে সঙ্গে যায়, অপর সকলেই বাহিরে পরিত্যক্ত হয়। সেইরূপ বৈধী ভক্তিমাগের ভক্ত, দেহরূপ রাজ্যের রাজা জীব, ভগবানের ঐশ্বর্য্যের উপাসক। তিনি সাধনার বলে বিশ্বপতির সভায় তাঁহার সিংহাসনের একপার্শ্বে স্থান পাইয়া বিশ্বরাজ্য শাসনব্যাপার দর্শন করিতে থাকেন। কত শত ব্রহ্মাণ্ডের সৃষ্টি, পালন ও সংহারকর্তা—বিশ্বপতির আদেশের অপেক্ষায় কৃতান্তলিপুটে দণ্ডায়মান। কত সূর্য্য চন্দ্র তাঁহাকে সেবার জগ্ন আলোকাদির ব্যবস্থা করিতে ছুটাছুটি করিতেছেন। কত বরুণ তাঁহার রাজ্যের পথ জলসিক্ত করণে ব্যস্ত, কত পবন চামর ব্যজনে তাঁহার সস্তোষ সাধনে তৎপর, কত মহেন্দ্র দ্বার রক্ষায় নিযুক্ত। এ সমুদায় দর্শন করিয়া কৃতার্থ হইলেন। আবার সভাভঙ্গে সকলের সহিত বাহির হইতে ফিরিয়া আসেন। বিশ্বরাজ যখন অস্তর্গৃহে স্বরূপে প্রতিষ্ঠিত থাকেন, সেখানে যাইবার অধিকার না থাকায়, তথাকার স্বরূপ স্থানভূতি দর্শনের সৌভাগ্য হয় না। কিন্তু রাগানুগা মাগের ভক্ত—তাঁহার স্বজন, তাঁহার ব্যক্তিগত পরিচারক। তাঁহার গতি সর্বত্র অব্যাহত। তিনি ভগবানের স্বরূপে অবস্থান দ্বারা স্বরূপ ধামে তাঁহার পরিচর্যা করিবার অধিকার পাইয়া পরম পুরুষার্থ লাভ করিয়া থাকেন। তাঁহার সমুদায় আকাঙ্ক্ষার পরিসমাপ্তি হইয়া থাকে। তখন তিনি সেই সেবানন্দ ভিন্ন আর কিছুই চান না। এই জগ্নই ভক্ত স্বর্গ, সার্বভৌমপদ প্রভৃতি কিছুই চান না, কেবল ভগবানের পদপ্রাপ্তে অবস্থানই আকাঙ্ক্ষা করেন। কেহ কেহ বা, সেই প্রিয়তমের বিধানমত কর্মবিপাকে নরকপ্রাপ্তি হইলেও, তাহাতে দুঃখিত নহেন। সেখানেও তাঁহার পাদপদ্মের রজঃকণা প্রাপ্তির জগ্ন প্রার্থনা করেন। এই প্রসঙ্গে ৩।৩।১০ সূত্রের আলোচনায় উক্ত ভাগবতের ৬।১।২৩, ১০।১৬।৩৭ ও ৩।১৫।৪২ শ্লোক দ্রষ্টব্য। তিনি এত মধুর যে, তাঁহার রাগানুগ ভক্ত নরক যজ্ঞগাতেও ভয় করেন না, যদি সেখানে তাঁহার নাম ও গুণ কর্ণরঞ্জে প্রবেশ করে। মুক্তিহত ফলাভিসন্ধি থাকায় জগ্ন, উহা তাঁহাদের নিকট 'কৈতব' ইহা পূর্বে বলা হইয়াছে। তাঁহাদের কাছে উহা চরম ও পরম পুরুষার্থ নহে।

অতএব প্রতিপাদিত হইল যে, বৈধী ভক্তি অপেক্ষা রাগানুগা ভক্তি শ্রেষ্ঠ বটে। মাধুর্য্যময় ভগবান্ এই রাগানুগা ভক্তির দ্বারা লভ্য, জ্ঞান বা বৈরাগ্য দ্বারা লভ্য নহেন। ইহা ৩।৩।৮ সূত্রের আলোচনার উক্ত ভাগবতের ১০।২।১৬ শ্লোকে স্পষ্ট কথিত আছে। স্বরূপানন্দ অপেক্ষা যে ভজনানন্দ অধিক, তাহা ভাগবতের নিম্নোক্ত শ্লোক হইতে প্রতীয়মান হইবে :—

তস্মারবিন্দনয়নশ্চ পদারবিন্দ-

কিঞ্জকমিশ্রতুলসীমকরন্দবায়ুঃ ।

অস্তর্গতঃ স্ববিবরেণ চকার তেষাং

সংক্রোভমক্ষরজুষামপি চিত্ততম্বোঃ ॥ .

ভাগঃ ৩।১৫।৪৩

—অরবিন্দনয়ন ভগবানের পদারবিন্দের কিঞ্জকস্বরূপ শ্বেতারুণ কাস্তিময় নখরবৃন্দে স্থিত তুলসীর মকরন্দ মিশ্রিত বায়ু নাসারন্ধ্র যোগে অস্তর্গত হইলে, অক্ষরোপাসকদিগের ব্রহ্মজ্ঞান দ্বারা প্রাপ্ত ব্রহ্মানন্দানুভূতির সময়ও তাঁহাদের চিত্তে হর্ষ এবং গাত্রে রোমাঞ্চ উৎপাদন করে। ভাগঃ ৩।১৫।৪৩

১৪ । অনিয়মাধিকরণ ॥

ভিত্তি :—

“মুনয়ো হ বৈ ব্রাহ্মণমূচুঃ :—কঃ পরমোদেবঃ, কুতো মৃত্যু-
বিভেতি, কশ্চ বিজ্ঞানেনাখিলং বিজ্ঞাতং ভবতি, কেনেদং বিশ্বং
সংসরতীতি ? তদুহোবাচ ব্রাহ্মণঃ । কৃষ্ণো বৈ পরমং দৈবতম্ ।
গোবিন্দান্মৃত্যুবিভেতি । গোপীজনবল্লভজ্ঞানেনৈতদ্বিজ্ঞাতং
ভবতি । স্বাহেদং বিশ্বং সংসরতীতি । তদুহোচুঃ—কঃ কৃষ্ণঃ ?
গোবিন্দশ্চ কোমাবিতি ? গোপীজনবল্লভশ্চ কঃ ? কা
স্বাহেতি ? তানুবাচ ব্রাহ্মণঃ । পাপকর্ষণো গোভূমিবেদ-
বেদিতো গোপীজনবিদ্যাকলাপপ্রেরকঃ । তন্মায়া চেতি সকলং
পরং ব্রহ্ম । এতদ্ যো ধ্যায়তি রসতি ভজতি সোহমৃতো
ভবতীতি ॥” (গোপাল পূর্বতাপনী—১ ।)

—মুনিগণ ব্রাহ্মণকে জিজ্ঞাসা করিলেন :—পরম দেব কে ? কাহা
হইতে মৃত্যু ভীত হয় ? কাঁর বিজ্ঞানে সমুদায় বিজ্ঞাত হয় ? কাহা
হইতেই বা এই দৃশ্যমান জগৎ প্রপঞ্চ বিস্তারিত হয় ? ব্রাহ্মণ
উত্তরে বলিলেন :—কৃষ্ণই পরম দেব, গোবিন্দ হইতে মৃত্যু ভীত হয়,
গোপীজনবল্লভের জ্ঞানে সমুদায় বিজ্ঞাত হয়, এবং স্বাহাই এই বিশ্ব
প্রপঞ্চকে বিস্তার করে । পুনরায় প্রশ্ন হইল :—কৃষ্ণ, গোবিন্দ, গোপী-
জনবল্লভ—ইহারা কে, স্বাহাই বা কে ? উত্তরে ব্রাহ্মণ বলিলেন :—
যিনি পাপকর্ষণ করেন তিনি কৃষ্ণ, যাহাকে গো, ভূমি এবং বেদ হইতে
জানা যায় তিনি গোবিন্দ, এবং যিনি গোপীজনের বিদ্যা কলাপ
প্রেরণ করেন তিনি গোপীজনবল্লভ, এবং স্বাহা তাঁহার মায়া ।
এই চারি একত্রে পরব্রহ্ম । যিনি এইরূপে অর্থাৎ “ওঁ-ম্ ক্লীঃ কৃষ্ণায়
গোবিন্দায়, গোপীজনবল্লভায় স্বাহা”, এই মন্ত্রে পরব্রহ্মের ধ্যান
করেন, জপ করেন, ভজন করেন, তিনি অমৃতত্ব লাভ করেন ।

(গোপাল পূর্বতাপনী ১ ।)

সংশয় :—ধ্যান, জপ, ভজন তিনেরই উল্লেখ রহিয়াছে । ইহাদের সকল-
গুলির কি এক সঙ্গে অনুষ্ঠান করা কর্তব্য, অথবা যে কোনও একটি করিলেই
অমৃতত্ব লাভ হয় ? ইহার উত্তরে সূত্র :—

সূত্র :—৩।৩।৩১ ।

অনিয়মঃ সর্বেষামবিরোধাচ্ছকানুমানাভ্যাম্ ॥ ৩।৩।৩১ ॥
(বলদেব) ।

অনিয়মঃ + সর্বেষাম্ + অধিরোধাৎ + শকানুমানাভ্যাম্ ॥

অনিয়মঃ :—নিয়মের অভাব । সর্বেষাম্ :—সকলগুলির । অধিরো-
ধাৎ :—অবিরোধ হেতু । শকানুমানাভ্যাম্ :—শ্রুতি ও স্মৃতির সহিত ।

সূত্র—৩।৩।৩১ ।

অনিয়মঃ সর্বেষামবিরোধঃ শকানুমানাভ্যাম্ ॥ ৩।৩।৩১ ॥
(শঙ্কর, রামানুজ, মধ্ব, বল্লভ) ।

ধ্যান, জপ, ভজন প্রভৃতির মধ্যে একটির সাধন করিলেই যথেষ্ট । সমুদায়-
গুলির একসঙ্গে সাধন করিবার বিধি শাস্ত্রে নাই । শ্রুতি ও স্মৃতির সহিতও যে
কোনও একটির সাধনা সম্বন্ধে কোনও বিরোধ নাই । শ্রুতিতে উক্ত
আছে, “চিস্তয়ংশ্চেতসা কৃষ্ণং মুক্তো ভবতি সংসৃত্তেঃ ।” (গোপাল
পূর্বতাপনী, ৩) । শ্রীকৃষ্ণকে মনে মনে ধ্যান করিলে মুক্তি লাভ হয় ।
আবার—“কামাদি কৃষ্ণয়েত্যেকং পদম্ । গোবিন্দায়েতি দ্বিতীয়ম্ ।
গোপীজনেতি তৃতীয়ম্ । বল্লভেতি তুরীয়ম্ । স্বাহেতি পঞ্চমম্ । ইতি
পঞ্চপদং জপন্ পঞ্চাঙ্গং চাবাভূমৌসূর্য্যাচন্দ্রমসাগ্নিতদ্রুপতয়া ব্রহ্ম সংপত্তত
ইতি ॥” (গোপাল পূর্বতাপনী, ১) । অর্থাৎ :—

১ । ক্লীং কৃষ্ণায় দিবাঅনে হৃদয়ায় নমঃ । ২ । গোবিন্দায়
ভূম্যাঅনে শিরসে স্বাহা ।

৩ । গোপীজন সূর্য্যাঅনে শিখায়ৈ বষট্ । ৪ । বল্লভায় চন্দ্র-
মস্যাঅনে কবচায় হুং । ৫ । স্বাহা সাগ্ন্যাঅনে হস্তায় ফট্ ।—এই মন্ত্র
জপ করিলে ব্রহ্মপ্রাপ্তি হয় ।

অতএব শ্রুতি মন্ত্র হইতে প্রমাণিত হইতেছে যে, ধ্যান ও জপ দুইই
একত্র একান্ত কর্তব্য নহে । উহাদের মধ্যে যে কোনও একটির অমুষ্ঠান

যথাবিধানে করিতে পারিলে ব্রহ্মপ্রাপ্তি ঘটয়া থাকে । অতএব উহাদের মধ্যে যে কোনও একটি করণীয় ।

স্মৃতিতে যে নবলক্ষণা ভক্তির উল্লেখ আছে, তাহার যে কোনও একটির অনুষ্ঠান করিলে পুরুষার্থ লাভ হইয়া থাকে । ইহা ৩২।২৪ সূত্রের আলোচনার ভাগবতের ৭।১৫।১৮ ও ৭।১৫।১৯, এবং প্রাচীন মহাজন কৃত শ্লোক দ্বারা প্রতিপাদিত হইয়াছে । এখানে আর পুনরুদ্বারের আবশ্যিকতা নাই । **বিশুদ্ধ ভাবই আগল বস্তু** । ভাগবতে ইহা স্পষ্ট কথিত আছে :—

কেবলেন হি ভাবেন গোপোয়া গাবো নগা মৃগাঃ ।

যেহ্মে মূঢ়ধিয়ো নাগাঃ সিদ্ধা মামীয়ুরঞ্জসা ॥ ভাগঃ ১১।১২।৭

—কেবল বিশুদ্ধ ভাব দ্বারাই গোপীগণ, গোগণ, যমনার্জুনাদি বৃক্ষসমূহ মৃগগণ, সর্পগণ, এই সকল মূঢ়ধী জীবগণ সিদ্ধ হইয়া অতি শ্রীত্বই আমাকে প্রাপ্ত হইয়াছিল । ভাগঃ ১১।১২।৭

উহারা চিন্তা দ্বারাই ভগবান্কে প্রাপ্ত হইয়াছিল । সুতরাং, চিন্তা বা ধ্যান, জপ, ভজন ইহাদের যে কোনও একটি পুরুষার্থ লাভের কারণ ।

৩।৩।৯ সূত্রের আলোচনায় আমরা বুঝিয়াছি যে, মনঃই বন্ধ মোক্ষের কারণ । মনঃকে বাহ্যবিষয় হইতে প্রত্যাহৃত করিয়া ধ্যান, জপ বা অন্য কোনও প্রকার ভজন দ্বারা ভগবানে অর্পণ করতঃ সৈর্য্য সম্পাদন করাই কর্তব্য । মনের বিক্ষিপ্ত ভাব তিরোহিত হইলেই ভগবৎস্বরূপ স্বতঃ উদ্ভাসিত হইয়া উঠে । মনঃ অপক্ষীকৃত পঞ্চ তন্মাত্রের সমবায়ে গঠিত । একারণ উহা অতি সূক্ষ্ম ও অতি চঞ্চল । সূক্ষ্ম ও চঞ্চল বলিয়া, মনঃ যাহা চিন্তা করে, তাহার আকারে আকারিত হইয়া থাকে । মনের এই স্বভাবের উপর ধ্যান, জপ প্রভৃতির মূল সূত্র প্রতিষ্ঠিত । ভাগবতে ইহা স্পষ্ট উপদিষ্ট আছে ।
যথা :—

যত্র যত্র মনো দেহী ধারয়েৎ সকলং ধিয়া ।

স্নেহাদ্বেষাদ্ ভয়াদ্বাপি যাতি তত্তৎস্বরূপতাম্ ॥ ভাগঃ ১১।৯।২২

কীটঃ পেশঙ্কতং ধ্যায়ন্ কুড্যাৎ তেন প্রবেশিতঃ ।

যাতি তৎসাম্যতাং রাজন্ পূর্বরূপমসংত্যজন্ ॥ ভাগঃ ১১।৯।২৩

—দেহী ব্যক্তি, স্নেহ বশতঃ, ঘেব বশতঃ বা ভয় বশতঃ যে যে বস্তুতে সৰ্বতোভাবে বুদ্ধির সহিত একাগ্ররূপে মনঃ ধারণ করেন, তাহার সেই সেই রূপই প্রাপ্তি হয়। কোনও কীট, পেশস্কৃত কীট (কুমারিকা পোকা) দ্বারা ধৃত ও কুডামধ্যে প্রবেশিত হইয়া, ভয়ে তাহার রূপ ধ্যান করতঃ, পূৰ্বরূপ পরিত্যাগ না করিয়াই তাহার সারূপ্য প্রাপ্ত হয়। ভাগঃ ১১।১২২-২৩।

স্বতন্ত্রঃ সৰ্বসময়ে, সৰ্ব অবস্থায়, সৰ্বদেশে ইষ্ট চিন্তাই নিঃশ্রেয়ঃ প্রাপ্তির শ্রেষ্ঠ উপায়। এ প্রকার নিরন্তর চিন্তায় মনের যে বিক্ষেপ মাত্র উথিত হইবে না, তাহা নহে। বিক্ষেপ জন্মাইলেও তাহার প্রতি বিশেষ লক্ষ্য না করিয়া চিন্তাপ্রবাহ অক্ষুণ্ণ রাখিবার চেষ্টা করা উচিত। তাহাতেই সৰ্বার্থ সিদ্ধ হইয়া থাকে। বস্তুশক্তি কার্য্য করিবেই করিবে। শ্রীমদ্ভাগবত বলিতেছেন :—

অবিস্মৃতিঃ কৃষ্ণপদারবিন্দয়োঃ

ক্ষিণত্যভঙ্গানি শমং তনোতি চ ।

সতস্য শুদ্ধিং পরমাঅভক্তিং

জ্ঞানঞ্চ বিজ্ঞানবিরাগযুক্তম্ ॥ ভাগঃ ১২।১২।৪১

—শ্রীকৃষ্ণের পাদপদ্মদ্বয়ের অবিস্মৃতি অমঙ্গল নিবারণ করে, মঙ্গল বিস্তার করে এবং সঙ্গে সঙ্গে চিত্তশুদ্ধি, পরমাঅভ্যার প্রতি ভক্তি এবং বিজ্ঞান ও বৈরাগ্য সহকৃত জ্ঞান সম্পাদন করে। ভাগঃ ১২।১২।৪১।

এই প্রকার করিতে করিতে বস্তুশক্তি প্রভাবে চিত্তের বিক্ষেপ দূর হইয়া, নির্মল হইয়া থাকে।

সংকীৰ্ত্ত্যমানো ভগবাননন্তঃ

শ্রুতানুভাবো ব্যসনং হি পুংসাম ।

প্রবিশ্য চিত্তং বিধুনোত্যশেষং

যথা তমোহর্কোহন্ত মিবাতিবাতঃ ॥

ভাগঃ ১২।১২।৩৪

—যাহারা ভগবান অনন্তের নাম কীৰ্ত্তন করে এবং মহিমা প্রবণ করে, তাহাদের হৃদয়ে তিনি প্রবেশ করিয়া, সূর্য্যদেব যেমন অন্ধকার বিনাশ করেন এবং প্রবল বায়ু যেমন মেঘমালা বিদূরিত করে, সেইরূপ তাহাদের চিত্তকে সম্পূর্ণরূপে নির্মল করেন।

ভাগঃ ১২।১২।৩৪

ভাগবতের ১২।১২।৪১ শ্লোকে “অবিন্মুতিঃ কৃষ্ণপদারবিন্দয়োঃ” অংশে সম্ভূত প্রবহমান স্মৃতির বিধিমূলক পদ না দিয়া ভগবান ভাগবতকার নিষেধ-মূলক “অবিন্মুতি” পদ ব্যবহার করিলেন কেন? এ প্রশ্ন মনে উদয় হয়। এক্ষণে ব্যবহারের যে গূঢ় রহস্য আছে, তাহা বুঝিবার চেষ্টা করিতেছি। “বিন্মুতি” আমাদের প্রকৃতিগত। কোন কিছু মনে রাখিতে হইলে, প্রয়াসের প্রয়োজন। ভাগবতকার সম্যক্ মানবচরিত্রজ্ঞ। উক্ত নিষেধ মূলক “অবিন্মুতি” পদ ব্যবহার করিয়া শিক্ষা দিলেন যে, উপযোগী প্রয়াসের (শাস্ত্র বা গুরুপদেশের) দ্বারা কৃষ্ণ পদারবিন্দয়ের প্রবহমান স্মৃতি সর্বদা হৃদয়ে জাগরুক রাখা প্রয়োজন। ইহার অণু নাম সাধনা বা উপাসনা।

সুতরাং প্রতিপাদিত হইল যে, ধ্যান বা জপ বা অণু কোনও প্রকার ভজন দ্বারা মনকে ধ্যেয় বা জপ্য বস্তুর আকারে আকারিত করিয়া তাহাতে বিক্ষিপশূণ্য ভাবে, একতানতা প্রাপ্তি করানই প্রয়োজন। সাধনার সমুদায় অঙ্গের অনুষ্ঠান এক সঙ্গে করিলে বরং বিক্ষিপের সম্ভাবনা থাকে। অতএব, একটিকে একাগ্রভাবে আশ্রয় করিয়া থাকিলে সর্বার্থসিদ্ধি হইয়া থাকে।

সংশয় :- পরমতত্ত্ব অধিগত হইলেই যে মুক্তি হয়, তোমার এই সিদ্ধান্ত সমীচীন বলিয়া মনে হয় না। ব্রহ্মা, রুদ্র, ইন্দ্র, যম, বরুণ প্রভৃতি লোকপালগণ পরমতত্ত্ব জ্ঞাতই আছেন। তথাপি তাঁহারা বিশ্বসৃষ্টি, সংহার, স্বর্গাদি লোক পালনাদি কার্যে ব্যাপৃত থাকেন কেন? আবার, কখনও কখনও ভগবানের প্রতিকূলতাচরণ করেন কেন? দৃষ্টান্ত স্বরূপ, ব্রহ্মাকৃত ব্রজের গোপবালক এবং গোবৎস হরণ, ইন্দ্র কর্তৃক ব্রজে অত্যধিক বারিবর্ষণ, এবং পারিজাতের অণু ভগবানের সহিত যুদ্ধ, রুদ্র কর্তৃক বাণ রাজার অনুকূলে ভগবানের সহিত সংগ্রাম প্রভৃতি উল্লেখ করা যাইতে পারে। যদি পরমাত্মতত্ত্ব তাঁহাদের অধিগত, এবং তাঁহারা মুক্তি প্রাপ্ত তবে তাঁহারা জাগতিক কার্যে কেন ব্যাপৃত থাকেন? ইহার উত্তরে শূত্র :-

সূত্র :—৩।৩।৩২ ।

যাবদধিকারমবস্থিতীরাধিকারিকাণাম্ ॥ ৩।৩।৩২ ॥

যাবদধিকারম্ + অবস্থিতিঃ + আধিকারিকাণাম্ ॥

যাবদধিকারম্ :—অধিকার সমাপ্ত না হওয়া পর্য্যন্ত । অবস্থিতিঃ :—
অবস্থান । আধিকারিকাণাম্ :—অধিকার বা ক্ষমতাবিশেষ প্রাপ্ত
জীবদিগের ।

যিনি যে অধিকার শ্রীভগবানের বিধানে প্রাপ্ত হইয়াছেন, যতকাল সেই
অধিকার বর্তমান থাকিবে, ততকাল তাঁহাদিগকে প্রপঞ্চ অধিকার পরিচালনের
জন্য অবস্থান করিতে হইবে । অধিকার সমাপ্ত হইলে তাঁহাদের মুক্তি । ইহা
প্রারক ভোগ সম্পাদনের জন্য বিদ্বান্ ব্যক্তির আত্মদর্শন হইবার বা নিজের
স্বরূপোলঙ্কির পর জীবমুক্তভাবে প্রপঞ্চ অবস্থানের গায় ।

এ সম্বন্ধে শ্রীমদ্ভাগবতের বক্তব্য :—

মনবো মনুপুত্রাশ্চ মুনয়শ্চ মহৌপতে ।

ইন্দ্রাঃ সুরগণাশ্চৈব সর্বৈ পুরুষশাসনাঃ ॥ ভাগঃ ৮।১৪।২

—মনুগণ, মনুপুত্রগণ, মুনি সকল, ইন্দ্রাদি দেবগণ, সকলেই পরম-
পুরুষের শাসনাধীন । ভাগ : ৮।১৪।২

তাঁহার বিধানেই সকলে স্ব স্ব কার্যে নিযুক্ত আছেন । কার্য শেষ
হইলে, তাঁহারা অস্তে পরমপদ প্রাপ্ত হন ।

ব্রহ্মণা সহ তে সর্বৈ সংপ্রাপ্তে প্রতिसঞ্চরে ।

পরশ্রাস্তে কৃতাত্মানঃ প্রবিশতি পরং পদম্ ॥

—তাঁহারা সকলে—মহাপ্রলয় উপস্থিত হইলে, পরের অর্থাৎ ব্রহ্মার
কার্য শেষান্তে ব্রহ্মার সহিত পরমপদ প্রাপ্ত হন । ইহাই পরম
পুরুষার্থ প্রাপ্তি ।

অতএব, সিদ্ধান্ত এই যে, মনু, ইন্দ্র প্রভৃতি লোকপালগণ, তাঁহাদের
অধিকার কল্পকাল স্থায়ী নয়, নিজ নিজ অধিকার সমাপ্ত হইলে,
ব্রহ্মলোকে ব্রহ্মার সহিত অবস্থান করেন । তারপর, ব্রহ্মার আয়ু
শেষ হইলে কল্পান্তে মহাপ্রলয়ে, তাঁহারা ব্রহ্মার সহিত পরমপদ
প্রাপ্ত হন ।

ইহা সূত্রকার পরে ৪।৩।১০ সূত্রে স্পষ্ট বলিবেন ।

ভগবানে যে প্রতিকূলতাচরণ—দৃষ্টান্তের দ্বারা উল্লেখ করিয়াছে, উহা লীলাবৈচিত্র্য মাত্র এবং ভগবত্ব বিশ্বদভাবে জীব সমক্ষে প্রচার করণের অঙ্গ, ভগবানের ইচ্ছানুসারেই হইয়া থাকে । নতুবা, তাঁহার সত্য সত্যবান্, তাঁহারই শক্তিতে শক্তিমান্, এবং তাঁহারই প্রদত্ত অধিকারে অধিকারীগণ, কি তাঁহার ইচ্ছার প্রতিকূলে, তাঁহার সহিত বিরোধাদি করিতে পারেন ? তিনি সত্যসংকল্প, যাহা ইচ্ছা করেন তাহাই সংঘটিত হইয়া থাকে । ইহা প্রকটিত করিবার জগুই উহাদিগের দ্বারা প্রতিকূলতাচরণ করাইয়া থাকেন । ইহা দ্বারা জীবকেও শিক্ষা দেওয়া হয় যে, হে জীব ! তুমি মায়ামোহিত ও দেহাভিমান অন্ধ বলিয়া হতাশ হইও না । দেখিতেছ না, ব্রহ্মা, রুদ্র, ইন্দ্রাদিও আমার হাতে ক্রীড়া-পুতলিকা মাত্র ? তাহারাও যখন আমার স্বরূপ বিম্বৃত হইয়া এবং তাহাদের যাহা কিছু, সমুদায় যে আমা হইতে, তাহা ভুলিয়া আমার প্রতিকূলতাচরণ করিয়া থাকে, তখন তুমি ত কোন্ ক্ষুদ্র । অতএব, হতাশ না হইয়া সর্বতোভাবে আমাকেই আশ্রয় কর ।

এই সূত্রের সৰ্ব সাধারণে প্রযোজ্য একটি সরল অর্থও হইতে পারে । ভাষ্যকারগণ এই সূত্র, ব্রহ্মা, মনু, ইন্দ্র প্রভৃতি প্রধান প্রধান অধিকারী সম্বন্ধে প্রযোজ্য বলিয়া ব্যাখ্যা করিয়াছেন । তাহা ছাড়া, ইহার এ প্রকার অর্থও হইতে পারে যে, যে ব্যক্তি সমাজের যে স্তরে প্রতিষ্ঠিত আছেন, জন্মগত বা কর্মগতই হউক, যতদিন উক্ত সমাজে বর্তমান থাকিবেন, ততদিন সেই সেই সমাজগত নিয়মাবলি তাঁহাকে প্রতিপালন করিতে হইবে । আমাদের দেশে যে ব্যক্তি বর্ণাশ্রম ধর্মোপেত সমাজে ব্রাহ্মণ, ক্ষত্রিয়, বৈশ্য বা শূদ্ররূপে প্রতিষ্ঠিত আছেন, যতদিন তিনি উক্ত সমাজে বর্তমান থাকিবেন, আমরণ তাঁহার “স্বধর্ম” প্রতিপালন করিয়া যাওয়া কর্তব্য । শ্রীভগবান্ গীতায় অর্জুনকে এই উপদেশ দিয়াই যুদ্ধে নিয়োগ করিয়াছিলেন ।

ইহাহইতে আরও শ্রাওয়া গেল যে, জানলাভের পরও নিষ্কামভাবে নিজ নিজ বর্ণাশ্রম ধর্ম প্রতিপালন করা জ্ঞানীগণেরও “লোক সংগ্রহে”র জগু কর্তব্য । এ প্রকার নিষ্কাম কর্মে বন্ধন শক্তি নাই—ইহা বিত্তা পর্যায় ভুক্ত, ইহা এই অধ্যায়ের চতুর্থ পাদ আলোচনার বুঝা যাইবে ।

১৫। অক্ষরখ্যাধিকরণ ॥

ভিত্তি :—

১। “এতদৈ তদক্ষরং গার্গি ব্রাহ্মণা অভিবদন্তি,

অস্থূলমনগ্রহস্থমদীর্ঘম্.....” (বৃহদাঃ ৩।৮।৮) ।

—অয়ি গার্গি ! ব্রহ্মবিদগণ এই অক্ষরকে অস্থূল, অনগ্র, অস্থম, অদীর্ঘ ইত্যাদি বলিয়া থাকেন । (বৃহাঃ ৩।৮।৮) ।

২। “অথ পরা—যয়াতদক্ষরমধিগমাতে ।

যত্তদদ্বেশ্যমগ্রাহমগোত্রমবর্ণমচক্ষুঃশ্রোত্রম্..... ।”

(মুণ্ডকঃ :।১।৫-৬)

—অনন্তর পরা বিদ্যা কথিত হইতেছে, যাহা দ্বারা এই অক্ষর পুরুষকে লাভ করা যায়—যে অক্ষর পুরুষ দর্শনের অযোগ্য, গ্রহণের অবিষয়, গোত্র, বর্ণ, চক্ষুঃ, শ্রোত্র শূন্য । (মুণ্ডকঃ :।১।৫-৬) ।

সংশয় :—শিরোদেশে উক্ত শ্রুতিমন্ত্রদ্বয়ে কথিত অক্ষরের অস্থূল, অনগ্র, অস্থম, অদীর্ঘ, অদ্বেশ্য, অগ্রাহ, অগোত্র, অবর্ণ, অচক্ষুঃশ্রোত্র প্রভৃতি গুণ কি সমুদায় ব্রহ্মবিদ্যায় চিন্তা করিতে হইবে? বিগ্রহোপাসনাতেও কি উহাদের গ্রহণ করিতে হইবে? অথবা উহার যখন যখন উল্লিখিত হইয়াছে, মাত্র সেই সেই স্থলেই গ্রহণ করিতে হইবে? ইহার উদরে সূত্রকার সূত্র করিলেন :—

সূত্র :—৩।৩।৩৩ ।

অক্ষরধিয়াং তুবরোধঃ সামান্য-তদ্ভাবাত্যামৌপসদবৎ, তদুক্তম্ ॥

৩।৩।৩৩ ॥

অক্ষরধিয়াং + তু + অবরোধঃ + সামান্য-তদ্ভাবাত্যাম্ + ঔপসদবৎ

+ তৎ + উক্তম্ ॥

অক্ষরধিয়াং :—অক্ষর ব্রহ্মোপাসকদিগের । তু :—কিন্তু । অবরোধঃ :—সংগ্রহ, সর্কবিদ্যাতে গ্রহণ । সামান্য-তদ্ভাবাত্যাম্ :—সমান শব্দ এবং সমস্তই ব্রহ্ম বা ভগবচ্ছিত্তার অন্তর্ভুক্ত হওয়া নিবন্ধন । ঔপসদবৎ :—যজ্ঞীয় উপসদ গুণের স্মার । তৎ :—তাহা । উক্তম্ :—পূর্ব মীমাংসায় উক্ত হইয়াছে ।

অক্ষর ব্রহ্ম সম্বন্ধী অশূলত্বাদি সমস্তই সকল প্রকার ব্রহ্মোপাসনাতেই উপসংহার করিতে হইবে। কারণ, সমস্ত ব্রহ্মোপাসনাতেই উহাদের ব্রহ্মের সহিত তুল্য সম্বন্ধ, এবং প্রকৃত পক্ষে উক্ত অশূলত্বাদি ধর্ম সমূহ ব্রহ্মচিন্তারই অন্তর্ভুক্ত। শূলত্ব, সূক্ষ্মত্ব, অণুত্ব, মহত্ব, হ্রস্বত্ব, দীর্ঘত্ব, দৃশ্যত্ব, বর্ণ, গোত্র, চক্ষুঃ, শ্রোত্র, হস্তপদাদির বর্তমানতা সমুদায় প্রপঞ্চান্তর্গত বস্তুতে প্রযোজ্য। ব্রহ্ম প্রপঞ্চের বাহিরের বস্তু, তাঁহার অত্যন্ত অংশেই প্রপঞ্চ প্রতিষ্ঠিত। কিন্তু তাহা হইলেও, তিনি স্বরূপে চিরবর্তমান বলিয়া, তাঁহাকে প্রপঞ্চের বাহিরের বস্তু বলিয়া ধারণা করা প্রয়োজন। তিনি সচ্চিদানন্দময়। তাঁহার দেহ-দেহী ভেদ নাই—ইহা একাধিকবার বলা হইয়াছে। সুতরাং অক্ষর ব্রহ্ম সম্বন্ধে শ্রুতি কথিত সমুদায় ধর্মই সমুদায় প্রকার ব্রহ্মোপাসনার অন্তর্ভুক্ত বলিয়া, সমুদায় প্রকার উপাসনাতে উহারা গ্রহণীয়। কঠ শ্রুতির ১।২।১৫ মন্ত্রে আছে, “সর্বৈ বেদা যৎপদমামনন্তি”—সমুদায় বেদ তাঁহারই পরমপদ প্রতিপাদন করে। সুতরাং, শ্রুতিতে অক্ষর ব্রহ্ম সম্বন্ধে যাহা উক্ত হইয়াছে, উহাও তাঁহাকে প্রতিপাদন করে।

আরও দেখ, আনন্দাদি ধর্ম জীবেও বিদ্যমান আছে, যদিও অত্যন্ত পরিমাণে। ব্রহ্মে উহা “মীমাংসা” (তৈত্তিরিঃ ২।৮), বা শেষ পরিণতি, অর্থাৎ অবধি রূপে বিদ্যমান। জীব স্বরূপতঃ হেয় সম্বন্ধ বিবর্জিত হইলেও, প্রপঞ্চগত দৃশ্যতঃ হেয় গুণের সহিত সম্বন্ধ হইবার অযোগ্য নহে—দেহ বা উপাধি সম্বন্ধই তাহার কারণ। সুতরাং, জীবাতিরিক্ত ব্রহ্ম অসাধারণ, এই জ্ঞান না হইলে ব্রহ্মজ্ঞান সম্পূর্ণ হয় না। অতএব, চেতনাচেতনাস্বক প্রপঞ্চের বহির্ভূত ধর্মাদির উল্লেখ দ্বারা ব্রহ্মের অসাধারণত্ব প্রতিষ্ঠা করাই শ্রুতির অভিপ্রায়। এজন্য, উহারা কি নিগূর্ণ উপাসনা, কি সগূর্ণ উপাসনা, কি বিগ্রহ উপাসনা, সমুদায় উপাসনায় গ্রহণীয়।

• সমুদায় গুণ গুণীয় অনুগমন করে। • উপসদ্ব কর্মের অঙ্গীভূত মন্ত্রসকল ইহার দৃষ্টান্তস্বরূপ। উক্ত উপসদ্ব কর্মে “অগ্নির্বে হোত্র বেতু”—ইত্যাদি মন্ত্রটি সামবেদীয়। সামমন্ত্র উচ্চৈঃস্বরে পাঠ করা বা গান করা বিধি। কিন্তু উপসদ্ব কর্মটি যজুর্বেদীয়—উক্ত মন্ত্রটি ইহার অঙ্গ মাত্র। যজুর্বেদীয় উপসদ্ব কর্মে যখন উক্ত সামবেদীয় মন্ত্রটি পাঠ করা বিধি, তখন ‘উপাংসু যজুষা’—এই বিধি

অনুসারে উহা উচ্চৈশ্বরে পাঠ না করিয়া, মৃদুশ্বরে পাঠ করিতে হয়। ইহা পূর্ব যীমাংসায় ৩।৩।২ সূত্রে সিদ্ধান্ত হইয়াছে, যে, “যেখানে অঙ্গ ও প্রধানের বিরোধ উপস্থিত হয়, সেখানে প্রধানের সহিতই বৈদিক ক্রিয়ার ও মন্ত্রের সংঘ হইয়া থাকে, কেননা, প্রধানের উপকারার্থেই অঙ্গের ব্যবস্থা।” অতএব, অঙ্গ মাত্রই যখন প্রধানের অনুগামী হওয়া বিধি, তখন অনুলভাদি চিন্তাও ব্রহ্মের স্বরূপ চিন্তারই অঙ্গ এবং সমুদায় উপাসনায় ব্রহ্মের স্বরূপ চিন্তারই ব্যবস্থা। সুতরাং, সমুদায় উপাসনাতেই উহার গ্রহণীয়।

এই প্রসঙ্গে ৩।২।১১ সূত্রের আলোচনায় উদ্ধৃত (পৃ: ২৫৪-৫৫) ভাগবতের ৮।৩।২৪ শ্লোক, ৩।২।১৭ সূত্রের আলোচনায় উদ্ধৃত (পৃ: ১২৮২) ৮।৩।২১, ৮।৩।২৬ শ্লোক, ৩।২।২২ সূত্রের আলোচনায় উদ্ধৃত (পৃ: ১৩৪৭) ১০।৩।২৫ শ্লোক দ্রষ্টব্য। আরও অনেক শ্লোক উদ্ধার করা যাইতে পারে, কিন্তু আর বিস্তারের প্রয়োজন নাই।

আমরা পূর্বে প্রতিপাদন করিয়াছি যে, উপাস্ত্র বিগ্রহের মূর্তি, যাহা ধ্যান করিতে হয়, প্রাকৃত মূর্তি নহে। শালগ্রামে বা মৃন্ময় প্রতিমাতে যে ইষ্টপূজা করা হইয়া থাকে, তাহা প্রস্তুতময় শালগ্রামের বা মৃন্ময় প্রতিমার পূজা নহে। উহার আলম্বন মাত্র। ঐ আলম্বনের সাহায্যে, নিত্য, সর্বগত, সচ্চিদানন্দময়, বিভূ, জগদেককারণ পরব্রহ্মেরই উপাসনা করা হইয়া থাকে। তাঁহার হস্তপদ মুখ প্রভৃতির চিন্তা করিলেও উহা মনঃ স্বের্ঘ্যের জন্ম, এবং ঐ সকল প্রত্যঙ্গও চিন্ময়, আনন্দঘন, সর্বব্যাপী বলিয়া সঙ্গে সঙ্গে ধ্যান বা চিন্তা করা প্রয়োজন। তিনি বিগ্রহ বিশিষ্ট রূপে চিন্তনীয় হইলেও, সঙ্গে সঙ্গে “সর্বতঃ পানি-পাদং তং সর্বতোহক্ষিণিরোমুখম্” ভাবেও ধারণা করিতে হইবে। নতুবা, ব্রহ্মস্বরূপের চিন্তাই হইল না। ইহার প্রত্যঙ্গ দৃষ্টান্ত, আমাদের প্রতিদিনের করণীয় পার্থিব শিব পূজায় পাই। মূর্তিকা দ্বারা লিঙ্গমূর্তি গঠিত করিয়া, যখন আমরা “সর্বায় ক্রিতিমূর্তয়ে নমঃ, ভবায় জলমূর্তয়ে নমঃ.....ইত্যাদি” মন্ত্র উচ্চারণ করিয়া উক্ত মৃন্ময় লিঙ্গমূর্তির মস্তকে পুষ্প, বিল্বপত্র, চন্দন প্রদান করি তখন যে উহা ব্রহ্মোপাসনা, তাহাতে সন্দেহ নাই। সমুদায় পূজায় এই একই কথা।

সুতরাং, অঙ্গের উপাসনায় কথিত অনুলভাদি গুণসমূহ—সমুদায় উপাসনায় গ্রহণীয়, সিদ্ধান্ত হইল।

ভিত্তিঃ—

“সর্বকর্মা, সর্বগন্ধঃ, সর্বরসঃ... ।” (ছান্দোগ্যঃ ৩।১৪।২) ।

সংশয়ঃ—ভাল, ব্রহ্ম যখন সর্ববিচার গুণী বা প্রধান এবং গুণ বা অঙ্ক-
মাত্রই যখন প্রধানের অঙ্গগামী হইয়া থাকে, তখন শিরোদেশে উদ্ধৃত
শ্রুতিমহাংশে কথিত “সর্বকর্মা সর্বগন্ধঃ সর্বরসঃ” প্রভৃতি গুণ সমূহ কি
সমুদায় উপাসনায় গ্রহণ করিতে হইবে? তোমার সিদ্ধাস্তমত ত উহাদের
গ্রহণই করিতে হয় । ইহার উত্তরে সূত্র :—

সূত্র :—৩।৩।৩৩ ।

ইয়দামননাং ॥ ৩।৩।৩৪ ॥

ইয়ৎ + আমননাং ॥

ইয়ৎ :—এই পরিমাণ । **আমননাং :—**আভিমুখ্যে চিন্তা হেতু ।

একাগ্রচিত্তে ব্রহ্মচিন্তারই প্রয়োজন । একারণ, যাহার অভাবে ব্রহ্মচিন্তা
হইতে পারে না, সেই স্বরূপগত অস্থূলত্বাদি গুণ সমূহ, সমুদায় ব্রহ্মোপাসনাতেই
গ্রহণ করিতে হইবে । কিন্তু সর্বকর্মা, সর্বগন্ধ, সর্বরস এ সমুদায় ধর্মের
উপসংহার প্রয়োজনীয় নহে । কারণ, ঐ সমস্ত ধর্ম ব্রহ্মের স্বরূপ চিন্তার
'অব্যভিচারী উপায় নহে । উহারা যেখানে কথিত হইয়াছে, সেইখানেই
গ্রহণীয়, অন্যত্র নহে ।

ত্বং ব্রহ্মপূর্ণমমৃতং বিগুণং বিশোক-

মানন্দমাত্রমবিকারমনন্যদন্যং ।

বিশ্বস্য হেতুরুদয়স্থিতিসংযমানা-

মায়েশ্বরশ্চ তদপেক্ষতয়ানপেক্ষঃ ॥

ভাগঃ ৮।১২।৬

'—হে ভগবন্! আপনি বিশ্বের সৃষ্টি, স্থিতি ও নাশের হেতু এবং
প্রপঞ্চোপাধি জীবসকলের ঈশ্বর । আপনি তাহাদের তত্ত্বৎ
কর্মফল দাতা, কিন্তু আপনি রাজাদির ন্যায় কিছুই অপেক্ষা করিয়া
সেবকগণের ফলদান করেন না । আপনি পূর্ণ, স্থখ স্বরূপ, নিত্য,
আনন্দময়, অবিকারী, অগুণ এবং অশোক । আপনাকে ব্যতিরিক্ত

অন্য পদার্থ মাত্র নাই, অথচ আপনি সর্বপদার্থ হইতে ভিন্ন। আপনি এতাদৃশ স্থাঅক, আনন্দঘন ব্রহ্মস্বরূপ। আপনার অন্য কোনও বস্তুতে আকাজকা নাই। আপনার ঐশ্বর্য্য কেবল ভক্তানুগ্রহার্থ— উহাতে আপনার স্বার্থমাত্র নাই। ভাগঃ ৮।১২।৬

শ্রীভগবানের চিন্তা এইরূপেই করিতে হয়।

ভিন্ন ভিন্ন উপাসকেরা ভিন্ন ভিন্ন ভাবে তাঁহাকে উপাসনা করিতে পারেন। 'সকলকেই যে তাঁহাদের নিজ নিজ মার্গোক্ত সমুদায় গুণ, অন্য অন্য মার্গোক্ত গুণের সহিত উপসংহার করিতে হইবে, তাহা নয়। এ বিষয়ে ভাগবতের মত :—

ত্বাং ব্রহ্ম কেচিদবয়ন্ত্যাত ধর্ম্মমেক

একে পরং সদসতোঃ পুরুষং পরেশম্ ।

অন্তোহবয়ন্তি নবশক্তিয়ুতং পরং ত্বাং

কেচিন্মহাপুরুষমব্যয়মাত্মতত্ত্বম্ ॥

ভাগঃ ৮।১২।৮

—হে ভগবন্! নানা প্রকার উপাসকেরা আপনাকে নানা প্রকার বর্ণনা করিয়া থাকেন। উহারা আপনার স্বরূপতত্ত্বের এক এক দেশ মাত্র লক্ষ্য করিয়া উহা করিয়া থাকেন। কেহ কেহ (বৈদান্তিকগণ) আপনাকে ব্রহ্ম বলিয়া, কেহ কেহ (মীমাংসকেরা) ধর্ম্ম বলিয়া, কেহ কেহ (সাংখ্যবেত্তাগণ) আপনাকে প্রকৃতি ও পুরুষের পর বলিয়া, কেহ কেহ (পঞ্চরাত্রানুসারে উপাসকগণ) নবশক্তিয়ুক্ত পরমপুরুষ বলিয়া এবং অপরেরা (পাতঞ্জলগণ) আপনাকে আত্মতত্ত্ব মহাপুরুষ বলিয়া নির্দেশ করিয়া থাকেন। ভাগঃ ৮।১২।৮

দেখ, একটি বিশেষ কথা মনে রাখা প্রয়োজন যে, যদি ব্রহ্মের সমুদায় গুণ শাস্ত্রে নির্দেশ করা সম্ভব হইত, এবং ভিন্ন ভিন্ন স্থানে উক্ত সমুদায় গুণ উপসংহার করিয়া—তাঁহাকে চিন্তা করা সম্ভব হইত, তাহা হইলে তিনি ত বাক্যমনের বিষয়ীভূত হইয়া পড়িলেন। শ্রুতিতে তাঁহাকে বাক্যমনের আগোচর বলিয়া পুনঃ পুনঃ নির্দেশ করিয়াছেন, তাহা অর্থহীন হইয়া যাইত। অতএব সমুদায় গুণের উপসংহার সম্ভবও নহে এবং করণীয় বা প্রয়োজনীয়ও নহে।

১৬। অন্তরত্বাধিকরণ ॥

ভিত্তি:—

- ১। “সত্যং জ্ঞানমনস্তং ব্রহ্ম ।
যো বেদ নিহিতং গুহায়াং পরমে ব্যোমন্ ।” (তৈত্তিঃ ২।১)
—ব্রহ্ম-সত্য-জ্ঞান-মনস্ত স্বরূপ । যিনি ইহাকে গুহায় ও পরম
ব্যোমে নিহিত জানেন । (তৈত্তিঃ ২।১)
- ২। “য সর্বজ্ঞঃ সর্ববিদ্ যশ্চৈষ মহিমা ভুবি ।
দিব্যে ব্রহ্মপুরে হোষ ব্যোমাত্মা প্রতিষ্ঠিতঃ ॥” (মুণ্ডঃ ২।২।৭)
—যিনি সর্বজ্ঞ, সর্ববিৎ, যাহার মহিমা এই জগতে অনুভূত
হইতেছে । এই আত্মা দিব্য ব্রহ্মপুরে পরব্যোমে প্রতিষ্ঠিত আছেন ।
(মুণ্ডঃ ২।২।৭)
- ৩। “ন তত্র সূর্যো ভাতি ন চন্দ্রতারকং
নেমা বিদ্যাতো ভাস্তি কুতোহয়মগ্নিঃ ।
তমেব ভাস্তমনুভাতি সর্বং
ভস্য ভাসা সর্বমিদং বিভাতি ॥”
(মুণ্ডঃ ২।২।১০) ।
—সেখানে সূর্য্য, চন্দ্র, তারকা, বিদ্যৎ প্রকাশ পায় না, অগ্নির কথাই
বা কি ? স্বপ্রকাশ তাঁহারই প্রকাশে সমুদায় প্রকাশ পায় । তাঁহার
দীপ্তিতে এই সমস্ত জগৎ প্রকাশ পাইতেছে । (মুণ্ডঃ ২।২।১০)
- ৪। “ত্রৈলোকে বেদমমৃতং পূর্বস্তাদ্ধ্রুক্ষ পশ্চাদ্ধ্রুক্ষ দক্ষিণতশ্চোত্তরেণ ।
অধশ্চোচ্চৈর্ধ্রুক্ষ প্রসৃতং ত্রৈলোকে বেদং বিশ্বমিদং বরিষ্ঠম্ ॥”
(মুণ্ডঃ ২।২।১১)
—অমৃত স্বরূপ এই ব্রহ্মই অগ্রে, পশ্চাতে, উত্তরে, দক্ষিণে, উর্ধ্বে,
অধোভাগে ব্যাপ্ত আছেন । এই বিশাল বিশ্ব ব্রহ্মাত্মকই বটে ।
(মুণ্ডঃ ২।২।১১)
- ৫। “স ভগবঃ কস্মিন্ প্রতিষ্ঠিত ইতি ? স্বে মহিম্নি, যদি বা ন
মহিম্নীতি ॥” (ছান্দোগ্যঃ ৭।২৪।১) ।

—হে ভগবন্! সেই ভূমা কোথায় প্রতিষ্ঠিত? নারদের এই প্রশ্নের উত্তরে সনৎকুমার বলিলেন—নিজের মহিমায়—আপনার শক্তি বা ঐশ্বর্যে—অথবা নিজের মহিমাতেও নহে। অর্থাৎ ভাষায় তোমার প্রশ্নের উত্তর দিতে হইলে, বলিতে হয় যে, “স্বীয় মহিমায় প্রতিষ্ঠিত”—তস্তিন্ন উপায় নাই। কিন্তু তাহা বলিলে, তিনি ও তাঁহার মহিমা—উভয়ের মধ্যে ভেদের প্রসঙ্গ আসিয়া পড়ে। তাহা ত হইতে পারে না, সুতরাং প্রকৃতপক্ষে তিনি কোথাও প্রতিষ্ঠিত নহেন। সর্বাশ্রয়ের আবার আশ্রয় কি? (ছাঃ ৭।২৪।১)

সংশয় :—তৈত্তিরীয় শ্রুতির ২।১ মন্ত্রে সত্যজ্ঞানানন্ত স্বরূপ ব্রহ্ম পরমব্যোমে প্রতিষ্ঠিত বলিয়া উল্লেখ আছে। মুণ্ডক শ্রুতির ২।২।৭ মন্ত্রেও ব্যোমে প্রতিষ্ঠিত, সূর্য্য চন্দ্রাদি দ্বারা উহা প্রকাশ্য নহে, উহা স্বপ্রকাশ ব্রহ্ম। স্বয়ংপ্রকাশস্বরূপকে আবার কে প্রকাশ করিবে? এবং ব্রহ্মই অগ্রে, পশ্চাতে, উত্তরে, দক্ষিণে, উর্দ্ধে, অধোভাগে ব্যাপ্ত, কথিত আছে। ইহাতে উক্ত ব্রহ্মের অবস্থিতি স্থানের বস্তুগত অস্তিত্ব প্রকাশ করা শ্রুতির অভিপ্রেত বলিয়া মনে হয়। আবার ছান্দোগ্য শ্রুতির ৭।২৪।১ মন্ত্রে—“তিনি নিজের মহিমায় প্রতিষ্ঠিত, অথবা নিজের মহিমায়ও নহে” বলিয়া কথিত থাকায়, উক্ত পরমব্যোম বা ব্যোম, তাঁহারই মহিমা বা শক্তি বলিয়া বোধ হয়। সুতরাং উহার বস্তুগত অস্তিত্ব নাই, এবং উহার পুর, প্রাকার, প্রাসাদ, উপবন আদি বর্তমান নাই, ইহাই সম্ভব বোধ হয়। বিশেষতঃ ব্রহ্ম—বিভু, সর্বব্যাপী, ভূমা। এ কারণ তাঁহার কোথাও একস্থানে অবস্থানও সম্ভব বলিয়া মনে হয় না। অতএব, মুণ্ডক শ্রুতির মন্ত্র রূপক মাত্র। ইহার উত্তরে সূত্র :—

সূত্র—৩।৩।৩৫।

অন্তুরা ভূতগ্রামবৎ স্বাত্মনঃ ॥ ৩।৩।৩৫ ॥

অন্তুরা + ভূত + গ্রামবৎ + স্বাত্মনঃ ॥

অন্তুরা :—ব্রহ্মপুর মধ্যে, পরব্যোম মধ্যে। **ভূত :—**পঞ্চভূত নির্মিত। **গ্রামবৎ :—**পুর বা নগরের স্থায়। **স্বাত্মনঃ :—**স্বজন বলিয়া অসীকৃত ভক্তের জগৎ।

মুণ্ডক শ্রুতির ৩।২।৩ মন্ত্রে কথিত আছে, “যমেবৈষ বৃণুতে তেন সত্যঃ” --যাঁহাকে এই আত্মা বরণ করেন, অর্থাৎ স্বজন বলিয়া স্বীকার করেন, তিনিই

সেই আখ্যাকে লাভ করেন। অতএব, তাঁহার স্বজনরূপে বৃত্ত বা অঙ্গীকৃত ভক্তের চক্ষে, তাঁহাদের প্রাপ্য পরমপদ পঞ্চভূত নির্মিত পুরাদির স্মার ভূমি, বৃক্ষ, সরোবর, জল, উপবন, প্রাসাদ, প্রাকার, মন্দির প্রভৃতি বিশিষ্ট বলিয়া প্রতীত হয়। যেমন ভক্তের চক্ষে বিজ্ঞানানন্দময় অরূপ ব্রহ্মের হস্তপদাদি অঙ্গ-প্রত্যঙ্গের বিচিত্রতা প্রতীত হয়, সেইরূপ ভক্তের সুখানুভূতির জন্ত তাঁহার চক্ষে তাঁহার পরমপদ, পরমানন্দ দানের উপযোগী ভূমি, বৃক্ষ, সরোবর, উপবন, পুষ্প, পক্ষী, প্রাসাদ, মন্দির, প্রাকার প্রভৃতি সমন্বিতরূপে প্রতীয়মান হয়। প্রাকৃতিক জগতে, প্রাকৃতিক পুর প্রভৃতি ভোগোপকরণ সমস্তই পঞ্চ ভূতময়, প্রকৃতির পারে, পরব্যোমে অবস্থিত পরমপদ ও সেই স্থানের সমস্ত বৈচিত্র্যোপকরণ ব্রহ্মময়। এজন্ত মুগ্ধ শ্রুতির ২।২।১২ মন্ত্রে ব্রহ্মই অগ্রে, পশ্চাতে, উত্তরে, দক্ষিণে, উর্ধ্বে, অধোভাগে বলিয়া উল্লিখিত হইয়াছে। তাঁহার অচিন্ত্য শক্তি বলে, তিনি স্বরূপে অবস্থিতি করিয়াও যেমন বহিরঙ্গা শক্তিবিকাশে এই বৈচিত্র্যময় প্রপঞ্চ জগৎ প্রকটিত করেন, সেইরূপ স্বরূপে অবস্থান করিয়াও স্বরূপধামে স্বরূপ শক্তির বিকাশে, বৈচিত্র্যময় ধাম পরিকরাদি রূপে নিজেকে প্রকটিত করেন।

তিনি যে ভক্তের আনন্দানুভূতির জন্ত ইহা করেন, তাহা ভাগবতে স্পষ্ট উল্লেখ করিয়াছেন :—

তং হাং বিদাম ভগবন্ পরমাশ্রুতং

সত্বেন সম্প্রতি রতিং রচয়ন্তমেষাম্ ।

যন্তেহনুতাপবিদিতৈতদৃঢ়ভক্তিয়োগৈ-

রুদ্গ্ৰন্থয়ো হৃদি বিদুমুনয়ো বিরাগাঃ ॥

ভাগঃ ৩।১৫।৪৭

—হে ভগবন্! তুমি যে আশ্রুতরূপ পরমতত্ত্ব, তাহা আমরা হৃদয়ে অনুভব করিতেছি। সেই পরমাশ্রুত স্বরূপ তুমিই, তোমার কৃপালভ্য দৃঢ় ভক্তিয়োগ দ্বারা, যে সকল ভক্তের হৃদয়গ্রন্থি ছিল হওয়ার জন্ত নিরভিমান হইয়াছেন, তাঁহাদের আনন্দের জন্ত, বিস্তৃত সঙ্কল্প আশ্রয় করিয়া, স্বীয় শ্রীমূর্তি ও ধামাদি প্রকটন করিয়া থাক।

ভাগঃ ৩।১৫।৪৭ ।

এই প্রকার করিবার কারণ কি? তাহা পরবর্তী শ্লোকে বলিতেছেন :—
তোমার ভক্তগণ তোমার প্রসাদরূপ আত্যন্তিক মোক্ষও প্রার্থনা করেন না—

ইচ্ছাদি পদের কথা কি? উহারা ত তোমার ক্রভকেই নাশ প্রাপ্তি হয়।
তঁাহারা তোমার ভজনানন্দই প্রার্থনা করেন। এজন্য তোমাকে স্বরূপ হইতে
যুক্তি ও ধামাদি প্রকটিত করিতে হয়, যাহাতে তঁাহারা তোমার রমণীয় যশঃ
শ্রবণ কীর্তনাদি করিয়া তোমার সেবা করিতে পারেন। ভাগঃ ৩।১৫।৪৮

নাত্যন্তিকং বিগণয়ন্ত্যপি তে প্রসাদং

কিস্বন্যদর্শিতভয়ং ক্রব উন্নয়েন্তে ।

যেহুঙ্গ হৃদজিঘ্রু শরণা ভবতঃ কথায়্যাঃ

কীর্ত্তন্যতীর্থযশসঃ কুশলা রসজ্ঞাঃ ॥

ভাগঃ ৩।১৫।৪৮

তিনি এবং তঁাহার ধাম যে একই, প্রভেদ নাই, তাহাও ভাগবত
প্রকাশ করিয়াছেন :—

ইতি সঞ্চিস্ত্য ভগবান্ মহাকারুণিকো বিভুঃ ।

দর্শয়ামাস লোকং স্বং গোপানাং তমসঃ পরম্ ॥ ভাগঃ ১০।২৮।১৪

সত্যং জ্ঞানমনস্তং যদ্ ব্রহ্ম জ্যোতিঃ সনাতনম্ ।

যচ্চি পশ্যন্তি মুনয়ো গুণাপায়ে সমাহিতাঃ ॥ ভাগঃ ১০।২৮।১৫

—ব্রজবাসী গোপগণ শ্রীকৃষ্ণের ব্রহ্মাখ্য ধাম সন্দর্শন করিবার অভিপ্রায় প্রকাশ
করিলে, মহাকারুণিক, বিভু, ভগবান্ মনে মনে চিন্তা করিয়া তঁাহাদিগকে
প্রপঞ্চের পারে অবস্থিত নিজ স্বরূপ এবং তঁাহার স্বরূপত্ব লোক প্রদর্শন
করিলেন। উভয়েই সত্য, জ্ঞান, অনন্ত, সনাতন, ব্রহ্মজ্যোতিঃ স্বরূপ।
মুনিগণ গুণ ধ্বংসে সমাহিত অবস্থায় উহাই সন্দর্শন করিয়া থাকেন।

ভাগঃ ১০।২৮।১৪-১৫ ।

এই ভগবদ্ভাম যে কি প্রকার বৈচিত্র্যে অলঙ্কৃত, তাহাও ভাগবতের তৃতীয়
স্কন্ধের পঞ্চদশ অধ্যায়ে বর্ণিত আছে। বাহুল্য ভয়ে উহা উদ্ধৃত হইল না।
দ্বিতীয় স্কন্ধ হইতে কয়েকটি শ্লোক উদ্ধৃত হইল।

তস্মৈ স্বলোকং ভগবান্ সভাজিতঃ

সন্দর্শয়ামাস পরং ন যৎপরম্ ।

ব্যপেতসংক্লেশবিমোহসাধ্বসং

স্বদৃষ্টবন্তিঃ পুরুষৈরভিষ্টুতম্ ॥ ভাগঃ ২।৯।৯

प्रवर्तते यत्र रजस्तमस्तयोः

सद्वक्त्रं मिश्रं न च कालविक्रमः ।

न यत्र मया किमुतापरे हरे-

रभुवता यत्र सुरासुरार्चिताः ॥ भागः २।२।१०

श्यामावदाताः शतपत्रलोचनाः

पिशङ्गवद्भ्राः सुरुचः सुपेशसः ।

सर्वे चतुर्वर्हिवः उन्मिषन्मणि-

प्रवेकनिष्काभरणाः सुवर्चसः ॥ भागः २।२।११

क्षत्रिभुर्भिर्षः परितो विराजते

लसद्भिमानावलिभिर्महाश्रनाम् ।

विद्योतमानः प्रमदोत्तमाद्याभिः

सविद्यदत्तुावलिभिर्षथा नभः ॥ भागः २।२।१३

श्रीर्षत्र रूपिण्यारुगयपादयोः

करोति मानं बहुधा विभूतिभिः ।

प्रेङ्काश्रिता या कुसुमाकरासुगै-

विगीयमाना प्रियकर्म गायती ॥ भागः २।२।१४

ददर्श तत्राखिलसाहतां पतिं

श्रियः पतिं यज्जपतिं जगत्पतिम् ।

सुनन्दनन्दप्रबलाहणादिभिः

स्वपार्श्वदात्रैः परिसेवितं विभुम् ॥

भागः २।२।१५

भूताप्रसादाभिमुखं दृगासवः

प्रसन्नहासारुगलोचनाननम् ॥

किरौटिनं कुण्डलिनं चतुर्भुजं

पौतांशुकं वक्रसि लङ्कितं श्रिया ॥

भागः २।२।१६

—শ্রীভগবান্ ব্রহ্মার তপস্যায় তুষ্ট হইয়া, তাঁহাকে আপন পরম শ্রেষ্ঠ লোক দর্শন করাইলেন। ঐ লোকে অবিজ্ঞা, অশ্রিতা, রাগ, ঘেব, অভিনিবেশ রূপ পঞ্চ ক্লেশ, মোহ, ভয় ইত্যাদির লেশ মাত্র নাই। আত্মবিৎ ভক্তগণ দ্বারা তিনি তথায় স্তুত ও সেবিত হইতেছেন। সে স্থানে রজঃ বা তমঃ গুণের প্রভাব নাই, এবং ঐ দুই গুণের সহিত মিশ্রিত সৎগুণও সেখানে প্রবেশ করিতে পারে না। সেখানে কালকৃত বিনাশ বা বিকার নাই। মায়ীও সেখানে যাইতে পারে না, অপরের কথা কি? দেবাসুরগণের দ্বারা পূজিত হরিভক্তগণ তথায় বিরাজ করেন। উক্ত লোকস্থিত শ্রীভগবানের পার্শদ ও পরিচারকগণ, সকলেই উজ্জল শ্রামবর্ণ, পদ্মপলাশ লোচন, পীতবাসা, অতি কমনীয় ও সুকুমার আকার বিশিষ্ট, সকলেই চতুর্ভূজ, সকলের বক্ষঃস্থলে অতিশয় প্রভাশালী মণিময় পদক দেদীপ্যমান এবং সকলেই মহা তেজস্বী। ঐ লোকের চতুর্দিকে মহাত্মাদিগের বিমান শ্রেণী দেদীপ্যমান, তাহাতে শোভার পরিসীমা নাই। আবার দিব্যাজ্ঞাদিগের রূপলাবণ্য দ্বারাও সেই লোক অতিশয় শোভমান। ফলতঃ নিশ্চল বিদ্যাৎসহ মেঘশ্রেণী গগনমণ্ডলে উদ্ভিত হইলে, যেরূপ শোভা হয়, ঐ সকল লোকের শোভাও তদ্রূপ। ঐ স্থানে সম্পত্তিরূপিণী লক্ষ্মী মূর্ত্তিমতী হইয়া স্ববিভূতিরূপা সখীগণের সাহায্যে ভগবানের পাদপদ্মের সেবা করিতেছেন, এবং বিলাস বিভ্রমের সহিত দোলনা আশ্রয় করিয়া চিরবসস্তামুগ গীয়মান ভ্রমরগণের সহিত তাঁহার প্রিয়তম হরির কীর্ত্তিগান করিতেছেন। উক্তলোকে সুন্দ, নন্দ, প্রবল, অহর্ণ প্রভৃতি ভগবানের মুখ্য পারিষদগণ কর্তৃক পরিবেষ্টিত ও সেব্যমান অখিল ভক্তের পতি, যজ্ঞপতি, জগৎপতি, ভগবান্ শ্রীপতি বিরাজ করিতেছেন। তিনি ভূত্যাগণের প্রসাদ বিতরণের জন্ত যেন অভিমুখ হইয়া রুহিয়াছেন। তাঁহা দৃষ্টি যেন দর্শকগণের হর্ষ ও মোহকর আসবতুল্য দেখাইতেছে। বদন ঈষৎ হাস্যযুক্ত, লোচন অকর্ণিমাকান্তিতে মনোহর, মস্তকে কিরীট, কর্ণে কুণ্ডল, পরিধানে পীতাম্বর, তাঁহার চারিটি হস্ত, বক্ষঃস্থল লক্ষ্মীর দ্বারা পরিশোভিত।

ভাগঃ ২।১২-১০-১১-১৩-১৪-১৫-১৬।

ইহার পরের শ্লোকের শেষ চরণে স্পষ্ট কথিত আছে, “স্ব এব ধামমহামাগ-
মীশ্বরং”—(২।২।১৭)—তিনি নিজেই নিজের ধাম বা বৈকুণ্ঠলোক, এবং সেখানে
তিনি স্বরূপে অবস্থিত হইয়াও লীলাবিগ্রহ ধারণ করিয়া ক্রীড়া ও আনন্দানুভব
করিতেছেন । (ভাগঃ ২।২।১৭)

উপরে উক্ত শ্রীমদ্ভাগবতের বর্ণনা কবির কল্পনাগ্রবণ মস্তিষ্কগ্রসৃত রচনা
মাত্র নহে । ত্রিপাদ্ বিভূতি মহানারায়ণোপনিষদে ৭ম অধ্যায়ে ভগবদ্ধাম
“অদ্বৈত সংস্থানের” বর্ণনা আছে । ভাগবত ভিত্তিরূপে উক্ত শ্রুতির বর্ণনা গ্রহণ
করিয়া—ভগদ্ধাম পরিকরাদির বিবরণ কবির ভাষায় লোক সমাজে প্রকাশ
করিয়াছেন । অনুসন্ধিৎসু পাঠকগণের অবগতির কারণ উক্ত শ্রুতি হইতে
অরাংশ মাত্রই উদ্ধৃত হইল । শ্রুতি বলিতেছেন :—“কথমদ্বৈত সংস্থানম্ ?
অখণ্ডানন্দ স্বরূপম্, অনির্কাচাম্, অমিতবোধ সাগরম্, অমিতানন্দসমুদ্রম্, বিজাতীয়
বিশেষ বিবর্জিতম্, সজাতীয় বিশেষ বিশেষিতম্, নিরবয়বম্, নিরাধারম্, নির্বি-
কারম্, নিরঞ্জনম্, অনন্তব্রহ্মানন্দ সমষ্টি কন্দম্, অদিগেশকালম্, অন্তর্বহিচ্চ
তৎ সর্বং ব্যাপ্য পরিপূর্ণম্ দেশতঃ—কালতঃ—বস্তুতঃ—পরিচ্ছেদ
রহিতম্, ... নিরতিশয়ানন্তানন্দতড়িতং পর্বতাকারম্ স্বয়ম্প্রকাশম্ । তদভ্যন্তর-
সংস্থানে অমিতানন্দ চিদ্রূপাচলম্, অখণ্ডপরমানন্দ বিশেষম্, বোধানন্দ মহোজ্জ্বলম্,
নিত্যমঙ্গলমন্দিরম্, চিন্মথনাবিভূতম্, চিৎসারম্, অনন্তাশ্চর্য্য সাগরম্ নিরতি-
শয়ানন্দ সহস্র প্রাকারৈরলঙ্কিতম্, শুদ্ধবোধ সৌধাবলি বিশেষৈরলঙ্কিতম্,
চিদানন্দাময়ানন্ত দিব্যারামৈঃ স্ত্রশোভিতম্, শব্দমিত পুষ্পবৃষ্টিভিঃ সমস্ততঃ
সম্ভূতম্ । তদেব ত্রিপাদ্ বিভূতি বৈকুণ্ঠস্থানম্, তদেব পরমকৈবল্যম্, তদেবাবাধিত,
পরমতত্ত্বম্ ... তদেব পরম যোগিভিমুঁক্ষুভিঃ সর্বৈরাশশ্ৰেমানম্, তদেব সদ্বনম্,
তদেব চিদ্বনম্, তদেবানন্দধনম্ । তদেব শুদ্ধবোধধনবিশেষম্, অখণ্ডানন্দ ব্রহ্ম
চৈতন্যাধিদেবতাস্বরূপম্ । * সর্বাধিষ্ঠানম্, অদ্বয় পরব্রহ্ম বিহারমণ্ডলম্
নিরতিশয় পরমানন্দ পরমমূর্ত্তি বিশেষ মণ্ডলম্ । অখণ্ড শুদ্ধ চৈতন্য নিজ
মূর্ত্তি বিশেষ বিগ্রহম্” ইত্যাদি ।

শ্রুতির ভাষা অতি সরল বলিয়া বাঙ্গলা অর্থ দিবার প্রয়োজন নাই ।

সংশয় :—বেশ সিদ্ধান্ত ত হইল ? তিনি এবং তাঁহার পুর যদি, স্বরূপতঃ একই হয়, তবে অধিষ্ঠাতা ও অধিষ্ঠানের অভেদ সম্ভাবনা হয়, ইহা কি অসঙ্গত নহে ?

এই আপত্তির উত্তরে সূত্র—সূত্রটির প্রথমার্শে আপত্তির উল্লেখ করিয়া শেষার্শে সমাধান করিয়াছেন ।

সূত্র—৩।৩।৩৬।

অন্যথা ভেদানুপপত্তিরিতি চেম্পোপদেশান্তরবৎ ॥ ৩।৩।৩৬ ॥

অন্যথা + ভেদানুপপত্তিঃ + ইতি + চেৎ + ন + উপদেশান্তরবৎ ॥

অন্যথা :—অন্য প্রকারে, অর্থাৎ ভেদাভাব বলিলে । **ভেদানুপপত্তিঃ :—** অধিষ্ঠাতা ও অধিষ্ঠানের ভেদের অনুপপত্তি । **ইতি :—**ইহা । **চেৎ :—** যদি বল । **ন :—**না । **উপদেশান্তরবৎ :—**অন্য উপদেশের গায় ।

তৈত্তিরীয় উপনিষদের ৩।৬ মন্ত্রে “আনন্দো ব্রহ্ম”—ব্রহ্ম আনন্দ স্বরূপ, বলা হইয়াছে । আবার উক্ত শ্রুতির ২।২ মন্ত্রে “আনন্দং ব্রহ্মণো বিদ্বান্”— যিনি ব্রহ্মের আনন্দ জানেন বলায়—আনন্দময়ের বা আনন্দস্বরূপের—আনন্দ বলিয়া অভেদে উল্লেখ হইয়াছে । সেখানে যেমন কোনও অসঙ্গতি হয় না, আলোচ্য স্থলেও সেই প্রকার বুদ্ধিতে হইবে। বিশেষতঃ যিনি “বিজ্ঞানঘন” (বৃহঃ ২।৪।১২) বা “প্রজ্ঞানঘনঃ” (বৃহঃ ৪।৫।১৩), তিনিই “সর্বজ্ঞঃ সর্ববিৎ” ও বটে (মুণ্ডক ১।১।২), যিনি আনন্দস্বরূপ—তিনি আনন্দ অনুভব কর্তাও বটে । আনন্দময়ের আনন্দ অনুভব স্বাভাবিক । তাঁহা হইতে পৃথক্ ত কিছুই নাই । অথচ লৌকিক দৃষ্টান্তে দেখা যায় যে, আনন্দ অনুভবের জন্য আনন্দের উপকরণ প্রয়োজন । এ কারণ তিনিও নিজে আনন্দময়, আনন্দ অনুভব কর্তা এবং অনুভবের উপকরণ সমুদায়রূপে প্রকটন করেন । সেইজন্য ধাম, পরিকর, সখা, সখী, পরিচারক পরিচারিকা প্রভৃতি বিচিত্ররূপে তিনি নিজেই প্রকটিত হইলেন । ইহার দ্বারা উভয় উদ্দেশ্য সিদ্ধ হইয়া থাকে । তদ্বারা নিজে আনন্দানুভবও করেন এবং ঐকান্তিক ভক্তগণের সেবানন্দ উপভোগের চরিতার্থতা সম্পাদন করেন । ভক্তগণ স্বরূপধামে, তাঁহাদের প্রিয়তমকে যুক্তিমান্ রসরাজরূপে প্রত্যক্ষ দর্শন ও সমুদায় ইন্দ্রিয় দ্বারা নিবিড় ভাবে তাঁহাকে উপভোগ করিয়া ব্রহ্মানন্দাপেক্ষা অধিকতর আনন্দানুভব করেন । এই জন্যই তাঁহারা সালোক্য, সাষ্টি, সামীপ্য, সাযুজ্য একত্ব প্রভৃতি কোনও প্রকার মোক্ষই প্রার্থনা করেন না ।

যেমন সূর্য্য বলিলে—মণ্ডলস্থ সূর্য্য, চতুঃপার্শ্বস্থ তেজোরশি এবং সূর্য্যকিরণ সমুদায়ই যুগপৎ হৃদয়ে প্রতিভাত হয়, সেইরূপ “আনন্দময়” বলিলে—আনন্দধাম, তাহার অন্তরস্থ “আনন্দধন”, “সাক্ষাৎ মন্থমম্মথ”, “লাবণ্যসার”, “সকল সুন্দর সন্নিবেশ” সৌন্দর্য্য-মাধুর্য্য-সৌকুমার্য্য প্রভৃতি সমুদায় মধুর গুণের একমাত্র আশ্রয়, ভুবনমোহন মূর্ত্তিধারী ভগবান্, তাহার পিতা, মাতা, সূহৃৎ, সখা, সখী প্রভৃতি সমুদায়ই হৃদয়ে যুগপৎ উদ্দিত হয়। যেমন সূর্য্যমণ্ডল, তেজোরশি এবং কিরণ—সূর্য্যাতিরিক্ত অস্ত্র কিছু ইতর পদার্থ নহে, সেইরূপ ভগবদ্ধামও তত্রস্থ যত কিছু সমুদায় ভগবান্ হইতে পৃথক বস্তু নহে।

পূর্ব্ব সূত্রের আলোচনায় উক্ত ভাগবতের শ্লোক হইতে আলোচ্য বিষয় সুন্দররূপে প্রতিপাদিত হইবে। বিশেষতঃ ২।২।১৭ শ্লোকের শেষাংশে স্পষ্ট উক্ত আছে :—“স্ব এব ধামন্তমমাণমীশ্বরম্”—তিনি নিজেই নিজের ধাম, এবং সেখানে তিনি স্বরূপে থাকিয়াও “রমমাণ”—আনন্দানুভবশীল। পূর্ব্ব সূত্রের আলোচনায় “ত্রিপাদ্বিভূতি মহানারায়ণোপনিষদের” যে অংশ উক্ত হইয়াছে, তাহাতে ধাম, পরিকর প্রভৃতি সমুদায় ব্রহ্মবস্তু বা সচ্চিদানন্দ স্বরূপ ইহা স্পষ্ট কথিত হইয়াছে।

[শ্রীমদ্ রামানুজাচার্য্য ৩।৩।৩৫ ও ৩।৩।৩৬ সূত্র দুইটি একত্রে একসূত্ররূপে গ্রহণ করিয়াছেন। অগ্ণ্যন্ত আচার্য্যগণ পৃথকভাবে গ্রহণ করায় আমরাও পৃথক ভাবে গ্রহণ করিয়াছি।]

ভিত্তি :—

১। “আত্মোভ্যেবোপাসীত” । (বৃহঃ ১।৪।৭)

—আত্মরূপেই উপাসনা করিবে । (বৃহঃ ১।৪।৭)

২। “আত্মানমেব লোকমুপাসীত” । (বৃহঃ ১।৪।১৫)

—আত্মরূপ লোকের উপাসনা করিবে । (বৃহঃ ১।৪।১৫)

৩। “তদ্বিষ্ণোঃ পরমং পদং সদা পশুন্তি সুরয়ঃ দিবীব চক্ষুরাততম্ ॥”

(ঋগ্বেদ ১।৫।২২—১।২।৭)

বিষ্ণোঃ পরম উৎকৃষ্টং তৎ শাস্ত্রপ্রসিদ্ধং পদং স্বর্গস্থান্ । (সায়ণ)

—বিদ্বান্গণ বিষ্ণুর সম্বন্ধী উৎকৃষ্ট সেই শাস্ত্রপ্রসিদ্ধ স্বর্গস্থানকে শাস্ত্রদৃষ্টি দ্বারা সর্বদা দর্শন করেন । এ বিষয়ে দৃষ্টান্ত—যথা আকাশে সর্বত্র প্রসারিত চক্ষুঃ অবিকলভাবে বিশদরূপে বস্তুমাত্রই দেখিয়া থাকে—তদ্রূপ । (সায়ণ ভাষ্যের বঙ্গানুবাদ) (ঋঃ ১।৫।২২-১।২।৭) ।

৪। “সর্বৈ বেদা যৎপদ মামনন্তি

তপাংসি সর্বাণি চ যৎ বদন্তি ।

যদিচ্ছন্তো ব্রহ্মচর্য্যং চরন্তি

তত্তে পদং সংগ্রহেণ ব্রবীমে'্যামিত্যেতৎ ॥”

(কঠঃ ১।২।১৫)

—সমস্ত বেদ যাহাতে ‘পদ’ প্রাপ্তব্য বলিয়া নির্দেশ করেন, সমস্ত তপশ্চা যাহা প্রতিপাদন করিয়া থাকে, সাধুগণ যাহার প্রাপ্তির ইচ্ছায় ব্রহ্মচর্য্য আচরণ করিয়া থাকেন, আমি সংক্ষেপে সেই পদ তোমাকে বলিতেছি—ওম্‌ই সেই পদ । (কঠঃ ১।২।১৫)

৫। “যস্ত বিজ্ঞানবান্ ভবতি সমনস্কঃ সদা শুচিঃ ।

স তু তৎ পদমাপ্নোতি যুস্মাদ্ভূয়ো ন জায়তে ॥”

(কঠঃ ১।৩।৮)

—যে জীব বিজ্ঞানসম্পন্ন, সংযতমনাঃ, সর্বদাশুচি, সেই সে পদ প্রাপ্ত হন—যে পদ হইতে চ্যুত হইয়া আর পুনর্বার জন্মধারণ করিতে হয় না । (কঠঃ ১।৩।৮)

৬। “বিজ্ঞান-সারধিষষ্ঠু মনঃ প্রগ্রহবারঃ ।

সোহধ্বনঃ পরমাপ্নোতি তদ্বিষণোঃ পরমং পদম্ ॥”

(কঠঃ ১।৩।৯)

তৎ বিষণোঃ ব্যাপনশীলস্য ব্রহ্মণঃ পরমাঅনো

বাসুদেবাখ্যস্ত পরমং প্রকৃষ্টং পদং স্থানং সতত্বম্ ইতি ।

(শঙ্কর ভাষ্য)

—বিবেকসম্পন্ন বুদ্ধি যাহার সারধি, এবং মনঃ যাহার ইন্দ্রিয়রূপ অশ্ব-
সংযমনের রজ্জু (লাগাম), তিনি সংসারগতির পরিসমাপ্তিরূপ সর্বব্যাপী
পরমাঅ্যা বিষ্ণুর সেই প্রসিদ্ধ পদ (স্থান) প্রাপ্ত হন । (কঠঃ ১।৩।৯) ।

সূত্র :—৩।৩।৩৭ ।

ব্যতিহারো বিশিঃষস্তি হীতরবৎ ॥ ৩।৩।৩৭ ॥

ব্যতিহারঃ + বিশিঃষস্তি + হি + ইতরবৎ ॥

ব্যতিহারঃ :—বিনিময়ঃ—একের বিনিময়ে অপরের গ্রহণ—অর্থাৎ ব্রহ্ম বা
ভগবান্ এবং তৎপদের পরস্পর বিনিময়ভাবে গ্রহণ । বিশিঃষস্তি :—বিশেষরূপে
বলিতেছেন ।, হি :—নিশ্চয়ে । ইতরবৎ :—অন্যস্থানে অন্য উপদেশের ন্যায় ।

যেমন অন্যস্থানে শ্রুতিতে (উদাহরণ স্বরূপে ৩।৩।২৮ সূত্রের শিরোদেশে
উদ্ধৃত গোপাল পূর্বতাপনী শ্রুতির ১ মন্ত্রে ও রাম পূর্বতাপনীর ৪।৭ মন্ত্রের
সহিত ৩।৩।৫ সূত্রে উদ্ধৃত গোপাল পূর্বতাপনীর ৩ মন্ত্র ও রাম উত্তরতাপনীর
৯, ১০ মন্ত্র একত্র পাঠ করিলে) বিগ্রহে ও স্বরূপতত্ত্বে অভেদ প্রদর্শিত হইয়াছে,
এবং আমরাও ব্রহ্মের বা পরমাঅ্যার বা ভগবানের দেহ-দেহী ভেদ নাই
প্রতিপাদন করিয়াছি—সেইরূপ ভগবানের স্বরূপতত্ত্ব এবং তাঁহার পদ বা স্থান
বা ধামাদি যে ঐকান্তিক অভেদ, তাহা শ্রুতিমন্ত্রে বিশেষরূপে কথিত হইয়াছে ।
আলোচ্য সূত্রের শিরোদেশে উদ্ধৃত শ্রুতিমন্ত্রগণই তাহার প্রমাণ । অতএব
পূর্বসূত্রের প্রায়শ্চৈ যে সংশয় উত্থাপন করা হইয়াছিল, তাহা সম্পূর্ণরূপে নিরস্ত
হইল । সচ্চিদানন্দবিগ্রহ ভগবান্ নিজেই স্বরূপে এবং রাম পরিকরাদি
সহিত লীলা সাধনকারীরূপে তাঁহার ভক্তের চক্ষে স্মৃতি হইল ।
অন্তে তাঁহার উপলব্ধি করিতে পারে না । তিনি ভক্তের আকাঙ্ক্ষা

পূরণের জন্য যে ইহা করেন, তাহা ভাগবত ৩।৩।৩৫ সূত্রের আলোচনায় উক্ত ৩।১৫।৪৭ শ্লোকে স্পষ্টই বলিয়াছেন।

এই প্রসঙ্গে উক্ত ৩।৩।৩৫ সূত্রের আলোচনায় উক্ত ভাগবতের ১০।২৮।১২-১৩ শ্লোক-দুটি দ্রষ্টব্য। তুর্কাসা ঋষি যখন সূদর্শন চক্রের ভয়ে, কোথাও আশ্রয় না পাইয়া, ভগবানের উপদেশ মত, উক্ত ঋষি কর্তৃক অবমানিত অশ্বরীষ সন্নিধানে উপস্থিত হইয়া ক্রমা প্রার্থনা করিলেন, তখন অশ্বরীষ শ্রীভগবানের আয়ুধ সূদর্শনের স্তব করিয়া বলিলেন :—

অমগ্নিভগবান্ সূর্যাস্তং সোমো জ্যোতিষাং পতিঃ ।

অমাপস্তং ক্ষিত্তির্ব্যোমবায়ুর্মাতেশ্চিষ্টিয়াণি চ ॥ ভাগঃ ৯।৫।১৭

অং ধর্মস্বমৃতং সত্যং অং যজ্ঞোঃখিলযজ্ঞভুক্ ।

অং লোকপালঃ সর্বায়া অং তেজঃ পৌরুষং পরম্ ॥ ভাগঃ ৯।৫।৫

—হে সূদর্শন! তুমিই অগ্নি, ভগবান্ সূর্য, নক্ষত্র সকলের পতি চন্দ্র, তুমিই জল, ভূমি, আকাশ, বায়ু, তন্মাত্রগণ ও ইন্দ্রিয়নিচয়। তুমিই ধর্ম, ঋত, সত্য, তুমিই যজ্ঞমুক্তি, এবং অখিল যজ্ঞভোক্তা। তুমি সমুদায় লোকপাল, এবং তুমিই ভগবানের পরম সামর্থ্য স্বরূপ, তুমিই সর্বায়া— তোমাতেই সমুদায় প্রতিষ্ঠিত। ভাগঃ ৯।৫।৩ ও ৯।৫।৫।

অশ্বরীষ সূদর্শন চক্রকে ভগবানরূপে স্তব করিয়াছেন। ভগবানের আয়ুধ—তাঁহার স্বরূপ হইতে অভেদ বলিয়াই এরূপ স্তব সঙ্গত হইয়াছে।

আমরা প্রত্যক্ষে যে সূর্যমণ্ডল দর্শন করি, তাহা নাস্তবিক সূর্য্য নহে, উহা সূর্য্যের জ্যোতিঃরাশি। এই জ্যোতিঃরাশির অভ্যন্তরে কেন্দ্রস্থলে সূর্য্যদেব— অর্থাৎ যিনি সূর্য্যমণ্ডলের পরিচালক, নিয়ন্তা এবং তাঁহার তেজের কণা পাইয়া সূর্য্য জ্যোতিষ্মান্ তিনি বর্তমান আছেন। সূর্য্যমণ্ডল, তাঁহার ধাম বা বিহার-স্থান। এই নিদর্শনে পরম জ্যোতিঃস্বরূপ আনন্দধন ভগবানের, যে আয়ুজ্যোতিঃ চতুর্দিকে বিচ্ছুরিত, তাহাই তাঁহার ধাম। ভাগবত ইহা স্পষ্ট বলিয়াছেন :—

অরতাং হৃদি বিচ্যস্ত বিদ্ধং দণ্ডককণ্টকৈঃ ।

স্বপাদপল্লবং রাম আয়ুজ্যোতিরগাস্ততঃ ॥ ভাগঃ ৯।১।১১

—শ্রীরামচন্দ্র তাঁহার স্মরণকারী ভক্তবৃন্দের হৃদয়ে দণ্ডকারণ্য পরিভ্রমণের কারণ তত্রস্থ কণ্টকদ্বারা বিদ্ধ নিজ পাদপল্লব রাখিয়া নিজধামে গমন করিলেন । ভাগ : ২।১১।১১

[শ্রীধর স্বামী “আত্মজ্যোতিঃ” পদের অর্থ করিয়াছেন “নিজধাম” ।]

আবার তাঁহার ধাম যে তাঁহারই স্বরূপ, তাহাও ভাগবত স্পষ্ট বলিয়াছেন :—

হিতাত্মধামবিধূতাত্মকৃত্যবস্থ-

মানন্দসংপ্লবমখণ্ডমকুণ্ঠবোধম্ । ভাগঃ ১০।৮৩।৪

আত্মধাম স্বরূপপ্রকাশেন (শ্রীধর) । আত্মধাম—শুদ্ধং স্বরূপম্ (জীব গোস্বামী) ।

—আপনার স্বরূপ প্রকাশ দ্বারা নিরন্ত-আত্মকৃত-অবস্থাভ্রয়, সর্বানন্দ-স্বরূপ, অখণ্ডজ্ঞানরূপ । ভাগঃ ১০।৮৩।৪

তাঁহার ধাম “ব্রহ্ম” নামে অভিহিত, তাহা ভাগবত স্পষ্ট বলিয়াছেন :—

বাতবসনা ঋষয়ঃ শ্রমণা উর্দ্ধমস্থিনঃ ।

ব্রহ্মাখ্যং ধাম তে যান্তি শাস্তাঃ সন্ন্যাসিনোহমলাঃ ॥

ভাগঃ ১১।৬।৩২

—পরমার্থ বিষয়ে শ্রমশীল, উর্দ্ধরেতাঃ, বসনহীন, সন্ন্যাসীগণ, শাস্ত ও অমলচিত্ত হইয়া আমার “ব্রহ্মাখ্য” ধামে গমন করিয়া থাকেন ।

ভাগঃ ১১।৬।৩২ ।

পরস্পর বিনিময় নিম্নোক্ত গ্লোকার্কে সুন্দরভাবে কথিত হইয়াছে :—

অহং ব্রহ্ম পরং ধাম ব্রহ্মাহং পরমং পদম্ । ভাগঃ ১২।৫।১২

—আমিই ব্রহ্ম—পরমধাম, ব্রহ্মই আমি—পরম পদ । ভাগঃ ১২।৫।১২

আর বিস্তারের প্রয়োজন নাই । তিনি, তাঁহার ধাম, পরিকর, ভূষণ, বসন, আয়ুধ প্রভৃতি অভেদ । যেমন পৃথিবীস্থ আমাদের যাবতীয় ভোগোপকরণ পঞ্চভূতময়—কারণ আমাদের সহিত ভূতময় দেহ-সম্বন্ধ বিচ্যমান আছে—সেইরূপ তিনি সচ্চিদানন্দময়, তাঁহার দেহ তাঁহার স্বরূপ হইতে পৃথক্ নহে, সুতরাং, তাঁহার ভোগোপকরণ সমুদায়ই তাঁহার স্বরূপভূত সচ্চিদানন্দময় হইবে, ইহাতে সন্দেহ কি ? তাঁহার ভোগ তাঁহার নিজের জ্ঞান নহে—ভক্তের রসপিপাসা তৃপ্তির জ্ঞান ।

১৭। সত্যাদিকরণ ॥

ভিত্তি :—

১। “মনসৈবানুজ্জষ্টব্যং নেহ নানাছস্তি কিঞ্চন ।” (বৃহঃ ৪।৪।১৯)
—মনের দ্বারা ধারণা করা উচিত, এ জগতে নানা কিছুই নাই ।
(বৃহঃ ৪।৪।১৯)

২। “অথাতো আদেশো নেতি নেতি... . অথ
নামধেয়ং সত্যস্য সত্যম্...॥” (বৃহঃ ২।৩।৬)
—অতঃপর এই হেতু “ইহা নহে” “ইহা নহে”, ইহাই ব্রহ্মের
নির্দেশ তাঁহার নাম হইতেছে, সত্যের সত্য । (বৃহঃ ২।৩।৬)

৩। “পরাস্ম্য শক্তিবিবিধৈব জায়তে
স্বাভাবিকৌ জ্ঞান বল ক্রিয়া চ ॥” (শ্বেতাশ্বতর ৬।৮)
—তাঁহার স্বতাবসিদ্ধ পরা শক্তি বহুবিধ, ইহা বেদে শুনিত্তে পাওয়া
যায়—যেমন জ্ঞান, বল ও ক্রিয়াশক্তি । (শ্বেতাঃ ৬।৮)।

সংশয় :—পূর্ব পূর্ব সূত্রে প্রতিপাদন করিয়াছ যে, ব্রহ্ম সৌন্দর্য্য, মাধুর্য্য, সর্বজ্ঞত্বাদিগুণ সম্পন্ন, এবং পরব্যোম তাঁহার ধাম । তিনি বিগ্রহবানও বটে, তাঁহার ধামে তিনি সখা, সখী প্রভৃতি লইয়া লীলা করেন । কিন্তু তাহা হইলে বৃহদারণ্যক শ্রুতির ৪।৪।১৯ এবং ২।৩।৬ মন্ত্রের সহিত বিরোধ উপস্থিত হয় । কারণ বৃহদারণ্যক শ্রুতি ৪।৪।১৯ মন্ত্রে বৈচিত্র্যের প্রত্যাখ্যান করিয়াছেন এবং ২।৩।৬ মন্ত্রে ব্রহ্ম এ সকল কিছুই নহে, এই সিদ্ধান্ত স্থাপন করিয়াছেন । অতএব তাঁহার গুণ সকল মায়িক ভিন্ন কিছুই নহে বলিয়া প্রতীত হয় । বিশেষতঃ, সত্য, শৌচ সম, দম প্রভৃতি যে সমস্ত গুণের উল্লেখ শ্রুতিতে দেখিতে পাওয়া যায়, তাহারাও ঐ কারণে স্বরূপনিষ্ঠ গুণ নহে । ইহার উত্তরে সূত্র :—

সূত্র :—৩।৩।৩৮ ।

সৈব হি সত্যাদয়ঃ ॥ ৩।৩।৩৮ ॥

সা + এ + হি + সত্যাদয়ঃ ॥

সা ১—পরাশক্তি । এবঃ—অবধারণে । হিঃ—নিশ্চয়ই । সত্যাদয়ঃ—
সত্য প্রভৃতি ।

শ্বেতাশ্বতর শ্রুতির ৬৮ মন্ত্রাংশে তাঁহার স্বভাবসিদ্ধ বহুবিধ পরাশক্তি আছে, বলিয়া কথিত হইয়াছে । অগ্নির প্রকাশশক্তি যেমন তাহার স্বরূপ হইতে অভিন্ন, এই পরাশক্তিও তাঁহার স্বরূপ হইতে অভিন্ন । শক্তি সকল সময় বিद्यমান থাকে, কখনও অভিব্যক্ত ভাবে এবং কখনও অনভিব্যক্ত ভাবে । সত্যাদি গুণ তাঁহার পরাশক্তিই বটে, উহারাও তাঁহার স্বরূপ হইতে অভিন্ন । যখন তিনি বিগ্রহবানরূপে অভিব্যক্ত হন, উহারা সঙ্গে সঙ্গে অভিব্যক্ত হইয়া থাকে । ভক্তের কাছে তিনি সর্বদাই বিগ্রহবান্, সুতরাং ভক্তের চক্ষে ঐ সকল গুণ সর্বদাই নিত্য তাঁহাতে বর্তমান । যাহারা জ্ঞানমার্গের পথিক, তাঁহাদের চক্ষে তাঁহার বিগ্রহ অভিব্যক্ত হয় না । একারণ তাঁহারা উক্ত গুণসকল উপলব্ধি করিতে পারেন না, কিন্তু তাহা বলিয়া, উহারা যে তাঁহাতে নাই, তাহা নহে ।

শ্রুতিতে যে “নেহ নানাশ্চি কিঞ্চন” কথিত হইয়াছে—ইহার অর্থ এই যে, ব্রহ্মের বিজাতীয় কিছুই নাই । কিন্তু উহার দ্বারা ব্রহ্মের সজাতীয় বা স্বগত স্বরূপানুবন্ধী ধর্মসকলের প্রত্যাখান করা শ্রুতির অভিপ্রায় নহে । যদি তাহা হইত, তাহা হইলে শ্বেতাশ্বতর শ্রুতির ৬৮ মন্ত্রের সহিত এবং অন্যান্য অনেক শ্রুতির সহিত বিরোধ উপস্থিত হয় । বৃহদারণ্যক শ্রুতির ২।৩।৬ মন্ত্রের প্রকৃত অভিপ্রায় কি, তাহা ৩।২।২২ সূত্রের আলোচনায় কথিত হইয়াছে । এখানে আর বাহুল্যের প্রয়োজন নাই ।

সত্য প্রভৃতি গুণ যে ভগবানে নিত্য বর্তমান, তাহা ভাগবতে স্পষ্ট উল্লেখ আছে :—

সত্যং শৌচং দয়া ক্ষান্তিস্ত্যাগঃ সন্তোষ আর্জবম্ ।

শমো দমস্তপঃ সাম্যং তিতিক্ষোপরতিঃ শ্রুতম্ ॥ ভাগঃ ১।১৬।২৪

জ্ঞানং বিরক্তিরৈশ্বর্যং শৌর্যং তেজো বলং শ্রুতিঃ ।

স্বাস্থ্যং কৌশলং কান্তি বৈশ্ব্যং মর্দবমেব চ ॥ ভাগঃ ১।১৬।২৫

প্রাগল্ভ্যং প্রশ্রয়ঃ শীলং সহ ওজো বলং ভগঃ ।

গান্ধীর্ঘ্যং শৈব্যাশ্চিক্যং কীর্ত্তির্মানোহনহঙ্কৃতিঃ ॥ ভাগঃ ১।১৬।২৬

এতে চাগ্রে চ ভগবন্নিত্যা যত্র মহাগুণাঃ ।

প্রার্থ্যা মহম্বমিচ্ছন্তির্ন বিয়ন্তি স্ম কহিচ্চি ॥ ভাগঃ ১।১৬।২৭

—সত্য, শৌচ, দয়া, ক্ষমা, দান, সন্তোষ, সারল্য, শম (মনের নিশ্চলত্ব), দম (বাহ্যেন্দ্রিয়ের নিশ্চলত্ব), তপস্যা, সাম্য (শত্রু মিত্রে সমতা), তিতিক্ষা, উপরতি, শ্রুত, আত্মবিষয়ক জ্ঞান, বৈতুষ্য, নিয়ন্তৃত্ব, শৌর্য্য, প্রভাব, দক্ষতা, কর্তব্যানুসন্ধান, স্বাধীনতা, ক্রিয়ানৈপুণ্য, সৌন্দর্য্য, ধৈর্য্য, চিত্তের কোমলতা, প্রতিভাতিশয়, বিনয়, সুখভাব, সহ (মনের পটুতা), ওজঃ (জ্ঞানেন্দ্রিয়ের পটুতা), বল (কর্মেন্দ্রিয়ের পটুতা), ভোগাম্পদত্ব, গাভীর্ঘ্য, শৈর্ঘ্য, শ্রদ্ধা, কীর্ত্তি, পূজ্যত্ব, অনহঙ্কৃতি এই সকল, এবং এতদ্ভিন্ন ব্রহ্মণ্যত্ব, শরণ্যত্ব, ভক্তবাৎসল্য প্রভৃতি গুণ তাঁহাতে স্বভাবতঃ নিত্যই বর্তমান আছে, কখনও কাহারও অভাব হয় না। যাহারা মহত্ব কামনা করেন, তাঁহারা ঐ সকল গুণকেই প্রার্থনা করিয়া থাকেন ! ভাগ: ১।১৬।২৪-২৭।

ভাগবত যে সমস্ত গুণের উল্লেখ করিলেন, স্মরণ রাখিতে হইবে, উহারা প্রাকৃতিক গুণ নহে, উহারা শ্রীভগবানের স্বরূপানুবন্ধী গুণ। প্রকৃতিতে উহাদের প্রতিচ্ছবি পতিত হইয়া— উহাদের প্রতিবিশ্ব তত্ত্ব নামে প্রপঞ্চ জগতে ভগবদ্ভক্তগণের চরিত্রে পরিলক্ষিত হইয়া থাকে। অপ্রাকৃত ভগবৎ স্বরূপগত গুণ ভাষায় প্রকাশ করিতে হইলে, তাহাদের প্রতিবিশ্বভূত আমাদের পরিচিত প্রপঞ্চে দৃশ্যমান গুণসকলের নাম গ্রহণ ভিন্ন উপায় নাই বলিয়া “সত্য” প্রভৃতি নাম ব্যবহার করা হইল মাত্র।

গুণসকল তাঁহাতে নিত্য বর্তমান আছে, তবে কখনও অভিব্যক্ত ভাবে, কখনও বা অনভিব্যক্ত ভাবে; ইহা উপরে কথিত হইয়াছে। ইহা আমরা ১।১।২ সূত্রের আলোচনায় (পৃঃ ১২৩) গায়কের দৃষ্টান্তে বুঝিবার চেষ্টা করিয়াছি। আর এখানে বিস্তারের প্রয়োজন নাই।

তবে তাঁহার অভিব্যক্তি কি করিয়া হয়, অর্থাৎ কি প্রকারে তিনি ভক্তের চক্ষে বিগ্রহবান্ রূপে আবিভূত হন, তাহাই বুঝিবার চেষ্টা করা যাউক। ভাগবত বলেন যে, তিনি যোগমায়া আশ্রয় করিয়া ইহা করিয়া থাকেন। যোগমায়া তাঁহার চিৎশক্তি। ইচ্ছা বা সংকল্প চিৎ-এরই হইয়া থাকে। অতএব যোগমায়া তাঁহার চিদাশ্রিকা সংকল্পমূর্ত্তি। প্রপঞ্চাভীত ধামে, যেখানে প্রাকৃতিক সত্ত্ব-রজস্তমো গুণের সংস্পর্শ নাই, সেখানে বিশুদ্ধ সত্ত্বগুণের পরিণতিতে এই চিৎশক্তি ভগবদিচ্ছাক্রমে ভগবৎ

স্বরূপাত্মক বিশুদ্ধ সত্ত্বগুণ আশ্রয় করিয়া—চিন্ময়ী দেহবতী হইয়া তাঁহার সমুদায় ইচ্ছা সম্পাদন করেন। এই বিশুদ্ধ সত্ত্বগুণময়ী চিৎশক্তিকে আশ্রয় করিয়া নামরূপের অতীত ভগবান্ নামরূপ বিশিষ্ট বিগ্রহ রূপে অভিব্যক্ত হন। তাঁহার এ অভিব্যক্তি ভক্তানুগ্রহের জন্মই। কিন্তু নামরূপ বিশিষ্ট বিগ্রহবান্ হইলেও, তিনি ইহা দ্বারা পরিচ্ছিন্ন নহেন। এই প্রসঙ্গে ৩২।১৭ সূত্রের আলোচনায় উদ্ধৃত (পৃঃ ১২৮৩-৮৪) ভাগবতের ১০ ২।৩৪-৩৬, এবং ৩২।২৬ সূত্রের আলোচনায় উদ্ধৃত (পৃঃ ১৩৩৬) ভাগবতের ৬।৪।২৮ ও ৬।৪।২৯ শ্লোক দ্রষ্টব্য। উহারা এখানে আর পুনরুদ্ধৃত হইল না।

কৃষ্ণদাস কবিরাজ গোস্বামী ইহারই প্রতিধ্বনি “চৈতন্য চরিতামৃত” করিয়াছেন :—

“কৃষ্ণের মধুর রূপ শুন সনাতন।

যে রূপের এক কণ, ডুবায় যে ত্রিভুবন, সর্বপ্রাণী করে আকর্ষণ ॥

যোগমায়া চিৎশক্তি, বিশুদ্ধ সত্ত্ব পরিণতি, তার শক্তি লোকে

দেখাইতে।

এইরূপ রতন, ভক্তগণের গূঢ় ধন, প্রকট কৈলা নিত্য লীলা হৈতে ॥”

(চৈতন্য চরিতামৃত, মধ্য, ২১ অধ্যায়)

৩।১।২ সূত্রের আলোচনায় সৃষ্টি-প্রক্রিয়া চিত্রে (পৃঃ ১৭০-১৭১) এই যোগমায়াকে স্বরূপধামে চিৎশক্তি রূপে দেখান হইয়াছে। ইহা স্বরূপ শক্তি। বহিরঙ্গা শক্তিরূপা মায়া হইতে ইনি পৃথক্। স্বরূপধামে বহিরঙ্গা মায়াশক্তির প্রবেশাধিকার নাই। এ জন্মই তাঁর নাম “বহিরঙ্গা”। জীব সাধনসিদ্ধ হইলে ভগবদনুগ্রহে সেখানে প্রবেশাধিকার পায় বলিয়া “তটস্থা” শক্তি বলিয়া শাস্ত্রে প্রথিত।

১৮। কামাভধিকরণ ॥

ভিত্তি:—

১। “শ্রীশ্চ তে লক্ষ্মীশ্চ পদ্মাবহোরাতে পার্শ্বে...”।

(শুরু যজুঃ ৩১।২২)

—শ্রী এবং লক্ষ্মী দুই পত্নী অহোরাত্র উভয়ে পার্শ্বে বিরাজিত ..।

(শুরু যজুঃ ৩১।২২)

২। “প্রকৃত্যা সহিতঃ শ্যামঃ পীতবাসা জটাধরঃ ।”

(রাম পূর্বতাপনী ৪।৭)

—প্রকৃতির সহিত মিলিত শ্যামবর্ণ, পীতবাস ও জটাধর ।

(রাম পূঃ তাঃ ৪।৭)

৩। “নমঃ কমলনেত্রায় নমঃ কমলমালিনে ।

নমঃ কমলনাভায় কমলাপতয়ে নমঃ ॥” (গোঃ পূঃ তাঃ ৩)

“বর্ষাপীড়াভিরামায় রামায়াকুণ্ঠমেধসে ।

রমামানসহংসায় গোবিন্দায় নমোনমঃ ॥”

(গোঃ পূঃ তাঃ ৪)

—পদ্মপলাশ লোচন, কমলমালাধারী, পদ্মনাভ, কমলাপতিকে নমস্কার করি । চূড়ায় শিখিপুচ্ছধারী, সকলের মনোভিরাম, জগন্মোহন, সর্বজ্ঞ, রাম রমার মানসে সতত বিহারকারী গোবিন্দকে প্রণাম করি ।

(গোঃ পূঃ তাঃ ৩।৪)

৪। “নমো বেদাদিরূপায় ঔঙ্কারায় নমো নমঃ ।

রমাধারায় রামায় শ্রীরামায়াম্বুর্ভয়ে ॥”

(রাম পূর্বতাপনী ৪।১৩) ।

—বেদাদি শাস্ত্রমুক্তি, ঔঙ্কার প্রতীক, রমার একমাত্র আশ্রয়, জগন্মোহন, আত্মমুক্তি শ্রীরামকে প্রণাম করি । (রাঃ পূঃ তাঃ ৪।১৩)

সংশয় :—উপরে যে সকল শ্রুতিমন্ত্র উদ্ধৃত হইয়াছে, তাহা হইতে স্পষ্ট প্রতীয়মান হইবে যে, ভগবান যে কেবল বিগ্রহবান্ তাহা নহে, শ্রী ও লক্ষ্মী পত্নীরূপে অহোরাত্র তাঁহায় দুই পার্শ্বে বিরাজিতা । ‘শ্রী’ শব্দে কেহ কেহ লক্ষ্মী এবং কেহ কেহ বাণ্দ্দেবী বলিয়া থাকেন । যাহারা ‘শ্রী’ শব্দের অর্থ লক্ষ্মী

বসেন, তাঁহারা 'লক্ষ্মী' অর্থে ভাগবতী সম্পদ বলিয়া ব্যাখ্যা করেন। যাহা হউক, দুই পত্নীর সহিত তিনি নিত্য বিরাজমান, ইহা গুরু যজুর্বেদে কথিত আছে। আবার তাপনী উপনিষদে, প্রকৃতির বা কমলা অথবা রমার সহিত তিনি মিলিত, কথিত আছে। অন্তর্গত, পূর্বসূত্রের শিরোদেশে উক্ত বৃহদারণ্যক শ্রুতির ৪।৪।১৯ এবং ২।৩।৬ মন্ত্রে ব্রহ্মব্যতিরিক্ত তত্ত্বাস্তর নাই— ইহাই উক্ত শ্রুতি নির্দেশ করেন। অতএব, স্বতঃই সন্দেহ হয়, এই শ্রী, লক্ষ্মী, প্রকৃতি, কমলা বা রমা—ইহারা কেহই নিত্য বস্তু নহেন। মায়িক মাত্র। বিশেষতঃ, সাংখ্য প্রকৃতিকেই জগতের উপাদান কারণ বলিয়া থাকেন। তুমিও সৃষ্টি-প্রক্রিয়ার চিত্রে ১।১।২ সূত্রের আলোচনা প্রসঙ্গে 'প্রকৃতি' ব্রহ্মের বহিরঙ্গা শক্তি এবং তাঁহা হইতে প্রপঞ্চের উৎপত্তি হইয়াছে, প্রতিপাদন করিয়াছ। রামপূর্বতাপনীর ৪।৭ মন্ত্রে কথিত প্রকৃতিও সেই প্রকৃতি বলিয়াই মনে হয়। কমলা ও রমা প্রভৃতিও ঐ মায়িক প্রকৃতিরূপাই হইবেন। বিশেষতঃ, পরব্রহ্ম দিবারাত্র স্ত্রীসঙ্গে বর্তমান থাকা, "আত্মরতি, আত্মকৌড়, আত্মমিথুন, আত্মানন্দ" (ছাঃ ৭।২৫।২), "পূর্ণ স্বরূপ" (বৃহঃ ৫।১) ব্রহ্মের পক্ষে সঙ্গত হয় না। উহাতে কি "পূর্ণ-স্বরূপের" অথবা "আত্মরতি" প্রভৃতি বিশেষণের বিশেষ্যভূত ব্রহ্মের পূর্ণতার ও উক্তরূপ বিশেষণ যোগ্যতার হানি হয় না? অতএব, সিদ্ধান্ত এই যে, শ্রী, লক্ষ্মী, প্রকৃতি, কমলা, রমা প্রভৃতি সমুদায় মায়িক মাত্র। ইহার উত্তরে সূত্রকার সূত্র করিলেন :—

সূত্র :—৩।৩।৩৯ ॥

কামাদীতরত্র তত্র চায়ত্তনাদিভ্যঃ ॥ ৩।৩।৩৯ ॥

কামাদি + ইতরত্র + তত্র + চ + আয়ত্তনাদিভ্যঃ ॥

কামাদি :— অভিলাষ প্রভৃতি। ইতরত্র :— পরব্যোম ভিন্ন অন্য স্থানে।
তত্র :— পরব্যোমে। চ :— ও। আয়ত্তনাদিভ্যঃ :— আয়ঃ— সর্কব্যাপ্তি,
ভন :— বিস্তার, ভক্তগণের মোক্ষানন্দ, ভর্জনানন্দ প্রভৃতি সর্কপ্রকার আনন্দ
বিস্তার জন্ম।

পূর্বসূত্র হইতে "সৈব"—সেইই অর্থাৎ পরাশক্তিই, অনুবর্তন করিতেছে,
বুঝিতে হইবে।

ভগবান্ “সত্যকাম”, “সত্যসংকল্প” ইহা ছান্দোগ্য শ্রুতির ৮।১।৫ মন্ত্রে উক্ত আছে। আবার দেখ, তিনি “বিজ্ঞানধন” (বৃহ : ২।৪।১২), অর্থাৎ বিজ্ঞান-স্বরূপ হইয়াও “সর্বজ্ঞ, সর্ববিৎ” (মুণ্ডক ১।১।২), “আনন্দধন” (তৈত্তিরি : ৩।৬) অর্থাৎ আনন্দস্বরূপ হইয়াও আনন্দ অনুভব করেন। আমরা যেমন আমাদের নিজ নিজ শক্তি সাহায্যে দর্শন, শ্রবণ প্রভৃতি ক্রিয়া পরিচালন ও দয়া দাক্ষিণ্যাদি প্রদর্শন করিয়া থাকি, সেইরূপ আমাদের সৌন্দর্য্যানুভাবিণী (esthetic) শক্তির দ্বারা সৌন্দর্য্য অনুভব করি। উক্ত শক্তি বর্তমান থাকিলেও শিক্ষা দ্বারা উহাকে মার্জিত, সংস্কৃত করিলে তবেই উহা সৌন্দর্য্যানুভব করিতে সমর্থ হয়। শক্তি আমাদের ভিতর বর্তমান আছে বলিয়াই, সংস্কার, শিক্ষা প্রভৃতির দ্বারা, উহার অভিব্যক্তি হইয়া থাকে। গান গাহিবার শক্তি, কঠিন দার্শনিক তত্ত্ব বা বৈজ্ঞানিক তত্ত্ব আলোচনার শক্তি, কাব্য সৌন্দর্য্যানুভব করিবার শক্তি প্রভৃতি সমুদায়ই আমাদের ভিতর আছে বলিয়াই সংস্কার ও পরিমার্জনা দ্বারা উহাদের অভিব্যক্তি সাধিত হইলেই তবে উহারা কার্যকরী হয়। আমরা উক্ত শক্তিসকলকে পৃথক্ পৃথক্ ব্যক্তিগত ভাবে—বিভিন্ন মূর্ত্তিতে প্রকটিত করিতে পারি না। ভগবানে সমুদায় শক্তি অনন্ত পরিমাণে বিদ্যমান। তিনি সেই সকল শক্তি সাহায্যে সৌন্দর্য্য, মাধুর্য্য, আনন্দ প্রভৃতি অনুভব করিয়া থাকেন। তিনি “সত্যসংকল্প” বলিয়া ঐ সকল শক্তিকে নিজ হইতে দৃশ্যতঃ পৃথক্ পৃথক্ ব্যক্তিগত ভাবে বিভিন্ন মূর্ত্তিতে প্রকটিত করিয়া তাঁহাদিগের দ্বারাই অনুভব কার্য্য সমাধা করেন। ইহাতে একসঙ্গে অনেকগুলি উদ্দেশ্য সিদ্ধ হইল। প্রথমতঃ, তাঁহার সত্যসংকল্পত্ব গুণের পরিচয় দেওয়া হইল। দ্বিতীয়তঃ, তাঁহার অচিন্ত্য শক্তিমত্ত্বার নিদর্শন পাওয়া গেল। তৃতীয়তঃ, তিনি অনুভূতিস্বরূপ হইয়াও অনুভব কর্তা, আনন্দস্বরূপ হইয়াও আনন্দের খেলা খেলিয়া থাকেন, ইহাও প্রকাশ করা হইল। চতুর্থতঃ, বিভিন্ন ভক্তের বিভিন্ন অভিরুচি ও অধিকার অনুসারে, বিভিন্ন প্রকার সেবানন্দের অবসর দান করিয়া—উহাদের আনন্দ উপভোগের আকাঙ্ক্ষা পরিপূরণ করিবার উপায় করা হইল। পঞ্চমতঃ ভগবানের চিরন্তন প্রীতি “যে যথা মাং প্রপত্ত্বন্তে তাংস্তথৈব ভজাম্যহম্” (গীতা ৪।১১)—পরিপূরণ করা হইল।

এই সমুদায় শক্তি তাঁহার স্বরূপ হইতে অভিন্ন। আমার শক্তি

যেমন আমার স্বরূপ হইতে অভিন্ন, সেইরূপ ভগবানের শক্তিও তাঁহার স্বরূপ হইতে অভিন্ন। তাহা হইলেও, তিনি তাহাদিগকে আপনা হইতে পৃথক্ ভাবে প্রকটিত করেন, ইহাতে কি তাঁহার পূর্ণতার হানি হয়? একজন গায়ক, যখন তাঁহার গান গাহিবার শক্তি প্রকটিত করিয়া শ্রোতাগণকে মুগ্ধ করেন, তখন কি উক্ত শক্তি প্রকটনের জন্ত তাঁহার স্বরূপ হানি হয়? আমি যখন আমার বেদান্তালোচনা শক্তি প্রকট করিয়া উক্ত আলোচনা লিপিবদ্ধ করি, তখন কি আমার স্বরূপের ব্যত্যয় ঘটে? অথবা, তাঁহার “আত্মক্ৰীড়া”, “আত্মরতি”, “আত্মমিথুন” প্রভৃতি বিশেষণ অনর্থক হয়? তাহা হয় না। যাহা চিরপূর্ণ, তাহাকে কি কখনও খণ্ড করা যায়? ইহা ৩২।২৬ সূত্রের আলোচনায় প্রতিপাদিত হইয়াছে। এই সমুদায় স্বরূপশক্তিরূপা শ্রী, লক্ষ্মী, প্রকৃতি, কমলা, রমা প্রভৃতি তাঁহার স্বরূপ হইতে অভিন্ন হওয়ায়, তাঁহার “আত্মরতি” প্রভৃতি বিশেষণ অব্যাহতই থাকে, পূর্ণতাও অখণ্ডভাবে বিরাজমান থাকে। ভক্তানুগ্রহের জন্ত নিজ স্বরূপ হইতে শ্রী, লক্ষ্মী, কমলা, রমা প্রভৃতি প্রকটিত করেন মাত্র, ভক্ত যাহাতে আনন্দের অনুভূতির পরাকাষ্ঠা প্রাপ্ত হইতে পারে। তিনিই ত আনন্দের “মীমাংসা”, (মুণ্ডঃ ২।৮)। এই শ্রুতির সিদ্ধান্ত পুঁথিগত না রাখিয়া বস্তুগতভাবে উপভোগের বিষয়ীভূত করিবার জন্তই, স্বরূপগত শক্তিকেই পত্নী, সখী প্রভৃতিরূপে অভিব্যক্তি।

ভক্ত, সাধক দেহ ত্যাগের পর পরব্যোমে ভগবানকে তাঁহার স্বরূপভূতা, নিত্য শক্তিরূপা শ্রী, লক্ষ্মী, কমলা প্রভৃতির সহিত নানা প্রকার বিচিত্র ভাবে সেবাদি করিয়া আনন্দের পরাকাষ্ঠা লাভ করেন। আবার যখন ভগবান “ধর্মের মানি এবং অধর্মের অভ্যুত্থান” (গীতা ৪।৭) নিবারণের জন্ত এবং লোকশিক্ষার জন্ত প্রপঞ্চে অবতরণ করেন, তখনও এই নিত্য স্বরূপশক্তি-ভূতা পত্নীরূপা শ্রী, লক্ষ্মী, কমলা, রমা, প্রভৃতি, তাঁহার প্রিয়া, সখী, পরিচারিকা প্রভৃতিরূপে অবতীর্ণ হইয়া তাঁহার আনন্দানুভূতির আকাঙ্ক্ষা নিবৃত্তি করেন, এবং সঙ্গ সঙ্গ জগতে জীবগণের মধ্যে আনন্দময়ের আনন্দানুভূতির প্রকার পদ্ধতি প্রভৃতি আদর্শরূপে প্রতিষ্ঠিত করিয়া তাহাদিগকে সাধনপথে অগ্রসর হইবার সাহায্য করেন। ইঁহারা পরব্রহ্মের স্বরূপভূতা পরাশক্তি; তাঁহার দ্বায় সর্বব্যাপী ও মিত্য।

বিষ্ণুপুরাণেও উক্ত আছে :—

নির্ভৈব্য সা জগন্মাতা বিষ্ণোঃ শ্রীরনপায়িনী ।

যথা সর্বগতো বিষ্ণুস্তথৈবেয়ং দ্বিজোত্তম ॥ (বিষ্ণু পুরাণ ১।৮।১৫)

—হে বিজ্ঞোত্তম ! বিষ্ণুর শ্রী অনপায়িনী, নিত্য্য এবং জগন্মাতা ; বিষ্ণু
যে রূপ সর্বগত, শ্রীও তদ্রূপ সর্বগত। (বিঃ পুঃ ১।৮।১৫)

আত্মবিজ্ঞা চ দেবিত্বং বিমুক্তি ফলদায়িনী ॥

(বিষ্ণুপুরাণ ১।৯।১১৮)

—হে দেবি ! তুমি আত্মবিজ্ঞানরূপিণী ও বিমুক্তিফলদায়িনী ।
(বি, পু, ১।৯।১১৮) ।

অতএব, প্রতিপাদিত হইল যে, শক্তি ও শক্তিমানে ভেদ নাই ।
পূর্ব সূত্রের শিরোদেশে উক্ত শ্বেতাশ্বতর শ্রুতির ৬।৮ মন্ত্রে ব্রহ্মের
স্বাভাবিকী—স্বভাবসিদ্ধা বা স্বরূপভূতা পরাশক্তির উল্লেখ আছে ।
স্বরূপভূতা বলিয়া উক্ত পরাশক্তি ব্রহ্ম হইতে অভেদ । ভেদ
স্বীকার করিলে স্বরূপহানি হইয়া পড়ে । আবার, পরাশক্তিই শ্রী বা
লক্ষ্মী বা কমলা । এই জগুই ব্রহ্মকে “পরমেশ” (পরা + মা +
ঈশ = পরাশক্তিরূপা যে ‘মা’ বা লক্ষ্মী, তাঁহার ঈশ বা পতি)
বলে । অতএব, স্পষ্ট বুঝা গেল যে, শ্রী বা লক্ষ্মী বা কমলা বা রমা ব্রহ্ম
হইতে অভেদ ।

ভাগবতে রাসোৎসবে যে গোপীগণ শ্রীকৃষ্ণের সহিত রাসক্রীড়া
করিয়াছিলেন, তাঁহাদের অপরিসীম সৌভাগ্যের কথা অনেক স্থানে উল্লেখ
আছে । যথা :—

নায়ং শ্রিয়োহঙ্গ উ নিতান্তুরতেঃ প্রসাদঃ

স্বর্ঘোষিতাং নলিনগন্ধরুচাং কুতোহুচ্যাঃ ॥

রাসোৎসবেহুশ্রু ভুজদগুগৃহীতকণ্ঠ-

লক্কাশিবাং য উদগাদ্ধ জসুন্দরীগাম্ ॥

ভাগঃ ১০।৪৭।৬০

আসামহো চরণরেণুজুঘামহং স্রাং

বৃন্দাবনে কিমপি গুল্মলতৌষধীনাম্ ।

যা হুস্ত্যজং স্বজনমার্য্যাপঞ্চ হিহা

ভেজুম্ কুন্দপদবীং শ্রুতিভির্বিমৃগ্যাম্ ॥

ভাগঃ ১০।৪৭।৬১

—উদ্ধব বলিতেছেন :—আহা গোপীগকলের ভগবৎ প্রসাদ অত্যন্ত আশ্চর্য্য !!! কেননা, রাসোৎসবে শ্রীকৃষ্ণের ভূজদণ্ড দ্বারা কণ্ঠে আলিঙ্গিত হওয়াতে, যাহারা আপনাদের মনোরথের অস্ত পাইয়াছিলেন, সেই সকল গোপীর প্রতি ভগবানের যে অমুগ্রহ প্রকাশ পাইয়াছে, বন্ধঃস্থলস্থিতা একান্তরতা কমলার প্রতিও তদ্রূপ অমুগ্রহ হয় না। অগ্ন্য পদ্মগন্ধবিশিষ্টা মনোহর কান্তিমতী স্বর্গাঙ্গনার প্রতিও হয় না, অগ্না স্ত্রীর কথা কি ? ভাগঃ ১০।৪৭।৬০

—আমার এই মাত্র প্রার্থনা, আমি এই সকল গোপীদিগের চরণরেণু সেবী বৃন্দাবনস্থ গুল্ম, লতা, ওষধি প্রভৃতির মধ্যে যেন একটি হইতে পারি। তাহাতে আমার দেহেও তাঁহাদের চরণরেণু বায়ু দ্বারা নীত হইবে। এই গোপীগণ দুস্ত্যজ স্বজন, সদাচার-রীতি পরিত্যাগ করিয়া, শ্রুতিগণের অশেষণীয় মুকুন্দ পদবীর ভজনা করিয়াছিলেন। ভাগঃ ১০।৪৭।৬১

শ্রুতিগণও ১০।৮৭।২৩ শ্লোকে আপনাদিগকে গোপীগণের সহিত তুলনা করিয়াছেন :—

স্ত্রিয় উরগেত্ৰভোগভূজদণ্ডবিষক্তধিয়ো

বয়মপি তে সমাঃ সমদৃশোহজিষু সরোজমুখাঃ ॥

ভাগঃ ১০।৮৭।২৩

ইহার অর্থ ৩।৩।২৮ সূত্রের আলোচনায় দেওয়া হইয়াছে।

গোপীগণ শ্রীভগবানের স্বরূপ শক্তি। মর্ত্যধামে রক্তমাংসদেহবিশিষ্টা নারী রূপে, ভগবানের সংকল্প বশতঃ অভিব্যক্ত হইলেও, মায়ার সংস্পর্শ তাঁহাদের না থাকায়, তাঁহাদের যে ঐ প্রকার মহিমা হইবে, তাহার কথা কি ?

সংশয় :—শ্রী, লক্ষ্মী, কমলা, রমা প্রভৃতি যদি তোমার সিদ্ধাস্তমত ব্রহ্ম হইতে অভেদ হইলেন, তাহা হইলে ব্রহ্ম বা ভগবানের প্রতি তাঁহার ভক্তি লোপাপত্তির সম্ভাবনা হইয়া থাকে। কে আপনি আপনাকে ভক্তি করে ? অতএব শ্রী প্রভৃতি কি করিয়া আপনা হইতে অভেদ ব্রহ্ম বা ভগবানে ভক্তিমতী হইতে

পারেন ? অথচ, তিনি ভক্তি করেন বলিয়া শাস্ত্রে উক্ত আছে । অতএব, ইহা হইতে মনে হয় যে, ষাঁহাকে ভক্তি করা হয়, তিনি অর্থাৎ ব্রহ্ম বা ভগবান— যিনি ভক্তি করেন—অর্থাৎ শ্রী প্রভৃতি হইতে পৃথক্ ।

ইহার উত্তরে সূত্র :—

সূত্র :—৩।৩।৪০ ।

আদরাদলোপঃ ॥ ৩।৩।৪০ ॥

আদরাৎ :—আদর হেতু—অত্যন্ত প্রেম হেতু । অলোপঃ :—লোপ হয় না ।

ব্রহ্মই বা ভগবানই পরম মূল, রসরাজ, রসস্বরূপ এবং বিচিত্র গুণসমূহের একমাত্র নিধি বলিয়া শ্রী প্রভৃতির অত্যন্ত প্রেমহেতু, ভক্তির লোপ হয় না । শ্রী প্রভৃতির সৎ—ব্রহ্ম বা ভগবৎ সৎস্বায় । ভগবানের আনন্দানুভূতি প্রকটনের জন্য শ্রী প্রভৃতির অভিব্যক্তি । সূত্রাৎ শ্রী প্রভৃতি ভগবানকে আনন্দ দান না করিয়া থাকিতে পারেন না । বিশেষতঃ অভেদ হেতু শ্রী প্রভৃতির পৃথক ইচ্ছা বর্তমান নাই । সত্যসংকল্প, রসস্বরূপ, রসরাজ ভগবান নিজ সংকল্প বলে যে রূপ রসোপভোগ প্রকটিত করিতে চান, শ্রী প্রভৃতি সেই অভিলাষ পূরণের যত্ন স্বরূপ আচরণ করেন । আত্মহারা প্রেম, নির্ভর ভক্তি, ঐকান্তিক সেবা প্রভৃতি ব্যতিরেকে রসের অভিব্যক্তি হয় না । একারণ অভেদ হইলেও রসরাজের সংকল্পানুসারে ঐকান্তিক আদরের জন্য ভক্তির অন্নতা বা লোপ হয় না । পূর্বসূত্রের শিরোদেশে উক্ত গোপাল পূর্বতাপনীর ৪ মন্ত্রে “ব্রহ্মা-মানসহংসায়”, রামপূর্বতাপনীর ৪।১৩ মন্ত্রে “ব্রহ্মাধারায়” ইহাই প্রকাশ করিতেছে । বৃক্ষের শাখা বৃক্ষকে আশ্রয় করিয়া জীবিত থাকে ; চন্দ্রকিরণ শশধরকে আশ্রয় করিয়াই লোকের আনন্দবর্ধন করিয়া থাকে ।

ভাগবতেও উল্লেখ আছে :—

শ্রীর্ষংপদাম্বুজরজশ্চকমে তুলস্যা-

লক্ষ্মণি বক্ষসি পদং কিল ভৃত্যজুষ্টম্ ।

যস্যাঃ স্ববীক্ষণ উতাত্মসুরপ্রয়াস-

স্তদ্বদ্ বয়ঞ্চ তব পাদরজঃ প্রপন্নাঃ ॥

গোপীগণ বলিতেছেন :—ঐহার কটাকলাভ বাসনায় ব্রহ্মাদি দেববৃন্দ তপস্বার্থ প্রয়াস করিয়া থাকেন, সেই শ্রী আপনার বক্ষঃস্থলে স্থান লাভ করিয়াও স্বীয় সপত্নী তুলসীর সহিত স্বদীয় পদরেণু কামনা করেন, তাহার কারণ এই যে, ঐ পাদরেণু যাবতীয় ভৃত্যকর্তৃক সেবিত হয়। আমরাও শ্রীর ন্যায় আপনার পাদরেণুর শরণাপন্ন হইলাম। ভাগ : ১০।২২।৩৭।

শ্রী, ভগবানের বক্ষঃস্থলে স্থান লাভ করিয়াও, শ্রী তাঁহার চরণ সেবা প্রার্থনা করেন কেন? ইহার উত্তর এই যে, ভক্তগণকে শিক্ষা দিবার জ্ঞান—যে হে ভক্তগণ! তোমরা ভগবদনুগ্রহে যে পদবীই লাভ কর না কেন, তাঁহার চরণ সেবা তুল্য পরমনির্বৃতি আর কিছুতেই নাই। উহাই আনন্দ উপভোগের “মীমাংসা”—শেষ সীমা। আমার দৃষ্টান্তে তোমাদের সকলের উহা কর্তব্য।

এই জ্ঞানই ধ্রুব গাহিয়াছেন :—

যা নিবৃতিস্তনুভূতাং তব পাদপদ্ম-

ধ্যানান্তুবজ্জনকথাশ্রবণেন বা শ্রাৎ ।

স্যা ব্রহ্মণি স্বমহিমশ্চপি নাথ মা ভূৎ

কিংবাস্তুকাসিলুলিতাং পততাং বিমানাং ॥

ভাগঃ ৪।২।১০

—ইহার অর্থ ৩।৩।৩০ সূত্রের আলোচনায় দেওয়া হইয়াছে।

তাঁহার পাদপদ্মাশ্রয় করিলে আর পতনের ভয় থাকে না। দেবগণ বলিতেছেন :—

যেহ্নেহরবিন্দাক্ষ ! বিমুক্তমানিন-

স্ব্যাস্তভাবাদবিশুদ্ধবুদ্ধয়ঃ ।

স্মারুহু কৃচ্ছেৎ পরং পদং ততঃ

পতন্ত্যধোহিনাদৃতযুস্মদজ্জয়ঃ ॥ ভাগঃ ১০।২।৩২

—হে পদ্মপলাশলোচন! যে সকল পুরুষ আপনার চরণপদ্ম আনন্দর করিয়া আপনাদিগকে মুক্ত বলিয়া অভিমান করে, আপনার

প্রতি ভক্তির অভাব হেতু উহাদের বুদ্ধি অবিভক্তা প্রযুক্ত, অতিকষ্টে
পরমপদ সরিধানে আরোহণ করিয়া আবার অধঃপতিত হয়।

ভাগ: ১০।২।৩২

অতএব, পাদপদ্ম আশ্রয়ই পরম শ্রেয়স্কর।

ইহা ভাগবতে স্থম্পষ্ট উল্লেখ আছে :—

সমাশ্রিতা যে পদপল্লবপ্লবং

মহৎপদং পূণ্যযশোমুরারেঃ ।

ভবান্বুধিবৎসপদং পরং পদং

পদং পদং যদিপদাং ন তেষাম্ ॥ ভাগ: ১০।১৪।৫৮

—যাঁহার যশঃকীর্তন বা শ্রবণ বা চিন্তন অতিশয় পুণ্যজনক, সেই
মুরারি ভগবানের মহাজনগণের আশ্রয়স্বরূপ এবং ভবসাগর
উত্তরণের প্লব স্বরূপ—পদপল্লব যাঁহারা আশ্রয় করেন, তাঁহাদিগের
নিকট ভবসাগর অতিক্রম বৎসপদ মাত্র পরিগণিত হয়। তাঁহারা
পরম পদ অর্থাৎ বৈকুণ্ঠধাম লাভ করেন এবং বিপদ সমূহের যে
পদ বা আশ্রয়, তাহা তাঁহাদের হয় না অর্থাৎ ভগবানের পরম ধাম
হইতে তাঁহাদিগের আর প্রত্যাভর্তন করিতে হয় না।

ভাগ: ১০।১৪।৫৮

ভক্তগণকে প্রত্যক্ষতঃ এই শিক্ষা দিবার জগুই শ্রী, বক্ষঃস্থলে
স্থানলাভ করিয়াও চরণসেবা করিয়া থাকেন। উপরে যে “মুরারি”
শব্দ ব্যবহৃত হইয়াছে, উহার অর্থ ‘মুর’ নামক দৈত্যের বিনাশকারী
মাত্র নহে। দৈত্য বিনাশ গোণ—ঔপচারিক কৰ্ম মাত্র। উহার অর্থ—
যিনি অবিद्या, অস্মিতা, রাগ, দ্বেষ, অভিনিবেশ রূপ পঞ্চ মহাক্রেশের
এবং কৰ্মনিবন্ধন সন্তাপ ও ভোগ বিনাশ করেন, তিনি “মুরারি”।
যথা :—

মুর ক্লেশে চ সন্তাপ-কৰ্মভোগে চ কৰ্মণাম্ ।

দৈত্যভেদে হুরিস্তেবাং মুরারিস্তেন কীর্তিতঃ ॥ ব্রহ্মবৈবর্তপুরাণ,

শ্রীকৃষ্ণজম্বুখণ্ড । ' ১১১।৫৮ ।

সহজেই একটি শ্রবণ সন্দেহ মনে উদয় হয় যে, পূর্বসূত্রে শ্রী, লক্ষ্মী, কমলা,

রমা প্রভৃতি শ্রীভগবানের স্বরূপভূতা পরা শক্তি, এবং ইহারা সকলেই নিত্য, বিভূ ও সর্বব্যাপী। তবে পূর্বশ্লোকের আলোচনায় উক্ত ১০।৪৭।৬০ ও ১০।৪৭।৬১ শ্লোক দুটিতে, ভাগবত, গোপীগণের সৌভাগ্য শ্রী অপেক্ষা অত্যধিক বলিলেন, ইহা কি প্রকারে সম্ভব হয়? তবে গোপীগণের তত্ত্ব কি? উহা কি ভগবানের স্বরূপতত্ত্ব হইতেও শ্রেষ্ঠ? শ্রী যখন ভগবানের স্বরূপভূতা পরা-শক্তি, এবং এই পরাশক্তির দ্বারাই ভগবান্ আনন্দানুভব করেন বলিয়া, তিনি তাঁহার স্বরূপ হইতে হ্লাদিনী শক্তিকে মূর্ত্তিমতী প্রকটিত করিয়া নিজ অভিলাষ সিদ্ধ করেন, তখন আবার গোপীগণের সাহায্যে আনন্দানুভব করিবার জন্ম রাসলীলার প্রয়োজন কি?

বিষয়টি বুঝিবার জন্ম একটু সংক্ষেপ আলোচনা প্রয়োজন। আমরা সকলেই গার্হস্থ্য জীবনে অনুভব করি যে, স্বামী যখন পুত্র, পুত্রবধূ, কন্যা, জামাতা, ভ্রাতা, ভগিনী প্রভৃতি লইয়া নিজগৃহে বিশ্রান্তলাপ করেন, তখন পতিব্রতা স্ত্রী, তাঁহার পাদসেবন, ব্যজনাদি দ্বারা সেবা করিয়া তাঁহাকে আনন্দদান এবং নিজে আনন্দ উপভোগও করেন। তাহার পর অধিক রাত্রে স্বামী যখন পুত্রাদি সমুদায় স্বজনকে বিদায় করিয়া, নিভূতে নিজ শয়নকক্ষে শয্যায় পত্নীর সহিত অঙ্গে অঙ্গ ও প্রত্যঙ্গে প্রত্যঙ্গে মিলাইয়া নিবিড় ঘনিষ্ঠভাবে মিলিত হইয়া শয়ন করেন, তখন উহারা উভয়েই যে আনন্দ উপভোগ করেন, তাহা পাদসেবন বা বীজনাদি দ্বারা উৎপাদিত আনন্দ হইতে যে অনেকগুণে অধিক তাহা বলিবার প্রয়োজন কি? ইহা সকলেই মনে মনে অনুভব করিতে পারেন। প্রথমটিতে ঐশ্বৰ্য্যের বিকাশ, দ্বিতীয়টিতে মাধুর্য্যের—গূঢ় স্বরূপভাবের অভিব্যক্তি। ভগবানের সম্বন্ধেও তাই।

ভগবান্ যখন গোলোকে ভক্ত, পার্শদ, অগণিত ব্রহ্মাণ্ডের সৃষ্টি-পালন-সংহার-কর্তাগণ, উক্ত ব্রহ্মাণ্ডসকলের লোকপালগণ প্রভৃতি লইয়া নিজ ঐশ্বৰ্য্যে বিরাজ করেন, তখন “শ্রী” তাঁহাদের সমক্ষে উক্ত ঐশ্বৰ্য্যের রাজ্যে, তাঁহার পাদসেবনাদি করিয়া ভগবানকে আনন্দ দান করেন এবং নিজেও আনন্দ উপভোগ করেন। তদনন্তর, ভগবান্ যখন ঐশ্বৰ্য্যভাব প্রত্যাহত করিয়া মাধুর্য্যভাবে অবস্থান করেন, তখন সেই নিজ স্বরূপভূতা শ্রী প্রভৃতি মাধুর্য্যের রাজ্যে গোপবালকবেশী শ্রীহরির জন্ম গোপীভাবে বিভাবিতা হইয়া রাসোৎসবে তাঁহার সহচারিণী, রাসলীলা রসিকা, রাস প্রবর্ত্তিকা, মহাভাব স্বরূপা হইয়া পূর্বাপেক্ষা ঘনিষ্ঠতম, নিবিড়তম আনন্দ দান করিয়া, রসরাজ আনন্দময়ের তৃপ্তি সাধন করেন, এবং আনন্দরূপিণী নিজেও আনন্দের পরাকাষ্ঠা লাভ করেন। এই জন্ম গোপীগণের

সৌভাগ্য লক্ষী অপেক্ষা অধিক বলা হইয়াছে। লক্ষী ও গোপীগণের ভেদ নির্দেশ উদ্দেশ্য নহে। উভয়েই স্বরূপশক্তির অভিব্যক্তি—ভিন্ন ভিন্ন উদ্দেশ্য সিদ্ধির জন্য বিভিন্ন প্রকটন মাত্র।

আনন্দময়ের আনন্দ উপভোগ যে কেবল মিলনেই হয়, তাহা নহে। রসরাজের রসাকাজ্জ্বল্য পরিভূষ্টির জন্য, আনন্দের বৈচিত্র্য, পরিমাণ প্রকারাদি ভেদের জন্য মিলন, বিরহ, মান, ক্রোধ, কলহ প্রভৃতি সমুদায়ই প্রয়োজন হইয়া থাকে। ইহার সুস্পষ্ট দৃষ্টান্ত আমরা শ্রীমদ্ভাগবতের দশম স্কন্ধে ৪৭ অধ্যায়ে “ভ্রমর গীতা”য় পাই। ইহার উপর ভিত্তি করিয়া পূজ্যপাদ শ্রীমদ্ভগবৎ গোস্বামী ‘উজ্জ্বল নীলমণি’ গ্রন্থে প্রজ্ঞ, পরিজ্ঞ, বিজ্ঞ, উজ্জ্ঞ, সংজ্ঞ, অবজ্ঞ, অভিজ্ঞ, আজ্ঞ, প্রতিজ্ঞ ও সৃজ্ঞ এই দশ প্রকার দিব্যোন্মাদোদ্ভূত চিত্তজ্বলের প্রকারভেদ এবং উহাদের প্রত্যেকের রসাস্বাদন ভেদ নির্দেশ করিয়া রসলিপ্সু পাঠকগণের রসাকাজ্জ্বল্য পরিভূষ্টি সম্পাদন করিয়াছেন। উক্ত ভ্রমর গীতার শ্লোকগুলি বাহুল্যভয়ে উদ্ধার করিতে বিরত হইলাম। রসতত্ত্ব বিস্তার আমাদের উদ্দেশ্যের বাহিরে। এজন্য উল্লেখমাত্র করিয়াই নিরন্তর হইলাম। উহা উল্লেখ করিবার অভিপ্রায় এই যে, জয়দেব, চণ্ডীদাস, বিদ্যাপতি, গোবিন্দদাস প্রভৃতি বঙ্গদেশীয় বৈষ্ণব কবিগণ, রাধা ও কৃষ্ণ লইয়া যে মিলন, বিরহ, মান, ঈর্ষ্যা, ক্রোধ প্রভৃতি ঘটাইয়াছেন, উহা তাঁহাদের স্বকপোল কল্পিত আদিরসের উচ্ছৃঙ্খল বিকাশমাত্র নহে। উহাদের ভিত্তি সাধনক্ষেত্রের গভীরতম প্রদেশে। উহাদের উদ্দেশ্য অতি উচ্চ। সমাজে যাহা লজ্জাকর বলিয়া প্রথিত, উহা ভগবানে অর্পণ করিলে আর লজ্জাকর থাকে না, এ তত্ত্ব প্রকাশ করাই উহাদের অভিপ্রায়। ভগবান্ নিজেই বলিতেছেন :—

ন ময়্যাবেশিতধিয়াং কামঃ কামায় কল্পতে ।

ভর্জিতাঃ কথিতা ধানাঃ প্রায়ো বীজায় নেশতে ॥ ভাগঃ ১০।২২।২৬

—ইহার অর্থ ৩।৩।২১ সূত্রের আলোচনায় দেওয়া হইয়াছে।

অতএব, বুঝিতে হইবে যে, শ্রীভগবানের স্বরূপভূতা হলাদিনী শক্তিই ঐশ্বর্যের রাজ্যে শ্রী প্রভৃতি রূপে, এবং মাধুর্যের রাজ্যে গোপীরূপে তাঁহার আনন্দানুভূতির অভিলাষ পূরণ করিয়া থাকেন। এই গোপীমূর্ত্তি নিত্য স্বরূপধামে নিত্যলীলায় নিত্য নবকিশোর সৌন্দর্য্য-সৌরভ্য-সৌকুমার্য্য-সৌগন্দ্য-মাধুর্য্য প্রভৃতির একমাত্র আশ্রয়,

গোপবালকবেশী শ্রীভগবানের মূর্ত্তিমতী ছায়াদিনী শক্তি । ইহারা প্রপঞ্চের বস্তু নহেন ।

• এখন প্রশ্ন উঠে, তবে কি শ্রীকৃষ্ণ ঐতিহাসিক ব্যক্তি নহেন ? ভাগবতে ও বিষ্ণুপুরাণে এত আড়ম্বরের সহিত বর্ণিত রাসলীলা কি বৃন্দাবনে বাস্তবিক হয় নাই ? যদি হইয়া থাকে, তাহা হইলে উহা কি “পরদার বিনোদ”, —স্বতরাং অধর্মকর নহে ?

পূর্ণব্রহ্ম নিজ স্বরূপে বর্ত্তমান থাকিয়াও প্রপঞ্চে অবতরণ করিয়াছিলেন, এবং প্রয়োজন হইলে হয় পূর্ণ স্বরূপে—অথবা অংশে অবতরণ করিয়া থাকেন । যখন ধর্মের গ্লানি এবং অধর্মের অভ্যুত্থান হয়, তখনই ভগবানের অবতার গ্রহণের প্রয়োজন হইয়া থাকে (গীতা, ৪।৭) । উহা অবতার গ্রহণের আবাস্তুর কারণ । যাঁহার জন্মশত শত ব্রহ্মাণ্ড নিমেষেই ধ্বংস প্রাপ্ত হয়, সেই সর্বশক্তিমানের পক্ষে ধর্মের গ্লানি বা অধর্মের অভ্যুত্থান নিবারণ, এমন কি বিশেষ কার্য্য, যে তাহার জন্ম মর্ত্ত্যশরীর ধারণ করিয়া প্রপঞ্চে অবতরণ করিতে হয় ? ইহার অন্য গূঢ় উদ্দেশ্য আছে । সেই উদ্দেশ্য—জীবের সমক্ষে আদর্শ প্রতিষ্ঠা করা—যাহাতে জীব নিজ নিজ নিঃশ্রেয়সলাভের পথ দেখিতে পায় । এই জন্মই নৃসিংহাবতारे—ভক্ত সংরক্ষণ করিয়া ভক্তের সর্ব প্রকারে অকুতোভয়ত্ব প্রকটিত করা হইল । বামনাবতारे—ভক্ত কি করিয়া ভগবানকেও নিজের আজ্ঞাধীন দ্বাররক্ষক ভূত্য স্বরূপ করিয়া রাখিতে পারেন, তাহা দেখান হইল । পরশুরামাবতारे—দৃপ্ত ক্রত্বিয় বংশ ধ্বংস দ্বারা—দর্পেই পতন—ইহা প্রত্যক্ষে দেখান হইল । শ্রীরামাচন্দ্রাবতारे—আদর্শপুত্র আদর্শভ্রাতা, আদর্শরাজা, আদর্শপতি ইত্যাদি কি প্রকারে মানব হইতে পারে, তাহা নিজের চরিত্রে, কার্য্যে, আচরণে, ব্যবহারে, লোকসমাজে প্রত্যক্ষতঃ প্রদর্শন করিলেন । শ্রীকৃষ্ণাবতारे—ভক্ত নিত্যধামে আনন্দময় ভগবানের সহিত কি প্রকারে আনন্দ অনুভব ও উপভোগ করে, উহা প্রপঞ্চে জীবানুভূত আনন্দ অপেক্ষা কত মধুর, কত কোটি গুণে শ্রেষ্ঠ, তাহাই প্রকটনের জন্ম রাসলীলার অভিনয় । পরম পুরুষ যেমন প্রপঞ্চে

অবতরণ করিলেন. তাঁহার শক্তিরূপা গোপীগণও সঙ্গে সঙ্গে অবতরণ করিয়া তাঁহার লীলার সহায়িকা হইলেন। আনন্দময়ের আনন্দাস্বাদন নিজ শক্তি দ্বারাই সম্ভব। এজন্য প্রধানা গোপীগণ তাঁহার স্বরূপ-শক্তি। এ সম্বন্ধে মনে রাখা প্রয়োজন যে, গোপীগণ দুই শ্রেণীতে বিভক্ত—নিত্যসিদ্ধা ও সাধনসিদ্ধা। নিত্যসিদ্ধাগণই তাঁহার স্বরূপ-ভূতা পরাশক্তিরূপা। সাধনসিদ্ধাগণও আবার দুই শ্রেণীতে বিভক্ত—শ্রুতিচরী ও ঋষিচরী। শ্রুতিগণ আনন্দময়ের আনন্দঘন মূর্ত্তি সন্দর্শনে উক্ত মূর্ত্তির মাধুর্য আশ্বাদনের আকাঙ্ক্ষা করায়, ভগবানের বিধানানুসারে আকাঙ্ক্ষা হইলে পরিতৃপ্তি অবশ্যস্বাভাবী বলিয়া, তাঁহারা গোপীরূপে আবিভূত হইলেন। ত্রেতাযুগে দণ্ডকারণ্যবাসী ঋষিগণ নবযুবা শ্রীরামচন্দ্রের কমনীয় কান্তি ও অঙ্গসৌষ্ঠব দর্শন করিয়া, উহা উপভোগের আকাঙ্ক্ষা মনে মনে করায়, অন্তর্যামী ভগবান তাঁহাদের সেই আকাঙ্ক্ষা পরিতৃপ্তির জন্ম, তাঁহাদিগকেও গোপীরূপে প্রপঞ্চে আবিভূত করাইলেন। অতএব গোপীগণ সাধারণ মানুষীরূপে পরিদৃশ্যমান হইলেও তাঁহারা প্রাকৃত মানুষী নহেন; অপ্রাকৃত মানুষী বলিতে ক্ষতি নাই।

শ্রুতিগণের ও ঋষিগণের উপরোক্ত আকাঙ্ক্ষার কথা কিছু অতিপ্রাকৃত মনে হইতে পারে বলিয়া শ্রীল কবিরাজ গোস্বামীর একটি চরণ উদ্ধার করিয়া উহার উত্তর দেওয়া যাইতেছে :—

“রূপ দেখি আপনার, কৃষ্ণের হৈল চমৎকার,
আশ্বাদিতে মনে উঠে কাম।” (চৈতন্য চবিতামৃত, মধ্য. ১১)

যখন শ্রীকৃষ্ণের নিজের মনেই নিজের রূপ আশ্বাদনের কামনা উঠে, তখন অন্য লোকের কথা কি? শ্রীকৃষ্ণের নিজের এই কামনা পরিতৃপ্তির জন্ম আপনার স্বরূপভূতা ফলাদিনী শক্তিকে মূর্ত্তিমতী করিয়া প্রকটন, এবং তৎসাহায্যে নিজের মাধুর্য আশ্বাদন, বুঝা গেল।

সুন্দর পুরুষ বা সুন্দরী স্ত্রী যেমন দর্পণে নিজ প্রতিবিম্ব দেখিয়া, আনন্দানুভব করে, সেইরূপ ভগবানও নিজের স্বরূপ শক্তিকে বিত্ত্বক সত্ত্বগুণে অবতারিত ও মূর্ত্তিমতী করিয়া, তাহাতেই নিজের আনন্দস্বরূপ মূর্ত্তির আশ্বাদন করেন। ভাগবত এই কথাই বলিয়াছেন :—

রেমে রমেশো ব্রজসুন্দরীভির্ঘর্ষার্থকঃ স্বপ্রতিবিশ্ব-বিক্রমঃ ॥ ভাগঃ

১০।৩৩।১৭

—ইহার অর্থ ৩।৪।৫০ শ্লোকের আলোচনায় দেওয়া হইয়াছে ।

উপরে যে প্রশ্ন উত্থাপিত হইয়াছিল—রাসোৎসব “পরদার বিনোদ” কি না, তাহার উত্তর একপ্রকার দেওয়া হইল। ঠাঁহারা রাসোৎসবের নায়ক ও নায়িকা, তাঁহারা যদি স্বরূপতঃ এবং বস্তুগত অভেদ হন, তাহা হইলে “পরদার বিনোদ” প্রশ্নের অবসর থাকে না। ব্রজের লক্ষ্যস্থান হইতে বিচার করিলে, এই সহজ সিদ্ধান্ত আপনি আসিয়া পড়ে। জীবের লক্ষ্য স্থান হইতে বিচার করিলে, আমরা কি পাই, দেখা যাউক। ভাগবতে স্পষ্ট উল্লেখ আছে যে, গোপীধনের স্বামী বা অভিভাবকগণ বৃষ্টিতে পারেন নাই যে, তাঁহাদের স্ত্রী বা অন্য সম্বন্ধে সম্বন্ধা গোপীগণ নিজ নিজ বাটী হইতে রাত্রে অগ্ৰত গিয়াছিলেন, তাঁহারা তাঁহাদিগকে নিজ নিজ গৃহে নিজ নিজ কার্যে ব্যাপ্ত দেখিয়াছিলেন (ভাগঃ ১০।৩৩।৩৭)। ভগবানের সংকল্পাত্মিকা চিহ্নিতরূপা যোগমায়া প্রভাবেই রাসলীলা সংঘটিত হয়, ইহা রাসের প্রারম্ভে প্রথম শ্লোকেই (ভাগঃ ১০।২২।১) উক্ত হইয়াছে। সুতরাং ঠাঁহাদের লইয়া ভগবানের রাস, তাঁহাদের স্বামী বা অভিভাবকগণের কোনও প্রকার আপত্তির কারণ নাই। উক্ত লীলা অন্তরঙ্গ ভক্তগণের জন্ম। বহিরঙ্গগণ বহির্শুখ ইন্দ্রিয় সাহায্যে উহা জানিতেই পারে নাই। মহাভারতের সভাপর্কে রাজসুয় যজ্ঞে শ্রীকৃষ্ণকে অর্ঘ্যদানোপলক্ষে শিশুপাল তাঁহার অনেক কুৎসা বর্ণনা করেন। কিন্তু তিনি রাস সম্বন্ধে উল্লেখ মাত্রও করেন নাই। অতএব, ইহা তাঁহার ন্যায় বহির্শুখ ব্যক্তিগণের অজ্ঞাতই ছিল। তৃতীয়তঃ রাসক্রীড়ার সময় নায়ক শ্রীকৃষ্ণের বয়স ৮ বৎসর মাত্র। সুতরাং সে বয়সের বালকের—বালিকার সমবেত নৃত্য কোনও প্রকারে সামাজিক বা নৈতিক দোষের হইতে পারে না। এ কারণ, উহা যে “পরদার বিনোদ” নহে, তাহা স্পষ্ট প্রতিপাদিত হইল।

• এখন শেষ প্রশ্ন এই যে, রাম ও কৃষ্ণ ঐতিহাসিক ব্যক্তি কি না ? এবং এই ঐতিহাসিক ব্যক্তিগণই আমাদের উপাস্য রাম ও কৃষ্ণ কিনা ? ইহার এক মাত্র উত্তর—নিশ্চয়ই নয়, নিশ্চয়ই নয়। পরব্রহ্মই রাম-কৃষ্ণরূপে উপাস্য। অযোধ্যাধিপতি দশরথনন্দন রাম বা বসুদেবপুত্র কৃষ্ণ ঐতিহাসিক ব্যক্তি হইতে পারেন। ইতিহাসের পরম সৌভাগ্য যে, উহাদের নাম ও কীর্ত্তি কীর্ত্তন করিয়া আপনার কলেবর অলঙ্কৃত করিতে

পারিয়াছে। কিন্তু ঐতিহাসিক রাম বা কৃষ্ণ আমাদের উপাস্য নহেন।
আমাদের উপাস্য রাম নামের ব্যুৎপত্তি :—

“রমন্তে যোগিনোহনন্তে নিত্যানন্দে চিদান্বনি।

ইতি রামপদেনাসৌ পরং ব্রহ্মাভিধীয়তে ॥”

আমাদের উপাস্য কৃষ্ণ নামের ব্যুৎপত্তি :—

“কৃষি ভূবাচকঃ শব্দো গশ্চ নিবৃতিবাচকঃ।

তয়োরৈক্যাং পরং ব্রহ্ম কৃষ্ণ ইত্যভিধীয়তে ॥”

সুতরাং আমাদের উপাস্য রাম ও কৃষ্ণ, অনন্ত সচ্চিদানন্দময় পরব্রহ্ম। সেই রাম কৃষ্ণ মূর্তিধারী পরম ব্রহ্মই আমাদের উপাস্য। ভগবান্ প্রপঞ্চে অবতরণ করিলে, স্বরূপ পরিত্যাগ করেন না বটে, তথাপি বহিস্মুখ জনগণের নিকট তিনি জীবভাবে প্রকটিত হন মাত্র। তাঁহারা উহার ব্রহ্মভাব বুঝিতে পারেন না। উহাতে জীবভাব ও ব্রহ্মভাব উভয় ভাবই বর্তমান। তাঁহার ব্রহ্মভাব উপাস্য—জীবভাব উপাস্য নহে। ইহাই তাৎপর্য। ইতিহাস মাত্র তাঁহার জীবভাবের উল্লেখ করে, ব্রহ্মভাব উপলব্ধি করিতে পারে না। অতএব, ইতিহাসে উল্লিখিত ও বিশেষভাবে প্রশংসিত রাম বা কৃষ্ণ, আদর্শ মানবরূপে ভক্তিশ্রদ্ধার পাত্র হইতে পারেন, তাঁহারা উপাস্য নহেন। রাম ও কৃষ্ণ নামে অভিযুক্ত পরব্রহ্মই উপাস্য।

এই প্রসঙ্গে পূর্বপক্ষ পুনরায় আপত্তি করিতেছেন, যদি ঐতিহাসিক রাম বা কৃষ্ণ উপাস্য নহেন, তবে লীলাচিন্তন, লীলাশ্রবণ, বর্ণন প্রভৃতি কর্তব্য নহে। কারণ, উক্ত লীলা সকল ঐতিহাসিক রাম-কৃষ্ণেরই অনুষ্ঠিত ও আচরিত কৰ্ম। যদি তাঁহারাই উপাস্য হইলেন না, তবে তাঁহাদের কৃত কৰ্ম—শ্রবণ, চিন্তন, বর্ণন প্রভৃতি উপাসনার অঙ্গরূপে কি প্রকারে গ্রহণ করা যাইতে পারে? অথচ, ভাগবতে লীলাচিন্তন, শ্রবণ, বর্ণন প্রভৃতির মাহাত্ম্য, প্রশংসাবাদ, এবং উহা যে সর্বতোভাবে করণীয়, তাহা পুনঃ পুনঃ উল্লিখিত হইয়াছে। ইহার সঙ্গতি কি প্রকারে হয়? আমার আপত্তির দৃঢ়তা সম্পাদনের জন্ত ভাগবতের একটিমাত্র শ্লোক উদ্ধার করিলাম—উহা হইতেই আমার বক্তব্য বুঝা যাইবে।

শৃংখলাং গৃণতাং বীৰ্য্যাণ্যুদ্যমানি হরেমু'হঃ ।

যথা সূজাতয়া ভক্ত্যা শুদ্ধেমায়া ব্রতাদিভিঃ ॥ ভাগঃ ৬।৩।৩২

—ভগবান্ শ্রীহরির উদ্যম বীৰ্য্যসকল মুহূৰ্হুঃ শ্রবণ কীর্তন করিলে তদ্বারা সূজাত ভক্তি যেমন চিত্তের শোধন করেন, ব্রতনিয়মাদি দ্বারা তদ্রূপ শুদ্ধ হয় না । ভাগঃ ৬।৩।৩২

ভগবান্ শ্রীহরি ত নামরূপাতীত ব্রহ্ম বা ভগবৎ স্বরূপে উদ্যম বীৰ্য্য প্রকাশ করেন না । যাহা কিছু করেন, তাহা জীব ভাবে ঐতিহাসিক ব্যক্তিরূপেই করিয়া থাকেন । সূতরাং ঐতিহাসিক ব্যক্তিত্ব যদি উপাসনার বিষয় না হয়, তবে তৎকৃত কৰ্ম্মাদি উপাসনার অঙ্গ হইবে কেন ?

ইহাতে সিদ্ধান্তবাদীর উত্তর এই :—দেখ, আমি যাহা বলিয়াছি, তাহা যদি প্রনিধান পূৰ্ব্বক ধারণা করিতে, তাহা হইলে এই আপত্তির কারণ থাকিত না । যাহা হউক, পুনরায় সরল ও বিস্তৃতভাবে বুঝিবার চেষ্টা করা যাউক । পূৰ্বে প্রতিপাদিত হইয়াছে যে, কৰ্ম্ম বৈতাপেক্ষা করে । অদ্বৈততত্ত্বের কোনও কৰ্ম্ম নাই । জীব মাত্রই বৈত প্রপঞ্চের অন্তর্গত, সূতরাং কৰ্ম্মচক্রের উপর প্রতিষ্ঠিত । জগতের বৈচিত্র্য, স্থখ দুঃখভোগ প্রভৃতি জীবের কৃত কৰ্ম্মের উপর নির্ভর করে । কৰ্ম্ম আবার প্রাকৃতিক সত্ত্ব রজঃ তমোগুণ হইতে উদ্ভূত । যেমন দিনের পর রাত্রি, আলোকের পর অন্ধকার, প্রাকৃতিক নিয়মানুসারে সংঘটিত হয়, সেইরূপ জগৎচক্রের আবর্তনে প্রাকৃতিক নিয়মানুসারেই কখনও সত্ত্বগুণের প্রাবল্য, কখনও রজোগুণের এবং কখনও বা তমোগুণের প্রাবল্য সংঘটিত হইয়া থাকে । ভগবান্ গীতার ১৪ অধ্যায়ে ব্যষ্টি মানবের সম্বন্ধে এই গুণত্রয়ের ইতরবিশেষ ভাব বর্ণনা করিয়াছেন । ব্যষ্টি সম্বন্ধে যে নিয়ম, সমষ্টি সম্বন্ধেও তাই । ব্যষ্টি মানবের জীবনে কখনও সত্ত্বগুণের, কখনও রজোগুণের এবং কখনও তমোগুণের প্রাবল্য যেমন প্রত্যক্ষসিদ্ধ ব্যাপার, সমষ্টি মানব বা সমাজ জীবনেও ঐরূপ ঘটিয়া থাকে । তবে তাহা অপেক্ষাকৃত অধিককাল সাপেক্ষ বলিয়া, সকলের প্রত্যক্ষের ব্যাপার না হইতে পারে, দর্শন ও বিজ্ঞানশাস্ত্র সম্বন্ধে অনুমান অনুসারে উহা প্রমাণসিদ্ধ বলিয়া গ্রহণ করা যাইতে পারে ।

যখন প্রাকৃতিক নিয়মে সমাজ জীবনে তমোগুণের প্রাবল্য উপস্থিত হয়, তখন ধর্মের মানি ও অধর্মের অভ্যুত্থান উপস্থিত হয় । কিন্তু উহা সৃষ্টির উদ্দেশ্যের পরিপন্থী । সেজন্য সৃষ্টিরক্ষা এবং সৃষ্টির উদ্দেশ্য পরিপূরণের জন্য উহার

প্রতীকার আবশ্যক হইয়া পড়ে। তখনই ভগবানের প্রপঞ্চে স্বাক্ষিতভাবে অবতরণের কারণ উপস্থিত হয়। ইহার প্রতি লক্ষ্য করিয়াই ভগবান্ গীতায় ৪।৭ ও ৪।৮ শ্লোকে অর্জুনকে উপদেশ দিয়াছেন।

সমাজ জীবনে সত্বগুণের অভ্যুদয় বা তমোগুণের প্রাবল্য আকস্মিক অহৈতুকী সংঘটিত হয় না। কৰ্ম্ম দ্বারাই ইহা উৎপন্ন হয়। সমষ্টি মানবের কৃত কৰ্ম্মই ইহার কারণ। যাহা কৰ্ম্ম দ্বারা উৎপন্ন, কৰ্ম্ম দ্বারাই তাহার ধ্বংস করা প্রয়োজন। কিন্তু অধৈতের কোনও কৰ্ম্ম না থাকায় এবং সমষ্টি মানবের কৃত কৰ্ম্মও কোন মানবের ব্যক্তিগত কৰ্ম্ম দ্বারা ধ্বংস সম্ভব না হওয়ায়, যিনি একাধারে সমুদায় জীব, জগৎ এবং তাহার বাহিরে, তিনি প্রপঞ্চে অবতরণ করিয়া, অর্থাৎ ব্যক্তি অতিমানব রূপে আপনাকে অভিব্যক্ত করিয়া, কৰ্ম্মাচরণ দ্বারা পুনরায় সাম্যভাব আনয়ন করেন। কিন্তু আগে বলিয়াছি যে, ভগবান্ জীবরূপে অভিব্যক্ত হইলেও স্বরূপ হইতে অপ্রচ্যুত থাকেন— এজ্ঞ্য তাঁহার একটি নাম “অচ্যুত”। সুতরাং তিনি মানবরূপে অবতীর্ণ হইলেও ভগবদ্ভাবে প্রতিষ্ঠিতই থাকেন। সুতরাং, তাঁহার কৃত কৰ্ম্ম সাধারণ মানবের কৰ্ম্ম নহে। উহা মানবরূপ যন্ত্রের মধ্য দিয়া ভগবানেরই অলৌকিক মনুষ্যাতীত কৰ্ম্ম। এবং ঐ সমুদায় কৰ্ম্মের চিন্তনে, শ্রবণে, কীৰ্ত্তনে, বর্ণনে ভগবদ্ ভাবই হৃদয়ে প্রকটিত হয়। সেই কারণেই উহা উপাসনার অঙ্গ বলিয়া শাস্ত্রে কথিত আছে। যদি উহাদের চিন্তনে, শ্রবণে, বর্ণনে ভগবদ্ভাব হৃদয়ে জাগরিত না হয়, তবে উক্ত চিন্তনাদি বৃথা।

তোমরা “ঐতিহাসিক ব্যক্তি” বলিয়া যাহা বুঝিতেছ, তাহার জন্ম, স্থিতি, বৃদ্ধি, অপক্ষয়, পরিণাম ও নাশ আছে। কিন্তু শ্রীভগবান্ উক্ত প্রকার ষড়্‌বিধ বিকারহীন। সুতরাং, তোমাদের ভাষায় ঐতিহাসিক রাম-কৃষ্ণ জন্মাদি বিকারবিশিষ্ট—এজ্ঞ্য তাঁহারা উপাস্ত্র নহেন। নিত্য, সত্য, উক্ত প্রকার বিকার-বিরহিত, পরব্রহ্মরূপী রাম ও কৃষ্ণই আমাদের উপাস্ত্র। যদি ত্বৎকথিত ঐতিহাসিক রাম-কৃষ্ণে এই সমুদায়ভাব স্বীকার কর, তবে আমাদের সহিত বিরোধমাত্র নাই। তাঁহারা আমাদের উপাস্ত্র বটেন।

এক ব্যক্তি সপ্ত স্বরে বেণু বাদন করিতেছে। বেণু জড় পদার্থ। উহার স্বতঃ এমন কোনও শক্তি নাই, যাহা দ্বারা মধুর স্বর সৃষ্টি করিতে পারে। বাদকের ফুৎকার সহকারে—বায়ু প্রেরণের নিপুণতা এবং বেণুরন্ধ্রে অঙ্গুলি সঞ্চালনে বায়ু নিঃসরণ-নিয়ন্ত্রণের কৃতিত্বের উপর বেণুর স্বস্বর নির্ভর করে। সেইরূপ শ্রীভগবানের মানব শরীর ধারণ—যন্ত্রের মধ্য দিয়া তাঁহার স্বরূপের

বিকাশ ভিন্ন কিছুই নহে ; এবং তাঁহার লীলা—বেণুর তালগর বিশুদ্ধ স্বরাম্বাণের
 স্তায়, মনঃপ্রাণোন্মাদনকারী, ইহা স্বরূপেরই প্রপঞ্চে কর্মস্বরে অভিব্যক্তি ।
 অতএব, বেণুর স্বর যেমন উপভোগ্য এবং বিশুদ্ধ আনন্দপ্রদ, শ্রীভগবানের
 অবতার রূপে লীলাও সেইরূপ ভক্তগণের উপভোগ্য, বিশুদ্ধ আনন্দপ্রদ বিশেষতঃ
 নিঃশ্রেয়সকর । উহার শ্রবণ ও কথনে পরম পুরুষার্থ প্রাপ্তি অবশ্যজ্ঞাবী ।

তিনি ত আত্মারাম ; তাঁহার কর্মকরণের কোনও স্বকীয় প্রয়োজন
 নাই । শুধু অপার করুণাময় স্বভাববশতঃ জীবশিকার জন্ত এবং জীবের
 উত্তরোত্তর অধিকতর নিঃশ্রেয়স প্রাপ্তির উপায় নির্দেশের জন্ত, প্রপঞ্চে অবতার
 গ্রহণ করিয়া কর্ম করিয়া থাকেন । ইহাও তাঁহার ইচ্ছাশক্তি বশতঃই হইয়া
 থাকে ।

•যদি বল, জগতে সত্বাদি গুণের প্রাবল্য ঘটবার কারণ কি ? সমষ্টি জীবের
 কর্ম, তাহার কারণ না হইতে পারে ত ? অথবা সর্বশক্তিমান এরূপ ব্যবস্থা
 কি করিতে পারিতেন না, যাহাতে জগৎ অবিচ্ছেদে ক্রমোন্নতি মার্গে চলিতে
 পারিত ? ইহার একমাত্র উত্তর এই যে, সৃষ্টি ও তাহার বৈচিত্র্য রক্ষার
 জন্ত, তাঁহার সংকল্পবশতঃ ইহা ঘটয়া থাকে । তাঁহার এ প্রকার সংকল্প
 কেন হয়, ইহার কোনও উত্তর নাই । শাস্ত্র এখানে মুক, কল্পনাও এখানে পঙ্গু ।
 একমাত্র স্বতন্ত্র ভগবানের স্বাধীন ইচ্ছা পরিচালনের কারণ নির্দেশ অসম্ভব ।

ভাগবতেষু একটি শ্লোক উদ্ধার করিয়া আমার বক্তব্যের উপসংহার করিব ।

শুদ্ধিনৃ'ণাং নতু তথৈভ্য ছরাশয়ানাং

বিজ্ঞাশ্রুতাধ্যয়নদানতপঃক্রিয়াভিঃ ।

সত্বাত্মনামৃষভ তে যশসি প্রবৃদ্ধ-

সচ্ছুদ্ধয়া শ্রবণসম্ভৃতয়া যথা স্মৃৎ ॥

ভাগঃ ১১।৬।৭

—হে স্তবনীয় ! হে শুদ্ধসত্ত্ববপুঃগণের মধ্যে শ্রেষ্ঠ ! আপনার
 যশোরশি অবগে প্রবৃদ্ধ শ্রদ্ধা দ্বারা যেরূপ চিত্তশুদ্ধি হয়, বিজ্ঞা,
 বেদাধ্যয়ন, দান ও তপস্বাদি ক্রিয়া দ্বারাও সংসারীদিগের তদ্রূপ
 হয় না । ভাগঃ ১১।৬।৭

ইহা যদিও তোমার উদ্ধৃত ভাগবতের ৬।৩।৩২ শ্লোকের প্রতিধ্বনি মাত্র,
 তথাপি ইহাতে “প্রবৃদ্ধ শ্রদ্ধয়া” পদটির উপর দৃষ্টি আকর্ষণ করি । শ্রদ্ধার সহিত

লীলা শ্রবণাদি করা কর্তব্য, এবং উক্তরোক্তর উক্ত শ্রদ্ধা যাহাতে বৃদ্ধি হয়, তাহা কর্তব্য। যদি উহাতে ভগবদ্ভাব বিকাশ জনিত শ্রদ্ধার উৎপত্তি না হয়, ইতিহাস কথিত অন্যান্য ব্যাপারের স্থায় ঘটনার বর্ণনা মাত্র বলিয়া মনে হয়, তবে তাহাতে কোনও উপকার নাই। ইহাই উক্ত পদ প্রকাশ করিতেছে।

ভগবান কৰ্ম করিয়াও এবং বিষয় উপভোগ করিয়াও, তাহাতে লিপ্ত হন না, স্বরূপেই অবস্থান করেন—ইহা ভাগবতের অনেক স্থলে উক্ত আছে এবং উহার পোষক বহু শ্লোক পূর্বে উদ্ধৃত হইয়াছে। একটি মাত্র শ্লোক এখানে উদ্ধার করিব :—

তত্ত্বস্বশ্চ জগতশ্চ ভবানধীশো

যন্মায়য়োখণ্ডগবিক্রিয়য়োপনীতান্ ।

অর্থান্ জুষন্নপি হ্রষীকপতে ন লিপ্তো

যেহ্নো স্বতঃ পরিত্যক্তাদপি বিভ্যতি স্ম ॥

ভাগঃ ১১।৬।১৫

—হে ইন্দ্রিয়গণের নিয়ন্তা! মায়া হইতে উৎপন্ন গুণবিকার সংঘটিত বিষয় সকলে যুক্ত হইয়াও, আপনি তাহাতে লিপ্ত হন না। এই কারণে, আপনি স্বাবর জঙ্গমের অধীশ্বর। আপনি ভিন্ন অন্য সকলেই স্বতঃ অবিচ্যমান বা পরিত্যক্ত বিষয় উপভোগ না করিয়াও, পাছে উপভোগের বাসনা উপস্থিত হয়, এজ্ঞ ভীত হন।

ভাগঃ ১১।৬।১৫

অতএব, ভগবানের লীলা এবং ঐতিহাসিক ব্যক্তির কৰ্মে অনেক অন্তর। ঐতিহাসিক ব্যক্তির কৰ্ম অমুষ্ঠানকারীর বন্ধন ঘটায়, ভগবদ-বতারের লীলা, শ্রবণ, কীৰ্ত্তনকারীর বন্ধন নাশ করিয়া থাকে।

ভিত্তিঃ—

১। “স। সর্ববেদময়ী, সর্বদেবময়ী, সর্বলোকময়ী, সর্বকীর্তিময়ী,
সর্বধন্যময়ী, সর্বাধার কার্যাকারণময়ী মহালক্ষ্মী দেবেশস্য
ভিন্নাভিন্নরূপা.....।” (সীতোপনিষৎ) ।

২। “যো হ বৈ কামেন কামান্ কাময়তে স কামী ভবতি ।
যো হ বৈ ত্বকামেন কামান্ কাময়তে সোহকামী ভবতি ।”
(গো, উ, তা, ১) ।

—যিনি কামের দ্বারা ভোগ্য কামনা করেন, তিনি কামী হন, কিন্তু
যিনি অকামে ভোগ্য কামনা করেন, তিনি অকামী। (গো. উ. তা. ১) ।

সংশয়ঃ—ভগবান্ এবং তাঁহার পরাশক্তিরূপা স্ত্রী, রমা বা গোপী তাঁহা
হইতে অভেদ বলিয়া সিদ্ধান্ত করিলেন। যদি অভেদই হয়, তবে উভয়ের
সন্নিকটস্থ হেতু রতি বা আনন্দের উদ্বেক হইবার কারণ কি? অগতে দেখা
যায় যে, পুরুষ ও স্ত্রী ভিন্ন বলিয়াই ত পরম্পরের আকর্ষণ, প্রেম, রতি প্রভৃতি
উৎপন্ন হইয়া থাকে। বিষয় ও আলম্বন পৃথক হইলেই রসোদ্বেক হইয়া থাকে।
কিন্তু বিষয় ও আলম্বন অভেদ হইলে, উহা কি প্রকারে হইবে? ইহার
উত্তরে সূত্রঃ—

সূত্রঃ—তা৩৪১ ॥

উপস্থিতেহতস্তদ্বচনাৎ ॥ তা৩৪১ ॥

উপস্থিতে + অতঃ + তদ্বচনাৎ ॥

• উপস্থিতেঃ—পরম্পর নিকটবর্তী হইলে। অতঃঃ—এই হেতু।

তদ্বচনাৎঃ—শ্রুতিতে সেই প্রকার উল্লেখ হেতু।

• শিরোদেশে উদ্ধৃত সীতোপনিষদের মন্ত্র হইতে স্পষ্ট প্রতীত হইবে যে,
ব্রহ্মের পুরাশক্তি তাঁহা হইতে “ভিন্নাভিন্নরূপা”—স্বরূপতঃ অভেদ হইলেও
আনন্দানুভূতির অল্প ভগবানের ইচ্ছাতেই ভিন্নরূপে প্রতীত হন। এবং এই
শক্তিতে শক্তিমান্ হইয়াই ভগবান্ “পুরুষোত্তম” নামে এবং ভিন্নরূপে
প্রতীয়মানা পুরাশক্তি “স্বীরত্ন” নামে কথিত হন। সূত্রাং ইহারা পরম্পর
স্বরূপতঃ অভেদ হইলেও রসপৃষ্টির অল্প বা আনন্দানুভূতির অল্প এবং অগতে
আনন্দকণা বিস্তারের দ্বারা বিশ্ব আনন্দময় করিবার অল্প, উভয়ে ভিন্নভাবে,

পুরুষোত্তম ও স্ত্রীরূপে প্রকটিত হন। তাহাতে আনন্দ অমুভবের কোনও প্রকার অন্তরায় হয় না। তবে ভগবানের কাম উপভোগ সাধারণ জীবের জ্ঞান কামের দ্বারা নহে। তিনি অকামেই কাম উপভোগ করেন। “অকাম” অর্থ কামবিহীন—কামপর্যায় ভুক্ত কিন্তু তাহা হইতে অনন্ত গুণে শ্রেষ্ঠ—প্রেম। এই প্রেম দ্বারা ভগবান্ কাম উপভোগ করেন। এই প্রেমের কণার কণা পাইয়া ভক্ত পাগল হয় এবং উন্মত্তের জ্ঞান হান্ড, ক্রন্দন, ধাবন, কুর্দন প্রভৃতি করিয়া থাকে।

আনন্দ উপভোগের আলম্বনভূত শ্রী, রমা, গোপী প্রভৃতি তাঁহা হইতে অভেদ হওয়ায়, তাঁহার আত্মরতি, আত্মক্রীড়া, আত্মমিথুন, আত্মানন্দ প্রভৃতি বিশেষণ প্রয়োগের সার্থকতা থাকে।

এই প্রসঙ্গে পূর্বসূত্রের আলোচনায় উদ্ধৃত ১০।৩৩।১৭ শ্লোক দ্রষ্টব্য।

এই প্রেমের কণা পাইয়া ভক্ত কি প্রকার অবস্থা প্রাপ্ত হয়, তাহা ভাগবতে উল্লেখ আছে :—

এবং ব্রতঃ স্বপ্রিয়নামকীর্ত্যা

জাতানুরাগো দ্রুতচিত্ত উচৈঃ ।

হসত্যথো রোদিতি রৌতি গায়-

ত্যান্মাদবম্ ত্যতি লোকবাহুঃ ॥ ভাগঃ ১১।২।৩৮

—এই প্রকার ভক্তির অঙ্গ যজনকারী ভক্ত, স্বীয় প্রিয়তমের নাম কীর্তন করিতে করিতে প্রেম উৎপন্ন হওয়ায়, উন্নিবন্ধন বিবশ হইয়া উচৈশ্বরে কখনও হাস্য, কখনও রোদন, কখন আক্রোশন,

কখন গান, কখন বা নৃত্য করিতে থাকেন। ভাগঃ ১১।২।৩৮

প্রহ্লাদ উপাখ্যানে ৭ম স্কন্ধে চতুর্থ অধ্যায়েও প্রহ্লাদের এই প্রেম হেতু কখনও রোদন, কখনও হাস্য, কখনও আনন্দে গান, কখনও চীৎকার, কখনও নিঃসঙ্গভাবে নৃত্য, কখনও আনন্দে নিমীলিতেক্ষণ হইয়া তৃষ্ণীভাবে অবস্থান প্রভৃতি বর্ণিত আছে। ভাগঃ ৭।৪।২২-৩০-৩১।

অতএব বুঝা গেল, ভগবানের ভিন্নাভিন্ন রূপা পরাশক্তির সহিত আনন্দক্রীড়া নিজের জ্ঞান নহে, ভক্তশিক্ষার ঐশ্বর্য এবং ভক্তগণকে আনন্দের আশ্বাদন প্রদানের জ্ঞান। আরও বুঝা গেল যে, অভেদ হইলেও প্রেমের বা আনন্দের অভিব্যক্তির কোনও অন্তরায় থাকে না। ভগবানের সংকল্প বশতঃ আনন্দের পরাকাষ্ঠা লাভ হইয়া থাকে।

১৯। তন্ত্রিকারণানিয়মাধিকরণ ॥

ভিত্তি:—

১। “তস্মাৎ কৃষ্ণ এব পরোদেবস্তঃ ধ্যায়েৎ, তং রসেৎ, তং যজ্ঞেৎ, তং ভজ্ঞেৎ, ওঁম্ তৎসৎ ॥” (গোপাল পূর্বতাপনী)

—অতএব কৃষ্ণই পর দেবতা, তাঁহাকেই ধ্যান করিবে, তাঁহাতেই রতি করিবে, তাঁহাকেই ভজনা করিবে, তাঁহাকেই যজন করিবে ।
(গোঃ পুঃ তাঃ)

২। “ওঁম্ যো হ বৈ শ্রীরামচন্দ্রঃ স ভগবানদ্বৈত পরমানন্দ আত্মা
• যৎপরং ব্রহ্ম ভূভূবঃ স্ত্ববঃ তস্মৈ বৈ নমোনমঃ ॥”

(রাম উত্তর তাপনী ২।১)

—যিনি শ্রীরামচন্দ্র, তিনিই অদ্বৈত পরমানন্দ স্বরূপ ভগবান্, তিনিই আত্মা, তিনিই পরব্রহ্ম, তিনিই ভূভূবঃ স্বরূপে প্রকটিত, তাঁহাকে নমস্কার করি । (রা. উ. তা. ২।১)

৩। “ওঁম্ যো হ বৈ নৃসিংহদেবো ভগবান্ যশ্চ ব্রহ্মা ভূভূবঃ স্বঃ
তস্মৈ বৈ নমোনমঃ” । “যশ্চ বিষ্ণুঃ, যশ্চ মহেশ্চরঃ, যশ্চ পুরুষঃ, যশ্চ ঈশ্বরঃ, যা সরস্বতী, যা শ্রীঃ, যা গৌরী, যা প্রকৃতিঃ, যা বিদ্যা, যশ্চোঙ্কারঃ...যশ্চ প্রাণঃ, যশ্চ সূর্য্যঃ, যশ্চ সোমঃ, যশ্চ বিরাট্ পুরুষঃ, যশ্চ জীবঃ, যশ্চ সর্ব্বম্ ।”
(নৃসিংহ পূর্বতাপনী, ৪।১—৩২) ।

—যিনি নৃসিংহদেব, তিনিই ভগবান্, তিনিই ব্রহ্মা, বিষ্ণু, মহেশ্বর ইত্যাদি... তিনিই ভূভূবঃ স্বরূপে প্রকটিত, তাঁহাকে নমস্কার ।
(নৃসিংহ পুঃ তাঃ ৪।১-৩২)

৪। অহং রুদ্রেভির্বস্তুভিশ্চরামাহমাদিতৈরুত বিশ্বদেবৈঃ ।

অহং মিত্রাবরুণাবুভৌ বিভর্ম্যহমিদ্রাগ্নী অহমশ্বিনাবুভৌ ॥ ১

অহং সোমং তৃষ্টারম্ পুষণং ভগং দধাম্যহম্ ।

বিষ্ণুমুরুক্রমং ব্রহ্মাণমুত প্রজাপতিং দধামি ।

অহং দধামি ত্রিবিণং হবিষ্যতে সুপ্রাব্যে যজমানায় স্ত্বতে ॥ ২

(ঋগ্বেদঃ ১০।১০ ১২৫, দেব্যাপনিষৎ, ২)

—আমি একাদশ রুদ্ররূপে, অষ্টবসুরূপে বিচরণ করি। ‘আমিই’
 ষাদশ আদিত্যগণ ও বিশ্বদেবগণ। আমিই মিত্র বরুণ উভয়কে,
 ইন্দ্র, অগ্নি ও অশ্বিনীকুমারদ্বয়কে অধিষ্ঠানরূপে ধারণ করি। আমি
 সোম, শুক্র, পুষণ ও ভগদেবকে ধারণ করি। উরুক্রম বিষ্ণুকে,
 ব্রহ্মাকে এবং প্রজাপতিকে আমিই ধারণ করি। এবং আমিই হবিঃ
 দ্বারা হোমকারীকে, হবিঃ দ্বারা দেবগণের তৃপ্তি সাধনকারীকে,
 যাগকারীকে, সোম যজ্ঞানুষ্ঠানকারীকে উহাদের কৃত যাগফলরূপ
 অভিলষিত বস্তু ও ধনাদি দান করিয়া থাকি। (ঋঃ ১০।১০।১২৫,
 দেব্যুপনিষৎ ২।)

- ৫। “তাং দুর্গাং দুর্গমাং দেবীং দুর্গাচার বিঘাতিনীম্ ।
 নমামি ভবভীতোহহং সংসারার্ণবতারিণীম্ ॥”

(দেব্যুপনিষৎ, ১৯)

—আমি সেই দুর্গমা, দুর্গাচার নাশকারিণী দুর্গাদেবীকে প্রণাম
 করি। আমি ভবভীত, তিনি ভবসাগর পারকারিণী।
 (দেব্যুপনিষৎ ১৯)

- ৬। “নারায়ণপরো জ্যোতিরাত্মা নারায়ণঃ পরঃ ।
 নারায়ণঃ পরং ব্রহ্ম তত্ত্বং নারায়ণঃ পরঃ ॥”

(নারায়ণোপনিষৎ ১৩।১)

- ৭। “ক্ষরং প্রধানমমৃতাক্ষরং হরঃ ক্ষরাত্মানাবীশতে দেব একঃ ।”

(শ্বেতাশ্বতর, ১।১০)।

—প্রধান অর্থাৎ জগৎ-প্রকৃতি বিনাশশীল, আর মরণরহিত
 জীবাত্মা অক্ষর। এক অদ্বিতীয় দেব হর (যিনি অবিঘ্নাদি দোষ
 হরণকারী) এই ক্ষর ও আত্মা উভয়কে নিয়ন্ত্রণ করেন।
 (শ্বেতাঃ ১।১০)

- ৮। “একো হি রুদ্রো ন দ্বিতীয়ায় তস্তুর্ঘ ইমাণ্যোকান্ ঈশর্জ্জ্

ঈশনীভিঃ ।” (শ্বেতাশ্বতর ৩।২)।

—একমাত্র রুদ্রই আছেন। যে ব্রহ্মা ইন্দ্র প্রভৃতি নিজ শক্তি
 সমূহ দ্বারা জগৎ শাসন করিয়া থাকেন, তাঁহারা রুদ্র ভিন্ন আর
 দ্বিতীয় কিছুর অপেক্ষা করেন না। (শ্বেতাঃ ৩।২) ‘

সংশয়ঃ—শিরোদেশে উক্ত শ্রুতি মন্ত্র সমূহে কোথাও কৃষ্ণ একমাত্র পরদেবতা, তাঁহার ভজনা করা কর্তব্য ; কোথাও রামচন্দ্রই পরব্রহ্ম, কোথাও নৃসিংহদেব পরব্রহ্ম, কোথাও শক্তি বা দুর্গাদেবী পরমা দেবতা এবং সংসার তারণের একমাত্র উপায়, কোথাও হর, কোথাও রুদ্র পরম দৈবত, এইরূপ উল্লেখ আছে । এ প্রকার নানারূপ উক্তি থাকি হেতু, কাহার ভজন কর্তব্য, এ বিষয়ে ঘোর সংশয় উপস্থিত হয় । ছান্দোগ্য শ্রুতিতে আছে, “একমেবাদ্বিতীয়ম্”— ব্রহ্ম এক অদ্বিতীয় (ছাঃ ৬।২।১)—সুতরাং ব্রহ্মবস্তু একই হইবেন । শ্রীকৃষ্ণ, শ্রীরাম, নৃসিংহ, দুর্গা, হর, রুদ্র—ইহারা সকলেই ব্রহ্ম হইতে পারেন না । একজন ব্রহ্ম হউন, অপরে তাঁহার বিভূতি হউন, তাহা বরং বুঝা যাইতে পারে । অতএব, উহাদের মধ্যে কে প্রকৃত পরব্রহ্ম এবং কাহার উপাসনা করণীয় ? ইহার উত্তরে সূত্র :—

সূত্রঃ—৩।৩।৪২ ।

তন্নির্ধারণানিয়মস্তদৃষ্টেঃ পৃথগ্হ্যপ্রতিবন্ধঃ ফলম্ ॥ ৩।৩।৪২ ॥

তৎ + নির্ধারণ + অনিয়মঃ + তৎ + দৃষ্টেঃ + পৃথক্ + হি + অপ্ৰতিবন্ধঃ
+ ফলম্ ॥

তৎ :—তাহা, কে পরব্রহ্মরূপে উপাস্ত এবং কে না, ইহা । **নির্ধারণঃ**—স্থিরীকরণ । **অনিয়মঃ** :—নিয়মের অভাব । **তৎ** :—তাহা । **দৃষ্টেঃ** :—শ্রুতিতে কথিত হওয়া প্রযুক্ত । **পৃথক্** :—স্বতন্ত্র । **হি** :—নিশ্চয়ে । **অপ্ৰতিবন্ধঃ** :—বাধাশূন্য । **ফলম্** :—ফল ।

শ্রুতি মন্ত্র সমুদায় পর্যালোচনা করিলে স্পষ্ট প্রতীত হইবে যে, কৃষ্ণ, রাম, নৃসিংহ, দুর্গা, হর, রুদ্র প্রভৃতির উপাসনার কোনও বিশেষ নিয়ম নাই । ব্রহ্মবুদ্ধিতে যাহাকেই উপাসনা করা যাউক না কেন, ফল-সর্বত্র সমান—সেই পরমপদ লাভ । তবে যদি ভেদজ্ঞান থাকে—যদি আমার ইষ্টদেবই ব্রহ্ম, অপরগুলি ব্রহ্ম নহে, এই প্রকার জ্ঞান বর্তমান থাকে, তবে ফল পৃথক্ হইবে, অর্থাৎ ব্রহ্মবুদ্ধিতে ভেদজ্ঞান না করিয়া উপাসনা করিলে যে অপ্ৰতিবন্ধ ফল—পরম পুরুষার্থ লাভ হয়, ব্রহ্মবুদ্ধির অভাব হেতু ফল তাহা হইতে পৃথক্ হইবে ।

ব্রহ্মাতিরিক্ত বস্তু মাত্রই মাই। সর্বভূতে ব্রহ্মতাবাপত্তিই প্রকৃষ্ট উপাসনা। স্মৃতরাং সমুদায় দেবে ব্রহ্মতাবই উৎকৃষ্ট উপাসনা। যদি আমার ইষ্টদেবই ব্রহ্ম, আমার প্রতিবেশীর ইষ্টদেব ব্রহ্ম নহে, এই জানে আমি গর্ভ অশুভব করি এবং সাম্প্রদায়িকতার ভাব আনয়ন করি, তাহা হইলে আমার ইষ্টোপাসনা ব্রহ্মোপাসনা হইল না এবং সেজন্য আমার উপাসনার ফল, ব্রহ্মোপাসনার যে অপ্রতিবন্ধ ফল, তাহা হইতে পৃথক হইবে—ইহা স্পষ্ট।

শ্রীমদ্ভাগবতে স্পষ্টই উল্লেখ আছে যে—যিনি আপনার ভগবদ্ভাব সর্বভূতে অবলোকন করেন এবং ভগবদাত্মাতে অর্থাৎ ব্রহ্মরূপ অধিষ্ঠানে সর্বভূত অধিষ্ঠিত দেখেন, তিনিই ভগবদ্ভক্তের মধ্যে উত্তম। ভাগঃ ১১।২।৪৩

সর্বভূতেষু যঃ পশ্যেদ্ ভগবদ্ভাবমাশ্রয়ঃ ।

ভূতানি ভগবত্যাশ্রয়েষ ভগবতোত্তমঃ ॥ ১১।২।৪৩

সর্বভূতে ভগবদ্ভাব দর্শন করিবে, তাহার সম্বন্ধে ভাগবত বলিতেছেন :—

খং বায়ুমগ্নিঃ সলিলং মহীঞ্চ

জ্যোতীংষি সত্ত্বানি দিশো দ্রুমাदीন্ ।

সরিং সমুদ্রাংশ্চ হরেঃ শরীরং

যৎকিঞ্চ ভূতং প্রণমেদনশ্চ ॥ ভাগঃ ১১।২।৩৯

—আকাশ, বায়ু, অগ্নি, জল, ক্ষিতি, জ্যোতিঃ, সত্ত্ব, দিক্, বৃক্ষ লতাাদি, সরিৎ, সমুদ্রাদি যা কিছু পদার্থ আছে, সমুদায় শ্রীহরির শরীর জানিয়া অনন্ত ভাবে প্রণাম করিবে। ভাগঃ ১১।২।৩৯

যখন জড়ভূত সম্বন্ধে সমুদায় শ্রীহরির রূপ জানে উজনা করিবার উপদেশ, তখন তাঁহারই চিন্ময় মূর্তি, শ্রীকৃষ্ণ, রাম, নৃসিংহ, দুর্গা, হর, রুদ্র প্রভৃতিকে ব্রহ্মভাবে উপলব্ধি করিতে হইবে, তাহাতে আর কথা কি ?

অন্যত্রও আছে :—

মামেব সর্বভূতেষু বহিরন্তরপাবৃতম্ ।

ঐক্ষেতাশ্চানি চাত্মানং যথা খমমলাশয়ঃ ॥ ভাগঃ ১১।২।১২

—নির্গলাস্তঃকরণ ব্যক্তি, আকাশের গায় সর্বভূতের অন্তরে বাহিরে ও আত্মাতে অনাবৃত রূপে আমাকে দর্শন করিবে। ভাগঃ ১১।২।১২।

যাবৎ সর্বেষু ভূতেষু মন্তাবো নোপজায়তে ।

তাবদেবমুপাসীত বাস্বনঃকায়বৃষ্টিভিঃ ॥ ভাগঃ ১১।২৯।১৭

সর্বং ব্রহ্মাত্মকং তস্য বিদ্যায়াত্মমনীষয়া ।

পরিপশ্যন্নপরমেৎ সর্বতো মুক্তসংশয়ঃ ॥ ভাগঃ ১১।২৯।১৮

—যতদিন পর্য্যন্ত সর্বভূতে আমার ভাব না আছে, ততদিন পর্য্যন্ত এইরূপে বাক্য মনঃ ও শরীর দ্বারা উপাসনা করিবে। এইরূপে উপাসনাকারী পুরুষের সম্বন্ধে আত্মবুদ্ধিসহ ব্রহ্মবিজ্ঞা দ্বারা সকল বস্তু ব্রহ্মাত্মক হয়, পরে তিনি সেই সর্বাত্মকত্ব দেখিয়া মুক্ত সংশয় হইয়া সমুদায় হইতে উপরত হইলেন। ভাগঃ ১১।২৯।১৭-১৮।

• সুতরাং, সর্বভূতে ব্রহ্মভাব ভিন্ন উপায় নাই। সর্বভূতে ব্রহ্মভাব যখন একান্ত কর্তব্য, তখন কৃষ্ণ, রাম প্রভৃতিতে ব্রহ্মভাব উপলক্ষি না করা, অপরাধ ভিন্ন কিছু নহে এবং তাহা উপাসকের পক্ষে অশুভের জনক, ইহাতে সন্দেহ কি ?

আচ্ছা, এখন ত উদারভাবে রাম, কৃষ্ণ, শক্তি, হর, ক্রম প্রভৃতিকে ব্রহ্মভাবে উপাসনার উপদেশ দিলে, যদি উহাই প্রকৃত তত্ত্ব হয়, তবে দ্বিতীয় অধ্যায়ে ২।২।৩৭ হইতে ২।২।৪৫ সূত্র পর্য্যন্ত কয়েকটি সূত্রে পশুপতি মত ও শক্তিমতের প্রত্যাখ্যান করিবার কারণ কি ?

এই আপত্তির উত্তর এই যে, পশুপতি মত ও শক্তিবাদ যদি বেদান্ত মত স্বীকার করেন, অর্থাৎ ব্রহ্মই বা তাঁহাদিগের মতানুসারে পশুপতি বা শক্তি—জগতের নিমিত্ত ও উপাদান কারণ, তিনিই একমাত্র নিত্য, সত্য, তদ্ব্যতিরিক্ত জগতে কিছুই নহই, তিনি অচিন্ত্য শক্তিমান, তাঁহার শক্তি বিকাশে সৃষ্টি ও শক্তি সংকোচে প্রলয়, ইত্যাদি স্বীকার করেন, তবে আমাদের আপত্তির কারণ কিছুই নাই। যে কারণে উক্ত মতদ্বয় প্রত্যাখ্যাত হইয়াছে, তাহা ঐ সকল সূত্রে সুস্পষ্ট ভাবে বিবৃত হইয়াছে। সেই সকল কারণের অভাব হইলেই আর কোনও বিরোধ নাই। সমুদায় বাদের পরিণতি ব্রহ্মে, ইহা আমরা স্বীকার করি। তাঁহার আশ্রয় ব্যতিরেকে, তাঁহার উপর ভিত্তি না করিয়া, কোনও বাদ দাঁড়াইতে পারে না, ইহা আমরা পূর্বে প্রতিপাদন করিয়াছি। ভাগবত স্পষ্টই বলিয়াছেন যে, তিনিই সমুদায় বাদের বিষয়ানুসারী এবং তাঁহার আত্মরূপে তাঁহার তত্ত্ব নিহিত। ভাগঃ ১২।৮।৪৩

তৎ সৰ্ব্ববাদবিষয় প্রতিরূপ শীলং

বন্দে মহাপুরুষমাশ্রুনি গৃঢ়বোধম্ ॥

ভাগঃ ১২।৮।৪৩

যদি ব্রহ্মভাবে শক্তি বা পশুপতির উপাসনা করা যায়, তাহা হইলে যে ব্রহ্মপ্রাপ্তি হইবে, তাহাতে সন্দেহ কি? কারণ ব্রহ্ম ব্যতিরিক্ত কিছুই নাই। কি লৌকিক কি বৈদিক সমুদায় নাম মুখ্যভাবে ব্রহ্মেরই বাচক ইহা ২।৩।১৭ শ্লোকে প্রতিপাদিত হইয়াছে। সুতরাং যে নামেই উপাসনা করা হউক না কেন, ব্রহ্ম বুদ্ধিতে উপাসনা করিলে, ব্রহ্মোপাসনার অপ্রতিবন্ধ ফল হইবেই হইবে। সমুদায় উপাসনাই ব্রহ্মোপাসনার বিভিন্ন মার্গ মাত্র—ইহা ৩।৩।২ শ্লোকের আলোচনায় উক্ত ভাগবতের ১০।৪।৪ হইতে ১০।৪।১০ শ্লোকে প্রতিপাদিত হইয়াছে। তবে কোনও মার্গ সাক্ষাৎভাবে তাঁহাতে পৌছিয়াছে—উহার ফল সহজে এবং সাক্ষাৎ সম্বন্ধে পরম পদ লাভ, কোনও মার্গ পরম্পরা ভাবে তাঁহাতে পৌছিয়াছে, ঐ সকল মার্গ অনুসরণ করিলে, পরম্পরা ভাবে তাঁহারই উপাসনা করা হয়। শিখরা ব্রহ্মবুদ্ধি বর্ধমানের যে কোনও মার্গের উপাসনা—ব্রহ্মোপাসনা এবং তাহার ফল পরম পদ প্রাপ্তি।

পূর্বপক্ষ পুনরায় আপত্তি করিতেছেন :—

ভাল, ভাগবতের দোহাই দিয়া সৰ্বভূতে ব্রহ্মভাব দর্শনের উপদেশ দিলে এবং উহার ভিত্তিতে যে কোনও দেবতার ব্রহ্মবুদ্ধিতে উপাসনা পরম পুরুষার্থসাধক, এই সিদ্ধান্ত স্থাপন করিলে। কিন্তু ভাগবতই শ্রীকৃষ্ণকে সাক্ষাৎ ভগবান্ বলিয়া, অপরাপর অবতারগণকে পুরুষের অংশ, কলা প্রভৃতি বলিয়া ভেদ বুদ্ধি সংঘটনের কারণ হইয়াছেন। জান না কি, যে, ভাগবত প্রথম স্কন্ধের তৃতীয় অধ্যায়ের ২৮ শ্লোকে বলিয়াছেন—“এতে চাংশ কলাঃ পুংসঃ কৃষ্ণস্ত ভগবান্ স্বয়ং”। যদি সকলকে ব্রহ্মবুদ্ধিতে উপাসনার কোনও বিশেষ নিয়ম নাই, তবে কৃষ্ণকে “স্বয়ং ভগবান্” বলিয়া, অপরাপর রাম, নৃসিংহ প্রভৃতিকে পরম পুরুষের অংশ, কলা বলিবার কারণ কি? ইহাতে কি ভেদ দৃষ্টির প্রশয় দেওয়া হইল না?

এই আপত্তির উত্তরে সিদ্ধান্তবাদীর বক্তব্য এই :—তুমি কি ভুলিয়া গেলে, যে ৩।২।২৬ শ্লোকের আলোচনায় প্রতিপাদিত করিয়াছি যে, পূর্ণের অংশ হয় না। যদি অংশ হয় মনে কর, তবে পূর্ণের হানি হয়। কিন্তু শ্রীমদ্ভাগবত বলিয়াছেন :—

“ওঁম্ ॥ পূর্ণমদঃ পূর্ণমিদং পূর্ণাং পূর্ণমুদচ্যতে ।

পূর্ণস্ত পূর্ণমাদায় পূর্ণমেবাবশিষ্টতে ॥” (বৃহঃ ৫।১।১) ।

অতএব শ্রুতি প্রমাণানুসারে প্রতিপন্ন হইল যে, পূর্ণের অংশ, কলা সম্ভব হয় না। যুক্তিতেও তাহাই পাওয়া যায়—যদি পূর্ণ হইতে অংশ বাহির করিয়া লওয়া যায়, তবে যাহা অবশিষ্ট থাকে, তাহা কিছুতেই পূর্ণ হইতে পারে না। সুতরাং যাহা চিরপূর্ণ বস্তু, তাহার অংশ কলা অসম্ভব। আবার, পূর্ণ বস্তু অনন্ত বিধায়, অনন্তের সহিত অনন্তের যোগে অনন্ত, এবং অনন্ত হইতে অনন্ত বিয়োগ করিলেও অনন্ত থাকে, ইহা গণিতশাস্ত্র প্রতিপাদন করে। এ সকল কথা ৩।২।২৬ সূত্রে বলা হইয়াছে। তাহা সত্ত্বেও তোমার বোধ সৌকর্য্যার্থে পুনরায় বলিতে বাধ্য হইতে হইল, ইহা দুঃখের বিষয় সন্দেহ নাই। যাহা হউক, এখন তুমি প্রশ্ন করিতে পার যে, ভাগবত তাহা হইলে ১।৩।২৮ শ্লোকে কৃষ্ণকে স্বয়ং ভগবান্ এবং অশ্রু সকলকে অংশ, কলা বলিয়া বর্ণনা করিলেন কেন ?

ইহার উত্তর এই যে, চির পূর্ণের অংশে পরিণত হওয়া অসম্ভব, এজন্য অপর অবতার সকল অবতারীর গ্রায় পূর্ণ বটে ; তবে যে অবতारे যে কার্য্য সম্পাদন প্রয়োজন হইয়াছিল, সেই কার্য্যোপযোগী দেহ ধারণ করিয়া পূর্ণ ভগবান্ তাহা সম্পাদন করিয়াছিলেন। ঐ সকল কার্য্য সম্পাদনে ভগবানের সমগ্র শক্তি প্রকটনের প্রয়োজন হয় নাই। শক্তির অত্যল্প প্রকটনেই কার্য্যোদ্ধার হইয়াছিল। ইহার প্রতি লক্ষ্য করিয়াই ভাগবত উক্ত অবতারগণকে অংশ, কলা বলিয়া উল্লেখ করিয়াছেন। কৃষ্ণাবতারে নিত্যলীলার প্রকটন প্রপঞ্চে করিতে অভিলাষ করিয়া পূর্ণ ভগবান্, তাঁহার সমগ্র শক্তি প্রকটন করিয়াছিলেন। সমগ্র ঐশ্বর্য্য, সমগ্র বীর্য্য, সমগ্র যশঃ, সমগ্র শ্রী, সমগ্র জ্ঞান এবং সমগ্র বৈরাগ্য শক্তি প্রকটনের আবশ্যক হইয়াছিল ; তাহা না করিলে নিত্য লীলার অভিনয়—প্রপঞ্চে সম্ভব হইত না। প্রত্যেকটি উদাহরণ দিয়া বুঝাইতে গেলে একখানি পৃথক্ গ্রন্থ হইয়া পড়ে। দিক্‌দর্শন মাত্র প্রদর্শন করিলাম। এ বিষয়ে চিন্তা করিলে, ভগবদনুগ্রহে ক্রমশঃ বুঝিতে পারিবে। ভগবানের সমগ্র শক্তি প্রকটনের প্রতি লক্ষ্য রাখিয়া, ভাগবত তাঁহাকে ‘স্বয়ং ভগবান্’ বলিয়া উল্লেখ করিয়াছেন।

আরও একটি কারণ—ভাগবত স্পষ্ট করিয়া বলেন নাই, গুঢ় ইঙ্গিত মাত্র করিয়াছেন। তাহাও বুঝিবার চেষ্টা করিব। ১।১।৩ ও ১।১।৫ সূত্রের

আলোচনায় আমরা বুঝিয়াছি যে, “সত্যজ্ঞানানন্তানন্দ” পদব্রজে সমুদায় সূক্ষ্মভাবে বিদ্যমান থাকে বলিয়া, তাঁহাতে অনন্ত পরিমাণ বা স্তর (Infinite dimensions) বিদ্যমান। মাণ্ডুক্যকারিকার ভাষায় তিনি একাধারে “অমাত্র” ও “অনন্তমাত্র”। যখন তিনি “অমাত্র” তখন তিনি ভাবাত্মক শূন্য বা বেদান্তের ভাষায় কূটস্থ। যখন তিনি “অনন্তমাত্র”—তখন তিনি অনন্ত, সর্বব্যাপী। তাঁহার শব্দস্তরে অভিব্যক্তি ওঁঙ্কারে—ইহা মৎপ্রণীত “গায়ত্রী রহস্য” পুস্তকে বিস্তৃত ভাবে আলোচিত হইয়াছে। ওঁঙ্কার উচ্চারণ করিতে হইলে, বাগ্‌যন্ত্রের আদি-মধ্য-অন্ত সমুদায়—অর্থাৎ কণ্ঠ হইতে ওষ্ঠ পর্য্যন্ত সমুদায় স্পন্দিত হয়। শব্দস্তরে ব্রহ্মের প্রতীক ওঁঙ্কার। যদিও সমুদায় নাম শব্দস্তরের বস্তু এবং উহারা মুখ্য ভাবে ব্রহ্মকেই নির্দেশ করে (সূত্র ২।৩।১৭), তথাপি ওঁঙ্কার তাঁহার শব্দস্তরে বিশেষ অভিব্যক্তি। কেন এই বিশেষ অভিব্যক্তি, তাহা ১।১।৫ সূত্রে ও উক্ত গায়ত্রী রহস্য পুস্তকের ওঁঙ্কার তত্ত্বে আলোচিত হইয়াছে। এখন বিচার্য্য এই যে, জগতের সমুদায় রূপ—সেই অরূপ ভগবানের রূপের স্তরে সাধারণ অভিব্যক্তি হইলেও, যদি তাঁহাকে বিশেষভাবে উক্ত স্তরে (in the plane of form) অভিব্যক্ত হইতে হয়, তবে কি রূপ ধারণ করিলে তাঁহার স্বরূপের কথঞ্চিৎ ধারণা মানবের হইতে পারে? এই প্রশ্ন হৃদয়ে আলোচনা করিলে আমরা উত্তর পাইব যে, তাহা হইলে তাঁহাকে সৌন্দর্য্য-সৌগন্ধ্য-সৌকুমার্য্য-মাধুর্য্য-বীর্য্য-জ্ঞান-বৈরাগ্য প্রভৃতির মতদূর সমস্ত সমগ্রভাবে একত্র সমাবেশ করিয়া একটি দেহ প্রস্তুত করতঃ, সেই দেহই ধারণ করিতে হয়। ভাগবত বলেন, শ্রীকৃষ্ণই সেই দেহধারী। ইহা বুঝাইবার জন্ত, ভাগবত এইরূপ সম্বন্ধে এমন কতকগুলি বিশেষণ দিয়াছেন, যাহা সাধারণ বা অসাধারণ মানবে প্রযোজ্য নহে। যথা ১—(১) “বিভ্রদ্বপুঃ সকল সুন্দর সন্নিবেশম্” (১১।১।১০), (২) “লোকলাবণ্য নিম্নুক্ত্যা স্বমূর্ত্য” (১১।১।৬), (যাহার অপেক্ষা লাবণ্য লোকের মধ্যে নাই, অথবা, যাহার কণামাত্র পাইয়া লোক সকল—জগৎ—লাবণ্যবান্ হইয়), (৩) “সাক্ষাৎ মন্থ-মন্থ” (১০।৩২।২)। (৪) “ত্রৈলোক্য-লঙ্ঘ্যক পদং

বপুঃ” (১০।৩২।১৩), (ত্রৈলোক্য শোভার একমাত্র আধার স্বরূপ),
 (৫) “যেনৈক দেশেহখিলসর্গ-সৌষ্ঠবং স্বদীর্ঘমদ্রাক্ষম্” (১০।৩৯।২১)
 (হে বিধাতঃ ! তোমার সমগ্র সৃষ্টি-নৈপুণ্য যাঁহার দেহের একদেশে
 আমরা নিরীক্ষণ করিতাম), (৬) “ত্রৈলোক্য কান্তং দৃশিমন্নহোৎসবম্”
 (১০।৩৮।১৩) । এই ত গেল সৌন্দর্য্য-মাধুর্য্য-সৌকুমার্য্য প্রভৃতির কথা ।
 তাঁহার জ্ঞান-বিজ্ঞান-বৈরাগ্য প্রভৃতির বর্ণনা ভাগবত বহু স্থানে
 করিয়াছেন । শুকদেব গোস্বামীর শ্রীকৃষ্ণ প্রণামের একটি শ্লোক মাত্র
 উদ্ধৃত করিলাম, ইহা হইতেই আমাদের বক্তব্য পরিস্ফুট হইবে ।

ভবভয়মপহর্ত্বং জ্ঞানবিজ্ঞানসারং

নিগমকৃৎপজহ্রে ভৃঙ্গবদেদসারং ।

অমৃতমুদধিতশ্চাপয়য়দ্ ভৃত্যবর্গান্

পুরুষমৃষভমাগ্নং কৃষ্ণসংজ্ঞং নতোহস্মি ॥

ভাগঃ ১১।২৯।৪৮

—যিনি নিগমকর্তা, সমুদ্র হইতে অমৃত আহরণের ন্যায় যিনি বেদ
 হইতে সাররূপ জ্ঞান বিজ্ঞান ভৃঙ্গের ন্যায় আহরণ করিয়া,
 ভৃত্যবর্গকে পান করাইয়া ভবভয় অপহরণের উপায় করিয়াছিলেন,
 সেই আদ্য পুরুষশ্রেষ্ঠ, শ্রীকৃষ্ণসংজ্ঞক ঈশ্বরকে প্রণাম করি । ভাগঃ
 ১১।২৯।৪৮

বেশ, না হয় বুঝিলাম যে, ভগবানের সমগ্র শক্তি প্রকটন করিয়া অবতার
 গ্রহণ করিতে হইলে শ্রীকৃষ্ণ মূর্ত্তি পরিগ্রহ করিতে হয় । কিন্তু গত ছাপরের
 শেষে এমন কি কারণ হইয়াছিল, যাহাতে তাঁহার সমগ্র শক্তি প্রকটনের
 প্রয়োজন হইয়াছিল, এবং অন্যান্য সময়ে অবতার গ্রহণ করিলেও তাহার

প্রয়োজন হয় নাই ?

এই প্রশ্নটির উত্তর দিতে হইলে, ব্রহ্মার আয়ু পরিমাণ, তাঁহার বর্তমান বয়স,
 মন্বন্তর, অন্যকথায় জগৎ সৃষ্টি হইতে আজ পর্য্যন্ত ক্রমাভিব্যক্তির কোন্ বিশেষ
 স্থানে বর্তমান, প্রভৃতির গণনা করিতে হয় । বিস্তৃতভাবে করিতে গেলে গ্রন্থের
 কলেবর অত্যধিক বৃদ্ধির ভয় । অতএব খুব সংক্ষেপেই তোমার প্রশ্নের উত্তর
 দিবার চেষ্টা করিব । যেমন মানবের পরমাযু সাধারণতঃ উহাদের দিন, মাস ও
 বৎসর হিসাবে মানব পরিমাণের ১০০ বৎসর । ব্রহ্মার পরমাযু ও তাঁহার দিন,

মাস ও বৎসর হিসাবে তাঁহার পরিমাণের ১০০ বৎসর। এই পরমাযু দুইভাগে বিভক্ত। প্রত্যেক ভাগকে “পরার্দ্ধ” বলে। এজ্ঞে ব্রহ্মাকে “দ্বিপার্দ্বজীবী” বলিয়া আখ্যায়িত করা হয়। উহার মধ্যে প্রথম পরার্দ্ধে দুইটি কল্প—ব্রাহ্ম কল্প ও পাদ্ম কল্প। ব্রাহ্ম কল্পে ব্রহ্মা জন্মগ্রহণ করিয়াছিলেন। তখন লোকপদের উদ্ভব হয় নাই। পণ্ডিতেরা ইহাকে শব্দব্রহ্ম বলেন। তারপর এই কল্প গত হইলে পাদ্মকল্প আরম্ভ হয়। ইহার আদিতে ভগবানের নাতি হইতে লোকপদের উদ্ভব হয়, এবং ব্রহ্মা তাহাতে সৃষ্টিকর্তা রূপে বিরাজ করেন বলিয়া, ইহা পাদ্মকল্প নামে অভিহিত। এই ব্রাহ্ম ও পাদ্ম কল্প—উভয় কল্প অতীত হইয়াছে। সুতরাং দ্বিপার্দ্বজীবী ব্রহ্মার পরমাযুর অর্দ্ধেক অর্থাৎ ৫০ বৎসর অতীত হইয়াছে। বর্তমানে তাঁহার পরমাযুর ৫১ বৎসরের প্রথম দিন চলিতেছে। ইহা ভাগবতে স্পষ্ট কথিত আছে, যথা :—

যদর্দ্ধমাযুষস্তস্য পরার্দ্ধমভিধীয়তে ।

পূর্বঃ পরাৰ্দ্ধোপক্রান্তো হুপরোহুত্বপ্রবর্ততে ॥ ভাগঃ ৩।১।৩৪

পূর্বশ্যাদৌ পরার্দ্ধস্য ব্রাহ্মো নাম মহানভূৎ ।

কল্পো যত্রাভবদ্ ব্রহ্মা শব্দব্রহ্মেতি যং বিদুঃ ॥ ভাগঃ ৩।১।৩৫

তশ্চৈবাস্তে চ কল্পোহভূদ্ যং পাদ্মমভিচক্ষতে ।

যদ্ধরেনাভিসরস আসীল্লোকসরোরুহম্ ॥ ভাগঃ ৩।১।৩৬

অয়ন্তু কথিতঃ কল্পো দ্বিতীয়শ্যাপি ভারত ।

বারাহ ইতি বিখ্যাতো যত্রাসীচ্ছ কবো হরিঃ ॥ ভাগঃ ৩।১।৩৭

এই বর্তমান কল্পের নাম বারাহ কল্প। ইহা মহাকল্প। অতএব, আমরা পাইলাম যে, ব্রহ্মার আয়ুঃ পরিমাণ কালে, অর্থাৎ তাঁহার পরিমাণে ১০০ বৎসরে তিনটি মহাকল্প পড়ে—ব্রাহ্ম, পাদ্ম ও বারাহ। প্রথম দুটিতে ব্রহ্মার আয়ুর অর্দ্ধেক পরিমাণ ; উহা গত হইয়াছে। শেষ বারাহ মহাকল্পও ব্রহ্মার ৫০ বৎসর পরিমাণ। এখন উহার প্রথম দিন চলিতেছে।

এই মহাকল্প ভিন্ন ক্ষুদ্র অবাস্তুর কল্প আছে। উহার পরিমাণ ব্রহ্মার একদিন (এক দিব্যরাত্রি)। এই প্রকার ৩০ দিনে ব্রহ্মার এক মাস, এবং তাহার ১২ মাসে ব্রহ্মার এক বৎসর ; এই প্রকার ১০০ বৎসর ব্রহ্মার পরমাযু।

অবাস্তুর কল্পগণের নাম মৎস্য পুরাণের ২২০ অধ্যায়ে এবং ঋক পুরাণে প্রভাসথণ্ডে কথিত আছে। উভয়ের মধ্যে অনেকগুলি মিল আছে ; কয়েকটির

নামে কিছু পার্থক্য আছে। প্রথম অবাস্তর কল্পের নাম—“শ্বেত”। বারাহ মহাকল্পের বর্তমান কল্প প্রথম বলিয়া উহা অশ্বমেধীয় পত্রিকা দিতে “শ্বেত-বারাহ-কল্প” বলিয়া উল্লিখিত হইয়া থাকে।

মহুগ্ন পরিমাণের ৩৬০ অহোরাত্র = ১ দিব্য অহোরাত্র। এই প্রকার ৩৬০ অহোরাত্রে দিব্য ১ বৎসর।

দিব্য ১২০০০ বৎসর = ১ চতুর্যুগ	{	১ সত্য = ৪০০০ দিব্যবৎসর + সক্ষ্যা
		৪০০ + সক্ষ্যাংশ ৪০০।
		১ ত্রেতা = ৩০০০ দিব্যবৎসর + সক্ষ্যা
		৩০০ + সক্ষ্যাংশ ৩০০।
		১ দ্বাপর = ২০০০ দিব্যবৎসর + সক্ষ্যা
		২০০ + সক্ষ্যাংশ ২০০।
		১ কলি = ১০০০ দিব্যবৎসর + সক্ষ্যা
		১০০ + সক্ষ্যাংশ ১০০।

অতএব সক্ষ্যা ও সক্ষ্যাংশ যোগ করিয়া

১ সত্যযুগ = ৪৮০০ দৈব বৎসর = ১৭,২৮,০০০ মানব বৎসর।

১ ত্রেতাযুগ = ৩,৬০০ দৈব বৎসর = ১২,৯৬,০০০ ” ” ।

১ দ্বাপর যুগ = ২,৪০০ দৈব বৎসর = ৮,৬৪,০০০ ” ” ।

১ কলিযুগ = ১,২০০ দৈব বৎসর = ৪,৩২,০০০ ” ” ।

ভাগবত—৩।১।১৮-১৯-২০

ব্রহ্মার ১ দিন = ১০০০ চতুর্যুগ = ১৪ মন্বন্তর। (ভাগবত ৩।১।২২-২৩)

বর্তমান শ্বেত বারাহ কল্প অর্থাৎ প্রথম দিন চলিতেছে, ইহা পূর্বে উক্ত হইয়াছে। উক্ত প্রথম কল্পের চতুর্দশ মনুর মধ্যে (১) স্বায়ম্ভুব, (২) স্বারোচিষ (ভাগবত ৮।১।১৭), (৩) উত্তম, (৪) তামস, (৫) রৈবত (ভাগবত ৫।১।২৭), (৬) চান্দ্রস (ভাগবত ৬।৬।১২), গত হইয়াছেন (ভাগবত ৮।১।৪)। বর্তমান “বৈবস্বত”—অন্য নাম শ্রাদ্ধদেব-মনুর অধিকার চলিতেছে (ভাগবত ৬।৬।২৭)। এবং উক্ত বৈবস্বত মনুর অষ্টাবিংশতি কলিযুগ বর্তমান প্রবহমান। সুতরাং, ব্রহ্মার উক্ত একদিনের প্রায় মধ্যাহ্নকাল বর্তমানে চলিতেছে। ১০০০ চতুর্যুগে ব্রহ্মার একদিন। গত দ্বাপরের শেষভাগে এবং বর্তমান কল্পের প্রাকালে শ্রীকৃষ্ণ অবতার গ্রহণ করিয়াছিলেন, অতএব কৃষ্ণাবতারের সময় ছয় মন্বন্তর গত হইয়া সপ্তম মন্বন্তরের ২৭ চতুর্যুগান্তে অষ্টাবিংশতি চতুর্যুগের দ্বাপর ও কল্পের সন্ধিকালে

উপস্থিত হইয়াছিল। অর্থাৎ $২০ঃঃঃঃঃ + ২৮$ চতুর্যুগ শেষ হইতে মাত্র কলি বাকী ছিল। সুতরাং $৪২৮ঃ + ২৮ = ৪৫৬ঃ$ চতুর্যুগ শেষ হইতে মাত্র কলিকাল বা ১৮ চতুর্যুগ বাকী ছিল, অতঃপর $৪৫৬ঃ - ১ঃ = ৪৫৬ঃঃঃ$ চতুর্যুগ গত হইয়াছিল।

৫০০ চতুর্যুগ গত হইলেই ব্রহ্মার বর্তমান দিন বা কল্পের মধ্যাহ্ন গত হইয়া যাইবে। তারপর অপরাহ্ন আরম্ভ হইবে। সুতরাং শ্রীকৃষ্ণের অবতার গ্রহণের সময় হইতে, মধ্যাহ্ন শেষের $১ঃঃ$ চতুর্যুগ বাকী ছিল মাত্র।

কল্পের আদি বা প্রাতঃকাল হইতে মধ্যাহ্ন পর্যন্ত জড় চৈতন্যের ক্রমশঃ ঘনিষ্ঠভাবে সম্মেলন বা সূক্ষ্ম হইতে ক্রমশঃ স্থূলে, স্থূলতরে ও স্থূলতমে আগমন হইয়া থাকে। ইহা সৃষ্টির ক্রম অভিব্যক্তির নিয়ম। বেদান্ত প্রবেশ গ্রন্থে (পৃঃ ২৮-৩১) সৃষ্টিতত্ত্ব আলোচনায় দোলকের দৃষ্টান্ত হইতে, এবং তথায় প্রদত্ত চিত্র হইতে ইহা স্পষ্ট বুঝা যাইবে। আবার মধ্যাহ্ন হইতে সায়ংকাল পর্যন্ত প্রতিলোমক্রমে সৃষ্টির ক্রম পরিণতির নিয়মে, স্থূল হইতে ক্রমশঃ সূক্ষ্ম, সূক্ষ্মতরে ও সূক্ষ্মতমে প্রতিগমন হইয়া থাকে—অর্থাৎ, চেতন আত্মার সহিত জড় দেহ, গেহ প্রভৃতির সম্বন্ধ প্রাতঃকাল হইতে মধ্যাহ্ন পর্যন্ত ক্রমশঃ ঘনিষ্ঠ, ঘনিষ্ঠতর ও ঘনিষ্ঠতম হইতে থাকে এবং মধ্যাহ্ন হইতে সায়াহ্ন পর্যন্ত ক্রমশঃ প্রতিলোমক্রমে উক্ত সম্বন্ধ ক্ষীণ, ক্ষীণতর ও ক্ষীণতম হইতে থাকে। এই প্রকারে এই কল্পে যে সকল ভাগ্যবান জীব, অজ্ঞানাকার হইতে ক্রমশঃ ভগবন্তদে প্রবেশ করিতে পারিবে, তাহাদের আর পরকল্পে প্রত্যাবৃত্ত হইতে হইবে না। তাহারা বৈবস্বত মন্বন্তর অতীত হইবার পূর্বে কালচক্রের আবর্তন জনিত ক্রমোন্নতির সোপানে আরোহণ করিতে অক্ষম হইবে, তাহারা অতিশয় মন্দভাগ্য সন্দেহ নাই। কেননা তাহারা বর্তমান কল্পে ভগবদ্ বিধানে প্রতিষ্ঠিতক্রমোন্নতি বাক্রম পরিণতি চক্র হইতে পরিত্যক্ত হইয়া পুনরায় নূতন কল্পে, আপনাদের উপযোগী সোপান অবলম্বনের প্রতীক্ষায় থাকিতে বাধ্য হইবে। অথবা অন্য জগতে তাহাদের উপযোগী অন্য সোপানে প্রতিষ্ঠিত হইবে। সুতরাং বর্তমান কাল সৃষ্টির ক্রমোন্নতির একটি সন্ধিক্ষণ, ইহা বুঝা গেল।

শ্রীভগবানের জীবের প্রতি করুণা অপার। তিনি দেখিলেন যে, এই সন্ধিক্ষণে যদি এমন কোনও শক্তি সঞ্চারণ করা যায়, যাহাতে জীবগণ পরম-তত্ত্বে সহজে পৌঁছিতে পারে, তাহা হইলে তাহাদের প্রতি প্রকৃত অনুগ্রহ করা হয়। কিন্তু এই অনুগ্রহ প্রকাশ—জীবের ভগবদ্ প্রদত্ত স্বাধীনতা সঙ্কোচ না করিয়া করাই সমীচীন। সেই ঈশ্বর নিত্যলীলা

হইতে নিজে, স্বরূপ শক্তিভূতা সহচরী বৃন্দ ও সখাগণ পরিবেষ্টিত হইয়া প্রপঞ্চে আবিভূত হইয়াছিলেন । কারণ, তাঁহার লীলা, নাম প্রভৃতি ভক্তনের দ্বারা জীব পরম পুরুষার্থ লাভ করিতে পারিবে । তিনি কত মধুর, পঞ্চেন্দ্রিয়ের দ্বারা তাঁহার মাধুর্য্য আনন্দন কত প্রাণারাম, মনোমদ, হৃদয়োন্মাদনকারী । তাঁহার ভক্তনের জন্ম দেহ শুষ্ক, মনঃ কঠোর, হৃদয় নীরস করিবার প্রয়োজন নাই । মানব যে যে বৃত্তি, শক্তি প্রভৃতি পাইয়াছে, সেই সেই উপকরণ দ্বারা তাঁহার সেবা করিয়া চরিতার্থ হইতে পারে । বিষয় ভোগের জন্ম যে যে ইন্দ্রিয়, বৃত্তি প্রভৃতি বর্তমান, তাহা দিগকে ভগবদভিমুখে প্রত্যাবৃত্ত করিতে পারিলেই হইল ; তাহা ক্লেশকর মাত্র নহে, বরং অতীব আনন্দকর । এই সকল প্রত্যাক্রমঃ বুঝাইবার জন্ম তাঁহার আবির্ভাব । তিনি কঠোর দণ্ডধারী বিচারক নহেন, তাঁহাকে ভয় করিবার কারণ মাত্র নাই । তিনি প্রিয়তম স্নহৎ । বন্ধুরূপে মাত্র প্রেম ভালবাসা প্রার্থনা করেন, ইহা বুঝাইবার জন্ম তাঁহার অবতরণ । এই জন্মই ভগবানের সমগ্র শক্তির প্রকটন । জীবকে নিজ চেষ্টার দ্বারা পরমার্থলাভ করিতে হইবে, ইহা ২।৩।৪২ সূত্রে প্রতিপাদিত হইয়াছে । ঠিক সন্ধিকালে অর্থাৎ ৫০০ চতুর্ঘুগ অতীত হইবার সমকালে আবির্ভাব হইলে, মধ্যাহ্ন গত হইবার পূর্বকাল মধ্যে, জীবের প্রযত্ন করিবার সময় না হইতে পারে, এক্ষণে মধ্যাহ্ন গত হইবার অল্প পূর্বেই তিনি আবিভূত হন, যাহাতে মধ্যাহ্ন গত হইবার মধ্যেই জীব পরমার্থ লাভের পথে অগ্রসর হইতে পারে । ইহাই ভগবানের সমগ্র শক্তি প্রকটনের উদ্দেশ্য । কালচক্রের আবর্তনে যখন যখন যে যে বিশ্বে এই সন্ধিকাল উপস্থিত হয়, তখন তখন, সেই সেই বিশ্বে ভগবান্ শ্রীকৃষ্ণমূর্তিতে সমগ্র শক্তি প্রকটন করতঃ আবিভূত হইয়া লীলাবিস্তার পূর্বক জীবের চরমোন্নতির বিধান করেন, ইহাই শাস্ত্রের উপদেশ ।

২০। প্রদানমাধিকরণ ॥

ভিত্তি :—

১। “যস্য দেবে পরাভক্তির্ধ্বখা দেবে তথা গুরৌ ।

তস্মৈতে কথিতা হৃথ্যাঃ প্রকাশন্তে মহাত্মনঃ ॥”

(শ্বেতাঃ ৬।২৩)

—যাহার গুরুপদে ভক্তি পরদেবতাতে ভক্তির তুল্য, এই সমস্ত

“কথিত পরমার্থতত্ত্ব তাঁহার হৃদয়ে উদ্ভাসিত হয়। (শ্বেতাঃ ৬।২৩)।

২। “আচার্য্যাবান্ পুরুষো বেদ ।” (ছান্দোগ্যঃ ৬।১৪।২)।

— আচার্য্যাবান্ পুরুষই, অর্থাৎ যিনি আচার্য্যের সেবা করেন, তিনিই জ্ঞানলাভ করেন। (ছান্দোগ্য ৬।১৪।২)।

৩। “তদ্বিজ্ঞানার্থং স গুরুমেবাভিগচ্ছেৎ... ॥”

(মুণ্ডক, ১।২।১২)

—ব্রহ্মবস্তু জ্ঞাত হইবার জন্য তাহার গুরুর নিকট যাওয়া কর্তব্য।

(মুণ্ডক, ১।২।১২)

সংশয় :—শিরোদেশে উদ্ধৃত শ্রুতি মন্ত্রগণ হইতে বুঝা যায় যে, গুরুর প্রসাদে পরমতত্ত্ব অধিগত হইয়া থাকে। গুরুর নিকট অধ্যয়নে বা উপদেশে শাস্ত্রজ্ঞান লাভ হয়, এবং শাস্ত্রজ্ঞান হইতেই পরমতত্ত্ব অধিগত হওয়া সম্ভব বলিয়াই বোধ হয়। সুতরাং শ্রাস্ত্রই মুখ্য। উপরে উদ্ধৃত শ্রুতি মন্ত্রসকল গুরুর প্রশংসাসূচক ভিন্ন অন্য কিছু নহে। বাস্তবিক কি পরমাত্মা গুরুগম্য? ইহার উত্তরে সূত্র :—

সূত্র :— ৩।৩।৪৩ ।

প্রদানবদেব তত্কৃতম্ ॥ ৩।৩।৪৩ ॥

প্রদানবৎ + এব + তৎ + উক্তম্ ॥

প্রদানবৎ :— প্রকৃষ্টভাবে দানের ন্যায়। এব :— নিশ্চয়ই। তৎ :— তাহা, পরমতত্ত্ব। উক্তম্ :— কথিত ; শ্রুতি ও স্মৃতিতে কথিত।

গুরু যেমন প্রসন্ন হইয়া বিদ্যা দান করিয়া থাকেন, ব্রহ্মবিদ্যা বা পরমতত্ত্ব সেইরূপ গুরুগম্য। গুরু ইচ্ছা করিলে, ইহা ধনাদি বস্তুদানের দ্বারা শিষ্যকে বস্তুগত ভাবে দান করিতে পারেন।

যেমন অন্নবস্তুর কাঙ্গাল কোনও দরিদ্র ভিক্ষুক, প্রার্থী হইয়া কোনও ধনবান্ ব্যক্তির নিকট (ঋতাহার অন্নবস্ত্রাদি প্রচুর পরিমাণে আছে) গমন করিয়া করণ আবেদনে তাঁহার হৃদয়ে দয়ার উদ্রেক করিতে পারিলে, সেই ধনবান্ ব্যক্তি তাঁহার ধনভাণ্ডার হইতে, উক্ত দরিদ্রকে দানের অধিকারী মনে করিলে অন্নবস্ত্রাদি দান করিয়া তাহার অভাব পূরণ করেন; সেইরূপ পরমতত্ত্বের কাঙ্গাল, সাধন-দরিদ্র কোনও ব্যক্তি ব্রহ্মজ্ঞ গুরুর নিকট উপস্থিত হইয়া, সেবাদি দ্বারা তাঁহার করণ উদ্রেক করিতে পারিলে, সেই গুরু তাঁহার ব্রহ্মবিদ্যার অক্ষয় ভাণ্ডার হইতে উক্ত শিষ্যকে প্রকৃত অধিকারী বলিয়া বিবেচনা করিলে, পরমতত্ত্ব জ্ঞান প্রদান করিয়া, তাহার প্রাণের অভাব পরিপূরণ করিয়া থাকেন। ১।১।১ সূত্রে ইহার আলোচনা করা হইয়াছে।

গীতাতে ভগবান্ “আচার্য্যোপাসন”—অমানিত্ব, অদম্বিত্ব, অহিংসা প্রভৃতির সহিত জ্ঞান লাভের সাধন বলিয়া উল্লেখ করিয়াছেন। (গীতা, ১৩।১)।

গুরুর নিকট শিষ্যের প্রশ্ন জিজ্ঞাসা একান্ত প্রয়োজনীয় নহে। ব্রহ্মজ্ঞ গুরুর নিকট শিষ্যের অন্তর বাহির কিছুই লুক্কায়িত থাকে না। যদি গুরু শিষ্যকে উপযুক্ত অধিকারী মনে করেন, এবং তাঁহার সেবায় প্রসন্ন হন, তাহা হইলে, কোনও প্রকার প্রশ্নোত্তর বা উপদেশ ব্যতিরেকেও ব্রহ্মজ্ঞান শিষ্যের হৃদয়ে সংক্রামিত করিয়া দিতে পারেন। গুরু শিষ্য পরস্পর নিকটে উপবেশন করিলেই যোগাত্মক ও ঋণাত্মক কেন্দ্রে তড়িৎ প্রবাহের দ্বারা, গুরুর ইচ্ছা ক্রমে, উভয়ের আত্মায় আত্মায় উপলব্ধি-লহরী প্রবাহিত করিতে পারেন। যেরূপ তড়িৎশক্তি-প্রবাহী তারের দুইকেন্দ্রে দুই হাতে ধরিয়া থাকিলে শরীরে তড়িৎ-প্রবাহ-সঞ্চরণ অনুভূত হয়, শিষ্য ও গুরুর মধ্যে সেইরূপ তত্ত্বজ্ঞান তড়িৎ প্রবাহের দ্বারা, লহরে লহরে সঞ্চারিত হয়। ইহা অনুভূতি রাজ্যের ব্যাপার। ঋতাহারা অনুভব করিয়াছেন, তাঁহারা ইহা কতকপরিমাণে বুঝিতে পারিবেন। এই কারণে দক্ষিণামূর্ত্তি গুরু-স্বোত্রে স্পষ্ট কথিত আছে, “গুরোস্ত মোম ব্যাখ্যামং শিষ্যানু ছিন্ন সংশয়াঃ”। গুরুশিষ্য উভয়েই নির্বাক, কিন্তু গুরুর মৌন ব্যাখ্যা এতাদৃশী শক্তিমতী যে, শিষ্যের হৃদয়ের সমুদায় সংশয় ছিন্ন হইয়া যায়, মেঘাপগমে রবি প্রকাশের দ্বারা

বোধ সূর্য্য স্নিগ্ধ প্রোক্ষল জ্যোতিঃ বিতরণ করিয়া হৃদয় দেশ আলোকিত করে ।
হৃদয়গ্রন্থি ভেদ হইয়া যায়, সমুদায় কর্ম ধ্বংস হয়, এবং হৃদয়ে পরমার্থতত্ত্ব
উদ্ভাসিত হইয়া উঠে ।

এই প্রসঙ্গে ভাগবত বলিতেছেন :—

এবম্বিধং হ্যাং সকলান্মনামপি

স্বাত্মানমাআত্মতয়া বিচক্ষতে ।

গুৰ্ব্বৰ্কলক্ৰোপনিষৎ সুচক্ষুষা

যে তে তরন্তীব ভবানৃতাস্থধিম্ ॥

ভাগঃ ১০।১৪।২৩

—গুরুরূপ অর্ক (সূর্য্য) হইতে লব্ধ উপনিষৎরূপ সুন্দর নেত্র দ্বারা,
যাহারা এইরূপ সকলের আত্মা আপনাকে আত্মরূপে নিরীক্ষণ
করেন, তাঁহারা সংসার রূপ অনৃত সাগর উত্তীর্ণ হইবেন ।

ভাগঃ ১০।১৪।২৩

তস্মাৎ গুরুং প্রপত্তেত জিজ্ঞাসুঃ শ্রেয় উত্তমম্ ।

শাক্বে পরে চ নিষ্ণাতং ব্রহ্মণুপশমাশ্রয়ম্ ॥ ভাগঃ ১১।৩।২২

—অতএব যে ব্যক্তি উত্তম শ্রেয়ঃ বা পরমার্থ লাভ অভিলাষ করিবেন, তিনি
বেদজ্ঞ ও পরমব্রহ্মজ্ঞ উপশম আশ্রয়কারী (ক্রোধলোভাদির' অবশীভূত)
গুরুরূপে আশ্রয় করিবেন । ভাগঃ ১১।৩।২২

আচার্য্যোহরগিরাত্তঃ স্মাদন্তেবাস্মাত্তরারগিঃ ।

তৎসঙ্কানং প্রবচনং বিদ্যাসন্ধিঃ সুখাবহঃ ॥ ভাগঃ ১১।১০।১২

—আচার্য্য পূর্ব্ব অরণি স্বরূপ, শিষ্য উত্তর অরণি স্বরূপ, উপদেশ তন্মধ্যস্থ
মহন কাষ্ঠস্বরূপ, এবং সুখাবহ বিদ্যা (ব্রহ্মবিদ্যা) তদুৎ অগ্নিস্বরূপ
জানিবে । ভাগঃ ১১।১০।১২

এবং গুরুরূপসন্যৈকভক্ত্য

বিদ্যাকুঠারেণ শীতেন ধীরঃ ।

বিবৃশ্চ্য জীবাশয়মপ্রমত্তঃ

সম্পত্ত্ব চাত্মানমথ ত্যজাস্তম্

ভাগঃ ১১।১২।২২

—অতএব তুমি একান্ত ভক্তি সহকারে গুরুপাসনা অনিত্য শাগিত
বিভাকুঠার দ্বারা অশ্রমস্ত-হৃদয়ে জীবোপাধি লিঙ্গশরীর ছেদন
করতঃ পরমাত্মাকে প্রাপ্ত হইয়া পরে অস্ত্র ত্যাগ কর ।

ভাগঃ ১১।১২।২২

যদি সাধক প্রকৃত অধিকারী হন, তাহা হইলে ভগবান্‌ই বাহিরে
আচার্য্যমূর্ত্তিতে এবং অস্তুরে অস্তুর্য্যামীরূপে সমুদায় অশুভ নাশ করতঃ
আপনার পরম পদ প্রদান করেন ।

“যোঃস্তব্বর্কহিস্তনুভূতামশুভং বিধুষ-

ন্নাচার্য্যচৈত্য়বপুষা স্বগতিং বানক্তি ॥

ভাগঃ ১১।২৯।৬

পরমাত্মতত্ত্ব হৃদয়ে স্বতঃ উদ্ভাসিত কি করিয়া হয়, এই শ্লোকে তাহার
কারণ প্রদর্শিত হইল । অস্তুর্য্যামী সকলের অস্তুরে সর্বজ্ঞরূপে বিরাজ
করিতেছেন, তাঁহার অজ্ঞাত কিছুই নাই । যদি সাধককে উপযুক্ত
অধিকারী বলিয়া মনে করেন, তাহা হইলে গুরুকৃপালাভের বিধান
করতঃ হৃদয়ে স্বতঃ নিজতত্ত্ব প্রকাশ করেন । সূত্রাং এই প্রকার
স্বতঃ উদ্ভাসিত হওয়া অহৈতুকী বা আকস্মিক নহে । নিজের প্রযত্নের
দ্বারা অধিকারী হইতে পারিলে তবেই ফললাভ । সূত্রাং ২।৩।৪২
সূত্রের সিদ্ধান্ত অব্যাহত রহিল, এবং গুরুকৃপা লাভ যে নিজ প্রযত্নের
ফল এবং পরমতত্ত্বজ্ঞান যে গুরুকৃপাসাপেক্ষ, এই উভয় সিদ্ধান্তই
প্রতিষ্ঠিত হইল ।



সংশয়ঃ—স্বপ্রযত্ন এবং গুরুপ্রসাদ উভয়ই প্রয়োজন বলিতেছ । উহাদের
মধ্যে বলবত্তর কে ? স্বপ্রযত্ন বলবত্তর বলিয়া মনে হয়, কেননা, উহার দ্বারাই
গুরুকৃপা লাভ হইয়া থাকে । ইহার উত্তরে সূত্রকার সূত্র করিলেন :—

সূত্রঃ—৩।৩।৪৪ ।

লিঙ্গভূয়স্তাং তদ্ধি বলীয়স্তদপি ॥ ৩।৩।৪৪ ॥

লিঙ্গ + ভূয়স্তাং + তৎ + হি + বলীয়ঃ + তৎ + অপি ॥

নিজ :—চিহ্ন, দৃষ্টান্তাদি। ভূরুদ্বাং :—বাহুল্যবশতঃ। তৎ :—গুরু
প্রসাদন। হি :—নিশ্চয়। বলীয়ঃ :—বলবন্তর। তৎ :—তাহা, অর্থাৎ
শ্রবণ মননাদি নিজ প্রযত্ন। অপি :—ও।

ছান্দোগ্য শ্রুতির চতুর্থ অধ্যায়ে ৫-৬-৭-৮-৯ অমুবাতে উক্ত আছে যে, সত্যকাম, বৃষ হইতে ব্রহ্মের একপাদ, অগ্নি হইতে দ্বিতীয় পাদ, হংস হইতে তৃতীয় পাদ, এবং মদগু (জলচর পক্ষীবিশেষ) হইতে চতুর্থ পাদ উপদেশ প্রাপ্ত হইয়া সমুদায় চতুর্পাদ ব্রহ্মোপদেশ লাভ করতঃ গুরুর সকাশে আগমন করিলে, গুরু জিজ্ঞাসা করিলেন, বৎস, তোমাকে ব্রহ্মবিদের গায় দেখাইতেছে ; আমি ত তোমাকে ব্রহ্মবিচার উপদেশ দিই নাই, কে তোমাকে উক্ত উপদেশ দিলেন ? তাহাতে সত্যকাম সমুদায় ব্যাপার যথাযথ বর্ণনা করিয়া বলিলেন, ভগবন্ ! শ্রুতিতে কথিত আছে যে, আচার্য্য হইতে প্রাপ্ত বিদ্যাই উৎকর্ষ লাভ করিয়া থাকে, অতএব আপনি আমাকে উপদেশ দিন। ইহা শুনিয়া আচার্য্য সন্তুষ্ট হইয়া পুনরায় তাঁহাকে চতুর্পাদ ব্রহ্মবিষয়ক উপদেশ দিলেন।

উক্ত ছান্দোগ্য শ্রুতির ৪।১০-১১-১২-১৩-১৪-১৫-১৬-১৭ অমুবাতে উক্ত আছে যে, উপকোশল গুরুগৃহে গাহ'পত্ন্য—অম্বাহার্য্যপচন—(অর্থাৎ দক্ষিণাগ্নি) আহবণীয় এই অগ্নিত্রয়ের সূচাকরূপে উপাসনা করিলে অগ্নিত্রয় পরম্পর পৃথকভাবে ও একসঙ্গে উহাকে ব্রহ্মোপদেশ দেন। উপকোশল উক্ত উপদেশ প্রাপ্তির পর গুরুর সমীপে আগমন করিলে, গুরু জিজ্ঞাসা করিলেন, তুমি ব্রহ্মবিদের গায় প্রতিভাত হইতেছ, কে তোমাকে ব্রহ্মোপদেশ দিলেন ? ইহাতে উপকোশল ইঙ্গিতের দ্বারা অগ্নিগণকে দেখাইলেন, এবং আচার্য্যের নিকট উপদেশ প্রার্থনা করিলেন। আচার্য্য বুঝিলেন, তাঁহার উপদেশ প্রাপ্তি সম্যক হয় নাই, এজন্য পুনরায় ব্রহ্মবিচার উপদেশ দিলেন।

এই সমুদায় দৃষ্টান্ত হইতে স্পষ্ট বুঝা যাইতেছে যে, গুরুর প্রসাদই বলবন্তর। কিন্তু তথাপি বৃহদারণ্যক শ্রুতিতে “শ্রোতব্যঃ মন্তব্যঃ নিদিধ্যাসিতব্যঃ” করিবার উপদেশ আছে (বৃহঃ ২।৪।৫)। আবার শ্বেতাশ্বতর শ্রুতির ৬।২৩ মন্ত্রে (পূর্বসূত্রের শিরোদেশে উক্ত) গুরুকে পরা দেবতায় গায় ত্ত্বিত্তি করিবার উপদেশ আছে ! অতএব সিদ্ধান্ত এই যে, গুরুকৃপা বলবন্তর হইলেও, নিজের প্রযত্ন দ্বারা শ্রবণ, মনন প্রভৃতিও করণীয়।

ভাগবতে ইহার স্পষ্টতঃ উল্লেখ আছে :—

লুক্কানুগ্রহ আচার্য্যাস্তেন সন্দর্শিতাগমঃ ।

মহাপুরুষমভ্যর্চেন্নুর্ভ্যাভিমতয়াত্মনঃ ॥ ভাগঃ ১১।৩।৪৯

—আচার্য্যের অনুগ্রহ : লাভ করিয়া এবং তাঁহার নিকট হইতে আগমার্থ
অবগত হইয়া, স্বীয় অভিমতানুসারে মহাপুরুষের মূর্ত্তিবেশেষের অর্চনা
করিবে । ভাগঃ ১১।৩।৪৯

—যাহারা গুরু চরণাশ্রয় পরিত্যাগ করিয়া শাস্ত্রানুশীলন দ্বারাই প্রাণ
ও ইন্দ্রিয়গণকে বশীভূত করিয়া ইহলোকে অতিচঞ্চল অদাস্ত অশ্বরূপ
মনকে সংযত করিতে যত্ন করে, তাহারা কর্ণধার শূন্য নৌকার বণিকের
মহাসমুদ্রে পতনের স্থায়, বহুদুঃখে আকুল হইয়া সংসার সমুদ্রে পতিত
হইয়া থাকে । ভাগঃ ১০।৮।৭।৩৩

বিজিতহ্রষীকবায়ুভিরদাস্তমনস্তুরগং

য ইহ যতস্তি যন্তমতিলোলমুণায়খিদঃ ।

ব্যসনশতাব্ধিতাঃ সমবহার গুরোশ্চরণং

বণিজ ইবাজ সন্ত্যকৃতকর্ণধরা জলধৌ ॥

ভাগঃ ১০।৮।৭।৩৩

অতএব প্রতিপাদিত হইল যে, গুরুকৃপা বলবন্তর হইলেও আশ্রয়প্রসঙ্গ
করণীয় ।

২১। পূর্ববিকল্পাধিকরণ।

তিত্তিঃ—

- ১। “ত্বমসি।”—(ছান্দোগ্য ৬।১১ —৬।১৬)।—তুমিই সেই।
- ২। “অহং ব্রহ্মাস্মি।” (বৃহঃ ১।৪।১০)—আমিই ব্রহ্ম।
- ৩। “আত্মতোষোপাসীত।” (বৃহঃ ১।৪।৭)।
—আত্মরূপেই উপাসনা করিবে।
- ৪। “ব্রহ্মবেদ ব্রহ্মৈব ভবতি।” (যুগুৎ ৩।২।৯)।
—যিনি ব্রহ্মকে জানেন, তিনি ব্রহ্মই হন।
- ৫। “কৃষ্ণএব পরমো দেবস্তং ধ্যায়েৎ
তং রসেৎ, তং যজ্ঞেৎ, তং ভজ্ঞেৎ।” (গোঃ পূঃ তাঃ)
—(৩।৩।৪২ সূত্রের শিরোদেশে ইহার অর্থ দেওয়া হইয়াছে)
- ৬। “তস্মাদেব পরো রজসেতি সোহহমিত্যবধার্যাত্মানং
গোপালোহহমিতি ভাবয়েৎ।” (গোঃ উঃ তাপনী ৩)
—অতএব তিনি রজের অতীত। সাধক “আমিই তিনি”
“আমিই গোপাল” এই প্রকার ভজনা করিবে। (গোঃ উঃ তাঃ ৩)
- ৭। “তদেব তারকং ব্রহ্ম ত্বং বিদ্ধি। তদেবোপাসিতব্যম্ ॥
(রাম উত্তর তাপনী ২)
—এই মন্ত্রই তারকব্রহ্ম মন্ত্র বলিয়া জানিও। ইহারই উপাসনা
কর্তব্য। (রাঃ উঃ তাঃ ২)
- ৮। “সদা রামোহহমস্মীতি তত্ত্বতঃ প্রবদন্তি যে।
ন তে সংসারিণো নুনং রাম এব ন সংশয়ঃ ॥
(রাম উত্তর তাপনী ৫)
—যে ব্যক্তি সর্বদা “আমিই রাম” ইহা তত্ত্বতঃ বলে, সে নিশ্চয়ই
সংসারাবদ্ধ জীব নহে। “রামই” সন্দেহ নাই। (রাঃ উঃ তাঃ ৫)

সংশয়ঃ—শিরোদেশে উক্ত শ্রুতিমন্ত্র সকল খালোচনা করিলে স্পষ্ট
প্রতীয়মান হইবে যে, ব্রহ্ম বা আত্মা, অথবা শ্রীকৃষ্ণ কিংবা শ্রীরাম প্রভৃতিকে

উপাসনা বা ভজনা করার উপদেশ রহিয়াছে। আবার সঙ্কে সঙ্কে “আমিই সেই সেই উপাস্ত” এরূপ ভাবনা করিবারও উপদেশ আছে। এ প্রকার বিকল্প কি প্রকারে সঙ্গত হয়? যদি উপাসক ও উপাস্ত বাস্তবিক অভেদ হয়, তবে উপাসনার প্রয়োজনীয়তা কি? কে কাহার উপাসনা করিবে? আবার, যদি দুইএর ভেদ বাস্তবিক থাকে, তবে অভেদ ভাবনার উপদেশের সার্থকতা কি? অভেদ ভাবনাই প্রকৃত তত্ত্ব বলিয়া বোধ হয়, কেননা মোক্ষই উপাসনার লক্ষ্য। মোক্ষ হইলে জীবের স্বরূপে অবস্থিতি হয়। জীব স্বরূপে ব্রহ্মশক্তি বটে, সুতরাং ব্রহ্ম হইতে অভেদ। অতএব উপাসনার উপদেশ কেবলমাত্র উপাস্তের প্রশংসাবাদ মাত্র। ইহার সমাধানের জন্য সূত্রকার সূত্র করিলেন :—

সূত্র :—৩।৩।৪৫।

পূর্ববিকল্পঃ প্রকরণাৎ স্মাৎ ক্রিয়া মানসবৎ ॥ ৩।৩।৪৫ ॥

পূর্ব + বিকল্পঃ + প্রকরণাৎ + স্মাৎ + ক্রিয়া + মানস + বৎ ॥

পূর্ব :— পূর্বে কথিত অর্থাৎ, উপাসনার বা ভজনের। বিকল্পঃ :— “সোহহম্” জ্ঞানে অভেদ ভাবনারূপ প্রকারভেদ মাত্র। প্রকরণাৎ :— প্রকরণ বা প্রস্তাবানুসারী হেতু। স্মাৎ :— হয়। ক্রিয়া :— পূজাদি কর্ম। মানস :— মনের দ্বারা জপ, ধ্যান, চিন্তা প্রভৃতি। বৎ :— স্মার।

“সোহহম্”, “তত্ত্বমসি”, “অহং ব্রহ্মাস্মি” ইত্যাদি জ্ঞানে অভেদ ভাবনা, যাহা শ্রুতিতে উপদিষ্ট হইয়াছে, তাহা পূর্বকথিত ভক্তিমার্গের উপাসনার বা ভজনের প্রকারভেদ বা অঙ্গমাত্র। ইহা প্রকরণ হইতে ধুকা যায়। ইহ্মর দৃষ্টান্ত, যেমন পুষ্প, চন্দন, নৈবেদ্যাদি দ্বারা পূজা এবং মানসিক জপ, ধ্যান, চিন্তা প্রভৃতিরও বিধান সঙ্কে সঙ্কে শাস্ত্রে নির্দিষ্ট আছে, ইহাও সেই রূপ। তিনি প্রিয়তম এবং আত্মার ও আত্মা বলিয়া অভেদভাবে উপাসনার বিধান বৃষ্টিতে হইবে। ইহা হইতে বৃষ্টিতে হইবে না যে, জীব ও ব্রহ্মে তাদাত্ম্যভাবে ঐকান্তিক ভার বর্তমান।

সমুদায় ইন্দ্রিয়ের দ্বারাই ভগবানের উপাসনা করাই বিধান। বহিরিন্দ্রিয় ও অন্তরিন্দ্রিয় উভয়ের সম্বন্ধে ইহা প্রযোজ্য। পদের দ্বারা পুষ্পবাটিকার গমন ও পুষ্প চরনাদির পর পূজাগৃহে প্রত্যাবর্তন, হস্তদ্বারা পূজোপকরণাদি সংগ্রহ এবং ভগবানে সমর্পণ, পাক্য দ্বারা মন্ত্র ও স্তবাদি পাঠ, শিরঃ দ্বারা প্রণাম, চক্ষুঃ

দ্বারা ভগবানের মূর্তি দর্শন, কর্ণ দ্বারা পঠিত মন্ত্র স্তবাদি শ্রবণ প্রভৃতি যেমন
 এরোজন, মনঃ দ্বারা ভগবানকে আত্মভাবে, অতি প্রিয়তম আত্মার আত্মরূপে
 হৃদয় গুহায় অবস্থিতি চিন্তা বা ধ্যানও সেইরূপ তাঁহার ভক্তিপূর্বক উপাসনার
 অঙ্গমাত্র। উহাতে উপাসক ও উপাস্ত্রের প্রকৃত অভেদও প্রতিপন্ন হয় না।
 পুরুষার্থ প্রাপ্তির উহা একটি উপায় এবং শ্রেষ্ঠ উপায়।

সমুদায় ইন্দ্রিয়ের দ্বারা যে ভগবানের উপাসনা কর্তব্য, তৎ সম্বন্ধে ভাগবত
 বলিতেছেন :—

বাণী গুণানুকথনে শ্রবণৌ কথায়াং
 হস্তৌ চ কৰ্ম্মসু মনস্তব পাদয়োৰ্ণঃ ।
 শ্বত্যাং শিরস্তব নিবাসজগৎপ্রণামে
 দৃষ্টিঃ সতাং দর্শনেহস্ত ভবন্তনূনাম্ ॥

ভাগঃ ১০।১০।৩৮

—২।৩।৪২ সূত্রের আলোচনায় (পৃঃ ১০৪৬) ইহার সরলার্থ দেওয়া
 হইয়াছে।

অন্যত্রও আছে :—

মনসো বৃত্তয়ো নঃ স্ত্যঃ কৃষ্ণপাদানুজাশ্রয়াঃ ।

বাচোহভিধায়িনীর্নাম্নাং কায়স্তৎ প্রহুগাদিষু ॥ ভাগঃ ১০।৪৭।৫৮

—আমাদের মনের সকল বৃত্তি কৃষ্ণপাদানুজাশ্রয় হউক, আমাদের বাক্য
 তদীয় নাম কীৰ্ত্তনে এবং আমাদের দেহ তাঁহার প্রণামাদিতে
 রত হউক। ভাগঃ ১০।৪৭।৫৮

মনঃ স্থির করিবার জন্য এই তন্ময় রূপে ভাবনার উপদেশ শাস্ত্রে বিহিত
 হইয়াছে। পূর্বে প্রতিপাদিত হইয়াছে যে, মনঃ স্থির হইলে ব্রহ্মরূপ বা ব্রহ্মতত্ত্ব
 স্বতঃ উদ্ভাসিত হইয়া উঠে। তন্ময়ত্ব না হইলে মনঃস্থির হইবে কিরূপে ?
 যদি চিন্তার সময় ভেদজ্ঞান থাকে, তাহা বিক্ষিপ্ত মনের পরিচয়।
 সুতরাং বুঝা গেল যে, মনঃ স্থৈর্য্য সম্পাদনের জন্য ঐ প্রকার অভেদ
 চিন্তার উপদেশ শ্রুতিতে আছে।

উচ্চস্তরের সাধকের এই তন্ময়ত্ব ভাব আপনিই আর্জিরা পড়ে। প্রহুগাদের
 ও তাহাই হইয়াছিল।

কচিস্তদভাবনাযুক্ত স্তম্ভয়োহনুচকার হ ॥ ভাগঃ ৭।৪।৩০ ।

—কখনও কখনও ভগবদ্ ভাবনার অভিনিবিষ্ট হওয়াতে, স্তম্ভ হইয়া তদীয় চেষ্টাদির অর্থাৎ লীলাদির অনুকরণ করিতেন । ভাগঃ ৭।৪।৩০ ।

রাসলীলার উক্ত আছে যে, কৃষ্ণবিরহে গোপীগণেরও এই স্তম্ভ ভাবের উদয় হইয়াছিল, এবং তাঁহারা আপনাদিগকে কৃষ্ণ মনে করিয়া তদীয় লীলাদির অনুকরণ করিয়াছিলেন ।

ইত্যনন্তবচো গোপ্যাঃ কৃষ্ণাশ্বেষণকাতরাঃ ।

লীলা ভগবতস্তাস্তা হনুচক্রস্তদাশ্রিকাঃ ॥ ভাগঃ ১০।৩০।১৪ ।

—এই প্রকারে উন্নতবৎ প্রলাপ করিতে করিতে সেই সকল গোপী কৃষ্ণাশ্বেষণ নিমিত্ত বিহ্বল হইলেন । পরে তদাশ্রিকা হইয়া ভগবান্ শ্রীকৃষ্ণের লীলাসকল অনুকরণ করিতে লাগিলেন । ভাগঃ ১০।৩০।১৪ ।

ইহার পর বিস্তারিতভাবে বর্ণিত আছে যে, একজন গোপী নিজেকে কৃষ্ণ মনে করিয়া অপর গোপীকে পুতনা মনে করিয়া তাহার স্তন পান করিতে লাগিলেন ; অপর একজন আপনাকে কৃষ্ণ মনে করিয়া আর একজনের স্বন্ধে আরোহণ করতঃ বলিতে লাগিলেন, “অরে কালীয় ! এখান হইতে দূর হ” । আর একজন হস্তে একখণ্ড বস্ত্র উচ্চে ধরিয়া যেন বাতবর্ষ নিবারণ জন্য গোবর্দ্ধন পর্বত ধারণ করিয়াছেন, এই লীলার অনুকরণ করিতে লাগিলেন ইত্যাদি ॥

• এই প্রকার লীলাানুকরণ, তাঁহারা যে স্ব ইচ্ছায় প্রণোদিত হইয়া করিতেন, তাহা নহে । তখন তাঁহাদের ব্যক্তিগত নিজস্ব জ্ঞান—ভগবদ্ ভাবাবেশে সম্পূর্ণ তিরোহিত । আমরা শ্রীমৎ শ্রীকৃষ্ণচৈতন্যদেবের জীবনে ইহার প্রকৃষ্ট নিদর্শন পাই । গভীরায় দিব্যোন্মাদের সময়, কখনও তিনি গোপীভাবে বিভাবিত হইয়া, কৃষ্ণ বিরহে কীতর এবং তাঁহার অতি প্রিয়তম শ্রীকৃষ্ণকে “লম্পট” বলিয়া গালি দিতেও অকুণ্ঠিত । কখনও বা কৃষ্ণভাবে পাগলের গায় রাখার বিরহে যমুনা জ্ঞানে সমুদ্রে বাষ্প প্রদান করিতে বিধাহীন । অথচ বাহ্যদশায় যদি কেহ তাঁহাতে ভগবানের কোনও গুণ আরোপ করিত, তিনি কর্ণে অঙ্গুলি প্রদান করিয়া দীন ভাবে ভগবানের নাম উচ্চারণ করতঃ অপরোধের ক্রমা প্রার্থনা করিতেন ।

এই প্রকার তন্নয়ন ভাব সাধনার উচ্চাবস্থায় স্বভাবতঃই হইয়া থাকে।
উপরে যে তিনটি দৃষ্টান্ত (প্রহ্লাদ, গোপী ও শ্রীকৃষ্ণচৈতন্য মহাপ্রভু) দেওয়া
হইল, সে সব কয়টি ভক্তিমার্গের উচ্চতম সাধক সম্বন্ধে, যাহাদের নিকট
জীবব্রহ্মের একত্ব বা অভেদচিন্তা মহা অপরাধের বিষয়।

অতএব বুঝা গেল যে, এই প্রকার অভেদচিন্তা ভক্তিমার্গের
উপাসনার প্রকারভেদ মাত্র। ইহা জীব ও পরব্রহ্মের স্বরূপৈকত্ব-জ্ঞান
বিষয়ক নহে।

স্তিতি :—

১ । যথা স্বং সহ পুত্রৈশ্চ যথা ক্রজ্ঞো গণৈঃ সহ ।

যথা ত্রিগ্নাভিযুক্তোহহং তথা ভক্তো মম প্রিয়ঃ ॥

(গোপাল উত্তর তাপনী ৮৯) ।

—ভগবান্ ব্রহ্মাকে বলিতেছেন :—হে ব্রহ্মণ, ! তুমি যেমন পুত্রগণের সহিত, ক্রজ্ঞ যেমন স্বগণের সহিত, আমি যেমন স্ত্রীর সহিত আনন্দে বাস করি, ভক্তও সেইরূপ আমার অতি প্রিয় ।

(গো. উ. তা. ৮৯) ।

২ । ধ্যায়েন্নম প্রিয়ো নিত্যং স মোক্ষমধিগচ্ছতি ।

স মুক্তো ভবতি তস্মৈ স্বাশ্বনং তু দদামি বৈ ॥

(গোপাল উত্তর তাপনী ২৯-৩০) ।

—আমার প্রিয় ভক্ত আমাকে নিত্য ধ্যান করিয়া মুক্তিলাভ করে ।

আমি তাহাকে আশ্বদান করিয়া থাকি । (গো. উ. তা. ২৯-৩০) ।

মূল :—৩।৩।৪৬ ॥

•অতিদেশাচ্চ ॥ ৩।৩।৪৬ ॥

অতিদেশাৎ + চ ॥

অতিদেশাৎ :—তুলনা হেতু । চ :—ও ।

পূর্বশ্লোকের শিরোদেশে উক্ত গোপাল উত্তর তাপনী শ্রুতির ৩ মন্ত্রের অল্প পরেই বর্তমান শ্লোকের শিরোদেশে উক্ত মন্ত্র কয়টি আছে । ইহাদের মধ্যে ৮৯ মন্ত্রে ভক্ত যে তাঁহার অতি প্রিয়, ব্রহ্মার পুত্রগণ যেমন প্রিয়, ক্রজ্ঞের স্বগণ যেমন প্রিয়, এবং ভগবানের স্ত্রী যেমন প্রিয়া, ভক্তগণও তাঁহার সেইরূপ প্রিয়—এই প্রকার তুলনামূলক উক্তি রহিয়াছে । যদি উপাস্ত্র ও উপাসক—উভয়ের একান্ত অভেদ হইত, তাহা হইলে এ প্রকার তুলনা সঙ্গত হইত না । অতএব, প্রতিপাদিত হইল যে, উক্ত প্রকার “সোহহম্” (গোঃ উঃ তাঃ ৩) জ্ঞানে চিন্তা বা ধ্যান ভক্তিমার্গীর উপাসনার প্রকার বিশেষ মাত্র । উপাস্ত্র ও উপাসকের অর্থে জ্ঞান উপাস্ত্র উদ্দেশ্য নহে । বিশেষতঃ গোপাল

উত্তর তাপনী শ্রুতির ২৯-৩০ মন্ত্রে স্পষ্ট কথিত আছে যে, “আমার প্রিয় ভক্তকে আমি আত্মদান পর্যন্ত করিয়া থাকি”। অতএবে এ প্রকার উক্তিও সঙ্গত নহে।

রাম পূর্বতাপনী, রাম উত্তর তাপনী প্রভৃতি শ্রুতিতে যে “সোহহম্” জানে ধ্যান বা চিন্তার উপদেশ আছে, তাহার উদ্দেশ্যও ঐ একই।

ভাগবত বলিতেছেন :—

সাধবো হৃদয়ং মহ্যং সাধুনাং হৃদয়স্বহম্ ।

মদাত্মন্তে ন জানন্তি নাহং তেভ্যো মনাগপি ॥ ভাগঃ ৯।৪।৪৯

—সাধুগণই আমার হৃদয় এবং আমিই সাধুগণের হৃদয়—অর্থাৎ আমরা উভয়ে পরস্পরের হৃদয়-ভাব অবগত আছি। তাঁহারা আমাকে ব্যতীত অপর কাহাকেও জানে না ; আমিও তাঁহাদের ভিন্ন অণু কিছুই জানি না।

ভাগঃ ৯।৪।৪৯ ।

একান্ত অতএবে এ প্রকার উক্তি সঙ্গত নহে। অতএব, অতএব চিন্তন উপাসনার প্রকারভেদ মাত্র প্রতিপাদিত হইল।

২২। বিজ্ঞাধিকরণ ॥

ভিত্তি :—

১। “তমেব বিদিত্বাহতিমৃত্যুমেতি নাশ্চ পশ্চা বিজ্ঞাতেহন্নায় ॥”

(শ্বেতাঃ ৩৮ ; নৃঃ পুঃ তাঃ ১৬)

—তাঁহাকে জানিয়াই মৃত্যু অতিক্রম করা যায়, অর্থাৎ মোক্ষলাভ হয়। আশ্রয়ের অন্য পথ নাই। (শ্বেতাঃ ৩৮ ; নৃঃ পুঃ তাঃ ১৬)

২। “তমেব বিদ্বানমৃত ইহ ভবতি ।” (পুরুষ সূক্ত যজুঃ) ।

—তাঁহাকে জানিতে পারিলে অমরত্ব লাভ হয়।

(পুরুষ সূক্ত যজুঃ) ।

৩। “কর্মণৈব হি সংসিদ্ধিমাস্থিতা জনকাদয়ঃ ।” (গীতাঃ ৩২০)

—জনকাদি কর্ম করিয়াই সম্যক জ্ঞান প্রাপ্ত হইয়াছিলেন।

(গীতা ৩২০) ।

সংশয় :—শিরোদেশে উদ্ধৃত শ্রুতি ও স্মৃতি প্রমাণ দৃষ্টে সংশয় হয় যে, মুক্তি—বিজ্ঞা দ্বারা প্রাপ্য, বা কর্ম দ্বারা প্রাপ্য, অথবা, উভয়ের সমুচ্চয় হইলে, অর্থাৎ একত্রে অন্তর্গত হইলে, তবে প্রাপ্য? কর্ম দ্বারা মুক্তি প্রাপ্য—কারণ পরম্পরা ৩৪২ হইতে ৩৪৭ সূত্রে বিবৃত হইবে। যদি বল যে, কেবল মাত্র কর্ম দ্বারা মুক্তি লভ্য নহে, তাহা হইলে পক্ষী যেমন দুই পক্ষের সাহায্যে অন্তরীক্ষে বিচরণ করে, সেইরূপ কর্ম ও বিজ্ঞা উভয়ের একত্র অন্তর্গতই মুক্তির হেতু—ইহাই সঙ্গত সিদ্ধান্ত হউক। বিশেষতঃ বিজ্ঞা লাভের হেতুও কর্ম। সুতরাং হয় কর্ম একাকী বা কর্ম ও বিজ্ঞা উভয়ে একযোগে মুক্তির হেতু হউক। কিন্তু শ্বেতাশ্বতর শ্রুতির ৩৮ মন্ত্র ইহার অন্তরায়। অতএব কর্ম বা বিজ্ঞা অথবা কর্ম ও বিজ্ঞা উভয়ে মুক্তির হেতু, ইহা অনির্দিষ্ট রাখিয়াছে। ইহার উত্তরে সূত্র :—

সূত্র :—৩৩৪৭ ।

বিদ্বৈব তু তন্নির্ধারণাৎ ॥ ভাগঃ ৩৩৪৭ ॥

বিজ্ঞা + এব + তু + তৎ + নির্ধারণাৎ ॥

বিজ্ঞা :—শাস্ত্রজ্ঞান পূর্বক উপাসনা। এব :—নিশ্চয়ই। তু :—পূর্বগত
নিরসনার্থ। তৎ :—তাহা। নির্দ্ধারণাৎ :—অবধারণ হেতু।

বিজ্ঞা অর্থাৎ জ্ঞানপূর্বিকা ভক্তিই মোক্ষলাভের হেতু, কারণ শ্রুতিতে তাহা
স্পষ্ট নির্দ্ধারিত হইয়াছে। খেতাস্বতর শ্রুতির ৩৮ মন্ত্র এবং যজুর্বেদের পুরুষ
সূক্তের মন্ত্রাংশ উপরে উদ্ধৃত হইয়াছে। মুণ্ডক শ্রুতির ৩২।২ মন্ত্রাংশ—
“ব্রহ্ম বেদ ব্রহ্মৈব ভবতি”—“যিনি ব্রহ্মকে জানেন, তিনি ব্রহ্মই হন”—
ইহাই প্রতিপাদন করে। “ব্রহ্মকে জ্ঞান”—অর্থ, ভক্তিপূর্বক তাঁহার
উপাসনা দ্বারা তাঁহার স্বরূপ জ্ঞান লাভ; এবং “ব্রহ্মই হন”—ইহার অর্থ,
“মোক্ষপ্রাপ্ত হন”। অতএব শ্রুতিতে স্পষ্ট নির্দ্ধারিত হইয়াছে যে—
বিজ্ঞা বা জ্ঞানপূর্বিকা ভক্তিই মোক্ষহেতু। কর্ম একাকী বা কর্ম ও বিজ্ঞা উভয়ে
নহে। বিজ্ঞা যখন একাই সমর্থ, তখন আবার কর্ম সাহায্য প্রয়োজন কি?

ভাগবত এই কথাই বলিয়াছেন :—

এবং গুরূপাসনরৈকভক্ত্যা বিজ্ঞাকুঠারোগ শিতেন ধীরঃ ।

ভাগঃ ১১।১২।২২

—ইহার অর্থ ৩৩।৪৩ সূত্রের আলোচনায় দেওয়া হইয়াছে।

ভিত্তিতে হৃদয়গ্রহিচ্ছিন্দ্যন্তে সর্বসংশয়াঃ ।

ক্ষীয়ন্তে চাস্ত কৰ্ম্মানি দৃষ্ট এবাঅনৌশ্বরে ॥ ভাগঃ ১।২।২১,

ক্ষীয়ন্তে চাস্ত কৰ্ম্মানি ময়ি দৃষ্টেহখিলাঅনি ॥ ভাগঃ ১১।২।৩০

—তত্ত্বজ্ঞান হইলেই আত্মস্বরূপ ঈশ্বর সাক্ষাৎকার হইল, তাহার পরে
অহকার রূপ হৃদয়গ্রহি আপনা হইতেই ভাঙ্গিয়া যায় এবং অসম্ভাবনারূপ
সকল সংশয় ছিন্ন হয়, আর জন্মমুখীয় স্কৃতি দুষ্কৃতি নিবন্ধন অপ্রারক
কর্মসকল যাহা উত্তর কালে ভোগ করিতে হইবে, তৎসমুদায়ও ক্ষয়
হইয়া যায়, অর্থাৎ আর তাহা ভোগ করিতে হয় না।

ভাগঃ ১।২।২১, ১১।২।৩০

বিজ্ঞাবিজে মম তনু বিদ্ধ্যাক্বব শরীরিণাম্ ।

বন্ধমোক্ষকরী আণ্ডে মায়য়া মে বিনির্ম্মিতে । ভাগঃ ১১।১১।৩

—হে উদ্ধব! বিজ্ঞা ও অবিজ্ঞা উভয়ই আমার শক্তি। উভয়ই অনাদি।

ইহাদের মধ্যে অবিজ্ঞা জীবের বন্ধকরী এবং বিজ্ঞা জীবের মোক্ষকরী।

উভয়ই আমার মায়ী দ্বারা নির্ম্মিত জানিবে। ১১।১১।৩।

ভিত্তিঃ—

“ভিত্তিতে হৃদয়গ্রন্থিচ্ছিত্তে সর্বসংশয়াঃ ।

• ক্ষীয়ন্তে চাস্মি কৰ্ম্মাণি তস্মিন্ দৃষ্টে পরাবরে ॥ (মুণ্ডক ২।২।৮)

—সেই পরাবর (“পর”, অর্থাৎ ব্রহ্মাদি শ্রেষ্ঠ দেবতাগণ—“অবর” অর্থাৎ নীচ হইয়াছেন, যাহা হইতে) ঈশ্বর দর্শন হইলে, হৃদয়গ্রন্থি (অহংকার) ভেদ হয়, সর্বসংশয়ের নিরাস এবং সমুদায় কর্ম্মের ধ্বংস হয় । (মুঃ ২।২।৮)

সূত্র :- ৩।৩।৪৮ ।

দর্শনাচ্চ ॥ ৩।৩।৪৮ ॥

দর্শনাৎ + চ ॥

দর্শনাৎ :-দর্শন হইতে, শ্রুতিতে কথন হেতু । **চ :-**ও ।

বিভাঃ দ্বারা শ্রীভগবানের সাক্ষাৎকার লাভও হইয়া থাকে ।

পূর্বে সূত্রে উদ্ধৃত ভাগবত শ্লোক দ্রষ্টব্য ।

[রামানুজাচার্য্য ৩।৩।৪৭ ও ৩।৩।৪৮ দুইটি মিলাইয়া একই সূত্ররূপে ব্যবহার করিয়াছেন । শঙ্কর, মধ্ব, বল্লভ, বলদেব পৃথক ব্যবহার করায়, আমরাও পৃথক ব্যবহার করিলাম ।]

ভিত্তি :—

১। “ভমেব বিদিহাহতিমৃত্যুমেতি নাশ্চ পশ্চা বিদ্যতেহয়নায়” ॥
(শ্বেতা: ৩।৮)

—৩।৩।৪৭ সূত্রের শিরোদেশে ইহার অর্থ দেওয়া হইয়াছে ।

২। “ইন্দ্রোহশ্বমেধাচ্ছতমিষ্ট্র্যাপি রাজা
ব্রহ্মাণমীড়্যং সমুবাচোপসন্নঃ ।
ন কৰ্ম্মভির্নধনৈর্নাপিচাশ্চৈঃ পশ্চোং সুখং
তেন তত্ত্বং ক্রবীহি” ॥

—দেবরাজ ইন্দ্র শতশ্বমেধ অমুষ্ঠান করিয়া ইন্দ্রত্ব প্রাপ্ত হন ।
পরে পূজনীয় ব্রহ্মার নিকট উপসন্ন হইয়া কহিলেন, কৰ্ম্ম, ধন বা অশ্রু
কোনও বস্তু দ্বারা সুখলাভ হয় না, আমাকে তত্ত্ব উপদেশ প্রদান
করুন ।

৩। “নাস্ত্যকৃতঃ কৃতেন” । (মুণ্ডক ১।২।১২)

—কৃত বা কৰ্ম্ম দ্বারা অকৃত বা মুক্তি লাভ হয় না । (মু: ১।২।১২)

৪। “তং বিদ্যাকৰ্ম্মণী সমন্বারভেতে...” ॥ (বৃহদারণ্যক ৪।৪।২)

—বিদ্যা এবং কৰ্ম্ম সঙ্গে সঙ্গে তাঁহার (মৃতজীবের) অমুগমন
করিয়া থাকে । (বৃহ: ৪।৪।২)

৫। “কৰ্ম্মণৈব হি সংসিদ্ধিমাশ্চিত্তা জনকাদয়ঃ” । (গী: ৩।২০)

—জনক প্রভৃতি কৰ্ম্মদ্বারাই সংসিদ্ধি লাভ করিয়াছিলেন ।

(গী: ৩।২০)

সংশয় :—শাস্ত্রে কৰ্ম্ম দ্বারা মুক্তি লাভ (গীতা, ৩।২০) অথবা বিদ্যা ও
কৰ্ম্ম উভয় দ্বারা মুক্তি (বৃহদা: ৪।৪।২) সিদ্ধ হয়, উল্লিখিত থাকা সত্ত্বেও, তুমি
বিদ্যা দ্বারাই মুক্তি লভ, এই সিদ্ধান্ত করিতেছ । কি করিয়া তোমার সিদ্ধান্ত
গ্রহণ করা যায় ? ইহার উত্তরে সূত্র :—

সূত্র :—৩।৩।৪৯ ।

শ্রুত্যাদি-বলীয়স্তাচ্চ ন বাধঃ ॥ ৩।৩।৪৯ ॥
শ্রুত্যাদি + বলীয়স্তাৎ + চ + ন + বাধঃ

শ্রুতি :—শ্রুতি । আদি :—প্রভৃতি—লিঙ্গ বা দৃষ্টান্ত বা যুক্তি ইত্যাদি ।
বলীয়স্বাৎ :—বলবস্তুর হেতু । ন :—না । বাধঃ :—বাধা ।

• শ্রুতি, দৃষ্টান্ত, যুক্তি প্রভৃতি বলবস্তুর প্রমাণ থাকা হেতু পূর্বেকৃত সিদ্ধান্তের বাধা হয় না ।

শ্রুতি প্রমাণ, (১) খেতাবতর উপনিষদের ৩৮ মন্ত্র, (২) যজুর্বেদীয় পুরুষসূক্তের উদ্ধৃত মন্ত্রাংশ, (৩) মুণ্ডক শ্রুতির ৩।২।২ মন্ত্রাংশ যাহা ৩।৩।৪৫ সূত্রে উল্লিখিত হইয়াছে—ইহার স্পষ্টরূপে নির্ধারণ করে যে, বিচারই মুক্তির হেতু । দৃষ্টান্ত দেখ :—ইন্দ্র দেবরাজ হইয়াও এবং কৰ্ম্মদ্বারা ইন্দ্র লাভ করিয়াও যখন বুঝিলেন যে, কৰ্ম্ম সূতের কারণ নহে, তখন তিনি বিচারভেদে জন্ম ব্রহ্মার শরণাগত হইয়াছিলেন । যুক্তিও দেখ :—কৰ্ম্ম নশ্বর, সূতরাং তাহার ফল নশ্বর, উহার দ্বারা নিত্য শাস্ত ফলরূপ মুক্তি প্রাপ্তি কি করিয়া হইতে পারে? ইহাও মুণ্ডক শ্রুতির শিরোদেশে উদ্ধৃত ১।২।১২ মন্ত্রাংশে স্পষ্ট কথিত আছে ।

তুমি যে বৃহদারণ্যক শ্রুতির ৪।৪।২ মন্ত্রাংশ উল্লেখ করিতেছ, তাহার উত্তর পরে ৩।৪।১১ সূত্রে দেওয়া হইবে ।

ভাগবতের প্রমাণ পূর্বে দেওয়া হইয়াছে । এখানে আর একটি মাত্র শ্লোকের উল্লেখ করা হইল :—

একশ্চৈব মমাংশস্য জীবশ্চৈব মহামতে ।

বন্ধোহশ্চাবিভয়ানাংদেবিভয়ানাং চ তথৈতরঃ ॥ ভাগঃ ১।১।১।৪

—২।১।২৩ সূত্রের আলোচনায় (পৃঃ ৭২৬) ইহার অর্থ দেওয়া হইয়াছে ।

• এই শ্লোক হইতে দৃষ্ট হইবে যে, অবিভা দ্বারা বন্ধ এবং বিভা দ্বারা ই মুক্তি । কৰ্ম্ম—গুণ সঙ্ঘাত । কৰ্ম্ম দ্বারা মুক্তি লভ্য নহে । কৰ্ম্ম মাত্রই নশ্বর এবং কৰ্ম্মদ্বারা কৰ্ম্মের আভ্যন্তরিক ধ্বংস হয় না, সূতরাং মুক্তিও হয় নী । ইহা ১।১।১ সূত্রের আলোচনায় উদ্ধৃত ভাগবতের ১।১।৩।২১, ১।১।৩।২৭, ৩।১।১০, ১।১।৪।১০ শ্লোক হইতে প্রতিপাদিত হইবে (পৃঃ ৩৬৩২) । আর বিস্তারের প্রয়োজন নাই ।

২৩। অনুবন্ধাধিকরণ ॥

তিত্ত্বি:—

১। “মাতৃদেবো ভব। পিতৃদেবো ভব। আচার্য্যাদেবো ভব।
অতিথিদেবো ভব।” (তৈত্ত্বি: ১।১।১২)।

—মাতা, পিতা, আচার্য্য ও অতিথিকে দেবতার গায় ভক্তি করিবে।
(তৈত্ত্বি: ১।১।১২)

সংশয়:—যদি গুরুর প্রসাদ ও ভগবদুপাসনা মুক্তিলাভের হেতু, তবে মাতা, পিতা, আচার্য্য ও অতিথিকে দেবতার গায় ভক্তি অর্থাৎ সত্বপাসনা করিবার উপদেশ আবার কেন? মাতা, পিতা ও আচার্য্য দেবকে ভক্তি করা বরং বুঝিতে পারি, কিন্তু অতিথিকে দেবতার গায় ভক্তি করিবে, ইহার প্রয়োজন কি? তোমার সিদ্ধান্তানুসারে গুরুর কৃপা এবং ভগবদুপসনাই ত যথেষ্ট। সুতরাং সত্বপাসনা করণীয় নহে। ইহার উত্তরে সূত্রকার সূত্র করিলেন:—

সূত্র:—৩।৩।৫০।

অনুবন্ধাদিভ্য: ॥ ৩।৩।৫০ ॥

অনুবন্ধাদিভ্য: :—অনুবন্ধ প্রভৃতি হেতু। অনুবন্ধ—উপক্রম, উপায় বা সম্বন্ধ প্রভৃতি হইতে।

“অনুবন্ধ”—“অনু,” পশ্চাৎ, “বন্ধাতি”—সম্বন্ধ স্থাপন করে—অর্থাৎ, আনুশঙ্গিক উপায় রূপে যাহার সম্বন্ধ আছে।

গুরুর কৃপা এবং ভগবদুপাসনা মুক্তির উপায় ত বটেই। কিন্তু সাধুসঙ্গ, ভক্তসেবা, তীর্থস্থান, অন্ত দেবতার শ্রদ্ধা ভক্তি করা প্রভৃতিও কর্তব্য। ইহারা আনুশঙ্গিক ব্যাপার। পূর্বে প্রতিপাদিত হইয়াছে যে, সর্বভূতে ভগবদ্ভাব দর্শনই প্রকৃষ্ট ভগবদুপাসনা। সুতরাং যে ব্যক্তি প্রকৃত ভগবদুপাসক, সে অন্ত যে কোনও জীবকে শ্রদ্ধা ভক্তি প্রভৃতি না করিয়া থাকিতে পারে না। যদি না করে, তবে তাহার সাধনার হানি হয়। পিতা, মাতা, আচার্য্য ও অতিথিকে দেবতার গায় শ্রদ্ধা ভক্তি করা, তাহার সাধনার আনুশঙ্গিক রূপ। সাধু বা ভক্ত

•সেবা সব্বদেও ঐ একই কথা । উঁহারা তাঁহার প্রিয়তম ইষ্টদেবের চিহ্নিত জীব বলিয়া তাঁহার কাছে, সেই প্রিয়তমের ন্যায়ই পূজ্য ও ভক্তির পাত্র ।

• ভাগবতে সাধুগণের মহিমা বহুস্থানে কীর্তিত আছে :—

রহুগণৈতত্তপসা ন যাতি
নচেজ্যয়া নিৰ্ব্বপণাদ্গৃহাদ্বা ।
ন ছন্দসা নৈব জলাগ্নিসূর্য্যে-
র্বিনা মহৎপাদরজোহভিষেকম্ ॥

ভাগঃ ৫।১২।১২

• —ইহার অর্থ ৩।৩।২১ শ্লোকের আলোচনায় (পৃঃ ১৪৮০-৮১) দেওয়া হইয়াছে ।

নৈষাং মতিস্তাবত্ক্রমাঙ্ঘ্রিঃ
স্পৃশত্যনর্থাপগমোযদর্থঃ ।

মহীয়সাং পাদরজোহভিষেকং

নিষ্কিঞ্চনানাং ন বৃণীত যাবৎ ॥ ভাগঃ ৭।৫।২৫ ।

—যতদিন পর্য্যন্ত নিষ্কিঞ্চন (নিষ্কাম) ভগবদ্ভক্ত মহাপুরুষগণের পাদরজোহভিষেক লাভ না হয়, ততদিন ইহাদের মতি সমুদায় অনর্থনাশের মূল স্বরূপ ভগবানের চরণ স্পর্শ করিতে পারে না ।

ভাগঃ ৭।৫।২৫ ।

নহ্ময়ানি তীর্থানি ন দেবা মৃচ্ছিলাময়াঃ ।

তে পুনস্ত্যক্কালেনং দর্শনাদেব সাধবঃ ॥ ভাগঃ ১০।৪৮।৩১,

...যুগং দর্শনমাত্রতঃ ॥ ভাগঃ ১০।৮৪।১১, ভাগঃ ১২।১০।১৭ ।

•—জলময় স্থান তীর্থ নহে এবং মৃৎপাষণময়ী মূর্ত্তি দেবতা নহে, এরূপ নহে । তাহারা তীর্থ ও দেবতা বটে । কিন্তু তাহারা বহুকালে মাহুষকে পবিত্র করিতে পারেন, কিন্তু সাধুগণ দর্শনমাত্রেই পবিত্র করেন ।

ভাগঃ ১০।৪৮।৩১, ১০।৮৪।১১, ১২।১০।১৭

সংসারেহ্মিন্ কৃণার্কোহপি সংসজঃ সেবধিনূর্ণাম্ ॥

ভাগঃ ১১।২।২৮

—এই সংসারে ঋণার্হের জন্মও সাধুসঙ্গলাভ মহুদিগের পরম নিধি লাভ ।

ভাগ: ১১।২।২৮

প্রায়শ্চিন্ত্যেণ ভক্তিয়োগেন সংসঙ্গেন বিনোদ্ধব ।

নোপায়োবিভৃতে সম্যক্ প্রায়ণং হি সতামহম্ ॥ ভাগ: ১১।১১।৪৭

—হে উদ্ধব! সাধুসঙ্গ জনিত ভক্তিয়োগ ব্যতীত সংসারতারণের সম্যক্ উপায় আর নাই। যেহেতু, আমিই সাধুদিগের প্রকৃষ্ট আশ্রয়, অতএব সংসঙ্গই আমার অন্তরঙ্গ সাধন। ভাগ: ১১।১১।৪৭।

সংসঙ্গলক্ষণা ভক্ত্যা ময়ি মাং স উপাসিতা ।

স বৈ মে দর্শিতং সন্তিরঞ্জসা বিন্দতে পদম্ ॥ ভাগ: ১১।১১।২৫

—সেই উপাসক সংসঙ্গ লক্ষণ আমাতে ভক্তিধারা আমার ভক্ত হইলে, সাধুকর্তৃক দর্শিত আমার পরমপদ অনায়াসে প্রাপ্ত হন।

ভাগ: ১১।১১।২৫।

ভগবান্ নিজমুখেই সাধুসঙ্গের গুণকীর্তন করিয়াছেন :—

ন রোধয়তি মাং যোগো ন সাংখ্যং ধর্ম্ম এব চ (উদ্ধব) ।

ন স্বাধ্যায়স্তপস্ত্যাগো নেষ্টাপূর্ত্তং ন দক্ষিণা ॥ ভাগ: ১১।১২।১

ব্রতানি যজ্ঞশ্চন্দাংসি তীর্থানি নিয়মা যমাঃ ।

যথাবরুদ্ধে সংসঙ্গঃ সর্ব্বসঙ্গাপহো হি মাম্ ॥ ভাগ: ১১।১২।২

—হে উদ্ধব! সর্ব্বসঙ্গছেদকারী সাধুসঙ্গ দ্বারা আমি যাদৃশ বাধ্য হই, সাংখ্য, যোগ, ধর্ম্ম, বেদপাঠ, তপস্যা, ত্যাগ, ইষ্টাপূর্ত্ত, দক্ষিণা, ব্রত, বেদসকল, তীর্থসকল, যম, নিয়ম প্রভৃতি দ্বারা তাদৃশ বাধ্য হই না।

ভাগ: ১১।১২।১-২।

সূত্রস্থ “আদি” শব্দ দ্বারা তীর্থ গমন, পরনিন্দা পরিত্যাগ প্রভৃতি বুঝাইতেছে।

শুশ্রূষোঃ শ্রদ্ধধানশ্চ বাসুদেবকথাকুচিঃ ।

শ্রামহংসেবয়া বিপ্রাঃ পুণ্যতীর্থনিবেষণাং ॥ ভাগ: ১।২।১৬

—পুণ্যতীর্থসেবা দ্বারা সাধুসঙ্গ লাভ হয় এবং সাধুসঙ্গলাভে শ্রদ্ধাপূর্ব্বক শ্রবণাভিলাষীর বাসুদেব কথায় কুচি জন্মে। ভাগ: ১।২।১৬।

অতএব, সাধুসঙ্গের জন্ম পুণ্য তীর্থ সেবাদিও বরণীয়।

ইহাতে পূর্বপক্ষ পুনরায় আপত্তি উত্থাপন করিতেছেন যে, ভগবদনুগ্রহেই গুরু ও সাধুসঙ্গ লাভ হইয়া থাকে, এ সিদ্ধান্ত পূর্বে স্থাপন করিয়াছি, তবে বলনা কেন যে, ভগবদ্ কৃপাই মুখ্য। জীবের যে কর্তৃত্ব, তাহা ঈশ্বর নিরপেক্ষ নহে, ইহা তুমি ২।৩।৪১ সূত্রে সিদ্ধান্ত করিয়াছি। তাহা হইলে জীবের অদৃষ্টও ঈশ্বর কর্তৃক গঠিত। সুতরাং গুরুর প্রসাদ বা সংসঙ্গও মুক্তির কারণ, ইহা বলিবার কোনও প্রয়োজন দেখিতেছি না।

ইহার উত্তরে সিদ্ধান্তবাদী বলিতেছেন, গুরুকৃপা, সংসঙ্গলাভ এবং সাধুর কৃপালাভ, এ সমস্তই ভগবদনুগ্রহে হইয়া থাকে, ইহা খুবই সত্য। তাহা হইলেও ভগবান্ নিজে ভক্তবশ। তিনি তাঁহার ভক্ত-গুরু ও সাধুদিগের মধ্য দিয়াই তাঁহার কৃপা উপাসকের সকাশে প্রেরণ করেন। ইহাতে তিনি নিজভক্ত মহিমা বৃদ্ধি করেন। ইহাই তাঁহার স্বভাব ও বিশেষত্ব। সকল সময়েই তিনি নিজ ভক্তগণের প্রাধান্য প্রদান করিয়া থাকেন। ২।৩।৪২ সূত্রে ভক্ত মহিমার আলোচনা করিয়াছি। যদি কোনও উপাসক, সাধুকৃপা বা গুরুকৃপা প্রাপ্ত হন, তখন ভগবানই গুরু বা সাধু মূর্তিতে তাঁহাকে কৃপাদান করিতেছেন মনে করিয়া ভগবদপদে অধিকতর নিষ্ঠ হন। বিশেষতঃ পূর্বে বলিয়াছি, যে ব্যক্তি প্রকৃত ভক্ত, সে তাঁহার প্রিয়তম ভগবানের অগ্র ভক্তকে ভক্তি শ্রদ্ধা সেবাদি না করিয়া থাকিতে পারে না। অতএব, সমুদায় শাস্ত্রের সামঞ্জস্য সম্পাদন এবং বিরোধের পরিহার করা হইল।

তিনি ভক্তকে এত ভালবাসেন যে, তিনি বলিয়াছেন :—

যে মে ভক্তজনাঃ পার্থ ! ন মে ভক্তাশ্চ তে জনাঃ ।

মদ্ভক্তানার্কং যে ভক্তা স্তেমে ভক্ততমা মতাঃ ॥

—হে পার্থ! যাহারা আমার ভক্ত, তাহারা আমার উত্তম ভক্ত নহে।

যাহারা আমার ভক্তগণের ভক্ত, তাহারা আমার উত্তম ভক্ত।

ইহা তাঁহার ভক্তবৎসলতা গুণের পরিচয়, এবং এই জন্যই ভক্ত সমুদায় পরিভ্রাম্য করিয়া তাঁহাকে আত্মবিক্রম করিয়া থাকেন, এবং সালোক্য, সান্ধি, সামীপ্য, সায়ুজ্য, এমন কি তাঁহার লহিত একত্র পর্য্যন্তও তিনি দিতে আগ্রহান্বিত হইলেও, চান না। তাঁহার চরণ সেবাই প্রার্থনা করেন।

(ভাগবত ৩।২।১১)

২৪। প্রজ্ঞাস্তরাধিকরণ।

ভিত্তি:—

১। “সর্বং খন্দিং ব্রহ্ম তচ্ছলানিতি শাস্ত্র উপাসীত। অথ খলু ক্রতুময়ঃ পুরুষো যথা ক্রতুরন্মিল্লোকে পুরুষো ভবতি তথেষতঃ প্রেত্য ভবতি। স ক্রতুং কুব্বীত ॥” (ছান্দোগ্য ৩।১৪।১)

—ব্রহ্ম হইতে জাত, ব্রহ্মে অবস্থিত, ব্রহ্মদ্বারা জীবিত এবং অস্তে ব্রহ্মে লয়প্রাপ্ত এই সমস্ত ব্রহ্মাণ্ডই ব্রহ্মময়। অতএব শাস্ত্র হইয়া ব্রহ্মের উপাসনা করিবে। যেহেতু, পুরুষ (জীব) সংকল্প প্রধান। পুরুষ ইহলোকে যাদৃশ সংকল্প সম্পন্ন হয়, প্রয়াণের পরও সেইরূপ হইয়া থাকে। অতএব পুরুষ উত্তম ক্রতু (সংকল্প) করিবে।
(ছাঃ ৩।১৪।১)।

২। “তদা বিদ্বান্ পুণ্যাপাণে বিধূয় নিরঞ্জনঃ পরমং সাম্যমুপৈতি” ॥
(মুণ্ডকঃ ৩।১।৩)

—তখন বিদ্বান্ পুণ্যাপাণ পরিত্যাগ পূর্বক নিষ্পাপ হইয়া নিরতিশয় সাম্যভাব প্রাপ্ত হয়। (মুঃ ৩।১।৩)।

সংশয় :—ছান্দোগ্য শ্রুতির ৩।১৪।১ মন্ত্রে ব্রহ্মোপাসনা সম্বন্ধে স্পষ্ট কথিত আছে যে, জীব যে প্রকার সংকল্প করিয়া ইহলোকে কর্মানুষ্ঠান করে, পরলোকেও সেই প্রকার হয়। তাহা হইলে ব্রহ্মোপাসনার প্রকার ভেদ অনুসারে পরকালে ফলেরও তারতম্য হইতে পারে, ইহা শ্রুতির অভিপ্রায় বলিয়া বোধ হয়। কিন্তু মুণ্ডক শ্রুতি ৩।১।৩ মন্ত্রে ব্রহ্মোপাসক সিদ্ধিলব্ধ করিয়া পরম সাম্যভাব প্রাপ্ত হয়, ইহাস্পষ্ট উল্লিখিত আছে। অতএব শ্রুতিবিরোধ হইতেছে। সুতরাং প্রকৃত তত্ত্ব কি তাহা নির্ণয় করা আবশ্যিক। ব্রহ্ম যখন “**অনন্ত-রোহবাচঃ কুৎসঃ প্রজ্ঞানঘনঃ**” (বৃহঃ ৪।৫।১৩)—“অন্তর্কর্ষিঃশূন্য সমগ্র প্রজ্ঞান ঘন স্বরূপ”—তাহার স্বজাতীয়-বিজাতীয়-স্বগত ভেদ নাই, তখন মুণ্ডক শ্রুতি মন্ত্রানুসারে ভিন্ন ভিন্ন মার্গের ব্রহ্মোপাসকগণ পরম সাম্যভাব প্রাপ্ত হইয়া থাকেন, ইহাই সিদ্ধান্ত হইবে। কারণ, বিভিন্ন পথ দিয়া কোন নগরে প্রবেশ করিলে সকলে একই নগরের, একই দৃশ্যাবলী দেখিয়া থাকে; পৃথক নগর বা পৃথক দৃশ্যাবলী দেখে না।

এই প্রকার আগন্তির উত্তরে সূত্রকার সূত্র করিলেন :—

সূত্র :—৩।৩।৫১ ।

প্রজ্ঞাস্তর-পৃথক্ত্ববদ্ দৃষ্টশ্চ তচ্ছক্ৰম্ ॥ ৩।৩।৫১ ॥

প্রজ্ঞাস্তর + পৃথক্ত্ববৎ + দৃষ্টঃ + চ + তৎ + উক্তম্ ॥

প্রজ্ঞাস্তর :—ভিন্ন ভিন্ন প্রজ্ঞাসুসারে । পৃথক্ত্ববৎ :—ভিন্ন ভিন্ন প্রকারের
গ্রায় । দৃষ্টঃ :—ভিন্ন ভিন্ন উপাসক দ্বারা দৃষ্ট হইয়া থাকে । চ :—ও । তৎ :—
তাহা । উক্তম্ :—শ্রুতিতে কথিত আছে ।

• বৃহদারণ্যক শ্রুতিতে “বিজ্ঞায় প্রজ্ঞাং কুব্বীত” (বৃহঃ ৪।৪।২১) মন্ত্রাংশ
আছে । ইহার অর্থ শঙ্কর ভাষ্যাসুসারে এইরূপ—“বিজ্ঞায় উপদেশতঃ
শাস্ত্রতশ্চ, প্রজ্ঞাং—শাস্ত্রাচার্য্যোপদেষ্টবিষয়াং জিজ্ঞাসাপরিসমাপ্তিকরীং,
কুব্বীত এবং প্রজ্ঞাকরণ সাধনামি সন্ন্যাস-শম-দমোপরম-তিতিকা-
সমাধানামি কুর্যাদিতর্থঃ।”—শাস্ত্র ও আচার্য্যোপদেশ হইতে অবগত
হইয়া “প্রজ্ঞা” করিবে অর্থাৎ যাহাতে শাস্ত্র ও আচার্য্যোপদেশ হইতে বিজ্ঞাতব্য
বিষয়ে আর কোনও জিজ্ঞাসা (জানিবার ইচ্ছা) না থাকে, এমনভাবে সাধন
করিবে, এবং ইহার জগু প্রজ্ঞাসাধন—সন্ন্যাস, শম, দম, উপরতি, তিতিকা ও
সমাধি প্রভৃতির অচুঠান করিবে । সূত্রাং “বিজ্ঞান” অর্থ, শাস্ত্র বা আচার্য্যো-
পদেশ হইতে শাস্ত্র জ্ঞান লাভ, এবং “প্রজ্ঞা” অর্থ, উপাসনা—ইহাদের উভয়ের
পৃথক্ত্ব বর্তমান বুঝা গেল । এই পৃথক্ত্ব বশতঃ উপাসনালক্ষ ফলেরও তারতম্য হইয়া
থাকে । সকলের প্রজ্ঞা বা উপাসনা পদ্ধতি একপ্রকার নহে । নানা
প্রকার, এবং ভগবান্কে যিনি যেরূপভাবে ভজনা করেন, তিনিও তাঁহাকে
তদ্রূপভাবে প্রতিভজন করিয়া থাকেন (গীতা ৪।১১) । সূত্রাং ঈহাদের
ভজনা যেরূপ, তাঁহারা তাঁহাকে সেইরূপেই লাভ করে । ইহা প্রকাশ
করিবার জগুই ব্রহ্মোপাসনা সম্পর্কে ছান্দোগ্য শ্রুতির ৩।১৪।১ মন্ত্র ।
মুণ্ডক শ্রুতির ৩।১।৩ মন্ত্রের অর্থ এই যে, ব্রহ্মদর্শনে উপাসক নিরঞ্জন
বিষয়ে পরম সাম্য প্রাপ্ত হয় । অর্থাৎ, সকলেই মায়ার পারে অবস্থিত
পরম ব্রহ্মকে প্রাপ্ত হয় বটে, এবং তিনি যদিও সজাতীয়-বিজাতীয়-
স্বগত ভেদ রহিত তথাপি তাঁহার এরূপ অচিন্ত্য স্বরূপ শক্তি, যে,

যে উপাসক যে ভাবে বিভাবিত, তাঁহাকে সে সেই ভাবেই দর্শন করে। ইহাই প্রকৃত সিদ্ধান্ত। ইহাতে ষষ্ঠাক্রমু শ্রায়ের সার্থকতা সম্পাদিত হইল, ঋতিবিরোধ নিরাকৃত হইল এবং শিরোদেশে উক্ত উভয় ঋতিই সার্থক প্রতিপাদিত হইল। তাঁহাকে যে ভক্ত যেরূপে ভাবে, তিনি তাহার সমক্ষে সেইরূপে আবির্ভূত হইয়া তাহার অভিলাষ পূরণ করিয়া থাকেন।

যদ্যচ্ছিয়া ত উরুগায় বিভাবয়ন্তি, তত্ত্বদ্বপুঃ প্রণয়সে সদনুগ্রহায়।

ভাগঃ ৩।৯।১১

—১।২।৩০ শূত্রের আলোচনায় (পৃ: ৫৪২) সম্পূর্ণ শ্লোকটি ও তাহার অর্থ দেওয়া হইয়াছে।

এই প্রসঙ্গে ৩।২।২৬ শূত্রের আলোচনায় উক্ত (পৃ: ১৩৩৬) ভাগবতের ৬।৪।২৮ শ্লোক দ্রষ্টব্য।

তিনি সর্বভাবময়। যে যেভাবে তাঁহাকে উপাসনা করেন, তিনি তাঁহাকে সেই ভাবেই ফল প্রদান করেন। যিনি মা যশোদার শ্রায় বাৎসল্য ভাবে তাঁহার উপাসনা করেন, তাঁহার কাছে নিত্যধামেও তিনি শিশু গোপাল বেশে তাঁহার আনন্দ বিধান করেন। যাহারা গোপীগণ প্রদর্শিত কান্তুভাবে তাঁহার উপাসনা করেন, তাঁহাদের কাছে নিত্যধামেও তিনি নব কিশোর রাসরসিক বেশে রাসলীলা করিয়া তাঁহাদিগকে প্রেমে বিভোর করেন। যাহারা গোপবালকগণের শ্রায় সখ্যভাবে তাঁহার ভজনা করেন, তাঁহাদের কাছে নিত্যধামেও তিনি সখ্যরূপে তাঁহাদের সহিত ক্রীড়া করতঃ তাঁহাদের আনন্দ সমুদ্রে নিমজ্জিত করেন। সমুদায় পুরুষার্থের ফল স্বরূপ তিনি। এক্ষণে ভাগবত তাঁহাকে “ঐ বৈ সমস্ত পুরুষার্থময়ঃ ফলাত্মা” (ভাগঃ ১০।৬০।৩৬)—“তুমিই সমুদায় পুরুষার্থময় ও ফল স্বরূপ” এবং “সর্বভাবস্বরূপ” বলিয়াছেন, যথা :—

“নমস্তে সর্বভাবায় ব্রহ্মণেহনন্তশক্তয়ে।

কৃষ্ণায় বাসুদেবায় যোগানাং পতয়ে নমঃ। ভাগঃ (১০।৬৪।২৯)।

এই শ্লোকের টীকায় পূজ্যপাদ বিশ্বনাথ চক্রবর্তী মহাশয় বলিতেছেন :—“তত্ত্ব সর্বভাববিষয়ীভূত এব অসি, ইত্যাহ নম ইতি।

সর্বৈহপি ভাবা যন্মিৎসুত্মৈ । তত্র শাস্ত্রভাবস্য বিষয়ালম্বনমাহ—
 ব্রহ্মণে মূর্ত্তব্রহ্মস্বরূপায় । দাস্ত্রভাবস্যাহ, অনন্তশক্তায় মহামহৈশ্বর্যায় ।
 সখ্যভাবস্যাহ—কৃষ্ণায় কৃষ্ণাস্ত্রাজ্জুনস্য নামরূপগুণাদিভিঃ সাম্যাদেব
 সদানন্দদাত্রে । বাৎসল্যভাবস্যাহ—বাসুদেবায় বসুদেবপুত্রায় । উজ্জল-
 ভাবস্যাহ—যোগানাং ভক্তিয়োগময়ীনাং শ্রীকৃষ্ণিণ্যাदीনাং পতয়ে
 ভক্তে ।”—তুমি সমুদায় ভাবের বিষয়ীভূত, তোমাকে নমস্কার ।
 শাস্ত্রভাবের বিষয়ালম্বন স্বরূপ তুমি মূর্ত্তব্রহ্ম । দাস্ত্রভাব সম্বন্ধে—
 অনন্ত শক্তিমান্, সখ্যভাব সম্বন্ধে তুমি কৃষ্ণ—সদানন্দ দাতা,
 বাৎসল্য ভাব সম্বন্ধে তুমি বাসুদেব, এবং উজ্জল ভাব সম্বন্ধে—তুমি
 ভক্তি-যোগময়ীদিগের পতি । অতএব বুঝা গেল যে, তিনি সমুদায়
 ভাবের মূর্ত্ত প্রকাশ ।

জীব যখন কৰ্ম বন্ধন হইতে মুক্ত হইয়া, প্রপঞ্চের দেনা-পাওনা সমুদায়
 মিটাইয়া নিজ নিজ ভগবদুপাসনার ফল প্রাপ্তির জন্য ভাগবদ্ধামে গমন করে,
 তখন তাহারা তাহাদের জীবিতকালে যে ভাবে উপাসনা করিয়াছিল,
 সেই ভাবেরই পূর্ণ পরিতৃপ্তি আকাজক্ষা করিয়া থাকে । ইহা স্বভাবসিদ্ধ ।
 সুতরাং বাৎসল্য ভাবের উপাসকের সমক্ষে যদি ভগবান্ নৃসিংহরূপে
 আবির্ভূত হন, তাহা হইলে রসভঙ্গ হয়, তাবানুসারে প্রতি ভক্তের
 প্রতিজ্ঞা (গীঃ ৪।১১) ব্যাহত হইয়া যায় এবং বাৎসল্য রসের
 পরিতৃপ্তির আকাজক্ষা মিটে না । সে ভক্তের কাছে ভগবানকে বাল
 গোপাল বেশেই আসিয়া তাহাকে বাৎসল্য রসের পূর্ণ পরিতৃপ্তি প্রদান
 করিতে হইবে । • রাঘোপাসকগণের সমক্ষে, তিনি যদি ভীষণ বরাহ রূপে
 আবির্ভূত হন, তাহা হইলেও রসভঙ্গ হয় এবং আনুষ্ঠানিক সমুদায় দোষ
 আপত্তিত হয় । তাঁহাকে নবদুর্বাদল শ্যাম, কমনীয় রামরূপেই তাঁহাদের
 পরিতৃপ্তি সাধন করিতে হইবে । সমুদায় রস সম্বন্ধে এই একই কথা ।
 অতএব সিদ্ধান্ত এই যে, যদিও ভগবান্ সমুদায় ভেদ বর্জিত, “এক
 মেবাদ্বিতীয়ম্” তথাপি ভক্তের পরিতৃপ্তির জন্য, এক অদ্বিতীয় তাঁহাকেই
 তাঁহার নানাবিধ ভক্তগণের নিজ নিজ উপাস্ত্র মূর্ত্তিতে আবির্ভূত
 হইতে হয় এবং ভক্তগণ তাঁহাকে সেই সেই মূর্ত্তিতে উপভোগ
 করিয়া পরম নিৰ্ব্বৃতি লাভ করেন । ইহা ভগবদ্রহস্য । এক-

অদ্বিতীয়ের বহুমূর্তিতে আবির্ভাব, এই অভেদে দৃশ্যতঃ ভেদ প্রকটন, তাঁহার অচিন্ত্য শক্তি বিকাশে হইয়া থাকে ।

এ সম্বন্ধে ভাগবতের উক্তি বড়ই সুস্পষ্ট ।

যথেন্দ্রিয়ৈঃ পৃথক্‌দ্বারৈরর্থো বহুগুণাশ্রয়ঃ ।

একোনানেয়তে তদ্বদ্ ভগবান্ শাস্ত্রবস্তু'ভিঃ ॥ ভাগঃ ৩।৩২।২৮

—যেমন রূপ-রস-গন্ধ-স্পর্শ বিশিষ্ট একই দ্রব্য ভিন্ন ভিন্ন ইন্দ্রিয় দ্বারে পৃথক্‌ভাবে প্রতীয়মান হয়, সেইরূপ একই ভগবান্ বিভিন্ন উপাসনা-মার্গে বিভিন্নরূপে প্রতীত হইয়েন । ভাগঃ ৩।৩২।২৮

শ্রীমদ্‌ বিশ্বনাথ চক্রবর্তী মহাশয় কয়েকটি সরল শ্লোকে ইহার অর্থ সুন্দরভাবে বিবৃত করিয়াছেন ।

যথা রূপরসাদীনাং গুণানামাশ্রয়ঃ সদা ।

ক্ষীরাদিরেক এবার্থো জ্ঞায়তে বহুধেন্দ্রিয়ৈঃ ॥ ১

দৃশ্য শব্দো রসনয়া মধুরো ভগবাংস্তথা ।

উপাসনাভির্বহুধা স একোহপি প্রতীয়তে ॥ ২

জিহ্বায়ৈব যথা গ্রাহ্যং মাধুর্যং তস্মৈ নাপরৈঃ ।

তথৈব চক্ষুরাদীনি গৃহ্যন্ত্যর্থং নিজং নিজং ॥ ৩

তথাত্মা বাহুকরণ স্থানীয়োপাসনাখিলা ।

ভক্তিঃ চিত্তঃস্থানীয়া তত্তৎসর্বার্থলাভতঃ ॥ ৪

যেমন রূপরসাদির আশ্রয় ক্ষীরাদি বস্তুতঃ এক হইলেও, দৃষ্টি দ্বারা শব্দ, রসনা দ্বারা মধুর, নাসিকা দ্বারা সুগন্ধি, স্পর্শ দ্বারা স্নিগ্ধ প্রভৃতি বহুপ্রকারে প্রতীত হয়, এবং এই বহু প্রতীতির হেতু চেতঃ ; সেইরূপ ভগবান্ বস্তুতঃ এক অদ্বিতীয় হইলেও ভিন্ন ভিন্ন উপাসনা মার্গে বহুরূপে প্রতীত হইয়েন । যেমন জিহ্বা দ্বারা মাধুর্যমাত্র গ্রাহ্য, অন্য ইন্দ্রিয় দ্বারা উহা গ্রাহ্য নহে ; সেইরূপ চক্ষুঃ, কর্ণ, নাসিকা, স্পর্শ প্রভৃতিও নিজ নিজ বিষয় মাত্র গ্রহণ করে, কিন্তু চিত্ত দ্বারা সমুদায় ইন্দ্রিয়ের বিষয় গৃহীত হইয়া থাকে, এ কারণে বস্তুর সমগ্র জ্ঞান উপলব্ধি হয় । ভিন্ন ভিন্ন উপাসনা মার্গ উক্ত প্রকার ভিন্ন ভিন্ন ইন্দ্রিয় স্থানীয় । উহাদের প্রত্যেকের দ্বারা উপাস্তের একদেশী ভাব মাত্র গৃহীত হইয়া থাকে—অর্থাৎ ভিন্ন

ভিন্ন উপাসনা মার্গানুসারী উপাসকের নিকট ভগবান ভিন্ন ভিন্ন ভাবে প্রতীত হন। ভক্তি চিত্ত স্থানীয়—উহার দ্বারা সর্বার্থলাভ হইয়া থাকে, অর্থাৎ ভক্তি দ্বারাই সমগ্র ভগবানের স্বরূপ প্রতিভাত হয়।

ভক্তগণের নিজ নিজ ভাবানুযায়ী উপাসনার সম্যক পরিতৃপ্তি সম্পাদনের জন্য শ্রীভগবানের অন্তরঙ্গা চিন্ময়ী শক্তি যোগমায়া কর্তৃক ত্রিপাদ বিভূতি লোক সকলের নিত্যধামে অভিব্যক্তি। এ সম্বন্ধে বিস্তারিত আলোচনা মৎপ্রণীত “নাম মহিমা” গ্রন্থে করা হইয়াছে।

[শ্রীমচ্ছঙ্করাচার্য্য, রামানুজাচার্য্য ও বল্লভাচার্য্য এই সূত্র এবং ইহার পূর্ববর্তী সূত্র দুইটি একত্রে এক সূত্ররূপে ব্যাখ্যা করিয়াছেন। মধ্ব ও বলদেব পৃথকভাবে অর্থ করিয়াছেন। আবার বলদেব উহাদিগকে পৃথক্ অধিকরণে সন্নিবিষ্ট করিয়াছেন। শেষোক্ত আচার্য্যদ্বয়ের ব্যাখ্যা ভক্তিমতানুসারী হওয়ায় ভাগবত মতের সহিত ঐক্য নিবন্ধন, উহাই গ্রহণ করিয়াছি।]

ভিত্তি :—

১। “জ্ঞানী দেবং সর্বপাশাপহানিঃ ।” (খেতা, ১।১১)

—সেই দেবকে জানিলে সমুদায় বন্ধন নাশ হয় ।

(খেতা, ১।১১) ।

২। “নাম্নমায়া বলহীনেন লভ্যো

ন চ প্রমাদাৎতপসো বাপ্যালিজাৎ ।

এতৈরুপায়ৈর্ষততে যন্ত বিদ্বাং-

স্তশ্চেষ আত্মা বিশতে ব্রহ্মধাম ॥”

(মুণ্ডকঃ ৩।২।৪)

—এই আত্মা বলহীন (আত্মনিষ্ঠাহীন বা ভক্তিহীন) কর্তৃক লভ্য হয় না, এবং আত্মনিষ্ঠায় বা ভক্তিতে অমনোযোগ হইতে বা সন্ন্যাস বা বৈরাগ্য রহিত তপস্যা হইতেও লভ্য হয় না । পরন্তু যে বিদ্বান্ এই সকল উপায়ে যত্নপর হন, তাঁহার আত্মাই ব্রহ্মধামে প্রবেশ করিতে পারে । (মুঃ ৩।২।৪) ।

সংশয় :—তুমি ত সিদ্ধান্ত করিলে যে, জ্ঞান ব্যতিরেকে ব্রহ্মদর্শন লাভ হয় না, এবং তাহা না হইলে মুক্তিও হয় না । এ প্রকার সিদ্ধান্ত গঙ্গত বলিয়া বোধ হয় না । কারণ, তুমিই আবার বলিয়াছ যে, রাম, কৃষ্ণ—ইহারা নররূপে পূর্ণব্রহ্ম । সুতরাং ইহারা যখন প্রপঞ্চে অবতার গ্রহণ করিয়াছিলেন, তখন ত জ্ঞানহীন লোকেও কত ইতর জীবে তাঁহাদের দর্শন লাভ করিয়াছিল । উহাদের কি কাহারও মুক্তি হয় নাই ? আবার অনেক জ্ঞানবান্ লোকও মুক্তি পায় না, ইহা শাস্ত্রে কথিত আছে । এ বিষয়ে সমাধান কি ? ইহার উত্তরে সূত্র :—

সূত্র :—৩।৩।৫২ ।

ন, সামান্যাদপ্যপলক্কেমৃত্যুব্রহ্মি লোকাপত্তিঃ ॥ ৩।৩।৫২ ॥

ন + সামান্যৎ + অপি + উপলক্কেঃ + মৃত্যুৎ + ন + হি

+ লোকাপত্তিঃ ॥

মঃ—না । সামান্যতঃ—সাধারণভাবে । অপিঃ—নিশ্চয়ে, অবশ্যরূপে ।
উপলব্ধেঃ—উপলব্ধি বা দর্শন হেতু । মৃত্যুবৎ—মৃত্যুর মত । মঃ—না ।
হিঃ—নিশ্চয় । লোকাপত্তিঃ—লোকপ্রাপ্তি ।

মৃত্যু ত সমুদায় জন্মবান্ জীবের পক্ষে সাধারণ । মৃত্যু হইলেই কি সকলের
ভগবল্লোক প্রাপ্তি বা মুক্তি হয় ? তাহা ত হয় না, ইহা সহজেই বুঝিতে পার ;
কিন্তু জীবনমুক্তের হয়, অর্থাৎ যাহারা জীবিত কালে ব্রহ্মবিজ্ঞা লাভে সমর্থ
হইয়াছে, তাহাদের মৃত্যু হইলেই মুক্তি হয় । সেইরূপ রাম, কৃষ্ণ যখন অবতার
গ্রহণ করিয়াছিলেন, তখন সাধারণ দৃষ্টিতে সকলে তাঁহাদের দর্শন লাভ
করিয়াছিল বটে, কিন্তু তাহাতে তাহাদের মুক্তি হয় নাই । কেহ কেহ,
যেমন কশ্মদোষে সর্পযোনি প্রাপ্ত স্বদর্শন বিজ্ঞাধর (ভাগবত, ১০।৩৪ অধ্যায়),
অথবা কুকলাস দেহপ্রাপ্ত নৃগ রাজা (ভাগবত, ১০।৬৪ অধ্যায়)—উক্ত নিকৃষ্ট
যোনি হইতে অব্যাহতি প্রাপ্ত হইয়াছিলেন, কিন্তু তাঁহাদের মুক্তিলাভ হয় নাই ।
তাঁহারাও লোক (নিজ নিজ কশ্মোপার্জিত স্বর্গাদি স্থান) প্রাপ্ত হইয়াছিলেন—
ইহা ভাগবতে স্পষ্টই উল্লেখ আছে । অতএব তোমার আপত্তির কোনও
হেতু নাই । ব্রহ্মবিজ্ঞা প্রাপ্তিতে নিজ শরীর ধ্বংস হইলে তবে মুক্তিলাভ
হইয়া থাকে । স্বর্গ বা চন্দ্রলোকাদি প্রাপ্তি হইলে যে মুক্তি হইল,
তাহা নহে, ইহা তৃতীয় অধ্যায়ের প্রথম পাদে প্রতিপাদিত হইয়াছে ।

ভগবদর্শন ত্রিবিধ । প্রথম প্রকার—মায়ায় দ্বারা আবৃত রূপদর্শন ।
আর দ্বিতীয় প্রকার—মায়াহিত স্বরূপ দর্শন । প্রথম প্রকার দর্শনও
বহুপুণ্য সাপেক্ষ এবং এ প্রকার দর্শন হইলে স্বর্গাদি লোক প্রাপ্তি হইয়া থাকে ।
কিন্তু সকলের ভাগ্যে তাহাও হয় না । অনেকে আশুরী ও রাক্ষসী (রাজসী
ও তামসী) প্রকৃতির দ্বারা পরিচালিত হইয়া সম্মুখে মূর্তরূপ দৃষ্টি করিয়াও
অবজ্ঞা করিয়া থাকে । ইহাদের প্রতি লক্ষ্য করিয়াই ভগবান্ গীতাতে
বলিয়াছেন :—

“অবুজানন্তি মাং মূঢ়া মানুষীং তনুমাশ্রিতম্ ।” (গীতাঃ ৯।১১)

ইহারা স্বর্গাদি লোকও লাভ করিতে পারে না । কিন্তু ব্রহ্মবিজ্ঞা লাভে
নিজ শরীর নাশ হয় । তাহাতে ভগবানের স্বরূপ দর্শকের সমক্ষে উদ্ভাসিত
হইয়া থাকে । তখন দীর্ঘক তাঁহাকে “সত্যজ্ঞানাম্বর স্বরূপ” বা “সচ্চিদাম্বর
স্বরূপ” রূপে উপলব্ধি করিয়া পরম নিঃশ্রেয়স লাভ করিয়া থাকে ।

তবে যে শাস্ত্রাদিতে কথিত আছে যে, শত্রুগণ, ঐহাদিগকে ভগবান অস্ত্রাদির দ্বারা সংগ্রামে নিহত করেন, তাহারা মুক্তি লাভ করে, ইহা কি প্রকারে সম্ভব হয়? তাহারা ত ব্রহ্মবিদ্যা লাভ না করিয়া পরন্তু ভগবানের বিরুদ্ধাচরণ করিয়াও মুক্তির অধিকারী হয় কিরূপে? উহা কি প্রশংসাবাদ মাত্র?

ইহার সমাধান এই যে, ভগবান্ হইতে তাঁহার অস্ত্রাদি পৃথক নহে, ইহা পূর্বে প্রতিপাদিত হইয়াছে। সেই অস্ত্রাদির এ প্রকার স্বরূপ-শক্তি যে, উহাদের সংস্পর্শে সেই সেই শত্রুর লিঙ্গ দেহও নাশপ্রাপ্ত হয়। মৃত্যুসময়ে স্থূল দেহের সহিত লিঙ্গ দেহ ধ্বংস প্রাপ্ত হইলে ভগবদ্ব্যরূপ উদ্ভাসনের আর কোনও প্রতিবন্ধক থাকে না; সুতরাং তাঁহার স্বরূপ তাহাদের সমক্ষে প্রতিভাত হয় এবং তাহাতেই তাহাদের মুক্তি হইয়া থাকে।

স্মরণ রাখিতে হইবে যে, ভগবানের দৃষ্টিতে শত্রু মিত্র ভেদ নাই। লৌকিক দৃষ্টিতে যঁাহারা ভগবানের শত্রু পর্যায়ের অন্তর্ভুক্ত, তাঁহারা অতি উচ্চস্তরের সাধক, কোনও বিশেষ উদ্দেশ্য সিদ্ধির জন্ত শত্রুতার আবরণে আবৃত হইয়া সমরাভিনয় সম্পাদন করতঃ সৃষ্টির ক্রমাভিব্যক্তি ও ক্রমপরিণতির ধারা অক্ষুণ্ণ রাখিতে সাহায্য করেন। তাঁহারাও ভগবানের হাতে ক্রীড়া পুত্তলিকা—শত্রুর আকারধারী যন্ত্র মাত্র। তাঁহাদের শত্রুতাচরণ, ভগবানের বিপদ সংঘটন, রণসজ্জা, সৈন্য সমাবেশ, সমর ক্রীড়া, মধ্যে মধ্যে জয় ও পরাজয় প্রভৃতি সমুদায়ই ভগবানের সংকল্প বশতঃই হইয়া থাকে। ভগবানের শত্রু বলিয়া তাঁহারা নিন্দা বা অবহেলার বস্তু নহেন। লৌকিক দৃষ্টিতে তাঁহাদের পাপাচরণ ও তাহার শাস্তি—জগতে কৰ্ম্ম ও তাহার ফলের অবশ্যস্তুবিহ্ব প্রদর্শনের জন্ত ভগবানের বিধানানুসারে সংঘটিত।

পূর্বব্রহ্ম মর্ত্যধামে নররূপে রাম বা কৃষ্ণ মূর্তিতে অবতীর্ণ—সাধারণ দৃষ্টিতে তাঁহাদের দর্শন ব্রহ্মদর্শন নহে, ইহা বুঝা গেল।

ব্রহ্মদর্শন সম্বন্ধে ভাগবত বর্ণিত হইছে :—

যদি ন সমুদ্ররন্তি যতয়ো হৃদি কামজটা

হুরধিগমোহসতাং হৃদিগতেহিস্বতকণ্ঠমণিঃ ।

ভাগঃ ১০।৮৭।৩২

—যদি যতিগণ হৃদিস্থিত কামজটা (বাসনাবীজ) সকলকে যুলের সহিত উচ্ছেদ না করেন, তবে অজ্ঞানীর হৃদিস্থিত কৰ্ণমণি বিশ্বরণের ন্যায় আপনি অসাধুগণের ছরধিগম্যই থাকেন—অর্থাৎ তাঁহারা আপনাকে অনুভব করিতে পারেন না । ভাগঃ ১০।৮৭।৩৯

কৰ্ণমণি ত কণ্ঠে বরাবরই বর্তমান রহিয়াছে, তাহা হইলেও অজ্ঞানী ব্যক্তি যেমন উহা ভুলিয়া গিয়া সৰ্বত্র উহার অন্বেষণ করিয়া বেড়ায়, সেইরূপ ব্রহ্ম বা ভগবান সৰ্বদা সমক্ষে নররূপে রাম কৃষ্ণ যুক্তিতে বর্তমান থাকিলেও, কামজটা দৃষ্টি আবৃত করিয়া থাকে । তাঁহার দর্শন ঘটে না ।

ব্রহ্মদর্শন কখন হয়, এ সম্বন্ধে ভাগবত বলিতেছেন :—

• যত্রোমে সদসক্রোপে প্রতিসিদ্ধে স্বসম্বিদা ।

অবিদ্যায়ানি কুতে ইতি তদ্ ব্রহ্মদর্শনম্ ॥

ভাগঃ ১।৩।৩৩

—যখন আপনার সম্বিদ্বি দ্বারা অর্থাৎ আপনার স্বরূপের জ্ঞান দ্বারা (ব্রহ্মবিদ্যা দ্বারা) এই অবিদ্যা দ্বারা আত্মাতে কল্পিত সং (স্থূলদেহ) এবং অসং (সূক্ষ্ম বা লিঙ্গ দেহ) প্রতিষিদ্ধ হয়, অর্থাৎ মিথ্যা বলিয়া অবধারিত হয়, তখনই ব্রহ্মদর্শন হইয়া থাকে । ভাগঃ ১।৩।৩৩

যদ্বেষোপরতা দেবী মায়া বৈশারদী মতিঃ ।

সম্পন্ন এবেতি বিতুম্ভিগ্নি শ্বে মহীয়তে ॥ ভাগঃ ১।৩।৩৪

—সংসার চক্রে ক্রীড়াকারিণী ঐশ্বরী মায়া দেবী, যদি বিচাররূপে পরিণতা হইয়া, স্থূল ও সূক্ষ্মরূপ জীবোপাধি দন্ধ করতঃ, স্বয়ং নিরিন্দ্রন অগ্নির ন্যায় উপশম প্রাপ্ত হন, তাহা হইলে ব্রহ্মস্বরূপ প্রাপ্তি হয়, ইহা তদ্বজ্জেরা বোধ করেন । তখনই জীব পরমানন্দ স্বরূপে স্বীয় মহিমায় বিরাজমান হইতে পারেন । ভাগঃ ১।৩।৩৪

সুতরাং বুঝা গেল যে, ব্রহ্ম দর্শন বাহ্য দৃষ্টির বস্ত্র নহে । অন্তর্দৃষ্টি উপযুক্ত রূপে নির্মূল করিতে পারিলে, তবে ইহা সম্ভব ।

[জ্ঞান দ্বারা ব্রহ্ম সাক্ষাৎকার হইলে মোক্ষ হয়, এই সিদ্ধান্তটি দৃঢ়ীকরণের জন্য এই অধিকরণ আরম্ভ হইতেছে ।]

২৫। পরমাধিকরণ ॥

ভিত্তি :—

১। “নায়মায়া প্রবচনেন লভ্যো ন মেধয়া ন বহুনা শ্রুতেন ।
যমেবৈষ বৃণুতে তেন লভ্যস্তৈশ্চৈষ আয়া বিবৃণুতে তন্মুং স্বাম্ ॥”
(কঠ, ১।২।২৩ ; মুণ্ডক ৩।২।৩)

—আত্মাকে প্রবচন, মেধা বা বহু বেদজ্ঞান দ্বারা লাভ করা যায় না, কিন্তু তিনি যাহাকে বরণ করেন বা উপযুক্ত অধিকারী বলিয়া অঙ্গীকার করেন, তাঁহার নিকট নিজ স্বরূপ প্রকাশ করেন ।
(কঠ, ১।২।২৩ , মুণ্ডক ৩।২।৩)।

২। “নাবিরতো দুশ্চরিতান্নাশান্তো নাসমাহিতঃ ।
নাশান্তমনসো বাহুপি প্রজ্ঞানেনৈনমাণুয়াৎ ॥”
(কঠঃ ১।২।২৪)

—যে লোক দুশ্চরিত (শাস্ত্র নিষিদ্ধ ব্যবহার) হইতে বিরত নহে, সংযতেন্দ্রিয় নহে, সমাহিত চিত্ত এবং ভোগস্পৃহা রহিত নহে, সে লোক প্রজ্ঞানের (ব্রহ্মজ্ঞানের) দ্বারা এই আত্মাকে জানিতে পারে না । (কঠ, ১।২।২৪)।

৩। পূর্ব সূত্রের শিরোদেশে উদ্ধৃত মুণ্ডক শ্রুতির ৩।২।৪ মন্ত্র ।

সংশয় :—কঠ শ্রুতির ১।২।২৩ মন্ত্র এবং মুণ্ডক শ্রুতির ৩।২।৩ মন্ত্র একই । এই মন্ত্রে স্পষ্ট উক্ত আছে যে, পরমায়া নিজে যাহাকে বরণ করেন, তাঁহার কাছেই তিনি তাঁহার স্বরূপ প্রকাশ করেন । তবে কি তাঁহার অনুগ্রহই তদ্ প্রাপ্তির একমাত্র উপায় ? যদি তাহা হয়, তবে জ্ঞান-বৈরাগ্য যুক্তি ভক্তির দ্বারা সাধনার প্রয়োজন কি ? দুই শ্রুতির একপ্রকার উক্তি হেতু এই-ই সিদ্ধান্ত হয় যে, তাঁহার অনুগ্রহই তাঁহার প্রাপ্তির সাধন মাত্র । তাহা হইলেও সংশয় হয় যে, এই অনুগ্রহ কি অহৈতুকী ? যদি অহৈতুকী হয়, তবে তোমার ২।৩।৪২ সূত্রে যে সিদ্ধান্ত প্রতিষ্ঠিত হইয়াছে, যে জীবর কৃত প্রযত্নাপেক্ষায় ভগবান তাহার উন্নতি-অবনতি পারিতোষিক-শান্তি প্রভৃতির ব্যবস্থা করেন,

তাহাও ব্যাহত হইয়া যায়। আবার জীবকৃত প্রযত্নই যদি মুখ্য কারণ হয়, তবে তাঁহার অনুগ্রহ করিবার স্থান ও অবসর কোথায়? ইহার উত্তরে সূত্র :—

সূত্র :—৩।৩।৫৩।

পরেণ চ শব্দস্য তাচ্ছিত্যং ভূয়স্বাৎ সমুবন্ধঃ ॥ ৩।৩।৫৩ ॥

পরেণ + চ + শব্দস্য + তাচ্ছিত্যং + ভূয়স্বাৎ + তু + সমুবন্ধঃ ॥

পরেণঃ—অব্যবহিত পরের মন্ত্রের দ্বারা, অর্থাৎ, কঠশ্রুতির ১।২।২৪ এবং মুণ্ডক শ্রুতির ৩।২।৪ মন্ত্র দ্বারা। চঃ—ও। শব্দস্যঃ—কেবল মাত্র বরণ দ্বারা লভ্য, এই বোধক শ্রুতিমন্ত্রের। তাচ্ছিত্যংঃ—সেই প্রকারত্ব—অর্থাৎ, ভক্তি দ্বারা লভ্যত্ব। ভূয়স্বাৎঃ—অধিকতর ফলোৎপাদকত্ব হেতু, অর্থাৎ, বরণই বা স্বজন, প্রিয়ভক্তভাবে অঙ্গীকারই তাঁহার দর্শনের অব্যবহিত পূর্ববর্তী এবং সাক্ষাৎ ফলদায়ক হেতু বলিয়া। তুঃ—অবধারণে। সমুবন্ধঃঃ—সম্বন্ধ বা বিশেষ ভাবে কথন।

যদি কঠশ্রুতির ১।২।২৩ ও মুণ্ডক শ্রুতির ৩।২।৩ মন্ত্রের সহিত উক্ত শ্রুতিদ্বয়ের ঠিক অব্যবহিত পরবর্তী মন্ত্র দুইটি অর্থাৎ কঠঃ ১।২।২৪ মন্ত্র ও মুণ্ডকঃ ৩।২।৪ মন্ত্র একত্রে পাঠ করা যায়, তবে বুঝা যাইবে যে, শ্রুতি স্পষ্ট বলিয়াছেন যে, যে সকল সাধক শাস্ত্র নিষিদ্ধ ব্যাপার হইতে বিরত নহে, সংযতেন্দ্রিয় নহে, স্মৃতিচিন্তা ও প্রশান্তমনাঃ নহে, তিনি তাহাদিগকে বরণ করেন না, এবং তাহারা তাঁহাকে জানিতে পারে না (কঠ ১।২।২৪)। এবং যাহারা আত্মনিষ্ঠা-হীন বা ভক্তিহীন, এবং ভক্তিদ্বারা ভজনে অমনোযোগী বা বৈরাগ্য সহিত তপস্যায় মনোযোগী নহে, তাহারা তাঁহাকে জানিতে পারে না, (মুণ্ডক, ৩।২।৪)। অতএব, স্পষ্ট প্রতীয়মান হইতেছে যে, তাঁহার বরণ অহেতুকী বা আকস্মিক হয় না। উহা প্রাপ্তির অন্ত সাধকের বিশেষ প্রচেষ্টা বা আগ্রহ থাকা চাই। সাধক যদি নিজ প্রচেষ্টার দ্বারা শাস্ত্রানুশীলনে এবং গুরুপদেশে (কঠ ১।২।২৪ এবং মুণ্ডক ৩।২।৪ মন্ত্রোল্লিখিত) দোষ পরিহার করিতে সমর্থ হন, তবেই ভগবান্ তাঁহাকে উপযুক্ত অধিকারী দেখিয়া বরণ করেন। অতএব, ২।৩।৪২ সূত্রের সিদ্ধান্তের সহিত কিছুমাত্র বিরোধ নাই।

যে ক্রম অনুসারে ভগবদর্শন লাভ হয়, তাহা সংক্ষেপে এই প্রকার। —শাস্ত্রনিষিদ্ধ ব্যবহার পরিহার, তাহার ফলে সাধুসঙ্গ ও সাধুসেবা, সে কারণে সাধুগণের দয়াপাত্র হওয়া, অনন্তর তাঁহাদের ধর্মের উপর শ্রদ্ধা, তাহার পর হরিগুণ শ্রবণে প্রবৃত্তি, তদ্বারা স্বরূপ-বোধ, সে কারণে সংযতেন্দ্রিয় ; তৎপরে পরমার্থ স্বরূপ সম্বন্ধে জ্ঞান, সে কারণে সমাহিত চিত্ত, তারপর স্ব স্বরূপ ও পরমাত্ম স্বরূপের সম্বন্ধ জ্ঞান, তাহা হইতে বৈরাগ্য ; বৈরাগ্য হইতে ভগবদ্ভক্তি এবং ভক্তি দৃঢ় হইলে, ভগবান সাধককে নিজ প্রিয়জ্ঞানে বরণ করেন, এই প্রকার বরণ করিলেই ভগবদর্শন লাভ। সুতরাং, সাধকের নিজের আগ্রহ ও প্রচেষ্টার এবং ভগবানের কৃপা প্রদর্শনের যথেষ্ট অবকাশ রহিয়াছে। একারণ ভগবানের বৈষম্য দোষ হয় না। তিনি সাধকের প্রচেষ্টা এবং তজ্জনিত ঐ সকল গুণ দেখিয়া তাঁহার বিধানানুসারে পরে বরণ করেন।

সাধকের প্রচেষ্টা এবং ভগবানের অনুগ্রহ, উভয়ের মধ্যে দৃশ্যতঃ অসঙ্গতি মনে হইতে পারে। কিন্তু উভয়ই প্রয়োজনীয়, উভয়ই সত্য। গূঢ় সাধন-রহস্য উভয়ের মধ্যে জড়িত। সাধক প্রথমে আপন কর্তৃত্ব বুদ্ধিতে সাধনা আরম্ভ করে। কর্তার প্রচেষ্টা, আগ্রহ প্রভৃতি প্রয়োজন, নতুবা কার্যসিদ্ধি হয় না, ইহা সকলের প্রত্যক্ষ দৃষ্ট। সুতরাং যতদিন পর্যন্ত কর্তৃত্ব বুদ্ধি বর্তমান, ততদিন তাঁর আগ্রহের সহিত প্রচেষ্টার প্রয়োজন। সাধনা করিতে করিতে সাধক ক্রমশঃ যখন উচ্চতর স্তরে আরোহণ করিতে থাকে, তখন অল্পে অল্পে কর্তৃত্ব বুদ্ধি অপসারিত হইতে থাকে, ভগবানই একমাত্র কর্তা বলিয়া জ্ঞানলাভ করিতে থাকে, জীবের কর্তৃত্ব অজ্ঞান-বিজ্ঞিত ইহা বুঝিতে পারে। তখন তাহার ভগবানের উপর একান্ত নির্ভরতা আসিতে থাকে। নিজ প্রচেষ্টার বল সামান্য বলিয়া বুঝিতে পারে এবং ভগবানে সম্পূর্ণভাবে আত্মসমর্পণ করে, তখনই ভগবান স্বজন জ্ঞানে তাহাকে বরণ করিয়া নিজ স্বরূপ প্রকাশ করেন। সুতরাং, বুঝা গেল যে, প্রচেষ্টা ও ভগবদনুগ্রহ উভয়েরই অবকাশ যথেষ্ট আছে।

পূজ্যপাদ ৮মধুসূদন সরস্বতী পাদ প্রণীত “ভক্তিরসায়ন” গ্রন্থে ভক্তির ভূমিকা তিনটি শ্লোকে বর্ণিত আছে :—

প্রথমং মহতাং সেবা তদয়া পাত্রতা ততঃ ।

শ্রদ্ধাথ তেষাং ধর্মেষু ততো হরিগুণ শ্রুতিঃ ॥ ১।৩৩

ততো রতোশ্চুরোং পত্তিঃ স্বরূপাধি গতি স্ততঃ ।

প্রেম বুদ্ধিঃ পরানন্দে তস্মাথ স্ফুরণং ততঃ ॥ ১।৩৪

ভগবদ্ধর্মনিষ্ঠাতঃ যস্মিং স্তদগুণপালিতা ।

প্রস্নোহথপরমাকাষ্ঠেত্যাচিতা ভক্তিভূমিকা । ১।৩৫

প্রথমে (১) সাধুসেবা (২) তাহা হইতে তাঁহাদের দয়া লাভ, অতঃপর (৩) সাধুগণের আচারিত ধর্মে শ্রদ্ধা, (৪) তাহা হইতে হরিগুণ শ্রবণে প্রবৃত্তি, (৫) উহা হইতে ভগবদ্ভক্তির অঙ্কুরিতাব, (৬) অনন্তর ভগবদ্ স্বরূপাহুভূতি, (৭) তারপর পরমানন্দময় ভগবানে অমুরাগ বুদ্ধি, (৮) তাহা হইতে সেই পরমানন্দের প্রকাশ, অনন্তর (৯) ভগবদ্ধর্মে একনিষ্ঠতা, (১০) অতঃপর আপনাতে ভগবদ্-গুণাবলির স্ফুরণ, (১১) তাহা হইতে প্রেমের পরাকাষ্ঠা প্রাপ্তি হইয়া থাকে— এই সকলই ভক্তির ভূমিকা ।

মুণ্ডক শ্রুতির ৩।২।৪ মন্ত্রে যে “বল” শব্দের প্রয়োগ আছে, উহার অর্থ “ভক্তিবল” । ইহার শক্তি অসাধারণ । ইহা ভগবান্কে বশে আনয়ন করে । ভাগবত ইহা স্পষ্ট ভগবানের মুখ দিয়া বলাইয়াছেন :—“বশে কুব্বন্তি মাং ভক্ত্যা সৎস্মিয় সৎপতিং যথা ॥” (ভাগঃ ৯।৪।৪৮) । যে সাধক ভক্তিবলে বলীয়ান, সে জোর করিয়া তাহাকে স্বজন বলিয়া অঙ্গীকার করিতে ভগবান্কে বাধ্য করেন । ভগবানের স্বাতন্ত্র্য উহাতে থাকে না । গীতায়ও ভগবান্ সেই কথাই বলিয়াছেন :—“পুরুষঃ স পরঃ পার্থ ভক্ত্যা লভ্যশ্চনশ্চয়া ॥” (গীতা ৮।২২) ।—হে পার্থ ! সেই পরম পুরুষ অনশ্য ভক্তি দ্বারাই লভ্য । স্মরণ রাখা প্রয়োজন যে, এই ভক্তি প্রচেষ্টার ফল নহে, আপন কর্তৃত্ব বুদ্ধিতে এ ভক্তির স্ফুরণ হয় না । ইহা পাইতে হইলে আপনাকে সম্পূর্ণ ভুলিয়া ভগুবানে সম্পূর্ণ আত্মসমর্পণ প্রয়োজন । তাহা হইলে ভগবদনুগ্রহে কচিং ভাগ্যবান ইহা পাইতে পারেন ।

অতএব বুঝা গেল যে, ভক্তি মার্গের উপাসনা সাধারণতঃ ১। আরম্ভ কর্তৃত্ব বুদ্ধিতে, শিষ্যের প্রচেষ্টায়, ২। ক্রমশঃ কর্তৃত্ব বুদ্ধির বিলোপ, ৩। ভগবানে সম্পূর্ণ নির্ভরতা, ৪। তাহার ফলস্বরূপ ভক্তিলাভ ইত্যাদি ।

ভক্তিমান্ যে তাঁহার অতি প্রিয়, তাহা ভগবান্ নিজেই 'গীতার্' বলিয়াছেন :—

তেষাং জ্ঞানী নিত্যযুক্ত একভক্তির্বিশিষ্যতে ।

প্রিয়ো হি জ্ঞানিনোহত্যর্থমহং স চ মম প্রিয়ঃ ॥ (গীতাঃ ৭।১৭)

—চারিপ্রকার সাধকের মধ্যে যদি নিত্যযুক্ত জ্ঞানী একনিষ্ঠ ভক্ত হয়, সেই শ্রেষ্ঠ, কেননা, আমি তাহার প্রিয় এবং সেও আমার প্রিয় ।

(গীঃ ৭।১৭) ।

এই প্রিয়ত্ব নিবন্ধন, তিনি বরণ করেন ।

তিনি কাহাকে দয়া করেন, সে সম্বন্ধে ভাগবত বলিতেছেন :—

যেষাং স এষ ভগবান্ দয়য়েদনন্তঃ

সর্বাঅনাশ্রিতপদো যদি নির্ব্যলীকম্ । ভাগঃ ২।৭।৪১

—কপটতা পরিত্যাগ পূর্বক সর্বাঅঃকরণে তাঁহাকে আশ্রয় করিলে তবে তিনি দয়া করেন । ভাগঃ ২।৭।৪১ ।

ইহা হইতে বুঝা গেল যে, কতৃৎ বুদ্ধি পরিত্যাগ করতঃ সর্বতোভাবে আত্মনিবেদন করিতে পারিলে, তবে তাঁহার দয়া লাভের প্রত্যাশা করা যাইতে পারে ।

তাঁহার প্রিয় হইতে হইলে কি প্রকার ধর্ম আচরণ করিতে হইবে, তাহা ভগবান্ নিজেই বলিতেছেন :—

কুর্যাৎ সর্বাণি কর্মাণি মদর্থং শনকৈঃ স্মরন্ ।

ময্যর্পিতমনশ্চিত্তো মদ্বর্মাঅমনোরতিঃ ॥ ভাগঃ ১।১।২৯।৯

দেশান্ পুণ্যানাশ্রয়েত মদ্ব্তকৈঃ সাধুভিঃ শ্রিতান্ ।

দেবাস্বরমনুষ্যেষু মদ্বক্তাচরিতানি চ ॥ ভাগঃ ১।১।২৯।১০

মামেব সর্বভূতেষু বহিরন্তরপাবৃতম্ ।

ঈক্ষেতাঅনি চাত্মানং যথা খমমলাশয়ঃ ॥ ভাগঃ ১।১।২৯।১২

ইতি সর্বাণি ভূতানি মদ্বাবেন মহাহ্যতে ।

সভাজয়ন্নশ্রুমানো জ্ঞানং কেবলমাশ্রিতঃ ॥ ভাগঃ ১।১।২৯।১৩

যাবৎ সর্বেষু ভূতেষু মদ্বাবে নোপজায়তে ।

তাবদেবমুপাসীত বাঅনঃকারবৃতিভিঃ ॥ ভাগঃ ১।১।২৯।১৭

সর্বং ব্রহ্মাঅকং তস্য বিদ্ব্যাঅমনীযয়া ।

পরিপশ্যন্ন পরমেৎ সর্বতো যুক্তসংশয়ঃ ॥ ভাগঃ ১।১।২৯।১৮

—আমাকে স্মরণ, আমাতে মনঃ অর্পণ, আমার ধর্মে যতি ও যতি রাখিয়া আমার নিমিত্ত অগ্নে অগ্নে (বিনাড়ম্বরে) সকল কর্মই করিবে । মদন্তু সাধু কর্তৃক আশ্রিত পুণ্যদেশ আশ্রয় করিবে ও দেবাসুর-মহুগ্নের মধ্যে মন্তু কর্তৃক আচরিত ব্যবহার সম্পাদন করিবে ।

ভাগঃ ১১।২২।২-১০ ।

—নির্মলাশয় ব্যক্তি আকাশের ন্যায় সকল ভূতের অন্তরে বাহিরে ও আত্মাকে অনাবৃতরূপে আমাকে দর্শন করিবে । হে বুদ্ধিমান্ উদ্ধব ! এই প্রকারে সমুদায় ভূত ও জীব আমার ভাবে তদগত হইয়া কেবল জ্ঞানোপাসনা দ্বারা সিদ্ধ হয় । ভাগঃ ১১।২২।১২-১৩ ।

—যতদিন পর্যন্ত সমস্ত ভূতে আমার ভাব না জন্মে, ততদিন পর্যন্ত কায়মনোবাক্যে আমার উপাসনা করিবে । এইরূপে উপাসক পুরুষের সম্বন্ধে আত্মবুদ্ধি দ্বারা সর্বত্র ব্রহ্মদৃষ্টিরূপ যে ব্রহ্মবিজ্ঞা, তৎসহায়ে সমুদায় ব্রহ্মাত্মক হয় । পরে সমুদায় ব্রহ্মাত্মক দর্শন করিয়া মুক্তসংশয় হইয়া সমুদায় হইতে উপরত হইলেন । ভাগঃ ১১।২২।১৭-১৮ ।

অতএব, আত্মপ্রচেষ্টা, সাধুসঙ্গ, মনঃসংযম, অন্তর বাহিরে ভগবদ্‌ষ্টি প্রভৃতি ব্যাপারের পর, তবে ভগবান্ তাঁহার স্বজন বলিয়া অঙ্গীকার করেন । অতএব প্রতিপাদিত হইল যে, আত্মপ্রচেষ্টা ও ভগবদমুগ্ধ হইয়া উভয়ই সত্য ও সার্থক ।

২৬। শরীরে ভাবাধিকরণ।

ভিত্তি:—

১। “উদরং ব্রহ্মেতি শার্করাক্ষা উপাসতে, হৃদয়ং ব্রহ্মেত্যাক্ষণয়ো
ব্রহ্মাহৈব তা ই ইতি, উর্দ্ধং ত্বেবোপসর্পং তচ্ছিরোহশ্রয়ত,
যচ্ছিরোহশ্রয়ত তচ্ছিরোহভবং তচ্ছিরসঃ শিরস্তম্ ॥”

(ঐতরেয় আরণ্যকঃ ২।৪।১)

—শ্রীধর স্বামীর টীকা, (ভাগবত ১০।৮৭।১৪) :—শার্করাক্ষা
(স্থূলদৃষ্টি) ঋষিগণ উদরে, আক্ষণয় ঋষিগণ হৃদয়ে, ব্রহ্ম উপাসনা
করেন, ইত্যাদি। (ঐ. আ. ২।৪।১)।

২। “অহং বৈশ্বানরো ভূত্বা প্রাণিনাং দেহমাশ্রিতঃ ।”

(গীতাঃ ১৫।১৪)

—আমি জঠরাগ্নি হইয়া প্রাণিগণের দেহ আশ্রয় করিয়া থাকি।

(গীঃ ১৫।১৪)

সংশয় :—পূর্বে ত সিদ্ধাস্ত স্থাপন করিয়াছ যে, ব্রহ্ম পরব্যোমে ব্রহ্মপূরে
নিজস্বরূপভূত ধামে নিত্য বিরাজ করেন। এবং দ্বন্দ্ব, সূখ্য, বাৎসল্য প্রভৃতি
রসের ভক্তগণ তাঁহাকে পরব্যোমনাথ রূপে ভজনা করেন। কিন্তু শিরোদেশে
উদ্ধৃত শ্রুতি ও স্মৃতি হইতে জানা যায়, কেহ কেহ তাঁহাকে উদরে, হৃদয়ে,
শিরোদেশে, সহস্রারে অথবা ব্রহ্মরক্ষে উপাসনা করেন। পূর্ব সিদ্ধান্তের সহিত
ত ইহার বিরোধ হইয়া পড়িতেছে। ইহার সমাধান কি? উদর, হৃদয় প্রভৃতি
স্থানে উপাসনা প্রকৃষ্ট উপাসনা বলিয়া মনে হয় না কারণ, পরব্যোম
অপ্রাকৃত নিত্যধাম, সেখানেই নিত্য সত্যস্বরূপ পরমাত্মার স্থিতি সঙ্গত।
প্রাকৃত উদর, হৃদয় প্রভৃতি মায়িক, নশ্বর, অনিত্য। সেখানে উপাসনা সঙ্গত
নহে। ইহার উত্তরে সূত্রকার সূত্র করিলেন :—

শ্লোকঃ—৩।৩।৫৪ ।

এক আত্মনঃ শরীরে ভাবাৎ ॥ ৩।৩।৫৪ ॥

একে + আত্মনঃ + শরীরে + ভাবাৎ ॥

একে :—কেহ, কেহ; কোন কোন বেদশাখীগণ । আত্মনঃ :—পরমাত্মার ।
শরীরে :—দেহে (উদরে, হৃদয়ে, শিরোদেশে সহস্রারে বা ব্রহ্মরন্ধ্রে) ।
ভাবাৎ :—অবস্থিতি হেতু ।

কোন কোন বেদশাখীগণ নিজ নিজ দেহস্থ উদরে, হৃদয়ে, শিরো-
দেশে, অথবা ব্রহ্মরন্ধ্রে পরমাত্মার উপাসনা করিয়া থাকেন; ইহাতে
কোনও দোষ নাই । কারণ, পরমাত্মা অনন্ত, সর্বব্যাপী; তিনি
সর্বত্রই বিদ্যমান আছেন ।

তাহার সত্বাতেই জীব সত্ত্বাবান্ । জীবের আত্মা সেই পরমাত্মার
শরীর । উহার অভ্যন্তরে তিনি বর্তমান থাকিয়া জীবকে নিয়ন্ত্রণ করেন । ইহা
বৃহদারণ্যক শ্রুতির অন্তর্ধ্যামী ব্রাহ্মণে উক্ত আছে (বৃহঃ ৩।৭।২২) । সূত্রায়
ইহাদের ঐ প্রকার উপাসনা ব্রহ্মোপাসনা, ইহাতে সন্দেহ নাই । ছান্দোগ্য
উপনিষদের অষ্টম অধ্যায়ের প্রথম প্রপাটকে “দহরং” বিভাগে ইহার স্পষ্ট উপদেশ
আছে :—“যদিদমস্মিন্ ব্রহ্মপুরে দহরং পুণ্ডরীকং বেষ্ম দহরোহস্মিন্ ব্রহ্ম-
রাকাশস্মিন্ যদন্তদৃষ্টব্যম্” । (ছাঃ ৮।১।১) ।—এই শরীর রূপ
ব্রহ্মপুরে যে ক্ষুদ্র পদ্মাকার গৃহ (হৃদয়) আছে, ইহার মধ্যে যে ক্ষুদ্র আকাশ,
তাহার মধ্যে তাহা, তাহাই অন্বেষণ করিতে হইবে । (ছাঃ ৮।১।১)

অতএব শরীরের অভ্যন্তরে, উদরে, হৃদয়ে বা শিরোদেশে
যে উপাসনা করা হয়, তাহা ব্রহ্মোপাসনাই ।

•ভাগবত ইহা স্পষ্টই বলিয়াছেন :—

উদরমুপাসতে যা ঋষিব্ৰহ্ম কূর্পদৃশঃ

পরিসরুপদ্ধতিং হৃদয়মাক্রণয়ো দহরম্ ।

তত উদগাদনন্ত তব ধাম শিরঃ পরমং

পুনরিহ যৎ সমেত্য ন পতন্তি কৃতান্তমুখে ॥

ভাগঃ ১০।৮৭।১৮

—ঋষিগণের সম্মুখদায় মধ্যে স্থূলদর্শী ঋষিগণ উদর মধ্যগত মণিপুত্র
ব্রহ্মকে উপাসনা করেন। আকর্ণি ঋষিগণ হৃদয়মধ্যস্থ নাড়ী-
মার্গে সূক্ষ্মরূপ ব্রহ্মকে উপাসনা করেন। হে অনন্ত! পরে তাঁহারা
হৃদয় হইতে তোমার উপলব্ধির পরম স্থান মস্তকের প্রতি উদগত
হয়েন, যে স্থানে গমন করিলে আর কৃতান্তমুখে পতিত হইতে হয়
না, অর্থাৎ, মোক্ষলাভ হয়। ভাগঃ ১০।৮।১১৮

অতএব প্রাপ্তি—মোক্ষ। ইহা ব্রহ্মোপাসনার অপ্রতিবন্ধকল, ইহা
পূর্বে প্রতিপাদিত হইয়াছে। সূত্রায়ং শরীর মধ্যে পরমাত্মার
উপাসনা ব্রহ্মোপাসনা বটে। শরীর মধ্যে অবস্থান হেতু, শরীরগত
দোষ সংস্পর্শ ব্রহ্মে স্পর্শে না, ইহা ৩।২।১১ সূত্রে প্রতিপাদিত
হইয়াছে।

২৭। তদুভাবভাবিহানবিকল্পঃ ॥

ভিত্তি :—

১। “যথাক্রতুরশ্মিল্লোকে পুরুষো ভবতি, তথেষতঃ প্রেত্য ভবতি ।”
(ছান্দোগ্যঃ ৩।১৪।১)

—৩।৩।৫১ শ্লোকের নিরোদেশে ইহার অর্থ দেওয়া হইয়াছে ।

২। “সত্যসংকল্প আকাশাত্মা সর্বকর্মা সর্বকামঃ সর্বগন্ধঃ
সর্বরসঃ ইত্যাদি ।” (ছান্দোগ্য ৩।১৪।২)

৩। “তং যথায়থোপাসতে তথৈব ভবতি ।”

(রামানুজ ভাষ্যধৃত শ্রুতি) ।

—তাঁহাকে যে যে প্রকারে উপাসনা করে, সে সেইপ্রকার হয় ।

সংশয় :—ছান্দোগ্য শ্রুতির ৩।১৪।১ মন্ত্রে উপদিষ্ট হইয়াছে যে, জীব সংকল্প প্রধান । সুতরাং ইহলোকে যাদৃশ সংকল্প সম্পন্ন হয়, প্রয়াণের পরও সেইরূপ হইয়া থাকে । আবার উক্ত শ্রুতির অব্যবহিত পরবর্তী ৩।১৪।২ মন্ত্রে উপাস্তোর ঐশ্বর্য্য ও মাধুর্য্য উভয়বিধ গুণের বর্ণনা আছে । পূর্বে ৩।৩।২৮ শ্লোকে সিদ্ধান্ত প্রতিষ্ঠিত করা হইয়াছে যে, ঐশ্বর্য্য ও মাধুর্য্য জ্ঞানে দ্বিবিধ উপাসনায় বিরোধ নাই । আবার এক উপাসনায় অত্র উপাসনার গুণোপসংহারের প্রয়োজনীয়তাও অবধারিত হইয়াছে । অতএব সংশয় এই যে, উপাসকের নিজ উপাসনা মত গুণবিশিষ্ট উপাস্ত প্রাপ্তি হইবে, অথবা, সকল প্রকার গুণবিশিষ্ট, অনন্ত গুণ ও শক্তিমান এক অদ্বিতীয় ব্রহ্ম প্রাপ্তি হইবে? অর্থাৎ, যিনি মাধুর্য্যের উপাসক, তিনি কি শুধু মাধুর্য্য গুণ বিশিষ্ট উপাস্ত লাভ করিবেন, অথবা মাধুর্য্য-ঐশ্বর্য্য-বীৰ্য্য প্রভৃতি গুণ বিশিষ্ট বস্তু লাভ করিবেন? সম্ভবতঃ অনন্ত গুণবিশিষ্ট এক অদ্বিতীয় ব্রহ্মপ্রাপ্তিই হইবে । কেন না, ভিন্ন ভিন্ন পথ দিয়া কোন নগরে পৌঁছাইলে, উক্ত বিভিন্ন পথবাহী ব্যক্তিগণ বিভিন্ন নগর দর্শন করে না, একই নগর দর্শন করে । ব্রহ্মপ্রাপ্তিতেও সেই প্রকার হওয়া সঙ্গত । ইহার উক্তরে মন্ত্রকার মন্ত্র করিলেন :—

মন্ত্র :—৩।৩।৫।

ব্যতিরেকস্তদুভাবভাবিহাৎ, ন তুপলন্ধিবৎ ॥ ৩।৩।৫৫ ॥

ব্যতিরেকঃ + তৎ + ভাব + ভাবিহাৎ + ন + তু + উপলন্ধিবৎ ॥

ব্যক্তিরেকঃ—পার্থক্য। ত্বৎ—ধ্যানের, চিন্তনের, মননের। ভাবুঃ—
গুণ সকলের। ভাবিত্বাৎ—অবস্থিতি হেতু, প্রাপ্তি হেতু। নঃ—না।
তুঃ—আপত্তি নিরসনে। উপলক্ষিবৎ—অনুভূতি বা প্রতীতির গায়।

চিন্তিত বা ধ্যাত গুণের অতিরিক্ত গুণ পাওয়া যায় না। ব্রহ্মে অনন্ত গুণ
বর্তমান। যতদূর সম্ভব গুণোপসংহার করিলেও তাঁহার সমুদায় গুণচিন্তন
সম্পূর্ণ অসম্ভব। অল্পসংখ্যক মাত্রই চিন্তা করা যায় এবং কেবল চিন্তিত গুণই
উপলক্ষিগোচর হইয়া থাকে। কেন না, যাহা চিন্তা করা যায়, প্রাপ্তির উদ্দেশ্য
তাহাই থাকে। যদি প্রাপ্তির আকাঙ্ক্ষা এক প্রকার করা যায় এবং বাস্তবিক
প্রাপ্তি অন্যপ্রকার হয়, তাহা হইলে আকাঙ্ক্ষার সম্পূর্ণ পরিতৃপ্তি হয় না, হয়ত
আংশিক মাত্র হইতে পারে। ইহাতে উদ্দেশ্য সিদ্ধ হয় না এবং অনুভূতির
বৈচিত্র্য থাকে না। প্রপঞ্চে অনন্ত বৈচিত্র্য প্রত্যক্ষ দৃষ্ট হয়, ইহা হইতে
সহজেই অনুমান করা যাইতে পারে যে, পরোক্ষ লোকেও বৈচিত্র্য বর্তমান
আছে। ব্রহ্ম এক অদ্বিতীয় হইলেও তিনি অনন্ত অচিন্ত্য শক্তির আধার
বলিয়া, এক তাঁহাতেই অনন্ত প্রকার বৈচিত্র্যের উপলক্ষি সহজেই সম্পাদিত হয়।
ব্রহ্মবিদগণ অন্তরে অন্তরে জানেন যে, তাঁহারা পরব্রহ্মের যে বিশেষ ভাবের
বা গুণের উপাসনা করেন, তাহা ভিন্ন তাঁহাতে অনন্ত ভাব, গুণ বিद्यমান আছে ;
কিন্তু তাঁহারা উক্ত অনন্তভাব বা গুণ চিন্তা না করায়, মুক্ত অবস্থায়, উহারা
তাঁহাদের সমক্ষে প্রতিভাত হয় না। অতথা শিরোদেশে উদ্ধৃত ছান্দোগ্য
শ্রুতির ৩।১৪।১ মন্ত্র এবং রামানুজ ভাষ্যধৃত উপাসনানুসারে প্রাপ্তিবোধক
শ্রুতি মন্ত্রাংশ নিরর্থক হইয়া যায়। অভএব সিদ্ধান্ত এই যে, যে যেভাবে
ভগবানের ভজনা করে, সিদ্ধিতে সে সেই ভাবেই তাঁহাকে প্রাপ্ত
হয়। গীতার ৪।১১ শ্লোকে ভগবচ্ছক্তিও এই সিদ্ধান্তের পোষক, তাহা
বলা বাহুল্য।

এই প্রসঙ্গে ৩।২।২৪ সূত্রের আলোচনায় উদ্ধৃত (পৃ: ১৩১৬) ভাগবতের
৩।২।১১ শ্লোক এবং ৩।২।২৬ সূত্রের আলোচনায় উদ্ধৃত (পৃ: ১৩৩৬) ৬।৪।২৮ শ্লোক
দ্রষ্টব্য। এইজন্য ভাগবতের ১০।৬।১২০ শ্লোকে তাঁহাকে “সর্বভাবায়”—
সমুদায় ভাব স্বরূপ এবং ১০।৬।১৩৬ শ্লোকে “সমস্ত পুরুষাঃ ময়ঃ ফলাত্মা”—
সমস্ত পুরুষার্থ ও ফলস্বরূপ বলা হইয়াছে।

শ্রীকৃষ্ণ যখন কংসের মল্লক্রীড়া স্থলে গমন করিলেন, তখন দর্শকগণের
ভাবের ভারতম্যানুসারে এক শরীরধারী তাঁহাকে ভিন্ন ভিন্ন ভাবের ভাবুক

দর্শকগণ ভিন্ন ভিন্ন রূপে দর্শন করিলেন । ভাগবত একটি মধুর শ্লোকে ইহা বর্ণনা করিয়াছেন :—

মল্লানামশনি নৃগাং নরবরঃ
 স্ত্রীগাং স্মরো মূর্ত্তিমান্ ।
 গোপানাং স্বজনোহসতাং ক্রিতিভূজাং
 শাস্তা স্বপিত্রোঃ শিশুঃ ।
 মৃত্যুর্ভোজপতেব্বিরাড়বিছৃষাং
 তদ্বং পরং যোগীনাম্ ।
 বৃষ্ণীগাং পরদেবতেতি বিদিতো

রঙ্গং গতঃ সাগ্রজঃ ॥ ভাগঃ ১০।৪৩।১৭

—যখন শ্রীকৃষ্ণ অগ্রজ বলদেবের সহিত রঙ্গ মঞ্চে প্রবেশ করিলেন, তখন মল্লগণ তাঁহাকে অশনিতুল্য, সাধারণ মানবগণ নরশ্রেষ্ঠ, স্ত্রীগণ মূর্ত্তিমান্ কামদেব, গোপগণ তাঁহাদের স্বজন, অসৎ রাজগণ আপনাদের দণ্ডদাতা শাসন কর্তা, তাঁহার পিতামাতা তাঁহাকে স্নেহের ছলমল শিশুতুল্য, কংস নিজের মৃত্যু স্বরূপ, অজ্ঞানীগণ বিরাট, যোগীগণ পরতদ্ব এবং বৃষ্ণগণ পরদেবতা রূপে দর্শন করিলেন । ভাগঃ ১০।৪৩।১৭

নগরের দৃষ্টান্ত প্রযোজ্য নহে । নগর অচেতন, জড় । উহার স্বতঃ পরিবর্তন ক্ষমতা নাই । ভগবান চৈতন্যময় । তিনি ইচ্ছামত ভাব, বিগ্রহ, শক্তি পরিগ্রহ করিতে পারেন ।

দৃষ্টান্ত দ্বারা পূর্ব সিদ্ধান্ত দৃঢ়কৃত করিতেছেন ।

সূত্রঃ—৩।৩।৫৬ ।

অজ্ঞাবহাস্ত ন শাখাসু হি প্রতিবেদম্ ॥ ৩।৩।৫৬ ॥

অজ্ঞ + অববন্ধাঃ + তু + ন + শাখাসু + হি + প্রতিবেদম্ ॥

অজ্ঞ :—যজ্ঞাদ্ ; যজ্ঞের বিশেষ অংশ । অববন্ধাঃ :—হোতা, ঋষিক্, অধ্বর্যু, উদগাতা প্রভৃতি রূপে নির্দিষ্ট ও বৃত । তু :—নিশ্চয়ে । ন :—না ।

শাখাঙ্গু :—সমুদায়—বেদশাখায়। হি :—নিশ্চয়ই। প্রতিবেদন :—
বেদবিধি অনুসারে নিয়মিত, অর্থাৎ, ঋগ্বেদ দ্বারা হোতা, যজুর্বেদ দ্বারা অধ্বর্যু,
সামবেদ দ্বারা উদগাতা, অথর্ববেদ দ্বারা ব্রহ্মা—এই সকলের কার্য নির্দিষ্টরূপে
অবধারিত আছে।

যেমন কোন যজ্ঞকর্মে প্রত্যেক ঋত্বিক যজ্ঞের সমুদায় অঙ্গের কার্য সম্পাদনে
পারদর্শী হইলেও, অর্থাৎ সকলেই হোতা, অধ্বর্যু, উদগাতা, ব্রহ্মা প্রভৃতির
কার্যে দক্ষ হইলেও, যেমন যজ্ঞমানের ইচ্ছানুযায়ী বরণ দ্বারা উহাদের মধ্যে
কেহ হোতা, কেহ অধ্বর্যু, কেহ উদগাতা, কেহ ব্রহ্মা ইত্যাদি কার্যে অববন্ধ
অর্থাৎ নির্দিষ্ট হইবার পর যিনি যে কার্যে নির্দিষ্ট ও বৃত হন, তাঁহাকে যজ্ঞশেষ
পর্যন্ত সেই কার্যই করিতে হয়, অন্য অঙ্গের কার্য সম্পাদন করিতে পারেন না,
যদিও প্রতিবেদে প্রত্যেকেরই কর্তব্য নির্দিষ্ট আছে, এবং যদিও তাঁহারা
প্রত্যেকেই সমুদায় অঙ্গেরই কার্যে নিপুণ, তথাপি নির্দিষ্ট কার্যে বন্ধ থাকিতে হয়;
সেইরূপ পরব্রহ্মের বা ভগবানের ইচ্ছানুসারে জীবগণ, তাহাদের স্বকৃত কর্মের
নিবন্ধন যে প্রকার উপাসনা মার্গে নির্দিষ্ট ভাবে অববন্ধ হইয়াছে, তাহাকে সেই
মার্গানুসারে উপাসনা করিতে হইবে। ঋত্বিকগণের দক্ষিণা যেমন নিজ নিজ
কার্যের গুরুত্ব, লঘুত্ব অনুসারে যজ্ঞমানের ইচ্ছায় নির্দিষ্ট হয়, উপাসকের সিদ্ধি
ও প্রাপ্তিও সেইরূপ ভগবদিচ্ছায় অবধারিত হয়।

সমুদায় উপাসনা মার্গের পরিণতি একমাত্র ভগবানে হইলেও
এবং তিনি সর্ববিধ উপাস্ত্রের সর্ববিধ গুণ সমূহের একমাত্র শাস্ত্র
ভাণ্ডার হইলেও, উপাসকের বিশিষ্ট উপাসনার পরিণতি সম্পাদনের জগু
বিশিষ্ট রূপে তাহার আকাজক্ষা পরিতৃপ্তি করিয়া থাকেন।

[মৎপ্রণীত “নাম মহিমা” গ্রন্থের ত্রিপাদ বিভূতি অধ্যায়ে ইহার আলোচনা
বিস্তৃতভাবে করা হইয়াছে।]

সংশয় :—তুমি ত সিদ্ধান্ত করিলে, হয় ঐশ্বর্য জানে, না হয়, মাধুর্য
জ্ঞানে, উপাসনা বিধেয়। কিন্তু পুরাণাদিতে দেখা যায়, উক্তবাদের ঐশ্বর্য-
মাধুর্য মিশ্র উপাসনা ছিল। ইহা কি প্রকারে সম্ভব হয়? ইহার উত্তরে
স্বতন্ত্র :—

সূত্রঃ—৩।৩।৫৭ ।

মন্ত্রাদিবৎ বিরোধঃ ॥ ৩।৩।৫৭ ॥

মন্ত্রাদিবৎ + বা + অধিরোধঃ ॥

মন্ত্রাদিবৎ :—মন্ত্র প্রভৃতির স্তায় । বা :—বিকরে, অথবা । অধিরোধঃ :—
বিরোধের অভাব ।

একই মন্ত্রের যেমন একাধিক কর্ণে প্রয়োগ দেখিতে পাওয়া যায়, সেইরূপ পরমাত্মার বা ভগবানের সংকল্প বশতঃ উক্তবাদের অধিকার অনুসারে ঐশ্বর্য্য-মাধুর্য্য-মিশ্র উপাসনায় তাঁহারা যোগ্য । অতএব উহা তাঁহাদের করণীয় । তাঁহাদের ভক্তির প্রবৃত্তি অনুসারে ঐ প্রকার মিশ্র উপাসনার বিধি, ভগবানের দ্বারাই বিহিত । সূত্রে ব্যবহৃত “আদি” শব্দ দ্বারা কাল ও কর্ণ সংগৃহীত হইবে । যেমন একই কাল কখনও পুষ্প পত্রাদির, কখনও নিষ্পত্রাদির, কখনও বালোর, কখনও যৌবনের, কখনও বার্কিকোর কারণ হয়, সেইরূপ উক্ত প্রভৃতিও কখনও ঐশ্বর্য্য, কখনও মাধুর্য্য গুণ, কখনও বা উভয়মিশ্র অবলম্বন করিতেন, ইহাই সংশয়ের সমাধান ।

অথবা, এই সূত্রের অন্য প্রকার অর্থও হইতে পারে । ঔঙ্কার উচ্চারণ করিয়া সমুদায় মন্ত্র পাঠ করিবার বিধি । এ কারণ, ঔঙ্কারকে মন্ত্রাদি বলা যাইতে পারে । ঔঙ্কার ব্রহ্মাত্মক বিধায়, যেমন সমুদায় কর্ণে, সমুদায় মন্ত্রে উহা ব্যবহৃত হয়, সেইরূপ ঐশ্বর্য্য-মাধুর্য্যাদি সমুদায় ব্রহ্মগুণ হেতু, ব্রহ্মাত্মক হওয়ায়, ভক্তের অভিকচি অনুসারে ও অধিকারানুযায়ী উহাদের মিশ্রভাবে চিন্তাও করা যাইতে পারে । উহাতে বিরোধ নাই । তবে একনিষ্ঠতার প্রয়োজনীয়তা পূর্বে উক্ত হইয়াছে । একনিষ্ঠ সাধকগণের পক্ষে উক্ত রূপ মিশ্রণ সকলের অভীক্ষিত নহে । ভক্তের পক্ষে অভীক্ষিত হউক বা না হউক, ভগবানের পক্ষে উহাতে দোষ নাই । যে, যেভাবে তাহাকে চিন্তা করিবে, তিনি সেই ভাবেই তাহার হৃদয়ে উদয় হইয়া তাহার আকাজক্ষা পূরণ করিবেন । এ সম্বন্ধে ভাগবত বলেন :—

যদ্যচ্ছিয়া ত উরুগায় বিভাবয়ন্তি, তত্ত্বপুঃ প্রণয়সে সদনুগ্রহায় ॥

ভাগঃ ৩।২।১১

—যে ভক্ত যে প্রকারে ভজনা করিবে, তাহার ভাবনার, আকাজক্ষার পরিতৃপ্তির জন্য তিনি সেই রূপেই মূর্ত্তি পরিগ্রহ করিয়া দর্শন দান করেন । ইহা তাঁহার ভক্তানুগ্রহ, ভক্তবৎসলতা । ভাগঃ ৩।২।১১

২৮। ভূমজ্যায়স্বাধিকরণ ॥

ভিত্তি :—

১। “একোহপি সন্ বহুধা যো বিভাতি” ।

(গোপাল পূর্বতাপনী: ৩)

—যিনি এক হইয়াও বহুরূপে প্রকটিত হন। (গো: পু: তা:, ৩)

২। “তস্ম্যাং কৃষ্ণ এব পরমো দেব স্তং ধ্যায়েৎ রসেৎ যজ্ঞেৎ

ভজ্ঞেৎ” ॥ (গোপাল পূর্বতাপনী: ১৩)

—অতএব কৃষ্ণই পরম দেবতা, তাঁহাকে ধ্যান, রতি, যজ্ঞন, ভজ্ঞন করিবে। (গো: পু: তা:, ১৩)।

৩। “ওঁম্ যোহসৌ ব্রহ্ম পরং বৈ ব্রহ্ম” ॥

(গোপাল উত্তর তাপনী: ১৫)

—ইনিই ব্রহ্ম, পরব্রহ্ম। (গো: উ: তা:, ১৫)।

৪। “ওঁম্ যোহসৌ সর্বভূতাত্মা গোপালঃ” ॥

(গোপাল উত্তর তাপনী: ১৬)

—এই গোপালই সর্বভূতাত্মা। (গো: উ: তা:, ১৬)।

সংশয় :—শিরোদেশে উদ্ধৃত গোপাল তাপনী শ্রুতিসকলে কোথাও কৃষ্ণকে পরমদেব বলা হইয়াছে, এবং তিনি এক হইয়াও বহুরূপে প্রকটিত হন, ইনিই পরব্রহ্ম, এবং ইনিই সর্বভূতাত্মা—এই প্রকার বলা হইয়াছে। এই প্রকার বর্ণনায় বড়ই সংশয় উপস্থিত হয়, তাঁহাকে এক ব্যক্তিগত ভাবে চিন্তা করিতে হইবে, অথবা তিনি সর্বাঙ্গক, সর্বব্যাপী, ভূমা, এভাবে ধ্যান করিতে হইবে, ইহা নির্ণয় হয় না। একত্ব ও বহুত্ব, পরম্পর অত্যন্ত বিরুদ্ধ। একস্থানে একাধারে একত্ব ও বহুত্ব উভয় গুণই থাকিতে পারে না। অতএব, যখন উপাসক তাহার ইষ্টমূর্তি চিন্তা করিবে, তখন ত. সে একত্বের চিন্তা করিবে, তাহার সহিত বহুত্বের উপসংহার কি করিয়া হইবে? অতএব, বহুত্ব বা সর্বাঙ্গকত্ববোধক শ্রুতি সকল প্রশংসাবাদ মাত্র, স্মৃত্যুং গোণভাবে উহাদের সার্থকতা মনে করাই সঙ্গত। পূর্বপক্ষের এই প্রকার আপত্তির উত্তরে সূত্রকার সূত্র করিলেন :—

সূত্র :—৩।৩।৫৮ ।

ভূম্নঃ ক্রতুবজ্জ্যায়স্বম্, তথাহি দর্শয়তি ॥ ৩।৩।৫৮ ॥

ভূম্নঃ + ক্রতুবৎ + জ্যায়স্বম্ + তথা + হি + দর্শয়তি ॥

ভূম্নঃ :—ভূম্নার অর্থাৎ সর্বব্যাপিত্ব, সর্বাশ্রয়, বহুত্ব প্রভৃতি বহু ভাবের ।

ক্রতুবৎ :—ক্রতুর গায় । জ্যায়স্বম্ :—শ্রেষ্ঠত্ব—অগ্ন্যগ্ন ইতর গুণসকল হইতে শ্রেষ্ঠত্ব নিবন্ধন—উহা চিস্তনীয় । তথা :—সেই প্রকার । হি :—নিশ্চয়ে ।

দর্শয়তি :—শ্রুতি প্রদর্শন করিতেছেন ।

যেমন পূর্বে ৩।৩।১১ সূত্রে প্রতিপাদিত হইয়াছে যে, আনন্দাদি গুণ সকল সমুদায় ব্রহ্মোপাসনায় উপসংহার করিতে হইবে, সেইরূপ বহুত্ব, সর্বব্যাপিত্ব, সর্বাশ্রয়, জগন্ময়ত্ব, বিশ্বরূপত্ব প্রভৃতি ভূম্নার গুণ সমূহও সমস্ত উপাসনায় উপসংহার করিতে হইবে । কারণ, উহার ব্রহ্মের স্বরূপনিষ্ঠ গুণ, সত্য, জ্ঞান, আনন্দ প্রভৃতি গুণের গায়, তাঁহার স্বরূপগত, এবং অগ্ন্য ইতর গুণসকল হইতে শ্রেষ্ঠ । যেমন জ্যোতিষ্টোম ক্রতুর দীক্ষা হইতে অবভূতস্নান পর্যন্ত সমুদায় অগ্ন্য ক্রতুতে প্রধান, কেহই পরিত্যজ্য নহে, সেইরূপ ভগবানের বহুত্ব গুণসকল সর্বথা গুণীর অনুগমন করে, এবং সেই জন্ত সকল উপাসনায় চিস্তনীয় ।

ছান্দোগ্য শ্রুতির ৭।২।৩।১ মন্ত্রে উক্ত আছে, “ভুম্নৈব স্নুখং নাশ্নে স্নুখমশ্ৰুতি” —‘ভূম্না’ অর্থাৎ বহুত্বে স্নুখ, অশ্নে স্নুখ নাই । আবার ‘ভূম্না’ কাহাকে বলে, এই আকাঙ্ক্ষা পরিপূরণের জন্ত শ্রুতি তাহার পরবর্তী ৭।২।৩।১ মন্ত্রে “ভূম্নার” সংজ্ঞা এবং “ভূম্নার” অমৃতত্ব নির্দেশ করিয়াছেন । “যত্র মাশ্ৰুৎ পশ্যতি মাশ্ৰুৎ শৃণোতি মাশ্ৰুৎ বিজানাতি স ভূম্না..... যো বৈ ভূম্না শুক্লমৃতম্” ॥ (ছান্দোগ্য ৭।২।৩।১)—“যাহাতে অগ্ন্য কিছু দর্শন করে না, অগ্ন্য কিছু শ্রবণ করে না, অগ্ন্য কিছু জানিতে পারে না, তাহাই ‘ভূম্না’; যাহা ভূম্না, তাহাই ‘অমৃত ।’ শ্রুতি স্পষ্ট নির্দেশ করিলেন যে ‘ভূম্না’ সর্বাশ্রয় এবং অদ্বিতীয়—অশ্রয়কথায়, একত্ব ও বহুত্ব—ভূম্নায় পর্য্যবসিত ।

• পূর্বে প্রতিপাদিত হইয়াছে যে, এক, বহু ইত্যাদি—দেশ কাল বস্তু পরিচ্ছেদের অস্তিত্ব সূক্ষ্মমান প্রপ্রকৃতি প্রযোজ্য । যিনি সমকালে প্রপঞ্চের ভিতরে ও বাহিরে বর্তমান থাকিয়াও সর্বদা স্বরূপে প্রতিষ্ঠিত, তাঁহাতে এক, বহু প্রভৃতির সমুদায়ই সমকালে প্রযুক্ত হইতে পারে । মানব বুদ্ধি দেশ কাল বস্তু পরিচ্ছেদের প্রবাস্তাধীন বলিয়া যাহা উহার নিকট বিরোধ বলিয়া প্রতীয়মান

হয়, দেশ কাল বস্তু পরিচ্ছেদের অতীত ব্রহ্ম বস্তু বা ভগবানের নিকট, তাহা বিরোধ নহে। সমুদায় বিরোধের সমাধান তাঁহাতেই—ইহা পূর্বে অনেক বার বলা হইয়াছে।

শ্রীমদ্ভাগবতে স্পষ্ট উল্লেখ আছে যে, ব্রহ্মা শ্রীকৃষ্ণকে পরিচ্ছিন্ন রূপে গোপবালক বেশে দর্শন করিয়াও তাঁহাকে ‘ভূমন্’ বলিয়া সম্বোধন করিলেন :—

“পুরেহ ভূমন্ ! বহুবোহপি.....” (১০।১৪।৫)। সমুদায় শ্লোকটি ১।৩।৮ সূত্রের আলোচনায় (পৃ: ৫৭৭) দেওয়া হইয়াছে।

শ্রীরামচন্দ্র সমুদ্রে সেতু বন্ধনের জন্ত সমুদ্রকে আরাধনা করিয়াও, যখন সমুদ্রের কোনও প্রকার অমুকুলতা পাইলেন না, তখন অতিশয় ক্রুদ্ধ হইয়া সমুদ্র শাসনের জন্ত প্রস্তুত হইলে, সমুদ্রের অধিষ্ঠাত্রী দেবতা ভবে কাতর হইয়া শ্রীরামের পরিচ্ছিন্ন মনুষ্যমূর্ত্তি দর্শন করিয়াও তাঁহাকে “ভূমন্” বলিয়া সম্বোধন করিয়া স্তব করিলেন :—

ন স্বাং বয়ং জড়ধিয়ো ন বিদাম ভূমন্

কূটস্থমাদিপুরুষং জগতামধীশম্ ॥ ভাগঃ ৯।১০।১৩

(১।৩।৮ সূত্রের আলোচনায় (পৃ: ৫৭৭) ইহার অর্থ দেওয়া হইয়াছে।)

ব্রহ্মাও ১০।১০।৬ শ্লোকে বালকমূর্ত্তি শ্রীকৃষ্ণের স্তব করিয়া বলিলেন :—

তথাপি ভূমন্ ! মহিমাগুণশ্চ তে..... । ভাগঃ ১০।১৪।৬

—হে ভূমন্ ! অগুণ তোমার মহিমা ..ইত্যাদি। ভাগঃ ১০।১৪।৬

অতএব ভগবান্ দৃশ্যমান শরীরধারী হইলেও তাঁহাকে ‘ভূমা’ ভাবে চিন্তা করিতে হইবে।

অতএব, সিদ্ধান্ত হইল যে, ভগবান এক, অদ্বিতীয়, পরিচ্ছিন্ন ইষ্ট-মূর্ত্তিধারীবৎ প্রতীয়মান হইলেও, সমুদায় উপাসনায় তাঁহার “ভূমন্” চিন্তা করিতে হইবে। এক অদ্বিতীয় হইয়াও সমকালে বহু ও সর্বাত্মক—ইহাষ্ট চিন্তনীয়। তিনি ভূমা বলিয়াই সর্বকর্ম, সর্ব-প্রকার উপাসনা, চিন্তা তাঁহার দ্বারা জ্ঞাত হইয়া থাকে এবং কর্মের সহিত ফল সম্বন্ধের নিত্যতাও সিদ্ধ হয়। ভাগবত নানা প্রকারে ইহা প্রকাশ করিয়াছেন :—“স সর্বনামা স চ বিশ্বরূপঃ” (ভাগঃ ৬।৪।২৩)।

২২ । শব্দাদিভেদাধিকরণ ॥

সংশয় :—ভাল, ভূমত্ব গুণের উপসংহার সকল উপাসনার করিতে হইবে বুঝা গেল । শ্রীকৃষ্ণ, শ্রীরাম, দুর্গা, নৃসিংহ প্রভৃতিকে ব্রহ্মভাবে উপাসনা করিলে, যদিও ইষ্টমূর্ত্তি পৃথক, তথাপি সমুদায় উপাসনা ব্রহ্ম উপাসনা, ইহাও বুঝা গেল । তবে উপাসনার প্রকার ভেদ কেন ? সমুদায় উপাসনা, অর্থাৎ তন্ত্রমতে বা বৈদিক মতে, কি এক ? সমুদায় উপাসনার বীজমন্ত্রাদিও কি একই ? যখন সমুদায়ই ব্রহ্মোপাসনা, তখন সমুদায় একই হওয়া যুক্তিযুক্ত । ইহার উত্তরে শ্লোক :—

শ্লোকঃ—৩।৩।৫৯ ।

নানা শব্দাদিভেদাৎ ॥ ৩।৩।৫৯ ॥

নানা + শব্দাদি + ভেদাৎ ॥

নানা :—বিবিধ প্রকার । শব্দাদি :—কৃষ্ণ, রাম, দুর্গা, নৃসিংহ প্রভৃতি শব্দ বা নাম ও তাঁহাদিগের বীজমন্ত্র প্রভৃতি । ভেদাৎ :—বিভিন্নতা হেতু ।

ইষ্ট মূর্ত্তি বিভিন্ন বলিয়া এবং প্রত্যেকের গুণের ধ্যান, বীজ মন্ত্রাদি বিভিন্ন হেতু উপাসনাও বিভিন্ন বৃত্তিতে হইবে এবং তাহাদের সিদ্ধি ও ফল সাধারণ ভাবে মোক্ষ হইলেও বিশেষভাবে যে বিভিন্ন, তাহা ৩।৩।৫৫ শ্লোকে প্রতিপাদিত হইয়াছে । •ভগবানের সংকল্প বশতঃ সাধকের অধিকার অনুসারে যে এইরূপ হইয়া থাকে, তাহা ৩।৩।২৮ শ্লোকে প্রতিপাদিত হইয়াছে ।

৩।৩।৯ শ্লোকে আমরা বিস্তৃতভাবে আলোচনা করিয়াছি যে, স্পন্দন হইতে জগৎ সৃষ্টি । নিত্য, শুদ্ধ, বুদ্ধ, মুক্ত, সৎ বা পরম তুরীয় তত্ত্ব যদি নিজ স্থির, অচঞ্চল স্বরূপে অবস্থিতি করেন, তাহা হইলে সৃষ্টির অভিব্যক্তি সম্ভব হয় না । উক্ত “সৎ” স্বরূপের চলন বা স্পন্দন—সৃষ্টির মূলে । উক্ত “সৎ” স্বরূপ চৈতন্যময় । তাঁহার লংকল্পেই সৃষ্টি । চেতনেরই সংকল্প হইয়া থাকে এবং সংকল্প—স্পন্দন ভিন্ন অন্ত কিছুই নয় । এই স্পন্দন—চলন উৎপন্ন করিলেই সৃষ্টি হইয়া থাকে । এই স্পন্দন বা চলন—শাস্ত্রের ভাষায় “ছন্দ” নামে কথিত । সমষ্টি “সৎ” স্বরূপে যে নিয়ম ব্যাপ্তিও সেই নিয়ম । সে হেতু “নিয়ম” বাহির হইতে আগতক কিছু নহে । যিনি নিয়মকর্ত্তা তিনিই নিয়ম । এ সমুদায় আগেই প্রতিপাদিত হইয়াছে । স্মরণ্যং ব্যাপ্তি প্রপঞ্চে বিভিন্ন মানবের বিভিন্ন প্রকৃতির কারণ স্পন্দনের বিভিন্নতা । বীজ মন্ত্রাদি শব্দাত্মক । শব্দ ও স্পন্দন হইতে উদ্ভূত । উক্ত শ্লোকের

আলোচনায় আমরা বুঝিয়াছি যে, উপাসকের প্রকৃতির স্পন্দনের সহিত যে বীজ বা মন্ত্রের স্পন্দনের সমতা আছে—সেই বীজ, সেই মন্ত্র, উক্ত উপাসকের—ইষ্টবীজ ও ইষ্ট মন্ত্র। জগতে মানব প্রকৃতি পরস্পর বিভিন্ন, সুতরাং উপাসনা, বীজ, মন্ত্রাদি যে বিভিন্ন হইবে, তাহার কথা কি ?

ভাগবত বলিতেছেন :—

কৃতং ত্রেতা দ্বাপরঞ্চ কলিরিত্যেযু কেশবঃ ।

নানাবর্ণাভিধাকারো নানৈব বিধিনেজ্যতে ॥ ভাগঃ ১১।৫।১৯

—ভগবান্ কেশব সত্য ত্রেতা দ্বাপর কলি এই যুগ চতুষ্টয়ে নানা নামে, নানা যুক্তিতে, নানারূপে, নানা বিধানে অর্চিত হন ।

ভাগঃ ১১।৫।১৯ ।

এ ত গেল যুগগত সমষ্টিমানবের সাধারণ উপাসনার কথা। প্রতিযুগের অন্তর্ভুক্ত প্রতি ব্যক্তি মানবের ইষ্ট, বীজ, মন্ত্র, উপাসনা প্রভৃতি বিভিন্ন, ইহা বলা বাহুল্য। প্রকৃতপক্ষে উপাসনা প্রত্যেক মানবের নিজস্ব। ইহার প্রতি লক্ষ্য করিয়াই ভগবান গীতায় বলিয়াছেন :—

উদ্ধরেদাত্মনাত্মানং নাত্মানমবসাদয়েৎ ।

আত্মৈব হ্যাত্মনো বন্ধুরাত্মৈব রিপুৱাত্মনঃ ॥ গীতাঃ ৬।৫

—জীব আপনাকে আপনিই উদ্ধার করিতে সমর্থ, একারণ আপনাকে অধোনয়ন করিবে না। আপনিই আপনার বন্ধু ও আপনিই আপনার শত্রু। গীঃ ৬।৫

অতএব, সিদ্ধান্ত হইল যে, উপাসনা তিন্ন তিন্ন প্রকার। উপাসকের অনন্ত প্রকার বিভিন্নতা হেতুই এই বিভিন্নতা অপরিহার্য। অনন্ত শক্তিমানের উহা এক প্রকার করা অসম্ভব না হইলেও, তাহাতে প্রত্যেক ব্যক্তি জীবের ভগবদত্ত সীমাবদ্ধ স্বাধীনতায় হস্তক্ষেপ করা হয়। তাহা সম্ভব নহে বলিয়া মন্ত্র, বীজ, ইষ্ট প্রভৃতির বিভিন্নতা সিদ্ধ হইল।



৩০০। বিকল্পাধিকরণ ॥

সংশয় :—উপাসনা—যুক্তিভেদে, নামভেদে, রূপভেদে, বিধানভেদে, মন্ত্র-বীজ প্রভৃতি ভেদে বিভিন্ন প্রকার ত বলিলে, এখন জিজ্ঞাসা করি, ইহাদের মধ্যে এক প্রকার উপাসক, অন্য প্রকার উপাসনার যুক্তি, নাম, রূপ, বিধানাদি সমুচ্চয় করিয়া উপাসনা করিবে? অথবা তাহার নিজ উপাসনাতেই নিবিষ্ট থাকিবে? অবশ্যই ৩৩৩৭ সূত্র সম্পর্কে এ প্রকার সংশয় একবার প্রকাশ করিয়াছিলাম বটে, সেখানে যুক্তি, নাম, রূপ সম্বন্ধেই আপত্তি ছিল, সেখানে বীজ, মন্ত্র, বিধানাদির কথা উঠে নাই। এজন্য মনে সন্দেহ হইতেছে, মন্ত্র, বীজ, বিধান যখন ব্রহ্মোপাসনার অন্তর্গত, তখন সমুদায় সমুচ্চয় করাই সম্ভব বলিয়া মনে হইতেছে। ইহার উত্তরে সূত্র :—

সূত্র :—৩৩৩৬০।

বিকল্পোঃ বিশিষ্টফলত্বাৎ ॥ ৩৩৩৬০ ॥

বিকল্পঃ + অবিশিষ্টফলত্বাৎ ॥

বিকল্পঃ :—পাঞ্চিক অনুষ্ঠান। অবিশিষ্টফলত্বাৎ :—ফলের অপার্থক্য হেতু।

যাহার ফল ইষ্টরূপে উপাস্য, তাহাই তাহাকে ধরিয়া থাকিতে হইবে। সেই ইষ্টদেবের উপাসনার যে মন্ত্র, যে বীজ, যে বিধান আছে, তাহারই অনুগমন করা তাহার কর্তব্য। মন্ত্র বীজ—স্পন্দন হইতে উৎপন্ন, রূপ ও স্পন্দন হইতে উৎপন্ন। বিশেষ মন্ত্র ও বীজের সহিত বিশেষ ইষ্টযুক্তির ঘনিষ্ঠ সম্বন্ধ বর্তমান। এজন্য দেবতাগণকে “মন্ত্রযুক্তি” বলা হয়। মন্ত্র বীজ—দেবতারই প্রতীক। কোন বিশেষ মন্ত্র বীজ উচ্চারণ করিলেই, সেই মন্ত্রের ও বীজের লক্ষীভূত ইষ্ট দেবতার দৃষ্টি আকর্ষিত হয়। রাম পূর্বতাপনী উপনিষদে স্পষ্ট উল্লেখ আছে যে, যেমন কাহারও নাম ধরিয়া ডাকিলে সেই নামী ব্যক্তির মনোযোগ আকৃষ্ট হয়, সেইরূপ বীজাত্মক মন্ত্রের উচ্চারণে সেই মন্ত্রী (অর্থাৎ মন্ত্রের লক্ষীভূত দেবতা) অভিমুখ হন। “যথা নামী বাচকের মান্না যোহতিমুখো ভবেৎ। তথা বীজাত্মকো মন্ত্রো মন্ত্রিণোহতিমুখো ভবেৎ” (রাম পূর্বতাপনী, ৪।৩)। অতএব একই মন্ত্র, একই বীজ আশ্রয় করিয়া উপাসনা করা প্রয়োজন।

৩৩৩৯ সূত্র প্রসঙ্গে এ বিষয়ের আলোচনা পূর্বেই বিস্তারিতভাবে

কাম্যাঃ :—কাম্য উপাসনা সকল অর্থাৎ যে সকল উপাসনার লক্ষ্য কীর্তি, ধন, যশঃ, সম্পদ, স্বাস্থ্য প্রভৃতি। **তু** :—কিন্তু, আপত্তি নিরসনে। **যথাকামং** :—কামনানুযায়ী। **সমুচ্চীরেন্ন** :—সমুচ্চয় করিবে। **ন বা** :—অথবা করিবে না। **পূর্বহেতু** :—পূর্বোক্ত কারণ। **অভাবাৎ** :—অভাব হেতু।

পূর্ব কথিত ব্রহ্মপ্রাপ্তি এবং মোক্ষলাভ বাহারা ইচ্ছা করেন না, কেবল সামান্য ঐহিক কীর্তি, যশঃ, ধন, সম্পদাদির প্রার্থনা করেন, তাঁহারা তাঁহাদের কামনানুসারে অন্যান্য দেবতাগণের উপাসনা করিতে পারেন। কিন্তু মুমুকু উপাসক, যদি কখনও ঐহিক কাম্য কিছু অভিলাষ করেন, তাহা হইলে তিনি অন্য দেবতার উপাসনা না করিয়া নিজের ইষ্টদেবের কাছে, তাহাও প্রার্থনা করিতে পারেন।

এ সম্বন্ধে ভাগবতের উক্তি বড়ই সুস্পষ্ট :—

ব্রহ্মবর্চসকামস্ত যজ্ঞেত ব্রহ্মণঃ পতিম্ ।

ইন্দ্রমিন্দ্রিয়কামস্ত প্রজাকামঃ প্রজাপতীন্ ॥ ভাগঃ ২।৩।২

দেবীং মায়াস্তু শ্রীকামস্তেজস্কামো বিভাবস্তুম্ ।

বস্তুকামো বস্তুন্ রুদ্রান্ বীর্ধ্যকামোহথ বীর্ধ্যবান্ ॥ ভাগঃ ২।৩।৩

অন্নাত্তকামস্তদিতিং স্বর্গকামোহদিতোঃ স্তৃতান্ ।

বিশ্বান্ দেবান্ রাজ্যকামঃ সাধান্ সংসাধকো বিশাম্ ॥

ভাগঃ ২।৩।৪ ইত্যাদি, ইত্যাদি ।

—ব্রহ্মতেজঃ কামী বেদপতি ব্রহ্মার, ইন্দ্রিয় পটুতাকামী ইন্দ্রের, সন্তানকামী প্রজাপতিগণের, শ্রীকামী দুর্গাদেবীর, তেজস্কামী সূর্য্যের, ধনকামী বস্তুগণের, বীর্ধ্যকামী রুদ্রগণের, অন্নাদিকামী অদিতির, স্বর্গকামী আদিত্যগণের, রাজ্যার্থী বিশ্বদেবগণের, দেশস্থ প্রজাগণের স্বাধীনতা ইচ্ছুকগণ সাধ্যগণের উপাসনা করিবে। এই প্রকার আয়ুষ্কামী অশ্বিনী-কুমারদ্বয়কে, পুষ্টিকামী পৃথিবীকে, প্রতিষ্ঠাকামী দ্যাভা পৃথিবীকে, রূপকামী গন্ধর্বদিগকে, স্ত্রীকামী উর্বসী অম্বরাকে, সকলের উপায় আধিপত্যকামী ব্রহ্মাকে উপাসনা করিবে। ভাগঃ ২।৩।২-৩-৪-৫-৬ ।

ইত্যাদি বলিয়া ভাগবত শেষে বলিলেন :—

অকামঃ সৰ্বকামো বা মোক্ষকাম উদারধীঃ ।

তীব্ৰেণ ভক্তিয়োগেন যজ্ঞেত পুরুষং পরম্ ॥ ভাগঃ ২।৩।১০

—নিষ্কাম বা সৰ্বকাম অথবা মোক্ষকাম উদারবুদ্ধি সাধক তীব্ৰ ভক্তিয়োগ দ্বারা পরম পুরুষকে উপাসনা করিবে। অর্থাৎ নিজ ইষ্টকে ব্রহ্মবুদ্ধিতে উপাসনা করিবে। ভাগঃ ২।৩।১০

তাহাতেও সমুদায় ফল লাভ হইবে। কেননা, ইষ্টদেবের প্রসাদ সুরতরুর স্তায়। ইহা প্রহ্লাদ নৃসিংহদেবের স্তবে বলিয়াছেন, যথা :—

সংসেবয়া সুরতরোরিভ তে প্রসাদঃ

সেবানুরূপমুদয়ো ন পরাবরত্বম্ ॥

ভাগঃ ৭।৯।২৬

—হে নৃসিংহ দেব! তোমার প্রসাদ প্রার্থনানুসারে ফলদাতা কল্পতরুর স্তায়। সেবানুসারেই তুমি ফলদান করিয়া থাক। উহাতে উত্তম অধম বিচার কর না। ভাগঃ ৭।৯।২৬

অতএব প্রতিপাদিত হইল যে, কাম্যোপাসনায় অন্য দেবতার উপাসনা সমুচ্চয়ে অথবা ইষ্টোপাসনা বিকল্পে করিতে পারা যাইতে পারে। তবে মোক্ষাকাঙ্ক্ষী সাধক কোনও কাম্য বস্তু প্রাপ্তির অভিলাষ করিলে, তাহা তাঁহার ইষ্টদেবের নিকট প্রার্থনা করিতে পারেন, এবং তাঁহার পক্ষে তাহাই বিধি। কিন্তু তাঁহারা অন্য দেবতারও আরাধনা, ইচ্ছা করিলে কামনা পূরণের জন্ত করিতে পারেন।

এ প্রসঙ্গে বলিয়া রাখি যে, ইষ্টদেবের নিকট কামনা পূরণের জন্ত প্রার্থনা করিলেই যে কামনা পূরণ হইবে, তাহা নহে। তিনি—যাহাতে সাধকের আত্যন্তিক কল্যাণ সাধিত হয়, সেই প্রকার ব্যবস্থাই করেন। যদি প্রার্থিত কামনা পূরণে সাধকের পুরস্কার লাভের পথে অন্তরায় সৃজন করে, তাহা হইলে ইষ্টদেব তাহা প্রদান করেন না। কিন্তু অন্য দেবতাগণের সাধকের আত্যন্তিক কল্যাণের সহিত সম্পর্ক নাই, সুতরাং তাঁহাদিগকে সন্তুষ্ট করিতে পারিলেই কাম্য লাভ হইতে পারে। ব্রহ্মা, শিব বা অন্য দেবতাগণকে উপাসনার দ্বারা সন্তুষ্ট করিতে পারিলে, কামনারূপ কল লাভ হইতে পারে, কি

ভগবান বা ইষ্টদেব সন্তুষ্ট হইয়া অমুগ্রহ দান করিলে, যে কামনাপূর্ণ হইবে, তাহা নহে।

ভাগবতকার ভগবানের মুখ দিয়া বলাইতেছেন :—

“যস্যাহমমুগ্ৰহামি হরিশ্চৈ তদ্ধনং শনৈঃ” । ভাগঃ ১০।৮৮।৮

—আমি যাহার প্রতি অমুগ্রহ করি, অল্পে অল্পে তাহার সকল ধন হরণ করি। ভাগঃ ১০।৮৮।৮

কেন করি ? এরূপ করিলে তাহার স্বজনগণ তাহাকে নির্ধন দেখিয়া পরিত্যাগ করিলে, উক্ত ব্যক্তি—কুটুম্ব পালনের বা ধনোপার্জনের প্রচেষ্টা পরিত্যাগ পূর্বক সমগ্র ভাবে আমার উপাসনায় আত্মনিয়োগ করিয়া আমার অমুগ্রহ জ্ঞোর করিয়া আদায় করিয়া লইতে পারে।

৩২ । যথাশ্রয়-ভাবাধিকরণ ॥

ভিত্তি :—

১ । “তমেকং গোবিন্দ সচ্চিদানন্দ বিগ্রহং.....পরময়া

স্তুত্যা তোষ্যামি” ॥ (গোঃ পুঃ তাঃ ১)

—সেই এক অদ্বিতীয় সচ্চিদানন্দ বিগ্রহ গোবিন্দকে আমি পরম স্তুতি দ্বারা সন্তোষ বিধান করিব । (গোঃ পুঃ তাঃ ১)

২ । “নমো বিশ্বস্বরূপায় বিশ্বস্থিত্যন্তুহেতবে ।

বিশ্বেশ্বরায় বিশ্বায় গোবিন্দায় নমো নমঃ ॥

নমো বিজ্ঞানরূপায় পরমানন্দরূপিণে ।

কৃষ্ণায় গোপীনাথায় গোবিন্দায় নমো নমঃ ॥

নমঃ কমলনেত্রায় নমঃ কমলমালিনে ।

নমঃ কমলনাভায় কমলাপতরে নমঃ ॥

বর্হাপীড়াভিরামায় রামায়াকুণ্ঠমেধসে ।

রমামানসহংসায় গোবিন্দায় নমো নমঃ ॥

বেণুনাদ বিনোদায় গোপালায়াহিমর্দিনে ।

কালিন্দীকুললোলায় লোলকুণ্ডলধারিণে ॥”

(গোপাল পূর্ব তাপনী ১-২-৩-৪-৫ ইত্যাদি)

—শ্লোকগুলি অতি সরল বলিয়া অর্থ দেওয়া হইল না ।

সংশয় :—অঙ্গীর বা গুণীর উপাসনা কর্তব্য—এত সূত্র দ্বারা তাহাই প্রতিপাদিত হইল । শিরোদেশে উক্ত শ্রুতিমন্ত্রগণে আবার অঙ্গেরও বর্ণনা রহিয়াছে । তবে কি অঙ্গেরও ধ্যান কর্তব্য ? অঙ্গীর ধ্যান বা উপাসনা করিলে যখন সর্বার্থসিদ্ধি, তখন আবার অঙ্গ ধ্যানের প্রয়োজন কি ? ইহার উত্তরে সূত্র :—

সূত্র :—তা৩৩২ ।

অঙ্গেষু যথাশ্রয়ভাবঃ ॥ তা৩৩২ ॥

অঙ্গেষু + যথাশ্রয়ভাবঃ ॥

অঙ্গেষু :—অঙ্গ সকলে । যথাশ্রয়তাৰ্হঃ :—যে অঙ্গে যে ভাব উপযোগী, তাহার ভাবনা প্রয়োজন ।

দেখ, পরমতত্ত্বই অঙ্গী এবং গুণ সমস্তই তাঁহার অঙ্গ । অঙ্গীও অঙ্গে অভেদ, ইহা পূর্বে প্রতিপাদিত হইয়াছে । মনঃ স্বেৰ্হ্য উপাসনার মুখ্য অঙ্গ । উপাসকের পক্ষে অঙ্গীর সমগ্র অঙ্গের ধারণায় পাছে মনের বিক্ষিপ্ত বা চাঞ্চল্য হয়, একারণ ৩।২।৩৩ সূত্রে বিশেষ বিশেষ অঙ্গ ভাবনা দ্বারা মনঃস্থির করাই কর্তব্য ইহা প্রতিপাদিত হইয়াছে । যে অঙ্গে যে গুণ, যে ভাব উপযোগী, সেই অঙ্গ সম্বন্ধে তাহাই ভাবনা করিতে হইবে—যেমন মুখে মধুর হাস্য, চক্ষে ভক্ত-বৎসলতার পরিচায়ক প্রসন্ন দৃষ্টি, চরণে নৃত্য-দোতুল মৃৎ সঞ্চালন, অধরে মন্দাস্মিত ইত্যাদি পৃথক পৃথক ভাবনা দ্বারা মনের স্বেৰ্হ্য সম্পাদন প্রয়োজন ।

শ্রীমদ্ ভাগবত ৩।২।২০ হইতে ৩।২।৩৩ শ্লোক পর্য্যন্ত ১৪ শ্লোকে ভগবানের বিভিন্ন অঙ্গে মনঃ ধারণার উপদেশ দিয়াছেন । মনঃ স্বেৰ্হ্য সম্পাদনই তাহার লক্ষ্য । উক্ত শ্লোকগুলির ভাব ৩।২।৩৩ সূত্রের আলোচনায় দেওয়া হইয়াছে । বাহ্যভয়ে উহাদের আর পুনরুচ্চার করা গেল না । অন্তঃপ্রণয় কথিত আছে :—

প্রসাদাভিমুখং শশ্বৎ প্রসন্নবদনেক্ষণম্ ।

সুনসং সূত্রবং চারুকপোলং সুরসুন্দরম্ ॥ ভাগঃ ৪।৮।৩৯

তরুণং রমণীয়াজ্জমরুণৌষ্ঠেক্ষণাধরম্ ।

প্রণতাশ্রয়ণং নৃন্নং শরণ্যং করুণার্ণবম্ ॥ ভাগঃ ৪।৮।৪০

শ্রীবৎসাক্ষং ঘনশ্যামং পুরুষং বনমালিনম্ ।

শঙ্খ-চক্র-গদা-পদৌরভিব্যক্তং চতুর্ভুজম্ ॥ ভাগঃ ৪।৮।৪১

কিরীটিনং কুণ্ডলিনং কেয়ূরবলয়ান্বিতম্ ।

কৌম্ভভাভরণগ্রীবং পীতকৌষেয়বাসসম্ ॥ ভাগঃ ৪।৮।৪২

কাঞ্চীকলাপপর্য্যন্তং লসৎ কাঞ্চননুপুরম্ ।

দর্শনীয়তমং শান্তং মনোনয়নবর্দ্ধনম্ ॥ ভাগঃ ৪।৮।৪৩

পদ্ম্যাং নখমনিশ্ৰেণ্যা বিলসন্ত্যাং সমর্চতাং ।

হৃদপদ্মকর্গিকাবিষ্যমাক্রম্যাঅনুবস্থিতম্ ॥ ভাগঃ ৪।৮।৪৪

স্বয়ম্ভূতমভিধায়েৎ সানুরাগাবলোকনম্ ।

নিয়তেনৈকভূতেন মনসা বরদর্ঘভম্ ॥ ভাগঃ ৪।৮।৪৫

—তিনি দেবগণের মধ্যেও পরম সুন্দর, নাসিকা ও ক্রয়ুগল পরম রমণীয়, কপোল মনোহর, বদন ও নয়ন সর্বদাই প্রসন্ন, দেখিলে মনে হয়, যেন প্রসাদ বিতরণের জন্য অভিমুখ হইয়া আছেন। তাঁহার অঙ্গ সকল রমণীয়, ওষ্ঠ ও চক্ষুঃ অরণ্য বর্ণ। তাঁহার তরুণ মূর্তি, তিনি প্রণতজনের আশ্রয়দাতা, সকলের সুখকর, শরণাগত রক্ষক ও দয়ার সাগর। তিনি শ্রীবৎস-লাঞ্জিত, ঘনশ্যামবর্ণ, মহাপুরুষ লক্ষণযুক্ত, বনমালাধারী, চারি বাহুতে শঙ্খ, চক্র, গদা ও পদ্ম ধারণ করিয়া আছেন। তাঁহার মস্তকে কিরীট, কর্ণে কুণ্ডল, হস্তে কেয়ুর ও বলয়, গলদেশে কোমলভূষণ, এবং পরিধানে পীত কোশেয় বসন। শ্রোণি দেশ কাঞ্চী সমূহে পরিবেষ্টিত, চরণে কাঞ্চন নূপুর দেদীপ্যমান, তিনি দর্শনীয়তম ও মনঃ ও নয়নের হর্ষকারী। তিনি নথরূপ মণি শ্রেণীতে দেদীপ্যমান চরণদ্বয় দ্বারা তাঁহার উপাসকগণের হৃদপদ্মের কর্ণিকায় আক্রমণ করিয়া মনোমধ্যে অবস্থান করেন। এই বরদ শ্রেষ্ঠ ভগবানের ঈষৎ হাশ্বযুক্ত বদন ও অনুরাগ সহিত দর্শনকারী নয়নদ্বয়—একাগ্রমনে নিয়ত ধ্যান করিবে। ভাগঃ ৪।৮।৩২-৪০-৪১-৪২-৪৩-৪৪-৪৫ ।

স্ততিঃ—

“অথ হৈবং স্ততিভিরারাধয়ামি । ‘তে যুয়ং তথা পঞ্চপদং জপন্তঃ
ধ্যায়ন্তঃ সংসৃতিং তরিশ্চ’ ইতি স হোবাচ হৈরগ্যঃ” ।

(গোপাল পুঃ তাঃ ১৩)

—(ব্রহ্মা নিজ শিষ্যগণকে উপদেশ দিতেছেন) :—আমি এই প্রকার স্ততি
দ্বারা তাঁহার উপাসনা করিয়া থাকি । তোমরাও এই প্রকারে পঞ্চপদ
মন্ত্র জপ ও ধ্যান করিয়া সংসার হইতে উত্তীর্ণ হইবে ।

(গোঃ পুঃ তাঃ ১৩) ।

সূত্র :—৩।৩।৬৩ ।

শিষ্টেঃচ ॥ ৩।৩।৬৩ ॥

শিষ্টেঃ + চ ॥

শিষ্টে :—শাসন বিধান হেতু । চ :—ও ।

শিরোদেশে উক্ত শ্রুতি মন্ত্র মত ব্রহ্মা শিষ্যগণকে উক্তপ্রকার উপদেশ দেওয়া
হেতুও অঙ্গ ধ্যান করা বিধি ।

ভিত্তি :—

“তস্য যথা কপ্যাসং পুণ্ডরীকমেবমক্ষিণী.....” ॥ (ছান্দোগ্য ১।৬।৭)

(ইহার অর্থ ৩।৩।৭ সূত্রের শিরোদেশে দেওয়া হইয়াছে [পৃঃ ১৪১১] ।)

সংশয়ঃ—ছান্দোগ্য শ্রুতির শিরোদেশে উদ্ধৃত মন্ত্রাংশে কেবল নেত্র পদ্মের এবং সে কারণ উপলক্ষণে ভক্তাম্বুকম্পাকরণ দৃষ্টির কথা উল্লিখিত আছে, অন্য কোনও অঙ্গের উপদেশ নাই। অতএব কেবলমাত্র তাঁহার নয়নদ্বয়ই চিন্তা করা যাউক। তাহা হইলে ছান্দোগ্য শ্রুতির সহিত গোপাল পূর্ব-তাপনী শ্রুতির বিরোধ উপস্থিত হয়। ইহার সমাধান কি? ইহার উত্তরে সূত্রকার সূত্র করিলেন :—

সূত্র :—৩।৩।৬৪ ।

সমাহারাৎ ॥ ৩।৩।৬৪ ॥

সমাহারাৎ :—সমাহার হেতু ।

ছান্দোগ্য শ্রুতিতে অক্ষি, শ্বশ্র, কেশ প্রভৃতির উল্লেখ আছে, এবং “আপ্রণখাৎ সর্ব্ব এব সূবর্ণঃ” ॥ (ছাঃ ১।৬।৬)—নখ হইতে কেশ পর্যন্ত সমুদায় সূবর্ণ—কথিত আছে। অতএব অক্ষির বিশেষভাবে উল্লেখ থাকিলেও, শ্রুতির অভিপ্রায় সমুদায় অঙ্গের সম্বন্ধে, ইহা স্পষ্ট। অতএব সমুদায় অঙ্গ সমাহার, শ্রুতির অভিপ্রায় হওয়ায় তোমার আপত্তির কারণ নাই।

৩।২।৩৩ সূত্রের আলোচনার প্রতিপাদিত হইয়াছে যে, মনের স্বৈর্য্য সম্পাদনের জগ্য প্রারম্ভে চরণ কমল হইতে আরম্ভ করিয়া বিশেষ বিশেষ অঙ্গের চিন্তা করিতে হইবে। এক একটি অঙ্গ চিন্তা দ্বারা অধিগত হইলে অপর অঙ্গ চিন্তা করিতে হইবে। এইরূপে ক্রমশঃ সমগ্র মূর্ত্তি সাধকের অন্তর্দৃষ্টিতে প্রকটিত হয়। তাহার পর তীব্র প্রেমোজ্জ্বলিত ধ্যান-ধ্যেয় জ্ঞান থাকে না। এই প্রসঙ্গে উক্ত ৩।২।৩৩ সূত্রের আলোচনায় উদ্ধৃত (পৃঃ ১৩৫৭-৫৯) ভাগবতের ২।২।১৩, ২।২।১৪, ৩।২।৩৪ ও ৩।২।৩৫ শ্লোক দ্রষ্টব্য।

ভিত্তি :—

১। “সর্বতঃ পানিপাদং তং সর্বতোহক্ষিশিরোমুখম্”।

(শ্বেতাশ্বতরঃ ৩।১৬, গীতা ১৩।১৩)।

—ব্রহ্মের হস্ত, পদ, অক্ষি, শির, মুখ প্রভৃতি সর্বস্থানে।

(শ্বেতা, ৩।১৬, গী ১৩।১৩)

২। “অজানি যস্য সকলেন্দ্রিয়বৃত্তিমস্তি পশুস্তি পাস্তি কলয়স্তি

চিরং জগস্তি”। (ব্রহ্মসংহিতাঃ ৩২)

—যাঁহার প্রত্যেক অঙ্গ নিখিল ইন্দ্রিয়ের বৃত্তিযুক্ত হইয়া, সর্বত্র সর্বদা দর্শন, পালন ও পর্যবেক্ষণ করেন। (ব্রহ্মসংহিতা, ৩২)।

সূত্র :—৩।৩।৬৫।

গুণসাধারণ্যশ্রুতেশ্চ ॥ ৩।৩।৬৫ ॥

গুণসাধারণ্য + শ্রুতেঃ + চ ॥

গুণসাধারণ্য :—গুণ সাধারণের ভাব, অর্থাৎ প্রত্যেক অঙ্গে অগ্ন্যাগ্নি অঙ্গাদির বৃত্তি সাধারণভাবে আছে—যথা তাঁহার দৃশ্যমান হস্ত—দর্শন শ্রবণাদি করিতে, দৃশ্যমান চক্ষুঃ—গ্রহণ, গমন, শ্রবণাদি করিতে সমর্থ। **শ্রুতেঃ :**—শ্রুতিতে কখন হেতু। **চ :**—ও।

শ্বেতাশ্বতর শ্রুতির ৩।১৬ মন্ত্রে তাঁহার পানি, পাদ প্রভৃতি সর্বত্র বিদ্যমান, কথিত হওয়ায় এবং স্মৃতিতে—ভগবদগীতার ১৩।১৩ শ্লোকে ও ব্রহ্মসংহিতার শিরোদেশে উদ্ধৃত ৩২ শ্লোকে স্পষ্ট কথিত থাকায়, তাঁহার প্রত্যেক অঙ্গে অগ্ন্যাগ্নি অঙ্গ সকলের বৃত্তি, গুণ, ক্রিয়া বর্তমান আছে। অতএব কোনও অঙ্গ 'বিশেষ ভাবনার সময়—উক্ত অঙ্গে অগ্ন্যাগ্নি অঙ্গেরও বৃত্তি বর্তমান আছে, তাহাও ভাবনা করা যাইতে পারে। সূত্রে ব্যবহৃত “চ” শব্দ দ্বারা স্মৃতিতেও উক্ত আছে, বুঝিতে হইবে।

[এটি পূর্বপক্ষ সূত্র। ইহার উত্তরে সূত্রকার পরবর্তী সিদ্ধান্ত সূত্র রচনা করিয়া নিজ সিদ্ধান্ত স্থাপন করিয়াছেন।]

সূত্র :—৩।৩।৬৬ ।

নবা তৎসহভাবাশ্রতেঃ ॥ ৩।৩।৬৬ ॥

ন + বা + তৎ + সহভাব + অশ্রতেঃ ॥

ন :—না । বা :—অবধারণে । তৎ :—তাহাদিগের । সহভাব :—
একত্রে অবস্থান । অশ্রতেঃ :—শ্রতিতে উল্লেখ না থাকা হেতু ।

প্রত্যেক অঙ্গে অন্যান্য অঙ্গের সাধারণ গুণ চিন্তনীয় নহে । কেননা, এক
অঙ্গে অন্যান্য অঙ্গের বৃত্তি বা গুণ সকলের একত্রাবস্থিতি স্পষ্টতঃ কোনও শ্রতিতে
উল্লিখিত হয় নাই । খেতামতর শ্রতিতে যে “সর্বতঃ পাণিপাদং তৎ...”
মন্ত্র উক্ত আছে, উহার অভিপ্রায় এই যে, ব্রহ্মের বা ভগবানের সর্বশক্তি সর্বত্র
বিद्यমান । ইহার দ্বারা বুঝিতে হইবে না যে, এক ইন্দ্রিয়ের বৃত্তি বা ক্রিয়া
অপর ইন্দ্রিয়ে বিद्यমান । যখন ভাগমুক্তিতে বিভিন্ন অঙ্গ ও বিভিন্ন ইন্দ্রিয় দৃশ্যতঃ
প্রতীয়মান, তখন ইহাই স্বাভাবিক ও যুক্তিযুক্ত, যে, যে অঙ্গ বা যে ইন্দ্রিয়, যে
ক্রিয়ার জন্ম নির্দিষ্ট, তাহা তাহাই সাধন করিবে । ভগবানের দেহ-দেহী
ভেদ নাই বলিয়া—যদিও তাঁহার প্রত্যেক অঙ্গ ও প্রত্যেক ইন্দ্রিয়, তাঁহার স্বরূপ
হইতে অভিন্ন, তথাপি চিন্তা বা ধ্যানের সময় বিশেষ অঙ্গের বা ইন্দ্রিয়ের
বিশেষ গুণ চিন্তনীয় ।

অতএব, সিদ্ধান্ত এই যে, যে অঙ্গের যে বৃত্তি, গুণ বা ভাব
উপযোগী, সেই অঙ্গ ধ্যান কালে, উহাই ভাবনা কর্তব্য । অন্য অঙ্গের
গুণ, বৃত্তি বা ভাব, ভাবনা কর্তব্য নহে । অতএব, ৩।৩।৬২ সূত্রের
সিদ্ধান্তই সংসিদ্ধান্ত ।

উক্ত ৩।৩।৬২ সূত্রের আলোচনার উক্ত ভাগবত শ্লোক দ্রষ্টব্য । এবং ৩।২।৩৩
সূত্রের আলোচনায় (পৃঃ ১৩৫৭-৫৯) উল্লিখিত ৩।২।২০ হইতে ৩।২।৩৩
শ্লোকগুলিও দ্রষ্টব্য ।

সূত্র :—৩।৩।৬৭ ।

দর্শনাচ্চ ॥ ৩।৩।৬৭ ॥

দর্শনাৎ + চ ॥

দর্শনাৎ :—দর্শন হেতু । চ :—ও ।

শাস্ত্রে ভগবানের প্রসন্নবদন—প্রসাদাভিমুখ, নেত্রে কৃপাকরুণ দৃষ্টি, অধরে মন্দস্মিত, বরাভয় দানে হস্ত প্রসারিত প্রভৃতি বর্ণনা দৃষ্ট হয় । অঙ্গ চিত্তনের সময় ভাবনাও সেই প্রকার করা প্রয়োজন ।

এই প্রসঙ্গে ভাগবতের ৪।৮।৩২ হইতে ৪।৮।৪৫ শ্লোকগুলি দ্রষ্টব্য । ঐ শ্লোকগুলি ৩।৩।৬২ সূত্রের আলোচনার উদ্ধৃত হইয়াছে ।

ওঁ नमः भगवते वासुदेवाय ।

তৃতীয় অধ্যায় ।

চতুর্থ পাদ ॥

এই পাদে নিগুণ ব্রহ্মজ্ঞানের বহিরঙ্গ ও অন্তরঙ্গ সাধন নির্ণয় ।

শ্রীমচ্ছঙ্করাচার্য্য মতামুবলম্বী বৈয়্যাসিক শ্রায়মালাকারের অভিমতানুসারে এই পাদে নিগুণ ব্রহ্মজ্ঞানের বহিরঙ্গ ও অন্তরঙ্গ সাধন নির্ণয় করা হইয়াছে ।

আমরা পূর্বে একাধিকবার বলিয়াছি যে, ব্রহ্মের বা ভগবানের নিগুণ—সগুণ বিভাগ ভাগবতের অভিপ্রেত নহে । যিনি যে কালে নিগুণ, তিনি সেই কালেই সগুণ । শুধু লক্ষ্যস্থানের প্রভেদানুসারে ঐ প্রকার প্রতীয়মান হইয়া থাকে মাত্র । ব্রহ্মের বা ব্রহ্মভাব প্রাপ্ত উচ্চসাধকের লক্ষ্যস্থান হইতে যিনি নিগুণ, প্রপঞ্চান্তর্ভুক্ত সাধারণ সাধকের পক্ষে তিনিই সগুণ, স্বরূপে যিনি নিগুণ, উপাসনার সার্থকতার জন্য তিনিই সগুণ । ইহাতে ন্যূনাতিরেক বা ছোট বড় সম্বন্ধে কোনও প্রশ্নই উঠে না । পূজ্যপাদ সূত্রকারেরও অভিপ্রায় তাহাই মনে হয় । কারণ তিনি ১।১।১ সূত্রে ব্রহ্ম জিজ্ঞাসার প্রতিজ্ঞা করিয়া ১।১।২ সূত্রে তটস্থ লক্ষণ দ্বারা সগুণ ব্রহ্মই নির্দেশ করিলেন এবং সগুণ-নিগুণ বিভেদের কোনও উল্লেখই করিলেন না । সমগ্র ব্রহ্মসূত্র মধ্যে স্পষ্টতঃ নিগুণ ব্রহ্মের উল্লেখ করেন নাই । যদি উক্ত বিভেদ তাঁহার অভিপ্রেত হইত, তাহা হইলে একটি সূত্র রচনা করিয়া তাহা স্পষ্টতঃ প্রকাশ করিতে পারিতেন । আমরা ভাগবতানুসারে ব্রহ্মসূত্র আলোচনা করিতেছি, ভাগবত উক্ত প্রকার বিভেদের পক্ষপাতী না হওয়ায়, আমাদের উহার বিচারের প্রয়োজন নাই ।

পূর্বেপাদে উপাসনা, সাধনা, সংরাধন প্রভৃতি আখ্যায় আখ্যায়িত ব্রহ্ম

বিষয়িনী বিচার বিষয়, তদানুসঙ্গিক পরিষ্কার অর্থাৎ মন্ত্র, বীজ প্রভৃতির সহিত কথিত হইয়াছে। এই পাদে বিচার স্বাধীনত্ব, কর্মের তদধীনত্ব, এবং বিচারসম্পন্ন পুরুষগণের বিবিধ প্রকার ভেদ কথিত হইবে। বিশেষরূপে স্মরণ রাখিতে হইবে যে, এই পাদে ৩৪।১ সূত্র হইতে ৩৪।১৪ সূত্র পর্য্যন্ত বিজ্ঞা ও কর্মের যে বিচার করা হইয়াছে, তাহাতে “কর্ম” শব্দ দ্বারা ফলাভিসন্ধিযুক্ত কাম্য কর্ম বৃত্তিতে হইবে। ফলাকাঙ্ক্ষা পরিত্যাগ করিয়া কর্তব্যবুদ্ধিতে নিষ্কাম ভাবে কৃত কর্ম, উক্ত “কর্ম” পর্য্যায়ভুক্ত নহে। উহা কর্মযোগীর উচ্চতমাবস্থায় কৃত কর্ম—শ্রীকৃষ্ণ, শ্রীরাম, রাজা জনক প্রভৃতি ভগবদবতার বা জীবনুজ পুরুষের আচরণীয়। এ কারণ, উহা বিচার ব্যাপক অর্থের ভিতরে পড়ে।

অধ্যাত্ম শাস্ত্রে মোক্ষ লাভের দুই প্রকার মার্গ কথিত আছে—জ্ঞানযোগ ও কর্মযোগ। জ্ঞানযোগের মুখ্য অঙ্গ কর্ম সন্ন্যাস—এই যোগের অপর নাম সাংখ্য (গীতা ৩।৩)। শ্রীভগবান্ গীতায় এতদ্ সম্বন্ধে বিশদ উপদেশ দিয়াছেন, উভয়ের মধ্যে যে আত্যন্তিক ভেদ নাই (গী: ৫।৪।৫), কর্মসন্ন্যাস অর্থ স্বরূপতঃ কর্ম পরিত্যাগ নহে, কর্মের প্রতি আসক্তি ও ফলকামনা পরিত্যাগই ত্যাগ বা কর্ম সন্ন্যাস (গীতা: ১৮।৬)—ইহা কর্মযোগীরও লক্ষ্য (গীতা: ৩।১২)। বিজ্ঞানলাভের এই বিবিধ নিষ্ঠা লোক মধ্যে প্রচলিত। তদ্ব্যতঃ ইহাই বিদ্যা, দ্বিবিধ প্রকার নির্দেশ—সাধকের প্রকৃতি ভেদানুসারে অনুষ্ঠানের বিভেদ হেতু। পূজ্যপাদ সূত্রকারের মতানুসারে বিজ্ঞাই পুরুষার্থ লাভের একমাত্র উপায়। সুতরাং কর্মসন্ন্যাস ও কর্মযোগ—উভয়ই বিচার ব্যাপক অর্থের অন্তর্ভুক্ত বুঝা গেল। এই কারণেই উপরে “তদ্ব্যতঃ ইহা বিজ্ঞা” বলা হইয়াছে।

৩৪।২ সূত্র হইতে ৩৪।৭ সূত্র পর্য্যন্ত পূর্বপক্ষ যে আপত্তি উত্থাপন করিয়াছেন, তাহা বেদের কর্মকাণ্ডোক্ত কর্ম সম্বন্ধে, উহার কাম্য কর্ম—সে সম্বন্ধে সন্দেহ নাই। এই আপত্তির উত্তর ৩৪।৮ হইতে ৩৪।১৪ সূত্র পর্য্যন্ত সাতটি সূত্রে পূজ্যপাদ সূত্রকার দিয়াছেন। এই দৃষ্টিতে এই পাদে সূত্র সকল আলোচনা করিলে, সূত্রকারের সিদ্ধান্তের সহিত গীতার ও শ্রীমদ্ভাগবতের সিদ্ধান্তের সহিত কোনও বিরোধ দৃষ্ট হইবে না। বিধান ব্যক্তির “আমি” ও “আমার” এই জ্ঞান থাকে না। সুতরাং, তিনি বিজ্ঞোৎপত্তির পর যে কোনও কর্মই করুন না কেন, তাহাতে কর্তৃত্ব বা মমত্ব বুদ্ধি থাকে না, কোনও ফলাভিসন্ধি সে কারণ বর্তমান থাকে না, সে অঙ্গ সে কর্মের কোনও বন্ধনও নাই। এই কারণ, এ প্রকার কর্ম “কাম্য কর্ম” পর্য্যায় ভুক্ত নহে, ইহা বলাই

বাহ্যম্। যাহারা শ্রীভগবানের নামে বা লীলারস আশ্বাদনে বিভোর, তাঁহারা তাঁহাদের প্রিয়তম ভগবান্ সঙ্কীর্ত্তন কর্ণেই বিভোর থাকায়, অল্প কৰ্ম্ম (নিত্য-নৈমিত্তিকাদি) করিবার অবসর না থাকিলে, তাহা না করায়, কোনও প্রকার প্রত্যবায়ভাগী হন না, ইহা স্পষ্ট। কেন না কৰ্ম্ম ও মমত্ব বুদ্ধি থাকিলেই ত প্রত্যবায় হইবার প্রক্স উখাপিত হইতে পারে; অত্থা প্রত্যবায় কাহার হইবে? সুতরাং, উক্ত প্রকার ভক্তের কৰ্ম্ম পরিত্যাগে কোনও ইষ্টাপত্তি নাই। তবে লক্ষবিধ ভক্তও শ্রীনারদের ন্যায় সমুদায় কৰ্ম্ম ভগবানের লীলা পরিচায়ক বলিয়া, নিষ্ঠামভাবে কৰ্ম্ম করিয়াও থাকেন, উহারা নিষ্ঠাম কৰ্ম্মযোগী, উহাদের কৰ্ম্মাচরণের উদ্দেশ্য গীতার ভাষায় লোক-সংগ্রহের অল্প। আবার কেহ কেহ ভগবানের প্রেমে বিভোর হইয়া কৰ্ম্ম পরিত্যাগ করিয়াও থাকেন।

সংকল্পভেদে বিত্তার্থী তিন প্রকার। যাহারা লোক বৈচিত্র্যের অল্পগমন করিয়া অর্থাৎ, ইহলোকে সুখ ও পরলোকে ইন্দ্রাদিলোক ভোগ আকাঙ্ক্ষায়, নিষ্ঠার সহিত শাস্ত্রোক্ত বর্ণাশ্রম ধৰ্ম্ম আচরণ করেন, তাঁহাদিগকে “স্বনিষ্ঠ” বলে। যাহারা কেবল, গীতার ভাষায় “লোক সংগ্রহার্থ” ঐ সকল কৰ্ম্মের অল্পষ্ঠান করেন, ইহলোকে বা পরলোকে সুখ ভোগাকাঙ্ক্ষা নাই, তাঁহাদিগকে “পরিনিষ্ঠিত” বলে। এই দ্বিবিধ উপাসক আশ্রমধৰ্ম্ম পালন করেন। আর, যাহারা জন্মান্তরে আচরিত ধৰ্ম্ম, সত্য, তপঃ, নিষ্ঠা, জপ প্রভৃতির দ্বারা পবিত্র হইয়া, উচ্চস্তরে আরোহণ করিয়াছেন, তাঁহারা “নিরপেক্ষ” আখ্যায় আখ্যায়িত। ইহাদের বর্ণাশ্রম ধৰ্ম্মের অপেক্ষা নাই। ইহারা নিরাশ্রমী। এই তিন প্রকার বিত্তার্থীর বিষয় এই পাদে আলোচিত হইবে।

সম্প্রতি বিচার্য্য এই—“বিত্তা” ও “কৰ্ম্ম” পরস্পর সাপেক্ষ কি না? অথবা, বিত্তা স্বতন্ত্রা, স্বাধীনা, কৰ্ম্মের অপেক্ষা করে না? অল্প কথায় বলিতে গেলে, পুরুষার্থ লাভ বিত্তাকৰ্ম্ম সমূচ্চয়ে হয়, অথবা কেবল মাত্র বিত্তা দ্বারা হয়, অথবা কেবল মাত্র কৰ্ম্ম দ্বারা হয়? প্রসঙ্গক্রমে বিত্তার স্বাধীনত্ব ৩৩৪৭ সূত্রে আলোচিত হইয়াছে। বর্ত্তমান পাদে উহা বিশেষভাবে আলোচিত ও মীমাংসিত হইবে।

১। পুরুষার্থাধিকরণ

ভিত্তি:—

- ১। “ভরতি শোকমাশ্রুবিং” । (ছান্দোগ্যঃ ৭।১।৩)
—আশ্রুত শোক হইতে উত্তীর্ণ হন । (ছাঃ ৭।১।৩) ।
- ২। “ব্রহ্মবিজ্ঞাপ্নোতি পরম্” । (তৈত্তিরীয়ঃ ২।১।১) ।
—ব্রহ্মবিং পরম পুরুষার্থ লাভ করেন । (তৈত্তি, ২।১।১) ।
- ৩। “তমেবং বিদিত্বাহতি মৃত্যুমেতি” । (শ্বেতাশ্বতরঃ ৩।৮) ।
—ঐহাকে জানিয়া অমৃতত্ব প্রাপ্ত হন । (শ্বেতা, ৩।৮) ।
- ৪। “তমেবং বিদ্বানমৃত ইহ ভবতি” । (যজুঃ পুরুষসূক্ত) ।
—ঐহাকে জানিলে এই সংসারেই অমৃতত্ব লাভ করেন ।
(যজুঃ পুরুষসূক্ত) ।
- ৫। “যথা নদঃ স্তন্দমানাঃ সমুদ্রেহস্তং গচ্ছন্তি নাম-রূপে বিহার ।
তথা বিদ্বান্ নামরূপাধ্বিমুক্তঃ পরাং পরং পুরুষমুপৈতি দিব্যম্ ॥”
(মুণ্ডকঃ ৩।২।৮) ।
—প্রবহমান নদীসমূহ যেমন সমুদ্রে মিলিয়া নাম রূপ পরিত্যাগ করে, সেইরূপ বিদ্বান পুরুষও নামরূপ হইতে বিমুক্ত হইয়া পরাৎপর দিব্য পুরুষকে প্রাপ্ত হন । (মুণ্ডক, ৩।২।৮) ।
- ৬। “অবিজ্ঞয়া মৃত্যুং তীত্বা বিজ্ঞয়াহমৃতমশ্নুতে ॥”
(ঈশোপনিষৎঃ ১১) ।
—অবিজ্ঞয়া—কর্মণা (শব্দ) । কর্মদ্বারা বর্ত্ত্যভাব অতিক্রম করিয়া বিজ্ঞাদ্বারা অমৃতত্ব লাভ করে । (ঈশ, ১১) ।
- ৭। “স্বৈ স্বৈ কর্মণ্যাভিরতঃ সংসিদ্ধিং লভতে নরঃ” ।
(গীতাঃ ১৮।৪৫) ।
—আপনাপন অধিকার বিহিত কর্মে নিরত ব্যক্তি সিদ্ধিলাভ করে ।
(গী, ১৮।৪৫) ।
- ৮। “উভাভ্যামেব পক্ষাভ্যাং যথা খে পক্ষিণাং গতিঃ ।
তথৈব জ্ঞানকর্মাভ্যাং জায়তে পরমং পদম্” ॥
(ষোগবাশিষ্ঠ, বৈরাগ্য প্রকরণঃ ১।৭) ।

—উভয় পক্ষের সাহায্যে যেমন পক্ষীগণ আকাশে উড্ডীয়মান হয়, সেইরূপ জ্ঞান ও কর্ম উভয়ের সাহায্যে পরম পদ প্রাপ্তি হইয়া থাকে ।
(যোগবাশিষ্ঠ, বৈরাগ্য প্রকরণ ১১৭) ।

৯ । “উভাভ্যামেব পক্ষাভ্যাং যথা খে পক্ষিণাং গতিঃ ।

তথৈব জ্ঞানকর্মাভ্যাং প্রাপ্যতে ব্রহ্ম শাশ্বতম্ ॥”

(হারীত সংহিতাঃ ৭।১০-১১) ।

—ইহার অর্থ এবং ইহার অব্যবহিত উপরে উদ্ধৃত শ্লোকের অর্থ অস্তিত্ব ।

সংশয় :—শিরোদেশে উদ্ধৃত শ্রুতি ও স্মৃতি প্রমাণগুলি পর্যালোচনা করিলে, হৃদয়ে দারুণ সন্দেহ জন্মে যে, পরম পদ প্রাপ্তির উপায় কি ? একমাত্র বিজ্ঞাই, কি একমাত্র কর্মই অথবা বিজ্ঞা কর্ম সমুচ্চয় ? শিরোদেশে উদ্ধৃত ছান্দোগ্য ৭।১।৩, তৈত্তিরীয় ২।১।১, খেতাশ্বতর ৩।৮, যজুঃ পুরুষ সূক্ত, মুণ্ডক ৩।২।৮ মন্ত্র হইতে জানা যায় যে, বিজ্ঞাই একমাত্র প্রয়োজনীয় ; কর্মের কোনও অপেক্ষা নাই । ঈশাবাস্মোপনিষদের ১১ মন্ত্রে, কর্ম দ্বারা মর্ত্য্যভাব অতিক্রম করিবার উপদেশ থাকায়, কর্মই প্রয়োজনীয়, মনে হয় । গীতার ১৮।৪৫ শ্লোকটি স্পষ্টই প্রকাশ করে যে, নিজ নিজ অধিকার বিহিত কর্মানুষ্ঠানই সিদ্ধিলাভের উপায় । আবার, যোগবাশিষ্ঠ রামায়ণের বৈরাগ্য প্রকরণের প্রথম অধ্যায়ের সপ্তম শ্লোক, পক্ষীগণের উভয় পক্ষের সাহায্যে আকাশে উড্ডয়ন ক্রমতার উপমায়—জ্ঞান ও কর্ম উভয়ই সমানভাবে প্রয়োজনীয়, ইহাই প্রকাশ করে । হারীত সংহিতায় ৭।১০-১১ শ্লোকও ইহারই প্রতিধ্বনি । এই শ্লোকের সহিত ঈশোপনিষদের ১১ মন্ত্রের অর্থগত ঐক্য থাকায়, ইহাই প্রকৃত সিদ্ধান্ত বলিয়া মনে হয় । বিশেষতঃ কর্মানুষ্ঠানের বিধি প্রত্যেক শাস্ত্রে বহুল পরিমাণে বিদ্যমান, ইহা প্রত্যক্ষতঃ দৃষ্ট হয় ! যদি কর্মের কোনও অপেক্ষা নাই, তবে এই সমুদায় বিধি নিরর্থক হইয়া পড়ে । ইহার উত্তরে সূত্রকার সূত্র করিলেন :—

সূত্র :—৩।৪।১ ।

পুরুষার্থোহতঃ শব্দাদিতি বাদরায়ণঃ ॥ ৩।৪।১ ॥

পুরুষার্থঃ + অতঃ + শব্দাৎ + ইতি + বাদরায়ণঃ ॥

পুরুষার্থঃ :—মোক্শ । **অতঃ** :—ইহা হইতে, বিদ্যা হইতে । **শব্দাৎ** :—
শ্রুতি কথন হেতু । **ইতি** :—ইহা । **বাদরায়ণঃ** :—সূত্রকার আচার্য্য
বাদরায়ণ সিদ্ধান্ত করেন ।

সূত্রকার বলিতেছেন যে, শ্রুতি প্রমাণ পর্যালোচনা করিলে এই সিদ্ধান্তই
প্রতিষ্ঠালাভ করে যে, একমাত্র বিদ্যা হইতেই পুরুষার্থ লাভ হইয়া থাকে । এ
বিষয় প্রসঙ্গক্রমে ৩।৩।৪৭ সূত্রে সাধারণভাবে বলা হইয়াছে । এখন, উহা
দৃঢ়ীকরণ অল্প বিশেষভাবে এবং স্পষ্টরূপে কথিত হইল । ইহার বিরুদ্ধে যত প্রকার
আপত্তি উত্থাপিত হইতে পারে, তাহা সূত্রাকারে বিবৃত করিয়া তাহার বিচারও
পরে করা হইতেছে ।

ঈশোপনিষদের ১১ মন্ত্রের তুমি যে অর্থ করিয়াছে, উহা প্রকৃত অর্থ নহে ।
উক্ত মন্ত্রে “অমৃতত্ব” অর্থ দেবতাব, মোক্ষ নহে । পূর্বে একাধিকবার বলা
হইয়াছে যে, কর্ম স্বৈতাপেক্ষা করে । উহা অবিচার অন্তর্গত, এবং সেজগুই
উহার ফল নশ্বর । শাস্বত ফলপ্রাপ্তি উহা হইতে হয় না । চিত্তমল কালনেই
উহার উপযোগিতা । পরম পুরুষার্থলাভ বা ব্রহ্মজ্ঞান বা ভগবদপ্রাপ্তি—নিত্য,
শাস্বত, স্বতঃসিদ্ধ । বিশেষতঃ, ইহাও প্রতিপাদিত হইয়াছে যে, ব্রহ্ম, পরমাত্মা
বা ভগবান্ এবং তাঁহার জ্ঞান বা প্রাপ্তি, তাঁহা হইতে পৃথক নহে । এবং উহা
উৎপাদ্য, সংকার্য্য, বিকার্য্য বা আপ্য এই চতুর্বিধ কর্ম পর্যায়ভুক্ত নহে ।
উহা নিত্য, শাস্বত, চির বিद्यমান । চিত্তের মলিনতা দূর হইলেই উহা স্বতঃ
উদ্ভাসিত হইয়া উঠে । সূত্ররাং কর্ম স্বতন্ত্রভাবে বা বিচার সহিত একযোগে
মোক্শ প্রাপ্তির উপায় নহে । বিদ্যাই মোক্ষপ্রাপ্তির উপায়—অথবা প্রাপ্তির
উপায় বলি কেন, বিদ্যাই মোক্ষ । ব্রহ্মবিদ্যা—ব্রহ্ম হইতে পৃথক নহে । ইহার
বিদ্যা—তিনিই বিদ্যা । বিদ্যা লাভ যাহা—ব্রহ্ম বা ভগবদপ্রাপ্তিও তাহাই ।

ভাগবত স্পষ্টই বলিয়াছেন :—

নিবৃত্তং কর্ম সেবেত প্রবৃত্তং মৎপরস্যাজ্ঞেৎ ।

জিজ্ঞাসায়্যাং সংপ্রবৃত্তো নাদ্রিয়েৎ কর্মচোদনাম্ ॥ ভাগঃ ১।১।১০।৪

—মৎপর ব্যক্তি কাম্যকর্ম পরিত্যাগ পূর্বক নিত্য নৈমিত্তিক কর্মাকুষ্ঠান
করিবে । পরে আত্মতত্ত্ব বিচারে সম্যক প্রবৃত্ত হইয়া নিত্যনৈমিত্তিক
কর্মবিধিতেও আর আদর করিবে না । ভাগঃ ১।১।১০।৪

ভাল, বিদ্যাই একমাত্র প্রয়োজনীয় বলিলে । কিন্তু অবিদ্যা যেমন ভগবানের
বহিরঙ্গা শক্তি মারার অন্তর্ভুক্ত, বিদ্যাও ত তাই । ইহা তুমি ১।১।২ সূত্রের

আলোচনার সৃষ্টি প্রক্রিয়ার চিত্রে (পৃ: ১৭০-১৭১) দেখাইয়াছে। আবার ২।১।২৩ শ্লোকের আলোচনায় ভগবতের ১।১।১।৩ শ্লোক (পৃ: ৭৩৬) উদ্ধৃত করিয়া তুমিই বলিয়াছ যে, বিজ্ঞা ও অবিজ্ঞা উভয়ই ভগবানের শক্তি, এবং উভয়ই মায়া দ্বারা বিনির্মিত।

বিজ্ঞাবিজে মম তনু বিদ্ধ্যাস্তব শরীরিণাম্ ।

বন্ধমোক্ষকরী আত্মে মায়ায়া মে বিনির্মিতে ॥ ভাগঃ ১।১।১।৩

উভয়ই যখন মায়া দ্বারা নির্মিত, তবে বিদ্যা মোক্ষকরী কি প্রকারে হয় ?

ইহার উত্তর এই, যে কারণে অবিদ্যা বন্ধকরী হয়, ঠিক সেই কারণেই বিদ্যা মোক্ষকরী হইয়া থাকে—অর্থাৎ, উভয়ই ভগবানের সংকল্প বশতঃই হইয়া থাকে। পূর্বে প্রতিপাদিত হইয়াছে যে, জীব ভগবানের তটস্থ শক্ত্যাংশ বলিয়া তদ্বতঃ তাঁহা হইতে অভেদ। সুতরাং, তদ্বতঃ জীবের বন্ধমোক্ষ নাই। উহা ভগবানের সংকল্পবশতঃ জগৎ বৈচিত্র্যের জগৎ বিহিত। ইহা ৩।২।৫ শ্লোকে প্রতিপাদিত হইয়াছে। যদি মনোযোগ দিয়া ধারণা করিতে, তাহা হইলে, আপত্তির কোনও কারণ থাকিত না। অবিদ্যা ইহার শক্তিতে শক্তিমতী হইয়া, ব্রহ্ম শক্ত্যাংশভূত জীবের বন্ধকরী হয়, বিজ্ঞা তাঁহা হইতেই শক্তিমতী হইয়া, উক্ত বন্ধের নাশ করতঃ, মোক্ষকরী হইয়া থাকে। ইহা লীলাময়ের লীলা। ইহা একের বহু হইবার ইচ্ছা সম্পূর্ণের উপায়। ইহা ব্রাহ্ম কর্তৃত্ব বুদ্ধিতে চালিত পঞ্চত্রয় জীবকে পুনরায় নিজ ক্রোড়ে টানিয়া আনিবার জগৎ বিহিত। ইহাই জগৎ বৈচিত্র্যের কারণ। মায়া তাঁহার শক্তি। এই শক্তি বিকাশে তিনি অবিদ্যা ও বিদ্যা প্রকটন পূর্বক, জীবের বন্ধ ও মোক্ষ বিধান করেন। এ সম্বন্ধে আলোচনা মৎপ্রণীত “বেদান্ত প্রবেশ” গ্রন্থে ২৩-২৪-২৫ পৃষ্ঠায় করা হইয়াছে। এখানে আর বিস্তারের প্রয়োজন নাই।

• বেশ, বিদ্যাই যদি ভগবদ্ প্রাপ্তির বা মোক্ষলাভের একমাত্র কারণ, তবে ঈশোপনিষদের ১১ মন্ত্রে, গীতার ১৮।৪৫ শ্লোকে, যোগবাসিষ্ঠ রামায়ণের বৈষ্ণব্য প্রকরণের প্রথম অধ্যায়ের সপ্তম শ্লোকে, এবং হারীত সংহিতার ৭।১০-১১ শ্লোকে জ্ঞান ও কর্ম উভয়ের উপযোগিতার উল্লেখ কেন ?

দেখ, ইহার উত্তরও পূর্বে দৈওয়া হইয়াছে। শিরোদেশে যে সকল শ্রুতিমন্ত্র এবং শব্দের শ্লোকাদি উদ্ধৃত হইয়াছে, উহা এবং অন্যান্য মন্ত্রাদি পর্যালোচনা করিলে ইহাই সমীচীন সিদ্ধান্ত যে কর্ম প্রত্যক্ষভাবে ভগবদ্ প্রাপ্তির বা মোক্ষ লাভের কারণ নহে—পরোক্ষভাবে উহার উপযোগিতা

আছে। কর্মই চিন্তামল ফালনের প্রধান ও প্রকৃষ্ট উপায়। উক্ত মল বরূপ পূর্ব পূর্ব জন্মে কৃত কর্মদ্বারা সঞ্চিত হইয়া চিন্তের আবরণ প্রস্তুত করিয়াছে, বাহা কর্ম দ্বারা প্রস্তুত, কর্ম দ্বারাই তাহার ফালন বা ধ্বংস সাধন—ন্যায় ও যুক্তি সঙ্গত। সুতরাং কর্ম দ্বারাই উক্ত চিন্তামল ফালন করিতে হয়। কর্মান্তর্ধানের এবং শাস্ত্রে কর্মান্তর্ধানের উপযোগিতা ও সার্থকতা ঐখানে। দর্পণে মল জমিয়া, উহার স্বচ্ছতার আবরণ করিলে, যেমন সূক্ষ্ম বালুকাদি দ্বারা ধীরভাবে ঘর্ষণে উহা অপনীত হইয়া থাকে, লগুড়াঘাতে হয় না, সেইরূপ সংরোধনরূপ বিশেষ কর্মের দ্বারা চিন্তের স্বচ্ছতার আবরণকারী মল অল্পে অল্পে ফালন করিতে হয়, ইহা ৩।২।১৪ সূত্রে প্রতিপাদিত হইয়াছে। এই বিশেষ প্রচেষ্টা বা সংরোধনই শাস্ত্রে নিত্য নৈমিত্তিক কর্ম বলিয়া বিহিত আছে।

উহাদের বিধিমত অন্তর্ধান করিলে তবে চিন্তামল ক্রমশঃ দূরীভূত হইতে থাকে। আরও দেখ, সাধনার প্রারম্ভে মানবের কর্তৃত্ব বুদ্ধি বর্তমান থাকে। কর্ম বিহীন কর্তা হইতে পারে না। কর্তার সহিত কর্মের অবিচ্ছেদ্য সম্বন্ধ। সুতরাং সাধনার প্রথম স্তরে কর্মান্তর্ধান স্বভাবতঃই প্রয়োজনীয়। ক্রমশ সাধক যত সাধনার উচ্চস্তরে আরোহণ করিতে থাকে, তত কর্তৃত্ব বুদ্ধি তিরোহিত হইতে থাকে, এবং কর্ম ক্রমশঃ আপানাপনিই খসিয়া যাইতে থাকে, এবং বিদ্যা ক্রমশঃ উদ্ভাসিত হইতে থাকে। যতদিন পর্য্যন্ত সাধনার এই প্রকার উচ্চস্তরে আরোহণ না করা যায়, ততদিন কর্মান্তর্ধান প্রয়োজনীয়। কি প্রকার অন্তর্ধান করিলে, উক্ত উচ্চস্তর সহজে অধিগম্য হয়, ভগবান গীতায় তাহার উপদেশ বিশদভাবে দিয়াছেন। আসক্তি ও ফলাভিসন্ধি শূন্য হইয়া করণীয় বোধে কর্মান্তর্ধানই বিধেয়। ঈশোপনিষদ ১১ মন্ত্রে, গীতা, যোগবশিষ্ঠ রামায়ণ ও হারীত সংহিতার শ্লোকে কথিত কর্মের অর্থ উক্ত প্রকার ফলাভিসন্ধিশূন্য নিষ্কাম কর্ম করিলে আর কোনও অসঙ্গতি মনে হইবে না।

বিদ্যা ও কর্মের প্রাপ্য ফল যে পৃথক, তাহা ৩।১।১৭ সূত্রে স্পষ্ট উল্লিখিত হইয়াছে। শ্রুতি প্রমাণ দ্বারা উক্ত সূত্রে সিদ্ধান্ত প্রতিষ্ঠিত হইয়াছে যে, কর্ম দ্বারা পিতৃযান পথে, এবং বিদ্যা দ্বারা দেবযান পথে জীবের গতি হইয়া থাকে। পিতৃযান পথে গমনে পুনরাগতি হইয়া থাকে। সুতরাং কর্মদ্বারা ভগবদপ্রাপ্তি বা মোক্ষলাভ হয় না। এ কর্ম যে কাম্যকর্ম, তাহা বলাই বাহুল্য। ৩।৩।৪৭ সূত্রে সিদ্ধান্ত স্থাপন করা হইয়াছে যে, একমাত্র বিদ্যাই মোক্ষ লাভের হেতু। আবার, ৩।১।১০ সূত্রের আলোচনার প্রতিপাদিত হইয়াছে যে, নিত্য কর্মাদি ও বর্ণাশ্রম ধর্মাদির অন্তর্ধান চিন্তা শুদ্ধির জন্ম করণীয়। অতএব প্রত্যক্ষভাবে

মোক্শপ্রাপ্তির হেতু না হউক, পরোক্শভাবে ইহার প্রয়োজনীয়তা ও উপকারিতা অল্প নহে ।

• সূতরাং প্রতিপাদিত হইল যে, বিদ্যাই মোক্শ লাভের একমাত্র হেতু । জ্ঞান কর্ম-সমুচ্চয় নহে অথবা কেবল কর্ম নহে । চিত্তশুদ্ধির জগ্য কর্মের অপেক্ষা আছে । সূতরাং পরোক্শভাবে কর্মের প্রয়োজনীয়তা রহিয়াছে । কর্মের দ্বারা চিত্তশুদ্ধি সংসাধিত হইলে বিদ্যা স্বতঃ স্ফুরিত হয়, এবং তাহাতেই পরমপুরুষার্থ বা মোক্শলাভ হইয়া থাকে ।

এ সম্বন্ধে ভাগবত মত বড়ই সুস্পষ্ট ।

• দেবর্ষিভূতাপ্তনৃণাং পিতৃণাং

ন কিঙ্করো নায়ম্গীচ রাজন্ ।

সর্বাশ্বনা যঃ শরণং শরণ্যং

গতো মুকুন্দং পরিত্যক্ত্য কর্ত্তম্ ॥

ভাগঃ ১১।৫।৩৭ ।

—যে ব্যক্তি সমুদায় কৃত কর্ম পরিত্যাগ করিয়া সর্বাস্তঃকরণে একমাত্র শরণ্য মুকুন্দের শরণ গ্রহণ করেন, তিনি দেবতা, ঋষি, ভূত, ইতর উপাস্ত্র দেবতাগণ মনুষ্য বা পিতৃলোকের কিঙ্কর হয়েন না, বা তাঁহাদের নিকট ঋণী থাকেন না । ভাগঃ ১১।৫।৩৭ ।

অতএব, ভগবদ্ভক্তি লাভ হইলে, তিনি সম্পূর্ণ কৃতকৃত্য হয়েন । এই ভক্তিই আত্ম জ্ঞান বা ব্রহ্মজ্ঞান বা ঋবাত্মস্বৃতি বা বিদ্যা বা ব্রহ্ম বিদ্যা । সূতরাং, বিদ্যাই সমুদায় পুরুষার্থ সাধক—সমুদায় পুরুষার্থ স্বরূপ । ইহাও মনে রাখা প্রয়োজন যে, এই ভক্তি আচরণও •কর্মাচরণ বটে, কিন্তু ইহাতে কর্মের বন্ধকত্ব নাই । ইহা ভগবদ্ প্রীতি কামনায় করা হয় বলিয়া, এবং কোনও স্বার্থভাব না থাকায়, ইহার বন্ধকত্ব নাই—ইহা বিদ্যার নামান্তর ।

ময়ি ভক্তির্হি ভূতানামমৃতত্বায় কল্পতে । ভাগঃ ১০।৮২।৪৫

• —আমাতে বিহিত ভক্তি জীবগণের অমৃতত্বের নিমিত্ত কল্পিত হয় ।

ভাগঃ ১০।৮২।৪৫ ।

বিদ্যা বা জ্ঞানই যে ভক্তির সাধক, তাহা ভাগবতে কথিত আছে, যথা :—

তপস্তীর্থং জপো দানং পবিত্রাণী তরাণি চ ।

নাম্নং কুর্ব্বন্তি তাং শুদ্ধিং যা জ্ঞানকলয়া কৃত্য ॥ ভাগঃ ১১।১৯।৪ ।

তস্মাজ্জ্ঞানেন সহিতং জ্ঞাত্বা স্বাত্মানমুদ্ধব ।

জ্ঞানবিজ্ঞানসম্পন্নো ভক্ত মাং ভক্তিভাবিতঃ ॥ ভাগঃ ১১।১২।৫ ।

জ্ঞানবিজ্ঞানযজ্ঞেন মামিষ্ট্য়াত্মানমাঅনি ।

সর্বযজ্ঞপতিং মাং বৈ সংসিদ্ধিং মুনয়োহগমন্ ॥ ভাগঃ ১১।১২।৬

—তপস্শা, তীর্থসেবা, জপ, দান অথবা অন্য কোনও পবিত্র কর্ম তাদৃশ শুদ্ধি জন্মাইতে পারে না, জ্ঞানের কণ্ঠ্যমাত্র যাদৃশ শুদ্ধি জন্মায়। অতএব, হে উদ্ধব! জ্ঞাননিষ্ঠা দ্বারা আত্মাকে জানিয়া, অন্য সমুদায় পরিত্যাগ পূর্বক, জ্ঞান-বিজ্ঞান সম্পন্ন হইয়া ভক্তিভাবে আমাকে ভজনা কর। জ্ঞান ও বিজ্ঞানরূপ যজ্ঞ দ্বারা সর্বযজ্ঞপতি আত্মারূপ আমার অর্চনা করতঃ মুনিগণ সংসিদ্ধি প্রাপ্ত হইয়েন। ভাগঃ ১১।১২।৪-৫-৬।

অন্যত্রও আছে :—

ভক্তিং লব্ধবতঃ সাধোঃ কিমন্যদবশিষ্যতে ।

ময্যানন্তগুণে ব্রহ্মণ্যানন্দানুভবাঅনি ॥ ভাগঃ ১১।২৬।২৯

—অনন্তগুণ, আনন্দানুভব স্বরূপ পরব্রহ্মরূপী আমাতে যে সাধু ব্যক্তির ভক্তিলাভ হইয়াছে, তাহার প্রাপ্তির আর কি অবশিষ্ট আছে? তাহার আর কিছুই পাইবার নাই। সমুদায় পুরুষার্থ লাভ হইয়াছে। ভাগঃ ১১।২৬।২৯।

যশঃ শ্রিয়ামেব পরিশ্রমঃ পরো

বর্ণাশ্রমাচারতপঃ-শ্রুতাদিষু ।

অবিশ্বৃতিঃ শ্রীধর পাদপদ্ময়ো-

গুণানুবাদশ্রবণাদরাতিভিঃ ॥ ভাগঃ ১২।১২।৪০

অবিশ্বৃতিঃ কৃষ্ণপদারবিন্দয়োঃ

ক্ষিণোত্যভদ্রাণি চ শং তনোতি ।

সত্বস্য শুদ্ধিং পরমাত্মভক্তিং

জ্ঞানঞ্চ বিজ্ঞানবিরাগযুক্তম্ ॥ ভাগঃ ১২।১২।৪১

—বর্ণাশ্রমাচার পরিপালন, তপস্শা ও শ্রুত্যাদি পাঠে যে মহান্ পরিশ্রম, সে কেবল যশোযুক্ত কীর্তির নিমিত্ত মাত্র। আদরের সহিত শ্রীভগবানের গুণানুবাদ শ্রবণাদি দ্বারা শ্রীধর পাদপদ্মদ্বয়ের অবিশ্বৃতিই পরম পুরুষার্থ। কারণ, উক্ত অবিশ্বৃতি অর্পিত কর করতঃ

পরমকল্যাণ বিস্তার করে, এবং সৎসুখি, পরমাত্মভক্তি ও বৈরাগ্যযুক্ত জ্ঞান-বিজ্ঞান সম্পন্ন করে । ভাগঃ ১২।১২।৪০-৪১ ।

• ভগবদ্ ভজনের সঙ্গে সঙ্গে ক্রমশঃ কি প্রকারে কামনার নিবৃত্তি, নিরতিশয় সন্তোষ লাভ ও পরিণতিতে পরম পুরুষার্থ লাভ হইয়া থাকে, তাহা ভাগবত বলিতেছেন :—

ভক্তিঃ পরেশানুভবো বিরক্তি-

রশ্মত্র চৈষ ত্রিক এককালঃ ।

প্রপত্তমানস্য যথাস্নতঃ স্যু-

স্তুষ্টিঃ পুষ্টিঃ ক্ষুদপায়োহ্নুঘাসম্ ॥

ভাগঃ ১১।২।৪০

ইত্যচ্যুতাজ্জিঃ ভজতোহ্নুবৃত্ত্যা

ভক্তিবি'রক্তিভগবৎ প্রবোধঃ ।

ভবন্তি বৈ ভাগবতস্য রাজন্

ততঃ পরাং শান্তিমুপৈতি সাক্ষাৎ ॥

ভাগঃ ১১।২।৪১

১।১।৭ সূত্রের আলোচনায় (পৃঃ-৩২২) ইহাদের অর্থ দেওয়া হইয়াছে ।

স্মরণ প্রাথিতে হইবে যে, উপরে যে ভগবদ্ ভজনের কথা বলা হইল, তাহা কাম্য কর্মপর্যায়ভুক্ত নহে । উহা বিচার অন্তর্ভুক্ত । উহা ফলাভিসন্ধিশূন্য ভগবানের প্রীতি সম্পাদনের জন্য তাঁহার ভজন । বিদ্যা দ্বারা তুষ্ট হইয়া শ্রীহরি ভক্তগণকে আপনা পর্যাস্ত দান করেন ।

• এই প্রসঙ্গে ১।১।১২ সূত্রের আলোচনায় উক্ত ভাগবতের ২।৩।১০, ১।৮।১৮, ৬।১৬।৩০, ১০।৪৮।২২, ১০।৬০।৩৭, ২।৪।৪৬, ২।৪।৪৮ শ্লোকগুলি দ্রষ্টব্য(পৃঃ-৬০২-৬০৫) ।

• অতএব প্রতিপাদিত হইল যে, বিচারই মোক্ষলাভের একমাত্র প্রত্যক্ষ উপায় ।

[পূর্বসূত্রে সূত্রকার যে সিদ্ধান্ত স্থাপন করিলেন, তাহার বিরুদ্ধে পূর্বমীমাংসাকার জৈমিনী আচার্য্য আপত্তি উত্থাপন করিতেছেন। পরবর্তী ৩৪।২ হইতে ৩৪।৭ সূত্র পর্য্যন্ত ছয়টি সূত্রে পূর্বপক্ষ আপত্তির বিচার ও সিদ্ধান্ত স্থাপন করিতেছেন।]

ভিত্তি :—

১। “যজ্ঞো বৈ বিষ্ণুঃ” । (কৃষ্ণ যজুঃ, ৬।৬।১।১৪) ।

—যজ্ঞই বিষ্ণু (কৃ, য, ৬।৬।১।১৪) ।

২। “যস্য পৰ্ণময়ী জুহুর্ভবতি ন পাপং শ্লোকং শৃণোতি” ।

(কৃষ্ণ যজুঃ ৩।৩।৫।৭)

—যাহার পৰ্ণনির্মিত জুহু (হোমের হোতা), সে পাপকার্য্য শুনে না অর্থাৎ অনিন্দনীয় হয়। (কৃষ্ণ যজুঃ ৩।৩।৫।৭) ।

৩। “অঞ্জনবৎ যদ্ আঙক্তে চক্ষুরেব ভ্রাতৃব্যস্য বৃঙক্তে” ।

(কৃষ্ণ যজুঃ ৬।৬।১।১) ।

—যজমান যে অঞ্জন ধারণ করে, তদ্বারা সে শত্রুর চক্ষুঃ আবৃত করে। (কৃষ্ণ যজুঃ ৬।৬।১।১)

৪। “যজমানায় প্রযাজানুযাজা ইজ্যন্তে, বর্ষেব তদ্ যজ্ঞায় ক্রিয়তে, বর্ষ যজমানায় ভ্রাতৃব্যভিভূতৌ” ।

(কৃষ্ণ যজুঃ ২।২।৬।১)

—যজ্ঞকর্তা যে প্রযাজ অনুযাজ অনুষ্ঠান করে, তাহাতে তাহার যজ্ঞ বর্ষাচ্ছাদিত হয়। ঐ বর্ষ যজমানের শত্রু বিজয়ের কারণ।

(কৃষ্ণ যজুঃ ২।২।৬।১) ।

৫। “দ্রব্যগুণসংস্কারকর্ম্মসু পরার্থত্বাৎ ফলশ্রুতিরর্থবাদঃ স্যাৎ” ।

(পূর্বমীমাংসা: ৪।৩।১)

—যজ্ঞীয় দ্রব্য, গুণ ও সংস্কার কার্য্যে যে ফলশ্রুতি আছে, তাহা পরার্থ বলিয়া, অর্থাৎ যজ্ঞেরই উপকার সাধক বলিয়া, অর্থবাদ মাত্র।

(পূর্বমীমাংসা, ৪।৩।১) ।

সূত্রঃ—৩।৪।২ ॥

শেষত্বাৎ পুরুষার্থবাদো যথাত্ত্বেনি জৈমিনিঃ ॥ ৩।৪।২ ॥

শেষত্বাৎ + পুরুষার্থবাদঃ + যথা + অন্তেষু + ইতি + জৈমিনিঃ ॥

শেষত্বাৎ :—বিদ্যা, কর্মের ফলরূপ বলিয়া কর্মশেষত্ব হেতু ।

পুরুষার্থবাদঃ :—পুরুষ সম্বন্ধীয় অর্থবাদ বা প্রশংসা মাত্র । যথা :—যে প্রকার । অন্তেষু :—দ্রব্য, সংস্কার, গুণ, কর্ম প্রভৃতিতে । ইতি :—ইহা । জৈমিনিঃ :—জৈমিনি আচার্যের মত ।

জৈমিনি আচার্যের অভিমত এই যে, কর্ম দ্বারাই বিদ্যার উৎপত্তি হয়, অতএব বিদ্যা স্বতন্ত্র পৃথক বস্তু নহে । কর্মের শেষ স্বরূপ বলিয়া উহা কর্মাক্রমই । শ্রুতিতে যে কর্মাপেক্ষা বিদ্যার প্রাধান্য উক্ত আছে, উহা পুরুষ সম্বন্ধে প্রশংসাবাদ মাত্র । যেমন যজ্ঞের দ্রব্য সম্বন্ধে প্রশংসা শিরোদেশে উক্ত কৃষ্ণ যজুর ৩।৩।৫।৭ মন্ত্রাংশে, সংস্কার সম্বন্ধে প্রশংসা উক্ত শ্রুতির ৩।৩।১।১ মন্ত্রাংশে, এবং কর্ম সম্বন্ধে প্রশংসা ঐ শ্রুতিরই ২।২।৬।১ মন্ত্রাংশে উক্ত হইয়াছে ।

আরও দেখ, শ্রুতিতে বিষ্ণুই যজ্ঞ স্বরূপ স্পষ্ট উক্ত হইয়াছে । আবার যজ্ঞ যে কর্ম দ্বারা সাধ্য, সে সম্বন্ধে কোনও সন্দেহ নাই । অতএব কর্মই বিষ্ণুপ্রাপ্তির সাধন, ইহাই ত সংসিদ্ধান্ত । আবার উপাসক জীব, উপাস্ত্র বিষ্ণু, স্ব স্বরূপ এবং উপাস্ত্র বিষ্ণুর সহিত সম্বন্ধ জ্ঞাত হইয়া শাস্ত্র নির্দিষ্ট আরাধনাত্মক কর্মে প্রবৃত্ত হন । ঐ কর্মদ্বারা পাপনাশ হয়, এবং শুভাদৃষ্ট জন্মে । এই শুভাদৃষ্ট দ্বারা স্বর্গ ও মুক্তি প্রাপ্তি হইয়া থাকে । এই প্রকারে স্পষ্ট দেখা যায় যে, বিদ্যা—কর্মেরই শেষ । সুতরাং বিদ্যা হইতে যে ফল কথিত হয়, তাহা অঙ্গীস্বরূপ কর্মেরই ফল । অতএব, বিদ্যাসম্বন্ধে যে ফলশ্রুতি শুনা যায় তাহা বিদ্যাপ্রাপ্ত পুরুষ সম্বন্ধে অর্থবাদ বা প্রশংসা মাত্র । যজ্ঞাদি কর্মে, যজ্ঞীয় দ্রব্য প্রভৃতিতে ৩ প্রকার অর্থবাদের দৃষ্টান্ত উপরে দিয়াছি ।

যদি আপত্তি কর যে, জীবের স্বরূপ, উপাসক উপাস্ত্রের সম্বন্ধ প্রভৃতি ১।১।১৭, ১।১।১৮, ১।২।১৩, ১।৩।১৮, ১।৪।২২, ২।১।২৩ প্রভৃতি সূত্রে প্রতিপাদিত হইয়াছে, এখানে বিদ্যার কর্মাক্রমতা সম্বন্ধে আপত্তি উত্থাপন করিয়া আবার কি নূতন সম্বন্ধ স্থাপন করিবে? অথবা কি নূতন প্রকার স্বরূপের পরিচয় দিবে? ইহার উত্তরে বলিব যে, তুমি জীবকে কর্তা বলিয়াছ (সূত্র ২।৩।৩৩) । আমরাও স্বীকার করি যে, জীব কর্তা বটে; আমরা আরও বলি যে, জীব, লৌকিক ও বৈদিক উভয়বিধ কর্মেরই কর্তা । যখন লৌকিক কর্মের

আচরণ করে, তখন জীব নিজ স্বরূপ সম্বন্ধে সম্পূর্ণ অজ্ঞ থাকিয়াই, দেহাদিকে নিজ স্বরূপ মনে করিয়া কৰ্ম করিয়া থাকে। কিন্তু যখন দেহান্তের পর প্রাপ্য স্বর্গাদি ফলপ্রদ বৈদিক কৰ্মের অনুষ্ঠান করে, তখন দেহাতিরিক্ত আত্মা বর্তমান আছে মনে করিয়া পারলৌকিক মঙ্গলের উদ্দেশ্যে কৰ্মাচরণ করিয়া থাকে। অবশ্যই প্রারম্ভে দেহাতিরিক্ত আত্মা সম্বন্ধে জ্ঞান স্পষ্ট অবধারিত রূপে থাকে না। ক্রমশঃ, কৰ্ম করিতে করিতে উক্ত জ্ঞান স্পষ্ট, স্পষ্টতর, স্পষ্টতম হইতে থাকে। সেই জ্ঞানকেই তুমি বিদ্যা বলিয়া আখ্যায়িত কর। সুতরাং, বিদ্যা যে কৰ্ম দ্বারা লভ্য, ইহা প্রতিপাদিত হইল না কি? অতএব, কৰ্মই পুরুষার্থ সিদ্ধির একমাত্র উপায়। বিদ্যা কৰ্মাক্রম মাত্র, ইহাই সমীচীন সিদ্ধান্ত।

ভাগবতেও কথিত আছে :—

অতঃ পুংভির্দ্বিজশ্রেষ্ঠা বর্ণাশ্রমবিভাগশঃ।

স্বনুষ্ঠিতস্য ধৰ্মস্য সংসিদ্ধির্হরিতোষণম্ ॥ ভাগঃ ১।২।১৩ ॥

—হে দ্বিজ শ্রেষ্ঠগণ! পুরুষগণ কর্তৃক বর্ণাশ্রম বিভাগক্রমে স্বন্দররূপে অনুষ্ঠিত ধর্মের সংসিদ্ধিই হরিতোষণ। ভাগঃ ১।২।১৩।

তোমার বিচার লক্ষ্যই ত হরিতোষণ। অতএব, কৰ্ম দ্বারা যদি তাহা লাভ হয়, তবে বিজ্ঞা যে তাহার একমাত্র কারণ, কেন বলিতেছ? আরও দেখ, তোমারই ভাগবত বলিতেছেন :—

নাচরেদযন্ত বেদোক্তং স্বয়মজ্ঞোহজিতেন্দ্রিয়ঃ।

বিকৰ্মণা হৃদধৰ্মেণ মৃত্যামৃত্যুমুপৈতি সঃ ॥ ভাগঃ ১।১।৩।৪৬।

—যে অজ্ঞ, অজিতেন্দ্রিয় ব্যক্তি বেদোক্ত কৰ্মাচরণ না করে, সে বিহিত কৰ্মের অননুষ্ঠান প্রযুক্ত অধর্ম দ্বারা পুনঃ পুনঃ জন্মমরণ রূপ মৃত্যুপাশে বদ্ধ হয়। ভাগঃ ১।১।৩।৪৬।

অতএব, তোমার ভাগবত মতেও শাস্ত্র বিহিত কৰ্মও করণীয়, ইহা প্রতিপাদিত হইল।

যাহা বলা হইল, ইহার উত্তর দিতে পারিবে কি? না, আরও যুক্তি ও শাস্ত্র প্রমাণ দিব? যাহা বলিলাম, ইহা কি পর্যাাপ্ত নহে?

ইহার উত্তরে সিদ্ধান্তবাদী বলিতেছেন :—তোমার যত কিছু বলিবার আছে, বল, যত কিছু যুক্তি ও শাস্ত্র প্রমাণ দেখাইবার আছে, দেখাও। তারপর, একে একে সকলেরই উত্তর পাইবে।

এই জ্ঞান উক্ত পূর্বপক্ষের আপত্তির পোষকে পরমুত্র :—

ভিত্তিঃ—

- ১। “জনকো হ বৈদেহো বহুদক্ষিণেন যজ্ঞেনেজে” ।
(বৃহদারণ্যকঃ ৩।১।১) ।
—বিদেহ রাজ জনক বহুদক্ষিণ যজ্ঞ দ্বারা যজ্ঞন করিয়াছিলেন ।
(বৃহ, ৩।১।১) ।
- ২। “যক্ষমাণো হ বৈ ভগবন্তোহমস্মীতি” ॥
(ছান্দোগ্যঃ ৫।১।১।৫) ।
—মহাশয়গণ ! আমি যজ্ঞ করিতে প্রবৃত্ত হইয়াছি ।
(ছা ; ৫।১।১।৫) ।
- ৩। “কর্মণৈব হি সংসিদ্ধিমাস্থিতা জনকাদয়ঃ” ॥
(গীতাঃ ৩।২০) ।
—জনক প্রভৃতি কর্ম দ্বারাই সিদ্ধি লাভ করিয়াছিলেন ।
(গী ; ৩।২০) ।

শ্লোকঃ—৩।৪।৩ ॥

আচার-দর্শনাৎ ॥ ৩।৪।৩ ॥

আচার-দর্শনাৎ :—কর্মাচরণ দর্শন হেতু—শ্রুতি ও স্মৃতিতে উক্ত থাকিবে ।

• শিরোদেশে উক্ত শ্রুতি ও স্মৃতি প্রমাণ হইতে স্পষ্ট প্রতীতি হইবে যে, পুরাকালে বিজ্ঞতম ও শ্রেষ্ঠ জ্ঞানী পুরুষগণ যজ্ঞাদি শাস্ত্রবিহিত কর্মের অনুষ্ঠান করিতেন । যদি একমাত্র বিজ্ঞাই সমুদায় পুরুষার্থসিদ্ধির কারণ হইত, তাহা হইলে তাঁহাদের কর্মানুষ্ঠানের প্রবৃত্তি কেন হইবে, এবং তাঁহারা কেনই বা উহার আচরণ করিবেন ?

• ভাগবতও বলিতেছেন :—

দান-ব্রত-তপো-হোম-জপ-স্বার্থায়-সংযমৈঃ ।

শ্রেয়োভির্বিবিধৈশ্চাশ্রৈঃ কৃষ্ণে ভক্তির্হি সাধ্যতে ॥

ভাগঃ ১০।৪৭।২৪ ।

—দান, ব্রত, তপস্যা, হোম, জপ, বেদাধ্যয়ন, সংযম এবং অগ্নিত্ত্ব শ্রেয়স্কর সাধন দ্বারা কৃষ্ণে ভক্তি সাধিত হইয়া থাকে। ভাগঃ ১০।৪৭।২৪।

কৃষ্ণে ভক্তি প্রাপ্তি ত তোমার মতে বিজ্ঞানাত ? ভাগবত বলিলেন—যে, দান, ব্রতাদি কর্ম কৃষ্ণে ভক্তি প্রাপ্তির সাধন। অতএব বিদ্যা যে কর্মের ফল, তাহা প্রাপ্তিপাদিত হইল।

বিদ্যা যে কর্মের কল তাহা শ্রুতি স্পষ্ট বলিতেছেন:—

ভিত্তি:—

“যদেব বিদ্যা করোতি শ্রদ্ধায়োপনিষদা, তদেব বীৰ্যবস্তরং ভবতি” ।

(ছান্দোগ্যঃ ১।১।১০)

—বিদ্যা, শ্রদ্ধা ও উপনিষদ সহযোগে যাহা করা যায়, তাহা বীৰ্যবস্তর হয় । (ছা ; ১।১।১০)

সূত্র :—৩।৪।৪ ।

ভচ্ছুভেঃ ॥ ৩।৪।৪ ॥

তৎ + শ্রুতেঃ ॥

ভৎ :—তাহা । শ্রুতেঃ :—শ্রুতি হইতে জানা যায় ।

শিরোদেশে উদ্ধৃত ছান্দোগ্য শ্রুতিতে স্পষ্ট উক্ত আছে যে, “বিদ্যা শ্রুতি সহযোগে যাহা করা যায়, তাহা বলবস্তর হয়” । ইহা হইতে স্পষ্ট প্রতীতি হয় যে, বিদ্যা কর্মাক্রম, ইহা শ্রুতির অভিপ্রেত ।

ভাগবতও বিদ্যাকে কর্মাক্রম বলিয়া নির্দেশ করিয়াছেন, যথা :—

ময়োদিতেষু বহিতঃ স্বধর্মেষু মদাশ্রয়ঃ ।

বর্ণাশ্রমকুলাচারমকামাত্মা সমাচরেৎ ॥ ভাগঃ ১।১।১০।১ ।

অধীক্ষেত বিস্তুদ্ধাত্মা দেহিনাং বিষয়াত্মনাম্ ।

গুণেষু তত্ত্বখ্যানেন সর্ববারন্তবিপর্যায়ম্ ॥ ভাগঃ ১।১।১০।২ ।

—আমাকে আশ্রয় করিয়াছে, এমন ব্যক্তি, আমাকর্তৃক পঞ্চরাত্র শ্রুতিতে কথিত বৈষ্ণব ধর্মে প্রমাদ শূন্য হইয়া অবিরোধী-রূপে কামনা পরিত্যাগ পূর্বক, বর্ণ, আশ্রম ও কুলাচার অন্বেষণ করিবে । স্বধর্মাচরণ দ্বারা বিস্তুদ্ধচিত্ত ব্যক্তি, বিষয়াসক্ত প্রাণিগণ কর্তৃক বিষয়ে সত্যতা জ্ঞাপি যে সকল কর্ম কৃত হয়, সে সকলে কল বৈপরীত্য দর্শন করিয়া, কামনা পরিত্যাগ করিবে ।

ভাগঃ ১।১।১০।১-২ ।

শ্রুতিতে বিজ্ঞা কর্মের সাহিত্য স্পষ্ট কথিত আছে :—

ভিত্তি :—

“তং বিজ্ঞা-কর্মাণী সমন্বারভেতে” । (বৃহদারণ্যকঃ ৪।৪।২) ।

—বিজ্ঞা ও কর্ম উভয়ই সেই পরলোক প্রস্থিত (মৃত) জীবের অনুগমন করে । (বৃহ, ৪।৪।২) ।

সূত্র :—৩।৪।৫ ।

সমন্বারস্তুগাৎ ॥ ৩।৪।৫ ॥

সমন্বারস্তুগাৎ :—বিজ্ঞা ও কর্ম একযোগে মৃত ব্যক্তির অনুগমন করা হেতু ।

শিরোদেশে উদ্ধৃত শ্রুতি মন্ত্রে বিদ্যা ও কর্ম একযোগে মৃত ব্যক্তির অনুগমন করে, স্পষ্ট উক্ত আছে । অতএব তাহারা সহযোগে ফল উৎপন্ন করিয়া থাকে, ইহাই সিদ্ধ হয় ।

ভাগবতও বলিতেছেন :—

ইতি স্বধর্মনির্নিক্তঃ সত্ত্বো নিজ্জাতমদগতিঃ ।

জ্ঞানবিজ্ঞানসম্পন্নো বিরক্তঃ সমুপৈতি মাম্ ॥

ভাগঃ ১১।১৮।৪৫ ।

—এইরূপে স্বধর্মনিষ্ঠানে বিস্কৃত সত্ত্ব, জ্ঞান বিজ্ঞান সম্পন্ন, সংসারে বিরক্ত ব্যক্তি আমার গতি অর্জন হইয়া, আমাকে প্রাপ্ত হয় ।

ভাগঃ ১১।১৮।৪৫ ।

অতএব কর্ম ও বিজ্ঞার সহযোগিতা বা সমুচ্চয় ভগবদ্প্রাপ্তির কারণ । কেবলমাত্র বিজ্ঞা মছে ।

তিত্তিঃ—

১। “আচার্য্যকুলাদ্ বেদমধীত্য যথাবিধানং গুরোঃ কৰ্ম্মাতিশেষেণা-
ভিসমাবৃত্য কুটুম্বে শুচৌ দেশে স্বাধ্যায়মধীয়ানঃ....”।

(ছান্দোগ্যঃ ৮।১৫।১)।

—গুরুকুলে অবস্থান পূৰ্ব্বক বেদাধ্যয়ন করিয়া, গুরুর সম্বন্ধে কর্তব্য
কার্য্য সমুদায় নিঃশেষে সমাপন করিয়া, সমাবৰ্ত্তন করতঃ গৃহস্বাশ্রমে
প্রবেশ পূৰ্ব্বক কুটুম্বগণের মধ্যে পবিত্র স্থানে বেদাধ্যয়ন তৎপর.....
ইত্যাদি। (ছা, ৮।১৫।১)।

২। “ব্রহ্মিষ্ঠো ব্রহ্মা দৰ্শপৌৰ্ণমাসয়োস্তং বৃণীত”।

(তৈত্তিরীয় সংহিতা)।

—শব্দব্রহ্ম জ্ঞান বিশিষ্ট ব্রাহ্মণকেই দৰ্শ ও পৌৰ্ণমাস যজ্ঞে ব্রহ্মারূপে
বরণ করিবে। (তৈত্তিরীয় সংহিতা)।

সূত্রঃ—৩।৪।৬।

তদ্বতো বিধানাৎ ॥ ৩।৪।৬ ॥

তদ্বতঃ + বিধানাৎ ॥

তদ্বতঃ :—বিজ্ঞায়ুক্তের সম্বন্ধে। বিধানাৎ :—শাস্ত্রে কৰ্ম্মের বিধান হেতু।
নিরোদেশে উদ্ধৃত প্রতিমন্ত্রদ্বয় হইতে স্পষ্ট প্রতিপাদিত হইতেছে যে,
বিজ্ঞাবান্ ব্যক্তিরই কৰ্ম্মে অধিকার। সূত্রাৎ, বিজ্ঞা কৰ্ম্মেরই অঙ্গ, ইহা সিদ্ধ
হইতেছে।

ভাগবতেও উক্ত আছে, যথা :—

বৃণীমহে ছোপাধ্যায়ং ব্রহ্মিষ্ঠং ব্রাহ্মণং গুরুম্।

যথাঃসমা বিজ্ঞেয়ামঃ সপত্ন্যাংস্তব ভেজসা ॥ ভাগঃ ৬।৭।২৭।

দেবগণ বিশ্বরূপকে বলিতেছেন:—তুমি ব্রহ্মিষ্ঠ ব্রাহ্মণ, অতএব গুরু।
তোমাকে উপাধ্যায় রূপে বরণ করিতে বাসনা করি। কারণ, তোমার
তেজঃ দ্বারা অনার্যাসে শত্রুগণকে পরাজয় করিতে পারিব।

ভাগ: ৬।৭।২৭।

এখানে ব্রহ্মিষ্ঠকে উপাধ্যায় পদে বরণের কথা স্পষ্ট কথিত রহিয়াছে।
অতএব বিদ্যা কর্মের অঙ্গ, ইহা ভাগবতেরও মত, সিদ্ধ হইতেছে।

ভিত্তি :—

১। “কুর্বমেবেহ কৰ্ম্মাণি জিজীবিষেচ্ছতং সমাঃ ।”

(ঈশোপনিষৎ: ২) ।

—মানব ইহলোকে কৰ্ম্মাচরণ করিতে করিতে শতবর্ষ জীবিত থাকিতে ইচ্ছা করিবে, অর্থাৎ যাবজ্জীবন কৰ্ম্মাচরণ করিবে ।

(ঈশ, ২) ।

২। “বীরহা বা এষ দেবানাং যোহগ্নিমুদ্বাসয়তে” ।

(কৃষ্ণ যজুঃ ১।৫।২)

—যে দেবতাদিগের মূখ স্বরূপ অগ্নি নির্বাণ করে, সে পুত্রঘাতী হয় । (কৃষ্ণ যজুঃ ১।৫।২) ।

সূত্র :—৩।৪।৭ ।

নিয়মাৎ ॥ ৩।৪।৭ ॥

নিয়মাৎ :—কৰ্ম্মানুষ্ঠানের নিয়ম হেতু ।

শিরোদেশে উদ্ধৃত শ্রুতিমন্ত্রে যাবজ্জীবন কৰ্ম্মানুষ্ঠানের নিয়ম হেতু, কেবল মাত্র বিদ্যা হইতে পুরুষার্থ লাভ হইতে পারে না । যাহা কিছু ফললাভ হইবে, কৰ্ম্ম হইতেই হইবে । অতএব, বিদ্যা কৰ্ম্মের অঙ্গ মাত্র সিদ্ধ হইল । বিশেষতঃ, কৃষ্ণ যজুর শিরোদেশে উদ্ধৃত মন্ত্রাংশে কৰ্ম্মত্যাগের নিন্দাই কথিত আছে ।

ভাগবতে ভগবান্ শ্রীকৃষ্ণ বলিতেছেন :—

কৰ্ম্মণা জায়তে জন্তুঃ কৰ্ম্মণৈব প্রলীয়তে ।

সুখং দুঃখং ভয়ং ক্লেমং কৰ্ম্মণৈবাভিপদ্যতে ॥ ভাগঃ ১০।২৪।১২ ।

অস্তি চেদীশ্বর কশ্চিৎ ফলরূপাশ্চকৰ্ম্মণাম্ ।

কর্ত্তারং ভজতে সোহপি নহকর্ত্তুঃ প্রভূর্হি সঃ ॥ ভাগঃ ১০।২৪।১৩

—জীবমাত্র কৰ্ম্ম দ্বারা উৎপন্ন হয় এবং কৰ্ম্ম দ্বারাই বিলয় প্রাপ্ত হইয়া থাকে। অপিচ সুখ, দুঃখ, ভয়, ক্লেম কৰ্ম্মদ্বারাই লাভ হয় । স্বয়ং কৰ্ম্মে নির্লিপ্ত হইয়াও অশ্রু জীবগণের কৰ্ম্মফল দাতা কোনও ঈশ্বর যদি থাকেন, তিনিও কৰ্ম্মফল দান দ্বারা কর্ত্তারই ভজনা করিয়া থাকেন । যে ব্যক্তি কৰ্ম্ম

না করে, তাহার তিনি প্রভু নহেন, অর্থাৎ কলদানে সক্ষম হইবেন না। ভাগঃ ১০।২৪।১২-১৩।

পূর্বপক্ষ ৩।৪।২ হইতে ৩।৪।৭ সূত্র পর্য্যন্ত, এই সমুদায় আপত্তি উত্থাপন করিয়া সিদ্ধান্ত করিলেন যে, বিদ্যা একাকী সমুদায় পুরুষার্থসিদ্ধির হেতু নহে। উহা কর্মের অঙ্গ মাত্র। কর্মই মুখ্য; কর্ম দ্বারাই সমুদায় পুরুষার্থলাভ হইয়া থাকে। কর্মের প্রারম্ভে দেহ হইতে ব্যতিরিক্ত আত্মার বিদ্যমানতা সম্বন্ধে জ্ঞান কর্মকর্তার থাকে, এবং এই জ্ঞানই কর্মাচরণ করিতে করিতে ক্রমশঃ পরিস্ফুট ও বৃদ্ধি প্রাপ্ত হইয়া পুরুষার্থ-সিদ্ধির হেতু হইয়া থাকে। বিশেষতঃ শ্রুতি প্রমাণাদির দ্বারা সিদ্ধ হইল যে, যখন যাবজ্জীবন কর্মানুষ্ঠানের ব্যবস্থা রহিয়াছে, এবং প্রাচীনকালে জনকাদি আত্মতত্ত্ববিদগণ যজ্ঞাদি কর্মানুষ্ঠান করিয়া সংসিদ্ধি প্রাপ্ত হইয়াছিলেন, তখন কর্মানুষ্ঠান সকলের কর্তব্য, এবং উহাই সমুদায় পুরুষার্থ সিদ্ধির হেতু। অতএব সূত্রকার ৩।৪।১ সূত্রে যে সিদ্ধান্ত স্থাপন করিয়াছেন, তাহা সমীচীন সিদ্ধান্ত নহে।

পূর্বপক্ষের এই বিচার, যুক্তি ও সিদ্ধান্তের উত্তরে সূত্রকার ৩।৪।৮ হইতে ৩।৪।১৪ সূত্র দ্বারা নিজ সিদ্ধান্ত, যাহা ৩।৪।১ সূত্রে স্থাপন করিয়াছেন, তাহাই দৃঢ়ীকৃত করিতেছেন। সূত্রকার বলিতেছেন, তুমি পূর্বপক্ষ ৩।৪।২ সূত্রে বিদ্যাকে কর্মের অঙ্গ বলিয়া যে হেতু নির্দেশ করিয়াছ, তাহা যুক্তিযুক্ত নহে। বেদান্তে যদি কেবল দেহাতিরিক্ত কর্তা ও কর্মফল ভোক্তা সংসারী আত্মার উপদেশ থাকিত, তাহা হইলে, তোমার যুক্তি যে “ফলশ্রুতি অর্থবাদ প্রশংসা বাক্য মাত্র” — তাহার বরং কারণ থাকা সম্ভব হইত। কিন্তু বেদান্তে জীবাত্মা হইতে ব্যতিরিক্ত, অধিক, অসংসারী, কর্তৃৎ-ভোক্তৃৎাদি সংসার ধর্ম রহিত, অপহতপাপত্বাদি গুণ বিশিষ্ট, সীমা ও সংখ্যা শূন্য নিরতিশয় কল্যাণময় গুণগণের আকর, পরব্রহ্ম বেগ বা উপান্যরূপে উপদেশ মুখ্যভাবে বর্তমান আছে। সেই পরমাত্ম জ্ঞান কর্মসঙ্গ হওয়া বা কর্মের প্রবর্তক হওয়া দূরে থাকুক, কর্মের উচ্ছদই করিয়া থাকে। অতএব, তোমার ৩।৪।২ সূত্রের সিদ্ধান্ত উপপন্ন হয় না। পরসূত্রে সূত্রকার এই সিদ্ধান্ত স্থাপন করিবেন।

• তিত্তি :—

১। “তমেতং বেদানুবচনেন ব্রাহ্মণা বিবিদিষন্তি, ব্রহ্মচর্যেণ তপসা
শ্রদ্ধয়া যজ্ঞেনানাশকেনৈতমেব বিদিষা মুনির্ভবত্যেতমেব
প্রব্রাজিনো লোকমিচ্ছন্তঃ প্রব্রজন্তি” ।

(বৃহদারণ্যকঃ ৪।৪।২২) ।

—ব্রাহ্মণগণ বেদপাঠ, ব্রহ্মচর্য, তপস্যা, শ্রদ্ধা, যজ্ঞ, দান ও
বিষয়োপরতি দ্বারা এই আত্মাকে জানিতে ইচ্ছা করেন । ইহাকে
জানিয়াই মুনি (মননশীল) হন এবং আত্মলোক পাইতে ইচ্ছুক
হইয়া, সমুদায় কৰ্ম হইতে বিরত হওতঃ, সন্ন্যাস গ্রহণ করেন ।

(বৃহ, ৪।৪।২২) ।

২। “যঃ সৰ্ব্বজ্ঞঃ সৰ্ব্ববিৎ” ॥ (মুণ্ডকঃ ১।১।৯) ।

৩। “এষ সৰ্ব্বেশ্বর এষ ভূতাধিপতিরেষ ভূতপাল এষ
সেতুর্বিধরণঃ” ॥ (বৃহঃ ৪।৪।২২) ।

—ইনি সৰ্ব্বভূতের ঈশ্বর, ইনি ভূতাধিপতি, ইনি সৰ্ব্বভূতের পালক,
এবং ইনি সমস্ত জগতের সাক্ষ্য নিবারণের জন্য জগদ্বিধায়ক
সেতু স্বরূপ । (বৃহ, ৪।৪।২২) ।

৪। “ভীষাম্মাদ্বাতঃ পবতে, ভীষোদেতি সূর্য্যঃ,
ভীষাম্মাদগ্নিশ্চেন্দ্রশ্চ, মৃত্যুর্ধাবতি পঞ্চমঃ ॥”
(তৈত্তিরীয়ঃ ২।৮) ।

—ইহার ভয়ে দায়ু প্রবাহিত, সূর্য্য উদিত, অগ্নি, ইন্দ্র ও মৃত্যু
নিজ নিজ কার্যে ধাবিত হইতেছে । (তৈত্তি, ২।৮) ।

৫। “এতস্য বা অক্ষরস্য প্রশাসনে গার্গি সূর্য্যশ্চন্দ্রমসৌ বিধৃতৌ
তিষ্ঠতঃ” । (বৃহদারণ্যকঃ ৩।৮।৯)

—হে গার্গি ! এই অক্ষরের শাসনে বিধৃত হইয়া সূর্য্য ও চন্দ্র
স্ব স্ব স্থানে অবস্থান করিতেছে । (বৃহ, ৩।৮।৯)

সূত্র—৩।৪।৮।

অধিকোপদেশাত্তু বাদরায়ণস্যেবং তদর্শনাৎ ॥ ৩।৪।৮ ॥

অধিকোপদেশাৎ + তু + বাদরায়ণস্য + এবং + তৎ + দর্শনাৎ ॥

অধিকোপদেশাৎ :—জীবাতিরিক্ত উপাশ্চের উপদেশ হেতু,—অথবা কৰ্ম অপেক্ষা জ্ঞানের আধিক্য উপদেশ হেতু। **তু** :—আপত্তি নিরসনে। **বাদরায়ণস্য** :—আচার্য্য বাদরায়ণের। **এবং** :—এই প্রকার—অর্থাৎ ৩।৪।১ সূত্রোক্ত সিদ্ধান্ত। **তৎ** :—সেই প্রকার। **দর্শনাৎ** :—শ্রুতিতে দর্শন হেতু।

দেখ, শিরোদেশে যে শ্রুতি মন্ত্র সকল উদ্ধৃত হইয়াছে, তাহা হইতে দৃষ্ট হইবে যে, কৰ্ম সাধন মাত্র এবং বিজ্ঞা সাধ্য। ব্রাহ্মণগণ বেদপাঠ, যজ্ঞ, দানাদি কৰ্ম দ্বারা বিজ্ঞা লাভ করেন, তারপর, বিজ্ঞালাভের পর, কৰ্মত্যাগের উপদেশ আছে (বৃহঃ ৪।৪।২২)। সুতরাং বিজ্ঞা যে কৰ্ম হইতে অধিক, তাহা বুঝা গেল। এবং আরও বুঝা গেল যে, আত্মলোকপ্রাপ্তি প্রয়োজন হইলে, কৰ্মত্যাগেরই উপদেশ রহিয়াছে। আরও দেখ, বেদান্তে কৰ্মকর্তা এবং কৰ্মফল ভোক্তা জীবাপেক্ষা অধিক অর্থাৎ তাহা হইতে অতিরিক্ত, পরমাত্মা—যিনি সৰ্বজ্ঞ, সৰ্বেশ্বর, সৰ্বশক্তিমান—ঐহার উপদেশ বহুল পরিমাণে আছে। ঐহার জ্ঞান কৰ্মলভ্য নহে এবং কৰ্মের সহিত ঐহার কোনও সম্বন্ধ নাই। কৰ্ম কর্তার অপেক্ষা করে, তিনি অকর্তা—ঐহার নিজের কোনও কৰ্ম নাই এবং কৰ্মের সহিত সম্পর্ক মাত্র নাই। কৰ্ম মাত্রই প্রপঞ্চাস্তর্গত, বস্তু, বৈতাপেক্ষক—ইহা পূর্বে বলা হইয়াছে। অর্থাৎ তত্ত্ব কৰ্মের সম্পর্ক থাকিবে কিরূপে? প্রপঞ্চ ঐহাতে অধিষ্ঠিত এবং ঐহার সত্যায় সত্যাবান্ হইলেও, তিনি প্রপঞ্চের সহিত সংশ্লিষ্ট নহেন, প্রপঞ্চ হইতে ব্যতিরিক্ত ভাবে তিনি ঐহার নিজ স্বরূপে চিরবিদ্যমান। সুতরাং তিনি কৰ্মলভ্য নহেন। কৰ্মফল মাত্রই মঞ্চর। শাস্ত, নিত্য, একমাত্র সত্য পরমাত্মা প্রাপ্তি উহা দ্বারা সম্ভব নহে, ইহাও পূর্বে বলা হইয়াছে। কৰ্ম হইতে উপশম লাভ না হইলে ব্রহ্মবিজ্ঞা ক্ষুরিত হয় না। সুতরাং ৩।৪।১ সূত্রের সিদ্ধান্ত সমীচীন সিদ্ধান্ত।

দেখ, এ সম্বন্ধে ভাগবত কি বলিতেছেন :—

যে কৈবল্যমসংপ্রাপ্তা যে চাতীতাশ্চ মূঢ়তাম্ ।

জৈবর্গিকা হৃকর্গিকা আত্মানং ঘাতয়ন্তি তে ॥ ভাগঃ ১।১।১৬।

এত আত্মহনোহশাস্তা অজ্ঞানে জ্ঞানমানিনঃ ।

সীদন্ত্যকৃতকৃত্যা বৈ কালধ্বস্তমনোরথাঃ ॥ ভাগঃ ১১।৫।১৭ ।

অক্ষণিকা উপশাস্তিরহিতা । অজ্ঞানে কৰ্ম্মণি ।

(শ্রীধরঃ)

—যাঁহারা তত্ত্বজ্ঞান লাভ করিতে পারেন নাই অথচ পশুর গায় অজ্ঞও নহেন ; কেবল ধর্ম্ম, অর্থ, কাম এই ত্রিবর্গ সাধনে তৎপর, এবং উপশাস্তিরহিত, তাঁহারা স্বয়ং আত্মঘাতী, অর্থাৎ জন্মমরণ পরম্পরা রূপ সংসার প্রাপ্ত হন । সেই আত্মঘাতী, অশাস্ত, এবং কাল সহকারে ধ্বস্ত মনোরথ অকৃতকৃত্য লোক সকল কর্ম্মকেই জ্ঞান মনে করিয়া অবসন্ন হন । ভাগঃ ১১।৫।১৬-১৭ ।

দেখিলে ত, ভাগবত কি কর্ম্মই ভগবৎ প্রাপ্তির উপায় বলিলেন? বরং বলিলেন যে কর্ম্ম ও অজ্ঞান সমপর্যায় ভুক্ত । আরও দেখ, ভাগবত কর্ম্ম সম্বন্ধে কি বলিয়াছেন । ভাগবত বলিতেছেন যে, চিৎ ও জড় একত্রাবস্থান ভিন্ন, কর্ম্ম বা তজ্জনিত ভোগ হয় না । জড়ের বিকারিত্ব এবং চিত্তের অমুভব শক্তি একত্রিত হইলে, তবেই কর্ম্মজনিত সুখদুঃখাদি ভোগ হইয়া থাকে । কিন্তু উক্ত একত্রাবস্থান ভগবানের শক্তি অবিঘ্না দ্বারা দেহাদিতে আত্মজ্ঞান বা অভিমান হইতে হইয়া থাকে । উহার স্বরূপতঃ বর্ত্তমানতা নাই । সুতরাং কর্ম্মের স্বরূপতঃ বিদ্যমানতাই নাই । তবে উহা শাস্ত, নিত্য জ্ঞানের উৎপাদক কি প্রকারে হইবে? ভাগঃ ১১।২৩।৫০ ।

কর্ম্মাস্ত হেতুঃ সুখদুঃখয়োশ্চেৎ

• • কিমাশ্বনস্তদ্বি জড়াজড়হে ।

দেহস্তচিৎপুরুষোহয়ং সুপর্ণঃ

ক্রুদ্ধোত কশ্মৈ নহি কর্ম্মমূলম্ ॥

ভাগঃ ১১।২৩।৫০ ।

আবার, তুমি ধৈ শ্রুতির উক্তি অর্থবাদ বলিয়াছ, সে সম্বন্ধে ভাগবত কি বলেন, শুন ।

যন্নামাকৃতিভির্গ্ৰাহং পঞ্চবর্ণমবাধিতম্ ।

ব্যর্থেনাপার্থবাদোহয়ং দ্বয়ং পণ্ডিতমানিনাম্ ॥ ভাগঃ ১১।২৮।৩৮ ।

—নাম, রূপ ও আকৃতি দ্বারা গ্রাহ্য, পঞ্চভূতাত্মক এই বৈতকে পণ্ডিতাভিমাত্রীরা যে অবাধিত বলিয়া মানে ও বেদান্তকে যে অর্থবাদ বলিয়া ঘোষণা করে, তাহা কেবল ব্যর্থ জানিবে। ভাগঃ ১১।২।৩৮।

আরও দেখ, তুমি ভাগবতের ১১।৩।৪৬ শ্লোক উদ্ধৃত করিয়া যে আশ্ফালন করিয়াছ, তাহা কি উচিত হইয়াছে? উহার অব্যবহিত পূর্বের ও পরের শ্লোক দুটি দেখ ত। ঐ তিনটি শ্লোক একসঙ্গে অর্থ করিলে কি অর্থ হয়? উহা কি তোমার মতের পোষক?

পরোক্ষবাদো বেদোহয়ং বালানামমুশাসনম্।

কর্মমোক্ষায় কর্ম্মাণি বিধন্তে হৃগদং যথা ॥ ভাগঃ ১১।৩।৪৫।

বেদোক্তমেব কুর্বাণো নিঃসঙ্গোহপি তমীশ্বরে।

নৈক্কর্ম্যাং লভতে সিদ্ধিঃ রোচনার্থা ফলশ্রুতিঃ ॥ ভাগঃ ১১।৩।৪৭।

—পিতা যেমন মিছরি, সন্দেশ প্রভৃতির প্রলোভন দেখাইয়া রুগ্ন বালককে ঔষধ ভক্ষণ করান, তদ্রূপ অজ্ঞ লোকদিগের অমুশাসন রূপ এই বেদ নৈক্কর্ম্য সিদ্ধির নিমিত্ত পরোক্ষবাদে কর্ম্ম সকল বিধান করেন।

ভাগঃ ১১।৩।৪৫।

—অপিচ, যে ব্যক্তি আসক্তি শূন্য হইয়া, বেদোক্ত কর্ম্মানুষ্ঠান করতঃ ঈশ্বরে সমর্পণ করেন, তিনিই নৈক্কর্ম্যা সিদ্ধি প্রাপ্ত হন। ফলশ্রুতি কেবল কুচির উৎপাদন নিমিত্তমাত্র। ভাগঃ ১১।৩।৪৭।

অতএব, বুঝিতে পারিলে ত যে, বেদোক্ত কর্ম্মানুষ্ঠানের উদ্দেশ্য নৈক্কর্ম্যা সিদ্ধি? নৈক্কর্ম্যা সিদ্ধির অর্থ কর্ম্ম ফলের আকাঙ্ক্ষা শূন্যতা। অতএব, তুমি কর্ম্মফলের উল্লেখ করিয়া যে সকল কথা বলিয়াছ, তাহা ভাগবতের চক্ষে কত হয়ে এবং তাহা পরিত্যাগ করিবার উপদেশই ভাগবত দিয়াছেন। আমরা কর্ম্মের প্রয়োজনীয়তা অস্বীকার করি না। তবে, উহার যতটুকু প্রয়োজন, ততটুকু গৌরবই উহার প্রাপ্য। চিন্তাশক্তিই উহার কার্য্য এবং সেজন্য ভাগবতের ১১।৩।৪৬ শ্লোকে কর্ম্মানুষ্ঠানের প্রয়োজনীয়তা কথিত হইয়াছে। ৩।৪।১ সূত্রের আলোচনায় আমরা স্পষ্ট বলিয়াছি যে, সাধনার প্রারম্ভে, যখন সাধকের কর্তৃত্ব বুদ্ধি প্রবল, তখন কর্ম্মানুষ্ঠান প্রয়োজনীয়; কিন্তু তাহা বলিয়া উহা প্রত্যক্ষ ভাবে পুরুষার্থ লাভের হেতু নহে।

কর্ম্মানুষ্ঠান সম্বন্ধে ভাগবতের মত কি শুনিবে?

তাবৎ কৰ্ম্মাণি কুৰ্ব্বীত ন নিৰ্ব্বিভ্ৰেত যাবতা ।

মংকথ্যশ্রবণাদৌ বা শ্রদ্ধা যাবন্ন জায়তে ॥ ভাগঃ ১১।২০।৯ ।

—যতদিন পর্য্যন্ত কৰ্ম্মাদিতে বিরক্তি না জন্মে, বা আমার কথা শ্রবণাদি শ্রবণ প্রভৃতি বিষয়ে শ্রদ্ধা না জন্মে, তাবৎ কাল নিত্যনৈমিত্তিকাদি কৰ্ম্মানুষ্ঠান করিবে । ভাগঃ ১১।২০।৯ ।

লক্ষ্য কর যে, ভাগবত এখানে নিত্যনৈমিত্তিক কৰ্ম্মানুষ্ঠানের কথাই বলিলেন এবং তাহাও যাবৎকালীন করিবার প্রয়োজন নাই । কাম্য কৰ্ম্মানুষ্ঠানের নামও করিলেন না । কাম্য কৰ্ম্মানুষ্ঠানে পিতৃযান পথে গতি হয় এবং চন্দ্রলোক প্রাপ্তির পর পুনরায় সংসারাবর্তে পতিত হইতে হয় । ইহা বর্তমান অধ্যায়ের প্রথম পাदे প্রতিপাদিত হইয়াছে । সুতরাং কৰ্ম্মানুষ্ঠান—পরমার্থ লাভের উপায় নহে । ভাগবত ইহা স্পষ্ট বলিয়াছেন :—

ন সাধয়তি মাং যোগো না সাধ্যং যোগ উদ্ধব ।

ন স্বাধ্যায়স্তপস্ত্যাগো যথা ভক্তির্মমোৰ্জ্জিতা ॥ ভাগঃ ১১।১৪।১৯

—হে উদ্ধব ! যোগানুষ্ঠান, সাংখ্যযোগ, বেদাধ্যয়ন, তপস্যা, দান ইহারা আমায় প্রাপ্তির সেরূপ উপায় নহে, যেমন মধিষয়ক দৃঢ়া ভক্তি দ্বারা আমি লভ্য হইয়া থাকি । ভাগঃ ১১।১৪।১৯ ।

যং ত্ব যোগেন সাঙ্ঘেন দানব্রততপোহধ্বরৈঃ ।

ব্যাখ্যাশ্বাধ্যায়সন্ন্যাসৈঃ প্রাপ্নুয়াদ্ যত্ববানপি ॥

ভাগঃ ১১।১২।৮ ।

—যে আমাকে স্বাংখ্য, যোগ, দান, ব্রত, তপস্যা, যজ্ঞ, গুণকীর্তন, বেদাধ্যয়ন ও সন্ন্যাস দ্বারা অতি যত্ববান্ ব্যক্তিও প্রাপ্ত করেন না ।

ভাগঃ ১১।১২।৮ ।

তবে, প্রাপ্তির উপায় কি ? “কেবলেন হি ভাবেন...মামীয়ুৰ্জ্জসা” (ভাগঃ ১১।১২।৭), কেবল মাত্র প্রেম দ্বারাই মূঢ় ব্যক্তিগণও আমাকে সত্বর প্রাপ্ত হইয়াছিল ।

সে প্রেম ক কিরিয়া লাভ হয় ? ইহার উত্তরে ভাগবত বলিতেছেন :—

তস্মাৎসুদ্ববোৎসৃজ্য চোদনাং প্রতিচোদনাম্ ॥

প্রবৃত্তিক্ নিবৃত্তিক্ শ্রোতব্যং শ্রুতমেবচ ॥

মামেকমেব শরণমাখ্যানং সৰ্বদেহিনাম্ ।

যাহি সৰ্বাখ্যভাৰেন মৱাস্তা অকুতোভয়ঃ ॥ ভাগঃ ১১।১২।১৩ ।

—অতএব, হে উদ্ধব! তুমি শ্রোতবিধি, স্মার্তবিধি, প্রবৃত্তি, নিবৃত্তি, শ্রোতব্য বা শ্রুতবিষয় সমুদায় পরিত্যাগ করিয়া সৰ্বপ্রযত্নে সৰ্বদেহীর আত্মারূপ আমার শরণাপন্ন হও। তাহা হইলেই আমি দ্বারা অকুতোভয় হইবে। ভাগঃ ১১।১২।১৩ ।

অতএব, স্পষ্ট বুঝা গেল যে, কৰ্ম্ম (কাম্যকৰ্ম্ম) চিরজীবন একান্ত করণীয়, তাহা নহে। উহা চিত্তমল কালনের উপায় মাত্র। তবে, ভগবানের শরণাগত হইলে, সে উপায়েরও প্রয়োজন হয় না। ভগবান আপন হইতে সমুদায় বিধান করিয়া থাকেন। এই সকল কারণে ৩।৪।১ সূত্রোক্ত সিদ্ধান্তই সমীচীন সিদ্ধান্ত, এবং পূৰ্ব্বপক্ষের আপত্তি যুক্তিযুক্ত নহে, অসঙ্গত।

[পূর্বপক্ষে ৩।৪।৩ শ্লোকে যে আপত্তি করিয়াছেন যে, তদ্বিদ্গণও কর্মানুষ্ঠান করেন দেখা যায় বলিয়া, বিজ্ঞা কন্মের অঙ্গ মাত্র, তাহার উত্তর প্রদত্ত হইতেছে ।]

ভিত্তি :—

১। “এতদ্ধ স্ম বৈ তদ্বিদ্ভাংস আঙ্খাষয়ঃ কাবষেয়াঃ কিমর্থা
বয়মধ্যোষ্ঠামহে, কিমর্থা বয়ং যক্ষ্যামহে, এতদ্ধ স্ম বৈ তৎ
পূর্বে বিদ্ভাংসোহগ্নিহোত্রং ন জুহবাঞ্চক্রিরে” ॥

(শঙ্কর ভাষ্যোক্ত শ্রুতি)।

—কাবষেয়া ঋষিগণ বিদ্যাবান্ হইয়া বলিলেন, আমরা কি জ্ঞান
অধ্যয়ন করিব, কি জ্ঞান যজ্ঞ করিব? পূর্ববর্তী বিদ্বান্গণ অগ্নিহোত্র
হোম করেন নাই। (শঙ্কর ভাষ্যোক্ত শ্রুতি)।

২। “এতং বৈ তমাত্মনং বিদিত্বা ব্রাহ্মণাঃ পুত্রৈষণায়ান্চ
বিত্তৈষণায়ান্চ লোকৈষণায়ান্চ ব্যাখায়াথ ভিক্ষার্চ্যং চরন্তি” ॥

(বৃহদারণ্যকঃ ৩।৫।১)।

—ব্রহ্মনিষ্ঠগণ আত্মসাক্ষাৎকার লাভ করিয়া, পুত্রৈচ্ছা, ধনেচ্ছা ও
লোকেচ্ছা হইতে ব্যথিত হইয়া, অর্থাৎ সর্বপ্রকার কামনা পরিত্যাগ
করিয়া, ব্রহ্মনিষ্ঠতা আচরণ করেন। (বৃহ, ৩।৫।১)।

৩। “মৈত্রেয়ি ! এতাবদরে খল্বমৃতত্বমিতি হোক্তুঃ যাজ্ঞবল্ক্যো
বিজ্ঞহার” ॥ (বৃহদারণ্যকঃ ৪।৫।১৫)

—মৈত্রেয়ি ! • ইহাই অমৃত, ইহা বলিয়া যাজ্ঞবল্ক্য প্রব্রজ্যা বা সন্ন্যাস
গ্রহণ করিলেন। (বৃহদারণ্যক ৪।৫।১৫)

শ্লোক :—৩।৪।৩ ॥

তুল্যং তু দর্শনম্ ॥ ৩।৪।৩ ॥

তুল্যং + তু + দর্শনম্ । •

তুল্যং :—সমান তু :—আপত্তি নিরসনে । দর্শনম্ :—শ্রুতিতে
দেখা যায় ।

বিদ্যা যে কৰ্মের অঙ্গ নয়, এ সম্বন্ধে শ্রুতিপ্রমাণ সমানই আছে। তুমি ৩।৪।৩ সূত্রে বিদ্যা কৰ্ম্যাদ বলিয়া শ্রুতি ও স্মৃতি প্রমাণ প্রদর্শন করিয়াছ। উহার বিরোধী প্রমাণও যথেষ্ট আছে। দৃষ্টান্ত স্বরূপ শিরোদেশে কয়েকটি উদ্ধৃত হইল। এ সকল হইতে স্পষ্ট প্রতীতি হইবে যে, বিদ্যাবান্ ব্রহ্মনিষ্ঠ ব্যক্তি সমুদায় কৰ্ম্য পরিত্যাগ করিয়া সন্ন্যাস গ্রহণ করেন। এ প্রকার দৃষ্টান্তও অনেক আছে। অতএব, শ্রুতি প্রমাণের বলে, তোমার উক্ত আপত্তি সঙ্গত হইল না।

তুমি যে গীতার ৩।২০ শ্লোকের প্রথম চরণ তোমার আপত্তির পোষকরূপে উদ্ধৃত করিয়াছ, উহার পরের চরণেই উক্ত আছে :—“লোকসংগ্রহমেবাপি সংপশ্যন্ কৰ্ত্তুং মর্হসি” (গীতা, ৩।২০)—লোক সংগ্রহ, অর্থাৎ সাধারণ মানবগণকে স্বধৰ্ম্মে প্রবৃত্ত রাখিবার আবশ্যিকতা দেখিয়াও, তোমার তত্ত্বজ্ঞান লাভ হইবার পরও কৰ্ম্য করা উচিত।

জনকাদি তত্ত্ববিদগণ এই লোকসংগ্রহের জন্তই কৰ্ম্য করিতেন, ইহাই সঙ্গত। তাঁহারা তত্ত্বজ্ঞান বা বিদ্যালাভ করিয়াছেন, অতএব তাঁহাদের কৃত কৰ্ম্য বিদ্যালাভের অন্ত নহে। বিশেষতঃ লব্ধবিদ্য জীবন্মুক্ত পুরুষগণের কৃত যে কোনও কৰ্ম্য বন্ধনের হেতু নহে। অপর পক্ষে :—

“যদ্যদাচরতি শ্রেষ্ঠ স্তত্তদেবেতরো জনঃ।

স যৎ প্রমাণং কুরুতে লোকস্তদ অনুবর্ততে” ॥ (গীতাঃ ৩।২১)

—“শ্রেষ্ঠ ব্যক্তি যাহা যাহা করেন, সাধারণ লোকেও তাহা তাহা আচরণ করে, শ্রেষ্ঠ ব্যক্তি যাহা প্রামাণ্য বলিয়া থাকেন, সাধারণ লোক তাহারই অনুবর্তন করে।”—ইহা মানব স্বভাবসিদ্ধ বলিয়া, সমাজের শৃঙ্খলা রক্ষার জন্ত উহার প্রয়োজন। পরমার্থ লাভের জন্ত নহে।

এই প্রসঙ্গে ৩।৪।১ সূত্রের আলোচনায় উদ্ধৃত ভাগবতের ১।১।১২।৫ শ্লোক দ্রষ্টব্য। ভাগবত আরও বলিতেছেন :—

এবং জিজ্ঞাসয়াপোহু নানাভ্রমমাশ্রয়ি ।

উপারমেত বিরজং মনো ময্যার্প্য সর্ব্বগে ॥ ভাগঃ ১।১।১২।১ ।

—এইরূপ জিজ্ঞাসা দ্বারা আত্মাতে নানাভ্রম নিরাস পূর্ব্বক, পরিপূর্ণরূপ আত্মাতে নির্মল অন্তঃকরণ সমর্পণ করিয়া উপরত হইবে।

ভাগঃ ১।১।১২।১ ।

আজ্ঞারৈব গুণান্ দোষান্ ময়াদিষ্টানপি স্বকান্ ।

ধর্মান্ সংত্যজ্য যঃ সর্বান্ মাং ভজেৎ সতু সন্তমঃ ॥

ভাগঃ ১১।১১।৩২

—যাহারা কর্ম্মাচরণে সত্বশক্তি প্রভৃতি গুণ, এবং কর্ম্ম অনাচরণে প্রত্যাবারাদি দোষ সকল জানিয়াও, আমা কর্তৃক বেদরূপে আদিষ্ট স্বধর্ম্ম সকল পরিত্যাগ করিয়া, আমাকে ভজনা করে, তাহার উত্তম ভক্ত । ভাগঃ ১১।১১।৩২ ।

অতএব, প্রতিপাদিত হইল যে, কর্ম্মাচরণ পরমার্থ লাভের জন্য একান্ত প্রয়োজনীয় নহে । উহা চিত্তশুদ্ধির উপায় মাত্র । উহা ভিন্ন অন্য উপায় বর্তমান থাকায়, উহা সর্বত্র সকলের কর্তব্য নহে । তথাপি, ফলাশা পরিত্যাগ করিয়া নিষ্কামভাবে কর্ম্মাচরণও লোক-সংগ্রহের জন্য, সমাজরক্ষার কারণে স্থান বিশেষে কর্তব্য বটে । আর অধিক বিস্তারের প্রয়োজন নাই ।

[অধুনা সূত্রকার পূর্বপক্ষের ৩।৪।৪ সূত্রে উত্থাপিত আপত্তির উত্তরে বলিতেছেন, তুমি ছান্দোগ্য শ্রুতির ১।১।১০ মন্ত্র উদ্ধৃত করিয়া, উহার বলে 'তোমার সিদ্ধান্ত প্রতিষ্ঠা' করিতেছ । উহা উদগীথ বিদ্যা সম্বন্ধেই উক্ত শ্রুতিতে কুথিত হইয়াছে । উহা সেইখানেই প্রযোজ্য, অগ্ৰজ নহে । ইহা পর সূত্রে প্রতিপাদন করিতেছেন :—]

সূত্র :—৩।৪।১০ ।

অসার্বত্রিকী ॥ ৩।৪।১০ ॥

অসার্বত্রিকী :—সর্বত্র নিরম নহে ।

উক্ত ছান্দোগ্য ১।১।১০ মন্ত্র উদগীথ বিদ্যায় মাত্র প্রযোজ্য। অল্প বিচার প্রযোজ্য নহে। অতএব, উহার বলে তোমার সিদ্ধান্ত প্রতিষ্ঠিত হইতে পারে না। উক্ত শ্রুতিমন্ত্র কেবল উদগীথ উপাসনায় প্রযোজ্য, অগ্ৰত্ব নহে, ইহার যুক্তি কি? ধীরভাবে চিন্তা করিলে মনে হয় যে, উদগীথ উপাসনা ও ঔকার উপাসনা একই। ঔকার পরব্রহ্মের শব্দস্তরে অভিব্যক্তি, ইহা মৎপ্রণীত “গায়ত্রী রহস্য” পুস্তকে বিস্তারিতভাবে আলোচিত হইয়াছে। যে সাধক ঔকার পরব্রহ্মের শব্দস্তরে অভিব্যক্তি, এই জ্ঞান হৃদয়ে ধারণ করিয়া ইহার উপাসনা করেন, তাঁহার উপাসনা যে ইতর সাধকের উপাসনা অপেক্ষা শ্রেষ্ঠতর তাহার কথা কি? উপাসনার তারতম্য আলোচনায় উক্ত শ্রুতিমন্ত্র প্রযোজ্য এবং সে কারণ উহা একদেশী মাত্র। উহা হইতে সিদ্ধ হয় না যে, বিদ্যা কর্মের অঙ্গ অথবা কর্ম দ্বারা আত্মজ্ঞান বা ব্রহ্মজ্ঞান লভ্য।

ইহাও স্মরণ রাখা প্রয়োজন যে, ছান্দোগ্যে উদগীথোপাসনা—ব্রহ্মোপাসনার নামান্তর মাত্র। ইহা কাম্যকর্ম পর্যায়ে পড়ে নী। অতএব উক্ত মন্ত্র কাম্যকর্ম সম্বন্ধে প্রযুক্ত হয় নাই, ইহা সূক্ষ্মপষ্ট।

কর্ম সম্বন্ধে ভাগবত কি বলিতেছেন, পুনরায় শুন :—

কর্মণাং পরিণামিত্বাদাবিরিঞ্চ্যাদমঙ্গলম্।

বিপশ্চিন্নশ্বরং পশ্যেদদৃষ্টমপি দৃষ্টবৎ ॥ ভাগঃ ১১।১৯।১৭।

—কর্মমাত্রের পরিমাণ থাকাতে দৃষ্ট কর্মের ন্যায়, ব্রহ্মলোক পর্যন্ত সমুদায় অদৃষ্ট কর্মের ফলও দুঃখস্বরূপ ও নশ্বর, বিদ্বান ব্যক্তি এই প্রকার বিবেচনা করিবে। ভাগঃ ১১।১৯।১৭।

মর্ত্যো যদা ত্যক্তসমস্ত কর্ম্মা

নিবেদিতান্বা বিচিকীর্ষিতো মে।

তদামৃতত্বং প্রতিপদ্যমানো

ময়্যাত্মভূয়ায় চ কল্পতে বৈ ॥ ভাগঃ ১১।২৯।৩২।

—মানব যখন সমস্ত কর্ম্ম পরিত্যাগ পূর্বক আমাতে আত্মনিবেদন করতঃ, আমার ইচ্ছা প্রতিপালনে তৎপর হয়, তখনই সে অমৃতত্ব লাভ করিয়া আমার সহিত ঐক্য প্রাপ্তির যোগ্য হয়। ভাগঃ ১১।২৯।৩২।

অতঃপর সূত্রকার ৩।৪।৫ সূত্রের উৎপাদিত আপত্তির উত্তর দিতেছেন :—

বিজ্ঞা এবং কৰ্ম উভয়ে যুত ব্যক্তির অহুগমন করে বলিয়া শ্রুতি প্রমাণ উদ্ধৃত করিয়া, বিজ্ঞা স্বতন্ত্র নহে, কৰ্ম্মাক্ষ মাত্র বলিয়া যে আপত্তির উত্থাপন করিয়াছ, তাহার উত্তর শুন :—

সূত্র :—৩।৪।১১ ।

বিভাগঃ শতবৎ ॥ ৩।৪।১১ ॥

বিভাগঃ :—জ্ঞান ও কৰ্ম্মানুষ্ঠানের ব্যক্তিভেদে ভেদ । শতবৎ :— শতের গায় ।

যে রূপ শতমুদ্রা ক্ষেত্র বিক্রয়ী ও রত্ন বিক্রয়ীর অহুগমন করে বলিলে, ক্ষেত্র বিক্রয়ীর ৫০ মুদ্রা ও রত্ন বিক্রয়ীর ৫০ মুদ্রা, এইরূপ বা তৎসদৃশ বিভাগ প্রতীতি হয়, সেইরূপ বিজ্ঞা ও কৰ্ম্ম অহুগমন করে বলিলে, বুদ্ধিতে হইবে যে, বিজ্ঞা বা জ্ঞানফল এক প্রকারের এবং কৰ্ম্মফল অল্প প্রকারের । উপরে কথিত মুদ্রা বিভাগের গায়, উহার পৃথক্ পৃথক্ ভাবে ফলপ্রদান করিয়া থাকে । সুতরাং, উহা হইতে বিজ্ঞা স্বতন্ত্র নহে, কৰ্ম্মাক্ষ মাত্র, তাহা প্রতিপন্ন হয় না ।

আরও দেখ, তোমার উদ্ধৃত বৃহদারণ্যক শ্রুতির ৪।৪।২ মন্ত্রের পরে উক্ত প্রকরণেই ৪।৪।৬ মন্ত্রে স্পষ্ট কথিত আছে :—“ইতি স্তু কাময়মানঃ”—“যাহা বলা হইল, তাহা সকাম পুরুষের সম্বন্ধে কথা”, বলিয়া শ্রুতি পরেই বলিতেছেন :—“অথাৎ কাময়মানো যোহকাম নিকাম...” ইত্যাদি— “অনস্তর কামনা রহিত, অকাম, নিকাম পুরুষের কথা বলা হইতেছে ।” সুতরাং, তোমার উদ্ধৃত ৪।৪।২ মন্ত্র মুমুক্ষু পুরুষের পক্ষে প্রযোজ্য নহে । সকাম পুরুষ যে তদ্বিদ্ নহে, তাহা বলাই বাহুল্য । সুতরাং, তোমার আপত্তি সঙ্গত নহে ।

শ্রীমদ্ বলদেব এই সূত্রের অর্থ একটু অল্প প্রকারে করিয়াছেন । যেমন, এক ব্যক্তি একটি গাভী ও একটি ছাগী বিক্রয় করিয়া একশত মুদ্রা পাইল । উহার মধ্যে গাভীর মূল্য ২০ টাকা এবং ছাগীর মূল্য ১০ টাকা । উভয়ে মিলিত শত মুদ্রা বিক্রয়তঃ অহুগমন করিলেও উহার বিভাগ যেমন ২০ ও ১০ । বিজ্ঞা ও কৰ্ম্মের বিভাগও সেইরূপ উহাদের নিজ নিজ যোগ্যতানুসারে হইবে ; ভূল্যপ্রকার

হইতে পারে না। বিদ্যার ফল একপ্রকার, কর্মের ফল অন্য প্রকার; বিদ্যার অধিক ও কর্মের অল্প, বৃদ্ধিতে হইবে।

ইহার লৌকিক সাধারণ ও সরল অর্থ এই। যেমন কোনও দানশীল ব্যক্তি ১০০০ মুদ্রাকে বিভিন্ন ভাগে বিভক্ত করিয়া কোনও প্রার্থীকে ২০ টাকা, কাহাকে ৪০ টাকা, কাহাকে ১০০ টাকা ইত্যাদি প্রকারে প্রার্থীদের যোগ্যতানুসারে দান করিলে উক্ত প্রদত্ত টাকা যেমন উক্ত প্রার্থীদিগের পরম্পর স্বতন্ত্র ভাবে অনুগমন করে, সেইরূপ কর্মের ফল ও বিদ্যার ফল নিজ নিজ যোগ্যতানুসারে পরম্পর স্বতন্ত্রভাবে সাধকের বা বিদ্বানের অনুগমন করিয়া থাকে। ইহা হইতে বিদ্যা—কর্মের অল্প ইহা সিদ্ধ হয় না।

কর্মফল যে নশ্বর, তাহা ৩।৪।১০ সূত্রের আলোচনায় উক্ত ভাগবতের ১।১।১২।১৭ শ্লোক প্রতিপাদন করে। কিন্তু বিদ্যা বা ভক্তির ফল কত মহৎ, তাহা ভাগবতের ১।৮।০।৮ ও ৬।১।৬।৩০ শ্লোক প্রতিপাদন করে। উহা ১।৩।১২ সূত্রে উক্ত হইয়াছে। বোধ সৌকর্য্যার্থে এখানেও উক্ত হইল।

স্মরতঃ পাদকমলমাআনমপি যচ্ছতি ।

কিং স্বর্থকামান ভজতো নাত্যভীষ্টান জগদ্গুরুঃ ॥ ভাগঃ ১।৮।০।৮ ।

বিজিতাস্তেহপি চ ভজতামকামাআনাং য আত্মদোহতিকরুণঃ ॥

ভাগঃ ৬।১।৬।৩০ ।

অর্থ ১।৩।১২ সূত্রের আলোচনায় (পৃঃ ৬০৩) দেওয়া হইয়াছে।

অনন্তর সূত্রকার পূর্বপক্ষের ৩।৪।৬ সূত্রে উত্থাপিত আপত্তি নিরসনের জন্ত অগ্রসর হইতেছেন :—

উক্ত ৩।৪।৬ সূত্রের শিরোদেশে উক্ত ছান্দোগ্য ৮।১।১ ও তৈত্তিরীয় সংহিতার মন্ত্রাংশ উক্ত করিয়া পূর্ব পক্ষ আপত্তি করিয়াছিলেন যে, বিদ্যাবান্ ব্যক্তিরই কর্মে অধিকার, অতএব বিদ্যা কর্মেরই অল্প। বিশেষতঃ তৈত্তিরীয় সংহিতার মন্ত্রাংশে ব্রহ্মিষ্ঠ পদ আছে, পূর্বপক্ষের অভিপ্রায় এই যে “ব্রহ্মিষ্ঠ” ব্রহ্মবিত্তকেই বুঝায়। ইহার উত্তরে সূত্রকার বলিতেছেন, তাহা নহে :—

সূত্র :—৩।৪।১২ ।

অধ্যয়নমাত্রবতঃ ॥ ৩।৪।১২ ॥

• অধ্যয়নমাত্রবতঃ :—মাত্র অধ্যয়নকারী ।

তুমি ৩।৪।৬ সূত্রের শিরোদেশে যে ছান্দোগ্য শ্রুতির ৮।১।১ মন্ত্রাংশ উদ্ধৃত করিয়াছ, উহাতে স্পষ্ট উল্লিখিত আছে, “আচার্য্যকুলাৎ বেদমধীভ্য” —“আচার্য্যকুল হইতে বেদ অধ্যয়ন করিয়া” । বেদের অর্থ গ্রহণ করিয়া অথবা ব্রহ্ম বিদ্যা লাভ করিয়া, এরূপ কোনও উল্লেখ নাই । কেবল অধ্যয়ন বিধিই লোককে বেদার্থ বোধে প্রবর্তিত করে না । “অধ্যয়ন” শব্দের অর্থ, গুরুর নিকট হইতে বৈদিক অক্ষররাশি গ্রহণ বুঝায় । উহার অর্থও বুঝিতে হইবে, তাহা বুঝায় না । বেদ অধ্যয়ন করিলেই কর্মে অধিকার জন্মায়, এই মাত্র বলায় বিদ্যার কর্মস্বভাব সিদ্ধ হইতে পারে না । অধ্যয়ন এক বস্তু, অর্থবোধ দ্বিতীয় বস্তু এবং বিদ্যা লাভ ইহাদের উভয় হইতে পৃথক তৃতীয় বস্তু । একারণে তোমার আপত্তি অসঙ্গত ।

আবার, তৈত্তিরীয় সংহিতার মন্ত্রাংশ উদ্ধৃত করিয়া যে আপত্তি করিয়াছ যে, ব্রহ্মিষ্ঠ ব্যক্তিকে ব্রহ্মা পদে বরণ করিবে—অর্থাৎ, ব্রহ্মিষ্ঠ হইলেই ব্রহ্মার কর্ম করিবার অধিকার হয়, সূতরাং বিদ্যা কর্মের অঙ্গ । এখানে “ব্রহ্মিষ্ঠ” পদের অর্থ কি ? “ব্রহ্মিষ্ঠ” পদে এখানে শব্দব্রহ্ম বা বেদার্থপর, স্পষ্ট বুঝাইতেছে । পরমাত্মতত্ত্বপর বুঝাইতেছে না । কেননা, বহুল শ্রুতিপ্রমাণে প্রতিপাদিত হইয়াছে যে, যে ব্যক্তির পরমাত্মতত্ত্ব অধিগত হইয়াছে, তাঁহার নিষ্কর্মত্বই শুনা যায় । ৩।৪।২ সূত্রের শিরোদেশে উদ্ধৃত শ্রুতিমন্ত্র দ্রষ্টব্য । অতএব, “বেদের অর্থজ্ঞ ব্যক্তিকে ব্রহ্মাপদে বরণ করিবে”, ইহাই উক্ত শ্রুতির প্রকৃত অর্থ এবং ইহা কর্মের প্রশংসার জ্ঞাই ।

• ইহার উত্তরে পূর্বপক্ষ পুনরায় আপত্তি করিতেছেন যে, “বেদ” অর্থ, কেবল মাত্র বেদের কর্মকাণ্ড ত নহে, জ্ঞানকাণ্ড বা উপনিষৎও বটে । অতএব, “ব্রহ্মিষ্ঠ” শব্দ দ্বারা উপনিষদ জ্ঞানবিশিষ্ট ব্যক্তিকেও বুঝাইতেছে এবং সেইরূপ ব্যক্তিই ব্রহ্মাপদে বরণযোগ্য । অতএব, বিদ্যা বা জ্ঞান কর্মস্বভাব কেন না হইবে ?

সিদ্ধান্তবাদী ইহার উত্তরে বলিতেছেন যে, বেদ ও উপনিষদের অর্থজ্ঞ হইলেই ব্রহ্মবিশ্বাবান্ বা ব্রহ্মজ্ঞ হয় না । ছান্দোগ্য শ্রুতির ৭।১।১-৩ মন্ত্র পাঠ করিলে দেখিতে পাইবে যে, নারদ ভগবান সনৎকুমারের নিকট ব্রহ্মবিদ্যার উপদেশ প্রার্থী হইয়া উপস্থিত হইলে, তিনি নারদের কতদূর জ্ঞান হইয়াছে

জিজ্ঞাসা করায়, নারদ ঋগ্বেদাদি বেদ চতুষ্টয়, ইতিহাস, পুরাণ প্রভৃতি তৎকাল প্রচলিত সমুদায় বিদ্যা অধ্যয়ন করিয়াছেন এবং তদ্বারা মন্ত্রবিৎ মাত্র হইয়াছেন, ব্রহ্মবিৎ হইতে পারেন নাই, ইহা বলিবার পর, তবে ভগবান্ সনৎকুমার তাঁহাকে ব্রহ্মবিদ্যার উপদেশ দিলেন। বিশেষতঃ স্মরণ রাখিও যে, সে সময়ে মুদ্রাযন্ত্রের প্রচলন না থাকায়, বিদ্যা অধিকাংশই গ্রন্থাকারে ছিল না, গুরু শ্রুতিতে ছিল, এজন্য বিদ্যা প্রাপ্তির প্রধান উপায়, গুরুর উচ্চারণের অনুরূপ পুনরুচ্চারণ বা আবৃত্তি। এই প্রকার আবৃত্তি দ্বারা শিষ্য গুরু হইতে অধীত বিদ্যা নিজ কর্ণে করিতেন। সুতরাং, বেদ উপনিষদাদি পাঠ করিলেই প্রকৃত বিদ্যা লাভ হয় না, মন্ত্রবিৎ মাত্র হইতে পারে। এই প্রকার মন্ত্রবিৎ ব্যক্তিই ব্রহ্মাপদের উপযুক্ত এবং কর্মকাণ্ডে কর্ম পরিচালনে দক্ষ। সুতরাং উক্ত প্রকার ব্যক্তিকেই ব্রহ্মাপদে বৃত্ত করিবে, ইহাই শ্রুতির অভিপ্রায়। ইহা হইতে সিদ্ধ হয় না যে, অধিগত ব্রহ্মবিদ্য ব্যক্তিই ব্রহ্মাপদে বরণীয়। কারণ, তাহা হইলে উক্ত প্রকার ব্যক্তির সম্বন্ধে নৈর্জন্ম বোধক শ্রুতির সহিত তোমার উক্ত তৈত্তি শ্রুতির বিরোধ উপস্থিত হয়। শ্রুতিতে ভ্রম, প্রমাদ প্রভৃতি থাকিতে পারে না, অতএব বিরোধ থাকিতে পারে না। সুতরাং উপরে যে অর্থ করা হইল, তাহাই প্রকৃত অর্থ।

আরও দেখ, শুধু শব্দ জ্ঞান হইতে বস্তুর উপলব্ধি হয় না। আচার্যের উপদেশে বা পুস্তক পাঠে “মধুর আশ্বাদ বড় মিষ্ট” শুনিলেই, উক্ত আশ্বাদের উপলব্ধি হয় না। উহার উপলব্ধি করিতে হইলে, বাস্তবিক মধুর আশ্বাদন করিতে হয়। সেইরূপ শাস্ত্র বা গুরুর উপদেশে, ব্রহ্ম এইরূপ, শুনিলে ব্রহ্মের উপলব্ধি হয় না, যতক্ষণ পর্যন্ত বিদ্যার দ্বারা ব্রহ্মের অপরোক্ষ অনুভূতি না হয়। ঐহার এই প্রকার অপরোক্ষানুভূতি হইয়াছে, তিনিই প্রকৃত ব্রহ্মবিদ্যাবিৎ। উক্ত ব্যক্তির বেদের কর্মকাণ্ডে কর্মচরণে প্রবৃত্তি হয় না। ব্রহ্মস্বরূপের অপরোক্ষ অনুভূতিতেই তন্নয় হইয়া থাকেন।

অতএব, বিদ্যা বা উপাসনা বা জ্ঞান বা ভক্তি, শব্দ জ্ঞান হইতে সম্পূর্ণ ভিন্ন বস্তু। অনুভূতির ব্যাপার, সেইজন্য বিদ্যার কর্মস্বভাব সিদ্ধ হইতে পারে না। বিদ্যা দ্বারাই মুক্তি লাভ হইয়া থাকে। সন্ন্যাস বা কাম্যকর্মত্যাগ উহার সাধন। সুতরাং, বিদ্যার কর্মস্বভাব হওয়া দূরে থাকুক, কাম্যকর্মত্যাগ না করিলে মুক্তিলাভ হুইবে—হুইবে বা কেন, হইতে পারে না। পুণ্য কর্মে স্বর্গাদি ভোগ এবং পাপকর্মে নরকাদি ভোগ হইয়া থাকে। উহারা কেহই মুক্তির জনক নহে। মুক্তক শ্রুতির নিয়োক্ত মন্ত্রে কর্ম ত্যাগেরই উপদেশ আছে, যথা :—

বেদান্তবিজ্ঞানস্থনিশ্চিতার্থাঃ

সন্ন্যাসযোগাদ্ যতয়ঃ শুদ্ধসত্ত্বাঃ ।

তে ব্রহ্মলোকেষু পরাস্তকালে

পরামৃতাঃ পরিমুচ্যন্তি সৰ্ব্বৈ ॥ মুণ্ডকঃ ৩।২।৬ ।

—যে সমস্ত যতি বেদান্ত শাস্ত্র লব্ধ জ্ঞান দ্বারা তাহার অর্থ উত্তমরূপে নিশ্চয় করিয়াছেন, এবং সৰ্ব্বকৰ্ম পরিত্যাগরূপ সন্ন্যাস যোগ দ্বারা, অন্তঃকরণের বিশুদ্ধি সম্পাদন করিয়াছেন, তাঁহারা সকলে জীবদ-বস্থায়ই ব্রহ্মভাবাপন্ন হইয়া, দেহাবসানে ব্রহ্মলোক প্রাপ্ত হন ।

মুণ্ডক ৩।২।৬ ।

ভাগবতেও কথিত আছে যে, বেদান্তের শাস্ত্রজ্ঞান, জ্ঞান, বৈরাগ্য ও ভক্তি সহযোগে বিদ্যার পরিকর মাত্র । বিদ্যা কৰ্ম্মাক্ষ নহে, বরং অন্তঃকৰ্ম্ম—বিদ্যার পরিকর মাত্র ।

তচ্ছুদ্ধানা মুনয়ো জ্ঞানবৈরাগ্যযুক্তয়া ।

পশ্চাত্ত্যাগ্নি চাত্মানং ভক্ত্যা শ্রুতগৃহীতয়া ॥ ভাগঃ ১।২।১২ ।

—শ্রদ্ধাসম্পন্ন মুনিগণ জ্ঞান বৈরাগ্যযুক্ত শ্রুতগৃহীত ভক্তি দ্বারা আত্মাতে আত্মাকে দর্শন করেন । ভাগঃ ১।২।১২ ।

এ প্রসঙ্গে প্রশ্ন উঠে যে, ব্রহ্মবিদগণের নৈকৰ্ম্ম্য শ্রুতিতে কথিত আছে । স্মতরাং কৰ্ম্মত্যাগই উহাদের পক্ষে প্রশস্ত । কিন্তু তুমি ১।১।৭, ২।৩।১৭ এবং ৩।২।২৪ সূত্রের আলোচনায় ভগবানের নাম কীর্তন, শ্রবণ প্রভৃতি করা কর্তব্য, এই সিদ্ধান্ত স্থাপন করিয়াছ, এবং তাহার পোষকে ভাগবতের কত শ্লোক উদ্ধৃত করিয়াছ । এখন জিজ্ঞাসা করি, “শ্রবণ, কীর্তন, মনন, বন্দন, অর্চনা প্রভৃতি” কি কৰ্ম্ম নহে ? যদি উহারা কৰ্ম্ম, তবে উহারা করণীয় কেন বলিয়াছ ? তোমার বর্তমান সিদ্ধান্ত অনুসারে উহাদের ত্যাগ ত বিধেয় ।

ইহার উত্তর এই যে, কাম্য কৰ্ম্মের অনুষ্ঠানই আপত্তিজনক—উহার বন্ধকত্ব আছে এবং উহা জন্ম মৃত্যু প্রবাহের দ্বারা অক্ষুণ্ণ রাখিবার হেতু—এ কারণ উহারা পরিত্যজ্য । ভগবানে অর্পিত কৰ্ম্মের বন্ধকত্ব থাকে না । ইহা ২।১।২৩ সূত্রের আলোচনায় প্রতিপাদিত হইয়াছে । তখন উক্ত কৰ্ম্ম নিঃশ্রেয়স প্রাপ্তির কারণ হইয়া থাকে । যজ্ঞাদি কাম্য কৰ্ম্মের ফলই নষ্ট । ভগবানে অর্পিত কৰ্ম্মে, ফলাভিসন্ধি নাই, স্মতরাং উহার বন্ধকত্ব নাই । অন্ত পক্ষে ভগবানের

অনুগ্রহেই উহার। পরমপদ প্রাপ্তির হেতু হইয়া থাকে। এ বিষয়ে ভাগবত বলিতেছেন :—

এবং নৃণাং ক্রিয়াযোগাঃ সর্বেষু সংসৃতিহেতবঃ ।

ত এবাঅবিনাশায় কল্পস্তে কল্পিতাঃ পরে ॥ ভাগঃ ১।৫।৩৪ ।

যদত্র ক্রিয়তে কৰ্ম ভগবৎ পরিতোষণম্ ।

জ্ঞানং যন্তদধীনং হি ভক্তিয়োগসমস্থিতম্ ॥ ভাগঃ ১।৫।৩৫ ।

—সেইরূপ যে সকল কৰ্ম মানবগণের সংসারভোগের হেতু হয়, তৎসমস্ত পরমেশ্বরে অর্পিত হইলে আত্মবিনাশের অর্থাৎ কৰ্মনিবৃত্তির হেতু হয়। এই জগতে ভগবৎ পরিতোষণ নিমিত্ত যে কৰ্ম কৃত হয়, ভক্তিয়োগ এবং জ্ঞান তাহার অধীন, অর্থাৎ, ভগবন্তুষ্টিজনক কৰ্ম দ্বারা ভক্তি হয়, এবং ভক্তি হইলে জ্ঞান জন্মে।

ভাগঃ ১।৫।৩৪-৩৫ ।

অতএব, প্রতিপাদিত হইল যে, এ কৰ্ম পূর্বপক্ষের আপত্তির বিষয়ভূত কৰ্মকাণ্ডোক্ত কাম্য কৰ্ম নহে। কৰ্ম ভগবানে অর্পিত হইলে নৈকৰ্ম্য সিদ্ধি হয়, ইহা ৩।৪।৮ সূত্রের আলোচনায় উক্ত ভাগবতের ১।৫।৩৪৭ শ্লোক হইতে প্রতিপাদিত হইয়াছে।

এই নৈকৰ্ম্যসিদ্ধি যদি অচ্যুতভাব বর্জিত হয়, তাহা শোভমান হয় না।
যথা :—

নৈকৰ্ম্যমপ্যচ্যুতভাববর্জিতং

ন শোভতে জ্ঞানমলং নিরঞ্জনম্ । ॥

ভাগঃ ১।৫।১২ ।

—সর্বোপাধি নিবর্তক নির্মল ব্রহ্মজ্ঞানও হরিভক্তি বর্জিত হইলে শোভা পায় না, অর্থাৎ পরমতত্ত্বের অপরোক্ষানুভূতির নিমিত্ত কল্পিত হয় না। ভাগঃ ১।৫।১২ ।

৫

পূর্বপক্ষ পুনরায় আপত্তি করিতেছেন। ৩।৪।৬ সূত্রের পোষক ভাগবতের যে ৩।৪।২৭ শ্লোক উক্ত করিয়াছ, তাহাতেও ত স্পষ্টই কথিত আছে যে, ব্রহ্মিষ্ঠ বিশ্বরূপকে দেবগণ উপাধ্যায় পদে বরণ করিয়াছিলেন। বিশ্বরূপ কি ব্রহ্মবিৎ ছিলেন না ?

ইহার উত্তরে সিদ্ধান্তবাদী বলিতেছেন যে, তিনি ব্রহ্মবিৎ ছিলেন কি না, সে প্রশ্নের উত্তরের প্রয়োজন নাই। তবে ৬।৭।২৯ ও ৬।৭।৩০ শ্লোক দুটির প্রতি প্রণিধান করিলেই তোমার আপত্তির উত্তর পাইবে। বিশ্বরূপ দেবগণের দ্বারা পৌরোহিত্য পদ গ্রহণ করিতে অনুরুদ্ধ হওয়ায় বলিলেন, হে দেবগণ! যদিও ধর্মশীল ব্যক্তিগণ অধর্মের হেতু বলিয়া পৌরোহিত্য কর্মের নিন্দা করিয়া থাকেন, এবং ঐ কর্ম পূর্বসিদ্ধ ব্রহ্মতেজের ক্ষয়কারী, তথাপি আপনারা ত্রিলোকের অধীশ্বর, আপনাদের প্রার্থিত বিষয় মাদৃশ ব্যক্তি কি প্রকারে প্রত্যাখ্যান করিতে সমর্থ হইবে? ভাগঃ ৬।৭।২২-৩০।

বিগর্হিতং ধর্মশীলৈব্রহ্মবচ্চ'উপব্যয়ম্ ॥ ভাগঃ ৬।৭।২৯।

কথং নু মদ্বিধো নাথা লোকেশৈরভিযাচিতম্।

প্রত্যাখ্যাস্যতি..... ॥ ভাগঃ ৬।৭।৩০।

অতএব, বিশ্বরূপ নিজেই যখন ঐ প্রকার স্পষ্ট নিন্দা করিয়াছেন, এবং বাধ্য হইয়া অনিচ্ছায় গ্রহণ করিয়াছেন, তখন উক্ত দৃষ্টান্ত দ্বারা তোমার উদ্দেশ্য সিদ্ধ হইবে না।

প্রকৃত “ব্রহ্মিষ্ঠ” কি প্রকার, তাহা ভাগবতেই অন্তর্ভুক্ত কথিত আছে, যথা :—

সাধবো ঞ্চাসিনঃ শাস্তা ব্রহ্মিষ্ঠা লোকপাবনাঃ।

হরন্ত্যঘং তেহঙ্গসঙ্গান্তেষাস্তে হৃৎভিদ্ধরিঃ ॥ ভাগঃ ৯।৯।৬।

—ভগীরথ গঙ্গাকে বলিতেছেন :—সন্ন্যাসী, সাধু, ব্রহ্মিষ্ঠগণ লোকপাবন। তাঁহারা স্ব স্ব অঙ্গসঙ্গ দ্বারা আপনার (অপবিত্র পাপীগণের সংস্পর্শ জনিত) অপবিত্রতা হরণ করিবেন। তাঁহাদের অন্তরে অর্ধহারী হরি নিত্য বিরাজমান। অতএব, তাঁহারা পাপনাশনে সমর্থ। ভাগঃ ৯।৯।৬।

লক্ষ্য রাখিও—“ঞাসিনঃ ও ব্রহ্মিষ্ঠা” এক সঙ্গে ব্যবহৃত হইয়াছে। তাঁহারা কর্মত্যাগী—একরূপ ব্যক্তি কর্মকাণ্ডে কাম্যকর্মাত্মানে প্রবৃত্ত হইবেন কেন?

সুতরাং প্রতিপাদিত হইল যে, ৩।৪।৬ সূত্রের শিরোদেশে উক্ত শ্রুতিতে “ব্রহ্মিষ্ঠ” পদের অর্থ ব্রহ্মবিৎ নহে, বেদমন্ত্রবিৎ। সুতরাং

উক্ত সূত্রে পূর্বপক্ষ যে আপত্তি উত্থাপিত করিয়াছিলেন, তাহা স্পন্দরূপে নিরাকৃত হইল।

[পূর্বপক্ষীয় সমুদায় আপত্তির উত্তর দিয়া সূত্রকার শেষ আপত্তির উত্তর দিতেছেন।]

সূত্র :—৩।৪।১৩।

নাবিশেষাৎ ॥ ৩।৪।১৩ ॥

ন + অবিশেষাৎ ॥

ম :—ন। অবিশেষাৎ :—যে হেতু জ্ঞানীকে বিশেষ করিয়া বলা হয় নাই।

তুমি ঈশাবাস্তোপনিষদের ২ মন্ত্র উদ্ধৃত করিয়া আপত্তি করিয়াছ যে, যাবজ্জীবন কর্মের উপদেশ থাকায়, বিদ্যা কর্মেরই অঙ্গ—কর্ম মুখ্য, বিদ্যা গৌণ মাত্র। ইহা উপপন্ন হয় না। কারণ, উক্ত শ্রুতিতে এমন কোনও নিয়মের নির্দেশ নাই, যাহাতে স্বতন্ত্র সাধনভূত স্বতন্ত্র কর্মানুষ্ঠান বিষয়েই উহার নিয়োগ হইতে পারে। কারণ, কর্মকে বিদ্যার অঙ্গ বলিলেও উহার উপপত্তিতে কোনও প্রতিবন্ধক হয় না। সুতরাং, তুমি যখন উক্ত শ্রুতিকে, তোমার অভিপ্রেত “বিদ্যা কর্মের অঙ্গ” এই সিদ্ধান্তের পোষকরূপে প্রয়োগ করিয়াছ, আমিও সেইরূপ “কর্ম বিদ্যার অঙ্গ” এই সিদ্ধান্তের পোষকরূপে ব্যবহার করিতে পারি। উহার দ্বারা তোমার উদ্দেশ্য সিদ্ধ হইবে না। •

কৃষ্ণ যজুঃর ১।৫।২ যে মন্ত্রাংশ উদ্ধৃত করিয়াছ, উহা কর্মের অর্থবাদ বা প্রশংসাবাদ মাত্র। উহা আক্ষরিক অর্থে গৃহীত হইতে পারে না। অর্থবাদ রূপেই গ্রহণীয় এবং তাহাতেই উহার সার্থকতা। অর্থবাদ প্রমাণস্বরূপ গণ্য নহে। অতএব, উহাও তোমার উদ্দেশ্য সিদ্ধির হেতু হইতে পারে না।

৩।৪।৩ সূত্রের শিরোদেশে তুমি গীতার ৩।২০ শ্লোকটি উদ্ধৃত করিয়া বলিয়াছ যে, জনকাদি কর্ম দ্বারাই সিদ্ধিলাভ করিয়াছিলেন ; তাহারা তত্ত্ববিৎ

ছিলেন, অতএব তদ্বিদ্গণেরও কৰ্ম করণীয়। ইহার প্রকৃত অর্থও তোমার উদ্দেশ্যের পোষক নহে। কারণ, ভগবদুপাসনারূপ কৰ্ম তদ্বিদ্গণের মৃত্যুকাল পর্য্যন্তও করণীয়। ইহার পোষকে পূৰ্বসূত্রের আলোচনায় উক্ত ভাগবতের ১।৫।৩৫ ও ১।৫।১২ শ্লোক দুটি দ্রষ্টব্য।

আরও দেখ, ৩।৪।৭ সূত্রের আলোচনায় তুমি ভাগবতের ১০।২৪।১২, ১০।২৪।১৩ শ্লোক উদ্ধৃত করিয়া—উহা ভগবান্ শ্রীকৃষ্ণের উক্তি বলিয়া যে সিদ্ধান্ত স্থাপন করিয়াছ, তাহাও তোমার উদ্দেশ্যের পরিপোষক নহে। কারণ, উহাও তদ্বিদ্গণের সম্বন্ধে প্রযোজ্য হইবে, এমন কোনও বিশেষ উক্তি উহাতে নাই। উহা সাধারণভাবে কৰ্মের প্রশংসাবাদ মাত্র, এবং সে কারণে অর্থবাদ। উহার প্রামাণ্য বড়ই অল্প।

এই সমুদায় কারণে তোমার সিদ্ধান্ত যে “বিদ্যা কৰ্মের অঙ্গ মাত্র” ইহা প্রতিষ্ঠিত হইতে পারে না। প্রত্যুত, উহা নিরস্ত করা হইল। অতএব, আমার ৩।৪।১ সূত্রোক্ত সিদ্ধান্তই সমীচীন সিদ্ধান্ত, ইহা সৰ্ব্বপ্রকারে প্রতিপাদিত হইল।

এই প্রসঙ্গে ৩।৪।১ সূত্রের আলোচনায় উদ্ধৃত ভাগবতের ১।১।১০।৪ শ্লোক, ও ৩।৪।৮ সূত্রের আলোচনায় উদ্ধৃত ভাগবতের ১।১।১৪।২, ১।১।২।৮, ১।১।২।১৬, ১।১।২।১২ শ্লোকগুলিতে তোমার দৃষ্টি আকর্ষণ করিতেছি। আর বিস্তারের প্রয়োজন নাই।

[ঈশাবাস্যোপনিষদের ২ মন্ত্রের তুমি যে অর্থ করিয়াছ, উহা প্রকৃত অর্থ নহে, তাহার কারণ বলিতেছি, শুন।]

সূত্র :—৩।৪।১৪

স্ততয়েৎসুমতিৰ্বা ॥ ৩।৪।১৪ ॥

স্ততয়ে + অসুমতিঃ + বা ॥

স্ততয়ে :—বিদ্যার স্ততির নিমিত্ত। অসুমতিঃ :—কৰ্মাহুষ্ঠানে অসুমতি।

বা :—অবধারণে।

বিদ্যার স্তুতির জগুই যাবজ্জীবন কর্মানুষ্ঠানের অহুমতি ঈশাবাশ্চোপনিষদের ২ মন্ত্রে উপদিষ্ট হইয়াছে। কি প্রকারে? বলিতেছি, শুন। উক্ত উপনিষদের ১ মন্ত্রে “ঈশা বাশ্চামিদং সর্বম্...”—“এই সমস্তই ঈশ্বর ব্যাপ্ত বলিয়া চিন্তা করিতে হইবে”, বলিয়া বিদ্যার উপক্রম থাকায়, এবং ২ মন্ত্রের তোমার উক্ত অংশের পরেই উক্ত ২ মন্ত্রের দ্বিতীয় চরণেই, “এবং তুমি নাশ্চোপনিষত্তে ন কর্ম লিপ্যন্তে নরে”—“যদি তুমি এই প্রকারে অবস্থিতি কর, তাহা হইলে তোমাতে কোনও কর্ম লিপ্ত হইবে না, ইহার অর্থ হয় না”, বলায় বিদ্যারই স্তুতি বুঝাইতেছে, ইহা স্পষ্ট নয় কি? তোমার সিদ্ধান্তানুসারে কর্মফলই বিদ্যা, অতএব বিদ্যা কর্মের অঙ্গ। কিন্তু শ্রুতি বলিতেছেন যে, এই প্রকারে অবস্থিত ব্যক্তিতে কর্ম লিপ্ত হইবে না। সুতরাং কর্মফলও উক্ত প্রকারে অবস্থিত ব্যক্তিকে স্পর্শ করিবে না। বিদ্যার এ প্রকার সামর্থ্য। অতএব, বিদ্যা কর্মাক্ত নহে, ইহা প্রতিষ্ঠিত হইল।

জগতে কর্মত্যাগ করিয়া থাকিবার উপায় নাই, কোনও না কোনও প্রকারে কর্মানুষ্ঠান করিতে হয়, তাই শ্রুতি বিধান দিতেছেন যে, যখন কর্মানুষ্ঠান ভিন্ন থাকিবার উপায় নাই, তখন ঐ প্রকারে অবস্থিত হইয়া যাবজ্জীবন নির্ভয়ে কর্মানুষ্ঠান করিয়া যাইও। বিশ্বের সমুদায় যখন ঈশময়, এই জ্ঞানের সহিত কর্ম করিলে তোমার পক্ষে কর্মের বন্ধন নাই, কারণ, তখন কর্মের অহুষ্ঠাতা তুমি, তোমার অহুষ্ঠিত কর্ম, যে উদ্দেশ্যে কর্ম অহুষ্ঠিত হয়, কর্মানুষ্ঠানের উপকরণ প্রভৃতি সমুদায় ব্রহ্মময় বলিয়া জ্ঞান থাকায়, উক্ত অহুষ্ঠিত কর্ম কাম্যকর্ম পর্যায়ে পড়িবে না, সুতরাং বন্ধন হইবেই বা কাহার এবং কিরূপে?

এ সম্বন্ধে ভাগবত কি বলিতেছেন, শুন :—

যাবৎ সর্বেষু ভূতেষু মদ্ভাবো নোপজায়তে ।

তাবদেবমুপাসীত বাঙ্গনঃ কারবৃষ্টিভিঃ ॥ ভাগঃ ১১।২৯।১৭ ।

সর্বং ব্রহ্মাত্মকং তস্য বিদ্যায়াঅমনীষয়া ।

পরিপশ্যন্নুপরমেৎ সর্বতো মুক্তসংশয়ঃ ॥ ভাগঃ ১১।২৯।১৮ ।

—যতদিন পর্য্যন্ত সর্বভূতে আমার ভাব না জন্মে, ততদিন পর্য্যন্ত কারমনোবাক্যে উপাসনা করিবে। এইরূপে উপাসক পুরুষের সম্বন্ধে আত্মবুদ্ধিস্ব ব্রহ্মবিদ্যা প্রকাশে সকল বস্তু ব্রহ্মাত্মক হয়, পথে তিনি সেই সর্বাত্মক উপলব্ধি করিয়া মুক্তসংশয় হইয়া সমুদায় হইতে উপরক্ত হইলেন।

ভাগঃ ১১।২৯।১৭-১৮ ।

ইহা হইতে বুঝা গেল যে, সমুদয়ে ব্রহ্মভাব উপলব্ধির পর কস্ম'নুষ্ঠান করাও যা, না করাও তাই। অর্থাৎ কস্মের বন্ধকত্ব থাকে না, এজন্য শ্রুতি কস্ম'নুষ্ঠানের অনুমতি দিয়াছেন। অতএব, বিদ্যা কস্মের অঙ্গ নহে, কস্ম'ই বিদ্যার অঙ্গ, এবং বিদ্যা সমুদায় পুরুষার্থপ্রাপ্তির একমাত্র উপায়, ইহা সিদ্ধ হইল।

[শঙ্কর ও রামানুজ এই সমুদায় সূত্রে, এবং অধিকন্তু শঙ্কর ৩৪।১৭ ও রামানুজ ৩৪।২০ সূত্র পর্য্যন্ত একই অধিকরণের অন্তর্ভুক্ত করিয়াছেন। বলদেব ৩৪।১ সূত্র প্রথমাধিকরণে, ৩৪।২ হইতে ৩৪।৭ পর্য্যন্ত দ্বিতীয়াধিকরণে, ৩৪।৮ হইতে ৩৪।১৪ পর্য্যন্ত তৃতীয়াধিকরণের অন্তর্নিবিষ্ট করিয়াছেন। কিন্তু ৩৪।১ হইতে ৩৪।১৪ পর্য্যন্ত একই বিচারের বিষয় বলিয়া উহাদিগকে একই অধিকরণের অন্তর্ভুক্তরূপে আমরা দেখাইলাম। ৩৪।১৫ হইতে বলদেবসম্মত বিভিন্ন অধিকরণের অন্তর্ভুক্ত করিয়া দেখান হইল।]

২। কামকারাধিকরণ ॥

ভিত্তি :—

১। “এষ নিত্যো মহিমা ব্রাহ্মণশ্চ

ন বর্দ্ধতে কস্ম'ণা নো কনীয়ান্” । (বৃহদারণ্যকঃ ৪।৪।২৩)

—ব্রাহ্মণের এই মহিমা নিত্য, কর্মের দ্বারা ইহার হ্রাস বৃদ্ধি হয় না ।
(বৃহঃ ৪।৪।২৩) ।

২। “যথা পুষ্করপলাশ আপো ন শ্লিষ্যন্তু এবমেবং বিদি পাপং

কস্ম'ন শ্লিষ্যত” । (ছান্দোগ্যঃ ৪।১৪।৩) ।

—পদ্মপত্রের যেমন জল সংশ্লিষ্ট হয় না, সেইরূপ জ্ঞানী ব্যক্তিতে
পাপ সংশ্লিষ্ট হয় না । (ছাঃ ৪।১৪।৩) ।৩। “তদ্ যথেষীকাতুলমগ্নৌ প্রোতং প্রদুয়েতৈবং হাস্য সর্বে
পাপ্যানঃ প্রদুয়ন্তে” । (ছান্দোগ্যঃ ৫।২৪।৩) ।—যেমন অগ্নিতে তৃণমুষ্টি বা তুলা নিক্ষেপ মাত্র দগ্ধ হইয়া যায়,
সেইরূপ জ্ঞানী ব্যক্তির সমুদায় পাপ ধ্বংসপ্রাপ্ত হয় । (ছাঃ ৫।২৪।৩) ।

সংশয় :—বিদ্যার স্বাতন্ত্র্য সিদ্ধান্ত করিলে এবং নৈকরম্য বিদ্যার ফল,
ইহাও বলিয়াছ । তবে বিদ্বান্ ব্যক্তি যদি শাস্ত্র বিহিত কর্মানুষ্ঠান না করেন, তবে
কি তাঁহার প্রত্যবায় হইবে না ? বিদ্বান্ যদি যথেষ্টাচারী হইয়া শাস্ত্রবিহিত
কর্মত্যাগ করেন, তবে ত তাঁহার প্রত্যবায় হওয়াই উচিত । নতুবা, শাস্ত্রবিধি
নিরর্থক হইয়া যায় । ইহার উক্তরে সূত্রকার সূত্র করিলেন :—

সূত্র :—৩।৪।১৫ ।

কামকারেণ চৈকে ॥ ৩।৪।১৫ ॥

কামকারেণ + চ + একে ॥

কামকারেণ :—স্বৈচ্ছাপূর্বক কর্মানুষ্ঠান করা । চ :—ও । একে :—
কোনও কোনও বেদশাখীগণ ।

বিদ্বান্ ব্যক্তির কৰ্ম করা শাস্ত্র বিহিত নহে। তবে, লোকসংগ্রহের জন্য তাঁহার কৰ্মের গুণদোষ বুদ্ধি বিবৰ্দ্ধিত হইয়া, এবং ফল আকাঙ্ক্ষা না করিয়া, ইচ্ছা করিলে কৰ্ম করিতে পারেন, তাহার নিষেধও নাই। শিরোদেশে উদ্ধৃত শ্রুতিমন্ত্রগণই তাহার প্রমাণ। তাঁহার ফল আকাঙ্ক্ষা করেন না বলিয়াই, কৰ্ম দ্বারা তাঁহাদের মহিমা বৃদ্ধি, এবং কৰ্ম না করায় মহিমার হ্রাস হয় না। কৰ্ম না করিলে যে প্রত্যবায়ের কথা তুমি বলিতেছ, তাহা পদ্মপত্রে জলের গায় তাঁহার সহিত সংশ্লিষ্ট হয় না, অথবা অগ্নিতে নিষ্কিণ্ত তৃণমুষ্টি বা তুলার গায় ধ্বংসপ্রাপ্ত হয়। ইহাই শ্রুতির অভিপ্রায়।

• ভাগবত এ সম্বন্ধে বেশ সুস্পষ্ট ভাবেই বলিতেছেন :—

শৌচমাচমনং স্নানং ন তু চোদনয়া চরেৎ ।

অগ্ন্যাংশ্চ নিয়মান্ জ্ঞানী যথাহং লীলয়েশ্বরঃ ॥ ভাগঃ ১১।১৮।৩৫ ।

—জ্ঞানীব্যক্তি শাস্ত্রবিধি বলিয়া শৌচ, আচমন, স্নান প্রভৃতির আচরণ করেন না। আমি যেমন লীলাময় ঈশ্বর, ইচ্ছানুসারে কৰ্মানুষ্ঠান করি, তিনিও সেইরূপ লীলাভাবে ইচ্ছানুসারে অনাসক্ত হইয়া শাস্ত্র বিহিত কৰ্মানুষ্ঠান করিতে পারেন। ভাগঃ ১১।১৮।৩৫ ।

দোষবুদ্ধ্যোভয়াতীতো নিষেধায় নিবৰ্ত্ততে ।

গুণবুদ্ধ্যা চ বিহিতং ন করোতি যথার্থকঃ ॥ ভাগঃ ১১।৭।৯ ।

—গুণদোষ বুদ্ধি হইতে অতীত জ্ঞানী ব্যক্তি—বালকের গায় দোষবুদ্ধিতে কৰ্ম হইতে কৰ্মানুষ্ঠানে নিবৃত্ত বা গুণবুদ্ধিতে কৰ্মানুষ্ঠানে প্রবৃত্ত হন না। বালকের গায় ইচ্ছানুসারেই কার্য করিয়া থাকেন। ভাগঃ ১১।৭।৯ ।

যথার্থগ্নিঃ সুসমৃদ্ধার্চিঃ করোত্যেধাংসি ভস্মসাৎ ।

তথা মদ্বিষয়া ভক্তিরুদ্ধবৈনাংসি কুৎসশঃ ॥ ভাগঃ ১১।১৪।১৮ ।

—হে উদ্ধব! যেমন প্রজ্বলিত অগ্নি প্রদীপ্ত শিখা দ্বারা কাষ্ঠাদি ভস্মসাৎ করে, সেইরূপ মদ্বিষয়া ভক্তি সমুদায় পাপরাশি ধ্বংস করিয়া থাকে।

ভাগঃ ১১।১৪।১৮ ।

যংপাদপঙ্কজ-পরাগ-নিবেষ-তৃপ্তা

যোগপ্রভাব-বিধুতাখিল-কর্ষবন্ধাঃ ।

স্বৈরং চরন্তি মুনয়োহপি ন নহ্যমানা-

স্তম্ভোচ্ছয়াত্তবপুষঃ কুত এব বন্ধঃ ॥

ভাগঃ ১০।৩৩।৩৪

—যাঁহার পাদপদ্মের পরাগ সেবনে তৃপ্ত মনিগণ, যোগপ্রভাবে অখিল
কর্ষবন্ধ হইতে মুক্ত হইরা, স্বেচ্ছামুসারে আচরণ করেন, কোনও
প্রকার বন্ধন প্রাপ্ত হন না, সেই ইচ্ছামাত্রে শরীরধারী ভগবানের
আবার বন্ধ কোথায় ? ভাগঃ ১০।৩৩।৩৪

অতএব, সুন্দর ভাবে প্রতিপাদিত হইল যে, ভগবন্তদে জ্ঞানী
বা ভক্ত শাস্ত্রবিহিত কর্ম্মাচরণ করুন বা না করুন, তাহাতে কোনও ক্ষতি
রুদ্ধি নাই ।

ভিত্তি :—

১। “ভিত্তিতে হৃদয়গ্রন্থিচ্ছিত্তে সর্বসংশয়াঃ।

ক্ষীয়ন্তে চাস্ত কস্ম'ণি তস্মিন্ দৃষ্টে পরাবরে ॥”

(মুণ্ডকঃ ২।৭)।

—সেই পরাৎপর পুরুষের দর্শনলাভ হইলে, হৃদয় গ্রন্থির ছেদ হয়, সমুদায় সংশয়ের নিরাস হয়, এবং সমুদায় কৰ্ম কয় প্রাপ্ত হয়।

(মু. ২।৭)।

২। “যথৈধাংসি সমিক্কাং যির্ভস্মসাৎ কুরুতে অর্জুন।

জ্ঞানাগ্নিঃ সর্বকস্ম'ণি ভস্মসাৎ কুরুতে তথা ॥

(গীতাঃ ৪।৩৮)।

—হে অর্জুন! প্রজ্জলিত অগ্নি যেরূপ কাষ্ঠসকল ভস্মসাৎ করে, সেইরূপ জ্ঞানাগ্নি সমুদায় কৰ্ম ভস্মসাৎ করে। (গী, ৪।৩৮)।

সূত্র :—৩।৪।১৬।

উপমর্দক ॥ ৩।৪।১৬ ॥

• উপমর্দং + চ ॥

উপমর্দং :—কর্মের নাশ। চঃ—ও।

শিরোদেশে উদ্ধৃত শ্রুতি ও স্মৃতি প্রমাণে জ্ঞানের দ্বারা সমুদায় কর্মের ধ্বংস স্পষ্ট উপদিষ্ট হইয়াছে, দেখা যাইতেছে। সুতরাং, জ্ঞানীর কর্ম না করিলে প্রত্যয় হয় না। আরও প্রতিপাদিত হইল যে, জ্ঞান বা বিদ্যা কর্মের অঙ্গ নহে, পরন্তু উচ্ছেদক।

এই প্রসঙ্গে ১।১।১৬ শ্লোকের আলোচনায় (পৃঃ ৪২৭) উদ্ধৃত ভাগবতের ১।২।২১, ১।১।২০।৩০ ও ৩।৪।১৫ শ্লোকের আলোচনায় উদ্ধৃত ১।১।১৪।১৮ শ্লোক দ্রষ্টব্য।

এখানে পূর্বপক্ষ আপত্তি উত্থাপন করিতেছেন, মুণ্ডকশ্রুতির ২।৭ মন্ত্র, গীতার ৪।৩৮, ভাগবতের ১।২।২১ ও ১।১।২০।৩০ শ্লোক সমুদায়ে কর্মধ্বংসের বিষয় উক্ত আছে। তবে কি প্রারম্ভ কর্মও অন্তিম কর্মের সহিত ধ্বংসপ্রাপ্ত

হইবে? সম্ভবতঃ প্রারকও ধ্বংস প্রাপ্ত হইবে, কেননা প্রারক সম্বন্ধে কোনও বিশেষের উল্লেখ নাই।

ইহার উত্তরে সিদ্ধান্তবাদীর বক্তব্য এই:—প্রারক কৰ্ম সম্বন্ধে সূত্রকার ৪।১।১৫, সূত্রে সিদ্ধান্ত স্থাপন করিবেন। এখানে এইমাত্র বক্তব্য যে, জ্ঞানের সমুদায় কৰ্মধ্বংসের শক্তি আছে এবং প্রারক কৰ্মও সেই “সমুদায় কৰ্মের” অন্তর্ভুক্ত। তবে, জ্ঞানী ভগবদিচ্ছার অনুবর্তনে অগ্নিদগ্ধ বস্তুর গায় প্রারক কৰ্ম ভোগ করেন। কোনও বস্তু অগ্নিদগ্ধ হইলে, ভস্মসাৎ হইবার পূর্কবস্থায় উহার আকার, সূত্রসংস্থান প্রভৃতি পূর্কতন বস্তুর আকারে বর্তমান থাকিলেও, উহার দ্বারা শীতনিবারণাদি বস্তুর কৰ্মসম্পাদিত হয় না, সামান্য স্পর্শে উহা নষ্ট হইয়া যায়, সেইরূপ প্রারক দগ্ধ হইয়াও আকারমাত্রে জ্ঞানীর অনুগমন করে এবং জ্ঞানী ইচ্ছা করিয়াই উহার ভোগ সমাধা করিয়া থাকেন। বলা বাহুল্য যে, দগ্ধ বস্তুর গায়, উক্ত ভোগ স্থখ দুঃখের কারণ নহে।

ভিত্তি :—

১। “তস্মাদ্ ব্রাহ্মণঃ পাণ্ডিত্যং নির্বিঘ্নে বাল্যেন তিষ্ঠাসেৎ। বাল্যং
চপাণ্ডিত্যং চ নির্বিঘ্নাথ মুনিরমৌনংচ মৌনং চনির্বিঘ্নাথ
ব্রাহ্মণঃ স ব্রাহ্মণঃ কেন স্মাদ্ যেন স্মাৎ তেনেদৃশ এব”।

(বৃহদারণ্যকঃ ৩।৫।১)।

—সেই হেতু ব্রহ্মনিষ্ঠ ব্যক্তি পাণ্ডিত্য (আত্মতত্ত্ব) সম্যকরূপে
অবগত হইয়া বালকের গায় নিরভিমান থাকিবেন। তাহার পর
বাল্য ও পাণ্ডিত্য সমাপ্ত করিয়া মুনি বা মননশীল হইবেন। শেষে
অমৌন ও মৌন উভয়ই পরিসমাপ্ত করিয়া ব্রহ্মেতেই তন্ময় হইবেন।
সেই সময় ব্রাহ্মণ কিরূপ আচার অবলম্বন করিবেন? যেরূপ
আচারই অবলম্বন করুন, তিনি ঐরূপই থাকেন—অর্থাৎ বিতৈষণাদি
বিনির্মুক্ত ব্রহ্মস্বরূপেই প্রতিষ্ঠিত থাকেন। (বৃহ, ৩।৫।১)।

২। “সক্তাঃ কস্ম'ণ্যবিদ্বাংসো যথা কুর্বন্তি ভারত।

কুর্ধ্যাদ্বিদ্বাংসুথাসক্তশ্চিকীর্ষু'লোকসংগ্রহম্” ॥

(গীতাঃ ৩।২৫)।

—অজ্ঞানী ব্যক্তি কর্মে আসক্ত হইয়া যেরূপ কর্ম করেন, আত্মতত্ত্ববিৎ
কর্মে অনাসক্ত হইয়া কেবল লোকসংগ্রহার্থ কর্ম করিবেন।

(গী, ৩।২৫)

সংশয় :—শিরোদেশে উক্ত বৃহদারণ্যক শ্রুতির ৩।৫।১ মন্ত্রে আত্ম-
তত্ত্ববিদের পক্ষে কর্ম করা বা না করা, তাহার ইচ্ছাধীন বলিয়া উল্লিখিত আছে।
পরন্তু, উহার অভিপ্রায় যুনে হয়, উক্ত ব্যক্তি যদি শাস্ত্রনিষিদ্ধ কর্মেরও অনুষ্ঠান
করেন, তাহাতে তাহার কোনও প্রকার পাপ বা প্রত্যবায় স্পর্শ করে না।
আবার গীতায় উক্ত ব্যক্তির অনাসক্তভাবে কর্ম করণেরও উপদেশ রহিয়াছে।
গীতী ত সাক্ষাৎ ভগবানের উক্তি, ইহা তোমরা বলিয়া থাক। অতএব,
ইহার সমাধান কি? ইহার সমাধানের অশ্রু সূত্র :—

সূত্র :—৩।৪।১৭।

• উর্দ্ধ'রেতঃসু চ শব্দে হি ॥ ভাগঃ ৩।৪।১৭ ॥

• উর্দ্ধরেতঃসু + চ + শব্দে + হি ॥

উর্দ্ধরেতাঃ—পরিনিষ্ঠিত জনগণের মধ্যে উর্দ্ধরেতাঃ (আকুয়ার ব্রহ্মচারী) যতিগণের। **চঃ**—ও। **শব্দেঃ**—শিরোদেশে উদ্ধৃত বৃহদারণ্যক শ্রুতি প্রমাণে। **ছিঃ**—নিশ্চয়ে।

বৃহদারণ্যক শ্রুতির শিরোদেশে উদ্ধৃত মন্ত্রে আত্মতত্ত্ববিদ্যগণের কামাচার উক্ত হইয়াছে এবং উহাতে তাঁহার কোনও ক্ষতিবৃদ্ধি নাই, তাহাও কথিত হইয়াছে। আবার গীতায় ৩২৫ মন্ত্রে উহাদের লোকসংগ্রহের জন্ত অনাসক্তভাবে কর্ম করিবার উপদেশ আছে। অতএব, ইহার সমাধান এই যে, যে সমুদায় আত্মতত্ত্ববিৎ সংসারী অথবা, সংসারাত্মীগণের সংস্পর্শে থাকেন, তাঁহাদের গীতার উপদেশ অনুসারে লোক সংগ্রহের জন্ত অনাসক্তভাবে কর্মচারণ কর্তব্য। আর, যে সমুদায় আত্মতত্ত্ববিৎ উর্দ্ধরেতাঃ, সন্ন্যাসী, সংসারাত্মের বহির্ভূত, তাঁহারা কামাচারী হইতে পারেন, কেন না, সংসারী মানবের সংস্পর্শে তাঁহারা বিশেষ আসেন না, এবং তাঁহাদের দৃষ্টাস্তের অনুকরণ করা সংসারীর পক্ষে সহজও নহে। অতএব, শ্রুতির উপদেশ, উক্ত প্রকার উর্দ্ধরেতাঃ সন্ন্যাসীগণের সম্বন্ধে, ইহা বুঝিতে হইবে। এই শ্রুতির দ্বারা বিদ্যার স্বাতন্ত্র্য ও মহিমা বর্ণিত হইল, বুঝিতে হইবে। আরও প্রতিপাদিত হইল যে, বিদ্যা কর্মের অঙ্গ নহে, যদি অঙ্গ হইত বা অন্য কথায় কর্ম মুখ্য ও বিদ্যা গৌণ হইত, তাহা হইলে, বিদ্বান্ ব্যক্তির ইচ্ছামত কর্মের অনুষ্ঠানের ও অননুষ্ঠানের উপদেশ শ্রুতিতে থাকা সম্ভব ও সম্ভব হইত না।

এ সম্বন্ধে ভাগবত বলিতেছেন :—

জ্ঞাননিষ্ঠো বিরক্তো বা মদভক্তো বানপেক্ষকঃ ।

সলিঙ্গানাশ্রমাংস্ত্যক্ত্বা চরেদবিধিগোচরঃ ॥ ভাগঃ, ১১:১৮:২৭ ।

বুদ্ধো বালকবৎ ক্রীড়েৎ কুশলো জড়বচ্চরেৎ ।

বদেদুশ্মন্তবদ্বিদ্ধান্ গোচর্যাং নৈগমশ্চরেৎ ॥ ভাগঃ ১১:১৮:২৮ ।

বেদবাদরতো ন শ্মানপাষণ্ডী ন হৈতুকঃ ।

শুকবাদবিবাদে ন কঞ্চিং পক্ষং সমাশ্রয়েৎ ॥ ভাগঃ ১১:১৮:২৯ ।

—যে ব্যক্তি বর্হিবিষয়ে বিরক্তি ও মুক্ষা বশতঃ জ্ঞাননিষ্ঠ হইল বা মোক্ষ বিষয়ে অপেক্ষা না করিয়া মদভক্ত হইল, তিনি 'ত্রিদণ্ডাদিসহ আশ্রম ধর্ম সকল পরিত্যাগ পূর্বক শাস্ত্রের শাসন অতিক্রম করিয়া বিচরণ করিবেন। বিবেকবান্ হইলেও, বালকের গায় মানাপমান শূন্য হইয়া

ক্রীড়া করিবেন, নিপুণ হইয়াও জড়ের স্তায় কলানুসন্ধান পরিত্যাগ করিয়া ব্যবহার করিবেন । বিদ্বান্ হইয়াও উন্নতের স্তায় লোকরঞ্জন কামনাভাবে কার্য করিবেন, এবং বেদনিষ্ঠ হইয়াও অনিয়তাচারে বিচরণ করিবেন । কৰ্মকাণ্ডব্যখ্যানাদিনিষ্ঠ বেদবাদে রত হইবেন না, শ্রুতি ও স্মৃতি বিরুদ্ধ বিষয়ের অনুষ্ঠান করিবেন না, কেবল তর্কে নির্ভর করিবেন না এবং গোষ্ঠীমধ্যে নিস্প্রয়োজন বাদবিতণ্ডা উপস্থিত হইলে, তাহার কোনও পক্ষ আশ্রয় করিবেন না । ভাগঃ ১১।১৮।২৭-২৮-২৯ ।

ন মযোকাস্তভক্তানাং গুণদোষোদ্ভবা গুণাঃ ।

সাধুনাং সমচিত্তানাং বুদ্ধেঃ পরমুপেয়ুষাম্ ॥ ভাগঃ ১১।২০।৩৬ ।

—প্রকৃতির পরবর্তী ঈশ্বর যে আমি, আমার একান্ত ভক্ত, সমচিত্ত, সাধুব্যক্তিদিগের বিধি ও নিষেধোৎপন্ন পুণ্য পাপাদি সম্ভব হয় না ।

ভাগঃ ১১।২০।৩৬ ।

জৈমিনি আচার্য্য পুনরায় পূর্বপক্ষ রূপে দণ্ডায়মান হইতেছেন । জৈমিনি বলিতেছেন যে, তুমি (স্বত্রকার) ‘কামাচার’ অর্থ যাহা করিলে, তাহা প্রকৃত অর্থ নহে । শ্রুতিতে আত্মতত্ত্ববিদগণের সম্বন্ধেও কৰ্মানুষ্ঠানের বিধান আছে । ৩।৪।৭ স্বত্রের শিরোদেশে উক্ত ঈশবাস্তোপনিষদের ২ মন্ত্রই তাহার প্রমাণ । শ্রুতি কৰ্মানুষ্ঠানের নিন্দাও করিয়াছেন—উক্ত স্বত্রেরই শিরোদেশে উক্ত কৃষ্ণ যজুঃর ১।৫।২ মন্ত্রাংশ তাহার প্রমাণ । তুমি এমন কোনও শ্রুতি প্রমাণ দেখাইতে পারিবে না, যাহাতে প্রত্যক্ষতঃ কৰ্মত্যাগের উপদেশ আছে । পরোক্ষ ভাবে শ্রুতি উক্ত উপদেশ দিয়াছেন বলিলে চলিবে না । যখন কৰ্মানুষ্ঠানের বিধান প্রত্যক্ষভাবেই রহিয়াছে, এবং অননুষ্ঠানের জন্ত নিন্দাও প্রত্যক্ষভাবে রহিয়াছে, তখন কৰ্মত্যাগই যদি শ্রুতির অভিপ্রেত হইত, তাহা হইলে শ্রুতি প্রত্যক্ষ ভাবেই বলিতেন যে, আত্মতত্ত্ববিদের কৰ্মানুষ্ঠানের প্রয়োজন নাই—এবং অননুষ্ঠান বিধিমুখেই উপদিষ্ট হইত । তবে যে পূর্ব স্বত্রের শিরোদেশে বৃহদারণ্যক শ্রুতির ৩।৫।১ মন্ত্রাংশ উক্ত করিয়াছে, উহাতে ‘কামাচার’ অর্থ—‘অচোদন্য’—অর্থাৎ বিদ্বান্‌ব্যক্তির নিত্যনৈমিত্তিক কৰ্মানুষ্ঠানের বিধান ইতর ব্যক্তিগণের স্তায় যথাসময়ে একান্ত কর্তব্য নহে । যেমন সাধারণ ব্যক্তির পক্ষে প্রাতঃকালেই প্রাতঃসন্ধ্যা করা কর্তব্য ; আত্মতত্ত্ববিদগণের পক্ষে উহা কর্তব্য বটে, তবে তিনি ইচ্ছা করিলে উহা

প্রাতঃকালেই না করিয়া নিজ ইচ্ছানুসারে অত্র সময়ে করিতে পারেন।
অতএব, অনুষ্ঠানের প্রতিষেধ উক্ত শ্রুতির অর্থ নহে। এই পূর্বপক্ষীয়
আপত্তি সূত্রাকারে উত্থাপিত হইতেছে :—

সূত্র :—৩।৪।১৮ ।

পরামর্শং জৈমিনিরচোদনাচাপবদতি হি ॥ ৩।৪।১৮ ॥ (রামানুজ) ।

পরামর্শং জৈমিনিরচোদনা চাপবদতি হি ॥ ৩।৪।১৮ ॥

(শঙ্কর, মধ্ব, বল্লভ, বলদেব) ।

পরামর্শং + জৈমিনিঃ + অচোদনাং বা, অচোদনা + চ +

অপবদতি + হি ॥

পরামর্শং :—আত্মতত্ত্ববিদের পক্ষে কর্মানুষ্ঠানের বিধান। জৈমিনিঃ :—
জৈমিনি আচার্য্য বলেন। অচোদনাং বা অচোদনা :—বিধির অভাব হেতু
বা, বিধির অভাব—অর্থাৎ আত্মতত্ত্ববিদের কর্মত্যাগ করিবার বিধির অভাব হেতু,
বা উক্ত বিধির অভাব। অপবদতিঃ—শ্রুতি নিন্দা করেন। হি :—নিশ্চয়।

জৈমিনি আচার্য্য বলেন যে, ঈশাবাস্য উপনিষদের ২ মন্ত্রের বলে, আত্মতত্ত্ব-
বিদের পক্ষেও কর্মের বিধান রহিয়াছে। কর্ম পরিত্যাগের বিধান প্রত্যক্ষতঃ
কোনও শ্রুতিতে নাই, এবং শ্রুতি কর্মত্যাগের নিন্দাও করিয়াছেন ; কৃষ্ণ যজুঃ
১।৫।২ মন্ত্রাংশ উহার প্রমাণ। অতএব তোমার সিদ্ধান্ত সমীচীন নহে।
এখানে “কর্ম” অর্থে শ্রৌত ও স্মার্ত্ত কর্ম বুঝিতে হইবে। উহাদের মধ্যে
ইচ্ছামত কোনটি করিবে, কোনটি করিবে না, ইহা বৃহদারণ্যক শ্রুতির ৩।৫।১
মন্ত্রের প্রকৃত অর্থ নহে। তত্ত্ববিদ্যক্তি নিজ ইচ্ছামত ও আপন সুবিধামত
বিহিত সমুদায় কর্মেরই অনুষ্ঠান করিবেন, ইহাই “কামাচারের” অর্থ।

কর্মত্যাগের শ্রুতি যাহা আছে, তাহা অন্ধ, পলু, প্রভৃতি অশক্তের পক্ষেই
বুঝিতে হইবে। শারীরিক বিকলতা প্রযুক্ত তাহারা কর্মানুষ্ঠানে অশক্ত বিধায়,
তাহাদের পক্ষেই অননুষ্ঠান বিধি শাস্ত্র করিয়াছেন। অতএব, সিদ্ধান্ত এই
যে, ব্রহ্মবিৎ বিদ্বানও সমুদায় শ্রৌত ও স্মার্ত্ত কর্মানুষ্ঠান করিবেন, তবে
ইতর ব্যক্তিগণের জ্ঞায়—ঠিক শ্রুতি বা স্মৃতি সন্মত বিধান মত অনুষ্ঠান
না করিয়া যে কোনও প্রকারে করিতে পারেন। “কেন জ্ঞান, যেন
জ্ঞান ভেদেদৃশঃ” (বৃহ, ৩।৫।১), শ্রুতির ইহাই তাৎপর্য্য।

ইহার পোষক ভাগবত শ্লোক অনুসন্ধান নিরর্থক।

ইহার উত্তরে সূত্রকার ভগবান বাদরায়ণ নিজ মত স্থাপন করিতেছেন। তাঁহার মতে আত্মতত্ত্ববিদগণ যেরূপ আচারই অনুষ্ঠান করুন না কেন, তাহাতে তাঁহাদের কৃতিবৃদ্ধি নাই—অর্থাৎ, বিহিত আচার অনুষ্ঠান করিলে, তজ্জনিত পুণ্যকর্মের দ্বারা তাঁহাদের মহিমার বৃদ্ধি বা অনুষ্ঠান না করিলে বা নিষিদ্ধাচার অনুষ্ঠান করিলে, পাপকর্মের দ্বারা মহিমার হ্রাস হয় না। নিজ ইচ্ছানুসারে অনুষ্ঠান করিতেও পারেন বা না করিতেও পারেন, অথবা কতকগুলির অনুষ্ঠান করিতে পারেন, অবশিষ্টগুলির অনুষ্ঠান না করিতেও পারেন, তাহাতে তাঁহাদের ব্রহ্মনিষ্ঠ ভাবের ব্যত্যয় হয় না।

-ভিত্তি :—

- ১। ৩।৪।১৭ সূত্রের শিরোদেশে উদ্ধৃত শ্রুতিমন্ত্র ।
(বৃহদারণ্যকঃ ৩।৫।১)
- ২। ৩।৪।১৫ সূত্রের শিরোদেশে উদ্ধৃত শ্রুতিমন্ত্র ।
(বৃহদারণ্যকঃ ৪।৪।২০),
(ছান্দোগ্যঃ ৪।১৪।১৩ ও ৫।২৪।৩)

সূত্র :—৩।৪।১৯ ।

অনুষ্ঠেয়ং বাদরায়ণঃ সাম্যশ্রুতেঃ ॥ ৩।৪।১৯ ॥

অনুষ্ঠেয়ং + বাদরায়ণঃ + সাম্যশ্রুতেঃ ॥

অনুষ্ঠেয়ং ;—ইচ্ছামত অনুষ্ঠান কর্তব্য। বাদরায়ণঃ ;—আচার্য্য সূত্রকার বাদরায়ণ। সাম্যশ্রুতেঃ ;—সাম্যশ্রুতি হেতু ; শ্রুতিতে অনুষ্ঠান ও অননুষ্ঠান সাম্য শ্রবণ হেতু।

শ্রুতিতে আত্মতত্ত্ববিদের পক্ষে বিহিত কর্মের অনুষ্ঠান ও অননুষ্ঠানের সাম্য শ্রবণ হেতু, ভগবান সূত্রকারের সিদ্ধান্ত এই যে, “কামাচার” অর্থ ইচ্ছামত আচরণ করা বা না করা। অতএব, জৈমিনি আচার্য্যের সিদ্ধান্ত সমীচীন নহে। ৩।৪।১৫ ও ৩।৪।১৭ সূত্রের শিরোদেশে উদ্ধৃত শ্রুতিমন্ত্রগণই তাহার প্রমাণ।

জৈমিনি আচার্য্য আরও যে বলেন, শ্রুতিতে প্রত্যক্ষতঃ আত্মতত্ত্ববিদের পক্ষে কর্ম অননুষ্ঠানের বিধান নাই, যে সকল শ্রুতি সিদ্ধান্তবাদী প্রমাণ স্বরূপে

উপস্থাপিত করিয়াছেন, তাহারা আত্মতত্ত্ববিদগণের প্রশংসাবাদ মাত্র। নতুবা, বিহিত কর্মের সম্পূর্ণ ভাবে অনুষ্ঠানকারীর সহিত, পার্থক্য অনুষ্ঠাতার অথবা অননুষ্ঠাতার সাম্য কি প্রকারে হইতে পারে? এবং অননুষ্ঠান বিকলাঙ্গ অঙ্গ, পক্ষ, বধির প্রভৃতির পক্ষেই বিধি। জৈমিনি আচার্য্যের এই সমুদায় আপত্তির উত্তর ক্রমশঃ দেওয়া যাইতেছে। শ্রুতিতে যাবজ্জীবন কর্মের বিধান (ঈশ, ২) সাধারণতঃ অবিদ্বানের পক্ষে, এবং কর্ম পরিত্যাগের নিন্দা (কৃষ্ণ যজুঃ ১।৫।২) ও তাঁহাদিগের সম্বন্ধেই। ব্রহ্মবিদগণের সম্বন্ধে উহারা প্রযোজ্য নহে। কারণ শ্রুতিই বলিয়াছেন, “ব্রহ্ম বেদ ব্রহ্মৈব ভবতি”, (মুক্ত, ৩।২।২), “ব্রহ্ম-বিৎ ব্রহ্মই হন”। অবশ্যই ইহা হইতে ইহা বুঝায় না যে, ব্রহ্মবিৎ—জগৎকারণ, সৃষ্টি স্থিতিলায় কর্তা ব্রহ্মই হইয়া যান ; কারণ, ইহা “জগদ্ব্যাপার বর্জিতঃ...” ৪।৪।১৭ সূত্রে সূত্রকারই প্রতিষেধ করিবেন। তবে, তাঁহার “ব্রহ্মভাবাপত্তি” হয়, এ বিষয়ে কোনও সন্দেহ নাই। তাঁহার দ্বৈতভাব বর্তমান থাকে না। সমস্তই “ব্রহ্মাত্মক” ব্রহ্ম ভিন্ন বস্তু মাত্র নাই, এইজ্ঞান তাঁহার অপরোক্ষভাবে হইয়া থাকে। সুতরাং, তিনি আর কি জন্ম কর্ম করিবেন? কর্ম দ্বৈতাপেক্ষা করে, ইহা পূর্বে বহুবার বলা হইয়াছে। দ্বৈত না থাকিলে কর্ম থাকিতে পারে না। ৩।৪।৮ সূত্রের আলোচনায় উদ্ধৃত ভাগবতের ১।১।২৩।৫০ শ্লোক হইতে আমরা স্পষ্টে বুঝিয়াছি যে—কর্মের বিদ্যমানতার মূলে—জড়ের সহিত চিত্তের মিলন অর্থাৎ দেহাদিতে আত্মাভিমান। যে বিদ্বানের ব্রহ্মভাবাপত্তি হইয়াছে, তাঁহার কাছে সবই ব্রহ্মময় হওয়ায়—জড়চিত্তের ভেদ—বা দেহাদিতে আত্মাভিমান, তাঁহার থাকে না, সুতরাং কর্মের বিদ্যমানতা তাঁহার কাছে নাই। তাহার বিদ্যমানতাই নাই, তাহার অনুষ্ঠান হইবে কিরূপে? আরও দেখ কর্মের সহিত কর্তার অপরিহার্য্য সম্বন্ধ। আত্মতত্ত্ববিদের কর্তৃত্ব বুদ্ধি না থাকায়, তাঁহার কোনও কর্মও নাই। “লৌকিক দেখা যায় যে—কর্ম করণে কোনও না কোনও উদ্দেশ্য অন্তর্নিহিত থাকে। নিম্নাধিকারী কর্মকর্তা স্বর্গাদি লোক ভোগের উদ্দেশ্য লইয়া কর্ম করেন, মধ্যাধিকারী উচ্চতর লোকাদি যথা গংহঃ, জন, তপঃ, সত্য লোকাদি বা মোক্ষ প্রাপ্তি উদ্দেশ্যে পরিচালিত হইয়া কর্ম করেন। উচ্চাধিকারী কোনও ইতর ফলাকাঙ্ক্ষা না করিয়া ভগবত প্রীতির জন্ম কর্ম করিয়া থাকেন। যাহাদের আত্মতত্ত্বজ্ঞান বা ভগবদ্ প্রাপ্তি হইয়াছে, তাঁহাদের তসর্কার্থসিদ্ধিই হইয়াছে। সুতরাং, তাঁহাদের কোনও প্রকার উদ্দেশ্য থাকা সম্ভব নহে। তাঁহাদের ইচ্ছা সাক্ষাৎ ভগবদিচ্ছারই প্রতিস্পন্দন। ভগবানের যেমন কর্তব্য কোনও কর্ম নাই,

তিনি আশ্রাম, আপ্তকাম, নিজলাভপূর্ণ—ভগবদ্ভাবপ্রাপ্ত আত্মতত্ত্বজ্ঞগণও সেইরূপ উক্ত ভগবদ্গুণে ভূষিত। তাঁহাদের স্তূহদ, শত্রু, স্ব, পর নাই। সকলেই সম। স্তূহরাং ভগবানের গায়, তাঁহাদেরও কোনও করণীয় কর্ম নাই। প্রারকাসূত্রে ভগবদইচ্ছায় দেহ ধারণ করিয়া থাকিলেও, সেই জীবমুক্তগণ কেবল লোকসংগ্রহের জন্য ইচ্ছামতই কর্মাচরণ করিয়া থাকেন, এবং তাহাও শ্রীভগবানের ইচ্ছাধারা পরিচালিত হইয়াই করিয়া থাকেন। তখন তাঁহাদের আর পৃথক ইচ্ছাই নাই। ভগবানের ইচ্ছাই তাঁহাদের ইচ্ছা। ভগবানই এই সকল জীবমুক্ত পুরুষের ভার গ্রহণ করেন। যদি তাঁহারা কোনও গর্হিত কর্মও করিয়া বসেন, তাহা ভগবদিচ্ছাতেই সংঘটিত হইয়া থাকে। যেমন ভাগবতের তৃতীয় স্কন্ধে পঞ্চদশ (১৫) অধ্যায়ে বর্ণিত আছে যে, সনৎ কুমারাদি আত্মতত্ত্বজ্ঞগণ ভগবানের পার্শ্বদ জয় বিজয়কে অভিশাপ দিয়াছিলেন। ইহা ভগবানের ইচ্ছা বশতঃই সংঘটিত হইয়াছিল। ইহা শ্রীমদ্ভাগবত ভগবানের মুখ হইতেই ঘোষণা করিয়াছেন :—

“ ...যো বঃ শাপো ময়ৈব নিমিত্তস্তদবৈত বিপ্রাঃ” ॥

ভাগঃ ৩।১৬।২৬

—হে ব্রাহ্মগণ! তোমাদের প্রদত্ত ঐ শাপ আমার দ্বারাই নির্মিত জানিবে। ভাগঃ ৩।১৬।২৬।

অতএব, বুঝা গেল যে, ব্রহ্মভাব প্রাপ্ত তত্ত্ববিদগণ তত্ত্ব শক্তি পরিচালক তারের গায়, শ্রীভগবানের ইচ্ছাশক্তি পরিচালনের সর্বোত্তম যন্ত্র। উহাদের ভিতর দিয়া ভগবানের ইচ্ছা স্বর্গমর্ত্যাদি সমুদায় লোকে পরিচালিত হয়। অতএব, উহাদের কর্ম আবার কি থাকিবে? ভগবানের ইচ্ছাশক্তি পরিচালনাই উহাদের একমাত্র কর্ম, এবং তাহা সম্পাদন করিতে শাস্ত্রের বিধিনিষেধের অপেক্ষা নাই। ভগবানের ইচ্ছাই শাস্ত্রে বর্ণিত আছে সত্য, কিন্তু উহা পরোকভাবে। আত্ম-তত্ত্বজ্ঞগণ প্রত্যক্ষভাবে ভগবানের সহিত ভাবের আদান প্রদান করেন, স্তূহরাং তাঁহাদের কর্ম সাক্ষাৎভাবে ভগবদিচ্ছার দ্বারা নিয়ন্ত্রিত বলিয়া, শাস্ত্রবিধির অপেক্ষা তাঁহারা করেন না এবং তাঁহাদের করিবার প্রয়োজনও নাই। ভগবানের ইচ্ছাতেই কোনও বিধি পালন করেন, এবং কোনটি নাও করিতে পারেন। ইহাতে তাঁহাদের দোষণ স্পর্শে না। অতএব, প্রতিপাদিত হইল যে, জৈমিনি আচার্যের মত সনীচীন নহে।

এই প্রসঙ্গে ৩।১৬।১ সূত্রে উক্ত ভাগবতের ১।১।৩৭ শ্লোক দ্রষ্টব্য। ইহা

হইতে স্পষ্ট প্রতীতি হইবে যে, আত্মতত্ত্বজ্ঞানের দেবত্ব, পিতৃত্ব, ঋষিত্ব প্রভৃতি কোনও ঋণই থাকে না, তাঁহারা স্বতন্ত্র, কাহারও কিঙ্কর নহেন। যদি প্রমাদ বশতঃ বা প্রারব্ধভোগ হেতু যদি তাঁহাদের কোন বিকর্ষ সংঘটিত হয়, ভগবানের বিধানে তজ্জন্ম তাঁহারা দোষভাগী হইবেন না।

এ সম্বন্ধে শ্রীমদ্ভাগবতের মত বড়ই সুস্পষ্ট :—

দেবর্ষিভূতাপ্তনৃণাং পিতৃণাং

ন কিঙ্করো নায়ম্ণী চ রাজন্ ।

সর্ব্বাশ্বনা যঃ শরণং শরণ্যং

গতো মুকুন্দং পরিত্যক্ত্য কৰ্ত্তম্ ॥

ভাগঃ ১১।৫।৩৭ ।

—ইহার অর্থ ৩।৪।১ সূত্রের আলোচনায় দেওয়া হইয়াছে।

এই প্রকার সমুদায় কৰ্ম পরিত্যাগী, ভগবানের একান্ত শরণাগত ভক্ত যদি কখনওকোনও নিষিদ্ধ কৰ্মে পতিত হন, তাহা হইলে তাঁহার হৃদয়বিহারী শ্রীহরিই তাঁহার নিষিদ্ধ কৰ্মজনিত দোষ নাশ করেন। ভাগঃ ১১।৫।৩৮ ।

স্বপাদমূলং ভক্ততঃ প্রিয়স্য

ত্যক্তান্ভাবস্ত্য হরিঃ পরেশঃ ।

বিকর্ষ যচ্চোং পতিতং কথঞ্চিদ্

ধুনোতি সর্ব্বং হৃদি সন্নিবিষ্টঃ ॥ ভাগঃ ১১।৫।৩৮

অবিদ্বান্ জন্তু সদৃশ, জড়বুদ্ধি বাল্কি কোনও কিছু দ্বারা পেরিত হইয়া, মৃত্যু পর্য্যন্ত যাবজ্জীবন কৰ্মে প্রযুক্ত হয়, এবং তাহাতে বিকৃত হয়, কিন্তু বিদ্বান্ ব্যক্তি শরীরে বর্তমান থাকিয়াও, সুখানুভব দ্বারা তৃষ্ণা নিবৃত্ত করিয়া, সেই কৰ্মে-লিপ্ত হন না। তিনি স্থিতি, উপবেশন, গমন, শয়ন, যুক্তত্যাগ, অন্নভোজন বা অন্য কোনও স্বাভাবিক কার্যই করুন, তিনি আর দেহের প্রতি দৃষ্টি করেন না।

ভাগঃ ১১।২৮।৩১-৩২ ।

করোতি কৰ্ম ক্রিয়তে চ জন্তুঃ

কেনাপ্যসৌ চোদিত আ নিপাতাৎ ।

ন তত্র বিদ্বান্ প্রকৃতৌ স্থিতোহপি

নিবৃত্ততৃষ্ণঃ স্বসুখানুভূত্যা ॥ ভাগঃ ১১।২৮।৩১ ।

তিষ্ঠন্তমাসীনমুত ব্রজন্তঃ

শয়ানমুকুন্তমদন্তমন্নম্ ।

স্বভাবমগ্ৰং কিমপীহমান-

মাআনমাআস্থমতির্ন বেদ ॥ ভাগঃ ১১।২৮।৩২ ।

দেহের প্রতি কোনও প্রকার দৃষ্টি না করা সম্ভব হয় কেন? না—তঁহার মতি সর্বদা “আস্থ” —আত্মাতেই বা পরমাআ অথবা ভগবানেই অবস্থিত । তিনি ভগবান্ ভিন্ন আর কিছুই দর্শন করেন না । সুতরাং, স্বভাবাহুগত কার্য্য করিয়াও, তঁহার সে সম্বন্ধে কোনও প্রকার জ্ঞানই থাকে না । সুতরাং উহা নু। করারই সমান । শাস্ত্রোক্ত কর্ম্মেও সেই প্রকার জ্ঞানাভাব । উহার অনুষ্ঠান বা অননুষ্ঠান, বা অংশতঃ অনুষ্ঠান, অথবা অংশতঃ অননুষ্ঠান—সমুদায় তঁহার কাছে সমান ।

অতএব, প্রতিপাদিত হইল যে, জৈমিনি আচার্য্যের সিদ্ধান্ত সমীচীন নহে ।

আরও দেখ, “ন কর্ম্মণা ন প্রজয়া ধনেন ত্যাগেনৈকে অমৃতত্ব-মানশুঃ” । (নারায়ণোপনিষৎ ১২।৩)—“কর্ম্ম’, পুত্র, ধন বা ত্যাগে অমৃতত্ব প্রাপ্তি হয় না”—এই যে শ্রুতি আছে, ইহা বিকলাঙ্গের পক্ষে নহে । ইহা সকলের প্রতি প্রযোজ্য । উহারা কেহই মোক্ষপ্রাপ্তির সাধন নহে বলিয়া সকলের পক্ষেই পরিত্যজ্য । উহাতে “কর্ম্ম’ণা” স্পষ্ট উল্লিখিত হইয়াছে । সুতরাং, কর্ম্ম’ পরিত্যজ্য ইহা স্পষ্ট প্রতিপাদিত হইল ।

গীতাতেও শ্রীভগবান্ বলিয়াছেন :—

যস্তাঅরতিরেব স্মাদাত্মতৃপ্তশ্চ মানবঃ ।

আস্থশ্চেব চ সন্তুষ্টোস্তস্য কার্য্যং ন বিত্ততে ॥ (গীতা, ৩।১৭) ।

—যে ব্যক্তি আস্থরতি, আস্থতৃপ্ত, আত্মাতেই সন্তুষ্ট, তঁহার কোনও করণীয় কার্য্য নাই । (গী, ৩।১৭) ।

এই সকল কারণে জৈমিনি আচার্য্যের আপত্তি সঙ্গত নহে ।

ভিত্তি :—

৩৪।১৭ সূত্রের শিরোদেশে উদ্ধৃত বৃহদারণ্যক শ্রুতির ৩।৫।১ মত ।

সূত্র :—৩৪।২০ ।

বিধির্বা ধারণবৎ ॥ ৩৪।২০ ॥

বিধিঃ + বা + ধারণবৎ ॥

বিধিঃ :—শাস্ত্রোক্ত বিধি বা নিয়ম । বা :—অবধারণে । ধারণবৎ :—
বেদধারণ বৎ ।

শাস্ত্রে যেমন ব্রাহ্মণ, ঋত্বিজ ও বৈশ্ব এই তিন বর্ণের উপনয়ন সংস্কারের পর বেদধারণ বা বেদাধ্যয়ন বিধি আছে, সেইরূপ স্বেচ্ছানুসারে কর্মের অনুষ্ঠান বা অননুষ্ঠান বৃহদারণ্যক শ্রুতির ৩।৫।১ মন্ত্রের বলে জ্ঞানীগণের পক্ষেই বিহিত, অন্তের পক্ষে নহে ।

এ সম্বন্ধে ভাগবত বলেন :—

শৌচমাচমনং স্নানং নতু চোদনয়া চরেৎ ।

অগ্ন্যাংশ্চ নিয়মান্ জ্ঞানী যথাহং লীলয়েশ্বরঃ ॥ ভাগঃ ১১।১৮।৩৫ ।

—ইহার অর্থ ৩৪।১৫ সূত্রের আলোচনার দেওয়া হইয়াছে ।

এ প্রসঙ্গে ৩৪।১ সূত্রের আলোচনায় উদ্ধৃত ১১।১০।৪ শ্লোক দ্রষ্টব্য ।

বিদ্বান্ ও অবিদ্বানের মধ্যে বৈলক্ষণ্য ভাগবতের পরবর্তী তিনটি শ্লোকে স্পষ্ট উল্লিখিত হইয়াছে, যথা :—

দৈবাধীনে শরীরেহস্মিন্ গুণভাব্যেন কস্ম'ণা ।

বর্তমানোহবুধস্তত্র কর্তাস্মীতি নিবধ্যতে ॥ ভাগঃ ১১।১১।১০ ।

এবং বিরক্তঃ শয়ন আসনাটনমজ্জনে ।

দর্শনস্পর্শনস্রাণভোজনশ্রবণাদিষু ।

ন তথা বধ্যতে বিদ্বাংস্তত্র তত্রাদয়ন্ গুণান্ ॥ ভাগঃ ১১।১১।১১ ।

প্রকৃতিশ্চোহপ্যসংস্কো যথা খং সবিতানিলঃ ॥ ভাগঃ ১১।১১।১২ ।

—অজ্ঞানী লোক ইন্দ্রিয় জনিত কর্ম দ্বারা পূর্বকর্মলব্ধ এই শরীরে বর্তমান হইয়া, তাহাতেই আমি কর্তা—এই বুদ্ধিতে অহঙ্কারে বদ্ধ হয় । কিন্তু বিরক্ত

বিদ্বান্ ব্যক্তি শরন, উপবেশন, গমন, স্নান, দর্শন, স্পর্শন, জ্ঞান, ভোজন
 অবগাদি বিষয়সকল ইন্দ্রিয়গণকে ভোগ করাইয়া, অজ্ঞানীর স্তায় বন্ধ
 হয়েন না। যেমন আকাশ সর্বস্থানে বর্তমান থাকিয়াও কোনও বিশেষ
 স্থানে বন্ধ হয় না, যেমন সূর্য্য নানা পাত্রস্থ জলে প্রতিবিম্বিত হইয়া,
 এবং বায়ু সর্বত্র সঞ্চরণ করিয়াও, বন্ধ বা আসক্ত হয় না, তদ্রূপ বিদ্বান্
 ব্যক্তি প্রকৃতিস্থ হইয়াও তাহাতে আসক্ত হয়েন না।

ভাগঃ ১১।১১।১০-১১-১২।

বিদ্বান্ ব্যক্তিতে এই প্রকার বিশেষ গুণ থাকায়, যে সমুদায় বিধি
 অবিদ্বান্ দিগের সম্বন্ধে প্রযোজ্য, তাহারা বিদ্বান্ সম্বন্ধে প্রযোজ্য নহে।
 শাস্ত্রীয় বিধি-নিষেধ দ্বৈত প্রপঞ্চের অন্তর্ভুক্ত অবিদ্বান্ গণের প্রতি
 প্রযোজ্য এবং অবিদ্বান্কে বিদ্যালাতের উপায় নির্দেশে উহাদের
 সার্থকতা। যাহারা বিদ্যালাত করিয়া অদ্বৈততত্ত্বের অপরোক্ষানুভূতি
 লাভ করিয়াছেন, তাঁহাদের কাছে দ্বৈত বর্তমান না থাকায়, বিধি বা
 নিষেধ তাঁহাদিগকে স্পর্শ করিতে পারে না। অদ্বৈত তত্ত্বে বিধি-নিষেধ
 কিছুই বর্তমান নাই, থাকিতে পারে না।

পূর্বপক্ষ পুনরায় আপত্তি করিতেছেন যে, বৃহদারণ্যক শ্রুতির ৩।৫।১ মন্ত্র
 আত্মতত্ত্ব ব্যক্তির প্রশংসাবাদ মাত্র, স্মরণ্য উহা বিধি হইতে পারে না।
 অতএব, ব্রহ্মবিদগণ সাধারণ বিধি অনুসারে যাবৎকালীন কর্মানুষ্ঠান করিবেন,
 ইহাই উক্ত শ্রুতির অভিপ্রায়। ইহার উত্তরে শ্রুতকার শ্রুত করিলেন। শ্রুতের
 প্রথমার্শে আপত্তি উত্থাপন করিয়া, পর অংশে সমাধান করিয়াছেন।

শ্লোকঃ—৩।৪।২১।

স্বতিমাত্রমুপাদানাদিতি চেৎ, নাপূর্ব্বত্বাৎ ॥ ৩।৪।২১ ॥

স্বতিমাত্রম্ + উপাদানাৎ + ইতি + চেৎ + ন + অপূর্ব্বত্বাৎ ॥

স্বতিমাত্রম্ :—অর্থবাদ বা প্রশংসাবাদ মাত্র। উপাদানাৎ :—হেতু
 প্রযুক্ত বা বিধান প্রযুক্ত। ইতি :—ইহা। চেৎ :—যদি বল। ন :—না।
 অপূর্ব্বত্বাৎ :—অপূর্ব্ব বিধি হেতু।

যদি পুনরায় আপত্তি কর যে, বৃহদারণ্যক শ্রুতির ৩।৫।১ মন্ত্রে ব্রহ্মবিদের পক্ষে কামাচার সম্বন্ধে উক্তি প্রশংসাবাদ মাত্র, উহা বিধি নহে, এবং সে কারণে ব্রহ্মবিদগণেরও যাবৎকালীন কর্মানুষ্ঠান বিধেয়, তাহার উত্তরে বলিব, না; কেননা উহা অর্থাৎ কামাচারই অপূর্ব বিধি। দেখ, বিধি প্রধানতঃ তিন প্রকার— অপূর্ববিধি, নিয়মবিধি ও পরিসংখ্যা বিধি। ইহাদের মধ্যে অপূর্ববিধি সর্বাপেক্ষা বলীয়ান। লোকের যে কার্য করিতে স্বাভাবিক প্রবৃত্তি হয় না, যে বিধি দ্বারা তাহার কর্তব্যতা উপদিষ্ট হয়, তাহাই অপূর্ব বিধি। যেমন সজ্জাদি কর্মে লোকের স্বাভাবিক প্রবৃত্তি হয় না; কিন্তু শাস্ত্রে আছে “অহরহঃ সজ্জামুপাসীত”—এই বিধি হেতু লোকে প্রতিদিন সজ্জাদি করিষা থাকে; ইহা অপূর্ব বিধি। যে কার্য সাধারণের স্বাভাবিক প্রবৃত্তি আছে, যে বিধির দ্বারা উক্ত প্রবৃত্তির নিয়ন্ত্রণ হয়, তাহা নিয়ম বিধি, যেমন “ঋতৌ ভার্য্যামুপেয়াৎ”—লোকের সাধারণ প্রবৃত্তি, যে কোনও সময়ে ক্রীসক্রম—সেই প্রবৃত্তি নিয়ন্ত্রণের জন্য উক্ত বিধি—এ কারণে উহা নিয়ম বিধি। আর যেখানে কোনও একান্ত কর্তব্যতা উপদেশ দেওয়া হয় না, প্রবৃত্তি হইলে সে প্রবৃত্তি সংযমের জন্য অন্য নিবৃত্তিপন উপদেশ দেওয়া হয়, তাহা পরিসংখ্যা বিধি—যেমন “পঞ্চ পঞ্চনখা ভক্ষ্যাঃ”, অর্থাৎ পঞ্চনখ বিশিষ্ট পাঁচ প্রকার প্রাণীই ভক্ষ্য, অন্য প্রাণী নহে। এখানে ভক্ষণ করিবার বিধি দেওয়া হইল না, অর্থাৎ, সকলকেই যে ভক্ষণ করিতে হইবে তাহা নয়; তবে যাহাদের মাংসভক্ষণে প্রবৃত্তি আছে, তাহাদের যথেষ্ট জীবহিংসা হইতে নিবৃত্ত করিবার জন্য এই উপদেশ। উহা পরিসংখ্যা। এই তিন প্রকার বিধির মধ্যে অপূর্ব বিধি সর্বাপেক্ষা বলবান। তাহার পর নিয়ম বিধি; সর্বশেষ পরিসংখ্যা, উহার বল সর্বাপেক্ষা কম।

এখানে দেখ, বৃহদারণ্যক শ্রুতির ৩।৫।১ মন্ত্রে জানীদিগের সম্বন্ধে কথিত কামাচার, অপূর্ব বিধি—ইহা পূর্বে আর কোথাও কথিত হয় নাই; কর্মানুষ্ঠানেই সাধারণ লোকের স্বাভাবিক প্রবৃত্তি। কর্মের অননুষ্ঠানে প্রবৃত্তি স্বাভাবিক নহে—এই বিধি তাহাই বিধান করিতেছে—এজন্য উহা “অপূর্ব” বিধি—প্রশংসাবাদ নহে। সর্বাপেক্ষা বলবান বিধিই।

এই প্রসঙ্গে ৩।৪।১৯ শ্লোকের আলোচনায় উক্ত ভাগবতের ১।১।৫।৩৭ ও ১।১।৫।৩৮ শ্লোক দ্রষ্টব্য।

ভিত্তি :—

১। •“প্রাণো হ্যেষ যঃ সৰ্বভূতৈৰ্বিভাতি

বিজ্ঞানন্ বিদ্বান্ ভবতে নাতিবাদী ।

আত্মক্ৰীড় আত্মরতিঃ ক্রিয়াবান

এষ ব্রহ্মবিদাং বরিষ্ঠঃ ॥” (মুণ্ডক, ৩।১।৪) ।

—যিনি সৰ্বভূতস্থ ঈশ্বর, তিনিই প্রাণের প্রাণ স্বরূপ, এবভূত হইয়া প্রকাশ পাইতেছেন, সেই ঈশ্বরবিৎ পুরুষ অতিবাদী হন না। পরন্তু, তিনি আত্মাতেই ক্রীড়া করেন, আত্মাতেই রমণ করেন, জ্ঞানধ্যানাদি ক্রিয়াবান্ এবং ব্রহ্মবিদগণের মধ্যে শ্রেষ্ঠ ।

(মুঃ ৩।১।৪) ।

২। “স বা এষ এবং পশ্যন্নৈবং মন্বান এবং বিজ্ঞানমাত্মরতিরাত্মক্ৰীড়

আত্মমিথুন আত্মানন্দঃ স স্বরাড়্ ভবতি, তস্য সৰ্ব্বেষু লোকেষু

কামচারো ভবতি” ॥ (ছান্দোগ্য, ৭।২।৫।২) ।

—সেই উপাসক এই প্রকার দর্শন, এই প্রকার মনন, এই প্রকার বিজ্ঞান (অহুভূতি) করিয়া, আত্মরতি, আত্মক্ৰীড়, আত্মমিথুন, আত্মানন্দ হন, এবং স্ব স্বরূপে প্রকাশমান—স্বরাট্—হন, এবং সমস্তলোকে তাঁহার কামচার হয় । (ছাঃ ৭।২।৫।২) ।

সূত্র :—৩।৪।২২ ।

ভাবশকাচ্চ ॥ ৩।৪।২২ ॥

ভাবশকাৎ + চ ।

ভাবশকাৎ :—আত্মরতি, আত্মক্ৰীড়, আত্মমিথুন, আত্মানন্দ প্রভৃতি ভাব, রতি, প্রেম প্রভৃতি, বাচক শব্দ হইতে । চ :—ও ।

শিরোদেশে উক্ত মুণ্ডক শ্রুতির ৩।১।৪ ও ছান্দোগ্য শ্রুতির ৭।২।৫।২ মন্ত্র হইতে স্পষ্ট বুঝা যাইতেছে যে, ব্রহ্মরত পরিনিষ্ঠিত জ্ঞানীগণ ভগবদ্প্রেমে এবং ভক্তনিত আত্মানন্দে বিভোর ; তাঁহাদের শাস্ত্রোক্ত কৰ্ম্মাহুষ্ঠানের অবসর কোথায় ? ভাব, রতি, প্রেম প্রভৃতি এক পর্যায় ভুক্ত । তাঁহারা ভগবদ্ভাবেই

আত্মহারা। তবে লোকসংগ্রহের জন্য ভগবদিচ্ছানুসারেই কিঞ্চিৎ কর্মের অর্পণ করেন মাত্র। অতএব, ব্রহ্মবিদ্যা স্বতন্ত্র, স্বাধীন—কর্মলভ্য বা কর্মবশ্য নহে।

ভগবৎ প্রেমে ভক্তের কি অবস্থা হয়, সে সম্বন্ধে ভাগবত বলিতেছেন :—

তানাবিদম্মযানুষ্ণবন্ধ-

ধিয়ঃ স্বমাত্মানমদন্তুথেদম্ ।

যথা সমাধৌ মুনয়োহকিতোয়ে

নচঃ প্রবিষ্টা ইব নামরূপে ॥ ভাগঃ ১১।১২।১১ ।

—ভগবান্ বলিতেছেন :—যেমন সমাধিকালে মুনিগণ সমুদ্র জলে প্রবিষ্ট নদীর গায় নামরূপাদি হারাইয়া ফেলেন, কিছুই জ্ঞান থাকে না, তদ্রূপ আমাতে আসক্তি বশতঃ বন্ধহৃদয় (গোপীগণ) স্বীয় দেহ, ইহলোক, পরলোক কিছুই জানিতে পারিত না—আমাতেই তাহারা প্রবিষ্ট হইয়াছে। ভাগঃ ১১।১২।১১ ।

ভগবৎপ্রেমে যখন ইহ পরলোকের জ্ঞান থাকে না, তখন কে কর্ম করিবে এবং কেনই বা করিবে? কর্মকরণ বিধি উহাদের জন্য নহে। ভাগবত পুনরায় বলিতেছেন যে, উহাদের বাহ্যজ্ঞানও থাকে না, প্রেমে বিভোর হইয়া উন্নতের গায় আচরণ করিয়া থাকে।

বাগ্ গদগদা দ্রবতে যস্য চিন্তং

রুদত্যভীক্ষং হসতি কচিচ্চ ।

বিলজ্জ উদগায়তি নৃত্যতি চ

মদভক্তিযুক্তো ভুবনং পুনাতি ॥

ভাগঃ ১১।১৪।২৩ ।

—আমার কথা শ্রবণে যাহার বাক্য গদগদ ও চিন্ত দ্রবীভূত হয়, কখনও রোদন, কখনও হাস্য, কখনও লজ্জাশূন্য হইয়া উচ্চৈঃস্বরে গান করে ও নৃত্য করে, এরূপ মদভক্তিযুক্ত ব্যক্তি ত্রিজগৎ পবিত্র করেন। ভাগঃ ১১।১৪।২৩ ।

তাঁহাদের কর্ম করণের কি কোনও অপেক্ষা থাকে? চিন্তমূল ফালনেই কর্মের উপযোগিতা, ইহা পূর্বে বলা হইয়াছে। তাঁহাদের জন্য কি উহা প্রয়োজন? ভাগবত ইহার উত্তর দিতেছেন :—

वधाग्निना हेम मलं जहाति

ध्यातं पुनः स्वं भजते च रूपम् ।

आत्मा च कर्मशुभ्रं विधुय

मद् भक्तियोगेन भजत्यथो माम् ॥

भागः ११।१४।२४ ।

—येमन सुवर्ण अग्निते दग्ध हईया असुर्मल परित्याग पूर्वक शीर सुद्वरूप प्राप्ति हय, तद्रूप आमार भक्तियोग द्वाराई आत्मा कर्मवासना परित्याग पूर्वक परे आमाकेई भजना करे । भागः ११।१४।२४ ।

ऊगवद् भक्तिते कर्मवासना पर्याप्त थाके ना । कर्मशुभ्रं ई ध्वंस हईया यय । सुतरां, कर्म कि प्रकारे करिबे एवं केई वा करिबे ? सुतरां, परिनिष्ठित ज्ञानीगणेर पक्षे कर्म एकांश करणीय नहे, ईहा सुन्दरभावे प्रतिपादित हईल ।

৩। পারিপ্লবাবিকরণ ॥

[শঙ্কর ও রামানুজ এই সূত্রে একটি নূতন অধিকরণ অঙ্গীকার করিয়াছেন। বলদেব ইহা পূর্ব অধিকরণের অন্তর্ভুক্তরূপে ব্যবহার করিয়াছেন। কিন্তু এই সূত্র একটি নূতন বিষয় উত্থাপন করিতেছে বলিয়া, আমরা শঙ্কর ও রামানুজ সম্মত পৃথক অধিকরণ স্বীকার করিলাম।]

ভিত্তি :—

১। “অথ হ যাজ্ঞবল্ক্যশ্চ দ্বৈ ভার্য্যো বভূবতুমৈত্রেয়ী চ কাত্যায়নী”
চ...” ॥ (বৃহঃ ৪।৫।১)

—যাজ্ঞবল্ক্যের মৈত্রেয়ী ও কাত্যায়নী নামে দুইজন স্ত্রী ছিলেন।

(বৃহ, ৪।৫।১)

২। “ভৃগুর্বে বারুণিঃ। বরুণং পিতরমুপসসার। অধীহি ভগবো
ব্রহ্মেতি।” (তৈত্তি, ৩।১)।

বরুণের পুত্র ভৃগু পিতা বরুণের সমীপে গমন করিয়া বলিলেন,
ভগবন্, আমাকে ব্রহ্মবিদ্যা অধ্যয়ন করান। (তৈত্তি, ৩।১)।

৩। “প্রতর্দনো হ বৈ দৈবোদাসিরিন্দ্রশ্চ প্রিয়ং ধামোপজগাম” ॥
(কৌষীতকি, ৩।১)

—দৈবোদাস নন্দন প্রতর্দন ইন্দ্রের প্রিয়ধামে উপস্থিত হইলেন।

(কৌষী, ৩।১)

৪। “জানশ্রুতির্হ পৌত্রায়ণঃ শ্রদ্ধাদেয়ো বহুদায়ী বহুপাক্য আস” ॥
(ছান্দোগ্য, ৪।১।১)।

—পৌত্রায়ণ জানশ্রুতি শ্রদ্ধাপূর্বক দানশীল, বহুদাতা ও বহুপাক্য
(যিনি অতিথি ভোজনের জন্তু বহু অন্ন পাক করাইতেন) ছিলেন।

(ছা, ৪।১।১)

সংশয় :—দেখ, শিরোদেশে যে কয়টি শ্রুতিমন্ত্র উদ্ধৃত হইয়াছে, উহা হইতে স্পষ্ট প্রতীতি হইবে যে, উহারা উপাখ্যান মাত্র। কৃষ্ণকাণ্ডে

অশ্বমেধাদি যজ্ঞে অবসর সময়ে সময়ক্ষেপের জন্ত যেমন পরিপ্লব রূপে উপাখ্যান কথনের উপদেশ আছে, জ্ঞানকাণ্ডে ব্রহ্মবিদ্যা উপদেশের সঙ্গে সঙ্গেও ঐ প্রকার সময়ক্ষেপের জন্ত পরিপ্লব রূপে উপাখ্যান কথিত হইয়াছে। কর্মকাণ্ডে উপাখ্যান সমূহে যেমন কথনের গৌরবের জন্ত শব্দাঙ্ঘরই বেশী— অর্থ গৌরব অল্প, সেইরূপ জ্ঞানকাণ্ডে উপনিষদাদিতে কথিত উপাখ্যানের অর্থগৌরব মুখ্য নহে, উহাও শব্দাঙ্ঘর মাত্র, ব্রহ্মবিদ্যা প্রকাশক নহে। সুতরাং জ্ঞানকাণ্ডের ও কর্মকাণ্ডের মধ্যে সম্পূর্ণ সাদৃশ্য রহিয়াছে। অতএব, ব্রহ্মবিদ্যার কর্মশেষত্ব প্রত্যাখ্যান কি প্রকারে করিবে?

এই সংশয়ের উত্তরে সূত্র। সূত্রের প্রথমাংশে আপত্তি উত্থাপন করিয়া শেষাংশে তাহার সমাধান করিতেছেন।

সূত্র :—৩।৪।২৩।

পারিপ্লবার্থা ইতি চেন্ন, বিশেষিতত্বাৎ ॥ ৩।৪।২৩ ॥

পারিপ্লবার্থা + ইতি + চেৎ + ন + বিশেষিতত্বাৎ ॥

পারিপ্লবার্থা :—পারিপ্লব প্রয়োগের জন্ত। ইতি :—ইহা। চেৎ :— যদি বল। ন :—না। বিশেষিতত্বাৎ :—যেহেতু পারিপ্লব সম্বন্ধে বিশেষ করিয়া বলা হইয়াছে।

যদি বল, যে উপনিষদাদিতে কথিত উপাখ্যান সকল, পারিপ্লব প্রয়োগের জন্ত, তাহার উত্তরে বলিব, না, কর্মকাণ্ডে ভিন্ন ভিন্ন প্রকরণে ভিন্ন প্রকার উপাখ্যান কীর্তনীয়, এ প্রকার বিধান বিশেষভাবেই আছে। উহাতে উপনিষদাদিতে কথিত উপাখ্যানাদির উল্লেখ নাই। অতএব, শেষোক্ত উপাখ্যান সকল পারিপ্লব রূপে গণ্য হইতে পারে না।

[“পারিপ্লব” কর্মকাণ্ডে একটি পারিভাষিক শব্দ। অশ্বমেধাদি বহুকাল ব্যাপী যজ্ঞের অবসর কালে সময়ক্ষেপের জন্ত উপাখ্যান কথনের বিধান আছে। এবং শতপথ ব্রাহ্মণে—প্রথম দিবসে রাজা বৈবস্বত মনু, দ্বিতীয় দিবসে রাজা ইন্দ্রের, তৃতীয় দিবসে যমরাজ্য প্রভৃতির উপাখ্যান ভিন্ন ভিন্ন দিবসে বর্ণিত হইবে বলিয়া বিশেষ বিধি আছে। কিন্তু উপনিষদাদিতে কথিত উপাখ্যান সকলের উল্লেখ সেখানে নাই।]

উপনিষদুক্ত উপাখ্যান সকল “পারিগ্ৰব” নহে। উহারা ব্রহ্মবিদ্যার প্রকাশক। কৰ্মকাণ্ডে যে যে প্রকরণে যে যে আখ্যানের বিশেষ উল্লেখ আছে, সেই সেই আখ্যানই পারিগ্ৰব রূপে গণ্য হইবে। সমুদায় আখ্যান, অর্থাৎ, তত্ত্বৎ প্রকরণের বহির্ভূত জ্ঞানকাণ্ডের আখ্যান সকল পারিগ্ৰবরূপে গণ্য হইতে পারে না। ব্রহ্মবিদ্যার উপদেশেই উহাদের তাৎপর্য।

ভাগবত বলিতেছেন :—

বেদা ব্রহ্মাত্মবিষয়ান্ধিকাগুবিষয়া ইমে । ভাগঃ ১১।২।১।৩৫ ।

—বেদে কৰ্মকাণ্ড, দেবতাকাণ্ড ও জ্ঞানকাণ্ড বা ব্রহ্মকাণ্ড আছে বটে, কিন্তু ইহারা ব্রহ্মাত্মবিষয়, অর্থাৎ ব্রহ্মবিদ্যার উপদেশেই ইহাদের তাৎপর্য। ভাগঃ ১১।২।১।৩৫

মাং বিধন্তেহভিধন্তে মাং বিকল্প্যাপোহতে হৃষ্ম ॥ ভাগঃ ১১।২।১।৪১ ।

—বেদ সকল যজ্ঞরূপে আমাকেই বিধান করে, দেবতারূপে আমাকেই ব্যক্ত করে এবং আমাকেই আশ্রয় করিয়া তর্ক বিতর্ক করে।

ভাগঃ ১১।২।১।৪১ ।

এতাবান্ সর্ববেদার্থঃ শব্দ আস্থায় মাং ভিদাম্ ।

মায়ামাত্রমনুদ্যাশ্চে প্রতিবিধ্য প্রনীদতি ॥ ভাগঃ ১১।২।১।৪২ ।

—সেই বেদরাশি পরমার্থরূপ আমাকে আশ্রয় করিয়া, ভেদসকল মায়ামাত্র এইরূপ অনুবাদ করতঃ শেষে পুনরায় তাহার প্রতিবেদন করিয়া প্রসন্ন হইয়া, ইহাই সমুদায় বেদের তাৎপর্য। ভাগঃ ১১।২।১।৪২

সুতরাং, উহারা অর্থাৎ ব্রহ্মবিদ্যা প্রসঙ্গে উল্লিখিত উপাখ্যান সকল, পারিগ্ৰব মাত্র নহে। উহারা ব্রহ্মবিদ্যার প্রকাশক।

যদি আপত্তি কর যে, ভাগবতের উক্ত শ্লোকসকল বেদের কৰ্মকাণ্ডেও প্রযোজ্য, অতএব কৰ্মকাণ্ডে যদি পারিগ্ৰব থাকিতে পারে, তবে জ্ঞান কাণ্ডে থাকিবে না কেন? ইহার উত্তরে বলিব যে, কৰ্মকাণ্ডে বিশেষভাবে পারিগ্ৰবের উল্লেখ থাকা হেতু, সেখানে উহাদের বর্তমানতা সঙ্গত, কিন্তু জ্ঞানকাণ্ডে সেরূপ বিশেষ ভাবে উল্লেখ না থাকায়, উহাদের বর্তমানতা সঙ্গত ও সঙ্গত নহে।

তিত্তি :—

- ১। “আত্মা বা অরে দৃষ্টব্যঃ... ..।” (বৃহদারণ্যক, ৪।৫।৬)
- ২। “যতো বা ইমানি ভূতানি জায়ন্তে । যেন জাতানি জীবন্তি ।
যৎ প্রয়ন্ত্যভিসংবিশন্তি” । (তৈত্তি, ৩।১)

—যাহা হইতে ভূতসকল জাত হয়, যাহা দ্বারা জাত ভূত-
সকল জীবিত থাকে, এবং মৃত্যুর পর ভূতসকল যাহাতে প্রবেশ
করে । (তৈত্তি, ৩।১)।

- ৩। “এষঃ লোকপালঃ এষ লোকাধিপতিরেষ সর্বেশঃ, স ম
আত্মেতি বিদ্যাৎ ॥” (কোষীতকি, ৩।৯)

—এইই লোকপাল, লোকাধিপতি, সর্বেশ্বর, ইহাকেই আমার আত্মা
বলিয়া জানিও । (কোষী, ৩।৯)

সূত্র—৩।৪।২৪ ।

তথা চৈকবাক্যোপবন্ধাৎ ॥ ৩।৪।২৪ ॥ (রামানুজ) ॥

তথ্যচৈকবাক্যতোপবন্ধাৎ ॥ ৩।৪।২৪ ॥

(শঙ্কর, মধ্ব, বল্লভ, বলদেব) ॥

তথা + চ + একবাক্য বা একবাক্যতা + উপবন্ধাৎ ॥

তথা :—সেইরূপ । চ :—ও । একবাক্য বা একবাক্যতা :—একার্থ-
প্রতিপাদকতা । উপবন্ধাৎ :—সম্বন্ধ হেতু ।

আরও দেখ, আত্মজ্ঞান বিষয়ক পরবর্তী বাক্যের সহিত, উপাখ্যান
ভাগের একবাক্যতারূপ সম্বন্ধ হেতু, উক্ত উপাখ্যানগুলি বিদ্যার স্ততিই
প্রকাশ করিতেছে। শুধু তাহাই নহে, ঐ সকল উপাখ্যানের দ্বারা
উপাসনার কৃতি জ্ঞান, এবং শ্রেষ্ঠতার সহজে বোধগম্য করাইবার উদ্দেশ্যে
উহার উপমিষদ সকলে কথিত হইয়াছে। অতএব, উহার কৰ্মকাণ্ডে
“পারিপ্লব” পর্যায়ভুক্ত নহে। বিদ্যালভের সৌকর্য্য বিধানই উহাদের
উপযোগিতা ও সার্থকতা ।

কর্মকাণ্ডেও ত এ প্রকার কর্মস্তুতি বিষয়ক আখ্যায়িকার অভাব নাই। যেমন “সোহরোদীৎ” (কৃষ্ণ যজুঃ ১।৫।১),—“সেই অগ্নি রোদন করিয়াছিলেন”— ইত্যাদি আখ্যায়িকাগুলির কর্মবিধির প্রশংসা করাই মুখ্য অর্থ, ইহারা “পারিপ্লব” শ্রেণীর অন্তর্ভুক্ত নহে। সেইরূপ উপনিষদের আখ্যায়িকাগুলির বিচার স্তুতি এবং বিজ্ঞা প্রতিপাদনই মুখ্য অর্থ। ছান্দোগ্য শ্রুতির ৬।১৪।২ মন্ত্রে “আচার্য্যবান পুরুষো বেদ”—“গুরুসেবাপরায়ণ ব্যক্তিই ব্রহ্মজ্ঞান লাভ করেন”—এই প্রকারে গুরু শিষ্যের সম্বন্ধ প্রকাশক আখ্যায়িকার উল্লেখ করিয়া ব্রহ্মবিদ্যার উপদেশ দেওয়া হইয়াছে। ইহা দ্বারা শিষ্যের ও গুরুর উপদেশের প্রতি রুচি ও শ্রদ্ধা উৎপাদন করতঃ উক্ত বিদ্যালোভের পন্থা সুগম করা হইয়াছে।

বস্তুতঃ পক্ষে বেদ ব্রহ্মেরই প্রকাশক, ইহা ভাগবত স্পষ্টতঃ বলিয়াছেন :—

যথানলঃ খেহনিলবন্ধুরুশ্মা

বলেন দারুণ্যভিমথ্যমানঃ ।

অণুঃ প্রজাতো হবিষা সমেধতে

তথৈব মে ব্যক্তিরিয়ং হি বাণী ॥

ভাগঃ ১১।১২।১৬ ।

—যেমন আকাশে অনিলবন্ধু অগ্নি অল্প মথনে প্রথমে উন্মারূপে, পরে অধিক মথনে বায়ু সহযোগে বিক্ষুব্ধরূপে উদ্ভূত হইয়া ঘূতপ্রাপ্তি পূর্বক পরিবর্দ্ধিত হয়, তদ্রূপ এই বেদরূপী বাণী আমারই প্রকাশক জানিবে। ভাগঃ ১১।১২।১৬

এই অগ্নি প্রজ্জ্বালনের জন্ম, অর্থাৎ ব্রহ্মবিদ্যা উৎপাদনের জন্ম, আচার্য্যই পূর্বরানি, শিষ্য উত্তরানি, উপদেশ—তন্মধ্যস্থ মন্থনকাষ্ঠ, এবং সুখাবহ বিদ্যা অর্থাৎ সমুদায় আনন্দের নিলয় ব্রহ্মবিদ্যা তদুখিত অনল স্বরূপ জানিবে। ভাগঃ ১১।১০।১২

আচার্য্যোহরণিরাদ্যঃ স্যাদশ্চেবান্যুত্তরারণিঃ ।

তৎসন্ধানং প্রবচনং বিজ্ঞাসন্ধিঃ সুখাবহঃ ॥ ভাগঃ ১১।১০।১২ ।

এই যে আখ্যান কথিত হইল, ইহা ব্রহ্মবিদ্যা প্রতিপাদনেরই তৎপর। ইহার অন্য কোনও উপযোগিতা নাই। অতএব, ইহা ‘পারিপ্লব’ পর্য্যায়ভুক্ত নহে।

এই অগ্নি প্রজ্জ্বালনের জন্তু, অর্থাৎ ব্রহ্মবিদ্যালয়ের জন্তু গুরুপদ আশ্রয়ণ
একান্ত প্রয়োজন, ইহাও প্রতিপাদন করা উক্ত আখ্যায়িকার অন্য উদ্দেশ্য।

মদভিজ্ঞং গুরুং শান্তমুপাসীত মদাত্মকম্ ॥ ভাগঃ ১১।১০।৫।

—আমার তত্ত্বজ্ঞ এবং মদাত্মক শমাদিগুণবিশিষ্ট গুরুর উপাসনা
করিবে। ভাগঃ ১১।১০।৫

সুতরাং, প্রতিপাদিত হইল যে, যেমন গুরুশিষ্য আখ্যায়িকার
সার্থকতা ব্রহ্মবিদ্যা উপাদানে, উপনিষদুক্ত অগ্ন্যাগ্ন আখ্যায়িকারও
উপযোগিতা উহাই।

২। কামকারাধিকরণ ॥

৩।৪।২৩ ও ৩।৪।২৪ সূত্রদ্বয় দ্বারা অবাস্তব আপত্তির সমাধান করিয়া পুনরায় পূর্ববিচারের অর্থাৎ আত্মতত্ত্বজ্ঞ ব্যক্তির কর্ম করা বা না করা, তাঁহার ইচ্ছার উপর নির্ভর করে—অনুগমন করিতেছেন।

সূত্র :—৩।৪।২৫।

অত এব চাগ্নীক্ষনাদ্যনপেক্ষা ॥ ৩।৪।২৫ ॥

অতঃ + এব + চ + অগ্নীক্ষনাদি + অনপেক্ষা ॥

অতঃ :—এই কারণে। এব :—নিশ্চয়। চ :—ও। অগ্নীক্ষনাদি :—অগ্নি, কাষ্ঠ, ঘৃত প্রভৃতি যজ্ঞের প্রয়োজনীয় দ্রব্যাদির। অনপেক্ষা :—অপেক্ষা নাই।

বিদ্যা স্বতন্ত্র, কর্মাক্ষ নহে, বরং কর্মই বিদ্যাক্ষ—ইহা প্রতিপাদিত হইয়াছে। এই কারণে, বিদ্বান্ ব্যক্তির অর্থাৎ আত্মতত্ত্বজ্ঞ ব্যক্তির যজ্ঞ সম্পাদনের প্রয়োজনীয় অগ্নি, সমিধ, হবিঃ প্রভৃতি দ্রব্যের কোনও অপেক্ষা নাই। ইহা দ্বারা বিদ্যা ও কর্মের সমুদায় বাদ নিরাকৃত হইল।

এই প্রসঙ্গে ৩।৪।৮ সূত্রের আলোচনায় উদ্ধৃত ভাগবতের ১।১।২।১৩ ও ১।১।৪।১২ শ্লোক দ্রষ্টব্য (পৃঃ ১৬৭-৮০)।

৪। সর্বাণ্যেচ্ছাধিকরণ ॥

ভিত্তি:—

১। “তমেতং বেদানুবচনেন ব্রাহ্মণা বিবিদিষন্তি যজ্ঞেন দানেন তপসাহনাশকেন... ॥” (বৃহদারণ্যক, ৪।৪।২২)।

—ব্রহ্মনিষ্ঠ ব্যক্তিগণ যজ্ঞ, দান, তপস্যা ও অনাসক্তি দ্বারা এই আত্মাকে জানিতে ইচ্ছা করেন। (বৃহ, ৪।৪।২২)

২। “তস্মাদেবং বিচ্ছান্তো দাস্তু উপরতস্তিতিক্ষুঃ সমাহিতো ভূত্বা আত্মন্যেবাশ্রয়নং পশ্যতি... ॥” (বৃহদারণ্যক, ৪।৪।২৩)।

—এই প্রকার ব্রহ্মবিৎ শাস্ত, দাস্ত, উপরত, তিতিক্ষু ও সমাহিত হইয়া আত্মাতেই আত্মাকে দর্শন করেন। (বৃহ, ৪।৪।২৩)

৩। “আচার্য্যাবান্ পুরুষো বেদ” ॥ (ছান্দোগ্য, ৬।১।৪।২)

—গুরুসেবা পরায়ণ ব্রহ্মবিদ্যা লাভ করে। (ছা, ৬।১।৪।২)

৪। “যজ্ঞদানতপঃকর্ম্ম ন ত্যজ্যং কার্য্যমেব তৎ ।

যজ্ঞো দানং তপশ্চৈব পাবনানি মনীষিণাম্ ॥” (গীতা, ১৮।৫)

—যজ্ঞ, দান, তপস্যাকর্ম্ম কখনও পরিত্যজ্য নহে, পরন্তু অবশ্যই অনুষ্ঠেয়। যজ্ঞ, দান ও তপস্যা মনীষিগণের পবিত্রতার সাধন।

(গীতা, ১৮।৫)

৫। “যতঃ প্রবৃন্তিভূতানাং যেন সর্ব্বমিদং ততম্ ।

স্বকর্ম্মণা তমভ্যচ্চ'্য সিদ্ধিং বিন্দতি মানবঃ ॥”

(গীতা, ১৮।৪৬)।

—সমস্ত ভূত যাহা হইতে উৎপন্ন হইয়াছে এবং যিনি এই জগতে সর্ব্বত্র পরিব্যাপ্ত আছেন, মানব স্বীয় কর্ম্ম দ্বারা তাঁহার আরাধনা করিয়া সিদ্ধি লাভ করিয়া থাকে। (গীতা ১৮।৪৬)

সুংশ্লোকঃ—বৃহদারণ্যক শ্রুতির ৪।৪।২২, ৪।৪।২৩ মন্ত্র ও গীতার ১৮।৫, ১৮।৪৬ শ্লোক কর্ম্মের কর্তব্যতা প্রতিপাদন করিতেছে। ছান্দোগ্য শ্রুতির

৩।১৪।২ মজ্জাংশে গুরুর উপদেশই ব্রহ্মবিদ্যোৎপাদনে সমর্থ, অল্প সাহায্য অপেক্ষা করে না, কথিত আছে। এ প্রকার বিরোধের সমাধান কি? 'পূর্বে যে প্রকার সিদ্ধান্ত প্রতিষ্ঠিত হইয়াছে, তাহা হইতে প্রতীয়মান হয় যে, যজ্ঞাদি কর্মের কোনও অপেক্ষা নাই। ইহার উত্তরে সূত্রকার সূত্র করিলেন :—

সূত্র :—৩।১৪।২৬ ॥

সর্বাপেক্ষা চ যজ্ঞাদিশ্রুতেশ্চবৎ ॥ ৩।১৪।২৬ ॥

সর্বাপেক্ষা + চ + যজ্ঞাদিশ্রুতেঃ + অশ্চবৎ ॥

সর্বাপেক্ষা :—যজ্ঞাদি সমুদায় কর্মের আবশ্যিকতা। চ :—ও। যজ্ঞাদিশ্রুতেঃ :—যজ্ঞাদিশ্রুতির উল্লেখহেতু। অশ্চবৎ :—অশ্চের গায়।

বিদ্যা নিজের ফল উৎপাদনে ও প্রকাশে অপরের সম্পূর্ণ নিরপেক্ষ হইলেও, নিজের উৎপাদনের জন্য সমুদায় যজ্ঞাদি কর্মের অপেক্ষা করেন। দৃষ্টান্ত স্বরূপ উল্লেখ করা যাইতে পারে যে, যেমন কোনও স্থান হইতে স্থানান্তরে যাইতে হইলে অশ্বারোহণে গমন সুকর হয় এবং অশ্বারোহণে যাইতে হইলে, বসিবার জন্য জিন, পা রাখিবার বেকাব, অশ্বের গতির নিয়ন্ত্রণ করিবার জন্য লাগামাদির প্রয়োজন হয়, সেইরূপ অবিজ্ঞা হইতে বিদ্যায় পৌছিতে হইলে, যজ্ঞ, তাহার উপকরণাদি এবং আনুষ্ঠানিক কর্মাদির প্রয়োজন হইয়া থাকে। গম্য স্থানে পৌছিলে যেমন আর অশ্বের বা তাহাতে আরোহণের আনুষ্ঠানিক উপকরণের প্রয়োজন হয় না, সেইরূপ বিদ্যালাভ হইলে, আর যজ্ঞাদি কর্ম ও তাহার উপকরণাদির প্রয়োজন হয় না।

এ সম্বন্ধে ভাগবত বলিতেছেন :—

স্বধর্ম্মস্থো যজ্ঞন্ যজ্ঞৈরনাশীঃকাম উকুব ।

ন যাতি স্বর্গনরকৌ যদ্যন্থ সমাচরেৎ ॥ ভাগঃ ১১।২০।৫০ ।

অস্মিঁল্লোকে বর্তমানঃ স্বধর্ম্মস্থোহনঘঃ শুচিঃ ।

জ্ঞানং বিশুদ্ধমাপ্নোতি মদভক্তিং বা যদৃচ্ছয়া ॥ ভাগঃ ১১।২০।১১ ।

—যজ্ঞাদি কাম্য কর্ম করিলে স্বর্গাদি লোক প্রাপ্তি হইয়া থাকে । আবৃত্তি নিষিদ্ধাচরণ করিলে নরকপ্রাপ্তি ঘটে বটে ; কিন্তু স্বধর্ম্মে থাকিয়া কামনা পরিত্যাগ করিয়া, যে ব্যক্তি যজ্ঞাদি যাজন করেন, তিনি যদি নিষিদ্ধ কর্ম না করেন, তবে স্বর্গে বা নরকে গমন করেন না । সেই নিষিদ্ধ কর্মত্যাগী শুদ্ধচিত্ত স্বধর্ম্মানুষ্ঠায়ী ব্যক্তি ইহলোকে বর্তমান থাকিয়াই বিস্তৃত জ্ঞানযোগ প্রাপ্ত হইবেন, অথবা ভাগ্যবশতঃ মদ্ভক্তি যোগ লাভ করেন । ভাগঃ ১১।২০।১০-১১ ।

বাসনা দ্বারা পরিচালিত মানবের পক্ষে নিষ্কামভাবে কর্মাচরণ বড়ই দুষ্কর । অতএব, সহজ উপায় কি ? ইহার উত্তরে ভাগবত বলিতেছেন :—

ইষ্টং দত্তং তপো জপ্তং বৃত্তং যচ্চাত্মনঃ প্রিয়ম্ ।
দারান্ গৃহান্ সূতান্ প্রাণান্ যৎ পরশ্চৈব নিবেদনম্ ॥

ভাগঃ ১১।৩।২৯ ।

—ইষ্ট, দান, তপস্বা, জপ, সদাচার, আপনার প্রিয় বস্তু, কলত্র, পুত্র, গৃহ, প্রাণ, সমুদায় পরমেশ্বরে নিবেদন করিবে । ভাগঃ ১১।৩।২৯

অন্তর্যম আছে :—

দান-ব্রত-তপো-হোম-জপ-স্বাধ্যায়-সংযমৈঃ ।
শ্রেয়োভির্বিবিধৈশ্চাত্মৈঃ কৃষ্ণে ভক্তির্হি সাধ্যোতে ॥

ভাগঃ ১০।৪৭।২১ ।

—দান, ব্রত, তপস্বা, হোম, জপ, বেদাধ্যায়ন, সংযম, অন্তর্যম শ্রেয়ঃ সাধন বিবিধ কর্ম দ্বারা শ্রীকৃষ্ণের প্রতি ভক্তি উপার্জিত হইয়া থাকে ।

ভাগঃ ১০।৪৭।২১

• পূর্ব পক্ষ আগন্তি করিতেছেন :—

এই সূত্রদ্বারা এবং ভাগবতের উক্ত শ্লোক সকলের বলে বিদ্যার কর্মশেষত্ব প্রতিপাদিত হইল নাকি ? যদি যজ্ঞাদি সমুদায় কর্মের অপেক্ষা, বিদ্যোৎপত্তির জন্ত থাকে, তবে বিদ্যা কর্মেরই ফল স্বরূপ বলায় কি দোষ হইয়াছিল।

ইহার উত্তরে সিদ্ধান্তবাদী বলিতেছেন যে, নিষ্কাম ভাবে কর্ম্মসুষ্ঠান আমাদের অনভিমত নহে। উক্ত কর্ম্ম বিদ্যারই নামান্তর, ইহা পূর্বে ভূমিকীর ও অন্যান্য স্থানে বলিয়াছি। তোমার উত্থাপিত ৩৪।২ সূত্রে যে বিদ্যার কর্ম্মশেষে প্রতিপাদন করিতে প্রয়াস পাইয়াছিলে, তাহা ত কাম্য কর্ম্ম সম্বন্ধে। উহাতেই আমাদের আপত্তি। বিদ্যা কাম্য কর্ম্মের ফল নহে। উহার সহিত বিদ্যার কোনও সম্বন্ধই নাই। ইহা পূর্বে প্রতিপাদন করিয়াছি, এখানেও আবার বলিতেছি। ভাগবতের ১০।২০।১০ শ্লোকে ব্যবহৃত “অনাশীঃ” পদ ইহাই প্রমাণ করিতেছে। কামনাশূন্য নিষ্কাম কর্ম্ম বিদ্যার ব্যাপক সংজ্ঞার অন্তর্ভুক্ত ইহা আগেও বলিয়াছি, এখানেও বলিতেছি।

ভিত্তি :—

পূর্ব সূত্রের শিরোদেশে উদ্ধৃত বৃহদারণ্যক শ্রুতির ৪।৪।২৩ মন্ত্র ।

সংশয় :—যদি যজ্ঞাদি কর্ম সম্পাদনই বিদ্যাংপত্তির কারণ, তবে শম, দম প্রভৃতির উপযোগিতা কি? উহারা তাহা হইলে করণীয় নহে। ইহার

উত্তরে সূত্র :—

সূত্র :—৩।৪।২৭ ।

শমদমাদ্যুপেতস্তু শ্রাৎ তথাপি তু তদ্বিধেষুদঙ্গতয়া

তেষামবশ্যানুষ্ঠেয়ত্বাৎ ॥ ৩।৪।২৭ (বলদেব) ॥

শমদমাদ্যুপেতঃ শ্রাতুতথাপি তু তদ্বিধেষুদঙ্গতয়া তেষামব-

শ্যানুষ্ঠেয়ত্বাৎ ॥ ৩।৪।২৭ (শঙ্কর, মধ্ব, বল্লভ) ॥

শমদমাদ্যুপেতঃ শ্রাৎ, তথাপি তু তদ্বিধেষুদঙ্গতয়া তেষামপ্য-

বশ্যানুষ্ঠেয়ত্বাৎ ॥ ৩।৪।২৭ (রামানুজ) ॥

শমদমাদ্যুপেতঃ + (তু) + শ্রাৎ + তথাপি + তু + তদ্বিধেঃ +

তদঙ্গতয়া + তেষাম্ + (অপি) + অবশ্য + অনুষ্ঠেয়ত্বাৎ ॥

শমদমাদ্যুপেতঃ :—শমদমাদিসাধনসম্পন্ন । (তু :—নিশ্চয়ে) । **শ্রাৎ :—**হইবে । **তথাপি :—**তাহা হইলেও । **তু :—**কিন্তু । **তদ্বিধেঃ :—**শমদমাদির নিয়ম হেতু । **তদঙ্গতয়া :—**বিচার অঙ্গ নিবন্ধন । **তেষাম্ :—**শমদমাদির । (অপি :—ও) । **অবশ্য :—**অবশ্য, নিশ্চয়ই । **অনুষ্ঠেয়ত্বাৎ :—**অনুষ্ঠানের কর্তব্যত্ব হেতু ।

• যদিও যজ্ঞাদি দ্বারা কালিত-চিত্ত-মল ব্যক্তির বিদ্যা উৎপন্ন হইয়া থাকে, তথাপি বিদ্যার্থী শমদমাদি সাধন সম্পন্ন হইবেন । কারণ, শমদমাদিও বিদ্যার অঙ্গ । বৃহদারণ্যক শ্রুতির ৪।৪।২৩ মন্ত্রে শমদমাদি বিদ্যার অঙ্গ বলিয়া বর্ণিত আছে । উহারা ঐধিসম্মত বলিয়া অবশ্যই অনুষ্ঠেয় । যজ্ঞ ও শমাদি দুইটি বিভিন্ন শ্রুতি মন্ত্রে কথিত বলিয়া উভয়ই অনুষ্ঠেয় । উহাদের মধ্যে যজ্ঞাদি বহিরঙ্গ সাধন এবং শমাদি অন্তরঙ্গ সাধন বলিয়া বৃথিতে হইবে । ‘আদি’ শব্দ দ্বারা পূর্বোক্ত সূত্রাদিও কথিত হইল । এই প্রকারে সূত্রকার অধিকারী নির্দেশ করিলেন ।

ভাগবত বলিতেছেন :—

দানং স্বধর্ম্মে'নিয়মো যমশ্চ

শ্রোতঞ্চ কশ্ম'গি চ সঙ্কৃতানি ।

সর্ব্বে মনোনিগ্রহলক্ষণান্তাঃ

পরো হি যোগো মনসঃ সমাধিঃ ॥

ভাগঃ ১১।২৩।৪১ ।

—মনকে নিগ্রহ করিতে পারিলেই সকল নিগ্রহ হয়। তন্নিম্ন সমুদায় ব্যর্থ। দান, স্বধর্ম্ম, যম, নিয়ম, শ্রোতকর্ম্ম, ব্রতাচরণ প্রভৃতি সমুদায় মনের নিগ্রহের উপায় মাত্র। মনের সমাধিই পরম যোগ।

ভাগঃ ১১।২৩।৪১ ।

যমানভীক্লং সেবেত নিয়মান্ মৎপরঃ ক্চিৎ । ভাগঃ ১১।১০।৫ ।

—মৎপর হইয়া সর্ব্বদা আদর পূর্ব্বক যম অনুষ্ঠান করিবে এবং যথাশক্তি নিয়ম অর্থাৎ শৌচাদি কর্ম্ম করিবে। ভাগঃ ১১।১০।৫

৫। সৰ্বান্নানুমত্যধিকরণ ॥

ভিত্তি :—

১। “ন হ বা অস্যানন্নং ভক্ষং ভবতি, নানন্নং পরিগৃহীতম্
ভবতি” । (বৃহদারণ্যক, ৬।১।১৪) ।

—যিনি প্রাণের এই তত্ত্ব জানেন, তাঁহার পক্ষে অনন্ন (অভক্ষ্য)
ভক্ষিত হয় না, কিংবা অনন্ন পরিগৃহীত হয় না । (বৃহ, ৬।১।১৪) ।

২। “ন হ বা এবং বিদি কিঞ্চনানন্নং ভবতি” ।

(ছান্দোগ্য, ৫।২।১) ।

—যিনি ইহা জানেন, তাঁহার কাছে কিছুই অনন্ন হয় না ।

(ছা, ৫।২।১) ।

সংশয় :—শিরোদেশে উদ্ধৃত শ্রুতিমন্ত্রে প্রাণবিজ্ঞা প্রকরণে প্রাণোপাসকের
সর্বান্ন ভক্ষণাদির অনুমতি রহিয়াছে । ইহা কি সর্বকালিক, অথবা কোনও
বিশেষ কালের জন্য অনুমোদন ? ইহার উত্তরে সূত্রকার সূত্র করিলেন :—

সূত্র :—৩।৪।২৮ ।

সৰ্বান্নানুমতিশ্চ প্রাণাত্যয়ে তদর্শনাৎ ॥ ৩।৪।২৮ ॥

সৰ্বান্নানুমতিঃ + চ + প্রাণাত্যয়ে + তৎ + দর্শনাৎ ॥

সৰ্বান্নানুমতিঃ :—সর্বান্নভক্ষণে অনুমতি । চ :—ও । প্রাণাত্যয়ে :—
অন্ন বিনা প্রাণ যাইবার উপক্রম হইলে । তৎ :—তাহা । দর্শনাৎ :—
শ্রুতিতে দর্শন হেতু ।

ছান্দোগ্য উপনিষদের ১।১০ প্রকরণে আখ্যায়িকা আছে যে, একদা কুরুদেশে
দুর্ভিক্ষ উপস্থিত হইলে, উষন্তি চক্রায়ণ নামক একজন ঋষি বালিকা পত্নীর সহিত
ইভ্যগ্রামে বাস করিতেছিলেন । তিনি পর্যটন করিতে করিতে অর্ধসিদ্ধ
মাসকলাই উষ্ণকারী একজন হস্তীপককে দেখিয়া ভক্ষণার্থ কিঞ্চিৎ মাসকলাই
প্রার্থনা করিলেন । তাহাতে হস্তীপক বলিল, আমার ভক্ষ্যপাত্রে আমার

আহারের পর উচ্ছিষ্ট যাহা রহিয়াছে, উহা ভিন্ন আমার আর নাই। তাহাতে উষন্তি চক্রায়ণ উহাই প্রার্থনা করিয়া ভক্ষণ করিলেন। তখন হস্তীপক তাহার পীতাবশিষ্ট জল দিতে চাহিলে, ঋষি উচ্ছিষ্ট পান হইবে বলিয়া জলপান করিলেন না। কারণ, জল দুপ্রাপ্য ছিল না, কিন্তু অন্ন দুপ্রাপ্য বা অপ্রাপ্য ছিল। ঋষি উক্ত মাসকলাই আহার করিয়া অবশিষ্টগুলি তাঁহার জায়ার জন্ত আনিলেন। তাঁহার পত্নী অপর স্থানে আহার প্রাপ্ত হওয়ায়, উহা পরদিনের জন্য রাখিয়া দিলেন। পরদিন ঋষি ঐ উচ্ছিষ্টাবশেষ মাসকলাই জীবন ধারণের জন্ত ভক্ষণ করিয়া, নিকটবর্তী রাজার যজ্ঞে গমন পূর্বক, তথায় পূর্ব বৃত্ত অগ্ন্যাগ্ন ঋত্বিকগণকে বিচারে পরাস্ত করায়, তথায় রাজাকর্তৃক ঋত্বিক কার্যে বৃত্ত হইলেন।

অতএব, অনাভাবে প্রাণ প্রয়ানের উপক্রম হইলে সকলের অন্নগ্রহণ অনুমোদনীয়। উহা বিধি নহে, অনুমোদন মাত্র। পূর্বোক্ত আখ্যায়িকাই ইহার শ্রুতিপ্রমাণ। অতএব সিদ্ধ হইল যে, সর্বসময়ে সকলের অন্নগ্রহণ কর্তব্য নহে। কারণ, উষন্তি চক্রায়ণ ঋষি হস্তীপকের উচ্ছিষ্ট অন্ন ভক্ষণ করিলেও, জল দুপ্রাপ্য নহে বলিয়া, তাহার প্রদত্ত জলপান করেন নাই। সুতরাং, প্রতিপাদিত হইল যে, প্রাণবিদের পক্ষে সর্বসময়ে অন্নগ্রহণ শ্রুতিতে অনুমোদিত হইলেও, উহা প্রাণাত্যয়ের শ্যাম আপদ কালেই করণীয়, অন্ন সময়ে নহে, বুঝিতে হইবে।

এ সম্বন্ধে ভাগবতের বক্তব্য এই :—

শুদ্ধাশুদ্ধী বিধীয়েত সমানেষপি বস্তুষু ।

দ্রব্যস্য বিচিকিৎসার্থং গুণদোষৌ শুভাশুভৌ ।

ধর্ম্মার্থং ব্যবহারার্থং যাত্ৰামিতি চানঘ ॥ ভাগঃ ১১।২।১।৩ ।

—হে অনঘ ! সাধারণ বস্তুমাত্রের মধ্যে দ্রব্যবিশেষের প্রতি স্বাভাবিক প্রবৃত্তি প্রতিবন্ধার্থ ধর্ম্মসাধনের নিমিত্ত তাহার শুদ্ধি বা অশুদ্ধি, ব্যবহারের নিমিত্ত তাহার গুণদোষ এবং দেহযাত্রা নির্বাহের নিমিত্ত তাহার শুভ বা অশুভ বিহিত হয়। ভাগঃ ১১।২।১।৩ ।

এই শ্লোকের “যাত্ৰার্থং” পদের অর্থ শ্রীধর স্বামী করিতেছেন :—

“যাত্ৰার্থং প্রাণরক্ষার্থং দোষহেতুপ্যাপৎসু শরীর নির্বাহ মাত্ৰোপাদানেন

পাপম্ অধিকোপাদানে তু পাপমিতি” ॥ অর্থাৎ, আপৎকালে প্রাণ-
রক্ষার জন্য প্রাণরক্ষণের উপযোগী মাত্র অশুদ্ধায় গ্রহণে পাপ নাই,
অধিক গ্রহণ করিলেই পাপ হইয়া থাকে ।

অতএব, প্রতিপাদিত হইল যে, আপৎকালেই সর্বান্নভক্ষণ
অনুমোদনীয়, এবং তাহাও মাত্র প্রাণ ধারণোপযোগী, অধিক নহে—
সর্বসময়ে ত নহেই ।

প্রতিতি :-

“আহারশুদ্ধৌ সত্বশুদ্ধিঃ, সত্বশুদ্ধৌ ধ্রুবা স্মৃতিঃ” ।

(ছান্দোগ্য, ৭।২।৬২) ।

—আহারের বিশুদ্ধিতে চিত্তশুদ্ধি হয়, এবং চিত্তশুদ্ধি হইলে উপাসনাত্মক ধ্রুবা স্মৃতি জন্মে । (ছা, ৭।২।৬২) ।

সূত্র :- ৩।৪।২৯ ।

অবাধাচ্চ ॥ ৩।৪।২৯ ॥

অবাধাৎ + চ ॥

অবাধাৎ :- প্রতিবন্ধ না থাকা হেতু । চ :- ও ।

শিরোদেশে উক্ত ছান্দোগ্য শ্রুতির মতে আহারশুদ্ধির প্রয়োজনীয়তা উপদিষ্ট হইয়াছে । সুতরাং, পূর্বসূত্রে যে সিদ্ধান্ত প্রতিষ্ঠিত হইল, তাহাতে উক্ত শ্রুতির সহিত বিরোধ হইল না । অতএব প্রাণাত্যয়েই সর্বমানুষমতি, অন্ম সময়ে নহে ।

ভাগবত বলিতেছেন যে, গুণদোষ আপেক্ষিক মাত্র । যাহা একের বা এক সময়ে গুণ, তাহা অপরের বা অন্য সময়ে দোষ । গুণদোষের নিয়ামক শাস্ত্রই গুণদোষ ভেদের বাধক হয়—অর্থাৎ, শাস্ত্রে যে গুণদোষের ভেদ কথিত আছে, তাহা ঐকান্তিক ভেদ নহে । দেশ, কাল ও অবস্থানুসারে উহার পরিবর্তন হইয়া থাকে ।

কচিদ্ গুণোহপি দোষঃ স্মাৎ দোষোহপি বিধিনা গুণঃ ।

গুণদোষার্থনিয়মস্তস্তুদামেব বাধতে ॥ ভাগঃ ১।১।২১।১৬ ।

—গুণদোষ বিভাগ ঐকান্তিক নহে । কোনও স্থানে দোষও গুণরূপে পরিণত হয়, যেমন আপৎকালে প্রতিগ্রহ গুণ, কিন্তু অনাপৎকালে দোষ । কোনও স্থানে দোষও গুণরূপে ইষ্ট হয়, যেমন, কুটুম্বাদি পরিত্যাগ দোষ, কিন্তু প্রকৃত বৈরাগ্যশতঃ বিধি অনুসারে ত্যাগ গুণই হয় । অতএব, গুণদোষের নিয়ামক শাস্ত্রই তাহার ভেদের বাধক হয় । ভাগঃ ১।১।২১।১৬ ।

অঘং কুর্বন্তি হি যথা দেশাবস্থানুসারতঃ ॥

ভাগঃ ১১।২১।১১ ।

—দেশ, কাল ও অবস্থা অনুসারে পাপ হওয়া বা না হওয়া হইয়া থাকে । ভাগঃ ১১।২১।১১ ।

—প্রাণধারণের জন্য আহারের প্রয়োজন, এবং তত্ত্ববিচারের জন্য প্রাণধারণ প্রয়োজন এবং তত্ত্ববিচারের দ্বারা জ্ঞান হইলেই মুক্তি হইয়া থাকে । ভাগঃ ১১।১৮।৩৩

আহারার্থং সমীহেত যুক্তং তৎপ্রাণধারণম্ ।

তত্ত্বং বিমুশ্যতে তেন তদ্বিজ্ঞায় বিমুচ্যতে ॥ ভাগঃ ১১।১৮।৩৩ ।

অতএব, আপৎকালে প্রাণধারণের পক্ষে যতটুকু প্রয়োজন, তাহা নিষিদ্ধ ব্যক্তি হইতে, নিষিদ্ধ স্থানে বা কালে গ্রহণ করিলে দোষ হয় না ।

ভিত্তি :—

১১

“জীবিতাত্যয়মাপনো যোহন্নমস্তি যতন্ততঃ ।

আকাশমিব পঙ্কেন ন স পাপেন লিপ্যতে ॥”

(মনুসংহিতা, ১০।১০৪) ।

সূত্র :—৩।৪।৩০

অপি স্মর্য্যতে ॥ ৩।৪।৩০ ॥

অপি :—আরও । স্মর্য্যতে :—স্মৃতিশাস্ত্রে উক্ত আছে ।

শিরোদেশে উক্ত মনুস্মৃতিই ইহার প্রমাণ । অতএব প্রাণাত্যয়রূপ
আপং উপস্থিত হইলে সর্বান্নগ্রহণ করা যাইতে পারে, অন্ন সময়ে নহে ।
ইহা অনুমতি মাত্র, বিধি নহে, স্মরণ রাখিতে হইবে ।

ভিত্তি :—

• “আহারশুদ্ধৌ সত্ত্বশুদ্ধিঃ সত্ত্বশুদ্ধৌ ধ্রুবা স্মৃতিঃ, স্মৃতিলাভে
সৰ্বগ্রহীনাং বিপ্রমোক্শঃ” । (ছান্দোগ্য, ৭।২।৬।২)

—আহার শুদ্ধিতে চিত্তশুদ্ধি, চিত্তশুদ্ধি হইলে উপাসনাত্মক ধ্রুবা স্মৃতি
জন্মে, এবং এই স্মৃতি জন্মিলে সকল প্রকার অবিজ্ঞাগ্রহীর সম্পূর্ণ মোচন
হইয়া থাকে । (ছা, ৭।২।৬।২)

সূত্র :—৩।৪।৩১ ।

শব্দশ্চাতোহকামকারে ॥ ৩।৪।৩১ ॥

(শঙ্কর, রামানুজ,, মধ্ব, বল্লভ) ॥

শব্দশ্চাতোহকামচারে ॥ ৩।৪।৩১ (বলদেব) ॥

শব্দঃ + চ + অতঃ + অকামকারে বা অকামচারে ॥

শব্দঃ :—শ্রুতিবাক্য । চ :—ও । অতঃ—এই হেতু । অকামকারে
বা অকামচারে :—স্বৈচ্ছাচারিতার অভাব বিষয়ে ।

যেহেতু ব্রহ্মবিৎ ও অন্যান্য সকলের পক্ষে সর্বান্নভক্ষণ অনুমতি কেবল আপৎ-
কালের জন্মই বিহিত, সেইজন্য সকলের সম্বন্ধেই অকামকার বা অকামচার;
অর্থাৎ, স্বৈচ্ছা ভক্ষণের নিষেধক শ্রুতিও রহিয়াছে । শিরোদেশে উদ্ধৃত ছান্দোগ্য
শ্রুতিমতে আহারশুদ্ধির গুরুতর প্রয়োজনীয়তা উক্ত হইয়াছে । যিনি স্বৈচ্ছাচারী
নহেন, তাঁহার পক্ষেই শুদ্ধ আহার সম্ভব ।

ভাগবত বানপ্রস্থ ও যতিগণের ধর্মকথনোপলক্ষে বলিতেছেন :—

• ভিক্ষাং চতুষু বর্ণেষু বিগর্হ্যান্ বর্জয়ংশচরেৎ । ভাগঃ ১।১।৮।১৮

• ঠারি বর্ণের মধ্য অভিশপ্ত পতিতাদি পরিত্যাগ পূর্বক ভিক্ষা করিবেন ।

ভাগঃ ১।১।৮।১৮

বানপ্রস্থ ও যতিগণ যাহারা সমাজের বাহিরে থাকেন, তাঁহাদের পক্ষে
যখন পাতিত্যাগাদি দোষে দুষ্টিগণের গৃহে ভিক্ষা নিষিদ্ধ, তখন সমাজান্তর্গত
অন্য আশ্রমীর কথা কি ?

পূর্বে ৩।৪।১ সূত্রের প্রসঙ্গে উল্লিখিত হইয়াছে যে, বিদ্যার্থী তিন প্রকার :—(১) স্বনিষ্ঠ, (২) পরিনিষ্ঠিত ও (৩) নিরপেক্ষ। ইহাদের মধ্যে স্বনিষ্ঠ ও পরিনিষ্ঠিত উভয়বিধ বিদ্যাধিকারী আশ্রমধর্ম প্রতিপালন করেন। এখন প্রশ্ন হইতেছে যে—স্বনিষ্ঠ বিদ্যাধিকারী, যিনি ব্রহ্মবিদ্যা লাভ করিয়াছেন, তাঁহার পক্ষে আশ্রমধর্ম প্রতিপালন করা কর্তব্য কি না? ৩।৪।২৬ সূত্রে প্রতিপাদিত হইয়াছে যে, কর্ম বিদ্যাঙ্গ। বিদ্যা লাভ হইলে আর কর্মচরণের প্রয়োজন নাই। তবে কি লক্ষবিদ্য স্বনিষ্ঠ, আশ্রম ধর্মাচরণ না করিয়াই জীবন যাপন করিবেন? ইহার বিচারের জন্ত সূত্রকার নূতন অধিকরণ আরম্ভ করিতেছেন।

৬। বিহিতত্বাধিকরণ ॥

- “পশুন্নপীমমাআনং কুৰ্ঘ্যাৎ কৰ্ম্মাবিচারয়ন্ ।
যদাঅনঃ সুনিয়তমানন্দোৎকৰ্ষমাণ্ণুয়াৎ ॥”

(কৌশারব শ্রুতি, মধ্ব ও বলদেব ধৃত) ।

—আত্মজ্ঞান জন্মিলেও অবিচারে কৰ্ম্ম করিবে। তদ্বারা আনন্দের উৎকর্ষই হইয়া থাকে। (কৌশারব শ্রুতি, মধ্ব ও বলদেব ভাষ্যধৃত)

সংশয়ঃ—পূৰ্ব্ব পূৰ্ব্ব সূত্রে প্রতিপাদন করিয়াছ যে, কৰ্ম্ম বিদ্যাঙ্গ এবং বিদ্যোৎপাদনেই কৰ্ম্মের পরিণতি ও সার্থকতা। সুতরাং বিদ্যালাভ হইলে আর আশ্রমবিহিত কৰ্ম্মাচরণের প্রয়োজন কি? অতএব, মনে হয় ইহাই সংসিদ্ধান্ত, যে স্বনিষ্ঠ বিদ্যার্থী বিদ্যালাভ করিবার পর আর আশ্রমধৰ্ম্ম প্রতিপালন করিতে বাধ্য নহেন। ইহার উত্তরে সূত্রকার সূত্র করিলেন :—

সূত্রঃ—৩।৪।৩২ ।

বিহিতত্বাচ্চাশ্রমকৰ্ম্মাপি ॥ ৩।৪।৩২ ॥

বিহিতত্বাৎ + চ + আশ্রমকৰ্ম্ম + অপি ॥

বিহিতত্বাৎ :—শাস্ত্রে বিহিত থাকায়। চ :—ও। আশ্রমকৰ্ম্ম :—আশ্রমোচিত কৰ্ম্ম। অপি :—ও। (“অপি” শব্দে বর্ণোচিত কৰ্ম্মও বুঝিতে হইবে) ।

বিদ্যাবুদ্ধির জন্য এবং আনন্দের উৎকর্ষের জন্ত বিদ্বানের পক্ষেও কৰ্ম্মের বিধান আছে। শিরোধৃত কৌশারব শ্রুতিই তাহার প্রমাণ। অতএব, লব্ধবিদ্য ব্যক্তিরও নিজ বর্ণাশ্রম বিহিত কৰ্ম্মাচরণ কর্তব্য। যদিও উক্ত কৰ্ম্মাচরণের বিদ্যা, ভগবদর্শন বা মুক্তিলাভ সংঘটন করিবার কোনও উপযোগিতা নাই—কৰ্ম্মের সার্থকতা বিদ্যোপকরণের জন্ত।

এ সম্বন্ধে ভাগবত বলিতেছেনঃ—

ময়োদিতেষবহিতঃ স্বধৰ্ম্মেষু মদাশ্রয়ঃ ।

• বর্ণাশ্রম কুলাচারমকামাত্মা সমাচরেৎ ॥ ভাগঃ ১।১।১০।১ ।

৩।৪।৪ সূত্রের আলোচনায় ইহার অর্থ দেওয়া হইয়াছে।

উক্ত শ্লোকে “অকামাত্মা” পদটির প্রতি বিশেষ লক্ষ্য করা প্রয়োজন। বর্ণাশ্রম বিহিত কর্ম কি প্রকারে অমুষ্ঠান করিতে হইবে, তাহার পরিচয় আমরা উক্ত পদটি হইতে পাইতেছি। ভাগবত বলিলেন নিষ্ঠাম ভাবে অমুষ্ঠান করিবেন।

ইতি স্বধর্মনির্মুক্তঃ সত্ত্বো নিজ্ঞাতমদগতিঃ ।

জ্ঞানবিজ্ঞানসম্পন্নো বিরক্তঃ সমুপৈতি মাম্ ॥

ভাগঃ ১১।১৮।৪৫ ।

৩৪।৫ সূত্রের আলোচনায় ইহার অর্থ দেওয়া হইয়াছে।

মনে স্বভাবতঃই সন্দেহ হইতে পারে যে, এই সূত্রের আলোচনায় উক্ত ভাগবতের শ্লোকগুলি ত পূর্বপক্ষ প্রমাণ রূপে, ৩৪।৪ ও ৩৪।৫ পূর্বপক্ষীয় সূত্রে উপস্থাপিত করিয়াছিলেন। ইহারা কি প্রকারে বিরুদ্ধ মতের পোষক হইতে পারে ?

এ সম্বন্ধে লক্ষ্য করা প্রয়োজন যে, পূর্বপক্ষ বিদ্যা কর্মান্ত বলিয়া আপত্তি করতঃ এই শ্লোকগুলি প্রমাণ স্বরূপ প্রদর্শন করিয়াছিলেন। উহারা বিদ্যার কর্মান্তত্ব প্রমাণ করে না। পূর্বপক্ষ নিজের প্রয়োজন মত অর্থ প্রতিপাদক শ্লোক না পাইয়া, বর্ণাশ্রম বিহিত কর্ম যে প্রতিপাল্য, তাহাই প্রদর্শন করিয়াছিলেন। বর্ণাশ্রম বিহিত কর্ম যে প্রতিপাল্য, সে বিষয়ে সিদ্ধান্তবাদীর আপত্তি নাই। সিদ্ধান্তবাদীর আপত্তি, বিদ্যাকে কর্মান্ত বলার বিরুদ্ধে। সে আপত্তি সমূলে উৎপাটিত করিয়া, এখন সিদ্ধান্তবাদী সিদ্ধান্ত প্রতিষ্ঠিত করিতেছেন যে, লক্ষ্যবিশ্ত ব্যক্তিরও বর্ণাশ্রম বিহিত কর্মচারণ কর্তব্য। অবশ্যই ইহা ‘স্বনিষ্ঠে’র পক্ষে। ‘পরিনিষ্ঠিত’ এবং ‘নিরপেক্ষ’ সম্বন্ধে বিচার পরে করা হইবে।

সংশয় :—বিঘ্নালাভ হইলেও কর্ম করণীয় বলিতেছ। তবে জ্ঞান ও কর্মের সমুচ্চয়ই ত তোমার অভিমত ? যদি তাহাই হয়, তবে এত আড়ম্বরের সহিত নানা প্রকার বিচার উত্থাপন করিবার কি প্রয়োজন ছিল? উহা ত ৩৪।১ সূত্রের শিরোদেশে উক্ত ঈশোপনিষদের ৩১ মন্ত্রে, যোগবাশিষ্ঠের বৈরাগ্য প্রকরণের ১।৭ ও হারীত সংহিতার ৭।১০-১১ শ্লোকে স্পষ্টই উক্ত আছে। এবং ৩৪।১ সূত্রের আলোচনায় সে প্রশ্নও ত উত্থাপিত করা হইয়াছিল। সেখানে ত স্বীকার করিলেই হইত ?

ইহার উত্তরে সূত্রকার বলিতেছেন যে, না, জ্ঞান কর্মের সমুচ্চর আমার, অভিপ্রেত নহে। কর্ম বিদ্যাক মাত্র, ইহাই আমার অভিমত, এবং বিচারি সহকারীরূপেই কর্ম করণীয়—এই মাত্র। ইহার অধিক কিছু নহে।

সূত্র :—৩।৪।৩৩ ।

সহকারিত্বেন চ ॥ ৩।৪।৩৩ ॥

সহকারিত্বেন :—বিচার সহকারী বা সাহায্যকারীরূপে । চ :—৩ ।

বিচারই মুক্তির হেতু, তাহাতে কর্মের অপেক্ষা নাই। ৩।৪।১ সূত্রের শিরোদেশে উদ্ধৃত ছান্দোগ্য শ্রুতির ৭।১।৩, তৈত্তিরীয় শ্রুতির ২।১।১, শ্বেতাশ্বতর শ্রুতির ৩।৮ ও মুণ্ডক শ্রুতির ৩।২।৮ মন্ত্র ইহার প্রমাণ, ইহাদের বলে এ সম্বন্ধে সিদ্ধান্ত পূর্বে প্রতিষ্ঠিত করা হইয়াছে। 'স্বনিষ্ঠ' বিচারী প্রথমে পরমাত্মাকে উদ্দেশ্য করিয়াই শাস্ত্রোক্ত স্বকর্মের অনুষ্ঠান করিয়া থাকেন। বিদ্যার সহিত বিদ্যোৎপত্তির পর এই সমুদায় ক্রিয়মান কর্মের বিরোধ নাই, এবং বিদ্যা এই সমুদায় কর্মের ধ্বংস করেন না, অধিকন্তু বিদ্যা এই সমুদায় কর্মকে রক্ষা করিয়া থাকেন। কারণ ইহারা কাম্যকর্মের পর্যায়ভুক্ত নহে। লব্ধবিত্ত ব্যক্তি নিষ্কাম ভাবে মাত্র করণীয় বোধে আচরণ করিয়া থাকেন। এই সমুদায় কর্মের সম্বন্ধেই বৃহদারণ্যক শ্রুতি বলিয়াছেন :—“আত্মানমেব লোকমুপাসীত, স য আত্মানমেব লোকমুপাস্তে ন হ্যশ্চ কর্ম ক্রীয়তে । অস্মাদ্ভ্যোবাঘ্ননো যদ্ যৎ কাময়তে তৎ তৎ সৃজতে” ॥—(বৃহ, ১।৪।১৫)—“আত্মস্বরূপ লোকেরই উপাসনা করিবে, যে ব্যক্তি আত্মলোকের উপাসনা করে, তাহার কর্ম ক্রীণ হয় না। সেই ব্যক্তি যাহা যাহা কামনা করে, এই আত্মা হইতেই সেই সমস্ত সৃজিত হইয়া থাকে।”

ভাল, তাহাই যদি হয়, তবে বিদ্যালভের পর বিদ্বান্ ব্যক্তি যজ্ঞাদি যে সমুদায় কর্ম আচরণ করেন, তাহার ফল ত স্বর্গাদি প্রাপ্তি? যদি এই সমুদায় কর্মের দ্বারা স্বর্গাদি প্রাপ্তি ঘটয়া থাকে, তবে বিদ্যালভের সার্থকতা কি?

সিদ্ধান্তবাদীর উত্তর এই :—বিদ্বান্ ব্যক্তি স্বর্গাদি কামনার উদ্দেশ্যে পরিচালিত হইয়া যজ্ঞাদি কাম্য কর্ম করিয়া থাকেন, এবং তদ্বারা লভ্য ফল নশ্বর। কিন্তু বিদ্বান ব্যক্তি কোনও কামনার দ্বারা পরিচালিত হইয়া কর্ম করেন না। সূত্রোক্তার্থের দ্বারা অনুষ্ঠিত যজ্ঞাদি কর্ম কাম্য কর্ম পর্যায়ে পরিগণিত হয় না।

যখন ফলাভিসন্ধি নাই, তখন করণীয় মাত্র বোধে অমুষ্টিত যজ্ঞাদি কর্মের ফল থাকিল বা না থাকিল, তাহাতে কতিবুদ্ধি নাই। ব্রহ্মভাবাপত্তিই বিদ্যা দ্বারা লভ্য। তাহার কাছে ইতর ফল যে অতি তুচ্ছ তাহা কি আর বলিতে হইবে? তবে যেমন কোনও নগর গমনেচ্ছু ব্যক্তি, নগর প্রাপ্তির জন্ত বাটী হইতে বহির্গত হইয়া, পথ অতিবাহন কালে পথের নিকটস্থ বৃক্ষাদির ছায়া, বৃক্ষস্থিত পক্ষী প্রভৃতির মধুর কাকলী গীতি, পথিপার্শ্বস্থ পুষ্পিত লতা সকলের মধুর স্নগন্ধ প্রভৃতি উপভোগ করিতে করিতে গমন করেন, সেইরূপ বিদ্বান্ ব্যক্তিও ব্রহ্মপ্রাপ্তির সময় ইচ্ছা করিলে আনুষ্ঙ্গিকরূপে স্বর্গাদি উপভোগ করিতে করিতেই গমন করেন, এবং তাঁহার যখন ইচ্ছা হয়, তখনই স্বর্গাদি ভোগ তাঁহার নিকট উপস্থিত হয়। বিদ্যা তাহার পরিকর বা পরিচায়করূপী কর্মের দ্বারাই বিদ্বান্ স্বনিষ্ঠ ব্যক্তির স্বর্গাদি অনুভব সংঘটিত করিয়া থাকেন। উহা বিদ্বানের যজ্ঞানুষ্ঠানের ফল নহে। বিদ্যা, নিজ ফলরূপী ব্রহ্মপ্রাপ্তি বিদ্বান্ স্বনিষ্ঠ ব্যক্তিকে প্রদান করিয়া থাকেন।

এই ব্রহ্ম প্রকাশ করিবার জন্তই বৃহদারণ্যক শ্রুতির ৪।৪।২ মন্ত্রে বলিয়াছেন :—“তং বিজ্ঞাকর্মণী সমদ্বারভেদে”—“বিদ্যা ও কর্ম উভয়ই সেই পরলোকগত মৃত ব্যক্তির অনুগমন করে” (বৃহ, ৪।৪।২) এবং উহাদের ফল যে পৃথক পৃথক, তাহা ৩।৪।১১ সূত্রে প্রতিপাদিত হইয়াছে। আবার এ প্রকার স্বর্গাদি অনুভব কখনও কখনও বিদ্বান্ ব্যক্তির সংকল্প বশতঃ ঘটিয়া থাকে, এবং বিদ্যা উক্ত ব্যক্তির নিরপেক্ষতা পরীক্ষার জন্তও কখনও কখনও স্বর্গাদি ভোগের মধ্যে তাঁহাকে উপস্থাপিত করেন। বিদ্বানের নিকট বিশ্বব্রহ্ম উদ্ঘাটিত হইয়া যায়, কিছুই লুক্কায়িত থাকে না। ইহা প্রকাশ করিবার জন্ত ছান্দোগ্য শ্রুতি ৭।২।৬।২ মন্ত্রে বলিয়াছেন :—“সর্বং হ পশ্যঃ পশ্যতি সর্ব-মাপ্নোতি সর্বশঃ”—“জ্ঞানী সমস্তই দর্শন করেন, সমস্তই প্রাপ্ত হন।” বিদ্যা লাভ হওয়ায় কামনা না থাকায়, বিদ্বান্ স্বর্গাদি ভোগ্য সমুদায় সাক্ষীরূপে দর্শন করেন মাত্র, উহাদের উপভোগ কামনা করেন না। স্তত্রাং, তাহাতে বন্ধ হন না, এবং তাহা হইতে পতনেরও সম্ভাবনা থাকে না। এ কারণ উক্ত শ্রুতির সহিত, বিদ্যা মোক্ষলাভের হেতু এই উক্তির কিছুমাত্র বিরোধ নাই।

পূর্বপক্ষ পুনরায় আপত্তি করিতেছেন :—মুণ্ডক শ্রুতির ২।১।৮ মন্ত্রে স্পষ্ট কথিত আছে “কীর্ত্তে চাস্য কর্মণি ভস্মিন্ দৃষ্টে পরাবরে”—“সেই পরাবর পরমাত্মাকে দর্শন করিলে, সমুদায় কর্ম ধ্বংস হয়।” স্তত্রাং, বিদ্যার

উৎপত্তিতে যখন সমুদায় কৰ্ম' ধ্বংসপ্রাপ্ত হয়, তখন বিদ্বানের স্বর্গাদি ভোগ ক্রি়া করিয়া সম্ভব হয় ?

• সিদ্ধান্তবাদী ইহার উত্তরে বলিতেছেন যে, ইহার উত্তর ত উপরে দেওয়া হইয়াছে। যদি তর্কের খাতিরে বল যে, কৰ্ম' না থাকিলে স্বর্গাদি ভোগ বিদ্বানের পক্ষেও অসম্ভব, তাহা হইলেও বলিব যে, বৃহদারণ্যক শ্রুতির ১।৪।১৫ মন্ত্রাংশ যাহা এই সূত্রের আলোচনার প্রারম্ভে উদ্ধৃত হইয়াছে, তদনুসারে লক্ষবিদ্য ব্যক্তির কৃত যজ্ঞাদিকৰ্ম' ধ্বংসপ্রাপ্ত হয় না, উক্ত কৰ্ম' স্বর্গাদি উপভোগের কারণ হইতে পারে। মুণ্ডক শ্রুতির ২।২।৮ মন্ত্রাংশ অনারক কৰ্ম' সম্বন্ধে প্রযোজ্য, ইহার বিচার চতুর্থ অধ্যায়ে হইবে। ৩।৪।১৬ সূত্রের আলোচনায় ইহার সংক্ষেপ উল্লেখ করা হইয়াছে।

• অতএব সিদ্ধ হইল যে, বিদ্যা স্বতন্ত্রভাবে ফলহেতু, এবং কৰ্ম' তাহার সহকারী মাত্র।

ভাগবত বলিতেছেন :—

দান ব্রত তপো হোম জপ স্বাধ্যায় সংযমৈঃ ।

শ্রেয়োভির্বিবিধৈশ্চাশ্রৈঃ কৃষ্ণে ভক্তির্হি সাধ্যতে ॥

ভাগঃ ১০।৪৭।২১ ।

—দান, ব্রত, তপস্যা, হোম, জপ, বেদাধ্যয়ন, ইন্দ্রিয়দমন এবং অন্যান্য শ্রেয়োসাধন বিবিধ কৰ্ম' দ্বারা শ্রীকৃষ্ণের প্রতি ভক্তিই সাধিত হইয়া থাকে ! ভাগঃ ১০।৪৭।২১ ।

অতএব, এই সকল কৰ্ম' ভক্তির বা বিদ্যার সহকারী উপায় মাত্র।

অন্যত্রও বলিতেছেন :—

ইতি মাং য স্বধর্মেণ ভজেন্নিত্যমনশ্চভাক্ ।

সর্বভূতেষু মদ্যাব মদ্যক্তিং বিন্দতে দৃঢ়াম্ ॥

ভাগঃ ১১।১৮।৪৩ ।

ভক্ত্যাঙ্কুবানপায়িত্বা সর্বলোকমহেশ্বরম্ ।

সর্বোৎপত্ত্যপায়ং ব্রহ্ম কারণং মোপযাতি সঃ ॥

ভাগঃ ১১।১৮।৪৪ ।

—এইরূপে অন্তোপাসনা পরিত্যাগ পূর্বক যে ব্যক্তি স্বধর্মাহুষ্ঠান দ্বারা নিত্য আমাকে ভজনা করেন, এবং মন্ত্রাবে সর্বলোকে সমদর্শী হইবেন, সে ব্যক্তি আমাতে দৃঢ়ভক্তি লাভ করেন। হে উদ্ধব! সে ব্যক্তি অচলা ভক্তি সহযোগে সর্বলোক মহেশ্বর ও সকলের সৃষ্টি-স্থিতি-প্রলয়ের কারণ পরব্রহ্মরূপে আমাকে প্রাপ্ত হইবেন।

ভাগঃ ১১।১৮।৪৩-৪৪।

অতএব, কর্ম বিচার সহকারী, ইহা সিদ্ধ হইল।

এই সূত্রের অর্থ আরও একটু গভীরভাবে পর্যালোচনা প্রয়োজন। মন্ত্রী রাজার সহকারী বটে। কিন্তু রাজকার্য্য নির্বাহের জন্য মন্ত্রীর আত্যন্তিক অপেক্ষা নাই। যদি মন্ত্রী কোনও কারণে সহকারিতায় অক্ষম হন, তাহা হইলে রাজাই মন্ত্রীর সহকারিতা ব্যতীত রাজকার্য্য সমাধা করিয়া থাকেন। মন্ত্রী থাকিলে রাজার কার্য্য পরিচালন অপেক্ষাকৃত সুকর হয় মাত্র। সেইরূপ কর্ম বিদ্যার সহকারী মাত্র। উহার আত্যন্তিক অপেক্ষা নাই। বিদ্যা একাকীই সমুদায় সমাধা করিতে সক্ষম। তবে কর্ম সহকারিতা করিলে স্বর্গাদি আনুষ্ঙ্গিক ফলপ্রাপ্তির কিঞ্চিৎ সুবিধা হয় মাত্র। কিন্তু উক্ত ফললাভ যে একান্ত প্রয়োজনীয়, তাহা নহে। ভক্তি বা বিদ্যা দ্বারা সমুদায় পুরুষার্থই লভ্য। উহা লাভ হইলে আর কিছু প্রাপ্তব্য অবশেষ থাকে না। যে যাহা কামনা করে, তাহা তা পাইয়া থাকেই, অধিকন্তু তাহাদের কামনার অতিরিক্ত মহান আশিষ লাভ করিয়া থাকে। প্রকৃতপক্ষে লব্ধবিদ্য ব্যক্তির কামনাই থাকে না। তাহা না থাকিলেও ভগবান স্বেচ্ছাবশতঃ স্বতঃ প্রণোদিত হইয়া উহাদের “ষোগ ক্ষেম” বহন করিয়া থাকেন।

যং ধর্মকামার্থবিমুক্তিকামা ভজন্তু ইষ্টাং গতিমাংগুবল্লি।

কিঞ্চাশিষোরাত্যপি দেহমব্যয়ং করোতু মেহদভ্রদয়ো বিমোক্ষণম্ ॥

ভাগঃ ৮।৩।১৯।

—ধর্ম, অর্থ, কাম ও মুক্তিকামী পুরুষগণ যাহার ভজনা করিয়া কেবল যে স্ব স্ব অভিলষিত ধর্মাদি প্রাপ্ত হন, তাহা নহে; তাহাদের অকামিত অন্যান্য আশিষ এবং অব্যয় দেহও যিনি স্বয়ং দান করেন, সেই অপার করুণাময় ভগবান্ আমার মোচন করিয়া দিন। ভাগঃ ৮।৩।১৯।

ভগবানে ভক্তি করিলে শুধু যে কামনানুসারে প্রাপ্তি হইয়া থাকে, তাহা নহে; অন্যান্য প্রাপ্তব্য সমুদায়ই লাভ হয়। তাহার জন্য অন্য

কর্মাতির অপেক্ষা নাই । তবে কর্ম সকল নিজ গৌরব বৃদ্ধির জন্যই ভক্তির বা বিচার অনুগামী হইয়া থাকে । বিদ্যা স্বতন্ত্র । ফলদানে কর্মের কোনও অপেক্ষা রাখেন না । ইহা সিদ্ধ হইল ।

ইহার প্রতি লক্ষ্য করিয়াই ভাগবত বলিয়াছেন :—

নৈতদ্বিজ্ঞায় জিজ্ঞাসোজ্ঞাতব্যমবশিষ্যতে ।

পীত্বা পীযুষমমৃতং পাতব্যং নাবশিষ্যতে ॥ ভাগঃ ১১।২৯।৩০

ইহার অর্থ ১।১।১ শ্লোকের আলোচনায় (পৃঃ ৮৬) দেওয়া হইয়াছে ।

বিদ্যা বা ভগবানে ভক্তি হইলেই যে সর্বার্থ সিদ্ধি হয়, তাহা ভগবান্ উদ্ধবকে উপলক্ষ্য করিয়া স্পষ্ট বলিয়াছেন :—

জ্ঞানে কর্মণি যোগে চ বার্তায়াং দণ্ডধারণে ।

যাবানর্থো নৃণাং তাত তাবাংস্তেহং চতুর্বিধঃ ॥ ভাগঃ ১১।২৯।৩১ ।

—জ্ঞান, কর্ম, যোগ, বার্তা ও দণ্ডনীতি প্রভৃতিতে মহুশ্যদিগের যে চতুর্বিধ অর্থলাভ হয়, তোমার সম্বন্ধে সে সমুদায়ই আমি ।

ভাগঃ ১১।২৯।৩১ ।

অতএব, বিদ্যা লাভ হইলে, অন্য কথায় ভগবৎপ্রাপ্তি হইলে, আর কিছু প্রাপ্তব্য থাকে না, এবং কর্মের কোনও অপেক্ষাও থাকে না ।

৭। সর্বধাধিকরণ ॥

“অনিষ্ঠ” বিধান সঙ্ঘে সিদ্ধান্ত প্রতিষ্ঠিত করিয়া সূত্রকার সম্প্রতি “পরিনিষ্ঠিত” সঙ্ঘে বিচারে অগ্রসর হইতেছেন। “পরিনিষ্ঠিত” সাধক ভগবদ্ভাবেই বিভোর। কিন্তু তাঁহারা লোক সমাজের অন্তর্ভুক্ত বা সন্নিকটস্থ থাকায়, “লোক সংগ্রহের” জন্য আশ্রম ধর্মও পালন করিয়া থাকেন। ইহা তৃতীয় অধ্যায়ের চতুর্থ পাদের প্রারম্ভে উল্লিখিত হইয়াছে।

ভিত্তি :—

১। “আত্মক্রীড়া আত্মরতিঃ ক্রিয়াবানেষ ব্রহ্মবিদ্যাং বরিষ্ঠঃ ॥”

(মুণ্ডক, ৩।১।৪)।

—তিনি আত্মাতেই ক্রীড়া করেন, আত্মাতেই রমণ করেন, ক্রিয়াবান্ এবং ব্রহ্মবিদ্যাগণের শ্রেষ্ঠ। (মুণ্ডক, ৩।১।৪)।

২। “যস্মিন্ দ্যৌঃ পৃথিবী চাশুরিকম্

ওতং মনঃ সহ প্রাণৈশ্চ সর্বৈঃ ।

তমেবৈকং জানথ আত্মানম্ অত্মা,

বাচো বিমুক্তামৃতশ্চৈষসেতুঃ” ॥

(মুণ্ডক, ২।২।৫)।

—দ্যু্যলোক, পৃথিবী, আকাশ এবং সমস্ত করণ বর্গের সহিত মনঃ যে অক্ষরে প্রোত (সম্বন্ধ) রহিয়াছে, হে শিষ্যগণ! কেবল সেই আত্মাকেই জানিবে, অপর সমস্ত বাক্য ত্যাগ কর। ইনিই অমৃত বা মোক্ষ লাভের সেতু বা প্রাপ্তির উপায়। (মুণ্ডক, ২।২।৫)।

৩। “তমেব ধীরো বিজ্ঞান্য প্রজ্ঞাং কুবর্ষীত ব্রাহ্মণঃ ।

নানুধ্যায়্যং বহুঙ্কান্ বাচো বিগ্রাপনং হি তৎ” ॥

(বৃহদারণ্যক, ৪।৪।২১)।

—ধীর ব্রাহ্মণ, শাস্ত্র ও আচার্য্যোপদেশ হইতে সেই আত্মাকেই উত্তমরূপে অবগত হইয়া, তদ্বিষয়ে প্রজ্ঞালাভ করিবে, অর্থাৎ অপরোক্ষজ্ঞান লাভ করিবে। বহুতর শব্দ চিন্তা করিবে না, তাহাতে কেবল বাগিঞ্জির অবসাদ জন্মিয়া থাকে মাত্র।

(বৃহৎ, ৪।৪।২১)

৪। “মহাত্মানস্তু মাং পার্থ দৈবীং প্রকৃতিমাত্মিতাঃ ।

•ভক্তস্ত্যানন্যমনসো জ্ঞাত্বা ভূতাদিমব্যয়ম্” ॥ (গীতা, ৯।১৩)

“সততং কীর্তয়ন্তো মাং যতস্তশ্চ দৃঢ়ব্রতাঃ ।

নমস্তস্তশ্চ মাং ভক্ত্যা নিত্যযুক্তা উপাসতে ॥” (গীতা, ৯।১৪)।

—হে পার্থ! দৈবী প্রকৃতি আশ্রিত মহাত্মাগণ অনন্যচিত্ত হইয়া, সর্বভূতের কারণ নিত্য স্বরূপ আমাকে ভজনা করেন। কেহ সতত স্তোত্র-মন্ত্র নামাদির কীর্তন করিয়া, কেহ দৃঢ় ব্রত ধারণ করতঃ যত্ববান্ হইয়া, কেহ ভক্তি সহকারে নমস্কার করিয়া, কেহ বা অনবরত অবহিত চিত্ত হইয়া আমার উপাসনা করে।

(গীতা ৯।১৩-১৪)

সংশয় :—মুণ্ডক শ্রুতির ৩।১।৪ মন্ত্রে “পরিমিষ্ঠিত” সম্বন্ধে আত্মকীড়, আত্মরতি ও ক্রিয়াবান্ তিনটি বিশেষণ দৃষ্ট হয়। আবার, “পরিমিষ্ঠিত” লোক-সংগ্রহের জন্য আশ্রমধর্ম পালন করিয়া থাকেন, ইহাও তুমি একাধিকবার বলিয়াছ। সূত্রের শ্রুতিপ্রমাণানুসারে এবং তোমার উক্তি অনুসারে “পরিমিষ্ঠিতের” পক্ষে ভগবৎপ্রীতির জন্য ও নিজের ভজনানন্দের জন্য ভগবৎধর্ম এবং লোক সংগ্রহের জন্য আশ্রমধর্মও করণীয় পাওয়া গেল। শ্রুতিতে একই মন্ত্রে উহাদের উল্লেখ থাকায়, উহারা উভয়ই কি এককালে করণীয়? এককালে উভয়ের যুগপৎ অনুষ্ঠানের সম্ভাবনা না থাকায় এবং উভয়ের পৌর্কোপর্য্য সম্বন্ধেও কোনও কিছু স্পষ্ট উল্লেখ না থাকায় উহা অনির্দিষ্টই রহিয়া যাইতেছে। ইহার সমাধান কি? আশ্রমধর্মই মুখ্যভাবে করণীয় বলিয়া মনে হয়। ইহার উত্তরে সূত্র :—

•সূত্র :—৩।৪।৩৪ ।

সর্বথাপি ত এবোভয়লিঙ্গাৎ ॥ ৩।৪।৩৪ ॥

সর্বথা + অপি + তে + এব + উভয়লিঙ্গাৎ ॥

সর্বথা :—সর্বপ্রকারে। •অপি :—ও। তে :—সেই সকল ভগবৎকৃষ্ণ কীর্তনাদি। এব :—নিশ্চয়ই। উভয়লিঙ্গাৎ :—শ্রুতি ও স্মৃতি উভয় প্রমাণ হেতু।

৬ যুগক শ্রুতির ২।২।৫, বৃহদারণ্যক শ্রুতির ৪।৪।২১ মন্ত্রের প্রমাণানুসারে এবং শ্বতীর (গীতার) ৯।১৩-১৪ শ্লোকের বলে সিদ্ধান্ত স্বতঃই প্রতিষ্ঠিত হয় যে, আশ্রম ধর্ম পালন করিবার আবসরের অপেক্ষা না করিয়া—ভগচ্ছ্ৰবণ কীর্তনাদি ধর্মই সকল প্রকারে করণীয়। উহার অন্য সময় অভাবে আশ্রমধর্ম প্রতিপালন না করিলে কোনও প্রত্যবায় হয় না। যদি ভগবদ্ব্যর্থ প্রতিপালন করিয়া অবসর থাকে, তাহা হইলে আশ্রমধর্ম গৌণভাবে পালন করা প্রয়োজন।

এ সম্বন্ধে ভাগবত বলিতেছেন :—

শৃণ্বন্তি গায়ন্তি গৃণন্ত্যভীক্ষশঃ

স্মরন্তি নন্দন্তি তবেহিতং জনাঃ ।

ত এব পশ্যন্ত্যচিরেণ তাবকং

ভবপ্রবাহোপরমং পদান্বজম্ ॥ ভাগঃ ১।৮।৩৫ ।

—যে সকল ব্যক্তি তোমার চরিত্র শ্রবণ, গান, বা উচ্চারণ অথবা সর্বদা স্মরণ করেন, কিম্বা অন্ত্রে কীর্তনাদি করিলে ষাঁহাদের আনন্দ হয়, তাঁহারা অচিরেই অন্য পরম্পরা নিবারণক তোমার চরণাবিন্দু দেখিতে পান। ভাগঃ ১।৮।৩৫ ।

শ্রীভগবান্ নিজমুখেই বলিতেছেন :—

জ্ঞানিনস্তহমেবেষ্টঃ স্বার্থো হেতুশ্চ সম্মতঃ ।

স্বর্গ শ্চৈবাপবর্গশ্চ নান্তোহর্থো মদৃতে পিয়ঃ ॥ ভাগঃ ১।১।১২.২ ।

—জ্ঞানীগণের আমিই ইষ্ট, স্বার্থসাধন হেতু স্বর্গ ও অপবর্গরূপে সম্মত ; অতএব, আমি ব্যতীত তাঁহাদিগের প্রিয় পদার্থ আর কিছুই নাই।

ভাগঃ ১।১।১২.২ ।

তপস্তীর্থং জপো দানং পবিত্রাণীতরাণি চ ।

নালং কুর্বন্তি তাং শুদ্ধিঃ যা জ্ঞান কুলয়া কৃতা ॥ ভাগঃ ১।১।১২।৪ ।

—তপস্তা, তীর্থসেবা, জপ, দান, অথবা অন্য কোনও পবিত্র কর্ম তাদৃশ শুদ্ধি জন্মাইতে সমর্থ হয় না, জ্ঞানের লেশ মাত্র যাদৃশ শুদ্ধি জন্মায়।

ভাগঃ ১।১।১২।৪ ।

তস্ম্যাক্ জ্ঞানেন সহিতং জ্ঞাত্বা স্বাত্মানমুদ্বব।

জ্ঞানবিজ্ঞানসম্পন্নো ভক্ত মাং ভক্তিভাবিতঃ ॥ ভাগঃ ১১।১২।৫।

—অন্তএব, হে উদ্বব! জ্ঞাননিষ্ঠার সহিত আত্মাকে জানিয়া, অন্ত সমুদায় পরিত্যাগ পূর্বক জ্ঞানবিজ্ঞান সম্পন্ন হইয়া ভক্তিভাবে আমাকে ভজনা কর। ভাগঃ ১১।১২।৫।

উপসংহারে বলিতেছেন :—

যৎ কৰ্ম্মভিৰ্ব্ৰতপসা জ্ঞানবৈরাগ্যতশ্চ যৎ ।

যোগেন দানধৰ্ম্মেণ শ্রেয়োভিরিতরৈরপি ॥ ভাগঃ ১১।২০।৩২।

সৰ্ব্বং মন্তুক্তিযোগেন মন্তুক্তো লাভতেহ্ৰস।

• স্বৰ্গাপবৰ্গং মদ্ধাম কথঞ্চিৎ যদি বাঙ্কতি ॥ ভাগঃ ১১।২০।৩৩।

—কৰ্ম্ম, ব্রতপশা, জ্ঞান, বৈরাগ্য, যোগ, দান, ধৰ্ম্ম দ্বারা, অথবা তীৰ্থযাত্রা, ব্রতাদি শ্রেয়ঃসাধন দ্বারা যাহা কিছু লাভ হয়, আমার ভক্ত মনুষ্যক ভক্তিযোগ দ্বারা এ সমুদায় অনায়াসে লাভ করেন, এবং বাঙ্কামাত্র করিলেই স্বৰ্গ, অপবৰ্গ (মুক্তি) বা মদীয় সালোক্য পর্য্যন্তও লাভ করিতে পারেন। ভাগঃ ১১।২০।৩২-৩৩।

সুতরাং, প্রতিপাদিত হইল যে, ভগবদ্বৰ্ম্মই মুখ্যরূপে সৰ্ব্বাঙ্গে সৰ্ব্ব প্রকারে এবং সৰ্ব্বতোভাবে করণীয়; এবং আশ্রমধৰ্ম্ম পালন গৌণ মাত্র।

[শ্রীমদ্ বলদেব এই সূত্রটির পাঠ “সৰ্ব্বথাপি তু ব্রবোত্তয়লিঙ্গাৎ” করিয়াছেন। আমরা শঙ্কর, রামানুজ, মধ্ব এবং বল্লভকৃত পাঠ গ্রহণ করিয়াছি। অর্থের বৈলক্ষণ্য নাই, বলাই বাহুল্য।]

সূত্রকার অপর একটি পোষক কারণ দেখাইতেছেন :—

ভিত্তি :—

“নৈনং পাপ্না তরতি, সর্বং পাপ্নানং তরতি, নৈনং পাপ্না তপতি,
সর্বং পাপ্নানং তপতি, বিপাপো বিরজোহবিচিকিৎসো ব্রাহ্মণে
ভবতি” । (বৃহদারণ্যক, ৪।৪।২৩) ।

—পাপ বা পুণ্য তাঁহাকে প্রাপ্ত হয় না, পরন্তু তিনি সমস্ত পাপ পুণ্য
অতিক্রম করেন । কোনও পাপ কর্ম তাঁহাকে তাপ দেয় না, পরন্তু তিনি
সমস্ত পাপকে তাপ দিয়া থাকেন । ব্রাহ্মণ (ব্রহ্মবিৎ) পাপ পুণ্য রহিত
এবং রজোগুণ ও ফলকামনা বর্জিত হন । (বৃহ, ৪।৪।২৩) ।

সূত্র :—৩।৪।৩৫ ।

অনভিভবঞ্চ দর্শয়তি ॥ ৩।৪।৩৫ ॥

অনভিভবং + চ + দর্শয়তি ॥

অনভিভবং :—অপরাভব । চ :—ও । দর্শয়তি :—শ্রুতি প্রদর্শন
করেন ।

শিরোদেশে উক্ত শ্রুতিমন্ত্র হইতে স্পষ্ট প্রতীয়মান হইবে যে, “পরিমিত্তিত”
বিদ্বান্ ব্যক্তির ভগবচ্চরণ, কীর্তন প্রভৃতির অনুরোধে যদি আশ্রমধর্ম প্রতিপালিত
না হয়, তাহাতে তাঁহার অভিভব বা প্রত্যবায় হয় না । পাপ তাঁহাকে স্পর্শ
করিতে পারে না । অতএব, সিদ্ধান্ত হইল যে, ভগবৎকর্ম্মানুষ্ঠানই মুখ্য
এবং উহা সর্বতোভাবে করণীয় ।

এই প্রসঙ্গে পূর্বসূত্রালোচনায় উক্ত ভাগবতের ১।১।২০।৩২-৩৩ শ্লোক
দুটি দ্রষ্টব্য ।

আশ্রমধর্ম ও তৎবিহিত কর্ম্মানুষ্ঠানের মুখ্য উদ্দেশ্য ভগবানে ভক্তিলাভ ।
উহা প্রাপ্ত হইলে উক্ত কর্ম্মানুষ্ঠান আর একান্ত কর্তব্য নহে । লোকসংগ্রহের
অন্য অনুরোধিত মাত্র ।

তাবৎ কর্ম্মানি কুর্বাণীত ন নির্বিদ্যেত যাবতা ।

মৎ কথাশ্রবণাদৌ বা শ্রদ্ধা যাবন্ন জায়তে ॥ ভাগঃ ১।১।২০।৩ ।

—যাবৎকাল কৰ্মাদি বিষয়ে বিরক্তি না জন্মে, বা যতদিন আমার কথা শ্রমাদি বিষয়ে শ্রদ্ধা উপস্থিত না হয়, তাবৎকাল নিত্যনৈমিত্তিকাদি কৰ্ম করিবে। ০ ভাগঃ ১১।২০।২।

আজ্ঞারৈবং গুণান্ দোষান্ ময়াদিষ্টানপি স্বকান্।

ধৰ্ম্মান্ সংত্যজ্য যঃ সৰ্ব্বান্ মাং ভজেৎ সতু সন্তমঃ ॥

ভাগঃ ১১।১১।৩২।

৩।৪।২ সূত্রের আলোচনায় ইহার অর্থ দেওয়া হইয়াছে।

অতএব, পরিনিষ্ঠিত বিদ্বানের পক্ষে আশ্রমধৰ্ম প্রতিপালন একান্ত করণীয় নহে। ভগবৎকৰ্মানুষ্ঠান, অর্থাৎ ভগবদ্ভজনই মুখ্য কর্তব্য। ভগবদ্ ভজনের অনুরোধে আশ্রমধৰ্ম প্রতিপালন না করা শাস্ত্রে অনুমোদিত; তাহা শ্রুতি ও স্মৃতি প্রমাণের দ্বারা প্রতিপাদিত হইল। যদি ভগবদ্ভক্ত প্রমাদ বশতঃ কোনও নিষিদ্ধ কৰ্মের অনুষ্ঠান করিয়া বসেন, শ্রীভগবান তাহার জন্ত নিজেই সেই অপকৰ্মের অনুষ্ঠান জনিত পাপ বিনষ্ট করিয়া থাকেন।

স্বপাদমূলং ভক্ততঃ প্রিয়স্য ত্যক্তাগ্রভাবস্য হরিঃ পরেশঃ।

বিকৰ্ম যচ্চোৎপত্তিতং কথঞ্চিদ্ধুনোতি সৰ্বং হৃদি সন্নিবিষ্টঃ ॥

ভাগঃ ১১।৫।৩৮।

—নিজ পাদমূল ভজনকারী, অগ্রভাব রহিত, প্রিয় ভক্ত যদি কখনও প্রমাদ বশতঃ নিষিদ্ধ কৰ্মে পতিত হন, তাহা হইলে তাঁহার হৃদয়ে প্রবিষ্ট পরমেশ হরি তজ্জনিত সমুদায় পাপ বিনষ্ট করিয়া থাকেন।

ভাগঃ ১১।৫।৩৮।

যদি কুৰ্ব্যাৎ প্রমাদেন যোগী কৰ্ম বিগর্হিতম্।

যোগেনৈব দহেদংহো নাস্তত্তত্র কদাচন ॥ ভাগঃ ১১।২০।২৫।

—ভক্তি যোগী বা ভগবদ্ভক্ত যদি কখনও প্রমাদবশতঃ গর্হিত কৰ্ম আচরণ করিয়া ফেলেন, তাহা হইলে জ্ঞানাভ্যাস ও নামকীর্তনাদি দ্বারা পাপ হইতে মুক্ত হইবেন, অস্তি প্রায়শ্চিত্তাদি করিবেন না। ভাগঃ ১১।২০।২৫।

সুতরাং, সৰ্ব্বপ্রকারে প্রতিপাদিত হইল যে, গর্হিত কৰ্ম করিলেও যখন “পরিনিষ্ঠিত” বিদ্বানকে পাপ অভিভব করিতে পারে না, তখন ভগবদ্ ভক্তানুরোধে আশ্রমধৰ্ম প্রতিপালন না করিলে, (যাহা শাস্ত্রানু-

মোদিত), কোনও প্রকার প্রত্যবায় বা পাপ তাঁহাকে যে স্পর্শ করিবে .
৫ ;, তাহার আর কথা কি ?

আরও একটি বিশেষ প্রয়োজনীয় কথা । অভাব সম্পূর্ণের জগত্ই বিধি নিষেধের এবং আশ্রমধর্ম বিধানের উৎপত্তি । যে ব্যক্তি আত্মরতি, আত্ম-ক্রীড়া, আত্মারাম, আত্মানন্দ, তাহার ত কোনও অভাব বোধ নাই । চির-পূর্ণের সহিত ঘনিষ্ঠ সংমিলনে তিনিও পূর্ণত্বপ্রাপ্ত । তাঁহার অভাববোধ কোথা হইতে আসিবে ? সুতরাং বিধি-নিষেধ তাঁহার উপর প্রভাববান্ নহে । তাঁহার ইচ্ছা ও ভগবদিচ্ছার মধ্যে ব্যবধান নাই । সুতরাং শাস্ত্রীয় বিধি-নিষেধ, যাহা অভাব সম্পূর্ণের জগত্ ভগবদিচ্ছায় প্রবর্তিত, তাহা তাঁহার অভাব বোধ না থাকায়, অকরণে প্রত্যবায় নাই । ইচ্ছা করিলে তিনি পালন করিতে পারেন, না করিতেও পারেন । এমন কি, যদি কোনও গর্হিত কর্ম প্রমাদ বশতঃ তাঁহা কর্তৃক অনুষ্ঠিত হয়, ফলাভিসন্ধি না থাকায়, তাহার বন্ধনাদি নাই । এবং সেজন্য প্রায়শ্চিত্তাদিরও প্রয়োজন নাই ।

৮। বিধুরাধিকরণ ॥

ভগবানু সৃষ্টিকার এ পর্যন্ত আশ্রমধর্মাবলম্বী স্বনিষ্ঠ ও পরিনিষ্ঠিত সাধক গণের সম্বন্ধে পরীক্ষা শেষ করিয়া, এবং বিদ্যোৎপত্তির পর তাঁহারা ইচ্ছামত এবং অবসরমত আশ্রমধর্মাত্মস্থান করিতে পারেন, এবং ইচ্ছা বা অবসর না হইলে তদনুষ্ঠানে প্রত্যবার স্পর্শ করে না, এই সিদ্ধান্ত স্থাপন করিয়া অধুনা অনাশ্রমী নিরপেক্ষ সাধকগণ সম্বন্ধে বিচারে অগ্রসর হইতেছেন। বৃহদারণ্যক উপনিষদ্ পর্যালোচনা করিলে আমরা ব্রহ্মবিদ্ বাচস্পী গার্গী মহোদয়ার নাম পাই। তিনি বিবাহ করেন নাই। আজীবন কুমারী ছিলেন, কোনও আশ্রমের অন্তর্ভুক্তা ছিলেন না। বৃহদারণ্যক শ্রুতির ৩৮ প্রকরণে আমরা তাঁহাকে ব্রহ্মবিদ্ যাজ্ঞবল্ক্যকে “অক্ষর” সম্বন্ধে প্রশ্ন করিতে দেখিতে পাই। তাঁহার অধিগত ব্রহ্মবিদ্যার এ প্রকার গৌরব ছিল যে, তিনি নিজেই গর্ভ করিয়া রাজসভায় ব্রহ্মবিদ্ মণ্ডলীর সমক্ষে বলিয়াছিলেন, “হস্তাহমিমং হৌ প্রণৌ প্রক্ষ্যামি, তৌ চেম্মে বক্ষ্যতি ন বৈ জাতু যুস্মাকমিমং কশ্চিদ্ ব্রহ্মোদ্যং জেতেতি”। (বৃহঃ ৩।৮।১)। “হে ব্রাহ্মগণ ! আমি এই যাজ্ঞবল্ক্যকে দুইটি প্রশ্ন জিজ্ঞাসা করিব, যদি তিনি এই দুইটির উত্তর দিতে পারেন, তাহা হইলে আপনাদের মধ্যে কেহই ইহাকে ব্রহ্মবিদ্যা সম্বন্ধে পরাজিত করিতে পারিবেন না।” সমাগত ব্রহ্মবিদ্ ব্রাহ্মগণের মধ্যে এ প্রকার গর্ভ প্রকাশ, গার্গীর পক্ষে সামান্য গৌরবের কথা নহে। তিনি যে ব্রহ্মবিদগণের মধ্যে একজন প্রধানা ছিলেন, সে সম্বন্ধে সন্দেহ নাই।

ছান্দোগ্য উপনিষদে চতুর্থ অধ্যায়ে সংবর্গ বিদ্যোপদেশ প্রসঙ্গে “রৈক” নামা একজন ব্রহ্মবিদের উল্লেখ আছে। তিনিও একজন অনাশ্রমী নিরপেক্ষ অথচ ব্রহ্মবিৎ ছিলেন।*

শ্রুতিতে ও স্মৃতিতে এবং শ্রুত্যানুসারী পুরাণাদি শাস্ত্রে চারি আশ্রমের উল্লেখ আছে, এবং আশ্রমধর্মের অনুষ্ঠানে বিদ্যোৎপত্তি হইয়া থাকে, ইহা সূর্যোক্তরঃ কথিত আছে। সুতরাং অনাশ্রমীর পক্ষে ব্রহ্মবিদ্যোৎপত্তি সম্ভব কি না, ইহার বিচার আবশ্যিক বিধায় পরবর্তী অধিকরণের অবতারণা।

এই অধিকরণের নাম “বিধুরাধিকরণ”। “বিধুর” অর্থ দরিদ্র। এই সকল ব্যক্তি আশ্রমধর্ম প্রতিপালন সম্বন্ধে দরিদ্র বিধায়, এই অধিকরণ উক্ত নামে অভিহিত।

সংশয় :—শাস্ত্রে আশ্রমধর্মীর্নুষ্ঠান হইতে বিদ্যোৎপত্তি হয়, কথিত আছে। কিন্তু গার্গী, রৈক প্রভৃতি কোনও আশ্রমের অন্তর্ভুক্ত ছিলেন না, অথচ, তাঁহারা ব্রহ্মবিৎ বলিয়া শ্রুতিতে উল্লিখিত। অতএব, সংশয় হয় যে, আশ্রমধর্ম প্রতিপালন না করিলেও বিদ্যোৎপত্তি হয় কি না? সাধারণতঃ শাস্ত্রে দৃষ্ট হয় যে, আশ্রমোক্ত ধর্মীর্নুষ্ঠান না করিলে, বিদ্যোৎপত্তি হইতে পারে না। ইহার উত্তরে সূত্র :—

সূত্র :—৩।৪।৩৬।

অন্তরা চাপি তু তদৃষ্টেঃ ॥ ৩।৪।৩৬ ॥

অন্তরা + চ + অপি + তু + তৎ + দৃষ্টেঃ ॥

অন্তরা :—আশ্রম চতুষ্টয়ের বহির্ভূতদিগের। চ :—নিশ্চয়ে। অপি :—ও। তু :—কর্মীর্গ্রহ নিরসনার্থ। তদৃষ্টেঃ :—যেহেতু শ্রুতিতে তাহা দেখিতে পাওয়া যায়।

যাহারা কোনও আশ্রমের অন্তর্গত নহে, অনাশ্রমী, নিরপেক্ষ, তাহাদেরও নিশ্চয়ই ব্রহ্ম বিদ্যায় অধিকার আছে। কেননা, শ্রুতিতে ঐরূপই দেখিতে পাওয়া যায়। বৃহদারণ্যক শ্রুতির তৃতীয় অধ্যায়ে, এবং ছান্দোগ্য শ্রুতির চতুর্থ অধ্যায়ে যথাক্রমে বাচরুবা গার্গী এবং রৈক তাহার দৃষ্টান্তস্বল। তাঁহারা কোনও আশ্রমের অন্তর্ভুক্ত না থাকিয়াও ব্রহ্মবিৎ বলিয়া বিখ্যাত ছিলেন।

এখানে পূর্বপক্ষ পুনরায় আপত্তি উত্থাপন করিতেছেন, ভাল, এই যদি তোমার সিদ্ধান্ত, তাহা হইলে শ্রুতি ও স্মৃতি শাস্ত্রে যে আশ্রমধর্ম প্রতিপালন বিদ্যোৎপত্তির কারণ বলিয়া উল্লিখিত আছে, তাহার সহিত বিরোধ উপস্থিত হয়। ইহার কি সমাধান করিবে?

ইহার উত্তরে সিদ্ধান্তবাদীর বক্তব্য এই যে, বর্তমান জন্ম মানবের একমাত্র জন্ম নহে। ইহার পূর্বে কত শত শত জন্ম গত হইয়াছে। সেই সেই জন্মে আশ্রমধর্মাদি প্রতিপালনের দ্বারা চিন্তাশুদ্ধি সংসাধিত হইলে, বিদ্যোৎপত্তির পূর্বে যদি উক্ত জন্মের দেহ ধ্বংসপ্রাপ্ত হয়, তাহা হইলে তৎপর জন্মে মানব বিশুদ্ধ চিন্তা লইয়াই জন্ম গ্রহণ করে, এবং তাহাতে সামান্য কারণেই বিদ্যোৎপত্তি হইয়া থাকে। কেননা, বিদ্যোৎপত্তির পূর্বে যাহা যাহা প্রয়োজন, তাহা উক্ত ব্যক্তির প্রাগ্ভবীয় জন্মেই সম্পাদিত হইয়া গিয়াছে। বর্তমান

জন্মে সংস্কৃত মাত্রে বা কোনও বিশেষ বাক্য মাত্র শ্রবণে বৈরাগ্যের সহিত বিদ্যালান্ত হইয়া থাকে ।

কলিকাতার অধিবাসী স্বনামধন্য ধনী প্রাতঃস্মরণীয় লালাবাবুর জীবনে ইহার দৃষ্টান্ত স্পষ্ট দেখিতে পাওয়া যায় । লালাবাবু একজন বিখ্যাত ধনী সন্তান ছিলেন, ইহা অনেকেই অবগত আছেন । কলিকাতার কেন্দ্রস্থলে বৃহৎ অট্টালিকা, অতুল ঐশ্বর্য, বিস্তৃত জমিদারি, দাস, দাসী, গাড়ী, ঘোড়া প্রভৃতি ভোগোপকরণের প্রাচুর্যই তাঁহার ছিল । তিনি বাল্যকাল হইতে ভোগেই মগ্ন ছিলেন । সংস্কৃত বা শাস্ত্রালোচনার সৌভাগ্য তাঁহার হয় নাই । গাড়ী বা ঘোড়া চড়িয়া বৈকালিক ভ্রমণ তাঁহার অভ্যাস ছিল । সেই ভ্রমণের সময় তাঁহার অন্তরঙ্গ বন্ধু, সখা, চাটুকর প্রভৃতি তাঁহার অনুগমন করিতেন । একদিন ঐ প্রকার ভ্রমণের সময় কলিকাতার উপকণ্ঠে রাস্তার ধারে, একটি রজক বালিকা তাহার পিতাকে সন্বেদন করিয়া বলিল যে, “বাবা, বেলা গেল, বাস্নায় আগুন দিলি না” । তৎকালে সাবানের জন্ম হয় নাই । কলার বাস্নায় আগুন লাগাইয়া পোড়াইয়া ফার প্রস্তুত করিয়া তদ্বারা বস্ত্র ধৌত করা সে সময় প্রথা ছিল । সেইজন্য বালিকা তাহার পিতাকে বাস্নায় আগুন দিয়া ফার প্রস্তুত করিবার জন্ত ত্বর লাগাইতেছিল । লালাবাবু উহা শুনিয়া চমকিত হইয়া উঠিলেন । তাঁহার কর্ণে উহা যেন ভগবানের উপদেশ বাণী বলিয়া মনে হইল । তিনি মনে করিলেন, সত্যই ত বেলা গেল, ক্ষণে ক্ষণে পলে পলে আয়ুঃ ত ক্ষয় হইতেছে । আর কতদিন বা এ জীবন থাকিবে ? অতএব, বাস্নায় আগুন লাগাইবার সময় ত বহিয়া যাইতেছে । আর কামনা বাসনা লইয়া কতকাল বিষয়ের কীট হইয়া থাকিবে ? এই মনে করিয়া বাটীতে ফিরিয়াই অতুল রাত্ৰৈশ্বর্যাদি সমুদায় পরিত্যাগ করতঃ সন্ন্যাসী হইয়া বৃন্দাবনে গিয়া, “মাধুকরী” দ্বারা জীবন যাপন করিতে লাগিলেন, এবং দিবারাত্র সাধন ভজনে অতিবাহিত করিতে লাগিলেন । রজক-বালিকার অপূর্ব-চিস্তিত আকস্মিক উচ্চারিত একটি সাধারণ অপ্রাসঙ্গিক কথাই তাঁহার মনে বৈরাগ্য উৎপাদন করিল । যদি তাঁহার মনঃ পূর্ব হইতে প্রস্তুত না থাকিত, তাহা হইলে উক্ত বাণী কোনও কার্যকারী হইত না । আমরা ত ও প্রকার কত কথাই কত সময়ে শুনি, তাহাতে ত আমাদের মনে বিক্ষেপ উপস্থিত হয় না । আবার লালাবাবু বর্তমান জন্মে ততদিন পর্য্যন্ত এমন কোনও সাধন ভজনের কার্য করেন নাই, যাহা দ্বারা তাঁহার মনঃ এই জন্মেই প্রয়োজন মত গঠিত হওয়া সম্ভব

হইত। অতএব, পূর্ব জন্মের সাধন ভজন ছিল বলিয়া ঐরূপ হইয়াছে, ইহা মার্শিতেই হইবে। নতুবা, কার্য্যকারণ শৃঙ্খলা অব্যাহত থাকে না।

অপ্রাসঙ্গিক এক কথাতেই কি প্রকারে মনের এই রকম আয়ুল পরিবর্তন হওয়া সম্ভব, তাহা আমরা অন্য প্রকারে বুঝিতে চেষ্টা করিব। 'ঐহারা রাসায়নিক বিজ্ঞা (chemistry) আলোচনা করিয়াছেন, তাঁহারা জানেন যে, অনেক রাসায়নিক পদার্থ ক্ষটিকে (in crystals) পরিণত হয়। ইংরাজীতে ইহাকে crystallisation বলে। লবণ, সোরা, কটকিরি প্রভৃতি অনেক দ্রব্যের নাম করা যাইতে পারে। সাধারণতঃ, আমরা যে মিছরি ব্যবহার করি, তাহাও দানা বাঁধে, আমরা জানি। এই দানা বাঁধাই ক্ষটিকে পরিণতি। ঐহারা রাসায়নিক পরীক্ষাগারে এই ক্ষটিকে পরিণতি সম্বন্ধে পরীক্ষা করিয়াছেন, তাঁহারা জানেন যে, উক্ত পরিণতির জন্য যতকিছু অগ্রিম প্রয়োজনীয়, তৎসমুদায় সম্পূর্ণরূপে সম্পূর্ণিত হইলেও ক্ষটিক পরিণতি সংঘটিত হয় না। তাহাতে অনেক সময় ধৈর্য্যচ্যুতি ঘটয়া থাকে। কিন্তু সেই সময়ে কোনও ব্যক্তির আকস্মিক আগমনে বায়ু প্রবাহে যে সামান্য বিক্ষেপ উপস্থিত হয়, তাহার ঈষৎ স্পন্দনে, একটি বালুকা কণার আকস্মিক পতন জনিত অত্যন্ত আন্দোলনে, প্রখাস পতনের অত্যন্তমাত্র কম্পনে, পরীক্ষাপাত্রস্থিত সমুদায় রাসায়নিক দ্রব্য পলক মাত্রে ক্ষটিকে পরিণত হইয়া যায়। উক্তরূপ সামান্য বিক্ষেপের বায়ু স্পন্দনের প্রয়োজনীয়তা কি, বৈজ্ঞানিক তাহার কোন কারণ দর্শাইতে পারেন না। কিন্তু ইহা প্রত্যক্ষের ব্যাপার; অস্বীকার করিবার উপায় নাই।

অন্তর্জগতেও সেই একই নিয়ম। বিদ্যোৎপত্তির অগ্রিম প্রয়োজনীয় সমুদায় যথাযথ সংঘটিত হইলেও, বিদ্যোৎপত্তি হইতে কত জন্ম কাটিয়া যায়; কেন যায়, তাহা বিজ্ঞা ঐহারা এবং যিনি বিদ্যা, তিনি ভিন্ন আর কেহ বলিতে পারে না। আবার এক সময়ে আকস্মিক কোনও সাধু ব্যক্তির সংস্পর্শে, বা কোনও অপ্রাসঙ্গিক বাক্য শ্রবণে, বিদ্যোৎপত্তি ঘটয়া থাকে। যেমন লালাবাবুর দৃষ্টান্তে আমরা দেখিলাম। ৬ রামকৃষ্ণ পরমহংস দেবের পুঁথিগত বিদ্যা অত্যন্তমাত্রই ছিল। কিন্তু তিনি এক জীবনে সাধনার উচ্চতম স্তরে আরোহণ করিয়া জীবনুক্ৰম ব্রহ্মবিৎ হইয়াছিলেন। পূর্ব জন্মের স্বকৃতি ছিল বলিয়াই ইহা সম্ভব হইয়াছিল। কত শত মানব শাস্ত্রালোচনায় বহু পরিশ্রম করিয়া এবং সমুদায় জীবন সাধন ভজন করিয়াও তাঁহার পদরেণুর উপযোগিতা লাভ করিতে পারে না। তবে সাধনা এই যে, "ন হি কল্যাণকুৎ কশ্চিৎ দুর্গতিং তাত গচ্ছতি" (গীতা, ৬।৪০) —কিছুইবিধলে যায় না।

সমুদায়ই সন্ধে সন্ধে থাকে, এবং পর পর উন্নতির সোপান গঠিত করে।
এক অঙ্গে না হইলে তাহাতে হতাশ হইবার প্রয়োজন কি? আত্মা অগ্নিনন্দন,
কালও অনন্ত। প্রাপ্য পরমাত্মাও নিত্য। স্তত্রাং নিরাশ হইবার কি আছে?
মানবের অধিকারে যাত্র চেষ্টা। সেই চেষ্টাটুকু সাধুভাবে করিতে পারিলেই
হইল। তাহাতে আত্মপ্রবন্ধনা না থাকে। ইহা হইলেই ফল আপনাপনিই
হইবে। উতলা হইলে চলিবে কেন?

এ সম্বন্ধে ভাগবত বলিতেছেন :—

ন যতেরাশ্রমঃ প্রায়ো ধর্ম্মহেতুর্মহাত্মনঃ ।

শাস্ত্রস্য সমচিত্তস্য বিভ্রান্তত বা ত্যজেৎ ॥ ভাগঃ ৭।১৩।৮ ।

অব্যক্তলিপ্তো ব্যক্তার্থো মনীষ্যামস্ত বালবৎ ।

কবির্মুকবদাত্মানং স্বদৃষ্ট্যা দর্শয়েন্নৃণাম্ ॥ ভাগঃ ৭।১৩।৯ ।

—শাস্ত্র ও সমচিত্ত পুরুষের আশ্রম ধর্ম্মার্থ হয় না। যাবৎ জ্ঞানোৎপত্তি
না হয়, তাবৎ সঙ্কল্প নিমিত্ত যম ও নিয়ম আচরণ পূর্বক জ্ঞানোৎপত্তি
বিষয়ে যত্ন করিবেন। জ্ঞান উৎপন্ন হইলে নিয়মাদির আবশ্যকতা নাই।
তৎকালে, ইচ্ছা হয়, লোক সংগ্রহার্থ ধারণ করিবেন, ইচ্ছা না হয়, পরিত্যাগ
করিবেন। বাহিরে তাঁহার কোনও চিহ্ন ব্যক্ত হইবে না। কেবল
আপনার প্রয়োজন বা আত্মানুসন্ধান ব্যক্ত হইবে। মনীষী হইয়াও
আপনাকে উন্নত বালকের ন্যায় দেখাইবেন। স্বয়ং পণ্ডিত হইয়াও
● লোকদিগের সমক্ষে আপনাকে মুকের ন্যায় প্রকাশ করিবেন।

ভাগঃ ৭।১৩।৮-৯ ।

ভাগবতের ১।১৮।২৭-২৮ শ্লোকও দ্রষ্টব্য। উক্ত দুটি শ্লোক ও তাহাদের
অর্থ ৩।৪।১৭ শ্লোকের আলোচনায় প্রদত্ত হইয়াছে।

সূত্র :— ৩।৪।৩৭ ।

অপি স্মর্য্যতে ॥ ৩।৪।৩৭ ॥

অপি + স্মর্য্যতে ॥ . .

অপি :—ও । স্মর্য্যতে :—স্মৃতি শাস্ত্রেও উক্ত আছে।

স্মৃতিতেও উক্ত আছে যে, সংসার সমুদায় পাপ বিধৃত করিয়া বিদ্যা উৎপাদন
করিয়া থাকে। যথা, ভাগবতে আছে :—

পিবন্তি যে ভগবত আশ্বনঃ সতাং

কথামৃতং শ্রবণপুটেষু সম্ভৃতম্ ।

পুনস্তি তে বিষয়দূষিতাশয়ং

ব্রজন্তি তচ্চরণসরোরুহাস্তিকম্ ॥

ভাগঃ ২।২।৩৭ ।

—ভগবান্ হরি ভক্তগণের আশ্বরূপ প্রিয়তম । তাঁহার কথারূপ অমৃত শ্রবণপুটে স্থাপন করিয়া যে সকল ব্যক্তি পান করেন, তাঁহাদের অস্তঃকরণ বিষয় সেবার দ্বারা দূষিত হইলেও, তাঁহারা তাহা শুদ্ধ করিয়া শ্রীবিষ্ণুর পরম পদ প্রাপ্ত হবেন । ভাগঃ ২।২।৩৭ ।

সৎসংসর্গের অপার মহিমা ভাগবতের ৫।১২।১২ শ্লোকে সুস্পষ্ট ভাবে কথিত আছে ।

রহুগণৈতৎ তপসা ন যাতি

নচেজ্যয়া নির্বপণাদগৃহাদা ।

ন চ্ছন্দসা নৈব জলাগ্নিসূর্যো-

র্বিণা মহৎপাদরজোহভিষেকম্ ॥ ভাগঃ ৫।১২।১২

—হে রহুগণ । এই প্রকার জ্ঞান মহাপুরুষদিগের চরণরজের অভিষেক ব্যতিরেকে তপস্যা, বা বৈদিক কৰ্ম, কিম্বা অন্নাদি সংবিভাগ, অথবা গৃহস্থধর্মার্থ পরোপকার, কিম্বা বেদাভ্যাস, অথবা জল, অগ্নি, সূর্যের উপাসনা কিছুতেই প্রাপ্ত হইতে পারে না ।

ভাগঃ ৫।১২।১২ ।

ভগবদ্ভক্ত সাধুব্যক্তির সঙ্গ বডই তুল্য । ইহার সহিত স্বর্গ, মোক্ষ প্রভৃতির তুলনা হয় না ।

তুলয়াম লবেনাপি ন স্বর্গং নাপুনর্ভবম্ ।

ভগবৎসঙ্গিসঙ্গস্ত মর্ত্যানাং কিমুতাশিষঃ ॥

ভাগঃ ১।১৮।১৩, ৪।৩০।৩৩, ৪।২৪।৫৮ ।

ভগবান্ নিজেই বলিষাছেন যে, তিনি নিরপেক্ষ, শাস্ত, নির্বৈর, সমদর্শন মূনিব্যক্তির অহুগমন করিয়া থাকেন, এবং তাঁহাদিগের চরণরেণু স্পর্শে নিজের শুদ্ধি সম্পাদন করেন এবং তদ্বারা তাঁহার অন্তর্কর্তী ব্রহ্মাণ্ডগণও পবিত্রীকৃত হইয়া থাকে । অহো ! ভক্তবৎসলতা ॥

নিরপেক্ষং মুনিং শাস্তং নিৰ্বেৰং সমদৰ্শনম্ ।

অমূৰ্জাম্যহং নিত্যং পুয়েয়েত্যজিষু রেণুভিঃ ॥ ভাগঃ ১১।১৪।১৫

এই নিরপেক্ষ ভক্তদিগের যে স্বখ, তাহা মোক্ষাপেক্ষি অন্য ভক্তগণের অন্ত নহে ।

নিষ্কিঞ্চনা মযানুরক্তচেতসঃ

শাস্তা মহাস্তোহখিলজীববৎসলাঃ ।

কামৈরনালকধিয়ো জুষন্তি তে

যন্নৈরপেক্ষ্যং ন বিহুঃ সুখং মম ॥

ভাগঃ ১১।১৪।১৬

—অকিঞ্চন, আমাতে অমুরক্ত চিত্ত, শাস্ত, মহান্, অখিল জীব-বৎসল কামনা দ্বারা অস্পৃষ্ট হৃদয় মদ-ভক্ত ব্যক্তির। যে স্বখ ভোগ করেন, তাহা তাঁহারাই জানেন। সেই স্বখ নিরপেক্ষ ভক্তগণেরই লভ্য ; অন্য মোক্ষাপেক্ষী জনগণ তাহা জানিতেও পারে না ।

ভাগঃ ১১।১৪।১৬ ।

তাঁহারা নিষ্কিঞ্চন—অর্থাৎ কিছুই আকাঙ্ক্ষা করেন না বলিয়া, কোনও প্রকার সুখের প্রত্যাশা বা আকাঙ্ক্ষা করেন না বলিয়া, ভগবান স্বতঃপ্রবৃত্ত হইয়া তাঁহাদের সৰ্ব্বশ্রেষ্ঠ, নিরতিশয়, পরমস্বখ বিধান করেন ।

• অতএব, প্রতিপাদিত হইল যে, নিরপেক্ষ সাধক ব্রহ্মবিচার অধিকারী, এবং তাঁহাদের মধ্যে কেহ কেহ এত মহান্ যে, ভগবান্ও তাঁহার চরণরেণু প্রার্থনা করেন ।

সূত্র :—৩।৪।৩৮ ।

বিশেষানুগ্রহঃ ॥ ৩।৪।৩৮ ॥

বিশেষানুগ্রহঃ + চ, ॥

• বিশেষানুগ্রহঃ :—অনাশ্রয়ী নিরপেক্ষ ভক্তগণের প্রতি বিশেষ কৃপা ।

চ :—৩ ।

যাহারা সমুদায় পরিত্যাগ করিয়া এবং কিছু আকাঙ্ক্ষা না করিয়া শ্রীভগবানের চরণমাত্র আশ্রয় করেন, তাঁহাদিগের প্রতি ভগবানের বিশেষ দয়া দেখিতে পাওয়া যায়।

ভাগবত ইহা স্পষ্টই বলিয়াছেন :—

যেষাং স এষ ভগবান্ দয়য়েদনন্তঃ

সর্বাঅনাশ্রিতপদো যদি নির্ব্যলীকম্ ।

তে ছুস্তরামতিতরন্তি চ দেবমায়াং

নৈবাং মমাহমিতি ধীঃ স্বশৃগালভক্ষ্যে ॥

ভাগঃ ২।৭।৪১ ।

ইহার অর্থ ২।৩।৪২ সূত্রের আলোচনায় (পৃঃ ১০৩৮) পূর্বে দেওয়া হইয়াছে ।

অহং ভক্তপরাধীনো হৃদয়তন্ত্র ইব দ্বিজ ।

সাধুভিত্তিস্তহৃদয়ো ভক্তৈর্ভক্তজনপ্রিয়ঃ ॥ ভাগঃ ৯।৪।৪৬ ।

নান্মাত্মানমাশাসে মন্তুর্ভক্তৈঃ সাধুভির্বিনা ।

শ্রিয়ত্যাগাত্মিকীং ব্রহ্মান্ যেষাং গতিরহং পরা ॥ ভাগঃ ৯।৪।৪৭ ।

যে দারাগারপুত্রাপুপ্রাণান্ বিস্তমিমং পরম্ ।

হিহা মাং শরণং যাতাঃ কথং তাংস্ত্যক্তুমুৎসহে ।

ময়ি নির্বন্ধহৃদয়াঃ সাধবঃ সমদর্শনাঃ ।

বশে কুর্বন্তি মাং ভক্ত্যা সৎস্কিয়ঃ সৎপতিং যথা ॥ ভাগঃ ৯।৪।৪৮ ।

—শ্রীভগবান দুর্ভাসা ঋষিকে বলিতেছেন :—হে দ্বিজ ! আমি ভক্ত-
পরাধীন । সূতরাং অস্বতন্ত্রের তুল্য । ভক্তগণ আমার প্রিয় । সাধুগণ
আমার হৃদয় গ্রাস করিয়া অবস্থান করিতেছেন । যে সকল ভক্তের আমিই
পরাগতি, সেই সমস্ত সাধুভক্তজন ব্যতীত আমি আপনার আত্মাকে
এবং আত্মাত্মিকী শ্রীকেও ভালবাসি না । ফলতঃ, যাহারা পুত্র, কলত্র,
গৃহ, স্বজন, ধন, প্রাণ, ইহলোক, পরলোক সমুদায় পরিত্যাগ করিয়া
আমার শরণাপন্ন আমি তাহাদিগকে 'ফি' প্রকারে পরিত্যাগ করিতে
পারি ? সর্বত্র সমদর্শী সাধু পুরুষেরা আমার প্রতি স্ব স্ব হৃদয় বন্ধন
করিয়া, যেমন সাধ্বী স্ত্রী সৎপতিকে বশীভূত করে, তাহার ন্যায় 'আমাকে
স্ব স্ব বশতাপন্ন করিয়াছে । ভাগঃ ৯।৪।৪৬-৪৭-৪৮ ।

৯। ইতরাধিকরণ ॥

ভিত্তি !—

“তন্নিগ্ধকুমুত নীলমাহঃ পিঙ্গলং হরিভং লোহিতংচ ।

এষ পস্থা ব্রহ্মণা হানুবিষ্টস্তেনৈতি ব্রহ্মবিৎ পুণ্যকুৎ তৈজসশ্চ ॥”

(বৃহদারণ্যক, ৪।৪।৯) ।

—ভিন্ন ভিন্ন লোক নিজ নিজ জ্ঞান অনুসারে পুর্বোক্ত মোক্ষসাধন পথে উক্ত (বিস্ক, নিশ্চল), নীল, পিঙ্গল, হরিৎ ও লোহিতবর্ণ বর্ণনা করিয়া থাকেন । এই পথটি ব্রহ্মের সহিত সঘন । পুণ্যকর্ম দ্বারা উচ্চচিত্ত ব্রহ্মবিৎ পুরুষ তেজোময় ব্রহ্মে আত্মভাব স্থাপন করিয়া, ঐ ব্রহ্মপথে গমন করেন, অর্থাৎ মোক্ষপ্রাপ্ত হন । (বৃহঃ ৪।৪।৯)

সংশয় :—নিরোদেশে উক্ত শ্রুতিতে “পুণ্যকুৎ” শব্দ রহিয়াছে । উহার অর্থ, যে সাধক আপন আশ্রমধর্ম প্রতিপালন দ্বারা পুণ্য সঞ্চয় করিয়াছেন, তিনিই “পুণ্যকুৎ” এবং তিনিই সহজে মুক্তিলাভ করিয়া থাকেন । শ্রীমদ্ভাগবতও এই কথাই বলিয়াছেন :—

গৃহং বনং বা প্রবিশেৎ প্রব্রজেদ্বা দ্বিজোত্তমঃ ।

আশ্রমাদাশ্রমং গচ্ছেন্নানুষ্ঠা মৎপরশ্চরেৎ ॥ ভাগঃ ১১।১৭।৩২ ।

—তিনি যদি সকাশ হন, গৃহে থাকিবেন, নিষ্কাম হইলে বনে প্রবেশ করিবেন, আর যদি মৎপর দ্বিজোত্তম হইতে ইচ্ছা করেন, তবে প্রব্রজ্যা অবলম্বন করিবেন । যে প্রকারেই হউক, আশ্রম হইতে আশ্রমান্তরে গমন করিবেন, অনাশ্রমী প্রতিলোমাচরণ করিবেন না । ভাগঃ ১১।১৭।৩২

তোমার সিদ্ধাস্তমত আশ্রমী যাজ্ঞবল্ক্য প্রভৃতি এবং অনাশ্রমী গার্গী প্রভৃতি ব্রহ্মবিদ্যা লাভে সমর্থ হইয়াছিলেন, দেখা গেল বটে । তথাপি শ্রুতি, স্মৃতি পুর্য্যালোচনা করিলে নিরপেক্ষভাবে অবশ্যই বলিতে হইবে যে, অনাশ্রমী নিরপেক্ষ অপেক্ষা, আশ্রমী স্বনিষ্ঠ ও পরিনিষ্ঠিত শ্রেষ্ঠ । কারণ, আশ্রমী দ্বিবিধ কর্তব্য সম্পাদন করেন, আশ্রমধর্ম যথাযথ পালন করেন এবং ব্রহ্মবিদ্যাও লাভ করেন । অনাশ্রমী মাত্র ব্রহ্মবিদ্যা লাভ করেন, আশ্রমধর্ম পালন করেন না । সুতরাং আশ্রমীই শ্রেষ্ঠ হইল না কি ? ইহার উত্তরে সূত্র :—

সূত্র :— ৩।৪।৩৯ ।

অতত্ত্বিতরজ্জ্যায়ো লিঙ্গাচ্চ ॥ ৩।৪।৩৯ ॥

অতঃ + (তু) + ইতরৎ + জ্যায়ঃ + লিঙ্গাৎ + চ ।

অতঃ :— ইহা হইতে, আশ্রমী হইতে । (তু :— আপত্তিনিরসনে ।)
ইতরৎ :— নিরাশ্রমত্ব । জ্যায়ঃ :— শ্রেষ্ঠ । লিঙ্গাৎ :— চিহ্ন হেতু, শ্রুতি
প্রমাণ হেতু । চ :— অবধারণে ।

ইতর অর্থাৎ অনাশ্রমী বা নিরপেক্ষ, আশ্রমী অপেক্ষা শ্রেষ্ঠই বটে । কারণ
বৃহদারণ্যক শ্রুতির তৃতীয় অধ্যায়ে গার্গী অনাশ্রমী হইয়াও আশ্রমী যাজ্ঞবল্ক্যকে
প্রশ্ন করিয়া, তাঁহার ও অপর ব্রাহ্মণগণের বিচার মীমাংসা করিয়াছিলেন,
উক্ত আছে । বিশেষতঃ শ্রুতিতে এবং স্মৃতিতে যে আশ্রমধর্ম পালনের
উপদেশ আছে, তাহার মূল অনুসন্ধান করিলে আমরা বুঝিতে পারিব যে,
অনাদি প্রবৃত্তি মার্গে বিচরণশীল জীবের প্রকৃতিগত প্রবৃত্তি সংকোচ সাধনের
জন্যই শাস্ত্রে আশ্রমধর্মের বিধান নির্দিষ্ট হইয়াছে । আশ্রম বিধানেই শাস্ত্রের
তাৎপর্য্য নহে । বিভিন্ন আশ্রম পরম শ্রেয়ঃ প্রাপ্তির সোপান স্বরূপ । উক্ত
বিধান সাধারণ লোকের জন্য । উহারা প্রায়ই অজ্ঞ । ভাগবতে ইহা স্পষ্টই
কথিত আছে :—

পরোক্ৰবাদো বেদোহয়ং বালানাং মনুশাসনম্ ।

কর্ম্মমোক্ৰায় কর্ম্মাণি বিধন্তে হৃগদং যথা ॥ ভাগঃ ১।১।৩।৪৫ ।

ইহার অর্থ ৩।৪।৮ সূত্রের আলোচনায় দেওয়া হইয়াছে । অপর স্থানে
উহা আরও স্পষ্টতর ভাষায় উল্লিখিত আছে, যথা :—

ফলশ্রুতিরিয়ং নৃণাং ন শ্রেয়ো রোচনং পরম্ ।

শ্রেয়োবিবক্ষয়া প্রোক্তা যথা ভৈষজ্যরোচনম্ ॥ ভাগঃ ১।১।২।১।২৩ ।

উৎপত্ত্যেব হি কামেষু প্রাণেষু স্বজনেষু চ ।

আসক্তমনসো মর্ত্য্যা আত্মনোহনর্থহেতুষু ॥ ভাগঃ ৭ ১।১।২।১।২৪ ।

— জীব জন্মমাত্রেরই কামনার বিষয়ে, প্রাণে, স্বজনে, গেহে, দেহে, ধনে,
দারায়, পুত্র প্রভৃতিতে আসক্ত হয় । ইহা অনর্থের হেতু । এই আসক্তির
সংকোচ সাধনের জন্যই বেদের কর্ম্মকাণ্ড নানা প্রকার 'ফলশ্রুতিরূপ
প্রণোভন দেখাইয়া জীবকে স্ব স্ব আশ্রমধর্মে প্ররোচিত করে । যোগ

হইলে রোগ মুক্তির জন্য বালকের মাতা নানা প্রকার মিষ্টদ্রব্যের প্রলোভন দেখাইয়া তিস্ত ঔষধ সেবন করাইয়া থাকেন ; ইহা তদ্রূপ । উক্ত আলমধর্ম বিধানেই বেদের তাৎপর্য্য নহে । ভাগঃ ১১।২।১।২৩-২৪ ।

তবে বেদের তাৎপর্য্য কি তাহা পণ্ডেই বলিতেছেন :—

বেদা ব্রহ্মাঅবিষয়ান্ধিকাণ্ডবিষয়া ইমে ।

পরোক্ৰবাদা ঋষয়ঃ পরোক্ৰঞ্চ মম প্রিয়ম্ ॥ ভাগঃ ১১।২।১।৩৫ ।

—যদিও বেদে কর্মকাণ্ড, দেবতাকাণ্ড ও ব্রহ্মকাণ্ড এই তিন কাণ্ড বর্তমান, কিন্তু এই তিনই ব্রহ্মাঅবিষয় ; পরোক্ৰভাবে ব্রহ্মাঅবিষয়ে উপদেশই বেদে দেওয়া আছে । পরোক্ৰই আমার প্রিয় । ভাগঃ ১১।২।১।৩৫ ।

এবং উপসংহারে বলিতেছেন :—

কিং বিধন্তে কিমাচষ্টে কিমনুত্ত বিকল্পয়েৎ ।

ইত্যস্তা হৃদয়ং লোকে নাচো মদ্বৈদ কশ্চন ॥ ভাগঃ ১১।২।১।৪০ ।

মাং বিধন্তেহ্ভিধন্তে মাং বিকপ্স্যাপোহুতে হুহম্ ॥

ভাগঃ ১১।২।১।৪১ ।

—বেদ কর্মকাণ্ডে কি বিধান করে, দেবতাকাণ্ডে মন্ত্রবাক্যে কি প্রকাশ করে, এবং জ্ঞানকাণ্ডে কাহাকে আশ্রয় করিয়া তর্ক বিতর্ক করে, ইহা আমি ভিন্ন কেহই জানে না । কর্মকাণ্ড যজ্ঞরূপে আমাকেই বিধান করে, দেবতাকাণ্ড দেবতারূপে আমাকেই ব্যক্ত করে এবং জ্ঞানকাণ্ড আমাকেই আশ্রয় করিয়া তর্ক বিতর্ক করে । ভাগঃ ১১।২।১।৪০-৪১

সুতরাং বেদের তাৎপর্য্য বুঝা গেল । স্মৃতি শাস্ত্র বেদান্তসারী । সুতরাং বেদের তাৎপর্য্য যাহা, স্মৃতিরও তাহাই । সাধারণ মানব একেবারেই সাধনার উচ্চতম স্তরে আরোহণ করিতে পারে না । আশ্রম সকল এবং আশ্রম ধর্ম প্রতিপালন ঐ উচ্চতম স্তরে উঠিবার সোপান শ্রেণী ও তাহাতে আরোহণ করিবার জন্য বিহিত । উদ্দেশ্য উহাতে আরোহণ করা । যাহারা পূর্বজন্মজনিত কর্ম দ্বারা সোপানের উচ্চতর অংশে আরোহণ করিতে সমর্থ হইয়াছেন, তাহাদের আবার শুরু হইতে আরম্ভ করিবার প্রয়োজন কি ? তাহারা যে স্থানে পৌঁছিয়াছেন, সেইস্থান হইতেই উচ্চতম অংশে আরোহণ করিবার চেষ্টা করিবেন, ইহাই শাস্ত্র ও যুক্তি সঙ্গত উপদেশ । বিশেষতঃ,

আশ্রমধর্ম প্রতিপালনে যে সমুদায় কর্মানুষ্ঠান করিতে হয়, চিত্তভঙ্গিই তাহার উদ্দেশ্য। ঠাঁহাদের চিত্ত প্রাগ্, জন্মকৃত কর্ম দ্বারা শোধিতই আছে, তাঁহাদের আশ্রমধর্ম প্রতিপালনের কোন আবশ্যকতা বা সার্থকতা নাই।

পূর্বে বলা হইয়াছে যে, প্রবৃত্তি সংকোচই আশ্রমধর্ম প্রতিপালনের অঙ্গ উদ্দেশ্য। প্রবৃত্তি ব্রহ্মরতির অন্তরায়। যে সকল ব্যক্তির প্রবৃত্তি পূর্বজন্মের কর্ম দ্বারা ক্ষয় প্রাপ্ত হইয়াছে এবং ঠাঁহারা ব্রহ্মৈকরত, তাঁহাদের আশ্রম ধর্ম প্রতিপালনের কোনও আবশ্যকতা নাই। সুতরাং উক্ত প্রকার ব্যক্তিদিগের পক্ষে আশ্রমী হওয়া অপেক্ষা নিরাশ্রমী হওয়াই প্রশস্ত। এই জন্ম জাবালোপনিষদে স্পষ্টই উক্ত আছে, যে দিনেই বৈরাগ্য হইবে, সেই দিনেই সন্ন্যাস করিবে—
“ষদহরেব বিরজেত্তদহরেব প্রব্রজেৎ”—(জাবাল উপনিষৎ, ৪)। অতএব স্পষ্ট বুঝা গেল যে, অধিকারীভেদে আশ্রম ধর্ম প্রতিপালনের এবং অনাশ্রমী হইবার উপদেশ শাস্ত্র দিয়াছেন।

পূর্বপক্ষের আপত্তিতে, ভাগবতের ১১।১৭।৩২ শ্লোকে যে আশ্রম হইতে আশ্রমাস্তরে গমনের উপদেশ আছে, তাহা সাধারণ নিম্নাধিকারী মানবের পক্ষে, ইহা স্পষ্ট বুঝা গেল। তাঁহারা সোপানের মূল দেশেই অবস্থিত।

এই প্রকার নিরপেক্ষ অনাশ্রমীদিগকে লক্ষ্য করিয়া ভাগবত কি বলেন, দেখা যাউক :—

ন যস্য জন্মকর্মভ্যাং ন বর্ণাশ্রমজাতিভিঃ ।

সজ্জতেহস্মিন্নহংভাবো দেহে বৈ স হরেঃ প্রিয়ঃ ॥ ভাগঃ ১১।২।৬৯ ।

—যে ব্যক্তির জন্ম, কর্ম, বর্ণ, আশ্রম এবং জাতি দ্বারা এই পঞ্চভূতাত্মক দেহে অহংভাব উৎপন্ন না হয়, তিনি হরির প্রিয়। ভাগঃ ১১।২।৪৯ ।

দেহে অহংভাব না থাকিলে, আশ্রমে থাকা না থাকা সমান। তাঁহার পক্ষে ভগবান কর্তৃক আদিষ্ট বেদবিহিত বর্ণাশ্রম ধর্ম পরিত্যাগ করিয়া ভগবদ্ভজনই কর্তব্য। ইহা ভাগবতের ১১।১১।৩২ শ্লোকে স্পষ্ট কথিত আছে।

আজ্ঞারৈবং গুণান্ দোষান্ ময়াদিষ্টানৃপি স্বকান্ ।

ধর্ম্যান্ সংত্যজ্য যঃ সর্বান্ মাং ভজেৎ সতু সত্তমঃ ॥

ভাগঃ ১১।১১।৩২

—৩।৩।৩ শ্লোকের আলোচনার ইহার অর্থ দেওয়া হইয়াছে।

এই প্রকার নিরপেক্ষ সাধকগণ আশ্রমধর্ম প্রতিপালন করিতে পারেন না কেন, তাহাই বলিতেছেন। তাঁহাদের অবসর কোথায়? সকল সময়েই তাঁহারা ভগবদ্ভজনে নিযুক্ত।

শ্রদ্ধায়তকথায়াম্ মে শশ্বদমুকীর্তনম্ ।

পরিনিষ্ঠা চ পূজায়াম্ স্তুতিভিঃ স্তবনং মম ।

আদরঃ পরিচর্যায়াম্ সর্বাক্ষৈরভিবন্দনম্ ।

মন্তুক্তপূজাভাধিকা সর্বভূতেষু মন্যতিঃ ॥ ভাগঃ ১১।১৯।১৯ ।

মদর্থেষু সঙ্গচেষ্টা চ বচসা মদগুণেরণম্ ।

ময্যর্পণঞ্চ মনসঃ সর্বকামবিবর্জনম্ ॥ ভাগঃ ১১।১৯।২০ ।

মদর্থেহর্থাপরিত্যাগো ভোগস্য চ সুখস্য চ ।

ইষ্টং দত্তং হৃতং জপ্তং মদর্থাং যদ্ব তং তপঃ ॥ ভাগঃ ১১।১৯।২১ ।

এবং ধর্ম্মমুশ্যাণামুদ্ধবানি বেদিনাম্ ।

ময়ি সংজায়তে ভক্তিঃ কোহ্যোহর্থোহস্যাবশিষ্যতে ॥

ভাগঃ ১১।১৯।২২ ।

যদাত্মস্থপিতং চিত্তং শাস্ত্রং সর্বোপবৃংহিতম্ ।

ধর্ম্মং জ্ঞানং সর্বৈরাগ্যৈর্মুখ্যৈর্থাভিপত্ততে ॥ ভাগঃ ১১।১৯।২৩ ।

—সর্বদা আমার অমৃতময়ী কথায় শ্রদ্ধা, নিত্য আমার নাম কীর্তন, আমার পূজায় নিষ্ঠা, সর্বদা আমার গুণ, আমার পরিচর্যায় সর্বদা সমাদর, সাষ্টাঙ্গে অভিবাদন ইত্যাদি রূপে মন্তুক্ত কর্তৃক আমার যে পূজা, সর্বভূতে মদুভাব দর্শন, আমার উদ্দেশ্যে সঙ্গ চেষ্টা, বাক্যে আমার গুণ কথন, আমাতে মনঃ সমর্পণ, সর্বকাম পরিত্যাগ, আমার জগু অর্থ, ভোগ এবং সুখ পরিত্যাগ, এবং আমার জগুই ইষ্ট, দত্ত, হৃত, জপ, ব্রত প্রভৃতি অর্নুষ্ঠান—আমার ভক্তির কারণ। হে উদ্ধব! এইরূপ ধর্ম্ম দ্বারা আত্ম-নিবেদী মনুশ্যগণের আমাতে ভক্তি বৃদ্ধি প্রাপ্ত হয়, এবং তাহা হইলে প্রাপ্তির আর কোনও অবশেষ থাকে না। সর্বগুণসম্পন্ন, শাস্ত্র চিত্ত যখন আত্মস্বরূপ আমাতে সমর্পিত হয়, তখন ধর্ম্ম, জ্ঞান, বৈরাগ্য ও ঐশ্বর্য্য প্রভৃতি আসিয়া উপস্থিত হয়। ভাগঃ ১১।১৯-২০-২১-২২-২৩ ।

অর্থাৎ, নিরপেক্ষ ভাবে ভগবদারাধনা করিলে যখন আর প্রাপ্তব্য

কিছুই থাকে না, তখন উহা যে আশ্রমধর্ম পালনাপেক্ষা শ্রেষ্ঠ, তাহার
কথা কি ? সুতরাং অনাশ্রমী আশ্রমী হইতে শ্রেষ্ঠ ।

তবে সাবধানে মনে রাখিতে হইবে যে, প্রকৃত অধিকারীর পক্ষেই নিরাশ্রমী
হইবার অনুমোদন । অধিকারী না হইয়া আশ্রম ত্যাগ করিলে সমূহ অকল্যাণ
সংঘটিত হয় । যাঁহার বৈরাগ্য তীব্র এবং প্রকৃত, তাঁহার পক্ষেই উহা বিষয় ।
সাধারণের পক্ষে নহে । ভগবদ্ভাবে বিভোর ভক্তই উহার অধিকারী ।

উপরে উদ্ধৃত ১৭১২ ২৩ শ্লোকে স্পষ্ট কথিত হইয়াছে যে, যে ভক্তের
চিত্তশুদ্ধি জন্মিয়াছে এবং তজ্জনিত যিনি সৎসঙ্গ সম্পন্ন এবং শাস্তচিত্ত
হইয়াছেন, তিনি যদি ভগবানে সর্বতোভাবে মনঃসমর্পণ করেন, তাহা হইলে
ধর্ম, জ্ঞান, বৈরাগ্য, ঐশ্বর্য প্রভৃতি আপনিই আসিয়া উপস্থিত হয় । তাঁহার
আর আশ্রমধর্মাদি প্রতিপালনের প্রয়োজন কি ? তবে উক্ত শ্লোকে ব্যবহৃত
বিশেষণ দুইটি বড়ই গভীর অর্থবোধক । চিত্তশুদ্ধি না হইলে, এবং সৎসঙ্গ সম্পন্ন
ও শাস্তচিত্ত না হইলে, শুধু লোকের নিকট গৌরব লাভের জন্য ভক্ত সাজিলে
চলিবে না । উহা ভয়ঙ্কর আত্মপ্রতারণা, এবং উহার ফল বড়ই অনিষ্টকর,
ইহা সর্বদা স্মরণ রাখা প্রয়োজন ।

অতএব প্রতিপাদিত হইল যে, অধিকারী অনুসারে নিরাশ্রমী,
আশ্রমী অপেক্ষা শ্রেষ্ঠ ।

সংশয় :—আচ্ছা, ভাল, আশ্রমধর্মানুষ্ঠাতা “স্বনিষ্ঠ” ও “পরিনিষ্ঠিত”
অপেক্ষা “অনাশ্রমী” নিরপেক্ষ বিচারী শ্রেষ্ঠ, ইহা ত পূর্বসূত্রে প্রতিপাদিত
করিলে । কিন্তু ইহা ত অস্বীকার করিতে পারিবে না যে, অনাশ্রমীগণ দুই
পর্যায়ে বিভক্ত—(১) যাঁহারা গুরুগৃহ হইতে গৃহস্থাত্ম্যে প্রবেশ
না করিয়াই সমুদায় আশ্রম পরিত্যাগ করতঃ ভগবৎ পদাশ্রয় করিয়াছেন,
আর (২) যাঁহারা দারপরিগ্রহ পূর্বক গৃহস্থাত্ম্যে প্রবেশ করিয়া বিষয়াদি
উপভোগ করতঃ বিধিপূর্বক তাহা পরিত্যাগ করিয়া ভগবৎ পদাশ্রয়
করিয়াছেন—ইহাদের উভয়েরই ত স্ব ‘স্ব’ উচ্চ পদবী হইতে পতনের
সম্পূর্ণ সম্ভাবনা রহিয়াছে । বিশেষতঃ অনাশ্রমীগণের শারীরিক অক্ষাতির জন্য
গৃহস্থাত্ম্যের অপেক্ষা থাকে । আবার, উক্ত গৃহস্থাত্ম্যও বেদশাস্ত্রসম্মত এবং উহা
হইতেও পরমার্থ লাভ সম্ভব, ইহা শাস্ত্রে ভূষোভূষঃ বর্ণিত আছে । এই সকল

করিয়া থাকেন। ইহাতে সূত্রকার ভগবান বাদরায়ণও একমত। ৩।৪।৩৬
সূত্রেও ইহার পোষক সিদ্ধান্ত স্থাপিত হইয়াছে।

বিশেষতঃ, নিরপেক্ষ সাধকগণের সমুদায় ইন্দ্রিয় পরমপদেই একান্তভাবে
সংযোজিত, ব্রহ্মের বিষয় হইতে সম্পূর্ণভাবে নিয়ন্ত্রিত ; ব্রহ্ম বা ভগবন্ত্ব ব্যতীত
আর কোনও বিষয়েই তাঁহাদিগের বাসনা থাকে না, এবং নিরাশ্রমী শিষ্টগণের
মধ্যে আশ্রমাস্তর গ্রহণের অভাবই দৃষ্ট হইয়া থাকে। এই সকল কারণ
হইতে স্পষ্ট সিদ্ধান্ত হয় যে, 'নিরপেক্ষ' অপর দ্বিবিধ সাধক অপেক্ষা
শ্রেষ্ঠ।

ভাগবত এ সম্বন্ধে কি বলিতেছেন, দেখ :—

কামাদিভিরনাবিকং প্রশাস্তাখিলবৃত্তি যৎ ।

চিত্তং ব্রহ্ম স্মৃৎস্পৃষ্টং নৈবোত্তিষ্ঠেত কহিচিৎ ॥

ভাগঃ ৭।১৫।২৭ ।

—কামাদি দ্বারা অনাবিক, এবং ব্রহ্মস্মৃৎস্পৃষ্ট চিত্তের সমুদায় বৃত্তি
সম্পূর্ণরূপে প্রশান্ত হওয়ায়, আর কদাচ বিক্ষিপ্ত হয় না।

ভাগঃ ৭।১৫।২৭ ।

যদি কর্মবিপাকে কখনও কোনও বিক্ষেপ উপস্থিত হয়, ভগবান নিজেই
সেই একান্তনিষ্ঠ ভক্তের রক্ষক স্বরূপ প্রাদুর্ভূত হইয়া তাঁহার সমুদায় বিঘ্ন, অন্তরায়
দূর করেন।

তথা ন তে মাধব । তাবকাঃ ক্চিদ্-

ব্রশস্তি মার্গাৎ ত্বয়ি বন্ধসৌশ্রদাঃ ।

ত্বয়াভিগুপ্তা বিচরন্তি নির্ভয়া

বিনায়কানীকপমূর্দ্ধসু প্রভো ॥ ভাগঃ ১০।২।২৭ ।

—ইহার অর্থ ২।৩।৪২ সূত্রের আলোচনায় (পৃঃ ১০৪১) দেওয়া
হইয়াছে।

—লোকাধিপতি দেবগণ নিরপেক্ষ ভগবদ্ভক্ত পাছে তাঁহাদিগের লোক
সকল অতিক্রম করিয়া পরম পদে স্থান লাভ করেন, এই আশঙ্কায় বহুবিধ বিঘ্ন
সৃজন করিয়া উক্ত নিরপেক্ষ ভক্তের সাধন পথে উপস্থাপিত করেন বটে, কিন্তু
ভগবানই এ প্রকার ভক্তের রক্ষয়িতা। স্মরণ্য সেই কারণে তাঁহারা এই সকল
বিঘ্নের মস্তকে পদাঘাত করিয়া ভগবান্নহিমা প্রকটিত করেন। ভাগঃ ১১।৪।১০ ।

স্বাং সেবতাং সুরকৃতা বহবোহস্তুরায়া

শ্বোকো বিলজ্ব্য পরমং ব্রহ্মতাং পদং তে ।

নাশ্চাশ্চ বহির্ষি বলীন্দদতঃ স্বভাগান্

ধন্তে পদং স্বমবিতা যদি বিদ্বমূর্কি ॥

ভাগঃ ১১।৪।১০ ।

পূর্বপক্ষ আপত্তি করিতেছেন :—১।৩।৪১ সূত্রের আলোচনায় (পৃঃ ৬৫০-৬৬২) সিদ্ধান্ত স্থাপন করিয়াছে যে, দেবতাগণ শ্রীভগবানের কার্য্যমূর্ত্তি ; তাঁহারা জগৎপ্রপঞ্চে শ্রীভগবানের নিয়ম সকল পরিচালনা করেন, এবং সেই পরিচালনার সহিত ভগবদিচ্ছার কোন বিরোধ নাই—অর্থাৎ ভগবদিচ্ছামুসারেই উক্ত পরিচালনা কার্য্য সম্পাদিত হইয়া থাকে। আবার, এখানে বলিতেছে যে, দেবতাগণ নিরপেক্ষ ভগবদ্ভক্তের সাধনপথে বিদ্ব উপস্থাপিত করিয়া থাকেন, পাছে উক্ত প্রকার ভক্তগণ তাঁহাদের অধিষ্ঠিত লোকাদি অতিক্রম করিয়া শ্রীভগবানের পরম পদে স্থান লাভ করেন, এ আশঙ্কা দেবতাগণের সর্বদা বর্ত্তমান। সে কারণ, শ্রীভগবানকে উক্তপ্রকার ভক্তগণের রক্ষিতারূপে আবির্ভূত হইয়া উক্ত বিদ্ব সমুদায় অপসারিত করিতে হয়। ইহাতে কি দেবতাগণের ভগবদিচ্ছার প্রতিকূলতাচরণ করা হইল না? পূর্বসিদ্ধান্তের সহিত ইহার কি প্রকারে সঙ্গতি হইতেছে?

ইহার উত্তরে সিদ্ধান্তবাদীর বক্তব্য এই যে, দর্শনের লক্ষ্যস্থান ভেদে বিরোধ এবং অবিরোধ লক্ষিত হয়। ব্রহ্মকোটি বা ব্রহ্মের লক্ষ্যস্থান হইতে দর্শন করিলে, অর্থাৎ তদ্বদৃষ্টিতে ব্রহ্মের বস্তুমাত্র না থাকায়—অন্যকথায়, ব্রহ্ম, ভগবান, দেবতা, জীক, জগৎ, কর্ম, নিয়ম প্রভৃতি ব্রহ্ম হইতে অভেদ হওয়ায়—বিরোধের অবকাশ কোথায়? শ্রুত্যুক্ত “একমেবাদ্বিতীয়ম্”, “সর্ব্ব ঋষিদং ব্রহ্ম ব্রহ্মলানিতি” ত এই তদ্বই ঘোষণা করিতেছে। সজাতীয়-বিজাতীয়-স্বগত-ভেদবিহীন একমাত্র বস্তুই যখন প্রকৃত তদ্ব, তখন কে কাহার প্রতিকূলতাচরণ করিবে? সমুদায়ই ত ব্রহ্মের “বহুশ্চাং” সংকলের বিকাশ মাত্র। ব্রহ্মের বস্তু মাত্রের তদ্বতঃ অস্তিত্ব না থাকায়, বিরোধের বা প্রতিকূলতাচরণের কোনও প্রসঙ্গই উদ্ভিত প্যারে না।

তবে প্রপঞ্চ জগতের, জীবের এবং সেই হেতুতে দেবতাগণের লক্ষ্যস্থান হইতে দর্শন করিলে, জগৎ বৈচিত্র্য, জীবগণের ও দেবতাগণের পরস্পর পৃথক্

ভাব, ব্রহ্ম হইতে ভেদ দর্শন, এক কথায় বৈত দর্শন, এবং তজ্জনিত বিরোধ-
অবিরোধ, প্রতিকূলতাচরণ-অনুকূলতাচরণ প্রভৃতি উপলক্ষি হইয়া থাকে।
ইহা শ্রীভগবানের মায়া বা সংকল্প বশতঃই হইয়া থাকে। দেবতাগণও
মানবগণের জ্ঞান মায়াবদ্ধ জীব। তাঁহারা সৎসংশ-প্রধান হইলেও অপেক্ষাকৃত
অল্প পরিমাণে রজঃ ও তমোগুণও দেবতাগণে বর্তমান থাকায়, এবং তাঁহারা
ভগবানের মায়া প্রভাবে মানবের ন্যায় অল্পবিস্তর অবিদ্যাবদ্ধ হওয়ায়, তাঁহাদের
মনে ঈর্ষ্যা, ঘেব, ভয় প্রভৃতি ভাবের উদয় হইয়া থাকে। ভগবানের মায়া বা
সংকল্পই তাঁহার মূল কারণ। ইহাতে অনেকগুলি উদ্দেশ্য সিদ্ধ হইয়া থাকে।
প্রথমতঃ, শ্রীভগবানই পরমতত্ত্ব, তিনি মায়ার অতীত, নিত্য, সত্য এবং সে কারণ
একমাত্র সেব্য ও উপাস্য। দেবতাগণ মায়ায়িক প্রপঞ্চের অন্তর্ভুক্ত হওয়ায়, তাঁহাদের
উপাসনায় মায়াতীত, নিত্য, শাস্ত পরমপদ লাভ হয় না, এ শিক্ষা দেওয়া হইল।
দ্বিতীয়তঃ, উহার সঙ্গে সঙ্গে, ইহাও প্রকটভাবে দেখান হইল যে, শ্রীভগবানের
চরণাশ্রয় একান্তভাবে করিলে, তিনি নিজ ভক্তগণকে সর্বতোভাবে রক্ষা করিয়া
থাকেন, এ শিক্ষা পাইয়া মানবগণের তাঁহাকেই পরম শ্রেয়ঃ রূপে আশ্রয় করা
কর্তব্য,—তাহা হইলে সম্পূর্ণ অভয় প্রতিষ্ঠা লাভ হইয়া থাকে। তৃতীয়তঃ,
দেবতাগণের দৃষ্টান্তে জীবকে আরও শিক্ষা দেওয়া হইল যে, সকলেই মায়ার
বশ, মায়াবরণে আবর্তিত হওয়ায় জীবের হতাশ হইবার কোনও কারণ
নাই। লোকপাল দেবতাগণও মায়ায় অভিভূত হইয়া ভগবানের
প্রতিকূলতাচরণ করিলেও, শ্রীভগবান দয়ার শাসনে যেমন তাঁহাদিগের মলিনত্ব
নাশ করিয়া, নিজের স্বরূপ তাঁহাদিগের সম্মুখে প্রকট করেন; সেইরূপ
মায়াবদ্ধ জীবের বারম্বার পদস্থলন, এবং তজ্জনিত দুঃখ যন্ত্রণাদিভোগ, তাঁহার
দয়ার শাসনেই ঘটয়া থাকে, এবং ইহার শেষ পরিণতি তাঁহার স্বরূপ প্রাপ্তি।
৩।৩।৬২ সূত্রের আলোচনায়ও এই কথাই বলা হইয়াছে। **অতএব সিদ্ধান্ত**
হইল যে, বাহ্যদৃষ্টিতে যাহা প্রতিকূলতাচরণ, তদ্ব্যবহৃত্তিতে তাহা
শ্রীভগবানেরই সংকল্পের কার্য্য মূর্তি এবং উহার শেষ পরিণতি-পরম
শ্রেয়োলাভ।

শ্রীমদ্ভাগবত দেবরাজ ইন্দ্রের মুখে এই তর্কই প্রকাশ করিয়াছেন। গোকুলে
ইন্দ্রমথ ভঙ্গ হওয়ায় ইন্দ্র ক্রোধে বারিবর্ষণে গোকুল ধ্বংস করিতে উদ্যুত হইলে,
ভগবান বখন গোবর্ধন ধারণ করিয়া, উহার দর্প চূর্ণ করিলেন, তখন ইন্দ্র
ভগবান্‌হিমা জ্ঞাত হইয়া স্তুতিপূর্বক বলিতেছেন :—

যে মদ্বিধাঙ্গা জগদীশমানিন-

স্বাং বীক্ষ্য কালেভয়মাণ্ড তদদম্ ।

দ্বিত্বার্থ্যমার্গং প্রভজন্ত্যপস্ময়া

ঈহা খলানামপি তেহমুশাসনম্ ॥

ভাগঃ ১০।২৭।৭ ।

—যে সকল ব্যক্তি আমার সদৃশ অজ্ঞ, অতএব আপনাদিগকে পৃথক্ জগদীশ্বর বলিয়া দৃষ্ট করে, তাহারা উক্ত দৃষ্টের শাসন কালে উদ্যতদও যুক্তিমান ভয়রূপী আপনাকে দর্শন করিয়া, আপনি কি শাস্তি বিধান করিবেন, এই ভয়ে সেই দৃষ্টজনিত অহঙ্কার পরিত্যাগ করতঃ আপনার ভক্তি স্বরূপ আর্ধ্যবজ্জ্ব' সেবা করিয়া থাকে । আপনার চেষ্টাই খল ব্যক্তিগণের দও । ভাগঃ ১০।২৭।৭ ।

ব্রহ্মাও যখন অভিমানে অন্ধ হইয়া নিজ মায়া বিকাশে গোবৎস ও গোপাল-বালক হরণ করিয়াছিলেন, ভগবান নিজ বিভূতি প্রকাশ দ্বারা হৃত বৎস ও গোপবালক প্রকটন করিয়া, সম্বৎসর কাল যখন লীলা করিলেন, তখন ব্রহ্মা হতমান হইয়া স্তব করতঃ বলিতেছেন :—

অতঃ ক্ষমস্বাচ্যুত ! মে রজোভুবো

হৃজানতস্ত্বংপৃথগীশমানিনঃ ।

অজ্ঞাবলেপাক্ততমোহক্ষচ্ক্ষুষ

এষোহমুকম্প্যা ময়ি নাথবানিতি ॥

ভাগঃ ১০।১৪।১০ ।

—হে অপ্রচ্যুত স্বরূপ ! আমি রজোগুণে উৎপন্ন, এ কারণ অজ্ঞ, হৃতরাং তাহাতে আমার নেত্রদ্বয় অন্ধীভূত হইয়াছে । অতএব “আপনা হইতে আমি পৃথক্ ঈশ্বর” এইরূপ অভিমান করিতেছি । হে প্রভো ! “এই ক্ষুদ্র ব্রহ্মা অগুত্র প্রভুরূপে বর্তমান থাকিলেও আমারই ভৃত্য, এবং সেইজন্য আমার অমুকম্পনীয়,” এইরূপ মনে করিয়া আমার ক্ষমা করুন । ভাগঃ ১০।১৪।১০ ।

হৃতরাং, দেখা গেল যে, প্রতিকূলতাচরণ অজ্ঞান নিবন্ধনই ঘটয়া থাকে । উদ্ভতঃ উহার অস্তিত্ব নাই । এবং এই বাহ্যতঃ প্রতিকূলতা-চরণের শেষ পরিণতি ভগবৎ কৃপা লাভ ।

[পূর্ব পক্ষের আপত্তির নিরসন করিয়া সূত্রকার বর্তমান সূত্রে নিরপেক্ষ সাধক অথ দ্বিবিধ সাধক হইতে যে শ্রেষ্ঠ, তাহাই দেখাইতেছেন। বর্তমান সূত্রে “স্বনিষ্ঠ” সাধক হইতে শ্রেষ্ঠতা প্রতিপাদিত হইতেছে।]

ভিত্তি:—

“ন পশ্যা মৃত্যুং পশ্যতি ন রোগং নোত দুঃখতাম্ ।

সর্বং হ পশ্যঃ পশ্যতি সর্বমাপ্নোতি সর্বশঃ ॥ ইতি” ॥

(ছান্দোগ্য, ৭।২।৬২) ।

—পশ্য অর্থাৎ তত্ত্বদর্শী ব্যক্তি মৃত্যু অনুভব করেন না । রোগ, দুঃখও অনুভব করেন না, পরন্তু সমুদায়ই দর্শন করেন, এবং সর্বপ্রকারে সর্ববিষয় প্রাপ্ত হন । (ছাঃ ৭।২।৬২) ।

সংশয় :—শিরোদেশে উদ্ধৃত শ্রুতিতে নিরপেক্ষ তত্ত্বদর্শীগণের বিদ্যাধারা স্বর্গাদি লাভ শ্রবণ হেতু স্বর্গাদিলাভের পরে তত্রত্য সুখকর বিষয়ভোগ নিবন্ধন, তাঁহাদের ব্রহ্মরতির বিচ্ছেদ উপস্থিত হইতে পারে, এবং তজ্জন্ম পতনও সম্ভব হইতে পারে । ইহার উত্তরে সূত্রকার সূত্র করিলেন :—

সূত্র :—৩।৪।৪১ ।

ন চাধিকারিকমপি পতনানুমানাৎ তদযোগাৎ ॥ ৩।৪।৪১ ॥

ন + চ + আধিকারিকম্ + অপি + পতন + অনুমানাৎ + তৎ +
অযোগাৎ ॥

ন :—না (ব্রহ্মরতির বিচ্ছেদ অথবা পতন সম্ভাবনা হইতে পারে না) ।

চ :—অবধারণে । আধিকারিকম্ :—স্বর্গাদি লোকাধিষ্ঠাতৃরূপ অধিকার—সেই অধিকার ঐহাদের আছে, তাঁহারা অধিকারিক—ঐহাদের পদ ।

অপি :—ও, (“অপি” শব্দ দ্বারা তত্তৎ লোকভোগ্য সুখ ভিন্ন অন্যান্য সুখও) ।

পতন :—তত্তলোক হইতে প্রচ্যুতি । অনুমানাৎ :—অনুমান হেতু ।

কৃতঃ—তাহা । অযোগাৎ—ইচ্ছা সংযোগের অভাব বশতঃ, অর্থাৎ, অনিচ্ছা বশতঃ ॥

নিরপেক্ষ ভক্তগণের ব্রহ্মরতির বিচ্ছেদ বা পতন সম্ভাবনা হইতে পারে না । কেননা, ব্রহ্মলোক পর্য্যন্ত সমুদায় লোকেরই পতন শাস্ত্রে কথিত আছে :—যথা, গীতায় ভগবান বলিয়াছেন :—“আব্রহ্মভুবনান্নোকাঃ পুনরাবর্তিনোহর্জুন” । (গীতা, ৮।১৬) । সেজন্য, শ্রীভগবানের পরমপদ ভিন্ন, সমুদায় লোক হইতে পতন অনিবার্য বলিয়া, উক্ত নিরপেক্ষগণ লোকাধিপতিগণের পদও আকাজ্জা করেন না । স্তত্রাং তাঁহাদের ব্রহ্মরতির বিচ্ছেদ বা পতন সম্ভাবনা কোথায় ? স্বনিষ্ঠ স্বাধক আশ্রমধর্মোক্ত কাম্য কর্মাদি অমুষ্ঠান দ্বারা স্বর্গাদি লাভ করিয়া থাকেন ; কিন্তু উহা শাস্ত্র লাভ নহে । যদি স্বনিষ্ঠগণ বিঘ্নালাভ করিতে সমর্থ না হন, তাহা হইলে কল্প মধ্যোই হউক বা অতি শুভ কর্ম বশতঃ কল্পান্তেই হউক, পতন অবশ্যসম্ভাবী । সেজন্য নিরপেক্ষগণ স্বনিষ্ঠ হইতে শ্রেষ্ঠ, ইহা স্পষ্ট বুঝা গেল । “পরিনিষ্ঠিত” সম্বন্ধে এই একই কথা, ইহা পরস্মত্রে কথিত হইবে ।

—ভাগবত বলিতেছেন, কর্মমাত্রই পরিণামী হওয়ার, দৃষ্ট কর্মের দ্বারা অদৃষ্ট কর্মের ফলস্বরূপ ব্রহ্মলোক পর্য্যন্ত দুঃখময় ও নশ্বর বলিয়া বিদ্বান্ ব্যক্তি দর্শন করিবেন । ভাগঃ ১১।১২।১৭

কর্মণাং পরিণামিত্বাদাবিরিঞ্চ্যাদমঙ্গলং ।

বিপশ্চিন্নশ্বরং পশ্যেদদৃষ্টমপি দৃষ্টবৎ ॥ ভাগঃ ১১।১২।১৭ ।

—এই কারণেই নিরপেক্ষ, ঐকান্তিক ভগবদভক্ত ব্রহ্মপদ, ইন্দ্রপদ, সার্বভৌম সম্রাটপদ, রসাতলাধিপত্য, যোগসিদ্ধি বা নির্ঝাণমোক্ষ (যাহাতে পুনর্জন্ম হয় না), কিছুই আকাজ্জা করেন না । কেবল শ্রীভগবানকেই আকাজ্জা করেন । ভাগঃ ১১।১৪।১৩ ।

ন পীরমেষ্ঠ্যং ন মহেন্দ্রধিষ্ঠ্যং

ন সার্বভৌমং ন রসাধিপত্যম্ ।

ন যোগসিদ্ধীরপুনর্ভঙ্গং বা

মহ্যর্পিতাশ্চৈচ্ছতি মদ্বিনাগ্রৎ ॥

ভাগঃ ১১।১৪।১৩ ।

—এই শ্লোকটি শ্রীভগবানের শ্রীমুখের। ভক্তও ইহার প্রতিধ্বনি করিতেছেন :—

ন নাকপৃষ্ঠং ন চ পারমেষ্ঠ্যং
ন সার্বভৌমং ন রসাধিপত্যম্ ।
ন যোগসিদ্ধীরপুনর্ভবং বা
সমঞ্জস ত্বা বিরহস্য কাঙ্ক্ষা ॥

ভাগঃ ৬।১১।২৩ ।

—হে সমঞ্জস, অর্থাৎ নিখিল সৌভাগ্য নিধে ! তোমাকে পরিত্যাগ করিয়া আমি স্বর্গপৃষ্ঠ, ব্রহ্মপদ, সার্বভৌম সম্রাট পদ, রসাধিপত্য, যোগসিদ্ধি কি মুক্তি, কিছুই আকাঙ্ক্ষা করি না। ভাগঃ ৬।১১।২৩ ।

ভক্ত ও ভগবানের কথা হইল। উভয়ে যেন একসুরে বাঁধা। ইতর জীবও উহার প্রতিধ্বনি করিতেছেন। কালীয় নাগপত্নীগণ শ্রীভগবানকে স্তব করিয়া বলিতেছেন :

ন নাকপৃষ্ঠং ন চ সার্বভৌমং
ন পারমেষ্ঠ্যং ন রসাধিপত্যম্ ।
ন যোগসিদ্ধীরপুনর্ভবং বা
বাঞ্ছন্তি যৎপাদরজঃ প্রপন্নঃ ॥

ভাগঃ ১০।১৬।৩৫ ।

৩।৩।১০ শ্লোকের আলোচনায় ইহার অর্থ দেওয়া হইয়াছে। (পৃঃ ১৪৪২)

অতএব, সর্ববাদি সম্মত সিদ্ধান্ত হইল যে, ভগবদ্পাদরজঃ প্রপন্ন ভক্তগণ একমাত্র ভগবান ভিন্ন কিছুই আকাঙ্ক্ষা করেন না। সুতরাং, তাঁহাদিগের ব্রহ্মরতি হইতে বিচ্ছেদ বা পতনের সম্ভাবনা কোথায় ? যদিও বিচার মহিমা বশতঃ আনুষঙ্গিক স্বর্গ বা ব্রহ্মপদ ভক্তের গোচর আসে, তাঁহার আকাঙ্ক্ষা না থাকায় তজ্জনিত বিক্ষিপ বা পতন হয় না।

উপরে যাহা লিখিত হইল, তাহা ঘোষণা করিয়াও ভাগবত সন্তুষ্ট হইলেন না। মনে করিলেন, উহাতে ঐকান্তিক নিরপেক্ষ ভক্তগণের একদেশ মাত্র প্রদর্শন করা হইল। তাঁহাদের পতন হইবে কোথায় ? পতনের ত স্থান নাই। যদি উর্দ্ধ-অধঃ, ভাল-মন্দ, উত্তম-অধম জ্ঞান উহাদের থাকিত,

তাঁহা হইলে ত পতন সম্বন্ধে প্রয়ের সম্ভাবনা থাকিত । কিন্তু তাঁহারা মোক্ষ, স্বর্গ, মর্ত্য, নরক সমুদায়ই ত এক পর্যায়ের অন্তর্গত দেখেন । উহাদিগের মধ্যে উত্তমাদম, ইতর বিশেষ দর্শন করেন না । তাঁহারা দেখেন, তাঁহাদিগের প্রিয়তম, একমাত্র আশ্রয় শ্রীভগবানই বহিরঙ্গা শক্তি বিকাশে, পারম্যোষ্ঠধাম, স্বর্গধাম, মর্ত্যধাম ও নরকধামরূপে, তটস্থশক্তি বিকাশে তত্তৎ স্থানে ভোক্তা জীবরূপে এবং স্বরূপ শক্তিতে তাহাদিগের নিয়ামক রূপে ওতপ্রোত ভাবে বিরাজ করিতেছেন । ঐ সকল বিভিন্ন ধামের প্রয়োজন একই—জীবের অভিব্যক্তি এবং বিশ্বচক্রের ক্রম পরিণতিতে জীবের উত্তরোত্তর অধিকতর শ্রেয়োলাভ । তাঁহারা ত উহাদিগের মধ্যে একটি অপরাপেক্ষা উত্তম, ইহা মনে করেন না । জীবের কর্মফল ভোগের জন্ত ভগবদ্ বিধানে উহারা সকলেই অভিব্যক্ত । কর্ম বিপাকে বা ভগবানের মঙ্গলেচ্ছানুসারে উহারা যেখানেই গতিলাভ করুন না কেন, সর্বত্র ভাগবদ্ভাবে বিভোর থাকেন, কোনও প্রকার বিক্ষেপ বা বিচ্যুতি সংঘটিত হয় না । এ জন্ত পতন সম্বন্ধে কোনও প্রশ্ন উঠিতেই পারে না । স্বর্গে সুখ ভোগ জনিত হর্ষ, নরকে যাতনা জনিত বিষাদ ও আশঙ্কা, মোক্ষে পরম নিরুত্তি লাভ এবং মর্ত্যধামে মিশ্র সুখদুঃখ লাভে হর্ষবিষাদ, কিছুই ভোগ করেন না । সর্বত্র সর্বদা আনন্দময়ের সঙ্গলাভে আনন্দ সমুদ্রে নিমজ্জিত থাকেন । শ্লোকটি নীচে উদ্ধৃত হইল । তাবার্থ বিস্তৃতভাবে উপরে দেওয়ায়, আর সরলার্থ পৃথক্ দেওয়া হইল না ।

নারায়ণপরা লোকে ন কুতশ্চন বিভ্রাতি ।

স্বর্গাপবর্গনরকেষপি তুল্যার্থদর্শিনঃ ॥

এই জন্তই ভক্ত বড় সাহসে বলিতে সমর্থ হন :—

কামঃ ভবঃ স্ববুজ্জিনৈর্নিরয়েষু নস্তা-

চেতোহলিবদ্ যদি হু তে পদয়ো রমেত ।

বাচশ্চ নস্তলসিবদ্ যদি তেহজ্জি শোভাঃ

পূর্যোক্ত তে গুণগণৈর্হদি কর্ণরঙ্গঃ ॥

ভাগঃ ৩।১৫।৪২ ।

৩।১।১৬ সূত্রের আলোচনায় ইহার অর্থ দেওয়া হইয়াছে । (পৃঃ ১২৩২)

[অতঃপর সূত্রকার ঐকান্তিক নিরপেক্ষ সাধকগণ যে আশ্রমী “পদ্মিনিষ্ঠিতগণ” হইতে শ্রেষ্ঠ, তাহাই প্রতিপাদন করিতেছেন ।]

ভিত্তি:—

১। “ভক্তিরস্ম্য ভজনম্। এতদিহামুত্রোপাধি নৈরাশ্যেনামুশ্মিন্
মনঃ কল্পনম্। এতদেব চ নৈষ্কৰ্ম্যম্” ॥

(গোপাল পূর্বতাপনী)

—ভক্তিই ইহার ভজন। ঐহিক ও পারলৌকিক উপাধি নিরসন পূর্বক ইহাতে মনঃ কল্পনই এই ভক্তি, এবং ইহাই নৈষ্কৰ্ম্য।

(গো: পূ: তা:)

২। “তামসী রাজসী সাত্বিকী মানুষী বিজ্ঞানঘন আনন্দ সচ্চিদা-
নন্দৈকরসে ভক্তিয়োগে তিষ্ঠতি”। (গোপাল উত্তর তাপনী)

—কি তামসী, কি রাজসী, কি সাত্বিকী, কি মানুষী সমুদায় সেই বিজ্ঞানঘন আনন্দস্বরূপ সচ্চিদানন্দৈকরসে ভক্তিয়োগে অবস্থান করে। (গো: উ: তা:)।

৩। “সোহশ্লুতে সৰ্বান্ কামান্ সহ। ব্রহ্মণা বিপশ্চিতা”।

(তৈত্তি: ২।১)।

—তিনি বিপশ্চিত (বিজ্ঞানঘন, সৰ্বজ্ঞ) ব্রহ্মের সহিত সমুদায় বিষয় উপভোগ করেন। (তৈত্তি: ২।১)।

৪। “যদা সৰ্বৈ প্রমুচ্যন্তে কামা যেহস্ম হৃদি স্থিতাঃ।

অথ মৰ্ত্যোহমৃতো ভবত্যত্র ব্রহ্ম সমশ্লুতে” ॥

(কঠ, ২।৩।১৪, বৃহ: ৪।৪।৭)।

—এই প্রকারে নিরপেক্ষ সাধকের হৃদয়স্থিত সমুদায় কামনা যখন বিদূরিত হইয়া যায়, তখন সেই সাধক এই মৰ্ত্য শরীরেই অমরত্ব লাভ করে এবং ব্রহ্মভাব আশ্বাদন করে। (কঠ, ২।৩।১৪, বৃহ, ৪।৪।৭)

সংশয়ঃ—“স্বনিষ্ঠ” সাধক আশ্রমধর্ম প্রতিপালন করিয়া থাকেন এবং তাঁহার প্রারব্ধ এবং স্বর্গাদি ভোগের উপযুক্ত পুণ্য কর্ম ভোগের বিষয় পূর্বে কথিত হইয়াছে । উক্ত স্বর্গাদি ভোগে পতন অবশ্যম্ভাবী, তাহাও কথিত হইয়াছে । “পরিনিষ্ঠিত” সাধক লোক শিফার অগ্নি আশ্রম ধর্ম প্রতিপালন করিয়া থাকেন মাত্র, এবং তজ্জন্ম তাঁহার পারলৌকিক ভোগ না থাকিলেও, প্রারব্ধ হেতু ত্রৈহিক ভোগ সিদ্ধ হয় । “অনাশ্রমী” কোনও আশ্রমধর্ম প্রতিপালন করেন না, কিন্তু উপাসনারূপ কর্ম ত করিয়া থাকেন । উক্ত কর্ম কি নশ্বর নহে, এবং উহা দ্বারা প্রাপ্য ফল কি নিমিত্ত নশ্বর হইবে না ? অধিকন্তু বেদবিহিত আশ্রমধর্ম প্রতিপালন না করার অগ্নি প্রত্যবায় ভাগী না হইবেন কেন ? ইহার উত্তরে সূত্রকার সূত্র করিলেন :— .

সূত্রঃ—৩।৪।৪২ ।

উপপূর্বমপি স্বকে ভাবমশনবৎ, তদুক্তম্ ॥ ৩।৪।৪২ ॥

উপপূর্বম্ + অপি + তু + একে + ভাবম্ + অশনবৎ + তৎ
+ উক্তম্ ॥

উপপূর্বমঃ—“উপ” উপসর্গ তাহার পূর্বে আছে, এমন যে ভাব— অর্থাৎ উপাসনা । অপিঃ—ও, অবধারণে । তুঃ—আপত্তি নিরসনার্থ । একেঃ—অধর্কশাখীগণ । ভাবম্ঃ—ভজন, ভক্তি । অশনবৎঃ—খাণ্ডতুল্য । তৎঃ—তাহা । উক্তম্ঃ—শ্রুতি ও স্মৃতিতে কথিত আছে ।

অধর্কশাখীয় গোপাল পূর্ব ও উত্তর তাপনৌ শ্রুতিতে কথিত আছে যে, কেবলমাত্র উপাসনাই নিরপেক্ষগণের একান্ত কাম্য, এবং অনশনক্লিষ্ট ক্ষুধার্ত ব্যক্তির পক্ষে আহার্যের গ্ৰাহ্য, উপাসনা বা ভগবদ্ভজন, এবং তাহা হইতে উপপন্ন ভাব বা ভক্তিই একমাত্র আকাজক্ষার বস্তু । ঐকান্তিক নিরপেক্ষগণ যখন যখনই যে অবস্থাতেই থাকুন না কেন, ব্রহ্মের সহিত ব্রহ্মস্বখানুভূতি করিয়া থাকেন, এবং তৎসঙ্গেই ইচ্ছামত সমুদায় উপভোগ করিয়া থাকেন । শিরোদেশে উদ্ধৃত তৈত্তিরীয়, কঠ ও বৃহদারণ্যক শ্রুতিই তাহার প্রমাণ । স্মৃতিতেও ইহা কথিত আছে ।

দুর্ভিক্ষপীড়িত ব্যক্তি আহার প্রাপ্ত হইলে ভোজ্যের গ্রাসের সঙ্গে সঙ্গে যেমন তাহার ক্ষুধিবৃত্তি, তৃষ্ণা ও পুষ্টলাভ হইয়া থাকে, সেইরূপ ভগবদ্ভজনের সঙ্গে

সঙ্গেই সমুদায় কামনার নিবৃত্তি, শাস্ত সন্তোষ, এবং প্রেমাস্পদ শ্রীভগবানের
অমৃতময় ভাবক্ষুধিত্ব হইয়া থাকে। ভাগবত ইহা স্পষ্টাক্ষরে বলিয়াছেন :—

ভক্তিঃ পরেশানুভবো বিরক্তিরন্যত্র চৈব ত্রিক এককালঃ ।

প্রপণমানস্য যথাস্ততঃ স্যাস্তৃষ্টিঃ পুষ্টিঃ ক্ষুদপারোহনুঘাসং ॥

ভাগঃ ১১।২।৪০ ।

ইত্যচ্যুতাজ্জিৎ ভক্ততোহনুবৃত্ত্যা

ভক্তিবিরক্তির্ভগবৎপ্রবোধঃ ।

ভবন্তি বৈ ভাগবতস্য রাজন্

ততঃ পরাং শান্তিমুপৈতি সাক্ষাৎ ॥

ভাগঃ ১১।২।৪১ ।

—যেমন ভোজনকালে প্রতিগ্রাসে ক্ষুধিবৃত্তি, তৃষ্টি ও পুষ্টি হইতে থাকে,
সেইরূপ ভগবদ্ভজন করিতে করিতে প্রেম, পরমেশ্বরানুভব অর্থাৎ
ভগবৎপের ক্ষুধিত্ব, এবং সংসারের প্রতি বিরক্তি, এই তিনই এক-
কালে সম্পন্ন হইতে থাকে। ভাগঃ ১১।২।৪০ ।

—এইরূপ অনুবৃত্তির সহিত ভগবচ্চরণাবিন্দে ভজনপরায়ণ ভাগবত
ব্যক্তির ভক্তি, সংসারে বিরক্তি, ও ভগবদনুভব সম্পন্ন হইলে, পরে
সাক্ষাৎ পরম শান্তি লাভ হয়। ভাগঃ ১১।২।৪১ ।

নিরপেক্ষ ঐকান্তিক ভক্তগণ যে ভগবদ্ভজন করিয়া থাকেন, তাহা “কর্ম”
পর্যায়ের অন্তর্ভুক্ত নহে। শিরোদেশে উদ্ধৃত গোপাল পূর্বজাপনী শ্রুতি উহাকে
“নৈষ্কর্ম্য” আখ্যায় আখ্যায়িত করিয়াছেন। অতএব উক্ত উপাসনা
পূর্বপক্ষের আপত্তি কথিত “কর্ম” নহে, এবং সেজন্য উহা নশ্বর নহে।
নিরপেক্ষগণ নিষ্কামভাবে ভগবদুপাসনা করিয়া থাকেন। নিষ্কামভাবে যাহা
অনুষ্ঠিত, তাহা নৈষ্কর্ম্য ত বটেই। “নৈষ্কর্ম্য”র আবার কল কি? এই
নৈষ্কর্ম্য”র অনুষ্ঠান করিলে ভগবদ্ বিধানানুসারে কি হয়, তাহা উপরে উদ্ধৃত
ভাগবতের ১১।২।৪১ শ্লোকে স্পষ্টই কথিত হইয়াছে। অতএব সমুদায়
পরিত্যাগ করিয়া উহা একান্তভাবে অবলম্বন করাই শ্রেয়োকামী ব্যক্তি-
মাত্রেরই কর্তব্য।

আবার, যে আপত্তি করা হইয়াছে যে, নিরপেক্ষগণের ‘আশ্রমধর্ম

প্রতিপালন না করার অল্প প্রত্যাবার-ভাগী হইবার সম্ভাবনা হইতে পারে, ইহার উত্তর ভাগবত দিতেছেন :—

নিরপেক্ষং মুনিং শাস্তং নিৰ্বেৰং সমদৰ্শনং ।
অনুব্রজাম্যহং নিত্যং পূয়েয়েত্যজিষ্মু রেণুভিঃ ॥

ভাগঃ ১১।১৪।১৫ ।

—ভগবান বলিতেছেন :—আমি নিরপেক্ষ, শাস্ত, নিৰ্বেৰ, সমদৰ্শন মুনি ব্যক্তির পশ্চাৎ পশ্চাৎ নিত্য গমন করিয়া উক্ত ব্যক্তির চরণ-ধুলির দ্বারা আপনাকে এবং আমার অন্তর্কর্তী ব্রহ্মাও সকল পবিত্রীকৃত করিয়া থাকি । ভাগঃ ১১।১৪।১৫ ।

অতএব, প্রত্যাবার ত দূরের কথা ; ভগবান্ নিজ মুখে নিরপেক্ষ ঐকান্তিক ভক্তগণের কি অলৌকিক মহিমা ঘোষণা করিলেন !!! ইহা শুনিলে কি তাঁহার চরণে একান্তভাবে সর্বস্বাৰ্পণ করিবার প্রবৃত্তি হয় না ?

ভগবান আরও বলিতেছেন :—অকিঞ্চন, আমাতে অনুরক্ত চিত্ত, শাস্ত, মহান্, অখিল জীববৎসল, সর্ব প্রকার কামনা দ্বারা অস্পৃষ্ট হৃদয়, মদভক্ত যে সুখ ভোগ করেন, তাহা সেই নিরপেক্ষ ভক্তগণই জানেন । অল্প কেহ তাহার বিন্দুমাত্রও জানিতে পারে না । ভাগঃ ১১।১৪।১৬ ।

নিষ্কিঞ্চনা মযানুরক্তচেতসঃ

শাস্তা মহান্তোহখিলজীববৎসলাঃ ।

কাটমরনালক্কাধিয়ো জুষন্তি তে

যন্নৈরপেক্ষ্যং ন বিহুঃ সুখং মম ॥

ভাগঃ ১১।১৪।১৬ ।

—তাঁহাদিগের হৃদয় এ প্রকার কামনাশূন্য যে, ভগবান্ স্বেচ্ছায় আত্মস্তিক কৈবল্য দিতে चाहিলেও তাঁহারা তাহা গ্রহণ করেন না । কারণ, তাঁহারা নৈরপেক্ষ্য সুখকে মহৎ নিঃশ্রেয়স ফল বলিয়া মনে করেন, এবং এই প্রকার নিরপেক্ষ ব্যক্তিরই ভগবানের প্রতি দৃঢ়া ভক্তি হইয়া থাকে ; তাহাই সর্বশ্রেষ্ঠ লক্ষ্য ।

ভাগঃ ১১।২০।৩৪-৩৫ ।

ন কিঞ্চিং সাধবো ধীরা ভক্তা হ্যেকান্তিনো মম ।

৬. বাঞ্ছন্ত্যপি ময়া দত্তং কৈবল্যমপুনর্ভবং ॥ ভাগঃ ১১।২০।৩৩ ।

নৈরপেক্ষ্যং পরং প্রাছর্নিঃশ্রেয়সমনল্লকং ।

তস্মান্নিরাশিষো ভক্তির্নিরপেক্ষশ্চ মে ভবেৎ ॥ ভাগঃ ১১।২০।৩৫ ।

কৈবল্য লাভে ব্রহ্মানন্দানুভূতি হইয়া থাকে। ভাগবত বলিতেছেন যে, নিরপেক্ষ ভক্তগণ এ ব্রহ্মানন্দানুভূতিও চাহেন না। ভগবান স্বতঃ প্রবৃত্ত হইয়া দিতে চাহিলেও তাঁহারা দীনতার সহিত উহা পরিত্যাগ করেন। কারণ নৈরপেক্ষ্য সুখ উহা হইতে নিরতিশয় শ্রেষ্ঠ, এবং উক্ত সুখানুভূতি কেবলমাত্র নিরপেক্ষ ভক্তগণেরই হইয়া থাকে (ভাগঃ ১১।১৪।১৬)। ব্রহ্মানন্দ উপভোগী কৈবল্যপ্রাপ্ত সিদ্ধগণও উহার সর্বাতিশয়ী পরমানন্দতার কল্পনাও করিতে পারেন না।

ভগবানের সেই একান্ত ভক্তগণ তাঁহাদের উপাসনার বা ভজনের কিছুমাত্র ফল আকাঙ্ক্ষা করেন না। সর্বদাই শ্রীভগবানের অত্যদ্ভুত, সুমঙ্গল, লীলা ও চরিত্র গান করিয়া আনন্দ সমুদ্রে নিমগ্ন থাকেন। ভাগঃ ৮।৩।২০ ।

একান্তিনো যশ্চ ন কঞ্চনর্থং

বাঞ্ছন্তি যে বৈ ভগবৎপ্রপন্নাঃ ।

অত্যদ্ভুতং তচ্চরিতং সুমঙ্গলং

গায়ন্তু আনন্দসমুদ্রমগ্নাঃ ॥ ভাগঃ ৮।৩।২০।

তাঁহারা আনন্দ সমুদ্রে মগ্ন না হইবেন কেন? শ্রুতি বলিয়াছেন, “রসো বৈ সঃ । রসং হ্যেবায়ং লব্ধ্বানন্দী ভবতি”। “সৈয়া আনন্দশ্চ মীমাংসা ভবতি”। তৈত্তিরীয় (২।৭ ; ২।৮)। তিনি ত রসস্বরূপ, রসঘন, রসরাজ। তিনিই ত আনন্দের মীমাংসা, পরাকাষ্ঠা। তাঁহার আনন্দের কণামাত্র পাইয়াই, জীব ও জগৎ আনন্দে আত্মহারা। তাঁহার অস্তরঙ্গ নিরপেক্ষ, সর্বস্ব পরিত্যাগী এবং একমাত্র তদাশ্রয়ী ভক্ত যে আনন্দ সমুদ্রে নিমগ্ন হইয়া থাকিবেন, ইহাতে আশ্চর্য্য কি? তাঁহারা কিছুই চাহেন না বলিয়া আনন্দ ঘন, ঘন ঘন ভগবান স্বতঃ প্রবৃত্ত হইয়া তাঁহাদের পরমানন্দ উপভোগের বিধান করেন।

ভাগবত আরও বলিতেছেন :—

অথ হ বাব তব মহিমামৃতরসসমুদ্রে বিপ্রম্বা সকল্লীঢ়য়া স্বমনসি
নিশ্চন্দমানানন্দরসে সুখেণ বিশ্বারিতদৃষ্টি শ্রুতিবিষয়সুখলেশাভাসাঃ

পরমভাগবতা একান্তিনো ভগবতি সর্বভূতপ্রিয়সুহৃদি সর্বস্বানি
নিরতনির্বৃতমনসঃ..... । ভাগঃ ৬।৯।৩৬ ।

—হে ভগবন্! আপনি সর্বভূতের প্রিয়, সুহৃদ ও আত্মা। আপনার
মহিমাই অমৃতরসের সাগর। সেই সাগরের বিন্দুমাত্র একবার আত্মাদিত
হইলে মনোমধ্যে যে সুখ নিরন্তর নিঃশব্দিত হইতে থাকে, তাহাতে
আপনার ঐকান্তিক ভক্ত পরম ভাগবতগণ শ্রুতিকথিত স্বর্গাদি
উপভোগরূপ ক্ষুদ্র সুখ বিস্মৃত হইয়াছেন এবং তাঁহাদের মনঃ নিরন্তর
আপনাতেই রত ও নির্বৃত হইয়া আছে। ভাগঃ ৬।৯।৩৬ ।

অতএব, বুঝা গেল যে, নিরপেক্ষ ঐকান্তিক ভগবদ্ভক্ত নিরন্তর যে
ভূমা সুখ ভোগ করেন, এবং তাহাতে বিভোর হইয়া বাহ্যবিষয় বিস্মৃত
হইয়া থাকেন, তাহাতে শ্রুতিকথিত আশ্রম ধর্ম প্রতিপালন, তাঁহাদের
পক্ষে শুধু যে অসম্ভব, তাহা নহে, করণীয়ও নহে। ইহা পূর্বে
প্রতিপাদিত হইয়াছে। আর বিস্তারের প্রয়োজন নাই।

[এই প্রকার ঐকান্তিক নিরপেক্ষ ভক্তগণ মোক্ষ, কৈবল্যপদ
প্রভৃতি আকাঙ্ক্ষা করেন না, ইহা কথিত হইয়াছে। কিন্তু উহারা
আপনাপনি তাঁহাদিগের আত্মপালনে উন্মুখ থাকে। এই তত্ত্ব সূত্রকার
দৃঢ়ীকৃত করিতেছেন।]

সূত্র :—৩।৪।৪৩ ।

বহিঃ্ত্ভয়ধা(ধা)পি শ্বতেরাচারাস্ত ॥ ৩।৪।৪৩ ॥

বহিঃ + ত্ + উভয়ধা(ধা) + অপি + শ্বতেঃ + আচারাস্ত + চ ॥

বহিঃ :— বাহিরে, প্রপঞ্চ বা মায়িক জগতের বাহিরে। ত্ :—কিন্তু
(অবধারণে)। উভয়ধা (ধা) :—উভয় প্রকারেই। অপি :—ও। শ্বতেঃ :—
স্বতিতে কখন হেতু। আচারাস্ত :—ঐভগবানের আচরণ হেতু। চ :—ও।

ঐকান্তিক নিরপেক্ষ ভগবদ্ভক্ত প্রপঞ্চের ভিতরে থাকিলেও, তাঁহারা প্রপঞ্চান্তর্গত মায়ার প্রভাবের বাহিরে বর্তমান থাকেন, ইহা স্মৃতি প্রমাণে এবং শ্রীভগবানের নিজের আচরণ অনুসারে সিদ্ধ হয়। পূর্বে দুই সূত্রে প্রতিপাদিত হইয়াছে যে, তাঁহারা রূপ-রস-গন্ধ-শব্দ-স্পর্শময় জগতে বর্তমান থাকিলেও, উক্ত রূপ-রসাদির অধীন নহেন। তাঁহারা ভগবদ্ভাবে বিভোর এবং আনন্দ-সমুদ্রে মগ্ন। ভগবানের সহিত তাঁহাদের অন্তরে বাহিরে সংশ্লেষ বর্তমান। ভগবদ্বৈমুখ্যই সংসারপ্রাপ্তির এবং তজ্জনিত বন্ধের কারণ। তাঁহাদের উক্ত বৈমুখ্যের অভাববশতঃ সংসারের বন্ধ তাঁহাদের নাই। সুতরাং তাঁহাদের ভৌতিক শরীর প্রপঞ্চ জগতে বর্তমান থাকিলেও, তাঁহারা প্রকৃতপক্ষে প্রপঞ্চের বাহিরে বর্তমান—ভগবৎসঙ্গই তাহার কারণ। ভগবান্ তাঁহাদিগের অন্তরে প্রণয়-শৃঙ্খলে বদ্ধ হইয়া বিরাজ করেন, এবং বাহিরেও তাঁহাদিগের পশ্চাৎ পশ্চাৎ অনুগমন করেন। যাহাদিগের অন্তরে বাহিরে ভগবান বিরাজমান, এবং তাহা তাঁহাদের জ্ঞাতসারে, তখন আর তাঁহারা সালোক্য-সামীপ্যাদির কামনা কেন করিবেন ?

শ্রীমদ্ভাগবত বলিতেছেন :—

বিসৃজতি হৃদয়ং ন যস্য সাক্ষা-

দ্ধরিরবশাদভিহিতোহ্যপ্যঘোঘনাশঃ ।

প্রণয়রসনয়া ধৃতাজ্জি পদ্ব্যঃ

স ভবতি ভাগবতপ্রধান উক্তঃ ॥

ভাগঃ ১১।২।৫৩ ।

—যাহার নাম অবশে উচ্চারিত হইলেও 'সমুদায়' পাপরাশি বিনষ্ট হয়, সেই হরি স্বয়ং যাহার হৃদয় পরিত্যাগ না করিয়া, পরস্তু প্রেমরঞ্জুয়ারা বন্ধপদ হইয়া হৃদয়ে অবস্থিতি করেন, তিনি ভগবদ্ভক্তগণের মধ্যে প্রধান। ভাগঃ ১১।২।৫৩ ।

ভক্ত ও ভগবানের এই বাঁধাবাধি বড়ই মধুর, এবং তজ্জনিত প্রণয়-কলহও বড়ই প্রাণারাম। অন্ধ বিশ্বমঙ্গল যখন বৃন্দাবনের পথে পথভ্রষ্ট হইয়া কণ্টকাকীর্ণ জঙ্গলে পতিত হইলেন, তখন কি আর তাঁহার ভজনের ধন ভগবান্ স্থির থাকিতে পারেন? গোপবালক বেশে শ্রীকৃষ্ণ তাঁহার হাত ধরিয়া কণ্টকবন হইতে উদ্ধার করিয়া বৃন্দাবনের পথে অগ্রসর হইতেছিলেন। বিশ্বমঙ্গল গোপবালকের

বালকেষু উপর সন্দিহান হইয়া তাঁহাকে কাছে আনিয়া পরীক্ষার অগ্ৰ যখন হাত চাপিয়া ধরিলেন, তখন গোপবালক বলপ্রকাশ করিয়া হস্ত ছাড়াইয়া লইলে, অন্ধ ভক্ত বলিয়া উঠিলেন :—

হুস্তমাক্ৰিপ্য যাতোহসি বলাৎ কৃষ্ণ কিমদ্ভুতম্ ।

হৃদয়াদ্ যদি নির্ধাসি পৌরুষং গণয়ামি তে ॥

শ্রীকৃষ্ণকর্ণামৃতম্, তৃতীয় শতক, ২৬ শ্লোক ।

—হে কৃষ্ণ ! তুমি বল প্রকাশে হাত ছাড়াইয়া যাইতেছ বটে, ইহাতে আশ্চর্য্য হইবার কি আছে? আমি অন্ধ, অনশনে দুর্বল, পথশ্রমে অতীব ক্লান্ত, তুমি চক্ষুমান্, বলবান্ । যদি হৃদয় হইতে যাইতে পার, তবে তোমার পৌরুষ আছে বলিয়া স্বীকার করি । শ্রীকৃষ্ণকর্ণামৃতম্, তৃতীয় শতক, ২৬ শ্লোক ।

শুক্রে ও ভগবানের এই খেলা চিরকাল । ভক্ত প্রেমডোরে দৃঢ়ভাবে তাঁহার চরণ-কমল হৃদয়ে বদ্ধ করিয়া রাখেন ; সে বন্ধন এত দৃঢ় যে, সর্বশক্তিমানের সমুদায় শক্তি সেখানে শক্তিহীন । ভক্তের হৃদয় ছাড়িয়া তাঁহার যাইবার উপায় নাই । এইখানেই স্বতন্ত্র ভগবান অস্বতন্ত্র । শুধু অস্বতন্ত্র কেন—পরতন্ত্র ভক্তাধীন । চতুর্দশ ভুবনে যিনি “অজিত” বলিয়া বিখ্যাত তিনি এইখানে পরাজিত । এই অস্বতন্ত্রতা, এই পরাজয়—তাঁহারই বিধানে সংঘটিত । পূর্বে প্রতিপাদিত হইয়াছে যে, ভগবানে তিনি ও তাঁহার ভেদ নাই । সুতরাং তিনি যাহা, তাঁহার নিয়মও তাহা, সংকল্প বা ইচ্ছাও তাহা ।

এই ত গেল শুক্রে-ভগবানের অস্তরের সংশ্লেষের কথা । বাহিরেও তিনি ভক্তের সঙ্গে সঙ্গে ফিরেন । ৩।৪।৩৭ সূত্রের আলোচনার উদ্ধৃত ভাগবতের ১।১।১৪।১৫ শ্লোক ইহা স্পষ্টই প্রতিপাদন করে । বিষমঙ্গলের যে উপাখ্যান উপরে কথিত হইল, তাহাও ভগবানের ভক্তানুগমনের দৃষ্টান্ত । ভক্তানুগমন রূপ ভগবানের আচরণ, এবং উপরে উদ্ধৃত স্মৃতি (ভাগবত, ১।১।২।৫৩) হইতে স্পষ্ট বুঝা গেল যে, ভগবান ঐরূপ শুক্রে অস্তরে বাহিরে বর্তমান থাকায়, উহার প্রপঞ্চে দৃশ্যতঃ থাকিলেও, প্রপঞ্চে বাহিরে ভগবদ্ধামে বস্তুতঃ অবস্থান করেন ।

এখানে আপত্তি উত্থাপিত হইতে পারে যে, ভাগবতোক্ত ১।১।১৪।১৫ শ্লোক কবির অতিশয়োক্তি মাত্র । শুক্রে মহিমা খ্যাপনার্থে এই প্রকার কথিত হইয়াছে

যাত্র। সত্যই কি বিশ্বস্ত্রী, জগদেককারণ, আত্মারাম, আশুকায, চিরপূর্ণ, ভগবান্ কুত্রাদপি ক্ষুদ্র মানবের পদধূলি-লাভের জন্য অহুগমন করিয়া থাকেন ? ভক্তোত্তম হইলেও মানবই ত বটে ?

জ্যোতিষ শাস্ত্র বলে যে, আকাশে চর্মচক্ষু বা শক্তিশালী দূরবীক্ষণ সহযোগে যত নক্ষত্র দৃষ্টিগোচর হয়, উহারা প্রত্যেকে এক একটি সূর্য্য। দূরবীক্ষণ যতই অধিক শক্তিশালী হইতেছে, ততই অধিক সংখ্যক নক্ষত্র আমাদের দৃষ্টিগোচর হইতেছে। সুতরাং, ইহা সহজেই অনুমেয় যে, চক্ষুর দ্বারা বা যন্ত্র সাহায্যে আমরা যে সকল নক্ষত্র পরিদর্শন করি, তাহারা প্রকৃতপক্ষে বিদ্যমান নক্ষত্র রাশির অতি ক্ষুদ্র ভগ্নাংশ মাত্র। আবার, আমাদের সূর্য্যের চতুর্দিকে যেমন পৃথিবী, গ্রহগণ ও উপগ্রহগণ বেষ্টিত করিয়া আমাদের সৌর-জগতের অস্তিত্ব প্রকাশ করে, সেইরূপ ঐ প্রত্যেক নক্ষত্ররূপ সূর্য্যেরও চতুর্দিকে তাহাদের সৌর জগৎ বিদ্যমান আছে। সুতরাং জগতের সংখ্যা নির্ণয় করিবার প্রয়াসেই মস্তক ঘূর্ণিত হইয়া যায়, চিন্তাশক্তি লোপ পায়, বিশ্বেষে স্তম্ভিত হইয়া থাকিতে হয়। শাস্ত্রে উহাকে অসংখ্য বলিয়া সাব্যস্ত করিয়াছে। বাতায়ন-পথে সূর্য্যালোকে সঞ্চারমান ধূলিকণার ন্যায়, অনন্ত আকাশে উহাদের সংখ্যা অনন্ত।

আবার জীববিজ্ঞান পর্যালোচনা করিলে আমরা বুঝিতে পারি যে, পৃথিবীর সূচ্যগ্র স্থানও জীববিহীন নহে। উদ্ভিদও জীবপর্য্যায়ভুক্ত বলিয়া আমাদের শাস্ত্রে স্বীকৃত; এবং স্তার, জগদীশের বৈজ্ঞানিক গবেষণা উহার যাথার্থ্য প্রতিপাদন করিয়াছে। অতএব, একা পৃথিবীতেই জীবের সংখ্যা কত ? অসংখ্য, অনন্ত—আমাদের কল্পনা শক্তির বহির্ভূত। পৃথিবীর প্রত্যক্ষ নির্দর্শন হইতে আমরা দর্শনশাস্ত্র ও বিজ্ঞানশাস্ত্র সম্মত অনুমান করিতে পারি যে, সৌর জগতের প্রতিগ্রহ ও উপগ্রহ, এবং তেজোময় সূর্য্যমণ্ডলও জীববিহীন নহে। সে কারণ, আমাদের সৌরজগৎরূপ ব্রহ্মাণ্ডের 'বাহিনে, আরও যে সকল ব্রহ্মাণ্ড বর্তমান আছে, তাহারাও জীববিহীন নহে। একা পৃথিবীতেই জীবসংখ্যা যদি আমাদের কল্পনার বহির্ভূত হয়, তবে সমুদায় ব্রহ্মাণ্ডরাশির জীবসংখ্যার বিষয় চিন্তা করিতে আমাদের চিন্তাশক্তি লয় প্রাপ্ত হয়। আমরা বিশ্বেষে, ভয়ে স্তম্ভিত হই। মানুষ ত উক্ত জীবগণের মধ্যে একটি মাত্র, অনন্ত, অগাধ সমুদ্রের জলরাশির উপরিস্থ একটি 'ক্ষুদ্র বুদ্ধ, মাত্র। অনন্তস্পর্শী বেলাভূমির একটি ক্ষুদ্রাদপি ক্ষুদ্র বালুকণা মাত্র, অনন্ত আকাশে, অবস্থিত বায়ুরাশির একটি নগণ্য পরমাণু। অথবা, এ প্রকার তুলনাও সঙ্গত নহে বলিয়া মনে হয়।

বাহা হউক, মানুষ বেখানে এত ক্ষুদ্র, তাহার তুলনার এই সমুদায় অনন্ত, অসংখ্য ব্রহ্মাণ্ডরাশির একমাত্র স্রষ্টা, নিয়ন্তা, প্রাণদাতা, পরিচালক শ্রীভগবান কৃত মহৎ, কত বৃহৎ । এই বৃহৎয়ের আভাস দিবার জগুই ত তাঁহার “ব্রহ্ম” নাম শাস্ত্রে ব্যবহৃত ! সেই অতি মহান্, অতি বৃহৎ ব্রহ্ম বা ভগবান কি কখনও ক্ষুদ্র মানবের পদরেণুর আকাঙ্ক্ষায় তাহার পশ্চাৎ পশ্চাৎ গমন করিতে পারেন ? ইহা বরং অতি হীন নাস্তিকতার পরিচয়, অতি অশ্রদ্ধের, অশ্রোতব্য ঈশ্বরনিন্দা । ইহা শুনিলে কর্ণকুহর অপবিত্র হয় । ভাগবতকার কি প্রকারে এইরূপ সাধুজন বিগর্হিত, একান্ত নিন্দনীয় কার্য ভগবানে আরোপ করিলেন ?

ইহার উত্তরে সিদ্ধান্তবাদীর বক্তব্য বড়ই গভীর । বিশেষ মনো-যৌগের সহিত অবধারণ করা প্রয়োজন । প্রথমতঃ, ক্ষুদ্র-বৃহৎ, অনন্ত-সান্ত, অসংখ্য-সংখ্যেয় প্রভৃতি ধারণা, দেশকাল প্রভাবাধীন প্রপঞ্চের অন্তর্গত মায়িক মাত্র । ভগবত্ত্ব, ভগবদ্ধাম, ভগবান—মায়ার বাহিরে । ভগবানের নিকট মায়ার কোনও প্রভাব নাই । দেশকাল সেখানে বর্তমান নাই । সেখানে দ্বৈতভাবই নাই । ক্ষুদ্র-বৃহৎ নাই ; অনন্ত-সান্তের সহিত একীভাব প্রাপ্ত । দ্বৈত না থাকায়, সংখ্যার অস্তিত্বই নাই, দেশ কাল না থাকায়—ক্ষুদ্রত্ব, বৃহত্ত্ব, অণুত্ব, মহত্ত্ব প্রভৃতি নাই । অতএব, সেখানে মানব ক্ষুদ্র, ভগবান্, বৃহৎ, মহান্—এপ্রকার কল্পনা, চিন্তা, ধারণা হইতেই পারে না । সেখানে নিয়ন্তা-নিয়ম্য, স্রষ্টা-সৃজ্য, জ্ঞাতা-জ্ঞেয়, কর্তা-কর্ম্ম ইত্যাদির পৃথকত্ব নাই । “একমেবা-ধিতীয়ম্” বলিয়া শ্রুতি ক্রান্ত হইয়াছেন । অতএব, উপরে লিখিত আপত্তির কোনও অবকাশ নাই ।

এখন তত্ত্বটি বুঝিবার চেষ্টা করা যাউক । শ্রুতি ভগবানকে “রসো বৈ সঃ” (তৈত্তিরি, ২।৭) বলিয়াছেন । তিনি রস স্বরূপ । রস স্বরূপ হইলেও তিনি রসের আনন্দকণ্ড বটে । যেমন “বিজ্ঞানঘন, প্রজ্ঞান-ঘন” বা “জ্ঞানস্বরূপ”—“সর্বজ্ঞ ও সর্ববিৎ”ও বটে, সেইরূপ “রস-স্বরূপ” রসের আনন্দও করিয়া থাকেন । পূর্বে ইহা প্রতিপাদন করা হইয়াছে । যে রসের অনুভূতি তাঁহাতে নাই, জীবের মধ্যে সে অনুভূতি কোথায় হইতে আসিবে ? তাঁহার রসানুভূতির কণা পাইয়াই ত জীব ও জগৎ আনন্দে আত্মহারা । (তৈত্তিরি: ২।৮) ।

তঁাহার ঐকান্তিক ভক্ত ভক্তিরসে আগ্নুত হইয়া তঁাহার মধুরিমা কি প্রকার আশ্বাদন করে, শ্রীভগবান নিজে আশ্বাদন করিয়া তাহা অনুভব করিয়াছেন বলিয়াই ত ভক্তের উক্ত প্রকার অনুভূতি। যাহা তঁাহাতে নাই, তাহা মানব কোথা হইতে পাইবে? অতএব, উক্ত প্রকার নিজের মধুরিমার আশ্বাদন (যাহা ভক্ত করিয়া থাকে), তাহা তঁাহাতে আছে, ইহা স্বীকার করিতেই হইবে। কিন্তু ভক্তের আশ্বাদন স্বরূপতঃ জানিতে হইলে, নিজে ভক্ত হইতে হইবে। আবার, ভক্ত হইতে হইলে, ভক্তি লাভ করা প্রয়োজন। কিন্তু ভগবানেরই নিয়ম যে, তপস্যা, যজ্ঞ, দান, বিদ্যা ধারা ভক্তিলাভ হয় না। উহা প্রাপ্তির একমাত্র উপায়, “মহৎপাদরজোহভিষেকম্” (ভাগবত, ৫।১২।১২)—মহৎ অর্থাৎ ভক্তের পদধূলিতে স্নান। ইহা ভিন্ন অন্য উপায় নাই। স্মরণ্যং নিজে আচরণ করিয়া না দেখাইলে কে শাস্ত্র মান্য করিবে? এই জগুই শ্রীভগবানের ভক্তানুগমন, ভক্তের পদধূলি লাভের জন্ম লালায়িত হইয়া ভগবান নিজে তঁাহার পশ্চাৎ পশ্চাৎ গমন করেন। ইহার দ্বারা ভক্তের মহিমা কত মহান, তাহা জগতে প্রচারিত হইল। শাস্ত্র-বিধি যে অবশ্য প্রতিপাল্য, তাহা আপনার দৃষ্টান্তে প্রদর্শন করা হইল এবং ভক্ত ও ভগবানের অভেদ প্রতিপাদিত হইল।

আরও দেখ, ভগবান ও ভক্তে প্রভু-ভূত্য সঙ্ক নহে, মহৎ-নীচ সঙ্ক নহে। উভয়ের মধ্যে প্রেমের সঙ্ক। উক্ত সঙ্ক সমুদায় ভেদভাব তিরোহিত করিয়া দেয়। উহা কত মধুর, তাহা সকলেই প্রাণে প্রাণে অনুভব করিয়া থাকেন। যাহা অনুভবের বস্তু, তাহা ভাষায় প্রকাশ সম্ভব নহে। পুত্র-বৎসল পিতা মাতা বালক পুত্রকে কোলে লইয়া যখন লালিত করেন, তখন উক্ত পুত্রের পদ-রজঃ তঁাহার গায়ে লাগিয়া তঁাহাকে অপবিত্র ও মলিন করিবে, ইহা কি মনে করেন? পিতামাতার সহিত শিশুপুত্রের যে সঙ্ক, ভগবানের সহিত ভক্তের সঙ্ক তাহা হইতেও ঘনিষ্ঠ, মধুরতম ও নিবিড়তম। স্মরণ্যং, ভাগবত-কারের উক্ত শ্লোকে ভগবান্দি ত দূরের কথা, শ্রীভগবানের অন্তরের ভাব প্রকট ভাবে লোকসমক্ষে ঘোষণা করা হইয়াছে, এবং ইহা দ্বারা শ্রীভগবানের ভক্ত-বৎসলতা, ভক্ত পারতন্ত্র্য প্রভৃতি গুণের প্রকৃষ্ট পরিচয় দেওয়া হইয়াছে। কিজন্য ভক্ত সর্বস্ব পরিত্যাগ করিয়া, কোনও কিছু আকাঙ্ক্ষা না করিয়া, একমাত্র তঁাহাকেই জীবনের সার, সর্বস্বরূপে গ্রহণ করিয়া থাকেন, তাহার গূঢ় রহস্য প্রকাশ করা হইয়াছে।

ভক্তি ও প্রেমের ব্যাপার, প্রাপঞ্চিক ব্যবহারিক ব্যাপারের বাহিরে।

সুতরাং, ব্যবহারিক উচিতানুচিতের মাপকাঠি লইয়া উহার বিচার করিলে চলিবে না। প্রাপঞ্চিক তর্কশাস্ত্রের নিয়মানুসারে উহার বিচার চলিবে। উহার জ্ঞান স্বতন্ত্র ব্যবস্থা শাস্ত্রে বিদ্যমান। সেই ব্যবস্থা না মানিয়া বিচার করিতে বসিলে, পদে পদে অসঙ্গতি মনে হইবে। সেই ব্যবস্থা মানিয়া বিচার করিলে সমুদায়ে অদ্ভুত সঙ্গতি বৃদ্ধিতে পারিয়া অপার আনন্দ লাভ হইবে। যেখানে বৃদ্ধিতে পারা যাইবে না, সেখানে নিজ আত্মস্মৃতিতে অন্ধ হইয়া শাস্ত্রের দোষ না দিয়া দীন ভাবে শ্রীভগবানের নিকট কাতর অনুনয় জানাইলে আলোক আপনি আসিবে।

যোহুগুর্বহিস্তুভূতামগুভং বিধুধ্মাচার্য্যৈচৈত্যবপুষা স্বর্গতিং ব্যনক্তি ।

ভাগঃ ১১।২৯।৬ ।

—ইহার অর্থ ৩।৩।৮ সূত্রের আলোচনায় দেওয়া হইয়াছে (পৃঃ ১৪২৪) ।

১০। স্বাম্যাধিকরণম্ ॥

‘ ভিত্তি :—

- ১। “ভর্তা সন্ ত্রিয়মাণো বিভাতি” । (তৈত্তিরীয় আরণ্যক)
—ভগবান নিজে ভক্তগণের পালনকারী হইয়াও ভক্তের নিকট পালিতের স্তায় প্রকাশিত হন । (তৈত্তিঃ আরণ্যক)
- ২। “যমেবৈষ বৃণুতে তেন লভ্যঃ ……” । (কঠ, ১।২।২২)
—এই আত্মা যাহাকে বরণ করেন, তিনিই ইহাকে প্রাপ্ত হন ।
(কঠ, ১।২।২২)
- ৩। “অনশ্চাশ্চিস্তয়ন্তো মাং যে জনাঃ পর্য্যুপাসতে ।
তেষাং নিত্য্যভিযুক্তানাং যোগক্ষেমং বহাম্যহম্ ॥”
(গীতা, ৯।২২) ।
—অন্য চিন্তা পরিত্যাগ করিয়া যে সকল ব্যক্তি কেবল আমাকেই
ভজনা করেন, সেই নিত্য আমাতে যুক্ত ভক্তদিগের আমি যোগ
ও ক্ষেম বহন করিয়া থাকি । (গীঃ ৯।২২)

সংশয় :—নিরপেক্ষ ঐকান্তিক ভক্ত সর্বদা সর্বস্থানে ভগবদ্ভাবে বিভোর হইয়া থাকেন, বলিলে । তাঁহাদের শরীরচেষ্টা পর্য্যন্ত থাকে না এবং শারীরিক অভাব পরিপূরণের জন্তও কোনও প্রয়াস করিয়া থাকেন, ইহা ত তৌমার বিচার হইতে বুঝা গেল না । যদি, ঐ প্রকারের প্রয়াসও তাঁহারা না করেন, তবে শরীর যাত্রা নির্বাহ হয় কিরূপে ? তিনি প্রাপঞ্চিক পঞ্চভূতাত্মক দেহে বর্তমান থাকেন, ইহা তুমি অস্বীকার কর নাই । দেহ বর্তমান থাকিলে দেহ-জনিত অভাবও তাঁহার থাকিবে । সে সকল অভাব পরিপূরণ হয় কি প্রকারে ? ইহার উত্তরে সূত্রকার সূত্র করিলেন ।

সূত্র :— ৩।৪।৪৪ ।

স্বামিনঃ ফলশ্রুতে রিত্যা ত্রেয়ঃ ॥ ভাগঃ ৩।৪।৪৪ ॥

স্বামিনঃ + ফলশ্রুতেঃ + ইতি + আত্রেয়ঃ ॥

স্বামিনঃ :—প্রভু হইতে, ত্রীভগবান হইতে । ফল :—ফলপ্রাপ্তি ।

'শ্রুতঃ'—শ্রুতি প্রমাণ হেতু। ইতিঃ—ইহা। আত্মেরঃ—দত্তাত্মের আচার্য্য (বলেন)।

• দত্তাত্মের আচার্য্য বলেন যে, শ্রীভগবান হইতেই ভক্তগণের ফলপ্রাপ্তি হইয়া থাকে। অর্থাৎ, শ্রীভগবানই ভক্তগণের সমুদায় অভাব পূরণ করিয়া থাকেন। শিরোদেশে উদ্ধৃত তৈত্তিরীয় আরণ্যক ও কঠশ্রুতি ইহার প্রমাণ। গীতার ৯।২২ শ্লোকও ইহার সাক্ষ্য দিতেছে।

এ সম্বন্ধে ভাগবতের উক্তি বড়ই সুস্পষ্ট। সন্দেহ মাত্র নাই।

যে ত্যক্তলোকধর্ম্মাশ্চ মদর্থে তান্ বিভর্ম্ম্যাহম্ ॥

ভাগঃ ১০।৪৬।৩।

—যে সকল ব্যক্তি আমার নিমিত্ত ঐহিক ও পারত্রিক সুখ এবং তাহার সাধন পরিত্যাগ করে, আমি তাহাদিগকে ভরণ করিয়া থাকি এবং পরম সুখী করিয়া থাকি। ভাগঃ ১০।৪৬।৩।

তিনি আশ্রিতগণের সর্ব্বার্থদ (“আশ্রিতানাং সর্ব্বার্থদঃ”, ভাগবত ১১।২৯।৫)। তাঁহার আশ্রিত ভক্তগণ তাঁহা হইতেই সমুদায় প্রয়োজন লাভ করিয়া থাকেন।

ভগবান অগ্রতঃ বলিতেছেন :—

ভক্তিং লব্ধবতঃ সাধোঃ কিমগ্রদবশিষ্যতে ।

মযানন্তুগুণে ব্রহ্মণ্যানন্দানুভবান্মি ॥ ভাগঃ ১১।২৬।২৯।

—আমাতে অনন্তগুণ বিচ্যমান ; আমি আনন্দানুভবাত্মা পরব্রহ্ম। যে সকল সাধুব্যক্তি আমাতে ভক্তিলাভ করিয়াছে, তাহাদিগেব আর পাইবার অগ্র অবশিষ্ট কি আছে ? (১১।২৬।২৯)

• অতএব প্রতিপাদিত হইল যে, সমুদায় প্রাপ্তির পরিসমাপ্তি ভগবানে ভক্তিব্যাপ্তিতে। শারীরিক অভাব পূরণাদি ইতর লাভের কথা কি ? শ্রীভগবানই নিজ ভক্তগণের সর্ব্ববিধ অভাব পরিপূরণ করিয়া থাকেন। গীতার ৯।২২ শ্লোকই ইহার প্রমাণ। চলিত কিংবদন্তীতে শুনা যায় যে, তিনি ভক্তের অভাবাদি পূরণের জন্য মস্তকে করিয়া দ্রব্যাদি বহন করিয়া ভক্তের গৃহে দিয়া আসেন। এমন কি, প্রয়োজন হইলে তিনি

আপনাকে পর্য্যন্ত দান করিতে কুষ্ঠিত হয়েন না। এ প্রসঙ্গে পরবর্তী সূত্রের আলোচনার উদ্ধৃত, ইহার প্রতিপাদক, ভাগবতের .৬।১৬।৩০, ১০।৮০।৮, ১১।২।২৯ শ্লোকগুলি দ্রষ্টব্য।

দেহরক্ষা করিবার জন্য ভক্তগণের নিজের কোনও রূপ চেষ্টার প্রয়োজন হয় না। কারণ, তাহাতে তাঁহাদের প্রবৃত্তি দৃষ্ট হয় না। আবার অণুদিকে, সত্যসংকল্প জগদীশ্বরের তজ্জন্ম মানবের শ্রায় প্রযত্নও সম্ভব হয় না। ভগবানের সেবা করাই ভক্তগণের অভিলাষ। সেবা আত্মবৎ করা শাস্ত্রের বিধান। তদ্বারা আপনাপন দেহযাত্রা নির্বাহ—উহার আনুষঙ্গিক ফল—সত্যসংকল্প ভগবানের সংকল্পবশতঃই ভগবানের সেবার উপকরণ লাভ হইয়া থাকে। এই উদ্দেশ্যে শিরোদেশে উদ্ধৃত তৈত্তিরীয় আরণ্যক শ্রুতিতে “ভ্রিয়মাণ” পদ ব্যবহৃত হইয়াছে।

সূত্রকার নিজ মত দৃঢ়ীকরণ জন্য অতঃপর আচার্য্য ঔড়ুলোমির মত উদ্ধৃত করিতেছেন। ঔড়ুলোমি নিষ্ঠুর্গাণ্ডবাদী। তিনি ভক্তিপথের পথিক নহেন, এবং ভক্তি রহস্ত্রে অধিগত নহেন। তিনি ব্যবহারিক বিনিময়-বাদী। দক্ষিণার বিনিময়ে যেমন ঋত্বিক নিজ সময়, পরিশ্রম, শিক্ষা, কর্ম যজমানকে বিক্রয় করেন, তাঁহার মতে ভগবানও ভক্তির বিনিময়ে সেইরূপ ভক্তগণের অভাব পূরণ করেন। কিন্তু মনে রাখিতে হইবে যে, নিরপেক্ষ ভক্তের নিকট এরূপ বণিক ব্যাপার, বড় অশ্রদ্ধেয়। উক্ত ভক্ত, ঔড়ুলোমি কথিত উদাহরণ হইতে অনেক উচ্চ অবস্থিত। ভগবানের বিধান বা নিয়মানুসারেই ঐ প্রকার ভক্তগণের সর্ববিধ অভাব সম্পূর্ণ হইয়া থাকে। তিনি যা, তাঁহার নিয়ম বা বিধানও তাই, ইহা পূর্বে বলা হইয়াছে। সুতরাং তাঁহার নিয়ম বা বিধান বশতঃ ঐ প্রকার ভক্তের অভাব পরিপূর্ণ হইয়া বলাও যাই। আর ভগবান নিজে তাঁহার যোগ ক্ষেম বহন করেন বলাও তাই। যাহা হউক, ঔড়ুলোমি আচার্য্যের অন্তিমত সূত্রাকারে সূত্রকার প্রকটিত করিলেন :—

সূত্র :— ৩।৪।৪৫ ।

আর্ষিজ্যামিত্যোড়ুলোমিস্তস্মৈ হি পরিক্রীয়তে ॥ ৩।৪।৪৫ ॥

আর্ষিজ্যাম্ + ইতি + ওড়ুলোমিঃ + তস্মৈ + হি + পরিক্রীয়তে ।

আর্ষিজ্যাম্ :—ঋষিকের কর্ম । ইতি :—ইহা । ওড়ুলোমিঃ :—
তন্নামধ্যাত আচার্য্য । তস্মৈ :—ভক্তগণের নিকট । হি :—নিশ্চয়ে ।
পরিক্রীয়তে :—বিক্রীত হন ।

ওড়ুলোমি আচার্য্য বলেন যে, ঋষিকগণ যেমন যজ্ঞমানের নিকট হইতে দক্ষিণা গ্রহণ করিয়া আপনাদের কর্ম তাঁহার নিকট বিক্রয় করেন, ভগবানও সেইরূপ ভক্তগণের নিকট হইতে সেবাভক্তি গ্রহণ করিয়া আপনাকে তাঁহাদের নিকট বিক্রয় করেন । ইহার পোষকে নিম্নে বিষ্ণুধর্মোক্তরের একটি শ্লোক উদ্ধৃত না করিয়া পারা গেল না ।

তুলসীদলমাত্রেন জলশ্চ চুলুকেন চ ।

বিক্রীণীতে স্বমাত্মানং ভক্তেভ্যো ভক্তবৎসলঃ ॥

—ভক্তবৎসল শ্রীভগবান একটি তুলসীপত্র বা এক গণ্ডুষ জলের পরিবর্তে আত্মবিক্রয় করিয়া থাকেন ।

এ আত্মবিক্রয় বণিক্ ব্যাপার নহে । ভগবানের অপার করুণার পরিচয় । জীবকে সর্বস্ব দান করিতে তিনি উন্মুখ, ইহাই প্রকাশ করিলেন । ইহা বণিক্ ব্যাপার নহে, তাহা একটু অমুখাবন করিলেই আমরা বুঝিতে পারি । মূল্যের বিনিময়ে কোনও দ্রব্যে অধিকার লাভ বণিক্ ব্যাপার—সন্দেহ নাই । কিন্তু সে ক্ষেত্রে মূল্য বিক্রীত বা ক্রীত দ্রব্যের উপযোগী হওয়া আবশ্যিক । এক কড়া কড়ির বিনিময়ে একটি গ্রামে অধিকার লাভ বণিক্ ব্যাপার নহে । ইহা গ্রামের পূর্বাধিকারীর করুণার দান, ইহা সহজে বুঝা যায় । সেইরূপ এক গণ্ডুষ জল বা একটি তুলসীপত্রের বিনিময়ে অনন্তসংখ্যক জগতের একমাত্র অধিপতির উপর অধিকার লাভ--বণিক্ ব্যাপার নহে । ইহা অপার করুণার দান । তবে জলগণ্ডুষ বা তুলসীপত্র ভগবান প্রত্যাশা করেন কেন ? ইহার উত্তর—জীব স্বভাবতঃ বর্হির্শুখীন । অন্তর্শুখীন বা ভগবনুখীন নয় । ভগবান নিজের স্বতন্ত্রতার কণা তাহাকে দেওয়ার জীব স্বাধীনতা লাভ করিয়াছে । ভগবান দেখিতে চাহেন যে, জীব সেই স্বাধীনতার পরিচালনে ভগবদভিমুখে দৃষ্টিপাত করে কিনা ? অতি সহজলভ্য একবিন্দু জল বা একটি তুলসীপত্র “শ্রীগোবিন্দায় নমঃ” বলিয়া

তঁাহাকে দেয় কিনা? তাহা দিলেই ভগবান তুষ্ট ও জীবকে তাহার স্বপ্নাতীত
ঐশীষ প্রদান করিয়া থাকেন। ইহাতে জীবের স্বাধীনতা অক্ষুণ্ণ রাখা হইল,
তাহার বহির্গুণীন স্বভাবকে অন্তর্গুণে বা ভগবদভিমুখে আকর্ষণ করা হইল,
এবং পরম শ্রেয়ো লাভের বীজ রোপণ করা হইল।

ভাগবতও এই কথা বলিতেছেন :—

...ভজতামকামান্নাং য আত্মদোহৃতিকরণঃ ॥

ভাগঃ ৬।১৬।৩০ ।

—তিনি অতিশয় কারুণিক। অকাম ভক্তগণকে আত্মদান পর্য্যন্ত
করিয়া থাকেন। ভাগঃ ৬।১৬।৩০ ।

ভাগবত স্পষ্টই দেখাইলেন যে, ভক্তগণ নিজাম বলিয়া বণিক্ ব্যাপারের
প্রশ্নও উঠিতে পারে না। তঁাহার অপার করুণাই তঁাহার আত্মদানের
কারণ।

ময়ি নিব্বন্ধহৃদয়াঃ সাধবঃ সমদর্শনাঃ ।

বশে কুব্বন্তি মাং ভক্ত্যা সংস্থিয়ঃ সংপতিং যথা ॥

ভাগঃ ৯।৪।৪৮ ।

—ইহার সরলার্থ ৩।৪।৮ সূত্রের আলোচনায় দেওয়া হইয়াছে।

স্মরতঃ পাদকমলমাআনমপি যচ্ছতি । ভাগঃ ১০।৮০।৮৫ ।

—পাদপদ্ম স্মরণকারীকে আত্মদান করিয়া থাকেন। ভাগঃ ১০।৮০।৮৫ ।

...প্রসন্নঃ প্রপন্নায় দাস্ত্যত্যাআনমপ্যজঃ ॥ ভাগঃ ১১।২।২৯ ।

—অজ, ভগবান প্রসন্ন হইলে প্রপন্নজনকে 'আত্মদান করিয়া
থাকেন। ভাগঃ ১১।২।২৯ ।

সর্বান্ দদাতি স্নুহদো ভজতোহভিকামানাআনমপি... ।

ভাগঃ ১০।৪৮।৫২ ।

—ভজনকারী স্নুহদগণকে সমুদায় অভীষ্ট, এমন কি আপনাকেও
দান করেন। ভাগঃ ১০।৪৮।৫২ ।

...আত্মাত্মদশ্চ জগতাম্... ॥ ভাগঃ ১০।৬০।৩৭ ।

—জগতের আত্মা ও আত্মপ্রদ। ভাগঃ ১০।৬০।৩৭ ।

ভাগবতের যে সকল শ্লোক ও শ্লোকাংশ উদ্ধৃত হইল, তাহা হইতে স্পষ্ট বুঝা যাইবে যে, তাঁহার অসীম করুণাময় স্বভাব বশতঃ তিনি ভক্তকে আত্মদান পর্য্যন্ত করিয়া থাকেন । সূত্রে যে ক্রয় বিক্রয়ের কথা আছে, তাহা কেবল দৃষ্টান্ত দ্বারা বিবক্ষিত বিষয় বিশদ করিবার জ্ঞ । বিষ্ণুধর্মোত্তরের শ্লোকটি প্রকাশ করিতেছে যে, তাঁহাকে প্রসন্ন করা কত সহজসাধ্য । উহাতে পরিশ্রম নাই, অর্থব্যয় নাই, আড়ম্বর নাই, সহজলভ্য জলগণ্ডু ষ এবং তুলসীপত্র দ্বারাই তাঁহার প্রীতি সম্পাদন করা যাইতে পারে, প্রয়োজন কেবল অনন্যা ভক্তি। তাঁহার ঐকান্তিক ভক্তগণ, যাহাদের কথা আলোচিত হইতেছে, নিষ্কাম, একারণ বিনিময়ের প্রশ্নই উঠিতে পারে না। তাঁহার নিয়মেই তিনি ঐকান্তিক ভক্তি দ্বারা সহজলভ্য, ইহা মাত্র খ্যাপন করা সূত্রকারের উদ্দেশ্য । বণিক্ ব্যাপার সর্বত্রই নিন্দনীয় । এসম্বন্ধে ভক্তরাজ প্রহ্লাদের উক্তি বড়ই উপাদেয় । হিরণ্যকশিপু বধের পর নৃসিংহদেব যখন প্রহ্লাদকে বর দান করিবার অভিপ্রায় জানাইলেন, তখন ভক্তরাজ বলিলেন :—“যে ব্যক্তি আপনার দুর্লভ দর্শন লাভ করিয়া আপনা হইতে সাংসারিক শ্রেয়ঃ প্রার্থনা করে, সে আপনার ভৃত্য নহে, সে বণিক্ । আমি আপনার নিষ্কাম ভক্ত, আপনিও আমার নিরপেক্ষ স্বামী, সুতরাং সাধারণ স্বামী ভৃত্যের সম্বন্ধের স্থায় আমাদের বণিক্ সম্পর্ক নহে । (ভাগঃ ৭।১০।৪-৬)

ভিত্তি :—

১। “যাং বৈ কাঞ্চন যজ্ঞে ঋত্বিজ আশিষমাশাসতে ইতি,
যজমানায়ৈব তামাশাসত ইতি হোবাচেতি” ॥

(শঙ্কর ভাষ্যে উদ্ধৃত)

—ঋষি বলিলেন, ঋত্বিকগণ যজ্ঞে যে প্রার্থনা করেন, তাহা
যজমানের জন্যই করেন।—(শঙ্কর ভাষ্যে উদ্ধৃত)

২। “তস্মাদ্ হৈবস্বিত্বদগাতা ক্রয়াৎ—কং তে কামমাগায়ানি....”।

(ছান্দোগ্য. ১।৭।৮-২)

—অতএব তদভিজ্ঞ উদগাতা যজমানকে বলিবেন, তোমার কোন্
কামনা গান বা প্রার্থনা করিব। (ছাঃ ১।৭।৮-২)।

সূত্র :—৩।৪।৪৬।

শ্রুতেশ্চ ॥ ৩।৪।৪৬ ॥

শ্রুতেঃ + চ ॥

শ্রুতেঃ :—শ্রুতিপ্রমাণ হইতে। চ :—ও।

শিরোদেশে উদ্ধৃত শ্রুতিমন্ত্র হইতে প্রতীতি হয় যে, ঋত্বিক কর্তৃক অনুষ্ঠিত
কর্মের ফল যজমানই পাইয়া থাকেন। যজমান দক্ষিণা প্রদানে ঋত্বিকে
বশীভূত করিয়া থাকেন। ভগবান ও ভক্তিতে বশীভূত হন। এজন্য ঋত্বিকের
সহিত ভগবানের তুলনা সিদ্ধ হইল। তবে বুঝিতে হইবে যে, উহা তুলনামাত্র,
এবং ভক্তির শক্তি কতদূর, তাহার পরিচায়ক মাত্র। অতএব, সিদ্ধ হইল
যে, যেমন ঋত্বিক দক্ষিণা প্রাপ্তিতে প্রার্থনা দ্বারা যজমানের অভাব
পূরণ করিয়া থাকেন, সেইরূপ ভগবান ভক্তি প্রাপ্তিতে ভক্তগণের
সমুদায় অভাব, কামনা প্রভৃতি পরিপূরণ করিয়া থাকেন।

এই প্রসঙ্গে ৩।৪।৩৮ সূত্রের আলোচনায় উদ্ধৃত ভাগবতের ৬।৪।৪৮ শ্লোক
দ্রষ্টব্য। ভক্তির শক্তি কত অসীম, ইহা বুঝিতে বোধগম্য হইবে।

[এই সূত্রটি শ্রীমদ্ রামানুজাচার্য্য গ্রহণ করেন নাই।]

১১ । সহকার্যন্তরবিধ্যাধিকরণম্ ॥

[অতঃপর নিরপেক্ষ ভক্তগণের বিছালাভের পরবর্তী অনুষ্ঠান কথিত হইতেছে ।]

স্তম্ভিঃ—

১ । “তস্মাদেবংবিচ্ছাস্তো দাস্ত উপরতস্তিতিক্ষুঃ সমাহিতো ভূত্বাঅ-
গ্বেবাত্মানং পশুতি” । (বৃহদারণ্যক, ৪।৪।২৩) ।

—এই হেতু এই মহিমায় তদ্বিদ্ পুরুষ শাস্ত, দাস্ত, উপরত, তিতিক্ষু
ও সমাহিত হইয়া এই শরীরেই আত্মদর্শন করেন ।

(বৃহঃ ৪।৪।২৩) ।

২ । “আত্মা বা অরে দ্রষ্টব্যঃ শ্রোতব্যো মন্তব্যো নিদিধ্যাসিতব্যঃ” ॥
(বৃহঃ, ৪।৫।৬) ।

—অরে ! আত্মাকেই দর্শন, শ্রবণ, মনন এবং নিদিধ্যাসন করিবে,
অর্থাৎ নিশ্চয়রূপে ধ্যান করিবে (নিশ্চয়েন ধ্যাভব্যঃ, শঙ্কর) ।

(বৃহঃ ৪।৫।৬)

সংশয়ঃ—বৃহদারণ্যক শ্রুতির ৪।৪।২৩ মন্ত্রে ব্রহ্মবিদ্, ব্যক্তির শম, দম,
উপরতি, তিতিক্ষা প্রভৃতি হইতে সমাধি (ধ্যান বা নিদিধ্যাসন) পর্য্যন্ত
অনুষ্ঠান কর্তব্য বলিয়া মনে হয় । নিরপেক্ষ ঐকান্তিক ভক্তগণের পক্ষে এ সমুদায়
কি করণীয় ? যদি তাহাই হয়, তবে “স্বনিষ্ঠ” ও “পরিনিষ্ঠিত” হইতে তাহাদের
পার্থক্য কোথায় ? আরও দেখ, ব্রহ্মবিজ্ঞা লাভের পরে শমাদি বিনা উহার স্থিরতা
সম্পাদিত হয় না । সুতরাং, উহা স্থিরভাবে রাখিবার জন্যও শমাদি অনুষ্ঠানের
প্রয়োজন । বৃহদারণ্যক শ্রুতির ৪।৫।৬ মন্ত্রে আত্মার দর্শন, শ্রবণ, মনন ও
নিদিধ্যাসন সমুদায়ই কর্তব্য বলিয়া উপদেশ রহিয়াছে । এ সমুদায় করিতে
হইলে শ্রবণাদি ক্রিয়ার ও তজ্জগৎ প্রচেষ্টার প্রয়োজন । ঐকান্তিক নিরপেক্ষ
ভক্তগণের পক্ষেও তাহা বিধেয় । উহাদিগের সম্বন্ধে কোনও বিশেষ
বিধি নির্দিষ্ট হয় নাই । এই সংশয় নিরাকরণের জন্য সূত্রকার সূত্র
করিলেন :—

সূত্র :—৩।৪।৪৭ ।

সহকার্যাস্তুরবিধিঃ পক্ষেণ তৃতীয়ং তদ্বতো বিধ্যাদিবৎ ॥

৩।৪।৪৭ ॥

সহকার্যাস্তুরবিধিঃ + পক্ষেণ + তৃতীয়ং + তদ্বতঃ + বিধ্যাদিবৎ ॥

সহকার্যাস্তুরবিধিঃ :—অপর সহকারী উপায়ের বিধান। পক্ষেণঃ—পাক্ষিক প্রয়োগ হেতু, অর্থাৎ, কোনও পক্ষে গ্রাহ্য, (যেমন সাশ্রমী পক্ষে গ্রাহ্য), কোনও পক্ষে অগ্রাহ্য (যেমন নিরাশ্রমী পক্ষে অগ্রাহ্য)। তৃতীয়ং :—কার্যিক, বাচনিক ও মানসিক এ তিনের মধ্যে তৃতীয়, অর্থাৎ মানসিক। তদ্বতঃ :—তাহা অর্থাৎ বিদ্যাপ্রাপ্ত নিরপেক্ষের। বিধ্যাদিবৎ :—বিধি, নিয়ম প্রভৃতির গায়।

৩।৪।২৬ ও ৩।৪।২৭ সূত্রে যজ্ঞাদি ও শমদমাদি বিদ্যার সহকারী উপায়রূপে সিদ্ধান্ত করা হইয়াছে। কিন্তু উহাদের বিধান সাশ্রমী স্বনিষ্ঠ ও পরিনিষ্ঠিতগণের পক্ষেই প্রযোজ্য। এজন্ত উহারা পাক্ষিকভাবে প্রযোজ্য। নিরাশ্রমী নিরপেক্ষগণের পক্ষে প্রযোজ্য নহে। সাশ্রমীগণের পক্ষে শমদমাদি সাধন সাপেক্ষ, এজন্ত করণীয়। নিরাশ্রমী নিরপেক্ষগণের পক্ষে উহারা স্বতঃই ক্ষুরিত হইয়া থাকে। এজন্ত উহাদের অনুষ্ঠান করণীয় নহে। উপাসনাও প্রধানতঃ তিন প্রকার :—কার্যিক, বাচনিক ও মানসিক। ইহাদের মধ্যে মানসিক উপাসনাই নিরাশ্রমী নিরপেক্ষগণের কর্তব্য। কঠশ্রুতি এইজন্তই বলিয়াছেন :—“মনসৈবেদমাশ্রব্যান্ম” (কঠ, ২।১।১১)—মনের দ্বারাই ইহা প্রাপ্তব্য। বৃহদারণ্যক শ্রুতির ৪।৫।৬ মন্ত্রে যে নিদিধ্যাসনের উপদেশ রহিয়াছে, তাহাও এই মানসিক ক্রিয়া। নিরপেক্ষ নিরাশ্রমীগণ সাধনার উচ্চস্তরে আরোহণ করিয়াছেন। দর্শন, শ্রবণ এবং মনন ক্রিয়া তাঁহাদের ইহজন্মে বা পূর্বজন্মে সম্পন্ন হওয়া হেতু, তাঁহারা বর্তমান উক্ত উচ্চাধিকার প্রাপ্ত হইয়াছেন। সুতরাং তাঁহাদের আর উহাদের অনুষ্ঠানের প্রয়োজন নাই। নিদিধ্যাসন বা মনে ঐকতানিক ধ্যানই তাঁহাদের অনুষ্ঠেয়। এই ধ্যানের দ্বারাই তাঁহাদের ভগবৎস্বরূপ স্মৃতি হয়, এবং তাহাতেই তাঁহারা বিভোর এবং আনন্দসমুদ্রে মগ্ন থাকেন।

দৃষ্টান্ত স্বরূপ বলিতেছেন যে, যেমন সঙ্কোপাসনাদি বিধি সাশ্রমীদিগের অবশ্য পালনীয়, নিরাশ্রমী নিরপেক্ষগণের সেইরূপ ভগবৎস্বরূপ

চিন্তা, জপার্চনাদি করণীয় । ধ্যানপ্রধান বলিয়া এবং জপার্চনাদি উহার অন্তর্ভুক্ত বলিয়া শ্রুতিতে ধ্যানের কথাই বলা হইয়াছে ।

অতএব, ত্রিবিধ বিদ্যার্থীর অমুঠের নিরূপিত হইল ।

ভাগবত বলিতেছেন :—

যমাদিভির্যোগপঠৈরাশ্বীক্ষিক্যা চ বিজয়া ।

মমার্চোপাসনাভির্বা নাশ্চৈর্যোগ্যং স্মরেন্মনঃ ॥

ভাগঃ ১১।২০।২৪ ।

“মমাচ্চ'নধ্যানাডিভির্বা, বাশব্দেনশ্চ পক্ষশ্চ স্বাতন্ত্র্যং দর্শয়তি” ।

(শ্রীধর) ।

—যম নিয়মাদি যোগমার্গ দ্বারা, আশ্বীক্ষিকী বিদ্যা দ্বারা, বা আমার অর্চনা বা ধ্যানরূপ উপাসনা দ্বারা মনঃ পরমাত্মাকে স্মরণ করিবে, ইহা ভিন্ন আর উপায় নাই । ভাগঃ ১১।২০।২৪ ।

যম নিয়মাদি স্বনিষ্ঠগণের পক্ষে, আশ্বীক্ষিকী বিদ্যা বা তত্ত্ববিচার পরিনিষ্ঠিত-গুণের পক্ষে, এবং ভগবদর্চনা ও ধ্যান নিরপেক্ষগণের পক্ষে বিধেয়, মনে করা যাইতে পারে ।

মনে ঐকতানিক ভগবদস্বরূপ ধ্যানই ভক্তি । গোপাল পূর্বতাপনী শ্রুতি ইহাই বলিয়াছেন, শ্রুতি মন্ত্রটি ৩।৪।৪২ সূত্রের শিরোদেশে উক্ত হইয়াছে । এখানে আর পুনরুদ্ধার করা হইল না ।

ভাগবতও এই কথাই বলিয়াছেন :—

ত্রিভুবনবিভবহেতবেহ প্যকুঠ-

• স্মৃতিরজিতাশ্মুরাদিভির্বিমৃগ্যাৎ ।

ন চলতি ভগবৎপদারবিন্দা-

ল্লবনিমিষাঙ্কমপি স বৈষ্ণবাগ্র্যঃ ॥ ভাগঃ ১১।২।৫১ ।

—ত্রৈলোক্য রাজ্যলাভ হইলেও, যাহাদের ভগবদস্মৃতি কুণ্ঠিত হয় না, অজিত ভগবান্ যাহাদের আত্মস্বরূপ, সেই ব্রহ্মা, কৃত্ত, ইন্দ্রাদি দেবগণের অশেষনীয় ভগ্নাবচ্চরণাবিন্দ হইতে যাহাদের মনঃ লব-নিমিষাঙ্ক কালের অন্তও প্রাপ্তক কারণে বিচলিত হয় না, ভগ্নাবচ্চরণাবিন্দকে সার বলিয়া দৃঢ়রূপে ধারণ করিয়া থাকেন, তিনিই বৈষ্ণবাগ্র্য । ভাগঃ ১১।২।৫১ ।

• ষাহার এই প্রকার একতানতা আছে, তাঁহারই বার্থ ভক্তি আছে, এবং তিনিই প্রকৃত ভাগবতোক্তম।

এইখানে পূর্বপক্ষ আপত্তি করিতেছেন, তবে কি তোমার মতে নিরপেক্ষ ভক্তগণ সম্বন্ধে গীতোক্ত লোক সংগ্রহের জন্ত ফলাশা পরিত্যাগ করিয়া নিষ্কাম ভাবে কর্মাসুষ্ঠান কর্তব্য নহে? তাঁহারা কি কর্মসন্ন্যাস করিয়া ভগবচ্ছিত্তায় বিভোর থাকিবেন?

ইহার উত্তরে সিদ্ধান্তবাদীর বক্তব্য এই যে, প্রথমতঃ, কর্মের অর্থ সম্বন্ধে তোমার ধারণা বড়ই শোচনীয়। তুমি কাহাকে কর্ম বল? তোমার মতে মানসিক ব্যাপার কি কর্ম নহে? তুমি তোমার আপত্তিতে গীতায় কথিত “লোক সংগ্রহের” উল্লেখ করিয়াছ। তাহাতে মনে হয়, তুমি গীতা আলোচনা করিয়াছ। তাহা হইলে তুমি জান যে, ভগবান্ নিজেই বলিয়াছেন, “নহি কশ্চিৎ ক্ৰণমপি জাতু তিষ্ঠত্যকর্মকৃৎ”। (গী: ৩।৫)—কেহ কখনও ক্রণকালের জন্ত ও কর্ম না করিয়া থাকিতে পারে না। তারপর গীতায় ৫ম অধ্যায়ের ৮ম ও ৯ম শ্লোকে ভগবান্ বলিয়াছেন যে, দর্শন, শ্রবণ, স্পর্শ, স্রাণ, আহার, গমন, নিদ্রা শ্বাস-প্রশ্বাস গ্রহণ ও ত্যাগ, কথোপকথন, মূত্র-পুত্রীষ ঘর্ষাদির ত্যাগ, গ্রহণ, এমন কি চক্ষুর পাতার উন্নিষণ-নিমীষণ—সমুদায় ইন্দ্রিয় ব্যাপার কর্ম। মনঃও ইন্দ্রিয়, স্মতরাং মানসিক চিন্তাও কর্ম। স্মতরাং, ইহা স্পষ্ট যে, নিরপেক্ষ ভক্ত উপরে কথিত ইন্দ্রিয় ব্যাপার হইতে সম্যক মুক্ত হইতে পারেন না। তাঁহাকে কর্ম ত করিতেই হইতেছে। মানসিক ভাবনা, ধ্যান বা ভগবচ্ছিন্তনও কর্ম—শুধু কর্ম নহে, অতিশয় দুষ্কর, কষ্টসাধ্য কর্ম। কোনও বিষয়ে গভীর চিন্তা করিলে, কি প্রকার ক্লাস্তি অনুভূত হয়, ইহা চিন্তাশীল ব্যক্তি মাত্রেই প্রত্যক্ষ। ভগবচ্ছিন্তন বা ধ্যানও কর্মসংজ্ঞার অন্তর্ভুক্ত, এবং নিরপেক্ষ ঐকান্তিক সাধক উক্ত প্রকার ভগবচ্ছিন্তনে কষ্টসাধ্য কর্মই করিয়া থাকেন। দৃশ্যতঃ স্থাগুর ন্যায় বসিয়া থাকিলেও এবং ব্যবহারিক কোন কর্মাসুষ্ঠান না করিলেও তিনি নিষ্কর্মা, কর্মসন্ন্যাসী নহেন। পরন্তু অগ্র পক্ষে সতত কর্মশীল—কর্মযোগী। কর্মফল তিনি কামনা না করিয়া, অবশ্য করণীয় বোধে ভগবচ্ছিন্তন বা ধ্যানরূপ কর্মে কখনও বিরত নহেন। কর্ম ফলাশা পরিত্যাগ পূর্বক ভগবানের প্রীতির জন্ত এবং সে কারণ, ভগবানের বিমুক্তি বিকাশে অস্তিত্ব, আপামর জীবগণের মঙ্গলের জন্ত শ্রীভগবানের চিন্তাতেই কালাধাপন করিয়া থাকেন। তাঁহারা জীবের সহিত শ্রীভগবানের সংযোগ সেতু।

তঁহাদের অনুগ্রহে জীবগণ ভগবন্ত্ব সম্বন্ধে অধিকারানুসারে অন্নবিস্তর জ্ঞানলাভ করিয়া থাকে। যেরূপ দূরবাহিনী নদীর স্বচ্ছ পানীয় জল, নগরবাসী গৃহস্থের সহজ ব্যবহারে আনিবার জন্য নলের ভিতর দিয়া প্রত্যেকের বাটিতে আনা হয়, এবং তদ্বারা সকলের জ্ঞান পানাদি সুসম্পন্ন হয়, সেইরূপ এই প্রকার নিরপেক্ষ ঐকান্তিক ভক্তগণের মধ্য দিয়াই শ্রীভগবানের অপার করুণা, অজস্র ধারায় সংসারে-তাপে তাপিত জনগণের মধ্যে প্রবাহিত হইয়া, তাহাদের পাপ, তাপ নাশ করতঃ, পরম পুরুষার্থ উৎপাদনের কারণ হয়। এ কারণেও নিরপেক্ষ ভক্তগণের সমুদায় কাম্য কর্ম পরিত্যাগ করতঃ ভগবচ্ছিন্তনই গীতায় কথিত ব্যাপক কর্ম সংজ্ঞার অন্তর্ভুক্ত। তঁহারা কর্ম পরিত্যাগী নহেন, অথচ তঁহাদেরই যথার্থ নৈকর্ম্য সিদ্ধি। ফলাশা পরিত্যাগ পূর্বক কর্তব্য বোধে ভগবচ্ছিন্তন রূপ কর্ম্মস্থানে, তঁহাদের কর্ম্মজনিত বন্ধকত্ব নাই, অন্যপক্ষে আপামর জীবসাধারণের সংসারতাপ নাশের কারণ হওয়ার মধুর আত্মপ্রসাদে এবং তজ্জনিত পরম সন্তোষে চিত্ত প্রফুল্ল। সমুদায় দিক্ তঁহাদের সুখময়, আনন্দসমুদ্রে তঁহারা নিমগ্ন, ভগবানের অজস্র করুণাধারায় তঁহারা স্নাত ও পবিত্র এবং সে কারণ অপরের পবিত্রতা সম্পাদনের হেতু। না চাহিলেও ভগবদারাধনার এই পুরস্কার তঁহারা ভগবদ্বিধানেই পাইয়া থাকেন। ভগবদারাধনার পুরস্কার বাহির হইতে আসে না, সঙ্গে সঙ্গেই থাকে। অতএব বুঝা গেল যে, তঁহারা কর্ম্মপরিত্যাগী নহেন, যথার্থ কর্ম্মযোগী।

৩।৪।৪৫ শ্লোকে প্রতিপাদিত হইয়াছে, যে ভক্তি দ্বারা ভগবানকে বশ করিতে পারা যায়। সে নিরপেক্ষ ভক্ত উক্ত প্রকার ভক্তি আয়ত্ত করিতে পারেন, তঁহার অসাধ্য কি আছে? এ প্রকার ভক্তের সর্বভূতে ব্রহ্মাত্মিক্য দর্শন ত হইয়াছেই, ভগবানের সহিত অন্তরে বাহিরে একত্র সহাবস্থান তঁহারা ই লাভ করিয়া থাকেন। ৩।৪।৩৭ শ্লোকের আলোচনায় উদ্ধৃত ভাগবতের ১১।১৪।১৫ শ্লোক হইতে বুঝা যাইবে, যে ভগবান্ উক্ত প্রকার ভক্তগণের পদধুলির লাভের জন্য পশ্চাৎ পশ্চাৎ গমন করিয়া থাকেন। তঁহাদের মহিমার কি ইয়ত্তা আছে? স্তবরাং তঁহাদের আর কামনা বাসনার অবসর কোথায়? ভগবৎ প্রাপ্তিতে সমুদায় প্রাপ্তির পরিশেষ লাভ হইয়াছে। স্মৃত্যেব, কাম্য কর্ম্ম তঁহাদের করণীয় নহে, ইহা স্পষ্ট বুঝা গেল।

পূর্বপক্ষ পুনরায় আপত্তি করিতেছেন, ৩।৪।৪২ শ্লোকের আলোচনায়, নিরপেক্ষ ভক্তগণের ভগবতুপাসনা “কর্ম্ম” পর্যায় ভুক্ত নহে বলিয়াছ, আবার এখানে

বলিতেছ যে, উহা গীতোক্ত ‘কর্ম’ সংজ্ঞার অন্তর্ভুক্ত। এই উত্তরের মধ্যে কি বিরোধ হইতেছে না ?

ইহার উত্তরে সিদ্ধান্তবাদীর বক্তব্য এই যে, সকাম ও নিষ্কাম উভয় কর্মই গীতার কর্মসংজ্ঞার অন্তর্ভুক্ত। ৩।৪।৪২ শ্লোকে ব্যবহৃত “কর্ম” শব্দে “কাম্য-কর্ম” বলাই উদ্দেশ্য। নিরপেক্ষ ভক্তগণের ভগবদ্‌পাসনা বা ভগবচ্চিস্তন যে কাম্য কর্ম নহে, তাহা উপরে যাহা লিখিত হইয়াছে, তাহা হইতে স্পষ্ট উপলব্ধ হইবে। কর্মের ব্যাপক পর্যায়ভুক্ত হইলেও, ইহা “নৈষ্কর্ম্য” বলিয়া ভাগবতে এবং গোপাল পূর্ব তাপনী শ্রুতিতে কথিত হইয়াছে। কারণ, ইহার বন্ধকত্ব নাই। গোপাল পূর্বতাপনী শ্রুতির মন্ত্র ৩।৪।৪২ শ্লোকের শিরোদেশে উক্ত হইয়াছে।

—ভাগবত স্পষ্টই বলিয়াছেন যে, আসক্তিশূণ্য হইয়া বেদোক্ত কর্ম যদি অনুষ্ঠিত হয়, এবং তাহা ঈশ্বরে অর্পিত হয়, তাহা হইলে নৈষ্কর্ম্য-সিদ্ধি লাভ হইয়া থাকে। বেদে ফলশ্রুতি কেবল কর্মে কঠোর উৎপাদনার্থ মাত্র। ১।১।৩।৪৭।

বেদোক্তমেব কুর্বাণো নিঃসঙ্গোহর্পিতমীশ্বরে ।

নৈষ্কর্ম্যং লভতে সিদ্ধিং রোচনার্থা ফলশ্রুতিঃ ॥

ভাগঃ ১।১।৩।৪৭।

কাম্য কর্ম যখন অনাসক্তভাবে অনুষ্ঠিত হইয়া ঈশ্বরে অর্পিত হইলে নৈষ্কর্ম্যসিদ্ধির কারণ হয়, তখন ভগবদ্‌পাসনা বা ভগবচ্চিস্তন, ফলাভি-সন্ধিবিহীনভাবে কেবল ভগবদ্‌প্রীতির জগ্য কৃত হইলে, যে “নৈষ্কর্ম্য” বলিয়া অভিহিত হইবে, তাহার কথা কি ?

১২ । কুৎসভাবাধিকরণম্ ।

ভিত্তি :—

১ । “আচার্য্যাকুলাদ্ বেদমধীত্য যথাবিধানং গুরোঃ কস্ম'তি-
শেষেণাভিসমাবৃত্য কুটুম্বে শুচৌ দেশে স্বাধ্যায়মধীয়ানো
ধার্ম্মিকান্ বিদধদাঅনি সৰ্ব্বৈশ্চিয়ানি সম্প্রতিষ্ঠাপ্যাহিংসন্
সৰ্বভূতাশ্চত্ৰ তীৰ্থেভ্যঃ স খল্বেবং বৰ্ত্তয়ন্ যাবদায়ুষং ব্রহ্ম-
লোকমভিসম্পগুতে ন চ পুনরাবৰ্ত্ততে ন চ পুনরাবৰ্ত্ততে ॥”

(ছান্দোগ্য, ৮।১৫।১) ।

—যথাবিধি গুরুশ্রুতাদি কৰ্ম্ম করিয়া অবশিষ্ট সময়ে বেদ ও বেদার্থ
পরিজ্ঞাত হইয়া, আচার্য্যগৃহ হইতে সমাবর্ত্তন করিবেন (ফিরিয়া
আসিবেন) । তাহার পর গাহ'স্থ্যে প্রবেশ করিয়া পবিত্র স্থানে
বেদাধ্যয়ন করতঃ অপরাপরকে ধার্ম্মিক অর্থাৎ স্বধৰ্ম্মনিষ্ঠ করিবেন ।
সঙ্গে সঙ্গে সমস্ত ইন্দ্রিয়গণকে আপনাতে প্রত্যাহৃত করিয়া তীৰ্থা-
তিরিক্ত স্থানে সৰ্বভূতহিংসাকার্য্য হইতে বিরত হইবেন । সেই
লোক এইরূপে যাবজ্জীবন অতিবাহিত করিয়া দেহপাতের পর
ব্রহ্মলোক লাভ করেন, আর ফিরিয়া আসেন না, আর ফিরিয়া
আসেন না । (ছাঃ ৮।১৫।১) ।

[এই মন্ত্রে ছান্দোগ্য উপনিষদ্ সমাপ্ত হইয়াছে বলিয়া বিকল্পিত ।]

২ । “ভিক্ষাভূজশ্চ যে কেচিৎ পরিব্রাড্ ব্রহ্মচারিণঃ ।

তেহপ্যত্রৈব প্রতিষ্ঠস্তে গাহ'স্থ্যং তেন বৈ পরম্ ॥”

(বিষ্ণুপুরাণ, ৩।৯।১১)

—ভিক্ষুক, পরিব্রাজক, ব্রহ্মচারী—ইহাদের সকলের ধৰ্ম্ম গাহ'স্থ্য
ধৰ্ম্মে প্রতিষ্ঠিত । এই জগ্গই গাহ'স্থ্য ধৰ্ম্মই সৰ্ব্বশ্রেষ্ঠ ধৰ্ম্ম ।

(বি. পু. ৩।৯।১১)

৩ । “গৃহস্থ উচ্যতে শ্রেষ্ঠঃ স ত্রীনেতান্ বিভর্ত্তি হি” ॥

(মনু, ৬।৮৯) ।

—গৃহস্থ আশ্রম সৰ্ব্বশ্রেষ্ঠ বলিয়া কথিত ; কেননা, এই আশ্রমই
অজ্ঞাত তিন আশ্রমকে ভরণ করিয়া থাকে । (মনু, ৬।৮৯) ।

সংশয় :—ছান্দোগ্য উপনিষৎ শিবোদেশে উক্ত ৮।১৫।১ মন্ত্রে গৃহস্বাস্থ্যের মাধাত্ম্য বর্ণনা করিয়া এবং বিধিযুক্ত যাবজ্জীবন গাহ'স্থ্য ধর্মপালনকারী দেহ-ত্যাগে ব্রহ্মলোক লাভ করেন এবং তাহার পুনর্জন্ম হয় না বলিয়া, উপনিষদের উপসংহার করিয়াছেন। অতএব, গৃহস্বাস্থ্যমই সর্বাশ্রম শ্রেষ্ঠ। শিবোদেশে উক্ত বিষ্ণুপুরাণের ৩৯।১১ শ্লোক এবং মনুসংহিতার ৬।৮৯ শ্লোক ইহাই প্রতিপাদন করে। অতএব, তোমার সিদ্ধান্তানুসারে অনাশ্রমী, নিরপেক্ষ স্ত্রী যে শ্রেষ্ঠ, তাহা গ্রহণ করিব কেন? কোথাও কোথাও যে গৃহত্যাগের উপদেশ আছে, তাহা স্ত্রীতির মাত্র। সুতরাং গাহ'স্থ্যস্বাস্থ্যমই শ্রেষ্ঠ। ইহার উত্তরে সূত্রকার সূত্র করিলেন :—

সূত্র :—৩।৪।৪৮।

কুৎসভাবাৎ তু গৃহিণোপসংহারঃ ॥ ৩।৪।৪৮ ॥

কুৎসভাবাৎ + তু + গৃহিণা + উপসংহারঃ ॥

কুৎসভাবাৎ :—সমুদায় কর্তব্য কর্ম বর্তমান থাকায়। তু :—আপত্তি নিরসনে। গৃহিণা :—গৃহস্থ আশ্রম বর্ণনা দ্বারা। উপসংহারঃ :—সমাপ্তি।

বিধিপূর্বক গাহ'স্থ্যধর্ম পালনকারীই মোক্ষলাভ করেন, অপরে করেন না, এই উদ্দেশ্যে যে গৃহস্থ আশ্রম ও তাহাতে করণীয় কার্য বর্ণনা দ্বারা শ্রুতির উপসংহার করা হইয়াছে, তাহা নহে। গৃহস্থের ধর্মে সকল প্রকার ভাব থাকাতাই ঐরূপ উপসংহার করা হইয়াছে। গৃহস্থের প্রতি বহুকষ্টসাধ্য নানা-প্রকার স্বাশ্রমধর্ম প্রতিপালন কর্তব্যকার্যরূপে উপদেশ দেওয়া হইয়াছে। গাহ'স্থ্য ধর্মে ব্রহ্মচর্য্য, অহিংসা, ইন্দ্রিয়নিগ্রহ প্রভৃতি অগ্ৰাণ্ড আশ্রমোক্ত ধর্মও পালনীয় রূপে কথিত হইয়াছে। এই হেতু গাহ'স্থ্য ধর্মে সকল প্রকার ধর্ম থাকাতে, উহার বর্ণনা করিয়া উপনিষদের উপসংহার করার কোনও প্রকার বিরোধের কারণ নাই।

ভিক্ষোর্ধর্মঃ শমোহহিংসা তপ ঐক্ষা বনৌকসং ।

গৃহিণো ভূতরক্ষ্যেজ্যা দ্বিজশ্রাচার্য্যসেবনং ॥ ভাগঃ ১।১।৮।৪১ ।

ব্রহ্মচর্য্যং তপঃ শৌচং সন্তোষো ভূতসৌহৃদম্ ।

গৃহস্থশ্রাপ্যতো গন্তুঃ সর্বেষাং মহুপাসনম্ ॥

ভাগঃ ১।১।৮।৪২ ।

—শম ও অহিংসা—ভিক্ষু বা সন্ন্যাসীর ধর্ম । তপশ্চর্যা এবং
 আত্মানাত্মবিবেক—বানপ্রস্থের ধর্ম । ভূতরক্ষা ও যজ্ঞাদি গৃহীর ধর্ম ।
 আচার্য্যাসেবন ব্রহ্মচারীর ধর্ম । ব্রহ্মচর্যা, তপশ্চা, সন্তোষ, শৌচ,
 সর্বভূতসৌহৃদ্য ও ঋতুকালে ভার্ঘ্যাভিগমন, এ সকলও গৃহস্থের ধর্ম ।
 কিন্তু মদীয় উপাসনা সর্বসাধারণের ধর্ম । ভাগঃ ১১।১৮।৪১-৪২ ।

কাগবতের এই দুই শ্লোকের সহিত ছান্দোগ্য শ্রুতির শিরোদেশে
 উদ্ধৃত ৮।১৫।১ মন্ত্র পাঠ করিলে বুঝা যাইবে যে, অগ্ন্যাশ্রম আশ্রমীর
 সমুদায় ধর্মই গৃহস্থাশ্রমীর করণীয় হইয়া পড়ে । এই জন্যই উক্ত
 শ্রুতি গৃহস্থাশ্রমের কীর্তন করিয়া উপসংহার করিয়াছেন । গৃহস্থাশ্রমের
 শ্রেষ্ঠ ও অগ্ন্যাশ্রমের হীনত্ব খ্যাপন করা শ্রুতির অভিপ্রেত নহে ।

[দৃষ্টান্ত দ্বারা সূত্রকার নিজ সিদ্ধান্ত দৃঢ়ীকৃত করিতেছেন ।]

ভিত্তি :—

১। “তস্মাদ্ ব্রাহ্মণঃ পাণ্ডিত্যং নির্বিঘ্নাৎ বাল্যেন তিষ্ঠাসেৎ । বাল্যং চ পাণ্ডিত্যং চ নির্বিঘ্নাৎ মুনির্মোনং চ মৌনং চ নির্বিঘ্নাৎ ব্রাহ্মণঃ স ব্রাহ্মণঃ কেন স্মাদ্ যেন স্মাৎ তেনেদৃশ এব” ৫

(বৃহদারণ্যক, ৩।৫।১) ।

—সেই হেতু ব্রহ্মনিষ্ঠ ব্যক্তি পাণ্ডিত্য (আত্মতত্ত্ব) সম্যকরূপে অবগত হইয়া বাল্যে অর্থাৎ বালকের জ্ঞায় নিরভিমান সরলতাদি স্বভাব অবলম্বনে থাকিবেন । তাহার পর, বাল্য ও পাণ্ডিত্য স্থিরতররূপে লাভ করিবার পর, মুনি বা মননশীল হইবেন । শেষে, অমৌন ও মৌন উভয়ই নিশ্চয়রূপে লাভ করিবার পর ব্রহ্মেতে তন্ময় হইবেন । সেই সময় ব্রাহ্মণ কিরূপ আচার অবলম্বন করিবেন ? (ইহার উত্তরে বলিতেছেন) :—তিনি যেরূপ আচারই অবলম্বন করুন, তিনি ঐ-রূপেই থাকেন, অর্থাৎ, বিবৈষণাদি বিনির্মুক্ত ব্রহ্ম স্বরূপেই প্রতিষ্ঠিত থাকেন । (বৃহঃ, ৩।৫।১) ।

২। “ত্রয়ো ধর্মস্কন্ধা যজ্ঞোহধ্যয়নং দানমিতি প্রথমস্তপ এব দ্বিতীয়ো ব্রহ্মচার্য্যার্চ্যাকুলবাসী তৃতীয়োহত্যস্তমাত্মানমাচার্য্যকুলেহবসাদয়ন্ সর্ব এতে পুণ্যালোকা ভবন্তি ব্রহ্মসংস্থোহমৃতত্বমেতি ॥” (ছান্দোগ্য, ২।২৩।১) ।

—ধর্মের তিনটি স্কন্ধ বা বিভাগ ; প্রথম, যজ্ঞ, অধ্যয়ন এবং দান, (ইহারা গৃহস্থে আশ্রিত বলিয়া প্রথম গৃহস্থশ্রম বুদ্ধিতে হইবে) । দ্বিতীয়, তপস্যা (ইহা দ্বারা বানপ্রস্থশ্রম বুদ্ধিতে হইবে), এবং তৃতীয়, অজীবন আচার্য্যকুলবাসী ব্রহ্মচারী (নৈষ্ঠিক ব্রহ্মচারী) । ইহারা সকলেই পুণ্যালোকগামী হন । ব্রহ্মনিষ্ঠ ব্যক্তি অমৃতত্বপ্রাপ্ত হন । (ছাঃ ২।২৩।১) ।

৩। “অথ যদ্ যজ্ঞ ইত্যচক্ষতে ব্রহ্মার্চ্য্যমেব তদ্, ব্রহ্মার্চ্য্যেণ হোব যো জ্ঞাতা তং বিন্দতেহথ যদিষ্টমিত্যাচক্ষতে ব্রহ্মার্চ্য্যমেব তদ্ ব্রহ্মার্চ্য্যেণ হোবেষ্টাত্মানমহুবিন্দতে ॥” (ছান্দোগ্য, ৮।৫।১) ।

—লোকে যাহাকে যজ্ঞ বলিয়া থাকে, তাহা ব্রহ্মচর্য্যই ; কারণ, যে লোক তদ্ব্যজ্ঞ, তিনি ব্রহ্মচর্য্য দ্বারাই যজ্ঞের ফলভূত স্বর্গাদি লোক প্রাপ্ত হন । আর যাহাকে ইষ্ট (পূজা প্রভৃতি) বলিয়া নির্দেশ করিয়া থাকেন, প্রকৃতপক্ষে তাহা ব্রহ্মচর্য্যই, কেননা, লোক ব্রহ্মচর্য্য দ্বারাই আরাধনা করিয়া আত্মাকে (ব্রহ্মলোককে) লাভ করিয়া থাকে । (ছা, ৮।৫।১) ।

৪ । “অথ যৎ সত্রায়ণমিত্যাচক্ষতে ব্রহ্মচর্য্যমেব তদ্ ব্রহ্মচর্য্যেণ হেব সত আত্মানস্ত্রাণং বিন্দতেহথ যন্মৌনমিত্যাচক্ষতে ব্রহ্মচর্য্যমেব তদ্ ব্রহ্মচর্য্যেণ হেবাত্মানমনুবিণ্ড মনুতে ॥”

(ছান্দোগ্য, ৮।৫।২) ।

—যাহাকে সত্রায়ণ বলিয়া থাকে, তাহা ব্রহ্মচর্য্যই ; কেননা, লোকে ব্রহ্মচর্য্য সাধন দ্বারাই সৎস্বরূপ আত্মার পরিভ্রাণ সাধন করিয়া থাকে । আর যাহাকে মৌন বলে, তাহা ব্রহ্মচর্য্যই ; কারণ ব্রহ্মচর্য্য সাধন দ্বারাই আত্মাকে উপলব্ধি করিয়া লাভ করিয়া থাকে । (ছা, ৮।৫।২) ।

৫ । “তমেতং বেদানুবচনেন ব্রাহ্মণা বিবিদিষন্তি যজ্ঞেন দানেন তপসাহনাশকেনৈতমেব বিদিত্বা মুনির্ভবতি । এতমেব প্রব্রাজিনো লোকমিচ্ছন্তঃ প্রব্রজন্তি” । (বৃহদারণ্যক, ৪।৪।২২) ।

—ব্রাহ্মণগণ বেদপাঠ, যজ্ঞ, দান ও বিষয়োপরতি রূপ তপস্যা দ্বারা এই আত্মাকে জানিতে ইচ্ছা করেন, ইহাকে জানিয়াই মুনি হন । সন্ন্যাসীগণ এই আত্মলোক লাভের জগ্ৰই প্রব্রজ্যা বা সন্ন্যাস গ্রহণ করেন । (বৃহ, ৪।৪।২২) ।

৬ । “ব্রহ্মচর্য্যং পরিসমাপ্য গৃহী ভবেৎ । গৃহী ভূতা বনী ভবেৎ ।

বনী ভূতা প্রব্রজেৎ । যদি বেতরথা ব্রহ্মচর্য্যাদেব প্রব্রজেৎ

গৃহাদ্ভা বনাদ্ভা । অথ পুনরব্রতী বা ব্রতী বা স্নাতকো বাহস্নাতকো বা উৎসৃষ্টাগ্নিরনগ্নিকো বা যদহরেব বিরজেৎ—
তদহরেব প্রব্রজেৎ” । (জাবাল উপনিষৎ, ৪) ।

—যাজ্ঞবল্ক্য বলিলেন :—ব্রহ্মচর্য্য সমাপন করিয়া গৃহী হইবে, গৃহস্থধর্ম সমাপনাতে বানপ্রস্থ অবলম্বন করিবে, তাহা সমাপনাতে

সন্ন্যাস গ্রহণ করিবে। অথবা, ব্রহ্মচারী হইতেই বা গৃহ কিম্বা বন হইতেই সন্ন্যাস গ্রহণ করা যায়। ব্রতী বা অত্রতী, স্নাতক বা অস্নাতক, সাগ্নিক বা নিরগ্নিক, যে কেহই হউক না কেন, যে দিনেই বৈরাগ্য জন্মিবে, সেই দিনেই প্রব্রজ্যা অবলম্বন করিবে।

(জাবাল, ৪)।

৭। “তত্র পরমহংসা নাম সংবর্তকাক্রুণিষ্বেতকেতুর্দুর্বাসাঋতুনিদাস-
জড়ভরতদত্তাত্রেয়রৈবতক প্রভৃতয়োহব্যক্তলিঙ্গা অব্যক্তাচারী
অনুশাস্তা উন্নতবদাচরণস্ত্রিদণ্ডং কমণ্ডলুং শিকাং পাত্রং জল-
পবিত্রং শিখাং যজ্ঞোপবীতং চ ইত্যেৎসর্বং ভূঃ স্বাহেত্যঙ্গু
পরিত্যজ্যান্মনমঘিচ্ছেৎ” ॥ (জাবাল উপনিষৎ, ৬)।

—সংবর্তক, আক্রুণি, শ্বেতকেতু, দুর্বাসা, ঋতু, নিদাস, জড়ভরত, দত্তাত্রেয়, রৈবতক প্রভৃতি পরমহংসগণ আশ্রমধর্ম বা আচার চিহ্ন ধারণ করেন নাই। তাঁহারা যদিও প্রকৃতপক্ষে অনুশাস্ত, কিন্তু উন্নতের গায় আচরণ করিতেন। তাঁহাদের ত্রিদণ্ড, কমণ্ডলু, পাত্র, জলপবিত্র, শিখা, যজ্ঞোপবীত প্রভৃতি আশ্রম চিহ্ন সকল “ভূঃ স্বাহা” মন্ত্রে জলে নিক্ষেপ করিয়া কেবল আত্মানুসন্ধানে রত ছিলেন। (জাবাল, ৬)।

সূত্র :— ৩।৪।৪৯।

মৌনবদিতরেষামপ্যুপদেশাৎ ॥ ৩।৪।৪৯ ॥

মৌনবৎ + ইতরেষাম্ + অপি + উপদেশাৎ ॥

মৌনবৎ :—মৌনাশ্রম বা সন্ন্যাসাশ্রমের গায়। ইতরেষাম্ :—অগ্ন্যস্ত আশ্রমের (অর্থাৎ, বানপ্রস্থ এবং ব্রহ্মচর্যাশ্রমের ; গার্হস্থ্য আশ্রম সম্বন্ধে বিচার চলিতেছে বলিয়া উহা এই সূত্রে সূত্রকারের লক্ষ্য নহে)। অপি :—ওৎ
উপদেশাৎ :—ক্রটিতে উপদেশ থাকা হেতু।

সূত্রকার বলিতেছেন যে, ব্রহ্মবিদ্যালান্ড কোনও বিশেষ আশ্রমের নিষেধ বস্তু নহে। সমুদায় আশ্রম হইতেই উহা লাভ হইতে পারে। ব্রহ্মের কং-
ক্রীভগবানের ঐকান্তিক চিন্তনই বা নিদিধ্যাসনই উহার উপায়। . . . নৈষ্ঠিক

ব্রহ্মচারীর পক্ষেও উহা সম্ভব। প্রমাণস্বরূপ শিরোদেশে ছান্দোগ্য শ্রুতির ৮।৫।১ ও ৮।৫।২ মন্ত্র উদ্ধৃত হইয়াছে। উক্ত ছান্দোগ্য শ্রুতিতে গার্হস্থ্য আশ্রমের উল্লেখ করিয়া উপসংহার করা হইয়াছে বলিয়া যে গার্হস্থ্য আশ্রম শ্রেষ্ঠ, তাহা নহে। কেননা, উক্ত শ্রুতিতেই অগ্ন্যন্ত আশ্রমেরও উল্লেখ রহিয়াছে, এবং অগ্ন্যন্ত আশ্রম যে তুল্যমঙ্গলপ্রদ, তাহাও স্পষ্টই কথিত হইয়াছে। প্রমাণস্বরূপ, উক্ত শ্রুতির ২।২৩।১ মন্ত্র শিরোদেশে উদ্ধৃত হইয়াছে।

অধিকারীভেদে আশ্রমের ব্যবস্থা। নিম্নাধিকারী প্রবৃত্তিমার্গের পথিক। প্রবৃত্তিমার্গ হইতে, নিঃশ্রেয়স লাভের উপায় স্বরূপ নিবৃত্তিমার্গে লইয়া যাইবার 'অগ্ন—অট্টালিকা আরোহণের সুবিধার অগ্ন্য সোপান শ্রেণীর গ্নায়—চারি আশ্রমের ব্যবস্থা। যাহারা উচ্চাধিকারী—পূর্বজন্মকৃত কর্মফলে বা গুরু কৃপায় যাহাদের বিষয় বাসনা ক্ষীণ হইয়াছে—তাহারা পরম পদ লাভের জন্য যে কোনও দিনে, যে কোনও অবস্থায়, সমুদায় ত্যাগ করিয়া সন্ন্যাস অবলম্বন করিতে পারেন। জীবাল উপনিষদের ৪ মন্ত্র প্রমাণ স্বরূপ উপরে উদ্ধৃত হইয়াছে। বিষয়বৈরাগ্যই প্রয়োজন—কামনার সহিত বিষয় উপভোগ, এবং ব্রহ্মবিজ্ঞানলাভ একসঙ্গে হইতে পারে না। নিষ্কামভাবে বিষয় উপভোগ সন্ন্যাসীর উচ্চতম অবস্থা। শ্রীভগবান্ গীতার ১৮।২ শ্লোকে সমুদায় কর্মফল ত্যাগকে "ত্যাগ" আখ্যায় আখ্যায়িত করিয়াছেন :—“সর্বকর্মফলত্যাগং প্রোহন্ত্যাগং বিচক্ষণাঃ”।—কর্মের অনুষ্ঠান আছে, ফলকামনা নাই—ইহাই ত সন্ন্যাসের উচ্চাবস্থা। যেমন ছান্দোগ্য শ্রুতির উপসংহারে গৃহস্থ্যশ্রমের বর্ণনা রহিয়াছে, সেইরূপ সুহদারণ্যক শ্রুতির শিরোদেশে উদ্ধৃত ৩।৫।১ মন্ত্রে মৌন্য-শ্রমের বর্ণনা রহিয়াছে। সেইরূপ অগ্ন্যন্ত আশ্রমেরও, অর্থাৎ, বানপ্রস্থ ও ব্রহ্মচর্যাশ্রমেরও উপদেশ ও বর্ণনা শ্রুতিতে আছে। সুতরাং গৃহস্থ্যশ্রম যে শ্রেষ্ঠ তাহা নহে। উক্ত গৃহস্থ্যশ্রমে অগ্ন্যন্ত সমুদায় আশ্রমের ধর্মের সমাবেশ হেতু, শ্রুতি উহার উল্লেখ করিয়া উপসংহার করিয়াছেন, ইহাই শ্রুতির প্রকৃত তাৎপর্য।

• সূত্রে “ইতরেষাম্” বহুবচন প্রয়োগ হইল কেন? গৃহস্থ্যশ্রম বিচার্য্য বলিয়া উহা নির্দেশ করা সূত্রকারের অভিপ্রেত নহে। বানপ্রস্থ ও ব্রহ্মচর্যাশ্রম নির্দেশ করাই সূত্রকারের অভিপ্রায়। সুতরাং, “ইতরয়োঃ” এই দ্বিবচন পদ ব্যবহার করিলেই ব্যাকরণ শুদ্ধ হইত। ইহার উত্তরে ভাষ্যকারগণ বলিতেছেন যে, উক্তই আশ্রমের বিভিন্ন বৃত্তি ভেদ ও অনুষ্ঠান ভেদ হেতু বহুবচন প্রয়োগ ঠিকই হইয়াছে।

শিরোদেশে উদ্ধৃত জাবাল উপনিষদের ৬ মন্ত্রে স্পষ্ট কথিত হইয়াছে যে, যাহাদের আত্মাশ্বেষণে তীব্র আগ্রহ, অন্য কথায় ভগবদ্বিরহে-যাহারা আকুল, তাঁহারা আশ্রমলিঙ্গ পরিত্যাগ করিয়া ভগবদ্পদেই সৰ্ব্বতোভাবে আত্ম-সমর্পণ করেন। তাঁহাই নিরপেক্ষ, নিরাশ্রমী ভক্ত বলিয়া কথিত। এই প্রকার আকুল আগ্রহ যাহাদিগের, তাঁহাদের ভগবানের স্বরূপ দর্শনের বিলম্ব কোথায়? যোগশাস্ত্রেও ঋষি বলিয়াছেন, “ভীত্ৰসংবেগানামাসন্নঃ” (পাতঞ্জলদর্শন, সমাধিপাদ, ২১ সূত্র)—যাহাদের আগ্রহ তীব্র, তাঁহাদের কৈবল্যপ্রাপ্তি আসন্ন।

অতএব, প্রতিপাদিত হইল যে, ভগবান্ সাধকের “ভাববন্ধু”, (ভাগবত ১২।৮।৩৪)। যদি সাধক ভাবে ঠিক থাকেন, তবে কোনও আশ্রমের অন্তর্ভুক্ত হউন বা না হউন, তাহাতে কিছু আসে যায় না। পরমপদলাভ তাঁহার সন্নিকট।

ভগবান্ অন্তর্যামীরূপে সকলের হৃদয়গুহায় বিরাজ করেন, এবং কে কিভাবে তাঁহার জগৎ কাতর, তাহা তিনি অবগত আছেন, এবং সেই অনুসারে নিজ পরাগতি দান করিয়া থাকেন। ভাগঃ ৩।১৩।৪৮।

অনন্তদৃষ্ট্যা ভক্ততাং গুহাশয়ঃ

স্বয়ং বিধত্তে স্বগতিং পরঃ পরাম্ ॥

ভাগঃ ৩।১।৪৮।

—ভাগবত আরও বলেন যে, ভগবদ্ব্যপাসনাই পরম পুরুষার্থ। ভগবদ্বিমুখ অন্যান্য দ্বাদশগুণ বিশিষ্ট ব্রাহ্মণ হইতে ভগবদভক্ত চণ্ডালও শ্রেষ্ঠ। কারণ, উক্ত চণ্ডালের মনঃ, বচন, কায়িক চেষ্টা, অর্থ, প্রাণ সমুদায়ই ভগবানে অর্পিত; এবং নীচযোনিজাত বলিয়া জন্মগত বা সংস্কারগত অভিমানও তাহার নাই। গর্বিত ব্রাহ্মণ নিজেকে পবিত্র করিতে অসমর্থ, চণ্ডাল ভক্তিবলে কুল পর্যন্ত পবিত্র করে। ভাগঃ ৭।২।২।

বিপ্রাদ্বিষড়্গুণযুতাদরবিন্দনাভ-

পাদারবিন্দবিমুখাং স্বপচং বরিষ্ঠম্।

মন্ত্রে তদর্পিতমনোবচনেহিতার্থ-

প্রাণং পুনাতি সকুলং ন তু ভূরিমানঃ ॥

ভাগঃ ৭।২।২।

জ্ঞাননিষ্ঠ, বিষয় উপভোগে বিরক্ত সাধক বা ভগবদ্ভক্তের আশ্রমধর্ম-প্রতিপালন একান্ত কর্তব্য নহে। জীবাল উপনিষদের ৬ মন্ত্রের তাৎপর্য্যাসূ-সারে শ্রীমদ্ভাগবতও এই শিক্ষাই প্রদান করেন।

জ্ঞাননিষ্ঠো বিরক্তো বা মন্তুক্তো বানপেক্ষকঃ ।

সলিঙ্গানাশ্রমাংস্ত্যক্ত্বা চরেদবিধিগোচরঃ ॥

ভাগঃ ১১।১৮।২৭ ।

—জ্ঞাননিষ্ঠ, বিরক্ত ব্যক্তি বা নিরপেক্ষ আমার ভক্ত, ত্রিদণ্ডাদি সহিত আশ্রমধর্ম সকল পরিত্যাগ পূর্বক শাস্ত্রের নিয়মাদির অধীন না হইয়া বিচরণ করিবে। ভাগঃ ১১।১৮।২৭ ।

“অবিধিগোচরঃ” কি প্রকার, তাহাই স্পষ্টতঃ বলিতেছেন :—

শৌচমাচমনং স্নানং নতু চোদনয়া চরেৎ ।

অগ্ন্যাংশ্চ নিয়মান্ জ্ঞানী যথাহং লীলয়েশ্বরঃ ॥

ভাগঃ ১১।১৮।৩৫ ।

—শৌচ, আচমন, স্নান, বিধির অতুগত হইয়া করিবেন না। আমি ঈশ্বর, লীলাভাবে যেরূপ সমুদায় কর্ম আচরণ করি, জ্ঞানী-ব্যক্তিও অনাসক্ত হইয়া তদ্রূপে লোক শিক্ষার জন্তু কর্মাচরণ করিবেন।

ভাগঃ ১১।১৮।৩৫ ।

১৩। অমাবিকারাদিকরণম্ ॥

[সম্প্রতি অধিগতবিদ্য ব্যক্তি কি প্রকার আচরণ করিবেন, সূত্রকার তাহারই বিচার করিতে অগ্রসর হইতেছেন ।]

ভিত্তি :—

১। পূর্ব সূত্রের শিরোদেশে উদ্ধৃত বৃহদারণ্যক শ্রুতির ৩।৫।১ মন্ত্র ।

২। “নাবিরতো দুশ্চরিতান্নাশান্তো নাসমাহিতঃ ।

নাশান্তমানসো বাপি প্রজ্ঞানেনৈনমাপ্নুয়াৎ ॥”

(কঠঃ, ১।২।২৪) ।

—যে লোক দুষ্কৃত্যচরণ হইতে অবিরত নয়, অশান্ত নয়, অসমাহিত নয় এবং অশান্তচিত্তও নয়, সেই লোকই প্রকৃষ্ট জ্ঞান দ্বারা ইহাকে (পরম পুরুষকে) লাভ করেন । (কঠঃ, ১।২।২৪) ।

৩। “আহারশুদ্ধৌ সত্ত্বশুদ্ধিঃ” । (ছান্দোগ্য, ৭।২।৬২) ।

—আহার শুদ্ধিতে চিত্তশুদ্ধি হয় । (ছা, ৭।২।৬২)

সংশয় :—পূর্বসূত্রের শিরোদেশে বৃহদারণ্যক শ্রুতির যে ৩।৫।১ মন্ত্র উদ্ধৃত হইয়াছে, উহাতে উপদিষ্ট হইয়াছে, “বাল্যেন তিষ্ঠাসেৎ”—বাল্যভাবে অবস্থান করিবেন । “বালকের ভাব বা বালকের কর্ম”, এইরূপ অর্থে বাল্যশব্দ সিদ্ধ হইয়াছে । বালকের ভাব “বাল্য”, বালক বয়সেই সম্ভব । প্রবীণ বয়স্ক অধিগতবিদ্য ব্যক্তির পক্ষে বালকের বয়স রূপ “বাল্য” ইচ্ছামত লাভ করা যায় না । সেইজন্য উক্ত অর্থ প্রযোজ্য নহে । অতএব বাল্য অর্থ বালকের আচরণ—উহা দুই প্রকার—একটি যথেষ্টাচারিতা, উদ্দেশ্যহীন লীলা, বিষ্ঠামৃতাদিতে অপবিত্র জ্ঞানহীনতা এবং বিষ্ঠামৃতাদি গলাধঃকরণে অসঙ্কোচ ; এবং অপরটি—বালকের ভাবশুদ্ধি অর্থাৎ সরলতা, দম্বদর্পাদিরাহিত্য, ‘ইন্দ্রিয়চেষ্টাবর্জিতত্ব’, শক্রমিত্রে সমজ্ঞান প্রভৃতি । এই দুইটির মধ্যে কোন্ বাল্যভাবটি গ্রাহ্য ? প্রথমোক্তটি, অর্থাৎ যথেষ্টাচারিতা প্রভৃতি, অথবা দ্বিতীয়টি, অর্থাৎ ভাবশুদ্ধি ? শাস্ত্রে অধিগতবিদ্যব্যক্তির পক্ষে যথেষ্টাচারিতার উল্লেখ আছে । পূর্বসূত্রের আলোচনার উদ্ধৃত ভাগবতের ১।১।১৮।২৭ শ্লোকই ইহার প্রমাণ । বিশেষতঃ,

বালকের যথেষ্টাচারিতা প্রভৃতি প্রথমোক্ত ভাবই অধিক প্রসিদ্ধ। অতএব অধিগতবিদ্যাব্যক্তি “বাল্যভাবে অবস্থান করিবেন” অর্থে বিষ্ঠামূত্রাদি অমেধ্য-
লেপিত অঙ্গে বর্তমান থাকিবেন এবং বিনা সংকোচে উক্ত অমেধ্যাদি অঙ্গে
লেপন, গুলাধঃকরণ প্রভৃতি করিবেন। কামাচারী, কামভক্ষ্য হইবেন। ইহার
উত্তরে সূত্রকার সূত্র করিলেন :—

সূত্রঃ—৩।৪।৫০ ।

অনাবিক্ষুর্বনস্বয়াং ॥ ৩।৪।৫০ ॥

অনাবিক্ষুর্বন্ + অস্বয়াং ॥

• **অনাবিক্ষুর্বন্** :—নিজের মহিমা প্রকাশ না করিয়া। **অস্বয়াং** :—
যে হেতু উহার সহিত বিদ্যার নিয়ত সম্বন্ধ বর্তমান।

ছান্দোগ্য শ্রুতির শিরোদেশে উক্ত ৭।২৩।২ মন্ত্রাংশে স্পষ্টই উপদিষ্ট
হইয়াছে যে, আহার শুদ্ধিতে চিন্তাশুদ্ধি হয়। ইহা সার্বজনিক বিধি।
সুস্তয়াং, কামাচার, কামভক্ষ্য হওয়া কিছুতেই উচিত নহে। তাহাতে শ্রুতির
উপদেশ লঙ্ঘন করা হয় এবং সেজন্য উহা বিত্তার বিরোধী। শিরোদেশে
উক্ত কঠশ্রুতির ১।২।২৩ মন্ত্রও যথেষ্টাচারের বিরোধী। এ কারণ, বালকের
যথেষ্টাচার অনুসারে অবস্থান করা বৃহদারণ্যক শ্রুতির ৩।৫।১ মন্ত্রের অভিপ্রায়
নহে। বালকের গায় ভাব শুদ্ধিই শ্রুতির অভিপ্রায়, ইহা সিদ্ধ
হইল। অতএব, অধিগতবিদ্য ব্যক্তি বালকের গায় সরল, নিরতিমান,
দম্ভরহিত, শত্রুমিত্রে সমদর্শী, যৌবনোচিত ইন্দ্রিয়চেষ্টাবর্জিত ভাবে
বর্তমান থাকিবেন, শ্রুতি ইহাই প্রচার করিতেছেন। কারণ, ইহা
স্পষ্ট যে, এই প্রকার শেবোক্ত ভাবের সহিতই বিত্তার অস্বয় বা
নিয়ত সম্বন্ধ বিস্তারিত।

এ সম্বন্ধে ভাগবত বলিতেছেন :—

• বুদ্ধো বালকবৎ ক্রীড়েৎ কুশলো জড়বচ্চরেৎ ।

• স্বদেহ্মন্তবদ্বিহান্ গোচর্যাং নৈগমচ্চরেৎ ॥

ভাগঃ ১।১।৮।২৮ ।

• —বিবেকবান্ হইলেও বালকের গায় মানাপমান শূন্য হইয়া ক্রীড়া
করিবে, নিপুণ হইয়াও জড়ের গায় ফলাহুসন্ধান পরিত্যাগ পূর্বক

ব্যবহার করিবে, বিদ্বান্ হইয়াও উন্নতের গ্ৰায় লোকসংগন কামনা-
ভাবে কার্য্য করিবে এবং বেদনিষ্ঠ হইয়াও অনিয়ত্যাচারে বিচরণ
করিবে। ভাগঃ ১১।১৮।২৮।

আবার বলিতেছেন :—

ন মে মানাপমানৌ স্তো ন চিন্তা গৃহপুত্রিণাম্ ।

আত্মক্রীড় আত্মরতির্বিচরামীহ বালবৎ ॥ ভাগঃ ১১।২।৩ ।

—আমার মান অপমান কিছুই নাই, অথবা গৃহবান্ বা পুত্রবান্
ব্যক্তিগণের গ্ৰায় কোন চিন্তাও নাই। আমি আত্মক্রীড় ও আত্মরতি
হইয়া ইহলোকে বালকের গ্ৰায় বিচরণ করি। ভাগঃ ১১।২।৩ ।

বিসৃজ্য স্ময়মানান্ স্বান্ দৃশং ব্রীড়াঞ্চ দৈহিকীং ।

প্রণমেদগুবদুমাশ্বচাণ্ডালগোথরং ॥ ভাগঃ ১১।২।১৬ ।

—স্বজন হইতে উপহাস, স্বীয় উন্নতত্ব দৃষ্টি, দেহদৃষ্টি ও লজ্জা
পরিত্যাগ করিয়া—কুকুর, চণ্ডাল, গো, খর পর্য্যন্ত সমুদায় জীবকে
দণ্ডবৎ প্রণাম করিবে। ভাগঃ ১১।২।১৬ ।

উপরে যে অর্থ লিখিত হইল, উহা শ্রীমচ্ছরীচার্য্য ও শ্রীমদ্রামানুজাচার্য্য
সম্মত। শ্রীমদ্ বল্লাভাচার্য্যকৃত অর্থও বড় সুন্দর। তিনি বলিতেছেন,
শ্রীভগবানে সর্বেন্দ্রিয় বিনিয়োগই শ্রেষ্ঠ উপাসনা। ভগবান রসস্বরূপ ও
রসরাজ। রস বুদ্ধির জন্মই তাঁহার উপাসনা গোপনে করিতে হয়। লোক
সমক্ষে করিতে গেলে নানা প্রকার বিক্ষিপ উপস্থিত হইয়া রসবুদ্ধির অন্তরায়
সৃজন করে। এজন্য সূত্রকার “অনাবিকুর্বন” বলিয়াছেন। বিশেষতঃ, গোপনে
হইলেই কোনও প্রকার বিক্ষিপ উপস্থিত না হওয়ায়, ভগবানের সহিত সম্বন্ধ
অপ্রতিহতভাবে প্রবাহিত হইতে থাকে। এই উদ্দেশ্যে সূত্রকার “অস্বয়াৎ”
বলিয়াছেন। ষতদিন পর্য্যন্ত অন্তঃকরণে শ্রীভগবানের স্বরূপ প্রকটিত
না হয়, ততদিন বাহিরে উপাসনার আড়ম্বর দৃষ্ট “হয়।” অন্তরে
স্বরূপ প্রকট হইলেই, তিনি আত্মার আত্মা, পরম প্রিয়তম এই জ্ঞান
হইলেই, আর সে প্রকার বাহ্যাদম্বর থাকে না।

আমরা প্রত্যক্ষতঃ দেখিতে পাই যে, একটি প্রফুল্লিত ফুলের নিকট ভ্রমর
গমন করিতেছে। ষতক্ষণ সে উক্ত পুষ্পের গোপন ভাণ্ডারে সঞ্চিত মধুর

সন্ধান না পায়, ততক্ষণ উহার গুণনের এবং বন্ধারের বিরাম নাই। যখন সন্ধান পাইলেই ত্রয় শাস্ত, যথুপানে বিভোর ও পরম আনন্দে নিবৃত্ত, বন্ধার গুণন সম্পূর্ণভাবে উপশাস্ত। সাধন ক্ষেত্রেও তাই। যতদিন শ্রীভগবানের স্বরূপ অসুভবে না আসে, ততদিন বাহিরে পূজার আড়ম্বর। স্বরূপ অসুভূতি হইলেই সাধক ভগবদভাবে বিভোর, আত্মহারা। তখন ভগবান সাধকের আত্মার আত্মা রুলিয়া “মিলন লহরী ছুটে আত্মায় আত্মায়”। তখন কেন্দ্রে কেন্দ্রে তাড়িত প্রবাহের গায় ভক্তে ও ভগবানে ভাবের আদান প্রদান চলে। এই আদান-প্রদানের প্রতি লক্ষ্য করিয়াই সূত্রকার “অনুভবঃ” শব্দ ব্যবহার করিয়াছেন।

ভক্ত ও ভগবানে এই আত্মায় আত্মায় ভাবের আদান-প্রদান রসপুষ্টি করে। যেমন, তাড়িত শক্তির যোগাত্মক কেন্দ্রের যোগাত্মক তাড়িত ঋণাত্মক কেন্দ্রে ঋণাত্মক তাড়িত সঞ্চারিত করে (Induce) এবং ঐ ঋণাত্মক তাড়িতও যোগাত্মক কেন্দ্রে অপর যোগাত্মক তাড়িত সঞ্চারিত করিবার কারণ হয়, এবং উক্ত সঞ্চারিত (induced) যোগাত্মক তাড়িতও ঋণাত্মক কেন্দ্রে আবার নূতন ঋণাত্মক তাড়িত সঞ্চারণের কারণ হয়, এবং এই প্রকার চলিতে থাকে, যতক্ষণ না উভয় তাড়িত উভয় কেন্দ্রে পরস্পরের সাহচর্যে এত অধিক সঞ্চারিত হয় যে, উভয়ে সমুদায় বিদ্য বাধা অতিক্রম করিয়া তীব্র আগ্রহে মিলিত হইয়া শাস্ত স্তিমিত ভাব ধারণ করে; ভক্ত ও ভগবানেও তাই। পরস্পর পরস্পরের রস সঞ্চারণের এবং ক্রমশঃ রস বৃদ্ধির কারণ হইয়া থাকে। উভয়ের মধ্যে ভাবের আদান-প্রদান চলিতে থাকে এবং তদ্বারা রসপুষ্টি হইতে থাকে, যতদিন না ভক্ত ভগবানের শ্রীপাদপদ্মে মিলিত হইয়া আপনাকে হারাইয়া ফেলে। ইহাই প্রকৃত নির্বাণ। [বৌদ্ধ নির্বাণ নাম মাত্র ব্যবহার করেন, প্রকৃত বস্তুর সহিত পরিচয় তাঁহার নাই।]

এই ব্যাপার হৃদয়ে ধারণ করিয়া ভাগবত বলিতেছেন :—

• মেমে বুমেশো ব্রজসুন্দরীভির্ঘর্ষার্থকঃ স্বপ্রতিবিশ্ববিভ্রমঃ ॥

ভাগঃ ১০।৩৩।১৭ ।

—বালক দর্পণে নিজের মুখের প্রতিবিম্ব দেখিয়া আনন্দে হাস্য করে, সেই হাসি-দর্পণগত মুখ প্রতিবিম্ব সমভাবে প্রস্ফুটিত হয়, বালক উহা অপর বালকের হাসিমুখ মনে করিয়া আরও আনন্দিত হয়, এবং তাহাতে

আরও হাসি ফুটিয়া উঠে, প্রতিবিষেও সমভাবে অধিকতর হাসি দেখিয়া
 ' আরও অধিক আনন্দ, আরও অধিক হাসি এই প্রকার আনন্দের ও হাসির
 বৃদ্ধি চলিতে থাকে। রাসে ভগবান ও গোপীগণের মধ্যে পরস্পর
 পরস্পরের আনন্দ ও রসবৃদ্ধির কারণ ঐ প্রকার হইয়া থাকে।

ভাগ: ১০।৩৩।১৭।

অতএব প্রতিপাদিত হইল যে, অধিগতবিদ্য ব্যক্তি আপনার মূর্ছমা
 লোক সমক্ষে প্রকাশ না করিয়া, বালকের স্তায় কপটতাহীন, সরল,
 ইন্দ্রিয়চেষ্টা বিরহিত, শক্রমিত্রে সমদৃষ্টি সম্পন্ন, অহেতুকি আনন্দে
 আনন্দিত হইয়া কামযাপন করিবেন।

১৪। ঐহিকাধিকরণম্ ॥

[বর্তমানে সূত্রকার বিদ্যোৎপত্তির কালের বিষয় আলোচনার অগ্রসর হইতেছেন। প্রশ্ন এই, বিদ্যোৎপত্তি বর্তমান জন্মেই হয়, অথবা, জন্মান্তরে হইয়া থাকে? এ সম্বন্ধে বিভিন্ন প্রকার ঋতি প্রমাণ আছে।]

ভিত্তি :—

- ১। “শ্রবণায়ানি বহুভির্যো ন লভ্যঃ,
শৃণ্বন্তোহপি বহবো যং ন বিদ্যাঃ।
আশ্চর্য্যো বক্তা কুশলোহস্ত লক্ষা
আশ্চর্য্য জ্ঞাতা কুশলানুশিষ্টঃ ॥”

কঠঃ ১।২।৭

—যিনি শ্রবণেও বহুলোকের লভ্য নহেন, অর্থাৎ, যাহার শ্রবণ নিতান্ত দুর্লভ ও সকলের সাধ্যায়ত্ত নহে, তুলিলেও যাহাকে বহুলোকে জানিতে পারে না, অর্থাৎ, শ্রবণফল আত্মজ্ঞান সকলের পক্ষে সুলভ নহে। ইহার বক্তা বা উপদেষ্টা আশ্চর্য্য, এবং যে তাঁহাকে লাভ করে, একরূপ লোকও আশ্চর্য্য। অধিক কি বলিব, তাঁহাকে বুঝাইতে পারেন, এমন আচার্য্যও আশ্চর্য্য (দুর্লভ) এবং তদ্বিষয়ক শাস্ত্রানুযায়ী অপরোক্ষ জ্ঞান লাভ করে, একরূপ শিষ্য বা শ্রোতাও আশ্চর্য্য বা দুর্লভ। (কঠ, ১।২।৭)।

- ২। “মৃত্যুপ্রাপ্তাং নচিকেতোহথ লক্ষা
বিদ্যামেতাং যোগবিধিঞ্চ কুৎসন্ম্।

ব্রহ্মপ্রাপ্তো বিরজোহভূদ্বিমৃত্যু-

রত্নোহপ্যেবং যো বিদধ্যাত্মমেব ॥” কঠ, ২।৩।১৮

—নচিকেতঃ যমরাজ কর্তৃক কথিত ব্রহ্মবিজ্ঞা ও সমগ্র যোগবিধি প্রাপ্ত হইয়া পাপাদিদোষরহিত এবং মৃত্যুর কারণাত্মক অবিজ্ঞান-বিহীন হইয়া ব্রহ্মভাব প্রাপ্ত হইয়াছিলেন। অপর যে কোনও ব্যক্তি নচিকেতার ন্যায় ব্রহ্মবিজ্ঞা প্রাপ্ত হন, তিনিও বিরজ ও বিমৃত্যু হইয়া ব্রহ্মভাব প্রাপ্ত হইয়া থাকেন। (কঠ, ২।৩।১৮)।

৩। “অহং মমুরভবং সূর্য্যশ্চাহম্...”। ঋষেদ, ৩।৬।১৫, বৃহঃ ১।৪।১০,
“অয়ং গর্ভে বসন্ বামদেবঃ উৎপন্নতত্ত্বজ্ঞানঃ সন্”।

(সায়নভাষ্য)।

—বামদেব ঋষি মাতৃগর্ভে বাস কালেই তত্ত্বজ্ঞান লাভ করিয়া ‘অমুরভব’
করিয়াছিলেন, “আমিই মমু, আমিই সূর্য্য”।

(ঋষেদ, ৩।৬।১৫, বৃহ, ১।৪।১০)

৪। “নহি কল্যাণকৃৎ কশ্চিদ্ দুর্গতিং তাত গচ্ছতি ॥”

(গীতা, ৬।৪০)।

“প্রযত্নাদ্ যতমানস্ত যোগী সংশুদ্ধকিঞ্চিৎ ।

অনেকজন্মসংসিদ্ধস্ততো যাতি পরাং গতিম্ ॥”

(গীতা, ৬।৪৫)।

—হে অর্জুন! কল্যাণকৃৎ কেহ দুর্গতি প্রাপ্ত হয় না।

(গীতা, ৬।৪০)।

—উত্তরোত্তর অধিক যতমান যোগী নিষ্পাপ ও অনেক জন্মার্জিত
যোগ দ্বারা সিদ্ধ হইয়া, তৎপরে পরা গতি প্রাপ্ত হন।

(গীতা, ৬।৪৫)।

সংশয় :—কঠকৃতির ১।২।৭ মন্ত্রে স্পষ্টই কথিত আছে যে, ব্রহ্মবিজ্ঞান উপযুক্ত
উপদেষ্টা গুরু এবং উক্তরূপ উপদেশ গ্রহণের উপযুক্ত অধিকারী শিষ্য দুর্লভ।
বিশেষতঃ কেহ শুনিলেও উহা ধারণা করিতে পারে না। সুতরাং ইহজন্মে যে
উহা সমুদায় সাধকের লাভ হইবে, তাহার নিশ্চয়তা কি? উক্ত কঠকৃতির ২।৬।১৮
মন্ত্রে দেখা যাইতেছে যে, নচিকেতা ইহজন্মেই ব্রহ্মবিজ্ঞান লাভ করিয়া কৃতকৃত্য
হইয়াছিলেন। আবার অন্তপক্ষে, বৃহদারণ্যক শ্রুতির ১।৪।১০ ও ঋষেদের
৩।৬।১৫ মন্ত্র এবং উহার ভাষ্য আলোচনা করিলে জানা যায় যে, বামদেব ঋষি
মাতৃগর্ভেই ব্রহ্মবিজ্ঞান প্রাপ্ত হইয়াছিলেন। সুতরাং, উহা লাভের জন্য তাঁহাকে
জন্মগ্রহণ স্বীকার করিতে হইয়াছিল, উক্ত জন্মের অব্যবহিত পূর্বেই উহা
তিনি লাভ করিতে পারেন নাই। গীতায় শ্রীভগবান আশার বাণী উচ্চারণ
করিয়া বলিলেন যে, কল্যাণকারী কেহ দুর্গতি প্রাপ্ত হয় না। কল্যাণকর
কর্মাঙ্গির ফল সমুদায় সঞ্চিত থাকে, এবং জন্ম হইতে জন্মান্তরে আঁগ্রহের

সহিত কৃতপ্রবৃত্তি যোগী পরাগতি পাইবার অধিকারী হন। সুতরাং, দেখা যাইতেছে যে, কোথাও একজন্মে, কোথাও একাধিক জন্মের পর ব্রহ্মবিদ্যা অধিগত হইয়া থাকে। সাধারণতঃ ব্যবহারিক জগতে দেখা যায় যে, কর্তা যে কোনও কর্ম করে তাহার ফল ইহলোকে ইহজন্মে ভোগ করিবার আকাঙ্ক্ষা রাখিয়া করিয়া থাকে। যদি ব্রহ্মবিদ্যা ইহজন্মের প্রযত্নের অব্যভিচারী ইহজন্মে প্রাপ্ত ফল না হয়, তাহা হইলে কর্তার প্রযত্নের প্রবৃত্তির তীব্রতা থাকিবে কেন? এই সংশয় সমাধানের জন্য সূত্রকার সূত্র করিলেন :—

• সূত্র :—৩।৪।৫১ ।

ঐহিকমপ্রস্তুত-প্রতিবন্ধে, তদর্শনাৎ ॥ ৩।৪।৫১ ॥

• ঐহিকং + অপ্রস্তুত প্রতিবন্ধে + তৎ + দর্শনাৎ ॥

ঐহিকং :—ইহকালেই, এই জন্মেই। অপ্রস্তুতপ্রতিবন্ধে :—প্রতিবন্ধক অপ্রস্তুত থাকিলে, অর্থাৎ, বিঘালাভের অন্তরায় উপস্থিত না থাকিলে। তৎ :—তাহা। দর্শনাৎ :—শ্রুতিতে দর্শন হেতু।

শ্রুতিতে দেখা যাইতেছে যে, কাহারও ইহজন্মে বিঘালাভ হয়, আবার কাহারও তজ্জন্ম এক বা একাধিক জন্মান্তর প্রয়োজন। স্মৃতিও তাহাই প্রতিপন্ন করে। শিরোদেশে উদ্ধৃত শ্রুতিমন্ত্রগুলি এবং গীতার শ্লোকগুলি তাহার প্রমাণ। অতএব, ইহজন্মেই যে সকলের বিঘালাভ হইবে, এরূপ কোনও অব্যভিচারী নিয়ম নাই।

• আমরা পূর্বে প্রতিপাদন করিয়াছি যে, ব্রহ্ম এবং ব্রহ্মবিদ্যা অভেদ, এবং উহা স্বপ্রকাশ, স্বতঃসিদ্ধ। উহা কর্মলভ্য নহে। কর্ম মাত্রই গুণসৃষ্ট এবং সে কারণে মায়ার প্রভাবাধীন। উহার দ্বারা ব্রহ্মবিদ্যা—যাহা মায়ার বাহিরের বস্তু—লভ্য হয় না। ব্রহ্ম বা ব্রহ্মবিদ্যা—মায়াতীত বস্তু। সুতরাং ব্রহ্মবিদ্যা লাভের জন্য কর্মপ্রযত্ন প্রচুর নহে। কর্মজনিত মলিনতার আবরণে, উক্ত স্বপ্রকাশ, স্বতঃসিদ্ধ বস্তু আবৃত থাকায়, এই আবরণ ক্রমশঃ স্বচ্ছ, স্বচ্ছতর ও স্বচ্ছতম করাই কর্মপ্রযত্নের একমাত্র উদ্দেশ্য। এই আবরণই অন্তরায়। ইহাই সূত্রকার সূত্রে “প্রতিবন্ধ” শব্দ দ্বারা প্রকাশ করিয়াছেন। ইহজন্মের পূর্বে আমাদের কত শত শত, লক্ষ লক্ষ জন্ম গত হইয়াছে। উক্ত জন্মসকলের কৃত বহুপ্রকার কর্ম

এই আবরণ বা প্রতিবন্ধক প্রস্তুত করিয়াছে। কৰ্ম দ্বারা যাহা প্রস্তুত, কৰ্ম দ্বারা তাহা ধ্বংস, গায় ও যুক্তিসঙ্গত। এইজন্ম মানব প্রযত্নের সার্থকতা। এই প্রযত্নের দ্বারা উক্ত আবরণ ক্রমশঃ যত স্বচ্ছ হইতে থাকে, ততই স্বয়ংপ্রকাশ, স্বতঃসিদ্ধ বিদ্যা স্নিগ্ধোজ্জ্বল জ্যোতিতে প্রকাশ পাইতে থাকে। এ প্রসঙ্গে ৩।২।২৪ সূত্রের আলোচনা দ্রষ্টব্য। অতএব, বুঝা গেল যে, আবরণের স্বচ্ছতার ইতর বিশেষের উপরই “প্রতিবন্ধে”র বা অন্তরায়ের অল্পত্ব, অধিকত্ব নির্ভর করে। এবং উহার অপসারণ প্রযত্নের তীব্রতার ইতরবিশেষের উপর নির্ভর করে। যদি প্রযত্ন তীব্র, আগ্রহ আকুল হয়, এবং অন্তরায় অধিকতর শক্তিশালী না হয়, তবে ইহজন্মেই বিদ্যালাভ হইয়া থাকে। ইহা ৩।৪।৩৬ সূত্রের আলোচনায় আকস্মিক অতি সামান্য কারণে “দানা-বাঁধার” (crystallisation) দৃষ্টান্তে বৃষ্টিতে চেষ্টা করা হইয়াছে। অল্প পক্ষে যদি প্রযত্ন তীব্র বা আগ্রহ আকুল না হয়, এবং অন্তরায় শক্তিশালী হয়, তাহা হইলে জন্ম জন্মান্তরের প্রয়োজন হইতে পারে।

এই প্রসঙ্গে ২।১।২৩ সূত্রের আলোচনায় উদ্ধৃত (পৃ: ৮০০) শ্রীমদ্ভাগবতের ১।১।৩৪১ এবং ১।১।২৮।৩৫ শ্লোক দুটি দ্রষ্টব্য। গ্রন্থ বিস্তার ভয়ে এখানে আর পুনরুদ্ধার করা হইল না।

পূর্বপক্ষ আপত্তি উত্থাপন করিয়াছেন যে, যদি ইহজন্মে বিদ্যালাভ ইহ-জন্মের প্রযত্নের অব্যভিচারী ফল না হয়, তাহা হইলে প্রযত্নের তীব্রতা থাকিবে কেন? ইহার উত্তর এই যে, বিদ্যালাভ প্রযত্নের ব্যভিচারী বা অব্যভিচারী ফল নহে। উপরে বিদ্যালাভ সম্বন্ধে যাহা লিখিত হইল, যুক্তি, বিচারে এবং শ্রুতিমতে তাহাই একমাত্র উপায়। উহাই সার্বকালিক ও সার্বজনিক নিয়ম। উহার ব্যভিচার নাই। যদি কেহ শ্রুতির এই উপদেশ সত্বেও নিজের আত্মস্বরিতায় প্রযত্নের শিথিলতা করেন, তবে তাহার ফল তাঁহাকে ভুগিতেই হইবে। অর্থাৎ, বিদ্যালাভ দূরে থাকুক, উত্তরোত্তর অধিকতর শক্তিশালী “প্রতিবন্ধ” বা অন্তরায় সৃষ্টির কারণ হইয়া জন্মের পর জন্ম সংসার চক্রে পিষ্ট হওতঃ, জন্ম মৃত্যু পথে যাতায়াত করিতে থাকিবেন। যাহারা অমৃতত্বের প্রার্থী, তাঁহাদের কর্তব্য, শাস্ত্রের উপদেশানুসারে যাহাতে আবরণ উত্তরোত্তর অপসারিত হয়, তাহার চেষ্টা করা। উহা প্রযত্ন সাপেক্ষ, উহার জন্ম প্রযত্ন না করিলে, উহা হইতে অব্যাহতি লাভ কি করিয়া হইতে পারে?

এখন প্রশ্ন উঠে, এই প্রযত্ন কি প্রকারে করিতে হয়? ভাগবত বলে, কারিক, বাচনিক, মানসিক—তিন প্রকারে শ্রীভগবানের সেবাই প্রকৃষ্ট পথ।

ইহার অন্ত সমুদায় ইন্দ্রিয়গ্রাম তাঁহার সেবায় নিয়োগ করিতে হইবে, এবং তাহা সর্বদাই করিতে হইবে, অন্য প্রকার করণীয় মাত্রই থাকিবে না। এই প্রকার করিতে থাকিলে ভগবানের ইচ্ছানুসারেই ভক্ত কৃপা লাভ করিয়া থাকে, এবং তাহাতে সর্বার্থসিদ্ধি হয়। এই প্রসঙ্গে ২।৩।৪২ শ্লোকের আলোচনা দ্রষ্টব্য। ইন্দ্রিয়গণকে ভগবৎ সেবায় নিয়োগের উপদেশ ভাগবত নিম্নোক্ত শ্লোকগুলিতে দিয়াছেন :—

স বৈ মনঃ কৃষ্ণপদারবিন্দয়ো-

বর্চাসি বৈকুণ্ঠগানুবর্ণনে ।

করৌ হরেমন্দিরমার্জনাदिषু,

শ্রুতিঞ্চকারাচ্যুতসৎকথোদয়ে ॥ ভাগঃ ৯।৪।১৫ ।

মুকুন্দলিঙ্গালয়দর্শনে দৃশৌ,

তদ্ভূত্যগাত্রস্পর্শেহঙ্গসঙ্গমং ।

স্রাগঞ্চ তৎপাদসরোজ সৌরভে

শ্রীমতুলস্যা রসনাং তদর্পিতে ॥ ভাগঃ ৯।৪।১৬ ।

পাদৌ হরেঃ ক্ষেত্রপদানুসর্পণে,

শিরৌ হৃষীকেশপদাভিবন্দনে ।

কামঞ্চ দাস্ত্রে নতু কামকাম্যয়া,

যথোক্তমঃশ্লোকজনাশ্রয়া রতিঃ ॥

ভাগঃ ৯।৪।১৭ ।

—মনঃ কৃষ্ণপদারবিন্দে, বাক্য তাঁহার গুণানুবর্ণণে, করষয়কে হরিমন্দির মার্জনে, এবং অচ্যুতের সৎকথা শ্রবণে শ্রবণেন্দ্রিয়কে নিয়োজিত করিয়াছিলেন। ভাগঃ ৯।৪।১৫ ।

—নয়নষয়কে মুকুন্দ বিগ্রহ ও তাঁহাদিগের মন্দির দর্শনে, অঙ্গ-সঙ্গের স্পৃহাকে ভগবদ্ভূত্যগণের আলিঙ্গন বা প্রণামজনিত গাত্রস্পর্শে, স্রাগেন্দ্রিয়কে ভগবদ্ পাদপদে বিরাজিত তুলসীর সৌরভগ্রহণে, রসনাকে ভগবানে নিবেদিত অন্নাদি আশ্বাদনে, চরণষয় ভগবৎক্ষেত্র-পত্রিভ্রমণে ও মস্তক হৃষীকেশের পদাভিবন্দনে নিয়োজিত করিয়াছিলেন। অপিচ, তিনি কাম অর্থাৎ স্কন্দনাদিব্যবহার বিষয় ভোগের অন্ত নয়—ভগবদ্দাস্ত্রে, এবং যাহাতে ভগবদ্ভক্ত-

অনের প্রতি পরমভাব প্রাপ্তি হয় তাহার অন্তরীকার
করিয়াছিলেন। ভাগ: ৯।৪।১৬-১৭।

এইরূপে সমুদায় ইন্দ্রিয়বৃত্তি ভগবানের সেবার নিয়োগ করিতে পারিলে,
ক্রমশঃ ইন্দ্রিয়গণের বহির্নুখীন ভাব প্রত্যাহৃত হইয়া, ভগবানকে কেন্দ্র করিয়া,
সমুদায় ইন্দ্রিয় একভাবে ক্রিয়া করিতে থাকে এবং ফলে ভগবানের স্বরূপে
আপনাদিগকে হারাইয়া ফেলে। এ প্রকার ভগবৎ সেবার কি ফল?
ভাগবত বলিতেছেন :—

বাসুদেবে ভগবতি ভদ্বক্তেষু চ সাধুষু।
প্রাপ্তো ভাবঃ পরং বিশ্বং যেনেদং লৌষ্ট্রবৎ স্মৃতং ॥

ভাগ: ৯।৪।১৪।

—এই প্রকার আচরণ করায়, তিনি ভগবান বাসুদেবে এবং তাঁহার সাধু
ভক্তগণে পরমভাব বা ভক্তি প্রাপ্ত হইয়াছিলেন। উক্ত প্রকার ভক্তিব্যক্ত
হইলে এই বিশ্বের সমুদায় বৈভব লৌষ্ট্রবৎ জ্ঞান হয়। ভাগ: ৯।৪।১৪।

এই ভক্তিব্যক্ত হইলেই সমুদায় বিকল্প দূরীভূত হয়। ফলে “প্রতিবন্ধ” ধ্বংস,
এবং স্বয়ম্প্রকাশ স্বতঃসিদ্ধ আত্মতত্ত্ব বা ভগবৎ স্বরূপ প্রকটিত হয়। ২।১।২৩
শ্লোকের আলোচনায় উক্ত ভাগবতের ১।১।৩৪১ শ্লোক ইহাই উপদেশ দেয়।

অন্তঃপ্রাপ্ত এই উপদেশ আছে, যথা :—

কেচিৎ কেবলয়া ভক্ত্যা বাসুদেবপরায়ণাঃ।
অঘং ধুস্বস্তি কাৎস্নোয়ন নীহারমিব ভাস্করঃ ॥ ভাগ: ৬।১।১৩।
ন তথা হৃষবান্ রাজন্ পুয়েত তপ আদিভিঃ।
যথা কৃষ্ণাৰ্পিতপ্রাণঃস্তংপুরুষনিষেবয়া ॥ ভাগ: ৬।১।১৪

—যজ্ঞ, দান, তপস্যা প্রভৃতি দ্বারা অঘবান্ পুরুষ (অর্থাৎ, সংসারাবদ্ধ
সাধারণ মানব), সেরূপ সম্পূর্ণ পবিত্র হয় না, যে রূপ ভগবানে
অর্পিতপ্রাণ ব্যক্তি তাঁহার ভক্তের সেবার দ্বারা পবিত্র হয়। “স্বতরাং,
বাসুদেবপরায়ণ ভক্তগণ কেবলমাত্র ভক্তির দ্বারা সম্পূর্ণরূপে অঘ
(পাপপুণ্য) বিনাশ করেন, দৃষ্টান্ত স্বরূপ, সূর্য্য যেমন নীহার সম্পূর্ণরূপে
নাশ করেন। ভাগ: ৬।১।১৩-১৪।

এই “অঘই” যে আবরণ সৃষ্টি করিয়া প্রতিবন্ধক উপস্থিত করে,

ইহা বলিবার অপেক্ষা নাই। পাপ পুণ্য এই উভয়বিধ কর্ম লইয়া এই “অঘ্ন” গঠিত। ইহাই পুনর্জন্মের, সংসারে গতাগতির কারণ। অতএব সম্পূর্ণভাবে (“কাৎস্নোয়ন”) এই “অঘ” বিনাশ করিতে কি করা প্রয়োজন, তাহা ভাগবত সাহায্যে আমরা বুঝিতে পারিলাম। শুধু বুঝিলেই হইবে না। ইহার আচরণ প্রয়োজন। ইহাই মানবের প্রচেষ্টা, এবং ইহার আবেগের তীব্রতার ইতর বিশেষের উপর প্রতিবন্ধ ধ্বংসের অগ্রপশ্চাৎ এবং সেকারণ বিঘ্নালাভের কালাকাল, বিলম্ব-অবিলম্ব নির্ভর করে। পূর্বে বলা হইয়াছে যে, কর্মের দ্বারাই কর্মের ধ্বংস সাধন করিতে হয়। “অঘ” সমষ্টি কর্ম হইতে উৎপন্ন, প্রচেষ্টাও কর্ম। সুতরাং প্রচেষ্টার দ্বারা “অঘ” ধ্বংসপ্রাপ্ত হইলেই স্বপ্রকাশ বিঘ্না উজ্জ্বল ভাবে উদ্ভাসিত হইয়া থাকে, ইহা বিশদ ভাবে বুঝা গেল।

এই ভক্তি লাভ হইলে আর কি পাইবার অবশিষ্ট থাকে ? তখন ত সমুদায়ই পাওয়া হইয়া গিয়াছে। এই ভক্তি প্রভাবে ভগবানকে তাঁহার নিজের বিধান বলে বাধ্য করিয়া আত্মদান পর্য্যন্ত করাইতে পারা যায়। স্বতন্ত্র ভগবানের স্বতন্ত্রতা অপলোপ করিয়া, সর্বশক্তিমানের সমুদায় শক্তি হরণ করিয়া, তাঁহাকে খেলার পুতুলে পরিণত করা যায়। ইহা পূর্বে প্রতিপাদন করা হইয়াছে। এই প্রসঙ্গে ৩।৪।৪৪ সূত্রের আলোচনায় উদ্ধৃত ভাগবতের ১।১।২৬।২৯, এবং ৩।৪।৪৫ সূত্রের আলোচনায় উদ্ধৃত ৬।১।৬।৩০, ১০।৪৮।২২, ১০।৬০।৩৭, ৯।৪।৪৮, ১০।৮।০।৮, ১।১।২।২৯ প্রভৃতি শ্লোকগুলি দ্রষ্টব্য।

১৫। মুক্তিফলাধিকরণম্ ॥

[বিদ্যোৎপত্তির যেমন নির্দিষ্ট কাল এবং তৎসম্বন্ধে কোনও অব্যভিচারী নিয়ম নাই, মুক্তিফল সম্বন্ধেও সেইরূপ নির্দিষ্ট কাল বা অব্যভিচারী নিয়ম নাই। এই বিষয় আলোচনা করিবার অশ্রু সূত্রকার অগ্রসর হইতেছেন।]

ভিত্তি:—

১। “বেদাহমেতং পুরুষং মহাস্তম্, আদিত্যবর্ণং তমসঃ পরস্তাৎ ।

তমেবং বিদ্বানমৃত ইহ ভবতি, নাশ্রুঃ পশু! বিদ্বতেহয়নায় ॥”

(তৈত্তিরীয় আরণ্যক ব্রহ্মসূত্রে পুরুষসূত্রম্)

—সেই আদিত্যবর্ণ অর্থাৎ সূর্যের গায় স্বপ্রকাশ এবং অজ্ঞানাত্মকারের অতীত মহান পুরুষকে আমি জানি। তাঁহাকে জানিলে এই দেহেই অমৃতত্বলাভ করা যায়। আশ্রয় করিবার আর অশ্রু পথ নাই। (তৈত্তি: আ: ব্র: পু: সূ:) ।

২। “তমেব বিদিত্বাতিমৃত্যুমেতি” । (শ্বেতাশ্বতর, ৩।৮) ।

—তাঁহাকে জানিলে মৃত্যুকে অতিক্রম করা যায়। (শ্বেতা, ৩।৮) ।

৩। “তস্ম্য তাবদেব চিরং যাবন্ন বিমোক্ষোহথ সম্পৎস্র” ॥

(ছান্দোগ্য ৬।১৪।২) ।

—তাঁহার সেই পর্য্যন্ত বিলম্ব, যাবৎ প্রারব্ধ কর্মের ক্ষয় না হয়।

তাঁহার পর ব্রহ্মসংস্ হন বা ব্রহ্মভাব প্রাপ্ত হন।

(ছা:, ৬।১৪।২) ।

সংশয় :—শিরোদেশে উদ্ধৃত (১) ও (২) শ্রুতিমন্ত্র হইতে বুঝা যায় যে, বিদ্যালভ হইলেই অমৃতত্ব প্রাপ্তি ঘটে, অর্থাৎ, মুক্তিলাভ হয়। কিন্তু ছান্দোগ্য শ্রুতির ৬।১৪।২ মন্ত্রে স্পষ্ট উক্তি দেখা যায় যে, প্রারব্ধ শেষ না হওয়া পর্য্যন্ত মুক্তি হয় না। অতএব ইহার সমাধান কি? মুণ্ডক শ্রুতির ৩।৩।২ মন্ত্রে স্পষ্ট উপদেশ আছে, “ব্রহ্মবেদ ব্রহ্মৈব ভবতি”—ব্রহ্মবেদে ব্রহ্মভাবই প্রাপ্ত হন। ইহার সহিত শিরোদেশে উদ্ধৃত (১) ও (২) শ্রুতি মন্ত্রের ঐক্য দেখা যাইতেছে। এই সকল মন্ত্রে প্রারব্ধের কোনও কথা নাই। আবার, বিদ্যা সমুদায় কর্তৃক সংস্কৃত। ইহাও মুণ্ডক শ্রুতির ২।২।৮ মন্ত্রে স্পষ্ট উপদেশ আছে, যথা, “কীর্ত্তে চাস্ত কৰ্ম্মাণি তন্মিন্ দৃষ্টে পরাবরে।” এখানে “কৰ্ম্মাণি” বহুবচন ধারকী হেতু

প্রারক কৰ্মও ধ্বংসপ্রাপ্ত হয় ইহাই শ্রুতির অভিপ্রায় মনে হয়। সুতরাং, প্রারক কৰ্ম যে বিঘ্ন লাভ হইবার পরে ধ্বংস হয় না, ইহা বুঝিব কি প্রকারে? এই সকল শ্রুতির সহিত ছান্দোগ্য শ্রুতির বিরোধের সমাধান কি? মনে হয়, যে বিদ্যালাভ হইলেই প্রারকের সহিত সমুদায় কৰ্মের ধ্বংস হেতু ইহজন্মেই মুক্তিলাভ হইয়া থাকে। ইহার উত্তরে সূত্রকার সূত্র করিলেন :—

সূত্র :—৩।৪।৫২ ।

এবং মুক্তিফলানিয়মস্তদবস্থাবধুতেস্তদবস্থাবধুতেঃ ॥ ৩।৪।৫২ ॥

এবং + মুক্তিফলানিয়মঃ + তদবস্থা + অবধুতেঃ ॥ (অধ্যায়ে সমাপ্তি সূচক দ্বিরুক্তি) ।

এবং :—এই প্রকার অর্থাৎ বিদ্যোৎপত্তির ন্যায়। মুক্তিফলানিয়মঃ :— মুক্তিরূপ ফলোৎপত্তির অব্যভিচারী নির্দিষ্ট নিয়ম নাই। তদবস্থা :—সেই প্রকার অবস্থা। অবধুতেঃ :—অবধারিত থাকা হেতু। (অধ্যায় সমাপ্তি-নির্দেশক দ্বিরুক্তি) ।

বিদ্যোৎপত্তি যেমন প্রতিবন্ধের অপসারণের উপর নির্ভর করে, এবং উহা যে ইহজন্মেই হইবে, এরূপ কোনও নির্দিষ্ট নিয়ম নাই ; প্রতিবন্ধের অপসারণে উহার উৎপত্তি—এই মাত্র নিয়ম ; সেইরূপ মুক্তিলাভের হেতু, প্রথম—বিদ্যোৎপত্তি, এবং দ্বিতীয়—প্রারক কৰ্মের নাশ। যদি কোনও লক্ষবিঘ্ন ব্যক্তির প্রারক কৰ্ম ইহ জন্মেই ধ্বংসপ্রাপ্ত হয়, তাহা হইলে প্রারক জনিত দেহপাতাস্তে তাঁহার মোক্ষ লাভ হইবে। আবার, অপর কোনও লক্ষবিঘ্ন ব্যক্তির যদি প্রারক নাশ করিতে জন্মান্তর প্রয়োজন হয়, তাহা হইলে ইহজন্মের দেহপাতে মুক্তিলাভ সম্ভব হয় না। প্রারক কৰ্ম হইলেই লক্ষবিঘ্ন ব্যক্তির মুক্তি লাভ, ইহাই নিয়ম, এবং প্রারক কৰ্মই উহার প্রতিবন্ধক। ইহা ছান্দোগ্য শ্রুতিতে স্পষ্ট অবধারিত হইয়াছে। বিঘ্ন দ্বারা প্রারক ভিন্ন অগ্ন্যায় কৰ্মের ধ্বংস হইয়া যায়। প্রারক ধ্বংসের জন্ত ভগবন্নির্দিষ্ট ভোগ প্রয়োজন, এবং সেই ভোগের জন্ত প্রারক জনিত দেহ ধারণ প্রয়োজন। ভগবদিচ্ছানু-সারী কৰ্মদেবতাগণই জানেন, ইহজন্মেই কোনও বিশেষ ব্যক্তির

প্রারক নাশ হইবে কি না। যাহার হয়, তিনি দেহান্তে মুক্তিলাভ করেন, যাহার হয় না, তাঁহাকে জন্মান্তর গ্রহণ করিতে হয়।

ষ্টিক ব্যবহারিক জগতের সর্বোচ্চ বিচারালয়ের বিচারপতি নির্ণয়ের (ডিক্রি) ন্যায়। উহার বিরুদ্ধে আর আপিল চলে না। ডিক্রি হইয়া গেলে আর উহার পরিবর্তনের উপায় নাই। উহার জারি (execution) চলিতে থাকে এবং সে জন্ম যাহার বিরুদ্ধে ডিক্রি হইয়াছে, তাহাকে তাহার ফলভোগ করিতেই হয়। প্রারকও ভগবানের বিচারের নির্ণয় (ডিক্রি)। তাহার উপর আপিল চলে না। সংসারের ভোগই উক্ত ডিক্রিজারীর পরিচয়। যাহার একজীবনের ভোগে ডিক্রি না মিটে, তাহার জন্মান্তর পরিগ্রহ করিয়া উহা মিটাইতে হয়, তাহার পর মুক্তি।

কিন্তু স্মরণ রাখিতে হইবে যে, লব্ধবিভ্যক্তি ব্যক্তির দৃষ্টিতে ব্রহ্মই সর্বময়—উপরে, নীচে, ডাহিনে, বামে, সম্মুখে, পশ্চাতে। দেহ আছে কি নাই, এ জ্ঞান তাঁহার নাই। প্রারক ভোগ ত দেহেরই। সুতরাং তাঁহার দৃষ্টিতে যখন দেহই নাই, তখন প্রারক থাকিবে কি প্রকারে? তাঁহার দৃষ্টিতে প্রারক নাই। ব্যবহারিক জীবন বিজ্ঞানভেদে পরও তাঁহাকে ব্যবহারিক জগতে দেহধারী রূপে দর্শন করিয়া মনে করে যে, প্রারক ভোগের জন্মই দেহ রহিয়াছে।

মুক্তি পান্ডিক হইতে পারে না। ইহা একটি নির্দিষ্ট অবস্থা—নিজের আত্মস্বরূপ বিকাশ। তাহা ছান্দোগ্য শ্রুতিমন্ত্র হইতে উপলব্ধ হইবে। সুতরাং প্রারকভোগ অবশিষ্ট থাকিলে উহা হইতে পারে না। লব্ধবিভ্যক্তি ব্যক্তি জীবনান্ত অবস্থায় প্রারক ভোগ পর্য্যন্ত দেহ ধারণ করিয়া থাকেন। প্রারক জনিত ভোগ জড়চেতন সমাবেশে উপর দেহের মাত্র, উহার সহিত আত্মস্বরূপের কোনও প্রকার সংস্পর্শ নাই, উহার অপরোক্ষানুভূতি লাভ করিয়া লব্ধবিভ্যক্তি জীবনান্ত পুরুষ কাতর বা বিকল হন না। নিজ আত্মস্বরূপেই প্রতিষ্ঠিত থাকেন। কোনও প্রকার ভোগই তাঁহাকে বিচলিত করিতে পারে না।

ভগবান শঙ্করাচার্য্য তাঁহার কৃত অপরোক্ষানুভূতি গ্রন্থে ১০ হইতে ২২ এই ১০টি শ্লোকে প্রারকের বিচার করিয়াছেন। যদালোচিত “অপরোক্ষানুভূতি” গ্রন্থে উহা ব্রষ্টব্য।

সাধারণ মানবের মুক্তিলাভের উপায় সম্বন্ধে ভাগবত বলিতেছেন :—

তত্তেহনুকম্পাং স্নসমীক্ষমাণো

ভুজ্ঞান এবাশ্রকৃতং বিপাকম্

হৃদ্বাগ্ বপুভির্বিদধন্নমস্তে

জীবেত যো মুক্তিপদে স দায়ভাক্ ॥

ভাগঃ ১০।১৪।৮ ।

—জীবনের ছোট বড় প্রত্যেক ব্যাপারে ভগবানের অনুকম্পার নিদর্শন দর্শন করিয়া, এবং জাগতিক ভোগ সকল নিজের প্রারব্ধ কর্ম নিবন্ধন, ইহা ধারণা করিয়া, কায়মনোবাক্যে ভগবানকে নমস্কার করিয়া তাঁহাতে সম্পূর্ণভাবে আত্মনিবেদন করিয়া যে ব্যক্তি জীবন ধারণ করিতে পারেন, মুক্তিপদ তাঁহার পক্ষে উত্তরাধিকার স্বত্বে পিতৃত্যক্তধনে অন্নগত অধিকারী পুত্রের স্থায়ী বিনা আয়াসে অবশ্য প্রাপ্য । ভাগবতঃ ১০।১৪।৮ ।

ভাগবত অত্রও বলিতেছেন :—

অস্মি'ল্লোকে বর্তমানঃ স্বধর্মস্বেহানঘঃ শুচিঃ ।

জ্ঞানং বিশুদ্ধমাপ্নোতি মদভক্তিং বা যদৃচ্ছয়া ॥ ভাগঃ ১১।২০।১১ ।

—প্রারব্ধ কর্মবশতঃ এই সংসারে বর্তমান ব্যক্তি স্বধর্মনিষ্ঠ, অনঘ ও শুচি হইয়া জীবন যাপন করিয়া গেলে বিশুদ্ধ তত্ত্ব জ্ঞান বা আমার ভক্তিপ্রাপ্ত হয় । ভাগঃ ১১।২০।১১ ।

উপরে লিখিত অর্থ শ্রীমদ্ রামানুজাচার্য্য, মধ্বাচার্য্য ও বলদেব সম্মত । শ্রীমদ্ বল্লভাচার্য্য ইহার ভক্তিমার্গীয় একটি সুন্দর অর্থ তাঁহার কৃত অনুভাষ্যে দিয়াছেন । তাহা সংক্ষেপে নিম্নে লিখিত হইল ।

তাঁহার মতে, শিরোদেশে উদ্ধৃত ছান্দোগ্য শ্রুতির ৬।১৪।২ মন্ত্রের অর্থ এই যে, মুক্তির পর, মোক্ষপ্রাপ্ত ব্যক্তির “ব্রহ্ম সম্পত্তি লাভ” উক্ত মন্ত্রে কথিত হইয়াছে । উহা পুরুষোত্তম ভগবানের লীলারসানুভবের অতিরিক্ত কিছুই হইতে পারে না । ইহা সূত্রকার ১।৩।২ শ্লোকে “মুক্তোপস্থ্যব্যপদেশাৎ” শ্লোকে প্রতিপাদন করিয়াছেন ।

• অতএব, “মুক্তিফল” অর্থাৎ মুক্তির ফল—ভক্তি রসানুভব । এই ভক্তি রসানুভব রূপ পূর্ণ মুক্তির ফলোৎপত্তির কোনও নিয়ম নাই ।

ইহা ভগবদিচ্ছানুসারেই হইয়া থাকে। উহা সাধনলভ্য নহে। বিশেষতঃ, শ্রীভগবান মুক্তি দিতে কার্পণ্য করেন না। কিন্তু ভক্তি প্রদানে তিনি রুদ্ধহস্ত। কারণ, তিনি জানেন যে, ভক্তি পাইলে, তাঁহাকে ভক্তের নিকট নিজ স্বতন্ত্রতা হারাইতে হইবে। এই জন্মই শ্রীমদ্ভাগবত বলিয়াছেন :—

রাজন্ পতিগুরুরলং ভবতাং যদূনাং

দৈবং প্রিয়ঃ কুলপতিঃ ক চ কিঙ্করো বঃ ।

আশ্চর্য্যবম্ভ ভগবান্ ভজতাং মুকুন্দো

মুক্তিং দদাতি কহিঁচিং স্ম ন ভক্তিযোগম্ ॥

ভাগঃ ৫।৬।১৮ ।

—শ্রীশুকদেব মহারাজ পরীক্ষিতকে সন্বেদন করিয়া বলিতেছেন :—
হে রাজন! ভগবান মুকুন্দ (মুক্তিদাতা), তোমাদের এবং যদুগণের পতি, গুরু, দৈব, প্রিয়, কুলপতি এবং কদাচিৎ দৌত্যাদি কার্য্যে তোমাদের কিঙ্করের গ্ৰায় আচরণ করিয়াছেন। ভগবান ভক্তগণের প্রতি এইরূপই ব্যবহার করিয়া থাকেন। এ কারণ, তিনি ভজনকারীগণকে মুক্তি দিতে মুক্তহস্ত, কিন্তু ভক্তি সহজে দান করেন না। ভাগঃ ৫।৬।১৮ ।

ভাগবত এই শ্লোকে ছান্দোগ্য শ্রুতির ৬।১৪।২ মন্ত্রের প্রকৃত রহস্যার্থ প্রকাশ করিয়াছেন, এবং এই জন্মই সূত্রকার মুক্তিফলের অনিয়ম বলিয়া অধ্যায় সমাপ্তি করিয়াছেন।

